

CÆSARIS BARONII

ANNALES ECCLESIASTICI

TOMUS SEPTIMUS

Cet ouvrage, par les corrections et les additions considérables qui ont été opérées, est devenu la propriété de l'Editeur, qui se réserve tous ses droits. Toute contrefaçon ou imitation, quelle que soit la forme sous laquelle elle se présente, sera poursuivie rigoureusement, conformément aux lois.

Hoc in opere tam multa sunt aut correctata aut addita, ut id suum editor reddiderit et. quidquid sui juris sit. sibi vindicet. Itaque, si quis idem aut furto ediderit aut quoquo modo erit imitatus in crimine erit et de injuria postulabitur.

CÆSARIS S. R. E. CARD. BARONII

OD. RAYNALDI ET JAC. LADERCHI

CONGREGATIONIS ORATORII PRESBYTERORUM

ANNALES

ECCLESIASTICI

DENUO EXCISI ET AD NOSTRA USQUE TEMPORA PERDUCTI

AB AUGUSTINO THEINER

EJUSDEM CONGREGATIONIS PRESBYTERO, SANCTIORUM TABULARIORUM
VATICANI PRÆFECTO, ETC., ETC.

TOMUS SEPTIMUS

412-448



91173
22/10/59

BARRI-DUCIS, LUDOVICUS GUERIN, EQUES ORDINIS S. SILVESTRI, & SOCII,
TYPOGRAPHI EDITORES.

M DCCC LXVI

DILECTO FILIO

LUDOVICO GUERIN

ANNALIUM ECCLESIASTICORUM CÆSARIS BARONII EDITORI

BARRUM-DUCUM.

PIUS PP. IX,

Dilecte Fili, salutem et Apostolicam Benedictionem.

Divinæ illius Providentiæ cura, quæ omnia disponit in mensura et numero et pondere, factum esse videtur, ut Annales a clarissimo ecclesiasticæ historiæ parente Baronio exarati, dum effervescentes Lutheri et Calvini hæreses a depravata historia mutuabantur subsidia, nunc rursus in lucem prodeant ad ævum usque nostrum perducti, cum eadem hæreses ad supremam advectæ foedissimamque *rationalismi* et *naturalismi* explicationem, soloque calumniarum centies explosarum apparatu circumfusæ, extremos jam edant, pudoris omnis religionisque larva detracta, conatus. Nobilissimi quidem hujus operis subsidio, licet ob raritatem exemplorum et immane pretium non obvio, usi constanter fuerant catholici ad refellenda hæreticorum commenta; nunc tamen difficultatibus istis e medio sublatis, per novam ac plenioram, quam concinnas, editionem, expeditum propriorum armorum usum veritati factum esse letari possumus. Quæ sane arma si furentes olim consertosque hæresum impetus retundere valuerunt; eas in præsentiarum senectute confectas et invicem dissociatas profligatura prorsus esse non immerito speramus. Præsertim vero cum passim videamus illos, qui aliter a nobis sentiunt, prisca sensim acerbitate deposita, multisque a se ablegatis, temporis beneficio, præjudicatis opinionibus, studiose confugere ad monumenta, germanamque factorum notitiam e puris fontibus haurire. Quamobrem cum utilissimum Ecclesiæ censeamus ceptum hoc Tuum; non sine peculiari voluptate et grati animi sensu excepinus priora eorundem Annalium volumina: et dum Tibi gratulamur, quod erecto animo tantum opus inieris, Te hortamur, ut impensiore semper alacritate ipsi instes, donec ad felicem perducatur exitum. Nos Deum Tibi illique propitium ominamur; et interim cælestis ejus auxilii auspiciem, ac paternæ benevolentiae Nostræ pignus, Apostolicam Tibi Benedictionem peramanter impertimus.

Datum Romæ apud S. Petrum die 8 Aprilis 1865; pontificatus nostri anno XIX^o.

PIUS PP. IX.

*Quingena Baronii Annalium vendita sunt exemplaria : omnium nomina emptorum in octavo
tomo et in sequentibus tomis, proferentur.*

SUMMARIUM

TOMI VII.

- CDXII. 1-3. Honorii pietas et Rescriptum contra Donatistas. 4-7. Donatistæ licet magis sævientes, clementer habiti. 8. Acta contra Donatistas publicari iussa. 9-13. Collatio Augustini cum Fortunio et disputatio. 14-20. De Volusiano, et quas ejus gratia lucubrationes Augustinus scripserit. 21-25. Acta contra Cælestium hæreticum Carthagine. 26. Pelagii hæresis primo damnata Romæ. 27-31. Honorii Rescriptum contra hæreticos, ubi de Ecclesiastico judicio. 32-37. Gothi invadunt Gallias. 38-39. De Paulino auctore carminis Eucharistici. 40. Heros Arelatensis episcopus pellitur. 41-45. Theophili Alexandrini episcopi obitus, scripta, et res gestæ, cui succedit Cyrillus. 46-64. Inter Atticum episcopum Constantinopolitanum et Cyrillum Epistolæ de restituendo nomine Chrysostomi in Diptycha cui tandem favet Cyrillus.
- CDXIII. 1-4. De Heracliani consulatu, et tyrannide. 5 et 6. Marcellini, proditione Donatarum, martyrium. 7-16. Demetriadis virginis præclara facta, laudatore Augustino et Prospero. 17-20. Pelagius scribit ad Demetriadem, quem confutat Augustinus. 21-25. Immunis a Pelagii erroribus Juliana ad quam scribit Innocentius papa. 26-27. De Burgundionibus ad Christum conversis. 28. Theodosius in Oriente hæreticos agitat.
- CDXIV. 1. Gothi pelluntur e Galliis. 2-4. Honorius adversus Donatistas rescribit. 5-9. Concilium Donatarum, eorumque sese necantium insaniæ. 10-15. Pauli Orosii Hispanensis legatio ad Augustinum in Africa circa hæreses in Hispaniam illatas. 16-17. De erroribus ab Origenis Periarcho pullulantibus, quos Augustinus impugnat. 18. Scribit Augustinus commentarium *de Natura et Gratia* adversus Pelagium. 19. Synodus in Macedonia. 20. Translatio reliquiarum.
- CDXV. 1-18. Inventio Reliquiarum S. Stephani protomartyris. 19-24. Concilium Diosopolitanum, in quo singula capita hæresis Pelagianæ damnantur. 25-31. Quo consilio Hieronymus scripserit Dialogos contra Pelagium. 32-34. Pelagius quas damnavit, repetit hæreses. 35-39. Augustinus per Orosium consulit Hieronymum de origine animarum. 40-50. Sub Cyrillo episcopo Alexandriam turbant Judæi quos comprimit Theodosii Rescriptum. 51-56. Pulcheria creatur Augusta, Theodosium juniorem optime instituit; virtutibus imperium prosperat. 57-58. Zachariæ Prophætæ corpus inventum. 59-62. Attali tyranni et Alanphi Gothorum regis miserables exitus : tum regum Gothorum successio.
- CDXVI. 1-3. Concilia Carthaginense et Milevitanum quando fuerunt celebrata. 4-9. Occasio celebrandi Concilium Carthaginense, et acta in eo adversus Cælestium et Pelagium. 10-14. Concilium Milevitanum in eadem causa, et Innocentii papæ studia. 15. Augustinus scribere contra Pelagium jubetur. 16-29. Reliquiæ S. Stephani ab Orosio in Occidentem translatae, Memoria erectæ et patrata miracula. 30-34. Innocentius papa Africanæ Ecclesiæ consulit, admoet per Epistolam Joannem episcopum Hierosolymitanum, solatur Hieronymum. 35. Joannis supradicti obitus, et Praylii electio. 36. Filiæ Arcadii omnes virginitatem sectatæ. 37-39. Imperatorum Rescripta in Gentiles et in *Parabolanos*.

- CDXVII.** 1-3. Pelagii litteræ ad Innocentium papam sese dolose excusantis. 4-11. Innocenti papæ obitus, decreta et res gestæ; ubi de Epistolis Basilii ad Innocentium. 12-14. De Augustini Epistola ad Paulinum. 15-16. De Valeriano Pelagiano Eusebius monet Cyrillum. 17-18. Zozimus papa creatus agit cum Cælestio. 19-30. Zozimi Epistolæ ad Africanos episcopos de Cælestio et Pelagio. 31-39. Libellus fidei a Pelagio missus ad papam: tum Pelagii et Cælestii in fallendo calliditas. 40-52. De privilegiis Ecclesie Arelatensis Zozimi papæ Epistola. 53-59. Error illapsus de Paschatis die, et de fontibus baptismalibus miracula. 60. Honorii triumphus.
- CDXVIII.** 1-3. Concilium Carthagineense in causa Pelagii et Cælestii. 4-5. Zozimi papæ Epistola ad Concilium Carthagineense. 6-15. Instauratur Romæ iudicium adversus Cælestium, in cuius causa maximo utitur studio Zozimus. 16-17. Item in Pelagium præstat. 18. Sixtus presbyter insurgit in Pelagium. 19-23. De damnatione Cælestii et Pelagii Rescriptum imperatorum. 24. Romæ primum, inde Carthagine damnati Pelagus et Cælestus. 25-28. Pelagiani per Julianum calumniis appetunt Zozimum et clerum; in Catholicos furant. 29-30. De varnis lucubratoribus Augustini. 31. Concilium Trepleense Fizecne provincia. 32-38. S. Augustinus legatus missus a Zozimo papa in Casaream Mauritaniam, ibi Donatistas confundit; ex tota Africana Ecclesia superstitiones et abusus evellit. 39-42. Zozimi papæ decretum de ministris Ecclesie ordinandis, et ejusdem Epistola. 43-72. Mirabilis conversio Judæorum insulæ Minoricensis a Severo episcopo per Epistolam narrata. 73-74. Pro conversione Judæorum ubique Christiani laborant, deque eadem re sanctiones imperatorum. 75-77. Zozimi papæ obitus et acta. 78-82. De Bonifacii electione, et Eulalii schismate conflato. 83. Placidii Valentiniiani ortus.
- CDXIX.** 1-6. Cum Honorius imperator Symmachi relatione deceptus pro Eulalio rescripsisset, Bonifacius exagitur a Schismaticis. 7-9. Supplex presbyterorum Romanorum libellus ad Honorium de legitima Bonifacii electione. 10-18. Honorius ad se advocat utramque partem, episcopis ad iudicium adhibitis, quo ob discessionem dilato, curat ut interea Achilleus episcopus Spoletinus loco Pontificis sacra Paschatis Romæ agat. 19-24. Honorii Epistolæ episcopos ad Synodum convocantis. 25-34. Eulalius temere in Urbem ingressus seditionem excitat, quo propterea pulso, Bonifacius legitimus papa resutatur. 35-37. De rei exitu certiores fiunt per litteras episcopi transmarini ne ad Synodum pergant. 38-42. Inter Bonifacium et Honorium ultro citroque datæ litteræ ad futura schismatis mala pellenda. 43-47. In deliramenta Juliani Pelagiani quatuor libros scribit Augustinus, et ad Bonifacium mittit. 48. Bonifacius laborat adversus Pelagianos. 49-53. Juliani institutio et mores, ejusdemque cum Augustino certamina. 54-58. Alypii legatio ob reprimendos Pelagianos ad Honorium, qui adversus eosdem rescribit. 59-98. Synodus Carthaginensis cui intersunt legati Sedis Apostolicæ, ubi de appellationibus ad Romanum Pontificem amplissima tractatio. 99-105. Eustochii Virginis obitus et virtutes; tum de aliis ejusdem familie viris et feminis. 106-109. Christi apparitio mirifica super montem Oliveti, aliudque in baptisate conferendo miraculum. 110. Asclepiades episcopus agit pro damnatis.
- CDXX.** 1-4. Edicta contra Cælestium et Pelagianos. 4-7. Ursus tribunus in Africa, Ethnicos et Manichæorum turpitudines insectatur. 8-14. Vincentii Victoris et Leporii hæreticorum, Augustino auctore, resipiscentia. 15-24. Persecutio regis Persarum savissima in Christianos. 25-30. Divinitus relata in Persas a Romanis victoria. 31-38. Mira Persarum ad Christianam religionem conversio. 39-42. Hieronymi obitus, ætas et scripta. 43-50. Vita S. Hieronymi mendacis concinnata. 51. Honorii rescriptum de clericis, et contra raptos sacrarum virginum.
- CDXXI.** 1-2. Theodosius Eudociam uxorem ducit. 3. Theodosii sanctio, qua jura Ecclesie Constantinopolitane ad Illyricum extenduntur.
- CDXXII.** 1. Patrocli episcopi Arelatensis temeritas a Bonifacio papa coercetur. 2-7. Bonifacii ducis in Africam ab exercitu redeuntis cum Augustino amicitia et præclara opera. 8-10. Augustini cum Pascentio et Maximino Arianis certamen. 11-13. Bonifacius ab Augustino correptus ob violata Ecclesie jura, ei plenissime satisfacit.
- CDXXIII.** 1. Honorii obitus et laudes. 2-3. Joannes tyrannus insurgit, qui in Ecclesie jura decernit. 4-7. Theodosii sanctiones adversus Hæreticos, Judæos et Paganos. 8-9. Bonifacio papa defuncto, Cælestinus creatur. 10. Theodoretus creatus episcopus Cyri.
- CDXXIV.** 1. Inter Augustinum et Bonifacium Epistolæ de Castino in Africa confugiente. 4-9. Augustini Epistola ad Cælestinum de Antonio episcopo Africano. 10-13. Joannes tyrannus Africam invadere conatur, Ardaburium ducem capit. 14-19. Theodoretus adversus Marcionitas aliosque hæreticos maxime laborat.
- CDXXV.** 1. Valentinianus Augustus. 2-4. Joannis tyranni clades et exitus; et de Hnnnis victoria. 5-10. Theodosii sanctio de restituendis Ecclesie juribus et contra hæreticos. 11-18. A Barbaris in imperium grassantibus Theodosius, religionis et virtutum exemplar, divinitus liberatur. 19-22. Attici episcopi Constantinopolitani obitus et laudes. 23. Theodosius de professoribus litterarum optime decernit.
- CDXXVI.** 1-3. Sisinnius episcopus Constantinopolitanus eligitur, Philippo competitore rejecto. 4. Electio

episcopi Cyziceni. 5. Theodosii lex adversus idololatrias. 6-13. Augustinus Eradium sibi coadjutorem in episcopatu deligit. 14-18. Libros Retractationum scribit Augustinus. 19-23. Qua occasione libros de *Prædestinatione sanctorum*, et de *bono perseverantiæ* scripsit Augustinus. 24-25. Prosper in Augustini adversarios scribit. 26-27. Felicis magistri militum scelera.

- CDXXVII. 1-7. Bonifacio per calumniam infertur bellum, cujus occasione plures inter ipsum et Augustinum Epistolæ. 8-17. Bonifacius in immania prolapsus facinora, Vandalos ad Africæ devastationem vocat. 18-19. A Vandalis Arianis Hispania agitur. 20-21. Constantinopolitanus episcopus Sisinnius moritur, et memoria Joannis Chrysostomi publice in Ecclesia incipit celebrari. 22. Imperatorum sanctio de Crucis signo rite colendo. 23-24. Concilium in Oriente contra Massalianos hæreticos. 25-29. Ex schola Theodori Mopsuesteni hæretici, qui perperam a Theodoretò laudatur, Joannes episcopus Antiochiæ Theodoretò mortuo sufficitur, aliique ejusdem generis aliis sedibus Orientis.
- CDXXVIII. 1-12. Africæ a Vandalis facta devastatio, ejusdemque causæ. 13. Consultatio Africanorum episcoporum ad fugiendum. 14. Detectis Aetii dolis, Bonifacius recedit a Vandalis. 15-16. Francos, quorum ingenium describitur, vincit Aetius. 17-18. Francos clericos exprobrat Cælestinus de nova habitus inventione et de ejusdam indigni promotione ad episcopatum. 19-24. Nestorii ad sedem Constantinopolitanam evectio, et ejus primordia episcopatus. 25-28. Omnes hæreticos per legem exagitat Theodosius, suadente Nestorio, exceptis Pelagianis, quibus idem Nestorius favet. 29-38. Hæresis Nestorianæ ortus, et quibus magistris et assertoribus eadem uteretur. 39-41. Nestorii primordia, hypocrisis, et licentia episcopatum adepti.
- CDXXIX. 1-5. Britannia ab hæresi Pelagiana liberata; et quando Scotia ad fidem Christianam fuerit conversa. 6-8. Palladius Scotorum episcopus creatus in Britanniam legatus mittitur. 9-20. Altera Germani legatio, comite Lupo, in Britanniam; qui per signa et labores Catholicam fidem mire dilatat. 21. Cælestinus de electione episcoporum admonet Apulos et Calabros. 22-26. Nestorius suæ hæresis libros clanculum inter Ægypti monachos diffundit, quibus per Epistolam præsto est Cyrillus. 27-33. Cyrillus, jussu Cælestini, paræneticas litteras dat Nestorio, quem proinde omnes aversantur. — 34-37. Cur Theodosius non represserit Nestorium, qui ejus favore abusus in Orthodoxos furit. 38-42. Quanta a Nestorio pertulerit Cyrillus, et qua mansuetudine et cura ejus saluti studuerit. 43-44. Juvenalis Praylio succedit in Hierosolymitano episcopatu.
- CDXXX. 1-2. Possidonii legatio ad Cælestinum. 3-8. Nestorii litteræ ad Cælestinum. 9-11. Litteræ Cyrilli per Possidonium ad Cælestinum datæ. 12-24. Synodus Romana, ex qua Cælestinus dat Nestorio paræneticam Epistolam. 25-28. Cælestinus de Nestorio ad Cyrillum aliosque episcopos scribit. 29-33. Cyrilli Epistolæ ad Acacium Berœensem et Joannem Antiochenum episcopos de Nestorio. 34-43. Joannis Antiocheni ad Nestorium Epistola eundem ad respicientiam adhortantis. 44-49. Quid Theodoretus de Nestorio senserit in sua ad Irenæum Epistola declarat. 50-59. Synodus Alexandrina, ex qua legatio ad Nestorium, deferens ad eundem Epistolam Synodalem et duodecim anathematismos, et Synodales litteras ad clerum Constantinopolitanum. 60-61. Nestorius ad imperatorem confugit; suos excitat contra Cyrillum. 62-74. Iudicium in annum proximum Synodus Ephesina per Epistolam a Theodosio ad Cyrillum et alios episcopos, et alteram privatam ad Cyrillum datam. 75-86. Sancti Augustini, Vandalis Africam dire vastantibus, ultima concio, infirmitas et obitus. 87-89. Universa Augustini scripta, et qui eadem impugnaverint et defenderint. 90-94. Joannes Cassianus, hortante Leone Romanæ Ecclesiæ archidiacono, contra Nestorium scribit.
- CDXXXI. 1-6. Post eadem in Ecclesia Constantinopolitana patratam, Theodosii sanctio de Ecclesiæ immunitate. 6-14. Legati Occidentales ad Concilium Ephesinum cum Epistola Cælestini. 15-20. Cælestini altera Epistola ad Theodosium, et altera ad Cyrillum. 21-22. Qui legati Romani Pontificis fuerint. 23-35. Capreoli episcopi Carthaginensis altera per legatum ad Concilium Epistola pro universa Africana Ecclesia, altera de *Verbi incarnatione*. 36-59. Orientales episcopi, imprimis Cyrillus, Ephesum adveniunt, quos prævenit Nestorius. 40-41. Joannis episcopi Antiocheni ad Cyrillum litteræ se excusantis ne Concilio adesset. 42. Numerus episcoporum Synodi Ephesinæ. 43-47. Theodosii Epistola ad Synodum per Candidianum legatum data. 48-56. Concilio legitime congregato, Nestorius bis et tertio vocatus, renuit accedere. 57-61. Anathemata et sententia in Nestorium prolata. 62-63. Ephesiorum plausus et lætitia. 64-65. De rebus gestis Epistolæ ad Theodosium et clerum Constantinopolitanum. 66-69. Nestorius, ope Candidiani, Theodosium interciperi conatur. 70-72. Joannis Antiocheni Ephesum adventus et audacia. 73-79. Conciliabulum Joannis et Nestorii damnantium Cyrillum, aliosque, et Pelagianam hæresim confirmantium. 80-83. Legati Romani Pontificis adveniunt, cum Concilio agunt, res gestas approbantes. 84. Veritatis Nestorianorum et calumniæ in Cyrillum. 85-93. Acta Pseudo-Synodi, quæ vera Synodus damnat, et de quibus dat Synodalem ad imperatorem, et Encyclicam Epistolam ad omnes. 94-96. Cyrilli homilia ad populum. 97-100. Nicæna fides confirmatur; hæresis Pelagiana cum Nestoriana in Synodo damnatur. 101-103. Inter privatas res gestas in Synodo est Juvenalis episcopi Hierosolymitani causa, primum sibi arrogantis. 104-105. Epistola Synodi ad Theodosium abeundi veniam petentis. 106-108. Intercepta fraude Candidiani Epistola, deceptus Theodosius in

episcopos decernit, qui litteras Synodales ei clanculum mittunt. 109-112. Schismaticorum litteræ ad Theodosium et ad alios. 113-119. Constantinopolitana civitas commovetur, rei veritate explorata, et Theodosius pro Synodo statuit. 120-128. Quam fraudulenter egerint Schismatici cum Theodosio, qui Joannem comitem sacrarum largitionum legatum Ephesum mittit. 129-130. De Cyrilli captivitate Epistola Synodi ad Theodosium, ejusdemque Cyrilli ad Archimandritas. 131-134. Dolorosa Schismaticorum et Joannis comitis adversus Cyrillum et Synodum ad imperatorem relatio. 135-136. Synodi ad clerum Constantinopolitanum Epistola de rerum statu. 137-139. Interea Romanus exercitus a Vandalis in Africa vincitur, a quibus et Marcianus capitur. 140-144. Catholici episcopi imprimis Alypius per Epistolam et legationem Synodum solantur, et cum imperatore agunt. 145. S. Acacius vaticinatur de proxima pace. 146-151. Ex utraque parte, nempe Schismaticorum et Catholicorum, legatio ad imperatorem. 152-154. Cyrillus injuria Ephesi detentus scriptis pugnat. 155-162. Theodosius legatis catholicis favet, fidemque Catholicam tuetur, opera Pulcheriæ. 163-172. Nestoriani legati, quorum acerrimus defensor Theodoretus, pluries ad imperatorem admissi, tandem ad propria reverti jubentur. 173-177. Deposito Nestorio, Maximianus episcopus Constantinopolitanus eligitur, qui præclaras Cyrillo dat litteras. 178-181. Cælestini papæ in damnanda hæresi, Pulcheriæ in templo *Matri Dei Mariæ* excitando, et Theodosii in Schismaticis puniendis laudes. 182-183. Nestorius et maxime Theodoretus pro hæresi scriptis laborant, quæ everit Cyrillus. 184-190. Gallicanos quosdam presbyteros Augustini scripta impugnant, Cælestinus, data ad eorum episcopos Epistola, coerces. 191. S. Patricii Apostolatus ad Scotos et Hibernos. 192-198. S. Paulini, de cujus captivitate in Africa historica veritas dilucidatur, mors beatissima et lucubrationes.

- CDXXXII. 1-33. Legatione accepta Orientalium de rerum exitu, Cælestinus insignes reddit Epistolas ad episcopos Ephesi constitutos, ad Theodosium et Maximianum, et ad clerum populumque Constantinopolitanum. 34-37. Cælestini papæ laudes, obitus et res gestæ. 38-41. Sixtus ejus successor pro fide Ephesina laborat, per Epistolam Nestorium et Joannem Antiochenum convenit. 42-52. Theodosii pro pace Ecclesiæ solliciti Epistolæ ad Joannem Antiochenum, ad Acacium et Simonem Stylitam miræ sanctitatis virum. 53-72. Joannes, vocatis Antiochiam Syriæ episcopis, veram fidei confessionem et Nestorii damnationem subscribit, mittitque ad Sixtum et Cyrillum, in quem Nestorianorum calumniæ refulsunt. 73-79. Cyrilli ad populum et Pauli pro Joanne legati homilia Orthodoxam fidem profitentis, unde pax et communio redditæ. 80-82. Theodoretus adhuc Nestorio adherens et Cyrillo subinfensus. 83-84. Cyrilli virtus in exhibendo sua scripta cognoscenda Joanni Antiocheno, et sibi subjectis et adversariis. 85-86. De Judæis in insula Cretæ seductis et resipiscentibus. 87-89. Causa Britii Turonensis episcopi ad Sedem Apostolicam appellantis. 90. Bonifacii comitis exitus. 91-96. De obitu Joannis Ravennatis episcopi, cui perperam assenserit data a Valentinianno constitutio de usu Pallii.
- CDXXXIII. 1-10. Imposturas Nestorianorum in se et Sixtum confictas detegit et destruit Cyrillus per Epistolas. 11-20. Sixti ad Cyrillum et Joannem Antiochenum Epistolæ de pace inita gratulantis, unde dilute hæreticorum calumniæ. 21. Quando hæretici *Acephali* dicti sint. 22-23. Incendium Constantinopolitani. 24. Petri Chrysologi ad Ravennatem sedem electio. 25-27. Prosper hæresim Pelagianam in Cassiani scriptis latentem insectatur. 28-30. Cassiani Collationes a quibus emendatæ. 31-37. De Sixto et Basso Acta Synodi spuria et legitima historia. 38-39. Spuria Acta Sixti cum Polychronio.
- CDXXXIV. 1-3. Proclus ex Cyzicena in Constantinopolitanam sedem transfertur. 4-6. De Sylvano episcopo Troadis. 7-13. Melaniæ junioris acta, quæ patrum Volusianum ad Christum convertit, pro fide Catholica laborat. 14. Theodosii salubris constitutio. 15-18. De Virgine a demone obsessa. 19-20. Qui fuerit Vincentius Lirinensis.
- CDXXXV. 1-2. Damnantur libri Nestorii. 3-14. Theodori Mopsuesteni scripta improbata, et a quibus defensa. 15-18. Germani episcopi Antissiodorensis in Britanniam legatio et res gestæ. 19-22. Ejusdem Ravennam ad imperatorem legatio et obitus. 23-26. De editione Codicis Theodosiani.
- CDXXXVI. 1-9. Nestorii in Oasim relegatio et miserandus interitus. 10-11. Theodoretus defenditur a calumniis.
- CDXXXVII. 1-14. Grassante persecutione in Africa sub Genserico, insignis Epistola Antonini Constantiæ episcopi ad martyrium adhortantis.
- CDXXXVIII. 1-13. Solemnis corporis Joannis Chrysostomi Constantinopolim translatio. 14-15. Inventio reliquiarum SS. quadraginta martyrum. 16-21. Eudocia peregrinatur Hierosolymam.
- CDXXXIX. 1-3. Reliquiarum S. Stephani Constantinopolim translatio. 4-7. Inter sanctas reliquias ab Eudocia Hierosolymæ acceptas, eminent catenæ S. Petri, quarum pars ab ea huc missa colitur Romæ in Basilica ibidem erecta. 8. Quæ Antiochenis Eudocia contulerit. 9-10. Adversus Gentiles Theodosii constitutio. 11-13. Cyrillus et Theodoretus scriptis pugnant adversus Idololatrias. 14-18. Adversus superstitiones resurgentes, unde clades in Romanum imperium, sancti episcopi inveniuntur. 19-35. Carthago a Vandalis capta suorum flagitiorum dat pœnas. 36-38. Theodosii variæ

constitutiones et rescripta. 39-41. De Sozomeni et Socratis historia iudicium. 42-43. Synodus Constantinopolitana. 44-46. Concilium Regiense.

- CDXL. 1-5. Sixti papæ interitus, et ejusdem religiosa monumenta, adjuvante Valentiniano. 6-12. Perperam Sixto tribuuntur scripta Pelagiana. — Peroratio cum gratiarum actione. — Auctoris præfatio.
- CDXLI. 1-3. Quis Leo magnus, et quo rerum statu electus fuerit Pontifex. 4-18. Dira Africanæ Ecclesiæ per Gensericum vexatio; ubi de episcopis, nobiles viris et feminis extorribus aut martyribus. 19. Mortuo Joanne, Domnus Antiochiæ episcopus eligitur.
- CDXLII. 1-2. Cyri consulatus. 3-16. Episcopi recensentur qui Synodo Arausicanæ interfuerunt, inter quos eminet Eucherius, de cujus scriptis et gestis fuse disscitur. 17-18. Acta hujus Synodi, et cætera hujus anni.
- CDXLIII. 1. Gensericus in Catholicos Africæ grassatur. 3. Concilium Vasense in Gallia Narbonensi.
- CDXLIV. 1-7. Leonis papæ studio Manichæi ubique detecti. 8-14. Theodoretus de hæresi apud imperatorem accusatus luculenter per Epistolas se purgat.
- CDXLV. 1-8. Concilium Romanum adversus Manichæos, quorum damnatio ubique innotescit, studio Leonis, qui et Pelagianos persequitur. 9-17. Cyrilli interitus, scripta, et res gestæ, ejusdemque memoria a calumniis vindicata. 18-29. Dioscorus episcopus Alexandrinus eligitur, ad quem Theodoretus scribit, calumnias in se illatas refellens. 30-33. Dioscori legatio ad Leonem, illiusque hypocrisis diu latens. 34-41. De Hunnorum moribus irrumpentium, duce Attila, in Romanum imperium. 42-47. Theodoretus pro suorum Cyrensiensium utilitatibus laborat.
- CDXLVI. 1-5. Cyrilli nepotes afflictati a Dioscoro, et Nomo consule. 6. Constantinopolis vexata. 7-10. Theodosii in Manichæos constitutio, et adversus Hilarium Arelatensem rescriptum. 11-16. Controversia inter Viennensem et Arelatensem ecclesiam. 17-19. Hilarii sanctitas et lucubrationes. 20-21. De S. Honorato.
- CDXLVII. 1-4. Britannia invaditur a Pictis et Scotis. 5-13. Mirus terræ motus, ubi de Trisagii miraculo veritas adstruitur. 14-19. Cyri præfecti calamitas, unde ad Christum convertitur, virtutibus clarescit. 20-21. Defuncto Proclo Flavianus eligitur. 22-27. Pulcheria administrationem imperii relinquit. 28. Theodoretus de cladibus hujus temporis scribit.
- CDXLVIII. 1-8. Turibus episcopus Asturicensis liberandæ a Priscillianistis Hispaniæ laborat. 9-12. De Turibus claræ notitiæ. 13-23. Leo Turibii legationi respondens, Concilium generale indicit in Hispania; ubi de Symboli additamento. 26. Leo deponit Bassianum episcopum Ephesinum. 27. De sepulcrorum effossoribus.
- CDXLIX. 1. Consules. 2-7. Theodosii edictum Nestorianos exagitantis. 8-17. Variæ Theodreti Epistolæ de se ipso rationem reddentis. 18-49. Quomodo hæresis Eutychetis orta et de tecta; etsingula de eodem acta in Concilio Constantinopolitano. 50-52. Flaviani Epistolæ ad Leonem de damnatione Eutychetis. 53-55. Eutychetis doli et conatus pro sua hæresi, præsertim ad Leonis gratiam captandam. 56-76. Ibræ episcopi Edessæ causa et iudicium primum Tyri, deinde Berythi. 77-82. Theodoretus calumniis vexatus se per Epistolas defendit. 83-84. Leo redarguit episcopum Beneventanum.

ANNALES ECCLESIASTICI.

INNOCENTII ANNUS II. — CHRISTI 412.

1. *Honorii pietas et Rescriptum contra Donatistas.* — Quadringentesimus duodecimus annus, duobus Augustis consulibus, Honorio nonum et Theodosio quintum, deletis ope divina tyrannis, feliciter inchoatur. Cujus primo mense idem Honorius, quod primum ad Christianam religionem spectare sciebat, qua nihil antiquius habuit, obstinatos animo Donatistas illos, qui post evictam in proxima Collatione a Catholicis causam adhuc in schismate pertinaciter remanent, diversis penis, dato rescripto, multavit, atque primum Ecclesias, ac cætera earum bona, illis indulgentia principis anno superiori ante Collationem ad demulcendum eorum animos reddita, Catholicis restituenda esse præcepit : laicos insuper pecuniariis penis pro conditione cuiusque punivit; clericis vero exilium irrogavit; illisque legata Catholicæ Ecclesiæ deberi præcepit. Sed reddamus hic ipsam rescriptum ad Seleucum præfectum prætorio datum, nonnihil tamen antiquitatis carie depravatum : sic enim se habet ¹ :

2. « Cassatis quæ pragmatici, vel adnotatione manus nostræ potuerint impetrari; et manentibus his quæ etiam dudum super hoc definita sunt, et veterum principum sanctione servata : Nisi ex die prolata legis omnes Donatistæ tam sacerdotes, quam clerici, laicque Catholicis ea, quæ sacrilege descivere, reddiderint : tum illustres singillatim pænæ nomine Fisco nostro auri pondo quinquaginta cogantur inferre, spectabiles auri pondo quadraginta, senatores auri pondo triginta, clarissimi pondo viginti, sacerdotales auri pondo triginta, principales auri pondo viginti, decuriones auri pondo quinque, negotiatores auri pondo quinque, plebei auri pondo quinque, Circumcelliones argenti pondo decem :

Qui nisi a conductoribus, sub quibus commanent, vel procuratoribus executori exigendi fuerint præsentati, ipsi teneantur ad pœnam : ita ut nec domus nostræ homines ab hujusmodi censura habeantur immunes. Uxores quoque eorum maritalis segregatim multa constringat. Eos enim quos nequaquam illata damna correxerint, facultatum omnium publicatio subsequetur. Servos etiam dominorum admonitio, vel colonos verberum crebrior ictus a prava religione revocabit, ni malint ipsi ad prædicta dispendia (etiam si sint Catholicis) retineri. Clerici vero ministrique eorum ac perniciosissimi sacerdotales ablati de Africano solo, quod ritu sacrilego polluerunt, in exilium viritum ad singulas quasque regiones sub idonea prosecutione mittantur; ecclesiis eorum, vel conventiculis, prædiisque (si qua in eorum ecclesias hæreticorum largitas prava contulit) proprietati, potestatique Catholice (sicut jamdudum statuimus) vindicatis. Dat. III kal. Febr. Ravennæ, Honorio IX et Theodosio V. AA. cons. » Hactenus verba rescripti.

3. Cujus quidem Honorii sanctionis pluribus in locis S. Augustinus meminisse videtur. Nam quod ad caput illud spectat de irrogato exilio clericis Donatistis, hæc habet contra Gaudentium ¹ : « Mitiora in vos constituit imperator propter mansuetudinem Christianam : exilium vobis voluit inferre, non mortem : sed vos homines docti considerantes quid debeatur merito, et quid minus sit in supplicio, non de judicio illius, sed de vestro additis mortem » : cum scilicet voluntarie ipsi more suo eam oppeterent. Ad hanc quoque legem idem S. Augustinus visus est alludere voluisse, cum scribens ad Bonifacium inter alia hæc ait ² : « Quicquid ergo nomine ecclesiarum partis Donati possideba-

¹ L. LII. de hæret. C. Theod.

² Aug. cont. Gaudent. l. l. c. 19. — ³ Aug. ep. l.

tur, Christiani imperatores legibus religiosis cum ipsis ecclesiis ad Catholicam transire iusserunt ». Et quam id acquissime, subdit : « Cum ergo nobiscum sint plebes eorundem ecclesiarum, nobiscum pauperes, qui ab eisdem possessionibus alebantur ; ipsi potius foris positi desinant concipere aliena : sed intrent in unitatis societatem, ut pariter gubernemus non illa tantum quæ dicuntur sua, verum etiam quæ dicuntur et nostra ». Scriptum est enim ¹ : « Omnia vestra sunt, vos autem Christi » : Et alibi pro exactione ad populum ² : « Leguntur, inquit, manifeste testes, ubi præceperunt imperatores, ut qui præter Ecclesiam Catholicam communionem usurpant sibi nomen Christianum, nec volunt in pace colere pacis auctorem, nihil nomine Ecclesie audeant possidere » : Et in fine : « Veniant ad Catholicam, et nobiscum habebunt non solum terram, sed etiam illum, qui fecit celum et terram ». Quod etiam ex huius legis præscripto, relicta ex testamento Donatistis deberent accipi a Catholicis, hinc ipse superius ex persona ipsorum : « Modo deficientes ubique, quid nobis proponunt, non inveniendes quid dicant? Villas nostras tulerunt, fundos nostros tulerunt : proferunt testamenta hominum. Ecce tibi Gajus eis donavit fundum Ecclesie cui præerat Faustinus. Cui episcopus præerat Faustinus? Ecclesie. Quid est Ecclesia? Ecclesie dixi, cui præerat Faustinus, sed non Ecclesie præerat Faustinus. Sed parti præerat. Columba autem Ecclesia est, etc. » Ostendens jure negari bona Ecclesie iis qui non sunt in Ecclesia.

4. *Donatista licet magis servientes, clementer habiti.* — Caterum qui resilierant post collationem ab inceda cum Catholicis unitate protervi tantum abfuit ut his penis adigi potuerint e schismate redire ad Ecclesiam, ut majori obdurerint obstinatione, et crudeliore furore sævierint. Docent hæc quidem S. Augustini litteræ ³ hoc ipso anno (ut dicemus) ad eundem Marcellinum cognitorem data, quibus mala perpetrata ab eis adversus Restitutum et Innocentium significantur; cum ne in eos captos atque confessos penam mortis irroget, ipse S. Augustinus rogat; ubi hæc de ipsorum delictis, quorum ante alia occasione fecimus mentionem : « Circumcelliones illos et clericos partis Donati, quos de Hipponensi Ecclesia ad iudicium pro factis eorum publicæ discipline cura deduxerat, a tua nobilitate comperi auditos, et plurimos eorum de homicidio quod in Restitutum Catholicum presbyterum commiserunt, et de eade Innocentii alterius Catholici presbyteri, atque de oculo ejus effosso, et de digito præciso fuisse confessos. Unde mihi sollicitudo maxima incussa est, ne forte sublimitas tua censet eos tanta legum severitate plectendos, ut qualia fecerunt, talia patiantur. Ideoque his litteris obtestor fidem tuam, quam habes in Christo, pro ipsis Domini Christi misericordiam, ut hoc nec facias, nec

fieri omnino permittas, etc. » Pluribus enim argumentis id ab eo extorquere conatus est. Sed et commendat ejusdem in questionibus exhibitam mansuetudinem, ubi ait : « Noli perdere paternam diligentiam, quam in ipsa inquisitione servasti, quando tantorum scelerum confessionem, non tendente equaleo, non salientibus unguis, non urentibus flammis, sed virgarum verberibus crucisti : qui modus coercionis ita magistris artium liberalium et ab ipsis parentibus, et sæpe etiam in iudiciis solet ab episcopis adhiberi ». Atque demum ad persuadendum huiusmodi utitur argumento : « Postremo, inquit, pro Ecclesia utilitate missus es : hoc Ecclesia Catholica, aut (ut modum dispensationis mee non supergredi videar) hoc Ecclesia ad Hipponensium regionum diœcesim pertinenti professe, hoc expedire contestor. Si non audis amicum petentem, audi episcopum consulentem : quamvis quoniam Christiano loquor, maxime in tali causa non arroganter dixerim, audire te episcopum convenit jubentem ». Hæc cum audis, lector, in mentem revoca quæ dicta sunt anno superiori de Synesio episcopo et Andronico Lybiæ Pentapolis præfecto; nimirum verbis et exemplis declaratum in eadem causa, iisdemque personis demonstratum, episcoporum esse, præfectis quæpia, quæ sancta et Christianæ sunt legi consentanea, imperare. Præfecti erant ambo, jusque habentes gladii, Andronicus et Marcellinus : ambo episcopi, Synesius et Augustinus : eadem causa de solum questionibus atque suppliciis, in qua in utroque ipsorum jus episcoporum in præcipiendo præfectis ostenditur : verum et in puniendis etiam eisdem et anathemate percellendis, in Synesio vidimus declaratum.

5. Sed et illud a Marcellino S. Augustinus exigit, ut confecta Acta publica de Donatistarum confessis criminibus et criminosis convictis publicè exponerentur, ad ipsorum omnium Donatistarum ignominiam, ut sic manifestatione ipsorum scelerum crubescerent : nam aliis litteris hoc eodem anno in eadem causa datis ⁴ hæc habet : « Gesta quæ promisi præstantia tua, vehementer expecto, et in Ecclesia Hipponensi jamjam cupio recitari, ac si fieri potest, per omnes Ecclesias etiam in nostra diœcesi constitutas : ut audiant homines, pleneque cognoscant confessores iniquitatis, non Dei timore extorquent penitentiam, sed judiciaria diligentia crudelissimorum peccatorum aperiente duritiam, sive illorum qui de homicidio, et de execrato ac debilitato presbyteri corpore confessi ». Et paulo post de publicatione eorumdem Actorum in loco iudicii faciendâ subdit : « Quod autem scripsi eximietas tua dubitare te, utrum in Theopropia debeat eadem gesta jubere proponi : fiat, si potest illuc frequens confluere multitudo : alioquin alius locus celebrior providendus est, non tamen ullo modo prætermittendus ».

¹ 1. Cor. III. — ² Aug. in Joan. tract. vi. in fin. — ³ Aug. ep. CLMIX.

⁴ Aug. ep. CLVIII.

6. Quibus ipsis litteris idem S. Augustinus, quomodo pergerent idem cfferati Donatiste scire, narrat his verbis : « Modo Macrobius episcopus eorum stipatus eunice perditorum ultriusque sexus hac atque illae circumiit, apernitate sibi basilicas, quas possessorum quantulosemque timor clauserat ». Et paulo post : « Cum ipso etiam est ille Donatus diaconus rebaptizatus, qui cum fuerit colonus Ecclesiae, versatus est in illa crede praecipuus. Qui tales non cum eo sunt, quando et ille cum ipso est? etc. » At tantum abest ut novis his Donatistarum facinoribus S. Augustinus a rogando pro eis qui vincit delinquantur in carcere ferendi, retraheretur; ut etiam cumulatorum mansuetudinis mensura gratiam pro sceleribus penderet. Etenim pro eisdem etiam ad proconsulem litteras dedit, quibus eum abstinere a gladii poena pluribus exoravit¹. Sed quid his amplius addidit? Audi quid in dicta ad Marcellinum Epistola² de proconsule scribat : « Si autem nec litteris meis ad hoc consenserit : hoc saltem praestet, ut in custodiam recipiantur; atque hoc de clementia imperatoris implere curabimus, ne passiones servorum Dei, quae debent esse in Ecclesia gloriose, inimicorum sanguine debonescantur. Scio enim in causa clericorum Anaenensium, qui occisi a Gentilibus nunc martyres honorantur, imperatorem rogatum facile concessisse, ne illi qui eos occiderant, et capti jam tenebantur, poena simili punirentur ». Haec Augustinus pro perditis Donatistis : idemque contestatur quod si ne sic quidem a proconsule audiatur, saltem id obtineret, ut tres ejusmodi Epistolae pro illis a se datae, Actis proconsularibus ad futuram memoriam jungerentur; licet quatuor eodem argumento in eadem causa extant Augustini³ Epistolae, duae ad Marcellinum, ad proconsulem una, ad Springium⁴ iudicem una. Agebat proconsulem in Africa hoc anno Donatus, vir quidem ob vitam integram magni nominis, ut alia ad eum ab Augustino data Epistola⁵ docet.

7. Cum vero non minus Augustinus tantum, sed alii quoque Catholicae Ecclesiae episcopi solerent apud iudices pro condemnatis facinorosis intercedere : Macedonius et ipse iudex, ius gladii habens, eundem Augustinum litteris interpellavit, num acquiescendum esset precibus episcoporum reis poenam dimitti postulantium; praesertim si probabilis sit conjectura, eosdem in deterius prolapsuros. Exant⁶ ipse Macedonii litterae ad Augustinum, cuius etiam ad illum reddita Epistola⁷ legitur argumento disertè conscripta : quas in ipse, si libet, consule, simulque S. Ambrosii eandem tractantis Epistolam ad studium⁸ scriptam. Commendat autem idem Augustinus⁹ ejusdem Macedonii praefecti in promulgandis adversus Donatistas edictis exhibitam lenitatem, dum haec recitat, et laudat ipsum in

edicto esse praefatum : « Pro vobis hoc agit; pro vobis sacerdotes incorruptae fidei, pro vobis imperator Augustus, pro vobis nos quoque ejus iudices laboramus : et alia multa in eodem edicto ita posuisti, ut te appareat in terreni iudicis circulo non parva ex parte caelestem Rempublicam cogitare ». Exhibebantur ejusmodi mansuetudinis officia tum a iudicibus, tum in primis ab episcopis, ut quos scirent severitate legum obstinatius obrigescere, facilitate, comitate, et benignitate, omni denique studio eos demerere pro viribus laborarent. Praedicata est autem ab ipsis etiam Donatistis Genethlii episcopi Catholici animi mansuetudo, et gratia illis exhibita : de quo Augustinus : « Inde nescio quomodo ventum est ad commemorationem beate memoriae Genethlii episcopi, quod nescio quam constitutionem datam contra illos compresserit, et effectum habere non siverit ». At de his satis.

8. *Acta contra Donatistas publicari jussa.* — Quid praeterea in eadem Donatistarum causa actum sit, accipe. Et de his jugis memoria penes Catholicos perseveraret, eademque semper recens dimanaret in aures schismaticorum : illud factum est, ut in quibusdam Ecclesiis Africanis eadem Acta publice in Ecclesia Quadragesimae tempore recitarentur : testatur id quidem S. Augustinus, dum id ipsum ut faciat, a Denterio episcopo exigit, ubi ait¹ : « Praesentibus vobis, fratrem et coepiscopum meum Denterium obstringo, ut quemadmodum filii apud Carthaginem, apud Tagastam, apud Constantinam, apud Hipponem, apud omnes diligentes Ecclesias, sic etiam deinceps facere non pigrescat : Ut annis omnibus, per jejuniorum dies, id est, Quadragesima ante Pascha, quando vobis maxime jejunantibus plus vacat audire, eadem gesta Collationis per annos singulos, universa a capite in finem ex ordine recitentur ». Haec Augustinus; qui et in eo laboravit, ut eandem Collationem, quo ab omnibus sine ideo legeretur, redigeret in epitomen, quam Breviculum nominavit, ut ipse testatur², absolutam hoc anno, ut tradit in dicta Epistola ad Marcellinum³; ubi de suis hujus temporis lucubrationibus agens, haec ait : « Cum enim ab eorum hominum necessitatibus aliquantulum vaco, qui me sic angariant, ut eos nullo modo liceat evitare, nec contemnere oporteat : non desunt quae dictanda propono, sic in articulis temporum constituta, ut dilationem non ferant. Sicuti mihi fuit breviatione gestorum Collationis nostrae satis operosa, cum viderem neminem se velle tanto aggeri litterarum legendo committere. Sicut mihi fuit etiam Epistola ad ipsos laicos Donatistas de hac eadem Collatione nostra, quam modo aliquot lucubrationibus terminavi ». Intelligit enim S. Augustinus de libro, cuius est titulus, ad Donatistas post Collationem. Quanam autem occasione ille scriptus fuerit, modo dicendum.

9. *Collatio Augustini cum Fortunio et disputa-*

¹ Aug. ep. CCXXVII. — ² Aug. ep. CLXXVIII. — ³ Aug. ep. CCXXVII. CLVIII. CLIX. — ⁴ Aug. ep. CLX. — ⁵ Aug. ep. CCXXVIII. — ⁶ Aug. ep. LIII. — ⁷ Aug. ep. LIV. — ⁸ Ambrosii ep. LXXVI. — ⁹ Aug. ep. LII. in fin.

¹ Aug. de gestis cum Emerito. — ² Aug. Retract. l. II. c. 29. — ³ Aug. ep. CLVIII.

lio. — Quod enim Donalistsæ episcopi in eadem Collatione anno superiori victi penitus et confutati, non tantum non acquievisserunt, sed obstinatiores atque pugnaciores abscessissent, et publica vi alii grassati essent, alii vero verbis et scriptis complura sparsissent mendacia, nempe corruptum a nostris fuisse iudicem, se vero ab eodem compressos, neque loqui permisso, et alia id genus complura fingentes, quibus populus Donalista revocaretur, ne relicto schismate, ad Ecclesiam Catholicam se transferret, sed contineretur in impietatis officio : res tanta hand dissimulanda, contemnendaque Patribus visa est. Quamobrem hoc ipso anno, mense Junii, ea de causa provinciale episcoporum Concilium Cirten in Numidia celebrare decernunt, cui interfuerunt Silvanus, qui ejus provincie primatem agebat, Augustinus et alii ejus provincie episcopi, ut ex Actis ejus conventus et Epistola inde scripta apparet. Sed quid accidit? Cum Numidæ episcopi ad Synodum vocarentur, et inter alios idem S. Augustinus episcopus Hipponensis : ipse in itinere constitutus, cum Tibursicum pervenisset, nactus est ibi Fortunium ejus civitatis episcopum partis Donalistarum, cum quo sibi congregandum fuit, publice disputando de his quæ spectarent ad communem causam inter Donalistas atque Catholicos : quid autem ea Collatione in via obiter habita actum sit, ex ejusdem S. Augustini scriptis intelligemus : ejus extant ea de re datae litteræ ad Donalistas, in quarum exordio hæc leguntur ¹ :

10. « Fortunium quem Tibursicum habetis, episcopum, per eandem civitatem, quanquam festinantissime, cum ad Cirtensem Ecclesiam pergeremus, experti sumus, ita omnino, ut de illo solent benignissime polliceri. Eam ipsam quippe vestram de illo nobis sermocinationem cum ei renuntiarem, volentes eum videre, non abnuvit. Venimus itaque ad eum : quia a tali ejus id a nobis deferendum videbatur potius quam exigendum, ut ipse ad nos veniret prior. Perreximus ergo, comitantibus non paucis, quos forte aggregatos nobis illud tempus invenerat. Cum autem apud eum consedissemus, rumore disperso, non parva præterea turba conflavit. Sed in tota illa multitudine perpauci apparebant, qui utiliter ac salubriter agi causam illam, et tantam, rei que tantæ questionem prudenter et pie discuti cuperent. Cæteri vero magis ad spectaculum, quasi alterationis nostræ prope theatrica consuetudine, quam ad instructionem salutis, Christiana devotione convenerant. Quapropter nec silentium nobis præbere, nec intenta nobiscum atque modeste saltem et ordinate colloqui potuerunt, exceptis (ut dixi) paucis, quorum religiosa et simplex apparebat intentio. Itaque libere pro sui cuiusque animi motu immoderate loquentium, omnia strepitu turbabantur; nec evincere sive nos, sive ipse rogando, interdum etiam objurgando potuimus, ut nobis modestum silentium præberetur.

11. « Res tamen utcumque agi cœpta est, et aliquot horas in alterno sermone protraximus, quantum vocibus interquiescentibus varie tumultuantium subebatur. Sed in ipso disputationis exordio, cum vidremus ea quæ dicebantur, subinde labi de memoria vel nostra, vel eorum, quorum salutem maxime curabamus; et ut esset nobis cautior, modestiorque tractatio, simul ut et vos atque alii fratres qui absentes erant, quid inter nos actum esset, legendo cognosceretis; postulavimus, ut a notariis verba nostra exciperentur. Ubi diu ab illo, vel ei consentientibus reluctatum est; postea tamen ipse concessit. Sed notarii qui aderam, atque id strenue facere poterant, nescio qua causa excipere noluerunt. Egimus saltem, ut fratres qui nobiscum erant, quanquam in hac re tardius possent, exciperent; pollicentes nos ibi easdem tabulas relicturos. Consensus est. Cæperunt verba nostra excipi, et aliqua ab invicem ad tabulas dicta sunt. Postea inordinatas obstrepentium interpellationes, et propterea nostram quoque turbulentiorum disputationem notarii non valentes sustinere, cesserunt, nobis sane non desistentibus, et ut cuique facultas dabatur, multa dicentibus. Ex quibus omnibus verbis nostris quantum recordari potui causæ fortius actionem, dilectionem vestram fraudare nolui. Potestis enim ei litteras meas legere : ut vel approbet, vera me scripsisse; vel ipse vobis, si quid melius recollit, incommetanter insinuet. Hæc præfatus Augustinus, summam inite inter eos Collationis eadem ad eos Epistola complexus est, quam majori otio tu, lector, consulere potes. Quæ enim ibi posita est controversia de spurio Concilio Sardiensi, nos cum de eo suo loco egimus, pluribus pertractavimus.

12. Sed in his hic non præmittendum, tum ea Epistola, tum etiam dum contra ¹ Cresconium agit, duobus potissimum argumentis coarguisse S. Augustinum Concilium illud ab adversario citatum, non fuisse Catholicorum episcoporum : Primo quidem, quod in eo Julius Romanus episcopus legereetur esse damnatus : et secundo, quod litteræ Synodales ab eo datæ legerentur scriptæ ad episcopum Carthaginensem; non autem (ut moris erat) ad Romanum Pontificem : quibus intelligas, male audisse apud antiquos, quicquid contra Romanum Pontificem dictum, factumve edictum legeretur.

13. Sed quo loco habitus, et quantæ æstimationis esse debent ipse Romanæ Ecclesiæ Pontifex; idem S. Augustinus ad eosdem ad quos scripsit dictam de Collatione cum Fortunio Epistolam, nempe ad Eleusium, Glorium, Felicem, et alios, cum eodem argumento, de causa nimirum Donalistarum litteras dedit, hæc habet inter alia ² : « Cum », inquit de Cæciliano, « se videret et Romanæ Ecclesiæ, in qua semper Apostolicæ cathedræ vigeat principatus, et cæteris terris, unde Evangelium ad ipsam Africam venit, per commu-

¹ Aug. ep. 133II.

² Aug. cont. Crescon. l. III. c. 34. — ² Aug. ep. CLXII.

nicatorias litteras esse conjunctum, etc. » Arqueas ob id Catholicum Caecilium esse cognitum et probatum, quod Romano Pontifici communicatoris litteris (ut dictum est superius) jungeretur. Porro erant illæ pacis, concordiæ, et unitatis symbolum, et longe diversi generis ab iis quæ ad Gentiles, ut hæreticos a Catholicis scriberentur; de quibus in hac ipsa Epistola Augustinus ejus exordio ait : « Factum est, ut etiam ad nonnullos Donatarum primarios scriberemus non excommunicatorias litteras, quas jam olim propter suam perversitatem ab unitate Catholica, que toto orbe diffusa est, non accipiunt, sed tales privatas, quolibet nobis nri etiam ad Paganos licet ». Sed iter jam Augustini Cirtam versus cum Alypio, qui præsens fuit Collationi cum Fortunio, prosequamur.

14. *De Volusiano, et quas ejus gratia lucubrationes Augustinus scripsit.* — Conveniunt (ut diximus) Numidæ episcopi Cirtæ civitatis, non alia ex causa, quam ut consilium inirent, decernerentque quonam pacto occurrendum esset calumniantibus Donatis, et conantibus mendaciam irritam reddere Collationem anni superioris. Quid autem inter eos tractatum sit, et communi sententia decreverint; licet Acta ipsa perierint, Synodalis tamen Epistola inde scripta extat ad Donatistas. De qua quidem illud in primis admonendum putamus, ubi in fine ipsius sic legitur ¹ : « Hæc ad vos scripsimus decimo octavo Kalendas Julias, piissimo Honorio VIII cons. » manifeste in numerum errorem irrepsisse, cum octavus pro nono consulatus sit positus; quod quidem mendum ex eadem ipsa Epistola redarguimus. Dum enim in ea mentio habetur Collationis habitæ anno superiori Carthagine sub Marcellino, quomodo adnotari Epistola illa potuit sub octavo Honorii consulatu, qui incidit in annum ante Urbis exitum? Quod vero paulo post Collationem eandem Cirtensem Synodum esse habitam, ex litteris ad Marcellinum datis apparet; nonus consulatus pro octavo, et non alius restituendus erit. Porro in Epistola illa Synodali ad laicos Donatistas data causa hujus cogendi Concilii aperitur his verbis :

15. « Cum in auribus nostris fama crebresceret, hoc vobis vestros episcopos dicere, cognitorem præmio fuisse corruptum, ut contra eos sententia proferretur : vos autem ista facile credere, ac propterea multos vestrum adhuc nolle acquiescere veritati; placuit nobis, cogente Domini charitate, ex Concilio nostro hæc ad vos scripta dirigere, quibus primitus admoneremini, illos vobis victos atque convictos hæc mendacia jactare. Qui etiam in suo mandato, quod pro illa Collatione fecerunt, et suis nominibus atque subscriptionibus firmaverunt, nos illic traditores et persecutores suos esse dicentes, in falsitate atque mendacia manifestissimo detecti atque convicti sunt, etc. » Plura enim, certaque subdit, quibus ipsi episcopi Donatistæ apertissimi essent

redarguendi mendacii, hæc quidem Patres ex Synodo. Privatim autem S. Augustinus Breviculum scripsit, sed ante dictam Epistolam datam ad Marcellinum ², in qua (ut vidimus) mentio habetur de Epistola ad laicos Donatistas, necnon de Breviculo. Postea vero elucubravit eadem ex causa S. Augustinus commentarium ad eosdem laicos Donatistas, post Collationem inscriptum; cujus est exordium : « Quid adhuc Donatistæ seducimini ab episcopis vestris? etc. » Quæ omnia simul atque absolvisset, se scripsisse dictam ad Marcellinum Epistolam, Augustinus ipse testatur.

16. Sed et subdit, dedisse se tunc duas Epistolas, alteram ad ipsum Marcellinum, ad Volusianum vero alteram : extant ambæ ³, atque dignæ ut in eis aliquantisper oratio immoretur : etenim pro dignitate argumenti ipsæ ad Volusianum datæ litteræ primum locum inter multiplices ejusdem Augustini Epistolas meruerunt. Erat Volusianus Gentilis homo, inter Romanos nobilitate nulli secundus, et philosophicis disciplinis imbutus, inter primos philosophos adnumerandus : ejus mater Christiana femina religiosissima erat, quæ occasionem nata protectionis Marcellini in Africam, apud ipsum sollicite egit, ut ageret cum Augustino (quem fama sciret omnium disertissimum) ut scriptis suis Volusianum filium ad fidem Christianam amplexandam, omni studio adhibito, conaretur adducere. Quæram autem fuerit mater Volusiani, nobis hæcenus incompertum est. Scimus tamen, Volusianum usque ad obitum in Ethnicismo inlexo animo perseverantem patrum fuisse Melaniæ junioris; per quam ad fidem Christi capepsandam jam diem obituro tandem persuasus est, ut suo loco dicturi sumus. Putamus quidem, fuisse Volusianum fratrem matris Melaniæ junioris, quam Albinam nomine dictam fuisse meminimus; patris vero nomen ignoratum, qui filius fuit Melaniæ senioris : sæpe enim patrus inventur pro avunculo usurpatus : ut nihil obstat quin matris ejus polius fratrem fuisse dixerimus.

17. Quod autem ad genus et familiam Volusiani pertinet : extant quidem de his memoriæ in veteribus inscriptionibus ³, ut de Volusiano præfecto Urbis sub Valentiniano imperatore, in quibus et nomen ejus inscribitur, Caius Coetonius Rutius Volusianus. Ut autem hunc eundem cum illo fuisse dicamus, tempora non repugnant; utpole qui sub Valentiniano juvenis erat, sub Honorio et Theodosio senex vixerit et obiit. Hunc enim proconsulatum in Africa gessisse puerum, Rutilius Numatianus, intima illi conjunctus amicitia, docet his versibus :

Jamque aliis Romam redeuntibus hæreticanti
Rutius Albini gloria viva patris :
Qui Volusi antiquo derivat stemmate nomen,
Et Reges Rutilius, teste Marone, refert,
Illyris faciunda commissa Palatia lingua
Præteritus n'erunt principis ore loqui.

¹ Apud Aug. ep. CLII.

² Aug. ep. CLVIII. — ³ Apud Aug. ep. I. et III. — ³ Smet. antiq. quar. Inscr. pag. 58. n. 9. 11. 12.

Rexerat ante puer populos pro consule Pueno.
 Ac qualis Tyrīs, terror, amorque fuit.
 Sedula promisit summos imitato fascēs :
 Si fas est meritis iudice, Consul erit.

Hæc ipse.

Erat Rufinus, et Volusianus ambo Gentiles, et tum rei litterariae, tum etiam religionis arctis vinculis amicitia mutuo federati. Porro alium Rufinum Volusianum, præter hunc de quo agitur, æque eruditione ac nobilitate pollentem, hujus temporis invenimus neminem : ut plane fateri quodammodo cogamur, unum eundemque esse cum eo de quo agimus ; quem quidem disertissimum fuisse, ex Augustini atque Marcellini litteris satis perspicuum habetur. Quæ autem hoc anno inter ipsum Volusianum et Augustinum mutuis scriptis transacta sint, videamus.

18. Interpellatur igitur S. Augustinus litteris Marcellini, et ipse matris Volusiani precibus fatigatur, qui et ad ejus conversionem addidit animum : cum alioqui præsens cum ipse Marcellinus, ut cum eo dissereret, et Christianum faceret, convenire solet. Nam ipse in litteris ad Augustinum ¹ : « Est, inquit, nobis cum eodem Volusiano quotidiana pro viribus nostris et pro ingenii paupertate disputatio : sanctæ siquidem matris ejus precatione compulsus, cur mihi est cum frequenter salutandi gratia convenire : licet vicem in hac parte reddere etiam ipse dignetur ». Degebat (ut apparet) Volusianus Carthagine, ubi et Marcellinus manebat. Provocavit, aperuitque Augustinus illi viam, ut de Christianæ fidei veritate sollicitus inquireret. Unde ad eum primis litteris ² : « De salute tua, inquit, quam et in hoc sæculo et in Christo esse cupio, sanctæ matris tuæ votis sum fortasse etiam ipse non impar » : hortatur enim cum divinas Scripturas legere, et si quid in illis oboriatur questionis, ad se scribere. Illis acceptis litteris ³ Volusianus, in illi ante congressus mentionem faciens, ex alterius persona, quæ in fide Christiana sibi viderentur absurda, declarat, eandemque solvenda proponit ; nimirum, videri sibi Deo indignum, carnem suscepisse humanam, aliaque ad hæc spectantia operatum. Atque ad postremum de ipso Augustino, magne etiam apud Gentiles famæ, Volusianus hæc subdit : « Interest famæ tuæ, ut quæsitâ noverimus. Utinamque absque detrimento cultus divini in aliis sacerdotibus toleratur inscitia : at cum ad antistitem Augustinum venitur, legi deest, quicquid contigit ignorari ». Hæc ipse.

19. Quæ autem ad hæc humanarum rerum sapientissimo Augustinus rescripserit, ipsa quæ extat tanto auctore digna Epistola patefacit ⁴ : ex qua ipsum vehementer Augustinum esse admiratum, Marcellinus ⁵ testatus est : ad quem ut rursus Augustinus scribat, idem rursus hortatur : qui et novas illi solvendas quæstiones ab eo expetitas proponens, significat Volusianum Apolloni Tyanæi et Apuleii

magorum studiosum fuisse : ut non mirum sit, si tardius, et nonnisi in extremo vitæ spiritu contigerit ipsum fieri Christianum. Sed expellit rursus ab eodem sancto Augustino Marcellinus, ut illi quoque objectioni respondeat : « Cur sub Christianis principibus tot lanque mala invaserint Romanum imperium? » Præstitit hæc quidem (ut dictum est) disertissime Augustinus, qui et ad mensuram addidit culmen, dum hæc Gentilium calumniam garrula loquacitate ubique jaclatam, egregio commentario illo (ut diximus) de Civitate Dei, statuit confutandam. Quod igitur ad Volusianum pertinet : ut sic in eullo deorum ad obitum usque manserit, prava mens ejus ob cultum magorum in transversum acta, in causa fuit : quod vero tandem divinæ gratiæ in credendo compos fieri, et fidei sigillo per baptismum muniri in fine meruerit, matris ejus pro salute ipsius ardentissime ad Deum preces feliciter impetrarunt : sed quomodo id acciderit, suo loco dicendum erit.

20. Hæc vero de litteris ad Volusianum, et Marcellinum hoc anno esse transacta, ex alia illa post Collationem data presentis anno ad eundem Marcellinum ¹ Epistola (ut diximus) demonstratur ; ubi et de alia anni hujus incubratione, quam tunc elaborabat, isla subdit : « Nunc in manibus habeo librum ad Honoratum nostrum de quæstionibus quibusdam quinque quos mihi proposuit, et per litteras intimavit. Eo ipso tempore (idem ait Augustinus ²) quo contra Donatistas vehementer exercebamur, et contra Pelagianos exerceri jam cœperamus : amicus quidam mihi misit quinque a Carthagine quæstiones, etc. » Extat de his Epistola ³ ad Honoratum, imo (ut ait in fine ipsius) proluxus liber. Ex quinque autem illis quæstionibus una erat spectans ad hæresim Pelagianam de gratia Novi Testamenti : Carthaginem enim ejusmodi quæstiones per Cælestium primum Pelagii discipulum sunt allatæ hoc ipso anno, atque pugnaciter defensæ, sed cum auctore etiam judicio Ecclesiastico condemnatæ. Quomodo autem ista se habuerint, enarremus : sed primum temporis certa ratio demonstretur.

21. *Acta contra Cælestium hereticum Carthagine.* — Cum enim Synodus Carthaginensis celebrata anno Domini quadringentesimo decimo sexto sub Theodosii septimo consulatu cum collega Palladio (ut suo loco dicitur) anno abhinc ferme quinto, Epistolam habeat Synodalem datam ad Innocentium Romanum Pontificem, in eaque dicatur ante annos ferme quinque judicium super Cælestio Pelagiano agitalum : ad hunc ipsum annum illud referendum esse, nemo non videt. Sunt hæc verba Epistolæ Concilii Carthaginensis ⁴ : « Factum est, ut recensendum peteremus, quid ante ferme quinquentium super Cælestii nomine hic apud Ecclesiam Carthaginensem fuerit agitalum ». Hæc ibi. Nec est etiam, quod hujusmodi terminus ferme

¹ Apud Aug. ep. IV. — ² Aug. ep. I. — ³ Aug. ep. II. — ⁴ Aug. ep. III. — ⁵ Apud Aug. ep. IV.

¹ Aug. ep. CLVIII. — ² Aug. Retr. I. II. c. 36. — ³ Aug. ep. CXX. — ⁴ Aug. ep. XC.

quinquenniū ab anno superiori numerari debeat. Nam (ut diximus) adhuc, quod auctores minime proderentur, sine auctorum nomine hæresis impugnabatur. Præterea nulla penitus memoria est, ut eo anno, quo ab episcopis totius Africæ celebrata est magna illa Collatio, ibidem, eodemque anno exercitatum fuerit iudicium contra Cælestium. Merito ergo ex assertione Carthaginensis Concilii, hoc anno Cælestii causam ponimus. Hæc ad tempus insinuandum satis.

22. Sed quid adversus Cælestium hoc anno actum est Carthagine, investigemus. Perire Acta ipsa hoc anno in episcopali iudicio Carthagine habita, ex quibus tantummodo superest fragmentum a S. Augustino contra Pelagium, et Cælestium recitatum de peccato originali, quod nos hic reddendum putavimus. Sed ante sciendum, adversus Cælestium dispulasse Paulinum diaconum; quod eadem Acta produnt, quæ sic se habent, præmissis his quæ S. Augustinus ea recitaturus ita præfatur¹:

« Cælestius quidem in hoc exitili errore liberior, usque adeo, ut neque in episcopali iudicio Carthaginem damnare voluerit eos qui dicunt: Quod peccatum Adæ ipsi solum læserit, et non genus humanum: et quod infantes qui nascuntur, in eo statu sint, in quo Adam fuit ante prævaricationem ». Et paulo post ita describit Acta iudicii Carthagine habiti: « De Geslis enim Ecclesiasticis Carthaginensibus hic ejus verba descripsimus.

23. « Aurelius episcopus dixit: Sequentia recitentur », libelli videlicet Cælesti. « Et recitatum est: Quod peccatum Adæ ipsi soli obfuerit, et non generi humano. Et cum recitatum esset, Cælestius dixit: Dixi de traduce peccati me dubium esse, ita tamen, ut cui donavit Deus gratiam peritiæ, consentiam: quia diversa ab eis audiui, qui utique in Ecclesia Catholica constituti sunt presbyteri. Paulinus diaconus dixit: Dic nobis nomina ipsorum. Cælestius dixit: Sanctus presbyter Ruffinus, Romæ qui mansit cum S. Pammachio. Ego autem audiui illum dicentem, quod tradux peccati non sit ». Ecce tibi, qui latere diu conatus est Ruffinus, a suo discipulo publice proditor: ut hæc ex parte Cælestio plurimum debeamus, quod qualis Ruffinus visus esset, relecta facie, ejecta superqualis larva; justo Dei iudicio, omnibus notum fecerit: ut hoc uno teste satis possit intelligi, quam iuste S. Hieronymus in hominem sæpe commotus sit, quamque vera certaque essent quæ de ipsius dolosis artibus scriptis prodidit. At observa et illud, citari a Cælestio non Pelagium ipsum, ex quo hæresis nomen accepit, sed Ruffinum, ut coryphæum, atque sectæ antesignanum. Disce et Ruffini in occultanda impietate dexteritatem: quippe qui cum talia sentiret, atque suis intimis communicaret, tamen ad conciliandum sibi nomen absque ulla suspicione Catholicum, Romæ apud S. Pammachium virum maxime pium atque disertum habitare aliquando delegit. Sed red-

damus pauca, quæ reliqua sunt publicorum Actorum:

24. « Paulinus diaconus dixit: Est aliquis alius? Cælestius dixit: Audi et plures dicere. Paulinus diaconus dixit: Dic nomina ipsorum (Ista cum Ruffino sentientium). Cælestius dixit: Non tibi sufficit unus sacerdos? Et post aliqua, alio loco: Aurelius episcopus dixit: Reliqua libelli legantur. Et recitatum est: Quod infantes qui nascuntur, in eo statu sint, in quo fuit Adam ante transgressionem: usque ad finem libelli minoris superius inserti. Aurelius episcopus dixit: Docuisti, Cælesti, aliquando (ut dixit diaconus Paulinus) quod infantes qui nascuntur, in eo statu sint, in quo Adam ante transgressionem? Cælestius dixit: Exponat quid dixit: Ante transgressionem. Paulinus diaconus dixit: Tu nega hoc te docuisse. Unum est ex duobus: aut neget se docuisse: aut jam damnet istud. Cælestius dixit: Jam dixi, exponat quo modo dixit: Ante transgressionem. Paulinus diaconus dixit: Nega te illa docuisse. Aurelius episcopus dixit: Rogo quid collegerim ego ex huiusmodi objectione, dico, Adam constitutus in Paradiso, quod ante dicatur interminabilis factus, postea per transgressionem præcepti factus est corruptibilis. Hoc dicis, frater Pauline? Paulinus diaconus dixit: Hoc, domine. Aurelius episcopus dixit: Status certe infantum hodie baptizandorum utrum talis sit, qualis fuit ante transgressionem Adæ; an certe de eadem origine peccati, de qua nascitur, transgressionis culpam trahat? Hoc vult diaconus Paulinus audire. Paulinus diaconus dixit: Utrum docuit hoc, an non neget. Cælestius dixit: Jam de traduce peccati dixi, quia intra Catholicam constitutos plures audiui destruere, necnon et alios adstruere: licet questionis res sit ista, non hæresis. Infantes semper dixi egere baptismo, ac debere baptizari. Quid quæris aliud? » Hactenus Acta iudicii Carthaginensis ex Augustino.

25. Sed quid est quod Cælestius ait, hæreses a se editas, assertiones fuisse questionis, et non hæreses? Attende vavrum consilium. Ut enim suas ipsius pravas sententias, adversantique fidei Christianæ hæresum capita promulgaret, ita ea libello tractavit, quasi per quæstiones veritatem inquireret: idque ea fecit arte, ut ab hæresis crimine se excusare posset. Extant ipsæ quidem quæstiones, ad S. Augustinum ab Eutropio et Paulo in Galliis episcopis, quas acceperant in Sicilia, misse¹; quibus singulis ipse respondet, ac confutat. Ex his etiam cum illud proditor, noluisse Cælestium damnare eos qui dicerent peccatum Adæ ipsum solum læsisse, nec transfusum in posteros; eumque ex dictis ipsius manifeste innotuerit, Ruffinum illius fuisse erroris præcipuum assertorem: utique affirmandum est eodem episcopali iudicio una cum Cælestio condemnatum quoque fuisse Ruffinum. Damnatu aut eodem iudicio Cælestius quid agit? subterfugia captans, appellandum putavit Innocentium Romanum

¹ Aug. de pecc. orig. cont. Pelag. l. 11. c. 2. 3.

¹ Aug. de perfect. just.

Pontificem: sed hæc specie tenus, ne illo iudicio stringeretur: cæterum quod sciret Innocentium atque sibi adversantem fore experturum, appellationem minime prosecutus est: sed eo defuncto, ad ejus successorem Zozium Romanum se contulit, ut ex ejusdem Paulini libello Zozimo papæ oblato convicte, quem suo loco reddemus. At de rebus contra Cælestium hoc anno Carthagine gestis, satis.

26. *Pelagii hæresis primo damnata Romæ.* — Quod audis de Cælestii Carthagine primo iudicio: haud velim existimes ipsam Pelagianam hæresim in Synodo Carthaginensi primum fuisse damnatam. Etenim S. Prosper hæc spectans oculis, constanter affirmat, primum contigisse Romæ damnari: cecinit enim hoc ipsum his versibus ¹:

Adfuit, exhortante Deo, provisa per orbem
Sanctorum pia cura Patrum, non dispare motu
Confulens diros jaculis cælestibus hostes.
Hisdem namque simul decretis Spiritus unus
Intonuit. Pestem subeuntem prima primo) recidit
Sedes Roma Petri: quæ pastoralis honoris
Facta caput mundo, quicquid non possidet armis,
Religione tenet:

Hæc Prosper.

More majorum igitur factum est, ut nova emergens hæresis primum omnium a prima sede examinaretur, atque pariter damnaretur: de qua antiqua in Ecclesia consuetudine consule quæ a nobis suo loco superius dicta sunt. Sed quando damnata? non quidem in Pelagio, sed in Joviniano primario hæresiarcha. Pelagius enim sub pallio latebat Catholico, sub quo diu Romæ delituit: defectus vero abiit in Siciliam: indeque ut diximus navigavit in Palestinam. Cæterum ante hæc tempora eas hæreses fuisse Romæ damnatas, non autem auctores ipsos, intelligas: quod illi ut vidimus, nondum se prodidissent, latentes adhuc sub tegmine ovis lupi. In Joviniano enim hæresiarcha olim damnatam fuisse Pelagii hæresim Romæ, S. Hieronymus ² testatur, ubi alloquens Pelagium ipsum sub persona Critoboli, ait: «Nou erubescis explosam atque damnatam Joviniani sententiam sequi? Et ille enim his testimoniis, tuisque nititur argumentis: Imo tu illius inventa sectaris; in Oriente docere desiderans, quæ olim Romæ, dudum in Africa condemnata sunt». Hæc ipse. Quod igitur inventi sunt errores Cælestii atque Pelagii in Joviniano hæresiarcha fixas habere radices, in ipsum conversa est justa imperatoris vindicta. Etenim sub hujus anni consulibus datum ipsius Honorii reperit scriptum ³ adversus Jovinianum hæresiarcham, de ejus relegatione in insulam Boam, quod alia occasione a nobis superius recitatum est. Ad hæc usque tempora, magno Ecclesie detrimento, licet sæpe relictus, permansit tamen in Italia degmatistes impurus. Postea autem in insulam deportatus, nunquam amplius auditus est. De ejus obitu ex Paulo

presbytero Gennadius ⁴ hæc habet: «Meminit Joviniani hæretici, et voluptatum et libidinum prædicatoris: cui in tantum continentis vite et castæ institutio contraria fuit, ut inter luxuriosas epistulas epulas animam eructaret». Hæc ipse.

27. *Honorii rescriptum contra hæreticos, ubi de Ecclesiastico iudicio.* — Curæ fuit præterea Honorio imperatori, ut reliqui in Africa existentes hæretici pœnis gravissimis afficerentur, ita adversus eos ad Heraclianum comitem Africa rescribendo ⁵:

«Sciant cuncti, qui ad ritus suos hæresis superstitionibus obreperunt sacrosanctæ legis inimici, plectendos se pœna et proscriptionis et sanguinis, si ultra convenire per publicum exercendi secleris sui temeritate tentaverint: neque vera divinaque reverentia contagione temeretur. Dat. VIII kal. Septembris, Honorio X [IX] et Theodosio VI [V] AA. coss.» Hic vero admonendum putamus lectorem, irrepsisse mendam in numerum horum consulatus, ut loco decimi nonus, et pro sexto quintus consulatus restituendus sit: ratio enim evidens est: nam ante decimum Honorii et Theodosii sextum consulatum, qui post triennium contigit, Heraclianus ut suo loco dicitur jam tyrannus factus, e medio sublatus erat. Contra vero accidisse videmus, ut rescriptum ⁶ illud Honorii de nece Heracliano inferenda, datum inveniat sub hujus anni consulibus: cum constet ejus tyrannidem nequaquam hoc anno ceptam, sed post ipsius consulatum (quem gessisse liquet anno sequenti, ut tradit Orosius ⁷; sicque videas inversum prorsus esse numerum consulatus, et restituendum esse, ut in margine positus est: hæc quidem ex iis, quæ de eodem dicuntur inferius, manifestiora reddentur: restituenda sunt igitur sub suis data rescripta consulibus; ne ex illapsis erroribus, rerum gestarum veritas confundatur.

28. Adjecit pius imperator pro rebus, et personis Ecclesiasticis dare rescripta ⁸, ne scilicet bona Ecclesiastica diversis aliis præter canonicam pensionem teneantur obligata muneribus, neve clerici apud alios iudices quam episcopos iudicio postulentur. Voluit enim Honorius Ecclesiasticum iudicium episcopis in omnibus illibatum servari, et ut sacrosanctum inviolatum custodiri. Porro non clerici tantum, sed et laici, et qui inter eos magistratibus furerentur, si quid in Deum peccarent, vel jura Ecclesiastica violassent, habebant episcopos iudices, qui Ecclesiasticorum confectione Actorum, ipsorum causas iudicabant. Quorum iudicium tanti ponderis aestimabatur, ut licet injustam excommunicationis sententiam reos aliquando subire contigisset; haud tamen contemnendam putarent; sed ad alios talia passi episcopos recurrerent, agentes supplicibus votis, ut injuste lata sententia, ab eo qui eam tulerat, scinderetur. Est de his exemplum

¹ Prosper de Ingratis. — ² Hier. cont. Pelag. l. II. in princ. — ³ L. Lit. de Hæret. C. Theod.

⁴ Gennad. de Vir. Illust. c. 75. — ⁵ L. Lvi. de Hæret. C. Theod. — ⁶ L. XXI. de pœnis C. Theod. — ⁷ Oros. l. VII. c. 12. — ⁸ L. XL. XLII. de Ep. et clerico. C. Theod.

egregium apud S. Augustinum in Epistola ¹ ad Auxilium.

29. Sed quod in his versamur : illud hujus temporis Ecclesiastici judicii moris insinuandum putamus. Cum criminis accusatus, haud adeo plene, ut damnari posset, convinceretur, neque ejus innocentia ita perspicua appareret, ut absolvi reus penitus posset : consuevisse hujusmodi tum reum, tum actorem, per juramentum purgandos, ad sepulcra sanctorum martyrum mitti, illorum praesertim, quorum virtus in miraculorum editione omnibus nota esset. Habes de his in primis exemplum ab eodem S. Augustino descriptum ad suos Hipponenses ² de judicio Bonifacii presbyteri. Quid autem in ambiguitate judicii ipse decreverit, audi : « Elegi, inquit, aliquid medium, ut certo placito se ambo constringerent, ad locum sanctum se peregrinatos, ubi terribiora opera Dei non sanam ejusque conscientiam multo facilius aperirent, et ad confessionem vel poena, vel timore compellerent. Ubi quidem Deus est, et nullo continetur, vel includitur loco, qui condidit omnia, et eum a veris adoratoribus in spiritu et veritate oportet adorari : ut in occulto audiens in occulto etiam justificet, et coronet. Verumtamen ad ista quae hominibus visibiliter nota fiunt, quis potest ejus consilium perscrutari, quare in aliis locis haec miracula fiant, in aliis non fiant? Nullis enim notissima est sanctitas loci, ubi beati Felicis Nolensis corpus conditum est : quo volui ut pergerent, quia inde nobis facilius fidelius fuerit scribi potest, quicquid in eorum aliquo divinitus fuerit propalatum ». Haec Augustinus. Nolum ad S. Felicis ablegans reum, et accusatorem.

30. Mediolani quoque eam viguisse consuetudinem jurandi super loculum sanctorum martyrum, idem sanctus Augustinus subdit his verbis : « Nos novimus, Mediolani apud Memoriam sanctorum ubi mirabiliter et terribiliter daemones confitentur; furem quemdam, quia ad ejus locum venerat, ut falsum jurando deciperet, compulsulum fuisse confiteri furtum, et quod abstulerat, reddere ». Haec ipse.

31. Fuisse Romae etiam eandem consuetudinem, et perdurasse adhuc temporibus Gregorii papae, ipse suis scriptis saepius fidem facit : nam de basilica sanctorum martyrum Processi, et Martiani, ubi eorumdem condita erant corpora, haec habet ³ : « Ad extincta namque eorum corpora viventes aegri veniunt, et sanantur : perjuri veniunt, et a daemone vexantur : demoniaci veniunt, et liberantur ». Haec ipse. Confirmat id exemplo de S. Pancratio Romae in perjuros acerrimo ultore Gregorius Turonensis : sunt etiam de his alia innumera exempla ; sed haec modo satis. Jam vero, quae reliquae sunt anni hujus res gestae, prosequamur.

32. *Gothi invadunt Gallias.* — Hoc eodem

anno, iisdem consulibus, Proseper ¹ Aquitanis haec praesens spectans oculis, tradit, Gothos ab Italia penitus recedentes, sub Athaulpho rege Gallias invasisse : confirmat il ipsum Cassiodorus, Magna quidem Dei vindicta, contigit hoc saeculo universum ferme Romanum imperium dedi Barbaris incursandum, depraedandum, ac caede hominum devastandum; cujus quidem divini judicii pondus etsi grave videri possit; si tamen ubique delinquentium scelera in alteram libræ lancem conjicias, nihil est quod mireris, sed potius cum Propheta occinas ² : « Justus es, Domine, et rectum judicium tuum ». Haec autem ut aperte percipias, provoco te ad octo libros hoc argumento, hoc ipso tempore, haec etiam ex causa a Salviano episcopo Massiliensi conscriptos : a quo in primis sicut generatim, ita ista summatis accipe ³ : « Ipsa, inquit, Dei Ecclesia, quae in omnibus debet esse placatrix Dei, quid est aliud quam exacerbatrix Dei? Aut praeter paucissimos quosdam qui mala fugiunt, quid est aliud omnis coetus Christianorum, quam sentina vitiorum? Quotum enim quemque invenies in Ecclesia aut non ebriosum, aut non helleuonem, aut adulterrum, aut fornicatorem, aut raptorem, aut ganeo-nem, aut latronem, aut homicidam? et quod his omnibus pejus est, praeter haec, cuncta sine fine. Interrogo enim Christianorum omnium conscientiam : ex his vel flagitiis, vel sceleribus, quae nunc diximus, quotusquisque hominum non aliquid est eorum? at quotusquisque non totum?

33. « Facilius quippe invenies, qui totum sit, quam qui nihil. Et quod diximus, nihil, nimis fortasse gravius videatur esse censura : plus multo dicam, facilius invenias reos malorum omnium, quam non omnium; facilius majorum criminum, quam minorum, id est, facilius qui, et majora crimina cum minoribus, quam qui minora tantum sine majoribus perpetravit. In hanc enim probrositatem morum prope omnis Ecclesiae plebs redacta est, ut in cuncto populo Christiano genus quoddam sanctitatis sit, minus esse vitiosum ». Addit his alia plurima, in quibus diutius immorari, instituti ratio haud sinit. Sed non praetermittendum, quod firmiter asseverat, adeo excrevisse magistratum iniquitate pauperum oppressionem in Romano imperio, ut optabiles visi sint Barbari venientes, imo et complures eos praevererint ad ipsos confugiendos : nam ait ⁴ : « Interea vastantur pauperes, viduae gemunt, orphani proculcantur; in tantum, ut multi eorum, et non obscuris natalibus orti, et liberaliter instituti ad hostes fugiant, ne persecutionis publicae afflictione moriantur, quaerentes scilicet apud Barbaros Romanam humanitatem, qui apud Romanos barbaram immanitatem terre non possunt ». Haec et alia plura Salvianus : qui et parvo negotio palam facit et definit, longe praestantioribus moribus emittisse his temporibus Barbaros, quam Romanos.

¹ Aug. ep. LXXV. — ² Aug. ep. CXXXVII. — Greg. hom. XXXII. in Evang. — ³ Greg. Turon. de Glor. mart. c. 33.

⁴ Proseper. de Consol. ad Aquitanos. — ⁵ Salv. de Vito juu. et provul. Dei. c. 1. et 2. Salv. l. V.

34. Sed hæc generatim ad omnes (ut diximus) spectant, quæ hujus temporis inspector, et scriptor vir sanctissimus posteris tradidit. Verum quod peculiariter ad Gallias pertinet, quas hoc anno Gothus; ante Burgundio, Wandalus, Francus, Hunnus, et reliqua Barbarorum colluvies ad radices usque depasta est: quales Gallorum horum temporum mores fuerint, idem auctor Galliarum aecola pluribus prosecutus est, atque in primis suorum Aquitanorum, in quos primo barbaricus furor irrupit; de quibus ipse: « In omnibus quippe Galliis sicut divitiis primi fuerit, sic et vitii. Nusquam improbius voluptas, nusquam improbius vita, nusquam corruptior disciplina. Hanc pro muneribus sacris dederunt Domino retributionem, ut in quantum beneficiis suis ille ad se illecevat ad propitiandum, in tantum illi flagitiis suis laboraverint ad exacerbandum. An forte falsum est, et odiose potius quam vere ista dicuntur? Non oratoria probatione, qua uti alii in causis solent, utar, ut producam quoscunque ad probandum, aut paucos, aut extraneos, aut minus idoneos testes: ipsos interrogemus, a quibus acta sunt: falsum sit quod diximus, si negariunt: fatentur enim, et quidem (quod est gravius) sic fatentur, ut in ipsa confessione non doleant: idem enim nunc est animus in fatentibus, qui in agentibus fuit: sicut tunc non puduit flagitia committere, sic nunc omnino non penitet flagitiosa fecisse. Exceptis tamen perpaucis ferme sanctis, atque insignibus viris, qui (ut quidam de numero ipsorum ait) sparsis redemerunt crimina nummis », intelligit enim Eucherium Lugdunensem, Salonium Viennensem, ad quem scribit, Hilarium Arelatensem, et ejus prædecessorem Honoratum, Prosperum Regiensem cognomento Aquitanum, et alios alumnos monasterii Lerinensis ¹. « Exceptis, inquam, his (subdit ipse) quos loquor, utique etiam in illa tunc generali admodum colluvione vitiorum, recte minorum criminum reos fuisse credimus qui corrigi a Divinitate meruerunt: non enim penitus Dominus ledit suum, cui propinatio servatur. Et quid plura? puto quod semper Deum et in ipso errore respexerit, a quo oblinere potuit ne diutius erraret.

35. « Cæteri autem, et plurimi ferme ac nobilissimi, prope idem omnes, pene unus gurgis omnium gula, pene unum lupanar omnium vita. Et quid dicam de lupanaribus? minoris etiam criminis lupanar puto: meretrices enim, quæ illic sunt, fœdus connubiale non norunt, ac per hoc non maculant, quod ignorant: impudiciæ enim piaculo sunt obnoxia, sed reatu tamen adulterii non tenentur. Adde huic, quod et pauca ferme sunt lupanaria, et pauca quæ in his vitam infelicissimam damnare meretrices. Apud Aquitanos vero quæ civitas in locupletissima ac nobilissima sui parte non quasi lupanar fuit? quis potentum ac divitum non in luto libidinis vixit? quis non se barathro sordide colluvionis immerisit? quis conjugii fidem reddidit? imo

quantum ad passivitatem libidinis pertinet, quis non conjugem in numerum ancillarum redegit, et ad hoc venerabilis concubii sacramenta dejecit, ut nulla in domo ejus vitior videretur in maritali despectione, quam quæ erat princeps matrimonii dignitate? » et de viris: « Quis autem Aquitanum divitum non hoc fuit, quem non sibi ancillæ impudicissime aut adulterum aut maritum jure dixerunt? Equi enim emissarii (ut Scriptura ait ¹) in feminas facti sunt: unusquisque ad uxorem proximi sui inhiabat ». Addit et plura alia. At exhorrescit stylus jam, ac resilit, atque refugit ulterius in turpitudinum cloacam intingit.

36. Sed attendamus lacrymas Aquitanici viri sanctissimi Aquitanie traegentis, Properi, inquam, qui eodem argumento carmen lugubre cecinit, cum inter alia de Aquitanicis suis ²:

Cumque annorum patriæ subiti fumantis imago.
Et stetit ante oculos quicquid ubique peri:
Frangimur immoediis, et pluribus ora rigamus:
Dumque pios agimus, vertimur in querulos.

Lugebat ista ipse decem annorum spatii: nam inferius:

Hen cade decenni
Wandalis gladius sternitur et Geticis.
Non castella petris, non oppida montibus altis
Imposita, aut urbes amnis aquareis
Barbarici superare dolos atque arma furoris
Evalere omnes: uliua pertulimus.

Hæc et alia plura de patriæ clade. Huic jungit alium nobilissimum Aquitanum, qui privatas est prosecutus suas calamitates, notis quidem lugubribus et carminibus luctuosis, dum incensa patria ex ditissimo exavit pauperrimus, necessarius egens, et profugus cum suis Vasatas concessit.

37. Cæterum sciendum est, eodem quoque auctore, haud hanc fuisse improvisam Gothorum invasionem: sed cum juncti fœdere essent Atlalo, ut amici et auxiliares excepti sunt: cum continuo, illo spreto, in rapinas et incendia urbium conversi sunt: unde ipse de se Paulinus consularis agens.

Pars ego magna fui, quorum privatus et ipse
Cunctis quippe bonis propriis, patriæque superstes.
Namque prefecturi reus præcepto Athaulphi,
Nostra ex urbe Gothi fuerant in pace recepti,
Non aliter nobis quam belli jure subactos
Aspera quoque, omni urbe, irrogare, cremata, etc.

Hæc Paulinus consularis in carmine Eucharistico, cui titulus falso habetur inscriptus nomine S. Paulini Nolani episcopi.

38. De Paulino auctore carminis Eucharistici. — At quisnam iste Paulinus fuerit auctor carminis Eucharistici; ex notis quibusdam, quas ibi de suo genere, et ætate reliquit impressas, aliquid saltem possumus opinari. Exploso igitur illorum errore,

¹ Salv. l. vii.

¹ Hier. iii. — ² Prosp. in prolog. l. de prov. Dei.

qui hunc ipsum putarunt esse Pontinum Paulinum, postea Nolanum episcopum, eo quod nomine et patria convenire videantur, nempe quod Paulini nomine et ipse appellatus, et Burdigalæ educatus, diuque versatus sit; cum revera compluribus differentiis discriminentur ab invicem: nostra hæc de re opinatio illa est, ut existimus, hunc de quo agimus Paulinum natum esse Paulino illo parente, de quo extat in ejus obitu Parentale carmen Ausonii¹; qui fuit maritus filie sororis ejusdem Ausonii, ut ipse in eo testatur: quippe qui loco generi (ut idem ibi ait) ipsi Ausonio fuerit, unde et avus Ausonius dictus filiorum ejus, inter quos Paulinus, de quo agitur, adnumeratur; cum tamen potius proavus dicendus fuisset, Paulinus vero pronepos nominandus. Consentiant quidem plura, ut istud ipsum dicamus. Nam quod ad genus spectat, hæc de eo Ausonius.

Stirps Aquitanæ mater tibi: nam genitori
Cossio Vasatum municipale genus.

Sed audi Paulinum filium in dicto carmine Eucharistico²:

Exacto laribus patriis, tectisque crematis,
Obsidio hostilis vicina excepti in Urbe
Vasatis, patria majorum et ipsa meorum.

Sed et quod se avum habuisse consulem dicit, cum trium esset annorum, ubi ait³:

Tunc et avus primum illic⁴ fit mihi coenitus annu
Ejusdem Consul, nostra frateride puma.

His ipsum Ausonium consulem intelligere temporis quoque certa ratio manifestat. Dum enim subdit post multa, annorum se fuisse ætatis triginta, cum Barbari rupto cum Romanis fœdere, sese in Italiam infudere; plane numerando ab anno tertio ante consulatum Ausonii, quo senatum dicit, usque ad ejus ætatis trigessimum, invenies hunc esse annum Domini quadringentesimum sextum, vel septimum, quibus vidimus Alaricum Italiam tentare cœpisse: quo pariter anno cum se patre orbatum dicit, relicta adhuc superstitè matre; ulique consentiant quæ de eodem patre Paulino Ausonius habet, dum ait, defunctum esse, cum annum suæ ætatis septuagesimum secundum implexset, nimirum decem et octo Olympiadas, ut ait his versibus:

Inter concordés vixisti fidus amicos
Duodevigiñti functus Olympiadas.

Ex quibus etiam licet Ausonii consulis æstimare longævam ætatem, qui superstes vixit marito filia: sororis, licet ætate pares fuisse superitis dicit his versibus.

Æquævus Paulinus mihi: natamque sororis
Indeptus thalamo, sit mihi pene gener.

Ex qua cum quatuor liberos idem Ausonius Paulinum suscepisse dicit¹ recensatque duorum nomina defunctorum. Paulini et Dryadiæ, dicitque duos matri remansisse superstites; æque hæc conveniunt nostro Paulino: qui se defuncto patre, relictum ait cum fratre parum liberali homine, quocum fuit paterna hereditas liganda. Tot igitur in unum convenientibus, signis, nemo me, puto, vanum conjectorem fuisse redarguet.

39. Porro huic Paulino, cujus est carmen Eucharisticum, duo incidere parum digna nobilitate sua, quorum alterum excusat, alterum purgavit penitentia. Etenim conspirationis cum Attalo tyranno suspitione laboravit, quod ab eo, cum imperaret, creatus fuerit comes privatarum largitionum; quod sic ipse excusat²:

Attalus absentem casso honorarat honores
Noume, private comitivam largiti nis
Dans mihi, quam secret nullo subsistere censu.

Et paulo post:

Unde ego non partes infirmi omnino tyranni,
Sed Gothicam fateor pacem me esse secutum.

Hoc sic ipse primum excusat. Alterum vero deferrius, quod perperam factum diluit per penitentiam, illud fuit, quod ad improbata fidei dogmata Christianus homo diverterat: nam de se ait:

Sed tua magna manus, divina et provida virtus
Consilium sanctorum cuncta operanda pergit,
Sua denum mihi lumina morum servare vetastum,
Quem semel invecum majorum traditione,
Nunc etiam servans Ecclesia nostra teneret.
Confessusque igitur....
Proposita studii constrictus vivere lege,
Non digno fortasse pius commissa labore:
Sed rectam servare fidem non inscius ipse,
Errorum discendo vias per dogmata prava,
Quæ reprobus sociata aliis nunc respuo culpis.
Post au em exacta jam trieteride quinta,
Rite recurrente statuto tempore Pascha,
Ad tua, Christe Deus, altaria sacra reversus.
Te miserante, tua gaudens sacramenta recepi, etc.

Sed quibusnam hic hæresis vinculis tamdiu obstrictus permansit? Quod ipse dicit errores illos sociatos fuisse cum aliis culpis: equidem facit ut existimem, hunc Priscillianistarum fuisse turpibus hæresibus implicatum. Etenim festificatione Severi et aliorum vidimus in ea provincia clarissimos viros ac feminas a Prisciliano et ejus seclatoribus fuisse seductos: quos merito divina secuta est ultio, ut per Barbaros bonis fuerint spoliati, ac complures ipsorum vita privati. Considerasne, lector, provinciarum clades suboriri solitas post emergentes hæreses; et quod ubi Galliæ a Priscilianistis et a Vigilantio hæresiarchis infecta est nefandis hæresibus,

¹ Auson. Parent. XXIV. — ² Paul. in carm. Eucharist. extat tom. IX. Bibl. sauct. — ³ Paul. ibid. — ⁴ Nempe Burdigalæ.

¹ Auson. Parent. XIII. — ² Paul. in carm. Eucharist.

mox ipsam deprædandam traditam esse Barbaris? Quid ergo miraris, si nostro tempore Gallias pessundari videas? Sed reliqua prosequamur.

40. *Heros Arelatensis episcopus pellitur.* — Erat his temporibus ad expellendos per Constantinum inmissos in Gallias Barbaros (ut vidimus anno superiori) Constantius dux exercitus Honorii imperatoris, cujus primordia Deus præclaris victoriis illustravit: felix plane, felicioribusque progressionibus exaltandus, si tantam molem solidis pietatis fundamentis consolidasset. Sed dum adversus sanctos episcopos aggressus est inire certamen, expertus est pariter Deum ad postremum suis conatibus adversarium. Sed quid hec eodem anno in sanctissimum episcopum egerit, audiamus Prosperum rem gestam paucis narrantem: « Eodem tempore (inquit), nempe sub his consulibus, « Heros vir sanctus et beati Martini discipulus, cum Arelatensi oppido episcopus præsideret, a populo ipsius civitatis insons, et nullis insimulationibus obnoxius pulsus est, inque ejus locum Patroclus ordinatur amicus et familiaris Constantii (Constantii) magistri militum, cujus per ipsum gratia quærebatur. Eaque res inter episcopos regionis illius magnarum discordiarum causa fuit ». Hæc S. Prosper. Quomodo autem diu laborandum fuit Romanis Pontificibus Bonifacio ab ipse Leoni, suo loco dicturi sumus. Jam vero res Orientalis Ecclesie invisamus.

41. *Theophili Alexandrini episcopi obitus, scripta, et res geste, cui succedit Cyrillus.* — Hoc eodem anno iisdem cons. Theophilus Alexandrinus episcopus ex hac vita migravit, cum sedisset annos viginti septem. De ejus ex hac vita transitu mira hæc ex Isidoro diacono Joannes Damascenus recenset¹: « Theophilus ob illud peccatum (quod scilicet nunquam Joannes Chrysostomi nomen passus esset in ecclesia recitari) non poterat animam agere. donec allata ei fuit imago Chrysostomi; quam ille cum adorasset, spiritum emisit ». Sic quidem Deus magna suæ dispensatione misericordie operatus est, ut tantus vir Catholica Ecclesia (ut vidimus) ob expulsionem Origenistarum et alia venemeritus, non decederet ex hac vita absque ejus defecti penitentia, cujus causa (ut vidimus) indignationem quoque Romani Pontificis incurrisset. Sed et apud Vitas Patrum hæc de eodem²: « Sancte memorie Theophilus archiepiscopus, cum moriturus esset, dixit: Beatus es, Abba Arseni, quia semper hanc horam ante oculos habuisti ». Reliquit sui ingenii monumenta post se Theophilus, quæ Genadius numerat, ubi ait³: « Scripsit adversum Origenem unum et grande volumen, in quo omnia pæne ejus dicta et ipsum pariter damnat: similiter docens, non a se eum primum, sed ab antiquis Patribus et maxime Heracla fuisse et a presbyterio ejectum, et de ecclesia pulsum, et de civitate fugatum. Sed et Anthropomorphitas hæreticos, qui di-

cunt Deum humana figura et membris constare disputatione longissima confutans, et divinarum Scripturarum testimoniiis arguens, et convincens eos, ostendit Deum incorruptibilem et incorporeum juxta Patrum fidem credendum »: et post alia: « Paschalem etiam recursum, quem magna apud Nicæam Synodus, post nonaginta et quinque annos agi in tempore et die et luna, secundum suum statum invenerat, additis quibusdam ipsius festivitatis rationibus et expositionibus, Theodosio obtulit. Legi et tres de Fide libros sub nomine ejus titulos: sed quia lingua inconsonans est, non valde credidi ». Hæc Genadius.

42. His addimus, scripsisse Theophilum de Sacris mysteriis, vel de Sacris supellectilibus Ecclesie Dei: quem quidem librum Ecclesie utilissimum fuisse intelligere potes ex fragmento Epistolæ S. Hieronymi ad ipsum Theophilum data, cum commentarium illum latinitate ab ipso rogatus donavit: quod in Collectione veteri diversorum auctorum legitur verbis istis⁴: « In opere tuo utilitatem spectavimus Ecclesiarum, eruditi testimoniiis Scripturarum, qua debeant veneratione sancta suscipere, et altaris ministerio deservire: sacrosque calices et sancta velamina, et cætera quæ ad cultum Dominicæ pertinent passionis, non quasi inanima et sensu carentia, sanctimoniam non habere: sed ex consortio corporis et sanguinis Domini, eadem quæ corpus ejus et sanguis, majestate veneranda. Suscipe igitur librum tum, imo meum, et ut verius dicam, nostrum; cumque mihi faveris tuus fautor eris. Tibi enim meum sudavit ingenium, et faciendam græcam latine lingue nolui paupertate pensare. Neque vero, ut disertis interpretes faciant, verbum verbo reddidi: nec adnumeravi pecuniam, quam mihi per partes dederas; sed pariter attendi, ut nihil desit ex sensibus, cum aliquid desit ex verbis. Epistolam autem tuam idcirco in latinum verti, et huic volumini præposui; ut omnes qui legerint, sciant, me non temeritate ac jactantia, sed præceptis beatitudinis tuæ suscepisse onus ultra vires meas. Quod an consecutus sim; tuo judicio derelinquo: certe si imbecillitatem reprehenderis voluntati veniam commodabile. Vale ». Hæc tibi sint, lector, pro libro Theophili, qui excidit una cum integra Hieronymi Epistola, qua majore ex parte temporis edacitate corrosa, vix pauca hæc ab ejus faucibus eruta, posteritati sarta tecta relinquimus.

43. Scripsisse fertur librum de Hæresibus in Epiphanium⁵ extant etiam complures ejusdem Ecclesiastici canones⁶, tres præterea Paschales Epistolæ, a S. Hieronymo latinitati redditæ: cum a quoque per singulos annos singulas dare solet; ut ex brevi hac ad eum Synesii Epistola possumus intelligere, quæ sic se habet⁷:

« Utinam profunda et plena senectæ te exspectet, sanctissime et sapientissime Theophile! nam et

¹ Damasc. de Imagin. l. III. circa fin. — ² Vit. sanctorum Patrum de compunct. — ³ Genad. de Vir. illust. c. 10.

⁴ Extat in Hæresologia. — ⁵ Meminit Trithem. de Vir. illust. — ⁶ Extat in Bibl. sanct. tom. I. — ⁷ Syn. ep. IX.

in alijs vite commodus fueris, si serveris; et maximum additamentum configit scholæ Christi ex Panegyricorum librorum numero, qui in annos lectum augetur. Sic sane quæ hoc anno dimissa est oratio, et iucunde adfuit civitates, et profuit partim magnitudine sententiarum, partim gratia verborum. Hactenus Synesii Epistola, quæ Panegyricas orationes non dubium est vocare Paschales illos tractatus, quorum tres tantum habemus a S. Hieronymo in latinum versos, illos scilicet adversus Origenem editos. Sed et in his observa S. Hieronymi prudentiam, abstinnisse ipsum a singulorum post editorum tractatum, quam ceperat, versione, postquam Theophilus Romano Pontifici de restituendo in Diptycha Joannis Chrysostomi nomine obtuli cepit.

44. Ad postremum autem hæc de eodem Theophilo minime præferenda sunt: quod licet ei ob Joannis Chrysostomi causam a Romano Pontifice (ut vidimus) fuerit communicatio denegata; tamen quod consulerit in obitu emendasse, quod vivens pertinax deliquisset; commemoratione rerum ab eo bene gestarum adversus Origenistas, recepta est post obitum ejus memoria in Ecclesia Catholica cum honore: etenim S. Leo papa in Epistola ad Marcianum imperatorem ita de eo¹: « Sanctæ memoriæ Theophilus Alexandrinæ Ecclesiæ urbis episcopus, etc. » Idemque in Epistola ad episcopos² Galliarum hæc de Ecclesia Alexandrina: « Postea, inquit, recentioribus a nostra ætate temporibus, Athanasium, Theophilum, et proxime Cyrillum probatissimos præstules habuit ». Sed et Paulus Emesenus episcopus, sequester pacis inter Joannem Antiochenum et Cyrillum Alexandrinum episcopos tempore Nestorii hæresis, hæc inter alia pro concione ad populum Alexandrinum: « Est, inquit, patris vestri hæc doctrina: est vobis hic thesaurus avitus, beati Athanasii dogmata, magni Theophili doctrina, columnarum videlicet rectæ doctrinæ ». Ista ille: ut plane videas Theophili nomen post obitum magna æstimatione retentum. Sed de Theophilo hactenus.

45. Post triduum autem ab ipsius Theophili obitu subrogatus est in locum ejus Cyrillus ipsius fratris filius, non sine controversia, cum alii peterint Timotheum archidiaconum, cui favebat studebatque Abundantius præfectus militum: hæc ex Socrate³. Simul ac autem Cyrillus Alexandrinus episcopus creatus est, ad eam Ecclesiam ab omnibus hæresibus expurgandam adjectum animum; atque qui hactenus Alexandria tolerati fuerant, Novatianus ab ipsorum Ecclesiis expulsi. Meminit horum omnium subintense Socrates et ipse quidem secta Novatianus, cum ait⁴: « Post mortem Theophili Cyrillus in sede episcopali collocatus episcopatu positus est, majoremque principatum, quam unquam Theophilus habuisset, pariter sibi assumpsit. Etenim ex illo tempore episcopus Alexandrinus, præ-

ter sacri cleri dominatum, rerum præterea sæcularium principatum acquisivit. Quapropter Cyrillus statim cum Novatianorum Ecclesias, quæ erant Alexandria, oclusisset, non modo omnem sacrum thesaurum, qui in illis fuit, penitus abstulit, verum etiam Theopemptum illorum episcopum omnibus suis fortunis privavit. Hæc Socrates, sed ob ejus sectæ patrocinium fide suspectus.

46. *Inter Atticum episcopum Constantinopolitanum et Cyrillum Epistolæ de restituendo nomine Chrysostomi in Diptycha cui tandem faret Cyrillus.* — Cum autem, vivente Theophilo, cujus quodammodo vinculis tenebatur obstrictus Atticus episcopus Constantinopolitanus, ne in tabulas Ecclesiasticas nomen Chrysostomi restitueret, ob id seclusus a communicatione Romani Pontificis (ut dictum est superius) permaneret, sicut et ipse Theophilus usque dum vixit: eo ex hac vita sublato, idem Atticus faciliorem se præbuit, admonitus novo Theophili casu, et periculo concitati in ipsum populi: qui insuper ad eadem quoque vota Cyrillum nuper creatum episcopum Alexandrinum, quantumlibet renitentem, pertraxit tamen; factumque est, ut ab utroque Chrysostomi nomen sacris Diptychis, totius Orientis, et Occidentis consensu, magna gloria redderetur, sed et ipse pariter totius orbis Ecclesiæ mutuo inter se pacis fœdere jungerentur: licet obtorto (ut dicitur) collo ad id Atticus perductus fuerit, obtemperans imperatori id cupienti, et populo expulsi. At præstat audire, quibus progressibus res tam longo temporis spatio pertractata, optimum ex sententia finem fuerit consecuta. Quomodo autem hæc se habuerint, reserant nobis atque omni fide significant litteræ Attici atque Cyrilli hæc de causa ultro citroque datæ, quas hic tibi integras describemus: habent enim horum temporum rerum gestarum historiam multaque alia notata digna. Sed primum quam ad Cyrillum Atticus Epistolam dedit, sic se habet¹:

47. « Atticus Cyrillo felicitatem. Incidimus eo quo non putaveramus, et acquiescimus necessitate in eo quod minus ex nostra sententia processit, utilitatem justitiæ præponentes. Etenim cognitionibus nostris ad populi concordiam inclinati canonibus quidem Patrum detrimentum nullum afferimus, exacte autem verborum observationi universi orbis pacem præferimus. Non ignoro equidem et beatum Paulinum, cum Ecclesiasticas ederet constitutiones, sapienter occasionibus provida dispensatione usum esse. Scio etiam, qui in sanctorum numero censetur, patrem tuum Apostolicum Theophilum, in confusione et turba a Græcæ superstitionis studiosis excitata, exactam ad breve tempus observationem paci posthabuisse. Maxime enim atque urbes perago fluctibus exagitato persimiles, ex sententia civium non tam summa legum et constitutionum observatione, quam expeditissimis consiliis atque judiciis ad pacem et concordiam facientibus, regi

¹ Leo ep. LXIV. — ² Leo ep. LII. — ³ Socr. l. VII. c. 7. — ⁴ Socr. ibid.

¹ Apud Niceph. l. XIV. c. 26.

atque administrari solent. Qua vero de causa litteras hasce scribam, accipe. Novit sanctitas tua, ac potius illis ipsis oculis, quibus qui in sanctis est, pater noster Theophilus conspexit, qualis et quam ingens turba magnam hanc invasit urbem; atque in ea ut sanctior fides et pietas (ne funditus erueretur) periclitata sit: adeo etiam, ut populus majore ex parte per factionem scissus, extra muros conventus egerit: et plerique sacerdotes et collega nostri episcopi a mutua communione desciscentes, bonam plantationem Domini Jesu Christi, parum abest, quin evulserint, pacis commoditate scilicet aliquantulum distracta. Sed enim multo sane labore, multo sudore, et periculis multis desperationis plenis; plurima et maxima quaeque communium Patrum nostrorum atque etiam pietatis tuae precibus et conspiratione sopita sunt mala; et turba quidem illa conquievit, concordia vero et serena tranquillitas in orbis universi Ecclesiae obtinet.

48. « Cum vero nonnulli nomen tantum beati Joannis in mysticis tabulis inscribi vellent: beatus episcopus Alexander, Antiocheum istum dico, Constantinopolim venit, et multa ore confidenti verba fecit, vehementerque excitare populum voluit, ut vel nobis invitis necessario ejus quem diximus nomen ita inscriberetur. Quam rem accurate prorsus pietati tuae ministri Dei, religiosissimi diaconi, Petrus et Aedesius exposuerunt. Praeterit longum tempus; et nos necessitate ea, quae a populari rerum administratione provenit, premi inspiciebamus, neque lamen quicquam schismatis et dissidii reliquias curabamus: cum ad nos ex Oriente Dei amantissimus Aecius litteras dedit, religiosissimum antisitem Antiochie Theodotum a populo, ut nomen Joannis in Fastos referret, coactum esse; ut veniam rei, quam necessitate ille adductus fecisset, daremus, petens. Et tum bonus ille qui litteras ad nos pertulit presbyter causam adventus sui indicans, rem hanc in vulgus magnae urbis propalavit; et sententiam date ad nos Epistola populo divulgavit: adeo ut parum abfuerit, quia tumultu plebis universae repleta urbs sit. tibi vero ego ibi demum perturbatus, et de rebus maximis discrimen summum veritus, piissimum imperatorem adii, et cum eo de pace et tranquillo rerum statu egi. Atque ille, nihil esse periculi aut incommodi, respondit, si defuncti viri nomen, tranquillitatis, pacis, et populi concordiae gratia inscriberetur.

49. « Itaque ego ea re persuasus (quomodo enim necessitate preventus id non facerem?) ne religionis nostrae res ex multitudinis arbitrio exemplo nullo permissis, penderent, neve urbem ipsam populari administratione assuefaceremus; nomen id in Album referri jussi. Quare (ut quidem puto) neque in sacros canones commisi, neque iudicio Patrum fraudem feci. Mentio namque ejus fit cum defunctis non solum episcopis, sed et presbyteris, diaconis, et laicis ipsis, mulieribusque, cum quibus omnibus nobis sacerdotii communicio, aut earum rerum quae in sacra mensa mystice percipiuntur, participatio

non est. Magna enim est inter defunctos et supersites differentia; ita ut etiam libri propter differentem eorum, quorum memoria conservatur, statum discreti sint. Nihil enim Davidi obtulit honorifica Saulis sepultura, neque Apostolis Atrii impietatis sector Endoxius sub eadem sacrificii sanctioris ara positus, neque Paulinus et Evagrius Ecclesiae, qui schismatis et dissidii duces in Ecclesia Antiochena fuere, quod post obitum non paucis hinc ab annis propter populi pacem et concordiam mysticis tabulis sunt inscripti.

50. « Quamobrem ipse quoque Aegypti Ecclesiae, Ecclesiarum orbis totius pacificandarum gratia, ut mortui illius nomen inscribant, praecipio. Ita enim cum Patrum canones non transgrediere, tum Ecclesiarum simul omnium concordiam plurimi facies. Te vero ea nobis quae convenit, rescripturum esse ad communem consensum et fraternitatem respicientem, persuasum habeo. Fraternitatem quae tecum est, omnem ego, quique mecum sunt, salvere jubeo ». Hactenus Attici ad Cyrillum Epistola: qua quidem vides ipsum eructare adhuc amaritudinem, nondum purgato pectore concepto semel odio in Joannem; invitumque ac renitentem adactum, ut quem fuerat acriter persecutus, ejus nomen in tabulas referri juberet. Quod vero in Romanam Ecclesiam, a cujus jandiu communione rejectus fuerat, esset perinfensus, Paulinum et Evagrium defunctos episcopos, qui illi communicarant schismaticos nominat. Quae autem inter haec idem Atticus scripsit ad Petrum et Aedesium diaconos, accipe ¹.

51. « Ad Dei amantissimum Cyrillum episcopum fratrem nostrum, ut decuit, per Epistolam scripsimus ea quae nomine Joannis in Ecclesiasticas tabulas relato acta sunt. Nihil vero minus et ad pietatem vestram scribimus, quae melius quam alii res nostras novit: ad pacem videlicet et ad tranquillitatem eas evasisse de sententia piissimorum principum, et omnium deinde Orientalium episcoporum, ipsorumque adeo Occidentalium quoque de Joanne sacris tabulis non ut episcopo, sed qui aliquando episcopus fuerit, inserto, ut memoria ejus propter communem universi orbis pacem coleretur. Scribimus autem, ne concordia (ut ita dicam) ubique obtinente, solis nobis ei non adstipulantibus, simul et piissimis principibus adversari videamur, et summe necessariis rebus nostris, ventis aliquibus adversis obortis, et Ecclesiae Christi noceamus. De his hactenus ». Quid vero Cyrillus rem aversatus ad Atticum rescripsit, littere ipsius declarant, quae sic se habent ²:

52. « Lectis quae a pietate tua ad me missae sunt litteris: Joannis nomen sanctis inscriptum esse tabulis, intellexi. Ubi vero eos qui inde ad nos venire, interrogavi: non in laicorum, sed episcoporum catalogo adscriptum esse audivi. Porro dispicienti mihi, atque animo repetenti, an qui hoc fecere, Ni-

¹ Apud Niceph. I. xiv. c. 26. — ² Ibid. c. 27.

canonum Patrum decretum sequantur, et aliquantulum mentis fumiibus in magnam illam Synodum intendenti, universum sanctorum illorum Patrum collegium quibusdam veluti oculis rennere et viribus omnibus quominus ad rem eam comprobendam occurrant, obistere videtur. Quomodo namque inter sacerdotes Dei censetur, illorumve feret sortem, cui sacerdotalis dignitas abrogata est? Quomodo vero in catalogo sacrorum ministrorum erit, qui Ecclesiasticis mœniis ejectus est? Aut enim professione nostra indignum est, ut sacerdotii nomen nihil esse, et rem ipsam communem omnibus esse, quæ tamen eis solis qui ad eam vocati sunt, asservata est, dicamus: aut si magnum quiddam est, quod sacerdotalem functionem a populi multitudine dirimit; non miscenda quæ misceri non possunt; sed eorum quæ diximus, quodvis in ordine suo conservandum et honore delibito cohonestandum nobis erit. Quomodo igitur aut inter episcopos laicus, aut inter germanos, et legitimos, qui talis non est, consistet? Honorat, te hortor, eos qui magnarum, et splendidarum recteque actarum rerum tulere testimonium, ne contumelia sanctorum Patrum eorum afficiat.

53. « Considera eos qui superstites adhuc in vita manent, quomodo rem hanc acceperint. Annon illi dolore se omni repletos esse, recte dicant, si in eundem cum eis ordinem is cui dignitas adempta est, referatur? Verum id pietati quoque tuæ persuasum esse puto, Quamobrem et illis, et nobis mero-ris abole causam, tolle omnem tristitiæ occasionem. Nam facile et expedite ea quæ præter opinionem accidunt, disponere et administrare, boni et sapientis esse dixerim: sed tum demum, cum nihil detrimenti afferant. Non enim quamvis gregem Christi propagare, frequentioreque efficere studeamus, examina hæresum, si errorem suum non repudiant, recipimus: et proinde non omnino prompta quadam dispensatione facilem cum eis amplecti pacem debemus, adversus quos pugnare præset. Dispensationis sanæ laudatæ opus fuerit, si quandoque ita a debita ratione deflectere videamus, ut in rebus utilibus, et commodis detrimentum evitemus. Sic et beatus Paulus omnibus factus est omnia, non ut exiguum quicquam lucrificaret, partem autem, quamquam damno afficeret, sed ut omnes lucraretur. Videamus ergo ejusmodi rerum investigationi insistentes, an non plus huic causæ insit mali, quam illa videatur habere boni. Tot jam præferere anni, ex quo pietas tua thronum suum tenuit; neque quisquam est, qui conventus in Ecclesia tuos vitet: quin etiam si ab initio nonnulli dissidendi amore se ipsos ab illis segregarunt; tamen et illi per vim, et gratiam Christi revocati sunt. Ex magistratibus vero quis non pietatis tuæ dictis audiens est? quis ob hanc ipsam causam est, qui extra Ecclesiam maneat? nemo mehercule est: non enim hoc dat Deus.

54. « Itaque quemnam ad salutem revocans, aut ad legitimos in Ecclesia conventus reducens, quin omnem potius Ecclesiæ mœnibus eiciens

Ægyptum, et regionem etiam Augustalem, et Arcadiam, et Thebaidem, et Lybiam, et Pentapolim, et tot Ecclesiæ dolore afficiis? non ut quemquam lucrificas: omnes namque lucrificavit gratia Salvatoris. Remitto te hac in re ad ipsam pietatis tuæ doctrinam. Ne contra te ipsum celebres, et illustres eos, qui adversant studio in partes discessere, neque unquam justum descriptis iudicium accipiunt. An ita connivere, et cessare nos pietas tua suspicatur, ut non diligenter de præclara fama tua, et quomodo Salvatoris greges regantur, atque manu ducantur, inquiramus? Una namque hæc, etiam si locorum intercapedine disjuncti sint, episcoporum est cura. Sed enim ne in hoc prolixior esse, et pietati tuæ contraria sentire videar: esto ut pauci admodum adhuc sint seditiosi, qui se pro illius malignitate periculo exponunt: apud nos autem tot sunt Ecclesiæ, quæ de Joanne decreta obtinere debere contendunt. Quibus igitur suffragari æquum est? Quinam, ut letentur, Deo placitum est? illine qui Joanni patrocinantur, cum tanta designaverit, an qui penam homini irrogarunt ei, qui cum alios dolore afficeret, pro nihilo duxit?

55. « Quod si concordiam Ecclesiarum conservare, minime contemnendum videtur: solve id, rogo, quod eam scindit: mitte gladium in vaginam suam: jube ex episcoporum nomenclatura Joannis nomen eximi. Nam si parvi id facimus, et dicimus: Non affert dolorem Apostolorum choro Judas proditor in eodem cum illis ordine census: Jude autem nomine in eorum numerum relato, quo deinde loco Matthias nobis ponitur? Cum igitur nemo, Matthias ejecto, Apostolorum choro Judam adscripserit: maneat et servetur, hortor, post celebris memorie Nectarium, secundus laudatissimi Arsacii gradus: ne quid per vim perperam, et illegitime inductum, memoriam beati viri explodat. Sed pauci fortasse hoc ægre ferunt (permittite autem mihi, ut libere quæ volo, dicam) omnes equidem salvos fieri optem. Si quis vero imperitia sua ab Ecclesia secedit, et illius constitutionibus refragatur: quæ ejusmodi hominis est jactura? Annon ipse quoque Salvator nos id ipsum docens, et formam in omnibus præponens conducibilia quidem ad eos qui cum accesserunt locutus est, inobedientes autem et renuentes discedere permisit? Atque tantum abest, ut aliquam talium hominum rationem habuerit, ut etiam ad ipsos dixerit discipulos: An et vos vultis abire?

56. « Obsequentibus sane multam nos impendere curam, æquum est. Adversarius autem et inobediens malevolentiam ipse suam acuset, medicinam odio habens. Audiet vero ille justum iudicem dicentem: Quandoquidem locutus sum, et non obdivisisti mihi; et extendi sermones, et animum non advertistis: et quæ sequuntur. Nos quidem, qui docemus quibusnam rebus quis laudem sibi apud Deum parat, studiosè admodum id facere atque instituire decet, atque cum Paulo resistentibus dicere: Obsecramus per Christum, reconciliamini Deo. Inobedientes vero potestati Dei condemnare,

illud usurpantes : Curavimus Babylonem, et non est sanata; relinquamus eam, quoniam pervenit in caelum iudicium ejus, et honorum eundem consequatur. Neque enim communem orbis universi pacem, sed concisionem potius quidam vocent. Ego quidem tum demum obtinere debere et nomen, et rem ipsam pacis ceuseo, cum sanctorum sententias non adversemur, neque illorum decretis repugnemus. Quod si enim beatus Alexander, confitentis prorsus ordo vir, juxta pietatis tuae verba aliquos ex religiosissimis fratribus, et collegiis nostris Orientalibus episcopis inani dictorum furo decepit, et ad hujus rei comprobationem raplos pertravit: non propterea morbus hic prorsus obtinere, et animos omnium depascere; sed potius veluti quaedam lippitudo Ecclesiae oculum infestans, a vobis repurgari debet: ut illa rursus directe ad Patrum decreta respiciens, merito a Christo audiat: Oculi tui colubiarum.

57. « Accepi et ego a Dei amatissimo, qui ad extremam feliciter pervenit senectutem, Acacio litteras: in quibus religiosissimum Antiochiae antistitem vi coactum a quibusdam esse, ut Joannis memoriam celebraret, asseverat: atque illud aperte commemorat, valde eum virum ea in re dolore affectum fuisse, viamque qua tam praefracta audacia liberaretur, quaesivisse; et litteras hac de causa a nobis et pietate tua, ne simul cum quibusdam in eundem errorem duceretur, neve hujusmodi consilia agitantibus cederet, impetrare voluisse. At nos, qui ad eam, et medicinam faciendam vocati sumus (da enim hoc mihi, ut pro animi mei dolore libere dicere possim) ne accessio vulnerum timeamus; sed potius opinionem eam quam temeritatem aliorum secuti esse videri possimus, fugiamus.

58. « Demiror vero hoc quoque, si Alexander quem diximus, ad dicendum promptus, et copiosus, et qui non parvo tempore istis vobiscum versatus sit, aliquos ad hanc rem suasionem sua adducere non potuisse visus est, quam tabellarius unus efficere tantum (sicuti rumoribus fertur) potuit, ut populum commoverit, causamque tempore longiore sopitam denuo excitavit; quod omnino est incredibile. Verum sit hoc quoque, et illa factum esse credatur. Sed novi pietatem tuam praecalam in eloquentia esse; docebit ea prorsus, quae opus est homines ad tumultum excitatos: uberem habes sacrarum doctrinarum gratiam: persuadebis, scio, piissimis etiam principibus, ut more suo in canonum decretis acquiescant. Quod enim vere pietatis studiosi, et Christi amantes sunt, constitutionibus suis Ecclesiae administrari permittent; paternaeque virtutis aemulatores, majorum exempla imitabuntur. Ne igitur Jechonias rejectus, cum Davide, et Samuele Prophetis censetur: neque si quibusdam inique placitum est, ut Eudoxii reliquias in eo quo scripsistis reponerent loco, propterea nos quoque

profanum, ut sacrum, in Album referamus. Oportuit namque a nobis res illius corrigi, non illum nobis praescribere, et quae post eum acta sunt constituere.

59. « Atque haec dicimus, non quod jacenti, et mortuo illi insultemus; non enim hoc del Deus: neque quod athenis (sicuti scriptum est) letemur malis; non enim Christianorum hoc est consilium et institutum; sed qui id quod homini condoleamus, ad utilitatem Ecclesiae conferimus, canonibus illius nihil praestabilius esse ducentes. Si namque illos sacros tectos conservare, atque exactoratum inter episcopos censere liceret: recte profecto, qui id quominus fieret, impedirent, feri atque immites dicerentur. Quandoquidem vero altero obtinente, alterum consistere non posse, necesse sit: sanctiones Ecclesiae vincant, et ex sacro catalogo qui sacrorum minister non est, moveatur: hoc enim Ecclesias ad pacem servandam conjungit; hoc animorum consensus omnem perficit. Itaque illud nobis dato, ut pure nos convenit agere, et communicare cum pietate tua possimus: atque tu unius ejusque defuncti amorem post eorum qui adhuc vivunt, dilectionem, ac potius post Ecclesiae sanctiones habeas ». Iluciusque Cyrilli ad Atticum Epistola.

60. Consideres hic velim, lector, quam infensissimo animo Cyrillus in Joannem Chrysostomum fuerit, qui nec defuncto pepercerit, et acre bellum jam ornaret adversus eos qui pro restitutione ipsius nominis laborarent; in quos hac Epistola invecus est: sed cum hoc animo compositus esset, haud tamen praereverentia ausus est aperte quicquam loqui adversus Innocentium Romanum Pontificem, quem superius suo loco diximus de restituendo Joannis nomine fuisse praecipuum architectum, auctorem, et in renitentem ultorem; ob quam causam Sedis Apostolicae communionis Theophilum ejus praedecessorem expertem fecerat. Sed non permisit Deus, cum qui recti quadam specie deceptus fuit, in eodem diutius errore versari; quin eum caelitus per visum admonuit. Quomodo id acciderit: recitatis his litteris nuper redditis, subdit ista Nicephorus¹:

61. « Haec quidem Cyrillus de sacro Chrysostomo, et scripsit, et sensit praesumptae opinioni inserviens, quam dudum patrum suum Theophilum secutus conceperat. Quoniam vero dissidium hoc quidem ex zelo, quamvis non secundum scientiam non autem ex invidia, neque diabolica contentione manavit: non oportere virum et doctrina, et virtute praestantem, hac via in re claudicare, quominus ad summam perfectionem perveniret, Deo visum est. Homines enim illi erant, et humanis affectionibus obnoxii. Quapropter aliquanto post Cyrillus cum magno illo viro etiam post ejus mortem in gratiam rediit, erroremque suum correxit, cum tum nullis aliis concitantibus, tum maxime Isidoro Pelusiota, nunc reprehensione, nunc admonitione

¹ Niceph. l. xiv. c. 28.

eum cohortante ». Extant ipsius Isidori ad Cyrillum eo argumento conscripte litteræ, scitæ quidem et perjurandæ, quæ sic se habent ¹ :

62. « Terrent me divinarum Scripturarum exempla; et tamen quæ necessaria sunt, compellor dicere, et scribere. Sive enim pater sum, ut ipse dicis: Heli ² condemnationem metuo, quia peccantes filios non coneruit. Sive filius tuus sum, sicut magis scio: pœnam Jonathæ ³ formido, qui patrem non prohibuit ventriloquam requirentem; et prior illo qui peccaverat, quia non prohibuit quod potuerat, in bello defunctus est. Ut ergo et ego non judicer, ipseque non judicris a Deo: depone contentiones ob injuriæ propriæ ultionem, quam tibi a mortuo deberi putas; ne viventem Ecclesiam dissipet, ut æternam dissensionem ei sub pietatis prætextu concinnes ». Recitat eandem Nicephorus ⁴, estque inter alias Isidori ⁵ Epistolas nuper easas.

63. Quomodo autem per visum idem Cyrillus ad meliorem frugem fuerit restitutus, hæc ab eodem accipe ⁶: « Non solum enim litteris Isidori, sed et divina etiam et secretiore quadam revelatione accedente, correxit. Videre nanque (inquit) visus est, se ipsum sacris ædibus expulsum a Joanne, comitatu, et divino quod circa eum erat satellitio maxime freto, et Matrem Domini pro ipso deprecantem; atque cum multa etiam alia, tum illud præcipue, quod pro ipsius gloria plurimum ille decertarit, sicuti dicitur, referentem, ut in sacra templa reciperetur, orare. Hanc visionem cum S. Cyrillus cogitabundus animo secum volveret, se

ipsum, quod in sanctum virum invecus esset, damnavit: et deinde ipse quoque, re cognita, Ecclesie Chrysostomi addictus, virum cum admirandis est; valdeque ipsum, quod contra illum imprudens prorsus irritatus fuerit, penituit. Proinde diversum omnino a priore consilio faciens, Synodum provinciale cogit, et Joannis nomen simul et ipse, et reliqui magnarum sedium antistes in sacro Albo proposuerunt ». Hæc de reddito per Cyrillum Joannis nomine in Diptycha ex Nicetâ Nicephorus.

64. Haud dubium divina eum oportuit visione admonitum, qui adeo se ea in re hactenus retractarium exhibuerat. Subdit vero ex eodem auctore ista Nicephorus: « Illi vero minus vere dicere videntur, qui Cyrillum libros alios magni Patris abolevisse perhibent. Nam si qua scripta ejus abolenda erant; hæc quæ adhuc extant, quod consilium institutumque ejus in eis maxime expressum est, abolita oportuisset: nisi Deus utilitatis hominum curam gerens ea conservasset ». Sed potuit fortasse Cyrillus, quæ apud se essent scripta Chrysostomi, incendio damnasæ: quæ vero penes alios plures plura reperirentur exemplaria, laud vatuit. Subdit Nicephorus: « Hoc cum in arcana Nicetæ philosophi (qui et David dictus est) historia et apud alios item invenerim, operi huic meo inserendum esse quoque duxi: ne cui ambigere in mentem veniat, quomodo tanta luminaria inimicitias mutuas exercentia, ambo ad summam sanctitatem pervenerint, et Ecclesie columnæ extiterint, inimicitias hujusmodi nullum illorum gloriæ detrimentum afferentibus ». Hactenus auctor. Hæc quidem hoc anno ipsius Cyrilli sedis exordio cœpta, in sequentem quoque annum esse propagata videntur.

¹ In Append. ad Liberat. diacon.—² 1. Reg. II.—³ 1. Reg. XXVIII.—⁴ Nicep. I. XIV. c. 53.—⁵ Isid. I. I. ep. cccclxx.—⁶ Nic. I. XIV. c. 28.

Anno periodi Græco-Romane 5905. — Jesu Christi 412. — Innocenti papæ 12. — Honorii 20. et 18. Theodosii Jun. 11. et 5.

4. *Quinquennialia Theodosii*. — Coss. *Honorius* Aug. IX et *Theodosius* Aug. V, hic propter *quinquennialia* imperii post mortem patris suscepti, ille quia anno præcedenti, quo *vicennialia* dedit, consulatum in præsentem annum distulit.

2. *Donatarum audaciam reprimit Honorius*. — A num. 1 ad 4. Cum pendente Collatione anno superiori habita, *Marcellinus* tribunus et in ea notarius cognitor, *Donatistis* qui ad eam sese venturos pollicebantur, mera gratia absque imperiali præcepto Ecclesias ad diem sententiæ usque indut-

sisset (ideoque eis eas cum omni jure suo, quæ a Catholicis juxta præceptum imperiale retinebantur, reddi jussisset; quod ex ejus edicto liquet in Actis Collationis, et ex Augustino in Breviculo collat. in princ.); tandem ultima definitione ab eo damnati Donatistæ, eas rursus Catholicis tradere sine ulla dilatione jussi sunt. Quin imo *Circumcellionum* insania et insolentia reprimi jussa: et in fine sententiæ seu edicti oblationes, et largitates in Ecclesias Donatarum factas, episcopis Catholicis tradi *Marcellinus* jussit. Verum cum huic sententiæ ubique

paritum non fuisse, Honorius hoc anno *III kalend. Febr.* dedit legem Cod. Theod. 52 *De hereticis* a Baronio recitata, qua septem rationibus Donatistas ad fidem Catholicam traducere, eorumque pernix institutum frangere studuit. Prima deducitur a metu damni pecuniarii; secunda a conductoribus et procuratoribus in eos excitatis, ut illos deducerent; tertia ab eorum uxoribus; quarta a bonorum proscriptionis metu post contumaciam: quinta a Dominis in servos et colonos concitatis, ut hos verberum crebriore ictu a prava religione revocarent. Sexta a clericis in exilium missis. Septima ab Ecclesiis et Donariis Catholicæ Ecclesiæ vindicare iussis. Has pœnas Gothofredus in hujus legis Commentario Augustinum in Epistola ad Bonifacium comitem CLXXXV, alias L, cujus partem refert Baronius, indicare docte ostendit. Ea autem Epistola anno CDXV, ut infra videbimus, data, *conductorum* nomine intelligit imperator emphyteuticarios, qui locum prebent in alienis prædiis, ut in iis Donatistæ mysteria sua celebrarent.

3. *Donatistæ post Collationem ferocius sevirunt.* — A num. 4 ad 9. Epistola sancti Augustini CXXXIII, alias CLIX, recte a Baronio hoc anno collocata; cum enim *Donatistas* post Collationem Carthaginensem contumaces pleci vellet *Honorius*, ob idque die xxx Januarii legem mox memoratam emisisset, Donatistæ insurgere vehementius in Catholicos, et ferocius seviræ cœperunt. Audito vero homicidio in *Restitutum* presbyterum commisso, et cæde *Innocentii* presbyteri ab eis patrata, *Augustinus* enixe rogavit Marcellinum, ne iis mortis pena infligeretur. Epistola etiam CXXXIX, alias CLVIII, ad Marcellinum post superiorem data est occasione seclerum a Donatistis admissorum, ut scite Baronius habet. Verum Epistola Augustini c ad *Donatum proconsulem*, alias CXXXVII, cujus meminit Baronius num. 6, data exente anno CDVIII, vel insequentis initio. Nam Honorius anno illo *VIII kalend. Decemb.* dedit legem 44 Cod. Theod. *De hereticis*, quam inscripsit *Donato*, qui, ut ex leg. 49 ejusdem Cod. *De penis* eodem anno data constat, proconsul erat Africae. Agit enim Augustinus in ea Epistola apud Donatum proconsulem. ut «cito per ipsius edictum noverint hæretici Donatistæ, manere leges contra errorem suum latas, quas jam nihil valere arbitrantur et jaclant»; laudata vero lex *De hereticis* Donatistas supplicio affligi jubet. Quare docte Gothofredus in illius legis Commentario tradit, hanc Epistolam ad hujus legis interpretationem omnino pertinere. *Silicone* siquidem eo anno interfecto, novæ per Donatistas turbæ excitatæ, quasi eo mortuo legibus soluti essent; ideoque ad eorum commentum dissipandum leges ab Honorio eo anno, et sequenti in eos late. Decepit Baronium inscriptio Epistolæ Augustini CXXI, alias CXXXVIII ad *Donatum exproconsulem*; in codice enim, quo usus est, legebatur ad *Donatum proconsulem*. Quare eæ litteræ duobus diversis annis ab Augustino ad *Donatum* scriptæ; et ultima quidem ante diem xxv mensis Junii anni

CDX, ut liquet ex lege ad Macrobinum Africae proconsulem eo die data, qui ideo Donato in præfectura Africae successerat. In ea Epistola Augustinus *Donatum* exproconsulem hortatur, ut abjecto omni fastu sectetur Christum, atque ad Ecclesiæ Catholicæ communionem suos afflicta. Quoad Epistolam Augustini CXXXIV, alias CLX ad *Apringium judicem*, qui Marcellini frater erat, recte a Baronio collocata; eodem enim tempore, eademque de re scripta ac Epistola CXXXIII, ex qua et constat, *Apringium* proconsulem tunc fuisse, quem Augustinus rogat, ut *Circumcelliones* Africae confessos mitius puniat.

4. *Augustinus incipit libros de Civitate Dei.* — Sed duæ Augustini Epistolæ ad Macedonium CLIII et CLV, alias LIV et LI, a Baronio num. 7 memoratæ, scriptæ sunt circa annum CDXIV, ut videre est apud Patres Benedictinos in editione operum Augustini. *Macedonium* enim in Epist. CLIII, num. 3, asserit se nondum recepisse, quæ ipsi Augustinus de suis scriptis promiserat, rogatque, ut ea demum transmittat. Tum in Epistola CLV, alias LI ad Augustinum data, hinc renuntiat sese receptos ejus libros perlegisse. Hinc autem libros, quæ ipsi Augustinus CLV, alias LI Macedonio datam inspexerit, intelligit esse libros tres priores Operis de Civitate Dei, qui anno CDXIII prodierunt, et quibus quartum et quintum librum Augustinus addidit anno CDXV, juxta Epistolam CLXIX, alias CL ad *Evolium* scriptam, post perfectum scilicet librum de *Natura et Gratia*, eodemque anno, quo librum IV et V de *Civitate Dei*, duasque ad Hieronymum Epistolas CLXVI et CLXVII, alias XXVIII et XXIX dictaverat, ut ipsemet profiteretur in eadem ad Evodium Epistola num. 1 et 13. Ex his corrigenda quæ habet Baronius anno CDX, num. 43, de tempore librorum de Civitate Dei a sancto Augustino inceptorum: Baronius num. 8 existimat, Augustinum hoc anno scripsisse librum, cui titulus *Breviculus Collationis*, aliumque inscriptum *post Collationem ad Donatistas*, de quibus vide dicta anno superiori num. 4.

5. *Concilium Cirtense.* — A num. 9 ad 16. *Augustinus* scripsit hoc anno Epistolam CXLII, alias CII ad populum factionis Donatianæ, quomodo illorum episcopi in Carthaginensi Collatione convicti sint; hortaturque, ut nunc demum redeant ad Ecclesiæ Catholicæ communionem. In fine alii, se ea ad eos scripsisse XVIII kal. Julias *piissimo Honorio Augusto IX*, id est, consule, ut etiam vitium exemplaris Vaticani recte correxit Baronius, ideoque *Concilium Cirtense*, aut *Zertense*, ut aliqua Augustini exemplaria habent, hoc anno habitum; cum ea Epistola scripta sit nomine episcoporum, qui ei interfuerunt. Eidem præedit *Sylvanus*, qui primus ex episcopis nominatur his verbis: *Sylvanus severæ*. Is cap. 18 Collat. I, his verbis litteras subseripsit: *Sylvanus primæ sedis provincie Numidiæ subseripsi*. Quare recte Baronius *Xantippum* prinalem Numidiæ ante Sylvanum posuit; ille enim anno CDII jam Numidiæ primas erat, ut alio loco ostendi.

6. *Colloquium Tiburcense ante annos XV*

habitu. — Quoad *Tiburcicense* colloquium cum Fortunio episcopo Donatista illud ante annos circiter xv habitum. Pertinet enim ad annum cccxcvii, ut tardius ad annum cccxcviii incipientem, ut demonstrant Em. card. Norisius lib. 2 Hist. Pelag., cap. 8, et Patres Benedictini in ordine Chronologico Epistolarum divi Augustini, ad Epistolas xliii et xliii, alias clxii et clxiii. Cum itaque Tiburcico Augustinus pergeret, ut habet Epistola xliii, n. 1, id iter agebat, non quidem, quod putavit Baronius, occasione *Synodi Cirtensis*, sed episcopi ordinandi causa eo vocatus, ut disertis verbis ipse testatur Augustinus in eadem Epistola cap. vi, num. 13. Porro sufficiens erat successor, si non ipsi *Fortunato*, qui anno cxcvi Cirtensem Ecclesiam adhuc regebat, cum Milevitane Synodo subscripserit, certe *Profuturo*, qui episcopatum anno cccxciv aut insequenti adeptus brevi post tempore defunctus est. *Profuturo* autem successit ipse *Fortunatus*, cujus ordinatio ultra initium anni cccxcviii vix remitti potest, ut scriptores laudati ostendunt, qui plura hac de re habent.

7. *Epistola Augustini ad Honoratum*. — A num. 20 ad 27. Anno superiori num. 13 ostendimus Augustinum, hoc anno scripsisse Epistolam cxi, alias cxx ad Honoratum *De questionibus quinque*, quas hic ei proposuerat. Legenda que ibidem hac de re diximus.

8. *Concilium Carthaginense adversus Cælestium*. — Epocha Concilii *Carthaginensis*, in quo *Cælestius* Pelagii discipulus damnatus est, accurate a Baronio constituta; sed ejus narratio nobis hic supplenda. Postquam *Pelagius* Hierosolymam profectus est, *Cælestius* hæresim palam predicare cepit, deprehensusque apud Aurelium primatem Carthaginensem, aliosque episcopos accusatus est. Quare *Aurelius* mox Concilium coegit, cui quidem multi episcopi interfuere, non tamen Augustinus, quia post Collationem anno superiori habitam Hipponem profectus nondum Carthaginem redierat. Testatur hoc ipsemet Augustinus lib. 2 *Retract.*, cap. 33. ubi ait: « *Cælestius* vero discipulus ejus jam propter tales assertiones apud Carthaginem in episcopali judicio, ubi ego non interfui, excommunicationem meruerat ». Sed idem Augustinus in libro de Gestis Pelagii Aurelio Carthaginensi episcopo dicato cap. 23, postquam retulit quæ Pelagio objecta fuerant, ait: « *Itæc* ita objecta sunt, ut etiam apud Carthaginem a sanctitate tua et ab aliis tecum episcopis dicerentur audita atque damnata. Ubi quidem, ut recolis, ipse non fuit, sed postea cum venissem Carthaginem, eadem gesta recensui, ex quibus aliqua memini ». Is tamen nihil eorum ad nos transmisit, præter fragmentum et partem libelli a Cælestio Romæ editi, gestisque Ecclesiasticis ab eodem allegatis.

9. *Ob Dogmata vii damnatur*. — In Concilio stetit adversus Cælestium *Paulinus diaconus*, qui eum defuderat ad Aurelium. Hunc Paulinum esse illum, qui sancti Ambrosii vitam elucubravit, recte

subodoratus est Baronius; id enim disertis verbis tradidit Marius Mercator in Commentorio super nomine Cælestii Theodosio Aug. inscripto, ubi et inquit cum Paulinum accusasse, « tanquam hæc non solum ipse doceret, sed et per provincias conspirantes, sibi diversos, qui hæc per populos disseminarent, misisset, id est, Adam mortalem factum: qui sive peccaret, sive non peccaret, moriturus fuisset. Quoniam peccatum Ade ipsum solum læsit, et non genus humanum. Quoniam parvuli qui nascuntur, in eo statu sunt in quo Adam fuit ante prævaricationem. Quoniam neque per mortem, vel prævaricationem Adæ omne genus hominum moriatur, neque per resurrectionem Christi omne hominum genus resurgat. Quoniam lex sic mitit ad regnum cælorum, quomodo et Evangelium. Quoniam et ante adventum Domini fuerunt homines impeccabiles, id est, sine peccato. De quibus omnibus capitulis suprascriptis, septem paribus Synodaliū gestorum Patres et episcopi regionis illius resisterunt Cælestio, et jusserunt ut eadem condemnaret, quia essent hæretici sensus ». His sex capitulis deest septimum, quod tamen ipsemet Mercator in Commentorio adversus hæresim Pelagii his verbis exprimit: « Quoniam infantes etiam si non baptizentur, habeant vitam æternam ». Sed apponenda virgula post hæc verba. *Capitulis suprascriptis*, uti a nobis factum, quia Mercator denotat adversus *Cælestium* capitula pari numero confecta fuisse. Porro ad capitulum ii et ad tertium *Cælestius* ea neque confiteri ausus est, neque rursus voluit inficari, sed ejusmodi questiones in utranque partem disputari posse dixit; cum plurimos, ut aiebat, ex ordine presbyterorum, atque in his maxime *Ruffinum* sancti Pammachii convictorem nosset, qui originis peccatum negarent. Addit tamen se semper dixisse, infantes egere Baptismo, ut Augustinus lib. 2 de peccato originali cap. 2 testatur, cujus verba Baronius recitat.

10. *Cælestius Ephesi suam hæresim docet*. — Cælestius a Synodi sententia ad Apostolicam Sedem appellavit, ut Mercator in Commentorio de nomine Cælestii his verbis declarat: « Sed Cælestius nullo modo acquiescens, quin imo resistens Actis iisdem, quibus frequenter auditus est, Ecclesiastica communione privatus est; a qua sententia ad Romani episcopi examen credidit appellandum. Qua mox idem ipse appellatione neglecta, Ephesum Asiæ urbem contendit, ibique ausus est per obreptionem locum presbyterii petere; quæ appellatio ab eo interjecta, non tantum ut latam contra se sententiam declinaret; sed etiam ne uti hæreticus palam traduceretur. Multos *Ephesi* docuit hæresim *Cælestius*, quorum ope vicinas insulas infecit, sed *Rhodium* maxime, ut scribit Hieronymus in *Præfat.* lib. 4 in *Jeremiam*. Sed cum *Ephesi* non se continerent Cælestiani, Catholici merito commoti illos per tumultum ejecerunt, ut ex his Prosperi in *Carmine de Ingratis* versibus deducit Garnerius in *notis ad Mercatorem*.

Prætereo quanto fuerit bene nota tumulu
Clara Ephesos, non passa suis consistere lectis
Vasa iræ et morbo flatus, et semina mortis.

Quibus nominibus significati videntur, et ii qui errorem imbiberant, et ii qui veluti contagione inticiebant alios, et ipsum maxime *Cælestium* primum mali pestiferi auctorem. Quæ contigisse existimandum quatuor illis annis, qui a præsentis ad cxxvi, quo Pelagianorum causa iterum examinata, efflueret.

11. *Hierosolymis moratus non est.* — Utrum aliquando Hierosolymis *Cælestius* moratus sit cum Pelagio, in dubium venire potest propter hæc Orosii verba in Apologia cap. 2 : « Stat etiam immanissimus superbis Goliath carnali potentia tumidus, omnia per se posse confidens, caput, manus, totum insuper corpus plurimo apparatu vestitus, habens post se armigerum suum, qui etsi ipse non dimicat, cuncta tamen ei deferri sulfragia subministrat ». Multi enim *armigeri* nomine *Cælestium* intelligunt. Verum Mercatoris auctoritas, inquit Garnerius citatus pag. 142, in contrarium facit, qui cum *Cælestii* fugam ex Africa, peregrinationemque consecutam describeret, non meminit Hierosolymorum; cum tamen maxime debuisset, sive propter societatem *Pelagii*, sive ob res gestas in Concilio Diospolitano. Certe Hieronymus nunquam fecit mentionem *Cælestii*, velut hominis a se visi; neque ullus sive in Conventu Hierosolymitano, sive in Synodo Diospolitana sermo habitus est de *Cælestio*, tanquam de præsentis, aut etiam de eo, qui, cum in provincia consisteret, facile posset evocari. Atque hinc egregie refellitur causa dubitandi mox allata; loquitur enim Orosius de armigero *Pelagii*, qui præsens foret; aberat vero *Cælestius*.

12. *Pelagius hæresim suam disseminat.* — Parte altera *Pelagius*, qui anno superiori Hierosolymam profectus est, suos sibi discipulos ibidem facere, perinde ac aliis in locis incepit, imo, et *Joannis* episcopi Hierosolymitani gratiam aucupari. Illum *Joannes* benigne excepit, quod adversus *Hieronymum* opportuno præsidio sibi futurus videretur. Unde *Pelagius* editos a divo Hieronymo in Pauli Epistolam ad Ephesios, Commentarios carpere cepit. Hieronymus vero Commentariis in Ezechielem absolutis, *Jeremiam* Prophetam novis expositionibus illustrandum suscepit; prima enim prioris libri Præfatio anno sequenti edita videtur, quo scilicet *Pelagius* Commentarios in Epistolas Pauli in Oriente vulgabat.

13. *Hæresis Pelagiana primum a Sede Apostolica damnata.* — Non facile est explicare versus *Prosperi* in Carmine de Ingratis a Baronio num. 26 recitatos, Sedem scilicet Apostolicam primam fuisse que damnaverit Pelagianam hæresim; cum eam *Aurelius* quinque ante annis, præsentis scilicet, proscripserit. Baronius confugit ad *Jovinianum*, Rufinique condemnationem ab Innocentii prædecessoribus factam, quasi sterculis in radice exsitis a *Prospero* dictus sit. Verum *Prosper* de alia longe

diversa a posteriore condemnatione locutus videtur, de ea nempe quæ excepit sparsam a Britanno colubro venenum, et quæ tunc fieret,

Talia cum demens late diffunderet error
Commentisque rudes traheret lethaliibus aures, etc.

Opinatur itaque Garnerius citatus pag. 9 noluisse *Prosperum* prius a Sede Apostolica damnatam hæresim, quam ab aliis episcopis, id enim aperte falsum: sed facta Collatione inter Occidentem et Orientem, hinc a prima Petri Sede, quæ Romæ est, inde ab Orientalibus Patribus, qui apud Diospolim congregati, eam compressere. Facundus vero lib. 7, cap. 3, quando de Innocentio ait : « Pelagianam hæresim primum condemnavit », manifeste intelligit *Innocentium* fuisse primum ex Summis Pontificibus qui Pelagium condemnavit.

14. *Judicium Synodi Carthaginiensis privata in Cælestium censura fuit.* — Marca in dissert. de Vet. Collect. Canonum cap. 45, alio modo hanc difficultatem solvit, et arbitratur a Sede Apostolica primum *Pelagii* atque *Cælestii* dogma proscripsum, tanquam fidei Catholice contrarium, generali decreto. Sane Carthaginensis Synodus hoc anno reputat *Cælestium* a presbyterio, et ab Ecclesie communiõne, quod errores illos spargeret. Sed hæc erat privata in eum hominem censura, quam ille appellatione ad Romanam Sedem sese elusisse putabat; ipsique adeo Africani ad eam referendum tunc quoque consueverant; a qua proinde lotius rei definitio expectabatur. Itaque *Prosper* non immerito Romanæ Sedi primam Pelagianæ hærescos damnationem tribuit his versibus loco citato.

Pestem subeuntem prima recidit
Sedes Romæ Petri que pastoralis honoris
Facta capul mundo, quidquid non possidet armis,
Religione tenet. Non senio inde Orientis
Rectorum cura eminent.

Hic agitur de damnatione ab Innocentio edita, et de nulla alia; ne quis cum Baronio referat ad sententiam *Sirievii* adversus *Jovinianum*; qui licet Pelagio præcisè videri posset, teste Hieronymo, hic tamen de Pelagiana hæresi loquitur *Prosper*, et de iudicio Innocentii, quod postea *Zozimus* secutus est.

15. *Explicatur locus Prosperi de Pelagianorum damnatione.* — Enimvero non leve viris eruditus negotium facessit, prosequitur *Marca*, quod subjungit *Prosper*, Palæstinorum episcoporum in Oriente iudicio, id est, Synodi Diospolitane, dogma quoque Pelagianum condemnatum; quod cum actum fuerit anno cxxv, et rescripta Innocentii ad Synodos Africanas promulgata sint anno cxxvii, primi videntur episcopi illi hæc de re decrevisse. Sed facilis est responsio. *Pelagium* illi non condemnarunt, absolverunt per ignorantiam facti: et quamvis gratiam Christi probarent, seque illius vindices gererent, non damnaverunt ignotos sibi per

Pelagii versutium errores. Eorum itaque cura profuit Ecclesiae ad ascendendam gratiam, sed nullo eorum decreto haeresis ignota proscribi discrete potuit. Gravior est quae procedit ex unico apud Proserpium verbo difficultas, a qua se eruditissimus Pelavius expellere non potuit. Videtur enim significare post damnatam *Pelagii* haeresim, in Oriente Paestinos episcopos iudicasse, *Inde Orientis rectorum cura emicuit*, cum certum sit iudicium Diospolititanum antecessisse duobus annis Romani Pontificis decretum. *Inde*, hoc in versu, non tempus, ut putant, sed locum significat. Scribat Prosper in Occidente, et habita ratione climatatum ait, *Inde Orientis rectorum cura emicuit*; ac si diceret: *Hinc* in Occidente pestis adversus Gratianum recisa est, et *Inde* in Oriente ejus quoque rei curam gesserunt episcopi Paestolini. Quae omnia ex Marca excerpta.

46. *Augustinus scribit librum de spiritu et littera.* — Augustinus hoc anno scripsisse librum *De spiritu et littera* ad Marcellinum, nunc inter omnes convenit. Is enim scriptus post libros *De peccatorum meritis* qui ad hunc annum pertinent, ut anno superiori num. 14 ostendimus, et ante mortem Marcellini, mense Septembri sequentis Christi anni occisi. Ejus principio innumera, quae neque extirpare, neque extabunt unquam, tamen maxime esse possibilia Augustinus demonstrat: Inter alia « legas, inquit, fieri potuisse, ut semel gentes exterminarentur a terra, quae dabatur filiis Israel, Deum tamen paulatim fieri voluisse: et alia sexcenta possumt occurrere, quae fieri vel potuisse, vel posse fateamur, et eorum tamen exempla quod facta sint, proferre nequamus ». Verum cum reponere posset *Marcellinus* exempla illa in operum divinorum numero censenda esse, iustitiae vero perfectionem in homine ad opus ipsius hominis perfinere: hoc Augustinus quidem agnoscat, sed simul eam perfectionem opus esse divinum contendit, indeque occasione accepta de adjutorio gratiae Dei disserit.

17. *Lex Honorii adversus Donatistas.* — Honorius dedit legem 53 Cod. Theod. *De haereticis* prid. non. Mart. Mediolani, in *Jovinianum* haereticum, qui jam inde ab anno cccxc Mediolanensi urbe profugus ad diocesim Romanam Urbis sese contulerat, ibidemque extra muros ejusdem Urbis conventus agebat. Jubet ergo imperator, eum in insulam *Boam*, quae in Dalmatia sita, exiliis hoc tempore famosa erat, deportari, plumbatis prius caesum: ac ministris ejus et participes in alias pariter insulas inter se diversas.

18. *Lex Honorii qua haereticorum coetus prohibentur.* — A num. 27 ad 32. In Codice Theodosiano lex 56 *De haereticis* Heracliano comiti Africae inscripta, qua coetus ritusque haereticorum Honorius imp. per Africam rursus prohibet, dicitur *dat. VIII kalend. Septemb. Honorio X et Theod. VI AA. coss.*, ideoque anno cxxv. Et tamen Heraclianus, cui ea inscribitur, anno sequenti caesus est: quare Baronius hanc legem ad hunc annum referendam existimavit, id est, *ad Honorium IX et Theodosium V*

AA. coss. Verum Gothofredus in ejus Commentario rectius censet, nihil mutandum esse: nempe Heracliano tyranno caeso, et memoria ejus aboleri jussa, Donatistae et eam simul legem, quae ad *Heraclianum* anno cxx adversum se lata fuerat, id est, legem 51 *De haereticis*, pariter infirmam et infirmatam jactasse videntur: haud aliter atque gesta sub *Marcellino* post ejus mortem irrita buccinabant. Quare *Honorius* recantari hanc legem voluit, et in Africa proponi, cum eadem inscriptione ad *Heraclianum*, ut illa Donatistis liqueret, quamlibet infirmatis aliis sub Heracliano gestis, non ideo tamen eam legem 51 *De haereticis* infirmatam: multumque interesse inter ea quae ipse gessisset, vel etiam a privatis sub eo gesta, a publicis atque imperatoriis gestis, atque adeo constitutionibus ad eum directis.

19. *Lex Honorii qua Privilegia clericorum confirmantur.* — Porro idem imperator hoc anno *VIII kalend. Jun.* dedit legem 40 Cod. Theod. *De episcopis*, qua immunitatis nominatim ab extraordinariis et sordidis muneribus Ecclesiarum privilegia confirmavit, recensu eorum facto. Tot enim legibus ad hanc rem opus fuit, publicis necessitatibus hujus seculi hoc flagitantibus. Declaravit itaque Ecclesias immunes esse a sordidis muneribus; ab itinere nunciando, ab extraordinariis superindictivae; a pontium instauratione; ab auri similitudine collatione, a translationum sollicitudine. Denique non nisi canonicas illationes et pensationes praestare Ecclesiam, nullas adventitias. Legendus Gothofredus in Commentario, ubi haec omnia egregie exponit, sicuti et legem 41 *De episcopis* hoc anno *III id. Decemb.* emissam.

20. *Initium regni Gothorum in Galliis.* — A num. 32 ad 38. Prosper in Chronico scribit: « Gothi rege Athaulpho Gallias ingressi »; quod et Cassiodorus in Chronico habet. Athaulphus Alarici successor, postquam Italiam devastavit, in Gallias venit. ibique confirmato regno substitit. Quare ab hoc anno initium regni *Gothorum* in Galliis inchoatum. Hi vero Gothi *Vesegothi* appellati, id est, Occidentales ac occidui.

21. *Gothi Gallias devastant.* — A num. 38 ad 41. Pseudo-Proserp. in Chronico imperiali ad annum Honorii imp. xvii currentem scilicet, scribit: « Rursus alia praedatio Galliarum, Gothis, qui Alarico duce Romam ceperant, Alpes transgradientibus ». Quare Adaulphus qui Alarico successerat, hoc tantum anno in Gallias venit, in easque nullas calamitates intulit, ut Baronius ex Prospero in Prologo libri de Providentia Dei, et ex Paulino in Carmine Eucharistico accurate explicat.

22. *Paulinus Ausonii nepos floret.* — Porro Paulinus iste, non erat filius sororis *Ausonii* notissimi et nobilissimi Aquitaniae poetae, ut Baronius opinatus est, nec etiam filius *Hesperii* ejusdem *Ausonii* filii, ut putavit Sirmondus in Notis ab lib. 7, Ep. xi Sidonii Apollinaris; sed *Ausonii* ex filia nepos fuit, nomine *Ausonii Paulinus* vocalus. Auso-

nus enim in Praefatione Eidyllii, ut notat Caspar Barthius in Animadvers. ad Paulini Eucharisticon, ait: «Ansonius Hesperio filio: Libellum meum, quem ad nepotulum meum, sororis tuae filium, instar protreptici luseram, venturus ipse praemisi legendum». Si nepotem ex filia agnoscat Ansonius, quomodo Sirmondus tum Hesperio prognatum dicere potuit; unica enim Ansonio filia fuit; praeterea Ansonius in Protreptico ait:

Hac gradiere via, qua nos praecessimus, et qua
Proconsul genitor praefectus avunculus instat.

Quo loco avunculus est *Hesperius*, ad quem illud Eidyllium Ansonius mittit; alius itaque *Hesperius* a patre Paulini. Hunc vero Africae proconsulem fuisse, docet ipsemet Paulinus in Eucharistico num. 35. Nec obstat, quod in Epistole protreptico praefixa limine Ansonius auctorem Eucharistici *Ansonium* appellet; Paulinus enim utrumque nomen habere potuit, ut variis conjecturis Barthius adstruit. Inter omnes tamen convenit, *Ansonium* avum fuisse Paulini, qui natus est ante diem iduum Septembris, ut Ansonius in Genethliaco ad eum scripto v. 27 indicat, idque tertio anno ante consulatum Ansonii, ut in Eucharistico Paulinus v. 49 docet, ideoque anno Christi cccxxvi: Ansonii enim consulatus in annum cccxxix incidit. Cumque Paulinus *Eucharisticon* octogenario major scripserit, ut ipsemet v. 12 prodit, liquet Opus illud dcxvi versibus constans anno Christi cdxv vulgatum esse.

23. *Moritur Theophilus episcopus Alexandriae*. — Ad num. 41 et seqq. Socrates lib. 7, cap. 7, de Theophili episcopi Alexandrini morte loquens, ait eam accidisse τῆ πεντακαιδέκτῃ τοῦ ἁπτοβῆριος μηνός, id est, *idibus Octobris*, vel hodierno loquendi modo, die xv Octobris. Nec in Notis ad eum locum Valesius aliam lectionem extare memorat. Et tamen Christophorus in sua versione latina habet, Theophilum die xv kal. Novembris vita functum esse; sed illud errori typographi attribuendum. In Historia Patriarcharum Coplitarum dicitur *Theophilus* se-

disse annos xxvii, dies lxxxvii. Sedem autem inerat die vicesima Julii anni Christi cccxxxv. Quare Auctor anonymus illius Historiae sedis Theophili tempus accurate supputavit; cumque asserat Theophilum mortuum esse die xv Babae, qui diei xv Octobris nostri respondet, diem illum emortualem exclusit. Praeterea Socrates subiungit, «tertio post obitum Theophili die» Cyrillum ordinatum esse, ideoque die decima octava Octobris, in quam festum sancti Lucae Evangelistae incidebat.

24. *S. Chrysostomus in diptycha relatus*. — Nicephorus lib. 14, cap. 6, exhibet Epistolam Attici episcopi C. P. ad Cyrillum episcopum Alexandrinum datam de inscribendo sancti Joannis Chrysostomi nomine in Sacris diptychis. Eam Epistolam recitat Baronius num. 47 et seqq. Id tandem praestitit Cyrillus, sed non nisi postquam divina visione admonitus est. Cum vero Atticus in sua Epistola scribat, «religiosissimum antistitem Antiochia Theodotum a populo, ut nomen Joannis in Fastos referret, coactum esse», et Baronius existimaret, *Theodotum* anno superiori sedem Antiochenam adeptum, presenti anno divum Chrysostomum in diptycha relatum, et utramque, aliasque quas in eandem rem recitat literas, datas credidit. Verum eae anno cdx scriptae, eodemque Chrysostomi nomen in mysticis tabulis ab Attico inscriptum. Theophanes enim anno incarnat. secundum Alex. cdxii kal. Septemb. anni Christi cdxix inchoato, scribit: «Hoc anno Atticus episcopus extra Ecclesiam conventus celebrantes conspicatus, Joannis Chrysostomi nomen ex Ecclesiae diptychis memorari precepit: unde et plures hoc pacto Ecclesiae restituit». Theodotum ante annum cdxix Ecclesiam Antiochenam non administrasse, certis infra argumentis demonstrabo. Bollandus ad diem viii Januarii in Elogio Historico sancti Attici episcopi CP. paragrafo vi putat, circa annum Christi cdxix id contigisse, quod Cedrenus in Chronico testetur, id factum anno xiv Theodosii, quem a kalendis Septemb. anni Christi cdxix inchoat. Sed Theophanis longe major hac in re fides, quam Cedreni.

INNOCENTII ANNUS 12. — CHRISTI 413.

1. *De Heracliani consulatione, et tyrannide.* — Qui sequitur annus Christi decimus tertius supra quadringentesimum, unius tantum Lucii consulatione in Fastis reperitur adscriptus, necnon in rescriptis imperatorum : Quod quidem accidisse scias, non quod præter consuetum morem unus duntaxat consul creatus fuerit ; sed quod ejus collega, qui fuit Heraclianus comes in Africa, tyrannus evasit : cujus rei gratia expunctum est ipsius nomen e publicis monumentis ; quod vidimus superius alias factum, cum abolito eadem ob causam Rullini nomine, solus sine collega relictus est Theodorus.

2. De consulatione enim Heracliani assertores sunt Orosius atque Prosper, suorum temporum ambo scriptores : nam hic in Chronico sic habet : « Hujus collega (nempe Lucii) in consulatione fuit Heraclianus (non Herodianus ut plerique codices legunt) qui novarum in Africa rerum reus, et honorem amisit et vitam ». Orosius item hæc de ipso habet ¹ : « Heraclianus interea Africae comes missus (eo magistratu ab Honorio donatus, quod Stiliconem interfecisset) cum idem Attalus umbram gestaret imperii, Africam strenue adversum duces (judices) ab eo missos tutatus, consulationem assecutus est : quo elatus supercilio, Sabinum domesticum suum, virum ingenio callidum, industriaque solertem, et sapientem nominandum, si animi vires tranquillæ studiis accommodavisset, generum allegit : cum quo quorundam periculorum suspensiones eum patitur, fecit. Atque aliquandiu Africana amona extra ordinem retenta : ipse tandem cum immensa, certe temporibus nostris satis incredibili classe navium Romanæ contendit : nam habuisse tunc tria millia septingentas naves dicitur ; quem numerum ne apud Xerxem quidem præclarum illum Persarum regem, nec Alexandrum Magnum, vel quemquam alium regum fuisse, historiæ ferunt. Is simul ut agmine militum ad Urbem pergens, litore egressus est, occursum comitis Marini terditus, et in fugam versus, arrepta navi, solus Carthaginem rediit, atque ibi continuo militari manu interfectus est. Sabinus gener ejus Constantinopolim fugit ; unde post

aliquantum temporis retractus, exilioque damnatus est ». Hæc Orosius : porro Heracliani interitum anno sequenti contigisse sub consulatione Constantii, et Constantis, Marcellinus tradit in Chronico. Extat Honorii imperatoris adversus Heraclianum tyrannum hujusmodi rescriptum ¹ :

3. « Heraclianum hostem publicum judicantes, digna censuimus auctoritate puniri, ut ejus resercentur infauste cervicæ. Ejus quoque satellites pari intentione persequimur. Sed hanc omnibus privatis atque militantibus licentiam damus, ut omnes prode in medium habeant liberam facultatem. Nec invidiam meluat, qui ad publicum duxerit criminis : eum illud specialiter caveamus, ne ullus aliquem eorum aut subtrahendum iudicet, autcelandum : neve ex eorum facultatibus vel deposita deneget, vel accepta non prodatur. Dat. III non. Julii, Ravennæ, post consulationem Honorii nonum, et Theodosii quintum ». Ita quidem restituendum pro consulatione decimo Honorii, et Theodosii sexto, qui contigit post sequentem annum : datum enim esse hujusmodi ab Honorio rescriptum hoc anno post fugam Heracliani, satis potest intelligi ex his quæ tum anno superiori, quo rescriptorum consulationes inversos diximus, tum etiam ex his quæ ex Orosio, et Marcellino nuper hoc anno sunt dicta : sed id certius demonstrat sequens ab eodem Honorio imperatore datum de abolendo nomine consulis Heracliani rescriptum ad Adrianum præfectum prætorio ² :

4. « Heracliani vocabulum nec privatim nec publice ulla memoria teneat : ideoque submovenda esse censemus, quæcumque sub eo gesta esse dicuntur. Libertates quoque (quoniam certum est scelere ejus solemnitate consulationis esse pollutam) in melius revocamus : sciatque dominorum voluntas, iterandum esse, quod illo auctore advertit stare non posse. Semel tamen mutata conditionis beneficium implendum esse, præcipimus ; et ita repeti manumissionum consuetudines nunc jubemus, ut nullus sub hac occasione incipiat nolle, quod vo-

¹ L. XXI. de pœnit. C. Theod. — ² L. XIII. de infirm. his quæ sub tyrann. C. Theod.

¹ Oros. l. VII. c. 42.

luit. Dat. III non. Aug. Rom., post cons. Honorii IX, Theodosii V. AA. cons. »

5. *Marcellini, proditione Donatistarum, martyrium.* — Sed quid lugubre accidit post cladem Heraclianam? illud dolendum, quod Marinus dux exercitus trajiciens in Africam, perductus imperii persecutus, Marcellinum illum tribunum, et notarium, cognitorem missum et sequestrem conciliationis inter Donatistas atque Catholicos, virum eruditione spectatum, et pietatem insignem proditione Donatistarum, calumniam passum studuisse parti Heraclianae, occidi jusserit : hoc quidem est quod S. Hieronymus de eo ait ¹ : « Marcellinus sub invidia tyrannidis Heraclianae ab haereticis innocens caesus est ». Sed quinam hi haeretici in Africa, nisi Donatistae in ipsum infensissimi? Ob id igitur titulo martyrii in Ecclesiasticis tabulis referri meruit, et anniversaria memoria honestari : de eo enim ita in Romano Martyrologio VIII id. Aprilis : « Carthagine S. Marcellini martyris, qui ob Catholice fidei defensionem ab haereticis occisus est ».

6. De eo etiam haec Orosius ² : « Marcellinum Marinus comes apud Carthaginem (incertum est, zelo stimulatus, an auro corruptus) occidit. Qui continuo revocatus ex Africa, factusque privatus, vel ad poenam, vel ad poenitentiam conscientiae suae dimissus est ». Haec Orosius. Putaverunt enim Donatistae, una cum Marcellino se extinguere, et aboleri potuisse, quae eo praesente confecta essent adversus ipsos Acta publica : sed Honorius voluit eadem sarta tecta atque firmiter in perpetuum custodita, cum anno sequenti ad Julianum in Africa proconsulem adversus eos ita rescripsit ³ :

« Notione et sollicitudine Marcellini spectabilis memoriae viri contra Donatistas gesta sunt ea, quae translata in publica monumenta habere volumus perpetuam firmitatem. Neque enim morte cognitoris perire debet publica fides. Dat. III kalend. Septembr., Constantio et Constante cons. » Quantum vero Honorio imperatori, Christianoque Senatui displicerit obitus Marcellini; inde accipere potes, quod Marinus ipse dux, qui ob ingentem sine sanguine partam victoriam, atque Africam Romano imperio restitutam, ipsamque Rempub. a saevissimo tyranno liberatam, nobilem fuisset jure consecutus triumphum; Romam reversus, non solum eo privatus est, sed exutus militia, in ordinem redactus, ad poenitentiam pro expiando gravi scelere duntaxat fuit in vita relictus; sed et fuisset vindicæ legum gladio truncatus capite, nisi indecens visum esset, sanguine sontis, insontis martyris ulcisci sanguinem. Sed de Marcellino haec tenes.

7. *Demetriadis virginis præclara facta laudatore Augustino et Prospero.* — Quod rursus ad Heracliani tyrannidem pertinet : ad hanc plane referenda sunt, quæ S. Hieronymus, tacito nomine, de eodem scribit in Epistola ad Demetriadem; quam

quidem hoc ipso tempore datam esse, inde certum deduces argumentum, quod idem S. Hieronymus in eadem Epistola testatur, se ante annum circiter triginta scripsisse Epistolam ad Eustochium de Virginitate, quam ab ipso elaboratam fuisse anno Domini trecentesimo octogesimo tertio, superius suo loco demonstratum est. De Heracliani enim enormibus vitis ex S. Hieronymo superius diximus, cum de Probæ, Julianæ, et Demetriadis in Africam ex Urbe appulsu egimus. Porro hoc tempore contigit ab eadem Demetriade edi egregium Christianæ pudicitiae specimen, cum ipsa virgo oppignerata jam sponso, ex inopinato cum habitu mutans vitæ statum, monastico habitu est professæ vitam monasticam. Quam autem admirandi id fuerit exempli, haud intelliges, nisi in memoriam revoces, quæ de hominū nobilissimo genere ad calcem tomi quarti superius dicta sunt. Didicit hæc S. Hieronymus a clarissimis feminis Gallicanis, quæ fugientes Barbaros anno superiori (ut vidimus) grassantes in Gallias, navigaturæ in Palæstinam ad loca sancta, vi venturum in Africam jactatæ fuerunt. Factum vero egregium a S. Hieronymo ita describitur ¹.

8. « Atunt sanctæ, et nobiles feminae, quæ eam (nempe Demetriadem) viderunt, quæ norunt, quas de littore Galliarum ad habitationem sanctorum locorum, hostium per Africam compulsi sæva tempestas : noctibus et secreto, consciis tantum virginibus Dei, quæ in matris, et aviæ comitatu erant, nunquam eam linteaminum, nunquam plumarum usam molliitæ, sed cilicium in nuda humo habuisse pro stratu, jugibus faciem rigasse lacrymis, Salvatoris mente genibus advolutam, ut suum reciperet propositum, ut impleret desiderium, ut aviæ animum matrisque molliret. Quid ultra differo? Cum jam nuptiarum appropinquaret dies, et futuro matrimonio thalamus pararetur : secreto et absque arbitris, noctemque habens pro solatio, talibus se fertur armas consiliis : Quid agis Demetrias? cur pudicitiam tanto pavore defendis? libertate opus est et audacia. Quæ sic in pace metuis, quid faceres in martyrio perpelendo? Quæ tuorum vultum ferre non potes, quomodo sustineres tribunalia persecutorum? Si te virorum exempla non provocant; horretur, faciatur securam beata martyr Agnes, quæ et ætatem vicit, et tyrannum, et titulum castitatis martyrio consecravit. Nescis, misera, nescis cui virginitatem tuam debeas?

9. « Dudum inter barbaras tremuisti manus : aviæ matrisque sinu et palliis tegebaris : vidisti te captivam, et pudicitiam tuam non tuæ potestatis : horruisti truces hostium vultus : raptas virgines Dei gemitu tacito conspexisti. Urbs tua, quondam orbis caput, Romani populi sepulcrum est : et tu in Libyco littore exulem virum exul ipsa accipies? quam habitura pronubam? quo deducenda comitatu? stridor punice lingue procacia tibi Pescennina cantabit. Rumpæ moras omnes : Perfecta ²

¹ Hier. coat. Pelag. l. III. — ² Oros. l. LXXVII, c. 42. — ³ L. LV. de haeret. C. Theod.

¹ Hier. ep. VIII. — ² 4. Jo. IV.

Dei dilectio foras mittit timorem. Assume ¹ scutum fidei, loriam iustitiae, galeam salutis: procede ad praelium. Habet et pudicitia servata martyrium suum. Quid metuis aviam? quid formidas parentem? forsitan et ipsa velint, quod te velle non credunt. His et aliis compluribus inflammata stimulis, omnem corporis cultum, et habitum saecularem, quasi propositi sui impedimenta projecit: pretiosa monilia, et graves censibus uniones, ardentisque gemmae redduntur serenis: vili tunica induitur, viliori legitur pallio, et insperata aviae genibus repente provolvitur: fletu tantum, et planctu, quae esset ostendit.

10. « Obstupuit sancta, et gravis femina. Proba avia, alienum habitum in nepte conspiciens: mater gaudio stabat attonita: utraque verum non credere, quod verum esse cupiebat: haesit vox faucibus, et inter ruborem et pallorem, melumque atque festitiam cogitationes varie mutabant. Succumbendum est huic loco: neque narrare ageredit, quod dicendo minus faciam. Ad explicandam incredibilis gaudii magnitudinem, et Tullianum fluvium siccaretur ingenii, et contorta Demosthenis, vibrataeque sententiae tardius languidiusque ferrentur. Quicquid potest cogitare animus, quicquid sermo potest explicare illo in tempore factum est. Certatim in oscula nepotis et filiae, mater et avia ruunt: ubertim flere praegaudio, iacentem manu altollere, amplexarique trepidantem: agnoscere in illius proposito mentem suam, et gratulari, quod nobilem familiam virgo virginitate sua nobiliorem faceret: invenisse eam quod praestaret generi, quod Romanae Urbis cineres mitigaret.

11. « Jesu bone, quid illud in tota domo exultationis fuit: Quasi ex radice fecunda multae simul virgines pullularunt: exemplum patronae, et dominæ secuta est clientum turba ac famularum. Per omnes domos fervebat virginitatis professio, quarum cum impar esset in carne conditio, unum erat praemium castitatis. Parum loquer. Cunctae per Africam Ecclesiae quodam exultare tripudio: non solum ad urbes, oppida, viculosque, sed ad ipsa quoque magalia celebris fama penetravit: omnes inter Africam, Italianque insulae hoc rumore repletae sunt, et inoffenso pede longius gaudia cucurrere. Tunc lugubres vestes Italia mutavit, et semiruta Urbis Romae moenia pristinum ex parte recepere fulgorem, propitium sibi existimantes Deum in alumnae conversione perfecta. Putares extinctam Gothorum manum et colluviem perfluguram atque servorum, Domini desperat insonantis fulmine, concidisse: Et paulo post: « Penetravit hic rumor Orientis littora, et mediterraneis quoque urbibus, Christianae gloriae triumphus auditus est. Quae virginum Christi non hujus se societate iactavit? Quae mater non tuum, Juliana, beatum clamavit uterum? » Haec et alia Hieronymus, qui et de virginis dote summa Christo sponso collata subdit:

12. « Fortur, inquit, et omnium Christianorum laude celebratur: quicquid fuerat impijs preparatum a sancta Christi synonide (Proba scilicet ac Juliana) virgini traditum, ne sponso fieret injuria; imo ut dotata pristinis opibus veniret ad sponsum, et quod in rebus mundi periturum erat domesticorum Dei sustentaret inopiam ». Post haec autem S. Hieronymus de ejusdem generis nobilitate plura, quae nos alia occasione superius. Quod vero maxime omnium profuturum virgini existimavit, idem S. Hieronymus ea Epistola ipsam admonuit, ut Origeniana haeresis venena vitaret: cur autem hoc, dicemus postea. Cum vero exordia repetit delatae ex Oriente Romani haeresis, dum sub Anastasio papa per Ruffinum advectum est Romam Periarcho Origenis, haec adjicit. « Et quia vereor, imo rumore cognovi, in quibusdam adhuc vivere, et pullulare venenata plantaria: illud te pio charitatis affectu praemonendam puto, ut S. Innocentii, qui Apostolice cathedrae et supradicti viri successor et filius est (neumpe Anastasii papae) lenas fidem, nec peregrinam (quamvis tibi prudens, callidaque videaris) doctrinam recipias. Solent enim hujuscemodi per angulos recitari, et quasi iustitiam Dei quærere: Cur illa anima in illa est nata provincia? Quid causae extitit, ut alii de Christianis nascantur parentibus, alii inter feras, et savissimas nationes, ubi nulla Dei notitia est? etc. » Monet vehementer, ut caveat Origenistas, eosdemque in Pelagianos nomine commutatos. Sed in his illud considera: Quil est quod scribens ad virginem in Africa agentem, ubi adest S. Augustinus tantopere ipsius Hieronymi litteris commendatus, ut Innocentii papae fidem teneat, et sequatur, nec meminit Augustini? nisi quod sciret, illibatam eam in sede Petri certius custodiri; sicque e fonte ipso puro polius quam ex rivis aquam salutis petendam esse demonstrans: quod ipse exemplo et verbis docuit, cum de fidei veritate Damasum papam saepe consuluit. Sed ad Demetriadem.

13. Haec igitur professi domi S. Demetrias, solemni ritu palam postea in Ecclesia ex praescripto Ecclesiastico more perfecit; de quibus ista idem S. Hieronymus habet ¹: « Scio quod ad imprecationem Pontificis flammeeum virginali sanctum operuerit caput, et illud Apostolicae vocis insigne celebratum sit: Volo ² autem vos omnes virginem castam exhibere Christo. Quando ³ astitit regina a dextris ejus, in vestitu deaurato, circumdata varietate: qua veste polymita ⁴ et multarum virtutum diversitate contexta indutus fuit et Joseph, et regum quondam utebantur filiae. Unde et ipsa sponsa laetatur, ac dicit (ipsa videlicet quae a Deo dicitur virgo): Introduxit ⁵ me rex in cubiculum suum. Sodaliumque respondet chorus: Omnis ⁶ gloria filiae regis intrinsecus ». Haec pauca reserat ex antiquis in velandis virginibus Ecclesiae caerimoniis S. Hieronymus.

¹ Ephes. vi.² Hier. ead. ep. viii. — ³ 2. Cor. xii. — ⁴ Psal. xlii. — ⁵ Gen. xxxvii. — ⁶ Cant. i. — ⁷ Psal. xlii.

14. Sed unde tanta hæc Demetriadi? Exquirendus quidem est tanta molis sapientissimus architectus. Fuit hic S. Augustinus qui de sancta virginitate cum illa sermonem habuit, puto ante annum, cum occasione publicæ cum Donatistis Collationis Carthaginensium se contulisset: ipse enim Augustinus in Epistola, quam postea dedit ad Julianam ejus matrem, hæc habet¹: « Ministerii nostri, adjuvante gratia, et misericordia Salvatoris, in domo nostra tantus fructus exortus est, ut humanis nuptiis jam paratis, sancta Demetrias spirituale sponsi illius præferret amplexum, cui speciosus præ filiis hominum ad habendam Spiritus uberiorem fecunditatem, nec ad amittendam carnis integritatem virgines nubunt. Nesciremus autem quemadmodum nostra illa tunc exhortatio a fidei et nobili virgine fuisset accepta, nisi nobis profectis, cum post paululum professa fuisset sanctimoniam virginalem, hoc mgenis Dei donum, quod per servos quidem suos plantat² et rigat, sed per se ipsum dat incrementum, nobis operariis provenisse, vestrarum litterarum lætissimo nuntio et veraci testimonio disceremus ». Hæc Augustinus. Ipse namque Proba, et Juliana reddiderunt de his omnibus certiorum quamprimum S. Augustinum, quem scirent magnopere adgavisurum: donumque ad eundem nuptiale miserunt, quo ipse accepto, gratulatorias has perbreves litteras reddidit³.

15. « Impletis gaudio cor nostrum, tanto jucundius, quanto carius; tanto gratius, quanto citius. Vestre namque stirpis sanctimoniam virginalem, quam, quacumque innotuistis, ac per hoc ubique fama celeberrima prædical, velocissimum votum ejus fidelioris atque certiore litterarum nuntio prævenistis; et prius nos fecistis exulare de cognito tam excellenti bono, quam dubitare de auditu. Quis verbis explicet? quis digno præconio prosequatur, quantum incomparabiliter gloriosius ac fructuosius habeat ex vestro sanguine feminas Virgines Christus, quam viros consules mundus? Nam volumina temporum si magnum atque præclarum est nominis dignitate signare; quanto est majus atque præclarus, cordis, corporis integritate transcendere? Magis itaque gaudeat puella nobilis genere, nobilior sanctitate, quod sit per divinum consortium præcipuum in cælis consecrata sublimitatem, quam si esset per humanum connubium prolem propagatura sublimem. Generosius quippe elegit Aniciana posteritas tam illustrem familiam beare, nuptias nesciendo, quam multiplicare pariendo, et in carne jam imitari vitam angelorum, quam ex carne adhuc numerum augere mortalium. Hæc est uberior fecundiorque felicitas, non ventre gravescere, sed mente grandescere; non lactescere pectore, sed corde candescere: non visceribus terram, sed cælum orationibus parturire. Dominarum honore dignissime filiae, perfruamini in illa quod defuit vobis: perseveret usque in finem adhaerens

conjugio, quod non habet finem. Imitentur eam multe feminae dominam, ignobiles nobilem, fragiliter excelsæ excelsium humilium. Virgines que sibi oplant Aniciorum claritatem, eligant sanctitatem: illud enim quantalibet cupiditate quando assequuntur? hoc autem si plene cupierint, mox habebunt. Prolegat vos incoherens, et feliciores dextera Altissimi, domine, honore dignissime, et præstantissime filiae. Pignora sanctitatis vestræ, præcipue ipsam sanctitatem præcipuum debito vestris meritis officio dilectione Domini salutamus. Velationis apophoreum gratissime accepimus ». Hactenus Augustinus.

16. Sed et S. Prosper quo celebravit elogio Deo dicatam virginem Demetriadem, accipe: « Valde, inquit⁴, mirabile erat, et inter præcipua divinae gratiæ exempla adnumerandum, quod virgo Anicia super omnes ad fastigium beate nobilitatis evecta, de cujus fecunditate avis atque alavis responsura posteritas et familie votis expectabatur et patriæ, converso repente animo, desiderio cælestium nuptiarum, declinasti mortale conjugium: et ut omnem prosapiam tuam etiam hujus virtutis titulo consecreres, primam stirpis huc perpetuam et virginem filio virginis spondidisti ». Hæc et alia S. Prosper in Epistola quam ad ipsam scripsit Demetriadem Deo sacram virginem. Vides quot quantisque sanctorum Patrum præconiis, spiritualium nuptiarum epithalamiis, Demetriadi dicata Deo virginitas, fuerit celebrata: ut intelligas quo pretio semper in Ecclesia fuerit sancta virginitas, ex qua sublimis quæque nobilitas decorem accipit et ornamentum.

17. *Pelagius scribit ad Demetriadem, quem confutat Augustinus.* — Sed quid accidit? erocitare importune graculus voluit inter canentes olores, et in tanta cælestium nuptiarum festiva solatia conatus est inter hlia serpens latenter lubricus anguis irrepere. Pelagius enim etsi per præconem suum Cælestium propositis questionibus (ut vidimus anno superiori) hæresis venena spargeret; ipse tamen sub sanctitatis pallio adhuc latebat occultus: qui congratulaturus novæ Christi sponsæ, quasi sponsale munus eidem exhibiturus, Epistolam pareneticam, seu dixerimus potius librum (ita enim nominat Augustinus) ad ipsam misit quæ hactenus extat: sed cum apud sanctos Hieronymum, et Augustinum inter eorum opera edita reperiretur, a simplicioribus eadem vel Hieronymi, vel Augustini credita est: verum licet eorum non esse, sed hæretici potius hominis scriptio cognita fuerit: sub incerti tamen adhuc auctoris titulo in rejectaneam appendicem ad eorundem Patrum opera relata, tanquam quisquiliæ et sordes, in angulo manet⁵. Cæterum vere Pelagii esse, non solum Pelagii errores in ea positi Pelagianis omnibus communes indicant, sed testificatione S. Augustini, imo et ipsius Pelagii, habetur expressum. Est autem Epistolæ seu libri ad Demetriadem (utroque nomine eam vocatam inve-

¹ Ep. CXLIII. — ² 1. Cor. III. — ³ Aug. ep. CLXXXIV.

⁴ Apud Ambr. ep. LXXXIV. — ⁵ Apud S. Hier. et Aug. tom. II. in append. edit. VII. Plautin.

nimus) ejusmodi exordium : « Si summo ingenio, parique felici scientia, etc. »

18. Quod autem proprium est hæreticorum, clandestinis, instar colubri, spiris irrepere; in eodem quem ad Demetriadem librum scripsit, summum tacuit nomen: sed voluit Deus, ut per aliam ab eo scriptam Epistolam, tum suum, tum et Julianæ virginis matris nomen expresserit: id enim S. Augustinus in Epistola ad ipsam Julianam scripta docet, dum de eodem libro agit his verbis: « In quo, inquit, quamvis nec ipsius, nec tuæ reverentiæ nomen expresserit; tamen a matre virginis, ut ad eam scriberet, a se postulatum esse, commemorat. In quadam vero Epistola sua idem Pelagius, ubi et nomen summum apertissime ponit, nec nomen sacræ virginis tacet, dicit ad eam se scripsisse; et ejusdem sui operis testimonio probare nititur, se gratiam Dei, quam vel facere vel negare asseruit, apertissime confiteri. Sed utrum ipse sit liber, in quo de spiritalibus divitiis illa verba posuit, vel utrum ad vestram pervenerit sanctitatem, rescriptis vestris petimus nos dignemini facere certiores ». Hæc ipse: cum alioqui scriptum librum esse Pelagii, cum confutata positas in eo blasphemias sententias, in libris de Gratia Christi Augustinus sæpe affirmet, sicut fecit in dicta Epistola ad Julianam, in qua ponit verba Pelagii eadem atque refellit, ut inter alia cum in libro illo hæc leguntur: « Scribimus enim, petente sancta matre ejus, imo jubente ». Quæ quidem verba magnopere ipsius Augustini animum perculerunt, veriti ne tum mater tum filia Babylonis aureo calice potarentur. At num id verum esset, quod hand ita exploratum haberetur, (cum hæretici multa ejusmodi fingere consueverint) id discere ab eis ipse studuit Augustinus.

19. Sed esto, rogarit ac jusserit, ut ea ad Demetriadem scriberet, Juliana Pelagium; haud tamen in suspicionem adducenda est hæresis Pelagiana. Quod enim hæc Pelagii nomen, utpote monachi, bene audisset etiam apud sanctos viros, et inter alios apud ipsum quoque S. Paulinum Nolanum episcopum (ut suo loco superius diximus) haud crimine hæresis ipsa infamanda est Juliana, si quid ab eo ad virginem scribi, litteris postulavit: nam de sacræ filie nuptiis (ut vidimus) ad S. Augustinum quoque litteras dedit, et ad alios etiam (ut puto) magni nominis viros. Cæterum ipse S. Augustinus ut hæc accepit, ne haustum ex Epistola illius lectione venenum mortem eisdem afferret, e vestigio paravit atque propinavit antidotum, scribens ad Julianam, quæ ab ipsius Augustini ore pendeat, Epistolam¹, qua sparsas in illo Pelagii libro hæreses spongia tersit.

20. Nec id sibi satis esse Augustinus existimavit, una Epistola confutasse Pelagii in eo libro conscriptas hæreses: sed addidit alia, multasque fuit in his: nam libro postea scripto adversus Pelagium et Cælestium de Gratia Christi, eadem scripta sæpe re-

fellit, ubi ejusdem Epistolæ sen libri sæpe meminit. Demum eo prociacia ventum est, ut nec ipse Pelagius negarit illum esse suum, sed gloriaretur: nam ita de eo Augustinus¹: « Sicut de gratia Dei sensit in eo libro, quem ad sacram virginem scripsit, cujus etiam commemorationem fecit in litteris, quas Romam misit ». Citabat ipsum suum librum Pelagius, his scilicet verbis ab eodem Augustino² redditis: « Legant etiam, inquit, quam ad sacram Christi virginem Demetriadem in Oriente conscripsimus Epistolam, et invenient nos ita hominis laudare naturam, ut Dei semper gratiæ addamus auxilium ». Sed quam perperam abuteretur ille nomine patriæ, pluribus docet. Hæc et alia prelegens Bela³, absque controversia Epistolam illam ad Demetriadem, novit Pelagii esse lectum: sicut et intellexit S. Prosperi esse Epistolam illam ad eandem virginem Demetriadem, quæ hæcenus scripta in codicibus Epistolarum S. Ambrosii, ipsi tributa est S. Ambrosio, cujus est exordium⁴: « Cum splendidissimæ sanctimonie tue præposuimus, etc. » Quæ quidem nihil aliud vir sanctissimus et fidei Catholicae propugnator acerrimus conatus est, quam Pelagii assertionibus adversariam stabilire doctrinam, et confirmare solidam veritatem.

21. *Innomis a Pelagii erroribus Juliana ad quam scribit Innocentius papa.* — Quod rursus ad Julianam Demetriadis matrem spectat: quam procul absterit ab omni hæresis suspitione, qua videri poterat ex Pelagii litteris aspersa fuisse; ipsa his verbis ad Augustinum antea scribens professa fuit⁵: « Noverit, inquit, sacerdotium vestrum longe me ac demunciland meam ab hujusmodi personis esse discretam: omnisque familia nostra adeo Catholicam sequitur fidem, ut in nullam hæresim aliquando deviaverit, nec inquam lapsa sit, non dico in eas sectas quæ vix expiantur, sed nec in eas quæ parvos habere videntur errores ». Hæc ipsa, plane significans caruisse penitus domum suam hæresibus illis, quibus Dei ipsius labefactaretur natura atque potentia, ut Arianorum, Mæcedonianorum, et horum similium, vel Manicheorum, quorum comparatione reliquæ hæreses parvi censeri viderentur erroris: licet S. Augustinus ipsam postea docuerit, haud fuisse Pelagii leves errores. Quæ igitur hæcenus una cum suis integra, puraque ab omni hæresis vel levissima finctura vixerat, ab Augustino admonita, eodem candore reliquum vite tempus exegit.

22. Quod enim post hæc tempora plurimis annorum curientis eadem Pelagiana hæresis cum ejus sectatoribus, Patrum scriptis, sacrisque sæpe Conciliis tum in Oriente, tum in Occidente, Romæ, atque Carthagine et in Palestina celebratis, sub Innocentio et successoribus Urbis Pontificibus fuerit ventilata, confutata, damnata, atque proscripta; neque posthac de eadem Juliana sil aliqua querela:

¹ Aug. de grat. Christi l. t. c. 42. — ² Eod. l. c. 37. — ³ Bed. in præfat. in Cant. — ⁴ Apud Ambros. ep. LXXXIV. — ⁵ Apud Aug. ep. CXLIII.

¹ Aug. ep. CXLIII. — ² Ibid.

eadem qua antea, semper perseverasse integritate, jure meritoque censenda est: sicut et sancta Proba, quæ cum hoc tempore esset in Africa, ea bene usa occasione, ab eodem S. Augustino, quem secret eximium in Ecclesia fulgere doctorem, de orando Deo ab ipso commentarium peluit, quem et consecuta est¹: itemque ipsa Juliana eundem Augustinum interpellans, de bono vidualitatis ab eo tractationem accepit: id quidem post hæc tempora factum esse, quæ in fine ejusdem commentarii idem S. Augustinus habet, declarant his verbis²: « Ordinatissime quippe provenit, ut matri vestre jam grandævæ de oratione Epistolam scriberem; ad ipsam quippe maxime pertinet orando concertare pro vobis, quæ de se minus est sollicita quam de vobis: et ut ad te potius quam ad illam hoc de continentia viduali opusculum facerem; quia tibi superare adhuc restat, quod jam ætas illius superavit. Virgo autem sancta proles vestra, si aliquid de sua professione desiderat, ex laboribus nostris habet grandem librum de sancta virginitate, quem legat ». Hæc ad Julianam Augustinus, quam et litteris Innocentii papæ magnopere scias esse laudatam: quas ipsas eadem ex causa, qua S. Augustinus ad eam scripserat, esse datas intelligas: sunt hujusmodi perbreves ipsæ quidem³.

23. « Singulare membrum Ecclesie, tuæ religionis amplitudinem existere, et a nobis reverentissime coli, satis est omnibus manifestum. In ipso enim apice nobilitatis multo nobiliore Ecclesie devotionem impendis, et magis læta Christi agnitione, præceptis ejus obtemperas, et de fide potius exultas, quam tanti generis flore jaclaris. Summa virtutis est, vicisse gloriam carnis; et magnæ est Christi gratiæ, nobilitatem moribus superasse, domina filia merito illustris. Certa igitur et (existens) ista hujus vitæ (quæcumque sunt) spatia æternis divinisque officiis illustrare contende; ut qui insignem te præstiti, reddat sibi per secula clariorem ». Hæc lenus Innocentii papæ ad Julianam Epistola.

24. Odorarisne, lector, cur hanc Innocentius Epistolam scripserit, ac percipis quo ejusdem argumentum tendat? intelligis in ea, tanquam in pharetra, abscondi sagittam, ad feriendum Pelagium? Quidam virus ille in Epistola ad Demetriadem, quod tantopere displicuit Augustino? accipe⁴: « Spirituales vero, inquit, divitias nullus tibi, præter te, conferre poterit. In his ergo jure laudanda, in his merito ceteris præferenda es, quæ nisi ex te et in te esse non possunt ». Hæc Pelagius, in quem Augustinus: « Cernis nempe, quanta in his verbis sit cavenda pernicies. Nam utique quod dictum est: Non possunt esse ista bona nisi in te: optime et verissime dictum est: iste plane cibus est. Quod vero ait: Non nisi ex te: hoc omnino virus est etc. » Innocentius igitur Romanus Pontifex, cum sibi innotuisset vulgata illa Pelagii ad Demetriadem Epistola:

et ipse occurrit antidoto, et quam mira arte compositum propinavit illud, cum uno ductu calami, quid sentiendum esset, quid sancte pieque Romana custodiret Ecclesia, verbis illis significavit: « Magna est Christi gratiæ, nobilitatem moribus superasse, domina filia ». Vidisti verborum antithesin? et tantæ vocis tonitruum considerasti, quo illam redditam cautiorem impietatis officio contineret, et insipientem lupum sub ovina pelle conficeret? Sic igitur tum litteris Augustini et Properi, tum brevi illa Innocentii papæ Epistola factum est, ut sancta familia ab irrepente elanculo hæresiarchia fuerit custodita, atque in omnibus illasa servata. Inde etiam evenisse scias, ut scribens postea S. Hieronymus ad eandem virginem Demetriadem, illa de inhaerendo doctrinæ Innocentii papæ magnopere inculcarit, quæ dicta sunt superius, hic autem (quod rerum exigat argumentum) nitiliter repetenda: « Illud, inquit, te pio charitatis affectu præmonendam puto, ut sancti Innocentii, qui Apostolice cathedræ et supradicti viri successor et filius est, læneas fidem, nec peregrinam (quamvis tibi prudens et callida videaris) doctrinam recipias, etc. »

25. Præterea autem scripsit et idem Pelagius ad vidualam quandam, blanditiis eam atque adulatione demulcens: ex qua Epistola hæc S. Hieronymus recitat, atque subsannat⁵: « Eidem adules vidua, non erubescis dicere, pietatem quæ nusquam reperitur in terra, et veritatem que ubique peregrina sit, in illa potissimum commorari ». Et paulo post: « Docere est hoc, an occidere? levare de terra, an præcipitare de cælo? id mulierculæ tribuere, quod angeli non audeant usurpare? Si autem pietas, veritas, atque justitia non inveniuntur in terris nisi in una muliere; ubi erunt justii tui, quos absque peccato in terris esse jaclabas? » Quod igitur hoc anno Pelagius, qui hæcenus per Cælestium, Seelestum fuerat potius, hæresim (ut vidimus) aggressus fuerat promulgare; jam quid sentiret, vulgata ea ad Demetriadem Epistola, penitus innotuerit: inde accidit, ut sub anni hujus Lucio consule idem qui supra S. Prosper in Chronico tradat, Pelagii hæresim hoc anno innotuisse, quam tamen in Cælestio scimus Carthagine fuisse damnatam. Reliqua autem de Pelagio dicemus anno sequenti, et alius, ut ratio temporis exiget.

26. *De Burgundionibus ad Christum conversis.* — Hoc eodem anno Burgundiones propter Galliarum Rheno proximam obtinuisse, idem Prosper testatur in Chronico, necnon Cassiodorus. Hos olim a Valentiniano imperatore sollicitatos adversus Scotos invadentes Romanum imperium anno Domini trecentesimo septuagesimo, sub consulatu Valentiniani atque Valentinii tertium, auctor est Ammianus⁶; qui ait Burgundios⁷ fuisse populum in Germania confines Alemanni, eosdemque inter se mutuo profinibus certare consuevisse⁸, gloriarique solitos se

¹ Aug. ep. cxvii. — ² Aug. de bono vidualitatis in fin. — ³ Epistol. Rom. Pont. ep. xi. — ⁴ Apud Aug. ep. cxliii.

⁵ Hier. contra Pelag. l. iiii. — ⁶ Ammian. l. xxviii. — ⁷ Idem l. xviii. — ⁸ Idem. l. xxviii.

sobolem Romanam, quemadmodum Batavi et Aedui se Romanorum fratres dixere, quadam ostentatione barbarica: quomodo vero sint dicti Burgundiones a Burgis, Orosium ¹ consule. licet dicta ab eo haud omnibus placeant. De ipsorum vero Burgundionum Christianitatis origine ac tempore Socrates ² agit, atque Orosius; sed minime inter se consentiunt: etenim quod ad tempus pertinet, alter sub Honorio, alter sub ejus successore Valentiniano Augusto, ejus nominis tertio, refert: sed praestat, mea sententia, audire Orosium, qui Honorii imp. res gestas cum prosequitur, de Burgundionibus jam ad Christi fidem conversis meminit, ubi haec ait de iislem jam in Gallis sedem habentibus: « Providentia Dei, omnes Burgundiones Christiani modo facti, Catholica fide, nostris clericis quibus obedirent, receptis, blande, mansuete, innocenterque vivunt, non quasi cum subjectis Gallis, sed vere cum fratribus Christianis ». Haec Orosius. Ex quibus intelligas, errore lapsum Socratem ³ qui eorum ad Christi fidem conversionem refert (ut diximus) ad tempora Valentiniani tertii imperatoris, qui successit Honorio: nam ista scripsit Orosius (ut ipse testatur ⁴) vivente adhuc Honorio, ante octo annos quam Valentinianus imperaret, anno Domini quadringentesimo decimo septimo: quod ex eo perspicue colligitur, dum ibi in fine operis numerat ab origine mundi quinque mille sexcentos decem et octo annos, et Christum natum tradit anno quinque millesimo centesimo nonagesimo nono.

27. Quomodo vero contigerit Burgundionum ad Christianam religionem conversio, ab ipso Socrate ita describitur ⁵. « Rem plane memorabilem, eodem ferme tempore gestam, hoc loco commemorabo. Est gens quadam barbara, locum trans Rhenum fluvium incolens, quae vulgo Burgundiones vocant. Isti vitam a Republica gerenda remotam perpetuo degunt, sunt autem fabri lignarii omnes, et ex ea arte mercedem, qua sustentant vitam, acquirunt. Hunnorum gens crebro in eorum fines invasionem faciens, agros depopulata est, et complures illorum non raro trucidavit. Itaque illi non ad hominem ullum auxilii petendi causa confugiunt; sed Dei alienius potestati se totos permittere in animos inducunt. Ac cum mente complecterentur, Romanorum Deum illis, qui eum metuunt et reverentur, firmum afferre praesidium: omnes communi consensu ad credendum in Christum se contulerunt: atque ad evitandum quamdam Galliae profecti, postulabant ab episcopo, ut Christianorum baptismo donentur. Is cum illis septem dies praescripsisset ad jejunandum, eosque in fide erudiisset, octavo die lavacro baptismatis tinxit, et cum pace dimisit. Illi vero animo fidenti contra tyrannos gradiuntur: nec spes eos fefellit. Quippe Uplaro Hunnorum rege nocte, cum se cibo nimio ingurgitasset,

medio disrupto, Burgundiones Hunnos duce carentes adorti, pauci cum permultis (tria enim millia contra decem impetum faciunt) commisso proelio, victoriam consequuntur. Ex illo tempore gens ea Christianam religionem ardenti studio excoluit ». Hactenus Socrates. Ceterum bellicosissimos fuisse Burgundiones, et multitudine ac viribus praestasse, tradit Ammianus ¹. Quod vero ad tempus hujusmodi ipsorum conversionis ad fidem spectat: ante Anastasium papam dicendum esset contigisse Burgundionum Christianitatem, si in omnibus legitima demonstrari posset, quae extat ejus nomine Epistola ad episcopos Germaniae et Burgundiae.

28. *Theodosius in Oriente haereticos agit.* — Hoc eodem anno in Oriente Theodosius imp. Eumelianos saepe damnatos, novo rescripto ² exagitavit, simulque Anabaptistas ultimo supplicio afflictiendos. Idemque adversus Novatianos illos, qui ab aliis Novatianis divisi schismate, Pascha alio modo quam Novatiani reliqui, cum Ecclesia Catholica celebrandum suscepissent, ob idque Protopaschitarum sibi nomen impulerant proscriptione et deportatione damnavit ³. Porro horum Novatianorum inter se his temporibus conflictantium schismatis Socrates ⁴ meminit, nosque suo loco superius diximus, nimirum quod in Pascha alio modo celebrandum dicebatur, nempe in azymis: quorum auctor Sabbatiani erat, a quo Sabbatiani iidem sunt appellati. Accidit namque, ut hoc tempore (sicuti vidimus) Novatiani ipsi a Cyrillo Alexandrino episcopo, et ab Innocentio Romano Pontifice exagitarentur, pellerenturque ex Ecclesiis, quas in hanc usque diem tolerati in pace possederant. Sed et divino quoque judicio iidem ostensi sunt esse repulsi, miraculo nempe illo, quod a S. Paulino describitur in carmine ad Cyltherium, ubi agit de Martiniano naufrago, vecto nave Novatiani hominis, cum ipsa navis absque aliqua maris tempestate soluta compagibus, ebibens undam degluditur a mari, Novatianis omnibus atque caeteris infidelibus, qui in ea erant, pereuntibus, Catholicis fidelibus tantummodo liberatis, et qui illis inhaeserunt credentes: ita ut magno prodigio casus ipse omnes discreverit, qui pii, quive impii essent: de his enim S. Paulinus haec inter alia cecinit ⁵:

Et ecce variis dividuntur casibus
Ad mortem, et ad vitam dati.
Quod ne putaretur forte pernixitio bonis
Sicuti tribulum, vel malis:
Constat perisse Christianum neminem,
Et interisse perfidos.
Nanque aut malignus corde Judaeus perit,
Reus aut superbi schismatis.
Quemcumque Christi recta signavit fides,
Illic vita cognovit suam, etc.

At de Novatianis hactenus.

¹ Oros. l. vii. c. ult. — ² Socr. l. vii. c. 32. — ³ Socr. l. vii. c. 30. — ⁴ Oros. l. vii. c. ult. et l. i. c. 1. — ⁵ Socr. l. vii. c. 30.

¹ Ammian. l. xxviii. — ² L. vii. ne sanct. bapt. iter. C. Theod. et C. Justin. eod. tit. — ³ L. vi. ne sanct. bapt. iter. C. Theod. — ⁴ Socr. l. vii. c. 9. — ⁵ Paulin. ad Synth. ep. xlii.

Anno periodi Græco-Romanae 5906. — Jesu Christi 413. — Innocentii papæ 13. — Honorii 21. et 19. Theodosii Jun. 12. et 6.

1. *Consules.* — Coss. *Lucius*, et *Heraclianus*, primus in Oriente, alter in Occidente creatus, ut ex legibus hoc anno datis colligitur, sed Heracliani nomen e Fastis erasum est, ut Baronius ostendit.

2. *Varii tyranni in Galliis profligati.* — A num. 1 ad 5. Idacius in Chronico anno Abrahami MDCXXIX, qui kalend. Octobris superioris Christi anni inchoatur, ait: « Jovinus et Sebastianus oppressi ab Honorii ducibus Narbona interfecti sunt. Gothi Narbonam ingressi viandem tempore. Heraclianus moventem exercitum de Africa adversus Honorium Utriculo in Italia in conflictu superatus effugit in Africam, cæsis in loco supradicto 1. milibus armatorum. Ipse post Carthagine in æde Memoriae per Honorium percussoribus missis occiditur ». Quæ omnia currenti anno configere præter ingressum Gothorum in Gallias, qui ad superiorem pertinet, ut ibidem diximus. *Jovinum* enim et *Sebastianum* hoc anno occisos, liquet ex dictis anno cxxi, num. 6., et ex Prospero sub hujus anni coss. Olympiodorus hæc singularia de Jovino et Sebastianis scribit: « Jovinus fratrem suum Sebastianum: invito Adaulpho imperatorem creans, in ejus odium incurrit. Adaulphus itaque per internuntios capita se tyrannorum missurum, pacemque initurum Honorio pollicetur. Ii domum ubi redierunt, et jusjurandum præstitum est, Sebastiani mox caput imperatori mittitur. Jovinus etiam ipse ab Adaulpho obsessus se dedit, missusque ad imperatorem est: quem Dardanus præfectus sua manu percuciens interemit ». Ex quibus liquet, primo *Ataulfum* hoc anno in Galliis fuisse, et jam pacem inisse cum Honorio Augusto. Secundo, *Dardanum*, qui anno cxx præfectus prætorio Galliarum fuit, ut demonstrat lex 171 *De decurionibus*, secundam præfecturam hoc anno gessisse, quam duplicem præfecturam memorat Hieronymus in fine Epistolæ cxxix, exhibetque celebris inscriptio relata a Sirmondo in Notis ad Epistolam viii Sidonii lib. 3. Pseudo-Prosper in Chronico imperiali ad annum Honorii xix loquitur de *Jovini* tyrannide, de *Sollustii* et *Sebastiani* morte, ac de *Dardano*, aitque *Valentianum* Galliarum civitatem, ad quam fugiens se *Jovinus* contulerat, a Gothis abtractam esse.

3. *Heraclianus tyrannus in Africa profligatus.* — Venio nunc ad *Heraclianum*, qui hoc anno, ut docet Orosius lib. 7, cap. 42, tyrannidem in Africa arripuit, eodemque occisus est, ut tam Prosper in

Chronico, quam Idacius in Fastis docent, imo et Marcellinus in Chronico sub Lucii consulatu, cujus tamen interitum Baronius num. 2 in annum sequentem ab eodem Marcellino dilatum, perperam scribit. Præterea lex 13 Cod. Theod. *De infirmis his quæ sub tyrannidibus* III non. Julii Ravennæ data, et a Baronio num. 3 recitata, demonstrat, *Heraclianum* ante diem quintam mensis Julii currentis anni debellatum fuisse. Idem ostendit lex 21 ejusdem Cod. Theod. *De pomis*, postridie ab Honorio data, et a Baronio ibidem relata, qui nriusque legis subscriptionem in Codice Theodosiano mendosam recte restituit. Hæc ultima lege Honorius *Heraclianum* hostem publicum judicat, eumque ejusque satellites capite plecti jubet.

4. *Marcellinus tribunus et notarius injuste cæsus.* — Ad num. 5 et seq. Augustinus in Epistola cxi, alias cclx ad Cæcilianum scripta narrat, magnam potestatem *Marini* comitis fuisse, postquam Heraclianum vicit ac obruncavit, et plurimorum cædes non modo rebellium, sed et aliorum, qui procul a crimine fuerant, secute fuissent, Marino faciles aures delatoribus dante. Cæcilianus Africæ præses divi Augustini precibus motus eidem promissit, se Marcellini tribuni et notarii, de quo supra egimus, salutem a Marino petiturum. Sed secus res accidit; nam, ut ibidem scribit Augustinus: « Poxtero die quo illius partitionis nefarius factus est ortus, cum esset nobis repente nuntiatum, illos e carcere ad eum judicem ductos, quamquam perturbati fuerimus, tamen ego considerans, et quæ nobis pridie dixeras, et qui esset post illum exorturus dies, quoniam B. Cypriani erat pridiana solemnitas, existimavi quod etiam elegerit Deus, quo et tibi postulata concederet, et universam Christi Ecclesiam repente lætificans, ad locum tanti Martyris ascendere voluerit parendi voluntate, quam occidendi potestate sublimior; cum ecce nobis nuntius irruit, quo prius percussos esse nossemus, quam quomodo audirentur, quærere valeremus ». Quare, ut observavit E. card. Norisius lib. 4 Hist. Pelag. cap. 5, sancti Marcellini martyrium contigit *idibus Septembris*, cui diei succedebat pridiana solemnitas B. Cypriani, qui capite plexus occubuit die decima quarta mensis Septembris. Ita enim accipit ab Augustino pridianum, vel ex ipso contextu patet. Baronius in recognitione Martyrologii Romani eidem addidit *Marcellinum*, qui antea in nullo Martyrolo-

gio legebatur, ut notat Henschenius ad diem vi mensis Aprilis, quo de sancto Marcellino agit, et quem diem elegit Baronius qui hunc temporis characterem non observarat, sicuti nec Henschenius. Non legitur etiam nomen Marcellini in antiquissimo calendario Ecclesiae Carthaginensis a Mabillonio tom. II Vet. Analect. publicato, in quo continentur dies natalitiorum martyrum et depositiones episcoporum, quos Ecclesia Carthaginensis ante sequens saeculum celebrabat: Licet enim in Africa sancti populares anno cultu celebrarentur, nonnulli tamen ex Italia et ex Hispania in eo Martyrologio commemorantur.

5. *Marcellini elogium.* — Fuit Marcellinus vir sanctissimus, de quo Augustinus in laudata Epistola scribit: « Quanta illi probitas in moribus, in amicitia fides, in doctrina studium, in religione sinceritas, in conjugio pudicitia, in iudicio continentia, erga omnes charitas, in beneficiis praestandis facilitas, in petendis pudor, in recte factis amor, in peccatis dolor? quantum decus honestatis, qui splendor gratiae, quae cura pietatis, quae in subveniendo misericordia, in ignoscendo benevolentia, in orando fiducia? quod salubriter sciebat, qua modestia loquebatur, quod inutiliter nesciebat, qua diligentia scrutabatur? Quantum in eo contemptus rerum praesentium? Quanta spes et desiderium honorum aeternorum? » Honorius, ut famam Marcellini vindicaret, dedit legem 35 Cod. Theod. *De haereticis* III kal. Septemb. Ravennae, Constantio et Constante coss. anno scilicet sequenti, in qua Marcellinum *spectabilis memoriae virum* vocat, et gesta simul sub ejus notione contra *Donatistas* confirmat. Nempe Donatistae, ut recte Gothofredus in hujus legis commentario, *Marcellino* mortuo contendebant, geslorum quoque sub ejus notione fidem perire debere; ac maxime quod ipsum tanquam *Heraciani* tyranni partium e medio sublato contenderent. Verum, ut auctor mortis ejus *Marius* comes, qui Rempublicam ab Heraciano tyranno liberarat, ab Honorio ex Africa revocatus est, quod scribit Orosius lib. 7, cap. 42, ita idem imperator hac constitutione Marcellini famae consuluit, et Donatistas repressit.

6. *Munus eorum, qui tribuni simul et notarii erant.* — Aliqui viri docti titulum *tribuni et notarii* Marcellino in Collatione Carthaginensi, alibi que daluim perpetam intellexere; recte tamen Gothofredus in Commentario legis 1 Cod. Theod. *De mandatis principum*, observat ea mandata a principe data fuisse, inter alios tribunis, notariis, et comitibus, ac *De tribunis et notariis simul* nulla extare exempla. Sic enim anno cccclxxxvi *Dalmatius* tribunus et notarius ad sanctum Ambrosium a Valentiniano Jun. cum *mandatis* missus, Collationis cum Auxentio Ariano instituendae causa, teste ipsomet Ambrosio Epist. xxxii. Ita *Dulcitius* tribunus et notarius ab Honorio missus ad leges suas exequendas cura perficiendae unitatis; de quo Augustinus contra *Gaudentium*, lib. 2, cap. 59. Ita *Aristolaus* tribu-

mus et notarius eodem fine missus a Theodosio Jun., teste Cyrillo Epist. ad Acacium Melitense episcopum pag. 110, et Joanne episcopo Antiocheno ad Cyrillum pag. 154, 112, inter Opera Cyrilli; et Cyrilli Epist. ad Donatum clv et clvi. Ex quibus apparet, tribunos hos et notarios in negotio nominatum religionis cum mandatis a principibus emitti solitos, sicuti et aliis passim necessitatibus explicandis. Quin imo et ad reges externos iidem tribuni et notarii missi cum imperatoris scriptis; cuius rei exemplum habemus in *Spectato tribuno et notario* apud Ammianum lib. 17, pag. 104, et *Joanne* apud Zoizimum lib. 5, pag. 815, ut non adeo absimiles hac parte videantur tribuni, hi et notarii iis, quos sequior aetas vocavit *Missos Dominicis*, qui scilicet in provinciis mittebantur a regibus. Sed de his tribunis, notariis et comitibus legendus Gothofredus citatus.

7. *Demetrias vitam monasticam profitetur.* — A num. 7 ad 17, Epistola sancti Hieronymi viii ad *Demetriadem virginem* quando monasticam vitam professæ est, a Baronio num. 8 et seqq. recitata, anno praesenti, aut, quod longe verosimilius est, insequenti data, sicuti et Epistola Augustini cl, alias clxxxix, occasione ejusdem consecrationis ad *Probanam* aviam, et *Julianam* matrem Demetriadis, nobiles viduas scripta, ut Patribus Benedictinis observatum. Hieronymus autem ipso sua Epistolae initio indicat, se eo tempore jam pervenisse ad caput xliii Commentarii sui in Ezechielem, et non multo post loquitur de *Hercliano* tyranno, quem initio mensis Julii hujus anni jam ab Honorianis in fugam versum, et ab imperatore morti adjudicatum vidimus. Hieronymus Demetriadem praemonet ut Innocentii papae fidem teneat, nec *peregrinam doctrinam* recipiat, Origenistarum sc. et Pelagii, qui inter eos hoc tempore reensebatur, licet in nonnullis ab eis dissentiret, ut recte Hieronymus interpretatur Emcard. Norisius lib. 1 Hist. Pelag., cap. 5.

8. *Ad eam scribit Pelagius.* — A num. 17 ad 26. Non solum Augustinus et Hieronymus *Demetriadem*, postquam virginitatis velum suscepit, laudibus exornarunt, sed etiam *Pelagius*, ut sibi aliquam gloriam inde compararet. Is tunc Epistolam *De institutione Virginis*, quae est Epistola xvii in Appendice tom. II Operum sancti Augustini a Patribus Benedictinis recursorum, in qua exhibentur aliquot Epistolae Augustini nomine falso praenotatae, ad eandem scripsit. Sed cum incubrationi suae nomen suum non scripsisset, idem liber forsitan ea de causa suppositus fuit Hieronymo jam inde a temporibus Bedae, ut videre est in hujus Praefatione in Cantica cap. 5. Verum Orosius in Apologia anno cdxv edita eam *Pelagio* tribuit, nisi quod sermonem ab alio ei suppeditatum fuisse tradit. Adversus illam post sanctum Augustinum scripsit Prosper in Epistola ad Demetriadem, quam tamen Quesnellus tom. II Operum sancti Leonis Magni in disert. iv huic Pontifici adscribendam contendit; quod inquit, ita concinat stylus Epistolae ad Demetriadem stylo librorum

de vocatione Gentium, ut idem haec auctori utrumque opus merito tributum sit, sive Ambrosio, sive Prospero : et quod eadem verborum constructio et congeries, figurarumque usus, quae Leonis familiaria sunt, in eadem Epistola videre sit. Verum Antelmius in dissert. de veris Operibus SS. Leonis M. et Prosperi Aquitani dissert. in demonstrat, illud opusculum indubitatum Prosperi factum esse : non solum enim inter Opera Prosperi cum libris de vocatione Gentium adscriptum est in Mss. codicibus ; sed etiam in probatis editionibus, nisi quod saeculi in aliis indubiis Prosperi Operibus, ita et in isto *epi-copi* nomen perperam additum est. Quod si locutiones sancti Leonis magnam cum stylo scriptoris Epistolae ad Demetriadem, affinitatem habent ; locutiones sancti Prosperi longe majorem cum stylo scriptoris Epistolae ad Demetriadem similitudinem praefert.

9. *Epistolam Pelagii refellit Prosper.* — Necessitudinem et familiaritatem, quae Demetriadi virgini cum sancto Leone intercessit, non mediocriter sententiae suae patrocinari arbitratus est Quesnellus : ex qua etiam, inquit, hanc fiduciam sumpsit, ut ipsam impelleret ad construendam Basilicam sub sancti Stephani invocatione consecrandam. Pro quo Platina citat haec referentem, et Breviarium Romanum. Verum neque Breviarium Romanum, neque Platina Demetriadem, sed Demetrium eam nuncupant, cujus sumptibus fundatam Basilicam asserunt, quod etiam in Anastasio Bibliothecario, e quo sua mutuatus est Platina, diserte legitur. Praeterea *Demetria* apud Anastasium et Platina dicitur *ancilla Dei*, vel *Christi*, in quibus nuncupationibus intelligi non potest celebris *Demetrias* Amicae prosapiae, celibatusque sanctae professione incluta, nec alia virgo, verum pia aliqua femina liberalitate sua commendabilis. Sed haec de re plura Antelmius citatus. Baronius num. 20 ait, Epistolam ad Demetriadem a Beda lib. 1 in Cantica Prospero adscriptam fuisse. Verum Beda Epistolae ad Demetriadem a Prospero scriptae nullam mentionem facit. Ait praeterea Baronius Bedam Epistolam contra divinam gratiam ad Demetriadem datam Pelagio attribuere. Verum eo loco Beda Pelagii Epistolam *Juliano* adscribit, si tamen expositio illa in Cantica opus Bedae sit, quod non sine fundamento negavit Baronius.

10. *Augustinus scribit ad Julianam Demetriadis matrem.* — Divus Augustinus dedit Epistolam cxxxviii, alias cxlii, ad Julianam Demetriadis matrem, ex qua aliqua refert Baronius num. 18 et 21. Verum hae Epistola scripta ab Augustino post acceptas in Africa Pelagii litteras ad Innocentium papam, in quibus utebatur testimonio suae ad Demetriadem Epistolae, ut sese defenderet : « In quadam sua Epistola Pelagius », inquit Augustinus, « ubi et nomen suum apertissime ponit (loquitur de Epistola Pelagii ad Innocentium papam), nec nomen sacrae virginis tacet, dicit ad eam se scripsisse, et ejusdem sui operis testimonio probare nititur, se gratiam Dei, quem vel tacere, vel negare asseritur,

apertissime confiteri ». At Pelagii litterae, de quibus sermo est, scriptae sunt in Oriente initio anni cdxvii acceptae a Zozimo papa Romae initio mensis Septembris, missae in Africam ejusdem mensis die xx, acceptae in Africa circiter initium Octobris. Non potuit itaque Augustinus ad Julianam scribere Epistolam illam cxxxviii ante dictum tempus. Ea mittitur nomine Alypii et Augustini, qui certiores fieri cupiunt, an a Pelagio profectus sit anonymus ad Demetriadem liber, de quo supra egimus. In Opere de Gratia Christi librum eundem Pelagio tribuit Augustinus tanquam auctori plane comperto et comprobato. Quamobrem prodiit haec Epistola ante dictum Opus de Gratia anno cdxviii elaboratum, ideoque anno antecedenti, ut recte Patres Benedictini et ante eos Garnerius in Nolis ad Opera Mercatoris in dissert. vi, pag. 347, qui pag. 157 jure merito miratur Epistolam Pelagii ad Demetriadem virginem Deo sacram ante annum cdxviii, in manus Augustini non venisse, sed eo tantum tempore, quo is acceptis Pelagii ad Innocentium papam litteris, scripsit *Julianae*, Demetriadis matri, de cavendo veneno ingeniose in Epistola abscondito.

11. *Augustinus scribit Pelagio.* — Hoc circiter anno *Pelagius* scripsit ad sanctum Augustinum cum plurimum laudans ; hic vero sic ab ejus laudatione temperavit, ut etiam illum, quoad sine offensione aut questionis illius commotione licuit, de Dei gratia recte sapere admonuit, licet haeresim illius sparsa rumore ac sermone intellexisset, ut ipsemet in lib. de Gestis Pelagii cap. 26, qui post Baronii mortem lucem vidit, testatur : « Jam enim audiveram », inquit Augustinus, « contra gratiam, qua justificamur, quando hinc aliqua commemoratio fieret, aperta cum contentione conari ». Ea Augustini Epistola inter Augustinianas est cxlvi, in qua Augustinus ait : « Gratias ago plurimum, quod me litteris tuis exhibere dignatus es, et certum facere de salute vestra, retribuatur tibi Dominus bona, quibus semper sis bonus, et cum illo vivas in aeternum etc. » Pelagius, ut in Diospolitana Synodo anno cdxv habita suam fidem probaret, has litteras, aliasque ab Orthodoxis episcopis sibi directas protulit, ut in eodem Opere narrat Augustinus, qui consilium sentunque Epistolae suae aperit.

12. *Burgundionum regni in Gallias initium.* — Ad num. 26 et seq. Prosper in chronico ad Lucii consulatum scribit : « Burgundiones partem Galliae propinquantem Rheno obtinuerunt », seu, ut Cassiodorus in Chronico tradit, « Rheno conjunctam ». Quare non Aduorum et Sequanorum regio, quae Arari Rhodanoque conjuncta, processu temporis Burgundia appellata, data hoc anno Burgundionibus fuit, cum Romani pacem cum Barbaris Galliam devastantibus iniere, sed regio in prima Germania posita, ut colligitur ex his Olympiodori verbis : « Jovinus apud Mundacium (legendum, Moguntiacum) Germaniae alterius urbem, studio Goaris Alani, et Guatirii Burgundionum praefecti tyrannus creatus est », anno nempe cdxii, quo ideo tempore Alani

et Burgundiones in prima Germania ac prope Moguntiam sedes suas habebant. Præterea Sidonius in Panegyrico Aviti v. 231, loquens de gestis ab Aetio Romanorum præfecto, circa annum cxxxv, ait : « Belgam, Burgundio quem trux presserat absolvit »; quod de Germania prima e qua facile Burgundiones Belgas impetere potere, pronum est intelligere. Erant antea Burgundiones in Germania ad Mœnum fluvium, et sub finem anni covi cum Vandalis, Alanis, aliisque Barbaris Gallias ingressi sunt, uti jam diximus.

13. *Burgundiones fuit Christiani.* — Quia vero, ut Ammianus lib. 28, cap. 5 scribit jam inde a prisca temporibus solentem se esse Romanam dicebant Burgundiones, fidem Christianam facile amplexi sunt. Orosius enim lib. 7, cap. 19, qui Historiam suam anno cdxvii absolvit, de illis scribit : « Eorum esse prævalidam et perniciosam manum, Gallie hodieque leses sunt : in quibus præsumpta possessione consistunt, quamvis providentia Dei omnes Christiani modo facti, Catholica fide nostris clericis, quibus obedirent, receptis, blande, mansuete, innocenterque vivunt, non quasi cum subiectis Gallis, sed vere cum fratribus Christianis ». Hinc Baronius hoc anno num. 26 recte ait, Soeratem lib. 7, cap. 30, errasse quoad tempus, quo Burgundi ad Christi fidem accessere; eorum enim conversionem refert ad annum circiter cxxx. Verum non in eo tantum hallucinatus est Soerates, sed in eo etiam quod scribit de Burgundionum victoria post acceptum Baptisma : « Exinde fidenti animo adversus Hunnos progressi sunt : nec spes eos fecellit : etenim rege Hunnorum, cui nomen erat Oplar, præ nimia ciborum ingluvie nocte quadam suffocato, Burgundiones in Hunnos duce destitutos subito irruerunt, cum enim ipsi duntaxat tria hominum millia essent, Hunnorum decem circiter millia interfecerunt ». Hæc enim Burgundionum victoria plane commentitia : et tantum abest, ut Burgundiones Hunnos superarint, ut hi Gundacarium Burgundionum regem *cum populo suo atque stirpe* deleverint, ut Prosper, qui hoc sæculo vivebat, in suo Chronico ad annum cxxxv prodit, et post eum Cassiodorus in Chronico. Idem ac Soerates narrat Nicephorus lib. 14, cap. 40; sed uterque, siculi et reliqui Græci Historici, de rebus apud Latinos gestis non raro male edocui.

14. *A quo Baptismum accepit incertum.* — Existimo tamen hæc quæ ibidem Soerates de Burgundionum conversione habet, vera esse : « Ad quamdam Gallie civitatem, profecti postulanti ab episcopo, ut Christianum Baptismum suscipiant. Ille cum septem dies jejunare eos jussisset, ac fidei rudimentis instituisset, octavo tandem die baptismo donatos dimisit ». Hadrianus Valesius lib. 3 Rer. Franc. pag. 138 arbitrat, neminem alium Burgundiones inhiasse et finxisse, quam *Severum* Trevirorum episcopum magnæ sanctitatis virum; quod Constantius in lib. 2 de Vita sancti Germani Autis-

siorensis episcopi, doceat *Severum* antequam in Britanniam ad resurgentis hæresis Pelagianæ incendium exsurgendum una cum sancto Germano proficisceretur, *Gentibus primæ Germania*, hoc est, Burgundionibus, in ea provincia consistentibus *verbum Dei predicavisse*. Verum sanctus *Severus* anno cdxlviii populis primæ Germaniæ verbum Dei predicavit, et, uti tradit Brouverus in Annalibus Trevirensibus, anno cdxvvi ad archiepiscopatum Trevirensensem evectus fuit, ideoque Valesii conjectura subsistere non potest; cum Burgundiones ante annum cdxvii, uti mox diximus, religionem Christianam susceperint. An itaque episcopus Moguntinus, aut episcopus Trevirensis Burgundiones sacris indis abluerit, prorsus incertum. Certum tamen fuit Gregorium Turonensem, qui lib. 2, cap. 9 scribit, *Burgundiones* Ariamorum sectam secutos esse. Ili enim antequam e Germania in Gallias venirent, gentiles erant, et postquam fidem amplexi sunt, reges Orthodoxos habuere usque fere ad tempora Clodovi magni Francorum regis, ut infra videbimus. Porro Burgundiones, qui ex Germania prodire, diversi sunt a Burgundionibus, qui anno cclvii *Attilam* Hunnorum regem in Galliam venientem secuti sunt, de quibus Sidonius in Panegyrico Aviti v. 320 :

Gepida trux sequitur, Scyrum Burgundio cogit.

Ili enim Scythæ erant, et ultra Danubium habitabant, a Ptolemæo *Fruquationes* dicti et in Sarmatia Europea positi, de quibus plura Valesius citatus, lib. 1 Rer. Franc. pag. 50. Fallitur enim Agathias lib. 1, pag. 14, ubi eos Burgusiones vocat, atque : « Natio hæc Gothica est per se laboriosa et bellica laude clara », quo et in errore fuit Gregorius Turonensis lib. 2, cap. 28, qui regem Burgundionum originem reperit ab *Athanarico* Gothorum rege Ariano de quo egimus sæculo superiori.

15. *Cur Salvianus Burgundionum non meminerit.* — Salvianus, qui libros suos de Gubernatione Dei anno cdxl aut insequenti absolvit, Barbarorum Gallias incolentium mores atque Religionem fuse describit, sed Burgundionum nullam mentionem facit. Lib. 4 ait : « Omnes Barbari aut pagani sunt aut hæretici. Pagani sunt hi; gens Saxonum fera, Francorum infidelis, Gepidarum inhumana, Hunnorum impudica. Sed nunquid tam criminosa est Hunnorum impudicitia quam nostra? nunquid tam accusabilis Francorum perfidia quam nostra? aut tam reprehensibilis impietas Alemanni, quam ebrietas Christiani? aut tam damnabilis rapacitas Alani, quam rapacitas Christiani? » Hæc et plura de Barbaris pagani Salvianus. De hæreticis autem lib. 7 sic loquitur : « Omnes autem hæretici aut Vandali sunt, aut Golhi. Sed ipse quondam hæresis Barbarorum de Romani magistrerii pravitate fluxerunt ». Bucherius lib. 13 Belgii Rom. cap. 4 existimat, ideo de Burgundionibus nihil apud Salvianum haberi, quod cum is libros suos scriberet circa annum cdxlii vix

nlli superessent, paulo ante cum rege suo *Gundicario* pane extincti. Verum hujus silentii ratio cum fugit; necque enim tota gens cum rege suo perit; cum, ut infra visuri sumus, *Sabaudia* eis postea a Romanis fuerit attributa, et varii reges *Gundicario* successerint. Salvianus itaque *Burgundionum* non

meminit, quia ante annum cdxvii Christiani effecti fuerant, et cum idololatria barbariem et feritatem deposuerant. Manceat itaque, Vandalis et Gothis in haeresi Ariana, aliisque in infidelitate permanentibus, *Burgundiones* Christo nomen dedisse.

INNOCENTII ANNUS 13. — CHRISTI 414.

1. *Gothi pelluntur e Galliis.* — Quadringentesimus decimus quartus Christi annus. Constantii et Constantis, patris et filii, consulatu adscribitur Fastis: ob res enim in bello adversus tyrannos et Barbaros feliciter gestas idem consulatum promeruerunt, necnon adsciri ab Honorio in collegas imperitii: sed haec postea. Constantii vero virtus hoc anno in expellendis e Gallia Gothis enituit. « Hoc enim anno, qui quartus a capta ab iisdem Gothis Urbe numeratur (inquit Orosius ¹) Constantius comes apud Arclatum Gallia urbem consistens, magna rerum gerendarum industria Gothos Narbona expulit, atque abire in Hispaniam coegit, interdicto praecipue atque intercluso omni commercatu navium, et peregrinorum usu commerciorum ». Haec Orosius, male tamen numerans ab Urbe condita annos mille centum sexaginta octo, cum numerandus esset sexagesimus sextus: sicuti perperam agit numerans sexagesimum quartum post millesimum centesimum, cum ab Alarico capta est Urbs, cum sexagesimus secundus sit numerandus ab ipso, qui Christum natum habet anno ab urbe septingentesimo quinquagesimo secundo. Subdit autem idem Orosius haec de Gothorum ipsorum rege Athaulpho: « Cumque eidem paci petenda atque offerenda studiosissime insistere, apud Barcinonem Hispaniae urbem dolo suorum (ut fertur) occisus est ». Sed id anno sequenti accidisse, Prosper affirmat: cujus corpus Barcinone sepultum ejusmodi fuit epithaphio honestatum ²:

BELLIPOTENS VALIDA NAYUS DE GENTE GOTHORUM
HIC CUM SEX NATIS REX ATAVLPHI IACES.
AUS ES HISPANAS PRIMUS DESCENDERE IN ORAS :

¹ Oros. l. vii. c. 43. — ² Apud Ambros. Moral. l. xi. Chron. Hispan.

QUEM COMITABANTUR MILLIA MULTA VIRUM
GENS TUA TUNC NATOS ET TE INVIDIOSA PEREMIT :
QUEM POST AMPLEXA EST BARCINO MAGNA GEMENS.

Quibus habes, non ipsum tantum regem Athaulphum, sed et sex ejus filios tum a Gothis peremptos esse. Quod autem Romani in Gothos, quos pacis studiosos et auxiliarios habere coperant, copias moverint, illa praecessisse causa videtur, quod Athalus ille tyrannus, qui ab iisdem Gothis imperium deponere coactus est, hoc anno (ut idem Prosper ait eorumdem Gothorum consilio tyrannidem resumit in Galliis: sed anno sequenti relictus a Gothis, captus Constantio vivus traditus est.

2. *Honorius adversus Donatistas rescribit.* — Ut vero Gothi hoc anno expugnarentur atque fugerentur e Galliis, tyrannusque Athalus redivivus opprimeretur, Honorius imp. praestitit: dum enim pro religione certans in Africa expugnat haereticos, Romanus exercitus in Galliis superat Barbaros: ut plane visi sint beneficiis mutuo cerlasse Deus optimus maximus, et Honorius imperator, iste haereticos exagitando, ille Barbaros atque tyrannos debellando. Sed reddamus hic datum ab eodem Honorio adversus Donatistas hoc anno rescriptum: cujus quidem sciendi, atque accelerandi, recentem praebere causam iidem diutissime tolerati impii Donatistae, quorum arte (ut vidimus) sanctissimus vir Marcellinus a duce Romani exercitus anno superiori fuit occisus. Porro cum putarent una cum eis morte perisse pariter Acta adversus eos in publica Collatione confecta: ea perpetuo in suo robore conservanda, idem imp. hoc anno dato ob eam causam rescripto sancivit ¹: recitavimus illud opportuniori occasione superius. Quod vero hoc

¹ L. lv. de haeret. C. Theod.

eodem anno adversus eosdem rescripsit ita se habet¹.

3. « Donatistas atque hæreticos quos patientia clementiæ nostræ nunc usque servavit, competenti constitutione auctoritate percelli, quatenus evidenti præceptione se agnoscant et instabiles, et nullam potestatem alicujus hereditatem incundi habere, sed perpetua inustos infamia a cœtibus honestis et a conventu publico segregandos. Ea vero loca, in quibus dira superstitio nunc usque servata est, Catholice venerabili Ecclesie socientur : ita ut episcopi, presbyteri, omnesque antifistes eorum et ministri spoliati omnibus facultatibus, ad singulas quasque insulas atque provincias exulandi gratia dirigantur. Quisquis autem hos fugientes propositam ultionem, occidendi causa, susceperit, sciat et patrimonium suum fisci nostri compendiis aggregandum, et se penam que his proposita est, subiturum ». Hæc adversus antifistes eorum, reliquosque ministros : adversus vero reliquas personas ista decrevit :

4. « Damna quoque patrimonii, pœnasque pecuniarias evidenter imponimus viris, mulieribus personis singulis, et dignitatibus pro qualitate sui quæ debeant irrogari. Igitur proconsulari, aut vicariano, vel comitivæ primi ordinis quisquis fuerit honore succinctus, nisi ad observantiam Catholicam mentem propositumque converterit, ducentas argenti libras cogitur exsolvere fisci nostri utilitatibus aggregandas. At ne id solum pœtur ad rescandam intentionem posse sufficere : quotiescumque ad communionem talem accessisse fuerit conflatatus (compulatus), loties multa exigatur. Et si quinque eundem considerit nec damnis ab errore revocari : tunc ad nostram clementiam referatur, ut de solida ejus substantia ac de statu æcerbius judicemus, etc. » Addit de pœna pecuniaria cæteris inferioris ordinis pro conditione ejusque infligenda, deque servis et colonis verberibus coercendis. Datæque ponitur Ravennæ X kalend. Julii, Constantio, et Constante cons. Misit hujus legis executorem in Africam Honorius imperator Dulcimum tribunum et notarium (ut testatur Augustinus²) de quo paulo post dicturi sumus.

5. *Concilium Donatistarum eorumque sese necantium insânæ.* — Cum autem hujusmodi Honorii imperatoris rescriptum in Africa promulgatum fuisset : Donatistæ episcopi, quid agendum sibi esset mutuo consulturi, quam celerrime conventum congregant vicinorum episcoporum. Conveniunt ad hanc ipsorum Synodum plusquam triginta Donatistarum episcopi. Ubi apud eos tractata causa, nullum aliud apparet ipsos firmasse decretum, quam de non deserendis ecclesiis, nec patiendo in insulas externas regiones exules deportari ; sed cum vis præfectorum ingrueret (o portentum !) antevertere debere eorum conatus voluntaria morte sic ratos, fore, ut vel si manus sibi violentas inferre

confingeret, a suis colerentur ut martyres ; vel judicium commiseratione falia ab eis fieri exhorrentium, sincerentur in suis ipsorum ecclesiis permanere : ista sunt quæ callidissimi illi in ipsorum Concilio statuerunt. Hæc autem omnia ex Augustino perspicua fiunt, quem contigit ejusdem legis sæpius meminisse : nam quod ad eam pertinet partem rescripti, qua imperator eadem prosequitur pœna qui eos occullarent, hæc ipse contra Gaudentium³ : « Cum vos hoc tempore talem persecutionem perpeti dixistis, qualis nunquam fuit ; id est, ut loca desint, quo confugere atque ubi latere possitis ». Hæc de vetita eorum occultatione.

6. De Concilio autem ab eis celebrato subdit mox ista : « Tamen Concilia faciatis ; ordinatis episcopos, etiam in eorum locum qui suis ignibus perierunt. In Concilium autem, tantæ (ut putatis et jactatis) persecutionis tempore, amplius etiam quam triginta convenire potuistis, ubi et Pellilianus fuit, qui persecutionis tempore nec duodecim convenire potuisse clamabat ». De uno autem Donatistarum episcopo, Donato nomine, sese, ne duceretur in exilium, occidere sæpe tentante, meminit idem Augustinus in Epistola ad ipsum data, ut ab hujusmodi furore impium revocaret : nam ait³ : « Si posses videre dolorem cordis mei, et sollicitudinem pro salute tua ; fortassis misereris animæ tuæ placens Deo in audiendo verbo » : et paulo post : « Quid enim volumus, nisi te comprehendi, et presentari, et servari, ne pereas ? Quod autem in corpore læsus es : ipse tibi fecisti, qui jumento tibi mox admoto noli noluisti, et te in terram graviter collisisti » : et post multa : « Modo quod te in puteum, ut moreris, misisti, nique libera voluntate fecisti. Sed quam crudelēs essent, servi Dei, si huic male tuæ voluntati te permitterent, et non te de illa morte liberarent ? Quis eos non merito culparet ? quis non impios recte judicaret ? Et tamen tu te volens in aquam misisti, ut moreris ; illi te nolentem de aqua leverunt, ne moreris, etc. » Contigisse quidem hæc his temporibus, ipse Augustinus eadem Epistola haud obscure significat, dum hæc post Collationem illam magnam evenisse declarat, et post editas teges adversus ipsos, quibus ii teneri, et ad exilium duci juberentur. Fuisse alios ex ipsis episcopos qui se ignibus tradidere, quæ ex eodem Augustino adversus Pellilianum sunt dicta declarant, cum ait, successores ab eis alios episcopos in locum eorum qui se in ignem conjicientes periere.

7. Cum autem frequentia essent ejusmodi infansla Donatistarum funera ; hæc omnia in invidiam Catholicorum redundabant, perinde ac si ipsi eos in mortem adigerent : adversus vero hæc sic ipse idem Augustinus contra Gaudentium³ : « Militia, inquit, in vos constituit imperator propter mansuetudinem Christianam exilium vobis voluit inferre non mor-

¹ L. LIV, de hæret. C. Theod. — ² Aug. Retract. l. II. c. 59.

³ Aug. cont. Gaudent. l. I. c. 37. — ² Aug. ep. CIV. — ³ Aug. cont. Gaudent. l. I. c. 19.

tem. Sed vos homines docti, considerantes quid debeatur merito, et quid minus sit in supplicio, non de iudicio illius, sed de vestro additis mortem». Rursum vero de iisdem hæc ad Bonifacium comitem¹: « Qui autem, inquit, nesciunt consuetudinem illorum, putant eos modo se ipsos occidere, quando ab eorum insanissima dominatione per occasionem legum istarum, que pro univale sunt constituta, tanti populi liberantur. Qui autem sciant et ante ipsas leges quid facere soleant, non eorum mirantur mortes, sed recordantur mores, etc.» Quod vero spectat ad pecuniariam pecuniam ex eodem rescripto laicis indictam; sic illa exigebatur, ut tamen eisdem reddenda servaretur, reddereturque, si ad Catholicam Ecclesiam redire vellent: hinc idem Augustinus hæc ait adversus Gaudentium²: « Verum de his pecuniariis laboribus facilior causa est. Ecce quotidie, si quis ad nos transitum facit, cum etiam illi quorum erant, ad pacem Catholicam transeunt, reddimus pecuniam, vestem, fructus, vasa, rura, lecta vestrorum». Hæc Augustinus.

8. Quid autem eodem tempore transactum sit inter Gaudentium Donatistarum episcopum et Dulciliium tribunum et notarium missum in Africam ab imperatore executorum ejusdem adversus Donatistas rescripti, S. Augustinus declarat his verbis³: « Per idem tempus Dulcilius tribunus et notarius hic erat in Africa executor imperialium jussionum contra Donatistas datarum. Qui cum dedisset litteras ad Gaudentium Thamugadensem Donatistarum episcopum, unum illorum septem, quos in nostra Collatione auctores suæ defensionis elegerant, exhortans eum ad imitatem Catholicam, et dissuadens incendium, quo se ac suos cum ipsa in qua erat ecclesia consumere minabatur; addens etiam, si se justos putarent, fugerent potius secundum præceptum Domini Christi, quam nefandis se ignibus concremarent. Ille rescripsit Epistolas duas; unam brevem, festinante (ut asseruit) perlatores; aliam prolixam, quasi plenius diligentius respondens; has mihi supra memoratus tribunus existimavit mittendas, ut eas potius ipse refellerem; quas ambas uno libro redargui». Extant ipse ambæ Epistolæ ab eodem Augustino eidem suo adversario libro intextæ. Si legeris, miraberis insanire hominem de mente concepta inani martyrii gloria ex nece voluntaria comparati. Addidit autem Augustinus etiam secundum librum adversus ejusdem Gaudentii responsionem.

9. Anceps vero Dulcilius cui executio dati in Donatistas rescripti mandata fuerat, territus voluntariis mortibus Donatistarum, quid sibi agendum esset litteris consuluit Augustinum eodem tempore, quo adversus Gaudentium ut scriberet, eum rogasset. Quid autem ad ipsum hæc rogantem responderit, Epistola ad eundem Dulciliium scripta, suo

ipsius exordio, declarat his verbis¹: Non debui contemnere petitionem tuam, qua desiderasti a me institui, quemadmodum te oportet hæreticis respondere, quorum salus in Domini misericordia instantia quoque tuæ strenuitatis inquiritur. Quamvis enim ingens eorum multitudo, unde plurimum gratulatur quid sibi beneficii conferatur, intelligant; quidam tamen coram et Deo et hominibus miserabili instinctu furoris ingrati, nisi suis cordibus nos vastare non possunt, suo nos exitio terrere se credunt; aut lætiam suam quærentes de mortibus nostris, aut tristitiam nostram de mortibus suis. Sed non debet tot tantorumque populorum salutem furiosus error hominum impedire paucorum. Quid eis velimus, non solum Deus et prudentes homines, verum etiam ipsi, cum sint nobis inimicissimi, sentiunt: cum enim sua pernicie terrendos putant, non dubitant nos timere ne pereant. Sed quid faciamus, videntes quod multi, adjuvante Domino, per occasionem vestram, viam pacis inveniant? Numquid prohibere nos possumus, vel debemus ab hæc unitatis instantia; dum melius ne quidam durissimi et in se ipsos crudelissimi, non nostra, sed propria voluntate se perdant? » Et paulo post: « Procul dubio melius incomparabili numerositate plurimis ab illa pestifera divisione et dispersione redintegratis atque collectis quidam suis ignibus pereant, quam pariter universi sempiternis ignibus gehennarum merito sacrilege dissensionis ardeant, etc. » Hæc Augustinus, qui eundem admonet, leviterque oljungal, quod ad Gaudentium Donatistam scribens, honorificis verbis nimis egisset cum hæretico. Sed quid post hæc? Equidem apparet mihi cum eis esse transactum, quod non omnes Donatistarum episcopi solum vertere jussi sunt; plures enim eorum in Africa remansisse, quæ inferius dicenda erunt, demonstrant. At de his modo satis. Sane quidem quod ad Dulciliium perficit; virum ipsum fuisse disertum, intelligere potes ex libro ad eum scripto de octo questionibus, ubi idem Augustinus meminit se ante ea tempora scripsisse Enchiridion ad Laurentium.

10. *Pauli Orosii Hispanensis legatio ad Augustinum in Africa circa hæreses in Hispaniam illatas.* — Hoc eodem anno contigit, Pauli Orosii legatio ex Eutropio et Paulo in Hispania episcopis ad S. Augustinum in Africam. Hujus autem decernende legationis in causa fuisse hæreses, quæ tunc temporis dire Hispanias infestabant; nam præter Priscillianistarum errores, quos singulos idem Orosius in libello consultationis Augustino oblato enumerat; novas addit hæreses nuper inventas, ex Origene et Victorino prognatas, allatas vero in Hispanias a duobus Avitis Hierosolymis atque Roma profectis. Extat ipse Orosii consultationis libellus ad S. Augustinum, in quo post recensitos dictos Priscillianistarum errores Hispaniæ Ecclesiæ labefactantes, hæc subdit²: « Tunc duo cives mei, Avitus, et alius

¹ Aug. ep. L. — ² Aug. conf. Gaudent. l. I. c. 38. — ³ Aug. Retract. l. II. c. 19.

¹ Aug. ep. LXL. — ² Apud Aug. ante ejus librum adver. Priscillian.

Avitus, cum jam tam turpem confusionem et per se ipsam veritas sola nudaret, peregrina perierunt: nam unus Hierosolymam, alius Romam profectus est. Reversi, unus retulit Origenem, alius Victorinum: ex his duobus alter alteri cessit; Priscillianum tamen ambo damnarunt, Victorinum parum novimus, quia adhuc pene ante editiones suas Victorini seclator cessit Origeni. Ceperunt ergo ex Origene magnifica plura proponi, quae ex modica occasione veritas ipsa praecederet. Didicimus enim de Trinitate doctrinam satis sanam; omnia quae facta essent, a Deo facta esse, et omnia bona valde, et facta de nihilo: tunc deinde Scripturarum solutiones satis sobrias. Omnia haec statim a sapientibus fideli pristinorum expurgatione suscepta sunt. Remansit sola offensa de nihilo. Credere enim persuasum erat, esse animam; non tamen persuaderi poterat, factam esse de nihilo: argumentantes, quia voluntas de nihilo esse non possit. Hoc pene usque ad nunc manet. Isti vero Aviti duo, et cum his S. Basilius Graecus, qui haec, beatissime, docebant, quadam ex libris ipsius Origenis non recta, ut nunc perintelligunt, tradiderunt, etc.» Recenset enim Origenis errores ex ejus Periarchon redditos, et alios superadditos: nimirum antequam Verbum carnem assumeret, omnium ordinum Angelorum sumpsisse formam, cum in caelo singulis praedicaret.

11. Quisnam nominatus superius Victorinus fuerit, quisve Graecus iste Basilius, qui in Hispaniam veniens, Origenis haereses cum Avitis ambobus docere cepit, nobis hactenus incompertum est. De altero autem Avitorum ex S. Hieronymi litteris illud innotescit¹: ipsum expetiisse a S. Hieronymo, ut Origenis Periarchon ab ipso pure translatum ad se mitteret: quod perlibenter Hieronymus fecisse demonstrat in Epistola ad eum scripta, qua etiam illud addidit, ut moneret eum, quos cavere deberet Origenis errores, et in fine ejusmodi contestationem adjecit: « Quisquis igitur hos voluerit legere libros (nempe Origenis Periarchon) et calcatis pedibus ad terram repromissionis pergere, ne cubi a serpentibus mordeatur et arnato scorpionum vulnere verberetur, legat prius hunc librum (nempe ipsam Epistolam ad Avitum datam, qua erroribus Origenis praefixit antidotum) et antequam ingredatur viam, quae sibi cavenda sint, noverit ». Haec S. Hieronymus. Quoniam autem tempore ista ad Avitum scripserit, colligi potest ex ejusdem Epistolae exordio, cum ait: « Ante annos circiter decem sanctus vir Pammachius ad me ejusdem schedulas misit, quae Origenis Periarchon interpretata volumina continerent, etc. » Cum igitur decennium interlapsum dicat ab eo tempore, quo Pammachius ab ipso Hieronymo petit sinceram reddi fide latinae linguae, quae graecae in Periarchon scripserat Origenes (quod factum esse superius diximus anno Domini trecentesimo nonagesimo nono) affirmare opus est, dictam ad Avitum Epistolam datam esse

ante quinquennium, nimirum a Christo nato quadringentesimo nono. Intelligis ex his, lector, quanto periculo libri legantur haereses continentes; cum non satis sit ad cavendum venenum, antidotum praegustasse. Etenim Avitus quamvis una cum Origenis Periarchon accepisset ex Hieronymi Epistola securum remedium; tamen evocavit pharmacum, et potatum venenum visceribus inclusum retinuit ad sui certum miser interitum.

12. Quod autem ad S. Augustinum pertinet: non defuit officio, sed accepto ab Orosio consultationis libello, brevissime quidem, ac plane disertissime adversus Priscilliani atque Origenis errores magna fiducia disputavit, edito commentario ad eundem Orosium (ut inscriptio praese fert) adversus Priscillianistas et Origenistas. Extat eodem quoque argumento, nempe contra Priscillianam haeresim ejusdem Augustini Epistola ad Cerecium¹. Meminit et ipse sanctus Augustinus dicte nuper lucubrationis adversus Priscillianistas; deque ipso Orosio ad Evodium scribens episcopum Uzalensem, qui hoc tempore in Africa claruit, haec habet²: « Occasionem quippe ejusdem sanctissimi et studiosissimi juvenis presbyteri Orosii, qui ad nos ab ultima Hispania, id est, ab Oceani littore, solo sanctorum Scripturarum ardore inflammatus advenit, amittere nolui: cui ut ad illum quoque pergeret (nempe Hierosolymam ad S. Hieronymum) persuasi. Illic etiam ipsi Orosio ad eandem interrogata, quae illum de Priscillianistarum haeresi et Origenis quibusdam opinionibus, quas non recipit Ecclesia removebant, uno libro non grandi quanta potui brevitate et perspicuitate, respondi, etc. » Addit de libris a se tunc scriptis adversus Pelagianos et alios lucubrationibus antea editis.

13. Quod vero ad Priscillianistas spectat: illud non omittendum, S. Augustinum repressisse Catholicos illos homines, qui ad inquirendos Priscillianistas mendaciorum atque perjuratorum involneris delitescentes, dicebant artem contraria arte deludendam esse; atque ob eam causam ne magno fidei detrimento fidem Priscillianistae occulti manerent, licere mendaciam proderet, nempe mentiri se quoque esse Priscillianistas, ut qui vere essent Priscillianistae defegere, sicque ab hujusmodi pravis fructibus expurgare possent Ecclesiam. Haec vero cum S. Augustinus accepisset, execratus est facinus, quod Christiano homini nec in levibus mentiri liceat: quamobrem adversus ea asserentes ad Consentium librum scripsit contra mendacium³.

14. Remansit autem hoc anno Orosius apud S. Augustinum cupiditate discendi, sequenti vero (ut suo loco dicemus) navigavit Hierosolymam. Porro eidem Orosio ipse S. Augustinus innoxit opus ut historiam scriberet adversus Paganos; quod ille officiosissime praestitit, ut ejusdem Orosii Praefatio libris affixa docet: de quo ista Gennadius⁴: « Hic est

¹ Hier. ep. LIX.

¹ Aug. ep. cCLIII. — ² Aug. ep. cII. — ³ Aug. Retract. l. II. c. 60. — ⁴ Gennad. de Vir. illustr. c. 33.

Orosius qui ab Augustino pro discenda animæ ratione ad Hieronymum missus, rediens reliquias B. Stephani primi martyris tunc nuper inventas primum intulit Occidentis. Claruit extremo pene honori imp. tempore ». Quando autem Orosius absolverit opus, quod, rogante S. Augustino, elaborandum suscepit, ipse his verbis in fine declarat, ubi ait ¹: « Explicui, adjuvante Christo, secundum tuum præceptum, beatissime pater Augustine, ab initio mundi usque in præsentem diem, hoc est, per annos quinque mille sexcentos decem et octo, etc. » Illic est annus quadragesimus decimus septimus.

15. Habebat præ manibus hoc tempore S. Augustinus (ut ipse in dicta ad Evodium ² Epistola tradit) libros de Civitate Dei, et ex eis quinque absolverat, necnon de Trinitate commentarios longo tempore (ut ait) elaboratos : sed et se absolvisse ad expositiones in tres psalmos, sexagesimum septimum, septuagesimum primum, et septuagesimum septimum. Insuper in fine ejusdem Epistolæ ad Evodium habet, se mittere Orosium ad S. Hieronymum, rogaturum de origine animarum quæ ipsius ea de re esset firma sententia : occasione enim questionum, quæ per ejus libellum ad Augustinum de hæresibus Priscilliani et erroribus Origenis refricatae sunt; cum quid de eo sentiret, ut in re magni momenti, ipse Augustinus suam sententiam, suspendisset (quod proficitur in fine libri ad eundem Orosium adversus Priscillianum et Origenem conscripti) Hieronymo referit tantæ questionis sententiam, quem et Marcellinus antea (ut vidimus) eadem interrogatione pulsaverat. Vide plane, et admirare tanti Patris modestiam in non definiendo questionem, quæ tanti ponderis videretur, et ejus animi demissionem atque candorem cum observantia erga S. Hieronymum, ut nec vel levis pulvis offensio in ejus corde resederit penitus ex præteritis multorum annorum dissectionibus.

16. *De erroribus ab Origenis Periarcho pullulantibus, quos Augustinus impugnat.* — Sed quid post hæc accidit? illud quidem, ut cum prominens pessimæ plantæ truncus ex Origenis Periarcho productus, scriptis sanctorum Patrum et decretis sacrorum Conciliorum (ut vidimus) succisus esset; pullulaverint tamen ex eo hinc inde virgulta S. Augustini falce postea succidenda. Etenim quod ait Orosius in dicto consultationis libello, ex Origene de damnatorum ad æternum ignem salvatione post aliquam purgationem, deque etiam ipsius diaboli restitutione per Avitos in Hispania prædicatis : licet in his quæ ad salvationem dæmonum spectant, minime assensus fuisset : apparet quidem, quod quæ de damnatis venia impedienda dicta essent, haud rejecta fuere, sed accepta a pluribus, ita tamen, ut pro diversitate animi cujusque sententiæ, diversæ fuerint eorumdem assertiones, quas omnes recitavit atque conflativè idem postea Augustinus, qui post

primam ¹ rejectam eorum sententiam, qui crederent damnatos fore omnino salvandos, ista subdit ². « Sunt etiam, quales in colloquutionibus nostris ipse sum expertus, qui cum venerari videantur Scripturas sanctas, moribus improbandi sunt, et agendo causam suam nullo majorem quam isti misericordiam Deo tribuunt erga humanum genus. Dicunt enim de malis, et infidelibus hominibus divinitus quidem verum prædictum esse, quod digni sunt poena : sed cum ad judicium ventum fuerit, misericordiam esse superaturam. Donabit enim eos (inquit) misericors Deus precibus et intercessionibus sanctorum suorum ». Cum in die judicii pro illis rogaturi sunt Deum : et post multa recensita, quæ illi dicerent, ut hæc probarent subdit ³ alia ab aliis jactari solita, his verbis.

17. « Item sunt alii, ab æterno supplicio liberationem nec ipsis saltem omnibus hominibus promittentes, sed tantummodo Christi baptismate ablutis, qui participes fiunt corporis ejus, quomodolibet vixerint, in quacunque hæresi, vel impietate fuerint; propter illud quod ait Jesus ⁴ : Hic est panis qui de caelo descendit, ut si quis ex ipso manducaverit, non moriatur, etc. » Addit ad hæc et de alia horum classe : « Item sunt qui hoc nec omnibus habentibus baptismatis Christi, et ejus corporis sacramentum, sed solis Catholicis, quamvis male viventibus, pollicentur : quia non solo sacramento, sed re ipsa manducaverunt corpus Christi, in ipso ejus corpore constituti » : Rursus et de aliis addit ⁵. « Sunt autem qui propter id quod scriptum est ⁶ : Qui perseveravit usque ad finem, hic salvus erit : non nisi in Ecclesia Catholica perseverantibus, quamvis in ea male viventibus, hoc promittunt » : atque demum ⁷ : « Comperi etiam quosdam putare eos tantummodo arsuos illius æternitate supplicii, qui pro peccatis suis facere dignas elemosynas negligunt, juxta illud Apostoli Jacobi ⁸ : Judicium autem sine misericordia illi, qui non fecit misericordiam. Qui ergo fecerit (inquit) quamvis mores in melius non mutaverit, sed inter ipsas suas elemosynas nefarie ac nequiter vixerit, judicium illi cum misericordia futurum est, ut aut nulla damnatione plectatur, aut post aliquod tempus, sive parvum, sive proficuum, ab illa damnatione liberetur ». Hi sunt qui his temporibus excisso utero Origenianæ viperæ progressi sunt colubri, quos omnes S. Augustinus verbi Dei virtute confecit, adversus eosdem accurate disserens in libris de Civitate Dei ⁹, quos (ut diximus) his diebus ipse scribebat.

18. *Scribit Augustinus commentarium De Natura et Gratia adversus Pelagium.* — Illoc eodem tempore idem S. Augustinus (ut ipse testatur in eadem dicta superior Epistola ad Evodium ¹⁰) adversus Pelagianos edidit commentarium illum, cujus est titulus, De Natura et Gratia, ad Timasium et

¹ Aug. de Civit. Dei, l. XXI. c. 17. — ² Aug. ib. c. 18. — ³ Aug. ib. c. 19. — ⁴ Joan. vi. — ⁵ Aug. de Civit. Dei, l. XXI. c. 21. — ⁶ Matth. XXIV. — ⁷ Aug. ibid. — ⁸ Jacob. II. — ⁹ Aug. de Civit. Dei, l. XXI. c. 23, 24, 25, 26, 27. — ¹⁰ Aug. ep. CII.

¹ Oros. l. VII. c. ult. — ² Aug. ep. CII.

Jacobum, quos ex Pelagii discipulis reddidit Catholice Ecclesie filios. At quomodo hæc se habuerint, ex ejusdem Augustini scriptis dicendum erit. Ac primum quid de eo commentario in dicta ad Evodiam Epistola dicat, cum de Orosio, et aliis hujus anni scriptis recensitis mentionem habuit: «Scripti, inquit, etiam grandem quandam librum adversus Pelagii hæresim, cogentibus nonnullis fratribus, quibus contra gratiam Christi opinionem perniciosissimam ille persuaserat». Ex his namque fuisse Timasium et Jacobum; idem Augustinus Epistola ad Innocentium¹ Romanum Pontificem tradit, ubi ait: «Misimus reverentiæ tuæ librum quem deleverunt quidam religiosi, et honesti adolescentes, servi Dei, quorum etiam nomina non taceamus; nam Timasius et Jacobus vocantur: qui (sicut audivimus, et jam nosse dignaris) ipsius Pelagii exhortatione spem quam habebant in seculo reliquerunt, et nunc continenter Deo serviunt. Qui cum eodem errore tandem aliquando per qualemcumque operam nostram, Domino inspirante, caruissent, protulerunt eundem librum Pelagii esse dicentes: et ut ei responderetur, impendio rogaverunt. Factum est. Ad eundem rescripta est ipsa responsio. Agentes gratias rescripserunt. Utrumque misimus, et cui responsum est, et quod responsum est». Hæc ad Innocentium. De eodem quoque commentario inter alios libros intellexisse putamus Hieronymum ad finem commentarii contra Pelagianos, dum de sancti Augustini scriptis adversus eosdem post alios nominatim recensitos, hæc habet²: «Alios quoque specialiter tuo nomini (nempe contra Pelagianos expresse) eudere dicitur». Meminit ejusdem quoque commentarii idem Augustinus in Epistola ad Joannem, ubi de amborum illorum Pelagii discipulorum Timasii atque Jacobi conversione agit: misitque una cum Epistola dictum Pelagii librum cum responsione, et confutatione ad eosdem. Perlibenter enim ejusmodi inscriptionem suam idem S. Augustinus evulgandam curavit: nam eam tum Romam, tum Hierosolimam misit: quod iisdem in locis idem

Pelagius mentita larva se Catholicum exhibuerat, effugiens eo modo Ecclesie, quam ut hæresiarcha commerebatur, sententiam anathematis. At de his modo satis: sequenti autem anno pro temporis ratione de eodem Pelagio prolixior erit prosequenda narratio.

19. *Synodus in Macedonia.* — Hoc eodem anno collecta est provincialis Synodus in Macedonia, ex qua pro confirmatione rerum gestarum missa est legatio ad Innocentium papam per Vitalem archidiaconum. Constant quidem hæc ex litteris ejusdem Romani Pontificis ad eos redditus³, quibus ipse eos nonnihil reprehendit, et ab eis haud recte facta rescidit, in cujus exordio ista habet: «Adverti, Sedi Apostolice, ad quam relatio quasi ad caput Ecclesiarum missa currebat, fieri injuriam, cujus adhuc in ambiguum sententia duceretur. Unde de quibus jamdudum scripsisse me meministi, nunc iterare formam argumentis evidentibus relationis vestræ geminata percontatio compellit, etc.» Vides ex his, quanta effulgeret in Sede Apostolica cum auctoritate majestas, ut loco injuriæ duceretur, si oporteret eadem semel imperfita iterare mandata.

20. *Translatio reliquiarum.* — Hoc item anno, qui Cyrilli episcopi Alexandrini sedis secundus inchoatus numeratur, die vicesima octava Julii ab eodem facta est translatio partis reliquiarum sanctorum martyrum, nempe S. Marci Evangelistæ, Cyri atque Joannis, in Canopum, tibi jam sedes vigeat idololatria. Licet enim destructum fuisset quod illic famosissimum erat idoli fanum et a Theophilo Ecclesia supererecta: demones tamen adhuc ibidem permansisse, infestatio ipsorum satis significabat. Cessavit autem, penitusque extinctus est eorum conatus, et vis evanuit, ubi eadem sunt translate reliquæ, quibus illi victi, sedes antiquas prorsus relinquere coacti sunt. Hæc habentur satis aperta ex Actis eorundem sanctorum martyrum Cyri atque Joannis in posteriore Concilio Nicæno cognitæ, et a S. Joanne Damasceno, et aliis comprobatis.

¹ Innoc. ep. xxvii.

² Aug. ep. xcvi. — ³ Hier. cont. Pelag. l. iii. in fin.

Anno periodi Graeco-Romanae 5907. — Jesu Christi 414. — Innocentii papae 14. — Honorii 22. et 20. Theodosii Jun. 13. et 7.

4. *Vicennalia Honorii.* — Coss. Fl. *Constantius* Occident. et *Constans* Orient., teste Olympiodoro, qui scribit : « Constantius consul Ravennae creatur, cum quo Constantinopolitanum consulatum Constantius gessit ». Hunc Theodosius jun. magistrum militum per Thracias anno cōxu constituit, ut liquet ex leg. Un. Cod. Theod. *De lusoriis Danuvii*, eidem inscripta. Quare fallitur Baronius qui ait, *Constantem* hunc fuisse filium Constantii, qui postea imperavit, et Placidiam Honorii sororem duxit. *Vicennalia* Honorii post Theodosii patris mortem imperantis in hunc annum incidunt, quorum varia hoc anno indicabimus vestigia. *Constantium* Fl. dictum patet ex *Zozimi* litteris anno cōxxviii datis.

2. *Adaulphus Placidiam ducit uxorem.* — Ad num. 1. Idatius in Chronico anno Abrahami מרעכךח qui kalend. Octobris superioris Christi anni inchoatur, ait : « Ataulfus apud Narbonam Placidiam duxit uxorem : in quo Prophetia Danielis putatur impleta, qui ait filiam regis Austrī sociandam regi Aquilonis : nullo tamen ejus ex ea semine subsistente ». Tempus signantius Olympiodorus memorat : « Adaulphus de Placidiae nuptiis satagens, Constantio eam postulanti graviore praetexit postulationes, ut si compos illarum non fieret, illa juste relenta videretur. Constantius olim designatus, consul Ravennae aliquando creatur, etc. Adaulpho, studio ac consilio Candidiani, nuptiae cum Placidia conveniunt. Januarii mense nuptiis dictus dies, Narbone Galliae urbe, in domo Ingenii ejusdem, primarii ejus urbis viri, etc. hinc versus canuntur epithalamii, Attalo praecinente, etc. » *Jornandes* (sive *Jordanes*) quidem de Reb. Get. cap. 31 scribit, Adaulphum in *Forojulii Aenulae* civitate suo matrimonio copulasse Placidiam. Verum Adaulphus jam a biennio in Galliis erat, ideoque *Jornandes* hac in re erravit, errorque illi natus, quod tunc *Adaulphus* Placidiam sibi uxorem postularit.

3. *Gothi ab Honorianis Narbona expulsi.* — Post illud matrimonium Constantius, qui Placidiam ducere voluerat, Gothos Narbona expulit, ut narrat *Orosius* cap. ult. dicens : « Anno ab Urbe condita mclxxviii, Constantius comes apud Arelatum Galliae urbem consistens, magna gerendarum rerum industria Gothos a Narbona expulit, atque abire in Hispaniam coegit, etc. », ubi *Orosius* utitur suppuratione Capitolina, ut liquet ex *Idatio* in Chronico,

cujus verba anno sequenti referemus, ex quibus manifestum fiet, id hoc anno contigisse. Quod vero hic habet *Baronius* de *Ataulfi* morte, pertinet ad annum sequentem, quo et ipse recte eam collocat.

4. *Donatistarum legibus Honorii repressi.* — A num. 2 ad 10. *Honorius* imp. animadvertens Donatistarum vesaniam post *Collationem* Carthaginiensem in immensum excrevisse, ut passim testis est *Augustinus*, die x kalend. Jul. dedit legem 44 Cod. Theod. *De haereticis*, recitatam a *Baronio*, qua decem penis, in Africa proconsulari, cui *Julianus* proconsul praerat, et ad quem lex directa, Donatistas subijci jubet. Primo, instabiles declarantur, hoc est, testamenti factione privantur. Secundo, *Conventicula* eorum sociantur Ecclesiae Catholicae. Tertio, sacerdotes et ministri eorum bonis proscriptis deportantur. Quarto, ut et eorum occultores. Quinto, multa Donatistis irrogatur, qui in grege Donatistarum inventi fuerint, et in haeresi permanere voluerint. Sexto, multa etiam irrogatur iis, qui loca praebent in alienis praediis ad mysteria celebranda. Septimo, ut etiam privati Dominis praediorum, si conductores suos errantes non correxerint. Octavo, mulctantur etiam officiales judicum in eo errore deprehensi. Nono, coloni servique verberibus cohiberi jubentur, et perseverantes tertia peculii parte mulctantur. Decimo, omnia, quae ex locis vel mulctis percepta fuerint, principis aëario attribuuntur. Quae omnia *Gothofredus* in hujus Legis commentario singularibus observationibus illustrat. Quoad legem ejusdem Cod. 55 *De haereticis*, etiam hoc anno datam, anno superiori ea explicata. Hæ leges pieclatis *Honorii* ejusque *vicennalium* illustrata monumenta.

5. *Epistola Augustini adversus Donatistas.* — *Augustinus* Epistolam cccv, alias lxi a *Baronio* num. 9 memoratam, *Dulcitio*, tribuno et notario, imperialiumque jussionum adversus Donatistas datarum executori ex lib. 2 *Retract.*, cap. 59, qua significat, abunde jam satisfactum fuisse querelis *Donatistarum*, et eorum ostendit vesaniam, qui sibi necem ultro consciscabant, non scripsit ante annum Christi cōxx, ut recte *Patribus* *Benedictinis* observatum. Constat enim ex num. 4 et 9 ejusdem Epistolae datam fuisse paulo ante libros contra *Gaudentium* *Thamugadensem* episcopum Donatistam. Porro

libri duo contra *Gaudentium*, in quorum prioribus ad *Dulcitium* Epistolae referuntur, recensentur in lib. 2 *Refract.* cap. 59. proxime ante libros de Anima ejusque origine, de adulterinis conjugiiis, contra adversarium Legis et Prophetarum, ideoque anno circiter cōxx publicis et profertur. Quare quae Baronius hoc anno num. 5 et seqq. ex libro priori contra *Gaudentium* recitat, ad illum Christi annum revocanda.

6. *Orosius in Africam venit.* — A num. 40 ad 15. Hoc anno *Paulus Orosius* ex Hispania in Africam ad sanctum *Augustinum* venit, ut nonnullarum difficultatum solutionem ab eo impetraret. Cum enim Syracensis *Pelagii* discipuli nova dogmata publicantes graves turbas darent, *Hilarius* quinque questiones sibi explicandas ad Augustinum e Sicilia transierat. Hic autem scripsit ad eum Epistolam clvii, alias lxxxix, qua pluribus demonstrat neminem in hac vita vivere posse sine peccato: liberum arbitrium absque gratiae auxilio non posse mandata divina servare: damnari infantes sine baptismo ex hac vita migrantes: non teneri divites ad universa bona pauperibus eroganda: neminem denique esse debere ad jurandum proclivem. Nondum erat id temporis *Hilarius* episcopus, cum, ut observat Em. card. Norisius lib. 1 *Hist. Pelag.* cap. 6, in epigraphae Epistolae *filii* a sancto Doctore nominetur. Baronius anno cōxi, num. 49, eam ad *Hilarium* Epistolam eo anno datam esse existimavit. Verum card. Norisius citatus recte eam hoc anno collocavit, uti et Patres Benedictini, et nos probavimus eo anno num. 42.

7. *Augustinus scribit adversus Pelagianos.* — Eodem fere tempore, ut habet card. Norisius, cum *Paulus* et *Eutropius* episcopi Gallicani plurium haeresicon commonitorum *Augustino* detulissent, libellum etiam eisdem dederunt Pelagianis rationibus contextum, quem ex Sicilia acceperant, et *Celestii* nomine circumfercebatur. *Augustinus* cum nusquam novos Pelagianorum motus intelligeret, ingens ac jandiū meditalum Opus inchoarat, nempe Expositionem *Psalmsorum*, simulque volumen *De civitate Dei* prosequebatur. Vix autem tres Psalmos interpretatus fuerat, duosque libros prioribus tribus *De civitate Dei* addiderat, cum ad Pelagianos styllum convertere coactus est. Quod deducit card. Norisius ex Epistola Augustini clxix, alias c ad *Evodium*. Verum, ut anno cōxi, num. 12 et seqq. jam ostendi, haec in annum sequentem differenda.

8. *Liber de perfectione justitiæ.* — Non convenit inter scriptores, a quonam *Paulus Orosius* ad Augustinum missus fuerit. Aliqui missum putant ab *Erote* et *Lazaro* Gallie episcopis, Baronius vero *Eutropium* et *Paulum* memoratos hujus peregrinationis auctores fecit. Sed Em. card. Norisius citatus demonstrat ex Epistola Orosii ad Augustinum, quae praefixa est libris adversus Priscillianistas sub nomine Consultationis sive Commonitorii Orosii ad Augustinum, in tomo viii Operum sancti Augustini juxta novam editionem, *Orosium* sua sponte et a

nemine missum ad Augustinum in Africam profectum esse. In ea enim Consultatione ait Orosius: « Ad te per Deum missus sum, de te per eum spero, dum considero, qualiter actum est, quod huc venirem. Ago scio cur venerim, sine voluntate, sine necessitate, sine consensu. De patria egressus sum, occulta quadam vi actus, donec in istius terrae litus allatus sum. Hic denum in eum resipui intellectum, quod ad te venire mandabas, impudentem non iudices, si accipis confidentem ». Imo ipse Augustinus in Epistola citata ad Evodium de Orosio scribit: « Ad nos ab ultima Hispania, id est, ab Oceani litore, solo sanctarum Scripturarum ardore inflammatus advenit ». Ex quo et constat, Baronium qui hanc Orosii peregrinationem in Africam huic anno affigit, Epistolam illam ad Evodium perperam cum anno Christi cōxi copulasse. Erat in animo *Orosio* tradere sancto Doctori Commonitorium illud de pravis Priscillianistarum, atque Origenistarum sententiis, quibus Hispania agitabatur. Sed cum quotidie tantis occupationibus *Augustinum* obrutum videret, rem procrastinabat, cum *Eutropius*, et *Paulus* supervenere, plurium *Celestii* ratiocinationum confutationem sanctum Doctorem rogaturi.

9. *Anno sequenti editus.* — Orosius quidem in ea Epistola scribit: « Eutropius et Paulus episcopi, eadem qua et ego puer vester, salutis omnium utilitate permoti, commonitorum jam dederunt de aliquantis haeresibus ». Sed cum habeamus, Augustinum librum *De perfectione justitiæ* ad Eutropium et Paulum dedisse, in quo, ut petierant, *Celestii* sophismata dissolvit, haec *Celestii* argumenta ad illud Commonitorium referenda sunt. Quare Augustinus librum illum *De perfectione justitiæ* tunc elucubravit, in quo inter alia plura testimonia, quae ex sacris litteris *Celestius* opponebat, ut hominis voluntatem contra divinam gratiam erigeret, exponit. Card. Norisius laudatus hunc librum hoc ipso anno exaratum putat, quia *Orosius*, antequam discederet ex Africa, *Paulum* et *Eutropium* sancto Doctore Commonitorium illud tradidisse narrat. Patres tamen Benedictini in Admonitione libro illi, quae nunc tomo x Operum sancti Augustini legitur, praefixa, Scriptum illud ad sequentem annum referendum arbitrantur, quorum conjecturae ibidem legendae.

10. *Augustinus scribit adversus Priscillianistas et Origenistas.* A num. 15 ad 49. Augustinus, ut Orosio morem gereret, Priscillianistarum atque Origenistarum deliria rejecit, eique nuncupavit librum, qui nunc in tomo viii Operum divi Augustini habetur, et ejus titulus: *Ad Orosium contra Prisci linnistas et Origenistas, liber unus.* Orosius tamen de origine animae certius aliquid ab Augustino cognoscere desiderabat, sed is diu hac dubitatione agitatus, solutionem desperans, eam ab Hieronymo petere decrevit, Orosiumque monuit, ut haec de re *Hieronymum* adiret. Quare proxima Epistola *De origine animæ* ad Hieronymum dedit, in

qua omnes ea de re sententias examinat, quibusve in singulis difficultatibus prematur, exponit; ac præterea alteram de loco Jacobi: « Qui offenderit in uno factus est omnium reus ». Prior Epistola inter Augustinianas est XXVIII, alias CLXVI; altera XXIX, alias CLXVII. Utraque Epistolam secum detulit *Orosius*.

11. *Librum de Natura et Gratia scribit*. — Quoad librum Augustini *De Natura et Gratia contra Pelagium*, scripsit illum Augustinus, cum *Timasius* et *Jacobus* Pelagii discipuli librum quemdam, quem affirmabant esse *Pelagii* sancto Doctore tradidissent, ut illi responderet, obstantes. Quare Augustinus librum illum elucubravit, et duobus illis adolescentibus dicebat. Verum non eurrenti anno, ut citati Cardinales *Baronius* et *Norisius* existimant, sed sequenti. Nam jam inchoatus erat liber ille, quamvis nondum perfectus, cum *Orosius* ex Africa navigavit in Palestinam, verum scilicet tempestate sequentis Christi anni; cum paulo postquam illic pervenit, in Hierosolymitano conventu exeunte mense Julio habitò, cui præsens Pelagius adfuit disertis verbis affirmant, « contra librum Pelagii beatum Augustinum, discipulis ipsius Pelagii prodeuntibus ac petentibus, plenissime respondere ». Ad hæc divus Hieronymus in Dialogo, in contra Pelagii hæresim, inquit: « Alios quoque libros specialiter tuo nomini cadere dicitur », tibi de alio Opere adversus Pelagium loqui non potest Hieronymus, quam de libro *De Natura et Gratia*. Quare cum Dialogi illi ab Hieronymo anno tantum sequenti elucubrati fuerint, ut infra videbitur, dubium esse non potest, quin liber ille *de Natura et Gratia* ad annum sequentem pertineat. Denique Augustinus in Epistola CLIX, alias cu ad Evodium episcopum, num. 13, ait: « Scripsi grandem quemdam librum adversus Pelagii hæresim, cogentibus nonnullis fratribus, quibus contra gratiam Christi opinionem perniciosissimam ille persuaserat », tibi de libro *de Natura et Gratia* ad Timasium et Jacobum, sermonem habet, ut inter omnes conveniat; ideoque cum ea Epistola exeunte anno sequenti ad Evodium data fuerit, liber *de Natura et Gratia* ante illum annum ab Augustino non exaratus.

12. *Synodus Macedonie*. — Ad num. 19. Epistola Innocentii papæ, qua rata habet, quæ gesta sunt a Synodo in Macedonia celebrata, data est *idibus Decemb.*, *Constantio V. C. cos.* inscripta vero *Rufo, Eusebio, Eustathio, Claudio, Maximiano*, et aliis episcopis Macedonibus, estque XXII inter Epistolas Innocentii I. Ea Synodi provincialis in Macedonia habitæ gesta confirmantur. Sed cum post præfatam Synodum *Innocentius* scripserit Epistolam XVI ad Maximianum episcopum, *de Attico episcopo Constantinopolitano*, quem ut *Innocentius* in communionem reciperet, rogabat Maximianus, et denegebat *Innocentius*, (quod divum Chrysostomum sacris tabulis Atticus nondum adscripsisset); « Communionem enim suspensa », inquit *Ponifex*, « restituitur demonstranti causas, quibus id aliciter, jam esse

deletus, et profitenti conditiones pacis impletas. Quod neque apud vos, neque apud nos, ut prædixi, Atticus missis aliquibus suorum, vel dicere voluit, vel demonstrare completum, quem dmodum Antiochene Ecclesie frater, et coepiscopus noster Alexander, digna legatione, et presentium est, et probavit ». Hicque *Baronius* anno cxxviii, num. 40 et seqq. perperam ad eum annum hanc Innocentii ad Maximianum Epistolam retulisse. Eam enim non nisi post Synodum Macedonia scriptam esse *Bollandus* ad diem vii Januarii in *Elogio Historico sancti Atticii episcopi CP.* paragrapho 5, ex ipsamet deducit, recte observavit. *Innocentius* quippe in principio Epistole de Attico scribit: « A quo nec missas ullas saltem Epistolas ad nos, vel ad vestram Synodum (Macedonia nempe) utique pertulisti ». Imo alie *Innocentii* Epistole ibidem a num. 33 ad 40 a *Baronio* recitate ad præsentem annum revocandæ; cum *Alexander* anno superiori episcopatum Antiochenum adeptus sit, et in iis litteris memorentur quæ eo jam episcopo configere.

13. *Translatio Reliquiarum SS. Cyri et Joannis martyrum*. — Ad num. 20. *Bollandus* ad diem xxvi Januarii, quo sancti *Cyrus* et *Jeanes*, qui sub *Diocletiano* martyrium fecere, coluntur, antiqua eorundem Acta recitat, perperamque scribit, *Baronium* in solemnibus illorum translatione narranda peccare primo, in eo quod ait translationem partis *Reliquiarum* sanctorum martyrum *Marci Evangeliste, Cyri* atque *Joannis* factam esse hoc anno primo *Cyriilli Alexandrini episcopi*. *Baronius* enim diserte asserit, hunc annum secundum esse *Cyriilli* inchoatum, non vero primum, qui tamen rectius scripsisset, esse annum *Cyriilli* secundum exeuntem. Optime tamen observat *Bollandus*, perperam *Baronium* affirmare eam translationem die xxviii mensis Julii a *Cyriillo* peractam; cum Acta eam xxviii mensis Junii, uti etiam *Meneæ*, *catraque Martyrologia* factam tradant. Eum errorem hausit *Baronius* a *Metaphraste* et a *Surio*. Recte pariter notat, non bene scribere *Baronium*, eas reliquias *Canopum* translatas esse; cum ex Actis constet, eas non *Canopum*, sed *Canopo* vel *Alexandria Manuthen* delatas. Est autem *Alexandria* urbs *Ægypti* stadiis decem aut duodecim *Alexandria* distans, quam *Cyrus* ac *Joannes* suo Martyrio nobilitarunt: « Ab urbe autem *Canopo* duobus stadiis vicus distat, cui *Manuthen* nomen, demonum olim domicilium », inquit *Auctor* anonymus *Aetorum SS. Cyri* et *Joannis*, qui addit, *Cyriillum* illuc reliquias illas transtulisse « ad vici luteolum, ad demonum fugam, ad morborum remedium ». Licet vero is *Anonymus* annum sedis *Cyriilli* non memoret, non dubium tamen, quin ea translatio ad secundum ejus sedis, presentemque pertineat; cum dies xxviii Junii incidat in *Domini* cam, qua die sanctorum *Reliquiarum* translationes fieri jam incipiebant. *Theophilus*, quo episcopatum gerente, *Reliquiæ* inventæ, morte interveniente, eorum translationem perficere non potuit. Ea porro vicennialium *Honorii* indicium.

14. *Pulcheria dicitur Augusta.* — Baronius anno cccxv, num. 51, scribit *Pulcheriam* Theodosii Aug. sororem eo anno Augustam appellatam; quam in rem Marcellini Chronicon laudat. Verum mendoso hujus Chronici exemplari Cardinalem doctissimum usum esse jam sepius monuimus; non solum enim Marcellinus, sed etiam auctor Chronici Alexandrini Pulcheriam hoc anno Augustam nuncupatam producit. Hæc Chronici Alexandrini verba: « His coss. Pulcheria soror Theodosii Jun. Nobilissima Augusta dicta est, mense Panamo, IV nonas Julias. Eodem anno dedicata sunt tria statharia seu pectoralia in Senatu (id est, pectorales imagines, seu statuæ principum) Honorii et Theodosii Augustorum, et Pulcheriæ Augustæ ab Aureliano iterum prefecto sacerorum prætoriorum ac patricio, mense Appelkeo III kal. Januariæ ». Quæ duo vicennalium Honorii argumenta. Annis enim hujusmodi solemnibus diebus, uxores aut sorores imperatorum Augustæ de more dicte, et statuæ imperatoribus, in Oriente maxime, ingenti passim sumptu erectæ. Gothofredus in Comment. Cod. Theod. *De imaginibus imper albus* putat id factum fuisse, diebus ferme festis. Verum hoc anno dies in kalend. Januariæ cum feria quarta concurrit, et dies quartus mensis Julii in sabbatum incidit. Quare ear statuæ aliis plerumque diebus collocatæ, et nuncupationes imperatorum aut Caesarum diebus dominicis nondum fieri solite, ut etiam infra patebit.

15. *Initium persecutionis tricenualis in Perside excitatæ.* — Theophanes anno incarnat. secundum Alex. cxx, qui kalend. Septemb. anni Christi cxxv inchoatur, scribit: « Hoc anno Antiochus Persa e vivis excessit: beatissima vero Pulcheria supremam et absolutam rerum administrationem exercuit ». Verum in notatione temporis Theophanes, et in versione ejus interpretes errant. In Græco enim legitur, ἐκ πωδῶν ἤγένονε, id est, *rebus amotus est*, ut recte verit Combefisius; velut jam Theodo-io grandiore, et ut ipse imperium sine curatore administrare posset. *Antiocho* Theodosium regente Christiana religio per Persidem plurimum amplificata fuit. Verum postquam hoc anno is a rerum administratione submotus est, quod etiam Cedrenus ad annum v Theodosii

scribit, *Isdigerdes* Persarum rex pacem quidem cum Romanis ad mortem usque coluit, sed tamen in Perside adversus Christianos persecutionem excitavit, quæ annos triginta duravit, sc. ad annum usque cxxlv, cujus initium et finem hæcenus ignota ex collatione Theophanis cum Theodorico anno cxxvii, num. 3 et seqq. deduxi, ideoque quæ ibidem de ea in medium protuli, et Baronius habet, huc revocanda. Martyrum in longa hac persecutione passorum Acta, quod me legisse meminerim, non extant, ejus tamen in auctoribus, qui hoc seculo scripsere, aliqua supersunt vestigia, de quibus infra.

16. *Attalus imperium resumit.* — Prosper in Chronico sub hujus anni coss. scribit: « Attalus Gothorum consilio et præsidio tyrannidem resumit in Gallis », sed anno sequenti captus traditus est Honorio imp., ut ibidem videlicet.

17. *Roma paulatim frequentari coepit.* — Philostorgius lib. 12, num. 5, postquam Urbis excidium et Ataulfi mortem narravit, scribit: « Post hæc autem Roma a gravissimis malis paululum respirans, incolis frequentari coepit ». Quam in rem Olympiodorus habet: « Post Romam a Gothis captam, Albinus Urbis præfectus, quod jam eadem ad pristinum rediret statum, scripsit non sufficere præbitam populo partem [sc. frumenti publici quod viritum publice populo Romano distribuebatur] multitudinem jam aucta civitate »: additque mox die numerum initum esse civium quatuordecim millium. *Albinus* autem hoc anno præfectus Urbis fuit, ut liquet ex leg. ult. Cod. Theod. *De navicularis*, qua annonæ Urbis Romæ Honorius consuluit, idque occasione suorum vicennalium; annis enim hujusmodi solemnibus diebus imperatores civitatibus populisque gratias largiri soliti erant, indeque Honorius leg. 8 Cod. Theod. *De indulg. debet*, indulgentiam quamdam debitorum naviculariis per Africam tribuit.

Epistolæ Augustini et Hieronymi huc transferendæ. — Scripsit hoc anno Augustinus Epistolam ad Hilarium Syracusanum, ut anno cxxi ostendimus, et Hieronymus Epistolam ad Ctesiphontem, ut ibidem monstravimus.

INNOCENTII ANNUS 14. — CHRISTI 415.

1. *Inventio Reliquiarum S. Stephani Protomartyris.* — Christi annus quadringentesimus decimus quintus, duobus Augustis, Honorio decimum, et Theodosio sextum consulibus, feliciter illuxit Ecclesiae: quo magnus ille protomartyr Stephanus rursus in miraculis redivivus apparuit, faciens signa atque prodigia magna in populo, cum ejus venerandum corpus (quod olim magno planctu humatum fuit) divinitus facta revelatione detectum, inventum, atque translatum est. Quod autem in primis ad tempus spectat: irrepsisse mendum in Bedam¹ et errasse alios eum seculos, apparet, dum anno septimo Honorii imp. id factum, apud eodem legitur: cum extent ejusdem inventionis Acta Luciano presbytero scripta, in quibus expresse ponuntur dies et consules, quibus id accidisse hoc ipso anno, apertissime declaratur; quod et Marcellinus in Chronico absque aliqua dubitatione confirmat. Ex quibus etiam corrigendus est Nicetas philosophus², qui eandem inventionem refert ad tempora Constantini.

2. His itaque de tempore cognitis; de Luciani Epistolae, qua cuncta narrantur, fide agendum est. Adstipulantur quidem ipsi ex Graecis idem qui supra Marcellinus³, Nicephorus⁴, et alii recentiores auctores, Latinorum vero plurimi, sed qui instar omnium est, Gennadius⁵ cum haec sua aetate facta potuerit certius cognovisse, qui ita de ipso: «Lucianus presbyter, vir sanctus, cui revelavit Deus temporibus Honorii, et Theodosii Augg. locum sepulchri, et reliquiarum corporis S. Stephani martyris primi scripsit ipsam revelationem ad omnium Ecclesiarum personas Graeco sermone». Haec ipse: Subdit autem haec de ejus in latinum translatione facta per Avitum, et in Hispaniam missa⁶: «Avitus presbyter, homo Hispanus genere, ante relatam Luciani presbyteri scripturam in latinum translulit sermonem, et addita Epistola sua, per Orosium Occidentalibus edidit». Quinam fuerit Avitus iste, num alter duorum qui male audit in Epistola Orosii ad Augush-

num, quem ut haereticum Origenistam Orosius ipse vitasset omnino, haud penitus dixerim. Rem gestam aggressuri ab ipsius Aviti Epistola ad Balchonium Bracharensem episcopum sumamus exordium, a quo Latinis, et Occidentalibus omnibus Luciani scriptio illa imperlita est, digna quidem hujus contextu historiae quod et ex ipsa quoque hujusce temporis status Hispaniae afflictatae a Barbaris reseretur.

«Beatissimo, dilectissimoque semper in Domino papa Balchonio, atque universo clero et plebi Ecclesiae Bracharensis, Avitus presbyter, salutem in Domino aeternam.

3. «Memores mei esse vos cupio, et deprecor; sicut et ego, in quantum valeo, memoriam vestri habere non cesso, tribulationibus vestris meo dolore compatiens, et pro dissidio patriae nostrae in locis sanctis incessabiles lacrymas fundens ut aut vobis Dominus restituat libertatem, quos admonere voluit, aut illis tribunal mansuetudinem, quos prevalere permisit. Et ego quidem, beatissimi fratres (teste Domino nostro Jesu Christo loquor), frequenter volui venire ad vos ut vobiscum, vel mala tolerarem, vel bonis fruere: sed impeditum est desiderium meum, per totas jam Hispanias hoste diffuso. Veritus enim sum, ne et sancta loca relinquens, et ad vos forte non perveniens, ubicumque interceptus, irrationabilis audaciae poenas lucrem. Sed quoniam misericors Deus, meo voto vestroque merito procurante, dignatus est indulgentiae suae gratiam, primum ut dilectissimus filius, et compresbyter meus Orosius usque ad has partes ab Africanis episcopis mitteretur, cujus mihi charitas, et consolatio vestrum omnium presentiam reddidit. Deinde ut in diebus ipsis, quibus jam ipse reditum incredibili desiderio parabat; beatus et vere sanctus, corona gloriae nostrae in Christo Jesu primus martyr Stephanus se revelare, et manifestare signis, et virtutibus evidentissime sequentibus dignaretur: quem ego tantarum rerum ordinatoris Dei occasione perceptum, dignus duxi charitati vestrae praemittere, ut ipse praesens advocatus et patronus obsequentium sibi petitionibus dignaretur assistere, qui cum pateretur, etiam pro inimicis orare dignatus est.

¹ Bed. lib. de sex aetat. Sigebert. et alii. — ² Nicet de martyrio, et invent. S. Steph. — ³ Marcellin. in Chron. — ⁴ Niceph. l. iv. c. 9. — ⁵ Gennad. de Vir. illus. c. 16. — ⁶ Gennad. de Vir. illus. c. 17.

4. Itaque beatissimi et dilectissimi fratres, memoriam vestri incessabiliter agens, et tam congruentem ordinantis Dei dispositionem videns, promptus fui de presbytero cui revelatum fuerat, partem aliquam inventi corporis promereri; quam festinato expellam, secretoque perceptam, ad vos dirigere non distuli. Quamobrem misi vobis per sanctum filium, et compresbyterum meum Orosium reliquias de corpore beati Stephani primi martyris, hoc est, pulverem carnis atque nervorum, et quod fidelius certiusque credendum est ossa solida atque manifesta sui sanctitate novis pigmentis, vel odoribus pinguinaria. Ut autem nulla possit esse dubitatio; ipsam ad vos subditam scripsit meus sancti presbyteri, cui hæc revelata sunt, epistolam conscriptionemque transtuli, quam me pro fide veritatis plenius cognoscendæ rogante, et expetente, dictavit græco primum ipse sermone, sed per me postea in latinum versa est. Quæ et vos sancti et beati fratres, quam veraciter gesta sunt tam fideliter suscepta habeatis, imploro. Certus sum enim, quia sicut ipse beatus martyr dignatus est nutiare, et pro salute mundi perichlanti se manifestare, auxilio et præsentia tanti patroni, si vos tale pignus digno studio diligatis, tui ex hoc quieteque vivatis. Gratia Domini nostri Jesu Christi et sancti Spiritus vobiscum, dilectissimi in Domino. Amen ». Hæc Avitus senior.

5. Ex qua quidem Epistola in primis intelligas, recolasque memoria quæ anno superiori de Paulo Orosio dicta sunt, de ejus nempe in Africam adventu et ejusdem hoc anno Hierosolymam profectio: reditum vero in patriam post inventas et acceptas sancti protomartyris reliquias anno sequenti suo loco dicemus. Quæ vero spectant ad ea quæ sanctus Augustinus per eundem Orosium rogavit S. Hieronymum doceri de altissima questione originis animarum, post institutam de inventione reliquiarum sancti Stephani narrationem dicturi sumus. Hæc modo reddamus ipsius Luciani libellum, seu Epistolam eo argumento conscriptam, qua totius rei gestæ series exacte descripta recollitur: quam cum quatuor libris Vaticanis collatam, et fideliter, quantum licuit, emendatam cudimus. Ne fastidias, in velim, styli simplicitatem, et simpliciore ex græco factam translationem: cum maxima quæque fidei sacramenta Deus ejusmodi simplici dicendi genere voluerit hominibus nota fieri. Sed rem sic habe¹:

6. « Lucianus misericordia Dei indigens, et omnium hominum minimus, presbyter ecclesie Dei quæ est in villa Caphargama, in territorio Hierosolymorum, sanctæ Ecclesie, et omnibus sanctis qui sunt in Christo Jesu in universo mundo, in Domino salutem ». Considera hæc, lector, in inscriptione prima illa verba consultissime posita: « Lucianus misericordia Dei indigens ». Ita quidem, ut adversarium se demonstret hæresi Pelagianæ, quæ tunc ibi grassabatur: debebat enim hoc tem-

pore Pelagius ipse Hierosolymis; quocum nullam se habere participationem ut omnibus ostenderet auctor prima illa verborum suorum sententia jugulat ipsam hæresim Pelagianam. Sed reddamus Epistolam:

7. « Visio quæ apparuit meæ pusillitati a Deo ter de revelatione reliquiarum beati et gloriosi protomartyris Stephani et primi diaconi Christi, et Nicodemi, qui in Evangelio¹ scriptus est, et Gamalielis, qui in Actibus Apostolorum² nominatur, necessarium duxi pandere vestræ in Christo dilectioni, imploratus, ac magis jussus a sancto Dei cultore patre Avito presbytero, ut secundum fidem consummatam interroganti quasi filius obediens, sicut cognovi, cum omni simplicitate impiger integre indicarem omnem veritatem.

« Die igitur parasceve, hoc est, feria sexta tertio nonas Decembris, consulato Honorii decies et Theodosii sexies Augustorum, adveniente nocte, dormiente me in cubili meo, in loco sancti Baptistæ, in quo consuetudo mihi erat dormire, et custodire Ecclesiastica quæ erant in ministerio; hora tertia noctis, quæ est prima custodia vigiliarum, quasi in extasi semivigilans, vidi virum senem, longum, dignum sacerdotem, canum, barbam prolixam habentem, palliatum alba stola, cui inerant gemmule auræ habentes intrinsecus sanctæ Crucis signum, et virgam auream in manu tenentem. Venit et stetit ad dexteram meam, et aurea virga pulsavit me, ter vocans me nomine meo, dicens, Luciane, Luciane, Luciane: et dixit mihi græco sermone: Vade in civitatem quæ dicitur Ælia (quæ est Hierusalem) et dic Joanni qui est in ea episcopus: Quamdiu clausi sumus, et non aperis nobis? et maxime quod in temporibus tui sacerdotii oportet nos revelari? Aperi nobis festinanter monumentum ubi in negligentia posite sunt reliquæ nostræ, ut per nos aperiat Deus et Christus ejus et Spiritus sanctus ostium clementiæ suæ in hoc mundo. Periclitatur enim sæculum ex multis casibus qui fiunt in eo quotidie. Et non tantum sollicitus sum pro me, quantum pro his qui sunt necum positi sancti, et multi honoris digni.

8. « Et respondi ei, dicens: Quis es tu, domine, et hi qui tecum sunt? Et respondit mihi: Ego sum Gamahel, qui Paulum Apostolum Christi nutriti, et legem docui in Hierusalem, et qui necum in Orientali parte monumenti jacet, ipse est dominus Stephanus qui lapidatus est a Judæis et principibus sacerdotum in Hierusalem pro Christi fide, foris portam quæ est ad Aquilonem, quæ dicitur, Ad Cedar: ubi die ac nocte jacuit projectus ut sepulture non daretur secundum mandatum impiorum principum, ut a feris consumeretur corpus ejus. Ex Domini autem voluntate non tetigit cum unum ex his, non fera bestia, non avis, non canis. Ego Gamahel compatiens Christi ministro festinavi habere mercedem in Domino, et partem cum sancto

¹ Apud Sur. tom. IV.² Joan. III. — ² Act. III. II.

viro fidei. Misi per noctem, quantos poteram religiosos Christianos et in Christo Jesu fideliter credentes, habitantes Hierusalem in medio Iudæorum, et hortatus sum eos, et necessarias substantias ministravi et persuasi illis ire occulte, ut portarent corpus ejus meo vehiculo in villam meam, hoc est, Caphargamala, quod interpretatur, Villa Gamalielis, viginti millia habens (absens) a civitate: et ibi feci illi planetum fieri diebus septuaginta, et poni eum in meo monumento novo in Orientali theca: et præcepi meis, ut quæcumque necessaria erant pro ejus planctu, de meo darent.

9. « Ipse autem dominus Nicodemus in alia theca positus est: qui venit ad Salvatorem Jesum noctu, et catechizatus est, ab eo audiens¹: Nisi quis renatus fuerit ex aqua et Spiritu sancto, non potest intrare in regnum caelorum. Et abiens baptizatus est a Christi discipulis. Et cognoscens Judæi, amoverunt eum a principatu suo, et anathematizaverunt eum, et de civitate exulare fecerunt. Ilunc ego Gamaliel, quasi persecutionem pro Christo passum, sustuli cum in agrum meum, et alii et vestivi usque ad finem vite ejus, et defunctum sepelivi juxta dominum Stephanum. Similiter Abibus filius meus dilectissimus, qui mecum baptismum Christi accepit ab ejus discipulis et viginti annorum existens, ante me mortuus est, in tertia theca excellentiori jacet, in qua et ego ipse postea defunctus sum appliculus. Mea vero uxor Ethna (Anna) habens nomen, et Iedemias primogenitus meus, quia noluerunt esse Christi fidei cultores, in alia villa matris suæ sepulti sunt, hæc est, in Capharsamela ». Hic, lector, ut cuncta facilius assequaris, mente recole quæ suo loco superius dicta sunt, Judæos in speluncis, ibique excavatis in lateribus loculis, instar thecarum, (ut contigit videre in cæmeteriis Romæ positis) corpora defunctorum condere consuevisse. Pergit vero: Lucianus:

10. « Interrogavi autem ego Lucianus humilis presbyter, dicens: Ubi vos queremus? Qui dixit: In medio Proastio, quod potest intelligi, agro suburbano; qui est proximus villicæ ager, qui dicitur Delagabri, id est, virorum Dei. Et exigitavi, et deprecatus sum Dominum, dicens: Domine Jesu Christe, si hæc visio ex te, et non est illusio; fac ut iterum ac tertio appareat mihi quando vis, et quomodo vis. Cæpi ergo jejunare, et siccas escas sumere usque ad aliam parasceven. Et iterum dominus Gamaliel eadem similitudine, eodemque schemate apparuit mihi, sicuti in prima visione, dicens: Quare neglexisti ire, et dicere sancto episcopo Joanni? Et ego respondi: Timui, domine, mox ire a prima visione et hæc renuntiare, ne viderer seductor esse. Deprecatus sum autem, ut si a Domino missus fuisses ad me, denuo ac tertio apparesceres mihi. Dixit autem ad me: Acquiesce mihi. Et iterum ait mihi: Quoniam requisisti de reliquiis singulorum, quomodo et ubi

positæ sint, appone sensum, et vide diligenter quæ ostenduntur tibi. Et dixi: etiam domine. Et statim attulit quatuor calathos, tres aureos, et unum argenteum: tres eorum pleni arrosis; duo albas rosas, tertius rubicundas habebat coloris sanguinei; quartus vero calathus, qui erat argenteus, plenus erat croco bene olente, et posuit eos ante me. Et ego dixi ei: Qui sunt isti, domine? Et dixit mihi: Lipsana nostra sunt. Qui rubeas habet rosas, ipse est dominus Stephanus, qui a dextris positus est ad Orientem ab introitu monumenti: secundus calathus, dominus Nicodemus est, positus contra ostium: tertius vero calathus ipse est meus: quartus vero calathus ille argenteus Abibus filius est meus, qui immaculatus ex utero matris suæ excessit e mundo: propterea in similitudinem argenti mundissimi apparuit: numquid non vides crocum, qui in ipso est, suavissimi esse odoris? et ipse conjunctus est meo calatho in excelso loco, ubi ambo positi sumus, quasi gemini. Et cum hæc divisisset, denno ex oculis meis evanuit.

11. « Cumque expergefactus fuisset, gratias egit Deo omnipotenti et conductis jejuniis operam dedi usque ad tertiam revelationem. In tertia igitur septimana, eadem die et hora venit supradictus vir comminans, et fremebundus, et dixit mihi: Quare usque nunc dissimulasti, et noluisti pergere, et dicere episcopo Joanni, quæ tibi dicta sunt, et ostensa? Quam excusationem habebis apud Deum, aut quam veniam pro hoc contemptu sperabis in die judicii? Numquid non vides quanta siccitas est et tribulatio in toto mundo, et tu negligenter agis? Numquid non consideras, quia multi meliores te sint per cremum sancti viri, quos præterentes, per te volumus innotescere? Ideo namque te ex alia in hac villa volumus esse sacerdotem, ut per te manifestaremur. Exsurge igitur, et vade, et dic illi, ut aperiat nobis, et faciat locum orationis, ut intercessionem nostra misereatur Dominus populo suo. Et cum ad ejus verba intremissem, dixi: Non negligens fui, domine mi, sed præstolabar tertium adventum tuum. Nunc vero hinc (sive) crastina die pergam, omnia quæ mandasti mihi, dicturus. Et cum indignans adversum me staret, videbar mihi quasi in altero mentis excessu devenisse Hierosolymas, et quasi in conspectu adstarem episcopo Joanni, narrans ei omnem visionem. A quo videbar audire: Si hæc sic se habent, ut dicis, carissime, et Dominus tibi revelavit hæc temporibus nostris: oportet me colligere de possessione illa bovem illum maximum aratorem, qui et carro et aratro aptus sit; et dimittere tibi possessionem cum omnibus cæteris. Ad quem aio: Ut quid mihi possessio, domine mi, si non habeo bovem, per quem regatur, et aretur possessio? Et dixit mihi episcopus: Ita placuit, carissime, quoniam civitas nostra vehiculis ministratur, et unum bovem illam maximum ad carrum minus habemus, quem tu diceris in possessione tua celare: oportet namque ut in Civitate celeberrima sit magis, quam in parvula possessione. Numquid

¹ Joann. 111.

non tibi sufficiunt duo residui boves minores ad excolendam terram veluculo tuo? » Cum hæc, lector, de lobus intelligis dicta esse de sanctis, in mentem revoca a divina Scriptura ejusmodi factam esse collationem, et ab Apostolo Paulo elucidatam interpretationem, cum illud declarat ¹: « Non alligabis os bovi trituranti ». Subdit vero hæc Lucianus :

12. « Cum hoc in extasi, hoc est, in excessu mentis audissem; statim expergefactus, benedixi Dominum et perrexi ad civitatem ad S. Joannem episcopum. Et cum illi omnia que videram renuntiasset; relicui de visione bovis expectans quid audirem ab eo. Intellexeram enim quia S. Stephanus ipse esset bos maximus : quia curri illi, de quibus dicebat, sancte essent Ecclesie; et Sion prima Ecclesia, ipsa esset carrus major, et quia sanctus episcopus habebat a me petere benedicti Stephani reliquias : ideo de visione bovis episcopo dicere nolui. Cumque hæc audisset Joannes episcopus, lacrymans est præ gaudio, et dixit : Benedictus Dominus Deus Filius Dei vivi. Si hæc (ut dicit, carissime) et audisti, et Deus tibi revelavit : oportet me inde transferre B. Stephanum primum martyrem, et archidiaconum Christi ²; qui primus adversus Judæos Dominica bella bellavit, et Deum in sua majestate, in terris positus, in caelo vidit stantem, et tanquam angelus in concione hominum apparuit. Hæc autem omnia, ut vidi, ita evenerunt, et consona sibi apparent universa. Dixit autem mihi sanctus episcopus : Vade, fode in acervo, qui est in ipso agro : et, si inveneris, nuntia mihi. Et ego dixi ei : Perambulavi agrum, et vidi acervum minorum lapidum in medio, ubi arbitratus sum eos esse. Et dixit mihi papa : Jam dixi tibi : Vade et fode, et si inveneris, sedens custodi locum, et manda mihi per diaconum, ut veniam ad locum. Et ita me dimisit ». Ille attende, lector, non ex divina revelatione hæc de acervo lapidum locutum esse Joannem, et opinatum esse Lucianum subter eum esse recondita sanctorum corpora, tibi non erant : sed ex consuetudine Hebræorum qui acervo lapidum consecrasset consignatas memorias posteris tradere : cujus antiqui usus plura in divina etiam Scriptura exempla suppetunt. Sed pergit Lucianus :

13. « Et cum venissem ad villam, misi præcones, ut omnes habitatores villæ diluculo consurgerent, et foderent in acervo. Eadem vero nocte apparuit ipse dominus Gamaliel cuidam monacho, nomine Nygestio (Nugetio), innocenti et simplici viro, eadem similitudine, qua mihi apparuit : et dixit ad eum : Vade, dic Luciano presbytero : Vane laboras in acervo illo : modo tibi non sumus : sed tunc ibi positi fuimus, cum lamentarentur nos secundum consuetudinem antiquorum : propter quod ibi acervus in testimonium planctus factus est. Sed quære nos in alia parte, quæ est Baran, et loco qui dicitur Syra lingua Dabatalia, quod interpretatur in Greco, ἀδελφῶν ἀγρόθεν quod nos possumus dicere, Virorum

fortium. Diluculo vero consurgens ad hymnos; inveni monachum prædicantem omnibus fratribus. Hymnis deinde dictis, copii dicere : Eamus ad acervum illum, et fodiamus in illo. Tum quidam dixerunt mihi : Audi primum quid dicat monachus Nygestius. Et advocato monacho Nygetio exquisivi ab eo quid esset quod vidisset. Ille autem universa signa, quæ videram, domini Gamalielis, dixit mihi; et quemadmodum vidisset contra Austrum agrum situm, et monumentum in eo quasi neglectum, et ruinosum, ibi vidisset tres lectos aureos stratos, et unum ex eis altiores cæteris, in qua erant duo jacentes, unus senex, et unus juvenis; et in aliis duobus lectis erant singuli. Et respondit qui erat in excelsiori lecto, et dixit mihi : Vade, dic presbytero Luciano : Quoniam nos domini loci fuimus : Si vis magnum et justum invenire; ipse ab Orientali plaga positus est. Et hæc audiens a monacho, glorificavi Deum, quoniam inventus est alius testis in revelatione.

14. « Nos igitur ivimus ad acervum, et fodientes nihil invenimus. Convertimus autem nos ad monumentum illud, ubi monacho ipsa nocte apparuerat, et fodientes invenimus tres thecas, secundum quod apparuerat mihi in typo calathorum. Invenimus igitur altissimis litteris scriptum lapidem obrutum, habentem, Celiel, quod interpretatur, Servus Dei, et Apan, Bardan, quod interpretatur Nicodemus, et Gamaliel : hoc interpretatur est papa Joannes, sicut audivi ab ipso sancto episcopo.

« Statim ergo renuntiavi episcopo cum esset in Lidda, quæ est Diospolis, Synodum agens ». Hæc est, lector, illa Synodus Diospolitana, cujus meminerunt S. Hieronymus, Augustinus, et Prosper, in fine anni hujus (ut ex libello Luciani intelligis) celebrata, in qua coactus est Pelagius suas hæreses condemnare : dicemus nos de ea pluribus post recensita hæc de inventione Stephani protomartyris, et sociorum. Ad hæc Lucianus :

15. « Qui assumpsit secum (Joannes videlicet episcopus Hierosolymorum) duos alios episcopos, Eleutherium de Sebaste, et Eleutherium (Euthonitum) de Hierico; et venerunt ad locum. Qui cum aperuissent domini Stephani thecam : statim terræ motus factus est, et tanta suavitas, et fragrantia odoris inde egressa est, quantum nullus hominum se meminisset velle audisse, vel sensisse : ita ut putaremus nos in amœnitate paradisi esse positos. Multitudo namque populi aderat nobiscum; inter quos erant plurimi infirmi variis languoribus. Et ipsa hora mox de odore suavitatis ejus septuaginta tres anime curate sunt : ab aliis lutati esse daemonas. Multitudo fons restinctus est sanguinis : alii strumis, et furunculis liberati : alii a stringio (stringio) sanati, alii a tertianis, et quartanis : alios febris reliquit, alios morbus regius : alii a cephalæa curati, et emicranæa : nonnulli a viscerum occulto dolore liberati : et multas alias curaciones senserunt homines, quas enumerare longum est.

16. « Et exosculantes sanctas reliquias, iterum

¹ Deut. xxv. — ² Act. vi. VII.

clausuram. Et tunc cum Psalmis, et hymnis portaverunt reliquias B. Stephani in sanctam Ecclesiam Sion, ubi et archidiaconus fuerat ordinatus; dereliquentes nobis de membris ejus parvos articulos, imo maximas reliquias, terram cum pulvere, ubi omnis caro ejus consumpta est : cætera asportaverunt. Ex his ergo reliquiis transmissi beatitudini vestræ. Quas cum susceperitis, orate pro exiguitate mea, ut dignus inveniar in conspectu Domini, fulvis beatissimi martyris Stephani meritis, et vestris orationibus. Translatæ sunt autem reliquiæ ipsius martyris VII (VIII) kalendas Januarii : et tunc in tempore jugis et infinita siccitas eral. Sed eadem hora pluvia magna descendit, et abundanter inebriata est terra; et homines glorificabant tibi Dominum propter sanctum ejus Stephanum, et propter caelestem ejus thesaurum misericordie et pietatis, quem periclitanti sæculo aperire dignatus est Jesus Christus Dominus noster, qui cum Patre, et Spiritu sancto vivit, et regnat in sæcula sæculorum. Amen ».

Haec Luciani Epistola, sive libellus : ex quo in nonnullis Nicetas est corrigendus, cum eandem historiam narrat¹. Meminit earundem reliquiarum inventionis S. Augustinus cum ait² : « Latuit tanto tempore corpus ejus : processit, quando Deus voluit : illuminavit terras, tanta miracula fecit ; mortuus vivos facit mortuos, quia nec mortuus, etc. »

17. Vidisti, lector, quot testibus primi Christi sanguine testis Stephani meruerit invento consurgari? Apparuit Gamaliel non uni tantum Luciano, sed et S. Nigelio monacho : satis hoc quidem, quod in ore duorum, vel trium stet omne verbum : sed terra tremore testata id ipsum est, et caelum speratam diuque frustra expetitam dans pluviam : fidem fecerunt septuaginta illi tres e diversis languoribus sanitati pristinae restituti : sed et demones ipsi ex aliquorum illorum corporibus fugati, inviti licet, virtutem martyris profiteri coacti sunt. At hæc adeo multa, magna et insignia, pauca et perexigua esse intelliges, si conferas cum illis, quæ in orbe Occidentali per ejusdem protomartyris reliquias voluit edi miracula, de quibus sequenti anno dicturi sumus. Ut plane magno Dei consilio factum appareat, quod tepescente in nonnullis Christiana fide, quæ hisce (ut vidimus) præsertim temporibus, Gentilium esset exagitata blasphemis, quod tempore Christianæ religionis Urbis a Barbaris capta esset, quæ tempore cultus deorum secunda consistens fuerat ipsis Barbaris dominata : hoc, inquam, tempore, Christiani minus ante quadragesimas ferme annos vita functi tenuis pulvis, et ossa tot tantaque præstarent, ut ea sola salis efficaciam esse potuissent (etsi cætera ad fidei confirmationem edita miracula defuissent) non tantum ad titubantes consolidandos, sed et Ethnicos omnes ad Christianam religionem, reluctantes licet dummodo non obstinatos, omnino pertrahendos. At hæc ante sequenti suo loco manifestius apparebunt.

18. Nova hæc, et plane admiranda bella elegit Dominus ad expugnandos, et confundendos adversarios suos. Expugnavit impietatem Juliani Apostolæ imperatoris reliquias S. Babylæ martyris : vicit et prostravit Ariamum impietatem reliquias Gervasii, et Protasii, Mediolani (ut vidimus) tempore S. Ambrosii apparentium. Sed et sanctorum martyrum reliquias extinctam fuisse in Ægypto idololatram, anno superiori vidimus. Quibus etiam armis modo usus est Dominus ad Ethnicos, et hereticos atque schismaticos expugnandos. Ecce tibi quam felicissimis auspiciis progressus est Stephanus ; cum videlicet coactus est impius Pelagius hæresiarcha in Concilio Lidda habito, quas hæcenus docuisset hæreses, condemnare. Quomodo autem hæc se habuerint, jam aggrediamur enarrare.

19. *Concilium Diospolitum in quo singula capita heresis Pelagianæ damnantur.* — Diospoli (ipsa est Lidda antiquiori nomine dicta, civitas in Palestina) collecta est provincialis Synodus episcoporum ejus regionis. Hujus Synodi meminit S. Augustinus, ubi ait¹ : « Per idem tempus in Oriente, hoc est, in Syria Palestina, Pelagius a quibusdam Catholicis fratribus ad episcopalia gesta perductus : eisque absentibus qui de illo bellum dederant, quoniam ad diem Synodi non potuerunt occurrere, ab episcopis quatuordecim auditus est : ubi eum dogmata ipsa damnant, quæ inimica gratiæ Dei adversus eum de libello legebatur, Catholicum pronuntiaverunt ». Hæc Augustinus. Itemque alibi eosdem episcopos, qui Synodo interfuerunt, nominal, ubi ait² : « Habemus alios Orientales episcopos quatuordecim, Eulogium, Joannem, Ammonianum, Porphyrium, Euthonium, Porphyrium, Fidum, Zozimum, Zebænum, Nymphidium, Chromatium, Jovinum, Eleutherium, Clematium, quos uno loco simul inventos in istum consessum introducere voleamus, illos ipsos, qui Pelagio iudices præsiderrunt : cumque ut homines, nullo ex altera parte urgente adversario, pulantes Catholicum ; tanquam Catholicum pronuntiaverunt ». Hæc ipse. Porro qui primus ordine recensetur Eulogius, hic fuit totius provincie Palestinæ metropolitani episcopus Cæsariensis, qui successit in locum Joannis successoris Gelasii, de quo superius quarto tomo Annalium mentio facta est. Secundum ordine Joannes, hic est ille episcopus Hierosolymorum, ejus mentio in recitalis nuper Luciani litteris habetur ; penes quam etiam qui fuerint Eleutherius, et Euthonius, alias Eleutherius itidem dictus, innolescent, nempe priorem episcopum Sebastie (ipsa est Samaria) posterio-rem vero Hierichuntinæ civitatis antisitem fuisse. Hic alterum duorum Porphyriorum existimamus fuisse Gazensem illum episcopum sanctitate celebrem, de quo plura superius. Zebænus et ipse titulo sanctitatis clarus, episcopus fuit Eleutheropolis, ejus mentio est apud Sozomenum³ ; ei enim revelata

¹ Extat apud Metaph. die 2 Aug. et Lipom. l. vi. — ² Aug. de diver. crm. l. i.

¹ Aug. Retract. l. ii. c. 47. — ² Aug. cont. Julian. l. i. c. 5. — ³ Sozom. l. vii. c. 28.

divinitus fuisse veneranda corpora sanctorum Prophetarum Habacuc atque Michææ, testatur. Qui vero Jovinian hic nominaliter habetur, Palladius¹ auctor est, ipsum fuisse episcopum Ascalonis, reliquorum autem obscura memoria est.

20. De rebus vero gestis in Synodo, jam breviter accepimus ab Augustino, nimirum ibi Pelagium damnatum suas hæreses, et fidem Catholicam profitemem fuisse absolutum, Catholicaque communicatione dignatum: sed quod id dolose egerit, hanc ob causam S. Hieronymus cum hujus conventus meminisset, miserabilem Synodum appellat: ad Myrium enim et Augustinum scribens, hæc ait²: « Quicquid enim in illa miserabili Synodo Diospolitana dixisse se denegat, in hoc opere confitetur ». Sed Pelagium quidem ipsi miserabilis fuit, utpote in qua suam ipsius coactus est hæresim condemnare, cujus intrinsicæ erat obstinatus assertor. Cæterum utcumque res acciderit, constat quidem in eo Concilio tunc erectum esse trophæum de hæresis Pelagianæ prostrate victoria. Hinc igitur S. Prosper de eadem Synodo ista cecinit³:

Non segnior inde Orientis

Rectorum cura emicuit: captivumque nefandi
Dogmatis auctorem constrinxit lege benigna
Commentum damnare suum: nisi corpore Christi
Abjungi, et sancto mallet grege dissociari.
Lene quidem hoc, nimiumque malos tolerasse videtur
Judicium: sed sancta fides examine in illo
Vicit oborturam tiro de semine prolem.
Prospectum namque est divino et munere cautum,
Ut licet in stantem declinans bestia penam,
Perfidia: s-cum sensus tenuisset eosdem,
Ipsa tamen proprium germen damnando necaret,
Ore malam extinguens sobolem, quam protulit ore.

Hæc S. Prosper de Synodo Palæstina, in qua licet dolo effugerit pœnam ipse Pelagius, hæreses tamen ejus sunt penitus ab ipso etiam auctore damnatæ. Rursus vero de eadem Synodo Diospolitana idem Prosper agens, ita Pelagianos compellat⁴: « Erraverunt Orientales episcopi, in quorum judicio Pelagius eos qui dicunt gratiam Dei secundum merita nostra dari, ut Catholicis possent videri anathematizare compulsus est? » Cæterum postquam ejusmodi Acta Synodi de purgatione Pelagii Innocentio Romano Pontifici innoverunt, nequaquam ipse probare ac confirmare voluit, ut S. Augustinus testatur, cum ait⁵: « Fefellit enim judicium Palæstinum ipse Pelagius; propterea ibi videtur esse purgatus. Romanam vero Ecclesiam, ubi eum esse notissimum scitis, fallere usquequaque non potuit, quamvis et hoc fuerit utrumque conatus: sed (ut dixi) minime valuit ». Et inferius recitat verba Epistolæ Innocentii papæ ad hæc spectantia, quæ sic se habent: « Unde non possumus illorum episcoporum (qui scilicet eidem Synodo interfuerunt) nec probare, nec culpate judicium: cum nesciamus utrum

vera sint Gesta; aut si vera sunt, constet magis subterfugisse, quam se tota veritate purgasse ». Subdit Augustinus: « Videtis certe in his verbis, quemadmodum papa beatissimus Innocentius non tanquam de incognito loqui videatur. Videtis qualem fulerit de illius purgatione sententiam ». Hactenus ipse: qui postquam tandem accepit Acta ejusdem Synodi Palæstinae, scripsit de illis librum ad Aurelium episcopum Carthaginensem, ut ipse testatur, eundem librum citans¹: de quo etiam cum in Retractionibus meminisset, ita ait²: « Sed cum in manus nostras eadem Gesta venissent, scripsi de his librum; ne illo velut absoluto, eadem quoque degmata pularentur iudices approbasse, quæ ille nisi damnasset, nullo modo ab eis nisi damnatus exisset ». Hæc Augustinus: verum perit ipse liber.

21. Sed videamus singula capita proposita in eadem Synodo ex libello adversariorum recitata, quæ Pelagius damnare, ne ipse damnaretur, compulsus est. Invenimus ea in Collectione Cresconii recitata post Epistolam Aurelii episcopi Carthaginensis ad episcopos provincie Bizacena, quam suo loco reddemus. Inscriptio autem capitulis istis prænotata legitur, adjecta ab Africanis episcopis perbrevi Prefatione.

« Incipiunt capitula excerpta ex Gestis habitis contra Pelagium hæreticum, et alia de libellis ejus, quæ in Palæstina Synodo sibi objecta damnare compulsus est.

« Quod ad Hierusalem volentem colligere filios suos dominus clamat: hoc nos clamamus adversus eos, qui filios volentes Ecclesie colligi, nolunt; nec sallem post judicium, quod de ipso Pelagio factum est, collegerunt: de quo damnatus exisset, nisi objecta contra Dei gratiam dicta, quæ obscurare non potuit, ipse damnasset. Præter illa enim, quæ quoquo modo potuit, ausus est quicumque ratione defendere, objecta sunt quedam, quæ nisi remota omni tergiversatione anathematizaret, ipse anathema sil factus.

22. « Primo, objectum est enim, cum diceret, Adam mortalem factum; qui sive peccasset, sive non, mortuus esset.

« Secundo, quod peccatum ipsius ipsum solum læserit, et non genus humanum.

« Tertio, et quod infantes nuper nati, in illo statu sint, in quo Adam fuit ante prævaricationem.

« Quarto, et quod per mortem, vel prævaricationem Adæ, non omne genus humanum moriatur: et quod non per resurrectionem Christi omne genus humanum resurgat.

« Quinto, infantes, etiam si non baptizentur, vitam æternam habere possunt.

« Sexto, et divites baptizatos, nisi omnibus abrenuntient, si quid boni visi fuerint facere, non reputari illis, nec eos habere posse regnum Dei.

¹ Pall. in Lausiac. c. 42. — ² Hier. ep. LXXIX. — ³ Prosp. lib. de Integralis. — ⁴ Prosp. adver. Collat. — ⁵ Aug. de pecc. orig. l. II. c. 8. 9.

¹ Aug. l. II. c. 14. de peccato origin. — ² Aug. in Retract. l. II. c. 47.

« Septimo, et gratiam Dei atque adiutorium non ad singulos actus donari, sed de libero arbitrio esse, vel in lege atque doctrina.

« Octavo, et gratiam Dei secundum merita nostra dari.

« Nono, et filios Dei non posse vocari, nisi omni modo absque omni peccato fuerint effecti.

« Decimo, et non esse liberum arbitrium, si Dei indigeat auxilio : quoniam in propria voluntate habet unusquisque facere aliquid, vel non facere.

« Undecimo, et victoriam nostram non esse ex Dei adiutorio, sed ex libero arbitrio.

« Duodecimo, et quod petentibus veniam, non detur secundum gratiam et misericordiam Dei, sed secundum merita et laborem eorum qui per penitentiam digni fuerint misericordia.

« Hæc omnia Pelagius sic anathematizavit (quod satis gesta ipsa testantur) ut nihil ad ea quoquo modo defendenda disputationis attulerit. Unde fit consequens, ut quisquis sequitur episcopalis auctoritatem iudicii, et in ipsius Pelagii confessione tenere debeat, quæ fœnit Catholica Ecclesia ». Sequitur Catholica Pelagii confessio post recensita ex libello adversariorum capita in eum objecta, quæ omnia confutavit.

23. « Primo, quod Adam, nisi peccasset, non fuisset moriturus.

« Secundo, quod peccatum ejus non ipsum solum laeserit, sed et genus humanum.

« Tertio, quod infantes nuper nati, non sint in illo statu, in quo Adam fuit ante prævaricationem.

« Quarto, ut ad ipsos etiam pertineat quod breviter ait Apostolus ¹ : Per unum hominem mors, et per hominem resurrectio mortuorum : et sicut in Adam omnes moriuntur, ita et in Christo omnes vivificabuntur.

« Quinto, quod infantes non baptizati, non solum regnum caelorum, verum etiam vitam æternam habere non possint.

« Sexto, ut confiteatur, divites baptizatos, etiam si divitis suis non careant, et sint tales quales ad Timotheum describit Apostolus, dicens ² : Præcipe divitibus hujus mundi non superbe sapere, neque sperare in incerto divitiarum suarum, sed in Deo vivo, qui prestat nobis omnia abundanter ad fruendum : divites sint in operibus bonis, facile tribuant, communicent, thesaurizent sibi fundamentum bonum in futurum, ut apprehendant vitam æternam : non eos a regno Dei posse privari.

« Septimo, ut fateatur gratiam Dei et adiutorium etiam ad singulos actus dari, eamque non dari secundum merita nostra.

« Octavo, ut revera sit gratia, id est, gratis data per ejus misericordiam, qui dixit ³ : Misereor etiam misericors ero, et misericordiam præstabo cui miseratus fuero.

« Nono, ut fateatur filios Dei vocari posse illos, qui quotidie dicunt ⁴ : Dimitte nobis debita nostra :

quod utique non veraciter dicerent, si essent omnino absque peccato.

« Decimo, ut fateatur esse liberum arbitrium, etiam si divino indigeat adiutorio.

« Undecimo, ut fateatur, quando contra tentationes, concupiscentiasque illicitas dimicamus, non ex propria voluntate, sed ex adiutorio Dei provenire victoriam : non enim aliter verum est quod Apostolus ait ⁵ : Non volentis, non currentis, sed miserentis est Dei.

« Duodecimo, ut fateatur secundum gratiam et misericordiam Dei veniam penitentibus dari non secundum merita eorum : quemadmodum etiam ipsam penitentiam, donum Dei dixit Apostolus, ubi ait ⁶ : Ne forte det illis Deus penitentiam. Hæc omnia simpliciter sine ulla fateatur ambagibus.

24. « Si quis contra auctoritatem Catholicam et ipsius Pelagii expressa Ecclesiasticis gestis verba consentit, atque in illa que his sunt contraria veraciter credit ; anathema esse tenendum est ; nisi quæ illi contraria sunt, fido corde teneantur, et aperta confessione promantur ». Hactenus ibi ex Actis Synodi Diospolitanæ. Recitat istas assertiones ex Actis ejusdem Synodi S. Augustinus agens de peccato originali ⁷ necnon in Epistola ⁸ ad Paulinum. Porro alii errores Pelagii redduntur ab eodem Augustino in eodem libro de peccato originali his verbis ⁹ : Quoniam lex sic mittit ad regnum, quemadmodum et Evangelium. Quoniam fuerint homines ante adventum Christi sine peccato ». Desideratur hic aliud caput ejusdem hæresis corollarium, cuius idem S. Augustinus ⁶ sic meminit : « Bestruunt rationes quas facit Ecclesia sive pro infidelibus et doctrinæ Dei resistentibus, ut convertantur ad Deum ; sive pro fidelibus, ut augeatur in eis fides, et perseverent in ea : hæc quippe non ab ipso accipere, sed a se ipsis homines habere contendunt, gratiam Dei, qua liberantur ab impietate, dicentes secundum merita nostra dari. Quod quidem Pelagius in episcopali iudicio Palæstino, damnari metuens, damnare compulsus est : sed in posterioribus suis scriptis hoc invenitur docere ». Hæc Augustinus. Erant et aliæ blasphemias Pelagii scriptis insertæ, quæ non sunt ad publicum illud examen productæ : recitat vero eas S. Hieronymus in tribus illis dialogorum libris, quos contra Pelagianos conscripsit post diem Synodum Diospoli celebratam, ut S. Prosper ⁷ testatur, qui postquam ejusdem Synodi meminisset, mox ista subiunfert de ipso S. Hieronymo :

Tunc etiam Bethleï præclari nominis hospes,
 Heorzo summi et Græp, l'atouque veustus
 Eloquo, normæ exemplum, mundique mazister,
 Hieronymus libris valde excellentibus hostem
 Dissertit ; nosque dedit, quo turpiter veram
 Vellet exortæ lucem obscurare tenebræ.

¹ Rom. IX. — ² 2. Tim. IX. — ³ Aug. de peccato orig. l. II. c. 11. — ⁴ Aug. ep. CVI. — ⁵ Aug. de peccato orig. l. II. c. 11. — ⁶ Aug. lib. de hæres. ad Quodvultdeum, c. 88. — ⁷ Prosp. de Infrag.

¹ 1. Cor. XV. — ² 1. Tim. VI. — ³ Rom. IX. — ⁴ Matth. IX.

Hæc S. Prosper, et quidem seite aperit ejusdem Hieronymi in scribendo consilium.

25. *Quo consilio Hieronymus scripsit Dialogos contra Pelagium.* — Etenim cum vidisset ipse Hieronymus versutum Pelagium captiosus artibus Synodum decepsisse, et tanquam in scena, mentita larva, personarum historiam Catholici hominis specie superinducta lussisse, sique veritatem offusis tenebris obscurasse: prudens illud excogitavit inventum, ut dialogos scriberet, et sub Critoboli nomine Pelagium significaret, quem Catholicus homo, Attici nomine, exquisitissimis interrogationibus cogeret latens inter venenum in medium perspicuum cunctis profere; sique palam omnibus demonstraret, qualis ille esset, qui errores damnans, videri voluisset ab omnibus in Synodo probatus omnino Catholicus. Novum ergo illud per dialogos scribendi genus arripuit, a se hactenus intentatum; quod id res et tempus exposceret. Etenim invidiosum nimis ac odiosum, et forte etiam temerarium videri poterat, in hominem ex adverso concitatum insurgere, qui damnatis omnibus prepositis damnandis hæresibus, jam fuisset in ipsa Synodo consensu omnium absolutus. Hinc etiam et prudentissime illud egit, ut nunquam ea scriptio ejusdem Synodi expresse voluerit meminisse: ne si ab illa acta probasset, Pelagium in ea absolutum probasse pariter videretur; vel si damnasset, ipse potius hæresis redarguendus esset, qui damnantem hæreses Synodum arguisset. Sic igitur generaliter rem agens, non unum absolutum Pelagium insectari videtur, sed Pelagianos, dum unius Pelagii caliginis densitate repletas labebras aperit, cunctisque easdem proponit adspiciendas, dialogos illos edens, in quibus inter alia ista præfatur Hieronymo sane digna ¹: « Adversus eos autem qui me dicunt hoc opus inflammatum invidiæ facibus scribere: breviter respondebo, nunquam me hæreticis pepercisse, et omni egisse studio, ut hostes Ecclesiæ, mei quoque hostes fierent ». Hæc ipse. Sed unde invidiæ calumniam adversarii impegerunt, nisi quod ante faciem ejus fuisset ipse Pelagius absolutus?

26. Quæ autem ex ejusdem Pelagii scriptis eruta, idem Hieronymus ² foris expansa omnibus intuentia proponat, audi. Quod enim ille ad impeccantiam assererat opus esse divinæ legis scientia, eademque esse mulieres intuentias; hinc in eum hæc ipse Hieronymus: « Verum tu tante es liberalitatis, ut favorem tibi apud Amazonas tuas concilies, ut in alio loco scripseris, scientiam legis etiam feminas habere debere; cum Apostolus ³ doceat esse tacendum mulieribus in ecclesia, et si quid ignorant, domi viros suos debere consulere. Nec sufficit tibi dedisse agmini tuo scientiam Scripturarum, nisi earum voce et canticis delecteris: Jungis enim et ponis in titulo, quod et femina Deo psallere debeant. Quis enim ignorat, psallendum

esse feminis in cubiculis suis, et absque virorum frequentia et congregatione turbarum? » Hæc ipse.

27. Porro quod in eam demerentiam superbus iste elatus fuerit, ut assereret esse hominis, vi liberi arbitrii non tantum non peccare, sed etiam non tentari: hinc ipse Hieronymus ex persona Pelagii ejusque verbis hæc ait ⁴: « Alii clausi cellulis, et feminæ non videntes, quia miseri sunt, et verba mea non audiunt, torquentur desiderii: ego etiam si mulierem vallor agminibus, nullam habeo concupiscentiam: de me enim dictum est ⁵: Lapidés sancti voluntur super terram, et ideo non sentio, quia liberi arbitrii potestate Christi trophaum circumfero ». Hujusmodi plane hæreticos visus est idem S. Hieronymus alibi suggillasse, dum ait ⁶: « Si nota fecissent verba mea populo meo, non blandientes eis, et adulatione perdentes, ut dicerent: Non habetis peccata, perfectam justitiam possidetis, sanctitas et pudicitia atque justitia in vobis tantummodo reperiuntur: et ego non tradidissim eos in immunditiam et ignominiam, ut facerent quæ non conveniant, et sequerentur cogitationes suas pessimas. Contemplerur hæreticos, quomodo semet desperantes salutem, gulæ se tradant et deliciis: vescantur carnibus, frequentes adeant balneas: musco fragrent, unguentis variis delibuti, querant corporis pulchritudinem, etc. » Præstringens in hunc modum S. Hieronymus Pelagium atque Pelagianos, et haud dubium inter alios suggillat Palladium Gallatam episcopum Helenopolis in Bithynia, de quo sæpe superius, cujus disertis verbis meminit in Præfatione in eosdem libros adversus Pelagium scriptos, quod cum versari soletur assidue cum feminis religiosis, magna tamen jactantia gloriaretur, quod omnis esset penitus concupiscentiæ expertus: ita quidem ipse, cum præsertim in Ægypto visitans monachos, junctus feminis peregrinaretur. Quo nomine redargutus est etiam per Epistolam ab Isidoro Pelusiota, dignam illam quidem, quæ hic recitetur, utpote tanti viri profutorum omnibus monumentum, sic enim se habet ⁷:

28. « Palladio episcopo.

« Mulierem congressus, vir optime, quantum fieri potest, fuge. Nam eos qui sacerdotii munere funguntur, sanctiores ac puriores illis esse oportet, qui ad montes se contulerunt: siquidem illi et sui, et plebis; hi autem sui duntaxat curam gerunt. Atque illi in hujusmodi dignitatis fastigio collocati sunt, omnesque vitam eorum perscrutantur et explorant: hi autem in spelunca sedent, aut sua vulnera curantes, aut vitia obtegentes, aut etiam coronas sibi ipsi textentes. Quod si etiam, ut cum illis congregariis, necessitas aliqua te obstringat: oculos humi dejectos habe, atque ipsas quoque quoniam pacto spectandum sit, doce: non enim duntaxat docendum est, quoniam modo cernere oporteat, sed etiam, ut oportet, cernere. Cumque

¹ Hier. advers. Pelag. in præfat. — ² Hier. cont. Pelag. l. 1. — ³ 1. Tim. 11.

⁴ Hier. contra Pelag. l. 11. — ⁵ Zach. IX. — ⁶ Hier. in Hierem. l. IV. c. 23. — ⁷ Isid. ep. CCLXXIV. l. 11.

panca, quæ ipsarum animos adstringere atque illustrare queant, locutus fueris : statim evola, ne forte diuturna consuetudo vires tuas emolliat, et infringat, atque velut horrendum quemdam et elatum leonem nacta, comam quidem, quæ leonem vere leonem efficit, regiamque dignitatem ipsi conservat, amputet; dentes autem eripiat, atque ungues (quorum adminiculo robustissimas etiam feras vincit) evellat, ac deinde deformatum ac ridiculum redditum, animal, inquam, illud horrendum ac intolerandum ac vel solo rugitu montem percellens, pueris etiam se illudendum præbeat.

29. « Quod si a mulieribus honore affici cupis (maxime quidem hoc spirituales virum laudatissimam decet) ut autem res se habeat; nihil tibi cum feminis commercii sit, ac tum ab illis honorem consequeris. Tum enim hoc præsertim nobis aderit, cum a nobis minime quereretur : solet enim quivis eos quidem a quibus colitur ac delinitur, aspernari; eos autem a quibus asensatione minime demulcetur, admiratione prosequi. Ac muliebris natura huic fortissimum affectui obnoxia est. Intolerandum enim se præbet, cum quis ipsi blanditur, ac contra eos omnium maxime suscipit, et admiratur, qui majore libertate præditi sunt, amplioreque auctoritate apud eas utuntur.

30. « Quod si te frequenter cum ipsis versari, nec ullo inde detrimento affici discris; id quidem fortasse mihi persuaderi sinam. At illud idem velim omnibus fidem adhiberi, aquis lapides extenuari, ac rupem aquæ guttis continenter cadentibus excavari dicunt. Quorum verborum hujusmodi sensus est : Quid rupe durius fingi queat ? Quid item aqua mollius et quidem aquæ guttula ? et tamen assiduitas naturam vincit. Quod si natura, quæ ægre dimoveri potest, dimovetur; idque quod minime habebat perpetitur; qua tandem ratione voluntas quæ facile movetur, consuetudine non vincatur et evertatur ? » Illicusque Isidorus, optima ratione et exemplo destruens quod assererent illi voluntatem nostram sui natura posse, si velit evitare peccatum absque gratiæ adminiculo, imo nec etiam posse tentari si nolit : quandoquidem docuit Isidorus vinci assiduitate naturam.

31. Rursum vero de iisdem prodigiis Pelagii inventis, dum omnes homines crassioribus, ut monachos, uti vestibus vellet, hæc ait¹ : « Unde adjungis gloriam vestium et ornamentorum Deo esse contrariam ? Quæ sunt, rogo, inimicitie contra Deum, si tunicam habnero mundiorum, si episcopis presbyter, et diaconus, et reliquus ordo Ecclesiasticus in administratione sacrificiorum cum candida veste processerint ? Cavete clerici, cavete monachi; vidue et virgines periclitamini, nisi sordidas vos atque pannosas vulgus adspexerit. Taceo de hominibus sæculi, quibus aperte bellum indicitur, et inimicitie contra Deum, si pretiosis atque nitentibus, utantur exuviis ». Hactenus ipse qui quidem post multa ex Pelagii

scriptis in medium allata et confutata, postremo ad exterrandos adversarios, validissimum plane committentem, qui jam ante adversus eandem grassantem impietatem gladium spiritus exeruisset, ostentat, ipsum nimirum sanctissimum atque doctissimum Augustinum; dum recenset ab eo adversus Pelagianos scriptos commentarios ad Marcellinum tres numero, quartum vero ad Hilariū; atque subdit : « Alios quoque specialiter tuo nomini credere dicitur, qui necdum in nostras venire manus. Unde supersedendum huic labori censeo, ne dicatur mihi illud Horati : In silvam ne ligna feras. Aut enim eadem diceremus ex superfluo : aut si nova voluerimus dicere a clarissimo ingenio occupata sunt meliora ». Hæc Hieronymus, plurimum (vides) deferens Augustino. At queam essent quæ audisset ab eo eudi pecuniariter contra ipsum Pelagium : certe inter alia librum illum, cuius ipsum meminisse diximus in Epistola ad Evodium¹, fuisse scimus, cuius est titulus : « De natura et gratiæ », de quo paulo ante pluribus egimus. Sed non hic finis S. Hieronymi adversus Pelagianos certaminum : pugnandum enim sibi fuit adversus Anianum diaconum Pelagianum qui contra Epistolam ipsius Hieronymi ad Ctesiphontem adversarios libros conscripserat. At de his inferius suo loco dicendum erit.

32. *Pelagius quas damnavit, repetit hæreses.* — Sed ad Pelagium redeamus : Quem cum hoc anno in Palestina Synodo suas damnasse hæreses et Catholicas adversus eas assertiones professum fuisse, dixerimus : quomodo, inquires, rursus ausus est in medium prodire, et eadem virulenta dogmata prædicare ? Audi ex S. Augustino quibus se spiris serpens involvens alia captaverit diverticula : de ipso enim atque Cælestio primario ejus discipulo agens ipse Augustinus, hæc ait² : « In tantum inimici sunt », gratiæ Dei scilicet, « ut sine hac posse hominem credant facere omnia divina mandata. Cum si hæc verum esset, frustra Dominus dixisse videretur³ : Sine me nihil potestis facere. Denique Pelagius a fratribus increpatus (nempe in Concilio, quod diximus, Palestino) quod nihil tribueret gratiæ Dei ad ejus mandata facienda, correctioni eorum hactenus cessit, ut non eam libero arbitrio præponeret, sed infidelis calliditate superponeret, dicens ad hoc eam dari hominibus, ut quæ facere per liberum jubentur arbitrium, facilius possint implere per gratiam : dicendo utique : Ut facilius possint ; voluit credi, etiam, si difficilissimum, tamen posse homines sine divina gratia facere jussa divina. Illam vero gratiam Dei, sine qua nihil boni possumus facere, non esse dicunt nisi in libero arbitrio, quod nullis suis præcedentibus meritis ab illo accepit nostra natura ; ad hoc tantum existimantes ipsam adjuvantem per suam legem atque doctrinam, ut discamus quæ facere et quæ sperare debeamus ». Hæc et alia Au-

¹ Hier. cont. Pelag. l. 1.

² Aug. ep. cii. — ³ Aug. ad Quodvult. de hæres. c. 88. — ⁴ Joan. xv.

gnusius, affirmans inferius eundem Pelagium contrariis scriptis iis quæ in hac Synodo Palæstina damnasset, quæ ibi professus fuerat, destruxisse.

33. Accidit autem, ut cum hoc anno (ut vidimus) Pelagius in dicta Synodo Palæstina suas, quibus infamabatur, hæreses condemnasset; atque ob eam causam ab episcopis qui illi conventui interfuerant, ad communionem acceptus esset: ipse Joannes Hierosolymitanus episcopus quod diceretur amicus Pelagii factus esse, apud Occidentales male audire cepit: hinc S. Augustinus postea suppeditatum est argumentum, ad eundem Joannem scribendi¹, exposcendique ab eodem ejusdem Synodi Palæstina Acta: extat quidem ipsa Epistola: et licet ad quemnam Joannem episcopum scribat, in titulo desideretur; tamen ad Joannem Hierosolymitanum eam esse datam, quæ in ea habentur, perfacile docent. Doluit vehementer S. Augustinus, subdolum hominem Pelagium tectum ovina pelle, lupum qui intus latebat, occultasse, et sic inter oves lupum allectum a pastoribus id nescientibus confoveri: quamobrem, ut ipsum caveret, eundem Joannem certiore reddendum putavit: ad quem etiam ipsius Pelagii secretum librum illum, quem ab ejus discipulis Timasio, atque Jacobo haud pridem ad fidem conversis acceperat, misit cum adversaria responsione a se edita; ut ex his Pelagius Orientalibus plenius innotesceret, defectumque omnes caverent.

34. Habet autem hæc in primis Augustinus ad eundem Joannem de ipso²: « Pelagium vero fratrem nostrum, filium tuum, quem audio quod multum diligis: hanc illi, suggero, exhibeas dilectionem, ut homines qui eum noverunt et diligenter audiverunt, non ab eo tuam sanctitatem existentem falli. Nam quidam ex discipulis ejus adolescentes honestissime nati, et institutis liberalibus eruditi, quam habebant in sæculo exhortationem dimiserunt, et se ad Dei servitium contulerunt. In quibus tamen cum apparuissent quadam sanctæ doctrinæ adversantia, quæ Salvatoris Evangelio continetur, et Apostolicis sermonibus declaratur; id est, cum invenirentur contra Dei gratiam disputari, propter quam Christiani sumus, et in qua spiritu ex fide spem justitiæ expectamus; et admonitionibus nostris incipientem emendari: dederunt mihi librum, quem ejusdem Pelagii esse dixerunt, rogantes ut ei potius responderem, etc. » inferius rursus de eodem Pelagio: « Si diligitis Pelagium: diligit etiam vos ipse, imo magis se ipsum, ut non vos fallat. Cum enim auditis eum confiteri gratiam Dei et adiutorium Dei, putatis hoc eum dicere, quod et vos qui Catholicam regulam sapitis; quoniam quid in libro suo scripserat, ignoratis. Propter hoc ipsum librum nisi et meum, quo ei respondi ». Et post nonnulla: « Peto etiam nobis transmittere, quibus perhibetur esse purgatus, Ecclesiastica ea gesta, digneris: quod ex multorum episcoporum deside-

rio peto, quos mecum de hac re fama incerta perturbat ». Hæc ipse de Actis hujus anni Concilii Diospolitani. Petierat et id antea illis litteris Augustinus, et non accepisse doluit, ubi paulo inferius ait: « Pro quibus Gestis jam nobis misit non ullam quidem partem Gestorum, sed quandam a se conscriptam veluti defensionem suam, qua se dixit objectis respondisse Gallorum ». Sed quando ea tandem Synodi Acta Augustinus acceperit, suo loco dicemus.

35. *Augustinus per Orosium consulit Hieronymum de origine animarum.* — Jam vero ad Orosium, cui credita sunt ab Avito sacra profomarum pignora in Occidentem deferenda (ut polliciti sumus) se convertat oratio, ut intelligamus quid per eum hoc anno venientem Hierosolymam sanctus Augustinus, cum S. Hieronymo litterarum internumtio pertractarit. Atque primum illud in memoriam revocandum, agitatum esse his temporibus in Ecclesia perdifficilem questionem de animarum origine, de qua Marcellinum vidimus per litteras consuluisse Hieronymum et Augustinum. Porro ejusmodi questio ea occasione orborum est, quod Origenes in ea admodum delirasset, cum dixisset animas sicut angelos in cælo peccasse, in corpora vero ad luendum supplicium tanquam in carcerem quemdam esse demissas: quod cum veluti ingentem blasphemiam Ecclesia Catholica condemnasset, inde de inquirenda animarum origine occasio dimanavit. Augustinus igitur Christiana modestia, licet de eadem questione pluribus disseruisset, tamen (ut testatur in Epistola ad Evodium³) de hoc ipso per Orosium presbyterum consulendum putavit S. Hieronymum. Extat quidem ipsa Epistola², in cuius exordio ista habet, quæ declarant quanta observantiæ ipse S. Augustinus coluerit S. Hieronymum: ait enim: « Deum nostrum, qui³ nos vocavit in suum regnum et gloriam, et rogavi, et rogo, ut hoc quod ad te scribo, sancte frater Hieronyme, consulens te de his quæ nescio, fructuosum esse nobis velis. Quanquam enim te multo quam ego sum ætate majorem, tamen etiam ipse jam senex consulto. Sed ad descendendum quod opus est, nulla mihi ætas vera videri potest: quia etsi senem magis decet docere quam discere; magis tamen discere, quam quid doceat, ignorare. Nihil quidem molestius fore in omnibus angustiis meis, quas patior in difficillimis questionibus, quam in tam longinqua tuæ charitatis absentia, ut vix possim meas dare, vel recipere litteras tuas per intervalla non dierum, non mensium, sed aliquot annorum: cum si fieri posset, quotidie præsentem te habere vellem, cum quo loquerer quicquid vellem. Nec ideo tamen non debui facere quod potui, si non potui totum quod volui. Ecce venit ad me religiosis juvenis, Catholica voce frater, ætate filius, honore presbyter noster Orosius, vigil ingenio, paratus eloquio, flagrans studio, utile vas in domo Dei esse desiderans, ad refellendas falsas perniciosasque doctrinas, quæ animas Hispanorum

¹ Aug. ep. CCLII. — ² Aug. ep. CCLII.

¹ Aug. ep. CII. — ² Aug. ep. XXVIII. — ³ f. Thess. II.

multo infelicius, quam corpora barbaricus gladius trucidarunt. Nam inde ad nos usque ab Oceani littore properavit : fama excitus, quod apud me posset de his quae scire vellet, quicquid vellet, audire. Neque nullum cepit adventus sui fructum : primo ne de me nullum famae crederet. Deinde docui hominem, quod potui : quod autem non potui, unde discere posset admonui, atque ut ad te iret, hortatus sum. Qua in re consilium vel praeceptum meum cum libenter acciperet, rogavi cum, abs te veniens, ut per nos ad propria remearet : quam ejus sollicitationem tenens occasionem mihi credidi a Domino esse concessam, qua tibi scriberem de his quae per te scire cupio, etc. » Haec de protectione Orosii, et petitione sua qua Hieronymum de animarum origine Augustinum rogavit.

36. Contigisse autem hoc anno protectionem ipsius Orosii in Palaestinam ad sanctum Hieronymum, quae recitata sunt ex Epistola Avili perspicue satis docent. Porro ea Epistola S. Augustinus quamvis disertissime multa de quaestione illa disputet; ad finem tamen, se nescire profitetur, atque addit : « Nulla enim alia similiter nescio, quae commemorare non possum ». Vides verecundiam Ecclesiastici tractatoris longe longius ab haereticorum arrogantia cuncta se scire profitentium abhorrentis. Quin etiam (ut idem ipse alibi¹ testatur) per eundem Orosium alia scriptio consuluit ipsum S. Hieronymum de sensu illorum verborum Epistolae Jacobi² : « Qui in uno offendit, factus est omnium reus ».

37. At quid S. Hieronymus, cum missa ab Augustino scripta perlegit? Eadem quoque ipse modestia, ne doctorem docere videretur, voluit tacuisse; excusans, quod impedito aliis rebus, in enodationem quaestionis minime sibi incumbere licuisset; cum alioqui (ut ipse testatur) timeret, ne si diversa inter se sentirent, haereticis inde daretur occasio detrahendi : sic vitans scopulos, in quos olim impingens paene fracta fuerat amicitia. Sed Augustinus modestiam modestiae rependit, et verecundiam verecundiae compensavit, dum vivente S. Hieronymo noluit quicquam amplius de ea quaestione scriptis, mandare, expectans fore aliquando ut tantus Ecclesiae magister suae petitioni per Orosium litteris semel factae satisfaceret. Id enim in Retractionibus ipse professus est, ubi ait³ : « Scripsi etiam duos libros ad Hieronymum presbyterum sedentem in Beth'lehem, unum de origine animae hominis : et inferius : « Rescripsit autem laudans eandem consultationem meam : sibi tamen ad rescribendum otium non esse, respondit. Ego vero, quousque esset in corpore, hos libros edere nolui; ne forte responderet aliquando, et cum ipsa responsione ejus potius ederentur. Illo autem defuncto, ad hoc edidi priorem, etc. » Extat vero ipsa S. Hieronymi⁴ Epistola, quam ad eundem S. Augustinum

per ipsum Orosium reddidit, cujus exordium hic describimus; ut ex eo, quae dicta sunt, firmiter comprobentur : sic enim se habet.

38. « Virum honorabilem fratrem meum, filium dignationis tuae Orosium presbyterum, et sui inerito, et te jubente, suscepi; sed incidit in tempus difficillimum, quando mihi facere melius sit, quam loqui; ita ut nostra studia cessarent, et juxta Appianum, curia exerceretur facundia ». Haec namque scripsisse videtur S. Hieronymus, cum in Synodo Diospolitana scisset jam Pelagium absolutum, et episcoporum in se odium convertisset, quod quem illi fidem Catholicam profitentem absolvissent, ipse scriptis adversariis laceraret : etenim ante datas has ad Augustinum litteras, adversus Pelagianos se dialogum scripsisse testatur, ubi haec primum de sua ipsius erga Augustinum observantia : « Mihi autem decretum est, te amare, te suscipere (suspicere), colere, mirari, inaque dicta quasi mea defendere. Certe et in dialogo, quem nuper edidi, tuae beatitudinis (ut dignum erat) recordatus sum, etc. » Haec enim sequenti anno ipsum Hieronymum scripsisse oportuit : nam cum constet reliquias protomartyris Stephani ad finem anni hujus inventas, quas ab Avilo accepit Orosius reversurus in Occidentem : ejus e Palaestina discessionem non ante opportunum navigationis tempus sequentis anni contigisse, certum est. Eadem quoque Epistola ipse Hieronymus eidem Augustino, nomine Eustochii atque Paucae; nempe junioris, senioris vero, nephis, salutem impertit his verbis : « Sanctae ac venerabiles filiae tuae Eustochium, et Paula, et genere suo, et exhortatione tua digne graduntur, specialiterque salutant beatitudinem tuam ». Quid autem eadem Eustochium et Paula ab adversariis passae sint, sequenti anno dicturi sumus.

39. Quod vero ad propositam pertinet de animarum origine quaestionem : non Augustino tantum atque Hieronymo visa est eadem perdifficilis, sed ante eos Gregorius Theologus¹ eam ejusmodi esse existimavit, quam non satis sint humanae vires, ut asequi valerent; cum quid definiret de eadem quaestione totus ambiguus, rem integram Deo committendam tradidit, qui ipsas creavit animas. Sed quod magis mireris; cum per tot saecula totque doctissimorum patrum ore versata ea quaestio fuerit; tamen adhuc temporibus Gregorii Magni Romani Pontificis indecisa remanserat; nec quid de ea esset definiendum, ipse ausus est proferre sententiam : ad Secundinum enim scribens haec ait² : « De origine animae inter sanctos Patres requisitio non parva versata est : sed utrum ipsa ab Adam (per traducem scilicet) descenderit, an certe singulis detur, incertum remansit ». Haec ipse. Caeterum in S. Hieronymi sententiam S. Ecclesia visa est esse propensior, qua dicitur easdem recens a Deo creati, atque infundi corporibus; quod professus est ipse

¹ Aug. ep. xxix. et cii. Retract. l. ii. c. 45. — ² Jacob. ii. — ³ Aug. Retract. l. ii. c. 45. — ⁴ Hier. ep. xcii. apud Aug. ep. xxx.

¹ Greg. Naz. in carm. de anim. edit. Lavencl. — ² Greg. l. vii. ep. lxi.

in Epistola ad Marcellinum, de qua superior dictum est; quam tamen sententiam haud affirmare se audere, ipse in Epistola ad Hieronymum scripta testatus est Augustinus¹, cum petit ab ipso id dilucidius explicari, ubi ait: « Quid si ideo adhuc ista nescimus, et ea neque orando, neque legendo, neque cogitando, et ratiocinando invenire potuimus: ut probemur, non solum indoctos quanta charitate doceamus, verum a doctis etiam quanta humilitate discamus? Doce ergo, quaeso, quod doceam: doce quod teneam, etc. » Haec ipse ad S. Hieronymum. Verum et ipsum Augustinum postea in Hieronymi sententiam abisse constat; quam et adversus ei adversantes doctissime propugnavit, scriptis eodem argumento quatuor libris².

40. *Sub Cyrillo episcopo Alexandriam turbant Judaei quos comprimit Theodosii rescriptum.* — Jam vero ex Palaestina in Aegyptum oratio migret; et quae hoc anno res gestae fuerint a Cyrillo Alexandrino episcopo disquiramus. Hoc igitur anno, iisdem consulibus haec Alexandriae configisse, Socrates auctor³ est, qui rem gestam descripsit: ad ejus ingressum monendus es, lector, historiam a Novatiano homine, in Cyrillum parum aequo ob pulsos (ut dictum est) Alexandriae Novatianos, scriptis perinfecto animo traditam esse: ut non mireris, si ab eodem auctore audias Cyrillum saepe per-tringi, et in crimen vocari scelorum patrum: caute igitur a Socrate scripta perlege, cum de Cyrillo indigna prorsus offensis: sic enim se habet¹: « Eodem tempore Judaeorum gens a Cyrillo episcopo Alexandriae hanc ob causam cjecta est. Populus Alexandrinus praeter caeteros seditio nibus delectatur, in quibus si quando sit oblata illarum contumaciarum occasio, scelera eduntur prope intolerabilia: quippe sine sanguine nunquam populi impetus sedatur. Id temporis tumultus, non de causa aliqua necessaria, sed de studio saltatores spectandi (quod malum per omnes civitates scripti) in ipsa multitudine forte ciebatur. Nam die sabbati ingens turba ad quemdam saltatorem spectandum confluit. Et quoniam Judaei, qui illo die feriantur, non legi audienda, sed spectaculis, et ludis scenicis contemplandis totos se dedebant; dies ille populi factionibus inter se mutuo dimicandi causa exiit. Ac quoniam populi discordia a praefecto Alexandriae quodammodo tum pacificata fuit: nihilominus tamen Judaei, alteri populi factioni adversarii esse non destiterunt. Atque tametsi Judaei Christianis erant semper infensi; tum tamen propter saltatores multo in eos infensiores facti sunt.

41. Itaque cum Orestes praefectus Alexandriae *πολυταξων* (sic enim publica praefecti edicta appellant Alexandrini) in theatro proponendam curaret, aderant etiam Cyrilli episcopi necessarii, ut edicta a praefecto publicata considerarent. Inter quos erat vir quidam, nomine Hierax, humilioris litteraturae

magister, qui attentissimus auditor episcopi Cyrilli fuit, et in concionibus ejus plausum diligentissime excitare consuevit. Hunc igitur Hieracem, ut primum multitudo Judaeorum in theatro conspicua est, extemplo vociferari cepit, cum ob nullam aliam causam ad theatrum accessisse, quam ut populum ad seditonem concitaret. Orestes autem, etsi ante episcoporum potestas illi odio propterea fuerat, quod per eos nonnihil de auctoritate eorum, qui ab imperatore ad magistratus gerendos designati erant, admodum detractum fuit: tamen tum vel maxime, quod Cyrillus videbatur in ejus edicta curiose inquirere. Proinde Hieracem palam in theatro comprehensum, gravibus divexavit suppliciis. Qua re intellecta, Cyrillus Judaeorum primarios accersit: illis, si contra Christianos tumultus cedere non desistant, debitas penas se irrogaturum minatur. At multitudo Judaeorum, cognitis episcopi minis, multo majore iracundiae aestu exardescere, machinasque ad Christianis nocendum exagitare cepit: quas quidem praecipuam causam Judaeos Alexandriae exturbandi fuisse, jam ostendam.

42. « Judaei cum lesseram ipsi sibi dedissent, nimirum, ut quisque annulum ex cortice palmae confectum gestaret, nocturnam pugnam contra Christianos instituunt. Itaque nocte quadam per universas urbis regiones a quibusdam conclamandum curant, totam Ecclesiam Alexandriam nomine nuncupatam igni inflagrare. Quo audito, Christiani, alius aliunde concurrunt, ut Ecclesiam ab incendio liberent. Tum Judaei proinus, impetu in Christianos facto, eos trucidant. Atque ut a suis, annulis demonstratis, manus abstinere, sic Christianos, qui ipsis forte obviam facti erant, e medio tollebant. Ubi autem illuxit dies, sceleris auctores minime obscuri et incogniti fuerunt. Qua de re Cyrillus graviter commotus, cum ingenti manu ad Judaeorum synagogas (sic enim eorum templa vocantur) pecta perguit, et ex Judaeis nonnullos neci dat, alios expellit e civitate, eorumque fortunas a multitudine diripi permittit. Itaque Judaei, qui usque ab Alexandri Macedonis temporibus illam urbem incoherant, tum universi inde ejecti, alii in alia loca dispersi vixerunt.

43. « Adamantius ex numero Judaeorum, qui medicinam docebat, Constantinopolim profectus, ad Albeum episcopum se contulit. Qui postquam Christianam religionem professus erat, Alexandriae denovo habitavit. Orestes illius urbis praefectus illud Cyrilli facinus valde iniquo animo tulit, magnumque cepit dolorem, tam praeclearam civitatem tanta hominum multitudine prorsus orbatam esse. Quae ebrem ad imperatorem de rebus ibi gestis refert. Cyrillus etiam imperatori Judaeorum scelera per litteras significat: et nihilominus tamen de amicitia concilandam (ad illud namque faciendam populus Alexandrinus illum impulerat) cum Oreste agit. Verum ubi Orestes de amicitia ne audire quidem voluit: Cyrillus librum Evangeliorum (hunc enim illum reveriturum putavit) ei manu porrexit. At

¹ Aug. ep. XXVIII. — ² Aug. Retract. l. II. c. 56. et de orig. anim. — ³ Socr. l. VII. c. 13. — ⁴ Ibid.

cum Orestis animus, ne hoc modo quidem deliniri posset, sed inter eum, et Cyrillum capitales inimicitie semper intercederent; hac clades, quam deinceps commemorabo, inde consecuta est.

44. « Nonnulli ex monachis qui Nitria montem incolabant, ingenio ferventior præditi, sicut jam pridem idem ipsum declararunt, exorsi a Theophili temporibus, quando erant ab illo contra Dioscorum, et ejus fratres inique armati: sic ad id temporis quoque emulationis ardore inflammati, prompto et alacri animo pro Cyrillo numerare constituerunt. Haque viri ad quingentos numero ex monasteriis egressi, urbem Alexandrinam contendere, præfectum rheda circumvectum observare, eum adire, sacrificium, Gentilem, et aliis pluribus contumeliosis nominibus appellare cœperunt. Ille suspicatus sibi a Cyrillo insidias collocatas esse: exclamare, se Christianum esse, et ab Attico episcopo Constantiopolitani baptizatum. Verum ubi monachi ejus verba videbantur contemnere; unus forte ex illorum numero, nomine Ammonius, caput præfecti lapide percussit. Præfectus illo vulnere inflicto, totus sanguine manare. Quapropter Præfecti apparitores, exceptis paucis, omnes se clam inde subduxerunt, alius alio se in multitudinem abdere, præcavescentes ne lapidum jactu interimantur.

45. « Interim populus Alexandrinus frequens eo confluere, monachos præfecti causa animo prompto ulcisci: quos omnes præter Ammonium in fugam vertunt: istum ad præfectum deduxerunt. Præfectus palam (uti leges postulant) de eo quæstiones exercit, tormentis tantisper afflictavit, dum extremum spiritum edidit. Quæ res non diu post ad imperatorum aures perlata est. Quin etiam Cyrillus eandem rem illis, sed secus expositam, omnino per litteras significavit. Corpus quoque Ammonii caput, inque Ecclesia quadam recondit, at non Ammonii, sed Tammasi nomine nuncupavit; et cum in Ecclesia magnitudinem animi illius, utpote grave certamen pro pietate perpassi, laude et prædicatione extulisset, jussit Martyrem appellari. Verum qui modestiores erant, etiam ex ipsis Christianis, Cyrilli studium erga Ammonium minime approbarunt; nam exploratum habebant, Ammonium non in tormentis interiisse, ne Christum denegare cogeretur, sed terneritatis suæ pœnas dedisse. Quocirca Cyrillus ipse illud ipsius facinus silentio in oblivionem pedetentim venire passus est.

46. « At ne adhuc quidem acerba illa inter Cyrillum, et Orestem suscepta contentio sedata est: quippe alia clades huic non dissimilis, quam sum jam narraturus, eam renovat. Mulier quædam Alexandriae, Hypatia vocata, filia Theonis philosophi, hæc tantos in litteris fecit progressus, ut omnes philosophos sui temporis longe superaret: ac non modo in scholam Platonicam a Platino deductam succederet; verum etiam omnes philosophorum omnium præceptiones, et disciplinas, omnibus qui eam audire volebant, explicaret. Quapropter quolquot philosophiæ studio incendebantur, undique ad illam

confluebant. Quin etiam propter gravem animi fideliâ, quam ex doctrinæ fontibus hauserat, etiam in conspectu principum summa cum modestia venire non dubitavit. Neque illam pudebat in mediam hominum frequentiam prodire: omnes enim eam ob singularem animi moderationem cum reverentia quadam, et verebantur, et suspiciebant.

47. « Itaque invidiæ flamma tum contra eam incensa est. Eleum cum crebrius cum Oreste in colloquium veniret: populus Ecclesie illam cœpit insinulare, quod episcopo ad amicitiam Orestis reconciliandam aditum penitus intercludebat. Proinde certi homines, qui erant natura paulo ferventiores, quibus Petrus lector in illa Ecclesia ducem se præbuit, uno consensu mulierem domum alicunde redeuntem observant; de curru quo vehebatur, deturbant; ad Ecclesiam, quæ Caesareum dicitur, rapiunt: exstantque vestibus, testis aculis, ad necem usque dilacerant, ejus membra discerpunt, discerptaque in locum qui Cinaron dicitur, comportant, atque igni comburant. Hoc facinus cum Cyrillo, tum Ecclesie Alexandrinæ non exiguum labem aspersit infamie. Nam qui religionem Christianam profitebantur, a corde, pugnis et id genus aliis omnino alieni esse debent. Hæc res gestæ sunt quarto anno episcopatus Cyrilli ad decimum consulatum Honorii et Theodosii septimum, mense Martii, cum observabantur jejunia ». Hæc Socrates. In quo primum quod ad consignatum tempus spectat, errore ponitur septimus consulatus Theodosii, cum consulatu decimo Honorii: nam sextus ponendus est; siquidem septimus ejus consulatus non cum Honorii decimo contigit, sed sequenti anno, cum solus absque collega eo munere functus legitur. Quo vero quartum Cyrilli hunc numerat sedis annum, ipsum intelligit tantummodo attingisse: siquidem idem ipse¹ testatur, sub nono Honorii consulatu et Theodosii quinto, XV kalend. Novemb. defunctum esse Theophilum, ac triduo post creatum esse Cyrillum: qua ratione dicendum est, eundem Cyrillum hoc anno, dicta die Octobris absolvisse sedis suæ annum tertium, et inchoasse quartum.

48. Quod vero ad Hypatiam ipsam pertinet: celeberrimam quidem omnium hujus sæculi philosophorum claruisse, ex Synesio² philosopho, de quo plura superius, possumus intelligere, ejus ad eandem plures extant Epistolæ, in quibus ipsam sæpe magistram et dominam vocat. Plura de eadem Suidas, quam virginem aequè castissimam prædicat; quam et amantem discipulum novo invento ab amore retraxisse tradit. Quid autem adversus hujusmodi factiosos Theodosii imperator rescripserit, dicemus anno sequenti, quo idem datum reperitur esse rescriptum: hic autem quæ rursus de Judæis hoc eodem anno Socrates narrat, ordine describamus: ait enim³:

49. « Brevi tempore post, Judæi pro scelere ne-

¹ Socr. l. vii. c. 7. — ² Synes. ep. x. xv. xvi. lxxiii. lxxxii. cxxiv. cliv. — ³ Socr. l. vii. c. 16.

fario rursus contra Christianos ab ipsis admissis parricidii solversent in loco quodam Chalcidem et Antiochiam interfecente, qui Inmestiar dicitur, Judæi cum more suo Iudæos facerent, et inter ludendum multa absurda admitterent: tandem præ ebrietate e mentis potestate egressi, non Christianos solum, verum etiam ipsum Christum in suis Iudæis contumelia afficere cœperunt: Crucem etiam, eosque qui in crucifixio spem ponunt, habere ludibrio, et propterea tale quoddam facinus moliri: puerum scilicet Christianum comprehendere, cruci alligare, in sublime suspendere. Quo facto, primum irrisione illudere, cachinnos in eum foltere: paulo post insaniam correpti, illum usque eo verberibus caelere aggrediuntur, quoad præ cruciati vitam amittet. Hac de causa gravis inter eos, et Christianos concertatio oritur. Quin etiam imperatores de facinore certiores fiunt. Qui per litteras provincie illius magistratibus significant, ut facinoris auctores et conquirendos curarent, et debitis suppliciis coercendos. Haque Judæi qui ibi habitabant, pro scelere, quod joco conceverant, serio pomas luerunt ». Hæc Socrates. At licet Theodosii rescriptum hæc de re datum non appareat, extat tamen aliud hoc anno ad Aurelianum prefectum prætorio missum, quo jussit præfecturam honorariam abrogari Gamalieli. Etenim quod Christiani principes de perfido hominum genere curassent bene mereri, Judæi fastu clati tibi tantaque adeo nefanda aggredi ausi sunt. Ipsum autem rescriptum sic se habet ¹:

50. « Quoniam Gamalielus existimavit se posse impune delinquere, quod magis est erectus fastigio dignitatum: illustris auctoritas tua scilicet nostram serenitatem ad virum illustrem magistrum officiorum direxisse præcepta, ut ab eo codicilli demandur honorarie præfecturæ: ita ut in eo sit honore, in quo ante præfecturam fuerat constitutus: ac demum nullas condi fiat synagogas: et si quæ sint in solitudine, si sine seditione possint deponi, perficiat: et ut in Christianos nullam habeat copiam judicandi. Et si qua inter eos ac Iudæos sit contentio, a rectoribus provincie dirimatur. Si Christianum, vel cuiuslibet sectæ hominem, ingenuum, servumve Judaica nota fœdare tentaverit, vel ipse, vel quisque Iudæorum, legum severitati subdatur. Mancipia quoque Christianæ sanctitatis, si qua apud se retinet, secundum Constantinianam legem Ecclesie mancipentur. Dat. XIII kalend... Constantinop., Honorio X et Theodosio AA. cons. » Illic autem illum existimo Gamalielam patriarcham Iudæum, cuius est mentio apud sanctum Hieronymum ².

51. *Pulcheria creatur Augusta, Theodosium juniorem optime instituit; virtutibus imperium prosperat.* — Qui igitur Iudæos audaces compescendos curavit Theodosius imperator, hæreticos quoque novis infrenavit edictis. Extat enim ejusdem rescriptum ³ hoc anno datum adversus

heretum emergentes Montanistas, diolos hæretico-Cataphrygas. Eunomianos præterea magna perlinacia baptismum iterantes, alia edicta ⁴ sanctione compescunt. Quo pariter anno ut Marcellinus ⁵ est auctor idem Theodosius imperator novo facto hæreticus merito nobilitavit imperium, cum majorem nam sanctam sororem in imperii consortium allegens, creavit Augustam, virginem sane prudentissimam, sicut nobilitate, ita et religione cæteris præferendam, ætatem sapientia superantem, agentem annos sexdecim: nam sub consulatu Theodori et Eutropii (est is annus Domini trecentessimus nonagesimus nonus) natam esse, idem auctor affirmat: licet Sozomenus ei tribuat quatuordecim tantum annos, cum habenas cepisset imperii, qui hæc de ipsa habet ⁶. « Divina potentia universi conditrix, tum ipsius Theodosii, tum imperii procuratricem constituit Pulcheriam sororem: quæ quidem nondum annum decimum quintum agens, super ætatem sapientissima, ac divinum spiritum accepit. Ac primum Deo virginitatem suam devovit: deinde et sorores suas ad idem vitæ institutum educavit: ne forte virum quemquam alium imperio subinduceret, sed potius omnem invidiæ et insidiarum occasionem præcideret. Ut igitur ea quæ constituerat, consignaret, ac Deum ipsum et sacerdotes, omnesque sublitos testes faceret voluntatis suæ: ex auro gemmisque pretiosis admirabile quoddam donarium, et spectaculum omnium pulcherrimum pro virginitate sua, et imperio fratris, sacram mensam Ecclesie Constantinopolitane dedit: et idque ipsum ut cunctis esset conspicuum, in fronte ejusdem mensæ litteris expressit.

52. « Postquam autem principatus curam suscepisset, rectissime et magno cum decore Romanum imperium gubernavit, cum et bene consideret, et consulta expedite perageret ac scriberet: diligenter eum operam impenderat, ut Romana Græcæque lingua proprie loqueretur ac scriberet. Rerum porro gerendarum dispositionem fratris auctoritate fovebat, atque id curabat, ut is pro ætate disciplinis idoneis ex imperatorie majestatis dignitate quam maxime institueretur. Haque equestris quidem pugnæ, ac reliquam in armis ac litteris scientiam ab eorum rerum professoribus discibat: ut vero in processu ornatu se ac regulariter gereret, a sorore erudiebatur: de qua videlicet hoc discibat, quid in vestitu, quid in sedendo, quid in ingressu decorum esset; quomodo exhibere risum: et pro re nata tum amabilis, tum formidabilis esse; et eos qui peccarent, apposite audire deberet. Haud minime autem eum ad pietatem instituebat; assuescens, ut et continenter oraret, et Ecclesias frequenter accederet, et donariis ac cymeliis templa honoraret, et in pretio haberet sacerdotes ac cæteros viros bonos, et eos qui sapientiam Christianorum legibus approbatam sectarentur. Quin etiam cum per doctrinas

¹ L. XXII. de Judæis C. Theod. — ² Hier. ep. cit. — ³ L. LVII. de larc. C. Theod.

⁴ L. LVIII. de hæret. C. Theod. — ⁵ Marc. in Chron. — ⁶ Sozom. l. IX. c. I.

adulterinas videretur esse turbanda religio, studiosè ac prudenter obstitit : nam quod nostra memoria novè hæresse non insurrexerint, ipsam potissimum in causa fuisse experientibus sicut in consequentibus videbimus. Et sane quam magna reverentia Deum coleret, dicere longum foret. At quæ et quod templa magnificè illa construxerit; quotque pauperum diversoria, et conventus monasticos instituerit, perennes his ipsis largita sumptus ad suppeditandum incolentibus alimentum : si quis de harum rerum veritate experientiæ suæ credere malit, quam verbis meis : comperiet ne neque falsè, neque ad gratiam hæc scribere; si modo apud (jus curiæ præfectos conscriptam perlegerit harum rerum historiam, et ex Actis publicis æstimet, an scriptis nostris res gestæ consonent ». Hæc Sozomenus : reliqua vero ab eodem de ipsa memorie commendata dicemus inferius, reddentes singula singulis annis.

53. Sed quantum profecerit ipse Theodosius consuetudine, et cura atque exemplo, educationeque ipsius majoris natu sororis Pulcheriæ, ex Socrate¹ ista accipe : « Primum, tametsi in ipsa regia natus, educatusque erat; nihil tamen ex illa educatione omnino contraxit mollietis, tarditatisque; sed adeo solers, et prudens fuit, ut illis qui cum eo sermones conferrebat, multarum rerum experientiam consecutus videretur. Beneinde tanta corporis et animi tolerantia fuit, ut tum algorem, æstumque foris et virili animo, sustineret, tum crebro jejunaret, et maxime diebus Mercurii, et Veneris, quas Greci *περσίδας καὶ παρασκευὰς ἡμέρας* vocant. Atque hoc ab eo factitatum fuit, dum Christianam vivendi rationem cumulatissime explere contenderet. Ius regia non dissimilis fuit monasterio. Nam prime ditulculo ille ipse cum sororibus suis hymnos alternatim decantatos recitavit. Quin etiam sacras litteras memoriter pronuntiavit. Nam cum episcopis, perinde ac si sacerdos jam olim designatus esset, de fideis disseruit. Libros etiam, tum qui sacra Dei eloquia complectebantur, tum qui ab eorundem interpretibus conscripti erant, multo diligentius quam Ptolemæus Philadelphus olim, in unum colligendis curavit. Porro autem patientia, et mansuetudine omnes longe superavit. Nam imperator Julianus quanquam studium philosophiæ profitebatur; tamen odium contra eos, qui Antiochiæ ejus nomen perstrinxerant, minime compressit, sed Theodoro uni ex illorum numero gravissima tormenta imposuit. At Theodosius, subtilitate ratiocinationum Aristotelicarum penitus derelicta, philosophiæ studium rectis vite officiis sedulo excoluit.

54. « Iram cohibere didicit, dolorem tolerantè ferre; neminem qui eum injuria affecerat, ulcisci; imo vero nemo unquam illum ira incensum adspexit. Itemque eundem ex necessariis aliquando resciscitanti, cur neminem, qui intulisset injuriam, morte aliquando mulcasset, sic respondit : « Utrum

potius tibi potestas esset, eos qui mortui sunt, ad vitam denno revocandi! » Sed hæc alii tribuunt ayo, majori nempe Theodosio, a quo probe dictum nepos didicit, et imitatione perfecit; subdit vero Socrates : « Alteri etiam de eodem re interroganti dixit : Non magna res est, neque ardua, ut qui homo sit, mortem oppat : sed eum qui semel obierit, nemo omnino, licet se de ejus morte maxime perniteat, nisi solus Deus possit ad vitam revocare. Adeo firme istud ipsum ab eo observatum fuit, ut si quisquam crimen, quod esset capitis supplicio mulcendum, aliquando commisisset, ne ad portas usque civitatis versus locum ubi mortis suberat supplicium, abduci passus est; quin misericordia commotus, illum revocaverit. Accedit eo, quod cum Constantinopoli in amphitheatro pugnis cum bestiis quodam tempore pro spectaculo ederet, populusque sublimi clamore postularet, ut aliquis ex eorum numero, quorum insigniter eminebat audacia, cum fera bestia decertaret, responderit : Annon explore cogitum habetis, nos ita assuetos esse, ut nulla crudelia spectacula contemplari possimus? Quæ cum populus ex ejus ore audivisset, de reliquo a crudelitatis spectaculis abstinere didicit. Quos etiam adeo pius fuit, ut omnes Dei sacerdotes honorifice coleret, eosque potissimum, quos intellexerat pietate in primis excellere.

55. « Fertur præterea saccum, quo episcopus Clebarorum, qui Constantinopoli mortem obiit, inditus erat, quasivisse : eumque quantumvis sordidatum, induisse; persuasum nimirum, se aliquid ex mortui sanctimonia inde percepturum. Quodam anni tempore procelloso admodum et turbido, consueti statutaque spectacula, populo ea flagitante, in circo edidit. Ubi autem circois hominibus referentis fuit, tempestas cepit esse vehementior : ac cum magna vis nivis præceps delaberetur, tum imperator præcipue declaravit quo animo erga Deum affectus esset : sic enim populum per præcones compellavit : quin nullo satius est, ut neglecto spectaculo, omnes uno ore Deum precemur, uti ab imminente procella conservemur incolumes. Vix hæc verba protulerat, cum omnes in circo uno animorum consensu, summaque cum alacritate Deo preces fundere coperunt, foatque civitas quasi una Ecclesia fuit. Tum imperator in media populi frequentia privati hominis habitu incedens, hymnos recitare exorçuit : ne spes certe eum frustrata est : nam aer serenus factus est, et amone charitas Dei benignitate in omnium rerum affluentiam commutata. Si quando bellum concitabatur, Davidis exemplum imitatus, ad Deum confugit, pro certo persuasus eum bellorum administratorem esse : precumque subsidio adjunctus, ea prospere et feliciter gessit ». Hactenus Socrates : ex quibus plane intelligis, quantum valeat in recte administrando, securoque servando imperio erga Deum pietas, et exacte custodiata religio : cum tantam molem puerimus atque puella summa tranquillitate ab omni Barbarorum, et tyrannorum timore securam quod

¹ Socr. I. VII. c. 22.

nec temporibus bellicosissimorum imperatorum concessum est) feliciter rexit; Deo nimirum ejusdem imperii habenas manu apprehendente, atque sua providentia moderante, atque protectione custodiente, posito in eo ipso Salvatore muro¹, et antemurale. At hæc dicta sunt occasione Pulcheriæ, Theodosio bonorum omnium conciliatrici; ab ipso hoc anno create insigni virtutum merito Augustæ; quam quidem ipse Theodosius suis a se dari solitis rescriptis, venerabilem Augustam, nominare concessit².

56. At cum sanctorum religione principum tot tantisque bonis Orientale imperium fuerit locupletatum; illud ad bonorum cumulum accessit additamentum, dum (quod Sozomenus iure considerat, præclara sanctorum corpora Deus ad opulutionem fidelium voluit e terra emergere, atque non scens ac vivos perennesque gratiarum fontes erumpere: sic enim ait³: « Interea Orientale imperium hostibus liberatum fuit, ejusque provinciæ multo cum decore administrabantur, præter omnium sententiam: erat enim adhuc juvenis imperator. Sed Deus præsentem hoc imperio manifeste declarari videbatur, qui non solum præter expectationem (quod ad hostes attinet) ita disponderet, verum etiam multorum sancta corpora manifestaret ex his qui olim ob pietatem illustres existerunt. Cujusmodi utique, et illud est, quod tunc accidit in Zacharia vetusto Propheta, et in Stephano diacono ab Apostolis ordinato. Utriusque autem inventionis, cum miraculosa sit ac divina, modum exponere, necessarium esse duxi». Hæc ipse. Quælo autem Theodosii junioris imperii anno Zachariæ corpus inventum sit, penitus ignoratur: sed quod ab eodem auctore primo loco recensetur inventio Zachariæ, inde opinandi manavit occasio, ut ante S. Stephani, et sociorum corpora, Zachariæ reperiiri contingerit. Nos vero, recensita superioribus, quæ hujus anni consulibus consignata erat, inventionem S. Stephani, de Zacharia, ex eodem auctore Sozomeno reddamus historiam.

57. *Zachariæ Prophete corpus inventum.* — « Exordiar, inquit⁴, a Propheta Zacharia. Cophar villa est in territorio Eleutheropolis Palestine. Huic præfectus erat agri ipsius conservus Calimerus quidam domino quidem suo fidelis, sed morosus interrim ac difficilis, et in contumacibus agricolis iniquus. Quamvis autem talis esset: Propheta tamen ei vigilantem clam luce apparens, se ipsum revelavit. Et hortum quædam demonstrato: Age, quæso (inquit), hic fodito, ab hac sepe in hortum mensura ducta ad cubitos duos, juxta viam quæ ducit ad civitatem Betherebin. Reperies enim arcam duplicatam, ligueam anteriorem in exteriori plumbea, et propter hanc arcam, vitreum item vas aquis plenum, et duos etiam serpentes amplitudine mediocres, mites, et innoxios, adeo ut mansueti videri possint. Calimerus igitur ad locum indicatum ex Propheta

mandato profectus, operi suaviter incubuit. Et cum secundum prædicta signa jam in apertum producta, et reclusa esset arca sacra: apparuit divinus Propheta, candidam stolam indutus, utpote qui (ut opinor) sacerdos etiam fuerit. Sub pedibus autem ejus extra arcam jacebat puer regali apparatu sepullus: habebat enim in capite coronam auream, et aurea in pedibus calcamenta, et vestem prægiosam.

58. « Disquirentibus igitur tum sapientibus ac sacerdotibus de isto puero, quisnam, et unde esset, et cur sic ornatus esset? Fertur Zachariam, qui tum in Geraris conventui monastico præerat, in vetustum quoddam, sed non canonicum Judæorum scriptum forte incidisse, quo tradebatur, quod Joas rex Judææ non multo post quam Prophetam Zachariam interfecisset, in domum suam ingentem calamitatem acceperit. Quandoquidem septimo post interfectum Prophetam die, filius admodum ipsi carus repente interiit. Colligens igitur se propter iram divinam in hujusmodi calamitatem incidisse, sub illius pedibus puerum sepelivit, quasi hæc ratione sese purgaret illis quæ adversus Prophetam deliquerat. Atque hæc quidem ego sic accepi. Propheta vero tametsi sæculis jam plurimis sub terra jacuisset: vivus tamen adhuc apparebat, capite raso, naso oblongo, barba modice prominente, capite breviusculo, oculos habens aliquantulum profundos ac superciliis tectos». Hucusque Sozomenus: desiderantur cætera, quæ de inventionem S. Stephani protomartyris se fore dicturum pollicitus fuerat. Non enim ista tantum operi desunt, sed plurimorum annorum res gestæ: siquidem in præfatione ipse testatur, perduxisse scriptam a se historiam usque ad consulatum decimum septimum ejusdem Theodosii imperatoris, nempe usque ad annum Christi quadringentesimum undequagesimum.

59. *Attali tyranni et Ataulphi Gothorum regis miserabiles exitus: tum regum Gothorum successio.* — Hoc item anno, sub eisdem consulibus sanctus Prosper in Chronico hæc accidisse in Occidente refert: « Attalus (qui imperium semel abdicatum in Galliis iterum sumpsit) a Gothis ad Hispaniam migrantibus neglectus, et presidio carens capitur, et Constautio patrifilio vivus offertur: de quo hæc etiam Orosius⁵: « Attalus itaque tanquam inane imperii simulacrum, cum Gothis usque ad Hispaniam portatus est. Unde discedens (descendens) navi, incerta moliens, in mari captus, et ad Constantium comitem deductus, deinde imperatori Honorio exhibitus, truncata manu, vite relictus est». Hæc Orosius. Vides Christiani principis mansuetudinem erga tyrannum, dum perducit Christianæ religionis et imperii, mille mortibus addicendum, tam leviter mulctatum voluit. Peperisset omnino etiam, nisi iram militum tenuisset. Hic tandem finis impij hominis Christianæ religionis nequissimi proditoris, et vana decorum pollicitatione imperium ad Genti-

¹ Isai. xxvii. — ² L. xxi. de bust. col. C. Theod. — ³ Soz. l. ix. c. 16. — ⁴ Soz. l. ix. c. ult.

⁵ Oros. l. vii. c. 12.

lilium cultum restituere satagentis, quique instar Juliani, ablegato Labaro, in quo Christi nomen, et signum fulgebant intextum, ad pristinum Romanum usum militaria signa restituta crevit, atque in nummis expressit : nam loco Labari Victoriam, et pro Cruce puram hastam effigendam curavit, ipsamque mediam Romanam novam, ut indicant hinc inde posita in figura numismatis elementa. Extat Romae apud Laelium Pasqualin.

60. Post haec narrata de Attila, ista subdit S. Prosper in Chronico sub iisdem consulibus : « Athaulphus ipse rex Gothorum, qui successerat Marico a quodam suorum vulneratus interit : regnumque ejus Wallia filius, qui idem cupere intelligebatur, invasit ». Orosius vero Segericum successisse tradit Athaulpho, et post Segericum Walliam adeptum fuisse Gothorum regnum. At enim haec de Athaulpho ¹ : « Cinque eidem paci pelenda atque offerenda studiosissime insisteret, apud Barconem Hispania urbem, dolo suorum (ut fertur) occisus est. Post hunc Segericus rex a Gothis creatus, cum itidem iudicio Dei ad pacem pronus esset, nihilominus a suis interfectus est. Deinde Wallia successit in regnum, ad hoc electus a Gothis, ut pacem infringeret; ad hoc ordinatus a Deo, ut pacem confirmaret. Ille igitur territus maxime iudicio Dei, quia cum magna superiori abhinc anno Gothorum manus instructa armis navigisque transire in Africam moliretur, in duodecim milia passuum Gaciani freti tempestate correpta miserabili exitu pererat : memor etiam illius acceptae sub Marico clacis, cum Gothi in Siciliam transire conati, in conspectu suorum miserabiliter arrepti atque demersi sunt : pacem optimam cum Honorio imperatore, datis lectissimis obsidibus, pepigit : Plecidiam imperatoris sororem honorifice apud se honestaque habitaam fratru reddidit ». Haec Orosius.

61. In quibus illud primum observatione dignum considera, Gothos illos, qui Urbem depradati sunt, duplici naufragio brevissimi maris spatio fuisse punites tum in freto Siculo, tum Gaditano, praeter alias clades, quibus confecti sunt. Istud ipsum plane aliis postea diversis temporibus accidisse ejusdem Urbis inuasoribus, et praedatoribus, accuratus lector inveniet : mirum, qui id facere ausi fuerunt, semper Dei vindicta haud tarda male perisse, prorsusque deletos esse : sed et cladem

Borbonicam, quae hoc nostro saeculo accidit, in exemplum adducere possemus : verum quod prolixiores requirant ista sermonem suis locis relinquimus pertractanda.

62. Quod vero ex Orosio vidimus successisse Athaulpho Segericum; quod brevissimo tempore regnum tenuerit, videtur a Prospero praetermissum. Et enim, quod a Wallia diei reddidam Galliam Placidiam Honorio : id quidem sequenti anno factum tradit ipse Prosper in Chronico : ut ex his intelligas, hoc anno occiso Athaulpho, et Segerico successore cito e medio sublato, Walliam sequenti anno jam adeptum administrasse regnum, eodemque anno tendasse in Africam transitum, atque passum esse naufragium. Nam quod ait, id accidisse superiore anno a tempore quo illa scribenda : cum constat ejus assertione, quod illud explese (ut ait) anno ab origine mundi quinque millesimo sexcentesimo decimo octavo : plane intelligis, secundum initium prius ab ipso rationem suppeditatis, illa absolvisse anno Domini quadringentesimo decimo septimo, et quem ad annum ante illud tempus, perspicue significare sequentem annum Domini quadringentesimum decimum sextum. Subdit haec autem de ejusdem Walliae studio erga Romanum imperium ¹ : « Romanae securitati periculum suum obtulit, ut adversus ceteras gentes, quae per Hispanias condisset, sibi pugnaret, et Romanis vinceret. Quamvis et ceteri Alanorum, Wandalarum, Suevorumque reges eodem nobiscum placito deputati forent, mandantes imperatori Honorio : Tu cum omnibus pacem habe, omniumque obsides accipe : nos nobiscum condigimus, nobis perimus, tibi vincimus : immortalis vero quaestus erit Republicae tuae, si tibi que percamus. Quis haec crederet, nisi res doceret? Itaque nunc quotidie apud Hispanias geri bella gentium, et agi strages ex alterutro Barbarorum, crebris certisque nuntiis discimus : praecipue vero Walliam Gothorum regem insistere patrandae paci tenet ». Haec Orosius : ut plane ex his videas quam abundantem mensura Deus Honorii imper. religionem sapienter compensaverit.

Hoc enim anno Honorius imp. quos sciret in Africa esse Gaudiles, ab eis omnes sumptus abstulit, quibus dios superstitioni lactenus inservisse scivit : cladem ejus ² rescriptum ejusdem imperatoris his consulibus datum.

¹ Oros. l. vii. c. 43.

² Oros. eod. l. vii. c. 43 — l. xv. de Pag. G. Laeol.

Anno per di Graeco-Romanae 362. — Jesu Christi 415 — Innotata page 1. — Honorii 23. et 24. Theodosii Jun. 14. et 8.

1. *Quindecennialia Theodosii.* — Coss. Honorii s. Aug. X et Theodosii Aug. VI, ille propter *vicennalia* anno superiori exhibita, hic propter *quindecennialia* imperii vivente patre suscepti. Hoc enim anno in Chronico Alexandrino, legitur : « His coss. Theodosius junior Augustus quinque annalia Constantinopoli mense Andynae, III idus Januarii peregit, sed loco *καταγενέσθαι*, legendum, *καταγενέσθαι*, id est, *quindecennialia*. Error etiam videtur irrepisse in diem, et loco *III idus Januarii*, legendum *IV idus Januarii*, quo die hujus Chronici auctor jam scripserat, Theodosium Augustum ab Arcadio patre nuncupatum esse.

2. *Inventio Reliquiarum S. Stephani.* — A num. 1 ad 19. Inventiorem Reliquiarum sancti Stephani protomartyris, quam pluribus descripsit Lucianus presbyter in Epistola a Baronio num. 6 et seqq. recitata, paucis verbis perstringit Idacius in Fastis ad consulatum Honorii X et Theodosii VI hoc anno gestum : « His coss. sanctus Stephanus primus martyr revektr sancto presbytero Luciano die vi Feria, quæ fuit tunc III non. Decembris in Hierosolymis sancto Joanne episcopo presidente : et extant ex his gestis Epistola supradicti presbyteri, et sancti Aviti presbyteri Braecarenensis, qui tunc in Hierosolymis degebat ». Porro hoc anno dies tertius Decembris in feriam sextam incidit. Litteras Aviti presbyteri refert Baronius num. 3 et seqq., qui ait, se misisse *Balconio* episcopo, et clero ac plebi Ecclesie Braecarensis ; ad quos illa Epistola directæ, aliquas Reliquias de corpore ejusdem beati Protomartyris.

3. *Concilium Hierosolymitanum adversus Pelagianos.* — A num. 19 ad 25. Fuit hic :igit Baronius de Synodo *Diospolinata* contra *Pelagium* in Palestina coacta. Sed Synodi Hierosolymitanæ, quæ eam antecessit, nullam mentionem facit, quod sine dubio eam sinceram et genuinam non putaret. Imo Acta ejus ab Orosio cap. 2, 3 et 4 Apologię suæ recitata Wistellius Carmelita tom. II Vindiciarum lib. 3, sect. 5, ab hæretico quopiam Novatiano scripta asserit, et Jansenius Yprensis eam Apologiam Orosio suppositam fuisse autumat. At cum omnia quæ *Orosius* in sua Apologię habet, iteret quoque Augustinus in libro de Gestis Pelagii post Baronii mortem publicato, nullus fere hodie hunc Hierosolymitanum consensum coram *Joanne* episcopo Hierosolymitano in dubium revocat. Fuit ille presbyte-

rorum duntaxat, non item episcoporum, ut ex mox dicendis placuit fiet. Neque cogendorum tunc temporis episcoporum ulla fuit auctoritas per eos *Joannem*, cum neque diocesium haberet, imo neque provinciam : sed in Antio hena diocesi censeretur, et Casariensi episcopo totius Palestine metropolitano subesset. Scriptum quidem Orosii in Apologię formam vulgatum, eos, qui in dnuere titulo, *Beatissimi sacerdotes* nunquam non compellat, sed non dubium, quin his verbis Hierosolymitanæ Ecclesie presbyteros, qui colloquio interfuerant, intelligat, ideoque quin fallatur viri doctissimi, qui presbyteros hoc saculo nunquam solitarie *Sacerdotes*, sed tantum sacerdotes secundi ordinis appellatos fuisse sibi persuaserit. Hoc enim vel sola ista Apologia alieum a veritate esse demonstrat.

4. *Pelagius in eo auditus.* — Cum ilaque conventus iste, qui secundum Concilium adversus Pelagianos habitum censeri debet, in Annalibus desideretur, si nobis supplendi sunt ex cardinali Norisio lib. I Hist. Pelag. cap. 7, Garnerio tom. I Operum M. Mercatoris dissert. 2, et Patribus Benedictinis in Prefatione ad tomum X Operum sancti Augustini, num. 9, ubi quæ de eo Orosius narrat, optime elucidantur. Tempus habitæ Synodi indicat Orosius, qui verno tempore in Palestinam appulit, quique scribit « post dies quadraginta et septem, primo Enceniorum die » ad obsequium Joannis episcopi salutationis causa post Synodum sese accessisse. Loquitur de Encenii Ecclesie Hierosolymitanæ die XIV Septemb. ea in urbe celebrari solitis, ut alibi ostendimus. Dies autem XLVII post habitam Synodum in diem XXX Julii incidit. Orosius in locum Conventus ingressus, jubente episcopo sedit ; rogatusque, « ut si quid super hæresi, quam Pelagius et Cælestius seminarant, in Africa gestum esse cognosceret, fideliter ac simpliciter indicaret », Cælestium a Concilio Carthaginensi damnatum fuisse declaravit, addiditque, « contra librum Pelagii beatum Augustinum, discipulis ipsis Pelagii prodeutibus ac petentibus plenissime respondere ». Quare Augustinus hoc tempore librum *De Natura et Gratia* commentabatur. Subjunxit Orosius, habere se in manibus Epistolam, quam nuper in Siciliam Augustinus miserat, quam et jussus est recitare. Ea est Epistola Augustini CLVII ad Hilarium Syracensanum. His actis *Joannes* Pelagium introduci postu-

lavit, huncque omnes una voce interrogarunt, an opiniones quas Augustinus confutasset, docuisset? quibus ille confestim respondit: « Et quis est mihi Augustinus? » Cumque universi acclamarent blasphemantem in episcopum, cuius opera haeresem monstra suffocata fuerant, *Joannes* eum non solum e conventu non eiecit, sed hominem laicum, et in crimine haereseos deprehensum inter presbyteros sedere jussit, et deinde dixit: « Augustinus ego sum »; ut scilicet persona quasi presentis assumpta, dolentium animos temperaret. Verum Joanni statim ab Orosio repositum: « Si Augustini personam sumis, Augustini sententiam sequere ».

5. *Joannes episcopus Hierosolymitanus Pelagium favet.* — His ita gestis sciscitatus est Joannes, an quae legerentur ex Epistola citata Augustini Pelagium peterent, an alium quempiam, simulque adjecit, si Pelagius impugnaretur, posse eos, quae in illo reprehenderentur, declarare. Tum ammentibus reliquis dixit Orosius: « Pelagius mihi dixit, dicere se hominem posse esse sine peccato, et mandata Dei facile custodire, si velit ». Ad haec Pelagius respondit: « Hoc et dixisse me, et dicere, negare non possum ». At Orosius reposit: « Hoc in Caesario Africae Synodus detestata est: hoc Augustinus episcopus scriptis suis, sicut audistis, exhorruit; hoc in ipsius nunc Pelagii scriptis sua responsione (nempe libro de Natura et Gratia) condemnat: hoc et beatus Hieronymus, cuius eloquium universus Occidens, sicut ros in vellus, expectat (nulli enim jam haereticum cum dogmatibus suis ipso oppugnantem supplendi sunt), in Epistola sua quam nuper ad Clesiphontem edidit, condemnavit; similiter et in libro quem nunc scribit, collata in modum Dialogi altercatione confutat ». Instiit Joannes Orosio, ut ageret accusatorem seque tunc iudicem acturum. Sed ut ipsemet Orosius scribit: Responsum sapientissime est ab universis: nos accusatores hujus non sumus, sed quid fratres tui, Patres nostri senserint et decreverint super hac haeresi, quam nunc laicus vulgo praedicat, infirmamus ». Cum vero Joannes, eos ad personam accusatoris sumendam pertrahere vellet, hoc unum ab illis responsum tulit: « Nos filii Ecclesiae Catholicae sumus; non exigas a nobis, pater, ut Doctores super Doctores esse audeamus, aut iudices super iudices. Patres quos universa per orbem Ecclesia probat, quorum communioni nos adhaerere gaudemus, damnabilia haec esse dogmata decreverint: illis probantibus nos obedire dignum est: » Ex his verbis, *quid fratres tui*, *Patres nostri senserint*, evidenter colligi potest nullos in eo conventu urbano praeter Joannem, adfuisse episcopos, quod tamen aliqui perperam crediderunt; eum Orosius, atque qui in consensu erant, episcopos *Patres* suos, Joannis vero episcopi Hierosolymitani *Fratres* appellent.

4. *Causa Pelagii ad Innocentium papam delata.* — Orosius latine, graece *Joannes* loquebatur, sicut uterque interpretis opus haberet, et neuter neutrum intelligeret. Qui vero interpretis partes obeundas

susceperat, neque *Orosio* notus erat, neque officium suum implebat; alia enim alio, quam dicta fuerant, sensu reddebat, alia aliis dictis mutabat, nonnulla omittebat; atque ita responsiones *Orosii* plerasque omnes aut corrumpibat, aut supprimebat. Quapropter eum interprete tam parum commodo tamque parum aequo iudice nisi se intelligeret *Orosius* palam professus est, Latinum esse haeticum, se ilidem Latinum, haeresim denique latinis paribus magis notam ejusdem linguae iudicibus reservandam: *Joannem* iudicem minus idoneum videri, quod eum accusatorem ageret nemo, ipsemet sese ad iudicandum ingereret, *Orosio* suffragati complures libere testati sunt; non posse eundem et advocatum esse et iudicem. Nullis demum ultro citroque actatis: « Joannes episcopus », inquit Orosius, « novissimam sententiam protulit, confirmans tandem postulationem intentionemque nostram, ut ad beatum Innocentium papam Romanum fratres et Epistole mitterentur, universi quod ille decreverit secuturi. Sed, ut haereticus Pelagius imposito sibi eatenus silentio conticesceret, et ut nostri ab insultatione convicti Joannem confusique temperarent, universi in hanc sententiam consensimus: gratiarum actione celebrata, pace facta, et consummata ad pacis testimonium oratione discessimus ». Ita Orosius.

7. *Concilium Diospolitianum adversus Pelagium.* — Venio nunc ad Synodum *Diospolitianam*, de qua Baronius a num. 49 ad 25, quamque hic exponere juvat verbis divi Augustini in libro *De gestis Pelagii*, citatis in margine locis ex quibus desumpta sunt. Quod nobis praeter morem faciendum, ut Pelagianorum errores et dogmata certius innoscescant, non nullo post conventum Hierosolymitanum *Pelagius* haeresis nomine apud Palaestinos antistes denuntiatus. Ejus accusatores fuerunt *Heros Arelatensis*, et *Lazarus Aquensis* episcopi, qui suis sedibus tunc pulsati erant, quosque *Zozimus* papa, quo tempore Pelagii ac Caesarii contra eosdem calumniis fallendum sese praebat, durissime prorsus habuit. Prosper tamen in Chronico ad annum cxxii *Herotem virum sanctum* appellat, B. Martini discipulum, qui, ait, cum Arelatensi oppido episcopus praesideret, a populo ipsius civitatis, insons et nullis insimulationibus obnoxius, pulsus est. Errores illi in libellum retulerunt ex Pelagii et Caesarii libris collectos, sed redactos in compendium. His adjecere tum eos articulos, quorum causa damnata fuerat *Caelestius* a Concilio Carthaginiensi, tum etiam illos, quos *Hilarius Syracusanus* e Sicilia ad Augustinum miserat. Scriptum idiomate latino huicce libellum obtulere *Euloyo* Casareae episcopo, quem antistitem aliis tredecim Diospolitanae Synodi episcopis, ipsemet etiam *Joanni* Hierosolymitano semper proponit Augustinus in libro *De gestis Pelagii*, ubi hujus Concilii Historiam narravit. Concilii tempus ex relatione translationis sancti Stephani Protomartyris a Baronio hoc anno recitata, certo colligitur. Nam prima revelatio facta *die in De-*

emb., posterior die x, tertia die xvii, Joannes Hierosolymis erat die xviii, cum cum *Lucianus* adit. Die xix, aut xx Iodit *Lucianus*, inventisque Reliquiis *Egdam*, quae eadem est cum *Biospoli*, perrexit, ubi erat Joannes Synodum agens, et inde rediit ante diem xxv. Quare Concilium a die xx Decemb. ad xxiii celebratum.

8. *Compact Pelagius in Synodo.* — *Pelagius* praesentem se Concilio sistit: *Heros* autem ac *Lazarus* eo venire propter gravem allerius agritudinem non potuerunt. Aberat similiter *Orosius*; nec omnino quisquam aeral, qui partes actoris obiret in *Pelagium*. Quod non sine occulta quadam conspionage factum videtur, quam fidel *Augustinus* ignorare non potuerit, tamen memoria tradendam non putavit. *Joannes* ab episcopis rogatus, ea quae praesente se in Conventu Hierosolymitano gesta lucrant, exponeret, orationem quae ex parte ab *Augustino* citato refertur, habuit, qua non modo Christi gratiam admitti a *Pelagio* contendebat; verum etiam in *Herodem* et *Lazarum*, in *Orosium*, et in quosdam alios invehabatur. *Pelagius* vero Joannis praesidio non contentus complures sanctissimos viros sibi junctos amicitia iactavit, multasque antistitum, a quibus eximie praedicabatur, protulit Epistolae. Quarum nonnullas caravil in Synodo recitari, in quibus et *Augustini* una fuit.

9. *Tria priora capitula Pelagio objecta.* — Tandem lectus est libellus, in quo *Heros* et *Lazarus* sententias Pelagii perscripserant. Interpretis opera utebantur iudices latinae dictionis ignari: at *Pelagius* ad sibi objecta dictionis eloquio graeco reddebat. In his quae de libello recitata sunt, et objecta *Pelagio*, illud primum est: « Non posse esse sine peccato, nisi qui legis scientiam habuerit ». Quo recitato Synodus dixit: « Tu hoc edidisti, Pelagi? »

Respondit is (*Hieron.* Dial. I in Pelagianos): « Ego quidem dixi, sed non sicut illi intelligunt: non dixi non posse peccare, qui scientiam legis habuerit: sed adjuvari per legis scientiam ad non peccandum, sicut scriptum est, Legem in adiutorium dedit illis ». Hoc audito Synodus dixit: « Non sunt aliena ab Ecclesia quae dicta sunt a *Pelagio* ». Adjecto episcopalis Synodus, « legatur et aliud capitulum ». Et lectum est in eodem libro suo posuisse *Pelagium*, « Omnes voluntate propria regi ». Quo lecto *Pelagius* respondit (*Augustinus* de Gestis *Pelagii* c. 3): « Et hoc divi propter liberum arbitrium, cui Deus adiutor est eligenti bono; homo vero peccans, ipse in culpa est, quasi liberi arbitrii ». Quo audito episcopi dixerunt: « Neque hoc alienum est ab Ecclesiastica doctrina ». Item recitatum est quod in libro suo *Pelagius* posuerat: « In die iudicii iniquis et peccatoribus non esse parcendum, sed aeternis eos ignibus exurendos ». Respondit *Pelagius*: « Hoc secundum Evangelium dixi, ubi dicitur de peccatoribus, illi ibunt in supplicium aeternum, iusti autem in vitam aeternam; et si quis aliter credit *Origenista* est ». Synodus dixit: « Alienum non est ab Ecclesia ».

10. *Tria alia capitula Pelagio objecta.* — Objectum et illud *Pelagio*, tanquam in suo libro scripserit: « Malum nec in cogitationem venire ». Respondit: « Hoc non ita posuimus, sed diximus debere studere Christianum, ne male cogitet ». Episcopi approbarunt. Recitatum est et aliud, quod et in suo libello scripsit, « Regnum caelorum etiam in Veteri Testamento promissum ». Ad quod *Pelagius* (*Aug.* ibid. cap. 3): Hoc et per Scripturas probari possibile est, haeretici autem in injuriam Veteris Testamenti hoc negant. Ego vero Scripturarum auctoritatem secutus dixi, quoniam in Propheta *Daniele* scriptum est: et accipiet sancti regnum Altissimi ». Synodus dixit: « Neque hoc alienum a fide Ecclesiastica ». *Pelagio* etiam objectum, quod in eodem libro suo scripserit, « posse hominem si velit, esse sine peccato »: et quod scribens ad *Viduum* adulatorie dixerit: « Inveniat apud te pietas, quae nusquam invenit, locum; inveniat ubique peregrina in te sedem iustitia: veritas quam jam nemo cognoscit domestica tibi et antica fida: et Lex Dei, quae ab omnibus prope hominibus contemnitur, a te sola honoratur ». Et iterum ad ipsam: « O te felicem et beatam si iustitia, quae in caelo tantum credenda est, apud te solum invenitur in terris! » Et in alio ad ipsam libro post Orationem Domini et Salvatoris nostri docens, quemadmodum debeant sancti orare, ait: « Ille ad Deum digne elevat manus, ille orationem bona conscientia effundit, qui potest dicere: Tu nosti, Domine, quam sancte et innocentes et munde sunt ab omni molestia et iniquitate et rapina, quas ad te extendo manus; quemadmodum iusta et munda labia, et ab omni mendacio libera, quibus offero tibi deprecationem, ut mihi misererearis ».

11. *Aliud Pelagii dogma.* — Ad hoc *Pelagius* respondit (*Aug.* ibid. cap. 6): « Posse quidem hominem sine peccato esse, et Dei mandata custodire, si velit, diximus; hanc enim possibilitatem Deus illi dedit; non autem diximus, quod invenitur aliquis ab infantia usque ad senectam, qui nunquam peccaverit; sed quoniam a peccatis conversus proprio labore et Dei gratia possit esse sine peccato; nec per hoc tamen in posterum inconversibilis. Reliqua vero quae subjecerunt neque in libris nostris sunt, neque talia unquam diximus ». His auditis Synodus dixit: « Quoniam negas te talia scripsisse, anathematizas illos qui sic tenent? » *Pelagius* respondit: « Anathematizo, quasi stultos, non quasi haereticos; siquidem non est dogma ». Deinde iudicaverunt episcopi dicentes: « Nunc quoniam propria voce anathematizavit *Pelagius* incertum stultiloquium, recte respondens, hominem cum adiutorio Dei et gratia posse esse sine peccato, respondeat et ad alia capitula ».

12. *Dogmata Caestii Pelagio objecta.* — Tum objecta sunt *Pelagio* quae in doctrina *Caestii* discipuli ejus referabantur inventa (*Aug.* ibid. cap. 12): « Adam mortalem factum, qui sive peccaret, sive non peccaret moriturus esset. Quoniam peccatum

Adæ ipsum solum læserit et non genus humanum, quoniam Lex sic militat ad regnum quemadmodum Evangelium. Quoniam ante adventum Christi fuerunt homines sine peccato. Quoniam infantes nuper nati in illo statu sunt in quo Adam ante prævaricationem. Quoniam neque per mortem vel prævaricationem Adæ omne genus moriatur, neque per resurrectionem Christi omne genus hominum resurgat ». Hæc ita objecta sunt, ut etiam apud Carthaginensium ab Aurelio et ab aliis cum ipso episcopis dicebantur audita atque damnata. Deinde objecta et alia quedam capitula commemoratione nominis Augustini interposita, et quæ ipsi de Sicilia missa fuerant, cum ibi fratres Catholici huiusmodi questionibus turbabantur, quibus per librum ad Hilarium Syracusanum scriptum idem ipse responderat. Sunt autem ista : « Posse hominem sine peccato, si velit, esse. Infantes etsi non baptizentur habere vitam æternam. Divites baptizatos nisi omnibus abrenuntiant, si quid boni visi fuerint facere, non reputari illis, neque regnum Dei posse eos habere ». Respondit Pelagius : « De posse quidem hominem sine peccato esse, dictum est superius : de eo autem quod fuerint ante adventum Domini homines sine peccato, dicimus et nos, quoniam ante adventum Christi vixerunt quidam sancte et iuste, secundum Scripturarum sanctarum traditionem. Reliqua vero et secundum ipsorum testimonium a me dicta non sunt, pro quibus ego satisfacere non debeo : sed tamen ad satisfactionem sancte Synodi, anathematizo illos, qui sic tenent, aut aliquando tenebunt ». Post hæc responsionem Synodus dixit : « Ad hæc prædicta capitula sufficienter et recte satisfacit præsens Pelagius, anathematizans ea, quæ non erant ejus ». Objectum est Pelagio quod diceret, « Ecclesiam hic esse sine macula et ruga ». Ad hoc respondit : « Dictum est a nobis sed ita, quoniam lavaero ab omni macula et ruga purgatur Ecclesia, quam velit ita Dominus permanere ». Ad quod Synodus dixit : « Hoc et nobis placet ».

13. *Alia Cælestii dogmata.* — Deinde objecta sunt de libro *Cælestii*, quid in unoquoque capitulo continetur, magis secundum sensum, quam secundum verba : quæ quidem ille latius exequitur : sed tunc subjicere omnia, qui libellum adversus *Pelagium* dederunt, se non potuisse diverunt. Ergo in primo capitulo libri *Cælestii* hoc scriptum esse posuerunt (Aug. *Ibid.* cap. 13) : « Quoniam plus facimus, quam in lege et Evangelio jussum est ». Pelagius respondit : « Hoc quasi nostrum posuerunt; dictum est vero a nobis secundum Apostolum de virginitate, de qua Paulus dicit : Præceptum Domini non habeo ». Synodus dixit : « Hoc et Ecclesia recipit ». Hinc objunguntur Pelagio alia *Cælestii* capitula capitula. In tertio capitulo scripsisse *Cælestium* : « Gratiam Dei et adjutorium non ad singulos actus dari, sed in libero arbitrio esse, vel in lege ac doctrina ». Et iterum (*Ibid.* c. 14) : « Dei gratiam secundum merita nostra dari; quia si peccatoribus illam det, videtur esse iniquus » : et his

verbis intulisse : « Propterea et ipsa gratia in mea voluntate posita est, sive dignus fuerim, sive indignus. Si enim per gratiam omnia facimus; quando vincimur a peccato nos non vincimur, sed Dei gratia, quæ voluit nos adjuvare omni modo, et non potuit ». Et iterum ait : « Si gratia Dei est, quando vincimus peccata; ergo ipsa est in culpa, quando a peccato vincimur, quia omnino custodire nos, aut non potuit, aut non voluit ». Pelagius respondit : « Hæc utrum *Cælestii* sint, ipsi viderint qui dicunt ea *Cælestii* esse; ego vero nunquam sic tenui, sed anathematizo qui sic tenet ». Synodus dixit : « Recipit hæc sancta Synodus ita verba reprobamur condemnantur ». Cum de quinto capitulo libri *Cælestii* Pelagio fuisset objectum, quod « affirmant unumquemque hominem omnes virtutes posse habere et gratias; et auferant diversitatem gratiarum, quam Apostolus docet ». Pelagius respondit : « Dictum est a nobis, sed maligne et imperite reprehenderunt : non enim auferimus gratiarum diversitatem; sed dicimus donare Deum ei qui fuerit dignus accipere, omnes gratias, sicut Paulo Apostolo donavit ». Ad hoc Synodus dixit : « Consequenter et Ecclesiastico sensu et ipse sensus de dono gratiarum, quæ in Sancto Apostolo continentur ».

14. *Alia Cælestii dogmata.* — In vi capitulo *Cælestii* libri positum, objectum est, « Filios Dei non posse vocari, nisi omni modo absque peccato fuerint effecti ». Unde secundum ipsum dictum est, neque Apostolum Paulum esse filium Dei, qui dixit, non quod jam acceperim, aut quod jam perfectus sim (*Ibid.* c. 18). In vii capitulo, « Oblivionem et ignorantiam non subjacere peccato, quoniam non secundum voluntatem eveniunt, sed secundum necessitatem ». In x capitulo, « Non esse liberum arbitrium, si Dei indigeat auxilio; quoniam in propria voluntate habet unusquisque aut facere aliquid aut non facere ». In xii capitulo, « Victoriam nostram, non ex Dei esse adjutorio, sed ex libero arbitrio ». Quod inferre dictus est his verbis : « Nostra est victoria, quoniam propria voluntate arma suscepimus; sicut e contrario nostrum est, quando vincimur, quoniam armari propria voluntate contempsimus ». Et de Apostolo Petro posuit testimonium, « Divinæ nos esse consortes naturæ » : et syllogismum facere dicitur : « Quoniam si anima non potest esse sine peccato, ergo et Deus subjacet peccato, cujus pars, hoc est anima, peccato obnoxia est ». In xiii capitulo dicit : « Quoniam pœnitentibus venia non datur secundum gratiam et misericordiam Dei, sed secundum merita et laborem eorum, qui per pœnitentiam digni fuerint misericordia ».

15. *Pelagius absolutionem suffragatus est.* — His recitatis Synodus dixit : « Quid ad hæc quæ lecta sunt capitula dicit præsens Pelagius monachus? Hoc enim reprobant sancta Synodus, et sancta Dei Catholica Ecclesia ». Pelagius respondit (*Ibid.* c. 19) : « Iterum dico, quia hæc et secundum ipsorum testimonium non sunt mea; pro quibus, ut dixi, satisfactionem non debeo : quæ vero mea esse con-

fessus sum, hæc recta esse affirmo : quæ autem dixi non esse mea, secundum iudicium sanctæ Ecclesiæ reprobò, anathema dicens omni contravenienti et contradicenti sanctæ Ecclesiæ Catholice doctrinis. Ego enim in unius substantiæ Trinitatem credo, et omnia secundum doctrinam sanctæ Catholice Ecclesiæ : si quis vero aliena ab hæc sapit, anathema sit ». Synodus dixit : « Nunc quoniam satisfactum est nobis prosecutionibus præsentis Pelagii monachi, qui quidem piis doctrinis consentit, contraria vero Ecclesiæ fidei reprobat, et anathematizat, communionis Ecclesiasticæ eum esse, et Catholice confitemur ». Pelagius itaque per crebra mendaciâ damnationem declinavit, missisque in provincias Epistolis sua dogmata approbata fuisse non paucis persuasit. Quare sanctus Hieronymus Epistola ccc, alias xxiv ad Alypium et Augustinum, quæ inter Augustinianas legitur, loquens de *Aniano* Celedensi Pelagiano, ait : « Quidquid in illa miserabili Synodo Diospolitana dixisse se denegat, in hoc Opere profitetur ». Hæc Synodus tamen ab Augustino aliisque celebratur, veluti prima de hæc hæresi Ecclesiæ victoria, cum tantum absit, ut in ea absoluti non fuerit Pelagius, ut potius suo semel ore damnarit, quod frequenter Pelagianis exprobrat Augustinus.

16. *Hieronymus tres libros Dialog, adversus Pelagium scribit.* — A num. 25 ad 31. Hieronymus in Epistola ad *Ctesiphontem*, commodius se plura contra *Pelagianum* scripturum promiserat, et hoc anno promissa præstitit, tribus Dialogorum libris adversus Pelagium in lucem emissis, idque paulo ante Synodum Diospolitana inter diem xx et xxiii mensis Decembris celebratam, ni recte cardinalis Norisius laudatus cap. 7. et Garnerius citatus in Dissert. vi observarunt. Orosius enim in Apologia, quam post Septembrem contra Pelagium publicavit, de Hieronymo scribit : « Similiter et in libro, quem nunc collata in modum Dialogi allereatione, confutat ». Idemque Hieronymus respondens litteris Augustini per Orosium acceptis : « Certe, ait, in Dialogo, quem nuper edidi, tuæ beatitudinis, ut dignum fuerat, recordatus sum ». Orosius autem mense Decembri iter in Africam maturabat, et initio statim anni sequentis in Africam navigavit. Inchoati libri illi ante finem mensis Julii ; cum *Orosius* in Conventu presbyterorum die xxx Julii laudata verba protulerit, *similiter et in libro, etc.* Cumque in suo Opere nullam mentionem faciat *Hieronymus* Diospolitane Synodi, cujus non minus quam Carthaginensis sub Aurelio meminisset si jam celebrata esset ; imò cum sermo fiat in eodem Opere de imposito a *Joanne* partibus silentio, proculdubio Dialogi absoluti sunt, eo temporis intervallo, quod inter Conventum Hierosolymitanum et Diospolitana Concilium interjectum est, scilicet inter diem xxx Julii, et xxiii Decembris. Quare perperam Baronius num. 25 tradidit, hos Dialogos post Synodum Diospolitana concubatos. Nam quod auctorem citat Prosperum, qui post mentionem factam *Synodi*

Diospolitane meminit scriptorum ab Hieronymo adversus Pelagianos, nihil omnino evincit. Si enim ordo iste præiudicium faciat temporis, quo scripta sint singula, quæ recensentur Opera, Diospolitana Synodum Epistola ad Ctesiphontem secuta esset, *Innocentii* sententiâ præcessisset, quod nemo sane dixerit : hanc enim ante Synodum Prospero meminuit, illam postea. Pari eademque ratione Socrates, Sozomenus, et Theodoretus quæ prius contigere, sæpe posteriori loco referunt, et ad rationem temporis ex ordine, quem in suis narrationibus servant, nullum certum argumentum deduci potest.

17. *In iis Augustinum laudat.* — Hieronymus servata Socratis consuetudine, quod diceretur, vel dici posset, exponens, *Attici* et *Critoboli* nomina induxit secum invicem disputantium, ut et Catholice sententiæ, et adversariorum dicta exponerentur majori, qua fieri posset brevitate ac claritate. In illis Dialogis variis Scripturæ Sacræ locis Pelagianus insequitur Hieronymus. Divinam gratiam commendans atque vanam hæreticorum apathiam jugulans. De peccato originali suam tantum in fine libri tertii sententiâ his verbis, quibus Opus suum claudit, posuit : « Scripsit dudum vir sanctus et eloquens episcopus Augustinus ad Marcellinum, qui postea sub invidia tyrannidis Ileracianæ ab hæreticis innocens cæsus est, duos libros de infantibus baptizandis, etc. » Quare concludit novo sibi labori superseedendum esse, ne sibi illud Horati objectetur : *In sylvam ne ligna feras* : aut enim dicturum se, inquit, eadem, quæ Augustinus ex superfluo, aut si nova, a *clarissimo ingenio occupata esse meliora*.

18. *Pelagius sese absolutum fuisse jactitabat.* — A num. 31 ad 33. Augustinus librum de *Natura et Gratia* hoc anno in lucem emisit, ut superiori num. 11 ostendimus ; *Pelagius* vero publicationem eorum, quæ acta fuerant in Synodo Diospolitana, prævertit Epistola vanitatis plenissima, quam passim disseminari omni studio curabat : ac jactitabat inter alia id quod dixerat, « posse hominem sine peccato esse, et Dei mandata facile custodire, si velit ». xiv episcoporum sententiâ comprobatur : « Quæ sententiâ », inquebat ille apud Augustinum lib. de gestis Pelagii pag. 219, « contradictionis os confusione perdidit, et omnem in malum conspirantem societatem ab invicem separavit ». Sicque divinam gratiam, quam in Synodo confiteri coactus fuerat, silentio prætermittebat. Addebat hic et vocem istam *facile* ; cujus mentio nulla in Synodi gestis.

19. *Augustinus scribit ad Joannem Hierosolymitanum de Pelagio.* — Quoad Epistolam Augustini ad Joannem episcopum Hierosolymitanum ordine clxxxix, alias cclii, ea anno se quenti data. Nam, ut observant Patres Benedictini, Diospolitana Synodi Gesta nondum receperat Augustinus, cum Epistolam illam Joanni perferendam dedit, ut liquet ex num. 7. Sed jam viderat conscriptam a *Pelagio*, atque ad Africanos istorum Gestorum loco transmissam Apologiam quandam, qua se ille ad Herotis

et Lazari objecta respondisse iactabat; scripseratque jam *Augustinus* alteram ad Joannem Epistolam super eadem causa, post Orosii reditum, ut videtur. Quippe num. 1 rescripta sibi a Joanne credit non reddita, quod ipsi perlator defecerit *Joanni Augustinus* transmissit, et scriptum a Pelagio de viribus Naturæ librum, et suum de *Natura et Gratia*, quem priori isti refellendo lucubravit. Demonstrat illum in suo libro plane diversa tradidisse ab iis, quæ a se in Diospolitano Concilio responsa assereret in chartula defensionis suæ. Petit denique a Joanne, ut verà ejusdem Concilii Acta ad se dirigat, non tui sibi, sed aliis quoque plurimis episcopis, a quibus illa etiam expeterentur, gratiam facturum. Quare cum *Concilium Diosopolitanum* die xxiii mensis Decembris currentis anni absolutum fuerit, hanc Epistolam anno sequenti datam esse necesse est, ut etiam recte Garnerius in disert. vi.

20. *Hypatia occiditur.* — A num. 48 ad 51. *Hypatie* Alexandrinæ, Theonis philosophi filiae mortem Baronius hoc anno ex Socrate lib. 7, cap. 15, consignat: sed cum Socrates annum non designaverit, audiendus Theophanes anno Incarnat. secundum Alex. cxxvi. qui kalend. Septemb. anni Christi cdxiii inchoatur, ubi ait: « Hoc anno Hypatiam Theonis philosophi filiam in Philosophiæ studiis exercitissimam violento mortis genere nonnulli sustulerunt ».

21. *Judeorum insolentia legibus Theodosii impressa.* — Idem Theophanes anno cxxvii secundum Alex. qui kalend. Septemb. hujus Christi anni inchoatur, ait: « Hoc anno Judæi puerum Christianum ad Innum comprehendentes, Judibriis exercendis, ac Crucis didendæ causa puerum eumdem de ligno suspendentes, cruciatibus interfecerunt: de quo imperator certior factus Judæos dignis suppliciis ultus est ». Illic cum Judæi per hæc tempora Christianæ religionis incrementis indolerent, variæ sequentibus annis adversus eos constitutiones datæ. Theodosius hoc anno dedit legem. 22 Cod. Theod. *De Judæis*, idque XIII kalend. Novemb. qua Patriarchæ coram *Gammalielis* audaciam reprimit, et quia dignitate Præfecturæ honorariæ qua colonestatus fuerat, abusus est, eam ei adimi jussit, vetulque ne novas Synagogas condiret, quod jam ei aliis legibus velatum fuerat: quin et in solitudine positas Synagogas deponere jubet, si sine seditione possint deponi. Præterea quia hic Patriarcha inter Christianos et Judæos judicare præsumperat, id ei de cætero interdicitur, ac proinde si qua inter Christianos et Judæos sit contentio, rectori provincie hæc cognitio attribuitur. Ad hæc idem *Gammaliel* ut Christiani aliique circumciderentur curare ausus fuerat, quod etiam hæc lege omnino prohibetur. Denique Christiana mancipia apud se retinere, et hos Ecclesiæ mancipari jubet Theodosius junior.

22. *Pulcheria fit Augusta.* — A num. 51 ad 56. *Pulcheria* anno superiori Augusta a Theodosio fratre nuncupata, et in consortium imperii adscita,

ut ibidem num. 14 ostendimus. Locuti etiam sumus de lege Cod. Theod. 56 *De hæreticis*, Heracliano comiti Africae inscripta, et ab Honorio imp. hoc anno data. Quare videnda quæ anno cdxii, num. 18 diximus. Denique Theodosius *prid. kalend. Novemb.* dedit legem Cod. Theod. 57 *De hæreticis*, adversus Montanistas, quos prohibet coetus agitare et clericos creare, jubens ut eorum Ecclesiæ una cum Donariis Ecclesiis Catholicorum addicantur. Et hæc secunda est Theodosii jun. in Montanistas constitutio, adversus quos tertiam dedit anno cdxviii, ut infra videbitur.

23. *Ataulfus Gothorum rex occiditur.* — Ad num. 59 et seqq. Baronius Ataulfi Gothorum regis mortem recte consignat. De eo Idatius in Chronico ad annum Abrahami mcdxxxii. qui kalend. Octobris hujus Christi anni inchoatur, ait. « Ataulfus a Patricio Constantio pulsatus, ut relicta Narbona Hispanias peteret, per quemdam Gothum apud Barcinonam inter familiares fabulas jugulatur. Cui succedens Wallia in regno, cum Patricio Constantio pace mox facta, Alanis, et Vandalis Silingis, in Lusitania et Bætica sedentibus adversatur ». Mense Septembri hujus anni Ataulfus occisus. Auctor enim Chronici Alexandrini sub hujus anni eos. scribit: « Mense Gorpiceo VII kalend. Octob. die Veneris nuntius allatus est de cæde Ataulfi Barbari, in partibus superioribus », scilicet Hispaniarum. Ille vero anno feria sexta in diem xxiv Septembris incidit. Jornandes de Reb. Get. cap. 31, eum etiam Barcinonæ occisum tradit, « tertio anno postquam Gallias Hispaniasque domuisset », ideoque anno cdxii Ataulfus in Galliam venerat. Isidorus in Chronico Ataulfo annos regni sex attribuit, quos ab Alarici morte deducit. Porro ex his locis inter se collatis apparet Idacium annum a kalendis Octobris exordiri.

24. *Wallia succedit Ataulfo.* — Olympiodorus singularia quædam de Ataulfo narrat: « Adaulphum, inquit, nato sibi e Placidia filio, cui Theodosio nomen dedit, Romanam amplius Rempublicam amare videbatur. Verum Constantio, ejusque asseclis repugnantibus, ejus et uxoris Placidie (paciis inunde) conatus frustra fuerunt. Exinctum autem postea infantem vehementer uterque parens luit, argenteaque capsæ conditum Barcinonem in templo quodam sepebatur. Interficter deinde et Adaulphus ipse (dum equos suos in stabulo, de more, contempletur) a Gottho quodam ejus domestico, Dobbli nomine, etc. moriens Adaulphus fratri suo injuuxit, Placidia ut (Honorio) redderetur, utque si quo modo posset, Romanæ sibi gentis concordiam (Gotthi) societatemque conciliarent: at qui successit Sari frater Sigerichus (studio potius ac vi, quam successione, aut lege creatus) Adaulphi e priori conjuge liberos, vi e simu Sigasari episcopi abreptos, occidit; atque ipsam Placidiam reginam, in Adaulphi scilicet contumelia nupelibus ante equum una cum cæteris captivis ambulare coegit, idque toto illo spatio, quod est ab Urbe ad duodecimum usque lapidem. Septem ille dies cum imperasset,

interemptus est, et Gothorum dux Valias constituitur ». Philostorgius lib. 12, num. 4, refert *Adaulphum*, quando Placidiam sponsam accepit, repudiasset priorem uxorem, ex qua proinde nati erant illi filii, de quibus loquitur Olympiodorus. Baronius anno cxxv, num. 1, refert ex Ambrosio morale *Adaulphi Epitaphium*, in quo dicitur conditus Barionone cum sex filiis.

25. *Pax Gothorum cum Honorio imperatore.* — Philostorgius ibidem *Adaulphi* caede narrata, ait: « Exinde Barbari foedus cum Honorio percusserunt, et Placidiam sororem atque Atalum imperatori Honorio tradiderunt, cum prius ipsi annonas ab imperatore, et partem Galliae ad agros excolendos accepissent ». Audiendus etiam Olympiodorus, qui scribit: « Euplutius Magistrinus ad Valium (seu *Walian*) Gothorum praefectum mittitur, qui pacis foedera iniret, Placidiamque reciperet. Illa vero commode recepit, missaque frumentatione sexcentorum millium, Placidia Euplutio tradita, ad Honorium fratrem remittitur ». Jam antea *Ataulfo* quaedam frumenti transmissio promissa fuerat, quae quia ei praebita non fuit, hunc Placidiae retinendae praetextum *Ataulfus* habuerat, eodem Olympiodoro fesse. Quod vero ait Philostorgius, *Gothos* portionem aliquam Galliarum ad inhabitandum adeptos, anno cdxix quo illud contigit, explicabimus. Caeterum pax Romanos inter et Gothos, non hoc anno, ut recte Baronius num. 60 et seqq., sed sequenti sancita, ut non solum Cassiodorus et Prosper in Chronicis, sed etiam Orosius affirmant. Is Historiam anno Christi cxxvii absolvens, ut infra videbimus, ait, *William* Gothorum regem cum Romanis pacem pepigisse, et Honorio imper. Placidiam sororem reddidisse, quae dicit facta *anno superiore*, ideoque anno Christi cxxvi, quod sub illius anni initium confisigisse, ostendit lex iii. Cod. Theod. *De infrmandis his quae sub tyrannia*; dicitur enim data *Ravennae kalend. Mart., Theodosio Aug. VII et Palladio coss.*, scil. anno cxxvi. Ea constitutio pacatis jam rebus Honorius criminum impanitatem ius concedit, qui se ad depraedandum cum hostibus conjunxerant. Ex qua deducitur, jam ante kalendas Martias anni cxxvi pacem cum *Gothis* factam fuisse, magisque confirmantur quae diximus *Ataulfo* nempe currenti anno interiisse, et *Vandalos* sub finem anni cxxvi Gallias intrasse. Prosper enim in Praefatione librorum de Providentia, Galliam et Aquitaniam a *Vandalis* et *Gothis per annos decem* depopulatam tradit; et castella rupibus, oppida montibus praeraltis, urbes magnis fluminibus impositas, Barbarorum dolis aut virtuti patuisse; ab anno quippe cxxvi exeunte ad cxxvii ineuntem anni decem, scilicet utrimque incompleti interjiciuntur. Ex dictis liquet primo, *William*, ejus initium Baronius in annum sequentem differt, hoc anno regnum inisse; cum die xxiv Septemb. *Ataulfi* mors nuntiata fuerit, et *Sigericus* qui ei successit, intra paucos dies interierit. Liquec secundo, anno sequenti *Gothos Placidiam* et *Atalum* Honorio imper. reddidisse,

et foedus cum illo pepigisse, ideoque errasse *Prosperum* in Chronico qui *Atalum* hoc anno *Gothis* redditum scribit; manifestum enim est, majorem hac in re *Philostorgio*, quam *Prospero* fidem habendam.

26. *Constantius Placidiam ducit uxorem.* — Caeterum *Constantius* anno tantum cxxvii *Placidiam* uxorem duxit. Scribit enim *Olympiodorus*: « *Honorius Augustus XI* et *Constantius* iterum consules creati (anno nempe cxxvii) *Placidiae* nuptias conciliant. Sed has ipsa nuptias cum vehementer detrectaret, effectit ut ipsius famulis indignaretur *Constantius*. Tandem nihilominus ipso, quo consultatum inuit die, manu ipsam arceplam *Honorius* imperator frater ejus invitam *Constantio* in manum tradit, nuptiarque splendide celebrantur ». Quare *Prosper* quando sub sequenti anni coss. tradit *Placidiam* a *Walla* Honorio redditam, ejusque nuptias *Constantium* promereri, res duobus annis gestas, epitomatorum more uno tenore recitat; sicuti et *Idatius* in Chronico, qui anno Abrahami *μυϛϛxxii* et mortem *Ataulphi*, et conjugium *Placidiae* cum *Constantio* recitat.

27. *Lex Honorii adversus ritus Gentilitios.* — *Honorius III kalend. Septemb.* emisit legem 20 Cod. Theod. *De Paganis*, qua ludos Gentilitios per Africanam nominatim permittit, sed jubet *sacerdotes* Africae, post *sacerdotales* in Metropolitanis urbibus ludorum editiones, ad proprias civitates redire. Erant *sacerdotales*, ii qui sacerdotio provinciae functi fuerant. Quod factum putat *Gothofredus* in hujus legis Commentario, ne *sacerdotalibus* hujusmodi cum purpura et infulis in urbibus Christianis diu consistentibus, non tantum illicitum quid molendi ansa praeberetur; verum et sola ipsorum praesentia diutius ante ora Ecclesiarum et fidelium urbium Christianarum et Metropolitanarum veluti principis Carthaginensis adspectus foedaretur, et quasi religio contaminaretur, cui rei praestat ali-quod argumentum canon LX Codicis Africani. Praeterea simulacra a laevris et publicis adspectibus separari, deponi, seu dilui jubentur, simulacra scilicet sacra sacrificiis, id est, sacrificiis coli solita: simulacra enim in publicis locis passim occurrebant. Sed de aliis in eadem lege memoratis legendus *Gothofredus* citatus.

28. *Translatio reliquiarum Josephi filii Jacob, et Zachariae patris Joannis Baptistae.* — Auctor Chronici Alexandrini, qui *Theodosium jun. quindecennalia* exhibuisse nos edocet, tria etiam eorum indicia profert, quorum ope quae annis hujusmodi solenniis dicatis fieri solita erant, intelligimus: « Eodem anno dedicata est Ecclesia magna Constantinopoli, mense *Gorpiaeo*, VI idus Octob. die Dominica, translataeque sunt Constantinopolim per scalam Chalcodonensem reliquiae *Josephii filii Jacob*, et *Zachariae patris S. Joann. Baptistae* mense *Gorpiaeo* VI nonis Septembres, die Sabbati geslantibus pignora in duabus arcibus Attico patriarcha Constantinopolitano, et *Mose Antardaco Phoenicis* episcopo,

sedentibus ipsis in burrichaliis, quæ in magna Ecclesia deposuerunt, pompam præcedente Urso urbis præfecto cum universo Senatu. Dedicata quoque statua est aurea, in Senatu, imperatoris Theodosii jun. Augusti ab Aureliano iterum præfecto prætorio et patricio ». Verum locus corruptus est; *Gorpiæus* enim non Octobri, sed Septembri nostro respondet, ideoque loco *VI idus Octobr.*, legendum *pridie idus Septembr.*, cum quo feria prima hoc anno concurrebat. Præterea loco *mense Gorpiæo*, *VI nonas Sept.*, legendum *mense Hyperberetæo*, *VI nonas Octobr.* Hyperberetæus enim Octobri respondet, qui habet nonas VI, non vero mensis September: et denique Reliquiarum translationem dedicatio Ecclesiæ præcedere debuit. Porro *burrichales*, seu *burichî* sunt equi breviores et admodum viles, quæ vox ab antiquioribus etiam usurpata retenta est in hac Gallo-Provincia, et aliis quibusdam Galliæ, sed tantum ad asellos significandos, quos vulgo *bourriques* appellant. Certe Paulinus in Epistola xxix ad Severum, alias x, num. 12. asellos et buricos distinguit, atque Melaniam sciorem ex Oriente Romam venisse « macro et vilioris asellis burico sedentem ».

De hac voce legendus Ducangius in Glossario mediæ et infimæ latinilitatis.

29. *Dedicatio Magnæ Ecclesiæ Constantinopolitæ*. — Magna illa Ecclesia primum a Constantino Magno ædificata fuerat, et postea a Constantio ejus filio ad majorem amplitudinem perducta; sed cum conflagrasset anno, quo sanctus Chrysostomus in exilium actus, postmodum a Theodosio juniore restaurata est et ab *Attico* episcopo CP. hoc anno dedicata. Conflagravit tunc et *Senatus*, uti narrat *Zozimus* lib. 5, pag. 801, qui cum instauratus fuisset, posita in eo fuit imago pectoralis Theodosii jun. aureas enim statuas in Senatu erigi solitas, ostendunt illæ, quæ et Romæ et Constantinopoli Symmacho viro consulari erectæ sunt *Gratiano* imperante.

30. *Obitus Theruntiaæ uxoris Honorii imp.* — « Renuntiata mors est Theruntiaæ imperatoris Honorii Aug., conjugis mense Panæmo, III kal. Augusti, feria VI ». inquit auctor Chronici Alexandrini sub hujus anni cons. Erat Thermantia altera Honorii imp. uxor, et filia Stiliconis, sicut fuerat Maria prior ejusdem imperatoris uxor.

INNOCENTII ANNUS 15. — CHRISTI 416.

1. *Concilia Carthaginense et Milevitana quando fuerint celebrata.* — Quadringentesimo decimo quinto Christi anno Theodosius Augustus septimum adit consulum, collegam nactus Palladium: quo adversus Pelagianos celebratum est Concilium Carthaginense, ubi Pelagius atque Cælestius hæretici damnati sunt. Itemque aliud eodem anno Milevi in Numidia adversus eodem Concilium habitum est. Ex ambabus Synodis ad Innocentium Romanum Pontificem litteræ Synodales scriptæ sunt.

Dicturi enim sumus de utroque Concilio hoc eodem anno, eadem quoque ex causa celebratis, primum omnium, ex instituto, temporis ratio firmata est, cum hac in re plerisque sciamus errasse. Ut igitur absque ambiguitate certo certius asseramus, hoc anno utramque Synodum in Africa habitam, alteram Carthagine, Milevi alteram, illam prius, hanc vero posterius; ex dictis litteris ad In-

nocentium papam scriptis, et aliis ejusdem Pontificis ad eas redditis possumus perspicue intelligere. Atque illud primum: paulo ante celebratam esse Synodum illam Carthagine, postea vero istam Milevi, inde affirmari posse videtur, dum in litteris Milevitanæ Concilii ad Innocentium hæc habentur expressa in fine¹: « Hæc ad sanctitatem tuam de Concilio Numidiæ scripta direximus, imitantes Carthaginensis provincie coepiscopos nostros, quos ad Sedem Apostolicam, quam beatus illustras, de hac causa scripsisse comperimus ». Hæc ibi. Et ne pu-les, quas citant Patres litteras Carthaginensis Concilii, alias voluisse intelligere ex alio Concilio jam diu ante presentem annum datas, ac proinde non hoc anno illud celebratum fuisse, sed eodem ferme tempore: accipe quod Innocentius papa ad eos

¹ Apud Aug. ep. lxxxii. et tom. 1. ep. Rom. Pont. inter epist. Innoc.

rescribens affirmat, nimirum per eundem legatum episcopum ab utraque Synodo, Carthaginiensi scilicet et Milevitana, se litteras accepisse. At enim ¹: « Frater et coepiscopus noster Julius dilectionis vestrae litteras, quas ex Milevitano Concilio cura fidei propensione misistis, mihi inopinanter ingressit. Carthagensis etiam Synodi querele pari scripta subiungens, etc. » Factum namque esse videtur, ut Aurelius Carthaginiensis episcopus de his quae decreta essent in Concilio Carthaginiensi litteras scripserit ad Romanum Pontificem, iusseritque Julium, quem ad eas perferendas legavit episcopum, in Numidiam proficisci, et e Concilio etiam Milevitano, quod eadem ex causa collectum sciebat, alias accipere ad eundem Innocentium papam litteras.

2. Cum igitur ex his appareat, eodem ferme tempore, eodemque anno duo haec fuisse in Africa Concilia celebrata, paulo tamen ante Milevitanum Carthaginiense: ut hoc ipso anno sub consularatu Theodosii atque Palladii eadem esse habita affirmemus, inde evidens suppediti argumentum, quod Innocentius papa, his acceptis litteris Synodalibus ad eosdem qui dederant rescribens episcopos mense Januarii anni sequentis sub consularatu Honorii atque Constantii, demonstrat hoc anno dictas Synodos esse habitas, ex quibus hoc anno eam legationem acceperit: monstrant id enim quae redditae sunt ab ipso Innocentio ad Concilium Milevitanum, cum datae habeantur sexto kalendas Februarii, dictis Honorio et Constantio consulibus, quos constat sequenti anno eo munere insignitos. Unde ex his affirmari posse videtur, utrumque Concilium, primum Carthaginiense, deinde Milevi autumnali tempore celebratum: ex quibus ante hiemem legato missa, ad Innocentium pervenerit hiemis tempore: quod enim mense Januarii anno sequenti mox ad eos rescripsit Innocentius, haud pridem se eas accepisse demonstrat, quibus etiam significat Julium ipsum legatum ex Carthaginiensi et Milevitano Conciliis eas litteras attulisse.

3. Haec cum adeo evidenti ratione subsistant ex his primum corrige qui dixerunt Milevitanum Concilium contra Pelagium atque Caesetium celebratum esse ² Arcadio et Honorio Augustis consulibus, anno Christi quadragesimo secundo. Nam Milevitanum illud Concilium longe diversum ab isto, de quo agitur, est, ut suo loco superius demonstravimus: siquidem eo tempore nulla erat Pelagii vel Caesetii in Africanis Ecclesiis mentio: consuetaque illud praeterea habitum a Xantippo Numidiae primae: praesens autem, de quo est sermo, nulla de Xantippo habita mentione, primo loco positum habet Silvanum, utpote ejusdem provinciae primatem: sed accidit vitio librariorum, seu potius collectorum incuria, ut duo haec Milevitana Concilia unum idemque esse rati, simul in unum conflaverint, offererintque ex duobus unum, quod apparet typis

excusum ¹ in cujus exordio praefixa habetur nota dici et consulis, quae est prioris Milevitani Concilii, cui interit (ut vidimus) Aurelius Carthaginiensis episcopus, et caetera quae habentur, usque ad illa verba: « Ideoque pariter »: quae vero haec sequuntur Acta, hujus de quo agimus, sunt Milevitani Concilii, usque ad octavum canonem: reliqui vero qui sequuntur ad finem usque, diversorum esse apparent Conciliorum Africanorum canones: ipsamque ad finem appositam subscriptionem longe diversam ab hoc Concilio Milevitano, qui nomina legerit episcoporum qui huic Synodo interfuerunt, intelliget: adeo ut unum videas corpus ex diversis membris esse compactum, cujus caput, pedes et reliqua membra sint ex aliis diversis corporibus compingata: quae nisi quis accurate perspexerit, in ambages inextricabiles et nodos insolubiles incidat necesse est.

4. *Occasio celebrandi Concilium Carthaginiense, et acta in eo adversus Caesetium et Pelagium.* — His igitur elucidatis, jam de ipsis agamus Conciliis, ac primum de Carthaginiensi: cuius quidem celebrandi ea occasio ante suppeditata fuisse videtur: quod Orosius presbyter, qui anno superiori (ut vidimus) profectus in Palaestinam ad S. Hieronymum, cum ibi esset, mense Decembris celebratam viderit Synodum Diospolitanae, in qua scisset Pelagium, cum decessisset involucre verborum episcopos, ab eisdem fuisse absolutum, et in communicationem acceptum, adversus quem pariter scisset S. Hieronymum scriptis editis reclamasse: ipse, inquam, Orosius hoc ipso anno, versis tempore solvens e Palaestina, in Africanam ex conducto rediens, et cuncta referens, excitavit Africanos episcopos ad haeresim penitus debellandam, quam ipsi ante in Caesetio Carthagine (ut vidimus) condemnassent. Facile id fuit illis omnibus persuadere, tum exemplo et cohortatione S. Hieronymi litteris ab eo redditis ad Augustinum, tum ex imminente periculo, quod libere scirent agere ut Catholicum, jam absolutum Pelagium in Concilio Palaestino, cujus decreto rescindi viderentur, quae ipsi episcopi Africani jam ante adversus Caesetium statuissent. Adjecit ad haec Orosius, ut quas secum haberet datas ad se litteras episcoporum Herotis et Lazari, eas Africanis episcopis dederit inspiciendas, scriptas haud dubium adversus Pelagium atque Caesetium: fuisse autem Herotem et Lazarum in Gallia episcopos, magnoque animi ardore insectatos esse ambos haeresiarchas, quae inferius dicturi sumus, perspicue declarabunt. Porro Gallorum animos adversus Pelagianos incensos fuisse, S. Augustinus saepe testatur.

5. Haec quidem haud a nobis inani intelligens esse imaginatione contacta, si Africanorum episcoporum hoc anno datas ad Innocentium papam litteras exacte perlegeris. Nam absolute a Synodo Palaestina Pelagio, idem Africani episcopi sunt conquesti litteris illis, quae Aurelii, Atypii, Augustini,

¹ Innoc. ep. XXXII. apud Aug. ep. XCIII. — ² Extat. tom. I. Conc. vet. edit. pag. 481.

¹ Rem. tom. I. Conc.

et aliorum nomine hoc anno (ut dicimus) sunt redditæ ad Innocentium ¹, et aliis ² ad eundem a Milevitana Synodo datis contra eosdem Pelagianos, quibus et adversus eosdem S. Hieronymi studium commendatur, sed et Pelagii libertas ex fraude comparata pariter nuntiatur, his scilicet verbis : « Pelagius vero (sicut a quibusdam fratribus nostris missæ loquuntur Epistolarè Hierosolymis constitutus nonnullos fallere asseritur. Veruntamen multo plures, qui ejus sensus diligentius indagare potuerunt adversus eum pro Christi gratia et Catholicæ fidei veritate confligunt, sed præcipue sanctus filius tuus et frater et compresbyter noster Hieronymus ». Hæc ibi. Et de editis ab Orosio Gallorum episcoporum Epistolis, Synodales litteræ Carthaginensis Concilii aperte docent his verbis in eorum exordio ³ : « Cum ex more ad Carthaginensem Ecclesiam solemniter veniremus, atque ex diversis causis congregata ex nobis Synodus haberetur : compresbyter noster Orosius nobis litteras sanctorum fratrum et consacerdotum nostrorum dedit Hierolis et Lazari, quarum formam his constituimus esse subdendam, etc. » Qui autem convenerunt Carthagine episcopi, numerati habentur septuaginta septem.

6. Cum igitur allatæ per Orosium dictæ Gallorum episcoporum litteræ Synodo exhibite essent, et causa Pelagii atque Cælestii tractanda proposita esset in ipso Concilio Carthaginensi : ad pleniorum causæ cognitionem, jussa sunt edî in Synodo Acta Ecclesiastica ante quinquennium (ut dictum est) adversus Cælestium Pelagii antesignanum Carthagine quoque confecta : quibus diligentius inspectis atque examinatis, conclamata est ibidem utriusque damnatio, nisi iidem parati essent suas ipsorum hæreses condemnare. Testantur id quidem litteræ ad Innocentium ab eadem Synodo datæ, quibus dicitur ⁴ : « His ergo electis, Pelagium et Cælestium auctores nefarii prorsus et ab omnibus nobis anathematizandi erroris advertimus. Unde factum est, ut recensendum peteremus quid ante ferme quinquennium super Cælestii nomine hic apud Ecclesiam Carthaginensem fuerit agitatum ». Et paulo post, quid statutum sit, subdunt : « Nisi hæc aper tissime anathematizaverint, ipsos anathematizari oportere. Ut si ipsorum non potuerit, saltem eorum qui decepti sunt ab eis, vel decipi possunt, cognita sententia quæ in eos lata est, sanitas procuretur ». Hæc acta sunt adversus Pelagium et Cælestium in Concilio Carthaginensi : quæ per Julium episcopum, datis ad eum litteris, significanda curarunt episcopi ejusdem Concilii Carthaginensis Innocentio Romano Pontifici, ab eodem iisdem litteris postulantes, quicquid ea de re fuisset decretum in Synodo, confirmari : expetierunt enim id ipsi verbis hæc : « Hoc itaque gestum, domine frater, sancte charitati tuæ intimandum duximus, ut statutis nostræ

mediocritatis etiam Apostolicæ Sedis adhibeatur auctoritas, pro tuenda salute multorum, et quorundam etiam perversitate corrigenda ». Hæc ipsi.

7. Quod insuper timerent, ne ab eodem Romano Pontifice Acta Synodi Diospolitanae in Palestina, quibus Pelagius, quasi damnasset errores, fuerat absolutus, confirmarentur : in sua ipsorum ad eundem Innocentium papam scripta Epistola Synodali addiderunt, ut si adduci ipse non posset ut damnaret hominem, quem probatum Catholicum Synodus absolvisset, hæreses saltem ejus damnare minime recusaret : nam subdunt : « Si ergo Pelagius episcopalis gestis, quæ in Oriente confecta dicuntur, etiam tuæ venerationi juste visus fuerit absolutus : error tamen ipse, et impietas quæ tam multos assertores habet per diversa dispersos, etiam Apostolicæ Sedis auctoritate anathematizanda est. Consideret enim sanctitas tua, et pastoralibus nobis compatiatur visceribus, quam sit pestiferum, et exitiale ovibus Christi, quod istorum sacrilegas disputationes necessario sequitur, ut nec orare debeamus, ne intremus in tentationem, etc. » Hæc sunt quæ in Synodo Carthaginensi adversus Pelagium atque Cælestium, eorundemque hæreses decreta fuerunt, quæ per Julium episcopum (ut dictum est) ad hoc legatum per litteras eidem Romano Pontifici significanda curarunt.

8. De hujusmodi Africanorum episcoporum adversus recens emergentem impietatem accenso præ ceteris incomparabili zelo, S. Prosper his agit carminibus ⁵ :

Tu causam fides flagrantius Africa nostra
Exequens : tecumque suum iungente vigorem
Jura Apostolici solo, fera vis-era belli
Conficis, et lato prosteris limite victos.

Et quod non uno Concilio, sed duobus eadem in hæresiarchas decreta fuerint, nempe Carthaginensi atque Milevitano, ista mox subjicit :

Convenerè tui de cunctis urbibus almi
Pontifices, venimque senum celeberrima cœtu
Decernis quod Roma probet, quod regna sequantur.

Nisi magis hæc intelligenda sint de gemino Concilio Carthaginensi, nempe præsentî, et alio sub Zozimo papa, de quo suo loco dicendum erit. Quod insuper eadem Synodi non præcipiendo tantum, damnandoque hæreses cum hæreticis, sacerdotalem exercuerint auctoritatem ; sed etiam in docendo exhibuerint magisterium, cunctas latebras captantium latebras hæreticorum aperiendo, ac sinuosos omnes illorum gressus cunctis palam faciendo, ne quis ab illis deciperetur : idcirco subdit hæc Prosper :

Nec sola est illic Synodorum exerta potestas,
Cui quos non possent ratione evincere nostri,
Vi prenerent : discensse atque, virusque reclusum est
Hæretici sensus : nullumque omnino relictum,

¹ Apud Aug. ep. xcv. et tom. 1. ep. Rom. Pont. — ² Apud Aug. ep. xcii. et tom. 1. ep. Rom. Pont. — ³ Apud Aug. ep. xc. et tom. 1. ep. Rom. Pont. — ⁴ Ead. ep. xc.

⁵ Prosp. de ingrât.

Docte fides quod non dissolveret argumentum.
 Condita sunt et scripta manent, quae de cataractis
 Aeterni fontis fluxere, undante merato,
 Et trecentens procerum sunt edita linguis.
 Sic moerente suam legem bonitate severa,
 Ut qui damnato vellent de errore reverti,
 Acciperent pacem pulsus quae prava tenerent.

Hæc S. Prosper, proculdubio alludens ad canones, qui in iisdem Conciliis sunt constituti, sed desiderantur.

9. Atque demum in laudem Aurelii, qui præfuit Concilio Carthag., et Augustini, qui magna pars fuit Concilii Milevitani, hæc addit :

An alium in finem posset procedere sanctum
 Concilium, cui dux Aurelius, ingeniumque
 Augustinus erat : quem Christi grata coram
 Ubiare rigans, nostro humo non dedit ævo,
 Accensum vero de hume? Nam cibus illi,
 Et vita et requies Dens est : omni-que voluptas
 Unus amor Christi est : unus Christi est honor illi.
 Et dum nulla sibi tribuit bona, fit Dens illi
 Omnia, et in sancto regnat sapientia templo.

Hæc de Augustino et alia quæ inferius oportuni occasione reddiduri sumus. Sed transeamus ad Milevitani Concilium.

10. *Concilium Milevitani in eadem causa, et Innocentii papæ studia.* — Convenerunt igitur Milevi in Numidia sexaginta et unus episcopi (tot enim numerati habentur in ipsorum Epistola ad Innocentium papam) sed fortasse tum in Milevitano, tum in Carthaginensi non omnes recensiti reperiuntur, cum sanctus Prosper a trecentens episcopis dicat ea definita fuisse. Porro qui Milevi convenerunt Patres, de damnanda hæresi Pelagiana (ut factum sciebant in Carthaginensi Concilio) unanimis in eandem conspirare sententiam. Extant eo argumento canones octo, perperam (ut dictum est) relati ad aliud Concilium Milevitani antea celebratum sub consulatione Arcadii et Honorii, omnesque adversus eandem Pelagianam hæresim editi¹. Deriderunt præterea litteras ex eadem Milevitana Synodo ad ipsum Innocentium Romanum Pontificem, quæ extant², eodem plane argumento quo scripta fuit Epistola Synodalis a Concilio Carthaginensi : quibus primum illud ingerunt, moris esse in Ecclesia Catholica, gravis ponderis causas deferre ad Romanum Pontificem; sic enim exordiantur Epistolam : « Quia te Dominus gratiæ suæ præcipuo munere in Sede Apostolica collocavit, talemque nostris temporibus præstitit, ut nobis potius ad culpam negligentiam valeat, si apud tuam venerationem, quæ pro Ecclesia sunt suggerenda, tacerimus, quam ea tu possis vel fastidiose vel negligenter accipere : magni periculi infirmorum membrorum Christi pastoralis diligentiam, quæsumus, adhibere digneris ». Hæc ibi.

11. Missæ sunt eadem litteræ Concilii Milevi-

tani per eundem Julium legatum, qui missus fuerat a Concilio Carthaginensi, ut litteræ Innocentii ad eos reddite docent³. Porro de duorum Conciliorum litteris ad Innocentium simul datis hæc habet S. Augustinus in Epistola ad Bonifacium⁴ : « Missæ sunt itaque de hac re ex duobus Conciliis, Carthaginensi et Milevitano, relationes ad Apostolicam Sedem, antequam gesta Ecclesiastica, quibus apud episcopos provincie Palaestinae Pelagius perhibetur esse purgatus, vel in manus nostras, vel in Africam pervenissent ». Hæc ipse. Sed observa antiquum loquendi usum, per Apostolicam Sedem, præ dignitate et sui excellentia, intelligi semper Romanam Ecclesiam. Subdit vero idem Augustinus : « Scripsimus etiam ad beate memoriæ papam Innocentium, præter Conciliorum relationes, litteras familiares, ubi de ipsa causa aliquanto diutius egimus ». Ita ipse. At quenam sunt istæ familiares litteræ? et quid opus post Synodales adijcere familiares? Considera morem pristinum. Quod enim quantumvis magnarum sedium episcopi cum aliis suffraganeis maximo honore prosequerentur Romanum Pontificem, Apostolicæ Sedis primum antistitem : si quæ essent scribenda, quæ quoquo modo pertingerent, atque quavis ex causa perstringerent ipsum Romanum antistitem : ne verenda patris relegere viderentur, non publicis illa credebant Synodicis, sed privatis iisdemque familiaribus litteris, quasi amici ad aures sermone loquentis : quod modo videmus factum per Augustinum, ut ipse testatur : sunt illæ quidem ab Augustino scriptæ, nomine tamen quinque magnæ existimationis episcoporum, Aurelii, Alypii, ipsius Augustini, Evodii, atque Possidii.

12. Quæ autem illa essent, de quibus Innocentius secreto admonendus erat, ex eorundem familiaribus litteris accipe⁵ : « Audivimus (inquiunt) esse in urbe Roma, ubi ille (Pelagius videlicet) diu vixit, nonnullos, qui diversis causis ei faveant : quidam scilicet, quia vos talia persuasisse perhibent : plures vero, qui eum talia sentire non credunt : præsertim quia in Oriente, ubi degit, Gesta Ecclesiastica facta esse jactantur, quibus putatur esse purgatus, etc. » At non parva quidem calumnia hæc, qua Innocentius papa vocaretur in crimen tacite eum Pelagius committente : sed calumniose ista, ex more suo, sparserant in vulgus hæretici, quo gloriarentur se primæ sedis episcopi communiōne fulciri : quod ab aliis sæpe factum vidimus. Cæterum quod Pelagiani Romæ versari dicebantur; id se nesciente accidere potuisse, ipse Innocentius ad eos rescribens, excusat his verbis⁶ : « Seu hæc illi in urbe sunt; quod nescientes, nec manifestare possumus, nec negare; cum etsi sunt, lateant, nec aliquando audeant vel illum prædicantem ista defendere, vel talia aliquo nosrum præsejate jactare; et in tanta populi multitudine depre-

¹ Conc. Milev. I. — ² Apud Aug. ep. xcii. et tom. I. ep. Rom. Pont.

³ Innoc. ep. xxxii. — ⁴ Aug. ep. cvi. — ⁵ Aug. ep. xcvi. et tom. I. epist. Rom. Pont. — ⁶ Innoc. ep. xxxiii. tom. I. epist. Rom. Pont.

hendi aliquis facile, nec alicubi possit agnosci : sive in quovis terrarum loco degant, etc. » Quod vero pertinet ad iudicium Palæstinum, quæ sua ipsius sit de eo sententia, ista subdit :

13. « Nobis tamen nec persuaderi potest eum esse purgatum : quamvis ad nos a nescio quibus laicis sint Gesta perlata, quibus ille auditum se crederet, et absolutum. Quæ utrum vera sint, dubitamus ; quod sub nulla illius Concilii prosecutione venerunt, nec eorum aliquas accepimus de hac re litteras, apud quas istius rei iste præstilit causas. Quod si de sua ille potuisset purgatione confidere ; hoc magis credimus quod egisset, quod multo verius esse poterat, ut illos cogeret epistolis suis quid iudicaverant, indicare. Verum cum sint aliqua in ipsis posita Gestis, quæ obiecta partim ille vitando suppressit, partim nulla in se verba retorquendo, tota obscuritate confudit ; aliqua magis falsis argumentis, quam vera ratione (ut ad tempus videri poterat) purgavit, alia negando, alia falsa interpretatione vertendo. Sed utinam (quod magis optandum est) etiam ille se ad veram Catholicam fidei viam ab illo sui tramitis errore convertat, ut cupiat velutque purgari, considerans quotidianam Dei gratiam, adiutoriumque cognoscens ; ut videatur vere et approbetur ab omnibus manifesta ratione correctus non Geslorum iudicio, sed ad Catholicam fidem corde converso. Unde non possumus illorum nec approbare, nec culpâre iudicium, cum nesciamus utrum vera sint Gesta : aut si vera sunt, illum constat magis subterfugisse, quam se tota veritate purgasse. Qui si confidit, novitque nostra dignum esse damnatione, quod dicat jam hoc totum se refutasse quod dixerat : non a nobis accersiri, sed ipse debet potius festinare, ut possit absolvi, etc. » Jam enim prædamnatum Pelagium fuisse Romæ ante iudicium Palæstinum, auctoritate S. Prosperi superius dictum est.

14. In hac ferme sententia idem Innocentius papa rescripsit duas Epistolas per eundem Julium legatum, alteram ad Concilium Carthaginense, ad Milevanum vero alteram, quas vitandæ nimic prolixitatis gratia hic describere prætermittimus. Insuper privatas dedit ad quinque episcopos, a quibus item privatas acceperat ; necnon quartam ad Aurelium episcopum Carthaginensem, respondens privatis ab eo acceptis litteris, deditque eandem eidem Julio ; extant ¹ ipse perspicue omnibus, quibus plane omnis e cordibus Africanorum episcoporum suspicio penitus sublata fuit. Nam S. Augustinus de iisdem agens in Epistola ad Bonifacium hæc ait ² : « Ad omnia nobis ille rescripsit eodem modo, quo fas erat, atque oportebat Apostolicæ Sedis antistite h. ». Hæc ipse ; eademque sæpe testatur ³. Et ut in re non ambigua, quam acerrimus insectator Pelagianorum fuerit Innocentius, intelligere potes testi-

ficatio S. Hieronymi in Epistola ad Demetriadem (de qua superius), cum eam Pelagii Epistola pulsant admonet, ne sibi sapiens videatur, sed fidem sectetur, quam Innocentius Romanæ Ecclesiæ Pontifex proficitur. Laudat æque ac prædicat S. Prosper ⁴ ejusdem pape integritatem in fide incorrupta servanda : cuius quoque assertione liquet ejusdem Innocentii sententia damnatum fuisse Pelagium, et eandem a successoribus comprobata : nam adversus collatorem hæc ex verbis Zozimi pape refert : « Constitutum in Pelagium atque Cælestium per venerabilem episcopum Innocentium de beatissimi Apostoli sede prolatam manere sententiam, donec apertissima confessione fateatur gratiam Dei, etc. » Sane quidem Gennadius ⁵ testatur, ab Innocentio scriptum esse decretum adversus Pelagium, illudque post ejus obitum a Zozimo promulgatum.

15. *Augustinus scribere contra Augustinum jubetur.* — Quod autem spectat ad Africanos episcopos : adeo vehementi studio ad expugnandam Pelagianam hæresim incubuerunt, ut post duo hæc Concilia eodem hoc anno Carthagine et Milevi in Numidia congregata, S. Augustino delegaverint opus, ut suis scriptis nefandam hæresim penitus insectaretur, testatur id quidem ipse Augustinus (cum de populo suo conqueritur, quod non sinceret cum a negotiis feriatum, ut injuncta posset insudare provincie) in Actis Ecclesiasticis de institutione Eraclii ³ successoris ; ait enim : « Nostis ante aliquot annos quid facere voluerim, et non permisistis. Placuit mihi et vobis propter curam Scripturarum, quam mihi patres et fratres mei coepiscopi duobus Conciliis Numidicæ et Carthaginensium imponere dignati sunt, ut per quinque dies nemo mihi molestus esset. Gesta confecta sunt : placuit, acclamatis : recitatur placitum vestrum, et acclamatio vestra. Parvo tempore servatum est circa me : et postea violenter irruptum est, et non permittor ad quod volo, vacare. Ante meridiem et post meridiem occupationibus hominum teneor ». Hæc Augustinus, quibus intelligas ingruentia negotia sanctissimi Patris. Porro injunctum sibi ab episcopis duorum Conciliorum opus quam naviter atque accurate impleverit, sua ipsius scripta eo argumento edita fidem faciunt : ut nihil uberius, doctius et eloquentius dici potuerit, appareatque cum in aliis scriptis alios superet, in tractatibus contra Pelagianos se ipsum penitus superasse. Ad hæc plane S. Augustini scripta S. Prosper allusit, ubi post recensita duo hæc adversus Pelagianos Conventia in Africa celebrata, de ipso Augustino ista pergit versibus dicere ⁴.

Isius ergo inter cunctos, qui de grege sancto
Insanas peccare fetas, industri major,
Majus opus, totum præstantius imbut Orbem.

¹ Innoc. ep. XXXI. XXXII. XXXIII. XXXIV. tom. I. epist. Rom. Pont. — ² Aug. ep. CVI. — ³ Aug. ep. XLVII. contra Julian. l. I. c. 4. Retract. l. II. c. 50. de pecc. orig. l. II. c. 8.

⁴ Prosp. advers. Collat. — ⁵ Gennad. de Vir. illustr. — ³ Aug. ep. CX. — ⁴ Prosp. de Ingrat.

Nam quocumque gradum convertit callidus hostis,
Quaque per ambages aneps iter egit operas,
Hujus ab occursum est preventus, mille varum
Insidias aditum non reperientibus ulnam.
Cumque foris rabies avolorum exclusa luporum
Frenderet, inque omnes mentia verberet artes :
Ne mentes illarum omnium contempere posset,
Neu dubia obliquis turbaret corda querelis,
Istius ore veri fecit Deus, istius ore
Flumina librorum manuum effluxere per omnem :
Quae mutes, lumineque bibunt, campiisque annorum
Certant vitalis doctrinae immittere rivus.

Hæc S. Prosper de S. Augustino; cujus, cum ista ex duobus dictis Conciliis tractarentur, extat de his ipsis tunc gestis data Epistola ad Hilarium ¹.

46. *Reliquiæ sancti Stephani ab Orosio in Occidentem translate, Memoria erectæ et patratæ miracula.* — Sed jam ad Orosium redeamus, quem hoc anno cum reliquiis Protomartyris Stephani venturum in Hispaniam, acceptis ab Avilo litteris ad Baleonium Bracharensem episcopum, Hierosolymis recessisse diximus, et tunc postremo solverat, in Africam divertisse. Id quidem tum quæ superius dicta sunt, manifeste declarant, tum etiam Marcellinus in Chronico, cum de eo hæc affirmat sub anni hujus consulibus: « Orosius presbyter, Hispani genere, septem libros historiarum descripsit. Missus ab Augustino episcopo idem Orosius pro discenda anime ratione ad Hieronymum presbyterum, reliquias beati Stephani nuper inventas, rediens, primus intulit Occidenti ». Hæc ipse. Primus quidem ipse tulit: nam et testificatione quoque sancti Augustini ² certum est, ante hæc tempora nunquam visas, nec auditas sancti Stephani reliquias in Occidentalibus oris, nisi unum ex lapidibus illis, quibus idem sanctus percussus martyrium consummavit, a nauta allatum Anconam, ad mare Adriaticum silam Italiae civitatem; ut suo loco, cum de ejus martyrio actum est, dixisse meminimus. Quo in loco nulla miracula edi solita, haurientibus fidelibus mel de petra, oleumque de saxo durissimo, idem S. Augustinus memorie prodidit ³.

47. Acceperunt ex iisdem reliquiis partem ab Orosio traditam, qui ex Palæstina attulit, inter alios sanctus Augustinus episcopus Hipponensis, Possidius episcopus Calamensis, et Evodius episcopus Uzalensis, a quibus in Protomartyris memoriam erectæ fuerunt ecclesie, in iisdemque eadem sacræ reliquie collocatæ, ab Evodio primum, inde a Possidio, ac postea ab Augustino, ut ipse testatur his verbis ⁴: « Nondum est autem biennium, ex quo apud Hipponem Regium cepit esse ista Memoria », Stephani Protomartyris scilicet: « et multis (quod nobis certissimum est) non datis libellis de iis quæ mirabiliter facta sunt; illi ipsi qui dati sunt, ad septuaginta ferme numerum pervenerunt, quando ista conscripsi ». Erant libelli ipsa facti miraculi certa scriptis mandata testificatio; subdit autem:

« Calamæ vero, ubi et ipsa Memoria prius esse cepit, et crebrius dantur, et incredibili multitudine superant. Uzali etiam, quæ colonia l'itice vicina est, nulla præclara per eundem martyrem facta cognovimus; cujus ibi Memoria, longe prius quam apud nos, ab episcopo Evodio constituta est ». Fuit hic clarus inter Africæ episcopos, ad quem extant litteræ S. Augustini; unusque ex quinque illis episcopis, quorum habentur private litteræ ad Innocentium Romanum Pontificem, quarum nuper mentio facta est.

48. At non hi tres tantum episcopi ex reliquiis Protomartyris acceperunt, nec ab his solum erectæ sunt Memoriae S. Stephano, sed ab aliis pluribus. Accepit enim et eas Projectus episcopus, detulitque ad Aquas Tibilitanas, ibique Memoriam extruxit eisdem: itemque Lucillus episcopus, qui iidem in castello Simicensi ejusdem Protomartyris nomine memoriam pariter excitavit, quarum idem meminit S. Augustinus ¹. Est mentio apud eundem Augustinum alterius ejusmodi S. Stephani Memoriae in Africa in agro Anduritano ². Vides, lector, sanctorum Patrum de sacrarum reliquiarum religiosissimo cultu antiquum usum, ut cum reliquiis martyrum nacti essent, in eorum honorem ecclesias, sive intra ecclesias altaria erigerent, ubi condere sacra pignora, eisdemque Memoriae Deo dicarent. Fecerunt hæc quidem inter alios qui tunc erant in Africa sanctissimi atque doctissimi episcopi, ne quis eos supersticiosos inclaimet, et simplicitatis nomine suggillare valeat: sed profecto non id ipsi recens in Ecclesiam invexerunt; verum quæ a majoribus tradita invenerunt, ut pia sanctaque sectati etiam opere impleverunt: quæ Deus immemororum operatione miraculorum ad Gentilium retundendam impietatem et Hagiomachorum hæreticorum perditionem convincendam, atque oblinati animi duritiem infringendam, voluit notis amplissimis perspicua cunctis reddi, eademque ab iisdem, qui præsentibus fuerant religiosissimis antistitibus omni fide testata relinqui.

49. Sed age necum, lector, has lustrare Memorias ne te pigeat, et quo ordine eadem dicuntur esse constructæ, easdem invisamus. Adeundaque nobis erit in primis Memoria, quam primam omnium ab Evodio Uzalensi episcopo esse erectam sancti Augustini assertionem didicimus. Non sic quidem ab Uzalensi Memoria inchoamus, quod prior ceteris ejus episcopis Evodius acceperit reliquias Protomartyris: sed quod licet tardius nactus esset, ipse tamen primus Memoriam eandem erexit. Etenim post biennium ab hoc tempore perlatas ad eum a presbytero eadem reliquias Hierosolymis, prior liber de Miraculis illic editis fidem facit, ubi dicitur ³, tunc perlatas eas in Ecclesiam fuisse, cum recitarentur publice litteræ Severi episcopi Minoricensis insule: quas ex consulibus in eis signatis

¹ Aug. ep. XCIV. — ² Aug. de divers. serm. XXXI. — ³ Aug. de divers. serm. XXXI. — ⁴ Aug. de Civit. Dei, l. XXII. c. 8.

¹ Aug. eod. l. c. 8. — ² Aug. ibid. — ³ Evod. de mirac. S. Step. l. I. c. 2. apud Aug. tom. X.

scriptas fuisse post annum sequentem apparet, de quibus suo loco acturi sumus.

20. Quae autem illuc sunt perlatae reliquiae, fuisse in ampulla sanguinem cum tenuissimis, aristarum instar, fragmentis ossium, visio ibi descripta declarat : quae postea tempore Wandalici belli per S. Gaudiosum episcopum, facta migratione, est translata Neapolim, ubi ad hanc quoque diem conspiciuntur condescare miraculis : eginus de his in Notis ad Romanum Martyrologium ¹. Extant duo libri de Miraculis in dicta Uzalensi Memoria ad reliquias ejusdem Stephani editis tunc cum agerentur, descriptis : qui quidem licet inscribantur nomine Evodii episcopi Uzalensis, et ita citari consueverint, sicut et nos citasse meminimus; tamen non ab ipso, sed ad ipsum potius scriptos, accuratus lector inveniet ² : caeterum scriptos fuisse constat ab aliquo ejusdem Ecclesiae clerico, atque ad omnes veritatis numeros elucubratis. Testatur et S. Augustinus de miraculis in eadem Memoria fieri solitis ubi primum ait ³ : « Apud Uzalam, ubi est episcopus frater meus Evodius, quanta miracula ibi fiunt, querite, et invenietis, etc. » Recitat ibi de matre rogante Protomartyrem pro filio absque baptismo defuncto, ad gratiam baptismi suscipiendam resuscitato. Et in libris de Civitate Dei ⁴ egregiam narrat historiam de clarissima femina, Petronia nomine, ab incurabili ulcere protinus libera reddita. Sed multo plura duobus illis libris complexus est auctor : in quibus quidem voluminibus praeter recensita ibi miracula, multa suppelant memoria digna vetera monumenta ; nempe inter alia illud, afferri et incendi solitos ad Memoriam martyrum cereos ⁵.

21. Insuper et illud quidem agit observatione dignum : cum sub altari sacra reconderentur reliquiae, fenestellam (ita enim nominat auctor ⁶) in eo fieri solitam ad hunc usum, ut per eam dimitterentur velamina, quae admovebantur capsulae, in qua sacra pignora clauderentur, quibus Deus ex virtute sacrarum reliquiarum multa soleret operari miracula. Quod enim hic habet auctor, « Fenestella », in literis Ilormisdæ Romani Pontificis (de quibus suo loco agemus inferius) « Foramen » appellatur, ubi agitur de altare S. Petri Apostoli, in quo non unum « Foramen » inerat, sed duo, superius et inferius; illudque extrinsecus positum, ad illud quod erat inferius, pervium : paucis autem, et non nisi pro magno munere atque gratia, ad secundum Foramen concedebatur demitti ad sanctificationem hauriendam velamina : cujus quidem usus plurima exempla suppetunt : sed de illis dicendum suis temporibus. Audi modo, quid de mutuo ex paralyti facto idem ibi auctor enarret : « Extens, inquit, sibi manicam tunicae suae, eo quod orarium non haberet, per fenestellam Memoriae ad inferiora loca sanctarum reliquiarum manu injecta mittebat, atque

exinde rursus dexteram reducens ori suo admovebat, et linguam contingendo paulatim nodos loquendi gratia fidei persolvebat, etc. » Illud etiam non praetereat, quod ibidem recensetur, solitum fuisse pulverem colligi qui adjaceret loco ubi sacra reliquia conderentur, eodemque curatos esse languores ¹. Ibidem et de oleo ² sanctificato ad curationem morborum testimonium habes, necnon usum sacrarum imaginum divinitus comprobatum ³.

22. Quod autem in eodem commentario, dum recensentur divina miracula in Megelia clarissima femina per reliquias Protomartyris impetrata, mentio fit ⁴ de Aviliano (ejusdem Megelitae sacero, homine idololatra : in eundem venit Avilianus ille aequè impius, cujus crudelitas nota facta est scriptis Severi in rebus gestis ⁵ S. Martini; num idem ille sit, cum nomine, moribus, et professione consentiant) : qui etsi tunc in Galliis ageret praefecturam, accidere tamen potuit, ut in adventibus Barbaris illas provincias (sicut de aliis pluribus vidimus) una cum suis ipse in Africam transmigraverit : certe quidem id asserere, nihil est quod repugnet.

23. Sed non praetereat, quod cum in eadem tractatione auctor ipso exordio haec proficitur : « Ipsorum quoque hominum verba, sicut ab eis dicta sunt, simpliciter ponere non debemus erubescere ». Observatione dignum esse, quod vox, « Dominus, et Domina », ab eodem aliorum verbis frequentius reperitur, eademque tributa clarissimis viris ac feminis, necnon etiam sanctis, ut ipsi sancto Protomartyri Stephano : nam ibi saepe, « Domina Megelia », saepius, « Dominus Stephanus », et illud, « Dominus meus Uzalensis », primarium virum loci illius intelligens : cum vero de Deo dicendum est, ipse non « Dominus », sed « Dominus » ponitur : ut appareat, usu loquendi, vocem « Dominum » tribui solitam Deo tantum, « Dominum » vero communem sanctis, vel clarissimis viris ac mulieribus, non episcopis solum, vel caeteris inferioris ordinis clericis, ut alii putaverunt : caeterum non id ipsum semper ubique, et ab omnibus observatum. At haec modo obiter observasse, et attigisse satis.

24. Sed quod jam diutius te detinui in Memoria Uzalensi, transeamus jam ad Calamensem secundam ordine temporis aedificatam, ac etiam ad Hipponensem; non quidem (quod nec de Uzalensi praestitimus) ut cuncta in eis miracula edita, victi eorum multitudine, recensere velimus, quod non valemus : nam S. Augustinus id sibi visus implere non posse, de iisdem Memoriae ista praefatur ⁶ : « Non hic possum omnia commemorare, quae scio : et proculdubio plerique nostrorum cum haec legent, dolebunt me tam multa praetermisisse, quae utique necum sciunt. Quos jam nunc, ut ignoscant, rogo, et cogitent quam profluxi laboris sit facere, quod me

¹ Die II. Aug. — ² Evod. I. I. c. 1. et 7. — ³ Aug. de divers. ser. XXXII. XXXIII. — ⁴ Aug. de Civit. Dei, I. XXII. c. 8. — ⁵ Evod. I. I. c. 2. 4. et I. II. c. 1. — ⁶ Eod. I. I. c. 12.

¹ Ibid. I. I. c. 12. — ² Ibid. I. II. c. 2. — ³ Ibid. I. II. c. 4. — ⁴ Ibid. I. II. c. 2. — ⁵ Sever. dialog. I. III. — ⁶ Aug. de Civit. Dei, I. XXII. c. 8.

hic non facere, suscepti operis necessitas cogit. Si enim miracula sanitatum (ut alia facerem) ea tantummodo velim scribere, quae per hunc martyrem, id est, gloriosissimum Stephanum facta sunt in colonia Calamensi, et in nostra: plurimi conficiendi sunt libri, nec tamen omnia colligi poterunt, sed tantum de quibus Ebelli dati sunt». Et paulo post de Calamensi Memoria: « Crebrius dantur », libelli scilicet miraculorum, « incredibili multitudine superant ». Eos scilicet, quos datos sciret libellos de Memoria Hipponensi, numero ferme septuaginta, absque aliis ibi editis miraculis, de quibus nullus scriptus libellus esset. De Memoria ejusdem Protomartyris ad Aquas Tibilitanas agens, magna populi multitudine dicit frequentatam fuisse; de qua haec obiter tantum: « Ibi caeca mulier, ut ad episcopum portantem sacra pignora duceretur, oravit: flores, quos ferebat, dedit, recepit, oculis admovit, protinus vidit: stupentibus qui aderant, praebat exultans, viam carpens, et viae ducem ulterius non requirens ». De Memoria vero Anduritana ista subjicit: « Puerum quemdam parvulum cum in area luderet, exorbitantes boves, qui vehiculum traherant, rota obriverunt, et confestim palpitavit exspirans: hunc mater arreptum ad eandem Memoriam posuit, et non solum revixit, verum etiam illaesus apparuit ». Subdit de quatuor aliis defunctis virtute ejusdem S. Stephani reliquiarum revocatis ad vitam: quae tantum miracula, omissis caeteris, hic describere sat erit: ait enim:

25. « Sanctimonialis quadam in vicina possessione, quae Caspaliana dicitur, cum aegritudine laboraret ac desperaretur, ad eandem Memoriam tunica ejus allata est: quae antequam revocaretur, illa defuncta est. Haec tamen tunica operuerunt cadaver ejus parentes: et recepto spiritu, salva facta est. Apud Hipponem Bassus, quidam Syrus ad Memoriam ejusdem martyris orabat pro aegrotante et periclitante filia, atque secum vestem ejus detulerat. Cum ecce pueri de domo cucurrerunt, qui ei mortuum nuntiarent. Sed cum, orante illo, ab amicis ejus exciperentur, prohibuerunt eos illi dicere, ne per publicum plangeret. Qui cum domum redisset, jam suorum ejulatus personantem; et vestem filiae, quam ferebat, super eam projecisset, reddita est vite. Rursus ibidem apud nos Irenaei ejusdem collectarii filius aegritudine extinctus est; cumque corpus jaceret exanimatum, atque a gemitibus, et plangentibus exequiae pararentur: amicorum ejus quidam inter aliorum consolantium verba suggestit, ut ejusdem martyris oleo corpus perungeretur: factum est, et revixit. Itemque apud nos vir tribunicius Elensinus super Memoriam martyris, quae in suburbano ejus est, aegritudine exanimatum posuit infantulum filium suum. Et post orationem, quam cum multis lacrymis ibi fudit, viventem levavit ». Ista ibi de quinque mortuis revocatis ad vitam: de alio vero in dicta Calamensi Memoria reddito item vitae idem superius agit; cui addit de alio ex morte animae (quod majus videri

potest) revocato ad vitam, et relato in gloriam sempiternam: reddamus hic ipsum:

26. « Fuit, inquit, ibi vir in ordine suo primarius, nomine Martialis, a quo jam gravis, et multum a religione abhorrens Christiana. Habebat sane fidulam filiam, et generum eodem anno baptizatum. Qui cum eum aegrotantem nullis et magnis precibus, et lacrymis rogarent, ut Christianus fieret: prorsus abiecit, eo quae a se turbida indignatione submovit. Vista est genero ejus, ut iret ad Memoriam S. Stephani, ut illic pro eo, quantum posset, oraret, ut Deus illi daret mentem bonam, quae credere non differret in Christum. Fecit hoc ingenti gemitu, et fletu, et sinceriter, ardente pietatis affectu. Deinde abscedens, aliquod de altari florum quod occurrit, tulit; eique cum jam nox esset, ad caput posuit. Tunc dormitum est: et ecce ante diluculum clamat, ut ad episcopum curreretur, qui mecum forte tunc erat apud Hipponem. Cum ergo audisset eum absentem, venire presbyteros postulavit. Venerunt, et statim se credere dixit. Admirantibus atque gaudentibus omnibus, baptizatus est. Hic quando vixit, in ore habebat, CRISTE, ACCIPE SPIRITUM MEUM: cum haec verba beatissimi Stephani¹, quando lapidatus est a Judaeis, ultima fuisse nosceret, quae huic quoque ultima fuerunt: nam non multo post etiam ipse defunctus est ». Prætermittimus (quod alio tendimus) alia tunc temporis miracula edita, ab eodem Augustino tum in libris de Civitate Dei, tum in sermonibus² recensita, in quibus de alio mortuo catechumeno ad vitam revocato agitur: ut plane numeres ex Augustino hunc temporis septem mortuos Stephani reliquiarum virtute revocatos ad vitam.

27. Huc accedant rebelles lumini, perfricta fronte Bagiomachi adversus sanctorum reliquias bella gerentes. Quid habent quod his juste possint objicere, quae a tanto viro conscripta, non in angulo, sed nota omnibus palam facta miracula, tum ad Gentiles confutandos habentur, tum pro concione populo praedicata? quae nec ex S. Augustino edita tantum habes, sed et ex duobus libris ad Evodium episcopum Uzalensem conscriptis quae et a Severo Minoricensi Ecclesiae episcopo, publica epistola eodem argumento toto orbe vulgata, quam suo loco inferius proditori sumus: adeo ut de veritate certa fide testata, omnique testificatione firmissime roborata, nulla vel levis quidem possit de mendacio suboriri suspicio. Plane videre tunc fuit Stephanum primarium Ecclesiae sanctae diaconum; more majorum, ex eminentiori suggestu Evangelium, quod omnes crederent, populo decantare, fidemque Catholicam et Apostolicam praeconeio nuntiare, eandemque sequentibus signis reddere obsignatam.

28. Sed quid? Edente rursus Stephano³ prodigia et signa magna in populo: renovantur rursus adversus eum ab impiis antiqua certamina: rursus

¹ Act. VII — ² Aug. de divers. ser. XXXI. XXXI. — ³ Act. VI. VII.

insurgunt synagogæ perfidorum, blasphemiam eum arguunt; iterum falsos subintroducunt testes: rapiunt iterum qui dissecantur cordibus adversarii, strident dentibus, continent aures, impetum faciunt, eijciunt extra civitatem, atque tandem blasphemiarum lapidibus obruunt: sed occidi non potest, qui regnare se virtute miraculorum ostendit in cælis. Cum semel impii occiderint corpus, non habent amplius quid faciant: jaclent hec furentes odio in caelum lapides; eosdem in suum ipsi caput excipient; quod scriptum sit¹: « Qui in altum mittit lapidem, super ejus caput cadet ».

Rogote, lector, perpende, quanto flagitiorum isti etiam æternis mancipatis supplicii, a Deo relictis, inferno addictis hominibus sint nequiores. Dixit unus ex illis²: « Si quis ex mortuis ierit ad eos, penitentiam agent »: unum mortuum revocatum ad vitam fidem certam facturum viventibus putans; istis vero nec satis sunt sex e mortuis excitati virtute reliquiarum Stephani Protomartyris. Sed roget Deum iterum pro deploratis his miseris Stephanus³: « Domine, ne statuas illis hoc peccatum »: (siquidem⁴ aquæ multæ non valent extinguere charitatem, nec flumina obruunt illam) ut potentissimis ejus precibus omnes ex Saulo⁵ convertantur in Paulum.

29. Sed missis his, jam reliqua prosequamur. Divisit namque ipse sanctus, quas ab Orosio accepit Augustinus reliquias Protomartyris Stephani, eisdemque alias ecclesiis impertivit: extat enim ejus Epistola⁶ ad Quintianum episcopum, qua significat eisdem ad ipsum reliquias mittere: de aliis autem alio missis, præter ea quæ dicta sunt superius, ignoramus. Cæterum qui perlaturus eas in Hispaniam Orosius accepit; cum licuit in eas reverti provincias, munus explesse suum certum est: de quo constat, navigatione appulisse in Minoricam insulam, ejusdemque loci episcopo Severo ex eis partem aliquam reliquisse. Sed de his suo loco inferius dicturi sumus.

30. *Innocentius papa Africam Ecclesiæ consulit, admonet per Epistolas Joannem episcopum Hierosolymitanum, solatur Hieronymum.* — Jam vero ad res Innocentii Romani Pontificis hoc anno gestas revocemus orationem. Cum enim scisset, in Africa ab episcopis quibusdam immeritis ordinari; his occurrens, scribens ad primalem totius Africae Aurelium episcopum Carthaginensem litteris⁷ conquestus est, datis hoc anno, quarto nonas Junii. Certe quidem magnam fuisse penuriam clericorum in Africa, quæ ex litteris ejusdem Aurelii superius dicta sunt, dum petit vel a Romana, vel Mediolanensi Ecclesia mitti in Africam sacerdotum ministros, satis ostendunt. Emendanda autem Epistola ipsa est in alterius consulum nomine, dum alius quam Theodosius Palladii collega ponitur. Elucet vero in ea Epistola Romani Pontificis erga omnes Ecclesias

cura propensior, cum et erga transmarinas quoque provincias pastoralis sollicitudine vigilet. Quo etiam anno idem Romanus Pontifex ad consultationes Decentii episcopi Eugubini respondit¹ de quibus a nobis superius alia occasione tractatum est.

31. Quod igitur summi munere Pontificii universum circumspicere Catholicum orbem, idem Innocentius papa Joannem Hierosolymitanum episcopum, Epistola ad eum scripta, redarguit de his quæ in familiam sanctarum Virginum Eustochii atque Paulæ junioris ab impiis impie fuissent admessa: quænam ista fuerint, ipsæ litteræ Innocentii ad ipsum Joannem scriptæ declarant, quæ sic se habent²:

« Dilectissimo fratri Joanni Innocentius. Directiones, cædes, incendia, omne facinus extrema dementia (clementia), generosissimæ sanctæ virginis Eustochii et Paulæ deploraverunt in locis Ecclesiæ tuæ perpetrasse diabolum: nomen enim hominis, causamque retinuerunt. Quod etsi ambiguum non sit, et a quo commissum: oportuit tamen custodire germanitatem tuam, et gregi illius sollicitus providere, ne quid hujusmodi oriretur, quod cum aliorum periculo tua accessit negligentia admittere in gregem Domini, et tales agnos, quos incendio, armis et persecutionibus nudas, debiles post suorum cædes et mortes vix vivere audivimus. Nihil movet pietatem illam sacerdotii tui de tanta diaboli in te atque in tuos potestate admessa: in te, inquam: prorsus enim sacerdotii gravitatem condemnat: tantum nefas in Ecclesia fuisse completum. Ubi provisiones tuæ? Ubi certe, si casus evenerant, auxilia, vel consolationes? Cum plus se adhuc metuere dicant, quam conqueruntur esse perpassas. Alius censerem, si essent aliquid de hac re mecum apertius collocaute. Vide, frater, antiqui hostis insidias; et spiritui boni rectoris pervigila, ut hæc quæ ad nos opinione magis, quam accusatione manifesta delata sunt, vel corrigantur, vel retundantur; ne jus Ecclesiasticum de labefactis causis eum qui non defenderit, præstare compellat ». Hæc ad Joannem Innocentius, cum idem Joannes suspitione conniventia de perpetrato scelere apud ipsum vehementissimè pulsaretur, quod sciret eum semper adversatum esse Hieronymo, eidemque sæpe ante negotium facessisse, sub cuius regimine sanctissima illæ feminae erant.

32. Suspicio, inquam, vehemens illa erat, quod cum ut dictum est, et ex litteris sancti Augustini superius declaratum) ipse Pelagium fovet quasi Catholicum, quem ante idem S. Hieronymus scripta Epistola ad Clesiphontem, et post absolutionem ejusdem Pelagii in Concilio Palæstino tribus dialogorum libris vehementer insecutus esset; vindictæ causa in Bethlehemiticum monasterium, ipsius nutu, ab impiis Pelagianis ea tam nefanda fuerint perpetrata, quorum gratia eadem sacræ virginis

¹ Ecd. XXVII. — ² Luc. XVI. — ³ Act. VII. — ⁴ Cant. III. — ⁵ Act. VII. — ⁶ Apud Aug. ep. CIII. — ⁷ Innoc. ep. XXX.

¹ Innoc. ep. XXIX. — ² Innoc. ep. XXIV. facta collatione cum alio scripto codice.

apud Innocentium Romanum Pontificem conquestæ essent. Sed prædicanda plane illarum modestia, cum sic delinquerent, ut lamen delinquentium nomina tacuisse voluerint : quod eadem quoque virtute S. Hieronymi præstifit in litteris eadem ex causa datis ad eundem Romanum Pontificem, ut idem Innocentius significat litteris eo argumento ad ipsum S. Hieronymum redditis, quæ sic se habent :

33. « Dilectissimo filio Hieronymo presbytero Innocentius episcopus.

« Nunquam boni aliquid contentionem fecisse in Ecclesia, testatur Apostolus : et ideo hæreticorum correctiones primum fieri jubet, magisque diuturna duci collatione. Quæ regula dum negligenter accipitur (aspicitur), matum non vitatur, quod cavendum est, sed augetur. Tamen quoniam dolor gemilusque tuus ita quatit viscera nostra, ut ratio non tractandi consulendique sit : primum constantiæ tuæ alloquor fidem : pro veritate quicquæ injuria, aut (ut dicis) periculo percellitur, qui expectat beatitudinem, nullis sæpe narrastis ; et tuæ verbis predicationis, te bene memorem admonemus. Hæc excitati tanta malorum scena, arripere auctoritatem Sedis Apostolicæ ad omne comprimendum nefas festinavimus : sed in quem insurgemus, nec nomine appellatum legimus, nec criminis aliqua ratione taxatum. Quod ergo possumus, condolemus. Si deposueris autem perptam manifestamque in homines aliquos accusationem : aut iudices competentes tribuam : aut si quid urgentius, sollicitiusque a nobis fieri potest, non retardabo, fili dilectissime. Tamen episcopo fratri meo Joanni scripsi, ut circumspectus agat : ne quid circa Ecclesiam sibi creditam adhuc tale aliquid fiat, quale prævidere, et propellere ne accideret, vel ne accidat, etiam ipsi sit et postea molestissimum ». Hucusque Innocentius ad S. Hieronymum.

34. Idem vero Innocentius papa ad Aurelium (episcopum Carthaginensem puto) cujus diligentia perlata ipsam S. Hieronymi litteras accepisset, ista paucis rescripsit ¹ :

« Dilectissimo fratri Aurelio Innocentius.

« Pissimum etiam ad nos perveniendi tuam affectionem bene compresbyter noster credidit Hieronymus. Compatimur gregis nostri membro : et quod faciendum duximus, vel facere potuimus, sumus velociter executi. Germanitas tua, frater carissime, citius litteras memorato reddere festinet ». Hæc Innocentius ad Aurelium, ad quem litteras superius recitatas Hierosolymam mittendas dedit.

Sæpe enim accidisse vidimus, ut ex Africa fideles navigarent in Palestinam : his vero temporibus Innocentius item nomine presbyter (ut indicant litteræ S. Hieronymi ad Augustinum ¹, de quibus dicemus inferius) eodem se contulit (1).

35. *Joannis supradicti obitus, et Praylii electio.* — At divini quidem dispensatione iudicii factum est, ut inter hæc ipse Joannes Hierosolymitanus episcopus ad Dei tribunal rationem de omnibus redditurus, ex hac vita morte subductus, se sistere cogereetur. Hoc namque anno eundem Joannem mortuum esse, inde perfacile intelligi potest, quod anno sequenti ejus in sede successoris sunt redditæ litteræ ad Romanum Pontificem, quibus inter alia significatur, jam ipsum Joannem haud recens esse defunctum. Temnit ipse sedem illam annis triginta : tot enim numerantur ab obitu S. Cyrilli ejus prædecessoris. Subrogatus vero in ejus locum fuit Praylius ; ita enim nominatus reperitur in litteris Zozimi papæ anno sequenti recitandis, sicut pariter nominat cum Theodoretus, dum ait ² : « Post Joannem illum admirabilem mortuum, Praylius, qui nomini suo pulchre respondebat (ob mansuetudinem scilicet) illius Ecclesiæ regimen cepisset ». Hæc ipse : ex quibus omnibus corrigendum est Nicephori Chronicon, ubi loco Praylii, legitur Paulinus Joannis successor : vel alii emendandi, qui pro Praylio dixerunt Cyrillum.

36. *Filiæ Arcadii omnes virginitatem sectatæ.* — « His consulis », inquit Marcellinus comes in Chronico, « Atlicus episcopus Constantinopolitanus scripsit ad reginas », filias scilicet Arcadii imperatoris, « librum de fide atque virginitate, opus valde egregium, in quo præveniens dogma Nestorii impugnavit ». Hæc ipse. Mira quidem res : filie ipse quatuor Arcadii imperatoris, Pulcheria, Placilla, Arcadia, atque Marina, omnes paribus votis excoluere cælibem vitam, virginitatem Deo dicantes, in palatioque perinde ac in monasterio monasticam vitam agentes : quarum omnium S. Pulcheria Augusta, et sanctitate, et prudentia præcipuum locum tenens, facta est cæteris sancti instituti auctrix, et moderatrix.

37. *Imperatorum rescripta in Gentiles et in Parabolanos.* — Rescripserunt hoc item anno imperatores adversus Gentiles his verbis ³ : « Qui profano Pagani rilus errore seu crimine polluuntur, hoc est, Gentiles, nec ad militiam admittantur, nec administratoris, et iudicis honore decorentur. Dat.

¹ Hier. ep. LXXIX. — ² Theod. I. v. c. 27. — ³ L. XLII. de Pagau. C. Theod.

(1) Epistolæ Innocentii ad Aurelium, Hieronymum, et Joannem Hierosolymitanum datæ sunt A. D. 417, ut probat Constantius in Monito prævio ad has Epistolæ § 11, pag. 905. Ex Epistola ad Aurelium non satis constat, Hieronymi, Eustochii, et Paulæ ad Innocentium litteras ab Aurelio Romam perlatas fuisse, sed ut perferretur Aurelium operam dedisse ; ita Constantius in notis ad Epistolam Innocentii ad Aurelium pag. 907.

In Epistola ad Joannem Hierosolymitanum Baronius legit : « Et tales agnos, quos incendio, etc. nudas, » perinde ac si vox *nudas* sit secunda persona *verbi nudo*. Constantius pag. 909, ex veterum codicum auctoritate ita exhibet : « Quod cum aliorum periculo tua accessit negligentia admittere in gregem Domini : et tales agnas, incendio, armis, et persecutionibus, nudas, debiles, post suorum cades et mortes, vos vivere audivimus ».

VII id. Decemb., D. N. Theodosio VII et Palladio cons. » Quam justo Pci iudicio factum appareat, ut Gentiles, qui sibi in Atlale imperium vindicare studuerant; iidem ab omnibus excluderentur magistratibus atque militia.

38. Quod rursum spectat ad imperatorum rescripta hoc anno data: Theodosius imperator ad reprimens Alexandrinos tumultus, quos anno superiore diximus excitatos, edidit sanctionem. Quod enim sciret corpus eorum qui adscripti erant agrotantium cura, in numerum haud mediocre exercuisse, nec contemnendae audaciae esse, eosdemque omnes adversus praefectos studere Cyrillo, de his rescripsit ad Monaxium ¹ praefectum praetorio, illud admonens, ne corpus illud excederet numerum quingentorum, eosdemque non ex divitibus, sed pauperibus allegendos; quos et vetuit publicum quodlibet adire spectaculum, neve ad curiam accederent, nisi singuli, et urgente necessitate. Haec omnia cum hoc anno cavenda imperator indixerit; certe quidem non alimde, quam ex superioris anni tumultibus ista ipsa sanxisse putatur.

Vix enim credi potest, quae essent vires episcoporum Alexandriae, cum illis ipsi homines faverent, quos idem imperator nominat Parabolanos tum in praesenti edicto hoc anno dato, tum in alio sub duodecimo Honorii consulatu edito ². Fuisse autem hos minoris ordinis clericos affectos, exordium dati hoc

anno rescripti insinuare videtur, in quo ista verba leguntur: « Placet nostrae clementiae, ut nihil commune clericis cum publicis Actibus, vel ad curiam pertinentibus habeant ».

39. Caeterum quod ad ipsum nomen spectat, consentiunt recentiores, vocem hanc, Parabolanos, vel, ut habet Julius Firmicius, Parabelarios, sive Barabolos, ut habet Socrates, et ex eo Cassiodorus, a voce graeca παραβολος derivari, qua significatur homo ad subvertenda pericula praecipit, quales putabantur qui cura omnis generis agrotantium, pestis quoque tempore, praesent. Verum quod ex claritate ejusmodi primo manavit officium, qua nulla major videri poterat, cum poneret quis animam suam pro amicis suis, transivit in factionem, cum iidem pro episcopis pugnatu i, negotium facessero quoque praefectis; cuius avertendae rei causa Theodosius, anni superioris (ut vidimus) malis admonitus, ea adversus ejusmodi genus hominum statuere opus habuit. Qui ergo dissidia anni superioris inter Orestem praefectum, et Cyrillum Alexandrinum episcopum ignorarunt, quorum causa haec sanxita esse noscuntur, pariter hallucinatos esse oportuit in ejusdem sanctionis interpretatione. Rescripsit vero postea idem Theodosius ³, ut iidem qui sub numero quingentorum fuerant sua sanctione restricti, quod cura infirmorum non satis esse viderentur, ad sexcentos exerescerent, quibus in omnibus praesent episcopus Alexandrinus. Sed de his haec tenemus.

¹ L. XLII. de Episc. et cler. C. Theod. — ² L. XLIII. de Episc. et cler. C. Theod.

³ L. XLII. de Episc. et cler. C. Theod.

1. *Quindecennalia Theodosii jun.* — Coss. *Theodosius Aug. VII et Junius Quartus Palladius*, ut appellatur in Edicto recitato a Baronio anno cxxx, num. 4, ubi tamen vitiosa interpunctio *Junium Quartum* distinguit a *Palladio*, ut tunc videbimus. Fuit is praefectus praetorio Italiae et proconsul Africae Honorio imperante, ut haec ex prosopographia Codicis Theodosiani, ideoque et consul Occidentalis. Theodosius vero ob *decennalia* imperii mortuo patre suscepti Constantinopoli exhibita, consul pro-

cessit.

2. *Pelagius in Synodo Carthaginiensi ab Herote et Lazaro accusatus.* — A num. 1 ad 16. Orosius initio praesentis anni e Palaestina in Africam navigavit. Avitus enim apud Baronium anno cxxxv, num.

3, ait, eum ad reditum jam accinctum fuisse, quando sancti Stephani protomartyris Reliquiae detectae sunt, die scilicet xvii mensis Decembris, « in diebus ipsis, quibus iam ipse (nempe Orosius) reditum incredibili desiderio parabat ». Litteras ab Herote et Lazaro episcopis Gallis, quae gesta in Synodo Diospolitana declarabant, detulit, et Africae proconsularis episcopis, qui ipso tempore consulam ac solemnem Synodum Carthagine agebant, exhibuit. Convenerant ad hanc Synodum episcopi lxxvii, qui lectis iis, quae *ante ferme quinque annos* contra Caestium statuta fuerant, et gestis in Palaestina sedulo consideratis, Pelagii ac Caestii personae parcentes, horum errores anathemate confixerunt. *Heros et Lazarus* coram isto Concilio instaurandum esse judi-

cum duxerunt, quia cum juxta canones Antiocheno major Synodus minorem discutere debeat. « Certum est, inquit Marca in Dissert. de veter. collect. Canonum cap. 14, Pelagii causam vel apud Orientis universi exarchium, Antiochenum episcopum, agenda fuisse, vel sane apud Romanum Pontificem, cum causa communis esset et universalem Ecclesiam contingeret. Hoc ergo consilium ceperunt, *Hieronymo* sine dubio auctore, ut per *Orosium* presbyterum in Africam redeuntem episcopos Africanos litteris monerent, de gravi discrimine in quo vera fides versabatur ob *Pelagii* absolutionem præpropere et præpostere factam. Sed ne contulere Carthaginem, tum quia eorum præsentia necessaria non erat, cum rei absentes essent, tum quia ex ægritudine nondum erant restituti. Quo alludit *Zozimus* papa cum illis exprobrat iratus quod otiosi et delicati in lectulis suis resedissent.

3. *Synodus Carthaginensis et Mileritana Pelagium damnandum censuere.* — « Adeunorum Africanorum hic color fuit, quod ea causa ante quinquentium adversus *Cælestium* ea decrevisset, quæ absolutione Pelagii subverti videbantur. Veritatis ergo Christianæ luende, suique decreti propugnandi causa in hæresim istam Carthagine Synodus coacta sub *Aurelio* inquisivit, et statim ejus exemplo Synodus quoque Numidiæ Milevi habita, cui interluit *Augustinus*. Utraque Synodus, discusso negotio relationem misit ad *Innocentium* papam, ut ipse sua auctoritate firmaret quod episcopi censuissent de damnando Pelagio et Cælestio eorumque hæresi. Non dissimulanda est, subdit Marca, que in contrarium promi potest objectio, episcopis Africanis nihil compellisse juris in *Pelagium*, nec retractando ejus absolutionis, quam impetraverat a Synodo Diospolitana, in quam Concilium Carthaginense nullam poterat exercere jurisdictionem. Hoc quidem ultimum certum est, cum illa jurisdictione soli Antiochenæ, vel Apostolicæ Sedi competeret.

4. *Temperamentum a Patribus Carthagin. et Milevit. in hoc damnatione adhibitum.* — « Attamen cum de *Cælestio* iudicium olim suscepisset Carthaginensis Synodus, poterat in correum ejusdem criminis *Pelagium*, ne continentia causæ divideretur, inquirere et constituere quid agendum videretur, præcipue enim de fide mota esset questio, quæ omnes langit, et cujus conservandæ sollicitudo omnibus episcopis imposita est. Sed observandum est temperamentum quod prudenter et necessario adhibent in dijudicando negotio. Refertur ad papam *Innocentium*, ut ipse summè o jure decerneret. Prorsus eo modo se gesserunt, quo solebant præsides Provinciarum agere erga principem, ad quem graviores et difficiliores causas referebant, sententia sua ad eum cum libis actis transmissa, antequam litigatoribus pronuntiaretur, ut princeps aut decerneret ipse, aut quid decernendum a preside, rescriberet. Extant tituli de *relationibus* et *consultationibus* in Corpore juris, et earum usus apud Plinium, quæ duplex illud nomen sortite, quia referebatur ad

principem, et ipse consulebatur. Relationum quoque Synodicarum Orientis et Occidentis ad Romanam sedem exempla supersunt, de quibus lib. 1 de Concordia sacerdotii et imperii cap. 10.

5. *Utraque Synodus in hac causa eodem modo se gerit.* — « Quare expendenda sunt Synodi Carthaginensis verba, censuimus hujusmodi persuasivis auctores, Pelagium et Cælestium anathematizari oportere. Definiunt, quid agendum videatur, sed non pronuntiant: id summæ sedi reservant, cujus auctoritas per universam Ecclesiam expansa porrigitur. Quod docent verba sequentia: Hoc itaque gestum, domine frater, sanctæ charitati tuæ intimum duximus, ut statulis nostræ mediocritatis etiam Apostolicæ Sedis adhibeatur auctoritas pro tuenda salute multorum, et quorumdam etiam perversitate corrigenda. Eodem lendit Synodica Concilii Milevitani, quæ episcoporum culpæ imputandum fore ait, si quæ sunt suggerenda Sedi Apostolicæ pro Ecclesiæ commodo, tacuerint. Quapropter de nova hæresi ad Innocentium rescribunt, ut ipse pastorem diligentiam magnis periculis adhibeat: Quia te Dominus gratiæ suæ præcipuo munere in Sede Apostolica collocavit, talemque nostris temporibus præstitit, ut nobis potius ad culpam negligentiae valeat, si apud tuam venerationem, quæ pro Ecclesia sunt suggerenda, lacuerimus, quam ea tu possis vel fastidiose, vel negligenter accipere, magnis periculis infirmorum membrorum Christi pastorem diligentiam, quæsumus, adhibere digneris. Nova quippe hæresis et nimium perniciosa tentat assurgere inimicorum gratiæ Dei ».

6. *Utramque causam ad Sedem Apostolicam refert.* — Hanc Marca sententiam divus Augustinus in Epistola centesima octogesima sexta, alias cxi, ad Paulinum episcopum Nolanum anno sequenti data extra controversiam ponit. Nam de Pelagianis loquens, ait: « Misæ sunt itaque de hac re ex duobus Conciliis Carthaginensi et Milevitano, relationes ad Apostolicam Sedem, antequam gesta Ecclesiastica, quibus apud episcopos provincie Palæstinæ Pelagius perhibetur esse purgatus, vel in manus nostras, vel in Africam pervenissent. Scripsimus etiam ad beatæ memoriæ papam Innocentium præter Conciliorum relationes, litteras familiares, ubi de ipsa causa aliquanto diutius egimus. Ad omnia nobis ille rescripsit eodem modo, quo fas erat atque oportebat Apostolicæ Sedis antistitem; » ubi loquitur Augustinus de tribus Innocentii papæ Epistolis, de quibus sermo est, quæ inter Augustinianas sunt clxxxi, clxxxii et clxxxiii. Blondellus in lib. contra primatum Ecclesiæ pag. 285 et seqq. mirum in modum se torquet, ut ostendat ex hoc episcoporum Africanorum erga Romanum Pontificem agendi modo inferri non posse hunc ab eisdem tanquam supremum et universalem Ecclesiæ Pastorem agnitionem fuisse. Verum ictum decliare non potest; cum ea in re jure quodam supremo Pontifex Romanus uteretur, et ad ejus Sedem episcopi relationes mitterent, tanquam ad eam, in qua residebat principatus

Sedis Apostolicæ, ut etiam ex iis quæ ipsemet refert, demonstrari potest. Sed hæc de re mox plura.

7. *Nulli Canones in Synodo Milevitana II conditi sunt.* — In Collectione Conciliorum referuntur Acta Synodi Milevitane II cum Præfatione his verbis inepta: «Gloriosissimis imperatoribus Arcadio et Honorio Augg. viris clarissimis coss. VI kalend. Septemb. etc.» Verum hæc est Præfatio Synodi Milevitane primæ anno cdu sub illo consulatu habite. Sequuntur postea canones xxvii, quorum plures adversus Pelagianos editi sunt, octo scilicet priores. Sed, ut Baronius anno cdu, num. 55 observavit, nulli in ea Synodo canones contra Pelagianos statui potuerunt, cum eo tempore eorum hæresis nondum innotesceret. Præterea recte monet ibidem Baronius, farraginem illam xxvii canonum unius Synodi Milevitane inscriptorum, ad diversa Concilia Africana pertinere. At quod hoc anno num. 3 habet, partem Præfationis et viii priores Canones esse Synodi Milevitane II, subsistere non potest; illi enim Canones in Collectione Africana, excepto solo canone xxiii, diversis aliis Conciliis tribuuntur, recteque scripsit Garnerius in dissert. n de Synodis in causa Pelagian. præter Epistolam Synodicam nihil Synodi Milevitane II remanere, et canones istos eo nomine tantum vocatos esse: propter solam veteris collectoris præiudicatam auctoritatem. Addit Schelstraius in dissert. m de Ecclesia Africana cap. 11, Patres Milevitani in sua ad Innocentium I Synodica duo tantum hæresis Pelagianæ capita retulisse, non octo, subdentes reliqua quæ ad *Pelagium* spectant, ex Synodica Carthaginiensi Pontificem posse cognoscere. Denique Em. card. Norisius l. 1 Hist. Pelag., c. 10, pluribus ostendit, octo illos Canones contra Pelagianos adscribi non posse Synodo posteriori Milevitane.

8. *Quod ex D. Augustino probatur.* — Augustinus enim docet quidem Pelagianos decreto utriusque Synodi damnatos fuisse, sed nunquam asserit aliquos de Gratia canones in eisdem conditos. In Epistola clxxvii, alias xcv: «De Conciliis duobus, inquit, provincia Carthagenensis atque Numidiæ, ad tuam sanctitatem a non parvo episcoporum numero subscriptas literas misimus contra inimicos gratiæ Christi». Quod si canones de Gratia condidissent, eorumdem mentionem fecissent Aurelius aliique tres cum Augustino episcopi in ea ad Innocentium Epistola. Rursus Epistola clxxviii, alias xciv, ad Hilarium, Augustinus ait: «Jam enim, cum ista scriberem, cognoveramus in Ecclesia Carthaginiensi adversus eos episcopalis Concilii conditum fuisse decretum per Epistolam sancto et venerabili papæ Innocentio dirigendum, et nos de Concilio Numidiæ ad eandem Apostolicam Sedem jam similiter scriperamus». Antea præmiserat hæc verba: «Nova quadam hæresis inimica gratiæ Christi conatur exurgere, sed nondum evidenter ab Ecclesia separata est». Porro decretum Carthaginiensis Concilii, ibi ab Augustino laudatum, in hæc

verba in Epistola Synodali conceptum legitur: «Id communi deliberatione censuimus, ut huiusmodi persuasionis auctores, quamvis ad presbyterium idem Cælestius postea pervenisse dicatur, nisi hæc apertissime anathematizaverit, ipsos anathematizari oportere, ut si ipsorum non potuerit, saltem eorum qui ab eis decepti sunt, vel decipi possunt, cognita sententia, quæ in eos lata est, sanitas procuretur. Hoc itaque gestum, domine frater sancte, charitati tuæ intimandum duximus, ut statutis nostræ mediocritatis etiam Apostolicæ Sedis adhibeatur auctoritas». Ex quibus constat Africanos, nullos de Gratia canones statuisse, sed Pelagianos in palinodiam errorum canerent, a fidelium communione removendos duxisse. Et tamen octo illi Canones a Baronio his Synodis provincialibus Africæ deputati anathemate sigillatim clauduntur, ut jam ea sentientes, quæ per illos damnantur, *evidenter ab Ecclesia separati* appareant, cuius tamen oppositum contigisse Augustinus Hilario per litteras testatus est. Idem Augustinus in Epistola ad Paulinum clxxvii, alias cvi, ait: «Missæ sunt itaque de hac re ex duobus Conciliis, Carthaginiensi et Milevitano relationes ad Apostolicam Sedem». Quare Africani nullos canones condidere, sed integram Pelagianorum causam ad Romanam Ecclesiam detulere, ut supra ostendimus. His addit Card. Norisius, Cælestinum papam, ut vulgo putant, in litteris ad Gallicanos episcopos cap. 10, scribere: «Illud etiam quod intra Carthaginiensis Synodi decreta constitutum est, quasi proprium Apostolicæ Sedis amplectimur», statimque *Cælestinus* subiungit, quosdam canones Milevitano Concilio a Baronio attributos, qui tamen Carthaginiensi ibidem adscribuntur, et quidem Plenario ex universa Africa coacto.

9. *Synodus Milevitana II fuit Provincialis.* — Hanc secundam Synodum *Milevitana* non fuisse Concilium generale, quod arbitratur Baronius fuisse primum Milevitana, ut videre est anno cdu, n. 54, liquet ex epigraphe Epistolæ clxxvi, alias xci, inter Augustinianas, quam Milevitani Concilii Patres ad Innocentium papam scripsere. Quod si Canon xxvi inter Milevitanos, *De velandis virginibus in casu necessitatis*, citetur tanquam Milevitana a Synodo Turonensi II, inde tantum inferri potest auctorem farraginis anteriorem fuisse Synodo Turonensi. Imo Ferrandus in Collectione canonum tit. 30, recitat canonem illum, quo vigente necessitate virginis consecratio ante annum xxv permittitur, appellatque non Synodum Milevitana, sed Carthagenensem, licet inter Canones Milevitanos sit xxvi; est autem Canon xviii Synodi Carthagenensis anno cxxviii celebratæ, et recte ab eodem Ferrando, uti Canon xviii ejusdem Concilii adducitur. *Ferrandus* vero anno dxxviii, viginti scilicet aut circiter annos ante celebrationem Concilii Turonensis II, adhuc in vivis erat. Denique versus Prospere in Carmine de Ingratis, quibus dicitur, hæresiarchas *gemino cætu* damnatos fuisse, quos Baronius de isto Concilio Carthaginiensi et Milevitano II, num. 8, interpretatur

de duabus Synodis anno cxxviii adversus Pelagianos habitis intelligendi sunt, ut eo anno videbimus.

10. *Epistola quinque episcoporum ad Innocentium non est Synodica.* — Præter Synodicas Conciliorum Carthaginensis et Milevitanæ Epistolas, præsules quinque Africani, scilicet Aurelius, Alypius, Augustinus, Evodius, ac Possidius, aliam communi nomine eidem Innocentio Epistolam scripsere, qua totam Pelagii causam uberius apud illum exposuere, asserentes ipsius Innocentii præsertim interesse, huic tanto malo meliori; propterea quod in Urbe plurimi essent Pelagiani dogmatis sectatores. Garnerius loco laudato existimat, hanc Epistolam datam esse in tertio Concilio incerto loco hoc anno celebrato, quod Marius Mercator in Commonitorio a se Theodosio Augusto oblato, de damnatione Pelagii et Cælestii scribat: « Et autem a sancte recordationis Innocentio damnarentur, talis exitit causa. Post Romanæ Urbis vastationem in Palestina degebat Pelagius. Inventi sunt a quibusdam studiosis episcopis libri ejus, in quibus multa et varia adversus fidem Catholicam conscripta esse videntur. Ili cum litteris in Africam Patribus et episcopis missi sunt; ubi tribus Conciliis congregatis, memorati lecti sunt libri. Exinde relationibus Romam missis, qui quoque libris pariter destinatis, Apostolica sententia rescribentis ad prædicta Concilia emanavit, quæ eodem ipsos Cælestium, Pelagiumque Ecclesiastica communione privavit; quorum scriptorum exemplaria habemus in manibus. Verum tria illa Concilia alia non sunt, quam Carthaginense anno cxxii habitum, et Carthaginense ac Milevitanum II hoc anno celebrata, ut Quesnellus tom. II Operum S. Leonis Magni in Dissert. 13. et Schelstratius in Dissert. 3 de Ecclesia Africana cap. II jam observarunt. Licet enim prior illa Synodus relationem ad Innocentium non miserit, ejus tamen gesta ab altera Carthaginensi directa sunt ad eundem, ut clare habetur in utraque Synodica: « Unde factum est », inquit Carthaginensis hoc anno coacta, « ut recensendum putarem, quid ante ferme quinquennium super Cælestii nomine hic apud Ecclesiam Carthaginensem fuerit agitatum: quo recitato, sicut ex subsequentiibus advertere poterit sanctitas tua, quamvis iudicatio manifesta constaret, etc. » Idem habet Synodus Milevitanæ II. Imo Augustinus in Epistola ad Valentinum cxxv, alias XLVII, eam Epistolam, non Synodicam, sed *Familiarem* appellat, dum Valentino ejusque monachis legendum perscribit: « Quod scriptum est ad papam Innocentium Romanæ Urbis episcopum de Concilio provincie Carthaginensis; et de Concilio Numidiæ, et aliquanto diligentius a quinque episcopis, etc. »

11. *Sed tantum Epistola familiaris.* — Et manifestum in Epistola cxxxvi, alias cvi ad Paulinum num. 2, ubi ait: « Scripsimus etiam ad beate memorie papam Innocentium, præter Conciliorum relationes, litteras familiares, ubi de ipsa causa aliquanto diutius egimus ». Quare cum Epistola illa

non sit Synodica, sed *familiaris*, commentitia est Synodus illa. Hinc recte observat Quesnellus citatus, eam Epistolam ubique et in excusis et in Mss. Codicibus familiarem Epistolam inscribi, ut etiam nos ipsimet vidimus in variis Mss. præsertim in Victorino, ubi inter Epistolas Innocentii primi habetur cum hac inscriptione: *Epistola familiaris quinque episcoporum.*

12. *Rescriptum Innocentii ad Synodicas Patrum utriusque Concilii.* — Ad laudatas Epistolas Synodicas Conciliorum Carthaginensis et Milevitanæ II, et Epistolam familiarem quinque episcoporum, rescripsit Innocentius papa VI kalend. Februarii, Honorio et Constantio coss., die scilicet xxvii mensis Januarii sequentis Christi anni. Hæc ejus verba, quæ Marca laudatus recte interpretatus est: « Inquirendo de his rebus quas omni cum sollicitudine decet a sacerdotibus, maxime a vero iustoque et Catholico tractari Concilio, antiqua traditionis exempla sectantes, et Ecclesiasticæ memores disciplinæ, vestræ religionis vigorem non minus nunc in consulendo, quam antea cum pronuntiaretis veneratione firmatis, qui ad nostrum referendum approbastis esse iudicium, scientes quid Apostolicæ Sedi (cum omnes hoc loco positi ipsum sequi desideremus Apostolum) debeatur, a quo ipse episcopatus et tota auctoritas nominis hujus emerit ». Ex duplici capite, inquit Marca, eus Innocentius laudat, tum quod olim in hæc causa pronuntiasset, nempe adversus Cælestium, tum quod nunc venerationem debitam Sedi Apostolicæ conservet, eam consulendo, et omnia ad ejus iudicium referendo. Quam quidem venerationem etiam cum adversus *Cælestium* pronuntiaret, custodisse testatur Innocentius. Quod significat eadem sententia constitutum, ut Gesta ad Sedem Apostolicam mittentur pro more in causa communi totius Ecclesiæ observari solito; quem a Diospolitaniis iudicibus omissum miratur Innocentius, ut statim patebit. Referendo autem ad Sedem Apostolicam, « Patrum instituta » custodisse illos asserit, « quæ illi non humana, sed divina decrevit sententia, ut quidquid quamvis de disjunctis remotisque provinciis ageretur non prius ducerent finendum, nisi ad hujus Sedis notitiam perveniret, ut tota hujus auctoritate justa quæ fuerit pronuntialio firmaretur, indeque surmeret cæteræ Ecclesiæ quid præcipere, et quid vitare deberent ».

13. *In utroque Concilio hæresis damnata, sed sententia non promulgata.* — Et autem manifestum sit, discussam fuisse ab episcopis questionem, hæresim quoque damnatam, sed notidum promulgatam sententiam, quæ decreto Sedis Apostolicæ procul dubio egebat, ut omnes teneret, addit: « Cretores igitur, fratres carissimi, quod per fratrem et coepiscopum nostrum Julium litteras ad nos destinatis; et cum pro illis curam geritis quibus prædictis Ecclesiis, sollicitudinem vestram pro omnium utilitate monstratis, et per cunctas totius orbis Ecclesias quod omnibus prosit decernendum esse una deposcitis; ut suis constabilita regulis Ecclesiæ, et

hoc quod illos caveat, pronuntiationis iuste firmata decretalibus parere non possit, qui perversis instructi, imo destructi verborum argutiis, sub imagine catholicae fidei disputantes totam veri dogmatis quarunt evertere disciplinam ». Qui locus integer describendus fuit, ut ostenderetur, rem discussisse, et quid decernendum esset ab Innocentio p-possisse, ut universa Ecclesia generali constituto stabiliretur. Interim corrigenda sunt verba, quae in omnibus exemplaribus perverse leguntur, et sic reponendum : « Ut suis constabilita regulis Ecclesia, et habeat quo illos caveat, et pronuntiationis iuste firmata decretalibus parere non possit iis, qui etc. » Ceterum quemadmodum decreta principis dicebantur, quae cognitione habita controversiam dirimebant, sic quoque Romani Pontifices sua rescripta, quibus aliquid in perpetuum et generaliter constituebatur, *decreta* et *decretalia* vocare. Unde Siricius in Epistola ad Himerium ait, missa ad provincias a Liberio praedecessore suo generalia decreta. Et idem Innocentius *decretalia constituta* appellat. Haec Marce, sed locus quem corrigi, purus legitur in Codice Canonum Romanae Ecclesiae cap. 7 his verbis : « Ut suis constabilita regulis Ecclesia, et quo illos caveat pronuntiationis iuste firmata decreto, talibus parere non possit, qui perversis etc.

44. *Explicantur Gemadius auctor libelli Pontificalis et Possidius.* — Ex hac egregia Marce observatione facile est explicare locum Gemadii in lib. de Viris illustr. qui doctorum virorum ingenia forsit : « Innocentius », inquit Gemadius cap. 43, « Urbis Romanae episcopus scripsit decretum Occidentalium Ecclesiarum, et Orientalium adversus Pelagianos datum, quod postea successor ejus papa Zozimus latius promulgavit », ut habent vulgatae Gemadii editiones, quae cum nihil corruptae viderentur, scripsi ad eruditissimum Bernardum Montfauconum, a quo propellam habebimus novam et accuratam editionem Operum sancti Athanasii ; rogavi, ut locum illum conferret cum veteri Ms. suae Bibliothecae Sangermaensis, qui respondit, ita in eo legi : « Innocentius Urbis Romae episcopus. Scripsit decretum Occidentalium et Orientalium Ecclesiis adversus Pelagium datum. Post quem successor ejus papa Zozimus latius promulgavit » ; ita enim Antiqui interpunctionibus loca distinguebant. Haec verba legens Baronius num. 44, putavit *Innocentium* praeter litteras adversus Pelagianos ad Africanas Synodos datas condidisse etiam *decretum* contra eosdem, quod postea Zozimus ad universos orbis episcopos direxit. Verum E. card. Norisius laudatus cap. 2 hanc sententiam refellit, quod hujus decreti nunquam mentionem fecerit Augustinus. Is Epistola laudata ccxv, alias xlvi, scribit ad *Valentinum*, mittere se omnia decreta in causa Pelagianorum, ibique numeral tres Afrorum Epistolae, itemque tria *Innocentii* ad eosdem rescripta ; rursus Concilii Africani litteras ad Zozimum datas, ejusdemque ad universos episcopos rescriptum ; ubi altum de hoc asserto *Innocentii* decreto silentium. Sed nec pu-

tantum est, idem decretum ab Innocentio morte praevento non fuisse publicatum, quod postea *Zozimus* praeslitit ; etenim cur *Zozimus* initio Pelagianis credebatur ? Et quidem cum *Caelestius*, fraudibus per Africanos palam nondum factis, iterum a *Zozimo* audiretur, Pontifex Innocentii tantum litteras ad Carthaginensem et Milevitanam Synodum objecit. Augustinus enim lib. 2 de peccat. Orig. cap. 7, testatur Zozimum instasse Caelestio, « ut Sedis Apostolicae litteris, quae a sanctae memoriae suo praedecessore manaverant, praeberet assensum ». Sane Innocentii *Decretum* Zozimus Caelestio opposuisset, si in Ecclesiasticis scriiniis illud invenisset. Quare Card. Norisius, licet laudatum Marce opusculum non videret, recte concludit, *Gemadium* nomine *Decreti* illud tantum intellexisse dicendum esse, quod in memoratis Innocentii litteris ad Africanos Patres contra Pelagianos statutum fuerat.

45. *Rejicitur explicatio Garnerii.* — Garnerius tamen qui etiam illud Opusculum non legerat, in dissert. iv, quae est de subscriptionibus exactis in causis Pelagianorum cap. 6, et in dissert. ii, Baronii opinionem amplectitur, atque *Decretum* illud, de quo Gemadius, non differre a constitutione, de qua loquitur Prosper contra collatorem cap. 10, ubi pro canonibus Africanis scribit : « Cum ducentis quatuordecim sacerdotibus, quorum constitutionem contra inimicos gratiae Dei totus mundus amplexus est veraci professione, etc. » Eamque constitutionem eam ipsam censet Garnerius, quae Patres Africani apud Prosperum loco citato dicunt : « Constitimus in Pelagium atque Caelestium per venerabilem episcopum Innocentium de beatissimi Apostoli Petri Sede proklam manere sententiam, donec apertissima confessione fateantur, etc. » Denique ait Garnerius, *Decretum* Innocentii a Tractoria Zozimi in eo tantum fuisse diversum, quod illud pressius, ista latius doctrinam Catholicam contineret. Verum haec similesque conjecturae ex dictis variè esse demonstrantur, tique non solum *Gemadium* ; sed etiam Auctorem libri Pontificalis, et Possidium in Vita sancti Augustini de litteris decretalibus ab Innocentio papa datis intelligendos esse. In Libro Pontificali ubi de Innocentio papa agitur, habetur : « Ille constitutum fecit de omni Ecclesia » ; in Vita vero sancti Augustini cap. 18, Possidius de Innocentio et Zozimo, qui Pelagianos damnarunt, loquens, ait : « At illi tanta sedis antisites, suis diversis temporibus eosdem notantes, atque a membris Ecclesiae praecedentes, datis litteris et ad Africanas Occidentis, et ad Orientis partis Ecclesias, eos anathematizandos, et devitandos ab omnibus catholicis censuravit » ; ubi vides Possidium, quod Gemadius *Decretum*, et Auctor libri Pontificalis constitutum vocant, *litteras* appellare, easque tam in Africam quam in Orientem missas esse, discrete asserere.

46. *Innocentius a qua Pelagianum damnavit et ejus auctores a communi ne separavit.* — Porro *Innocentius* post longam disputationem duo quaedam constituit, rescriptis suis ad Synodum Cartha-

ginensem et Milevitanam II datis; ac primum quidem nefarium dogma Pelagii condemnat, ut regulæ fidei contrarium: « Quisquis ergo huic assentientis videtur esse sententiam, qui dicit adjuviorio nobis non opus esse divino, inimicum se Catholicæ fidei et Dei beneficiis profiteretur indignum », inquit in Epistola ad Synodum Carthaginiensem. Deinde auctores hæreseos a communione separat, donec resipiscant, quos nominatim appellat in rescripto ad Concilium Milevitanum: « Quare Pelagium Cælestinumque, id est, inventores vocum novarum, quæ, sicut dicit Apostolus, iudificationis nihilum, sed magis vanissimas consueverunt parere quæstiones, Ecclesiastica communione privari Apostolici vigoris auctoritate censemus, donec resipiscant a diaboli laqueis a quo captivi tenentur secundum ipsius voluntatem, eosque interim dominico ovili non recipi, quoad ipsi perverse viæ, quam secuti sunt, fratem deserere voluerint ».

17. *Innocentius quinque episcopis quid responderit.* — Quia vero Aurelius, Alypius, Augustinus, Evodius, et Possidus episcopi Epistola familiarium eum monuerant, *Pelagii* causam a pluribus in Urbe foveri, et Diospolitana Synodum ab eo delusam ambigua gratiæ significatione, adijcientes quoque consilium suum, ut aut *Pelagium* evocaret Romam, aut cum eo litteris ageret, ut responderet quam intelligeret gratiam, huic Epistolæ respondit Innocentius, ut refert Marca, nescire se an in Urbe sint, qui *Pelagii* doctrina faveant, saltem latere, nec sumilia jactare. Quod attinet ad purgationem Pelagii in Oriente actam, habere se quidem ait gesta Episcopalia a laicis hominibus ad se perlata, sed dubitare an vera sint. « quos nulla sub illius Concilii prosecutione venerunt, nec eorum aliquas accepimus de hac re litteras, apud quos istius rei iste præstitit causas. Quod si de sua illa potuisset purgatione confidere, hoc magis credimus quod egisset quod multo verius esse poterat, ut illos cogeret Epistolis suis quid judicaverant indicare ». Nullam Aetorum Synodi Diospolitane rationem habet, quoniam episcoporum relatione (ut debuit eum de causa communi ageretur) de his certior factus non esset. Præterea vero hanc adjungit causam, nempe quod ex gestorum lectione pateat, iudicibus subreptum fuisse per cavillatorias Pelagii responsiones; atque adeo « aliqua magis falsis argumentis, inquit, quam vera ratione, ut ad tempus videri poterat, purgavit, alia negando, alia falsa interpretatione vertendo ». Quare recte concludit, ne iudicium gravitatem ledat, nec suæ auctoritati detrahat, totumque damnationis pondus refundat in reum: « Unde non possumus illum nec approbare nec culpæ iudicium (quod aliqui in ejus potestate situm erat, qua statim utitur) eum nesciamus utrum vera sint gesta, aut si vera sunt, illum constet magis subderfugisse, quam se tota veritate purgasse ». Illum itaque non habet pro absoluto et purgato ab accusatione, quam episcopi Gallicani instituerant, etsi a Synodo Diospolitana absolutus fuisset.

18. *Pelagium Romam cur evocare voluerit.* — Noluît autem Innocentius *Pelagium* evocare Romam, aut eum eo per litteras agere, ut monchant quinque episcopi, sed suo ipsius libro convictum communionem privavit. Nefas putabit aliquis et alienum a iudiciorum ordine, inauditum hominem damnare. Sed si quis expendat veterem usum, inveniet sceleris alicujus, homicidii puta, per testes convictum, statim communionem abstentum, nulla admonitione prævia, qua vocaretur ad se purgandum; ut censura illa coactus, ad episcopum accederet, aut innocentiam suam probaturus, aut confessione crimen agnosceret, beneficium penitentiæ petiturus. Quod tanto accuratius observandum erat in hæreseos crimine, quanto diligentius est huic morbo occurrendum. Recte itaque et juxta vetustum illum morem subjungit Innocentius de Pelagio loquens: « Qui si confidit, novitque non nostra dignum damnatione quod dicit jam hoc se totum refutasse quod dixerat, non a nobis accessiri, sed ipse debet potius felinare, ut possit absolvi », scilicet ab excommunicatione, qua nunc illum *Innocentius* percellit, non ab aliqua anteriore, quam Baronius comminatur hoc anno num. 13, et anno eodem, num. 26. Ex his quæ retuli, patet, primam, quæ Pelagio illiata est, damnationem ab Apostolica Sede processisse. Addo etiam ab eadem sede primum Pelagii atque Cælestii illius discipuli dogna proscriptum, tanquam fidei Catholicæ contrarium, generali decreto, uti ex eodem Marca anno eod. num. 14 et seq. explicavimus.

19. *Synodus Romana sub Innocentio fictitia.* — Garnierus tres has litteras ab *Innocentio* in Africam missas, in Synodo aliqua Romana ab eo coacta, datas fuisse putavit in dissert. *de Synodis* in causa Pelagianorum habitis, hoc fundamentum mixus, quod prædecessoribus sive successoribus ejus solemne fuerit decretis Epistolas de dogmatibus præsertim, in Concilio scribere, et inde in universum orbem mittere. Has litteras etiam in Synodo Romana scriptas existimat Marca lib. 7 de Concordia cap. 12, num. 5. Sed quia hujus Synodi Romæ nullus antiquorum ineminit, neutri hac in re assentio; cum Augustinus lib. 4 ad Bonifacium cap. 12, respondens ad Pelagianos, qui postquam a *Zozimo* damnati fuissent, provocabant ad Concilium, tradat: « Aut vero congregatione Synodi opus erat, ut aperta perniciis damnaretur: quasi nulla hæresis aliquando nisi Synodi congregatione damnata sit: eum potius rarissima inveniantur, propter quas damnandas necessitas talis extiterit. Mulloque sint atque incomparabiliter plures, quæ ubi extiterunt, illic improbari damnarique meruerunt, atque inde per cæteras terras devitande innolescere poterunt ». Imo ipsi Pelagiani, postquam ab *Innocentio*, et postea a *Zozimo* hæretici declarati sunt, de Romanis clericis tantum questi inveniuntur, ut videre est apud Augustinum lib. 2 ad Bonifacium cap. 3 et 4.

20. *Moritur Joannes episcopus Hierosolymita-*

mus. — Ad num. 35. *Joannes* episcopus Hierosolymitanus, ad quem hoc anno Augustinus Epistolam scripsit, de qua anno superiori num. 19 egimus, mortuus est, postquam sedisset annos triginta, non vero annos xvi, ut perperam habet Nicephorus in Chronico, et *Prullium* seu *Prayllium* successorem habuit. Dies emortualis *Joannis* a nullo Veterum notatus; de ejus libris legitur Labbeus in Dissert. de Script. Eccl.

21. *Theodosius Parabolatorum audaciam reprimit.* — Ad num. 37 et seqq. Theodosius jun. *VII idus Decemb.* dedit legem 21 Cod. Theod. *De paganis*, qua militia, et administratione, omnique judicis potestate Gentiles arceat, licet a Constantini Magni temporibus ad hæc usque, et ad militiam et ad summas imperii, Palatiique dignitates admissi fuissent. Jam ab anno cxxvii, *Honorius* per Occidentem Catholicæ secte inimicos, non hæreticos tantum; sed et Paganos intra palatium et inter scholas palatinas et domesticos militare prohibuerat, ut suo loco ostendimus. Ad hæc *III kal. Octob.* Theodosius dedit legem 42 Cod. Theod. *De episcopis*, qua ad reprimidum *Parabolatos*, eosque in quiete confinendos, illis vetat ne sese publicis actibus miscant, jubet ut divites eligantur, et eorum numerum coarctat. Erant porro *Parabolati* de clericorum numero, deputati ad curanda debilia agra corpora. Cui constitutioni occasionem præbuit legatio curiæ Alexandrinæ, ut præter hanc legem doceret etiam leg. 15 Cod. Theod. *De legatis*, hoc anno data. Petierant illi legati, ut episcopus Alexandrinus aliquo non exiret de Alexandrina civitate, ut ejus presentia eos in officio retineret. Verum *Theodosius* illud remedium inutile judicavit, et ad frenandam eorum audaciam præfata statuit. Eo enim audaciæ jam processerant, ut publicos actus et curiales interventus suo turbarent, et quo vellent etiam verterent in curia Alexandrina et in plebe. Qua de re legendus Gothofredus in ejus legis Commentario. Huic tamen legi Theodosius anno cxxxviii, lege 43 Cod. Theod. *De episcopis* in aliquibus capitibus derogavit. Porro occasione *quindecennialium* Theodosii ea legatio Alexandrinorum facta, et utraque lex ab eo emissa.

22. *Ludi ob Attalum devictum Constantinopoli editi.* — Auctor Chronicæ Alexandrinæ sub hujus anni eoss, scribit: « Celebrati sunt ludi theatrales ab editore Urso præfecto Urbi ob victoriam de Attalo tyranno reportatam mense Dæcio, IV kalendas Julias. Acti item ludi equestres in circo ob eandem victoriam mense Panemo, nonis Julii. Eodem anno

Dominus Theodosius junior Heraclea Constantino-polim reversus in foro Theodosiano aurea corona ab Urso præfecto Urbi et Senatu, mense Septembri, pridie kalendas Octobris, die Sabbati ornatus est ». Ex quibus liquet, Attalum hoc tantum anno Honorio traditum fuisse, ut anno superiori ostendimus, ubi et diximus hoc etiam anno pacem Romanos inter et Gothos sancitam, Placidiamque Honorio Augusto ejus fratri redditam. Theodosius aurea corona ornatus est ob sua *quindecennialia*, indeque in lege 15 citata *De legatis* coronarii anri præstationi a curia Alexandrina formam certam præstituit; aurum enim coronarium ad imperatores per legatos mitti solebat, ut testatur Ammianus de Tripolitanis lib. 28, et quidem annis, quibus hujusmodi solemnia exhibebant, ut innumeris exemplis liquet.

23. *Wallia Gothorum rex pro Romanis militat.* — Hlafius in Chronico anno Abrahami mcccxxxiii, qui kalend. Octobris hujus Christi anni incipit, scribit: « Wallia rex Gothorum Romani nominis causa intra Hispanias cæles magnas efficit Barbarorum ». Wallia enim quando Placidiam reddidit, et pacem pepigit cum Honorio, « Romanæ securitati periculum suum obtulit; ut adversus cæteras gentes, quæ per Hispanias consedisset, sibi pugnet, et Romanis vinceret, etc. Itaque nunc quotidie apud Hispanias geri bella gentium, et agi strages ex alterutro Barbarorum (æmpe Vandolorum et Suevorum) crebris certis que nuntiis discimus; præcipue Walliam Gothorum regem insistere patrandæ paci ferunt », inquit Orosius in fine suæ Historiæ anno sequenti ab eo publicatæ. De gestu a Wallia in Hispaniis loquitur Sidonius in Panegyrico Anthemii, postea imperatoris Occidentis, dum laudat *Ricimerem* Anthemii generum, patre Suevo, matre Gotha Valliæ regis filia natum. Hoc enim vers. 360 canit.

Nam patre Suevus,
A genitrice Gothos, simul et reminiscitur illud,
Quod Tarassiacus avus hujus Vallia terris
Vandalicas turmas, et juncti Martis Alanos.
Stravit et occiduum texere cadavera Calpen.

Calpe a perisque creditur esse hodierna *Gibraltar* in ora freti Herculei posita. Valesius tamen in Excerptis ex Nicolao Damasceno pag. 72, existimat, eam urbem esse que nunc *Carteja* vulgo appellatur, sita in monte Calpe, unde et conjunctum Calpe Carteja appellatur in itinerario Antonini. Que urbs fuerit *Taressus*, parum liquet, ut ibidem apud Valesium videre est.

INNOCENTII ANNUS 16. — CHRISTI 417.

1. *Pelagii litteræ ad Innocentium papam sese dolose excusantis.* — Quadringentesimus decimus septimus Christi annus Honorio Augusto undecimus, et Constantio secundum consulibus aperitur: Quo Pelagius hæresiarcha, cum accepisset non esse receptam ab Innocentio Romano Pontifice purgationem suam habitam in Concilio Palæstino, vel priori apud eum adstrictum teneri damnatione; ut eum ipse ad Innocentium papam litteras dedit, quibus profiteretur, se vere esse Catholicum. Dedit et alias de hoc ipso Praylius Hierosolymitanus, quibus legitime factam Pelagii purgationem significaret. Adjectum, ut una cum his mitteretur Romam, qui æque esset hæresis infamatus Cælestius ejus discipulus suam causam acturus, suosque accusatoris ad Sedis Apostolicæ judicium, quasi calumniis exagilatus, provocaturus; quo declararet se non aliter credere, quam quod Catholica teneret Ecclesia. Quantum autem opinari licet cum his omnibus, et ad hæc omnia videtur etiam legatus fuisse Palladius Galata episcopus Helenopolitanus, quem Pelagius fuisse, testificatione S. Hieronymi superius dictum est. Ipse enim Palladius in dialogo quem scripsit de rebus S. Joannis Chrysostomi, ipso ejus exordio de se testatur, venisse Romam sub Zozimo papa. Sed agamus de singulis eodem quo gesta sunt ordine, atque in primis de ipsis ad Innocentium papam Pelagii litteris hoc ipso anno e Palæstina, ubi debebat, datis.

2. Quod enim ipse Pelagius Hierosolymis habitare tandem elegerit: illud animi ejus consilium fuisse creditur, ut ibi moraretur, quo ex toto orbe Christiano concurrerent gentes, ut ibi errores docens, universam simul totius orbis Ecclesiam maculare. Sed quod ad datas ab eo litteras ad Romanum Pontificem pertinet: S. Augustinus earundem litterarum Pelagii Romam ad Innocentium papam missarum crebrius mentionem habens, tempus quo dedit, exacte significat, dum eas scriptas ad Innocentium tradit, acceptas autem, eo tunc defuncto, ab ejus successore Zozimo, hoc nempe anno, quo Innocentius (ut dicemus) ex hac vita decessit. Ipse igitur agens contra eundem Pelagium in commen-

tario de peccato originali, hæc inter alia¹: « Quomodo autem Pelagius obrepere tentaverit ad fallendum etiam Apostolicæ Sedis episcopale judicium, in hac ipsa questione de Baptismate parvulorum diligenter attendite. In litteris enim, quas Romam misit ad beate memorie papam Innocentium: quoniam eum in corpore non invenerunt, et S. papæ Zozimo datæ sunt, atque ad nos inde directæ: dicit se ab hominibus infamari, quod neget parvulis baptismi sacramentum, etc. » Fuisse quidem eam Pelagii Epistolam apologeticam pro sui defensione, et excusatione, idem Augustinus inferius declarat illis verbis²:

3. « Ita ejus verba Romam pro magna ejus purgatione transmissa, tam sunt ambigua, ut possint eorum dogmati præbere latibula ». Idemque rursus Augustinus in libris ad Albinum, et Pinianum atque Melaniam datis de Gratia Christi, earundem Pelagii litterarum frequenter meminit: imo et alligasse eidem Epistolæ fidei suæ confessionem, declarat his verbis³: « Ut ergo hæc interim omittam: nempe ipse Pelagius, et litteras nuper, et libellum Romam suæ fidei misit, scribens ad beate memorie papam Innocentium, quem defunctum esse nesciebat ». Hæc ipse. Porro eundem libellum, seu confessionem Pelagii, nos tandem nacli describemus inferius opportuniori loco. Sed et ex S. Augustini etiam recitatis superius verbis facile intelligi potest tempus ipsum, quo ad Albinum et socios libros illos conscripsit, nempe anno sequenti, ut suo loco dicemus: reliqua autem de Praylii episcopi Hierosolymitani Epistola ad Innocentium papam, et Cælestio ad eum veniente, agemus inferius, cum de Zozimo papa, qui Innocentio successit, erit sermo. Interea vero de ipsius Innocentii obitu, qui intercessit, agamus.

4. *Innocentii Papæ obitus, decreta et res gestæ; ubi de Epistolis Basilii ad Innocentium.* — Hoc igitur anno, quinto kalendas Augusti idem Innocentius papa diem obiit, cum sedisset annos quindecim, mensem unum, et dies decem: ea enim die finem

¹ Aug. de pecc. orig. c. 17. — ² Aug. c. 21. — ³ Aug. de Grat. Chr. l. i. c. 30.

imposuisse presenti vite, non solum liber de Romanis Pontificibus tradit, sed et Romanum Martyrologium fidem facit, dum eadem ipsa die celebrat ipsius ad Deum transitum. Quod autem revera hoc anno ipse Innocentius mortuus sit, adversus assertionem eorum qui cum anno superiori defunctum volunt : istud quidem evidenter demonstrant litteræ ejus hoc anno datæ sub dictis consulis Honorio atque Constantio ad Concilium Milevanum ¹ sexto kalendas Februarii, quarum ante meminimus. Accedit præterea Marcellini comitis auctoritas, qui sub hujus anni consulis collocait Zozimum Innocentio subrogatum. Porro hunc nimis prætergressum esse annum Innocentium, litteræ Zozimi papæ datæ hoc anno manifeste declarant. Rationem vero temporis sedis ipsius Innocentii ex dictis superius in ejusdem ingressu facile colliges, intelligesque omni ex parte constare, quam nuper certo annorum, mensis, et dierum numero consignavimus.

5. Antequam autem ad ingressum Zozimi deveniamus, quæ de eodem Innocentio scripta feruntur, absque tamen temporis nota hic ex more reddenda pulavimus. In libro enim de Romanis Pontificibus hæc in primis de eo habentur : « Hic constitutum fecit de omni Ecclesia, et de regulis monasteriorum, et de Judæis, et Paganis ». Quod hic dicitur, « Constitutum de omni Ecclesia », idem est, ac decretum ad universalem Ecclesiam spectans : et illud ipsum putamus, cujus Gennadius his verbis meminit ² : « Innocentius Urbis Romane episcopus scripsit decretum Occidentium Ecclesiarum et Orientalium adversus Pelagianos datum : quod postea successor ejus papa Zozimus kalendis promulgavit ». Hæc ipse. Porro cætera decreta de regulis monachorum, Judæis atque Paganis, desiderantur. Subditur vero ibi : « Multos Calaphrygas invenit, quos in exilio monasterii relegavit. Hic invenit Pelagium et Cælestium hæreticos, et damnavit eos ; et hoc constituit, ut qui natus fuerit de Christiana, demum nati debeat per baptismum, hoc est, baptizari : quod Pelagius damnabat ». Hæc ibi : sed perperam quidem dicta esse videri possunt, si ipsum Pelagium auscultemus, etenim suis ad Innocentium litteris conquestus est, quod de his calumniose infamaretur : recitat ejus verba S. Augustinus, quæ sunt hujusmodi ³ : « Dicit se ab hominibus infamari, quod neget parvulis baptismi sacramentum, et absque redemptione Christi aliquibus colorum regna promittat. Sed non sic illis hæc obijciuntur, ut posuit : nam neque parvulis negant baptismi sacramentum, neque absque redemptione Christi aliquibus colorum regna promittunt. Haque inde se queritur infamari, eo modo proposuit, ut facile possit crimini obiecto, salvo suo dogmate, respondere. Obijciuntur autem illis, quod non baptizatos parvulos nolunt damnationi primi hominis obnoxios confiteri, et in eos transisse originale peccatum re-

generatione purgandum ». Hæc Augustinus eademque sæpe in eo libro, quem ad Allinum scripsit de Gratia Christi ⁴. Quod ergo ibidem dicitur, negasse Pelagium baptismum infantum ; sic illud accipiendum est, quod si non verbis, reipsa tamen damnasse videri poterat, dum peccatum negat originale ; cujus rei gratia necessarium etiam infantibus baptismum esse, Ecclesia semper tenuit, et Innocentius decreto firmavit.

6. Rursum vero de eodem Innocentio ubi supra : « Eodem tempore dedicavit basilicam sanctorum Gervasii et Prothasii, ex devotione testamenti ejusdam illustris femine Vestine, laborantibus presbyteris Ursicino et Leopardo, ac diacono Libiano. Quæ femina suprascripta testamenti paginam sic ordinavit, ut basilica sanctorum martyrum ex ornamentis, et margaritis venditis justis estimationibus construeretur : et constructa est usque ad perfectum. Quo in loco beatissimus Innocentius ex delegatione illustris femine Vestine titulum Romanum constituit, et in eadem domo obtulit patenas argenteas duas, pensantes singulas libras viginti, etc. » Pergit recensere alia sacra vasa et fundos ac domos eidem titulo adscriptos. Quod vero ibi subjicitur : « Hic constituit sabbato jejunium celebrari : quia sabbato Dominus in sepulcro positus est, et discipuli jejunarunt » : non sic quidem accipiendum est, ut hujus decreti auctoritate jejunii sabbati ipse auctor fuerit Innocentius : sed quod de his rescripserit ad Decentium episcopum Eugubinum, qui jejunii sabbati causam edoceri, datis litteris, expetierat. De eodem hæc ibi etiam ⁵ : « Hic constituit basilicam S. Agnetis martyris a presbyteris Leopardo et Paulino sollicite ac digne gubernari et legi et ornari » : et paulo post : « Hic fecit ordinationes quatuor in Urbe per mensem Decembrem, constituit presbyteros triginta, diaconos quindecim, et episcopos per diversa loca quinquaginta quatuor » : hæcenus de rebus ab eo gestis ibidem recensitis.

7. Ad cæterum vero illa explodenda est de Innocentio vulgata nonnullorum credulitas ex temporum ratione non adhibita male parta, qua feruntur duæ quæ extant S. Basilii Epistolæ ad Innocentium quemdam scriptæ, ad hunc ipsum Romanum Pontificem esse datæ. Quas quidem litteras germanas esse S. Basilii non negaverim ; sed ad alium potius Innocentium episcopum esse scriptas, ipsa temporis diversa ratio palam facit : cum longe post obitum S. Basilii scelere cœpisse Innocentium, certum sit. Sed ut hæc cuncta facilius innotescant, et unde errandi occasio sumpta sit appareat, eandem hic Epistolam reddere hand otiosum putamus : prior autem sic se habet :

8. « Basilis Innocentio episcopo. Quem vero alium par erat, et timidus fiduciam afferre, et dormientes excitare, quam tuam, qui dominus noster es, sanctitatem? Qui perfectionem tuam in omnibus hæc quoque in re demonstrasti, quod sustinueris

¹ Innoc. ep. xxxii. — ² Gennad. de Vir. illust. c. 43. — ³ Aug. de ser. ser. c. 17.

⁴ Aug. de Grat. Chr. c. 30. 31. — ⁵ Innoc. ep. xxxix. c. 681. Rom.

submittere te nobis qui abjecti sumus. Dignatus es enim tu quoque ministrare nobis spiritualem jucunditatem, et præclaris literis animos nostros recreare, et tanquam puerorum infantiam magnitudinis tue ulnis excipere. Petimus igitur a bono animo tuo : ut preceris, ut nos quoque digni simus, qui percipiamus a vobis, qui magistri estis, utilis : accipiamus os, et sapientium, ut audivimus respondere vobis, qui agimini a Spiritu sancto : cujus te amicum esse, et discretionem ejus habere veram audientes, magnas gratias agimus de tua erga Deum firma et constanti charitate : orantibus ut pars nostra reperiatur una cum veris adoratoribus, quorum e numero persuasum habemus esse perfectionem tuam. Idque ut ita sit oramus magnum illum et verum episcopum, qui omnem terram sui adoratione complevit, Dominum nostrum ». Hactenus prior Epistola : quæ cum adeo submissivo animo a Basilio scripta appareat, qui erat archiepiscopus Cappadocæ, inde oborta est opinandi occasio, ut non ad alium quam ad Innocentium Romanum Pontificem potuerit esse data. Posterior autem, quæ sequitur, his verbis concepta legitur :

9. « Innocentio episcopo Basilius ¹. Quanta sum affectus lætitia, postquam litteras charitatis tue accepi; tantum ex eo molestiam cepi, quod nobis curas graves et super vires nostras imposeris, quomodo in tanto locorum intervallo a tanto gubernatoris munere salvi evadere possimus. Nam dum vos Ecclesia habet, tanquam in propriis fundamentis conquiescit. Sed si Dominus aliquid de vita vestra disponderet : quos vobis æquiparandos hinc fratrum curam mandare posset, id quod per litteras postulasti? Prudenter profecto dum vivis, cum videre cupiens, qui post te electum Domini gregem rector sit : quod beatus Moyses optavit et vidit. Postquam igitur et locus magnus et fama celebris est, et opera tua nota, et tempora difficilia indigentia magno gubernatore ob continuas procellas et fluctuationes Ecclesie imminentes : haud tutum animæ meæ futurum esse existimavi, si hoc munus negligenter et perfunctorie caperem; eorum præsertim quæ scripsisti, recordatus, quod scilicet coram Domino tu mihi diem de neglectu Ecclesiarum dicens, contra me staturus es. Itaque ne tuum iudicium ingrediar, sed potius te defensionis meæ consortem coram Christo inveniam; totum presbyteratus in urbe concessum pertrans, pretiosum vase selegi, hominem scilicet quondam nepotem beati illius Hermogenis : qui in magno Concilio egregiam et ineffabilem fidem scriptis tradidit, Ecclesie multis annis presbyterum, honestis moribus compositum, canonum peritum, accuratum in fide, commendatum et continentia ac exercitatione usque ad hæc tempora vitam ducentem : et si quod roboris in corpore supererat, summa vite duritie perdomuit : qui ita mendicus est, et omnis in terra facultatis expertus, ut nec pane quidem abundet, nisi

quantum ejus et fratrum qui cum eo sunt, manibus cistis contendo, sibi suppeditet. Hunc ad te mittere in animo habeo, si nunc tali viro et tibi sit opus, et non alio quopiam juniore, qui ad mittendum huc atque illuc, necnon ad alios usus vite necessarios exequendum aptus sit.

10. « Propterea quamprimum dabitur occasio, mihi scribere dignaberis; et hunc virum Dei electum muneri peragendo idoneum, conversationibus reverendum, cum mansuetudine docentem ad te mittam : quem etiam statim mittere potuissem, sed quoniam tu preveniens, virum in aliis quidem probum, et nobis etiam, a prædicto autem multo difficiliorem efflagitasti, meam opinionem tibi apertam facere volui; ut si tali viro indignus, aliquem vel ex fratribus, qui cum his jejuniis diebus suscipiant, mittas; vel si non habes qui via usque ad nos labores sufferre valeat, nobis scribas ». Hactenus Basilius ad Innocentium episcopum.

11. In primis vero, quod ad Basilius pertinet, nulla debet esse dubitatio hunc esse Basilius Casariensem episcopum : nam de Hermogene mentionem habet, quem ejusdem civitatis Casariensis episcopum fuisse, idem Basilius Casariensis in suis Epistolis (ut quarto Annalium tomo dictum est) asseverat : Innocentium vero alium puto fuisse ex episcopis Cappadocæ eidem Basilio subditis ætate, et sanctitate venerandum, qui probatum aliquem ad se mihi presbyterum rogavit eundem Basilius, ut munere chorepiscopi ipsi in functionibus episcopalibus adjutor accederet, qui post obitum ejus in sedem successor eligi posset. Cujus autem civitatis Innocentius iste episcopus fuerit, haud nobis compertum satis habetur : scimus tamen Basilius sedis tempore vixisse Innocentium, ad quem alia ejusdem S. Basilius extat Epistola ¹. Meminit et S. Athanasius in Epistola ad Palladium de Innocentio in Cappadocia viro insigni, necnon de ipso Basilio episcopo Casariensi : ut plane in eam sententiam adducar, non alium illum esse Innocentium, quam cum ad quem S. Basilius dictas scribit Epistolas.

12. *De Augustini Epistola ad Paulinum.* — Hoc ipso tempore post obitum Innocentii papæ, antequam crearetur ejus successor Zozimus, vel decreta Innocentii adversus Pelagium promulgarentur, S. Augustinus ad Paulinum episcopum adversus ejusdem Pelagii errores conscripsit : hunc fuisse S. Paulinum Nolanum, idem Augustinus in commentario de Bono perseverantia ad Prosperum, et Hilarium expresse testatur, cum ejusdem suæ ipsius Epistolæ meminit ² : id ipsum de Paulino Nolano affirmat S. Prosper ³, cum recenset ejusdem Augustini lucubrations adversus Pelagianos editas, et inter alia dictam ad Paulinum Nolanum Epistolam. Quod autem post obitum Innocentii hoc tempore data fuerit, illud certum est argumentum, quod ejusdem Innocentii mentionem faciens, beatæ me-

¹ Basil. ep. 111. in addit. — ² Aug. de bono persever. l. 1. c. 21.—

³ Prosp. cont. Collat. prope fin.

¹ Ex Cod. Card. Sirelli manuscripto.

morie Innocentium nominali. Sed quod nondum creato Zozimo successore id acciderit, inde perspicue etiam poteris intelligere, quod cum Apostolica Sedis decreta adversus Pelagium recenset, non nisi de ipsius Innocentii litteris ad Africanos episcopos redditus meminit; haud dubium dicturus de ejusdem Innocentii novissimo decreto sancito et per Zozimum promulgato, si id factum scivisset, quod maxime ad rem, de qua ageret, necessarium esse videret. Reddam autem ipsius ad Paulinum hic verba¹: « Missae sunt itaque haec de re ex duobus Conciliis Carthaginiensi et Milevitano relationes ad Apostolicam Sedem, antequam Gesta Ecclesiastica, quibus apud episcopos provinciae Palaestinae Pelagius profiteretur esse purgatus, vel ad manus nostras, vel in Africanam pervenissent. Scripsimus etiam ad beate memoriae papam Innocentium, praeter Conciliorum relationes, litteras familiares, ubi de ipsa causa aliquanto diutius egimus. Ad omnia nobis ille rescriptis eodem modo, quo fas est atque oportebat Apostolicae Sedis antistitem. Quae omnia modo legere poteris, si eorum forte ad te vel nulla, vel non cuncta pervenerant: ubi videbis, servata erga hominem moderatione quae debuit, ne damnaretur, si prava damnaret; ipsum tamen novellum et perniciosum errorem sic Ecclesiastica auctoritate compressum, ut multum miremur esse adhuc quosdam, qui per quemlibet errorem gratiae Dei coentur obsistere ». Haec ipse.

13. Quod vero de his Augustinus Paulinum pulaverit esse monendum, haec inferius sui instituti rationem afferit his verbis: « Quod propterea commemoravimus, quoniam quidem apud vos, vel in vestra potius civitate (si tamen verum est quod audivimus) tanta pro isto errore quidam obstinatione nituntur, ut dicant, facilius esse ut etiam Pelagium deserant atque contemnant, qui haec sentientes anathematizavit, quam ab hujus sententia, sicut eis videtur, veritate discedant ». Haec ipse. Sed unde ista contagio serpsit in Nolanam Ecclesiam? Inde quidem, quod antequam Pelagius palam detegeretur haereticus, insinuaverat se in ejusdem Paulini amicitiam, a quo et ut Dei servus, quem prae se ferebat verbis et habitu, amabatur, ut ejusdem Augustini Epistola ipsius exordio docet. Quin etiam ad ipsum Paulinum Pelagius Epistolam dedit, sed qua ipse videri posset esse Catholicus, ne a tanto viro ut haereticus rejiceretur: etenim ipse Pelagius in libello, quem nuper ad Innocentium papam pro sua defensione dedit, haec inter alia scripsit: « Legant, inquit, illam Epistolam, quam ad sanctum virum Paulinum episcopum ante duodecim fere annos scripsimus, quae trecentis fere versibus nihil aliud quam Dei gratiam et auxilium confitetur, nosque nihil omnino boni facere posse sine Deo ». Haec Pelagius, quae recitat Augustinus² in commentario ad Albinum et socios de Gratia Christi.

14. Caeterum haec adversus Pelagium ad Paulinum visus est Augustinus scribere voluisse, non quidem ipsius Paulini causa, tanquam illis indigeret, quem sciret probe Catholicum et veritatis Catholicae propagatorem; sed ad convincendos eos qui Pelagii errores mordicis defendendis susceperunt; id fortasse etiam ipso Paulino poscente. Etenim de fide impolluta Paulini haec idem sanctus Augustinus ad eum¹: « Oremus ergo pro illis, sancte frater: cernis quippe nobiscum quam malo errore teneantur. Fragrant enim Epistola tua odore suavissimo Christi, ubi germanissimus gratiae ipsius dilector et confessor appares. Sed quod diu tecum de hac re loquendum putavimus: Primo, quia jucundissimum est, fecimus: quid enim debet esse jucundius vel infirmis gratia qua sanantur, vel pigris qua excitantur, vel valentibus gratia qua juvantur? Deinde, ut si quid nostra disputatione, Deo adjuvante, possemus, tua non fides, sed fidei contra tales adminiculetur assertio: sicut nos quoque in hac facultate tuae germanitatis litteris adjuvamus, etc. » Laudat insuper Paulinum idem sanctus Augustinus, quod scriptis suis adversus Pelagianos errores sit firmus assertor Catholicae veritatis. At de Paulino haec tenus.

15. De Valeriano Pelagiano Eusebius monet *Cyryllum*. — Inter haec autem cecidit, ut Valerianus quidam nefandissimus Pelagianus ex Occidente migravit Alexandriam: ut cum ibi qualis esset, minime perspectus haberetur, securius degens, insinuaret se Cyrylli Alexandrini episcopi amicitiae: cujus rei causa Eusebius quidam (pato Cremonensem illum S. Hieronymi scriptis haud modice illustratum) ut hominem egeret, ad ipsum Cyryllum ejusmodi Epistolam dedit²:

« Bonino sancto, omnique honore colendo ac beatissimo papae Cyryllo Eusebius in Christo frater.

« Gratias egi Deo meo, quod beatitudinis tuae dulciora melle epistolaris officii eloquia promerui: quia percipienti retinere dignatus es, domine sancte, omnique honore colende beatissime papa. Unde quaeso, ut libenter meae parvitatibus suscipere sermonem digneris; et libertatem, quam in fide Christi habere videmur, superbiam non reputes. Alexandria sedes, ex quo Christi nomen universo orbi innotuit, praeter ceteris provinciis, semper Italiae Christi gloriose colatissimae cognoscitur. Quomodo nunc, cum beatae memoriae Innocentius Pelagium, Caesariensiumque cum suis capitibus condemnans, eunctis eos abiecientibus Orientalibus, Alexandria Ecclesia in communionem receperit, quae sola et prima inter comprovinciales suos tales refutare debuerat? Sed ille est pesifer, de quo sanctitudini tuae ante munus scripseram, signifer et confoderatus eorum Valerianus ventriloquus, qui gula operam praebens, quicquid otiosum suae adulationis iuveniret, ibi sanctos ac fidelissimos nuntiavit. Sed non

¹ Aug. ep. cvl. — ² Aug. de Gral. Christi, l. 1. c. 55.

¹ Aug. ep. cvl. — ² Ex eod. Card. Sirelli manuscript.

illam liberum putet tua beatitudo : servus est Ariminensis possessionis illustrissimi Valerii concilis : quem propter reverentiam tui amoris, repellendum a te, interim fieri solumus. Magis orare pro nobis dignare, et tales a consorcio abjicere, scriptum recordatus Propheta sancti : Carnes ligatas in pallio sacerdos, cum pollutum non sanctificet, a polluto ipse contaminatur : quae lex est probatio sacerdotum. Sed dare veniam dignaberis nec auidacia et parvitati, ut supra ante rogavi. Incolumem beatitudinem tuam, meipsum memorem involubilis Trinitas tueri dignetur, sancte papa ». Haecdem Eusebius. Ceterum quod ad Cyrillum spectat, insectatum etiam ipsum esse Pelagianum in Concilio Ephesino, quae de ipso suo loco dicturi sumus, satis aperte declarant.

16. Quod vero ad hunc ipsum Valerianum pertinet : eundem hanc illum ipsum fuisse conjicio, qui mendose apud sanctum Hieronymum, loco Valerianum, Amianus legitur in Epistola ad Alypium et Augustinum¹. Adjuvat conjecturam, quod ibidem etiam de Eusebio habetur mentio, qui huius scripta ad S. Hieronymum miserat, ut adversus ea scriberet : sunt haec enim verba ipsius Hieronymi : « Quod autem quaeritis, utrum rescripserim contra libros Amiani pseudodiaconi Celedensis, qui copiosissime pascitur, ut alienae blasphemiae verba frivola subministret : sciat is me ipsos libros in schedulis missos a sancto fratre nostro Eusebio presbytero suscepisse non ante nullum temporis ; et exinde vel ingravescentibus morbis, vel dormitione sanctae et venerabilis filiae vestrae Eustochii ita doluisse, ut propemodum contemnendos putarem, etc. » Haec ipse ea Epistola, quam post biennium esse ab eo scriptam, suo loco dicemus. Quod vero Anianum, seu potius Valerianum, S. Hieronymus dicit fuisse pseudodiaconum Celedensem ; absque dubio depravatus est textus, cum de Ecclesia Celedensi nusquam fit mentio : habet alia lectio, Arelatensis : sed propius accedit, ut legendum sit loco Celedensis, Cenetensis. Verum missis his, jam ad successoris Innocentii institutionem Zozimi transeamus.

17. *Zozimus papa creatus agit cum Caestio.* — Post Innocentii obitum interlapsis diebus viginti duobus interregni, Zozimus natione Graecus, Abrahami filius, subrogatus est die decima nona mensis Augusti : quantum autem temporis sederit, suo loco in fine ipsius dicturi sumus. Quid vero ipsius sedis exordio acciderit, primo loco narremus. Meminisse debemus, Caestium Pelagii haeresiarcae antesignanum, tanquam novae heresis promulgatorem, jam diu ante damnatum ab episcopis Africanis in Concilio Carthaginiensi, appellasse Apostolicam Sedem. Verum quod se sciret experturum Innocentium papam sibi adversantem, appellationem nequaquam prosequi voluit : ipso autem defuncto, ad successorem illius Zozimus se contulit, ut ab ipso audiret, non quidem prosecuturus appellationem (ut

in suo libello Paulinus testatur) elapso jam appellandi tempore, sed adversus accusatores querelas illaturus. Quod vero etiam sciret et ab ipso Zozimo fore dammandum, si qualis esset, delegeretur haereticus : ea arte concinnavit scriptura se libellum, ut non posset, etiam si Zozimus vellet, ab ipso rejici, sed suscipi cogere, utpote qui post enarrata quae de fide sentiret, ejusmodi ad finem apposuit verba : « Si forte (ut hominibus) quispiam ignorantiae error obreperit vestra sententia corrigatur ». Recital haec quidem S. Augustinus².

18. Adjecti autem prudenter Zozimus ad explorandam hominis fidem, interrogare eum quam exactissime, si assentiretur Epistola adversus errores Pelagii ab Innocentio praedecessore ad universam Ecclesiam datae : cui se idem consentire professus est. Testatur id ipsum tibi supra S. Augustinus, et ad Bonifacium de Zozimo papa ait³ : « Insuper etiam Caestium se purgare molientem, ad consentiendum supradictis Sedis Apostolicae, id est, Innocentii papae litteris, et abra interlocutione construxerit ». Qua de causa (ut idem subdit) accidit ut ipse Zozimus lenius cum Caestio egerit, spem concipiens eum Ecclesiae Catholicae restitutum. Idemque Augustinus paulo superius aeque demonstrat, haud errasse Zozinum papam, dum scripsit Caestii libellum esse Catholicum : agit enim de iisdem adversus Julianum Pelagianum⁴, probans Zozimi factum, cum Caestium lucrari cupiens, cum eodem benigne se gessit. Cum tamen non sic hominem suscepisset, ut ad Catholicam communicationem admiserit. Imo adhuc eam adhiberi voluit, ne ab eo deciperetur, ex abundantia, cautetam, ut in Africam scriberet, ut si quid illi contra Caestium quod proferrent haberent, Romam mitterent. Afirmat id namque idem S. Augustinus, Zozinum semper laudans et excusans, dum ait⁵ : « A vinculis tamen excommunicationis nondum est creditus esse solvendus : sed interposito duorum mensium tempore, donec rescriberetur ex Africa, respiciendi ei locus sub quadam medicinali sententiae lenitate concessus est ». Haec S. Augustinus. Sed de his finis agemus inferius, cum calumnias Juliani Pelagiani in Zozimum, ex ipsius Augustini verbis parata defensione, confutabimus.

19. *Zozimi Epistolae ad Africanos episcopos de Caestio et Pelagio.* — His de Zozimi rebus gestis cum Caestio, subjicimus litteras ejusdem Romani Pontificis ad episcopos Africanos hoc anno eadem occasione conscriptas ; quas nobis Vaticanum vetus codex exhibuit : ut ex ipsis, quae de eodem Zozimo S. Augustinus conscripsit, intelligas, pariterque Zozimi ipsius sensum Epistolae ex eodem S. Augustino percipias, quae sic se habet :

« Zozimus Aurelio et universis episcopis per Africam constitutis dilectissimis fratribus in Domino salutem.

¹ Aug. de pecc. orig. c. 607. — ² Aug. contr. ep. Pelag. l. II. c. 5. — ³ Aug. contra Julian. Pelag. l. vi. c. 12. — ⁴ Aug. de pecc. orig. c. 8.

⁵ Hier. ep. LXXIX.

« Magnum pondus examinis magna desiderat, ut non sit rebus ipsis quae geruntur inferior libra iudicii. His accedit Apostolicae Sedis auctoritas, cui in honorem beatissimi Petri Patrum decreta peculiarem quamdam sanctorum reverentiam. Orandum igitur, et incessanter orandum, ut continua gratia, perennique adiutorio Dei pax ex hoc fonte in totum orbem fidei et Catholicae societatis nullis nubibus interfusca mittatur. Charitas enim, quae (sicut scriptum est) Deus est, perfecta plenitudinis abundantia gratulatur: cum si quid vel suspensionem habuerit fidei intentionis sollicita, vel in longum perducta contentione aut emendatione corrigitur.

20. « Caestius presbyter nostros ingressit examini, expelens ea quae de se Apostolicae Sedi aliter quam oportuit, essent inculcata, purgari. Et licet multae occupationes majoribus vinculis Ecclesiasticorum negotiorum curam nostram, sollicitudinemque distraherent: tamen ne paternitatis vestrae de adventu ac discussione praedicti diutius penderet expectatio, posthabitis omnibus, die cognitionis resedimus in sancti Clementis basilica, qui impulsus beati Petri Apostoli disciplinis, tali magistro veteres emendasset errores, rascalque profectus habuisset, ut fidem quam didicerat et docuerat etiam martyrio consecraret: scilicet ut ad saluberrimam castigationem, tanti sacerdotis auctoritas praesenti cognitioni esset exemplo. Omnia igitur quae prius fuerant, acta discussimus, sicut Gestorum huic Epistole coherentium instructione discitis. Inromisso Caestio, libellum ejus, quem dederat, fecimus recitari. Nec hoc contenti: ulrum haec quae scripsisset, corde loqueretur, an labiis, saepe numero exploravimus, cum de oculis animorum solius Dei nostri possit esse iudicium, cui non tantum cogitata, sed cogitanda jam praesto sunt. Quid voces ejus contineant, compendiosius duximus ad sanctitatem vestram legenda cognosci. Unum sane movet nos, ut cum in praesenti ibi Caestium habueritis, nihil liquido iudicatum sit. Ad litteras Herotis et Lazari priorum relatione destinata, equidem hoc fervore fidei praefinitum esse, promptissimum est.

21. « Sed cum de his interrogaretur, asseruit nullum sibi de talibus contentionebus nunquam cum anedictis fuisse sermonem, nec ante sibi, quam de se scriberent, visum fuisse compertos: Lazarum sane in transitu cognovit, Herotem vero etiam satisfactioe interposita, quod secus de ignoto et absente sensisset, cum gratia recessisset. Jam caduca ad nulla fundamenta criminalionis ignote proculdubio ira fuit, ut persona talium, quae tam ventosa et levis exilerat, quaereretur, si saltem illis loci sui ratio viteque constaret, ut fides absentibus in absentibus debuerit adhiberi, tantumque pondus in litteris eorum, ut auctoritatem testimonii mererentur. Patuit hos inobservatis ordinationibus, plebe cleroque contradicente, ignobis, alienigenas intra Gallias sacerdotia vindicasse, quibus se ipsi propria abdicaverunt sententia; nosque licet et alia, tum eorum de se penitentiam secuti, sacerdotali eos loco et omni

communiione submovimus. Satis urget causam, a talibus processisse per litteras in absentes ejus accusationem, qui se praesens fuerit, qui exponit fidem, qui provocat accusantem, nunquam pignit in melius retorsisse judicium. Adolescens et sancti Spiritus executor, qui Susannam seniore falsitate damnatam, invenit innocentem; reducit a supplicii casta per puerum, quae per grandaevo fingitur impudica. Non ergo omni (sicut cautum est) spiritui credendum, sed diu appensus examinandum est, praesertim de fide hominis, ubi status ejus et vita perpetua est. Nec Salomonem fefellit in puerperii rixa mentis (veritatis) indago: non enim duabus feminis inter se jurgantibus unum pignus induxit, sed ibi arbiliter fide cunctabundus invenit, ubi vere pietatis intellectus affectum. Perquam rarum sit, ut longa et castigata cunctatione ad veri cubile perveniat. Optime mentis iudicium est, prava difficultis credere: nam plerique, quorum de se bonae confessionis pignus adhibetur fides, in nullis erroris abruptum necessitate coguntur, et irremediabile vulnus efficitur, quod desperatur sanari.

22. « Unde in praesenti causa nihil praecox, immaturumque censuimus, sed inmoleres sanctitati vestrae super absoluta Caestii fide nostrum examen; cui etiam prior libellus ab eo infra Africanam testimonio apud nos esse debuisset; ne inexploratis, fama que iactantibus tam facile crederetur. Quare intra secundum mensem aut veniant qui praesentem redarguant aliter sentire, quam libellis et confessione contexit; aut nihil, post haec tam aperta et manifesta quae protulit, dubii sanctitas vestra resedisse cognoscat. Ipsum sane Caestium et quoscumque qui eo tempore ex diversis regionibus aderant sacerdotes admovni, has tendentias questionum et inepta certamina, quae non aedificant, sed magis destruunt, ex illa curiositatis contagione profluere, dum minusque ingenio suo et intemperanti eloquentia superscripta abutitur: cum in hoc etiam magnorum virorum nonnunquam cum ipsis auctoribus scripta periclitantur post permultam temporis miseriam, interpretantis arbitrio: ut divine praefatum sit ¹: Ex multiloquio non vitari peccatum. Et sanctus David ² postulare circumstantiam labiis suis, orique custodiam. Charitatem vestram tam Apostolicae Sedis auctoritate, quam mutua amoris affectione commoneo, ut jam ingenia vestra sanctorum omnium Scripturarum, quae secundum traditionem Patrum atque majorum praepcepta sunt, praecipis observationibusque sufficiant. Quid illic non abundans? quid non Dei spiritu et vocibus plenum sit? nisi libet, unumquemque plus sibi credere, suoque de se uli iudicio. Data.... Honorio Aug. XI et Flavio Const. coss.» Hactenus Zozimi littere ad Africanos episcopos causa Caestii hoc anno datae.

23. Quibus plane intelligis Caestium hominem versipellem, involentem cuncta mendacis, quo

¹ Prov. x. — ² Psal. cxl.

Catholicus valeret existimari. Nam quod ad dogmata pertinet, qualis revera esset, excussa larva, a Zozimo postea detectus est, ostensusque Caesilius sceleratissimus haereticorum. Quod vero spectat ad Lazarum et Heroteum, quos adeo vehementer infamavit: quam insigniter et in his idem Caesilius mentitus sit, possumus ex his intelligere, quae de altero ipsorum Prosper¹ affirmat, nempe de Herote, cum ait: « Heros vir sanctus beati Martini discipulus, cum Arelatensi oppido episcopus præsideret, a populo ipsius civitatis, insons et nullis insimulationibus noxiis, pulsus est, inque ejus locum Patroclus ordinatur amicus et familiaris Constantii magistri militum, cujus per ipsum gratia quaerebatur: eaque res inter episcopos regionis illius magnarum discordiarum causa fuit ». Haec Prosper in Chronico, nosque suo loco superius, quo facta sunt anno, refulimus: hic autem ad convincendam Caesilii mendaciam iterum recitasse non piguit. De Lazaro remansit obscura memoria, sed ex Herote Lazarum discite: quos enim calumniam per involvit, eandem decorasse aequalem virtutem putandum, cum non nisi bonos consueverint odisse mali, et haeretici vexasse Catholicos. Sed ad res Pelagii hoc anno cognitas transeamus.

24. Qui igitur eadem erant fulgine tincti, eadem arte usi sunt ad fallendam Sedem Apostolicam, Caesilius atque Pelagius: sicut enim ille, ita iste in litteris, quas datas diximus ad Innocentium papam, et eo defuncto acceptas a Zozimo successore, nihil praeterea magis conatus est, quam ab ipso Romano Pontifice videri atque probari Catholicus: id quidem litteris, idque libello fidei professionis eisdem juncto, dolo atque fallacia praestitit: adeo ut non potuerit a Zozimo rejici ut haereticus; utpote qui scriptis professus sit, se in omnibus paratum esse eadem de fide sentire, quae Romanus Pontifex sentienda proponeret: quibus persuasus Zozimus, sicut fecerat de Caesilio, ita etiam de Pelagio jam Catholico (ut videri poterat) reddito, dedit litteras ad eodem episcopos Africanos, quarum exemplum sumptum ex eodem Vaticano codice hic tibi quam fidelissime describendum putavimus, quod est hujusmodi:

25. « Zozimus episcopus Aurelio et universis episcopis per Africam constitutis dilectissimis fratribus in Domino salutem.

« Postquam a nobis Caesilius presbyter auditus est, et quid de fide sentiret evidenter expressit; eadem quoque quae in libello contulerat, repetitis crebro professionibus, roboravit: de ejus nomine plenius ad dilectionem vestram scripta direximus. Ecce Epistolam Hierosolymitani episcopi Praxylli, qui in locum quondam sancti Joannis episcopus est ordinatus, accepimus, qui causae Pelagii enixius adstipulator intervenit. Litteras quoque suas idem Pelagius purgationem continentis abundantissime misit: quibus et professionis suae fidem, quid se-

queretur, quidve damnavit, sine aliquo furo, ut cessarent totius interpretationis insidiae, cumulat. Harum recitatio publica fuit: omnia quidem paria, et eodem sensu sententiosae formata, quae Caesilius ante prothelrat, continebant. Flinam ullus vestrum, dilectissimi fratres, recitationi litterarum interesse potuisset! Quod sanctorum virorum, qui aderant, gaudium fuit? Quae admiratio singulorum? Vix fletu quidam se et lacrymis temperabant. Tales etiam absolute fidei infamari potuisse? Estne ullus locus, in quo Dei gratia vel adiutorium praetermissum sit? quod quisquis potest praeter eandem vel mente concipere, nec illi superne sententiae subiectus, quae de sancto Spiritu lata est, quod neque hic, neque in futuro venia vel remissione doneatur?

26. « Video etiam hunc Pelagium, Herote et Lazaro scribentibus, infamari. Itane, fratres dilectissimi, ad aures vestras, qui sint isti turbines Ecclesiae vel procellae, nec opinione pervenit? Ita vero vos latuit vita (vilia) horum atque damnatio? Et quanquam specialis illos Apostolice Sedis auctoritas omni communione submoverit: discite et in hac Epistola, licet strictim, hominum mores. Velus Lazaro conclusio est innocentiam criminandi: per multa Concilia in sanctum Britium coepiscopum nostrum Turonice civitatis diabolicus accusator inventus est. A Proculo Massiliensi in Synodo Taurini oppidi sententiam calumnialis excepit. Ab eodem Proculo fil post multos annos sacerdos, tyrannici iudicii defensor civitatis Aquesium: cum contraheret afflicto, in ipsum penetrabile et sacerdotale solum sanguine innocentis pame respersum irrupit: stebique in eo hactenus umbra sacerdotii, donec tyranno imago slaret imperii: quo loco post interneccionem patroni, sponte se exiit, et propria cessione damnavit.

27. « De Herote vero omnia similia, idem tyrannus, patronus cordis, turbae presbyterorum contradicentium, vincula et custodia, et totius civitatis addictio, similis penitentia de abdicatione sacerdotii. Mirum est, si isti laicum virum ad bonam frugem longa erga Deum servitute nitentem falsis litteris percellere voluerunt, qui in fratres et coepiscopos tanta machinati sunt, qui tot tempestates Ecclesiae reddiderunt. Non decet episcopalem auctoritatem, et praecipue prudentiam vestram, ad levium susurrorum scripta pendere. Ecce Pelagius, Caesiliusque Apostolice Sedi in litteris suis et confessionibus suis praesto sunt. Ubi Heros? Ubi Lazarus? erubescenda facta et damnationibus nomina. Ubi illi adollescentes Timasius et Jacobus, qui scripta quadam, ut asserebatur. . . . ? Vos conjicite, si, qui falia in Sede Apostolica confitentur, illa quae de iisdem a pravis ac levibus auctoribus ac dubio rumore jactata sunt, oporteat credi. Amate pacem, diligite charitatem, studete concordiae: nam scriptum est: Diliges¹ proximum tuum tanquam te

¹ Prosp. in Chron.¹ Marc. XII.

ipsum. Qui magis alter alteri proximi sumus, quam omnes qui in Christo unum esse debemus. Non omnis qui aures vestras venis ingreditur, nuntius est veri. Ideoque animo praeulo et in excubiis consulto semper opus est, ne totum fama, totum festibus liceat. Recensete sacras litteras et divina tabularia : maximam partem falsi testes occupavere, ubi sanctorum aut accensationem, aut pericula reperimus : maximam dieo, imo totam, cum in ipsum Dominum nostrum Salvatorem totius mundi hostiam et Pontificem salutare falsi testes insurreverunt, qui se ejus blasphemiam audisse confingerent. Æstimate quid jam possit praeterire fallaciam, que in Deum fidei, imo in ipsam fidem ac veritatem perjurium impeluit fecit.

28. « Hæc ideo scripsimus, ut de caetero si qui absentes, minusque noti de quolibet falsia ex libidine mendicentur, fixi sint pedes vestri adversus arietem fraudulentiæ. Unde et ¹ lucernam pedibus suis ac lumen semitis suis vir sanctus exorat? scilicet ne inter fallaces tenebras sint caeca nobis et errabunda vestigia. Et in Evangelio : Numquid ² lex nostra judiciali hominem, nisi ab ipso audierit prius et cogilaverit? Etiam in Veteri Testamento : Non credas auditu vano, et non consenseris cum iniquo fieri testis injustus. Et ne forte multitudinem detrahentium ante examinationem iudicii crederetur, addit, dicens : Non eris cum pluribus in malitia, et non accipies per eos peccatum. Et iterum alibi : Priusquam ³ interrogas, ne vituperes quemquam : et cum interrogaveris, corripe iuste. Et iterum : Que viderint oculi tui, loquere. Et in Actibus Apostolorum adversus principes sacerdotum et seniores Judaeorum postulantes absentis Pauli Apostoli damnationem, justissimam sententiam Genitilis Festus tribuit, quam convenit etiam nos in facie credentium obijcere veredundiam, dicens ⁴ : Non est consuetudo Romanis damnare aliquem hominem, priusquam is qui accusatur, presentes habeat accusatores, locumque defendendi accipiat ad abluenda crimina. Si hanc igitur moderationem extra septum fidei nostre positus tenuit contra sacerdotalem pudorem inclinatio, credulitas de absentibus in absentes : quotisquisque inmutis invenietur a vulnere, si ad omnem ferientis ictum credulum pectus aperitur?

29. « Doceat nos terrena moderatio, que secularibus arbitris et causis primum de ipsis iudiciis eligendis, repudiandisque sit. Et quanta cautatio, quot interpositæ dilaciones? quoties adhibita compendinatio etiam sub ipso sine certaminis ampliare judicium cum innocenti reo? confugitur ad mare et extramaria documenta; ut fides, que in presenti plerumque arctioribus strangulatur angustiis, saltem cunius veniat. Hæc omnia mendior, nisi in patrocinium tuende innocentie reperta sint. Tolerabilis est enim innocenter, quælibet tardius inveniri, quam cito pro nocente damnare. Grave fuit

Lazaro et Heroi, litterarum suarum pedissequos esse? An nesciant dilectionem vestram ad Sedem Apostolicam navigassent. Ubi de episcopatu abdicando agitur, maria terraque lustrantur, nec ulla suffragia præferuntur: ubi vero innocenti fama percolitur, otiosi et delicti, sive accusatores, sive testes (in utroque enim fallentibus nomen infame est) in cubilibus et lectulis suis litteris abutuntur; et totam Africam, universamque tranquillam Catholicæ serenitatis imbutant ad libidines suas due pestes. Ante tribunal Christi omnes stabimus, nemo illic abesse poterit, nec Domini, cuius immensitas omnibus locis ac rebus intervenit, declinare iudicium.

30. « Si Deo nostro cordi fuit, propter oves perditas, Verbum carnem fieri, et ex Domino formam servientis induere, ut diu interceptam redderet libertatem : sit vobis gaudium, eos quos falsi iudices criminabatur, agnoscere a nostro corpore et Catholica veritate nunquam fuisse divulsos. Certe hoc quod nostra expectatio desiderabat, eluxit, ut damnanda damnarent, et sequenda sequerentur. Si patrefamilias ¹ reditu filii gratulabatur, qui mortuus fuerat et revixit, perierat et inventus est; et jubet in usum ejus stolam mutam, hoc est, insigne candidæ mentis afferri, et vitulum saginatum : quantum hæc uberior extollit est fidei, non mortuus esse, nec periisse, de quibus falsa vulgata sunt? Minus igitur ad dilectionem vestram exemplaria Scripturarum, quas Pelagius misit : quarum lectionem non ambigimus parem vobis in Domino de absoluta ejus fide esse letitiam. Dat. XI kalend. Octobris, Ilaetenus Zozimus ad Africanos.

31. *Libellus fidei a Pelagio missus ad papam : tum Pelagii et Caesarii in fallendo caliditas.* — His subjicienda fuissent ipse Pelagii litteræ, quarum exemplaria ad eos eadem alligata Epistolæ se mittere eodem nuntio proficere; sed eas minime integras nacti sumus : extant tamen ex eisdem a S. Augustino recitata fragmenta, que compaginare simul earum cupidus lector poterit. Reddemus hic tamen ipsum fidei ipsius professionis libellum, quem (ut superius dictum est) Pelagius litteris junxit, qui hoc titulo in eo codice reperitur excerptus.

« Libellus fidei Pelagii ad Innocentium cum Epistola transmissus.

« Credimus in Deum Patrem omnipotentem, cunctorum visibilium et invisibilium conditorem. Credimus in Dominum nostrum Jesum Christum, per quem creata sunt omnia, verum Deum unigenitum, et verum Dei filium, non factum, aut adoptivum, sed genitum, et unius cum Patre substantiæ, quod Græci dicunt *ὁμοουσιον*, atque ita per omnia æqualem Deo Patri, ut nec tempore, nec gradu, nec potestate possit esse inferior : tantumque confitemur esse illum qui est genitus, quantus est ille qui genuit. Non autem quia dicimus genitum a Patre

¹ Paul. XVII. — ² Joan. VII. — ³ Eccl. XI. — ⁴ Act. XXV.

¹ Luc. XV.

Filium divina et ineffabili generatione, aliquod ei tempus adscribimus; sed nec Patrem aliquando cepisse, nec Filium. Nec enim aliter confiteri possumus aeternum Patrem, nisi confiteamur etiam coaeternum Filium: ex Filio enim Pater dicitur, et qui semper Pater fuit, semper Filium habuit.

32. « Credimus et in Spiritum Sanctum, verum Deum ex Patre procedentem, aequalem per omnia Patri et Filio, voluntate, potestate, aeternitate, substantia. Nec est prorsus aliquis in Trinitate gradus; nihil quod inferius, superiusve dici possit; sed tota Deitas sui perfectione aequalis est: ut exceptis vocabulis, quae proprietatem personarum indicant, quicquid de una persona dicitur, de tribus dignissime possit intelligi. Atque ut confutantes Arium, unam eandemque dicimus Trinitatis esse substantiam, et unum in tribus personis confitemur Deum; ita impietatem Sabellii declinantes, distinguimus, non ipsum sibi Patrem, ipsam sibi Filium, ipsam sibi Spiritum sanctum esse dicentes; sed aliam Patris, aliam Filii, aliam Spiritus Sancti esse personam: non enim nomina tantummodo, sed etiam nominum proprietates, id est, personas, velut Graeci expriment *ὁμοουσιους*, hoc est, subsistentias confitemur. Nec Pater Filii aut Spiritus Sancti personam aliquando excludit; nec rursus Filius aut Spiritus sanctus Patris nomen personaeque suscepit; sed Pater semper Pater est, Filius semper Filius est, Spiritus Sanctus semper Spiritus Sanctus est. Haec substantia unum sunt, personis ac nominibus distinguuntur.

33. « Ipsum autem Dei Filium, qui absque initio aeternitatem cum Patre, et Spiritu Sancto possedit, dicimus in fine saeculorum perfectum nostrae naturae hominem suscepisse ex Maria semper Virgine; et Verbum carnem esse factum, assumendo hominem, non permittendo Deitatem: nec (ut quidam sceleratissime opinantur) Spiritum Sanctum dicimus fuisse pro semini, sed potentia ac virtute Creatoris operatum. Sic autem confitemur in Christo unam Filii esse personam, ut dicamus duas esse perfectas atque integras substantias, id est, Deitatis et humanitatis, quae ex anima continentur, et corpore. Atque ut contemnamus Photinum, qui solum, et nudum in Christo hominem confitetur; ita anathematizamus Apollinarem, et ejus similes, qui dicunt Dei Filium minus aliquid de humana suscepisse naturam, et vel in carne, vel in anima, vel in sensu assumptum hominem huius, propter quos assumptus est, fuisse dissimilem: quem absque sola peccati macula, quae naturalis non est, nobis confitemur esse conformem.

34. « Illorum quoque similiter execramur blasphemiam, qui novo sensu asserere conantur, a tempore susceptae carnis, omnia quae erant Deitatis in hominem demigrasse, et rursum quae erant humanitatis in Deum esse transfusa, ut (quod nulla unquam haeresis dicere ausa est) videatur hac confusione utraque exinanita substantia, Deitatis scilicet et humanitatis, et a proprio statu in aliud esse

mutata, qui tam Deum imperfectum in Filio, quam hominem teneat creduntur, ut nec Deum verum, nec hominem tenere credantur. Nos autem dicimus, susceptum ita a Deo Filio passibile nostrum, ut Deitas impassibilis permaneret. Passus est enim Dei Filius non putative, sed vere, omnia quae Scriptura lesatur, id est, esurire, sitim, lassitudinem, dolorem, mortem, et cetera huiusmodi. Secundum illud, passus est quod pati poterat, id est, non secundum illam substantiam quae assumpsit, sed secundum illam quae assumpta est. Ipse enim Dei Filius secundum Divinitatem impassibilis est ut Pater, incomprehensibilis ut Pater, invisibilis ut Pater, inconvertibilis ut Pater. Et quamvis propria persona Filii, id est, Dei Verbum suscepit passibilem hominem; ita tamen ejus habitatione secundum suam substantiam Deitas nihil passa est, ut tota Trinitas, quam impassibilem confiteri necesse est. Mortuus est ergo Dei Filius secundum Scripturas, secundum id quod mori poterat. Resurrexit tertia die. Ascendit in caelum. Sedet ad dexteram Dei Patris, maneute ea natura carnis, in qua natus et passus est, in qua etiam resurrexit: non enim exinanita est humanitatis substantia, sed glorificata, et in aeternum cum Deitate mansura. Accepta ergo a Patre omnium potestate, quae in caelo sunt, et in terra, venturus est ad iudicium vivorum ac mortuorum, ut et justos remuneret, et puniat peccatores.

35. « Resurrectionem etiam carnis confitemur, et credimus: ut dicamus, nos in eadem in qua nunc sumus veritate membrorum esse reparandos; qualesque semel post resurrectionem fuerimus affecti, in perpetuum permanuros. Unam esse vitam sanctorum omnium, sed praemia pro labore diversa: e contrario pro modo delictorum, peccatorum quoque esse supplicia. Baptisma unum tenemus, quod iisdem sacramenti verbis in infantibus, quibus etiam in majoribus, asserimus esse celebrandum. Hominem, si post baptismum lapsus fuerit, per penitentiam credimus posse salvari. Novum et Vetus Testamentum recipimus in eo librorum numero, quem sanctae Catholicae Ecclesiae tradidit auctoritas. Animas a Deo dari credimus, quas ab ipso factas dicimus; anathematizantes omnes qui animas quasi partem divinae dicunt esse substantiae. Eorum quoque condemnamus errorem, qui eas ante peccasse, vel in caelis conversatas fuisse dicunt, quam in corpora mitterentur. Execramur etiam eorum blasphemiam, qui dicunt impossibile aliquid homini a Deo acceptum esse, et mandata Dei non a singulis, sed ab omnibus in communi posse servari: vel qui primas nuptias cum Manicheo, vel secundas cum Cataphrygis damnant.

36. Anathematizamus etiam illos, qui Dei Filium necessitate carnis mentium esse dicunt, et cum propter assumptum hominem non omnia facere potuisse quae voluit. Joviniani quoque damnamus haeresim, qui dicit nullam in futuro meritorum esse distantiam, nosque eas ibi habituros esse virtutes, quas hic habere neglexerimus. Liberum sic esse

confitemur arbitrium, ut dicamus nos semper Dei indigere auxilio; et tamen illos qui cum Manichæis dicunt hominem peccatum vitare non posse, quam illos, qui cum Ioviniano asserunt hominem non posse peccare, uterque enim tollit libertatem arbitrii. Nos vero dicimus, hominem semper et peccare, et non peccare posse, ut semper nos liberi confiteamur esse arbitrii. Hæc est fides, papa beatissime, quam in Ecclesia Catholica didicimus, quamque semper tenuimus, et tenemus. In qua si minus perire, aut parum caute aliquid forte positum est; emendari cupimus a te, qui Petri et fidem, et sedem tenes. Sin autem hæc nostra confessio Apostolatus tui iudicio comprobatur; quicumque me maculare voluerit, se imperitum, vel malevolum, vel etiam non Catholicum, non me hæreticum comprobabit. Hactenus libellus Pelagii confessionis.

37. Ista mecum ipse considerans, et singula accurate perpendens, obstupesco: quomodo impius hæresiarcha, cum se ab Innocentio papa fore dammandum sensit, mov, ut mentiretur se non esse lupum quem gereret, et agni in omnibus speciem præ se ferret. Catholica confessione tanquam ovinam pellem, qua totus Catholicus appareret, superinduxit; atque adeo, ut ne pilius quidem inesse videri posset hæretici? Etenim esto quod minus plene, quod ad singula capita suæ hæresis condemnanda, ejusmodi professio adversarii, lynceis oculis ejus errores singulos perscrutantibus, videri potuisset: in eo tamen, quod sententia illa ad finem posuit coronidem totius confessionis, adversantium ora clausit, strepitumque compescuit: ut nullus plane, qui in eam velut hæreticum jure mitteret, inveniri posset, dum videlicet verba illa subjunxit: « Si minus perire, aut parum caute aliquid forte positum est; emendari cupimus a te, qui Petri fidem, et sedem tenes ». Quidnam reliquum accusatoribus, ut in eum afferre possent, qui ad normam fidei perfectionem expectare se profiteatur a Catholice Sedis antistite? Vel quam judici in eum sententiam ferre jam liberum esset, qui se eadem velle sentire, quæ ipse sentiat, tam firmiter asseveret? Quomodo inter hæreticos relinquendus Pelagius erit, et non inter Catholicos adsciscendus, qui Catholica professione, Catholica sapere declaravit, et hæreticum esse non posse, contestatione illa apposita significavit? Ejusmodi plane fuit techna Pelagii, ut non potuerit, ea confessione premissa, ut hæreticus condemnari: unde merito, quod de Leviathan habet divinus sermo¹, congrue de Pelagio dici possit: « Quis revelabit faciem indumenti ejus? » certe non nisi Deus.

38. Vidisti, lector, vafritiem versipellis hæresiarchæ, ovina pelle undique circumnecti, omnique ex parte ovem præ se ferentis lupi admisceri se cum grege conantis? Docuit plane rerum usus, haud facile in Ecclesiam admittendos hæreticos, quantumlibet penitentiam præ se ferant; sed diu multumque ante probandos, atque discutendos esse; ut et interdum

expediat, simulata repulsa, simulate ne agant, cautius experiri: etenim vere penitentes quo magis se vident rejici, eo instantius pulsant fores Ecclesiæ, miserabilibus ingemiscunt, lamentabilibus lugent, seque dirius cruciant, bonis insuper operibus urgent, ac denique invicta perseverantia cogunt sibi Ecclesiæ ostia reserari. Sic namque negat pia mater quem habet præ manibus panem penitentibus filiis, ut provoet eos secum longius ambulare; eadem quoque arte Dominus repulit Chananeam¹ et discipulis² se finxit longius ire. Quod vero ad Pelagium spectat, juxta illud³: « Gaudium hypocrite ad instar puncti ». Quam cifissime detecta vafritie impostoris, omne consilium ejus evanuit! Quomodo vero id acciderit, dicturi sumus anno sequenti.

39. Ejusmodi plane fuisse Cælestii libellum quem obtulit, ut tanquam hæreticus abjici minime valuisset, tum quæ recitate sunt de ipso Epistola Zozimi indicant, tum etiam exemplum de Pelagio persuadet. Sed habuit illud amplius favorabile causa Cælestii, quod de accusatoribus sceleratis, eisdemque absentibus, qui et adversus absentem erimen objecerint, videret justissimum exceptionem ingressisse, deque eo, quod absque judiciali ordine lata in ipsum in Concilio Carthaginiensi sententia, quam justissime videri poterat appellasse. Cæterum (quod est in sacris oraculis⁴) « sicut tela aranea fiducia ejus »: etenim omnia ejus consilia ad lucem veritatis prorsus evanuerunt: quomodo autem id actum sit, scies anno sequenti ex iis quæ de causæ utriusque meritis dicenda erunt; apparebitque unicuique res attente consideranti, quam verissimum esse quod fertur sacra parœmia: « Qui⁵ nititur mendacio, pascit ventura »: et illud Davidicum consentium: « Perdes⁶ omnes, qui loquuntur mendacium ». Jam vero quæ sunt reliqua rerum gestarum anni hujus prosequamur.

40. De *Privilegiis Ecclesiæ Arelatensis Zozimi papæ Epistola*. — Extant ex archivo Arelatensi petite litteræ ejusdem Zozimi papæ hoc anno datæ ad universos Galliarum episcopos de privilegiis Ecclesiæ Arelatensis conservandis. Quod enim Evangelium in Gallias per S. Petri Apostoli discipulum S. Trophimum allatum fuerit, et per eundem sedes Arelatensis erecta: ea de causa eadem Ecclesia primaria olim in Gallia habebatur, cum ejus episcopi non solum pallium acciperent a Romano Pontifice, sed etiam vicem ejus agerent, vicariæ dicerentur ipsius: testantur id plures Epistolæ Romanorum Pontificum inferius recitandæ ex ejusdem Ecclesiæ scripto antiquitus codice acceptæ. Sed tu ne imposturam putes, habes eadem omnia expressa testificatione S. Gregorii papæ in Epistola⁷ ad Virgilium episcopum Arelatensem, necnon in Epistola sequenti ab eodem Gregorio scripta ad universos Galliarum episcopos; sed audiamus ipsam Epistolam Zozimi papæ.

¹ Matth. xv. — ² Luc. xxiv. — ³ Job. xx. — ⁴ Job. viii. — ⁵ Prov. x. — ⁶ Psal. v. — ⁷ Greg. I. iv. ep. v. Ind. xxi.

¹ Job. xli.

41. « Zozimus universis episcopis per Gallias et septem provincias constitutis.

« Placuit Apostolica Sedi, ut si quis ex qualibet Galliarum parte, sub quolibet Ecclesiastico gradu ad nos Romanam venire contendit, vel alio ferrarum ire disponit, non aliter proficiscatur, nisi Metropolitanus Arelatensis episcopus Formatas acceperit, quibus sacerdotium suum, vel locum Ecclesiasticum quem habet, scriptorum ejus adstipulatione perdoceat: quod ea gratia statuimus, quia plures episcopi, sive presbyteri, sive Ecclesiastici simulantur (quia nullum documentum Formatarum extat, per quod valeant confutari) in nomen venerationis irreputant, et indebitam reverentiam promerentur. Quisquis igitur, fratres carissimi, premissa supradicti Formata, sive episcopus, sive presbyter, sive diaconus, aut deinceps inferiori gradu sit, ad nos venerit: sciat se omnino suscipi non posse. Quam auctoritatem ubique nos misisse manifestum est, ut cunctis regionibus immolescat id quod statuimus omnimodis esse servandum. Si quis autem hæc salubriter constituta temerare tentaverit, sponte sua se a nostra noverit communione discretum. Hoc autem privilegium Formatarum S. Patroclo fratri, et coepiscopo nostro meritorem ejus speciali contemplatione concessimus.

42. « Jussimus autem præcipuam, sicuti semper habuit, metropolitanus episcopus Arelatensium civitatis in ordinandis sacerdotibus teneat auctoritatem, Viennensem, Narbonensem Primam, et Narbonensem Secundam provincias ad Pontificium suum revocet. Quisquis vero posthac contra Apostolicæ Sedis statuta, et præcepta majorum, omisso metropolitanis episcopo, in provinciis supradictis quemquam ordinare præsumserit, vel is qui ordinari se illicite sciverit, uterque sacerdotio se carere cognoscat: quomodo enim potest auctoritatem summæ Pontificis obtinere, qui que erant Pontificis servare contempsit? Omnes sane admonemus, ut quique finibus territoriisque suis contenti sint: de qua re ne ad nos querela ulterius redeat, admonemus.

43. « Dedit enim exemplum Arelatensis Ecclesiæ, quæ sibi Citharistam, et Gargarium parochias in territorio suo sitas incorporari jure desiderat, ne de cætero ullus sacerdos in alterius sacerdotis præsumat injuriam. Sane quoniam metropolitana Arelatensium urbi vetus privilegium minime negandum est, ad quam primum ex hac sede Trophimus summus antistes, ex cujus fonte tote Galliæ fidei rivulos acceperunt, directus est: idcirco quascunque parochias in quibuslibet territoriis etiam extra provincias suas (ut antiquitus habuit) intemerata auctoritate possideat. Ad cujus notitiam, si quid illic negotiorum emeris, referri censuimus, nisi magnitudo causæ etiam nostrum requirat examen». Scias, lector, in edita nuper Bibliotheca Floriacensi a Joanne a Bosco monacho Cælestino, recitari Silvestri papæ nomine hanc eandem Epistolam, in fine additis nonnullis, quæ faveant Ecclesiæ Vien-

nensi, auctoritate adducere in suspicionem, ut falso attributa sit Zozimo pontifici, quæ est Silvestri. Sed persisto in sententia, ut sit potius Zozimi, quam Silvestri, ut legitimum præ se fert recitata hic ejusdem Epistolæ titulus, ea saltem ratione persuasus, quod tunc temporis non Pascasius, cujus sit ibi mentio, Viennensi præerat Ecclesiæ, sed Verus, ut apparet ex Concilio Arelatensi secundo sub ipso Silvestro papa celebrato; neque Claudius, ut vult Adu, qui ex nuper citatis Actis ejusdem Concilii erroris redarguitur. Cum alioqui cuncta ista hic recitata magis congruant Ecclesiæ Arelatensi. Scire debes, lector, Zozimum papam adeo voluisse salva privilegia Ecclesiæ Arelatensi, ut irrita reddiderit quæ in Concilio Taurinensi ante viginthi prope annos statuta essent, cum et Narbonensis provincia subdita est episcopo Massiliensi. Cumque accidisset ut duo episcopi in ea provincia creati essent absque consensu Patrocli Arelatensis episcopi: ordinationes eorum cassas reddidit idem Zozimus papa, circulares de his litteras scribens ad Aurelium Carthaginiensem episcopum, necnon ad alios in Galliis atque Hispaniis constitutos. Scribendi autem ad Aurelium episcopum Carthaginiensem ea causa interessit, quod in hac Epistola agitur etiam de Lazaro preclamato a Procuto Massiliensi, qui fuit unus ex Pelagii accusatoribus, ut nuper dictum est. Sed audiamus Epistolam ipsam, quæ ex eodem Arelatensi codice accepta sic se habet:

44. « Zozimus Aurelio, et universis episcopis per Africam constitutis, universis episcopis per Gallias et septem provincias constitutis, universis episcopis per Hispaniam constitutis, a pari.

« Cum adversus statuta Patrum venitur, non tantum illorum prudentiæ atque sententiæ qui in ævum victura sanxerunt, sed ipsi quodammodo fidei, et Catholice disciplinæ irrogatur injuria. Quid enim tam sanctum atque venerabile est quam penitus non exorbitare ab itinere majorum, quorum canonica instituta veluti quedam fundamenta sunt ferendis fidei jacta ponderibus? Sed nihil minus ab Urso et Terentio, quorum unus assidua sedis hujus medicina curatus ad emendati erroris pervenire non potuit sanitatem: alter vero ante aliquot annos objecta criminatione submotus (sicut civium scripta testantur, vel ingesta docuerunt) etiam ab eo ipso gradum summæ sacerdotis accepit, a quo fuerat ante damnatus: cæcus error in utroque, et quod est potissimum in omnibus, nec vellem aliorum de Terentio, nec suam de Urso tenere sententiam.

45. « Sed tac ut honesti mores hominibus essent, et probata suffragia. Quid illud, quod prætermissio fratris nostro Patroclo Metropolitanis episcopo Arelatensium civitatis (sine cujus auctoritate juxta majorum canones nulla penitus potuit ordinatio celebrari tumultuose, et turbide indebitis sacerdotia impinguntur? nec saltem comprovinciales episcopi corrogantur, ut error velamento aliquo tegetetur; sed Lazarus dudum in Taurinensi Concilio gravissimorum episcoporum sententiis pro calumniatore

damnatus, cum trissis innocenti episcopi vitam falsis objectionibus appellisset, post vero indebitum ab eodem Proculo, qui inter ceteros Synodo damnationis ejus accesserat, sacerdotium consecutus est, a quo se ipse vita sua conscientia datis litteris in abdicatione sui sponte submovit.

46. « Revera incongruum fuit, ut illicitum sacerdotio, omissio Metropolitanò, sua confessione spoliatum sacerdotem pariter ordinaret, ne nihil cum intempestive fieret, ne dies quidem ordinationis adsciscitur: scilicet ut quibus cuncta decauit, etiam legitimum tempus deesset. Quid his tot tantisque improba usurpatione posthabitis addi potest, nisi illud extremum, quod totum transcendit errorem, ut territoria indebita ad Arclatensiam civitatem antiquitus pertinentibus locentur? Unum vitium si in causis talibus venisset, Apostolica Sedis auctoritas etiam cetera destruxisset. Illic nulla concurrunt, improborum et damnatorum ordinatio, præmissi Metropolitanò, necnon et provincialium sacerdotum, locorumque alienorum impudensissima usurpatione, nec saltem diei custodia solemnitas, et Lazarus in consortio illicite ordinationis adscitus: hæc omnia apud nos gestis testimonisque discussa sunt.

47. « Atque ultimam in Terentio pravi tantum mores, non etiam Priscilliana superstitione patuisse, quæ sedis hujus dudum humanitate et misericordia in hoc illi consulere voluit, ut emendatio de cætero permaneret: quod beneficium sibi pæne præter exemplum præsitum, si diligentius observare voluisset, erroris illum anteaçi oportuit penitere, non illa præcipiti impetu ac sacerdotium festinare, ut nec diei veterem solemnitate, quæ custodienda præcipue fuerat, observaret, nec indebito loco crederet abstinentum. Quæ de re ad sanctitatem vestram et per totum orbem, ubicumque, et in quacumque terrarum sonus Catholice religionis erit, scripta direximus, fratres carissimi, ne Terentium et Ursam in communione Ecclesie in quocumque Ecclesiastico gradu, a qua in totum anathematizati sunt, suscipiendos esse ducatis. Dicuntur enim circulatorios esse, quod nos ex sententiis agnovimus in eorum damnatione sacerdotali auctoritate prolatis, quas in diversis regionibus exceperunt. Removenda sunt a sancto corpore putridæ carnes, et a massa sanctificationis acidum execrandumque fermentum: de quibus plura scribere pudoris fuit, cum illis pudori non sit tanta fecisse ».

48. Huic Epistolæ is finis imponitur, qui et superiori scripte per eundem Zozimum papam ad universos episcopos per Galliâs et septem provincias constitutos, ab illis scilicet verbis: « Jussimus autem præcipuam sicuti semper habuit, etc. » usque ad illa: « Nisi magnitudo, etc. » In hoc tamen hæc ab ea differt, quod illa subscriptione careat, hæc vero sic subscripta in dicto antiquo Arclatensi codice reperitur: « Data sub die x kal. Octob., Honorio XI et Constantio II cons. » Addidit his Zozimus papa, ut sublatis ab Ecclesia Arclatensi

provincia Viennensem, et Narbonensem, easdem restituens illi voluerit integre conservari. Audi ergo quæ ad utriusque provincie episcopos scribitur:

49. « Zozimus episcopis provincie Viennensis, et Narbonensis Secunde, a pari.

« Nulla contra veterem formam Proculus usurpasse detectus est in ordinationibus nonnullorum indebite celebrandis, quas proxime numerosa cognitione discussimus. Licet ipse diu expectatus, fastidiose ferens sibi inducias attributas, convenire dissimulet: attem illa præsumptio nos admodum movit, quod in Synodo Taurinensi, cum longe aliud ageretur, in Apostolicæ Sedis injuriam subripiendum putavit, ut sibi Concilii illius emendicæ præstaret obrepto ordinariorum sacerdotum veluti metropolitanò in Narbonensi Secunda provincia potestatem: et ne solis impudentis indebita postulanda huic Sedi videretur intulisse convitium, socium sibi Simplicium Viennensis civitatis adscivit, qui non dissimili impudentia postularet, ut sibi quoque in Viennensi provincia creandorum sacerdotum permitteretur arbitrium, indecens ausus, et in ipso vestibulo resecurus, hoc ab episcopis ob certas causas Concilium agitantibus extorquere, quod contra statuta Patrum, et sancti Trophimi reverentiam, qui primus metropolitanus Arclatensis civitatis ex hac sede directus est, concedere, vel mutare, ne hujus quidem sedis possit auctoritas. Apud nos enim inconcussis radicibus vivit antiquitas, cui decreta Patrum sanvere reverentiam. Et quia redire in ordinem suum intermissa præcipimus, F. C. metropolitanus Arclatensis civitatis episcopus jam inde a Trophimo ordinationis seriem temporibus roboratam inviolabili in utraque Narbonensi, et Viennensi auctoritate possideat. Data III kal. Octob., Honorio XI et Constantio II cons. » Hæc Zozimus papa, qui et eodem hoc anno, et mense scripsit ad Hilarium episcopum Narbonensem, cum prohibet episcopos in ea provincia ordinari ab alio, quam ab episcopo Arclatensi: Epistola autem correctionis acrimonia plena est, quæ ex eodem veteri petita codice sic se habet:

50. « Zozimus Hilario episcopo Narbonensis Prima provincie.

« Mirati admodum sumus, dum nobis studiosius requirentibus relatio tua de ordinandis in provincia Narbonensi Prima sacerdotibus loqueretur, quod dum asserit, et desideris tuis cupis esse consultum, prætermissa veteri fide, relationem tuam sub honestatis specie colorasti, asserens in aliena provincia ab alio non debere fieri sacerdotes: cum utique debuisset, non quid tibi rectum videret, sed, quid habuerit antiqua consuetudo, suggerere. Ideoque vacuato eo quod obtinuisse a Sede Apostolica subreptice comprobatis, quia satis constitit Arclatensis Ecclesie sacerdoti prisca id institutione concessam, ut non solum in provincia Viennensi, sed etiam per duas Narbonenses episcopos faciat: nam sancte memorie Trophimi sacerdos quondam Arclatensi urbi ab Apostolica Sede transmissus ad

illas regiones tanti nominis reverentiam primus exhibuit, et in alias non immerito ea quam acceperat auctoritate transfudit; atque hanc ordinandi consuetudinem, et pontificatum loci illius, quem obtinuerat primus, et iustus, custoditum usque in proximum tempus gestis apud nos habitis multorum consecratorum testimoniis approbatur.

51. « Ergo licet sola, quae in Sede Apostolica habita sunt, potuissent gesta sufficere, tamen etiam haec te auctoritate confringimus, et praesumptioni tuae, quam extulisse contra veterem consuetudinem videbaris modum noveris iustae praescriptionis indictum: neque aestimes tibi ulterius pontificatum de ordinandis sacerdotibus vindicandum, cum hoc videas Arelatensis episcopo civitatis, et per Apostolicam Sedem, et per S. Trophimi reverentiam, et per veterem consuetudinem, et nostra recenti evidentissima definitione deferri. Si quid contra haec, quae a nobis sunt sub Dei iudicio statuta, tentaveris: non solum quos faciendos credideris, episcopatum obtinere non posse, sed etiam ipse Catholicae communionis discretus, sero de illicitis praesumptionibus ingeniscas. Dat. sub die v kal. Octob., Honorio XI et Constantio II cons. » Adiecit ad haec insuper Zozimus papa, ut vocatum hoc anno Romam Proclum Massiliensem episcopum ob illicitae praesumptas ordinationes damnari: est de his Epistola data ab eodem Pontifice, quae sic se habet:

52. « Zozimus Patroclo episcopo Arelatensi.

« Quid de Proculi damnatione censuerim, tenet conscientia tua, cum meo interesset examini; nec te gestorum nostrorum auctoritas laetel, vel scriptorum, quae de ipsius damnatione per terrarum diversa loca direximus. Unde metropolitani in te dignitatem atque personam, etiam Apostolicae Sedis auctoritatem considera, in quem furtive locum per indebita Synodo Proculus usurpatum irrepserat. Quicumque igitur ex Gallicanis undique regionibus veniunt sub quovis Ecclesiastico nomine vel gradu, Formatas per te communiti mittendas esse cognoscant: alioquin sibi imputabunt, si inefficaciter hac solemnitate postposita, te inconsulto, ad nos venire tentaverint. Quod ab episcopis usque ad ultimum Ecclesiasticum gradum observari convenit: quia nonnulli ex quacumque militia se ad Ecclesiam conferentes, statim saltu quodam summatum locum religionis affectant, qui gradatim per Ecclesiastica stipendia venientes explorata solent dissensione (discussione) differri. Idcirco quoniam in nonnullis factum infirmare non possumus; si qui jam ordinati sunt, in eo gradu ad quem saltu subito pervenerunt, perdurare debelunt: sic enim Apostolus¹ neophytum sacerdotio non statim cumulari jubet: et hoc idem canonum statuta sanxerunt. Hoc addimus nostra sententia, ut quisquis de caetero, vel summo sacerdotio, vel presbyterii gradu, vel diaconatus crediderit cumulandum, sciat, et gradus sui subire jacturam, nec in illum valitura esse quae

contulit: ut saltem ab ordinatione praecipiti metus iste submoveat, quos examinata dissensio (dissensio) coercere debuisset. Scripta nostra in omnium facies notitiam pervenire: ut ne hoc quidem ipsum tibi, quod omnibus interdicitur, licere cognoscas. Dat. III kal. Octob., Honorio XI et Constantio II cons. » Revocasse vero suam sententiam Zozimum adversus Viennensem Ecclesiam datam, sequens Epistola docet, data ad Simplicium ejus civitatis archiepiscopum his verbis¹:

« Zozimus episcopus Simplicio Viennensi archiepiscopo salutem.

« Revelatum (i. relatum) nobis est, qualiter in Taurinensi Synodo causas tuae dioceseos prosecutus fueris. Et licet Arelatensi episcopo, antequam legatus tuus venisset, propter reverentiam sancti Trophimi, jus et pontificatum super tres provincias habere, scripserimus; tamen si ita est, ut scripta tua nobis missa continent, interim usque dum lucidius ventiletur, potestatem antiquam tibi manere permittimus: ut sicut in Taurinensi gravissimorum episcoporum Synodo, pacis consilio decretum est; viciniore tibi intra provinciam civitates vindices, donec plenius rei ordinem claritas Apostolica prosequatur. Lazarum indebite episcopum, criminatorem fratris ordinatum, scias nostro iudicio esse damnatum. Data sub die kalend. Oct., Honorio XI et Constantio CC. » Haecenus ad Simplicium Zozimus: At de his hoc anno satis.

53. *Error illapsus de Paschatis die, et de fontibus baptismalibus miracula.* — Hoc eodem anno, ut Pascha non suo legitimo die celebraretur in Ecclesia, errore supputationis paschalis temporis factum est: sed quomodo divino quoque miraculo compertus sit error, ut non siverit Deus quicquam in Ecclesia agi perperam, Paschasus episcopus Lillibaei narrat his verbis in Epistola ad S. Leonem Romanum Pontificem data²: « Non ergo, inquit, nos dies una longius posita terreat: ne, cum hoc evitamus, incurramus errorem, sicut tempore beatae recordationis domini mei, praecessoris vestri Zozimi, consulatu Honorii Augusti undecimo, et Constantii secundo. Tunc enim, cum declinaretur ne decimo kal. Maii dies Paschae teneretur, celebratum octavo die kal. Aprilis, id est, pro embolismo communis est amnis tentus, et error gravissimus est ortus; in tantum ut ministerio certo, quod dono Sancti Spiritus ministratur, haec veritas probaretur. Quod propterea credidi exponendum, quia locus ipse etiam sancto atque a me venerando fratri meo Libanio diacono notissimus est. Cujus mysterii miraculum tale est.

54. « Quaedam vilissima possessio Mellinas appellatur, in montibus arduis ac silvis densissime constituta: illic perparva atque vili opere constructa est Ecclesia: in cujus baptisterio nocte sacrosancta Paschali, baptizandi hora, cum nullus canal, nulla

¹ 4. Tim. III.

¹ Bibl. Floriac. edit. a Jo. Celest. par. ult. pag. 29. — ² Apud S. Leonem, ep. LXX.

sit tislula, nec aqua omnino vicina, fons ex se repletur; paucisque qui fuerint consecratis, cum dedicatorum nullum habeat, ut aqua venerat, ex sese descendit. Tunc ergo (sicut supra diximus) cum sanctae memoriae domino quondam meo ac beatissimo papa Zoximo (cum apud Occidentales error ortus fuisset) consuetis lectionibus nocte sacra discussis, cum presbyter secundum morem baptizandi horam requireret, usque ad lucem aqua non veniente, non consecrati qui baptizandi fuerant, recesserunt. Ut ergo brevier narrem illa nocte que lucebat in diem Dominicam, decimo die kalend. Maii, fons sacer hora competenti repletus est. Evidenti ergo miraculo claruit, Occidentalium partium fuisse errorem ». Haec Paschasius.

53. Huic plane simile descriptum extat apud Cassiodorum miraculum, quod hic describere ratio exigit argumenti: haec enim habet, dum agit de conventu Leucothecae in Lucania, fontemque ibi irriguum ita describit¹: « Est enim locus ipse camporum amenitate dilectus, suburbanum quondam Cosilinae antiquissimae civitatis, qui a conditore sanctorum fontium, Marcilianum nomen accepit. Hic erumpit aquarum perspicua et dulcis ubertas: ubi in modum naturalis antri, aspidis fabricata concavitas sic perspicuos liquores emanat, ut vacuum putes lacum, quem non dubitas esse plenissimum. Hic perlucidus usque ad fundum patet, ut adspectibus tuis aeren potius apparere iudices, non liquorem. Emulatur serenam diem aqua sublimissima: nam quicquid in imo geritur, inoffensa aeris claritate monstratur ». Et paulo post: « Longa sunt illius fontis memoranda describere. Veniamus ad illud singulare munus, sanctumque miraculum. Nam cum die sacratae noctis precem baptismatis ceperit sacerdos effundere, et de ore sancto sermonum fontes emanare; mox in altum unda prosiliens, aquas suas non per meatus solitos dirigit, sed in altitudinem cumulosque transmittit. Erigitur brutum elementum sponte sua, et quadam devotione solemniter praeparat se miraculis, ut sanctificationi majestatis possit ostendi. Nam cum fons ipse quinque gradus legat, eosque tantum sub tranquillitate possideat, aliis duobus cernitur crescere, quos nunquam praeter illud tempus cognoscitur occupare. Magnum stupendumque miraculum, fluente fabentia sic ad humanos sermones vel stare, vel crescere, ut eis credas audiendi studium minime defuisse. Fiat venerabilis omnium sermone fons iste caelestis. Habet et Lucania Jordanem (Jornanem) suum. Ille exemplum baptismatis praestitit, hic sacrum ministerium annua devotione custodit. Quapropter et reverentia loci et utilitas rei dare debet populis sanctissimam pacem, etc. » Haec Cassiodorus nomine Athalarici regis scribentis Epistolam ad Severum.

Probe ex his intueris, lector, quam insaniant deploratissimi novatores, dum baptismatis fontis benedictionem derident, quam tanto miraculo annis

singulis repetito Deus voluit in Ecclesia Catholica, ut sibi placitam consignari.

56. Sed quod in his versamur, adjiciamus his aliqua alia id genus miracula ab aliis antiquis auctoribus enarrata: et in primis quae Gregorius Turonensis eodem ferme argumento ita describit¹: « Est et illud illustre miraculum de fontibus Hispaniae, quos Lusitania provincia profert. Piscina namque est apud Osem campum antiquitus sculpta, et ex marmore vario in modum crucis miro composita opere, sed et aede magna claritatis ac celsitudinis desuper a Christianis constructa est. Igilur cum dies sacer post curriculum anni decedentis advenerit, quo Dominus confuso proditore, mysticam discipulis praebuit cenam: conveniunt in locum illum cum Pontifice, cives jam odorem sacri praesentientes aromatis. Tunc data oratione, sacerdos ostia templi jubet simul muniri signaculis, adventum virtutis Dominicae praestolantes. Die autem tertia (quod est sabbati) convenientibus ad baptizandum populis, adveniens episcopus cum civibus suis, inspectis signaculis, ostia reserat clausa. Ac mirum dictu, piscinam quam reliquerat vacuum, reperiunt plenam, sed ita cumulo altiore refertam, ut solet super ora modiorum triticum aggregari: videasque huc illucque latices fluctuare, nec partem in adversam deluere. Tunc cum exorcismo sanctificato, consperso desuper chrismate, omnis populus pro devotione haurit, et vas plenum domi pro salvatione reportat, agros vineasque aspersione saluberrima futurus. Et cum exinde multitudo amphorarum sine collecto numero hauriatur, nunquam tamen, vel cumulo minuit: licet ubi infans primus infinctus fuerit, mox aqua reducit; et baptizatis omnibus, lymphis in se reversis, ut initio produntur nescio, ita et sine clauduntur ignaro.

57. « Quidam vero ex haereticis Deum non metuens, neque venerationem praestans huic loco sancto, neque credens corde miraculum, quod in eo Dominus ad corroborandum suorum fidem praestare dignatus est, non sileo: venit cum turba equorum solutisque impedimentis, quae jussit in basilicam poni, equilibusque in ea praesepta preparari, irridens miser quae de hoc loco narrabantur ab incolis. Igilur media nocte praeterente, a febre corripitur, ac pene exanimis, et tardius quam debuerat penitens, exclamat, equites ab aede expelli: erat enim ci, sub rege licet, magna tamen in illa regione potestas. Expulsisque e basilica sancta equilibus, ad se reversus cepit dentibus proprium lacerare corpusculum, nec prorsus relincri a suis ob nimiam poterat debacchationem. Tandemque oppressus inter suorum manus spiritum exhalavit.

58. « Denique Theodegisilus hujus rex regionis, cum vidisset hoc miraculum, quod in his sacratis Deo fontibus gerebatur, cogitavit intra se, dicens: Quia ingenium est Romanorum (Romanos enim vocitant homines nostrae religionis) ut ita accidat, et

¹ Cassiod. Var. lect. l. viii. ep. xxxiii.

¹ Greg. Turon. de Glor. mart. l. i. c. 21.

non est Dei virtus. Veniens vero ad annum sequentem, ostium sigillis suis cum episcopi sigillo munitum: posuitque custodes in circuitu templi, si forte aliquem deprehendere possit fraudis alicujus conscium, per ejus ingenium in fontibus aqua succederet; similiter et alio fecit anno. Tertio vero convocata virorum multitudine, fossas in circuitu basilicæ fieri jussit, ne forte locis occultis lymphæ deducerentur in fontem: fueruntque fossæ in profundo vicenum quinum pedum, in latitudine vero quindennum. Sed nihil abditum potuit reperiri. Tamen vitæ finem faciens, et credo pro hujus inquisitionis temeritate, anni sequentis diem, quo hoc mysterium celebrabatur, videre non meruit, eo quod arcanum virtutis divinæ investigare præsumpsit. Habentur autem in ea reliquiæ S. Stephani levitæ ». Hæc Gregorius, qui in eodem fonte aliud editum subdit miraculum. Porro S. Stephani reliquias allatas illuc ab Orosio presbytero, præter illa quæ superius dicta sunt, dicimus quoque anno sequenti.

59. Sed nec caruit Oriens hisce adeo insignibus editis divina virtute miraculis. Etenim Sophronius eadem de Orientalibus oris scriptis tradidit in hæc verba ¹: « Sornba, inquit, vicus quidam est ad radices montis, in quo sita est Coecanensium civitas. In eo baptisterium est, quod in sanctis Epiphaniis sudat (baptismus enim ibi eo tempore celebrabatur), qui sudor per tres horas continuus incrementis augetur, et post baptismi peractum decrescere incipit, et tribus aliis horis sensim detrit. Et in castello Cedebratis, sub monte Ænoandro civitatis situm est baptisterium, quod in prima Paschali sanctæ resurrectionis festivitate, cum sit lapis unus, ex se ipso

continuo impletur: duratque aqua illa usque ad Pentecosten; moxque transacta Pentecoste, evanescit. Utraque vero ista miracula in provincia Lyciæ fiunt. Si quis autem hæc ita esse non credit, usque ad Lyciam non grande iter est, pergat, et rei veritas fidei illi faciet ». Hactenus ipse; de hisque satis: ut intelligas esse Deum in Israel, et in Ecclesia Catholica semper viguisse miracula, quibus veluti digito Dei, quæ vera sit Ecclesia, consignetur.

60. *Honorii triumphus.* — « Hoc eodem anno, sub nominalis consulibus, Honorius (inquit Prosper) triumphans Romanam ingreditur, præeunte curram ejus Attalo, quem Lyparæ vivere exilem jussit ». Hæc ipse: sed triumphus hujus nullam præterea memoriam extare scimus, nisi in nummis ¹ quibus representatur Honorii imperatoris imago, in quorum parte adversa effigies inest militaris, sinistra Victoriam, dextera Labarum tenens, captivum supplantum, quo Attalus designatur, qui Christi virtute ipse hostis Christianæ religionis fuerit penitus debellatus. Sed in uno triumpho (si recte inspicis) de pluribus hostibus debellatis celebrantur victoriæ, et gloriosa elevantur trophæa: de Gothis in primis, qui cum (ut vidimus) in imperium evexere; de gentilibus deorum cultoribus, qui omnibus favore studiis homini restituro deorum cultum; de diis ipsis, vanis responsis vanos homines inflammantibus; ac denique de Ariana perfidia, ejus sectæ symbolis cum Gothis Attalus arcto amicitia fodere junctus erat. Tot igitur tantisque victoriæ titulis decorari Deus voluit Christianum principem maxime piæ, paulo ante Barbarorum atque Gentilium pedibus compressum, oppressum, ac pæne prostratum.

¹ Habet Adolph. in Hodor. pag. 387.

¹ Sophr. Prat. spirit. c. 214. 215.

Anno periodi Græco-Romane 5910. — Olymp. an. 299. — Urb. cond. 1170. — Mart. Indict. 15. — Jesu Christi 417.

— Zozini papæ 1. — Honorii 25. et 23. Theodosii Jun. 16. et 10.

1. *Honorii quinta quinquennalia.* — Cos. *Honorius* Aug. XI et Fl. *Constantius II*, uterque in Occidente creatus, Honorius ob quinta quinquennalia imperii vivente patre suscepti consulatum iniit, sed ea solemnia distulit; quod tam ejus vicennalia anno cxxi. quam tricennalia anno cxxxi exhibita manifestum faciunt, inde enim necessario sequitur, eum vel quinta quinquennalia vel tricennalia distulisse. Cum aut. in constet, eum *tricennalia* legitimo

tempore edidisse, id de quintis ejus quinquennaliibus omnino asserendum.

2. *Pelagius scribit ad Innocentium PP.* — A num. 1 ad 4. *Innocentius* papa die xxvii mensis Januarii rescripsit ad Patres Concilii Carthaginiensis et Concilii Milevitani II, et ad quinque episcopos, qui familiarem ad eum Epistolam dederant, sequè Pelagianos damnasse significavit, ut anno superiori num. 16 et seqq. ostendimus. Currenti etiam anno,

ut habet Baronius, *Pelagius* ad Innocentium papam litteras dedit, quia cum nondum vita functum audierat, libellumque suae fidei misit et Epistolam *Praylii* Joannis in sedem Hierosolymitanam successoris, qua plurimum commendabatur. Antea ediderat *Pelagius* quatuor libros de libero arbitrio, ut verbis in speciem Catholicis sensum haereticum dissimularet; quod opus in lucem emiserat post Concilium Diospolitenum ipso fine anni cdxv celebratum. Epistola ad Innocentium partem non minimam servavit Augustinus in libro de gratia Christi cap. 30 et seqq., quam Garnierius in Appendice ad Dissert. de Scriptis pro haeresi Pelagiana pag. 380 ex eodem libro, et ex libro de peccato originali excerptis. Verum ex ea Epistola manifeste apparet, nihil eum aliud sentire de Gratiae auxilio, quam id quod in Pakesiano Concilio damnasse videbatur. Quidquid vero ibi pro Gratia videbatur dicere, id omne ad naturam et legem referri poterat, ac existimari auxilium gratiae tanquam ex abundantia concedi velle, cum illic «ideo dari hominibus diceret, ut quod facere per liberum iudicium arbitrium, facilius possent implere per gratiam», ut testatur Augustinus in Epistola clxxxvi, num. 35.

3. *Augustinus promulgat librum de Gestis Pelagii*. — Interim *Augustinus*, postquam Pakesianae Synodi gesta diu expedita amicorum ope accepit, quod vulgo in ea *Pelagius* absolutus diceretur, quasi illi episcopi a quibus iudicio dimissus fuerat, ejus sententiam amplexi essent, librum confecit, quo quae in ea gesta fuissent, exposuit, et pios illos ac doctos praestules, quos fama erat Pelagianos errores approbasse, defendit, «ne illo velut absoluto eadem quoque dogmata putarentur iudices approbasse, quod ille nisi damnasset, nullo modo ab eis nisi damnatus exisset», inquit Augustinus de *Pelagio* loquens lib. 2 Retract., cap. 47. Liber ille inventus in Fesulana Canonicorum regularium Bibliotheca a Velsero editus primum fuit Auguste Vandelicorum saeculi hujus initio, hoc titulo: *De Gestis Pelagii contra adversarios gratiae D. N. I. C. ad Aurelium episcopum Carthaginensem liber*, ipse tamen Augustinus, qui et titulum fecit *De Gestis Pelagii*, illum aliquando *De Gestis Palastinus* appellat. Ibi singula eorum capita Pelagio apud Palastinam Synodum objecta, cum ejusdem ad illa responsis, minutatim excutit, probatque eum Synodi sententia sic fuisse absolutum, ut ipsa nihilominus haeresis damnata fuerit. Quam momenti sit liber iste, qui post Baronii mortem lucem vidit, ex eo intelligi potest, quod Synodi Acta, quae *Pelagium* spectant, caque ab Augustino recensita, continet, et quidem ad demonstrandum, quomodo *Pelagius* illasisset Patribus Diosopolitanis, dogna famem Catholicum profiteri coactus esset, quod verbis postea et scriptis

negabat. In eo libro nulla mentio Epistolaram ab Innocentio ad Africanos adversus Pelagianos scriptarum, ideoque vel sub finem superioris anni vel hujus initio promulgatus est; alioquin tam celebrem Pelagianorum damnationem Augustinus non tamisset.

4. *Innocentius PP. moritur*. — A num. 4 ad 12. *Innocentium* Pontificem Romanum paulo post Pelagianorum damnationem, ex qua tantam gloriam consecutus est, ut nulla ei accessio in posterum fieri posse videretur, Deus caelo vindicavit, «ne quid post illud divinum immortale factum mortale faceret», ut verbis utar Plinii in Panegyrico Trajani cap. 10 loquentis de morte Nervae imperatoris, quae tribus post adoptionem Trajani mensibus contigit. Illum anno cdi, et quidem die xxi Decembris, supremum Ecclesiae regimen suscepisse, contra communem sententiam asserimus. Reliquum est ut argumentis ex ejus sedis duratione, die emortuali, ac successoris ordinatione petitis, hoc extra omnem dubitationem ponamus. (1) Anastasius tam in collibus vulgatis, quam in pluribus Mss. docet eum sedisse *annos quindecim, menses duos, dies viginti*; quod confirmant Marianus Scotus, Regino, Ordericus lib. 2, Honorius Augustodunensis, Ado, et Beda, non quidem genuinus, sed vulgatus, uterque in martyrologiis, Catalogo Palatino-Vaticano, alius a Papebrocio, aliisque a Mabillonio editi ac vari Catalogi huius Operi subijuncti, in quibus omnibus Innocentio tribuntur anni xv, menses ii, dies xx, nisi quod aliqui ex iisdem auctoribus ac Catalogis habent dies xxi. Ad haec Prosper juxta editionem Scalligerianam scribit Innocentium sedisse annos xv, menses ii, dies xxi. In Chronico quidem Prosperi Bibliotheca Colbertinae, qui quingentorum circiter est annorum, num. 1286, dicitur *Innocentius* Ecclesiam Romanam gubernasse *annos xv, menses ii, dies xxii*, sed errore librarii unius et alter dies ibi plus numeratur. Quare cum *Innocentius* die duodecima mensis Martii currentis anni ad Deum migravit, ordinatus fuerat anno cdi, die xxi Decembris; sic enim sedit annos xv, menses ii, dies xx, et sepultus est die xiii Martii. Chronicon Prosperi et alios Catalogos, in quibus duratio sedis *Innocentii* augetur vel minuitur, librarii corrumpere.

5. *Et quidem die xii mensis Martii*. — *Innocentium* vero die xii Martii vita functum, deducitur ex Martyrologiis, Romano a Rosweido publicato, omnium quae ad nos pervenere, vetustissimo, Hieronymiano a Florentino et tenebris eruto, alio vetusto sancto Hieronymo attributo, quod legitur tom. iv Spicilegii Dacheriani, alio antiquissimo edito ab Holstenio cum Actis SS. Martyrum Felicitatis et Perpetuae, ex Martyrologio Adonis, Nolkeri Bedae, non quidem genuino, sed vulgato, ex Appendice Adonis, ex Manuscriptis antiquis apud Galesi-

(1) *Innocentius* obiit, ut ex Martyrologiis veterioribus liquet, die xii Martii A. D. 417. *Zozimus* probabiliter ordinatus est die xviii ejusdem mensis, qui in Dominicanis incipit. Vivendi finem fecit, ut ex synacachi prelochi Urbis relatione colligitur, A. D. 418, die xxvi Decembris.

nium, et Martyrologio Ms. Reginae Suecicae, aliisque pluribus Mss. a Bollando ad diem XII Martii in Vita SS. Innocentii et Rasi episcoporum recitatis. Quare Anastasius, qui dicit, Innocentium sepultum esse ad *Ursam pileatum V kalend. Augusti*, intelligendus de aliqua ejus translatione. Auctor Martyrologii Hieronymiani, qui depositionis ejus meminit, et ad diem XII Martii, et ad diem XXI Decemb., tam diem ejus emortualem, quam diem alicujus alterius translationis memorat, indeque valide confirmatur observatio a nobis facta SS. Pontificum translationes, diebus quibus ordinati fuerant, quandoque peractas esse, quod multos viros doctos decepit. In eo enim Martyrologio ad diem XXI Decemb. Innocentii natalem habetur : *Romae depositio S. Innocentii episcopi*, ubi depositio, sicuti saepe alibi, de Innocentii translatione, non vero de ejus morte, ut perperam Papebrocius, interpretanda. Vide dicta anno CCCXIII.

6. *Sententiae nostrae contrariae refelluntur.* — Baronius, qui diem sepulturae vel translationis ab Anastasio descriptum pro die emortuali de more intelligit, *Innocentii* mortem usque in diem XXVII mensis Julii, et *Zozini* ejus successoris initium usque ad diem XIX mensis Augusti differt, sed ex rescripto ejusdem *Zozini*, de quo paulo post agemus, hunc die vicesima quinta Martii praesentis anni jam Ecclesiam Romanam rexisse certo constabit. Papebrocius in Conatu Chronico-Historico ad catalogum Pontificum Romanorum, *Innocentium* die XXI Decembris anni superioris in Martyrologio Hieronymiano notato, demortuum existimavit. Verum praeterquam quod constat, illum ad hujus anni initium vitam protraxisse, cum mense Januario Pelagianos damnaverit, eo pacto sedisset tantum annos XIV, menses XI, dies XXI, quod auctores et catalogi citati, ut existimamus, non patiuntur, licet id vir doctissimus sine auctoritate alicujus codicis Anastasiani, aut alicujus catalogi Pontificum Romanorum persuasum habeat. De *Zozini*, Innocentii successoris, ordinatione paulo post sermo erit.

7. *Augustinus ad Paulinum scribit, ut eum adversus Pelagianos instruat.* — A num. 12 ad 15, Augustinus litteras ad *Innocentium* papam ab Africanis episcopis datas, Paulino episcopo Nolano misit, una cum ejusdem Innocentii responsis, scripta ad eum Epistola CLXXXVI, alias CVI, ut ad Pelagianos vitandos cautus esset, et ad eos convincendos, qui eorum haereses defenderent, armis instrueret. *Pelagius* enim antequam ejus haeresis innotesceret, a Paulino amabatur, ut scribit Augustinus in ea Epistola num. 1, et multorum sanctorum virorum amicus erat. In ea etiam Augustinus refert, se hujus heresiarchae Epistolas ad eum misisse, in quibus se satis gratiam agnoscere aiebat *Pelagius*, quod a Deo nobis insitam esse voluntatem, liberumque arbitrium fateretur, et hoc sufficere putaret. Caeterum *Paulinus* a Pelagianorum erroribus abhorrebat, ipseque Augustinus loco laudato eos refellit ex Epistolis Paulini ac praecipue ex trigesima, alias VII, ad

Severum : « Fragrant enim », inquit Augustinus ad eum num. 39, « Epistola tua odore sincerissimo Christi, ubi germanissimus gratiae ipsius dilector et confessor appares. Sed quod diu tecum ex hac re loquendum putavimus, primo quia juvenudissimum est, fecimus, etc. Deinde ut si quid nostra disputatione Deo adjuvare possemus, tua non fides, sed fidei contra tales adminiculetur assertio, sicut nos quoque in hanc facultatem tuae germanitatis litteris adjuvamur ». Quare Garnerius in dissert. VI, pag. 347, perperam quae scripsit, *Paulinum* Pelagianis Nole existentibus fuisse, et eo usque Pelagii amicitiam coluisse, « ut ab Augustino debuerit moneri graviter de periculo in quo versaretur », ubi loquitur de hac Augustini ad eum Epistola. Verum quidem est, Augustinum num. 29 scribere : « Quod propterea commemoravimus, quoniam quidem apud vos, vel in vestra potius civitate, si tamen verum est quod audivimus, tanta pro isto errore quidam obstinatione nituntur, ut dicant facilius esse, ut etiam Pelagium deserant atque contemnunt, qui hae scitientes anathematizavit, quam ab hujus sententiae, sicut eis videtur, veritate discedant », sed inde *Paulinum* Pelagianis fuisse, inferri non potest.

8. *Tempus quo ea Epistola data.* — Ea Augustini ad *Paulinum* Epistola hoc anno exeunte data, cum scripta sit post acceptas Pelagii ad Innocentium litteras, quas *Zozinus* Roma die XX mensis Septembris ad Patres Africanos misit. In hac Augustini ad *Paulinum* Epistola num. 1 legitur : « Quod etiam quibusdam litteris (Pelagius nempe) ad tuam venerationem datis, ubi dicit se non debere existimari sine gratia Dei defendere liberum arbitrium ; cum possibilitatem volendi atque operandi, sine qua nihil boni velle atque agere valeremus, a Creatore nobis insitam diceret, etc. » Haec enim ad ea spectant, quae Pelagius in litteris ad Innocentium scripserat : « Legant illam Epistolam, quam ad sanctum virum *Paulinum* episcopum, ante duodecim fere annos, scripsimus, etc. » quae verba ex Epistola Pelagii ad Innocentium excerpta refert Augustinus lib. de gratia Christi cap. 35. Quare Augustini ad *Paulinum* Epistola post mensem Septembrem currentis anni data ; cum Pelagii litterae ad Innocentium scriptae, et a *Zozino* in Africam transmissae in Augustini manus pervenire non potuerint ante mensem Octobrem. Hinc Baronius num. 42 perperam scribit eas Augustini ad *Paulinum* litteras nondum creato *Zozino* exaratas esse.

9. *Eusebius Crenonensis Valerianum Pelagianum Alexandria pellenum curat.* — Ad num. 15. Cum sanctus *Eusebius* Crenonensis in Italiam venisset ex Oriente, ac *Valerianum* Valerii comitis servum, hominem grae deditum, ac Pelagianorum erroribus infectum ex Italia Alexandria aufugisse cognovisset, egit per litteras cum sancto Cyrillo, ut nequissimum nebulonem ex Aegypto pelleret, in quibus cum legatur : « Quomodo nunc, cum beate memoriae Innocentius Pelagium, Caeslestiumque cum suis capitibus condemnarit, cunctis eos abiciendi-

bus Orientalibus, Alexandrina Ecclesia in communionem recepit ». Cardinalis Norisius lib. 1 Hist. Pelag., cap. 49, recte inferit, eas initio pontificatus Zozimi ante latam ab eodem in Pelagianos sententiam datas esse : alioquin et Zozimi celeberrimum iudicium nominasset.

10. *Eusebius Cremonensis comes individuis S. Hieronymi.* — Ad num. 16. Eodem fere tempore cum *Eusebius* libros *Amiani* diaconi Celedensis Pelagianus nequissimi adversus Epistolam Hieronymi ad Ctesiphontem reperisset, eosdem in Asiam in schedulis ad eundem transmisit, quibus Hieronymus morte preventus respondere non potuit, uti speraverat. Fuit *Eusebius* patria Cremonensis, teste Hieronymo in Epistola ad Pammachium, forenses causas agitavit, ut ait Rufinus in Invectiva priori, « et a tergiversatione illa actuum publicorum ad monasterium conversus adhesit magistro nobili », nempe Hieronymo. Diu eidem sancto doctori, in monasterio Bethlemitico comes fuit ; exortis vero postea inter Rufinum et Hieronymum dissidiis, *Eusebius* uti a Rufino pluribus calumniis perstrictus fuit ; illa ab Hieronymo in priori sua Apologia acerrime defensus est. Denique cum *Ruffino*, atque Origenis *Pelagius* ac discipuli successissent, paribusque et forte gravioribus Hieronymum odiis exercebant, *Eusebius* pro magistri atque amici honore excubavit. Ejus memoria colitur Cremonae, ut videre est apud Bollandum ad diem v Martii, ubi Vilam ejus a Francisco Ferrario Canonico Cremonensi hujus saeculi initio scriptam, in qua tamen varia dubia ac incerta sunt, recitat.

11. *Amianus famosus Pelagianista.* — Hieronymus in Epistola LXXIX ad Alypium et Augustinum, quae inter Augustinianas est ccc, alias xxv, refert se accepisse « libros Amiani pseudo-diaconi Celedensis missos a sancto fratre Eusebio presbytero ». Baronius loco *Amiani*, Valerianum substituendum existimat, et Eusebium de Valeriano tam ad Cyrillum, quam ad Hieronymum litteras dedisse. Verum, ut observat ibidem Eminent. card. Norisius, *Amianus* a Valeriano valde diversus fuit, ejusque opera primum *Pelagius*, dein *Orontius* episcopus ad sectam promovendam usi sunt. Pelagii lateri adherens in Asiam se contulit, suamque eidem operam in Diospolitana Synodo commodavit ; nam de eo in laudata Epistola scribit Hieronymus num. 2 : « Quicquid in illa miserabili Synodo Diospolitana dixisse se denegat, in hoc Opere profiteatur ». Eo conventu dissoluto, causaque ad Innocentium papam devoluta, quo Pelagio consuleret, in Italiam reversus Hieronymi Epistolam ad Ctesiphontem datam editis contra illam libris impugnavit, qui quidem periere. Quia vero Pelagiani sancti *Chrysostomi* laciniis sese occultare conabantur, *Amianus* ejus Homilias e graeco in latinum sermonem vertit. Ex illis quidem nunc habentur, octo scilicet priores in Mattheum, quibus praefigitur Epistola Amiani ad *Orontium* episcopum, et septem de laudibus Pauli *Evangelo* presbytero dicatae. Fuit

Orontius unus de episcopis ob haeresim Pelagianam postea ex Italia ejectis ; *Evangelus* vero ejusdem factionis presbyter. Utraque Epistola non tantum convitibus in Catholicos, et praesertim in Augustinum ; sed etiam sententiis artibusque Pelagianorum referata est, scilicet laudibus naturae humanae, liberi arbitrii, ac possibilis mandatorum Dei exaggeratione, ut accurate ostendunt Emin. card. Norisius laudatus et Garnerius in Dissert. 1 de primis auctoribus haeresis Pelagianae cap. 7, qui primi ex Historia Pelagianae scriptoribus hunc Pelagianum cognoverunt, ac observarunt eum ab Orosio in Apologia cap. 2 dictum esse armigerum Pelagii : « Stat, inquit, immanissimus superbia Goliath, carnali potentia tumidus, omnia se per se posse confidens, caput, manus, lotum insuper corpus plurimo apparatu vestitus, habens post se armigerum suum, qui, etsi ipse non dimicat ; cuncta tamen artis et ferri suffragia subministrat », quia scilicet Pelagius in latina lingua minus exercitatus, eo utebatur.

12. *Zozimus fit Papa.* — A num. 17 ad 40. Post *Innocentii* papae mortem Anastasius scribit, cessasse episcopatum *dies viginti*. Verum totidem dierum inter pontificium, quod per haec tempora semper obrundit, illud cum latuisse ostendit. Cum enim *Zozimus* natione *Graecus* Innocentii successor die decima octava mensis Martii, in quam Dominica incidebat, ordinatus fuerit, ut ex dicendis in morte ejus liquebit, vacavit sedes dies tantum sex, et initium ac finis pontificatus Zozimi a diebus et annis, cum quibus utrumque alligavimus, nullo modo removeri potest. *Zozimus* die xxii mensis Martii jam pontificatum adeptum esse num. 21 demonstrabo. Quare Dominica antecedenti die scil. xviii ejusdem mensis consecratus fuerat, cum die xii Martii S. Innocentius spiritum Deo reddiderit.

13. *Caelestius Roman venit.* — Caelestius audita morte *Innocentii* ex Oriente Romam statim advolvit, ut Marius Mercator in Commonitorio his verbis nos docuit : « Inde (Epheso nempe, quo anno cxxx postquam Carthagine damnatus fuit, sese contulerat) post aliquantos annos, sub sanctae memoriae Attico episcopo urbem Constantinopolitanam petiit, ubi in similibus detectus magno studio sancti illius viri ex praedicta alma urbe detrusus est, litteris super ejus nomine et in Asiam, et Thessalonicam, et Carthaginem ad episcopos missis, quarum exemplaria habentis proferre sumus parati. Praedictus tamen Caelestius etiam hinc ejectus ad Urbem Romanam sub sanctae memoriae Zozimo episcopo tota festinatione perrexit : ubi actis (quorum exemplaria habentis) interrogatus, cum ab illo cognitore aliquatenus terretur, crebris responsionibus, et persecutionibus suis spem presemnavit, condemnare se illa capitula, de quibus apud Carthaginem fuerat accusatus, promittens. Id enim et instanti jubebatur, ab eoque vehementius ut id faceret, expectabatur, atque ob hoc ipsum nonnulla illius sancti sacerdotis humanitate dignus est habitus ; et sic Epistolam quamdam benignitatis plenam ad Afros

episcopos meruit incertum an Mercator de priori vel de posteriori Zozimi ad Africanos Epistola loquatur] quia ille abusus, vel adhuc abutitur ad multorum ignorantium deceptionem. Episcopis vero ex Africa rescribentibus, omnemque causam quae apud eos facta fuerat exponentibus, missis etiam Geslis exinde, quae fuerant tunc cum illo vel de illo confecta, vocatus ad audientiam plenioram, ut quae promiserat, festinaret implere, id est, ut damnatis praedictis capitulis, sententia Afrorum Pontificum, qua fuerat communione privatus, absolveretur, non solum non adfuit, sed etiam ex memorata Romana Urbe profugit: atque ob hoc a beatae memoriae praedicto Zozimo episcopo scriptis amplissimis vel longissimis perdamnatus est, in quibus et ipsa capitula, de quibus accusatus fuerat, continentur, et omnino causa tam de Caesestio suprascripto, quam de Pelagio magistro ejus priore videtur esse narrata; quorum scriptorum et nos hic habemus exemplaria, et ad Orientales Ecclesias, Aegypti dioecesim, et Constantinopolim, et Thessalonicam, et Hierosolimam similia eademque scripta ad episcopos transmissa esse suggerimus ».

13. *Zozini tempore pax inter Romanam et Orientalem Ecclesiam conciliata non est.* — Ex his verbis Mercatoris, qui hoc tempore vivebat, et quaecumque in Pelagiana causa gesta fuerant, praemambus habuit, discimus *Caelestium* aliquot annis, post suam damnationem *Ephesi* commemoratum esse, cumque inde Constantinopolim venisset, et in ea urbe haeresim suam clanculum disseminaret, *Atticum* episcopum Constantinopolitanum cum inde eiecisset, et ad episcopos Asiae, Thessalonicae, et Carthaginiensis adversus illum litteras dedisse; non tamen ad Pontificem Romanum, cum quo non communicabat, quod Chrysostomi nomen in Diptycha Africae non retulisset. Cardinalis quidem Norisius lib. 2 Hist. Pelag. cap. 6. his Mercatoris verbis innixus: « Et ad Orientales Ecclesias, Aegypti dioecesim, et Constantinopolim, et Thessalonicam, et Hierosolimam similia eademque scripta (Zozimi nempe papae) ad episcopos transmissa suggerimus », inferit, anno primo *Zozini* inter Romanam et Orientalem Ecclesiam pacem conditam. quia, inquit, Zozimus ad Ecclesias Alexandriae, Antiochiae, et Constantinopolis de Pelagianis ab se damnatis scripsit. Unde licet Cyrillus et Allicus id temporis nondum Chrysostomi nomen in Diptycha retulissent, noluit tamen Zozimus Innocentii vestigiis inherere, sed ea dissensione ommissa, eodem per litteras convenit. De Zozimi enim Epistola scribit Mercator: « Quae et Constantinopolim, et per totum orbem missa subscriptionibus sanctorum Patrum est roborata ». Verum Zozimus non alio modo se gessit erga episcopos Orientales memoriae Chrysostomi inimicos, quam sese Innocentius gesserat; neque pax Romanam inter Ecclesiam et Orientalem restituta ante *Bonifacii* pontificatum. Sed cum duae istae Ecclesiae schismate divise non essent, *Zozimus* damnatis Pelagianis tractoriam suam non minus ad Orientales, quam ad Occidentales episcopos misit.

15. *Pontifex Romanus suspenderat tantum Orientales a litterarum Apostolicarum gratia.* — Orientales itaque post Chrysostomi exitum suspensi sunt a communione et litteris Ecclesiae Romanae; sed hanc suspensionem Morinus in Exercitat. Ecclesiast. lib. 2, cap. 17 et seqq., docet hoc tempore plenimum usitatum fuisse, et fere intra aliqua sequentium capitulum constituisse; ut scilicet, cum coepiscopis neque civiliter, neque religiose communicaretur is, cui negata erat communio et litterarum gratia; ab eo commendati clerici non susciperentur; ei non esset cum collegis Formalarum commercium; auctoritate denique suffragii et consensu in Conciliis abdicaretur. Interim tamen in Ecclesia et dioecesi propria auctoritatem et dignitatem, cum clericis et plebe dioecesana communione integram et illibatam retineret. De hac abstentione legende etiam Epistola Augustini cccx, alias cccxi, ad *Caelestinum* papam, et Epistola Leonis papae lx, alias xl, ad *Anatolium* patriarcham Constantinopolitanum. Cum ergo episcopi Orientales hac tantum poena affecti essent, debuit *Zozimus* tractoriam suam ad eosdem sicuti et ad Occidentales inscribere, quod et praestitit, ut non tantum Mercator laudatus, sed etiam *Caelestinus* papa testatur in Appendice Epistolae ad episcopos Galliarum c. 8, ubi citans quemdam locum ejusdem Zozimi, inquit: « In quam nos sententiam dirigit beatae recordationis papae *Zozini* regularis auctoritas cum scribens ad totius orbis episcopos, ait, etc. » Immo « Innocentius », ut prodit Gennadius lib. de script. Ecclesiast., cap. 43. « Urbis Romae episcopus, scripsit decretum Occidentalium et Orientalium Ecclesiarum adversus Pelagium datum, post quem successor ejus Zozimus latius promulgavit ». Quare ex eo quod *Zozimus* tractoriam suam ad episcopos Orientales misit, non bene, non iudicio, Eminent. card. Norisius cum aliter se erga eos ae *Innocentium* gessisse, et primo pontificatus sui anno pacem cum illis pepigisse. Porro ex eo quod Mercator laudatus ait, *Atticum* episcopum Constantinopolitanum *Caelestium* Constantinopolim eiecisse, « Litteris super ejus nomine et in Asiam, et Thessalonicam, et Carthaginem ad episcopos missis », liquet Allicum, licet cum Pontifice Romano non communicaret, communionem tamen habuisse cum Ecclesia Africana, et cum episcopo Thessalonicensi Sedis Apostolicae in Illyrio vicario; ideoque et qui cum Romana Ecclesia communicabant, communionem quandoque cum illis episcopis habuisse, quos illa a sua suspenderat.

16. *Zozimus Caelestium innocentem putavit.* — Ubi *Caelestius* Romam pervenit, *Zozimus* papa in sancti Clementis Basilica concessum habuit, et quidquid ad eam usque diem in ejus causa actum fuerat, excussum est, introductusque etiam *Caelestius*, ac lectus libellus, quo fidem suam testabatur, ut scribit Zozimus in Epistola hoc anno ad *Aurelium* et universos episcopos Africae data, et a Baronio recitata num. 19 et seqq., in qua consules leguntur, sed dies et mensis desiderantur. Ejus professio Zo-

zimo visa est Catholica, non quod, quae dogmata Caesarii continebat, ipse approbaret; sed quod Apostolicae Sedis iudicium amplecti se paratissimum ille exhiberet: « In homine acerrimi ingenii », ait Augustinus lib. 2 contra duas Epistolas Pelagianorum cap. 3, « qui profecto, si corrigeretur, plurimum profuisset, voluntas emendationis, non falsitas dogmatum approbata est ». Non pulchrum tamen Zozius, ejus libellum sibi debere sufficere; sed variis interrogationibus ejus animum exploravit, ut liquet ex laudata *Zozimi* ad episcopos Africanos Epistola. Is vero *Caelestium* excommunicationis vinculis, quibus immodatus erat, absolvendum esse non judicavit: « Sed interposito duorum mensium tempore, donec rescriberetur ex Africa, respiciendi et locus sub quadam medicinali sententiae lenitate concessus est », inquit Augustinus lib. 2 de Pecc. originali cap. 7, quod *Aurelio* ceterisque episcopis Africanis per litteras *Zozimus* significavit datas *XI kal. Octob.* sub hujus anni cons. et recitatae a Baronio num. 25 et seqq. Illis litteris sanctos illos praesides durius increpuit dolens *Pelagii* ac *Caesarii* vices, qui cum Catholica saperent, haereses damnati fuissent.

17. *Caelestius de duabus Innocentii litteris interrogatus*. — Porro quod habet Baronius num. 18, *Zozimum* scilicet dum *Caelestium* examinaret, interrogasse eum « quam exactissime si assentiretur Epistola adversus errorem Pelagii ab Innocentio praedecessore ad universam Ecclesiam data », et id testari Augustinum ad Bonifacium in lib. 2 contra Epist. Pelagianorum cap. 3, ubi de *Zozimo* scribit: « Insuper etiam *Caelestium* se purgare molientem, ad consentiendum supradictis Sedis Apostolicae, id est, Innocentii papae litteris, crebra interlocutione constrinxerit », jam supra consulumus est, ubi ostendimus *Innocentium* papam praeter duas decretales ad episcopos Africanos missas, nihil aliud adversus Pelagianos scripsisse, ideoque Augustinus citatus, de duabus illis Epistolis intelligendus, quod et doctissimus cardinalis Norisius lib. 1 Hist. Pelag., cap. 12, etiam observavit, et probavit ex ipsa interrogatione *Zozimi* in libello Paulini contenta, ubi Pontifex inquit: « Cognovisti quales litteras dederit Sedes Apostolica ad fratres et coepiscopos Africanae Provinciae? » nec aliarum litterarum ibi mentio ulla fit.

18. *Zozimus Herotem et Lazarum episcopos Gallos damnavit*. — *Zozimus* magis sese precipitem in causa *Herotis* episcopi Arelatensis et *Lazari* episcopi Aquensis, qui severe in illis litteris perstringuntur, praebuit; quippe quos absentes et episcopatum et communionem privavit, sive Caesarii criminationibus, sive *Patrocli* tum temporis sedem Arelatensem pro *Herote* occupantis querimoniis motus. *Heros* et *Lazarus* et coram in Pabesiana contra Pelagium ac Caesarium Synodum Diospolitanae indicendam curaverant, et postea per litteras universam Africanam Ecclesiam in eodem haeresiarchas conciliarant. *Heros* sancti Martini Turonensis episcopi

discipulus fuit, et *Lazarus* Turonensis etiam Ecclesiae presbyter, quod ex eo patet, quod in Taurinensi Synodo anno cxi, coacta *Briceum* sancti Martini Turonensis episcopi successorem plurimum criminum reum detulit. *Heros* Arelatensem, *Lazarus* Aquensem Ecclesiam clero populoque contradicente invaserant; *Zozimus* enim in priori Epistola ad Africanos episcopos hoc anno data, ait: « Patuit hos inobservatis conditionibus, plebe cleroque contradicente ignotos alienigenas infra Gallias sacerdotia vindicasse »; quibus ex verbis etiam patet, eos non origine, sed sede Gallicos fuisse. *Lazarus* quidem in eodem Taurinensi Concilio a *Proclo* episcopo Massiliensi uti falsorum criminum delator rejectus fuerat, a quo tamen fit « post multos annos sacerdos, tyrannici iudicii defensor civitatis Aquensium, etc.; stetitque in eo hactenus umbra sacerdotii, donec tyranno imago staret imperii, quo loco post interventionem patroni sponte se exiit, et propria cessione damnavit », inquit *Zozimus* in secunda ad Afros Epistola laudata num. 26 apud Baronium. *Constantinus* enim, ut diximus, quem *Lazarus* patronum *Zozimus* vocat, anno cxi deposita purpura ad *Herotem* confugit, a quo et presbyter statim ordinatus est, ut habet Sozomenus lib. 9, cap. 45, indeque ob tyrannum eo honore decoratum Arelatensium odium sibi conciliavit, annoque cxxii populari tumultu ex Arelatensi sede dejectus est, et *Patroclus* ad eandem evectus, ut scribit *Prosper* in Chronico ad illius anni consulatum. *Lazarus* vero anno antecedenti sponte Aquensis Ecclesiae regimine se abdicarat, ne quid gravius ob tyranni amicitiam contra se ab Honorio imp. statueretur.

19. *Utriusque presulis fama magna fuit*. — Augustinus tamen in lib. de Gestis Pelagii cap. 4, de eis loquens ait: « Sancti fratres et coepiscopi nostri Galli, *Heros* et *Lazarus* », et cap. 29, eos *bonos fratres* vocat. Jam cap. 16 scripserat, aliquam quidem de illis apud Diospolitanae Concilium habitam a Joanne Hierosolymitano episcopo querimoniam; sed illam ad eorum praedictum nihil valere; neque ullius momenti visam esse Patribus Concilii asserit. Denique iidem ab episcopis Concilii Carthaginensis in Epistola apud Augustinianas clxxv, sancti fratres et consacerdotes nominantur. Baronius num. 23 recte scribit: « De *Lazaro* remansit obscura memoria; sed ex *Herote* *Lazarum* disce, quos enim calumnia par involvit, eosdem decerasse aequalem virtutem putandum ». Caeterum hoc anno *Lazarus* in Gallias ex Oriente redierat, ac *Proclo* Massiliensi adhaerebat, etenim cum hic *Patrocli* Arelatensis jura invasisset, atque *Ursum* et *Tuensium* episcopos consecrasset, ut videre est apud Baronium num. xlv et seqq., *Lazarus* unus e tribus episcopis fuit, qui ex antiquo Ecclesiae ritu, ad episcopum consecrationem peragendam requiruntur, quae ubi *Zozimus* papa accepit, datis ad Africae, Galliae, et Hispaniae antistes litteris ibidem recitatis *Proculum* graviter increpuit, non modo quod alienae diocesis episcopos consecrasset; verum etiam quod fuerit

Lazarus in consortio illicitæ ordinationis adscitus. Nec plura Em. card. Norosius lib. 1 Hist. Pelag., cap. 12, aliique Historie Pelagianæ scriptores de utroque Pelagii et Cælestii accusatore in veteribus monumentis invenerunt.

20. *Pelagius fidei professionem ad Zozimum mittit.* — Postquam Zozimus pro Cælestio scripsit ad episcopos Africanos, *Pelagius* suam quoque Epistolam, qua hæresis crimen a se depelleret, misit cum adjuncta fidei professione, in qua sincere quid crederet, quidve respueret, sese declarare prædica-
bat. In ea Cælestium imitatus, ea capita quorum nemo illum postulabat, nullis disputat, sed ubi ad Baptismi questionem venit, « baptismum, inquit, unum teneamus, quod iisdem sacramenti verbis in infantibus, quibus etiam in majoribus, asserimus esse celebrandum » : que verba nihilominus ipsum ad originalis culpe confessionem non adstringebant. Sic neque exprimebat qualem gratiam agnosceret necessariam, et ex his que Augustinus de Pelagianorum fraudibus tradit, intelligimus illum fidei expositionem, in qua nihil esse prorsus videri nisi orthodoxum, januam eorum omnibus erroribus patefacere. Ea tamen accepta *Zozimus* scripsit ad episcopos Africanos supra citatam Epistolam *XI kalend. Octob.* datam, in qua ait, liquido purgare se *Pelagium*, ac fidem suam tanta perspicuitate exponere, ut locum malignis interpretationibus nullum relinqueret. Quare *Zozinus* Cælestii verbis plenissimam fidem præbuit, quemadmodum apud se exposulasse Africanos episcopos ipsemet declarat in Epistola ad eosdem anno sequenti *XII kalend. Aprilis* data, et eo anno a Baronio recitata. Verum culpam, quam imprudens admiserat, postea corripuit, ideoque *Augustinus* eum quantum in se fuit, excusavit, fassus tamen in variis locis libri secundi de peccato originali *Zozimum* initio verbis fraudulentis Pelagianarum professionum, ac Cælestii præsertim simulatione, qua se et instrui velle, et *Innocentii* decretis consentire profitebatur, delusum esse. Libellum fidei a Pelagio editum refert Baronius num. 31 et seqq.

21. *Controversia de Paschate inter Occidentales et Alexandrinos.* — A num. 53 ad 60. Ex Epistola *Paschasini* episcopi Lilybetani ad sanctum Leonem Magnum, quæ post priorem ejusdem sancti Leonis Epistolam in nova ejus Operum editione collocatur, liquet *Zozimum* jam ante Pascha currentis Christi anni pontificatum Romanum adeptum esse. Cum enim Leone Ecclesiam regente magna super Paschate anni *cdxlv* controversia inter Alexandrinos et Occidentales orta fuisset, sanctus Pontifex hac de re consulit *Paschasinum*, qui in ea quam ad eum rescripsit Epistola, meminit controversiæ currenti anno eadem de re exortæ, atque : « Non ergo una dies longius posita tereat; ne cum hoc evitamus, incurramus errorem, sicut tempore recordationis Domini mei prædecessoris vestri *Zozimi*, consulatu Honorii Aug. XI et Constantii II. Tunc enim cum declinaretur, ne X kal. Maii Pascha teneretur, cele-

bratum est VIII kal. Aprilis, id est, pro embolismo communis annus lentus, et error gravissimus est ortus », ut videre est apud Baronium. Ille ergo anno, quo Pascha die *xxii* Aprilis celebrari debebat in Occidente, vitio et errore die *xxv* Martii peractum est, eoque die *Zozimus* jam pontificatum inceptus erat. Controversia quidem de Paschale *Innocentio* sedente mola fuerat, ut ex his *Paschasini* verbis intelligimus, sed non nisi *Zozimo* Ecclesiam Rom. regente illud eo die celebratum. Auctor Chronici Alexandrini sub *hujus* anni *cdss.* Pascha legitimo die in Oriente peractum his verbis docet : « His *cdss.* terra vehementer movit, vesperi die Parasceves, mense Aprilii XII kalendas Maias. Accidit hoc ipso die, quo Dominus noster Jesus Christus passus est ». De eodem terræ motu loquitur Marcellinus sub *hujus* anni *cdss.* Ex fera autem ab auctore Chronici Alexandrini notata apparet Pascha in Oriente die *xxii* Aprilis celebratum fuisse, et quidem sicuti fieri debuit. Imo *Zozimus* jam die *xxii* Martii pontificatum obtinebat; Epistola enim ejus universis episcopis per Gallias et vii Provincias constitutis dicitur *data XI kalend. Aprilis, Honorio XI et Constantio II cdss.*

22. *Fuentes Baptismales in Paschate aqua divinitus impleti.* — Baronius num. 56 refert ex Turonensi lib. 1 de Gloria Mart., cap. 24, quoddam miraculum, quod is in Lusitania singulis annis hebdomada sacra Baptismi occasione fieri solitum fuisse affirmat in piscina quadam *apud Osem campum*, additque Gregorius, Theodegisilum *hujus regionis* regem fraudem subesse ratum per tres annos custodes adhibuisse, et nihilominus fontem baptismalem semper impletum fuisse. Verum licet certum sit, similia miracula sæpius alias sacri baptismi tempore tam in Hispania quam in Gallia visa esse, narratio tamen Turonensis in plerisque circumstantiis falsa. *Theodegisilus* enim annum tantum unum, et menses septem regnavit, sed non in Lusitania, quæ Suevis regibus parebat, et præterea *Ossetum* oppidum est agri Hispalensis, quod parebat *Theodegisilo* Gothorum regi. Quare Turonensis res extra Gallias gestas patrum accurate scripsit.

23. *Attalus truncata manu in exilium mittitur.* — Ad num. 60. Honorius, qui Ravennæ consulatum inivit, « Romam triumphans ingreditur, præeunte curram ejus *Attalo* », ut habet Prosper in Chronico, cui suffragatur Philostorgius lib. 12, num. 5, qui ait : « Imperator cum eo (scilicet Romam) advenisset manu simul et lingua ædificationem Urbis comprobavit. Cumque supra tribunal ascendisset, ad primum ejus gradum transire *Attalum* jussit. Post hæc dextera manus duos digitos ei abscidit, quorum alter quidem pollex, alter vero index vocatur. Eumque in insulam *Lyparam* relegavit, nullo alio supplicio eum afficiens, imo cuncta ad vitam necessaria ei subministrans ». Est autem *Lypara* Æoliarum insularum præcipua, a Sicilia non multum dissita. Orosius capite ultimo de *Attalo* scribit : « In

mari captus ad Constantium comite deductus, deinde imperatori Honorio exhibitus, truncata manu vite relictus est». Quare *Orosius* Historiam suam usque ad hunc annum perduxit, perperamque scripsit Marcellinus in Chronico ad consulatum Theodosii VII et Palladii, ad annum scilicet precedentem, Orosium tunc liberos suos descripsisse. Ipsemet Orosium in fine sui Operis ait, se digessisse Historiam *per annos 5618, ab initio mundi usque in presentem diem*. Exaravit illum librum in Hispa-

niis, qui cum adhibeat aram mundi secundum LXX interpretes, ut vulgo appellatur, apparet eam in Hispaniis per hæc tempora in usu fuisse. Galli ejus initium dicebant a Paschale, ut discimus ex Capone Paschali Victorii Aquitani, quare cum Hispani aram Hispanicam, quæ annis XXXVII Dionysianam anteverlit, per hæc et sequentia tempora usurparint, et semper a kalendis Januarii auspicali fuerint, eosdem ab iisdem kalendis initium ære Mundane repetiisse existimo.

ZOZIMI ANNUS 2. — CHRISTI 418.

1. *Concilium Carthaginense in causa Pelagii et Cælestii*. — Christi annus decimus octavus supra quadringentesimum consulatu Honorii duodecimo, et Theodosii octavo adscribitur Fastis. « Quibus quidem consulibus », inquit Prosper in Chronico, « Concilio apud Carthaginem habito ducentorum decem et septem episcoporum, ad Pontificem Zozimum Synodalia decreta perlata sunt : quibus probatis, per totum mundum hæresis Pelagiana damnata est ». Hæc Prosper. Verum irrepsit error in numerum : nam idem ipse adversus Collatorem ducentos quatuordecim episcopos numerat. Sed quo potissimum anni hujus tempore idem Carthaginense Concilium celebratum fuerit : inde certum argumentum deduci potest, hoc anno, ipso primo veris initio esse collectum, eo quod ad idem ipsum, cum haberetur, extant Zozimi pape littere date quinto kal. Aprilis. Porro propagatum illud esse usque ad mensem Maii, sancita in eo decreta significant. At quoniam eodem tempore, quo Carthagine illud ipsum Concilium habebatur, Romæ iterum cognoscebatur causa Pelagii atque Cælestii : nos tum de rebus Romæ hoc anno gestis, tum Carthagine in celebri illo Patrum consensu transactis ordine temporum acturi sumus.

2. Cum autem tractaretur Romæ causa Cælestii, placuit Zozimo pape ex Africa vocare Paulinum, qui ei fuerat olim sub Innocentio papa adversatus in Concilio Carthaginensi : qui præmisit libellum adversus Cælestium. Interea vero jussus Cælestius

suae fidei professionem edere, libellum Zozimo obtulit : qui licet in omnibus reliquis poluisset videri Catholicus, in eo tamen reprehensione non caruit, cum originale peccatum reperiri negasset. Verum quod petiisset eodem libello doceri, si quid minus rectum pronuntiasset : placuit Zozimo, spe conversionis ipsius, cum eo mitius agere. Sed operam et impensam perdidit, ut constat ex S. Augustini scriptis, necnon ex libello Paulini, ut modo dicturi sumus.

3. Inter hæc autem qui convenerant Carthagine rem naviter agunt : et ne esset quid ab adversariis in eos objici posset, professi sunt Patres se Innocentii pape consecrari atque amplecti decretum, quod anno superiori ab eodem diximus promulgatum : quo uno ictu valido satis iidem sibi visi sunt Patres Pelagium Cælestiumque posse confodere, eorumque errores prorsus extinguere. Hoc igitur communi decreto suffragio, dederunt litteras ad ipsum Zozimum Romanum Pontificem ; de quibus quidem S. Prosper his verbis meminit ¹, cum agit de Conciliis Africanis : « Erraverunt ducenti quatuordecim sacerdotes, qui in Epistola quam suis constitutionibus protulerunt, ita Apostolica Sedis antistitem B. Zozimum sunt allocuti : constituimus in Pelagium atque Cælestium per venerabilem episcopum Innocentium de beatissimi Apostoli Petri Sede prolatam manere sententiam, donec apertissima professione

¹ Prosp. advcr. Coll.

fateantur gratiam Dei per Jesum Christum, etc.» Non exant ipsæ quidem litteræ Synodi Carthaginensis, sed nec quæ a Zozimo ad eandem tunc redidit fuere, verum tantum illæ de causa prosequenda conscriptæ.

4. *Zozimi papæ Epistola ad Concilium Carthaginense.* — Etenim qui convenere patres Carthagine, subinfenso liliere animo, admisisse Zozimum papam ad audientiam Cælestium, quem etsi non alia, certe quidem hæresis infamabat : deque his alias dedere litteras, quibus apud eundem Zozimum querebantur; sed nec ipsæ quidem extant. Certe litteras plurimas ecurrisse et recurrere inter Zozimum papam, et episcopos Africanos, S. Augustinus¹ testatur : idque ex redditis a Zozimo ad eos litteris probe possumus intelligere; describimus nos hic eas ex codice Vaticano depromptas, quæ sic se habent :

« Zozimus Aurelio ac cæteris, qui in Concilio Carthaginensi affuerunt, dilectissimis fratribus in Domino salutem.

« Quamvis Patrum traditio Apostolicæ Sedis auctoritatem tantam tribuerit, ut de ejus judicio disceptare nullus audeat, idque per canones semper regulasque servaverit; et currens adhuc suis legibus Ecclesiastica disciplina Petri nomine, a quo ipsa quoque descendit, reverentiam quam debet exsolvat : tantam enim huic Apostolo canonica antiquitas per sententias omnium voluit esse potentiam, ex ipsa quoque Christi Dei nostri promissione, ut et ligata solveret, et soluta vinceret; par potestatis data conditio in eos, qui sedis hæreditatem, ipso annuente mernissent. Habet enim ipse cum omnium Ecclesiarum, tum hujus maxime, ubi sederat, curam; nec patitur aliquid privilegii aut aliqua titubare aura sententiæ, cui ipsa sui nominis firma et nullis hebetata motibus constituit fundamenta, et quæ suo sine periculo temere nullus incesset. Cum ergo tante auctoritatis Petrus caput sit, et sequentia omnium majorum studia firmaverit, ut tam humanis divinisque legibus et disciplinis omnibus firmetur Romana Ecclesia, cujus locum non regere et potestatem nominis obtinere non latet vos, sed nostis, fratres carissimos; et quemadmodum sacerdotes, scire debetis : tamen cum tantum nobis esset auctoritatis, ut nullus de nostra possit retractare sententia; nihil egimus quod non ad vestram notitiam nostris ultro litteris refereremus, dantes hæc fraternitati, ut in commune consulentes, non quia quid deberet fieri nesciremus, aut faceremus aliquid quod contra utilitatem Ecclesiæ veniens displiceret; sed pariter vobiscum volumus habere tractatum de illo qui apud vos (sicut ipsi per litteras dicitis) fuerit accusatus, et ad nostram qui se assereret innocentem, non refugiens judicium ex appellatione pristina, venerit sedem, accusatores suos ultro deposcens, et quæ in se crimina per rumorem falso dicebat illata condemnans : omnem ejus petitionem priori-

bus litteris, quas vobis misimus, putavimus ac novimus explicatam : satisque illis scriptis, quæ ad illa rescripseratis credimus esse responsum.

5. « Sed post missæ per Marcellinum subdiaconom vestrum Epistola omne volumen volumus : quo aliquando perfecto, ita totum litterarum comprehendistis textum, quasi nos Cælestio commoda-verimus in omnibus fidem, verbisque ejus non discussis, ad omnem (ut ita dicam) syllabam præbuerimus assensum. Nunquam temere, quæ sunt diu tractanda, sinuntur; nec sine magna deliberatione statuendum est, quod summo debet disceptari judicio. Ideo noverit vestra fraternitas, nihil nos post illas quas superius vel litteras vestras accepimus, immutasse, sed in eodem cuncta reliquisse statu in quo dudum fuerant, cum hoc nostris litteris vestra indicavimus sanctitati, ut illa quæ a vobis ad nos missa erat obtestatio, remaneret. Subscripsi. Bene valete. Dat. XII kalend. Aprilis, Honorio August. XII cons. Accepta tertio kalendas Maias ». Hactenus litteræ Zozimi.

6. *Instauratur Romæ judicium adversus Cælestium, in cujus causa maximo utitur studio Zozimi.* — Quod vero litteris anni superioris (ut vidimus) idem Zozimus papa Africanis episcopis significaverat, instaurandum fore Romæ judicium in causa Cælestii, qui ab illis olim damnatus recurrerat ad Apostolicam Sedem, pariterque admonerat, ut si quæ contra ipsum adversarii haberent, proferrent : quamvis ipse Cælestius (quod testatur S. Augustinus¹) libello suo professus esset, se correcturum si quid corrigendum in eo visum fuisset ipsi Zozimo Romano Pontifici; insuper et contestatus fuisset, sequi se velle quod ab Innocentio papa sua Epistola definitum esset : « Tamen », inquit idem Augustinus², « hoc ut plenus et manifestus in illo fieret, expectabatur ex venturis ab Africa litteris, in qua provincia ejus aliquanto calidius evidentius innotuerat. Quæ Roman litteræ posteaquam venerunt, id continent, non sufficere hominibus tardioribus et sollicitioribus, quod se generaliter Innocentii episcopi litteris consentire fatebatur : sed aperte eum debere anathematizare quæ in suo libello prava posuerat : ne, si id non fecisset, multi parum intelligentes, magis in libello ejus illa fidei venena a Sede Apostolica crederent approbata, propterea quod ab illa dictum erat, eum libellum esse Catholicum : quam emendata, propter illud quod se papa Innocentii litteris consentire ipse responderat. Tunc ergo cum ejus presentia posceretur, ut certis ac dilucidis responsionibus vel astutia hominis, vel correctio dilucesceret, et nulla ambigua remaneret : se subtraxit et negavit examini ». Hæc ipse.

7. Verum postea coactus est, quid sentiret, publice interroganti Zozimo respondere : sed de quibus, in primis accipe. Illi quidem ipsi Africani episcopi,

¹ Aug. de pecc. orig. c. 7. et contr. ep. Pelag. ad Bonif. l. II. c. 3. et contr. Jul. l. VI. c. 12. — ² Aug. contr. ep. Pelag. ad Bonif. l. II. c. 3.

⁴ Aug. contra duas ep. Pelag. l. II. c. 3.

qui convenerunt Carthaginem, non solum litteras ad Zozimum papam dedere adversus Caesestium, verum et libellum inter alia misere Paulino diaconi Carthaginensis adversus Caesestium scriptum, quo capita omnia continebantur, de quibus foret interrogandus ipse Caesestius; quo apparere liquidius posset, haereticus ne, an Catholicus (quod profitebatur) omnino esset. Compulsus est etiam a Zozimo papa de fidei suae professione Caesestius, hoc anno, in posteriori iudicio, dari libellum: dedit illum quidem, et licet manifestum continere videretur errorem; tamen quoniam et his verbis contestationem praemisera, ejus exordio haec ita scribendo: « Si forte, ut hominibus, quispiam ignorantiae error obreperit, vestra sententia corrigatur »: (ista erant ipsius verba, quae recitat S. Augustinus ¹) hand liberum fuit ex errore damnare hominem, qui se quod Apostolice Sedi displiceret, ex ejus sententia emendaturum scripto pollicitus esset. Quamobrem in eo Zozimus totus fuit, ut adhibito vulnere oleo, curaret hominem, damnantemque ea quae in libello perperam effusisset, Catholicum reddidit, Catholicae compaginare posset Ecclesiae; a qua aberrans totum fere Catholicum orbem dissentionibus miscuisset. Haec quidem ita se habuisse, nos non conjectura aliqua e longe pelita proficimus, sed testificatione S. Augustini, imo ex Actis publicis, unde ipse cuncta se accepisse testatur: ut cum primo de oblato a Caesestio libello, cujus fragmentum recitat, ista narrat ²:

8. « In libello autem quem Romae edidit, qui Gestis ibi Ecclesiasticis allegatus est, ita de hac re loquitur, ut hoc se credere ostendat, unde hic dubitare se dixerat: nam verba ejus ista sunt: Infantes autem (inquit) debere baptizari in remissionem peccatorum, secundum regulam universalis Ecclesiae, et secundum Evangelii sententiam, confitemur: quia Dominus statuit regnum caelorum non nisi baptizatis posse conferri: quod quia vires naturae non habent conferre necesse est per gratiae libertatem »: Subdit vero haec ad verba Caesestii Augustinus: « Si nihil de hac re deinceps diceret, quis non cum crederet confiteri etiam infantibus in baptismo originalia peccata dimitti, dicendo eos in remissionem peccatorum baptizari oportere? » et paulo post: « Attendite itaque quid Caesestius apertissime dixerit, et ibi videbitis quid vobis Pelagius occultaverit. Caesestius quippe adjungit, et dicit: In remissionem autem peccatorum baptizandos infantes, non ideo dicimus, ut peccatum ex fraduce firmare videamus, quod longe a Catholico sensu alienum est; quia peccatum non cum homine nascitur, quod postmodum exercetur ab homine; quia non naturae delictum, sed voluntatis esse demonstratur. Et illud ergo confiteri congruum, ne diversa baptismatis genera facere videamur: et hoc praenunire necessarium est, ne per mysterii occasionem ad Creatoris injuriam malum antequam fiat ab homine tradi-

datur homini per naturam ». Haec in libello Zozimo oblato Caesestius, quo palam fecit se negare originale peccatum: quae recilas Augustinus, haec subdit:

9. « Hunc sensum suum vobis aperire Pelagius vel timuit, vel erubuit, quem discipulus ejus palam sine ulla obscuritatis ambagibus apud Sedem Apostolicam profiteri non timuit, nec erubuit. Sed multum misericores memoratae Sedis antistes (Zozimus scilicet, ubi eum vidit ferri lauta praesumptione praecipitem, tanquam furentem, donec (si posset fieri) respisceret, maluit eum sensim suis interrogationibus et illius responsionibus colligere, quam districta feriendo sententia, in illud abruptum, quo jam propendere videbatur, impellere. Ideo autem non dixi, aperte reciderat, sed propendere videbatur; quia superius in eodem libello suo de hujusmodi questionibus locutus, ante praedixerat: Si forte, ut hominibus, quispiam ignorantiae error obreperit; vestra sententia corrigatur. Haec ejus praedictionem venerabilis papa Zozimus tenens, egit cum homine, quem false doctrinae ventus inflaverat, ut ea quem illi a diacono Paulino fuerant obiecta, damnaret, atque ut Sedis Apostolicae litteris, quae a sanctae memoriae suo praedecessore manerant, praeret assensum.

10. « At ille noluit quidem diaconi obiecta damnare: sed beati papae Innocentii litteris non est ausus obistere; imo se omnia, quae Sedes illa damnaret, damnaturum esse promisit: atque ita velut phreneticus, ut requiesceret tanquam leniter totus, a vinculis tamen excommunicationis nondum est creditus esse solvendus, sed interposito duorum mentium tempore, donec rescriberetur ex Africa, respiscendi ei locus sub quadam medicinali sententiae lenitate concessus est. Quoniam revera si deposita perniciae vanitate, quod promiserat, vellet attendere, et easdem litteras, quibus se censuratum esse responderat, diligenter legeret, sanaretur. Sed posteaquam ex Africano episcoporum Concilio rescripta directa sunt, quid fuerit consecutum, ut iustissime in eum sententia proferretur, cuncta legite, quia cuncta transmisimus ». Haec tenus de causa Caesestii Augustinus: ex quibus plane intelligis certa fide testatum, quae fuerint partes Zozimi Romani Pontificis in hoc iudicio, nempe instar medici Evangelicis curare hominem qui inciderat in latrones vulnerebus confectum oleum primo infundendo, indeque vinum: ut nihil penitus omiserit, quod et pastoris esset Christianae mansuetudinis et misericordiae, et quod infracti iudicis esset sedentis in Apostolico throno, quod adhuc indignum noluit excommunicationis vinculo solvere.

11. At quoniam Paulini libellum Carthagine missum coram Zozimo editum esse, ut ex eo Caesestius interrogaretur, quae sunt recensita declarant: licet idem libellus non extet; tamen in alio libello qui ab eodem Paulino ad eundem Zozimum datus est extremo loco post damnatos Pelagium atque Caesestium, pro gratiarum actione, nonnulla intexta

¹ Aug. de pecc. orig. c. 6. in fin. — ² Aug. ib. c. 5. 6.

sunt de examine adhibito ab ipso Pontifice, cum Caelestius praesens causam dicitur sistere se iudicio cogere:ur; quem hic reddere ex eodem Vaticano codice, opera praefium duximus, est huiusmodi (1) :

12. « Beatiitudinis tuae iustitiam obsecro, domine Zozime papa venerabilis. Nonquam fides vera turbatur, et maxime in Ecclesia Apostolica, in qua pravae fidei doctores, ut deprehendantur facile, ita veraciter puniuntur, ut moriantur in illis nisi correxerint, quod deterius perpetrarant; et in illis vera sit fides, quam Apostoli docuerunt et Romana cum omnibus Catholicae fidei doctoribus tenet Ecclesia. Quod si, ut caeteri auctores haereseos, qui jam dudum ab Apostolica Sede, vel a Patribus iudicati, et extra sinum matris Catholicae Ecclesiae effecti perpetua morte pereunt; etiam hi qui nunc deprehensi sunt, vel deprehenduntur, in perfidia sua permanent; spirituali gladio, quo interinuantur, traduntur: ut nunc Pelagius Caelestiusque, qui a beatae memoriae praedecessore tuae beatiitudinis papa Innocentio (si rectam respuant fidem et in sua perversa doctrina perdurent) damnati sunt. Cujus sententiam secuta beatiitudo tua, Caelestio, cum a Sede Apostolica audiretur, inter caetera praecipit his verbis :

13. « Damnas ergo illa omnia, quae in libello Paulini continentur, hoc est, de questionibus? Et in alio loco : Cognovisti quales litteras dederit Sedes Apostolica ad fratres et coepiscopos Africae provinciae? Et adjectum : Damnas illa omnia, quae damnavimus, et tenes quae tenemus? Et iterum : Illa omnia damnas quae factata sunt de nomine tuo? Et iterum : Vel ea quae in libello tuo exposuit Paulinus? Et cum me diceret, posse ex his quae illi obiecta sunt, haereticum approbari : Sancto repleus Spiritu, Apostolica auctoritate respicisti insanientis et calumniantis verba, huiusmodi proferendo sententiam, qua ipse Catholicus approbaret; illum, si sanari vellet, curares : quae huiusmodi est : Nolo nos circuitu ducas : Damnas ea omnia quae tibi obiecta a Paulino, sive per famam factata sunt? Cui non sufficit ista sententia? Quis haec tam salubrem, tam amplectibilem, tam piam respueret abus, nisi qui a fide devius est? Et ille qui superius professus fuerat, se quaecumque illi obiecta fuerant, si contra fidem vindicares, esse damnaturum, audi, Damna; et non solum non damnat, sed ad injuriam tantam (tantae Sedis contendit. Unde non ignorat jam Ecclesia Romana reum suum, qui tam audaci spiritu ausus est contradicere, et non damnare quae beatiitudo tua damnari decrevit.

14. « Ego tamen Deo et Christo Domino gratias ago, quod Ecclesiae suae causam ita agi voluit, ut Sedes Apostolica, a qua oportuit ore duorum Pontificum haeresim condemnari, ea damnanda praecipit, quae a me Caelestio fuerant obiecta : cujus ego non damnationem, sed correctionem semper optavi

et opto : cui nunc jam non mecum, sed cum universa Dei Ecclesiae causa est, sicut data ad beatiitudinem tuam scripta testantur, cum contra Apostolicam sententiam venire nititur, negando originale peccatum, quod in omnes homines pertransiit, et usque ad finem mundi tenet haereditatem Ade illius, qui primus peccavit : quod in infantibus nisi per sacramentum baptismi dimittitur, vitam aeternam et regnum caelorum habere non possunt. Contra quae etiam magister suus litigat Pelagius, qui illa ipsa damnavit in iudicio Orientali, quae isle in Sedis Apostolicae coetu conatur adstruere. Habet adversum se etiam veteres Ecclesiarum doctores Catholicos plurimos Orientales et Occidentales, Meridiane partis et Septentrionalis, qui in libris suis istum de originali peccato (si sanari desiderat) possunt docere. Habet B. Cyrilianum martyrem, B. Ambrosium confessorem, Gregorium Nazianzenum, B. papam Innocentium, Habet etiam nunc qui in corpore sibi colluctentur, si ille tamen hos tanto certamine habiles iudicat, aut certe qui vos sequi debeat, si vult magis recta discere, quam prava docere. Habet (quod primum est) beatiitudinem tuam, cujus illum oportuerat obedire sententiae, cum audiret, Damna. Habet postremo ipsos lactentes, quibus misereri debeat, si sibi non vult; quibus (ut verbis martyris utar) non propria, sed aliena dimittuntur peccata.

15. « Unde oro beatum Apostolatam tuum, ut hunc memi bellum suscipi iubeas, quo gratias referam tante Sedi, et sententis iustissimis pro parte mea factis : quem ideo direxi, quia me licet sermone Basilicensi subdiaconus a tua beatiitudo cum Gestis Sedis Apostolicae directis, Carthagine convenit quarto non. Novembris die, ut adessem ad Apostolicam Sedem, et tuae iudicio sanctitatis : ad quam me fugis, suggestum est, nec defuturum fore, promittere, si adversum me et non pro me fuisset facta sententia. Ubi tunc igitur nihil agere potui, quia is qui ad Sedem Apostolicam provocaverat, defuit, quem oportuerat utique merita suae appellationis adstruere; maxime cum nihil aegule appellare, secundum etiam humanas leges, superior est semper ille qui vicit. Quid enim jam mea intererat, ut etiam apud vestram reverentiam pravae ejus doctrinae adstipulari existeret, de quo congaudere possem, si damnatis his quae illi a me obiecta fuerant, sic ea per Apostolicae Sedis iudicium roborari, meruisset absolvi, nec prius se ordinari quam purgari pateretur? Sed vultu fraudibus fuit semper studens, ingenium suum mutare nescit. Non se credidit posse deprehendi, quoniam confidentiam semper in foveis habuit, in quibus demersum caput conscientiae suae nihil occultare. Quod jam diutius latere non potuit; sed manifestius publicatum, spirituali per tuam beatiitudinem gladio resecat, ne amplius ferinis dentibus grex Domini

(1) Libellus, seu Epistola Paulini diaconi adversus Caelestium Zozimo datus, non A. D. CDXVIII, sed anno CDXVII scriptus est, ut in Monito ad hunc libellum docet Constantinus pag. 963. In eo Paulinus Zozimo gratias agit, non quod Caelestium damnasset, sed quod in gestis Romae anno CDXVII mense Septembri institisset, ut Caelestius ea damnaret capitula, quae ipsi a Paulino obiecta fuerant. MASSI.

secetur in partes, quem pastor bonus sollicita et per-
vigili cautela custodis. Hunc autem libellum direxi
beatitudini tuæ per Marcellinum subdiaconum Ec-
clesiæ Carthaginensis. Dat. sexto id. Novembris... »
Hactenus Paulini libellus pro gratiarum actione
missus ad Zozimum, quo res gestæ ab ipso Zozimo
adversus Cælestium magna ex parte perspicue red-
duntur. Quæ autem adversus Pelagium Zozimus
egerit, jam ex majorum assertionem narremus.

16. *Idem in Pelagium præstat.*— Certe quidem
scriptorum ejus temporis festificationibus laudatur
ejusdem Pontificis studium adversus etiam Pelagi-
gium hæresiarcham exhibitum : nam inter alios S.
Prosper hæc per ironiam habet ¹ : « Erravit sacro-
sancta benedictio Sedis Petri, quæ ad universum
orbem papa Zozimus ore sic loquitur : Nos autem,
tamen instinctu Dei, etc. » Fuerunt ejusmodi
litteræ adversus emergentem hæresim scriptæ ab
ipso Zozimo papa ad universam Ecclesiam; quas
ipsi qui considebant Carthagiæ episcopi Africani,
redditis ad eundem litteris, summopere laudant;
nam subdit paulo post ipse Prosper : « Erraverunt
Africani episcopi ad eundem papam Zozimum re-
scribentes, eumque in sententiæ hujus salubritate
laudantes, cum aiunt : Illud vero, quod in litteris
tuis, quas ad universos curasti esse mittendas, po-
suisti dicens : Nos autem, tamen instinctu Dei (om-
nia enim bona ad auctorem suum referenda sunt,
unde nascuntur) ad fratrum et coepiscoporum nos-
trorum conscientiam universa retulimus, etc. » Et
post multa : « Africanorum Conciliorum decretis
beate recordationis papa Zozimus sententiæ suæ
robur adnexuit, et ad impiorum detractionem
gladio Petri dexteræ omnium armavit antistitem ». Hæc Prosper.

17. Sed et S. Augustinus hæc ait de Pelagio ² :
« Fefellit enim judicium Palæstinum, propterea ibi
videtur esse purgatus, Romanam vero Ecclesiam,
ubi cum esse nolissimum scitis, fallere usquequa-
que non potuit : quamvis et hoc fuerit utrumque
conatus; sed (ut dixi) minime valuit. Recoiluit enim
beatissimus papa Zozimus, quid imitandus præces-
sor ejus de ipsis senserit gestis », Palæstinus videli-
cel. « Attendit etiam, quid de illo sentiret prædi-
canda in Domino Romanorum fides, quorum
adversus ejus errorem pro veritate Catholica studia
consonantia concorditer flagrare cernebat ». Et
paulo post : « Cum venerabili papæ Zozimo Syno-
dus Africana respondit, quod vestræ charitati cum
cæteris instructionibus misimus ». Hæc Augustinus
ad Albinum et Pinianum nobiles Romanos Hieroso-
lymæ agentes. Addit inferius ³, eundem Zozimum
papam litteris suis, quas ad universas Ecclesias de-
dit, attexuisse ejusdem Pelagii blasphemias, quas
vilarent fideles omnes. Recitat idem Augustinus
fragmentum earundem adversus Pelagii hæresim
Zozimi litterarum de peccato originali in Epistola ⁴

ad Optatum. Porro utriusque, nempe Pelagii et Cæ-
lestii, damnationem sic constat fuisse conceptam, ut
nisi correcti agerent penitentiam, damnati solo
orbe Christiano penitus censerentur. Meminit Cæ-
lestius papa de Epistola Zozimi adversus Pelagia-
nos data, dum scribit ad episcopos Galliarum, item-
que Gemadinus ⁵ Massiliensis, et Possidius.

18. *Sixtus presbyter insurgit in Pelagium.*—
Accidit autem et tunc illud Romæ, ut cum adversus
Pelagium atque Cælestium in sacro Palrum con-
sesso coram Zozimo sententia lata esset, Sixtus Ro-
manus presbyter, qui postea Pontifex Cælestino suc-
cessit, primus omnium in eodem palam inelama-
verit anathemate : idque S. Augustinus ea de causa
ab eo factum affirmat, quod more suo Pelagianii
mentientes, de Sixto sparsissent calumniam, ipsum
nimirum favere Pelagianis, jactantes habere se Six-
tum amicum atque patronum : ad quam quidem
diluendam calumniam, sanctus presbyter magnis
sumptis spiritibus ad debellandam eam hæresim
cum auctoribus atque sectariis insurrexit : habes
hæc omnia satis expressa in Epistola ad ipsum red-
dita a S. Augustino, ubi hæc in exordio ² : « Quod
enim fatendum est charitati tuæ, tristes eramus ni-
mis, cum fama jactaret inimicis gratiæ Christi te
favere : sed ut hæc tristitia de nostris cordibus terge-
retur, primo te priorem anathema eis in populo fre-
quentissimo pronuntiasse, eadem fama non tacuit.
Deinde cum litteris Apostolicæ Sedis de illorum
damnatione ad Africanam missis tuæ quoque litteræ
ad venerabilem senem Aurelium consecuta sunt,
quæ tametsi breves erant, tuum tamen vigorem
adversus eorum errorem satis indicabant. Nunc
vero cum apertius et latius quid de illo dogmate
contraque sentires, in litteris tuis fides ipsa nobis-
cum Romanæ Ecclesiæ loqueretur; non solum illud
omne tristitiæ nubilum fugit de cordibus nostris,
sed etiam tantum ibi lætitiæ lumen effulsit, ut nihil
egisse in nobis videretur ille mœror et timor, nisi
successorum ampliorem flagrantiam gaudiorum ». Hæc Augustinus ad Sixtum. Quin etiam et
illud ad sui purgationem adjecit, ut adversus eos-
dem Pelagianos, quibus amicus dicebatur, comen-
tarium scripserit. Testatur id quidem ipse Au-
gustinus ³, laudans hæc de re animi ipsius consi-
lium.

19. *De damnatione Cælestii et Pelagii reser-
iptum imperatorum.*— Accidit post hæc, ut quidam
ex clero Romano obnites Zozimo papæ, ab eodem
luerint excommunicati : qui furore perciti, ad im-
peratorem Honorium de Zozimo conquesturi se con-
tulerunt; quos idem Pontifex, datis litteris signifi-
cavit, sententiæ excommunicationis damnatos, a ne-
mine suscipiendos : extant ipse ⁴ commonitionis
Zozimi litteræ, quas ad presbyteros et diaconos Ra-
vennam scripsit. Fuisse hos fautores Pelagii, quos
idem Zozimus rebelles et perturbatores omnium

¹ Prosp. contr. Col. — ² Aug. de pecc. orig. c. 8. — ³ Aug. de pecc. orig. c. 22. — ⁴ Aug. ep. c. LVII.

⁵ Gennad. l. de Ecclesiast. dogm. — ² Aug. ep. cv. — ³ Aug. ep. cvt. — ⁴ Zozim. ep. it. l. ep. Rom. Pont.

vocat, possumus intelligere. Cum igitur (ut dictum est) Romæ a Zozimo papa et sacro collegio clericorum Pelagius atque Cælestius damnati essent, ab eodemque Zozimo ad universos Catholicæ Ecclesiæ episcopos de ipsorum condemnatione litteræ conscriptæ essent; mox eas consecutum est Honorii imperatoris rescriptum adversus eosdem hæreticos. Accepimus illud e latebris antiquitatis erutum a viro disertissimo piæ memoriæ Henrico Gravio professore Lovaniensi, dum Romæ ageret sub Gregorio XIV Rom. Pontifice, jam ante vocatus a Sixto: natus est ipse ex codice monasterii S. Vedasti Alrebatensis. Et licet mendis nonnullis abundet, meretur tamen ipsa veneranda antiquitas etiam pannis attrita cultum. Est autem ipsum hujusmodi:

20. « Imp. Honorius et Theodosius Augg. Palladio prefecto prætorio.

« Ad conturbandam Catholicæ simplicitatis lucem puro semper splendore radiantem, dolose artis ingenio, novam subito emicuisse (emersisse) versutiam, pervulgata opinione cognovimus: quæ fallacis scientiæ obumbrata mendaciis et vario tantum debacchata luctamine, stabilem quietem cælestis conatur attrahere fidei, dum novi acuminis commendata vento, insignem notam plebeicæ æstimat vililitatis, sentire cum emctis; ac prudentiæ singularis palmam fore, communiter approbata destruere. Cujus impiæ commentationis auctores Pelagium, Cælestiumque percrebuit exitisse. Hi parenti cunctarum rerum Deo, præcipuæque semper majestati, et ter omnipotenti ultra omne principium transeundi tam truncem inclementiam sævæ voluntatis assignat, ut cum formandi mundi optificem curam sumeret, qualitalemque hominis struendi profunda spiritus conceptione libraret, fundati muneris fidei anteferet exordium, et mortem præmitteret nascituro, non hanc insidiis veliti fluxisse peccati, sed exegisse penitus legem immutabilis constituti: ad declinandum lethi exitialis incursum nihil prodesse abstinentiam delinquendi, cujus ita vis putatur adstricta, ut non possit aboleri deinceps: primitivi hominis errorem, in quem captæ mentis inops rationis cæcitas irruisset, dilapsam ad posteros non fuisse: tantumque apud eum, quem malæ suadæ gratiæ infelix rapuisset illecebra, transgressionem interdicti exitisse et discriminis: Cum evidens Catholicæ legis omnifaria testetur auctoritas, illum interitus omnium fuisse vestibulum, quem divinæ præceptionis sedulum liqueat corrupisse mandat. Aliaque quamplurima, quæ sermo respuit, lex refutat, quæ perpetue cum sit recordari etiam sub dispositione plectendi: quæ maturato remedio et celeritate festina oporteat intercipi, ne corroborato usu nequitiæ adolescentes vix valeant coerceri. Siquidem aures mansuetudinis nostræ recens fama perstrinxerat, intra sacratissimam urbem nostram, aliaque loca hoc pestiferum virus quorundam inolevisse pectoribus, ut interrupto directo credulitatis tramite, scissis in partes studiis disse-
rendi, monstra impacatæ dissensionis inducta sint;

novoque scandali fomite concitato, beatissimæ Ecclesiæ hactenus nutet intentata tranquillitas, aliis iter aliud anceps interpretatio sectantibus. At (et) absoluta sanctorum apicum claritas, ac dilucide quod sequi universitas debeat, explanans, pro capto versipellis ingenii profanum novorum more anserum naeventium questionem, Palladi parens erisime atque amantissime.

21. « Ob quam rem illustris tua auctoritas victura in omne ævum lege nos statuisset cognoscat, ut pulsus ex Urbe primitus capitibus dogmatibus excrandi, Cælestio atque Pelagio: Si qui hujus de cætero sacrilegii sectatores quibuscumque locis potuerint reperiri, aut de pravitate damnata aliquem rursus proferre sermonem: a quocumque correpti, ad competentem judicem pertrahantur: quos, sive clericus sive laicus fuerit, deferendi habeat potestatem, et sine præscriptione aliqua perurgendi, quos relicta communis sententiæ luce, novæ disputationis tenebras introferre deprehenderit, contra Apostolicam scilicet disciplinam, Evangelicamque claram et sine errore sententiam, vafra rudis se sectæ calliditate pugnantes, involventesque splendorem fidem veri, ambagibus disserendo.

22. « Hos ergo repletos ubicumque de hoc tam nefando scelere conferentes, a quibuscumque jubemus corripri, deductosque ad audientiam publicam, promiscue ab omnibus accusari, ita ut probationem convicti criminis stylus publicus insequatur, ipsis inexorati exilii deportatione damnatis. Debet enim originem vitii a conventu publico sequestrari, nec in communi eos celebritate consistere, qui non solum factio nefario detestandi, verum etiam exemplo venenali spiritus sunt cavendi. Juvat autem per omne pæne imperium nostrum, qua mundus extenditur, hujusmodi promulgata diffundi: ne scientiæ fortasse dissimulatio pastum præstet errori, atque impune se quisque pudet audire, quod condemnatum vigore publico, sese finxerit ignorare. Data prid. kalendas Maias, Ravennæ, DD. NN. Honorio XI et Theodosio VIII. AA. cons.» Hactenus sanctio Honorii imperatoris.

23. Ad hoc ipsum imperatoris rescriptum allussisse visus est Julianus Pelagianus, dum ait adversus Catholicos¹: « Si pro vobis potius ab imperatore responsum est: cur non in medium propositis et hoc publicis potestatibus allegatis, vos esse monstrantes, quorum Christianus princeps approbavit fidem? » Hæc ipse insultans, cavillare conatus ipsum rescriptum, sed et exprobrans Catholicis quod ab imperatore auxilium petissent. Hunc vero ita petulanter agentem S. Augustinus adversariis scriptis egregie confutavit. Meminit ejusdem quoque Honorii imperatoris edicti Possidius², editumque ab eo affirmat, postquam ab Apostolica Sede cognovit Pelagium atque Cælestium esse damnatos; ait enim: « Et hoc tale de illis Ecclesiæ Dei Catholicæ prolatum judi-

¹ Apud Aug. cont. Julian. Pelag. l. III. c. 4. — ² Possid. in Vit. S. Aug. c. 18.

cium etiam piissimus imperator Honorius audiens ac sequens, suis eos legibus damnatos, inter hæreticos haberi debere, constituit. Unde nonnulli ex eis ad sancta matris Ecclesie gremium, unde resiliant, redierunt, et adhuc affi redemunt, imofolescente et prævalescente adversus illum detestabilem errorem recta fidei veritate ». Hæc Possidius, qui egregiam adversus eosdem a S. Augustino navatam operam commendat.

24. *Romæ primum, inde Carthagine damnati Pelagius et Cælestius.* — Cæterum post damnatos Romæ a Zoizino Pelagium atque Cælestium, et post promulgatam in eosdem Honorii sanctionem, Concilium Carthaginense sequenti die errores Pelagii condemnasse, inde patens deducitur argumentum : quod cum testificatione Possidii certum sit, Honorii legem adversus eos lalam fuisse postquam idem Romæ damnati essent : constetque ipsum edictum Honorii datum (ut vidimus) hoc anno sub diebus consulibus pridie kal. Maias ; ipsa autem editio canonum facta legalur kalend. Maiis, sub qua etiam die repetiti ibi habentur canones Concilii Milevitani adversus Pelagianam hæresim constituti : plane liquet dicta die in eo Concilio eam hæresim esse damnatam.

25. *Pelagiani per Julianum calumniis appetunt Zoizimum et clerum ; in Catholicos furunt.* — Cum igitur Pelagius cum suis Romæ a Zoizino papa damnationis sententiam accepisset, sparsisque per Christianum orbem ejusdem Pontificis adversus eosdem scriptis litteris, earumdem auctoritate ubique locorum fideles populi contra Pelagianos anathema inclamarent : qui in errore obstinatiori animo remanserunt, odio tabescentes, exulcerati invidia, non habentes quid jam detecti facere possent, ad calumnias concinnandas stylium exacuunt. Præstitit id in primis, qui post Pelagium atque Cælestium sectæ illius habebatur antesignanus, Julianus episcopus Capuanus ; qui patrociniū hæresis, et hæreticorum suscipiens, pro ipsis adversus Orthodoxos quatuor libros edidit, atque duas Epistolas, quarum alteram Romanam misit, alteram nomine decem, et octo episcoporum scripsit ad Thessalonicensem episcopum, meminuit horum omnium S. Augustinus ¹. At quid his inter alia ? e stomacho concoctas odio in Zoizimum papam, Romanum clericum, atque ipsum S. Augustinum calumnias virulentas evomit : quas omnes ipse confutat Augustinus : nam in primis quod ad Zoizimum spectat, hæc ait ² : « Quale est autem, quod beate memorie Zoizimum Apostolicæ Sedis episcopum (ut in tua pravitate persistas) prævaricationis accusas ? qui non recessit a suo prædecessore Innocentio, quem tu nominare timuisti, sed maluisti Zoizimum, quia egit primitus lenius cum Cælestio ; quoniam se in his sensibus vestris, si quid displiceret, paratum esse dixerat corrigi, et Innocentii litteris consensus esse promiserat ». Et

alibi ³ : « Innocentii successorem crimine prævaricationis accusas ; quia doctrinæ Apostolicæ, et sui decessoris sententiæ noluit refragari. Sed de hoc interim taceo, ne animum tuum, quem sanare potius cupio, laudibus tui damnatoris exulcerem ». Hæc ipse : quibus apparet cum Pelagio atque Cælestio damnatum quoque fuisse a Zoizimo ipsum Julianum episcopum Capuanum. At de ejus calumniis in Zoizimum hætenus.

26. Quid insuper idem Julianus cum suis in Romanum clericum effudit, ipse etiam sanctus Augustinus alibi docet his verbis ⁴ : « Quin etiam Romanos clericos arguit, scribentes, eos jussione terrore percultos, non erubuisse prævaricationis crimen admittere, ut contra priorem sententiam suam, qua Gestis catholico dogmati adherant, postea pronuntiarent malam hominum esse naturam. Imo vero Pelagiani spe falsa putaverant, novum et execrabile dogma Pelagianum, vel Cælestianum persuaderi quorundam Romanorum Catholicis mentibus posse : quando illa ingenia quamvis nefando errore perversa, non tamen contemptibilia, cum studiose corrigenda potius, quam facile damnanda viderentur, aliquanto lenius quam severior postulabat Ecclesiæ disciplina, tractata sunt. Tot enim et tanti inter Apostolicam Sedem et Afros episcopos concurrentibus, et recurrentibus scriptis, Ecclesiasticis etiam Gestis de hac causa apud illam sedem Cælestio præsentem, et respondente confectis ; que tandem Epistola venerande memoriæ papæ Zoizimi, que interpositio reperitur, ubi præcepit credi oportere, sine ullo vitio peccati originalis hominem nasci ? nusquam prorsus hoc dixit, nusquam omnino conscripsit. Sed cum hoc Cælestius in suo libello posuisset, inter illa duntaxat, de quibus se adhuc dubitare, et instrui velle confessus est ; in homine acerrimi ingenii, qui profecto si corrigeretur, plurimum profuisset, voluntas emendationis, non falsitas dogmatis approbata est. Et propterea libellus ejus Catholicus dictus est, quia et hoc Catholice mentis est, si qua forte aliter sapit quam veritas exigit, non ea certissime definire, sed detecta ac demonstrata respicere. Non enim hæreticis, sed Catholicis Apostolus loquebatur, ubi ait ⁵ : Quotquot ergo perfecti, hoc sapiamus : et si quid aliter sapitis, id quoque Deus vobis revelabit. Hoc in illo factum esse putabatur, quando se litteris beate memorie papæ Innocentii, quibus de hac re dubitatio tota sublata est, consentire respondit, etc. » Que superius dicta sunt.

27. Sed quid in Augustinum idem ipse Julianus Pelagianorum advocatus ? Audi hæc ipsum Augustinum referentem ⁶ : « Dicis me quoque ipsum innovasse sensus meos, et initio conversionis meæ hoc sensisse, quod tu. Sed fallis, aut falleris, sive calumniando iis, que nunc dico, sive non intelligendo, vel potius non legendo ea que tunc dixi, etc. » Pluribus enim adversus se ab eo jactatas calumnias

¹ Aug. ad Bonif. cont. Pelag. l. II. c. 4. et 5. — ² Aug. cont. Jul. l. VI. c. 12.

³ Aug. cont. Jul. l. I. c. 4. — ⁴ Aug. ad Bonif. cont. epist. Pelag. l. II. c. 3. — ⁵ Philip. III. — ⁶ Aug. cont. Jul. l. VI. c. 12.

confutat. Sed de his hactenus : reliqua enim præterimus, ut cum calumniatus est Julianus Catholicos omnes eadem sapere quæ Manichæi, ex eo quod dicerent humanam vitiatam esse naturam.

28. At parum fuit Pelagianis calumniis agere : verum quo magis, et Romani Pontificis auctoritate, et lege imperatoris sese perstringi sentirent, eo audacius correpti furore, in Catholicos insiliere. Quid enim in humilibus conditionis viros admiserint, ex his quæ in Constantium virum clarissimum vicaria præfectura perfunctum perpetrarunt, potest intelligi ; de quo pauca tantum hæc Prosper hoc anno scribit in Chronico ¹ : « Hoc tempore Constantius servus Christi ex vicario, Romæ habitans et pro gratia Dei Pelagianis resistens, sanctione eorundem multa pertulit, quæ illum sanctis confessoribus sociarunt ». Hæc Prosper.

29. *De variis lucubrationibus Augustini.* — Sed quæ sunt reliqua de rebus Pelagianorum prosequamur oratione. Sanctus Augustinus, qui (ut ait Possidius) decem annos adversus Pelagianam hæresim infatigabili studio laboravit, præter alias complures lucubrationes adversus eam editas, hoc anno, nempe post damnatam Romæ eandem hæresim, duos edidit libros, alterum de Gratia Christi, alterum vero de Peccato originali, ambosque ad Albinum, Pinianum, et Melaniam juniorem sibi notos Hierosolymis degentes ; ut ubi Pelagius de sua purgatione securus sedem constituerat, quo majori facilitate hæresi sua orbem inficeret, ibi ad salutem omnium paratum adversus venena distraberetur antidotum : illuc enim religionis ergo Christiani frequenti cœtu concurrere soliti erant. De iisdem vero libris hæc ipse Augustinus ² : « Posteaquam Pelagiana hæresis cum suis auctoribus ab episcopis Ecclesiæ Romanæ, prius Innocentio, deinde Zozimo, cooperantibus Conciliorum Africanorum litteris, convicta atque damnata est ; scripsi duos libros adversus eos, unum de Gratia Christi, alterum de Peccato originali ». Hæc ipse.

30. Porro cui hactenus adversus Pelagianos pugnandum fuit : novum jam ac plane contrarium priori certameo incubuit, nempe adversus eos qui negarent penitus liberum arbitrium, sed omnia Dei gratiæ tribuerent. Erant hi ex monasterio Adrumetino, qui (inquit ipse Augustinus), quod gravius est, negabant in die Judicii Deum esse redditurum præmium secundum opera hominum. Contra vero alii ibi sic defendebant liberum arbitrium, ut negarent Dei gratiam, asserentes eam secundum merita nostra dari. Scripsit igitur ipse S. Augustinus ad utramque partem confutandam duos commentarios ³, alterum de gratia et libero arbitrio, de correctione vero et gratia alterum, ambos ad Valentinum et monachos Adrumetinos : ad quos etiam extant date duæ Epistolæ, in quarum posteriori, hoc anno se eam scripsisse, significare vide-

tur his verbis : « Quod papæ Zozimo de Africano Concilio scriptum est, ejusque rescriptum ad universos totius orbis episcopos missum, et quod posteriori Concilio Plenario totius Africae contra ipsum errorem breviter constituimus, et supra memoratum librum meum, quem modo ad vos scripsi, hæc omnia et in præsentem legimus cum ipsis, et per eos misimus vobis ». Vocat posterius Concilium illud, quod hoc anno est celebratum, sic ab eo dictum respectu prioris, cujus idem meminerat, sub Innocentio papa Carthagine celebrati. Vides, lector, simul ac pullularunt infructuosi palmiles negantium liberum arbitrium, continuo ab Augustino fuisse convulsos, sicut et alios malos fructices, ex quibus recentiorum novatorum prava dogmata plantæ adulleriniæ orta sunt.

31. *Concilium Teleptense Bizacenaæ provinciæ.* — Hoc anno, qui primus est post consulatum Honorii undecimum, et Constantii secundum, mense Februarii celebratum habetur Concilium Telense : illa quidem mendose legitur, sed Teleptense restituendum est : erat Telepte prima sedes provinciæ Bizacenaæ, cui Donatianus nomine episcopus præerat, qui huic Concilio præfuisse legitur ; quem et invenies subscripsisse Concilio Milevitano, eodem sedis titulo, nimirum : « Donatianus Teleptensis primæ sedis subscripsi » : qui item reperitur nominatus in Concilio Carthaginensi hoc anno kalendis Maiis habito : nam ibi in fine hæc de electis judicibus : « De provincia Bizacena cum sancto sene Donatiano primate, Cresconius, Jocundus, et Emilianus » : quos invenis recensitos in dicto Concilio Teleptensi, nempe Cresconium, Jocundum, et Julianum loco Emilianii episcopos qui Concilio interfuerunt : ut non sit quod dubites, Telense, esse restituendum, Teleptense. In quo quidem Concilio nihil aliud præterea factum reperitur, nisi quod ad causæ, de qua controversia vertebat, definitionem, jussa est recitari decretalis Epistola Siricii Romani Pontificis ad Africanos episcopos data : ut plane intelligi possit, quanta esset observantia Africanæ Ecclesiæ erga decreta Romanorum Pontificum, cum in Conciliis primo loco datæ quod olim ab illis Epistolæ recitari juberentur ; quod et antea factum Vincentius, et Fortunatus legati testati sunt. Quid præterea ibidem actum sit, nihil apparet.

32. *S. Augustinus legatus missus a Zozimo papa in Cæsaream Mauritaniam, ibi Donatistas confundit ; ex tota Africana Ecclesia superstitiones et abusos evellit.* — Contigit insuper hoc ipso anno, ut S. Augustino et aliis episcopis injungeretur legatio a Zozimo Romano Pontifice in Cæsaream Mauritaniam. Fidem sane facit hujus rei ipse Augustinus in exordio Epistolæ ad Optatum, in qua hæc habet ¹ : « Illæ litteræ, quas ad Mauritaniam Cæsariensem misisti, me apud Cæsaream præsentem venerunt, quo nos injuncta nobis a venerabili papa Zozimo Apostolicæ Sedis episcopo Ecclesiastica ne-

¹ Prosp. in Chron. his Cons. — ² Aug. Retract. l. II. c. 50. — ³ Extant. tom. VII. cum duab. epist.

¹ Aug. ep. CLVII.

cessitas traxerat ». Porro Possidius ait, non Augustino tantum, sed aliis episcopis commissam fuisse hujusmodi legationem; quos illos puto, quorum nomina recitantur in ipso exordio Gestorum cum Emerito. Quid autem ibi agi confugerit, idem S. Augustinus his narrat verbis ¹: « Orta est nobis necessitas pergendi in Mauritaniam Casariensem. Ibi apud ipsam Casaream Emeritum Donatistarum episcopum vidimus, unum scilicet eorum septem, quos pro suae causae defensione delegerant (Donatista videlicet tempore Collationis Carthagine olim habitae) et qui in eadem causa maxime laboraverat. Quae cum illo egerimus, praesentibus episcopis ejusdem provinciae, et plebe Casariensis Ecclesiae, in qua civitate et civis, et memoratorum haereticorum episcopus fuit, Ecclesiastica Gesta testantur, quae in meis habentur opusculis. Ubi non invenimus quid responderet, totum sermonem meum, quem de solis Maximianistis in auribus ejus, et omnium qui aderant explicavi, tanquam mutus audivit. Hic liber, vel haec Gesta sic incipiunt: Gloriosissimis imper. Honorio XII et Theodosio octavum cons. » Est hic quidem praesens annus. Exanque ipsa Acta ² integra, consignata iisdem consulibus. XII kalend. Octobris: quorum meminit et Possidius, qui interfuit, aitque ³:

33. « Postea in Casariensi Mauritaniae civitate constitutus venerabilis memoriae Augustinus quo cum venire cum aliis ejus coepiscopis, Sedis Apostolicae litterae compulerant, ob terminandas videlicet alias Ecclesiae necessitates. Haec ergo occasione provenit, ut Emeritum ejusdem loci Donatistarum episcopum, quem suae sectae praecipuum in illa Collatione habuerunt defensorem, videret, et cum eodem publice in Ecclesia, populo adstante diversae communionis, ex hoc ipso disputaret, et provocaret Gestis Ecclesiasticis; ut quod forte (sicut dicebat) prosequi potuit in Collatione, sed permissus non fuerat. in praesenti sine alicujus potestatis prohibitione aut potentia securus dicere minime dubitaret: et in sua civitate, suis omnibus praesentibus civibus, fiducialiter propriam defendere communionem non denegaret. Iste nec hac hortatione, nec suorum parentum, et civium instanti petitione id facere voluit: qui ei pollicebantur, se ad ejus redituros communionem, etiam cum discrimine patrimoniorum, salutisque suae temporalis, si modo Catholicam superaret assertionem.

34. « At ille amplius dicere illis Gestis nihil voluit, nec valuit, nisi tantum: Jam illa, inquit, Gesta continent apud Carthaginem inter episcopos confecta, ultrum vicinimus an convicte fuerimus. Et dum a notario alio loco, ut responderet, admoneretur, et reticeret, ejus cunctis manifestata diffidentia, Ecclesiae Dei augmenta ac firmitatem provenerunt ». Haec Possidius. Exprobat id ipsum pluribus S. Augustinus agens adversus Gaudentium ⁴, re-

linditque hominis dicacitatem, cum tum ipse, tum alii Donatistae effluirent, non licuisse in Collatione illa Carthaginensi, vel metu armorum, vel gratia praesidentis magistratus, prosequi causam: quam modo tali occasione, tibi nullus metus, omnique addeset securitas, in civitate propria, impellentibus licet suis, omnino tacuerit, causa diffidens, quam lovebat iniquam. « Quo tempore », ipse inquit Augustinus ⁵, « scripsi etiam librum de correctione Donatistarum, propter eos qui volebant illos legibus imperialibus corrigi ». Est haec Epistola ad Bonifacium comitem scripta ⁶.

35. Quid praeterea magna civium utilitate idem S. Augustinus egit, cum Casareae esset, ipse alibi alia occasione narrat his verbis ⁷: « Denique cum apud Casaream Mauritaniae populo dissuaderem pugnam civilem, vel potius plusquam civilem, quam catervam vocabant: neque enim cives tantummodo, verum propinqui, et fratres, postremo parentes ac filii lapidibus inter se, in duas partes divisi, per aliquot dies continuos certo tempore anni solemniter dimicabant, et quisque (ut quemque poterat) occidebat. Egi quidem granditer, quantum valui, ut tam crudele atque inveteratum malum de cordibus et moribus eorum avellerem, pelle-remque dicendo. Non tamen egisse aliquid me putavi, cum eos audirem acclamantes, sed cum flentes viderem: acclamationibus quippe se doceri, et delectari, flekti autem lacrymis indicabant. Quod ubi adspexi, immanem illam consuetudinem a patribus et avis, longeque a majoribus traditam, quae pectora eorum hostiliter obsidebat, vel potius possidebat, devictam, anlequam re ipsa id ostenderetur, credidi. Moxque sermone finito, ad agendas Deo gratias corda atque ora converti. Et ecce jam ferme octo, vel amplius anni sunt, propitio Christo, ex quo illic nihil tale tentatum est ». Haecenus de his ipse.

36. Irreperant et alii ex Gentilium ritu in Africanam Ecclesiam pravi usus, quos idem S. Augustinus verbi Dei faece succidit, ut inter alios illi de quibus sic ipse ad populum ⁸ pro concione: « Isti enim intelices, et miseri homines, qui ballationes et saltationes ante ipsas basilicas sanctorum exercere nec metunt, nec erubescunt, etsi Christiani ad Ecclesiam venerint, Pagani de Ecclesia revertuntur; quia ista consuetudo ballandi de Paganorum observatione remansit. Et jam videle qualis est ille Christianus, qui ad Ecclesiam venit orare, et neglecta oratione, sacrilega verba Paganorum non erubescit ex ore proferre. Videle tamen, fratres carissimi, si justum est, ut ex ore Christianorum, ubi corpus Christi ingreditur, luxuriosum canticum quasi venenum diaboli proferatur ». Haec ipse: ex cujus quoque predicatione ballationes sublatae fuerunt, quas saltando more Gentilium exercebat; saltatio tamen remansit; sed vocem ballandi, pro saltando, vulgus retinuit.

¹ Aug. Retract. c. LI. — ² Aug. lib. de Gestis cum Emerito. — ³ Possid. in Vit. S. Aug. c. 14. — ⁴ Aug. cont. Gaudent. l. 1. c. 14.

⁵ Aug. Retract. l. II. c. 48. — ⁶ Aug. ep. L. — ⁷ Aug. de Doct. Chris. l. IV. c. 24. — ⁸ Aug. de tempor. ser. cccv.

37. Rursus vero de alia ex idololatria manante, sed jam proscrip̄ta consuetudine ita ad eundem populū : « Et licet credam, quod illa infelix consuetudo, quæ de Paganorum prava observatione remansit, jam nobis castigantibus, et de locis istis fuerit, Deo inspirante, sublata; tamen si adhuc agnoscat̄is aliquos illam sordidissimam turpitudinem de hinc inde, vel cervata exercere, ita durissime castigate, ut eos peniteat rem sacrilegam commisisse. Et si quando luna obscuratur, adhuc aliquos clamare cognoscitis; et ipsos admonete, denuntiantes ei, quam grave sibi peccatum faciunt, quando lunam, quæ Deo iubente certis temporibus obscuratur, clamoribus suis a maleficiis sacrilego ausu se defendere posse confidunt. Et si adhuc videtis aliquos ad fontes, aut ad arbores vota reddere, et (sicut jam dictum est) sortilegos etiam et divinos, vel percantatores inquirere, phylacteria etiam diabolica, et characteres, aut herbas vel succos sibi aut suis appendere; durissime tanta eorum peccata increpantes, dicite, quia quicumque fecerit hoc malum, perdit baptismi sacramentum. Et quia audivimus, quod aliquos viros vel mulieres ita diabolus circumveniat, ut quinta feria nec viri opera faciant, nec mulieres lanificium; coram Deo, et sanctis Angelis ejus contestamur, quia quicumque hoc observare voluerint, nisi per prolixam et duram penitentiam tale sacrilegium emendaverint, ubi arsurus est diabolus, ibi et ipsi damnati sunt. Isti enim infelices et miseri, qui in honore Jovis in quinta feria opera non faciunt, non dubito quod ipsa opera die Dominico facere nec erubescunt, nec metuant. Et ideo quoscumque tales esse cognoveritis, dirissime castigale. Et si se emendare noluerint, nec ad colloquium, nec ad convivium vestrum eos venire permittite. Si vero ad vos pertinent, etiam flagellis cædite, ut vel plagam corporis timeant, qui de animæ suæ salutē non cogitant ». Hæc ipse : de quo et superius diximus, ab ipso sublatum fuisse in festis sanctorum martyrum usum citharæ, convivia, atque choreas; de quibus amovendis adhuc ejusdem sermones extant ad populū habitū¹.

38. Insectatus est pariter abusus illos, quos ex negligentia quorundam Christianorum sensim illabi cognovit, eosdemque ipso sui ortu convellendos curavit; nimirum de illis qui negligenter interesse sacris Missis, quive recederent antequam absolverentur, quive sermones in Ecclesia miscerent, dum Missæ dicebantur : sed et in eos qui quererentur de prolixitate Missarum; de his enim ista habet² : « Adhuc quoque, quod valde dolendum est conquiri vobiscum volo, quia sunt aliqui, et maxime potentes hujus mundi, qui cum veniant ad Ecclesiam, non sunt devoti ad laudes Dei celebrandas, sed cogunt presbyterum, ut abbreviet Missam, et ad eorum libitum cantet : nec ei licet morem Ecclesiasticum sequi propter illorum gulam et ava-

ritiam, etc. » Vides morem prislium canendi omnes Missas; et considera unde introductum sit; ut eadem etiam voce submissa dicantur, et unde pariter evenerit, ut in ipso introitu Missæ, dicta antiphona, qui sequitur Psalmus non ipse integer ex more pristino, sed unus tantum ipsius versus dicatur. At in ipsa Romana Ecclesia, non ut Psalmus unus duntaxat ante Missam præcineretur, sed inferum Psalterium cum antiphonis psalleretur, Celestinus papa (ut suo loco dicemus) constituit. Sed de his hætenus, in qua divertimus occasione ipsius Augustini legationis ad Ecclesiam Casariensem a Zozimo papa ipsi ac collegis episcopis credite. Quo tempore certum est eundem scripsisse Epistolam ad Oplatum de origine animæ, et adversus Pelagianos : id quidem ex ejus scriptionis exordio redditur manifestum³. Ut plane mirum sit considerare res omnes ab eodem Augustino hoc anno gestas atque conscriptas, quarum facta est a nobis superius mentio : unde idem ipse ad Albinum et socios⁴ : « Inter occupationes nostras, multo apud Carthaginem, quam ubicumque alibi densiores, etc. »

39. *Zozimi pape decretum de ministris Ecclesie ordinandis.* — Hoc item anno Zozimus papa ad Gallos, Hispanos et Afros decretalem Epistolam dedit adversus eos qui ad sacerdotium confestim prorunt absque alia prævia ministratione in singulis, qui sacerdotium præcedunt, ordinibus; definiens quantum temporis in quolibet ordine quis debeat ministrare. Non extant ipsæ quidem litteræ, sed eadem repetit in Epistola⁵ eodem argumento conscripta hoc eodem anno ad Hesygium episcopum Salonitanum.

40. Quod insuper ad res Galliarum spectat, hoc item anno Zozimus papa Proclum Massiliensem episcopum ob illicitas episcoporum ordinationes damnatum, nova adhuc molientem litteris est insectatus, scribens de his ad Patroclum episcopum Arelatensem Epistolam, quæ in veteri Arelatensi codice sic descripta habetur :

41. « Zozimus Patroclo episcopo Arelatensi.

« Cum et in præsentī cognoveris, et frequenter a nobis litteris ipse sis monitus, ut auctoritate Metropolitanæ, quam tibi Apostolicæ Sedis pronuntiatione firmavimus, Proculi ausibus conatibusque illis, quibus adhuc reputat aliqua posse turbare, hujus rei oppressus occurreres, renitens rigore, censuraque quam pro regularum confirmatione suscepas; quippe cum et tibi nostrum delegatum nosse officium, et illum scires esse damnatum : miror, quid post ista Proculo liceat ac vacet illa quæ consueverat, aut pejora committere. Quidnam putant unde istam habes potestatem tuam, ut censuerimus, censeamusque quicumque de illis ad nostras regiones veniunt, sine tua non suscipiendos esse Formata, nec probandum quem non provincia positus ipse probaveris? Post istam ecce delegatio-

¹ Aug. de divers. serm. CXV. de S. Cyr. serm. III. et in Psal. XII. conc. 1. — ² Aug. de temp. serm. CCLII.

³ Aug. ep. CLXIII. — ⁴ Aug. de Grat. Chr. c. 1. — ⁵ Zozim. ep. 1. tom. I. epist. Rom. Pont.

nem ad nos rumor advenit, Proculum quasi consuetis ludere, et ut moribus suis junxisse sibi quosdam idoneos turbationibus homines, et post illa quae illi interdiximus ordinasse. Sed sciant quibus hanc Epistolam volumus in notitiam pervenire suscepisse nullatenus posse, quia aut contra regulas repente, aut postquam interdiximus, illi sunt ordinati. Dat. III non. Mart., Hon. XII et Theodosio VIII Aug. cons. » Quo etiam tempore eodem argumento litteras scripsit ad Massilienses, quae ex eodem Arelatensi codice petita sic se habent :

« Zozimus clero, ordini, et plebi consistenti Massiliae.

« Non miror Proculum inconsulta adhuc fronte durare, et oblitum penitus pudoris quotidie digna damnatione committere, nec aliquando desistere, ut toties commonitus prohibitusque non cesset : esse (ecce) cœtum vestrae dilectionis sua qua sola notus esse turbatione confundit, nec Ecclesiam patitur esse concordem, cum suis indigeat semper officiis, quatenus aggerens postrema prioribus, malum aliquod quod ante commiserat, in pejus emendet : Cum ipse jam non sit episcopus, episcopos facit, et humanus largitor aliis se dicit posse prestare, quod datum sibi aliquando immerito tenere non potuit. Addens sibi, iungitque inquietæ mentis homines, et qui soli possunt favere damnato, per quoscumque barbarum studiosos cogitat, ac sua fidens societate conficiat. Sed habeo, fratres carissimi, vestri curam, moleste ferens, quicquid ille quotidianis ausibus facit, id vos Christianum populum, et qui in nostra charitate persistat, posse perferre, nec ejus obviare factis, aut repugnare conatibus. Idcirco curam vestri licet et prioribus commiserim litteris vestrae metropolitano provinciae fratri et coepiscopo nostro Patroclo, tamen iterum committo, ut ipsius tui consilio, et pro disciplinarum ratione formati ejus obtemperantes nitibus dignum possitis accipere sacerdotem. Dat. IV non. Mart., Honorio XII et Theodosio VIII Augg. cons. » Hactenus res gestæ in causa Procli, instigante Patroclo viro laudatæ, sed ut alienæ sedis invasore, admodum improbatæ, qui Zozimo papæ nescienti causa fuit injuste aliqua peragendi : sed de supplicio Patrocli inferius.

42. Porro scias Zozimi iudicium a posteris Pontificibus fuisse neglectum. Nam qui successit Zozimo Bonifacius aliter definiit ex auctoritate sexti canonis Nicæni Concilii, quo statutum est, ut unaquæque provincia suum habeat Metropolitanum : scribens enim Epistolam ad Hilarium episcopum Narbonensem (ut suo loco dicitur) jussit ejus provinciam Metropolitanam integre conservari, neque ad Arelatensis episcopi jura pertinere : in quam sententiam Bonifacii successor Cælestinus pariter abiit, ut ex ejus litteris ¹ patet. Scias pariter ejusmodi controversiam diu multumque vexasse complures Romanos Pontifices, sopitanque sæpe iterum in ju-

dicium revocalam, judicasseque de ea S. Leonem papam, ut suo loco dicturi sumus.

43. *Mirabilis conversio Judæorum insula Minoricensis a Severo episcopo per Epistolam narrata.* — Contigit hoc etiam anno conversio Judæorum insulae Minoricensis, virtute sacrarum reliquiarum S. Stephani Protomartyris, quas Orosius (ut dictum est) acceptas Hierosolymis secum in Hispaniam vexit. Acciderunt quidem res admiranda, toti Christiano orbi factæ perspicuæ ex litteris Circularibus Severi ejus insulae episcopi ad omnes Ecclesias datis, et publice ubique lectis ; quas inter alios accepisse liquet Evodium episcopum Uzalensem in Africa, et eorum populo eas recitare fecisse : id enim inscriptum ad ipsum liber testatur his verbis ¹ : « Eodem namque die, quo ingressæ sunt Ecclesiam beati Stephani sanctæ reliquiae, in ipso principio canonicarum lectionum Epistola quoque ad nos delata cujusdam episcopi, Severi nomine, Minoricensis insulae, de pulpito in aures Ecclesiae cum ingenti favore recitata est : quæ continebat gloriosi Stephani virtutes, quas in insula memorata per præsentiam reliquiarum suarum in salutem omnium illic credentium perfeceat Judæorum. Unde ex hac recitatione talium factorum suorum, tanquam extensione manuum suarum, acclamantibus et exultantibus fidelibus, ipse dicere videretur : Ecce habetis martyrem ». Ille ad Evodium, cujus est apud S. Augustinum ² honorifica mentio, ad quem etiam extant datæ complures ejusdem Augustini Epistolæ, et ipsius ut eum scriptæ.

Datum est autem nobis ejusdem Protomartyris gratia, ut inter scribendas Vaticanæ bibliothecæ antiquitates, eandem repererimus Severi Epistolam integram in nullo detrimentum passam : quam (quod nesciamus ab alio editam) hic integram describere, ut egregium antiquitatis monumentum, dignum existimavimus ; sic enim se habet :

44. « Sanctissimis ac beatissimis dominis, episcopis, presbyteris, diaconibus, et universæ fraternitati totius orbis terrarum, Severus episcopus misericordia Dei indigens, et omnium ultimus, in Christo Redemptore nostro æternam salutem ». Intelligis consuetum hujus temporis symbolum Catholicorum, qui, ut se longe abesse a Pelagiana ingruente hæresi demonstrarent, se in ipso titulo gratia et misericordia Dei indigere profiterentur. Sed ipsam reddamus Epistolam.

45. « Cum Dei opera revelari, et confiteri honorificum esse, Raphael Archangelus ³ moneat : profecto silere, vel celare opera Christi periculosum est : in quibus tamen adnumerandis major est gratia, si communi et simplici sermone referantur. Celatur enim quodammodo speciosissima pulchritudo virtutis, si abundantiori eloquio circumdata fuerit atque fucata. Quapropter ego quoque magna-

¹ Cælest. ep. 1.

¹ Evod. de Mir. S. Stephani, l. 1. c. 2. apud Aug. tom. X. edit. Plan. — ² Aug. de divers. serm. XXXII. XXXIII. et de Civ. Dei, l. XXII. c. 18. — ³ Tob. XII.

lia, quæ apud nos Christus operatus est, non composito, sed veridico sermone referre aggredior. Insula Minorica, una ex Balearibus insulis est, quarum nomen cunctis populis, sæcularium quoque auctorum litteris, pervulgatum est. Hæc inter Mauritaniam Casariensem et Hispaniam medio propemodum æquoris spatio sita, angustis admodum terminis clauditur, longitudinem triginta, latitudinem vero tria millia passuum habens. Quæ nunc idcirco commemoravi, ut agnosci possit, contemptibilia ¹ mundi a Domino non solum in hominibus, sed etiam in locis eligi. In hac itaque insula, quæ omnium terrarum parvitate, ariditate, asperitate postrema est, duo parva oppida, quibus a Pœnis indita nomina, e regione fundata sunt: Jammona ad Occasum, Magona ad Orientem spectat. In his mihi omnium mortalium ultimo nuper sacerdotialis officii pondus impositum est. Sed Jammona antiquum a Deo munus etiam nunc retinet, ut Judæi habitare in ea nequaquam possint. Multos siquidem id tenere audentes, aut ægrotudine præventos, aut repulsos, aut morte subitanea extinctos, aut etiam fulmine trucidatos tradit vetustas: adeo ut celeberrimi hujus rei fama ipsis quoque Judæis, ne id ultra temere audeant, metum fecerit. Nec hoc fide indignum ducimus, cum etiam lupos, vulpesque, et omnia noxia animalia deesse videamus: cum earum quæ ad vescendum bonæ sunt, ferarum copia magna sit. Illud etiam magis mirum est, quod colubri et scorpionibus sunt quamplurimi, sed amiserunt omnino nocendi violentiam. Cum igitur Jammonam nullus Judæorum, qui lupis ac vulpibus feritate atque nequitia merito comparatur, ne hospiti quidem jure accedere audeat: Magona tantum veluti colubris, et scorpionibus (ut tradebatur) fervebat, ut quotidie ab his Christi Ecclesia morderetur. Sed antiquum illud beneficium carnale, nuper nobis spirituale renovatum est: ut illa (sicut scriptum est ²) generatio viperarum, quæ venenatis ictibus sæviebat, subito divina virtute compulsa, mortiferum illud jure incredulitatis abjecerit.

46. « Namque diebus pæne istis, quibus ego tanti sacerdotii nomen, licet indignus, adeptus sum: presbyter quidam sanctitate præcipuus, a Hierosolyma veniens, Magonæ non longo tempore moratus est: qui postquam transvehi ad Hispanias, sicut desiderabat, nequivit remeare ad Africam demum statuit: erat enim Hispania obsessa hoc tempore a Gothis, quod suo loco est demonstratum: et hic presbyter Hispanus erat Orosius. Sed pergit: « Tunc B. Stephani reliquias, quæ nuper revelatæ sunt, cum ad Hispanias portare constituisset: ipsas, sine dubio martyre inspirante, in memorati oppidi Ecclesia collocavit. Quo facto, profinus ille ignis, quem Dominus ³ venit mittere in terram, et quem valde ardere cupit, charitate ejus accensus est. Statim siquidem tepor noster incaluit, et factum est cor nostrum (sicut scriptum est ⁴) ardens in via. Tunc

enim ille in fide jam ardebat zelus, tunc spe salvanda multitudinis erigebat. Denique statim intercisæ sunt etiam salutationis officia, et non solum familiaritatis consuetudo divulsa, sed etiam noxia inveteratæ species charitatis ad odium temporale, sed pro æternæ salutis amore translata est. In omnibus plateis adversus Judæos pugne legis, in omnibus domibus fidei prælia gerebantur.

47. « Judæorum populus maxime cujusdam Theodori auctoritate et potentia nitēbatur, qui non solum inter Judæos, verum etiam inter Christianos ejusdem oppidi, et sensu, et honore sæculi præcipuus erat, siquidem apud illos legis doctor, et (ut ipsorum utar verbo) pater patrum fuit; in civitate autem cunctis curiæ munis exolutus, et defensor jam extiterat, et jam nunc patronus municipium habebat. Christiani autem ut corde, ita etiam et viribus humiles, sed veritatis robore superiores, patroni Stephani patrocinium deprecabantur: donec utrique exercitus, cum jam diem certaminis condixissent, datus tunc induciis discesserunt. Judæis id magnopere expectantibus, ut scilicet Theodorus, in cujus se omnis synagoga viribus acclinabat, ex Majoricensi insula reverteretur, ad quam forte visendæ possessionis gratia perrexerat. Qui quidem, statim ut ad eum missa legatio est, remeans, auctoritate sua multos terruit, sed non exstinxit, sed consopivit contentionis incendium: majore siquidem illico exardescens violentia, etiam vicinum oppidum fidei flamma corripuit. Et ut illud Salomonis ¹ impleretur: Frater fratrem adjuvans exaltabitur sicut civitas firma, et alta: statuerunt multi famuli Christi, laborem itineris inuivem recusantes, cunctas animi vires huic bello tradere.

48. « Pendente igitur prælio, nos quidem qualia præparaverimus arma, subditum huic Epistolæ communitorium probat; quod quidem non pro quorumdam instructione edi volumus (quippe quia ea penitus egemus, et quam a beatitudine vestra magis speramus), sed ut animadverti possit, non minimum nos sollicitudinem secundum modum possibilitatis nostræ suscepti habuisse certaminis; Christum vero, cujus regnum non in sermone, sed in virtute est, nobis ne verbum quidem profertentibus, suis omnia viribus consummasse, et absque ullo sudore certaminis exercitui suo hanc, quam nemo aut optare audebat, aut sperare poterat, victoriam concessisse. Judæi igitur exemplis se Machabæi temporis exhortantes, mortem quoque pro defendendis legitimis suis desiderabant. Itaque non solum libros revolvere, sed etiam saxa, sudes, jacula, omniaque telorum genera ad synagogam conferre cœperunt, ut Christianorum aciem virtute sancti Spiritus munitam (si ita res posceret) etiam corporis viribus propulsarent.

49. « Interea dum hi apparatus gererentur, magnoque altrinsecus studio futurum insituitur bellum: ubinque exercitus inenarrabilibus, et abso-

¹ 1. Cor. i. — ² Luc. III. 3. — ³ Luc. XII. — ⁴ Luc. XXIV.

¹ Prov. XXVII.

lutissimis somniis commoventur : quorum si nullam penitus facerem mentionem, non minimam videhor partem divinæ gloriæ operuisse. Sic enim S. Apostoli Pauli somnium Lucas¹ sacre historie inseruit, dicens, virum Macedonem adstitisse in visione noctis, orantem ut iuvaretur ab eo; et hæc Apostolum visione præmonitum, itineris alio destinati cursum ad Macedoniam convertisse. Quanto itaque Domini nostri Jesu Christi major est gloria, quod id minimis atque indignis famulis revelare dignatus est, quod etiam beato Apostolo demonstratum Scriptura celare noluit? Igitur brevitatis causa, ne beatitudini vestre fastidium fortasse gignatur, duo tantum somnia inseram.

50. « Apud nos devota quædam religiosissima, nomine Theodora, quæ et virginitate corporis, et religione propositi, et nominis interpretatione typum portare Ecclesiæ mereretur, vixit in visione noctis viduam quamdam nobilissimam ad me, qui non pro merito, sed pro divini muneris largitate sacerdotio fungor, insertas litteras per se misisse (præmisisse), quibus mihi cunctos agros suos ad seminandum suppliciter offerret. Simili etiam somnio me quoque ultimum peccatorum ad seminandum præcingere, et commovere dignatus est. Vidua enim quædam altera nobilissima, quam synagoge speciem habuisse non dubium est, me, ut agros suos incultos susciperem, eosque quando tempus sementis urgeret, diligenter excolerem, deprecabatur. Quæ est autem altera nobilissima vidua, nisi illa, quæ Christum imple perimendo, semetipsam crudelissime viduavit? Hoc somnium utriusque unum est. Ante triginta ferme quam implerentur dies, et vidisse, nos, et licet absolutionem ejus ignorarem, tamen fratribus indicasse, manifestum est.

51. « Apud Judeos quoque miro divine dispensationis ordine, ut et nominis Theodori, et officii mei in uno homine societas conveniret, Theodorus qui summus sacerdos peritii populi erat, somnium, quod viderat, non solum Judeis, sed etiam propinquæ cuidam matrifamilias primariæ ipsius civitatis, nullisque etiam aliis Christianis, ante non parum quam adimpleretur tempus, his sermonibus propalavit : Eunti mihi (inquit) in synagoga, duodecim viri manus obvias obtulerunt, dicentes : Quo vadis? Leo illic est. Cum ergo, audito leonis nomine, trepidare cœpissim; locum tamen, dum fugam paro, unde introspicerem, reperi, et vidi monachos illic mira suavitate psallentes : major mihi pavor illico adjectus est; et nisi in cuiusdam nomine Ruben ingressus fuisset domum, et inde ad matrem propinquam cursu præcipiti convolassem, nequaquam curam mortiferi terroris evasissem. Illa me examinem suum suo confovens a discrimine pariter, et a metu eripuit. Hoc ejus somnium valde clarum est, et interpretatione non indiget. Quis enim leo, nisi ille de tribu Juda radix² David? Quæ propinqua illa, nisi de qua scriptum est³ : Una est propinqua mea?

Hud ergo solum videbatur obscurum, quod in domum Ruben Judæi, a leone cum terreretur, ingressus est : quod quidem nobis postmodum ab ipso leone, qui terruit, ut salvaret, evidentissime expositum est : quod dehinc suo explicabimus loco. Nunc autem cœpte rei ordinem prosequar.

52. « Ex Jammonensi civitate ad protectionem famulorum Christi multitudo convenit, quæ in ipso oppido putabatur consistere : tantaque difficillimi itineris laborem alacritate confecit, ut triginta millia passuum jucundius transvolaret, quam si ad suburbium aliquod amœbissimum ad convivia epulaturi vocarentur. Igitur Magonam pervenimus. Statim ego, missis clericis, adventum meum Judæis nuntiavi, et ut ad Ecclesiam sanctam accedere dignarentur, poposi. Illi autem inopinatum nobis nuntium remittentes, mandaverunt, Ecclesiam sibi (ne, credo, polluerentur) ingredi die eadem non oportere : esse enim diem sabbati, cujus festivitate suis illi actibus corrupissent. Rursum ego expetivi, ut me ad synagoga, si mallet, opperirentur, quandoquidem ingressus Ecclesiæ pollutio videretur : non utique eos a nobis in die festi sabbati ad opus servile compelli; futurum autem honestissimum de lege conflictum, nec excitandas lites et fabulas esse miscendas; aut, si non astute certamen fugerent, et simplicem afferrent excusationem, ostenderent præceptum, quod in eo die sermonem conferre, prohibitum sit. Ad hæc cum illi in omnibus contradictionem obstinatissimam retulissent, tandem illius leonis terrore compulsi, ad domum in quam hospitio accesseram, confluxerunt. Hi ego : Quæso, inquam, fratres, quare quasi adversus latrones, præsertim in civitate Romanis legibus subdita, cervos saxorum, omniæque armorum genera congregastis? Nos acquirere cupimus, vos perdere desideratis? Non est (quantum arbitror) æquum, ut tam varia lite alterutrum laboremus : vos vero (ut video) sititis nostrum sanguinem, nos vero vestram salutem.

53. « Ad hæc illi paululum terrili, negavere factum : nostris affirmantibus ita se habere, etiam cum iurejurando remitebantur. Tunc ego, ut nondum cœpte contentiois abscinderem : Ubi res, inquam, oculis probari potest, juratione quid opus est? eamus igitur ad synagoga, et utrum pro vitio an veritate vestra nitatur assertio, vobismetipsis testantibus comprobabitur. Pergere igitur ad synagoga cœpimus, et hymnum Christo pro plateam ex multitudine lætitiæ canebamus : psalmus autem, qui mira jucunditate etiam a Judeorum populis decantabatur, hic fuit¹ : Perit memoria eorum cum strepitu, et Dominus in æternum permanet. Sed antequam ad synagoga perveniremus, quædam Judææ mulieres (ordinatione, credo, Dei) audaciam præsumentes, ut scilicet nostrorum lenitas incitaretur, lapides in nos ex superiori loco inmanissimos jactare cœperunt : qui (mirum dictum!) cum

¹ Act. XVI. — ² Apoc. v. — ³ Cant. vi.

¹ Psal. lx.

super confertissimam multitudinem, grandinis instar, descendere, neminem nostrorum non solum ictu, sed nec factu quidem vexavere. Hic agnis suis leo ille terribilis mansuetudinem paululum abstulit: omnes siquidem, reclamantibus nobis, saxa corripuit, et pastoris commotione posthabita, cum unum potius consilium cunctis zelus potius Christi quam ira suggereret, lupos cornibus impetendos censuerunt; quamvis hoc illius, qui solus bonus pastor est, nullo factum esse, nulli dubium sit. Denique ne cruentam gregi suo videretur præsulisse victoriam, nemo Judæorum se contactum saltem fuisse, ne pro invidia quidem (ut mos est) simulavit. Sane quoniam omnimodis debemus vitare mendacium, unus ex omni Christianorum numero inventus est, qui cum Acham ¹ illi similis esse vellet, qui sub Jesu Nave de anathemate spolia concupivit: nam servus cujusdam Christiani solus, dum aliquid a synagoga diripere concupiscit, in lapidem offensionis incurrit. Quidam vero nostrorum, quasi adversus Judæam, lapidem injecit: qui capiti ejus illisus, ut capitis sui, id est, Christi, meminisset, admonuit: quod vulnus licet periculosum non fuerit, tamen et illum rapinae suae confiteri concupiscentiam compulsi; et cunctos, ne similiter laborentur, praesenti terruit ultione.

54. « Igitur postquam Judæis cedentibus, synagoga potius sumus, nullus ex ea quicquam non dico abstulit, sed nec cogitavit diripere: omnia ejus ornamenta, exceptis libris atque argento, cum ipso pariete ignis assumpsit: libros sanctos, ne apud Judæos injuriam paterentur, sustulimus: argentum vero, ne vel de praeda nostra vel de suo dispendio quererentur, ipsis reddidimus. Eversa itaque cunctis Judæis stupentibus synagoga, ad Ecclesiam cum hymnis perreximus: et auctori victoriae nostrae gratias referentes, effusis precibus posebamus, ut vera perfidiae antra Dominus expugnet, et tenebrosorum pectorum infidelitas coarqueretur a lumine.

55. « Ruben quidam Judæus a Domino, ut primogenitus omnium constitueretur, est electus: nam clamore sanctissimo laeticans corda multorum, absolvi se a vinculis Judaicæ superstitionis deprecabatur: statimque primitivus Jacob factus, signum salutare suscepit; et inde nostris lateribus atque consiliis inhærens, obstinatissimam cunctorum duritiam nobiscum increpat. Triduum (ni fallor) emensum est, ex quo nostri in oratione, et Judæi in perfidia persistere. Post hæc venit Theodorus, multitudinis suæ agmine circumseptus, ad locum, in quo soli synagoga parietes (qui post hæc credentibus Judæis sunt subversi) superesse videbantur: ad quem locum Christianorum pariter multitudo convenit. Ibi Theodorus cum audacter de lege disserteret, omnia quæ objcebantur, irrideret atque perverteret: populus Christianus videns, quod verbis superari non posset humanis, auxilium de caelo imploravit. Omnes itaque pariter clamantes, cum

summo milite vocis fragore dixerunt: Theodore, crede in Christum. Mira indulgentissimi Domini misericordia, adhuc parva peccabatur, et majora concesserat. Imo non mirum est de Omnipotente miraculum. Ipse etenim virtutem clamoris hujus in auribus Judæorum commulavit, qui olim effecit, ut quatuor leprosi ¹ regis Syriae, qui Samarium obsederat, castris potirentur, et qui per Gedeon Madianitarum agmina conturbavit, deditque trecentis ² ejus viris ingentem sine labore victoriam, efficiens per terrorem, ut mutuis hostium multitudo vulneribus prosterneretur. Ita et nunc ista vox longe aliter a circumstantibus Judæis suscepta est, quam a nostris immittebatur: omnes enim putaverunt dictum: Theodorus credidit. Itaque existimantes principem perfidiae suæ ad Christi fidem fuisse conversum; cuncti pariter trepidi, ubi timor non erat, terrebantur: mulieres eorum sparsis crinibus, occurrentes cum ferali ululatu nomen Theodori, repetitis vocibus, accusabant, dicentes: O Theodore, quid fecisti? Viri autem, alii ad devios saltus et fixuras montium confugerunt: alii per ipsius oppidi angiportus discurrerant, locum in quo delitescerent, invenire cupientes.

56. « Ipse Theodorus stupore percussus, divinam sententiam in plebe sua cernebat impleri. Fugit impius ³, nemine persequente; sed tamen non nemine: persequatur enim eos ille leo terribilis, qui de synagoga loco (sicut Theodoro fuerat revelatum) per monachos rugitum emiserat, quo resistentes tremefecit inimicos. Stabat igitur Theodorus in loco prorsus eodem, quo et pridem per somnium terror fuerat leonis injectus: et cum causam tante trepidationis inquireret, et nomen solimmodo nostri leonis audiret, nullam illie (sicut ferebatur) feritatem videns, tantum psalentes monachos intuebatur; et ab omni suorum multitudinem destitutum, atque elabi parans, etiam ipse pedum viam prospiciebat: quem cum horribili formidine apprehensum, non solum colore vultus, verum etiam vocis officio destitutum Ruben ille sanctissimus adspexisset, prope accedit, et trementem blando sermone compellans, ad Christi fidem cohortabatur: atque ingerens ei pro suffragio melus suæ credulitatis exemplum, domus figura, ad quam pavore leonis confugeret, quodammodo satisfacere videbatur.

57. « Verum ut et nos fideliter universa narremus; et vos, qui non eloqui ornatum, sed veritatem queritis, libentius audiatis: ipsius Ruben verba inserens, nihil ex simplicitate dictorum ejus subtraham. Aiebat enim: Quid times, domine Theodore? si vis certe securus et honoratus dives esse, in Christum crede, sicut et ego credidi. Modo tu stas, et ego enim episcopis sedeo: si tu credideris, et tu sedebis, et ego ante te stabo. Hos sermones Theodorus alta mente suscipiens, ad nos ait: Faciam quod vultis: tenete (inquit) promissionem hanc. Sed permitte mihi, ut prius alloquar ple-

¹ Jos. VII.¹ 4, Reg. c. 7. — ² Jud. VII. — ³ Prov. XXVIII.

hem meam, ut majorem conversionis meae etiam ex reliquis possim habere mercedem. Haec ejus sponsio cum inexistimabili eunctorum exultatione suscepta est: alii in eum amabiliter irruentes, os ipsius et colla mellebant; alii cum ulnis molibus amplectebantur; alii autem dexteram dexteram adjungere, et sermonem conserere gestiebant.

58. « Perrexit igitur Theodorus ad atrium suum quolibet officio nostrorum factus, tamen anxietate non penitus carens. Nam licet in domum Ruben per promissionem suam jam veniretur, ingressus tamen, et tunc trepidus erat, quia nondum ad propinquam venerat, quae cum post triduum materno suscepit sinu, et ab omni perturbatione trepidationis absolvit. Nos autem ad ecclesiam cum hymnis ex more pereximus. Benedictus est pater misericordiarum, et Deus totius consolationis ¹, qui dedit capiti nostro aquam, et oculis nostris fontem lacrymarum, ut ploraremus vulneratos populi nostri.

59. « Peractis siquidem mysteriis, ecclesiam egressi, non minimam in occursum nostrum Judaeorum multitudinem convenisse inspeximus. Omnes unanimiter deprecabantur, ut Christi characterem a me licet indigno pastore susciperent. Reversi itaque ad ecclesiam, et toto corde Domino gratias referentes, illico in frontibus eorum signum salutis impinximus. Quae autem cum his qui ad silvas sive ad antra confugerant, Christi virtute gesta sint, quae lingua effabatur? praesertim cum unusquisque eorum propriam conversionis suae habeat historiam. Sicut itaque impossibile nobis est omnia dicere, sic ingratum cuncta praerere. Quapropter unum Christi miraculum, quod tum a fidelibus probatissimisque viris comperimus, precibus vestris adjutus evolvam.

60. « Duo quidam primarii Judaeorum, Meletius Theodori frater, et Innocentius, qui Hispaniarum cladem nuper effugiens, cum famulis suis ad hanc insulam venerat (sicut nunc ipsi etiam cum sacramentorum terribili interpositione confirmant), ad unam speluncam, vel potius rupem convenerunt, associando se duobus quibusdam Judaeis humili loco ortis, qui istos communis fugae principes legerant. Igitur cum in loco eorum trepidi, anhelantesque paululum resedissent, duos illos, qui aetate laeares et audaces erant, explorandi gratia ad oppidum remittentes, soli derelicti sunt ibi. Tunc prior Meletius: Quid est, inquit, frater, quod verbum (sicut docet religio nostra) blasphemum avellere a corde meo nequeo? Ex quo enim fratrem meum conversum fuisse Christianorum populus inelamavit, nihil aliud mihi in corde suggeritur, nisi hoc verbum, mihi usque ad hunc diem penitus ignotatum: CHRISTE, IX NOME TCO. Quanto magis pulsare hoc ab animo meo nitor, tanto violentius tenaciusque inhaerescit. Ad haec Innocentius: Non, inquit, frustra hic sermo, quem cor tuum (ut apud cunctos probatissimum est) antea nec cogitavi, nec

unquam protulit, hic praesertim menti tuae (ut asseris) tam violenter insertus est: hoc ex Deo esse arbitror. Venimntamen elabora, obsecro, et fabulis his declinata, interpellationem molestae cogitationis expelle. Tunc Meletius ita obstrepere, et confusus clamoribus personare cepit, ut cum sua mente luctari non solum nutibus vultus, sed etiam totius corporis indicio innocentius cerneret: quod posteaquam ne parum quidem proficere intellexit, et adiecit etiam illud, ut verba quaedam profana et turpia loqueretur, et nunc naribus corrugatis, aere sorbens inhonestos strepitus promeret, nunc foetidis risibus cachinnaretur: sed haec ab animo ejus nomen Christi extinguere nequivit insania, quia jam cunctas ejus medullas sanctitatis ignis pervaserat. Quid ergo, inquit, Innocentius frater? in contrarium verba ista vertuntur: abolitionem mihi nominis Christi nec scurrilitate verborum, nec ipsis possum obsceni sonitus extorquere blasphemis: aliud siquidem mihi reddi (mihi crede) sentio, quod cordis mei auribus quas frustra obstruere nitor, Christi nomen ingerere, incessabili clamore non desinit. His Meletii verbis talia Innocentius retulit: Fratrem tuum Theodorum, doctrina, honore, et aetate majorem, ad Christi fidem conversum, his auribus audientibus, plebs Christiana testata est: poteritne fieri, ut etiam tu germani constrictus exemplo religionem Judaicam deseras? Quid ergo in hac terribili solitudine diutius tempus terimus? quando etiam inopia victus laborare poterimus? Quid causae est, ut fame tabescamus, arescamus siti, obrigescamus algore? ad postremum (quod jam patimur) nostrae hujus solitudinis horribili teneamur silentio? Numquid latronum vincula, numquid Barbarorum gladios fugimus? numquid sanguinem nostrum plebs tanta misericors, quam pro nobis flere conspeximus, concupiscit? recordemur, obsecro, quem unquam laeserit vi nostrorum, vel saltem irrogaverit injuriam: revertamur ad innoxios, quos in nullo laesimus inimicos; et quod Deo placuerit, fiat.

61. « Ad haec Meletius: Ego te, inquit, Innocenti frater, quem non solum latinis, sed etiam graecis litteris eruditum scio, et legem jugiter meditari, oblitum reor, quod per Ezechielem Prophetam Dominus ait ¹: Anima quae peccaverit, ipsa morietur. Si enim legis hoc, cur me fratris mei Theodori exemplo atrahi posse ad fidem Christi existimas? Habet ille animam suam, ita et peccatum suum: quod quidem peccatum mihi, si Dominum Deum non relinquo, non nocebit. Testor autem illum, qui eduxit patres nostros de terra Aegypti, me, si hiemis violentia non obseset, abrepto quocumque navigio, ad quaslibet terras solum velle migrare: nec me possessionem amor, nec affectum charitas detineat, quorum facilis mihi jactura est. tantum ne deum patrum meorum negare compellar. Quod autem consilio inutili ad civitatem remeandum decer-

¹ Hierem. Thren. I.

¹ Ezech. XII.

nis : miror te prudentissimum virum non animo praevidere, quid de nobis futurum censeas, si Theodorus columna synagogae nostrae, in quo omnem fiduciam reponebamus, apostatate compulsus est. Hoc ergo sanius est, ut camus ad agrum meum, nec nos ultra Christianorum oculis ingeramus : possumus enim illic interim delitescere, donec opportuno tempore ad peregrina emigremus : quandoquidem in hac insula ita apud cunctos odium nostrae religionis increvit ; ut qui patriam non reliquerit, fidem patrum tenere non possit. Cur itaque non voluntarium suscipiamus exilium, ad quod (sicut res indicat) odiis civium, etiam si nolimus, destinandi sumus ? Hoc igitur consilio utriusque sententia confirmata, laborem destinali itineris arripunt.

62. « Sed dum per angustissimum ingredimur callem, cogitationum tenebris lucem obsecantibus oculorum : ipsum quem inscii sequebantur tramem, perdidit, et in locis desertis atque inuis remansere. Cum autem scinderentur sentibus, aut rupibus (vepribus lacerarentur) arcerentur, postquam corpus suum longis caelavere vulneribus, ad tantam primo quidem anxietatem, deinde etiam ad desperationem atque formidinem venire, ut compellerentur fateri, se ea iudicio Dei justo ob incredulitatem perpeti. Igitur nomen Christi, quod ante se ultro ingerens repellent, laceratis jam erubibus invocantes, semitam, quae eos contra voluntatem ac propositum suum ad oppidum retraxit, corripuerunt : sed cum ad civitatem inviti ac trepidi pervenissent, curiosius omnia percunctantes, audierunt Theodorum etiam nunc Judaeum esse, nec ullam, sicut existimaverant, populi Christiani pertulisse violentiam. Stupentes autem, et quod ipsis acciderat, non credentes, ad domum Theodori iter dirigunt : ubi cum eos, jam pene exacto prandio, ille excepisset, illico inquit causam, cur a se et a civitate abcessissent ; universumque ordinem geste rei, magis cum risu, quam cum admiratione cognoscit.

63. « Post triduum Theodorus cum concionari ad plebem suam, eosque ad fidem Christi provocare disponeret : ultro se offerentium ad confessionem Judaeorum etiam seditionem pertulit. Nemo enim eorum ferme erat, qui non se palam sensisse Christi potentiam contestaretur. Nam primo in concilio eorum adolescens quidam ipsis Theodori consobrino, nomine Galilaeus, ut congruum (sicut dictum est) nominibus mysterium geste rei usque ad finem deduceretur, cum ingenti invidia proclamare hoc cepit. Contestor (inquit) vos omnes, me Judaeorum esse non posse in possessione ; siquidem in ea Christianos consortes habeo, quorum odiis, si in Iudaismo perseverare voluero, forsitan perimendus sum. Ego igitur vite meae periculo consulens, ad ecclesiam jam pergam, ut necem, quae mihi paratur, effugiam. Haec Galilaeus, cum ad tempus fugae se pararet, quasi ut causas conversionis suae reddidisse videretur, de futuri saeculi morte tunc nihil

cogitans, veritatem inscius loquebatur. Illic sermoni, pene praeritens vir honestus, et non solum inter Iudeos, verum etiam in civitate usque adeo praecipuus, ut etiam nunc defensor civitatis electus sit, Caecilianus vera Galilaeum dicere, seque similem habere causam, similia formidare attestabatur ; quibus verbis tantam supramemorato juveni adiecit confidentiam, ut in conspectu omnium cursu rapidissimo ad percipiendum fidei brachium ad Galilaei nostri convolare auxilium, et ab humilitate nostra, ut ejusdem inde nomine censeretur expeteret.

64. « Caecilianus autem cum esset Iudaeorum pater, habito cum Florino fratre suo aequo Iudaeorum patre seniore consilio, hujusmodi (sicut agnovimus) verbis synagogam adorsus est : Ego (inquit) cum sim in honore synagogae post Theodorum primus, non sicut juvenis Galilaeus, cunctos quasi trepidus consulo, contestorque ; sed potius adhortor atque commoneo denuntians, ut errore pravi itineris derelicto (si fieri potest) omnes pariter ad fidem Ecclesiasticam concurramus. Quod si vos ad Christum tanta virtus non attrahit, ego certe et Florinus frater meus, sicut recusantibus vobis tantam salutem vim inferre non possumus, ita nos cum universa domo nostra religionis hujus, quam adstruere non valemus, ludibria deserentes, Christianorum numero fideique sociabimur ; qui nunquam utique innumerabilibus Scripturarum testimoniis non solum te, frater Theodore, qui peritior reliquis videris, sed etiam cunctos convincerent, nisi veritatem, quae vincit non potest, sectarentur. Tali Caecilianum sensu plebem suam affatum comperimus, multosque Iudaeorum eadem die ad fidem Christum cum ipso concurrentes cum ineffabili exultatione suscepimus.

65. « Prodigia sane, quae de caelo tunc facta sunt, sicut eloqui digne non adeam (addam), silere non audeo. Hora circiter septima Missam Dominicam solemniter cepimus celebrare : nam dum nos advenientes ad Christi fidem Iudaeos vel exhortamur, vel adnotamus (siquidem nomina eorum scripsimus) populus autem tanti gaudii epulis saginatus carnalium non meminisset escarum, pars diei major excurrerat. Cum igitur in ecclesia, quae paululum a civitate sequestri in loco sita est, in qua S. martyris Stephani nuper reconditae reliquiae conquiescunt, nobiscum pariter plebs universa Missam opperiebatur ; duo quidem monachi, quos Dominus testes suorum miraculorum praelegit, in campo qui ante fores ecclesiae protenditur, in herbis accubabant. Vir autem honoratus, Julius nomine, cum alio quodam de civitate ecclesiam petens, cum per ipsos praeritare cupisset, respondente (respiciente) uno ex monachis (visio mirabili) signo conturbatus, confusum emisit clamorem ; conversusque ad se, protensa manu, quae verbo explicare non poterat, quid videret ostendit. Erat globus quidam candidissimi luminis, proceritate sui staturam quasi hominis aequans, instar vasculorum quae vulgo Oreze appellantur, tante vero claritatis et fulgoris, ut visum fuit, quod fratri qui id prior notavit (sicut ipso

referente cognovimus) Sol decidere videretur : hoc sicut istis visum est quasi trans basilicam, in qua universus nobiscum populus considerat, lento lapsu demittebatur (verum ita propinquum putavere, ut se idem frater stupore percitus cursu praeiret, existimans id post basilicam decidisse : sed ab illo retractus fratre, gressum inhibuit : ille enim ita quidem etiam sibi visum, tamen longius fuisse non quasi certus, sed ut testimans, adstruebat. Mulieres autem quadam tunc Judæe, inter quas matrona Meletii illius, cuius supra mentio habita est, de concaculo perspicientes ita sibi id ipsum visum affirmabant, quasi supra basilicam decidisset. Verum hoc utrum Angelus, an ipse Stephanus, quod visum est, fuerit, incertum est.

66. « Eadem diei hora circiter quarta, id est, paulo antequam hoc signum demonstraretur, grando minutissima, quam incolæ insule illius gentilibus sermone Augustinum vocant, non usquequaque copiosa deluxit : hæc, cum odor ex ea mellis fragrare cœpisset, a multis quos per viam verberaverat, degustata, dulcior melle compta est. Multi itaque sapientes, cum eadem die filios¹ Israel ab Ægypto perfidiæ suæ atque a servitute egressos viderent, hæc quæ facta sunt, signis illis quæ in Exodo legimus, comparabant huic populo, qui Deum credulo corde intuens, verum etiam Israelis nomen meruit, manna crederent innovari : columnam quoque ignis, quæ patres in eremo præcedebat, ut etiam filiis a vera Ægypto atque fornace (sicut scriptum est)² ferrea egressis, ducatum præberet ad vitam, ostensam fuisse existimant : et revera (sicut fectioe Exodi attestatur) similitudo signorum minime discrepat. Nam et illud quod nivem fuisse credidimus, semen coriandri minuti adæquabat, mellis saporem ferebat : et hoc quod apparuit, columnæ igneæ speciem habuisse, manifestum est. Utrumque autem signum etiam Jannone consistentibus fratribus revelatum fuisse cognoscimus ; nam et pluviam mellis multi, quibus intellectus requirendi et per gustus agnoscendi datus est, probare : et columna candidissimi illius luminis multorum, quos dignos Dominus iudicavit, se ingressit aspectibus. Unde intelligi datur, Judæos per universum orbem fidei lumine visitandos : quoniam quidem nobis qui in hac insula, atque in hoc parvulo (ut ita dixerim) orbe consistimus, tantus celestis gratiæ splendor illuxit, ut usque ad extremos terræ vestræ terminos signorum visio perveniret.

67. « Sequenti igitur die summa omnium expectatio, ut Theodorus sponsionis suæ satisfaceret, admonerat : qui cum iustis (quantum videbatur) allegationibus cunctorum vota crederet differenda, dicens matronam prius suam, quam in Majoricensi reliquisset insula, huc se velle deducere ; ne forte, si absque consensu suo virum suum conversum fuisse agnovisset (sicut solet), perfidiam perfidiæ esset,

persuasione matris præcipue suæ, quæ adhuc supererat, et consiliis dementata, et a conjugio viri religione discederet. Cum hæc Theodorus Christianis jam acquiescentibus propalasset : Judæis, qui conversi fuerant, acerrima commotione resistentibus amputata dilationis mora, ad matris propinquæ sinum festinus ipse, ut in somnis viderat, convolvit : post quem omnis, tanquam remoto obice, ad Ecclesiam synagoga confluxit. Mirum dictu, inveterati illius legis doctores sine ulla alteratione verborum, sine ullo Scripturarum certamine crediderunt : tantum percunctati, an vellent fidem Christi suscipere : credere se in Christo, et Christianos fieri cupere profitebantur. Centum quidam et duos (ut asserunt) retatis atque peridiæ suæ habens annos, sine trium commutatione verborum, sine future vite alacer, decrepitus, optare se ut in fine temporum suorum per fidem Christi ad spiritualem reverteretur infantiam ; nobisque putrefacta jam senio membra, ut quanticus per baptismum regeneraretur, ingressit.

68. « Fuerunt quidam Judæi, qui prætereunt, illic appasi, opportunitate temporis atque ventorum aucupabantur : qui, navigandi concessa opportunitate, credere maluerunt. Tres igitur tantum feminas, sed nobilissimas Judæorum, ad virtutis suæ gloriam dilatandam, in duritie perfidiæ suæ Christum permanere aliquantulum passus est. Arthemisia siquidem Lectorii (Lettori), qui nuper hanc provinciam rexit, et nunc comes esse dicitur, filia, conjugis Meletii conversione commota, cum una ferme amica et nutrice et paucis ancillis domum viri sui deserens, ad quamdam spectancam, licet in vinea, tamen remotiore paululum loco sita, obliata femineæ infirmitatis evasis. Erat in ea parvum novumque torcular, facusque novus factus figuram quodammodo gerere credentis populi videbatur ; non enim istos sicut utres veleres, sed sicut novos lacus mustum Novi Testamenti recepsit, et credimus, et videmus. In eo igitur loco cum per biduum matrona a viro suo offensa, inexorabilis permausisset ; ut primum tertia dies illuxit, famula aquam haurire imperavit : quam cum odore et sapore mellis dulcedinem referre sensisset, primo quidem ministræ succensere cœpit ; et cur in eodem urceo mel inieciisset, indignans, inquirebat : postquam autem, ut quasi negantem convinceret, ad lacum perguit, de quo paululum concavis manibus hauriens : reperit aquam, qua per biduum usa fuerat, in mellis suavissimi versam dulcedinem : advocans itaque cunctas quæ aderant, ut gustarent rogat, ne forte fallax sapor in faucibus tantum ipsius suavitate mentiretur. Omnes gustantes, mira oblectatione affecte sunt, ut non aquam mellis sapore delibutam, sed mel sincerissimum solum aquæ similitudinem censerent. Stupore igitur percite, dum ad civitatem reverti parantur, curiosos agentes, etiam rorem qui in herbis plurimis erat, degustatum similem repererunt. Pergens itaque ad civitatem matrona memorata, hæc marito retulit, et per eum

¹Exod. XVI. — ²Exod. XIII.

omnibus indicavit; statimque ad Christi fidem sine relictatione consensit.

69. « Verum eadem die, qua Meletii uxor amaritudinem incrudelitatis abjicere ex melle compulsa est, eadem, inquam, die, qua memorata filia Israel, quasi in deserto posita, illum antiquum ¹ Mara lacum, injecto Crucis ligno, obdulcescere persensit: ita mirifico vereque caelesti omnis Ecclesia odore fragravit, ut praesentiam Spiritus sancti, quam et ante jam aliquoties, sed paucissimi senseramus, fraternitas pene universa sentiret: et mirum cunctis illud fuit, quod per eosdem dies serena prope modum jugiter permanente, creberrimi imbres demittebantur, et paulatim venientes ad fidem Christi Judaeos pluvia praecedebat: ita ut hoc animalverentes, vulgo inter nos et quasi joculariter diceremus: Ecce jam pluit, scitote quoscumque Judaeos ad Christi fidem accessuros. Mirum dictu, frequenter, dum adhuc talia loqueremur, a quibusdam Judaeis fidei janua pulsabatur: nec immerito, sicut scriptum est ²: Pluviam voluntariam segregabil hereditati suae Dominus. Desuper erant feminae, quae in odorem tinguentorum Christi currere recubant.

70. « Innocentii illius, cujus supra fecimus mentionem matrona cum prole sua, venerabilis (sicut fama est) vidua, illico ut Innocentium sororis conjugem conversum esse conspexit navim conscendit, non solum permittentibus, sed etiam suadentibus nobis; quia ad fidem Christi nec verbis, nec miraculis flecterentur. Uxor autem Innocentii per quatuor fere dies verbum salutis, quod ingerebamus, obduratis auribus recipiebat. Haec cum omnem respiciens medicinam, insanabili incredulitatis valetudine opprimeretur, nullisque Innocentii conjugis vel nimis, vel precibus, vel lacrymis moveri posset; universa, Innocentio rogante, ad domum in qua habitabat, fraternitatis multitudine convenit, habens magnum dolorem animi, quod tantae felicitatis plenitudini una mulier obsisteret, quia jam soror ejus manifeste putabatur. Cum igitur diu cassa verba surdis auribus ingerentes, nihil profecissemus; ad cognitum orationis praesidium convolvavimus; praesecque, quas humana repellebat impietas, ad caelestem misericordiam vertimus. Itaque usque in horam tertiam ferme hymnorum et orationum pretiis adversus Amalech ³ hostem Jesu ducis nostri sudavit exercitus. Inde cum jam pene (quod fatendum est) desperantes abscessionem moliremur; resumptis rursus viribus orationem cunctis indiximus, soloque strati, diu flevimus: et cum in summatione orationis, Amen, populus acclamasset; et illa credere se, et Christianam fieri velle, subjunxit. Nos itaque, hac etiam a diaboli laqueis eruta, huius ad habitaculo nostra perreximus.

71. « Sequenti, id est, octava demum die, qua veneramus Jammona, remeare statuimus, optima praelare victoriae gaudia reportantes: sed cum

jam in prociectu itineris constituti, civitate digrederemur, Dominus populo suo quasi pro viatico, gaudium, quod solum deesse videbatur, adjecit. Affinis siquidem Innocentii illa vidua de pelago reducta est: quae subito se meis genibus advolvens, fidei nostrae auxilium cum lacrymis deprecabatur. Cui ego: Cur, inquam, mulier tanta animi lenitate fratres tuos deserere voluisti? Ad haec illa: Et Jona (inquit ¹) Propheta a facie Domini fugere voluit, et tamen voluntatem Dei, licet invitus, implevit. Suscipe ergo tu non solum me, sed et istas orphanas, et Christo eas nutri. Et hoc miserabiliter acclamans, duas filias suas parvulas mihi cum fletibus ingerebat. Quis non praegaudium flevit? Cui non extorsit lacrymas felicitatis magnitudo? Suscepi plane ovem, quam ex omni numero solam errasse putabamus; eamque cum gemino foetu ad Christi ovilia revocavi.

72. « Sane per hos octo, quibus haec gesta sunt, dies, ante initium Quadragesimae, Paschae a nobis celebrata est festivitas: quingentas siquidem et quadraginta animas ad Ecclesiam constat adjectas. Inane autem et supervacaneum non reor, ut cum nulla propter infinitam copiam praetermisero, in fine commemorem, neminem ex tanta Jammonensis populi multitudine, qui per triginta millia passuum ante tot dies venerat, aut curam domus suae, aut provisionem substantiae, aut desiderii affectum huic operi praetulisse. Illud magis mirum, magisque gaudendum est, quod ipsam Judaeae plebis terram diu inertem, nunc autem recessis incredulitatis vepribus, et recepto verbi semine, multiplicem fructum justitiae germinare conspicimus: ita ut nobis in spe tantorum novalium gaudeamus, unde insignem peritiam eruimus silvam, illic fertilissima fidei opera pullulare. Primum enim ipsa synagoga fundamenta evertere, deinde ad novam basilicam construendam non solum impendia conferunt, sed etiam humeris saxa comportant. Haec beatitudo vestra die quarto nonarum Februarii virtute Domini nostri Jesu Christi arrepta, octo diebus ab eodem consummata esse cognoscat, post consulatum domini Honorii undecimum, et Constantio iterum victore. Quamobrem si indigni et peccatoris verbum dignanter admittitis, zelum Christi adversum Judaeos, sed propter Deum, eorumdemque perpetuam salutem, suscipite. Forsitan enim jam illud praedictum ab Apostolo venit tempus, ut plenitudine Gentium ingressa, omnis Israel salvus fiat. Et fortasse hanc ab extremo terra scintillam voluit Dominus excitari, ut universos orbis terrarum charitatis flagret incendio». Haetenus Severi episcopi Epistola: missa enim (ut diximus) haec ad cunctos Christi fideles, inter alia loca, etiam Uzali in Africa, ubi Evodius episcopus erat, lecta est ut ante meminimus.

73. *Pro conversione Judaeorum ubique Christiani laborant, deque eadem re sanctiones impera*

¹ Exod. xv. — ² i sal. Lxvii. — ³ Exod. xvii.

¹ Joan. i.

torum. — His autem quam citissime per universum Christianum orbem vulgatis, Honorius imperator legem ¹ tulit, qua Judaeos vetuit honoribus et magistratibus fungi, militiaeque cingulo, si qui accipissent, exui : ratus nimirum, exemplo Minoricensium Judaeorum, conversionem ipsorum ejusmodi vexatione esse tentandam. Sed et illud accidit, ut cum eadem Severi episcopi litterae per omnes Ecclesias legerentur, Christianorum pariter omnium incenderentur animi ad conversionem Judaeorum aggrediendam, iisdemque initiis auspicandam, qua coepisse scirent Minoricenses, nempe incensione synagogarum ipsorum. Tolerabilis visa est magistratibus ejusmodi ex pietate proveniens vis illata. Sed cum nec ob eam causam Judaei converterentur, iidemque apud imperatorem queri minime desisterent, opus fuit tandem consulere illis; factumque est, ut post annos demum quatuor, imperatores sancirent edictum, quo ejusmodi synagogarum prohiberent incensionem, et bonorum depraedationem. Sed quod nec sic desisterent, qui semel sumpta licentia hoc aggressi fuerant Christiani, aliis eodem anno editis sanctionibus ² oportuit cohiberi. Extant ipsa edicta, primumque sic se habet ³ :

74. « Placet in posterum nullas omnino synagogas Judaeorum vel auferri passim, vel flammis exuri. Et si quae sunt post legem recenti molimine vel erepta synagogae, vel Ecclesiis vindicatae, aut certe venerandis mysteriis consecratae, pro his loca eis, in quibus possint exstruere, ad mensuram videlicet sublatarum praebere. Sed et donaria, si qua sunt sublata, eisdem, si necdum sacris mysteriis sunt dedicata, reddantur : sin redditionem consecratio veneranda non sinit, pro his ejusdem quantalatis pretium tribuatur. Synagogae de caetero nulle protinus exstruantur, veteres in sua forma permanent ». Haec imp. XV kal. Mart. Asclepiodoto et Mariniano cons. Sequuntur duae leges eodem argumento sub iisdem consiliis date : quas, ne nimis prolixi videamur, praetermittimus recensere : Caeterum, quod non idem est consecutus eventus, plane notum factum est, non synagogae conflagratione, sed Protomartyris virtute in osensione signorum Minoricenses Judaeos ad fidem esse conversos, ut ex dicta Epistola satis exploratum habetur.

75. *Zozimi papae obitus et acta.* — Ad calcem vero anni hujus, nempe septimo kalendas Januarii, iisdem cons. Honorio XII et Theodosio VIII, Zozimus papa diem obiit, cum sedisset annum unum, menses quatuor, et dies septem : haec enim de tempore sedis Zozimi certissima supputatione colliguntur. Etenim cum non ante annum superiorem sedere coepisse, ex Consulibus, quibus notatae sunt litterae Innocentii papae date anno superiori ad Concilium Milevitanum, satis perspicue demonstratum est : eundemque nec post presentem annum fuisse superstitem, tum Acta Concilii sexti Carthaginensis

sequenti celebrato sub Bonifacio Zozimi successore, tum etiam ejusdem Bonifacii papae Epistola data anno pariter sequenti sub consulatu Monaxi ad episcopos Galliar, satis manifeste declarant : quamobrem certum est, errare eos, qui Zozimi sedi tribuunt tres annos, cumque non ante annum sequentem decessisse volunt ; cum et in libro de Romanis Pontificibus ipsum non nisi annum sedisse et menses duos ac dies undecim legatur : licet ibi de numero mensium et dierum errorem inesse, quae dicta sunt de tempore obitus Innocentii doceant. Mortuus igitur dicta Decembris die Zozimus, sepultus est via Tiburtina apud corpus sancti Laurentii martyris, ut apparet ex eodem libro de Romanis Pontificibus, in quo et de rebus ab eo gestis haec leguntur ¹ :

76. « Illic constituit multa in Ecclesia : Ut diacones laevas tectas de pallis linostimis haberent. Et per parochias concessit licentiam benedicendi cereum Paschalem. Et praecipit ut nullis poculum in publico propinaretur : non nisi tantum in cellis fidelium maxime clericorum. Ille fecit ordinationem unam per mensem Decembrem, ordinavit presbyteros decem, et diaconos tres, et episcopos per diversa loca numero octo ». Haec ibi. Quod autem ad cereum Paschalem spectat, perperam acciperunt nonnulli, ut a Zozimo putarint primo inventum esse ejus usum ; cum illud tantum a Zozimo institutum esse dicatur, ut idem cereus, qui in majoribus tantum basilicis incendi soleret, aequae singulis parochiis concederetur. Caeterum antiquiorem fuisse in Ecclesia Paschalis cerci benedictionem, et symbolicum Sacramentum, Prudentius, qui de eo hymnum cecinit, docet.

77. Constat etiam eundem Zozimum hoc anno tres legatos a latere misisse Carthaginem, Faustinum episcopum Potentinum in Piceno, et Asellum atque Philippum presbyteros ob dissensionem quamdam Africanorum episcoporum cum Romano Pontifice obortam de prosecutione appellationum ad Apostolicam Sedem. Quoniam vero inter haec ipsum Zozimum conligit mori, remque devolvi ad Bonifacium Zozimi successorem : quid in hac causa gestum sit, dicemus anno sequenti, quo simul perdifficilem pertractabimus controversiam ad quinquennium inter utramque partem ardenti studio agitatam.

78. *De electione Bonifacii, et Eulalii schismate conflato.* — Mortuo itaque Zozimo, non amplius una die sedes vacavit, non autem undecim, ut aliqui dixerunt : nam litterae Symmachi praefecti ad Honorium imperatorem date hoc anno, quarto kalendas Januarii, de Bonifacii papae electione id satis evidenter demonstrant : reddemus eas ex codice Vaticano una cum aliis secundum ordinem temporis ultro citroque datis de sedanda dissensione in clero oborta ; cujus pars minor, facto schismate, elegit Eulalium archidiaconum contra Bonifacium pres-

¹ L. XXIV. de Judaeis. C. Theod. — ² L. XXV. XXVI. XXVII. de Judaeis C. Theod. — ³ L. XXV. de Judaeis C. Theod.

¹ Conc. tom. 1. in Zozim.

lyterum. Porro vivente adhuc Zozimo, fluctuatum esse in Ecclesia Romana; et ob eam causam excommunicatos nonnullos ex clericis fuisse, ipsos vero profectos Ravennam ad Honorium imperatorem, jam superius ex litteris ejusdem Zozimi ad Ravenates clericos datis enarratum est. Quomodo autem hujusmodi schisma condatum sit, audiamus ex Symmachi relatione ad Honorium imperatorem, et aliis litteris Romanæ Ecclesiæ presbyterorum ad eundem Augustinum datis, suo loco inferius ordine temporum recitandis. Modo vero reddamus litteras Symmachi ¹ primo loco conscriptas :

79. « Exemplum relationis Symmachi præfecti Urbis ad Honorium Augustum Ravennæ constitutum.

« Quæcumque in Urbe geruntur, me facere non convenit pro debito famulatus, quem majestati vestræ semper exhibeo. Cum diu episcopus Zozimus gravi incommodo laboraret, usque adeo ut frequenter mortuus jactaretur : accidit ut secundo die post ingressum meum vita decederet. Statim (ut convenerat) populum alloquendo commonui, ut cum quieto clericorum tractatu omnia finirentur, nec se rebus disponendis misceret turbato popularis ; siquidem certum esset in eligendo episcopo Dei omnipotentis expectandum esse judicium, Domini imperatores Honori et Theodosi pii, felices, et inelyti victores semper Augusti. Admonui, et corporatos officii quoque interminatus sum, ac majores deterui regionis, ne quis quietem Urbis vestræ turbare tentaret : quod ita custoditum est, ut sine strepitu omnia finirentur.

80. « Verum cum vir sanctus Eulalius ad Ecclesiam Lateranensem de exequiis prioris episcopi a populo et a clericis fuisset adductus ; ibi per biduum cum maxima multitudine, et cum pluribus sacerdotibus remoratus est, ut expectaretur dies consuetus, quo posset solemniter ordinari. Cum hic ita essent, subito aliquanti presbyteri cum Bonifacio ejusdem ordinis ad Theodoræ ecclesiam collecto populo, properarunt : ibique habito tractatu, ipsum ordinare episcopum velle cœperunt. Quod tibi comperi ; omnes qui pariter erant, ad me ut venirent, presbyteros depoposci : ac residens cum clarissimo viro tribuno Sereniano, eos admonui, ne quid temere fieri paterentur, aut contra sacræ legis ordinem venirent, aut contra consuetudinis rationem.

Sed tanta pertinacia restiterunt, ut quidquid minatum fuerit, facere minime dubitarent. Nam etiam presbyterum Bonifacium in ecclesia Marcelli ordinandum esse duxerunt, atque cum eo ad sancti Petri basilicam processerunt. Et quoniam pietatis vestræ est de hac parte referre judicium, statim pro competenti sollicitudine, vestram majestatem credidi consulendam : ut quod de hac parte pietas vestra decernat, præcepto vestri munis evidenter informet, etc. Dat. quarto kalend. Januarii ».

81. Ex his autem litteris, et aliis, quas idem Symmachus eodem argumento ad Honorium imperatorem dedit, satis manifeste apparet ipsum fovisse Eulalii causam adversus Bonifacium : dum non solum potiora jura fuisse Eulalii quam Bonifacii, sed tanquam res in aperto esset, ut nulla posset dubitatione præpediri, eundem Eulalium legitimum esse Romanum Pontificem, Bonifacium vero spurium, litteris significavit ; ut non mireris, si idem Symmachus recitata nuper Epistolæ sententiam illam addiderit : « Quoniam pietatis vestræ est, de hac parte ferre judicium, etc. » Quod scilicet imperatoris esset numeris, cum constat de legitime electo Romano Pontifice, eum qui se postea tyrannice intrusisset, expellere, sicque paci consulere, et Ecclesiasticæ disciplinæ prospicere. Quapropter ipse Honorius, dum putavit esse verum quod Symmachus relatione suggestit, pro tuendo in sede Eulalii, et expellendo Bonifacio, rescriptum dedit, quod nos suo loco reddiduri sumus.

82. Ubi vero imperator, litteris pro Bonifacio datis a Romanis presbyteris, rem se aliter habere cognovit ; tunc quod imperatoris erat munus persolvit, et judicium (ut decebat) exercuit. Sed num pro arbitrio ipse ex duobus electis episcopis, quem vellet, sedere jussit ? minime gentium. Verum potius convocatis episcopis, rem voluit ab illis cognosci, atque eorum sententiis definiri : nempe ut causa perspecte cognita, qui potiora jura foret, legitimum Romanæ Ecclesiæ esse Pontificem, iidem declararent. Quomodo autem id egregie idem imperator curavit, dicemus ex ordine temporis anno sequenti.

83. Hoc eodem anno, iisdem coss. VI nonas Julias, natus est Placidius Valentinianus ex Galla Placidia, et Constantio Cesare viro ejus : hæc Marcellinus ¹ atque Sozomenus ².

¹ Habet has et alias inferius reddendas C. Vatic.

² Marcell. in Chron. hoc anno. — ² Sozom. l. ix. c. 16.

Anno periodi Graeco-Romanae 5911. — Jesu Christi 418. — Bonificii papae 1. — Honorii 26. et 24. Theodosii Jun. 17. et 11.

1. *Quinta quinquennalia Honorii.* — Coss. *Honorius* Aug. XII, et *Theodosius* Aug. VIII, ille propter quinta quinquennalia imperii post Theodosii M. obitum suscepti, quae hoc anno exhibita esse, tam ejus vicennalia, quam tricennalia ostendunt; Theodosius vero consul processit ut Honorii in consulatu collega esset.

2. *Duo Concilia Carthaginiensia.* — Ad num. 1. Duo Concilia Carthagine adversus Pelagianos habita, et locum Prosperii a Baronio citatum commodius infra explicabimus.

3. *Causa Caestii a Zozimo hoc anno recognita non est.* — A num. 2 ad 48. Baronius putavit, Romae causam Pelagianorum hoc anno iterum recognitam fuisse, et quidem eodem tempore, quo in Africa pariter retractabatur, additque *Caestium* hoc anno libellum *Zozimo* exhibuisse. Verum Em. card. Norisius lib. 1 Hist. Pelag., cap. 12, recte animadvertit, Cardinalem doctissimum hac in re hallucinatum, et libellum *Caestii* anno superiori publice coram *Zozimo* recitatum fuisse in Basilica sancti Clementis. Illud enim certo liquet ex prioribus *Zozimi* ad episcopos Africanos litteris *Honorio* Aug. XI et *Fl. Constantio* coss. datis, in quibus Pontifex ait: « Die cognitionis resedimus in sancti Clementis Basilica, etc.; intronnisso *Caestio*, libellum ejus, quem dederat, fecimus recitari »; quod etiam iterat *Zozimus*, in litteris postea *XI kalend. Octobr.* sub iisdem coss. ad illos datis, quae Carthagine *IV nonas Novembr.* illius anni acceptae sunt; cum eo die per Basiliscum subdiaconum Paulinus sese intellexisse scribat Pontificis mandata, quibus Romam evocabatur. Aurelius episcopus Carthaginiensis statim rescripsit, ne quid innovaretur ante Africanæ Synodi relationem, et *Zozimus* prioribus ex Africa litteris acceptis nihil ea in causa insuper se egisse testatus est in Epistola hoc anno ad Anrelium die XXI Martij data, et a Baronio num. 5 et seqq. recitata: « Idcirco noverit fraternitas vestra, nihil nos post illas, quas superius vel litteras vestras accepimus, immutasse; sed in eodem cuncta reliquisse statu, in quo dudum fuerant, cum hoc nostris litteris vestrae indicavimus sanctitati, ut illa, quae a nobis ad nos missa erat, oblesatio remaneret ». Sic etiam quod Baronius num. 7 scribit, *Caestium* coactum fuisse, *quid sentiret, publice interroganti Zozimo respondere*, pertinet ad iudicium

anno superiori peractum, in quo eundem a *Zozimo* interrogatum esse ostendimus. Nam cum hoc anno post allatas Romam Africanorum litteras examini sese subduxisset, statim sententia in illum ac socios publicata, nec ad aliud iudicium tractus est; quod ex Augustino lib. 2 ad Bonif. cap. 3 patet, et infra explicabimus.

4. *Paulini diaconi libellus excusatorius est.* — Parte alia Garnerius in dissert. II de Synodis in causa Pelagianorum habitis, Synodo IX observat, Baronium num. 9 et 15 perperam scripsisse, *Paulinum* diaconum dedisse libellum suum ad *Zozimum* post damnatos *Pelagium atque Caestium, pro gratiarum actione*; Paulinus enim ante menses aliquot illum attulerat, neque is aliud revera est, praeter artificiosam quamdam excusationem, cur ipsemet ad constitutum diem non adfuerit, imo nec adesse debuisset iudicio Sedis Apostolicæ. *Zozimo* quidem gratiae aliqua eo in libello a *Paulino* referuntur, sed hac una de causa, quod *Zozimus* inter agendum cum *Caestio* Paulini mentionem fecisset, eamque tanto honorificentiore, quanto vehementius institerat, ut *Caestius* quaecumque Paulinus in libello objecerat, sine circumito damnalet, si modo Catholicus audire vellet. Paulinus tantam Pontificis instantiam interpretatus est velut honestam vadiomii remissionem. Quid enim superesset cause, cur iudicio sese sisteret, cum jam et ejus fides probata foret, et libellus olim Aurelio Carthagine oblatus pro indubitato litis instrumento acceptus esset? sed ad majorem evidentiam exscribenda hic pars ultima libelli, qua negotium fere integrum continetur: « Unde oro apostolatatum tuum, ut hunc meum libellum suscipi jubeas, quo gratias referam tante Sedi, et sententis justissimis pro parte mea latis: quem idcirco direxi, quia me, licet sermone, Basiliscus subdiaconus a tua beatitudine cum Gestis Sedis Apostolicæ directus, Carthagine convenit IV nonarum Novembrii die, ut adessem ad Apostolicam Sedem, et tuae iudicio sanctitatis, Ad quod fusc suggestum est, me promittere non defuturum fore, si adversum me, et non pro me, fuisset lata sententia. Ibi tunc igitur nihil agere potui, quia is qui ad Sedem Apostolicam provocaverat, defuit, quem oportuerat tibi merito suae appellantis adstruere, maxime cum nihil agente appellatore, secundum etiam humanas leges, superior est ille,

qui vicit. Quid enim jam mea infererat, sic mea per Apostolicæ Sedis iudicium roborari, ut etiam apud vestram reverentiam, prave ejus doctrinae adstipulator existerem? De quo congaudere possem, si damnatis his, quæ a me illi objecta fuerant, meruisset absolvi, nec prius se ordinari quam purgari pateretur». Et postea: « Hinc autem libellum direxi beatitudinum tuarum, per Marcellinum subdiaconum Ecclesie Carthaginensis, datum VI idus Novembris ».

5. *Anno superiori ex Africa ad Zozimum PP. missus.* — Ex quibus patet primo, Paulinum vocatum fuisse a Zozimo. *Basiliscus me convenit, ut adessem, etc.* Secundo, Basiliscum Paulinum convenisse IV nonarum Novembriam die. Tertio, sexto post conventionem die Paulinum dedisse libellum suum VI idus Novembris perferendum Marcellino subdiacono. Quarto, scripsisse ante fugam Cælestii ex Urbe Roma; de eo enim loquitur veluti de præsentem: *cum contra Apostolicam sententiam venire nititur, etc. In Sedis Apostolicæ cætu conatur adstruere, etc.* Quinto, Paulinum tres altalisse causas irriti vadimonii, nempe quod appellatio pristina neglecta fuisset a reo: *defuit quem oportuerat merita suæ appellations adstruere*: quod conductio intra secundum mensem, non prius significata fuerit, quam totum tempus effluxisset: *Convent IV nonarum Novembriam*: quod significatio facta fuerit, non scripto, ut lege cautum est, sed verbo tantum: quod nullius momenti, *quia me licet sermone, etc.* Sexto denique, *Paulinum* non egisse gratias de sententia condemnationis ultima, quæ præsentem anno lata est, sed de his solum, quæ acta fuerant ante diem VII Novembris anni cdxvii. Nam Marcellinus libelli delator Romam appulit ante tertias Zozimi litteras ad Afros die XXI Martii præsentem anni scriptas: in ipsis enim fit appulsi Marcellini mentio. Istæ vero litteræ date sunt ante latam a Zozimo supremam in Cælestium sententiam, ut ex ipsis aperte constat. Quare optime Garnerius concludit, Baronii opinionem ipsiusmet *Paulini* testimonio confutari; cum ex eo pateat libellum illum anno superiori conscriptum; certumque sit *Cælestium* currenti tantum anno, idque post diem XXI Martii, quo tertiam ad Afros Epistolam Zozimus dedit, Romæ fuisse damnatum.

6. *S. Augustinus in litteris ad Sixtum scribit adversus Pelagianos.* — Ad num. 12. Epistolæ divi Augustini cxcv, alias civ et cxciv, alias cv, ad Sixtum presbyterum, et postea Pontificem Romanum, datæ quidem sunt hoc anno, sed non solum post utramque Synodum Carthaginensem adversus Pelagianos habitam; verum etiam post legationem sancti Augustini in Mauritaniam, de qua infra. *Sixtus* cum falsis Pelagianorum rumoribus eorum patronus publicaretur, ad Augustinum scripsit, cui Augustinus duas litteras dedit, quarum posteriores universæ catholicæ doctrinæ contra Pelagianos assertæ compendium continent. Nam non solum ultimo ictu Pelagianos confecit, sed et Semipelagia-

nos, antequam orientur, suffocavit, dum initium fidei ex meritis, et infantium nunquam futura merita, vel demerita irrisit, atque electionem Dei prædestinantis omnia humana merita præcedere asseruit; unde factum est, ut hinc Epistolæ Semipelagianæ postea acerrime contradixerint, ut profuit Augustinus lib. de Dono persever. cap. 21. In eadem Epistolâ cxciv, Augustinus *Sixtum* rogat, ut quæ alia Pelagianæ adversus Catholicam fidem excogitent, et quæcumque adversus eos ipse pro fide Catholica ederet, nota sibi faceret: « hæreticorum quippe inquietudine », inquit Augustinus, « ut Scripturas vigilantius perscrutemur, unde, ne ovili Christi noceant, eis possit occurrere, tanquam de somno ignavia nostra excitatur industria ».

7. *Baronii unum tantum Concilium Carthagine celebratum asserentis sententia rejicitur.* — A num. 19 ad 25. Venio nunc ad explicationem duorum Conciliorum Carthaginiensium in causa Pelagianorum hoc anno celebratorum, ex quibus Baronius unum tantum agnovit, num. 1, scribens: « Hoc anno ipso primo veris initio esse collectum, eo quod ad ipsum cum haberetur, extant Zozimi papæ litteræ datæ XII kal. April. Porro propagatum illud esse usque ad mensem Maii, sancita in eo decreta significant ». Verum duo Concilia Carthagine coacta fuisse, in dubium revocari non potest. Epistolæ enim Zozimi, de qua loquitur Baronius, hanc præfert inscriptionem: *Zozimus Aurelio ac cæteris, qui in Concilio Carthaginiensi adfuerunt*. Quare die XXI Martii, quo eæ litteræ datæ, Concilium Carthaginense jam finitum erat, ideoque illud quod die prima Maii habitum, ab illo diversum fuit. Præterea Augustinus in Epistolâ cxcv, alias xlvii, ad Valentinum, enumerans quæcumque in Pelagianorum causa ab anno cdxvi gesta fuerant, ait: « Portant autem secum et alia, quæ vobis dirigenda esse credidimus, quibus cognoscatis quemadmodum Catholica Ecclesia, in Dei misericordia Pelagianæ hæresis venena repulerit. Quod enim scriptum est ad papam Innocentium Romanæ Urbis episcopum de Concilio provincie Carthaginensis, et de Concilio Numidiæ, et aliquanto diligentius a quinque episcopis, et quæ ipse ad tria ista rescripsit: item quod papæ Zozimo de Africano Concilio scriptum est, ejusque rescriptum ad universos totius orbis episcopos missum: et quod posteriori Concilio plenario totius Africae contra ipsum errorem breviter constitutum, etc. Hæc omnia misimus vobis ».

8. *Duo indicta fuisse docet S. Augustinus.* — Vides Augustinum testari, Zozimo Ecclesiam Romanam administrante, duo Concilia adversus Pelagianos in Africa indicta fuisse. Ab Augustino Prosper in Chronico non dissentit: in quibusdam enim exemplaribus, et præsertim in codice Ms. Augustano, qui inter Opera ejusdem in Bibliotheca Patrum tam editionis Coloniensis quam Lugdunensis legitur, non una Synodus, ut in vulgatis exemplaribus, sed duplex hoc anno Carthagine habita recensetur: « Honorio XII et Theodosio VIII, coss. Concilio apud

Carthaginem habito cccxv. episcoporum (legendum ccciv, ut Labbei editio et varia manuscripta habent) ad Pontificem Zozimum Synodalia decreta perlata sunt, quibus probatis per totum mundum hæresis Pelagiana damnata est. Valentinianus Constantii et Placidie filius nascitur V nonas Julias. Carthaginis Concilium contra Pelagianos. Quæ postrema verba, inquit E. card. Norisius lib. 1 Hist. Pelag., cap. 14. ubi hoc observavit, imprudenter forte exscriptores eraserunt, ne idem repeteretur; cum tamen ea lectio cæteris verior videatur. Hanc Card. Norisii conjecturam confirmo ex Mariano Scoto in Chronico, ubi Prospero non citato ad eundem consulatum scribit: « Concilio apud Carthaginem habito ccciv, et eo amplius episcoporum, ad papam Zozimum Synodi decreta perlata sunt, quibus probatis, per totum mundum hæresis Pelagiana damnata est. Valentinianus Constantii et Placidie filius nascitur V nonis Julii. Carthaginis Concilium contra Manichæos et Pelagianos ». Quæ Marianus Scotus ex Chronico Prosperi sine dubio rescripsit.

9. *Nec Prosper contrarium docuit.* — Antelmus tamen in Dissert. vii de Operibus SS. PP. Leonis magni et Prosperi Aquitani num. 9 et seq. existimat, unicum tantum Concilium, sed in duas sessiones distinctum, Zozimo sedente, in Africa adversus Pelagianos congregatum fuisse, quod Prosper in Carmine de Ingratis cap. 3. Africam alloquens scribat:

Convenerunt tui de cunctis urbibus almi
Pontifices, geminæque scanno celsæ hærrima cæta,
Decernis quot Roma probet, quod regna sequantur.
Nec sola est illic Synodorum exerta potestas.
Etc.
An alium in finem posset procedere sanctum
Concilium, cui dux Aurelius, ingeniumque
Augustinus erat, etc.

Ubi Antelmus putat, ultimos versus de unico Concilio mentionem facere, et priores de duplici sessione interpretatur. Verum si plura Concilia ad eundem finem habita unum Concilium appellare potuit Hieronymus in Apologia II adversus Rufinum defensorem Origenis, contra quem varia in Oriente et in Occidente celebrata fuerant Concilia, quanto magis idem Poete licuit? Hæc autem Hieronymi verba: « Ergo beati episcopi, Anastasius (Pontifex Romanus) et Theophilus (episcopus Alexandrinus) et Venerius (episcopus Mediolanensis) et Chromatius (episcopus Aquileiensis) et omnis iam Orientis quam Occidentis Catholicorum Synodus, qui pari sententia, quia pari et spiritu, illum (nempe Origenem) hæreticum denuntiant populis, etc. » Illustre etiam hæc in rem exemplum legere poteris anno cclxxxviii, ubi *Macedoniani* ad Liberium papam a variis Synodis missi dicunt, se ab *una Synodo* legatos venisse, et *unius Synodi* Epistolam deferre, quia scilicet omnes ille Synodi eandem fidem et doctrinam uno consensu declaraverant. Imo Prosper ibidem plures Synodos adversus Pelagianos coactas diserte asserit, cum ait, *Synodos* non solum potestatem et auctoritatem suam in de-

cernendo, sed et sapientiam ac doctrinam hæreticorum artificii delegendis, et eorum argumentis refellendis, ostendisse. Denique Augustinus in laudata Epistola ad Valentinum, primum Concilium Carthaginense *Africanum* appellat, et alibi ter eodem nomine illud exprimit, secundum vero *Plenarium* vocat, ideoque duo Concilia inter se diversa fuisse manifestissime indicat.

10. *duo Concilia adversus Pelagianos habita, alterum Africanum, alterum Plenarium, appellatum.* — Usserius in Antiquit. Britan. cap. 10, et Vossius in Hist. Pelag. lib. 1, cap. 44, recte quidem duo sub Zozimo Concilia Carthagine contra Pelagianos coacta statuunt; sed perperam unum *Provinciale* putant, alterum *Plenarium* ex universa Africa. Utranque Synodum Plenariam fuisse Em. card. Norisius colligit ex laudatis Prosperi in Chronico verbis. Ait enim Prosper, litteras quibus Pelagianorum versutias Afri aperiabant, missas esse ad Sedem Apostolicam a Synodo ccciv episcoporum, qui sane numerus non erat ex sola provincia proconsulari, sed ex universa Africa. Nam anno sequenti in Concilio Plenario de appellationibus interferre cccv episcopi, ut dicemus. Indeque Augustinus priorem sub Zozimo Synodum semper Africanam, nunquam Carthaginensem nuncupavit. Quesnellus tamen Dissert. de Conciliis Africanis contra Pelagianos num. 35. non probatur quod primum Concilium Carthaginense, vel *Provinciale* vel *Plenarium* dicatur. Non *Provinciale*, inquit, quia non ex una provincia episcopi ccciv conveniunt: quæ ratio fuit, cur Carthaginense non dixerit Augustinus, etsi Carthagine habitum: quo nomine priora duo adversus Pelagianos Carthaginensia appellavit pluribus locis. Non item *Plenarium*, quia non ex omnibus Africae provinciis convocari angustiae temporis non sinerent, et duas etiam provincias spectaret: negotium istud, proconsularem et Numidicam, ideo geminum Concilium Carthaginense et Milevitanum sententiam in *Cælestium* pronuntia-verat, indeque probabile putat Quesnellus, utramque illam Synodum in unam coaluisse apud Carthaginem, episcopis etiam aliis propinquiorum provinciarum advocatis.

11. *An utrumque Concilium Plenarium dici posset.* — Verum hæc quæstio videtur esse de nomine, utrum scilicet prior hæc Synodus Carthaginensis possit dici *Plenaria*. Garnerius enim in Dissert. de Synodis in causa Pelagiana habitis, Synodo II observat, primatem unius integræ Provinciae episcopos per Tractoriam aliquando vocasse: ex pluribus vero provinciis aliquando convenisse episcopos propter commune negotium, non tamen ex omnibus, cujusmodi fuit *Byzacenum*, ad quod ex provincia proconsulari missi sunt episcopi legati: denique aliquando ex tota Africae Diocesi, id est, ex omnibus Africanis provinciis, accitu Carthaginensis

episcopi, Conventus celebratos esse. Quare secunda Synodus Carthaginiensis hoc anno congregata Plenaria dicitur tertio illo sensu, quia nempe ad eam ex omnibus Africae provinciis episcopi convenire : prima vero recte *Africana* ab Augustino semper dicta, quia eidem episcopi variarum provinciarum interfuere. Et sicut Veteres *Plenaria Concilia* aliquando appellant ipsa quoque Provincialia, prout nimirum episcopi, vel omnes minus provinciae apud seniores suum, vel ex omnibus provinciis ad locum ab episcopo Carthaginiensi constitutum congregabantur ; sic Concilia , in quibus episcopi variarum provinciarum adfuerunt, *Plenaria* dici possunt.

12. *Utrumque hoc anno celebratum.*— Non convenit etiam inter auctores, an utrumque Concilium hoc anno habitum fuerit : Quesnellus enim loco laudato, et Patres Benedictini in Praefatione ad tomum x Operum sancti Augustini num. 16. autumnant, Concilium *Africanum* cxxiv episcoporum autumno superioris Christi anni celebratum esse. Sed non dubito, quin Em. cardin. Norisius et Garnerius laudati rectius ceaserint, hanc Synodum indietam fuisse Carthagine ab Aurelio *prope kalendas Februarias*, ut habet card. Norisius, non vero ante Quadagesimam die xx Februarii hoc anno inchoatam, ut putavit Garnerius qui animum non advertit ad Concilium *Zellense* die xxiv Februarii celebratum, cui sine dubio interesse debebant aliqui ex episcopis ad Concilium Africanum vocatis, qui ideo circa medium Februarium absolvi debuit. Parte alia prior Zozimi ad Afros Epistola anno praecedenti data, qua eos monuit, ut mitterent aliquos intra secundum mensem, qui *Caelestium* reum peragerent, consignata fuit *Basiliscum* subdiacono Romanae Ecclesiae, qui ipso mensis Novembris initio Carthaginem pervenit, ut liquet ex libello Paulini, in quo dicitur, eum *IV nonas Novembris* cum Gestis Apostolicae Sedis directis *Paulinum* sermone concessisse : neque enim verosimile, *Basiliscum*, ubi Carthaginem advenit, omnia *Zozimi* mandata statim executioni non dedisse. Quesnellus quidem, qui contendit hanc Synodum habitam fuisse mense Octobri, vel Novembri anni praecedentis, ex laudatis Paulini verbis infert, *Basiliscum* adhuc Carthagine *IV nonas Novemb.* versatum esse, jamdumque antea in eam urbem pervenisse. Verum ex illis verbis manifeste patet, ea ad Basilisci adventum, non vero ad ejus in urbe Carthaginiensi commorationem referenda esse, ideoque eam Synodum ante praesentis anni initium cogi non potuisse. Certe ad congregandam Synodum adeo numerosam, ducentorum nempe quatuordecim episcoporum, eo longius temporis spatium magis necessarium fuit, quo plures episcopi e remotis Africae regionibus vocandi erant, et aliunde mos non ferebat, ut antisites extra suas Ecclesias Natalem Domini celebrarent ; quare cum die xv Februarii jam ea Synodus absoluta esse debuerit, ut mox ostendo, congregata fuit medio mense Januario, quia si tardius inchoata fuisset, ante me-

dium Februarium absolvi non potuisset ; qua tamen de re dubitare non licet.

13. *Africanum circa medium Februarium.*— Ex tertiis quippe *Zozimi* ad Afros litteris hoc anno Romae die xxi Martii datis, apparet *Marcellinum* Carthaginiensis Ecclesiae subdiaconum litterarum hujus Concilii perlatorem fuisse, ideoque et ex urbe Carthaginiensi ante medium Februarium, finito jam Concilio, Romam profectum esse. Cum enim post ejus Romam adventum *Zozimus* die xxi Martii ad Concilium Africanum litteras responderit, jam ab octo ad minus diebus *Marcellinus* Romam adventarar, quia prolixissima scripta Concilii fuisse testatur ipse *Zozimus* in ea Epistola : « Post misse, inquit, per *Marcellinum* subdiaconum vestrum Epistole omne volumen voluimus ; quo aliquando perfecto, etc. » prolixitatis enim indices sunt voces iste, ut etiam Quesnellus num. 20 observat, et talis, quae tediti nonnilil creavit *Zozimo* ; quam prolixitate Marii Mercatoris verba num. 27 recitanda etiam testantur. Ex quo sequitur *Marcellinum*, circa medium Februarium Carthagine discessisse, postquam scilicet Synodus Africana ad finem perducta fuit ; praeterquam quod incredibile est, Patres hujus Synodi *Zozimum* de iis, quae gesta fuerant, non statim certiores fecisse. Quod si ea circiter medium Februarium finita, profecto post annum praecedentem inchoata fuerat. Hinc corruiit quod scribit Quesnellus num. 45, hanc Synodum *autumnalem* fuisse, ex eaque directum *Marcellinum* mense Novembri anni superioris, ejusque omnes instructiones et Gesta Synodica per eundem XII kalendas Aprilis currentis anni *Zozimum* recepisse ; cum nullo modo verosimile sit, *Marcellinum* menses circiter quinque in itinere fuisse et intra diem xx et xxi mensis Martii, et prolixissima Africanorum scripta constitutionesque de Gratia ab eis propositas legere ac examinare potuisse, et cum in re tanti momenti ita perfurtoe officio suo functum esse. Quesnellus num. 36 hac ratione refellit opinionem Em. card. Norisii qui tamen recte existimat anno cpxvii post receptas *Zozimi* litteras nullam in Africa Synodum collectam esse : « Profecto », inquit Quesnellus, « non ita credimus indormisse Africanos rebus Ecclesiae et causa fidei, imo propriae, ut tamdiu distulerint congressum episcoporum, qui quotannis haberi solebat a primatibus in sua quisque provincia : cum tamen Synodus, ut jam dixi, citius convocari non potuerit ». At juste in eam reprehensionem incurrissent Africani, si tamdiu distulissent Pontificem Romanum monere de gestis in ea Synodo, vel ipse *Marcellinus*, si in eo munere obeundo obdormisset.

14. *Ex Concilio Africano obtestatio ad Zozimum PP. missa.*— Concilio Africano suo tempore reddito, venio ad ea quae in eo gesta sunt, quae, monumentis deperditis, nonnisi ex litteris *Zozimi*, et ex libris Augustini, Prosperi, ac Marii Mercatoris et ex parte tantum erui possunt. Permulta enim Roma in Africam, et inde Romam missa fuisse testatur Augustinus lib. 2 ad Bonifacium cap. 3 : « Tot enim

et tantis inter Apostolicam Sedem et Afros episcopos currentibus et recurrentibus scriptis Ecclesiasticis, etc. » Ubi Concilium congregatum, ad Zozimum scripsit, misitque *obtestationem*, qua ne quid innovaretur in causa Caesitii ante rescripta praesentis Synodi. postulabat. Ex laudata enim Zozimi Epistola die XXI Martii scripta, discimus Synodum bis ad Zozimum scripsisse, in principio scilicet et in fine, et obtestationem illam misisse. Haec Zozimi verba: « Noverit vestra fraternitas, nihil nos post illas, quas vel superius, vel nunc litteras vestras accepimus immutasse, sed in eo cuncta reliquisse statu, ut illa, quae a vobis ad nos missa erat obtestatio remaneret »; rescribit enim se priores et posteriores Africanorum litteras accepisse. Nefas porro est, credere *Aurelium* unum inconsultis coepiscopis suis obtestationem illam ad Zozimum misisse, licet id aliqui viri docti arbitrati fuerint. Garnerius praefato Zozimi loco innixus duplicem Synodum constituit, quae celebratae fuerint inter primam Zozimi Epistolam anno praecedenti ad Afros datam, et tertiam ejusdem die XXI Martii hujus anni ad illos scriptam: priorem mense Decembri, vel etiam Novembri anni praecedentis, posterioriorem ante Quadragesimam hujus anni quod ex prima dicatur Zozimi litteras accepisse cum obtestatione Afrorum, instrumentisque causae, quibus litteris, non respondit, ex posteriori vero Synodica missa sit, cui responsum illud dedit die XXI Martii. Verum unicam Synodum intra mensem Octobris anni superioris et kalendas Maii hujus anni habitam ex ipso Garnerii fundamento, verbisque laudatis demonstrat Quesnellus num. 9. Nam litterae, quas ex diversis Synodis missas Garnerius putat, ex una eademque scriptas docet Zozimus in Epistola die XXI Martii data. Eandem enim Synodum Zozimus alloquitur, cum ait: « Post illas, quas vel superius, vel nunc litteras vestras accepimus ». Et infra: « A vobis ad nos missa obtestatio ». Rescribit quippe acceptis posterioribus litteris et famen eidem Synodo obtestationem, quae ad primas litteras atinet, adhibuit; quod pluries eodem modo in eadem Epistola significatur.

15. *Africani adversus Zozimum expostulant.* — Cum priores illic Concilii Africani litterae ad Zozimum perierint, quid esse continent, ex ipsis Zozimi tertiis litteris XXI Martii datis cum Quesnello num. 11 expiscandum. Cum enim utrisque Africanorum litteris iste respondeat priori parte prioribus; posteriori eaque brevissima, posterioribus satisfaciit. Apparet igitur duo maxime prioris Africanae Synodi Epistole capita fuisse: unum quo graviter expostulabant adversus Zozimum, quod posthabito et Africanae Ecclesiae et Romanae per Innocentium iudicio, quo finita Caesitii causa fuerat, ad novum eam examen revocasset. Hinc enim spectare videtur privilegiorum Apostolicae Sedis commendatio, quae totam fere Zozimi implet Epistolam. Secundum Epistole capitulum Africanorum episcoporum *obtestatio*. Scilicet cum intelligerent ex Epistola Zozimi huic ad Pelagium Caesitiumque absolvendos festi-

nare; nisi accusatores Romam accurrerent, et suae accusationis capita probarent; obtestationum libellum interposuerunt, quo suum sibi jus servari postulabant, et ut nihil de sententia in utrumque illum prolata immutaretur, sed in eodem cuncta relinquerentur statu, saltem donec unum e suis Romam mitterent cum idoneis causae instrumentis, quibus haereticorum artes aperirentur, docereturque quam legitime et canonice damnati essent. Extrema Epistole Zozimi verba hujus obtestationis libelli testes sunt: « Noverit, inquit, fraternitas vestra, nihil nos post illas, quas vel superius vel nunc litteras vestras accepimus, immutasse; sed in eodem cuncta reliquisse statu, in quo dudum fuerant, cum hoc nostris litteris vestrae indicavimus sanctitati, ut illa quae a vobis ad nos missa erat, obtestatio remaneret ». Haec enim verba, *missa erant*, indicant istam obtestationem ad priorem Africanorum Epistolam pertinere.

16. *Omnia gesta in causa Caesitii ad eum miserunt.* — Postquam priores istae litterae ad Zozimum missae sunt, episcopi in Synodo Africana coacti, matura deliberatione inter se inquisiere, quidnam factu opus esset, ut haeretici artibus occurreretur. Huic itaque Concilio, ut recte vidit Quesnellus num. 43 et seqq., tribuenda quae apud Augustinum, Prosperum, et Marium Mercatorem ex Africano Concilio profecta annotantur, quia ex Synodo kalendis Maii habita ad Romanum Pontificem scriptum non est ab Africanis Patribus nisi Epistola, qua Patres gratias reddebant Pontifici quae ad nos non pervenit. Ad haec constat ex divo Augustino in Epistola ccxy ad Valentinum, cujus verba supra num. 7.... retulimus, Zozimi rescriptum *ad universos totius orbis episcopos missum* datum esse post Concilium Africanum, et ante postremum Plenarium. Quare Concilium illud, ex quo omnia causae Gesta missa dicuntur ad Zozimum, primum est Carthaginense, seu Africanum, non vero secundum seu Plenarium, ut perperam scribunt Garnerius loco laudato in Synodo XII, et Marca in dissert. de veter. Collect. Can., cap. 16. Neque etiam audiendus Marca citatus in eo quod duo Zozimi decreta distinguit, quorum primum privatum sit, datumque adversus Caesitium tanquam de crimine sibi imposito convictum, post primam Synodum Carthaginensem, seu post Concilium Africanum; aliudque generale, seu generalis Epistola ad universos episcopos adversus Pelagianam haeresim, post receptos secundae Synodi Carthaginensis canones, quod Prosperum in Chronico ejus verba num. 8 recitavimus docere arbitrat.

17. *Zozimus unico decreto Caesitium et Pelagianos damnat.* — Deceperet praesulem doctissimum vulgatae editiones Chronici Prosperi, ubi non tantum unius Concilii Carthaginensis mentio habetur; sed etiam librariorum errore dicitur illud fuisse ducentorum decem et septem episcoporum, loco ducentorum quatuordecim episcoporum. Existimavit enim Prosperum ibi loqui de Concilio Plenario

kalendis Maiis habito; in libro vero adversus collatorem, ubi ait: « Erraverunt ducenti XIV sacerdotes, qui in Epistola quam suis constitutionibus præfuderunt, ita Apostolicæ Sedis antistitem beatum Zozimum sunt allocuti: constituimus in Pelagium atque Cælestium per venerabilem Innocentium de beatissimi Petri Sede proklam manere sententiam, donec apertissima confessione fateantur gratiam Dei per Jesum Christum, non solum ad cognoscendam, verum etiam ad faciendam justitiam, nos per actus singulos adjuvare, ita ut sine illa nihil vere sanctæque pietatis habere, cogitare, dicere, agere valeamus », sermonem habere de Concilio Africano seu de priori Concilio Carthaginensi. Verum Prosper in Chronico quando asserit, Carthage habitum esse Concilium CCXIV episcoporum, et ab eo ad *Zozimum* Synodalia decreta missa, de priori Synodo Carthaginensi verba facit, ut jam ostendimus, ideoque et in loco ex libro ejus adversus collatorem deducto, cum utrobique sermo sit de Concilio CCXIV episcoporum, ac de decretis ad Sedem Romanam missis. Ad hæc manifestum est, Synodum, cujus Gestis probatis secuta est *Zozimi* sententia per totum mundum missa, eam esse quæ Epistole volumen cum plurimis instructionibus, Gestisque præcedentium Synodorum ad Romanum Pontificem transmisit per *Marcellinum subdiaconum*. Sed hæc omnia jam a die XXI Martii accepta erant a *Zozimo*, ut ex tertijs ejus ad Africanos litteris constat. Denique verba Augustini in Epistola ad Valentinum citata, in qua ait, se ad eum misisse « quod pape Zozimo de Africano Concilio missum est, ejusque rescriptum ad universos totius orbis episcopos missum: et quod posteriori Concilio Plenario totius Africæ contra ipsum errorem breviter constituimus », manifeste ostendunt, decretum ad universos orbis episcopos a *Zozimo* datum esse post primam Synodum Carthaginensem; ideoque et distinctionem illam duplicis decreti, privati scilicet et generalis in *Cælestium* latæ, mere commentitiam credendam.

18. *Relatio Concilii Africani ad Zozimum*. — Ad Concilium Africanum referendum quod scribit Augustinus lib. de Peccat. Orig., cap. 7 et 8, illud scilicet revocasse in memoriam pape *Zozimo*, quod ejus prædecessor Innocentius de Gestis Palæstine Synodi judicasset, et post ejus rescripta in Cælestium justissima sententia est prolata: « Sed interposito duorum mensium, donec rescriberetur ex Africa, etc. Sed postquam ex Africano episcoporum Concilio rescripta directa sunt, quid fuerit consecutum, ut in eum (Cælestium) sententia proferretur, enclæa legite, quia enclæa transmisisimus ». Ubi vides, ex unius Concilii Africani scriptis ad sententiam proferendam motum fuisse *Zozimum*, et capitulum, de quibus controversia mota erat, relationem ex more ad eum factam esse; ut Apostolicæ Sedis auctoritate accedente, quod erat limitibus Africæ circumscriptum, universæ Ecclesiæ per Occidentem et Orientem regula fieret Ecclesiæ fidei, et denique verum esse, quod scribit Marea laudatus, tam

Zozimum quam *Innocentium* relationibus Carthaginensium Conciliorum nos auctoritate Romane Sedis omne istud negotium constituisse. Subdit Augustinus cap. 8: « Cum venerabili pape *Zozimo* Synodus Africana respondit, quod vestræ claritati cum cæteris instructionibus misimus ». Et cap. 21: « Visus est Pelagius ad tempus aliquid dicere, quod fidei Catholica conveniret, sed illam Sedem usque in finem fallere non prevaluit. Post rescripta quippe Africani Concilii, etc. » In eodem Concilio procuram esse instructionem ad *Zozimum*, qua Pelagiana hæresis melius posset cognoscere, asserit Augustinus lib. 2 ad Bonifacium cap. 3, ubi de Cælestio per Africanos convicto ait: « Hoc ut plenius et manifestius in illo fieret, expectabatur, venturis ex Africa litteris, in qua provincia ejus aliquando calliditas evidentius innoverat. Quæ Romam litteræ postquam venerunt, id continent non sufficere hominibus tardioribus et sollicitioribus, quod se generaliter Innocentii episcopi litteris consentire fatebatur, sed aperte eum debere anathematizare, quæ in suo libello prava posuerat, etc. » Ex quibus liquet primo, Synodum Africanam illam eandem esse, cujus scriptis acceptis consecutum est *Zozimi* decretum ad universi orbis episcopos missum. Denique eam ipsam Synodum esse, ex qua instrumenta et Gesta omnia missa sunt ad *Zozimum* per *Marcellinum subdiaconum* ad causæ instructionem: quandoquidem nominis post hæc ejusque rescripta secuta est *Zozimi* sententia. Quare male Garnerius omnia hæc ad Synodum *kalendis Maiis* habitam. Quesnellus vero num. 14 ad istam accurate refutit.

19. *Constitutiones de Gratia in ea relatione contentæ*. — Augustinus censentil Prosper, qui respondens ad Capitula Gallorum resp. ad object. 8, ait: « Cum ducentis quatuordecim sacerdotibus, quorum constitutionem contra inimicos gratiæ Dei totus mundus amplexus est », (nam, ut inquit Cælestinus papa in Epistola ad Gallos cap. 3, « Africanorum sententias suas fecerunt Apostolici antistites eum probarent) veraci professione, quemadmodum ipsorum habet sermo, dicamus gratiam Dei per Jesum Christum Dominum, non solum ad cognoscendam, verum etiam ad faciendam justitiam, nos per actus singulos adjuvare, ita ut sine illa nihil vere sanctæque pietatis habere, cogitare, dicere, agere valeamus ». Hæc enim ad illam Africanorum Synodum pertinent, « cujus constitutionem totus mundus amplexus est: id est, « cujus decreta ad *Zozimum* papam », ut habet idem Prosper in Chronico. « perlata sunt; quibus probatis per totum mundum hæresis Pelagiana damnata est ». Post ejus Concilii scriptum, ut Augustinus in Epistola CCXV ad Valentinum scribit, secutum est « Rescriptum *Zozimi* ad universos totius orbis episcopos. Ex quo etiam postquam rescripta directa sunt, consecutum est, ut in Cælestium sententia proferretur », ut habet Augustinus lib. 2 de Pecc. Orig., cap. 7, et denique cujus Capitula seu decreta inserta esse *Zozimi* Tractoriæ, testis est Marius Mercator cujus

verba infra recitabo. Quæ omnia ex superius dictis liquet de Synodo Africana esse intelligenda : ex qua nimirum directus *Marcellinus*, cuius omnes instructiones et Gesta Synodica per eundem recepit *Zozimus*, et die xxi Martii, iis acceptis ad Africanos respondit. His adde convenientiam numeri episcoporum cxxv, qui pariter et episcopis hujus decreti conditoribus a Prospero ibidem tribuitur, et in Chronico datur Concilio illi Carthaginiensi, « cuius decretis probatis, per totum mundum hæresis Pelagiana damnata est ».

20. *Alia Constitutio in ea memorata.* — Ex his consequitur, ut animadvertit Quesnellus num. 15, ejusdem Concilii Africani partem esse, quod de iisdem cxxv episcopis refertur in altero Prosperi loco cap. 5 contra collatorem : « Erraverunt ducenti xiv sacerdotes, qui in Epistola, quam suis constitutionibus prætulērunt, ita Apostolicæ Sedis antistitem beatum Zozimum allocuti sunt : Constituimus in Pelagium atque Cælestium per venerabilem episcopum Innocentium de beatissimi Apostoli Petri Sede prolatam manere sententiam, donec apertissima confessione fateantur, gratiam Dei per Jesum Christum Dominum nostrum, non solum ad cognoscendam, verum etiam ad faciendam justitiam, nos per actus singulos adjuvare, ita ut sine illa nihil veræ sanctæque pietatis habere, cogitare, dicere, agere valeamus ». Neque enim hæc et superiori numero relata ex responsione ad capitula Gallorum, diversis Synodis adscribi possunt : Constitutio quippe eadem, idem numerus episcoporum, eadem verba. Baronius num. 16 hæc verba, « Constituimus in Pelagium, etc. » prolata esse a Zozimo putat; sed ipsa lectio docet, dicta fuisse a Patribus Concilii Africani.

21. *Canones de Gratia quomodo in ea expressi fuerunt.* — Emin. card. Norisius laudatus cap. 14, refellit *Jansenium* episcopum Ypresensem, qui credit Prosperum in Chronico, quando ait, « ad Pontificem Zozimum Synodalia decreta perlata sunt », intelligere canones octo contra Pelagianam hæresim statutos; quia, inquit card. Norisius, illi in posteriori Synodo *kalendis Maii* habita exarati sunt, et in hac priori præcusa est instructio ad *Zozimum*, qua Pelagianam hæresim de facie posset cognoscere. Quesnellus vero num. 16 et seq. tuetur, octo illas constitutiones seu canones de Gratia, si non publicatos, saltem conditos esse in Concilio Africano; ita ut nec prius, nec serius præcusi fuerint. Verum mera hæc de nomine questio est. Augustinus enim, ut anno cxxvi, num. 8.... ostendimus, quando loquitur de Gestis adversus Pelagianos in Concilio Carthaginiensi et Milevitano H illo anno celebratis, modo scribit ex illis Conciliis missas esse litteras contra inimicos gratiæ Christi ab episcopis subscriplas, modo adversus eos *episcopalis Concilii conditam fuisse decretam*, modo condita fuisse statuta, modo denique illorum Conciliorum relationes missas esse ad Innocentium papam; et decretum Carthaginiensis Concilii in Epistola Synodali memoratur

lanquam mera relatio eorum, quæ præsules contra Pelagianos faciendâ esse censebant, ut loco laudato legere est. Quare quando Prosper in Chronico de Concilio Africano loquens ait, ad Pontificem Zozimum *Synodalia decreta* perlata esse, et in libro contra collatorem cap. 5: « Erraverunt Africana episcoporum Concilia, quæ decretis suis constituere utrumque Dei donum esse, et scire quid facere debeamus, et diligere ut faciamus, etc. » nihil prorsus diversum intelligit a rescriptis Africani Concilii, aut a litteris, « quæ expectabantur ex Africa venturæ », de quibus loquitur Augustinus, cuius loca supra recitavimus. Imo quemadmodum in Synodo Carthaginiensi anno cxxvi coacta per hæc verba, « Censimus hujusmodi persuasionis auctores anathematizari oportere », Patres Africani definiunt, quid agendum videretur, sed non pronuntiarunt, id Summæ Sedi reservantes, ut loco laudato ostendimus; pari eademque ratione quando in Concilio Africano hoc anno congregato Patres protulerunt, ex libro Prosperi contra collatorem supra citata: « Constituimus in Pelagium atque Cælestium per venerabilem episcopum Innocentium de beatissimi Apostoli Petri Sede prolatam manere sententiam, etc. » eodem modo se gerunt ac Patres Concilii Carthaginiensis anno cxxvi indicti, ideoque licet definiant, nihil tamen pronuntiant, sed id Apostolicæ Sedi reservant. Uno verbo in Concilio Africano episcopi misere relationem eorum, quæ sibi agenda esse videbantur, et auctores, qui decreta facta memorant, nominis in verbis differunt ab iis, qui dicunt rescripta vel litteras missas esse a Concilio Africano.

22. *Relatio ab Epistola Synodica distincta non fuit.* — At, inquit Quesnellus, in Prospero contra collatorem, cap. 5, hujus Concilii constitutiones disertis verbis notantur, et tales constitutiones, quæ ad Sedem Apostolicam missæ sint, cum Synodica ad Zozimum Epistola eisdem præfixa, tales insuper, « quas totus mundus amplexus sit », ut ex altero loco Prosperi in Chronico habetur: « Erraverunt ducenti quatuordecim sacerdotes, qui in Epistola quam suis constitutionibus prætulērunt, ita Apostolicæ Sedis antistitem beatum Zozimum sunt allocuti: Constituimus in Pelagium atque Cælestium, etc. » Verum fallitur vir doctissimus, dum Epistolam Synodicam a Concilio Africano ad Zozimum missam ab illius constitutionibus distinguit; Concilia enim in suis Synodicis referebant ad Summum Pontificem, quæ a se gesta fuerant, « ut tota hujus auctoritate justa, quæ fuerit, pronuntiatio firmaretur », quemadmodum loquitur Innocentius in suo rescripto ad Concilium Carthaginense anno cxxvi adversus Pelagianos habitum; et in iisdem Synodicis, quibus moti fuissent rationibus exponerent, ut liquet ex rescripto ejusdem Innocentii ad Milevitatum Concilium adversus Pelagianos eodem anno celebratum, in quo Pontifex ait: « Multifarius equidem ad destruendum tale magisterium uti possemus exemplis, nisi sciremus et sanctitatem ves-

tram ad plenum Scripturas omnes callere divinas, præsertim cum vestra relatio tantis ac talibus testimoniis sit referta, ut his solis valeat præsens dogma rescindi, opusque non esse reconditis, cum his (quæ facile vobis occurrentia posuistis) nec audeant obviare, nec possint?» Et revera ejusmodi Milevitani Concilii II Synodica, quæ tomo in Concil. pag. 1545, legitur, exhibet varia Scripturæ loca, quibus Patres Milevitani Pelagii et Cælestii errores confodiunt. In fine vero rescripti ad Concilium Carthaginiense anno cxxvi coactum Innocentius inquit: «Nec quidquam superesse duximus, quod dicamus, cum nihil prætermisum a vobis, nihil constet esse suppressum, quo illi refutati et penitus cognoscantur esse convicti. Ideoque a nobis testimonia nulla ponuntur, quia et his plena relatio est, et satis constat, ut doctissimos sacerdotes cuncta divisisse. Nec decet credere, vos aliquid quod ad causam possit proficere, præterisse». Ex duobus istis rescriptis ad duo diversa Concilia missis, quid episcoporum ad summum Pontificem relationes continerent, et morem servari solitum intelligimus, ac præterea Conciliorum relationes ab eorum Synodicis distinctas non fuisse. Quare in Concilio Africano hoc anno adversus eorumdem errores coacto, non sese aliter ac in præfatis duobus Conciliis antistites Africani gessere, ideoque in sua Synodica ad Zozimum papam missa Pelagianorum errores refutarunt, et quid decreverint, significarunt.

23. *Quod ex relationibus ab aliis Conciliis mitti solitis innotescit.* — Nihil itaque aliud Prosper insinuat, quam Patres Africanos in sua Epistola Synodica, narrasse quæ a se gesta fuerant adversus Pelagianos, quidque censuissent aut decreverint, eo fere modo quo in duobus laudatis Synodicis Conciliis Carthaginiensis et Milevitani II, quæ ad nos pervenerunt, habetur; nec etiam aliud Prosper his verbis, «qui in Epistola quam suis constitutionibus prætulerunt», significat. Perperam enim vir eruditissimus vim facit in istis verbis. *suis constitutionibus*, cum illis Prosper nihil aliud innuat, quam Patres Africanos materiam suppeditasse, et testimonia protulisse, quibus in talibus decernendis moti fuissent, eo prorsus modo quo a Patribus Concilii Carthaginiensis et Concilii Milevitani II præstitum fuerat; licet enim in eorum Synodicis nulla constitutio legatur, Augustinus tamen scribens ad Hilarium Epistolam cxxviii, alias xciv, ait: «Jam cum ista scriberem, cognoveramus in Ecclesia Carthaginiensi adversus eos episcopalis Concilii (anno cxxvi habiti) conditum fuisse decretum per Epistolam sancto et venerabili papæ Innocentio dirigendum, et nos de Concilio Numidie (eodem anno Milevi habito) ad eandem Apostolicam Sedem jam similiter scripseramus», ubi vides Augustinum decretum ab Epistola et a litteris non distinguere. Unde idem Augustinus in Epistola ad Valentinum enumerans quæ gesta fuerant a Zozimo adversus Pelagianos, quæ se ad Valentinum misisse dicit, litteras tantum ab Africano Concilio ad Zozimum datas memorat his

verbis: «Item quod papæ Zozimo de Africano Concilio scriptum est, ejusque rescriptum ad universos totius orbis episcopos missum: et quod posteriori Concilio Plenario lotius Africa contra ipsum errorem breviter constitutum, etc. Hæc omnia misimus vobis». Et tamen in Concilio Africano contra ipsum errorem aliquid constitutum fuerat, et quidem non *breviter*, ut in Concilio Plenario, cum variis sacra Scripturæ locis, ut ex iis quæ gesta fuerant in Conciliis Carthaginiensis et Milevitano II innotescit, sententias suas comprobarent. Nata itaque omnis hæc controversia quod viri doctissimi animum non adverterint ad usum relationum a Conciliis ad summum Pontificem mitti solitarum, «quasi ad caput atque ad apicem episcopatus», ut inquit Innocentius in Epistola iv ad Felicem Nucernanum episcopum, vel, ut idem scribit ad Milevitano Concilium, «ad Patrum, id est, sui nominis et honoris auctorem ut per totum mundum posset Ecclesiis omnibus in commune prodesse». Illo enim usu, loquendique modo ab antiquis usurpato suppositis, omnis hæc controversia evanescit.

24. *Quid continent posteriores litteræ Concilii Africani ad Zozimum.* — Quid priores litteræ Patrum Africanorum ad Zozimum misse, ad quas nullum responsum datum, continerent, ex Augustino et Prospero eruere conati sumus; nunc quid posterioribus inscriptum esset vel annexum, cum eodem Quesnello ex iisdem Patribus deducendum. Ac primum quidem prolixissima scripta ad Zozimum missa fuisse, ipsemet Zozimus in Epistola sua in ad Africanos xxi Martii data, his verbis testatur: «Missæ per Marcellinum subdiaconum Epistola omne volumen voluisse: quo aliquando perlecto, etc.» Quibus litteris continebantur Africanorum querelæ adversus Zozimum, quod credulas aures Cælestio commodasset, fidem præbisset verbis ejus, nec ea satis discussisset: «Ita totum litterarum (scilicet mearum) comprehendistis textum, quasi nos Cælestio commodaverimus in omnibus fidem, etc.» Secundo, cum ex gestis Romani iudicii inchoatis intellexissent Africani quod Cælestius «beati Innocentii papæ litteris non est ausus obistere; imo esse omnia, quæ seles illa damnaret, damnaturum esse promisit» (verba sunt Augustini lib. 2 de Pecc. Orig. cap. 7), ex quibus sperabatur plenus ab eo dandus Epistolis Innocentii consensus: «Romani litteræ venerunt ex Africa id continentis non sufficere hominibus tardioribus et sollicitioribus, quod se generaliter Innocentii episcopi litteris consentire fatebatur, sed aperte cum debere anathematizare, quæ in suo libello male posuerat: ne si id non fecisset, multi parum intelligentes, magis in libello ejus illa fidei venena a Sede Apostolica crederent approbata, propterea quod ab illa dictum erat cum libellum esse Catholicum, quam emendata propter illud, quod se papæ Innocentii litteris consentire ipse responderat», ut habet Augustinus lib. 2 ad Bonifacium cap. 3. Quæ pro peccati originalis doctrina monuerunt Africani, ne ab hæ-

religiosis sub verborum larva Zozimo imponeretur.

25. *Missæ cum litteris Gesta aliorum Conciliorum adversus Pelagianos.* — Tertio, admonebant Africani Zozimum suis litteris, ut recoleret quid imitandus prædecessor ejus *Innocentius* de ipsis senserat Gestis Palestinis, quibus absolutum se jactabat Pelagius: et ut intelligeret Pontifex ea nec ignota fuisse Innocentio, nec omnino probata, litteris suis inseruerunt Africani excerptum Epistolæ illius ad quinque episcopos, quo ista constabant. Hoc indicat sanctus Augustinus lib. 2 de pecc. Orig., cap. 8: « Quid ergo, inquit, de Palestinæ Synodi Gestis, quibus se Pelagius absolutum esse gloriatur, sanctus papa Innocentius judicaverit, quamvis et in litteris ejus. quas nobis rescripsit, legere possitis et commemoratum, cum venerabili papæ Zozimo Synodus Africana respondit, quod vestræ charitati cum cæteris instructionibus misimus; tamen, etc. » Quarto, constat ex communitorio Marii Mercatoris, ipso ejus initio litteris illis fuisse illigatum quidquid in Africa actum fuerat adversus Cælestium et Pelagium; et « omnem causam, quæ apud eos facta fuerat », ab ipsis fuisse « expositam: missis etiam Gestis exinde, quæ fuerant tunc cum illo vel de illo confecta »; hoc est, Gestis Carthagenensis Synodi anni cxxxii, et Synodorum Carthagenensis et Milevitane II anno cxxxv habitarum. Quinto, missa sunt et decreta de Gratia adversus errores Pelagianorum, non quidem ex formula edita, ut manifeste elicitur ex iis, quæ leguntur in litteris Synodicis Conciliorum Carthagenensis et Milevitani II, anno cxxxv adversus eosdem habitorum, quemadmodum supra exposuimus, sed variis Scripturæ sacræ locis et rationibus ex ea deductis firmata, ex quibus conditi fuere canones octo a Zozimo, et postea a Concilio Plenario, de quo infra.

26. *Marcellinus ab Africanis missus Roman, medio circiter Martio Romanam adventavit.* — Ex priori itaque Carthagenensi Synodo, seu Concilio Africano duæ Epistolæ ad Zozimum datæ, quarum ultima cum Gestis, aliisque ad causam Pelagianam pertinentibus Marcellino Carthagenensis Ecclesie subdiacono, qui quamprimum ad Zozimum deferret, consignata fuit, postquam Plenariam Synodum circa kalendas Maii habendam episcopi Carthagine congregali indixissent; præviderant enim circa illud tempus responsum a Sede Apostolica esse afferendum. *Marcellinus* Roman medio circiter Martio pervenit, ut supra ostendimus, et Zozimus perlectis Gestis, omnibusque instructionibus, quæ prolixissime erant, a Patribus Africanis confectis, *XII kal. April.* seu die xxi Martii tertiam ad Afros scripsit Epistolam superius a nobis explicatam, in qua eos certos facit rem adhuc esse integram, se eorum obtestationis rationem habuisse, omniaque suspendisse: « Idcirco, inquit, noverit vestra fraternitas, nihil nos post illas, quas vel superius, vel nunc, litteras vestras accepimus, immutasse, sed in eodem cuncta reliquiss: salta, in quo dudum fuerant, cum hoc nostris litteris vestræ indicavimus sanctitati, ut

illa, quæ a vobis ad nos missa erat, obtestatio remaneret ». An idem Marcellinus hujus Zozimi ad Africanos responsi perlator fuerit, an vero donec *Cælestii* causa ad exitum perducta esset, Romæ substituerit, quod verosimilius, non liquet.

27. *Zozimus Cælestium damnat.* — Cum eo loco res esset, Zozimus examinatis quæ hactenus adversus *Cælestium* iam Romæ, quam in Africa facta fuerant, cum ad plenioram audientiam, summumque judicium vocavit; sed hæresiarcha cum artes suas patere, nullumque superesse tergiversandi modum videret, sese examini subduxit, sive haberit in Urbe apud suos, sive in proximis Romæ locis substituerit. Cujus fuga, ubi innotuit, continuo lata in eum ac Pelagium decretoria sententia, scriptaque universis mundi episcopis a Zozimo grandis illa Epistola, quam *Tractoriam* Mercator vocat, et cujus aliqua tantum nobis fragmenta restant. Hæc de hac re Mercatoris in Communitorio verba: « Episcopis vero ex Africa rescribentibus, omnemque causam, quæ apud eos facta fuerat, exponentibus: missis etiam Gestis exinde, quæ fuerant tunc cum illo, vel de illo confecta, vocatur ad audientiam plenioram, ut quæ promiserat, festinaret implere, id est, ut damnatis prædictis capitulis, sententia Afrorum pontificum, qua fuerat communione privati, absolveretur, non solum non adfuit, sed etiam ex memorata Romana Urbe profugit: atque ob hoc a beate memorie prædicto Zozimo episcopo scriptis amplissimis vel longissimis perdamnatus est; in quibus et ipsa capitula, de quibus accusatus fuerat, continentur, et omnis causa iam de Cælestio supra scripto, quam de Pelagio magistro ejus præviore, videtur esse narrata (quorum scriptorum et nos hic habemus exemplaria), et ad Orientales Ecclesias, Ægypti Dioccesim, et Constantinopolim, et Thessalonicam, et Hierosolyman, similia eademque scripta ad episcopos transmissa esse suggerimus ». Augustinus vero lib. 2 ad Bonifacium cap. 3: « Tunc ergo, inquit, cum ejus presentia posceretur, ut certis ac dilucidis responsionibus, vel astutia hominis, vel correctio diluisceret, et nulli ambiguae remaneret, se subtraxit et negavit examini. Nec differendum jam fuerat, sicut factum est, quod aliis prodesset, si nimium perversorum pertinaciæ, demeritæque non posset ». Tum cap. 4: « Sed illud se respondisse fallaciter novo exitu ostendit, cum se subtraxit examini, ne secundum Africanam rescripta, ipsa omnino de hac questione verba memorare et anathematizare, quæ in libello suo posuit, cogeretur ». Nec Augustino contrarius est Mercator, quando scribit Cælestium ex Romana Urbe profugisse; significat enim duntaxat eum in vicina Romæ loca sese recepisse, qua de re rursus infra. *Cælestius* itaque sese examini subtraxit, et ementita fuga latuit apud suos, donec Honorius imp. eum Urbe pellendum jussit.

28. *Rescriptum ab imperatore obtinet, quo Pelagianum Romanæ pelluntur.* — Zozimus enim Tractoriam suam et Gesta Synodi Africanæ ad Honorium

imp. Ravennae agentem misit, petens, ut *Caelestius* omnesque Pelagiani Urbe perirentur, et toto Christiano orbe tanquam haeretici haberentur. Constans quippe fuit Ecclesiae consuetudo, ex quo a Christianis imperatoribus in libertatem asserta est, ut partim ad extirpandas haereses, si quando pertinacius durarent; partim ad coercendos haereseon auctores, cum partes facerent, utraque potestas a Deo ordinata, Ecclesiastica nimirum et imperialis, conspiraret. His acceptis, Pelagianisque a Zozimo damnatis *Honorius* rescriptum emisit, quod *Baronius* ex Codice Monasterii S. Vedasti Atrabatenensis eruit, et num. 20 et seqq. publicavit, ac postea *Salmasius* in Eucharistico, *Usserius* lib. de Britannic. Eccles. Primordiis, *Baluzius* in Append. ad *Salvianum*, et nuper *Garnerius* partim collatione editionum, partim Mss. ope correctus dedit in Dissert. in de Constitutionibus imperatorum editis in causa Pelagianorum. Dicitur illud datum pridie kalend. Maias. Ravennae, DD. NN. *Honorio XII et Theodosio VIII. A. A. CC.*; ideoque hoc anno, post mensem scilicet et aliquot dies, quam Zozimus tertiam ad Afros Epistolam die XXI Martii scripsisset. Quare intra illud tempus et *Caelestius* postremo ad iudicium vocatus, et Epistola Zozimi ad universos orbis episcopos adversus Pelagianos data, ac imperiale decretum ab eodem postulatum.

29. *Mittitur rescriptum illud ad praefectos praetorii.* — In eo rescripto *Honorius* ait: « Siquidem aures mansuetudinis nostrae recens fama perstrinxerit, intra sacratissimam Urbem nostram atque loca ita pestiferum virus quorundam inolevisse peccatoribus, ut interrupto directae credulitatis tramite, scissis in partes studiis asserendi, materia impacatae dissensionis inducta sit, novoque scandali fomite concitato, beatissimae Ecclesiae hactenus nufet intentata tranquillitas: aliis nempe aliud accipiti interpretatione sectantibus, et pro capta versipellis ingenii, profanam novorum commentorum moventibus questionem, *Palladi* parens carissime atque amatissime (erat is hoc anno praefectus praetorio Italiae, ad quem rescriptum suum *Honorius* dirigit). Ob quam rem illustris tua auctoritas, victura in omne aevum, lege nos statuisset cognoscat, ut pulsus ex Urbe primis capitibus dogmatis excrandi, *Caelestius* atque *Pelagius*, si qui hujus de caetero sacrilegii sectatores, quibuscumque locis potuerint reperiri, aut de pravitate damnata aliquem rursus proferre sermonem, a quocumque correpti ad competentem iudicem pertrahantur ». Imperiale edictum iussione sua prosecuti sunt praefecti praetorio, *Junius Quartus Palladius* Italiae, *Monaxius* Orientis, et *Agricola* Galliarum, qui decreto suo, quod adhuc extat, jussere *Pelagium* ac *Caelestium* ex Urbe ejici, omnesque istorum erroris convictos facultatis suis spoliari, ac perpetuo multari exilio. *Baronius* anno CDXX, num. 4, recitat illud praefectorum edictum; sed, ut demonstrat *Em. card. Norisius* lib. 1 Hist. Pelag. cap. 43, tres hi praefecti currenti anno dignitatem gessere, ideoque

quae ibi *Baronius* narrat, huc transferenda. Porro in codice *Thuanco* Ms. rescriptum sic inscribitur: « Incipit sacrum rescriptum, acceptis Synodi SS. gestis datum ». *Salmasius*, qui codicem vidit, his duabus litteris SS. *Carthaginensem* Synodum interpretatus est. *Quesnellus* citatus, qui illum etiam legi, asserit in eo haberi Synodi sanctae, id est, *superscriptae*. *Usserius*, qui *Oxoniensi* Ms. usus est, legit: « Sacrum rescriptum, acceptis Synodi Gestis datum ». Denique in codice *Baluziano* et *Atrabatenensi rescriptum* nuncupatur haec constitutio. Sed et *Augustinus* testis est omni exceptione major lib. 3, cap. 1, adversus *Julianum*, quem his verbis alloquitur: « Sane, ut dicis, si pro vobis potius ab imperatore responsum est, cur non in medium prosilitis? » Quare certum est, rescriptum esse, ut recte *Quesnellus* num. 27, nec audendum *Garnerium* pag. 240, qui ait, « quod *Historia* demonstrat non esse rescriptum proprie, sed constitutionem, cum imperator nulli vel per litteras petenti, vel scriptis consulenti rescribat ». Obiter, corrigendus *Baronius* num. 23, qui citata verba *Augustini* adversus *Julianum*, *Juliani* ipsis esse arbitratus est.

30. *Zozimus acta Synodi vel Urbicae vel Africanae ad imperatorem misit.* — Certe ex serie edicti manifestum fit, suggesta indicataque fuisse imperatori praecipua Pelagiani dogmatis capita, idque e *Zozimo* papa, qui ad eundem cum *Tractoria* sua Synodi Africanae vel potius Synodi Urbicae Gesta miserat, ut non tantum ex eo titulo; sed et ex aliis monumentis clare elicatur. *Augustinus* in Epistola ad *Valentinum* CCXV, cujus verba supra retulimus, memorat rescriptum *Zozimi ad universos totius orbis episcopos missum*, inter Concilium Africanum et Concilium Plenarium totius Africae, evidenter indicans *Zozimum* acceptis Gestis Synodi Africanae seu prioris Synodi *Carthaginensis* *Caelestium* ac *Pelagium* damnassee, ideoque et eadem Gesta ad *Honorium* transmisisse, ut *Tractoriam* suam imperiali auctoritate facilius roboraret. Praeterea variis in locis supra citatis semper insinuat, *Caelestium* post rescripta Africani Concilii accepta *Zozimum* damnassee, ab eoque non dissentit *Prosper* contra collatorem cap. 41, ubi de *Semipelagianis* loquens ait: « Tunc istorum machine fractae sunt, tunc in superbiae sociis ac principibus corruerunt, quando beate memoriae *Innocentius* nefandi erroris capita Apostolice mucrone percussit: quando *Pelagium* ad proferendam in se suosque sententiam, *Palaestinarum* episcoporum Synodus coarctavit: quando *Africanorum* Conciliorum decretis beate recordationis papa *Zozimus* sententiae suae rotur adnexuit, et ad impiorum detractionem gladio *Petri* dexteram omnium armavit antistitem », id est, ad omnes orbis Christiani episcopos adversus *Pelagianos* *Tractoriam* suam misit. Cum itaque *Zozimi* sententia simul cum *Africanis* decretis vel Gestis memoretur, non alia Gesta quam *Africana* ad *Honorium* imp. *Zozimum* misisse credendum.

31. *Edictum imperatoris ab Africanis postula-*

tum non fuit. — Usserius in Antiquit. Britan. pag. 271. scribit, *Honorium* accepit Gestis Synodi Africanæ ab ipsa missis, haud expectato *Zozimi* decreto, legem in Pelagianos sanxisse, quod ex laudato Honoriani rescripti titulo colligi putat. Hanc explanationem Salmasius, aliique Protestantes eo Iubentius amplexi sunt, quod *Zozimi* papæ auctoritas hinc contempta fuisse videatur. Imo ex Catholicis Garnerius loco citato, aliique quidam post eum islam secuti sunt ea præsertim epigraphæ moti. At Possidius in Vita Augustini cap. 8. hanc interpretationem veram non esse demonstrat: « At illi, inquit, tantæ Sedis Apostolicæ antislites (sc. Innocentius et Zozimus) suis diversis temporibus eosdem Pelagianos nolantes, atque a membris Ecclesiæ præcedentis, datis litteris ad Africanas, et ad Orientis et Occidentis Ecclesias, eos aulatematizandos et devitandos ab omnibus Catholicis censuerunt. Et hoc tale de illis Ecclesiæ Dei Catholice prolatum iudicium etiam piissimus imperator Honorius audiens ac sequens, suis eos legibus damnatos hæreticos haberi debere constituit ». Norisus cardinalis eruditissimus recte observat *Possidium*, qui Calamensis in Africa episcopus fuit, Concilio Africano interfuisse, sed quod subdit, *Zozimum* postquam in Urbana Synodo Pelagianos damnavit, postulasse ab imperatore rescriptum, cui titulus *Sacrum rescriptum acceptis Synodi Gestis* datum, ex diebus dicendisque subsistere non posse, et postulationem edicti præcessisse damnationem Pelagianorum constat. Præterea memoria lapsus est, cum scribit, litteras Apostolicas de damnatis a *Zozimo* Romæ Pelagianis acceptas esse ab Africanis *III kalendas Maias*, quæ enim, ut animadvertit Quesnellus num. 36, litteræ acceptæ hæc die dicuntur, sunt tertie date *XII kalend. April.* a *Zozimo*, quibus indicat se prolixiora rescripta Africanorum accepisse per Marcellinum, et quibus tantum abest, ut nuntiaret damnatum *Cælestium*, quin potius monebat omnia in eodem mansisse statu, qui erat quando obstatio Africanorum venit in Urbem.

32. *Petitum ab Zozimo post diem xxi Martii et finem Aprilis.* — In Codice quidem canonum Ecclesiæ Romane cap. 13, recitatur Concilium Carthaginense *kalendis Maii* habitum cum canonibus in eo conditis, et capite insequenti refertur rescriptum Honorii *pridie kalendas Maii* emissum, sub hoc titulo: *Incipit sacrum rescriptum acceptis Synodi supradictæ Gestis.* Sed factum id errore collectoris; quomodo enim imperator die ulla Aprilis accipere potuit Ravennæ Gesla Synodi Carthagine die prima Maii confecta? Collector itaque, qui præpostero ordine varias Pontificum Romanorum Epistolas in eum codicem inseruit, eum Concilium Urbicum vel Concilium Africanum in exemplari, quo utebatur, descriptum reperisset proxime ante edictum Honorii, codici suo non interfereendum, edicti titulum isdem quibus conceptus erat verbis, exscripsit; cum mutandus omnino fuisset ob prætermisam Synodum ad quam refertur; cum alioquin

titulus ille referri deberet ad Concilium Plenarium in illo codice exaratum, quod tamen certum est, uno saltem die subsecutum esse edictum. Quesnellus num. 40 ait, Romanos eam epigraphem in suo Codice relinquere debuisse; quod imperator suum rescriptum dedisset post receptos canones de Gratia sancitos, in priori scilicet, ut ipse putat, Concilio. At canones illi in posteriori Concilio et confectos et publicatos, ex dicendis certo patebit. Quare fundamentum illud prorsus ruinosum. Certe *Honorii* rescriptum eo lendit, ut ex Urbe capita dogmatis execrandi *Cælestius* atque *Pelagius* pellantur, quod materiam impacate dissensionis in eam induxissent, et tamen in Concilio *kalendis Maii* celebrato referuntur tantum canones de Gratia in eo conditi, nihilque statuitur adversus Pelagium ac Cælestium, qui ideo ante Plenarii illius Concilii celebrationem jam a *Zozimo* papa damnati fuerant per ejus Tractoriam ad episcopos universi orbis missam. Rescriptum itaque illud a *Zozimo* papa post diem xxi Martii, et ante diem ultimum Aprilis postulatam, antequam Tractoriam suam ederet, quod animadvertisset Pelagianos, qui Romæ potentes patronos habebant, tumultus in ea excitaturos, nisi auctoritate imperiali eorum audacia comprimeretur. Quamvis enim *Romanorum fides* adversus Pelagii errorem *concorditer* flagaret, ut inquit Augustinus lib. de pecc. Orig. cap. 8, Romam tamen molestissimo dissidio divellebant Pelagiani, et, ut loquitur Honorius in sua constitutione, studia in partes scindebant. Quare Prosper in Chronico hoc anno narrat *Constantium* quondam præfectorum vicarium, Romæ habitantem eorum factione multa perpressum esse, et sanctorum confessorum catalogo adscribi meruisse.

33. *Quia periculum erat ne Pelagiani Romæ tumultus eierent.* — Videtur Julianus apud Augustinum lib. 3 Operis imperfecti adversus Julianum cap. 35, respicere ad ea quæ hoc tempore Romæ gerebantur, cum ait: « Cur ergo, si creditis, et hoc bonum esse quod dicimus, et illud bonum esse quod dicitis, tantis totam Italian factionibus commovistis? Cur seditiones Romæ conductis populis excitastis? » Illud certum Augustinum in Epistola cxcii, alias cix, versus hujus anni finem ad Sixtum presbyterum Romanum data, qua cum exhortatur, ut pergat impudentes cohibere, ad tumultus, quos Pelagiani antequam a *Zozimo* condemnarentur, in Urbe excitarent, spectare: « Hæc cura major tibi restat, ut non solum salubri severitate pleclantur, qui errorem illum Christiano infensissimum nomini audent garrere liberius, sed etiam ii diligentissime caveantur vigilantia pastorali, propter infirmiores et simpliciores Dominicas oves, qui eum pressius quidem ac timidius, sed tamen insurrare non cessant, *penetrantes domos*, sicut ait Apostolus, et cætera que sequuntur exercita impietate facientes. Nec illi negligendi sunt, qui usque ad profundum silentium suppressunt timore quod sentiunt, sed tamen eandem perverstatem sentire non desinunt. Nou-

nulli quippe eorum, antequam ista pestilentia manifestissimo etiam Sedis Apostolicae iudicio damnaretur, vobis innolescere poterunt, quos nunc repente reticuisse perspicitis : nec utrum sanati sint scribi potest, nisi cum non solum dogmata illa falsa tacuerint ; verum etiam illis vera contraria, eo quo illa solent studio defensaverint ; qui tamen lenius profecto sunt tractandi. Quid enim eos terrore opus est, quos satis territos ipsa faciliturnitas monstrat ? »

34. *Ex secundo edicto constat prius a Zozimo postulatum fuisse.* — Quod si Pelagiani post iudicium Zozimi et rescriptum imperatoris vix se Romae in officio continere poterant, non dubium quin antea novo scandali fomite concitato beatissime Ecclesiae nutarit attentata tranquillitas. Quare Zozimus, antequam totum negotium dirimeret, certus esse voluit imperatorem edictum promulgatum, quo qui sacrilegum dogma non ejurarent, pellerentur Urbe, et penis aliis subicerentur. Prius enim Honorii edictum, non Africanos, sed Zozimum postulasse demonstrat etiam secundum anno sequenti *V iduum Junii*, *Ravenae* datum, et Aurelio Carthaginensi episcopo inscriptum, quod his verbis inchoatur : « Dudum quidem fuerat constitutum (hoc scilicet anno per prius edictum, ut Pelagius atque Caesestius infandi dogmatis repertoires ab Urbe Roma, velut quaedam Catholicae utilitatis contagia, pellerentur : ne ignorantium mentes seava persuasione perverlerent. In quo secuta est clementia nostra iudicium sanctitatis tuae, quo constat eos ab universis justa sententiae examinatione damnatos ». Nam si primum edictum ab imperatore petitum est, ut Pelagius et Caesestius, seu Pelagiani Roma pellerentur, factum id a Pontifice Romano, non vero ab episcopis Africanis, ad quos non spectabat sese de iis, quae Romae fieri deberent, ingerere. Quesnellus tamen pluribus contendit, non solum prius edictum ab imperatore prolatum fuisse, antequam Zozimi sententia prodissset ; sed etiam illud ab Africanis procuratum, quod imperator anno sequenti in altero edicto condendo, prius commemoravit, et in eo condendo secutum se asserat, Africanorum iudicium, nihil, inquit num. 25, de iudicio Zozimi, quod praeferiisse, facta alterius mentione, iniquum prorsus fuisset, et a debita primariae Sedi reverentia alienum. Quod enim de *Innocentio* pariter siterit, non eadem est ratio : quia non tam iudicium proprium habuerat, quam Africanorum iudicium suum fecerat. Ita vir doctissimus.

35. *Quomodo imperator vere asserere potuerit se in emittendo edicto secutum esse iudicium Aurelii.* — Verum cum *Aurelius* non solum Africanorum Concilio, sed etiam Carthaginensi anno cxxvi congregato, alterique Carthaginensi anni cxxv praefuisset, eique secundum edictum anno sequenti datum inscriberetur, recte dicitur imperator sese secutum ejus iudicium, quod suum Innocentius et Zozimus fecerant, ut legitur in Praefatione capitulorum Epistolae Caesestini pape ad episcopos Galliae scriptae. *Africanorum Conciliorum sententias, suas*

fecerunt Apostolici antistites, cum probaverunt, ideoque nominare *Aurelium* idem erat ac nominare *Innocentium* et *Zozimum*, qui ejus iudicium auctoritate sua firmanant. Sic quando Augustinus de Pelagianorum damnatione loquitur, modo eam *Innocentio*, modo *Zozimo*, modo utrique attribuit, neque Concilia in Africa adversus eos habita, vel *Aurelium* ab eorum damnatione excludit, sed diverso tantum loquendi modo utitur. Quare non minus *Zozimus*, quam *Innocentius* Africanorum iudicium suum fecerat, ideoque si ex illis posterioris edicti verbis inferri potest, *Zozimum* Pelagianos nondum damnasse, quando prius edictum promulgatum est, idem plane inferri potest de *Innocentio*. Denique nullus sibi facile persuaserit, Carthaginensem episcopum petiisse ab imperatore, ut Pelagiani Roma expellerentur, aut decreta fidei in Concilio, cui ipse praefuerat condita, sed a Romano Pontifice nondum confirmata, per totum orbem publicarentur, ut omnes scilicet fideles ad illum observationem tenerentur ; cum nihil simile unquam antea in Ecclesia accidisset, et hactenus Concilia et episcopi missis relationes de questionibus difficultioribus et ambiguis ad Sedem Romanam, tanquam ad eam in qua residebat principatus Sedis Apostolicae, ut supra solide ostendimus ; quod eo magis de eo Concilio dicendum, quo eidem, ut ait *Prosper* in Carmine de *Ingratis* cap. 3, ingenium Augustinus erat.

36. *Opinio Quesnelli Africanos edictum postulasse existimantis.* — Sed, ut manifestius sit, Quesnelli opinionem nulla probabilitate niti, ea hic verbis ejus proponenda. Is num. 12 ait, dum priores Africanorum litterae a Concilio Africano scriptae ferrentur ad Zozimum per ejus subdiaconum *Basiliicum*, episcopos in Concilio congregatos, veritos ne *Zozimus* nimium credulus propensusque in *Caesestium*, sententiam ferret in Ecclesiae fideique damnum prodituram, geninam decrevisse legationem, unam ad *Honorium* Aug. per *Vindemialem* episcopum obtundam ; alteram ad *Zozinum* Pontificem a *Marcellino* subdiacono suscipiendam, ac priorem secretiorem fuisse. Num. 28 addit, episcopos *Vindemialem* episcopum ob secretissima et maximi ponderis negotia *Ravenam* misisse, qui unum solummodo subdiaconum *Roman* legarunt ad *Zozimum*. Tum num. 30 postquam narravit, responsum *Zozimi* die xxi Martii datum Carthaginem, ubi jam Patres ad Synodum conveniant, pervenisse, magis suam sententiam his verbis explicat : Perlectis *Zozimi* litteris non magnam ex iis spem pro fidei causa conceperunt Africani. Totae quippe fere erant in commendanda et inculcanda Apostolicae Sedis auctoritate, indicabantque ejus iudicium, qualecumque tandem esset futurum, sine ullius contradictione recipiendum esse. Tam de credulitate nimia accusationem frigidè repellit : et tantum abest, ut de ingenti illa instructionum Gestorumque receptione cum nonnulla gaudii significatione scriberet : e contra cum tædio perfectum ab eo

Epistola volumen testantur rescripti ipsius verba. Demum etsi omnia in eodem statu remansisse scribat, nullam tamen de damnando infra breve tempus *Caelestio* spem injicit, sed potius in longum adhuc profrahendam causam esse satis clare indicat, dum adhuc diuturnam tractationem magnamque deliberationem necessariam dicit. Quare Africani intempesivam hanc emetationem tergiversationi simillimam aegre ferentes, utpote fidei pacique Ecclesiae perniciosam, securique facti de imperatoris animo, qui rescita in die Synodi die emittendam a se eodem tempore constitutionem sponderat, canones illos novem jam in superiori Synodo conditos, in Plenaria quam tunc habebant, de novo statuerunt, publicaverunt, ac omnium subscriptione roboratos pro perenni sanctione ac immobili fidei de Gratia Christi regula habendos definiunt; non omittentes, ut par est credere, idem quod in priori Concilio constituisse: « In Pelagianum scilicet atque Caelestium per venerabilem episcopum Innocentium de beatissimi Apostoli Petri Sede protatam manere sententiam ». Haec Quesnellus.

37. *Legatio Africanorum ad Honorium mere commentitia.* — Verum res non eo, quo ipse narrat modo, se habuit; Marcellinus enim ad Zozimum ab Africanis quidem deputatus; sed *Vindemialis* episcopi legatio mere commentitia, quia non solum ea a nullo Antiquorum memorata, sed ne quidem ab eis leviter facta. Fundatur Quesnellus in eo quod Augustinus in Epistola ad Valerium comitem ordine et, quae alias praefixa erat lib. 1 de Nuptiis, sub hujus anni finem vel sequentis initio data, scribat: « Cum diu moleste haberem quod aliquoties scripserim et nulla tuae sublimitatis rescripta meruerim, repente Epistolam tres tuae benignitatis accepi, unam non ad me solum datam per coepiscopum meum Vindemialem, et non longe post per compresbyterum Firmum, dnas, etc. Audivimus, quanta tibi cura sit, ne quis insidiatur membris Christi cooperatus velamine nominis Christi, sive in veteribus ejus, sive in recentioribus inimicis; quanquam sis eorumdem inimicorum providus saluti, infestus errori. Haec atque hujusmodi, ut dixi, et ab aliis solennis audire; sed nunc ea per supradictum fratrem plura et testatoria cognovimus ». Quibus ex verbis vir eruditissimus colligi putat, Vindemialem a coepiscopis suis Africanis delegatum pro fidei et haeticorum causa, et haec verba, *nam non ad me solum datam* designare rescriptum fuisse ad episcopos, a quibus litteras prius Valerius acceperat per Vindemialem, quem Ravennam misisset, idque propter negotia fidei, et illum se infestum errori ostendisse pro sua apud Honorium gratia edictum eliciendo, quo Pelagiani Urbe pellerentur, et denique haec esse *Testatoria*, quae tunc cognovit de Valerio Augustinus. Sed mera haec divinatio, quam referre refutare est; cum *Valerius* vir summa auctoritatis propter varia negotia ad plures simul episcopos scribere potuerit, sicut *Vindemialis* propter negotia nobis ignota in comitatum venire. Valde

quidem verosimile *Valerium* edictum adversus Pelagianos ab imperatore obtinuisse, sed rogatum a Zozimo, non vero ab episcopis Africanis. Male etiam Quesnellus ad illud edictum refert haec verba Augustini lib. 4 de Nuptiis et Concupiscentia, cap. 2 exponentis, quae potissimum de causa ad eum scribere voluisset: « Altera », inquit Augustinus, « causa est, quia profanis istis novitatibus quibus hic disputando resistimus, tu potestate curando et instando efficaciter restitisti; neque enim Augustinus insinuat, ut eum interpretatur Quesnellus, *Valerium* potestate curasse et instantia sua impetrasse, ut edictum illud ab Honorio prodiret; et enim vehementer conqueritur Julianus apud Augustinum lib. 4, cap. 10 Operis imperfecti, et verba Augustini superius descripta ita insectatur, falsa veris miscens, veraque etiam falsis retegens: « Laudat etiam (nempe Augustinus) potentem hominem, quod nostris petitionibus, qui nihil aliud quam dari tanto negotio iudices vociferabamur, ut ea quae subreptionibus acta constabat, emendarentur potius, quam punirentur examine, mole sua dignitatis obstitit, nec disputationi tempus, aut locum permisit impetrare. Quod utrum ille (nempe Valerius) ad quem scribitur (ab Augustino) tam nequiter fecerit, quam testatur ipsa laudatio (praecedentibus verbis Augustini contenta) ipse viderit ».

38. *Ea ex Augustino perperam deducta.* — Ubi Julianus ad verba laudata ex lib. 1 de Nuptiis et Concupiscentia, manifeste respicit, ut etiam fatetur, Quesnellus, qui ideo inde intelligere poterat Pelagianos, postquam damnati fuere, adisse imperatorem, ab eoque postulasse iudices Ecclesiasticos, qui eorum causam ad examen revocaret, quod se per dolum et fraudem damnatos fuisse asserent. Sed *Valerius* comes, cujus magna erat in aula auctoritas, eorum conatus irritos reddidit, obstititque, ne tempus aut locus examinanda rursus eorum causa ab imperatore assignaretur. Quare quemadmodum Juliani, ita et Augustini verba edictum non spectant. Imo Synodi generalis convocationem fieri petiere Pelagiani, ut iterum audirentur, sicut Augustinus in fine lib. 2 ad Bonifacium post biennium elucubratum in litteras misit: « Verum istorum superbia, quae tantum se extollit adversus Deum, ut non in illo velit, sed potius in libero arbitrio gloriari, hanc etiam gloriam captare intelligitur, ut propter illos Orientis et Occidentis Synodus congregetur. Orbem quippe Catholicum, quoniam Domino eis resistente pervertere nequeunt, saltem commovere conantur, etc. » Quare profectio Vindemialis episcopi ad comitatum, Valerii comitis litterae ad Augustinum et ad alios episcopos Africanos, illiusque apud imperatorem adversus Pelagianos patrocinium mox explicatum nihil prorsus commune habent cum Honorii imp., edicto die xxx Aprilis hujus anni emisso.

39. *Episcopi Africani nunquam ceriti sunt ne Zozimus aliquid fidei contrarium decerneret.* — Secundo incredibile est episcopos Africanos in Con-

cilio congregatos veritas fuisse, ne Zozimus sententiam ferret in Ecclesie fideique damnum prodituram, ut loquitur Quesnellus, aut ut habet num. 23 grave periculum fuisse, « ne si a Zozimo iudicium sententiae Innocentii Africanorumque contrarium prodiret, ut jam proditum credebatur, inde perniciosum inter utramque Ecclesiam schisma oriretur ». Nam licet fatendum sit litteras Zozimi Africanis episcopis scriptas potuisse habere aliquid lenitatis quae *Celestio* non denegabatur, illumque Africanos episcopos, in quibus sanctissimi doctissimi que totius orbis praesules eminebant, uti Aurelius, Augustinus, Alypius, Evodius, Possidius, alii que durioribus verbis insinulasse, inconsiderati zeli, curiositatis intemperantis violatorum canonum, credulitatis erga accusatores indignos, praecipitis iudicii, et lesae charitatis. Et denique quod duobus sanctis Galliarum episcopis *Pelagii* accusatoribus *Heroti et Lazaro*, forte persecutionem pro iustitia passis, certe per vim sedes suas relinquere coacti, atrociora crimina iracundioribus verbis intulerit: Illum tamen ansam aliquam praebuisse existimandi se aliquid vere fidei contrarium decreturum, non video quomodo affirmari possit. Paulinus enim, qui anno superiori libellum suum contra *Celestium* ad Zozimum misit, ait: « Cujus (nempe Innocentii) sententiam secuta beatitudo tua, *Celestio* cum a Sede Apostolica audiretur, inter caetera praecipit his verbis: Damnas ergo illa omnia, quae in libello Paulini continentur, hoc est, de questionibus? Et in alio loco cognovisti quales litteras dederit Sedes Apostolica ad fratres et coepiscopos Africanae provinciae? Et adjectum: Damnas illa omnia, quae damnavinus, et lenes quae tenemus? et iterum: Illa omnia damnas quae jactata sunt de nomine tuo? Et iterum: Vel ea quae in libello suo exposuit Paulinus? Et cum me diceret posse ex his, quae illi objecta sunt, haereticum approbari; sancto repletus Spiritu Apostolica auctoritate respicisti insanientis et calumniantis verba, huiusmodi proferendo sententiam qua ipse Catholicus approbarer, illum si sanari vellet, curares, etc. Ego tamen Deo et Christo Domino gratias ago, quod Ecclesie suae causam ita agi voluit, ut Sedes Apostolica, a qua oportuit ore duorum Pontificum haeresim condemnari ea damnanda praecipit, quae a me *Celestio* fuerant objecta ». Quamobrem cum jam anno superiori *Zozimus* dogmata *Celestii* tanquam haeretica damnarit, currenti Patres Africani vereri non poterant, ne decretum aliquod in praerudicium fidei proferret; nec ad malum illud vitandum legationem aliquam ad imperatorem Ravennam mittere.

40. *Cur Celestii iudicio moram Zozimus attulerit.* — Porro Africani Concilii Patres Zozimi cunctationem in sinistram partem interpretatos non esse, nec eam tergiversationi simillimam existimasse testatur Augustinus; qui illius Concilii ingenium fuit. Is enim lib. 2 de Pecc. Orig. cap. 6. ejus cunctationis nobis causam aperit: « Sed multum misericordes memorate Sedis antistes (scilicet Zozi-

mus), ubi cum (*Celestium*) vidit ferri tanta praesumptione praecipitem, tanquam furem, donec si posset fieri, respisceret, maluit cum sensum suis interrogationibus et illius responsionibus colligare, quam districta feriendo sententia, in illud abruptum, quo jam propendere videbatur, impellere. Ideo autem non divi, aperte ceciderat, sed propendere videbatur; quia superius in eodem libello suo de huiusmodi questionibus locuturus ante praedixerat: Si forte ut hominibus quispiam igoaurantiae error obrepsit, vestra sententia corrigatur. Hanc ejus praedicationem venerabilis papa Zozimus tenens, egit cum homine, quem falsa doctrina venus inlaverat, ut ea quae illi a diacono Paulino fuerant objecta, damnares, atque ut Sedis Apostolicae litteris, quae a sanctae memoriae tuo praedecessore manaverant, praeretur assensum. At ille noluit quidem diaconi objecta damnare: sed beati papa Innocentii litteris non est ausus obistere; imo se omnia quae Sedes illa damnarit, damnaturum esse promisit: atque illa velut phreneticus, ut requiesceret, tanquam leniter solus, a vinculis tamen excommunicationis nondum est creditus esse solvendus. Sed interposito duorum mensium tempore, donec reseriretur ex Africa, respiscendi ei locus sub quadam medicinali sententiae lenitate concessus est, quoniam revera, si deposita pervicaciae vanitate, quod promiserat vellet attendere, et eandem litteras, quibus se consensurum esse responderat, diligenter legeret, sanaretur. Sed posteaquam ex Africano episcoporum Concilio rescripta directa sunt, quid fuerit consentum, ut iustissime in eum sententia proferretur, cuncta legite, quia cuncta transmissimus ».

41. *Zozimus tempore inter Concilium Africanum et Plenarium interjecto Celestium damnavit.*

— Ecce hujus procrastinationis causam, tempusque quo in *Celestium* sententia a Zozimo lata, illud nempe quod inter Concilium Africanum et Concilium Plenarium interfluxit; quod Augustinus non tantum loco citato; sed et rursus cap. 21, intemcat: « Visus est tamen ad tempus aliquid dicere (scilicet *Celestius*) quod fidei Catholicae conveniret: sed illam sedem usque in finem fallere non praevault. Post rescripta quippe Africani Concilii, in quam provinciam quidem doctrina illa pestifera serpendo pervenerat, sed eam non tam late occupaverat, atque pervaserat, alia quoque ipsius in Urbe Roma, ubi diutissime vixerat, atque in his fuerat prius sermonibus contentionibusque versatus, cura fidelium fratrum prolata patuerunt, quae litteris suis, quas conscripsit per orbem Catholicum perferendas, papa Zozimus execranda, sicut legere potestis, attulit ». His adde locum Augustini in Epistola ad Valentinum, aliumque Prospere in Chronico, quae num. 7 et seq.... in medium attulimus. Profecto nihil in tota Historia Pelagiana certius videtur, quam *Zozimum* tempore inter utrumque Concilium Carthaginense interjecto, *Celestium* damnasse, et statim rescriptum ad universos orbis episcopos in-

scriptum emisisse, ideoque ante diem xxx mensis Aprilis, quo Honorius imperator edictum suum adversus Pelagianos dedit, in quo et diserte testatur, eosdem jam hæreticos fuisse declaratos.

42. *Præcipuum opinionis Quesnelli fundamentum.* — Quesnellus tamen num. 25, Augustinum suæ sententiæ manifeste suffragari contendit, aitque : S. Augustinus lib. 2 ad Bonificium cap. 3, refert, Pelagianos de clericis Romanis conquestos esse, « scribentes; eos jussionis terrore percussos non erubuisse prævaricationis crimem admittere, ut contra priorém sententiám suam, qua Gestis Catholico dogmati alluerant, postea pronuntiarent, malam hominum esse naturam ». Quin clericorum Romanorum nomine Zozimum ipsum cum suis comprehensum velit, dubitare non sinit alia Augustini loca, quæ Zozimum ipsum cum prævaricationis accusatum a Juliano fuisse testantur : « Et lamen », inquit lib. 1 contra Julian. cap. 4, « Innocentii successorem crimine prævaricationis accusas quia doctrinæ Apostolicæ et sui successoris sententiæ noluit refragari ». Idem lib. 6, cap. 12. Confert igitur *Julianus* priorém Zozimi conventum cum posteriori; contenditque Pontificem, clericosque Romanos prioris sententiæ Catholico dogmati alluisse; quia videlicet ea præne absolutus abscesserat Celestius, ut ex Zozimi litteris liquet, Celestique ac Pelagii professio fidei, ut Catholico dogmati consentiens, approbata fuerat; postea vero posteriore sententiæ, cum videlicet technis hæretici detectis Catholicam de peccato originali doctrinam sanxerunt, eos pronuntiasse malam hominum esse naturam. Decretum igitur Zozimi notatum hic habemus. At istud Pelagiani criminantur conditum a Romanis jussionis terrore percussis, et ita in prævaricationis crimem prolabantibus. Quid porro *jussionis* nomine intelligit hæreticus, nisi imperatorum edictum; quod proinde ex hoc loco probatur ante Zozimi constitutionem fuisse prolatum? Ad istam de *jussionis terrore* objectionem nihil Augustinus reponit: quippe qui noverat, et postulatum a se suisque Africanis Honorii edictum, et istud ab imperatore prolatum, antequam Zozimi sententiâ prodidisset, ita vir eruditissimus.

43. *Refellitur.* — At *Julianum clericorum Romanorum* nomine Zozimum comprehendere, hoc est quod plane nego. Similis columniæ in hunc Pontificem structæ refutatio, et copia rerum ac flumen verborum quibus Augustinus adversariam obriti Quesnellum fefellerit. Præquam enim Augustinus clericos Romanos prævaricationis crimine purgat, ait : « Imo vero Pelagiani spe falsa putaverant, novum et execrabile dogma Pelagianum vel Celestianum persuaderi quorundam Romanorum Catholicis mentibus posse, quando illa ingenia..... aliquando lenius, quam severior postulabat Ecclesiæ disciplina, tractata sunt ». Tum eam agendi rationem a Zozimo adhibitam, laudabilem fuisse ostendit, ideoque hunc prævaricatione immerito accusatum; cum postquam Celestius sese subtraxit eva-

mini, sententiám in eum ferre non distulerit. Quibus probatis ad recitatam a Quesnello Juliani objectionem adversus clericos Romanos his verbis tandem respondet : « Sed si, quod absit, ita tunc fuisset, de Celestio vel Pelagio in Romana Ecclesia iudicatum, ut illa eorum dogmata, quæ in ipsis et cum ipsis papa Innocentius damnaverat, approbanda et tenenda pronuntiarentur, ex hoc esset potius prævaricationis nota Romanis clericis inurenda. Nunc vero cum primitus beatissimi papæ Innocentii litteræ episcoporum litteris respondentis Afrorum pariter hunc errorem, quem conantur isti persuadere, damnaverint; successor quoque ejus sanctus papa Zozimus hoc tenendum esse, quod isti de parvulis sentiunt, nunquam dixerit, nunquam scripserit, etc. Prefecto quidquid interea lenius actum est cum Celestio, servata duntaxat antiquissimæ et robustissimæ fidei firmitate, correctionis fuit clementissimæ snasio, non approbatio exitiosissima pravitalis ». Tum cap. 4, subdit Augustinus : « Quomodo igitur ab istis fidei desertoribus et oppugnatoribus Gratiæ Romani clerici prævaricationis arguuntur sub episcopo Zozimo, quasi aliud senserint in damnatione posteriore Celestii et Pelagii, quam quod sub Innocentio in priori senserunt ». Post quæ verba frustra Augustinus probasset, *jussionis terrore* clericos Romanos prævaricatos non esse; cum qui factum plane negat, causam etiam ejus inficietur; eamque ob rationem, si *Julianus* clericorum Romanorum nomine *Zozimum* comprehendisset, opus non fuisset, ut Augustinus ostenderet, eum *jussionis terrore* prævaricatum non esse; cum eum nullo modo hujus criminis reum esse validis rationibus antea demonstrasset. Cum itaque Quesnellus putaret, *Augustinum* solvere objectionem Juliani verbis eum proxime sequentibus, quibus *Zozimum* prævaricationis crimine immunem esse demonstrat, inde perperam deduxit, *Julianum* clericorum Romanorum nomine *Zozimum* comprehendere, cum tamen *Augustinus* prius *Zozimum*, quam clericos Romanos prævaricatum non fuisse probet, quia inde necessario consequens erat, illos in eo crimine non fuisse; cum sese non aliter ac ipse gessissent.

44. *Julianus Zozimum prævaricationis accusat, sed nunquam sub clericorum Romanorum nomine.* — Duo alia Augustini loca, a Quesnello citata ostendunt quidem, *Julianum* prævaricationis *Zozimum* accusasse, sed non quod intendit Quesnellus, illum clericorum Romanorum nomine *Zozimum* etiam designare; cum in neutro loco clericorum Romanorum mentio sit, ut legenti patet. Verba prioris recitat Baronius num. 25, a quibus dissimilia non sunt verba posterioris : « Quale est autem quod beate memoriæ Zozimum Apostolicæ Sedis episcopum ut in tua pravitate persistas, prævaricationis accusas? Qui non recessit a suo prædecessore Innocentio, quem tu nominare finivisti, etc. » apud Baronium legenda. Potuit itaque *Julianus* clericos Romanos calumniari, quod *jussionis* a Zozimo petitæ terrore in posteriori Celestii iudicio aliter se gessissent ac

in priori sub Zozimo, sed ob eandem causam *Zozimum* pravariationis accusare non potuit, sicuti nec revera accusavit; quia noluit omnibus erat, *Zozimum* jussionem illam ab imperatore postulasse. Quare ex citatis Juliani verbis inferre quidem licet, *jussionem* ab imperatore autē Celestii damnationem petitam fuisse, sed eam petitionem ab episcopis Africanis factam, sine fundamento et contra Ecclesie usum asseritur.

45. *Zozimus et episcopi Afri in damnatione Pelagii concordia conjunctissimi fuisse.* — Denique nullus sibi persuaserit, quod tamen scribit Quesnellus, episcopos Africanos veritos, ne *Zozimus* aliquid in præjudicium fidei et Ecclesie statueret, securusque factos de imperatoris animo, qui rescita indictæ Synodi die emittendam a se eodem tempore constitutionem spondisset, canones novem jam in superiori Synodo conditos de novo statuisset, publicasse, ac omnium subscriptione roboratos pro perenni sanctione ac immobili fidei de gratia Christi regula habendos definiisse; quia si ita sese gessissent, *miserabilem Synodum*, ut Hieronymus Diospolitana vocat, celebrasset, imo et Schismatici fuissent; cum causam fidei jam ad *Zozimum* a se ipsis relatam, et de jure referendam, ejus responso non solum non expectato, sed contempto temere definissent. Quæ referre, refellere est: episcopos enim Africanos in Concilio Plenario eum *Zozimo* conspirasse, concordiaque conjunctissimos fuisse, inter multa alia argumenta demonstrat Epistola gratulatoria ab illis ex eodem Concilio scripta, qua *Zozimo* de Pelagianorum damnatione, ut par erat, gratulati sunt. Hujus Epistolæ, sicuti et tractoriæ *Zozimi*, mentio habetur cap. 8 capitulorum, quæ Epistolæ Celestini papæ ad episcopos Galliarum, subjicit solent.

46. *Episcopi Africani litteras gratulatorias ex Concilio Plenario Zozimo scribunt.* — Cælestinus, cui illa capitula attribuuntur, ait: « Quod omnia studia, et omnia opera, ac merita Sanctorum ad Dei gloriam, laudemque referenda sint, quia nemo aliunde ei placeat, nisi ex eo, quod ipse donaverit: in quam nos sententiam dirigit beate recordationis papæ *Zozimi* regularis auctoritas, cum scribens ad totius orbis episcopos ait: Nos autem instinctu Dei (omnia enim bona ad auctorem suum referenda sunt unde nascuntur.) ad fratrum et coepiscoporum nostrorum conscientiam universa retulimus. Hunc autem sermonem sincerissime veritatis luce radiantem tanto Afri episcopi honore venerat sunt, ut ita ad eundem virum scriberent: Illud vero, quod in litteris, quas in universas provincias curasti esse mittendas, postuisti dicens: Nos tamen instinctu Dei, etc. sic accepimus dictum, ut illos, qui contra Dei adjutorium extollant humani arbitrii libertatem, districto gladio veritatis, velut cursim transiens, amputares. Quid enim tam libero fecisti arbitrio, quam quod universa in nostre humilitatis conscientiam retulisti? Et tamen instinctu Dei factum esse fideliter, sapienterque vidisti, veraciter,

fidenterque dixisti: Ideo ulique, quia preparatur voluntas a Domino, et ut boni aliquid agant, paternis inspirationibus suorum ipse tangit corda filiorum: quotquot enim Spiritu Dei aguntur, hi filii Dei sunt; et nec nostrum deesse sentiamus arbitrium, et in bonis quibusve voluntatis humane singulis modibus magis illius valere non dubitemus auxilium ». Ita Cælestinus.

47. *Post Concilium Plenarium nullum aliud in Africa hoc anno coactum.* — Quam Epistolam ab episcopis Africanis in Concilio Plenario congregatis, ubi Tractoriam *Zozimi* recepere scriptam esse oportet, cum *Zozimus* sub hujus anni finem vivere desideret, nec aliud ante mortem ejus in Africa Concilium congregatum fuerit. Quesnellus tamen, ut vim hujus argumenti declinet, supponit cum Garnerio mense Augusto habitam fuisse aliam Synodum, in qua lecta fuerit *Zozimi Tractoria*, ideoque et ad *Zozimum* scriptum, de quibus tamen litteris Quesnellus mentionem non facit. Verum eo pacto in eam reprehensionem incurrit, quam Garnerio ipse objicit: quod is nempe male Concilia adversus Pelagianos habita multiplicaverit, et pro duobus ab Augustino Prospero memoratis, quibus constiterit, quorum primum anno cxxxvii, alterum ante Quadragesimam currentis anni, tertium kalendis Maii, quartum die circiter xvii Junii, et quantum mense Augusto congregatum fuerit. Nam sicut Quesnellus Garnerium arguit, ut superius vidimus, quod duas Afrorum Epistolas ad *Zozimum* ex unico Concilio scriptas, duabus Synodis, male attribuerit; pari eademque ratione ipsemet Quesnellus arguendus, quod publicationem canonum de Gratia et receptionem Tractoriæ *Zozimi* duobus Conciliis adscripserit; cum ad unum, Plenarium nempe, omnino pertinent, ut ex dictis manifestum est.

48. *Concilium Plenarium totius Africæ kalendis Maii habitum.* — Venio tandem ad *Concilium illud Plenarium Africæ*, quod die vicesimo nono mensis Aprilis jam congregatum fuisse ex eo liquet, quod in tertiis *Zozimi* ad Africanos litteris die xxi Martii Romæ datis legatur: *Data XII kalendas Aprilis, Honorio Aug. XII consule. Accepta tertio kalendas Maias*, scilicet Epistola, et kalendis ipsis Maiis lecti subscriptique sint canones novem de Gratia. Nam licet in Collectione Africana non nisi octo legantur, duo scilicet primi de peccato originali, tres medi de gratiæ adjutorio, et tres ultimi de impeccantiâ; nonum tamen antiquissima manuscripta habent tertio loco insertum, quo ii condemnantur, qui parvulis hinc sine baptismo migrantibus, medium aliquem felicitatis locum extra caelorum regnum, ac dæmonum confutatorium assignarent. Antiquis codicibus suffragatur Photius in Biblioth. Cod. LIII, qui nonum canonem agnoscit, eidemque eandem sedem attribuit.

49. *Nonerosum fuit.* — Quot præses huic Concilio Plenario interfuerint, scribi non potest; cum Prosper in Carmine de Ingratis cap. 3, ubi numerum eorum exprimit, rotundo numero utatur:

Conflata sunt, et scripta manent, que de cataractis
Alerni fontis fluxere undante mactu :
Et ter centenis Procerum sunt edita linguis.

Ex his porro verbis liquet, aliqua in hoc Concilio decreta edita esse, canones nempe illos de Gratia modo memoratos, quos Baronius anno cxxvi, num. 10, Concilio Milevitano II perperam adscribit. In codice quidem canonum Ecclesie Romane cap. 13, Concilium Plenarium his verbis exorditur : « Honorio Aug. duodecies consulte, kalendis Maii, cum Aurelius episcopus Carthaginiensis in Basilica Fausti cum Donatiano Telepensi primæ sedis episcopo provinciæ Byzacene, et aliis ducentis tribus coepiscopis suis, etc., in Concilio consedit ». Qui episcoporum numerus legitur etiam in Codice Gandavensi Ecclesie sancti Bavonis. Sed numeri depravati sunt, quemadmodum et apud Photium, cujus locus correctione indiget : « Lectus liber, inquit, seu Synodus adversus Pelagium et Cælestium Carthagine in summa aede habita, Honorio Felice Occidentis imperii clavum tenente (verum in Græco legitur, εν τη μεγάλη εκκλησία Φαύστου, Ὁνορίου τῆς τῆς ἑσπερίου βασιλείας, id est, in magna Ecclesia Fausti, Honorio Occidentis imperium regente. Quod etiam habet codex laudatus Ms. Gandavensis) presedit in ea Aurelius episcopus et Dolianus (legendum Donatianus, ut ex dicendis in Concilio Zellensi paulo post patebit) primæ sedis Byzacene provinciæ : quibus affuerunt variis et provinciis sacerdotio præstantes viri, numero ducenti quatuor et viginti. Damna hæc Synodus anathemate eos, qui assererent, Adamum mortalem esse conditum, non autem prævaricationis causa, morte mulctatum. Similiter et eos, qui recens natos infantes baptismo minime indigere dicerent, quod illos peccato originis ex Adamo non putarent obnoxios. Eos quoque qui affirmarent, medio quodam loco paradisu inter et inferos non baptizatos infantes beate vivere. Sex item alia his affinia capita, que a Pelagianistis et Cælestianis traduntur, anathemate Patres jugulant ». Numerum illum cccxv depravatum esse inde suspicor, quod in laudato Codice Gandavensi dicatur, etiam Concilium *Carthagine in Basilica Fausti* habitum fuisse, et tamen cum Aurelio et Donatiano alios ducentos tres episcopos consedisse. Conveniunt tamen omnia exemplaria in eo, quod canones de Gratia cum kalendis Maiis illigent.

50. *In eo conditi canones IX, et Tractoria Zozimi recepta.* — Res ita se habuisse videtur. Postquam Zozimus die xxi Martii tertiam suam ad Africanos episcopos Epistolam dedit, statim cause Cælestii dirimente sedulo incubuit, quod videret Africanos iudicii dilationem graviter ferre. Cumque is examini sese subtraxisset, cum ac totum dogma Pelagianum damnavit, eaque de re vel Africanos privatis litteris nulla interposita mora monuit, vel ad eosdem Tractoriam suam postea per totum orbem publicandam transmisit, dum interim imperiali edicto, quod Honorius imp. dare promiserat, et

postea is die ultima Aprilis subscripsit, *Pelagium ac Cælestium* Romano imperio pellendos curaret. Africani episcopi hæc de re moniti Synodum convocarunt, et quidem antequam accepissent litteras die xxi Martii a Zozimo datas ; cum eis die tantum xxix mensis Aprilis reddite fuerint. Non multo post lecta in Plenario Concilio Epistola Zozimi ad omnes orbis episcopos, novem illos canones condiderunt ac publicarunt, litterisque ad Zozimum datis gratias ei egere, ut non tantum legitur in Capitulis Cælestino attributis, sed etiam totidem verbis apud Prosperum libro contra Collatorem cap. 5. Super sunt Tractorie Zozimi quedam fragmenta, que prolixissima esse delatit ; cum Marius in Commonitorio asserat, Cælestium « a beate memorie predicto Zozimo episcopo scriptis amplissimis vel longissimis perclamatum fuisse, in quibus et ipsa capitula, de quibus accusatus fuerat, continentur, et omnis causa tam de Cælestio suprascripto, quam de Pelagio magistro ejus praviore videtur esse narrata ; quorum scriptorum et nos hic habemus exemplaria ».

51. *Aurelius Zozimi Tractorium per totam Africam publicè curat.* — Tractorium illam post Concilium Africanum, et ante Plenarium totius Africae Concilium, datam fuisse, supra ex Augustino et Prospero demonstravimus, ad quod tamen Quesnellus animum non advertit ; inde enim necessario sequitur, eam ante Honorii imp. edictum emissam fuisse, Pelagianos vero in Plenario totius Africae Concilio, in quo Tractoria publicata, damnatos docet Aurelius Carthaginiensis episcopus in Epistola ad omnes episcopos per Byzacenam et Arzugitanam provincias constitutos, data *kal. Augusti Carthagine Monazio et Plinta* *cons.* anno sc. cxxix, quo Aurelius postquam secundam Honorii constitutionem accepit, exegit ab omnibus episcopis, ut damnationi Pelagianorum subscriberent ; ait enim : « Super Cælestii et Pelagii damnatione, eorumque dogmalis participem se sancta dilectio vestra in Plenario Concilio fuisse commemorari ». Et infra : « Quemadmodum subscribere unusquisque vestrum debeat, dilectio vestra cognoscet, sive quorum Synodalibus Gestis subscriptio jam tenetur, sive qui non potuistis eidem Plenario totius Africae Concilio ». In eo itaque Plenario totius Africae Concilio, non vero in aliquo alio Carthagine ab Aurelio ex tota diocesi Africae mense Augusto congregato, ut comminiscitur Garnerius in disert. II de Synodis in causa Pelagianorum habitis, quem hac in re secutus est Quesnellus, Epistola Zozimi ad omnes orbis episcopos, lecta subscriptaque.

52. *Canones de Gratia dici possunt editi a Concilio Africano, Plenario, et a Zozimo, sed diversimode.* — Quoad controversiam, quæ inter viros eruditos versatur, an canones illi *de Gratia* conditi fuerint in Concilio Africano vel in Plenario totius Africae, aut in hoc ultimo tantum promulgati, facile solvitur ex his, quæ supra diximus de relationibus Synodorum ad Romanum Pontificem in rebus fidei dubiis, aut difficilibus. Cum enim Patres Con-

ad Optatum Epistolam Augustinum peractis omnibus negotiis propter quæ Casaream venerat, et habita Collatione cum præfato *Emerito* scripsisse: hoc enim clare indicant Augustini verba hæc, « quo nos Ecclesiastica necessitas traxerat ».

55. *Augustinus scribit lib. de gratia et de peccato originali.* — Sequitur tertio Augustinum libros de *Gratia Christi et de Peccato Originali*, Carthagine compositos, ut ipsemet eorum initio insinuat, mense circiter Julio, et antequam Casaream proficisceretur, exarasse; cum Casareæ non Carthaginem, sed Hipponem sese contulerit, ut ex ejus Epistolis hoc anno datis liquet. His libris occasione dedit colloquium *Pianiani, Albinae, et Melanii* cum *Pelagio*, a quo dum adhuc in Palestina essent, summe contenderant, ut errores, quorum insimulabatur, scripto damnaret. Qua de re cum ad Augustinum adhuc Carthagine positum scripsissent, is statim duos illos libros procedit, eisque nuncupavit, ut videre est apud Baronium num. 29. Quare jure merito Augustinus ad Mercatorem scripsit, se Carthagine occupatissimum fuisse. Sequitur denique, deceptos esse viros eruditos, qui ex laudatis Augustini verbis ad *Optatum* deduxere, Tractoriam *Zozimi*, non in Concilio *kalendis Maii* habito, sed in aliquo posteriori promulgatam fuisse, quod tamen sero cum ad Optatum *Augustinus* non transmisisset. Ex duratione enim Concilii Plenarii totius Africæ argumentum illud evertitur, et illa Synodus, ejus nullus Antiquorum meminit, fictitia esse demonstratur.

56. *Julianus Tractoriæ Zozimi subscribere noluit.* — A num. 25 ad 28. *Zozimus* Tractoria sua in Pelagianos, ab universis episcopis pellicise, non solum ut hæresim rejicerent; sed etiam ut ipsimet proscriptionem ejus subscriptionibus suis roborarent, manifeste docet Mercator in Communitorio Subnotationum cap. 3, in quo ait: « Quæ omnia suprascripta capitula continet illa beate memorie episcopi *Zozimi* Epistola, quæ Tractoria dicitur, qua *Cælestius* Pelagiusque damnati sunt; quæ et Constantinopolim, et per totum orbem missa subscriptionibus sanctorum Patrum est roborata: cui *Julianus*, et reliqui complices subscribere detrectantes, consentaneosque se nolentes iisdem Patribus facere, non solum imperialibus legibus, sed et sacerdotibus statutis depositi, atque exactorati, et omni Italia deturbati sunt: ex quibus plurimi resipientes, et a prædicto errore correcti regressi sunt supplices ad Sedem Apostolicam, et suscepti suas Ecclesias receperunt. Prædicti sane *Cælestius* et *Pelagius*, non tunc primo a sanctæ memorie *Zozimo* videntur esse damnati, sed ab ejus decessore sanctæ recordationis *Innocentio*, a quo et *Julianus* fuerat ordinatus (episcopus nempe *Eclanensis*, ut infra videbitur, non *Capuani*, ut habet *Baronius*) quique post illorum damnationem, usque ad prædicti *Innocentii* excessum e vita, in ejus communiōne permanens, et perseverans in sincera sententia, et communicans damnatori prædictorum, ipse

quoque sine dubio *Pelagium* *Cælestium*que damnavit, et quid nunc desiderat, aut de quo queritur, ignoramus ». Hæc Mercator qui suspicionem posset ingerere in eo quod ait, *Julianum* damnasse *Pelagium* atque *Cælestium*; cum enim *Julianus* *Zozimum* et clericos Romanos prævaricationis crimine accusarit, variisque in locis hanc calumniam repererit *Augustinus*, nunquam vero hoc crimen in illum retorserit, patet *Julianum* non damnasse *Pelagium* et *Cælestium*; hoc enim *Augustinus* non latuisset, qui lib. 6 Operis imperfecti contra *Julianum* num. 24 et seq. omnia, quæ ipse *Augustino* et Catholicis objicit, in ipsum retorquet, qui ideo idem præstitisset, quando *Zozimum* et clericos Romanos prævaricationis crimine purgavit. Videtur itaque Mercator tantum intelligere *Julianum* hos hæresiarchas damnasse, ex eo præcise quod eorum damnatori communicarit.

57. *Damnator cum complicitus.* — *Juliani* complices, qui Tractoriæ *Zozimi* subscribere noluerit, alii non sunt quam octodecim Pelagianæ factionis episcopi, qui postea litteras ad Rufum episcopum Thessalonicensem scribere. *Nestorius* ad *Cælestium* papam scribens in gratiam Pelagianorum, nominat *Julianum*, *Florum*, *Orontium*, et *Fabium* episcopos, ut infra videbimus. *Julianus* vero duas ad *Zozimum* Epistolas dedit, ut liquet ex *Augustino* lib. 4 Operis imperf. contra *Julianum* n. 17 et seq. Mercator in Communitorio Subnotationum cap. 9, aliqua fragmenta unius ex illis Epistolis refert, in qua *Julianus* quosdam ex erroribus in *Cælestio* damnatis specie tenus reprobat, quos aperte postea docuisse ex iis, quæ *Augustinus* habet, innotescit. Mercator antea cap. 6 scripserat: « Audi nunc quid olim ipse pronuntiaveris in Epistola, quam ad Sedem Apostolicam illo tempore ausus es mittere, quando conventus detrectasti, cum universa Ecclesia per totum orbem, *Pelagium* *Cælestium*que damnare. Quæ antequam in manus sanctæ illius Romanæ Ecclesiæ veniret anfistitis, te agente a nonnullis a te deceptis, per totam pæne Italiam circumlata, et tanquam magnum aliquid multorum auribus insinuata cognoscitur. Ibi namque inter cætera, etc. » Ex alia *Juliani* ad *Zozimum* Epistola nihil ad nos pervenit. Porro *Zozimum* damnasse *Julianum* docet *Augustinus* lib. 4 contra *Julianum* cap. 4, ubi *Zozimum* *Juliani* damnatorem appellat. Ad hæc Mercator citans cap. 9, ait: « Quis te in superiore sententia tua vel suspicari posset aliud sentire, quam illi omnes, qui, sanctæ memorie papa *Zozimo* presidente, Dei sacerdotes *Pelagium* *Cælestium*que, leque damnarunt, super his omnibus de *Adam* capitulis? » Qui tamen locus benigne etiam interpretandus: cum ipsemet Mercator tradat, Tractoriam *Zozimi* ad eum missam, ut ei subscriberet, eumque recusatentem episcopatu dejectum esse. Quare Mercator ait, *Julianum* damnatum fuisse cum *Pelagio* et *Cælestio*; quia cum idem cum ipsis reipsa sentiret, cum ipsis pariter damnatus est.

58. *Augustino primati Aquileiensi libellum fidei suae offert Julianus.* — Zozius itaque Tractoriam suam ad Aquileiensem et Mediolanensem primatus misit, ut cum suis in Diocesisibus publicarent; quemadmodum paulo antea damnatis Romae ab Anastasio papa Origenistis, *Chromatius* Aquileiensi Augustini decessor, et *Venerius* Mediolanensis acceptis ab Apostolica Sede litteris, iidem in suis Diocesisibus per suffraganeos episcopos Origenistas proscribendos curaverant, teste Hieronymo in Apolog. 2 contra Rufinum. Hinc *Augustinus* primas Aquileiensis, ut observat Em. card. Norisius in Notis ad *Inscriptiones Epistolarum Synodaliū* xc et xcii *inter Augustinianas*, Apostolicæ Sedis contra Pelagianos decretum cum litteris ad suarum provinciarum episcopos misit, quorum nonnulli cum Pelagianis erroribus tenerentur, fidei suae libellum ad eum dederunt. Primis tribus partibus fidei professio non multum a Pelagiana et Cælestiana discrepans continetur: fatentur tamen per Adam omnes mori; sed peccatum originale, quod ipsi naturale vocant, plane rejiciunt. *Pelagium* quoque ac *Cælestium* abunde fidem suam, rejectis qui sibi falso imponebantur erroribus, probasse existimant. In extremis partibus, ubi rationem reddunt, heresiarchas illos damnare nolunt, quod videlicet auditi illi non fuissent, hanc in rem iisdem locis, quibus ante *Zozimus* in Africanos, abuluntur, tanquam hoc pacto mutata ei sententiam exprobrantes. Dicunt se, tametsi et muneris sui et Christianæ charitatis sit, quos reos esse non viderent, hos tueri velle, tamen medios, sicuti promiserant, manere, ut eosdem neque inauditos damnent, neque absentes defendant. Primatem suum, si quidem in his, quæ de doctrina sua et fide ad eum scribunt, minus probet, id sibi significare posse dicunt: at vero si injuria urgeantur, se statuisse nullis vexationibus cedere: ac præterea ad Plenariæ Synodi judicium se provocare eidem primati declarant.

59. *Julianus perstat in hæresi.* — Sed propria ipsorum verba hic referenda sunt: « Illis igitur et cæteris testimoniis confirmati; metuius in absentium et nobis inauditorum capita dicere sententiam, nisi cum præsentibus fuerint confutati. Quamvis igitur sacerdotalis officii sit et Christianæ charitatis, eos qui se libellis purgant, catholicos confitentur, et damnabilia sibi objecta condemnant, libera auctoritate defendere, et in dubiis rebus de unoquoque meliora sentire; tamen dudum promissam æqualitatis libram inter utrumque servantes, nec damnatus inauditos, nec defensamus absentes. Certum sit igitur apud sanctitatem vestram, quia quantumlibet hoc mare ventis fluctibus intumescat, et amaris in nos fluctibus efferatur, nunquam integri iudicii domum, quæ supra justitiam Christi fundata est, poterit commovere. Illud etiam, sancte ac venerabilis frater et pater Augustine, necessario respondendum putavimus, quod beate memorie episcopum Joannem (scilicet Chrysostomum) in Epistola sanctitatis tuæ recèssime collaudasti, non

solum non destruxisse Ecclesias, sed etiam confirmasse, etc. »

60. *Dramentur et exauctorantur a Zozimo Julianus et socii.* — Garnicus in Dissert. v de Libellis Fidei editis a Pelagianis, libellum istum fidei ex Ms. Veronensi primus publicavit, existimavitque missum esse a Juliano et ab episcopis Siculis ad Sedem Apostolicam, et loco, *sancte ac venerabilis frater et pater Augustine*, legendum esse, *sancte et venerabilis pater Zozime*, qua in re passim cum alii secuti sunt. Verum Em. card. Norisius citatus ita solide opinionem suam probat, ut ea in dubium revocari non possit. Henricus enim Palladius lib. 10, Rerum Fœdericæ prodiit, post Chromatium patriarcham Aquileiensem electum Augustinum, « quo tempore alter Augustinus Ilipponensis episcopus eloquenti » et doctrina luminibus hæreticorum vesaniam in Africa obruebat: Augustini initium cum anno cdxiv, mortem vero cum anno cdxvii conjungit, eique *Adelphum* successorem tribuit. Post hunc sedit *Januarius*, ad quem sanctus Leo papa anno cdxlvii litteras dedit, et post Januarium *Nicetas*, ad quem idem Leo anno cdl scripsit. *Augustinus* itaque Aquileiensis primas Venetiarum, Istriæ, Norici utriusque, et Rheticæ primæ Tractoriam Zozius cum litteris ad suarum provinciarum episcopos misit, quorum nonnulli cum Pelagianis erroribus tenerentur, memoratum fidei libellum, *Veronæ* Venetiarum urbe intra diocesis patriarchæ Aquileiensi inventum, dederunt, et hæresim suam pertinaciter defenderunt. Quare *Zozimus* Julianum, ejusque socios de gradu ac dignitate dejecit, ejusque in eos sententia relata fuit in tabulis; cum in Ephesina Synodo acta depositionis *Pelagii*, *Cælestii*, *Juliani*, *Persidii*, *Flori*, *Marcellini*, *Orontii* et sociorum lecta, confirmataque fuerit, ut videre est in Actione v ejusdem Concilii generalis. Eam porro sententiam a *Zozimo* latam fuisse, certo deducitur ex his Augustini verbis lib. 1 contra Julianum cap. 4: « Et tamen ejus successorem (nempe Zozius) crimine prævaricationis accusas, quia doctrinæ Apostolicæ et sui decessoris sententiæ noluit refragari. Sed de hoc interim taceo, ne animum tuum, quem sanare potius cupio quam irritare, laudibus tui damnatoris exulcerem ». Quibus verbis liquet, Julianum, qui in Tractoria Zozius cum Pelagio et Cælestio nominatim damnatus non fuerat, ea postea pena affectum esse ab eodem Zozius, quod eidem scribere nollet.

61. *S. Leonis PP. tempore in Diocesi Aquileiensi hæresis Pelagiana renata est.* — Mercator, cujus verba superius recitavimus, tradit, ex episcopis qui exauctorati fuerant, plurimos resipuisse, et suas Ecclesias recepisse. Verum hæresis Pelagiana in eo Archiepiscopatu renata, et aliqui in eundem errorem postea relapsi sunt. Photius enim in Biblioth. Cod. lrv de Pelagianorum damnatione quæ in Ephesino Concilio facta, loquens ait: « Cum temporis deinde progressu sectæ hujus homines per hæresis suæ abjurationem Ecclesiæ restituti essent,

iterum malum ab ipsis principium sumpsit, ut Septimo episcopo renascens eadem lues, antequam longius serperet, ferretur reprimenda, datus ad Leonem Romæ tunc Sedem Apostolicam teneantem literis ». Erat Septimus seu verius *Septimius* episcopus Altinensis; *Altinum* vero, urbs modo exiisa, alias episcopalis, erat patriarchæ Aquileiensi subdita, ideoque altas in illa diocesi apud Ecclesiasticos præsertim Pelagianæ hæresis radices fixerat. Quare Augustini nomen ex libello fidei a Juliano oblato removeri non debet; cum ex dictis manifestum sit, eundem ei præsentatum, hæresinque Pelagianam in ejus archiepiscopatu grassatam fuisse.

62. *Constantius laicus Romæ sese Pelagianis opponit.* — Ad num. 28. *Constantius* servus Dei, quem Baronius ex Prospero in Chronico ait, a Pelagianis Romæ nulla passum esse, numeratur a Palladio in Lausiaca. Historia inter viros illustres, qui Romæ hoc tempore vivebant. Postquam enim cap. 124 locutus est, de Macario ac Pammachio scribit: « Constantius quoque assessor prefectorum Italiæ, insignis viri et eruditissimi, qui pervenerunt ad summum pietatis et religionis ». Ad hæc auctor Prædestinati hæresi LXXXVIII. quæ secundum eum Pelagianæ est, ait: « Contra hos suscepti sine scriptura quidam Constantius tractator ». Garnerius in Præfatione generali in Opera Marii Mercatoris pag. 8, observat, Deum tribus hæresibus, Pelagianæ, Scimpelagianæ, et Nestorianæ opposuisse primum laicos homines. Pelagianis enim primus obstitit *Constantius*, primi restitere Scimpelagianis presbyteris laici duo *Hilarius* et *Prosper*, datus de illorum erroribus ad Augustinum Epistolis, primusque *Nestorii* dolum detexit, cleroque ostendit, affixa ad Ecclesiæ valvas obstestatione, *Eusebius* tunc temporis vel *scholasticus Constantinopolcos*, ut loquitur Theophanes, vel *rhetor*, ut tradit Nicephorus, vel *judex forensis*, ut habet Leontius. Eusebius postea Dorylaei episcopus fuit, ut infra videbimus. Verum quod ait Garnerius in loco Prosperi a Baronio recitato, ubi legitur: « Constantius servus Christi ex vicario Romæ habitans », pro *ex vicario*, legendum esse, *ex vicano* sive rusticano, refellitur ex Palladio laudato, qui non nisi in verbis et in modo loquendi a Prospero differt, eumque non *vicarium*, sed virum Romæ in dignitate constitutum fuisse docet.

63. *Dissidium inter monachos Adrametinos post decemium exortum.* — Ad num. 30. Dissidium inter *Adrametinos* monachos de prolixiore Augustini ad *Sicutum* Epistola hoc anno data obortum perfinet ad annum cxxxviii, de quo eo anno agemus, quia hujus dissidii occasione *Augustinus* scripsit librum *De Gratia et libero arbitrio*, duas ad *Valentinum* litteras, et librum *De correptione et Gratia*, quæ opera Baronius hoc anno ab Augustino elucubrata perperam credidit, quæque hic sine nimia Historiæ perturbatione explicari non possunt.

64. *Concilium Zellense.* — Ad num. 31. Con-

cilium *Zellense*, quod a Baronio *Teleptense* perperam appellatur, habitum fuit post consulatum Honorii XI et Constantii II, *sexto kal. Martii*, ideoque hoc anno die xxiv Februarii. *Teleptense* vero a Baronio, Sirmondo, aliisque vocatum fuit, quia ei *Donatianus* episcopus Teleptis, urbis in Byzacena provincie sitæ, præfuit. Verum *Teleptis* quidem dicitur prima sedes provincie Byzacenæ, sed ea tantum de causa quod Donatianus, qui huic Ecclesiæ præsidebat, *senior* episcopus erat illius provincie; aliam enim apud Afros fuisse Metropolim a prima sede, pluribus ostendit Emin. card. Norisius lib. 2 Hist. Pelag., cap. 7, qui et cap. 23 libri primi *Adrametum* fuisse civilem Metropolim Byzantiæ demonstrat. Hoc autem Concilium *Zellæ*, quod oppidum erat Byzantiæ, habitum fuisse liquet ex Ferrando in Breviario canonum, ubi canones ex Siricii Epistola in Synodo præside Donatiano hoc anno habita recitatos, attribuit Concilio Zellensi. Nam tit. vi, cxxx et cxxxviii canonibus recitatis, ait: *Concilio Zellensi ex Epistola Siricii papæ*; hæc autem Epistola cum iisdem decretis lecta est in Synodo Donatiani primatis, ut ex Actis patet. Mirum itaque videri non debet, Donatianum primatem in episcopatu Zellensi sibi subdito Synodum habuisse.

65. *Commentitium non est.* — Quesnellus qui in Dissert. xv ad Opera S. Leonis M. pluribus contendit, tam Concilium hoc quam Epistolam *Siricii* papæ in eo recitatum supposititia esse, primum assertionis suæ argumentum ex nomine Concilii repetit, quod scilicet in eo varient eruditi, aliique *Teleptense* vocandum contendunt, cum *Telense*, inquit, omnes Codices antiquiores habeant, et unicus Codex Trecentis a Chiffletio in Notis ad Ferrandum habeat *Zellense*, quod ex littera T facilis lapsus sit ad litteram C vel Z. Verum codices illi, in quibus hoc Concilium *Telense* appellatur, eo in nomine corruptos esse oportet et litteram Z omissam. *Zellam* enim dici etiam *Tzellam* docet Holstenius in Notis ad Tabulas Ecclesiæ Caroli a S. Paulo. Neque enim Synodus hæc *Telæ* haberi potuit; cum hæc urbs pertineret ad provinciam proconsularem, ut liquet ex Epistola episcoporum provincie proconsularis ad Paulum patriarcham Constantinopolitanam, et Donatianus, qui eidem præfuit, episcopus esset Teleptis omnium consensu provincie Byzacenæ oppidi. Porro cum Ferrandus decies Concilium Zellense memoret, ut fatetur Quesnellus, parum curandum, quod hujus Concilii Mss. quæ ipse legit, habeant *Telense*; cum ea ex Ferrando, qui sæculo sexto vixit, corrigenda sint, non vero hic ab exscriptoribus.

66. *Decreta aliquot disciplinæ iterum in eo incalcatæ.* — Ad alias Quesnelli conjecturas levissimis fundamentis innixas non respondebo, non solum quia Schelstrauius in dissert. in de Ecclesia Africana cap. 12, et Natalis Alexander in prima parte sæculi quinti cap. 4, iis jam satisfacere; sed etiam quia Baluzius ostendit mihi dissertationem, quam hæc de re composuit, post belli cessationem juris publici

faciendam. Fuit hoc Concilium Provinciale in eoque lecta Epistola *Siricii* papæ quam ad Africanos in Synodo Romana scripserat anno cccxxxvi. Postea in Concilio Carthaginiensi V, anno cccxcviii habito, cum de incontinentia clericorum referretur placitū Patribus, episcopos, presbyteros, et diaconos ab uxoribus abstinere, *secundum priora statuta*, id est, juxta definitionem Conciliorum antecedentium, nempe Carthaginensis, anno cccxc sub Genesio habiti, et Carthaginensis V, cujus modo meminimus in quibus *Siricii* littere lectæ sunt. Verum cum magna esset clericorum Afrorum incontinentia, duæ *Siricii* Epistolæ ex quibus altera ad nos non pervenit, in Concilio Zellensi relectæ sunt, et juxta earum præscriptum, decreta iterum aliquot discipline capita, quorum summam retulit Ferrandus in Breviatione canonum, et habentur etiam in Codice canonum Ecclesiæ Romane cap. 60. De canone IX, in quo *Siricius* presbyteros hortatur ad continentiam, legendi Marca lib. 1 de Concordia cap. 8, et Schelstralius citatus.

67. *Augustinus ob negotia Ecclesiæ Cæsaream Mauritaniam missus.* — A num. 32 ad 39. Sanctus Augustinus post Concilium Plenarium totius Africæ *kalendis Maii* celebratum legatus missus est a Zozimo papa in Mauritaniam Cæsariensem, ut scribit Possidius in Vila Augustini cap. 14, qui postquam locutus est de Collatione Carthaginiensi, ait: « Omnipotentis Dei præstilit auxilium, ut postea in Cæsariensi Mauritanie civile constitutus venerabilis memorie Augustinus, quo cum venire cum aliis ejus coepiscopis Sedis Apostolicæ litteræ compute- rant, ob terminandas videlicet alias Ecclesiæ necessitates : hac ergo occasione provenit, ut Emeritum ejusdem loci Donatistarum episcopum, quem suæ sectæ præcipuum in illa Collatione habuerunt defensorem, videret et cum eodem publice in Ecclesia populo adstante, diverse communionis ex hoc ipso disputaret, etc. » Quare Augustinus in Mauritaniam Cæsariensem non pro Collatione cum Emerito, sed *ob terminandas alias Ecclesiæ necessitates* missus est. Scripsit librum unum de *Gestis cum Emerito Cæsariensi Donatistarum episcopo*, qui extat tom. ix novæ editionis ejus operum, in cujus initio refert, eam Collationem habitam esse sub hujus anni coss. *XI kal. Octob. Cæsareæ in Ecclesia majori.* Unde liquet, die xx Septembris apud Cæsaream Augustinum egisse, ubi cum receperit litteras Optati, et dederit ad eum Epistolam cxc, alias cxcvii, eam paulo post scriptam fuisse, ut jam ostendi, manifestum sit.

68. *Augustinus de creatione animæ dubius.* — Porro in ea ad *Optatum* episcopum Epistola aperte fatetur *Augustinus*, jamdudum dubium se esse de animæ origine, num crearetur immediate a Deo vel per traducem a parentibus in filios derivaret, de qua re nihil ex Scripturis certi colligi posse ostendit; scripsisse se ea de re ad Hieronymum, Epistolam scilicet inter Augustinianas cxcvii, alias xxxvii, a quo nondum responsum acceperit, quidquid tamen asseratur, adstruendum esse peccatum originale.

subdens in litteris *Zozimi* ad universos orbis episcopos damnatam esse Pelagii argumentationem, qua ex animarum creatione tolli originale peccatum contendebat. *Cæsarea* Hipponei Augustinus reversus scripsit ad *Mercatorem* Epistolam cxcii, ut liquet ex iis, quæ habet num. 1, et num. 3 significat eo jam adductos esse Pelagianos, ut *infantes confiterentur per eos, a quibus baptizandi offeruntur, credere*, ad excipere, non ita credere in remissionem peccatorum, lanquam et illis remittantur; sed hanc remissionem credere fieri in aliis, quæ non fit in eis. Verum contendit Augustinus, hoc ipso quod parvulos in baptismo quadam ratione credere fatentur, facere non posse Pelagianos, quin originale in eis peccatum admittant.

69. *Ratio agendi a Zozimo in causa Proculi et Patrocli usurpata, non videtur probanda.* — A num. 40 ad 43. Littere *Zozimi* ad ceterum et populum Massiliensem datæ sunt *IV nonas Martii*, sub hujus anni coss., isque invchitur in *Proculum* episcopum Massiliensem, qui licet exactoratus, tamen pro episcopo, ut antea se gerebat; ac significat, se Ecclesiæ Massiliensis curam *Patroclo* Arelatensi demandasse, ut ejus, velut episcopi sui utilibus obtemperarent. Cesserunt *Patroclo* tandem *Proculus*, exploratum non est. Sed, ut inquit Sirmundus in Notis ad eam Epistolam, de Zozimo subit mirari, quid factum sit, ut *Proculo* defensor videatur, quem sanctum Pontificem Hieronymus appellat Epist. iv, faveat contra *Patroclo*, cujus ad episcopatum Arelatensem fedum aditum, et fædiorem administrationem memorat Prosper in Chronico et in Chronico imperiali Prospero attributo dicitur, *Proculum infamè mercatu sacerdotia venditare* ausum esse. Verisimile prorsus est, subdit Sirmundus, in tota *Patrocli* cum *Proculo* Massiliensi, Hilario Narbonensi, Simplicio Viennensi, et cum aliis controversia, et in amplificandis honoribus Ecclesiæ Arelatensis plurimum momenti apud Zozimum habuisse (ut de *Patrocli* artibus nihil dicatur) Constantii magistri militum, mox Augusti, qui *Patroclo* et Arelatensibus favebat, ut lesatur idem Prosper, auctoritatem et gratiam.

70. *Judeorum magna ratio hoc adhuc tempore habita.* — A num. 43 ad 75. Honorius imp. de *vidus Mart.* emisit legem 24 Cod. Theod. de *Judeis*, enjus meminit Baronius num. 73, qua *Judei* militia agentum in rebus, ut et palatina et armata in posterum prohibentur. Tria tamen isdem hac lege imperator permittit. Primum iis, qui in presentibus *Agentes* in rebus vel *Palatini* sunt, perecurrendæ ejus militiæ, et legitimis stipendiis terminandæ facultatem concedit. Secundo, *Advocationis* munere *Judeis* fungi permittit liberalibus studiis institutis. Cum tamen *Advocatio* seminarium esset dignitatum. Ex quo apparet, *Judeos* hac tempestate artium rudem non fuisse, verum artibus et studiis imbutos, etiam juris disciplina : quinimo et Socrates lib. 7, cap. 43, meminit *Adamantii* *Judei* Alexandrie, qui medicinam docebat. Tertio, curialibus saltem munere tungi iis

permittit. Ex quibus liquet, quantopere adhuc hac tempestate *Judeorum* ratio habita fuerit, ut qui ad omnes promissae militiæ admitterentur, donec id rursum *Honorius* prohibere necesse habuit: imo quibus et ipse non in totum numeribus publicis interdixit, sed nonnulla reliquit; idque satis firmide: « Quibus cum debeant, inquit, ista sufficere, interdiciam militiam pro nota non debent aestimare ». Quare huc facit, quod *Rutilius Nunnatianus* Itinerarii lib. I hoc ipso tempore scribebat, cum ageret de *Faleria*, cuius loci curam Judæus agebat.

Atque ultimam nunquam Judæa subacta fuisse,
 Pompeii bellis imperoque Tit.
 Latus excens pestis contagia serpunt,
 Victoresque suos ratio vieta premit.

Quod Baronius num. 43 et seqq. de *Judæis* insule Minoricensis et de *Theodoro* Judæo summæ auctoritatis etiam inter Christianos, belloque inter Judæos et Christianos conflato memorat, non adeo hinc abludivit, ut inquit Gothofredus in hujus legis Comment., ex quo hæc exceperit.

71. *Moritur Zozimus papa.* — A num. 75 ad 83. Anastasius in *Zozimo* papa de ejus morte verba faciens ait: « Sepultus est juxta corpus beati Laurentii martyris, via Tiburtina, VIII kalendas Januariæ »; verum in variis Codicibus Mss. in fine Editionis regiæ citatis, et in Florentino ab Holstenio in Correctionibus libri Pontificalis memorato, loco *VIII kalendas Januariæ*, accurate legitur, *VII kalend.*, die scilicet *xxvi* mensis Decembris, quo ideo die Baronius *Zozimi* mortem recte collocavit, quam Papebrocius in Conatu Chronico-Hist. cum die *xvii* ejusdem mensis perperam alligavit, persuasus Pontifices Romanos pluribus sæpe post mortem diebus solemnè sepultura cohonestatos fuisse; cum famen ex variis hujus Criticæ locis constet, eos vel ipso die emortuali, vel mox aut altero post die eos terræ mandatos esse. *Zozimi* sedis duratio quoad menses et dies, quibus supra annum unum Ecclesiæ præfuit, in omnibus Anastasii exemplaribus ab aliis citatis, aut a me visis, mendose descripta; ideoque non mirum si Baronius anno *cxvii*, num. 17, ejus initium cum die *xix* mensis Augusti illius anni copularit, eique præter annum unum, menses quatuor, dies septem tantum attribuerit: Papebrocius vero laudatus ejus initium repetierit a die *vi* mensis Januarii præcedentis Christi anni, eique adscripterit annum 1, menses *xi*, et dies *xii*, præsertim cum non solum Anastasii exemplaria, sed etiam Catalogi omnes præter annum a Mabillonio tom. III Anact. pag. 426 editum, in mensibus et diebus etiam depravati sint. Sed *Zozimum* die *xvii* mensis Martii superioris Christi anni ordinatum fuisse, mortuum vero die *xxvi* Decembris currentis anni, ideoque sedisse annum unum, menses novem, et dies novem, certum et indubitatum existimo. In Editione enim Chronici Prosperi a Pontaco curata, et in Chronico Ms. ejusdem Chronici Colbertino num. 1288, dicitur

sedisse *Zozimum annum unum, menses novem, et dies novem*, quot menses et dies in laudato Catalogo a Mabillonio vulgato eidem Pontifici etiam tribuuntur. Pontacus quidem citatus ait, in variis Mss. loco dierum *ix*, haberi dies *viii*, sed Interpontificium, quod post *Zozimi* obitum fuit, librarij errorem omisit demonstrant, sicuti et *Zozimum* eo, quo obiit die, sepultum fuisse. Cumque Anastasius testetur, cum die *xxvi* mensis Decembris sepultum, manifeste apparet, eundem Anastasium tot menses et dies supra annum unum ei assignasse, cum aliunde exploratum sit, *Zozimum* die *xxii* mensis Martii anni Christi *cxvii*, jam pontificatum gessisse, ideoque et ordinatum esse die *xvii* ejusdem mensis, in quam solum Dominica incidit post diem *xii* Martii Innocentii ejus decessoris emortualem. Hæc certa notæ difficillimi solutio. Colitur *Zozimus* papa in Martyrologio Rom. ad diem *xxvi* mensis Decembris, et Baronius in Notis ad eum diem credit, ejus meminisse Bedam in suo Martyrologio ad diem *xvii* ejusdem mensis; sed *Zozimus* ille Martyrio clarus nihil commune habet cum *Zozimo* papa.

72. *Et succedit Bonifacius.* — Post *Zozimi* mortem Sedem vacasse *dies novem* habent exemplaria Anastasiana, et cum illis Papebrocius; sed cum ipsemet fateatur sanctum *Bonifacium natione Romanum*, ejus successorem, die vicesima nona mensis Decembris ordinatum esse, idque in dubium revocari non possit, certum pariter esse debet, interpontificium fuisse duorum dierum, et in Anastasio Holstenio accurate haberi: *et cessavit episcopatus per dies ii*. Quæ vera Anastasii lectio; sed librarij numerum Romanum *ii*, pro numero Arabico *11*, seu pro undecimo, sumpsere, et ex *ii*, fecere *xi*. Baronius ideo Sedem una tantum die vacasse credidit, quia Bonifacii initium cum die *v kalend. Januarii*, die scilicet *xxvii* mensis Decemb. perperam conexuit quod litteras Symmachi præfecti Urbis ad Honorium Ang. cui schisma post *Zozimi* mortem conflatum significat, quæ dicuntur datæ *quarto kalendas Januarii*, postero die ordinationis *Bonifacii* datas putavit. Verum hæc litteræ ipso die ordinationis ejus scriptæ; cum hoc anno dies Dominica in diem *iv* kalend. Januarii, seu diem *xxix* mensis Decembris incidit, quo scilicet die ordinationes Pontificum fieri solite erant. Ad hæc in Martyrologio Hieronymiano ad diem *iv* kalend. Januarii, legitur: « Et Romæ Felicis et Bonifacii episcoporum de ordinatione ». Papebrocius, qui locum illum refert, arbitratur scriptum fuisse: « Et Romæ Felicis et Bonifacii episc. dies ordinationis eorum ». Vicosimilius tamen legendum: « Et Romæ Felicis et Bonifacii episc. dies ordinationis ». Porro *Felicem* papam hujus nominis *i*, die *xxix* mensis Decemb. Pontificem Romanorum ordinatum esse ostendimus anno *cxlxxi*, num. 11. Quomodo, et quande schisma in sancti *Bonifacii* electione ortum, fuerit dissipatum, anno sequenti exponemus.

73. *Nascitur Valentinianus, qui postea imperavit.* — Ad num. 83. Dies natalis *Valentiniani*

Constantii et Placidie filii in Controversiam vocatus. Marcellinus in Chronico *V nonas Julias*, Prosper in Chronico *17 nonas Julias* eum natum scribunt : de anno non minor dissensio, Prosper et Theophanes *Valentinianum* anno præsentii, Marcellinus et Idacius in Chronicis, anno sequenti in lucem prodisse tradunt. Sed ex dicendis in morte ejus, Marcellino et Idacio omnino adherendum esse constabit. Olympiodorus utrique suffragatur, dum ait, *Valentinianum annos natum non amplius quinque Cæsarem creatum esse, et jam septennem Augustum inuenerunt*. Quare cum anno *CDXXIV Cæsar*, anno vero *CDXXV* exuente Augustus dictus fuerit, ante annum sequentem natus non est. Idem Olympiodorus conjugio Constantii cum Placidia peracto kalendis Januarii anni superioris narrato, ait : « Hinc nata filia, quam Honoriam nominarunt : filius item, cui Valentiniano nomen datum, qui superstitè etiamnum Honorio nobilissimus dictus, impellente fratrem Placidia ». Baronius Sozomenum et Marcellinum pro sua opinione citat; sed ille neque diem neque annum natalitatis Valentiniani memorat, isque anno tantum sequenti hoc natale designat. Denique in Polemii Silvii Laterculo apud Bollandum in Præfatione ad Vitas SS. mensis Januarii, ad VI nonas Julii legitur : « VI nonas Julii Natalis genuinus domini Valentiniani »; adeo ut de anno et die natalitatis Valentiniani nulla dubitatio in posterum esse debeat.

74. *Moritur S. Amator episcopus Autisiodorensis*. — Obiit hoc anno sanctus *Amator* episcopus Autisiodorensis in Gallia, qui in juvenili ætate coactus a parentibus virginem quamdam desponsare, cum tempus matrimonii consummandi urgeret, pii conjuges sese mutuo hortantes votum virginitalis emisere, iisque angelus duas coronas attulit. Factus episcopus, tum exhibitione miraculorum, tum prædicationis instantia multos fidei jugo subjecit : nam in urbe Autisiodorensi « adhuc novitas erat Christianorum ab idolis ad Deum convertentium, quæ per prædicationem beatissimi Amatoris ita cepit pullulare, et germen fructificare charitatis, Christianosque palmites propagare, ut præ multitudine eos intra angustias brevitatis non caperet Ecclesia », inquit Stephanus Africanus presbyter in ejus Vita ab Henschenio ad diem primam Maii recitata, qui addit, Amatorein, ibidem loco parvæ Ecclesie Basilicam ædificasse, et *calendarum Maiarum quartam feriã* ad Deum migrasse, ideoque hoc anno quo feria quarta in diem primum mensis Maii incidit; quod confirmat duratio sedis sancti *Germani* ejus successoris, quem ipse ante mortem post se eligendum suavit, ut in hujus sancti morte ostenditur.

75. *Episcopus Thessalonicensis vicarius Sancte Sedis per Illyricanas provincias*. — Holstenius in Collectione Romana publicavit Acta Synodi Romanæ Bonifacio II sedente, sequenti sæculo celebratæ, ex quibus vicariatui Apostolicæ Sedis in Illyrico episcopo Thessalonicensi concessus, qui densis

gnam lucem accipit. *Siricius* primus omnium Pontificum Romanorum certa constitutione Thessalonicensi episcopo vices Apostolicæ Sedis delegavit, *Anysio* mirum, qui puto ante Siricii Pontificatum successerat *Acholio*, a quo Theodosius Magnus fuerat baptizatus. Ex Epistola enim Siricii ad Anysium data liquet, ab eo statutum fuisse, « ut nulla licentia esset sine consensu Anysii in Illyrico episcopos ordinare ». Anastasius et Innocentius Siricii successores vicariam suam potestatem eidem Anysio per Illyricanas provincias etiam commiserunt, ut docet Epistola Innocentii ad Anysium data, in qua legitur : « Cui etiam », id est, Anysio, « anteriores tanti ac tales viri prædecessores mei episcopi, id est, sanctæ memoriæ Damasus, Siricius, atque supra memoratus vir (nempe Anastasius) ita detulerunt, ut omnia quæ in illis partibus gererentur, Sanctitati tuæ, quæ plenè justitiæ est, traderent cognoscenda; meam quoque parvitem hoc tenore judicium, eandemque habere voluntatem te decet recognoscere ». Generatim quidem sunt ista mandata, inquit Baluzius in supplemento ad librum 5 Marcæ de Concordia ubi de hoc vicariatu pluribus disserit, sed quæ tamen indicant magnam a Sede Apostolica potestatem collatam *Anysio* fuisse, scilicet ut omnia, quæ in provinciis Illyricanis gererentur ad notitiam et judicium Thessalonicensis antistitis perferrentur, ut sententia et auctoritate ejus componerentur. Quod non ita intelligi debet, ac si tum primum causa omnes Illyricanæ ad curam Thessalonicensis episcopi pertinere cõpissent, cum decoratus est vicariatu Sedis Apostolicæ. Constat enim ex ejusdem Innocentii Epistola ad Rufum *Anysii* successorem, ibidem apud Holstenium pag. 49, ea tantum delegatione effectum, ut causæ quæ secundum morem referri debebant ad Romanum Pontificem, velut ad patriarcham Occidentis, ad curam Thessalonicensis antistitis pertinerent, ut qui primus erat inter primates Illyricos, id est, primus provinciarum illarum metropolitanus, etiam ut Sedis Apostolicæ delegatus causas, quæ incidere in Illyrico terminaret. Nondum enim positi fuerant termini vicariæ huic potestati, sed omnes omnino causæ illarum provinciarum commissæ fuerant episcopis Ecclesie Thessalonicensis.

76. *Enumerantur Metropoles ejus vicariatui subditæ*. — *Rufo* viro de Sede Apostolica bene merito, et qui post acceptum ejus vicariatum plurimis beneficiis Romanos Pontifices sibi devinxerat, ut *Leo* primus testatur, vices suas delegans Innocentius, his ad eum verbis utitur apud Holstenium pag. 48 : « Divinitus ergo hæc procurrens gratia ita longis intervallis determinatis a me Ecclesiis discat consulendum, ut prudentiæ gravitateque tuæ committendam curam causasque, si quæ exoriantur, per Achaïæ, Thessaliæ, Epiri veteris, Epiri novæ, et Crete, Daciæ Mediterranæ, Daciæ Ripensis, Mæsiæ, Dardaniæ, et Præviti Ecclesias Christo Domino annuente censeam. Vere enim ejus sacratissimis monitis lectissimæ sinceritatis tuæ providentiæ ac vir-

tuti hanc injungimus sollicitudinem; non primitus hæc ita statuentes, sed prædecessores nostros Apostolicos imitati, qui beatissimis Acholio et Anysio injungi pro eorum meritis ista voluerunt». Paulo post addit: «Arripe igitur, dilectissime frater, nostra vice per superscriptas Ecclesias, salvo earum primatu, curam; et inter ipsos primates primus, quidquid eos ad nos necesse fuerit mittere, non sine tuo postulent arbitrato. Ita enim aut per tuam experientiam, quidquid illud est finietur, aut tuo consilio ad nos usque perveniendum esse mandamus».

Porro Civitas Metropolitana Achaiae erat *Corinthus*, Thessaliae *Larissa*, Epiri veteris *Nicopolis*, Epiri novæ *Dyrrachium*, alias Epidamnus, Daciae Mediterraneæ *Serdica*, Daciae Ripensis *Rethiaria* vel *Razaria*, Dardaniæ *Scupi*, Prævali *Scodra*; Cretæ Metropolis *Gortyna*, quæ prærogativam illam semper servavit; demique Mœsia *Viminocium*. Hinc liquet eam anno cxxii. quo hæc Epistola scripta, nondum divisam fuisse in superiorem seu primam, et inferiorem seu secundam, cujus Metropolis fuit *Marcianopolis*. Hæc tamen divisio a Theodosio jun. facta ante Concilium Ephesinum anno cxxxii celebratum; cum quedam contestatio ad illud directa fuerit, quæ extat cap. 7 Synodice adversus Irenæum, in qua legitur: «Dorotheus episcopus Marcianopolis Mœsiæ secundæ subscriptus».

77. *Potestas indicendi Synodos in Provinciis sibi subjectis eidem conceditur.* — Quoniam vero ea interdum incidere negotia poterant, quæ congregationem sacerdotum requirerent, hanc quoque Ruffo potestatem fecit, ut quoties eæ occasiones emergerint, Synodos etiam extraordinarias celebret ex provinciis Illyricianis: «Licitum autem, inquit, et Apostolicæ Sedis favore permissum tunc fraternitati cognosce, ut cum aliqua Ecclesiastica ratio vel in tua vel in memoratis provinciis agitando, cognoscendaque fuerit, quos velis episcoporum socios quibuscumque de Ecclesiis assumas tecum, quorum fide et moderatione, quidquid necessitas, causæ flagitaverit, optimus dirigas arbiter et præcipi, quippe a vobis lectus, definitus intercessor». Quem eundem ordinem sequentibus sæculis secuti sunt Romani Pontifices. Honorem illum retinuit *Rufus* etiam sub *Zozimo*, Bonifacio, et Cælestino successoribus Innocentii, ut infra videbimus. Episcopus itaque Thessalonicensis primus videtur, ut inquit Baluzius citatus, qui vicariatium Sedis Apostolicæ obtinuerit. Ea Epistola data XV kal. Jul. Honorio IX, Theodosio V. A. I. coss., ideoque anno cxxii.

78. *Corpus septem Provinciarum Gallie in integrum restituitur.* — Honorius imp. qui post annum quadringentesimum corpus septem Provinciarum in Galliis instituerat, sub hujus anni coss. constitutionem ad Agricolam præfectum prætorio Galliarum XV kal. Maii dedit, qua institutum illud in integrum restitui præcipit, mandatque, ut «servata posthac annis singulis consuetudine, constituto tempore, in Metropolitana, id est, in Arelatensi urbe,

incipiant septem Provincie habere Consilium». Quæ fuerint septem illæ Provincie, quidve in eo Conventu ageretur, supra exposuimus. De hujusmodi vero cælibus, qui in variis Godicis Theodosiani legibus *Consilia* vocantur, quique legitimo die anni erant, sunt omnes fere leg. lit. xii libri 12 Cod. Theod. in quarum Commentariis varia notata digna habet Gothofredus. Hanc Honorii Constitutionem primi in lucem dedere Nicolaus de Cusa lib. 3 Concordiæ Catholice 35, et Scaliger in lectionibus Ausonianis lib. 1, cap. 24, sed falsa uterque inscriptione. Est enim, non *Constantini Magni*, ut Cusanus censuit, neque *Constantini tyranni*, ut Scaligero visum, sed *Honorii Augusti*, hincmaro teste in Epist. vi, et Ms. Ecclesiæ Arelatensis, ex quo acceptam Sirmondus in Nolis Sidonianis publicavit. Septem Gallie provinciarum ita vulgo dictarum, non raro mentio occurrit in Epistolis Pontificiis.

79. *Dissolvitur.* — Corpus tamen illud septem Provinciarum non multo post discreptum est, cum illius pars Gothis cecidisset. Idacius enim in Chronico anno Abrahami mcccxxxiv qui kalend. Octob. superioris anni incipit, scribit: «Vandali Silingi in Betica per Valliam regem omnes extincti. Alani, qui Vandalis et Suevis potentabantur, adeo cæsi sunt a Gothis, ut extincto Atace rege ipsorum, pauci qui superfuissent, abolito regni nomine, de Gundericis regis Vandalorum, qui in Gallæcia resederat, se patrocinio subjugarent. Gothi intermisso certamine, quod agebant, per Constantium ad Gallias revocati, sedes in Aquitanica a Tolosa usque ad Oceanum acceperunt. Vallia eorum rege defuncto Theodorus succedit in regno». In fœdere enim, quod *Vallia* Gothorum rex cum Constantio pepigit, quando Placidiam Honorii sororem reddidit, continebatur, ut nationes barbaras, quæ obtinebant Hispaniam, *Gothi* bello fatigaret, et quidquid terrarum ereptum esset hostibus, cederet imperio Romano, ut colligitur ex Orosio, cujus verba suo loco recitavimus. *Vallia* itaque ob domitas, ut erat in fœdere, gentes barbaras Aquitanie possessione auctus est, nobilissimam Gallie tractu Garunna flumine, et Pyrenæis montibus comprehenso, ubi Tolosa, et ad Oceanum Burdigala sitæ sunt, et in Hispania retinuit exiguum tractum Provincie, ubi nunc *Catalonia*. Nec quoad annum audiendus Prosper in Chronico, qui sub sequentis anni coss. scribit: «Constantius pacem firmat cum Vallia, data ei ad inhabitandum Aquitania secunda, et quibusdam civitatibus confinium provinciarum»; in rebus enim Hispanicis præferendus Idacius. In bello Gotico *Atax* rex Alanorum in prælio cum multis sutorum cæsus est, et qui cladi superfuere, deserta Lusitania, in Gallæciam aufugerunt, ubi Suevis confusi, gentis et regni nomen penitus amiserunt; ita *Vandali Silingi* in Betica, ac Alani in Lusitania omnes extincti, et Romani in partem Hispaniarum per Gothos restituti. Ex laudatis Idacii verbis etiam intelligimus, *Atacem Respendiali* in regnum Alanorum successisse, *Valliam* Gothorum regi, cui Isidorus

Hispalensis in Chronico tres annos attribuit, post pacem cum Romanis compositam vita functum; et *Theodoredum* seu *Theodoridum* eum excepisse.

80. *Ingens solis eclipſis.* — Accidit hoc anno magna solis *eclipſis* a variis scriptoribus memorata; cuius diem notavit auctor Chronici Alexandrini qui sub huius anni coss. ait: « His coss. solis eclipſis accidit mense Julio XIV kalendas Augusti, die Veneris hora viii », non vero feria v, ut mendose in Chronico Idacii legitur; cum hoc anno dies xix mensis Julii non cum feria quinta, sed cum feria sexta concurrat. Visa ea Remis in Gallia post mediam noctem, ut docet Calvinus in Opere Chronologico, et a media nocte Romæ, ut notat Petavius lib. 13 de Doct. Temp. Hæc de ea Philostorgius lib. 12, cap. 8, habet: « Cum Theodosius adolescentiæ annos jam ingressus esset die xix mensis Julii, circa octavam diei horam sol tantopere defecit, ut stellæ quoque visæ fuerint, tantaque siccitas hunc solis defectum secuta est, ut multorum hominum ac brutorum animalium insueta mortalitas ubique terrarum grassata sit. Porro eo ipso tempore, quo sol defecit, fulgor quidam apparuit coni similitudinem referens, quem nonnulli præ imperitiâ cometam vocarunt. In his enim, quæ fulgor ille nobis ostendit, nihil erat simile cometæ. Nam neque in comam desinebat lux illa, neque ullam omnino stellæ speciem præferbat, sed velut lampadis cujusdam ingens flamma per se ipsam subsistens videbatur, nulla subts stella Ellychnii speciem præferente. Sed et motus ejus longe diversus fuit a motu cometarum; mota enim primum ab ortu solis æquinoctiali, inde ultimam stellam in cauda Ursæ sitam transgressa, paulatim ad Occasum processit. Postquam vero universum caelum permensa est, tandem disparuit, cum cursus ejus plusquam quatuor menses durasset. Porro ejus vertex nunc quidem in magnam longitudinem acuebatur, adeo ut coni modum ac mensuram excederet, nunc vero ad coni mensuram redibat. Alias præterea prodigiosas species oculis subjecti, quæ a vulgarij signorum natura illam differre ostendebant. Cœpit autem a media astate et ad exitum ferme autumnj perseveravit, fuitque signum gravium bellorum, et mortalitatis hominum incredibilis ».

81. *Initium Monarchiæ Franciæ.* — Monarchiæ Franciæ fundamenta hoc circiter anno jacta. Unus Pseudo-Prosper in Chronico imperiali ejus initij meminit. Sed anni Honorij imperatoris a librariis in eo Chronico varie collocati. In editione Pitheana ad annum xxvi Honorij legitur: « Solis hoc anno facta defectio. Trigesimus nonus Sixtus Romanus Ecclesiam regit. Pharamundus regnat in Francia ». In duobus Codicibus Mss. Colbertinis n. 1058 et num. 2512, ad eum Honorij annum habetur tantum: « Solis defectio. Pharamundus regnat in Francia ». In editione Scaligeri dicitur: « xxv. Pharamundus regnat in Francia. xxvi. Solis facta defectio hoc anno »; cum antea ad annum xxiv scriptum sit: « Trigesimus nonus Sixtus Romanam

Ecclesiam regit ». Denique in editione Labbei, ad annum xxiv de Sixto sermo est, annus xxv vacuus, et ad annum xxvi refertur solis eclipſis, et Pharamundi initium. Quare eo minus aliquid certi ex eo Chronico deduci potest, quo nullam *Pharamundi* mentionem Gregorius Turonensis faciat. Quia tamen nihil aliud suppetit, in quo vel simplex conjectura fundari possit, hoc anno, quo ingens illa eclipſis contigit, initium *Pharamundi* consiguare visum. Henschenius in Exegeſi de episcopatu Tungrenſi et Trajectensi tomo vii SS. mensis Maii præfixa cap. 10, existimavit, citata verba intrusa fuisse in illud Chronicon præter auctoris mentem, quia, inquit, « habemus illud in duobus codicibus Mss. quorum antiquior est exaratus anno Christi dcccxxiii, et in hoc desunt omnia illa, quæ de Francorum regibus tibi leguntur. Continet hic vetustissimus Codex Chronicon Eusebii a sancto Hieronymo interprete continuatum, tum dictum Prosperi Chronicon, eisque subjunctum Chronicon Marii. Habemus præterea aliud Chronicon, in quo iterum est Chronicon Eusebii a sancto Hieronymo interprete continuatum. deinde hoc ipsum Chronicon Prosperi, tum Sigeberti Gemblacensis; denique inter alia quædam leguntur etiam *Nomina et Origo* regum Francorum, deducta usque ad Ludovicum juniorem, regem et ducem Aquitanicæ; ergo usque ad annum circiter mccc ». Addit Henschenius non modo Turonensem non habuisse sic interpolatum Chronicon Prosperi, sed nec Sigebertum totis sex sæculis juniorem Turonensi, illud sic habuisse videri; certe ipsum non sequi, sed quæ primos Francorum reges attingent omnia videri ex propria ac nuda conjectura scripsisse. Verum cum laudata de *Pharamundo*, et quæ infra de Clodione et Meroveo verba referemus, non tantum in omnibus Codicibus editis et duobus Mss. citatis, sed etiam in variis aliis manu exaratis legantur, longe verisimilius ea in duobus illis exemplaribus Antuerpiensibus præmissa fuisse. Et tantum abest, ut Sigebertus Chronicon illud non legerit sic interpolatum, ut totum tere transcriberet, quemadmodum legenti patet. Denique ex eo quod primum exemplar Antuerpiense contineat Chronicon Marii, quod anno dcccxxiii, aliudque quod anno circiter mccc desinit, minime sequitur, Chronica Prosperi utriusque subjecta, iisdem annis exarata esse. Hinc enim tantum colligi potest, priorem Codicem post annum dcccxxiii, quo Marius suum Chronicon terminat et posteriore post annum mccc exaratum esse. Quare uterque sine dubio longe recentior est, quam vir eruditissimus putavit. Quod vero ibidem habet, difficulter probatum iri nomen *Pharamundi* ante sæculum nonum ab aliquo mandatum fuisse litteris, refellitur ex auctore de Gestis Francorum qui cap. 4, Pharamundi Francorum regis disertè meminit, et anonymus ille initio sæculi octavi et *Theodorico Calensi* Franciam regente vixit.

82. *Situs veteris Franciæ.* — *Antiqua Francia* ab Oriente Toringiam et Saxoniam habebat, ab Oc-

cidente Rhenum et Oceanum, a Septentrione item Oceanum Germanicum vel Septentrionalem, a Meridie Alamanniam et Sueviam, sive amnem Lonam. In Tabula Peutingeriana hæc de Francia Transrhenana ad ripam Rheni prope litus Oceani leguntur, *Chauci, Ampsivari, Cherusci, Chamavi, qui et Franci, Bructeri*: quos inter et Chamavos majoribus litteris positum regionis nomen, *Francia*. Hæc est Francia, inquit Valesius in Notitia Galliarum, in voce *Francia*, cujus Eumenius in Panegyricis suis, Ausonius in Mosella, Ammianus, Tabula Peutingeriana, Sulpicius Alexander apud Gregorium Turonensem, Hieronymus in Vita Hilarionis, Claudianus, aliique memnerunt, additque Prosperum in Chronico imperiali, cum *Pharamaudum, Clodionem et Meroveum regnasse in Francia* tradit, de Transrhenana quoque seu veteri Francia locutum, videri posse; cum Pharamundus nihil terrarum in Gallia, *Cludio et Meroveus* pleraque trans Rhenum, pauca eis flumen in Galliis obtinuerint. Sed quoad sedem priorum Francie regum Valesio assentire non possum; longe enim probabilius, Francos primum sibi regem creasse eis Rhenum in Taxandria Tungriaque regione, ac intra diocësim Tongrica-

nam, ut Wendelinus in legibus Salicis illustratis, Papebrocius in Appendice II, ad laudatam Exegesim de episcopatu Tunzrensi et Trajectensi, aliique recentiores observarunt. Turonensis enim lib. 2, cap. 9, scribit: « Tradunt multi Francos de Pannonia fuisse discessos et primum quidem littora Rheni amnis incoluisse, de hinc transacto Rheno Tongriam transmeasse, ibique juxta civitates vel pagos reges crinitos sibi statuisse ». Tum: « Ferunt etiam tunc Clodionem, utilem ac nobilissimum in gente sua regem Francorum fuisse, qui apud Dispargum castrum habitabat, quod est in Termino Tungro-um », non Toringrorum, ut in vulgatis editionibus legitur. Nova itaque Francia *Pharamundi* tempore cis et ultra Rhenum fuit; neque enim audiendus Papebrocius citatus, qui asserit totam Francorum gentem inludisse se in Taxandriam vicinamque Tongriam, et in Germania Franciam esse desiisse, et hoc nomen migrasse in Cisrhenanam Tongriam; cum Sidonius Apollinaris in Carmine VII fidem faciat, adventante *Attila* in Gallias anno CMLI, Francos, qui ultra Rhenum erant, partes illius secutos esse, eos scilicet qui fratrem *Merovei* regem agnoscebant, ut suo loco exposui.

BONIFACII ANNUS I. — CHRISTI 419.

1. *Cum Honorius imperator Symmachi relatione deceptus pro Eulalio rescripsisset, Bonifacius exagitur a schismaticis.* — Qui sequitur Christi annus quadringentesimus undevicesimus, consultu Monaxii atque Plintæ notatur: qui quidem ob conflatum inter clericos Romanos schisma, ærumnosus admodum Romana Ecclesia fuit. Etenim conculcata justitia, favore Symmachi extollebatur Eulalius; unde Bonifacius vehementer depressus est, coactusque deserere S. Petri basilicam, atque cum suis extra Urbem in basilicam S. Pauli secedere. Inter hæc autem Honorius imperator mendaci relatione ejusdem Symmachi Urbis præfecti nihil in Bonifacium commovetur, quasi post electionem Eulalii in sedem se tyrannice intrassisset, arripissetque violenter quod alienum esse constaret. Quamobrem veritus ne his turbis ipsa civitas contrariis discissa studis, in contrariis consideretur factiones, bellumque civile conflaretur;

quantocius in tanto discrimine Urbi posite occurrere studuit, Vigebat namque adhuc memoria cædium tempore schismatis Ursicini adversus Damasum patratarum; et quot annis fuerit laboratum, ut audacia schismaticorum penitus coerceretur; quantumque in his insudandum fuerit prædecessoribus imperatoribus. Ne igitur Urbs rursus talia pateretur, neve Romana Ecclesia tanta iterum clade cum dedecore afficeretur: simul ac legit Symmachi relationem, qua certior reddebatur Eulalium juxta canones, servatis ritibus omnibus, legitime electum, Bonifacium contra intrusum esse; ut in re certa, quæ nullo indigeret examine, vel episcoporum consultatione, adversus Bonitacium, qui significabatur invasor, et contra omne jus fasque ordinatus, rescriptum dedit ad eundem Symmachum. Extant quidem ipsæ Honorii imperatoris litteræ date Ravennæ tertio nonas Januarii, quibus decernit ordinationem Eulalii esse legitimam, monetque Bonifacium esse

coercendum, utque si acquiescere nolit, ex Urbe pellatur : misit ad hoc ipsum Romam cum his litteris Aphrodisium tribunalum, et notarium. Litteræ autem Honorii sunt hujusmodi :

2. « Gestis omnibus recensitis, laudanda sublimitatis tuæ relatione perclaruit in ordinatione venerabilis sacerdotii quietem veterem paucorum insolentia attentare voluisse. Nam cum post abscessum venerabilis viri Zozimi, circa meritum Eulalii ordine subrogandi communi iudicio conveniens multitudo sonuisset, ac plena erga se omnia, quæ regula Catholicæ posceret disciplinæ, successoris confirmatio custodiret : vehementer miramur aliquos extitisse, qui solemnitate contempta, circa ordinationem alterius festinarent. In quorum castigandum factum mansuetudinem nostram rite oportere insurgere, nisi hoc tantum gerere decerneremus, eos ad veniam pertinere, quod lapsum cito proprium contuentes, ad deprecandum suffragium sunt relapsi, ignosci sibi super id quod vim perpeSSI conquesti sunt, postulantes. Convenire ergo votum, et studium nostrum circa Eulalium sacræ legis antistitem, sublimitas tua clementiæ nostræ auctoritate præsentis cognoscat ; tui competens numerus ordinantium legitimus, sollemnitatis temporis, locique qualitas recte venerandum nominis apicem contulerunt.

3. « Cum autem Bonifacio constet omnia defuisse, superflue expectatam sententiam nostram esse sensimus : cum factum suum ipsi, qui præsumperant, admotis damnasse precibus videantur. Absoluta itaque decernimus jussione, extraordinaria præsumptione submotâ, Bonifacium interdicta confestim Urbe prohiberi (erit verecundiæ ejus, ut morem generis caelestibus constitutis, sponte discedat) pertinaciter resistentem, invitum præcipimus expelli. Plebeia sane seditionis auctores cum sociis suis sublimitas tua, Symmache parens carissime atque amatissime, statuat affineri, atque in eos congrue vindicari, ut res temere præsumpta non transeat impunita. In qua re Aphrodisium vicarium tribunalum, et notarium dirigi a nostra mansuetudine placuit, ut præsentem eo, quæ statimur, celerius implcantur, quatenus quies populi nulla perturbatione vexetur, et pacata eum veneretur universitas, quem secundum veterem consuetudinem observata sacræ legis mysteria susceperunt : Dat. III non. Januarii, Ravennæ ». Hactenus Epistola Honorii Augusti ad Symmachum Urbis præfectum : hæc enim (ut dictum est) scripsisse Honorium imperatorem, satis apparet, quod falsis præventus relationibus, Eulalium esse legitimum Romanum Pontificem, Bonifacium vero invasorem alienæ sedis, et quietis publicæ perturbatorem esse, Symmachi litteris percepisset. Verum re deinde (ut se revera haberet) optime nota atque comperta, in contrariam mox sententiam abiit : et adversus Eulalium rescribens, Bonifacio favit. Sed de his agemus inferius : modo contextum rerum gestarum prosequamur.

4. His Romam allatis litteris, Symmachus præ-

fectus Urbis hæc omnia nuntiaturus Bonifacio, eum per ministrum suum accersit ; qui una cum suis confinebat se in basilica S. Pauli extra Urbem : ad quem accersurus (accessurus) Symmachi minister, a populo verberatur. Hæc cum Symmachus accepisset, publicari primum jussit litteras imperatoris pro Eulalio adversus Bonifacium datas, inde Urbis ostia claudi, ne Bonifacius in Urbem redire posset : qui interim ab apparitoribus servatur illæsus. Inter hæc autem Eulalius agens in Urbe, ad S. Petri basilicam accedens, ibi sacra egit, suorumque immensa lætitia susceptus est. Hæc omnia ex litteris Symmachi, quas ad Honorium postea scripsit, accipiuntur. Sunt vero hujusmodi :

5. « Exemplum relationis Symmachi ad principem.

« Ubi primum sacer sermo pietatis vestræ expectationem populi celeritate prævenit : omne quod sibi diversitas voluntatum usurpaverat de episcoporum electione submovit, ac divina provisione inter inilia resecavit, quod tarditate imperitæ multitudinis crescentibus studiis, difficilior potuisset auferri, domini imperatores. Ob quam rem statim debito famulatu implere, quæ fuerant imperata, properavi ; eo quod felicitati clementiæ vestræ adscribendum est, res novi exempli, et maximæ contentionis, magnique certaminis, ut sine commotione populi cœpta fuerat, ita salva clementia vestra eum totius multitudinis quiete finita est. Nam cum eo tempore ad me sacra perlata esset auctoritas, quo sancti diei erat celebranda sollemnitatis ; statim (ut oportebat) misso primicerio, Bonifacium ad me venire admonui, quod præceptum fuerat, agnituretur, ac se a processione, quam sibi inhibitam dederat, abstinere : qui conventionem contempta, processit, atque eum quem direxeram, dedit populo verberandum.

6. « Quod tibi nuntiatum est, habito cum vicario tribuno Sereniano tractatu, ad S. Paulum, quo convenerat, et sacra exemplaria pro cautela direxi, ne quid in injuriam publicam de præceptis immissa multitudo tentaret ; et partem officii pariter destinavi. Sed neutrum fieri passus, cum ad Urbem vellet pariter cum populo remeare ; statim ad portas, tam contubernales, quam apparitores occurrerunt, qui eum (ut statutum fuerat) Urbem vestram ingredi prohiberent. Verum ipsos quoque contentendos credidit, atque violenter ingressus, a certa Urbis parte pluribus occurrentibus, est repulsus, nec permissus, quod cogitabat implere. Quod ubi turba, quæ comitabatur, adspexit, sine aliquo tumultu dispersa est. Ipse vero extra murum deductus, non longe ab Urbe remoratur : qui ne occulte per noctem ingressus Urbem, ad Ecclesiam convolare, et rursus populi studia commoveret, communi tractatu pro competenti sollicitudine, contubernales, et apparitores quatuor illic sine injuria ejus observare disposui. Expectans quid pietas vestra decernat, ut quies possit, quæ hactenus servata est, perdurare. Circa partem vero Eulalii episcopi

venerabilis viri, qui eo die pæne cum omni multitudine ad S. Apostoli Petri basilicam solemniter celebrabat, ubi primum pietatis vestrae præcepta sunt publicata, fuit totius lætitiæ Civitatis. Unde ea qua populus Romanus publico gaudio diversis acclamationibus, agens gratias majestati vestrae, credidi publicanda, et relationi meæ universa subjeci: ut agnosceret pietas vestra, et quanta quiete Urbis totius correctæ sint, quæ male fuerant admissa temeritate paucorum; et quanta gratia suscepta sint, quæ clementia vestra divino iudicio, et perseverandæ religionis reverentia decernenda credidit, et pro quiete Romani populi in perpetuum servanda constituit. Dat. sexto id. Januarii ».

7. *Supplex presbyterorum Romanorum libellus ad Honorium de legitima Bonifacii electione.* — Inter hæc autem, qui erant ex Bonifacii parte presbyteri, quod scirent imperatorem Honorium mendacii esse deceptum relatione Urbis præfecti Symmachii: student, ut quanto citius fieri possit, idem imperator de veritate certior redderetur: quamobrem ad eum dant litteras, quibus res gestas, quomodo revera se habuerint, certa fide narant.

Extant in eodem codice Vaticano ipsæ litteræ, sive preces Romanorum presbyterorum ad Honorium imperatorem pro Bonifacio in hunc modum conscriptæ:

8. « Petimus clementiam vestram, piissimam et clementissimam imp. Honori et Theodosi semper AA. Post abscissum S. Zozimi papæ Ecclesiæ Catholice Urbis Romæ (ut fieri mos volebat, atque ipsa religionis disciplina dictabat) plures in unum convenimus sacerdotes, ut de constituendo successore communi iudicio tractaremus. Sed quoniam Lateranensem Ecclesiam, obstructis pæne omnibus ingressibus, archidiaconus Eulalius, contemptis impie summi sacerdotis exequiis, diaconibus, et paucissimis presbyteris ac multitudine turbatæ plebis obsederat: altero die ad eandem Ecclesiam, ubi prius ab omnibus fuerat constitutum, habita omnium Collatione properavimus: ibique participato cum Christiana plebe consilio, quem Deus jussit, elegimus. Nam venerabilem virum Bonifacium, veterem presbyterum, in lege doctissimum, ac bonis moribus comprobatum, et (quod eum magis orabat) invitum, acclamatione totius populi ac consensu meliorum civitatis asseruimus, divine institutionis ordine consecratum. Nam subscriptibus plus minus septuaginta presbyteris adstantibus novem diversarum provinciarum episcopis, benedictionem (bene electionem) competentem tempore constat fuisse celebratam; ac prius omnia quæ solemnitas exigebat, celebrata sunt.

9. « Sed cum prædictus Eulalius, qui antea per tres sacerdotum nostros fuerat ex multorum auctoritate conventus, ne quid sibi temere præter conscientiam cleri majoris assumeret, circumventis paucissimis presbyteris, male acceptis his, ac diverse custodiæ mancipatis, qui ad prohibendum cum litteris venerant, exhibito etiam cum aliis Os-

tensi episcopo, quem prope mortuum constat accitum (nam tractum esse nolentem, senis ægritudine testatur) in locum sibi non debitum, incustodito religionis ordine, per ambitum promissit: cepit factum suum per homines disciplinæ inscios ac religionis ignaros indecenter tueri; astimans humanis perturbacionibus se confundere sententiam posse divinam. Et quoniam clementiam vestram constat falsidica relatione deceptam, ut nescio quid in injuriam divini nominis sanciretis (nam divinum est, quicquid tantorum firmat clectio). Petimus pietatem vestram, ut removeri priora constituta jubeatis, atque Eulalius, qui in locum subrepsit alienum, ad comitatum serenitatis vestrae cum auctoribus suis debere adduci. Nos enim profitemur S. papam Bonifacium nostris cum sacerdotibus affuturum: relictis singulis titulis, presbyteri omnes aderunt, qui voluntatem suam, hoc est, Dei iudicium proloquantur. Jubeat etiam vestra clementia, omnes adesse, quos causa constringit: ejici etiam civitate nolentes, qui se non patientur adduci. Invenietis, cum ceperit agitari interna discussio, quod omnibus divinis legibus abhorreat, verum etiam displicere possit humanis: quo hoc consecuti agamus æterno imperio vestro maximas atque uberes gratias ». Hucusque preces presbyterorum ad Honorium imp. Qui prudenter quidem (quod viderent Symmachum præfectum studere Eulalio, ipsumque Bonifacium ab eo pulsum ex Urbe) causam ipsam rogant ad ipsum imperatorem perferri, quod aliter non liceret in libertatem vindicare Bonifacium oppressum favore potentium: fore sperantes, ut jussu imperatoris (quod postea factum est) delecti episcopi causam electionis cognoscerent.

10. *Honorius imp. ad se advocat utramque partem, episcopos ad iudicium adhibitis, quo ob discussionem dilato, curat ut interea Achilleus episcopus Spoletinus loco Pontificis sacra Paschatis Romæ agat.* — His acceptis supplicibus litteris a Romanis presbyteris, Honorius imp. rescribens ad Symmachum Urbis præfectum, monet, ut agat tam cum Bonifacii quam etiam cum Eulalii parte, ut ambo se Ravennam conferant ad sextum id. Februarii. Præter hæc etiam scripsit idem Honorius ad sacerdotes diversarum provinciarum, ut omnes Ravennæ præsto essent, quo de tanta controversia disceptarent. Rescriptum autem ad Symmachum per Aphonium datum XVIII kal. Februarii est hujusmodi:

11. « Post relationem sublimitatis tuæ delatam mansuetudinis nostræ auribus, presbyterorum allegatio causam nobis non supervacue deliberationis injectit. Ideo decet, ambiguitate sposita, fidelem rerum ordinem cominus experiri: quamque partem prætermisissæ gestæ rei ordo arguat, quam servatis adjuvet, multis coram censentibus, approbari: ut ultriusque facti simul qualitate perpensa, et circa unam rite definita consistat, et circa aliam temere assumpta non maneat, Symmache parens carissime et amantissime. Ob quam rem illustris et præcelsa

magnitudo tua, suspensis omnibus quæ superius sunt decreta, nullique interim præiudicio comparato auctoritate presentis oraculi, ut utrumque, hoc est, Bonifacium, et Eulalium religiosissimos viros instantia digna conveniret, ut infra diem sextum iduum Februarii Ravennatum civitatem presentiam suam maturare non differant: omnibus atque (æque) admonitis, qui auctores utriusque ordinationis existunt, ut a nota excusatione, non desint, ut tacto quisque erga alterum proprio prolatis Ecclesiasticæ institutionis exemplis, defensor existat; seque purgato, alium magis in legem Catholicam deliquisse, presumpta immeriti electione convincti, iudicium de statu suo quisque, si adesse neglexerit, sortiturus, nimirum intelligi improvide, imo illicite se fecisse, quod coram non audeat defensare. Nos quoque ex diversis provinciis competentem numerum sacerdotum scriptis nostræ serenitatis accimus: ut rem deducam in dubium absolvat nobis coram disceptatio plurimorum. Cum autem omnia futuro integra sum iudicio reservata, de transactis sibi blandiri neminem decet: presentis etiam iudicii decebit exemplum, quod in ejusmodi negotiis observari debeat in futurum. Dat. XVIII kal. Februarii per Aphonium ». Quæ autem Romæ acta sint per eundem Aphonium, relatio Symmachi ad eundem Honorium data declarat his verbis:

12. « Cum vir clarissimus Aphonius decurio sacri palatii vestri cum cælesti præceptione ad Urbem venerabilem convenisset, omni genere festinavi, qualems præceptis nominis vestri obedientiam commodarem. Nam statim conventis proceribus sacra jussio publicata, et ad religiosos viros Bonifacium et Eulalium missa conventio est, domini imperatores. Clericos quoque eorum præcepi pariter admoneri, ut nihil futuro, cognoscente pietate vestra, deesse examini. Unde hæc omnia Gestorum serie comprehensa, ad plenam instructionem, subter annexi. Verum postquam pars utraque populi diversis seditioibus exagitaretur, singulos admonitione missa conveni, ne ad unam Ecclesiam convenirent, et quod fieri non licebat, inter se multitudo confligeret. Sed hoc illis visum est, credo, suspectum, quo quietem suadendam credidi hominibus perturbare volentibus Civitatem: ob quam rem ambæ partes calumniosissime crediderunt contestationibus appetendum, ut errorem suum compositis mendacis excusarent. Quod ne in aliquo clementiam vestram lateat, eadem quæ obtulerunt, Actis inserta transmissi, ne quicquam suppressum esse quererentur. Superest, ut apud clementiam vestram nullius partis studiis famuli vestri appetantur absentia, qui semper majestati vestræ puris servitiis approbati, ne ab impugnatione et favore ambarum partium, ut decebat, credidisse putandum. Dat. VIII kal. Februarii ».

13. Sic igitur (ut dictum est) Honorius imp. tum Eulalium, tum etiam Bonifacium ad se Raven-

nam accersit, quo studia partium conquiescerent, dum quid de alterutrius electione legitima decernendum esset, scirent alieno arbitrio terminandum. Cæterum quod nosset imperator maxime pius res Ecclesiasticas Ecclesiasticæ atque a iudicibus Ecclesiasticis esse tractandas, mox datis litteris, Ravennam convenire jubet episcopos. Quibus, ubi illic convenissent, Honorius scripta commonitione, eis significavit, ne cum ipsis sederent iudices qui Bonifacii electioni præsto fuissent; ne iidem fautores alterius partis, iudices etiam esse viderentur. Porro ipsa Honorii admonitio, quam Commonitorium appellare consueverunt, sic se habet:

14. « Omnia quidem clementia nostra in presenti beatitudini vestræ congrua ordinatione mandavit, ut sequesteratis omnibus, vestro iudicio quid observari propter quietem populi deceat, sineretis. Meminimus quoque hoc a nobis, in primis quod æquitas expectabat (expetebat), esse mandatum: Ut hi episcopi quos interfuisse eorum ordinationibus constat et postea subscripisse sine injuria sui et mancante reverentia, iudices non sederent, nec ullum præstare testimonium possent; ne non tam novam prolaturi sententiam, quam servaturi factum præteritum viderentur. Hi ergo (sicut superius diximus), ab ea disceptatione se abstinere debebunt. Illud quoque similiter custodiendum beatitudo vestra cognoscat: nulli parti præiudicium comparatum, quod e nobis antea claruerat constitutum. Cum et celeriter destinata jussa propter quietem populi pietatis nostræ secuta auctoritate, submota sint: nihil hinc aut vindicare pars altera poterit, aut altera formidare. Attendentes ergo iudicium Dei, quod in tali causa vobiscum simul residere manifestum est examinatis omnibus, id vos custodire decet, quod infundente cælesti Spiritu, habere Christiana legis integram reverentiam possit ». Quæ sequuntur sunt exarata alio caractere.

15. « Hæc Synodus inter se dissentiens presentem causam terminare non potuit. Unde venerabilis imp. Honorius ad Maias kalendas hoc credidit negotium differendum: et interim propter dies qui immincebant sanctæ Paschæ, utrosque, Bonifacium scilicet, et Eulalium ab Urbe jussit abscedere, et Spoletinum episcopum Achilleum Romæ sacra mysteria celebrare: Symmachoque præfecto Urbi hoc idem suis scriptis insinuat.

« Magnarum deliberationum non debet citum esse iudicium; nec temere preferenda sunt, quæ servanda in perpetuum sancuntur. Sæpe de episcopis Urbis æternæ altercatione partium sub examine sacerdotum concessa cognitio est: sed ne quod festinum celeritate iudicii proferatur, id clementiæ nostræ cedit arbitrio. At quoniam vicinitas sanctorum dierum episcopi presentiam postularet, nec in Urbe sacratissima fas est Pascharum presentem dies sine sacerdote celebrare: idcirco, Symmache parens carissime atque amantissime, illustris magnificentia qua Achilleum nos elegisse cognoscat, quem a favore partium constat esse alienum, qui mysteria

¹ Locus obscurus.

sacrae observationis impleret. Transactis vero festis diebus, ex iudicio sacerdotum, qua debeant custodiri, consilio maturiore tractabimus. Monemus sane, ut regionum primatibus evocatis, disciplinae publicae, quietique prospicias, quibus decretorum nostrorum praecipua iubeas aperiri : Ne quis scilicet ullum tumultum, neque seditionem audeat commovere : quam si quis insana persuasione conquirit, non in eos tantum qui in perturbatione fuerint deprehensi, sed in regionum quoque priores (noverit)... vindicandum. Novimus enim quietem publicam facile custodiri, si incontentum cupiditates, et fomenta cessaverint ». Haec tunc ibi, quibus subijciuntur littere ejusdem imp. ad dictum Achilleum episcopum Spoletinum his verbis :

16. « Quoniam de Romano sacerdotio propter angustiam temporis, quam dierum solemnitas fecit, quae abesse episcopos a suis Ecclesiis non sinebat, dilatatum constat esse iudicium : recte nostra serenitas credidit ordinandum, ut beatitudo tua ad venerabilem Urbem congrua devotione festinet. quatenus S. Paschae dies, ea quae convenit, quiete, cum solemnitate consueta, populis representes : nec consuetudini obsit, quod differri Synodum multiplex necessitas fecit. Illud sane in primis ac praecipue commonemus, ne unquam ulla illorum mentio fiat, de quibus constat suspensos esse iudicio ». Haec tunc Honorius ad Achilleum.

Dedit tunc idem Honorius Aug. ad Senatum quoque de recipiendo Achilleo ejusmodi litteras :

17. « Scimus, Patres Conscripti, a vobis cunctationem nostram non posse reprehendi, quibus semper in re omni probatur Conciliorum iudiciumque maturitas. Nec sane de summis cita debuit, et potuit esse sententia; quam ut aeternam, ita probabillem ex omni parte decet esse perfectam. Inter episcopos, quos in Urbe sacratissima faventium studia, et partium voluntas elegerat, ab omnibus qui aderam sacerdotibus jusseram audiri : et aliquoties iterata cognitio est. Verum cum longiores moras examinatio tantae cognitionis afferret, et plura inquisitio iudicium diligens inveniret, quibus finis citus non posset imponi, et festorum dierum celebritas celeritatem definitionis exposeret : ne quid temerarium promeremus, rem omnem credidimus differendam. Missus itaque est Achilleus vir religiosus episcopus Spoletinae civitatis, per quem sanctorum dierum celebritas impleretur. Amplitudinis vestrae est, popularium mentes ad quietem consilii salubriter retinere, cum probabilem ac necessariam dilationem nostram dubitare nequeatis. Dat. idibus Martii ». Ad populum vero ita scripsit idem Augustinus :

18. « Fidei curam, Quirites optimi, maximam iudicantes, nihil festinum aut immaturum credidimus profereundum. Ea enim in causa religionis discerni censemus, qua sine errore ac reprehensione sententiae ab omnibus comprobentur. Haec cum in cognitione, quam de episcopis, qui in Urbe fuerant constituti, sub iudicio sacerdotum intentionis

haereret ambiguum, nec, nascentibus subinde causis, finis certantibus studiis posset imponi, ac diu de rebus variis deliberatio nostra penderet; futuram cognitionem ad integrum sacerdotum numero pleniore consilium, (Concilium) omne negotium constitutum differendum; ut causa ex omni parte liberata, transactis Paschae diebus terminum quem aequitas, et religio poscebat, acciperet. Simul quia de sacerdote nihil poterat definitum, temporarie elegimus qui reverenda sacris diebus mysteria celebraret; ut ibi, Quirites, ad honorem sacrae Urbis praesto esset solemnitas sacerdotis. Quare imitati patientiam vestram, placidis animis quae pro pace publica suademus, accipite : sanctorum cultus dierum debita tranquillitate transcurat : quietem publicam seditio nulla perturbet : favor proprius circa nullum qui noletur appareat. Decet enim, suspensis sensibus, omnia nostro integra reservare iudicio; nec furore quodam, sed debita probitate expectare potius quam poscere sacerdotem. Quod si pravos incontentos secuti, turbam tumultus potius quam quietem ac modestiam legeritis, quibus favetis, monstrabitur : non solum vobis, sed et auctoribus vestris, quorum consiliis inhaeretis, periculum salutis, ad quod nos compellitis, imminet. Neque enim venia dignus est, qui ab improbitate humanitatis nostrae monitis non potest retineri. Dat. idibus Martii ».

19. *Honorii Epistolae episcopos ad Synodum convocantis.* — Dum ista agerentur in Urbe; quo ad dirimendam tantam causam plenior Synodus haberetur, Honorius imperator studiosissimum Christianae concordiae, episcopos alios hinc inde ad dilatatum Synodum statuit congregare : qua de re ad diversos sanctissimos episcopos litteras dedit; inter alios vero scripsit etiam ad S. Paulinum Nolanum episcopum, quem ob egregiam sanctitatem doctrinaeque plurimi faciebat; eum enim et ante ob eandem causam litteris ad Synodum accerierat; sed morbo illo delectus minime accedere valuit : modo vero, ut omnino venial, his rogat litteris, quibus quantae esset Paulinus aestimationis, probe intelligere possumus. Epistola autem Honorii ad eum data sic se habet ex eodem petita codice :

20. « Sancto ac venerabili Patri Paulino episcopo. Tantum tui apud nos certa sententia, nihil ab his sacerdotibus, qui ad Synodum convenerant, posse definitum, cum beatitudo tua de corporis inaequalitate causata, itineris non potuit injuriam sustinere. Et propter absentiam sancti viri non quidem obtentura, interim tamen vitia gratulantur, cum prava et vetus ambitio, et cum benedicto viro sanctaeque vitae diu velit habere certamen, ut contra haec Apostolicae institutionis bona, et de praesumptis per vim parietibus existimet confidendum. O vere digna causa, quam non nisi corone tuae beatae vitae designat! Dilatum itaque iudicium nuntiamus, ut divina praecipua ex venerationis tuae ore promantur, qui ea secutus implesti : nec potest alius eorum praecipitorum factor existere, quam qui dignus Apostolicis disciplinis est approbatus. Specialiter itaque

domine sancte, merito venerabilis pater, justus Dei famulus, divinum opus, contempto labore, tributum hoc nobis visitationis tuæ (si ita dicendum est) munus indulget: ut postpositis omnibus, quantum temperantia et his tranquillitas suffragantur. Synodo profuturus, sine intermissione etiam desideriis nostris et benedictioni, quam cupimus, te prestare digneris». Hæc ad Paulinum Honorius. Idemque ad Africanos episcopos eadem ex causa has litteras dedit, quibus eos vocavit ad Synodum idibus Junii Spoletini habendam:

21. «Serenitas nostra in omnibus causis, tamen præcipue in his quæ ad venerabilem religionem pertinent, propensum cupit habere iudicium. De sacerdotio Urbis eternæ exorta contentione, etiam trans maria credimus esse nuntiatum, quod a paucis non potuit terminari. Ideo multorum constat necessarium esse iudicium. Quapropter sanctitas vestra, quos vitæ bonum et legis doctrina commendat, intra diem id. Juniarum ad Spoletinam civitatem, amputatis excusationibus, proferre dignetur: ut id quod veritas et religionis norma dictaverit, Deo pariter cunctorum mentibus inspirante, sententia iudicetur; ne diutius Apostolica Sedis sacerdotium differatur». Hæc ad episcopos Africae. Privatas vero idem imperator ad Aurelium episcopum Carthaginensem his verbis scriptas litteras dedit:

22. «Aliam quidem veniendi causam optaveramus evenisse, ut desiderato benedictionis tuæ frueremur aspectu. Sed quia adversus papam Urbis Romæ ambitio reprehendenda certamen indixit, et sanctam vitam in episcopo æstimat non requirendam; ceptum super hæc discussione iudicium non minor numerus sacerdotum, quam Synodi consuetudo deposcit, in plures doctissimosque viros, quorum sanctitas tua princeps est, prorogavit. Neque enim præmia castitatis et meriti, submotis vitiis, quæ respuit divinæ religionis sacrosancta præceptio, per alios quam tales viros oportuit revelari. Et quamvis sufficerent domini germani mei Aug. principis scripta: poterunt (proderunt, potuerunt¹) etiam in ea tantum, quibus adventum sanctitatis tuæ pariter adunxi. Quæso itaque, domine sancte pater merito venerabilis, ut duplex beneficium tribuas, et desiderate nobis benedictionis tuæ, et necessarii pro habitudine iudicii proferendi, intermissis omnibus (Dominum influens) de ejus sacerdote firmando labor veniendi non debet recusari, prestare dignetur». Hæc ad Aurelium imperator: qui et alias addidit ad celebriores Africae episcopos, nempe ad S. Augustinum et alios hic descriptos, ea de re singulas singulis, litteras dans, iisdem tamen verbis conscriptas: nomina autem omnium, ad quos Honorius scripsit, hæc ibi recitata leguntur, Augustinus, Alypius, Evodius, Donatianus, Silvanus, Novatus, et Venerius: litteræ vero sunt hujusmodi:

23. «Pervenisse ad venerationem tuam, certa

est pietas nostra, certamen adversus Papam Urbis Romæ, vitæ cum castitate pugnare, et hujusce rei tam diuturnum esse conflictum, ut inter tot sacerdotes, qui ad Synodum convenerunt, quibusdam dissensionibus nondum potuerit, Apostolica præceptione firmata, ita (vita) præferri, quam tantum se interdum bene scire¹ adstipulanti quoque ea parte, quæ disceptat, sine dubitatione consensisset, ut plane fuerit manifestum, expectari tuæ iudicium sanctitatis, in cuius præsentia promenda sententia differretur, qui merito vitæ præcedens, recte etiam ex transmarinis regionibus, ut judicare possis, expecteris. Sed quamvis sacra domini germani mei Augusti principis ad Italiae Synodum evocans auctoritas non negligenda provenerit, socianda specialiter etiam serenitatis nostræ scripta iudicamus: quibus precor, ut desiderabilem adspectum benedictionis tuæ sine excusatione concedens, omnipotenti Deo gratum iudices hunc laborem, et pro proximo sacerdote, et pro sanctæ vitæ meritis sententiam prolaturus, renunciationem vexationis hujus in præmio divino intelligi constitutam. Dat. III kal. Aprilis, Ravennæ». Hæc ipse.

24. Quod autem ait, alias ante litteras esse datas ad ipsos episcopos per germanum suum, Honorius imperator Constantium intelligit, cui ob præclaras res gestas adversus tyrannos sororem suam Gallam Placidiam dedit uxorem; eundemque in collegam imperii cooptatum, germani habuit loco. Cæterum non Africanos tantum, sed et Gallos episcopos Honorium præsentibus Synodo esse voluisse, ipse testatur aliis litteris inferius recitandis.

25. *Eulalii temere in Urbem ingressus seditionem excitat, quo propterea pulso, Bonifacius legitimus papa restituitur.* — Quod autem indicta Synodus fuerit intermissa, nec ad effectum perducta, Eulalii temeritas causa fuit; jussuque Dei iudicio factum est, ut suis operibus, absque alio novo iudicio et tot sanctorum Patrum fatigatione, in semetipsum sententiam suæ repulsionis, licet nolens, ipse proferret: quomodo autem id acciderit, Symmachi præfecti Urbis relatio ea de re ad Constantium missa declarat, quam decimo kal. Aprilis scripsit his verbis:

26. «Quæcumque subito, nullo opinante, proveniunt, nec ad culpam iudicis referri possunt, et populum rationis ignarum insperata novitate perturbant. Vir namque religiosus Eulalius quinto decimo kalend. Aprilis Urbem, me nesciente, meridianis horis ingressus est: quem credidi aliquod secum pertulisse præceptum. Verum eodem die circa vesperum Spoletinum episcopum, missis litteris, me credidit admonendum, quod sacra ad se manantia in Urbe die sancto Paschæ jussus sit celebrare. Quod præceptum ante penitus ignoravi, domine semper illustris, et in cunctis magnifice, meritoque sublimis ac præcelsæ patronæ. Quod cum mihi prius S. Eulalii innotuisset adventus; statim parendum

¹ Locus obscurus.

¹ Locus obscurus.

credidi invictissimi principis imperatis. Verum cum interdicto die Urbem sanctus Achillus esset ingressus, commotio exiit populorum : ut ab una parte multitudo armata ferro et telis ad forum militari habitu conveniret. Et cum, convocatis proceribus, processissem, ut habito tractatu pro quiete Urbis, populum alloquendo composessem; primo ad conventum venerunt; deinde cum expectaretur S. Achillei presentia, ut quæ jussa fuerant publicaret: multitudine resistente, venire non potuit.

27. « Et cum ad forum Vespasiani iam ego, quam vir spectabilis vicarius, perurgente populo, fuisset ingressus, ut quietem utriusque partis multitudini suaderemus, subito armati servi telis et saxis, aliquanti etiam ferro, populum patris Eulalii aggressi sunt, qui inermes convenerant, ut quod præceptum de episcopo Spoletino esset, agnoscerent : quosque ita sauciaverunt, qui parati adversus imparatos venerant, ut me quoque et virum spectabilem Vicarium crederent appellendos, dum seditioso furore nullam admittunt penitus rationem : nisi ad liberandum nos Divinitas adfuisset, egressisque per secretiorem partem ictum saxorum et impetum conspirantis multitudinis vitaremus, minime potuissemus evadere : quorum majorem partem in servis constat fuisse, ex quibus aliquanti agniti aliquæ fenti sunt audiendi. Unde quid partium mearum fuit, excellentiæ vestræ suggerere properavi . ut certum finem, rebus cognitis quæ gesta sunt, magnitudo vestra decernat.

28. « Cum ita S. Eulalius fuisset ingressus, et tertia die secutus esset episcopus Spoletinus, nec aliqua ad me data virtutum vestrarum, quæ sequerentur, præcepta venissent ; perturbatio totius plebis, quæ in se et in periculum judicium sequiret, exorta est : et in celeri responso ante diem venerabilem Paschæ quid fieri debeat, jusseritis ; minantur se populi invicem pugnuros, dum de Lateranensi basilica alterutrum se existimant excludendos. Ne quid igitur adversi, quod sublimitatis vestræ felicitas avertat, eveniat : peto ut evidenti præcepto excludi furiosæ contentionis periculosam pertinaciam censeatis. Data decimo kal. Aprilis ». Eulalius itaque, qui contra decretum imperatoris ante definitum judicium per episcopos ad Synodum cogendos ausus est ingredi Urbem, et publicæ seditionis occasionem præbere, se ipsum ea invasione effecit indignum (ut dicitur inferius) Romanæ Ecclesiæ pontificatu.

His perceptis, Constantius in hunc modum rescripsit ad Symmachum :

29. « Ut certa possimus quæque cognoscere, et factionum auctores fideli nuntio et inspectore non lateant, cancellarium nostrum Vitulum direximus, ut domini invictissimi principis affatus atque iudicium ad eximietatem tuam et ad populum celeri festinatione deferret. Illudque monemus, ut quicquid sacris auctoritatibus continetur, nulla temeritate violetur; et quæ præcepta sunt, effectui celeri mandentur instantia : ne Augusti clementia, quod nunc

agnescit distulisse, commoto majestatis suæ vigore emendare non differat ». Hæc Constantius.

Cum itaque ipsius Constantii opera, de his singulis quæ in Urbe per Eulalium gesta essent, Honorius imp. certior factus esset : rescribens ipse imperator ad Symmachum Urbis præfectum, mandat Eulalium pelli ex Urbe, ac in cæteros delinquentes juxta conditionem ejusque status animadverteri. In hunc enim modum de his Honorius imperator VII kalend. Aprilis scripsit ad Symmachum :

30. « Cum ad sanandum primæ perturbationis errorem, hoc genus concilii clementia nostra reparande pacis cupida reperisset ; ut donec de confirmatione Urbani sacerdotii sententia procederet absoluta, uterque eorum, quorum causa tumultus antea concrevisset, a sacratissima Urbe conversatione sejunctus futuri iudicii expectatione penderet, et spatio, quo contineretur alteruter, evidenter expresso : æquo animo dissimulare non possumus, præceptis clementiæ nostræ publicum pæne bellum, quo calcarentur, indictum : movendi ejus caput Eulalium, qui jussa transcendit, exitisse, secundum ordinem præceptorum paulisper abesse non passum, Symmachie parens carissime. Unde sublimitas tua hoc nos statuisset cognoscit, ut et salubris superior ordo præcepti, et moderata Synodi ordinatio deberet custodiri : quod aliter fieri non posse censemus, nisi Eulalius omnimode urgeatur : ut omni celeritate ab Urbe discedens, insolenti populo præsens incitamenta non præbeat, nec innocentibus causa mortis existat : cui esse dubium non debet, si in hac præsumptionis obstinatione duraverit, non solum de statu suo iudicium jam prolatum, verum etiam de salutis discrimine proferendum : culpæ enim nullam veniam jam meretur, quam, cum prædicitur, non cavetur : nihil ex hoc excusationis habiturum, quod eo invito, a plebe asserat retentari. Si qui autem ex numero clericorum communicandum Eulalio, iudicio pendente, censuerit ; pari se sciat sententia esse damnandum : laicos vero, qui post interdictum mansuetudinis nostræ communionem Eulalio putaverint expetendum, honestioris loci penam proserutionis, servos vero capitibus esse subituros, nec ab hoc periculo dominos exendos; primates vero regionum, nisi spiritum plebis incondite domuerint ac freuarint, sciant se raptos, ultimo iudicio esse subdendos. Spoletinus autem episcopus (sicut dudum fuerat definitum) sanctis Paschæ diebus ordinem festæ solemnitate implebit, cui ad celebranda mysteria Lateranensem ecclesiam soli parere decernimus, reliquis, qui hoc præsumere voluerint, propulsatis. Sane ut prædictus sacerdos Spoletinæ civitatis in loco ejus sanctorum mysteriorum ordinem completurus suscipi debeat, admonemus. Per omnes vero titulos et loca, que conventu celebri frequentantur, hæc quæ statuimus, proponendum : ut universis liquet, et noluisse nos turbidum aliquod perpetrare, et ad hoc ut turbata componi debeant, optaveri. Sciat sane sublimitas tua,

primiserint, et reliquum officium, quod tuis acibus obsecundat, non solum gravissima mulctæ dispendii affligendum, sed et supplicium capitis sortiturum, nisi enixa opera commodata, statulis clementiæ nostræ præbere maturarit, effectum. Dat. VIII kal. Aprilis, Ravennæ ». Hactenus rescriptum Honorii.

31. De his autem hæc in libro de Romanis pontificibus in Bonifacio : « Eulalius eo quod ordinatus fuisset in basilica Constantiniana, et introivit in Urbem, et baptizavit, et celebravit Pascha in basilica Constantiniana : Bonifacius vero (sicut consuetudo erat) celebravit baptismum Paschæ in basilica sanctæ martyris Agnetis. Ille audito Augusti utriusque miserunt, et eiecerunt Eulalius; et missa auctoritate, revocaverunt Bonifacium, et constituerunt episcopum : Eulalius vero miserunt foras in Campaniam ». Hæc ibi. De rebus vero per Eulalius perperam gestis relatio Symmachi habet, quæ his verbis describitur in eodem codice Vaticano :

32. « Domino semper illustri et per cuncta magnifico, meritoque sublimi ac præcelso Constantio Symmachus.

« Ubi primum sacra Domini nostri invictissimi principis præcepta perlata sunt, statim (ut convenerat) debitum tribui famulatum. Sed Eulalius ea obstinatione, qua sine præcepto sacro Urbem ingressus est, etiam egredi constrictus per omnes potestates, pari pertinacia detrectavit. Nam vespertinis horis per officium Urbanum, id quod præceperat invictissimus imperator, ea die, qua perlatum est, ei innotuisse agnoscut, domine semper illustrissime et sacratissime, magnifice, meritoque sublimis, ac præcelsæ patronæ. Quo lecto, mandavit se diligentius tractaturum : nec tamen instantè admonitus exire curavit. Alia vero die rursus per omnem apparitionem etiam nocturnis horis admonitus, collecta multitudine, Lateranensem basilicam ausu temerario credidit invadendam. Verum habito tractatu cum proceribus, omnibus officiis destinatis, ut pelleretur, injunctum est. Nam et vir spectabilis Vicarius ad eandem basilicam ire decreverat : sed primo accedere præ nimio terrore non potuit. Ego autem tam corporatis directis, quam omni officio, ideo illuc ire non potui, ne quis mihi æmulus faceret religionis invidiam. Tamen salva excellentia vestra, irruentibus pluribus corporatis et majoribus regionum, qui præceptis imperialibus serviunt, de eadem ecclesia fugatus Eulalius, de Urbe expulsus est, atque adjunctis apparitoribus, illuc directus, ubi jussus fuerat residere. Mandatum etiam, ut vir religiosus, sanctus Achilleus episcopus cum quiete quæ jussa sunt, illo ejecto, sine strepitu populi, pro sanctorum dierum reverentia celebraret. Nam ad custodiam basilicæ Lateranensis apparitores apposui, ne cui alii redderet. Partis quoque Eulalii aliquanti capti clerici seditionis auctores : de quibus quid jubeatur expecto. Et quoniam de his interim quæ gesta sunt, universa virtutibus vestris credidi suggerenda : quicquid sequentibus diebus pro

quiete Urbis quam vestra felicitas regit, suggestum fuerit, sigillatim pro rerum fide et ordine melioribus iudiciis nuntiabo ». Hactenus relatio Symmachi ad Constantium, qui de iisdem certiore facere Honorium imperatorem minime cunctatus est. Cum vero omnia quæ lemeritate Eulalii in Urbe gesta essent, Honorius imperator satis aperte percipisset, ad Symmachum hujusmodi litteras dedit :

33. « Moderatione præcipua egit nostra serenitas, ne locum posset invenire præsumptio, Dei enim iudicio venerabilium sacerdotum est dilata cognitio, ut quicquid religio, quicquid veritas postulabat, absque ulla perturbatione hoc disceptatio tranquilla decerneret. Sed per Eulalius usurpatione contra sententiam venerabilis Synodi multa illicite commissa fuisse, relationis textus edocuit : qui presentia sua causam furoris populo subministrans, totum perire voluit, quicquid moderatione nostra conservat. Nam cum ordinatione nostra et sententia episcoporum, quorum in Synodo major se multitudine collegerat, consensu etiam partium et professione id fieri definitum esset ; ut secretè se specialiter esse damnatum, quicumque ad incitandum populum Urbem fuisset ingressus : oblitus sui, probavit ex presentis facto, quale videatur habuisse principium. Quoniam ergo recte hunc, post tot admissa, Urbe constat esse depulsum ; ad quam eum accedere non debere, clementiæ nostræ et episcoporum videretur statuisset iudicium : Bonifacium venerabilem virum episcopum ad cuius moderationem auctoritatem nostram recte censuimus jungendam, Symmachæ parens carissime et amantissime, sublimitas tua Urbem ingredi debere, nos statuisset cognoscat : ut sub ejus gubernaculis religiose legis reverentia moderatione solita compleatur. Data III nonas Aprilis. Accepta sexto idus Aprilis ».

Post hæc autem Bonifacius pacifice in Urbem rediit ; de cuius ingressu hæc habet relatio Symmachi præfati ad imperatorem his verbis :

34. « Quæcumque Deo auctore firmantur, merito divino pietatis vestre iudicio firmantur. Nuper namque, cum ad me famulum vestrum sacra clementiæ vestre emanasset auctoritas, quasi ambiguitate submota, venerabilis viri Bonifacii episcopi majestas vestra sacerdotium roboravit. Tam grata universis, quæ jussa sunt exilire, ut hoc et ordo amplissimus et Romanus populus comprobaret, Domini imperatores Honori et Theodosi, pii, felices, invicti, triumphatores semper Augusti. Nam cum statuta caelestia per me essent recitata populis, et edictis ex more positis publicata, tantus fervor et lætitia totius extitit civitatis, ut scilicet et religionem redditam, et præstitam quietis securitatem omnes gratulatione congrua testentur. Interjecto itaque biduo, Urbem supramemoratus venerabilis episcopus, omni accurrente plebe, ingressus est, sicut serenitas vestra constituit : officii quoque mei obsequia minime defuerunt ; nec jam aliqua dissensio remanet populorum ; et omnes divino iudicio, et majestatis vestræ acquieverunt voluntati. Cessanti-

bus ergo studiis, omnes quod præcepto Dei admōniti statuis, sentire cōperunt; atque acclamantibus quæ subiecta sunt, gaudii sui causas plebs Romana testata est, ac serenitati vestræ gratias in dies singulos agere non desistit; quorum provisio sicut pacem Urbis tuetur, ita quietem Urbis restituit, populoque concordiam ». Ille Symmachus. Cæterum licet ista jussit Honorius imperator; tamen ex Synodo ducentorum et quinquaginta duorum episcoporum Eulalium esse depositum habet liber de Romanis Pontificibus; verum non ex transmarinis Ecclesiis, ut litteræ paulo post describende declarant.

35. *De rei exitu certiores sunt per litteras episcopi transmarini ne ad Synodum pergant.* — En habes, lector, de schismate Eulalii, ab ejus ortu usque ad exitum ex Epistolis ultro citroque datis compaginatum historiam: sed quæ post hæc secuta fuerint, ex aliis rursus Epistolis idem codex Vaticanus certam cognitionem exhibet: quibus in primis significatur, quod inter hæc Honorius imperator, cum pacata cuncta sedatæque comperisset; confestim, ne episcopi transmarini in Italiam navigare fatigaretur, primum ad Largum proconsulem Africae scripsit septimo idus Aprilis his verbis:

36. « Victor Honorius inelytus imperator semper August. Largo proconsuli.

« Inter omnes curas, nec illa nos minus sollicitat, quam pertinere ad sacerdotium judicamus. Cum enim de confirmando episcopo Urbis æternæ controversia tractaretur; atque hi qui in unum positi erant episcopi de tanto negotio, paucos se existimaverint ad sententiam proferendam: placuerat (sicut sacri apices ecurrerunt) ut ex Africanis et Gallicanis provinciis plures episcopi commearent. Ea videlicet ratione, ne medio tempore quicquam præsumeretur: id quod nostra sententia ordinaverat, et quod statuisset Synodi sententia videbatur. Sed his omnibus despectis, Eulalius sola usurpatione moram credidit occupandam; quem (sicut decebat) nostra auctoritate constat expulsum, ac sanctum Bonifacium episcopum roboratum. Et quoniam consumptum negotium est, incongruum nostra clementia judicavit, si episcopi navigationis et itineris injuriam paterentur. Unde sciat spectabilitas tua Synodum fuisse solutam. Admone igitur, præmissis sacris affatibus, auctoritate tua singulos sacerdotes, ut sciant hanc ordinationem esse servandam, quæ continet, ut quisque in Ecclesia sua orationibus vacet, ut convenit; propterea quod causa optimo iudicio jam terminata videatur. Data sub die VII idus Aprilis ». Hæc imperator ad Largum proconsulem: qui mox ad Aurelium Carthaginensem episcopum scripsit his verbis, eadem significans, quæ acceperat litteris imperatoris:

37. « Domino parenti honorabili Aurelio epi-

sco Largo. De merito sacerdotis, quem suis Dominus idoneum probavit, scias sublatum esse certamen. Sanctum igitur ac venerabilem virum Bonifacium Urbis Romæ episcopum firmavit clementia principalis, cujus electione dudum sanctitatem tuam præcepti acciri, sicut sacri testantur affatus sui cum veneratione prolati. Oportet igitur populos Ecclesiasque tuas festinanter invisas, cui navigationis est dempta necessitas: et alia manu: « Incolumem te Domini favor præstet annis compluribus, domine pater merito honorabilis ». Ille Largus proconsul ad Aurelium episcopum Carthaginensem: qui in eadem sententiam 'ut acceperat ex Honorii imp. litteris) ad cæteros absentes episcopos antea convocatos ad Synodum scripsit Epistolas: ne videlicet, re jam absoluta peregrinationis fatigaretur itinere.

38. *Inter Bonifacium et Honorium ultro citroque datæ litteræ ad futura schismatis mala pelenda.* — Bonifacius itaque regressus in Urbem, quæ suarum partium erant, obire sollicita cura non destitit; atque illud in primis, ut schismate conscissam Ecclesiam consolidaret, civesque in mutuam concordiam restitueret atque firmaret. Cum vero in his plurimum laborasset, in morbum incidit gravem, adeo ut nonnihil periculi obitus immineret. Sed Dei ope aliquantulum convalescens, cum didicisset experimento male esse consolidatam Ecclesiam Romanæ concordiam; eam quibus posset adminiculis fulcire curavit: et consulens in futurum, ne post suum obitum graviori scissura eadem distraberetur Ecclesia, de his sollicitis in hunc modum scripsit ad Honorium imperatorem (1):

39. « Bonifacius episcopus Honorio imperatori:

« Ecclesiam me, cui Deus noster meum sacerdotium, vobis res humanas regentibus, deputavit, cura constringit, ne causas ejus, quamvis adhuc corporis incommoditate defineat, propter conventus, qui a sacerdotibus universis, et clericis, et Christianæ plebis perturbationibus agitantur, apud aures Christianissimi principis desim. Siquidem secus quam oporteat, eveniat, non vos id facere, qui cuncta æqua moderatione componitis: sed nos per nostram tacentem desidiam videbimur, quod civitatis quietem, Ecclesiam pacem pervertere valeat, admisisse. Cum enim humanis rebus divinæ cultor religionis, Domino favente, præsideas: nostra culpa erit, si non id sub vestra gloria (quam certum est divinis semper rebus animo promptiore favisse) firmo ac stabili jure custodiat, quod per tot annorum seriem, et sub illis etiam principibus obtinuit, quos nulla nostre religionis cura constrinxit, id est, (ut fides utar licitis) ut sub vestre imperio clementiæ minime quæ sunt illicita formidentur. Ipsa enim Ecclesia devotionem tuam (Christianissime imperator) meo quidem sermone, sed suo venera-

(1) Epistola Bonifacii ad Honorium de ambitu coerendo scripta est A. D. cxxx kal. Julii, ut ostendit Constantius in notis pag. 2025, quem vide.

bili appellat affectu, quam Christus Deus noster vestri fidus victor et gubernator imperii uni desponsatam sibi et intactam virginem servat; ne in eam aliquos patiamini insidiantium procellarum fluctus illidi, et quietam faciem tempestatis insolite rumore turbari, gloriosissime et tranquillissime imperator Auguste.

40. « Ipsa ergo (quae uni desponsata, vestra famen mater est) Ecclesia, hac pietatem vestram legatione, quam suis sacerdotibus commisit, appellat; praeterita, praesentiaque repetit. Vobis (inquit) gloriose imperantibus, crevit meus, qui modo ius est populus, tam fidus Deo, quam tibi, qui es princeps Christianus. Ecce enim inter ipsa mysteria, inter preces suas, quas pro vestri felicitate dependet imperii, feste (apud quem et de cuius sede agitur) S. Petro, sollicitis pro religionis observantia vocibus clamat: cum sollicita petitione miscetur oratio, ne hos in varias res semel evulsa distrahat a cultu solito, tentatore sollicitante, discordia. Angeretur pluribus, princeps Christianissime, mater Ecclesia, nisi apud te suarum esset securus causarum; et nisi in oppressioibus idolorum, in haereticorum correctionibus, fide tua, divino cultu pariter cum imperio semper florente, vicisset. Habet refugium, pium tuae mansuetudinis animum, cum sua religionis veneratione conjunctum; cum quicquid lucis proficiat, vos agatis, et conferatis fratribus et sacerdotibus meis probatissimis viris, a me et ab omnibus, qui Ecclesiam faciunt, huiusmodi legatis: quibus precamur, sacrae causam religionis prosequentibus, in Urbe vestrae mansuetudinis hoc animo, quo postulastis annuistis, in perpetuum statum universalis Ecclesiae consulatis. Dat. kalendis Julii ».

His Bonifacii litteris perceptis, Honorius imperator ad eundem in hunc modum rescripsit:

41. « Victor Honorius inclutus triumphator semper Augustus, sancto ac venerabili Bonifacio papae Urbis aeternae. Scripta beatitudinis tuae debita reverentiae gratulatione suscepimus: quibus recensitis, egimus omnipotenti Deo maximas gratias, quod sanctimoniam tuam post longum incommodum optate reddidit didicimus sanitati. Et ideo revertentibus venerabilibus viris gaudium nostrum sacerum apicum attestatione signamus, ac petimus, uti quotidianis orationibus Apostolatus tui studium ac volum suum circa salutem atque imperium nostrum dignetur impendere. Illud autem pietati nostrae satis placitum esse cognosce, quod sanctimonia tua de Ecclesiarum aut populi perturbatione sollicita est: quae ut ne aliqua ratione possit evenire, satis clementia nostra credit esse provisum. Denique beatitudine tua predicante, id ad cunctorum clericorum notitiam volumus pervenire, ut si quid forte religioni tuae (quod non oplamus) humana sorte contigerit, sciant omnes ab ambitione esse cessandum. At si duo contra fas temeritate certantes, fuerint ordinati; nullum ex his futurum penitus sacerdotem, sed illum solum

in Sede Apostolica permansurum, quem ex numero clericorum nova ordinatione divinum iudicium et universitatis consensus elegerit. Unde id observandum est, ut omnes tranquillam mentem et pacificos animos ex serenitatis nostrae admonitione custodiant, nec aliquid, seditiosis conspirantibus, tentare conentur; cum certum sit, nulli partium sua studia profutura ». Haec Honorius imperator ad Bonifacium, de futura Sede vacante sollicitus. Elenim Eulalius una cum suis apud Antium non longe ab Urbe exul agebat in Ecclesia S. Hermetis, operiens obitum Bonifacii longa aetate et mala valetudine fracti ac debilitati. Verum ipsum Eulalius Nepe sine Ecclesiae postmodum factum fuisse episcopum, habetur in Pontificali volumine.

42. Haec autem omnia de causa Eulalii et Bonifacii hactenus scriptis Epistolis et rescriptis imperatorum certa atque adeo explorata fide reddita memoria repetens, risum confine, lector, dum audis, quod qui inter Novatores profletur¹ historiae patrem, nil, Eulalius a majori parte cleri et populi electum, tanta fuisse modestiae, ut sponte cederet, licet ipse sciret ad se Pontificalium iure pertinere: Bonifacium vero superbum et impium, alienam sedem invasisse. Vides quem sectentur infelices ab Ecclesia deviantes historicum: sed sinamus, sententia Domini, caecum et ducem caecorum in his et aliis innumeris in qualibet ferme pagina delirantem: nos cepta prosequamur.

43. *In deliramenta Juliani Pelagiani quatuor libros scribit Augustinus et ad Bonifacium mittit.* — Hanc ipsam quidem dissensionem Romani cleri in novo creando episcopo post Zozimum Pelagiani haeretici atque in primis Julianus episcopus Capuanus in Catholicos objectare conseruerunt: ad quem haec respondens S. Augustinus², ejusmodi illudit dilemma: « Memento sane quemadmodum de constituendo episcopo dissensionem populi Romani insultandum objectas: quod abs te quero utrum homines sua fecerint voluntate. Quod si negas, quomodo liberum defendis arbitrium? Si autem fateris, quomodo eam vocas ullionem Dei atque a vestro dogmate exorbitas, dum putari divinitus vindicatum affectas? An tandem aliquando concedis, quod obstinatissima contentione negaveras, occulto Dei iudicio fieri, ut in ipsis hominum voluntatibus inveniantur aliquid, quod et peccatum sit, et poena peccati? Hoc autem nisi in ista tua sententia sapuisses; nullo modo factum hominum, ullionem Dei esse dixisses. Sed quando ante annos plurimos tale tibi quiddam de beato Damaso et Ursicino contigit nondum Pelagianus Ecclesia Romana damnaverat ». Haec Augustinus ex quibus plane colligitur, in his Romanae Ecclesiae perturbationibus, cum dire exagitarctur Eulalii schismate, eundem Julianum episcopum Pelagianorum patronum ea pro haeresi stabilienda habuisse scripta praemanibus, quorum

¹ Illyricum in sua historia ista delirantem suggillat auctor. — ² Aug. l. vi. contra Julian. Pelag. c. 12.

aule, cum de Zozimo ab eo calumniam passo egimus, anno superiore meminimus. Sed quod ratio temporis exigit, hic modo de eo pluribus agendum est.

44. Diximus superius, duas ab eodem Juliano Epistolas esse scriptas, easdemque cum hæresibus etiam calumniis referlas, quibuscum Orthodoxos omnes, tum præsertim Ecclesiam Romanam prosidit: quarum alteram Romam, Thessalonicam vero alteram misit. In ea vero Romam allata ¹ portentosis Catholicam Ecclesiam calumniis infanavit, dum in primis diceret, Catholicos omnes asserentes ex Adæ peccato naturam esse corruptam, sapere cum Manichæis: insuper dicere eodem, mentitus est, nuptias non esse ex Deo; quod et S. Augustinum sensisse, calumniatus est; necnon etiam eodem affirmare, prois generationem ex diabolo esse; itidem eos asserere, Patres Veteris Testamenti nunquam a peccato fuisse per emendationem liberatos; quodque dicerent, Apostolos immoderata libidine pollutos, imo et Christum Dominum nostrum non fuisse immunem a peccato, itemque baptismum non dare omnem indulgentiam peccatorum. Hæc et alia, que dicemus, ille canis impudens non est veritus calumniose impingere Ecclesie Orthodoxæ.

45. Quidnam amplius? in Epistola ² ad Thessalonicenses data ipse Julianus una cum decem et octo suæ sectæ episcopis excitare conatus est omnes Orientales episcopos, ut adversus Manichæos (ita namque Catholicos nominabat) insurgerent: ad quod ut eos magis magisque pelliceret, tum Zozimum papam, tum Romanum clerum prævaricationis redarguit. Sed hæc ex S. Augustino satis diluta sunt in Zozimo anno superiori. Adjecit insuper mendacissime impius dicere, negare Catholicos liberum hominis arbitrium post Adæ peccatum, asserere insuper fatum sub nomine gratiæ; atque eodem dicere, Deum acceptatorem esse personarum, legem vero datam non ad hominis institutionem, sed ad majorem damnationem tradere; etiam ipsos, Spiritum sanctum auctorem virtutis in Veteri Testamento non fuisse; itemque Prophetas et Apostolos minime sanctos, sed comparatione aliorum minus malos extitisse, et in futura resurrectione homines Dei mandata incepturos implere: hæc et alia in Orthodoxos vaniloquus ille congressit, ut colligitur ex commentariis a S. Augustino adversus eum scriptis. Ad postremum vero questus est nomine coepiscoporum suorum, Pelagii dogmata a simplicibus quibusdam episcopis propriis in locis absque conventu Synodali esse damnata: querere vero se, ut tum Orientales, tum Occidentales ad hæc exacte inspicienda in unam universalem Synodum convenirent.

46. Accidit autem opportune, ut cum ejusmodi blasphemias atque mendaces Juliani Epistolas Ro-

nam allatas Bonifacius papa in manibus haberet; Alypius episcopus Romam veniens, S. Pontificem conveniret: qui ea bene usus occasione, per eundem misit in Africam easdem Juliani Epistolas ad Augustinum, ut contrariis eas scriptis confutaret: quod ipse naviter implevit, scribens adversus eas libros quatuor discretissimos, quos ad ipsum Bonifacium papam Romam misit, ut ejus probarentur auctoritate. Profiteatur id ipse quidem suis ad Bonifacium scriptis Augustinus ¹, et in primis cum hæc habet de Alypii Romam adventu, et de Bonifacii papæ erga eum fraterna exhibita charitate: «*Noveram, inquit, te quidem, fama celeberrima prædicante: et frequentissimis atque veracissimis nuntiis, quanta esses Dei gratia plenus acceperam, beatissime atque venerande papa Bonifaci. Sed postquam te etiam presentia corporali frater meus vidit Alypius, acceptosque a te benignissime et sincerissime, mutua miscuit, dictante dilectione, colloquia, tecumque convivens, et parvulo licet tempore, magno tamen tibi junctus affectu, se simul et me refundit animo tuo, teque mihi reportavit in suo: tanto major in me tuæ sanctitatis est facta notitia; quanto certior amicitia. Neque enim dedignaris qui non alta sapis, quamvis altius præsideas, esse amicus humilium, et amorem rependere impensum*». Et paulo post de eminentia Romanæ Ecclesie Pontificii; cum commune esse dicat omnibus, illis quibus præsent, bene fungi episcopatus officio: ipsum tamen præ eminentem celsiori fastigio speculæ pastoralis pro omnibus invigilare affirmat, ut plane declaretur, quod si interdum conligerit tum ipsum Augustinum, tum alios nominasse Romanos Pontifices, collegas, et fratres, nihil tamen imminutum, quin in eisdem asserenda sit summa super alios in munere pastoralis potestas. Quod vero ad Alypium spectat: per transitum ad Bonifacium ipsum venisse, ex his possumus intelligere, quæ scribit S. Augustinus ad Valerium comitem, dum ait ², Alypium perrexisse Ravennam, ubi morabatur Honorius imperator.

47. De ea vero lucubratione adversus duas illas Juliani Epistolas elaborata, et ad ipsum Bonifacium missa, ita S. Augustinus subjungit: «*Hæc ergo, quæ istis (ut dixi) duabus Epistolis illorum ista disputatione respondeo, ad tuam potissimum dirigere sanctitatem, non tam discenda, quam examinanda, et ubi forsitan aliquid displicuerit, emendanda constant. Indicavit enim mihi frater meus (Alypius videlicet) quod eas illi dare ipse dignatus es; quæ in tuas manus, nisi vigilantissima diligentia fratrum nostrorum, filiorum tuorum, venire non possint. Ago autem gratias sincerissimæ in nos benevolentæ tuæ, quod eas me latere noluiti litteras inimicorum gratiæ Dei, in quibus reperisti nomen meum calumniose atque evidenter expressum*». Hæc Augustinus: qui ad calcem quarti voluminis

¹ Aug. contra epist. Pelag. ad Bonif. l. 1. — ² Aug. contra epist. Pelag. ad Bonif. l. 2.

¹ Aug. contra duas ep. Pelag. c. 1. — ² Aug. de nupt. et concupisc. l. 11. c. 1.

de eorum conatu, ut ipsorum Synodus œcumenica egeretur, hæc addit¹: « Verum istorum superbia, quæ tantum se extollit adversus Deum, ut non in illo velit, sed potius in libero arbitrio gloriari, hæc etiam gloriam captare intelligitur, ut propter illos Orientis, et Occidentis Synodus congregetur, orbem quippe Catholicum, quoniam, Domino eis resistente, pervertere nequeunt, saltem commovere conantur. Cum potius vigilantia, et diligentia pastorali post factum illis competens, sufficiensque iudicium, ubicunque isti lupi apparuerint, conterendi sint, sive ut sanentur atque mutentur, sive ut ab aliorum salute atque integritate vitentur ». Hæc ipse: quibus plane intelligas, lector, quam deterioris conditionis sint Novatores Pelagianis; illis petentibus universale Concilium, istis contra refugientibus, et omni licet humanitate et securitate vocatis, interesse penitus renuentibus: quippe qui non sicut Pelagiani fucatis saltem habeant, quas præterdant rationes, sed omni impudentia ea jacent, que sciunt ab Apostolorum temporibus in hæc diem, et decretis Conciliorum, et majorum traditionibus, et Patrum omnium sententia esse damnata. Sed quod ad Pelagianos pertinet, utique haud post multos annos congregatum est Concilium œcumenicum Ephesinum, in quo pariter constat ipsos fuisse damnatos. At jam ad Bonifacium redeamus.

48. *Bonifacius laborat adversus Pelagianos.* — Quanta ipse invigilaverit diligentia, ne damnata semel Romæ hæresis Pelagiana, eademque instar hydræ pluribus aucta capitibus sibilans, graviore damno in Ecclesiam Catholicam serperet, S. Prosper his docet verbis²:

« Sancte memorie Bonifacius piissimorum imperatorum Catholica devotione gaudebat, et contra inimicos gratiæ Dei non solum Apostolicis, sed etiam regnijs utebatur edictis. Et quando idem, cum esset doctissimus, adversus libros tamen Pelagianorum beati Augustini episcopi responsa posecebat ». Hæc ipse. Sed observa obiter: quem clarissimi, doctissimi, atque sanctissimi viri Augustinus, et Prosper Bonifacium æque sanctissimum atque doctissimum prædicant, quem et Romani cleri sanioris partis literæ ad imperatorem datæ commendant, et quem tandem ipsi imperatores suis scriptis adeo celebrant; muscæ³ mortuæ tum imperitiæ, et rerum gestarum ignoratione; tum obstinata malitia, atque jurata ad detrahendum semper Romanis Pontificibus inimicitia, eundem carpunt, subsannant, dicerisque perurgent, sicut et alios frigida inversione nominum deridentes, cum S. Bonifacium Malefacium, Innocentium prædecessorem Nocentium, successorem vero Bonifacii Cælestinum, infernalem (ut de aliis modo taceamus) appellent. O prudentes historici, qui sic converterunt historiam in Philippicas, atque grave sedatumque dicendi genus in invectivas atque furentium declamationes, vel po-

tius insulsas falnasque derisiones; ac denique ex historia, quæ modesta esse debet et veretunda, impudentissimas atque mordacissimas satyras reddiderunt! Sed sinant eos ad libitum futire, commiseratione potius deplorandos quam styli acutissime perurgendos.

49. *Juliani institutio et mores, ejusdemque cum Augustino certamina.* — Jam vero ad certamen initium inter Julianum Capuanum episcopum et S. Augustinum redeamus. Juvenis quidem ille erat et audax, licet esset honesto loco natus, patre Memore (Memorio), cui cum ipso Augustino magna intercesserat necessitudo: de eo enim hæc ipse¹: « Ego certe beate memoriæ Memorij patris tui non immemor, qui necum non parvam inierat amicitiam colloquio litterarum, teque ipsum mihi carissimum fecerat; cum te viderem in libris tuis non antelucano convivio temulentum, sed insano convivio turbulentum, introduxi te sedantum atque sanandum non in alicujus philosophi auditorium, sed in sanctorum Patrum pacificum honorandumque conventum, etc. »

50. Sed ex quorum schola proderit novus hic dogmatistes, insullans Romanæ Ecclesiæ, Augustino, et omnibus aliis Catholicis tractatoribus contumeliosus juvenis, dignum est ut perserutemur. Extat quidem S. Augustini Epistola² ad ipsum Memorium episcopum (ita namque, pro Memore, Memorium, ejus Epistolæ auctoritate reddendum putamus) in qua et de ipso Juliano jam tunc diacono habetur mentio, quem filium communem appellat: videtur vero ipse Memorius fuisse Capuanus episcopus atque filium suum eidem Ecclesiæ mancipatum diaconum ordinasse, quem non sacris (ut par erat) sed secularibus imbucendum curaverit disciplinis, quas vetus loquendi usus liberales appellat. Hinc videas eundem Augustinum in eadem Epistola ad Memorium datâ disserere pluribus liberales disciplinas non esse eas, quæ vulgo ita dici consueverunt, sed tantum quas docuit Christus suos in primis Apostolos. Petierat enim Memorius pro Juliano sex libros ab eodem Augustino scriptos olim de Rhythmo. Ad finem Epistolæ, de eodem Juliano cum meminit, hæc habet: « Quem quidem, non audeo dicere, plus amo quam te: quia nec veraciter dico: sed tamen audeo dicere, plus desidero quam te. Mirum videri potest, quemadmodum quem pariter amo amplius desiderem: sed hoc mihi facit spes amplior videndi eum. Puto enim, quod si ad nos, te jubente vel mittente, venerit, et hoc faciet quod adolescentem decet, maxime quia nondum curis majoribus detinetur, et te ipsum mihi expeditius apportabit ». Hæc Augustinus de charitate, qua adolescentem prosequeretur Julianum. Qui adhuc juvenis sede auctus nobili, nempe Capuana (ut tradit Gennadius) fastu tumidus, litterarumque secularium inflatus superbia, erumpens in maledicta, eo modo sanctissimum senem Augustinum ipsius

¹ Aug. contra duas epist. Pelag. l. iv. c. 12. — ² Prosp. adver. col. prope fin. — ³ Illyricum in sua hist. suggillat auctor.

¹ Aug. cont. Jul. l. i. c. 4. — ² Aug. ep. cxxxii.

amantissimum scriptis exagitavit. Quæ contrariis ipse Augustinus redarguit scriptis, sic exorsus ¹: « Contumelias tuas et verba maledica, Juliane, quæ ardens iracundia libris quatuor anhelas, si me contemnere dixerò, mentiar ». Post vero recensitas sanctorum Latinorum Patrum de propositis questionibus scriptas sententias, ad coercendam penitus hominis effrenem audaciam, ista post nulla subiunxit de præstantia cathedræ Petri ²: « An ideo contemnendis putas recensitos scilicet Patres quia Occidentalis Ecclesie sunt omnes, nec ullus est in eis commemoratus a nobis Orientis episcopus? Quid ergo faciemus, cum illi Græci sint, nos Latini? Puto tibi eam partem orbis sufficere debere, in qua primum Apostolorum suorum voluit Dominus glorioso martyrio coronari: cui Ecclesie præsentem beatum Innocentium si audire voluisses, jam nunc periculosam juventutem tuam Pelagianis laqueis exuisses. Quid enim potuit vir ille sanctus Africanis respondere Conciliis, nisi quod antiquitus Apostolica Sedes, et Romana cum cæteris tenet perseveranter Ecclesia? » Hæc Augustinus: quibus videas quanti ponderis et soliditatis existerent Romanorum Pontificum reddi solite ad consultationes responsiones; et quomodo una instar omnium satis esse ducatur ad confutandas hæreses, et audacem juvenem infrenandum Apostolica Sedis auctoritas.

51. Sed quod ad petulantis hominis scripta pertinet: mira audacia progressus, primum omnium quatuor libros conscripsit adversus S. Augustini commentarium de Nuptiis et concupiscentiis; quem (ut ipse tradit ³) post damnatum Pelagium atque Cælestium elaboravit, ab illis provocatus; ne, dum assertor esset originalis peccati, damnasse nuptias videretur. Adversus hunc, inquam, tractatum, quem, monente Valerio comite, Augustinus scripserat, Julianus quatuor libros virulentos evomit ⁴, ex quibus capita quadam decepta accipiens Valerius ipse ad Augustinum misit: cui data tunc est occasio, ut contra ea pro sua defensione posteriorem librum ad eundem Valerium scriberet. Cum vero postea quatuor illos libros adversum se editos, integros accepisset, ipse Augustinus in eosdem contradictorios sex libros conscripsit, ut ipse testatur ⁵ ad Claudium episcopum, a quo iidem quatuor Juliani libri ad ipsum Augustinum missi fuerunt. Sed quid impetuosus ille ventriloquus? Cum duorum librorum numero se ab Augustino superatum esse videret, quippe quantum adversus suos quatuor ab eo sex editi fuerant: ipse adversus hos sex conscripsit octo, eodem numero, quo fuerat superatus, ipse superare conatus Augustinum; perinde ac non de veritate Catholica, cuius essent posteriora jura, sed de librorum numero altercatio esset. Talis quippe natura superbiorum hæreticorum est, ut omni ex parte primas referre velint.

52. De his octo Juliani libris fidem facit idem S. Augustinus scribens ad Quodvultdeum ⁶: unde erroris arguuntur Gennadius ⁷, et Honorius ⁸, dum septem tantum a Juliano libros esse conscriptos tradunt. Quomodo autem hos Augustinus ab Alypio redeunte Roma accepit, ipse docet his verbis: « Hos enim cum Romæ accepisset frater Alypius nondum omnes descriperat; cum oblatam occasionem noluit præterire, per quam mihi quinque transmisit, promittens et alios tres se cito missurum, et multum instans ne respondere differrem. Cujus instantia coactus sum remissus agere quod agebam, ut operi utriusque non deessem, uni diebus, alteri noctibus, quando mihi ab aliis occupationibus hinc atque hinc venire non desistentibus parcere-tur ». Erat opus illud, quod præ manibus tum habebat, commentarius Retractionum; nam subdit: « Agebam rem plurimum necessariam: nam retractionum opuscula mea, etc. » Sed quando id contigit, dicemus suo loco inferius: ad plures enim annos ejusmodi negotium productum est.

53. Cæterum quod Julianum haud diu supervixisse Gennadius dicit, dum eum decessisse tradit sub Valentiniano et Constantio, quem sequenti anno obiisse scimus; ei minime possumus consentire: quandoquidem auctoritate Prosperii ⁹ constat eum supervixisse usque ad ultima tempora Sixti Romani Pontificis, sub quo ut reciperetur in Ecclesiam, simulaverit penitentiam: imo et ejusdem Prosperii ⁵ auctoritate satis compertum habetur, ad Leonis papæ tempora vitam propagasse: sed et reperitur Julianus inter alios Pelagianos episcopos Occidentis inhaesisse Nestorio tempore Concilii Ephesini. Rursus vero de eodem Juliano Gennadius addit, ad aliam artem esse conversum, nimirum ut hypocrisis deciperet, quos non valuit doctrina seducere: nam ait ⁶: « Hic Julianus elemosinis tempore famis, et angustiae indigentibus omnibus suis prærogatis, multos miserationis specie, nobilium præcipue, et religiosorum illicitis, hæresi suæ sociavit ». Hæc Gennadius: atque de Juliano haec tenet.

54. *Alypii legatio ob reprimeudos Pelagianos ad Honorium, qui adversus eosdem rescribit.* — Quod vero pertinet ad dictam Alypii episcopi legationem ad Honorium imperatorem: licet ipsa causa minime habeatur expressa: tamen ex iis quæ secuta sunt, conjicere possumus tantum episcopum pro rebus gravissimis illuc esse profectum, et quidem puto pro extirpandis latitantibus in Africa Pelagianis. Erant enim nonnulli, qui licet Pelagianos se esse minime profiteri audent; tamen quæ ex hæresi Pelagiana deducebantur, interdum asserere minime dubitabant. Sit in exemplum, quod ex S. Augustini literis exploratum habetur de Vitali Carthaginensi, qui licet Pelagii nomen fugere videretur, ex ejus tamen doctrina dogma illud impium

¹ Aug. cont. Julian. l. 1. c. 1. — ² Aug. cont. Julian. l. 1. c. 1. — ³ Aug. cont. duas epist. Pelag. c. 5. — ⁴ Aug. ib. et Retract. l. II. c. 33. — ⁵ Aug. Retract. l. II. c. 92.

⁶ Aug. ep. IV. extat tom. VI. princ. edit. Plant. — ⁷ Gennad. de Vir. illus. c. 43. — ⁸ Honor. de Scrip. Eccl. c. 43. — ⁹ Prosp. in Chron. — ⁵ Prosp. de Prædic. divinal. temp. c. 6. in fin. — ⁶ Gennad. de Vir. illust. c. 43.

deducebat, ut diceret, non esse orandum pro idololatriis, vel aliis non credentibus, ut crederent; sed tantummodo illis esse propouendam doctrinam veritatem; cæterum credere, vel non credere, ex eorumdem pendere arbitrio, non autem ex præueniente eos divina gratia. Ad hunc curandum S. Augustinus eruditam satis dedit Epistolam, quam illo titulo, « Augustinus Christi servorum servus », inscripsit.

55. Cum vero ejus hæresim ipse S. Augustinus impugnat, pristinum Ecclesie morem insinuat, nimirum, publice orare consuevisse Fideles in Ecclesia (quod hodie quoque servatur) pro infidelibus et catechumenis: ait enim: « Exerce contra orationes Ecclesie disputationes tuas: et quando audis sacerdotem Dei ad altare exhortantem populum Dei, orare pro incredulis, ut eos Deus convertat ad fidem; et pro catechumenis, ut eis desiderium regenerationis inspiret; et pro fidelibus, ut in eo quod esse coperunt, ejus munere perseverent: subsanna pius voces, etc. » Sed cur (inquies) pro catechumenis illa ab Ecclesia precatio mittebatur, ut eis Deus inspiraret desiderium regenerationis, nempe baptismi? id ob eam quidem causam, quod quam plurimi, vel Christi ad baptismum expectarent ætalem, ut quoti ipse anno vitæ suæ baptizatus est, et ipsi eodem initiarentur sacramento; vel (quod deterius erat) ad obitum usque illud differrent, ut sic absque macula ulla post obitum reciperentur in cælum. Adversus enim hos, ut errantes, quamplures tum Græcorum, tum Latinorum Patrum leguntur declamationes, de quibus alias superius dictum est.

56. Quod igitur ejusmodi latentes reguli in Africa furive serperent, et periculum immineret ne Africana Ecclesia ejus morbi contagione inficeretur: nullum reliquum jam videbatur remedium esse, nisi ut qui proterve nimis despicerent quæ duobus Conciliis in Africa adversus Pelagii atque Cælestii hæreses tum Carthagine, tum etiam Milevi in Numidia habitis statuta essent, quique ea de re decreta Romanorum Pontificum Innocentii atque Zozimi nihili facerent, iidem legibus coercerentur imperatorum; quod esse curatum honorifice publicæque Alpyi legatione putamus. Extat enim de his Honorii imp. rescriptum ea de causa in Africam missum hoc ipso anno ad Aurelium episcopum Carthaginensem, quod habetur in Collectione Cresconiana, sed in nostro codice absque die et consule, in exemplari vero, quod accepimus a præclaro viro Henrico Gravio professore Lovaniensi, cum Romæ esset, hujus anni consulibus notatum legimus, nempe Monaxio atque Plinta: est autem hujusmodi:

57. « Imp. Honorius, et Theodosius Augg. Aurelio episcopo salutem.

« Dudum quidem fuerat constitutum, ut Pelagius et Cælestius nefandi dogmatis repertoires ab

Urbe Roma, veluti quadam Catholice veritatis contagia, pellerentur; ne ignorantium mentes scæva persuasionem perverterent. In quo secuta est clementia nostra iudicium sanctitatis tue, quo constat eos ab universis justæ sententiæ examinatione esse damnatos. Sed quia obstinati criminis pertinax malum, ut constituto geminaretur, coegit: recenti quoque sanctione decrevimus, ut si quis eos in quacunque provinciarum parte latitare non nesciens, aut propellere, aut proderè distulisset, præscriptæ pœnæ velut particeps subjaceret. Præcipue tamen ad quorundam episcoporum pertinaciam corrigendam, qui pravas earum disputationes, tacito consensu asserunt, vel publica oppugnatione non destruant (pater carissime atque amatissime) sanctitatis tue auctoritate moneri conveniet, quatenus in abolitione præpostere hæresis, omnium devotio Christianorum consentiat. Religio itaque tua competentibus scriptis universos faciat admoneri, scituros definitionem testimonii tui, hanc sibi definitionem esse præscriptam, ut quicumque damnationi supra memoratorum (quo patet mens pura) subscribere impia obstinatione neglexerint, episcopatus amissione multati, interdicta in perpetuum, expulsi civitatibus, communionem priventur. Nam cum ipsi non juxta Synodum Nicenam confessione sincera conditores rerum omnium Deum, imperiique nostri veneremur auctorem; non patietur sanctitas tua, sectæ detestabilis homines in injuriam religionis nova et inusitata meditanter secretis tractatibus occultare sacrilegium publica semel auctoritate damnatum. Una enim eademque culpa est eorum, quia ut dissimulando convitiaverint, aut non dammando lavorem noxium præstiterint ». Et alta manu: « Divinitas te per multos annos servet incolumem, pater carissime atque amatissime. Data V idus Junias, Ravennæ. Monaxio et Plinta cons. » Sequuntur hæc in codice: « Eodem lenore etiam ad sanctum Augustinum episcopum datum rescriptum ».

58. His acceptis, Aurelius Carthaginensis episcopus ad episcopos sibi subditos dedit Epistolam, cui hujusmodi legebatur in codice inscriptus titulus:

« Epistola S. Aurelii Carthaginensis episcopi ad omnes episcopos per Bizacenam et Azuritanaam provinciam constitutos de damnatione Pelagii et Cælestii hæreticorum.

« Dilectissimis ac desiderabilissimis fratribus ac consacerdotibus Donatiano primæ sedis, Januario, Felici, Palatino, Primiano, Gajano, et aliis Gajano Januario, Victorino, et cæteris per tractum provincie Bizacene et Azuritanae constitutis, Aurelius episcopus.

« Super Cælestii et Pelagii damnatione, eorumque dogmatibus participem sanctam Dei dilectionem vestram in plenario Concilio fuisse commemini, dilectissimi ac desiderabiles fratres. Sed quoniam pro honore Dei, in ejus manu cor regis est constitutum, gloriosissimorum principum Christianorum fidem rectam et Catholicam custodientium accessit auctoritas, quam per humilitatem

¹ Aug. ep. cii.

meam universis coepiscopis meis voluit intimari : ideo honorabilem fraternitatem vestram, missis exemplaribus, instruere festinavi, ne quid mali in aliqua parte provinciae ex supradictorum serpentina persuasione ab universali Ecclesia totius orbis exclusa, fortasse subrepat. Ob hoc ergo tam necessaria concertatio (contestatio) Christianorum principum charitatem vestram latere non debuit, (de qua) et ad me ab his datae litterae, quarum simul exemplaribus lectis, quemadmodum subscribere unusquisque vestrum debeat, dilectio vestra cognoscat : sive quorum Synodalibus Gestis subscriptio jam tenetur, sive qui non potuistis eidem Plenario totius Africae interesse Concilio. Quo cum in supradictorum haereticorum damnatione omnium vestrum fuerit integra subscriptio : nihil omnino sit, unde ullius dissimulationis, vel negligentiae, vel occultae forsitan pravitate aliqua videatur merito remansisse suspicio ». Et alia manu : « Opto, fratres, bene vivatis mei memores. Data kal. Augusti Carthagine, Monaxio et Plinta cons. »

59. *Synodus Carthaginensis cui intersunt legati Sedis Apostolicae, ubi de appellationibus ad Romanum Pontificem amplissima tractatio.* — Hoc eodem anno, mense Maii habita legitur Synodus Carthaginensis, quae ordine quae recensetur, cui una cum Aurelio, et Apostolicae Sedis legati interfuerunt ex provinciis Africae delecti iudices, sive legati, omnes numero viginti duo : quod vero habetur in fine, subscripsisse eidem Synodo episcopos ducentos decem et septem, sic intelligendum est, quod quisque ex illis postea subscripsit in sua Ecclesia eisdem decretis, quibus suos legatos ab ea provincia missos subscripsisse sciret. Quod autem huic Concilio interfuisse legantur Apostolici legati Faustinus episcopus Ecclesiae Polesinae in Piceno, Philippus, et Asellus presbyteri : hi quidem anno superiori a Zozimo missi fuerunt ; quo defuncto, in Africa usque ad successoris electionem permansere ; creato vero Bonifacio, causam prosecuti sunt.

60. Unde vero oborta sit causa Zozimo, ut hos Carthagem legatos mitteret, exquirendum in primis est : quae quidem ex Communitorio (ita enim appellabant mandata legatis scriptis prodita) quod in hac Synodo recitatum fuit, possumus intelligere, quod continetur in Synodali Epistola ab alio Concilio anno sequenti celebrato ad Bonifacium papam scripta, in qua de rebus gestis in hac Synodo ita scribitur ¹ : « Quia rogatio ipsa posebat, ut apud Acta Ecclesiastica a fratribus nostris Faustino coepiscopo, et Philippo atque Asello compresbyteris quaereremus, ut promerent quicquid eis nobiscum fuisset injunctum agendum : nonnulla quidem sine ullo scripto prosecuti sunt verbis : sed cum id potius flagitaremus, quod in litteris ferrent, Communitorium protulerunt : quod recitatum nobis, etiam gestis qui secum ad nos deferunt, est allegatum. In

eis quatuor quidem nobiscum agenda mandata sunt : Unum de appellationibus episcoporum ad Romanam Ecclesiam sacerdotem ; Alterum ne ad Comitatum episcopi importune navigent ; Tertium de tractandis presbyterorum et diaconorum causis apud finitimos episcopos, si a suis excommunicati perperam fuerint ; Quartum de Urbano episcopo excommunicando, vel etiam Romam evocando, nisi ea quae videbantur corrigenda, corrigeret ». Haecenus de mandatis a Zozimo papa legatis dicto Communitorio imperitiss.

61. Sed describenda sunt hic ipsa Communitorii verba, quo cuncta facilius possint intelligi : extant quidem ipsius duo praecipua capita de quibus veritum controversa, recitata in Concilio Carthaginensi hoc anno habito : ibi enim haec leguntur ¹ :

« Fratri Faustino, et filiis Philippo et Asello presbyteris Zozimus.

« Vobis commissa negotia non latent. Vos ita ut nostra, imo quia nostra ibi in vobis presentia est, cuncta peragite ; maxime cum et hoc nostrum possitis habere mandatum : verba canonum, quae in pleniorum firmitatem huic Communitorio inseruimus. Ita enim dixerunt dilectissimi fratres in Concilio Niceno, eum de episcoporum appellatione decernerent ² :

62. « Placuit autem, ut si episcopus accusatus fuerit, et judicaverint congregati episcopi regionis ipsius, et de gradu suo dejecerint eum, et appellasse episcopus videatur, et confugerit ad beatissimum Ecclesiae Romanae episcopum, et voluerit audiri, et iustum putaverit ut renovetur examen : scribere his episcopis dignetur, qui in finitima et propinqua provincia sunt, ut ipsi diligenter omnia requirant, et juxta fidem veritatis definiant. Quod si is qui rogat causam suam iterum audiri, deprecatione sua moverit Romanum episcopum, ut e latere suo presbyterum mittat : erit in potestate episcopi Romani, quid velit, et quid existimet. Et si decreverit, mittendos esse qui praesentes cum episcopis iudicent, habentes auctoritatem ejus a quo destinati sunt : erit in suo arbitrio. Si vero crediderit sufficere episcopos, ut negotio terminum imponant : faciet quod sapientissimo consilio suo judicaverit ». Haec canon : satisque ad primum Communitorii caput.

63. De secundo autem capite, ne ad comitatum episcopi importune navigent, nihil praeterea, quam quod summatum haberi in Epistola Carthaginensis Concilii ad Bonifacium diximus, ibi recitatum legitur, cum illud recitari petitum est a Novato legato Mauritaniae Sitifensis, dum dixit : « Nunc meminimus, in hoc praesenti Communitorio lecto, etiam de presbyteris, sive diaconibus contineri, qualiter ab episcopis suis vel finitimis audiri debeant ; quod in Niceno Concilio minime legimus. Unde hoc ipsum jubeat sanctitas vestra nobis recitari. Aurelius episcopus dixit : Recitetur ad locum etiam hoc quod deposcitur. Daniel notarius recitavit :

¹ Extat in Conc. Afric. c. 101. tom. 1. Concil.

² Conc. vi. Carth. c. 3. — ² Apud Conc. Sardic. c. 7.

64. « De appellationibus autem clericorum, id est, minoris loci, restat ipsius Synodi certa responsio. De qua re quid acturi sis, credimus inserendum, quod laetiter dictum est in Sardicensi Concilio. Osius episcopus dixit : Quid me adhuc moveat, reficere non debeo. Si episcopus forte iracundus (quod esse non debet) cito aut aspere commovetur adversus presbyterum, sive diaconum suum, et exterminare eum de Ecclesia voluerit : providendum est, ne innocens damnetur, aut perdat communionem. Et ideo habeat potestatem ejectus ut finitimos interpellat episcopos, ut causam suam audiant, et diligenter tractent : quia non oportet negari audientiam roganti. Et ille episcopus qui aut juste, aut injuste eum eiecit, patienter accipiat, ut negotium discutatur, aut probetur, ut emendetur sententia, etc. » Hæc in Commonitorio Zozimi ad legatos ex canone decimo septimo Concilii Sardicensis.

65. Cum hæc autem recitarentur in dicto Concilio Carthaginensi hoc anno celebrato ; accidit, ut eum de fide citati Nicæni canonis de appellatione ad Apostolicam Sedem contentio oborta esset ; non in Africanorum litteræ episcoporum significant. Hujus rei gratia totum exagitatam est vesperum examen, Novatorum ¹, inquam, diversarum hæresum sectatorum incredibilis strepitus, summa omnium commotio in ipsum Zozimum excitata, et in Romanam Ecclesiam instar ingruentis grandinis contumeliarum vibrata jacula, et maledicta : dum simul inclamant, ipsum Zozimum summo scelere subripere tentasse Romanæ primatui Ecclesie, et quidem malis artibus, nempe mendacio, et falsatione Nicænorum canonum : ut plane omnes hi simul juncti dicant ipsum gessisse speciem Antichristi. His adde quæ impietatis defensor exaggerat, dicens, hoc uno factæ causam episcopi Romani funditus eversam esse.

66. Hæc et alia isti, more suo, magna temeritate effluentes, quasi deformi superinducta larva perterrent pueros, rudes, inquam, ac simplices : tibi vero, lector, puto, risum movebit, cum videris tumentes montium instar fluctus in gracilem defecere spumam, et robustos hinc pugnatore ex Cadmea victoria de sua ipsorum nece captare triumphum : te ipsum velim interea patienter finem æquo animo præstolari, et veri amantem, perfectis omnibus, judicium facere, et justam sententiam ferre.

67. Hæc autem ut facilius assequaris, cunctæ res gestæ ob oculos tibi primum ponendæ sunt ordine temporum. Quoniam vero unum idemque judicium cœptum sub Zozimo papa anno superiori, etiam ad

ejus successorum tempora Bonifacii et Cælestini est propagatum : necessario hic nos, quænam sub Zozimo, quæve sub ejus successore Bonifacio, ac deum Cælestino Pontifice acta sunt, cuncta exacte referemus, paululum ab instituto deflectentes, quo soliti sumus annis singulis singulas, in eis res gestas reddere : rei enim magnitudo a nobis extorquet, ut quæ in una eademque causa sub tribus Romanis Pontificibus gesta sunt annis pluribus, eadem eo quo transacta sunt ordine referamus hoc ipso anno, quo Carthaginense Concilium ea de causa habitum est : ut ita ipsa historia exacte simul perspecta reddita, sit facile reliqua consequi. Ignoratio enim historicæ veritatis plane egit, ut pugnantes adversarii aerem verberarint : quos et loquentes, quæ ad rem non pertinent, omnino sentias delirasse, atque in eo desipuisse penitus, dum sic in hoc uno laborant, perinde ac si universa Catholicæ Ecclesie moles super hoc uno lapide immitatur, quo evulso, universa sit prorsus machina collapsura : non considerantes, in hujus templi structura sibi invicem inhaerentes prægrandes lapides, omnes æque inmixtos esse super immobile fundamentum Christum Jesum. Sed quæ res gestas ordine prosequamur, atque primum quæ præcesserint, ut opus fuerit Zozimo tres legatos in Africam mittere.

68. Non unam quidem tantum præcessisse causam istam de restituendo presbytero Apiario, ipsa mandata impertita a Zozimo legatis suis, expressa in Commonitorio, plane declarat : nam cum de episcopis appellantibus ad Apostolicam Sedem sit primum mandatum, plane intelligi posse videtur, Africanos episcopos ad Zozimum appellasse : quod quidem episcopi Africani litteris suis datis ad Cælestinum papam his verbis insinuare videntur ¹ : « Præfate itaque debite salutationis officio, impendio deprecamur, ut ad vestras aures hinc venientes non facilius admittatis, nec a nobis excommunicatos in communionem ultra velitis excipere. » Hæc eos de episcopis dicere inferior qui sequitur sermo declarat. Præcesserat nuper causa Cælestii, de quo anno superiori dictum est : hic enim damnatus in Concilio Carthaginensi (ut vidimus) provocaverat ad Romanum Pontificem, et postea a Zozimo est auditus. Accessit ad cumulum causa Apiarii presbyteri, qui ab episcopo suo Urbano excommunicatus, apud Romanum Pontificem se purgans, ab eodem fuerat redditus communioni ; qui et in eundem Urbanum accusationes gravissimas intulit. Appellasse insuper aliquos episcopos Sedem Apostolicam, quæ nuper dicta sunt, satis ostendunt. Hæc quidem omnia præcessisse legationem a Zozimo missam, litteræ Africanorum episcoporum ad Bonifacium ², et ad Cælestinum ³ date significant. Sed et aliquid aliud præcessisse oportuit, secundum ea quæ in mandatis habentur expressa, cum dicitur : « Ne ad comitatum episcopi importune navigent ».

¹ Magdeburg. Cent. tom. v. col. 1238. et Defens. Molinæ.

² Apud Conc. Afric. c. 103. — ³ Ibid. c. 101. — ³ Ibid. c. 103.

69. Secundum igitur illas, quae tunc inter utramque partem controversiae vertebantur, dicendum est mandata a Zozimo papa imperitiae esse legatis, eademque canonum auctoritate firmata, qui reperiuntur esse Concilii oecumenici Sardicensis: ut quod ad primum spectat caput de appellatione episcoporum ad Romanam Ecclesiam, seu potius appellationis prosecutione, de quo insertus est Communitorio¹ canon septimus Concilii Sardicensis, sub titulo tamen Nicæni Concilii. Secundum item mandatum, quod in eodem Communitorio sequitur, de non adeundo importune comitatibus; sed qua id auctoritate mandetur, expressum ibi non legitur; quod nulla ea de re mota fuerit controversia: cum tamen liceat id ipsum ejusdem Concilii Sardicensis auctoritate roboratum². Etenim suggesta in dicto Sardicensi Concilio querela a Grato episcopo Carthaginensi de Africanis episcopis crebro nimis ad comitatum navigantibus, et quidem non pro miserabilibus personis oppressis sublevandis, sed pro dignitatibus sæcularibus cognatis, vel amicis impetrandis: decretum tunc fuit, ut cum episcopi Africani adituri comitatum Romam pervenirent, ibi Romano episcopo causas exponerent; qui eas examinet, num dignæ sint quæ perferantur ad comitatum; et si tales ipsi visæ fuerint, ejus quoque impedito auxilio, ad imperatorem deferrentur. Sed cur nihil adversus hæc sicut in aliis, obiectum fuerit ab eisdem episcopis Concilii Carthaginensis, eam quidem puto fuisse causam, quod iidem episcopi Africani haud pridem, sub septimo Honorii consulatu, eadem novo canone visi sunt penitus confirmasse, dum statuerunt³, ut ad comitatum ituri, Formatam acciperent a Romano Pontifice, nec nisi ipsius arbitrio liceret illuc proficisci.

70. Quod vero ad tertium, et quartum ordine posita in Communitorio mandata spectat de appellationibus clericorum adversus suos episcopos (quod pertingebat causam Apiarii presbyteri contra suum ipsius episcopum Urbanum Siccensem), positus est pro mandati confirmatione in Communitorio canon itidem Concilii Sardicensis, idemque recitatus ex scripto in eodem Concilio Carthaginensi⁴. Sed cum de hoc, sicut et de primo, obiectum fuerit, non reperiri in Nicæno Concilio; conjectura est non levis, ut loco Nicæni in textu (ut nunc legitur) fuerit emendatum Sardicensis, quod sciretur esse canonem vere Concilii Sardicensis. Sed quid est quod iidem Africani episcopi Carthagine congregati, recitato eodem canone ex communitorio, eidem refragari visi sunt, tanquam incerti num esset ex Concilii Nicæni decretis, cum ex eodem canone Zozimus videretur confirmare jura ipsorum, quibus ante statuerant in Concilio Milevitano⁵, et renovaverant in Concilio Carthaginensi⁶, ne presbyteris,

diaconis, et aliis inferioris ordinis clericis appellare liceret ad transmarina judicia, sed quesiti de suis episcopis, vicinos adirent episcopos; et si ab eis quoque provocandum putarent, Africanam adirent Concilia, vel primates, non autem quærerent judicia transmarina? Hæc, inquam, cum ipsi statuisent, quidnam adversus hæc præcepisse visus est Zozimus, cum ex canone Concilii Sardicensis voluit, ejectis presbyteris, vel diaconis a suo ipsorum episcopo, potestatem impertiri, ut finitimos adire possent episcopos? Hæc quidem quomodo sibi cohererent, non satis video. Unde non integra in ea Synodo Acta recitata haberi, opinari cogor; cum præsertim in praxi contrarium observatum appareat. Etenim perspicuum est, tum anno superiori, (ut vidimus) audisse Zozimum Cælestium damnatum a Carthaginensi Concilio, tum hoc ipso anno audisse Apiarium ab Urbano suo episcopo excommunicatum; ut plane liceat, Zozimum minime probasse, quod ab Africanis episcopis fuerat definitum, ne presbyteri, diaconi, et subdiaconi appellarent judicia transmarina. Plus sane apud me valet, quod scitur iterum factum, quam quod fertur semel dictum: etenim certum est, multa in hoc desiderari, quæ non inventuntur expressa; cum præsertim litteris ad Cælestinum iidem episcopi Africani id ab eo contenderint ubi aiunt⁷: « Presbyterorum quoque et sequentium clericorum improba refugia (sicuti te dignum est) repellat sanctitas tua: quia et nulla Patrum definitione hoc derogatum est Ecclesiae Africanæ ». Hæc ibi, et cætera quæ sequuntur de sententia Nicænorum canonum, ista autem inculcasse volumus, ut nonnulla in illis Actis desiderari quisque cognoscat; quæ si extarent, consona factis dicta ab illis esse facile intelligi possent.

71. His visis, jam quid in singulis conventibus, præsentibus Apostolicæ Sedis legatis, actum sit, pervestigemus, et nunc aliquid fuerit imminutum Romanæ Ecclesiae auctoritatis. Quidnam autem in eo ipso Concilio hoc anno Carthagine celebrato decretum sit, ipsi Africani episcopi in Epistola, quam, defuncto hoc anno Zozimo, dederunt ad ejus successorem Bonifacium papam, declarant his verbis⁸: « Litteris nostris ad eumdem venerabilis memoriæ Zozimum episcopum datis insinuari curavimus, ut ea servare sine ulla ejus injuria paulisper sineremus, usque ad inquisitionem statutorum Concilii Nicæni ». Hæc de potiori causa, nimirum de appellationis prosecutione. In causa autem Apiarii presbyteri quid gestum sit, iidem superius ibi docent, dum aiunt: « Ille (nempe Zozimus) si adhuc esset in corpore, hoc acciperet gratius quod videret pacatus terminatum, domine frater. Apiarius presbyter (de cujus et ordinatione et excommunicatione fuerat eorum non solum Siccensi, verum etiam toti Africanæ Ecclesiae non leve scandalum) de omnibus erratis suis veniam petens communioni est restitutus. Prior autem coepiscopus noster Siccensis

¹ Apud Concil. Carth. vi. c. 3. — ² Concil. Sard. c. 8. 9. 10. —

³ Apud Conc. Aer. c. 73. — ⁴ Conc. Carth. vi. c. 6. — ⁵ Conc. Milev. c. 22. — ⁶ Apud Conc. Afr. c. 92.

⁷ Apud Conc. Carthag. c. 105. — ⁸ Apud Conc. Afr. c. 101.

Urbanus, quod in eo corrigendum visum est, sine ulla dubitatione correxit. Quia vero paci et quieti Ecclesiae non tantum ad praesens, sed etiam in posterum prospiciendum fuit; quoniam talia nulla praecesserant, ut vel similia, vel etiam graviora deinceps praecaveri oporteret, placuit nobis, ut de Siccensi Ecclesia, retento scilicet honore gradus sui presbyteri removeretur Apiarius; et accepto epistolio, ubicumque alibi vellet et posset presbyterii munere fungeretur: quod eidem ipsi per litteras proprias postulanti sine difficultate concessimus». Haec Patres ad Bonifacium.

72. Sed quod hic tantum modo attingunt de confessione Apiarii, idem haec paulo apertius atque latius sunt prosecuti in litteris postea ad successorem Bonifacii Caestinum, his verbis¹: « Triduo tamen laboriosissimo agitato iudicio, cum diversa eidem objecta afflictissimi quaeremus, vel moras coepiscopis nostri Faustini, vel tergiversationes ipsius Apiarii, qui nefandas turpitudines occultare conabatur: Deus iudex justus, fortis et longanimis, magno impendio resecauit. Tetrico quippe ac putidiore obstinatione compressa, qua tantum lividum (luridum) cenam impudentia negationis volebat obruere, Deo nostro ejus conscientiam coarctante, et occulta quae in illius corde tanquam in volutabro criminum jam damoabat, etiam hominibus publicante; repente in confessione eunctorum objectorum flagitorum dolosus negator erupit. Et tandem de omnibus incredibilibus opprobriis ultroneus se ipse convicit; atque ipsam quoque nostram spem, qua eum et credebamus et optabamus de tam pudendis maculis posse purgari, convertit in gemitus: nisi quoniam istam nostram mœstiam uno tantum solatio mitigavit, quod et nos labore diuturnioris quaestiones absolvit, et suis vulneribus qualemcumque medelam (etsi invita ac sua conscientia reluctant) confessione providit ». Ista autem de Apiario quare ipsi tam explicitè ad Caestinum papam Patres scripserint, paulo post dicturi sumus. Haec sunt quae hoc anno reperuntur in Concilio Carthaginensi coram Apostolicae Sedis legatis acta.

73. Zozimo vero inter haec morte sublato, eodem pendente Concilio, episcopi Africani (ut diximus) de his omnibus dedere litteras ad Bonifacium, quem acceperunt fuisse Zozimo subrogatum: quibus cum de singulis eum redderent certiore, addiderunt id ipsum repetere, quod ad Zozimum scripserant, nempe omnia jura secundum mandata se integra servaturos quousque de Nicenis canonibus fieret exactior exploratio. Rebus sic stantibus, missi sunt legati in Orientem, nempe Constantinopolim ad Aiticum ejus civitatis episcopum, itemque Antiochiam, necnon Alexandriam ad Cyrillum pro fidelissimis exemplaribus Niceni Concilii canonum. Antequam autem legati redirent, contigit Bonifacium mori, et in ejus locum suffici Caestinum. Quid vero episcopi Africani post explorata Graeco-

rum exemplaria, non inventis in eis citatis a Zozimo papa canonibus, egerint: idem ipsi litteris datis ad Caestinum insinuant. Non quidem (ut hodie novatores) arguerunt Zozimum inpositura, doluntque malum atque fallaciam proclamaverunt, neque ob eam causam derogandum putarunt Ecclesiae Romanae juribus. Sed quid? submisso animo rogarunt, ut majori cautela Romani Pontificis ex Africa querelas ingerentes susciperent, atque maturiori iudicio causas tractarent, ne sic iudicia rite ac probe facta perirent. At praestat ipsorum audire verba, quae sic se habent in Epistola ad Caestinum¹: « Praefato igitur debite salutationis officio, impendio deprecamur, ut deinceps ad vestras atres hinc venientes non facilis admittatis, nec a nobis excommunicatos in communionem ultra velitis excipere: quia hoc etiam Niceno Concilio definitum, facile advertet venerabilitas tua. Nam si de inferioribus clericis vel laicis videtur ibi praecaveri; quanto magis hoc de episcopis voluit observari, ne in sua provincia a communionem suspensi, a tua sanctitate uti festinato, vel praepropere, vel indebite videantur communioni restitui? » Haec ipsi; quibus vides eos non prohibere appellationes ad Romanam Sedem, sed tantum admonere ipsum Romanum Pontificem, ne (ut aiunt) facilius quam par est, nec festinato, vel praepropere aut indebite agat: nam maturum quidem exposcunt iudicium, non autem recusant.

74. Cum ergo manifeste videas eos non refragari appellationibus ad Romanam Ecclesiam, sed tantum exigere, quod aequum justumque videretur, ut maturiori causa tractarentur examine: proinde quod subdunt, ut ubi sunt exorta, ibi sint finienda negotia ob difficultatem prosecutionis iudicii transmarini, sed et quod ingerunt de non mittendis legatis de Latere in Africam, et executoribus cum potentibus: haud ante dictis adversari putes, ut appellationis juri voluerint penitus derogatum. Nam nequaquam illum recusant prosecutionis causae modum, qui eo canone ponitur primo loco, nimirum ut ipse Romanus Pontifex causam ipsam propinquis episcopis per litteras delegaret. Haec autem quae dicta sunt, licet perspicua satis haberi possint, clariora tamen reddentur ex his quae dicturi sumus: ut etiam manu quisque tangat, quam quaerit in quaestione difficillima veritatem; quam non possit quisque non lateri, nisi obstinate proacriterque resistat.

75. Primum igitur quod ad appellandi jus perlinet: id quidem haud recens institutum est, sed simul cum ipsa Ecclesia Romana conatum. Etenim cum Orthodoxorum omnium sententia, ipsa in orbe Christiano (ut superius fatissime demonstratum est) obtineat principatum; minores omnes ad majores, cum laesi sunt, posse habere recursum, et majores minoribus praesto esse debere, cum jus naturale, tum gentium, atque jus scriptum confirmat. Sed quod modo ad Africanam Ecclesiam spectat, de

¹ Apud Conc. Afr. c. 105.¹ Apud Conc. Afr. c. 105.

qua nobis in præsentiarum sermo : cum qui apud eos claruere præstantissimi Patres, iidempue Catholici, et Catholice veritatis acerrimi vindices, ut sanctissimi atque doctissimi viri Cyprianus, Oplatus Milevitanus, et Augustinus, pari sententia absque aliqua dubitatione, vel discrepancia tradant confirmationem, ac pluribus prædicent primatum Romanæ Ecclesiæ : atque et ius ad eam provocandi, ex quadam necessaria assumptione, visi sunt esse professi. Quod vero ad usum pertinet : nisi id antiquitus servari solitum esset, haud S. Augustinus in causa Cæcilianæ ista diceret¹ : « Erat Ecclesiæ Carthaginensis scilicet etiam transmarinis vicina regionibus, et fama celeberrima nobilitas unde non mediocriter auctoritatis habebat episcopum, qui posset non curare conspirantem multitudinem inimicorum, cum se videret, et Romanæ Ecclesiæ, in qua semper Apostolicæ cathedræ vixit principatus, et cæteris terris, unde Evangelium in Africam venit, per communicatorias litteras esse conjunctum : ubi paratus esset causam suam dicere, si adversarii ejus ab eo illas Ecclesiæ alienare conarentur ». Hæc cum ipse dicat, nonne faletur, appellare illi licuisse ad Romanam Ecclesiam, si illud ei damnum et injuria inferretur? nam quomodo fieri valuit, ut Africanus episcopus a coepiscopis læsus in Africa, causam suam prosequeretur apud Romanam Ecclesiam, nisi jure appellationis?

76. Sed quid vetera exempla quærimus? suppetunt quidem nova, quæ sedente ipso sancto Augustino in Numidia configerunt, ac quidem minime dubia : haud enim horum est levis assertio, quæ eodem tanto Patre atque doctore testante, inculcante, in pluribus comprobante, adducemus in medium. O mira Dei providentia in rebus Catholice Ecclesiæ moderandis! Eo ipso tempore, quo de Nicæno canone ea inter Africanos episcopos controversia agitabatur, casum contigitisse voluit, cujus occasione ipsemet S. Augustinus, quem dictis Conciliis Carthaginensibus interfuisse diximus, compulsus sit exempla adducere, in quibus demonstraret Africanorum episcoporum recursus, et appellationes ad Romanam Ecclesiam, eum agit de Antonio episcopo Fussalensi; qui, relicto illi episcopatus honore, functionibus tamen fuerat interdictus episcopi, sic damnatus ab Africanis episcopis, ut ministratio cessaret episcopatus, cum iste sic privatus, apud Sedem Apostolicam appellans, reclamans dixit: « Aut in mea cathedrâ sedere debui, aut episcopus esse non debui ».

77. Adversus hunc igitur S. Augustinus, qui unus ex episcopis fuit, qui eum ea sententia condemnauerat, respondens ostendit, scriptis accidisse, ut episcopus Africanus privatis administratione episcopatus, honor tamen cum nomine episcopi cis-lem relictus fuerit; quod demonstrat his verbis² : « Existat exemplo, ipsa Sede Apostolica judicante, vel aliorum judicia firmante, quosdam pro culpis

quibusdam nec episcopali spoliatos honore, nec relictos omnimodis impunitos : quæ, ut a nostris temporibus remotissima non requiramus, recentia memorabo. Clamet Priscus provinciæ Cesarariensis episcopus : Aut ad primum locus, sicut cæteris et mihi patere debuit; aut episcopatus mihi remanere non debuit. Clamet alius ejusdem provinciæ Victor episcopus, cui relicto in eadem pœna, in qua et Priscus fuit, nusquam nisi in diocesi ejus ab alio communicabatur episcopo : clamet, inquam : Aut ubique communicare debui, aut etiam in meis locis communicare non debui. Clamet tertius ejusdem provinciæ Laurentius episcopus, et prorsus hujus vocibus clamet : Aut in cathedrâ, cui ordinarius sum, sedere debui; aut episcopus esse non debui. Sed quis ista vituperet, nisi qui parum attendit, nec inulta omnia relinquenda, nec uno modo omnia vindicanda? » Hæc S. Augustinus, in his, ut ait, « ipsa Sede Apostolica judicante, vel aliorum judicia firmante ». Sed et cum unius generis casus et unius tantum provinciæ recenset Sedes Apostolica de Africanis episcopis exhibita judiciorum exempla, eademque ipsa recentia : plane potest quisque ex his intelligere, quam crebra atque adeo frequentissima esse contigerit in aliis variis atque diversis multiplicibusque casibus, tum in ea provincia cujus meminit, tum in aliis ejusdem Africanæ Ecclesiæ, Apostolicæ Sedis judicia : quæ quidem haud ab ipsa Romana Ecclesiâ exerceri potuerunt, nisi cum qui in Africa sententia episcoporum damnati essent episcopi, Romanum Pontificem appellassent, qui ut idem dicit S. Augustinus aut aliter judicaret, vel ab aliis iudicata firmaret.

78. En vides frequentiam Africanorum episcoporum Sedem Apostolicam appellantium, Sed cur modo resiliisse visi sint : ut cuncta probe intelligas, præstat hic audire causam Antonii episcopi Fussalensis, de qua S. Augustinus eam ad Cælestinum papam scribit Epistolam : extat enim ipsa, quam consulere cuique liberum erit : fiet plane, ut ex ea tum morem illum jam inolitum appellandi ad Sedem Apostolicam ejusque sedis auctoritatem intelligas, tum etiam interpreteris quæ subduriuscula visi sint scripsisse Patres Concilii Carthaginensis in ea quam citavimus ad Cælestinum papam Epistolâ, de non mittendo de Latere legatum in Africam : ut maxime mireris, quam concinno ordine cuncta sibi respondeant : et (quod diximus) admirabili Dei factum sit providentia, ut casus contingeret, quem et S. Augustinus scriberet, ut nulla possit obscuritate velari, vel perplexitate involvi, atque dubitatione confundi, sed cuncta dilucida atque clara sinceraque ob oculos posita contempleris : adeo ut tu ipse, lector, quovis affectus sis animo, atque etiam si ab Ecclesiæ Catholice recto tramite procul aberres, non possis non fateri, quæ vera certaque ex epistolari historia deducta esse perspexeris. Accipe igitur rei gestæ summarium.

79. Antonius episcopus Fussalensis ob enormia quædam scelera, agente contra eum S. Augustino,

¹ Aug. ep. CLXII. — ² Aug. ep. CCLXI, edit. Plant. tom. II.

qui ei sedi ipsum præficiendum curaverat, ab episcopis ejus provincia depositus fuit ab episcopatus administratione, relicto illi tantum sedis titulo. Appellat hic ad Bonifacium Romanum Pontificem Zozimi successorem : simulque vafer homo ex Africa proficiscens, elicit in sui commendationem litteras a primate Numidia ad ipsum Romanum Pontificem, quibus ille ipsum veluti innocentem excusaret. His acceptis Bonifacius papa a primite in Antonii episcopi commendationem litteris, magna cautela (quod ipse S. Augustinus laudat) pro Antonio rescripsit, eo adhibito temperamento, si nulla videlicet subreptio intercessisset : nam in litteris hæc apposuit : « Si ordinem rerum nobis fideliter indicavit, etc. » Sed confligit inter hæc Bonifacium mori, et relinquere causam integram ejus successori Celestino Pontifici ; apud quem contra suum episcopatum Fussalenses causam prosequentes, querelas pariter eidem Celestino pape ingesserunt adversus ipsum Augustinum, quod perditissimum hominem dedisset ipsis episcopum. Hoc ipso rerum statu, cum ab adversario jactaretur fore missurum Celestinum papam executores, qui in sedem suam, in ipsam videlicet episcopatus administrationem Antonium restituerent : ipse Augustinus ad eundem Pontificem supplices litteras dedit, in quibus post alia hæc ad finem ¹ :

80. « Accipe (inquit) nunc quæ post ejus sanctæ memoriæ viri (nempe Bonifacii papæ) in Africa litteras gesta sunt, et subveni hominibus opem tuam in Christi misericordia multo avidius quam ille poscentibus, a cujus inquietudine desiderant liberari. Judicia quippe illis, et publicas potestates, et militares impetus, tanquam executores Apostolicæ Sedis sententiæ, sive ipse, sive rumores creberrimi comminantur : ut miseri homines Christiani Catholici graviora formident a Catholico episcopo, quam cum essent hæretici a Catholicorum imperatorum legibus formidabant. Non sinas ista fieri, obsecro te per Christi sanguinem, per Apostoli Petri memoriam, qui Christianorum præpositos populorum monuit, ne violenter dominentur inter fratres ». Hæc Augustinus : quibus pariter intelligas, quidnam ex Concilio Carthaginensi ad eundem Celestinum Pontificem episcopi scribentes sibi voluerint verbis illis ² : « Executores etiam clericos vestros quibusque potestibus (potentibus) nolite mittere, nolite concedere ; ne fumosum typhum sæculi in Ecclesiam Christi, quæ lucem simplicitatis et humilitatis diem Deum videre cupientibus præfert, videamur inducere ». Hæc ipsi. Ex quibus simul omnibus perspicue satis, puto, intelligis, sicut Augustinum, ita et reliquos Africanos episcopos non refugisse Apostolicæ Sedis iudicium, quod implorabant pro confirmandis a se latis sententiis, defendendisquæ ab eas impugnantibus ; nec rursus executionem refugisse iudicii ; sed questos esse de modo exequendi : extorruisse nimirum mitti cleri-

cos cum milibus et magistratum apparitura. Quod quidem illud primum ostendit inseruisse præsidis provinciarum, et qui illis parabant milites, Romanis Pontificibus, in exequendis Apostolicæ Sedis sententiis : tantum abest ut eas impedirent, vel remorarentur, vel ut Apostolicis ipsis litteris, « Placeat », subscriberent, arrogarent.

81. Ceterum reprehensione vere dignus, ne fuerit modus ille cum apparitura militari exequendi Apostolicæ Sedis sententiis : licet sanctissimi viri de eo videantur esse conquesti : haud tamen quod ad præsentem causam pertinet, quis dixerit improbandum, si exacte cuncta consideret. Etenim Antonium calumniam esse passum, atque injuste damnatum, verisimile fieri potuit, imo reddi propensum certum, scribente pro eodem ad Sedem Apostolicam ipso provincie totius primite, qui primus omnium in eum fuerat damnationis sententiæ. Dato igitur, ut ex Actis judicialibus jure riteque confectis iste per Apostolicam Sedem foret in statum pristinum revocandus, certe secundum ea quæ ibidem S. Augustinus ¹ scribit de Fussalensibus, id non nisi manu militari expleri potuisse videbatur, quod Romanus Pontifex sua sententiâ definiisset. Etenim civis in eum adeo exacerbatus fuisse tradit, ut minime passurus esset ipsum amplius sibi episcopum præfuturum, imo in aliquod etiam foret vi publica facinus prompturi, si ipsis invitatis Antonius redderetur episcopus : testatur quidem id ipsum Augustinus, his verbis agens de plebe Fussalensi : « Dolore justo, eum sibi præesse, ferre omnino non possent ; et cum suo illiusque periculo in aliquod scelus forsitan erupturam impatientiam sui doloris ostenderent ». Hæc ipse. Certe quidem non nisi ex casibus hujuscemodi emergentibus introductum oportuit, ut ubi non audiretur Apostolicæ Sedis præceptum simplicibus litteris significatum, ad illud exequendum a Romana Ecclesia clerici legarentur cum apparituris, ut cogere, quod juste videri poterat definitum, impleri. Porro rite, juste, pieque pro exequendis adversus refractarios et repugnantes justis sententiis et Ecclesiasticis institutis, implorare licere ab imperatoribus eorumque præfectis auxilium ; non alium quempiam auctorem cito, sed ipsum S. Augustinum appello, qui hujus sententiæ firmum assertorem atque defensorem se præbuit pluribus in locis, et inter alia in Epistola ad Vincenium ². Ceterum quod ad Augustinum supplicis Epistola adversus Antonium apud Celestinum agentem pertinet : factum quidem fuisse ipsum Augustinum voti compotem ipsiusque petitioni Romanum Pontificem annuisse, suo loco dicemus.

82. Vidistine adeo aperta ac perspicua luce, lector, quam procul abest (quod insultantes jactant hæretici) conatum esse Zozimum papam appellandi jus ab Africana Ecclesia suffurari ; cum, teste ipso Augustino, id jam antiquo atque recenti usu re-

¹ Aug. ep. CCLXI. edit. Plant. — ² Apud Conc. Afr. c. 105

¹ Aug. dicta ep. CLXI. — ² Aug. ep. XLVIII.

ceptum, pluribusque in Africa frequentatum exemplis, præscriptum fuisse constet? Sed cur (iniquiens) ejusmodi de appellatione oborta est controversia? Haud quidem vere a quopiam dici potest, appellandi jus aliquando denegatum, quod tot constat exemplis ante et postea comprobatum: sed potius perspicue cernere est, de modo proseguendæ appellationis obortum esse dissidium: quod satis evidenter possumus intelligere ex ipsius Zozini papæ commonitorio, in quo, ubi agitur de primo mandato, non de jure appellandi, citatus est canon Concilii Sardicensis, sed de proseguendæ appellationis modo, nempe ut habet idem recitatus canon Concilii Sardicensis septimus, quo cavetur, ut ipse Romanus Pontifex duplii via possit, si velit, appellantis subvenire justitiæ, nimirum vel per litteras, scribendo episcopis finitimæ regionis, ut diligenter de causa inquirent atque definiant, vel mittendo legatos a Latere in Africam, qui præsentibus cum episcopis causam appellantium audiant atque judicent: quorum posteriorem modum refugisse vidimus episcopos Africanos, non autem denegasse penitus ejus appellandi ad Romanum Pontificem. Etenim ratio in promptu est: nam si jus appellandi denegatum ab eis penitus esset, non ille quidem septimus canon, sed quartus et quintus ejusdem Concilii Zozimo citandus fuisset, quo potissimum de appellandi jure agitur, his scilicet verbis:

83. « Quod si aliquis episcopus adjudicatus fuerit in aliqua causa, et pulaverit se bonam causam habere, ut iterum judicium renovetur: si placet, S. Petri Apostoli memoriam honoremus, ut scribatur ab his qui examinauerunt, vel etiam ab aliis episcopis qui in propinquo morantur. Et si indicaret renovandum esse judicium, det iudices, etc. » Sequenti item canone sic:

84. « Addendum est (si placet) huic sententiæ, quam plenam sanctitate protulisti, ut cum aliquis episcopus depositus fuerit eorum episcoporum iudicio, qui in vicinis commorantur locis, et proclamaverit agendum sibi negotium in Urbe Roma: alter episcopus in eadem cathedra, post appellationem ejus qui videtur esse depositus, omnino non ordinetur, nisi causa fuerit in iudicio Romani episcopi terminata ».

85. Vides igitur qui fuerant citandi canones ejusdem Concilii, si de appellandi jure fuisset inter Africæ episcopos et Romanum Pontificem oborta controversia, et non potius de modo proseguendæ appellationis. Sed et elicere id quoque potes ex ipsis litteris eorundem Africanorum episcoporum ad Cælestinum, datis illis quidem (ut vidimus) post acceptos ab Oriente Nicænos canones; dum ipsi non negant appellationem, cum prosecutionem acceptent, nempe si velit Romanus Pontifex per litteras eam delegare causam ipsis Africanis episcopis, secundum videlicet priorem proseguendæ causæ modum: sed ægre ferre se dicunt prosecutionis modos, nempe vel cum Romæ summa difficultate producendi essent testes, vel in Africa per legatos

a Latere foret agenda causa: cui posteriori modo valde obviabantur; sicut et iniquo ferebant animo executores clericos cum apparitura in Africam mitti, ut ex S. Augustino vidisti: cum illud magis optarent, ut cum quis appellaret Apostolicam Sedem, ab illa delegaretur causa episcopis illius provincie; ut de Zozino papa vidimus delegante Ecclesiæ Cæsariensis causam S. Augustino atque collegis.

86. Quod vero legati et clerici executores proterve nimis rem agere viderentur: hos a Romano Pontifice mitti, moleste se ferre iidem significarunt episcopi Africani. Certe quidem de his agendi apud Cælestinum tum publicis litteris Africanorum episcoporum, tum privatis ipsius Augustini occasionem dedisse noseitur legatorum nimia in causa proseguenda asperitas et insolentia. Nam in præsentis causa de Faustino legato iidem conquesti sunt litteris ad Cælestinum, ipsum non jam egisse iudicem, sed patrum scelestissimi Apiarii; et eo protervia progressum esse, ut diversas coepiscopis Africanis (ut aiunt) inferret injurias, de quo antea conquesti litteris ad Bonifacium¹ scripserunt, quod non essent typhum istum (ut aiunt) passuri; et in litteris ad Cælestinum² rogant, ne tumosum sæculi typhum in Ecclesiam introduci permittat. Est namque typhus, idem quod fastus et arrogantia: unde et Plutarchus³ nomen quoque Typhonis ab eadem græca voce dedit: usurpata est eadem vox ab Augustino⁴ etiam; licet alicubi mendose, « typhas », loco, « plus », legatur: a S. Ambrosio etiam, frequentius vero a S. Gregorio.

87. Cum igitur ex his omnibus, quæ dicta sunt, satis superque liqueat, Zozinum papam optimam fuisse causam, nec quicquam alieni juris usurpare conatum esse, quo et prædecessores omnes absque ulla controversia potius essent, dum Africanorum episcoporum appellationibus ad Apostolicam Sedem detulerint, eisdemque jus dixerint, atque causas ipsas, de quibus contentiones obortæ essent, absolverint: quoniam, rogo, subesse potuit ratio doli mali et imposturæ, ut supposuerit Nicæno Concilio canonem Sardicensem? cum præsertim qui ab eo citatus est canon, non minoris esset auctoritatis atque præstantiæ, ac si esset Concilii Niceni. Ubi igitur nulla inesse potuit vel levis tingendi ratio, nefas est præsumere fictionem. Quis enim ignorat paris auctoritatis fuisse Concilium Sardicense atque Nicænum, cum ambo fuerint œcumenica, imo hoc amplius ab illo istud habuerit, quod illi ex Africanis episcopis unus tantum Cæcilianus interfuisse reperitur, Sardicensi autem cum Grato episcopo Carthaginensi triginta quinque (ut Albanasius docet) ejusdem Provincie episcopi præsto fuere; adeo ut, salva pace Catholica, nequaquam potuissent Sardicensis Concilii canones non recipere? Si ergo dolus malus subesse minime potuit, alia plane exqui-

¹ Apud Conc. Afr. c. 101. — ² Ibid. c. 105. — ³ Plutarch. de Iside. — ⁴ Aug. ep. CLXII.

renda causa est, cur a Zozimo sub titulo Nicæni Concilii citatus fuerit canon Concilii Sardicensis. Conjecturæ locus patens esse debet, ubi cessat omnis de impostura suspicio. Unde licet opinari, vel quod canon ille Nicæni Concilii fuerit cum aliis translatus in Sardicense; vel quod, cum id celebratum sit pro corroboratione Nicæni Concilii, idem reputatum cum illo fuerit: quod apud veteres adeo constans fuit, ut cum recenserent Concilia generalia, post Nicænum ponerent Constantinopolitanum, prætermisso penitus Sardicense, quod tamen fuisse œcumenicum liquet.

88. Sed nec mirum est, quod nec novum sit, si unus idemque canon, vel plures sub diversis Conciliis censeantur. Nam ne longe petita queramus exempla: in promptu est, quod in Concilio Carthaginensi anno superiori celebrato inserti habentur canones Concilii Milevitani: insuper et canones Concilii Hipponensis (ut divimus) translati sunt in posteriora Concilia Carthaginensia. Quid ergo imposturæ erit, si canones, qui positi reperiuntur sub titulo Conciliorum Carthaginensium, quis citaverit nomine Conciliorum Milevitani, vel Hipponensis? Num qui id faceret, exclamaveris impostorem? non puto, imo potius exactum canonum cognoscitorem, qui noverit proprios fontes unde manarint. Certe quidem plura de Concilio Nicæno sunt exempla, aliquot ejusdem Concilii canones translatos fuisse in Concilium Sardicense, nimirum quintum, decimum quintum, decimum sextum, et decimum septimum, quos exscriptos invenimus in Concilio Sardicensi sub numeris primo, decimo nono, et decimo sexto.

89. Quod si neget ea de appellationibus statuta fuisse in Nicæno Concilio; unde negationem hanc probare vales? Num illud unum satis esse potest argumentum quod codices Africani et aliqui Ecclesiarum Orientalium illis carent? Ego contra, Romanæ Ecclesiæ codices illos habuisse, testificatione Zozimi asseram. Modo æqua lance perpende, quibusnam codicibus major adhibenda sit fides: simul considerans, quæ longo tempore sit passa naufragia Ecclesia Africana factione Donatarum, qui cum Arianis fœdus inierant: quorum nequitia et illud quoque factum esse jam diximus, ut ipsum Concilium Sardicense, idemque œcumenicum, cui et cum primate episcopo Carthaginensi triginta quinque episcopi Africani interfuerunt, posteris Africanis penitus interceptum fuerit, ut omnino perierit, imo et nomen ipsum male apud eos audiens, respueretur, tanquam Conciliabulum hæreticorum¹. Convertere rursus oculos ad Orientis Ecclesias, et quibus per plurimos annos fluctibus jactatæ fuerunt, considera, Arianis episcopis presidentibus, expulsis penitus Catholicæ communionis episcopis: quibus omnibus malis caruisse Romanam Ecclesiam, jam superius ex rebus gestis singularum annorum satis perspicue demonstratum est. Ex quibus plane jure

argumentari liceat, fideiiores habendos esse codices in Romanæ Ecclesiæ archivio diligentis custodia asservatos, quam quoslibet alios diversarum provinciarum. Nam enim recens est ejusmodi argumentatio, sed jam vetus, a majoribus usurpata et solida fide recepta, cum conflagit in disceptationem venire fidem codicum Romanorum et Orientalium; quando ex integritate Romanæ Ecclesiæ chartarum fuit perspicue demonstratum, ipsas sacrosanctas Synodos œcumenicas apud Orientales ab hæreticis esse corruptas, labefactas, ac penitus in falsum sensum mutatas et depravatas: quas et ex Romanis codicibus oportuit in pristinum veritatis candorem restituisse. Facit de his omnibus certam fidem S. Gregorius¹ papa, quem consulas. Si igitur ea de Conciliis Ephesino et Chalcedonensi acciderunt, cum Ecclesiæ Orientales a Catholicis regerentur episcopis: quid censendum est, cum Arianis, in quorum manibus erant omnium Ecclesiarum codices et omnes ubique locorum constructæ bibliothecæ, Orientalibus præerant Ecclesiis? num quis negabit talia accidere potuisse, imo et accidisse non facilius existimabit? Sed ne hic eadem repetere cogamur, consule quæ dicta sunt superius tertio tomo de causa, cur nomine Concilii Nicæni citati fuerint canones Concilii Sardicensis.

90. His denique et aliis persuasi episcopi Africani, longe abfuit ut citatos a Zozimo canones non repositos inter canones Nicæni Concilii, sed sub Concilio Sardicensi, ut adullerinos rejecerint, et ut adscititios spuriosque damnaverint; sed eos potius ut legitimos ac fide dignos (ut par erat) habuerunt. Cujus quidem rei locuples testis accedit Ferrandus diaconus Carthaginensis Ecclesiæ, qui in hujus sæculi sine magno splendore claruit non Carthagine tantum, sed in universa Ecclesia Africana. Ille quidem in suo Breviario, seu Concordantia canonum, quam diligenter elucubratam trecentis distinxit capitibus, eorumdem² canonum mentionem habet, recensens eos sub titulo Concilii Sardicensis: imo ipse recte interpretatus, alteri eorum hujusmodi præfixit titulum³: « De provinciali Synodo retractanda per vicarios episcopi Urbis Romæ, si ipse decreverit ». Ita ibi: ut plane intelligas, nequequam ab ipsis appellationis juri, sed nec executioni ipsius per vicarios nempe legatos de Latere, faciendæ, esse derogatum, vel imminutum; cum modum duntaxat illis displicuisse, quæ dicta sunt superius, doceant.

91. Considera igitur, lector, cuncta quæ a nobis allata sunt pro defensione Zozimi papæ et jurium Apostolicæ Sedis (quod sincere sine fuco et fallacis rem agamus) non aliunde deprompta esse, quam ex testificatione ipsorum Africanorum virorum, ac potissimum S. Augustini, et aliorum qui huic Synodo interfuerunt, adversantium episcoporum, ex scriptis ab ipsis Epistolis et aliis: quibus perspicue

¹ Aug. ep. CLXV. ad Fortunatum et contra Crescon. l. III. c. 34.

¹ Greg. l. v. ep. XIV. — ² Brev. Ferrand. c. 149, 153. apud Cresconium. — ³ Conc. Sard. c. 7.

intelligere possis, omnia rite, sine dolo et impostura, omniaque fideliter a Zozimo et successoribus Romanis Pontificibus esse tractata. Si ergo hæc ex adversantium domo pelita rem adeo perspicuam reddunt : quid si extarent ipsorum Romanorum Pontificum Zozimi, Bonifacii, et Cælestini ad eorum litteras reddita responsiones, cum et sine ipsis penitus evincatur causa? Cum igitur jam ex his quæ dicta sunt, plena fide probatum habeas jus antiquum appellandi ab Africanis episcopis ad Romanam Ecclesiam, illudque frequentibus et antiquis et recentioribus firmatum exemplis, perspicuumque redditum non rem novam leutasse Zozimum et successores, nec suffragatos esse (quod aiunt) jus appellandi, usque adeo manifestum sit : ipse certe (si possent) plane erubescerent chartæ, quæ a Novatoribus Zozimum et Bonifacium stylo lancinantibus sunt contumeliis exaratae. Sint iidem ipsi iudices, si quod tamen veri cognoscendi studium, quod conatum est omnibus, eorum insidet animis : simulque discant omnes, quam offusa semel mente densa caligine, est in transversum acla odio atque livore, feratur in præceps, dum iidem ipsi quæcumque ignorant, blasphemant, et dente canino corrodunt.

92. Sed nec parandum illi, qui ignoratione rerum gestarum, ex turbis his actus in fugam, quæsiit (quod piis non licet) in mendaciis lalebras. Falso enim existimas postremis Africanorum episcoporum litteris ad Cælestinum Pontificem datis esse conflatum schisma, divisamque penitus Africanam Ecclesiam a communione Romanæ : quid improbe improbus finxit impostor? (vehementius enim commoveor in eos, qui mendacis labefactant, quam se putant suffulsiisse Dei Ecclesiam, columnam et firmamentum veritatis) quid, inquam, ille? Qui igitur semel errore ductus sibi persuasit hoc tempore scissam penitus fuisse Africanam Ecclesiam a Romana (proh nefas!) quam enorme excogitavit commentum? Finxit Bonifacii secundi papæ nomine Epistolam ad Eulalium episcopum Alexandrinum de reconciliatone Ecclesiæ Carthaginensis cum Romana, jam ante (ut sibi videbatur) schismate discissa ab his temporibus Bonifacii ac Cælestini prædecessorum Romanorum Pontificum. Addit etiam ea de re ab alio Eulalio episcopo Carthaginensi libellum ad ipsum Bonifacium pro reconciliatone datum; necnon intercessisse ad rem perficiendam tradit litteras Justinii imperatoris. Hæc quidem et alia mendaciorum frigidus concinnator, sed callidus veterator, ibi habet. Patienter audi, et scies mee commotionis paulo post justissimam causam.

93. Agendum jam pridem alias nobis fuit in Notationibus ad Romanum Martyrologium adversus eundem impostorem; cujus quidem Epistola commentitia adeo immensa clades ea ex parte inferitur Ecclesiæ, ut nisi falsa omnino ea esse convinci posset, plane ex Ecclesiæ Catholice albo expungenda fuissent sanctorum Africanorum martyrum agmina, qui in persecutione Wandalica pro fide Catholica magna gloria certantes, atque agonem summa pa-

lencia consummantes, assecuti sunt martyrii palmam; delendique pariter forent ex Ecclesiasticis labulis præclarissimi confessores, qui per illud spatium annorum centum in Africana Ecclesia claruere doctrina, atque vite sanctitate conspicui : etenim si integro sæculo, hoc, nempe a Bonifacio primo usque ad Bonifacium secundum, Africana Ecclesia perseveravit in schismate; nihil est ut aliquis potuerit interea legitima impertiri corona martyrii, vel in aliquo confessionis præmio munerari; cum et sententia Cypriani et ipsius Augustini Africanorum antistitum atque doctorum, certum exploratumque sit, nullam esse posse schismaticorum coronam et præmium, que non nisi dentur in Ecclesia Catholica largiri. Vide, rogo, in quod discrimen ille, quisquis fuerit, adduxerit Ecclesiam : cum si ejus stare posset Epistola, corruiere necesse esset ea ex parte Dei illam structuram, quæ tot sanctorum martyrum et confessorum vivis est aucta lapidibus.

94. Cæterum toto caelo (ut dicitur) palam fecimus, et demonstravimus clarissima omnino luce ab homine vafro elaboratum esse commentum, dum ostendimus, nec hoc tempore sub Bonifacio, Cælestinoque, vel eorum successoribus Romanis Pontificibus intercisam fuisse vel ad unius diei tantum spatium, vel horæ momentum, Africanam cum Romana Ecclesia communionem; quod et tibi notius fiet ex his quæ inferius singulis ferme annis dicturi sumus : ut nulla prorsus dubitatio hæc de re animatum tuum pulsare possit : unde plane intelligas Epistolam illam esse falsissimam, sive ejus species argumentum, sive explores quæ in ea auctor congressit alia aperta mendacia. His addas, quod dum finxit Bonifacium secundum eam scribere Epistolam ad Eulalium episcopum Alexandrinum, plane de Eulalio tum episcopo Alexandrino manifestæ id redarguit falsitatis; cum constet tempore Bonifacii secundi præfuisse Ecclesiæ Alexandrinæ Timotheum ejus nominis tertium, sive quartum potius dicendum; eundemque hæreticum, et a Romana Ecclesia alienum. Sed nec est quod fingi possit aliquis alius Eulalio nomine præfuisse Ecclesiæ Carthaginensi; cum tempore ejusdem Bonifacii, regnante Gelimere Wandalarum rege, nec unus esset reperiri in Africa Catholice communionis episcopus. Hisper dum inconvincens efflor in eadem Epistola meminit Justinii tunc regnantis imperatoris, quam aperte se mentitum esse significat? etenim eo tempore Bonifacii non Justinus, sed Justinianus regnabat in Oriente. Vides, lector, quot quantisque certis demonstrationibus res tibi facta sit nota; cum vel una tantum ex adductis hic rationibus plusquam satis esse potuerit ad arguendam Epistolæ falsitatem : et intelligis quanto periculo recipiantur indiscussa quæ Romanorum Pontificum nomine edita. At de his haecenus.

95. Jam vero elucidatis, quæ in maximam controversiam ab adversariis deducta erant atque defensa : reliqua ejusdem sexti Concilii Carthaginensis

absolvamus. In Concilio Carthaginiensi, sive hoc, sive alio sub eodem Bonifacio celebrato, editus est canon de libris canonicis divinae Scripturae : extat adhuc, sed nescio quomodo relatus sub Concilio tertio Carthaginiensi sub numero quadragesimo septimo, ubi ad finem de confirmatione canonis per Romanum Pontificem Bonifacium ista subjunguntur¹ : « Hoc etiam fratri et consecratori nostro Bonifacio, vel (et) aliis eorum partium episcopis pro confirmando isto canone innotescat, quia a Patribus ista accepimus in Ecclesia legenda. Licet etiam legi passionis martyrum, cum anniversarii dies eorum celebrantur ». Haec canon. Ex quibus vides, lector, quantum deferrent Africani episcopi Romanae Ecclesiae, dum eodem tempore, quo ea agitabatur controversia, nihil remiserunt submissionis, et reverentiae erga Romanum Pontificem. Sed et illud considera, quod si in hagiographis suscipiendis confirmationem requirunt illi ab Apostolica Sede, quantum abest ut ob causam aliorum canonum ab ea voluerint separari? Quamobrem et illud accidisse diximus, quod licet canones illos citatos nomine Concilii Niceni inter alios Nicenos canones minime reperiri contigerit; nihilominus eosdem, ac si Niceni fuissent, custodiendos acceperunt. Porro canonem istum de sacris libris fuisse (quod postularent) a Bonifacio Romano Pontifice confirmatum, inde certum duemus argumentum, quod S. Augustinus scribens ad Quintianum haec ait² : « Vos ipsi prius nolite in scandalum mittere Ecclesiam : legendo in populis Scripturas, quas canon Ecclesiasticus non recepit » : et paulo post : « Non memineris in Concilio institutum, quae sint Scripturae canonicae, quae in populo Dei legi debeant? Recense ergo Concilium : et omnia quae ibi legeris, commenda memoriae, etc. » Haec ipse, ut de confirmatis ab Ecclesia sacris libris.

96. Quod insuper ad legendas passiones martyrum in Ecclesia anniversaria die canon sancivisse videtur : id quidem haud improbavit Rom. Pontifex, licet minime Ecclesia Romana usu receperit, quod scilicet (ut testatur Gelasius) ex eis aliqua ab idiotis, aliqua etiam ab haereticis probarentur fuisse composita. Sed haec intellige de prolixioribus Actis sanctorum martyrum, quorum vix pauca reperiri contingit suo pristino quo sunt scripta, candore atque simplicitate nitescere, de quibus haec habet et sextae Synodi canon³ : « Quae a veritatis hostibus confictae sunt martyrum historiae, ut sic martyres ignominia afficerent, et qui eas audirent essent in infidelitatem deducerent, in Ecclesia non publicari jubemus, sed eas igni tradi : qui eas autem admittunt, vel tanquam veris eis mentem adhibent, anathematizamus ». Haec ibi. Ceterum compendiosae illae Passiones martyrum, quas continent Martyrologia, anniversaria quaque die, qua iidem passi sunt martyres, tam apud Latinos quam Graecos antiquo

usu semper in Ecclesia recitari consueverunt. Sed redeamus ad Synodum.

97. Decreta jam in eadem Synodo (ut dictum est), magna celeritate legatione in Orientem ad perquirendos Nicenos canones, duo inventi delectique sunt qui idem munus obirent, Innocentius presbyter, et Marcellus subdiaconus Ecclesiae Carthaginiensis : quorum prior Innocentius presbyter missus est Alexandriam ad Cyrillum ejus Ecclesiae episcopum, Marcellus vero ad Atticum Constantinopolitanum episcopum : haec quidem ex redditis ab eis ad Synodum litteris perspicua fiunt, quibus Cyrillus diem Paschatis anni sequentis ad XVII kal. Maias annuntiavit : constat quidem etiam ipsum (ut agebat Theophilus) annis singulis singulas scripsisse Paschales Epistolas. Extant ipse in Vaticana bibliotheca numero triginta duae, quas exscribendas curavimus, et laetne donandas per Federicum Metium diligenter in opus incumbentem.

98. Quod rursus ad Innocentium presbyterum ad Cyrillum Alexandriam missum pertinet : ipsum inde protectum esse Hierosolymam, reddidisseque S. Hieronymo litteras S. Augustini et Alypii, ex ejusdem ad eos responsione percipere possumus intelligere. Inter alia autem eidem Augustinus et Alypius suis litteris reddiderunt S. Hieronymum certiore de damnatione facta haereticis Pelagianae. Qua de re magna ipse Hieronymus laetitia affectus est ; unde ad eos : « Mibi, inquit⁴, omnis occasio gratissima est per quam scribo vestrae reverentiae, testem invocans Deum, quod (si fieri possit) assumptis alis columbae, vestris amplexibus implicarer, semper quidem pro merito virtutum vestrarum, sed nunc maxime, quia cooperatoribus et auctoribus vobis haeresis Caestiana jugulata est : quae ita infecit corda multorum, ut cum superatos damnatosque esse se censeant, tamen venena mentium non omittant ; et quod solum possunt, nos oderint per quos putant libertatem docendae haereseos perdidisse ». Haec ipse. Meminit in eadem ipse Epistola de S. Eustochio proxime defuncta, et quidem (ut videtur) hoc anno : nam anno sequenti ab adventu Innocentii presbyteri se eam Epistolam scripsisse testatur, qui hoc anno (ut dictum est) illuc ab Africanis episcopis missus fuit. Sicque et sequenti anno eam ab ipso Epistolam scriptam apparet : ante quam haud pridem (ut ibi ait) S. Eustochium defuncta erat : fuisse quidem videtur illa novissima omnium Epistolarum ipsius : nam anno sequenti (ut dicemus) eundem S. Hieronymum ex hac vita migrasse, Prosper affirmat.

99. *Eustochii Virginis obitus et virtutes ; tum de aliis ejusdem familiae viris et feminis.* — Ex his igitur (ut vides) signatum habes tempus migrationis clarissimae genere et sanctitate celeberrimae Eustochii virginis, S. Paulae filiae, agentis Betlehem una cum matre annis viginti, post illius vero obitum annis quindecim, ut ex litteris⁵ ejusdem Hieronymi ad eam in matris transitu ex hac vita scri-

¹ Conc. Carth. III. c. 47. — ² Aug. ep. CCXXXV. — ³ Apud Theod. Balsam. sext. Synod. c. 63.

⁴ Hier. ep. LXXIX. — ⁵ Hier. ep. XXVII.

ptis intelligi potest, dum sub consulatu Honorii sexto et Aristencti (qui est annus Domitii quadringentesimus quartus) numerat commemorat ejusdem Paulæ matris Bellehem annos viginti, a tempore videlicet quo una cum filia Eustochio illuc profecta erat : a quo quidem tempore usque in præsentem annum incolatus monasterii Belleheni- fici superstitis Eustochii filiae anni intercurrunt quindecim : sicque anni fient triginta quinque monasticæ observantiæ ejusdem Eustochii in Belleheni- tica mansione, actis jam ante Romæ in sancto proposito una cum matre annis quinque. Hæc omnia liquent ex testificatione S. Hieronymi, castissimæ virginis cum cælesti sponso nuptiarum spiritualium proubi, morum excultoris, et fidissimi ejus integritatis ad obitum usque custodis : cujus quidem scriptis, quæ qualis, quantaque S. Eustochium fuerit, sexcentis ferme locis, haud obscuris notis declaratum inuenies. Exiit ipsa plane terra bona et optima, quæ tanto cultore digna fructum reddidit centuplum, et quidem in patientia : cujus speciem insigne edidit illud novissime quod grassatores passa, cædes, et incendia, honorumque depradationem, et his omnibus acerbiores minas, conquesta de his apud Romanum Pontificem, noluit nomina recensere sceleratorum tanta sacrilegia perpetratum, nec eorum ad facinus impulsoris edisserere voluit accusatrix ; sed signaculo Christianæ mansuetudinis ac patientiæ illibatam virginitatem, et custoditam quam exactissime disciplinam monasticam consignavit, sic nempe summa integritate, et sanctitate totius vitæ transactæ periodum quam honestissime atque sanctissime claudens.

400. Hic finis Juliae Eustochii, imo principium vitæ, cum exoptatum diu nuptiarum tempus advenit, jam longe ante plurimos annos ab ipso S. Hieronymo ei jugiter contemplandum ob oculos positum, cum in nobili illa de institutione virginis scriphone in ipsius sublimes professione virginitatis tyrocinio elucubrata ad finem ista de ejus sine philosophatus, vel potius vaticinatus, habet ¹ : Egredere, quæso, paulisper de carcere, et præsentis laboris autem oculos tibi pingue mercedem, quam nec oculus ² vidit, nec auris audivit, nec in cor hominis ascendit. Qualis erit illa dies, cum tibi Maria mater Domini choris occurrerit comitata virginibus, cum post Rubrum mare, submerso cum suo exercitu Pharaone, tympanum tenens præcineret responsuris : Cantemus ³ Domino : gloriose enim honorificatus est : equum et ascensorem projecit in mare. Tunc Thecla in tuos læta volabit amplexus. Tunc et ipse sponsus occurrerit, et dicit : Surge ⁴, veni sponsa mea, veni proxima mea, speciosa mea, columba mea; quia ecce hiems transiit, pluvia abiit sibi. Tunc Angeli mirabuntur, et dicent : Quæ ⁵ est ista propiciens quasi diluculum, speciosa ut Luna, electa ut Sol? Videbunt te filia, et laudabunt reginæ, et

concupinæ prædicabunt. Hinc et alius castitatis chorus occurrerit; Sara cum nuptis veniet, filia Ptianuelis Anna cum viduis. Erunt in diversis gregibus carnis et spiritus matres tuæ. Laetabitur illa, quod genuit : exultabit ista, quod docuit, etc. » Hæc Hieronymus de futuro jam diu ante descripto Eustochii ad Deum transitu : tale namque ante triginta, et amplius annos de venturis cum sponso cælesti ejus nuptiis dulces præcinnit epithalamium, quod nos hic epitaphii loco posuimus. Non enim lacrymis, sed gaudiis, nec funeris, sed triumphi pompa prosequi decet tantam virginem migrantem ad Christum virginum sponsam.

401. Quod autem annos nata sanctissima virgo decesserit, haud excessisse putamus ætatis annum quinquagesimum : utpote quam tempore S. Blesillæ sororis obitus (cujus suo loco et tempore quarto tomo meminimus) haud propectæ salis ætatis fuisse, idem sanctus Hieronymus ¹ testari videtur, ubi in consolatione Paulæ matris de ejusdem Blesillæ obitu ait : « Parce saltem Eustochio tuæ, cujus parva adhuc ætas et rudis pæne infantia ». Fuit autem ipsa inter quinque S. Paulæ filios tertio loco genita. Erat Blesilla omnium primogenita, secunda Paulina, tertia Eustochium, quarta Rufina, quinto vero loco et ultimo Toxolius natus ut ex testificatione ejusdem Hieronymi satis liquet. Cum igitur tempore profectiois S. Paulæ ex urbe Hierosolymam ante annos (ut diximus) triginta quinque, ut idem testatur ², esset Rufina quarto loco nata jam nubilis; quæ diximus de ætate Eustochii, confirmari posse videntur, ut quæ ante ipsam orta Eustochium haud minor annis tunc quindecim fuisse dicatur : quæ quidem inita de annis Eustochii ratione, ipsam quinquagenariam decessisse dicendum erit. Porro dies natalis sanctissimæ virginis Eustochii relatus reperitur a Romana Ecclesia in tabulis Ecclesiasticis quarto kal. Octobris hoc elogio : « Eodem die S. Eustochii virginis filiae B. Paulæ; quæ ad præsepe Domini cum aliis virginibus enutrita, præclaris meritis fulgens, migravit ad Dommum ». Hæc ibi publica testatione, cum aliqui privati obsequiis omnes ferme sacræ virginibus eam consueverint frequentare.

402. Sic igitur cum ex humanis Eustochium decessisset, solatio amita remansit Paula junior destituta. Hæc (ut dictum est) nata est ex matre Læta atque Toxolio filii sanctæ Paulæ, de cujus educatione ad ejus matrem S. Hieronymus Epistolam scripsit ³ dictaque est ad discriminationem Paulæ senioris ejusdem aviæ ista Paula nephis : de qua idem S. Hieronymus in dicta Epistola ad Augustinum, et Alpinum in fine his verbis ⁴ : « Paula vestra nephis » : sed melius ita in aliquibus scriptis codicibus : « Paula nephis vestra » : et quod sequitur : « miserabiliter deprecatur, ut memores ejus sitis, et multum vos salutet ». Hæc de ipsa : quæ in eodem

¹ Hier. ep. xxii. in fin. — ² Isai. lxxv. — ³ Exod. xv. — ⁴ Cant. iii. — ⁵ Cant. ix.

¹ Hier. ep. xxv. — ² Hier. ep. xxvii. — ³ Hier. ep. vii. — ⁴ Hier. ep. lxxix.

relicta monasterio, quando diem extremum clausurit, nobis est hactenus incompertum. Par est autem credere, ut quæ (quod suo loco dictum est superius) nata est ex repositione martyris, et ab ipsis inenabulis Deo dicata, tantarumque feminarum sancta educatione nutrita, ac S. Hieronymi scriptis ab infantia ad summum virtutum exemplar instituta, finem egregia pariter clausurit sanctitate.

103. Sed et illud, et ex eadem S. Hieronymi Epistola velim observes, ipsum non Paulæ neptis tantum nomine eisdem Augustino atque Atypio episcopis salutem impertire, sed nomine etiam Albinae, Piniani, atque Melaniae, quos ante septem annos diximus versatos in Africa, et postea una simul venisse Hierosolymam: ait enim ¹: « Sancti filii communes Albinus (Albina), Apinianus (Pinianus), et Melania plurimum vos saluant ». Ilæc ibi. Verum pro Albinus, Albina, et pro Apinianus, Pinianus restituendi sunt, nisi præter Albinam matrem fuerit illic Albinus filius. Sed quando (inquires) hi Hierosolymam pervenerunt? ante triennium. Et ne putes nos agere conjectura, vel divinare; habes id ipsum expresse demonstratum in rebus gestis ² ejusdem Melaniae junioris: ubi cum dicatur eadem annis septem in Africa commorata; si repetas tempus ejus Roma illic profectiois, quam accidisse diximus anno qui præcessit Urbis cladem, nempe quadringentesimo nono; et ab eo tempore numeres septem illos annos, invenies utique ante triennium (ut dictum est) ipsam ac ejus socios Hierosolymam pervenisse, et una cum ea Albinam matrem Melaniae junioris, ut ejus Acta testantur: fuisse namque hanc Albinam nomine conjugem filii Melaniae senioris, Palladius docet ³.

104. Ab ipso autem Hierosolymam adventu post dies quadraginta defunctam esse Melaniam senio-rem, Palladius ⁴ tradit, licet de aliis nullam habeat mentionem: quos dum ait inferius ⁵ vitam duxisse in Campania et in Sicilia; plane ignorasse visus est, ex Augustino certum reddi eosdem in Africa degisse; nescisse pariter, ex S. Hieronymo palam fieri eosdem Hierosolymam profectos esse: quæ omnia pluribus testantur Acta S. Melaniae junioris. Quin etiam ex eodem S. Augustino constat, hos, cum Hierosolymam pervenissent, et Pelagium ibi agentem invenissent, ipsum admonuisse, ut ea omnino damnaret, quæ ab Orthodoxis adversus eum objicerentur: ipsum autem, veluti eis obtemperantem, scripsisse anathematisum adversus illos errores, qui ab Occidentalibus in eum objecti essent: sed quam dolose, quamque veteratorie, S. Augustinus aperuit. Sed accipe modo quid ipse de his cum Pelagio agentibus scriptis tradat ⁶: « Scripsistis mihi, cum Pelagio vos egisse, ut quæcumque adversus eum dicerentur, scripto damnaret; eumque dixisse, audientibus vobis: Anathemo, etc. » Miserunt au-

tem dicta a Pelagio eidem Albinus (Albina), Pinianus, atque Melania ad ipsum Augustinum: qui postea sub Zozimo papa confaratis scriptis ostendit impii hæresiarhæ fallacias. Sed de his alias.

105. De rebus autem gestis Melaniae junioris, ac Piniani viri ejus, ac sociorum, ejusdem Melaniae vitæ Acta declarant; nimirum peregrinatos esse in Ægyptum ad visendos sanctos monachos eremi accolas, relicta Albina matre ob ingravescentem senectutem Hierosolymis: inde vero redeuntes Hierosolymam, seorsum a conjugè Pinianum vitam excoluisse monasticam, Melaniam vero ad annos quatuordecim apud montem Oliveti clausam in cella perseverasse, duxisseque ibi in angusto loco vitam angelis similem. Mira quidem hæc videbuntur: sed si quis legat, quæ de ejusdem Melaniae vite instituto, antequam Hierosolymam proficisceretur, cum adhuc in Italia ac Romæ potissimum versaretur, idem qui supra Palladius ¹ scripsit, atque ea quæ de ejusdem vivendi ratione cum esset in Africa, eadem Acta habent; summum hujuscemodi monasticæ vitæ genus tum ipsam, tum virum ejus altigisse, haud valde mirabitur, cum se ab initio penitissimè Deo ambo addixissent.

106. *Christi apparitio mirifica super montem Oliveti, atque in baptisate conferendo miraculorum.* — Sed quid hoc item anno mirandum acciderit in Palestina, Marcellinus in Chronico, sub iisdem consulibus Monaxio et Plinta, docet his verbis: « Multæ Palestinæ civitates, villæque terrarum collapsæ sunt. Dominus noster Jesus Christus, semper ubique totus, super montem Oliveti Hierosolymæ vicinum sese de nube manifestavit. Multæ et tunc utriusque sexus vicinarum Gentium nationes tam visu quam auditu perterritæ, atque credulæ sacro Christi fonte ablutæ sunt: omniumque baptizatorum in tunicis crux Christi Salvatoris Divinitatis nutu extemplo pressa refusit ». Hæc Marcellinus, et alii. Cujus quidem rei adeo admirabilis occasione, de tempore adventus Domini ad judicandum cepti sunt ubique misceri sermones: quod ex Danielis ² Prophete vaticinio jam præauntialis esset, adventus Filii hominis in nubibus, et Zacharias ³ de ipso loco ejus adventus super montem Oliveti prædixerat. His insuper accedebat etiam, quod memoria omnium refineretur, quæ ab angelis dicta, a Luca ⁴ vero Evangelista conscripta sunt verba illa in eodem monte Oliveti, ubi Christus ascendisset in cælum, et de ipso Domino Jesu ita prænuntiata: « Quemadmodum vidistis eum euntem in cælum, ita veniet ». His, inquam, divinis prædictionibus, et cælitus ea facta apparitione, de venturi Domini ad judicandum tempore inter desertos viros disceptari ceptum. Cujus occasione scripsisse videtur Hesychius ⁵ ad S. Augustinum de novissima die; quæ, cum præcessissent (ut ait) tot signa, jam videretur instare. Cum et ipse S. Augustinus ⁶ proluxa dispu-

¹ Hier. ep. LXXIX. — ² Extant apud Metaphr. die 31 Januar. et Surt. tom. 1. — ³ Pallad. in Lausiac. c. 33. — ⁴ Ibid. c. 47. — ⁵ Ibid. c. 49. — ⁶ Aug. de Chris. grat. l. 1. c. 1.

¹ Pallad. in Lausiac. c. 49. — ² Dan. VII. — ³ Zach. XIV. — ⁴ Act. 1. — ⁵ Apud Aug. ep. LXXIX. — ⁶ Aug. ep. LXXX.

tatione, Epistola ad eundem Hesychium reddita, iidem egit de novissimi diei tempore : quam quidem hoc ab ipso scriptam esse anno, ex eo redditur exploratum, dum numerans Domini annos ita ait : « A nativitate Domini computantur anni ferme quadringenti viginti, a resurrectione autem, vel ascensione ejus anni plus minus novaginta ». Ceterum ipse redarguit de his curiosum nimis exploratorem; cum tamen ipse contra, diem illum haud instare demonstrat ex signis; cum longe abesset, ut impletum dici posset, quod apud Matthæum ait Dominus ¹ : « Prædicabitur hoc Evangelium regni in universo orbe, in testimonium omnibus gentibus : et tunc veniet consummatio » : nam subdit ² : « Sunt enim apud nos, hoc est, in Africa barbaræ innumerabiles gentes, in quibus nondum prædicatum esse Evangelium, ex iis qui ducuntur inde captivi, et Romanorum serviliis jam miscentur, quotidie nobis ediscere, in promptu est. Pauci tamen anni sunt, ex quo quidam eorum rarissimi atque paucissimi, qui peccati Romani finibus adherent, ita ut non habeant reges suos, sed super eos præfecti a Romano constituuntur imperio, et illi et ipsi eorum præfecti Christiani esse cœperunt. Interiori autem, qui sub nulla sunt potestate Romana, prorsus nec religione Christiana in suorum aliquibus detinentur ». Hæc Augustinus, cum de his agit. Sane quidem temporibus Genserici Wandalorum regis in Africa, in interiori Mauritania parte in regno Capsur cœptum fuisse Evangelium prædicari, occasione confessorum illuc relegatorum, Victor ³ affirmat.

107. Cum vero serperet venenum hæresis Manichæorum in Galliis hoc eodem tempore, Bonifacius papa hoc anno interpellatus libello accusationis a clericis Ecclesie Valentinae adversus Maximum episcopum Manichæorum sectatorem, delegavit causam cognoscendam episcopis septem provinciarum. Extat ipsa de his Epistola Bonifacii data hoc anno idibus Junii sub consulatu Monaxii. Vides igitur accusationes episcoporum deferri solere ad Romanos Pontifices. Quomodo autem Manichæi in Africa detecti fuerint, dicens anno sequenti.

108. Hoc item anno, iisdem consulibus, defuncto Chrysantio episcopo Novatiano Constantino- poli, in locum ejus successit esse Paulum, Socrates suorum Novatianorum texens successionem episcoporum affirmat : sub quo de Judæo hæc contigisse narrat ⁴ : « Judæus quidam veterator Christianam fidem simulans, sæpius baptizatus fuit : per quam fallaciam multas corrasit pecunias. Postquam autem multos ex variis sectis homines (Arianorum enim, et Macedonianorum baptismum receperat) dolo ludificatus, non habebat amplius quibus imponeret, tandem ad Paulum Novatianum episcopum venit; ait se magna cupiditate baptismi recipiendi flagrare : per ejus manum ut illud assequa-

tur, orat, Paulus ejus probat institutum; verum se non prius illi baptismum daturum ait, quam sit fidei articulis institutus, diesque quamplures jejuniis vacaverit. Judæus contra volentem jejunare coactus, acriter instare, uti baptismo donetur. Paulus quoniam illum tam obnixè baptismum petentem mora nolebant offendere, parat res ad baptismum necessarias. Cumque vestem candidam pro illo emisset, et alveum baptisterii aqua impleri jussisset, Judæum eo deduxit, ut illi baptismum impertiret. Verum aqua universa, divini quadam virtute, que oculis cerni præcipue non poterat, subito exhausta est. At cum neque episcopus, neque alii qui aderant, accurate considerarent qua ratione illi accidisset, sed aquam per foramen, quod in imo alveo fuit, per quod etiam alias aquam solebant educere, effluxisse existimarent; alveum baptismi de integro, foraminibus undique in eo firme obturatis diligenter implent. At cum Judæus esse secundo in alveum baptisterii deductus, aqua rursus penitus evanuit. Itaque Paulus : O homo (inquit) aut veteratoris partes agis, aut baptismum ignorans receptoris. Quare ubi ob miraculum a multis eo concursum erat, forte quidam Judæum de facie novit, eumque ab Attico episcopo baptismum viderat. Hoc miraculum per Paulum Novatianum episcopum editum fuit ». Hactenus Socrates, et ipse Novatianus. Sed hæc diligentiori sunt examine discutienda : extra enim Catholicam Ecclesiam nulli dari posse miraculum, apud omnes in confesso est.

109. Denique Socratem nihil esse mentitum (cum alioqui suspecta sit omnis de suis dogmatistis hæreticorum narratio) nihil est tamen quod ipse tribuere jure possit episcopo Novatiano miraculum, quod potius tribuendum fuerat sacramento, sicut nec prophetia Caiaphæ, sed cum Pontifex esset anni illius : verum namque reperiri apud hæreticos baptismum, jam totius Catholicæ Ecclesie sententia longe ante definitum fuisse liquet. Porro Novatiani cum verissimi assertores essent sanctissimæ Trinitatis, ejus rei causa (ut dictum est) passi sunt Christiani imperatores eos in civitatibus commorari : æque probatum fuisse illorum baptismum ab Ecclesia Catholica, nulla est dubitatio vel controversia. Non sic quidem de Arianorum atque Macedonianorum baptismo accidit. Nam cum Ariani additamento Eudoxii, iidem facti ibi in Thracia sunt Eudoxiani, eorum baptisma, sicut et Macedonianorum, Catholica Ecclesia penitus respuit, in quo nulla esset assertio Trinitatis, sub qua conferri debere baptismum, Dominus suis mandavit Apostolis. Sed cur (inquires) cum baptizatus est ab Attico episcopo Constantino-politano, non evanuit aqua, sicut cum initiandus ille erat a Paulo? Ea nimirum ex causa, quod tunc nulla fieret per reiterationem injuria sacramento, cum ante collatum sive per Arianos, sive per Macedonianos, nullius esset momenti : nec ante quidem Judæus ille baptismum est consecutus, quam cum ab Attico eo initiatus est sacramento. Stetit tunc aqua, quia tunc primum verum

¹ Matth. xxiv. — ² Aug. ead. ep. LXXX. — ³ Victor de persecut. Wand. l. 1. — ⁴ Socr. l. vii. c. 27.

baptismi collatum fuit : fluxit, cum in prioris injuriam secundum baptismum, licet ignorans, Paulus preparasset. Cessit igitur miraculum illud in confirmationem potius Catholicae veritatis, quam ad Pauli merita illustranda, quem Socrates laudibus ornat.

410. *Asclepiades episcopus agit pro damnatis.* — Contigit hoc ipso anno illidem Constantinopoli, ut eum quamplurimum penam luituri essent, eo quod officines faciendarum navium ad Barbaros transmisissent; agente pro eis apud imperatorem Theodosium Asclepiade episcopo Chersonensi, omnes liberati sint; cum idem Augustus ejusmodi rescriptum dedit¹ :

¹ L. ult. de pœnis C. Theod.

« His qui conficiendi naves incognitam ante peritiam Barbaris tradiderunt, propter petitionem viri reverendissimi Asclepiadis Chersonitanæ civitatis episcopi, imminente pœna, et carcere liberatis : capitale tam ipsis, quam cæteris supplicium proponi decernimus, si quid simile fuerit in posterum perpetratum. Dat. Constantinopoli, Monaxio et Plinta cons. » Hoc quidem tempore ruptum fœdus inter Romanos et Persas fuit : cujus rei causa Christianos, qui apud Persas agebant, graviter vexatos esse, anno sequenti pro ratione temporis dicti sumus.

Anno periodi Græco-Romanæ 5912. — Jesu Christi 449. — Bonifacii papæ 2. — Honorii 27. et 25. Theodosii Jun. 18. et 12.

4. *Consules.* — Coss. *Monaxius* et *Plinta* : prior Orientalis, ut liquet ex variis Cod. Theod. legibus eidem a Theodosio Jun. inscriptis ; posterior etiam in Oriente creatus ; cum in Tragœdia Irenæi cap. 46 legatur, fuisse magistrum militiæ ann. cxxxvi, sub Theodosio juniore, ille enim Plinta idem cum eo, qui hoc anno consulatum gessit. Præterea Priscus in Excerptis de legat. pag. 47, prodit, *Plintam* ex Scythia oriundum et exercituum ducem, qui, inquit, consulatus honorem gesserat, missum esse legatum a Theodosio Jun. ad *Rovan* Hunnorum regem, Attiæ decessorem.

2. *Bonifacius verus Pontifex agnitus.* — A num. 4 ad 43. Post mortem *Zozini*, duo in Romanum Pontificem affecti sunt, *Bonifacius* presbyter et *Eulalius* archidiaconus, et hoc tertium schisma, quod Ecclesiam Romanam afflixit. Primum fuerat *Novatianus* adversus Cornelium, et secundum *Ursicini* contra Damasum. In tertio clerus pæne omnis Bonifacio adhaesit ; *Symmachus* præfectus Urbi cum perpaucis aliis Eulalio. *Honorius* utrumque electum Ravennam accessit ; habita Ravennæ Synodus, et re infecta, alia apud Spoletum indicta ; inferimque uterque Urbe abstinere jussus. Sed cum *Eulalius* Urbem ingressus esset, populi seditio orta, indeque is ab Honorio pulsus et revocatus *Bonifacius*, (1) ac mandatum de Synodo Spoleti habenda per Largum Africæ proconsulem revocatum fuit.

Epistola Honorii ad Symmachum de Bonifacio in Urbem restituendo, quam refert Baronius num. 33, dicitur *data III nonas Aprilis, accepta VI idus Aprilis*. Hoc *Bonifacium* inter et *Eulaliū* dissidio factum, ut primum *Honorius*, deinde Italiæ reges, alii aliis temporibus sese Romani Pontificis electioni immiscuerint ; quod malum a parvis profectum initiis, in grande Romanæ Ecclesiæ dedecus degeneravit.

3. *Placidia operam suam confert ut schisma extinguatur.* — Honorius quando statuit Synodum Plenariam apud Spoletum cogere, et ad eam Africanos Patres per litteras evocavit, præter sacras divales eum privatas litteras ad *Avelium* primateum a Baronio num. 23 recitatas, *III kalend. April. Ravennæ* dedisse scribit Baronius, deceptus his verbis, quæ in iis leguntur : « Sed quamvis sacra domini germani mei Augusti principis ad Italiæ Synodum evocans auctoritas non negligenda proveniret, socianda specialiter etiam serenitatis nostræ scripta iudicamus ». Subdit enim Baronius num. 24 : « Quod autem ait, alias ante litteras datas ad ipsos episcopos per germanum suum Honorius imperator Constantium intelligit, cui ob præclaras res gestas adversus tyrannos sororem suam Gallam Placidiam dedit uxorem ». Verum Constantius anno tantum cxxxvi Augustus nuncupatus, et hoc eodem anno eademque de re Constantius ac Symmachus præfectus Urbi

(1) *Bonifacius* electus est A. D. 418, die xxviii Decembris, ac die xxix, quæ Dominica fuit, consecratus obiit A. D. 422, et quidem die iv Septembris, ut habent Hieronymiana martyrologia. Consentium fere omnes Catalogi veteres, qui referunt, sedisse *Bonifacium annos tres, menses octo, dies sex, aut septem*.

nullo citroque litteras scripsere a Baronio num. 25 et seqq. recitatas, quas Symmachus ita inscribit : « Domino semper illustri, et per cuncta magnifico, meritoque sublimes et præcelso Constantio Symmachus », quare, ut recte vidit Eminent. card. Norisius lib. I Hist. Pelag. cap. 16, litteræ illæ proculdubio ab ipsa Placidia Honorii sorore atque Constantii comitis ac patricii conjuge, datae, quod colligitur ex eo quod illa ibidem *germanum suum Augustum principem* appellat, cujus tantum erat, non vero Constantii privati adhuc viri, oborto schismate episcopos ad Synodos vocare. Ita eadem *Placidia* de obliteranda postea Pseudo-Synodo Ephesina litteras dedit ad Theodosium imper. itemque ad Eliam Pulcheriam Augustam, de quibus suo loco.

4. *Julianus in Apulia natus.* — A num. 43 ad 54. Quia *Julianus* Pelagianæ hereseos patronus plura pro ea scripsit, pluribusque eum *Augustinus* confutavit ; de ejus genere scriplisque nobis hic agendum cum Baronio num. 50 et seqq. qui cum non vidisset Opera Marii Mercatoris post ejus mortem e tenebris eruta, nomini jejune de eo tractare potuit. Eum *Attellanensem* fuisse scribit Baronius anno cxxx, num. 6. Verum non in Campania, ubi *Attella* sita, sed in Apulia *Julianum* natum, docet *Augustinus* lib. 6 Operis imperfecti cap. 18, ubi hæc de causa insolescentem, et *Augustino*, quod ex Africa ortus esset, exprobrantem, castigat sanctus Doctor his verbis : « Noli istum Pœnum monentem vel admonentem terrena inflatus propagine spernere : non enim quia te Apulia genuit, ideo Pœnos vincendos putas gente, quos non potes mente ». Ex quibus *Augustini* verbis liquet, versus *Prosperi* in Epigrammate contra sancti *Augustini* detractorem,

Aut hunc fruge sua æquore parere Britannii,
Aut huic Campano gramine corda tument.

de Pelagio ac Cælestio, non vero de Pelagio ac Pelagiano, qui Apulus erat, intelligenda, uti suo loco dixi.

5. *Juliani parentes.* — Nomen matris *Juliani* ante nobis ignotum, *Marinus Mercator* in Commentorio Subnotationum cap. 4, nos edocet : « Tune sancte ac beate recordationis *Memoris* episcopi filius? Tu *Julianæ* primariæ feminae, et qua nihil honestius inter reverendissimas matronas invenias, utero editus? Absit, absit, ut tibi istud credere amsim. Vermularum te eorum potius crediderim filium, suppositumque illis, ut sæpe dicitur factum, et quod tu potius tanta oris tui petulantia et obscenitate approbas; aut si il non erit, degenerasse illos in te nulli dubium erit, qui sanctos illorum hominum mores, sanctam vitam, institutumque noverunt, tumque sermonem in scriptis, hisque prudenter inspexerint. Quorum sane post obitum sanctorum hominum merito tu duas sorores tuas talibus disciplinis tui oris erudisti. Novimus, novimus quid tibi una earum, cum tu nimis severus in ejus ruinam

judoris insurgeres, objecerit, vel exprobraverit, atque tu mutus illico non ausus es ulterius censurae tuæ ullas dolores ejus inferre molestias». Fuit itaque *Julianus* filius *Memoris* episcopi, ut etiam advertit Baronius num. 50. Sed quod addit, ipsum *Memorem* vel *Memorium* videri fuisse episcopum *Capuanum*, atque filium summ eidei Ecclesiæ mancipatum diaconum ordinasse, falso inimitur fundamento, scilicet quod *Julianus Campanus* fuerit, et *Gemadius* eum *Capuanam* episcopum fuisse asserere videatur. Hinc enim sequi *Baronius* suspicatus est, ut *Memorius* quemadmodum erat genere nobilis, ita nobilem Campaniæ Ecclesiam rexerit; imo et filio præverit, tum munere, tum sede Episcopali. Nam, ut inquit *Garnerius* in Commentario Mercatoris, leves hæc conjecturae, neque *Julianus* ex Campania, sed ex Apulia originem duxit, et *Capuanam* Ecclesiam non tenuit in Campania, sed *Eclanensem* in Hirpinis, ut mox ostendetur. Et licet *Gemadius* vulgaris editionibus lib. de Script. Ecclesiast. cap. 45, *Julianum Capuanum* affirmet, in Codicibus tamen Mss. melioris notæ, nulla fit mentio loci, nec legitur ista vox, *Capuanus*; sed in quibusdam, *Julianus episcopus vir acer ingenio*, etc.; in aliis, *Julianus vir acer ingenio*, etc. uti in pervetusto Codice Ms. San-Germanensi.

6. *Juliana mater Juliani.* — *Julianam* *Juliani* matrem *Garnerius* suspicatur esse illam viduam, ad quam *Pelagius* scripsit librum consolatorium; sed postea re melius perpensa hanc amplexus est opinionem, quæ docet, viduam ad quam *Pelagius* scripsit, esse *Julianam* *Olybrii* consulis viduam, quam explanationem sequuntur *Labbeus* tom. II Concil. pag. 4516, et *Baluzius* in sua collect. Concil. pag. 361. Hæc *Marii* citati verba: « Denique libellus est ejus (id est, *Pelagii*) quem habemus in manibus, ad quamdam *Livaniam* viduam, sermonem continens exhortatorium, etc. », ubi videtur *Pelagius*, ut consilium suum occultaret, *Julianam Livaniam* vocasse. Nam et illam fuisse viduam eo tempore, patet ex *Epistola* vni *Hieronymi*, et familiaritatem inter eam et *Pelagium* fuisse, satis ostendit ejus *Epistola* ad *Demetriadem* *Julianæ* filiam. Præterea *Garnerius* putat, subindicari a *Mercatore* rumorem aliquando sparsum fuisse in vulgus *Julianum* suppositum parentibus suis fuisse. Sed alius, ut recte *Baluzius* in notis ad *Mercatorem*, est sensus verborum *Mercatoris*. Illud enim tantum ait, rhetoricando, ita diversos esse *Juliani* mores a moribus parentum, ut suspicari liceat suppositum illis fuisse, ut sæpe dicitur factum, aut si id non erit, degenerasse illos in filio.

7. *Ejus sorores.* — Duas *Julianus* sorores habuit, quas suis disciplinis, utique non optimis, post obitum sanctissimorum parentum erudivit, ut ex verbis *Mercatoris* laudatis patet. Duxit uxorem virginem consulem, *Jam* *Emilii* viri illustris, postea episcopi Beneventani filiam, et *Paulinus* episcopus *Nolanus* patris et filii amicus, perinde ac *Augustinus*, in *Juliani* et *Jæ* matrimonium scripsit *Epitha-*

Iamium, quod inter poemata Paulini est xxii, alias xv. Quæ causa solverit hoc matrimonium, an commune conjugum votum, an mors *Ipæ*, incertum; certum tamen solum esse ante parentum Juliani mortem. Scripsit enim ad Memorium Augustinus Epistolam cī, alias cxxxi, cum jam diaconus foret Julianus: « Superiores quinque libri vix filio nostro et condiacono Juliano, quoniam et ipse jam nobiscum commilitat, cognitione digni videbantur, etc. » Tunc autem temporis diaconis non licebat, aut esse in conjugio, aut certe eo uti, ut liquet ex Siricio Epist. 1, cap. 7, et Innocentio primo Epist. ii, cap. 9, et Epist. iii, cap. 1.

8. *Episcopus ab Innocentio papa ordinatus.* — Ab Innocentio papa ordinatum Julianum docet Mercator cap. 3, quod de ordinatione episcopali omnino intelligendum: Julianum enim temporibus Zozimi inter episcopos extitisse constat, tum ex Augustino, tum ex Mercatore, tum ex Epistolis duabus, quas ad Zozimum Julianus ipse dedit. Gennadius citatus *Capuanum* episcopum dicit in editis Codicibus, eamque sententiam Baronius amplexus est. Gelasius in Decreto de libris Apocryphis, et Beda Præfatione in Cantica *Celanensem* eundem faciunt; *Eclanensem* Petrus diaconus in fine libri de Incarnatione et Gratia; Holstenius ac Rosweidus; is in Notis ad laudatum Epithalamium, ille in Notis ad Italiam Cluverii, *Celanensem* in Campania Julianum pronuntiant. Nonnulli ex Prosperi depravato Chronico *Attelensem* fuisse contendunt. Est autem *Attela* Neapolim inter et Capuam, *Aversa* Italibus hodie vulgo nuncupata. Denique Vossius lib. 1 Hist. Pelag. cap. 6, *Heracleensem*, vel *Attelensem* suspicatur. Verum Mercator, qui nec ignorare potuit episcopatus ejus locum, nec minorem quam quislibet alius meretur fidem, *Eclanensem* episcopum pronuntiat, simulque litem dirimit. Nam in refutatione Symboli Theodori Mopsuesteni ait: « Simul admonere volens Julianum, ex episcopo oppidi Eclanensis hæreticum Pelagianum, seu Cælestianum, etc. », et in Præfatione in Tractatus Nestorii adversus hæresim Pelagianam: « Julianum ex episcopo Eclanensi cum participibus suis hujus hæresis signiferum et antesignanum, olim ab Apostolica sententia exauctoratum atque depositum, in amicitiam interim censui suscipiendum », nempe Nestorium. Habet autem Mercator consentientem reipsa Prosperum, in cujus melioribus manuscriptis legitur, *Eclanensis*, non vero *Attelensis*, ut notant Scaliger et Pontacus. Jam tamen a pluribus sæculis locus ille Prosperi corruptus. Nam in Bibliotheca Colbertina num. 240, extat Codex Chronici Prosperi ab octingentes circiter annis descriptus, in quo Julianus dicitur *Attelensis*, qui tamen in alio Codice ejusdem Bibliothecæ annorum quingentorum num. 1286 vocatur *Acclanensis*. Codices Gelasii, Bedæ, ac Petri diaconi depravati sunt unius litteræ depravatione vel conjunctione, ut Eminent. card. Norisius lib. 1 Histor. Pelag., cap. 18, et Garnerius in Dissert. de primis auctoribus hæresis Pelagianæ cap.

6, observarunt. Etenim in voce *Celanensis*, E per imperitiam Amanuensium post C ponitur, quam litteram si præponas, *Eclanensem* leges: in Codice vero Petri diaconi, ubi *Edanensis* appellatur, littera D dividenda est in C et L quæ perperam junctæ errorem continent.

9. *Episcopus fuit Eclanensis.* — Ubi situm fuerit *Eclanum*, optime explicat card. Norisius citatus, qui tradit, *Eclanum*, seu *Eclanum* antiquam fuisse Hirpinorum urbem distantem Benevento ex Itinerario Antonini M. P. xv, seu ex Tabulis Peutingerianis xvi, et Camillum Peruginum in Commentariis de Ducatu Beneventano prodere, *Eclanum* postea *Frequentum* dictum fuisse, tandemque terre motu dejectum, et ob bella civibus propemodum viduatum, quod in Tabulis Ughelli tom. viii Italiæ Sacræ refertur in Abellinensis episcopi jurisdictionem transiisse. Holstenius quidem in territorio *Frequentii* prope Mirabellam fuisse *Eclanum* contendit, et posteriori ævo *Quintodecimum* appellatum, cujus mentio fit in Actis sancti Mercurii martyris, ac postea a Constantino Græcorum imperatore funditus eversum anno dclxix. Ita Holstenius in Notis ad Italiam Cluverii pag. 1203. Verum in Chronico antiquo Beneventano monasterii sanctæ Sophiæ in calce tomi ix Ughelli, in quo non semel *Quintodecimi* mentio, recitatur quedam donatio facta anno xvii Radelchis principis Longobardi, indictione in Julio mense. Radelchis Beneventi dominum Leo Ostiensis lib. 1, cap. 31, memorat anno dcccvi: indicio vero in curbebat mense Julio anni dcccvi, quo ideo anno adhuc extabat *Quintodecimum*. *Eclanum* autem *Quintodecimum* dictum fuisse recte asserit Holstenius, qui ea loca diligentissime præsens exploravit: nam distantia a Benevento hoc ipsum comprobatur; cum *Frequentum* inde M. P. xii circiter distet; *Eclanum* vero xv, indeque *Quintodecimum* postea appellatum. Certum tamen est episcopalem sedem Eclano everso *Frequentum*, vulgo *Frigento*, fuisse translata, inquit doctissimus Cardinalis Norisius.

10. *Scripta ejus postquam hæresim Pelagianam aperte professus est.* — Vivebat adhuc Julianus anno dclxv, ut ex dicendis infra apparebit. Quo vero postea anno mortuus sit, prorsus incertum. Baronius num. 53 secutus editionem Suffridi Petri, existimat *Gennadium* errasse, quia in ea de Juliano habetur: « Moritur Valentiniانو, et Constantino ejus filio imperante ». Verum is error non Gennadio, sed librariis imputandus; in correctis enim Gennadii editionibus, et in veteri Ms. Sangermanensi legitur: « Moritur Valentiniانو Constantii filio imperante », ideoque ante annum dclv, quo Valentinianus III peremptus est. Baronius Scripta Juliani postquam sub Zozimo hæresim Pelagianam aperte professus est, et Augustini adversus Julianum variis annis edita, promiscue hoc anno refert, quæ hic, in quantum fieri poterit, in suos annos digerenda; ut Historia Pelagiana clarior evadat. Anno igitur superiori, ut ibidem diximus,

Julianus duas ad *Zozimum* Epistolas dedit, quartam altera perit, alterius vero quedam fragmenta *Marius Mercator* conservavit. Obtulit etiam *Augustino* primati Aquileiensi libellum fidei plurimorum episcoporum, octodecim nempe qui sese ei conjunxerant, et cum eo exactorati sunt, nomine scriptum; quem aliqui viri docti cum una ex Epistolis ad *Zozimum* ab eo datis perperam confundunt, existimantes eum libellum non ad primatem Aquileiensem, sed ad *Zozimum* papam missum fuisse; sed eam opinionem veram non esse jam demonstravimus.

11. *Tres Juliani Epistolæ*. — Meminit duarum harum Epistolarum *Baronius* num. 44, et num. sequenti Epistolæ ad *Rufum* Thessalonicensem episcopum Sanctæ Sedi valde addictum, datæ. In ea *Julianus* *Zozimum* ac clericos Romanos prævaricationis accusavit, ut videre est apud *Augustinum* lib. 2 ad *Bonifacium* cap. 3, asserturque adversarios liberum arbitrium de medio tollere; Deum acceptatorem personarum fingere; legem ab illis datam asseri non ad tollenda, sed ad augenda peccata; seque appellare Synodum Œcumenicam. Hujus Epistolæ epocha incerta; anno tamen superiori vel saltem currenti data, quamvis non improbabilius autemet *Cardinalis Norisius* lib. 4 *Hist. Pelag.* cap. 20, eam anno cxxxj, quo *Julianum* legationem ad *Atticum* Constantinopolitanum episcopum misisse ostendimus, scriptam esse. *Augustinus* lib. 1 ad *Bonifacium* cap. 4, indicat, *Julianum* confirmandis iis, qui Pelagianorum partes sequebantur, aliam quoque Epistolam Romam misisse, in qua profitebatur, se cum Manichæis, id est, Catholicis, quos eo nomine infamabat, quasi dicerent naturam hominis esse malam, non communicare. Hæc autem videtur circa hujus anni finem data.

12. *Augustinus scribit librum primum de Nuptiis et Concupiscentia adversus Julianum*. — Anno superiori cum *Augustinus* intelligeret, nonnullos apud *Valerium* comitem sibi imponere, quod nuptias damnaret, asserendo originale peccatum, librum priorem de *Nuptiis et Concupiscentia* ad eundem comitem transmisit, postquam Hipponem Casarea rediit, qui ideo sub finem anni superioris exaratus est; eum *Julianus* contra eum librum quatuor scripserit tempore schismatis ab *Eulatio* adversus *Bonifacium* concitati, cujus in illis libris ipse meminit. In eo volumine docet *Augustinus*, bonas esse nuptias, malam vero concupiscentiam, qua bene utuntur nuptiæ, originis reatum tolli per Baptismum; hominem factum a Creatore, captivatum a deceptore, indigum Redemptoris, filiosque ob originale maculam nasci peccatores a mundis et sanctis parentibus. Hujus prioris libri de *Nuptiis et Concupiscentia* meminit *Baronius* num. 51.

13. *Julianus libros iv adversus librum primum de Nuptiis et Concupisc. scribit*. — Primi *Juliani* impetus fuisse contra primum illum librum de *Nuptiis*, quem quatuor libris oppugnare tentavit, in hisque totus est, ut ostendat, *Augustinum* nup-

tias damnare, filios recens malos diaboli opus asserere, ac concupiscentiam esse bonam, neque ex peccato ortam, naturales vero esse miserias, ipsamque mortem. Interea *Alypius* in Italiam ob causam nobis ignotam veniens, antequam Ravenna, ubi imperator morabatur, discederet, a *Valerio* comite intellexit, quæ contra *Augustini* librum priorem de *Nuptiis Pelagiani* garrirret, a quo litteris ad *Augustinum* deferendis acceptis Romam profectus est, ubi cum *Bonifacius* papa perhonorifice excepit. Eo tempore *Alypius* excerpta quedam ex quatuor *Juliani* libris recens ab eo contra prius volumen *Augustini* de *Nuptiis* editis, a *Valerio* comite accepit, quæ una cum duabus *Juliani* litteris, alteris Romam ad decipiendos clericos Romanos missis, alteris Thessalonicam ad *Rufum* ejusdem urbis episcopum directis, ad *Augustinum* secum in Africam detulit. Utræque litteræ, cum per Italiam secreto circumferrentur, quorundam Catholicorum vigilantia delectæ fuerant, et ad eundem *Bonifacium* missæ, qui eas *Alypio* cum Roma discessit, tradidit. Priorem suam esse negabat *Julianus*, cui *Augustinus* lib. 1 Operis imperfecti contra *Julianum* num. 18, respondet: « Sed si eam non agnoscis, ecce, non sit tua. Utinam et illi libri non essent tui, sed alieni, ne per eos tu longe a veritate fieres alienus! » *Alypium* autem utramque Epistolam a *Bonifacio* accepisse testatur *Augustinus* lib. 1 ad *Bonifacium* cap. 4: « Indicavit mihi frater meus (nempe *Alypius*) quod eas illi dare ipse dignatus es, quæ in tuas manus, nisi vigilantissima diligentia fratrum nostrorum filiorum tuorum, venire non possent ». Denique excerpta illa seu chartulas, ut ab *Augustino* vocantur a *Valerio comite* Ravenna Romam ad *Alypium* missa esse scribit *Augustinus* lib. 2 de *Nuptiis* cap. 1.

14. *Augustinus scribit librum II de Nuptiis et Concupisc.* — Licet *Augustinus* maluisset illis Excerptis non ante respondere, quam integrum Opus unde fuerant desumpta, vidisset, tamen ut *Valerio* comiti faceret satis, ad ea nulla interposita mora respondit, alterum de *Nuptiis et Concupiscentia* librum elucubravit in prioris defensionem, illumque eidem *Valerio* pariter nuncupavit. In eo ostendit, Catholicorum dogmata nullum a Manichæorum deliriis distare, malam esse concupiscentiam, bonas autem nuptias, quæ bene utantur malo. *Baronius* num. 51 hujus libri secundi *Augustini de Nuptiis* meminit, et num. 46, hoc anno consignat priorem *Alypii* protectionem in Italiam, ita ut duas illas *Juliani* Epistolas hoc anno a *Bonifacio Alypius* accepit, et *Honorii* constitutionem datam *V idus Junii* adversus *Pelagianos* impetravit. Verum *Em. card. Norisius* lib. 4 *Hist. Pelag.* cap. 46, demonstrat ex Concilio Carthaginensi hoc anno celebrato, de quo infra, hanc sententiam subsistere non posse. *Alypius* enim in Sessione habita *VIII kal. Junii* sententiam dixit, idemque *III kal. Junii* Acta Synodi subscripsit, ideoque eo tempore *Alypius* Ravennæ esse non potuit, neque ab *Honorio* rescriptum illud impetrare. Quare *card. Norisius* cap. 21, priorem

illam *Alypii* in Italiam perfectionem confert in annum cxxxii, quo et librum secundum de Nuptiis ab Augustino compositum arbitratur.

15. *Quo anno liber ille editus.* — Verum longe verosimilius est, posteriorem *de Nuptiis* librum anno sequenti editum esse; cum *Alypius* tam hunc librum quam quatuor Augustini ad Bonifacium contra duas Epistolas Pelagianorum in Italiam detulerit, et ad utrumque Opus componendum non parvum tempus insumptum fuerit. Libros enim illos quatuor ad Bonifacium citatos ab *Alypio* ad eundem delatos testatur *Julianus* lib. 1 Operis imperf. cap. 85, ubi de illis hæc *Julianus* adversus Augustinum scribit: « Sicut in his libris quos nunc per *Alypium* ad Bonifacium misisti, etc. » Et lib. 2, cap. 179, idem iterat: « Tuis libris, quos nuper ad Bonifacium misisti, etc. » Quare *Alypius* iis quatuor Augustini libris acceptis Ravennam venit, et secundum librum de Nuptiis *Valerio* comiti tradidit: quod testatur ipse *Julianus* lib. 1 Operis imperf., cap. 7, ubi alloquens *Florum* episcopum Pelagianum ait: « Quia id impendio poposcisti, imo indixisti auctoritate patria, ut libro tractatoris *Poeni*, quem ad *Valerium* comitem vernula peccatorum ejus *Alypius* nuper detulit, obviarem ». Unde secunda *Alypii* in Italiam navigatio contigit statim ac Augustinus libros quatuor contra duas Epistolas Pelagianorum, alterumque *de Nuptiis* elucubravit, non quidem eodem anno, quo prior navigatio acciderat, ut putavit *Em. card. Norisius*, sed anno illam subsequente, nempe anno cxxxii. Quatuor illi ad Bonifacium libri plurima continent, non tantum dogmatica, sed etiam Historica; præsertim de rebus cum *Cælestio* Romæ gestis a *Zozimo* papa, et de Pelagianorum querelis, eorumque appellatione a Sedis Apostolicæ judicio ad Synodum Generalem, quibus abunde satisfecit sanctus Doctor. In quarto iusdibus aperit, quæ in quinque doctrinæ eorum capitibus in Epistola secunda Pelagianorum expressis latent, in laude scilicet creature, laude nuptiarum, laude legis, laude liberi arbitrii, et laude sanctorum, docetque opus non esse Synodo, ut hæresis aperta damnetur, longe plures hæreses judiciis particularibus quam universalibus Synodis extinctas, et hæreticos propter superbiam urgere, ut congregetur Synodus; perinde falsas sint, propter quos totus orbis commoveri debeat.

16. *Augustinus scribit libros vi adversus Julianum.* — Interim *Claudii* episcopi industria integri libri illi quatuor *Juliani*, contra quorum Excerpta *Valerio* pelente *Augustinus* scripserat, in ejusdem manus venerant, quos diligenter evolvens comperit illum, qui quædam inde selegerat, non omnia potuisse, aut non ita, ut in illis quatuor libris invenerat, cum nonnulla aliquantum putaverit esse mutanda. Totum igitur sese colligens *Augustinus* grande volumen elucubravit, in sex libros distinctum. Et quidem, ut inquit *Cardinalis Norisius* cap. 21, cum in cæteris a se adversus Pelagianos editis libris mirabilis fuerit, in hoc Opere pæne di-

vinus apparuit. In reliquis lucubrationibus hastatis pugnare visus est, in hac vero universum triarium robur emisit. In duobus prioribus libris procul a Catholicis amovet Manichæismi infamiam, qua *Julianus* Orthodoxos in invidiam, imo in detestationem trahere conabatur. Quatuor reliquos totidem *Juliani* libris opponit; et in horum primo, nempe tertio ejus voluminis, id agit, ut appareat, malam quidem esse carnis concupiscentiam, sed eo malo bene uti pudicitiam conjugalem; illudque malum nobis non ex substantia alia, quam Deus non condidit, nobis permixtum esse, ut Manichæus insanit, sed per Adæ inobedientiam exortum, ac in posteros traductum sola Baptismatis gratia expiari. In quarto demonstrat, malam esse concupiscentiam ex peccato ortam; gratiam neque ex meritis dari, neque necessitem homini inferre; nuptiarum bonum mederi concupiscentiæ malo, et Ethnicos cognovisse malam esse concupiscentiam. Libro quinto tradit, ex eadem damnationis massa alios esse gratis electos, alios vasa iræ factos, et Manichæis minime favere Catholicos, dum libidinis malum, et originis vitium agnoscent; sed Pelagianos potius, cum *de ea re, quæ a peccato libera est*, dicunt, *peccata non nasci*. Sexto tandem libro ostendit, nasci infantes peccato originali infectos, tolli per peccatum ejus reatum, et hujus peccati merito fieri, ut tantis ab infantia miseris alteratur genus humanum, utque parvuli sine regenerationis gratia morientes excludantur a regno Dei.

17. *Julianus libros viii adversus ii de Nuptiis et Concup. scribit.* — Cum vero lib. 1, num. 34, et lib. 2, num. 36, *Hieronymus* presbyter laudetur tanquam vita jam functus, isque die ultima mensis Septembris sequentis Christi anni ad Deum migravit, liquet libros illos post eum Christi annum in lucem editos esse. Eorum meminit *Baronius* num. 51. *Julianus* accepto Augustini altero de Nuptiis volumine, hortante *Floro* episcopo Pelagianum statim ad illud respondit. *Em. enim card. Norisius* citatus cap. 22, ostendit unum et alterum librum vivente Bonifacio illum scripsisse colligi ex iis, quæ *Julianus* habet initio fere libri primi cap. 7, *Indixisti auctoritate patria*, et cætera mox recitata. Ibidem etiam hæreticus vellicat quatuor Augustini libros ad *Bonifacium* scriptos, quos cum lib. 1 Operis imperf. cap. 85, ab Augustino nunc, et lib. 2, cap. 179, nuper ad Bonifacium missos scribat, non obscure indicatur, eosdem adhuc Bonifacio superstitute inchoatos. Reliqui post Bonifacii obitum exarati, et quidem in *Cilicia*, quo *Julianus* ac collegæ, *Cælestini* papæ decreto Italia excedere coacti, ad *Theodorum Mopsuestenum* primum hujus sectæ magistrum navigare decreverunt, ut infra videbimus. *Julianus* in his octo libris asserta a se in prioribus quatuor operosius communiter tentavit, concupiscentiam inter naturalia bona recensuit; nullam esse originale peccatum docuit, aliosque suos errores magna verborum copia magnoque argumentorum apparatu defendere conatus est. *Julianus* per multos annos

huic Operi incubuit, illiusque exemplaria ab *Alypio* Romæ reperta ad sanctum Augustinum confutanda anno tantum cxxxix, transmissa sunt, ut infra ostendemus.

18. *Octo libri Juliani exarati non sunt adversus sex Augustini in Julianum.* — Baronius num. 52 putavit, hos octo *Juliani* libros editos fuisse contra sex sancti Augustini, quibus priora quatuor *Juliani* volumina confutarat. Sed non ita est, ut animadvertit Card. Norisius citatus; nam cum octo libros *Julianus* in *Cilicia* componeret, Augustinus sex illos in Africa scribebat. Et quidem sanctus Doctor discrete affirmat octo *Juliani* libros contra alterum a se de Nuptiis editum pugnare: « Factum est », inquit in Praefatione Operis imperfecti, « ut sub eodem titulo etiam secundum librum scriberem, contra quem *Julianus* alios octo nimia loquacitate conscripsit »; et lib. 4, cap. 5, palam idem testatur, addens nihil a *Juliano* contra sex illos suos scripturatum fuisse: « Si ergo, ait, talibus incrementis loquacitas tua promoveretur, quem non terreat non veritas, sed numerositas librorum tuorum, quam computare me piget? Homo enim stupenda ubertate facundus, qui prius uni meo tuos quatuor et alteri meo tuos octo putasti esse reddendos, quis mille tuos reddere mediteris ».

19. *Error Gemadio peperam attributus.* — Baronius ibidem reprehendit *Gemadium*, quod in lib. de Script. Ecclesiast. scripsit *Julianum* septem contra sanctum Augustinum libros edidisse, quod itidem Honorius Augustodunensis *Gennadii* scriptor affirmavit. Verum, ut etiam observavit Card. Norisius, Baronius incidit in depravatam *Gennadii* editionem opera *Sutridi* factam; cum in correctis *Gennadii* editionibus de *Juliano* legatur: « Hæresim Pelagii defendere nixus scripsit adversus Augustinum impugnatorem illius libros quatuor, et iterum libros octo », ut habent editiones tam *Frobeniana* inter Opera sancti Hieronymi excusa, quam *Auberti Myræi*, et *Codex Ms. San-Germanensis* vestustissimus catalogi *Gennadii* de Script. Ecclesiast.

20. *Augustini Epistola ad Vitalem post decennium data.* — Ad num. 54 et seqq. Epistola Augustini ccxvii, alias cvii, ad *Vitalem* Carthaginensem scripta, in qua Augustinus, cum accepisset *Vitalem* docere initium fidei non esse donum Dei, fortiter reclamation, pertinet ad initium Semipelagianismi, ideoque commodius de ea a nobis agetur anno cxxxviii, quo eam datam arbitramur.

21. *Honorius imp. secundam adversus Pelagianos constitutionem emittit.* — A num. 56 ad 59. Honorius imp. *Vidus Junius Ravennæ* ad Aurelium Epistolam dedit, qua significat, sese constitutionem, quam anno superiori dederat adversus Pelagianum atque Celestium, renovasse simulque sanxisse, ut quisquis eos, ubicumque terrarum ageret, sciens non denuntiaret aut expelleret, ipsemet in exilium pelleretur. Recitat hanc Epistolam Baronius num. 56 et seq., quæ distinguenda a Constitutione, quam

Aurelio episcopo Carthaginiensi simul mittebat Honorius, quæ ad nos non pervenit. Id colligitur ex ejusdem Aurelii litteris ad episcopos Byzacene provinciae atque Arzuzitanæ *kalendaris Augusti* hæc de re datis, et a Baronio num. 58 relatis. In his enim Constitutionem imperatoriam ab Epistola sibi directæ discernit *Aurelius*, eosque omnes ad subscribendum cohortatur. Porro *Arzuzes* populi Africæ erant, qui Tripolitane et Byzacene provinciæ limites versus meridiem longo terrarum spatio incolebant, ut ostendit Emin. cardin. Norisius lib. 2 *Histor. Pelag.* cap. 8, præsertim ex *Orosio* lib. 4, cap. 3. Baronius num. 54 indicare videtur, *Alypium* eam sanctionem contra Pelagianos ab *Honorio* impetrasse. Verum jam ostendimus, tempore quo ea Ravennæ data *Alypium* Concilio Carthaginiensi adfuisse. Videtur itaque imperator impulsus fuisse a Bonifacio papa; cum *Prosper* libro contra *Collatorem* cap. 41 asserat, Bonifacium « piissimorum imperatorum Catholica devotione gavisum, contra inimicos gratiæ, non solum Apostolicis sed etiam regiis usum fuisse Edictis ». Schisma enim ab *Eulalio* excitatum, initio mensis Aprilis finem accepit, ideoque Bonifacius huic rescripto oblinendo vacare potuit. Nec refert quod *Prosper* plurium imperatorum mentionem faciat; cum idem loquendi modus a Conciliis Africanis eo tempore, quo Honorius solus in Occidente imperabat, usurpatus fuerit, et *Joannes* episcopus Antiochenus aliique episcopi scribentes ad Theodosium jun. cum solus in Oriente imperaret, dicant: « Quoniam vero imperatores piissimi, præcepisti, etc. », ut videre est in cap. 17 Synodici adversus Irenæum. Qui loquendi modus observandus.

22. *Subscriptiones damnationi hæreticorum nunc primum in usum inductæ.* — Valde refert hujus Epistolæ ad *Aurelium* verba notare, quibus jubet imperator, ut omnes Celestii et Pelagii damnationi subscribant. Non enim alias unquam, inquit *Garnerius* in *Dissert. m.* ubi actum est de profliganda hæresi, præcessit ulla, quod sciamus, constitutio principum Christianorum de conveniendis universis episcopis; sine qui defuisent Concilio, in quo fuisset, aut condita fidei formula, aut damnata cum auctoribus hæresis, sine etiam qui in sua singuli sede quiescerent, neque suspecti haberentur nomine hæresis, ut subscriberent latæ ab Ecclesia in aliquem hominem sententiæ. Nulla certe in toto Codice Theodosiano est, nullaque apud scriptores rerum Ecclesiasticarum: quæ enim jactantur de *Eusebio* et *Theognide* in causa Ariana, habent speciem longe diversam. Hæc igitur constitutio, censeri potest merito exemplar consequentium plurimarum. Lex autem subscribendi sancita est sacerdotali primum, deinde imperiali auctoritate, ut patet ex laudatis *Prosperi* de Bonifacio papa verbis, aliisque hujus sæculi scriptorum testimoniis ab eodem *Garnerio* in *Dissert. de subscriptionibus exactis* in causa Pelagiorum recitatis. Sicut porro in *Eutychiana* causa non alia fuit formula fidei, quam Epistola

sancti Leonis de *Incarnatione* ad Flavianum; ita nec in Pelagiana alia fuisse videtur, quam Zozimii Tractoria ad universos totius orbis episcopos. Quod cum alii non obsecrnt, tum Marius Mercator in Com-munitorio clarissime testatur: « Hæc omnia supra-scripta capitula ut jam superius dictum est, continet illa beate memorie episcopi Zozimii Epistola, quæ Tractoria dicitur, quæ Cælestius Pelagiusque dam-nali sunt, quæ et Constantinopolim, et per totum orbem missa subscriptionibus sanctorum Patrum est roborata. Cui Julianus, et reliqui ejus complices subscribere detractantes, consentaneosque se nolen-tes eisdem Patribus facere, non solum imperialibus legibus; sed et sacerdotilibus statutis depositi atque exautorati, ex omni Italia deturbati sunt ».

23. *Concilia Carthagensia vulgo VI et VIII appellata hoc anno habita.* — A num. 59 ad 98. Baronius Synodum Carthaginensem *post consulta-tionem Honorii XII et Theodosii VIII Aug., VII kalend. Junii*, hoc scilicet anno habitam, quæ *sexta* vulgo dicitur, *quintum* appellandam censuit. Ve-rum jam ostendimus, eum perperam ordinem Con-ciliorum Africanorum immutasse, eaque in re eruditos omnes contrarios habuisse. Sequitur post hanc Synodum in tomis Conciliorum alterius titulus his verbis conceptus: « Post consulatum gloriosis-simorum imperatorum Honorii XII et Theodosii VIII Aug., III kalendas Julii, Carthagine, in secretario Basilicæ Restitute, cum Aurelius episcopus una cum Faustino Ecclesiæ Potentinae provincia Italiae Piceni, legato Romanæ Ecclesiæ, etc. » Sed hæc duo Concilia non esse putavit Baronius, et cum eo Per-ronius Cardinalis cap. 48 Reptice suæ ad Magnæ Britannie regem, verum duas tantum actiones unius ejusdemque Concilii. Cum tamen veteres Conciliorum Africanorum collectores, prius *sextum*, posterius *septimum* inter Carthagensia appellent, ab eis in modo loquendi non videtur discedendum. In priori quod *Plenarium* fuit, conditi canones xxxiii, in posteriori canones tantum sex. In priori de Appellationibus ad Romanam sedem actum est occasione *Apiarii* Siccensis Ecclesiæ presbyteri, a suo episcopo ex Ecclesia Siccensi amoti, qui ad Zo-zimum appellarat, hincque statim *Faustinum* Poten-tiæ in Piceno episcopum cum duobus aliis legalis in Africam destinarat, ut *Apiarii* causam retractarent. Mortuo enim paulo post Zozimo, *Apiarii* causa in Plenaria Synodo Africæ hoc anno coacta, discep-tata est, ut pluribus narrat Baronius.

24. *Utrumque hoc anno fuitum.* — Concilium illud vulgo *sextum* appellatum, non solum annis quinque non duravit, ut vulgaris fert sententia; sed nec usque ad reditum legatorum, qui ad *Cyryllum* Alexandrinum et *Atticum* Constantinopolitanum missi sunt, jussu ejusdem Concilii, ad exquirenda Nicæni Concilii statuta, quæ hoc anno adducta sunt mense Novembri, et ex Africa ad Bonifacium papam missa, hoc etiam anno VIII kalend. Decemb., ut fidem facit titulus Symboli Nicæni in Concilio vulgo Africano sub num. 104. *Exemplaria Concilii Ni-*

ceni directæ sub die VI kalend. Decemb., post con-sultationem Honorii XII et Theodosii VIII, Bonifacio Urbis Romæ episcopo. Quibus ex verbis Emin. card. Norisius lib. I Hist. Pelag. cap. 18, refellit meta-chronismum Baronii hæc de Innocentio et Marcello legatis Africanis num. 73 scribentis: « Antequam legati redirent, contigit Bonifacium mori, et in ejus locum suffici Cælestinum », qui juxta Baronium anno cxxxiii Pontificatum iniit. Cur enim legati hoc anno ex Africa profecti pleno quadriennio Alexan-driæ et Constantinopoli morati fuissent? In eam opi-nionem Baronius descendit, quod legens Epistolam ad Cælestinum a Synodo Africana scriptam, vidit adhuc sub *Cælestino* in causa *Apiarii Faustinum* legatum degisse Carthagine, indeque ejusdem causæ cognitionem usque ad Cælestini pontificatum pro-tractam existimavit. Sed his *Faustinus* in ejusdem *Apiarii* causa legatus in Africam venit. Primo qui-dem anno præcedenti sub pontificatu Zozimii finem, ac paucos menses Carthagine moratus, cum *Api-arium* episcopis Africanis conciliasset, Romam re-versus est. At idem *Apiarius Cælestino* Pontifice immanium criminum iterum accusatus, damnatus-que Cælestini patrocinium imploravit, a quo Eccle-siasticæ communioni restitutus est, misso in Afri-cam iterum *Faustinum* legato, ut cum episcopis *Apiarii* causam retractaret. Illic vero conscientia reâ sti-mulis actus universa crimina, quæ diu perfricta fronte negarat, tandem confessus est. Quæ omnia in Synodi Africanae Epistola ad *Cælestinum* narrantur. Quare certum esse debet Concilium Carthaginense tam *sextum* quam *septimum*, ita vulgo appellata, eodem anno iniitum et finem accepisse.

25. *In Concilio Plenario anno superiori habito appellationes transmarinæ vetite.* — Quod porro contendebant Africani, ab ipsis Christianæ religionis in Africa primordiis consuetudinem obtinuisse, ut presbyteri, diaconi, et clerici inferiores in suis quis-que provinciis judicarentur, appellatione ad trans-marinos iudices omnino interdicta, Baronius num. 70 perperam arbitratur, decretum fuisse in Synodo priori Milevitana anno cdm coacta, canone xxii. Nam canon ille iisdem omnino verbis conditus fuit a Concilio Plenario Africæ anno cxxxviii celebrato; in canone quippe xvii ejusdem Plenarii Concilii transmarinæ appellationes velantur; quod decre-tum ob tentatum id temporis contra Africane Ec-clesiæ consuetudinem ad *Apiario* appellationem emissum fuisse non dubitandum. Cuspinianus in Comment. Pastorum Cassiodori ad consulatum Mo-naxii et Plintie, ait: « Augustinus Epistolam scribit ad episcopos Græcos, in ejus datis ponit hæc consules ». Quare cum Cuspinianus Bibliothecæ Casareæ sæculo proxime claspso præferit, existimo eam Au-gustini Epistolam in ea Bibliotheca ab illo lectam, ibidemque adhuc extare. Quæ admonitio forsai ini-tialis non erit, ut sciri possit an ea sincera, vel sup-posititia, quod magis reor.

26. *Cyryllus rescripsit Africanis de Paschate anni sequentis.* — Præfati Synodi Carthagenensis

oratores ex Oriente reduces Attici et Cyrilli litteras Patribus Africanis reddidere. Cyrillus in suis diem Paschatis anni sequentis ad diem *xiii kalend. Maii* annuntiavit, inquit Baronius num. 99. Et revera ii præter canonum Nicænorum exemplar petierant etiam a Cyrillo, uti Paschatis diem in proximum annum, seu *futura indictione*, anni nempe *cxix* indicare vellet; quod utrumque Cyrillus egit, ea Epistola ante Septembrem, quo tertia indictio incipiebat, scripta id ostendente. Hæc Cyrilli verba: « De Pascha vero, ut scripsistis, nuntiamus vobis *xvii kal. Maias* nos futura indictione celebrare ». Verum nota illa Paschalis mendosa, et loco *xvii kal. Maias*, id est, *xv Aprilis*, scribendum, *xiv kal. Maias*, id est, *xviii die mensis Aprilis*, quo anno sequenti Pascha celebratum. Petavius lib. 2 de Doct. Temp. cap. 64, de hac Cyrilli Epistola fuse disserit, et in Appendice ad tomum II, pag. 884, eam integram recitat, extatque etiam tom. II Concil. editionis Labbeanæ pag. 1673. Verum in ea non *xvii kal. Maias*, ut apud Labbeum, sed *ix kalend. Maias* legitur, eique præterea assuta est longa quedam lacinia alterius scriptoris, ut Petavius existimat, in qua et iteratur Pascha celebrandum esse *ix kalend. Maias*. Petavius in notis ad eam Epistolam ealacinia auctam, ait: « Quod in antiquis membranis quotidie cernimus, cum in eundem codicem farrago quedam variorum scriplorum congesta esset, ac primo loco brevis illa Cyrilli Epistola cum ejus nominis inscriptione cerneretur, cætera quæ deinceps sine auctoris titulo subjecta sunt, eidem sunt attributa Cyrillo ». Subjungit Petavius eam laciniam de Paschate anni *cxvii*, quæ Bedam antecessit, videri intelligendam, cum eo anno Pascha *ix kalend. Maii* peractum fuerit, et Beda lib. de Rat. Temp. cap. 41, et lib. de *Argumentis Luce*, pag. 151, ejusdem lacinie seu appendicis memnerit. Quare conclusit Petavius, illius Appendicis auctorem haud dubio ducentis annis posteriorem fuisse. Bucherius vero in lib. de Doct. Temp. cap. 3 et 5, Cyrillum de Paschate anni *cxliiv*, quo illud *ix kalend. Maias* celebratum, intelligendum esse autumat. Denique Card. Norisius loco citato arbitratur, Cyrillum, qui græce scripsit, respondisse Pascha peragendum esse *die xxiii mensis Pharmuti*, qui concurrat cum die *xviii mensis Aprilis*, seu cum die *xiv kalend. mensis Maii*, in quem revera anno sequenti Pascha incidit, sed imperitum interpretem transtulisse *ix kal. Maias*. De Appendice nullam mentionem facit Emin. card. Norisius.

27. *Due Cyrilli de Paschate Epistolæ distinguende*. — Verum hæc omnes interpretationes rejiciendæ, observandumque brevem *Cyrilli* Epistolam ad Carthaginenses, scriptam extare, vel seorsim sine ullo additamento, ut in omnibus latinis Conciliorum collectionibus, a Theodoro Balzamone, aliisque etiam græcis, et in iis Pascha dici nuntiatum *xvii kal. Maii*, (sed librariorum oscitantia, licet antiquus interpres recte vertisset *xiv kal. Maias*, id est, *xviii die mensis Aprilis*, duabus vocalibus in

inferiori parte connexis, reddidisse *xvii* in ultimo numero, cujus erroris a librariis commissi exempla passim occurrunt; vel brevem illam *Cyrilli* Epistolam reperiri conjunctam cum alia Appendice, seu verius cum alia Epistola, ut apud Bucherium pag. 72, et apud Petavium citatum, qui uterque eam cum Mss. codicibus contulit, Ibi autem Pascha indicitur, tam in Epistola quam in additamento, *ix kal. Maias*, cujus erroris hæc causa fuit. *Cyrillus* duas inter alias de Paschate litteras dedit, alteram hoc anno ad Patres Africanos; alteram anno *cxliiii* ad monachos quosdam, ad quos de Paschate anni *cxliiv*, quod in diem *ix kalend. Maias* incidebat, scripsit; sciolus vero nescio quis, non advertens librarium duas *Cyrilli* Epistolas sub unica inscriptione uno tenore exarasse; et perpendens *Cyrillum* in secunda Epistola, seu, ut sibi videbatur, in posteriori parte Epistolæ, contendere Pascha celebrandum esse *ix kal. Maias*, diem in priori Epistola expressum, quem diversum videbat a die in secunda designato, mutavit, et loco *xiv kal. Maias*, vel *xvii kal. Maias*, si is error jam in eam Epistolam irrepisset, posuit *ix kal. Maias*, uti in posteriori Epistola: quæ conjectura optima fuisset, licet in textum minime inserenda, si *Cyrillus* unica Epistola quæcumque apud Bucherium et Petavium leguntur, assertisset.

28. *Secunda ad monachos de Paschate anni cxliiv scripta*. — At *Cyrillus* duas Epistolas de Paschate duobus diversis annis scripsit, quas postea amanuenses in unam eandemque congressere, ut vel hæc verba, quibus prior finitur, demonstrant: « De Pascha vero, ut scripsistis, mandamus vobis, *ix kalendas Maias* nos futura indictione celebrare »; et alia manu: « Deus et Dominus sanctam Ecclesiam, id est, Congregationem custodiat ». Hæc data hoc anno ad Patres Africanos, ut inter omnes convenit. Altera, quæ sequentibus verbis continetur anno *cxliiii* ad quosdam monachos a *Cyrillo* data ob controversiam de Paschate anni *cxliiv*, de qua etiam scripsit ad sanctum Leonem papam, ut manifeste liquet ex Epistola Paschasini Lilybetani episcopi ad eundem Pontificem data, in qua significabat, anno *cxliiv*, nono kalend. *Maii* Pascha celebrandum esse. Ait enim Paschasius: « Distinguo itaque tractatu vel ratiocinatione id verum invenimus, quod ab Alexandrinæ Ecclesie antistite (sc. *Cyrillo*) beatitudinis vestre rescriptum est ». Sed hæc *Cyrilli* ad Leonem papam Epistola perit, et quæ ad monachos ab illo data, temporis progressu cum illa confusa est ab amanuensibus, quam hoc anno ad Patres Africanos de Paschate anni *cxix* scripsit. Inscriptio quidem Epistolæ *Cyrilli* ad monachos ad nos non pervenit, sed ex Epistolæ seu partis Epistolæ quæ superest, lectione pater primo, eam non ad unum, sed ad plures scriptam. Secundo, hos *Cyrillo* inferiores ac subditos fuisse; hic enim ait: « Præcipio vobis, ne faciatis Pascha in mense Martii, in anno embolismi, sed in *ix kal. Maii* ». Tertio, qui de eo diem Paschatis seiscitali fuerant; (nam se in-

terrogatum fuisse dicit) monachos exilisse. Ait siquidem Cyrillus: « Indicabo vobis quod Pachomius monachus insignis, factis Apostolicæ gratiæ egregius, fundatorque Ægypti Cenobiorum, edidit ad monasterium, quod lingua Ægyptiorum vocatur Bonum, etc. » Exemplum quippe illud monachis videtur propositum. Verum quidem est, Bedam lib. de Rat. Temp. cap. 41, quædam ex hac Cyrilli Epistola præferre de Pachomio et Selenitide lapide, quæ in hac posteriori Cyrilli Epistola leguntur, et lib. de Argum. Lunæ, hanc Epistolam a Cyrillo ad sanctum Leonem papam datam esse affirmare. Verum Beda in eo quod eam ad sanctum Leonem scriptam arbitratur, deceptus est, ut rationes mox in medium allate clare ostendunt, nisi Cyrillus cui bis a Beda ea Epistola attribuitur, de Pachomio et Selenitide lapide, tam in Epistola ad Leonem, quam in Epistola ad monachos locutus fuerit. Cæterum secundam illam Epistolam, quam Pelavius lætiniæ prioris vocat, verum partem esse Cyrilli, liquet ex eo quod non solum ei a Beda assertur; sed etiam ex eo quod in tot bonæ notæ codicibus Mss. in quibus describitur, eidem ascribitur.

29. *Africani appellationes transmarinas tandem admisere.* — Episcopos Africanos tandem admisisse appellationes ad Romanos Pontifices, liquet ex iis exemplis, quæ Baronius profert. Verum, ut notavit Marca lib. 7 de Cœcordia cap. 15, n. 5, id factum non est in hoc Concilio Carthaginiensi, vulgo *Sexto* appellato, tametsi ita visum fuerit Baronio, num. 74, huc enim sententiæ manifeste repugnant eorum oppositiones verbis minime ambiguis concepte in eorum Epistola ad *Cælestinum* papam Bonifacii successorem. Cessare ergo tandem Africani, quia Pontifices Romani nihil voluerunt remittere ex jure sibi legitime quæsito in Concilio generali Occidentis, Sardinensi nimirum; cum possessioni eorum consensissent Africani episcopi, qui ad certum tempus morem gesserant desiderio Summorum Pontificum. Subsidio fuit exemplum Galliarum et Hispaniarum, apud quas in usum revocatum est privilegium illud. Tum etiam Novella Constitutio Valentiniæ suggerente sancto Leone papa anno cdxlv, quæ Summo Pontifici supremam auctoritatem tribuit in judiciis episcoporum, sive ii Galli sint, aut ex aliis provinciis, quod *Africanos* coegit ad observationem canonum Sardinensium. Præterea incursio *Vandalorum*, qui Arianæ erant, et in Africa anno cxxxvii dominari cœpere, Africanos necessitate adigebat ad arcissimam unionem cum Ecclesia Romana. Vestigia tamen quædam contradictionis extant in Epistolis papæ Leonis, in causa *Lupicini*. Sed acquiescisse eos constat ex Ferrando, ex capitulis 59 et 60 Breviarii canonum.

30. *Prior Collectio canonum Africanorum.* — In hac Synodo universali lotius Africæ, quæ *Sexta* vulgo dicitur, præsentem *Faustino* legato Romanæ Sedis, relecti sunt canones illi omnes, qui diversis in Conciliis editi fuerant tempore *Aurelii* primatis Carthagensis, et nova definitione, consentiente

Faustino, approbati sunt. Horum Conciliorum Gesta et canones cum *Faustinus* Romam retulisset, Apostolicæ Sedis consensu adeo probata sunt, ut partem deinde fecerint Collectionis nostræ veteris, quæ incipit a tertio Carthaginiensi Concilio, et cætera ex ordine complectitur, quæ habita sunt sub *Aurelio* usque ad VII Carthaginense et præterea Milevitanum sub Aurelio. In ea veteri Collectione continentur tantum canones, quos Ecclesia Romana recepit, eadem serie et ordine, quo sunt in Conciliis Africanis editi; omissis canonibus cæteris, quibus edendis defuit auctoritas Ecclesiæ Romanæ.

31. *Secunda Collectio canonum Africanorum.* — Postea *Dionysius* alium ordinem secutus est in describendis canonibus Africanis ab eo, qui jam receptus erat. Etenim præmisso universali totius Africæ Concilio hoc anno habito, et positus xxxiii canonibus in eo editis, statim subjungit Collectionem a se confectam canonum in variis Conciliis Africanis editorum: in qua selectis iis, qui ad disciplinam Ecclesiasticam pertinebant, ceteros omisit. Præterea cum canones aliqui in superiori Concilio editi poliantur aut explicantur in sequenti, *Dionysius* ut compenditum laboris legendi faceret, unica editione contentus fuit, et ipse alicubi verba quædam ex prioribus addit, aut demit, ut inquit Marca in Dissert. de veteribus Collectionibus canonum cap. 4, qui et capite sequenti plura notavit de ordine Conciliorum Africæ in veteri Collectione.

32. *Hieronymus meminit Aniani Pelagiani et mortis sanctæ Eustochii.* — Ad num. 98. Divus Hieronymus in Epistola cccii inter Augustinianas, alias xxiv. Atypio et Augustino gratulatur, quod eorum opera Cælestiana seu Pelagiana hæresis extincta sit, et excusat, quod nondum refellerit libros *Aniani pseudodiaconi Cædensis*. Baronius existimat, eam Epistolam anno sequenti datam; sed *Innocentius* presbyter ejus perlator in Orientem ad Cyrillum a Patribus Africanis missus, inde rediens in Africam ante diem xxvi Novemb., ut supra ostendi, ea dubio procul occasione viso *Hieronymo*, Epistolam de qua agitur afferendam accepit, hoc ipso anno, non vero subsequenti. Quippe Epistolæ initio, ut observant Patres Benedictini in editione Epistolarum sancti Augustini, cum Hieronymus excusat, quod *Innocentius anno præterito quasi nequaquam in Africam reversurus*, ipsius ad Augustinum scripta non sumperit, indicat duas *Innocentii* peregrinationes in Orientem: quarum prima si quidem *Innocentius* de suo in Africam reditu incertus erat, non est eadem cum illa quam hoc anno Africanæ Synodi auctoritate suscepit. Neque Baronius ex his Hieronymi verbis recte colligit, Epistolam anno sequenti a legatione *Innocentii* scriptam fuisse. Garnerius tom. 1 Oper. Mercatoris pag. 341, de hac Epistola Hieronymi loquens, suspicatur *Innocentium*, qui litterarum Hieronymi portitor, non fuisse eundem ac qui Alexandriam legatus est ab Africanis, quia *qui legatus fuerat Innocentius utique reversurus erat.* Verum Hieronymus solum in-

dicat, *Innocentium* suae Epistolae perlatorem in prima sua peregrinatione anno superiori suscepta in incerto fluctasse, an eo anno in Africam rediret. Non dicit autem in secunda peregrinatione, quando ei Epistolam suam consignavit : anno scilicet praesenti, de reditu certum non fuisse ; ideoque *Innocentius*, qui litteras Hieronymi attulit, diversus non est ab Innocentio, qui Alexandriam ab Africanis missus fuerat. Meminit in ea Epistola Hieronymus sanctae *Eustochii*, quae in Tabulis Ecclesiasticis colitur IV kal. Octob., et de qua pluribus Baronius num. 99 et seqq. Eam ejusque matrem sanctam *Paulam* ad studium sanctimoniae induxerat *Hieronymus*, ideoque ingens odium sibi conciverat apud Romanos, nec sine suspitione quod eas turpiter amaret, ut ipsemet scribit Epist. xcix ad *Acellam*. Quoad ejus dormitionem, cujus dolore se vehementer occupatum testatur Hieronymus in laudata Epistola ad Augustinum et Alypium, ea circa hoc tempus contigit, cum Palladius hoc anno vel sequenti Historiam Lausiacam scribens, in vivis eam agere credat in cap. 125.

33. *Paula junior et Melania junior florent in Palaestina.* — A num. 102 ad 106. Morle Eustochii *Paula* neptis ejus solatio desolita remansit. Erat *Paula* « ex Laeta et Toxotio gemila, imo voto et futura virginitatis repositione concepta », inquit Hieronymus in Epistola xxvii ad eandem Eustochium scripta. Toxotius vero filius erat sanctae *Paulae* senioris. Hieronymus in eadem ad Alypium et Augustinum Epistola ait : « Sancti filii communis, Albina, Pinianus, et Melania plurimum vos salutant... Neptis vestra *Paula* miserabiliter precatur, ut memores ejus sitis, et multum vos salutet ». Ubi *Paula junior* dicitur neptis Augustini et Alypii tam in editione Victorii, quam in editione Patrum Benedictinorum, sed errore librariorum, ni fallor. Quomodo enim *Paula junior* Alypii et Augustini neptis dici potuit? Baronius quidem observat in aliquibus Mss. legi : *Paula neptis, vestra*, quo pacto sensus constaret ; cum *Paula* ad discrimen *Paulae* aviae, *Paulae* neptis dici potuerit, sicut et filia, spiritalis nempe, Augustini et Alypii. Sed iidem Patres Benedictini nullum memorant Ms. quo lectio Baronii comprobetur. Praeterea quibus in Epistola Hieronymiana, loco *Albina* in quibusdam Mss., legitur *Albiana*, suspicatur Baronius *Albinam* habuisse filium nomine *Albinum*. Verum *Albina* nullum hoc tempore filium habuit ; *Publicola* enim junior, ejus filius, jamdiu obierat.

34. *Melania senior Hieronymis demortua.* — *Melania senior* cum *Melania juniori*, *Piniano* hujus marito, et *Albina* *Melaniae* senioris nuru circa initium anni cxx ex Sicilia in Africam transmisere, ubi per septem annos apud Tagastem urbem mansere, annoque cxxvii Hierosolymam venire, ubi « cum facultates divisisset, intra quadraginta dies dormit in bona senectute, et summa mansuetudine et veneranda memoria », inquit Palladius in Lausiaca cap. 118, loquens de *Melania seniori*, quam

cum sanctam ac perfectam in Christo feminam appellat S. Paulinus in Epistola ad Augustinum, ordine xciv inter ejusdem Augustini Epistolas, eamque sibi ab Augustino in Epistola ad se data laudatam significat, apparet eam rectam fidem edoclam esse, ab Alypio praesertim et ab Augustino per illud septennium, quo cum suis ea in Africa mansit. Cum vero idem Palladius ibidem tradat, eam *sexaginta annos* natam ex Oriente Romam rediisse, idque anno Christi cccxxvii, ut suo loco demonstravimus, apparet etiam eam circa annum cccxxvii in lucem prodixisse, anno cccxxxi in Orientem Ruffino Aquileiensi comite sese contulisse, et octogennaria majorem e vita migrasse. Post ejus mortem *Melania junior* in Aegyptum ad invisendos sanctos monachos cum *Piniano* marito peregrinata est, tandemque redire Hierosolymam, et *Melania* per annos quatuordecim sese in domum inclusit, ut narrat Baronius ex Actis ejus vitae et infra explicabimus.

35. *Interrogatur S. Augustinus de die supremo mundi.* — Ad num. 106. Patres Benedictini in editione Epistolarum sancti Augustini existimant, Epistolam ejus cxcvii, alias lxxviii, ad Hesychium Salonitanum episcopum, de die supremo mundi non inquirendo, et Epistolam Hesychii ad Augustinum de signis ultimi Christi adventus, quae alias erat lxxix, nunc cxcvii, scriptas esse sub finem superioris anni aut praesentis initio ; quod Hesychius num. 5 dicit, signa per id tempus in caelo visa fuisse, huncque respicere putent ad insignem illum solis defectum, qui anno praecedenti contigit, quem « tanta scititas secuta est, ut multorum hominum, aliorumque animalium insuetam ubique mortem inferret », inquit Philostorgius lib. 42, quibus Hesychius signis permotus videtur, inquit, occasionem suspensis consulendi Augustinum de ultimo die mundi. Hinc Epistolam Augustini de fine saeculi cxcix, alias lxxx, ad eundem Hesychium, hoc anno exaratum arbitrantur. Verum a sententia Baronii, qui eas Epistolas occasione signorum ac terre motuum, qui hoc anno acciderent, conscriptas fuisse autumavit, non videtur recedendum. Marcellinus enim in Chronico sub hujus anni cons. ait : « Multae Palaestinae civitates villeque terrae motu collapsae. Dominus noster Jesus Christus semper ubique totus, et super montem Oliveti Hierosolymae vicinum sese de nube manifestavit. Multae et tunc utriusque sexus vicinarum gentium nationes, tam visu quam auditu perterritae atque credulae, sacro Christi fonte ablatae sunt, omniumque baptizatorum inimici in tunicis Crucis Christi Salvatoris, divinitatis nuda, extemplo pressa refulsit ». Continuatio itaque signorum, novaeque spectacula, quae hoc anno visa, ut de die ultima saeculi serio inquiretur, *Hesychio* ansam praebuit.

36. *Prodigia quae hoc anno acciderent.* — Philostorgius civitas postquam de eclipsi, quae anno praecedenti apparuit, locutus est, narravitque quae de ea eo anno ex ipso retulimus, ait : « Insequenti anno terrae motus cepere, qui cum superioribus

hand facile conferri possint. Simul autem cum terræ motibus ignis quoque e celo demissus, omnem salutis spem præclusit: nullam tamen hominibus cladem intulit. Divina enim benignitas immisso vehementi vento, cum ignem undique fuggasset, in mare laudem projecit. Et videre erat novum quoddam spectaculum, maris videlicet fluctus quasi saltus quosdam ac sylvas, diurno tempore conflagrare, donec flamma penitus in mari exsincta esset. Porro multis in locis cum terra movisset, visa sunt ædium culmina magno cum fragore ac sonitu dirumpi, adeo ut ii qui intra domos erant, cælum ipsum oculis suis cernebant. Post erant autem divulsionem, ita rursus juncta et compaginata sunt, ut nullum ejus rei, quæ acciderat, indicium relinqueretur. Idem quoque pavimentis ædium accidit diversis in locis. Nam et horrea eos, qui sub ipsis habitabant, oppresserunt, frumenti acervum ipsius superfundentia per subitos hiatus: ac rursus solum ita coaluit, ut cuncti ambigerent, undenam frumentum illud lethale defluxisset. Alii præterea hujusmodi casus novi atque insueti eo tempore contigerunt, qui quidem manifestissime ostendebant, non naturali modo atque ordine ista evenire, ut Gentiles falso opinantur: sed divinæ indignationis flagella in homines immissa esse». Respiciebat ad has calamitates Augustinus quando in Epistola cxcix, num. 36 dicebat: « Nullam, inquis, patriam, nullum locum nostris temporibus non affligi aut tribulari certum est: sicut dictum est, præ timore et expectatione, quæ superveniunt universo orbi». Lucæ 21, v. 26. Iluc referendum quod scribit Idacius in Chronico, anno Abrahami мѣсѣхххv, qui kalend. Octobris superioris Christi anni inchoatur: « In Gallicana regione in civitate Biterris multa signa effecta terrifica, Paulini Epistola ejusdem civitatis episcopi enarrat, ubique directa». Denique laudatas Epistolas occasione eclipsis Solaris anno superiori vise scriptas non esse, patam etiam faciunt verba alterius Idacii in Fastis ad consulatum Monaxii et Plinte: « His coss. S. Joannes (legendum, Praxilius) Hierosolymorum episcopus qui supra, Epistolam dirigit per Ecclesias orbis terrarum, quæ habetur de signis terroribusque divinitus perpetratis». Quare ex Epistole sub hujus anni finem vel sequentis initio date.

37. *Hæresis Manicheorum in Galliis grassatur.* — Ad num. 107. Hæresim Manicheorum in Galliis grassatam esse hoc tempore, ostendit Epistola Bonifacii papæ ad episcopos Galliarum de Maximo Valentine civitatis episcopo accusato a clericis civitatis illius, quod sectam Manicheorum sectatus fuisset. Epistola dicitur data sub die idus Junias, Monaxio viro clarissimo consule. Porro cum Monaxius et Plinta in Oriente consules creati fuerint, utriusque nomen in Actis publicis in Occidente scriptis enuntiari debuit, vel formula post consulatum adhiberi, et vice versa in Oriente, quando uterque consul in Occidente dignitatem inerat. Et tamen hoc ipso anno Bonifacius papa aliam Epistolam dedit solo Monaxii consulis

nomine notatam, ut videre est anno cxxxi, num. 8. Ea in re aliud quod dicam non habeo, nisi aliquando licet rarius, unici consulis mentionem factam in Occidente, quando uterque consul Orientalis erat. Aliud exemplum profero ex quarto tomo Concilii, petitum, ubi pag. 1070 refertur Epistola Simplicii papæ Basilisco Augusto data, licet sciolus aliquis, loco *Basilisco Augusto*, posuerit *Zenoni Augusto*, uti anno cdlxxvi, quo ea Epistola a Simplicio papa scripta, ostendimus. In ejus subscriptione dicitur: *data quarto idus Januarias Basilisco Augusto consule*. Et tamen Armatius Basilisci in consuluata collega consul etiam Orientalis erat qui ideo non minus quam Basiliscos memorari debuit. Binus ibidem in Notis ait, in notam consularem mendum irrepisse, et loco *Armatii*, positum esse nomen *Augusti*. Verum explicationem illam refellit subscriptio Epistole ejusdem Pontificis paulo post ibidem relate, quæ dicitur data *III idus Januarii consule superscripto*. Quare Epistola pridie data unius tantum consulis nomine insignita erat. Nisi quis dicat, hæc verba, *Consule superscripto*, a librariis addita esse; cum in ea Epistola consuluatus Basilisci nulla antea mentio facta fuisset. Quicquid hæc de re sit, nonnisi paucissima exempla occurrunt, in quibus Pontifices Romani vel alii Occidentales unus dumtaxat consulis meminerint, quando uterque Orientalis erat.

38. *Cassianus libros xii de institutis Cœnobiorum scribit.* — Sed redeo ad Bonifacium papam, cujus Epistola de accusatione Maximi episcopi Valentini inscripta est Patroclo, Hilario, Castorio, Leontio, etc., et cæteris episcopis per Gallias et septem Provincias constitutis. Patroclus erat metropolita Arelatensis, et Hilarius Narbonensis prima: Castor vero episcopus Aptensis in secunda Narbonensi, et Leontius Forojuliensis in eadem provincia. Porro corpus septem Provinciarum Galliarum vulgo dictarum, licet mutilatum, adhuc subsistebat; pars sub imperio Romano remanserat, et pars altera Golhis fœdere cesserat. Verum Bonifacius papa istius cessionis rationem non habuit, ut ex inscriptione laudate Epistole liquet. Castor, qui in Ecclesia Aptensi et in supplemento Martyrologii Gallicani ad diem xxi Septemb. colitur, non multo post ad Deum migravit. Ei Cassianus abbas Cœnobii Massiliensis suos xii de institutis Cœnobiorum libros nuncupavit, qui ideo ante presentem annum elucubrati fuerant, parabatque etiam decem priores suas Collationes eidem inscribere, sed interea Castor e vivis excessit.

39. *Semi-pelagianis fauet Cassianus.* — In iis de Cœnobiorum institutis libris postremam Pelagianæ sententiæ moderationem Cassianus secutus, dixit, nos posse bona opera humanis quidem viribus inchoare, at non sine divina gratia eadem perficere, ut videre est lib. 12, cap. 14. Ne tamen putaretur sentire gratiam Dei secundum merita dari, quæ erat Pelagianorum hæresis subiungit: « Dicimus enim secundum Salvatoris sententiam, dari quidem

petentibus, et aperiri pulsantibus, et a quaerentibus inveniri : sed petitionem et inquisitionem et pulsationem nostram non esse condignam, nisi misericordia Dei id quod petimus, dederit, vel aperuerit quod pulsamus, vel illud quod quaerimus, fecerit inveniri. Praesto est namque occasione sibi tantummodo a nobis bonae voluntatis oblata ad haec omnia conferenda ». Em. card. Norisius lib. 2 Hist. Pelag. cap. 1, existimat, Cassianum hos libros edidisse etiam ante damnatam haeresim *Pelagii* ab Innocentio vel a Zozimo, quod Pelagii sententiam, qua gratiam nonnisi legem esse contendebat, cap. 18 referat et illam non reprehendat, «Egyptiosque monachos divinae Providentiae gratias egisse tradat, «quod adjuvat nos », inquit Cassianus, «et illuminat, ut ipsum adiutorium nostrum, quod non aliud quiddam interpretari volunt quam legem, intelligere et agnoscere valeamus ». In quibus graviter a Cassiano peccatum est; tum quod divinam gratiam ex Pelagii sensu explicatam citra reprehensionem proposuit, tum quod Augustini, in quem non bono animo fuisse in eo Opere ostendit, veram interpretationem tacitus praeterivit. Ex quibus ante Pelagianorum damnationem libros *xii De institutis* monachorum illum auctorem scripsisse suspicatur card. Norisius; cum ex libris quos postea contra Nestoriorum scripsit Pelagianorum hostis Cassianus agnoscatur.

40. *Decem priores Collationes dedicat S. Leontio Foro-Julienſi episcopo.* — Mortuo *Castore* Cassianus decem priores illas Collationes *Leontio* episcopo et *Castoris* fratri tanquam eidem haereditario jure, ut ait, debitas dedicavit. *Leontium* autem in illarum Praefatione his verbis commendat : «Debitum quod beatissimo papae *Castori*, etc. Nunc autem quia deflinquens nos Pontifex supradictus migravit ad Christum, has interim decem collationes summorum Patrum, id est, anachoretarum, quos ille in-

comparabili studio sanctitatis, simili sibi jusserat sermone conscribi; vobis potissimum, o beatissime papa *Leonti*, et sancte frater *Helladi*, credidi consecrandas. Alter siquidem vestrum, memorato viro et germanitatis affectu, et sacerdotii dignitate, et quod his majus est, sancti studii fervore conjunctus, haereditario fratrum debitum jure deposcit ». Ex quibus constat, *Castori* Aptae Juliae episcopo fuisse fratrem et cognominatum illum *Leontium*, et in episcopum etiam exiisse. Verum cujus Ecclesiae *Leontius* ille episcopus fuerit, in controversia positum. *Gazæus* in commentario ad ix collationem sub iudice litem relinquit, an eae collationes *Leontio Foro-Julienſi*, vel *Leontio Arelatensi*, aut *Leontio Burdigalensi* nuncupatae fuerint. Verum *Savaro* et *Sirmondus*, uterque in Notis ad *Sidonium*, quos nuper secutus est *Antelmius* in *Dissert. de Initio Ecclesiae Foro-Julienſis* cap. 14, has decem collationes *Leontio Foro-Julienſi* sanctitatis laude celebri inscriptas fuisse recte censuerunt; *Leontius* enim *Arelatensis* nonnisi circa annum *cdlxii* *Arelatensem* Ecclesiam rexit, et *Leontius Burdegalsis* a *Fortunato* celebratus non nisi saeculo sequenti floruit, quippe qui subscripsit secundo Concilio *Parisiensi* circa annum *dlxix* habito. Caeterum collationes illae decem ante annum *cdxxvi*, quo *S. Honoratus* ex abbacia *Lericensi* ad Ecclesiam *Arelatensem* translatus est scriptae; cum et adhuc abbati *Lericensi* dicatae fuerint septem consequentes, in quarum Praefatione decem illarum priorum *Cassianus* meminit. *Helladius* vero cujus causa *regulae illae prius* missae fuerant, inquit *Pholius* in *Biblioth. Cod. cxcvii*, id est, instituta *Genobiorum*, abbas tunc erat monasterii Aptae a sancto *Castore* aedificati, et postea episcopus fuit, ut legitur in Praefatione ad septem postremas *Cassiani* collationes; sed cujus Ecclesiae, incertum.

BONIFACII ANNUS 2. — CHRISTI 420.

1. *Edicta contra Caesetium et Pelagianos.* — Quadringentesimo vicesimo Christi anno, Theodosio Aug. nonum, et Constantio Caesare tertium consulibus, idem Constantius auctus imperio ab Honorio ex Caesare Augustus est nominatus : id *S. Prosper*

in Chronico proficitur. Quo tempore *Caesetius Honorii* rescriptis una cum haeresi jam antea (ut vidimus) exagitatus, cum iterum sese audax inferret in Urbem, iterum cum suis pelli *Constantii* imperatoris rescripto jubetur : quod acceptum ex vetusto

codice ab Henrico Gravio deserto viro Lovaniensi, una cum aliis superius redditis, hic edendum curavimus : sic enim se habet :

2. « Imperator Constantius Volusiano præfecto Urbis. Cum tum præteritæ superstitionis, tum recentis plena vanitatis jamdudum corrigi jusserimus, quotidianis insinuationibus major fieri nuntiatur. Et quoniam discordia animos commovet populorum : ea quæ jamdudum jusseramus, præcipimus iterari. Unde his tectis, eximietas tua, omnes qui Dei invidenti pietati diligenter inquirat, et eos faciat statim a muris Urbis expelli ; ita tamen, ut ne intra centesimum quidem lapidem habeant licentiam consistendi. Cælestium quoque magis ac magis ex Urbe expelli mandamus. Constat enim, iisdem ex medio sublatis, gratiam et concordiam tenere veterem firmitatem. Sane deinceps si tale quippiam fuerit nuntiatum, officium præstantiæ tuæ capitali sententiæ subdendum esse cognoscat. Non enim patimur impunitum esse, præcepta nostra executionis negligentia protelari. Vale, parens carissime et amantissime ». Et adjecta subscriptio. « Impleatur quod jussimus ; quia hoc fame tuæ expedit ». Post hæc vero ista quæ sequuntur, in eodem codice legantur :

3. « Exemplar edicti propositi a Volusiano præfecto Urbis.

« Volusianus præf. V. dixit : Hactenus Cælestium divinæ fidei et quietis publicæ turbatorem judicii amica reis secreta subduxerunt. Jam leges etiam edicti persequuntur absentem. Cui, quod primum est, æternæ Urbis negatur habitatio ; ut si vel in proximis fuerit diversatus, debitum non evadat exitum. Pro merito etiam temeritatis atque ausus sui cunctos hujus edicti cautione præmonemus, ne quis iniquus noxio latebram putet esse præbendam : ne cum hujusmodi sit posita pœna, supplicium ac styllum necesse sit proscriptioem incernere, quisquis reum divinis humanisque legibus apud se putaverit occultandum ». Ita ibi, ac post hæc :

4. « Exemplar edicti præfectorum prætorio.

« Janius, Quartus, Palladius, Monaxius, et Agricola iterum præfecti prætorio dixerunt : (adversus)... Pelagium atque Cælestium Catholici dogmatis fidem sævis (suis) tractatibus destruentes, sententia principalis invaluit, ut venerabili Urbe submoti bonorum consilio (consortio) mulctarentur. Hoc igitur omnes admoneri oportet edicto, ne quis sinistræ persuasionis erroribus credulum præstet assensum. Et si ille sit plebeus, ac clericus, qui in caliginis hujus obscena reciderit : a quocumque tractus ad judicem, sine accusatrici discretionis personæ, facultatum publicatione nudatus, irrevocabile patietur exitum : nam superna majestas non colligit ex secreti ignorantia reverentiam, ita et ineptæ disputationis injuriæ eximit per edictum ». Hactenus ibi. Compressi nonnihil hisce edictis Pelagiani, haud palam (ut antea fecerant) ausi sunt prædicare blasphemias. Meminit hujusmodi contra Pelagium edictorum Photius in sua Bibliotheca his verbis : « Scri-

psit etiam Constantius Placidia vir, Valentiniani pueri pater, ut exilio mulctaretur Cælestis hæreticus. Scripsit adversus cum sententiam Volusianus præfectus Urbis. Ille vero Volusianus avunculus fuit S. Melaniæ, Ethnicorum errores sectatus, colens deos ; in morte vero convertitur, et a S. Proclo baptizatur Constantinopoli ». Hucusque Photius : sed de his pluribus suo loco.

5. *Ursus tribunus in Africa, Ethnicos et Manichæorum turpitudines insectatur.*— Hoc item anno, ad suggillandam Gentilium imposturam, pro animi arbitrio oracula falsa fingentium, accidit quod S. Prosper scribit ¹ in libro de Prædicationibus, et nos superius attigimus, de Cælestis templi demolitione facta Carthagine : « Cum, inquit, a quodam Pagano falsam vaticinium velut ejusdem Cælestis proferretur, quo rursus, et via et templa prisco sacrorum ritui redderentur : ille, ille, inquam, verus Deus, cujus prophetica vaticinia nesciunt omnino mentiri, nec fallere, sub Constantio et Augusta Placidia, quorum nunc Filius Valentinianus pius et Christianus imperat, Urso insistente tribuno, omnia illa templa ad solum usque perducta, agrum reliquit, in sepulturam scilicet mortuorum, ipsamque viam sine memoria sui Wandalica nunc manus evertit ». Hæc Prosper : qui cum ista dicat contigisse sub Constantio imperatore marito Gallæ Placidia, quem constat hoc anno imperare cepisse, et sequenti finem vivendi fecisse, ad hæc plane tempora pertinere noscuntur.

6. Quod autem ex eodem Prospero certum tempus habetur, quo nominatus ab eo Ursus tribunus Ecclesiæ negotia jussione imperatoris Carthagine curabat : hic referenda sunt quæ sub eodem ibidem contigisse de Manichæis Possidius narrat his verbis ² : « Apud Carthaginem quoque dum per quemdam domus regie procuratorem, nomine Ursum, fidei Catholicæ hominem, ad quosdam Manichæorum, quos Electos, vel Electas dicunt, præsentem perveniretur, atque ad Ecclesiam ab eodem deducerentur, et perducerentur, ab episcopis ad tabulas auditi sunt. Inter quos etiam sanctæ memoriæ Augustinus fuit, qui præ cæteris illam execrabilem sectam noverat, et eorum prodens ejusmodi damnabiles blasphemias, ex locis librorum quos illi accipiunt Manichæi, usque ad confessionem earumdem blasphemiarum eos produxit : et quæ inter se illi suo more malo indigna, et turpia facere consueverunt, a feminis illarum, velut electarum prodicione, illis Ecclesiasticis Gestis declaratum est. Atque ita pastorum diligentia Dominico gregi, et augmentum accessit, et adversus fures et latrones defensio competens procurata est ». Hæc Possidius.

7. Sed istæ Manichæorum turpitudines in publica Acta relatæ, quarum fuerint, licet Possidius minime referat, narrat tamen ipse Augustinus in libro de Hæresibus ad Quodvultdeum : quæ quidem cum obscenissimæ sint, stylus promere erubesceret,

¹ Prosp. de prædict. par. III. c. 38. — ² Possid. in Vit. Aug. c. 16.

nisi eandem contingeret ab Augustino accipere, a quo mundo omnia munda, et per quem cum fluit immunda, pura redduntur. Reddamus hic igitur ejus verba ¹: « Delecti, inquit, sunt tamen idem Manichæi in Ecclesia (sicut scis) apud Carthaginem, jam te ibi diacono constituto. Quando instante Urso tribuno, qui tunc Domini Regie præfuit, aliqui ad ducti sunt; ubi puella illa nomine Margarita istam nefariam turpitudinem prodidit: quæ cum esset anorum nondum duodecim, propter hoc scelestum mysterium se dicebat esse violatam. Tunc Eusebiam quamdam Manichæam, quasi sanctimoniam, id ipsum propter hoc ipsum passam, vix compulsi contiteri, cum primum illa se asseruisset integram, atque ab obstrictæ inspecie postulasset. Quæ inspecta, et quid esset inventa, totum illud turpissimum scelestus, ubi excipiendum, et commiscendum concumbentium semen farina substernitur (quod Margarita indicante absens non audivit) similiter indicavit. Et recenti tempore nonnulli eorum reperti, et ad Ecclesiam ducti (sicut Gesta episcopalia, quæ nobis misisti, ostendunt) hoc non sacramentum, sed execrantium sub diligenti interrogatione confessi sunt. Quorum unus nomine Viator, eos qui ista faciunt, proprie Catharistas, id est, Mundatores, vel Purgatores, vocari dicens, cum alias ejusdem Manichæi sectæ partes in Macario, et specialiter Manichæos distribui perhiberet, omnes tamen has tres formas sub uno auctore propagatas, et omnes generaliter Manichæos esse negare non potuit ». Hactenus Augustinus.

8. *Vincentii Victoris et Leporii hæreticorum, Augustino auctore, respicientia.* — Eodem tempore in Africa novi erroris assertor emerit Vincentius Victor, qui de animarum origine nova commenta excogitavit, nempe eas non ex nihilo, sed ex divina creatas esse substantia. At in primis per quos ista cuniculos impius derivavit, dicendum est. Et quod ad tempus spectat; post damnatam Pelagianam hæresim ista ab homine prodita, S. Augustinus testatur, dum adversus eum agens, de Pelagianis hæc ait ²: « Novellos hæreticos Pelagianos justissime Concilium Catholicum, et Sedes Apostolica damnavit auctoritas ». Quod vero ad Vincentium Victorem pertinet: quid de eo ad ipsum scribens idem Augustinus tradat ³, videamus: « Cum enim, inquit, quis esset Vincentius Victor, ab eis qui te noverant, et forte aderant, requisissem; andivi te fuisse Donatistam, vel potius Rogatistam, nuper autem communicasse Catholicæ. Et cum gauderem tantum, quantum de his solemus quos ab illo errore liberatos esse cognoscimus, inno vero multo amplius, quod ingenium tuum, quo detectabar in litteris tuis, videbam non remansisse apud adversarios veritatis: additum est a referentibus, quod me inter illa gaudia contristaret, ideo te cognominari voluisse Vincentium, quod Rogati successorem, qui

hoc nomine appellatus est, adhuc tanquam magnum et sanctum virum animo teneas, et ob hoc illius nomen tuum volueris esse cognomen ». Imitatus nimirum S. Cyprianum, qui a sui doctoris nomine Caecilius cognominari voluit. Sed subdit: « Nec defuerunt, qui dicerent etiam hoc a te fuisse jactatum, quod ipse tibi, nescio qua visione, apparuerit, atque ad hos conficiendos libros, de quibus tecum agere isto nostro opusculo institui, sic adjuverit, ut ea tibi scribenda, quantum ad res ipsas rationesque affinet, ipse dictaret ». Hæc Augustinus, qui ejus fictionem redarguit: quippe cum profiteretur descripsisse Rogatistas, illorum ducem adeo pretenso studio coleret.

9. Sic igitur Vincentius vanis elusus a demone visionibus, elusus fastu et arrogantia inflatus spiritu, in docendo excellentiam emulatus, scribendi contra S. Augustinum ansam arripuit. Quomodo autem id acciderit, ipse Augustinus sic narrat ⁴: « Vincentius Victor in Maurilania Casariensi invenit apud Hispanum quemdam presbyterum Petrum nonnullum opusculum meum, ubi quodam in loco de origine animæ singulorum, utrum ex illa una primi hominis ac deinde ex parentibus propagentur, an sicut illi tui, sine ulla propagatione singulæ singulis deulur, me nescire confessus sum. verumtamen scire animam non corpus esse, sed spiritum. Et contra ista omnia mea idem Vincentius Victor scripsit duos libros, etc. » Hos cum a Renato monacho missos Augustinus accepisset, mox condrahiis scriptis inflatam nubem dissolvit in aera: quatuor enim conscripsit libros adversus emergentem ab inferis hæresim, ad Renatum primum, secundum ad Petrum, duos autem reliquos ad ipsum Vincentium Victorem. Porro ipse Petrus presbyter ab eo deceptus, illicque adeo totus addictus est ⁵, ut ipse licet ætate senex, et presbyter sacramento, illius tamen, etsi juvenis atque laici, caput excoleretur, perinde ac si cælitus missum doctorem invenisset.

10. Accidit tamen quasi miraculum (perraro enim est invenire auctorem erroris vere recantare palinodiam) ut idem Vincentius Victor superatum se fateretur ab Augustino, atque emendationis suæ litteras testes ad ipsum scripserit. Ita quidem, quod S. Augustinus cum primo lenitate devinxit: nam audi ipsum ⁶: « Quem tamen juvenem (nempe Vincentium Victorem) non præpreper detestandum, sed adhuc docendum, quanta potui lenitate tractavi: et ab eo scripta rescripta correctionis ejus accepi ». Observa S. Augustini praxim, quomodo agere consueverit cum recens progrediente hæretico, antequam desperata obstinatione resiliat ac penitus obduresceret; nimirum ex Apostoli pharmacia propinando illud primum medicamentum: « Si præoccupatus fuerit homo (ait Apostolus ⁷) in aliquo defecto; vos qui spirituales estis, hujusmodi

¹ Aug. ad Quodvult, de heresh. c. 46. — ² Aug. de anim. et orig. ad Petr. l. II. c. 12. — ³ Aug. lib. de anim. ad Vinc. Vict. l. I. c. 1.

⁴ Aug. Retract. l. II. c. 56. — ⁵ Aug. de orig. anim. l. II. c. 1. — ⁶ Aug. Retract. l. II. c. 56. — ⁷ Galat. VI.

instruite in spiritu lenitatis » : illa quidem instar Evangelicæ Archiatræ, recenti vulnere oleum infundens ante vinum: Quam autem hujus disciplinæ ipse Augustinus fuerit tenacissimus custos, ex eo etiam tu ipse poteris facile intelligere, quod cum aliquando recens lapsus in Anthropomorphitarum hæresim episcopum quemdam paulo severius reprehendisset, Epistola postea ad eum scripta, ab eo per Fortunatianum veniam petit: ad quem scribens, hæc de ipso habet ejus exordium ¹: « Sicut præsens rogavi, et nunc commoneo, ut fratrem nostrum, de quo collocuti sumus. videre et rogare digneris, ut ignoscas mihi, si quid durius et asperius in se dictum accepit in Epistola, quam me illo modo scripsisse non pœnitet, quia dixi ipsius corporis oculos nec videre Deum, nec esse visuros, etc. » Cæterum haud contemnenda visa est ea opinio ex Anthropomorphitarum vanitate progressa: nam complures eam habuisse tunc defensores, idem Augustinus docet tum in Epistola ad Paulinum ² eodem argumento conscripta, tum alia ad Italiam ³ data.

11. Sed quod perlinet ad propositam S. Augustini de agendo cum hæreticis disciplinam: ut pleniorẽ ex eodem auctore ea de re institutionem assequaris, de eodem Augustino dicta sæpe superius in mentem revoca; nimirum, quod etsi cum illis, qui prima linctura errore imbuti sunt, mansuetudine ac animi demissione agendum putavit: idem ipse tamen cum aliis in erroris fovea diutius immorantibus, nec inde educi facile patientibus, sed ex maculis iisdem iterum atque iterum infectis, inveteratis, obstinatis, et penitus refractariis, et contemptoribus hæreticis severitate agendum, usque adeo sæpius affirmavit, ut docuerit etiam esse eos vi compescendos, adversus eosdem imperatorum quoque auxilio implorato. Hæc sunt quæ de S. Augustini usu in agendo cum hæreticis hic ingessimus. Verum cum, incescente in dies magis malitia hominum, sæpe probavit eventus, quod haud facile hæreticus audiat suaviter admonentis veritatem, sed progredi solet quisque recedens a fide Catholica, Leviathan instar ⁴, obstinationis compactus squamis; ergastulo primum coercere bestiam errantem, et in errorem mittentem, eamque ibi curare, salubrius inventum est: sicuti prudentia probe docuit medicos, a vinculis incipere curare phreneticum. Severiori namque censura, et atrociori pœna punienda esse delicta progressu temporis, quæ ante correctæ non cessant, plane monet divina sententia in Lamech ⁵ lata, et delinquentis ore ita prolata: « Septuplum ultio dabitur de Cain, de Lamech vero septuagies septies ». At de his satis.

12. Sed attaxamus aliud huic simile de respicientia hæresis sectatoris grande miraculum. Eodem ferme tempore (certus autem annus ignoratur) hæreticorum omnium audacissimus, dicendus et ipse

hæresiarcha, Leporius opera S. Augustini, et Gallorum doctorum, ab hæresi ad fidem Catholicam conversus est; de quo ita Gennadius ¹: « Leporius adhuc monachus, postea presbyter, præsumens de puritate vite, quam arbitrio tantum et conatu proprio, non Dei se adjutorio obtinuisse credebat, Pelagianum dogma coepit sequi: sed a Gallicanis doctoribus admonitus, et in Africa per Augustinum emendatus, scripsit emendationis suæ libellum, in quo et satisfaci de errore, et gratias agit de emendatione: simul et quod de incarnatione Christi male senserat, corrigens, Catholicam sententiam tulit, dicens: Manentibus in Christo in sua substantia duabus naturis, unam credendam Filii Dei personam ». Hæc Gennadius. Porro hunc auctorem fuisse Nestorio suæ ipsius hæresis, Cassianus affirmat in commentariis, quos adversus eundem Nestorium de incarnatione conscripsit: nam et inter alia hæc habet, Nestorium alloquens ²: « Ita ergo et tu Pelagianæ hæreses spinosam sabuli fidem ostendis in germine, quod pater tuus habuisse traditur in radice? Leporius enim ille (tu Leporius discipulis suis dixit) Dominum nostrum assererat, Christum factum esse per baptismum: tu in baptismo templum dicis factum esse per Spiritum. Non quidem ad plenum eadem verba sunt, sed ad plenum una perversitas, etc. » De ejus vero tum errore, tum penitentia, ista superius ³:

13. « Leporius enim tunc monachus, modo presbyter, qui ex Pelagii (ut supra diximus) institutione, vel potius pravitate descendens, apud Gallias assertor prædictæ hæreseos, aut inter primos, aut inter maximos fuit, a nobis admonitus, adeo emendatus ita male conceptam persuasionem magnifice condemnavit, ut non minus pæne admiranda sit correctio illius, quam illæsa multorum fides: quia primum est, errorem penitus non incurere; secundum, bene repudiare. Is ergo in se reversus, non solum in Africa, ubi tunc erat atque nunc est, lam errorem suum cum dolore, quam sine pudore confessus est; sed etiam ad omnes admodum Gallicæ civitates flebiles confessionis ac plactus sui litteras dedit: scilicet ut ubi devictus ejus prius cognita erat, illic etiam emendatio nosceretur; et qui testes erroris antea fuerunt, iidem postea correctionis essent. Ex cujus confessione, vel potius deploratione, nonnulla inferenda existimavimus duplici ex causa; ut correctiones eorum et nobis testimonio, et his qui mutant, exemplo essent; quorumque errorem sequi non erubescerent, eorum emendationem sequi non erubescerent; et sic simili aegritudine infirmarentur, ita simili remedio sanarentur ». Nestoriani scilicet, Leporii et Pelagianorum erroris assectatores, « Is ergo, agnita opinionis suæ perversitate, et inspecta fidei luce, scribens ad episcopos Gallicanos, ita exorsus est:

14. « Quid in me primum, o domini mei vene-

¹ Aug. ep. CXI. — ² Aug. ep. CXII. — ³ Aug. ep. VIII. — ⁴ Job. XL. — ⁵ Genes. IV.

¹ Gennad. de Vir. illus. in Leporio, c. 59, et apud Hier. tom. IX. pag. 313. — ² Cassian. de Incarn. Verb. l. I. — ³ Ibid. l. I.

randi et beatissimi sacerdotes, accusem, nescio : et quid in me primum excusum, non invenio. Sic imperitia et superbia, sic stulta simplicitas cum persuasione noxia, sic fervor cum inlempentia, sic (ut verius dicam) cum sui diminutione debilis fides, simul in me omnia recepta vignerunt, ut tot et tantis simul sit et obedisse, confusio; et hanc eadem ab animo potuisse cedere, mihi stupenda gratulatio. Et post pauca subjungit : Si ergo minime percipientes hanc potentiam Dei, sensu nostro et propria ratione sapientes, quasi in inferiora se Deus agere videatur, ita hominem cum Domino natum esse dicamus, ut seorsum que Dei sunt, soli Deo demus; et seorsum que sunt hominis soli homini reputemus : quartam manifeste introducimus in Trinitate personam, et de uno Filio Dei non unum, sed facere incipimus duos Christos : quod a nobis ipse Dominus Deus Christus avertat. Ergo contitemur Dominum ac Deum nostrum Jesum Christum, unicum Filium Dei, qui sibi ante secula natus ex Patre est, nobis a tempore de Spiritu sancto ex Maria semper Virgine factum hominem, natum Deum : et continentem utramque substantiam carnis ac Verbi, unum eundemque Deum atque hominem inseparabilem semper pia fidei credulitate suscepimus : et ex tempore susceptæ carnis sic omnia dicimus, quæ erant Dei transiisse in hominem, ut omnia que erant hominis in Deum venirent : et hæc intelligentia Verbum factum sit caro, non ut conversione, aut mutabilitate cæperit esse, quod non erat, sed in potentia divinæ dispensationis Verbum Patris nunquam a Patre discedens, homo proprie fieri dignaretur, incarnatusque sil unigenitus secreto illo mysterio, quo ipse novit : nostrum namque esse credere, illius nosse, etc. » Recitat quæ reliqua sunt libelli Leporij Cassianus ad perfectam fidem de Verbi incarnatione pertinentia : ut mirum plane sit, antequam a Nestorio eadem hæresis promulgaretur, inveniri eam a Leporio suo ipsius libello penitus confutatum. asseritamque ea de re sincere Catholicam fidem, qua et sanctissima Virgo Maria Dei genitrix jure asseratur. Ad finem vero Cassianus hæc subdit : « Hanc ergo ejus confessionem, id est, Catholicorum omnium fidem, et omnes Africani episcopi, unde scribebat, et omnes Gallicani, ad quos scribebat, comprobaverunt ». At de Leporio hæc tenus. Magno quidem miraculo factum est, ut ipse hæresiarcha adeo sincera, adeoque vera confessione damnaret, quæ pugnaci disputatione ante defendere consuevisset. Præter Leporium hunc, alium invenimus clarissimum genere in S. Augustini¹ monasterio proflentem. At hæc de conversis sponte hæreticis ad penitentiam, ut ingentia miracula dicta sunt.

45. *Persecutio regis Persarum severissima in Christianos.* — Jam vero ad res hoc anno in Oriente gestas ab Africa exocelur oratio. His quidem annu hujus consulibus, persecutio adversus Christianos in Perside sævit; testantur id Socrates², et Marcelli-

nus³ : perdurasse autem usque ad biennium, ex his quæ tradit ipse Socrates, possumus colligere, dum ait, sub consulatu Honorii decimo tertio, et Theodosii decimo, una cum bello cum Romanis sedato persecutionem quiescisse. Cæterum quod ad tempus spectat, quo ea persecutio perduravit, redarguitur a Theodoro⁴ Socrates, cum ait eam propagatam esse ad annos circa triginta; quæ quidem sententia ex his quæ S. Augustinus scribat, nonnihil roboratur, dum in decimo octavo libro de Civitate Dei hæc ait⁵ : « Quid modo in Perside? Nonne in Christianos ferbuit persecutio, si tamen quævit, ut fugientes inde nonnulli usque ad Romana oppida pervenerint? » Hæc cum ipse tradat, et in fine ejusdem libri se ea scribere dicat anno trigesimo a consulatu Manlii Theodori, qui configit anno Domini trecentesimo nonagesimo nono; plane convincitur illa elucubrasset anno Domini quadringentesimo vicesimo nono, quo ea persecutio an cessasset, haud satis exploratum sibi fuisse tradit.

46. At quonam autem Persarum rege indicta hæc persecutio fuerit, dubitatum quoque fuit. Mortuo quidem Isdegerde, ab ejus successore ac filio Bararane fuisse excitatam, creditum est, ea potissimum ratione, quod ipse Isdegerdes amicus Arcadii, Theodosii ejus filii tutelam quodammodo suscepisse visus, de Romano imperio atque Theodosio optime meritus fuit : sensit id quidem Socrates⁶ : Theodoretus autem sub ipso Isdegerde id factum affirmat⁷, cui et ad stipulatur Cyrillus monachus in rebus gestis⁸ sancti Euthymii. Sed ejusnam partis sint potiora jura, relinquimus lectoris arbitrio.

17. Quonam autem de his Socrates scribat, ad verbum singula hic reddamus⁹ : « Isdegerde, inquit, rege Persarum, qui Christianos Persiden incolectes minime fuerat persecutus, mortuo, Bararanes ejus illius susceptis regni gubernaculis, a Magis ad eam rem impulsus, Christianos acerbè exagitare, cruciatu et tormenta varia, Persarum more, illis intelligere cepit. Itaque Christiani qui inter Persas habitabant, necessitate coacti, ad Romanos confugere, orare ne illos tam misere opprimi patiantur. Atticus episcopus illos supplices benigne excipere, omnem suam curam et cogitationem ad opem illis ferendam convertere, imperatori Theodosio rem palam facere. Eodem tempore aliam etiam ob causam Romani forte adversus Persas animo infensi fuerunt. Nam Persæ quidem et fossores, quos a Romanis ad auri venas excidendas mercede conduxerant, noluerunt illis reddere, et merces Romanis mercatoribus abstulerunt. Quam offensionem vehementer auxit Christianorum ad Romanos perflugium. Nam rex Persarum illico mittit legatos, qui illos ut fugitivos reptant, Romani autem eos qui auxilii causa ad ipsos confugerant, nequaquam reddiderunt : imo vero non solum eos ut supplices

¹ Marc. in Chron. sub his Consulib. — ² Theod. l. v. c. 38. —

³ Aug. de Civit. Dei, l. xviii. c. 12. — ⁴ Socrat. l. vii. c. 38. —

⁵ Theod. l. v. c. 38. — ⁶ Apud Melaph. die xx. Januar. — ⁷ Socrat. l. vii. c. 48.

¹ Aug. de diver. serm. L. — ² Socr. l. ii. c. 20.

conservare, animo constituerant; verum etiam omnibus opibus viribusque ad religionem Christianam propagandam eniti, parati fuerunt. Quapropter eum Persis bellum gerere, quam pati Christianos misere perire, maluerunt ». Hæc de belli et persecutionis causis Socrates, qui res eo bello gestas prosequitur. Nos autem, quæ de persecutione et causa ipsius a Theodoro sunt posteris commendata, reddemus : qui ait ¹ :

18. « Per idem tempus Isdegerdes rex Persarum persecutionem contra Ecclesiam concitavit, occasione ex re gesta, quam sum deinceps narraturus. arrepta. Audas episcopus, vir multis virtutibus generibus ornatus, zelo non opportuno ille quidem accensus, Pyreum demolitus est : templa enim, in quibus πυρ, id est, ignis, eorum Deus colitur, Pyrea vocant Persæ. De quo rex per Magos certior factus, Audam accessit : ac primum placide eum coarguit, et Pyreum demum adificare jubet. Qui cum ei contradiceret, negaretque se illud facturum : rex omnes Ecclesias Christianorum se diruturum minatur. Atque quod ante verbis minabatur, reipsa perfecit. Nam ut primum Audam divinum illum virum trucidari mandaverat, Ecclesias deturbari jussit. Quod autem ad Pyrei eversionem attinet, hæud opportune quidem illud factum fuisse existimo. Nam sanctus Apostolus² Athenas adventus, et civitatem supersticioso simulacrorum cultu cæcitate videns, aram quamdam ab illis honoratam minime diruit, sed verbo eorum ignorantem redarguit, et veritatem illis patefecit. Attamen quod Audas templum simulacri deturbatum extruere rursus voluit, sed interfecti potius quam illud efficere ; eum magnopere admiror, et corona dignum iudico. Nam par impietas est (mea quidem sententia) ignem adorare, atque ei adificare delubrum. Hinc igitur persecutionis tempestas orta gravissimos et turbulentissimos fluctus contra pietatis alumnos concitavit. Quæ procella triginta annos continuos a Magis, velut a quibusdam turbinibus, agitata duravit. Magos enim vocant Persæ, qui elementa in deos referant : de quorum commentitiis fabulis alio in opere, in quo eorum questiones dissolvebamus, satis enucleate disseruimus.

19. « Porro Gororanes (Bararanes) filius Isdegerdis post mortem patris, ut regni paterni, sic belli contra pietatem a patre commodi successor exitit : quippe pater moriens hæc dno conjuncta filio reliquit. Tormentorum autem genera, et nova cruciamenta piis hominibus ab illis inflicta, vix dicendo explicari poterunt. Nam quorundam manibus, aliorum autem tergis eorum detrahunt : aliorum capita a fronte exorsi ad barbam usque cute exuunt : deinde robustis vinculis a capite usque ad pedes circumligare, et singulos calamos vi arcte constringere ; ut partem cutis, ad quam mote erant arundines, eo pacto graviter lacerantes, acriores doloris morsus efficerent. Quin etiam lacus effodere, eos

summa cum diligentia jungere, deinde ingentem soricium numerum in eos concludere : postremo pietatis athletas, eorum manibus pedibusque constrictis, ne bestias abigant, soricibus velut alimantum obijcunt. Sorices autem fame oppressi, sensim carnes sanctorum absument, sique diuturnum et acerbum cruciatum illis afferunt. Itemque carnifices isti a scelerato illo nature nostræ inimico et veritatis hoste docti, tormenta alia his quidem multo asperiora excogitare. Sed tamen ne eo quidem modo athletarum fortitudinem et constantiam retundere poterunt : nam sua sponte accurrebant, magno desiderio mortis appetendæ, per quam aditus ad vitam immortalē patefit, inflammati : quorum duos tresve in memoriam revocabo, quo per hos etiam aliorum fortitudo cognosci queat.

20. « Hormisdam quemdam, virum in Persis apprime nobilem, ex genere Achemenidarum oriundum, patre prefecto, cum rex eum Christianum esse accepisset, ad se duci, et Deum Salvatorem pernegare jubet. At Hormisda : Quod imperas, rex, neque justum est (inquit) neque utile. Nam quicumque didicerit Deum omnium gubernatorem facile contemneret, eumque denegare, nullo facilius regem, quippe cum homo sit, mortalis nature particeps, contempturns est. Quod si tuum imperium pernegaverit, o rex, gravissimo dignus sit supplicio : quanto magis meretur ille quidem, qui omnium rerum effectorem pernegat? Rex autem, quem oportuerat sapientissimam ejus orationem admiratum esse, athletam generosum divitiis et honore spoliavit : deditque ei mandatum, ut omnibus vestibus, solo subligaculo excepto, exutus, camelos qui erant in exercitu duceret. Cum vero dies complures jam præterissent, rexque e labulato despicens, videret opimum illum virum et radiis solis exustum et conspersum undique pulvere : nobilitate ac splendore patris illius in memoriam revocato, primum jubet eum adduci ad se, et indusium lineo vestiri. Deinde arbitratus ejus animam partim cruciatu præterito, partim humanitate erga eum declarata molliam esse : Nunc demum (inquit) obstinatione deposita, filium fabri nego. At ille divino zelo accensus, indusium dilaceravit : eoque ad regem projecto, sic eum affatur : Si me hujus causa pietatis desertorem putas, habecas tibi donum cum impietate. Hæc ejus fortitudine perspecta, rex eum e palatio nudum exturbavit.

21. « Porro idem rex Suenem mille servorum dominum, qui ei contradicebat (quippe fabricatorem hujus universalitatis pernegare haudquam sustinebat) primum percucietur quis ex ejus servis amplissimus esset : deinde ei tradit reliquorum dominatum, ipsamque dominum Suenem illi servire jubet : quin etiam domini sui conjugem ei in matrimonium dat, ratus eo pacto se veritatis propugnatores Suenem de sententia deducturum. Verum spes eum frustrata est : nam Suenes domum supra petram adificatum habuit. Post hos Benjamin diaconum comprehendit, et in carcerem conjici man-

¹ Theod. l. v. c. 38. — ² Act. xvii.

dat. Biennio vero post legalus Romanus venit ad regem de aliis rebus cum eo acturus: qui de diacono certior factus, impetrat ei a rege liberationem. Rex autem jubet, Benjamin polliceri, se doctrinam Christianam cum nullo Mago communicaturum. Legalus quidem recipit, Benjamin regis mandata effecturum. At Benjamin cum legatum hac de re ipsam admonentem audivisset, respondit non posse fieri, ut doctrinam lucis, quam a Deo acceperat, non aliis imperfret: nam abscondere falentum, quantum mereatur supplicii, historiam Evangeliorum aperle docere. Verum rex id temporis hujus responsionis ignarus, jubet illum ex vinculis eximi. Qui quidem (ut solebat) homines ignorationis tenebris obcecatos inde eripere, et ad lucem, quae sola intelligentia percipitur, educere non cessavit.

22. « Anno autem post, res ab eo gestae regi indicantur: qui jubet eum adduci, et Deum, quem colebat, denegare. Tum ille sciscitatus a rege, quo supplicio mulcendus sit is qui ejus regnum deserat, et alterius ditioni se subijcere in animum inducat. Morte (inquit rex) et poena gravissima. Cui rursus sapientissimus vir: Quo pacto igitur (inquit) coerendus est homo ille, qui effectorem et opificem omnium derelinquat, et unum e conservis Deum consecret, eique cultum vero Deo debitum tribuat? Quibus verbis rex graviter commotus, viginti arundines praecutatas per unguis manuum ac pedum trajeci jubet. Ubi autem vidit eum hunc cruciatum habere pro ludo, aliam rursus arundinem in membrum genitale intrudi mandat; quae saepius extracta, insertaque dolores ei incussit plane inexplicabiles. Post illud inflictum supplicium, impius ille et inhumanitate etheratus tyrannus virgam robustam, crassam, et propter ramos undique eminentes valde asperam in inam alvi sedem configi jubet; quo cruciatum genere generosus Christi athleta oppressus extremum spiritum edidit.

23. « Infinita fere id genus scelera ab illis impiis fuere admissa. Neque cuiquam mirum videri debet, omnium rerum administratorem Deum eorum feritatem, impietatemque tolerasse. Eleum quotquot imperatores ante imperium Constantini Magni regnarunt, contra veritatis professores insana rabie furere non desierunt. Atque Diocletianus ipso salutari Passionis die cunctas ecclesias, quae in toto Romano imperio erant, demolitus est. Verum vix novem jam anni intercesserant, cum et illae ipsae denno florere, atque pulchro majore amplitudine et splendore, quam antea, enitere coeperant, et tyrannus ille una cum impietate extinctus est. Atque Dominus tum haec bella contra Christianos exultanda fore, tum Ecclesias invictam iri praedixerat. Quin etiam ipsi rerum eventus nos docent, bellum plus commodi quam pacem solere nobis apportare: nam haec nos molles, morosos et timidos reddit, illud autem animos acuit, et res praesentis vitae tanquam fluxas condemnare facit ». Haecenus de Persica persecutione Theodoretus.

24. Addit his Nicephorus Jacobi Persae certa-

men his verbis¹: « Infinita vero ab audacibus et impiis illis tentata sunt: quale videlicet et illud est in Jacobo Persa patralum. Is enim cum Christianus antea fuisset, propter intercedentem sibi cum Isdegerde rege Persarum amicitiam, paternam religionem rejecerat. Posteaquam autem per matrem et conjugem rursus ad fidem Christi admonitus revertit, et eam rem princeps agre tulit: accerbam quandam et propter novitatem admirandam post multa supplicia subiit mortem. Nam ubi articulis et juncturis quibusque in commoda et apta totius corporis membrorum conformatione, et manibus, brachiis, pedibus et suris ei reseclis, reliquum nihil quam una cum ventre caput solum habuit: quomodo ne tum quidem fidem in Christum abjecit, et id ipsum postremo ferro amputatum est ». Haec de Jacobo Nicephorus.

25. *Divinitus relatae in Persas a Romanis victoriae.* — Quod autem ad res bellicas pertinet: enituisse quidem divinam virtutem in opem ferendo Christianis adversus Persas, quae narrat Theodoretus², haud obscure significant, ac in primis in his quae ipso exordio rupi foederis configerunt, de quibus ita ipse: « Cum Persae, negotiis Romanorum quibus districti tenebantur, cognitis, contra vicinos suos ruptis foederibus bellum facerent, neque quisquam illis tum ab hostibus oppugnatis subsidio veniret (imperator enim in pace jamdudum facta confisus, duces suos et milites ad alia bella gerenda miserat) Deus immenso imbore et maxima copia grandinis in eorum exercitum demissa, tum eos prohibuit ab itinere ulterius faciendo, tum equorum cursum impedivit: adeo ut viginti diebus viginti stadia usque conficere non possent, quoad duces Romani collectis suis in unum militibus adventarent.

26. « Porro autem altero Imperatoris prelio commisso, istos ipsos, cum jam urbem Imperatoris nomine nuncupatam obsidione cinxissent, Iudibrio Deus exposuit. Nam cum Gororanes amplius quam fringida dies cum omnibus copiis urbem hanc circumsedisset, et multa instrumenta bellica ad circes capiendas accommodata ad murum apphasset, et infinitas tentasset machinas, et alias turres extra moenia extraxisset; solius divinus Eunomius illius urbis episcopus ei restitit, et machinationum adjectarum impetum penitus repressit. At cum duces nostri praefari contra hostes rennerent, et obsessis opem ferre non auderent: iste episcopus se hostibus opponendo, urbem servavit incolumem. Nam cum unus ex regulis Barbaris consuetam blasphemiam in Deum jaceret, et in morem Rhapsacis et Sennacherib verba execrabilia funderet, furorque incitatus minaretur se sacrosanctum Dei templum incendio vastaturum: sanctus isle vir rabiem ejus non ferens, balistam Thomae Apostoli nomine inscriptam, ad pinnae muri statui, et ingentem lapidem in ea imponi, nonneque illius in quem Barbari blasphemiam

¹ Nic. l. xiv. c. 49, 20, 21. — ² Theodor. l. v. c. 36.

miam coniecerant, eum emitti jubet : qui directo in illum regulam delatus, et in nefarium ejus os impactus, vultum deformavit, caput comminuit, et cerebro dispersit humum. Quod cum vidisset dux Gororanes, qui spe capiendæ Urbis exercitum collegerat, inde discessit, ipsoque rerum eventum se victum plane declaravit : atque ob hanc causam metu percussus, fœdera cum Romanis percussit. Ad hunc modum summus omnium rector Deus fidelissimi imperatoris salutem consuluit, qui quidem et se famulum ejus esse ingenue agnoscit, et debitum Domino præstat obsequium ». Hactenus Theodoretus. Verum fœdus post sequentem annum initum esse (ut diximus) Socrates tradit : persecutionem autem novis causis recrudescentem, amplioris temporis spatio propagatam fuisse constat.

27. Quæ præterea de rebus ope divina bene gestis in eo prælio Socrates narrat, his addamus. Ubi enim alia nonnulla præmisit, hæc habet ¹ : « Itaque simul atque imperator Romanus intellexerat Persas maximas copias contra ipsum comparasse : spe tota belli administrandi in Deo colloata, maximum exercitum ex adverso misit. Imperatorem autem summum profinus a Deo beneficium accepisse, quod ejus ope confidebat, ex hoc perspicuum esse poterit. Cum enim Constantinopolitani anxio et sollicito animo essent, et propter incertam belli fortunam ancipiti cura distracti, Angeli Dei in Bithynia nonnullis, quos negotia necessaria ire cogebant, apparentes, jubent renuntiare Constantinopolitanis, ut bono animo sint, precibus se dedant, et firmam in Deo spem ponant, Romanos victores fore : se enim administratores belli a Deo missos dicebant. Quo audito, non solum civitas confirmata fuit, verum etiam militum animi multo ad bellum facti alacriores.

28. « Ubi bellum (uti docuimus) erat ex Armenia in Mesopotamiam translatum, Romani Persas in urbe Nisibeorum conclusos obsidione cingunt ; turresque ex ligno fabricatas, quæ machina quadamolvebantur, mœnibus admovent : multos, qui ex mœnibus pugnare, eaque defendere nitentur, trucidant ; Bararanes igitur rex Persarum certior factus, cum regione Azazeorum vaslatam, tum suos milites, qui erant in urbe Nisibeorum conclusi, a Romanis obsessos : ipse cum omnibus suis copiis contra Romanos ire constituit. At quoniam Romanorum exercitum vehementer formidabat, auxilium postulat a Saracenis, quibus id temporis præfuit Alamundarus, vir excelso animo et bellicoso : qui infinita Saracenorum manu secum adducta, regem Persarum confidere jubet : quin etiam pollicetur, neque id adeo multo post, illi non solum subacturum Romanos, sed Antiochiam, quæ est in Syria traditurum. Verum ejus promissio non successit ex sententia : nam Deus adeo ingentem Saracenis incussit timorem, ut Romanorum copias in ipsos derepente irruisse existimarent : atque cum

inter ipsos immultuarentur, et non haberent quo aufugerent, ipsi se armatos præcipitarent in fluvium Euphratem, in quo homines circiter centum millia submersi sunt. Sic cum Saracenorum copiis actum est ». Hæc Socrates, subditque alia, sed brevitalis causa relinquimus. Ut autem Persæ in proeliis posteriores retulerint, preces quoque magni illius Simeonis Stylitæ intercessere, de quo ista Theodoretus ¹ : « Quin etiam ei aliquando visæ sunt duæ virgæ, quæ ferebantur quidem de cælis, in terram autem cadebant Orientalem et Occidentalem. Hanc autem Persicæ et Scythicæ gentis in imperium Romanorum insurrectionem significavit vir divinus, et iis qui aderant effatus est visionem : nullisque lacrymis et precibus repressit plagas, quarum intentabantur minæ in orbem terræ. Gens quidem certe Persarum jam armata et parata ad Romanos invadendos, eis divina adversante voluntate, a cæpto est retardata, et intrinsecus in malis propriis occupata ». Et paulo post : « Ejus quoque fuit magna fama apud regem Persarum : ut enim narraverunt legati qui ad ipsum venerunt, diligenter seiscitabatur, quæ esset ejus vita, et quænam miracula. Dicunt autem ejus quoque conjugem expetiisse oleum dignatum ejus benedictione, et tanquam donum magnum accepisse. Quin etiam omnes regis assectæ et a fama commoti, et multas in eum a Magis accipientes calumnias, diligenter rogabant ; et cum intellexissent, virum divinum nominabant ». Adidit his plura Theodoretus, et inter alia de Regina Ismaelitarum, quæ cum esset sterilis, cupida prolis, missa legatione, precibus ejus id impetrare rogavit : et jam facta voli compos, una cum filio, quem peperit, ad eum perrexit : impertitaque ab eo benedictione infanti, reversa est.

29. Tot vero tantaque adversus superbos Persas oblenta, nonnisi virtute Christi opem ferentis Romano exercitui parva, habes in effigie cusi nummi satis expressum, in cuius adversa parte cernitur imperatoris imago dextera tenens Labarum Christi nomine insignitum ex gemmis intexto, in quo virtus et fortitudo insit exercitus, ut circumducta docet inscriptio.

30. At subjiciamus his aliud vincendi genus, quo Christiani non armis, sed charitate dimicant, et superant hostes beneficentia : quam quidem pugnam a sanctissimo viro Acacio episcopo exhibitam Socrates narrat his verbis ² : « Acacius Anidiæ episcopus, ob facinus quoddam præclarum per id tempus ab eo gestum, vehementer ab omnibus celebratus fuit. Cum Romani milites illos Persas, quos in depopulanda Azazena captivos ceperant, nullo modo reddere regi Persarum in animum inducerent : captivi qui erant numero circiter septem millia (quæ res animum regis Persarum non parum divexavit) fame propemodum consumpti sunt. Acacius igitur hanc militum miseriam minime neglexit ; sed convocatis suis clericis, sic eos alloqui-

¹ Socrat. l. VII. c. 18.

² Theodor. bist. sanct. Patr. c. 26. — ¹ Socrat. l. VI. c. 21.

Iur : Dens noster neque laucibus, neque poculis egel : nam nec comedit, nec bibit, quippe qui his rebus minime opus habeat. Quare cum Ecclesia multa monumenta aurea argenteaque ex propensa fidelium in eam benignitate possideat : consentaneum est, hisce rebus milites captivos e custodia liberare, et fame prope eneclos refectere sustentareque. Ubi hæc aliaque id genus oratione percurreret, monumenta Ecclesie collauda curavit, vendidit, pretiaque partim militibus pro captivis redimendis dedit, partim ad eorum famem sublevandam impendit; postremo, vialico illis superaddito, ad summ ipsorum regem remisit. Hæc res ab eximio illo viro Acacio gesta, regi Persarum magnam fecit mirationem, quod Romani his rebus utrisque et bello et beneficiis hostes vincere laborabant. Fertur præterea, tum regem Persarum magno desiderio Acacii videndi flagrasse, quo hominis adspectu frueretur; tum Theodosium imp. Acacio præcepisse, ut regis desiderio satisfaceret. Hæc de Acacio Socrates.

31. *Mira Persarum ad Christianam religionem conversio.* — Sed quomodo ex hoc bello Persico et persecutione in Christianis concitata manavit occasio, ut apud Saracenos fides Christiana propagaretur; Cyrillus, qui eodem sæculo claruit, omni fide posteris tradidit, dum de Saracenorum duce agit; cui ob miserationem erga Christianos exhibitam datum est, ne apud Persas perseverans cum cæteris gentis suæ periret. Sed audiamus eum, qui rem sic aggreditur¹ : « Erat apud Persas quidam Græcus », Gentilis scilicet, « nomine Aspebetus, qui fuerat dux tribus Saracenorum. Cum autem circa finem regis Isdegerdis mota esset a Magis persecutio adversus Christianos : illi ducentes hoc sibi magno esse studio confutendum, ut omnes venarentur Christianos : omnes quolquod erant tribuum apud se prefectos, quin etiam illum quoque Aspebetum, ut omnes vias diligenter custodirent, constituerunt, ut nullus Christianus posset clanculum confugere ad imperium Romanorum. Illis itaque Aspebetus videns tantam in Christianis inquisitionem et insaniam, motus misericordia eorum calamitatis, non solum non prohibuit quo minus fugerent, sed eis quoque manum præbuit adiutricem. Qua de causa accusatus apud Isdegerdem, et illius veritus crudelitate, acceptis profinis suis facultatibus, cognationemque cum puero Terebone, transfugit ad Romanos.

32. « Quos cum accepisset Anatolius (is enim tunc erat unus ex prefectis Orientis), eum collocat in Arabia, et quæ illis Romanis suberat, Saracenorum præfecturam tradidit in manus Aspebeti; sic aperte ostendens sinceram et omnis doli expertem fuisse ejus acceptance ». Hæc quidem præstitit Anatolius præfectus Orientis, cujus etiam Procopius² meminit, aitque functum esse legatione ad regem

Persarum pro conciliando inter Romanos et Persas federe. Sed prosequamur duce[m] Saracenorum in castris Romanorum militantem : « Cum ergo (subdit Cyrillus) sic ad Romanos accessisset, ejusque filius Terebon cum esset adhuc impubes, atque adeo vere puer, percussus erat flagello demonis, ut qui dexteram partem corporis ex dimidio haberet siccam, mortuæque similem, et qua minime operari poterat : hoc autem ei se habebat a capite usque ad pedes : et cum pater magnam partem facultatum consumpisset in medicos, Terebon ex arte illorum nullum accepit emolumentum. Postquam vero migravit in Arabiam, vidit puer in somnis aliquid, et visionem expergetactus eam patri narrat. Ille autem cum statim puerum accepisset, et nullos ex his qui ejus imperio parebant Barbaris, venit ad speluncam Euthymii et Theoctisti sanctissimorum monachorum : nam ut eo veniret, præcipiebat quæ ei apparuerat visio. Atque fratres quidem cum tantam vidissent multitudinem, invasit omnes animi angor et metus, nec sciebat quid agerent. Sed B. Theoctistus cum illum timorem eiecisset ex animo, accedit ad Barbaros, et rogat ejusnam rei opus eos huc adduxisset.

33. « At illi : Venimus (dixerunt) ad videndum Euthymium. Beatus vero Theoctistus : At ille (inquit) nunc quiescit et silet, neque usque sabbatum venit in alicujus conspectum, neque ad colloquium cum aliquo. Tunc Aspebetus manus accipiens, ostendit filium, qui erat semiaridus, et cujus pars dextera erat veluti mortua : deinde etiam filio annuit superciliis. Ille autem incipiens, rem omnem ordine narrat : Cum ergo (inquit) in Perside hanc plagam accepissem, multis et medicinæ et magicæ artibus contritus, nihil amplius ex eis fructus percepi, nisi quod eas solum damnavi, ut in illis nunquam possim magnam habere fiduciam. Deinde postquam in hanc Arabum venimus regionem, hic quoque rursus cum priori luctabar certamine, et mahs vexabar similibus. Nocti autem apud me aliquando cogitans et considerans an usquam ab hoc morbo aliquam invenirem liberationem; quoniam ab iis qui erant apud eos, nullum videbam mali curationem; ipse sic mecum colloquebar : O Terebon, ubi nunc sunt quæ apud Græcos et Persas esse feruntur medicinæ artes, et quæ sunt in his nugæ, et quæ earum vulgo jactatur utilitas? Ubi sunt autem præstigia Astrologorum? Sunt omnia revera fraudes et risus manifestus, quæ nihil unquam possunt efficere absque universorum opifice et Domino.

34. « Cum hæc ergo apud me dixissem, ab eo petii morbi liberationem, et me ei vicissim esse relaturum vitæ mutationem, et me Christianum futurum, sum pollicitus. Interea autem dum hæc fierent, et Deo hoc modo essem supplex, paulatim in somnum deductus, mihi videbar videre quemdam monachum, cui barba propendebat hispida, quique jam senescebat et canis erat conspersus, me rogantem quisnam esset morbus, et sciscitantem quidnam

¹ Cyrill. in Vit. S. Euth. apud Metaph. die XX. Januar. et Sur. tom. 1. — ² Procop. l. 1. de bello Persico.

mali nobis incubisset. Cum autem morbum ei ostendissem, ille : Implebisne inquit) quaecumque Deo es pollicitus? Deinde cum ego rursus promississem, me prompto et alacri animo omnia confecturum : Ego sum inquit) Euthymius qui ad Orientalem solitudinem habito in torrense, qui est prope viam quae tendit versus Hierico, decem millibus distans Hierosolymis. Si vis ergo invenire mali solutionem, veni ad me, et Deus te per nos curabit. Hoc cum in somnis vidissem, et essem excitatus, patri statim narraui. Et ecce omnibus postpositis (ut iussit visio) huc nunc venimus : teque valde et cuius rogamus, ut nobis ostendas eum, qui per visum nobis fuit indicatus, vere divinum et admirabilem medicum.

35. « Hæc cum beatus audisset Theoclistus, et visionem et apertum gratiae Dei iudicium esset admiratus : Euthymio interrupt quietem ac silentium, et ei omnia recenset ordine, pueri morbum, defectum ejus qui illum esset curaturus, ejus promissa quæ fecit communi Domino, somnium illud, visionem quæ apparuit, et (ut semel dicam) narrat singula. Ipse autem cum sibi quoque persuasisset eam rem divino quodam geri consilio, statim descendit ad Barbaros. Cumque vehementer orasset pro puero, et ei figuram crucis imposuisset : non aliquo opus habuit tempore, neque ut in oratione diutius perseveraret, sed eum valentem et omnino sanum statim effecit. Stupet Barbari ad id quod factum fuerat; et citius quam ejus qui laborabat corpus, eorum quoque curantur animæ, vel potius animæ communiter sanitatem accipiunt, et fiunt statim fideles. Quocirca proni humi cadentes rogant illam sanctam animam, ut Christi obsignarentur signaculo, et partem Christianorum consequantur et nomen.

36. « Non erat autem viri pii et Deum amantis cunctari in his rebus; neque fuit Euthymii in his rebus ulla cunctatio : sed cum vidisset eos corde potius quam ore sacrum baptismum postulantes, jubet parvam piscinam fieri in quodam angulo spelunçæ, quæ quidem constitit usque in hodiernum diem. Cumque dixisset preces quæ dici consueverunt; et quæ lex in his postulata, fecisset omnia : primum quidem baptizat Aspebetum, eum Petrum nominans, deinceps Marin fratrem uxoris Aspebeti, ambos claros genere, et insignes divitiis, vel divitias potius ordinantes prudentia et virtute, vel potius ipsi divitiis utentes pro causa et instrumento exercendæ virtutis : deinde autem Terebonem, et post ipsos reliquos. Quos cum quadraginta dies detinuisset et monuisset, pietatemque accurate docuisset, et omnibus modis æa firma et stabilia reddidisset, quæ pertinent ad salutem; eos dimisit in pace, sed non amplius Agarenos et Ismaelitas, sed a Sara oriundos, et certos hæc edes promissionum per divinum baptismum.

37. « Maris autem, qui fuit Terebonis avunculus, non amplius voluit retro respicere, neque amplius omnino sustinuit recedere a monasterio, cum ei omnes consecrasset facultates, et parvi fecisset quaecumque sunt in mundo, ac generoso et excelso animo non dignum duxisset desiderium quod in ea

confertur, soli Deo cohereret, et per totam vitam sub eo vivere statuit magno duce et præceptore ». Hucusque de his Cyrillus. Quomodo autem per eundem Aspebetum fides Christiana apud Saracenos propagata est, et eisdem a Juvenali episcopo Hierosolymitano præfectus est ipse episcopus, idem Cyrillus paucis rem prosecutus, narrat his verbis : « Cum usque adeo multiplicarentur filii Agari, et ad veram traducerentur nobilitatem, et in diversas excreverent copias : mittit divinus Euthymius ad Juvenalem patriarcham Hierosolymitanum, postulans ut eis ordinaretur episcopus. Ille vero mittit ad eum Petrum patrem Terebonis, ut qui esset idoneus præesse animabus, et deducere ad salutem ». Quoto autem Domini anno id contigerit, suo loco dicemus. « Petrus ergo (pergit ille) sic primus ordinatur episcopus copiarum quæ erant in Palestina. Saraceno- rum autem multitudo non secus ac fluviorum fluentia affluebat perpetuo; et qui nunc accedebant, ad- jectabantur prioribus, et hi omnes signati baptismi signaculo connumerabantur cum grege Christiano- rum. Sed de his, quæ dicta sunt, sufficiunt ». Hac- tenus Cyrillus quam sincerissime texens res præ- clare gestas Euthymii.

38. Hæc de episcopatus Saraceno- rum Petro col- lato, postea configere, cum plenissime Christianæ fidei dogmatibus eruditus, dignus habitus est, qui alios docere posset, et ex duce militiæ transforma- retur in sacerdotem atque pastorem. Fructus isli fuerunt Persicæ persecutionis, et ex fuso martyrum sanguine copiosi proventus. Ita namque semper in Ecclesia accidere consuevit, ut ex illata persecutione fecundioribus palmitibus propagetur, virescat vul- nere, surgat oppressione, crescat excisione, angustiis dilatetur, et ex tenebris illustretur. Et unde ista miracula naturæ ordinem excedentia, et humanum captum longius superantia? nisi quod non sit Chris- tiana fides hominum prudens inventum, sed Dei virtutis opus, Divinitatis consilio stabilitum, et in perpetuum confirmatum, cui cedant necesse sit omnes adversariæ potestates, in nihilum redigan- tur, pentusque deliciant qui illud impugnant : ipsum vero inconcussum maneat, et crebrioribus ictibus pressius solidetur, et vehementioribus no- tibus fundamento immobilis inhaerescat. Sed jam quæ sunt reliquæ anni hujus res gestæ, narrare pergamus, apponamusque coronidem ad res supe- rius enarratas migrationem ex hac vita ad æternam felicitatem S. Hieronymi, cujus nobilibus factis Annales nostri singulis pæne annis, quibus celebris vixit, sunt illustrati.

39. *Hieronymi obitus, ætas et scripta.* — Hoc igitur ipso anno, iisdemque consulibus, S. Hiero- nymum æ vita decessisse pridie kal. Octobris anno ætatis suæ nonagesimo primo, Prosper testatur in Chronico. Cæterum quod spectat ad annos ætatis ejus dissensisse a Prospero videntur nonnulli¹, qui majorem annorum numerum eidem tribuerunt,

¹ Bed. Martyrol. Ado. Usuard. Sigebert. in Chron.

nempe nonaginta octo, vel nonaginta novem; quos longe longius a veritatis scopo aberrare, quæ superius a nobis dicta sunt de ratione annorum ipsius, aperte significant; cum et testificatione ipsiusmet S. Hieronymi sit demonstratum¹, ipsum nec pervenisse ad ætatem octoginta annorum, sed natum annos septuaginta octo vel novem ex hac vita migrasse. Ne vero hic iterum eandem relexamus de Hieronymi ætate orationem, æquius est ut tu ea pro arbitrio consulas, lector, quam ut cum fastidio eadem repetita denuo ingeramus. Fractam quidem laboribus, morbis, sollicitudinibusque senectutem gessisse, quæ de eo annis superioribus sunt enarrata significant: ut plane longe senior creditus sit decessisse, qui duodecoginta annos ætatis tantum vixisse appareat.

40. Etenim longiorem ejus ætatem opinandi, ipse scriptis suis S. Hieronymus occasionem præbuit: nam cum elaboraret commentarios in Amos Prophetam ante annos quatuordecim, se manu sua scribendi labores ferre jam ultra non posse testatur². Et ante annos decem, nempe eo tempore quo Urbs capta est, dum elucubraret explanationem in Ezechielem Prophetam, de se ait³: « Accedit ad hanc dictandi difficultatem, quod caligantibus oculis senectute, aliquid sustinentibus beati Isaac, ad nocturnum lumen nequaquam valeamus Hebræorum volumina legere: qui etiam ad solis dieique fulgorem litterarum nobis parvitate cæcatur. Sed et Græcorum commentarios fratrum tantum voce cognoscimus ». Sicut et illud pariter, quod ante plures annos ad Paulinum scripsit⁴ de misso pileolo: « Pileolum, inquit, textura breve, charitate latissimum senili capiti confovendo libenter accipi, munere, et muneris auctore letatus ». Hæc, inquam, ipse de se ante decennium cum scribat, jam effecta senectute defunctum esse, opinandi dedit occasionem. S. Augustinus eundem senectute decrepitem decessisse testatur libris illis contra Julianum ultimo loco scriptis, cum et hoc cum ornat elogio⁵: « Nec sanctum Hieronymum, quia presbyter fuit, contemnendum arbitreris: qui græco et latino, insuper et hebræo eruditus eloquio, ex Occidentali ad Orientalem transiens Ecclesiam, in locis sacris atque in litteris sacris usque ad decrepitam vixit ætatem: ejus nobis eloquium ab Oriente usque ad Occidentem, instar lampadis, respendit ». Sed et Marcellinus⁶: « Finem, inquit, vitæ fecit admodum senex, ibique (Bethlehem scilicet) sepultus est, Catholicis quidem inexpugnabilis turris, hæreticis autem infatigabilis hostis tam proposito vitæ suæ, quam librorum a se editorum assertionibus depugnans ». Hæc ipse. Sed rationem ipsius annorum ex ejus scripti melius colliges superius recitatis.

41. Quanta præterea effulserit post obitum glo-

ria in Ecclesia Dei, præter elogia Augustini, revocata in memoriam illud Prosperi, quo ait¹:

Hebræo simul et Græco, Latinoque venustus.
Eloquio, morum exemplum, mundique magister, etc.

Hoc etiam titulo magisterii exornat eundem Cassianus², cum ait: « Hieronymus Catholicorum magister, cujus scripta per universum mundum, quasi divinæ lampades rutilant, etc. » In quam sententiam Cassiodorus, post præclarissimas de viro laudes, addit³: « In Bethlehem otiosum habitasse non arbitror, nisi, ut in terra illa miraculorum, ad instar Solis, ejus quoque ab Oriente nobis lamparet eloquium ».

42. Quæ autem S. Hieronymus reliquerit scriptorum monumenta, haud laborabimus numerare, cum eorum catalogus exlet, spuriaque a veris diligentia Mariani Victorii Reatini episcopi segregarit. Ceterum numerabimus nos ea tantum quæ desiderari posse videntur. Fuisse namque ab eo elucubratum librum de Hæresibus, S. Augustinus⁴ testis est, sed cum nunquam invenire valuisse doluit. Rursus etiam ab eodem scriptum fuisse librum in quo doctissime disputaret de resurrectione carnis, eumque per Orosium presbyterum allatum in Occidentem, ad Oceanumque delatum, idem S. Augustinus affirmat⁵ quem ut ad se descriptum mittat, idem ipsum Oceanum litteris rogavit. Insuper adhuc desideratur translatio viginthi octo homiliarum⁶ Origenis, quam se elucubrasset ipse testatur⁷: sed et alia complura ex eodem infinitati donata Cassiodorus affirmat. Perierunt ejusdem homiliæ triginta, quæ in Lucæ Evangelium se scripsisse testatur, et tractatus septem in Psalmos. Insuper Cassiodorus⁸ meminit Epistolæ ejusdem S. Hieronymi ad Antium, qua obscurissimas elucidasse tradit quæstiones. Itemque ab eo scriptam refert explanationem de judicio Salomonis. Itemque Notationes in omnes Prophetas propter tyrones conscripsisse assertit; postea vero copiosiores illas, quæ extant in eisdem Prophetas explanationes elaborasse. Elucubrasset etiam volumen in quatuor Evangelistas, in quo omnia ipsorum quæ essent propria disseruit: edidisse insuper expositionem Apocalypsis libri, idem Cassiodorus affirmat. Caremus quidem nos his omnibus, quæ Cassiodori tempore cum extarent, ipse in sua Bibliotheca repositit.

43. Vita S. Hieronymi mendaciis concinnata.

— At nunc nobis de S. Hieronymo ingesta ab imperitis, et impostoribus sunt explodenda mendacia, non quæ in scripta, sed quæ irrepserunt in Acta; dum nonnulli de rebus gestis S. Hieronymi complura continere commenta. Equidem (ut puto) sicuti fecit olim presbyter Asianus, qui amore Pauli

¹ Tom. II. Annal. ann. D. 372. edit. Rom. pag. 329. 330. —

² Hier. in Amos, l. III. præf. — ³ Hier. in Ezech. præf. l. VII. —

⁴ Hier. ep. CLIII. — ⁵ Aug. cont. Jul. l. I. c. 7. — ⁶ Marc. in Chron. Coss. Arcad. et Ruff.

¹ Prosp. l. de Ingrat. — ² Cassian. cont. Nestorium de Verb. Incar. l. VI. — ³ Cassiod. Instit. divi. lect. c. 21. — ⁴ Aug. lib. de hæres. ad Quodvult. in fin. — ⁵ Aug. ep. CCLXI. — ⁶ Hier. contra Jovin. l. II. — ⁷ Hier. de Scrip. Eccl. in fin. — ⁸ Cassiod. Instit. divi. lect. c. 2. 3. 7. et 9. eod. lib.

(ut ex Tertulliano diximus) Periodos Pauli et Theclæ confluxit, ita et isti amore Hieronymi plurima commentis sunt: digni sane et ipsi, ut eisdem ab Ecclesia sententiæ subicerentur et poenæ, quam ille tunc iuste irrogatam subire coactus est. Aversatus namque semper est candor Ecclesiasticae veritatis, et pudor Christianæ simplicitatis exhorruit omne quod fictum, et respuit omne quod commentitium esse conspexit; et execrata est omnino, atque acri semper insectata est odio, ac severa coercuit disciplina omne mendacium cum ejus auctore sincera fides.

44. Sed unde istis, istæc ut fingerent de S. Hieronymo, irrepsit in mentem? non aliunde quidem puto, quam cum scirent aliorum sanctorum Patrum Ecclesiæ doctorum res gestas ab eruditissimis viris legi conscriptas, ut Antonii, Athanasii, Basilii, Gregorii Nazianzeni, Chrysostomi, Ambrosii, et Augustini, necnon S. Gregorii Romani Pontificis: haud æquo passi sunt animo, unius Hieronymi his omnibus haud imparis, sed in aliquibus etiam anteferendi, res gestas minime fuisse memorie proditas. Quamobrem diversi pro ingenii diversitate diversa excogilarunt inventa, dum vel Eusebii, vel Augustini, vel Cyrilli Hierosolymorum episcopi nomine conscripserunt Epistolas, quibus res gestas ex animi cujusque sententiâ adinventas atque commentas conscriberent. Et ne ullas dubitandi locus esset, eas subintroduxerunt personas, quas ipsi licet errantes putarint illis vixisse temporibus. Sed ex his ipsis mendaces detecti sunt et impostores, ex quibus notati sunt videri veraces. Quis enim (amabo te) audiens Cyrilli episcopi Hierosolymorum nomen ad ista referri tempora, quem ante annos triginta ipsius auctoritate S. Hieronymi constat esse defunctum, non statim ea indignabundus excutiat?

45. Sed et quod ex ipsa inscriptione minime temporibus congruente, cuncta quæ in opere essent, arguerentur erroris, qui postea mendaciorum pollutior accessit, atque delinens foris casurum parietem, ad temporum suffulciendum mendacium satis putavit fore consultum, si titulum sic mutaret, ut loco Damasi papæ poneret Damasum episcopum Portuensem, et pro Theodosio imperatore redderet Theodosium senatorem, hoc modo: « Patri reverendissimo Damaso Portuensi episcopo, et Christianissimo Theodosio Romanorum senatori Eusebii, etc. » Quis ista non videat, et non rideat adeo inconcinne compositam fraudem? sicut et cum in multis aliis certam reperit imposturam; ut cum ait, veste muliebri illum Roma fugatum, inde profectum esse Constantinopolim: cum quæ ex ejus scriptis dicta sunt superius, te satis monere possint, eo tempore quo ipse recessit ab Urbe, esse profectum recta Hierosolymam, et Gregorium Nazianzenum jam, antequam Romam redierit, audivisse.

46. Quid vero dicendum de Epistola Augustini nomine ad eundem Cyrillum Hierosolymorum episcopum scripta? Quoties auctor cogit ipsum loqui

mendacia, ut cum præter latinam linguam, quinque alias Hieronymus calluisse dicitur, nempe Hebræorum, Græcorum, Chaldeorum, Persarum atque Medorum; cum id penitus contrarium sit hæc de se ipse Hieronymus, et de eodem Augustinus vere festantur, nimirum non nisi frum linguarum ipsum habuisse peritiam, videlicet latine, græcæ, et hebræicæ? Quid est etiam quod idem plus effector tribuit Hieronymo inter alia insignia etiam virginitalis coronam, cum ipsemet S. Hieronymus ingenue fateatur se minime virginem: ad Pammachium enim cum scribit, hæc habet¹: « Virginitalis autem in cælum fero, non quia habeam, sed quia magis mirer quod non habeo. Ingenua et verecunda confessio est, quo ipse careas, in aliis predicare, etc. » Quid alia plura ibidem asserta opus est confutare mendacia?

47. Addam pauca de ea quæ ordine sequitur Cyrilli nomine Epistola ad Augustinum de miraculis S. Hieronymi. Inter alia quæ in ea auctor imperitus mendacia consarcivit, illud maxime præ cæteris intolerabile, cum imprudens, dum se putat eum laudare, vituperet, hæresis adstipulatorem constituens, dum ait, tunc temporis vixisse Sabianum hæresiarcham, qui duas in Christo assereret voluntates, et S. Hieronymum adversus eum scripsisse ad S. Augustinum Epistolam. At quid hoc aliud est, nisi reddere ipsum S. Hieronymum hæreticum Monothelitam, Sabianum vero, quem clamat hæresiarcham, fuisse vere Catholicum? Quid insuper illud, quod mox subditur, Silvanum fuisse archiepiscopum Nazareth, cum ditissime post contigerit Nazareth esse Ecclesiam episcopalem? Quis igitur tales æquo ferat animo imposturas?

48. Sed missis aliis confutatione dignis, quæ in dictis Epistolis continentur; jam ad aliam mendaciorum aperiendam cloacam, renitens licet, inferatur oratio, ad eam, inquam, quam in Vita ejusdem S. Hieronymi incertus auctor extruxit. In qua illud primum occurrit, quod admodum male consultus ait, ipsum S. Hieronymum Romæ fuisse presbyterum ordinatum: cum testificatione ipsiusmet Hieronymi (quod suo loco superius dictum est) satis certo liqueat ipsum initiatum esse presbyterio Antiochiæ a Paulino Antiochenæ sedis episcopo. Sed cujus fidei sit quod ait, ipsum mentis et corporis custodisse virginitalis, jam diximus: vel illud quod addit, tempore Liberii papæ multa ipsum scripsisse volumina, et emendasse Psalterium; cum ejusdem ipsius assertione S. Hieronymi constat hæc esse facta sub Damaso. Sed quæ inscitia illa, dum Julianum Pelagianum hæreticum, adversus quem S. Augustinus commentarios edidit, Manichæum fuisse dicit; cum ex ejus scriptis constat ipsum in primis adversatum Manichæis, quorum nomine suggillavit falso Catholicos, dum asserunt originale peccatum?

49. Quod vero spuria illa Acta Theclæ baptizati

¹ Hier. ep. L.

leonis fabula ornabantur, ita et ejusmodi indiscretus S. Hieronymi laudator noluit curati leonis carere figmento: credidit vir simplex (nisi et ista finxit) esse verum quod (ut ait) ab aecolis Bethleemiticis auditum accepit. Porro vel quae audit, non recte perecepit; vel qui narravit, haud rem satis exploratam visus est habuisse: ut Hieronymum pro Gerasimo dixerit: nam ista ipsa de leone in Palestina contigisse sanctissimo viro Gerasimo abbati, Sophronius Hierosolymorum episcopus narrat¹ veram historiam. Id vero rerum ignaro de Hieronymo asserendi occasionem tribuisse videtur, quod ejusdem S. Hieronymi imago una cum leonis effigie antiquitus consueverit in Ecclesia pingi, utpote hieroglyphicum ejus in haereticis insectandis infracti roboris, et vehementis in eos, instar leonis rugitus, clamoris. Quisnam autem ejus concinnandae Hieronymi Vitae auctor fuerit, latet: scimus tamen Petrum diaconum cenobii Cassinensis auctorem prodere ejusmodi Vitae S. Hieronymi, dum haec ait in libello quem edidit de Viris illustribus monasterii Cassinensi: «Sebastianus beati Benedicti monachus, Hieronymi doctoris egregii Vitam describens, legendam Ecclesis tradidit, in qua quae a puero institutio, quale in juventute studium, quae in senectute ei scientia fuerit, lucidissime satis demonstrat». Haec ipse: num autem ea ipsa Vita sit quae sine auctore vagatur, haud facile affirmarim: absit haec

me sentire, et de venerando monacho firmiter asserere.

50. Tu vero, lector, his explosis, res gestas S. Hieronymi non aliunde requiras, quam a docto viro Mariano Victorio episcopo Reatino, qui eam tibi non aliunde quidem quam ex ipsius Hieronymi scriptis deprompsit: his tamen emendatis, quae jure emendanda superius tibi nostri suggesserunt Annales. Definimus te, lector, longiori mora in his confutandis erroribus; sed etsi fortasse superflue tibi, necessario mihi ad cavendam invidiam sunt ingesta, ne me temere absque aperta demonstratione, pro animi arbitrio ab aliis scripta, et a pluribus legi solita, tumido exsufflare fastu, impetitorum schola conclamet.

51. *Honorii rescriptum de clericis et contra raptos sacrarum imaginum.* — Hoc item anno Honorius imperator adversus clericos extraneorum cohabitacione infamatos ad Palladium rescriptum¹ dedit. Accidit namque, ut qui sanctorum Patrum, ac ipsorum praecipue qui Nicaeae congregati sunt, contempserunt decreta, iuste eos imperatorum coercedo edicto, Catholici episcopi (ut alias saepe vidimus accidisse) curarunt. Adversus quoque raptos sacrarum virginum ad eundem Palladium praefectum pretorio idem imperator rescripsit².

¹ L. XLIV. de Episc. et cleric. C. Theod. — ² L. II. de rapt. vel matrim. sanctum, virg. C. Theod.

¹ Sophron. Prat. spirit. c. 107.

1. *Vicennalia Theodosii.* — *Coss. Theodosius* Aug. IX et *FL. Constantius III.*, ille in Oriente, iste in Occidente. Theodosius ob vicennalia imperii vivente patre inibi consulatum suscepit collega *Constantio* Placidiae Honorii imp. sororis marito.

2. *Constantius anno sequenti Augustus renuntiatus.* — A num. 1 ad 5. *Baronius Constantium* hoc anno consulem ab Honorio ex Caesare Augustum factum esse asserit, eamque in rem Prosperum in Chronico laudat. Verum praeterquam quod Prosper non dicit, eum ex Caesare Augustum creatum, certum est, Constantii Augusti nuncupacionem pertinere ad annum sequentem; in titulo enim legum Cod. Theod. hoc anno emissarum legitur tantum nomina *Honorii et Theodosii imp.*, et in subscriptione: *Theodosio IX et Constantio V. C.*

cos. Contra vero anno sequenti quatuor constitutiones in eodem Codice recitantur; in quarum titulo habetur: *Imp. Honor. et Theod. et Constant. A.A.*; praeterea Theophanes non solum annum, sed etiam diem ejus inaugurationis non edocet. Anno enim Incarnat. secundum Alex. 60XII, qui kal. Septemb. currentis Christi anni inchoatur, ait: «Hoc anno Constantius Valentiniani pater imperium obtinuit sexto idus Februarias: quarto vero nonas Septembriales occisus est». Quare Constantius anno sequenti, et imperium obtinuit, et illud cum vita reliquit. Philostorgius lib. 12, num. 10, de Constantio scribit: «Honorius imperator Constantium magistrum militum ob affinitatis honorem ad imperialem thronum adscivit, cum jam Placidia ipsi Valentinianum filium edidisset, cui et nobilis-

simi dignitatem Honorius tribuit. Ceterum Constantii imagines (ut moris erat iis qui ad imperium recenter promoti erant, agere), mittuntur in Orientem. Verum Theodosius inaugurationi non acquiescens, eas non suscepit. Quare cum Constantius sese ob hanc injuriam ad bellum pararet, mors vitam curasque sistens mutationem præbuit, cum impe-
 rasset menses sex ». Olympiodorus vero in excerptis : « Constantius Honorii in Augustali imperio collega filii, ab illo quidem ipso pæne repugnante constitutus. Placidia quoque Augusta a fratre et marito dicta est : deinde ad Theodosium, qui fratre Honorii genitus Orientis partibus Augustus imperabat, de Constantii imperatoris electione nuntius militum, minimeque receptus est. Hinc morbum Constantius contraxit, suscepti permitens imperii quod non jam, ut antea, eundi redeundique quo et quando vellet, libertas esset : neque ludicris ut moris ejus erat, operam dare jam imperatori permitteretur. Igitur septimo imperii mense (quemadmodum et in somnium sic indicaverat, sextus abiit, septimus inchoatur) plenitudo extinctus est. Extincta simul cum ipso in Orientem ira, atque expeditione, quam, quod ad imperii societatem admissus non esset, animo agitabat ».

3. *Eodem etiam anno e vivis excessit.* — Ex quibus liquet primo, *Constantium* anno tantum sequenti Augustum renuntiatum, idque die octava mensis Februarii, eodemque anno die secunda mensis Septembris e vivis excessisse, sicut imperasse menses septem, exceptis diebus septem, et Philostorgium, qui ei menses tantum sex assignat, ideo ultimum non memorasse, quia incompletus fuit. Liqueat secundo, *Constantii* inaugurationem legitimo tempore peractam esse; anno enim sequenti *Theodosius quindecim annis* exhibuit : ad ea autem dies Dominicus non electus, quia id nondum usus ferebat. Liqueat tertio, *Constantium* ex Cesare Augustum dictum non esse, ut putavit Baronius. Extat quidem apud Stradam pag. 209, nummus Constantii, ex eo a Medio-barbo relatus, in quo legitur : D. N. Constantius Nob. C. in postica, Vol. Verum nummus ille in honorem Constantii Caesaris Medio-barbi Magni filii percussus, ut et alii multi a Medio-barbo recitati qui eadem antica insigniti sunt. Sed Antiquarii, sicuti nummos unius Valentiniani atteri perperam attribuunt; ita et nummos unius Constantii ad alium ejusdem nominis referunt. Liqueat quarto, Garnierus in Dissert. in de Constitutionibus imp. editis in causa Pelagianorum, aliosque viros doctos hallucinatos esse, qui autumarunt, *Placidiam* dictam Augustam, quando *Constantio* in conjugem tradita est; cum Olympiodorus discrete asserat, eam a fratre et marito Augustam appellatam; nullisque ex Antiquis contrarium scribat. Liqueat denique *Prosperum* in Chronico non raro contra Chronologiam peccare; cum *Constantium* hoc anno Augustum creatum, sequentique demortuum scripserit, jamque varios ejus errores emendaverimus. Quare que

in medium affert, sedulo examinanda. Porro deceptus est Theophanes in eo quod tradidit, *Constantium* morte violenta sublatum; cum Olympiodorus et Philostorgius, qui hoc tempore vivere, contrarium doceant.

4. *Constantius Naissi in Illyrio natus.* — « Constantius genere Illyrius fuit, e Panæo urbe Cadie, qui multis obitibus jam inde a Theodosio Magni temporibus militia muneribus, ad summum tandem imperii apicem evectus est. Is cum cætera luit laude dignus, tum quod auri nulla cupiditate flagraret, antequam quidem Placidia conjungeretur; nam ea uxore ducta, pecuniarum avidus evasit. Ipso ergo mortuo, cum postulatis homines Ravennam undique contulerunt, quos bonis ille per injuriam exisset. Verum Honorii lenitas, et Placidia cum eo arcta nimis familiaritas, frustra ut essent hæc querimonie, omnisque adeo juris vis ac potentia, effecit », inquit Olympiodorus. Verum loco horum verborum, ἀπὸ Παλαισσοῦ πόλεως τῆς Καθίας, legendum ἀπὸ Ναισσοῦ πόλεως τῆς Αἰτίας, ut observat Labbeus in Notis ad Olympiodorum, id est, e *Naïso* seu *Næso*, aut *Naisso*, *urbe Dacie*; Panæus enim urbs, sed *Cadia* provincia omnibus geographis incognita. Nec refert quod *Naissum* a Stephano Byzantio Thraciæ assignetur, et a Ptolemæo inter urbes Dardaniæ collocetur. *Illyrium* enim modo distinguitur a Thracia, modo eam complectitur juxta varias divisiones variis temporibus factas, eandemque etiam ob causam *Naissum* modo Dardaniæ, modo Dacie urbs appellatur. Hoc vero tempore eam Illyrio ac Dacie Mediterraneæ attributam fuisse, docent non tantum locus tantatus Olympiodori; sed etiam Epistola Innocentii papæ anno cxxviii, num. 75, a nobis memorata, in qua tam *Dardania*, quam utraque *Dacia* subjiciuntur episcopo Thessalonicensi cum aliis Illyricianis provinciis.

5. *Cælestius et alii Pelagiani anno sequenti a Constantio Urbe expulsi.* — Constitutio *Constantii* imp. seu potius Epistola, qua jubet *Volusiano* præfecto Urbis, ut Pelagianos « faciat statim e muris Urbis expelli », pertinet ad annum sequentem, quo *Constantium* imperatorem dictum fuisse constat; indeque liquet, *Cælestium* postquam *Zozimi* examini sese subdidit, vel apud suos Romæ latuisse, vel in Urbem rediisse, vel in proximis subditisse; cum *Constantius* in eadem Epistola dicat : « Cælestium quoque magis ac magis ex Urbe pelli mandamus ». Edictum vero præfectori prætorii a Baronio num. 4 recitatum pertinet ad annum cxxviii, ut ibidem ostendimus; ubi et diximus, hæc priora ejus verba, *Junius, Quartus, Palladius, Monaxius*, sine interpunctione legi debere; cum unius ejusdemque præfecti, Orientis scilicet, nomina sint.

6. *Constantio imperante Gentiles Manichæi in Africa compressi.* — A num. 5 ad 8. Quod narrat Baronius et Auctor lib. de Prædicationibus part. 3, cap. 38, de *Cælestis* Dææ templi demolitione facta Carthagine, *Urso insistente tribuno*, et quidem *sub Constantio et Augusta Placidia*, pertinet etiam ad

annum sequentem, quo *Constantius* imperare cepit, et vivere desit. Auctor vero ille *Placidium* Augustam, non vero *Constantium* Augustum appellat, quia, ut ibidem ipsemet insinuat, Valentiniano III Constautii filio imperante, librum suum scripsit; quo tempore cum jam *Constantius* supremum diem obiisset, cum sine titulo nominat. Quare male ex illis verbis Garnerius citatus, et quidam alii deduci putarunt, *Placidiam* ante *Constantium* maritum Augustam nuncupatam esse. Valeret conjectura si anonymus ille Opus suum, antequam *Constantius* imperaret, elucubrasset. Illa porro *Deo Caestis*, aliorumque templorum eversione *quindecennialium* Theodosii, anno sequenti actorum indicium exat. Eorumdem solemnium argumentum est, quod *Possidius* in Vita Augustini cap. 16, apud Baronium num. 6, ait Carthagine factum ab Urso tribuno adversus eos, quos Manichæi *Electos* vel *Electas* dicunt. Manichæi suos dividebant in *Electos* et *Auditores*, ut docet Augustinus lib. de Haeresibus cap. 46, ubi ait: « His duabus professionibus, hoc est, Electorum et Auditorum, Ecclesiam suam constare voluerunt ». Quam vero vana, inepta, et sacrilega *Electorum* illorum vila fuerit, ostendit Augustinus lib. 6 contra Faustum sub finem.

7. *Augustinus confutat libros Vincentii Victoris de Origine animæ.* — A num. 8 ad 12. Libri quatuor de Anima et ejus origine, *Renatus* manacho dicali, partim sub precedenti anni finem, partim currentis initio scripti sunt a sancto Augustino. *Renatus* enim autumno anni cxxxviii Cesareæ erat, ubi *Optati* episcopi de anime origine consulentis Epistolam Augustino exhibuit, et libros duos *Vincentii Victoris* a se descriptos Cesareæ Hipponem ad Augustinum transmisit *æ-tate*, ut dicit Augustinus lib. 1, cap. 1, qui addit, sibi *in autumnis fine* esse redditos, ideoque anno superiori. Ubi illos *Augustinus* legit, primum ex quatuor illis libris *sive ulla dilatione conscripsit*, inquit Augustinus cap. 20, secundum deinde, Epistola forma Petro presbytero, tertium vero et quartum *Vincentio Victori* inscripsit, sed aliquanto post tempore, ut ex lib. 2, cap. 4, intelligitur, *Vincentius Victor*, juvenis ex Mauritania Cesariensi, Catholice doctrine rudis atque expertus, cum temere tractaret quæstionem de animarum origine, in errores Pelagianos quosdam, et his peiores impegit, quem ideo Augustinus confutandum esse judicavit; sed cum ille in Operis sui exordio modeste atque humiliter profiteretur, non credere se sibi, nec propriam sententiam tueri, si improbabilis deprehenderetur, *Augustinus* magnam lenitatem in eo Opere adhibuit, quod juvenem adhuc doceri posse putaret, nec damnari, sed emendari cuperet. Quæ spes cum non fecellit; nam lib. 2 Retract. cap. 56, ipsemet testatur, se postea responsum a *Victore* accepisse, quo is errores suos sese abjicere significabat. *Victoris* itaque libros duos contra Augustinum, hic quatuor confutavit, in quibus et hæresim Pelagianam, et pessima dogmata *Victoris* impugnavit.

8. *Augustinus varios libros scribit.* — Porro *Augustinum* hoc anno libros quatuor *contra duas Epistolas Pelagianorum* Bonifacio inscripsit, et librum secundum *de Nuptiis et Concupiscentia* scripsisse, ostendimus anno superiori num. 44.

9. *Leporius libellum suum ad episcopos Gallie ex Africa misit.* — A num. 12 ad 15. Confessio *Leporii* in Gallia monachi, ubi, ut ait *Facundus* lib. 1, cap. 4, eandem doctrinam tradidit, quam postea in Oriente *Nestorius*, *Baronii* tempore anno suo reddi non potuit, quia tunc libellus, quem episcopis Gallie misit, et Epistola episcoporum Africae, quam cum eodem scripto ad episcopos Gallie dedere, nondum lucem viderant. Sed postquam utramque *Sirmondus* publicavit, nihil a viris doctis prætermisum, ut ei certus animo assignari possent. *Emin. card. Norisius* lib. 2 Hist. Pelag. cap. 3, et *Anleimus* in Dissert. de Initio Ecclesie Porojuliensis cap. 42, existimant, *Leporium* circa annum cxx ab hæresi revocatum libellum illum edidisse. *Garnerius* in Dissert. de Synodis in causa Pelagianorum habitis ad annum cxxiv, *Sirmondus*que, aliique, ad annum insequentem; *Labbeus* denique ac *Patres Benedictini* in Præfatione ad tomum x Operum divi Augustini ad annum cxxxvi palinodiam illam rejiciunt. Verum eam ad annum cxxxv pertinere ostendam, postquam breviter exposuero, quæ in duobus laudatis monumentis continentur.

10. *Carthagine emendatus fuit.* — *Aurelius*, *Augustinus*, et duo alii episcopi Africani scripsere laudatam Epistolam, *dilectissimis et honorabilibus fratribus et consacerdotibus Proculo et Ciliño*, et quidem alicujus Synodi Africanæ nomine, significaruntque *Leporium* postquam ab hisdem correptus fuisset, et Gallis exurbatus, trajecisse in Africam, ubi cum « non recta quædam saperet, nec vera sentiret, negans Deum hominem factum », sese eum instruxisse « in spiritu lenitatis », rogaruntque, ut sicut « per suam præsentiam » susceptus esset ab eis, « sic per suam Epistolam » susciperetur ab illis quemadmodum et illi, qui cum eo venerunt in Africam, quia « eum illo correcti atque sanati sunt ». Quia vero in Gallis *Leporii* error vulgaris fuerat, ibi quoque emendationem suam voluit is palam apparere. Quare libellum illum misit cujus titulus: *Ad episcopos Gallie, dominis beatissimis et venerandissimis Dei sacerdotibus Proculo et Ciliño*, eumque hac subscriptione firmavit: « Ego *Leporius* libellum meo sensu dictatum in quo fidem meam Deo volente in finem usque tenebo, medullitus exprimere volens in Ecclesia Carthaginensi relectum subscripsi », ideoque coram episcopis in Synodo congregatis. Hinc *Joannes II* papa in Epistola ad *Avienum* scribit: « *Leporius* in Epistola, quam *Aurelius* episcopus Carthaginensis, et beatus *Augustinus*, et Synodus Africana firmavit ». Itac Epistola tantæ olim fuit auctoritatis, ut ex ea idem *Joannes II* testimonium sumpserit, quo dogma fidei confirmaret.

11. *Pelagii erroribus adhæserat.* — *Leporium*

adhuc monachum confessionem illam edidisse, fecerunt Cassianus lib. 1 de Incarnat. cap. 4, et Gennadius lib. de Script. Eccles. cap. 50, qui addunt, eum postea presbyterum fuisse. Cassianus autem librum illum de Incarnat. scripsit anno quadringentesimo vicesimo nono, quo ideo Leporius jam presbyter erat, hæresimque jam ejurarat. Eum fuisse Pelagianum, quæ Baronius ex Cassiano et Gennadio in medium affert, demonstrant. Imo ipsemet in suo libello hunc errorem Pelagianorum proprium se tenuisse declarat: « Illud etiam, inquit, minime reticendum censeo, quod in eadem Epistola (in qua scilicet errores suos docuerat) simili devians errore subiunxi, Christum Dominum nostrum sic omnia, quæ erant passionum implese, ut in nullo quasi perfectus homo a Divinitatis auxilio juvaretur. Volens scilicet, ita in Christo hominem assignare perfectum, quo alienum et ab his passionibus Verbum Patris assererem, et solum per se hominem egisse hæc omnia possibilitate nature mortalis sine aliquo Deitatis adjutorio probare conabar ». Quare virtutes etiam in Christo ex solis nature viribus, non vero ex divina Gratia adjutorio fuisse putabat.

12. *Conversus est postquam Augustinus librum de Correctione et gratia edidisset.* — Cum vero Augustinus in libro de Correctione et gratia cap. 11, asserat, usque ad illud tempus neminem reperit esse, qui diceret Christum de Spiritu Sancto et Virgine Maria filium hominis natum, per liberum tamen arbitrium bene vivendo, et sine peccato bona opera faciendo meruisse, ut esset filius Dei, in quem tamen errorem se lapsum esse fatetur verbis laudatis Leporius, Augustinus ad ejus conversionem operam suam contulit, postquam librum illum elucubravit. Hæc ejus verba: « Neque enim quisquam tanta rei hujus et fidei carens est ignorantia, ut audeat dicere, quamvis de Spiritu Sancto et Virgine Maria filium hominis natum, per liberum tamen arbitrium bene vivendo, et sine peccato bona opera faciendo meruisse, ut esset Dei Filius, resistente Evangelio atque dicente », Verbum caro factum est. « Nam ubi hoc factum est, nisi in utero virginali, unde fuit initium hominis Christi? etc. Istam natalitatem bona opera secuta est non bona opera meruerunt, etc. » Quod si Leporium, qui in libello suo errorem istum aperte fatetur, jam correxisset Augustinus, scribens librum illum de Correctione et Gratia aliter locutus fuisset, cum postea quod elucubravit circa finem vite sue librum iv Operis imperfecti contra Julianum num. 81, et de hoc Pelagianorum errore edoctus fuisset; ita adversus Julianum exclamarit: « Ergone ista susceptio, quæ Deum et hominem unam fecit esse personam, nihil illi homini valuit ad excellentiam justitiæ, quam dicitis ei de voluntaria actione substituisse? Sicce vos contra Dei gratiam defensionis liberi arbitrii præcipites agit, ut etiam ipsum Mediatorem, ut esset Dei filius unicus, voluntate sua meruisse dicitis, et falsum esse quod tota conficitur Ecclesia, etc. »

13. *Ejus conversio in annum cdxvii incidit.* —

Cum ergo Augustinus librum de *Correctione et Gratia* circa Pascha anni Christi quadringentesimi vicesimi septimi in lucem emisserit, ut infra videbimus, apparet conversionem *Leporii* aliquot post mensibus eodem anno contigisse. Ideoque, et cum *Nestorii*, qui anno tantum insecuti in Oriente hæresim suam promulgare cepit, præcursorem fuisse. Card. Norisius citatus legens hæc verba in Epistola ad Proculum et Cilinium data: « Cum preoccupatus esset, sicut homo in aliquo delicto (scilicet Leporius) eodemque non parvo, ut de unigenito filio Dei, quod erat in principio Verbum, et Verbum erat apud Deum et Deus erat Verbum. Cum autem venit plenitudo temporis Verbum caro factum est, et habitavit in nobis, non recta quadam saperet, nec vera sentiret, negans hominem factum, ne videlicet substantiæ divinæ, quæ æqualis est Patri indigna mutatio, vel corruptio sequeretur, etc. »; et videns nullum Leporii errorem de divina Gratia correctum asseri in citata Epistola, deduxit, eundem ante publicatam Pelagianam hæresim libellum memoratum scripsisse. Sed cum Cardinalis doctissimus tam ex Cassiano et Gennadio, quam ex libello Leporii hunc Pelagianum fuisse demonstrat, ejus conversionem longe postquam *Pelagius* hæresim suam publicavit, contigisse necesse est; *Leporius* itaque ejusque socii quædam tantum in Africa de Incarnatione, in quibus nec recta saperent, nec vera sentirent, asseruerunt, ideoque et de his solum eum Aurelius, Augustinus, et alii duo episcopi correxerunt, et ad Proculum, Cilinium, aliosque Galliæ episcopos scripsere. Erat *Proculus* episcopus Massiliensis, *Cilinius* vero incertæ sedis in Galliâ episcopus. Sed cum tam card. Norisius, quam Antelmius Ecclesiæ Foro-Juliensem in secunda provincia Narbonensi *Cilinium* tunc rexisse autumarint, in eam sententiam descenderunt. Verum *Cilinium* episcopum Foro-Juliensem fuisse, id a paucis annis, et non nisi ex falsa conjectura ab aliquibus excogitatum. *Leontium* enim, quo sedente sanctus *Honoratus* monasterium Lerinense fundavit, toto fere hoc sæculo Ecclesiæ Foro-Julienensi præfuisse, annoque quadringentesimo trigesimo secundo e vivis excessisse, certum et indubitatum esse debet.

14. *Persecutio Christianorum in Perside hoc anno continuata, sed non incepta.* — A num. 15 ad 39. Agathias lib. 4, pag. 137, regum Persarum compendium texens, scribit: « Isdegerdes cum unum et viginti annos regnasset, nullum unquam adversus Romanos bellum suscepit, neque ulla eos affectit molestia ». Idem habet Procopius lib. 1 de Bell. Pers. cap. 2. Quoad pacem cum Romanis servatam: « Romanos, inquit, quandiu vixit, pace beavit altissima, et imperium Theodosii conservavit », cujus tutorem eum Arcadius Theodosii pater moriens instituerat. Ex anno emortuali *Isdegerdis*, quem cum præsentis anno Christi concurrere certum est, ejus decessorum et successorum tempora pendunt. Viguit pax Romanis inter et Persas ab anno cclxxxii, ut eo anno num. 11 apud Baronium

videre est, a Theodosio nempe Magno usque ad presentem annum, quo *Vararanes* Isdegerdi patri succedens non solum persecutionem adversus Christianos in Perside commorantes ab eodem Isdegerde anno cxxiv, ut anno cxxviii, num. 3 et seqq. ostendimus, excitatam continuavit; sed etiam bellum in Romanos movit. Agathias quidem et Procopius laudati tradunt, *Vararanem* expeditionem in Romanos fecisse; *sed cum illum profecti, qui in finibus erant, amice suscepissent, ipsum statim recessisse. At cum uterque sua ex Annalibus Persarum tantum deprompserit, in iisque eventuum infaustorum nulla mentio esset, belli quod per triennium fere duravit, quodque Romanis gloriosum fuit, nullam notitiam habuere.* Evagrius lib. 1, cap. 19 dubitat, an fuerit *Isdegerdes*, vel *Vararanes* ejus filius, qui cum Romanis bellum gesserit. Sed Evagrius bellum cum persecutione Christianorum perperam confudit, deceptus a Socrate, quem laudat, qui lib. 7, cap. 18, scribit, *Isdegerdem* Christianos in suis ditionibus degentes nullatenus persecutum fuisse, sed *Vararanem* Magorum consilio inductum eos graviter exagitasse. Imo Baronius num. 16 dubitat, a quonam Persarum rege persecutio indicta fuerit, atque sese relinquere lectoris arbitrio cujusnam partis sint potiora jura. Verum ex dictis et inferius dicendis persecutionem bellum præcessisse, illamque *Isdegerdem* inchoasse, docet Theodoretus lib. 5, cap. 39, ubi postquam narravit cum Ecclesiis gentis suæ bellum intulisse, subdit: « Sed et Gorananes (qui melius *Vararanes* dicitur) *Isdegerdis* filius, post patris obitum, una cum ejus regno bellum quoque adversus pietatem, quasi hereditario jure transmissum suscepit. Et ipse moriens utrumque simul junctum filio tradidit ». Porro Theodoretus loquitur de iis que acciderunt tam initio persecutionis, quam belli adversus Romanos, ideoque pleraque que de illa habet, pertinent ad annum cxxiv, quo eam *Isdegerdes* movit. Hoc recentes Historici non animadvertentes, hujus persecutionis narrationem mirum in modum perverterunt, et gesta ab *Isdegerde* ad *Vararanem* ejus filium et successorem transtulerunt, qui error in posterum vitandus.

15. *Causa belli Persici.* — Marcellinus in Chronico sub hujus anni cons. ait: « In Perside in Christianos persecutio desevit », ex qua bellum exortum, de quo duobus annis subsequenibus agit, Socrates lib. 7, cap. 18, duas hujus belli causas in medium affert. Prior hæc est, quia Christiani in Perside vexati ad Romanos confugiebant, et ab eis benevole excipiebantur. Secunda, « quod Persæ aurii fossores, quos mercede conductos a Romanis acceperant, restituere nolent: tum quod merces Romanis mercatoribus abstulissent ». Cumque Persarum rex fugitivos repeleret, et Romani Christianæ religionis causa nullatenus eos prodere vellent, bellum grave conflatum est. Alii Historici confugii tantum Persarum ad Romanos meminere, uti Theophanes ad annum xvii Theodosii, sed anno non suo, et Cyrillus monachus in Vita sancti Euthymii abbatis,

ubi ait: « Initio tunc motæ persecutionis in Perside circa finem regni *Isdegerdis* Persarum regis, cum Magi omnes Christianos capere vellent, subditorum Saracenorum profectos ubique viarum constituerant, ne quis Christianorum in Perside degentium ad Romanos confugeret. Verum *Aspebetus* tunc temporis profectus existens, cum hanc in Christianos savitiam et inhumanitatem a Magis civitatis excitatam videret, miseratione motus, neminem Christianorum a fuga impedit ». Addit Cyrillus *Aspebetum* cum filio apud regem *Isdegerdem* accusatum ad Romanos transfugisse, « quos Anatolius tunc Orientis profectus susceptos, Romanis sancto fœdere subdidit, atque *Aspebetum* Saracenorum ex fœdere Romanis subjectorum, qui in Arabia morabantur, profectum constituit ». Denique Nicephorus lib. 14, cap. 21, eandem belli causam ex Socrate refert.

16. *Hoc bellum Arcadio perperam adscriptum in libris de Prædictionibus.* — Quæ in medium adducenda censui ut error, qui irrepsit in librum 3 de *Prædictionibus*, cap. 34, prospero attributum, quique Baronio anno cccxcv, num. 24, hætenusque omnibus fucum lecit, tandem e medio tollatur: « Sane nostris temporibus », inquit Auctor ille, « apud Persas persecutionem factam novimus, imperante *Arcadio* religioso et Christiano principe, qui ne traderet ad se confugientes Armenos bellum cum Persis conceit. Eo signo, antequam potitus victoria, jam coeuntibus prælium militibus, aeris Cruces in vestibus paruere. Unde etiam victor auream monetam cum eodem signo Crucis fieri præcepit, quæ in usu totius orbis et maxime Asia, hodieque persistit ». Baronius ibid. bellum illud *Arcadium* inter et *Isdegerdem* gestum arbitratur, sed *Orosius*, qui *Theodosio* juniore imperante scripsit, annoque cxxvii Historiam suam absolvit, loquens de pace inter *Theodosium* Magnum et Persas sanctam hanc opinionem evertit, cum ait: « letumque tunc fœdus est: quo universus Oriens usque ad nunc tranquillissime fruitur ». Quare in laudato Auctoris de prædictionibus libro, loco *imperante Arcadio*, legendum, *imperante Theodosio Arcadii filio*, quia in exemplari scriptum erat *imperan. The. arcad. Fo.*, quæ Librarius imperite exscripsit, ex duobus enim *Theodosiis* senior absolute *Theodosius* ab Historicis appellatur ejus vero nepos modo *juniore*, modo *Minor*, modo *Arcadii filius*, ut ab avo distingatur. Hic cap. 38, vocatur simpliciter *Theodosius Honorius etiam Theodosii minor filius*, et antea, *Theodosii vero religiosi principis imperio*, ubi etiam librarii contra auctoris mentem qui de seniore *Theodosio* loquitur, hæc verba addiderunt, « per *Jovium* et *Gaudentium* comites », ut ostendunt sequentia, « cui *Symmachus* præconio laudum in consistorio recitato aram Victoriæ in Senatu restitui intimavimus. *Jovius* enim et *Gaudentius* non nisi post *Theodosii* Magni mortem *Arcadio* et *Honorio* ejus filiis jubentibus templa evertant, *Mallio* et *Theodoro* cons., anno scilicet cccxcix. Nec auctor libri de prædictio-

nibus hac in re falli potuit, cum ipsemet asserat se presentem fuisse, quando juxta Honorii edictum idola et templa in Africa prostrata sunt.

17. *Ex Armeniis alii Romanis, alii Persis parentibus.* — Nec est quod quis dicat, auctorem librorum *de Prædictionibus* nominis de Armeniis, qui ad ditiones Romanorum confugiebant, loqui, et Socratem loco laudato verba facere de Persis, ac asserere Romanos per Armeniam in Azanenem provinciam, quæ eadem est cum Arzænena, intrasse, ideoque Socratem supponere Armeniam fuisse juris Romani, et Persas in ea regione Christianos persecutos non esse. *Armenia* enim inter Romanos ac Persas divisa erat, juxta Ammianus quippe lib. 24, cap. 7, scribit, Persas post pacem cum Joviano imp. factam magnam Armeniam partem occupasse: « Configit », inquit Ammianus, « ut Armenia latus maximum Medis conferminans et Artaxata inter disseiiones et turbamenta raperent Parthi ». Evagrius vero, qui sub sæculi sequentis exitum Historiam suam scripsit, lib. 5, cap. 7 ait: « Incolæ majoris Armeniæ, quæ nunc Persæmia dicitur hæc autem regio antea quidem Romanis paruerat, sed cum Philippus successor Gordiani eam Sapori prodidisset, minor quidem Armenia penes Romanos mansit, reliqua vero omnis penes Persas): hujus igitur incolæ fidem Christianam professi, etc. » Ad hæc auctorem librorum *de Prædictionibus* nominis de bello a Theodosio juniore contra Persas gesto loqui demonstrant hæc ejus verba: « Alias sane quam plures (nempe persecutionis) beate memoriæ Augustinus scriptis suis inseruit, quas haud procul a nobis et vidit et sensit, credens et ipse augmenta Ecclesiæ quæ nos videmus impleri. Sane nostris temporibus apud Persas, etc. » Sane si hæc ultima verba cum præcedentibus necessariam connexionem non haberent, locus ille perfectum sensum non redderet. Quare sanctus Augustinus vidit et agnovit hanc Persarum persecutionem et in suos libros inseruit, secundum eundem auctorem; quod quidem verum est; Augustinus enim lib. 18 de Civit. Dei cap. 12, inquit: « Quid modo in Perside? Nonne in Christianos feruunt persecutio, si tamen quævisit, ut fugientes inde nonnulli usque ad Romana oppida pervenerint? » Quis igitur dubitare potest quin Augustinus et auctor ille de una eademque persecutione Persica, verba faciant, et quin hæc Augustini verba idem designent ac ista Anonymi, « ad se confugientes Armenos, etc.? » quamobrem cum Augustinus, qui libros de Civitate Dei absolvit anno cdxviii de persecutione, quæ imperante Theodosio juniore configit in Perside, loquatur, de alia sermonem non habet Anonymus, cum paulo post mortem Augustini Opus suum absolverit.

18. *D. Augustinus et auctor librorum de Prædictionibus loquuntur de uno eodemque bello Persico.* — Denique apparet, Anonymum ad hunc Augustini locum respexisse; cum dicat, se videre quæ Augustinus solum crederat contingere debere, scilicet *Augmentum Ecclesiæ*, hujus persecutionis oc-

casione. Baronius enim num. 31 et seqq. ex Cyrillo monacho in Vita sancti Euthymii demonstrat, religionem Christianam per Orientem propter hanc persecutionem Persicam valde amplificatam fuisse. Quare nullam dubium esse debet, quin Anonymus de ea persecutione Persica loquatur, de qua Augustinus, Socrates, Theodoretus, aliique Historici Ecclesiastici mentionem faciunt, et quin locus a nobis explicatus, a librariis corruptus fuerit; quod et forsam manuscripla hujus auctoris demonstrarent, sed nulla in Bibliothecis Parisiensibus reperiri amici monere; et Eminentissimus cardinalis Hieronymus Casanata mihi per litteras significare dignatus est, in octingentorum annorum Codice Palatino-Vaticano, signato num. 237, descriptum esse librum illum *de Prædictionibus* sancto Prospero adscriptum; locum vero laudatum de Persarum persecutione nihil ab editis discrepare. Quare error ille antiquus.

19. *Mentio hujus belli Persici in duobus Theodosii legibus.* — Pertinet ad hoc bellum Persicum lex 10 Cod. Justin. *De ædificiis privatis*, data sub hujus anni *cons. III non. Maii*, qua Theodosius in Provinciis limitem respicientibus, nempe « per Provincias Mesopotamiam, Osdroenam, Euphratensem, Syriam secundam, Phœniciam Libanensem, Ciliçiam secundam, utramque Armeniam, utramque Cappadociam, Pontum Polemoniacum, atque Hellespontum permittit cunctis volentibus murali ambitu fundos proprios seu loca domini sui constituta vallare », ad repellendos scilicet submovendosque Persas. Ad istud bellum etiam refertur lex 3 Cod. Theod. *De littorum et itinerum custodia*, quæ sub hujus anni *cons. XIV kalend. Octob. Constantinopoli* a Theodosio data est, qua is mandat littorum et portuum custodibus ac ducis limitis officilibus in limite Orientali, ne merces illicitas ad nationes barbaras deferri permittant. Hoc enim respondet narrationi Socratis laudati in qua dicitur, unam ex belli Persici causis fuisse, quod Persæ *Merces* Romanis mercatoribus abstulissent. Pacis enim tempore inter Persas et Romanos commercium erat, destinatis eam in rem certis locis et civitatibus, ut testatur lex 4 Cod. Justin. *De commercis et mercatoribus*, in qua commercio tres urbes destinantur, *Nisibis* in Mesopotamia, *Callinicum* in Osroena, et *Artaxata* in Armenia majori. Sed hæc de re plura Gothofredus in Commentario laudatæ leg. Cod. Theod.

20. *Victoria a Romanis de Persis reportata.* — Cum bellum fere per triennium duraret, varia inter Romanos et Persas gesta, ut narrat Baronius ex Socrate, et ostendit Theophanes loco laudato, ubi ait: « Hinc Theodosius Ardaburius ducem cum Romanis copiis, inde cum Persicis exercitibus, et innumeris Saracenoium auxiliariis copiis Arseum (quem Narseum Socrates appellat) Vararanes mandat. Ardaburius in Persidem usque penetrans, Arxane provinciam devastata, in Mesopotamiam ingreditur: Persarum dux pariter in Mesopotamiam versus Eu-

pluratem progreditur cum suis, qui cum Romanas acies ingruere arbitrarentur, Dei impulsu, vanis terroribus agitati, ut erant armis instructi, in flumen desilierunt: adeo ut decem myriades aquarum vorticibus perierint: reliquos omnes, et eam maxime legionem, ac myriadem, cui a Persis immortallum nomen factum, cunctosque eorum duces quaque-versus Romano mille circumclusos, Christo, a Persis, quod injustam viris religiosis mortem intulissent, vindictam exigente, Ardaburius delevit». Hanc Romanorum victoriam fusiori sermone narrat Socrates, et provinciam Arzazenen appellat Azzanenem, qua de re legenda quae dicam anno IIII.

21. *Obitus S. Hieronymi.* — A num. 39 ad 51. Divus Hieronymus mortuus est *pridie kalend. Octobris, anno aetatis suae xev*, inquit Prosper in Chronic. sub hujus anni cons. qui jam sub consulatu Bassi et Ablavii anno cccxxxi gesto dixerat: *Hieronymus nascitur*, a quo tamen anno ad currentem anni tantum sunt nonaginta, extremo etiam incompleto memorato. Quare Prosper scripsit, Hieronymum obiisse anno aetatis suae xc, sed librarius summam auxit. Mabillonius tom. II Veter. Analect. pag. 42, profert ex pervetusto Ms. libri Gennadii de Viris illustribus, Hieronymi elogium, quod in omnibus codicibus editis deest, in quo legitur: « Nonagenarius ferme (ut perhibent) postea in Domino requievit; quem Stridon oppidum genuit, Roma inicyta erudit, Bethleem alma tenet, spiritum aula caelestis suscipit ». Idem Mabillonius tom. IV Analect. e tenebris eruit Vitam S. Hieronymi, quam a Gennadio scriptam fuisse arbitratur. Verum cum is tradat Hieronymum *anno aetatis suae xc* spiritum Deo reddisse, apparet hujus Vitae auctorem non esse; cum anonymus hic scriptor habeat: « Ordinatus est Romae presbyter xxix annis, tribus vixit apud Bethleem, in proposito suo annis quinquaginta et mensibus sex. Omne vitae suae tempus implevit annis lxxxviii, et mensibus sex ». Unus enim et idem scriptor de aetate Hieronymi non ita locutus fuisset. Mitto alia quae cum Vita Gennadio adscribendam non esse ostendunt. Opera omnia sancti Hieronymi doctissimus Joannes Martiarty Congregationis sancti Mauri monachus nova editione donare et notis illustrare exorsus est.

22. *Theodotus succedit Alexandro in episcopatum Antiochenum.* — Alexander episcopus Antiochenus, cujus mortem Baronius anno cdxii, n. 71 recitat, usque ad praesentem circiter annum vitam protraxit, ut colligitur ex Theodoro in Historia Religiosa cap. 12, ubi sancti Zenonis monachi, qui juxta Antiochiam in Syria floruit, vitam describit, et ex Epistola Attici episcopi CP. ad sanctum Cyrillum de nomine sancti Chrysostomi Diptychis inscribendo hoc anno data, cum jam Theodotus Alexandri successor Antiochenam Ecclesiam regeret. Recitat eam Epistolam Baronius anno cdxii, num. 47 et seqq.; sed quidquid ibi habet de sancti Chrysostomi nomine sacris labulis inscripto, ad hunc annum

perlinet, ut suo loco ostendimus. Theodoretus itaque, qui magnam vitae suae partem Antiochiae egit, quique Historiam suam Ecclesiasticam absolvit *exitu*, ut ipse dicit, *Theodoti mortis*; haec de sancto Zenone Anachoreta scribit: « Simul ac Valens e vita sublatus est, militiae cingulum deposuit », additque cum in monte Antiochiae vicino, postquam e Palato exiit, divinae contemplationi vacasse. Valens autem die IX mensis Augustiani cccclxxviii, e medio sublatus est: Zeno quadraginta annos in monte illo vixit; Theodoretus enim, qui eum ibidem visitavit, ait: « Quod ad tantum philosophiae cultum evectus, tantam animi moderationem reliquerit vir grandaevis, qui annos xl continenter in monastica exercitatione posnerat, qui satis admirari, aut pares magnitudinis afferre laudes quis possit? » Itaque attigit sanctus Eremicola annum Christi cdxviii. Postea recenset Theodoretus quid cum Alexandro episcopo idem Zeno egerit: « Accito igitur civilis antislite, is autem magnus erat Alexander, etc. Quoniam jubeor migrare ex hac vita, te earum (sc. facultatum, quas intestatus olim reliquerat) constituto dispensatorem ». Quamobrem anno cdxviii adhuc Alexander in vivis erat. Si enim anno emortuali Valentis imp. xl alios addas eum Christi annum pervenisse.

23. *Hoc circiter anno.* — Alexandrum usque ad praesentem circiter annum pervenisse, ostendit Epistola Theodoti ad Dioscorum in qua anni Theodoti successoris Alexandri egregie traduntur: « Sex annos ibi (nempe Antiochiae, inquit Theodoretus) ego docens tempore beatae memoriae Theodoti Antiocheni episcopi, qui tunc vitae splendore polluit et fulsit, tum etiam divinorum dogmatum cognitione, alios deinde tredecim annos tempore beati Joannis, etc. Praeter haec jam septimus agitur annus, quo Deo dilectissimus archiepiscopus domnus sedite. Dici non potest, Theodoretum sex illos tantum annos Theodoti numerasse, quibus eo antislite vivente, in Antiochena Ecclesia catechesim ipsemet docuit, quasi antea sederit ibidem Theodotus, cum nondum Theodoretus Antiochiae sacras litteras explanaret. Scribit enim Theodoretus, superlitate adhuc Alexandro sese ad Zenonem visitationis officia persolutorum venisse, a quo cum benedictionem peteret discessurus, « ille recusabat, inquit, se ipsum privatum quidem, nos autem milites appellans, tunc enim sacros Codices legebant populo Dei ». Quare cum etiam Alexandro sedente, sacras litteras Theodoretus Antiochiae interpretatus fuerit, tam Bollandus ad diem viii mensis Januarii in Vita sancti Attici episcopi Constantinopolitani § vi, quam Eminentissimus card. Norisius lib. 2 Hist. Pelag. cap. 4, qui usi sunt tam laudata Theodoti Epistola, quam praefato testimonio ex Historia Religiosa deducto, ad figendum Theodoti episcopi Antiocheni initium, conclusere illud in annum Christi sequentem conferendum.

24. *Annus primus episcopatus Theodoti adhuc in obscuro est.* — Verum licet uterque ex verbis

Theodreti in Vita sancti Zenonis recte inferat. Theodoretum etiam sub *Alexandro* sacras litteras exposuisse neuter tamen ejus episcopatus initium assequitur. Ex citatis enim Theodreti verbis in Vita Zenonis, et in Epistola ad Dioscorum inter se collatis colligitur duntaxat, *Theodoretum* Antiochiæ catechesim docuisse, primo ante episcopatum suum Cyrensem sub *Alexandro*, quando se. ut ejus verbis utar, *miles* erat, et *nondum dux*. Secundo, postquam ad Cyrensem sedem evectus est, quod anno cxxxiii contigisse certum. Unde Theodoretus in ea ad Dioscorum Epistola numerat duntaxat tempus, quo episcopatum gerens Antiochiæ docuit, annos nempe sex sub Theodoto, ab anno cxxxiii, quo episcopus Cyrensis dictus, inchoandis, annoque cxxxix, quo Joannes *Theodoto* in Antiochenam sedem successit, absolutos. Hinc ad annum quadringentesimum quadragesimum primum sub *Joanne* episcopo annos xiii docuit *Theodorus*, aliosque septem sub *Domno*, qui eo Christi anno Joanni successit, ut suis locis confirmabitur. Quot vero annos sub *Alexandro* Theodoretus catechista et miles fuerit, incertum. Jam tamen ab anno cxxxviii, quo *Zenonem* in monte prope Antiochiam sitis visitavit, ibidem docuisse, nullus dubitandi locus superest; sed quo postea anno diem obierit, incertum. Cum tamen *Theodorus* hoc anno jam sederit, ut liquet ex Epistola citata Attici Constantinopolitani ad Cyrillum Alexandrinum, Alexandri mors hoc vel superiori anno contigit. In Chronico Nicephori ei anni quinque assignantur, sed manifesto libroriorum errore; cum anno cxxxiii sedem Antiochenam adeptus fuerit. In tabulis Theopanis initium *Theodoti* alligatur anno Incarnat. secundum Alex. cdxii, qui kal. Septemb. superioris Christi anni inchoatur, et quidem recte, uti existimo.

25. *Pulcheria uxorem quærit Theodosio.* — In Chronico Alexandrino sub hujus anni cons. legitur: « Cum adolesceret Theodosius junior Aug. vivo patre in regia seu palatio apud patrem educabatur, et cum illo post mortem patris instituebatur Paulinus quidam adolescentior comitis ejusdam domesticorum filius. Amabat autem ipsum Theodosius. Et cum jam in virum adolevisset Theodosius junior Aug., cupiebat ducere uxorem eoque nomine sæpe interpellabat Pulcheriam Augustam sororem, quæ amans fratris abstinebat a nuptiis. Pulcheria vero laborabat in circumspiciendis multis adolescentulis filiarum patricio sanguine ortarum et e regio sanguine natarum, quas volebat educari in regia cum fratre : cui Theodosius : Ego desidero virginem præstantissimam forma, quæ extinguat omnium aliarum Constantinopolitanarum formas, et sanguine regio. Quod si tamen illa ex natalibus regiis forma non sit emendatissima, non curo, nec dignitatem, nec stirpem regiam, nec opes, modo laudatissima sit forma, quocumque situ sit edita, hanc exopto. Quod Pulcheria Augusta sentiens in omnes partes (hujuscemodi querendi causa) sollicita misit. Paulinus quoque socius Theodosii et amicus, ut in

hæc re ipsi gratificaretur, laborabat et circumcurabat. Accidit interim, uti Græcica virgo forma singulari et doctrina præstans, Athenais nomine, Heracliti philosophi filia, cum cognatis suis Constantinopolim veniret, quæ Athenais coacta est felicem urbem (sc. Constantinopolim) petere, et suam amitam convenire, ejus perfectionis hæc causa fuit.

26. *Athenais paterna hereditate excluditur.* — « Heraclitus philosophus pater virginis duos habebat filios : moriturus testamentum condidit, quo duos filios Valerianum et Gesium ex asse scripsit hæredes : Athenaidi vero (scripsit in testamento) desideratissima filie meæ volo dare tantum centum numismata, sufficit enim illi fortuna sua, qua universum genus ac sexum suum antecellit. Atque ita decedit pater ejus philosophus Atheniensis. Secundum mortem patris testamentum aperto, Athenais (cognita se præteritam) rogabat fratres, utpote natu majores illorumque pedibus supplex advoluta petebat, ne vellent habere rationem testamenti, sed tertiam paternæ hereditatis partem sibi fradere, quod diceret nihil se peccasse, sed quod ipsi scirent, quomodo erga immensem parentem atfecta fuerit. Et nescio, inquit, cur me moriturus pater exheredem reliquerit, et cur post mortem sortem meam mihi inviderit. At fratres in sententia persisterunt, iratque sororem etiam persecti, domo paterna eliminantur. Quam recepit postea matertera illius, nec solum ut pupillam, sed quod virgo esset, et sororis filia, tutata est. Hanc (postmodum) secum Constantinopolim ad aliam cognatam amitam nempe suam seu patris Heracliti sororem deduxit. Hæc illius causa suscepta actionem contra illius fratres instituerunt, religiosissimamque Principem Pulcheriam Theodosii sororem adierunt, docueruntque eam, quo pacto virgo a fratribus circumventa sit : simulque ejus prudentiam et eloquentiam commendarunt.

27. *Eudocia uxor Theodosio destinata.* — « Cumque eandem Augusta Pulcheria et forma excellenti, et eruditione præstantem cerneret, interrogavit ipsius cognatas, an virgo esset? Postquam Virginem a patre custoditam, et longa institutione sapientiæ studio eruditam intellexit, jussit illam una cum aliis matronis a cubiculariis custodiri, atque in regia manere, seseque illarum petitionem accipere dictitans, ad fratrem suum Theodosium imperatorem ingressa : Inveni, inquit, adolescentulam puram egregie ornatam, subtili frontis descriptione et lineamentis, decenti naso, niveo caudore, luminibus magnis, singulari gratia, coma crispâ et llava, maturo incesso, eruditam, Græcicam virginem. Quod simul ac audivit, uti juvenis exarsit, et accersito socio suo et amico Paulino, petivit a sorore sua, uti per speciem alicujus negotii Athenadem in suum Pulcheriæ cubiculum adduceret, quam per velum una cum Paulino spectaret, et introducta est : visaque placuit illi, stupente eandem Paulino, suspicientique fecit Christiana; erat enim Græca religione seu pagana, et appellavit Eudociam ».

28. *Vandali de universa Hispania occupanda cogitant.* — Idacius in Chronico anno Abrahami MDCXXXV, qui kalend. Octobris anni Christi CXXVIII inchoatur, ait : « Inter Gundericum Vandalorum et Hermericum Suevorum reges certamine orto Suevi in Nervasis montibus obsidentur a Vandalis ». Tum anno Abrahami MDCXXXVI : « Vandali Suevorum obsidione dimissa, instante Asterio Hispaniarum comite, et sub vicario Maurocello, aliquantisper Bracarae in exitu suo occisis, relicta Gallæcia ad Beticam transierunt ». Cum itaque Gothi sedes in Septimania fixissent, et nonnisi Vandali et Suevi in Hispaniis remansissent, illi quorum erat inter gentes cæteras opinio virtutis singularis ad totius Hispaniæ imperium aspirarunt, eamque ob rem Suevos in montibus Nervasis obsiderunt; sed cum victoriæ spe depulsi essent, in Beticam provinciam transierunt. Verum Romani qui Suevos Gallæciam deserere coegerant, e Bætica etiam expellere conati sunt. At irritò conatu; Idacius enim anno Abrahami MDCXXXVII, qui kalend. Octobris huius Christi anni exorditur, scribit : « Castinus magister militum cum magna manu, et auxiliis Gothorum, bellum in Bætica Vandalis infert; quos cum ad inopiam vi obsidionis arctaret, adeo ut se tradere jam pararent, inconsulte publico certamine colligens, auxiliorum fraude deceptus, ad Tarraconam victus effugit ».

29. *Floret in magna Britannia Fastidius.* — Trithemius lib. de Script. Ecclesiast. scribit, *Fastidium*, quem Britannorum episcopum vocat, hoc anno in magna Britannia floruisse. *Episcopi* titulum Fastidio etiam tribuunt editi Codices Gennadii in libro de Script. Ecclesiast. cap. 56; sed vetustissimus Corbeicensis Codex Gennadii hæc tantum de Fastidio habet, ut observant Patres Benedictini in editione Operum divi Augustini : « Fastidius Britto scripsit ad Fatalem de vita Christiana librum, et alium de viduitate servanda, sana et digna doctrina »; qui tamen addunt, post vocem *Britto*, additum esse recentiori calamo *episcopus*. Verum Fastidium nunquam episcopum Londinensem fuisse, quod contendunt recentes Historici Anglici, solide demonstrat Usserius in Antiquitatibus Britannicis

pag. 171 et 172 novæ editionis. Duo laudati libri Fastidii ad nos non pervenere; quia tamen in editionibus Operum divi Augustini tomo VIII circumferebatur liber inscriptus *de Vita Christiana*, Holstenius cum vetus ejus exemplar in Monasterio Casinensi invenisset, in quo *Fastidii* nomen inscriptum erat, aliquot ante mortem suam annis, novam ejusdem libri editionem Romæ fieri curavit, et card. Norisius lib. 2 Hist. Pelag. cap. 19, ac Patres Benedictini existimantur, Holstenium librum illum *de Vita Christiana*, suo Auctori postliminio restituisse. Verum cum viri illi doctissimi fateantur, in libro isto impias quasdam *Pelagii* sententias contineri, quod et accurate demonstrant, non potest esse factus *Fastidii*, cujus doctrinam sanam et dignam fuisse testatur Gennadius. Ille enim a Pelagianis valde abhorrebat, ut liquet ex iis, quæ de Pelagio et Caestio in eodem libro de Script. Ecclesiast. memoriæ mandavit. Fuit quidem *Gennadius* Semipelagianus, ut colligitur ex iis, quæ de Augustino, Prospero, et Cassiano habet; sed quantum alienus fuerit a Pelagianis, quod illi eum multis Semipelagianis commune fuit, ostendunt, quæ scribit de Sulpitio Severo, cui licet converso non pepercit, cum de eo scribat : « Ille in senectute sua a Pelagianis deceptus et agnosens loquacitatis culpam, silentium usque ad mortem tenuit : ut peccatum quod loquendo contraxerat, tacendo penitus emendaret ». Præterea liber Fastidii *de Vita Christiana* inscriptus fuit *Fatali* cuidam; liber vero de Vita Christiana, de quo sermo est, dicatus fuerat cuidam matronæ, quam in ipso opere alloquitur : « Tu tamen dum peritior tibi apparere possit et melior, rudibus admonitionibus nostris interim esto contenta », inquit Auctor Pelagianus ipso Operis sui initio. Et paulo post : « Ita et tu, dilectissima soror, quam ego certus sum esurire nimium et sifire caelestia, etc. »; neque Gennadius, qui *Fastidii* librum legerat, in re tam manifesta hallucinari potuit. Quare cum sciolus, nescio quis, incidisset in librum a quopiam Pelagiano scriptum *de Vita Christiana*, sciens Fastidium opus cum simili titulo edidisse, se eum invenisse credidit; quod non raro configisse inter eruditos convenit.

BONIFACII ANNUS 3. — CHRISTI 421.

1. *Theodosius Eudociam uxorem ducit.* — Quadringentesimus vicesimus primus qui sequitur annus, Agricola et Eustathio signatur cons. Quo Constantius Augustus, qui anno superiori ab Honorio in collega fuerat assumptus imperii, ex hac vita migravit : testatur id Prosper in Chronico. Tradit Nicephorus¹, Constantium meditatam esse inferre Theodosii bellum in Oriente, quod suam imaginem, cum esset creatus Augustus, perlatam ex more Constantinopolim, recipere nolisset : sed imminens bellum, eo mortuo, prorsus evanuit.

2. Quo etiam anno (ut auctor est Marcellinus²) Theodosius imperator Eudociam Atticam Leontii philosophi filiam, liberalibus disciplinis excultam, sibi in matrimonium junxit. Illic enim (Socrates³ tradit) Athenais antea dicta, cum ab Attico episcopo Constantinopolitano baptizata est, ab eodem fuit Eudocia nominata; quæ in laudem Theodosii egregium poema a se conscriptum de bello Persico edidit; in quo etiam argumento plures versatos esse scriptores, idem affirmat. Sed de Eudocia sæpe inferius.

3. *Theodosii sanctio, qua jura Ecclesie Constantinopolitanæ ad Illyricum extenduntur.* — Hoc eodem anno persuasione Attici Constantinopolitani episcopi (ut creditur) imperatoris animus erga pietatem propensior inductus est ad legem illam sancientiam, qua jura episcopatus Constantinopolitanæ Ecclesie ad Illyricum quoque extendi debere, pro-

mulgata¹ sanctione constituit, quæ sic se habet :

«Omni innovatione cessante, vetustatem et canones pristinos Ecclesiasticos, qui usque nunc tenuerunt, etiam per omnes Illyrici provincias servari præcipimus. Si quid dubietatis emerit; id oportet non absque scientia viri reverendissimi sacrosanctæ legis antistitis Ecclesiæ Constantinopolitanæ, quæ Romæ veteris prærogativa letatur, conventui sacerdotali, sanctoque judicio reservari. Dat. prid. idus Julii, Eustathio et Agricola cons.» Hactenus sanctio. Sed plane commentitios suggestit imperatori Atticus, quos dicit pristinos Ecclesiasticos canones, ex quorum præscripto se ista sancire Theodosius profiteretur. Nunquam enim antea vel in aliquo definitum apparet fuisse Concilio, neque usu rerum monstrari potest esse servatum, ut Illyricorum Ecclesiæ subiectæ fuerint episcopo Constantinopolitano; neque id postea obtinere potuisse permultos post annos Constantinopolitanos episcopos, pluribus locis inferius apparebit. Ut vero veteris Romæ prærogativis Constantinopolis uteretur : id quidem non de his quæ ad jura Ecclesiæ, sed imperii pertinent, nec Patrum canones, sed imperatorum leges constituerunt. Ista autem et alia usurpanti sibi Anatolio Constantinopolitano episcopo tempore Concilii Chalcedonensis ostiliter et penitus rejectit S. Leo Romanus Pontifex. Sed de his pro ratione temporis suo loco pluribus agendum inferius erit.

¹ L. VI. Cod. de sacrosanct. Eccl. et l. XLV. de Episc. et cler. C. Theod.

² Niceph. l. XIV. c. 6. — ³ Marcell. in Chron. his Cons. — ³ Soer. VII. c. 21.

Anno periodi Graeco-Romanae 5914. — Jesu Christi 421. — Bonifacii papae 4. — Honorii 29. et 27. Theodosii Jun. 20. et 14. Constantii 1.

1. *Quindecimannalia Theodosii.* — Coss. *Agricola et Eustathius*, ille in Occidente, ubi anno cdxviii praefectus praetorio Galliarum erat, ut eo anno vidimus; hic in Oriente, ut patet ex variis legibus Cod. Theod. ci a Theodosio jun. inscriptis *quindecimannalia* Theodosii post patrem imperantis in hunc annum incidunt, quorum multa indicia supersunt. Praeterquam quod id demonstrant *vicennalia* prioris ejus imperii, quae a superiori anno removeri non possunt. Quare consulatum in annum sequentem distulit.

2. *Constantius fit imperator.* — Ad num. 1. *Constantius* hoc anno imperator ab *Honorio* creatus, septimo imperii sui mense vita functus est, postquam rescriptum adversus Pelagianos emisisset, ut anno superiori ostendimus.

3. *Nuptiae Theodosii cum Eudocia.* — Ad num. 2. Conjugium Eudociae et Theodosii imp. de quo recte Baronius hoc anno, his verbis ab auctore Chronici Alexandrini sub hujus anni coss. narratur: « Hoc anno Theodosius Aug. accepta in conjugem Athenaide, dicta Eudocia, celebravit nuptias mense Daesio, VII idus Junias, iisdemque nuptiis circenses ludi et scenici in theatro circi acti sunt eo mense Daesio, III idus Junias. Suscepit Theodosius ex Athenaide Eudocia filiam nomine Eudoxiam. Auguste fratres cum regnare sororem Augustam intellexissent, metu percussi profugerunt in Helladem, quos per nuntios accersitos (sublata suspitione) ad honores provexit, promovente ipsis imperatore Theodosio. Et Gesium quidem (eum Zonaras Gensium appellat) dictum creavit praefectum praetorio Illyrici populi, Valerianum autem (Valerium a Zonara appellatum) magistrum palatii, affirmante illis fratribus suis Augusta Eudocia: Quod nisi vos me male tractassetis, ego nunquam coacta venissem Constantinopolim, nunquam imperassem. Imperium ergo vos mihi ab ipso natali meo comparastis. Bona enim fortuna mea vos erga me reddidit duriores, non vestra in me sententia seu voluntas. Paulinum vero ut amicum et nuptiarum conciliatorem, convictoremque Theodosius Augustus per omnes honorum gradus ad dignitates exivit, ac demum magistrum palatii et officiorum creavit, qui tantum honorem adeptus est, ut ei potestas esset, et libertas

adeundi cum Augustum Theodosium, tum Augustam, ut qui amborum Paranympus fuerit ». Baronius Eudociam ex Marcellino in Chronico filiam *Leontii* appellat; verum id non dicit Marcellinus, sed Theophanes in Chronico et Zonaras in Historia. Cum vero auctor Chronici Alexandrini, cujus verba anno superiori retulimus, eam filiam *Heractii* asserat, apparet hunc vocatum fuisse *Leontium Heractium*.

4. *Theodosius jurisdictionem episcopi Constantinopolitani amplificat.* — Ad num. 3. Lupus in Scholiis ad canones Sardicenses canone xvi observat, Baronium non satis percepisse sensum rescripti a Theodosio imp. *pridie idus Julii* dati, quo jura episcopatus Constantinopolitani ad Illyricum quoque extendit imperator. Hic enim suam novitatem in nullo canone fundat; sed duo statuit: primo, ut Ecclesiae per Illyrium provinciae regantur more et canone antiquo, citra omnem, seu quoad iudicia, seu quoad consecrationes, innovationem. Deinde, ut graviorum causarum relatio non amplius ad Romam fiat, sed ad Constantinopolitanum episcopum, utque in ejus Synodo audiantur et finiuntur. Illyricanam diocesim Pontifici Romano auferit transcriptam in jus Patriarchi cum Regiae Civilitatis. Haec est unica per rescriptum inducta novitas, nec ullum pro ipsa antiquum canonem Theodosius adducit. Eodem modo Gothofredus rescriptum illud seu legem 45 Cod. Theod. *De episcopis* explicat, licet in ejus commentario aliqua in medium afferat a veritate dissentanea.

5. *Vera ejus rescripti interpretatio.* — Marca lib. 4 de Concordia cap. 2, num. 1, genuinum hujus legis sensum hunc esse ait, ejusque legis membra duo. Primo cavetur, ut antiqui canones Ecclesiastici vim suam obtineant, etiam in provinciis *Illyrici*; ita ut si quid innovatum fuerit contra canones, episcoporum incuria, vel ambitu, omni effecta careat, ubi *Theodosius* moribus antiquis integram auctoritatem restituit, et innovationes amovitur. Pars autem ista commate distinguenda est a verbis sequentibus legis, juxta lectionem Codicis Theodosiani. Secunda vero pars incipit ab hac particula: *Tum si quid dubietatis emerit*, in cujus locum irrepsit in Codice Justiniani particula, *ut*,

quæ licet eundem sensum exprimere possit, non tamen sic apertum, ut cum altera lectio præfert. Secundæ autem partis hic est sensus : Si quod dubium emerit in canonum interpretatione (quo prætextu episcopi canonum violatorum invidiam a se depellebant), eam non unius episcopi Metropolitanæ arbitrario temperandam, sed conventui sacerdotali, et plenæ Illyricianæ dioceseos Synodo committendam ; ita tamen ut ea de re ad sedem Constantinopolitanam referatur. Atamen sub prætextu conservandæ vetustatis, novitas magni momenti ad amplificandam Constantinopolitanæ sedis auctoritatem hanc lege indicitur ; quæ ita canonicas questiones Conciliis Illyricianis reservat, ut res dubiæ ad episcopum referantur. Unde sequi videbatur, eas omnes provincias, quæ intra fines Orientalis imperii comprehenderentur, ab Urbis Regiæ episcopo eadem auctoritate regendas, qua veteris Romæ episcopus Occidentales provincias administrabat.

6. *Theodosius illud revocat.* — Verum innovationem « diversorum episcoporum subreptionibus per Illyricum », ut verbis utar Honorii imp. in Epistola ad Theodosium Aug. in quindeccennialibus hujus imperatoris impetratam, rescidit idem Theodosius ad postulationem Honorii patris, cujus Epistolam et rescriptum Theodosii post Marcæ mortem publicavit Holstenius in Collectione Romana pag. 81 et seqq. Respondit enim Theodosius ad Epistolam Honorii : « Omni supplicantium episcoporum per Illyricum subreptione remota statuimus observari, quod prisca Apostolica disciplina et canones veteres eloquuntur. Super qua re secundum formam oraculi perennitatis tuæ ad viros illustres præfectos prætorii Illyrici nostri scripta proximus, ut cessantibus episcoporum subreptionibus antiquum ordinem specialiter faciant custodiri ». Porro de jure illo antiquo Ecclesiæ Romanæ hæc scribit Nicolaus I, Epist. II, ad Michaëlem imperatorem : « Oportet vestrum imperiale decus, quod in omnibus Ecclesiasticis utilitatibus vigere audivimus, ut antiquum morem quem nostra Ecclesia habuit, vestris temporibus restaurare dignemini : quatenus vicem quam nostra sedes per episcopos vestris in partibus constitutos habuit ; videlicet Thessalonicensem, qui Romanæ Sedis vicem per Epirum veterem, Epirumque novam, atque Illyricum, Macedoniam, Thessaliam, Achaïam, Daciam Riparensis, Daciamque mediterraneam, Dardaniam, et Prævalim, B. Petro Apostolorum Principi contradicere nullus præsumat : quæ antecessorum nostrorum temporibus, scilicet Damasi, Siricii, Innocentii, Bonifacii, Cælestini, Sixti, Leonis, Hilari, Simplicii, Felicis atque Hormisdæ sanctorum Pontificum sacris dispositionibus augebatur. Quorum denique institutiones ab eis illis in partibus destinatas, per nostros missos, ut rei veritatem cognoscere queatis, vestræ augustali potentie dirigere curavimus ».

7. *Hormisdæ sedente, episcopi Thessalonicensis vicariatus Sedis Apostolicæ privati.* — Gelasii papæ non meminit Nicolaus I, quia post schisma Acacia-

num, cui metropolitæ Thessalonicensis adhaerere, vicaria potestate privati sunt, quod liquet ex eo quod Gelasius in Epistola XI ad episcopos Dardaniæ et Illyrici, metropolitæ Thessalonicensis in schismate defendendo obstinationem increparit. Hinc paulo post cum *Dorotheus* Thessalonicensis decessorum privilegio per totam Illyricam diocesim uti vellet, Joanne Nicopolitano Epiri metropolita contradicente, his eundem Hormisdæ Epistola XXII redarguit : « Quo pudore, rogo, privilegia circa te illorum manere desideras, quorum mandata non servas? Et reverentiam, quam non exhibes fidei, cupis tibi Ecclesiastica potestate deferri? » Neque post Hormisdæ episcopi Thessalonicensis vices Sedis Apostolicæ in Illyrio gessere.

8. *Vicariatus illi Bonifacii I tempore in contemptum venit.* — Non meminit etiam Nicolaus I *Zozimi* papæ, quia reipsa nullæ ejus litteræ de hac vicaria potestate datæ extant; quod ejus pontificatus brevitati adscribendum. Contigit porro tempore Bonifacii I et cum *Rufus* Thessalonicensis episcopus, et Sanctæ Sedis per Illyricum vicarius de quibusdam Ecclesiasticæ disciplinæ capitibus eum consulisset, et *Bonifacius* ad ejus consulta respondisset ex auctoritate Sedis Apostolicæ, passus sit *Rufus* contradictionem a nonnullis provincialium illarum episcopis, dum exequi curat *Bonifacii* mandata. Timens vero *Rufus* de infanctum hunc constitutionem Pontificiarum exitum sibi imputaret Bonifacius, ut etiam occasione ista sese vindicare a contemptu Illyricianorum episcoporum significabat, seque vel ex eo culpæ eximere studebat, quod sibi semper oculis observari videretur beatissimus Petrus, cujus vices per *Illyricum* sibi commissæ fuerant, adeoque non ausurum se fuisse aliquid ex officio suo remittere, eo præsentem. Probabilem ac sapientem excusationem admisit *Bonifacius*, neque imprudentiam Ruffo imputans, neque negligentiam; eaque occasione usus, ut illum magis excitaret ad conservandam debitam Sedi Apostolicæ reverentiam, vices ei suas, ut factum fuerat a superioribus Pontificibus, delegavit litteris ad ipsum datis *XIII kal. Octob., Monaxio V. C. cons.*, id est, anno cœix apud Holstenium pag. 54, ubi *Plinæ* consulis sicut fuit *Monaxius*, nomen præter morem omissum, qua de re anno cœix egimus.

9. *Bonifacius episcopos Illyricianos in officio continere frustra conatur.* — Quanquam fuerint constituta Bonifacii, quæ recepta non sunt a quibusdam partium illarum episcopis, *Bonifacius* in illis litteris non exprimit. Illud tantum docet, eos qui consensum his statutis commodaverant, sacrarum traditionum fuisse memores. Quare ea constituta aliunde repetenda sunt, et quidem ex aliis ejusdem Bonifacii Epistolis, ex quibus colligimus *Rufum* ad eum retulisse, episcopos illos se inconsulto Synodo Corinthiacam indixisse pro retractandâ causa *Perigenis*, qui Patrensis episcopus ordinatus quoniam ejus civitatis incolæ illum admittere recusabant, in Metropolitana sede Corinthi constitutus

fuerat a Summo Pontifice. Addiderat etiam *Rufus*, vicariatum sibi per Achaïam concessum venisse in contempnitionem, huncque etiam in sui personam redundare. Rescripsit ergo *Bonifacius* nova testamenta episcoporum Illyricianorum, quæ vetustati contraria erant, valere non posse, nec causas a Sede Apostolica definitas retractari in provinciis; statum *Perigenis* Corinthiorum metropolitæ nulla posse penitus ratione turbari; et Concilia intra Illyricum congregari non posse extra conscientiam Rufi, adeoque hunc honorandum propter Apostolicam vicem, absque quo non liceat episcopos ordinare per illas provincias.

10. *Auctores rescripti in favorem episcopi Constantinopolitani a Theodosio dati.* — Verum episcoporum Illyricianorum audaciam ille Bonifacii litteræ non compressere; illi enim agre ferentes, in omnibus causis Ecclesiasticis superpositum esse Thessalonicensem episcopum, Theodosio suggererunt, uti Constantinopolitanæ urbis antistiti, quæ se veteris Romæ prerogativa potiri gloriabatur, hunc honorem tribueret, ut si quid dubietatis emergeret in provinciis Illyrici, id non absque scientia Constantinopolitani episcopi terminaretur, ad exemplum veteris Romæ, ad quam fiebat relatio causarum ex omnibus provinciis. Maximam invidiam habuisse amplissimam illam *Rufi* potestatem, quæ episcopos illos ad tantum facinus audendum impulit, probat Epistola Bonifacii universis episcopis per Thessaliam constitutis data *V idus Martias*, Honorio XIII et Theodosio X. AA. coss., anno scilicet sequenti apud Holstenium pag. 65, in qua Bonifacius ait: « Ergo servate honorem debitum capiti, quia volumus, ut intra se membra decerent, ita ut tendatur eorum ad nos usque certamen, dum fratrem et coepiscopum nostrum Rufum dignum ducitis contemptu, cui nihil novum auctoritas nostra concedit, sequens priorum gratiam, qua huic cura Ecclesiarum sæpe videtur injuncta. Quod factum ita intemeratum servari volumus in futurum, sicut a Patribus hujus dispositionis forma servata est. Non decet fratres alterius dignitate morderi ». Quare manifestum est, horum invidorum suasionibus permotum Theodosium, augende præterea dignitatis Constantinopolitanæ urbis cupidum legem illam 43 *De episcopis* hoc anno edidisse, quam anno sequenti ad petitionem Honorii patri revocavit, uti diximus. Id autem factum anno sequenti ex eo colligitur, quod eo data sit *pridie idus Julii*, et verosimile non videatur, *Theodosium* statim constitutionem illam retractasse. Præterquam quod Honorius anno sequenti *tricensualia* sua dedit, eaque occasione utendum esse censuit, « ne sub principibus Christianis Romana perdat Ecclesia, quod aliis imperatoribus non amisit », ut ipsemet loquitur in sua ad Theodosium Epistola. Quæ cum in Synodo Romana Bonifacio II sedente celebrata, recitata fuerit post tres alias Epistolas Bonifacii I datas *V idus Martias Honorio XIII et Theodosio X. AA. coss.*, anno scilicet sequenti, apparet Epistolam Honorii et rescriptum

Theodosii ad eundem eo etiam anno scripta esse.

11. *Augustinus scribit libros VI adversus Julianum.* — Hoc anno Augustinus scripsit libros sex adversus *Julianum*, ut anno cœxix, num. 16 ostendimus, et præterea *Euchiridion* ad Laurentium, seu librum *De fide, spe et charitate*, qui Scholastica prima quedam designatio fuit. In eo enim loquitur de Hieronymo tanquam jam mortuo, ejusque meminit in libro *De vii Dulcitii questionibus*, cum solvit primam Dulcitii questionem, sicuti et quando ad secundam ejus questionem respondet. Ad hunc etiam annum pertinet damnatio Pelagianorum ab Attico episcopo Constantinopolitano, ut in hujus morte ostendimus.

12. *Theodosius consudit urbi Constantinopolitanæ.* — In Chronico Alexandrino sub hujus anni coss. legitur: « Ilis coss. aquam in Cisternam Pulcheriæ Augustæ immissa est mense Peritio pridie kalend. Februarii, præsentè domino Theodosio Augusto ». Paulo post: « Hoc anno statua Arcadii, super columnam coelestatam in foro Arcadii, loco dicto Xerolopho postea mense Panæmo, VI idus Julias, die Sabbati dedicata est »; idem habet Marcellinus in Chronico, nisi quod de Cisterna scribit: *Cisterna Ætii constructa est*; quæ ideo videtur diversa fuisse a Cisterna Pulcheriæ. Hæc porro indicia *quindecennialium* Theodosii; annis enim hujusmodi solemnibus diatis opera publica condi solita et gloriæ principum consultum. Etsi autem urbs Constantinopolitana aquis abundaret, æstate tamen, cum scilicet torrente astu fontes minus benigni quam cæteris tempestatibus, aquæ minorem copiam emittunt harum penuria laborabat, uti habet Procopius lib. 1 de Ædific. cap. 11, quo igitur huic incommodo, quod sæpe plebem affligebat, succurreretur, ædificatæ sunt variis in urbis tractibus cisternæ pæne innumerabiles, eaque miræ magnitudinis et industriæ, quarum elegantiam ut et amplitudinem testantur quæ de variis cisternis Constantinopoli ad imperatoribus constructis ex auctoribus Byzantinis collegit Ducangius lib. 1 Constantinopolis Christianæ §. 28.

13. *Belli Persici continuatio.* — Subdit auctor Chronici Alexandrini: « Eodem hoc anno reunntiata est victoria de Persis relata mense Gorpæo viii idus Septemb. die Martii ». Quæ etiam habet Marcellinus in Chronico, die tamen et mense non expressis. Licet enim bellum Persicum anno superiori susceptum fuerit majori tamen ex parte illud hoc anno gestum, ideoque ex iis, quæ ex Socrate Baronius anno superiori narrat, pleraque ad præsentem pertinent. In tragœdia Irenæi cap. 23, legitur: « Contestatio prima Joannis Antiochenæ sedis Patriarchæ, et reliquorum sex, quam Theodosio imperatori a Chalcedone direxerunt, quando eis illic relicti intravit Constantinopolim »; in qua schismatici, ut imperatorem ad suas partes pertraherent anno cœxxxi, se valde pro religione sollicitos his verbis testantur: « Nihil namque ab hac re, o imperator, tuo dignius esset imperio. Pro qua et contra Persas

olim, et contra alios Barbaros bello contendere festinasti, Christo tibi preclaras retribuente victorias, eo quod pro eo promptus existeris ». Paulo post : « Nunc autem quaesumus, ut de prima et sola fidei conversationis Constantino vix tandem splendor est factus religionis Orthodoxae, et praeterea est confirmatus per beatos avum tuae pietatis et patrem, a tuo vero imperio in alteras quoque Barbaricas gentes et in Persarum firmatus est regione, perficitur in ipsis imperialibus aulis, et juxta vestram mergatur tranquillitatem. Non enim duplices Christianismi doctrinas in Persidem directurus est imperator; nec aliquid apud eos magnum fides nostra putabitur, dum contententibus nobis nemo sit iudex. Nec duplicibus praedicationibus, sive mysteriis communicatur sana mente quilibet. Nec vero pie est quis a tantis Patribus abscissurus, et sanctis ».

14. *Prima legatio Britannorum ad Theodosium.*

— Beda, qui scribit Romanos in Britannia regnare cessasse ab eo tempore, quo Roma ab Alarico rege direpta fuit, lib. 1, cap. 12, prodit exinde Britanniam militaribus copiis spoliatae praedae patuisse « duabus gentibus transmarinis vehementer saevit, Scotorum a Circio, Pictorum ab Aquilone ». Ob quam infestationem Britones Romam Legatos misere « subjectionem continuam, dummodo hostis imminens longius arceretur », promittentes. Mox legio destinata, quae hostes a Britannia expulit, quaeque Britanos interim hortata est, « instruere inter duo maria trans insulam murum, qui arcendis hostibus posset esse praesidio ». Sed insulam murum « non tam lapidibus quam caespitibus construentes, ad nihil utilem statuunt. Fecerunt autem eum inter duo freta, vel sinus (de quibus diximus) maris ». Idem habet Gildas in suo libello de Excidio Britanniae. Fuit itaque caespitiis murus a freto illo ductus, quod Tacitus in Vita Agricolarum *Bodotriam* vocat, ad usque Cludam fluvium, qui eidem Tacito *Clota* dicitur, eo nimirum loci, ubi olim *Agricola*

Romanam provinciam a Barbaris distinxerat. Florilegus hanc Britanorum ad Honorium legationem anno superiori consignat, Sigebertus vero in Chronico eo Christi anno, quo Constantii imperatoris mortem recitat, quem tamen perperam putat esse annum cxxxiii. Porro ex laudatis Bedae verbis intelligimus, *Britannos*, qui a Romanis deserti rempublicam quamdam constituerant, Barbaris ab Honorio victis, sese ei iterum anno incerto subiecisse et currenti legationem ad illum misisse, ac *subjectionem continuam* promisisse.

15. *Picti et Scoti transmarini a Britannis appellati.* — Scotos et Pictos a Britannis *transmarinas gentes* appellatos esse, his verbis explicat Beda citatus : « Transmarinas dicimus has gentes, non quod extra Britanniam essent posita; sed quia a parte Brittonum erant remotae, duobus sinibus maris interjacentibus, quorum unus ab Orientali mari, alter ab Occidentali, Britanniae terras longe lateque irrumpit, quamvis ad se invicem pertingere non possint ». Scoti itaque ultra sinum *Clotae*, ut a Tacito in Vita Agricole appellatur, et sinum *Bodotriæ*, quorum ille in Occidente, alter in Oriente situs est, isque non longe ab Edimburgo civitate primaria hodiernae Scotiae, habitabant. Pars autem Magnae Britanniae ad Septentrionem posita conjungitur cum altera, isthmo adeo angusto, ut videatur insula a reliqua Britannia divisa, ut explicat Tacitus loco citato : « Clota et Bodotria diversi maris aestu per immensum reiecti angusto terrarum spatio dirimuntur, quod tum praesidiis firmabatur : atque omnis propior sinus tenebatur, submotis velut in aliam insulam hostibus ». Quare valde hallucinati sunt, qui murum hoc tempore ad Scotos Pictosque repellendos aedificatum, vel cum muro ab Adriano, vel cum muro a Severo constructis confundunt, ut anno sequenti videbimus.

Celestis Deae templum Carthagine demolitum est, ut dictum anno superiori.

BONIFACII ANNUS 4. — CHRISTI 422.

1. *Patrocli episcopi Arelatensis temeritas a Bonifacio coercetur.* — Christi annus quadringentesimus vicesimus secundus consulatu Augustorum

Honorii decimo tertio et Theodosii decimo aperitur : quo Bonifacius papa Patroclum episcopum, qui favore Constantii (ut dictum est ex Prospero) sedem

usurpaverat Arelatensem, et adhuc alienæ metropolitans jura pervadens in Narbonensi provincia vacantis pastore sedis ausus est episcopum ordinare, repressit; datisque litteris ¹ ad Hilarium Narbonensem episcopum, jussit ut jure metropolitani et præceptione Apostolicæ Sedis ad locum accedat, et quæ agenda sunt videat, et Sedis Apostolicæ referat. Viles præxim crebris firmatam exemptis de summa Romani Pontificis in omnes Ecclesias et episcopos potestate, utpote qui præsideat super omnes episcopos judex, ne quis jus alienum usurpet: quod et ex præscripto Nicænorum canonum ² se agere, iisdem litteris docet, cum et verba canonis recitat, ubi ait: « Nulli videtur incognita Synodi constitutio Nicænae, quæ ita præcipit (ut eadem propria verba ponamus) per unamquamque provinciam jus metropolitans singulos habere debere, nec cuiquam duas esse posse subjectas: quod illi (quia aliter credendum non est) servandum, sancto Spiritu suggerente censuerunt ». Hæc ipse. Ex quibus quam perspicue vides, sic ex Nicæno Concilio quibuscumque metropolitans suas servatas custoditasque esse provincias, ut tamen super omnes Apostolicæ Sedes pastoralis sollicitudine vigilaret, atque jus diceret. Nulla quidem verior atque certior esse potest canonum interpretatio, quam quæ usu rerum, jugi observatione probata cognoscitur. Ex quibus manifeste intelligis, quam peperam et imperite nimis ex Nicænis canonibus angustare novatores velint Apostolicæ Sedis terminos intra unius provincie limites: sed de his suo loco superius pluribus actum est, hic autem occasione ejusdem Nicæni citati a Bonifacio canonis. Hæc quidem acta, scriptaque ab ipso Bonifacio papa sunt hoc anno quinto idus Februarii, iisdem consubiliis. Quomodo vero tandem sua temeritatis idem Patroclus pœnas dederit, suo loco dicturi sumus.

2. *Bonifacii ducis in Africam ab exercitu redeuntis cum Augustino amicitia et præclara opera.* — Sub iisdem quoque cons. hæc habet Proseper in Chronico: « Exercitus ad Hispaniam contra Wandalos missus est, cui Castinus (Crastinus) dux fuit: qui Bonifacium, virum bellicis artibus præclarum, inepto et injurioso imperio ab expeditionis suæ societate avertit. Nam ille periculosum sibi atque indignum ratus, sequi quem discordem, superbientemque expertus esset, celeriter se ad portum Urbis, atque inde ad Africam proripuit: idque Reipublicæ nullorum malorum causa fuit ». Ilæc Proseper. Quomodo autem dispensatione divina postea factum sit, ut qui Bonifacium sprevit, ipse Castinus profugus ad eum sese receperit in Africam, supplex ab eo auxilium petens, suo loco inferius narrabimus. Porro res præclare gestas a Bonifacio adversus Wandalos cum tributum ageret, S. Augustinus prædicat, ubi ait ³: « Quis crederet, quis timeret, Bonifacio domesticorum, et Africæ comite, in Africa constituto tam magno exercitu et potestate, qui tributum cum paucis fœderatis omnes ipsas gentes ex-

pugnando, et terrendo pacaverat, etc. » Sed res hoc anno bene gesta est, dexteraque pugnatum adversus tyrannos, licet disenserint inter se d. ces. Hoc namque anno sub iisdem coss. Maximum et Jovinum tyrannos in bello victos et captos, indeque abductos, occisos esse. Marcellinus affirmat in Chronico. Tantis Deus numeribus decorasse voluit religionem Honorii imperatoris. Sed redeamus ad Bonifacium, se ab exercitu ablegantem.

3. Erat Bonifacius genere Thrax, ut ex ejusdem ad S. Augustinum litteris ⁴ constat, quas suo loco ostendemus esse germanas. Ille Sebastiano comiti, et confessione postea claro (cujus nulla cum laude Victor ² meminuit) titiam suam matrimonio conjunxit. Fuisse autem Bonifacium insignem pietate virum, ex litteris S. Augustini ad eum redditis facile potest intelligi. Cum enim ipse, relicto exercitu, ablegans se a Castino superbissimo duce, in Africam se protinus contulisset, nihil antiquius habuit, quam ut insinaret se in Augustini amicitiam; a quo et humanissime acceptus est, enutrita vero, et aucta eadem est amicitia consuetudine litterarum. Extat quidem ejusdem Augustini ad Bonifacium data Epistola parenetica ³ qua cum vitam Christianam brevi compendio stringat, licere tradit homini Christiano, pro publica pace tuenda, arma tractare; monet pariter qualiter in bello gerere se debeat; sed et de castitate servanda saluberrimam admonitionem ingessit, qua inter alia: « Valde, inquit, turpe est, ut quem non vincit homo, vincat libido: et obruatur vino qui non vincitur ferro»: digna plane tanto magistro sententia.

4. Dum vero moraretur ibidem in Africa Bonifacius, et verbis ac litteris tum Augustini, tum Alypii maxime fovetur, vitam plane Christiano duce dignam duxit: sacris quoque dedisse operam litteris, ex consultationibus, quibus lacerare consuevit ipsum S. Augustinum, ostenditur. Porro eidem cupienti edoceri de Arianis, et Donatistis hæreticis, cum abunde satisfaceret Augustinus, statum præsentis temporis Ecclesiæ Africane longe melioris fuisse conditionis, quam antea, ostendit his verbis ⁴: « Gratias ago Domino, qui apud nos, non quidem in omnibus, sed valde in pluribus locis, et per alias Africæ partes sine ullis istorum insanorum mortibus pax Catholica cucurrit et currit, etc. » Pluribus enim disputare pergit, quam salubris sit moderata coercitio hæreticorum per imperatorias leges adhibita. De rebus aliis, quæ in Africa inter Augustinum et Bonifacium transacta sunt, extant perbreves utriusque Epistolæ ultro citroque date, sed in appendice collocatæ, quas germanas esse (cujusvis fuerit) rerum gestarum illorum temporum argumenta declarant: stylo tamen visæ sunt Augustini dissimiles ob Laconismos, quibus in illis scribendis auctor est usus. Verum etsi Augustini non esse, quis certo probare posset: sane quidem

¹ Bonifac. ep. III. — ² Concil. Nic. c. 6. — ³ Aug. ep. LXX.

⁴ Apud Aug. ep. X. in append. tom. II. edit. Plant. — ² Vict. de persecut. Waud. l. II. — ³ Aug. ep. ccv. — ⁴ Aug. ep. L.

haud assereret commentitias, sed potius alienjuss alterius magni nominis Africanorum episcoporum litteras esse, puta Aurelij Carthaginensis, vel Alypii Tagastensis episcoporum, jure censelit, quod esse germanae certo certius cognoscantur : sed citentur nomine Augustini, cujus inscriptione notantur. Quid autem nefandi acciderit in Africa, cum idem Bonifacius Gothis praesset militibus, S. Augustini ad eum scripta Epistola declarat his verbis ¹ :

5. « Ornet mores tuos pudicitia conjugalis, ornet sobrietates, et frugalitas. Bene enim agere, et illicita non prohibere, consensus erroris est. Quaedam de Ecclesia egreditur Christi virgo sacrata, ebriam Gothi Herpe mentem et corpus incurrit. Habeat, quae, miles sub comite positus disciplinam. Grave est enim, ut quem non vincit homo, vincat libido, aut voluetur vino qui nec vincitur ferro ». Haec ad Bonifacium, utens eadem plane sententia superior recitata in aliis ad eundem Bonifacium litteris ². Quibus acceptis Bonifacius, facinus gladio vindicare redditis his brevioribus litteris pollicetur.

6. « Tuae ³ sanctitatis Epistolam admonitu me terrificante suscepi. Etenim, venerabilis papa, si thronus ille legitimus pavidos habet accessus ; quo debet puniri supplicio, divinas qui temerat rationes ? Arquetur ergo profecto, qui divina atque humana neglexit ; et quem libido praevincit, gladius ultor absumet. Eumque quem insobrium in tantis angustiis fama veridica publicavit, carecres periturum quocumque supplicio custodia refincit ». His vero acceptis Augustinus litteris, quantocius aliis redditis, ne ille reus tanti criminis occideretur, occurrit, ita ad eundem Bonifacium pari brevitate rescribens :

7. « Ego quos diligo, arguo et castigo, non occidi desidero, nec carcere pleno equalore retrudi. Sola sufficit admonitio : poterit enim, si ei id divinitus concedatur, tempus penitentiae condonari, qui Domini templum ausus est violari. Sit ergo ipse qui fecit sui arbitri voti : fas enim non est, ut reus episcopi suggestionibus occidatur. Nam si in Barbarorum erroribus velimus (ut concedet) exercere vindictam, paucos reperiemus, nec ipsos animosos ad pugnam fore ». Haec ipse : ex quibus vide, et admirare episcopalem mansuetudinem longe longius ab effusione etiam noxiorum sanguinis abhorrentem.

8. *Augustini cum Pascentio et Maximino Ariani certamen.* — Accidit insuper, ut dum Gothi sub Bonifacio militarent in Africa, Ariani ibidem invalescerent. Etenim cum Gothi ipsi Ariani essent, una secum quoque ducebant, qui sacra ipsis ministraret, Ariantum episcopum. Erat hic Maximinus nomine, qui eo lemeritatis progressus est, ut ausus fuerit S. Augustinum ad disputationem de fide lacessere. Provocavit quoque eundem Augustinum

Pascentium comes in Africa exactor rerum fiscalium, itidem Arianus. De amborum autem procacia Possidius scribit, atque in primis de Pascentio ista ¹ : « Cum quodam etiam Pascentio comite domus regiae Ariano, qui per auctoritatem suae personae fisci vehementissimus exactor, fidem Catholicam atrociter ac jugiter oppugnabat, et quamprimum sacerdotes Dei simpliciori fide viventes dicuntur a potestate exagitabat et perturbabat : praesentibus (interpositis) honoratis et nobilibus viris apud Carthagineum ab illo provocatus, idem S. Augustinus coram consultit. Sed idem haereticus tabulas atque stylum, quod magister noster et ante congressum et in congressu instantissime fieri volebat, ne adesset, omnino recusabat. Et dum id pernegasset, dicens quod metu legum publicarum periclitari tabulas (tabulis) scriptis nollet ; atque interpositis, id placere Augustinus episcopus cum suis, qui aderant consacerdotibus videret, ut absque ulla scriptura privatim disputarent ; collationem suscepit, praedicens (ut postmodum contigit) quod post solutum conventum esse cuiquam posset liberum arbitrium, forte dicere, nullo scripturae documento se dixisse quod forte non dixerit, vel non dixisse quod dixerit.

9. « Et miscuit cum eodem sermonem, atque asseruit quid crederet, et ab illo quid teneret audivit : et vera ratione et auctoritate Scripturarum probata docuit et ostendit nostrae fidei firmamenta : illius autem asserta, nulla veritate, nulla Scripturarum sacrum auctoritate suffulta docuit et frustravit. Et ut a se invicem partes digressae sunt, ille magis magisque iratus et furcens, mendacia multa pro fide sua falsa jactabat, et victum esse a se ipso proclamans multorum ore laudatum Augustinum. Quae cum venerabilem virum minime laterent, coactus est ad ipsum scribere Pascentium, propter illius metum omissis nominibus conferentium : et in eis litteris quicquid inter partes dictum vel gestum fuerit, fideliter intinavit ; ad ea, si negarentur, probanda, magnam testium habens copiam, clarissimos scilicet atque honorabiles, qui tunc aderant, viros. Atque ille ad duo sibi directa scripta unum vix reddidit rescriptum. In quo magis injuriam facere quam suae sectae rationem valuit declarare : quod a valentibus et volentibus legere comprobabitur ». Haec Possidius de causa Augustini cum Pascentio. Caterum haec fusius percipi possunt ex ipsis Augustini tunc datis ad Pascentium litteris ² et Epistola Pascentii ad ipsum Augustinum conscripta, simulque ipsa collatione, seu potius parte ipsius ab ipso Augustino scriptis mandata : ad quae omnia lectorem rejicimus ; quem admonemus, perperam in titulo poni, habitam esse Hippone et a notariis exceptoribus scriptam ; cum Possidii sententia constet, convenisse eos ad eam disputationem Carthagine, et noluisse Pascentium quae dicerentur publicis mandari tabulis : collegit vero postea ipse Augustinus

¹ Aug. ep. 1. in append. tom. 11. — ² Aug. ep. CCV. — ³ Aug. in append. ep. XXIII.

¹ Possid. in Vit. Aug. c. 17. — ² Aug. ep. LXXIII. LXXIV. LXXV. LXXVI. LXXVII.

quæ dicta in ea concertatione fuissent. Sed et ex Pascenitii dictis illud observa, hunc ita fuisse hominem Arianum, ut tamen noluerit talis videri, et ob id Ario indiligeret anathema, professus tamen se esse Auxentii, qui Mediolani sedit, sectatorem atque discipulum, vocans eum hominem sanctum, omni-que scientiæ virum. Sed et quomodo ipse Auxentius, latens licet, detectus fuerit ab Hilario Arianus, suo loco superius dictum est.

40. Quæ autem tunc acta fuerint eodem ferme tempore cum Maximino episcopo Arianorum, Possidius post recensitas res gestas cum Pascenitio ita narrat¹: « Cum ipsorum quoque Arianorum episcopo Maximino cum Gothis in Africam veniente, apud Hipponem, quam plurimis volentibus atque petentibus, et præclaris interpositis viris, contulit; et quid singule assererent partes, scriptum est: quæ si studiosi legere voluerint, proculdubio indagabunt et quod callida et irrationalis hæresis ad seducendum et ad decipiendum proficatur, et quod Ecclesia Catholica de divina teneat Trinitate. Sed quoniam ille hæreticus de Hippone rediens Carthaginem, de sua multa in collatione loquacitate victorem se de ipsa collatione recessisse jactavit, et mentitus est, quæ utique non facile a divi-næ legis ignavis examinari, et dijudicari possent: a venerabili viro Augustino, sequenti tempore stylo, et illius totius collationis de singulis objectis, et responsis facta est recapitulatio: et quam ille nihil objectis referre potuerit, nihilominus nihil demonstratum est, additis supplementis, quæ tempore collationis angusto cuncta interri, et scribi minime potuerunt. Id enim egerat nequitia hominis, ut sua novissima prosecutione nullum longissima totum quod remanserat dici spatium occuparet ». Hæc Possidius. Extat hæc disputatio, et liber S. Augustini ad disputationem adjectus², quæ autem secte Maximini esset, audi ipsam ista profitentem³: « Si fidem meam postulas: ego illam teneo fidem, quæ Arimini a trecentis et triginta episcopis non solum exposita, sed etiam subscriptionibus firmata est ».

41. *Bonifacius ab Augustino correptus ob violata Ecclesiæ jura; ei plenissime satisfacit.* — Jam vero ad Bonifacium comitem agentem cum Gothis in Africa revocemus orationem. Contigit ibi id temporis pergrave aliud admitti facinus, non ab alio quidem quam ipso Bonifacio; qui confugientem ad Ecclesiam, inde abstrahi jussit; sed mox admonitus, illud penitentia expiavit: id quidem ex litteris Augustini cum redarguentis, et ipsius

Bonifacii ab eo veniam petentis, fiet cuique manifestum. Augustini autem perbrevis ad eum tunc scripta Epistola sic se habet¹:

12. « Miror quomodo tam subito fidei murum aries ruperit inimici. Novi enim qua religione semper sis Ecclesiam Dei veneratus. Quo insigante, frater, hominem de Ecclesia rapuisti? Tuus si de tuo amico forte præsumeret fugitivus; posset proculdubio intercessoris causa veniam promereri. Ergo si amicus intenditur, cur Deus offenditur? Sed si de potestate præsumitur Nabuchodonosor², regem intende, qui causa superbæ in bovem est ex hoc homine commutatus. Non ut confundam te hæc scribo, sed ut filium meum carissimum moneo. Ecclesiæ igitur illæsum revoca, quem ut irreligiosissimum rapuisti. Oblatio vero domus tuæ a clericis ne suscipiatur indixi: communionemque tibi interdico, donec peracta pro ausibus, vel errore a me definita fibimet penitentia, et tempore condonato, pro hoc facto corde contrito et humiliato dignum offeras sacrificium Deo ». Hæc ad Bonifacium comitem Augustinus erectus ad ultionem sceleris vigore sacerdotali. Quid ad hæc respondisse putas tantum comitem, duccem exercitus sic ab Augustino flagris censuræ Ecclesiasticæ verberatum? Audi redditam ad eum Epistolam his ipsis verbis³:

13. « Humilis saluto, quod primum est. Suscepi autem tremens sanctitatis tuæ verba verberibus plena. Scio quod venie præparatur, qui ab Augustino perfectissimo sacerdote corripitur: nec debet episcopo denegari, quod voluntas facit aut casus. Ipse enim sibi denegat curam, qui suam medico non publicat causam. Hominem ergo, piissime pater, e liminibus Ecclesiæ raptum tuis sanctis adpectibus jussio mea, furorque subduxit. Alieno non sunt facta ista consilio. Dei et sanctorum ejus regimine vivo. Illum itaque virum morte dignissimum, quem (ut dixi), meus de Ecclesiæ foribus furor abstraxit, vitæ tuis jussionibus donamus, illæsum. Agnosco culpas. Indignæ mee lacrymæ jungantur tuis lletibus justis, quo possit hæc nota nigro inscripta titione deleri. Ecclesiæ mihi introitus non negatur: illic spero veniam, ubi admisi culpam. Oblatio vero domus mee (ut tua sanctitas) jussit ad celestis regis mensam, ejus manibus, offeretur ». Hactenus comes: quibus discas quanta observantia principes atque præfecti provinciarum olim cohererint sacros antislites et loca sacra, ut si repentinè eas aliquando violari contigisset, eandem mox culpam lacrymis et penitentia expiarent, arbitrio, cui reverenter parerent, sacerdotis.

¹ Possid. in Vit. Aug. c. 17. — ² Aug. cont. Maxim. libr. duo tom. vi. — ³ Aug. l. i. cont. Maxim. in prim.

⁴ Aug. ep. vi. in appen. — ² Dan. iv. — ³ Apud Aug. ep. vii. in appen.

no periodo Græco-Romano 5945. — Jesu Christi 422. — Cælestini papæ 1. — Honorii 30, et 28. Theodosii Jun. 21, et 45.

1. *Tricennalia Honorii.* — Coss. *Honorius* Aug. XIII, et *Theodosius* Aug. X, ille propter *tricennalia* imperii vivente patre initi, ut ex dicendis num. sequenti constabit, Theodosius vero consulatum quinquaginta annis suis anno superiori editis debitum in hunc annum distulit.

2. *Maximus et Jovinus Hispaniæ tyranni occisi.* — A num. 2 ad 8, Marcellinus in Chronico sub hujus anni coss. scribit : « In tricennalia Honorii, Maximus tyrannus et Jovinus ferro vinculi adducti de Hispaniis, atque interfecti sunt ». Idem de Maximo et Jovino habet Jordanes lib. de Regn. success. cap. 96, ubi et loquitur de Jovino et Sebastiano fratribus et tyrannis, de quorum interitu suo loco egi. Quare si Jordanes et Marcellinus non errent, duo fuere Jovini tyranni. Verum utrumque hallucinari existimo. Quoad Maximum, scribit Orosius lib. 7, cap. 29, *Gerontium* comitem, occiso *Constante* filio Constantini tyranni, in ejus locum *Maximum* quemdam substitutum fuisse, sed *Maximum* exitum in Galliis purpura, destitutumque a militibus Gallicanis, tunc quando Orosius scribebat, inter Barbaros in Hispania agentem exulasse. Pseudo-Prosper vero in Chronico imperiali ad annum xxvii Honorii ait : « Maximus tyrannus Hispaniarum dominatum vi obtinet ». Tum ad annum Honorii xxx : « Maximus tyrannus de regno deiecitur ac Ravennam perductus sublimem spectaculorum pompam tricennalibus Honorii præbuit ». In eo quidem Chronico anni per hæc tempora valde depravati. Sed cum Maximus juxta Marcellinum hoc anno de regno dejectus fuerit, biennio antea tyrannidem resumpserat.

3. *Bonifacius comes in Africam secedit.* — Quoad *Bonifacium* comitem, Idacius in Chronico anno Abrahami 5503xxxviii, qui kalend. Octobris superioris Christi anni inchoatur, postquam narravit *Castini* magistri militum infelicem in Vandalos expeditionem, ait : « Bonifacius palatinum deserens Africam invadit » ; quod confirmat Prosper in Chronico, ejus verba Baronius recitat : « Hoc tempore exercitus ad Hispanias contra Vandalos missus est, cui Castinus dux fuit ; qui Bonifacium virum bellicis artibus præclarum incepto et injurioso imperio ab expeditionis suæ societate avertit. Nam ille periculosum sibi atque indignum ratus eum sequi, quem discordem superbientemque expertus esset, celeriter se ad portum Urbis, atque inde ad Africam

proripuit : idque Reipublicæ multorum laborum initium fuit ». Quibus jungenda quæ anno superiori ex eodem Idacio diximus. Fuit Bonifacius sancto Augustino per familiaris, ut liquet ex Epistola cxxx, alias lxx, ejusdem Augustini ad Bonifacium. Cætere enim sexdecim *breviares Epistolæ sub nomine Augustini et Bonifacii*, quia discrepant a stylo Augustini, facinris inepte consutis constant, et non recensentur a Possidio, existimantur a viris doctis et nuper a Patribus Benedictinis in editione Operum sancti Augustini ab aliquo otioso scriptore confictæ ; quorum censura standum judico, licet Baronius eas genuinas esse putaverit, et aliquas ex eis hoc anno retulerit. De Bonifacio scribit Olympiodorus, qui hoc tempore vivebat : « Bonifacius vir erat heroicus, qui cum multis sæpe gentibus barbaris strenue pugnavit, paucis interdum copiis adhibilibus, interdum pluribus, nonnunquam vero et singulari certamine : et, ut verbo dicam, barbaras multas, variasque gentes Africa expulit. Idem justitiæ vel imprimis studiosus, et abstinentis ac pecuniarum contemptor fuit, etc. »

4. *Collationis Augustini cum Pascentio Acta confecta.* — A num. 8 ad 10. Collatio sancti Augustini cum Pascentio Ariano habita in domo Anicia Hippone, præsentem Laurentio iudice detecto a Pascentio viro spectabili, spuris Augustini scriptio-nibus a Patribus Benedictinis jure merito accensetur in Appendice tom. ii Operum sancti Augustini. Narrat quidem Augustinus in Epistola cxxxviii, alias lxxix, ad Castorium, de fide coram disputasse : verum in illa disputatione obtinere ab adversario non potuit Augustinus, ut notarii exciperent quæ dicebantur ; et tamen hujus *altercationis Acta* sic referuntur, quasi omnia a notariis de verbo excepta fuerint. Illa disputatio *Carthagine* habita, juxta Possidium cap. 17, hæc in titulo prænotatur *acta Hippone*. Hinc præfuisse fingitur *Laurentius* quidam iudex, qui Laurentius in exordio significat *altercationem* aliquam vehementem inter partes *pridem* præcessisse : at in illa Carthaginensi disputatione nullus præsidebat iudex ; intererat tantummodo honorati viri aliquot, rei geste testes futuri ; neque ante illum diem colloquium ullum cum Pascentio habuerat *Augustinus*, ut ex eadem ad Castorium Epistola num. 8 intelligitur. Præterquam quod dictio abhorret ab Augustini stylo, eadem est personarum

omnium loquela; unum dicendi genus per totam *altercationem*, quam nimirum una manus stylusque unius exaravit. De collatione vero Carthagine Augustinum inter et eundem Pascentium habita recte disserit Baronius.

5. *Collatio Augustini cum Maximino et libri adversus eum ab illo scripti.* — Ad ann. 10. Collationem cum Maximino Arianorum episcopo, et libros duos contra eundem Maximinum a S. Augustino post eandem edidos, ipse non memorat in libris *Retractionum*. Quare cum libri *Retractionum* scripti sint anno cxxxviii, ut suo loco ostendam, eodem circiter anno publicati. Quae in ea Collatione gesta sunt, exponit Baronius ex Possidio in *Vita Augustini* cap. 17. Sed haec revocanda ad annum cxxxviii, aut cxxxix ante mensem Maium, quo Vandali Africam occuparunt.

6. *Augustinus scribit librum de octo Dulciti questionibus.* — *Dulcitus* tribunus et jussionum imperialium in Donatistas executor, ut liquet ex num. 4 et 9, Epistolae sancti Augustini cccv, alias lxi, ad eum datae, et circa annum cdxv scriptae, singulari amicitia cum eo junctus erat, indeque octo questiones ei solvendas proposuit. *Augustinus* cum vetera sibi dubia objici videret, ex editis olim a se Voluminibus responsiones ad singulas dubitationes excerptis, ex quibus librum *De octo Dulciti questionibus* composuit; et quidem hoc anno: is enim post *Euchiridion*, cujus meminit in solutione secundae questionis, elucubratus, et in *Euchiridio* de Hieronymo tanquam viva functo loquitur Augustinus. Ex Praelatione ejus apparet, Opus istud ad hunc annum pertinere, modo corrigatur error, qui extat tam in libris editis, quam in Mss. « quamvis mihi videtur, dilectissime mi Dulciti, non tardavi respondere interrogationibus tuis; per Pascha quippe hoc anno, quo Dominicus ejus fuit III kalend. Aprilis a Carthagine mihi missas litteras tuae dilectionis accepi, etc. »; loco enim *III kalendas Aprilis, legendum, VII kalend. Aprilis*; fieri quippe non potuit, ut post annum cdxv Paschatis Dominicus dies incideret in mensem Martium, nisi vel anno cdxv, vel anno cdxvii. Quare cum Augustinus in *Retractionibus* ante Pascha anni cdxv absolutis de eo mentionem fecerit, perlicet sine dubio ad praesentem annum, quo dies Paschalis incidit in VII kalend. Aprilis, seu diem xxvi Martii. Fuit autem facile ex vetustis litteris vii debita prioris una lineola, pro vii, scribi in, ut inquit Garnerius in *Dissert. de Scriptis adversus haeresim Pelagianam*.

7. *Divisio Illyrici a patriarchatu Occidentis tentata a quibusdam episc. Illyrici.* — Theodosius Aug. hoc anno revocavit rescriptum quod emiserat in favorem episcopi Constantinopolitani, ut anno superiori ostendimus. Tentata tamen, ut inquit Baltuzius in supplemento ad lib. 5 *Marcae de Concordia* cap. 24, divisio Illyrici a Patriarchatu Occidentis, et quorundam episcoporum Illyricianorum praesumptio, qui causas retractare audebant, quae supremae Sedis Apostolicae judicio definitae fuerant,

Bonifacium papam non parum angebant: « Audio episcoporum quosdam », inquit in Epistola ad episcopos Thessalos sub hujus anni cons. data, et ab Illostenio in *Collectione Romana* pag. 66 recitata, « Apostolico jure contempro novum quidpiam contra Christi proprie praecipua tentare, cum se ab Apostolicae Sedis communionem, et ut ita dicam verius, potestate separare nituntur, eorum petentes auxilium, quos Ecclesiasticarum sanctionum regularum majoris esse non dedit potestatis. Leguntur enim praecipua majorum, et quibus in Ecclesiae juris aliquid dederint, invenimus. Jam temerator est Ecclesiasticae disciplinae quisquis in ejus leges, cum sibi nihil debeatur, irrepit ea sibi vindicando, quae sibi a Patribus negata videantur ». Tum in Epistola ad episcopos pro Illyricum constitutos eadem die data, nempe *Vidus Martias*, aperit quanam fuerit illa praesumptio, nimirum prohibere, ne causae Ecclesiasticae provinciarum Illyrici Orientalis ad Sedem Apostolicam deferrentur, adeoque ex ista praesumptione effectum, ut eas auderent retractare, quae supremae Sedis Apostolicae judicio definitae fuerant. Addit illustrissimas Orientis Ecclesias, Alexandrinam nempe et Antiochenam, in magnis negotiis semper consultuisse Sedem Romanam, ejusque auxilium postulasse, quoties occasiones inciderunt ingentium periculorum; eoque magis istam consuetudinem servandam esse a minorum urbium episcopis et ab Illyricianis potissimum, qui ab omni retro antiquitate usque ad haec novissima tempora paruerant constituti Apostolicae Sedis: « Nemo unquam, inquit, Apostolico culmini, de ejus judicio non licet retractari, manus obviam audacter intulit, nemo in hoc rebellis exiit, nisi qui de se voluit judicari. Servant Ecclesiae magna praedicta per canones dignitates, Alexandria et Antiochena, habentes Ecclesiastici juris notitiam. Servant, inquam, statuta majorum in omnibus deferentes, et ejus vicissitudinem recipientes gratiae, quam se in Domino, qui pax nostra est, nobis debere cognoscunt. Sed quia res postulat, approbandum documentis est, maximas Orientalium Ecclesiarum in magnis negotiis, in quibus opus esset disceptatione majore, Sedem semper consultuisse Romanam, et quotiens usus exegit ejus auxilium postulasse ». Descendit deinde ad exempla sanctorum Athanasii et Petri Alexandriae antistitum, tum Meletii et Flaviani Antiochiae, et ad ipsius Nectarii Constantinopolitani ordinationem, subditque: « Ante breve tempus, id est, sub praedecessore meo beate recordationis Innocentio, Orientalium Ecclesiarum Pontifices dolentes se a beati Petri communionem sejunctos, per legatos pacem, sicut Petri charitas vestra relinet, poposcerunt ».

8. *Causa Perigenis episcopi Corinthi sollicitum habet Bonifacium PP.* — Sollicitum praesertim habebat Bonifacium causa *Perigenis* charitate sane erga hominem Sedi Apostolicae addictissimum, sed praecipue propter convulsam ab episcopis Illyricis Romani judicii definitionem, qui post illud eam causam rursus judicare moliebantur in Con-

ilio Corinthiaco, ut videre est in eadem Epistola universis episcopis Illyrici data : dupliciter enim in hoc peccabatur adversus Sedis Apostolicæ majestatem. Primo, quod eam causam retractare præsumerent, quæ supremo Romani Pontificis arbitrio iudicata fuerat. Deinde quod eam Synodum celebrare cogitarent præter consensum *Rufi* episcopi Thessalonicensis, qui vicarius erat Romanæ Sedis per omnes Illyrici provincias. Hæc duo capita complexus est Bonifacius in Epistola ad Rufum eadem die, nempe V idus Martias hoc anno data : « Ad Synodum, quæ dicitur illicite congreganda de causa fratris nostri et coepiscopi Perigenis, cuius scripsimus statum, nulla posse penitus ratione turbari, talia scripta direximus, quibus universi fratres intelligant, primo convenire se citra tuam consentiamini minime debuisse, deinde de nostro non esse iudicio retractandum. Nunquam etenim licuit de eo rursus quod semel statutum est ab Apostolica Sede tractari ».

9. *Bonifacius non vult eam retractari.* — Adeo alte insederat hic dolor animo Bonifacii, ut ad episcopos Illyricos, qui ad Synodum Corinthiacam conventuri erant, scribens *quinto idus Martias* aperte comminatus abstentionem sit, si *Perigenis* causam iterum ad discutiendum in medium adducerent, cuius honor dubius et incertus per regulas omnino esse non posset post sententiam Romani Pontificis : « Congregatur ergo, inquit, ut redeamus ad causam huius injuriæ, Synodus cuius dilecto consultum semper superhabens Concilii recognoscat arcantem et fiet quod quidem fieri per regulas omnino non poterit, fratris et coepiscopi nostri Perigenis honor dubius et incertus, quam in Sede Ecclesiæ supradictæ nostra sententia collocavit ». Et infra : « Convenientes, ut concedet, fratres, ne quis volens in nostra communione durare, fratris et consacerdotis nostri Perigenis iterum ad discutiendum in medium nomen adducat, cuius sacerdotium Apostolus Petrus semel jam Spiritus Sancti suggestionem firmavit ».

10. *Iubet ad se referri quod circa eam fiet in Synodo Corinthiaca.* — Displicebat itaque *Bonifacio* papæ episcoporum Illyricianorum audentia, qui Concilia congregare præsumebant citra conscientiam *Rufi*. Nam Innocentius I ei concesserat, ut quoties causa aliqua eveniret, quæ congregationem sacerdotum requireret, posset quos vellet episcopos de quibuscumque Ecclesiis evocare, et cum eis controversias definire. Sed ultra hoc constituit *Bonifacius*, ne fieret episcopis Illyricianis convenire, id est, Concilia celebrare contra conscientiam ejusdem *Rufi*. Quare cum inaudisset episcopos illos Synodum indixisse apud *Corinthum* pro retractanda causa *Perigenis*, commotus et *exagitatus*, ut ipse ait in eadem Epistola, propterea fuit, Synodumque non aliter celebrari mandavit, quam ex auctoritate *Rufi*, electionem vero iudicium a *Rufo* faciendum esse : « Sane quoniam servandus accusatoris locus est », inquit ibidem Bonifacius, « ne audentiam pe-

nitus iucitare videamur, si quid ab eodem, postquam episcopus nostris est auctoritatibus constitutus, contra disciplinam et propositum sacerdotii fertur admissum, coepiscopus noster Rufus cui ad vicem nostram cuncta committimus, cum cæteris fratribus, quos ipse delegerit, negotium curabit audire, ad nostram relaturus omnia notionem quarumque cognitioni ejus rerum cursus et ordo monstrarit ». Porro valuisse Apostolicæ Sedis auctoritatem circa Perigenem ex eo liquet, quod semper is dignitate sua potitus sit. *Bonifacium* vero statuuisse, ut ordinationes episcoporum citra *Rufi* conscientiam celebrari non possent, ostendunt eadem Epistola ad episcopos Illyricianos, aliaque ad episcopos Thessalos eadem die data.

11. *Pax Romanis inter et Persas sancita.* — Marcellinus in Chronico sub huius anni eos. scribit : « Hunni Thraciam vastaverunt, Persæ cum Romanis pacem pepigere », quod etiam Socrates lib. 7, cap. 20, contigisse ait consulatu Honorii XIII et Theodosii X, et persecutionem, quæ adversus Christianos excitata fuerat in Perside, conquiescisse. Quæ in pace illa sancienda Romanos inter et Persas contigere, narrat Socrates loco laudato, et Nicephorus ex eo lib. 14, cap. 21. Theophanes vero ad annum Theodosii XXI, loco scilicet non suo, paucis rem perstringit : « Hoc anno Theodosius imperator licet armorum vi Persas et victorios premeret, Christianorum tamen in Perside commorantium sanguini parciturus, summa clementia ductus pacem amplexatur, et Heleonem Patricium virum summis honoribus auctum, et Anatolium Orientis præfectum legatos pacis fœdus firmaturos mittit. Vararanes, cognita suorum jactura, libens admittit legatos, atque ita excitatus in Christianos persecutionis motus rescidit ». Licet autem persecutio, pacis occasione, conquieverit, eam tamen per annos triginta ab anno cxxiv inchoandos, perdurasse, testatur Theodoretus, ut anno cxxviii et cxxix vidimus. Sozomenus lib. 9, cap. 4, hæc de pace Persica habet : « Persæ quidem cum ad bellum prorupissent, centum annorum inducias cum Romanis pepigere ». Evagrius vero lib. 1, cap. 49, ait : « Persas insolentia elatos usque adeo superavit, ut pacem ipsis per legatos poscentibus concederet, quæ ad duodecimum annum imperatoris Anastasii permansit », ad annum scilicet Christi cxx, quo eam ruptam fuisse ostendimus, licet juxta pacta usque ad annum cxxii vigere debuisset. Contrarii itaque inter se non sunt Evagrius et Sozomenus, sed Evagrius et Theophanes in eo inter se dissentiunt, quod ille tradat pacem a Persis, hic vero a Romanis postulatam fuisse. Evagrius autem suffragatur Socrates loco citato.

12. *Fœdus juratur a Persis ignis et aqua, ab iis pro Diis habitis.* — Theophanes ac Cedrenus scribunt, pacem hanc Procopio (patre Anthemii, qui postea in Occidente imperavit) pro Romanis legationem fungente, compositam esse. De Procopio ejusque legatione Sidonius in Panegyrico Anthemii, ubi eam egregie describit, versu 75, hæc habet :

Hinc quondam juveni reparatio credita pacis
 Assyriae : stupuit primis se Paulus in annis
 Consilium non ferre senis. Conteritur hinc
 Quisque sedet sub rege Satraps : ita vixerat omnes
 Legali genus : tremuerunt Medica rura,
 Quaque Draconigenae portas non cluserat hosti,
 Tum demum Babilou nimis est sibi visa patere.
 Partibus, at postquam statuit nova formula foedus,
 Procopio dictante Magis : juratur ab illis
 Ignis et unda Deus : nec non rata pacta futura,
 Hic vivos testatur avos : Chaldaeus in exilis
 Pontificum de more senex arcana peregit
 Murmura : gemmauteum pateram rex ipse retentans
 Fudit thuricremis carchesia ceruus aris.
 Suscepit hunc reducem duplicati culmen honoris,
 Patricius, nec non pedumque equitumque magister
 Praeficitur castris, etc.

Porro *Procopium* anno cxxxiv creatum esse magistrum militum per Orientem, de qua praefectura diserte ibidem loquitur Sinodius, demonstrat lex 36 Cod. Theod. *De erogatione militaris annonae*, eo anno data.

13. *Secunda Britannorum ad Romanos legatio adversus Barbaros*. — Scoti, Pictique, ut narrat Beda lib. 1, cap. 12, cum Romanum militem e Britannia abisse conspexissent, « mox advecti navibus irrupunt terminos, caduntque omnia ». Unde rursum mittuntur Romam legati, indeque « rursum mittitur legio, quae inopinata tempore autumnii ad-

veniens, magnas hostium strages dedit. Tum Romani denuntiavere Brittonibus, non se ultra ob eorum defensionem tam laboriosis expeditionibus posse fatigari. Quin etiam, quod et hoc sociis, quos derelinquere cogebantur, aliquid commodi allatum putabant, murum a mari ad mare recto tramite inter urbes, quae ibidem ob metum hostium factae fuerant (ubi et Severus quondam vallum fecerat), firmo de lapide collocarunt, et valedixerunt sociis « tanquam ultra non reversuri ». Quibus ad sua remeantibus, Scoti, Pictique solito confidentiores facti accelerarunt strages cunctis crudeliores prioribus, « donec omnis regio totius cibi sustentaculo, excepto venandi solatio, vacuaretur ». Idem habet Gildas in libello de Excidio Britanniae, ex quo sua deprompsit Beda. Murus cespititius inter *Bodrotiam* et *Glottam*, ubi olim Agricola suum constituerat, aedificatus fuit, murus vero lapideus hoc anno conditus ceterior fuit ab Humae aestuario, ad *Tinæ* ostium productus, ubi *Severus*, per transversam insulam murum ante duxerat, et hic est ille, qui hodie *Picticus* appellatur; ubi duo treta *Hadrianus* ante Severum alium construxerat, qua de re legendus Usseus in Antiquitatibus Britannicis.

Celestinus die x Septemb. successit *Bonifacio* papae, ut anno sequenti videbimus.

BONIFACII ANNUS 5. — CHRISTI 423.

1. *Honorii obitus et laudes*. — Sequitur ordine temporis Christi annus quadringentesimus vicesimus tertius, descriptus in Fastis consulatu Mariani, et Asclepiodoti, Romano imperio Honorii obitu lugubris, qui decimo octavo kalend. Septembris ex hac vita migravit, ut Socrates¹, Prosper, Marcellinus, et Cassiodorus affirmant : addit Paulus diaconus, esse defunctum Romae, positumque in Mausoleo juxta corpus S. Petri Apostoli. Imperavit ab obitu Theodosii patris annos viginti octo, menses septem minus diebus duobus. Vixit autem annos quadraginta uno minus, et mensem unum expletum. Dissertimus superius adversus eos, qui Honorium ignavum fuisse suggillant, quod ipse nunquam visus fuerit in prociuctu, per suos duces bella

gerens. Sed non id a rege requiritur : satis vero superque ad laudem Honorii, quod nullus Christianorum imperatorum inventus est, qui per suos duces extinxerit plures in imperium grassantes tyrannos, nec qui ingruentes Barbaros sapius vicerit, imperiumque labans ac novis motibus penitus periclitans crebrius restituerit : haec enim quam vera certaue sint, quae annis singulis ab exordio tomi hujus dicta sunt, facile indicant. Caeterum religione potius, quam armis, in omnibus semper adversus hostes certantibus primas tulisse, et Deo pro ipso pugnante, ferocissimos vicisse tyrannos, et pugnantissimos Barbaros sapissime debellasse, superius annis ferme singulis pariter demonstratum est, ut plane fuerit in ipso perspicue declaratum, longe praeslare, imperatorem religione pollere, quam armis. Quandoquidem ut tot tyrannos extinxerit, et

¹ Socrat. l. vii. c. 23, et Marcell. et Cassiod. in Chron.

Barbaros pugnando saepius superaverit, nequaquam ducum virtuti ea quis jure censeat tribuenda, quos ferme omnes est expertus infidos, et proditores, et in tyrannos esse conversos, adversus quos rursus copiae ducende fuerint, et accipiti pugnandum certamine. Ut plane, si quis haec accurate consideret, intelligat fuisse miraculum, et nonnisi Deo protegente, quem ipse bene culla pietate demeruit, esse factum, ut tam diuturnum Honorius imperium possederit, impugnatus jugiter a Barbaris atque tyrannis : quos omnes fultus divino praesidio non solum evasit, sed et felicissime superavit. Unde et factum est, ut omnia ferme ejusdem Augusti numismata euderentur ejusmodi ornata trophaeis, nimirum cum ejusdem imperatoris imagine Victoria insignita, pedeque sinistro prodeunte tyrannum, dextera vera manu sustinente Labarum nomine Christi decorum, cujus ope omnia dextere evenissent, quod haud facile, vel saltem tam frequenter in ceteris imperatoribus sit reperire, cum nec aliquis alius fuerit Christianorum principum, qui tot tantosque tyrannos extinxerit ¹.

Ad hujusmodi quidem simile genus imaginum alluisse visus est Joannes Chrysostomus, dum in Eutropium agens haec ait : « Quomodo et regia effigiei non tantum ornatus ex eo contingat, si solio rex sublimis sedeat purpuratus, et diademate redimitus, quantum si sub pedibus quoque regis Barbari manibus post terga revinctis proni jaceant, etc. »

2. *Joannes tyrannus insurgit qui in Ecclesie jura deerit.* — Ante autem suum obitum Honorius hoc anno (ut habent Prosper ², et Cassiodorus ³) Gallam Placidiam Augustam cum filiis duobus Valentiniano, et Honorio, ob suspicionem invidatorum hostium, miserat in Orientem : unde accidit, ut ipso Honorio defuncto, nullus in Occidente esset, qui jure cognationis imperium gubernandum susceperet. Joannes igitur, qui anno superiori (ut apparet ex imp. rescriptis ⁴) praefecturam praetorii administrarat, vilis natalibus homo, qui militaverat ante inter notarios, imperium arripere ausus est, quod et tenuit usque ad annum post sequentem. Quomodo autem haec se habuerint, Socrates ita narrat ⁵ : « Quamquam Theodosius imperator de morte imperatoris Honorii certior factus esset, eam tamen alios celavit, aliaque causa alias commemorata de ea re complures fecellit. Mittit etiam clam milites Salonas, urbem Dalmatiae, ut si quis in partibus versus Occidentem forte novis rebus studeret, praesto essent qui ejus conatus reprimere. Quibus rebus ita comparatis, tandem mortem avunculi omnibus planam facit. Interea temporis Joannes qui inter scribas imperatoris principem locum obtinuit, cum prosperum suae fortunae cursum moderate ferre non posset, imperium accipit, legatosque ad imperato-

rem Theodosium mittit, per quos postulat ut imperator declaretur. Theodosius legatis ejus in custodiam traditis, ducem Ardarburium, qui in bello Persico res plane maximas confecerat, ad Joannem mittit ». Sed id post annum sequentem factum, nosque suo loco dicemus.

3. Quod ad ipsum Joannem imperium Occidentale invadentem spectat : ipso exordio principatus aequae adversus Dei Ecclesiam bellum paravit. Etenim simul ac invasit imperium, primum omnium, omnia simul ab ea privilegia abstulit, quae a Christianis imperatoribus tum locis tum personis Ecclesiasticis collata fuerant : et inter alia omnem clericis ademit fori saecularis exemptionem, quos omnes penes saeculares iudices causam dicere, et ab eis sententiam expectare voluit : haec quidem omnia ab eo peracta, Valentiniani sanctio, quae ablata ab eo privilegia revocavit, edocet, quam suo loco reddemus. Istis sibi malis ad suum interitum viam miserum illum patefecisse, infelix exitus declaravit. His plane et aliis innumeris saepe contigit exemplis demonstrari, religionis et Ecclesiasticorum jurium defensionem esse solidum ad sustinendam molem imperii fundamentum : quo si careat, corruat sit necesse ; ut male consultus suo damno Joannes expertus est.

4. *Theodosii sanctiones adversus haereticos, Judaeos et Paganos.* — Contra vero vides Theodosium, exemplo avi, ad Occidentale imperium et tyrannorum manibus vindicandum, arma primum spiritualia Deo potentia praeparare, nimirum quae sunt impolluta religionis propensiori cura peragere, adversantes illi haereticos et alios hostes profligare : id ratus ad victoriam de tyranno consequendam maxime profuturum. Sic igitur pugnaturs adversus fortissimum tyrannum Barbarorum auxiliis praepotentem, contra haereticos primum arma convertit, ista sanciens ¹ :

« Manichaei et Phryges (quos Pepuzitas, sive Priscillianistas (Montanistas), vel alio latentiori vocabulo appellant) Ariani itidem, Macedonianique et Eunomiani, Novatiani, ac Sabbatiani, caeterique haeretici sciant, universa sibi hac quoque constitutione denegari, quae illis generalium sanctionum interdixit auctoritas : puniendis, qui contra generatum constitutionum interdicta venire tentaverint. Dat. V idus Aprilis, Constantinop., Asclepiodoto et Marignano cons. » Haec imperator, et quidem Attico episcopo Constantinopolitano hac ex parte religiosior : siquidem ille tolerandos esse Novatianos dicebat, permittendosque eos Constantinopoli conventus agere, ut Socrates ² ait, qui hanc ob causam ipsum in caelum extollit. Rursus vero idem Theodosius mense Julii istam in omnes haereticos edidit sanctionem qua penitus adversus hostes sibi numen conciliat :

5. « De ³ haereticis omnibus, quorum et errorem execramur et nomen, hoc est, de Eunomianis,

¹ Apud Lael. Pasq. Canon. S. Mariae Major. — ² Prosp. in Chron. his Cons. — ³ Cassiod. in Chron. his Cons. — ⁴ L. II. de pignor. C. Theod. et l. I. quod jussu C. Theod. et alius. — ⁵ Socr. l. VII. c. 23.

¹ L. LIX. de haeret. C. Theod. — ² Socr. l. VII. c. 25. — ³ L. LX. de haeret. C. Theod.

Arianis, Macedonianis, cæterisque omnibus, quorum sectas piissimæ sanctioni tædet inserere (quibus cunctis diversa nomina, sed una perfidia) illa præcipimus debere servari, qua divi avus, et pater nostræ clementiæ constituerant. Scilicet universis, quod si in eodem furore permanserint, interminata pœna erunt obnoxii, etc. Dat. VI id. Julii, Constantinop., Asclepiodoto et Mariniano cons. » Mense vero Augusti hæc idem Theodosius addidit :

« Omnes ¹ dubiæ interpretationis ambages hæc sententia resolventes, publicari præcipimus, quod lex super Eunomianis militare prohibitis, cæterisque execrabilium religionum et professionum ritibus promulgata cognoscitur, nihil ad eos, qui cohortantini sunt, pertinet. His enim sunt apparitoribus obligati, in quibus emensis militiæ stipendiis, veterani Primiipiti munus sustinere coguntur. Dat. VI id. Aug., Eudoxiop., Asclepiodoto et Mariniano cons. » Hæc adversus eos, qui ex eo quod heretici militare prohibiti essent, onera quoque militaria, perperam facta interpretatione, vitare studebant. Adject insuper, ut cum dictis legibus hereticos omnes æque perstrinxerit, Manichæos ² tamen peculiari hoc item anno edita sanctione exagitaret, quam brevitas causa hic describere prætermittimus.

6. Sed et Judæos vetuil synagogas novas ædificare ³, dato adversus eosdem hoc itidem anno rescripserit. Qui igitur in omnibus Christianæ religioni adversus omnes ejus adversarios hereticos, itemque Judæos, legibus promulgatis, ita prospexit: adversus quoque idololatrias (si qui residui essent) bellum hoc item anno movit, et quidem incessabili studio: etenim Gentium deorum cultum iteratis legibus prorsus pessumdatum voluit: siquidem in primis hoc anno, mense Aprilis in eos ista sancivit ⁴:

« Paganos qui supersunt (quanquam jam nullos esse credamus) promulgatarum legum jamdudum prescripta compescant, etc. Dat. V id. April., Constantinop., Asclepiodoto et Mariniano cons. » Ac rursum mense Junii in eosdem :

7. « Paganos qui super sunt, si quando in excrandis demonum sacrificiis fuerint comprehensi, quamvis capitali pœna subdi debuerint, bonorum proscriptione et exilio coerceri jubemus. Dat. VI idus Junii, Asclepiodoto et Mariniano cons. » Hoc plane est quod de eodem Theodosio Nicephorus ait ⁵: « Adeo religiosus Theodosius fuit, vitamque suam accuratissime ad divinas leges composuit: quam ob causam quicquid fuit ex idolis reliquum, ita est funditus disjectum, ut posteris ejus ne vestigium quidem prioris fraudis et seductionis cernere sit datum: sententiam vero de his suam in constitutio-

nem retulit ». Hæc ipse. Vides igitur, quibusnam pius imperator erga religionem obsequiis viam sibi ad futuram percipiendam incruentam de tyranno victoriam straverit.

8. *Bonifacio papa defuncto Cælestinus creatur.* — Hoc eodem anno, octavo kalendas Novembris ¹, Bonifacius papa moritur: id quidem S. Prosper ² et Marcellinus ³ testari videntur, dum his cons. ingressum referunt successoris; ex quibus plane corrigendi sunt, qui Sedi ejus triennium tantum, vel paulo amplius tribuunt. Etenim quem constat sedere cæpisse (ut ex ejus Epistola patet) sub consulatu Honorii duodecimo et Theodosii octavo, quinto kalendas Januarii, pervenisseque usque ad anni hujus octavum kalendas Novembris, sedisse oportet annos quinque minus duobus mensibus, et tribus diebus. In libro Pontificum Romanorum post Bonifacii obitum hæc leguntur: « Petierunt clerus vel presbyteri, Eulalius, revocari: quod tamen non consensit, Eulalius Romam scilicet reverti: qui tandem in eo loco Campaniæ post annum mortis Bonifacii defunctus est ». Hæc ibi. Post hæc vero ista sequuntur: « Ille Bonifacius constituit, ut nulla mulier aut monacha pallam sacramentum contingeret, aut lavaret, aut incensum poneret in ecclesia, nisi minister: nec servum clericum fieri, nec obnoxium curiæ, vel culjlibet rei. Hic fecit oratorium in cœmeterio S. Felicitatis martyris, et posuit hæc, patenam argenteam pensantem libras viginti, scyphum argenteum pensantem libras decem, amam argenteam pensantem libras tredecim, calices minores duos pensantes libras quatuor, coronas argenteas tres pensantes libras quindecim. Hic fecit ordinationem unam in Urbe Roma per mensem Decembrem, creavit presbyteros tredecim, diaconos tres, episcopos per diversa loca triginta sex. Sepultus est via Salaria in cœmeterio S. Felicitatis martyris juxta corpus illius, octavo kalendas Novembris. Cessavit episcopatus ejus dies novem ». Hæc ibi. Citat Beda ⁴ Ebellum de miraculis Bonifacii papæ; sed ejus Bonifacii non dicit: recitat miraculum de puero Judæo a patre in ignem injecto, quod Eucharistiam cum Christianis accipiens, spiritus ardore succensus clamaverit se optare fieri Christianum, deque ejus matre puero opem ferente itidem in ignem injecta, et servatis ambobus illæsis. Ex antiquis monumentis Vaticanæ basilicæ, qua collegit Petrus Manlius tempore Alexandri III, hos versiculos in sepultura ejusdem Bonifacii sculptos tradit:

Atria magnifici sunt m/mbris plena sepulti
Sedis Apostolicæ Bonifacii presulis almi.

De eodem Bonifacio exlat ejusmodi vetus Inscriptio ⁵:

SACRI FONTIS HONOR LABOR EST MERITUMQUE DUORUM
PONTIFICUM PER QUOS CONTULIT ISTA DEUS

¹ L. LXI. de heret. C. Theod. — ² L. XXIV. de Pagan. C. Theod. — ³ L. XXVII. de Judæis C. Theod. — ⁴ L. XXII. de Pagan. C. Theod. — ⁵ Niceph. l. XIV. c. 3.

¹ Lib. de Roman. Pont. — ² Prosp. in Chron. — ³ Marcell. in Chron. — ⁴ Bed. in Collectan. in fin. — ⁵ Antiq. Inscript. in appen. pag. 1164. num. 2.

NAM QUÆ MAGNIFICIS COEPTIS BONIFACIUS AUXIT
HÆC CÆLESTINUS COMPSIT AD OMNE DECUS.

Ad sepulcrum vero Bonifacii papæ ista ¹:

POSTQUAM MORS CHRISTI PRO NOBIS MORTE PERISTI
IN DOMINI FAMULOS NIL TIBI JURIS ERIT
PONE TRUCEM RABIEI NON EST SEVIRE POTESTAS
AUT QUID VICTA FURIS NIL NOCITURA PIUS
HOC SIQUIDEM MELIUS (DEMISSO) DEMISSO VIVITUR ORBE
CUM TAMEN UT VIVAT HIC SIBI QUISQUE FACIT
(F. HOC) HIC SITA SUNT PAPÆ BONIFACII MEMBRA SEPULCHRO
PONTIFICALE SACRUM QUI BENE GESSIT OPUS
JUSTITIE CUSTOS RECTUS PATIENSQUE BENIGNUS
CULTUS IN ELOQUIIS ET PIETATE PLACENS
FLETE ERGO MECUM PASTORIS FUNERA CUNCTI
QUOS TÆDET CITIUS HIS CARUISSE BONIS.

Itemque Bonifacii.

SEDIS APOSTOLICÆ PRIMÆVIS MILES AB ANNIS
POST ETIAM TOTO PÆRESUL IN ORBE SACER
MEMBRA BEATA SENEX BONIFACIUS HIC SUA CLAUSIT
CERTUS IN ADVENTU GLORIFICANDA DEI
MITIS ADUNAVIT DIVISUM PASTOR OVILE
VEXATOS REFOVENS HOSTE CADENTE GREGES
IRAM SUPPLICIBUS HUMILI DE CORDE REMISIT
DEBELLANS CUNCTOS SIMPLICITATE DOLOS
EGIT NE STERILIS ROMAM CONSUMERET ANNUS
NUNC ORANDO FUGANS, NUNC MISERANDO FAMES
QUIS TE SANCTE PARENS CUM CHRISTO NESCIAT ESSE
SPLENDIDA QUEM TECUM VITA FUISSE PROBAT.

9. Cum autem (ut dictum est) post obitum Bonifacii vacasset sedes dies novem, tertio nonas Novembris creatus est Cælestinus, patria Romanus, ex patre Prisco. Fuisse quidem pacificam ejus electionem, litteræ S. Augustini ¹ ad ipsum scriptæ declarant, cui adgratulatur, his verbis exordiens: « Primum gratulationem reddo meritis tuis, quod te in illa sede Dominus noster sine ulla (sicut audivimus) plebis suæ scissione constituit ». Hæc Augustinus. Verum qui Eulalii schismatici factionis erant, in eadem scissione perseverant, nec ullo pacto cum Cælestino papa communicare voluisse Valentiniani ² rescripta post annum sequentem data significant, nosque de his suo loco agemus.

10. *Theodoretus creatus episcopus Cyri.* — Hoc eodem anno Theodoretus Cyri in Syria civitatis est creatus episcopus. Id plane colliges ex ejus litteris ³ ad sanctum Leonem Romanum Pontificem datis (ut suo loco dicitur ex certa consulum nota), anno Domini quadringentesimo quadragésimo nono: ubi cum ipse de se testetur, habere jam in sede episco-

patus annos vincti sex, ulique in hunc Christi annum necesse est revoces sedis ejus primordia. Vocatus est invitus (ut ipse testatur) ad illius præfecturam Ecclesiæ ex monasterio, in quo ab incubulis assuevit. Nam ipse de se in Epistola ⁴ ad Nominum consulem, sive consularem, hæc habet: « Illud adjiciam (quandoquidem calumniatores me cogunt hæc dicere) quod ante meam conceptionem genitores mei me Deo offerre polliciti sunt, et ab incuabulis juxta suas promissiones me Deo dedicaverunt, et tali cibo me educaverunt. In monasterio vero, quousque episcopus factus sum, commoratus cum essem, invitus episcopus sum ordinatus ». Hæc de se ipse. Creatus vero episcopus, a Theodoro primum, deinde a Joanne ejus successore episcopis Antiochenis Antiochiæ retentus est, ut pro concione populum edoceret: testatur id ipse. Pollebat enim mira dicendi facultas, divinis litteris necnon externis apprime imbutus, ut ejus scripta contra Gentiles satis aperte fidem faciunt; licet de hominibus, quas ad populum habuit, nec una supersit. Porro

¹ Aug. ep. CCLXI. — ² L. LXXII, LXXIII, LXXIV. de hæc. C. Theod. — ³ Extant apud ipsum in fine operum.

⁴ Antiq. inscrip. in append. pag. 1165. num. 45. — ² Theod. ep. LXXXI.

quod ipse ait, tot annis jussu Antiochenorum episcoporum docuisse in ecclesia populum Antiochenum, non sic accipiendum est, ut Antiochiæ semper manserit; cum constet ex suis ipsius scriptis, etiam

in Ecclesia sua Cyri degisse: sed potius aliquam anni partem in eo concionandi munere Antiochiæ insumpsisse, dicendum.

Anno periodi Græco-Romanae 5916. — Jesu Christi 423. — Caesestini papæ 2. — Theodosii Jun. 22. et 16.

1. *Tricennalia Honorii*. — Coss. *Asclepiodotus* et *Marinianus*, ille in Oriente, qui et præfectus prætorio hoc anno fuit sub Theodosio, ut ex variis legibus Cod. Theod. hoc anno datis liquet: hic in Occidente, ubi anno elapso præfectus prætorio erat sub Honorio, ut constat ex variis legibus Cod. Theod. Fuit autem pater *Rufi Prætextati Postumiani*, anno cxxviii consulis ordinarii, ut demonstrat inscriptio ibidem a Baronio num. 1 recitata. *Tricennalia* Honorii post patrem imperantis in hunc annum incidunt. Tom. I Musei Farnesiani exhibetur nummus aureus Honorii, in quo legitur, Vol. xxx. Mult. lx.

2. *Moritur Honorius imperator*. — Ad num. 1. *Honorium* Occidentis imperatorem *Asclepiodoto* et *Mariniano* coss. mortuum esse, tradunt *Prosper*, *Marcellinus*, ac *Cassiodorus* in *Chronicis*, et *Socrates* lib. 7, cap. 22, qui addit, mortem ejus contigisse die decima quinta mensis Augusti, cui *Theophanes* in *Chronico*, quo ad diem consentit. Quare apud *Olympiodorum*, loco *VI kalend. Septembris*, legendum, *XVIII kalend. Septembris*; in eo enim auctore describendo librarii non semel errarunt. Idem *Olympiodorus*, *Cedrenus*, et *Philostorgius* lib. 12, num. 13, cum aquæ *intercutis* morbo obiisse produnt. Mortuus est, non *Romæ*, ut *Theophanes* et auctor *Miscellæ*, quem *Baronius* secutus est, scribunt, sed *Ravennæ*, ut tam in *Fastis* *Idacii*, quam in *Chronico* legitur, idque leges *Codicis* *Theodosiani* hoc anno mense Augusto *Ravennæ* ab eo datæ manifestum faciunt; cum nullæ *Romæ* hoc anno ab eo emisse legantur. Natus erat *Honorius* anno cclxxxiv, die ix *Septembris*; ideoque vixit, non annos triginta novem, et mensem unum expletum, ut habet *Baronius*, sed annos triginta octo, menses undecim, et dies septem.

3. *Placidia Constantinopolim petere a fratre coacta*. — A num. 2 ad 4. « Honorii erga sororem insita affectio tanta fuit, ex quo Constantii ejus maritus vita decedit, ut perditè nimis amando, et assidue eo ejus osculando, turpis apud multos consuetudinis suspicionem non effugerit. Sed hic amor in tantum brevi vertit odium, afflaborantibus Spa-

dusa atque *Elpidia*, *Placidia* nutrice, quibus illa tribuebat plurimum, adjuvante item ipsas *Leonteo* illius curatore, ut et seditiones *Ravennæ* frequenter existerent (adhærebat enim ipsi adhuc *Barbarorum* turba, tum ex *Adalphi*, tum ex *Constantii* imperatoris conjugii) et vulnera etiam utrinque inferrentur. Donec tandem ob eas ipsas inimicitias, et priori amori par aune odium, *Constantinopolim* *Placidia*, fratre prævalente, cum liberis ablegatur. Solutus *Bonifacius* fidem illi servans, tum ex *Africa*, cui præerat, pecuniam, ut poterat, submisit, tum ad alia ei obsequia præsto fuit. Qui post etiam ut ad imperium hæc rediret, nihil non fecit, lultique », inquit *Olympiodorus*. *Placidiam* ab *Honorio* cum filiis proficisci coactam fuisse, prodit etiam *Prosper* sub hujus anni coss.

4. *Joannes tyrannidem in Occidente arripit*. — Post *Honorii* mortem *Joannes* *Primicerius* notariorum imperium arripuit, et ut ad imperii consortium admitteretur, *Theodosium* rogavit, sicut habet *Socrates*, citatus; sed contigit id quatuor aut circiter jam elapsis mensibus a morte *Honorii*, ut colligitur ex *Olympiodoro*, qui ait: « *Missæ* in *Orientem* litteræ *Augusti* mortem nuntiantes, quæ dum ultro citroque mittuntur, *Joannes* quidam tyrannidem occupavit, atque ejus inauguratione imperii, tanquam ab aliquo future rei oraculo, jactum est: *Cadit*, non stat: quod vulgus dictum invertens exclamabat: *Stat*, non *cadit* ». *Joannes* quando *Roma* ab *Alarico* obsidebatur, ad eum legatus fuerat, « *Alarico* notus et partium conciliator, qui aliquando notariis prepositus fuerat », inquit *Zozimus* lib. 5, pag. 815. *Mediobarbus* tria hujus tyranni numismata refert, in quibus legitur: *D. N. Joannes P. F. AUG.* Idem legitur in nummo aureo Musei *Farnesiani*, in cujus postica *Victoria Aug. infra, Comob.*

5. *Theodosius hæreticos persequitur*. — A num. 4 ad 8. *Theodosius V idus April.* dedit legem 59 Cod. Theod. *De hæreticis*, qua his interdicit, quæ generalibus antea sanctionibus interdicta fuerant. Inter eos *Phrygas* nominatim designat, quos, inquit,

Pepyzitas, sive Priscillianistas appellant. Socrates vero lib. 7, cap. 18, ait: « Montanistas, quos Pepyzitas et Phrygas vulgo nominant ». De illis legendus Epiphanius hæresis Phrygum 48, num. 14, et hæresi 49. Ex quo et ex hac lege liquet, eos *Phrygum* sectam fuisse; ita dictos a *Pepuzca* quodam, oppido sive loco Phrygiæ, quem singulari veneratione habebant, affirmantes eos caelestem Jerusalem descendere. Quare eo proficiscentes mysteria quædam ibi obibant, sacrisque ceremoniis pro opinione sua vacabant. *Novatianus* etiam Theodosius cæteris hæreticis communerat, sed non sine Attici episcopi Constantinopolitani consilio, licet Baronius contrarium existimet. Nam quamvis Socrates lib. 7, cap. 25, de Attico quædam memoret, quibus aliquando Novatianorum intra civitates conventus probasse videatur, idem tamen alia subjicit, quibus aperte *Atticus* testatus est, Novatianos se minime probare, ut observat Gothofredus in illius legis commentario.

6. *Moritur Bonifacius PP.*—A num. 8 ad 10. Prosper et Marcellinus in Chronicis mortem Bonifacii papæ I sub hujus anni coss. collocant, indeque Baronius et passim alii, annum unum ejus sedi adscribunt, quem *Cælestino* successoris adimunt. Verum in utroque Chronico initium et finis Pontificum Romanorum plerumque male consignantur, ideoque duratio sedis *Bonifacii*, amisque ejus emortualis ex Anastasio et veterum Pontificum Rom. Catalogis eruendus. Scribit Anastasius Bonifacium sepultum esse *VIII kal. Novemb.*, seu die xxv mensis Octobris. Sed cum in Martyrologio Hieronymiano ad II nonas Septemb., seu diem iv ejusdem mensis legatur: « Romæ in cœmeterio Maximi, via Salaria, depositio Bonifacii episcopi », constetque eum die vicesima nona mensis Decembris anni quadringentesimi decimi octavi ordinatum fuisse Pontificem Romanum, manifestum est diem ejus emortualem in Martyrologio Hieronymiano, diem vero ejus Translationis in libro Pontificali annotatum fuisse: sedit enim *Bonifacius* annos tres, menses octo, dies septem, die nempe emortuali incluso, vel dies sex, eo excluso, ideoque anno superiori die quarta Septembris ad Deum migravit. Verum quidem est, in vulgato Anastasio haberi eum sedisse *annos tres, menses quatuor, dies xiii*; sed is error corrigendus primo ex ipsomet Anastasio vulgato, in quo discrete legitur: « Post annos tres et menses octo defunctus est Bonifacius », ubi librarius dies septem omisit. Secundo, corrigendus ex exemplari Ms. Thuaneo, catalogo Palatino-Vaticano, catalogo secundo et tertio Colbertino, ex duobus catalogis a Mabillonio tom. III Anallect. publicatis, ex Abbate Luitprando, Orderico lib. 2, pag. 443, Regimine et Prospero in Chronico Ms. Biblioth. Colbert., num. 1286 ab annis circiter quingentis exarato, in quibus omnibus habetur, *Bonifacium* sedisse *annos tres, menses octo, et dies septem*, nisi quod in aliquibus leguntur tantum dies sex, excluso scilicet die emortuali; in nullo

tamen anni quatuor eidem adscribuntur. Sed cum viri doctissimi animum non advertissent ad errorem Prosperi et Marcellini, qui sub hujus anni coss. mortem *Bonifacii* narrarunt, ei annos quatuor assignare, et *Cælestini* pontificatum mutilare coacti sunt.

7. *Cælestinus fit Papa.*— Post *Bonifacii* mortem tradit Anastasius Sedem cessasse *dies novem*, quod et in ejus Codicibus Mss. habetur. Verum ex die ordinationis Hilarii papæ, duodecima nempe mensis Novembris anni quadringentesimi sexagesimi primi, quæ certa est, ut suo loco videbimus, inter pontificia initiumque ac finem successorum Bonifacii, *Cælestini* nempe, *Sixti*, et *Leonis Magni* digerere necesse est; quod cum nemini in mentem venerit, inde factum, ut huc usque sanctorum horum pontificum nec ordinatio, nec mors suis diebus assignatæ fuerint quod ex dicendis cuilibet manifeste patebit. *Cælestinus* itaque natione Campanus consecratus fuit die decima mensis Septembris antecedentis Christi anni, in quam Dominica cadebat, ideoque Sedes vacavit, non dies novem, sed *dies sex*, die emortuali Bonifacii in summam collato.

8. *Theodoretus episcopus Cyrensis creatur.*— Ad num. 10. *Theodoretus* hoc anno *Cyri* episcopus creatus est, ut recte scribit Baronius, qui tamen cum imitatur Epistolæ ejusdem Theodreti LXXXI ad Nomum consulem, seu consularum, et Epistolæ sancti Leonis papæ ad Dioscorum episcopum Alexandrinum, et hujus posterioris epocham male consignat, opinionem suam, quæ certa est, omnibus persuadere non potuit. *Theodoretus* itaque hoc anno, et quidem exeunte, *Cyri* episcopatum adeptus est. In litteris enim, quas ad sanctum Leonem papam anno quadringentesimo quadragesimo nono dedit, postquam a Pseudo-Synodo Ephesina mense Augusto illius anni celebrata episcopatu dejectus fuisset, asserit se *viginti sex annos* Ecclesiam illam rexisse: in eadem vero Epistola, quam Baronius eo anno num. 113 recitat, ait se *anno superiore* ad Dioscorum episcopum Alexandrinum ob calumnias in se concitatas scripsisse. Hanc secundam Epistolam exhibet Baronius anno cdxlv, num. 21 et seqq., sed loco non suo: data est enim anno cdxlviii, ut suo loco demonstrabo. In ea ad Dioscorum Epistola dicit Theodoretus, se Antiochiæ *sex annos* doctuisse tempore *Theodoti* Antiocheni episcopi; *alios* deinde *tredecim* tempore *Joannis* ejus successoris, et annum, quo eam Epistolam scribit, *septimum* esse *Domini* episcopi Antiocheni. Quare cum anno cdxlviii annum episcopatum xxvi inchoarit, idemque annus adhuc in cursu fuerit post Pseudo-Synodum Ephesinam mense Augusto habitam, anno scilicet cdxlix, consequens est, eum sub currentis auti finem episcopum Cyrensem renuntiatum; alioquin post Pseudo-Synodum Ephesinam annum xxvii auspiciatus esset, qui tamen jam vicesimum octavum numerabat. Fallitur igitur Baronius, quando tradit Theodoretum præsenli anno Antiochiæ docere

cœpisse; nam ut anno cxxx vidimus, jam tempore Alexandri Theodoti decessoris catechistam Antiochiæ agebat, saltem ab anno cxxviii, quo sanctum Zenonem anachoretam in monte Antiochiæ vicino contemplationi vacantem invisit, eo scilicet tempore quo *Theodoretus* in ea urbe docebat.

9. *Opinio Garnerii de anno ordinationis Theodreti.* — Garnerius in Auctario Operum Theodreti Dissert. II, cap. I, contendit *Theodoretum* anno quadringentesimo vicesimo Ecclesiam Cyrensem administrandam suscepisse, quod is Nomo consuli in Epistola lxxxii hæc scribat: « In monasterio tempus quod episcopatum præcessit, cum exegissem, invitatus episcopum ordinatus sum. Annos viginti quinque ita vixi, ut neque in jus vocatus sim a quoquam, etc. » Cum autem Nomo, inquit Garnerius anno cdxlv, consulatum gesserit, anno cxxx episcopum ordinatum oportet; cum ab hoc anno ad cdxlv, viginti quinque interjiciantur. Quotiescumque autem pugnant loci duo unius Auctoris præsertim ubi de numeris agitur, quibus frequens est lapsus; relinendus omnino est locus, qui et consonantior sit aliis quoad sensum; et minus debeat esse suspectus, et non ita facile vitari poterit. Atqui pugnant loci numero præcedenti allati: qui vero ex Epistola lxxxii productus est habet hæc tria, non habet alter; ille igitur isti præferendus est. Quod autem locus Epistolæ lxxxii habeat hæc tria, ex eo constat, quod primo consonet Epistolæ II ad Dioscorum, in qua refert *Theodoretus* se docuisse Antiochiæ, utique cum jam foret episcopum, sex annos continuos sub Theodoto, xiii sub Joanne *Theodoti* successore, et *Domni*, qui Joannem excepit, septimum jam esse annum, cum scriberet. Cum ergo *Theodotus* vita excesserit anno cdxviii, ut tradit *Theodoretus* lib. 5 Hist. Eccl. cap. ult., oportet, ut docere cœperit anno vel cxxx sub finem, vel ineunte cxxxi. Episcopatum igitur iniiit anno cxxx, aut cxxxi ineunte. Deinde quod idem locus non possit merito corruptionis nomine esse suspectus, sive voces ipse numerorum integræ, sive notæ duntaxat dicantur scriptæ: neque enim $\pi\epsilon\upsilon\tau\epsilon$ in $\delta\upsilon\zeta$, neque β in ζ , facile per incuriam librarii commutentur. Denique quod locus contrarius habeat proclivem describens lapsum in numeris, apertum est: quid enim proclivius, quam θ in ζ , $\epsilon\nu\epsilon\zeta$ in $\epsilon\zeta$ pervertere? Ita Garnerius.

10. *Refellitur.* — Recte quidem vidit vir doctissimus alterutrum *Theodreti* locum corruptum. Verum vitium est in inscriptione Epistolæ ejus lxxxii, quæ dicitur data *Nomo consuli*: vox enim illa *consul* ab imperito librario loco *consularis* posita, ut suo loco videbimus. Hæc porro emendatio certissima; cum utramque Epistolam a Garnerio laudatam uno eodemque anno scriptam fuisse, ipsemet fateatur, nec negari possit; in utraque enim sermonem habet *Theodoretus* de mandato imperatoris, ut sese intra fines Cyrensiæ regionis contineret. Deinde secundam ad Dioscorum Epistolam anno cdxlviii datam, ex ipsamet Epistola manifeste col-

ligitur. Quare *Theodoretus* hoc anno episcopus Cyrenensis renuntiatus est: *Theodotus* autem episcopus Antiochenus anno circiter cxxx, sub quo *Theodoretus* vixit annos sex, a currenti nempe, quo ipsemet episcopus dictus, usque ad annum cxxxix, quo *Theodotus* ad Demm migravit, ut infra demonstrabo. Quo posito, vulgarique errore de anno emortuali Theodoti prolato, non solum episcopatus Theodreti iniiitium; sed et alia, de quibus suis locis, aut suis annis restituuntur, aut certius, et majori historici luce cum iisdem illigantur. Hæc viri eruditissimi opinio ex iis, quæ suis locis dicam adhuc magis evectetur. Hæc epocha magni est momenti, ut ex dicendis apparebit.

11. *Cælestinus PP. Pelagianos Italia pellit.* — Sanctus *Cælestinus* decessorum suorum vestigiis inherens *Pelagianorum* conatus infregit, eosque tota Italia expulit. Illi quidem singulos quosque Romanæ Ecclesiæ præsules sub eorum pontificatus iniiitibus subdole tentare sœti, iisdem artibus in *Cælestini* gratiam irrepere tentarunt; at illum decessoribus longe sibi infestiores experti sunt. Ubi enim sub *Bonifacio* extra centesimum ab Urbe lapilem ex Constantii imperatoris decreto degere iussi sunt, *Cælestinus* procul ab Italiæ finibus eosdem rejecit, ut docet Prosper lib. contra Collatorem cap. 41: « Venerabilis memoriæ Pontifex Cælestinus, cui ad Catholicæ Ecclesiæ præsidium multa Dominus gratiæ suæ dona largitus est, sciens damnatis non examen iudicii, sed solum penitentiam remedium esse præstandum, Cælestium, quasi non discusso negotio, audientiam postulantem, totius Italiæ finibus iussit extrudi ». Hinc Patres Ephesini parte II Concil. Ephes. Act. v: « Perlectis in sancta Synodo commentariis Actorum in depositione impiorum Pelagianorum et Cælestianorum, et quæ a pietate tua de ipsis decreta et constituta sunt, judicavimus et nos ea solida firmaque permanere debere ». Garnerius in Dissert. de Synodis in causa Pelagianorum habitis putat anno sequenti, aut anno cxxxv, coactam a Cælestino Romæ Synodum adversus episcopos Pelagianos, qui formulæ fidei a *Zozimo* scriptæ subscribere pertinaciter detrectabant. Sed sicut tempus Synodi illius, ita et Synodus valde incerta.

12. *Julianus ex Italia expellitur.* — Porro tunc temporis non solum *Cælestium*, sed *Julianum* quoque ex Italia ejectum a Cælestino, fateatur ipsemet Julianus in Epistola Nestorii ad Cælestinum parte I Concil. Ephes. cap. 16, quæ Epistola ejectorum querelas continet in hæc verba: « Julianus quidam, et Florus, et Orontius, et Fabius dicentes se Occidentalium partium episcopos, sæpe et piissimum et prædicalissimum imperatorem adierunt, ac suas causas dellexerunt, tanquam Orthodoxi temporibus Orthodoxis persecutionem passi ». Et paulo post: « Ne canonicam indignationem beatitudinis tuæ, quæ contra eos pro sectis religionis forte probata est aliud quiddam quam hoc æstiment, etc. » Et Epistola II, ibidem cap. 17: « Sæpe

scripsi beatitudini tuæ propter Julianum, Oronium, et ceteros, qui sibi usurpant episcopalem dignitatem, et creberrimam additionem apud piissimum et prædicatissimum imperatorem faciunt, nosque concidunt frequentibus lamentationibus, tanquam temporibus Orthodoxis de Occidente projecti ».

13. *Julianus in Ciliciam se recepit.* — *Julianus* ac collegæ Cælestini de creto Italia excedere coacti, in Ciliciam ad *Theodorum Mopsuestenum* episcopum navigare decrevere; sciebant enim quanta is benevolentia eos suamque ipsorum sectam, quibus primus magister fuerat, ut mox videbitur, complecteretur. *Julianus* etiam plurimum ex ejus sermonibus adjumento sibi pollicebatur, quo validus inchoatum adversus librum secundum Augustini *de Nuptiis et Concupiscentia* Opus communiaret, Audiendus Marius Mercator in commonitorio adversus scripta Juliani. ipso initio: « Simul admonere volens Julianum exepiscopum oppidi Eclanensis, hæreticum Pelagianum seu Cælestianum, hunc secutum esse Theodorum, ad quem peragratis terris et exarato mari atque Oriente, Instrato cum sociis et participibus et συναγαγόντες suis magno nisu laudum ad Christianorum dogmatum prædicatum magistrum tetendit, ut de hæresi Pelagiana seu Cælestiana, quam defendendam et sequendam suscepit, ab ipso confirmaretur, atque inde velut instructor octo contra fidem Catholicam potius quam contra sanctæ memoriæ Augustinum volumina illa, ut putat, conderet ». Ita Mercator juxta editionem Baluzii cæteris correctiorem. Ex quibus constat primo, alios quoque episcopos Pelagianos una cum Juliano longissimam in Ciliciam peregrinationem suscepisse. Secundo, tertium, reliquosque Juliani libros contra Augustinum, qui non exant, sed ex quibus plurima recitat Augustinus in Opere imperfecto contra *Julianum*, ante currentem annum exarari non potuisse; cum post diem x Septembris anni superioris, quo *Cælestinus* ordinatus est Pontifex Romanus scripti fuerint, et illius anni reliquum vix suffecerit ad tam longam peregrinationem. Præterquam quod, ut mox diximus ex Mercatore, *Julianus* multa a *Theodoro* in Cilicia dicere cupiebat, ut validius Augustinum confutaret. Duos priores ex illis octo vivente adhuc Bonifacio, ideoque ante mensem Septembrem anni superioris, a Juliano elaboratos ostendimus anno cdxix.

14. *Ubi libros viii contra ii de Nuptiis et Concupiscentia. Augustini scripsit.* — Cæterum *Julianus* absolvens in Cilicia libros octo contra unum sancti Augustini, posteriorum scilicet *de Nuptiis et Concupiscentia*, *Theodori* doctrinam in quinque contra Dialogos sancti Hieronymi voluminibus ab eodem assertam suis illis lucubrationibus inseruit, quod etiam in aliis suis prioribus scriptis præliterat: in quibus *Theodori* argumenta repetit, ut fragmenta hujus apud Photium in Biblioth. Cod. clxxvii, cum Juliani dictis conferenti patet. Illic hæreticus amissi episcopatus dedecore atque exilii miseriis exagilatus tanta rabie contra *Augustinum* debac-

chatus est, ut infamia quæque dicteria in prioribus contra sanctum Doctorem libris prolata, in laudum fere loco censi possint, si cum his calumniis comparentur, quas *Theodoro* favente Augustino importavit. Hos octo libros *Floro* episcopo Pelagiano nuncupavit; a quo *Manetis* Epistolam Constantinopoli inventam acceperat, ex qua plerasque sententias in hisce voluminibus exscribit, easque *Augustino*, cæterisque Orthodoxis exprobrat, quasi cum Manichæis in sententiarum paradovis, colluderent. *Julianus* multum temporis libris illis scripturiendis impendit; illorum exemplaria anno tantum cdxvii ab *Alypio* Romæ reperita ad sanctum Augustinum confutanda transmissa sunt, ut suo loco dicitur. Scribit Marius Mercator in Commonitorio contra Julianum: « Id nunc isto Opere tuo post longum tempus elaborato in Cilicia ingeris. Necessaria igitur capituli repetitione, quid mare exarato, et Oriente lustrato, novum inauditumque inde attuleris, denuo perserutemur ». Ex quibus colligere est, *Julianum* diuturniores in Cilicia moras fecisse.

15. *Theodorus Mopsuestenus primus Pelagianæ hæresis parens.* — Illic itaque de *Theodoro* Mopsuesteno episcopo novo Pelagianum agendum, quem nec Baronius, nec Vossius, nec Usserius, nec Janenius Yprensis episcopus, neque alii qui Pelagianam Historiam concinnarunt, ante Em. card. Norisium et Garnerium agnovere. De eo Garnerius variis in locis Notarum in Marium Mercatorem, et card. Norisium lib. I Hist. Pelag. cap. 9. plura observarunt, ex quibus præcipua seligimus. Patria *Antiochenus* fuit, indeque a Photio in Biblioth. Cod. xxxviii *Antiochenus* vocatus est. Una cum sancto Chrysostomo *Libanii* celeberrimi apud Antiochenos Sophistæ, atque *Andragathii* in Philosophia auditor fuit, ut docet Sozomenus lib. 8, cap. 2, qui addit, Chrysostomum *Theodoro* et Maximo, ut ejus exemplo id facerent, persuasisse. Cum vero *Chrysostomus* foro relicto monachum induisset, hoc ipsum *Theodoro* etiam persuasit. Verum paulo post is monasticæ vitæ pertæsus urbem est. forum repetit, et nuptias apparavit: quod cum *Chrysostomus* intellexisset, « Epistolam ejusmodi verbis ac sententiis conscriptam, quæ humanæ mentis captum excedant, ad eum misit. Quam ille cum accepisset, penitentia tactus est: rursusque relictis facultatibus, et nuptiis renuntians, Joannis consilio servatus, et ad Philosophicam vitam regressus est », ait ibidem Sozomenus. Legendum etiam Socrates lib. 6, cap. 3, ubi et ait, eum monasticam vitam sub Diodoro et Carterio didicisse, *quæ tunc præerant monasteriis*.

16. *Quo anno episcopus dictus.* — Mortuo *Olympio* episcopo Mopsuestiæ, qui Concilio Constantinopolitano anno cclclxxi coacto, interfuit, *Theodorus* in ejus locum subrogatus est circa annum cccxciv. *Theodoretus* enim in fine suæ Historiæ Eccles. scribit, mortuos eodem fere tempore *Theodotum* patriarcham Antiochenum, et *Theodorum* Mopsuestenum, sequæ cum utroque vite termino Historiæ quoque suæ finem imponere. Ibi tradit, *Theodorum*

triginta sex annos Ecclesiam illam rexisse. Quare cum Theodoretus, ut infra demonstrabo, Historiam suam usque ad annum cxxxix perduxerit, is annus *Theodori Mopsuesteni* emortualis fuit, annoque ccccxciv, non vero circa annum ccccxi, ut credidit Em. card. Norisius, episcopus renuntiatus fuerat.

17. *Plures libros scripsit.* — Facundus lib. 3, cap. 6, refert fragmentum Epistolæ Cyrilli ad Proclum episcopum Constantinopolitanum, ubi plurimum Theodorum laudat, atque : « Bene de vita profectus est B. Theodorus, et qui quinque et quadraginta annis clare in doctrina præfuit, et omnem hæresim expugnavit, et nullam alicubi detractionem ab Orthodoxis in vita suscipiens, post longi temporis hinc discessum, et post multa certamina, et post decem millia libros adversus errores conscriptos, et posteaquam in conspectu sacerdotum et imperatorum et populorum probatus est, periclitatur, etc. » Idem Facundus lib. 2, cap. 2, refert fragmenta Epistolæ Joannis episcopi Antiocheni ad Theodosium imp. scriptæ, quæ et extant in Synodico adversus Tragediam Irenæi, ubi Joannes dicit : « Theodorus, quem quando dicimus virum, dicimus in episcopatu clarum finem habentem, et quinquaginta pæne annis fortiter repugnantem cunctis hæresibus, et in expositionibus quas in omnibus Ecclesiis Orientalibus faciebat : et quibus in regia civitate valde esse comprobatus apparet, a nullo quoquam neque majorum neque similium judicatus est hæreticus; e contrario autem ab omnibus sacerdotibus, propter eam quæ illi aderat doctrinæ gratiam, in admiratione semper est habitus, et superiorem honorem gloria possedit, et non a sacerdotibus tantummodo; sed a sacratissimo vestro avo, dicimus ter beato et a Deo imperii scepra sumentem, et vobis transmittente Theodosio, qui in desiderio visionis viri factus, in Ecclesia ejus doctrinæ fuit auditor magnus ille imperator, nec arbitratus est alterum se talem comperisse doctorem super admiratum quidem ejus doctrinam, et colloquio delectatus atque obstupefactus, etc. »

18. *Primus auctor hæreseos Pelagianæ et Nestorianæ.* — Sed Theodorus dum plus justo ingenio indulget, et antiquiores semitas fastidians, novam viam sternere tentat, in absurdissimos errores lapsus hæreseon magister evasit, et Pelagianis ac Nestorianis nova dogmata procedit. Primum ac veluti capitale Pelagianorum dogma fuit, Adam mortalem factum, qui sive peccaret, sive non peccaret, erat moriturus. Hunc errorem primus per æ tempora docuit Theodorus, dein Rufinus, ac postremo Pelagius, quod discimus a Mario Mercatore, qui Commentarium adversus hæresim Pelagii ac Cælestii his verbis auspicatur : « Quæstio contra Catholicam fidem apud nonnullos Syrorum, et præcipue in Cilicia a Theodoro quondam episcopo oppidi Mamsistenti (legendum, Mopsuesteni) jamdudum mota, nunc usque penes paucos eorum admodum proditur, etc. Progenitores videlicet humani generis Adam et Hevam mortales a Deo creatos, etc. »

19. *Libros scripsit adversus Hieronymum et Augustinum.* — Pelagianii cum se ab Hieronymo et Augustino scriptis contrariis vellicari intelligerent, Theodori Mopsuesteni patrocinium implorarunt, ad quem etiam Hieronymi Dialogos recens publicatos detulere. Ille scientia tumidus contra tres Hieronymi libros satis justum volumen in quinque libros digestum edidit sub hoc titulo : *Contra asserentes peccare homines natura, non voluntate.* Illi Theodori libri Photii ætate supererant, ut liquet ex Cod. clxxvii, cujus ope detexit Cardinalis Norisius rem nemini huc usque observatam, nec ipsemet Photio scribenti notam, Dialogos scilicet Hieronymi impugnatos fuisse a Theodoro Mopsuesteno. Ait enim Photius, legisse se opus Theodori Antiocheni, cujus titulus : *Contra asserentes peccare, etc.* adversus Occidentales scriptum, ubi quæ de auctore anonymo ab eodem Theodoro confutato dicit, alium non designant, quam Hieronymum, ut Emin. card. docte ostendit. Theodorus autem non solum contra Hieronymi Dialogorum libros, sed etiam contra Augustini libros *De peccatorum meritis et remissione*, itemque contra Epistolam Augustini ad Hilarium Syracusanum scripsit, ut ibidem Cardinalis laudatus demonstrat, qui lib. 2, cap. 4, refert, Hesychem Hiero-olymitanum hæc de Theodoro prodere : « Senectute jam cana debilitatus, sed minima pietatis scintilla, si qua forte in eo fuisset, inveterata, libros componere, adversus Domini Dei apparitionem præsumpsit », ut legitur in quinta Synodo, ex qua et plures de eo argumento libros scripsisse patet; cum illius errores Synodus producat *ex libro xiv de Incarnatione.* In his Nestorianam ac Pelagianam hæresim tradidit, docuit enim, inquit Hesychem, « hunc non incarnatum Verbum, sicut Evangelicis vocibus edocti sumus, sed hominem per vitæ profectionem, et passionum perfectionem conjunctum Deo Verbo ». Plus tamen nocuit Theodorus mortuus, quam vivens; nam superstes quidem unus tantum insertis suis libris erroribus Ecclesiæ non modicam perniciem intulit, at mortuus mille doctissimorum Patrum dexteris pro ipsius nomine defendendo armavit, Synodus Synodus objecit, atque in quæstione facti Apostolicam Sedem a seipsa dissentionem fecit, ut fuse Card. Norisius in Dissert. de quinta Synodo, et nos suis locis indicabimus.

20. *Eudocia renuntiatur Augusta.* — « His coss. Eudocia creata est Augusta mense Audyneo, IV nonas Januariarum, frequentesque fuere terræ motus, die lunæ, hora decima, mense Xanticho, VII idus Apriles », inquit auctor Chronici Alexandrini ad consulatum Asclepiodoti et Mariniani : ad quem etiam Marcellinus in Chronico : « Terræ motus multis in locis fuit, et frugum media subsecuta ». Erat Eudocia Theodosii junioris uxor, quæ ei anno superiori Eudoxiam filiam pepererat, ut testatur idem Marcellinus. Uxores autem imperatorum Augustularum nomine decorari solite, vel postquam filios peperissent, vel in decennialibus et id genus

festis; ideoque *Endocia* tricennialium Honorii occasione Augusta nuncupata.

21. *Theodosius legem in favorem Judæorum emittit, quam postea revocat.* — Ad eadem tricennialia revocandæ etiam aliquæ leges Cod. Theod. de Judæis hoc anno a Theodosio Aug. emissæ. Prior est lex 25, quam Baronius anno cœviii, num. 74, alieno scilicet loco, recitat, estque in universum, sicuti duæ sequentes data ad miserabiles preces seu querelas Judæorum, quos passim Christiani hæc tempestate lædebant, Synagogas eorum exurentes, et Ecclesiis vindicantes ac donaria eorum explanantes. Memorat hanc legem Evagrius lib. 4, cap. 43, testaturque, consilio sancti Simeonis Stylitæ mox ab eodem imperatore abrogatam fuisse: « Tanta porro », inquit Evagrius, « Divinæ gratiæ virtus in eo inerat, ut cum imperator Theodosius Judæis Antiochiam incolentibus Synagogas, quas Christiani illis ademant, restitui jussisset, Simeon tanta cum fiducia ac libertate ad eum scripserit, tamque acriter eum objurgaverit, solum imperatorem suum Deum reveritus: ut imperator Theodosius, revocata jussione sua, cuncta in gratiam Christianorum fecerit; et præfecto prætorio, qui hæc ipsi singesserat, potestatem abrogaverit: petieritque nominatim a sanctissimo atque aërio martyre, ut pro ipso Deum precaretur, suamque ipsi benedictionem impertiret ». Inscripta hæc lex Asclepiodoto præfecto prætorio, qui etiam cum ea dignitate consulatum hoc anno gessit, dataque *XV kal. Mart.*, qua imperator jubet, ut pro ereptis Synagogis loca alia Judæis vicissim restituantur, in quibus ipsi possunt alias exstruere, et donaria crepta iisdem etiam restituenter, vel saltem eorum pretium.

22. *Aliæ Theodosii leges tam de Judæis, quam de Paganis.* — Lege 26 de *Judæis*, cujus Baronius non meminit, data *V idus April.*, prohibet, ne Christiani Judæos lædant, aut Synagogas eorum occupent aut incendant, et vicissim ne Judæi circumcidant aliquem Christianum. Tum lege 27 data *VI idus Jun.*, quæ nuper de Judæis et Synagogis eorum statuerat, confirmat, scilicet, « ut nec novas unquam Synagogas permittantur exstruere, nec auferendas sibi veteres pertimescant ». Ex quibus legibus tam modico intervallo iteratis liquet, quanta Judæorum hoc tempore audacia fuerit, et parte altera quam varia subinde Christiani in hos moliti fuerint. Præterea *V idus April.* Judæi vetantur emere servos Christianos lege Cod. Theod. v, ne Christianum mancipium Judæus habeat. Denique eadem die dedit legem 22 Cod. Theod. de *Paganis*, cujus meminit Baronius num. 6, in qua ait: « Paganos, qui supersunt, quanquam jam nullos esse credamus, promulgatarum legum jamdudum præscripta compescant, et *V id. Jun.* » dedit legem 23 de *Paganis*, in qua idem iterat, et Paganos sacrificantes exilio et bonorum proscriptioe muletat; ex quibus apparet, quantum conciderit hoc tempore status Paganorum, et recte Theodoretum lib. 5, cap. 37, de Theodosio scripsisse: « Ipsa idolorum templa, quæ adhuc supererant, funditus destrui jussit, ut posteri ne vestigium quidem ullum pristini erroris possent intueri. Hanc enim sententiam constitutioni super ea re datæ inseruit ». Legendus Gothofredus in harum legum commentariis.

CÆLESTINI ANNUS 1. — CHRISTI 424.

1. *Inter Augustinum et Bonifacium Epistole de Castino in Africa confugiente.* — Christi annus quadringentesimus vicesimus quartus Castini et Victoris consulatu describitur, ipsi priori consuli Castino funestus: etenim nescio qua ex causa profugus factus, in Africam navigans, apud Bonifacium comitem ibi cum copiis Gothorum agen-

tem quæsit sibi salutem. Magna quidem divini judicii dispensatione factum est, ut ad eum coactus sit confugere, quem sub se militantem despexit, et ut ab exercitu recesserit, et in Africam venerit, compulsi, ut superiori anno narratum est. Expunctum e Fastis consularibus Castini nomen, inde possumus intelligere, quod rescripta Theodosii

imper. hoc anno data, absque Castini consulis nomine, Victoris tantum collegæ consulatu notata leuguntur¹.

Extant litteræ Bonifacii comitis de fuga Castini in Africam, datæ ad S. Augustinum; quæ cum breves sint, et de rebus tunc gestis nos admoncant, hic eas describemus: sic enim se habent:

2. « Domino² venerabili sancto patri Augustino episcopo Bonifacius.

« Castinus ille, privatus ex consule, vitæ meæ ac nominis (omnibus ut notum est) persecutor, peiores committens ac fingens factiones, quasi mearum a me gestarum immemor donationum, Italia fugiens, meis se in Africam defensionibus tradidit committendum. Omitto, beatissime pater, olim mihi ab eodem ingestas misérias, ostensa pericula: fugiens enim nunc usque vivo. Thrax natus, vix Scytham evasi, duravi invido sub consule miles. Sed divina potentia, quæ novit planare sublimia, et altius elevare prostrata, fecit de superbo quod voluit; et hostem meum, me quieto, victoria mihi, qua novit, addidit. Sufficit pro funere victi tanta dejectio, adoravit saracam clavus, timuit Senator barbarum caput, tremuit militem dux. Doloris dicuntur ista, pater sancte, collurmo. Nam veneror illustrissimum consulem, et primum conspicio Senatorem: sed ne consueta fallacia mali erga me (ut solet) aliquid molitur, putetque se suis fraudibus Romanis ducibus profuturum, et in meo versetur exitio; integrum de suis sensibus del tuæ beatitudinis sacramentum, si nullus in ejus corde vertitur dolus. Ego autem, per omnia quæ sancta sunt, juro, quoniam si apud eum animi reperero puritatem, cum incolumentem ac sublimem Italiæ Romæque reddam, frustratis inimicis ejus et domitis. Hostis autem erit suæ animæ, si aliquid in eo sinistræ partis invenero ». Haecenus Bonifacius, ad quem ejusmodi habetur Augustini responsio:

3. « Domino³ insigni meritoque sublimi filio Bonifacio Augustinus episcopus.

« Vir illustrissimus Castinus sacramento se prodidit, quod sit ab omni culpa et erroribus alienus. Quem tibi, ut dicit fœderatus ille Sonia, adhuc te in palatio posito, falsis suggestionibus concitabat. Sed ne totum quod tunc agebatur, mittatur in medium, detur prolixitati compendium. David ille opilio regnum, parcendo inimicis, obtinuit. Christus pro Judæis, qui eum crucis patibulo contixerunt, Patrem ne irasceret rogavit, et indignis hominibus veniam misericors condonavit. Crede igitur homini, qui mihi fidele tradidit sacramentum, et quærit, me pollicitante, tua defensione vite subsidium. Scio enim quod ejus salutis mihi promissa completis ». Hæc Augustinus ad Bonifacium timentem, ne sub fugæ simulatione Castinus consul, iras tyranni in se simulans concitatas, Africam illi proditione subige-

ret, tentando fidem exercitus, et eum ab ipso Bonifacio avertendo. His vero hujus anni exordio de consule Castino narratis, jam ad res Ecclesiasticas styllum admoveamus.

4. *Augustini Epistola ad Cælestinum de Antonio episcopo Africano.* — Hoc ipso anno, qui primus numeratur Cælestini Romani Pontificis, scripsisse ad eum S. Augustinus Epistolam reperitur: cui cum in primis gratuletur de ipsius electione pacifice facta, quibus ipse urgeretur molestiis, et a quibus ab eo liberari cupiat, significat. Apostolica enim Sedis implorat auxilium, ad quam juste damnatus injuste admodum appellaverat. Rem gestam autem sic ipse narrat¹:

« In magna, inquit, tribulatione positus, hæc ad tuam beatitudinem scripta direxi. Quoniam volens prodesse quibusdam in nostra vicinitate membris Christi, magnam illis cladem improvidus ut incautus ingessi. Fussala dicitur Hipponensi territorio confine castellum: antea ibi nunquam episcopus fuit, sed simul cum contigua sibi regione ad paræciam Hipponensis Ecclesiæ pertinebat. Paucos habebat illa terra Catholicos: cæteras plebes illic in magna multitudine hominum constitutas Donatistarum error miserabiliter obtinebat, ita ut in eodem castello nullus esset omnino Catholicus. Actum est cum Dei misericordia, ut omnia ipsa loca in unitate Ecclesiæ cohærerent; per quantos labores et pericula nostra, longum est explicare: ita ut ibi presbyteri, qui eis congregandis a nobis primitus constituti sunt, expoliarentur, debilitarentur, exæcarentur, occiderentur. Quorum tamen passiones inutiles ac steriles non fuerunt, unitatis illic securitate perfecta. Sed quod ad Hipponem memoratum castellum, millibus quadraginta sejungitur, cum in eis regendis, et eorum reliquiis, licet exiguis, colligendis, quæ in utroque sexu aberrabant, non minaces ulterius, sed fugaces, me viderem latius, quam oportebat extendi, non adhibendæ sufficerem diligentia, quam certissima ratione adhiberi debere cernebam: episcopum ibi ordinandum constituendumque curavi. Quod ut fieret, aptum loco illi congruumque requirebam, qui et Punica lingua esse, instructus: et habebam de quo cogitabam, paratum presbyterum; propter quem ordinandum, sanctum senem, qui tunc primatum Numidiæ gerebat, de longinquo ut veniret, rogans, litteris impetravi; quo jam præsentem, omniumque in re tanta suspensis animis, ad horam nos ille, qui mihi paratus videbatur, omnino resistendo frustravit.

5. « Ego autem, qui utique (sicut exitus docuit) differre potius debui, nolo periculosum precipitare negotium; dum nolo gravissimum et sanctissimum senem ad nos usque fatigatum sine effectu propter quem venerat, tam longe ad propria remeare: obtuli non petentibus quendam adolescentem Antonium, qui mecum tunc erat, in monasterio quidem a nobis a parvula ætate nutritum, sed præ-

¹ L. XXXVI. de erog. milit. ann. I. XIV. de collat. l. v. de donat. et alius. — ² Apud Aug. in append. ep. x. édition. Plantin. — ³ Ibid. ep. XI.

¹ Aug. ep. CCLXI.

ter lectionis officium nullis clericatus gradibus, et laboribus notum. At illi miseri, quid futurum fuerat ignorantes, offerenti cum mihi obedientissime crediderunt. Quid plura? factum est. Esse illis episcopus cepit. Quid faciam? nolo apud tuam venerationem gravare quem nutriendum collegi: nolo deserere quos colligendos timoribus et doloribus parturivi; et quomodo utrumque agam, reperire non possum. Res quippe ad tantum scandalum venit, ut in eum hic apud nos causas dicerent, qui de illius episcopatu suscipiendo, tanquam bene sibi consulentibus, obtemperaverant nobis. In quibus causis cum stuprorum crimina capitalia, quæ non ab ipsis quibus episcopus erat, sed ab aliis quibusdam objecta fuerant, probari minime potuissent, et atque ab eis quæ invidiosissime iactabantur, videretur esse purgatus; tam miserandus factus est et nobis et aliis, ut quicquid a castellanis et illius regionis hominibus de intolerabili dominatione, de rapinis et diversis oppressionibus et contributionibus objiciebatur, nequaquam nobis tale videretur, ut propter hoc vel simul cuncta congesta episcopatu cum putaremus esse privandum, sed restituenda quæ viderentur ablata.

6. « Denique sententias nostras sic temperavimus, ut salvo episcopatu, non tamen omnino impunita relinquerentur, quæ non deberent, vel eidem ipsi deinceps iterumque facienda, vel cæteris unienda (imitanda) proponi. Honorem itaque integrum servavimus juveni corrigendo; sed corripiendo minimum potestatem, ne scilicet eis prævesset ulterius, cum quibus sic egerat, ut dolore justo cum sibi præesse ferre omnino non possent, et cum suo illiusque periculo in aliquod scelus forsitan erupturam impatientiam sui doloris ostenderent. Quorum talis animus etiam tunc, quando cum eis de illo episcopi egerunt, evidenter apparuit; cum jam vir spectabilis Celer, de cuius adversum se præpotenti administratione conquestus est, nullam gerat, vel in Africa, vel uspiam potestatem ». Hæc ipse. Porro Celer hic, de quo scribit Augustinus, magistratu fungebatur in Africa; ad quem ipse alias scribens¹ provocat eum contra Donatistas, ut illos reprimat. De eodem quoque Celere habetur mentio in Epistola² Augustini ad Marcellinum. Reperitur et Celer postea gessisse proconsulatum in Africa sub consulatu Felicis et Tauri. His igitur, quæ ad Antonii causam spectabant, enarratis, implorans Augustinus Apostolicæ Sedis auxilium sic pergit:

7. « Sed quid multis morer? Collabora, obsecro, nobiscum, pietate venerabilis domine beatissime, et debita charitate venerande sancte papa, et jube tibi quæ directa sunt omnia recitari. Vide episcopatum qualiter gesserit: quemadmodum iudicio nostro usque adeo consenserit, communione privatus, nisi prius Fussalensibus omnia redderentur, jam postea ultra Acta æstivatis rebus solidos seposuerit, ut ei communio redderetur; quam

versuta suasionem sanctum senem primatem nostrum gravissimum virum, ut ei cuncta crederet, quem velut omnimodo inculpatum venerando papa Bonifacio commendaret, induxerit; et cætera quæ a me quid opus est recoli, cum memoratus venerabilis senex ad tuam sanctimoniam universa retulerit? In illis autem multiplicibus Geslis, quibus de illo nostrum iudicium continetur, magis deberem vereri ne tibi minus severe quam oporteret, judicasse videamur, nisi scirem vos tam propensos ad misericordiam, ut non solum nobis, quia illi pepercimus, verum etiam ipsi existimetis esse parcendum. Sed ille, quod a nobis aut benigne aut remisse factum est, in præscriptionem vertere ac usurpare conatur. Clamat: Aut in mea cathedra sedere debui, aut episcopus esse non debui; quasi nunc sedeat nisi in sua. Propter hoc enim loca illa eidem dimissa atque permessa sunt, in quibus prius episcopus erat, ne in aliena cathedra contra statuta Patrum translatus illicite diceretur. Aut vero quisquam ita esse debet, sive severitatis, sive lenitatis exactor, ut qui non visi fuerint episcopatus honore privandi, nullo modo in eis aliquid vindicetur; aut in quibus aliquid visum fuerit vindicandum, episcopatus honore priventur? Existunt exempla, ipsa Sede Apostolica judicante, vel aliorum iudicata firmante, quosdam pro culpâ quibusdam, nec episcopatus spoliatis honore, nec relictos omnimodo impunitos, etc.» Hæc Augustinus, subdens et ostendens compluribus aliorum exemplis, aliquot episcopos ita in Africa esse punitos, ut tamen honor episcopatus ab eis non fuerit ablatus. His alia addit, quibus indicat, Antonium ab Africanis episcopis ea sententia condemnatum provocasse ad Bonifacium papam, qui in ea causa rescripserat pro Antonio, si tamen, sicut ipse exposuerat, res se haberet.

8. Quod vero vulgo ferretur, affore executores ab Apostolica Sede directos in Africam, qui Antonium in sedem suam restituerent: his auditis, cum illi essent penitus consternati, id ne accideret, idem Augustinus Celestinum vehementer rogat his verbis: « Non sinas ista fieri, obsecro te per Christi sanguinem, per Apostoli Petri memoriam, qui Christianorum præpositos populorum monuit, ne violenter dominentur inter fratres, etc. » Quid autem ipse Augustinus statuerit animo, si pessimum hominem contingeret in sedem restitui per Romanum Pontificem, dolens ita subdit: « Me sane (quod confidendum est beatitudini tuæ) in isto utrorumque periculo tantus timor et moror excruciat, ut ab officio cogitem gerendi episcopatus abscedere, si per eum, cujus episcopatu per imprudentiam suffragatus sum, vastari Ecclesiam Dei, et (quod Deus avertat) etiam cum vastantis perditione perire conspexero. Recordans enim quod ait Apostolus¹: Si nosmetipsos iudicaremus, a Domino non iudicaremur: iudicabo meipsum, ut parcat mihi qui iudicaturus est vivos et mortuos. Si autem et membra Christi, quæ in illa regione sunt, ab exitiali timore et tristitia re-

¹ Aug. ep. cccx. — ² Aug. ep. clviii.¹ 1. Cor. xii.

creaveris, et meam senectulem hac misericordia iustitiæ fueris consolatus: retribuet tibi et in præsentem et in futura vita, qui per te nobis in ista tribulatione succurrit, et qui te in illa sede constituit». Hactenus Augustinus, summo (ut vides) animi anore confectus.

9. Annuisse quidem Augustino Cælestinum Romanum Pontificem, inde certam capimus conjecturam, quod idem Cælestinus vehementer ipsum coluit Augustinum, et laudibus mirifice celebravit (ut ex ipsius Cælestini litteris inferius dicturi sumus) ejusdemque scripta sarta lecta voluit in Ecclesia esse defensa et custodita. Haud enim par est credere, Cælestinum hæc rogantem et cunctis expentem Augustinum, negaudo, in vehementiorem mœrorem conjicere, quem dilexisse, et magno in honore habuisse, certum est. Quod insuper constat post hæc perseverasse Augustinum suæ Hippoñensi Ecclesiæ episcopum præsidere æque manifestum indicium est, ex animi ejus sententiâ Cælestinum in eadem causa rescripsisse. Vidisti, lector, Ecclesiastici judicii præxim; et ex his, puto, in memoriam revocasti quæ superius dicta sunt de usu appellationis ad Romanam Ecclesiam, et sententiâ expectari solita ab eadem: ut nihil adversus hujusmodi aliquando obvisi sint episcopi Africani, sed tantum in eo refragati, quod ministri executores cum apparitura militari mitterentur. Sed et hæc interdum, cum opus est, jure sancteque fieri, ex ejusdem Augustini sententiâ superius est demonstratum. Meminit autem hujus Epistolæ Augustini ad Cælestinum Possidium in Indiculo ¹.

10. *Joannes tyrannus Africam invadere conatur, Ardaburium ducem capit.* — Quod vero ad Joannis tyranni conatum pertinet: tentasse hoc anno jungere sibi Africam, cui (ut dictum est) Bonifacius præerat, sed restitisse illum, Prosper in Chronico sub hujus anni consulibus docet his verbis: « Joannes dum Africam, quam Bonifacius obtinebat, bello repossit, ad defensionem suam infirmior factus est». Ob id scilicet, quod milites misit in Africam, cum sibi vindicaretur jure belli provinciam. Hæc plane etiam duabus brevioribus illis Augustini et Bonifacii Epistolis significantur, quarum prior Augustini ad Bonifacium sic paucis scripta se habet ²:

11. « Africæ illius (ut audio) miles attingit transmarinus. Sed cujus meriti dux, qui a Catholica veritate dissentit? Quid orem (sicut oportet) ignoro? Adest quidem Africæ olim paratum in Italia bellum: sed tamen non invidéo, illi carissime, Romanicæ; sed dico quod sentio. Non dabit, Divinitate juvante, Catholicus hæretico terga. Tui cordis intentio dirigatur ad Dominum; non militem timebis, non Gothum, non Hunnum ». Hactenus ipse quod Bonifacius valde pius pugnaturus esset adversus milites, quos Joannes tyrannus impius in Africam miserat. Sed quæ ad hæc Bonifacius ³, audi:

12. « Scio quod sit tua sanctitas pro mea vita sollicita: at (et) quæ adversus me tyrannus ille ordinaverit ac disponat, antequam tuum sacerdotium scriberet, novi. Obviamus ad mortem ultro tendentibus, quos nostræ victoriæ (ut credimus) faciet Christus addictos. Sed si erga me meosque omnes aliud voluerit ordinare Divinitas: precare ut animam liberet Deus, et dabitur competens adversario secunda vice responsio. In pugna enim utriusque deservit furor: sed Deus inspiciet causas. Igitur ora, ut dixi; et vincet una Trinitas nobis ». Hæc Bonifacius dux exercitus, cum tenuisset expetitam a tyranno Africæ deditionem.

13. Inter hæc autem adversus eundem Joannem tyrannum Theodosius imperator militi exercitum in Occidentem, sub duce selectissimo Ardaburio, sed, Deo sic disponente, ne militum viribus, vel prudentiâ ducis, sed diviniæ potentie adscriberetur tyranni extinctio, factum est, ut res longe diversum ab optato atque sperato finem fuerit consecuta. Narrat rem paucis Socrates istis verbis ⁴: « Ardaburium cum Salonas venisset, transmisit in Aquileiam; venoque adverso flante, in manus tyranni delatus est. Qui, illo comprehenso, spem concepit, Theodosium necessitate compulsum fore, modo Ardaburium ducem suum salvum vellet, uti ipsum crearet, declararetque imperatorem. His auditis, et Theodosius, et exercitus etiam contra tyrannum missus, anxio et sollicito animo fuit, ne quid mali Ardaburium a tyranno perpeteretur ». Hæc Socrates. Quomodo autem, misso Aspare filio Ardaburii, et pater ejus sit liberalus, et tyrannus extinctus, dicemus suo tempore anno sequenti.

14. *Theodoretus adversus Marcionitas aliosque hæreticos maxime laborat.* — Quod ad res pertinet Orientalis Ecclesiæ, Theodoretus, quem amo superiori creatum diximus episcopum Cyri civitatis, octingentas (ut ipse testatur ²) sub se parœcias habentis, cum regionem illam Marcionitis hæreticis confertam videret, ad eos ab errore liberandos primum omnium adjectic animum, sicque (ut ex ipsius litteris ³ patet) plusquam decem millia ipsorum ad Ecclesiam Catholicam convertit; cum vel unum ex eis ipsum esse lucratum, quasi miraculum videri poterat: nam facilius est invenire Marcionitam a Gentilibus olim occidi, quam a Christianis Ecclesiæ reddidit. Hoc plane munere persuasum habeo eundem Theodorctum adeo sibi Deum conciliasse, ut licet in castris Nestorianorum aliquando militaverit, demum in Ecclesiam, desertor factus impietatis, redierit, atque sancto fine quieverit. Sed age jam aliquid ex certaminibus ejus adversus Marcionitas ab eo editis referamus, ex quo reliqua plura ejus certamina, que nos latent, cogitatione saltem assequi possumus. Ipse enim in Historia sanctorum Patrum, cum res præclare gestas a S. Jacobo anachoreta memoriæ prodidit, hæc de his habet ⁴:

¹ Possid. in Indic. c. 7. — ² Aug. ep. IV. in append. — ³ Apud Aug. ep. v. in append.

⁴ Socr. l. VII. c. 23. — ² Theod. epist. ad Leonem. — ³ Theod. ep. cxlvi. — ⁴ Theod. hist. sanct. Patr. c. 21.

15. « Execrandus Marcio multas spinas impietatis seminavit in regione urbis Cyri. Eas cum conarer evellere radicatis, omnem laborem subibam, et omnibus machinis assidue utebar. Qui autem mea fruebantur cultura, cum me eo nomine deberent diligere, detrahebant mihi: ego autem orabam, et reddebant mala pro bonis, et odium pro dilectione mea: et magicis utentes prastigiis, et malignorum freti ope dæmonum, conabantur bellum gerere, quod sub visum non caderet. Et noctu venit quidam dæmon exitialis, clamans, et lingua utens Syriaca: Cur (inquiens) tu bellum geris cum Marcione? Cur hanc pugnam adversus eum suscipis? Quanam is te unquam affecit molestia? Desine belligerare: desiste a malevolentia: aut discas experientia, quantum bonum sit quies. Scias quod te jampridem confodissem, nisi eorum martyrum te custodientem vidissem cum Jacobo. Hæc ego audivi, et dixi cuidam ex familiaribus, qui prope me dormiebat: Andis (inquam) quæ dicuntur? Ille vero: Omnia (inquit) audivi: et cum vellem surgere et respicere, et scire quis loqueretur, tua causa quievi, quia te putare loquere. Ambo itaque surgentes, respeximus; neque ullum qui moveretur vidimus, nec quis loqueretur audivimus. Illa verba alii quoque, qui nobiscum habitabant, audiverunt. Intellexi igitur, quod martyrum quidem chorum dicebat lecythum olei martyrum, qui cum a multis martyribus collectam haberet benedictionem, pendebat in meo lecto. Sub meo autem capite erat magni Jacobi vetus amictus, qui quovis clastro adamantino fuit mihi validior.

16. « Quin etiam cum eorumdem Marcionitarum maximum vicum essem ingressurus; deinde multa essent intermedia, quæ mihi prohibebant exitum: misi ad meum Isaiam, rogans, ut divinum consequeretur auxilium. Ille vero: Esto (inquit) bono animo. Soluta sunt omnia illa impedimenta instar telæ aranearum: idque noctu me decuit Dominus, non in somno obumbrans, sed revera ostendens. Vidi enim (aciebat) cum incepissem hymnodiam, in illa parte, in qua illa loca sita sunt, serpentem quemdam ignis speciem præ se ferentem, qui ab Occidente reptabat in Orientem, et ferebatur per medium aërem. Cum orationes autem tres peregissem, rursus vidi inflexum, et orbiculatam ostendentem figuram, et ejus caudam capiti conjunctam. Cum rursus autem octo orationes absolvissem, adspexi eum in duas partes dissectum, et in fumum resolutum. Hæc ipse Jacobus quidem prævidit: nos autem vidimus exitum, qui consentit ejus prædictioni. Mane enim mali auctoris demonis imperio parentes, qui olim quidem erant sectæ Marcionis, nunc autem sunt classis Apostolicæ, ab Occidente profecti, nudos nobis enses ostendebant. Hora autem diei tertia simul coacti, curam gerebant suæ solum custodiæ, sicut serpens qui cauda caput suum contextit. Octava autem dispersi dederunt

nobis locum ingrediendi in vicum. Statim autem invenimus serpentem factum ex ceris materia, qui ab his adorabatur. Cum enim adversus opificem, et universorum creatorem bellum aperte suscepissent, execrandum serpentem, tanquam illius hostem, colere intendebant. Talia ego beneficia a mihi venerando capite sum consecutus.

17. « Quoniam autem divinarum revelationum narrationem ingressa est oratio, age narrabo quæ audivi ab illa lingua ab omni mendacio aliena. Narrabat non illa gloria inductus cupiditate (fuit enim divina anima illa ab eo vitio remotissima) sed cum illum quidam usus coegebat dicere, quæ volebat celare. Supplex ab eo contendebam, ut oraret Deum universorum, ut redderet mihi segetem mundam a zizanitis, et a seminibus hæreticis eam omnino liberaret: me enim velle angebat abominandi Marcionis error, qui plurimum invalueraat. Dixit itaque ad me oratus: Nec me, nec ullo alio tibi opus est ad Deum intercessore. Habes enim Joannem illum insignem, Verbi vocem, Domini præcursores, has pro te preces assiduo offerentem. Cum autem ego dicerem, me et ejus credere orationibus, et aliorum sanctorum Apostolorum, et prophetarum, quorum ad nos nuper delatae sunt reliquiae: Esto (inquit) bono animo. Habes Joannem Baptistam. Sed nec cum sic passum silere: sed multo magis urgebam, interrogans, et scire desiderans, cur ejus potius meminisset. Ille autem: Vellem (inquit) amplecti et deosculari ejus amabiles reliquias. Cum autem dixissem: Non afferam eas, nisi pollicitus fueris te ea dicturum, quæ videris: atque ipse quidem esset pollicitus. Ego vero postridie attuli ea quæ desiderabat: et cum omnes jussisset abscedere, hæc mihi soli narravit:

18. « Quando hos, inquit, civitatis patronos, qui a Phœnicia venerant et Palestina, cum Davidica excepti chorea: venit mihi in mentem cogitare, num hæc essent illius insignis Joannis reliquiae, et non alterius martyris qui ejus esset nominis. Post eum ergo diem ego quidem stabam ad hymnos decantandos: video autem quemdam candida veste indutum, atque dicentem: Frater Jacobe, cur nobis advenientibus non venisti obviam? Cum autem ego rogarem, quisnam esset: respondit dicens: Qui a Phœnicia, et Palestina nuper venimus; et cum prompto, et alacri animo nos omnes excepissent et pastor, et populus, et cives, et rustici, in solus eorum honoris non fuisti particeps. Innuebat autem eam, quæ fuerat, dubitationem. Ad hæc ergo dicit se dixisse: Absentibus et vobis et aliis, et vos honoro, et adoro Deum universorum. Rursus autem die sequenti, eodem tempore, cum ille ipse apparuisset: Vides (inquit) frater Jacobe, eum illic stantem, cujus quidem vestis est colore nivi similis: est autem prope illum positus ignis cibanus. Cum autem ego illum oculos convertissem, et illum esse Joannem Baptistam conjecissem; nam et vestitu erat indutus et manum habebat ut baptizans: Is est (inquit) quem tu conjecisti. Quin etiam (inquit Ja-

cobus) cum tu aliquando noctu ad primum vicum ad seditiosos, eos docturus abires; et ut ego majori et vehementiori studio Deo offerrem orationem mandasses: tota nocte vigilavi, rogans Dominum. Deinde audivi vocem dicentem: Ne timeas, o Jacobe: magnus enim Joannes baptista tota nocte orat Deum universorum. Facta enim fuisset magna cades, nisi illius intercessione extincta fuisset diaboli audacia. Hæc cum mihi narrasset, præcepit ut ego solus scirem, et ne alios assumerem conscios. Ego autem utilitatis gratia, non solum multis narravi, sed etiam mando scriptis». Hactenus de his Theodoretus acceptam ferens conversionem Marcionitarum S. Joannis Baptiste precibus, et Jacobi anachorete apud Deum pro ea causa legatione fungentis.

19. Porro non solum cum Marcionitis fuit Theodoretus conflegendum, sed cum aliis quoque hæreticis suam ipsius Ecclesiam labefactantibus, de quibus ipse ad Nomentum consularem hæc habet¹: «Vicos octo Marcionis hæresi laborantes una cum vicinis locis ad veritatis agnitionem libenti animo duxi: alium præterea vicum Eunomianorum plenum, et alium Arianorum in lucem veritatis accedere procuravi: et divina ope, ne unum quidem apud nos extat hæreticorum zizanium, aut germen. Nec ista sine periculo feci, sed sanguinem sæpius effudi meum, sæpe etiam ab ipsis lapidatus fui, et sæpe ad inferorum et mortis portas perveni. Sed jam insipiens factus sum, dum glorior: hæc autem

ex necessitate, non autem ex animo a me dicta sunt: hoc etiam beatissimus Paulus facere aliquando coactus est». Hæc quidem ipse, cum gravissimarum procellarum impetu quateretur, prodere compulsus est, ut suo loco dicemus. Rursus vero idem ipse eadem pernotata occasione, in epistola quam scripsit ad cultores vitæ monasticæ hæc de iisdem¹: «Ego vero lugeo et suspiro, quod eas quas paulo ante illis qui labe Marcionis erant infecti, attuli demonstrationes, ex quibus plures quam decem millia, divina gratia et opere ad sanctissimum duxi baptismum, easdem nunc illis qui habiti sunt nobiscum fideles, ob eam quæ orla est infirmitas et hæresis, iterum allerre me cogit». In testimonium scilicet bene administratæ Ecclesiæ. Porro ex hoc numero decem millium Marcionitarum ad Deum conversorum, restituendus est textus ejusdem Theodreti in Epistola ad S. Leonem papam, ubi legitur mille, loco decem millium. Sed de Theodreti rebus gestis, cæptis anno superiori ipso episcopatus sui exordio, in his quæ spectant ad Marcionitarum conversionem, modo satis. Illud vero nunc non prætereundum, ipsius quoque festificatione exploratum haberi tempore Theodoti, et ejus qui ante eum præfuit Ecclesiæ Antiochenæ, et qui postea, imo et postquam Joanni subrogatus est Dominus episcopus, ipsum Theodoretum perseverasse Antiochiæ docere populum: testatur id quidem ipse in Epistola² ad Dioscorum episcopum Alexandrinum.

¹ Theod. ep. LXXXI.

¹ Theod. ep. CXLVI. — ² Theod. ep. LXXXI.

Anno periodi Græco-Romanæ 5917. — Jesu Christi 424. — Celestini papæ 3. — Theodosii Jun. 23. et 17.

1. *Consules.* — Coss. *Castinus* et *Victor*, ille in Occidente, ubi supra diximus fuisse magistrum militum, hic in Oriente, ut ostendunt leges Theodosii hoc anno date, et ejus solius consulatus notatæ; ut enim sæpius monuimus, in Oriente, si in actis publicis unius tantum consulis mentio fieret, Orientalis memorabatur, et vice versa; quod cum Baronius non animadvertisset, existimavit *Castinum* e fastis fuisse expunctum; cum tamen anno tantum sequenti e gratia Theodosii imp. exciderit, ut mox narro.

2. *Castinus anno sequenti in exilium missus.*—

A num. 1 ad 4. Prosper in Chronico ad consulatum Mariniani et Asclepiodoti anno superiori gestum, scribit: Honorius moritur; et regnum ejus Joannes occupat, connivente, ut putabatur, Castino, qui exercitui magister militum præerat». Tum ad consulatum Theodosii XI et Valentiniiani, ad annum nempe sequentem, postquam tyrannum profligatum fuisse narravit, ait: «Castinus in exilium actus est; quia videbatur Joannes sine conniventia ipsius non potuisse præsumere». Quare cum anno tantum sequenti aperte imperatori ingratus fuerit, et in exilium missus, consulatus ejus omni perturbatione

vacavit. Neque nomen ejus fastis erasum verisimile est; cum *Castinus* ab Honorio imperatore Occidentis consul creatus fuerit, et hoc anno *Joannes tyrannus* in Occidente nominatus sit.

3. *S. Augustinus scribit Celestino PP. de Antonio episcopo Fussalensis.* — A num. 4 ad 10. Epistola Augustini cccx, alias cccxi, ad *Celestinum* Romanum Pontificem, qua ei de ejus electione pacifice facta gratulatur, eique exponit causam *Antonii* episcopi Fussalensis, qui administratione Ecclesie suae ob scelera privatus ab eodem Augustino appellaverat ad Sedem Apostolicam, data est sub finem anni cccxxi, quo *Celestinus* die X Septembris ordinatus est Pontifex Romanus, quod non tantum ostendit Augustini congratulationem; sed etiam *Antonii* in Numidia Synodo damnati appellatio ad Bonifacium; qui inferea defunctus erat, eique *Celestinus* suffectus appellationem admiserat. Quare hujus Epistolae epocha a Patribus Benedictinis accurate consignata. Ex ea vero Epistola inter alia intelligimus, hoc saeculo, quemadmodum, et in praecedentibus, episcopatum dimittere, si graves causae intercederent, permissum fuisse. Nam sanctus Augustinus de cedendo episcopatu Hipponensi cogitavit, propter scandala ejusdem Antonii, quem ipsemet ad episcopatum promoverat, ut imprudentiam suam, hac in se animadversione castigaret: « Ego, inquit, Fussalenses Catholicos filios in Christo meos, et Antonium episcopum filium in Christo meum, benignitati caritatis sanctitatis tuae, quia utrosque diligo, utrosque commendo, etc. Me sane, quod confitendum est beatitudini tuae, in isto utrorumque periculo, tantus timor, et mæror excruciat, ut ab officio cogitem gerendi episcopatus abscedere, et me lamentis errori meo convenientibus dedere, si per eum, cujus episcopatus per imprudentiam suffragatus sum, vastari Ecclesiam Dei, et, quod ipse Deus avertat, etiam cum vastantis perditione perire conspexero ». Anno cccxxiv cessionis *Silvani* episcopi in Thracia exemplum afferemus.

4. *Exercitus adversus Joannem tyrannum ex Oriente missus.* — A num. 10 ad 14. Gesta hoc anno adversus *Joannem* tyrannum his verbis recitat Olympiodorus: « Remissa est Constantinopoli a Theodosio Placidia cum liberis, adversus Joannem tyrannum: et illa quidem Augustae nomen, Valentinianus vero nobilissimi titulum iterato suscepit. Submissus quoque exercitus, bellique imperator utriusque militiae, Ardaburius nimirum cum Aspare filio. Ad Thessalonicam cum ventum esset, Helion officiorum magister a Theodosio missus, Valentinianum in illa ipsa urbe Caesaris veste induit, annos natum non amplius quinque. Cum autem ad Italiam pervenissent, Ardaburius a tyranni militibus capitur, missusque ad illum amicitiam cum eodem init. Ejus interim filius Aspar una cum Placidia in magna rerum desperatione luctuque versabantur. Sed Candidianus multis occupatis urbibus, partaque rebus bene gestis nominis claritate, luctum dissipavit, animosque reddidit ». Porro Joannes fuit

« Vir leni animo, rerum intellectu valens et virtutem suo pretio asstimare gnarus, quinque per annos imperium tenuit, moderate usus. Nam nec de latrobus aurem dedit, nec ullius injuste caedis sponte auctor fuit, nec inhiavit rebus alienis. Ceterum in Barbaros nihil agere voluit, quod Byzantinam vim sibi adversam experiretur », inquit Procopius lib. 1 de Bell. Vandal. cap. 3. Joannis etiam clementia, prudentia atque moderatio apud Suidam, in voce *ἰοάννης*, iisdem fere verbis ac apud Procopium commendatur; sed cum apud Suidam haec verba, *πέντε ἔτη*, id est, *per annos quinque*, non legantur, apparet, ea in Procopium inserta fuisse; cum aliunde *Joannem* per quinquennium principatum exercuisse prorsus sit a veritate alienum, et hoc vix potuerit Procopius ignorare.

5. *Valentinianus Caesar renuntiatur.* — *Valentinianus* Caesar nuncupatus est, post diem decimum mensis Octobris currentis anni; lex enim 33 Cod. Theod. *De amona et tributis*, de qua mox, eo die Constantinopoli data, Theodosii duntaxat nomen praefert, ideoque post eum diem Valentinianus, qui jam in Occidentem missus fuerat, Caesarea veste indutus, dum Thessalonicae esset. Ex laudatis Olympiodori verbis liquet, Valentinianum anno tantum cccxxi natum esse, ut anno cccxxviii, num. 73 ostendi. Olympiodoro suffragatur Frigeridus apud Turonensem lib. 2, cap. 8, qui ait: « Post divi Honorii excessum, Valentinianum puerulum, uno tantum imperato peracto, a consobрино Theodosio imperatorem fuisse creatum ». Prosper in Chronico sub hujus anni coss. scribit: « Joannes dum Africam quam Bonifacius obtinebat, bello reposeit, ad defensionem suam infirmior factus est ». Sed Epistolae duae Augustini ad Bonifacium iv scilicet et v, quibus hoc probat Baronius ex earum numero sunt, quas anno cccxxi supposititas esse ostendimus.

6. *Singulare privilegium Thessalonicensi Ecclesiae concessum.* — Theodosius 1^o id. Octob. Constantinop., Victore V. C. cons. dedit legem 33 Cod. Theod. *De amona et tributis*, qua Macedonicae dioceseos provinciarum tributi modum sancit, et Thessalonicensi Ecclesiae immunitatem a tributis firmat. Quod singulare privilegium uni in tota Macedonica diocesi, imo in tota praefectura pratoriana Illyrici, Thessalonicensi Ecclesiae concessum, quanta ejus claritas esset demonstrat. Hinc non sine elogio in ea lege nominatur: « Sacrosancta », inquit Theodosius, « Thessalonicensis Ecclesia civitatis excepta ». Hanc legem memorat Baronius sub Cari imperio anno cclxxxiv. num. 5, quod in Codice Justiniano lege 8 *de Sacrosanctis Ecclesiis*, per errorem librariorum *Caro* imperatori attribuitur, ut jam anno cclxxxiii observavi. Verum rescriptum istud ad eum annum pertinere non potest; cum in eo imperator dicat: « Quae dispositio in perpetuum observanda, initio indictionis octavae congruum sumere debet exordium ». Indictio enim octava kalendis Septembris currentis anni inchoata; anno vero quo illud recitat Baronius, Indictiones non-

dum institutæ erant; neque *Victor* eo anno consummatum gessit, ut recte Gothofredus in hujus legis Comment. observavit.

7. *Vicariatus totius Illyrici episcopo Thessalonicensi continuatur.* — Holstenius in Collectione Romana exhibet Epistolam *Cælestini* pape, *Perigeni* aliisque novem episcopis per Illyricum constitutis inscriptam, datam sine die et consule, et recitatam in Synodo Romana a Bonifacio II celebrata. Ex ea Epistola discimus, *Felicem* episcopum provincie Dyrracena, quorundam accusantium factione circumventum pæne oppressum fuisse, si *Cælestinus* diligentia non intervenisset. Ea occasione *Cælestinus* Illyricianis episcopis significat, jam inde ab antiquitate Sedem Apostolicam derivasse partem aliquam suæ sollicitudinis in provinciis Illyricianis, earumque curam Thessalonicensi Ecclesiæ semper esse commissam; confirmasse se eam auctoritatem *Rufo* episcopo Thessalonicensi, cui eos obedire præcipit in omnibus causis Ecclesiasticis. Tum declarat causas, quæ sine *Rufi* auctoritate et consensu agi non possent, nimirum episcoporum ordinationes, Conciliorum celebrationes, et majorum causarum relationem ad Sedem Apostolicam: « Sine ejus consilio », inquit *Cælestinus*, « nullus ordinetur, nullus usurpet eodem inconscio commissam illi provinciam; colligere nisi cum ejus voluntate episcopos præsumant, per eum etiam ad nos, si quid est, referatur ». Excommunicationis mox pœnam intentat illis, qui his constitutis Apostolicæ Sedi non obedierint: « Sed hac præceptione cognoscent et eum, qui refragandum nostræ auctoritati, vel illius crediderit jussioni, a fraternitatis cœtu, cum ipse se separet, segregandum ». Ostendit hæc Epistola, quam ægre Illyriciani episcopi Thessalonicensis vicariatui sese subjicerent. Est porro *Dyrrachium* urbs Macedonia, posita in ora occidentua maris Ionii, inter Brundisium Italiæ urbem et Thessalonicam.

8. *Synodus Antiochena adversus Pelagianos.* — Habita Synodus *Antiochiæ* circa hæc tempora contra Pelagium, qua is ex Hierosolymitana diocesi expulsus est, ut docet Mercator in Commentorio cap. 3. « Adhuc etiam Hierosolymis constitutus Pelagius accusatus fuit apud Synodum », scilicet Diospolitana anno cdxv habitam, « et primo quidem tergiversando, ambiguis quibusdam se professionibus tegens, et prosequens dubia, vel respondens, illam tunc videtur episcoporum audientiam delusisse. Sed postmodum evidenter deprehensus, insistentibus accusatoribus a posteriore Synodo, cui sanctæ memoriæ Theodotus Antiochiæ præsedidit

episcopus, atque delectus, a sanctis quoque et venerabilibus Hierosolymorum locis est deturbatus. Quod ejusdem sancti Theodoti ad reverendissimum Urbis Romæ episcopum, et sanctæ recordationis Prayllii Hierosolymitani episcopi missa scripta testantur, quorum exemplaria ad documentum habemus in manibus ». Cum ergo Pelagius recte fidei professor a Joanne Hierosolymitano, iterumque ab Eulogio metropolitano Casareensi judicatus fuisset, ad *Theodotum* totius Orientis patriarcham appellationem iterum Orthodoxi interponere, quanto *Theodotus* Ecclesiam Antiochensem regebat. Ex laudatis porro Mercatoris verbis liquet, *Prayllum*, Joannis successorem qui anno cdxvii ad Innocentium papam pro Pelagio litteras dederat, Pelagii postea erroribus, quos homo versipellis mille fucis dudum obduxerat, probe cognitis, illum ex sua diocesi exturbasse. Garnerius in dissert. de Synodis in causa Pelagianorum habitis, ad hanc Synodum Antiochenam refert verba Photii in Biblioth. Cod. lxx: « Porro hæc quidem Pelagiana seu Cælestiana hæresis, non in Oriente dumtaxat viguit, sed etiam Occidentem pervasit, et Carthagine in Africa ab Aurelio atque Augustino deprehensa et convicta variisque publice Conciliis damnata est. Ejecti vero, qui cum his sentirent, tanquam hæretici, extra Ecclesiam, temporibus episcoporum Theophili Alexandriæ, et Innocentii Urbis Romæ, tam a Romanis, quam Africanis, cæterisque Occidentis episcopis », atque Garnerius, loco *Theophili Alexandriæ*, legendum esse *Theodoti Antiochiæ*, quod Theophili temporibus Pelagiani vix involuerint in Oriente. Verum Photii locus purus est, recteque is asserit, Pelagianos *Theophili* temporibus ejectos fuisse extra Ecclesiam tanquam hæreticos; cum *Theophilus* usque ad mensem Octobrem anni cdxii vixerit, eoque anno *Cælestinus* Pelagii discipulus in Concilio Carthaginensi ab Aurelio primatè damnatus fuerit. Nec refert quod *Theophili* temporibus hæresis Pelagiana vix in Oriente involuerit; cum Photius non asserit, *Theophilum* Pelagianos ex Oriente expulisse, sed tantum, eo Ecclesiam Alexandrinam regente, *Pelagianos* ex Ecclesia ejectos fuisse, quod in dubium revocari non potest. Nec minus verum est quod asserit Photius, casu quo hæc damnatio *Theophilum* latuerit; Photius enim non dicit, eum in aliquam hujus rei partem venisse, aut eam ejus opera factam esse. Denique scribere non potuit Photius *Theodoti et Innocentii* temporibus Pelagianos Ecclesia ejectos esse; cum Innocentii tempore non *Theodotus*, sed *Alexander* ejus decessor Ecclesiam Antiochenam administravit.

CÆLESTINI ANNUS 2. — CHRISTI 425.

4. *Valentinianus Augustus.* — Sequens annus Domini quadringentesimus vicesimus quintus, consulibus Theodosio Aug. undecies, et Valentiniano Cæsare ejus consobriño, Occidentali imperio felix illuxit : cum, extincto Joanne tyranno, reddita pace, ipse Valentinianus a Theodosio Augustus est appellatus, ut sanctus Prosper¹, Socrates², et Marcellinus³ testantur. Id autem hoc anno contigit-e, die vero decimo kalendas Novembris, idem Socrates tradit : qui addit, venientem ipsum Valentinianum Constantinopolim, aegritudine detentum fuisse Thesalonice, accepisseque⁴ ibi per Helionem Patricium a Theodosio imperii coronam. Verum hæc de morbo evenisse anno superiori, ex eo redditur exploratum, dum liquet hoc ipso anno eundem Valentinianum Augustum mense Julii fuisse Aquileie, uti rescripta ab eo ibi data declarant, de quibus agemus inferius.

2. *Joannis tyranni clades et exitus ; et de Hunnis victoria.* — Sed quomodo se habuerit Joannis tyranni exitium, a Socrate⁵ descriptum ponamus : « Aspar, inquit, filius Ardaburii, cum et patrem a tyranno comprehensum, et infinitas Barbarorum copias ad auxilia tyranno ferenda accessisse, certior factus esset, omnino incertus animi erat, quid ageret. Hæc preces pii imperatoris illo tempore rursus plurimum momenti habuisse, constabat. Nam Angelus Dei in habitu et forma pastoris ducem itineris Aspari se præbuit, et per stagnum Ravennæ adjacens (in ea namque civitate tyrannus commoratus, ducem Ardaburium tenuit) copias ejus deduxit, qua via nemo unquam iter fecisse commemoratur. Deus igitur, qua transiri non poterant, transitum Aspari patefecit. Ille tum copiis per stagnum, cujus aqua divina ope penitus exhausta fuit, traductis ; portas civitalis, quas apertas offendit, ingressus tyrannum opprimit.

3. Quo tempore etiam imperator sanctissimus (cui ludos Circenses peragendi significatum est, tyrannum e medio sublatum esse) suam eximiam erga Deum pietatem perspicue declaravit. Sic enim

populum affatur : Relictis his oblectamentis, hæc potius (si videtur) nos referamus, et ad ecclesiam perfecti preces Deo, quibus illi pro tyranno ipsius manu occiso agamus gratias, pie fundamus. Quæ cum dixisset, non modo spectaculis finis impositus fuit ; verum etiam omnibus illis neglectis, per medium Circum, una voce gratiarum actionem pariter cum imperatore decanantes iverunt. rectaque ad ecclesiam Dei contenderunt ». Hæc Socrates : qui caute quidem atque prudenter facta hæc non Asparis ducis virtuti, sed imperatoris religioni esse accepta ferenda docet. Etenim constat, tum Ardaburium, tum Asparem ejus filium militiæ magistrum secta fuisse Arianos, de quibus inferius pluribus dicendum erit. Hic finis tyranni, qui Imperii sui primordia ab imminutione Ecclesie jurum est auspicatus. Vides, quomodo Spiritu Dei flante, bulla tumens repente disrupta est.

4. At non hic finis belli : siquidem post extinctum Joannem tyrannum, confligendum etiam fuit cum Aelio fortissimo duce, sub se habente sexaginta millia Barbarorum, quos fuisse Hunnos, Prosper¹ affirmat. Sed pugnatum est, et utrinque cæde peracta, sic res inter eos compositæ sunt, ut Aetius auctus comitalis dignitate, ab imperatore recipere-
retur ; Hunni vero auro donati, ad propria remitterentur. Sic igitur Dei ope factum est, ut maximus orbis motus brevi temporis spatio sedatus fuerit, extincto nequissimo imperii perduelle, et Barbaris, qui vocali fuerant in Italiam, absque comprovincialium damno pacifice abire jussis, Galla Placidia Augusta cum Valentiniano filio Augusto in Italia summa pace regnantibus, quorum quidem felicitatis hoc tempore prægrande cusum aureum numisma extat, in cujus altera parte Valentinianum Augustum habes, dextera volumen (ut creditur) Evangelii, sinistra super globum geminam crucem margaritis ornatum tenentem : altera vero parte intueris ipsam Gallam Placidiam Augustam, dextera erigentem, quæ oppressa a tyranno jacebat, Italiam ; sinistra vero gemmatam crucem gestantem, cujus potentia Occidentale imperium, post

¹ Prosp. in Chron. — ² Socrat. l. vii. c. 24. — ³ Marcell. in Chron. — ⁴ Socrat. l. vii. c. 25. — ⁵ Ibid.

¹ Prosp. in Chron.

Honori obitum a tyranno præceptum, absque ullo ferme negotio recepisset ¹.

5. *Theodosii sanctio de restituendis Ecclesie juribus et contra hæreticos.* — Verum hæc omnia (ut dictum est) præci omnes historici Theodosii pietati tribuerunt, qui ob Catholice religionis patrocinium tot tantaque a Deo beneficia consequi meruit, dum piis sanctisque operibus divinum sibi numen conciliavit, ut ipsius exordio exorte tyrannidis ante annum superiorem abunde satis diximus, quibus plane jungenda sunt, quæ idem Theodosius imperator, hujus quoque anni exordio, ac deinceps pro Christiana religione decreta sancivit; inde et ad prospera cuncta gerenda Divinitatem reddidit sibi propitiam. Mense enim Februarii ipsi kalendis ad Asclepiodotum PP. ita scripsit de sacris festis diebus religiose sancteque absque spectaculorum impuritate servandis ² :

6. « Dominico, qui septimanæ totius primus est dies, et Natale, atque Epiphaniarum, Christi Paschæ, et in Quinquagesime diebus, quandiu cælestis lumen lavaci imitantia novam sancti baptismi lucem vestimenta testantur; quo tempore et memoratio Apostolice passionis totius Christianitatis magistræ a cunctis rite celebratur : omni theatrorum atque circensium voluptate per universas urbes earundem populis denegata, totæ Christianorum ac fidelium mentes Dei cultibus occupentur. Si qui etiam Judæi impietatis amentia, vel stolido paganitatis errore et insaniam detinentur : aliud esse supplicium noverint tempus, aliud voluptatum. At ne quis existimet in honorem numinis nostri, veluti majore quadam imperialis officii necessitate compelli, et nisi divina religione interrupta, spectaculis operam præstet, subeundam forsitan sibi nostræ serenitatis offensam, si minus circa nos devotionis ostenderit, quam solebat : nemo ambigat, quod tunc maxime mansuetudini nostræ ac humano genere defertur, cum virtutibus Dei omnipotentis ac meritis universi obsequium orbis impenditur. Dat. kal. Februarii, Constantinopoli, Theodosio A. XI et Valentiniano Cæs. cons. » Hæc idcirco, quod in spectaculis coronare solentur imagines imperatorum, et faustis eas acclamationibus prosequi ; quibus quidem, ob propensorem divinum cultum festis diebus exhibendum, imperator volens libensque carere voluit. Qui autem præcipui festi dies essent apud Christianos, et celebriori honore recepti, eadem sanctione significantur.

7. Sed et Valentinianus pro acceptis adeo insignibus a Deo muneribus, pro gratiarum actione piis valde hoc anno sub iisdem consulibus edidit sanctiones : adeo ut nihil sibi antiquius fuisse visum fuerit, quam ut ea quæ Joannes tyrannus abstulerat, privilegia Ecclesie concessa, illibata servari debere, edita sanctione, cunctis redderet manifestum, ita rescribens ad Georgium proconsulem Africæ ³ :

« Privilegia præteritarum legum, Ecclesie sive clericis delata, serventur, etc. Dat. prid. non. Julii, Aquileia, D. N. Theod. Aug. XI et Valentin. Cæs. cons. » et ad Bassum comitem rerum privatarum idem hæc mense Octobris ¹ :

« Privilegia Ecclesiarum omnium, quæ sæculo nostro tyrannus invidenter, prona devotione revocamus : scilicet, ut quicquid a divinis principibus constitutum est, vel quæ singuli quique antistites pro causis Ecclesiasticis impetrant, sub pœna sacrilegii, jugi solidata æternitate serventur. Clericos etiam, quos indiscretum ad sæculares iudices debere deduci, infaustus præsumptor edixerat, episcopali audientiæ reservamus. Fas enim non est, ut divini muneris ministri temporalium potestatum subdantur arbitrio, etc. » Quæ desunt reliqua constitutionis hujus in codice Theodosiano jam cuso, ex scripto antiquo volumine ita suppleuntur. « Itaque auctoritas tua in omni ævo mansura in provinciarum missa notitia, præcipiat, etiam sub pœna sacrilegii, custodiri. Specialiter id illustribus comprehensura præcepit, ut in omnibus circa Ecclesiastica veterum principum statuta serventur. Diversos vero episcopos nefarium Pelagiani, et Cælestiani dogmatis errorem sequentes, per ² Patroclum sacre legis antistitem præcipimus conveniri. Quos quia confidimus emendari : nisi intra viginti dies a conventionis tempore, intra quos deliberandi tribuimus facultatem, errata correxerint, seseque Catholicorum fidei reddiderint ; Gallicanis regionibus expelli, atque in eorum locum sacerdotum fidelium subrogari ; quatenus præsentis erroris macula de populorum animis legatur, et futura bonum disciplinæ jussionis instituat. Sane quia religiosos populos nullis decet superstitionibus depravari, Manichæos, etc. » Prout inferius ex eodem cuso codice Theodosiano descripta leges, et post hæc quæ sequuntur. « Judæis quoque vel Paganis causas agendi, vel militandi licentiam denegamus, quibus Christianæ legis nolumus servire personas, ne occasione dominorum vitam veneranda religionis immutent. Omnes igitur personas erroris infanasti jubemus excludi, nisi his emendatio matura subvenerit. Datum octavo idus Julii Aquileia, consul. domino Theodosio Aug. XI et Valentiniano Cæs. cons. In cuso autem codice sic. Dat. VIII id. Octobris, Aquileia, D. N. Theodosio A. XI et Valentiniano Cæs. cons. »

8. Vidisti, lector, quæ invasor imperii, et Jurium Ecclesiasticorum violator tyrannus primo ingressu lege sancierit ; vel idque tanquam fœnum, quod velociter arescit, quam citissime defecisse ; nec quicquam ei profuisse centum ferme millia Barbarorum in Italiam advocasse, cum miser pene solus ab Aspare angelico ductu imparatus offensus capitur, et jugulatur : contra vero de immuni tyranno, Barbarorum copiis præpotente, imbellem periculum Valentinianum, instar David, insperatum retulisse triumphum : qui et pro gratiarum

¹ In museo Hieron. Manlio Canon. S. Mariae Majoris de Urbe. — L. v. de spectac. C. Theod. — ² L. XLVI. de Episc. et cler. C. Theod.

¹ L. XLVII. C. eod. — ² Patroclus erat Episcopus Arelatensis,

actione has, quas legis, affixit ubique locorum de restituenda libertate Ecclesiastica sanctiones.

9. Quod insuper tyranni favore, hæretici atque schismatici, qui antea legibus Honorii religiosissimi imperatoris compressi erant, jam sublevati capita cepissent erigere, palamque vagari, ac Romæ morari: idem imperator hoc eodem anno, Aquileiæ cum esset, adversus eosdem ejusmodi promulgavit edictum¹:

10. « Manichæos, hæreticos, schismaticos, omnemque sectam Catholicis inimicam ab ipso adspectu Urbis Romæ exterminari præcipimus, ut nec præsentia criminorum contagione fœderent. Circa hos autem maxime urgenda commotio est, qui pravis susationibus a venerabilis papæ sese communionem suspendunt, quorum schismate plebs etiam reliqua viñatur. His, conventionie præmissa, viginti dierum condonavimus inducias; infra quos nisi ad communionis redierint unitalem, expulsi usque ad centesimum lapidem, solitudine quam eligunt, macerentur. Dat. VI kal. Aug. Aquil., Theod. A. XI et Valentin. Cæs. cons. » Sequenti vero mense de fisdem ad proconsulem Africæ ejusmodi rescriptum dedit²:

« Omnes hæreses, omnesque perfidias, omnia schismata superstitionesque Gentilium, omnes Catholicæ legis inimicos insectamur errores. Si quos vero hæc quoque clementiæ nostræ statuta pœna comitetur, et noverint sacrilegæ superstitionis auctores participes consocios proscriptione plectendos: ut ab errore perfidiæ, si ratione retrahi nequeunt, saltem errore revocentur; et universo supplicacionum aditu in perpetuum denegato, criminibus debita severitate plectantur, etc. Dat. prid. non. Aug. Aquileiæ, D. N. Theod. A. XI et Valentiniano Cæs. cons. » Rursus post duos dies sanctionem edidit adversus eosdem, cujus hoc est exordium³:

11. *A Barbaris in imperium grassantibus Theodosius, religionis et virtutum exemplar, divinitus liberatur.* — « Manichæos, hæreticos, sive schismaticos, nisi his emendatio natura subvenerit, etc. Dat. VIII id. August. Aquileiæ, D. N. Theod. A. XI et Valentiniano Cæs. cons. » Sed quæ pro gratiarum actione de perceptis beneficiis persoluta sunt Deo a Christianis principibus munera, eadem ad majora promerenda ab ipso beneficia ampliozem illis viam aperuere. Accidit enim post hæc, ut præter Barbaros illos, qui a Joanne tyranno vocati sese infuderant in Italiam, et ad propria remearant, alii ab eodem solliciti cum parassent adventum, audita morte ipsius haud continere se valuerunt, sed in Romani imperii fines grassati fuerint: quomodo autem Deus absque armis omnes illos consumpsit, desuper fulmina jaculatus in hostes, Socrates describit, cum mansuetudinem prædicat Theodosii istis verbis⁴: Sicut libro Numerorum de Moyse loquitur divina Scriptura: Erat

Moyse vir milissimus super omnes homines qui morantur in terra: idem ipsum de Theodosio imperatore jam dici potest. Propter quam quidem mansuetudinem Deus hostes illius sine proliorum certaminibus subjugavit; sicut cum prophæa contra Joannem tyrannum statuta, tum clades Barbarorum quæ post consecuta est, evidenter ostendunt. Nam Deus talia beneficia in hunc sanctissimum imperatorem contulit, qualia in eos qui olim iustitiam in vita diligenter colebant, contulerat. Atque certe non assentandi studio compulsus hæc scribo; sed revera ita se habere, omnibus deinceps perspicuum declarabo.

12. « Post¹ tyranni necem, Barbari quos ille ad auxilium sibi contra Romanos ferendum accersiverat, in fines imperii Romani incursionem facere constituerunt. Quo audito imperator, uti solebat, istarum rerum curam Deo commendavit: atque precibus se totum dedens, brevi, quod in optatis erat, est consecutus. Quibus autem cladibus Barbari opprimerentur, non incommodum est hoc loco recensere. Primum illorum dux, nomine Cughas fulminis ictu interiit; deinde pestis subsecuta, maximam partem hominum qui ei parebant, e medio sustulit. Neque hoc satis esse videbatur: sed ignis etiam de caelo delapsus, complures eorum qui supererant, absumpsit. Quæ res Barbarorum animis maximum injectit timorem, non tam propterea quod contra bellicosam Romanorum gentem arma ferre ausi fuissent, quam quod Romanos a Deo præpotenti auditos animadverterent. Eo tempore Proclus episcopus prophetiam quamdam ex Ezechiele petitam in Ecclesia docuit, eamque præclare ad salutem jam tum a Deo Romanis datam, non sine maxima omnium commendatione accommodavit. Prophetia autem hæc est²: Tu, fili hominis, vaticinare super Gog principem Rhos, Misoch, et Tohel. Judicabo eum morte et sanguine, et pluvia inundanti et lapidibus grandinis, et igne et sulphur pluam super eum, et super omnes qui sunt cum eo, et in gentes nullas cum eo: et magnificabor, et glorificabor, et notus ero in oculis nullarum gentium, et scient quia ego sum Dominus. Hac de causa Proclus (ut dixi) maximam consecutus est laudem». Hactenus Socrates, quod prudenter appositeque Gog nomen ex rerum eventis Cughæ Barbarorum duci Proclus accommodasset.

13. Sed hic advertite, ne ex tempore sedis Procli episcopi Constantinopolitani, hæc sub eodem jam episcopo accidisse putes; quem post abhinc ferme decemium sedere cepisse, ejusdem Socratis assertionem certissimum est: nulla enim ratio patitur, ut cum hæc ipse evenisse tradat mox post extinctum tyrannum Joannem de gentibus ab eo vocatis, et invitatis ad cladem imperii, et jam loco motis, post novem annos facta fuerint, et nonnisi ad illud tempus illi fines attigerint Romanorum. Sed de Proclo sic illa intelligenda scito, quod cum adhuc presby-

¹ L. LXII. de hæret. C. Theod. — ² L. LXIII. C. Theod. — ³ L. LXIV. de hæret. C. Theod. — ⁴ Socrat. lib. VII. c. 41.

¹ Socrat. lib. VII. c. 41. — ² Ezech. XXXVIII.

ter illa perorasset in Ecclesia coram populo (ut asolet in panegyricis) pro concione laudans Theodosium, res ab eo gestas omnes refexens, ea de Cughia, et aliis Barbaris divinitus extinctis narratione opportuna fuerit prosecutus.

14. Porro quem Socrates Cugham appellat, Theodoretus eandem narrans historiam, Rhoilam nominat, dum eandem rem gestam (ne diversam putes) sic refert, gratias Theodosio divinitus imperfitas recensens ¹: « Cum Rhoilas dux Scytharum, qui Nomadæ dicuntur, trajecto Istro, cum ingentibus copiis Thraciam populari et prædas agere inciperet; ac Constantinopolim urbem primariam obsessurum, et momento temporis capturum, atque adeo solo æquaturum minaretur: Deus fulminum jactu, et facibus caelitus demissis cum illum combussit, tum universum exercitum penitus absumpsit ». Ille Theodoretus, eadem quoque Nicephorus ². At licet diversitas in nomine sit (accidere namque solet eundem hominem sæpe diversis nominibus nominari) rem tamen non diversam, sed eam probe testatam unam eandemque fuisse, nulla potest esse dubitatio, cum iidem in eandem sententiam conveniant, remque narrent, et posteris tradant, quæ suis temporibus accidisset.

15. Theodoretus igitur una cum Socrate laudibus celebrans Theodosii imperatoris mansuetudinem, et piæ erga Deum cultum, quorum causa tot tantaque a Deo beneficia est consecutus, ut tyrannos, et Barbaros in Romanum imperium grassantes, absque suorum sanguinis effusione compresserit; ne rem verbis tantum agere videretur, factis eam ipsam confirmans, narratæ a nobis de rege Barbarorum cum suis fulmine extinctis historia ista perpetua memoria digna promisit ³: « Quamquam (inquit) iste imperator multis aliis virtutibus eximie decoratus erat, clementiam tamen, vel maxime mansuetudinem, animi tranquillitatem, quæ nullis procellis agitari poterat, fide denique sincera et spectata excelluit: ejus rei certissimum argumentum ostendam.

16. « Vir quidam vitam excolens monasticam, animo paulo audaciore præditus, ad imperatorem rei cujusdam petendæ gratia accedit. Quod cum sæpius fecisset, imperatori Ecclesiastica interdicti communione; vinculoque Ecclesie ei injecto, decessit. Imperator autem fide comprimitis excellens, ad Palatium veniens, cum tempus instaret convivii, et omnes convivæ adessent, dixit se non prius capturum cibum, quam Ecclesiæ vinculo solveretur. Proinde unum ex familiarissimis ad episcopum mittit, ut potestatem faciat ei, qui ipsum ligaverat, vinculo solvendi. Cum autem episcopus respondisset, non debere cujusquam vinculum admittere, significassetque eum solutum esse: non tamen solutione illa contentus fuit donec ille qui eum ligaverat, magno cum labore conquisitus, communioni

illum restituisset: hujusmodi erat imperatoris ægæ leges divinas fides ». Ille Theodoretus, itemque Nicephorus ⁴, et alii illud fortasse ex institutione sanctæ sororis Theodosiæ mente versans de servis Dei dictum ⁵: « Qui benedixerit tibi, benedictus erit: et qui maledixerit, erit maledictus ».

17. Sed tantam animi Theodosii cum religione demissionem aliquis nimium prudens scrupulositatem seu superstitionem dixerit, et fortasse damnarit: verum scias eam odoratum esse Deum (ut verbis divinæ Scripture utar) in odorem suavitatis: quod palam omnibus fecit, dum religionis ejus intuitu præstitit, quæ omnem humanam captam excederent, rependens et remunerans opus illud mensura conferta, coagitata, et superfluyente, dum absque armis inhumanissimos fortissimosque Barbaros debellavit, ut (sicut suo cantico occinuit Debora) ⁶ de cælo pugnatum sit contra eos. Cum e contra videre sæpe contigerit, Christianos principes parvi facientes censuras Ecclesie, et Ecclesiastica jura calcantes robustissimos licet paravit exercitus, atque classibus mare replevit, adversante illis Deo, omnium jacturam fecisse, non hostibus tantum pugnantibus, sed ipsis etiam elementis in altionem violatæ religionis exsurgentibus, et sacrarum legum contemptum ac Dei ministrorum oppressionem ulciscuntibus. Utinam et sæculum nostrum istiusmodi careret exemplis. Sed ad Theodosium rursus recurram oratio, de quo in Vitis Patrum ista scribuntur ⁷:

18. « Manebat quidam monachus Ægyptius in suburbano Constantinopolitanæ civitatis: et dum transiret Theodosius junior imperator per illam viam, reliquit omnes qui in obsequio ejus erant, et venit solus in cellam ejus; et pulsans ad ostium monachi, aperuit ei monachus. Videns autem eum, cognovit quia imperator esset; sic tamen suscepit eum, tanquam unum ex officio militantium. Cum ergo introisset, læcerunt orationem, et sederunt. Cœpit autem eum interrogare imperator dicens, quomodo sint Patres in Ægypto. Et ille: Orant pro salute nostra omnes. Imperator autem circumspiciebat in cella ejus, si quid haberet, et nihil ibi vidit, nisi parvam sportulam habentem modicum panis, et lagenam aquæ. Et dixit ei monachus: Gusta modicum; et infudit ei panem, et misit oleum et sal, et manducavit; et dedit ei aquam bibere. Dixit autem ei imperator: Scis quis sim ego? Et ille dixit ei: Deus te scit, quis sis. Tunc dixit ei: Ego sum Theodosius imperator. Ille autem statim adoravit, salutans eum humiliter. Et dixit imperator: Beati estis vos monachi, qui securam vitam habetis, et non cogitatis de hoc sæculo. Veritatem dico vobis: quia licet in imperio natus sim, nunquam tamen delectatus sum, sicut hodie pane et aqua: satis enim et libenter comedi. Et cœpit ex tunc honorare eum imperator. Senex autem egre-

¹ Theod. l. v. c. 36. — ² Nicep. lib. 14. c. 4. — ³ Theod. lib. v. c. 36.

⁴ Niceph. l. xiv. c. 4. — ⁵ Num. xxiv. — ⁶ Judic. v. — ⁷ Vit. Patr. par. II. c. 14. de humilitate.

diens fugit, et iterum venit in Ægyptum ». Hactenus ibi : atque de Theodosio satis.

19. *Attici episcopi Constantinop. obitus et laudes.* — Hoc eodem anno Atticus Constantinopolitanus episcopus, cum ageret in episcopatu annos viginti unum, sexto idus Octobris ex hac vita migravit : hæc Socrates ¹. Sed error irrepsit in assertum ab eo numerum annorum sedis Attici, nam non annos viginti unum, sed tantum decem et novem, menses septem, minus diebus tribus sedisse, revera reperitur : nam idem ipse atque Sozomenus testantur, sedere coepisse anno Christi quadringentesimo sexto, tertio idus Martii, et hoc anno, sexto idus Octobris mortuus est. Vacavit episcopatus usque ad pridie kalend. Martii, quibus ordinatus est Sisinnius ². Laudatur a Socrate Atticus, quod nomen Joannis Chrysostomi in Ecclesia recitari voluerit : sed id factum est (ut suo loco diximus) præcipiente, imo cogente Innocentio Romano Pontifice. Laudatur et a Cyrillo Alexandrino in Epistolis ab eo scriptis contra Nestorium : quod insignis esset orthodoxiæ ; quo nomine etiam a Cælestino Romano Pontifice prædicatur in suis Epistolis, ut in ea quam ad Nestorium scripsit, ubi ejusmodi eum extollit clogio : « Rexit, inquit, sanctæ memoriæ Atticus Christianum populum prædecessoris (nempe Joannis Chrysostomi) exemplo, et sacrilegos persecutus est errores hæreticorum ». Hæc ipse. Inter alias vero res ab Attico laudabiliter gestas, recitat Socrates ³ Sabbatians schismaticis veluisse, ne ipsorum auctorem Sabbatium defunctum colerent ut sanctum, sublato ejus opera clanculo Sabbatii corpore e sepultura.

20. Sed et in eo Atticus majore laude dignus habitus est, quod Pelagianorum legationem confutavit atque rejecit : quod egregium facinus S. Prosper ⁴ his prædicat versibus :

Quid loquar, et curam, magna quam gessit in urbe
Constantinopoli, docto bonus ore sacerdos.
Atticus, antiqua legatos hæreticorum,
Confutando hinc? he qua tunc impia corda
Quamvis se obducto tegerent velamine formæ
Judicii, et tacite tulerint tormenta repulsæ.

Sed et S. Augustinus ⁵, dum agens contra Julianum, affirmat Pelagianam hæresim fuisse damnatam Constantinopoli, Attici episcopi præconia celebravit : testatur hoc ipsum etiam Cælestinus papa in Epistola ad Nestorium ⁶. Quoto autem anno Attici sedis hæc facta sint, cum haud satis exploratum haberi possit ; hic ad finem ejus vite quasi ornamentum sepulchrale apposuisse, est est.

21. Prædicatur a Socrate itidem Attici erga pauperes munificentia : idemque recitat ejusdem Epistolam perbreve ad Calliopum Ecclesiæ Nicænæ presbyterum, cum ei dedit aureos erogandos

in pauperes : qua præcepit, illorum pauperum habendam esse potissimum rationem, qui mendicare erubescunt ; addens, nec ab accipiendo egentes esse excludendos hæreticos, cum videlicet opus habent naturæ necessarii : sic enim se habet :

« Calliopum Atticus in Domino salutem ».

« Certior quidem factus sum, infinitos in vestra urbe fame opprimi, piorumque egere eleemosyna. Cum infinitos dico, intelligo multitudinem, cujus certum numerum ostendere nequeo. Quoniam igitur numerum pecunie ipse ab eo accipi, qui divitias large et quasi plena manu iis, qui eas probe administrant, suppeditat : usque venit, ut nonnulli egestate prementur, quo alii qui opes habent, easque istis minime largiuntur, penitus explorati sint : tu, frater carissime, istos trecentos aureos a me accipe, eosque in pauperes, uti vuleris, impende. Velis autem in eos conferre, non qui ventris causa quasi mercaturam per totum vite tempus mendicando exercent, sed qui mendicare erubescunt. Neque in hac officii parte ullam sectæ, vel religionis cujusquam, rationem ducas ; neque porro respectum ad eos qui a nobis in fide sententia dissentiant, habeas : sed in illud unum incumbas, ut qui fame cruciantur, eos alimentis subleves ». Hactenus Attici Epistola.

22. Quod autem in erogandis eleemosynis nullam vult haberi rationem cujusvis sectæ hæreticorum, sed omnibus tribui indigentibus : accipe quæ de his accuratius S. Gregorius scribat in Epistola ad Joannem episcopum Ravennatem ⁷ : « De hoc quod dicitis incensæ civitati Severi schismatici eleemosynam esse mittendam : idcirco vestra fraternitas sentit, quia quæ contra nos in Palatium præmia mittat, ignorat. Quæ etsi non transmitteret, nobis considerandum fuit, quia misericordia prius fidelibus et postea Ecclesiæ hostibus est facienda. Juxta quippe est civitas Phanum, in qua multi captivi sunt ; ad quam ego jam transacto anno transmittere volui, sed inter hostes medios non presumpsi ». Hæc Gregorius de his quæ ad Attici spectant Epistolam. Porro eidem Attico tantum tribuit Socrates, ut diem obitus sui prævidisse ac prædixisse affirmet. Atque de Attico hactenus. Congitit autem post ejus mortem sedem Constantinopolitanam vacasse usque ad annum sequentem. Agemus suo tempore de eo qui in locum ipsius substitutus est Sisinnius pridie kal. Martii.

23. *Theodosius de professoribus litterarum optime decernit.* — Hoc eodem anno Theodosius imperator adjecit animum, ut gymnasium litterarum Constantinopoli in meliorem formam restitueret : vetuitque in primis, neminem publice docere, aliove in loco scholas litterarias aperire, quam qui probati essent, et ad hoc ipsum munus electi ; eosdemque in Capitolii auditoriis profiteri debere. Locus iste instar veteris Romæ a Constantino Constantinopoli erectus fuit, et Capitolii nomine (ut suo loco dictum

¹ Socr. l. vii. c. 25. — ² Ib. c. xxvii. — ³ Socr. cod. lib. vii. cap. 15. — ⁴ Prosp. carm. de Ingratis. — ⁵ Aug. cont. Jul. l. iii. c. 1. — ⁶ Cælest. epist. v.

⁷ Greg. l. ii. ep. xxxii.

est) insignitus, rei litterariæ exercendæ adscriptus. Porro profitentium numerum edita sanctione ita voluit definitum¹: « habeat, inquit, auditorium specialiter nostrum, in his primum quos Romanæ eloquentiæ doctrina commendat, oratores quidem tres numero, decem vero grammaticos. In his etiam qui facundia græcilitatis pollere noscuntur, quinque numero sint sophistæ, et grammatici æque decem. Et quoniam non his artibus tantum adolescentiam generosam optamus instilui, profundioris quoque scientiæ atque doctrinæ memoratis magistris sociamus auctores. Unum igitur adjungi cæteris volumus qui philosophiæ arcana rimetur, duos quoque qui juris ac legum formulas pandant. Ita ut uni-

cuique loca specialiter deputata assignari faciat tua subtilitas, ne discipuli sibi invicem possint obstrepere, etc. » Hæc quidem hoc anno, tertio kalendas Martii : idibus vero ejusdem mensis alia rursum edita sanctione¹, eos qui diutius in eadem functione meruissent, comitivæ ordinis primi dignitate idem imperator honestare voluit, hos, scilicet, græcorum grammaticorum Hælladum et Syrianum, latinorum Theophilum, sophistarum Marlinum et Maximum, jurisperitorum Leontium : eodem quoque honore cæteros exornandos fore, cum viginti duorum annorum cursum docendo compleissent : hæc quidem hoc anno laudabiliter Theodosius editis sanctionibus statuit.

¹ L. III. de stud. liber. C. Theod.

¹ L. I. de prof. C. Theod.

Anno periodi Græco-Romanæ 5918. — Olymp. 301. — Jesu Christi 425. — Cælestini pape 2. — Theodosii Jun. 24. et 18. Valentiniani III. 1.

1. *Quinta quinquennialia Theodosii.* — Cos. *Theodosius* Aug. XI, et *Valentinianus* Cæsar, ut recte in fastis Heraclii imp. a Dodwello publicatis legitur, et in legibus Cod. Theod. mense Januario et deinceps datis. Ille propter *quinta quinquennialia* imperii cum patre administrati ut ex ejus vicennialibus et triennialibus certum sit; *Valentinianus* vero ob imperium Cæsareum anno superiori susceptum.

2. *Joannis tyranni interitus.* — A num. 1 ad 4. Philostorgius lib. 12, n. 11, recitata Honorii imp. morte, Joannis tyrannidem et interitum his verbis narrat. « Joannes cum tyrannidem arripisset (Romæ scilicet, ubi Palatini milites suo e numero cum imperatorem dixerunt, ut festatur Procopius lib. 1 de Bell. Vandal. cap. 3), legationem misit ad Theodosium. Sed re infecta, legati insuper contumelia affecti, alius alio per Propontidem relegati sunt (hujus exilii unus Philostorgius meminit). Placidiam vero et Valentinianum tertium, qui post obitum Honorii Byzantium profugerant, Theodosius Thessalonicam misit. Illic patrneli suo Cæsaris dignitatem concessit, et Ardaburio magistro militum, ejusque filio Aspari belli adversus tyrannum administrationem commisit. Ili Placidiam et Valentinianum secum ducentes, cum Pannoniam et Illyricum pertransissent, Salonas urbem Dalmatiæ vi ceperunt. Post hæc Ardaburius quidem cum navibus copiis contra tyrannum profectus est. Aspar vero assumptis secum equestribus copiis et impres-

sionis inopiæ celeritate suspicionem præveniens, Aquileiam urbem maximam occupavit, Placidia et Valentiniano ipsum comitantibus. Et hic quidem maximam civitatem absque ullo negotio cepit. Ardaburius vero violentus quidam ventus excipiens, una cum duabus trirēmbus in manus tyranni detulit. Ille de fœdere incedo cogitans Ardaburium humaniter excepit; qui cum maxima libertate frueretur, ductores tyranni, qui jam ad defectionem propensi erant, contra tyrannum animavit. Simul Aspari filio per litteras significavit, ut tanquam ad paratam victoriam adesset. Qui cum celeriter adventasset una cum equestribus copiis, conserto levi prælio captus est Joannes, proditione eorum, qui circa ipsum erant, et Aquileiam ad Placidiam et Valentinianum deducitur. Illic dextra manu prius amputata, postea etiam capite truncatus est, cum per unum ac dimidium annum tyrannidem exercuisset. Tum vero Theodosius Valentinianum Roman missum imperatorem renuntiavit ».

3. *Mense circiter Aprilis in potestatem Placidiae et Valentiniani Roma venit.* — Joannem tyrannum tardius, quam mense Aprilis captum non fuisse, pauloque post occisum, ex rerum quæ postea confingere, serie intelligitur. Non enim pauci dies insumendi fuere, ut Constantinopolim faustum illud nuntium perferretur. *Constantinopoli* vero III idus *Maii* Theodosius dedit legem Cod. Theod. *De petitionibus*, eique ludos Circenses edenti mors illa nuntiata, ut tradit Socrates lib. 7, cap. 23, post diem

xiii Maii, quo ea lex emissa « cum ipse in Italiam proficisci incuisset, postquam Thessaloniam venisset, morbo ingruente ulterius progredi prohibitus est. Misso igitur ad consobrinum (scilicet Valentinianum) imperiali diademate per Helionem patricium ipse Constantinopolim rediit », inquit Socrates cap. 24. Mense circiter Junio Thessalonica digressus videtur Helio ; ait enim Olympiodorus : « Cæso Joanne tyranno, Placidia una cum Cæsare filio Ravennam iniiit. Helion vero magister et patricius Romam invasit ». Cum autem Valentinianus Cæsar XVI kalend. Aug. Aquileiæ legem 62 Cod. Thod. *De hæreticis*, ad Faustum P. V. inscripserit, jam ante diem xvii Julii quo ea lex emissa, Roma in Valentiniani et Placidie potestate erat ; ea enim ad præfectum Urbis mittitur. Ea vero ferri non potuit, nisi postquam Valentinianus jam accepisset, *Helionem* Romam occupasse, quod ideo factum circa initium mensis Julii.

4. *Duratio tyrannidis Joannis*. — Ex quibus liquet primo *Joannem tyrannum* ante mensem Maium interfectum ; quia ad ea, quæ narravimus peragenda, vix menses duo sufficiunt. Liquet secundo, *Theodosium* per aliquot menses Thessalonice constitisse. Tradit enim Socrates cap. 25, cum Constantinopolim ingressum postridie quam *Atticus* Constantinopolitanus episcopus sepulchro conditus est. Is autem die decima mensis Octobris obierat, ut ibidem Socrates prodit. Liquet tertio, *Joannem* exeunte anno cxxxiii, ut ibidem insinuavimus, tyrannidem arripuisse cum teste Philostorgio laudato, per unum ac dimidium annum illam exercuerit. Idacius in Chronico ait, *Joannem* Ravennæ occisum. Verum id Aquileiæ factum Philostorgius testatur, de quo non dubitandum, quia Idacius de rebus extra Hispanias gestis parum edoctus fuit. Baronius num. 4, tradit, Socratem scribere *Valentinianum* Constantinopoli venientem agritudine Thessalonice detentum fuisse, ibique per *Helionem* imperii coronam accepisse, ac morbum illum anno superiori accidisse. At Socrates, non Valentinianum, sed Theodosium Thessalonice ægrotasse refert, illumque per Helionem, quem Theodosius in Italiam misit, veste imperiali indutum esse ; ac denique non *Valentinianum* sed *Theodosium* Constantinopolim rediisse.

5. *Dies natalis imperii Augustei Valentiniani*. — Diem natalem imperii Augustei Valentiniani notavit auctor Chronici Alexandrini sub hujus anni coss., ubi ait : « Ilis coss. Valentinianus junior a Theodosio creatus est Augustus, mense Hyperbæretæo, X kalendas Novembris » ; quod confirmat Lacterculus Sylvii apud Bollandum, in Præfatione ad Vitas SS. mensis Januarii pag. 43, ubi ejus fragmentum habet : X. KL. Nov. *Natalis Valentiniani purpureæ*. Quare Valentinianum die xxiii mensis Octobris Augustum appellatum, certum est. Difficultatem tamen facit Socrates qui lib. 7, cap. 25, scribit : « Nuntiatæ est nuncupatio Augusta Valentiniani junioris die x kalend. Novembris », juxta

Valesii versionem, ex quibus vir doctissimus deducit non auctori Chronico Alexandrini, sed Socrati standum, qui eam nuncupationem X kalend. *Novemb.* apud urbem Constantinopolitanam nuntiatam dicit. Verum Socrates aliud non designat, quam non multo post Allici exequias et ingressum Theodosii in Urbem Regiam, significantem esse nuncupationem Augustam Valentiniani junioris, die x kalend. *Novemb.* Romæ factam, ita ut dies ille non ad diem, quo ea in urbe regia nuntiatæ, sed quo Romæ facta fuerat, referatur. Eam enim inaugurationem Romæ peractam, affirmant Philostorgius et Olympiodorus citati, ac præterea Prosper in Chron. imperiali, ac Idacius in Chronico. Quare falluntur Marcellinus in Chronico, et Jornandes de Reg. success. cap. 97, qui scribunt, Valentinianum *Ravennæ* imperatorem factum.

6. *Actio parci, qui Hunnos in auxilium tyranni adsciverat*. — Ad num. 4. Prosper in Chronico sub hujus anni coss. scribit : « Placidia Augusta et Valentinianus Cæsar mira felicitate Joannem tyrannum opprimunt ; et regnum victores recipiunt, data venia Actio, quod Hunni, quos per ipsum Joannes exciverat ejusdem studio ad propria reversi sunt ». Idem habet Cassiodorus in Chronico, et auctor Miscellæ lib. 14, sed ex eodem desumptum. Frigidus apud Turonensem lib. 2, cap. 8, rem magis explicat : Postquam enim narravit, legatos Joannis a Theodosio fuisse despectos, adjicit : « Dum hæc ita gererentur, legati ad tyrannum reversi sunt, mandata atrocia reportantes : quibus permotus Joannes, Actium id temporis curam palatii gerentem cum ingenti auri pondere, ad Chunos transmittit, notos sibi obsidiatui sui tempore, et familiari amicitia devinctos cum mandatis hujusmodi : Cum primum partes adversæ Italiam ingressæ forent, ipse a tergo adoriretur, se a fronte venturum. Et quia de hoc viro consequenter plura memoranda sunt, genus moresque ordiri placet. Gaudentius pater, Scythiæ provinciæ primoris locis, a domesticatu exorsus militiam usque ad magisterii equitum culmen provectus est. Mater Itala, nobilis ac locuples femina. Actius filius, a puero prætorianus, tribus annis Alarici obses ; donec Chunorum, post hæc Carpilionis gener, ex comite domesticorum, et Joannis curam palatii gerere cepit ».

7. *Pax Romanos inter et Gothos rupta*. — Scribit etiam Prosper post laudata verba : « Arelas nobile oppidum Galliarum a Gothis multa vi oppugnatum est, donec imminente Actio non impuniti abscederent ». Idem habet Pseudo-Prosper in Chronico imperiali ; qui et testatur, *Actium* Gaudentii comitis in Galliis a militibus occisi filium fuisse ; sed id refert ad annum iv Theodosii post mortem Honorii regnantis, quia per hæc tempora Chronicon ejus, quoad annos imperatorum, valde depravatum. Idem denique habet Isidorus in Chronico Gothorum. Ex quo liquet Theodoricum Gothorum regem pacem cum Romanis sanctam ante hunc annum rupisse. Baronius ad has Valentiniani Augusti victorias

refert nummum Placidii Valentiniani Augusti in postica inscriptum: Votis XXX. Mullis XL. Infra Comieb., id est, *Constantinopoli obsequata moneta*. Verum numisma illud in tricennalibus Valentiniani percussum; cum quaecumque huiusmodi vota praeferunt, non aliis annis quam decennialibus, et id genus festis eudere mos fuerit, ut in dissert. Hypatica demonstravi.

8. *Spectacula diebus festis et Dominicalibus vetita.* — Ad num. 5 et seq. *Theodosius et Valentinianus* immortalitati commendare cupientes, hic imperii sui exordium, ille quinta sua quinquennalia, variis legibus hoc anno datis Ecclesiae Catholicae et Reipublicae Romanae consulere. Theodosius *kalend. Februarii* emisit legem 5 Cod. Theod. *De spectaculis*, qua Festis Christianorum diebus spectacula exhiberi vetuit. Theodosius Magnus solo Dominico die spectacula inhibuit, ludosque theatrales, circenses, et venationes, veluti ursorum, leonum, et pardorum, ut liquet ex leg. 2 *De spectaculis*. Postea *Honorius* ad petitionem Patrum Africanorum Concilii Carthagenensis V, ut habetur in Codice African. canone LXXI, omnibus Festis Christianorum diebus in universum spectacula prohibuit; sed *Theodosius jun.* omnibus etiam Festis, supplicationumque Christianarum diebus ea edi vetat, *Quinquagesimae etiam diebus*. Iam D. Chrysostomus Homilia v in eap. 1 Genesios, vehementer increpauerat populum, quod Quadragesimae et jejuniarum diebus ad circensia certamina sese contulisset, et ante eum Nazianzenus Epist. LXXIV. *Celensiam* praesidem eo nomine reprehenderat, quod jejunii diebus spectacula exhiberet. Secundo, hac constitutione *Natale et Epiphonarum* Christi dies distinguuntur, licet eo tempore, quo D. Chrysostomus habuit Orat. 1 in Pentecosten, unus et idem dies in urbe Constantinop. eis assignatus esset, sextus nempe Januarii. Indicat Theodosius, adeo Festis diebus spectacula se vetare, ut, etsi Natalis aliquis imperatorum in aliquem ex praedictis diebus incidit, ea iis edi nolit, quia se. honor principis infra divinae Religionis contemptum consistere debet. Ita postremam partem hujus legis explicandam docet Gothofredus in ejus Comment., non vero, ut Baronius putavit, de imaginibus imperatorum coronari, faustisque acclamationibus excipi in solemnibus spectaculis solitis; verum de spectaculis, quae in honorem principis, ejusque natalibus specialiter exhiberi consueverant.

9. *Valentinianus privilegia Ecclesiarum et clericorum confirmat.* — A num. 7 ad 9. Valentinianus *pridie non. Jul. Aquileiae* legem 46 Cod. Theod. *De episcopis*, Georgio proconsuli Africae direxit, qua Privilegia Ecclesiae et clericis anterioribus legibus concessa per Africanam proconsularem confirmat. Baronius hanc legem latam existimavit, ut privilegia redderentur Ecclesiis, quae *Joannes* tyrannus abstulerat. Verum *Joannis* tyrannis Africanam proconsularem non pervasit, ut ex mox dicitur liquet. Tum Valentinianus *VIII idus Octob. Aquileiae* dedit leg.

47 *De episcopis*, qua Privilegia Ecclesiarum, quae jam pro causis Ecclesiasticis impetrata fuerant, confirmavit, et praeterea forum Ecclesiasticum stabilivit. Qua ex lege liquet, *Joannem* tyrannum privilegia Ecclesiastica publicis etiam edictis imminuisse, et clericos indiscretim ad iudices saeculares deduci debere, edixisse.

10. *Valentinianus varias leges emittit adversus haereticos.* — A num. 9 ad 19. *Die xv kalend. Aug. Aquileiae*, Valentinianus dedit legem 62 Cod. Theod. *De haereticis*, qua « Manichaeos, Haereticos, Schismaticos, omnemque sectam Catholicis inimicam ab ipso aspectu Romae exterminari » praecipit. In hujus legis inscriptione legitur: *Imp. Theod. A. et Valentinianus Caes. ad Faustum P. V.* Quare jam mense Julio Joannes tyrannus caesus fuerat, Romaeque Valentiniano Caesari parebat, qui ubi ea politus est, curam suam convertit ad Ecclesiae statum in ea et in Italia restituendum; quia per *Joannis* tyrannidem perturbatus fuerat. Porro inter haereticos Valentinianum *Pelagianos* comprehendere, dubium esse non debet; cum Sirmondus in Appendice ad Cod. Theod. referat constitutionem Valentiniani ad *Amacium* praefectum praetorio Galliarum *de conveniendis per Patroclum Arelatensem episcopis quibusdam Pelagianis*, datam *VII id. Jul. Aquileiae*. Baronius num. 7 partem hujus constitutionis recitat, et Gothofredus in Notis ad legem 47 Cod. Theod. farraginem potius diversarum legum, quam legem esse censet. Verum is immerito Appendicem Sirmondi ad Codicem Theodosianum rejicit; cum Lugdunensi et Aniciensi Codici, Divionensis auctoritatem adjungat. De hac constitutione ad *Amacium* legendus Garnerius tom. 1 Oper. M. Mercat. pag. 258, observandumque in harum legum titulis haberi: *Imp. Theodosius et Valentinianus Caesar*, quia Caesares imperatores etiam appellabantur, uti saepe monui. Deinde *prid. non. Aug. Aquileiae* dedit leg. 63 *De haereticis*, Georgio proconsuli inscriptam, qua haereticos, proscriptionis poena mulctat, in Africa se. positos. Et denique *VIII id. Aug. Aquileiae* dedit leg. 64 *De haereticis*, qua *Manichaeos*, haereticos et schismaticos universis urbibus exterminat, urbibus se. Italiae, ut recte Gothofredus notat, quia ea inscripta *Basso comiti rerum praetiarum* sub Valentiniano. Propagatum itaque exemplum ab Urbe Roma ad alias urbes, et quidem paucissimis post diebus.

11. *Il nni imperium Romanum devastant.* — Socrates lib. 7, cap. 43, refert quot et quanta mala passi sint Barbari, qui Joanni tyranno supplicias tulerant; quod tamen paulo aliter narrat Theodoretus lib. 5, cap. 37, licet uterque de eodem *Roila* seu *Rova* Ilmorum rege loquatur: « Cum Roila Scytharum hac illac vagantium regulus Istrum cum innumerabili exercitu transgressus, Thraciam vastaret ac depopularetur, ipsamque Urbem Regiam obsessurum se, et primo impetu capturum, funditus eversurum minaretur, fulminibus et ignis turbinibus caelitus immissis Deus illum cussit, et

universas ejus copias delevit », inquit Theodoretus, qui *Roila* nomine intelligit *Roam*, seu *Rocem*, qui ante Attilam Hunnicis gentibus imperavit, ut docet Priscus initio Excerpt., ubi ait, « Roa Mortuo, Hunnorum regnum ad Attilam » pervenisse. Quare erravit Jornandes lib. de Reb. Get. ubi scribit, Rovam, quem *Roam* appellat, fuisse germanum patris Attilæ, qui tamen recte habet utrisque *Attilam* successisse, et patrem ejus non omnibus Hunnis præfuisse, sed Attilam, *Bletta* fratre fraudibus perempto, cunctos sibi subjugasse.

12. *Moritur S. Atticus episcopus Constantino-*
poleos. — A num. 19 ad 23, Soerates lib. 7, cap. 25, de sancti Attici episcopi Constantinopolitani morte loquens ait : *Anno episcopatus sui* « primo et vicissimo, die sexto idus Octobris, abiit e vita, consulatu Theodosii XI et Valentiniani Caesaris primo ». Sed error irrepsit in numerum illum ; cum enim Atticus mense Februarii aut Martio anni cxi ordinatus fuerit, ut anno cxi demonstratum est, vicissimum Sedis annum non absolvit, ut recte vidit Baronius, qui tamen perperam ejus ordinationem deducit a die xiii mensis Martii anni cxi, ut ibidem ostendi. Quare tam in Tabulis Theophanis, quam in Chronico Nicephori anni viginti accurate ei assignantur. *Atticus* zelo immoderato adversatus est sancto Chrysostomo, et post *Arsaciam*, in ejus etiam tum superstitis, sedem successit. Verum crimen penitentia deinde et recte factis explavit. Ejus in repurgandis hæresibus vigilantiam, et in orthodoxa fide propugnanda sinceritatem prædicant Patres Ephesini : in egenos vero liberalitatem describit Baronius ex Soerale. Denique de ejus contra Messalianos hæreticos zelo hæc habet Pholius in Biblioth. cod. LI : « Scripsit et Atticus Constantinopolitanus episcopus in Pamphylia existentibus, ut undique Messalianos veluti sacros ac detestandos exturbarent. Quin et idem ad Amphiloichium Sidæ præsentem similiter scripsit ». Colitur die vii Januarii in Menaïs Atticus, ejusque Vita ex variis auctoribus a Bollando ad eum diem collecta. Ei successit *Sisimius*, ut anno sequenti videbimus. Is statim celebravit Sy-

nodum adversus Messalianos hæreticos, de qua ibidem.

13. *Julianus in Oriente damnatus.* — Atticus, ut referit Baronius ex Prospero Carm. *de Ingratis*, Pelagianos, qui legatos ad eum miserant, ex Urbe Constantinopoleos expulit, quod contigisse videtur circa annum cxxxi, aut insequentem. Ejectus fuit et *Julianus* Pelagianus ex Cilicia circa hæc tempora. Marius enim Mercator in Præfatione ad Symbolum Theodori Mopsuesteni scribit : « Agnoscat supradictus Julianus, si legere non fastidierit, manente apud memoratum Theodorum illa, qua eum diximus mala fide secum Nestorium decepisse, etiam sibi magis suoque dogmati, de quo male turgidus et male sanus libros confecit, esse contrarium, sequere etiam post de Cilicia abcessum, ab eo in episcoporum provincie suæ conventu, anathemate esse damnatum ». Quibus ex verbis liquet, non solum habitam esse in Cilicia Synodum, in qua *Julianus* cum sua hæresi damnatus est ; sed etiam ipsum Theodorum Mopsuestenum in ejus damnatione, saltem verbo tenuis consensisse. Quæ Synodus circa hæc tempora celebrata.

14. *Vandali Romanos in Hispaniis adorantur.* — Idacius in Chronico anno Abrahami m̄c̄cxli, qui kalend. Octobris superioris anni inchoatur, ait : « Vandali Balearicas insulas prædantur. Deinde Carthagine Spartaria, et Hispali eversa, et Hispaniis prædatis, Mauritaniam invadunt ». Vandali Romanis adversabantur, ideoque Carthaginem quæ in ditione Romanorum erat, solo æquarunt. Mariana lib. 5, cap. 3, scribit Carthaginem Spartariam consequenti tempore propter portus nobilitatem habitari cepisse, et ejus ætate vix in ea sexcentas familias numeratas esse. *Baleares* etiam insulæ (Majoricam et Minoricam hodie appellant) Romanorum auctoritatem sequebantur. Quare Gothi in Gallia, Vandali in Hispania adversus Romanos in armis erant, licet ipsi inter se minime convenirent. *Moritur Praylius* episc. Hierosolymorum ut anno cxxxix ostendemus.

CÆLESTINI ANNUS 3. — CHRISTI 426.

1. *Sisinnius episcopus Constantinop. eligitur, Philippo competitore rejecto.* — Novo consulatu eorundem imperatorum, Theodosii duodecimo, et Valentiniani secundo, novus incipit annus, quo novus episcopus Constantinopolitanam sedem Sisinnius suscepit administrandam: de cuius electione ita Socrates²: « Post mortem Attici de episcopo eligendo vehementer certatum est, dum alii alium in eo honoris gradu collocare laborarent. Nam Philippum presbyterum nonnulli, alii Proculum, qui etiam presbyter fuit, cupiebant: sed populus universus communi consensu Sisinnium designari desiderabat: qui quidem presbyter quoque fuit, non tamen in ulla ecclesia intra urbem Constantinopolim ordinatus, sed in Eleæ, suburbio ejusdem civitatis, quod e regione illius situm est (in quo quidem loco dies festus Ascensionis Salvatoris ab universo populo Constantinopolitano celebrari solet) sacerdotii dignitatem sortitus. Omnes laici desiderio illius ad episcopatum honorem efferendi tenebantur: tum quod ob singularem pietatem percelebris fuit, tum potissimum quod pauperes, supra quam ejus facultates ferebant, fovere, sustentareque laboravit. Haque laicorum studium tulit superiores; Sisinniusque ordinatus est pridie kalendas Martias, Theodosio XII et Valentiniano minore Augusto secundum cons. » Haec Socrates. Commendat pariter Sisinnium Marcellinus, eumque virum sanctæ simplicitatis et simplicis prædicationis sanctitatis, quem hoc ipso anno creatum dicit. Sed quod præ cæteris æstimandum est, eundem Sisinnium summis laudibus ornat Cælestinus Romanus Pontifex in Epistola ad Nestorium, de qua suo loco dicendum.

2. De Philippo autem competitore, qui repulsus est; ab eo Historiam Christianam esse scriptam, tradit verbis istis Socrates²: « Postea Philippus presbyter, quoniam Sisinnium sibi prælatum videbat, illius ordinationem graviter perstrinxit in opere ab ipso edito, quod Historiam Christianam inscripsit: qui dum et Sisinnio, qui episcopus ordinatus erat, et episcopis qui eum ordinaverant, et laicis vel maxime obtrectare studet, ea dicit, quæ mihi (quoniam illum, qui tam inconsiderate ejusmodi verba

litteris prodere ausus est, admodum improbo) scriptis mandare non est animus. De illo ipso tamen non erit, mea quidem sententia, alienum pauca hoc loco disserere. Philippus Sydæ ortus fuit: hæc quidem est civitas Pamphiliæ, in qua etiam Theophilus sophista natus dicitur, cui Philippus se cognatum esse gloriatus est. Illic Philippus cum esset diaconus, Joannis episcopi consuetudine, qua multum usus est, impulsus, in studiis litterarum permultum operis et laboris collocavit, multosque et varios ejusque generis libros in unum collegit, atque Asiaticum dicendi genus studiose imitatus, multa conscripsit. Et quo Juliani imperatoris libros refelleret, opus etiam, quod Historiam Christianam inscribat, composuit, inque triginta sex libros distribuit: singuli libri tomos compures continent, adeo ut omnes simul prope mille numero sint: argumentum etiam ejusque tomi ipsum tomum fere exæquat ».

3. « Hoc opus non Historiam Ecclesiasticam, sed Christianam inscripsit: multasque et varias in eo concessit materias, eo quidem consilio, ut se doctrina philosophorum non expertem fuisse declararet. quapropter præceptiones grammaticas, astronomicas, arithmeticas, et musicas crebro citat: quin etiam insulas, montes, et alias res non magni momenti describit: unde opus inflatum et plenum inanis ostentationis factum est. Quare si quid ego judico, neque indoctis, neque doctis prodesse poterit. Quippe indocti insolentem illam et nimio artificio elaboratam dicendi rationem, quæ in eo est, animadvertere nequeunt: docti autem crebram eorundem verborum repetitionem, quæ in illo usurpatur, condemnabunt. Cæterum quisque de libris illis pro arbitrato suo judicium faciat: ordinem vero temporum, quibus res gerebantur, ab eo confusum esse, adeo quidem affirmare: nam temporibus Theodosii commemoratis, ad tempora Athanasii episcopi recurrit: quod quidem ab illo sæpissime factum est. Sed de Philippo satis ». Hucusque Socrates: in cuius sententiam de ejus historia eruditos omnes abiisse, inde certum deducimus argumentum, quod Photius in Bibliotheca sic de ea: « Historia Christiana Philippi Sydæ, potius

disciplatio, quam historia est. Vixit tempore Procli et Sisinnii episcoporum Constantinopolitanorum. Incipit ab illo : In principio creavit Deus, etc. » Longe diversus ab hoc fuit Philippus ille Amphipolites historicus, qui scripsit Rhodiacos libros obscenos, cuius meminit Suidas.

4. *Electio episcopi Cyziceni*. — Accidit autem inter hæc, ut cum vacaret sedes Cyzicena, Sisinnius episcopus Constantinopolitanus eidem præferebat Proclum presbyterum Constantinopolitanum, Cyziceni vero Dalmatium monachum, qui et eam tenuit : cur autem non potius Proclus eam obtinuerit, hæc Socrates¹ rationem offert : « Hæc, inquit, a Cyzicenis factum est, neglecta illa lege, quæ jubet, ne quis episcopus designetur absque sententia et auctoritate episcopi Constantinopolis. Legem autem propterea neglexerunt, quod Attico soli (ut illi putabant) nominatim auctoritatem illam concederet. Proinde Proclus cum suæ ipsius Ecclesie administrationem non obiret, in ecclesiis Constantinopolis mansit, in quibus docendo permagnam laudem adeptus est. » Hæc Socrates. Vides igitur, neque in ipso Hellesponto jus aliquod ex aliqua Synodo œcumenica vindicasse sibi episcopos Constantinopolitanos, sed Attico id tantum fuisse concessum. nescio cujus legis auctoritate.

5. *Theodosii lex adversus idololatras*. — Isdem consulibus Theodosius imp. Dei auxilium adversus Barbaros atque rebellantes tyrannos expertus, sicut anno superiori, ita et præsentis incessabili studio se erga Deum pro gratiarum actione pium exhibens, rursus nova edita sanctione, si quod vestigium esset idololatriæ, penitus abolendum curavit, cum ita statuit² :

« Omnibus sceleratæ mentis Paganæ execrandis hostiarum immolationibus, damnandisque sacrificiis, cæterisque antiquarum sanctionum auctoritate prohibitis, interdiximus; cunctaque eorum fana, templa, delubra, si qua etiam nunc restant integra, præcepto magistratuum destrui, collocationeque venerande Christianæ religionis signi expiari præcipimus. Scientibus universis, si quem huic legi apud competentem iudicem idoneis probationibus illusisse constiterit, etiam morte esse multandum. Dat. XVIII kalend. Decemb., C. P. Theodosio XII et Valentin. II (IV) cons. » Penes Phœnices namque etiam tempore patris ejus Arcadii imperatoris invaluisse idololatras, jam superius ex litteris sancti Joannis Chrysostomi demonstratum est. Jam vero ad res Occidentalis Ecclesiæ transeamus.

6. *Eradium sibi coadjutorem in episcopatu deligit*. — Hujus quoque anni consulibus consignata habentur Acta Ecclesiastica a notariis Ecclesiæ publicè excepta de re gesta per sanctum Augustinum Hipponensem episcopum, cum allegit sibi coadjutorem in episcopali functione Eradium presbyterum, quem optavit etiam sibi, postquam

contingeret ex hac vita migrare, in eandem sedem episcopalem successorem : cujus quidem rei recens præcessisset exemplum de Severo episcopo Milevitano, qui sibi vivens successorem delegit episcopum, prout eadem ipsa Acta declarant, quæ hic ad verbum ob multarum rerum cognitionem inserenda putavimus : sic enim se habent¹ :

7. « Gloriosissimo Theodosio duodecies et Valentiniano Augusto iterum consule, sexto kalendas Octobris, cum Augustinus episcopus una cum Religiano et Martiniano (Martiano) coepiscopis suis consedisset in ecclesia Pacis Hipponensium Regionum (Regionum), præsentibus Saturnino, Leporio, Barnaba, Fortunatiano, Rustico, Lazaro, et Eradio presbyteris, adstante clero et frequenti populo, Augustinus episcopus dixit : Quod hesterno die promisi charitati vestræ, propter quod vos volui frequentius convenire, et video frequentius convenisse, mora omni postposita, hoc agendum est. Si enim aliud velim loqui, in illud suspensi, minus audilis.

8. « Omnes in hac vita mortales sumus, et dies hujus vite ultimus omni homini est semper incertus : verumtamen in infantia speratur pueritia, et in pueritia speratur adolescentia, et in adolescentia speratur juvenus, et in juvenute speratur gravitas, et in gravitate speratur senectus : utrum contingat incertum est, est tamen quod speretur : senectus autem aliam ætatem, quam speret, non habet : incertum est enim ipsa senectus quandiu sit homini : illud tamen certum est, nullam remanere ætatem, quæ possit succedere senectuti. Quia voluit Deus, ad istam civitatem cum vigore ætatis adveni, et tamen juvenis fui, et senui. Scio post obitum episcoporum per ambitiosos atque contentiosos solere Ecclesias perturbari; et quod sæpe expertus sum et dolui, debeo quantum ad me atinet, ne contingat, huic prospicere civitati. Sicut novit charitas vestra, in Milevitana Ecclesia modo fui : petierant enim me fratres, et maxime servi Dei qui ibi sunt, ut venirem; quia post obitum beate memorie fratris et coepiscopi mei Severi nonnulla ibi perturbatio populi timebatur. Veni : et quomodo voluit Dominus, adjuvit nos pro sua misericordia, ut cum pace episcopum acciperent, quem vivus designaverat episcopus eorum. Hoc enim eis cum immotuisset, voluntatem præcedentis et decedentis episcopi sui libenter amplexi sunt. Minus tamen aliquid factum erat, unde nonnulli contristabantur; quia frater Severus credidit posse sufficere, ut successorem suum apud clericos designaret, ad populum inde non est locutus, et erat inde aliquorum nonnulla tristitia. Quid plura? tristitia fugata est, gaudium successit; ordinatus est episcopus, quem præcedens episcopus designaverat.

9. « Ergo ne aliquis de me queratur, voluntatem meam, quam credo Dei esse, in omnium vestrum notitiam profero. Presbyterum Eradium

¹ Socr. l. vii. c. 28. — ² L. ult. de Pagan. C. Theod.

¹ Aug. ep. cx.

mihî successorem volo. A populo acclamatum est : Deo gratias, Christo laudes : dictum est vicies ter. Exaudi Christe, Augustino vita : dictum est sexies decies. Te patrem, te episcopum : dictum est octies. Cumque reticeretur, Augustinus episcopus dixit : Non opus est me de laudibus ejus aliquid dicere : faveo sapientiæ, et parco verecundiæ : sufficit quia nostis eum : et hoc me velle dico, quod vos velle scio : hoc ut mecum oretis, exhortor, admonco, rogo, ut omnium in pace Christi collatis et conflatis mentibus, confirmet Deus quod operatus est in nobis. Qui misit mihi eum, servet eum, servet incolumem, servet sine crimine : ut qui facit gaudium viventibus, locum supplet morientibus. A notariis Ecclesiæ (sicut cernitis) excipiuntur quæ dicimus, excipiuntur quæ dicitis, et meus sermo et vestræ acclamaciones in terram non cadunt. Aperiuntur, ut dicam, Ecclesiastica nunc Gesta conclicimus; sic enim hoc esse (quantum ad homines attinet) confirmatum voto. A populo acclamatum est trigesies sexies : Deo gratias, Christo laudes. Exaudi Christe, Augustino vita : dictum est terdecies. Te patrem, te episcopum : dictum est octies. Dignus est, et justus est : dictum est vicies. Bene meritis, bene dignus : dictum est quinquies.

10. « Cumque reticeretur, Augustinus episcopus dixit : Ego (ut dicebam) voluntatem meam et voluntatem vestram, Gestis Ecclesiasticis (quantum ad homines attinet) confirmatum voto. Quantum vero ad latentem Dei voluntatem : omnes (ut dixi) oremus, ut confirmet Deus quod operatus est in nobis. A populo acclamatum est : Judicio tuo gratias agimus : dictum est sexdecies. Fiat, fiat : dictum est duodecies. Te patrem Eradium episcopum : dictum est sexies. Cumque reticeretur, Augustinus episcopus dixit : Scio quod scitis et vos : sed nolo de illo fieri, quod de me factum est : quid autem factum sit, nulli scitis; illi soli nesciunt, qui tunc aut nondum nati erant, aut nondum habebant etatem sciendi. Adhuc in corpore posito beate memoriae patre et episcopo sene Valerio, episcopus ordinatus sum, et sedi cum illo : quod Concilio Nicæno prohibitum fuisse nesciebam, nec ipse sciebat. Quod ergo reprehensum est in me, nolo reprehendi in filio meo. A populo acclamatum est : Deo gratias. Christo laudes : dictum est tredecies. Cumque reticeretur, Augustinus episcopus dixit : Erit presbyter (ut est) quando Deus voluerit, futurus episcopus. Sed plane modo facturus sum, adjuvante misericordia Christi, quod adhuc usque non feci.

11. « Nostis ante aliquot annos quid facere voluerim, et non permisistis. Placuit mihi et vobis propter curam Scripturarum, quam mihi fratres, et patres mei coepiscopi duobus Conciliis Numidicæ et Carthagini imponere dignati sunt, ut per quinque dies nemo mihi molestus esset. Gesta confecta sunt. Placuit, acclamatis. Recitatur placitum vestrum et acclamatio vestra. Parvo tempore servatum est circa me, et postea violenter irruptum est; et non permittor, ad quod volo vacare. Ante meridiem et

post meridiem occupationibus hominum teneor. Obsecro vos et obstringo per Christum, ut huic juveni, huic presbytero Eradio, quem hodie in nomine Christi designo successorem mihi, patiamini me refundere onera occupationum mearum. A populo acclamatum est : Judicio tuo gratias agimus : dictum est vicies sexies. Cumque reticeretur, Augustinus episcopus dixit : Ego charitati et benevolentie vestræ apud Dominum Deum nostrum gratias ago : imo de illa gratias ago. Ergo, fratres, quicquid est quod ad me perferebatur ad illum perferatur. Ubi necessarium habuerit consilium, meum non negabo auxilium. Absit ut me subtraham : tamen quicquid est, quod ad me perferebatur, ad illum perferatur. Ipse me autem consulat, si forte non invenerit quid facere debeat; aut poseat adiutorem, quem novit patrem : ut et vobis nihil desit, et ego tandem aliquando, si quantumcumque spatium mihi hujus vite donaverit Deus, ipsam meam quantumcumque vitam non dem signitie, neque donem inertie, sed in sanctis Scripturis, quantum ipse permittit et largitur, exerceam : hoc et ipsi proderit, et per ipsum etiam vobis. Nemo ergo invidet otio meo, quod magnum habet negotium.

12. « Video me de hac re, propter quam vos invitavi, omnia vobiscum egisse, quæ debui. Hoc ultimum rogo, ut Gestis istis dignemini subscribere, qui potestis. Hic mihi responsione vestra opus est : lenecam responsonem vestram : de hac assensione aliquid acclamate. A populo acclamatum est : Fiat, fiat : dictum est vicies quinquies. Dignum est, justum est : dictum est vicies octies. Fiat, fiat : dictum est quater decies. Olim dignus, olim meritis : dictum est vicies quinquies. Judicio tuo gratias agimus : dictum est tredecies. Exaudi Christe, Eradium conserva : dictum est octies decies. Cumque reticeretur, Augustinus episcopus dixit : Bene habet, ut ea quæ Dei sunt, circa sacrificium ejus agere valeamus : in qua hora supplicationis nostræ, maxime commendo charitati vestræ, ut omnes vestras causas et negotia intermittatis, et pro ista Ecclesia et pro me et pro presbytero Eradio Domino precem fundatis». Hucusque ejus diei et cause Acta Ecclesiastica.

13. Erat autem Augustinus hoc tempore annum ætatis agens septuagesimum secundum, episcopatus vero trigessimum secundum, prout ex ratione ejus ætatis et sedis superius habita facile deduci potest. Vixit vero post hæc annos quatuor. Porro licentia ista de subrogando sibi successore bene usi sunt complures sancti episcopi, cum quos sanctissimos seirent, eos ad episcopale munus deligerent. Exercescente vero hominum iniquitate, cum successionem antisites refundere in propinquos, quos carnalis affectio, non meritorum excellentia commendaret; proscripta est ab Ecclesiæ sacris canonibus et decretis summorum Pontificum ejusmodi successores subrogandi facultas.

14. *Libros Retractationum scribit Augustinus.*— Sed illud querendum : Quodnam adeo magnum (ut aii) negotium istud fuit, propter quod adeo enixe

postulavit olium? Quænam, rogo, fuerunt post hæc S. Augustini in sacris litteris elucubrationes, quarum causa curæ episcopali (quod hactenus nunquam fecerat) nuntium remisit? Illud in primis insidebat ejus menti negotium, quod jam plurimis ante annis conceperat animo, nempe, ut omnia sua scripta recognosceret, et quod minus recte dictum videri posset, ingenue retractaret. Ad Marcellinum enim olim scribens, hæc ait ¹: « Si mihi Deus, quod volo, præstiterit, ut omnium librorum meorum quæcumque mihi rectissime displicent, opere aliquo ad hoc ipsum instituto colligam atque demonstrarem: tunc videbunt omnes homines, quod non sim acceptor personæ meæ ». Hæc ipse. Porro quod diu ante fuerat meditatus, nunquam hactenus implere valuit: sed cum nec impleturus aliquando foret, quandiu negotiis definerentur episcopatus; ut rem adeo sibi visam necessariam explere posset, ejusmodi substituendi Eradium consilium inivit, nec quidem sine Dei nutu, quod jam impenderet ipsius ad Deum transitus: datum est enim ei a Deo spatium, quo saluberrimum mente conceptum opus conficeret. Hoc quidem anno et sequenti duos illos Retractionum libros a S. Augustino conscriptos esse, ex his quæ Possidius scribit, ut affirmemus, adducimur: etenim ait, illis absolutis, brevi excursu temporis spatio, contigisse Wandalorum in Africam irruptionem, quam quidem factam esse anno sequenti dicemus.

15. Possidius igitur de his agens, hæc ait ²: « Ante proximum vero diem obitus sui, a se dictatos et editos recensuit libros, sive eos quos primo tempore conversionis suæ adhuc laicus, sive quos presbyter, sive quos episcopus dictaverat; et quæcumque in his recognovit aliter quam sese haberet Ecclesiastica regula a se fuisse dictata, vel scripta, cum adhuc Ecclesiasticum usum minus sciret, minusque intelligeret, a semetipso et reprehensa et correctæ sunt. Unde etiam duo scripsit volumina, quorum est titulus, De recensione librorum. Præreptos etiam sibi quosdam libros ante diligentiorum emendationem a nonnullis fratribus conquirebatur, licet eos postmodum emendasset. Imperfecta etiam quædam librorum suorum, præventus morte, reliquit, etc. » Addit enim ab eodem tunc scriptum fuisse commentarium, cujus est titulus, « Speculum ».

16. Magna plane debet existimari felicitas, ut quæ quisque elucubravit, ante obitum recognoscat. Meminimus dictum superius, S. Hieronymum erubuisse senem quæ scriperat adolescens. Scimus S. Gregorium Nazianzenum doluisse hoc sibi non licere, ob urgentem fugiter morbum, et optasse id ipsum ab aliquo fideli amico præstari: sunt hæc ejus verba, cum in morbum invecus est: « Situ carique libri mei obsiti sunt, lucubrationes meæ rudes adhuc et inchoatæ. Quibus quis tandem amicum ultimam manum apponet? omnia etiamnum

viventi mortua sunt ». Hæc ipse dolens. Magno ergo Dei beneficio id concessum est Augustino: qui de iisdem Retractionibus suis, scribens ad Quodvultidum diaconum Ecclesiæ Carthaginensis, qui ab eo scribi petierat de Hæresibus commentarium, meminuit: ubi et quibus aliis detineretur hoc tempore occupatus scriptionibus, his verbis ostendit ³: « Sed ne quidem hoc potui », nempe de Hæresibus librum scribere, « talibus curis supervenientibus impeditus, quibus omnino dissimulare non possem: nam et me ab eo quod habebam in manibus, averterunt. Hoc autem est, ubi respondeo libris Juliani, quos octo edidit post illos quatuor, quibus ante respondi. Hos enim cum Romæ accepisset frater Alympius, nondum omnes descriperat, cum oblatam occasionem noluit præterire, per quam mihi quinque transmisit, promittens alios tres cito se esse missurum, et multum instans, ne respondere differrem. Cujus instantia coactus sum remissis semper agere quod agebam, ut operi utrique non deessem, uni diebus, alteri noctibus, quando mihi ab aliis occupationibus hinc atque inde venire non desistentibus parcere- tur ». Hæc ipse: quem perseverasse quidem in ejusmodi scriptione in Julianum usque ad mortem, testatur Prosper in Chronico, ubi agit de Augustini obitu. Quod vero spectat ad libros Retractionum, ista ipse mox subdit:

17. « Agebam vero rem plurimum necessariam: nam retractabam opuscula mea, et si quid in eis me offenderet, vel alios offendere posset, partim reprehendendo, partim defendendo quod legi deberet et posset, operabar: et duo volumina jam absolveram, retractatis omnibus libris meis, quorum numerum nesciebam, eosque ducentos triginta duos esse cognovi. Restabant epistolæ, et tractatus populares, quos Græci homilias vocant: et plurimas epistolarum legeram, sed adhuc nihil inde dictaveram, cum me isti Juliani libri occupare cœperant, quorum nunc quarto respondere cœpi. Quando ergo id explicuero, quintoque respondero, si tres non supervenerint, dispono (si Deus voluerit) quæ possis, incipere; simul agens utrumque, et hoc scilicet, et illud de retractatione opusculorum nostrorum, nocturnis et diurnis temporibus in singulis distributis ». Hæc Augustinus ad Quodvultidum; qui et quæ pollicitus est, præstitit, scripsitque de Hæresibus, qui extat, commentarium, et quidem certe hoc vel sequenti anno: nam si ad annum post sequentem ea scriptione pervenisset, quæ cœpta est divulgari Nestorii hæresis, ejus haud dubium mentionem habuisset. Sed tamen illud quod animo conceperat, minime præstare licuit, nimirum ut quæ reliqua essent suorum operum recognosceret, et quæ opus haberent, retractaret; nam de aliis questionibus haud contemnendis sibi scribendi oborta recens est occasio: quænam illæ essent, operæ prelium erit hic recensere.

18. Sed prius dubitationi illi occurrendum:

¹ Aug. ep. vii. — ² Possid. vii. Aug. c. 28.

³ Aug. ep. ad Quodvultid. habetur tom. vi. ante librum de hæres.

Cum constet lesificatione Possidii, duos illos Retractationum libros ab Augustino absolutos esse ante Wandalicam cladem, quam liquet esse ceptam anno sequenti; quomodo accidit, ut idem S. Augustinus inter alia sua opera retractasse ponat¹ libros viginti duos de Civitate Dei, cum eos vix post biennium absolvisse, ipsius Augustini lesificatione liqueat? Etenim in fine decimi octavi libri cum dicat, interlapsos esse a consulatu Manlii Theodori (quem contigisse vidimus anno Domini undequadragesimo) annos ferme triginta; dicendum plane esset, post biennium eos vix absolutos. Ne igitur Possidium mendacem esse velimus; dicendum est, ipsum Augustinum intellexisse de libris illis nobilissimis commentarii, quos jam ad illam usque diem absolverat; posse autem deinde integrum numerum viginti duorum librorum, quos postea non absque censura reliquerit.

19. *Qua occasione libros De prædestinatione sanctorum et De Bono perseverantiæ scripsit Augustinus.* — Quæquam autem importune adeo in his occupatum offenderint Augustinum, ut eum ab illis evocarint, jam dicamus. Prosper Aquitanus, et Hilarius Arelatensis, ambo sancti Augustini studiosissimi, hoc eodem tempore scripserunt ad ipsum e Galliis singuli singulas litteras, easdemque prolixiores, de quibusdam questionibus ab adversariis ipsius Augustini in medium adductis. Ad has ergo dubitationes solvendas, eidem divertere opus fuit. Quod enim ad tempus spectat ipse Augustinus hæc habet in primis²: « Denique cum mea cuncta opuscula retractarem, eamque retractationem stilo prosequerer, cujus operis jam duos absolveram libros, antequam scripta vestra prolixiora sumpsissem, etc. » Rursum vero posteriori libro³: « Propterea, inquit, nunc facio libros in quibus opuscula mea retractanda suscepi, ut nec ipsum in omnibus me secutum fuisse demonstrum: sed proficienter me existimo, Deo miserante, scripsisse, non tamen a perfectione cœpisse: quandoquidem arrogantius loquor quam verius, si vel nunc dico me ad perfectionem sine ullo errore scribendi jam ista atale venisse. Sed interest, quantum et in quibus rebus erraret, et quam facile quisque corrigat, vel quanta pertinacia suum quisque defendere conetur errorem. Bonæ quippe spei est homo, si eum sic proficientem dies ultimus vitæ hujus invenerit, ut adiciantur ei quæ proficienti defuerunt, et perficiendus quam puniendus potius iudicetur ». Hæc ipse, et notatu quidem dignissima.

20. Qui igitur ad Augustinum ea scripserunt Prosper et Hilarius, nondum erant episcopi: ideo eos Augustinus filios, non autem fratres appellat, sicut et Celestinus papa, cum de iisdem scripsit ad episcopos Galliarum⁴: quando autem contigerit creati episcopos, suo loco dicitur. Errare ergo scias

auctorem, qui in Prefatione ad dictas ipsorum Epistolas affixa, eosdem episcopos nominat; additumque id esse superfluum in Epistola Prosperi ad Augustinum. Quænam autem fuerint turbæ istæ contra S. Augustini scripta in Galliis concitata, ex iisdem utriusque litteris, aliorumque scriptis perspicile intelligi potest: nimirum accidisse, ut eum pervenissent in Gallias scripta S. Augustini adversus Pelagianos; nonnulli qui Pelagio studuissent, inter quos adnumerabatur Joannes Cassianus presbyter Ecclesiæ Massiliensis, cognomento Collator, ea carpere, acriterque insecrari cœperint. Insurrexerunt vero pro eisdem scriptis præcipui defensores viri eruditissimi (quos diximus) Prosper et Hilarius, quorum prior commercio litterarum tantum Augustino notus erat, Hilarius autem se usum esse Augustino magistro testatur. De se enim ita Prosper in dicta Epistola ad Augustinum: « Ignotus quidem facie, sed jam aliquatenus (si reminisceris) animo et sermone compertus: nam per sanctum fratrem meum Leontium diaconum misi Epistolas et recepi, etc. » qui et inferius de Hilario ista habet: « Unum eorum præcipue auctoritatis, et spirituum studiorum sanctum Hilarium Arelatensem sciat beatitudo tua admiratorem, sectatoremque in alio omnibus tuæ esse doctrinæ ». De se vero ipse Hilarius Augustini discipulus ita in suis litteris: « Nolo autem sanctitas tua sic me arbitretur scribere, quasi de his quæ nunc edidisti, arbitretur hæc scribere, quasi de his quibus dubitem. Sufficiat mihi pena mea, quod a præsentia tuæ deliciis exultas, ubi salubribus tuis uberibus nutriebar, non solum absentia tua crucior, verum etiam perviciacia quorundam, qui non tantum manifesta respunt, sed etiam non intellecta reprehendunt, etc.

21. Quænam fuerint, quæ a Pelagianis clam sub Catholico nomine latentibus, objicerentur, ex iisdem eorum litteris intelligere potes, ea nimirum quæ Augustinus scripsisset de vocatione et pœnitentia electorum, deque gratia præveniente, quam a voluntate hominum præveniri jactabant, et alia his cognata, ut idem qui supra S. Prosper pluribus ea Epistola significavit: præstitit id ipsum Hilarius Arelatensis, plura addens. Quibus omnibus acceptis, Augustinus hisce diebus ad ea elucidanda, et adversariorum objectiones confutandas conversus, in altum pelagus ingenii vela pandit: inspiranteque divino Spiritu, duos ad eosdem conscripsit libros, alterum inscriptum de Prædestinatione sanctorum, alterum vero de Bono perseverantiæ: ad cujus finem ejusmodi contestationem apposuit: « Qui legunt hæc, si intelligunt, agant Deo gratias. Qui autem non intelligunt, orent ut eorum ille sit doctor interior, a cujus facie est scientia et intellectus. Qui vero errare me existimant, etiam atque etiam quæ sunt dicta considerent, ne fortassis ipsi errent. Ego autem cum per eos, qui meos labores legunt, non solum doctior, verum etiam emendatior fio, propitium mihi Deum agnosco, et hoc per Ecclesiæ doctores magis expecto, si et in ipsorum manus ve-

¹ Aug. Retract. l. II. c. 43. — ² Aug. ad Prosp. de prædest. sanct. c. 3. — ³ Aug. ad Prosper. de bono persever. l. II. c. 21. — ⁴ Celestinus. ep. VIII.

niunt, dignenturque nosse quae scribo ». Haec ipse, digna quidem S. Augustini modestia, animique ejus admirabili cum summissione verecundia : ut plane, nisi aliunde, ex his saltem intelligere valeas, afflatum ipsum divino Spiritu illa scripsisse : cum non super quempiam alium, quam super humilem, quietum, et trementem sermonem Dei, divinum afflore nomen, Deus per Prophetam¹ fuerit confestatus, sicut et Jacobus docuit, ubi ait² : « Quae de sursum est sapientia, primum quidem pudica est, deinde pacifica, modesta, suavis, bonis consentiens, etc. » At longe longius dicam, et quam longissime abest, ut quid hujusmodi in aliquo reperiat heretico.

22. Sed et hic obiter attingenda quae Hilarius Arelatensis inter alia S. Augustino voluit innotescere, adjecta ad Epistolam ejusmodi appendice : « Sciat sanctitas tua, fratrem meum, cujus maxime causa hinc discessimus, cum matrona sua ex consensu perfectam Deo continentiam devovisse. Unde rogamus sanctitatem tuam, ut orare digneris, quo hoc ipsum in eis Dominus confirmare et custodire dignetur ». Haec Hilarius. At quisnam fuerit iste germanus ejus, adhuc me latet : de sorore vero ipsius Pimeniolar nomine³, nupta Lupo viro illustri, eadem delicata ab eis Deo ex consensu castitate narratur septima, cum configit eosdem pios conjuges post septennium amore perfectioris vite se invicem separasse, sanctumque conjugem Lupum sub S. Honorato abbate cenobii Lirinensis vitam monasticam excoluisse, inde vero a Trecentibus ad episcopatum assumptum mira sanctitate claruisse. Hic namque ille Lupus collega S. Germani in legatione Britannica adversus Pelagianos suscepta, de qua suo loco inferius pluribus dicturi sumus.

23. Hic ille Lupus, quem tot tantisque praeconiis celebrat Sidonius Apollinaris, cum ipse creatus episcopus ad eum scribit in episcopatu novem jam lustra perfunctum, cujus monitis haud parum Sidonius ipse profecerat. At quantus hic (quod est admiratione dignum) evaserit ex homine conjugato sacerdos, haec modo obiter ex ipsius Sidonii Epistolae exordio accipe⁴ : « Benedictus Spiritus sanctus, et Pater Dei omnipotentis, quod tu pater patrum, et episcopus episcoporum, et alter saeculi tui Jacobus, de quadam specula charitatis, nec de inferiore Hierusaleme tota Ecclesiae Dei nostri membra super inspicis ». Et inferius : « Post desudatas militiae Lirinensis excubias, et in Apostolica Sede novem jam decursa quinquennia, utriusque sanctorum ordinis te conclamatis primipilarem spiritualia castra venerunt, etc. » Haec de ipso, quem quidem mirifica sanctitate conspicuum omnium Galliarum episcopi intuebantur et venerabant, cum eum omnes (ut idem ait) scirent esse normam morum, et columnam virtutum. Sed de Lupo haec modo satis, occasione ejus conjugis S. Pimeniolar sororis

Hilarii : libuit namque ex fructibus postea editis, arboris plantationem laudibus istis a majoribus dictis prosequi. Quod vero ad Hilarium, de quo igitur, pertinet : commendat ipsum inter alia una cum S. Petronio Bononiensi S. Eucherii⁵ illud elogium : « Hilarius nuper, et de Italia nunc antistes Petronius, ambo ab illa plenissima (ut aiunt) mundanae potestatis sede, unius in religionis, alius in sacerdotii nomen ascendit ». Haec Eucherius, cum creatus est Petronius episcopus Bononiensis, perseverante Hilario in vita monastica.

24. *Prosper in Augustini adversarios scribit.* — Sed redeamus ad Proserum, qui his temporibus pro defensione scriptorum S. Augustini exurgens acerrimus propugnator, adversus eos quoque qui clam (quod palam non audent, damnata jam haeresi Pelagianum) in S. Augustinum adeo inverecunde obloquerentur, ut in eum Ethnicismum necnon Manichaeismum calumniose nimis impingerent : contra hos, inquam, S. Prosper inens ipse certamen, primum omnium hos fuisse Pelagianos ostendit aperte in commentario quem ad Rufinum conscripsit, demonstrans insuper Augustini doctrinam ab universa Catholica Ecclesia esse receptam, illorum vero ubique damnatam : de his enim haec ait⁶ : « Has autem versutias, quibus se filii tenebrarum in similitudinem filiorum lucis transfigurare voluerunt, cum et Orientalium episcoporum judicia, et Apostolicae Sedis auctoritas, et Africanorum Conciliorum vigilantia deprehenderit : beatissimus quoque Augustinus, praecipua atque hoc tempore portio Domini sacerdotum, copiose et pulchre in multis voluminum disputationibus destruxit; utpote inter multa Dei dona, quibus illum abundantissime Spiritus veritatis implevit, habens etiam haec scientiae et sapientiae ex Dei charitate virtutem, ut non solum istam (Pelagianam haeresim scilicet) adhuc in suis detractionibus palpitantem, sed etiam multas prius haereses victoria verbi debellaret. Cui inter tot certaminum palmas, inter tot triumphorum coronas ad illuminationem Ecclesiae, et ad gloriam Christi qua ipse illustratus est perfulgenti, quidam nostrorum (quod de ipsis multum dolendum est) occullis, sed non incognitis susurrationibus obloquuntur, et prout sibi obnoxias aliquorum aures, opportunasque repererint, scripta ipsius, quibus error Pelagianorum impugnatur, infamant, dicentes eum liberum arbitrium penitus submovere, et sub gratiae nomine necessitatem praedicare fatalem : adjicientes etiam, duas illum humani generis massas, et duas credi velle naturas, ut scilicet tante pietatis viro Paganorum, et Manichaeorum adscribatur impietas.

25. « Quae si vera sunt : cur ipsi tam negligentes, ne dicam tam inpii sunt, ut tam abruptam perniciem ab Ecclesia non repellant? tam iusanis praedicationibus non resistent? nec saltem aliquibus scriptis eum, a quo talis emanat doctrina, conve-

¹ Isai. XLVI, secundum LXX. — ² Jacob. III. — ³ Acta S. Lupi apud Sur. die XXIX. Julii. — ⁴ Sid. l. VI. ep. I.

⁵ Eucher. ad Valerianum. epis. — ⁶ Prosp. de liber. arbit.

niant? Magna enim gloria sua humano generi consulerint, si Augustinum ab errore revocaverint. Imo noverunt, non solum Romanam Africanamque Ecclesiam, et per omnes mundi partes, universos promissionis filios cum doctrina hujus viri, sicut in tota fide, ita in gratiæ confessione congruere; sed etiam in ipsis locis, in quibus adversus eum querimonia concitatur, esse, propitio Deo, plurimos, qui ad perceptionem Evangelicæ Apostolicæque doctrinæ saluberrimis ejus disputationibus imbuuntur, et quotidie in membris corporis Christi (in quantum ea ipse multiplicat) dilatantur. Si recte reprehendimur, cur non constanter arguimur? Si arguendi non sumus, cur occulta obtrectatione mordemur? Sed quis nescit, cur ista privatim de stomacho garriant, et publice de consilio conticescant? Volentes enim in sua justitia magis quam in Dei gratia gloriari, moleste ferunt, quod his quæ adversus excellentissimæ auctoritatis virum inter multas collationes asseruere, restitimus, etc. » Hæc et alia Prosper adversus hujusmodi susurrones. Sed de his modo haecenus. Quæ autem per adversarios post obitum S. Augustini adversus ejus scripta excitata sunt prælia, suo loco dicemus. Jam vero quæ hujus anni sunt reliqua prosequamur.

26. *Felcis magistri militum scelera.* — « His ipsis consulibus », inquit Prosper in Chronico, « Patroclus Arelatensis episcopus a tribuno quodam barbaro vulneribus laniatus occiditur; quod facinus ad occultam jussionem Felcis magistri militum referebatur, cujus impulsu traditur etiam Titus

diaconus vir sanctus, Romæ pecunias distribuens, interfectus ». Hæc ipse. Cæterum longe dispar utriusque conditio et causa necis. Etenim Titus vir sanctus (ut ait) inter sanctos adscriptus est martyres¹. Patroclus autem suorum scelerum, ultore numine, pœnas dedit; quippe qui (ut suo loco superius dictum est) pulso Herote viro digno, alienam sedem violentum invasit, et vicinorum episcoporum (ut patet ex Epistola Bonifacii Romani Pontificis) jura turbavit. Successit autem Patroclo S. Honoratus abbas Liriuensis cœnobii, quem S. Encherius primo Insulanum, inde vero magistrum Ecclesiarum appellat, eum ad Salonium scribit. Laudat eum etiam Sidonius Apollinaris in carmine ad Faustum. Porro res ab eo gestæ scriptis commendatæ sunt ab ejus successore Hilario, sed plane perierunt: quæ enim extant tribus conscripta libris, alterius potius, quam Hilarii esse, in Notis diximus. Sed de Hilario interius pluribus.

27. Verum quod ad Felicem magistrum militiæ spectat, qui adeo nefaria scelera patravit, haud inultus abiit: occisus enim est una cum uxore ab Aetio magistro militum post triennium, ut auctor idem est Prosper; qui item de Felice tradit, ejus opera indictum fuisse bellum in Africa adversus Bonifacium comitem illic cum exercitu agentem². Sed id anno sequenti contigisse, eum idem Prosper affirmet, de his suo loco agemus.

¹ Martyr. Rom. die xv. August. — ² Prosp. in Chron.

Anno periodi Græco-Romane 5919. — Jesu Christi 426. — Celestini papæ 5. — Theodosii Jun. 25. et 19. Valentiniani III. 2.

1. *Vicennalia Theodosii.* — Coss. *Theodosius* Aug. XII, et *Valentinianus* Aug. II, ille propter vicennalia imperii post patris mortem suscepti, hic vero propter imperium Augustinum anno superiori initum.

2. *Sisinnius fit episcopus Constantinopolitanus.* — A num. 1 ad 4. Socrates lib. 7, cap. 26, asserit, post Attici episcopi CP. obitum alios postulasse *Philippum* Sidensem, alios *Sisinnium*: sed cum universus populus Sisinnium optaret, « ordinatus est, inquit, Sisinnius pridie kalendas Martii consulatu proxime sequente, qui fuit Theodosii XII, et Valentiniani junioris Aug. II ». Hoc autem anno dies ultimus Februarii in Dominicam incidit, qua ordinationes episcoporum fieri solite

erant. Iste *Philippus* patria Sidensis (est autem Side urbs Pamphylicæ), conscripserat *Historiam Christianam*, ut eam appellaverat, de qua pluribus ibidem Socrates cap. sequenti, quæ extabat adhuc tempore Photii, qui in Biblioth. Cod. xxxv, atque, se eam legisse, ac fuisse prolixissimam, « atque ostentationis plus habet, inquit, quam utilitatis ».

3. *Episcopus Cyzicenus ab episcopo Constantinopolitano ordinatus.* — Ad num. 4. Socrates lib. 7, cap. 28, tradit, mortuo Cyzicenorum episcopo *Sisinnium* Cyzeici antistitem *Proclum* ordinasse. Ille tamen primus non fuit ex episcopis Cyzicenis, qui ab episcopo Constantinopolitano episcopus ordinatus fuerit. Scribit enim Philostorgius lib. 5, num. 3: « Post Eustathii, Eusebii et Eleusii depositionem,

Maris atque Eudoxius, annente Constantio (Constantini magui filio), Eunomium Cyzici episcopum ordinarunt ». Erat Maris episcopus Chalcedonensis, Eudoxius episcopus Constantinopolitanus. Quare diu ante *Atticum*, Constantinopolitani episcopi Cyzicenses præsules dederant. Postea Synodus Trullana statuit, ut provincia Hellesponti, in qua *Cyzicum* posita, pleno jure subjiceretur *Joanni* archiepiscopo novae Justinianopoleos, seu Constantiæ insule Cypri Metropoleos, ita ut ipsius quoque Cyziceni episcopi provinciæ Hellespontiacæ ordinationem celebraret. Socrates lib. 4, cap. 7, lumen affundit loco Philostorgii, cum ait, *Constantium* edicto proposito jussisse *Eleusium* Ecclesiæ Cyzicena exturbari, et *Eunomium* in sede collocari, et *Eudoxium* episcopum Constantinopolitanum hunc Cyzicena urbis episcopum constituisse. Quare existimandum, simile indultum *Atticum* a Theodosio jun. accepisse, vereque dixisse Cyzicenos, qui quemdam monachum episcopum sibi constituerant, *Solius Attici personæ* hanc prærogativam concessam esse, ut habet Socrates lib. 7, cap. 28.

4. *Sacrificia Paganis interdicta*. — Ad num. 5. Die XIX kal. Decemb. Theodosius emisit legem 23 Cod. Theod. *De Paganis*, inscriptam Isidoro præfecto prætorio, scilicet Hlyrici, qua sacrificia sub pœna mortis interdiciantur, et templa que superessent, destrui jubentur; præcipitque cuncta eorum fana destrui, *collocationeque venerande Christianæ religionis signi expiari*. Ubi vox *destruendi* accipi commodè potest pro superstitione sua spoliari, videlicet mox expiata delubra in Ecclesiis converti jubet Theodosius. Certe sub Theodosio Magno *Paganis* ipsi templa sua dirui agre ferentes, ea alios et publicos in usus saltem mutari volebant, quod ferme est argumentum orationis Libanii *pro Templis*. Denique Theodoretus sermone de Martyribus 8 testatur, sub Theodosio jun. templa idolorum vel diruta, vel ea ipsa eorumve materias in Ecclesias mutata, idque ut hic cavetur, expiatione præcedenti. Plura Gothofredus in hujus legis Comment.

5. *Eradius eligitur coadjutor Hipponensis a S. Augustino*. — A num. 6 ad 14. Dies XXVI Septembris hoc anno cum die Dominica concurrat; quare cum eo die *Eradius* coadjutor divi *Augustini* ordinatus fuerit, ut ipsemet Augustinus in Epistola CCXII, alias CX, quæ hujus anni consulibus notata est, testatur, manifestum est, in Africa episcoporum ordinationes diebus Dominicis hoc tempore fieri solitas esse. Sic *Valerius* Hipponensis episcopus obtenta dispensatione ab episcopo Carthaginiensi totius Africæ primatè, sanctum *Augustinum* coadjutorem sibi assumpserat, et Hipponensem episcopum ordinari curarat, qui una secum Ecclesiam regeret. Episcopatum suscipere sub vivente episcopo contra morem Ecclesiæ *Augustinus* recusabat; sed cum jam nonnulla exenipla præcessissent, ejus excusatio non admissa. Is tamen in se ipso postea fieri non debuisset, ut vivo suo episcopo ordinaretur, et dixit, et scripsit, propter Concilii Niceni canonem,

quem jam ordinatus didicil. Qua de re legendus Possidius in ejus Vita cap. 8. Quare hoc et præcedentibus sæculis sancti episcopi *Coadjutores* et successores sibi designarunt, cetero et plebe consentiente, ut variis exemplis ostendit Natalis Alexander in parte 2 quinti sæculi cap. 1, artic. 2.

6. *Augustinus scribit libros duos Retractorum*. — A num. 14 ad 19. Baronius hoc et sequenti anno duos *Retractorum libros* ab Augustino conscriptos esse existimat, quod Possidius cap. 28, postquam locutus est de illa librorum suorum recensione, subdat: « Verum brevi consequenti tempore divina voluntate et potestate provenit », ut Vandali in Africam irruerint, quod Baronius anno sequenti contigisse putavit. Emin. card. Norisius lib. 4 Hist. Pelag. cap. 24, eam opinionem alio argumento probat, quia, inquit, Augustinus anno cxxviii *XII kal. Octob.* Casareæ fuit in Mauritania, ut suo loco vidimus; octennio vero post scripsit libros *Retractorum*; nam cum corrigendum suscepisset *Opus de Doctrina Christiana* inscriptum, imperfectum illud agnovit: « Libros », inquit lib. 2 *Retract.* cap. 4, « de Doctrina Christiana, cum imperfectos comperissem, perficere malui, quam eis se relicti ad alia retractanda transire ». Tertium igitur librum perfecit: « Addidi etiam, inquit, novissimum librum, et quatuor libris *Opus* illud implevi ». At in libro isto quarto de Doctrina Christiana inter librorum *Retractorum* elucubrato, tradit, se ab octennio apud Casaream Mauritanicæ dissuasisse populo pugnam, quæ lapidibus peragebatur: « Et ecce jam ferme octo, vel amplius anni sunt, propitio Christo, ex quo illic nihil tale tentatum est ». Quare inde colligit Cardinalis Norisius, hæc Augustinum hoc anno scripsisse, et *Retractorum* libros anno sequenti, quo Vandalarum irruptionem in Africam accidisse autumat, completos esse. Alii denique idem colligunt ex *Eradii* electione, quæ ad hoc fuit ab Augustino instituta, ut magnum illud opus exequi posset. Verum cum irruptio Vandalicæ contigerit tantum mense Maio anni quadringentesimi vicesimi noni, ut infra demonstrabo, manifestum est, duos illos *Retractorum libros* ante annum cxxviii ad finem productos non esse.

7. *Libri de Civitate Dei ante libros Retractorum completi*. — Baronius num. 18 inquit, cum constat testificatione Possidii, duos illos *Retractorum libros* ab Augustino absolutos esse ante Vandalicam cladem, quam liquet esse coeptam anno sequenti: quomodo accidit, ut idem sanctus Augustinus inter alia sua Opera retractasse ponat libros xxii de Civitate Dei, cum eos vix post biennium absolvisset, ipsius Augustini testificatione liqueat? etenim in fine xviii libri cum dicat, interlapsos esse a consulatu Manlii Theodori (quem contigisse vidimus anno Domini cccxcix) annos ferme triginta; dicendum plane esset, post biennium eos vix absolutos. Ne igitur Possidium mendacem esse velimus: dicendum est, ipsum Augustinum intellexisse de libris illius nobilissimi commentarii, quos jam ad

illum usque diem absolverat. Posuisse autem deinde, integrum numerum viginti duorum librorum quos postea non absque censura reliquerit. Ita Baronius, qui recte quidem observat, libros de Civitate Dei ab Augustino anno cxxxviii completos esse, sed in eo hallucinatur, quod eosdem post libros de Retractationibus, quos hoc anno editos censet, absolutos existimet. Card. Emin. Norisius citatus recte ostendit, universum volumen de Civitate Dei ante libros Retractationum terminatum fuisse; ex eo quod Augustinus lib. 2 Retract. cap. 41, scribat: « Utrum vel quomodo Deus, qui spiritus est, etiam per corpus videatur; sed eam postea questionem sane difficillimam in novissimo, id est, vicesimo et secundo libro de Civitate Dei, satis quantum arbitror, explicavi ». Explicatur ea quæstio cap. 29, quod est totius Operis de Civitate Dei penultimum. Quare Augustinus totum illud Opus ante libros Retractationum perfecerat, ideoque ruit conjectura Baronii arbitrantis, Augustinum libros illos xxii de Civitate Dei nominasse, non quod eosdem integros tum temporis edidisset, sed quod universo Operi eum librorum numerum destinasset.

8. *Idque anno cxxxviii.* — Quoad alteram partem objectionis a Baronio factæ, quod nempe Augustinus in fine libri xviii de Civitate Dei dicat, a consulatione Mallii Theodori (non vero Manlii, ut editiones S. Augustini corrupte habent), seu anno Christi cccxcix usque ad annum, quo librum illum scribebat effluxisse *annos ferme triginta*, ex quo deducit Baronius librum illum xviii ante annum cxxxviii ad finem perductum non esse, et Cardinalis Norisii citati responsio non satisfacit. Ait enim libros xxii de Civitate Dei anno superiori in lucem emissos, et triginta annos illos ab Augustino memoratos, non a consulatione Manlii, seu anno cccxcix, sed a superioris anni cons. Honorio Aug. IV et Eutylichiano, anno sc. Christi cccxcviii numerandos esse: Hi enim, inquit Cardinalis Norisius, Augustinus confutat illud Gentilium Oraculum fabulosum post annos cccclxv a primo Petri miraculo cultum Christianorum desitutum, aitque illum numerum Honorio et Eutylichiano cons. terminatum « idibus Maii ex quo, addit Augustinus, usque ad hoc tempus per triginta ferme annos, quis non videat, quantum creverit cultus nominis Christi? » Non dixit absolute triginta, sed *ferme triginta*, quo loquendi modo, aliquot annos ad illum numerum deficere significavit, nempe unum aut alterum. Ita vir eruditissimus, et de Doctrina Augustiniana optime meritus, Verum ex his quæ scribit Augustinus, non minus fere manifestum est, cum libros Retractationum currenti anno exorsum esse, et inter eosdem scribendos, libros de Civitate Dei terminasse, quam eodem medio tempore libris iv de Doctrina Christiana finem impostuisse. Augustinum vero annos illos ferme triginta, non enumerare ab anno cccxcviii, ut interpretatur Emin. card. Norisius, sed a consulatione Mallii, annoque insequenti, quo constat Gaudentium, et Jovium, juxta constitutionem Honorii imp. eo anno datam, templa in

Africa evertisse, ipsa Augustini verba nos dubitare non sinunt: « Numeratis proinde consulibus », inquit Augustinus, cccclxv anni reperiuntur impleti, per eandem idus Maias, consulatione Honorii et Eutylichiani. Porro sequenti anno cum socium accepisset Honorius consulem Manlium Theodorum, quando jam secundum illud oraculum Dæmonum, aut figmentum Dæmonum, nulla esse debuit religio Christiana, quid per alias terrarum partes forsitan factum sit, non fuit necesse perquirere. Interim quod scimus, in civitate notissima et eminentissima Carthagine Africae Gaudentius et Jovius comites imperatoris Honorii. XIV kalend. Aprilis falsorum Deorum templa evertentur et simulacra frerunt. Ex quo (ex XIV nempe kalend. April. anni cccclxv) usque ad hoc tempus per triginta ferme annis quis non videat quantum creverit cultus nominis Christi? » Libri itaque xxii de Civitate Dei anno cxxxviii *triginta ferme annis* a consulatione Mallii ad finem perducti, et postea libri duo de Retractationibus eo anno exeunte completi.

9. *Liber de Hæresibus anno cxxx ab Augustino editus.* — Quoad librum *De Hæresibus*, cujus meminit Baronius num. 14, elucubratus is ab Augustino anno cxxx, ut liquet ex argumento deducto tam ejus Epistola cccxiv ad Quodvultdeum diaconum, qui ab eo flagitavit, ut hæreseon omnium catalogum texeret, earumque errores ac ritus paucis complecteretur quam ex Indiculo Possidii. In ea ait Augustinus, se *duo Volumina* jam absolvisse, *retractatis omnibus libris suis*. Quare cum duos Retractationum libros nonnisi exeunte anno cxxxviii absolverit, librum *De Hæresibus*, in quo elucubrando non parvum tempus insumptum, ante annum cxxx non conscripsit. Præterea Possidius in Indiculo, cap. 5, tradit, *de Hæresibus ad Quodvultdeum diaconum imperfectum Opus*, scilicet morte interveniente, ut interpretatur Isidorus de Viris illustr. cap. 9. Ad hæc in eadem ad Quodvultdeum Epistola asserit Augustinus, se opus illud suscepturum, post absolutam responcionem ad quintum librum Juliani ex illis octo, quos hic edidit post illos quatuor, quibus jam responderat: « Quando, inquit, id explicavero, quintoque respondero, si tres non supervenerint (nempe VI, VII, VIII, Juliani, quos nondum acceperat) dispono, si Deus voluerit, ea que poscis (nempe librum de Hæresibus) incipere, simul agens utrumque, et hoc scilicet, et illud de Retractatione opusculorum nostrorum »; quia scilicet tertium Retractationum librum moliebatur, cui tamen nunquam manum admovit, aliis libris scribendis occupatus. Anno itaque cccxxx elaboravit libros de *Prædestinatione sanctorum* et de *Perseverantia*, ad postulationem Prosperi et Hilarii monachi, ut mox ostendemus, ac priores libros quatuor in Julianum, cum nondum Alypius ad eum transmisisset tres libros ultimos ejusdem Juliani, et tandem anno cxxx, quo ad Deum migravit die xxviii mensis Augusti, librum *de Hæresibus*, et libros v et vi adversus Julianum exaravit, utriusque enim operi

immortuus est, ut de libro de Hæresibus jam ostendimus, et de libro sexto adversus Julianum indicat Possidius cap. 4, ubi ait : « Item contra secundam Juliani responsionem, Opus imperfectum ». Liber igitur ille ultimus fuit Operum sancti Augustini; hinc Possidius de libris ejus loquens, hos tantum duos imperfectos esse dicit, quia scilicet morte præventus eosdem absolvere non potuit.

10. *Prosper et Hilarius adversus Semipelagianos ad Augustinum scribunt.* — A num. 19 ad 26. Joannes Cassianus scientia et morum integritate clarissimus, qui post hujus sæculi initium monasterium Massiliæ ædificavit, sancti Augustini sententiam de gratuita prædestinatione tum ad fidem tum ad gloriam a sanctorum Patrum opinione abhorreere existimabat : multisque non modo de communis doctorum vulgo, sed etiam quorundam episcoporum pietate et eruditione insignium eandem opinionem tuebantur; adeo ut plures qui doctrinæ Augustini favebant, ab hujus sententia revocarentur. Illi postea *Semipelagiani* appellati. Verum *Prosper et Hilarius*, non Arelatensis episcopus, ut putavit Baronius, sed vir laicus, cum per omnia eis satisfacere non possent, rem ad Augustinum retulerunt, rogaruntque, ut, quæ in ejus libris præsertim de *Correptione et Gratia*, quosdam suorum offendeant, clarius explicare vellet. Eum ob rem uterque litteras ad eum dedit, quæ ad alias tom. vii Operum divi Augustini, nunc inter Epistolas Augustinianas ordine ccxxv et ccxxvi extant. *Prosper* tum moribus tum studio commendabilis *Augustinum* nunquam viderat, sed tantummodo officiosis litteris salutaverat, quas per *Leontium* diaconum direxerat, ut Hilarius in fine suæ Epistolæ insinuat; et ipsemet se tantum ex ordine laicorum fuisse quodammodo indicat, quando profitetur minime se parem auctoritati adversariorum, a quibus multum et vite meritis et summo sacerdotii honore superetur. *Hilarius* vero in sua Epistola significat, se ipsius *præsentie deliciis* aliquando potitum, *uberibusque salubribus nutritum* fuisse, ac postremo n. 9 se laicum indicat, et Augustinum appellat *Patrem*, a quo vicissim in libro de Prædestinatione Sanctorum cap. 1, *filium* nuncupatur. Quare hallucinati sunt, qui hunc *Hilarium* cum Hilario Arelatensi episcopo confundere. Prosper etiam in suis litteris loquitur de eodem Hilario Arelatensi episcopo, ostenditque illum unum ex iis fuisse, qui Cassiani partes sequebantur, ac Augustinum certiore faciens omnium, quæ a Cassiano ejusque monachis contra illum de prædestinatione gratuita sententiam in Galliis asserebantur, ait : « Speramus non solum tenuitatem nostram disputationum tuarum presidio roborandam, sed etiam ipsos, quos meritis, atque honoribus claros caligo istius opinionis obscurat, defæcatissimum lumen gratiæ recepturos. Nam unum eorum præcipuæ auctoritatis et spiritualium studiorum virum, sanctum Hilarium Arelatensem episcopum, sciat beatitudo tua admiratorem, sectatoremque in aliis omnibus tuæ esse doctrinæ, et de hoc quod in que-

recliam trahit, jampridem apud sanctitatem tuam per litteras velle conferre ».

11. *Augustinus anno cxxxix libros de Prædestinatione SS. et de Dono perseverantiæ scribit.* — Quare *Hilarius*, qui ad Augustinum scripsit adversus Semipelagianos, diversus erat ab Hilario tunc episcopo Arelatensi, et in questione de initio fidei ac dono perseverantiæ a partibus Cassiani stabat, at præter hæc omnia (Augustini scilicet) se *profitebatur amplecti*, ut testatur Augustinus libro de Dono perseverantiæ cap. 21. Baronius num. 20 dicit, Prosperum et Hilarium nondum episcopos fuisse, quando Epistolas illas scripsere. Verum ex verbis citatis Prosperi constat tunc Hilarium jam Arelatensem episcopum fuisse, ideoque Hilarium qui ad Augustinum scripsit, fuisse et laicum, et diversum ab Hilario Arelatensi. *Prosperum* vero hoc tempore fuisse laicum, mox ostendimus, et infra visuri sumus eum nunquam episcopatum Regiensem administrasse. Secundo ait Baronius, additum esse in Epistola Prosperi titulum episcopi Arelatensis; aliqui vero viri eruditi, loco Hilarii *Honoratum*, qui hoc anno creatus est episcopus Arelatensis, legendum esse arbitrantur. Sed præterquam quod omnes codices Mss. habent *Hilarium*, ambæ hæc litteræ, non hoc anno ad Augustinum datæ, sed anno quadragesimo vicesimo nono, cum is in libris *Retractionum* mentionem non faciat librorum de Prædestinatione Sanctorum et de Dono perseverantiæ, post acceptas has litteras ab Augustino compositorum. Libros autem *Retractionum* absolvit Augustinus sub finem anni cxxxviii, ut supra monstravimus. Quare cum *Hilarius* anno tantum cxxxix episcopus Arelatensis renuntiatus fuerit, ut ex dicendis liquebit, utraque Epistola, et uterque liber de Prædestinatione Sanctorum et de Dono perseverantiæ ad eum Christi annum pertinent. Hinc Augustinus lib. de prædest. Sanct. cap. 3, ait : « Cum mea opuscula retractarem, eamque retractionem stylo persequer, cujus operis jam duos absolveram libros, antequam scripla vestra profixiora sumpsissem, etc. »

12. *Quando illos scripsit, S. Hilarius jam erat episcopus Arelatensis.* — Baronius num. 22, referens hæc verba Hilarii, qui ad Augustinum scripsit : « Sciat sanctitas tua, fratrem meum, cujus maxime causa hinc discessimus, cum Matrona sua ex consensu perfectam Deo continentiam devovisse », ait, adhuc se latere, quis fuerit iste germanus Hilarii Arelatensis. Verum cum Hilarius Arelatensis episcopus has litteras non scriperit, significat Hilarius laicus, qui eas dedit, fratrem suum continentiæ perpetuæ votum mutuo inter conjugem suam consensu inisse. Præterea Baronius num. 23, referens ista verba sancti Eucherii in Epistola Parenetica ad Valerianum, in qua ait : « Hilarius nuper, et in Italia nunc antistes Petronius, ambo ex illa plenissima, ut aiunt, mundanæ potestatis sede, unus in religionis, alter in sacerdotii nomen ascendit », addit : « Hæc Eucherius, cum creatus est Petronius

episcopus Bononiensis, perseverante ante Hilario in vita monastica », hoc fundamento ex litteris Prosperi deduxit. Hilarius nondum fuisse episcopum, cum Proser eas litteras dedit. Verum, inquit doctissimus card. Norisius lib. 2 Hist. Pelag. cap. 2, aperte colligitur, oppositum ex Eucherii verbis; etenim *nuper* refertur ad *nunc*, quasi diceret *Eucherius*, Hilarius nuper episcopus in Gallia, et *nunc* Petronius in Italia; alias sensus ac proprietatis dictionis omnino corrumpitur. Porro tempus episcopatus Petronii nos edocet in eadem Epistola Eucherius, cum dicat, se eam scribere *anno Urbis conditæ millesimo centesimo octogesimo quinto*, ideoque anno Christi cxxxii, si Varronianam putationem secutus est, aut etiam tardius, si Capitolinæ aut Frontiniane adhesit. Quare initium episcopatus Petronii cum anno cxxx non bene illigatur Sigonius in Historia de regno Italiæ. et Ughellus in Italia Sacra.

13. *Argumentum librorum de Prædestinat. SS. et de Dono perseverantiæ.* — Augustinus Prosperi et Hilarii litteris pernotus duos ad utrumque scriptis libros, priorem de *Prædestinatione Sanctorum*, posteriorem de *Dono Perseverantiæ*. In priori docet, *Semipelagianos* in quæstione de Prædestinatione Sanctorum non recedere a Pelagii sententia, si humani arbitrii viribus initia fidei adscribat: incrementum certe ejusdem Deo dare superbie esse. Quasi vellet priores sibi partes tribuere, posteriores Deo: nihil novi sese in medium attulisse, sed quæ *Cyprianus* atque *Ambrosius* ante docuerant, nempe fidem esse a Deo: hac de re se aliter sensisse aliquando, et in opuscula a se nondum episcopo scriptis errasse, sed postea convictum fuisse hoc præcipue testimonio, *Quid autem habes quod non accepisti?* quod testimonium de ipsa etiam fide accipiendum probat. Fidem inter alia numerandam esse opera, quibus Dei gratiam preveniri etiam Apostolus; gratia duritiam cordis auferri; et ad Christum venire omnes, qui a Patre docentur ut veniant. Denique prædestinationem sine meritis non solum aperte ex Epistolis Apostoli deduci; verum etiam ex Christo præclarissimo gratuite prædestinationis exemplari. In posteriori libro qui est de *Dono perseverantiæ* docet perseverantiam in bono esse donum Dei: gratiam aliquibus a Deo dari, quia misericors est, aliis negari, quia justus est: perseverandi gratiam non secundum accipientium merita, sed aliis misericordia dari, aliis justo ejus judicio non dari: cur ex adultis ille potius quam iste vocetur, quemadmodum et ex duobus parvulis cur iste assumatur, ille relinquatur, inscrutabile esse: inscrutabilis autem, cur ex duobus piis huic perseverare donetur, non illi; sed istud tamen certissimum, hunc esse ex prædestinatis, illum non esse. His duobus Augustini libris diu a Gallicanis doctoribus contradicunt, sed tandem pari cum reliquis auctoritate ac reverentia excepti sunt.

14. *S. Honoratus ex abbate Lerinensi fit episcopus Arelatensis.* — Ad num. 26. Proser in Chro-

nico his coss. tradit *Patroclum* episcopum Arelatensem a tribuno quodam barbaro occisum fuisse. Pseudo-Proser in Chronico imperiali, ad annum xx Honorii imp. de Patroclo habet: « Patroclus Arelatensis episcopus, infami meratu sacerdotia venditare ausus ». Ei successit sanctus *Honoratus* antea Lerinensis abbas, de cujus patria anno cmlv, num. 27, agemus. Sermo in laudem illius anniversario obitus ejus die habitus a Sancto Hilario, qui ei successit in sedem Arelatensem, extat apud Bollandum ad diem xvi Januarii, quo sanctus *Honoratus* colitur. Baronius existimavit Vitam sancti Honorati, quam Isidorus lib. de Script. Eccles. cap. 46, ab eodem sancto Hilario scriptam asserit, periisse. Verum ea diversa non est a laudata Oratione funebri, quam etiam retulit Surius ad diem xvi Januarii. Alia autem sancti *Honorati* Vita, tribus libris distincta fabulis et deliriis plena est, ut observat Baronius anno cmlv, num. 49. Antelmus in Dissert. De Initio Ecclesie Forojulienis cap. 16, ostendit, hujus Vitæ fabulosæ auctorem esse *Raymundum Ferandum* Gallo-Provinciale Poetam vernaculum, qui vivebat tempore Caroli II Andegavensis. Neapolitani regis et Provincie comitis. Sanctus *Honoratus* post suam in Orientem peregrinationem, monasterium *Lerinese* fundavit, in quo ejus tempore florere Eucherius, Maximus, Hilarius, Faustus, Lupus, alique celeberrimi monachi, qui deinde ad episcopatum in diversis partibus Galliarum assumpti sunt. Est autem *Lerina* insula Provinciæ adjacens adversus Antipolim. Tempus conditi illius monasterii incertum; citius tamen quam par erat, Baronius ejus conditum consignat circa annum cdlxxv. Honoratus enim sancto Leontio Forojulienis episcopo sedente illud ædificavit, teste sancto Hilario laudato in ejus Vita cap. 3, dicente: « Vacantem insulam ob nimicitatem squaloris et inaccessam venenatorum animalium metu, Alpino hæc longe jugo subditam petit. Præter secreti opportunitatem, sancti ac beatissimi in Christo viri Leontii episcopi oblectatis vicinia, et charitate constrictus plurimis sitim novo haustu protrahere cantibus ». Quare cum Leontius anno cxxxiii ad Deum migravit, ejus episcopatus initium videtur incidisse in priores hujus sæculi annos.

15. *Cassianus XIV postremas Collationes scribit.* — Cassianus abbas monasterii Massiliensis præter priores collationes decem, de quibus supra egimus, alias quatuordecim elucubravit, quarum septem priores sanctis Honorato et Eucherio inscripsit, quas iteratis litteris ab eo Eucherius extorsit, teste eodem in Prefatione ad Collationem xviii. « Post conspectum, inquit, atque colloquium trium illorum senum, quorum Collationes sancto fratre nostro Eucherio compellente utrumque digessimus ». Edite septem istæ Collationes antequam Honoratus ad episcopatum Arelatensem eveheretur; ait enim ibidem Cassianus: « Vos, o sancti fratres Honorate et Eucherii, tanta illa sublimium virorum, a quibus prima anachoreticorum instituta suscepimus,

laude flammamini », ut etc. Septem postremæ dicatæ sunt *Joviniano, Minervio, Leontio et Theodoro monachis* in Stœchadibus degentibus. Quare quando priores septem Cassianus scripsit, Honoratum nondum erat episcopus; cum enim et Eucherium Cassianus *fratres* appellet. Reliquas septem Collationes, quas Joviniano aliisque monachis dicavit, jam in manibus habebat, cum priores septem ad Honoratum et Eucherium misit. Nam earum mentionem facit in fine ejusdem Præfationis ad Honoratum et Eucherium: « Si vero sanctam studii vestri sitim etiam hæc satiare non quiverint, septem alie Collationes, quæ ad sanctos qui in Stœchadibus consistunt insulis, emittendæ sunt, fratres, desiderium, ut arbitror, vestri ardoris explebit ». Hæc porro septem ultimæ ante diem xv Januarii anni cxxxix, quo sanctum Honoratum e vivis excessisse dicemus, scriptæ. In Stœchadibus, quæ insule sunt in ora Provinciæ contra Olbiam, nullum illius monasterii superest vestigium. *Theodorus* unus ex monachis, quibus septem postremas Collationes *Cassianus* scripsit, Foro-Julienis post sanctum Leontium episcopus fuit; cum enim *Stœchades* vix unius diei itinere a Foro-Julio distent, ejus fama et virtutes facile clerum Foro-Juliensem movere potere, ut eum sibi episcopum præficeret; eoque magis, quod ille necdum in insulis illis; sed et in Gallicanis provinciis monasticæ disciplinæ observantiam sanctissimis regulis primus instituisset. Hæc enim Cassianus in laudata Præfatione: « Emensis juvante gratia Christi, etc., totidem et nunc vobis, o sancti fratres Joviniane, Minervi, Leonti, et Theodore, credidi deputandas; posterior siquidem vestrum illam cœnobiorum sanctam atque egregiam disciplinam in Gallicanis provinciis antiquarum virtutum districtione fundavit ». Theodorus igitur cœnobiticæ severioris disciplinæ restitutor in Galliis fuit, quam sanctus Martinus, alique prius in hæc partes invexerant, sed quam haud dubie collabentem, *Theodorus* iste antiquarum virtutum districtione quasi iterum fundasse reputabatur.

46. *In illis Semipelagianorum opiniones amplectitur.* — In his Collationibus *Cassianus* liberius de Gratia et libero arbitrio sensit, quam in illis prioribus decem. Nam, ut ostendit Em. card. Norisius lib. 2 hist. Pelag. cap. 1, licet Collatione tertiâ a cap. 11 usque ad 22 de divinæ Gratiæ necessitate disseruit, non tamen adeo confidenter locutus est, uti in Collatione xiii ad Lerinenses, in qua animosior factus non jam titubanter, sed aperte, atque

audacter liberi arbitrii vires plus justo contra Dei gratiam evexit. Nam sine Dei gratia docuit posse nos habere scientiam boni cap. 12, ubi et gratiam quandoque prævenire liberum arbitrium, quandoque ab isto præveniri tradit: dici Deum salvatorem, cum prævenit, susceptorem, cum prævenitur cap. 17; posse homines suis viribus habere fidem cap. 14, spem et desiderium boni cap. 9, orare Deum cap. 12, tentationes vel gravissimas, quales Job passus est, sine gratia posse superari cap. 14. Ne tamen Pelagianam sententiam tenere putaretur, ea bona opera a libero arbitrio inchoari tantum, ad sine Dei gratia perfici nullo modo posse dicebat; hæc habet cap. 8: « Qui cum in nobis ortum quemdam bonæ voluntatis inspexerit, illuminat eam confestim, atque confortat, et incitat ad salutem, incrementum tribuens ei, quam vel ipse plantavit, vel nostro conatu viderit emersisse ». Et cap. 9, in fine: « Ut autem evidentiùs clareat etiam per naturæ bonum, quod beneficio Creatoris indultum est, nonnunquam bonarum voluntatum prodire principia, quæ tamen nisi a Domino dirigantur, ad consummationem virtutum pervenire non possunt; Apostolus testis est dicens: Velle adjacet mihi, perficere autem bonum non invenio ». Ita Cassianus. Plura hæc de re Cardinalis Norisius laudatus qui tam Pelagianorum quam Semipelagianorum Historiam egregie illustravit.

17. *Theodosius favet Judæis conversis et Apostatis ad Ecclesiam redeuntibus.* — Valentinianus imp. VI idus April. emisit legem 28 Cod. Theod. *de Judæis*, qua duo privilegia titiis proselytis, id est, ex Judæo Christianis effectis, in paterna successione tribuit. Primum est quod hæredari a parentibus Judæi non ideo possint, neque legitima eis minus relinqui. Hoc primum, nempe mutationem religionis paternæ vel aviæ non censi hæc parte inter legitimas hæredationis causas, si videlicet liberi ad meliora diverterint. Secundum privilegium est: ut etiam hæredationis causa subsistente legitimam eis relinqui oporteat, « ut hoc saltem, inquit, in honorem religionis electæ mernisse videantur ». Idem imperator VII idus April. dedit legem 7 Cod. Theod. *de Apostatis*, qua cum alias apostasiæ crimen, atque adeo pœnæ in apostatas constitutæ in eos etiam, qui ex Christianis Judæi vel Manichæi fiunt, cadere solent, pœnas hæc constitutione comprehensus iis, qui ex Christianis Pagani facti essent, proprias esse voluit. Utramque constitutionem omisit Baronius in Annalibus.

CÆLESTINI ANNUS 4. — CHRISTI 427.

1. *Bonifacio per calumniam inferitur bellum, cujus occasione plures inter ipsum et Augustinum Epistolæ.* — Advenit annus Domini quadringentesimus vicesimus septimus, consulatu Hierii et Ardaburii¹ inchoatus, Africanæ provinciæ funestus, primum quidem ob bellum invidia Felicis magistri militum Bonifacio comiti cum exercitu in Africa agenti illatum; de quo Prosper in Chronico, his consulibus, ita habet: « Bonifacio, ejus potentia gloriaque in Africa augebatur, bellum ad arbitrium Felicis, qui ad Italiam venire annuerat, publico nomine illatum est, ducibus Mavortio, et Galbione, et Sinoce, ejus prodicione Mavortius et Galbio, cum Bonifacium obsiderent, interempti sunt; moxque ipse a Bonifacio dolo detectus, occisus est. Exinde agentibus, quæ uti navibus nesciebant, dum a concertantibus in auxilium vocantur, mare parvum factum est: bellique contra Bonifacium cæpti in Sigisvultum comitem cura translata est ». Hæc Prosper.

2. Verum hæc non Felici, sed Aetio apud historiam Miscellam, quæ Paulo diacono adscribitur, tribuuntur; ejusque traditur dolo et insidiis factum, ut Bonifacius apud imperatorem male audiret: res autem gesta sic ibi narratur²: « Cum Bonifacius principatum Occidentalis Libyæ perceperisset, et apud Africanam potentia gloriaque auferetur; invidia inflammatus Aetius accusationem facit adversus Bonifacium, tanquam rebellionem meditantem, et obtinere Libyam satagentem. Et hæc quidem Placidia fatebatur, quæ fuit mater Valentiniiani. Cæterum Bonifacio scribit: Si accersitus fueris, accedere noli; accusatus enim es, et te dolose vocant imperatores. Hæc suscipiens Bonifacius, et veluti proprio servo Aetio credens, accersitus accedere distulit. Tunc imperatores Aetium quasi devotum recipiunt, et adversus Bonifacium Mavortius, et Galbio milituntur ». Reliqua ut supra. Porro ansa Bonifacium accusandi, et in suspicionem adducendi apud imperatorem, ea æmulis tributa est, quod cum eidem Bonifacio jussu ejusdem imperatoris proficiscendum

fuisset in Hispaniam, ibi affinem Wandalorum regibus uxorem duxerat, eosdemque Barbaros sibi fœdere nuptiarum obstrinxerat. Unde facile fuit imperatori persuadere, aliquid ipsum in Romanum imperium machinari. Quamobrem statuit ut adversus cum bello decerneret, dictosque duces in Africam mitteret. Quorum plane adventu nonnihil percussus animo Bonifacius, ad S. Augustinum has litteras dedit, de belli eventu sollicitus³:

3. « Domino venerabili sancto patri Augustino episcopo Bonifacius.

« Grave nobis est bellum. Inimici mucro nostra pectora pulsat. Deo funde preces, ut soles: tua sit nobis comes oratio. Rauca buccina, terrificata tuba, puto quod et sidera terreant. Hostium clamor immanis adest: sed his non terremur. Novimus enim ista non hodie. Ergo, venerande Christi sacerdos, pete Deum, ut jacula in hostes dirigat nostra, ac se ipsi trucident mutua cæde ». Hæc breviter Bonifacius ad Augustinum magna fiducia: qui ad eum ista pauciora reddidit⁴:

4. « Domino et spectabili viro Bonifacio Augustinus episcopus.

« Gravi de pugna conquereris. Dubites nolo. Utile tibi, tuisque dabo consilium: arripe arma: oratio aures pulset auctoris; quia quando pugnatur, Deus apertis cælis prospectat, et parti quam adspicit justam, dat palmam ». Hæc Augustinus.

5. Cum vero res ex sententia accidisset, ut duces Mavortius et Galbio prodicione Sinoeis occiderentur; Bonifacius Deo hæc omnia accepta ferens, rursus ad eundem sanctum Augustinum hæc scripsit⁵:

« Domino venerabili S. Patri Augustino episcopo Bonifacius.

« Manus superba, Deo juvante, cecidit, quæ ante paululum andax gladium erecta portabat. Multi ex adversis ceciderunt: de nostris autem, Christo juvante, nullus est vulneratus. Ora igitur, venerabilis papa, ut talis de inimicis ultio sæpe præcedat. Ista ipse: ad quæ hæc Augustinus rescripsit, cum agrotaret⁶:

¹ Attaburis ex veteri inscri. in Basilica S. Pauli Romæ. — ² Paul. diac. hist. Miscel. l. xiv.

³ Aug. ep. xii. — ⁴ Ibid. — ⁵ Ibid. ep. xiv. — ⁶ Ibid. ep. xv.

6. « Domino insigni meritoque sublimi filio Bonifacio Augustinus episcopus.

« Lecto me vacare, nobilitatem tuam latere non credo: ultimamque diem mihi exopto venire. Gaudeo tuae victoriae. Civitatem, queso, serva Romanam: Inos ut bonus reges comes. Nihil de viribus propriis praesumas. De auctore gloriari virtutum, et nullum curabis penitus inimicum. Vale ». Sed ad eum rursum sic Bonifacius quam religiosissime¹:

« Nunquam Divinitas preces et lacrymas despiciat peccatorum. Cuius ipse quidem de hac vita securus ad caeli regna migrare: sed nobis opus est, fessis in tantis adhuc periculis constitutis. Itaque ora nobiscum, ut tua nobis salus aliquantulum temporis condonetur ». Hactenus ad Augustinum Bonifacius.

7. Scimus quidem perbreves has litteras ob laconicum scribendi genus, praeter Augustini morem ab aliquibus non creditas ipsius esse. Sed si quis personam ad quam scripsit, et tempora exacte consideret, nempe Bonifacium perduellem Romani imperii declaratum, ad eamque eo tempore Augustinum scribere: certe quidem omnis adhibenda ipsi fuit industria, ne ad illum ista scripsisse sciretur: unde non solum a consueta scribendi forma recessisse oportuit, sed (ut assolet) notis Bonifacio tantum perscriptis litteras exarasse: secus autem accidit, cum idem Bonifacius ab eo reprehendus fuit, cum nulla Augustinus potuisset nota suspicionis inuri, quod ad rebellem imperii scripsisset. Verum (quod diximus) etsi quis contentiose nimis Augustinum esse neget; haud (si prudens est) inficias erit, easdem Epistolas esse germanas ab omni prorsus fictione remotas, ab aliquo alio Africanorum episcoporum conscriptas, ut superius diximus, Aurelio, aut Alypio.

8. *Bonifacius in immania prolapsus facinora, Vandalos ad Africam devastationem vocat.* — Sed quid post haec accidit? Cum (ut vidimus ex Prospero) ejusdem belli cura Sigisvulto comiti legata esset, idemque valentioribus copiis adversus Bonifacium exercitum comparasset: propriis diffidens viribus ipse Bonifacius quid praestiterit, apud Paulum diaconum² sic res gesta narratur: « Bonifacius igitur sentiens se non posse tuto Africam tenere, cernensque sibi periculum instare, in perniciem totius Reipub. effervescens, transfretans e Libya in Hispaniam, ad Vandalos Alanosque venit. Cumque Modegisclum invenisset mortuum, et filios ejus Guntharium et Gensericum imperium moderantes, hortatus est, ut Hispaniam Libyamque in tres partes dividerent. Qui polliciti sunt, unicuique parti se una cum ipso principaturos, in communi tamen in quemlibet hostem ulturos. In talibus ergo professionibus Vandali Alanique fretum transeuntes, Libyam habitaverunt; et cunctam paene Africam ferro, flamma, rapinis crudelissime devastantes, in-

super Catholicam fidem Ariana impietate subverterunt ». Haec ibi. Ex litteris etiam postea a S. Augustino ad eum scriptis liquet ipsum Bonifacium navigasse: ex quibus redarguas Procopium affirmantem³, non ipsum, sed ejus germanos in Hispaniam missos esse, et Vandalos infauste nimis in Africam convocasse: quod hoc anno, iisdem consulibus, configisse, Prosper notat in Chronico: nisi utrumque accidisse dixerimus, diversorum temporum habita ratione.

9. Quo tandem (proh dolor!) desperatio virum alioqui pium adegit? Cum enim se calumniis oppressum, caputque suum infatigabili studio, summaque potentia peti cerneret: jamque sciret omnem prorsus sibi clausam esse viam excusandi se apud imperatores, quos magis magisque recentioribus Romani exercitus cladibus exasperasset; adeo enormia et homine Christiano prorsus indigna, et indecora patravit, ut infelix sibi in primis, ac toti Africae, Ecclesiaeque Catholicae immensum parturierit malum. Sed unde ipsi, ut vel talia cogitaret, malorum origo? Desciverat jam miser a pristina pietate, morumque probitate, in qua hactenus se S. Augustini monitis continerat, et in dies magis magisque profecerat: sed in vitia jam prolapsus enormia, didicit miser experimento, quam malum et amarum² esset, dereliquisse Dominum Deum, quem ante sanctis demerens operibus, expertus saepius suum fuerat protectorem, et hostium appetentium fuisse ultorem.

10. Ante haec autem, accidit, ut cum ad se defendendum adversus amulos totis viribus Bonifacius intentus esset, bellis civilibus Romanis inter se exercitibus confligentibus, Barbari Africani in finitimos populos Romano imperio subditos grassarentur. Haec miseratus Augustinus, ad ipsum Bonifacium in deterius prolabantem, ut eum ad meliorem frugem revocaret, Epistolam scripsit, in cujus exordio post alia ista habet³: « Scio non deesse homines, qui te secundum vitam mundi hujus diligunt, et secundum ipsam tibi dant consilia, aliquando utilia, aliquando inutilia: quia homines sunt, et sicut possunt, ad praesens sapient, nescientes quid contingat sequenti die. Secundum Deum ne pereat anima tua, non facile tibi quisquam consultit: non quia desint qui hoc faciant, sed quia difficile est invenire, quando tecum ista possint loqui. Nam et ego semper desideravi, et nunquam inveni locum vel tempus, ut agerem tecum quod me agere oportebat cum homine, quem multum diligo in Christo. Scis autem, quatenus me apud Hipponeum videris, quando ad me venire dignatus es, quia vix loquebar, imbecillitate corporis fatigatus. Nunc ergo, fili, audi me saltem per litteras tibi sermocinantem, quas in periculis tuis nunquam tibi mittere potui, periculum cogitans perlatoris, et cavens, ne ad eos, ad quos nollem, mea Epistola perveniret ». Vides ex his Augustini in scribendo cautelam: ut non mi-

¹ Aug. ep. xvi. — ² Paul, diacon. hist. Miscell. l. xiv.

³ Procop. de bel. Vandal. l. i. — ² Hier. ii. — ³ Aug. ep. lxx.

reris, si in aliis perbrevibus, ad eum datis Epistolis consuetam mutaverit dictionem. Sed subdit : « Unde peło, ut ignoscas, si me putas plus limuisse, quam debui : lamen dixi quod limui. Audi ergo me, imo Dominum nostrum per ministerium infirmitatis meæ.

11. « Recole qualis fueris, adhuc in corpore constituta religiose memoriæ priore conjuge tua, et recenti ejus obitu, quomodo tibi vanitas hujus sæculi horruerit, et quomodo cupieris servitutem Dei. Nos novimus, nos testes sumus, quid nobiscum apud Tubunas de animo, et voluntate tua fueris collocutus : soli enim eramus ego, et frater Alypius. Non enim existimo tantum valuisse terrenas curas, quibus impletus es, ut hæc de memoria tua penitus delere potuerint. Nempe omnes aclus publicos, quibus occupatus eras, relinquere cupiebas, et te in otium sanctum conferre, atque in ea vita vivere, in qua servi Dei monachi vivunt. Ut autem non faceres, quid te revocavit ? quia considerasti, ostendentibus nobis, quantum processet Christi Ecclesiis quod agebas, si ea sola intentione ageres, ut defensæ ab infestationibus Barbarorum quietam, et tranquillam vitam agerent (sicut dicit Apostolus ¹) in omni pietate, et castitate : tu autem ex hoc mundo nihil quaereris, nisi ea quæ necessaria essent huic vitæ sustentandæ tuæ ac tuorum, accinctus baltheo castissimæ continentiæ et inter arma corporalia spiritualibus armis tilius ac fortius munitus.

12. « Cum ergo te esse in hoc proposito gaude-remus, navigasti, uxoremque duxisti : sed navigasse, obedientiæ fuit, quam secundum Apostolum ² debebas sublimioribus potestatibus : uxorem autem non duxisses, nisi susceptam deserens continentiam, concupiscentia victus esses. Quod ego cum comperissem (fateor) miratus obstupui : dolorem autem meum ex aliqua parte consolabatur, quod audivi te illam ducere noluisse, nisi prius Catholica fuisset facta. Et tamen hæresis eorum, qui verum Filium Dei negant, tantum prævaluit in domo tua, ut ab ipsis filia tua baptizaretur. Jam vero si ad nos non falsa perlata sunt (quæ utinam falsa sint) quod ab hæreticis etiam ancillæ Deo dicatè rebaptizate sint; quantis tantum malum plangendum est fontibus lacrymarum ? Ipsam quoque uxorem non tibi suffecisse, sed concubinarum nescio quarum commixtione pollutum, loquuntur homines, et forsitan mentiuntur. Ista omnibus patent et tot et tanta mala, quæ te, posteaquam conjugatus es, consecuta sunt. Quid dicam ? Christianus es, cor habes, Deum times : tu ipse considera quæ volo dicere ; et invenies de quantis malis agere debeas penitentiam : propter quam tibi credo Dominum parere, et a periculis omnibus liberare, ut agas eam, sicut agenda est. Sed si illud audias, quod scriptum est ³ : Ne tardes converti ad Dominum, neque differas de die in diem.

13. « Justam quidem dicis habere te causam ;

cujus judex ego non sum ; quoniam partes ambas audire non possum. Sed qualiscumque sit causa tua (de quo modo quaerere, et disputare non opus est) nunquid coram Deo potes negare, quod in istam necessitatem non pervenisses, nisi bona sæculi hujus dilixisses : quæ tanquam servus Dei, quem te ante noveramus, continere omnino, et pro nihilo habere debuisti : et oblata quidem sumere, ut ea uteris ad pietatem, non autem negata vel delegata sic quaerere, ut propter illa in istam necessitatem ducereris, ubi cum amantur vana, perpetrantur mala ; pauca quidem a te, sed multa propter te : et cum timentur, quæ ad exiguum tempus nocent, si tamen nocent, committuntur ea quæ vere in æternum nocent ? De quibus ut unum aliquid dicam ; quis non videt, quod multi homines tibi cohæreant ad tuendam tuam potentiam, et salutem : qui etiamsi tibi omnes fideles sint, nec ab aliquo eorum ulla timeantur insidiæ ; nempe lamen ad ea bona, quæ ipsi quoque non secundum Deum, sed secundum sæculum diligunt, per se cupiunt pervenire ; ac per hoc qui refrænare, et compescere debuisti cupiditates tuas, explere cogeras alienas : quod ut fiat, necesse est ut multa quæ Deo displicent fiant, nec sic tamen explentur tales cupiditates ». Et paulo post : « Quando ergo poteris tot hominum amatorum, quorum fovenda est cupiditas, timetur atrocitas ; quando (inquam) poteris eorum concupiscentiam, qui diligunt mundum, non dico satiari (quod fieri nullo modo potest) sed aliqua ex parte pascere, ne universa plebs pereat, nisi tu facias, quæ Deus prohibet, et factitibus comminatur ? Propter quod vides tam multa contrita, ut jam vile aliquid quod rapiatur, vix inveniatur.

14. « Quid autem dicam de vastatione Africae, quam faciunt Afri barbari, resistente nullo, dum tu talis tuis necessitatibus occuparis, nec aliquid ordinas, unde ista calamitas avertatur ? Quis autem crederet, quis timeret, Bonifacio domesticorum et Africae comite in Africa constituto cum tam magno exercitu et potestate, qui tribuus, cum paucis fœderatis ipsas gentes expugnando, et terrendo pacaverat, nunc tantum fuisse Barbaros ausuros, tantum progressuros, tanta vastaturos, tanta rapturos, tanta loca, quæ plena populis fuerant, deserta facturos ? Qui non dicebant, quandocumque tu comitivam sumeres potestatem, Afros barbaros non solum domitos, sed etiam tributarios futuros Romanæ Reipublicæ ? Et nunc quanti in contrarium versa sit spes hominum, vides : nec diutius hic tecum loquendum est, quia plus tu potes ea cogitare, quam nos dicere. Sed forte ad ea respondes : illis hoc esse imputandum, qui te læserunt, qui tuis officiosis virtutibus non paria, sed contraria reddiderunt : quas causas ego audire, et judicare non possum. Tuam causam potius aspice et inspicie, quam non cum hominibus quibuslibet, sed cum Deo habere te cognoscis, quia in Christo fideliter vivis ; ipsam timere debes ne offendas. Nam ego causas superiores potius attendo : quia ut Africa tanta mala pa-

¹ 1. Tim. II. — ² Rom. XIII. — ³ Eccl. V.

fiatur, suis debent homines imputare peccatis. Verumtamen nolim te ad eorum numerum pertinere, per quos malos et iniquos Deus flagellat poenis temporalibus, quos voluerit ». Et paulo post huiusmodi eum impugnat dilemmate :

45. « Si ergo tibi bona sunt præstita, quamvis terrena et transitoria, ab imperio Romano, quia et ipsum terrenum est, non caeleste, nec potest præstare nisi quod habet in potestate : si ergo bona in te collata sunt, noli reddere mala pro bonis. Si autem mala tibi irrogata sunt, noli reddere mala pro malis. Quid istorum duorum sit, nec discutere volo, nec valeo iudicare : ego Christiano loquor : Noli reddere vel mala pro bonis, vel mala pro malis. Hicis enim fortasse : In tanta necessitate quid vis ut faciam? Si consilium a me secundum hoc sæculum quæris, quomodo ista salus tua transitoria tuta sit, atque potentia et opulentia, vel ista servetur quam nunc habes, vel etiam major addatur : quid tibi respondeam, nescio, incerta quippe ista certum consilium habere non possunt. Si autem secundum Deum me consulis, ne anima tua pereat, et limes verba veritatis dicentis ¹ : Quid prodest homini, si totum mundum lucretur, animæ autem suæ detrimentum patiatur? habeo plane quod dicam : est apud me consilium, quod a me audias. Quid autem opus est ut aliud dicam, quam illud quod supra dixi : Noli ² diligere mundum, nec ea quæ in mundo sunt. Si quis autem dilexerit mundum, non est charitas Patris in illo ». Et subinde : « Ille appareat si vir fortis es. Vince cupiditates, quibus iste diligitur mundus : age penitentiam de præteritis malis, quando ab eis cupiditatibus victus per desideria non bona trahebaris. Hoc consilium si acceperis, si teneris atque servaveris ; et ad bona illa certa pervenies, et cum salute animæ tuæ inter ista incerta versaberis.

46. « Sed forte iterum quæris a me, quomodo ista facias in tantis mundi hujus necessitatibus implicatus. Ora fortiter, et dic Deo quod habes in Psalmo ³ : In necessitatibus meis erue me. Tunc enim finiuntur istæ necessitates, quando finiuntur iste cupiditates. Qui exaudivit te, et nos pro te, ut liberareris de tot tantisque periculis visibilium corporaliumque bellorum, ubi solum ista vita quandoque finienda periclitatur, anima vero non perit, si non malignis cupiditatibus captiva teneatur : ipse exaudivit, ut interiores et invisibiles hostes, id est, ipsas cupiditates, invisibiliter et spiritaliter vincas ». Et post nonnulla de mundi contemptu salubriter inculcata, ad postremum hæc addit : « Si enim conjugem non haberes, dicerem tibi, quod et Tubanus diximus, ut in sanctitate continentia viveres : Adderem, quod tunc fieri prohibuimus, ut jam te, quantum rerum humanarum salva pace potuisses, ab istis rebus bellicis abstraheres, et ei vitæ vacares in societate sanctorum, cui tunc vacare cupiebas, ubi in silentio

pugnant milites Christi, non ut occidant homines, sed ut expugnent principes, et potestates, et spiritualia nequitiae, id est, diabolum et angelos ejus : hos enim hostes sancti vincunt, quos videre non possunt : et tamen quos non vident, vincunt, ista vincendo quæ sentiunt.

47. « Sed ut te ad istam vitam non exhorter, conjux impedimento est, sine cujus consensione continenter tibi non licet vivere : quia etsi tu eam post illa verba Tubanensia ducere non debebas ; illa tibi tamen, nihil eorum sciens, innocenter et simpliciter nupsit. Atque utinam posses ei persuadere continentiam, ut sine impedimento redderes Deo, quod te debere cognoscis ! Sed si cum illa agere non potes, serva saltem pudicitiam conjugalem ; et roga Deum, qui te de necessitatibus eruit, ut quod non potes modo, possis aliquando. Verumtamen, ut Deum diligas, non diligas mundum : ut in ipsis bellis (si adhuc in eis te versari opus est) fidem teneas, pacem quæras : ut ex mundi hujus bonis facias bona opera, et propter mundi bona non facias opera mala, aut non impedit conjux, aut impedire non debet. Hæc ad te, fili dilectissime, ut scriberem, charitas jussit, qua te secundum Deum, non secundum hoc sæculum diligo : quia et cogitans quod scriptum est ⁴ : Corripe sapientem, et amabit te : corripe stultum, et adjiciet odisse te ; non te utique stultum, sed sapientem debui cogitare ». Hactenus Augustinus ad Bonifacium, plane beatum, si hæc eum admonentem audisset. Sed indignatione commotus (proh dolor!) veluti œstro percitus parenti animo (cum se cerneret potentioribus æmuloz animo excitari procellis) ad auxilium Wandalorum confugit, quos (ut diximus) in Africam trajiciendos curavit : ex quo infelix (nolens licet) effecit, ut Africa in manus Wandalorum deveniens, sic captiva ad centum annorum spatium sub barbarico jugo permanserit. Quomodo vero sero tandem ipse Bonifacius in gratiam rediens imperatoris, ab illis delictis, adversus illos frustra exercitum duxerit, dicemus anno sequenti.

48. *A Vandalis Arianus Hispania agitatur.* — Quanta autem damna Catholice esset allatura Ecclesie societas ista Bonifacii icla cum Wandalis, et amicitia nuptiarum vincolo stricta, jam ante patientia indicia præcessere, cum videlicet orta ex nova conjugæ proles ab Ariano impio fuit initiata baptis male ; qui et deteriora adhuc præsumentes, in ejusdem Bonifacii domo ancillas Deo dicatas virginem rebaptizavit : de quo queritur Augustinus. Nulli plane barbari, æque ac Wandali, obstinatiores facti sunt defensores Arianae perfidiæ, et acerbiores adversus Catholicos persecutores : nam ut taceamus persecutionem diram illam, quam postea intulerunt Ecclesie Africanæ, de qua suis locis dicturi sumus ; de his quæ egerint in Hispania, antequam navigarent in Africam, sub Trasamundo Wandalorum rege adversum dicatam Deo virginem, historiam

¹ Luc. ix. — ² 1. Jo. ii. — ³ Ps. xxiv.

⁴ Prov. v.

alleram, quæ a Gregorio Turonensi ita describitur ¹.

19. « Factum est, inquit, ut puella quædam religiosa, prædixit opibus, ac secundum sæculi dignitatem nobilitate Senatoria florens, et quod his omnibus est nobilitas, fide Catholica pollens, Deoque omnipotenti irreprehensibiliter serviens, ad hanc questionem duceretur. Cumque regis fuisset obolata conspectibus: cepit eam primum ad rebaptizandum blandis sermonibus illicere. Quæ cum venenosum ejus jaculum fidei parma propelleret: præcepit rex, ejus facultates auferri, quæ jam mente præcedebat regna paradisi: deinde suppliciiis applicatam sine spe præsentis vitæ torqueri. Quid plura? post nullas questiones, post ablatus rerum terrenarum thesauros, cum adhuc frangi non posset, ut beatam rescinderet Trinitatem, ad rebaptizandum invita deducitur. Cumque illud cænosum lavacrum vi cogeretur immergi, ac proclamaret: Patrem cum Filio ac Spiritum sanctum unius credo esse substantiæ, essentiaque: digno aquas unguine cunctas inficit, id est, fluxu ventris aspergit. Exiit ad legitimum ducta questionem, post equuleos, post flammam, post unguulas, Christo Domino capitibus decisione dicatur ». Hæc Gregorius, qui et affirmat, per eundem regem Arianum alios quoque in Hispania vexatos esse Catholicos, diversisque tormentorum generibus cruciatos, ac denique morte multatos, corona martyrii honestatos: porro fugatis undique Catholicis, eorumdem martyrum memoria remansit obscura. Fugisse quidem nonnullos de Hispania episcopos, eorum plebibus fuga jam lapsis, vel peremptis, vel captis, S. Augustinus ² affirmat in Epistola ad Honoratum. Sed ad res Orientalis Ecclesiæ veniamus.

20. *Constantinopolitanus episcopus Sisinnius moritur, et memoria Joannis Chrysostomi publice in Ecclesia incipit celebrari.* — Hoc eodem anno contigit, ut S. Joannis Chrysostomi, cujus nomen in Ecclesiasticis tabulis fuerat restitutum ab Innocentio Romano Pontifice, memoria ritu solemniori in Ecclesia anniversaria die celebrari cœperit sexto kalendas Octobris. Marcellinus enim id tradit in Chronico sub anni hujus consulibus.

21. « Quibus etiam consulibus, nono kalendas Januarii », inquit Socrates ³, « moritur Sisinnius episcopus Constantinopolitanus, vir ob temperantiam, ob rectam et piam vivendi rationem, denique ob benignitatem in pauperes, omnium sermonibus celebratus, moribus facilis, affabilisque, simplex, et veritatis amicus, ac propterea nemini quicquam exhibuit negotii: unde curiosus, et qui aliis facessendo molestiam delectantur, offensioni fuit, atque adeo apud eos opinione venit ignavia ». Hæc ipse. Cessavit episcopatus ejus sedis mensibus tribus, ac diebus quindecim. Agendum igitur de ejus successore anno sequenti.

22. *Imperatorum sanctio de crucis signo rite*

colendo. — Hoc item anno, cum Christiana pietas propensiori cultu (ut par erat) sanctissimam Domini Crucem coleret, et passim ubique locorum eandem pingeret, vel sculperet: ne hæc ex parte offensis religio irreverentiæ patefaceret aditum, imperatores Theodosius, et Valentinianus ejusmodi sanctionem ediderunt ¹:

« Cum sit nobis cura diligens, per omnia superni numinis religionem tueri: signum Salvatoris Christi nemini licere vel in solo, vel in silice, vel in marmoribus humi positus insculpere, vel pingere; sed quodcumque reperitur, tolli, gravissima poena multando eos qui contrarium statutis nostris tentaverint, specialiter imperamus. Dat. XII kal. Jun., Ilerio et Ardaburio cons. »

23. *Concilium in Oriente contra Massalianos hæreticos.* — Hoc eodem etiam anno in Oriente (quo vero loco, nescimus) celebratum est Concilium adversus Massalianos hæreticos, alias sæpe damnatos. Quod autem perfidicilis esset horum hæreticorum extinctio, ex eo accidit, quod clam sub Catholico nomine delitescerent: et inventi, nullo negotio, pro arbitrio exigentis, se hæresim damnare simularent; quam protinus, simul ac liberum esset, repelentes, eadem quæ ab Ecclesia velita essent, faceret et docerent, prout Acta sæpe adversus eos superius recitata declarant; quibus et quenam essent eorumdem hæreticorum sententiæ, satis est demonstratum. Pertæsi igitur episcopi horum causa sæpius fatigari, illud in Synodo sanxere decretum, ut iidem, quantalibet imaginem pœnitentium præse ferrent, non amplius in Ecclesiam reciperentur, quam jam visi essent sæpius elusisse relapsi. Celebrem quidem hujusmodi fuisse episcoporum conventum, inde possumus intelligere, quod interfuisse eidem, et subscripsisse reperitur inter alios Sisinnius Constantinopolitanus episcopus, et Theodotus episcopus Antiochenus; ut Photius, cum agit de eodem Theodoto, tradit. Perierunt quidem hujus Acta Synodi; et tantum canon, quem Photii Bibliotheca servavit, reliquus reperitur, cujus ita meminit ipse, cum agit de ipso Theodoto Antiocheno, et Synodali Epistola data ad Baronianum, sive Beronicianum, et Amphiloichium, atque universos Pamphylia episcopos, adversus eosdem in illis partibus ingruentes Massalianos hæreticos; in qua hujusmodi decretum Synodi haberetur ita scriptum:

24. « Si quis post anathematismum aliquando fuerit deprehensus vel verbo, vel opere in suspicionem hujus morbi lapsus, nunquam amplius in posterum locum habeat, neque si decies millies polliceatur se esse paratum ad omnia, quæ ad pœnitentes attinent ». Hæc ejus Synodi canon ex Photii Bibliotheca depromplus.

25. *Ex schola Theodori Mopsuesteni hæretici qui perperam a Theodoro laudatur, Joannes episcopus Antiochiæ Theodoro mortuo sufficitur,*

¹ Greg. Tur. Fran. hist. l. II. c. 11. — ² Aug. ep. cxxx. — ³ Socr. l. VII. c. 28.

⁴ L. I. c. nemini licere signum.

aliique ejusdem generis aliis sedibus Orientis.
 — Post hæc autem Theodotus ipse Antiochenus episcopus ex hac vila migravit. Ad hunc usque annum pervenisse, eodem auctore proditur, dum declarat, eundem cum Sisinnio subscripsisse eidem Epistola Synodali: neque hunc annum præterisse, quæ habet Theodoretus in fine suæ historiæ¹, possunt cuique reddere manifestum, dum eandem cum obitu Theodoti claudens, spatium centum et quinque annorum se complecti testatur: cumque proficitur se historiam exordiri ab eo tempore quo Eusebius² desinit, ab ipso nimirum Licini tyranni exitu, quem occidi contigisse vidimus anno Domini trecentesimo vicesimo tertio; ab eo anno si incipias numerare annorum centum et quinque periodum, ad hunc usque annum quadringentesimum vicesimum septimum pervenies, quo ait defunctum fuisse Theodotum, de quo agimus, Antiochenum episcopum. Cum igitur id ipse scribat, et ad hæc tempora pervenisse, Pholius ex Synodali Epistola, cui cum Sisinnio subscripsit, ostendat: perspicuo plane intelligis, quam erret Nicephorus in catalogo Antiochenorum antistitum, dum eidem Theodoto annos duntaxat quatuor in sede tribuit, quem ad annum usque decimum sextum vivisse episcopum ex superius dictis cum ex Cyrilli Alexandrini litteris, tum ex Photio atque Theodoro evidenter satis apparet.

26. Defuncto autem Theodoto laudato satis episcopo, subrogatus est in locum ipsius Joannes, ex schola (ut exitus demonstravit) Theodori Mopsueseni, sicuti et Nestorius, Theodoretus, et alii complures in Syria sacerdotes, ex quibus clades oborta est Orientalis Ecclesie. Ocullo namque, sed plane terribili Dei judicio factum est, ut uno eodemque ferme tempore Theodori illius alumni, fœtus viperini dicendi, damno Ecclesie maximo in præcipuarum sedium episcopos fuerint cooptati, nempe Joannes hoc anno creatus Antiochenus episcopus, Nestorius vero anno sequenti in Constantinopolitana Ecclesie præfecturam vocatus, ut suo loco dicturi sumus.

27. Sed audiamus Theodoretum, Theodori ejusdem laudibus historiam scriptam a se claudentem et maxima ob id eam, omnium sententia, ignominia afficientem. Hæc enim habet ad calcem³: « Per id tempus quo dictus Theodotus rexit Ecclesiam, Theodorus episcopus Mopsuestie, qui totam Christi Ecclesiam sua doctrina crudierat, et contra universas hæreticorum phalanges victoriam reportaverat, obiit mortem. Iste et Diodori viri excellentissimæ doctrinæ particeps factus est, et sanctissimi Joannis socius et adjutor: nam communiter inter ipsos sapientiæ præcepta ex spiritualibus Diodori fluentis hauserunt. Triginta sex annis præsulatum gessit Theodorus, neque unquam cessavit contra Ariannam et Eunomianam sectam velut in area dimi-

care, tum clandestinum Apollinaris manipulum impugnare, tum optimam herbam sanctis Christi ovibus suppedilare: cuius frater Polycronius Ecclesiam Apameensem gubernavit. Iso quidem in locotum historice facere, animus est: Atque omnes qui sunt eam aliquando perlecturi, vehementer oratos volo, ut precibus suis labores compensare non graveantur. Spatium quidem centum et quinque annorum ista complectitur historia, quæ initium habet ex rabie Ariana, exitum autem a morte hominum præstantissimorum Theodori atque Theodoti». Hæc ipse: qui ex inita superius ratione ad præsentem annum eandem scriplis prosecutus esse, satis apparet.

28. Sed cur hic desinit? ea quidem ex causa reor, quod noluit attingere Nestorii tempora, qui anno sequenti creatus est Constantinopolitanus episcopus: sciens namque per scabra sibi incidendum fore, prudenter quidem cessavit ab historiæ scriptione, quando in seipsum opus fuisset, convertere styli. Certe quidem ipsius testificatione affirmari posse videtur, scriptam ab ipso fuisse hujusmodi historiam ante Ephesinum Concilium: etenim in Epistola⁴ quam scripsit postea ad Eusebium Ancyra episcopum, cum sua scripta recenset, quæ post dictum Ephesinum Concilium elaborasset, nullam penitus de scripta a se historia mentionem habet: unde dicendum est, hoc triennii spatio, quod intercedit ab hoc anno usque ad Concilium Ephesinum, ab illo dictam historiam esse scriplam.

29. Verum hic considera, ipsum Theodoretum ex immensis laudibus quibus ornât Theodorum Mopsuestenum nefandissimum hæreticum, plane se ejus fuisse communionis, haud levem suspicionem concilasse: imo adeo studiosus ejus extitit, ut credendi occasionem dederit, quod ipse ab eodem Theodoro nomen derivando dici voluerit Theodoretus.

Quo nomine S. Gregorius papa suggillat quoque Sozomenum, ejusque historiam, ubi de ipsa agens⁵: « Sed ipsam, inquit, quoque historiam Sedes Apostolica recipere recusat: quoniam multa mentitur, et Theodorum Mopsuestie nimium laudat, atque usque ad diem obitus sui magnum doctorem Ecclesie fuisse perhibet». Hæc cum dicat S. Gregorius de Sozomeno, quæ apud Sozomenum hodie minime leguntur, putavit aliquis nimium sibi sapiens S. Gregorius errore lapsus, et quod esset apud Theodoretum, dixisse apud Sozomenum legi. Sed qui eum erroris arguit, erravit ipse, cum non consideravit multa desiderari in historia Sozomeni, quæ excederunt, et illa ipsa tempora, in quibus de eodem Theodoro Mopsuesteno tractandi se ingerebat occasio. Cum enim in suæ historiæ Præfatione ipse testetur se eam producere usque ad decimum septimum consulatum Theodosii, viginthi prope annorum res gestæ in ea desiderari certum est. Sed adversus hominem audacter nimis carpen-

¹ Theodoret. l. v. c. ult. — ² Theodoret. in præf. l. 1. — ³ Theodoret. l. v. c. ult.

⁴ Theodoret. ep. LXXXII. — ⁵ Greg. l. VI. ep. XCV.

tem S. Gregorium Romanum Pontificem, in Nolis¹ ad Romanum Martyrologium pluribus egimus.

Quod vero ad Theodoretum spectat addictissimum Theodoro : accipe paucis totam ipsius vite periodum, ex quo Deum plurimum laudes. Qui a parentibus Deo dicatus, numeros magna cum laude monasticæ institutionis absolvit, consuetudine Theodori Mopsuesteni tantam gloriam obumbravit, ob-

nubilavit vero ex Nestorii amicitia, obscuravitque penitus ex suscepto adversus S. Cyrillum ejusdem hæresiarchæ patrocinio. Sed spirante deinde Dei benignitate divini Spiritus aura, fugatis densis nubium globis, effulgentibus rursus in cor ejus divine gratiæ radiis, iterum pulcher, gloriosus, ac decorus apparuit, atque in communicatione Catholice Ecclesie et amicitia S. Leonis papæ diem clausit extremum. Hæc autem tibi præsens, et qui sequitur sextus Annalium tomus perspicue demonstrabunt.

¹ Not. in Rom. Martyrol. die xxiii. Decemb.

Anno periodi Græco-Romanæ 5920. — Jesu Christi 427. — Celestini papæ 6. — Theodosii Jun. 26. et 20. Valentini III. 3.

1. *Consules.* — Coss. *Hierius* et *Ardaburius*, uterque Orientalis; Hierius enim memoratur his verbis in Chronico Alexandrino : « His coss. instaurate sunt Therme olim dicte Constantinianæ, nunc autem Theodosianæ, perficientibus opus Hierio iterum præfecto et Ardaburio consulibus, mense Hyperberetæo, V nonas Octobris », ubi in Græco *Ardaburii* nomen deest omissione librarii, et Hierius dicitur præfectus Urbi, errore Raderi, et Ducangii in suis versionibus. *Hierium* enim hoc anno præfectum prætorio fuisse liquet ex legibus Cod. Theod. eidem hoc anno a Theodosio inscriptis, et vox Ἱεραρχος tam præfectum Urbis, quam præfectum prætorio significat, ut ipsemet Ducangius ex aliis ostendit in Glossario mediæ Græcitatæ. De Thermis Constantinianis plura habet Ducangius in Constantinopoli Christiana lib. 1, § 27, num. 5, ostenditque, opus illud inceptum fuisse a Constantino M. absolutum a Constantio ejus filio, et de suo nomine *Thermas Constantinianas* appellatum. Sed cum eis *Constantinus* extremam manum non apposuisset, tandem sub Theodosio Jun. confectæ sunt, et de illius nomine *Theodosianæ* appellatæ. De *Ardaburio* consule Asparis patre supra locuti sumus anno cxxix et seq.

2. *Bellum in Bonifacium comitem gestum.* — A num. 4 ad 20. Baronius refert verba Prosperi in Chronico asserentis bellum contra *Bonifacium* comitem susceptum fuisse, ejusque curam in Segisvultum comitem translatam. Rem gestam explicat ex Auctore Miscellæ, et aliquibus Epistolis Augustinianis ad eundem Bonifacium. Verum breves illæ Epistolæ, uti supra ostendimus, suppositiæ sunt, et auctor Miscellæ longe post Procopium vixit; ideoque res hæc verbis Procopii exponenda. Procopius itaque lib. 1 Hist. Vandal. cap. 3, calamitatem Africæ his verbis narrat : « Duo Romani duces erant

Aetius et Bonifacius, validi ambo, bellique rerum peritia secundi ætatis suæ nemini. His æmulatus circa civile regimen intercedebant : cæterum tanta anni erat magnitudo, virtutesque aliæ, ut si quis infrumvis Romanorum ultimum dicat, a vero non sit abiturus; ita omnis Romana laus in illos duos confluerat. Horum alterum Bonifacium Placidia toti præfecit Africæ : dolebat id Aetio, sed minime displicere sibi rem ostendebat; nondum enim in apertum odia proruperant, sed sub persona amicitiae tegebantur. Profectum jam in Africam Bonifacium criminari apud Placidiam Aetius cepit, ut regni appetitorem; et ipsi et imperatori Africam erepturum. Neque rem exploratu difficilem, si enim Romanam Bonifacium vocaret, non venturum. Hæc ut audivit femina, laudatum Aetii consilium sequitur. At occupat jam Aetius clam scribere Bonifacio, matrem imperatoris insidias ipsius in exitum struere : ejus rei indicium prædixit, fore ut sine causa subite revocaretur. Hæc erant quæ litteris ipsius continebantur, quibus neutiquam spretis Bonifacius, simul aderant qui ipsum ad imperatorem accirent, negavit se aut imperatori, aut matri ejus pariturum, Aetii monita silentio premeus. His Placidia intellectis tam Aetium fidelissimum principi credidit, quam suspectum habuit Bonifacium. Hic vero nec parem se imperatoris potentie sentiens, nec salutem sperans, si Romam proficisceretur, consultare cepit quomodo Vandalos sibi adjungeret, qui Africæ propinquam Hispaniam, ut diximus, obtinebant. Mortuo ibi Godigiselo (in hoc fallitur Procopius, quia Godigiselus ante ingressum Vandalorum in Hispaniam mortuus est, ut anno cxxi, num. 14 ostendimus), filii successerant duo, natus justa matrefamilias Gontharis (Gundericus ab Ilacio in Chronico, et ab Isidoro in Historia Vandalorum appellatur), Gisericus aliter genitus : quo-

rum ille ætate et ingenio socors : alter vero ad bella plurimum exercitus, et solertia eximius.

3. *Bonifacius Vandalos in Africam invitat.* — « Missis igitur in Hispaniam Bonifacius de amicorum numero potissimis, cum ambobus Godigiseli filiis æquum inil todus, ut cuique ipsorum tertia pars Africa cederet : quod si quis bello impeteretur, commune periculum esset. Hæc pacti Vandali, fretum ad Gadum transvecti, in Africam venire eorum in locum hispaniam Visigolli in sederunt. Postea Romæ qui erant noti Bonifacio, expensis ipsius moribus, quamquam non credibile esset, talem regni cupiditate abduci, rem mirabantur : quidam eorum ex jussu Placidie proficiscuntur Carthaginem, ubi cum Bonifacio colloenti, conspectis Aetii litteris, reque omni comperta, Romam citissime redeunt, et quomodo se res haberent Bonifacii, relerunt. Antonia femina, Aetium quidem nec malo affectu ullo, nec ei exprobravit ausa in principalem domum, quando et ipsi multum erat potentie, et res imperii agrè esse cæperant. Amicis interim Bonifacii aperit monitus Aetii, fidemque suam jurejurando obstringens, obtestatur, ut, si possent, virum ad patriæ amorem retraherent, neq. pateretur Romanum sub Barbaris esse imperium. His intellectis, Bonifacius et consilii sui et societatis inite cum Barbaris penitentiam agens, rogat eos, promissis etiam additis, ut Africa decederent.

4. *Africa a Romanis amissa anno cxxxix.* — « Sed cum Vandali dicta illius non modo non probarent, sed et in contumeliam suam interpretarentur, coactus ad arma venire prælioque victus Hipponem regium se contulit, maritimam Numidie urbem prævalidam, quam, juxta positis castris obsessum eundem Vandalis (mense scilicet circiter Junio anni cxxx, ut infra videbimus) duces habentes Giserichum, mortuo jam Gonfbari, quem fratris dolo peremptum, sunt qui tradant. Aliter Vandali, qui eum in Hispania captum a Germanis et in crucem sublatum memorant, compotemque totius rei Giserichum duces in Africam suis fuisse. Hæc sic a Vandalis audire memini. At si cum nullo exacto tempore nec vi nec conditionibus Hippona regium sui juris facere potuissent, ac fame insuper afflicterentur, obsidionem solverunt. Nec ita multo post Bonifacius, qui cum eo erant Romani, cum a Roma Byzantium exercitus et duces accepissent Asparem, ausi tentare belli fortunam, ingenti commisso prælio, multum hostibus inferiores, fugam quo quisque poterant cæperant : et Aspar quidem ad sua rediit : Bonifacius vero ad Placidiam profectus, purgavit se adversus suspicionem, ut inique in se susceptam. Atque eum in modum ablatam Romanis Africam tenere Vandali ». Hæc Procopius ; Aspar vero et Bonifacius a Vandalis anno cxxxix superati, ut ibi Baronius narrat.

5. *Augustinus scribit ad Bonifacium.* — Baronius anno sequenti num. 14, quæ duobus præcedentibus numeris in medium adduximus, refert, sed usus est editione Procopii incredibili perversitate

corrupta ac mutilata, quia ejus tempore melior non extabat. Hæc autem uno tenore recitanda duximus occasione insidiarum Bonifacio comiti ab Aetio structarum. Certum enim in esse debet Vandalos mense tantum Maii anni cxxxix in Africam ingressos esse. Quare quæ post illam irruptionem facta narrat Procopius, ad suos annos ab æquo lectore referenda. Divus Augustinus, qui summa necessitudine cum Bonifacio comite conjunctus erat, hoc anno ad eum scripsit Epistolam cxxx, alias lxx, recte a Baronio num. 10 et seqq., ubi eam integram recitat, cum præsentī anno illigatam ; ex ejus enim lectione apparet, illam scriptam esse tempore belli in ipsum tanquam in imperii perduellem illati. Unde Augustinus num. 5 sic eum alloquitur : « Juslam quidem deis habere te causam, cujus judex ego non sum, etc. Et oblata quidem sumere debuisti, ut eis utereris ad pietatem ; non autem negata vel delegata sic quærere, ut propter illa in istam necessitatem perducereris ». Baronius num. 19 refert ex Gregorio Turonensi lib. 2, cap. 2, martyrium cujusdam virginis Hispanæ sub Trasamundo Vandalorum rege. Verum *Trasamundus* Guntamundo fratri in regnum Vandalorum in Africa non successit ante annum cxcvi, ut anno cxcv demonstravi, et nonnisi magno errore Turonensis scripsit, *Trasamundum* successisse Gunderico Vandalorum regi, ideoque in rebus extra Gallias gestis ei non adhaerendum, nisi quando aliis Historicis non contradicit.

6. *S. Chrysostomi memoria Constantinopoli celebrata.* — Ad num. 20. Marcellinus sub sequentis anni cons. scribit : « Beatissimi Joannis episcopi, dudum malorum episcoporum invidia exulati, apud Comitatum cepit memoria celebrari mense Septembris die xxvi ». Verum Baronius mendoso Marcellini codice utebatur, ut sæpe monuimus. Joannis Chrysostomi nomen sacris diptychis ab Attico Constantinopolitano episcopo jam ab anno cxxx adscriptum fuerat, ut supra ostendimus, sed ejus corpus *Cumanis* Constantinopolim tantum translatum anno cxxxviii, ut ibidem dicitur.

7. *Obitus Sisinnii episc. Constantinop.* — Ad num. 21. *Sisinnius* episcopus Constantinopolitanus sub hujus anni cons., ut tradit Socrates lib. 7, cap. 28, ex hac vita migravit die ix kal. Januarii, cui Nestorius nonnisi anno sequenti successit. In Chronico Nicephori et in Tabulis Theophanis anni duo *Sisinnio* attribuuntur, qui ex dictis incompleti intelligendi sunt.

8. *Sisinnii adversus Messalianos in urbe Constantinopolitana Synodus cogit.* — Ad num. 23 et seq. *Sisinnio* sedente habita Synodus Constantinopoli adversus Messalianos, qui et *Eucheti*, vel etiam *Euthusistæ* dicti sunt. Baronius ait, necire se quo in loco ea habita fuerit. Verum Photius in Biblioth. Cod. lii ab eo laudatus Synodice Sisinnii fragmentum refert, in quo legitur : « Sisinnius atque Theodotus et universa sancta Synodus, quæ Dei gratia in magna urbe Constantinopolitana coacta

est consecrandi gratia Deo amanissimi episcopi Sisinnii, etc. » Quare cum Sisinnius die ultima Februarii superioris Christi anni consecratus fuerit, eodem etiam tempore hæc Synodus Constantinopolitana habita. Hanc Constantinopoli coactam observat Baluzius in nova Collect. Concil. pag. 374, ex Actis Concilii Ephesini part. 2, Act. 7, pag. 809, et tam Photii, quam Concilii Ephesini verba in medium adducit. Baronius anno cccxxxiii, num. 39 recitat Synodum *Sydeæ* contra Messalianos coactam, et Nicephorus lib. 2, cap. 14, refert sectam illam circa ea tempora exortam esse. De eadem hæresi ejusque dogmatis agit Theodoretus lib. 4, cap. 2, asseritque Valentiniani primi temporibus natam esse. Legendi et Epiphanius lib. de Hæresibus hæresi ultima, et Augustinus lib. de Hæresibus cap. 57. Dne Synodi adversus illos habitæ; prior *Sydeæ* in Pamphylia cui præfuit *Amphilochius* Iconii episcopus, de quo Baronius loco citato, et posterior Constantinopoli celebrata a *Sisinnio*, in qua Gesta in priori Synodo relecta et confirmata. Quod fraudi fuit Pelavio in lib. 43 de Doctrin. temp., ubi ait Sisinnium *Sydeæ* Synodum de qua agimus, celebrasse.

9. *Theodoretus anno cdxix Historiam suam Ecclesiasticam terminat.* — Ad num. 25 et seqq. *Theodoretum* ad hunc tantum annum Historiam suam Ecclesiasticam perduxisse communis omnium opinio fuerat antequam dissertationem Hypaticam in lucem emissem, nisi quod Valesius in fine notarum suarum ad *Theodoretum* scripserat, se communi opinioni penitus non acquiescere, quod videret, *Theodoretum* Mopsuestiæ episcopum, in cuius et Theodoti episcopi Antiocheni morte eam claudere asserit *Theodoretus*, anno sequenti adhuc in vivis fuisse. Verum *Theodoretum* anno tantum quadragesimo vicesimo nono præstantissimo illi Operi finem imposuisse, certum et indubitatum esse debet. Ipsenict enim in Historiæ suæ Prefatione ait: « Et Eusebius quidem Palæstinus a sanctissimorum Apostolorum temporibus exorsus, res in Ecclesiis gestas, usque ad Deo acceptum Constantinii principatum perscripsit. Ego vero a fine Historiæ illius initium operis mei summam »; ubi Græcum habet μέγχι τῆς Κωνσταντίνου θεοφιλοῦς βασιλείας; duplex autem Constantinii principatus distinguendus; prior desumptus ab anno cccvi, quo imperium inivit, et cum aliis imperatoribus corregeavit; posterior ab anno cccxxv, quo Licinio sublato solus ac monarcha regnavit. Quare cum *Theodoretus* de priori ejus principatu intelligi non possit, manifestum est eum de ejus monarchia loqui, ideoque Baronius ab anno cccxxxiii, quosdam alios ab anno cccxxiv initium Historiæ *Theodoretici* perperam deducere; cum neuter Constantinii principatus ab illis annis repeti possit.

10. *Refellitur vulgaris opinio.* — Ad hæc *Theodoretus* ab eo anno, quo Arius in Synodo Nicæna damnatus, quove desit Eusebius, Historiam suam sese incipere in ejus calce indicat: « Quinque autem ac centum annorum spatio res gestas hæc Historia

complectitur: ab Arii quidem vesania ducens exordium: desines vero in obitu præstantissimorum virorum Theodori atque Theodoti ». Antiqui enim Historias suas ab aliquo insigni evento includere, et aliquo memorabili eadem claudere, in more positum habebant. Porro si annos cv addas aliis annis cccxxv, habebis annos cdxix, ultimo incompleto pro completo numerato, cujus hæc ratio est, quia quando additur numerus alteri numero, numerus addendus incipiendus ab eo cui additur, ideoque primus ex illis cv annis concurrit ex parte eum anno ultimo prioris numeri cccxxv, qui ideo bis numeratur, quia pars est anni cccxxv, et pars prioris anni numeri cv. Decepti Baronium aliosque initium hæreses Arianae; cum enim *Arius* aliquot ante Concilium Nicænum annis eandem docuerit, existimavit, centum ac quinque illorum annorum exordium, *Theodoretum* deduxisse ab eadem hæresi, non vero a Monarchia Constantinii, aut a Concilio Nicæno, a quo hæresis illa ante aliquot annos exorta, profligata fuit. Verum *Eusebius*, cujus Historiam continuavit *Theodoretus*, ad annum trigessimum vicesimum quintum Opus suum perduxit, ideoque ab eodem anno *Theodoretus* Historiam auspicatus est, et quia *Eusebius* rerum eo anno actarum mentionem non fecit, de iis sermonem habet *Theodoretus* initio sui Operis.

11. *Theodoretus Historiam suam inchoavit ab anno cccxxv.* — Recte itaque Gennadius in libro de Script. Ecclesiast. annum inchoatæ a *Theodoreto* Historiæ notavit: « Sunt, inquit, et ejus decem Historiæ Ecclesiasticæ libri, quos imitatus Eusebius Cæsariensem scripsit, incipiens a fine librorum Eusebii, usque ad suum tempus, id est, a vicennalibus Constantinii, usque ad imperium Leonis senioris, sub quo mortuus est ». Quia enim, ut mox dixi, soliti erant scriptores Opera sua a re aliqua memorabili inchoare, plerumque ab imperatorum decennalibus et id genus festis, aut illa publicabant, aut denique terminabant, ut in laudata Dissertatione ostendi. Quare vere scripsit Gennadius, *Eusebium* Historiam suam usque ad vicennalia, Nicomediensia scilicet, Constantinii perduxisse, et *Theodoretum* a fine librorum Eusebii, id est, ab anno Christi cccxxv, quo vicennalia illa edita, Historiam suam auspicatum esse. Quia tamen habemus tantum quinque libros Historiæ Ecclesiasticæ *Theodoretici*, a quibusdam viris doctissimis existimatum, *Gennadium* tam in fine quam in principio librorum Historiæ *Theodoretici* recensendis hallucinatum esse; quod nemo ex veteribus plures quam quinque Historiæ Ecclesiasticæ *Theodoretici* fibros unquam agnoverit. At nunquid Sozomenus lib. 1, cap. 1, testatur, se complexum esse, quæ ab Ascensione Christi ad Licinii imperatoris executionem gesta essent; et tamen quis ex veteribus aliquid ex prioribus illis Sozomeni libris in medium attulit? Certe non Cassiodorus, non Photius, non Nicephorus, nec ullus ex auctoribus, qui exstant. Nihilominus probabilis est. *Theodor-*

tum quinque ultimos libros, quos ei Gennadius attribuit, non elucubrasset; sed inde non sequitur eum Historiam suam non incepisse ab anno, quo *Constantinus* Nicomedie vicennalia edidit, ab anno scilicet Christi cccxxv; cum hoc ex Prefatione Theodoretii manifestissime deducatur.

12. *Theodotus Antiochenus et Theodorus Mopsuestenus anno cdxix demortui.* — *Theodoretus* itaque Mopsuestenus et *Theodotus* Antiochenus episcopi ad annum usque quadragesimum vicesimum nonum in vivis fuerunt. *Theodotus* autem anno cdxix demortuum esse, liquet ex Commemoratorio Marii Mercatoris sub illius anni coss., ut titulus ejus ostendit, Theodosio juniori oblato; cum ibidem cap. 4 et 3 *Theodotus* dicatur episcopus *sanctæ memoriæ*. Sedit is annos circiter decem, non vero annos iv, ut errore librariorum legitur in Chronico Nicephori, ut annos sex, ut perperam viris eruditissimis persuasum, multo minus annos xvi, ut arbitratus est Baronius, qui ejus initium deducit ab anno cdx, ut videre est num. 25, ubi et scribit, Theodoretum Historiam suam ordiri ab ipso *Licini* tyranni exilio, quem perperam putat contigisse anno cccxxiii. *Licinius* enim, ut anno cccxxviii, n. 7 demonstravi, anno cccxxv debellatus est, et insequenti Constantini jussu occisus. Porro *Theodotum* anno cdxviii adhuc vixisse, colligitur ex Epistola Theodoretii ad Dioscorum Alexandrinum anno cdxiii a nobis explicata, in qua *Theodoretus* ait, se sub *Theodoto* Antiochiæ per annos sex Calchistam egisse, ab anno scilicet cdxiii, quo episcopatum Cyrensem adeptus est, usque ad initium episcopatus Joannis Theodoti successoris; qui cum anno cdxix Theodoto successerit, sex illi anni, non incompleti, sed completi numerandi. Vivebat etiam sine dubio anno sequenti Theodorus Mopsuestenus, teste Evagrino lib. 1, cap. 2, ubi de Nestorio ad episcopatum urbis Constantinopoleos proficiscenti loquens ait: « Quo quidem tempore Nestorius apud Mopsuestiam congressus, cum Theodoro, audita illius doctrina, a recla pietate deflexit, sicut in Epistola quadam de his rebus agens scribit Theodulus ». Garnerius in Auctario Theodoretii in Vita ejusdem Theodoretii cap. 4 autumat, Evagrino deceplum, quia, inquit, *Theodorus* anno cdxviii diem obiit. Verum fine Historiæ Theodoretii suo anno reddito liquet vera esse quæ narrat Evagrius. Corrigendus et error Photii, qui in Biblioth. Cod. xxxi ait, *Theodotum* mortuum quando Constantinopoli sacrorum antistes Sisinnius fuit. Cum enim *Sisinnius* die xxiv Decembris hujus anni vita functus sit, patet ex laudatis locis Theodoretii et Evagrii, Theodotum Sisinnio superstitem fuisse, annoque sequenti adhuc in vivis extitisse.

13. *Meletius successit Theodoro.* — Successerat Theodorus *Olympio*, qui Concilio Constantinopolitano anno cclxxxi coacto interfuit, cumque Theodoretus cap. ultimo suæ Historiæ de Theodoro scribat: « In episcopatu annos peregit sex et triginta », apparet, ipsum circa annum cccxiii ad Ecclesiam

Mopsuestensem evectum fuisse. Lupus in Scholiis et Notis ad Epistolam xlv Synodici adversus Tragediam Irenæi, existimans *Theodorum* anno sequenti vita functum esse, ait cum interesse potuisse Concilio Constantinopolitano anno cclxxxi celebrato, et per *Diodorum* Tarsensem episcopum dolose obtinere, ut in Symbolo de Spiritu Sancto duntaxat poneretur: *Qui ex Patre procedit*. Verum non Theodorus, sed *Olympius* ejus decessor prædictæ Synodo interfuit et Theodorus ex dictis vitam usque ad annum cxxxix propagavit. *Theodorum* excepit, non *Thomas*, ut putavit Garnerius in Notis ad Marium Mercatorem, sed *Meletius*, vir eruditione insignis, at ob impietatem Nestorianam in secundam Armeniam a Theodosio juniori, relegatus, ut patet ex Epistola cxc ejusdem Synodici, in quo etiam recitantur quedam Epistolæ a *Meletio* scriptæ. Porro *Chomatius*, quem in ejecti Meletii locum *Joannes* episcopus Antiochenus ordinavit, decessor fuit *Thomæ*, ut liquet ex Antiochena domni Patriarchæ Synodo, ac ex Mopsuestenæ Ecclesiæ diptychis jussu Justiniani imp. prolatis in Mopsuestena Synodo. Neque enim dubio quin viri doctissimi, qui *Chomatium* a Thoma non distinguunt, fallantur.

14. *Theodoretus longe post Concilium Ephesinum Historiam Eccles. scripsit.* — Inquirendum restat, quo anno Historiam suam, quæ desinit in obitu Theodoti et Theodori, Theodoretus scripserit. Baronius num. 28 ait: « Certe quidem ipsius testificatione affirmari posse videtur, scriptam ab ipso fuisse hujusmodi Historiam ante Ephesinum Concilium: etenim in Epistola quam scripsit postea ad *Eusebium Ancyræ episcopum* cum sua scripta recenset, quæ post dictum Ephesinum Concilium elaborasset, nullam penitus de scripta a se Historiam mentionem habet: unde dicendum est hoc triennii spatio, quod intercedit ab hoc anno usque ad Concilium Ephesinum, ab illo dictam Historiam esse scriptam ». Ita Cardinalis doctissimus. Verum cum Epistola illa quæ ordine est lxxx, data sit anno quadragesimo quadragesimo octavo, ut anno cdxli demonstrabo, ex ea inferendum, nondum eo anno Theodoretum Historiam suam in lucem emisisset, cujus ideo mentionem in eadem facere non potuit. Quomodo enim *Theodoretus* ante Concilium Ephesinum egregium illud Volumen elucubrare potuit, cum in libro 5, cap. 36, referat Reliquiarum sancti Chrysostomi Translationem in urbem regiam, quæ facta est anno cdxviii, ut suo loco videbitur? « Aliquanto post », inquit Theodoretus, « ipsæ quoque magni Doctoris Reliquiæ in urbem regiam translate sunt, etc. Hunc porro thesaurum regie urbi donavit is, qui nunc imperium obtinet, qui et avi nomen præfert, et pietatem ejus integram atque illibatam servat ». Ex quibus etiam verbis intelligimus, Theodoretum, quemadmodum et Socratem ac Sozomenum, Theodosio jun. imperante Historiam suam publicasse. Hinc Valsius in Prefatione ad suam ejusdem Historiæ versionem docte observat, eum in lib. 5, cap. 3, tradere Eutychetis

opinionem jam tum cum Historiam conscriberet, turbas in Ecclesia concitasse : « Ex hac radice (Apollinaris sc. Laodicensis doctrina) pullulavit in Ecclesiis opinio illa, unam esse naturam carnis ac Deitatis : et illa quæ Unigeniti Divinitati passionem attribuit, et alia plures, quæ tum inter populos, tum inter sacerdotes aliarum provinciarum, magnam discordiam concitarunt. Verum hæc postea gesta sunt ». Quibus verbis Eufychianos et Theopaschitas qui ex Apollinaris stirpe prognati erant, haud obscure designat.

15. *Theodoretus, Socrates, et Sozomenus eodem tempore suas scripsere Historias.* — Theodoretus lib. 5, cap. 39, asserit, persecutionem ab *Isdegerde* Persarum rege adversus Christianos excitatam annos triginta durasse. Quare cum anno cdxiv cœperit, anno cdxlv quo desit, Historiam suam nondum *Theodoretus* promulgarat. Videtur itaque ea ipso fine Theodosiani imperii edita. Socrates, Sozomenus et Theodoretus uno eodemque tempore rerum Ecclesiasticarum Historiam scribere aggressi sunt, idem omnes scribendi principium sumpserunt, eundemque fere finem Historiæ suæ imposuerunt, ab iis temporibus exorsi, quibus *Eusebius* Historiam suam terminaverat. Valesius tam in Præfatione laudatam, quam in Præfatione ad versionem Socratis et Sozomeni arbitratur, Socratem priorem Sozomeno ad Historiam scribendam se contulisse, et post illos *Theodoretum* ad res Ecclesiasticas scriptis mandandas animum applicuisse. Et quidem *Theodoretum* post illos scripsisse, omnium fere Antiquorum sententiam fuisse dicit. *Cassiodorus* in Præfatione, quam Tripartitæ Historiæ præfixit, *Theodoretum* postremo loco nominat. *Justinianus* quoque imperator in Edicto *De Confessione veræ fidei*, et *Photius* in Bibliotheca eundem ordinem servant. Sed et *Nicephorus* in exordio Historiæ suæ, Ecclesiasticorum scriptorum indicem texens, *Theodoretum* post Sozomenum collocat. Nec aliter *Evagrius* in præmio Operis sui. Hæc prior Valesii conjectura, quæ profecto valde infirma. *Cassiodorus* enim in Præfatione laudatam prius nominat *Theodoretum*, et postea Sozomenum, ac ultimum loco Socratem, qui tamen in libro de Divinis lectionibus cap. 17, Socratem priori loco, et *Theodoretum* ultimo nominat. *Theodorus* lector in Epistola, quam præfixit Historiæ Ecclesiasticæ, dicit eam scriptam esse a *Theodoreto*, Sozomeno ac Socrate, sequè eam ordini ab Historia Sozomeni. *Evagrius* in lib. 1, cap. 1, ait Historiam Ecclesiasticam post *Eusebium* a Sozomeno, *Theodoreto* et Socrate litteris mandatam esse. Ad hæc *Justinianus* in eodem Edicto de Confessione rectæ fidei : « Atque hæc testantur Sozomenus, *Heysychius*, Socrates, ac *Theodoretus*, qui pro *Theodoro* multos libros scripsit ». Et tamen Valesius ex eodem Edicto infert *Theodoretum* post Socratem et Sozomenum scripsisse, licet neget Sozomenum ante Socratem Historiæ Ecclesiasticæ manum aduovisse. Denique *Nicephorus* in lib. 1, cap. 1, ait, Sozomenum, *Theodoretum*, *Philostorgium*, et Socratem a

fine *Eusebii* exorsos usque ad tempora *Theodosii jun.* Historias suas perduxisse. Quare argumentum a testimonio veterum a Valesio deductum se ipso corruit.

16. *Refellitur opinio contraria.* — Ait denique Valesius. Historiam Ecclesiasticam *Theodoretum* nihil fere aliud esse, quam supplementum Historiarum Socratis atque Sozomeni : quæ ab illis prætermissa erant, *Theodoretum* accurate commemorasse : *Socratem* ac *Sozomenum* cum Constantinopoli degerent, quæ in Ecclesia Constantinopolitana confugerant, scriptis prodidisse, *Theodoretum* vero qui in partibus Orientis vixit, res Orientalis Ecclesiæ diligentissime persecutum esse : et denique *Theodoretum* errores, qui a Socrate et Sozomeno admissi fuerant, non raro in Historia sua correxisse, suppresso eorum nomine præ sua modestia. Verum *Theodoretus* de Socratis et Sozomeni Historia suppleta non cogitavit, sed cum utroque longe doctior esset, et in Oriente versaretur, errores plurimos, in quos uterque incidit, vitavit, et quia res in Oriente, quam quæ in urbe regitæ gestæ melius callebat, ideo in illis quam in istis fusior et diligentior est ; contra vero Socrates et Sozomenus easdem leviter attingere. Quare non dubito, quin tres isti scriptores, qui omnes sibi idem argumentum proposuerunt, non solum sub extremis *Theodosii jun.* temporibus, quod de Socrate et Sozomeno infra videbitur ; sed etiam eodem tempore Historias suas Ecclesiasticas in lucem emisissent. Luculentum huius rei exemplum habemus in Historia Pelagiana, quam nuper duo viri doctissimi Cardin. Norisius sc. et *Garnerius* eodem tempore ex veterum monumentis maxima cum laude ingenique labore eduxerunt, et publici juris fecerunt. Horum enim alter diligentissime quædam persecutus est, quæ alter aut prætermisit, aut leviter attingit. Uterque easdem difficultates iisdem rationibus et antiquorum testimoniis quandoque resolvit, et sæpe ubi unus offendit, alter scopulum tanta felicitate superat, et quod dici potest in contrarium ita solide discutit, ut credas eum alteri confutando totum intentum fuisse. Si enim in Historia scribenda quandoque peccatur, multo magis in critica, in qua aliquando non offendere potis non est. Quemadmodum autem dici non potest, unum ex duobus istis Historiæ Pelagianæ auctoribus plura ex altero furatum esse, cum alter alterius opus non viderit ; ita non audiendus Valesius in eo quod autumat, ex tribus Historiæ Ecclesiasticæ scriptoribus alterum alterius scriinia compilasse, et ex illis eum qui alteri aliquid addidit, aut alterum interdum emendavit, hunc posteriorem videri scripsisse.

17. *Theodorus non a Sozomeno, sed a Theodoreto laudatus.* — *Baronius* num. 29 arbitratur, librum ullum Historiæ Sozomeni mutilum ad nos pervenisse, quia, inquit, *Theodorum* Mopsuestiæ eum nimium laudasse asserit *Gregorius Magnus*, quod tamen in Sozomeni Historia non legitur. Verum Valesius in fine Notarum ad Historiam Theo-

doretī, recte scribit, dubilandum non esse, quin Gregorius memoriæ vitio lapsus sit, et pro *Theodoro Sozomenum* posuerit. Etenim Gregorii M. temporibus Historia Ecclesiastica Sozomeni nihil amplius continebat, quam quod nunc habemus; cum Cassiodorus, qui diu ante Gregorium vixit, et qui Historiam Ecclesiasticam Sozomeni Tripartitæ suæ intexuit, integriores Sozomeni codices non habuerit. Unde igitur integriores Gregorius nancisci potuisset? « Pro certo habeo », inquit Valesius, « Gregorium Magnum non alibi legisse Sozomenum, quam in Historia Tripartita, in cuius lib. 10, cap. 34, ita scriptum est: Eo autem tempore, quo Theodotus sacratissimus Antiochenam regebat Ecclesiam, Theodorus Mopsuestiæ quidem episcopus, sed totius doctor Ecclesiæ, terminum vitæ sortitus est. Id cum legisset olim Gregorius, ex Sozomeno desumptum esse existimavit, eo quod nullius scriptoris nomen, nec huius, nec nullorum præcedentium capitulum titulo sit præfixum. Hinc factum est, ut memoriæ vitio Sozomenum scripserit pro Theodoro ». Quæ Valesii conjectura certa videtur.

18. *Vitæ Theodoretī summarium.* — Compendium vitæ *Theodoretī* Baronius num. 30 paucis verbis exhibet, quam iuvabit magis explicare, quia sæpius sequentibus annis de eo acturi sumus. Natus itaque *Theodoretus* ex parentibus nobilibus ac opulentis, sed pietate longe præstantioribus, quem a Deo *Macedonius* Asceta sanctissimus precibus suis obtinuit, ut ipsemet *Theodoretus* in Historia Religiosa cap. 13 testatur. Vixit septennis monasterio traditus est, ubi in vitæ religiose institutis et litteris ita profecit, ut et paternas opes pauperibus largitus sit, et sacris profanisque doctrinis pæne omnibus mentem admirabiliter excoluerit. Magistros elegit, quos sequeretur, totius orbis ætate celeberrimos, scientiæ *Theodorum*, eloquentiæ *Chrysostomum*, utrumque Antiochenum, et suæ ætatis, ut tunc erat opinio, lumen eximium. Ambos vero sic in se expressit, ut *Theodori* errores infeliciter postmodum, *Chrysostomi* eloquentia tanto perniciosius, quanto admirabilius fuerit. Non aliud saltem initio monasterium incoluit, quam quod sancti *Euprepi* dicebatur, prope Antiochiam positum. Sed accidit forte, ut ea tempestate in monasterium degerent *Nestorius* et *Joannes*, quorum alter Constantinopolitanæ postea, alter Antiochenæ Ecclesiæ præfuit. Cum his duobus arcta fuit *Theodoro* necessitas, quæ cum postmodum ab aliis causis confirmata esset, magnum Orienti totique orbi Christiano malum intulit, *Nestorii* improbitate, *Joannis* cæcitate.

19. *Ejus labores ante et post episcopatum.* — Alexandro et Theodoto Ecclesiam Antiochenam regentibus per plures annos Antiochiæ Catechistam egit, et licet adscriptus esset in clerum, de rigore tamen asceticæ disciplinæ nihil remisit, nec anno cxxxii *Cyrensis* episcopus quamvis reluctans creatus, asceticam vilam vivere desiit. Posita est *Cyprus* in a parte Augustæ Euphratesiæ, quæ vergit ad Oc-

cidentem, et propius accedit ad mare, et complectebatur *Cyrestica regio* vicus octoginta, quarum Ecclesiarum curam sibi obvenisse scribit *Theodoretus* ad Leonem Magnum in Epistola cxm. Indefesso studio inclinuit in parochiam a Marcionitis, Arianis, aliisque hæreticis purgandam, quibus vero laboribus, et quo fructu, ipsemet in Epistola lxxxii *Nomo Consulari* exponit et in Epistola cxlv ad monachos Constantinopolitanos; decem Marcionitarum millia a se sacro Baptismo lincta refert. Porro etsi Antiochiæ subinde etiam conciones haberet vocalus tamen ad Synodos, ab eis nunquam absuit, ut ipse in eadem Epistola lxxxii prodit, et inter hæc Commentarios in Cantica Cantieorum, aliaque plura composuit: de Theodoretī casu sequentibus annis agemus: interim legendus Garnerius in Vita Theodoretī a se composita in Auctario Oper. ejusdem Theodoretī.

20. *Pax Visigothos inter et Romanos sancita.* — Marcellinus in Chronico sub hujus anni cons. ait: « Pannoniæ quæ per quinquaginta annos ab Hunnis retinebantur, a Romanis receptæ sunt ». Quare Hunni in Pannonia sedes elegerant anno cccclxxvi, quo anno num. 4 diximus eos inde Gothos expulisse, hisque *Valentem imp.* in Thracia sedes assignasse. Idem habet Jornandes de rebus Geticis cap. 33, qui addit, eos a Pannonia a Romanis et Gothis expulsos fuisse, subditque: « Videns Vallia Vandalos in suis finibus, id est, Hispaniæ solo, audenti temeritate ab interioribus partibus Galliciæ (ubi eos fugaverat dudum Ataulfus) egressos, cunctos in prædas vastare, eo tempore, quo Hierius et Ardaburius Consules processissent, nec mora, mox contra eos movit exercitum ». Sed loco *Vallia*, reponendus est *Theodericus* Gothorum rex, qui Valliæ successerat, ut ex dictis constat. Ostrogothi igitur in Oriente, et Visigothi in Occidente, hoc anno a Romanis stabant, ideoque *Theodericus* rex Visigothorum, qui et Gothi sine addito dicebantur, pacem pepigerat cum *Actio*, a quo ante biennium ab Arelatensis urbis obsidione remotus fuerat, et e Gallia, ubi regnabat, bellum in Italiam transtulerat adversus Vandalos Romani nominis inimicos. Loquitur de hac pace Sidonius Apollinarius in panegyrico Aviti vers. 215 et seqq. docetque, eo in fœdere datum esse obsidem *Theodorum* clarissimum juvenem Arvernorum, *Aviti* postea Augusti propinquum.

Ducis hinc pugnas et fœdera regum
 Pondere Roma libet. Variis in cussa procellis
 Bellorum, Reici Getico tua Gallia pacis
 Pignora jussa dare est: inter que nobilis obses
 Tu, Theodore, venis, quem pro pietate propinqui
 Expetis in media pelliti principis aula
 Tutus, Avite, fide.

Dicitur *Theodericus pellitus*, quod Gothi pellibus vestirentur. Sirmondus in Notis ad Sydonium, « Gellicum », inquit, « hoc fœdus, post Arelatensem, ni fallor, obsidionem intelligi debet ». Quam

conjecturam certam esse docet laudatus Jornandis locus, ac præterea fœdus illud currenti anno iclum esse, aut saltem alterutro ex duobus præcedentibus; cum *Theodoricus* anno cxxxv, *Arelatam* obsidione cinxerit. Duravit pax illa usque ad annum cxxxvi.

21. *Dissidium occasione doctrinæ Augustini de Gratia exortum.* — Libri *De gratia et libero arbitrio*, itemque liber *De Correctione et Gratia* occasione controversiarum inter monachos Adrumetinos exortarum, hoc anno a sancto Augustino editi. Baronius quidem anno cxxxviii, num. 18, eos tunc scriptos existimavit: Jansenius vero decennio post, anno scilicet cxxxviii. Verum cum in Retractionibus ante finem anni cxxxviii absolutis, ultiimi omnium recenseantur, ad hunc annum pertinent. Præterea Hilarius monachus in Epistola anno cxxxix ad Augustinum data, ait: « Librum de Gratia et Libero arbitrio non habemus: superest, ut eum, quia utilem questioni confidimus, mereamur accipere ». Quod si jam diu compositus fuisset, adhuc eo anno in Galliis is liber desideratus non fuisset. Prosper quidem in Epistola ad Augustinum cum Epistola Hilarii monachi in Africam missa loquens de Adrumetinis monachis ait: « Evenit ex dispositione misericordiae Dei, ut cum quidam intra Africam similia movissent, librum *de Correctione et Gratia* plenum divinæ auctoritatis emitteres. Quo in notitiam nostram insperata opportunitate delato, pulavimus omnes querelas resistentium sopiendas », Massiliensium scilicet ac Semipelagianorum; ideoque libri illi nec tardius, nec citius quam hoc anno videntur scripti.

22. *In Monasterio Adrumeti.* — Erat in urbe Africa (vocabatur Adrumetum) Byzacena Provinciae Melropoli insigne monasterium, cui præerat *Valentinus*, eo tempore quo novæ de Gratia et Libero arbitrio inter monachos Adrumetinos contentiones natæ sunt. *Florus* ejusdem cœnobii monachus *Uzalam* Provinciae proconsularis urbem ad suos profectus, ibi sancti Augustini Epistolam ad Sixtum presbyterum, qui postea Romanus Pontifex creatus est, datam exscripsit, eamque *Adrumetum* transmisit. Hanc cum Adrumetini monachi perlegissent, nec ejus sensum assequerentur, imo in sensus ab Augustini mente prorsus alienos distraherentur, graviora eo in monasterio dissidia emergere. Indeque factum, ut *Cresconius* et *Felix* monachi rectam Epistolæ intelligentiam ab ipsomet Augustino discere voluerint. Quæ uterque Augustino dixerit, narrat Augustinus in Epistola ad Valentinum missa: Retulerunt, inquit, monasterium vestrum nonnulla disensione turbatum, eo quod quidam in vobis sic gratiam prædicent, ut negent hominis esse liberum arbitrium, et quod est gravius, dicant, quod in die iudicii non sit vel redditurus Dens unicuique secundum opera ejus. Etiam hoc tamen indicaverunt,

quod plures vestrum non ita sentiant, sed liberum arbitrium adjuvari fateantur per Dei gratiam, ut recta sapiamus, atque faciamus ».

23. *Augustinus componit libros de Gratia et Libero arbitrio et libros de Gratia et de Correctione.* — Quare Augustinus illis instruendis statim libros elucubravit *De gratia et libero arbitrio*, quibus acceptis ad suos *Cresconius* et *Felix* redire cogitabant, ut in suo monasterio Pascha celebrarent, nisi Augustinus, ut eos magis instrueret, per aliquos dies relinqueret, ut ipsemet scribit ad Valentinum: « Qui ex vestra congregatione ad nos venerunt, nobiscum egisse Pascha noverit claritas vestra », etc. Præterea una cum Epistola ad Valentinum dedit eis omnia instrumenta causam Pelagianam spectantia. Verum lectio librorum *De gratia et libero arbitrio* novo errori locum dedit; cum enim quidam legisset, omnia bona opera esse dona Dei, inde deduxit, neminem corripendum, si Dei præcepta non faceret, sed pro illo tantummodo orandum Deum, ut ipso donante faceret, quod jubebatur. Id sancto Augustino *Valentinus* per *Florum* monachum significavit, qui, ut proci ab Adrumetinis omnem errorum caliginem expelleret, librum *De correctione et gratia* inscriptum composuit. Qui quidem liber, inquit Em. cardinalis Norisius lib. 1 Hist. Pelag. cap. 23, parvus mole est, sed doctrina maximus, totus mysteriis refertus, universam divinæ gratiæ œconomiam oculis subjicit, ut jure merito aureus a viris doctis nuncupetur, sitque veluti clavis, qua ad universam Augustini de Divina gratia, et libero arbitrio doctrinam aditus aperitur. In eodem volumine Semipelagianos, qui post biennium in Galliis emergere, Augustinus evertit, indeque illi contra hoc Opus declamare non cessabant. Porro Pascha illud de hujus anni Paschate intelligendum, ante quod libri *De gratia et libero arbitrio* ab Augustino editi, et sub hujus anni finem liber *De correctione et gratia*.

24. *Libri isti hoc anno editi.* — Card. Norisius citatus utrumque opus ad annum cxxxiv; Garnerius vero libros *De gratia et libero arbitrio* ad eundem annum, sed librum *De correctione et gratia* ad annum cxxxv referunt; quod inde provenit, quod Garnerius libros Retractionum anno cxxxvi, Em. card. Norisius hoc anno completos fuisse existiment. Sed cum nonnisi ante finem anni cxxxviii ab Augustino in lucem emissi sint, ut anno cxxxvi ostendi; non dubito, quin uterque vir doctissimus citius quam par erat, memoratos libros *De gratia et libero arbitrio*, ac *De correctione et gratia* consignarit.

Alia hic revocanda. — Hoc circiter anno *Theodoretus* scribit libros *De curandis Græcorum affectionibus*, uti dixi anno cxxxix. *Hilarius* episcopus Narbonensis moritur, ut videre est anno cxxxv. *Leoparii* monachi conversio ad hunc annum revocanda, ut anno cxxx dixi.

CÆLESTINI ANNUS 5. — CHRISTI 428.

1. *Africæ a Vandalis facta devastatio, ejusdemque causæ.* — Consulatu Tauri atque Felicis annus Christi quadringentesimus vicesimus octavus illuxit, quo Africa Wandalarum grassatione vastatur. Simul ac enim anno superiori per freti Gaditani angustias sese in Africam immisere, favente illis jam exercitu, qui eos vocaverat, Bonifacii comitis, cum deesset omnino qui illis occurrente resisteret, sed adesset qui incenderet, non secus ac flamma impulsu venti vehementior reddita, cuncta simul sacra atque profana devastant. Antequam autem de singulis orationem instituamus, quantum fas est homini ex causis occulta Dei perscrutari judicia; cur tam immani flagello ea meruerit provincia divexari, ut una simul duplici hac affligeretur clade, altera ex Barbaris Africanis, ex Wandalis altera, Ariana perfidia crudelius sævientem, narrare aggrediamur: atque in primis, quæ hac de re posteris commendavit Salvianus Massiliensis episcopus suorum temporum scriptor, inspiciamus: qui cuncta mentis acie rimatus, de malorum causa ista conscripsit¹:

2. « Compulsus est criminibus nostris Deus, ut hostiles plagas de loco in locum, de orbe in orbem spargeret, et excitatae pæne ab ultimis terræ finibus gentes etiam trans mare mitteret, quæ Afrorum scelera punirent ». Testatur quidem Procopius², Wandalos populos fuisse circa Meotidem paludem consistentes, eosdemque fame pressos, in Germanos illos irrupisse qui Franci dicuntur. Pergit vero Salvianus: « Quid enim? numquid abductæ a solo patrio degere intra Gallias non poterant? aut ne degerent, cum illasæ a vobis usque ad tempus illud cuncta vastaverint? Sed esto, intra Gallias formidabant: quid in Hispania, ubi exercitus nostros etiam bellando contriverant, numquid consistere aut permanere metuebant jam victores, jam triumphantes? quibus usque ad hoc fortitudinis factum contingeret ascendere, et post experimenta belli diu parati intelligerent sibi Romanæ Reipub. vires etiam cum Barbarorum auxiliis pares esse non posse. Poterant ergo illic sedere, nec timere. Sed illa utique cælestis

manus, quæ eos ad puniendâ Hispanorum flagitia illuc traxerat, etiam ad vastandam Africam transire cogebat. Ipsi denique fatebantur, non suum esse quod facerent; agi enim se divino jussu, ac perurgeri. Ex quo intelligi potest, quanta sint mala nostra, ad quos vastandos atque cruciandos Barbari compelluntur inviti ». Et paulo post:

3. « Unde quod Wandali in Africam transierunt, non est divinæ severitati, sed Afrorum scelerei deputandum: gravi enim eos, antequam illuc pergerent, ac longa iniquitate traxerunt: et ideo intelligere debemus, quia pietatis divinæ fuit, quod penam diu debitam distulit; piaculorum autem et criminum, quod aliquando peccator populus quæ merebatur accepit: nisi forte hoc non meruisse credimus; cum utique nulli magis, utpote in quos omnia simul improbitatum atque impuritatum genera confluerint. Ceteri enim homines etsi nonnullis flagitiorum vitiiis obligati sunt quibusdam tamen non implicantur: et si violentia non carent, malevolentia carent: et si libidine æstuant, rapacitati non serviunt: multos denique etsi accusat incontinentia corporum, simplicitas commendat animorum. In Afris pæne omnibus nihil horum est quod ad utrumque pertineat, id est, bonum æque ac malum, quia totum admodum malum: adeo exclusa naturæ originali sinceritate, aliam quodammodo in his naturam vitia fecerunt. Exceptis enim paucissimis Dei servis, quid fuit totum Africa territorium, quam domus una vitiorum? » Ac post aliqua rursum.

4. « Sicut in sentinam profundæ navis collusiones omnium sordium, sic in mores eorum quasi ex omni mundo vitia fluxerunt: nullam enim improbitatem scio, quæ illic non redundaverit; cum utique etiam Paganæ ac ferinæ gentes, etsi habeant specialiter mala propria, non sunt tamen in his omnia execratione digna. Gothorum gens perfida, sed pudica; Alanorum impudica, sed minus perfida; Franci mendaces, sed hospitales; Saxonum crudelitate efferi, sed castitate venerandi: omnes quippe gentes habent sicut peculiaria mala, ita etiam quædam bona. In Afris pæne omnibus nescio quid non malum. Si accusanda est inhumanitas,

¹ Salv. de vero judic. l. vii. — ² Procop. de bell. Wan. l. i.

inhumani sunt; si ebrietas, ebriosi sunt; si falsitas, fallacissimi sunt; si dolus, fraudulentissimi; si cupiditas, cupidissimi; si perfidia, perfidissimi. Impuritas eorum atque blasphemia his omnibus admittenda non sunt: quia illis quae superius diximus malis, aliarum gentium vitia, his autem etiam sua ipsorum vicerunt.

5. « Ac primum, ut de impuritate dicamus: quis nescit, Africam totam obscenis libidinum ledis semper arsisse? non ut terram ac sedem hominum, sed ut Ethnam putes impudicam esse flammaram: nam sicut Ethna intestinis quibusdam nature ferventis ardoribus, sic illa abominandis jugiter fornicationum ignibus creulavit. Nec volo hac in re assertionibus meis credi: testimonium requiratur generis humani. Quis non omnes omnino Afros impudicos generaliter sciat, nisi forte ad Deum conversos, id est, fide et religione mulatos? Sed hoc tam rarum est ac novum, quam rarum videri potest, quemlibet ganeonem non esse ganeonem, aut quemcumque seivum non esse seivum. Tam infrequens est enim hoc et inusitatum, impudicum non esse Afrum, quam novum et inauditum, Afrum non esse Afrum. Ita enim generale in eis malum impuritatis est, ut quicumque ex eis impudicus esse desierit, Afer non esse videatur ».

6. At pauca sunt haec, et parvi ferme momenti esse, quis dicit, si alia nefanda Afrorum scelera considerarit, quae idem auctor narat, dum agit de capta ab iisdem Barbaris deinde Carthagine; quae nos suo loco dicturi sumus. Quod autem ad solutam nimis Afrorum libidinem, quam adversus eos adeo Salvianus exaggerat: certe quidem in hoc polissimum Patres ejus provinciae incubuisse visi sunt, ut habentis eos continentiae coercerent. Quantum enim eos putas adversus adulteros et incestuos declamasse, cum et conjugalem florum mira coercuerint observantia? Videas (quod mireris) S. Augustinum¹ suadere conjugibus a tempore Quadragesimae usque ad octavam Paschae abinentiam ab usu conjugii, similiter et festivis diebus; contestarique evenire saepe, ut si secus agerent, intemperantia conjugum nascerentur filii leprosi, et arripitii, vel imbecilli. Hinc rursus reperies ab eodem affirmari triginta dies praescribi, ne intrarent in ecclesiam, cum mulieres virum accipiunt: insuper admonere ne pollutus nocturno phantasmate particpet cum fidelibus sacram communionem; sed, ut grave facinus, jubere id ipsum expiari debere prius cordis compunctione, elemosyna atque jejuniis. Haec ex multis, quibus valeas considerare sanctissimos Patres non defuisse Africanos resuantes ardore libidinis Ecclesiastica coercere disciplina: simul et cognoscere possis (ut dictum est) si in hac adeo levia iidem Patres vehementer invlcherent, quid eos fecisse putandum adversus adulteros et alios alias nefandas libidines admittentes: verumtamen illos omni excusso jugo mandati, contempla-

que monitione, praecipites sese dedisse in gurgiles turpitudinum. Unde Dei vindicta factum est, ut deliquantes sanctis obtemperare sacerdotibus, juste traditi sunt Barbaris encandis, vel saltem in servitutem redigendi.

7. Ceterum quod ad Salvianum spectat: ne putes eum, dum pravos mores Africanorum suggillat, ex parvis magna composuisse, quasi eloquentiae arte amplificationibus rem exaggerans, ex paucis multa, vel ex minimis maxima reddere sit conatus: sed parcius dicas egisse, dum his non leviora intacta penitus praetermisit, nempe immensam multitudinem Donatistarum a temporibus Constantini obstinatissima pertinacia in schismate perseverantium, immania in se ipsos et in alios perpetrantium, qui nullo valuerunt curari remedio, quantumlibet imperatores edictis, et episcopi scriptis et colationibus saepissime ab ea mentis duritie ipsos revocare studuerint. Licet enim nonnulli vel metu poenarum ex legibus Augustorum, vel aliter ad fidem et unitatem Catholicam (ut superius ex Augustino dictum est) fuerint restituti, reliqui tamen in erroris obstinatione manserunt: adeo ut nec centum annorum spatio Wandanciae persecutionis valuerit eorumdem cervix ferrea perdonari: ut plane secundum illud propheticum², in medio fornacis scoria argenti facti sint, non autem purgati rubigine; sed tribulationis igne successi, deterioris sint redditi. Quid memorem Manichaeos secreta in Africa habitantes latibula, saepe detectos, saepe ejectos, nunquam autem ad Catholicam fidem vere conversos? Scatebat etiam Africa Arianis, quos cavendos saepe admonuit Augustinus. Blasphemis nominis Dei abundasse, inde colliges ex Augustino³, cum agit de morione blasphemantes lapidibus insectari solito.

8. Sed et idem S. Augustinus paucis his diebus, quibus, capta a Wandalis Africa, supervixit, cum cladem barbaricam non nisi ob exundantem peccatorum copiam ipsos pati testetur; jam in profundum illud seclerum eos pervenisse demonstrat, quod a divina Scriptura⁴ verbis illis significatur: « Impius cum in profundum venerit peccatorum contemnit ». Hinc ille lacrymae, cum ista gemens⁵: « Inler tantas, inquit, angustias et in ipso fine rerum posita est univcrsa provincia; et quotidie frequentantur spectacula. Sanguis hominum quotidie funditur in mundo; et insanientium voces crepitant in circo. O planctus omni maestitia acceptior! O planctus omni maestitia affligens cor! Libel flere. Plangimus, dilectissimi, et illos et nos: quia et nos digni sumus, qui cum talibus merito flagellemur, etc.» Inferius vero de idololatriam adhuc sectantibus, consentientia his, quae ex Salviano suo loco dicentur, ista subinfert: « Annou sacrificavit, qui imagines idolorum per noctem ludentes (quod Nocturnum vocant) libentis-

¹ Aug. de temp. serm. CCXLIV.

² Ezech. XXII. — ³ Aug. de pecc. merit. et remiss. l. i. c. 22 —

⁴ Prov. VIII. — ⁵ Aug. de ser. temp. barbar.

sime spectavit? Sacrificavit, prorsus sacrificavit, et quod pejus est, non lauri, vel cujuslibet pecoris aliquam victimam, sed ipsam animam hominis pretiosam. In hoc tam nefando sacrificio non unus vel pauci accusantur: tota hoc civitas fecit, quae tota consensit; nec ab hostibus, nec a Barbaris, sed a se ipso omnis homo in anima se occidit videndo, consentiendo, non prohibendo: omnes remansimus rei: et dum volumus pacem civitatis turbari perversam, pacem quam desideramus, non accipimus rectam; contemnimus pacem servare bonorum morum, et perit pax temporum nostrorum». Haec et alia plura Augustinus, suos Hipponenses ad penitentiam cohortatus, quam et agere negligebant: nam idem ipse haec ad eos, ipso orationis exordio: «Admonet Dominus Deus noster, non nos debere negligere nostra peccata, quando talem demonstrat iram suam: ipse quippe iuste punit nocentem, quia nullum invenit penitentem». Sed de iisdem rursus cum de Hipponensis civitatis obsidione agemus.

9. Accidit plane Africa, quod Deus per Ezechielem populo Israel fuerat comminatus: nimirum, quod impudicitias suis ipsum mirum in modum ad iracundiam provocassent, missurum se fore praedixit in eos hostes, qui cloacas ipsorum libidinum exhaurirent, cum ait¹: «Dabo te in manus eorum, et destruent Iupanar tuum, et demolientur prostibulum tuum». Nam de Wandalis vastantibus Africam idem qui supra Salvianus ista subiicit², dum licet Wandalarum detestetur superbiam, fastumque barbaricum, eorumdem tamen praedicat castitatem, quam, invilos licet, iidem cogere, sero saltem discere Africanos. At enim: «Sufficere igitur ad laudem eorum hac possunt talia, etiamsi alia non dicam. Abominati enim sunt virorum impuritates; plus ad haec addo: abominati etiam feminarum: horruerunt lustra ac Iupanaria; horruerunt concubitus, contactusque meretricium. Numquid hoc credibile ullis videri potest, Romanos haec admisisse, Barbaros horrnisse?» Et paulo inferius: «Grande est profecto quod dicimus, grande ac supereminens. Quis credat Wandalos in civitatibus Romanis ista fecisse? Remota quippe est ab illis omnis carnis impuritas. At quomodo remota? non sicut removeri aliqua a Romanis solet, qui statuunt non adulterandum, et primi adulterant: statuunt non furandum, et furantur, etc.» Ac subinde: «Non tales ergo isti, de quibus loquimur, Barbari ad emendam nostrarum turpitudinum labem existerunt. Abstulerunt enim de omni Africa sordes virorum mollium, contagiones etiam horruere meretricium, nec horruerunt tantum, aut temporarie submoverunt, sed penitus jam non esse lecerunt. O pie Domine, o Salvator bone, quantum efficiunt per te studia disciplinae, per quae mutari possunt vitia disciplinae, sicut ab illis scilicet immutata sunt.

10. «At quomodo immutata? Interest enim, non solum effectus rerum, sed etiam effectuum causas dicere. Difficile quippe est, impudicitiam verbo aut jussione tolli, nisi fuerit ablata: et difficile est, pudicitiam verbo exigi, nisi fuerit exacta. Quod isti utique scientes, sic impudicitiam submoverunt, quod impudicas conservaverunt, non interficientes mulierculas infelices; ne vitiorum curam crudelitate respergerent; et dum peccata auferre cuperent, ipsi in peccatorum resecatione peccarent: sed ita errantes emendaverunt, ut factum eorum medicina esset, poena non esset. Jusserunt siquidem et compulerunt omnes ad maritale florum transire meretrices: scorta in connubia converterunt, impletas scilicet Apostoli¹ dictum atque mandatum: Et ut unaquaeque mulier virum habeat suum, et unusquisque vir conjugem suam. Addiderunt quoque ad libidinem comprimeendam severas pudicitiae sanctiones, decretorum gladio impudicitiam coercentes, ut puritatem scilicet utriusque sexus et domi connubii servare affectus, et in publico metus legum: ac sic duplici praesidio castimonia miteretur, cum et intus esset quod amaretur, et foris quod timeretur.

11. «Leges quidem illorum nequaquam illis sunt legibus consentaneae, quae ita partem improbitatis remouent, ut partem obscenitatis admittant; ut Romana illa decreta, quae scortationes quidem ab alienis uxoribus remouerunt, ad omnes autem solitarias passim admiserunt; adulteria vetantes, Iupanaria aedificantes: timuerunt videlicet, ne minus casti homines et puri essent, si ab omni eos penitus impuritate prohiberent. At non ita isti, de quibus loquimur, qui sic inhibuerunt scorta et adulteria, qui et feminas nullis voluerunt esse feminas, nisi maritis suis». Ac demum multa locutus in detestationem fornicationum probantium, ista ad finem addit: «Erubescamus, quæso, et confundamur. Jam apud Gothos impudici non sunt, nisi Romani: jam apud Wandalos nec Romani: tantum apud illos profecti studium castimonie, tantum severitas disciplinae, non solum quod ipsi casti sint; sed (ut rem dicamus novam, rem incredibilem, rem pæne etiam inauditam) castos etiam Romanos esse fecerunt. Si infirmitas id humana pateretur, exclamare super vires meas cuperem, ut toto orbe resonarem. Pudeat vos, Romani ubique populi, pudeat vitæ vestrae: nullæ pæne urbes lustris, nullæ omnino impuritatibus vacant, nisi ille tantum, in quibus barbari esse ceperunt. Et miramur si miseri, qui tam impuri sumus: miramur si ab hoste viribus vincimur, qui honestate superamus: miramur si bona nostra possident, qui mala nostra execrantur: nec illos naturale robur corporum facit vincere, nec nos naturæ infirmitas vincit: nemo sibi aliud persuadeat, nemo aliud arbitretur: sola nos morum nostrorum vitia vicerunt». Hactenus Salvianus: ut plane omnibus perspicuum esse

¹ Ezech. xvi. — ² Salvian. de vero iudic. l. vii.

¹ 1. Cor. vii.

possit Dei consilium, quo tradiderit Africanos in manus immanium Barbarorum. Porro qui ista deploravit Salvianus, magni nominis episcopus sui temporis fuit, laudaturque ab Encherio episcopo Lugdunensi, simul cum Vincentio, quos sanctos viros eloquentia et doctrina eminentes fuisse tradit in Præfatione ad libros de Questionibus Veteris ac Novi Testamenti, quos ad Salonium inscripsit, ad quem etiam Salvianus eosdem suos commentarios dedit. Fuit autem ipse Salonius Viennensis episcopus. De Wandalarum vero in Africam progressu hæc Victor habet ¹:

12. « Transiens igitur quantitas universa, calliditate Geiserici (Genserici) ducis, ut famam terribilem suæ faceret gentis, illico statuit omnem multitudinem adnumerari, usque ad illam diem, quam huic luci uteris profuderat ventris. Qui reperti sunt, senes, juvenes, parvuli, servi, vel domini, octuaginta millia numerati. Quæ opinio divulgata usque ad hodiernum, a nescientibus tantus numerus æstimatur, cum sit nunc exiguus et infirmus. Invenientes igitur pacatam quietamque provinciam, speciositatem locis terræ florentis quaquaversum, impietatis agminibus impendebant, devastando depopulabantur, incendio et homicidiis totum exterminantes: sed nec arbutis fructiferis omnino pascebant: ne forte quos antra montium, ut prærupta terrarum, vel seclusa quæque occultaverant, post eorum transitum illis pabulis nutritentur: et sic eadem atque iterum tali crudelitate furentibus, ab eorum contagione nullus remansit locus immunis ». Hæc Victor: quæ autem in sacra loca, sacrasque personas admiserint, ex eodem auctore inferius dicturi sumus. Erat autem Africanorum haud exiguus numerus, qui bonis expoliati ad loca munita se receperunt: quos suis Hipponensibus commendans S. Augustinus ² in concione tunc habita, hæc in fine: « Abundant peregrini captivi, et spoliati. Facite ³ vobis amicos ex mammona iniquitatis ».

13. *Consultatio Africanorum episcoporum an fugiendam.* — Hoc ipso tempore, quidam pastoribus populorum faciendum esset, fugiendumque, vel una cum cæteris Wandalarum opperiri catenas et gladios: cum hac de re controversia verteretur, duo episcopi consulerunt S. Augustinum: quorum alter fuit Quodvultdeus episcopus Carthaginensis, quem his temporibus post Aurelium sedisse Carthagine Victor ⁴ tradit: hic ille ad quem diaconum haud pridem S. Augustinus de Hæresibus librum conscripserat. Alter vero fuit Honoratus antistes Tabemensis Ecclesiæ, cujus Possidius ⁵ meminit, necnon de consultatione Quodvultdei: ad quem quæ rescripserit, idem Augustinus ⁶ ad eundem Honoratum scribens, ita meminit: « Charitati tuæ misso exemplo Epistolæ, quam fratri Quodvultdeo nostro coepiscopo scripsi, putabam me hoc

onere caruisse, quod mihi imposuisti, quærendo consilium, quid in his periculis, quæ tempora nostra invenerunt, facere debeatis. Quamvis enim Epistolam illam breviter scripserim, nihil tamen me prætermisisse arbitror, quod et respondenti dicere, et quærenti audire sufficeret. Quandoquidem dixi, nec eos esse prohibendos, qui ad loca (si possunt) munita migrare desiderant; et ministerii nostri vincula quibus nos Christi charitas alligavit, ne deseramus Ecclesias, quibus servire debemus, non esse rumpenda. Ista sunt quidem verba, quæ in illa Epistola posui ». Hæc Augustinus, qui ad ipsum Honoratum de his ea Epistola fusiore habet tractationem.

14. *Detectis dolis Aetii, Bonifacius recedit a Wandalis.* — Quid vero interea egerit Bonifacius, qui Wandalos provocarat in Africam, Procopius ¹ narrat his verbis: « Interea Romæ amici Bonifacii facinus considerantes, quem semper in officio perseverantem cognoverant, satis admirari non poterant. Nonnulli jussu Placidie Carthagine delati, eundem conveniunt. Ubi vero Aetii insidias ac literas ab eo exhibitas accipiunt, statim reversi Placidie rem omnem deferunt, Bonifacium non sua, sed aliena culpa errasse dicunt. Illa animo percussa, cum Aetio quidem dissimulavit, nec quicquam eorum quæ contra imperatorem gesta erant, probro objecit, quod exercitus rerumque summam in potestate haberet, et res in discrimine jam esset. Verum Bonifacii amicis omnia communicavit; de Aetii fraude vehementer conqueritur. Jurat sese æquam Bonifacio fore, si illi rem animo detrectare, tum rem Romanam a Barbaris perditum iri non permittere, persuadeant. Hæc ubi ille accepit, facti illico penitens, et inquit jam societatem detestans, Wandalos multis millibus nummum tentare cepit, uti ex loco discederent. Quod cum minime auscultarent, quin probris potius insultare viderentur, necesse fuit ad manus venire. Victus Bonifacius Hipponem Regium se recepit, civitatem Numidie maritimam ac munitissimam. Ilanc Wandali, Genserico duce, exercitu admoto, obsederunt. Guntharius jam decesserat, a fratre (ut putatur) interfectus. Vandali autem illum potius dicunt in Hispania a Germanis captum, paloque infixum, jam in Africa Genserico res gerente ». Porro ille legitimus filius et regni successor erat, Gensericus autem frater nothus. Illum vero quem Procopius nominat Guntharium, Isidorus Gundericum appellat, fratremque Genserici: sed nequaquam a fratre interfectus, sed (ut ait Isidorus ²) cum capta Hispali irreverenter in ejus civitatis ecclesias manus extenderit, mox Dei judicio a dæmone correptus interiit. Additque Gensericum ex Catholico esse factum apostatam: hæc ex Isidoro. Hic fuit presentis anni in Africa rerum status: cætera autem sequenti anno pro temporis ratione dicemus. Meminit quoque Possidius de Bonifacio a Wandalis superato, et ad Hipponensem præ-

¹ Victor. de persecut. Wand. l. i. in præfat. — ² Aug. ser. de temp. barbar. — ³ Luc. xvi. — ⁴ Victor. de pers. Wand. l. i. — ⁵ Possid. in Vit. S. Aug. c. 30. — ⁶ Aug. ep. clxxx.

¹ Procop. de bel. Wand. l. i. — ² Isidor. in hist. Wand.

sidium confugiente. Quantam vero Wandali, Bonifacio victo, intulerint Africæ cladem, dicemus inferius.

15. *Francos, quorum ingenium describitur, vincit Aetius.* — Cur autem detraxerint in Aetium malorum horum omnium auctorem ulcisci Placidia: præter illa quæ ex Procopio diximus, nempe quod vires exercitus in manu ejus positæ essent; additum est, quod hoc anno agens cum exercitu in Galliis, pugnans adversus Francos, rem bene gessit: nam sub iisdem cons. inquit S. Prosper in Chronico: « Pars Galliarum propinqua Rheno, quam Franci possident acceperant, Aetii comitis armis recepta est ». Hæc ipse: eadem Cassiodorus sub iisdem consulibus, Sidonius quoque Apollinaris in Panegyrico de consulatu Majoriani, qui sub Aetio tunc eques adversus eosdem Francos pugnavit ad vicum Helenam. Nam bene usus Aetius opportunitate temporis, adortus ex improviso Francos choreas ducentes in nuptiis cujusdam nupte Franco claræ puellæ, et eam cepit, et cæteros in fugam egit, novo casu metuque percussos. Persimili plane modo olim Francos imparatos offensos, levi negotio, a Juliano Apostata superatos fuisse, Ammianus affirmat¹. Præter hoc tempore Francis Clodio. Hæc narrans Sidonius Apollinaris, describit pariter Francorum corporis cultum: sed hæc relinquimus otiosis.

16. Illud de Francis non prætereat, tam a Gentilibus quam a Christianis antiquis scriptoribus ipsos dici fœdifragos: nam de eis Vopiscus in Proculo: « Francis familiare est, ridendo fidem frangere »: Id ipsum Salvianus² sepius. Sed ita quidem ipsi, cum adhuc essent idololatræ, et humanas cæderent hostias, a quibus (ut Procopius auctor est³) nec statim ut facti sunt Christiani, omnino recesserunt. Tandem vero exultii penitus Christianis moribus, eo religionis et fidei atque constantiæ provenere, ut inter Christianos omnes et observantissimos fidei populos inventi sint maxime pii atque fideles defensores Ecclesiæ, custodesque Catholicæ veritatis et disciplinæ. At quod de Francis dicimus, de aliis quoque dicendum est nationibus, quæ antiquam fidem Christianam susceperint, depravatis constat fuisse moribus: ubi autem sacro sunt imbuti baptismo et Christiano signati caractere, novum hominem sunt induiti, qui creatus est secundum justitiam et sanctificationem, ipsum, inquam, Christum Dominum nostrum, jure dicente Apostolo⁴: « Quicumque baptizati estis Christum induistis ». At hæc de Gentibus barbaris, teralibus assuetis moribus, per Evangelium redditus mansuetis et piis, pluribus agit Theodoretus in libro de Legibus: ut vel ex hoc uno cernere perspicuo liceat veritatem Catholicæ fidei; cum hoc minime sit invenire apud hæreticos, penes quos tantum abest ut Gentiles unquam ad vitam exultiolem perduxerint,

ut ipsimet ex quo a vera pietate et sinceritate Catholicæ fidei defecerunt, redditi sint Barbaris omnibus crudeliores, nequioresque cunctis gentibus Deum verum ignorantibus: quantumlibet usque ad tempus conati sunt nonnulli ipsorum tegere lupum ovina pelle. Sed lupus semper lupus, cum offertur occasio, perspicuus cunctis ostenditur. Id quidem de Francis, de quibus est sermo, nostro tempore satis evidenter apparuit: dum si de vere Catholicis agitur, vix in orbe Christiano sit invenire illis æquales probitate atque constantia: si de impietate subversis et conversis in hæreses, haud facile sit reperiri hæreticos his nequiores. Clamant hæc lapides. Sed reliqua prosequamur:

17. *Francos clericos exprobrat Cælestinus de nova habitus inventione et de cujusdam indigni promotione ad episcopatum.* — Quod ad statum pertinet Ecclesiarum Gallicæ, Narbonensis scilicet et Viennensis: turbatum illum fuisse ab innovatoribus, ex litteris Cælestini ad episcopos qui illis præerant datis hoc anno, mense Julii, potest intelligi: emersisse nimirum novatores quosdam, qui in vestitu clericorum novum usum inducerent, nempe ut incederet palliati, præcincti renibus, eo quod Dominus in Evangelio suos admonuisset, dicens¹: « Sint lumbi vestri præcincti, etc. » Reprehendit igitur hos Cælestinus, vetitumque ne novus atque diversus ab eo qui hactenus usui fuisset, induceretur clericorum habitus, sed illum quem a majoribus accepissent, retinerent, nec a peregrinis clericis peregrinam acciperent usum vestium; quod præterat, moribus magis quam indumentis sacerdotalem præ se ferre decorem. Redarguit etiam eos, quod petentibus in fine vite negarent penitentiam; necnon quod ad selem episcopalem ab eis laici proveci fuerint et criminosi, exprobrans factam ab illis Danielis cujusdam ad episcopatum contra jus fasque promotionem. Cujusnam facinoris iste ab Orientalibus accusatus fuisset, eadem Cælestinus Epistola narrat his verbis²:

18. « Daniel enim, nuper missa relatione ex Orientalibus ad nos partibus, ab omni quod tenebat virginum monasterio, nefarius est objectionibus accusatus: multa a multis objecta flagitia. In quam lateret terrarum parte, quæsitus est: ut si suæ innocentie confideret, contra se judicium postulatum minime declinaret. Missæ sunt ad Arelensem episcopum per Fortunatum subdiaconum nostrum præceptiones, ut ad judicium episcopale destinaretur. Tantis gravatus testimoniiis, tanta facinorum accusatione pulsatus, sacrarum (ut dicitur) virginum pollutus incestu, episcopus asserit ordinatus³: et paulo post: « Sacro nomini absit injuria: facilis est, ut hanc dignitatem tali dando ipse amiserit ordinator, quam eam ordinatus obtineat, etc. » Hæc ex multis satis ad exprimentam consuetam judiciorum praxim, quomodo majoris

¹ Ammian. l. xx — ² Salvian. l. iv. et vii. — ³ Procop. de bel. Goth. l. ii. — ⁴ Galat. iii.

¹ Luc. xii. — ² Cælestin. ep. i.

momenti causa ab Orientalibus etiam deferri sole-
rent ad Romanum Pontificem. Ad postremum autem
ista subdit : « Massiliensis vero Ecclesiae sacer-
dolem, qui dicitur (quod dictu nefas est) in necem
fratris sui taliter gratulatur, ut huic qui ejus sanguine
cruentatus advenerat, portionem cum eo habiturus
occurreret, vestro eum audiendum collegio delegamus ». Haec ipse, alludens plane ad
Archatensis episcopi Patrocli necem, de qua superius
ex Prospero dictum est. Sed jam de rebus Occiden-
tialibus satis.

19. *Nestorii ad sedem Constantinopolitanam
electio, et ejus primordia episcopatus.* — Quod
vero ad Orientalis Ecclesiae statum spectat : sub
iisdem consulibus Felice et Tauro , quarto idus
Aprilis , subiectum in locum Sisimii Constans-
tinopolis episcopi Nestorium presbyterum Antio-
chenum ex monacho, Socrates tradit ¹. Quod
enim olim ab eadem Ecclesia Antiocheni sanctissimum
atque doctissimum nacta fuisset antistitem
S. Joannem Chrysostomum Constantinopolitana
Ecclesia, inde alium illi similem acceptura post
aliquot annorum spatium, nostra omnium consen-
sione, Nestorium delegit : ejusmodi enim illorum
fuisse consilium, testatur Cassianus suorum temporum
scriptor, cum ait haec in Nestorium ² : « Quia
de Antiochena Ecclesia te sibi sumeret sacerdotem,
ex qua illum (nempe Joannem) ante praeelegerat ;
recepturam se in te credidit, quicquid in illo
habere desuisset ». Quod praecipue factum scias
Theodosii imp. impulsu. Sed quomodo, quandoque
electio Nestorii facta sit, Socratem audiamus ita di-
centem ³ : « Post mortem Sisimii, visum est impe-
ratori propter homines inanium rerum appetentes,
neminem ex illa Ecclesia (licet multi Philippum,
complures Proclum designatum cuperent) ad epis-
copatum illum eligere, sed advenam Antiochia
accersere constituit. Erat namque illic Nestorius ex
Germanicia oriundus, voce in primis sonora, lin-
guaque diserta ; et ob eam causam tanquam ad
docendum populum admodum accommodatus, de
illorum sententia accersitur ».

20. Si Nestorii majorum genus spectes, certe
quidem ab impiis impius prognatus est. Etenim
testatur de eo Suidas, fuisse nepotem Pauli Samo-
satani nefandi haeresiarchoe : cujus errores jam pe-
nitentia oblivioni mandatos ipse instaurare conatus
est, tempus opportunum opperiens. Dum enim in
suo monasterio S. Euprepii apud Antiochiam sito
versatus est, nihil antiquius habuit, quam ut simu-
lata sanctitate magnam sibi apud omnes conciliaret
gratiam, et aucuparetur inde, quem est consecutus,
honorem : « Nam trimestri spatio percursu
(subdit Socrates) Antiochia Constantinopolim de-
ducitur Nestorius : qui quanquam a plerisque ob
temperantiam laude et praedicatione obferebatur ;
tamen quales praeterea ejus mores fuerint, primum

illius doctrinae exorsus prudentibus viris satis de-
monstravit.

21. « Nam simul ac episcopus quarto idus Aprilis
ordinatus fuit. Felice et Tauro consulibus, exemplo
cum orationem apud imperatorem haberet, hanc
sententiam, quae multis in ore est, coram universo
populo protulit : Mihi, o imperator, terram haereti-
cis tu purgatum tribue, et ego tibi caelum tribuam.
Tu mihi in proligandis haereticis subveni, et ego
tibi in proligandis Persis subveniam. Haec verba,
quamvis illi quibus odio habebantur haeretici, lu-
bentes audierint : tamen his qui ex ratione nove-
runt de interiore mentis cogitationem conjecturam
facere, neque ejus animi levitas, neque inverecun-
dia, neque praetera inanis gloriae cupiditas, praeser-
tim cum ne minima quidem mora interposita
ejusmodi voces tam temere profunderet, obscura
esse potuit. Imo vero, etiamsi illud in proverbii
consuetudinem abiit, dicere liceat, neque aquam
civitas jam degustaverat, cum homines acerbè et
graviter persequi aggressus est ». Haec ipse.

22. Sed concitum contine gradum, lector, ne
pedibus cito abeas in sententiam Socratis, dum ita
primum invehitur in Nestorium ob hujusmodi sibi
visum temere dictum. Cur enim displicuerint ista
Socrati, dicam : tu arbiter esto. Non quidem ex his
reprehensibilis Nestorius videri debuit, quod de
haereticis proligandis episcopali egerit libertate,
vigoreque sacerdotali sententiam illam dixerit ; nec
quod in haereticos primo bellum indixit, meruit
reprehensionem. Quid enim in optimo quoque pas-
tore, qui praeficitur gregi, magis desiderari debet,
quam ut ingruentes lupos arceat? Cur praetera
temeraria, vanaque et inflata fastu sententia illa
cum pollicitatione victoriae adversus Barbaros obli-
venda, si ante ab eo fuerint Ecclesiae perduelles
expulsi, videri possit ; si id a Deo praestari solere,
cum talia ab imperatore facta praecedunt, et vetera
et recentia exempla clamarent? Sed quod una cum
aliis haereticis ex ea sententia exagitandi quoque
fuerint Novatiani, quos et idem Nestorius magno-
pere iusectus est ; inde plane accidit, ut Novatia-
nus ipse Socrates, eadem expertus verbera, verbis
illis ipsum incesserit. Sed audi quod subdit :

23. « Quinto die postquam erat episcopus desi-
gnatus, dum ecclesiam Arianorum , in qua clam et
ex occulto preces fundebant, demoliri institueret ;
eos ad tantam adegit recordiam, ut cum ecclesiae
vastationem cernerent, ipsi etiam facibus injectis
eamdem succenderent. Quod quidem incendium
aedes vicinas depascens, penitus assumpsit. Ex qua
re tumultus in civitate concitatus est, Arianique ad
ulcescendum parati. Verum Deus nrbs conservator
non passus est malum longius serpere. De caetero
vero non haeretici modo, verum etiam ejusdem cum
eo fidei fautores, Nestorium incendiarum vocave-
runt. Nec hoc pacto acquievit ; sed dum contra haer-
eticos machinas struebat, civitatem (quantum in
eo erat) prorsus evertit. Quin etiam Novatianos di-
vexare aggreditur, inde impulsus, quod Paulus

¹ Socr. l. vii. c. 24. — ² Cassian. de Incarn. l. vii. — ³ Socrat. l. vi. c. 29.

eorum episcopus ob pietatem tanta fame celebritate fuit. Verum imperator admonitionibus conatum ejus repressit. Quibus autem incommodis eos qui festum Paschatis ad decimum quartum diem mensis celebrant, in Asia, Lydia, Caria fecerit, et quam multi Miletî et Sardis seditione propter eum conflata interierint, mihi omittendum arbitror». Hæc Socrates et hinc illa lacryma.

24. Porro de ordinatione Nestorii scriperunt ex more episcopi, qui ejus interfuerunt ordinationi, ad Caeselinum Romanum Pontificem, multis vitam et doctrinam Nestorii prædicantes. Testantur id quidem ipsius Caeselinî papæ litteræ ad Nestorium datæ, ubi ait: «Lætificavit animam nostram venientium enarratio nuntiorum, quam mox firmavit eorum, qui interfuerunt ordinationi tuæ, relatio collegarum: qui tibi testimonium tantum detulerunt, quantum ferri huic debuit, qui aliunde videbatur electus. Tanta ante opinionem vixisti, ut tuis te aliena civitas videret». Hæc Caeselinus: eadem ferme Cyrillus¹ Alexandrinus, cum et ipse ab iisdem episcopis de ordinatione Nestorii litteras accepisset plenas cumulatæque immensis ejus præconis, et id quidem illi haud (ut fieri solet) adulatione, sed tum ex ejus vita (ut fama erat) antea bene instituta, tum ex avaritate illa quam ipso sedis initio præ se tulit in hostes Ecclesie insectando. Utinam hæc ipse se Nestorius continuisset limitibus: certe quidem omni laude ob eam causam celebrandus fuisset. Quid enim magis proprium Orthodoxi antisitistis est, quam Orthodoxam prædicare doctrinam, omnesque hæreses (si posset) penitus profligare, radicibusque convellere?

25. *Omnes hæreticos per legem exagitatis Theodosius, suadente Nestorio, exceptis Pelagianis, quibus idem Nestorius facit.* — Theodosius igitur sua sponte currens ad insequendos hæreticos (ut vidimus ex diversis legibus singulis ferme annis adversus eos datis) calcariibus jam ad cursum vehementius excitatus, ejusmodi adversus eos edidit hoc anno, mense Maii sanctionem², Nestorii haud dubium persuasionem commotus:

«Imp. Theodosius, et Valentinianus AA. Florentio prefecto prætorio. Hæreticorum ita est reprimenda insania, ut ante omnia, quas ab Orthodoxis acceptas tenent ubicunque Ecclesias, statim Catholice Ecclesie tradendas esse non ambigant: quia ferri non potest, ut qui nec proprias habere debuerant, ab Orthodoxis possessas, aut conditas, suaque temeritate invasas ultra delinquant. Deum ut si alios sibi adjungant clericos, vel (ut ipsi astimant) sacerdotes: decem librarum auri multa per singulos ab eo qui fecerit, et qui fieri passus sit, vel si paupertatem præterant, de communium clericorum ejusdem superstitionis corpore, vel etiam donatis ipsius exortia, nostro inferatur arario. Post hæc, quomam non omnes eadem austeritate plectendi sunt: Aria-

nis quidem, Macedonianis, Apollinarianis, quorum hoc est facinus, quod nocenti meditatione decepti credunt de veritatis fonte mendacia, intra nullam civitatem ecclesiam habere liceat. Novatianis autem et Sabbatianis omnis innovationis admittatur licentia, si quam forte tentaverint. Eunomiani vero, Valentiniani, Montanistæ, seu Priscillianistæ (sic dicti a Priscilla, non autem a Prisciliano) Phryges, Marcianistæ (Marcionitæ), Borboriani, Massaliani, Euchitæ (Euchaitæ) sive Enthusiastæ, Donatistæ, Audiani, Hydromastatæ, Ascodrogitæ, Photiniani, Pauliani, Marcelliani, et qui ad unam usque seclerum nequitiam pervenerunt Manichæi, nusquam in Romano solo conveniendi, orandique habeant facultatem, Manichæis etiam de civitatibus pellendis.

26. «Quoniam nihil omnibus relinquendi loci est, in quo etiam ipsi elementis fiat injuria: nulla his penitus prætercohortaliam in provinciis, et castrensium, indulgenda militia: nullo donationis faciende invicem, nullo testamenti, aut voluntatis ultimæ penitus jure concessio: cunctisque legibus quæ contra hos, cæterosque qui nostræ fidei refragantur, late sunt, diversisque promulgatæ temporibus semper viridi observantia valituros, sive de donationibus in hæreticorum factis ecclesias, sive ex ultima voluntate rebus qualitercumque relictis, sive de privatis ædificiis, in quæ domino permittente vel convivente convenierit, veneranda nobis Catholice vindicandis Ecclesie: sive de procuratore, qui hoc nesciente domino fecerit, decem librarum auri multam et exilium, si sit ingenuus, subituro; metallum vero post verbera, si servilis conditionis sit: ita ut nec in publico convenire loco, nec ædificare sibi ecclesias, nec ad circumscriptionem legum quicquam meditari valeant: omni civili et militari, curiarum etiam et defensorum et judicum sub viginti librarum auri interminatione prohibendi auxilio. His etiam in sua omnibus manentibus firmitate, quæ de militia, et donandi jure, et testamenti faciendi vel negandi penitus, vel in certas vix concessa personas, pœnisque variis de diversis sunt hæreticis promulgatæ: ita ut nec speciale quidem beneficium adversus leges valeat impetratum. Nulli hæreticorum danda licentia, vel ingenuos, vel servos proprios, qui Orthodoxorum sunt initiati mysterio, ad sum rursus baptismam deducendi: nec vero illos quos emerint, vel qualitercumque habuerint, necdum suæ superstitioni conjunctis prohibendi Catholice sequi religionem Ecclesie. Quod qui fecerit, vel cum sit ingenuus, in se fieri passus sit, vel factum non detulerit, exilio et decem librarum auri multa damnabitur, testamenti et donationis faciende utrique deneganda licentia. Quæ omnia ita custodiri decernimus, ut nulli judicium liceat delatum ad se crimen minori aut nulli coercionis mandare, nisi ipse id pati velit, quod atis dissimulando concesserit. Dat. III kalend. Junii, Constantinopoli, Felice et Tauro cons.» Hactenus Theodosius, inserviens in compræmendis hæreticis novi antisitistis incenso desiderio, cujus impulsu etiam turpes per-

¹ Cyril. ep. ad Theod. tom. v. Concil. Ephes. edit. Pell. —

² L. LXV. de hæret. C. Theod.

sonas cœpit exagitare. Siquidem adversus Ienones, qui invitas prostituerent feminas, rescriptum dedit¹. Ista quidem omnia ex sententia Nestorii, impulsuque ejus a Theodosii sancta, seu potius innovata, ea que superius dicta sunt facile persuadent.

27. Sed illud diligenter observa, in toto nuper recitato catalogo hæreticorum, nullam penitus haberi mentionem Pelagianorum, qui in primis, utpote his temporibus vigentes, et sub Attico episcopo ante damnati Constantinopoli, fuerant nominandi, et acriori supplicio coercendi: ut ex his probe intelligas Nestorium ipsum favisse Pelagianis. Confirmatur id quidem ex eo quod Cælestinus papa in Epistola post sequentem annum ad ipsum Nestorium data queritur de ipso, quod Pelagianos hæreticos a se Roma expulsos, receperit Constantinopoli. Nestorianos quidem ex Pelagianis esse prognatos, que dicta sunt superius ex Cassiano de Loporio, et que dicentur inferius, satis perspicue demonstrant.

28. Quid præterea acciderit, cum hoc tempore Nestorius totus esset in persequendis hæreticis, Socrates narrat his verbis²: « Nestorius autem, quoniam multa contra Ecclesiæ consuetudinem moliebatur, sibi propterea gravissimum odium peperit, sicut eventus rerum ab eo gestarum satis declarat. Cermæ urbis Hellesponti episc. Antonius Nestorii ferocitati in hæreticis profligandis obsecutus, Macedonianos graviter exagitare conabatur: et quo se excusaret, mandatum a Patriarcha (episcopo scilicet Constantinopolitano) se de ea re accepisse simulabat. Itaque Macedoniani, etsi ad tempus se vexari passi sunt, postea tamen ubi Antonium eos acerbis insectabatur, non amplius illam injuriarum molem tolerare potuerunt: sed tam caeco animorum impetu ferebantur, ut libidine ulciscendi æquo et bono prælata: per viros ad eam rem missos Antonium occidendum curarent. Hoc scelus a Macedonianis patratum, tanquam materia ad incendendam Nestorii ferociam fuit. Quare Macedonianis una Ecclesia Constantinopoli extra vetera urbis mœnia sita, altera Cyzici, aliæ præterea complures, quas in agris Hellesponti tenebant, ablatae fuerunt. Unde nonnulli eorum ad Ecclesiam reversi, fidei Consubstantialis assenserunt ». Hæc Socrates, eademque Marcianus in Chronico paucis refert.

29. *Hæresis Nestorianæ ortus, et quibus magistris et assertoribus eadem uteretur.* — Sed jam de Nestorio lugubrem aggrediamur enarrare tragediam hoc anno ordinî cœptam; de qua hæc S. Prosper sub iisdem hujus anni consulibus³: « Nestorius Constantinopolitanus episcopus novum Ecclesiis molitur errorem inducere, prædicans Christum ex Maria hominem tantum et non Deum natum, eique divinitatem collatam esse pro merito. Huic impietati præcipue Cyrilli Alexandrini episcopi industria, et papæ Cælestini repugnant auctoritas ». Hæc Prosper. Sic vides hominem maxime impium,

quo tempore alias hæreses persequi aggreditur, letriozem hæresim introducere in Ecclesiam. Liberatus⁴ quoque diaconus hoc anno sub dictis consulibus ortum ponit nefandæ hæresis.

30. Sed unde hæresis ista profuixerit, accurate intuentum est. Deducit eam Cassianus⁵ e faculentis fontibus Ebionæ, derivatque per Iululentos ipsorum cuniculos, qui Christi negaverunt divinitatem: demum vero per Pelagianorum esse perductam cloacas tradit. At contra Socrates, qui se in Nestorii libris versatum dicit, contrarium affirmare videtur, dum hæc ait⁶: « Nestorius autem apud complures venit in opinionem, quod Dominum, hominem solum esse assereret, quodque Pauli Samosatani, et Photini opinionem in Ecclesiam introducere niteretur. Atqui de hac re tanta certatio, et tumultus ciebatur, ut generali Concilio ad eum sedandum opus esse videretur. Ego vero dum libros a Nestorio editos lego, hominem reperio imperitum, et doctrinæ penitus expertem: hocque vere et ex animo dico. Nam neque odio in illum incensus, ejus vitia recordatione renovare; neque ut quibusdam gratificer, pauciora quam reperi, commemorare decrevi. Nestorius, meo quidem judicio, neque Paulum Samosatenum, neque Photinum imitatur; neque denique Dominum hominem solum esse dicit; sed vocem duntaxat », Deiparam, « tanquam larvam reformidans, declinat: hocque illi præ insigni inscitia, et ignorance contigit. Nam tametsi natura lingua erat diserta, et propterea doctus putabatur, tamen revera imperitus fuit. Quin etiam veterum interpretum scripta perdiscere dedignatus est: lingue enim volubilitate, et elegantia insolenter se efferens, tum veteres prope neglexit, tum se ipsum omnibus antecellere existimavit, etc. » Hæc Socrates; ubi et subdit, vocem Deiparam ab antiquis Patribus usurpatam, atque adeo ab ipsis etiam Arianiis assertam, nempe inter alios ab Eusebio Cæsariensi, cujus citat auctoritatem. Assentimur quidem Socrati recte primarium edocenti fontem, unde omnes hæreses manare solent, ex quo et Nestorius venena hausit, nempe ex tumore mentis, neglectuque sanctorum Patrum, atque contemptu antiquarum Ecclesiæ traditionum, cum sibi nimium sapiens, fastu inflatus cloquii, se non indigere doctore putavit.

31. Cæterum quod ipse negat Nestorium Pauli Samosatani vestigiis insitisse, haud res ab eo exacte videtur esse considerata: cum omnes qui de Nestorio scripserunt, secus sentiant, atque in primis S. Cælestinus papa ad ipsum Nestorium scribens: insuper et S. Cyrillus Alexandrinus episcopus demonstrat, Nestorium quindecim capitibus eadem cum Paulo hæresiarcha sentire. Certe quidem longe ante Nestorium inter Latinos Patres S. Ambrosius non alium quam Paulum Samosatenum, ejusque sectatores suggillat, dum ait⁴: « Nonnulli etiam

¹ L. II. de Ienon. C. Theod. — ² Socrat. I. VII. c. 31. — ³ Prosper. in Chron.

⁴ Liberat. diac. Breviar. c. 2. — ⁵ Cassian. de Iucar. Verb. I. I. — ⁶ Socr. I. VII. c. 32. — ⁷ An br. de Iucar. c. 6.

aliud Dei Verbum, alium verum Dei Filium crediderunt: cum ipsum, qui in principio erat Verbum apud Deum Patrem, in sua propria venisse, Evangelista lesetur: quam quidem sententiam esse a Nestorio acceptam quis non videt? At si altiore pelas originem, invenies eandem positionem hanc Ario tribui ab Alexandro episcopo Alexandrino apud Socratem¹.

32. Sic igitur cum negari non possit Nestorius complura ex Pauli Samosatani hæresibus mutuatus, reclamantibus contra Socratem Cælestino Romano Pontifice, atque Cyrillo Alexandrino episcopo; tamen ad excusationem Socratis illud afferri posse videtur, quod versipellis hæresiarcha Nestorius, sciens male audiri in Ecclesia nomen Pauli Samosatani, atque ab Orthodoxis omnibus procul explodi, simulavit se eundem Paulum pariter detestari, profiterique Nicænum Concilium, ut eo modo audientium sibi animos conciliaret. Unde accidit ut ipse Nestorius in Paulum ista jactaret: « Sic peccat Paulus Samosatenus, qui nudam nobis Dominicam deliravit humanitatem, etc. » Porro inter Nestorium, et Paulum Samosatenum, ejusmodi ponitur differentia, quod ille negari in utero sanctissimæ Virginis Christum fuisse Deum, Paulus autem semper. At nec qui tradunt Nestorium secutum Paulum, vel alios impios negantes hypostatice unionem carnis cum Verbo, eundem cum illis omnia æque sensisse adstruunt: nam et in eo potissimum ab illis omnibus Nestorius discrepabat, dum se Nicænæ fidei assertorem esse profiteretur, cui illi penitus adversarentur: cujus rei causa gloriosus incederet; et licet paria cum illis de Christi incarnatione sentiret, se tamen illis adversari, inani studio jactaret. Sed viciniorem attendamus canalem, ex quo in ipsum Nestorio agrum prava dogmata ista fluxerunt.

33. Certe quidem sententia omnium constat, Nestorium discipulum fuisse Theodoro Mopsuesteni episcopi, de cujus obitu ex Theodoro paulo superius egimus: testantur id Evagrius² et alii. Quinta etiam œcumenica Synodus damnasse reperitur³ ipsum Theodorum veluti ducem Nestorii: quod ipsum affirmat S. Gregorius⁴ papa scribens ad Eulogium episcopum Alexandrinum. Justinianus imperator hoc idem proficitur, promulgata sanctione, cujus est exordium: « Scientes quod nihil, etc. » eadem plane habet de Theodoro Mopsuesteno Liberatus⁵ diaconus. Sed nec ipsi etiam Nestorii fautores ierunt inficias Theodorum errore lapsum esse, verum recantasse palinodiam: testatur id quidem Joannes episcopus Antiochenus in Epistola ad Nestorium, de qua suo loco dicemus.

34. Qualia vero Theodori hujus primordia fuerint, suis locis anni superioribus demonstratum est, nempe desertorem monachismi extitisse, et luxurie sordibus non inquinatum tantum, sed obrutum,

ut non valuerit ex eo cœno per S. Joannem Chrysostomum abstrahi. Vides, lector, ex quo manarint ista principia: ut hæc tantum scisse, sit hæresim Nestorii penitus confutasse. Lege et repele que miro eloquentiæ fluxu scripsit S. Joannes Chrysostomus ad Theodorum lapsum; quem istum ipsum fuisse, de quo agimus, Mopsuestiæ postea creatum episcopum, suo loco superius dictum est.

35. Asserit pariter Diodorus Tarsensis episcopus Nestorii præceptor fuisse. Certe quidem eandem doctrinam Diodori fuisse, quæ fuit et Theodori Mopsuesteni, Theodoretus¹ affirmat. Sed quænam fuerit Diodori de fide sententia, ex S. Cyrillo accipe, qui dum tradit Nestorium a Diodoro didicisse perfidiam, hæc ait²: « Diodorus quidem cum primo tempore Spiritus sancti impugnator existeret (ut aiunt) Orthodoxæ communicavit Ecclesiæ. Hic (ut putavit) Macedoniæ deponens maculam perfidiæ, in alteram recidit ægritudinis qualitatem. Sensit enim (ut scripsit) quod alter sit Filius seorsum, qui de semine David et sancta Virgine natus est, et alter proprie Filius Dei Patris existat. Qui ovina pelle lupum contegens, simulat quidem unum se Christum docere, hoc nomen tantummodo ut Patris Verbo Filio unigenito tribuens; gratiam vero et lucis deputans (sicut ipse dicit) qui est ex semine David, quem et Filium vocat, tanquam unum (inquitt) ei qui secundum veritatem est Filius: unum autem non sicut nos asserimus, sed juxta solam dignitatem et auctoritatem et honoris æqualitatem. Hujus discipulus Nestorius fuit: et ex librorum ejus eloquiis obscuratus, simulat quidem se unum Christum etiam Filium et Dominum confiteri: verumtamen et ipse unum individuumque in duos partitur, hominem dicens Deo Verbo, æquivoce nuncupatione, et honore et æqualitate atque dignitate conjunctum ». Haecenus de Diodoro Cyrillus.

36. Admonendus hic, lector, es, usurpari interdum Theodorum pro Diodoro et contra, cum longe discrepent inter se, licet uterque fuerit Nestorius episcopus: Theodorus enim præfuit Tarsensi Ecclesiæ tempore Concilii Nicæni cui etiam inter Orthodoxos reperitur esse subscriptus: Diodorus vero (ut suo loco quarto tomo diximus) eidem Tarsensi Ecclesiæ ex monachorum abbate a Meletio episcopo Antiocheno ordinatus est, qui quod, dum vixit, pravam sententiam retinuerit, inter magni nominis episcopos claruit, et Orthodoxæ fidei acerrimus propugnator habitus est: unde et factum, ut cum a Basilio, tum etiam a Joanne Chrysostomo laudaretur, qui cum in eremo nactus fuerat institueretur: quin etiam Theodosii majoris edita sanctione³ inter coryphaeos Catholicæ fidei recensetur. Omittimus dicere de Theodoro, qui mirificis cum semper præconis extulit. Sic quidem ille dum vixit, non latuit tantum, sed et claruit inter Catholicos. Porro post ejus obitum, qualis intus latuisset, ex

¹ Socrat. l. i. c. 3. — ² Evagr. l. i. c. 2. — ³ Synod. v. œcu. Act. IV. et alius. — ⁴ Greg. l. vi. ep. xxxi. — ⁵ Liberat. Breviar. c. 4.

¹ Theod. l. v. c. ult. — ² Cyril. de Incar. Unig et in epist. ad Success. — ³ L. III. de fide Cath. C. Theod.

ipsius depromptum est scriptis. Sane quidem tum de ipso, tum de collega Theodoro Mopsuesteno ista Leonius ¹ habet : « Extiterunt iisdem temporibus magni quidam duo viri, Diodorus episcopus Tarsi, et Theodorus Mopsuestiæ, qui adversus Arianos, et Macedonium, et Apollinarem pugnabant, universasque litteras sacras commentariis illustrabant, et in pretio habiti mortem oppetierunt : nec ipsis vivis quisquam dictum aliquod eorum reprehendebat, imo quamplures scriptis encomiis eos celebrarunt : nam et Basilius, et Joannes Chrysostomus eos prædicant. Verum post hæc, exorto dogmate Nestoriano, coactus est Cyrillus, qui et ipse pridem eos laudasset, adversus eorum opera scribere, quod dogma suum Nestorius ex eis confirmaret ». Hæc et alia Leonius.

37. Qui igitur hos habuit ad impietatem addiscendam magistros, Nestorius ad eam promulgandam Anastasio presbytero sectatore dogmatum Judaicorum (ut Evagrius ait ²) classico usus est ; sed et præconem adhibuit, qui eodem tempore eandem hæresim Constantinopolim majori etiam auctoritate prædicaret, Dorotheum episcopum ; cum tamen ipse Nestorius jam totius impietatis præconem occinisset, prout ex Cyrilli litteris ³ ad Cælestinum apparet, in quibus hæc leguntur : « Is igitur, cuius paulo ante mentionem feci, Nestorius, ubi primum episcopus creatus est, cum piis exhortationibus domesticis æque ac peregrinis, quorum magna vis ex omnibus civitatibus, et regionibus ad id loci convenire solet, instituire debuisset ; ea studuit effutire, quæ absurda et rationi dissentanea, et ab Apostolica, et Evangelica fide, quam majores nostri magna semper constantia reclinaverunt, nobisque perinde ac pretiosam quandam margaritam tradiderunt, non parum discrepantia sunt. Porro autem homilias, quas pro concione non infrequenter habuit, et lucusque habere non desinit, tanquam evidens quoddam doctrinæ illius argumentum ad tuam pietatem misi ». Et post aliqua : « Cum is talis modum evasisset, accidit inter cætera, ut episcopus quidam Dorotheus nomine Constantinopoli præsto esset, eadem quæ Nestorius, sapiens et sentiens, vir quæstus causa adulationi impense deditus, linguaque ad temeritatem usque (ut scriptum est) promptus. Hic cum Constantinopolitanæ Ecclesiæ Synaxi, præsentem Nestorio, cathedram occupasset ; magna sublataque voce inclamare ausus est : Si quis Mariam Deiparam dixerit, anathema sit. Mox ingens universi populi clamor, et discussio consecuta est : volebat enim diutius cum eo communionem habere, qui temere, talique sententia prædictus esset ». Et post multa : « Ad Nestorii autem conatum quod attinet, et magni illi admirabilesque ac celebrati Patres nostri, qui sacram Virginem Deiparam esse dixerunt, et nos ipsi quoque qui adhuc superstitès sumus, una cum ipsis anathemate per-

culsi sumus : quamvis enim id ore suo facere noluerit, attamen sedens, et audiens alium, nempe supra memoratum Dorotheum, ut hoc diceret, induxit, subornavitque. Cui etiam contestanti, ubi e cathedra descendisset, in divinorum mysteriorum celebratione communicavit ». Hæc S. Cyrillus ad Cælestinum Romanum Pontificem de Nestorii erroris exordio : eadem scribit ad Acacium Berecensem, et alios, de quibus suo loco inferius.

38. His de Dorotheo dictis : quisnam fuerit conatus Anastasii presbyteri, sociique Nestorii, de quo superius mentio facta est, Evagrius ex Epistola Theoduli ita refert ¹ : « Anastasius quidam presbyter, perversa imbutus opinione, Judaicorum dogmatum, quæ tenebat Nestorius, acerrimus fautor, et ei ad episcopatum proficiscenti comes, ubi Nestorius cum Theodoro in urbe Mopsuestia congressus audita illius doctrina, a vera pietate descivit : Anastasius, inquam, (ut a Theodulo in Epistola quadam de his rebus scriptum est) in disputatione apud populum Christum sancte colentem in Ecclesia Constantinopolitana habita, palam ausus est dicere : Nemo Marianam Deiparam vocet : nam Maria (inquit) homo erat, atque ab homine Deus nasci non potest. Quæ quidem verba cum populus Christo consecratus graviter et acerbe ferret, et disputationem illam non sine causa haberet pro blasphemia : Nestorius istius blasphemiae auctor et dux non solum non prohibuit illum, neque rectam sanamque doctrinam tutatus est, verum etiam verba in primis roborare contendit, et in iisdem defendendis acrius institit : atque sua ipsius opinione hæc adjuncta, atque adeo adscripta, venenoque animi sui in Ecclesiam effuso atque ejecto, multo majorem blasphemiam docere conatus est : adeo ut ad sui ipsius capitis perniciem hanc impiam sententiam, nimirum : Ego cum qui spatii menstruis, hoc est, bimestri, et trimestri, et ita deinceps adoleverit, Deum certe non appellavero ; proferre non dubitaret, sicut tum a Socrate, tum a priore Concilio Ephesi celebrato perspicue narratum est ». Hucusque Evagrius. Sed ad Nestorium auctorem malorum omnium recurrit oratio, licet mærens in his diutius detineri cogatur.

39. *Nestorii primordia, hypocrisis et licentia Episcopatum adepti.* — Quibus autem ipse Nestorius progressibus ad hæc adeo execranda devenit, dignum est ut audiamus ab eo qui ipsi Nestorio fuit amicitia intime junctus, ab ipso, inquam, Theodoro, qui et visus est eidem aliquando favisse ; qui narrat his verbis hæc omnia in Epistola ad Sporadium : « Omnibus, inquit, notus ille exitit. Ex Germanicorum civitate ortus homo iste, cuius exercitio initio deditus fuerit, ignoro. Ex alia vero aliam regionem peragrans, instar Ægypticæ plage ad magnam Antiochenisum pervenit urbem ; in qua liberalibus artibus mediocriter instructus et imbutus, et pulcherrima et maxima præditus voce, in

¹ Leon. de Sect. act. iv. — ² Evagr. l. i. c. 2. — ³ Extant inter epist. Cælest. Pap.

¹ Evagr. l. i. c. 2. et Socr. l. vii. c. 32

Ecclesiam Dei cum certa ejus pernicie irrepsit; et sacerdotum numero adscriptus, populi Dei regendi suscepta cura, in ipsomet principio, qualis in tota vita sua futurus esset, aperte ostendit. Non enim ingenium illum, et fructuosum dicendi characterem imitatus est qui hominum animos pascere posset: sed ad popularem auram declinando, et vanum populi applausum, ut quisvis alius, aucupando, instabile et abjectum vulgus ad sui desiderium concitavit. Sordida quidem indutus veste, mœstus et tristis incedens, forenses tumultus devotans, corporis pallore et macie abstinentiam simulans, libris domi ut plurimum incumbens et intentus, et quiete sibi vivens, his artibus et simulationibus perosque alliciebat ad sui admirationem, quousque ad graviolem provenit aetatem, videri potius quam esse Christianus, et suam magis quam Christi gloriam querere studens.

40. « Quoniam vero (juxta Domini ¹ dictum) nihil occultum, quod non reveletur, et nihil absconditum quod non prodeat in lucem; et bona opera manifesta fiunt, et quæ mala sunt occultari minime possunt: imperscrutabili judiciorum Dei abisso Nestorius eorum calculo qui rerum poliebantur, et Ecclesiam administrabant, necnon ipsius qui tunc temporis universi orbis sceptrum tenebat, Catholicæ Orthodoxorum Ecclesiæ Constantinopolitanæ sedem obtinet, quin etiam parum adest, lotius orbis. Hinc deinde secutæ sunt tragædiæ illæ, quarum universa terra, et mare ipsum repletum est. Ut primum enim maximam illam sedem occupavit, ac si tyrannidem quamdam sacerdotii præfecturam rapisset, non amplius in se ipso impietatem, quam antea mente conceperat, continere valuit; sed ex potestate licentiam quamdam stultam adeptus, in medium illam profert, et omnibus patefacit quam antea adversus Unigenitum Dominum conceperat blasphemiam, et contra Apostolica dogmata apertum suscepit bellum, contra etiam sanctos Patres, qui ab ipsis Evangelii cunabulis Orthodoxæ fidei duces et magistri fuerunt, eorum sententias nititur conculcare, regie civitatis Ecclesiam perturbando, et universum orbem commovendo, nihil veritus

divinum Paulum clamantem: Qui vos conturbat, judicium portabit, quicumque est ille: sed super sacri altaris principum sacerdotum candelabrum non lucernam veritatis, sed impicelatis tenebras collocat: et excogitatur ab illo primum novitatis factus, et exordium: quod non oporteat videlicet sanctam virginem Dei Verbi secundum carnem genitricem, Dei matrem confiteri, sed Christi tantum matrem: licet jam diu, et diutissime Orthodoxæ fidei præcones, juxta Apostolorum traditionem, Dei genitricem illam ore confiteri, et corde credere non docuerint Domini matrem ». Hæc Theodoretus.

41. Pergrave plane illatum est Ecclesiæ per Nestorium hoc tempore scandalum, de quo Vincen-tius horum temporum scriptor sic ait ¹: « Qualem fuisse nuper tentationem putamus, cum infelix ille Nestorius subito ex ove conversus in lupum, gregem Christi lacerare cœpisset? cum hi ipsi qui rodebantur, ex magna adhuc parte ovem crederent, ideoque morsibus ejus magis palerent. Nam quis eum facile errare arbitraretur, quem tanto sacerdotum studio persecutum videret? qui cum magno sanctorum amore, summo populi favore celebraretur, quotidie palam divina tractabat eloquia, et noxios quoque Judæorum atque Gentilium confutabat errores. Quo tandem justo modo non cuivis fidem faceret, se recta docere, recta prædicare, recta sentire? Qui ut uni hæresi suæ aditum patefaceret, cunctarum hæreseon blasphemias insectabatur, etc. » Inferius vero dum de ejusdem Nestorii errore disputat, cum ex diametro adversantem Apollinari fuisse dicit; nam subdit ²: « Cum veritas dicat, ex duabus substantiis, unum esse Christum: Apollinaris contrarius veritati ex una Christi divinitate duas asserebat esse substantias: Nestorius autem contraria Apollinaris morbo, dum se duas in Christo substantias distinguere simulat, duas introducit repente personas, et inaudito scelere duos vult esse Filios Dei, duos Christos, unum Deum, alterum hominem, unum qui ex Patre, alterum qui sit generatus ex matre ». Hæc Vincentius: atque de his modo satis.

¹ Matth. cap. 10.

¹ Vincen. Lirin. cont. hæres. c. 16. — ² Ibid. c. 17.

Anno periodi Graeco-Romanae 5921. — Jesu Christi 428 — Caelestini papa 7. — Theodosii Jun. 27. et 21. Valentiniani III. 4.

1. *Quinquemalia Valentiniani*. — Coss. *Felix et Taurus*; prior Occidentalis, et quidem Gallus, ut annis cdxlii et dxl i quibus ejus posterius consulatum gessere, ostendimus: posterior Orientalis fuit, ut liquet ex prosopographia Codicis Theodosiani. Ad hunc Taurum Patricium extant Epistola a Theodoro scripta, ordine lxxxviii, et Epist. cxciv et dxl Isidori Pelusiotae. Valentinianus imperii Caesaris *quinquemalia* exhibuit.

2. *Gensericus Vandalorum rex in Africam irrumpit*. — A num. 1 ad 15. Quemadmodum captae ab Alarico Gothorum rege Urbis; ita et captae a Genserico Vandalorum rege Africae epocha cardo quidam est horum temporum; quare haec posterior eo magis nobis est certis argumentis adstruenda, quo nullus ex recentioribus, quod legerim, eam suo anno reddiderit. Alii enim cum Prospero in Chronico Gothorum in Africam irruptionem anno superiori, alii cum auctore Chronici Alexandrini ac Baronio currenti anno consignant; cum tamen sequenti anno contigerit. Idacius enim in Chronico anno Abrahami mcdxlii, qui kalendis Octobris superioris Christi anni inchoatur, scribit: «Gundericus rex Vandalorum capta Hispali, cum impie elatus manus in Ecclesiam civitatis ipsius extendisset, mox Dei judicio daemone correptus interiit. Cui Gaisericus frater succedit in regno. Qui, ut aliquorum relatio habet, effectus apostata, de fide Catholica, in Arianam dictus est transiisse perfidiam». Idem habet Isidorus in Historia Vandalorum, ubi tradit, eum Era cdxlix, seu anno Christi cxxi, in Hispania regnare coepisse in Gallæcia partibus, et regnum tenuisse annis decem et octo. Quare currenti anno interiit, annique illi xviii incompleti fuere. Tum anno Abrahami mcdxlii, qui kalend. Octobris hujus Christi anni inchoatur, haec Idacius narrat, «Gaisericus rex de Bæticæ provinciae littore cum Vandalis omnibus eorumque familiis, mense Maio ad Mauritaniam et Africam relicta transit Hispaniis. Qui priusquam pertransiret, Heruigarium Suevum vicinus in transitu suo provincias depradari, reversu cum aliquantis suis facto, prædantem in Lusitania consequitur. Qui haud procul de Emerita, quam cum S. Martyris Eulaliae injuria spreverat, multis per Gaisericum cæsis, ex his quos secum habebat, arrepto, ut putavit, Euro velociter fugæ subsidio, in

flumine Ana divino brachio præcipitatus interiit. Quo ita extincto, mox quo caeperat, Gaisericus enavigavit». Quare non Guntharius, seu, ut eum alii appellant, Gundericus Vandalos in Africam duxit, sed Gaisericus ejus frater, ut anno cxxxii, quo Baronius clarius quam hic num. 14 id asserit, rursus ostendetur.

3. *Ea irruptio anno sequenti facta*. — Cum itaque Vandalorum in Africam irruptio facta fuerit mense Maio, non dubium quin ea ad sequentem annum pertineat. Decepit viros doctissimos, qui eam hoc vel superiori anno collocarunt, modus annos numerandi ab Idacio usurpatus; neque enim animadvertere hunc Chronographum, qui tam Eusebii quam Hieronymi Chronica continuavit, horum exemplo annum ab autumno inchoare; et quia Idacius *Vandalorum* in Africam ingressum cum anno v Theodosii post Honorium imperantis copulavit, tam illi qui cum superiori Christi anno, quam qui cum currenti eum conjungere, Idacium sibi favere arbitrati sunt; nec enim fuisse existimo, qui in rebus Hispanicis Prosperum vel Auctorem Chronici Alexandrini Idacio præferendum esse censuerit. Verum opinione sua falsi sunt; anni enim tam imperatorum, quam Olympiadum in hujus Chronico memorati, præterquam quod a librariis loco suo quandoque moti fuere, plerumque male ab ipsomet Idacio in Historia Romana parum accurately referuntur, quod de morte Honorii et ætate Theodosii nullus negaverit; cum illam anno cxxxiv accidisse, et *Theodosium* tunc *annorum viginti sex* fuisse autmet. In annis itaque ab Idacio expressis ad annos Erae Christianae reducendis, semper ad annos Abrahami attendendum, et in usum vocanda methodus, quam in Dissert. de Periodo Graeco-Romana, tradidi; quae non minus clara ac facilis, quam certa est. Isidorus et ipse Hispanus, qui Idacium exscribere solet, in Historia Vandalorum regnum *Gensericæ* hujus expeditionis auctoris consignat era quadragesima sexagesima septima, quæ cum kalendis mensis Januarii sequentis Christi anni inchoatur, et cum eodem absolvitur; quia scilicet Isidorus exorditur annos principum ab eo qui sequitur mortem decessoris. Ibidem autem statim de Gensericæ scribit: «Hic de Bæticæ provinciae littore cum Vandalis omnibus, eorumque familiis ad Mau-

ritaniam et Africam trajecit ». Jornandes lib. de Reb. Get. cap. 23. anno hujus irruptionis non memorato, ait tantum Gensericum jam a Bonifacio in Africam invitatum, *per tractum angustum, quod dicitur Fretum Gaditanum*, Vandalos transposuisse.

4. *Probatur ex legibus Cod. Theod. anno sequenti datis.* — Leges anno sequenti a *Valentiniano* imp. date Africæ invasionem eo anno accidisse etiam evincunt. Quatuor in Codice Theodosiano hujus imperatoris, ad quem Africa pertinebat, leguntur, eaque emisse ante mensem Maium, et ad *Celerem* Africæ proconsulem directæ, in quibus nullum hujus calamitatis vestigium extat; licet ea de quibus in iis agitur, id exigere viderentur. Prior, quæ est 34 *De amona et tributis*, data est V kalend. Mart. *Florentio et Dyoniso* *co.*, eaque prohibet *Valentinianus*, ne ante quartum mensem ab alicujus edicti publicatione Africani ad solvendum compellantur. Secunda, quæ est 38 *De appellationibus et consultationibus*, eodem die iisdemque consulibus data, *Valentinianus* a Rationalibus ad proconsulem Africæ appellari vult. Erant *Rationales* procuratores imperatoris in Africa. Tertia, quæ est 185 *De decurionibus* data legitur V kal. Maii, iisdem *co.*, ad legationem proconsularis Provinciae seu Africæ; etque de re tributaria in universum. Questus enim fuerat *Bubulcus* legatus, quod Africani rei tributaria occasione premerentur. Quarta est 186 *De decurionibus* eadem die data et eandem ob causam emissa, respondetque utraque lex totidem querelis a *Bubulco* factis. Prior querela erat, quod etsi securitates tributorum a se solutorum sub alio proconsule haberent, tamen ab alio proconsule eæ refricarentur quod priori lege in posterum fieri vetat *Valentinianus*. Altera querela fuit, quod *Curiales* alii pro aliis in eodem civitatis territorio tributa solvere cogerentur; idque passim fieret, et ut loquitur lex, « in eam famam mali jugitate pervenit, ut nullus pæne *Curialis* idoneus in ordine ejusque urbis valeat inveniri ». Quare prohibet imperator, ne alius pro aliena possessione conveniatur.

5. *Probatur iterum ex iisdem legibus.* — Monet *Gothofredus* in Comment. his duabus legibus iungendas esse duas laudatas, duabus aliis querelis *Africanorum* respondentes. Una ex istis querelis fuit, quod pro dissimulatione iudicium, compulsore misso, *Africani* possessores in prædam mitterentur. Altera, quod appellationum a *Rationali* in private rei causis occasione ad longinqua traherentur; quibus duabus querelis totidem saluberrimis constitutionibus medetur imperator. Quod si jam currenti anno, aut superiori Africa a *Vandalis* devastata fuisset, non dubium, quin *Valentinianus* aliquam hujus rei mentionem in quatuor præfatis legibus anno sequenti datis injecisset, significassetque, aut calamitates, aut fidelitatem subditorum fundamentum esse favorum a se in illis concessorum. Imo eas leges non dedisset; pars enim Africæ, quæ post *Vandalorum* irruptionem in Romanorum potestate remansit, non legibus sed subsidio indigebat. Quare

eum post mensem Aprilem anni cxxxix, nulla amplius in Codice Theodosiano exel. constitutio, quæ *Africanorum* causa data fuerit, præter legem 33 *De susceptoribus*, kalend. Martii anno cxxx in gratiam *Byzacenæ* provincie datam, manifestum est *Vandalos* ante mensem Maii anni cxxxix in Africam ingressos non esse, nec provinciam *Byzacenam* ante annum cxxx a *Vandalis* sub jugum missam.

6. *Iterum probatur ex lege hoc anno emissa.* — Verum quidem est, *Valentinianum* hoc anno legem 22 Cod. Theod. *De tyronibus*, V kalend. Martii dedisse, qua Africæ proconsularis sacerdotes, *tyronum* præstatione immunes esse definit, et *Gothofredum* in *Chronologia* Cod. Theod. scribere : « Forte pertinet ea lex ad *Vandalorum* in *Mauritaniam* superiore anno transfretationem ». Verum ex ipso legis tenore contrarium deducitur : hujus enim privilegii sacerdotibus *Paganis* concessi duas rationes affert imperator. Prima est, quia proconsularis provincia in qua *Carthago* sita omnium intra *Africanam provinciarum* obtinet principatum. Secunda, quia hujus provincie sacerdotes majoribus fatigantur expensis; et in uno prægravatus in alio relevari debet. Quod si *Vandali* jam anno superiori *Africam* invasissent, non unius provincie sacerdotibus privilegium illud concedendum fuisset; sed extendendum ad sacerdotes aliarum provinciarum, quas hostis occupare non potuerat. Diocesis enim Africæ sex provinciarum constabat, ut *Rufus* in *Breviario*, et *Notitia imperii* docent. Quare ex hac lege liquet currenti anno, mense *Februario*, omnia in Africa adhuc tranquilla fuisse. Hujus autem legis emittende occasio, quæ *Gothofredum* fugit, fuit *quinquennialia* a *Valentiniano* edita : annis enim hujusmodi solemniter dicatis, tam urbisus ac provinciarum, quam et privatis hominibus ac peculiaribus ordinibus privilegia de more concessa. Regnum est a *Vandalis* in Africa per annos amplius centum, donec *Belisarius* imperante *Justiniano* eam rursus imperio Romano adiecit.

7. *An episcopis fugere liceat in persecutione.* — Porro *Epistola* *Augustini* cxxxviii, alias clxxx ad *Honoratum*, cuius meminit *Baronius* num. 13, qui consultus a *Quodentulo* episcopo, an *Vandalis* adventantibus, episcopis vel clericis recedendum esset ex Ecclesiis an non, scripserat ea de re ad *Augustinum*, data est anno quadragesimo trigesimo, paulo ante mortem divi *Augustini*. *Possidius* enim in ejus *Vita* cap. 30, narrata *Hippone* urbis obsidione, quæ circa mensem Junium illius anni cæpit, ait : « Interea reticendum minime est, cum memorati impenderent hostes, a sancto viro quoque nostro coepiscopo *Thiabensis* Ecclesia *Honorato*, iteris esse consultum, utrumnam illis adventantibus ex Ecclesiis, episcopis vel clericis recedendum esset, necne » : et ea *Epistola* recitata, *Possidius* cap. sequenti et ultimo mortem *Augustini* refert, quæ, dum *Hippone* civitas obsideretur, contigit. Quare ea *Epistola* scripta, non anno cxxxviii, aut cxxxix, ut in nova *Operum* sancti *Augustini*

editione a Patribus Benedictinis curata legitur, sed medio anno cdxix. Hoc summarium responsionis Augustini: « Quicumque isto modo fugit, ut Ecclesie necessarium ministerium illo fugiente non desit, facit quod Dominus præcepit, sive permisit. Qui autem sic fugit, ut gregi Christi ea, quibus spiritaliter vivit, alimenta subtrahantur, mercenarius ille est qui videt lupum venientem et fugit, quoniam non est ei cura de ovibus ». Quæ ab Augustino in eadem Epistola pluribus probata. Quod vero Baronius, eum *Quodvultdeum* hunc hoc tempore episcopum Carthaginensem Aurelii successorem tradit, refellitur ex iis, quæ infra dicemus, *Capreolum* scilicet paulo ante Concilium Ephesinum Aurelio successisse, et *Capreolo* Quodvultdeum, anno cdxix, quo Carthago a Vandalis occupata, in exilium missum. Dicit etiam Baronius istum *Quodvultdeum* cum esse, qui ab Augustino per litteras petit, ut librum *De hæresibus* componeret; sed hoc valde incertum, cum in Epistola Synodica Concilii Carthaginensis anno cxxvi adversus Pelagianos, celebrati ad Innocentium papam, legantur tres episcopi eo nomine, quod Africanis familiare fuit, appellati. Cur *Bonifacius* comes Vandalos in Africam asciverit, anno superiori ex Procopio explicavimus. Denique *Salvianum* a Baronio citatum presbyterum tantum fuisse, suo loco demonstrabimus.

8. *Victoria Actii de Francis.* — Ad num. 15 et seq. Recte Baronius scribit, noluisse *Placidiam* pœnas sumere de Actio, qui *Bonifacium* comitem ad prodendam Vandalis Africam proditione sua adegat, quod ille hoc tempore bellum adversus hostes imperii Romani fortiter gereret. Bellum tamen sub hujus anni coss. adversus *Francos* susceptum, de quo loquitur Prosper in Chronico a Baronio citatus, et Cassiodorus in Chronico sub hujus anni coss., ubi hic ait: « Actius multis Francis cæsis, quam occupaverat propinquam Rheno partem recepit Galliarum »; bellum, inquam, istud antecessit Bonifacii proditionem. Fortitudine certe Actii sequentibus annis imperium etiam defensum; de eo enim scribit Jornandes lib. de Reb. Get. cap. 31. « Reipublicæ Romanæ singulariter natus, qui superbiam Suevorum Francorumque barbariæ immensis cædibus servire Romano imperio coegisset ».

9. *Clodio a Romanis victus.* — Ad num. 15. Prosper sub hujus anni coss. scribit: « Pars Galliarum propinqua Rheno, quam Francis possidendam occupaverant, Actii comitis armis recepta ». Baronius huc refert victoriam a *Majoriano* antequam imperaret reportatam, de qua Sidonius in Panegyrico Majoriano Augusto anno cdlviii dicto, vers. 210 canit:

Pugnastis pariter, Francus qua Cloio patentes
 Attrebatum terras pervaserat. Ille coenites
 Claudebant angusta vias, arcuque subactum
 Vicum Helenam flumenque simul sub tramine longo
 Artus suppositis trabibus transuserat agger.

Franci enim nonnisi hac clade, que jam in Galliis

obtinnerant, amiserunt. Hinc Idacius in Chronico anno Abrahami μάροβλιν, qui kalend. Octobris anni Christi cdxxi inchoatur, ait: « Superatis per Actium in certamine Francis et in pace susceptis, Censorius comes legatus mittitur ad Suevos ». Quibus verbis non significat Idacius eo Abrahami anno Francos victos esse, sed tantum eos pacem cum Actio pepigisse, Actiumque post pacem illam legatum ad Suevos misisse; quia Chronographi, præsertimque Epitomatores, quæ diversis annis gesta uno tenore recitant, si inter se ordinem habeant. Quare ibi Idacius loquitur de pristina dignitate ab Actio recuperata, quod tamen nonnisi post aliquot annos contigisse, videbimus. Sirmondus quidem in Notis ad illum Panegyricum contendit, hoc bellum certius videri gestum post annum Christi cdxlv, quo tempore narrat Turonesis lib. 2, cap. 4, *Clodionem* Thoringorum finibus egressum *Tornacum* et *Cameracum* urbes, aliaque mox omnia ad Somnam usque fluvium occupasse. Verum nihil affert quod suam conjecturam Baronianæ præferendam esse demonstret. Ibi enim *Franci* victores, et tamen Prosper, Sidonius ac Idacius de eorum clade loquuntur.

10. *A Clodione reges Francorum primæ stirpis originem ducunt.* — *Clodio* autem Francorum rex, cujus mentionem ibidem facit Baronius, anno incerto, circa tamen hæc tempora, regnum Francorum iniiit. Pseudo-Prosper in Chronico imperiali ad annum v Theodosii post Honorium imperantis, scribit: *Clodius regnat in Francia*, sed tempora in eo Chronico valde depravata. Sigebertus in Chronico Clodionis initium anno cdxix collocat, sed citius regnum iniisse videtur. Quidquid autem sit de anno, quo regnare exorsus est, Gregorius Turonensis lib. 2, cap. 9, qui Faramundi non meminit, de illo scribit: « Ferunt tunc Chlogionem utilem ac nobilissimum in gente sua regem Francorum fuisse, qui apud Dispargum castrum habitabat, quod est in termino Thoringorum (editio Ascensiana anno mxxii Parisiis facta loco *Thoringorum*, habet *Tungrorum*), in his autem partibus, id est, ad meridionalem plagam habitabant Romani usque Ligerim fluvium, etc. Chlogio autem missis exploratoribus ad urbem Camaracum, perustrata omnia ipse secutus, Romanos proterit, civitatem apprehendit: in qua paucum tempus residens, usque Sumnam fluvium occupavit. De hujus stirpe quidam Meroveum regem fuisse asserunt, cujus filius fuit Childericus ». Ubi situm esset *Dispargum*, et quoniam anno illæ victoriæ a Clodione reportatæ, inter recentes rerum Francicarum scriptores non convenit, sicuti nec an *Meroveus* Clodionis successor, a quo reges primæ stirpis Merovingici appellati, ejus filius fuerit. At *Clodionem* patrem fuisse duorum filiorum, ex quibus Meroveus junior erat, Priscus in Excerptis de legationibus, cujus verba anno cdxlii. num. 19 referemus, ita disertè asserit, ut mirer, id in dubium multos revocasse. Priscus enim filios Clodionis viderat, ideoque ei tuto fides haberi po-

test. Porro licet certum videatur, *Meroveum* filium fuisse Clodionis, reges tamen primæ stirpis regum Francorum, non a Clodione, sed a *Meroveo* denominati sunt, appellatique Merovingici, quemadmodum reges secunda stirpis, non a Pippino sed a Carolo Magno ejus filio *Caroloviugi* nuncupati. Liquet id de Merovingis ex Prefatione præfixa legis a Dagoberto primo Bojoriis, Alemannis, et Francis traditis : « Hoc decretum est apud regem et principes ejus, et apud cunctum populum Christianum, qui infra regnum Merovingorum consistunt ».

11. *Nestorius ordinatur episcopus Constantinopolitanus*. — A num. 19 ad 29. Mortuo sub finem anni superioris *Sisimio* episcopo Constantinopolitano *Nestorius* in ejus locum subrogatus est, non *quarto idus Aprilis*, ut cum Socrate lib. 7, cap. 29, Baronius et Garnerius in Prefatione Historica ad posteriorem partem Operum Marii Mercatoris autumarunt; sed *kalendis Aprilis*, ut testis est Liberatus diaconus cap. 4 sui Breviarii. Et ratio est, quia hoc anno dies Dominica, quo Constantinopolitani episcopi ordinari soliti erant, in kalendas Aprilis seu diem primam ejusdem mensis incurrerit. Verosimile est Socratem, diem, quo *Nestorius* in sede episcopali collocatus est, pro die ejus ordinationis perperam suspensisse. Mortuo *Sisimio* inter agendum de successore clerus Constantinopolitanus divisus est, ideoque visum Theodosio imp. *Nestorium* ex Antiochena Ecclesia accersere. Erat ille Germanica oriundus oppidulo Syriae, et, ut scribit Evagrius, monasticam vitam professus erat in Laura sancti Euprepii prope Antiochiam, ubi versabatur Joannes postea patriarcha Antiochenus, et Theodoretus dein Cyrensis episcopus. Magistrum habuit *Theodorum* Mopsuestenum, a quo didicit male sentire de Incarnatione Verbi. Cumque magnam sanctitatis speciem affectaret, Constantinopolim a Theodosio evocatus, illuc venit cum *Anastasio* presbytero omnium consiliorum suorum socio, quo postmodum usus est velut administro sui in Deiparam odii.

12. *Nestorius discipulus fuit Theodori Mopsuesteni*. — Quia porro *Theodori Mopsuesteni* episcopi discipulus fuit, hæresisque a Paulo Samosateno editam secutus est, dicitur Theodori filius, ac Pauli Samosateni nepos a Theodoro presbytero Raithuensi in libello de Incarnatione, qui extat in Bibliotheca Patrum, cujusque verba in suum Lexicon transtulit Suidas. Quæ sic a Baronio num. 20 accipiuntur tanquam ex *Pauli Samosateni* stirpe, ejusque nepos fuerit. Quod tamen, ut ait Petavius lib. 4 Theologic. Dogm. de Incarnat. cap. 7, nihil magis procedit, quam ut Theodori quoque Mopsuesteni filius, hoc est, eo patre genitus, iisdem ex verbis fuisse credatur. Itaque non generis ac sanguinis, sed doctrinæ errorisque cognatio verbis illis exprimitur. Sic Cyrillus in Epistola ad Theodosium imp., quæ recitata est in quinta Synodo, Collatione v, *Diodorum* Tarsensem et *Theodorum* Mopsuestenum

vocat *Nestorii* impietatis patres, hoc est, auctores; hoc enim Græci *παισις* nominant.

13. *Nestorius legem adversus hæreticos a Theodosio impetrat*. — Ipso suæ ordinationis initio legem contra omnes hæreses a Theodosio imp. *Nestorius* impetravit, qua de re gloriatur in capite 6 Synodici adversus Tragediam Irenæi, ubi fragmentum ejus Epistolæ post biennium scriptæ, ac post acceptas sancti Celestini litteras, quibus jubebat ut Palinodiam caneret : « Legem », inquit Nestorius, « inter ipsamet ordinationis initia contra eos qui Christum purum hominem dicunt, et contra reliquas hæreses innovavi ». Est lex 63 Cod. Theod. De *hæreticis* a Baronio num. 25 et seq. recitata, qui licet ejus ætate *Synodicum* citatum in lucem nondum prodisset, recte conjecerat, eam a Theodosio *Nestorii* impulsu promulgatam. Socrates lib. 7, cap. 29 scribit, eum simul ac episcopus creatus fuit, in Oratione ad Theodosium imp. habita, hæc inter cætera dixisse : « Mibi, o imperator, da terram hæreticis purgatam, et ego tibi cælum retribuam; mecum hæreticos debella, ego Persas tecum debellabo ». Quare Nestorius accerrimum sese hæreticorum persecutorem credi volebat. Jam quidem ab anno cxxx Romanos inter et Persas pax sancta fuerat; sed qui a *Varavanes* Persarum rex Christianos sibi subditos vexare non desistebat, pax illa duratura non credebatur, et a Persis Romani valde abhorrebant.

14. *Ea lex contra hæreses xxiii lata*. — Eam legem explicat Gothofredus in ejus Comment. observatque *Theodosium* hæreticos viginti tres in ea nominare, eosque quatuor in classes distribuere, et diversos pœnarum gradus constituere. Prima classis eorum est, quibus intra civitates tantum, non in agris Ecclesiarum jus admitti, ideoque quasdam extra civitates eis Ecclesias relinqui. Quo in censu ponit hos tres; *Arianos, Macedonianos, et Apollinarios*. Secunda classis eorum, quos suis Ecclesiis contentos esse jubet, neque alias de novo edificare, pnta *Novatianos et Sabbatianos*. Tertia est eorum, quibus nusquam in Romano solo conveniendi, orandique, neque in agris facultatem patere jubet. Postrema in classe sunt *Manichæi* quos etiam civitatibus expelli mandat. Unde liquet etiam levissimam *Novatianorum et Sabbatianorum* conditionem : gravissimam Manichæorum constitui : nempe Novatiani et Sabbatiani meliori loco inter hæreticos per hæc tempora habebantur. Denique hæreticis Catholicis, ut servos habere quocumque titulo permittitur, sed mysteriis suis imbuendi vel prohibendi eos Catholicam religionem sequi, interdicitur pœna exilii, et decem librarum auri.

15. *Nestorius ex parte tantum adhærebat Pelagianis*. — Inter illos hæreticos non memorantur *Pelagiani*; certum tamen Nestorium peccatum originale fassum esse, et in hoc capite contra Pelagianos stetisse. Testantur id Celestinus papa et Marius Mercator, ille in Epistola ad Nestorium scripta : « Legimus, inquit, quod de originis vitio recte sentias, quodque naturam ipsam culpa obstrictam non neges,

et quod eam tandem exactum debilum iuste exolvere deceat, quod a debitrice generatione ortum trahit». Mercator vero Praefatione in Tractatus Nestorii adversus haeresim Pelagianam ex editione Baluziana pag. 119. «Item ejusdem contra haeresim Pelagii seu Celestii; contra quorum pravam et impiam definitionem, quamvis recte sentiret, et doceret, Julianum tamen ex episcopo Eclanensi cum participibus suis hujus haeresis signiferum et antesignanum, olim ab Apostolica sententia exactorum atque depositum, in amicitiam interim censui suscipiendum. Spem enim absolutiois promittens, ipsum quoque Celestium literis suis, quarum exemplaria subdidimus, consolatus est. Quod utrum malitia, an recordia fecerit, non facile nosci potest; ut contra quorum distortas sententias, praeter propriam impietatem, quae illum ad damnationem usque perduxit, rectissime sentiebat et docebat, eos et amicos haberet, et spe vanae promissionis fovendos et laudandos putaret; quique cum patrono memorato in Ephesensi Concilio a ducentis septuaginta et quatuor episcopis iterum iterumque damna sunt. Nunc itaque hic contra eos eodem Juliano cum complicibus suis in Constantinopolitana urbe constituto et eum tractantem publice in Ecclesia audiente primus ejus habitus est sermo, de graeco in latinum verbum de verbo translatus».

16. *Pelagium Constantinopolim veniunt Nestorii ordinatione audita.* — Primus ille Nestorii sermo contra Pelagianos anno sequenti habitus, ut ibi videlicet. Porro ex laudali Mercatoris verbis intelligimus, non solum Nestorium recte de peccato originali sensisse, sed etiam Julianum cum Persidio, Marcellino, Floro, aliisque episcopis Pelagianis exauctoratis, audita Nestorii ordinatione, hoc anno Constantinopolim venisse, ut sc. novi episcopi ope imperatoris animus suis querelis inflecteret. De advenitu et querelis testimonium fert ipse Nestorius in utraque ad Celestinum pro Pelagianis Epistola a Garnerio tom. II Oper. Mercatoris recitatis, quarum prior circa hujus anni finem videtur data. Intelligimus secundo, Nestorium adversus Pelagianos tractatus habuisse in sua Ecclesia, et eisdem haereticis his damnatos ab Ephesina Synodo. Denique in quo Nestorius cum Pelagianis senserit, et in quo dissiderit. Nestorianos tamen a suo magistro desciscentes Pelagianum dogma docuisse tradit de iis Photius in Biblioth. Cod. LIV. «Asserunt, quandoquidem nostrae Christus naturae sit pariceps factus, et Deus omnes homines similiter salvos fieri velit, unum quemlibet etiam per arbitrii sui libertatem proprium peccatum corrigere, et Deo dignum se facere; ideoque non genitum esse Verbum, sed eum qui ex Maria natus est ob naturalis voluntatis dignitatem habuisse Verbum concomitans cum sola ista nobilitate, et eadem appellacione communicare cum ratione filiationis». Quae verba Photius descripsit ex libro, cui titulus erat: *exemplar Actorum ab Occidentis episcopis adversus Nestorianam dogmata.*

Et in exemplari dicitur, eandem esse Nestorianam et Celestianam haeresim, prout scilicet a Nestorii discipulis promulgabatur, non vero prout docebatur a Nestorio, qui ignorare non poterat Synodum Theodoli episcopi Antiocheni adversus Pelagianos; cum ipse Nestorius presbyter Antiochenus esset, quando ea coacta.

17. *Nestorius haeresim suam propalare incipit.* — A num. 29 ad 39. Nestorius hoc ipso anno haeresim suam propalavit; alii tamen aliter primum ejus factum narrant: «Erat episcopus quidam», inquit Cyrillus in Epistola ad Acacium Beroensem, «Dorotheus nomine, Constantinopoli eadem, quae Nestorius sentiens, vir questus causa adulationi deditus, linguaque ad temeritatem promptus. Ille dum frequens esset in Ecclesiae populus, Nestorio in Cathedra Constantinopolitanae Ecclesiae sedente, surrexit, et magna voce inclamare ausus est: Si quis Mariam Deiparam esse dixerit, anathema sit. Mox ingens populi clamor, et discessio consecuta est, etc.» Socrates vero lib. 7, cap. 32, ita rem narrat: «Causa ejus generis fuit. Anastasius presbyter, qui una cum eo Antiochia illuc venerat, ejusque consuetudine semper usus erat, et in magno honore ab illo habitus, eique in rebus gerendis consiliarius, quodam tempore in Ecclesia docuit: Mariam a nemine Deiparam vocari debere: eam enim hominem esse, et ab homine Deum non posse nasci. Haec verba omnium animos, tam clericorum, quam laicorum, magnopere conturbavit». Quocumque tamen modo res acciderit, non tantum patienter tulit Nestorius *Anastasium Dorotheumque* impie locutos; sed cum decrevisset conceptum ex longo virus per se tandem evomere, in magna Ecclesia, ubi frequens erat omnium ordinum consensus, sermonem habuit de *Incarnatione Domnica*, qui totum continet venenum impietatis tunc primum a Nestorio propalatae: «Habet matrem Deus», inquit inter alia: «ergo excusabilis gentilitas matrem Diis subintroducens. Non, vir optime, Maria peperit Deum, etc., peperit hominem Deitatis instrumentum, hominem *θεοποιον*, etc.» Sermonis initium est, *Doctrina pietatis est*, etc. Illum recitat Marius Mercator, qui e graeca in latinam linguam verterat, apud Garnerium tom. II Oper. Mercatoris pag. 5. Adversus Sermonem illum Proclus Panegyricam orationem de laudibus Deiparae Virginis, Cyrillus Epistolam ad monachos Aegypti, et Homiliam XVII Paschalem, aliaque plura scripsit, et Cassianus septem libros edidit, quos ideo *de Incarnatione* inscripsit, quia in his pugnabat adversus Nestorii tractatum de Incarnatione. Omnes Nestorii nomen in dictis operibus tacuerunt, quia cum scriberent, necdum damnatus fuerat, imo nec publico judicio de haeresi postulatus.

18. *Ad primum Nestorii sermonem omnes fideles cohorrere.* — Ad tantam blasphemiam cohorescentibus omnibus, ea fuit auditorum indignatio, eaque fidelium animorum commotio, ut non deturcint, qui in sanctissima Ecclesia coram

illo reclamarent : factum enim est eo die, quo sermo de Incarnatione dictus est, « ut simplex quidam monachus, statim habita concione, cum fidei studio arderet, in medium Ecclesie progressus, cum Synaxis celebraretur, impietatis præconem, quod hæreticus esset, ab ingressu prohibere conatus sit. Sed tunc ille (scilicet Nestorius) casum magnificis præsidibus tradidit, flagrisque denuo dissectum, et publice cæsum, præcone non absque clamore præeunte, in exilium expulit. Neque tragœdia hæc hisce finibus constitit : etenim qui partes sequebantur omnia per vim agentis, post impiam illius concionem, nisi Deus prohibuisset, in ipsamet sacrosancta Dei Ecclesia cadem edituri erant ». Ita monachi Constantinopolitani in Supplicatione imperatori oblata, parte I Concil. Ephes. cap. 30. Factum quoque scribit Cyrillus ibidem cap. 14, « ut plebs Constantinopolitana, Ievibus quibusque vanisque hominibus, et iis qui Nestorio adulabantur, exceptis, a Synaxi abstineret; abstinuerunt ab ea quoque omnia lere monasteria, eorumque Archimandrita, imo et magna pars Senatus : verentes, ne ipsomet episcopo, et illis eliam, quos Antiochia discedens, inde secum abduxerat, quidvis perversum evomentibus, aliquid in fide detrimentum acciperent ».

49. *Convenientia Nestorianismi cum aliis hæresibus.* — Garnerius laudatus pag. 306 et seqq. pluribus agit de convenientia hæresis Nestorianæ cum hæresi *Ebionis et Pauli Samosatani*, ac cum dogmatis *Diodori* Tarsensis et *Theodori* Mopsuesteni, quibus plurimum illustrari possunt, quæ de iisdem Baronius habet. Verum fatetur Garnerius, horum dogmata varie ab antiquis referri, et *Nestorium* in variis capitibus ab illis dissensisse. Docuit *Ebio* Christum fuisse nudum hominem, sed eximie sanctum, et morum integritate præmeritum, ut in ipsum tota fere plenitudo efficientiæ divini descenderet; unde filius Dei adoptione singulari factus sit; quibus in capitibus eidem consensit *Nestorius*. Divus Augustinus hæresi 44 hæresis Pauli Samosatani tria capita facit. Primum, quod Christus non semper fuerit; alterum, quod initium exortus ex Virgine sumpserit; postremum, quod aliquid amplius non fuerit quam homo. Eadem habet totidem verbis auctor *Prædestinati*; habet et *Nestorius*. *Diodorus* Tarsensis cum tenuisset, incidit in errorem, dum *Apollinarius* hæresim inconsiderate insequitur : illius enim blasphemiam, quam *Theodorus* postmodum Nestoriusque defenderunt, nullam partem non asseruit, ut merito dictus sit *Theodori* parens, et *Nestorii* avus. Docuit duos in Christo inesse filios Dei : eum, qui ex Maria, non esse filium nisi adoptione seu gratia : Verbum neque duas habuisse nativitates, neque natum ex Maria : Verbum non esse Christum, sed Christi Dominum : Deum dici non posse passum seu crucifixum. Quibus sex propositionibus, vel omnino, vel magnam partem Nestorianismus continetur. Ejusmodi errores inpersit Operi quod

contra Synusiastas scripsit, cujus fragmenta, quæ supersunt, recitat ibidem Garnerius. *Diodorus*, quando Hieronymus fib. de Script. Ecclesiast. absolvit, licet jam senio pæne foret confectus, nondum opus suum scripserat, alioquin ejus Hieronymus meminisset.

20. *Convenientia Nestorianismi cum erroribus Theodori Mopsuesteni.* — Leontius Scholasticus, cum adolescens a sectariis *Theodori Mopsuesteni* suas in partes adductus esset, diuque ab ipsis stetit, tandem affulgente divino lumine detexit fraudes improbæ factionis, easque aliquando, ne pergerent imprudentibus nocere, patefecit omnibus, libro quem inscripsit de *Nestorianorum impietate secreto tradita principio, et de ejus parentibus triumphus*. Jam vero Leontius in Excerptis de libris *Theodori*, contra Incarnationem, ut loquitur, colliguntur ea, quibus *Theodorus* in quinque propositionibus blasphemiam convincatur. Primum, quod Verbum non sit reipsa factum homo, sed visum duntaxat fieri. Secundum, quod Christus sit solus homo, in quo Verbum inhabitaverit, jam inde a prima formatione. Tertium, quod homo iste sit adoptione tantum Dei filius. Quartum, quod mater Christi non sit Deipara. Quintum, quod due in ipso exant hypostases etsi ad fastidium unitas personæ memoretur, sed qualis nempe virum inter et uxorem reperitur. Quæ et *Nestorius* docuit.

21. *Epistola ad Sporacium Theodoro supposita.* — Ad num. 39 et seq. In *Epistola ad Sporacium* Theodoro attributa plura referuntur de *Nestorio*, quorum partem recitat Baronius; verum licet ea scripta sit ab aliquo antiquo auctore, et forsitan non ignobili, perperam tamen adscribitur *Theodoro*, ut ostendit Garnerius in auctario Operum *Theodori*. Quis enim credat, quæ dicit auctor illius *Epistolæ* adversus Nestorium, et ejussectatores, quos inquinatores portionis Dominicæ, desolatores agri Christi, filios apostatas, et invidiæ mancipia appellat, dicta fuisse a *Theodoro*, qui nusquam fere non nisi honorifice de eo in suis Operibus locutus erat? Quis sibi persuaserit, hominem amantem famam constantiæ hæc et plura his similia protulisse, nullo verbo indicata, quæ tanta causa fuisset mutata et in re sententiæ? Certe si *Epistola* illa ante Chalcedonensem Synodum prodiit, cur Patres Chalcedonenses tanto ambitu damnari *Nestorium* a Theodoro petiere, cum tam aperte scripto publico jam mentem suam aperuisset? Cur ipsomet *Theodoretus* quantumvis utraque potestas urgeret, vi tantum coactus *Nestorium* damnavit, ut videre est anno ccli? Cur tergiversatus est in eo execrando, quem jam instrumentum dæmonis, impium, amentem et per sanctos Ephesi congregatos, divino suffragio de pontificatu dejectum dixisset? Si ea *Epistola* post Concilium Chalcedonense scripta, cur siluit *Theodoretus* de eo, cum Ephesini magnifice in ea *Epistola* meminerit, et in utroque *Nestorius* sit proscriptus? Cur *Sporacius* scribens uni ex illustribus Concilii Chalcedonensis cognitoribus non fecit

mentionem victoriæ de Nestorio eo in Concilio reportatæ, cum virum tam nobilem, tamque religiosum laudaret? Cur, si ante V Synodum illa Epistola a *Theodoro* scripta, criminantibus Chalcedonensem Synodum, quod Theodoretum recepsisset, nullo requisito ab eo scripto quo se alienum a *Nestorio* probaret, responsum non est ab illis, qui ejus causam tanto ardore tuebantur, non fuisse opus ab eo scriptum exigere qui tam clarum tamque manifestum sponte volensque edidisset? Mitto alias conjecturas a Garnerio in medium allatas, quia istæ et animus Theodoretæ a natura magnus, et famæ incredibiliter appetens, mihi plane persuadent hanc Epistolam non longe post ejus mortem ab aliquo *Theodoretæ* studioso ei fuisse suppositam.

22. *Respondetur fundamento opinionis vulgaris.* — Nec quemquam movere debet, quod Photius in Biblioth. et Theodorus abbas in Argumento Synodi Ephesinæ, caput 12 libri quarti Hæreticarum Fabularum, quod ab ea Epistola non differt, Theodoro tribuant; quin etiam Leontius in libro de Sectis et Theodorus inde jubent agnosci, quantum exosus esset Theodoro *Nestorius*. Leontius enim post quintam Synodum, Photius tribus sæculis a morte Theodoretæ, et Theodorus adhuc serius scripsere, ideoque hæc in re facile falli potuere, et consequenter scriptores in eundem errorem pertrahere. Quare cum conjecturæ Garnerii simul compositæ vim demonstrationis habeant, Epistola illa a gentibus Theodoretæ Operibus distinguitur.

23. *S. Lupus fit episcopus Trecentis.* — Sanctus *Lupus* monachus Lerinensis, « cum annum unum illic egisset (1), magno fidei calore regressus est ad urbem Maticonensem, ut ea, quæ ipsi remanserant, pauperibus largiretur. Et ecce de improvise ad urbis Trecentis episcopatum rapitur », ut scribit Auctor anonymus in ejus Vita apud Surium, ad diem XXIX mensis Julii. Quod hoc anno configisse deduco ex Sidonio Apollinari, qui anno CDLXXII Arvernensis episcopus dicitur, lib. 6, Epist. 1 ad Lupum scribens, cum jam in sede episcopali annos quadraginta quinque exegisse dicit: « Post destitutas militiæ Lirinensis excubias, et in Apostolica Sede novem jam decursa quinquennia, etc. », ubi Sidonius episcopatum Lupi annos per quinquennia numerat, quia hoc anno, quo *Valentinianus* imperii Cæsarei quinquennalia dedit, episcopus creatus fuerat. In alia Epistola ad Lupum scripta, quæ libri noni decima est, in eodem loquendi modo præstat:

« Jam per quinquennia decem, non æquævis sacerdotibus tantum, verum et antiquis, quoties collatus antelatusque sis, etc. » Si itaque *Lupus* anno CDLXXII, quo prior Epistola ad eum scripta, jam nona quinquennia, seu annos XLV in episcopatu exegerat, hoc anno, non vero superiori, quo nulla *quinquennalia* aut alia ejusmodi solemnia edita, ad episcopatum Trecentum, quæ urbs est Campaniæ, evectus (2). Verum quidem est, passim ejus episcopatus initium in annum superiore conferri, quod laudatus Anonymus scribat, *exacto biennii spatio*, cum cum sancto *Germano* Antisiodorensi episcopo, contra hæresim Pelagianam, in Britanniam profectum esse. Verum innumeris exemplis in hæc Critica allatis patet, biennium exactum, triennium, et hujusmodi notas temporarias sæpe biennium aut triennium utrinque incompletum designare, et non nisi ex circumstantiis, aliisque iudiciis intelligi posse, an auctores, de biennio aut triennio absoluto vel inchoato loquantur. Sed biennium, de quo agitur, incompletum fuisse, et *Lupum* duos annos Julianos non integros ante Britannicam legationem episcopum fuisse, liquet ex Sidonii Apollinaris verbis laudatis, et in hujus episcopatu constituendo magis confirmabitur.

24. *Vita S. Hilarii episcopi Arelatensis emendatur.* — Quesnellus in fine tom. 1 Operum sancti Leonis papæ exhibet Vitam sancti *Hilarii* Arelatensis episcopi, a sancto Honorato Massiliensi episcopo scriptam, in qua cap. 6 legitur de sancto Hilario, qui ne ad episcopatum raperetur, sese occultarat: « Spiritalis præda adstat ante oculos inquiringium (nempe idem Hilarius) et nihilominus ignoratur. Quorumdam tamen iudicis declarata capitur. Et, o supernæ gratiæ dispensatio inaudita! Ibi officia pastoris oves egerunt; nec immerito postmodum abegit exinde Lupum, ubi oves primitus officia pastoris peregerunt ». Quesnellus in margine scribit, videri Auctorem ludere in *lupi* nomine, et indicare Lupum ad Trecentensem sedem postea evectum ex Lerinensi monacho. At certum est, sanctum *Lupum* anno CDLXXIX, quo cum sancto Germano in Britanniam profectus est, secundum episcopatus sui annum jam inchoasse, ut mox ex Lupi Vita ostendimus. Quare in textu sancti Honorati *lupi* nomen minori caractere scribendum, et ad S. Lupum non referendum; aliter sensus non constat. Henschenius ad diem V mensis Maii eandem sancti Hilarii vitam describit, sed textus duobus in locis ibidem

(1) Adnotandum hic esse censeo in genuina Vita S. Lupi, et in altera auctori et interpolata nequaquam legi virum sanctum unius tantum anni moram in Lerinensi monasterio traxisse. Quanquam enim id legitur in Surio et Vincentio Bellovacensi, unde illi hujus anni definitum tempus acceperunt, ignorari; cum in nullo id legatur vitæ Codice M. S. nec in eo quem Hugo Flaviniacensis historiam suam scribens consuluit. Hinc Bollandistæ moram illam ad sex vel ad septem annos trahunt; alii longius, alii ætatis spatium definiunt. Conjecturæ omnes certi nihil. Vide Bollandistas ad diem 29 Julii pag. 62, etc.

(2) Episcopatus S. Lupi exordium melius constitueretur cum vulgari sententia anno 427, vel 426, quod et Bollandistæ ad diem 29 Julii pag. 63 probant; ita enim melius supputatur biennium illud, quod idem sanctus egit in Pontificatu ante protectionem suam Britannicam. Neque contrarium evincit Epistola Sidonii apud Pagnin, quæ si admittatur scripta A. 473 de quo tamen dubitant Bollandistæ, nihil aliud asserit, quam tunc episcopatus S. Lupi jam effluxisse *quinquennia novem*. Nec tanta diligentia sunt veteres in supputandis annis, ut si quinquennia novem uno vel altero anno jam fluxissent, religiose id annotarent. Sidonius vero ideo hinc annos S. Lupi per quinquennia recensens, quod episcopatum et quinquennibus *Valentinianus* (V. 428) cepert, asserit Pagnin conjectura magis ingeniosa quam solida. Ita vero altera sede episcopatus S. Lupi constituta, locus permittitur collocandi Epistolam S. Eucherii de Laude Ereni anno 426 excurte, vel 427 inenute. Mansi.

corruptus : « O supernæ gratiæ dispensatio inaudita ! ubi officia pastoris oves egerunt. Nec immerito postmodum abegit ex mente lupum, ubi oves primitus pastoris officium peregerunt ». Loco enim *ubi officia*, legendum, *ibi officia*, et loco *abegit ex mente lupum*, legendum, *abegit exinde lupum*, ut manifestum est.

25. *S. Eucherius scribit librum de laude Eremi.* — Ex initio episcopatus Lupi deducitur, sanctum *Eucherium* monachum Lerinensem, *Epistolam De laude Eremi*, sive *de Vita solitaria ad Hilarium*, postmodum episcopum Arelatensem, sed tum adhuc monachum, hoc anno etiam scripsisse. *Hilarius* sanctum Honoratum sub finem anni cxxxvi, Arelatensem, cujus dictus fuerat episcopus, proficiscentem comitatus est, annoque cxxxvii Lerinæ iterum se reddidit, testibus sancto Honorato Massiliensi episcopo cap. 2 de Vita sancti Hilarii, et ipsomet Hilario in Oratione de sancto Honorato Arelatensi episcopo cap. 28, ubi Hilarius ait : « Ab insula, cui me derelictis episcopatus ejus principiis, secreti amore reddideram, non audeo dicere nescius, fortasse præscius, amovere satagebat ». Quare data ea de laude Eremi Epistola post Hilarii ex urbe Arelatensi ad Lerinam reditum, ut ibidem etiam Eucherius fatetur : « Horum tu, mi carissime Hilari, redditus insertus que consortio, plurimum tibi, plurimum etiã illis contulisti, qui nunc pro reddito tuo atari exultatione lætantur ». Denique quando ea Epistola scripta Lerinensi monasterio sanctus *Maximus*, qui postea ad Regiensem in secunda Narbonensi Ecclesiam erectus est, præerat, et Lupus in episcopatu Trecenti jam constitutus erat ; cum de Lerina Eucherius loquens ibidem dicat : « Hæc nunc successorem ejus (scilicet sancti Honorati, tunc episcopi Arelatensis) tenet Maximum nomine clarum, quia post ipsum meruit adscribi. Hæc habuit reverendi nominis Lupum, qui illum nobis ex Tribu Benjamin Lupum retulit, etc. » Ex quibus intelligitur, perperam a quibusdam viris doctis existimatum, Epistolam illam ab Eucherio scriptam, vel sub finem anni cxxxvi, vel initio anni cxxxvii, cum Lupus toto anno cxxxvii in monasterio Lerinensi commoratus fuerit ; et quando ea Epistola data jam Trecentensem episcopatum obtinuerit, quam dignitatem hoc tantum anno consecutus est. Cumque *Hilarius* nondum Arelatensis episcopus esset, eam anno sequenti in lucem emissam dici non potest ; cum die xiv, aut xv Januarii anni cxxxix, sanctus *Honoratus* ad Deum migrarit, eumque in episcopatu Arelatensi Hilarius exceperit.

26. *Theodosii lex adversus Lenones.* — Theodosius sub hujus anni cons. dedit legem 2 Cod. Theod. *De lenonibus*, XI kal. Maii, ex qua patet quanta fuerit hujus sæculi corruptio, et erga episcopos reverentia. In ea enim imperator pœnas statuit in *lenones*, patres et dominos, qui filias vel ancillas suas, vel etiam conductas pro paupertate personas prostituunt invitæ, ut ex his quæstum faciunt ; his postestate data impiorandi *suffragiû*, sive

episcoporum, sive judicium, sive defensorum, ut ab hæc impotentium patrum et dominorum necessitate liberentur. Nempe episcoporum curam res hæc tangebat, iisque incumberebat, ut castitati publicæ consultum esset. Ex qua etiam lege liquet, ut notat Gothofredus in ejus comment. *Lupanarium* adhuc usum hæc tempestate inter volentes in Oriente stelsisse, et quidem Constantinopoli. Quod etiam patet ex ejusdem Theodosii Novella 18 *De lenonibus*, anno cxxxviii data, qua demum lenones in ea urbe vetantur, ut eo anno apud Baronium n. 37 legitur.

27. *Epistola Augustini ad Vitalem Semipelagianorum præcursorem.* — Semipelagianismi initia quedam exhibentur in Epistola Augustini cxxvii, alias cvii, ad *Vitalem* Carthaginensem data, cujus meminit Baronius anno cxxxix, num. 55 ; in ea enim Augustinus cum sibi delatum fuisset, *Vitalem* virum eruditum in Carthaginensi Ecclesia, ut ibidem legitur num. 2, docere initium fidei non esse donum Dei, fortiter reclamavit, aitque : « Illi (nempe Pelagiani) omnia ad fidem piamque vitam hominum pertinentia ita tribuunt libero voluntatis arbitrio, ut habenda ex nobis, non a Domino putent esse poscenda : tu autem si ea, quæ de te audio, vera sunt, initium fidei, ubi est etiam initium bonæ, hoc est, piæ voluntatis, non vis donum esse Dei, sed ex nobis nos habere contendis, ut credere incipiamus : cætera autem religiose vite bona Deum per gratiam suam jam ex fide petentibus, qua rentibus, pulsantibus donare consentis ». Vitalem ex precibus Ecclesiæ confutat Augustinus, ac duodecim regulas proponit ad fidem Ecclesiæ pertinentes circa questionem de Gratia Dei. Non videtur autem dubitandum, quin hæc ad *Vitalem* Epistola scripta ab Augustino fuerit, postquam librum de Gratia et Libero Arbitrio, ac librum de Correctione et Gratia in lucem emisit. *Vitalis* enim circa eandem cum Adrumetinis questionem laborans, existimavit, non aliter posse liberum hominis arbitrium et Dei justitiam servari, nisi dicatur, et fidem et divinæ suasioni consensionem esse a nobis, id est, ex propria voluntate ; ita ut quisque pro eo quod ex libertate naturali fecerit, præmium vel supplicium sit receptorus. Quia vero in libro *De gratia et libero arbitrio*, cap. 7 et seqq., contrarium ab Augustino assertum erat, id est, ex Dei dono ipsam fidem ac bonam voluntatem venire, hoc forte permotus Vitalis apertius contradicere cepit.

28. *Epocha illius Epistolæ.* — Porro duodecim regnæ, quibus Catholica sententia de arcano gratiæ prevenientis mysterio traduntur ab Augustino in eadem Epistola, parum differunt ab octo canonibus in Concilio Arausicano adversus Semipelagianos anno dxxxix celebrato conditis. Viginæ quidem et quinque Arausicani canones numerari vulgo solent ; sed postremi tredecim, non tam canones per se videri possunt, quam priorum octo confirmationes quedam ab Augustini testimonio petite. Undeque Garnerius in Dissert. de Scriptis

adversus hæresim Pelagianam suspicatur ex *Vitali* parentis ortum esse Gallorum errorem, qui Araucanicis canonibus damnatur, ideoque Semipelagianam sectam in Africa primum ortam esse. Dicit etiam Garnerius, annum quo ea Epistola data, incertum esse; sed cum tam liber de Gratia et Libero Arbitrio, quam liber de Correctione et Gratia anno superiori in lucem emissi fuerint, ea Epistola hoc anno data videtur.

29. *Opera ab Augustino hoc anno composita.* — Hoc anno *Augustinus* absolvit libros xxii de *Civitate Dei*, et libros duos *Retractionum* ut anno cxxxvi, num. 6 et seqq. ostendimus. Sed cum *Baronius*, aliique omnes irruptionem Vandalorum in Africam citius quam contigerit, consignassent, varia Augustini Opera, necessaria quadam consecutione ante annos quibus scripta fuerant, collocarunt. Porro *libros Retractionum* menses aliquot ante anni insequentis initium elaboratos oportet;

cum postquam eosdem edidit, libros duos adversus *Maximum* Arianorum episcopum, ac præterea libros de *Prædestinatione et de Domino perseverantia* ac libros quatuor, et forte quinque Operis imperfecti adversus *Julianum* elucubravit ante annum cxxx, in quibus conscribendis non parvum tempus insumptum. Augustinum enim in Epistola cccxiv ad *Quodvultdeum*, quæ alias extabat tomo vi, ante librum *De hæresibus*, scribit se absolvisse duos *libros Retractionum*, sed adhuc nihil de tertio dictasse, quod accepisset ab *Alypio* quinque priores libros *Juliani* (quos confulat in Opere imperfecto) *quorum*, inquit, *nunc quarto respondere cœpi*. Quare non videtur dubium, quin *Augustinus* anno sequenti libros quatuor priores adversus *Julianum*, et forte quintum composuerit, ideoque quin ante finem presentis anni libros duos *Retractionum* terminavit, propter rationem jam assignatam.

CÆLESTINI ANNUS 6. — CHRISTI 429.

1. *Britannia ab hæresi Pelagiana liberata; et quando Scotia ad fidem Christianam fuerit conversa.* — Quadringentesimus undetricesimus annus adscriptus est Fastis consulatu Florentii, et Dionysii: quo Cælestinus Romanus Pontifex Britanniam Pelagiana hæresi infectam legatione Palladii diaconi liberavit. Id quidem sub his consulibus Prosper¹ summam complexus sic narrat: « Agricola² Pelagianus, Severiani Pelagiani episcopi filius, Ecclesiam Britannicam dogmatis sui insimulatione corrupit: sed actione Palladii diaconi papa Cælestinus Germanum Antisiodorensis episcopum vice sua mittit, ut delurbatis hæreticis, Britannos ad Catholicam fidem dirigat ». Hæc in Chronico Prosper; qui adversus Collatorem agens, dum Cælestini laudes prædicat, ista subdit³: « Venerabilis memoriæ Pontifex Cælestinus, cui ad Ecclesie Catholicæ præsidium multa Dominus gratiæ suæ dona largitus est; sciens damnatis non examen iudicii, sed solum

pœnitentiæ remedium esse præstandum, Cælestium quasi non discusso negotio audientiam postulantem totius Italiæ finibus jussit extrahi: ab eo et prædecessorum suorum statuta et decreta Synodalia inviolabiliter servanda censebat, ut quod semel meruerat abscondi, nequaquam admitteret retractari. Nec vero segniore cura ab hoc eodem morbo Britannias liberavit, quando quosdam inimicos gratiæ solum suæ originis occupantes (Pelagius enim Britannus cum esset, ex Britannia complures allegerat sibi discipulos) etiam ab illo secreti exclusit Oceani; et ordinato Scotis episcopo, dum Romanam insulam studet servare Catholicam, fecit etiam barbaram Christianam ». Hæc Prosper, Scotorum etiam insinuans factam hoc tempore conversionem.

2. Scimus tamen recentiores scriptores¹, qui hoc nostro sæculo res Scotorum sunt prosecuti, longe antiquiorem vindicare sibi Scotorum Christia-

¹ Prosp. in Chron. — ² Ita apud Bedam. l. i. c. 17. — ³ Prosp. adv. Collat. in fin.

¹ Heet. Boëtius hist. Scot. l. vi. Sander, de visib. monarch. Geor. Thomson in libello de antiq. Chr. religiou. Scot. Geor. Buch. rerum Scot. l. iv.

nitatem, nempe a tempore Victoris papæ et martyris, qui legatione interpellatus Donaldi primi hujus nominis Scotorum regis, in Scotiam miserit Roma clericos qui eos docerent Evangelium. Sed miramur tanta hæc antiquiorem Scotum chronographum Marianum prorsus ignorasse, et Bedam illis propinquum penitus latuisse, et nescisse ista Hieronymum, qui ad Oceanum scribens de Scotis adhuc Gentilibus ista habet¹: « Audiant Ethnici messes Ecclesiæ, de quibus quotidie horrea nostra complentur: audiant catechumeni, qui sunt fidei candidati, ne uxores ducant ante baptismum, ne honesta jungant matrimonia, sed Scotorum et Asotorum ritu ac de Republica Platonis promiscuas uxores, communes liberos habeant ». Hæc et alia per ironiam. Idemque adversus Jovinianum²: « Quid, inquit, loquar de cæteris nationibus, cum ipse adolescentulus in Gallia viderim Scotos gentem Britannicam humanis vesci carnibus, et cum per silvas porcorum greges et armentorum pecudumque reperiant, pastorum nates et feminarum papillas solere abscondere, et has solas ciborum delicias arbitrari? Scotorum natio uxores proprias non habet, etc. »

3. Certe quidem Christianorum ista esse non possunt, sed omnino Gentilium expertium penitus Christianæ doctrinæ. Sed ad hæc dici potest, ut in aliis omnibus provinciis accidisse vidimus, sic eas Evangelium accepisse, ut tamen quamplurimi Gentiles pristino ritu viventes remanserint ab Evangelica gratia alieni. Certe quidem Christianitatem aliquam in Scotia tempore ipsius S. Hieronymi oportuit existisse, ex qua et qui Pelagium sectati fuerint, emersissent: de quibus, cum idem præfatur in Hieremiam³, hæc symbolicis quibusdam figuris de Pelagio: « Latrat per Alpinum canem grandem et corpulentum, qui calcibus magis possit ferire, quam dentibus: habet enim progeniem Scoticæ gentis, de Britannorum vicinia ». Et superius⁴ de eodem ænigmatische item agens, antequam delegeretur hæreticus, eundem stolidissimum, et Scotorum pullibus prægravatum appellat. Sic igitur Hieronymi tempore in Scotia Christianismum viguisse oportuit, ex quo aliqui prodire Pelagiani. Certe quidem assertoribus Scoticæ gentis Christianitatis temporibus Victoris papæ laet Tertullianus, cum adversus Judæos agens hæc ait⁵: « Britannorum inaccessa Romanis loca, Christo vero subdita ». Porro Britannicæ loca inaccessa Romanis tempore Tertulliani fuisse Scotos, quos illi subjugare nullatenus valuisent, recte intelligi posse videtur.

4. Sic igitur qui a Victore Romano Pontifice Scotos Evangelium accepisse majorum traditione scripsere, haud sunt refellendi: nec quod tradunt majorem in Scotia auctum esse numerum Christianorum, cum vigente in orbe Romano Diocletiani

persecutione, e Britannia profugi Christiani in Scotiam se contulerunt extorres: neque dum addunt ab illis excoli ceptum vitam monasticam ardentioribus studiis. Primum vero eam gentem a Cælestino papa episcopum habuisse Palladium, omnes consentiunt: quem sic dicit S. Prosper Britanniam ab hæresi liberasse, et Scotiam barbaram gentem fecisse Christianam, ut Scotos illos, qui adhuc Gentilitio, imo ferino ritu vivebant, reddiderit omnes Christianæ religionis cultores, eosdemque sub uno pastore, unoque ovili collegerit, ipso illis episcopo præside; quem jure ut sumum Apostolum venerati sunt Scoti, magno honore prosequentes ejus reliquias in Mernia Scotiæ provincia collocatas. Ex his autem habes quibus redarguas asserentes Sedulium Christianum poetam, quem tantopere Gelasius papa laudat, habuisse præceptorem Hildebertum Scotorum archiepiscopum: etenim cum ipse Sedulius ad Theodosii imp. tempora referatur, quomodo nus esse potuit Hildeberto Scotorum archiepiscopo præceptore, si nullus adhuc ordinatus erat in Scotia archiepiscopus, et Palladius absque controversia primus fuisse dicatur ejus gentis antistes? habes autem ex antiquitate Sedulii hominis Christiani, ejusdemque doctissimi, qui intelligas ante Palladium cognitam, et acceptam a Scotis Christianam religionem, florente ex ipsis doctissimo viro, eodemque maxime pio, cujus optimi ingenii extant hactenus complura nobilissima monumenta.

5. Qui igitur Evangelium primo a Victore Pontifice Maximo accepere, et a Cælestino papa primum episcopum, a quo sunt omnes penitus redditi Christiani, eatenus Christi gratia profecere, ut qui olim Gentilitio ritu viventes ob ferinos mores, ut portentum ostentui erant humano generi, postea omnium præstantissimi evaserint Christiani, Christianamque fidem summa diligentia excolentes, Apostolico munere (ut suis locis dicturi sumus) in exteras gentes longe positas latissime eam atque locupletissime propagarint. Porro eandem Ecclesiam nobilissimam hoc nostro sæculo Deus tentari permisit, ut Christianæ constantæ præclarissimum specimen ederet, cum inter alios martyres habere etiam meruit (quod nulla hactenus Christiana gens habuit) ipsam Reginam, Catholicæ fidei eximium decus et ornamentum, diutissima confessione in carcere ante probatam, nobiliori corona martyrii auctam. Sed jam ad legationes hoc anno in Britanniam missas redeamus.

6. *Palladius Scotorum episcopus creatus in Britanniam legatus mittitur.* — Duæ fuerunt ista legationes, nimirum Palladii diaconi altera, altera vero S. Germani episcopi, sed posterior ex prioribus ambæque ex uno eodemque procedentes fonte. nempe a Cælestino Romano Pontifice; ut ex Prospero, qui res gestas sui temporis scripsit, apparet: cui et præ cæteris inhærendum prærogativa tanti auctoris, res que ob oculos, et præ manibus habuit scribentis, omnes æque consentient. Duas præterea fuisse Palladii legationes in Britanniam, eodem au-

¹ Hier. ep. LXXXIII. — ² Hier. cont. Jovin. l. II. — ³ Hier. in Hierem. l. III. præf. — ⁴ Ibid. l. I. præf. — ⁵ Tert. advers. Judæos, c. 7.

clore liquet; priorem nimirum, cum hoc anno occasione hæresis Pelagianæ ab ipso Cælestino Romano Pontifice missus est Britanniam; posteriorem vero post sequentem annum (ut idem affirmat Prosper) cum Palladius ex diacono creatus episcopus ad Scotos ab eodem missus est Cælestino. Agamus de singulis ex ordine rerum gestarum, et temporis.

7. Primum vero quod ad Palladium diaconum spectat, ex Prospero corrigendus est Beda¹, dum ait, anno octavo imperii Theodosii junioris missum esse Palladium a Cælestino Romano Pontifice: nam Pontificatus ipsius Cælestini ab eo tempore post annos octo conligit, nempe decimo sexto ejusdem Theodosii imperatoris. De Palladio autem, quisnam iste fuerit, pervestigandum est. Græcum fuisse hominem cum dicant, vane putavit aliquis ex recentioribus² hunc illum fuisse Palladium Joannis Hierosolymitani pernecessarium: nam illum non diaconum, sed episcopum, non expugnatores Pelagii, sed defensorem fuisse, superius pluries demonstratum est. Vixit hoc tempore alius quoque Palladius, ad quem Cyrillus Alexandrinus scripsit commentarium de Adoratione et cultu in Spiritu sancto.

8. Cæterum quem fuisse putamus, constat his temporibus vixisse Palladium diaconum S. R. E. qui reperitur scripsisse haud pridem sub Zozimo papa res gestas S. Joannis Chrysostomi, nempe dialogum illum alterius Palladii episcopi Helenopolis cum Theodoro itidem Romanæ Ecclesiæ diacono: qui quidem Palladius diaconus apud Trithemium numeratur inter scriptores Ecclesiasticos; nam præter vitam Joannis Chrysostomi ab ipso scriptam per dialogismum, in quo Palladius episcopus, et Theodorus diaconus interloquuntur, librum etiam contra Pelagianos, et homiliarum librum unum, et ad Cælestinum Epistolarum librum unum, et alia græco sermone ab eodem edita idem tradit. Unam extaret liber ille Palladii Epistolarum ad Cælestinum! Certe quidem, cuncta quæ in hac legatione ab eo gesta essent, fuisse accurate scriptis mandata illis Epistolis, opinari possumus: cum nos illis earentes, de rebus magni ponderis memoria perpetua dignis, nihil præterea quam quæ dicta sunt ex Prospero, habeamus expressum. Scotos quidem ipsos ab eo ad Christi fidem conversos fuisse, et ex munere Apostolico consecutum quoque fuisse nomen, ut Apostolus Scotorum fuerit nuncupatus, una omnium cum Prospero est sententia. Navigasse quoque ad Hibernos, et illic Evangelium prædicasse mandato ejusdem Cælestini Romani Pontificis, Probus testatur in rebus gestis sancti Patricii a se conscriptis, qui et nominat eundem Palladium, archidiaconum Cælestini. Porro morte prævento Palladio, S. Patricius captum ab eo opus absolvit, de quo suo loco dicendum inferius.

9. *Altera Germani legatio, comite Lupo, in Britanniam; qui per signa et labores Catholicam*

fidem mire dilatat. — At quoniam res summas, et plurimum annorum spatio collectas cogimur, jactura veterum monumentorum, transilire jejuni, res, inquam, præclaras a Palladio in hac legatione perfunctas: age de S. Germani legatione orationem instituamus; de qua primum (quod ad rationem temporis spectat) ex Prospero rursus corrigendus est Beda. Etenim cum Prosperus sub hujus anni consulis referat legationem Germani opera Palladii procuratam, apud Bedam¹ ponitur post obitum Theodosii junioris sub Marciano imperatore: auscultandum autem Prosperum potius ex dictis rationibus, quam Bedam, nemo non videt. Extant Acta ipsius S. Germani episcopi legati posteris tradita, et omni fide consignata, a Constantio presbytero scripta ad S. Patientem episcopum Lugdunensem: floruerunt ambo hoc sæculo, estque de utroque mentio apud Sidonium Apollinarem. Meminit etiam ejusdem Constantii, qui vitam S. Germani conscripsit, Isidorus²: sed cum episcopum nominet, alii vero presbyterum, non mirum videtur ut idem postea episcopus factus sit: sic et apud Sidonium, et in Conciliis Gallicanis Constantius nominatus reperitur episcopus: scripsit autem ea Constantius ad Censurium Antisiodorensis episcopum, ad quem extat quoque Sidonii Apollinaris³ Epistola. Ex quibus omnibus intelligas, haud ad ignotum ab ignoto, et vulgari homine ea de legatione Germani esse conscripta, sed a nobili auctore, qui inter claros illustresque viros hujus sæculi vixerit.

10. Cum vero auctoritate Prosperi satis liqueat, S. Germanum episcopum in Britanniam a Cælestino missum esse legatum; Constantius vero ac post eum Beda tradat a Synodo Gallicana id factum: potuit quidem utrumque facile configisse; vel, ut quem mittendum Synodus illa delegisset, Pontifex comprobasset; vel quem sibi ad eam provinciam legare deberet, ipse Cælestinus arbitrio Gallorum episcoporum reliquisset. Certe quidem clades ipsa illata Britannorum Ecclesiæ ab ipsorum gentili Pelagio, ac ejus discipulis, prius innotuit episcopis Galliarum legatione Catholicorum antistitum Britanorum, ut ex Constantio liquet. Qui igitur legibus imperatorum undique (ut dictum est) exagitati Pelagiani fuere; in insula illa in primis, ex qua Pelagius auctor impietatis oriundus erat, latebras captare curarunt: ubi affectato ex more titulo sanctitatis, in se populi oculos convertentes, in eos paulatim cum prædicatione Christianæ vitæ perfectionis, quam se profiteri jactabant, venena hæresis instillarunt; quæ adeo eorum præcordiis inhæserunt, ut jam medicinam nullam admitterent, suorumque pastorum lupos arcentium vocem contemnerent: unde opus fuit, e vicinis Galliis, imo e longe posita Romana Ecclesia adversus ingruentia mala auxilium implorare. Sed non unus Germanus episcopus tantum suscepit onus subeundum; verum additus est illi collega vir sanc-

¹ Beda hist. Angl. l. i. c. 14. et de sex ætat. in Theodos. Jun. —
² Trithem. de Script. Eccles.

¹ Bed. de sex æt. et hist. Angl. l. i. c. 17. — ² Isid. de Vir. illust. c. 4. — ³ Sidon. l. ii. ep. xii. et l. iii. ep. ii. et l. vi. ep. xxii.

tissimus Lupus episcopus Treccensis : amboque sicut Paulus et Barnabas, in Evangelium segregati. Sed jam rem ipsam a Constantio descriptam referre ag-grediamur ¹ :

11. « Eodem, inquit, tempore ex Britannis di-recta legatio Gallicanis episcopis nuntiavit, Pelagia-nam perversitatem in locis suis late populos oecu-passe, et quamprimum fidei Catholice debere sue-curri. Ob quam causam Synodus numerosa collecta est : omniumque judicio duo præclara religionis lumina universorum precibus ambiuntur, Germanus ac Lupus Apostolici sacerdotis, terram corpo-ribus, cælum mentibus possidentes. Et quanto ne-cessitas laboriosior apparebat, tanto eam promptius heroes devotissimi susceperunt, celebritatem ne-golii fidei stimulis maturare ». Subdit post hæc auctor, quomodo in itinere apud Parisios sanctam virginem Genovefam S. Germanus præscius futuro-rum vocatam Deo respondit, nummumque casu re-peritum cruce impressum eidem in memoriam gestandum dedit : ac de navigatione in Britanniam mox hæc addit ² :

12. « Ita itaque Oceanum mare Christo duce et auctore, conscendunt : qui famulos suos inter discrimina et tulos reddidit et probatos. Ac primum de sinu Gallico flabris levibus navis in altum pro-vecta ducitur, donec ad æquor medium perveniret, ubi porrectis in longum visibus nihil aliud videre-tur, quam cælum et maria. Nec multo post occurrit in pelago legionis inimicæ vis dæmonum, qui tan-tos ac tales viros pervadere ad recipiendam populo-rum salutem lividis iniquitatibus inviderent. Oppo-nunt pericula, procellas concitant, cælum diemque nubium nocte subducunt, et tenebrarum caliginem maris atque aeris horrore congeniunt. Ventorum furorem vela non sustinent, et Oceani moles fragilis cymba vix tolerat. Cedunt ministeria victa nauta-rum. Ferebatur navigium oratione, non viribus. Et casu dum ipse vel Pontifex, fractus corporis lassitu-dine, sopore resolutus est.

13. Tum vero quasi repugnatore cessante, tem-pestas excitata convulvit, et jam navigium perfusis fluctibus mergebatur. Tunc beatus Lupus, omnes-que turbati, excitant seniolem, et elementis furentibus opponendum. Qui periculi immanitate constantior, Christum invocat, Oceanum increpat, et procellis sævientibus causam religionis opponit : statimque assumpto oleo, in nomine Trinitatis levi aspergine fluctus sævientes oppressit : collegam commonet, hortatur universos : oratio uno ore et clamore pro-funditur : adest Divinitas, fugantur inimici, tran-quillitas serena subsequitur : venti contrarii ad iti-neris ministeria vertuntur : navigium famulatrix unda subsequitur, decursisque immensis spatiis, brevi optati littoris quiete potiuntur. Itaque con-veniens ex diversis partibus multitudo excepit sacer-dotes, quos venturos etiam vaticinatio adversa præ-dixerat. Nuntiabant enim sinistri spiritus quod

timebant. Qui imperio sacerdotum dum ab obsessis corporibus detruduntur, et tempestatis ordinem et pericula quæ intulerant fatebantur, viciosque se-corum meritis et imperio non negabant.

14. « Interea Britannorum insulam, quæ inter omnes est vel prima vel maxima, sacerdotis Apo-stolici raptim opinione, prædicatione, virtutibus impleverunt. Et cum quotidie irrudente frequentia stiparentur, divinus sermo non solum in ecclesiis, verum etiam per trivialis, et per devia fundebatur, ut passim et fidei Catholici firmarentur, et depravati viam correctionis agnoscerent. Erat in illis Aposto-lorum instar gloria, et auctoritas per conscientiam, doctrina per litteras, virtutes ex meritis : accedebat præterea tantis auctoribus assertio veritatis. Itaque regionis universitas in eorum sententiam prompta transierat; latebant abditi sinistræ persuasionis auc-tores, et more maligni spiritus gemebant perire sibi populos evadentes. Ad extremum diuturna medita-tione concepta, præsumunt inire conflictum. Proce-dunt conspicui divitiis, veste fulgenti, circumdati assentatione multorum : contentiosisque subire aleam maluerunt, quam in populo, quem subverte-rant, pudorem taciturnitatis incurrere, ne videren-tur se ipsi silentio damnasse.

15. « Illic plane immensæ multitudinis nume-rositas etiam cum conjugibus ac liberis excitata convenerat. Aderat populus spectator futurus et ju-dex. Adstant partes dispari conditione dissimiles : hinc divina auctoritas, inde humana præsumptio : hinc fides, inde perfidia : hinc Christus, inde Pelagius auctor. Primo in loco beatissimi sacerdotes præbuerant adversariis copiam disputandi, quæ sola verborum nuditate diu ianiter et aures occupavit et tempora. Deinde antistes venerandi torrentes eloquii sui cum Apostolicis et Evangelicis tonitruis profuderunt. Miscbatur sermo proprius cum di-vino, et assertiones frequentissimas lectionum testi-monia sequebantur. Convincitur vanitas, et perfidia confutatur : ita ut ad singulas verborum objectiones reos se, dum respondere nequiverunt, faterentur. Populus arbiter vix manus continet : iudicium cum clamore testatur. Cum subito vir tribunitiæ potesta-tis cum conjuge procedit in medium, decem anno-rum filiam cæcam sinibus ingerens sacerdotum : quam illi offerri adversariis præceperunt. Sed illi, conscientia puniente deterriti jungunt cum parenti-bus preces, et curationem parvulæ a sacerdotibus precantur. Qui expectationem populi et inclinatos adversarios influentes, orationem breviter fundunt. Ac deinde Germanus plenus Spiritu sancto sanctam invocat Trinitatem, et profusum inhærentem lateri suo capsulam cum sanctorum reliquiis collo avul-sam manibus comprehendit, eamque in conspectu omnium puellæ oculis applicavit : quos statim, eva-cuatæ tenebris lumine veritatis implevit. Exultant parentes, miraculo populum contremiscit. Postquam diem ita ex animis hominum persuasio iniqua de-leta est, ut sacerdotum doctrinam sitientibus desi-deriis sectarentur.

¹ Const. l. i. c. 19. ² *op. cit.* Sur. tom. iv. — ² *Ibid.* l. i. c. 22.

16. « Compressa itaque perversitate damnabili, ejusque auctoribus confutatis, animisque omnium fidei puritate compositis, sacerdotis ad beatum Albanum martyrem, auctori Deo per ipsum gratias acturi, properabant. Ubi Germanus, omnium Apostolorum diversorumque martyrum reliquias secum habens, facta oratione, jussit revelli sepulcrum, pretiosa ibidem munera conditurus: arbitrans opportunum, ut membra sanctorum ex diversis regionibus collecta, quos pares meritis receperat cælum, sepulcri quoque unius teneret hospitium. Quibus depositis, honorificeque sociatis, de loco ipso, ubi beati martyris effusus fuerat sanguis, massam pulveris secum portaturus abstulit: in qua apparebat, cruore servato, rubere martyrum cædem, persecutore pallente. Quibus ita gestis, innumera hominum eodem die ad Dominum conversa est turba ». Hæc Constantius. Vide et considera hic opportune, lector, quænam sit putanda Catholica fides, et in sanctorum cultu pia traditio, num ea, quam sanctissimi episcopi, sequentibus signis, Dei testificatione docebant, an quam in demolitione martyrum sepulcrorum in eadem insula (proh dolor!) fax hæreticorum hodie vi armorum et carnificina sanctorum extorquet? Sed missis his (nam quis corriget quos Deus desepxit) sacros antilites mira adhuc in eadem insula agentes prosequamur: subdit enim Constantius.

17. « Inde dum redeunt, insidiator inimicus casualibus laqueis præparatis, Germani pedem lapsus occasione contrivit, ignorans illius merita, sicut Job beatissimi, afflictione corporis propaganda. Et dum aliquandiu uno in loco infirmitatis necessitate constringitur; in vicinia, qua manebat, casuale exarsit incendium: quod consumptis domibus, quæ illic palustri arundine tegebantur, ad habitaculum in quo idem jacebat, flabris stimulantibus, ferebatur. Concursus omnium ad antistitem convolvit, ut elevatis manibus periculum quod imminebat evaderet. Qui omnibus increpatis, moveri se fidei præsumptione, non passus est. Multitudo omnis desperatione perterrita obviam occurrit incendio. Sed ut potentia Dei manifestior appareret, quicquid custodire tentaverat turba, consumitur: quod vero jaceans et infirmus defenderat, reservatur: hospitium sancti viri expavescens flamma transilivit, ultra citraque desævians; et inter globos flammantis incendii incolume tabernaculum, quod habitator inclusus servabat, emicuit. Exultat turba miraculo, et victam se divinis virtutibus gratulatur. Excubabat diebus ac noctibus ante tugurium pauperis turba sine numero, hi animas curari cupientes, hi corpora. Referrî nequeunt, quæ Christus operabatur in famulo, qui virtutes faciebat infirmus. Et cum debilitati suæ remediî nihil adhiberi pateretur: quadam nocte candentem niveis vestibus vidit sibi adesse personam, quæ manu extensa jacentem videretur attollere, eumque consistere firmis ves'igiis imperabat. Post quam horam ita fugatis doloribus, recepit pristinam sanitatem, ut die reddito, itineris laborem subiret inreptidus.

18. « Interea Saxones, Pietique bellum adversus Britones junctis viribus susceperunt, quos eadem necessitas in castra construxerat: et cum trepidi partes suas paræ impares judicarent, sanctorum antistitem auxilium petierunt. Qui promissum maturantes adventum, tantum securitatis et fiducia contulerunt, ut accessisse maximus crederetur exercitus. Hæc Apostolicis ducibus Christus militabat in castris. Aderant etiam Quadagesimæ venerabiles dies, quos religiose reddebat præsentia sacerdotum, in tantum ut quotidianis prædicationibus instituti certatim ad gratiam baptismatis convolarent. Nam maxima exercitus multitudo undam lavacri salutaris expetit. Ecclesia ad diem Resurrectionis Dominicæ froudibus contexta componitur, et in expeditione campestri instar civitatis aplat. Madidus baptismate procedit exercitus, fides fervet in populo; et contempto armorum præsidio, Divinitatis expectatur auxilium.

19. « Interea hæc institutio vel forma castrorum hostibus nuntiatur: qui victoriam quasi de inermi exercitu prasumentes, assumpta alacritate festinant: quorum tamen adventus exploratione cognoscitur. Cumque emensa solemnitate Paschali, recens de lavacro major pars exercitus arma capere et bellum parare tentaret: Germanus ducem se prælii proficitur. Eligit expeditos, circumjecta percurrit: et e regione qua hostium sperabatur adventus, vallem circumdatam editis montibus intuetur: quo in loco novum componit exercitum, ipse dux agminis. Et jam aderat ferox hostium multitudo, quam appropinquare intuebantur in insidiis constituti. Cum subito Germanus signifer universos admonet, et prædicat, ut voci suæ uno clamore respondeant. Securisque hostibus, qui se insperatos adesse confiderent, ALLELUIA, tertio repetitum, sacerdotes inclamant. Sequitur una vox omnium; et elevatum clamorem, repercussu aere, montium inclusa multiplicat. Hostile agmen terrore profernitur, et ruisse super se non solum rupes circumdatas, verum etiam ipsam cæli machinam, contremiscunt: trepidationique injecta vix sufficere pedum pernicitas credebatur. Passim fugitum, arma projiciunt, gaudentes vel nuda corpora eripuisse discrimini. Plures etiam timore præcipientes, flumen quod sensim venientes transierant, devoravit. Ullionem suam innocens intuetur exercitus, et victoria præstita otiosus spectator efficitur. Spolia colliguntur exposita, et prædam cælestis victorie miles religiosus adipiscitur. Triumphant Pontifices, hostibus fuis sine sanguine, triumphant victoria fide obtenta, non viribus. Composita itaque opulentissima insula securitate multiplici, superatisque hostibus vel spiritualibus, vel carne conspicuis, quippe qui viceissent Pelagianistas et Saxones: cum totius moræ regionis reditum moluntur. Tranquillam navigationem merita propria et intercessio Albani martyris paraverunt, quietosque antilites suorum desideriis felix carina restituit.

20. « In reditu venerabilium sacerdotum exul-

tant Galliæ, gaudent Ecclesiæ, demones contremiscent. Certe expectatio propria civitatis beatum Germanum votis duplicibus ambiebat, quam et apud majestatem divinam et inter mundi procellas servare consueverat. Tributaria enim functio præter solitum et necessitates innumera cives suos quasi pupillos orbatos parente depresserat. Et pro quiete vel requie quæsiturus remedia civitati, post maritima discrimina labores terrene expeditionis ingreditur. Itaque Gallias illostraturus parvissimo comitatu et exigua evectioe progreditur, qui pro largissimis thesauris Christum ferebat in pectore. Adhuc enim præfectum Galliarum, rogaturus pro civibus suis. Post alia vero ab eodem sacro antistite insignia opera edita, idem auctor subdit de posteriori legatione ejusdem in eandem insulam eadem quoque ex causa suscepta : sed quoniam ea contigit sub Sixto Romano Pontifice, de ea suo loco agemus.

21. *Cælestinus de electione episcoporum admonet Apulos, et Calabros.* — Hoc eodem anno ipse Cælestinus Romanus Pontifex, qui in Britanniam S. Germanum legavit, et Scotos ad fidem per Palladium convertit, pastoralis functione sollicitus, vicinarum Ecclesiarum curam non negligens, ad episcopos Apuliæ et Calabriae Epistolam dedit, qua admonuit, ne ex laicis assumerentur episcopi, sed eligerentur ex clero : et quod illi ad excusationes suas studia populi et conatum afferrent, eosdem his verbis admonuit : « Docendus est populus, non sequendus, nosque (si nesciunt) eos quid liceat, quidve non liceat, commone, non his consensum præbere debemus. Quisquis vero conatus fuerit tentare prohibita, sentiet censuram Apostolicæ Sedis minime defuturam : quæ enim sola admonitionis auctoritate non corrigimus, necesse est per severitatem congruentem regulis vindicemus ». Hæc Cælestinus.

22. *Nestorius suæ hæresis libros clandestinè inter Ægypti monachos diffundit, quibus per Epistolam præsto est Cyrillus.* — Sed jam quomodo se habuerint hoc anno res Orientalis Ecclesiæ tumultibus Nestorii perturbata, videamus. Nestorius igitur, quam promulgasset hæresim Constantinopoli, cupiens per totum orbem amplioribus spatiis dilatari, omnes quibus pollebat vires impendit, quo ista posset implere : parum enim sibi visus in ipsa primaria urbe novam hæresim promulgasse, ad eam latius diffamandam sua scripta ad diversos dedit, et inter alios ad Ægypti monachos : quos ut deciperet, se non nisi Nicenæ fidei professorem esse ostendans, nihil se nisi ex Niceni Concilii præscripto docere, fraudulenter suis litteris præ se ferebat : ex quo factum est, ut nonnulli ex eisdem Ægypti monachis ipsius errori consenserint : hæc quidem omnia Cyrillus ipse testatur¹. Porro non litteras tantum ad diversos Nestorius sparsit, sed et libros ejusdem hæresis defensores dedit ; quos etiam per Antiochum virum illustrem ad Cælesti-

num Pontificem misisse, idem qui accepit ipse Cælestinus papa testatur¹ : quales autem ii essent, quæ de iisdem Nestorii libris postea per visum demonstrata fuerunt sanctissimo anachorete, declarant ; quæ, antequam reliqua prosequamur, hic adducamus in medium ex Sophronio, rem gestam, ut se habuit, describente his verbis² :

23. « Accessimus ad abbatem Cyriacum presbyterum Lauræ Calamonis juxta sanctum Jordanem : narravitque nobis, dicens : Die quadam vidi per somnium mulierem honesta facie, purpura indutam, et cum ea viros duos, et ipsos venerando habitu, et adspectu præclaro. Arbitratus sum mulierem illam esse Dominam nostram sanctam Dei genitricem, duosque viros qui cum ea erant, sanctum Joannem Baptistam, et sanctum Joannem Theologum et Evangelistam. Egressusque de cella, rogabam illam ut ingrederetur : quæ non accessit. Permansi ergo diutius orans, et obsecrans, dicens : Ne, quæso, avertatur humilis factus confusus : et alia plurima hujusmodi. Illa igitur ut me vidit instare precibus, eandemque postulationem iterare, severius mihi respondit, dicens : Habes intra cellam inimicum meum, et vis ut ingrederiar? Et his dictis, abscessit. Vigilans autem affligi corpi et cogitabam numquid in mentem peccatum contra illam admissem : neque enim erat aliquis alius in cella mea, nisi ego solus. Diutius igitur me ipsum discutebam, nihil inveni quod in illam peccassem. Cum vero vidissem me nimio mœrore absorberi, surgens corpi librum, ut legere quod per hujusmodi lectionem dolorem meum cogitationesque repellerem : librum autem illum mutuo acceperam a B. Eusebio presbytero Hierosolymitanæ Ecclesiæ : evolvensque librum, inveni duos ipsius Nestorii libros in fine voluminis scriptos : moxque agnovi, hunc esse inimicum illum sanctæ Domine nostræ Dei genitricis semperque Virginis Mariæ. Tunc surgens abii, librumque illi, qui eum mihi accommodaverat, reddidi, dicens illi : Accipe librum tuum, frater ; neque enim ex eo tantum utilitatis accepi, quantum detrimenti. Cum ille vero detrimenti ipsius causam sciscitaretur, omnem illi rei ordinem retuli. Qui zelo succensus, profertim duos illos Nestorii libros ex volumine præscidit, eosque igni tradidit, dicens : Non manebit in cella mea Dominæ nostræ S. Dei genitricis semperque Virginis Mariæ inimicus ». Hæc ibi.

24. Ejusmodi namque fuerunt libri illi, quos (ut diximus) per diversas orbis partes Nestorius divulgavit, quorum blasphemias idem qui supra Cyrillus seorsum collegit³, et confutavit. Horum causa magnæ inter Ægypti monachos excitatæ sunt turbæ ; ad quas sedandas Cyrillus primam scripsit Epistolam⁴, ubi inter alia : « Audio exitiales quosdam rumores inter vos proeminatos, nonnullos quoque oberrare, qui sinceram vestram fidem de-

¹ Cyril. ep. 1.² Cælest. ep. v. — ³ Sophron. Prat. spir. c. 66. — ⁴ Cyril. de dogm. Nestor. — ⁵ Cyril. ep. 1. edit. Pelt.

moliri studeant, et inaniam vocabulorum bullas apud rude vulgus eructantes, utrum *Nestorian* sacram Virginem appellare liceat, in controversiam vocare audeant. Præstaret sane ejusmodi questionibus omnino supersedere, et in ea quæ abstrusioris considerationis sunt, nec aliter fere, nisi veluti in speculo, et in ænigmate, etiam ab iis qui ingenii celebritate mentisque subtilitate pollent, perspicere possunt, nequaquam inquirere (nam simpliciorum captum subtiliora theoremata excedunt). At quoniam horum sermonum expertes non permansissim, sique probabile contentiosos quosdam non defuturos qui venenum, quod semel hausserunt, veluti spicula quedam in imbecilliorum animos defigere conabuntur; operæ me prælium facturum putavi, si pauca quedam his de rebus ad vos dissererem, etc. » Docet enim ex Patrum sententiâ, qui Nicæno interfuerunt Concilio, et ex ipso in primis S. Athanasio, sanctissimam Virginem, Deiparam appellatam.

25. Cum vero in tota illa tractatione S. Cyrillus a Nestorii nomine abstinuerit, qui ut blasphemix auctor in primis nominandus erat; hinc ducimus conjecturam, eandem Epistolam a Cyrillo primam omnium esse conscriptam, antequam Nestorius perfrictâ fronte palam se auctorem et defensorem horrendæ impietatis proderet: vel potius (quod testari videtur ipse Cyrillus ¹ sequenti Epistola) quod etsi in libris missis Nestorii nomen inditum esset, haud tamen Cyrillus facile credere voluit eos esse Nestorii: nam in Epistola ad ipsum scripta hæc habet: « Noster proinde hic animi dolor ex iis natus est, quæ pietas tua dixit, aut etiam non dixit: si quidem schedis, quæ ea die referuntur, parum fidei habeo ». Ille ipse in Epistola ad Nestorium anno sequenti scripta, postquam scilicet Cælestinus ad Nestorium atque Cyrillum litteras reddidisset, quæ sequentis anni consubulis signata sunt.

26. Dissimulavit itaque prudenter eo modo Cyrillus, ne videretur vetera instaurare certamina, pugnareque rursus (ut olim Theophilii tempore) episcopum Alexandrinum contra Constantinopolitanum antistitem. Quo igitur appareret, se contra hæresim, non contra hominem ire certamen; illud hoc ipso rerum exordio consilium iniit, ut sic ad Ægyptios monachos scribens, nomen Nestorii reticeret: quod et præstitit in commentariis eo argumento ad ipsos imperatores atque ad reginas conscriptis: inde etiam conjicere possumus, hoc quoque tempore libros illos a Cyrillo esse conscriptos, tacito Nestorii nomine, ne ex eo Theodosii animus offenderetur, qui Nestorium Antiochia acersitum, rejectis cæteris in episcopum Constantinopolitanæ Ecclesiæ deligendum curarat. Quod enim vereretur Cyrillus, ne venena Nestorii in animos Augustorum et Augustarum illaberentur, in aulamque et in magistratus reliquos serperet; ut ad eos scriberet, antidotumque pararet, in animum induxit: declarat namque ipse hoc animi sui con-

silium ea Epistola, quam post Ephesinum Concilium ad Theodosium dedit ¹.

27. *Cyrillus. jussu Cælestini, paræneticas litteras dat Nestorio, quem proinde omnes adversantur.* — Cum autem quæ ad Ægyptii monachos scripta impii Nestorii pervenerant, eadem ab incerto homine Romano ad Cælestinum papam perlata essent: iisdem in fratrum coepiscoporum consensu percognitis, et horrendis confertis blasphemiiis adinventis, idem Cælestinus ad Cyrillum Alexandrinum episcopum scripsit, ut diligenter perquireret, num illa revera fuissent a Nestorio exarata: impossibile enim quodammodo videbatur, talia de Nestorio credere, de quo nuper Orientalium episcoporum litteris præconia accepisset: testatur id quidem Cyrillus in primis ad eundem Nestorium datis hoc anno litteris, ea occasione, quod audierat illum admodum expostulare ob datas a se ad monachos litteras adversus blasphemias ad eos ab ipso Nestorio missas. Epistola autem Cyrilli ad Nestorium sic se habet ²:

28. « Advenerunt Alexandriam viri aliquot veneratione ac fide digni, qui pietatem tuam graviter stomachari, nullumque mei lædendi causa lapidem non movere, mihi renuntiaverunt. Cupienti autem mihi agnoscere, undenam pietas tua in hanc ægritudinem incidisset, Alexandrinos quosdam Epistolam illam, quam ad sanctos monachos miseram, circumferre, eamque rem odii molestiæque causam esse, responderunt. Ego vero miratus sum majorem in modum, pietatem tuam non perpensis, secumque reputasse, eas in fide turbas, antequam ego quicquam omnino scriberem, ex quibusdam pietatis tue sermonibus excitatas fuisse. Annon, obsecro, priusquam ullæ penitus ejusmodi chartæ vel commentarii circumferrentur, dum quorundam perversorum emendationi studemus, insignem molestiam pertulimus? Eo namque malum hoc paulatim serpendo pervenit, ut nonnulli Christum, Deum appellari, ægre patientur, sed potius Divinitatis organum et instrumentum, hominemque Deiferum, et alia his ineptiora. Noster proinde hic animi dolor ex his natus est, quæ pietas tua dixit, aut etiam non dixit: siquidem schedis, quæ ea de re referunt, parum fidei habeo. Cum igitur fides tam insigniter faderetur, totque passim perverterentur; qui tandem tacere hic licuit? Annon ante tribunal Christi sistemus? An intemptivi silentii rationem redditori non sumus, præsertim nos qui ea de re hunc in locum ab eo evecti sumus, ut quæ oportet prædicemus?

29. « Et quid nunc, obsecro, consilii capiam? (tuam hic namque pietatem appellare compellor) quandoquidem Cælestino religiosissimo Romanæ Ecclesiæ episcopo jubente, cæterisque piissimis episcopis, qui ipsi adfluere, ita postulantibus, investigare cogor, chartulæ ne illæ et exegeses, quæ illuc

¹ Cyril. ep. II.

¹ Extat. Act. Conc. Ephes. tom. I. c. 2. edit. Pelt. — ² Act. Conc. Eph. tom. I. c. 2.

ad se nescio quomodo perlatae sunt, a tua pietate, an vero ab alio quopiam profecta sint: scribunt enim, ut qui gravissime videantur offensi. Quomodo vero eos, qui ab omnibus totius Orientis Ecclesiis subinde huc ventitant, et contra hae schedia gravissime murmurant, quandoque sedabimus? An exiguas forte turbas ex huiusmodi hominibus in Ecclesias excitatas existimas? Omnes enixe sudamus: omnes, ut eos qui nescio quo pacto, uti secus quam oportebat, saperent, persuasi sunt, ad rectum veritatis tramitem reducamus, impendio elaboramus. Cum autem pietas tua hanc murmurandi necessitatem attulerit: quo, quaeso, jure me incusat? Cur odiis in me flagrat? Cur temere me allatrat? Cur emendata oratione sua orbis offensionem non sanat? Nam etsi praeterfluxit sermo, utpote in populo currens; tamen seria retractatione emendetur.

30. « Ne graveris, obsecro, iis qui non leviter offensi sunt, unam hanc *hereticis* vocem largiri, sacramque Virginem Deiparam appellare: quo illis qui non levem hinc forte maestitiam ceperunt, medentes, et nostrae quoque famae et existimationi consulentes, in populorum pace, animorumque consensione Ecclesiasticis conventus celebremus. Certo autem pietas tua persuasum habeat, nos et vincula et carceres et caetera omnia huiusmodi incommoda, quin et ipsum quoque vitae discrimen propter Christi fidem adire paratos esse. Fateor autem, beatae memoriae Atlico etiamnum superselite, quemdam me de sancta et consubstantiali Trinitate libellum composuisse, in quo et de Unigeniti quoque incarnatione nonnulla iis quae nunc conscripsi, concinnata attexui. Verumtamen licet non ipsi solum Atlico, caeterisque episcopis et clericis, sed studiosioribus quoque popularibus eum legerim, nulli tamen per id tempus illius copiam feci. Probabile fit ergo, edito jam hoc commentariolo, non defuturos, qui me accusent, huiusmodi orationem me concinnasse prius quam Constantinopolitanae Ecclesiae Pontificatus pietati tuae mandaretur ». Haecenus prima Cyrilli ad Nestorium Epistola.

31. Rursum vero idem Cyrillus secundo Nestorium admonuit, alia ad eum data Epistola ejus est exordium: « Intellego quosdam mee apud tuam pietatem aestimationi detrabere ». Est quidem ipsa dogmatica, in qua cum haeresim impugnat, doctrinae Catholicae demonstrat et firmat assertiones. Porro huius Epistolae meminit ipse Cyrillus in litteris ad Caecelstinum Romanum Pontificem datis, cum in primis causas irarum, quas adversus ipsum Nestorium suscepisset ob scriptas adversus promulgatam impietatem defensiones, alte repetens, de scriptis ad monachos adversus eam impietatem meminit: quae eo magis Nestorium ferierunt, quod complures ex eis non monachi tantum, sed Constantinopolitani quoque cives profecerint: « Nam eadem scripta, inquit¹, ad Constantinopolitanam urbem quorum-

dam opera deportata, ibidem lecta, tanto permultis adjumento fuerunt, ut plurimi e magistratu, ejus rei causa, per litteras gratias mihi egerint. Verum hoc ipsum Nestorio quasi novum quoddam ire contra me susceperat fomentum subministravit. Me itaque ut capitalem hostem impugnat, aliud plane nihil de quo me incuset habens, quam unum hoc, quod eadem quae ille, sentire recuso, eamque quam a majoribus accepimus, necnon ex divinis Scripturis didicimus, fidem amplectendam esse serio persuadens, non paucos ad sanam mentem subinde reducam. Verum floccificationes quae is adversum me haecenus machinatur, Deoque qui omnia potest et novit, permittens; alteram rursus epistolam, quae recte fidei expositionem brevi compendio complecteretur ad memoratum Nestorium exaravi, serio eundem admonens, obtestansque ut ad modum, quem Epistola praefinit, sapiat. Sed nihil omnino apud illum etiam tum effecti: nam ad hoc usque tempus eadem illa quae initio probarat, probare pergit, nec modum illum perversa docendi facit ». Haec Cyrillus.

32. Porro Epistola, cujus hic meminit Cyrillus fuit posterior ad eum data: quod declarant illa quoque verba, quae in eadem continentur¹: « Ego vero ad id denno reversus (quod me potissimum decere existimo) te velut fratrem in Domino etiamnum monere non gravabor, etc. » Quibus apparet, eam quam alteram Epistolam dicit, debere intelligi secundam ad Nestorium datam: esse plane eandem ex ejus argumento narrato in Epistola ad Caecelstinum agnoscitur, cum fidei brevem expositionem contineat: nam in fine ejusdem Epistolae ad Nestorium haec habet: « Atque haec quidem in praesentia ex charitate quae est in Christum scribenda existimavi, obsecrans te ut fratrem, et coram Christo sanctisque Angelis ejus obtestans, ut haec nobiscum et sentias et doceas, quo Ecclesiarum pax conservetur, dilectionis quoque et concordiae vinculum inter sacerdotes indissolubile permaneat. Saluta, quae apud te est, fraternitatem. Te, quae nobiscum est, salutata in Domino ». Haec Cyrillus ad Nestorium. Extant autem ad duas Cyrilli litteras totidem ad eum a Nestorio reditae² litterae, ambaeque referunt arrogantiam summa, atque timore in verba mordaciter erumpente, fastuque se super omnes antistites efferebant.

33. Qui autem praeter Cyrillum hoc tempore Nestorium execrati fuerint, idem Cyrillus in litteris³ ad Caecelstinum anno qui sequitur datis declarat his verbis: « Quin hoc ipso quoque tempore plebs Constantinopolitana (levibus quibusdam vanisque hominibus, qui ipsi adulantur, duntaxat exceptis) a Synaxi abstinet; abstinet ab eadem omnia praene monasteria, eorumque archimandrite; abstinet et major quoque pars Senatus, verentes ne ab illo, vel ab illis quoque, quos Antiochia discessurus inde

¹ Extat in Conc. Ephes. tom. 1. edit. Pelt. apud Cyril. ep. viii. —

² Apud Cyril. ep. lvi. et ep. lx. — ³ Extant inter ep. Caecel. Pap.

¹ Apud Caecel. ep. tom. 1. epist. Rom. Pont.

secum abduxerat, qui et ipsi quoque quidvis perversum evomant, etc. » Et inferius : « Sciat nihilominus hoc quoque sanctitas tua, nempe commenta illius Orientales episcopos non probare, sed offendi eos alque dolere, et præcipue Macedonia episcopos. Et quia hoc Nestorius non ignorat, se omnibus sapientiore existimat, se solum divinæ Scripture scopum attingisse autumat, se solum Christi mysterium cognovisse somniat. Atqui quomodo non magis secum reputat, cum omnes per terrarum orbem sparsi Orthodoxi episcopi et laici, Christum Deum, Virginem vero que illum genuit, Deiparam esse confitentur; se solum, qui istud inficitur errare? Verum fastu tumens, insidiisque et sedis potentia fretus, effecturum se arbitratur, ut nos ipsi et reliqui omnes suæ sententiæ subscribamus ». Hæc Cyrillus ad Cælestinum anno sequenti.

34. *Cur Theodosius non represserit Nestorium, qui ejus favore abusus in Orthodoxos fuit.* — Sed unde vis tanta Nestorio, ut adversante licet ipsi orbe Catholico, non demitteret animum, sed magis magisque ad stabilendam impietatem majoribus in dies conatibus erigeretur? Accidit plane dolendum illud, quod Nestorius imperatorem faventem sibi nactus fuit; non quidem ut ejus patrocinaretur impietati; sed donec controversia illa a sancta Ecclesia ditucidata foret, ipse hominem (ut opus enim) quem Antiochia accesserat, fovendum sibi putarit. Quod enim, rejectis reliquis Constantinopolitanae Ecclesiæ clericis, qui ad eam sedem tum a populo postulari, tum a clero eligi videbantur, ipse omnibus illis suo calculo Nestorium prætulisset: ut quod semel fecerat, recte factum esse defenderet (quod solent principes) causæ Nestorii præsto erat. Accedebat his quoque, quod reprehensione dignum cognovit factum parentis Arcadii, cum adversus episcopum Constantinopolitanum studuit Theophilo episcopo Alexandrino. Sciebat præterea, jam a tempore Theodosii senioris sui avi, amulatos esse episcopos Alexandrinos gloriam Constantinopolitanorum antistitum, dum Petrus tabefactandam curavit electionem magni illius episcopi Gregorii Nazianzeni; nec latuit, Theophilum curasse deponi S. Joannem Chrysostomum ejusdem sedis episcopum. His igitur et aliis permotus imperator, hand (ut par erat) continuo repressit hominem, sed potius defendendum suscepit. Hinc videas, prudenter quidem Cyrillum, cum scribit ad Cælestinum, numeratque omnes Nestorio resistentes, nihil prorsus de imperatore loqui, neque eum rursus accusare; sed solita modestia, quæ essent ejus studia pro Nestorio, reticere; quæ quidem potius per legatum, quem misit Possidonium, ei secreto nuntianda, quam litteris credenda esse, putaret.

35. Imperatoris ergo favore incallescens bestia illa, quam violenta in adversantes sibi prosiliit! Res namque ab eo geste Constantinopoli hoc ipso anno, et in sequentem productæ, relate vero in

libello Basilii archimandrite, sunt hujusmodi¹: « Accidit, ut populus usitatam pridemque receptam fidei doctrinam requirens, publice aliquando inclamarit: REGULUM HABEMUS, EPISCOPUM NON HABEMUS. Verum hic populi conatus neutiquam mansit impunitus: pars namque illo temporis articulo comprehensa, et in regia hæc civitate ad tribunal abstracta, tali immanitate diverberata, exceptaque est, qualis ne apud barbaras quidem nationes quandoque usitata fuit ». Et inferius: « Non defuerunt qui populo præsentem, et audiente, in sanctissima Ecclesia coram illo reclamarent: quamvis hoc ipsum quoque non citra gravissima incommoda, quæ ea de causa pertulerunt. Denique simplex quidam monachus zelo quodam vehementi instigatus, per mediam Ecclesiam progressus, impietatis præconem, quod hæreticus esset, quodque populi Synaxis haberetur, ab ingressu prohibuit. Sed hunc ille (nempe Nestorius) egregie casum magnificis præsidibus tradidit: flagrisque denuo dissectum, publico præcone non absque clamore præeunte miserando spectaculo in exilium expulit. Neque tragœdia hæc hisce finibus constitit: etenim quidam ex proscripti contubernio post impiam illius concionem, certissimam, nisi Deus prohibuisset, in ipsamet sacrosancta Dei Ecclesia eadem edituri erant.

36. « Porro autem quæ nos ab illo perpessi sumus, ea omnem fidem, omnemque opinionem longe superant. Etenim quo perfecte edoceremur, verane ea essent, an falsa, quæ de eo accepimus, in episcopale palatium illius jussu hortatuque conscendimus: aliquoties autem in aliud et aliud tempus rejecti. Vix tandem prodians: Quæ (inquit) vultis, ea paucis exponite. Postquam vero ex nobis audivit quæ docuerat, puta: sacram Virginem nihil aliud peperisse quam hominem sibi coessentialem; nihil rursus ex carne nasci posse, nisi carnem; ea rectæ fidei non satis consentanea videri: quamprimum decurionibus, ut nos a turba abreptos cœdant, serio mandat. Cæsi autem inde ad Ecclesiasticum tribunal abducimur; ibidemque veluti nequam scelerati, summumque supplicium promeriti denudamur, denudatque indignis modis vaptulamur, jactamur, calcibusque impetimur. Quid multis? ejusmodi nos in Ecclesia injuste ab injustis perpessi sumus, ejusmodi ne infamæ quidem sortis homines in foro civili, neldum clerici et monachi, et archimandrite experti sunt aliquando. Caterum diu multumque in episcopali consistorio divexati, rursus fame tabescentes, inde ad supplicium ergastulum abripimur, eoque in loco non modico tempore conclusi asservamur. Neque illius furie his contentæ quieverunt, verum per quamdam imposturam magnificentissimo celeberrimæ civitatis hujus præfecto tradi nos curavit.

37. « Per hunc ergo ferro onusti ad publicum reorum carcerem abstrahimur. Hinc iterum ex-

¹ Extant inter Acta Conc. Ephes.

tracti, catenisque ut ante impediti, prætorio sistimur. Cumque ibidem nullus plane, qui nos accusaret, præsto esset, ordine rursus ad Ecclesiasticum Concilium deducimur: hucque reducti, denuo ab illo in faciem cadimur. Denique composita oratione, fraudem quamdam, ut postea patuit, commentus (alium namque filium animo occultabat) naturalem Dei Filium ex sacra Virgine natum dixit: eumque in modum exceptos tandem dimisit. Ista monachi talia perpersi exposuerunt in libello Theodosio dato: quorum modestiam magnopere illud commendat, quod eidem imperatori ad postremum ista subiecerunt: « Quamobrem iterum atque iterum immortalamque fidem vestram obtestamur, ne Orthodoxam Ecclesiam Orthodoxi piissimique regni vestri temporibus ab hæreticis adulteratam in postremum neglectui habeatis. Non expetimus contumeliam indigne nobis illatam vindicari. Deus novit: desideramus autem Christianæ fidei fundamentum inconcussum, immotumque persistere. Vestra proinde majestas sacram et œcumenicam Synodum primo quoque tempore coire jubeat ». Hæc sanctissimi illi viri. Quæ autem passi sint clerici Constantinopolitani, qui Nestorii communionem aversarentur paucis his Cælestinus papa explicat in Epistola ad Nestorium:

38. *Quanta a Nestorio pertulerit Cyrillus, et qua mansuetudine et cura ejus saluti studuerit.* — « Audio vim maximam Catholicæ sentientes, quibus nos communicamus, clericos sustinere: ita ut et his etiam civitas interdicta dicatur, etc ». Qui autem in viros sanctos sibi coram resistentes talia tantaque patrare non timuit vel erubuit, idem in absentes repugnantibus sibi vibrare jacula totis viribus minime prætermisit. Quænam meditatus et omni dolo adversus Cyrillum Alexandrinum episcopum est persecutus, suis ipse Cyrillus litteris notum facit, illis præsertim quas primum hoc ipso anno ad eundem Nestorium dedit, aliisque ad eorum Constantinopolitanam postea datis. quibus queritur missos a Nestorio tanquam præcones quosdam, qui nefanda crimina adversus ipsum Cyrillum ubique spargerent: sed quæ fuerint ista, ipsius Cyrilli ad eum redditae litteræ patefaciunt. At contra Cyrillus omni egit tolerantiam, mansuetudine et modestia, prout litteræ ab eo scriptæ ad Cælestinum Pontificem datæ demonstrant, in quibus post multa id genus hæc habet: « Fateor autem, in animo fuisse, Synodicis litteris ipsum commonefacere, nos cum eo communionem retinere non posse, qui talia doceret ac saperet: ratus tamen lapsis manum porrigendam prostratosque tanquam fratres erigendos esse, hoc ipsum in hodiernum usque diem non feci: attamen ne nihil hic agerem, hortatus sum illum per litteras, etc. » Sed quid est quod ait: Synodicis eum convenire litteris, nisi adversus eum Ægyptiorum episcoporum Synodum cogere, eumque a sua ipsorum communione alienum pro-

nuntiare? Nohuit equidem Synodum cogere, ut ipse in fine testatur, Absque nutu (ut postea involuit) Cælestini Romani Pontificis. Sed rursus idem Cyrillus in alia Epistola: « Quid (inquit) vetabat et nos quoque vocibus illius contraria scribere ac sentire; Anathema, si quis Mariam Deiparam esse negaverit? Verum id hæcenus propter illum facere nolui, ne sint qui episcopum Alexandrinum, Ægyptiorumve Synodum anathematis sententiam in Nestorium tulisse dicant ». Hæc idcirco, quod cum Nestorius anathema in omnes dixisset, qui Mariam Deiparam dicerent; etsi jure ipse contrariam huic sententiam ferre potuisset in omnes qui negarent Mariam Deiparam, tamen modestiæ, et pacis causa hæcenus abstinuisse voluit.

39. Sed accipe et illud Cyrilli mansuetudinis et animi moderacionis his quoque temporibus exhibitum dignum exemplum. Cum clerici Constantinopolitani adversus Nestorium formassent libellum, quem offerrent imperatori, primum omnium miserunt illum Alexandriam ad Cyrillum, ut de eo judicaret, et sententiam ferret. Ad quos ipse rescribens, ne darent illum persuasit, ne agere viderentur Nestorii accusatores: inter alia enim ista ad eos rescripsit: « Libellum supplicem vestra opera ad me missum, quasi is citra nostram sententiam imperatori porrigi non debuerit, accepi et legi. Verum quod prolixè in eum incurrat, qui illic agit, nempe Nestorium (sive fratris, sive alio quocumque nomine censeatur) hæcenus suppressi; ne adversus nos insurgens, se per nos hæreseos apud imperatorem delatum cavillaretur ». Hæc ipse et alia plura id genus, quibus declarat quàm ægre, et obtorto (ut dicitur) collo Cyrillum probraheretur ad pugnam, licet bellum sanctissimum videretur, et sponte appetendum ab omnibus Orthodoxis adversus emergentem impietatem.

40. Quam autem propensiori studio Christianæ charitatis Nestorii salutem Cyrillus summa patientia (quod charitatis proprium est) procuraverit, testantur plane litteræ illæ ad amicum Nestorii scriptæ, quibus rogat, ut ab insaniam illa hominem retrahat: est illarum exordium: « Novi dilectionis tuæ sinceritatem, etc. » Et post multa, quæ sit animo erga ipsum Nestorium, declarat his verbis: « Me itaque non offendit ulla injuria vel contumelia, nec quamvis multa illa convitia, quibus me petunt quidam, de quibus nihil tale suspicabar: sed in oblivionem abeant hæc omnia; judicabit autem eos Deus, qui talia negati sunt. Modo salva sint quæ fidem concernunt, et amicus ero et dilectus: nec cuiquam concedam, ut me religiosissimum episcopum Nestorium diligendo superet, quem etiam (coram Deo loquor) in Christo celebrem esse cupio, etc. » Vidistine, lector, quales veri esse soleant Orthodoxi filii pacis, vere Israelite, pacifice progredientes ad bellum? nempe consuevisse primum offerre pacem, quam et magis optent, salva fide, suscipi: præmit-

¹ Extant inter epist. Cælestini.

² Apud Act. Ephes. tom. 1. c. 8. edit. Pelt. — ³ Cyril. ep. vii.

tereque legationes, et dum rogant quæ pacis sunt, vibratos validos ab hoste ictus scuto excipere charitatis.

41. Sed quænam contra Cyrillum Nestorii arte probrosæ calumniæ sparse fuerint, alibi cum scribitur postea ad clericos Constantinopolitanos ¹ recenset : nimirum collegisse Nestorium circuitores, et deploratos homines, qui ad hoc vagarentur, et ubique locorum adversus ipsum Cyrillum probra disseminarent : erant isti Cheremon, Victor, Sophronius, et alii : testatur id etiam in Epistola ad Acacium ² et illis ad ipsum Nestorium datis litteris, quarum est exordium ³ : « Intelligo quosdam, etc. » ; ubi inter alia : « Jactant autem voces in me insanias plenas : hic quidem, quod cæcos egenosque per injuriam oppresserim : alius quod ferrum in matrem strinxerim : nonnulli, quod ancillæ præsidio aurum alienum abstulerim : quidam denique, quod ejusmodi improbitatis suspicione laboraverim semper, ejusmodi ne infestissimos quidem hostes laborare oplaverit quispiam. Verum istos, et si qui ejus farinae sunt alii, non multum moror ; ne supra magistrum et Dominum, vel etiam supra majores meos tenuitatis meæ mensuram extendere videar. Fieri enim vix potest (quancumque demum vite rationem inieris) ut pravorum maledicorumque hominum dentes evadas. Sed illi quidem maledictiæ, et acerbitalis os plenum habentes, coram omnium Judice causam olim dicturi sunt. Ego vero ad id denuo reversus, quod me potissimum decere existimo, te veluti fratrem in Domino etiamnum admonere non gravabor, etc. » Porro istas omnes calumnias inanitas prorsus fuisse figmenta, inde perspicuo colliges, quod in judicio Ephesino, ubi ejus accusatores auditi sunt omnes, nec minus ausus est de his adversus Cyrillum libellum accusationis offerre.

42. Intuerisne vel ex his saltem (appello te iterum, lector) penes horum alterutrum, vel Nestorium, vel Cyrillum, sit veritas, et qui Deo militet, vel diabolo? Furit ille, clamat, fremit, dissecatur corde, stridet dentibus, intelligit verbera : iste contra modeste, patienter, atque quiete rem agit, obtemperans divinæ legi jubenti ⁴ : « Si quando accesseris ad expugnandam civitatem, offeres ei primum pacem » : hæc plane snadet et jubet Spiritus lex : etenim ex sententia Jacobi ⁵ : « Quæ de sursum est patientia, primum quidem pudica est, deinde pacifica, modesta, suscipibilis, bonis consentiens, plena misericordia, et fructibus bonis, non judicans, sine simulatione ». His plane legibus obsecutus S. Cyrillus, charitatis, et pacis frequenter et ubique in toto

hoc progressu reliquit impressa vestigia ; quod et crebro erit inspicere in litteris ab ipso datis ad diversos anno sequenti : etenim præterquam ad Nestorium, hoc anno ad neminem se ea de re scripsisse, idem ipse Cyrillus testatur in dicta Epistola ad Cælestinum sequenti anno conscripta, illis verbis : « Ad nullum alium consecratorum nostrorum scripsi ». Hæc quidem satis de Orientalibus turbis Nestorii causa hoc anno magno damno fidelium excitatis.

43. *Juvenalis Praylio succedit in Hierosolymitano episcopatu.* — Quo ipso tempore, defuncto Praylio Hierosolymorum episcopo in locum ejus subrogatus est Juvenalis. Haud quidem ad longioris temporis spatium constat Praylium propagasse sedem, cum extent Cyrilli Alexandrini episcopi litteræ sequenti anno ad Juvenalem Hierosolymitanæ sedis antistitem datæ : quamobrem necessario affirmandum est, irrepsisse mendam in Nicephori Chronicon, ubi sedi Praylii anni viginti adscribuntur ; eum, habita ratione ejus prædecessoris, nempe Joannis decessus, eum nonnisi annos tredecim in sede eadem transegisse dicendum sit. Quantum vero temporis sederit Juvenalis, in fine ipsius dicendum erit.

44. Haud multum temporis intercessit, cum hoc anno creatus Juvenalis episcopus Hierosolymitanus idem ordinavit Petrum primum episcopum Saracenorum, quem diximus ex duce ipsorum a S. Euthymio esse ad fidem Christianam conversum. De hujus in episcopum promotione superius dictum est : hic autem ad certum ejus ordinationis tempus declarandum, oportuit iterum meminisse : nam hoc, vel sequenti anno id accidisse, inde certum deducitur argumentum, quod reperitur ipse Petrus (vel dicemus) interfuisse post sequentem annum Ephesino Concilio : qui nec ante præsentem annum ordinari potuit, cum nondum creatus esset Juvenalis episcopus Hierosolymæ, qui dictum Petrum pontificem gentis Saracenorum ordinavit. Magna quidem Dei providentia factum est, ut quo tempore Dei Ecclesia gravia passura esset ab illis, qui eam propagare deberent in exterarum regiones, et barbaros populos ; tunc acciderit, ut iidem Barbari omnium inhumanissimi ad fidem Christianam se sponte contulerint, et ex eis minus constitueretur episcopus, qui cum aliis sanctis Patribus Nestorium damnaturus esset in Concilio Ephesino : ut plane impletum fuerit Dominicum illud oraculum ¹ : « Multi venient ab Oriente, et Occidente, et recumbent cum Abraham, Isaac, et Jacob ; filii autem Regni ejicientur in tenebras exteriores ».

¹ Cyril. ep. vii. — ² Cyril. ep. xiv. — ³ Cyril. ep. viii. — ⁴ Deut. xx. — ⁵ Jac. iii.

¹ Matth. viii.

Anno periodi Græco-Romanae 5922. — Olymp. 302. — Jesu Christi 429. — Cælestini papæ 8. — Theodosii Jun. 28. et 22. Valentiniani III. 5.

1. *Quinta quinquennialia Theodosii.* — Coss. *Florentius* et *Dionysius*, uterque Orientalis. Prior enim anno superiori præfectus prætorio sub Theodosio Jun. fuit, ut liquet ex legg. Cod. Theod. et ex Actis Concilii Chalcedonensis in quibus dicitur *Ex-prefectus*, et *Exconsul Patricius Florentius* : posterior in capite 176 Synodici adversus Tragœdian Irenæi dicitur *Præses utriusque militiæ et Exconsul*, et apud Priscum pag. 47 habetur eum fuisse ex Scythia oriundum, ac legatum missum ad *Rovam Hunnorum regem*, *Attilæ* decessorem, cum jam antea consulatum gessisset. *Quinta quinquennialia* Theodosii post patris mortem imperantis, eaque anticipata, ut ejusdem imperii *tricennialia* demonstrant.

2. *Prima legatio S. Germani in Britanniam.* — A num. 1 ad 21. Prosper in Chronico sub hujus anni coss. scribit : « Agricola Pelagianus, Severiani episcopi Pelagiani filius, Ecclesias Britanniae dogmatis sui insinuatione corrupit. Sed actione Palladii diaconi papa Celestinus Germanum Antisiodorensium episcopum vice sua mittit, et deturbatis hæreticis Britannos ad Catholicam fidem dirigit », vel, ut alia lectio habet, *redegit*. Hanc sancti Germani Antisiodorensis episcopi, collega sancto Lupo episcopo Trecenti, legationem Britannicam accurate collocavit Prosper; cum Anonymus in Vita sancti Lupi scribat : « Exacto biennii spatio (ab episcopatu nempe Lupi anno superiori ad eum evecti) cum sancto Germano contra hæresim Pelagianam, quæ sanam oppugnabat fidem, in Britanniam profectus est ». Constantius presbyter in Vita ejusdem sancti Germani apud Surium ad diem xxx Julii, testatur, utrumque episcopum a Synodo Gallicana incerto loco habita in Britanniam missum. Libro enim 4, cap. 19, ait : « Ex Britannii directæ legatio, Gallicanis episcopis nuntiavit, Pelagianam perversitatem in locis suis late populos occupasse. Ob quam causam Synodus numerosa collecta est, omniumque judicio duo præclara religionis lumina

universorum precibus ambiuntur, Germanus ac Lupus, etc. » Eam Synodum autumno præsentis anni habitam, Anonymus in Vita sancti Lupi indicat, quando ait, eos profectos temporibus hybernis, id est, sub hujus anni finem : « Terribiles Oceani fluctus, temporibus hybernis mari se committentes orationum gubernaculis mitigarunt ». Synodum hanc Gallicanam numerosam fuisse scribit Beda lib. 1, cap. 17, ubi de hac Germani et Lupi missione in Britanniam verba facit : « Inveniunt salubre consilium (Britanni scilicet), ut a Gallicanis antistitibus auxilium belli spiritualis inquirant, quam ob causam collecta magna Synodo (scilicet in Gallia) quærebatur in commune, qui illuc ad succurrendum fidei mitti deberent : atque omnium judicio eligebantur Apostolici sacerdotes Germanus Antisiodorensis, et Lupus Treccassinæ civitatis episcopi, etc. » (1) Inter eos, qui fidem Orthodoxam hoc tempore in Britannia oppugnabant, aliqui viri docti Fastidium numerant, sed hunc eximie Catholicum fuisse supra monstravimus.

3. *S. Genovefa pedibus ejus provolvitur.* — Dum *Germanus* in Britanniam proficiscitur, et per territorium Parisiæ urbis transit, ei complures obviam procedunt, qui puellam quamdam *Genovefam* nomine eminus conspiciat, dixit ejus parentibus hujus filiaë nativitatem, ipsis quoque Angelis lætitiâ peperisse, ut narrat Constantius loco citato cap. 20 et seq. Idem legitur in Vita sanctæ hujus virginis a Chiffletio in fine Historiæ Bedæ edita. *Genovefa* postea multis miraculis ac virtutibus in Galliis refulsit, ut in ejus Vita narratur. Gesta in Britannia a Germano et Lupo idem Constantius cap. 23 describit, ut videre est apud Baronium, atque, cum paulo ante Paschalia festa, anni nempe quadringentesimi trigesimi, *Saxones Pictique bellum adversus Britones junctis viribus* suscepissent, Germanum Insulanorum precibus motum exercitui sese duce præbuisse, et hostes in fugam compulisse, dum *Alleluia, tertio repetitum, sacerdotes exclau-*

(1) Hanc Synodum Gallicanam Trevis in Campania celebratam fuisse inde deducitur, quod fidei formula in ea, ut non obscure deducitur, condita contra hæresim Pelagianam in Britannia paulo ante invecam appellatur *Treccassinæ confessio* in Vita S. Lupi antiqua apud Bollandistas ad diem xxx Julii. Porro hæc genuina loci hujus lectio videtur, pro eo quod Surius temere substituit : *Ad fidem sanæ Confessionis*. Vide Bollandist. *ibid.* MANST.

mant. Quare cum Constantius cap. 28 testetur, hæc contigisse *emensa solemnitate Paschali*, manifestum est, non nisi anno sequenti *Germanum et Lupum* in Gallias rediisse; licet Baronius hoc anno uno tenore Synodum Gallicanam et reditum legatorum in patriam referat. Eadem quæ Constantius, fuse recitat Beda loco laudato.

4. *Germanus Verolamii Synodum celebrat.* — Collectores Conciliorum, et post eos Garnerius in Dissert. de Synodis in causa Pelagianorum habitis, scribunt sanctum *Germanum*, dum in Britannia esset, *Verolamii* Synodum celebrasse; quam in rem citant Bedam et Constantium, quamvis neuter Verolamii, quæ urbs erat Albiensis, cuius hodie nihil præter monium fragmina superest, mentionem faciat, *Verolamii* tamen Synodum collectam tradit Florilegus in Historia sua ad annum cdxlvi, pro quo faciunt, inquit Usseus in Britan. Eccles. Antiquit. cap. 41, et *antique fanii Albani membranula*, quæ eo in loco, ubi sancti *Germani* sacellum etiamnum superest, hunc pro suggestu verbum Divinum elatum fuisse testantur; et ipse Constantius lib. 1, cap. 25, quem sancti Albani, qui Verolamii colebatur, sepulcrum aperiri tum jussisse refert: « Germanus, inquit, omnium Apostolorum, diversorumque martyrum reliquias secum habens, facta oratione, jussit revelli sepulcrum, pretiosa ibidem munera conditurus: arbitans opportunum, et membra Sanctorum ex diversis regionibus collecta, quos pares meritis receperat cælum, sepulcri quoque unius teneret hospitium. Quibus depositis honorifice atque sociatis: de loco ipso ubi beati martyris et usus fuerat sanguis, massam pulveris secum portaturus abstulit; in qua apparebat, cruore servato, rubere martyrum cadem, persecutore palente ».

5. *S. Gregorius M. hujus S. Germani missionis meminit.* — Ad hanc Germani et Lupi victoriam alludit sine dubio Gregorius lib. 27 Moral. cap. 6, hæc verba Job cap. 36 exponens: « Cardines quoque maris operiet »: ait enim: « Omnipotens Dominus coruscantibus nubibus cardines maris opernit, quia emicantibus prædicatorum miraculis ad fidem etiam terminos mundi perduxit. Ecce enim pæne cunctarum jam gentium corda penetravit. Ecce in una fide, Orientis limitem Occidentisque conjunxit. Ecce lingua Britannia, quæ nihil aliud noverat, quam barbarum fremere, jam dudum in divinis laudibus Hebræum cœpit Alleluia resonare: Ecce quondam tumidus, jam substratus sanctorum pedibus servit Oceanus; ejusque barbaros motus, quos terreni principes edomare ferro nequiverant, hos pro divina formidine sacerdotum ora simplicibus verbis ligant: et qui caleras pugnantium infidelis nequaquam metuerat, jam nunc fidelis humilium linguas timet. Quia enim perceptis cælestibus verbis, clarescentibus quoque miraculis virtus ei divinæ cognitionis infunditur, ejusdem Divinitatis terrore refrenatur; ut prave agere metuat, ac totis desideriis ad æternitatis gratiam pervenire concupiscat ».

Beda quidem lib. 2, cap. 1, hæc Gregorii verba ad prædicationem sancti Augustini, ejusque sociorum refert. Verum cum Gregorius anno dxcxi, ut videre est apud Baronium eo anno num. 40, Moralium libros absolverit, non potuit Gregorius illa scribens intendere ad Augustinum, cujus missio Anglica anno tantum dxcvii decreta est, et amnis sequentibus executioni mandata. Beda itaque hoc in loco lapsus est.

6. *Opinio Sirmondi de anno prioris legationis S. Germani.* — Sirmondus in Notis posthumis, quæ referuntur in Appendice ad tomum in Concil. editionis Labbeana, existimat Synodum Gallicanam, et priorem Germani legationem in Britanniam pertinere ad annum cdxlvi, quam in rem laudat Sigebertum in Chronico, et Bedam lib. 1, cap. 17, ubi post Saxonum in Britanniam adventum, *Germani* legationem commemorat; et « vero », inquit Sirmondus, « postea contigisse necesse est; cum ex legationis istius historia, quam Constantius presbyter in sancti Germani Vita descripsit, Britannos constet præsentem Germano cum Pictis et Saxonibus conflixisse; *Saxones* autem quo anno in Britanniam irruerint, etsi non omnes consentiunt, tamen ante hunc annum irrupisse nemo tradit. Adde quod idem Constantius auctor est Germanum ex Britannia reversum, alterum mox iter iniisse Arelatum; quo tempore Galliarum prætorio præfectus erat *Auxiliarius*. At Auxiliarem hoc anno et proximis prefecturam gessisse, vel ex eis patet, quæ paulo ante dicta sunt de causa Chelidonii. Quare quod in vulgari Chronico Prosperi Cælestini papæ temporibus anno cdxix affixa est *Germani* legatio, insititii, ut apparet, mendii suspicione non caret, ab iis forlasse, qui cum Palladium in eas oras a *Cælestino* missum legissent, *Germanum* ibidem ab eodem in Britanniam destinatum credere. Quod neque a Beda neque a Constantio vel Erico, neque ab ullo scriptore antiquo est proditum ».

7. *Refellitur.* — Verum hæc Sirmondi opinio ab auctore Vitæ sancti Lupi evertitur, ut ex dictis liquet, eique Sigebertus contrarius est; cum hic diserte duas *Germani* legationes Britannicas referat, et in eo solum peccet, quod eas suis annis non reddiderit. Priorem Lupo comite factam dicit anno cdxxxvi, quod in causa fuit, cur posteriore Baroniis in annum cdxxy congererit. Secundam recitat Sigebertus anno cdxlviii, non vero cdxlvi, aitque *Severum* Trevirensem episcopum Germani socium fuisse. Præterea in rerum Anglicarum Chronologia hoc sæculo alii duces a Sigeberto sequendi, quia is plerumque in magnos anachronismos incidit. Quoad Bedam a Sirmondo citatum, hic Socratis, Sozomeni, et Theodoretii exemplo sæpe res, quæ diversis annis contigere, ne narrationem inturbet, uno tenore recitat. Quare lib. 1, cap. 15 refert Anglorum et Saxonum adventum in Britanniam, quem certum esse debet, anno cdxlix accidisse, et postea cap. 17, Germani et Lupi in Britanniam navigationem, tumque alteram *Germani* legationem

santo Severo episcopo Trevirensi comite factam. Quæ cum anno cdxvii obita fuerit, ut infra ostendemus, Beda utramque circa ea tempora, quibus prior legatio peracta, narravit, ac statim de legatione sancti Augustini a sancto Gregorio papa decreta verba fecit, licet hæc ultima sæculo tantum sequenti in finem vergente missa fuerit.

8. *Hoc tempore Saxones Britanniam infestabant.* — Quoad pugnam Saxones inter et Britones habitam, quæ Sirmundum in transversum egit, Usserius in Antiquit. Eccles. Britan. cap. 2, respondet, longe priusquam *Hengistus* cum suis Saxonibus in Britanniam appulisset, frequenter in eam Saxones irrumperere solitos. Initio enim imperii Valentiniani primi Saxonas, non minus quam Pictos et Scotos ærumnis continuis Britannos vexasse, auctor est Marcellinus lib. 27, cap. 8, et alibi, et sub Honorio imp. de Stilicone ita canentem Britanniam inducit Claudianus lib. 2 de laudib. Stilic.

Illius effectum curis, ne bella timerem
Scotica, nec Pictum tremerem, nec litore toto
Prospererem dubiis venturum Saxona ventis.

Hinc ad insulam a *Saxoman* impetu defendendam institutus fuit *comes littoris Saxonici per Britanniam*, ut habet Notitia imperii: quo presidio abductis hinc Romanis legionibus jam ante hunc annum cessante, non mirum, si e Saxonico illo litore crebras incursiones perpessa fuerit Britannia, ut de *Vortigerni* consiliariis Saxonas in Britanniam anno cdxlvii invitantibus Gildas in libello de Excidio Britanniae jure merito exclamavit: « O altissimam sensus caliginem! O desperabilem crudamque mentis hebetudinem! quos propensius morte cum absentem, tremebant; ut ita dicam, sub unius tecti culmen sponte invitabant stulti principes Taneos, dantes Pharaoni consilium insipiens (Esaie, cap. 49) ». Ita Usserius, cui tamen non assentio in omnibus.

9. *Septentrionalem Britanniae partem incolebant.* — Saxones enim, de quibus loquitur Constantius in Vita sancti Germani, in ipsamque Britannia habitabant, quod manifeste indicat Beda lib. 1, cap. 17 et seqq.; ait enim: « Ante paucos sane adventus eorum annos (nempe Saxonum, Anglorum et Jutarum) hæresis Pelagiana per Agricolam illata, Severiani episcopi filium, fidem Britanniarum, foeda peste commaculaverat, etc., quam ob causam collecta magna Synodo, etc. eligebantur Apostolicis sacerdotibus Germanus Antissiodorensis, et Lupus Treccaniæ civitatis episcopus ». Tum cap. 20: « Interea Saxones, Pictique bellum adversus Britones junctis viribus susceperunt: et cum trepidi partes suas pæne impares judicarent, sanctorum antistitum auxilium petierunt », Germani scilicet et Lupi. Quare ante adventum Anglo-Saxonum in Britanniam jam alii Saxones in ea insula sedem fixerant, et de istis Beda et Constantius loquuntur. Ili vero alii non erant, quam Scoti ac Hiberni, quos Scriptores latini longe ante Constantium *Saxones* ap-

pellarant. Claudianus enim in IV consulatu Honorii, quem anno cccxcviii gessit, canit:

Maduerunt Saxone fuso
Orcades. Incaluit Pictorum sanguine Thule:
Scotorum cumulos flevit glacialis hibernæ.

Claudianus et Stilius Magnam Britanniam *Thule* nomine sæpe appellant, *Orcades* vero insulae sunt Scotiae ad Septentrionem, in mari Caledonio, et ab eo tantum Pictico Fretto divise. Claudianus itaque illius incolas *Saxones* discrete vocat. Præterea Sidonius Apollinaris in Panegyrico Avili anno cdxvi recitato versu 83, ait:

Victicia Cesar
Signa Caledonios transvexit ad usque Britannos.
Fuderit et quamquam Scotum, et cum Saxone Pictum,
Hostes quasivit, quem jam natura vetabat
Quærere plus homines.

Loquitur Sidonius de Julio Cesare, et *Caledonios* qui habitabant in finibus Magnæ Britanniae et in ejus Occidentali parte, *Saxones* et *Pictos* appellat. Quare jam a Romanorum temporibus *Saxones* in parte Septentrionali Magnæ Britanniae morabantur. Neque Sidonius, ut eum interpretatur Sirmundus in Notis ad illum Panegyricum, intelligi potest de Anglo-Saxonibus, qui paucis annis antequam Panegyricum illum Sidonius haberet, in Britanniam venerant; *Saxones* enim Anglorum socii partem Britanniae meridionalem, non vero partem quæ in Septentrione posita est, incolere, ut omnibus notum. *Saxones* autem a Sidonio nuncupantur *Caledonii* cum Pictis federali, qui uterque populus integram Caledoniorum gentem Magnæ Britanniae partes Septentrionales habitantem conflabat. Ex quibus manifestum est, Prosperum in Chronico priorem Germani legationem Britannicam accurate hoc anno retulisse, et verum esse quod Constantius et Beda citati tradunt, Germano in Britannia agente, Britones ejus precibus *Pictos Saxonesque* in fugam compulsisse, hosque *Saxones* in Septentrionali parte Britanniae, et in insulis Orcadibus sedes habuisse.

10. *Et quidem jam a sæculo superiori.* — Jam ante annum Christi cccxliv *Saxones* cum Pictis Septentrionalem partem Magnæ Britanniae habitabant, ut certo colligi videtur ex his quæ Ammianus lib. 26, cap. 4, ad consulatum Joviniani et Varroniani eo anno gestum, habet: « Picti, inquit, Saxonesque et Scoti, et Attacotti Britanicos ærumnis vexavere continuis ». Erant *Attacotti* populi Scotiae Septentrionalis, ubi nunc comitatus Buquamenensis, ut recte Nicolaus Sanson. Hoc ipso tempore Provinciae illae Septentrionales ad Orientem site, uti *Augus*, *Marnes*, *Mourray*, aliaque lingua Hibernica non utuntur, et populi montes incolentes versus Occidentem e regione insularum *Hebridum* dictarum inferioris regionis *Occidentales Saxones* appellari solent, ut observat Camdenus pag. 90 et 95. Illic autem auctor arbitratur, hoc nomen ab antiquis Northumbris

inferioris Scotiæ habitatoribus originem ducere. Verum hæc in re labitur; *Northumbri* enim ultra Fretum Edimburgense nunquam sedes habuere, sicut nec Angli Septentrionalem partem hodierni Scotiæ regni nunquam incoluere; et tamen anno cclxxiv juxta mare Germanicum *Saxones* morabantur. Quare cum *Northumbri* nunquam Saxones appellati fuerint, neque in Scotia habitaverint, Ammianus de veris Saxonibus, Scotiæ incolis, omnino intelligendus. Quæ quia non satis nota sedulo explicanda fuerunt.

11. *Palladius hoc anno in Scotiam missus non est.* — Baronius a num. 6 ad 9, agit de *Palladio* diacono, cujus efflagitatu Prosper loco laudato asserit *Germani* legationem Britannicam a *Celestino* papa decretam esse. Putat vero Baronius hoc anno duas ab hoc Pontifice missas legationes, alteram *Palladii*, alteram *Germani*, et utramque hoc anno susceptam. Verum non dicit Prosper, *Palladium* hoc anno in Britanniam venisse, sed tantum anno cxxxii, ut ibidem videbimus. Præterea Beda Prospero suffragatur tam in Epitome, quam in Historia. In Epitome enim ad annum cxxx scribit: « *Palladius* ad Scotos in Christum credentes a *Celestino* papa primus mittitur episcopus », quod in Historia lib. 1, cap. 13, dicit contigisse anno imperii Theodosii jun. octavo. Baronius num. 7 *Bedam* perverse temporum rationis insinuat, licet huic cum Prospero egregie conveniat, quia scilicet Baronius non animadverterat, *Bedam* anno Theodosii inchoare ab anno Christi cxxxii, quo post Honorii mortem in Occidente regnare cepit. In eo itaque tantum *Beda* differt a Prospero, quod ille annum, quo *Palladius* Roma in Britanniam missus, Prospero vero annum, quo illuc appulit, memoret.

12. *Palladius in Scotiam missus nullum librum reliquit.* — Præterea Baronius num. 8, et anno cclxxxviii, num. 110, et anno cdxvii, num. 1, tradit, *Palladium*, qui ex Romanæ Ecclesiæ diacono, Scotorum factus est episcopus, scripsisse sub *Zozimo* papa res gestas sancti Joannis Chrysostomi, « nempe Dialogum illum alterius *Palladii* episcopi Helenopolis cum *Theodoro* ilidem Romanæ Ecclesiæ diacono: qui quidem *Palladius* diaconus apud *Trithemium* numeratur inter scriptores Ecclesiasticos. Nam præter *Vitam* Joannis Chrysostomi ab ipso scriptam per *Dialogismum*, in quo *Palladius* episcopus, et *Theodorus* diaconus interloquuntur, librum etiam contra *Pelagianos*, et *Homiliarum* librum unum, et ad *Celestinum* Epistolarum librum unum, et alia græco sermone ab eodem edita idem tradit. Utinam extaret liber ille *Palladii* Epistolarum ad *Celestinum* », inquit Baronius. Verum, ut animadvertit *Usserius* in lib. de *Britannic. Eccles.* Primordiis cap. 16, Baronius perperam Joanni *Trithemio* tribuit, quæ Joanni *Baleo* Centuria 14, num. 6, accepta erant referenda. Solet enim *Baleus*, non illa solum Auctoribus assignare, quæ scripta ab iis fuisse alicubi legit; sed etiam quæ scribi ab illis probabiliter potuisse ipse conjecit. A *Palladio* enim

in Scotiam misso quicquam litterarum monumentis posteritati proditum fuisse, nihil est quod faciat fidem. De hujus missione anno cdxvii ægemus.

13. *Cyryllus primum Sermonem Nestorii in Homilia Paschali xvii refellit.* — A num. 22 ad 43. Venio nunc ad rem Nestorianam, cujus synopsis præfixit *Garnerius* tomo ii Operum *Marii Mercatoris*, ubi exhibet plura istius causæ instrumenta, quæ in hunc usque diem, vel obscura fuerant, vel penitus ignota. Cum tamen tunc *Garnerius* non vidisset *Synodicon* adversus *Tragædium Irenæi*, quod postea *Lupus* sub titulo *Casinensium litterarum*, in lucem emisit, non potuit in multis non labi, et plura tenebris involuta non relinquere. Gesta hoc anno, de quibus vix in eodem *Synodico* mentio, accurate pertractavit, quæ ideo hic, quanta fieri poterit brevitate, ex eo exhibebimus. Die *Epiphaniæ* sacra sanctus *Cyryllus* de more diem *Paschalis* currentis anni indixit, et *homiliam Paschalem* ordine xvii ad alias Ecclesias misit. Cum enim mense *Octobri* anni cxxii *Alexandrinæ* Ecclesiæ regimen suscepisset, eam ad hunc annum pertinere certum est. Ea *homilia Cyryllus* fidei dogma de *Incarnatione Verbi* sic explicuit, ut egregie refellerit sermonem primum *Nestorii de Virgineo partu*, anno superiori habitum, singulis partibus non leviter perstrictis.

14. *Ea ante n et in Sermonem Nestorii edita.* — Nihil in ea *Cyryllus* de iis, quæ hoc anno *Constantinopoli* gesta, habet, licet nullam, posteaquam de hac controversia *Nestorium* inter et *Proclum* exorta rescivit, præmitteret occasionem *Procli* super ea defendendi; ex quo liquet eam publicatam, antequam *Nestorius* secundum et tertium suum sermonem, de quibus mox, faceret; et deceptum esse *Garnerium*, qui in laudata *Prefatione* pag. 2 scribit, monachis circa diem *Festum Theophaniæ* indiciam fuisse diem *Paschalem*, et pag. 14 ac 18, postquam varia hoc anno in causa *Nestorii* gesta *Garnerius* recitavit, refert, *Cyryllum* de more mississe *homiliam Paschalem* ad omnes Ecclesias eam scilicet quæ ordine est xvii, et postea *homiliam xviii*, qua diem *Paschalis* indiceret in annum cxxxii. Verum jam anno cmi demonstravi, non solum in Oriente; sed etiam in *Galliis* *Festum Paschalis* anni, qui in cursu erat, indictum fuisse die *Epiphaniæ*, seu *Theophaniæ*. Quare mos ille ad solos monachos non restringendus.

15. *Eusebius laicus Nestorio contradicit.* — *Nestorius* paulo post priorem sermonem alterum fecit velut adversus *Arianos* et *Macedonianos*, reipsa vero adversus *Catholicos*, quo priore confirmare visus est. Quo tempore contigit mirabile quiddam, atque audax facinus, quod narrat *Cyryllus* lib. 4 *Contradict. de Eusebio*, qui propter singularem doctrinam et pietatem *Dorylei* episcopus postea renuntiatus est. Is cum inter laicos versaretur, impie dicentem pro concione episcopum ausus est verbo palam arguere, suæque fidei, atque animosæ in hæreses fortitudinis specimen eximium dedit. Fecit et tertium *Nestorius*, brevi post tempore, velut in

Apollinaristas, *de dogmate*, seu *θεσπιωσις*, id est, *de inconfusa duarum in Christo naturarum conjunctione, et reciproca nominum communione*; in quo venenum lexi paulo artificiosius, tantoque nocentius populis infudit, quod videretur in Apollinaristas, qui naturas in Christo confundebant, invisum Catholicis ea tempestate nomen iurchi: quam haeresim suam de Christo puro homine, et sola praestantia a ceteris hominibus diverso, facere non potuit. Utrumque sermonem graece et latine edidit ibidem Garnerius.

16. *Obtestationem suam in eum publice proposuit.* — Furenti in Christum haeretico plures magnis animis restiterunt, primusque omnium praefatus *Eusebius* laicus obtestationem in eum publice proposuit, eoque facto omnium animos inflammavit in ideis studio, adversus episcopum haereticae Pauli Samosatani dogmata renovantem. Refertur Eusebii obtestatio in parte 1 Concil. Ephes. cap. 13, et his verbis inchoat: « Quicumque schedam hanc accepturi sunt, eos per Sacrosanctam Trinitatem adjuro, obtestorque, ut eandem episcopis, presbyteris, diaconis, lectoribus, necnon et laicis quoque Constantinopoli habitantibus ostendant, ejusdemque exemplum ad evidentem haeretici Nestorii confusionem iisdem impertiantur; ut qui eandem prorsus sentiat, quae Paulus Samosatenus, ante centum sexaginta annos a Catholicis episcopis anathemate condemnatus », in secunda scilicet Synodo Antiochena anno cclxx habita, ut anno cclxxi, num. 2 ostendi, et ex his Eusebii Dorylensis verbis epocham praefatae Synodi passim male assignatam ibidem anno suo reddidi. Haec obtestatio contra omnes Ecclesiae Constantinopolitanae clericos proposita non est; cum istorum plures fuerint ab haeresiarcha adeo alieni, ut e civitate proscripti maluerint, quam ejus adhaerere impiis dogmatibus; sed proposita fuit adversum solos profani episcopi fautores ab homine laico, quem Leontius Byzantinus in m contra Nestorianos ac Eutychianos libro affirmat, floruisse *in judicandi potestate*, et Anastasius Bibliothecarius ac Theophanes fuisse Pulcheriae Augustae scholasticum, et auctor Breviarii Eutychianistarum, fuisse agentem in rebus, et denique Marius Mercator in Scholio ad m Nestorii sermonem, admirabilem sibi collegisse eruditionem, et contentiori voce inelamasse *ipsum ante secula Verbum etiam secundam subivisse generationem, id est, illam secundum carnem et ex muliere*. Hujus Eusebii laici plurimum a laudatis Auctoribus commendati non meminit Baronius in Historia Nestoriana.

17. *Populus in Nestorium commovetur.* — Tunc pariter, exemplo laicorum incensi presbyteri, cum in Ecclesia quae *Irene maritima* dicebatur, in pravum dogma inveci essent, continuo minis et auctoritate freudentis episcopi silere jussi sunt: « Unde accidit, ut populus usitam fidei predicationem requirens publice inelamaret: Imperatorem habemus, episcopum non habemus ». Ita legitur in Supplic. Basilii part. 1 Concil. Ephes. cap. 30, et

fuse etiam apud Baronium num. 35 et seqq., neque tantum querelis populus rem egit; sed minis quoque et publica exprobratione scelerum quae specie pietatis Nestorius tegeret: objecti enim « indigentium negligentiam; facultates quoque pauperum cupidis hominibus erogatas »; tum minatus est « projectionem in mare, et pastoris in lupum versi necem », inquit Cyrillus in Encomio Virginis. Minas excepissent facta, nisi magistratum potentia, ipsiusque imperatoris Nestorio faventis retinuisse metus. Utrumque libera simplicitate monachi in laudata supplicatione Theodosio objecerunt: postquam enim impotentiam Nestorii, et furenti adversus quemlibet, licentiam exposuerunt: « Superbia, inquam, qua omnes parvipendit, elatus, pecuniisque, et corruptorum quorundam hominum potentia fretus, et, ut libere quod res est dicamus, vestra quoque dominatione fretus, haec facit ».

18. *Proclus pro Deipara contra Nestorium orationem habet.* — Dum cuncta ferventer odiis, Proclus Cyzicenorum episcopus pergebat in Ecclesia populum, ut antea, docere, dumque fieret amplissima quaedam Synaxis, habuit in maximo omnium ordinum coetu, pro Deipara Virgine contra Nestorium Orationem Paegeyricam, *die festo solemniore*, ideoque Christi aut beatae Virginis, in qua oratione, licet adversarii nomen tacerit, praesidentem episcopum reveritus, haeresim tamen omnibus notam summo auditorum plausu refellit. Factum narrat Theophanes et Cedrens ad annum primum Nestorii. Constituerat Nestorius festum solemnius Proclo, quo doceret populum; hic vero repente magna voce dixit: *Homilia in Dominam Deiparam, Virginalis hodie solemnitas, etc.* Haec oratio adhuc extat. Licet dicenti magnus plausus ab omnibus datus sit, ausus est tamen Nestorius continuo pro more populum affari, summaque impudentia ac impietate Procli praecipua quaeque dicta reprehendere, imo et blasphemiae damnare. Nestorianae orationis initium est, *Amatores Christi populos, etc.* Recitat eam Garnerius ex Mario Mercatore pag. 26. Nestorium vero facultate dicendi ex tempore valuisse, testatur Socrates lib. 7, cap. 32.

19. *Nestorius in suis sermonibus Proclum refellit.* — Neque contentus Nestorius semel dixisse adversus Deiparae laudatorem, tres iterum habuit sermones, tribus consequentibus post Paschalia Synaxibus, in quibus tres praecipuas Procli sententias arguit, quod Deus sit passus et mortuus, quod Deus sit noster Pontifex, quodque beata Virgo dici debeat *θεοτοκος*. Unum praeter ceteris dixit in ingenti corona per suos coacta, reliquis nocentiorum, cujus initium: « Contumelias quidem haeticorum in me, tanquam delirantium machinas, et horum in mare comminatas submersiones, perturbationum quoque desideria, et persecutionum nova, quae intenduntur, molimina, et indigentium negligentiam, quam nobis objiciunt, et aliorum in nos garrulitatis deliramenta, tanquam ranarum strepitus ideo, aut certe quantum infantum jacula seu castra contre-

miso, etc. » In hac Oratione tacuit Procli nomen, ut in aliis tribus prioribus; sed singula ipsius arguens, atque ea imprimis, quæ continentur *Deum pro nobis mortuum*, virum omnibus exinde satis notum, *miserrimi, hæretici, calumniatoris, Apollinaris, Ariique nomine traduxit*. Has iv Orationes Nestorii recitat ex M. Mercatore Garnerius et notis illustrat.

20. *Cyrillus scribit monachis Ægyptiis ut sese Nestorio opponant.* — Miserat Nestorius per fidos homines primum suum tractatum de *Incarnatione*, cum nonnullis aliis Homiliis in provincias, ad pestem latius spargendam. His in Ægyptum perlatis, *Cyrillo* Alexandrinæ Ecclesie episcopo necessitas imposita est scribendi ad monachos, ut ebrivum iret malo, quod propter nonnullorum, quorum in manus scripta venerant, imperitam simplicitatem, et credulam levitatem timeri poterat: proclive enim erat, ut commotio animorum, quæ jam suborta fuerat, paulatim, ut fit, altercatione cresceret, et in perniciam erroris, hæresimque verteretur. Ita rem narrat Cyrillus ipse Cælestino pape in parte 1 Concil. Ephes. cap. 14. Præstantis illius Epistolæ ad monachos *exempla*, inquit Cyrillus in Epist. ad Cælestinum, « ad Constantinopolitanam urbem quorundam opera deportata (a Cyrillo suis Apoerisiariis missa sunt) ibidemque lecta, tanto adjuvamento fuerunt, ut plurimi e magistratu ejus rei causa per litteras Cyrillo gratias egerint. Verum hoc ipsum Nestorio quoddam iræ contra Cyrillum susceptæ fomentum subministravit ». Jussit ergo Nestorius Photium quemdam respondere; et occultas primum, tum apertas inimicitias adversus Cyrillum exercuit. Cumque in urbe regia Ægyptii quidam versarentur, in quos Alexandrinus episcopus propter infamiam vitæ ex canonum præscripto animadverterat, eos Nestorius subornavit, ad calumniam *Cyrillo* faciendam, dandosque adversus ipsum sibi ac *Theodosio* libellos, quibus argueretur, non Ecclesiam modo male administrare; sed in Ægypto etiam contra imperatorem et magistratus turbas eiere, ut videre est in parte 1 Concil. Ephes., cap. 12, in Epist. ii Cyrilli ad Nestorium, et in Apologet. Cyrilli ad Theodosium.

21. *Cælestinus PP. consulit Cyrillum de turbis a Nestorio excitatis.* — Non tantum Constantinopoli, sed Oriente toto turbatum est, ut liquet ex Epist. i Cyrilli ad Nestorium, occasione sermonum *Nestorii*: quos cum accepisset aliunde *Cælestinus*, simulque nuntios de turbis Ecclesiarum Orientalium, offensus inde, cum aliis episcopis, quorum in cœlu relationem de cunctis fieri voluerat, consulendum ratus est super ea re *Cyrillum*, an perinde se res haberet, atque fama jactabat. Harum *Cælestini* litterarum meminit Cyrillus in Epist. i ad Nestorium. Uno eodemque circiter tempore Epistola adversus Homilias Nestorii missa est a Cyrillo, tum ad monachos, ut erudirentur, tum Constantinopolim ad clericos Alexandrinos, a quibus spargeretur: plures enim *Cyrillus* e suis clericis eo

submiserat, qui non tantum de more res agerent Ecclesiarum Ægypti in urbe Regia; sed etiam qui excubarent pro fide, certoque de singulis *Nestorii* molitionibus atque consiliis præselem suum mone-rent. Ab his cum nuntiatum esset, *Nestorium* omnem lapidem movere, quo Epistolæ auctorem offenderet, litteras dedit *Cyrillus* ad Nestorium, quibus et objecta purgaret, et motuum causas refunderet in suum auctorem, et querelas Romani Pontificis de Tractatibus a se missis exponeret, et pœnitentiam suaderet, et suam sponderet, in promovenda re fidei, constantiam. Epistola hæc recitatur in parte 1 Concil. Ephes. cap. 6. Acceptis litteris *Nestorius* rescripsit per *Lampsonem* presbyterum, breviter quidem, sed non sine gravi Cyrilli acensatione, quod intemperantius ad se prior scripsisset.

22. *Nestorius tentat occupare animum Cælestini PP.* — Atque hoc initium fuit apertæ contentionis inter duos majorum sedium antistites, Alexandrinæ et Constantinopolitanæ: quorum, ut erat maxima tunc auctoritas, exinde cœpit res agi magno animorum aestu, orbe Christiano in duas partes diviso. Tentavit *Nestorius* occupare animum *Cælestini*, quia dicerat ex litteris *Cyrilli* illum, lectis quibusdam tractatibus, qui *Nestorii* ferrentur, vehementer offensum esse: ad ipsum ergo Epistolam dedit, occasione Pelagianorum episcoporum Constantinopoli existentium, misitque aliquot Tractatus per *Autiochum* virum illustrem, qui venenum contineret, multis verorum dogmatum involucris absconditum. Tres saltem hi Tractatus, quantum colligere licet ex Cælestini litteris, et Casiani libris, ab *Autiocho* delati sunt. Primus de *Incarnatione*, quæ turbarum causa. Alter in speciem contra *Macedonianos* et *Arianos*; tertius, qui veluti adversus *Apollinaristas*, reipsa in Catholicos existebat. Epistolæ initium est: *Fraternas nobis invicem debemus*, etc. Recitat eam Baronius anno cdxiii, num. 3 et seqq., quia eam tantum eo anno datam existimavit.

23. *M. Mercator offert Commonitorium suum Theodosio imp.* — Oriente ita turbato videtur *Marius Mercator* suum Commonitorium obtulisse *Theodosio* imperat. contra *Julianum* et *Cælestinum*, cæterosque Pelagianos, in quo totam ejuscemodi hominum causam ita patefecit, ut cunctis innotesceret, quos homines amicitia sua Nestorius foveret. Hæc Operis inscriptio: « Item exemplum Commonitorii, quod super nomine Cælestii graeco sermone a Mercatore datum est, non solum Ecclesie Constantinopolitanæ, sed etiam plurimis religiosissimis viris; oblatum quoque piissimo principi *Theodosio* semper Augusto, id ipsum ex graeco in latinum translatum per eundem *Marium Mercatorem* Christi servum in consulatu *Florentii* et *Dionysii* VV. CC., per quod Commonitorium cognitio funestissimo errore, imperiali præcepto tam *Julianus* defensor et sequax ejus cum cæteris sociis et participibus suis, quam postea idem Cælestius, de Constantinopolitana urbe detrusi,

in Synodo quoque Ephesienti ducentorum septuaginta quinque episcoporum sententia postmodum in presenti damnati sunt ». Communitorium itaque hoc anno Florentii et Dionysii consulatu notato e graeco in latinum versum, postquam jam imperatori oblatum fuisset, et *Celestius* anno cxxxii damnatus in Concilio Ephesino.

24. *Basiliius* aliique monachi *Theodosio* exponunt quae passi sint a *Nestorio*. — Oblata est etiam *Theodosio* supplicatio a *Basilio* diacono et archimandrita, aliisque sanctis monachis, qua post exposita quae haecenus indigne passi essent, paterenturque quotidie a *Nestorio*; post obiectum quoque libera simplicitate imperatori suum haereticum patrociniū, duo maxime postulabant: alterum, convocari Synodum qua dissensiones fidei tollerentur; alterum, comprimi Nestorianorum audaciam, ne interim pergerent haereticum. Temporis ratio conficitur ex eo, quod in illa supplicatione res Nestorianae dicuntur perinde se habere ac in litteris *Nestorii* ad *Caelestinum*; aucteri nimirum et invalescere in dies, *Nestorio* multos, ut ipse quidem membrat, errorem dedocente, ut autem verius monachi aiebant, minis et verberibus terrente. Recitatur haec supplicatio part. 1 Conc. Ephes. cap. 30, ex qua varia refert *Baronius* num. 35 et seqq. Tunc etiam, *Cyrillus* respondit nonnullis querentibus, quod cum audisset inquam *Nestorii* doctrinam rueri in pejus, non continisset sese, facendoque passus esset, ipsam per se interire; sed e contrario misisset Constantinopolim Epistolam, quam ad monachos Aegyptios scripserat, eaque sparsa in vulgus *Nestorianum* exacerbasset, et quasi coegisset pertinaciter obfirmare animum alienae reprehensionis impatientem. Scripto *Cyrillus* exposuit, tum facti sui causas, tum negotii momentum, quod silentium nequaquam permitteret. Videatur pars 1 Concil. Ephes. cap. 40.

25. *Cyrillus* secundam ad *Nestorianam* Epistolam scribit. — Interim a suis Constantinopoli morantibus accepit *Cyrillus* quartum *Nestorii* sermonem adversus *Prochum*; imo et intellexit a quibus calumniam in urbe, quibusve incensoribus pateretur; rescivit etiam homines, qui *Nestorii* partes sequebantur, de pace verba facere. Quare scripsit ex Synodo Alexandrina, quae singulis annis de more habebatur, secundas ad *Nestorianum* litteras, quibus et se ab improbis ipsis adulatoribus injuriam pati quereretur, et sermonem quartum in *Prochum*, quasi aliud agens, refelleret. Habetur ea Epistola part. 1 Concil. Ephes., cap. 8, et in Concilio Chalcedonensi data dicitur mense *Mechir*, indictione xii. Aegyptii mensem *Mechir* a die xxvi Januarii nostri auspicantur, ideoque cum ea Epistola indictione xii scripta sit, ad anni hujus initium pertinet. Hujus Epistolae partem recitat *Baronius* num. 41. Sub idem temporis, imo eadem via, suos illos Apocrisarios, misso Communitorio *Cyrillus* docuit, qua ratione deberent, si de pace tractaretur, gerere se cum Nestorianis, quibus pacisci conditionibus; quid ad questionem respondere; quid in con-

gressibus dicere; quam testari suam esse animi sui sententiam, etc. Scriptum incipit: *Legi litteras missas a vobis*, etc. et habetur part. 1 Concil. Ephes. cap. 12.

26. *Nestorius* secundam ad *Cyrillum* scribit Epistolam, hincque rectam fidem exponit. — *Nestorius* tempore Quadragesimae, secundae *Cyrilli* Epistolae, secundam et ipse suam reposuit, quae cum legeretur in Concilio Ephesino, visa est Patribus continere doctrinam Catholicae contrariam, nec immerito; cum *Cyrilliana* secundae contradiceret, quae secunda quaedam erat fidei a majoribus acceptae expositio. Exstat ea Parte 1 Concil. Ephes. cap. 9. Scripsit etiam *Nestorius* iterum *Caelestino* papae, retulitque de Pelagianorum causa. Litteras detulit *Valerius* vir illustris, qui fidem faceret, non scriptis tantum *Nestorii*, cujus erat amissimus; sed iis etiam, quae dicturus erat de rebus Constantinopolitanis, id est, de *Pelagianorum* querelis apud imperatorem, et de contentione *Nestorii*, partim cum *Cyrillo* urbisque Regiae clero, partim cum aliis ipsius doctrina offensis. Epistolae exordium est: *Saepe scripsi beatitudini tuae propter Julianum*, etc. Hanc Epistolam *Baronius* anno sequenti num. 7 recitat. Cum vero *Cyrillus* ex suis didicisset impescere fidelium ardorem, Nestorianorumque animos accendi, invalescente in dies apud multos opinione, quod de dogmate quaestio non esset, sed de unica tantum vocula, veritus ne vafer haereticus, et *Caelestino* per litteras, et *Theodosio* blandis sermonibus, et aliis Ecclesiis per fidos ministros imponeret, dedit ad *Caelestinum* litteras, et ad alios scriptam rectae fidei expositionem misit, partim ad *Theodosium*, partim ad *Pulcheriam*.

28. *Moritur* *Praylius* episcopus Hierosolymorum. — Ad num. 43 et seqq. *Praylius* episcopus Hierosolymensis ultra annum cxxxv non vixit, ideoque eo anno *Juvenalis* ei successit. Quare cum *Praylius* episcopatum susceperit anno cxxxvi, ut suo loco diximus, sedit annos decem eosque incompletos, licet in Chronico Nicephori Librariorum errore ei anni xx, et menses vi; in Tabulis vero *Theophanis* anni xx adscribantur: non dubito tamen, quin in Nicephoro, loco annos xx, legendum sit, annos x. In Vita sancti *Euthymii* a *Cyrillo* monacho scripta dicitur, *Juvenalem* Lauram hujus sancti Abbatis dedicasse anno lu *Euthymii* ipsius, die vii *Maii*, indict. xi, ideoque anno superiori, quo usque ad mensem Augustum annis lu *Euthymii* in cursu fuit. Natus est enim *Euthymius*, mense Augusto, quarto *Gratiani* consulatu, ut habet *Cyrillus*. Sed ex hoc similibusque argumentis deduci tantum potest, *Juvenalem* jam anno superiori Ecclesiam Hierosolymitanam rexisse. Licet autem anno cxxxviii, quo ea dedicatio peracta, Dominica non incidit in diem septimum *Maii*, haec tamen dies apud sancti *Euthymii* discipulos sollemnis erat, indeque novum templum in hujus Sancti honorem constructum, die etiam septima *Maii* dedicatum fuit, eodemque pariter die ejus *Laura*, mutata in Ceno-

bium, etiam dedicata, ut infra videbitur. *Juvenalis* paulo post suam ordinationem *Petrum* episcopum Saracenorum, quem ex duce ipsorum a sancto Enthyimio esse ad fidem conversum ostendit Baronius anno cdx, num. 37 consecravit. Porro ex Saracenis alii Persas, alii Romanos colebant, ut Procopius lib. 1 de bello Persic. cap. 17, et Menander Protector docent. Dividebantur vero in *Phylus* seu *Tribus* duodecim, ut Nonnosus in Legatione, et Orosius initio suæ Historiæ scribunt ac singulis tribubus præerant *Phylarchi*, ut vocabant. Denique Petrus *primus* ordinatus fuit *episcopus copiarum*, quæ erant in *Palæstina*, inquit Cyrillus in Vita sancti Enthyimii. De Saracenis vero Palæstinis legendus Procopius ibid. cap. 19.

28. *Moritur S. Honoratus episcopus Arelatensis.* — Cum sanctus *Lupus* anno superiori episcopus Trecentis dictus fuerit, quo tempore *Hilarius* Honorati episcopi Arelatensis successor adhuc monachus Lerinensis erat, ut anno superiori diximus, liquet mortem ejusdem sancti *Honorati* ad hunc annum pertinere, at non ad diem decimum sextum mensis Januarii, quo eam Bollandus ejus vitam explicans, aliique passim collocant, quia sc. in Martyrologiis eo die colitur. Sanctus enim *Hilarius* ejus successor in oratione fenebri, quam de eo habuit, num. 29, ait Honoratum *Epiphaniarum die* in Ecclesia sermonem habuisse, cum jam in morbum incidisset, qui morbus « ingravescens, octavo eum vel nono die a solemnitate prædicta, paulatim attenuando confecit », inquit Hilarius, ideoque uno aut altero ante diem sanctus *Honoratus* ex hac vita migravit, et die xvi Januarii sepulture attribuentur. De sedis ejus duratione hæc tantum habet Hilarius num. 26 Arelatensis alloquens; *Brevi tempore, quo vobis indultus est*, et sanctus Honoratus Massiliensis episcopus in Vita ejusdem sancti Hilarii cap. 6 tradit, eum *emenso biennio*, vita functum esse, indeque consequens est, ejus episcopatus initium incidisse in finem anni cdxvi. In Vita quidem sancti Hilarii juxta editionem Henschenii, ad diem v mensis Maii, loco horum verborum, *emenso biennio*, legitur, *gemens a biennio*, sed error ille ex editione Quesnelliana emendandus. *Hilarius* in laudata oratione gloriatur, quod sancti *Honorati* exhortatione mundum reliquerit, et insulæ Lerinensis incolæ effectus fuerit. Liberaliter et nobilissime educatus fuerat *Hilarius*, factusque episcopus omnes ullinæ paupertatis numeros explevit: bona

enim sua aut pauperibus reliquit, aut vendita pauperibus erogavit, ut habet Auctor librorum de Vita Contemplativa lib. 2, cap. 9, idque exemplum Honorati decessoris et Venantii hujus fratris, de quibus *Hilarius* in citata oratione: « Possessio quæ pauperibus, ex quo ab ipsis fuerat possessa servierat, pauperibus nunc distribuenda distrahitur », quando nempe patriam reliquere. Baronius, qui eam orationem non viderat, in Notis ad Martyrologium Romanum ad diem xvi Januarii ait, *Honoratum* vixisse usque ad Sixti III Pontificis Romani tempora, sed nunc certum est, mortem ejus ultra præsentem annum differri non posse.

29. *Finis Patriarcharum Judæorum.* — Sub hujus anni eos. III kalend. Jun. Theodosius dedit legem 29 Cod. Theod. de *Judeis*, quæ de auro coronario duo indicat. Primum, cum canonem quondam patriarchas Judæorum coronarii auri nomine de Synagogis omnibus etiam Occidentalium partium exegisse. Secundum, post *excessum* patriarcharum, primates *Judæorum* hoc sæculo hanc pensionem suscepisse. Ex quo Blondellus libro contra primatum Ecclesiæ pag. 532, et Gothofredus in hujus legis Comment. recte colligunt, *Patriarchas* Judæorum nullos amplius hac tempestate fuisse, electosque deinceps *Prinates*, quibus cum successione jure patriarchatus deferretur, quod ex Epiphanio heresi xxx, quæ est Ebionitarum, evidens est. Sane Theodoretus quoque lib. 4 Dialogorum, quos scripsit contra Eutychianos post annum cmlj sua ætate nullos amplius Judæorum patriarchas fuisse prodit, qui desiisse videntur sub Theodosio juniore, inter annum cdxv et currentem. Jussit autem Theodosius prædicta lege, ut Judaicum illud coronarium suis largitionibus inferretur, id est, fisco suo vindicaretur. Plura Gothofredus citatus.

30. *S. Augustinus varios libros scribit.* — Divus *Augustinus* hoc anno postquam *Prosperi* et *Hilarii* monachi litteras accepisset, libros duos *De Prædestinatione et de Dono perseverantiæ* composuit, ac præterea quatuor libros, et forte quintum Operis imperfecti in *Julianum*, ut anno superiori ostendimus. De litteris *Prosperi* et *Hilarii* et libris duobus de Prædestinatione et de Dono perseverantiæ, egimus anno cdxvi. Initium itaque *Semipelagianorum* ad hunc annum retrahendum.

Vandali ex Hispaniis in Africam navigarunt, ut anno superiori visum est.

CÆLESTINI ANNUS 7. — CHRISTI 430.

1. *Possidonii legatio ad Cælestinum.* — Trigesimus supra quadringentesimum Christi annus auctoribus Augustorum consulatu, Theodosii nimirum decimo tertio, Valentiniani vero tertio, clarus illuxit, sed Catholicae Ecclesiae ob concitatas per Nestorium turbas ærummosus: quo litteræ ipsius Nestorii una cum aliis ejus scriptis pro defensione hæresis lucubratis, per Antiochum virum illustrem Cælestino Romano Pontifici reddita sunt. Cum paulo post, ante etiam quam ipsa Nestorii scripta in latinum translata essent, opportune contigit adventus Romam Possidonii diaconi Ecclesiae Alexandrinæ ad eundem Cælestinum Romanum Pontificem; cui cum litteras, tum etiam volumina dedit; quibus Nestorii execranda impietas omni ex parte latissime confutabatur. Quid autem, his acceptis atque perlectis, statuerit Cælestinus contra Nestorium, litteræ ab ipso tum ad eum, tum ad Cyrillum, et alios eadem ex causa redditæ, apertissime indicabunt: de quibus omnibus antequam agamus, ex more, consignanda est certa firmaque demonstratione ipsa veritas temporum; qua stabilita, res quæ tractandæ sunt, clariori veritatis nitore perspicuæ in omnibus effulgebunt.

2. Cum ex redditis a Cælestino Rom. Pontifice ad Nestorium litteris satis liquido ac manifeste dicatur, eodem ferme momento temporis quo ipse litteras Nestorii accepit, supervenisse Possidonium cum litteris Cyrilli ac voluminibus ab ipso missis, et antequam latinitati redderentur Nestorii scripta, legisse Cælestinum quæ per eundem Possidonium missæ erant, Cyrilli chartas latine scriptas: certo certius affirmandum est, eodem anno quo contigit legatio Possidonii, æque evenisse reddi Nestorii litteras Cælestino. Erat hic Possidonius Ecclesiae Alexandrinæ diaconus, ut litteræ hoc anno datæ ab ipso Cælestino ad Joannem episcopum Antiochenum in fine significant: quem quidem hoc item ipso anno Romam a Cyrillo ad Cælestinum venisse legatum, inde potest intelligi, quod litteræ¹ ab ipso

Cælestino ad Nestorium hunc primum redditæ, datæ hoc anno leguntur, tertio idus Augusti, sub dictis anni hujus consulibus Theodosio decimum tertium, et Valentiniano tertium, licet mendose legatur in edila nuper Cælestini ad Nestorium Epistola consulatus Theodosii decimus quartus cum Valentiniani tertio: nam nonnisi decimus tertius Theodosii consulatus cum tertio Valentiniani contigisse, Fasti omnes manifeste demonstrant; ut ex consulatibus eorundem qui præcedunt, et subsequuntur, absque aliqua vel levi dubitatione potest intelligi.

3. *Nestorii litteræ ad Cælestinum.* — His igitur in hunc modum de veritate temporis stabilitis, jam describamus hic litteras ab ipso Nestorio ad Cælestinum Romanum Pontificem missas, quæ tamen nonnihil mendosæ in veteri scripto codice leguntur his verbis¹:

«Fraternas nobis invicem debemus colloquutiones, ut (unanimitè nobiscum obtinente concordia, impugnaturi) una inter nos secundum obtinente concordia pugnaturi diabolum pacis inimicum. Quorsum hoc antiloquium? Julianus quidam, et Florus, et Orontius, et Fabius, dicentes se Occidentalium partium episcopos, sæpe et piissimum, et præcitantissimum imperatorem adierunt, ac suas causas dellexerunt, tanquam Orthodoxi temporibus Orthodoxis persecutionem passi: sæpe eadem et apud nos lamentantes, ac sæpe rejecti, eadem facere non desierunt: sed insistant per dies singulos implentes aures omnium vocibus lacrymosis. His quidem ad eos sermonibus, quibus oportuit, usi sumus, cum negotii eorum veram fidem nesciremus. Sed quoniam apertiore nobis de causis eorum notitia opus est, ne piissimus, et Christianissimus imperator noster molestiam sæpe ab his sustineat; ne nos, ignorantes eorum causas, circa negotii defensionem dividamur; dignare nobis notitiam de his largiri: ne vel quidam ignorando justitiam veritatis, importuna miseratione conturbentur, vel ea-

¹ Cælest. ep. vi. tom. i. epist. Rom. Pont.¹ Ex codice Antonii Augustini.

nonicam indignationem beatitudinis tuae, quae contra eos pro seclis religionis forte probata est, aliud quiddam quam hoc aestiment. Nam sectarum novitas multum (nullam) meretur defensionem a veris pastoribus. Unde et nos non modicam corruptionem Orthodoxiae apud quosdam hic reperientes, et ira et lenitate circa agros quotidie utimur.

4. «Est enim aegritudo non parva, sed affinis putredinis Apollinaris et Arii: Dominicum enim in homine unionem ad cuiusdam contemperationis confusionem passim commiscuit; adeo ut et quidam apud nos clerici, quorum alii ex imperitia, alii ex haeretica fraude in se olim celata, qua plurima, et Apostolorum temporibus contigerunt, tanquam haeretici aegrotent, et aperte blasphemant Deum, Verbum Patri Homousion, tanquam originis initium de Christotoco Virgine sumpsisse, et cum templo suo aedificatus esset, et carni consepultus; eandemque dicunt post resurrectionem commiscuisse carnem, sed in naturam transiisse Deitatis (ut in compendio dicam) et Deitatem Unigeniti et ad originem conjunctae carnis referunt, et commortificant carni. Carnem vero conjunctam Deitati ad Deitatem transiisse blasphemant ipso Verbo Deificationis: quod nihil est aliud, nisi utrumque conrumpere: sed et Virginem Christotocum ausi sunt cum modo quodam, Theotocum dicere: hanc enim Theotocum vocantes (ita quidem legendum esse persuadet, quod in Concilio Ephesini Actis haec sic reddantur¹: Citra horrorem sacram Virginem Dei genitricem appellant) non perhorrescunt, quod sancti illi, et supra omnem praedicationem Patres per Nicream nihil amplius de sancta virgine dixissent, nisi quia Dominus noster Jesus Christus incarnatus est ex Spiritu sancto, et Maria Virgine. Et taceo Scripturas, quae ubique Virginem matrem Christi, non Dei Verbi, et per Angelos, et per Apostolos praedicarunt.

5. «Propter quae quanta certamina sustinuimus, aestimo famam precedentem doctissimae beatitudinem tuam; hoc quoque attendentem, quod non frustra certaverimus: sed emendati sunt, gratia Domini, multi ex his qui perversi erant descendentes a nobis, quia² propria et parent Homousios nativitas, cui vivere commissa est: illa in homine unio creaturae est humanitatis Dominicae, Deo conjunctae ex Virgine per Spiritum. Si quis autem hoc nomen Theotocum propter natam humanitatem conjunctam Deo Verbo, non propter parentem proponent; dicimus quidem hoc vocabulum in ea quae peperit, non esse conveniens. Oportet enim veram matrem de eadem esse essentia (qua est) ex se natum. Ferri tamen potest hoc vocabulum propter ipsam considerationem, et quod solum nominatur de Virgine hoc verbum propter inseparabile templum Dei Verbi ex ipsa, non quia ipsa mater sit Dei Verbi: nemo enim antiquiorem se parit. Haec quidem existimo praecedentem famam significasse. Exponimus vero etiam nos

quae contigerunt. Rebus ostendimus, quia fraterno animo negotium eorum, quos praediximus, nosse cupimus, non desiderio curiositatis importuna, cum et nostra narramus tanquam fratres fratribus, veritatem sectarum nobis invicem publicantes, ut sit mihi principium litterarum verissimum. Dixi enim, cum has litteras inciperem, quia fratras nobis debemus invicem colloquutiones. Omnem quae tecum est in Christo fraternitatem, et qui mecum sunt, salutamus». Haec Nestorii litterae ad Caelestinum scriptae ab eo praetensa causa Pelagianorum episcoporum.

6. Hi quidem damnati in Occidente, et sedibus expulsi, Constantinopolim commigrarunt, a Theodosio imperatore auxilium imploraturi: quorum illidem occasione alius quoque post haec se dedisse litteras, idem Nestorius testatus est posteriori Epistola ad Caelestinum data: quas ab eodem codice acceptas hic tibi rudendas curavimus. Quem autem primo loco posuit Julianum, ut Pelagianorum singulorum, haud alium esse putamus, quam illum episcopum Capuanum patria Atellanensem, ut Prosper in Chronico docet, quem sanctus Augustinus contrarius scriptis exagitavit. Posterior vero Epistola Nestorii ad Caelestinum sic se habet¹:

7. «Saepè scripsi beatitudini tuae propter Julianum, Orontium, et ceteros, qui sibi usurpant episcopalem dignitatem et creberrimam additionem apud piissimum, et praedicatissimum imperatorem faciunt, nosque concidunt frequentibus lamentationibus, tanquam temporibus Orthodoxis de Occidente projecti. At lucusque scripta de his a tua veneratione non suscipimus; quae si haberem, possem eis respondere, daremque compendiosum responsum luctibus eorum: nunc enim ab incertis dictis eorum non habet quis ad quod se convertat; aliis haeticos eos vocantibus, et ideo de Occidentalibus patribus (partibus) projectos esse dicentibus; ipsis vero jurantibus calumniam se sustinuisse, et periculum pro Orthodoxa fide ex subreptione perperos. Quorum utrum certum sit, nobis gravis est ignorantia. Nam condolare eis, si vere haeretici sunt, crimen est; et iterum non condolare, si calumniam sustinent, durum et impium est. Dignetur igitur amantissima Dei anima tua informare nos, qui ad utrumque momentum hucusque dividimur, id est, et ad odium, et ad miserationem eorum: doceri autem volumus quam de his sententiam teneamus: delineamus enim eosdem viros per dies singulos dissimulantes spe et expectatione beatitudinis tuae. Non est enim, o venerandissime (sicut nosti), res vilis discussione pie sectae, nec parva est probatorum qui hoc agunt. Multus enim etiam nobis labor hic celebratur, dum elaboramus ertere sordidissimam impietatem pessimae opinionis Apollinaris et Arii de Ecclesia Dei: nescio enim quemadmodum quidam de Ecclesiasticis quamdam contemperationis imaginem Deitate, et humanitate Unigeniti acci-

¹ Tom. 1. Conc. edit. Nicolin. — ² Locus depravatus.

¹ Ex codice Antonii Augustini.

pientes ægrotant ægritudine prædictorum hæreticorum, dum et corporis passiones audent superfundere Deitati Unigeniti, et immutabilitatem Deitatis ad naturam corporis transiisse confingunt; et utramque naturam, quæ per conjunctionem summam, et inconfusam in una persona Unigeniti adoratur, contemperationis mutabilitate confundunt. Cæci, qui nec sanctorum illorum Patrum expositionem meminerunt, aperte ad eos reclamantes : Credimus in unum Dominum Jesum Christum Filium Dei incarnatum ex Spiritu sancto, et Maria Virgine. Hæc enim vox in nomine quod significat utramque naturam, id est, Christus est Deitati Patris homousius, humanitas vero posterioribus temporibus nata est ex sancta Virgine, quæ propter conjunctionem Deitatis ab Angelis et hominibus simul colitur. Eum ergo qui hic propter sectarum pravitatem tot laboribus fatigatur, considero, quid iterum pati necesse est, si negotium prædictorum virorum nesciat, timeatque nimis ne additamentum hæreticorum per ignorantiam hic positus faciat. Unde rogo, ut undique studiosum sit sanctæ animæ tuæ donare notificationem prædictorum virorum, maxime cum litterarum sequester fidelissimus Valerius cubicularius possit beatitudini tuæ per se exponere molestias eorum. Omnem in Christo fraternitatem, quæ tecum est, ego et qui mecum sunt, plurimum salutamus ». Hactenus Nestorii ad Cælestinum litteræ pro Pelagianis primo loco scribentis.

8. Sed quodnam Nestorii consilium fuerit scribendi ad Cælestinum Romanum Pontificem, perstigandum est. Ut autem qui jam ferme biennio tacuisset, modo ad ipsum scriberet, insuperque una cum litteris, et codices a se pro hæresis defensione illis adjuget : ea quidem ex causa id factum esse videtur, quod cum idem Nestorius in promulganda hæresi acerrime sibi adversantem Cyrillum Alexandriæ Ecclesiæ episcopum invenisset, qui tum sedis auctoritate, tum excellenti doctrina Orientales episcopos ad suas partes trahere facile posset : in eam partem favorabile inclinare iudicium, in quam Romani Pontificis sententiæ calculus apponeretur : ut eum promereri posset, omnem conatum adhibuit, curans id tractari per Antiochum virum illustrem, qui Cælestino papæ, que pro defensione hæresis hactenus ab eo essent scripta, redderet ; ut illis (o summa dementia !) primario Catholice Sedis antistite persuaso, universa simul cum eo Catholica Ecclesia in eandem quoque sententiam traheretur. De huiusmodi quidem vana hominis spe hæc habet Cyrillus in Epistola ¹ data hoc anno ad Juvenalem Hierosolymorum episcopum, verbis his : « Ratus autem quod et Romanæ Ecclesiæ sacerdotem in suam sententiam pertrahere queat, scripsit ad dominum meum ac religiosissimum ac piatissimum Cælestinum, inserens Epistolis dogmatum suorum

perversitatem : misit autem et multas expositiones ; ex quibus perversa sapere deprehensus, ac jam cum execratione tanquam hæreticus condemnatus est ». Hæc Cyrillus.

9. *Litteræ Cyrilli per Possidonium ad Cælestinum datæ.* — Sed quæ sunt ista consecuta, dicamus. Jam plane fefellit inanis spes sua, et cæca præsumptio miserum, qui fieri posse stulla existimatione putavit, ut Ecclesia, quæ (ut est sententia Patrum) hæreses omnes semper incessabili studio insectata, easdem penitus prolligavit atque disjecit : eadem ipsa acceptura foret tale portentum monstrumque deforme, omniumque terribissimum, quod spiritu satanico concepisset, vanitate formasset, et horrendum visu compositum peperisset superbia, aliusque maledictis, atque blasphemis saginasset. Sed quomodo illud, simul ac Romæ visum, eodem ferme momento temporis Apostolico confossum est gladio, jam dicamus. Primum vero de Cyrilli ad Cælestinum papam Epistola, quæ et primo loco lecta est, instituamus orationem pro ordine rerum gestarum ac temporum.

10. Cyrillus igitur episcopus Alexandrinus cum frustra tentasset Nestorii emendationem, quam ex Cælestini papæ litteris procuraverat : quo de omnibus ipsum Romanum Pontificem redderet certiorum, ad ipsum legavit (ut dictum est) Possidonium Ecclesiæ Alexandriæ diaconum, cui ad eundem litteras dedit. Præterea vero, ne in damnationem Nestorii excitaret ipsum Cælestinum ad id præstandum paratum, sed ut dilatione aliqua expectaretur, si tolerantia ejusdem hæresiarchæ morbus curari posset, ista in mandatis Possidonio dedit : « Si, inquit, Nestorii litteras, et expositionum illius codices redditos Cælestino compereris, tu quoque illi meas redde litteras : sin secus, non reddas ». Sed hæc inferius : « Possidonius autem cum comperisset, tam Epistolas quam exegeses illius Cælestino fuisse exhibitas, compulsus est ipse quoque quas ferebat exhibere ». Hæc namque ita transacta esse, ex relatione Petri primicerii notariorum presbyteri Alexandrini ¹ intexta Ephesino Concilio habentur expressa. Extant autem ipsæ Cyrilli litteræ ad Cælestinum papam Possidonio datæ, quarum est exordium ² : « Si in rebus usque adeo seriis, et necessariis, etc ». Ubi inferius : « Tradidi, inquit, et Epistolas quoque a me scriptas (ad Nestorium scilicet) Possidonio, ut tuæ sanctitati eas offerat ». Fuisse autem has primas litteras a Cyrillo ad Cælestinum conscriptas, id illis ipse verbis ostendit, ubi ait : « Sane hactenus altum tacui. Neque enim quicquam omnino de illo, qui Constantinopolitanam Ecclesiam hoc tempore administrat, vel ad religionem tuam, vel ad ultimum alium consecratorum nostrum scripsi : non ignorans præcipitem celeritatem in ejusmodi rebus cum vitio plerumque conjunctam esse solere, etc. »

11. Post hæc vero narratis quæ gesserit Nesto-

¹ Apud Cyrill. ep. xvi.

¹ Act. Conc. Ephes. tom. 1. edit. Pelt. — ² Tom. 1. ep. Rom. Pont. post ep. 11. Cælest.

rius adversus Catholicam fidem, quæve ipse Cyrillus pro ejusdem defensione operatus esset: quamvis sciret, quod et aliis prædicarat, scriptisque firmarat, Nestorii sententiam omni esse execratione dignam; tamen haud suarum partium esse ratus, novam hæresim condemnare, et quæ de fide exorirentur quæstiones definire, sed id tantummodo muneris esse Romani Pontificis; ista ad finem Epistolæ subjicit: «At quamvis res illa se habeat, non prius tamen illius communionem confidenter deserere ausi fuimus, quam hæc ipsa pietati tuæ indicaremus. Dignetur promde, quid hic sentias, declarare; quo liquido nobis constet, communicare nos cum illo oporteat, an vero libere eidem denuntiare, neminem cum eo communicare, qui hujusmodi erroneam doctrinam fovet et prædicat. Porro tuæ integritatis mens ac super hac re sententia non modo piissimis Deoque devotissimis Macedoniae episcopis, sed totius quoque Orientis antistitibus perspicue per litteras exponi debet: nam cupientibus illis ansam dabimus, ut omnes uno animo in una sententia persistent, rectaque fidei, quæ jam impugnatur, opem ferant». Et in fine post recensitos fimos, quos pro fide Catholica a se scriptos mittit Romam ad Cælestinum, mox addit: «Tradidi et Epistolam quoque a me scriptam Possidonio, studiose illi injungens, ut tuæ sanctitati eas offerat». Hactenus ipse. Vidisti haud obscure, lector, pristinum morem ab ipso exordio Romanæ Ecclesiæ in Annalibus demonstratum, nimirum solius esse cathedræ Petri quæstiones de fide definire, et emergentes hæreses cum earum auctoribus condemnare.

12. *Synodus Romana ex qua Cælestinus dat Nestorio parenticam Epistolam.* — Cælestinus igitur, his visis Cyrilli litteris, perfectisque ab eo missis una cum ipsis etiam voluminibus; posteaque inspectis Nestorii litteris, et reliquis ab eodem pro defensione hæresis scriptis, convocat episcopos; habita Synodo, omnium sententia fuit tanta blasphemiam condemnata, auctori vero ipsius decem dierum ad respiciendum concessum est spatium, eadem damnatione feriendus et ipse, si in asserto errore persisteret. Collectum quidem fuisse ea de causa Romæ ex more Concilium, litteræ Cyrilli ad Nestorium postea reddite declarant his verbis¹: «Et quid nunc, obsecro, consilii capiam? (tuam hic namque pietatem appellare compellor) quandoquidem Cælestino religiosissimo Romanæ Ecclesiæ episcopo jubente, cæterisque piissimis episcopis, qui illi adfuerunt, ita postulantibus, investigare cogor, etc.» Est de eadem Synodo etiam mentio in aliis litteris Cyrilli ad Joannem Antiochenum postea datis.

13. Quæ igitur tunc in Romana Synodo a Cælestino Pontifice adversus Nestorium definita fuerunt, ab eodem Pontifice in datis ad eum litteris sunt expressa: quarum cum plura extent exempla ex Greco reddita, nos eandem ex veteri Cresconiana Collectione describemus Epistolam, quam quidem

Patres Concilii Ephesini præconiis extulerunt, et Evagrius¹ Scholasticus pro dignitate argumenti et auctoritate scribentis, divinam appellat; quæ tum ex Latino in Græcum, et rursum e Græco in Latinum reddita translatione, tum etiam scribentium vitio (ut assolit in antiquioribus, quæ sæpe sæpius descripta esse oportuit) aliqua interdum contraxisse menda cognoscitur. Sed utcumque sit, veneranda certe antiquitate conspicua permanet; qua primum ad ea quæ spectabant ad Pelagianos, pro quibus Nestorius scripserat, respondit: est autem hujusmodi.

14. Dilectissimo fratri Nestorio Cælestinus.

«Aliquantis diebus vitæ nostræ post nefandum et sæpe damnatum dogma Pelagii atque Cælestii Catholica fides quietem habuit, quando ees cum suæ disputationis sequacibus telis unitatis sententiæ Oriens Occidensque perensit. Denique sanctæ recordationis Atticus Catholicæ magister fidei, et vere beati Joannis etiam in ista successor, eos ita persecutus est pro re communi, ut iis nec standi quidem illic copia præstaretur. Mansit nos post ejus exitum sollicitudo vel maxima, cum successor ipsius, utrum etiam in ejus fide succederet, quæreremus: quia difficile est continuari quæ bona sunt (nam sibi sæpe alternis vicibus adversa succedunt) habuimus tamen post hunc, a quo eram continuo descendendi, sanctum Sisimium, celebratum simplicitate et sanctitate collegam, eam fidem quam invenerat, prædicantem. Legerat profecto simplex sanctitas, et sancta simplicitas: Timendum magis, quam alle sibi esse sapiendum; et alibi²: Altiora sectanda non esse; et iterum³: Si quis aliud prædicaverit, quam quod prædicavimus, anathema sit. Hoc tamen exunte de sæculo; cum se sollicitudo nostra in tantum, in quantum ei Dominus noster permisit, extenderet; ketificavit animam nostram universorum enarratio nuntiorum, quam mox firmavit eorum qui interfuerunt ordinationi tuæ, relatio collegarum; qui tibi testimonii tantum detulerunt, quantum ferri huic debuit, qui aliunde videbatur electus. Tanta antea opinione vixisti, ut tuis te aliena civitas invideret: tanto nunc terrore vitaris, ut tui in aliis videant qualiter fuerint liberati.

15. «Dudum sumpsimus Epistolas tuas, quibus in angusto nihil potuimus dare responsi; erat enim Græcus in Latinum sermonem vertendus: quod cum licet sero facimus, sancti fratris et coepiscopi mei Cyrilli probatissimi sacerdotis per filium meum Possidonium diaconum Italia de te scripta suscepimus, quibus his qui de tua ordinatione detulerant, perisse suum testimonium doleremus. Bonis enim principiis tuis malus (quantum videmus) successit eventus: bonis, inquam, principiis, quæ apud nos ita celebrata fuerant, et responsum dantes ad relationem fratrum, vos faceremus participes gaudiorum. Sed considerantes nunc et querelam de te predicti fratris, et interpretatas tandem epistolas apertam

¹ In Act. Conc. Ep^os. edil. Pell. tom. 1. c. 2.

¹ Evag. l. 1. c. 4. — ² Eccl. III. — ³ Galat. 1.

blasphemiam continentes, illud nobis Apostolicum¹ videmus esse dicendum : Vellem mutare vocem meam, quia confundor in vobis : quinimo notavi, nisi de precipitiis se revocet impius disputator. Necessè est enim, ut malum ex vobis ipsis, sicut precipitur, auferamus. Legimus ergo epistolarum tenorem, et eos libros, quos illustri viro filio meo Antiocho reddente suscepimus. In his quidem a nobis investigatus, deprehensus et tentus es, quod multiloquio labefactaris, dum vera involvis obscuris rursus utraque confundes, vel confiteris negata, vel niteris negare confessas. Sed in Epistolis tuis apertam non tam de fide nostra, quam de te tulisti sententiam, volens de Deo Verbo aliter quam fides habet omnium, disputare.

16. « Ecce nunc in quam de te vocamur sententiam, ecce quæ tuarum sunt beneficia (veneficia) novitatum : postquam ignoratus electus es, cognitus accusaris. Jam nunc cum illo Gentium doctore² dicendum est : Nam quid oremus, secundum quod oportet, nescimus. Nonne hæc Ecclesiæ illi verba conveniunt : quæ probatos sibi viros, non notitiam, sed famam secuta, contempsit, jam inhærens tum opinioni bene de te credentium. Quis enim intra ovile velut rapacem lupum putaret abscondi? Vox est ejusdem Apostoli³ : Oportet hæreses esse, ut probati manifesti sint. Aperi aures, et ejus ad Timotheum⁴ vel Titum dictos audito sermones : quid his aliud præcipit, quam ut novitates vitent vocum profanas? Ad impietatem enim ista proficiunt, quæ semper spinas et tribulos intulerunt. Timotheum⁵ certe rogasse se dicit, ut Ephesi remanens, nuntiaret quibusdam, ne quis aliter prædicaret. Ante oculos mihi Hieremie Prophete verba sunt : Horribilia (inquit⁶) facta sunt super terram, Prophete iniquitates prophetizant. Hæc, dicas volo, quasi ignota te transeunt, aut quasi nota contemnis? Si quasi ignota te transeunt, non sit pudoris rectum discere, quando timoris non fuit perversum docere. Si quasi nota contemnis ; intellige te inexcusabilem fore, cum a te commissi tibi talenti quæsierit ille rationes, qui per nos de hoc sancto fenore sumum lucrum semper expectat. Adspice quæ pœna illum manet, qui abscondit⁷ acceptum, qui integrum certe restituit quod accepit ; unde evidenter adverte, quod sit et quale periculum, nec hoc quod acceperis, reddidisse. An tu Domino dicturus es⁸ : Quod dedisti mihi, custodivi : cum sic scindi partes ejus videamus Ecclesiæ ?

17. « Qua conscientia vivis, pœne ab omnibus in hac civitate desertus? optaveram eos tunc fuisse tam cautos, quam nunc sunt, cum sibi desiderant subveniri. Unde tibi in has quæstiones verba dirigere, quæ sit blasphemia, cogitasse? Unde hæc in populo episcopum prædicare, quibus virginei partus reverentia saucietur? Non debent veteris fidei puri-

tatem blasphema in Deum verba turbare. Qui nunquam non dignus est anathemate judicatus, vel adjiciens, vel detrahens fidei? Plene iterum ac manifeste tradita ab Apostolis nobis nec argumentum nec imminutionem requirunt. Legimus¹, in libris nostris non addi debere, non detrahi : magna quidem, et addentem, et detrahentem pœna constringit. Unde eantem præparamus et ferrum : quia ultra non erunt fovenda vulnera, quæ merentur abscondi. Scimus certe majora vitia majore semper dolore sanari. Inter multa quæ a te impie prædicata universalis recusat Ecclesiæ, e Symbolo ab Apostolo tradito plangimus hæc verba fuisse sublata, quæ nobis totius spem vitæ salutisque promittunt : quod quare fiat, loquuntur Epistola tuæ, de quibus nulla dubitatio est, quia eas ipse misisti : quas in manus nostras nolueramus venire, ne de tanti cogere sceleris genere judicare : omnium disputationum tuarum vias brevis earum sermo conclusit. Extendisti te fatuus, multis anfractibus circumisti, sero tandem diverso itinere pervenisti ad impium constitutum. Scimus quid ille² caverit, qui præcipit contentiones vel pugnas legis esse vitandas : Sunt enim (inquit) inutiles et vanæ. Quod igitur vanum et inutile judicatur, nemo dubitat minime profuturum.

18. « Itaque quamvis et jam frater Cyrillus secundis te Epistolis suis asserat esse conventum, intelligas volo post primam et secundam illius et hanc correctionem nostram, quam constat esse jam tertiam, ab universitate collegii et conventu Christianorum te prorsus esse scjunctum ; nisi mox, quæ maledicta sunt, corrigantur ; nisi in eam viam redeas, quam se Christus esse testatur. Male in hunc arma desperatione movisti, qui te super familiam suam velut fidelem prudentemque permiserat ante constitui. Perit tibi hujus vice officii beatitudo promissa : non solum non das cibum in tempore, verum etiam veneno interficis, quos ille suo sanguine et sua morte quæsivit. Venenum namque est sub tuis labiis, quæ maledictionis et amaritudinis plena videmus, cum contra eum qui suavis est, niteris disputare. Ubi est diligentia pastoralis? Pastor bonus³ animam suam ponit pro ovibus suis : mercenarius vero est, qui eas lupis dimittit et tradit. Quid hic tu pastor acturus es, qui Dominicum gregem pro lupis ipse dispergis? Ad quamnam gregem Dominicus septa confugiet, si intra ovilia Ecclesiæ saucietur? Qua futurus est tuitione defensus, qui te palitur pro custode raptorem? Et alias (inquit Dominus⁴) habeo oves quæ non sunt ex hoc ovili, et illas oportet me adducere. Ille alias se promittit adducere : tibi pereunt quas habebas. Tametsi quidem certum sit, quoties ista contingunt, non oves pastoribus, sed magis ovibus perire pastores. Et vocem meam (inquit) audient. Quare? Ut fiat unus grex. Ad illius vocem unus fit grex : ad tuam vocem aut incitur, aut fugatur. Durum est, ut in te de Actibus Aposto-

¹ 1 Cor. v. — ² Rom. v. — ³ 1. Cor. xi. — ⁴ 1. Tim. vi. 2. Tim. ii. — ⁵ 1. Tim. i. — ⁶ Hierem. v. — ⁷ Matth. xxv. — ⁸ Jo. xix.

¹ Deut. v. xii. — ² 2. Tim. vi. Tit. iii. — ³ Joan. x. — ⁴ Ibid.

lorum beati Pauli verba conveniant ¹ : Ego (inquit) scio quia introibunt post discessum meum lupi graves in vos, non parcentes gregi : et ex vobis ipsis surgent homines quærentes perversa, ut abducant discipulos post se. Hæc a te aliis, quam dicta tibi velimus : docenda enim tibi fuerant, non discenda quæ dicimus : nam quis ferat, doceri episcopum, qualiter debeat esse Christianus ?

19. « Diligenter adspice in quam conditionem voceris : acceriseris, argueris : quid horum convenit sacerdoti ? duris dura responsio ; si tamen veissitudo est, verbis blasphemiam vindicare. An tibi a nobis existimas esse parcendum, cum animæ tuæ ita ipse non parcas, et omnibus velis et præteritis et presentibus et futuris beneficium salutis auferre ? Persequar plane boni Domini mei fidelis servus inimicos, cum Propheta ² asserat, odio eos odisse perfecto. Memor rursus, altero loquente ³, ne parcam. Quem hic ego respiciam ? Cui hominis aliquid reservem, quando agitur ut mihi totius spei meæ causa tollatur ? Ipsius in Evangelio Domini verba sunt, quibus ait ⁴ : Non sibi patrem, non sibi matrem, nec filios, nec aliquam necessitudinem debere præponi. Etenim talis frequenter est pietas, ex qua nascitur impietas, cum vincente carnis affectu charitati illi, quæ Deus est, charitas præponitur corporalis, cujus intuitu aliquibus sæpe deferimus : at ubi ad eum tenditur, qui est ipsa dilectio, necesse est nec illa serventur, quorum auctor vocatur in causam.

20. « Expergiscere tandem : quia non sunt istæ dicendæ vigiliæ, quas non exhibes custodiæ, sed rapinæ. Velimus te in hoc quod prædicas dormire, et vigilare in hoc quod impugnas. Levius certe ferremus, si in utroque dormire : nemo tibi perditus esset, nemo quæsitus : nullo animarum dispendio mœreret Ecclesia, nullo compendio lætaretur. Satius ei esset, si hanc sponso suo, ita ut acciperas, resignares. Sed quid multis moror ? loquente architecto Paulo ⁵, frustra superædificatum ? quid, quæso, in quo non invenio fundamentum ? Audio, vim maximam Catholice sentientes, quibus nos communicamus, clericos sustinere : ita ut his etiam civitas interdicta dicatur : lætamur eos præmium confessionis acquirere ; sed detemus, quod episcopo persequente. Beatus Paulus Apostolus persecutorem prædicatorem mutavit : nefas est maximum prædicatorem persecutorem mutatum. Digere in numerum retro hæreticos, qui hujusmodi quæstiones Ecclesiæ intulerunt : quis unquam de hoc certamine victor revertit ? Habes certe tuæ civitatis exemplum : Paulus civis Samosatensis, occupata Ecclesia Antiochiæ, cum talia prædicaret, collegit suorum seminum messem : reliquos inventores malorum, Ecclesiis occupatis, sententiæ censura semper non dispar eiecit.

21. « Illos quoque hæreticos, de quibus nos,

velut eorum quæ gesta sunt nescius, consulere volumini ; sedibus suis, injusta dicentes, expulsi justa damnatio : quos illic invenisse requiem, non putamus esse mirandum : invenerunt enim impiam prædicationem, cujus comparatione se existimant innocentes. Legimus quam bene teneas originale peccatum, qualiter ipsam naturam asseras delibitricem, et eum delictum merito reddere, qui descenderit de genere debitoris. Quid tecum faciunt, qui sunt hæc negando damnati ? nunquam sine suspitione ea quæ sibi sunt adversa conveniunt : ejicerentur denique, si tibi quoque similiter displicerent. Cur tamen ea quæ in hos tunc sunt acta, quærentur ; cum certum sit, illinc ad nos a Catholico tunc antifistite Attico gesta directa ? Cur non sanctæ memoriæ Sisinnius quæsit ? quia utique sub decessore suo probaverit eos jure damnatos. Defleant infelices, spe se hominum fuisse deceptos, quibus jam potuit propter communionem sola penitentia subvenire. Ecce scire de his incipis, si qua ante nescisti. Causam tuam magis modo quam aliorum Catholica et festina deliberatione curato : quia convenienter dicimus ¹ : Medice cura te ipsum, qui aliis desideras subvenire : ægritudinis tuæ qualitas non recipit, aut præstare permittit inducias.

22. « Alexandrinæ Ecclesiæ sacerdotis fidem et probavimus et probamus. Et admonitus per eum, rursus eadem sentire te oportet, quæ nos, si nobiscum frater esse vis. Si tibi sensus datur, damnatis omnibus quæ hucusque sensisti, statim hæc volumus prædices, quæ ipsum videas prædicare. Nos contra fas etiam nolumus sacerdotes esse correptos ; quibus sicut præmissa conventione consulimus, ita in hos necesse est damnationis sententiam, si abutuntur nostra salubri admonitione, firmemus. Hoc tamen erit post damnationem pravi dogmatis plenum correctionis indicium, si revocentur omnes ad Ecclesiam, qui propter Christum caput ejus videntur exclusi ; revocentur omnes. Quod nisi fiat quod dicimus, ejiciendus qui eiecit : quamvis in nostra communione sint isti, in quos talis cognosceris extitisse. Ad clerum quoque Ecclesiæ Constantinopolitanae, vel omnes qui censentur nomine Christiano, qualia necessitas postulavit, scripta direximus : ut si in perversæ disputationis obstinatione persistis, nec hæc quæ frater Cyrillus prædicat, nobiscum prædicaveris ; a nostro collegio, cum quibus tibi non potest esse communio, te intelligant separatam ; scituri exemplo jam cauti, qualiter animæ suæ deo et maturato judicio debeant providere.

23. « Aperte igitur hanc nostram scias esse sententiam, ut nisi de Domino Christo nostro ea prædices, quæ Romana et Alexandria et universalis Ecclesia Catholica tenet, sicut et sacrosancta Constantinopolitanae urbis Ecclesia ad te usque optime tenuit ; et hanc perfidam novitatem quæ hoc quod venerabilis Scriptura conjungit, nititur separare, intra decimum diem a primo innotescitis

¹ Act. XX. — ² Ps. CXXXVIII. — ³ 2. Cor. XIII. — ⁴ Matth. XIX. — ⁵ 1. Cor. III.

¹ Luc. IV.

tibi hujus conventionis die numerandum, aperta et scripta confessione damnaveris, aperta et scripta confessione damnaveris, et universalis te Ecclesie Catholice communionem dejectum. Quam formam nostri iudicii filium meum Possidonium diaconum cum omnibus chartis ad sanctum consecratorum meum memoratae Alexandriæ urbis antistitem, qui ad nos super hoc ipso plenius retulit, destinavimus, ut agat vice nostra, quatenus statutum nostrum vel tibi vel universis fratribus innotescat : quia omnes debent nosse quod agitur. quoties omnium causa tractatur » : et alia manu : « Deus te custodiat incolumem, frater carissime. Data tertio idus Augusti, Theodosio IV (III) et Valentiniano III. Aug. cons. »

24. Sed antequam ulterius progrediatur in his prosequendis oratio, de Nestorio (quod ad hanc spectat Epistolam) illud admonendum; ipsum nimirum non tantum fuisse Pelagianis (ut superius demonstravimus ex edicto Theodosii imperatoris, quod modo evidentius apparet ex Celestini papæ querelis) sed etiam in aliquibus eadem sensisse cum illis : etenim sicut de radice truncus, ita ex Pelagiana impietate Nestorianas liquet progressas esse blasphemias : ut non mireris, cum vides Nestorium Pelagianos hæreticos ubique damnatos episcopos recepisse Constantinopoli, atque ut gentiles suos omni officiorum genere confovisse, scripsisseque pro his iterum ad ipsum Romanum Pontificem Celestinum. Symbola namque intercessisse inter Pelagianam atque Nestorianam hæresim, plane delegit Cassianus secretorum Pelagianorum optime conscius in libris ad Leonem Ecclesie Romane diaconum de Incarnatione Verbi, ubi primum hæc habet¹ : « Illud sane unum prætereundum non arbitramur, quod peculiare et proprium supradictæ illius hæreseos, quæ ex Pelagiano errore descendit, fuit; quod dicentes quidem solitarii hominem Jesum Christum sine ullo peccati contagio vixisse; eo progressi sunt, ut assererent, homines, si velint, sine peccato esse posse ». Et inferius : « Unde advertit novus nunc jam non novæ hæreseos auctor (Nestorius scilicet) qui Dominum Salvatoremque nostrum solitarii hominem natum esse contendit, idem se omnino dicere, quod Pelagianiste ante dixerunt, etc. » Et paulo post : « Nec dubium est re ipsa penitus declarante : hic enim illud est, quod intercessionibus suis (Nestorius scilicet) Pelagianistarum querelas fovet, et scriptis suis causam illorum asserit; quod subtiliter his, ac (ut verius dixerim) subdole patrocinatur, sanguineæ sibi improbitati improbo suffragator affectu, sciens scilicet ejusdem se esse sensus, ejusdem spiritus : et idcirco dolens cognitam sibi hæresim ab Ecclesia esse disjunctam, quam se tibi sibi utique perversitate conjunctam ». Hæc Cassianus de protectione et communionem Nestorii cum Pelagianis; idemque inferius² eadem refert et exaggerat, et acerrime (ut par est) in nefandum hæresiarcham Nestorium invehitur; sed hæc omnia

in Leporio Pelagiano satis perspicuo demonstravit exemplo, ea disertis sane verbis ipsum esse profectum in Occidente, quæ postea in Oriente Nestorius creatus episcopus prædicavit : licet ille penitens palinodiam, quam vidimus, recantavit. Sed sicut dolosam, ita inane proferens esse scias excusationem illam Nestorii ad Celestinum, qua ut se Pelagianum minime esse doceret, de peccato originali atque de libero hominis arbitrio demonstravit se recte sentire : nam etsi non omnia Lernæ hydræ capita in ipso videas, unum saltem, illudque ferocius in Filium Dei, ejusque matrem extulum fuisse constat. Sed de his hæc tenemus. Jam vero captam semel de litteris Celestini per Possidonium in Orientem ad diversos missis prosequamur orationem.

25. *Celestinus de Nestorio ad Cyrillum aliosque episcopos scribit.* — Celestinus igitur ad ipsum Cyrillum Alexandrinum episcopum per eundem Possidonium, quem ille miserat, reddidit litteras, quibus ipsum certiorum fecit de his quæ Romæ gesta essent adversus Nestorium; quorum omnium ut sit legitimus executor, his ad finem Epistolæ mandat verbis¹ : « Quamobrem nostræ sedis auctoritate adscita, nostraque vice et loco cum potestate usus, ejusmodi non absque exquisita severitate sententiam exequeris; nempe, ut nisi decem dierum intervallo ab hujus nostræ admonitionis die numerandorum nefariam doctrinam suam conceptis verbis anathematizet, eamque de Christi Dei nostri generatione fidem in posterum confessurum se spondeat, quam et Romana et tuæ sanctitatis Ecclesia et universa denique religio Christiana prædicat : illicio sanctitas tua illi Ecclesie prospiciat ». Hæc et alia Celestinus litteris ad Cyrillum datis hoc anno iisdem consulibus et die, nempe tertio idus Augusti. Vides, lector, in his omnibus tum ad Nestorium, tum ad Cyrillum datis litteris Celestini, ipsum quidem ut primum Catholicæ Ecclesie episcopum, summum pontificium, summumque jus præ se ferentem, sic nempe loquentem, ut potestatem habentem, dum illum damnat, huic mandat, et sententiæ suæ executorem constituit, quem certum est inter Orientales episcopos primam cathedram obtinere : in illumque sententiam damnationis intrepide jaculari, qui regie urbis, novaque Romæ episcopus existens, fastu et arrogantia tumens, favoreque polens imperatoris, nulli concedat.

26. Quod autem constet his litteris Celestinum Cyrillo in prosequenda causa Nestorii legasse vices suas : tradit Theodorus² ad eundem ab ipso Celestino fuisse missum phrygium, ipsum nempe palinodiam, quo significatur plena potestas, coque Cyrillum esse usum in Ephesio Concilio, et in sacris solemnibus more Romani Pontificis : quod privilegium affirmat esse propagatum postea ad Alexandrinos episcopos successores. Nicephorus³ autem mitram, qua Romani uterentur Pontifices, a Cæs-

¹ Cass. de Incarn. Verbi l. 1. — ² Ibid. l. v.

¹ Celest. ep. III. in fin. — ² Theod. Bals. in Nomoc. Phot. tit. VII. c. 1. — ³ Niceph. l. XIV. c. 34.

fino missam affirmat, necnon nomen papæ: sed et concessum dicit ut appellaretur universi orbis iudex. Verum de papæ nomine aliter res se habet: constat enim illud olim commune (ut alias dictum est) fuisse reliquis episcopis: sed nec de nomine iudicis universalis satis liquet. Certe quidem nihil præerea Cyrillo concessum a Cælestino, quam concedi soleat iis, quibus creditur vicaria præfectura, vel legatio a Latere, existimatur: ut autem eadem potestas propagaretur ad posteros, non in insignibus duntaxat, sed etiam in auctoritate, exemplum extare nescimus.

27. Ad quosnam insuper Orientales episcopos de iisdem scripserit Cælestinus, in fine ejusdem Epistolæ ad Cyrillum ita declarat: « Eadem hæc et ad sanctos fratres et coepiscopos nostros Joannem, Rufum, Juvenalem, et Flavianum præscripsimus, quo nostra, imò divina Christi Domini nostri sententia pluribus de eo manifesta sit ». Hæc ipse. Porro Joannes, quem nominat, erat episcopus Antiochenus, Rufus vero Ecclesiæ Thessalonicensis episcopus, et Juvenalis Hierosolymorum antistes, et Flavianus præsidebat Ecclesiæ Philippensium. Extant insuper datæ per eundem legatum Possidonium ab eodem Cælestino ad clerum Constantinopolitanum litteræ, quibus de iisdem quæ superius dicta sunt de damnatione Nestorii, eosdem reddidit certiores: est ipsius Epistolæ exordium¹: « Ad eos qui faciunt Ecclesiam mihi locuturo dei Apostolicum sermo principium, etc. » Inter alia autem quibus eos fortiter agere admonet, uno exemplo illo Athanasii magni fidei athlete corroborat, quod sicut ille ab Arianis, ita ipsi a Nestorio pulsati essent; nam ait: « Habetis vos, quicumque Ecclesia estis ejeti, pæne nostrorum temporum beatæ recordationis Athanasii Alexandrinæ Ecclesiæ prudentissimi sacerdotis exemplum. Cui non consolationi sit illius tolerantia? cui non spem faciat ejus expectata reversio? Ejicitur Ario persequente, sed revocandus Domino prosequente: passus est carcerem, passus angustias; nec mirum si vir Apostolicus ea passus est, quibus se Apostolus gloriatur exercitatum. In his tamen omnibus secutus est illum, qui sibi in tribulationibus placere testatur. Fugatus illinc et in nostris partibus roboratus est. Denique hic ei redintegratus est status, et in hac sede quietem communionis invenit, a qua semper Catholicis subvenitur ». Hæc ideo Cælestinus inculcat et in memoriam revocat, quo eos certa spe alat, victores mirum adversus omnes hæreticos semper fore qui Apostolicæ Sedis munimine fulciuntur.

28. Extant etiam litteræ ab ipso Cælestino per eundem Possidonium ad Joannem Antiochenum episcopum datæ, quæ hoc habent exordium²: « Optavimus, ut sicut una est Divinitatis essentia, ita unam quoque apud omnes omnino homines, ubique tandem locorum degant, rectæ fidei veritatem obtinere ». Ibi et de anathemate, si non corri-

gat errorem summi, in Nestorium irrogato mentionem facit. Reliquæ vero eodem argumento ad Juvenalem, et Rufum episcopos datæ litteræ desiderantur, sed absque jactura: nam iisdem plane verbis eadem conceptæ erant, quibus dicta Epistolæ ad Joannem: etenim in aliquibus exemplaribus non ad Joannem tantum eadem Epistolæ reperitur inscripta, sed insuper ad Juvenalem Hierosolymitanum, Rufum Thessalonicensem, Flavianum Philippensem³.

29. *Cyrilli Epistolæ ad Acacium Beroëensem et Joannem Antiochenum episcopos de Nestorio.* — Quæ vero post hæc gesta sint, ex litteris Cyrilli ad diversos possumus intelligere: in quibus quidem dignoscendis, et certa nota temporis distinguendis, meminisse oportet quæ ipse Cyrillus in Epistolâ per Possidonium ad Cælestinum datâ hoc anno ait², se haecenus de his quæ ad Nestorium spectant, ad nullum scripsisse episcopum, præterquam ad ipsum Cælestinum: quamobrem affirmare necesse est diversas Cyrilli Epistolâ ad diversos episcopos datas, omnes post hæc fuisse conscriptas. Insuper cum neque aliis scriptis ipsum Cyrillum exagitasse Nestorium, præterquam litteris ad Ægyptios monachos scriptis, et duabus ad ipsum Nestorium datis, ex eadem Cyrilli ad Cælestinum Epistolâ colligi posse videatur; inde et illud quoque infertur, reliqua adversus Nestorium quæ reperiuntur Cyrilli scripta, in quibus nominatim Nestorianum error confutatur, post hæc omnino scripta ab ipso fuisse. Rursus vero et Epistolæ illæ Cyrilli quæ inveniuntur ante indictum Concilium Ephesinum esse conscriptas, et post Synodum Romanam hoc anno (ut dictum est) a Cælestino habitam, easdem hoc pariter anno ab eo esse datas, affirmare necesse est: siquidem edictum Theodosii, quo in sequentem annum Synodum cogendam indicit, datum apparet³ sub anni hujus consulibus Theodosio XIII et Valentiniano III, decimo tertio kalendas Februaris.

30. His præcognitis, quæ extant Cyrilli ad diversos Epistolæ hoc anno datæ, ex quibus res gestæ in causa Nestorii colliguntur: quæ scriptæ sunt prius, quæ postea, temporis ordine referemus. Equidem illa primum vindicat sibi locum, quæ ad Acacium Beroëensem habetur inscripta, datâ illâ quidem non antequam ipse Cyrillus scriberet ad Cælestinum: siquidem (ut dictum est) ipse in Epistolâ ad eum missa tradit, ad nullum haecenus consacerdotem se de Nestorii hæresi litteras dedisse: nec insuper post acceptas litteras a Cælestino de Nestorii anathemate eandem ab ipso Cyrillo ad Acacium oportuit esse scriptam: siquidem (quod primo loco ponendum erat) nihil penitus in ea de Nestorii damnatione legitur. Quamobrem illud ut dicamus necesse est, eodem tempore quo ea inter Cyrillum ac Cælestinum de Nestorio tractabantur, ad Acacium Beroëensem illam esse conscriptam epistolam. Erat

¹ Cælest. ep. IV. — ² Cælest. ep. VI.

¹ Conc. Ephes. edit. Cont. ep. VII. — ² Apud Cælest. ep. tom. I. epist. Rom. Pon. — ³ Act. Conc. Ephes. edit. Pell. tom. I. c. 25.

enim Acacius magnæ æsimationis episcopus ob doctrinam et ætatem longam in sede perfunctam, cæterum inveteratus dierum malorum, malis favens, subdolos et versipellis; quippe qui primum in turbis adversus Joannem Chrysostomum olim excitatis Theophilo Alexandrino episcopo inhaerisset, atque demum (ut dicitur ex Actis Concilii Ephesini) favit Nestorio, ejusque sectatoribus adversus Catholicos, inhaerens et ipse contra Cyrillum Joanni episcopo Antiochæno. Extat ipsa Cyrilli Epistola, quæ sic incipit¹: « Qui vehementer contristati sunt, etc. » versatur in delestatione Nestorii recens emergentis hæresis.

31. His Acacius acceptis litteris, magnopere aggravisus esse videri voluit, susceptum esse a Cyrillo patrocinium Catholicæ fidei; eandemque ipsius Epistolam ostendit Joanni episcopo Antiochæno, amboque simul execrari visi sunt nefandam impietatem: rescribensque ad Cyrillum, eum hortatur, ut fortiter agere pergat, et de Joanne Antiochæno episcopo ista significat: « Curavi, inquit², ut Epistola pietatis tuæ a sanctissimo et piatissimo Joanne Antiochæno episcopo legeretur. Qui ubi hæc audivit, multa cum consensione et compassione eadem affectat, quæ et nos senilem agentes ætatem; cum ipse recens ad episcopatum venerit, qui per gratiam Dei in certaminibus ad episcopatum pertinentibus ita floret, ut præclare de illo sentiant ac gloriantur, quotquot per Orientalem administrationem sunt Deo dilectissimi episcopi. Is pietatem tuam, ut traditur, obsecrat, ut sanctitas tua, prudentia quam habet usa, intolerabile illud verbum quod prorupit, ita in manus sumat, ut per ea quæ loqueris ac facis, Apostolicum illud, exigente ipso tempore, ostendas, quo Apostolus dicit: Etenim si potestate uti voluero, quam Deus mihi ad adificationem, non ad destructionem dedit, haud pœnitebit ». Hæc et alia Acacius ad Cyrillum: quod si ex animo, Deus scit: certe progressus ejus atque Joannis Antiochæni ab his longe discrepare postea inventi sunt. Etenim qui hoc anno adeo Nestorium infensi apparere, paulo post eidem patrocinari cœperunt: sed de his suo loco.

32. Inter hæc autem redditus Cyrillo per Possidonium Ecclesiæ Alexandrinæ diaconum acceptis Romæ a Cælestino Romano Pontifice litteris: quas ad diversos episcopos superius numeratas inscriptas legit, ad eosdem mittendas ex ipsius Cælestini admonitione curavit; sed et dat alias Cyrillus ipse litteras ad Joannem Antiochiæ episcopum, quibus de rebus Romæ gestis adversus Nestorium ista in fine de Romano Concilio subjicit³: « Lectis namque in Concilio », Romæ habito scilicet, « tum expositionibus, tum Epistolis ejus, in quibus præsertim non est sympathiæ locus, habent enim illius subscriptionem: Sancta Romana Synodus quæ manifesta sunt, notavit. Quanquam et ad tuam pietatem scripsit: quibus etiam obediendum est necessario

ab illis, qui univæse Occidentis communioni adherent. Exemplaria namque rescriperant ad piatissimum Rufum Thessalonicensem episcopum, et ad alios quosdam piatissimorum, qui in Macedonia sunt, episcoporum qui et semper illius adhæresere sententiis. Scriperunt autem nihilominus ad Juvenalem piatissimum Hierosolymitanæ Ecclesiæ episcopum. Est enim pietatis tuæ considerare quid conducat. Nos enim illius sequemur judicia, veritine a tantorum virorum communiõne deficiamus, qui nullis albis de causis indignantur, neque ob res minutas, sed propter ipsam fidem, et quæ ubilibet sunt Ecclesiæ, populique adificationem, motus excitarunt ». Hæc ad Joannem Cyrillum.

33. Eodem quoque argumento hoc etiam tempore scripsit ad Juvenalem Hierosolymitanum episcopum¹, ubi post recensita quæ tum a se, tum a Cælestino adversus Nestorium gesta atque decreta essent, hortatus est eum ut ipse ad vindicandam lesam Catholicam fidem arma caperetur: quodnam vero consilium sibi inendum putaret, ita declarat: « Necessarium autem erit, ut Christo amanti et religiosissimo regi et universis magistratibus scribamus, consulamusque ne pietati hominem præponant, sed largiantur orbi terræ fidei firmitatem, ac greges Dominicos a malo pastore liberent, nisi universorum consiliis obtemperaverit ». Scripsitne Cyrillus hoc tempore ad Theodosium, haud certum est.

34. *Joannis Antiochæni ad Nestorium Epistola eundem ad respiciendam adhortantis.* — Inter hæc autem cum Joannes Antiochenus episcopus per Alexandrinos clericos litteras accepisset tum Cælestini Romani Pontificis, tum etiam Cyrilli de damnatione Nestorii: omni qua potuit celeritate prævenit, ut easdem ad Nestorium mitteret Constantinopolim: adjecitque suas, quibus ei suasit, pacem Ecclesiæ, recantando palinodiam, amplecti. Sed reddamus hic litteras ipsas Joannis, quæ admodum conducunt historicæ veritati: sic enim se habent scriptæ pariter nomine etiam aliquot insigniorum Syriæ episcoporum, qui simul tunc Antiochiæ aderant, quorum nomina in ea ponit²:

35. « Domino meo piatissimo sanctissimoque episcopo Nestorio Joannes in Domino S.

« Meam de tua pietate sententiam per dominum meum magnificumque per omnia comitem frenem sincere absque ullo prorsus furore dilectioni tuæ patefeci. Et quoniam vera expurgatione usus, omni (ut arbitror) suspitione apud te vaco; libere candideque sinceritati tuæ in posterum consilium dare institui. Poderis autem ex iis quæ suasurus sum, nostri erga te candoris non leve argumentum sumere, simulque quantæ ea charitas, quæ secundum Deum est, curæ nobis sit, perspicere: quam sane charitatem qui consecantur, illi divinis legibus obtemperant; qui vero ea neglecta imposturis student, in suis se telis prius conficiunt, quam eos,

¹ Cyril. ep. xiv. — ² Apud Cyril. ep. xv. — ³ Cyril. ep. xiii.

¹ Cyril. ep. xvi. — ² Act. Conc. Eplæs. edit. Pelt. l. i. c. 31.

quos adoriuntur. Haec ilaque oportune (ut existimo) praefatus, te etiam atque etiam rogo, ut me consultorem haud malum tibi futurum benevole admittas : neque, si quid utile, aut divinae charitati cognatum in dictis meis occurrerit, id ipsum respuas.

36. « Equidem oportebat ut de rebus bonis atque utilibus inter nos conferremus : verum quia peccata nostra perturbationibus Ecclesiasticis ingens ostium patefecerunt, ideo ea charitati tuae explanare cogor, quae nuperrime ex Romana et Alexandriae urbe ad me perscripta sunt. Etenim clerici Alexandrini diversas de tua pietate litteras magno ad nos studio pertulerunt, unas quidem piissimi episcopi Caeslini, reliquas omnes sanctissimi episcopi Cyrilli : harum autem antigrapha mittens, charitatem obnixè tuam rogatam cupio, ut ita eas legat, ne qua hinc animi perturbatio consurgat ; ex qua contentiones minime leves, seditionesque admodum noxiae saepenumero exoriantur. Sed neque rem hanc tantam parvi quoque ducas, ut contemnas : diabolus namque res initio minus recte habentes per superbiam novit amplificare, in eamque magnitudinem paulatim evehere, ut postea omnem curam, omnemque medicinam respiciant. Quare benevolum ac studiosum affectum ad illarum litterarum lectionem afferas : viros quoque nonnullos cordatos ac tibi benevolos ad propositarum rerum considerationem socios tibi adjungas ; illisque non quae grata, sed quae utilia sunt effandi potestatem facias. Omnino enim si arbitri plures, minimeque fucali, ac liberam dicendi quod sentiunt facultatem nacti, praesentis negotii disquisitioni adhibeantur : facillime illud ea deliberatione consequemur, ut quod nunc perplexum et durum ac triste censetur, mox leve et laetum sit.

37. « Enimvero licet dominus meus Caeslinus Deo devotissimus episcopus decem tantum dierum intervallum ad terminum usque responsioni praetinitum valde angustum litteris suis expresserit : tamen res ea ejusmodi est, ut non dico decem diebus sed uno, imo vero paucis horis tota confici posse videatur. Nam quid facilius est, quam nomine commodo, multisque sanctis Patribus usitato, et vero nihilominus salutarique ex Virgine ortui percongruo in Christi omnium nostrum Regis dispensatione uti ? Cum hoc ergo neque grave, neque periculosum sit, aequum non est ut sanctis tua refutet. Neque id nunc apud se cogitet : Turpe est, si pugnantia docere videat. Si enim mens tua eadem sapit et sentit quae sancti Patres Ecclesiaeque doctores sentiunt et sapiunt (nam hoc, domine mi, et ex multis et ex communibus amicis de te accepimus) quorum vereris pium animi tui sensum convenienti voce publicare, praesertim, cum tot tantaque tumultuationes ac disceptationes ex te nate ob oculos jam versentur ? Eas namque (nihil crede, Deo dilecte) tum apud finitimos, tum apud longe quoque positos turbas concitasti, quae ingentem ex inspectione Ecclesiae tempestatem peperere : constat enim,

fideles circumquaque degentes hujus questionis et controversiae causa inter se conflictari, quotidieque a se invicem divelli.

38. « Verum esse quod dicimus, ex ipsismet rebus haud difficulter perspicere licet. Nam et Occidens et Aegyptus et ipsa quoque Macedonia ab ea unione sese abrumpere decreverunt, quam singularis Dei beneficentia per multos sanctorum Patrum celeberrimisque episcoporum, et praecipue per sanctissimi magnique illius patris nostri Acacii sudores molestiasque communi Ecclesiae utilitati imperavit. Quis, quaeso, reprehendat, si ea quae sentis, libere exponas ? Imo vero quis laudibus non effertat, si nomen, cujus sensum pietas tua (ut cognovimus) possidet, propter publicam quietem, communemque orbis pacem, aliquando amplecti, in animum inducas ? Quod si ita visum est, perpulchrum et ad praesentem controversiam peropportunum exemplum tibi hoc loco in mentem reducam, cujus te quoque meminisse velim : temporis enim, ex quo illud apud nos accidit, adeo multum non intercessit, ut jam animo excidere potuerit.

39. « Memoria haud fabae tenes, cum beato Theodoro in expositione quadam excidisset quiddam quod tibi in primis, cui per id tempus caeteris liberius agere licebat, tum caeteris quoque omnibus ad quorum aures pervenerat, neque recte, neque satis quoque catholice dictum videbatur : quo pacto ille, posteaquam damnum turbamque, quae exigens admodum lapsus pepererat, considerasset, expendissetque nihilo secius ejusmodi tumultuationes, sectas, dissidiaque generare posse (solent namque homines, ejusmodi arrepta occasione, ultro citroque tumultuari, atque a se multo sejungi) cogitasset praeterea parvam offensionis scintillam magnam saepe fomitem discordiae subministrare (quod etiam nunc apud nos usu venisse cernimus) ac commoda tandem opportuna correctionis secum reputasset ; non post multos dies generose in medium progressus, id quod a se non satis commode dictum fuerat, in gratiam Ecclesiae nihil quicquam veritus correxit ; factaque emendatione, omnem mox calumniam adversum se excitatam penitus exstinxerit : et quamvis nemo nesciret, quod ab illo dictum erat, minus recte sincereque dictum fuisse ; atamen quod prompte id retractaret quod dixerat, hominem statim complexi sunt omnes.

40. « Equidem non ad probrosam aliquam orationis correctionem, neque ad puerilem palinodiam (ut sic loquar) pietatem tuam invito. Sed quia multi (ut intelligo) non infrequenter ex te audierunt, quod ipsam solam vocem, non piam quoque ipsius vocis notionem averseris ; si qui vero celebrioris famae Ecclesiastici auctores tibi fuerint, ut ipso quoque nomine admissio, sacram Virginem Mariam Deiparam appelles, te istud neutiquam recusaturum esse : hanc ob rem te iterum atque iterum moneo hortorque, ut libera id voce depromas, quod citra errorem sapere certo dignosceris. Age, inquam, rei quam recte tenes, nomen quod a multis saepe Pa-

tribus usurpatum, scriptum et pronuntiatum est, adijungere ne graveris : neque vocabulum, quod piam rectamque notionem in animo gignit, refutare pergas. Etenim nomen hoc, *hereticus*, nullus unquam Ecclesiasticorum doctorum repudiavit. Qui autem illo subinde usi sunt, et multi reperiuntur et apprime celebres. Quod si qui sunt qui illud non usurparunt, illi nunquam erroris alienjus eos insinularunt, qui illo forte usi fuissent. Sane dum supervacanea quadam ad vanas hereticorum opiniones solum spectante curiositate incitati, nomen, cujus sententiam recte tenemus, pertinaciter respicimus; aliud nihil (ut videtur) facimus, quam quod fratrum nostrorum conscientias et temere, et absque ulla utilitate graviter offendimus, planeque contemnimus.

41. « Etenim si id quod nominis significatione offertur, non recipimus, restat, ut in gravissimum errorem prolabamur, imo vero ut circa inexplicabilem illam unigeniti Filii Dei œconomiam periculosissime venissemus : quandoquidem hoc nomine sublato, vel hujus polius nominis notione repudiata, sequitur mox illum non esse Deum, qui admirabilem illam dispensationem nostræ salutis causa suscepit; tum Dei Verbum neque se exinanivisse, neque in servi formam sese demittens, ineffabilem quamdam benignitatis magnitudinem humano generi exhibuisse. Hanc enim Dei erga nos clementiam divinæ Scripturæ hinc præcipue constituent, quod unicum illum sempiternumque Dei Filium, ante omnia sæcula natum, impatibili modo ex sacra quoque Virgine ortam ostendant. Iluc namque divinus tendit Apostolus, dum ita ait¹: Misit Deus Filium suum factum ex muliere. Clare hic ostendit, non alium, sed ipsummet Dei unigenitum in lucem prodidisse. Quod si virgo a sanctis Patribus propter hanc generationem Deipara nominetur, ut vere hoc nomine ab illis nominatur : nescio quorsum attinuerit, ut questionem hanc nequaquam necessariam (bona venia tua dictum sit) et contra illos ipsos, et contra Ecclesiasticam pacem quoque (ut vides) agitandam susceperimus. Etenim nulli nos periculo exponimus si ea sentimus et loquimur, quæ doctores in Ecclesia Dei celeberrimos sensisse et docuisse, certo novimus. Supervacaneum autem censeo illorum nomina hoc loco percensere : nosti enim illos æque ac nos, ut qui haud secus ac nos omnes, quod discipulus illorum aliquando extiteris, glorieris.

42. « Hoc nostrum, quæso, consilium admittite : hæc per nos rogatus exequere : nullum dissidiis locum, nullum gliscienti novitati fomentum suppedites. Cogita, si priusquam ulla omnino litteræ missæ forent, nulli contra nos exilitere infrenes, pænæque intolerabiles; quales nunc futuri sunt, tanta ex illatis litteris (nempe Romani Pontificis) subministrata fiducia, qualique in posterum adversum nos audacia sunt usuri. Hæc ego complures

religiosissimos, tuarumque pietatis studiosissimos, episcopos apud me habens, quos etiam tunc præsto esse contigit, cum infausta illæ litteræ afferrentur, scribere volui, ratus ingenii amici officium, illudque a promissione mea non alienum, me prestiturum, si fraterno quodam consilio existimationem tuam graviter hoc tempore laborantem nonnihil sublevarem.

43. « Quocirca pietatem tuam rogo, obsecrorque ut ea quæ ob sanctæ Ecclesiæ tranquillitatem cum Dei timore, veritate erga te charitate exposui, placido animo suscipias. Nam non solus hæc dictavi, sed (ut modo aiebam) præsentibus multis episcopis, videlicet domino meo Archelao episcopo piissimo, Apringio, Theodoro, Heliade, Miletio, et Macario, qui per Dei gratiam Ecclesiæ Sardicenæ præfectus est nuperrime : qui omnes et in fidei doctrina instructissimi et tui studiosissimi una mecum, domine mi, te rogant, ut animo facili litterarum illarum turbis instar ruentium impetum sistas. Quæ, si quidem obstinali resisterimus, molestiam afferent non modicam : sin autem obsecuti fuerimus, neque turbare, neque aliqua ex parte confundere nos poterunt. Hæc, tua perinde ac propria cordi habentes, monere volumus; jam tuum est, æquo benevoloque animo monita nostra complecti : nisi forsitan minus nostri amans ita comparatus sis, ut cum tui, et Reipublicæ Christianæ damno obstinate isthæc asperrari decreveris. Obsecro, ut quamprimum, quod visum fuerit, imo vero non quod visum fuerit, sed quod utile fuerit, rescribas ». Hactenus Joannes Antiochenus cum aliis Syriæ episcopis nominatis, cujus Epistolæ mentionem habet Liberatus diaconus in Breviario¹.

44. *Quid Theodoretus de Nestorio senserit in sua ad Irenæum Epistola declarat.* — Præstitisse hactenus visus est Joannes, quod Catholicum decebat episcopum, numerosque explesse veri amici : sed contra pietatem, et amicitia jura sancita deinde peccavit, cum renitentem hominem salubri obedire consilio, adhuc amicum retinuit atque fovit cum jactura Catholice fidei, et damno privationis communionis Orthodoxorum antistitem. Etenim qui hæc scripsere ad Nestorium eidem intima conjuncti necessitudine, postea in Concilio Ephesino pro ipso Nestorio steterunt, maxime vero eidem addictus qui hic nominatur, Theodoretus Cyri episcopus, laudator (ut vidimus) Theodori Mopsuesteni, ex quo sibi haud levem maculam superinduxit. Qui iidem omnes ea quoque ex parte nonnihil suspecti redduntur, non recto pede incedisse in Evangelium, dum Nestorium ut hæreticum arguunt, sed ut qui recte sentiat, lamen minus caute atque prudenter voce illa uti detrectet, recusetque pertinaciter nimis dicere Virginem Deiparam; cum ea utendo voce, nihil detrimenti ipsi de fide doctriam inferre possit, quam sequitur rectam. Quomodo autem in his delitesceret anguis, subjicienda tibi

¹ Galat. iv.¹ Liberat. diac. in Brevia. c. 4.

hic, lector, est Epistola ipsius Theodoretī ad Irenaeum episcopum: hic quidem ille Irenaeus, cuius ipse Joannes Antiochenus in dicta sua Epistola meminit ad Nestorium; quem licet comitem appellet, tamen ex comite idem est postea ordinatus episcopus, ut suo loco dicemus. Epistola igitur Theodoretī ad Irenaeum sic se habet¹.

45. « Non est (ut videtur) bonum, amplius expectare: non enim solum non quievit, sed in dies (ut ita dicam) Ecclesiae tempestas augetur. Venerunt siquidem illi, qui Synodum convocant, et nonnullis Metropolitīs, necnon et nostro, Ecclesiae litteras dederunt; quarum exemplum ad te misi, ut cognosceres, juxta illud poetae, malum malo jam esse obfirmatum, et sola nobis Domini bonitate opus esse, ut tempestatem quiescere faciat: illi enim tantum id facile est, nos vero hujusmodi quiete sumus indigni: satis autem nobis erit patientiae gratia et virtus et donum, ut per hanc hostes vincere possimus. Hoc enim divinus Apostolus petendum esse, nos docuit: Facite enim (inquit) cum tentatione proventum, ut possitis patienter sustinere.

46. « Te autem, o Deo dilecte, in primis oro, ut detractorum ora obstruas, ac illos doceas, quod non oportet, illos (ut aiunt) qui extra sagittas existunt, eos reprehendere, qui invicem praediantur, et percutiunt, et percutiuntur. Quid enim interest, his armis aut illis praediantes uti, et hostes vincere? Magnus namque David neque omnibus armis indutus alienigenarum propugnacorem concussit Goliath, et Samson asini mascella armatus mille eodem tempore prostravit: et nullus ejus victoriae detrahet, neque victorem pusillanimitatis arguet, quod neque hastam vibrans, neque scutum obiciens, neque jacens frequentius, vel arcum tendens, hostes devicit. Ita igitur de illis qui pro pietate sunt praediaturi, sentiendum est: neque dictiones sunt quaerendae, quae controversiam excitarunt, sed enthymemata, et argumentationes, quae veritatem aperte declarant, et eos qui adversari audent, rubore perfundunt. Quid enim interest, hominis simul et Dei genitricem appellare beatam Virginem, vel dicere ipsam genitri matrem et ancillam; et inferre, quod mater quidem est ut hominis Domini nostri Jesu Christi, ancilla vero ut Dei: et quod quidem sycophantiae et captationis, vel erroris causam praebet, facere; eundem autem dicere sensum, aliam usurpando nomenclationem?

47. « Praeter haec et illud scire oportet, quod alterum commune est Virginis nomen suum, alterum vero suum et proprium: et quod de hoc sola controversia orta est, quae utinam orta nunquam fuisset: quod quam plurimi veterum sanctorum Patrum honorabilibus nomen tribuerunt Virgini: hoc etiam tua fecit pietas in duobus, vel tribus orationibus; habeo enim nonnullas, quas tuum mihi Deo dilectum caput misi: et dum eandem Virgi-

nem Dei genitricem appellas, huic nomenclationi illam minus adiecisti, ut hominis genitricem appelles, sed aliis nominibus huic sensum significasti». Hae de teclinis et astu, valericque in occultanda prava sententia sub Catholico nomine jam tibi ex his palam facta sunt, lector. Sed quod eundem plurimum arguit, hoc ibidem de Theodoro Mopsuesteno, et Diodoro Tarsensi haeresis hujus auctoribus mox subdit:

48. « Quando vero me arguitis, quod sanctos ac beatos Patres reliquerim atque rejecerim, Diodorum videlicet et Theodorum, et catalogo Doctorum: necessarium etiam duxi de hoc nonnulla dicere. Primum enim, o earum caput, nullos alios insignes, et illustres viros me omisisse scito. Deinde illud etiam animadvertite, quod ille qui accusatur, testes afferre debet, de quibus nulla est controversia, et quos nec ipsi accusatores arguere possent; si vero reus eorum testimonia afferret qui ab accusatoribus etiam accusantur, et arguuntur; nec ipse iudex ipsos facile admittere vellet. Si enim Patrum encomia et laudes conscribendo hosce sanctos omissem, fateor me deliquisse, et erga Doctores ingratus essem: sin autem dum accusor, excusationem meam altius, et eorum usus sum testimonio, de quibus nulla est dubitatio: cur frustra illi qui haec scire nolunt, nos accusant? Quanto vero honore prosequar viros illos (Theodorum scilicet ac Diodorum) testatur liber ipse, quem nos pro illis conscripsimus, in quo, ea quae illis obijciebantur, confutavimus, nihil veriti accusatorum potentiam, nec insidias contra nos structas. Aliam igitur quaerant causam imposture, qui verborum vanitate delectantur et garrulitate: mihi vero ea mens, is animus, non ad hujus vel illius gratiam omnia facere et dicere, sed Dei Ecclesiam aedificare, et ejus sponso et Domino placere: non enim corporei cultus causa, nec honoris mullarum molestarum ac curarum pleni cupidus, quem miserum appellare vereor, haec facio: testis est mihi conscientia mea: jamdiu enim sponte mea illum omissem, nisi divinum vererem iudicium, et tribunal: et nunc certo scito, domine, quod necessitatem et occasionem expecto: prope autem esse illam puto, ut ex his quae fiunt et parantur, conjicere valeo». Haecus Epistola Theodoretī ad Irenaeum, quae extat ordine decima sexta ex centum quinquaginta septem ejus Epistolis, quas Graece scriptas codex continet Vaticanus, vertit autem eas in latinum vir cum primis disertus, mei vero studiosissimus, cui plurimum debeo, Fredericus Metius: porro hic eam edendam curavimus ad inspiciendas latebras non tam Joannis ac Theodoretī ipsius, quam omnium Syrorum episcoporum, qui Nestori patrocinium susceperunt.

49. Quod vero pertinet ad Theodorum Mopsuestenum episcopum, quem Joannes recantasse palinodiam ait, et quem se defendisse Theodoretus asserit: nihili quidem facienda sunt haec: etenim ex scriptis suis meruit ille post mortem ut impius con-

¹ Theod. ep. xvi. ex Cod. Vatic.

demnari, nomenque ejus e sacris tabulis deleri : testatur id quidem Quinta Synodus, et Justinianus imperator, dum ait : « Iste usque ad mortem suam permanens in impietate, ab omni Ecclesia ejectus est. Itaque omnis plenitudo Mopsuestenæ Ecclesiæ, in qua episcopus fuisse dicitur, cum invenisset quod Paganis, et Judæis, et Sodomitanis a sanctis Patribus adnumeratus est, deleverunt ipsi ex illo tempore e sacris Diptychis nomen ejus, sicut Gesta in eadem Civitate apud Concilium episcoporum illius provincie confecta ostendunt ». Hæc Justinianus in edicto de fide Catholica. Quænam vero essent sacra Diptycha, accipe ex Epistola Ægyptiorum episcopum contra Timotheum invasorem sedis Alexandrinæ, ubi hæc habentur : « Etiam in venerabili Diptycho, in quo piæ memoriæ transitum ad caelos habentium episcoporum vocabula continentur, quæ tempore sanctorum mysteriorum secundum sanctas regulas releguntur, postuit et Dioscori nomen etc. » Jam vero ad Cyrilli Alexandrini reliquias in causa Nestorii hoc tempore res gestas revocemus orationem.

50. *Synodus Alexandrina ex qua legatio ad Nestorium, deferens ad eundem Epistolam Synodalem et duodecim Anathematis, et Synodales litteras ad clerum Constantinopolitanum.* — Inter hæc autem qui jam cogere Synodum usque ad Cælestini Romani Pontificis cognitionem Cyrillus Alexandrinus episcopus (ut ipse testatur in litteris superius memoratis ad eum datis) fuerat retardatus, redeunte Possidonio diacono cum litteris ipsius Cælestini, quibus inter alia vicem suam ipsi in prosequenda causa Nestorii delegaverat, confestim collegit Alexandriæ Synodum : in qua percognitis his quæ ab eodem Cælestino papa adversus Nestorium scripta fuissent, quatuor in primis decernuntur legati, qui Constantinopolim proficiscantur, reddituri litteras Cælestini ipsi Nestorio cum decreto damnationis, nisi intra præscriptum terminum respiceret : legatorum autem nomina hæc sunt, Theopentus, Daniel, Polamon, atque Macarius ; quorum Theopentus episcopus erat Cabasorum, et Daniel Darnesium, ut ex ipsorum relatione ³ in Ephesino Concilio cognita patet : reliqui duo Alexandrinæ Ecclesiæ ministri erant.

Decretum quoque in eadem Synodo fuit, ut iisdem legatis Synodalem darent Epistolam ad Nestorium, quæ præterea fidei Orthodoxæ confessionem contineret, cum duodecim anathematis ad calcem positis ; quæ sic se habet ⁴ :

51. « Cum Salvator noster discrete pronuntiet ⁵ : Qui amat patrem aut matrem plus quam me, non est me dignus : et qui amat filium aut filiam plus quam me, non est me dignus : quid nobis fiet, a quibus tua pietas supra Christum omnium Salvato-

rem diligi postulat ? Quis in die iudicii nobis patrocinabitur ? aut qualem tum excusationem inveniemus, qui tanto tempore silentio utentes, tua illa maledicta, quibus illum invasisti, dissimulavimus ? Quod si dum hæc sentis et doces, te ipsum tantummodo laceres : fortasse minor nos sollicitudo teneat. At quia totam Ecclesiam graviter offendisti, ac non iis modo qui Constantinopoli versantur, novæ insolitæque hæreseos fermentum, sed omnibus ubi vis locorum degentibus objecisti (circumferuntur enim passim tuarum exegeseon libelli) quæ, obscuro, oratio silentio nostro defendendo satis idonea reperitur ? aut quomodo sermonis Christi memores esse non poterimus ? Nolle (inquit) ¹ arbitrari quia pacem venerim mittere in terram : non veni pacem mittere, sed gladium : veni enim separare hominem adversus patrem suum, et filiam adversus matrem suam. Certe si fides violatur, omnis omnino erga parentes reverentia tanquam inanis et periculosa valeat. Facessat lex illa amoris erga liberos et fratres ; quia mori utique salius est piis, quem vivere, quo meliorem (ut scriptum est) inventiant resurrectionem.

52. « Ecce igitur una cum sacra Synodo, quæ in magna Romanorum civitate, piissimo episcopo fratre ac comministro nostro Cælestino presidente, convenit, tum tertio his te litteris contestamur et obtestamur, ut consilium nostrum secutus, stolidis illis absurdisque dogmatibus quæ foris publiceque doces quamprimum nunquam mittas ; fidemque rectam, et jam inde ab initio per sacros Apostolos, et Evangelistas, qui Verbi spectatores, et ministri fuerunt sanctis Ecclesiis traditam reverenter suscipias. Quod sane nisi juxta tempus in litteris Cælestini sacratissimi reverendissimique Romanorum episcopi expressum præfinitumque præstiteris ; certo scias nullam tibi deinceps cum episcopis et sacerdotibus Dei consuetudinem, nullum sermonem, nullum denique inter eos locum futurum esse. Neque enim æquum est, ut nos Ecclesias turbatas, populos offensos, fidem rectam labefactam, gregem Christi misere abs te dissipatum, qui illum, si quidem perinde ac nos recte fidei doctrinam consecrari, sanctorumque Patrum pietatem æmulari libuisset, conservare alioqui deberas, diutius negligamus.

53. « Illud quoque latere te nolumus, nempe nos promiscue cum omnibus tum clericis, tum laicis quoque, quos tu propter fidem excommunicasti, vel ordine movisti, communicare. Claud enim par erat, eos qui rectam fidem tenere comperti sunt, ob iniquam tuam sententiam detrimentum aliquod pati, ob id nimirum, quod recte sentientes, tuæ doctrinæ assentiri noluerunt : nam et hujus quoque exauctorationis et dissensionis, in Epistola quam ad Cælestinum Romanorum episcopum scripsisti, fit mentio. Ceterum minime sal esse putamus, si reverentia tua fidei Symbolum quod a sacra et magna illa Synodo, quæ per Spiritum sanctum in urbe

¹ Extat. tom. II. Concil. nov. edit. — ² In ep. viror. illas. pro Concil. Chalced. — ³ Conc. Ephes. edit. Peit. tom. II. c. 16. —

⁴ Act. Conc. Ephes. edit. Peit. tom. I. c. 14. et edi. Cont. c. 13. —

⁵ Matth. x.

¹ Matth. x.

Nicaea quondam convenit, expositum est, nobiscum confiteatur : nam etsi voce tenuis illud profiteri videare, allamen neque recte intelligis, neque sincere quoque, sed perverse plane, praepostereque interpretaris.

54. « Verum praeter hoc operae pretium quoque fuerit, ut ea omnia scriptis execreris, et anathematizes, publiceque adjures, quae secleste et profane hactenus sensit, aliosque docuisti; et ea rursum posthac te sensurum et docturum sancte pollicear, quae et nos et caeteri omnes, quotquot vel in Oriente, vel in Occidente vivunt episcopi doctorum ac populorum duces. Ad Episcopos porro quod attinet, quas Alexandrina Ecclesia ad te misit : eas tum a sacra Romana Synodo, tum a nobis omnibus quoque ab omni errore et vitio immunes judicatas esse scias. Hisce autem litteris nostris utraque subjungimus, et ea quae te oportet sapere et docere, et ea rursum a quibus te convenit abstinere.

« Porro autem Catholicae Apostolicaeque Ecclesiae fides, in qua universi Orientis et Occidentis Orthodoxi episcopi consentiunt, hujusmodi est : Credimus in Deum Patrem omnipotentem, etc. » usque ad finem, ubi scripta habentur, quae ipse profiteri debeat secundum Catholicam Ecclesiae pietatem; quae nos brevitatis causa referre praetermittimus : illud insuper hic reddentes, quod dum iidem Synodi Patres in eo argumento versantur, ut de Verbo tradant, quod semel assumpsit, proprium reddidisse et nunquam dimisisse, de sacratissima Eucharistia ejusmodi habent veram sinceramque doctrinam :

55. « Quin illud quoque non possumus hoc loco non adicere, nempe dum unigeniti Filii Dei, hoc est, Jesu Christi mortem, et ex mortuis resurrectionem annuntiamus, ejusdemque in caelum assumptionem profiteamur, incertum in Ecclesia Dei cultum nos obire, mysticasque benedictiones adire, eaque ratione sanctificari, utpote sacrae carnis, et pretiosi sanguinis Christi omnium nostrum Salvatoris participes effecti. Neque enim illam, ut carnem communem suscipimus (absit hoc) neque rursum tanquam viri ejusque sanctificati, aut dignitatis tantum aequalitate Verbo consociati, aut divinam inhabitationem sortiti, sed tanquam vere vivificam, ipsiusque Verbi propriam. Nam cum vita sit et Deus secundum naturam; simul atque unum quiddam cum ipsa sua carne effectum est, mox vivificam divinitatem illi contulit. Quamvis ergo ad nos dicat : Amen, amen dico vobis, nisi manducaveritis carnem Filii hominis, et biberitis ejus sanguinem, etc. neutquam tamen illam communem, hoc est, hominis ejusque nostrae conditionis carnem esse, existimare debemus (quomodo enim hominis caro secundum suam ipsius naturam vivifica esse queat?) sed vere illius propriam, qui nostri causa Filius hominis et factus et appellatus est, etc. »

56. Omissis igitur reliquis, anathematismos ad calcem positos tantum his subjiciemus : quot enim illi numero sunt, tot aequae numerare fuit Nestorii haeresis capita, superantia illa quidem, et deformi-

lale et multiplicitate tricripitem fabulosas inferni bestiam, et Lernaean hydram septem sibilantem faucibus; cum duodecim ista jugiter apertis blasphemaverit oris, quae ab iisdem Patribus, exemplo Danielis, ejusmodi offis injectis, sunt occlusa : subdum enim :

« His omnibus, et te quoque subscribere, et contra omnem finem ac dolum una nobiscum assentiri oportet. Quae vero tua reverentia anathematis execratione condemnare debet, ea nostrae huius Epistole in hunc modum hoc loco subjiciuntur.

57. « Anathematismus primus. Si quis Emmanuelem Verbum Deum, et ob id sacram Virginem Theotocum esse non confiteatur (genuit enim illa incarnatum Dei Verbum secundum carnem) anathema sit.

« Secundus. Si qui sunt, qui Dei Patris Verbum carni secundum hypostasim unitum, ei unum tantum una cum sua carne Christum esse, eundem nimirum Deum simul et hominem non confitentur : anathema sit.

« Tertius. Si quis post unionem hypostases in Christo distinguit, eaque dumtaxat conjunctione easdem inter se necit, quae est secundum dignitatem, vel auctoritatem, vel potestatem, et non ea potius quae est secundum naturalem unionem : anathema sit.

« Quartus. Si quis duabus personis, vel hypostasibus eas voces attribuit, quae in Evangelicis, et Apostolicis Scripturis passim occurrunt, quae a sanctis de Christo aut ab ipso quoque Christo de se ipso dictae sunt, et alias quidem homini seorsum a Dei Verbo considerato adscribit, alias vero tanquam in divinam majestatem convenientes soli Verbo, quod ex Deo Patre est accommodat : anathema sit.

« Quintus. Si quis dicere audeat, Christum non esse verum Deum, sed hominem tantum Deiferum, utpote unum naturalemque Filium, quatenus nimirum Verbum caro factum carni et sanguini perinde ac nos communicavit : anathema sit.

« Sextus. Si quis Dei Patris Verbum, Christi Deum, vel Dominum esse dixerit, neque post Verbum secundum Scripturas incarnatum, unum, eundemque Deum simul et hominem esse confessus fuerit : anathema sit.

« Septimus. Si quis Jesum Christum, hominem tantum, divini Verbi vi actum esse dixerit, aut illustrem illam Unigeniti gloriam illi ipsi homini, veluti alteri cuiquam ab ipso Verbo advenisse commentus fuerit : anathema sit.

« Octavus. Si quis hominem assumptum una cum ipso Dei Verbo adorandum, una cum illo glorificandum, una cum illo tanquam alterum in altero existentem Deum appellandum esse, dicere ausus fuerit (hunc enim intellectum, particula, cum, adjecta perpetuo ac necessario afferre consuevit) et non una potius adoratione Emmanuelem honorat, unamque hactenus illi glorificationem attribuit, quatenus verbum factum est caro : anathema sit.

« Nonus. Si quis unum Dominum nostrum Jesum Christum a Spiritu sancto tanquam a virtute ab se aliena glorificatum dixerit; efficaciamque qua contra immundos spiritus interetur, et divina inter homines miracula operaretur, ab ipso eodem accepisse prædicaverit, et non proprium naturalemque illius esse Spiritum, per quem divina signa edidit : anathema sit.

« Decimus. Christum Jesum nostræ confessionis Pontificem et Apostolum exfuisse, eundemque semetipsum pro nobis in odorem suavitatis Deo Patri obtulisse, divina Scriptura commemorat. Si quis ergo dixerit, Pontificem et Apostolum nostrum non esse ipsum Dei Verbum, posteaquam caro et homo nobis similis factum est, sed hominem illum, qui ex muliere natus est, quasi alterum quempiam ab ipso diversum : aut si quis Christum pro se ipso quoque, et non solum pro nobis sacrificium obtulisse affirmaverit (neque enim is oblatione opus habebat, qui nullum peccatum commiserat) : anathema sit.

« Undecimus. Si quis ipsam Domini carnem vivificam, ipsiusque Verbi, quod ex Patre est, propriam esse negaverit, sed alterius cuiuspiam ipsi Verbo secundum dignitatem tantum conjuncti, aut divinam tantum inhabitationem sortiti, esse dixerit; neque vere rursus vivificam, ut modo meminimus, eo quod Verbi, quod omnia vivificat facta sit propria, confessus fuerit : anathema sit.

« Duodecimus. Si quis inficiatur Dei Verbum secundum carnem passum, secundum carnem crucifixum, mortemque secundum carnem gustasse, et primogenitum tandem ex mortuis factum esse, quatenus videlicet vita est et vivificum, ut Deus : anathema sit ». Hactenus anathematismi ex Synodo scripti, Cyrillo auctore.

58. Adjecerunt his litteris iidem Patres Synodalem aliam Epistolam ad clerum Constantinopolitanum, qua ex decreto Romani Pontificis damnationem Nestorii significat, et eorum qui cum illo communicant; declarantes pariter, in suam, hoc est, totius Ecclesiæ Catholice communionem recipi, qui ab eo fuissent causa fidei separari : est harum litterarum initium ¹ : « Serius, et vix tandem eo devenimus, quo initio venire oportebat, etc. » His præterea adjecta, et alie littere ad patres monasteriorum Constantinopolitane urbis, quæ ita exordiantur ² : « Pietatis vestræ zelum, quem pro Christo infamato, idque in Ecclesia Orthodoxa, ostendistis exacte cognovimus, etc. » de iisdem enim quæ facta essent adversus Nestorium reddiderunt eosdem monachos certiores, quos et viriliter, ut cøperant, agere exhortantur.

59. Acceptis legali a Synodo Alexandrina litteris his, profecti Constantinopolim eum essent, quid per eos actum sit, eorundem primum locum habentes Theopentus et Daniel episcopi ita postea co-

ram Patribus retulerunt in magno Concilio Ephesino, cum a Synodo rogarentur : « Theopentus Cabasorum episcopus dixit ¹ : Die Dominica, cum Synaxis perageretur, ad episcopalem basilicam ascendimus : ibidemque toto præsentem clero, multisque proceribus adstantibus, litteras, de quibus hic sermo est, Nestorio reddidimus. Eadem prorsus, et Daniel quoque Darnesium episcopus affirmavit. Flavianus Philipporum episcopus dixit : Dic, quæso, litteris ab eo factum sit satis. Daniel Darnesium episcopus dixit : Tunc nihil nobis respondit : indicavit autem, ut postero die privatim illum conveniremus. Porro sequenti die redentibus nobis, aditum interclusit, neque ullo nos responso dignatus fuit. Theopentus Cabasorum episcopus dixit : Litteris, de quibus proxime dictum est, acceptis, ut postriedie illius diei reverteremur, sermonemque seorsum cum eo misceremus, præcepit. Abivimus ergo : at postero die reverserit nos non admisit; adeoque ut litteris satisfaceret, nihil habuit pensi, ut publice pro concione eadem quæ ante et his quoque deteriora deprompserit. Neque enim solum ante redditas litteras perversa effutiebatur, sed etiam postea; imo vero tunc multa perversiora effutire cepit, et usque hodie effutire non cessat ». Hæc ibi.

60. *Nestorius ad imperatorem confugit; suos excitat contra Cyrillum.* — Porro qui ita mutus, et contumeliosus legalis fuit, eos vocatos non admittendo, quique pervicax atque contumax existit in parendo litteris Romani Pontificis, et Synodi Alexandrinæ, quod peculiare hæreticorum est, illud tantum egregie præstitit, nimirum ut ad vitandum iudicium Ecclesiasticum, sententiamque ab eo illatam eludendam, Theodosius imperator adierit interpellaveritque eum, atque commoverit adversus Cyrillum, veluti dirum persecutorem. De ipso enim Nestorio ita Liberatus diaconus ² : « Cognoscens itaque Nestorius, quod Cyrillus non pateretur Ecclesiam sic esse in perturbationibus, et populos sub scandalo, subrepsit pio imperatori Theodosio, ut Sacram ad eum dirigeret, et a sua eum persecutione compesceret : et scripsit ad eum Sacram imperator, arguens eum tanquam inquietum, et scandala suscitantem ». Hæc Liberatus. Sed litteras Theodosii ad Cyrillum suo loco reddemus : res modo Nestorii Constantinopoli gestas ordine prosequamur.

61. Acceptis Nestorius litteris Cyrilli a legalis ab eo Alexandria missis, lectisque anathematismis illis quibus singula suæ ipsius hæresis capita jugularentur; tantum abfuit ut illis subscripserit (quod par erat, et ab eo in primis requirebatur) ut eadem potius carpere, et in erroris calumniam adducere, labemque hæresis in Cyrillum eorum auctorem ex illis inferre omni conatu cum ipse studeret, tum etiam ad hoc ipsum præstandum convocaret amicos, nimirum Joannem episcopum Antiochenum, et

¹ Apud Acta Conc. Ephes. tom. I. c. 15. edit. Pelt. apud Cyril. ep. IX. — ² Apud Cyril. ep. XIX.

¹ Act. Conc. Ephes. edit. Pelt. tom. II. c. 6. — ² Liberat. Brev. c. 4. tom. II. Concil.

alios Syriæ episcopos ad id promptos et alacres sub ejusdem Joannis ditone positos, ejusque voluntati obtemperantes, nempe Theodoretum episcopum Cyreni, et Andream illum in Syria sacerdotem, de quibus hæc Liberatus ¹: « Exemplar epistolæ perveniens ad Joannem Antiochenum, offensus est in ipsius Cyrilli Capitulis: putavit enim eum, dum immoderate occurreret Nestorio, in sectam Apollinaris declinare. Mandavit ergo Andree, et Theodoro, et episcopis Concilii sui, ut in scripto responderent contra ipsa duodecim capitula, tanquam Apollinaris dogmata instaurantia ». Hæc Liberatus. Audiens autem ista Cyrillus, omnem ansam arreptam ab adversariis eripiens, postea (ut dicitur) declarationem edidit ² duodecim illorum capitum, qua longe longius ab hæresi Apollinaris abhorreere se docuit. Hæc quidem ipse, antequam iidem qui supra Theodoretus, et Andreas suas conscripserunt in Cyrillum antitheses: quæ autem secuta sunt eum eadem ab Evoptio sunt allata, suo loco dicemus. Ex his igitur omnium malorum causa fluxit: etenim a Nestorii defensoribus Syriæ episcopis in suspicionem hæresis adductis conscriptis in Nestorium a Cyrillo anathematismis, inde factum est, et quidem astute nimis, ut sententia in Nestorium lata haud valuerit executioni mandari: cum qui ejus executor a Cælestino Romano Pontifice cum amplissima potestate præpositus erat, ipse hæresis accusaretur. Quamobrem Theodosius imperator rem eo progressam ratus, ut opus esset universali Concilio (quippe quod non Nestorius tantum, sed et Cyrillus reus criminis hæresis diceretur) apud Cælestinum Romanum Pontificem egit de convocando Ephesi in annum sequentem universali Concilio. Factum id quidem Cælestini Romani Pontificis auctoritate, requirente Theodosio per virum illustrem Petronium postea creatum Bononiensis Ecclesiæ episcopum, ejus vilæ Acta testantur ³.

62. *Indicitor in annum proximum Synodus Ephesina per Epistolam a Theodosio ad Cyrillum et alios episcopos, et alteram privatim ad Cyrillum datam.* — Quoniam vero angustia temporis haud patitur, ut post redditas hoc anno Nestorio Constantinopoli litteras Cælestini, quas scriptas fuisse vidimus Romæ tertio idus Augusti, et Alexandriam ad Cyrillum primum perlatas, et post habitam illic Synodum eandem Constantinopolim Nestorio allatas; haud, inquam, fert ratio temporis, ut post hæc omnia admoneri a Theodosio poterit Cælestinus, atque accepta ab eo responsione, de convocando in annum sequentem Concilio litteras ad episcopos Theodosius scriberet hoc anno, tertio decimo kalendas Decembris, quibus date eadem sub anni ejus consulibus reperiuntur: hæc cum ita se habeant, in eam adducimur sententiam, ut existimemus haud Theodosium expectasse Cælestini papæ litteras Nestorio reddi, cum ipse agere cœpit apud Cæ-

lestinum de convocanda Synodo adversus Nestorium. Quis enim dubitare poterit, rem tantam Romæ publicis comitiis in Synodo pertractatam, non fuisse vel per Valentinianum ipsum Augustum, vel alios per litteras Theodosio significatam? Cum his per cognitis consulturus ipse paci Orientalis Ecclesiæ, ad omnesque prorsus dissensiones dirimendas, de cogenda Ephesi Synodo remedium excogitavit, agereque cœpit de ea re cum Cælestino Romano Pontifice: indicit vero, ubi a Cælestino litteras redditas accepisset. Illic fortasse et provenisse potuit illud Nestorii affectatum silentium, cum nihil prorsus legatis respondere voluit; quod videlicet expectaret fore ut cogereur universale Concilium, sicque ex lata sententia Cælestini, et executione ejus infra decem dierum spatium, nullum penitus interitum dispendium passurus esset.

63. Certe quidem non sine consensu Cælestini papæ congregatum fuit Ephesinum Concilium, quod ipsius assensus necessario requiretur; nam professi sunt Patres in Chalcedonensi Concilio, absque auctoritate Romani Pontificis haud licuisse Synodum congregare. Id quidem de hac Synodo Ephesina professus est ipse Cælestinus in Epistola ad eandem Synodum data, nimirum sua voluntate ipsam esse collectam. Quin etiam præscriptam fuisse formam Ephesini Concilii ab eodem Cælestino Romano Pontifice, Firmus Casarææ Cappadociæ episcopus in ipsa Ephesina Synodo testatus est. Sunt et alia cetera signa, quibus declaratur ex consensione et imperitâ auctoritate ab eodem Pontifice Cælestino coactum esse Ephesinum Concilium, quæ inferius ex diversis datis Epistolis certiora reddentur: cum alioqui nemo inticius irit eandem Synodum fuisse litteris ejusdem Theodosii imperatoris indictam. Quas enim hoc anno dicta die Novembris eadem ex causa Theodosius ad episcopos Ephesum conventuros litteras dederit, describemus; quæ quidem non sic, ut habet inscriptio, ad Cyrillum date leguntur, ut ad eum privatim tantum misse fuerint, sed ad singulos metropolitanos, eo quod hæc essent publicæ litteræ. Quasnam autem privatim post has datas litteras ipse Cyrillus acceperit ab imperatore, his suo loco subjiciemus. Communis vero data Epistola sic se habet ⁴:

64. « Republicæ nostræ constitutio ea quæ erga Deum est pietate præcipue nititur: multaque inter hæc et illam cognatio ac familiaritas intercedere solet. Nam et ex se invicem pendit, et utraque prosperis alterius successibus incrementa sumit. Quandoquidem ut vera religio justa actione perficitur, ita et Respublica utriusque ope nixa florescit. Cum itaque Deus optimum maximum imperii habenas nobis tradiderit, iisque qui imperio nostro parent, pietatis et justæ actionis quoddam quasi vinculum nos esse voluerit: harum inter se societatem, partim quidem privata nostra providentia frefi,

¹ Liberat. Brev. c. 4. — ² Extat apud Cyril. tom. iv. incipit: Conspicua sunt. — ³ Sigonius eam restituit et edidit.

⁴ Apud Act. Ephes. tom. 1. c. 33. edit. Pelt. apud Cyril. ep. xvii. et edit. Contian. ep. xxviii.

partim quoque humano præsidio usi, indivulsam perpetuo hæcenus conservare enixe contendimus : ad eumque modum promovende pietati propter Reipublice salutem incumbimus, ut in omnibus fere subditorum nostrorum commodo intenti, unum hoc perpetuo urgeamus, contendamusque sedulo, ut pie religioseque privatim vivant omnes, et ut pios decet, in Republica versentur universi. Denique utriusque quam par est, curam impendere non desistimus. Fieri enim vix potest, ut qui alteri serio invigilant, alterius curam neglecti habeant.

65. « Ante omnia autem operam damus, ut Ecclesiasticus status ejusmodi sit, qui et Deum deceat, et temporibus nostris quam maxime congruat; idemque ex omnium concordia et consensione suam tranquillitatem obtineat, tum per Ecclesiasticarum controversiarum pacem a turbis et seditiosis liber existat; tum demum ut pia religio ab omni omnino nota, et reprehensione immunis perseveret; eorumque vita qui vel inter clericos censentur, vel magno quoque inter illos sacerdotio funguntur, omni prorsus nævo et culpa vacet. Quia vero intelligebamus, cum per eos qui Deum diligunt, pietatique addicti sunt, tum per animos rursus pietatis studiosos isthæc obtineri posse : sapinero jam ante, ob ea que subinde accidunt, religiosis sanctissimorum episcoporum undequeque in unum coactorum Synodum necessariam judicavimus. Hæcenus tamen, ne eorum pietati molestiam exhiberemus, cunctantiores hæc in re fuimus. At nunc vero tam Ecclesiasticarum, quam quæ hisce coherent, publicarum rerum controversia eam usque adeo necessariam declarat, ut refulari nullo modo queat.

66. « Quamobrem ne illa quæ ad præsentem rerum tantopere utilitatem inquisitionem spectant, si negligentius curentur, in pejus incrementa sumant (id quod a temporum nostrorum pietate alienum esse decet) tua pietas, Deo bene propitio, operam dabit, ut sacrosancto Paschate, quod jam in foribus urget, elapso, sub sacræ Pentecostes diem ad Ephesiorum Asiæ civitatem accurrat, nonnullosque quos nimirum idoneos judicabit, sanctissimos provincie suæ episcopos simul eodem secum adducat : ita ut neque necessarij sanctissimis ejusdem provincie Ecclesiis desint; neque ii rursus qui ad eam rem apti ceasebuntur, in sacra Synodo desiderentur. De indicta autem sanctissima Synodo nostra serenitas ad omnes omnino Deo dilectos episcopos Metropolitanos litteras scripsit : quo nimirum hac tandem ratione turbæ, quæ ex multis dissidiis, et concertationibus hinc inde enatæ sunt, rite secundum Ecclesiasticos canones consopiantur; et illa præterea quæ parum decenter hæcenus admissa sunt, corrigantur; et pietatis denique quæ in Deum est, publicæque utilitatis firmitati consulatur.

67. « Cæterum ante sanctissimam coactam Synodum, communemque ejusdem, quæ de omnibus dabitur, sententiam, nihil quidquam in illa prorsus re privatim a quoquam innovetur. Omnino autem persuasum habemus, neminem ex piissimis Deoque

devotissimis episcopis fore, qui simul atque rerum Ecclesiasticarum causa, atque adeo controversiarum totius orbis gratia nostro hoc decreto sanctissimam Synodum cogi intellexerit, non propterea studioseque occurratur, rebusque tantopere necessariis ac Deo usque adeo gratis pro virili consultatur sit. Nos quoque harum rerum curæ sedulo incumbentes, nullum impune abesse sinemus. Nec ullam ille vel apud Deum, vel apud nos quoque habiturus est excusationem, qui statim impigre secundum prænitum tempus ad destinatum locum præsto non fuerit. Enimvero quicumque ad sacerdotalem Synodum accitus, alacriter non accurrit, is sane conscientie parum sincere se esse ostendit. Deus in multa tempora incolumem te conservet, sanctissime piissimeque pater. Dat. Constantinopoli, tertio decimo kalendas Decembris, consulatu dominorum nostrorum semper Augustorum, Theodosij quidem decimo tertio, Valentiniani vero tertio. Lectæ sunt publice et inter Concilii Acta relatæ ». Hæcenus ibi.

68. Porro privatas idem imperator litteras ad Cyrillum ipsum dedit, perinfensas eas quidem; utpote qui verbis Nestorii fidem adhibens, fuit in eum plus æquo commotus : sunt hujusmodi ¹ :

« Imp. Cæsares Theodosius et Valentinianus, victores, triumphatores, maximi, semper Augusti Cyrillo episcopo S. D.

« Pietate quidem nihil nobis est antiquius; propter quam si qui forte incautius deliquerunt, venia dignos censemus. At parum interim laudabile est, illos ea indigere, qui propter summam religionem plurimum a nobis commendari, maximisque honoribus cumulati debuerant. Oportet autem sacerdotes cum morum suavitate, fideique integritate in primis ornatos esse; tum maximum animi candorem ac sinceritatem per omnem vite cursum præ se ferre; ac certo denique secum statere, uniuscujusque rei naturam, potissimum vero incorruptæ pietatis doctrinam sedulo investigandi studio facilius quam perfidaci animorum contentione inveniri. Etenim jam inde a primis usque temporibus, non imperantis cuiuspiam aut certe imperium usurpantis interminationis aut proterviæ, sed sanctorum Patrum, sacrarumque Synodorum decreta eam nobis constituerunt. Nam religionem prudentia, et consilio magis quam cuiusquam imperio firmari, nulli, nulli, opinor, dubium esse potest.

69. « Nunc igitur tua pietas exponat, quid ita nobis, quibus religionem tantopere curæ esse non ignorabas, contemptis, sacerdotibusque quotquot circumquaque degunt (quos utique in unum locum coactus natam de religione controversiam discutere, dirimereque par erat) despectis, hæc turbas, discordiasque inter Ecclesias concitaris? quasi vero impetus temerarij pietatis doctrinam magis quam sedula diligensque veritatis inquisitio decere videantur; plusque apud nos valeat versutia, et au-

¹ Apud Act. Conc. Ephes. tom. 1. c. 7. edit. Pelt.

dacia, quam cura aut industria : aut aliud quippiam hujusmodi magis nos , quam animi candor ac simplicitas, oblectet. Quamvis ergo honorem non usque adeo magnam inde ad nos accessurum existimemus , si a tua pietate observemur ; nec omnia rursum turbatum iri , si quod licet indignationis exemplum in te velimus edere : attamen hoc tempore nobis magis curæ est , ut sancta pax , exoptataque tranquillitas Ecclesiis restituatur, quam ut privatas nostras injurias prosequamur.

70. « Scilo interim magnam abs te rerum perturbationem excitatam esse. Neque mirum est sane, cum qui modum excessit, iis conatus suos non definitisse, que ad Ecclesias et sacerdotes spectant, sed ultra progressum, de nobis ipsis quoque quiddam a pietate nostra prorsus indignum credidisse. Nam nisi aliquid inter nos de religione dissidium ortum esse, persuasum habuisses, aut certe aliquid hujusmodi ex litteris tuis oriturum sperasses : cur, obsecro, alia privatim ad nos, alia rursus ad Eudociam religiosissimam conjugem meam, alia tandem ad Pulcheriam sororem meam Augustam, eandemque pietatis studiosissimam perscripisses? Quod profecto dissidium si inter nos forte natum fuisset, nosque ad eum modum affectos esse contigisset : omnino tamen vituperationem effugere non poterat, cum qui tanto locorum intervallo a nobis disjungitur, curiosius in res nostras inquirere : si id autem inter nos non existit, conari ut existat ; id vero cuiusvis potius quam sacerdotis fuerit. Quid enim indignius, quam uno impetu unoque animi conatu, Ecclesiastica et regia omnia velle confundere, ac a se invicem divellere? quasi vero alia omnis desit occasio, ex qua laudem et gloriam aucupere.

71. « Ne igitur clam te sit, quoniam in statu res nostræ versentur : noris Ecclesias et regnum nostrum conjuncta esse, nostraque accedente auctoritate et imperio, et Christi Salvatoris nostri aspirante providentia, magis subinde inter se coitura esse : tum tibi quoque a nobis ignotum esse, ne hinc capta occasione jure conqueri ac dicere queas, te ob pietatis doctrinam in reprehensionem incidere : quam quidem pietatis doctrinam in sacra Synodo in ultramque partem ventilatam eademque oblinere volumus, quatenus veritati, et rationi consentaneum esse iudicabitur. At vero sive illi veniam impetraturi sint qui a Patribus victi discedent, sive non : nos sane civitates simul, et Ecclesias conturbari nequaquam sinemus : sed nec eam quoque doctrinam indiscussam manere patiemur, cui dijudicande eos prefici oportet, qui sacerdotiis ubivis gentium president, per quos et nos quoque in veritatis sententia stabilimur, et magis magisque identidem stabiliemur.

72. « Omnino autem nemo qui vel aliqua ex parte ad rempublicam pertinet, quacunque fiducia fretus, inconsultus quippiam in hoc negotio tentet, aut impedire studeat : alioqui enim certam condemnationis sententiam nentiquam evadet : quandoquidem nostra majestate, eos qui prompte alacriterque ad ejusmodi inquisitionem advolare non emula-

buntur, merita laude prosequente ; ceterosque qui imperare forte mallent ; quam in medium consulere, aut aliorum de ejusmodi rebus consilium audire, coercente ; nulli omnino, ut maxime velit integrum istud erit. Quamobrem, et tuam quoque reverentiam, ad tempus quod aliis litteris ad universos metropolitanos episcopos missis ediximus, præsto adesse oportet. Neque prius nostram amicitiam te recuperaturum confidas, quam omni perturbatione, et animorum agritudine sedata, ad propositarum questionum discussionem ultro accurreris. Hac namque ratione, quæ pro tuenda opinione acerbe inconsulteque abs te jam admissa sunt, neque privato dolore percussus, neque alicui præter decorum infestus admississe videberis ; et quæ adhuc reliqua sunt, legitime transigere velle censeberis. Quod si quid autem secus visum fuerit, id nequaquam sustinebimus. Vale ».

73. Vides, lector, quanto periculo immisceant se reges in his que sacerdotum sunt, quantoque majori discrimine aures præsent querelis hæreticorum. Ecce tibi Theodosius (ut ex rebus ab eo gestis sæpius vidimus) religionis integritate nulli secundus, modo lamen Nestorii verbis e recto mentis sensu motus illi favet (quod pro monstro habendum est), adversus universam Catholicam Ecclesiam eum impugnantem ; succenset vero vehementer, iraque æstuat in Cyrillum Catholicæ fidei propugnatores, et Cælestini papæ in ea tuenda vicariam præfecturam agentem ; cunctaque ab eo sancte pieque gesta in deteriorem partem accipiens, in pravum semper est sensum interpretatus : excusanda tamen in ipso mens recta, sed reprehendenda nimia facilitas in adhibenda fide falsis Nestorii persuasionibus. Quod vero ad rerum gestarum ordinem pertinet, pervertunt quidem illum, qui hanc Theodosii Epistolam primo loco reponunt ; cum ex ipsa manifeste constet, scriptam esse post Synodum ab eodem imperatore publicis litteris convocatam.

74. Theodosii igitur haud mens fuit, errantem sequi Nestorium, sed ut ejus causa disquireretur : hinc ipse non Orientales tantum, sed etiam Occidentales episcopos, metropolitanos videlicet, et qui essent insignioris nominis, ad Synodum datis litteris advocavit, et inter alios S. Augustinum accersendum curavit : cuiusmodi vero id negotii creditum fuerit, Liberatus narrat his verbis ¹ : « Scripsit imperator et beato Augustino Hipponensi episcopo per Ebagnium Magistriannum, ut ipsi Concilio præstaret suam presentiam : qui Ebagnius veniens Carthaginiem magnam audivit a Campolo (Capreolo) urbis ipsius antistite, beatum Augustinum ex hoc mundo migrasse ad Dominum. Acceptis ab eo ad imperatorem litteris loquentibus de obitu beati Augustini, Constantinopolim, unde venerat, rediit ». Hæc de Augustino Liberatus ; sed mendose apud eum Campolus, pro Capreolo legitur : Capreolus namque his diebus sedisse episcopum Ecclesie Carthagi-

¹ Liberat. in Breviar. c. 5. tom. II. Concil.

nenensis, Vincentius Lirinensis haud obscure testatur. Necessit hic Genedio, qui a vivente adhuc Aurelio sibi fuerat subrogatus, ut superius, cum actum est de secundo Concilio Carthaginiensi, est demonstratum; Capreolum autem ante, non post Quodvult-deum sedisse, ex Victore Ulicensi possumus intelligere; hæc quoad S. Augustini ad Synodum vocationem. Considera (ut id soepe ingeram) ex his ream Theodosii mentem, quod non sic favebat Nestorio ut palrocinaretur errori: etenim doctissimos ac sanctissimos ad Synodum convocare episcopos salagens, utique sincerum de perquirenda veritate studium et animi candorem præ se tulit.

75. *Sancti Augustini, Vandalis Africam direstantibus, ultima concio, infirmitas et obitus.* — Quod autem ad S. Augustini obitum spectat, vides in primis litteris Theodosii confirmari eum ad hunc usque annum vitam propagasse: siquidem hoc anno, mense Novembris (ut vidimus) ejus litteræ de Synodo date reperuntur, quæ S. Augustinum vocantes ad Synodum mortuum invenerunt. His plane consentiens est, quod sub hujus anni consiliis S. Prosper Augustini observantissimus testatur ipsum hoc anno e vita migrasse, ubi ait in Chronico: « Augustinus episcopus per omnia excellentissimus moritur quinto kalendas Septembris, libris Juliani inter impetum obsidentium Wandalarum in ipso dierum suorum fine respondens et gloriose in confessione Christianæ gratiæ perseverans ». Hæc Prosper. Quibus omnibus erroris rearguitur Marcellinus, qui anno superiori sub consulatione Felicis et Tauri recenset in Chronico obitum Augustini. Hæc de tempore satis.

76. Tertius ¹ jam tunc agebatur mensis Hipponensis a Wandalis obsidionis: Bonifacius enim comes a Wandalis victus, in eandem Hipponem civitatem munitam se recipiens, ad ejus obsidionem Wandalos provocarat: quatuordecim autem menses eandem perdurasse obsidionem, testatur Possidius: cujus primo tempore mori contigit Augustinum, cum eo statu res Africanæ essent, ut exceptis tribus civitatibus, Carthagine, Cirta, et Hipponem, reliquæ omnes a Wandalis captæ essent; quanta vero hominum strage, et Ecclesiarum clade, et divini numinis contumelia, audiamus hæc a Possidio ² qui interfuit, referente: ipse enim Calamæ episcopus se ad Augustinum tunc recepit Hipponem: rem igitur omni luctu prosequendam sic aggreditur, haud puto absque lacrymis, enarrare, cum de obitu sancti Augustini orationem instituit: « Brevi, inquit, consequenti tempore, divina voluntate et potestate provenit, ut manus ingens telis armata, et bellis exercitata immanium hostium Wandalarum et Alanorum commixta, secum habens Gothorum gentem, aliarumque diversarum gentium personas, ex Hispaniæ partibus transmarinis navibus Africæ influxisset et irruisset: universaque per loca Mauritanarum etiam ad alias

nostras transiens provincias et regiones, omni sævius crudelitate et atrocitate, cuncta quæ potuit, expoliatione, cædibus, aliisque innumerabilibus, et infandis malis depopulata est, nulli sexui, nulli parcens ætati, nec ipsis Dei sacerdotibus et ministris, nec ipsis ecclesiarum ornamentis, seu instrumentis, vel ædificiis.

77. « Et hanc ferocissimam hostium grassationem et vastationem ille homo Dei et factam fuisse et fieri, non ut ceteri homines, sentiebat et cogitabat: sed altius et profundius eam considerans, et in his animarum præcipue vel pericula vel mortes prævidens, solito amplius (quoniam sicut scriptum est ¹: Qui apponit scientiam, apponit dolorem: et cor intelligens, quasi linea ossibus) fuerunt ei lacrymæ ² paues die ac nocte, amarissimamque et lugubrem præ cæteris suæ senectutis jam pæne ducebat et tolerabat vitam. Videbat enim ille homo Dei civitates excidio perditas pariter cum ædificiis, villarumque habitatores alios hostili nece extinctos, alios effugatos atque dispersos, ecclesias sacerdotibus ac ministris destitutas, virginibus sacras et quosque continentes ubique dissipatos, et in his alios defecisse tormentis, alios gladio interemptos esse, alios in captivitate, perditæ animi et corporis integritate ac fidei, malo more et duro hostibus deservire. Cernebat enim hymnos et laudes de ecclesiis deperisse, et ædificia ecclesiarum quamplurimis in locis ignibus concremata esse: sollemnia quoque, quæ Deo debentur, de propriis locis defecisse: sacrificia ac sacramenta divina vel non dari vel quærenti qui tradat, non facile reperiri: in ipsas montium sylvas et cavernas perlarum et speluncas confugientes, vel ad quascumque munitiones, alios fuisse expugnatos et interfectos, alios necessariis sustentantibus evolutos (evacuatos) atque privatos, ut fame contabescerent: ipsosque ecclesiarum præpositos et clericos, qui forte Dei beneficio vel in eos non incurrerant, vel incurrentes exaserant, rebus omnibus expoliatis atque nudatos egenissimos mendicare, nec eis omnibus ad omnia, quibus fulciendi essent, subveniri posse. Vix tres superstites videbat ex innumerabilibus ecclesiis, hoc est, Carthaginensem, Hipponensem, et Cirtensem, quæ Dei beneficio excisæ non sunt, et earum permanent civitates et divino et humano fullæ præsidio: licet post ejus obitum urbs Hipponensis incolis destituta, ab hostibus fuerit concremata. Et se inter hæc mala cujusdam sapientis sententia consolabatur, dicens: Non erit magnum quod cadunt ligna et lapides, et moriuntur mortales. Hæc omnia ille, ut erat sapiens, quotidie ubertim flebat. Accrevitque mororibus et lamentationibus ejus, ut etiam adhuc in suo statu consistentem ad eandem Hipponensium regionum civitatem ab iisdem hostibus veniretur obsidendam: quoniam in ejus tunc defensione fuerat constitutus comes quidam Bonifacius cum Gothorum quondam federatus exercitu: quam urbem ferme quatuordecim mensi-

¹ Possid., in Vit. S. Aug. c. 29. — ² Possid., c. 28.

¹ Eccl. ii. — ² Psal. xlii.

bus conclusam obsederunt : nam et litus illi marinum interclusione abstulerunt : quo etiam nos ipsi de vicino cum aliis nostris coepiscopis confugeramus, in eademque omni obsidionis tempore fuimus.

78. « Ubi nobiscum super his infortuniis sapissime colloquebamur, et Dei tremenda iudicia prae oculis nostris posita considerabamus, dicentes : Justus ¹ es Domine, et rectum iudicium tuum. Pariterque dolentes et gementes, et lentes orabamus miserationum Patrem et Deum omnis consolationis, ut de eadem nos tribulatione sublevare dignaretur. Et forte provenit, ut una cum eo ad mensam constitutus et inde confabulationibus cœperit coram nobis dicere : Noveritis me hoc tempore nostre calamitatis id Deum rogare, ut aut hanc civitatem ab hostibus circumdatam liberare dignetur, aut si aliud ei videtur, suos servos ad perfendam suam voluntatem fortes faciat, aut certe ut me de hoc seculo accipiat. Quæ ille dicens, nos quoque instruens, deinceps, cum eodem et nos cum nostris omnibus, et ipsi qui in eadem fuerant civitate, a summo Deo similiter petebamus » : et interius de eodem Augustino : « Verbum Dei usque ad ipsam extremam aegritudinem imprætermisere, alacriter, et fortiter sana mente, sanoque consilio in ecclesia prædicavit ». Hæc Possidius. Erant conciones illæ perbreves, dolore plenas et lacrymis ; quarum una tantum nobis reliqua est, quam hic describendam putavimus : nam cum lugubrem faciem Africanæ provinciæ nobis reddat ; ob id ad certiorum rerum gestarum cognitionem, Annalibus intexendam esse, ratio instituti a nobis exigit : hæc autem concio eo tibi gratior esse debet, quod veram scias, qui consuevisti apud Gentiles historicos confictas prolixasque auctoris arbitrio compositas legere orationes : sed et ex eo eam jucundiorum ac cariorum accipies, quod novissimus omnium qui extant, hunc scias fuisse S. Augustini sermonem : avidius enim accipi solent novissima parentis eloquia : sic vero se habet ².

79. « Quotiens, fratres carissimi, aliqua adversitates veniunt ; quotiens aut hostilitas, aut siccitas, aut mortalitas justo Dei iudicio nobis fuerit irrogata : non ejus injustitiæ, sed nostris hinc peccatis imputare debemus : quia sicut dicit Apostolus ³ : Non iniquus est Deus, qui infert iram : multorum enim malis moribus atque clamoribus exagitatus est mundus. Et ut ex hoc omnes intelligere possint, apertius charitati vestræ insinuo. Sic sunt boni et mali, quomodo si duo vasa sint plena, et unum habeat putredinem, et aliud aromata pretiosa, cum uno ventilabro ventilata : illud vas ubi fuerint aromata, odorem desiderabilem, aliud autem fetorem intolerabilem reddit. Ita simul boni et mali indistincte quidem turbati, sed alto Dei iudicio separati. Quoties aliqua tribulatio in mundum venerit : qui boni sunt, velut sancta vasa, gratias agunt Deo, qui eos castigare dignatur : illi vero qui sunt superbi,

luxuriosi, cupidi, blasphemant et murmurant contra Deum, dicentes : O Deus, quid tanti mali fecimus, ut talia patiamur ? Unde fit, ut infelices isti amore hujus vitæ obligati, nec istam tenere possint, et illam sempiternam, de qua fugiet dolor et gemitus, amittant : et quod pejus est, nec ista mala presentia possunt evadere, et ad illa quæ æterna mala sunt, eorum crimina eos faciunt pervenire.

80. « Non insultans, sed gemens et dolens hæc dico. Ecce sicut in eo qui superbo ac rebeli spiritu emendare se noluerit, impletur quod scriptum est ⁴ : Qui in sordibus est, sordescat adhuc : justus autem justiora faciet, et sanctus sanctiora. Non enim spes bonorum in isto est mundo posita : Spes enim quæ videtur (ait Apostolus) ⁵ non est spes ; quoniam et ipsa spes mundana, quæ videtur, in amaritudine vera (versa) est : amarum enim potionem mundus suis dilectoribus propinat. O infelicitas generis humani ! Amarus est mundus, et diligitur : putas, si dulcis esset, qualiter amaretur ? Vos alloquitur veritas, dilectores mundi : Ubi est quod amastis ? Ubi est quod pro magno tenebatis ? Ubi est quod dimittere volebatis ? Ubi sunt tot regiones ? Ubi sunt tantæ splendidissimæ civitates ? Lugendo potius ista dicta sunt, quam insultando. Magno affectu ista deputarentur si tantummodo audirentur.

81. « At cum oculos nostros dira calamitas et obsidionis percussisset, et nunc tempore mortalitatis affligat : mortuorum hominum sepeliendis corporibus vix illi qui remanere videbantur, occurrerent. Considerantes etiam illa mala, quæ justo Dei iudicio illata sunt : quando totæ provinciæ in captivitatem ductæ sunt ? Sustinimus matrefamilias abductas, pregnantas abseissas ; et nutrices, evulsis e manibus parvulis, atque in vias projectis, nec vivos ipsos filios retinere, nec mortuos permiserunt sepelire. Cruciatu magnus et dolor, timor et horror, tortores cordis pariter insistebant ; maxima cum a talibus feminis hoc impia barbarica exigebat potentia, ut quæ se sciebant multorum mancipiorum fuisse dominam, barbarorum se subito sine ullo pretio lugeret ancillam. Sic impletum est in nobis quod dictum est per Prophetam David ⁶ : Vendidisti populum tuum sine pretio, et non fuit multitudo in commutationibus eorum. Dura a delicatis et nobilibus mulieribus servitia sine ulla miseratione humanitatis a Barbaris exacta sunt : strepitus clamoris hujus in auribus nostris urget, dum talia audimus atque videmus : Numquid ferræ sunt carnes hominum, etiam si ferreus servus in aliquibus invenitur ?

82. « Quis ista audiens, vidensque non doleat ? Unde cum Propheta dicere possumus : Quis dabit ⁷ capiti meo aquam, aut oculis meis fontem lacrymarum, et plorabo die ac nocte interfectos filię populi mei ? non solum mortem corporum, verum etiam animarum. Christianis loquimur. Mullos cognovimus in ista visitatione sine sacramento baptismi ex

¹ Psal. CXLVIII. — ² Aug. de temp. serm. CXI. — ³ Rom. III.

⁴ Apoc. XII. — ⁵ Rom. II. — ⁶ Psal. XLIII. — ⁷ Hierem. IX.

hac vita fuisse ereptos, atque inter vasa ire relictos. Quis luctus idoneior, quis planetus celsior inveniri potest, quando sic exarsit ira omnipotentis, ut repelleret etiam tabernaculum summ, in quo habitavit in hominibus? Et ille etiam qui unico ¹ Filio suo non peperit, sed pro nobis omnibus tradidit illum; nec prelium tanti sanguinis attenderit, nulli ecclesiae, nulli clero, nulli sacrate virgini, nulli parere civitati.

83. « Nos vero, fratres carissimi, quibus Dominus non pro nostris meritis parcere, sed adhuc ad penitentiam reservare dignatur, non sine grandi timore debemus considerare, quod haec omnibus nobis praebantur exempla. Et ideo illorum mors proficiat ad nostram salutem, eorum tribulatio nostra sit correctio: de aliorum plagis faciamus medicamenta vulneribus nostris: et semper timeamus quod Dominus in Evangelio dixit ²: Putatis quod hi Galilaei pra omnibus peccatores fuerint, quoniam talia passi sunt? Non, dico vobis: sed nisi penitentiam egeritis, omnes similiter peribitis. Et ideo qui solebat esse luxuriosus, sit castus; qui superbus, sit humilis; qui erat invidus, sit benignus; qui per fraudem vel calumniam solebat res alienas rapere, incipiat de suis largiores eleemosynas dare. Nimis delicatum est, quod a nobis requiritur Dominus noster, fratres carissimi. Non dixit nobis: Jejunate plusquam potestis, et plusquam vires vestrae fuerint, vigilate. Non nobis dixit: A vino vel a carnibus abstinete. Non a nobis requiruntur ista; sed hoc dignatur injungere, quod omnes homines possunt cum ipsius gratia sine grandi labore complere. Sed quod pessimum, multi sunt, qui durissimum et amarissimum avaritiae jugum cum multis laboribus volunt ferre, et dulce jugum Christi et onus ejus leve dissimulant humeris suis imponere: malunt cum multis peccatis sub sarcina gravi succumbere, quam jugum Christi, quod potest eos in caelum elevare, suscipere. Vos vero, fratres, vobiscum sapienter et fideliter cogitantes dirumpatis a cervicibus vestris durum et asperum avaritiae jugum, et jugum Christi suavissimum vestris humeris imponite, secundum Apostolum ³, conversationem vestram levantes in caelum: ut cum Christus apparuerit vita vestra, et vos cum ipso appareatis in gloria quod ipse praestabit ». Hucusque sermo. Et quidem puto in avaros ista dixisse, quod quamplurimi spoliati omnibus bonis contrulxissent Hipponem locum munitum, nec facultates Ecclesiae ad omnes alendos suppetere.

84. Cum vero jam tribus mensibus ejus civitatis perdurasset obsidio, qui haectenus verbi praedicatione, pauperum cura, precibus ac vigiliis apud Deum pro populo jugiter laborasset, aegritudine affectus, cogitur lecto decumbere: quantum autem temporis spatium intercesserit ab hoc sermone usque ad obitum, numerata: dictus hic enim reperitur feria quinta post Dominicam Passionis (ut inscriptio

praese fert) ipse vero defunctus invenitur quinto kalend. Septembris. Sed quid de aegritudinis ejus tempore Possidius litteris commendavit, audiamus: « Et ecce, inquit, tertio illius obsidionis meus decubuit lecto febrilis defatigatus, et illa ultima exercebatur aegritudine »: ultimam plane Possidius dicit, quod frequenter Augustinus agrolatue consuevisset, ut ex ipsius Epistolis intelligi potest: nam ad suos scribens, tradit ⁴ quod ob minus idoneam valetudinem ab episcopis excusaretur, quominus, ut aliis, ipsi legationes transmarinae ex Synodis injungerentur. Sed et in litteris ad Victorinum ⁵, atque aliis ad Profuturum ⁶, itemque ad Dioscorum ⁷ scribens, de sui corporis infirmitatibus meminit, necnon ad Darium Epistola ⁸, et ea quam dedit ad Nobilium ⁹. Quid autem acciderit, dum ultima hac aegritudine Augustinus afflicteretur, idem ita narrat Possidius ⁷:

85. « Itemque ad aegrolantem et lecto vacantem, quemdam cum suo aegroto venisse, et rogavisse, ut eidem manum imponeret, quo sanus esse posset: eumque respondisse, si aliquid in his posset, sibi hoc utique primitus praestitisset: et illum dixisse, visum se fuisse, sibi que per somnium dictum esse: Vade ad Augustinum episcopum, ut ei manum imponat, et salvus erit. Quod dum comperisset, facere non distulit; et illum continuo sanum ab eo discedere fecit ». Haec de miraculo Possidius: quod quidem extremo vite articulo Deus per eum operari voluit, ut quodam veluti signo tum res ab eo sancte pieque gestas, tum pia doctaque ejus scripta consignata relinqueret. Quomodo vero ad felicem ad Deum transitum se paravit, Possidius ita declarat.

86. « Dicere autem nobis inter familiaria colloquia consueverat, post perceptum baptismum etiam laudatos Christianos et sacerdotes absque digna et competenti penitentia exire de corpore non debere. Quod etiam ipse fecit ultima qua defunctus est aegritudine. Nam sibi jusserat psalmos Davidicos, qui sunt paucissimi de penitentia scribi; ipsosque quaterniones jacens in lecto contra parietem positos diebus suae infirmitatis intuebatur et legebat, et jugiter ac ubertim flebat. Et ne intentio ejus a quocumque impediretur; ante dies ferme decem quam exiret de corpore, a nobis postulavit praesentibus, ne quis ad eum ingrederetur, nisi iis tantum horis, quibus medici ad inspiciendum intrarent, vel eum ejus inferretur refectio. Et ita observatum factumque est. Et omni illo tempore orationi vacabat ». Ac paulo post: « Membris omnibus sui corporis incohumis, integro adspectu atque auditu, et (ut scriptum est) nobis adstantibus, et videntibus, ac cum eo pariter orantibus, obdormivit in pace cum patribus suis, enutritus in bona senectute. Et nobis coram positus, pro ejus commendanda corporis depositione sacrificium Deo oblatum est, et sepultus est ».

¹ Aug. ep. CXXXVIII. — ² Aug. ep. CCXVII. — ³ Aug. ep. CXLIX. —

⁴ Aug. ep. LVI. in fin. — ⁵ Aug. ep. CCLXII. — ⁶ Aug. ep. CCLI. —

⁷ Possid. in Vita Aug. c. 29. 30.

¹ Rom. VIII. — ² Luc. XIII. — ³ Philip. v.

Hæc de obitu, et funere una cum Missa, ex more, exhibito Possidius; qui superius eum vixisse tradit annos septuaginta sex: in episcopali vero functione annos triginta sex habuisse, ex iis quæ a nobis de sedis ejus exordio dicta sunt, satis certo colligi potest. Dies vero obitus in tabulis Ecclesiasticis scriptus fuit anniversaria memoria repetendus, celebrique cultu in Ecclesia transigendus quinto kalendas Septembris.

87. *Universa Augustini scripta, et qui eadem impugnaverint et defenderint.* — De ejus obitu etiam Victor Ulicensis his verbis meminit, eum agit de clade Wandalica: « Ea, inquit ¹, tempestate Hippon regiorum obsessa est civitas, quam omni laude dignus beatus Augustinus multorum librorum confector Pontifex gubernabat. Tunc illud eloquentia, quod per omnes campos Ecclesiæ ubertim decurrebat, ipso metu siccatum est flumen, atque dulcedo suavitatis dulcius propinata in amaritudinem absynthii versa est, etc. » De his autem quos reliquit libros suis commendatos ista Possidius ²: « Testamentum autem nullum fecit; quia unde faceret, pauper Christi non habuit. Ecclesiæ bibliothecam et omnes codices diligenter posteris custodiendos semper jubebat. Si quid vero Ecclesiæ vel in sumptibus vel in ornamentis habuit, fidei presbytero, qui sub eodem domus Ecclesiæ curam gerebat, dimisit. Nec suos consanguineos, vel in proposito vel extra consiliatos, in sua vila et morte more vulgi traclavit, quibus, dum adhuc superesset, id, si opus fuit, quod et cæteris, erogavit, non ut divitias haberent, sed ut aut non, aut minus egerent ». Hæc et alia Possidius, qui (ut ipse testatur) quadraginta ferme annis cum eo vixit summa concordia, scriptorum ipsius confecit Indiculum, de quo ipse his verbis ³:

88. « Tanta autem ab eodem dictata et edita sunt, tantaque in Ecclesia disputata, excepta, atque emendata, vel adversus diversos hæreticos conscripta, vel ex canonicis libris exposita ad ædificationem sanctorum Ecclesiæ filiorum, ut ea omnia vix quisque studiosorum nosse et perlegere sufficiat. Verumtamen ne veritatis avidissimos in aliquo frandare videamur, statui, Deo præstante, in hujus opusculi fine etiam eorumdem librorum, tractatum, et epistolarum Indiculum adungere: quo lecto, qui magis Dei veritatem quam temporales amant divitias, sibi quisque quod voluerit, ad legendum et cognoscendum eligat: et id ad scribendum vel de bibliotheca Hipponensis Ecclesiæ petat, ubi emendatiora exemplaria forte poluerit invenire; vel unde voluerit, inquireat, et inventa describat et habeat, et petenti ad scribendum sine invidia et ipse tribuat ». Hæc Possidius. At plane miraculo factum esse videtur, ut concremata anno sequenti Hipponensi civitate a furentibus Wandalis, iisdemque Arianis, ipsa Hipponensis bibliotheca illasa permanserit, angelica quidem, si non humana vallata

custodia. Qui enim consideret ferocissimos Barbaros longa præpeditos obsidione redditos sæviores: reputetque secum, eosdem pariter peridos fuisse Arianos, scisseque etiam ex recentioribus adversus Arianos ipsos disputationibus, nempe contra Maximum atque Pascentium comitem publice habitis, Augustinum acerrimum sibi hostem: quis, inquam, ista considerans, non miraculo ducat, ut Wandali pepererint Augustini scriptis? certe non ipsorum id quisquam dixerit adscribendum esse clementia, sed Dei magnæ potentia, qua cohibuit grassantes instar fulminis Barbaros, et sua coercuit disciplina, nec sivit quicquam inconcessum invadere, vel tentare velitum: hæc quidem prestare, divina tantum esse potuit facultatis, secundum illud in Job ¹ divinum elogium: « Numquid mittes fulgura et ibunt, et revertentia dicent tibi: Adsumus? » quod scilicet furentes hominum motus divina tantum subjecti sint voluntati eosdem ad libitum moderanti.

89. Sed qui non valuit per Barbaros perdere penitus sanctissimi viri scripta, per hæreticos et calumniosos homines ea diabolus summis viribus labefactare conatus est: nec quidem admovit ad ea demolenda arietem unum, sed plures; nec unum vel alterum adversarium, sed ipsos plures ac plurimis armis diversis in locis armatis. Primum enim Galliarum quidam presbyteri, quod jam certamen, ipso Augustino vivente, aggressi fuerant, eo mortuo, acrius instaurarunt, quindecim scribentes objectiones adversus eos quos in Pelagianos ipse sanctus Augustinus scripserat commentarios. Rursus vero Vincentius quidam rem privatam agens, sexdecim in eodem proposuit objectiones. Insuper et Camillus et Theodorus presbyteri Genuenses decem dubia objecere. Adhuc etiam et Cassianus presbyter Massiliensis, de quo superius dictum est, adversus eundem Augustini doctrinam egit, adversusque eam aliqua intulit. Porro contra hos omnes steterunt Hilarinus Arelatensis, et Prosper Aquitanus: quid Hilarinus in adversarios scripserit, non apparet: Prosperi autem adhuc supersens arma, quibus pro Augustino in hostes indefesso studio dimicavit: adversus siquidem Gallos liber extat responsionum, volumen etiam contra Vincentianos, tertius insuper liber contra Genuenses illos presbyteros, ac item quartus contra collatorem, nempe ipsum Joannem Cassianum inscriptus, quem (ut ex ipso apparet) sub Sixto Romano Pontifice edidit. Cæterum iidem Hilarius atque Prosper sequenti anno Romam se contulerunt, atque apud Cælestinum conquesti sunt, quod que a S. Augustino scripta essent, eadem a Romanis Pontificibus Innocentio, Zozimo, atque Bonifacio confirmata, et Conciliis stabilita, a quibusdam Gallicanis presbyteris iterum revocarentur in controversiam. Quid autem his auditis præstiterit Cælestinus, dicemus suo loco anno sequenti.

90. *Joannes Cassianus, hortante Leone Ro-*

¹ Viet. de persec. Wand. l. 1. — ² Possid. in Vit. Ang. c. 31. — Possid. c. 48.

³ Job. xxxviii.

manæ Ecclesie archidiacono, scribit contra Nestorium. — Hoc ipso autem anno Joannes Cassianus monitu Leonis Romane Ecclesie Archidiaconi adversus Nestorium de Incarnatione Verbi septem libros luculentissimos edidit. Cum enim ipsos ab eo scriptos constet, dum adhuc Nestorius sederet Constantinopoli, quem sequenti anno in Concilio Ephesino liquet fuisse e sede depositum, et Maximum in ejus locum subrogatum: cumque nulla insuper in eis de Ephesiano Concilio mentio habeatur, cujus necessario meminisse oportuit: plane ante Ephesium Concilium, damnationemque Nestorii, eos ab ipso fuisse elucubratos, dicere necesse est, et hoc ipso quidem anno, quo (ut vidimus) hæresis Nestorii plane innotuit Occidentali Ecclesie; ante autem susurri tantum quidam de ea pertigerant oras Occidentales. Sed cur (dixerit aliquis) per Cassianum Leo archidiaconus ista præstari voluit, cum ipse Leo crudilissimus esset, et quam felicissime id exhibere valuisset; cum præsertim Cassianus de libero arbitrio haud recte sentire, sed cum Pelagianis aliquid habere commune, editis Collationum libris innotuisset? post scriptas enim Collationes ipsum hortatu Leonis elucubrasset commentarium illum contra Nestorium, ipse in operis Prælatione testatur.

91. Ad hæc quidem illud in primis dicendum est, Cassianum et alios qui hoc tempore in nonnullis S. Augustini scripta carpebant, haud se Pelagii errores fovere professos esse: sed (ut sæpius Prosper ait, et indicant litteræ Celestini Romani Pontificis ad Gallos, de quibus agemus anno sequenti) ut Catholici versabantur inter Catholicos, et Pelagianos se damnare errores, et in eos declamare præ se ferrebant; quod et videmus ab eodem Cassiano factum in his ipsis libris, quos de Incarnatione Verbi adversus Nestorium scripsit, dum frequenter exclamat Nestorium ipsum a Pelagianis esse mutuum errorem. Leonis igitur hæc ex parte illud videtur fuisse consilium, ut ne opinarentur Orientales hæresim Nestorianam ex Pelagiana prognatam defensores habere in Occidente qui Pelagianii erroris quoquo modo suspecti redditi essent, per munus ex illis voluerit validissime Nestorium oppugnari. Rursum vero, ne qui in Occidente articulum illum de libero arbitrio Pelagianii erroris scriptis editis haecenus defendissent, affinitate dogmatis consurrecturi essent pro defensione Nestorii; Cassianum in primis qui omnes antecellebat, Leo diaconus prudenter quidem scriptioe sua cum teneri voluit obligatum, et cum eo omnes qui inter Catholicos Pelagianii erroris viderentur esse fautores. Præstitit illi libentissime Cassianus omniq; studio in opus incubuit, quo se acerrimum hostem cum Pelagianis, tum Nestorianis præ se ferret erroris, quem jam Pelagianorum omnium famosissimus Leporius, de quo superius dictum est, publicis litteris adeo fuerat detestatus.

92. Insuper autem potuit et illud etiam fuisse hæc de re Leonis consilium, ut per Joannem Cassianum Constantinopolitanæ olim Ecclesie diaconum,

Constantinopolitanam admoneretur Ecclesia vilare Nestorium: ut enim illi etiam opinari possimus, apostrophe illa auctoris ad finem operis collocata facile persuadet, cum demum post alia ejusmodi Nestorium exagilat invectiva¹: « Tu, o impiissime atque impudentissime, præclare urbis contaminator, Catholice et sanctæ plebis gravis et exitiosa contagio, stare in Ecclesia Dei et loqui audes; et blasphemis ac furiosis vocibus tuis sacerdotes semper illæse fidei et Catholice confessionis infamas, magistrorum priorum vitio plebem Constantinopolitanæ urbis errare? Tu ergo emendator priorum antistitum, tu Gregorio excellentior, tu Nectario probatior, tu Joanne præstantior, omnibusque Orientalium urbium sacerdotibus, qui etsi non ejusdem nominis, cujus hi quos nominavi, ejus tamen fidei fuerunt, quod quidem, quod ad hanc causam pertinet, sufficit: quia cum de fide agatur, omnes in eo idem sunt quod optimi, in quo consortes sunt optimorum. Unde et ego quoque ipse humilis, et obscurus nomine, sicut merito, licet mihi inter exiguis Constantinopolitanæ urbis antistites locum magistri usurpare non possim, studium tamen discipuli affectumque presumo. Adoptatus enim a beatissimæ memoriæ Joanne episcopo in ministerium sacrum, atque oblatus Deo; etsi corpore absum, affectu illic sum; et illi dilectissimo mihi ac venerandissimo Dei populo etsi nunc præsentia non admisceo, tamen mente conjungor. Et hinc est, quod condolens ei atque compatiens, in vocem nunc tristitiæ ac doloris erupi: et quod unum potui, flebilem querimoniam, quasi pro membrorum atque artuum meorum infirmitate, clamavi. Etenim si juxta Apostolum², dolente quidem minore corporis parte, condolet major atque compatitur; quanto magis dolente majore, minor compati oportet? Inhumanissimum quippe est, ut in uno atque eodem corpore majorum infirmitatem minora non sentiant, cum minorum majora patiantur.

93. « Unde obsecro ac deprecor omnes vos, qui intra Constantinopolitanæ urbis ambitum sitis, et per affectum patriæ civis mei, et per unitatem fidei fratres mei estis, ut separatis vos ab illo (ut scriptum est³) lupo rapaci, qui devorat Dei populum, ut cibum panis. Ne⁴ tetigeritis, neque gustaveritis quicquam illius; quia sunt omnia ad interitum. Exite de medio ejus, ac separamini⁵ et immundum ne tetigeritis. Mementote magistrorum veterum sacerdotumque vestrorum, Gregorii nobilis per orbem, Nectarii sanctimoniam insignis, Joannis fidei ac puritate mirabilis, Joannis, inquam, Joannis illius, qui vere ad similitudinem Joannis Evangelistæ, et discipulus Jesu, et Apostolus, quasi super pectus Domini semper affectumque discubuit. Illius, inquam, mementote, illum sequimini: illius puritatem, illius fidem, illius doctrinam ac sanctimoniam cogitate: illius mementote

¹ Cassian. de Incar. Ver. l. VII. — ² 1. Cor. XII. — ³ Matth. XX. — ⁴ Psal. XIII. — ⁵ Coloss. II. — ⁶ 2. Cor. VIII.

semper doctoris vestri ac nubiloris, in cuius quasi gremio quodammodo amplexuque crevistis, qui communis mihi ac vobis magister fuit, cuius discipuli atque institutio sumus. Illius scripta legite, illius informationem tenete, illius fidem ac meritum amplexamini. Quod etsi assequi grande est ac difficile, sequimini tamen pulchrum et sublime: quoniam in summa rerum non adeptio tantum, sed etiam imitatio ipsa laudanda est: quia nunquam fere aliquis ejus rei portione ad plenum caret, ad quam scandere ac pervenire contenderit. Ille ergo vobis in sensu semper, et quasi conspectu sit, ille in animo et cogitatione versetur: ille denique ipse vobis etiam, quæ a me sunt scripta, commendat: quia hæc propter quæ ego scripsi, ille me docuit; ac per hoc non tam mea hæc, quam illius esse credite: quia rivus ex fonte constat, et quicquid putatur esse discipuli, totum ad honorem convenit referre magistri ».

94. Cum hæc scribat ad suos Constantinopolitanos Cassianus, illud observa, quod cum de laudatis episcopis Constantinopolis agit, nullam penitus Atilici habet mentionem, ut Cyrillum, imo Cælestinum papam, et Sixtum fecisse apparet: ut plane intelligas eum nondum stomachum exhaustis bile,

quam olim ob Joannem conceperat, et nuper auferat ob damnata ab eo omnia hæresis Pelagianæ capitula, quorum aliqua ipse cum aliis clandestinis Pelagianis adversus Augustini scripta tuenda susceperat. Hæc igitur Cassianus scripsit, instante Leone Romanæ Ecclesie hoc tempore archidiacono, qui post Sixtum summus creatus est Pontifex: ita se habet vetus et recepta Gennadii¹ lectio, ubi hæc de Cassiano: « Ad extremum rogatus a Leone Urbis Romanæ archidiacono, postea episcopo, scripsit adversus Nestorium de Incarnatione Domini libros septem, et in his scribendi apud Massiliam, et vendendi finem fecit, Theodosio, et Valentiniano regnantibus ». Ante autem quam ad hæc scribenda manum admoveret, jamdudum absolverat libros Collationum, ut ipsemet in Prefatione testatur, cum ita exorditur: « Absolutis dudum Collationum spiritualium libellis, etc. »; ex quibus possumus intelligere, ipsum anno superiori, vel qui eum præcedit, nisi forte hoc ipso, easdem Collationes absolvisse; quæ quo anno a Prospero sunt impugnatæ, suo loco dicemus.

¹ Gennad. de Vir. illus. c. 61

Anno periodi Græco-Romanæ 5923. — Jesu Christi 430. — Cælestini papæ 9. — Theodosii Jun. 29. et 23. Valentiniani III. 6.

1. *Tricennalia Theodosii et Valentiniani quinqueennalia.* — Coss. *Theodosius* Aug. XIII et *Valentinianus* Aug. III. Sumptus ab utroque consulatus, quia ille in Oriente *tricennalia* imperii vivente patre suscepti; hic vero in Occidente Augusti imperii *quinqueennalia* dedit. De Theodosio sub hujus anni coss. scribit Marcellinus: *Theodosius imp. tricennalia gessit.* Extat nummus hujus imperatoris, in cuius antica visitur Theodosius cum his verbis circum: DN. Theodosius P. Aug., id est. *perpetuus Augustus.* In postica representantur duæ figuræ habitu consulari indute, et circum hæc verba leguntur: Vol. XXX, mult. XL, infra, Conob., id est, *Constantinopoli obsignata*, nempe moneta. Vide quæ de eo nummo diximus anno cccxcv, num. 2. Cum itaque duæ figuræ illæ consulares Theodosium et Valentinianum exhibeant, liquet, non solum utrumque hoc anno præfata solemnia edidisse; sed etiam ex illis ea, quæ tam præcedentibus quam subsequentibus annis data sunt, dirigenda esse.

Porro nummus ille aureus Theodosii representatur lom. 1 Musei Farnesiani.

2. *Possidonius Romam adversus Nestorium a S. Cyrillo mittitur.* — A num. 4 ad 27. Sanctus *Cyrillus* episcopus Alexandrinus die Epiphaniarum diem Paschatis hujus anni indicxit, et de more ad omnes Ecclesias misit homiliam Paschalem ordine xviii; currebat enim ea die annus xviii Pontificalis ejus. In ea usus allegoria pugne cum pavis animi motibus inenudæ, visus est fideles incendere ad pugnandum fortiter prælium Domini, mysteriumque Incarnationis ita exposuit, ut qua ratione Deus dicatur mortuus, unde *Nestorius* calumniam maxime faciebat Catholicis, manifeste explicaret. Subtinem potissimum orationis omnes hortatus est ad indigentium sublevationem, cuius neglecte *Nestorius* accusabatur. Interim *Possidonius* Alexandrinæ Ecclesie diaconus litteras *Cyrilli* Romam attulit, quod *Cælestinus* Nestorio scribens inivit, ut videre est part. 4 Concil. Ephes. cap. 18. « Dudum, inquit,

sumpsimus Epistolas tuas, quibus in Augusto nihil potuimus dare responsi : erat enim in latinum sermo vertendus ; quod cum licet sero facimus, sancti fratris et coepiscopi mei Cyrilli probatissimi sacerdotis per filium meum Possidonium diaconum tafia de te scripta suscepimus, quibus his qui de tua ordinatione retulerant, perisse suum testimonium doleremus ». Nestorii litteras ad Cælestinum recitat Baronius num. 3 et seqq. Secundas vero ejusdem Nestorii ad eundem Pontificem litteras num. 6 et seqq., et denique Epistolam Cælestini ad Nestorium num. 14 et seqq. Hæc data dicitur *tertio idus Aug. Theodosio IV et Valentin. III Augg. coss.* Sed loco IV, legendum XIII. Epistolæ Nestorii ad Cælestinum sunt sine die et consule. Prior Epistola Nestorii ad Cælestinum, cujus initium, *Fraternas nobis*, etc., data est anno superiori, ut ibidem ostendimus, et per *Antiochan* illustrem virum sancto Cælestino cum quætionibus expositionum tradita. *Nestorius* enim in ea nulla jam se sustinisse certamina dicit : imo et plures tum de clerico tum de monachis, qua vi, qua promissis, coegerat sibi consentire : et rerum Constantinopoli gestarum fama late per orbem sparsa erat. Quare quæ refert *Nestorius*, contingere non potuerit nisi anno cdxviii, aut insequenti. Corruptissima erat illa Epistola, sed eam pluribus locis emendavit Garnierus tomo I M. Mercatoris pag. 67.

3. *Binæ ad Cælestinum PP. Nestorius scribit Epistolas.* — *Nestorius* licet a se rejectos fuisse Pelagianos ad Cælestinum scripserit, benigne tamen illos excepit, ideoque novum se illis advocatum exhibuit. In prioribus enim ad Cælestinum litteris scripsit : « Julianus quidam, et Florus, et Orontius et Fabius, dicentes se Occidentalium partium episcopos, sæpe et piissimum et prædicatissimum imperatorem adierunt, ac suas causas dellexerunt lanquam Orthodoxi temporibus Orthodoxis persecutionem passi, sæpe eadem et apud nos lamentantes, ac sæpe rejecti eadem facere non desierunt ; sed insistent in dies singulos implentes aures omnium vocibus lacrymosis ». Postea necire se fingit causas, ob quas illi proscripti essent enixe rogans ut brevi responso significaret, num forent inter Catholicos numerandi, an cum hæreticis computandi. Baronius num. 6 dicit *Julianum* fuisse episcopum *Capuanum*, patriâ *Attelanensem*. Verum anno cdxix jam ostendimus, eum fuisse episcopum *Eclanensem*, ac natum in Apulia. Epistolæ suæ duas partes fecit *Nestorius*, quarum altera de Pelagianorum episcoporum causa, altera de sua ; et utrique respondit *Cælestinus*, sed secundæ proflixus ; quia rem ipsam continebat, propter quam tota Epistola conscripta fuit. In secunda Epistola *Nestorius*, perinde atque in prima, partim Pelagianorum causam, partim suam apud *Cælestinum* agit. Hæc autem secunda Epistola anno præcedenti etiam data, cum Mercatoris Commonitorium eo anno Theodosio Aug. oblatum contineat totam Cælestii, Pelagii, et Juliani reliquorumque episcoporum causam, illudque *Mercator* scripserit,

ut imperatorem doceret, quod celatum volebat *Nestorius* qui ideo hoc anno causam ignorare non potuit Pelagianorum, nec a Cælestino papa ejus notitiam expetere. Reddita est per *Valerium* cubicularium, sicuti prima per *Antiochan*, viros ex aula prestantes : vafer enim ille hæreticus, primum proderet in apertum impietatem, potentum animos corruerat, ut quorum favore sedem acceperat, eorundem potentia sanctorum sibi adversantium conatus opprimeret.

4. *Cælestinus ex Synodo Romana scribit ad Nestorium.* — Cælestinus *Nestorio* indignatus, quod Pelagianis episcopis auxilium præberet, diutius responsum distulit ; at acceptis a *Cyrillo* Alexandrino litteris, quibus ejus errores memorabatur, statim aeres ad Nestorium litteras dedit, quibus illum uti veterum hæreticorum patronum, novæque insuper hæreseos auctorem increpuit. Laudatas tamen litteras non recta ad Nestorium perferendas voluit *Cælestinus*, sed per Possidonium easdem ad Cyrillum in Ægyptum misit, qui illas postea Constantinopolim transmitteret : « Quam nostri », inquit Cælestinus apud Baronium num. 23, « in te judicii formulam cum cæteris omnibus chartis, et commentariis per filium nostrum Possidonium diaconum, cujus supra meminimus, ad sanctum Cyrillum memoratæ Alexandrinæ Ecclesiæ episcopum, qui ea ipsa quoque de re fusus ad nos retulerat, transmisimus, ut noster hac in parte vicarius efficiat, quo nostrum decretum et tibi, et reliquis quoque omnibus fratribus patiat ». Verum antequam hæc litteræ Cælestini Constantinopolim pervenirent, *Julianum* cum collegis urbe Regia accepto a Mario Mercatore contra eosdem Commonitorio, a Theodosio expulsum fuisse, testatur idem Mercator his verbis : « Per quod Commonitorium, cognito funestissimo errore », et cætera anno superiori num. 23 recitata. Illi tamen *Pelagiani*, in vicinia moras traxerunt, ut ex dicendis liquebit.

5. *Gesta in Synodo Romana.* — Habita autem *Romæ* sub initium Augusti a *Cælestino* Synodus, ut videre est apud Baronium num. 12 et seqq., in qua laudatæ ad Nestorium litteræ datæ, in eaque damnatus *Nestorius*, jussusque, ne depositionis pœna muletaretur, intra decimum a denuntiatione diem, Alexandrinæ confessioni subscribere ; postea restituti in Ecclesiæ communionem, qui propter fidem ejecti fuerant ; Alexandrino præsulî exequendæ sententiæ provincia demandata ; denique ex Synodo scriptæ septem Epistolæ a Summo Pontifice, *Cyrillo* scilicet, ut Sedis Apostolicæ vice hoc in negotio fungeretur ; *Nestorio*, ut ad penitentiam rediret, clero Constantinopolitano, ut constans remaneret in fide ; *Jovanni* Antiocheno, *Rufo* Thessalonicensi, *Juvenali* Hierosolymitano, *Flavio* Philippensi, id est, majorum sedium Orientis episcopis, ut strenue causam fidei agerent. Recitantur hæc litteræ part. I Concil. Ephes. cap. 15, 18, 19 et 20, consignanturque omnes eadem temporis nola, *III idus Augusti, Theodosio XIII et Valentiniano III, coss.* Baluzius

tamen in Nolis ad Acta Concilii Ephesini pag. 437 observat, in antiquis Codicibus legi *17 idus Augusti*.

6. *In ca Pelagianorum exactoratio confirmata.* — In hac Synodo Romana damnata etiam Pelagianum, ut qui societate erroris cum Nestorio jungerentur, eadem sententia percellerentur. Liqueat id ex litteris citatis Celestini papae ad Nestorium apud Baronium num. 14 et 21. Quae Celestinus adversus eos statuit, confirmavit Synodus Ephesina, ut videre est in ejus parle II, Act. v. « Quae a pietate tua de ipsis decreta et constituta sunt, et idem omnes tecum statuimus, eos pro damnatis habentes », inquit Patres Ephesini. Baluzius in nova Collect. Concil. p. 378 publicavit commonitorium, quod Cyrillus dedit Possidonio *cum mitteretur Romam propter Nestorij negotium*, in quo Cyrillus significat Celestino errores Nestorij, confutatque, et docet Nestorium, nempe qui inimicus erat Philippi presbyteri, quem, ut scribit Socrates lib. 7, cap. 29, plures ad episcopatum regiae urbis promovere volebant, coegisse Synodum in eadem urbe et Celestino, qui ibi degebat, persuasisse, ut libellum daret adversus eundem Philippum, tanquam si Manichaeus esset: « Fecit, ut Celestinus libellos daret adversus presbyterum Philippum, qui ipsum arguerat, nec jam cum ipso propter haeresim volebat convenire. In his autem libellis accusationis caput erat, quod Manichaeus foret. Deinde vocavit hominem ad Concilium (Nestorius scilicet). Venit ille rem agens secundum canones, promissus ad se defendendum. Quoniam vero Celestinus non habebat unde probaret objectum crimen, a conspectu se movit, et ad Concilium non venit », inquit Cyrillus in suo Commonitorio.

7. *Aliquot loca S. Cyrilli explicantur.* — Caeterum quod scribit Baronius num. 11, loquens de primis Cyrilli ad Celestinum papam litteris, Cyrillum nempe in earum fine recensere « tomos, quos pro fide Catholica ab se scriptos misit Romam ad Celestinum ». Videntur, inquit Garnerius Dissert. II de Synodis habitis in causa Nestorij pag. 350, Cyrilli verba huc expositioni contradicere. Ait enim ibidem Cyrillus: « Quo sanctitas tua, tam quae ille dicit et sapit, quam quae beati et magni illi Patres nostri tradiderunt, clare perspicat, nisi tomos aliquot, capitum quorundam fragmenta continentes, quos etiam ab iis qui Alexandriae versantur, latine reddi curavi »: quare loquitur Cyrillus, non de tomis a se editis, sed de tomis, qui continebant quae excerptat ex sanctis Patribus. Tum Baronius num. 42 dicit, *Celestinum* post acceptas Cyrilli per *Possidonium* litteras Synodum convocasse, cujus mentionem fecerit Cyrillus in Epistola prima ad Nestorium. At, ut inquit ibidem Garnerius, hac in Epistola Cyrillus ad Nestorium scribit quidem de Romana aliqua Synodo; sed illa, quemadmodum praecessit hancce primam Cyrilli Epistolam ad Nestorium, quod per se apertum est; ita quoque prior est Cyrilli ad Celestinum litteris, ad quem nempe

ipsas etiam secundas *Nestorij* litteras per *Possidonium* misit. Non potuit itaque *Cyrillus* in Epistola, quam anno superiori scripsit, mentionem facere Synodi Romanae mense Augusto hujus anni celebratae.

8. *Fabula recentiorum Graecorum de Pallio a Celestino ad Cyrillum missa.* — Praeterea num. 13 dicit Baronius, Epistolam *Celestini* ad Nestorium, cujusmodi nunc habetur, e latino sermone in graecum, et rursus e graeco in latinum versam esse. Sed illud, inquit idem Garnerius, incredibile videtur; Ephesina enim quaevisque et graecis in latinum conversa sunt, aliis in editionibus aliter leguntur: Epistola vero de qua agitur, ubique eadem est, iisdemque verbis, et iis quidem latinam loquendi formam aperte retinentibus. Denique quod habet Baronius num. 26 de insignibus Vicariae potestatis a *Celestino* ad Cyrillum missis, id est, de Phrygia sive Pallio, sive capitis tegumento, quam *Mitram* vocant, refertur quidem a recentioribus Graecis, sed sine veterum testimonio. Et quia simul cum ipsis dicuntur ab iisdem Auctoribus nominatum *Papae*, tum *Judicis universi orbis* episcopo Alexandrino tributa, vix ullam fidem inveniunt etiam apud Baronium. Cum denique haec omnia recentiores isti Graeci asserant, ad successores *Cyrilli* transmissa, plane nugantur. Quis enim nesciat, quod veteres omnes imagines docent, quoslibet Graecos episcopos, saltem Metropolitae, Pallium gestasse, cujusmodi Occidentales antistites a Summo Pontifice dono accipiunt? Quis ignoret nomen *Papae* quibuslibet episcopis, *Judicis totius orbis*, nulli attributum? Aut quis opinetur *Mitram*, qualis vulgo in usu est, summae illius potestatis esse signum; imo qualem nunc gerunt Summi Pontifices, vel ab antiquioribus gestatam, vel ad vicarium, si quando fieret, transmissam; id sane si configisset, meminissent Veteres, tanquam rei, aut insolentis hoc uno in quo dicit, Philippum et Joannem Apostolos habitu episcoporum representari. Hanc enim exhibitionem anno cccxciv jam rejecimus, ostendimusque illud non *Philippum* et *Joannem*, sed imperatores *Theodosium* et *Valentinianum III* exhibere. De eo numismate etiam hoc anno num. I locuti sumus, diximusque eusum esse in *Theodosii tricennaliibus*.

9. *Cyrillus scribit Acacio Berevensi episc. de Nestorio.* — A num. 27 ad 50. Sanctus Cyrillus per *Possidonium* Epistolam misit *Acacio* Berevensi in eandem fere sententiam, atque *Celestino* papae. De hac ad *Acacium* Epistola agit Baronius num. 30 et seq., quae prius missa dici non potest; cum *Cyrillus* testetur, in Epistola sua ad *Celestinum*, se hac de re scripsisse prius ipsimet *Celestino*, *quam ulli alii consacerdotum*; neque etiam postea: siqui-

dem datarum a se litterarum ad Sedem Apostolicam nullam fecit mentionem, facturus utique, si suas a Caestino acceptas scivisset; mandaverat enim *Possidonio*, ut eas *Celestino* non prius redderet, quam eidem datus a *Nestorio* novisset. Statim acceptis litteris *Acacius* respondit, sed pro ingenio, subdole nimirum, *Cyrillum* enim ita laudavit, propter studium fidei, ut interim *Nestorium* excusaret; laudatum verbo solo lapsus; utrumque vero imprudenter damnavit, quod cum orta esset de una vocula quaestio, alter Patrum more loqui nollet, alter rem vehementius urgeret, quam ratio sineret. Etsi autem neutrius in partes abiit expressis verbis, oculatius tamen intentibus videri potest in Nestorianas propendere. Recitantur eae Acacii litterae part. 1. Concil. Ephes. cap. 23. Ita *Garnerius* in Praefat. ad tom. II. Operum M. Mercatoris, pag. 47.

10. *Acacius nunciavisse facit Nestorio*. — At Acacius satis mentem suam prodit, suamque in Nestorium propensionem, cum respondeat, hunc esse passum quid simile illi, « quod beato Paulino (Antiocheno episcopo) accidisse traditur. Hic enim etsi tres hypostases palam dicere recusaret, re tamen et virtute ab illorum sententia et fide qui hoc profitebantur, non recedebat. Sectabatur hic autem piissimos Occidentis episcopos, propterea quod Romanae linguae angustia, sicut graeca phrasis, tres hypostases dicere commode non ferat ». Respondit, *Cyrillus* et *Celestinum*, uti olim *Paulinum* patriarcham ac *Damasum* papam, haerere in syllabis, ideoque hanc litem parvi esse momenti. Adjecit vocem, quae Beatae Virginem negavit Deiparam improvide elapsam *Nestario*, subdiditque: « Quamquam plurimi, tum clero adscripti, tum plebei quoque ex urbe Constantinopolitana Antiochiam, et ad nos usque profecti, a praedicto sermone abhorrere non videantur. Atqui enim in sensu nihil continere, quod vel Apostolicae doctrinae adversetur, vel fidei a sanctis Patribus in Nicea congregatis definite repugnet ». Asseruit esse questionem de nomine, et *Nestorium*, licet forsitan male locutum, tamen recta sentire, quinimo nec male locutum: quoniam et e clero et e populo Constantinopolitano multi voces ejus non improbarent. Erat *Acacius* magni nominis episcopus, qui ab exilio reversus post Valentis imp. mortem, quae anno CCCLXXVIII contigit, consecratus fuerat episcopus, ut docet *Theodoretus* lib. 5, cap. 4. Vir animo mobili, et modo virtutibus, modo excessibus insignis.

11. *Synodus Alexandrina adversus Nestorium*. — A num. 50 ad 61. *Cyrillus* acceptis *Celestini* papae litteris Concilium in Aegypto coegit, indeque Synodicam misit *Nestorio*, qua continebantur tria: fidei expositio, duodecim anathematismi subscribendi, et denuntiatio sententiae ab eodem *Celestino* latae. Refertur ea Part. 1. Concil. Ephes. cap. 36. Legati sunt a Synodo episcopi quatuor, qui litteras *Celestini* et Synodicam darent *Nestorio* cleroque Constantinopolitano, ac *Archimandritis*. Hi fuere *Theopemptus* Cabasorum, *Daniel* Barnensium, *Pos-*

tation et *Macarius* episcopi. *Baronius*, num. 50 duos ultimos in ordine ministrorum Ecclesiae Alexandrinae religit, sed nullo teste, et contra Petri primicerii notatorum verba, quae leguntur Part. 2. Concil. Ephes. Act. 1: « Verum ea etiam quae sanctissimus piissimusque Alexandrinae Ecclesiae episcopus *Cyrillus*, et universa Aegypti Synodus per *Theopemptum* et *Danielem* et *Potamionem* et *Macarium* religiosissimos episcopos ad eundem destinaverant, etc. » Et denique contra antiquam consuetudinem conveniendi antistes majorum sedium, si quando vocandi essent ad iudicium, per tres saltem episcopos, ut variis exemplis probat *Garnerius* in Dissert. II de Synodis habitis in causa *Nestorii* pag. 338.

12. *Nestorius significat Celestino imperatorem indixisse Synodum generalem*. — Interim *Nestorius* tertiam ad *Celestinum* scripsit Epistolam, cujus versionem nobis conservavit *Marius Mercator* pag. 355 editionis Baluziana, et pag. 80 editionis *Garnerii*. His litteris, quae hactenus lucem non viderant, *Nestorius* et *Cyrillus* perstrinxit, quasi sibi male conscius metueret Synodi de libellis in se oblatis iudicium, et accusavit maligna ejusdam largiversionis, morosaeque inconstantiae, qua mox vocem *ἑξουσιάζω* rejiceret, modo ad libitum admitteret. *Celestinum* postea artificiose hortatur, ad componendam litem inter dimicantes de *θεοτετα* et *ἀληγοτετα* partes, jubendo singulas, abjecta sua illa, quae purum Deum, vel purum hominem significare posset, uti voce *τετα*, *ἑξουσιάζω*, quae utriusque alterius vim in se conjunctam habeat. Denique indictam a *Theodosio* generali Synodum monet, idque callide velut insultans Pontifici, ob dechnatam ipsius sententiam: « *Placuit* vero, inquit, piissimis imperatoribus, Domino adjuvante, etiam Synodum inexcusabiliter totius orbis terrarum indicere, propter inquisitionem aliarum rerum Ecclesiasticarum ». Quae vox, *inexcusabiliter*, et Sacra imperatoris, de qua mox, ad metropolitam, indicant non obscure, inquit *Garnerius*, Synodum rogatu *Nestorii* indictam, et communicatam cum ipso indicationis quoque formam. Quare cum indicationis decretum consignetur XIII kalend. Decemb., ea Epistola non multum post diem illum ad *Celestinum* a *Nestorio* data.

13. *Nestorius accipit litteras quibus citatur a Cyrillo*. — Dum haec Constantinopoli geruntur, eo appulerunt quatuor episcopi, quos diximus a Synodo Alexandria ad *Nestorium* missos, litterasque Apostolicas *Celestini*, et Synodicas *Cyrilli* ejus vicarii, *Nestorio* dederunt, ut *Theopemptus* legatorum minus narravit Patribus Ephesinis part. 1. Concil. Ephes. Act. 1, et apud *Baronium* num. 59. « Die Dominica, post synaxim paractam in episcopium ascendimus, ibidemque toto praesente clero, cunctisque fere illustribus adstantibus, litteras, de quibus sermo est, *Nestorio* tradidimus; quibus acceptis constituit nobis, ut sequenti die sermonem cum eo haberemus. Abivimus ergo: at postero die reversos non admisit, neque etiam satisfacit litteris, sed publice pro ectione eadem, quae ante, et his quoque dele-

riora dogmata proposuit ». Dominicam illam incidisse in diem trigesimum mensis Novembris qui Dominicalis fuit, docet Marinus Mercator juxta editionem Emin. cardin. Norisii lib. 2 Histor. Pelag. cap. 7, ubi ex Codice Palatino-Vaticano num. 234, recitat Epigraphen præfixam a Mario Mercatore sermoni euidam Nestorii nempe duodecimo: « Item ejus (nempe Nestorii, inquit Marinus Mercator) sermo in Ecclesia habitus (postquam litteras Celestini Romani episcopi et Cyrilli Alexandrini denuntiationes accepit) VIII idus Decembris cons. Theodosio XIII et Valentiniano III Aug. post sextum diem, quam ejusdem litteras sumpsit, Dulcem nobis præcedens doctor, etc. » que ultima verba illius sermonis priora sunt, Nestorius itaque die xxx Novemb. litteras illas Synodicas accepit, et post sextum diem, id est, VIII idus Decembris, seu die vi ejusdem mensis habuit illum sermonem in Ecclesia, quem recitat Garnerius citans pag. 85, quemadmodum et alium a Nestorio dictam, die altera, id est, Dominica, inquit Mercator apud Garnerium pag. 93.

14. *Dies citationis et dies quo Nestorius Sermonem habuit ad populum distinguendi.* — Cum aulem Epistola, que Alexandria die ultima Novembris data est, Constantinopolim pervenire non potuerit intra spatium septem dierum, Garnerius loco VIII idus Decemb. reposuit VII idus Decemb. in quem diem Dominica cadebat, et pag. 49 suæ Præfationis in illum ultimum tomum Mercatoris, ait: « Tempus quo data est Synodica, alque ideo Synodus habita, in vetere manuscripto invenimus, nempe diem tertium Novembris »: indeque colligit, Synodicam die tertia Novembris Alexandria scriptam, Constantinopoli septimo Decembris, seu VII idus Decemb. a Nestorio acceptam, et sermonem illum, cujus initium est: *Dulcem nobis præcedens doctor*, etc., die decima tertia mensis Decemb. alterumque die sequenti, qui Dominicus fuit, recitatum. Pag. vero 69, Garnerius habet: « In Codice Ms. Carmelitarum Discalceatorum conventus Parisiensis data (nempe Synodica) legitur mense Novembri die xxx, indictione xiv. Quæ temporis note nisi emendentur coherere non possunt. Nam scripsit proculdubio Cyrillus postremum Nestorio anno cxxx, et Nestorius Cyrilli litteras accepit Constantinopoli VII idus Decemb. Si qua igitur fides Codici, accepta fuisse Constantinopoli Epistola septem post diebus, quam Alexandria scripta esset, quod omnino incredibile. Cohærebunt omnia facile, si dicatur Alexandria scripta in Novembris, accepta Constantinopoli septimo Decembris, et indictio, ut par est, non a Januario, quomodo esset decima tertia, sed a Septembri, quo mense decima quarta incepit ». Garnerio adhaesit Lupus in Notis ad caput I Synodici adversus Tragediam Irenei. Verum Garnerius et Mercatoris textum corrumpit, et diem habitæ Synodi commisit. Duo solum exemplaria Marci Mercatoris supersunt, Vaticanum sc. et Bellovacense. In priori tam Card. Norisius laudatus, quam Baluzius in nova Collect. Concil. pag. 422 legerunt, VIII idus De-

cembris, quod et scriptum reperit Baluzius in Codice Bellovacensi, quem præ manibus habuit. Præterea Baluzius ibidem recitat Synodicam Cyrilli ad Nestorium, que his verbis clauditur: *Datu mensis Novembris die xxx, Indictione xiv.* Et tamen in laudato Synodico Tragediæ adversus Ireneum, loco Indictione xiv, habetur, Indictione xii, tam apud Lupum loco citato, quam apud Baluzium pag. 686 Collect. Concil.

15. *Nota temporaria litteris, quibus citatur Nestorius, note addita.* — Idem Baluzius in editione Operum M. Mercatoris pag. 357, refert eandem Epistolam Synodicam Cyrilli, in cuius fine hæc verba, *datu mensis Novembris die xxx, Indictione xii, vel xiv*, non leguntur quemadmodum nec in versione ejusdem Synodice Dionysio Exiguo attributa in tomo iii Concil. edit. Labbeana, pag. 412. Imo ea Cyrilli Synodica extat græce et latine tam tomo v Operum S. Cyrilli part. n, pag. 67, quam in Actis Concilii Ephesini edit. Labbeana pag. 396, et apud Garnerium pag. 69, et tamen ibi nec græce, nec latine legitur citata temporis nota que in duabus versionibus latinis mox laudatis memoratur. Ex quibus liquet primo, datam illam non esse sancti Cyrilli, sed additam; eo magis quo *Cyrillus* non nomen Romanos, sed Egyptiacos usurpat, ut omnibus notum. Liquet secundo additamentum illud factum esse post xi Ecclesie seculum; cum antea Indictio semper a Septembri inchoaretur; ideoque currenti anno, die xxx Novembris, non Indictio xii, sed Indictio xiv, in cursu fuerit. Liquet tertio illud ex probato aliquo monumento desumptum fuisse; cum die xxx Novembris Cyrilli Synodica scripta quidem non fuerit, sed tamen Nestorio denuntiata ac tradita. Liqueo quarto datam illam in editionibus latinis diverso characterē scribi debuisse, ne incautus lector eam a Cyrillo positam putaret. Liqueo denique, Baluzium pag. 422 novæ Collect. Concil. recte animadvertisse sequentia Mercatoris verba interpretatione, aut, ut ego arbitror, Parenthesi, distinguenda esse hoc modo: « Item ejusdem sermo in Ecclesia habitus (postquam litteras Celestini Romani episcopi et Cyrilli Alexandrini denuntiationis accepit) VIII idus Decembris, cons. Theodosio XIII et Valentiniano III Aug. post sextum diem, quam eandem litteras sumpsit »; ita ut dies viii idus Decembris sit sermonis habitus, non vero denuntiationis acceptæ, ut putavit Garnerius, qui ideo textum depravare, et rei geste seriem corrumpere coactus fuit.

16. *Nestorius anicorum opera anathematismos Cyrilli confutandos curat.* — Nestorius acceptis Romanæ et Alexandrinæ Synodi litteris, confestim exemplum Antiochiam misit ad Joannem Antiochenum amicisuum rogans, ut a doctissimis episcopis sui consilii, et nominatim ab Andrea episcopo Samosateno, et a Theodoro episcopo Cyrensi scribendum curaret adversus xii anathematismos Cyrilli in hujus Synodica contentos, quasi Apollinaris Ariivæ hæresim renovarent. Baronius num. 56 et seq. xii

illos anathematismos recitat, qui nihil aliud sunt quam Patrum sententiæ, quibus nihil continetur, quod non ubique ac semper omnes docuissent. Omnes anathematismos reducuntur ad quatuor propositiones. Primo, quod Dei Filius vere sit factus homo. Secundo, quod idem sit, et non alius, Filius Dei, qui filius hominis; atque ita Deus ex muliere natus sit, duasque Verbum generationes habuerit. Tertio, quod virgo sit Deipara. Quarto, quod Immortalis mortem pertulerit, et idem crucifixus, qui adorandus. Porro fuit *Andreas* hoc tempore inter Orientales doctrinæ lama pietatisque celebris, ad quem exant tres Theodoretæ Epistolæ. Andreae et Theodoretæ objecta *Cyryllus* ante insequentis anni Pascha diluit duplici Apologetico, altero adversus Orientales episcopos, altero adversus *Theodoretum*. Uterque legendus apud Garnerium pag. 133 et pag. 178, vel in editione Baluziana Operum M. Mercatoris pag. 219 et 324. Baronius num. 61 ait, *Cyryllum* declarationem edidisse duodecim illorum capitulorum, qua ab hæresi Apollinaris sese abhorreere docuit, et quidem antequam *Theodoretus* et *Andreas* suas conscripserint in illum antitheses. At ea expositio, que legitur in part. in Concil. Ephes. pag. 812, et his verbis inchoatur : *Omnia, ut scriptum est*, petente Synodo confecta est a Cyryllo in custodia posito, ut ex Epistola Schismaticæ Synodi ad suos legatos ad imperatorem notat Garnerius pag. 352.

17. *Theodoretus* et *Andreas* monachus scribant adversus Capitula *Cyrylli*. — Baronius ibidem existimat, Andream post solum Concilium Ephesinum ad scribendum contra *Cyrylli* Capitula a Joanne Antiocheno impulsus fuisse, et anno cxxxix. num. 183 ait, tulisse Andream eam pro impietate mercedem, ut ex monacho Constantinopolitano Samosatensis episcopus fieret. Verum uterque scripsit ante Concilium Ephesinum, ut diserte de se testatur *Theodoretus* in Prefatione sui Pentalogii : « Priusquam Conventus, inquit, apud Ephesum celebraretur, duodecim capitulis strictim ac aperte restitimus, ut præscius horum fieret intellectus etiam studiorum et rationis expertibus. Quia vero se manifestum, qui ista protulit, in Concilio declaravit, et plures ex eis, qui convenerant, imperiti penitus, nec ulla dogmatis imbui notitia, pia hæc arbitrati sunt, operæ prelium visum est iterum contra niti, sermonemque distendere, ut succisam blasphemiam multipliciter confutare ». Quibus ex verbis Lupus in Notis ad caput 20 Synodici adversus Tragædiam Irenæi, recte deducit, *Theodoretum* bis contra capitula scripsisse, breviter ante Synodum, prolixè post ipsam. Hujus libri in quinque divisi quedam nobis fragmenta conservavit Marius Mercator apud Garnerium pag. 267 et seqq. Mercator nititur probare *Theodoretum* eadem, que *Theodoros* ac *Nestorius*, sensisse, id est, duos reipsa filios, duosque Dominos distinxisse; atque ita filium Virginis merum esse revera hominem ratum esse, quantumcumque contrariam opinionem tenere videri voluerit. Porro *Andreas*, qui scripsit adversus Capitula *Cyrylli*, diver-

sus erat ab *Andrea* monacho Constantinopolitano; hic enim anno cxxxviii adhuc erat monachus, ut liquet ex Epistola *Theodoretæ* 163 ad eum scripta : ille vero episcopus erat Samosatensis in Euphratesia; Liberatus enim cap. 4, dicit *Andream* et *Theodoretum* fuisse tunc consilii *Joannis* Antiocheni episcopos. Præterea M. Mercator exhibet Epistolam *Theodoretæ ad Andream Samosatenum*, que secundum Garnerium pag. 274 Operum M. Mercatoris anno sequenti data est. Quare *Baronius* utrunque *Andream* in unum perperam confudit.

18. *Primus Theodoretæ casus*. — Atque hic primus fuit *Theodoretæ* casus : cum enim scriberet pro amico causæ, nempe *Nestorii*, non reprehendit tantum *Cyrylli* capita propter speciem Apollinariani erroris, quod aliis quoque bonis contigit; sed cæco impetu in errores quatuor ipse abreptus est, propter quos a quinta Synodo damnatus fuit. Scripsit suis tentavit fidem monasteriorum, non urbis tantum regię; sed etiam Orientis et Ægypti. Volebat enim *Theodoretus* paribus armis cum *Cyryllo* uti, paribusque pugnandi artibus. Scripsit *Cyryllus* ad Ægypti monachos de *Nestorii* errore Epistolam : hanc Apocriasiariorum ministerio in urbe regia, per monasteria, et inde, ut lit, per totam civitatem spargi curaverat : divulgaverat etiam Synodicam suam cum capitulis in eadem Urbe. Eadem monasteria *Theodoretus* adversus *Cyryllum* movere voluit, et qua erat auctoritate, plures viros sanctissimos ubique locorum in Catholicum fidei defensorem exacerbavit, et pæne emovit. Scripsit etiam *Gemadius*, post aliquot annos ad sedem Constantinopolitanam evectus, et hoc tempore pietatis laude celeberrimus, adversus *Cyrylli* Capitula, et in Ægypto *Isidorus* Pelusota sancti *Cyrylli* magister et quasi pater, sed verbis, que ab errante zelo oriebantur, ut inquit Garnerius in Historia *Theodoretæ* cap. 4, ubi plura de ejus casu habet. De *Theodoretæ* agit Baronius num. 44 et seqq.

19. *Theodosius Synodum Ephesinam indixit*. — A num. 61 ad 74. *Nestorius* cum, acceptis a Joanne Antiocheno litteris, visisque exemplis tum Apostolicæ sententiæ, tum Episcolorum Cælestini ac *Cyrylli* ad eundem Joannem, intellexerit quanta suo capiti impenderet tempestas, tentavit eam in caput *Cyrylli* convertere. Quare cum ipsum apud *Theodosium*, tum impietatis in Deum, tum criminis in imperatorem accusasset, petit convocari generale Concilium, in quo judicium de reo institueretur. *Theodosius* *Nestorii* instinctu illud Concilium indixit, atque ex universis Diocesisibus episcopos ad diem Pentecostes sequentis anni Ephesum vocavit, missis ad majorum sedium antisites *Cælestinum* Romanæ, *Rufinum* Thessalonicensis, *Cyryllum* Alexandrinæ, *Joannem* Antiochenæ, *Juvenalem* Hierosolymitanæ, *Cæpreolum* Carthaginensis, litteris. Et autem singulos sine excusatione vel mora, cum suis, quos idoneos scirent, venire jussit, ita veluti, « ne ulla interim ante coactam Synodum, communemque ejusdem, que de omnibus danda esset, senten-

tiam, fieret privatim a quibuscumque innovatio », ut legitur part. 1 Concil. Ephes. cap. 30. Consulebat scilicet Nestorio, quem alioquin sententia Sedis Apostolicæ de suo solio erat dejectura. Datum est Theodosii Edictum *Constantinopoli*, XIII kalend. Decemb., *Theodosio XIII et Valentiniano III. A.A. CC.*

20. *Nestorius his palinodiam recantavit.* — Præterea habuit Nestorius sermonem ordine decimum tertium, cujus hæc epigraphæ apud Marium Mercatorem, qui illum recitat, juxta editionem Baluzii pag. 83. « Item incipit ejusdem die altera, id est, Dominica », ideoque die septima mensis Decembris; cum duodecimo die sexta ejusdem mensis, quæ in diem sabbati incidebat, dictus ab eo fuerit. In isto Sermone xii (qui ante Marium Mercatorem in lucem editum ignoratus fuerat), *Nestorius* suasu Joannis Antiocheni palinodiam canit: et beatissimam Virginem *Deiparam* appellandam esse fatetur, metu scilicet mandati Pontifici sibi die xxx Novemb. indicti. At fraudulenter, ut eventus docuit: « In Christi appellatione complectitur utramque naturam (inquit Nestorius explicans hæc verba Matthæi cap. 1, liber generationis Jesu Christi), ut nihil sine altera possit intelligi. Hinc et sancta Virgini, eo quod eam Christi genitricem dicimus, nomen geminæ appellationis convenienter aptamus, id est, *Θεοτόκος*, quod est genitrix Dei. Quoniam autem oportet, propter eos, qui lucidiores requirunt intellectum, maxime cum sint Ecclesiæ filii, uti manifestiore locutione, propterea et modo eadem definitione, quia prius breviter de illa beata Maria semper Virgine predicabam, etiam nunc evidentiore sermone summa voce proclamo, quoniam sancta Virgo et Dei est, et hominis genitrix, id est, *Θεοτόκος*, et *ἄνθρωπογενέτις*; Genitrix quidem Dei, propterea quod tempulum quod in ea creatum est a Spiritu Sancto, unitum est Deitati; hominis vero Genitrix, propter susceptas a Divinitatis naturæ nostræ naturæ primitias ». Jam in sermone duodecimo, antecedenti die habito *Nestorius*, licet debacchatus sit adversus Cyrillum, et in ipsum quoque Joannem Antiochenum amicum suum invecus, hujus tamen consilium sequitur, ut ipsemet in xiii sermone asserit et palinodiam exemplo Pauli Apostoli solatur: « igitur ut eorum conciones etiam elegantes et sapidulas superemus, dicamus *Θεοτόκος*; sciebat namque etiam Paulus talia facere, ne scissura fierent per aliquam justitiam coloratam, cum gratiam predicabat, legisque inutilitatem confidenter arguebat, etc. » Quare fallitur Socrates fil. 7, cap. 32, ubi scribit, Nestorium *vocem Deiparæ perpetuo* rejecisse, et cap. 34, ubi loquens de Gestis in Synodo Ephesina, narrata Nestorii depositione, ait: « Penitentia ductus Mariam *Deiparam* appellare cepit, his verbis utens: dicatur, si placeat, Maria *Deipara*, et simul et omnis conquiescat. Verum licet mutata sententia hæc diceret, nemo tamen illud admisit ». Nestorius enim jam ante depositionem suam in Concilio Ephesino factam, palinodiam semel et iterum recan-

tarat, et quidem mense Decembri currentis anni.

21. *Idipe Joannis Antiocheni suasu.* — Utrumque sermonem. xii nempe et xiii recitavit *Nestorius* post acceptas *Joannis Antiocheni* litteras, a Baronio num. 35, et seqq. relatas, quibus cum Joannes hortatus est, ut pacem Ecclesiæ amplecteretur, et Beatissimam Virginem exemplo multorum sanctorum Patrum *Deiparam* confiteretur, Nestorius enim rescripsit ad Joannem Antiochenum, ut legitur in capite 3 Synodici adversus Tragediam Irenæi: « Cognoscens igitur ex his, quæ scripsistis, ut dixeram, tam religiositalis tuæ benevolentiam circa nos, quam curam pro Dei Ecclesiis competentem, per has litteras meas, causæ quæ mole est, certamen solvere festinavi apud amicum Deo animam vestram, Domine. Et hoc innotescere intendimus, quia et ante tuæ religiositalis litteras, ut ita dixerim, solvi et ego ipse, respiciens quia oportebat ex deliberatione omnium nostrum consone et unanimiter vocem, qua Dei Genitrix nominatur, exponere, etc., unde ut nullam ovem quo posset perire, despicere, sicut ipsum hominem Dominum fecisse conspiciamus, Christi eam vocavimus Genitricem, ut hæc vox utrumque, manifeste signaret, id est, Deum et hominem ». Cum litteris mittit Nestorius exemplar sermonis sui xii. Ejus versio diversa ab ea quam jam habebamus apud Marium Mercatorem, sed utrobique sermo integer est. In fine suæ Epistolæ de indictione Synodi Ephesinæ loquitur Nestorius, cujus verba Lupum in notis ad eam Epistolam in transversum egere: « Quæso igitur », inquit Nestorius, « ut quiescentes ab hujusmodi causæ causæ præsentis, et scientes, quia per gratiam Dei eadem et sapimus semper, et sapimus in his quæ ad pietatem fidei pertinent, orate consue, ut et in his ipsis, et in omnibus reliquis a Domino Christo impetremus auxilium, et digni efficiamur ut ad invicem. Manifestum est enim quia si nos invicem viderimus, dum nobis hanc ipsam Synodum donaverit, quam speramus, et istud, et reliqua quæcumque fieri oportet, ad correctionem generalitatis atque juvenem, absque scandalo, et cum concordia proponemus, etc. » Lupus enim in Notis ait: « Indicta Synodus nescio ex quibus causis, cessavit et hæsit. Hinc enim Basilium diaconum et archimandrita, et plures cum ipso collegæ, dum Nestorius apertum hæresiarcham ac tyrannum ageret, fieri Synodum instantissime postularunt a principe, et nisi fieret provocarunt ad Dominum Deum. Propter nescio quos tunc pendentes Synodi obices dicit: « Dum nobis Synodum donaverit, quam speramus ». Ita Lupus.

22. *Ea Palinodia audita Constantinopoli perturbatio cessavit.* — Verum *Basilium* archimandrita, ahique monachi, non hoc anno sed superiori, supplicationem suam, qua vexationes sibi a Nestorio inflictas exponebant, et Concilium generale fieri postulabant, Theodosio præsentarunt, ut ibidem num. 21 ostendi, et Nestorii verba hæc, *dum nobis hanc ipsam Synodum donaverit*, celebrationi Synodi

generalis impedimentum aliquod interpositum fuisse nullo modo designant. At, inquit Lupus in Notis ad Epistolam IV Synodici, quæ est Joannis Antiocheni ad Firmum Cæsareæ Cappadociae episcopum, Joannes de illo obice, qualescumque fuerit, mentionem facit: « Quod autem nunc instat », inquit Joannes, « hoc tuæ Deo amabilitati significo: quoniam per Dei gratiam perturbatio quæ erat Constantinopoli, jam quiescit de questione dispensationis piæ susceptione sententiæ: non quod penitentia vel correctio sit secuta, sed quia sana intelligentia, et nomen Dei Genitricis competenter accepit: sapiebat siquidem sic prius sanctissimus episcopus Nestorius, sicut res ipsæ docuerunt. Cavebat vero nomen, veluti dare posset, ut diximus, unde nos sequaces hæretici Apollinarii reprehenderent. Quia vero sic et ante saperit, inde convincitur, quia et cilo constitit, admonentibus nobis, sicut a propriis fit, et ipsum nomen accepit, et in duobus sermonibus sanam fidei expositionem et irreprehensibilem nobis direxit ». Haud dubie, subdit Lupus, Joannes bis ad ipsum (nempe Nestorium) scripserat. Altera utriusque Epistola latet aut perit. Notanda sunt hæc verba: *Perturbatio, quæ erat Constantinopoli, quiescit.* Hæc qualiscumque quies forsitan efficit, ut indicta Synodus videretur non necessaria, ideoque dormitaret. Verum erat dolosa quies; et ipsa abusus Nestorius cepit in Orthodoxos, clericos præsertim ac monachos, apertum tyrannum agere: patrare illa, quæ *Basilius* ac alii regni civitatis archimandrita Theodosio representarunt, et adversus illa postulare omnino fieri Synodum, alioquin ad tremendum Divinæ Majestatis tribunal provocaturi ». Et sic Synodus revixit.

23. *Blasphemia in Deiparam valde Constantinopoli observata commoverat.* — Hæc Lupus, qui quidem recte observat deperditam esse unam ex Epistolis Joannis ad Nestorium, cum qua hic sermonem suum XII, in quo sicuti et in posteriori Beatissimam Virginem Dei Genitricem appellavit, ad Joannem transmisit, et tumultus Constantinopoli excitatos quiescisse: sed eum fugit causa cessationis hujusmodi tumultuum, licet eam *Joannes Antiochenus* discrete memoret, affirmetque Nestorium *nomen Dei Genitricis competenter* nunc accipere. Non enim alia de causa hoc et duobus superioribus annis Constantinopoli tumultuatum fuerat, nisi quia Nestorius in suis sermonibus hæc Anastasii presbyteri sui verba cum in Ecclesia doceret prolata, *Nemo Mariam vocet Deiparam* confirmarat, « quæstiones », inquit Socrates lib. 7, cap. 32, « ea de re pervicaciter proponens, et vocem Deiparæ perpetuo rejiciens. Proinde cum hæc quæstio ab aliis aliter excepta esset, dissidium ortum est in Ecclesia. Ac velut in nocturna quadam pugna femere dimicantes, modo hoc, modo illa dicebant, idem affirmantes pariter et negantes, Nestorium vero plerique in ea sententiâ esse existimabant, ut Dominum nudum esse hominem assereret, et Pauli Samosatensis ac Pholini dogma in Ecclesiam inve-

heret. Verum hæc de re tanta altercatio, tantisque tumultus est excitatus, ut opus fuerit generali Concilio ». Postquam vero Nestorius palinodiam cecinit, « perturbatio, quæ erat Constantinopoli, jam quiescit, de questione dispensationis piæ susceptione sententiæ », ut scribit Joannes Antiochenus ad Firmum Cæsareæ episcopum, qui tamen frustra conatur his verbis, *non quod penitentia vel correctio sit secuta*, purgare Nestorium, quem certum est autem suam palinodiam eadem semper docuisse, quæ impius Anastasius ejus presbyter. Verum dum Joannes tumultum Constantinopoli cessasse ad Firmum scribit, eundem fovet scribens in eadem Epistola: Capitula quæ circumferuntur, *tanquam quæ religiosissimi episcopi Cyrilli*, consonare cum doctrina Apollinaris, « quæ ne patiamur et nos », ait Joannes, « rogo tuam religiositatem, si hæc Capitula in Pontica sinf Diocesi vulgata, dignare hæc ipsa inspicere, et cognoscens incongruitatem, quæ in eis est, abjura ea apud omnes Deo antecessimos episcopos, qui eadem sentiant ».

24. *Joannes Antiochenus ex Capitulis Cyrilli turbandi occasionem sumpsit.* — Sed Firmus primæ Cappadociae metropolitæ, ac primas Ponticæ Dioceseos, constans in fide permansit, et in Ephesina Synodo fuit unus e præcipuis sancti Cyrilli defensoribus. *Joannes* tamen ex Pontica Diocesi *Himerium* Nicomedensem, Bithyniæ metropolitam, ac *Eutherium* Thyanensem, metropolitam secundæ Cappadociae, et *Helladium* Tarsensem episcopum, metropolitam primæ Ciliciæ adeo adversus Cyrilli Capitula accendit, ut postea, cum pax in Ecclesia composita est, ab ea exclusi fuerint. Fundamentum sumum ac totius factionis adversus Cyrilli Capitula his verbis nos edocet *Joannes*, quod nempe exislmaret, iis doceri duarum in Christo Domino naturarum non unionem, sed unitatem et confusionem: « Intendunt namque ista Capitula », inquit Joannes, « sicut licet tibi legenti cognoscere, corpus, quod Deus Verbum de sancta Virgine assumpsit, ejusdem, ejus Divinitas, esse nature: Divinitate permutationem, sicut nosti, non valente suscipere. Unionem namque summam et conjunctionem dicere piùm est, identitatem vero nature dicere, nimis illicitum est ». At Cyrilli Capitula, ut ea legenti patet, ab ea impietate valde aliena. Cum vero Nestorii ad Joannem, et Joannis ad Firmum litteræ paulo post sermonem XIII ad Nestorio die VII mensis Decemb. habitum, datæ fuerint, ad currentis anni finem pertinent.

25. *Non vero Cælestinus.* — Garnerius in Dissert. II de Synodis habitis in causa Nestorii pag. 351, aliquot loca Annalium Ecclesiast. recte emendavit. Num. 61 hoc anno dicitur, *Theodosium* apud Cælestinum egisse per *Petronium* postea creatum episcopum Bononiensem de convocando in annum sequentem Ephesi universali Concilio. Sed hæc opinioem convellit Mercator, patefacta die, qua litteræ *Cælestini* Nestorio redidite sunt, trigesima sc. mensis Novembris, non septima Decembris,

ut perperam Garnerius putat. Nam inde constat, duodecim ante diebus indictam esse Synodum quam litteræ exhiberentur. Secundo, observat Garnerius, indictam non esse Synodum consilio *Cælestini*, ut arbitrat Baronijs; præter ea enim quæ anno sequenti in medium afferentur, pugnantibus *Cælestinus* eodem tempore voluntates habuisset; cum hinc damnationis sententiam definitivam ferret in *Nestorium*; et executores sententiæ mitteret; inde causam Concilio permitteret. Tertio, Garnerius pag. 344 dicit, se sibi persuadere non posse *Theodosium* egisse apud *Cælestinum* per *Petronium*, qui dicitur a Theodosio ad *Cælestinum* in causa Nestorii missus, et lator litterarum imperatoris, « quibus respondit Pontifex se ne hæresis latius serperet, œcumenicam, ut moris esset, Synodum indicturum. Quæ Synodus Ephesi prior sequenti anno celebrata est, frequenti ducentorum episcoporum conventu ». Nam si qua fides adhibenda esset scriptori Actorum sancti Petronii, non impulsu Nestorii, sed odio Theodosios procurasset cogendam Synodum; non eam ipse indixisset, sed *Cælestinus*; non eo tempore, quo indicta est, tulisset Pontifex damnationis sententiam, sed ferendam Synodo mandasset; non executorem sententiæ Cyrillum constituisset, sed totam Synodum. Verum nota fides Actorum, quantumvis eam interpolatis veteribus monumentis Sigonius in Historia episcoporum Bononiensium firmare conatus sit. *Nestorius* enim ipse petitam a se Synodum faceret; unde et Synodi petitur a *Cælestino* dicitur, et legatis Sedis Apostolicæ, ipseque imprimis studiosissimus Pontificiæ dignitatis assertor *Philippus*, non a *Cælestino*, sed ab imperatoribus indictum Concilium testatus est; et eo tempore congregatum, quo sententia Pontificis in Nestorium lata mandanda erat executioni; et executionem Cyrillo, non œcumenicæ Synodo, *Cælestinus* commisit, ut ex litteris *Nestorii* ac *Cælestini*, et Actis Concilii aperte constat.

26. *Moritur Aurelius Carthaginensis Episc.* — A num. 74 ad 89. Scripsit imperator beato *Augustino* Hipponensi episcopo, ut ipsi Concilio præstaret suam præsentiam, inquit *Liberalus* cap. 5, qui addit, *Augustino* tunc mortuo *Capreolum* episcopum Carthaginensem, Vessulum diaconum suum ad Concilium Ephesinum misisse legatum. Quod vero ait Baronijs num. 74 *Capreolum* successisse *Genethio* seu *Genethlio*, jam supra a nobis confutatum est. Vivebat adhuc *Aurelius* anno superiori, ut liquet ex Marii Mercatoris Communitorio tunc *Theodosio* oblato, qui laudans *Ambrosium*, *Innocentium*, *Zozimum*, *Theodotum* et *Praxylan*, eos *beatæ recordationis* appellat, sed loquens de *Cælestio* Carthagine accusato, ait: « De infrascriptis capitulis apud *Aurelium* episcopum memoratæ urbis, per libellum a quodam *Paulino* diacono sancte memoriæ *Ambrosii* Mediolanensis episcopi est accusatus ». Quam obrem anno superiori adhuc in vivis erat *Aurelius*, qui tamen eodem anno, vel saltem currenti ad Deum migravit, die incerto, ut fidem faciunt litteræ

Capreoli Carthaginensis episcopi, in parte II Concil. Ephes. cap. 9, pag. 529 recitata, et a Baronijs anno cxxxix. num. 38 et seqq., ubi etiam eum in *Genethlii* locum subrogatum esse perperam asserit; cum hic sub finem superioris sæculi vita functus sit, ut jam ostendimus. Colitur *Aurelius* in antiquo Calendario Ecclesiæ Carthaginensis a *Mabilonio* tom. II Analect. publicato, die xx mensis Julii: ibi enim legitur: *XIII kal. Ag. Depositio sancti Aurili*. Eminent. card. Norisius lib. 2 *Histor. Pelag.* cap. 8, *Aurelium* laudibus jure merito exornat; per annos enim fere quadraginta quibus primatum Africa tenuit, Donatistas universa fere Africa exclusit, Pelagianos in pluribus Synodis anathemate percussit, Paganorum templa in Christiana religionis usum redegit, ac in decem et septem Plenarijs ex universa Africa Concilijs orthodoxam doctrinam ac disciplinam egregijs legibus confirmavit.

27. *Moritur et Alypius Tagastensis episcopus.* — Eodem circiter quo *Aurelius* tempore, *Alypium* episcopum Tagastensem spiritum Deo reddidisse existimat *Card. Norisius* citatus. Fuit *Alypius* Augustini tum in patria, tum Carthagine discipulus, et in Pelagiano bello collega. Cum eo Manichæis adhærens erravit, cum eo respuit, cum eo Mediolani sacris aquis ablatus est. Hierosolymam ex Africa profectus *Hieronymo* Augustinum amicissimum reddidit, et longinquarum peregrinationum periculis pro *Pelagianis* extirpandis, devotissimis, doctissimis Epistolis contra eosdem perscriptis, nobilissima etiam ad *Honorium* legatione ea de causa perfunctus, inter divine gratiæ propugnatores secundus ab Augustino nominandus venit. Plures cum eo contra Pelagianos Epistolas conscripsit; indeque factum, ut præclarissimi Patres, qui contra eos Epistolas ad *Augustinum* dabant, easdem cum *Alypio* communes facerent. *Sanctus Paulinus* Nolanus episcopus *Alypium* adeo amabat, ut illius vitam litteris tradere in animo habuerit, data ea de re ad ipsummet *Alypium* Epistola, inter Augustinianas xxv, alias xxv, ubi lotus in *Alypii* laudes effunditur. Hæc etiamque plura Eminent. card. Norisius de *Alypio*, qui in Martyrologio Romano memoratur ad diem xv mensis Augusti.

28. *Obitus S. Augustini Hipponensis episcopus.* — Hoc etiam anno *Vkalend. Septembris*, ut utrumque testatur *Prosper* in *Chronico*, inter impetus obsidentium *Vandalorum* in Christo obdormivit *Augustinus*, de cujus gestis ac scriptis sæpe disseruimus. Duo ejus ultima Opera fuere liber de *Heresibus*, et liber sextus Operis imperfecti adversus *Julianum*, quod utrumque morte præventus absolvere non potuit, ut supra ostendimus. Ultima ejus Epistola ad *Honoratum* data, cxxxvii alias cxxxix, quæ est de fuga in persecutione, hoc anno scripta est, ut anno cxxxvii ostendimus. Caput ægrotare *Augustinus* tertio urbis Hipponensis obsidionis mense, et gravi febre correptus intra paucos dies finem vivendi fecit, ut scribit *Possidius* in ejus Vita, qui et docet illum annos septuaginta sex vixisse, et per annos

quadraginta episcopatum Hipponensem gessisse. Ejus Opera sedulo studio Patrum Benedictinorum ad Mss. codices et editiones antiquiores castigata, et varie illustrata, majori cum fructu, ac minori temporis dispendio a studiosis in posterum legi poterunt.

29. *Pax Suevos inter et Gallæcos sancita.* — Idacius in Chronico anno Abrahami MDCXVI, qui kalendis Octobris superioris Christi anni inchoatur, scribit : « Suevi sub Hermerico rege medias partes Gallæciæ deprædantes, per plebem, quæ castella tutiora retinebat, acta suorum partim cæde, partim captivitate, pacem, quam ruperant, familiarum, quæ tenebantur, rehabilitatione instaurant » : Hæc Idacii verba lucem accipiunt ex verbis Isidori in Historia Suevorum, dummodo levi emendatione juventur : « Vandalis Africam transeuntibus. Galliciam soli Suevi sortiti sunt, etc. Galliciæ autem in parte provinciæ regno suo utebantur, quos Hermericus assidua vastatione deprædans, tandem morbo oppressus, pacem eis fecit ». Ita habet editio Grotii; editio vero Labbeana, *Galli autem in parte provinciæ*. Verum utrobique loco *Galliciæ*, aut Galliciæ, legendum, *Gallæci*. Quæ emendatio certa; cum Idacius anno sequenti scribat : « Rursum Suevi initam cum Gallæcis pacem conturbant » : quod anno CDXXXV ex alio Idacii loco confirmabitur. Pax

itaque hoc anno Suevos inter et populum, qui in parte Gallæciæ, postquam eam Vandali deseruerant, dominabatur, composita est.

30. *Juthungi et Norici ab Actio debellati.* — Tum Idacius : « Per Actium comitem non procul de Arelate quadam Gothorum manus exstinguitur, Anaolfo optimate eorum capto, Juthungi per eum similiter debellantur et Nori », id est Norici. Juthungi, inquit Ammianus lib. 17, cap. 6 : « Alamannorum pars, Italicis conterminans tractibus Rhaetias turbulente vastabant ». Cum Juthungis Idacius Vindelicos et Noricos jungit, qui tunc una fortasse rebellarant. Adversus eos *Actius*, qui Felice ad patriciam dignitatem provento, magister militum factus est, ut habet Prosper in Chronico sub præcedentis anni cons. expeditionem suscepit, cui comes fuit *Acivus*, qui postea imperavit, teste Sidonio in Panegyrico Aviti, num. 230.

Nil sine te gessit, cum plurima tu sine illo.
Nam post Juthungos, et Norica bella, subacto.
Victor Vandahco, etc.

Sidonius dicit *Norica bella*; Idacius enim num. insequenti ait : « Actius dux utriusque militiæ Noros edomata rebellantes ». Vigebat hoc tempore pax Gothos inter et Romanos, sed Barbari ab excursionibus faciendis vix sese continere poterant.

CÆLESTINI ANNUS 8. — CHRISTI 431.

1. *Post eodem in Ecclesia Constantinopolitana patratam, Theodosii sanctio de Ecclesie immunitate.* — Sequitur annus celebris memoria œcumenicæ Synodi Ephesinæ, consignatus consulatu Anicii Bassi, et Flavii Antiochi. Hic ille Antiochus patricius ex eunucho, qui postea delatus apud ipsum Theodosium imperatorem, privatus bonis, et redactus in ordinem, inter clericos professus est, ut Suidas testatur : est Theodoretus ad eum Epistola¹ factum illud adornantis, perinde ac ipse sponite seculo munus remississet, et non coacte vitam alienam a curia agere instituisset. Hujus occasione editam sanctionem a Theodosio, idem Suidas addit, ne amplius

eunuchi inter patricos militarent. Clara quoque Antiochi hujus memoria est in collectione Codicis Theodosiani, cum de eo ista habeat imp. Theodosius¹ : « Longum est memorare quid in hujus consummatione negotii contulerit vigilis suis Antiochus, cuncta sublimis ex præfecto et consule ». His de Antiocho consule dictis, jam res hoc anno sub ejus consulatu gestas recenseamus.

2. Sed antequam de ipsa agamus Synodo Ephesina, ex more, ordine temporis, quæ ante ipsam hoc anno contigerunt, primum in medium afferamus. Cum expulsis clericis Catholica fidei, Nestorius sibi Ecclesias omnes quæ erant Constantinopoli vindi-

¹ Theod. ep. xcv. ex C. Vatic.

¹ L. 1. de C. Theod. auct. Novel. tit. 1.

cassel, congligit unam ipsarum eade hominum turpissime profanari. Quomodo autem id acciderit, Socrates recenset, hæc dicens¹ : « Illis rebus confectis, scelus quoddam nefandum forte fortuna in Ecclesia editum est. Nam cuiusdam præpotentis viri servi, genere barbari, cum immanem heri sui feritatem experti, eam ferre non possent, ad Ecclesiam confugerunt, atque gladiis cincti ad altare prosiliunt. Rogati igitur ut abirent, nullo modo obsequi volebant, sed sacris ministeriis obcundis erant impedimento. Quin etiam dies complures strictos tenebant gladios, paratique erant ad quemcumque obruncandum, qui illos adiret. Itaque uno clerico interfecto, altero vulnerato, ad extremum sibi ipsis necem conceverunt. Unde quidam eorum qui aderant, dixit, templi profanationem aliquid mali portendere; duosque poete cuiusdam senarios in eandem civitatis sententiam :

Nam sæpe signa talia dari solent,
Cui sacra fedum templa pollunt scelus.

Atque eum qui ista dixerat, minime fefellit opinio; quippe et divisionem populi (ut videtur) et auctoris divisionis abdicationem significavit. Hæc Socrates; quæ hoc ipso anno Marcellinus conficisse tradit, sub iisdem consulibus rem gestam referens, licet paulo diverse, his verbis: « Barbari in Augusta urbe nutriti ad Ecclesiam nostram hostili ritu confluunt: ignem in Ecclesiam ad comburendum altare dum infesti faciunt, invicem sese, resistente Deo, trucidant »: subdit, hoc eodem tempore ob tritici penuriam Theodosium imperatorem a populo lapidibus impeditum.

3. Quod vero ad Ecclesie nefandum profanationem spectat; eam ante Aprilis mensem accidisse, possumus ex eo conjicere, quod idem Theodosius consulturus in posterum, hoc anno vicesima tertia mensis Martii ad Antiochum præfectum prætori eundemque consulens ordinarium, sanctionem dedidit de ecclesiastica immunitate sollicitudine conservanda, et latioribus terminis dilatanda; ne scilicet putarentur, qui ad eam confugiunt, minus tuti esse, nisi allare temerint: sic enim ipsa se habet:

« Pateant summi Dei templa fimentibus: nec sola altaria, et oratorium templi circumjectum, quod Ecclesias quadripartito intrinsecus parietum septu concludit, ad tuitionem confugientium sancimus esse proposita: sed usque ad extremas fores Ecclesie, quas oratum gestiens populus primas ingreditur, confugientibus, paræ salutis esse præcipimus: ut inter templi, quod aram salutem descripsimus cinctu, et post loca publica et januas primas Ecclesie, quicquid fuerit interjacens, sive in cellulis, sive in domibus, hortulis, balneis, arcibus, atque portibus, confugas interioris templi vice tueatur. Nec in extrahendo eos conetur quisquam sacrilegas manus immittere: ne qui hoc ausus sit, cum dis-

crimen suum videat, ad expectandam opem ipse quoque confugiat. Hanc autem spatii latitudinem ideo indulgemus, ne in ipso Dei templo, et sacrosanctis altaribus confugientium quemquam mane vel vespere cubare vel pernoctare liceat, ipsis hoc clericis religionis causa velantibus, ipsis qui confugiunt pietatis ratione servantibus.

4. « Arma quoque in quovis telo, ferro, vel specie, eos qui confugiunt, minime intra Ecclesias habere præcipimus, que non modo a summi Dei templis ac divinis altaribus prohibeantur, sed etiam cellulis, domibus, hortulis, balneis (baptisteriis), arcibus, atque portibus. Proinde tui qui sine armis ad sanctissimum dei templum, aut ad sacrosanctum altare, sive usquam gentium, sive in hac alma urbe confugiunt, somnum intra templum, sive ipsum altare, vel omnino cibum capere absque aliqua eorum injuria ab ipsis clericis arceantur, designantibus spatia, que in ecclesiasticis septis eorum tuitioni sufficiunt, adducentibus capitalem penam esse propositam, si qui eos conentur invadere. Quibus si perlega non amittit, neque consentit, præferenda humanitati religio est, et a divinis ad loca que diximus, turbanda temeritas.

5. « Illos vero qui templa cum armis ingredi audent, ne hoc faciant, præmonemus. Delinere si telis cincti, quovis Ecclesie loco, vel ad templi septa, vel circa, vel extra sint: statim eos, ut arma reponant, auctoritate episcopi a solis clericis conveniri præcipimus, data eis fiducia, quod religionis nomine melius quam armorum presidio muniantur. Sed si Ecclesie voce moniti, post tot tantorumque denuntiationes noluerint arma relinquere, jam clementie nostre apud Deum et episcoporum causa purgata, armatis (si ita res exegerit) intromissis, trahendos se, abstrahendosque esse cognoscant, et omnibus casibus esse subdendos. Sed neque episcopo inconsulto, nec sine nostra, sive iudicium in hac alma urbe vel ubicumque iussione, armatum quemquam ab Ecclesiis abstrahi oportebit: ne, si nullis passim hoc liceat, confusio generetur. Dat. decimo kal. Aprilis Constantinopoli. Antiocho V. C. et Basso cons. » Hactenus Theodosii imp. sanctio: habent eam tum codex Theodosianus¹, tum etiam Justinianus², ceterum neutro ipsa integra reperitur.

6. Inter Acta autem Ephesini Concilii hæc ipsa constitutio, ut sancita est, nullum passa mutilationis dispendium, invenitur³: ubi inter alia notata digna, de se ipso, cum primum omnium ei se imperator reddere voluit obsequentem, hæc ait: « Nos qui legitimi imperii armis nunquam non circumdamur, quoque sine armatis stipatoribus esse non convenit, Dei templum ingressuri, foris arma relinquimus, et ipsum etiam diadema regie majestatis insigne humiliter deponimus, et sacra altaria munerum tantum offerendorum causa ac-

¹ Soer. I. VII. c. 23.

¹ L. IV. de his qui ad eccl. confug. C. Theod. — ² L. III. C. Just. cod. tit. — ³ Conc. Ephes. edit. Pell. tom. V. c. 21.

cedimus ; quibus quoque oblati, ad extimum communeque atrium mox nos recipimus, nec quicquam ex propinqua Divinitate nobis arrogamus ». Haec de se Theodosius : qui sequenti anno novis casibus hæc ex parte corrigere coactus est, dato item de limitibus ecclesiasticæ immunitatis rescripto ad Hierim¹. Sed de his satis.

7. *Legati Occidentales ad Concilium Ephesinum cum Epistola Cælestini*. — Acturis jam nobis de Ephesino Concilio, de legationibus primum e remotioribus orbis regionibus illuc missis dicendum erit. Constat autem, ex universo plane orbe Christiano illuc legatos esse directos : siquidem hæc habentur in relatione Philippi Apostolicæ Sedis legat². « Omnes namque Orientales, vel per se, vel certe per suos legatos sacerdotali huic consensui intersunt ». Sed quænam istæ fuerint legationes, dicendum nobis est : atque primum de Occidentalibus illa præcipua fuit, quæ nomine omnium Occidentalium, transmarinis Africanis exceptis, decreta est a Cælestino Romano Pontifice, ut facile colligi potest ex relatione ejusdem Concilii Ephesini ad Theodosium imperatorem. Cælestinus enim non contentus, anno superiori (ut vidimus) collecta Romæ Synodo adversus Nestorianam hæresim, Nestorium, quamdiu hæreticus esse persisteret, condemnasse, atque Cyrillo episcopo Alexandrino delegasse vices suas, litterasque ad ipsum necnon ad Nestorium dedisse, et ad clerum Constantinopolitanum alias etiam addidisse : hoc insuper anno ad Ephesinum indictum Concilium ex Synodo Romæ habita legationem decernit, annuente ipso sacro Patrum consensu, cui idem præfuit Cælestinus. Id quidem Patres Ephesini Concilii in eadem ad Theodosium relatione significarunt his verbis³ : « Etsi ingens iuneris intercapedo universam illam sanctorum episcoporum multitudinem ad nos pervenire prohibuerit; attamen illis in locis simul coacti, Cælestino sanctissimo piissimoque Romano urbis episcopo præsentem et præsidente, nostram de fide sententiam summo consensu prædicarunt ». Et infra : « Viri isti totius Occidentalis Ecclesiæ sententiam nostræ huic Synodo coram per litteras exposuerunt, etc. » Qui autem delecti ad obeundum legationis munus fuerunt a Cælestino Romano Pontifice, iidem (ut dictum est) pro reliquis orbis Occidentalis provinciis functi sunt legatione.

8. Porro Romanam ipsam Synodum hoc anno habitam, productam fuisse usque ad mensem Maii, evidens illa est demonstratio, quod litteræ a Cælestino ad Ephesinum Concilium ex Synodo date reperiantur octavo idus Maii : de quibus quidem Cælestini litteris in primis observandum est, eas scriptas fuisse ex more, latino sermone, inde vero reperiri in græcum translatas, et e græco rursus latinitali restitutas, non sine tamen magno præiudicio germanæ sinceritalis, ut ex diversitate earum

satis intelligi potest. Porro nemo non videt latinis antiquioribus standum esse exemplaribus, quorum omnium vetustissimum nobis exhibet Cresconiana Collectio, ut nulla de impostura possit esse suspicio. Ex ea vero ad Synodum Ephesinam Cælestini Epistola illud exploratum redditur, sic ab eo Romanaque Synodo missos esse tres legatos in Orientem; non, ut redditis irritis, quæ anno superiori adversus Nestorium ab eodem Pontifice decreta essent, causa ejusdem novo subjaceret examini; sed potius ut sententiæ in Nestorium latae iidem legati essent executores : ut plane appareat nihil præterea ab ipso Pontifice tributum Synodo, nisi ut cognitis his quæ anno superiori ibidem Romæ in Nestorium decreta fuissent, eadem executioni mandari curarent; nec quicquam præter sententiam Cælestini sibi arrogasse œcumenicum tantum Concilium constat. Sed reddamus hic Epistolam Cælestini ex Cresconiana Collectione depromptam⁴ :

9. « Spiritus sancti testatur præsentiam congregatio sacerdotum. Certum est enim quod legimus, quia nec potest veritas nostra mentiri, cuius in Evangelio ista sententia est⁵ : Ubi duo vel tres congregati fuerint in nomine meo, ibi et ego sum in medio eorum. Quod cum ita sit, ut nec huic tam brevi numero Spiritus sanctus deest; quanto magis cum nunc interesse, quando in unum convenit tanta turba sanctorum? Sanctum namque est pro debita veneratione Concilium (collegium), in quo utique nunc Apostolorum frequentissima illius, quam legimus congregationis adspicienda reverentia est. Nunquam his defuit magister quem acceperant prædicandum. Adfuit semper his Dominus et magister; sed nec docentes a suo doctore deserti sunt : docebat ille qui miserat, docebat ille qui dixerat quod docerent : docebat qui in Apostolis suis se confirmat audiri. Haec ad omnes in commune Domini sacerdotes mandata prædicationis cura pervenit : hæreditario namque in hanc sollicitudinem jure constringimur, quicumque per diversa terrarum, eorum voce nomen Domini prædicamus, dum illis dicitur : Ite, docete omnes gentes. Adverte debet fraternitas vestra, quia accepimus generale mandatum : omnes etenim (etiam) nos agere voluit, qui illic sic in commune mandavit officium.

10. « Necesse est, ut competenter nostros sequamur auctores, subeamus omnes eorum labores, quibus omnes successimus in honorem : præstemus (præsentemus) eorum diligentiam prædicantes (conservando), postquam momente Apostolo, nullam prædicationem jubemur adicere. Non est enim minor tradentis officio custodia traditorum. Illi jactaverunt fidei semina, nostra hæc sollicitudo custodiat, ut incorruptum et multiplicem fructum nostri patris familias adventus inveniat, cui soli utique Apostolorum assignatur ubertas. Loquente namque electionis vase⁶, plantare et rigare non sufficit, nisi Dominus dederit incrementum. Agendum igitur

¹ L. ult. de his qui confug. ad eccl. C. Theod. — ² Act. Ephes. Conc. edit. Pett. tom. II. c. 16. — ³ Ibid. c. 17.

⁴ Crescon. manuscript. — ⁵ Matth. XVIII. — ⁶ 1. Cor. III.

nunc est labore communi, ut credita et per Apostolicam successione lucusque delenta servemus. Illud enim a nobis petitur, ut secundum Apostolum ¹ ambulemus : nec enim nunc species, sed fides nostra vocatur ad causam : spiritualia arma sumenda sunt (quia bella sunt mentium et tela verborum) ut in nostri Regis fœdere perduremus.

11. « Omnes nunc ibi positos beatus Paulus Apostolus monet, ubi Timotheo ² remanere mandavit : ipse igitur locus, eadem causa, et jam modo ipsum requirit officium : nos quoque nunc agamus et studeamus illud quod agendum tunc ille suscepit : ne quis aliter sentiat, et quæstiones præstantibus maxime fabulis ne quis intendant, ut ipse præcepit : simus unanimis, unum (quia sic expedit) sentientes : nihil per contentionem, nihil agere per inanem gloriam gestiamus, ut una anima cum uno corde sit cunctis ; quandoquidem fides, quæ est una, pulsatur.

12. « Doleat, imo lugeat hoc nobiscum omne commune collegium ; quod vocatur in iudicium, qui iudicaturus est mundum ; discutitur, qui discussurus est omnes ; et calumniam patitur, qui redemit. Accingatur armis Dei vestra paternitas, qui scitis quæ galea caput nostrum muniat, quæ lorica pectus includat : non vos nunc demum Ecclesiastica rectores castra ceperunt. Nemo dubilet, favente Domino, qui facit utraque unum, depositis armis, pacem futuram, quando se ipsa causa defendit. Respicimus rursus etiam illa nostri verba doctoris, quibus proprie ad episcopos utitur, ista prædicens ³ : Attendite (inquit) vobis et universo gregi, in quo vos Spiritus sanctus posuit episcopos, regere Ecclesiam Domini, quam acquisivit sanguine suo. Inde ad hæc vocatos hos legimus, qui istud audirent, quo nunc sanctitas vestra convenit. Ephesus ergo, quibus est fidei nota prædicatio, sit nunc erga hanc etiam nostra nota defensio : exhibeamus his nostræ mentis illa veneratione constantiam, qua sunt digna quæ magna sunt, quæ pio sensu tranquillitas diuturna servavit. Annuntientur vobis quæ ab Apostolis inlimerata regnarunt (signantur) quia nunquam contra Regem Regum verba tyrannice dominationis admissa sunt, nec opprimi per falsitatem potuit negotium veritatis.

13. « Vos hortor, fratres carissimi, respiciatur illa sola dilectio, in qua ulique secundum vocem Joannis Apostoli (cujus reliquias præsentem veneramini) manere debemus : sit oratio communis ad Dominum ; scimus quæ vis illius præsentia sit futura, supplicante concorditer tanta multitudine sacerdotum, quando locus ille moveri potuit, in quo unanimiter legimus duodecim supplicasse. Quænam fuit Apostolorum petitio supplicantium ? nempe ut acciperent, verbum Dei loqui cum fiducia, et per ejus manus virtutes agere, quarum, prædicante Christo Domino, acceperant potestatem. Et vestro nunc sancto conventui quid aliud postulandum,

quam ut cum fiducia loquamini verbum Dei, quam et servare quæ prædicare concessit, ut repleti Spiritu sancto (sicut scriptum est) licet ore diverso, unum tamen, quod Spiritus sanctus docuit, profiteris ?

14. « His omnibus breviter animati (quia, sicut ait Apostolus, scientibus legem loquor, et loquor sapientiam inter perfectos) adestote Catholicae fidei et Ecclesiarum quieti ; adestote (quia sic dicendum est) et præteritis et præsentibus et futuris, rogantes, atque servantes quæ ad pacem sunt Hierusalem. Direximus pro nostra sollicitudine sanctos fratres et et consacerdotes nostros, unanimes nobis et probatissimos viros Arcadium et Projectum coepiscopos, et Philippum presbyterum nostrum ; qui his quæ agentur, intersint ; et quæ a nobis antea statuta sunt, exequentes : quibus præstandum per vestram sanctitatem non dubitamus assensum, quando id quod legitur, videatur pro universalis Ecclesiæ securitate decretum. Data ¹ octavo idus Maii, Basso et Antiocho consulis ». Hactenus Epistola Cælestini ad Concilium Ephesinum per legatos missa.

15. *Cælestini altera Epistola ad Theodosium, et altera ad Cyrillum.* — His subjiciendas putamus duas ejusdem Cælestini Epistolas eodem mense Maii datas, alteram ad Theodosium imperatorem, ad Cyrillum Alexandrinum alteram : quæ quidem cum nondum alicubi cuse habeantur ; ut vel nunc primum prodantur in lucem, ratio postulat argumenti. Accepimus ambas una cum aliis ejusdem Cælestini inferius recitandis a viro egregio Antonio de Aquino, qui nobilis plantæ claræ familia, memoria S. Thomæ clarioris, nobile germen eodem ex radice deducit, et producit fructus probitatis atque doctrinæ. Unde autem ipse acceperit, notum faciet, cum ad Decretales Epistolas Romanorum Pontificum, in quibus colligendis mirum in modum laboravit, occupatissimum auctarium addet. Tu interim istis fruiere, ac primum Epistola per eodem Apostolicæ Sedis legatos data, quæ sic se habet :

16. « Cælestinus episcopus Theodosio Augusto.

« Sufficiat licet, quod sollicitudo vestræ clementiæ circa fidei Catholicae defensionem, cui pro Christi Dei nostri amore, qui vestri imperii rector est, adesse modis omnibus festinatis, integram immaculatamque eam, pravorum dogmatum dampato errore, servatis ; in hoc semper munimen vestri constituentis imperii, scientes regnum vestrum sanctæ religionis observantia communitum firmiter duraturum : sed huic cælesti curæ, vel gloriæ uniusque nostrum pro sacerdotali officio operam nostram, in quantum valemus, impendimus ; et huic Synodo, quam esse jussistis, nostram præsentiam in his, quos misimus, exhibemus ; pietatem vestram sub divini obscantæ obtestatione iudicii, ne quid turbide novitati licere vestra mansuetudo permittat ; neve facultas aliqua his, qui divinæ majestatis potentiam in humanæ disputationis rationem arcere

¹ 2. Cor. v. — ² 1. Timoth. i. — ³ Act. xx.

¹ Hæc ex edit. Confiana.

contendunt, quo perturbetur pax Ecclesiastica, tribuatur.

17. « Major vobis fidei causa debet esse, quam regni; ampliusque pro pace Ecclesiarum clementia vestra debet esse sollicita, quam pro omnium securitate terrarum. Subsequuntur enim omnia prospera, si primitus, quæ Deo sunt cariora serventur. Abraham fide floruit, omnemque orbem gloria suæ prosperitatis implevit. Moyses populi liberator, zelum Domini contra eos, si quos a Dei cultu recessisse probaret, armavit. David regem sua præcepta servantem, in regno, ut ille inimicos suos subderet, Dominus custodivit. His rogo, exemplorum vallati præsidio, fide, observatione, virtute, universalis Ecclesiæ in Deum nostrum piissimum cultum, ne sibi aliquid dissensio vindicet, custodite. Pro vestri enim imperii salute geritur, quicquid pro quiete Ecclesiæ, vel sanctæ religionis reverentia laboratur. Hæc, gloriosissime et tranquillissime imperator Auguste, (quia in vestro corde esse novimus, Deum illic inesse non dubium) Augustis etiam aurius per fratres, et coepiscopos meos Arcadium, et Projectum, et compresserunt meum Philippum, quos misimus, intimamus: hoc a pietate vestra suppliciter deprecantes, quod vos habere credamus in votis, ut quod a Deo petitis, hoc in fide ipsius causa præstetis. Dat. idibus Maiarum, Basso et Antiocho cons. » Hactenus Cælestini ad Theodosium imp. Epistola, plane aurea: qua quidem innotescit, tum bene disponi a Deo regnum, cum reges pro Ecclesiâ solliciti sunt; contra vero corrumpere, atque in alias gentes transferri regna, quoties principes jura sibi usurpant Ecclesiastica: quod quidem in ipsomet Theodosio perspicue declaratum, quæ dicimus in ejus obitu, manifestum reddent, cum aliqui ista ipsa in singulis ferme Christianis sit demonstrare principibus; nam sicuti se ipsi gessere erga religionem, ita nacti sunt Deum protectorem ac propagatorem, vel e contrario destructorem imperii. Ut plane videas ex ipsis rebus eventis, insanire penitus, qui moderationem regni humanæ tantum prudentiæ lance suspendunt, et quidem mendaci statera, dum Ecclesiæ juribus majoris esse ponderis ducunt jura regnandi: sed hæc obiter.

18. Jam vero ad posteriorem Cælestini Epistolam ad Cyrillum Alexandrinum episcopum veniamus, quam hoc item anno eodem mense Maii datum fuisse apparet, et quidem ea occasione, quod ipse Cyrillus datis rursus litteris Cælestinum haud pridem consuluerat, quid agendum esset, si Nestorius respiceret, qui jam laqueo anathematis ex sententia lata adversus eum ab ipso Romano Pontifice fuerat innotatus. Monuerat præterea Cælestinum Cyrillus de Syris episcopis, qui suspecti admodum redditi esse ex eo videbantur, quod Nestorii patrocinium suscepissent. His, inquam, Cælestinus acceptis; quid agendum sit in causa Nestorii, ponderato judicio et temperato Christiana clementia agendum esse respondit, docens quam consulte, quam mature, quam religiose, quamque paterne soleret Apo-

stolica Sedes agere cum delinquentibus, quibus omnes ad poenitentiam vias sternere consueverit: sed describamus hic ipsam Epistolam haud sane proliam, hæctenus nunquam editam; quæ sic se habet:

19. « Cælestinus episcopus Cyrillo episcopo Alexandrino.

« Intelligo sententiam sapientissimi Salomonis¹ impletam: non enim aliter quam sitiens aquam frigidam, de terra longinqua iteratum nuntium per litteras tuæ dilectionis accepi, quæ nos invicem nostri consilii participatione conjungunt. Indifficiliter est Ecclesiarum, et Catholice fidei speranda tranquillitas, quando pro hac elaborare Christianissimos principes sic videmus. Non est inefficax in divinis maxime causis cura regalis, quæ pertinet ad Deum, qui fideliter lenet corda regnantium. Itaque breviter responsum tuæ reddimus sanctitati. Etenim quæris, utrum sancta Synodus recipere debeat hominem a se prædicatè damnantem; an quia induciarum tempus emensum est, sententia dudum lata perduret? Super hac utriusque consultatione communi communem Dominum consulamus. Nonne nobis respondet illico per Prophetam², mortem se nolle morientis; et per Apostolum Paulum³, omnem hominem velle salvum fieri, et venire ad scientiam veritatis? nunquam displicet Deo accelerata in quocumque correctio: tuæ sit hoc sanctitatis, cum venerando fratrum Consilio (consilio); ut orti in Ecclesia strepitus comprimantur, et tinitum, Deo annuente, negotium voliva correctione discamus.

20. « Convenit autem nos deesse non dicimus: neque enim ab his absentes esse possumus, quibus nos ubicumque positos, fides tamen una conjungit. Nolo nos corpore isto censeri, cujus præsentiam Apostolus⁴ adsignat intirram: illic sumus; quicquid illic pro omnibus agitur, cogitamus, spiritualiter agimus, quod corporaliter agere non videmur. Studeo quieti Catholice, studeo pereuntis salutis, si tamen voluerit ægritudine confiteri. Quod ideo dicimus, ne volenti se corrigere, forsitan deesse videamur. Nam etsi et nobis sustentibus vivam⁵, spinas sibi addiderit: impleatur, manentibus statutis prioribus, sui fructu judicii: colligat quod sulco diabolico seminavit, non nostro consilio, sed se periturus auctore. Probet nos veloces pedes ad effundendum sanguinem, non habere, quædos sibi etiam se medicum cognoscat oblatum. His autem, quos erga Catholicam fidem tua fraternitas dicit se habere suspectos; si scripta direxerint, pro qualitate rerum eis non respondere necesse est: in quo negotio nemo subrepet: quia tota cantione tractatur. Dat. nonis Maiarum, Basso et Antiocho VV. CC. cons. » Hæc Cælestinus: atque de litteris hæctenus.

21. *Qui legati Romani Pontificis fuerint.* — At de Apostolice Sedis legatis modo agendum est.

¹ Prov. XXV. — ² Ezech. XXXIII. — ³ 1. Tim. II. — ⁴ 2. Cor. X. — ⁵ Isai. V.

Atque in primis quod ad Philippum S. R. E. presbyterum pertinet. hunc eundem esse putamus cum eo, qui ejusdem nominis, ordinis, atque numeris missus reperitur in Africam a Zozimo papa una cum Faustino episcopo Potentino legatus a Latere Philippus Romanus presbyter, de quo superius dictum est. Quod vero ad reliquos duos legatos episcopos Arcadium atque Projectum : quarumnam fuerint Ecclesiarum antistes, nusquam apud Acta Concilii Ephesini expressum reperire potuimus : fuisse quidem viros præclaros et insignes, quibus tanta legatio credi valuit, nemini dubium esse debet : reperimus tamen in litteris Cælestini papæ ad episcopos Galliarum, infer alios Arcadium nominari ; sed nec ibi, cujus Ecclesie episcopus fuerit, exprimitur ; eundemque puto Arcadium, qui reperitur interfuisse post annos octo Concilio Regensi sub consulatu Valentiniani decimo septimo.

22. Sed quod ad Projectum episcopum spectat : illud sane nobis compertum est, claruisse his temporibus Projectum episcopum Forocornuensem, de quo Petrus Chrysologus Ravenas episcopus, qui his quoque temporibus claruit, honorifice meminit : in ejus enim ordinatione sermonem habens ¹, hæc inter alia, cum de ejus nomine agit : « Projectum dixi, sed non abjectum. In te projectus sum de ventre, ex utero matris meæ Deus meus es tu. Et vero Projectus iste ex utero humanæ matris, matris divinæ in utero semper mansit : qui domus sue neciscus, domus Dei esse perstitit habitator ». Hæc ibi de eo Chrysologus, et alia in laudem ipsius : ut facile opinari possimus, hunc illum esse Projectum, quem tantæ legationis functio decoravit. Atque de legatis episcopis satis.

23. *Capreoli episcopi Carthaginensis altera per legatum ad Concilium Epistola pro universa Africana Ecclesia, altera de Verbi Incarnatione.* — Quod rursum ad legationes Occidentalis Ecclesie spectat : quominus solemniter ex more legatio mitteretur ab episcopis Africanis, Wandalorum grassatio fuit impedimento. Cæterum non defuit officio Capreolus episcopus Carthaginensis, quin, etsi quod optabat præstare non licuit ; miserit tamen Ephesum diaconum Ecclesie Carthaginensis, Bassulam, seu Besulam nomine, cui et litteras ad Synodum dedit : cum alioqui, etiamsi in summa tranquillitate collocatæ fuissent res Ecclesie Africane, haud tamen pateretur angustia temporis cogi ex insituto Carthage generale Concilium, et inde generalem loco omnium decerni legationem. Etenim anno superiori a Theodosio scripte litteræ de Synodo habenda Ephesi, nonnisi hoc anno ante Paschales ferias reddite fuere ipsi Capreolo Carthaginensi episcopo, qui in locum Gennadii (ut dictum est) fuerat subrogatus. Iste igitur deploratissimi temporis pressus angustiis, ne penitus deesset officio, ejusdem Ecclesie diaconum, Bassulam (Besulam) nomine, cum excusationis litteris legavit Ephesum : id qui-

dem cum ipsa Ephesina Acta ¹ testentur, Liberatus quoque in Breviario ² tradit. Litteræ autem ab eodem episcopo Carthaginensi ad Synodum date, quibus et miserimus status Africanæ Ecclesie describitur, sic se habent :

24. « Piissimis, beatissimisque, et sanctissimis consacerdotibus, qui undequaque ad sacram Synodum convenere, Capreolus episcopus in Domino salutem.

« Optassem, piissimi fratres, venerandam vestram Synodum in eum rerum statum incidisse, quo nobis quoque delectis communi omnium sententia aliquot ex fratribus, et coepiscopis nostris, instructam polius legationem mittere licuisset, quam excusationem lamentatione dignam. Verum hunc animi impetum diversæ causæ impediunt. Primo enim Domini, et filii nostri religiosissimi Theodosii imperatoris litteræ ad manus nostras perlatae, ejusmodi erant, quæ felicis recordationis fratres, et coepiscopi nostri Augustini præsentiam peculiari ratione flagitabant. Verum quod eæ illum jam tum e vivis excessisse comperissent ; ego regium illam insimulationem, licet ad prædictum Augustinum destinata foret, excipere compulsus, missis ad universas Africæ provincias congruis litteris, consuelisque articulis Synodum cogere volui, quo nimirum ex fratrum, et coepiscoporum nostrorum numero deligerentur nonnulli, qui ad venerabilem beatitudinis vestræ Synodum primo quoque tempore amandarentur. At omnis hæc tempestate viæ aditus præclusus est. Etenim effusa hostium multitudo, ingensque ubique provinciarum vastatio, quæ incolis partim extinctis, partim in fugam actis, absolutam desolationis speciem, quoquoersum longe lateque porrigitur, oculis offert, promptam illam coeundi facultatem ademit. His itaque impedimentis episcopi, quibus propositum id erat, prohibiti, ex totius Africæ ambitu simul convenire nequeverunt. Hisce incommodis accedebat, litteras regias ad Paschales demum ferias ad nos perlatas esse, quando jam inde usque ad indictam venerandam Synodum vix duorum mensium spatium supererat. Quod sane temporis intervallum, etsi nulla in præsentiarum a hostibus difficultas fuisset objecta ad Africanam domesticamque Synodum cogendam vix sat erat.

25. « Veruntamen licet solemnem aliquam legationem mittere neququam valuerimus, attamen propter reverentiam et observantiam, quæ Ecclesiasticæ discipline jure debetur, diaconum Bassulam filium meum una cum his expurgationis nostræ litteris oratorem ad vos mittendum existimavimus. Quamobrem, venerandi fratres, vestram sanctitatem iterum atque iterum rogatum cupio (etiam si fidem Catholicam per tantam venerandorum sacerdotum Synodum Dei nostri auxilio munitam stationem suam firmiter retenturam certo confidam) ut Spiritu sancto cooperante, quem cordibus vestris in

¹ Concil. Ephes. edit. Pell. tom. II. c. 19. — ² Liberat. diac. Brev. v.

¹ Petr. Chrysolog. serm. CLXV.

omnibus quæ acturi estis, præsto futurum non dubitamus, novas doctrinas, et antehac Christianis auribus inusitatas, præscæ auctoritatis robore instructi, e medio profligetis, tantaque constantia ac virtute quibuscumque novis erroribus resistatis, ne hos quos pridem impugnavit Ecclesia, hisque temporibus renatos Apostolicæ Sedis auctoritas, sacerdotumque in unum congruens sententia oppressit, secundæ disputationis prætextu vox jam dudum perempta renovare videatur.

26. « Quod si quid forte novarum controversiarum incidere, id tempestivè discussioni subjiciatur oportet, ut vel recte dictum comprobetur, vel condemnatione dignum explodatur. At vero si quis ea quæ jam olim dijudicata sunt, denuo inquirere tentaverit: is sane aliud nihil facere censebitur, quam de fide, quæ hæcenus valuit, aperte dubitare. Unde ad posteritatis exemplum, tum ut ea quoque, quæ jam olim pro Catholica fide definita et constituta sunt, perpetuam firmitatem obtinere valeant: oportet ea omnia inconcussa immotaque conservare, quæ superioribus temporibus a sanctis Patribus constituta sunt. Porro qui illa perpetuam stabilitatem retinere voluerit, quæ de Catholice fidei ratione statuerit, is non propria auctoritate, sed antiquorum Patrum iudicio sententiam suam corroborare debet; ita ut partim veterum, partim recentiorum sanctionibus et sententiis placida sua comprobans, unam eandemque Ecclesie veritatem, jam iade ab initio ad præsentem usque temporis articulum simpliciter puritate, invictaque constantia, et auctoritate decurrentem, se docere et tenere ostendat. Hæc pro præsentis Africanorum legatione, quæ necessitas superius memorata impedit, venerabilibus vestris auribus suggerere placuit. Obnixè interim rogo, ut calamitatibus rerum præsentiumque temporum spectatis, nostram absentiam non superbiæ aut negligentie, sed manifestæ tantum necessitati ascribatis ». Hæcenus litteræ episcopi Carthaginensis pro universa Ecclesia Africana: ex quibus intelligis, puto, lector, quo caractere veram Catholicamque veritatem Patres nostri ab hæresi distinguere solerent: nempe illam Catholicam esse fidem, atque germanam pietatem, securamque religionem, quam majores tradidissent, et emergentes adversus eam hæereses condemnassent; omnique explosa novitate, de antiquis semper semitis eosdem interrogasse: quo vel uno tantum exemplo, veluti potissimo telo, conficias uno ictu omnes recentiorum Novatorum phalanges, cum eas reperiantur hæereses instaurasse, quas Patres suis scriptis. Ecclesia Conciliis, et vetus præscriptus ubique usus millies execratione damnarunt ».

27. Cognovisti, puto, (quod est in proverbio) ex nugibus leonem, ex brevi, inquam, Epistola sublimem Theologum; cujus meritis astringimur, ut aliam ejus Epistolam hoc eodem tempore de Verbi Incarnatione conscriptam hic tibi nunc primum eundem curemus e veteri manuscripto desump-

tam, nuper ad nos e Galliis missam a Petro Pithæo I. C. clarissimo, viro humanitate et eruditione præstanti: sed dolemus eam non integram exhiberi, sed sine carentem, ut erat in codice, ex quo descripta fuit. Sed quicquid antiquitas offert, sive mutilum, sive corrosum, mendosumve sit, accipi tamen grato animo solet. Epistola autem sic se habet:

28. « Dilectissimis ac religiosissimis filiis Vitali et Tomanlio Capreolus episcopus.

« Sumptis atque perfectis litteris vestris, quas per Numinianum religiosum virum, filii dilectissimi, transmisistis, saluti ac studio vestro, quo fundatæ ac vetustæ fidei Catholice regulam inviolabili pietate tenetis ac defenditis, sum plurimum gratulatus. At vero Nestorianæ hærescos novam infandamque perniciem, sicut quibusdam locis jam cœperat pullulare, apud vos quoque velle zizanias sue semina imperatorum cordibus injicere. Verum credo atque confido perfectum agricolam Dominum Deum omnium creatorem in omni loco dominationis suæ habere ac semper habiturum esse dignos Evangelicæ frugis operarios, qui licet ante tempus messis immunda semina extirpare non debeant, continuis tamen orationibus ac prædicationibus semper invigilent, ut aut et illa cum tempus est, si fieri convertantur et convertentur in triticum, aut certe non usquequaque inimici humani generis tenera frumentorum nascentia per adulterinam intermixtionem valeat suffocare.

29. « Jam enim (quod etiam ad vestram, filii, notitiam pervenisse non dubito) intra Orientis partes, ubi primum pestis ista surrexit, congregata gloriosa Synodo sacerdotum, cui etiam legatio nostra non defuit, in vestibulo eum suo auctore atque inseriore compressa et radio Apostolicæ lucis extincta est. Nec mirari debet charitas vestra, si etiam post damnationem suam inter morientis fetidos adhuc flatus expiret. Est enim semper pertinax hæreticorum audacia, et in suam male perniciem argumenta (augmenta) peccatorum pondere perseverant. Quod si nondum forsitan cognovistis, facile lectione poteritis addiscere.

30. « Quamvis igitur Christianis et devotis mentibus ipsa universalis Ecclesie auctoritas plene sufficiat, nec vestra (quantum missus a vobis sermo docuit) in hac causa minor videatur assertio: ne tamen ego quoque petitioni atque interrogationi sanctæ necessarium videar denegasse responsum, unam veramque doctrinam hanc esse confiteor, quam Evangelica tenet ac tradit doctrinæ antiquitas; id est, Dei Filium Deum verum et hominem verum unius personæ atque inseparabilis esse personæ. Nec sicut in aliis Patriarchis, Prophetis, Apostolis, cæterisque sanctis atque præclarissimis viris habitavit aut habitat Deus, ita in Christum Jesum divinam illam plenitudinem velut extrinsecus credimus advenisse, sed proprio quodam atque ineffabili modo Filium Dei etiam Filium hominis factum: ut qui ingenti Patris substantia uni-

genitus permanebat, ac permanet, mirabiliter suscepto homine, fieret primogenitus in multis fratribus; et qui erat in principio Verbum, et Verbum caro apud Deum, et Deus erat Verbum, Verbum caro fieret, et habitaret in nobis. Ex quo igitur mysterium, quod absconditum fuit a sæculis in Deo, cœpit per Angelum in utero Virginis aperiri, atque in eum sanctus Spiritus supervenit, et illi virtus Altissimi obumbravit: Deus in hominem nasci dignatus est, qui semper erat, ut homo nasceretur, qualis antea non fuerat. Qui enim sine matre in cœlis æterne genitus est, ipse in terris sine patre in utero Virginis homo de Spiritu sancto creatus est: et ideo in Christo Jesu separari vel subdividi Dei hominisque nullo modo credimus posse personam, ne non jam in Divinitate Trinitas, sed quaternitas numeretur.

31. « Beatus Apostolus Paulus, dum ad exnendum veterem hominem, et induendum novum, fideles exhortaretur¹: Primus, inquit, homo de terra terrenus, secundus de cœlo cœlestis: qualis terrenus, tales et terreni, et qualis cœlestis, tales et cœlestes. Quomodo portavimus imaginem terreni, portemus et imaginem ejus qui de cœlo est. Rogo, dicant, quomodo est homo iste de cœlo, si non est Deus conceptus in utero; aut quæ discretio est carnis et sanguinis in homine Adam, et in homine Christo, si non homo iste plenus est Deo. Quid enim sibi vult secundus homo de cœlo; numquid caro transmissa, ac non sicut scriptum est, Spiritus sanctus in Virginem supervenit? Sed quia Verbum² caro factum est, ideo cœlestis homo appellatus; nec propterea carnem veram non habuit qui de cœlo descendit, quia carnem Deus accepit. Merito de se ipso idem Dominus dixit³: Nemo ascendit in cœlum nisi qui de cœlo descendit, Filius hominis, qui est in cœlo. Certe adhuc loquebatur in terra, nec ad Patrem post victoriam passionis et gloriam resurrectionis ascenderat; et tamen Filium hominis jam in cœlo esse dicebat; hoc utique omni veritate testificans, quia et propter hominem Deus conversabatur in terra, et propter Deum homo habitabat in cœlo. Unde etiam Apostolus⁴: Qui descendit, inquit, ipse est qui ascendit super omnes cœlos, ut implet omnia. Item alibi⁵, cum de carnis suæ cibo et potu sanguinis Salvator ipse mystice loqueretur, sciens quod offensus ex hoc ejus discipuli murmurarent, dicentes: Durus est hic sermo, qualis potest eum audire? sic ait: Hoc vos scandalizat? si ergo videritis Filium hominis ubi erat prius?

32. « Ecce et hic advertitis, quemadmodum propter unitatem Dei hominisque personæ, Filium hominis ubi erat prius, perhibet ascensurum, quem in utero Virginis constat esse formatum, et ex eo humanæ nativitatæ sumpsisse principium. Nemo ilaque sacrilego spiritu audeat separare, quod videt et in cœlo et in terra virtute inseparabili permanere:

sicut cum (enim) ab omnipotentia Deitatis homo Christus Jesus non potest esse alicujus (alienus), illa et in his quæ in homine vel circa hominem gesta sunt, separari non potest Deus. Natus est ergo homo qui nondum fuerat, sed cum eo atque in eo nasci dignatus est Deus, qui nunquam non fuerat: quia Verbum caro factum est, et habitavit in nobis. Simili modo etiam passus est impassibilis per passibilem, quem suscepit, et immortalis mortuus est, et qui nunquam moritur resurrexit. Neque enim vel in passione defuit illi homini Deus, alioquin non est Dominus gloriæ crucifixus. An dicimus Deum in suscepto homine etiam apud inferos non fuisse, aut vero metuendum est non divinitate afficit, nulla dimensio circumscriptib. Cujus magnitudinem nemo capit, præsentiam nemo fugit, secretum nemo invenit, splendorem nullus attingit, fines includi immensum, teneri omnipotentem, abscondi ubique diffusum. Resolvere (sicuti scriptum est) inferorum parturitiones, in quibus voluit et qualiter voluit, rerum Dominus venit, subijci lujusmodi conditioni non potuit. Audi eum ante tot annorum millia, dum beato Job mirabilium suorum opera per nubem velut improperanti similis prædicaret: hoc quoque inter innumeras sui potentias cumulante¹: Numquid abstulisti impiis lucem, aut brachium superborum comminuvisti, aut venisti ad fines maris, aut in vestigiis abyssi ambulasti, aut tibi, inquit, aperiuntur metu portæ mortis, aut janitores inferi videntes te timuerunt, aut cognovisti latitudines sub cœlo? Si Patris hæc vox est, nihil ergo est omnipotentis difficile, nihil omnino pœnale; quoniam qui ubique est, nusquam non est, quando ei etiam Propheta ex persona cujusdam dicit²: Quo ibo a spiritu tuo, et a facie tua quo fugiam? Si ascendero in cœlum, tu ibi es; et si descendero in infernum, ades: hoc omni testificans ac demonstrans Deum, cujus majestate plena sunt omnia, quodam incomprehensibili atque inexplicabili modo etiam inferis interesse. Si autem quod magis probabile est in his quæ de eo tanto ante in prophetia predicta sunt et impleta, Filii Dei vox est quoniam per ipsum facta sunt omnia, et sine ipso factum est nihil: ipse in lumine visitare dignatus est obstrusa inferorum, et præpositos mortis præsentia invictæ majestatis exterruit: et propter liberandos quos voluit, inferorum portas reserari præcepit. De ipso siquidem Joannes Apostolus in Apocalypsi loquitur³: Posuit, inquit, manum dexteram super me dicens: Noli temere: ego sum primus et novissimus, et vivens qui fueram mortuus, et ecce sum vivens in sæcula sæculorum, et habeo claves mortis et inferorum. Propter Deitatem quippe primus quoniam principium, quod et loquitur nobis: propter humanitatem vero novissimus, quia suscipere non dedignatus est crucem, mortemque pro nobis. Et

¹ 1. Cor. xv. — ² Joan. i. — ³ Joan. iii. — ⁴ Ephes. iv. — ⁵ Joan. vi.

¹ Job. xxxviii. — ² Psal. cxxxviii. — ³ Apoc. i.

ideo cui in divinitate nuda sunt omnia creaturarum, etiam in homine suscepto habet claves mortis et inferorum.

33. « Tantum igitur abest Deum Dei Filium incommutabilem atque incomprehensibilem ab inferis potuisse concludi, ut nec ipsam animam assumpti hominis credamus illic aut exitiabiliter susceptam, aut tenaciter derelictam : sed nec carnem ejus credimus contagione alicujus corruptionis infectam. Ipsius namque vox est in Psalmo ¹ (sicut Petrus ² interpretatur Apostolus) : Non derelinques animam meam apud inferos, neque dabis Sanctum tuum videre corruptionem. Ipse propter culpam nostram factus est velut homo ³ sine adiutorio inter mortuos liber. Tunc enim quæ non rapuerat (sicut scriptum est ⁴) exolvebat. Non igitur mirum, si Deum locus aliquis recipit, nec tamen capit, præsentiam sentit, majestatem non impedit, expavescit omnipotentiam, substantiam non includit : siquidem illa summa et perfecta beatitudo inextinguibilis lucis nec obscurari tenebris, nec variari locis, nec passionibus affici, nec conditionibus minui, nec temporibus valeat computari. Dei ergo Filium proprium hominem nec in inferis deseruit, nec apud inferos dereliquit. Cujus autem virtute ac majestate antiqua (aliquæ) Sanctorum corpora visa sunt surrexisse, si Deus inferos minime visitavit? Quis ille est, qui petras scidit, terram commoveri, Solem obscurari, diem fugari, velum templi in duas dividi partes effecit? Numquid homo tantum, non etiam Deus? Ergo ei nec in cruce, nec in morte, nec in sepulcro, nec in inferis defuit :

34. « Nec aliter aut de alio solet intelligi, quod in Psalmo dictum est ⁵ : Auferte portas Principes vestras, et elevamini portæ æternales, et introibit Rex gloriæ. Unde expavescitibus atque interrogantibus : Quis est iste Rex gloriæ? Responderunt : Dominus fortis et potens, Dominus potens in prælio. Quo prælio, nisi in quo mortem calcavit? Peccatum innocens occisus exstinxit, et trophæum victoriæ de diabolo et ejus angelis reportavit. At enim ipse in cruce dixit ⁶ : Deus, Deus meus, quare me dereliquisti? Sed ista suscepti hominis vox est. Attende unde sumpta sit, et illic vide quid sequitur ⁷ : Longe a salute mea verba delictorum meorum. Similis hæc vox est etiam illi, qua dicitur ⁸ : Tristis est anima mea usque ad mortem. Nonne paulo ante ipse discipulis suis dixerat ⁹ : In hoc contristati estis quoniam dixi : Ego ad Patrem vado, et jam non videbitis me ; si diligeretis me, gauderetis utique, quoniam vado ad Patrem, quia Pater major me est. In quo ergo jubet gaudere discipulos, qualiter creditur contristari potuisse magister, nisi ut in hoc suscepti hominis passiones et fluctuationes ostenderet? Qui enim propter nos redimendos, insituentos, confirmandosque venerat, omnia in se infirmi-

tatis nostræ genera sustinebat. Non enim habemus sacerdotem, qui non possit compati infirmitatibus nostris. Etenim (sicut ait Apostolus ¹) expertus est omnia secundum similitudinem sine peccato. Similis huic est etiam illa vox ² : Pater, si fieri potest, transcat a me calix iste ; verum non sicut ego volo, sed quod tu vis. Nonne in hoc venerat, ut pro nobis hunc calicem liberet, et venenum a serpente propinatum tali antidoto salutis expelleret? Nonne potestatem ³ habebat ponendi animam suam et potestatem habebat iterum sumendi eam? Nonne ipse dixerat : Nemo ⁴ eam tollit a me, sed ego a me ipso pono eam? et tamen nunc velut dubitans loquitur et excusans, ut et illic divina potestas appareat, et hic se conditio humana cognoscat. Nonne hoc mysterium ante tempora æterna in Deo fuisse absconditum clamat ⁵ Apostolus? Num ergo velut repentinum aliquid Christus expavit, quod certo tempore faciendum in æternitate cum Patre disposuit?

35. « Hæc ergo et talia cum dicuntur, aut fiunt, sicut saepe dictum est, veram hominis infirmitatem fragilitatemque demonstrant, nec ideo præsentiam divinæ majestatis evacuant. Dic, homo quisquis es, qui putas Deum Christum ab homine Christo passionis tempore separatam, an recorderis eum passuris discipulis suam præsentiam fideliter pollicentem, qui dicit ⁶ : Cum vos tradiderint, nolite cogitare quomodo aut quid loquamini, non enim vos estis qui loquimini, sed Spiritus Patris vestri, qui loquitur in vobis. Hanc ille, qui servis facientibus voluntatem Domini tanti muneris gratiam promisit, donavit, et exhibuit, sibi qui nullo existente peccato pro nostris peccatis mortem subit innoxiam, ut Patris faceret voluntatem, divinum auxilium passionis tempore denegavit, et Deus hominem, quem ob hæc sustinenda nulla compulsus necessitate, suscepit, in hac perfuntione deslituit? Loquitur inter tormenta martyrum præsens, nec eos aliquid meditari permittit, et se ipsum in crucis patibulum dereliquit? Ipse est enim (quod saepe ac semper est repetendum) nec distingui (dividi) potest Dei hominisque persona, quia unitur in ea diversa substantia. Absit aliud credere, absit de omnipotente sentire, nec nasci æternus, nec crescere perfectus, nec impassibilis pati, nec immortalis mori sine ulla sui immutatione vel corruptione, sicut jam dictum est, siquæ hæc pati non posset sola divinitas ». Desunt reliqua.

36. *Orientalis episcopi, imprimis Cyrillus, Ephesum advenit, quos prævenit Nestorius.* — At de legationibus Occidentalium ad Ephesinum Concilium hactenus. Jam vero ad Orientales episcopos ad Synodum profectos convertamur orationem : de quibus illud admonendum putamus, distinctionem Ecclesiarum quæ sint in Oriente vel Occidente, non quidem ex situ orbis, secundum Cosmographorum exactam descriptionem, factam reperiri, sed

¹ Ps. xv. — ² Act. II. — ³ Psal. LXXXVII. — ⁴ Psal. LXVIII. — ⁵ Psal. XXXIII. — ⁶ Matth. XXVII. Marc. xv. — ⁷ Psal. XXI. — ⁸ Matth. XXVI. Marc. XIV. — ⁹ Joan. XIV.

¹ Hebr. IV. — ² Matth. XXVI. — ³ Joan. X. — ⁴ Ibid. — ⁵ Rom. XXVI. Coloss. I. — ⁶ Matth. X.

pro ratione partili Romani imperii: qua etiam ex causa accidit, ut interdum quae in Meridie potius essent collocandae Ecclesiae, inter Orientales reperiantur adnumeratae, ut quae sunt Libyae, Cyrenes, Pentapolis, atque totius Aegypti, nulla alia quidem ratione, nisi quod partes sint Orientalis imperii: nam praeter receptum ab omnibus in rebus Ecclesiasticis atque civilibus de his usum, habes id ipsum ex S. Augustino, cum agit adversus Donatistas, aitque ¹: « Ubi sit Cyrene forte nescis: Libya est, Pentapolis est, configua est Africae. Ad Orientem magis pertinet (pertinere), vel in distributione provinciarum imperatorum cognosce. Imperator Orientales mittit iudicem ad Cyrenem ». Haec ipse: quae obiter semel attigisse, satis sit, ne quis putet Patres et nos cum illis frequenter errore labi, cum dictarum provinciarum Ecclesias inter Orientales legi contingat adnumeratas, sicut et alias ad Septentrionis plagam vergentes inter Orientis Ecclesias pariter recensitas, et Occidentales item dicere quae spectant ad Meridiem et adversam illi Borealem partem.

37. Qui igitur litteris Theodosii imperatoris Orientales episcopi vocati erant ad Concilium Ephesi celebrandum, ad diem praestitutum adesse omni sollicitudine curaverunt, qui scilicet ad explendum novum portentum et effugandum monstrum ab inferi portis proditum, alacri atque accenso animo essent. Inter omnes autem Cyrillus primae Sedis vicaria praefectura reliquos omnes episcopos antecellens, enituit, atque magis magisque cum morum egregia sanctitate, tum eximia divinarum rerum scientia claruit. Inter alios etiam magni nominis ex magnis virtutibus, comparati, ex Armenia venit Acacius Melitinae civitatis episcopus: fuit hic institutor magni illius Euthymii ² archimandrite, qui his temporibus eximia sanctitate florebat in Palestina, in cuius rebus gestis a Cyrillo diacono scriptis de eodem Acacio honorifica memoria est. Magis pariter nominis fuit et inter primos sanctos episcopos Cyrus Aphrodisiae Cariae antistes, de quo extat in constitutione ³ Theodosii imperatoris praeclearum elogium. Sed et inter caeteros magni meriti sanctos episcopos recensendus est etiam Petrus Sarcenorum antistes, egregiae sanctitatis vir: hic nempe ille, quem idem qui supra magnus Euthymius, et reddidit una cum suis ex milite Christianum, et praeeccellente meritorum ut gentis suae primus episcopus crearetur, procuravit: cui et ad Synodum profecturo idem Euthymius, ut Cyrillo Alexandrino episcopo, simulque Acacio Melitino in omnibus inheresceret, persuasit: de his enim non Cyrillus monachus tantum, sed et Nicephorus ⁴ fidem facit. De aliis autem qui egregia sanctitate pollerent, haud quid exploratum dicere possumus, cum lamen haud defuisse putemus.

38. Porro Cyrillus Alexandrinus, in quem omnium Orthodoxorum oculi conversi erant, utpote auctoritate pollentem Romani Pontificis, cuius gerelat vices, antesignanum in proelio adversus impietatem suscepto, Alexandria solvens, venturus Ephesum, in Rhodum insulam primo appulit, inde ad suos Alexandrinos Epistolam scripsit de prospera navigatione ipsos hortatus ab bonis consecrandos mores: est ejus Epistolae exordium ¹: « Gratia et benignitate Christi Salvatoris magnum illud latumque pelagus emensi, pervenimus Rhodum, etc. » inde vero Ephesum solvens magna actus est maris tempestate, ut ipse festatur in Apologia ad Theodosium imperatorem. Pervenit tandem Ephesum ante praestitutum imperatoris legibus diem: cum iterum ad suos eam dedit Epistolam, quae ita incipit ²: « Desideranti mihi vestram moderationem, etc. », ubi inter alia de Nestorio, quem ibi repererat (nam Socrates ait ³, ipsum statim post diem Paschalis cum magna populi multitudine Ephesum profectum esse, et cum eo Irenaeum comitem Nestorianum hominem) haec habet: « Circumcursat per omnia loca perversa illa pervigilque bestia, Christi gloriae insidians: at nihil omnino potest, inani prorsus cassaque illius feritate et malitia permanente. Insidiatur autem non homini cuiquam vulgari, nobise simili, sicut novi isti magistri arbitrantur, sed Deo omnipotenti. Verumtamen audiat a quovis Christum amante ⁴: Durum est tibi contra stimulum calcitrare. Ferit enim miser se ipsum, unaque cum filiis suis ad inferitum ruit, etc. » Haec plane de Nestorio Cyrillus; cum ille praecurrisset ad Synodum, ut singulos illic adventantes episcopos perlentaret, si in suas posset partes aliqua arte pellicere: sed frustra cessit illi omnis conatus, cum omnes sanctorum Patrum sectari sacra vestigia animo statuisset. Praeoccupavit novus Goliath campum, armorum ex patrocinio comitum fretus potentia, insullaturus agminibus Dei viventis.

39. Sed quae jactabat infelix? horrendas plane voces, execrandasque blasphemias illas saepe repetens et inculeans, nempe ⁵: « Non est dicendum, Deum factum esse hominem propter nos »: et illud addens: « Ego bimestrem et trimestrem Deum non dico ». Haec nefarius homo et impius, os diaboli, cum quae ab illo ipsi suggesta essent, veluti energumenus, spiritu agitato satanae, sic foris evomit, ut infans graviori blasphemiarum incendio aestuaret. Efflutiit ista miser, cum inter alios contulit cum Theodoto Ancyrae episcopo, et Acacio Meliteno, qui postea haec eadem detulerunt Patribus ⁶ in Synodo consentibus, ut dicemus. Porro haec ipsum dicentem, omnes qui audiebant, execrabantur episcopi, exceptis suis Pelagianis ⁷, qui ipsi Nestorio jungebantur: isti namque (ut vidimus) Romae a Caestino depositi, confugerant Constantinopolim,

¹ Cyril. ep. xxxiii. — ² Cyril. ep. xxxiiii. et Act. Ephes. edit. Pell. tom. I. c. 27. — ³ Socrat. I. vii. c. 32. — ⁴ Act. ix. — ⁵ Ex relat. Synod. apud Cyril. tom. iv. Idem Cyril. Apolog. et epist. xx. — ⁶ Habent. Act. Ephes. edit. Pell. tom. II. c. 6. — ⁷ Cyril. Apol. I. iv.

¹ Aug. de Pastorib. in fin. — ² Apud Sur. die xx. Januar. — ³ L. ut. de ann. et trib. C. Theod. — ⁴ Nic. I. xiv. c. 33.

et ab ipso Nestorio obviis manibus suscepti fuerant, atque ut impietatis college carissimi, honorifice habiti.

40. *Joannis episcopi Antiocheni ad Cyrillum litteræ se excusantis ne Concilio adesset.* — Inter hæc autem cum tempus adesset jam conventus agendi, diesque præscripta literis imperatoris advenisset : humanitate quadam visus est omnibus expectandus Joannes episcopus Antiochenus, qui una cum aliis sibi subjectis episcopis dolo malo moras necebat. Jam ante deteximus hominis technas fraudesque quas ipse Joannes cum suo Nestorio clanculo pertulerat. Cujus consilium illud plane fuisse inventum est, nimirum refugere præsentiam Ephesini Concilii; ne alterum de duobus pati compelleretur, vel invitus ferre calculeum in damnationem Nestorii; vel si secus faceret, illumque defendere aggrediretur, eandem cum illo subiret damnationis sententiam, atque e sede episcopali depositus, sic damnatus excederet. Porro Cyrillus ¹ de ejusmodi cunctatione Joannis hæc postea ad Theodosium : « Qui enim Antiocheus præest Ecclesie, a sancta Synodo absit, licet a vestro imperio ad præscriptum diem adesse jussus. Detrectavit autem adventum suum, ut cunctando, improbitati ejus qui contra Christum negatus est », nempe Nestorii, « gratificaretur; imo ob id quod (ut verissimile, vel certe verum et indubitatum est) eadem cum illo sentiret ». Hæc ipse. Interea autem idem Joannes in itinere moras neclens, ad Cyrillum Ephesi consistentem suæ cunctationis excusatorias has litteras dedit ² frigidæ salis :

41. « Domino meo religiosissimo, sanctissimo, et comministro Cyrillo Joannes in Christo S.

« Non mediocriter me crucial, postquam sanctitas tua Ephesi præsto esse cepit, paucis hæc diebus. Etenim sanctitatis tuæ desiderium non minus quam res ipsa, ut iter hoc quam citissime absolvere cupiam, me stimulat. Tandem ergo post multas exantlatas itineris molestias, sanctitatis tuæ precibus adjutus, præ foribus urgeo : nam tringinta totos dies (tot enim spatii intercapedo postulabat) iter usque facio, nihil quicquam quietis prorsus mihi indulgens : multis interim religiosissimis episcopis ob itineris insolentiam et difficultatem graviter afflictis, atque non paucis quoque juvenilibus ob continuum illum protectionis laborem extinctis. Tu igitur Deum preceris, obsecro, ut hosce quicque aut sex itineris dies citra ægritudinem percurrere, sacrumque ac sanctum tuum caput nobis complecti et exosculari liceat. Joannes, Paulus, Macarius, cæterique qui apud nos sunt religiosissimi episcopi sanctitatem tuam salutant. Ego quoque cum meis domesticis universam quæ tecum agit fraternitatem plurimum saluto. Incolumis vale, et pro nobis orare perge, domine piissime ac sanctissime ». Hactenus ad Cyrillum Joannes, præmittens ad hæc nuntianda duos

episcopos, Alexandrum Apameæ, et alterum Alexandrum Hierapolis episcopum, prout ex Synodica ad Cælestinum papam data patet : insuper ab illis Joannis nomine hæc nuntiata fuisse verba : « Præcepit nobis dominus Joannes episcopus, ut pietati vestre dicamus : Si tardavero; quod facitis, facile ». Hæc apud Cyrillum in Epistola ad Comarium ³. Ita plane homo Nestorio totus addictus, et a Christo prorsus relictus. Subdit autem hæc in Apologia ad Theodosium imp. Cyrillus ⁴ : « Cum sextus decimus dies ageretur, vix tandem aliqui ex iis qui cum ipso erant præcipui, et ipsi Metropolitanæ venerunt, ipsiusque nomine sanctæ Synodo ammittarunt, omnino non esse ejus adventum expectandum, sed maturandum ut decreta vestra perficerentur. Tunc tandem ægre sancta Synodus in sancta Ecclesia, quæ S. MARLE dicitur, congregata est ». Hactenus usque ad Synodi principium Cyrillus ad Theodosium imperatorem.

42. *Numerus episcoporum Synodi Ephesinæ.* — Quot autem episcopi in ea convenerint, una eademque firmior reperitur assertio : ex ipsis namque Synodicis testificationibus, quibus magis standum esse, nemo non dixerit, constat plusquam ducentos episcopos eidem interfuisse : ita Synodica ⁵ ad clerum Constantinopolitanum data significat, id ipsum alia data Synodica ad imperatores, necnon littere Cyrilli episcopi Alexandrini ⁶ ad clerum Alexandrinum : adeo ut non curandum sit, si, qui hodie in ejusdem Synodi Actis subscripti inveniuntur, centum quinquaginta trium episcoporum numerum tantum expleant : nam quam plurimos in eis desiderari, Collectio Cresconiana redarguit, in qua nominantur et numerantur episcopi, qui Ephesinæ Synodo interfuerunt ⁷, centum nonaginta : ita quidem in nostro codice : fortasse in aliis exemplaribus integer ipsorum numerus, nullaque ex parte decurtatus dabitur reperiri. Sed de secularibus magistratibus, qui a Nestorio delecti, ab imperatore sunt missi Ephesum, dicamus.

43. *Theodosii Epistola ad Synodum per Candidianum legatum data.* — Præter Irenæum comitem, quem sibi amicissimum Nestorius secum duxit, Candidianus comes domesticorum idemque Nestorianus missus est a Theodosio imperatore, qui Synodo interesset, curaretque ut omnia summa agerentur tranquillitate : revera tamen qui Nestorii causam acturus, eidem in omnibus præsto esset, et adversus Orthodoxos tyrannice ageret, ut rerum eventa patefecerunt. Quas autem litteras eidem ad Synodum imperator Theodosius dederit, hic describendas esse putamus : sic enim se habent ⁸ :

44. « Imp. Casares Theodosius et Valentinianus, victores, triumphatores, maximi, semper Augusti Synodo S. D.

« Cum magnam omnium, quæ e Republica

¹ Cyril. Apolog. ad Theod. — ² Act. Synod. Ephes. edit. Pelt. tom. I. c. 21.

³ Cyril. ep. xx. tom. iv. — ⁴ Cyril. Apolog. ad Theodos. — ⁵ Act. Ephes. edit. Contian. c. 32. 34. — ⁶ Apud Act. Ephes. edit. Contian. — ⁷ Act. Ephes. edit. Contian. et edit. Pelt. tom. II. c. 1. et tom. I. Conc. in Concil. Ephes. — ⁸ Act. Ephes. edit. Pelt. c. 32. tom. I.

sunt, curam habeamus, tum vero maximam illorum, quæ ad pietatem religionemque conservandam pertinere arbitramur. Per ea namque cætera quoque bona hominibus suppeditantur. Scripsimus proinde non ita multo ante de pietatis vestre Synodo apud Ephesiorum metropolim congreganda; eaque Sacrae nostræ inseruimus, quæ instituta reliquam maxime convenire censebamus. Quia vero ordinis, quietisque quam sacra vestre Synodi consultationes jure deprecant, decentem quoque curam adhibitam oportuit; ne hæc quoque partem, quo undique tranquillitas adesset, prætermittendam existimavimus. Non arbitramur autem pietatem vestram, ut aliis pacem conciliet, aliterius ejuspiam extrinsece opis egere: siquidem ad nostrum erga religionis studium singularemque providentiam pertineret et hæc quoque non negligere.

45. « Igitur Candidianum præclarissimum religiosissimorum domesticorum comitem ad hæc sacram vestram Synodum abire jussimus, sed ea lege et conditione, ut cum questionibus et controversiis quæ circa fidei dogmata incidunt, nihil quicquam commune habeat (nec est enim, qui sanctissimorum episcoporum catalogo adscriptus non est, illum Ecclesiasticis negotiis et consultationibus sese immiscere) verum ut monachos et seculares ac cæteros denique omnes, qui hujus spectati causa vel eo nunc confluerunt, vel in posterum forte confluent, ab eadem illa civitate omnibus modis submoveat: quandoquidem non licet illos, qui omnino necessarii non sunt, sacrorum dogmatum examen aliquo tumultu impedire, et iis quæ cum tranquillitate a vestra sanctitate constitui definiturque debent, obstaculum aliquod afferre: tum rursus ut diligenter prospiciat, ne qua gravior dissensio ex mutuo repugnandi studio coorta, et sævæ tempestatis instar debachata, sanctissimæ Synodi vestre consultationem, exactioremque veritatis indagacionem quovis modo obturbet: tum demum quo operam det sedulam, ut omnibus et singulis quæ dicuntur, rite perceptis, singuli inoffense quod visum fuerit, in medium proponere, vel ab aliis propositum, si opus id fuerit, refutare queant: quo ea tandem ratione, ubi per singulas propositiones, exceptionesque inquisitio citra ullam omnino turbam contentionemque habita fuerit, quod omnibus placitum probatumque erit, communi vestræ sanctitatis sententia constituatur, decernaturque.

46. « Ante omnia autem severe eidem magnificentissimo Candidiano mandatum est, ut quam studiosissime observet, ne quem ex sanctissima Synodo vestra aut reditum molientem, aut iter ad exercitum nostrum affectantem, aut ad alium quemcumque locum abscedere cupientem, prius inde abire permittat, quam diligenti adhibita discussione, ea omnia decreta, definitaque fuerint, quæ in disquisitionem venerant. Hinc, ne ullam omnino aut Ecclesiasticam, aut aliam quamcumque controversiam undecumque natam vel motam, quæ ad propositam sancti dogmatis considerationem non perti-

neat, ante moveri sinat, quam eorum omnium, quæ nunc in questionem vocata sunt, ambiguitate soluta, ea quæ ad veritatis investigationem faciunt exactissimo iudicio discutiantur, finemque Orthodoxa religioni congruum sortiantur.

47. « Quin et hujus quoque admonita sit vestra pietas, nempe serenitati nostræ visum esse, ut nulla omnino in sacra vestra Synodo, aut etiam in publico Ephesiorum iudicio pecuniaria aut criminalis causa adversus aliquem agitetur. Quod si quid hujusmodi exierit, cuiusvis usu venerit, hujus integram cognitionem magnæ huic nostræ civitati reservatam volumus. Denique nec id quoque vobis clam sit, videlicet, magnificentissimum comitem Irenæum neque sanctissimæ vestræ Synodi consilii, neque his quæ eximio legato nostro Candidiano a nobis demandata sunt, ullatenus communicare debere; ut qui solius amicitie causa cum sanctissimo piissimoque celeberrimæ civitatis hujus episcopo Nestorio Ephesum profectus sit ». Hactenus Theodosii ad Synodum Epistola quam Sacram dicunt: ea namque de causa ad verbum ipsam volumus recitare, ut quæ sint jura, et officia legati Caesaris in Synodis omnibus palam fiat.

48. *Concilio legitime congregato, Nestorius bis et tertio vocatus, renuit accedere.* — Cum igitur post terminum litteris Theodosii imperatoris præfinitum, dies adhuc quindecim episcopi Ephesi Joannem Antiochenum episcopum expectassent, et de ejus adventu omnem jam spem contrivissent: ut Synodum jam inchoarent, illud etiam iniebat, quod episcoporum, qui e diversis provinciis astrictis coloribus longo itinere fatigati advenerant, agrotare complures cœpissent, et ex eis aliqui defuncti essent; cum qui remanerent incolumes, similia pati timentes, opus urgerent. Testati sunt quidem id ipsi in Synodali Epistola ad Theodosium imperatorem missa, his verbis: « Interea vero alii quidem episcopi senio confecti inusitata inter alienos vivendi consuetudine graviter affligebantur; alii adversa valetudine in vitæ periculum adducebantur; nonnulli vero ex illis in hac ipsa urbe diem extremum obierunt: quidam denique gravi rerum penuria conflictati, et ob id moræ impatientes, importune ut Synodales conventus primo quoque tempore auspicerentur, nos urgebant ». Hæc ipsi.

49. Quamobrem consensu omnium decima quinta die impense more, quæ fuit vicesima prima mensis Junii, pridie ejus diei qua Synodus haberi coepit, judiciali ordine res inchoatur: missi namque sunt a Patribus quatuor episcopi, Hermogenes Rhinocuræ, Athanasius Paraliæ, Petrus Parentolorum, et Paulus Lampæ episcopi, invitare, seu potius citare Nestorium ad diei sequentis futurum in publico omnium consensu iudicium. Qui ab illis conventus, magno fastu spernens eos, hæc tantum est verba rotunda ac fastu plena locutus: « Considerabo, et videbo ». Retulerunt hæc omnia iidem missi ad cum episcopi in prima habita ses-

sione¹, die nimirum vicesima secunda mensis Junii. Nestorius autem in litteris, quas postea ad Theodosium misit, testatur se misisse episcopum, petentem expectari debere Joannis adventum; nec ante eandem Synodum, quam Candidianus comes ipsis diem indiceret; tunc se aditurum pollicitum. Quatuor vero dierum dilationem Nestorium petiisse, ipsam jactare solitum, habent littere Cyrilli ad Comarum.

50. Collecta igitur Synodus ipsa est in Ecclesia sanctissimæ Dei Genitricis Mariæ, Mariana ob eam causam appellata. Dispositisq; sedibus, et pro personarum dignitate iisdem singulis distributis; præsidere Christum Synodo, eo significare mysterio, dum sacrosanctum Dei Evangelium in conspicua sede posere in medio collocata. Testatur id quidem S. Cyrillus in Apologia ad Theodosium his verbis²: « Sancta Synodus in sancta Ecclesia, quæ Mariana vocatur, congregata est, Christumque assessorem capitis loco adjunxit; venerandum enim Evangelium in sancto throno collocavit, veluti in aures sacerdotum inclamans: Justum judicium judicate: Judicabitur inter sanctos Evangelistas, et Nestorii voces ». Hæc ibi. Et in Synodali Epistola ad Theodosium: « Sanctum Evangelium, quod ipsum Christum ob oculos ponebat, in throno qui locum medium obtinebat, propositum fuit, etc. », id quidem ex more: quod et in Chalcedonensi quoque factum esse Concilio argumento sunt illa verba judicium atque senatus eorum Patribus dicta³: « Quoniam Evangelia posita a reverentia vestra perspicimus, etc. »

51. Quod vero ad reliquum sedendi ordinem spectat: Cyrillum vicem agentem Romani Pontificis primum obtinuisse locum, inde vero Arcadium legatum missum a Caesario ubi venit, postea Arcadium legatum missum a Hierosolymitano, atque Theodotum Ancyrae episcopum agentes patronos Synodi, subinde vero duos alios Sedis Apostolicæ legatos Projectum episcopum ac Philippum presbyterum, ac reliquos demum episcopos, ex Cresconiana Collectione, ubi ponitur subscriptio omnium episcoporum, colligi posse videtur. Quæ autem diebus singulis facta sint, sat erit hic summam reddi, cum extent ipsa Acta Concilii Ephesini, quæ singula fusius doceant: cum tamen prætermissa volumus, quæ ad plenam rerum gestarum exactamque cognitionem conducere posset videntur. Videamus igitur quid diebus singulis per Actiones singulas factum sit.

52. Die itaque vicesima secunda Junii primam sessionem haberi contigit, in qua Petrus presbyter Alexandrinus idemque tribunus et notarius legit quæcumque per Caesarium papam et Cyrillum gesta essent contra Nestorium. Postea ex suggestione Juvenalis Hierosolymitani episcopi recitatae sunt littere Theodosii imperatoris date anno superiori de Synodo indicta. Cumque cognitum esset,

jam diu interlapsum esse terminum præscriptum cogenda Synodi, et episcopos nonnullos moram illam agere ferre, quod complures mala valetudine laborarent; rem aggredi omnibus visum est. Ac sic primo loco, expositente Cyrillo editæ sunt littere Theodosii hoc anno ad Synodum date, quas nuper reddidimus. Sed Theodoto episcopo Ancyrano rem differri placuit usque ad Nestorii in Synodum adventum. Rogati sunt iterea quatuor episcopi, qui pridie hujus diei ad Nestorium advocandum ad Synodum missi erant, ut de illo referrent. Qui cum retulissent Patribus tumore plenam responsum illius; placuit episcopis, ut rursus alii ambrosios mitterentur, qui eundem Nestorium convenirent. Qui ad hoc delicti fuerunt, hi sunt, Theodulus episcopus Flensæ Palesinæ, Desiderius episcopus Chersonensis Crete, Theopentus episcopus Cabasorum Ægypti, additus et Epaphroditus lector et notarius Hellenici episcopi Rhodiorum: quibus et hæc nuntianda Nestorio tradiderunt⁴.

53. « Oportebat quidem pietatem tuam per religiosissimos piissimosque episcopos, uti ad sacram Synodum in sancta et Catholica Ecclesia, hæc ipsa luce congregatam veniret, hesternæ die admonitas, multatenus defuisse. Quoniam vero sanctitas tua in coacta Synodo desiderata est; per Theopentum, Desiderium, et Theodulum religiosissimos sanctissimosque episcopos, et Epaphroditum lectorem et notarium Rhodiorum civitatis, te demum rogare cogimur, ut te nobis adjungas, et nulla ratione ab earum rerum tractatione, quæ jam præ manibus sunt, diutius abesse pergas; præsertim cum religiosissimi Deoque adhaerentissimi imperatores nostri, ut cæteris omnibus posthabitis, ad fidem confirmandam summo studio incubamus, tantopere nos urgeant ». Hactenus mandatum Synodi ad Nestorium perferendum. Quid autem ad hæc Nestorius? relatio facta a Theopento episcopo, tibi cum collegis ad Synodum reversus est, declarat his verbis⁵:

54. « A sacra et magna hac Synodo ad religiosissimum episcopum Nestorium missi, ad domicilium illius venimus. Visa autem non parva militum fistibus instructorum multitudine, nostrum adventum indicari rogavimus: illi autem, ne id fieret, impediabant. Dicebant illum seorsum nihil quiescere, seque ne quempiam omnino conveniendi sui causa intronitarent, jussos esse. Cum vero assereremus, fieri non posse, ut nullo accepto responso, recederemus, quod sacra Synodus publico scripto illum citaret, suoque conventui modis omnibus adesse cuperet; quidam ex illius clericis egressi, idem quod paulo ante milites, responderunt. At vero ubi perstamus, responsum urgentes; Florentius devotus tribunus, qui cum Candidiano magnificentissimo illustrissimoque devotorum domesticorum comite una venerat, in medium prodians, tanquam qui responsum aliquod allaturus esset, expectare nos jubet. Paremus non gravatim. Tan-

¹ Act. Synod. Ephes. superior citata. — ² Cyril. Apol. tom. iv. — ³ Concil. Chalcedon. Act. iv.

⁴ Act. Ephes. edit. Pelt. tom. ii. c. 2. — ⁵ Ibid.

dem una cum quodam Nestorii clerico foras egressus, ita nos affatur : Mihi quidem Nestorium videre non licuit, per alios autem hæc significavit : Cum omnes episcopi simul convenissent, tum se quoque additurum : atque hoc ipsum pietati vestre renuntiatum voluit ». Hæc coram Synodo Theopontus episcopus : eadem quoque et collegæ reliqui retulerunt.

55. Quibus acceptis, sanctæ Synodo visum est, ut iudiciario servato ordine, Nestorius denno, etiam tertio per episcopos citaretur : missioe sunt Anysius Thebarum, Domnus Helladæ, Joannes Ephesti, et Daniel Barnensis episcopi, necnon Anysius notarius et lector Firmi episcopi Casaræ Cappadociæ, dato eisdem scripto mandato, quod Nestorio offerrent, his verbis concepto : « Sancta Synodus canonibus obtemperans, tanquam leni ac patienti animo hæcenus ferens, in tertio ad summ concessum te invitavit. Digneris itaque vel nunc tandem te huic conventui adjungere, eorumque dogmatum quæ hæretice pro concione disseminasse dicris, in communi Ecclesiæ conventu rationem reddere. Quod nisi coram de omnibus hæc, sive ex scripto contra te allato, sive citra scriptum te expurgaveris : sanctissimam Synodum necessitate compulsam, juxta sanctorum Patrum sanctiones, sententiam adversum te pronuntiaturam esse, nihil quiequam dubites ». Ista misit Synodus ad Nestorium citatione tertia peremptoria.

56. Quid autem ab eis actum sit, Joannes unus ex missis episcopis cum aliis rediens hæc exposuit coram Synodo¹ : « Cum vestibulo appropinquavimus, ecce tibi non parvam militum fastibus armatorum manum intra ipsum vestibulum offendimus. Rogamus, ut ad ædium, quibus Nestorius utebatur, januam nos admitterent ; vel saltem, ut ipsi illum nos cum tertia jam citatione adesse certiores faciant, a sacra Synodo ad unum hoc destinatos, ut suam pietatē blande, omnique cum mansuetudine invitemus. Verum diu nullumque præstolati, nec sub umbra quidem ab illis satellitibus consistere permisi sumus : imo vere insolenter impudenterque huc illucque nos impellentes, vix tantillum loci concedebant, ubi pedem quiete figeremus. Sed neque ullo quoque humanitatis benevolente responso nos dignabantur. Porro autem cum multas horas frustra expectassemus : illud subinde repetentes : Quatuor tantum episcopi præsto sumus, nullo conviciandi studio incitati, neque ob id missi ut quippiam contumeliosum aut inhonestum designemus, sed ut secundum juris ordinem etiam nunc tertio illum, uti ad sacram hanc Ecclesiam properans sacre Synodo intersit, amice admoveamus. Tandem milites per quosdam significant, aliud nullum responsum nos esse accepturos, etiam si ad vesperam usque in domus vestibulo opperiremur. Addunt ad hæc quoque nempe ea de causa vestibulo se custodes adhibitos, illudque a Nestorio in mandatis

accepisse, ne ullum omnino qui a Synodo missus esset, ad ipsum ingredi permittant ». Hæcenus Joannis episcopi relatio quam collegæ festificatione firmarunt.

57. *Anathemata et sententia in Nestorium prolata.*— His auditis, cum nulla spes amplius adventus Nestorii esset, imo et vocandi eum denno omnem aditum præclusum scirent : ad Synodum celebrandam converterunt animum et impendunt officia. Lecta est per Caudidium comitem, quam ad Synodum (ut diximus) Theodosius dedit Epistolam ; licet comes se invitum nolentemque absque præsentia Joannis Antiocheni id facere contestaretur, ut ipse postea affirmavit in conciliabulo a Nestorianis celebrato. Inde vero primo loco, ex more recitato sacrosancto Nicæno fidei Symbolo, lecta est subinde Cyrilli episcopi Alexandrini Epistola ad Nestorium : qua ab omnibus Catholica comprobata, mox jussa est legi autigrapha Nestorii ad Cyrillum reddita Epistola, qua ut hæretice omnium sententia improbalis est, et ut impia conclamata, pariterque damnata, iisdemque conclamationibus, una cum ea auctor ipse Nestorius omnium ore damnatur his vocibus : « Quicumque Nestorium non anathematizat, anathema sit : Hunc recta fides anathematizat. Quicumque cum Nestorio communicat, anathema sit. Omnes Nestorii epistolæ et dogmata anathematizamus. Omnes qui cum Nestorio commercium habent, anathematizamus. Quicumque hunc non anathematizat, anathema sit. Hunc recta fides anathematizat. Hunc sacra Synodus anathematizat. Qui Nestorio communicat, anathema sit ».

58. Post hæc autem suggestionē Juvenalis Hierosolymorum episcopi, quem patronum Synodi egisse diximus, legi jubetur Epistola Celestini Romani Pontificis de damnatione Nestorii ; insuper et Epistola e Concilio Alexandrino, atque Cyrilli ad ipsum Nestorium tum data de ejus damnatione, nisi litteris pareat Celestini. Quibus cognitis, et omnium sententia comprobatis, addita his est relatio episcoporum, qui dictas litteras Constantinopolim ad Nestorium pertulerunt, quam suo loco ante reddidimus. Post hæc vero jussi sunt sanctissimi episcopi Acacius Melitinus et Theodotus Ancyre coram omnibus referre, quas nuper Ephesi audissent ore Nestorii horrendas jactatas esse blasphemias. His autem pluribus recensitis, suggestionē Flaviani episcopi Philippensis prolata sunt in medium ex divina primum Scriptura testimonia, quibus demonstraretur, Verbi incarnationem indivise et inconfuse in utero Virginis factam, duarumque naturarum conjunctione unam tantum redditam esse personam, Christum Jesum, Deum et hominem : quibus addita sunt sanctorum antiquorum Patrum de ejusmodi veritate solide inconvulsæque sententia, quas continet Cresconiana Collectio. A quibus quantum abhorrerent scripta Nestorii, ex ejus quætionibus in Synodo jussis legi palam factum est omnibus. His igitur cum omnium detestatione, et execratione auditis, jussu sunt alia ad Synodum

¹ Act. Eples. edit. Pell. tom. II. c. 2.

spectantes legi litteræ, proditaque in primis que scriptæ fuerunt ab episcopo Carthaginiensi, quas suo loco descripsimus; que laudata atque Actis demum insertæ sunt. Verum adversus Nestorium sententia a Patribus lata est, quæ sic se habet¹:

59. « Cum inter cætera religiosissimus Nestorius neque nostræ citationi parere, neque sanctissimos rursus religiosissimosque episcopos nostros ad se missos admillere voluerit; non potuimus ad eorum que impie docuit examinationem, animum non adungere. Edocti itaque partim ex litteris, commentariisque illius hic publice lectis, partim rursum et sermonibus quos in hac Ephesiorum metropoli habuit, quique testimoniis comperti sunt illum impie docere et sapere; per sacros canones sanctissimique Romanæ Ecclesie episcopi Celestini patris nostri litteras, lacrimis suffusi, et pæne iuxti ad ingubrem hanc sententiam ferendam urgebimur. Igitur Dominus noster Jesus Christus, quem suis ille blasphemis vocabisque impetivit, per sacram hanc Synodum eundem Nestorium omni prorsus episcopali dignitate privatum, et ab universo nihilominus sacerdotum consortio et cætu alienum esse decrevit². Hactenus verba in Nestorium prolata sententiæ; ceteri omnes episcopi subscripserunt, numero (ut habent Acta) plusquam ducenti; quam quidem, hæc additis litteris, voluit Synodus Nestorio significari³:

60. « Sancta Synodus juxta religiosissimorum, Christianissimorumque imperatorum nostrorum præscriptum in Ephesiorum metropoli per gratiam Dei coacta, Nestorio novo Jndæ.

« Agnosce, te propter impias conciones tuas, obstinataque adversus sacros canones contumaciam, contumacemque obstinationem, vicesima secunda mensis Junii jam decurrentis secundum Ecclesiasticarum sanctionum decreta, a sancta Synodo exauctoratum, atque adeo ab omni Ecclesiasticæ dignitatis gradu amotum esse ». Hactenus sancta Synodus ad Nestorium. Secute sunt post damnatum Nestorium acclamationes, quibus Celestinum papam, qui jam ante damnasset Nestorium, mirifice laudaverunt: testantur id quidem litteræ Synodales die sequenti scriptæ ad imperatores.

61. Post hæc vero ab eadem sacra Synodo Catholicæ fidei decretum firmatum est: repetito namque Nicæno Symbolo, sub anathemate præceptum est, ne quis aliquid præter id quod per eum definitum esset, ad fidem adjicere ullo modo tentaret. Hunc itaque linem acceperunt Acta Concilii Ephesini primæ diei. Sic igitur projectus est draco ille magnus, qui insidiabatur Virginis partui, invidens illi divinitatem. Et sicut in celo magnum pertigit gaudium Angelos omnes easdem voces victoriæ iterum repetentes: « Nunc³ facta est salus et virtus, et regnum Dei nostri et potestas Christi ejus; quia projectus est accusator fratrum nostrorum »: ita et

in Ecclesia Dei fideles exultantes gloriam et laudem Deo dederunt, et Christo ejus cum Spiritu sancto, qui vindicasset per sanctos Patres sanctissimam Virginem Mariam Deiparam a Nestorii portentosa calumnia. Quo autem extemporaneo triumpho ipse pius, Deoque dilectus, Virginis eliens ac subditus, ejusque cultor populus Ephesinus exceperit progredientes et tanta victoria Patres, litteræ Cyrilli Alexandrini tunc temporis ad suos scriptæ testantur, cum de rebus tunc gestis eosdem reddidit certiores; sic enim se habent⁴:

62. *Ephesiorum plausus et lætitia.* — « Elsi fusius pietati vestre que gesta sunt, significanda erant; urgentibus tamen tabellariis, brevius scripsi. Scitote itaque sanctam Synodum vicesima octava mensi Junii, Ephesi, in magna ejus civitatis Ecclesia, que Maria Deipara vocatur, celebrari cœpisse. Cum autem integrum diem consumpsissemus: tandem ipsum Nestorium sacro Concilio adesse et se conferre non sustinentem condemnavimus, depositionique subiecinus, et ab episcopatu exclusimus. Sumus autem hic congregati episcopi ultra ducentos, fere plus minus trecenti. Perduravit autem universus civitatis populus a mane usque ad vesperam sanctæ Synodi judicium expectans. Ut autem audierunt infelicem illum esse depositum, ceperunt omnes una voce sanctam predicare Synodum, et Deum glorificare, quod cecidisset fidei inimicus. Eredientes vero nos ab Ecclesia deduxerunt cum lampadibus usque ad diversorium nostrum (erat enim jam vespera) et facta est multa lætitia, et luminaria in civitate posita, ita ut et mulieres quoque adolescentes thymiamata cum thuribulis nos præcederent. Ostendit enim Salvator blasphemantibus gloriam suam, quod omnia possit. Facturi itaque sumus charulas completentes depositionem illius: indeque, Deo comitante, ad vos festinare. Christi gratia, omnes sumus bona animi et corporis valetudine. Optamus vos valere in Domino, dilectissimi et desideratissimi ». Hucusque Cyrillus ad suos.

63. Tunc plane accidit, ut sicuti ignorantes Ephesi olim verum Deum, daemonum ludibris demerati, Dianam Magnani propensiori studio colere, et conclamare solebant, ita iidem ad veram per Apostolos translati religionem, bene versa rerum vice, iisdem præcipientibus, et reliquis successoribus sanctissimis episcopis succinentibus, omnes ex æquo, Mariam Deiparam, celsioribus attollerent vocibus, præconiis exaltarent, jugiterque repeterent, et infatigabili studio iterarent: quam et propensiori obsequio venerari, et celebrari cultu frequentare perseverarunt. Porro per publicos præcones damnationem Nestori Ephesi promulgatam, et proclamatam fuisse, Candidianus comes in conciliabulo postea testatus est. Sed jam ad sequentis diei Acta pergamus.

64. *De rebus gestis Epistolæ ad Theodosium et clericum Constantinopolitanum.* — Sequenti die,

¹ Act. Ephes. Conc. ed. Pell. tom. II, c. 10. — ² Ibid. c. 11. — ³ Apoc. XV.

⁴ Cyril. ep. XXXIV. tom. IV.

vicesima tertia mensis Junii, Cyrillus, cum in unum convenissent episcopi, habuit ad populum homiliam, cujus est exordium : « Alacrem video congregationem sanctorum omnium, qui hic promple a sancta Deipara Maria vocati convenimus, etc. » Ubi complura in laudem sanctissimæ Dei genitricis locutus est, in Nestorium acerime (ut par erat) invecus est. Post hæc vero scripta sunt a Synodo litteræ ad Theodosium imperatorem de rebus Ephesi gestis usque ad Nestorii damnationem; est illarum exordium ¹: « Vestra pietas, piissimi christianissimique principes, etc. » et in fine, quid ab eodem imperatore Patres peterent, explicaverunt his verbis: « Vestram autem majestatem iterum atque iterum rogatam cupimus, ut universam illam doctrinam e sanctis Ecclesiis submoveri, ejusdemque libros ubique locorum repertos jubeat flammis absumi. Quod si quis vestras sanctiones sprevisse compertus fuerit, ije vestre dominationis indignationem non absque formidine sentiat. Hæc enim ratione licet, ut Catholica fides per vestram pietatem munita persistat illæsa, nosque juges pro vestra majestate preces fundamus, per quam et Christus glorificatur, et gloria Dei omnibus hominibus illustrior redditur. Porro autem quo isthæc sint clariora, magisque aperta, adjungere placuit Actorum monumenta. Subscripsimus omnes quotquot piissimi episcopi in superioribus commentariis fuimus ordine recensiti ». Hæc Patres ad Theodosium; licet, ex more, ad utrumque Augustum datam esse Epistolam, inscriptio præ se ferat. Qua etiam die, nempe vicesima tertia mensis Junii, iidem qui intererant Synodo episcopi litteras perbreves de damnatione Nestorii scripserunt ad Eucharium et clerum Constantinopolitanum his verbis ²:

65. « Sancta Synodus secundum religiosissimum piissimorumque imperatorum nostrorum decretum Ephesi Dei gratia congregata, illustrissimo Euchario reverendissimisque presbyteris, et oeconomicis, cæterisque religiosissimis catholicissimisque Constantinopolitanae Ecclesie clericis salutem.

« Agnoscat pietas vestra, blasphemum et nefarium illum Nestorium propter impiam suam doctrinam, præfractamque adversus Ecclesiasticos canones contumaciam, hesternò die, qui fuit mensis Junii jam habentis vicesimus secundus, a sancta Synodo juxta Ecclesiasticas sanctiones exanctatum, et ab omni Ecclesiastico gradu, et ordine amotum esse. Sedulo proinde omnia, quæ ad Dei Ecclesiam pertinent, curate et asservate; certi exactam vos illi rationem reddituros, qui Dei voluntate, piissimorumque ac religiosissimorum imperatorum nostrorum nutu communibusque suffragiis sanctæ Constantinopolitanae Ecclesie episcopum præficietur ». Hactenus Synodalis Epistola. Alia insuper reperitur Epistola Synodalis eodem argumento conscripta ad clerum iidem Constantinopolitanum, in qua mentio habetur de Joanne Evangelista, quod

cum Maria Dei genitrice Ephesum aliquando incoeruit: est ejus initium ¹: « Nemo unquam Creatori suo obsistere ausus, etc. » Scriptæ autem sunt a Cyrillo alia, sed privatum, de Nestorii damnatione Epistola, et inter alios ad clerum ejusdem urbis, ut ex eorum ad ipsum redditis litteris ² apparet.

66. *Nestorius ope Candidiani Theodosium intercipere conatur.* — Que vero funesta post hæc acciderint, ipse stylus exarare magnopere exhorrescit. Accidit plane (ut antiquis prophetis jungamus historiam), juxta illud Apocalypsis ³: « Cum se dejectum vidisset, iratus est draco in mulierem, et abiit facere prælium cum reliquis de semine ejus qui custodiunt mandata Dei, et habent testimonium Jesu Christi; et stetit super arenam maris »: cui prælo fuit bestia e mari ascendens, aucta capitibus septem, cornibusque decem armata, ornata vero regis diadematis visu horrenda ob blasphemie nomina super capita exarata. Cum videlicet Nestorius deterrimus omnium hæresiarcha, damnatus licet, denuo instaurans bellum, nullo nisi arene sterilibus fundamento subnixus, ab emergenti bestia aucupatur auxilium; dum videlicet sæculari potestate, comitibus ipsis, regis, armis, vi tyrannica expugnare conatur sanctos Dei et Catholicam veritatem: quibus quidem rebus symbolice illæ species quam concine aptentur, atque ejus fautoribus congruant, ipsius historiae veritas plus satis significabit. Aggrediamur ergo tragediam omnium funestissimam; et de Synodo œcumenica Ephesina in Spiritu sancto legitime congregata, transeamus ad vespærum examen, crabronum turmam, synagogam Pharisæorum, prædonum speltancam, et conventiculum satanæ: hæc enim non esse inanæ verba in pampinos luxuriantis orationis, ex improbis ipsorum factis plus satis invenies, ubi videbis totum ab ipsis negotium peragi vi, metu, indreni auidacia et soluta licentia, non more episcoporum, sed piratarum: ut non obscure cernere possis, omnes legiones spirituum infernorum una cum hominibus scelestissimis ad roborandum Antichristi dominium in castris Nestorii militasse. Age igitur lugubrem exordiamur narrationem.

67. *Candidianus comes, cui ab imperatore pacis publicæ cura, ut cum tranquillitate Synodus ageretur, mandata fuerat: studens Nestorio, ejusdemque patronus effectus, primum omnium terræ marisque vias solerti cura custodiri, asservarique tyrannice officio jubet; ne de his quæ in Synodo gesta essent, littere perferrentur ad imperatorem vel alios: ipse vero ad eum scribit adversus Cyrillum et reliquos, calumniatus eos, quod præpropere nimis, non expectato Joanne Antiocheno episcopo, convenissent; mentibus insuper, non omnes qui Ephesi erant episcopi, Synodo interfuisse, vocatosque minime esse: adjectaque illud quoque mendacium, eos qui convenissent, discordes inter se fuisse.*

¹ Cyril. ep. Synod. 1. — ² Act. Ephes. edit. Pell. tom. II. c. 12.

¹ Act. Ephes. edit. Pell. tom. II. c. 27. — ² Extant. in Act. Conc. Ephes. edit. Pell. tom. II. c. 24. — ³ Apoc. XIII.

Hæc quidem omnia pro Nestorio adversus universam sanctam Synodum a Candidiano ad Theodosium fuisse conscripta, Cyrillus in Epistola postea data ad episcopos Comariam, et Potamonem, et archimandritam Dalmatium Constantinopoli commorantes affirmat : est ejus exordium ¹ : Expectavimus quidem venerandissimi Nestorii adventum, etc. » His autem Candidiani comitis litteris Nestorius suas ad eundem imperatorem Theodosium addit, in eandem quoque sententiam et argumentum, nisi quod iste plura mendacia consarcivit, et quæ falsa erant, variis ornata pigmentis reddidit apud rerum gestarum ignaros fide dignissima. Est Nestorii ad imperatorem tunc datæ Epistolæ initium ² :

68. « Pietatis vestræ decreto ad Ephesiorum civitatem vocati, etc. » Veterator enim, quo deciperet imperatorem, quid primum professus est suis litteris? Nicænæ se fidei non professorem tantum, sed acerrimum exhibuit defensorem, cujus causa se Ephesum venisse testatur : rerum vero ætarum seriem recensere auspicatur a mendaciis, cum negat Ægypti episcopos expectare voluisse Joannem Antiochenum præmittentem aliquos, qui brevi fore suum nuntiarent adventum. Adjecit, adversæ partis antistites egisse tyrannice, intentasse minas, satellites per civitatem sparse, qui tumultu eam perturbarent, quique et ad domum ipsius Nestorii strepentes accesserint, mortemque eidem intentarint ; horumque omnium ducem fuisse Memnonem Ephesiorum episcopum. Quid hoc? Ille objectare est ausus in Catholicos vim, et metum, cum ipse polleret duorum comitum apparitura, et eorundem militibus vallaretur, quorum haud exiguus numerus esse poterat : etenim Candidianus ad hoc missus ab imperatore, bene stipatus agminibus militum Ephesum venerat. His adjecit conquestus, omnes Ephesi esse sibi oculos Ecclesias, nec patere sibi locum aliquem ad Synaxim : cum tamen negare non posset, sibi ac suis Dei genitricis basilicam, imo omnes apertas fuisse, si recte sentiens cum aliis episcopis convenisset. Hæc et alia effudit callidus ille, postulans ab imperatore (ad hoc enim euncti ejus conatus, et studia tendebant), ut legitimam cogi juberet Synodum, absque tamen Ægyptiis, in qua duo ex unaquaque provincia adessent antistites.

69. Ad postremum vero quasi gravissima a Catholicis pateretur, clausit Epistolam ista periodo : « Quod si id fieri non potest ; saltem curetur, ut tuto nobis ad propria redire liceat : nam hanc ipsam vitam se nobis erepturos comminatur » : vane quidem ista, ut qui depositus esset, in suam sedem revocaretur Constantinopolim : sicuti et astute ad novam infelix Synodum provocat, a legitima condemnatus, cum secret eam minime concedi debere : tutumque insuper reditum petit, quam mendacissime causatus discrimen vite, qui ad sui custodiam sciret exercitus cum comitibus habere paratos. Subscriperunt post ipsum huic Nestorii Epistolæ, ad

majorem illi fidem conciliandam, novem qui cum eo erant episcopi, nempe Frilillus Hæraclæ Thraciæ, Helladius Tarsi, Himerius Nicomediæ, Alexander Apameæ, Euthlerius Tyranorum, Basilus Thessaliæ, Maximus Anazarbi, Alexander Hierapolis, et Dorotheus Marcianopolis Mysiæ, Nestorianæ fæces.

70. *Joannis Antiocheni Ephesum adventus et audacia.* — Antequam autem res a Joanne Antiocheno atque collegis episcopis schismaticis Ephesi gestas narrare aggrediamur ; hic meminisse debemus, non recens, et ob Nestorium fuisse Antiochenorum antistitem dissidium adversus Cyrillum, vel alios prædecessores, sed plane vetus, ob eam quidem causam, quod Alexandrinus episcopus primus post Romanum in Ecclesia Catholica antistes, jura sibi vindicabat totius Orientis Ecclesiarum, refraganlibus Antiochenis episcopis, qui illi subjeti indigno forebant animo. His igitur jactis ante, et coalescentibus in dies discordiæ seminibus, factum ut odio impellente, concitus nimis Joannes cum suis ferretur adversus Cyrillum, et qui cum illo erant, episcopos. Sed his patefactis, jam ceptam historiam prosequamur.

71. Die quinto a Nestorii damnatione (ut Evagrius ¹ auctor est) Joannes episcopus Antiochenus una cum suis Ephesum venit, nempe viciesima septima mensis Junii : testantur id quidem ipsa Acta Ephesina ², et Cyrillus in Apologetico ³ : ex quibus plane erroris arguuntur qui postbiduum vel triduum advenisse Joannem affirmant ⁴. Quid aulem Joannes ipse egerit, simul ac ingressus est Ephesum, Epistola Synodalis ad Celestinum papam missa declarat his verbis ⁵ : « Sperabamus futurum, ut religiosissimus Joannes Antiochenus diligentiam ac pietatem Synodi laudaret ; et fors-an etiam quereretur, quod tardius depositionem Nestorii aggressi essemus. Verum enimvero omnino contrarium, contraque quam sperabamus, degeneravit : inventus est enim inimicus, et maximus cum sancte Synodi, tum rectæ Ecclesiarum fidei hostis, sicut res ipsæ declarant. Nam simul atque Ephesum ingressus est, antequam pulverem ex itinere contractum abluisset, nondum deposito pallio, collectis quibusdam qui una cum Nestorio defecerunt, et blasphemata contra eum ipsorum caput loquuntur, et gloriæ Christi tantum non illudunt, quos sibi ipsi veluti collegium circiter triginta hominum, nomen episcopatum habentium collegit, quorum alii extorres vagantur, nec Ecclesias habent, alii sæpenumero gravibus de causis a metropolitani suis sunt depositi [sunt autem cum illis etiam Pelagiani, et Celestiani, et ex illis quidam qui e Thessalia sunt ejecti] his, inquam, collectis, rem ausus est impiam, qualem nemo ante illum unquam ausus est ». Quales autem hi essent, Synodica Or-

¹ Cyril. ep. xx. — ² Act. Ephes. edit. Pelt. tom. II. c. 20.

³ Evagr. l. 1. c. 5. — ⁴ Act. Ephes. edit. Pelt. tom. IV. c. 1. — ⁵ Cyril. Apolog. tom. IV. — ⁶ Liberat. dnc. Brev. c. 6. Niceph. l. XIV. c. 37. — ⁷ Extat apud Cyr. ep. Synod. XII.

thodoxorum ad imperatorem missa declarat¹, et Cyrillus insinuat in Apologético. Verum hæc postea.

72. Quid vero idem Joannes ipsa prima die per Irenæum comitem admiserit adversus Dei episcopos, qui a sancta Synodo missi fuerant, ut ei in via occurrerent, litteræ Memnonis Ephesini episcopi ad clerum Constantinopolitanum docent his verbis² : « Agnosceus autem S. Concilium proxime futurum ejus adventum, honorans et debitum sacerdotale implens, misit quosdam Deo amatissimorum episcoporum etiam cum reverendissimis clericis in occursum ejus, ut hæc faciens, et debitum honorem adimplens : qui item manifestarent, quod deberet a Nestorii colloquio abstinere, eo quod a sancto Concilio damnatus esset ob impicalem, quam fuerat meditatus. Ipse vero Joannes non permisit, sequentibus cum militibus, in itinere se videri. Illi nihilominus secuti sunt; et domum ubi mansit occurrerunt et plurimas observantes horas, et non permisi cum eo habere colloquium, manserunt nihilominus injurias patientes. Post multas autem horas, cum hoc ei visum fuisset, evocavit Dei cultores episcopos et clericos, introducens eos per milites. Cumque illi que a sancto Concilio mandabantur, manifesta fecissent : præmisit magnificentissimum Irenæum, et qui cum eo erant, episcopos, et clericos, importabiles inferre plagas nostris comministris, et clericis, ut etiam in discrimen vite venirent. His igitur gestis, venientes ad sacrum Concilium qui missi fuerant Dei cultores episcopi, et plagas ostendentes, et quæ fuerant acta narrantes sub Gestis monumentorum, sacro-sancto Evangelio proposito, ad indignationem moverunt sanctum Concilium, cum eum castigantes excommunicatum pronuntiaverunt : quæ quidem excommunicatio manifesta facta est ». Hæc ibi : quibus pariter declaratur, tertiam hæc esse habitam a Catholicis actionem, ex qua missi sunt episcopi ad Joannem : a quo male habili, ad Patrum consensus, a quo legati fuerant, redierunt.

73. *Conciliabulum Nestorii et Joannis damnantium Cyrillum, aliosque, et Pelagianam hæresim confirmantium.* — Talis namque precedere debuit apparatus ad conciliabulum, cui salanas præsideret, quod collectum est per Nestorium et Joannem excommunicatos episcopos, cuncta Candidiano comite procurante; cui adfuerunt Pelagiani, et alii ob scelera et throno ante ejecti episcopi : locus etiam illi congruus, non ades sacra, sed diversorium fuit : non quidem in sacris aedibus, sed in caupona ea tractanda erant, in qua Insoues, meretrices, ganeones, et reliqui nebulones suos soliti sunt habere et frequentare congressus. Convenere ibi die ipsa qua advenit Joannes vicesima septima mensis Junii, nempe die quinta a damnatione Nestorii. In ipso igitur Joannis diversorio collectis ipsis, simul Candidianus de his, quæ

hactenus Ephesi gesta essent, ut sibi visum est, prælocutus, recitavit litteras imperatoris : in quarum veluti sacra lectione assurrexerunt omnes episcopi, illi turpiter adstantes contra Ecclesie morem, cum tantus honor deberetur dumtaxat divine Scripture lectioni. Prosecutusque de rebus in Synodo gestis narrationem, nonnulla mendacia eidem simul intexit. Tunc Joannes suas querelas adversus Synodum protulit, quod ab ea minime expectatus esset. His ita præmissis, perinde ac si Nestorius Catholicus esset, et ejus doctrina in omnibus Orthodoxa de eo ne verbum quidem factum est, sed accusationes proposite sunt adversus Memnonem episcopum Ephesinum, et Cyrillum Alexandrinum.

74. Sed quenam erant istæ? Adversus Memnonem quidem, quod omnes Ecclesias Nestorio clausisset; atque ejus clericis minas intentalset. In Cyrillum vero, quod scriptis suis ad Nestorium Constantinopolim missis hæreses admiscuisset. Denum omnes episcopos, qui legitime Synodo interfuerant, turpissime infamarunt, jactantes nimirum illorum alios esse Arianos, Eumomianos alios, necnon Apollinaris errore conspersos. Celebrum in Cyrillum tantummodo atque Memnonem lata confestim ab eis depositionis sententia est; amboque ut hæretici condemnati sunt, atque sede depositi; Cyrillus quidem, quod hæreticam doctrinam suis scriptis manifestasset; Memnon vero, quod Cyrilli Capitula promulgasset, multaque contra canones pergisserit : reliquos autem episcopos excommunicationi subjectos esse voluerunt, quousque Cyrilli capitula condemnarent. Ita quidem isti, nullo a canonibus præscripto juris ordine servato, vel specie tenus, nec illis quos damnarunt citatis saltem, tantam sententiam protulerunt, more schismaticorum et hæreticorum sacros canones subvertentium.

75. At describamus hic ipsam ab eis latam sententiam, quam sic prælocutus Joannes Antiochenus instar fulminis furibundus intorsit¹ : « Ego quidem optarem, neminem ex iis unquam qui ad sacerdotium a Deo adseiti sunt, extra Ecclesiastici corporis communionem ejici. Sed quia usu interdum venit, ut membra quadam immedicabili morbo corripiantur; ob totius corporis incolumitatem quedam nunquam resectiones adhibeantur, necesse est. Cum itaque Cyrillus et Memnon insignis illius iniquitatis, quæ accidit, auctores extiterint, et ut Ecclesiasticæ sanctiones, pique piatissimorum Augustorum decreta pessumdarentur, occasionem præbuerint, et prædictorum capitulorum promulgatione, se hæreticos esse, plenissime significarint : æquum est, ut ipsi quidem exauclorationis sententia plectantur; reliqui vero qui in ipsorum errorem abducti sunt, excommunicationis vinculo tactisper innocenter, donec proprio tandem delicto agnito, hæretica Cyrilli capita anathematizent, et

¹ Apud Cyril. ep. Synod. iv. — ² Act. Conc. Ephes. edit. Pelt. tom. iv. c. 13.

¹ Act. Ephes. edit. Pelt. tom. iii. c. 1.

in fide a sanctis Patribus Nicææ quondam congregatis edita plane acquiescant : ita ut nihil prorsus extraneum aut peregrinum addi sinant, et juxta piissimorum nostrorum imperatorum litteras, cœtui nostro se adjungant, et controversarum tandem questionum examinatione fraterne suscepta, piam fidem una nobiscum confirmet ». Hactenus sententia Joannis atque aliorum Nestorianorum calumniantium Cyrilli capitula, quæ superius recensuimus.

Hæc ab eis lata sententia, scriptus ab eisdem est ad ipsam sanctam œcumenicam Synodum damnationis libellus, qui sic se habet ¹ :

76. « Optassemus quidem, juxta sanctissimorum Patrum canones, piissimorumque ac Christi amantium regum nostrorum litteras, Synodum pacate celebrari potuisse. Quoniam vero vos hæretico sensu menteque usi, non parva temeritate tumultuationeque privatim inter vos consensum celebrastis (tametsi secundum terminum a religiosissimis principibus nostris præfinitum præ foribus jam ageremus) omnique turbarum genere civitatem, et sanctam hanc Synodum implestis, ne videlicet in capita, quæ cum Apollinari, Eunomii, atque Arii improbitate et perversitate conspirant, inquiretur : neque tandem episcoporum undecumque piissimorum imperatorum nostrorum opera convocatorum adventum expectastis ; cum tamen magnificientissimus comes Candidianus, et scripto et dicto, nequequam istiusmodi adoriremini, sed communem omnium episcoporum consensum expectaretis, severissime vobis interminaretur : Ideo tu, Cyrille Alexandrine, et tu, Memnon hujusce civitatis episcopo, scilote vos exauctoratos, omnique episcopali honore exutos, et ab omni præterea Ecclesiastico ministerio, et sanctione penitus esse amotos : quippe qui soli, ut sanctorum Patrum canones conculcarentur, omniaque confusione et turbis miscerentur, auctores et duces extiteritis. At vos reliqui omnes, qui seditiose et inique contra Ecclesiasticas sanctiones, regiaque decreta Actis consensistis, tantisper anathemati subjacete, donec agnita culpa vestra respiscatis, fidemque a sanctis Patribus in Nicæa civitate congregatis expositam integre suscipiatis, nihil illi externum ac peregrinum atextentes : capita præterea hæretica a Cyrillo Alexandro exposita, ut quæ Evangelicæ et Apostolicæ doctrinæ aperte repugnent, anathematizetis ; et litteris denique piissimorum Christianique amantium Regum nostrorum, qui fidei questionem quiete agitari, accurateque discuti præcipiunt, per omnia pareatis ». Hactenus libellus damnationis : quibus omnibus quadraginta tres episcopi subscripserunt, inter quos adnumeratur Theodoretus episcopus Cyri, et Paulus Emesenus. Observatione quidem digna res est, quot quantisque se involvant indumentis hæretici, ut videantur esse Catholici : in ore canones, in verbis fides, eademque Orthodoxa Nicæna, in factis

zelus astuans, et præterea delensio pietatis : « sed venenum aspidum sub labiis eorum, et cum mellifi sint sermones eorum super oleum, ipsi sunt jacula ». Nam adspice novam fraudem.

77. Cum enim ad Synodum œcumenicam hæc appareant esse conscripta, ad eam tamen nequaquam missa fuerunt : sed clanculo rem agentes, isthæc cum litteris ad imperatorem et ad clerum Constantinopolitanum miserunt : exant ipsæ litteræ. Sicque factum est, ut in remotioribus civitatibus ex eorum litteris Synodus œcumenica magnopere infamaretur, cum ipsi episcopi qui erant Ephesi in Synodo congregati, nihil penitus horum scirent : hæc enim se ignorasse, testati sunt Cyrillus ac Memnon, quorum causa potissimum agebatur, in libello diu postea oblato Synodo. Tandem vero post longum temporis spatium fidem Nestoriani ipsam damnationis sententiam Ephesi publice affixerunt, ut suo loco dieturi sumus.

78. Nec his contentus fuit cœtus ille salanicus : nam qui in gratiam Nestorii non sunt veriti adeo impudenter non Cyrillum tantum, et Memnonem, sed universum sacrosanctum damnare Concilium ; addentes prævaricationem, in gratiam Pelagianorum, qui aderant, episcoporum, restitutum confirmantque Pelagianam hæresim sepius ante damnatam ; illud impie statuentes, Adeo animam minime per peccatum mortuum esse, privatamque vitæ gratia, neque peccatum originale esse propagatum in posteros. Hæc quidem sapientissimi isti sancito canone decreverunt. Sed accidit sive dolo malo, sive librorum incuria, ut hæc ipsa Acta pseudosynodi Ephesinæ admixta fuerint cum legitima Synodo œcumenica illidem celebrata, et in quibusdam codicibus inter Catholicæ Synodi sanctiones spurium hujusmodi lateret decretum : ut plane pro monstro habendum fuerit, ut Synodus Ephesina, quam constat (ut dictetur) damnasse Pelagianos, haberet nihilominus constitutionem, qua hæresis Pelagiana confirmaretur.

79. Sensit quidem et detexit atque damnavit ejusmodi imposturam sanctus Gregorius papa ; collationeque facta cum antiquo codice Romanæ Ecclesiæ, in quo nihil tale potuit reperiri, ex eo alios codices depravatos esse redarguit. Extant hæc de re ejusdem Romani Pontificis litteræ ad Eulogium ¹ episcopum Alexandrinum, ad Anastasium ² episcopum Antiochenum, et ad Narselem ³ comitem. Sic igitur Nestoriani furore perciti, nulla habita consideratione non dico Ephesini Concilii nuper habitii, sed nec aliorum tot in Africa, Romæ, Constantino-poli, et in Palestina habitorum Conciliorum in condemnationem Pelagianæ hæresis, ad defensionem sui erroris adjunxerunt sibi collegas impietatis Pelagianos episcopos : licet ipsorum aliqui paulo post sanioris mentis effecti, deficientes a sceleratorum militia, ad Catholicæ Ecclesiæ castra se receperint,

¹ Greg. I. VI. ep. XXXI. — ² Greg. I. IV. ep. XLVII. — ³ Greg. I. V. ep. XIV.

ut testatur Synodica per Palladium ad Theodosium missa ¹. Hinc videas, quod cum numerentur in hoc ipsorum primo conventu Nestoriani episcopi quadraginta tres, postea recenseri triginta ² tantum et octo, indeque triginta unum ³. Hic finis Concilii malignantium, synagogae conspirantium in Christum et Ecclesiam ejus, ex quo malorum omnium fluxere principia.

80. *Legati Romani Pontificis adveniunt, cum Concilio agunt, res gestas approbantes.* — Post hac autem accidit, ut duodecim diebus elapsis, nimirum decima Julii, legati a Caestino Pontifice missi appellerent Ephesum : qui licet antea expectati, sed varietate temporum eorum navigatione praepedita, tardius appulerunt : cum tamen satis Synodo visum est, rem aggredi, quod loco ipsorum Cyrillus adesset, qui ex Caestini papae decreto vicem gerebat Romani Pontificis. Eadem autem die qua venerant, in Synodum introduci, a Patribus digne, (ut par erat) excepti sunt Arcadius et Projectus episcopi, atque Philippus S. R. E. presbyter, Apostolicae Sedis legati : qui litteras obtulerunt legendas a Caestino papa ad Synodum datas : quae (ut scriptae erant) latino sunt recitatae sermone, ob dignitatem Apostolicae Sedis latine scribitur : inde eadem Graece reddita, iterum lecte sunt, atque omnium sententia Catholicae praedicata, et acclamationibus faustis accepta. Post haec vero Firmus episcopus Caesariae Cappadoeciae de his quae hactenus acta essent in Synodo, quomodo videlicet, ex prescripta litterarum Caestini papae ad Cyrillum et ad Nestorium et alios, eundem Nestorium haereticum et contumacem omnium sententia condemnasset, eosdem legatos reddidit certiores. Excusaverunt autem iidem legati tarditatem suam et moram ex maris tempestate productam : petieruntque sibi legi quae ab ipsis hactenus decreta fuissent, sic in Synodo loquente Philippo legato ⁴ :

81. « Gratias agimus sanctae venerandaeque huic Synodo, quod litteris Caestini sanctissimi beatissimique papae vobis recitatis, sanctae Ecclesiae membra, sanctis vestris vocibus, piisque praconiis, sancto vestro capiti vos exhibueritis : non enim ignara est vestra beatitudo, totius fidei, ceterorumque Apostolorum caput B. Petrum Apostolum existisse. Proinde cum nostra parvitas multis magnisque tempestatibus jactata et impedita aliquanto serius accesserit : rogamus ut ea nobis patefieri mandetis, quae ante adventum nostrum in sacra hac Synodo acta sunt ; quo juxta sanctissimi papae nostri praesentisque hujus cœtus sententia, et nos quoque illa nostro suffragio confirmemus, nostroque calculo approbemus ». Ita ipse. Post haec praelocutus est Theodorus Ancyrae episcopus nonnulla in laudem Caestini Pontificis ; indeque subsequenta Actorum lectio, et Nestorii iterata damnatio : haec ex Actis Ephesini Concilii. Abso-

lutaque ejusdem Synodi oecumenicae quarta sessio. Vidisti, lector, et considerasti, puto, in plena Synodo professum Philippum Apostolicae Sedis legatum esse Catholicae Ecclesiae caput Romanum antistitem, reliquos vero omnes episcopos sub hoc capite membra : quod quidem est susceptum elogium absque invidia, et faustis postea praconiis acclamatum. Sed quae die sequenti acta sunt, dicere prosequamur.

82. Undecima Julii in solitum consessum, ad Dei genitricis Mariae ecclesiam Catholici omnes episcopi convenere : ubi post Juvenalis episcopi Hierosolymorum praelocutionem, ad ea quae hesternae die acta essent in Synodo, legati Apostolicae Sedis in damnationem Nestorii suum calculum adiecere : quorum primo loco Philippus presbyter sententiam suam dixit his verbis ¹ : « Nulli dubium est, imo saeculis omnibus notum est, sanctum beatissimumque Petrum Apostolorum principem et caput, fideique columnam, Ecclesiae Catholicae fundamentum, a domino Jesu Christo Salvatore nostro, humanique generis Redemptore caelestis regni claves accepisse, solvendique atque ligandi potestate quam acceperat, usum fuisse ; necnon per successores suos lucusque semper vivere, causaeque decernere, semperque victurum esse. Hujus itaque ordinarius successor et vicarius sanctus beatissimusque papa et episcopus noster Caestinus nos suos pro se quasi vicarios ad hanc sanctam Synodum misit, etc. » Intelligisne, quem sibi locum in Ecclesia Catholica jure vindicare semper consueverint Petri successores Romani Pontifices ? et in quam frequenti auditorio, quamque celebri totius plane Catholici orbis theatro, cunctis spectantibus et audientibus, sit tante rei veritas praedicata ? quam non dico Catholici omnes qui aderant, summa consensione pronis auribus acceperunt : sed eadem ipsa praelocutionibus quoque praconiis confessus est qui ceteris eruditior in castris adversariis modo sub Joanne militabat Theodoretus, cum postea ab his expediens se nexibus privatorum affectuum, liberiori voce saepius suis Epistolis (ut dicemus) tantam professus est veritatem. Sed ceptam jam historiam prosequamur.

83. Post Philippum legatum duo reliqui in eandem sententiam pedibus abiere, et in damnationem Nestorii dictis ac pronuntiatis sententiis subscribere, primoque loco Philippus presbyter S. R. E. legatus subscripsit ante duos reliquos legatos episcopos : quibus intelligas, quod etsi praestare dignitate certum sit episcopos presbyteris, eos tamen qui proxima connexione capitis, cardinales presbyteri nominantur, aliquid habuisse, quo interdum praeferebantur episcopis. Actis igitur jam contra Nestorium a Synodo oecumenica, legatorum subscriptione munitis, scripta est Epistola Synodalis ad Theodosium imperatorem de confirmata damnatione Nestorii per legatos Apostolicam vicem agentes non solum Caestini Romani Pontificis, sed

¹ Act. Ephes. edit. Pelt. tom. IV. c. 10. — ² Ibid. c. 7. — ³ Ibid. c. 10. — ⁴ Ibid. tom. II. c. 15.

¹ Act. Ephes. edit. Pelt. tom. II. c. 16.

totius orbis Occidentalis episcoporum. Est Epistolæ principium ¹: «Vestram, Christianissimi reges, erga pietatem curam et studium universorum Deus apprime gratam acceptamque habet, etc.» Dedit eadem Synodus aliam præterea Epistolam ad cœrum Constantinopolitanum eodem quoque argumento conscriptam, et legatorum etiam subscriptione munitam, quæ sic incipit ²: «Huc devenimus, ut rem apprime luctuosam vobis indicare cogamur, etc.» Sed cum videas in neutris harum Synodalium Epistolarum ullam penitus mentionem haberi de rebus gestis per adversariorum conciliabulum, damnalesque ab eis Cyrillo cum Memnone et universa Synodo, de quibus in primis expositandum plurimum fuisset; evidens est argumentum (quod diximus) omnia ab eis clanculum sub silentio actitata.

84. *Versutiæ Nestorianorum et calumniæ in Cyrillum.* — Sed quem non moverunt illi lapidem, quamve artem et dolum intentatum præternisere, quibus Cyrillum, quem præ cæteris odio prosequerentur, aliqua aspergere possent infamia et suggillare calumnia? Qui enim viderant sic in Orientem obstruxisse aditus omnes, ne quid litterarum ad imperatorem perferri posset: cum scissent de damnatione Nestorii scriptas fuisse litteras Alexandriam a Cyrillo, occurrentes his, in Ægyptum dedere litteras quibus significarent Cyrillum eodem animo, quo Theophilus insecutus est Joannem Chrysostomum, commotum contra Nestorium eundem absque perendina dilatione excommunicasse: quæ quidem res commovit animos etiam sanctissimorum virorum, et inter alios Isidori Pelusiolæ, qui ad Cyrillum in hæc verba scripsit Epistolam ³:

85. *Acta Pseudo-Synodi quæ vera Synodus damnat, et de quibus dat Synodalem ad imperatorem, et Encyclicam Epistolam ad omnes.* — Præposterus favor haud acute cernit: odium autem nihil omnino cernit. Quapropter si ab utraque larva purus atque immunis esse studes, noli violentas sententias ferre; verum illata crimina justo et integro judicio committe. Quandoquidem Deus etiam, qui omnia scit antequam oriantur, pro sua humanitate descendere ac Sodomorum clamorem perspicere voluit, hinc videlicet nos ad res accurate perscrutandas ac proferendas erudiens. Multi enim ex iis qui Ephesi coacti sunt, te traducunt, ut tuas inimicitias persequentem et ulcipientem, et non ea quæ Jesu Christi sunt, orthodoxe querentem: Theophili (inquunt) ex sorore nepos est, illiusque mentem et sententiam imitator: Ut enim ille perspicere adversus divinitus afflatum ac Deo carum virum Joannem, (Chrysostomum scilicet) furorem effudit; sic etiam iste gloriari ac se jactare expetit, etiamsi latum sit inter eos qui accusantur, discrimen». Hactenus Isidorus, qui et aliam ejusdem ferme argumenti ad eundem dedit Epistolam quæ sic inci-

pit ¹. «Terrorum mihi divinæ Scripturæ exempla inferunt, etc.» Quod insuper iisdem calumniarentur hæretici, Cyrillum affirmantem unum tantum in Christo esse personam, eundem asserere unam in Christo naturam, idem Isidorus scripsit ad ipsum Epistolam ², quæ significavit ex plurimis S. Athanasii sententiis liquido apparere, ex duobus Christum constare naturis. Cæterum veritatem tandem edoctus, ipse Cyrillum ut perstet in sententia immobilis adhortatus est; aliamque postea ad eum scripsit Epistolam ³.

86. Quid insuper Nestoriani? De Victore quodam sanctissimo monacho in vulgus sparsere, quod hostis Cyrilli esset, et ea ipsa saperet, quæ Nestorius impie prædicaret: sed accidit ut idem Ephesum se conferret, et veritatem vix tandem omnibus patefaceret. Porro rem gestam scitu dignam ipse Cyrillus in Apologia ad Theodosium imperatorem ita describit ⁴: «Expertus est mecum infrenatæ lingue jacula dilectus quoque solitarius Victor. Prædicabant enim de ipso quidam ex his forte qui mentiri consueverunt, quod et ipse absurda quædam sit contra me mugatus. Ita ut cum Ephesum ad me venisset, vehementer illum nonnulli ex sancta Synodo accusarint; imo universi, unum esse ex inferiorum numero, vociferantes, aversati sint: constanterque parricidam et homicidam, etsi quæ alia sunt hujusmodi, nominarint. Et cum hoc senex intellexisset, multis admodum ipsum sanctis episcopis circumstantibus, sublatis in cælum manibus, præter morem, per sacrosanctum baptismum, et veneranda Christi mysteria, nullius horum scelorum se conscium esse juravit: atque ita vix tandem offensorum animos ego et ipse pacare potuimus». Hæc Cyrillus. Cognoscis jam satis, puto, lector, per quos mendaciorum et versutiarum infractus serpere solet infelix impietas; ipsam vero veritatem, etsi mille hostium cuneis circumvalletur, erectam sui fiducia recta progredi, et cælum magna semper alacritate conspicere. Sed Synodalia prosequamur Acta.

87. Elapsis ab hac ultima sessione diebus quinque, cum hoc interstitio temporis Catholicis immoissent episcopis, quæ Nestoriani impudenter egissent adversus Cyrillum, Memnonem, et omnes reliquos cœmunicæ Synodi antistites: consulturi quid in re tanta agendum foret, decima sexta mensis Julii in eandem Dei genitricis basilicam convenere. Ubi primum oblatus est querelarum libellus a Cyrillo episcopo Alexandrino et Memnone Ephesino adversus Joannem, quod licet sua culpa sero, longeque post præscriptum tempus advenisset, sibi tamen judicis officium vindicasset, spretisque Patribus Synodi, Nestorio communicasset, clandestinamque Synodum ex improbis et ejectis episcopis collegisset, aususque esset, nulla servata iudicii ratione, absque dominatione vel citatione præmissa, in ipsos sententiam ferre atque gradu deponere.

¹ Act. Ephes. edit. Pell. tom. II. c. 17. — ² Ibid. c. 33. — ³ Isidor. Pelus. I. I. ep. cccx.

¹ Isidor. I. I. ep. cccclxx. — ² Ibid. ep. cccxxii. — ³ Ibid. ep. cccxxiv. — ⁴ Cyril. Apol. tom. IV.

Recitato igitur, auditoque a Concilio universo, libello, interlocutus magnus ille Acacius Melitenus episcopus, nullius esse penitus juris asseruit, quæ a communicantibus cum Nestorio contra Patres œcumenicæ Synodi, omnibus legibus repugnantibus, acta essent; tamen ad huc benignitati Synodi dari locum petiit, ut Joannes auctor omnium audiretur; eumque judiciali ordine ob eam causam esse citandum.

88. Missi sunt igitur tres episcopi, Petrus, Paulus, et Archelaus, qui nomine Synodi convenirent ipsum Joannem Antiochenum episcopum: sed a militibus vetiti sunt ad eum accedere, vixque intra ædium admissi vestibulum: dimissi vero cum minis, jurgiis, atque blasphemis in fidem Catholicam, ad sanctam Synodum rediere. Sed decreto Synodi per tres alios episcopos jussu secundo citari, occurrentibus eisdem militibus evaginalis gladiis, vix tandem ejusmodi a Joanne per milites efficere responsum: « Episcopus Joannes ait: Nos homines per nos gradu motos, et excommunicationis vinculis innodatos responso non dignamur ». His et aliis relatis per missos Joannem episcopos, etsi satis superque ea videri poterant ad hominis proterviam declarandam, tamen adhuc terro esse citandum, sancta Synodus statuit. Sicque his rebus gestis, finem accepit ejus diei Actio: cum Juvenalis Hierosolymitanus episcopus inter alia in Joannem Antiochenum, incusans ejus refractarium animum, dixit, ob legatos saltem Apostolicæ Sedis Roma missos eum parere debuisse: « Cum præsertim, inquit, Apostolica ordinatione et antiqua traditione in consuetudinem abierit, ut Antiochena sedes perpetuo a Romana dirigeretur judicareturque ».

89. Postquam autem ejusmodi contumeliosum responsum episcopis illis missis Joannes dedisset, jamque palam delixisset, a se Cyrillum cum universa Synodo excommunicatum: adiciens crimen crimini, confestim chartas publice jussit affigi, quibus declararetur Cyrillus episcopus Alexandrinus esse sectæ Apollinaris hæreticus: continebat eadem scheda, omnia de Cyrilli hæresi jam nuntiata esse imperatori. Quibus Cyrillus acceptis, ad sequentis diei Synodum retulit.

90. Decima septima igitur die Julii in eadem Deiparæ ecclesia collectis in unum episcopis, Cyrillus de affixa publice charta questus, petiit moneri debere Joannem de eadem affixa charta et irrogata contumelia rationem reddere; ostendensque quam longissima abesse, ut aliquando Apollinarem vel alium hæreticorum sectatus fuerit, in eundem Apollinarem et alios omnes hæresiarchas intulit anathema. His acceptis, placuit sanctæ Synodo, Joannem tertio per tres episcopos citari: delectique sunt ad opus Daniel episcopus Coloniae in Armenia civitatis, Commodus Tripolis Lydiæ, et Timotheus Thera civitatis Hellesponti episcopos. Accidit autem, ut cum hi ad Joannis habitationem se contulissent, et a clericis Joannis male excepti essent, a militibus qui aderant commiserationis causa fue-

runt ex eorum manibus liberali; cognoscebant enim illi Commodum episcopum, in cujus civitate aliquando versati essent. Demum archidiaconus Joannis chartam dedit ad Synodum deferendam, quam episcopi accipere noluerunt, quod non ipsorum id muneris esset. Adject postea archidiaconus Joannis nomine ejusmodi verba: « Neque vos ad nos mittatis; neque nos in posterum quicquam ad vos mittemus: siquidem postquam decreto nostro semel ad imperatorem detulimus; quid opus sit factu, ut ipse ad nos perscribat, expectabimus ». Hæc ille. Cum vero cuncta quæ accidissent missi episcopi reverentes Synodo exposuissent; quid decreverint Patres, dicturi sumus, ubi primum quid contineret charta illa, quam archidiaconus deferendam Synodo obtulerat episcopis, dixerimus: innoluit illa postea, quæ sic se habet¹:

91. « Episcopus a nobis excommunicatis sancta Synodus hæc significat, et suadet.

« Grave revera est, peccare, Deumque et Dominum ad iracundiam provocare: sed longe gravius est et periculosius, peccata penitentia non diluere. In hoc autem malum vos eo ipso manifeste incidistis, quod iniquis seditiosisque Cyrilli Alexandrini et Memnonis Ephesini studiis et machinationibus animo pertinaci ad stipulari hæcenus non desinitis. Quare et hæc quoque de causa excommunicationem perpessi estis; nec injuria. Nam cum amicitiae ostium per nostram sententiam patefactum vobis cerneretis; nihili id duxistis, neque ut ab excommunicationis vinculo absolveremini, quicquam pensi habuistis; imo vero hominum hæresi contaminatorum, sanctorumque Patrum canones et imperatorum decretum fœde calcantium, et sexcenta alia per iniquitatem perpetrantium (propter quæ etiam gradu moti, omnique episcopali dignitate exuti sunt) necessitudine et consuetudine usque hodie libere utimini. Scitote proinde, nisi mature quod æquum est provideritis, et a noxio illo commercio vos semoveritis, fidemque sanctorum Patrum Nicænorum sincere complexi fueritis, et nostro tandem consensu juxta religiosissimorum Regum nostrorum præscriptum placide citra ullam omnino contentionem aut turbam vos adjunxeritis; fore ut vestram stultitiam justius quam nostram sententiam accusaturi sitis ». Hæcenus Joannis delirium.

92. Cum autem sancta œcumenica Catholicorum Synodus relatione episcoporum de Joanne audisset, quam procul abesset, ut spes aliqua esse posset Synodo illum citatum adfore, qui obstinatus persisteret, judicemque omnium tanquam phrenesi correptus ageret: haud diutius dissimulandum rata, in ipsum et qui cum eo erant episcopos anathematis sententiam tulit, nisi quamprimum ab eo recesserint: nomina autem singulorum expressit, inter quos Theodoretus reperitur, qui ut armiger Joanni in hærescebat: erant omnes numero fringita sex. Insuper cuncta ab eis acta contra Cyrillum et Mem-

¹ Act. Ephes. edit. Pelt. tom. III. c. 3.

nonem eadem œcumenica Synodus prorsus irrita esse dixit : scripsitque de his Synodalem ad Theodosium imperatorem Epistolam, cujus est exordium ¹ : « Quæ sanctæ sunt Synodo a dominatione vestra mandata, etc. », qua quidem inter alia Patres petierunt, ne nomen Synodi habere sineret, qui a schismaticis seorsum ab universis collectus fuit schismaticorum conventus; ageretque ipse Constantini Magni exemplo, qui quos sciret a cœtu omnium esse divisos, pœna mulcandos exilii censuisset: nec ullo pacto fieri posse, ut nomen Synodi obtineret conventus triginta sex episcoporum schismaticorum, qui præsertim damnatos jam haberet Pelagianos admixtos; cum e contra esset vere legitima Synodus universalis ducentorum et decem episcoporum, quæ præcipue legatos secum habeat Apostolicæ Sedis omnium Occidentalium vicem agentes. Jubeatque ad postremum, rogant, ut quæ a sancta Synodo contra impium Nestorium gesta sunt, solidam obtineant firmitatem.

93. Scripsit insuper eadem sancta Synodus Epistolam Encyclicam ad universos Christi fideles, quibus omnium episcoporum nomina, qui damnati omnium consensu fuerant, voluit innotescere: est ipsius initium ² : « Cum essemus Ephesi secundum imperatoris litteras congregati, etc. », cui adjecere sex canones, quibus sancta Synodus significavit ne quis se conjungeret cum Nestorio, vel ejus partes tutantibus et inharrentibus schismaticis Joanni ac sociis vel sectæ Pelagianæ viris; qui vero secus fecerint, ut deicerentur ab episcopatu, et subjacerent anathemati, jussit. Decrevit insuper sancta Synodus, ut quicumque a Nestorio et aliis ei adherentibus depositi essent, summ recipere locum: addiditque etiam, ut clerici atque populus non subjaceant iis qui a Synodo depositi fuerunt episcopi, nulliusque habendam esse momenti eorum restitutionem per Nestorium et collegas schismaticos factam: ac demum deponendos pronuntiavit omnes qui res gestas per sanctam Synodum œcumenicam Ephesinam conati fuerint irritare, eosdemque anathemate feriendos eadem sancta Synodus edita sanctione decrevit. Hactenus septima Actio.

94. *Cyrilli homilia ad populum.* — Post hæc vero per dies quinque cessatum est a sacris Comitiis: quo tempore Cyrillum putamus illam habuisse ad populum homiliam, cujus est exordium ³ : « Quæ dilectissimis in Christum sit virtus; etc. » cum ea usus est ad tempus accommodata adversus Joannem apostrophe, digna relatu, ubi ait: « Ad te namque mihi sermo nunc est, qui elatum adversus omnes supercilium erigis, et ex Orientalibus regionibus huc venisti. Itaque hi universi Salvatoris nostri omnium ministri sumus, et concredutum est nobis prædicationis istius ministerium: ob quam causam non omnes cum illo sumus, ut quæ illius sunt, velimus? Erexit (ut vides) draco ille multorum capitum caput profanum ac scelestum, ut in Ecclesiæ

filios impietatis suæ venenum expuat. Occurro illi nudatum habens sancti Spiritus gladium; pugnaque adversus hanc bestiam propter Christum. Quæ de causa non collaboras cum eo qui hoc bonum facere conatur? Quare et ipse non simul consistis in acie? Sternatur omnium manu; commune reputemus hoc certamen; et simul vincentes gratias referamus Salvatori, dicentes: Contrivisti capita draconis.

95. « Sed nos quidem legitimi Salvatoris sacerdotes bellicosissimi, mysteriorum ejus dispensatores, superamus eos qui contra gloriam ejus nugantur: tu vero non ita. Vides nos veluti in bello certasse, et adhuc pugne stillare sudorem, adeoque refocillatione spiritali et consolatione opus habere, ac jam vicisse. Tu vero cum sis ordinatus inter fratres, et Christo Domino nomen dederis, debeasque nobiscum armari ad pugnam, adversus veritatis dogmata arma convertis. O rem inauditam! manus cum hoste non conservasti; cum his qui certarunt, non concertasti; tempus belli tarditate adventus tui declinasti; a longe stetisti spectator eorum qui viriliter certaverunt; hostem prostratum, linguamque blasphemam repressam et punitam vidisti, ac doluisti. Dic, quæso, quam ob causam? Quod Christus vicit? Quod contra adversarios invaluit? Quod obtulit os grandiloquum? Quod sedatus est morbus, qui inter filios Ecclesiæ grassabatur? Verum satis fuerit, viriliter nobiscum agere, et illud cum Davide ¹ dicere: Nonne qui oderunt te, Domine, oderam, et super inimicos tuos tabescebam? Justo odio oderam eos, et inimici facti sunt mihi.

96. « Verum horum nulla tibi prorsus est ratio; sed e contra eos qui vicerunt, jaculo petis, et inadvertentiæ telis vulnerare conaris, quos potius admirari debebas. At etiamsi nos acerbè petas; nihil tamen veriti, dicemus: Sagittæ infantium factæ sunt plagæ eorum. Et tametsi externis armis te ipsum circumdans, bellum adversus Ecclesiam Domini moliris; arma tamen nostra (sicut scriptum est) non sunt carnalia, sed potentia Deo ad destructionem munitionum. Invenies autem Christi milites iis, qui tecum sunt, fortiores: scutum fidei et animi spontanei arma, id est, Christum habent, habent thoracem justitiæ, gateam salutis, et gladium Spiritus. Itaque etiamsi audax et vehemens, multoque fastus incedas, et ad morem jaetabundi Goliath barbarica contra nos arrogantia et insolentia intumescas; vincet tamen Christus, vincet per pios satellites suos, sicut David, etc. » Sed quid præterea? Sciens Cyrillus publicis litteris se ab eo suggillatum Sabellianismi, ipse publica concione suam agens causam, in adversarios invectus, Pelagii hæresim, cui favebant illi, vehementer insectatus est, habens tunc Ephesi homiliam illam, cujus est exordium ² : « Qui sacris litteris attendunt, etc. »

97. *Nicæna fides confirmatur; hæresis Pelagiana cum Nestoriana in Synodo damnatur.* —

¹ Apud. Cyril. ep. Synod. v. — ² Ibid. vi. — ³ Cyril. hom. III.

¹ Psal. CXXXVIII. — ² Cyril. hom. v.

Quinque autem post hæc a superiori sessione interlapsis diebus, die vicesima secunda Julii, octavus congressus in loco solito, ipsa Deipare Mariæ Ecclesia, habitus est, ea nimium ex causa, quod Nestoriani¹ decipere simplices solerent, exhibentes illis a se scriptam novam fidei confessionem, velut Nicænum symbolum: agebant autem id Anastasius et Photius Nestorii primipilares, de quibus supra, hisque conjuncti Jacobus atque Antonius, qui quidem deceperunt Lydos Quartadecimanos, qui ex eo errore emergere cupientes, in Nestorianismum impigerunt, de calcaria (ut dici solet) ad carbonariam incidentes. Detexit fraudem Charisius œconomus Ecclesiæ Philadelphicæ, ab illis tanquam hæreticus, quod ipsorum noluisse recipere confessionem, damnatus; qui eam scripto libello detulit Ephesum, obtulitque Concilio. Qua cognita a sancta Synodo atque damnata, ut caverent in posterum, canonem addiderunt, ut nemo subscribendam offerret aliam fidei professionem, quam Nicænam absque ullo additamento, gravibus adversus secus facientes statutis pœnis.

98. Sequenti vero die, nempe vicesima tertia Julii, actum est de damnatione hæresis Pelagianæ: lectique imprimis commentarii Romæ conscripti sub Cælestino Romano Pontifice adversus eosdem hæreticos, ex quorum præscripto consecuta est ejusdem hæresis et nominatorum hereticorum damnationis conclamatio; nomina autem Romæ damnatorum et Ephesi, ubi cum schismaticis erant, sunt hæc: Julianus, Præsidius, Florus, Marcellinus, et Orientius, qui omnes cum Pelagio et Cælestio auctoribus hæresis, iterum damnati sunt: constat id sane ex Synodali Epistola in hac sessione scripta ad Cælestinum Romanum Pontificem, quæ sic incipit²: « Sanctitalis quidem tuæ circa pietatem, etc. », quam quidem statim post hanc absolutam Actionem fuisse conscriptam, ex eo intelligi potest, quod cum de singulis rebus Ephesi gestis certiore reddiderit Cælestinum, usque ad damnationem Pelagianorum pervenit.

99. Prosper etiam in Chronico sub hujus anni consulis de damnatione Pelagianorum cum Nestorio ista habet: « Congregata apud Ephesum plus ducentorum Synodo sacerdotum, Nestorius cum omni hæresi nominis sui, et cum multis Pelagianis, qui cognatum sibi dogma juvabant, damnatur ». Testatur id ipsum S. Gregorius in Epistola³ ad Anastasium Antiochenum. Sed accipe elegans epithaphum de hæresi Pelagianâ damnatâ et cum Nestoriana sepulta, a S. Prospero editum⁴:

Nestoriana lues successit Pelagianæ,
 Quæ tamen est utero prognerata meo.
 Intelix misera genitrix et filia nata
 Prodivi ex ipso perenne, quod peperit.
 Nam fundare arcem meritis prior orsa superbis,
 De capite ad corpus ducere optus voluit.

Sed mea dum proles in summa armatur ab imis,
 Congrua bellandi tempora non habui.
 Et consanguineæ post trista vulnera frandis
 Aspera conserti prælia fine pari.
 Me tamen una deit victam sententia letho:
 Illa volens iterum surgere, his recidit.
 Mecum oritur, necum moritur, necumque sepulcrum
 Infrat, et inferni carceris ima subit?
 Quo nas præcipites insani superbia mersit,
 Exutas domis, et tumidas meritis.
 Nam Christum pietate operum et merce le volentes
 Esse Deum, in capitis fœdere non stelinus:
 Sperantesque animi de libertate coronam,
 Perdidimus quam dat gratia jurtiam.
 Quique igitur gemina miserans busta ruinæ,
 Ne nostro exitio consociare cave,
 Nam si quæ boni data munera sero fatemur,
 Hæc homini credis debita, noster eris.

Hactenus de sepulta cum ignominia Pelagianæ hæresi una cum Nestoriana, quod Ephesini Concilii hac novissima Actione factum diximus.

100. Damnata jam in Synodo hæresi Pelagianâ, cives Ephesii ardore fidei Catholica æstantes, haud pati poterunt, eosdem Pelagianos episcopos intra civitatis mœnia contineri, sed populari vi atque tumultu prolium expulerunt. Declarat id quidem idem Prosper his versibus⁵:

Prætereò, quanto fuerit bene mota tumultu
 Clara Ephesus, non passa diu consistere tectis
 Vasa iræ, et morbi flatus, et semina mortis.

Sed reliqua prosequamur.

101. *Inter privatas res gestas, in Synodo est Juvenalis episcopi Hierosolymitani causa, primatum sibi arrogantis.* — In hac item Synodo canones sex editos esse, et dalam Synodalem Epistolam ad universos Christi fideles, alii referunt, nos diximus Actione septima. Post hæc diversæ aliæ causæ in Synodo productæ sunt. Nam suggestione² Valeriani et Amphiloehii in Pamphylia et Lyconia episcoporum damnati pariter sunt in eadem Ephesina Synodo Massaliani, Euchaitæ, et Enthusiastæ. Oblata est petitio ab Eustachio metropolitano Pamphylia, qui jam senio confectus, episcopatus curæ nuntium remittens, ut nomen et honorem refineret episcopatus, a Synodo petiit: quod obtinuit, deque his scripsit³ Ephesina Synodus ad Synodum Provinciale in Pamphylia congregatam. Oblatus⁴ insuper fuit libellus ab Euprepio et Cyrillo episcopis, ut secundum antiquum morem illius provincie unus episcopus duobus jure metropolitano præset episcopis, quod sancta Synodus ex prisca ejus regionis consuetudine ratum habuit. Ex quibus omnibus satis intelligi potest, nihil esse, ut Actionum numerus, quibus in unum simul convenire patres contigit, certus definiti queat. Etenim absolutis quæ ad hæresim et hæreticos et simul cum eis schismaticos condemnandos spectare videbantur, contigit eos, emergentibus novis rebus dum Ephesi detine-

¹ Act. Cane. Eph. edit. Pell. tom. II. c. 28. — ² Apud Cyril. ep. Synod. XII. — ³ Gregor. I. VII. ep. XLVII. — ⁴ Apud Prosp. ante lib. de Ingr.

⁵ Prosp. de Ingrat. — ² Ex Act. Conc. Ephes. edit. Pell. tom. II. c. 3. — ³ Ibid. c. 1. — ⁴ Apud Act. Ephes. tom. II. c. 3.

rentur, novis semper conventibus illis consulere, deque rebus agendis una decernere, ipsis præsertim temporibus cum ab imperatore Ephesum iterum missus est comes legatus ad explorandas res Synodales, et conciliandas ambas contrarias inter se dissidentium partes.

102. Inter alia autem in hoc eodem Ephesino Concilio pertractata, fuit causa suggesta a Juvenale episcopo Hierosolymitano, qui primatum totius Syriæ Palestine sibi et successoribus suis arrogare tentavit cum gravi Cæsariensis Ecclesiæ præjudicio, cui tum ex traditione, tum ex Concilii Nicæni decreto debebatur, quem hæcenus possedisset, totius Palestine primatus. Quod enim ob frequentem ex toto Christiano orbe Hierosolymam peregrinationem, majori haberetur honore et officiis dignioribus coleretur Hierosolymorum episcopus, quam Cæsariensis; hinc sibi arrogandi super Cæsariensem antistitem auctoritatem, suppeditata est occasio Juvenali. Cui id ex decreto Synodi stabilire conanti, episcopis ferme omnibus in suam ipsius sententiam productis; qui Apostolicæ Sedis locum tenebat, restitit Cyrillus Alexandrinus episcopus, conservans cuique illibata jura sua ex canonum Nicænorum præscripto. Hujus quidem rei gestæ licet inter Ephesini Concilii Acta nulla prorsus mentio habeatur: redditur id tamen ex S. Leonis papæ litteris manifestum, qui in Epistola ad Maximum Antiochenum episcopum data hæc narrat his verbis¹:

103. « Subrependi enim occasiones non prætermittit ambitio. Et quoties ob incurrentes causas generalis congregatio facta fuerit sacerdotum, difficile est ut cupiditas improborum non aliquid supra mensuram suam moliat appetere. Sicut etiam in Ephesina Synodo, quæ impiam Nestoriorum cum illo dogmate suo percudit, Juvenalis episcopus ad obtinendum Palestine provincie principatum credidit se posse sufficere, et insolentes ausus per commentitia scripta firmare: quod sanctæ memoriæ Cyrillus Alexandrinus episcopus merito perhorrescens scriptis suis, mihi, quid prædicta cupiditas ausa sit, indicavit, et sollicita prece multum poposcit, ut nullus illicitis conatibus præbeatur assensus. Nam cujus Epistolæ ad nos exemplaria direxisti sanctæ memoriæ Cyrilli, eam in nostro scrinio requisitam nos authenticam noveris reperisse ». Hæc sanctus Leo: quibus plane demonstrat, adeo Juvenalem ad sua vota universam pæne Synodum perduxisse, ut una cum legatis Apostolicis, renitente Cyrillo, ad ea irritanda requireretur Apostolicæ Sedis auctoritas, cujus unius sit, quæ a multitudine episcoporum injuste decernerentur, penitus abolere, utpote Ecclesiæ universali præsideat iudex et vindex sacrorum canonum adversus omnes qui eos labefactare tentarent. Unde in hanc sententiam hæc max subdit idem Pontifex S. Leo: « Hoc tamen proprium definitionis meæ est, ut quantumlibet numerus sacerdotum amplior aliquid per quorundam subreptionem de-

cernat, quod illis trecentorum decem et octo Patrum constitutionibus invenitur adversum, id justitiæ consideratione cassetur: quoniam universæ pacis tranquillitas non aliter poterit custodiri, nisi sua canonibus reverentia intemerata servetur ». Hæc S. Leo, ea nimirum occasione, quod idem Juvenalis episcopus quæ tentavit in hoc Ephesino Concilio pericere, conatus est postea in Chalcedonensi, cum ei adversatus est idem tunc Pontifex S. Leo: sed de his suo loco pluribus. Hæc satis ad res gestas in Concilio Ephesino. Quod item ad Ecclesiarum jura pertinet, tractata est etiam in S. Synodo causa Cypriorum antistitem expostulantem adversus Joannem Antiochenum episcopum præter jus fasque super Cypri insulæ Ecclesiæ vindicantem sibi auctoritatem: sed de ea causa agetur suo loco.

104. *Epistola Synodi ad Theodosium abeundi ventam petentis.* — Hic autem omnibus, ac potissimum quæ ad Nestorii causam spectare videbantur, penitus absolutis, S. Synodus ad Theodosium imperatorem litteras dedit, quibus petit ut episcopis jam mala valetudine et inopia laborantibus daretur ad propria remeandi licentia: sic enim se habent¹:

« Piissimis et Deo amantissimis Theodosio et Valentiniano victoribus, triumphatoribus semper Aug. sancta Synodus, quæ gratia Christi et nutu vestræ potentie in Ephesina metropoli congregata est.

« Circa pietatem sollicitudinem vestram et studium, Christo amabiles imperatores, omnium Deus probans, etiam sanctorum episcoporum Occidentaliū zelo animos excitavit ad vindictam injuriam passi Domini nostri Jesu Christi. Nam licet plurimum itineris spatium pervenire usque ad nos illam multitudinem sanctorum prohibuisset episcoporum: sed tamen illic congregati, presente etiam magnæ Romæ sanctissimo et Deo amantissimo episcopo Cælestino, etiam hunc nostrum sensum fidei cum multa consonantia prædicaverunt: et qui extra hunc sensum sunt, alienos esse penitus, et sacerdotio, et clero, et gradu definiverunt. Hæc itaque etiam prius (primus) et magnæ Romæ sanctissimus episcopus Cælestinus, antequam colligeretur sanctissima Synodus, per suas litteras nuntiavit, committens sanctissimo, et Deo amantissimo episcopo Cyrillo Alexandrorum magnæ civitatis, suum obtinere locum: et nunc rursus per alias litteras hæc ipsa sanctæ Synodo manifesta constituit, quam congregari potentia vestra præcepit in Ephesinam metropolim: quas etiam destinavit, et per sanctissimos episcopos Arcadium et Projectum, et Deo amantissimum presbyterum Philippum magnæ Romæ, complementem præsentiam sanctissimi, et Deo amantissimi episcopi Cælestini. Quia ergo viri venientes voluntatem totius Occidentalis sancti Concilii manifestam huic Synodo fecerunt per litteras, concordemque nobis sensum pietatis, et fidei monstraverunt; et nobiscum unanimes, tam per Epistolas, quam per ea quæ mandata sunt, atque etiam ex scripto depo-

¹ Leo, ep. LXII.¹ Ex codice Anton. Augustini.

suerunt, facti sunt; cum necessario et de eorum apud nos concordia actum fuisset, quæ digna sunt ad potentiam vestram retulimus; ut sciat vestra pietas, quia uno communique decreto totius orbis terrarum a nobis prolata imper sententia est, quam eloceri et manifestam fieri zelus vester circiter fidem pietatemque procuravit.

105. « Quia ergo negotium finem accepit, optabilem vestræ potentia et universis Ecclesiis cautelam præbentem, et fidei firmitatem; supplicamus vestræ pietati, jam nos a sollicitudine requiescere et habitatione peregrina, alios quidem paupertate constrictos, alios autem languore depressos, alios vero senectute graviter incurvatos, et in peregrinatione habitaculum ferre amplius non valentes, ita ut etiam quidam ex nobis episcopi, et clerici morerentur: ut tandem requiescentes a tali sollicitudine, curam Ecclesiæ magnæ civitatis habeamus. Prohiberi quoque deprecamur, et ad iudices locorum litteras cum terrore transmitti, ne aliqua rursus altera difficultas imponatur Ecclesiis, aut tribulatio revertendi ad suas provincias sanctis episcopis. Pietate namque monstrata, et omnium orbe terrarum consonum decretum super ea proferente, præter paucos qui amicitias Nestorii pietati præponunt: justum petimus beneficium, supplicantes vestræ potentia, tandem nos a cura quiescere, et cogitare pro ordinatione futuri, et de cetero in fidei firmitate, et pietate letari, et pure atque salubriter pro vestra potentia Domino omnium Christo orationes offerre. Cyrillus episcopus Alexandriæ retuli. Juvenalis episcopus Hierosolymorum retuli. Firmus episcopus Cesareæ retuli: et omnis quoque Synodus retulit ». Hæc quidem Patres. Verum interceptæ fuerunt hujusmodi quoque litteræ, sicut et aliæ a sancta Synodo Constantinopolim missæ, idque factum dolo Candidiani comitis omnia ad nutum Nestorianorum agentis.

106. *Intercepta fraude Candidiani Epistola, deceptus Theodosius in episcopos decernit; qui litteras Synodales ei clanculum mittunt.* — Cum igitur idem Candidianus comes, cui ab imperatore Theodosio pax, et tranquillitas Synodi fuerat commendata, favens Nestorio, inhaerensque Joannis Antiocheni episcopi partibus, curasset ab hæreticorum et schismaticorum conventiculo datas quas diximus litteras ad eundem imperatorem perferri; studissetque mira sollicitudine, ut a sancta Synodo ad eundem, et alios Constantinopolim scriptæ litteræ interceptarentur; ob idque custodias non Ephesi tantum posuisset ad explorandos omnes inde ingredienti, atque in itinere positos, sed id ipsum fieri Constantinopoli per fautores Nestorii procurasset: imperator acceptis a Joanne et ei inhaerentibus episcopis litteris cum miraretur nihil prorsus a Catholica Synodo ad se scribi; nihil doli suspicatus, interpretatus est, silentium in re tanta indicem esse culpæ; moxque ad Synodum Ephesinam litteras dedit, quibus præcepit, acta contra ordinem suumque mandatum, sive adversus Nestorium, sive

alios, esse penitus irritanda: de cetero integrandum esse iudicium, ut cuncta recte riteque examinarentur ac promulgarentur: ob idque jussit episcopis omnibus, ne quis eorum ullo pacto Epheso recedere auderet; imo et in mandatis dedit provinciarum omnium præsilibus, ne quempiam episcopum in Ecclesiam suam redire permitterent: est autem ejus Epistolæ exordium¹: « Magnificentissimi Candidiani devotorum domesticorum comitis relatu, etc. » Data autem tertio kalend. Augusti, ita restituendum est quod alieni legitur decimo tertio kal. Julii. Missus vero est cum his litteris Ephesum Palladius magistrrianus.

107. Hic autem cum Ephesum pervenisset, reddidissetque litteras utriusque partis episcopis, et ipse ad studia Candidiani abreptus, Joannis atque Nestorii partibus favit: unde tantam præ se tulit rediendi ad imperatorem celeritatem, ut expectare noluerit litteras œcumenicæ Synodi ad Theodosium scriptas subscribi ab omnibus totius Synodi episcopis tunc adstantibus. Porro littere ipse ad imperatorem tunc scripte ejus argumenti fuerunt, ut narratione rerum gestarum palam facerent dolos, verusitas, atque arrogantiam Joannis, et collegarum ejus, necnon Candidiani atque Irenæi comitum vim atque tyrannidem; ostendentes pariter, universam Synodum, triginta exceptis, omnemque simul Ecclesiam Orientis, et Occidentis in unam eademque conspirare sententiam. Petierunt demum ab imperatore, ut quinque e Synodo accesseret episcopos Constantinopolim, a quibus plene de cunctis rebus gestis in Synodo decerneret: est autem Synodalis hujus Epistolæ exordium²: « Vestra majestas pietatem confirmatam percipiens, etc. »; subjecerunt vero litteris suis nomina omnium schismaticorum seorsum convenientium, qui erant omnes triginta numero.

108. Cum vero ejusmodi a sancta Synodo scripte litteræ minime dari potuerint Palladio magistrriano, nec per quem alium tuto Constantinopolim mitterentur, obsessis a custodiis itineribus, facultas ulla suppeteret; illud opportunum necessitas in re adeo deplorata consilium suppeditavit: nimirum, cum ipsis plane innotuisset missas a se litteras Constantinopolim ad imperatorem et alios, interceptas semper fuisse, idemque fore de cæteris quas postea missuri essent: fidum nacti hominem, eundem in mendicium ipso corporis habitu transformarunt, cui loco baculi, quo peregrinantes uti solerent, præbuerunt arundinem, quæ intus litteras omnes ab eis scriptas Constantinopolim ad diversos includeret, exemplaria nimirum omnium litterarum, quas ab interceptoribus ablatas acceperant: sicque tandem hac via bene consultum est, ut ipsorum litteræ sero licet, pervenerint tamen ad imperatorem, et alios qui eorum silentium adeo ægro

¹ Apud Act. Conc. Ephes. edit. Pelt. tom. III. cap. 13. — ² Apud Act. Conc. Ephes. edit. Pelt. tom. IV. c. 10. et apud Cyril. ep. Synod. IV.

animo pertulissent. Quid autem factum sit, cum reddite sunt Constantinopoli Synodales Epistole, suo loco paulo post dicturi sumus. Sed videamus interea conatus Nestorianorum, scelera sceleribus insuentium.

109. *Schismaticorum litteræ ad Theodosium et ad alios.* — Scriperunt et schismatici, more suo lentes calumnias, ac mendacia consuetos, litteras ad imperatorem, quæ sic incipiunt ¹: « Hoc, pii reges, Orthodoxæ fidei firmamentum, hoc columnæ, hæc basis est, etc. » Sed mira illa versuta juncta cum arrogantia schismaticorum fuit, dum suam paucitatem excusant, quod ipsi nolissent plures secum episcopos convenire; potuisse dicentes, si voluissent, ad numero longe præstare adversariis, sed abstinuisse, ne ex multitudine tumultus et confusio oriretur. Addiderunt præterea numerositatem illam adversariorum conflam esse ex hereticis, et excommunicatis: inculpantes et invidiosum illud, quo in illos provocaretur indignatio principis, nempe se simul perrexisse ad Ecclesiam S. Joannis Evangelistæ, acturos Deo gratias, et rogaturos ipsum pro salute imperatoris, sed ab adversariis oclusas fuisse valvas ejusdem Ecclesiæ, adeo ut sibi opus fuerit foris orare: indeque revertentes, in via impetitos fuisse ab Ephesino populo lapidibus atque fustibus, et in fugam actos: eaque omnia præordinata fuisse a Memnone episcopo Ephesino calumniali sunt quem rogant ab imperatore Epheso esse pellendum: hæc et alia illi, quibus animum imperatoris in adversarios concitarent.

110. Addiderunt his alias litteras iidem Nestoriani ad præfectum urbis, necnon ad præpositum scholasticorum: extant ipsæ, estque illarum exordium ²: « Ad summum (ut dici solet) malum devenimus, etc. » Harum vero ³: « Inter alia delicta nullum gravius, etc. » Quibus omnibus ingeminantur querelæ adversus œcumenicam Synodum. Alia præterea extat eorumdem Epistola eodem argumento scripta ad ipsum imperatorem Theodosium, cui tamen alicubi præfigitur titulus: Ad Callimorem regem Persarum. Incipit ⁴: « Pietas vestra, quæ beneficiendo orbi, et Ecclesiis Dei clarescit, jussit nos Ephesi congregari, etc. » Sed cur ad Callimorem regem Persarum? Nullus quidem hoc tempore ejus nominis rex regnavit in Perside, sed post Isederdem Cadabes, et post hunc Blases, ut ex Procopio ⁵, et aliis ⁶ patet, seu (ut vult Socrates ⁷) post Isederdem Bararanes.

111. Verum scito emendatiora exemplaria his de Callimore carere, et loco Callimoris habere Callinicum, nec de rege Persarum ullam fieri mentionem: sed hæc tantummodo quæ sequuntur, loco tituli præponuntur Epistole: « Relatio episcoporum Orientalium ad imperatorem victorem: quæ verba ita Græce in codice scripta leguntur, videlicet:

ἀναγρῆ τῶν ἀνατολικῶν ἐπισκόπων βασιλεὶ Καλλινοῦ: ita ut omnino illud, Callimorem, sit explodendum. Quod si aliqui codices post Callinicum habent etiam regem Persarum, ad enim plane sensum accommodanda sunt verba, ut dicat: « Ad Theodosium victorem regis, sive regum Persarum ». Certum est enim Theodosium adversus Persas bellum gessisse, curasseque ut Christiana fides apud Persas propagaretur: hæc enim ex iis quæ suo loco superior diximus; manifesta redduntur. Quin et iidem schismatici in libello ¹ eidem Theodosio paulo post misso de his mentionem faciunt, cum rogant, ne patiat, fidem Christianam per ipsum in Perside immissam languescere, ubi et hæc addunt: « Non enim duplex in Perside, o rex, mittas Christianismi doctrinas, etc. »

112. Porro cum hanc emendationem, tum alias plures, quibus vides citatos textus Actorum Concilii Ephesini discrepare ab editione Peltana, sive alia, scias haud inconsulto esse factas, sed magno studio ad hoc adhibito a Petro Morino Parisiensi viro doctissimo, qui ipsa integra Ephesina Acta contulit cum exemplaribus Vaticanis, ut ipsa Ephesina Synodus quam purissima edi possit, sicut et alia œcumenicæ, quas Vaticana præla modo eudere incipiunt. Sed prosequamur reliqua quæ ad rerum gestarum historiam pertinent.

113. *Constantinopolitana civitas commovetur, rei veritate explorata, et Theodosius pro Synodo statuit.* — Cum autem S. Cyrillus videret sanctos episcopos ærumnis pressos adhuc Ephesi detineri; ut merentes erigeret, egregiam habuit concionem, cujus est exordium hujusmodi ²: « Beatus Propheta David, qui spem suam ad Deum fixam habent, ad constantiam inflammans, ait ³: Viriliter agite, et confortetur cor vestrum, omnes qui speratis in Domino, etc. » Ita quidem ipse ducis exercitus munere fungens, ne animos despondant Christi milites, divinæ Scripturæ verbis hortatur. Cum hæc Ephesi gererentur, accidit ut Constantinopolim deferrentur litteræ arundini inclusæ per mendicium missæ: quas cum Orthodoxi, ad quos scriptæ erant, accepissent, lectis illis, cognitisque tyrannicis, quas Catholici Patres Ephesi paterentur, insidiis, et prodicione ac violentia piratica, quibus a schismaticis Nestorianis fides Catholica vexaretur; tantumque patrari nefas, quantum nec sub Ethnicis imperatoribus ullam Synodum esse passam, memoria esset: zelo æstantes, eo fiduciæ provenere, ut absque metu in aulam irrumperent, omniaque imperatori palam facerent, universamque civitatem ad fidem Catholicæ defensionem commoverent. Qui autem hujusmodi provinciam susceperat, haud tyrones, vilesque lixæ, segnesque qui fugam capturi essent, milites fuere, sed centuriarum primipilares, prælia adversus dæmones ciere assueti, mundi contemtores, et qui non vererentur potentium vultus; qui-

¹ Apud Act. Conc. Ephes. edit. Pelt tom. III. c. 18. — ² Ibid. c. 9. — ³ Ibid. c. 10. — ⁴ Ibid. c. 11. — ⁵ Procop. de bello Persic. l. I. — ⁶ Evagr. l. I. c. 19. — ⁷ Socr. l. VII. c. 8. et 18.

¹ Apud Cyril. in Apolog. — ² Apud Act. Ephes. edit. Pelt tom. VI. c. 12. — ³ Ps. XXVI.

bus loco gloriæ cederent contumelia, et pro maximo lucro ducerent profundere pro veritate tuenda vitam; quos etiam hostes præ excellentia meritorem venerari essent, incutentes illis ipso adspectu terrorem. Tales plane erant ductores illi in spirituali militia ordinum militarium, patres monachorum, quos archimandritas vocare consueverunt: quos ipsos suarum Epistoliarum classico sancta Synodus per sanctum Cyrillum (ut vidimus) ad prælium excitarat. Erant horum præcipui Comarius, Potamon, atque Dalmatius. In quo quidem consensendo certamine virtus in primis enitit S. Dalmatii spectatissimi sanctitate viri, quem eximie prohibitis ergo convenire Theodosius ipse aliquando consueverat, ab eo salutis monita accepturus: hic enim, in meditatio licet celeberrime urbis, monitum solitudinem sibi paraverat, cum e loco nunquam pedem extulerit. Quæ autem ipse una cum collegis ac subiectis sibi monachis egerit, non nostris verbis, sed Actorum publicorum intelliges, quæ sic se habent¹:

114. « Confestim omnes Archimandrite monachorum catervis stipati exurgunt, hymnosque et Psalmos decantantes ad Regiam contendunt. Erat autem inter alios Archimandrite S. Dalmatius, qui annis plus minus quadraginta octo pietatis studio reclusus, extra monasterii sui septa nunquam pedem extulerat; nec ab ullo unquam, ut aliquando egredere, adduci poterat, cum tamen ob frequentes terremotus Constantinopolim conuenientes, crebris piissimi regis nostri precibus, qui ad illum accedebat, ad egressum communemque aliorum supplicationem jam antea provocatus fuisset. Cæterum dum de hac controversia, quid facti opus esset, Deum precando consuleret; vox cælitus ad eum delapsa, ut egredere, imperavit: noluit enim Deum gregem suum perdere in finem. Comitabatur eosdem etiam non parva Orthodoxorum turba. Cum vero intra palatium essent, Archimandrite ab imperatore acciti, recta mox ad illum ingrediuntur. Plebs vero et monachorum turba antiphonarum et Psalmorum modulationi intenta foris remansit.

115. « Archimandrite vero, æquo exoptatoque responso ab imperatore accepto, ad suos continuo regrediuntur. Ex regis voluntate, ut ad S. Mocii basilicam contendant omnes, mandatur, ibidem cum imperatoris mentem, tum allata quoque Epistolæ sententiam percepturi. Omnes itaque tam monachi, quam plebei, Psalmum postremum versus postremam civitatis partem conuenientes (erat enim via, qua incedebat ex principalibus una) ad S. Mocii martyrium abscedunt. Et hic rursus non parva monachorum multitudo cum hymnis, et ceteris occurrit; hominumque multitudinem conspicati, magna omnes adversus Christi inimicum (nempe Nestorium) voce exclamarunt. Tandem tibi omnes in B. Mocii Basilicam ingressi essent, publice recitata est Epistola. Populus Constantinopolitanus una si-

mil voce exclamat: Anathema Nestorio. Sanchez itaque Dalmatius tibi in suggestum ascendisset, dixit: Si vultis audire, quieti adeste, et discite; neque his quæ dicentur, obstrepere vultis: Adeste autem presenti animo quo verba exacte percipere valeatis». Recitata vero fuit ab eo Epistola Synodalis, quam illam fuisse diximus datam ad Comarium, Potamonem, et Dalmatium Archimandritas, ad cuius finem apud¹ Cyrillum hæc quæ referimus scripta habentur. Ea autem lecta, Dalmatius ista subdidit²:

116. « Quam nunc pietas vestra Epistolam audivit, eam piissimus imperator quoque legit, et fidem ei habuit. Nam ego, cum mihi allata est, dixeram imperatori eum ad sanctam Synodum scripturum: quæ autem suggereram, illa præscripta sunt, quamvis non plene: misit enim ad me, et lecta sunt: verum ne qua illum tristitia afficerem, quæ sequebatur præmissis, quæ refores non exhibuere, sed illarum loco alias quasdam literas subiecerunt. Erant autem quæ cum ipso sum locutus convenientia, et ad rem opportuna; quæ nunc coram vestra pietate repetere opus non est, ne ut elatus et gloriabundus apud quempiam vestrum in reprehensionem incurram. Conteret enim Deus hypocritarum ossa. Imperator omnia quæ facta narrabantur, ordine audivit, audiendoque gavisus est, et Deo gratias egit: neque audivit solum, sed narrationis quoque serie sanctæ Synodi (sicut illius majestatem decebat) assensus est, non meis quidem verbis ad hoc inductus sed patrum et avorum suorum fidem secutus. Scripta itaque (ut par erat) suscepit et legit; persuasusque ait: Si res ita habet, cur episcopi qui adfuerunt, hæc non veniunt? Cui ego: Nemo eorum venire sinitur. Et ille: Nemo prohibet. Rursum ego: Detinentur (inquam) et prohibentur ne veniant. Intelligis ex his, puto, lector, nequaquam ex sententia imperatoris scriptum esse ad Synodum, ne quis eorum discederet Epheso, etiamsi ad imperatorem proficisci velle diceret. Pergit vero susceptam semel orationem Dalmatius:

117. « Qui e Nestorii factione sunt, eorum plerimi eunt, et redeunt libere: quæ vero a sacra Synodo acta sunt, ea nemo ad vestram pietatem referri permittit. Cæterum pro altera, hoc est, pro parte Cyrilliana, coram omnibus dixi: Sex milliane episcoporum audire malit, an unum tantum hominem, eumque impium? sex millia autem eos aiebam qui sub Metropolitanorum sanctissimorum episcoporum potestate degunt (hæc omnia autem eo spectabant, ut accerentur et venirent, qui ea quæ facta sunt palefacerent; loquor autem de sanctissimis episcopis, quos sacra Synodus hæc destinatura est. Et respondit: Recte quævisisti. Rursumque adjecit, et dixit: Precemini pro me. Quid multis? Certe novi imperatorem Deo et sacra Synodo obsecraturum potius, quam perversis hominibus. Orate igitur pro imperatore, et pro nobis. Populus Con-

¹ Apud Act. Ephes. edit. Gell. tom. II. c. 19. 20.

² Cyril. ep. xx. — ³ Apud Act. Ephes. edit. Pelt. tom. II. c. 20.

stanlinopolitanus una simul voce exclamat : Anathema Nestorio ». Haecenus Acta, ex quibus plane detegitur mens animusque Theodosii qui videbatur ex nullis erga Nestorium paulo propensior nominis ad rectam, puram, sanctamque religionem fuisse addictus, licet a magistratibus ipsis, hominibus Nestorianis ad tempus mendaciorum offusum nebula certum sit, cum de veritate plene decernere minime licuit. Dalmatius vero his peractis, mox dedit litteras ad Concilium de rebus Constantiнопoli cum imperatore populoque tractatis : est earum exordium ¹ : « Jam inde ab incunte aetate in Orthodoxa fide educati ».

118. Contigit autem paulo post, ut et litteris Isidori Pelusiotae celeberrimi doctrina et sanctitate monachi, discipulique olim sancti Joannis Chrysostomi, imperator admoneretur : cum enim accipisset quae tyrannice agerentur Ephesi a comitibus imperatoris, ad ipsum imperatorem litteras scripsit, quibus inter alia declaravit quanto periculo res sacrae secularibus magistratibus crederentur : est quidem Epistola brevis, sed sublimis sensibus ; reddamus hic ipsam ; sic enim se habet ² :

« Si tu tantum temporis tibi sumas, ut iis quae Ephesi decernenda sunt, intersis : non dubito, quin ea ita se habitura sint, ut a nemine reprehendi queant. Sin autem turbulentiis odiis calculos permiseris, quisnam a cavillis et dieteriis Concilium vindicabit? Huic autem malo remedium attuleris, si ministros tuos a dogmatum praescriptione removeas (ut qui magno hiatu ab eo distincti ac dirempti sint, ut simul et imperatori, et Deo servire studeant) ne alioqui imperio quoque motum ac jactationem afferant, perfidiae suae machinas ad Ecclesiae petram effringentes : nam ea firmo loco defixa est, eamque causam habet, ut ne ipsi quidem inferi portae dominantur; quemadmodum is qui eam constabilivit, pollicitus est ». Haecenus Isidorus ad Theodosium, protectionem suadens Ephesum.

119. Theodosius igitur his persuasus, audita Nestorii damnatione legitime facta, absque ulla mora, decretis Synodi oecumenicae acquievit. Ad sedandas autem alias controversias, quas ex litteris Candidiani, et schismaticorum acceptis obortas sciebat inter partes Joannis atque Cyrilli; secundum petitionem Orthodoxorum, facultatem tribuit oecumenicae Synodi episcopis, ut quos vellent Constantinopolim mitterent, qui sibi referrent quae facta essent, quae agenda pro Ecclesiae pace forent.

120. *Quom fraudulenter egerint schismatici cum Theodosio, qui Joannem comitem sacrarium largitionum legatum Ephesum mittit.* — Cum igitur imperatoris voluntas oecumenica Synodo innotuisset, mox decreta est legatio episcoporum ad ipsum Theodosium Augustum. Tunc enim et schismatici legaverunt Irenaeum comitem, cui, et litteras perferendas ad imperatorem dedere, quarum

est exordium ³ : « Sperabamus Aegyptiacam tempestatem, quae sanctas Dei Ecclesias graviter haecenus exagilavit, per pietatis vestrae litteras tandem aliquando sedatum iri : sed spe nostra frustrati sumus, etc. », multa praeterea invidiosa, et calumniis plena coercerunt ad concitandum imperatoris animum in Orthodoxos. Porro has litteras non ad Irenaeum missas, sed per Irenaeum allatas, ipsius Epistola ad Synodum schismaticorum reddita docet ⁴ et ipsae litterae id declarant. Quae autem acta sint per Irenaeum a Nestorianis missum, litterae ab eo postea datae ad illos significant, simulque insinuant res gestas ab episcopis a Synodo oecumenica missis : continent enim Epistolarem historiam, sed eam tamen quae affectu privato conscripta, velut nexibus praepedita, minimeque libera, haud caret calumniis atque mendaciis : reddamus eas tamen, ex quibus completa elici possunt ad rerum gestarum cognitionem pernecessaria ; sic enim se habent ⁵ :

121. « Vix vel nunc tandem ad sanctitalem vestram scribere, qualemque desiderabam tabellarium invenire, et quis susceptae provinciae successus per gratiam Dei extiterit vestrae pietati patefacere, integrum fuit. Venimus in regiam civilem triduo post Aegyptiorum adventum. At vero quot in ipso mox aditu pericula sim perpessus, id nulla ratione explicari potest, nedum brevi Epistola. Nam optimi viri illi ante me civitatem ingressi, omnibusque commode, et ex voluntate usi (tantum enim dixisse sat sit) omnium fere aures praecupant, alios quidem mendacis (ut fieri solet) inescantes, alios confictis in nos calumniis instigantes, omnes denique publicae, privatimque ea ratione in suam sententiam allicientes, ut etiam praecipui quique principum, reliquique non pauci, qui vel auctoritate ampliori in Republica pollebant, vel diversa in rebus bellicis munia obibant, persuasi essent, examinatione quam oportuit adhibita, judicationeque examinationis consensanea mox consecuta, et omnibus episcopis in unam eandemque sententiam congruentibus, Nestorium, qui deserta causa aberat, justam, factisque suis dignam exaurationem perpessus esse. Sane scholasticum magnificentissimum, Christoque dilectissimum cubicularium inter alios ita demerantur, ut ne nomen quidem Deiparae Ephesi audire sustinuisse (Nestorium scilicet) persuasissimum haberet.

122. « Verumtamen ob inexpugnabilem veritatis virtutem, vestrasque orationes, et immensas Dei miserationes, id sum consecutus, ut non solum pericula, quae prima statim fronte (ut dixi) se offerrebant, evaderem, verum etiam ut magnificentissimos principes percommode convenirem, universamque rerum seriem, quantum licebat, et res postulabat, explicarem. Qui simul atque nostram relationem accepissent, evestigio omnia quae vel Aegyptii, vel Aegyptiorum fautores per tyrannidem

¹ Apud Act. Ephes. edit. Pell. tom. II. c. 24. — ² Isidor. Pelus. l. I. ep. CCCXI.

³ Apud Act. Ephes. tom. III. c. 17. — ⁴ Ibid. c. 14. — ⁵ Apud Act. Ephes. edit. Pell. tom. III. c. 14.

tam in præsentem causam, quam in nos ipsos quoque commiserant, ad imperatorum aures referri voluerunt. Et ut nulla paucis complectar, cum plurima utrinque et ab iis qui cum Cyrillo faciebant, et ab illis rursus qui nobiscum sentiebant, essent agitata: placuit, ut utraque pars, tam ego videlicet, quam Ægyptii, suæque causæ tuendæ gratia, illustribus principibus præsentibus, piissimum imperatorem adiremus. Restiti ne id fieret, identidem repetens ac protestans, me ea de causa non adesse, nec ulla mandata huiusmodi a piētissimis episcopis accepisse, sed tantum litterarum latorem advenisse. Verum enimvero etsi acriter reclamarem, attamen quod semel decretum fuerat, absque ulla emutatione obtinuit. Quare divina providentia etiam tum nobis opem ferente, Augustique animum ad veritatem impellente; et re ipsa, quod cor Regis vere in manibus Dei sit, declarante; adversarii causa ceciderunt, damnationisque sententiam in se exceperunt (oportet enim paucis rei eventum expedire) propterea quod neque Nestorii depositionem defendere neque quæ hic per mendacium et falsitatem effugerant, ulla ratione possent constituere.

123. « Quin et illud quoque omnibus percipitum per me exavit: nempe etiamsi recto congruoque ordine servato Concilium convocatum fuisset, Ægyptio tamen Nestorium condemnare nullatenus licuisse; ut qui ipse quoque condemnatorum catalogo adscriptus esset. Sed neque ullam quoque causam absque magnificentissimi comitis Caudiani sententia tractare, vel ad id iure potuisse. Etenim omnes illius denuntiationes, et comminationes, Sacra præterea per eundem ad Synodum scripta, et alia similia non pauca, rege ad majorem rei evidentiam ita jubente, recitata sunt: neque quicquam omnino, quod iniqua illegitimaque illorum studia aliquo modo ob oculos ponere posset, vestris intercedentibus precibus, omissum est.

124. « Denique ut veritatis hostes justam ab omnibus sententiam retulerunt: ita vestre pietatis iudicium ab omnibus, ut iustum, probatum, et confirmatum est. Nec dubium habentis, quin pius imperator Ægyptiorum depositionem ad sanctas Dei Ecclesias quamprimum sit perscripturus: omniaque tyrannice, et illegitime Cyrillum perpetrasse, aperte denuntiaturus; necnon dignas quoque in eos qui tam graviter offenderunt, pœnas suo tempore decreturus. Iluc itaque res evaserunt: hic nostræ apud imperatorem disceptationis terminus extitit. Ilæc quidem quæ ipse Irenæus ostentator gloriosus exaggerat, ut fidem industriamque suam amasio Nestorio probatam redderet, quam falsa sint, vanaque spe concepta, inanique jactantia exarata, ipsa quæ idem subdit, certum reddunt; nam pergit: « Carcerum, inquit, cum Joannes medicus Synecellus Cyrillii (ut nostis) advenisset, advertimus plerosque Principum repente fuisse mutatos: ut qui jam ne audire quidem ea a nobis vellent, quæ de illis fuerant judicata. Emerseruntquæ varia mox inter illos judicia.

125. « Quidam enim affirmabant, quæ utrinque facta essent, utrinque valere debere, atque adeo non duorum tantum, ut aliquando visum fuerat, sed trium depositionem confirmandam esse», nempe Nestorii, Cyrilli atque Memnonis. « Alii contra, omnes quidem exancturationes ex æquo nullas discernendas esse: illustriores vero episcopos qui et fidei doctrinam accurate ad veritatem adamussim examinent, et quæ Ephesi acta essent, candide exponerent, huc accersendos censebant. Non deerant tamen qui omnem lapidem moverent, ut manifestis decretis instructi a piētissimo rege Ephesum abire sinerentur, tanquam omnia istic quam diligentissime cognitura, et quam commodissime compositura. Quod ne fiat, qui nos amant, obnixè procurant: non enim ignorant, cuius illi sint animi, qui hæc moliantur: neque nesciunt, quo fine id consilii ceperint. Verum hæc, utcumque Domino visum fuerit, succedant. Interim sanctitatem vestram rogatam cupio, ut Deum pro me orare non gravetur, ut qui tot pericula jam olim perpessus sim, et in magnis adhuc discriminibus, ob illam quæ vitæ meæ insidiatur, multitudinem verser. Testis enim est mihi Deus, cum ad regis cognitionem vocarer, aliud nihil me expectasse, quam ut fluctibus maris statim objicerer. Sed Dominus (sicut scriptum est) assistit mihi, et de ore leonis, aut mille polius leonum catalis liberatus sum». Itensque Epistola Irenæi comitis Nestorianorum principis.

126. Sed quid tandem decretum est? Dum hæc considero, illud plane Domini de Leviathan alludentis ad prævum dæmonem apud Job in mentem venit, ubi ait¹: « Illic montes herbas ferunt et omnes bestiæ agri ludunt ibi»: siquidem ubi primum huiusmodi hæresis monstrum, draco iste egressus ex inferis est, tulerunt illi suppetias qui alios specie quadam probitatis et potentia antecellere videbantur, comites et episcopi. Et hoc ipso tempore, cum imperatoris animus in dubio esset et in quodam æquilibrio constitutus huc illicve impellendus paulo momento: ecce opportune adfuit procuratum a factione schismaticorum officium Acacii episcopi Beroënsis, de quo plura superius: hic quidem natus annum centesimum decimum, cum præ ingravescente senectæ se conferre ad Synodum Ephesi celebrandam excusaret, Paulo episcopo Emeseno² suas vices delegavit, quem constat adversus Orthodoxos in hæresis Joanni, et loco Acacii ejusdem Pseudo-Concilii decretis subscripsisse. Cum igitur sic oppignoratam fidem Acacii per vicarium Nestoriani nacti essent, eo etiam adegerunt delirum senem, ut adversus Cyrillum et Memnonem hoc ipso tempore scriberet ad imperatorem: qui nesciens ejusmodi conjunctionem Acacii cum Nestorianis, liberam iudicans et recti animi ac sincerissimi Orthodoxi ejus esse sententiam, quem longæva ætas et prædicata doctrina præ cæteris commendabat, ratam habuit.

¹ Job. XL. — ² Act. Ephes. edit. Pell. tom. III. c. 19.

Secundum igitur Acacii persuasionem, sententias adversum se invicem datas statuit esse servandas, quousque res inter se ipsi componerent, studens ita conciliare episcopos dissidentes. Mittensque sequestrem pacis Ephesum Joannem comitem, ad utrumque conventum easdem litteras dedit, misitque ad eos dictam Acacii Epistolam, de qua hæc habet¹:

127. « Ut autem sanctitas vestra cognoscat, se non modo per nostræ pietatis litteras ad concordiam, communemque pii dogmatis pacem: consensionemque incitari; etiam Acacii Bereensium antislitis Epistolam, qua idem vir ille inculcat, suadetque sedulo, ad vos misimus. Hic enim cum propter extremæ senectutis imbecillitatem sanctissimi vestro Concilio adesse non posset, ea per litteras exposuit, quæ et suæ pietati conveniebant, et Orthodoxæ religioni non parum quoque proficere posse intelligebat ». Hæc de Acacio Theodosius. Porro animarunt eum contra Cyrillum Nestoriani, cum de illo jactarent, Apollinaris hæresis esse restitutorem: nam in sua Epistola postea ad ipsum Theodosium data hæc habent², cum de Cyrilli scriptis Apollinaris hæresis infamia suggillatis, et ab Acacio tales, ut putabat inventis: « Optime, inquit, seit vir ille, decem et centum annos natus qui omnem ætatem in Apostolicos sudores insumpsit et plurimis Synodis interfuit, et Apollinaris assecclas vicinos semper habuit, etc. » Talia sunt de Acacio præconia schismaticorum, quæ illi ignominie magis cedunt quam laudi, sicut et illa quæ de eodem intextuntur a Theodoro in Epistola ad Berœenses³.

128. Erat autem qui missus est Ephesum ab imperatore Joannes ipsi Theodosio (ut aiunt) ab eleemosynis, qui proprio titulo come dicebatur sacrarum largitionum. Qui cum Ephesum magna celeritate pervenisset, prima die palefactis litteris imperatoris declaravit Nestorium, Cyrillum, atque Memnonem jure depositos: quos omnes, ne dissidia majora concitarentur in populo, carceri quemque suo voluit mancipatos; siquidem Nestorium custodiendum tradidit Candidiano comiti, Cyrillum vero et Memnonem Jacobo itidem comiti. Porro hæc omnia prima die peracta, litteris statim Theodosio ipse Joannes significavit, quarum est exordium⁴: « Cum sciam conducibile pietati, etc. » quibus hæc summatim complexa pluribus describuntur.

129. De Cyrilli captivitate Epistola Synodi ad Theodosium, ejusdenique Cyrilli ad Archimandritas. — Dolentes autem episcopi Orthodoxi, defensores Catholicæ fidei perversa relatione scelestium ab imperatore ita pessime habitos, ad Theodosium conscribere Epistolam, ejus exordium est⁵: « Christianissima regique vestra majestas, etc. » queruntur deceptum imperatorem, cum illi nuntiatum esset, non Nestorium tantum, sed Cyrillum, et

Memnonem a Synodo œcumenica esse depositos. Addiderunt¹ his alias, quibus cum de justa damnatione Nestorii multa labeant, reddi sibi petierunt Cyrillum atque Memnonem; se ipsos vero nunquam adduci posse, ut communicent cum schismaticis. Dederunt et aliam Epistolam ad clerum Constantinopolitanum eodem quoque argumento, petentes adjuvare, quæ sic incipit²: « Qui in tanta rerum fluctuatione versamur, etc. » Sed et ipse Cyrillus e vinculis scripsit ad archimandritas, jamque rebus meliorem spem affulgere declarat his verbis³: « Benedictus Salvator, qui hujusmodi nequas contra me effluentes falsitatis redarguit. Etenim postquam dominus meus magnificentissimus, præclarissimusque comes sacrarum largitionum Ephesum venisset, nihilque eorum omnium quæ dicta fuerant, veritate niti comperisset, animadvertit in eos qui talia negati fuerant. Agnovit autem sanctam Synodum unius fidei causa contendisse, et neque mihi, neque ulli alteri gratificandi studio, sed divino zelo incensam, quod nimirum blasphemum illum ferre non posset, Nestorium condemnasse ». Hæc Cyrillus, adhuc tamen victus in Domino: sed quam celso animo ista perferret, ex his quæ subjicit intelligi potest, ubi ait:

130. « Interea loci nos vinculi, custodilique aservamur, ignari prorsus quo tandem res hæc sit evasura. Verumtamen gratias agimus Christo, quod pro nomine illius digni habeamur, non solum vinculis constringi, sed cætera quoque omnia perpeti: neque enim ista præmiis suis carebunt »: subdit hæc vero de constantia Synodi: « Non potuit autem sancta Synodus induci ut cum Joanne communicaret; sed animose restitit: En, inquit, iniquis, corpora, en Ecclesias, en civitates: in omnia hæc potestatem habetis; nos autem, ut prius cum Orientalibus communicemus, quam ea disolvantur, quæ per illorum scyphantham contra communis nostros comparata sunt, illique rectam fidem confiteantur, id fieri nullo modo potest. Dignoscuntur enim Nestorii dogmata loqui, sentire, et confiteri. Tolaque universitas in his disposita est. Precedunt pro nobis Orthodoxi omnes. Ut autem B. David ait⁴: Ego in flagella paratus sum ». Hactenus Cyrillus. Ista quidem ex parte œcumenicæ Synodi atque Cyrilli delata sunt Constantinopolim.

131. *Dolosa Schismaticorum et Joannis comitis adversus Cyrillum et Synodum ad imperatorem relatio.* — Quibusdam interea Concilium malignantium, et synagoga potentium? Eo quidem impudentiæ provenere, ut non veriti sint litteris apud Theodosium agere, ut Nestorii damnationem irritam redderet, quod scilicet qui eum condemnasset, hæretici ipsi essent, mentientes Cyrilli scripta esse Apollinaris hæresis labe conspersa⁵: est exordium ipsorum Epistolæ: « Edocti ex sanctissimorum, et

¹ Apud Act. Ephes. edit. Pelt. tom. III. c. 15. — ² Apud Cyril. in Apol. tom. IV. — ³ Cod. Vatic. ep. Theod. LXXX. — ⁴ Apud Act. Ephes. tom. III. append. II. c. 1. — ⁵ Apud Act. Ephes. Conc. edit. Pelt. tom. IV. c. 6.

¹ Apud Act. Ephes. Conc. edit. Pelt. tom. IV. c. 14. — ² Ibid. c. 15. — ³ Ibid. c. 18. — ⁴ Ps. xxxvii. — ⁵ Act. Ephes. edit. Pelt. tom. V. c. 8. append. II.

pietissimorum ministrorum nostrorum litteris, etc. » Adjecerunt his alias, quibus significarunt, se una cum Joanne comite testimonio Acacii episcopi Beroensis Epistolae egisse cum adversariis, ut Cyrilli capitula tanquam haeretica damnarentur, sed nequicquam apud illos profecisse. Et autem majorem sibi apud imperatorem fidem conciliarent, ad finem Epistolae adjecerunt Orthodoxae fidei confessionem: recitat haec ipse Cyrillus¹: sed in eis illi de damnatione Nestorii ne verbum quidem, quae primo loco ponenda erant, cum scirent ipsum adversari symbolo ab eis edito, in quo et sanctissima Maria Dei genitrix affirmatur: ut plane intelligas omnia ista hand sincero animo, sed fraudulentè ab ipsis esse tractata, quo minus illud assequi possent, nempe scriptorum Cyrilli damnationem: est autem tota illa Epistola adulatione demulcens animum imperatoris, quae sic incipit: « Merito quis dixerit, nostri saeculi homines, quod tuo imperio gubernentur, beatiores iis qui ante nostram aetatem fuerunt, etc. » Caterum quod spectat ad ipsorum fidei professionem ista habet Cyrillus²: « Illud autem scitote, quod cum fidei expositionem componerent, inter se contenderunt, et adhuc in contentione tenentur. Nam alii quidem admittunt, ut sancta Virgo Deipara dicatur, cum eo, ut Homipara dicatur. Alii vero prorsus hoc negant; paratosque se esse dicunt, ut manus suas amputandas praebent potius, quam ut hujusmodi voci subscribant. Ubique autem turpiter se gerunt, haeretici declarati ». Haec Cyrillus. Caterum oblinuisse eorum sententiam ut Deipara diceretur, ipsa confessio docet: sed et quam dolose his ipsis vocibus uterentur, superius ex eorum assertione demonstratum est.

132. Caterum illud Catholicos vehementius perturbavit, quod Joannes ipse comes, qui sequester pacis advenit, ut rem se bene gessisse significaret, eaque de causa majorem sibi apud imperatorem fidem conciliaret, scribens ad eum turpiter mentitus est universam oecumenicam Synodum assensam esse in damnationem Cyrilli; adeo ut jam de loco, quo in exilium esset deportandus, consuleretur: scripsit enim de his ipse Cyrillus, ubi haec rescivit, ad clerum populorumque Constantinopolitanum istis verbis³: « Turbata est admodum sancta Synodus, ubi magnificentissimum et gloriosissimum comitem Joannem non recte omnia retulisse audivit: ita ut et de nostro exilio, qui illic sunt, consulunt, quasi sancta Synodus irregularem et nefandam depositionem a Joanne, et haeticis qui cum eo sunt, factam acceptarit, etc., etc. »

133. Quid praeterea idem Joannes comes perterritavit, quo jactare se potuisset episcopos omnes in unam concordiam redeegisse; idem Cyrillus sic inferius subdit: « Cum autem hanc rem memoratus magnificentissimus vir non esset assensus, nempe ut Joannes Antiochenus episcopus ab ipsis in communionem reciperetur, etiam hoc excoGITAVIT, et a

sancta Synodo petiit, ut sibi scripta daretur fidei expositio, ut et illos consentire et subscribere faceret, et reversus diceret: Conciliavimus ad amicitiam humanis inter se offensis dissidentes. Ubi hoc sancta Synodus intellexit, rursus omnino restitit, dicens: Non exponimus nos ipsos contumeliae: non enim tanquam haeretici vocati sumus: sed ad hoc venimus, ut fidem rectam restituamus, quam et restitimus, nec opus est regi ut fidem discat, cum hanc sciat, in qua ille baptizatus sit. Itaque ne hoc quidem Orientalibus processit ». Haec de his Cyrillus: quae autem vellet per eos agi, addit his verbis:

134. « Haec a pietate vestra doceantur omnes, praesertim pietissimi et sacratissimi Archimandrite; ne forte praedictus Joannes », comes scilicet, « reversus alia pro aliis dicat, aut doceat, ut quorundam aures oblectet. Ne pigrescat vero pietas vestra neque laborando pro nobis lassetur, sciens quod se ipsam et Deo et hominibus commendat. Et hic propter Salvatoris gratiam Deo amantissimi episcopi, qui vos nunquam viderunt, animas suas ponere pro vobis parati sunt: acceduntque ad nos cum lacrymis, dicentes: Et ad exulandum una, et ad commorandum parati sumus. Versamur autem omnes in multa tribulatione; quod exubiis militum custodimur, eos etiam ante lectos, cum dormimus, habentes, maxime vero nos. Reliqua vero universa Synodus defatigata laborat, pluresque mortui sunt: multi etiam sumpibus destituti, res suas vendunt ». Haec enim Cyrillus. At licet ipse et Memnon vincti aetate custodia tenerentur: tamen reliqui omnes episcopi hand liberi erant, sed utique custodiebantur a militibus. Joannes enim comes jam reversurus cum esset Constantinopolim, et pacis trophaea foret ostentaturus; ne quid litterarum ab Orthodoxis scriberetur, quibus mendacii redargui possent quae ipse imperatori et aliis relaturus esset, reliquos omnes Orthodoxos episcopos sedulo asservari praecipit.

135. *Synodi ad clerum Constantinopolitanum Epistola de rerum statu.* — Illi tamen, Deo volente, clam scribere Epistolam, qua clerum Constantinopolitanam Ecclesiae de rerum suarum statu miserando admonuerunt: qua cum numeris trium mensium spatium, quo ejusmodi custodia vallabantur a tempore quo Cyrillus et alii episcopi ad Synodum convenerunt circa principium mensis Junii, quo hujusmodi per Candidianum comitem cepte sunt turbae, mense Augusti datas illas ab eis ad clerum Constantinopolitanum litteras possumus intelligere, quarum est principium¹: « Qui in tanta negotiorum tempestate constituti sumus » et inferius: « Sciat itaque pietas vestra, non amplius nos Ephesum, sed custodiam inhabilare: inque illa trimestre jam tempus inclusos, neque per mare, neque per terram tuto ac secure ad pium exercitum (nempe ad imperatorem) vel in aliquem alium locum quempiam mittere permitti. Etenim jam saepius accidit,

¹ Cyril. Apolog. — ² Cyril. ep. xxii. — ³ Cyril. ead. ep. xxii.

¹ Apud Cyril. ep. Synod. xi.

ut quæ a nobis sunt missa, haud sine mille periculis reddi poterint; ut latere illorum, quo servarentur, in aliis atque alias sese formas coacti sint mutare. Quod autem ita custodimur, hinc est, quod omnia mendaciter ad pietissimum imperatorem contra nos deferantur ». Post hæc rogant eundem plurimum, ut agant apud Theodosium Augustum reddi Synodo Cyrillum et Memnonem, utque detur adire posse ipsum Theodosium; sin minus, liberum sit unicuique episcopo in patriam reverti.

136. De his præterea quæ iidem sanctissimi Patres Ephesi paterunt, est scheda illa cum aliis litteris missa ¹, sub titulo Communitorii breviter quidem, quod furtim videatur esse conscripta, his verbis ad clerum Constantinopolitanum data:

« Necamur æstibus, cum aeres sint graves; et pene quotidie aliquis sepelitur: ita ut omnes pueri languentes ad propria remittantur. Et alii omnes episcopi in his sunt. Unde consequens est, reverentiam vestram adire Christo amabilem principem et dicere, quia opprimitur Synodus ab his qui prohibent terminum dari, ut consumpli languore accentur. Scire vero reverentia vestra debet, quia licet in tantum nitantur ut omnes moriantur, non tamen fiet aliud præter hæc quæ decrta per nos sunt a Salvatore nostro Christo ». Hactenus Patres ad clerum Constantinopolitanam Ecclesie. Inspicis, lector, in quot quantasve angustias cum impietas Nestoriana, tum infidelitas regiorum ministrorum conjecerit sacrosanctam Synodum œcumenicam ut ea sit passa Ephesi, quæ neque inter barbaras gentes perlatua unquam fuisset.

137. *Interea Romanus exercitus a Vandalis in Africa vincitur, a quibus et Marcianus captus.* —

Sed hic paululum consistere, intinereque et obstupescere iudicium Dei, qui est terribilis in consiliis suis super filios hominum: nam intelliges, secundum illud Davidicum: « Non dormiet, neque dormitabit qui custodit Israel »; cum eodem tempore, haud diutius fuerit protelata vindicta. Dum enim barbarico more Catholica fides una cum defensoribus suis Ephesi (ut vides) vim patitur, direque exagitur, atque adeo ignominiose fractatur, eodem quoque tempore Romanus exercitus a Barbaris vincitur, trucidatur, paucis fuga lapsis, reliquis captivis ductis. Hoc ipsum quidem tempus esse, quo Theodosius imperator junctis copiis Occidentalis imperii, misso Aspare invictissimo duce, bellum gessit adversus Gensericum Africanum occupantem, ex libello schismaticorum paulo post (ut dicimus) oblecto Theodosio imperatori, satis exploratum habetur, in quo inter alia hæc scripta leguntur ²: « Cum hac fide scilicet Barbaros vicistis et tyrannos destruxistis, qua et nunc opis habetis in bello, quo Africam premitis: est enim Deus omnium commilito vester, etc. » Hæc Nestorici, profitentes se esse vere fidei defensores, pollicentes ejus fidei quam tueren-

tur defensione Barbaros ab ipso imperatore vincendos: cum interea jam vinceretur atque deleteretur penitus in Africa Romanus exercitus; quod paulo post innotuit, cum cladis nuntium perlatum est Constantinopolim: ut plane (o mirandum!) accidisse appareat, tunc male pugnatum in Africa esse, cum fides Catholica, ejusque defensores Patres sanctissimi adeo gravia et ignominiosa tyrannica vi pati cogentur. Sed etsi tardius, tandem sapienter Theodosius, suo maximo damno didicit, Deum vindicem Catholicae fidei insurrexisse, pro Barbarisque pugnasse adversus Romanum exercitum, cum ejus comites et legati contra Concilium œcumenicum indefesso studio laborarent.

138. Porro rem gestam, grandi volumine dignam, Procopius his paucis absolvit ¹: « Interea Constantinopoli, Romaque exercitu adveniente cum Aspare duce, Bonifacius, Romanique qui in Africa erant, spiritus assumentes, acriter resistere ceperunt: verum non melior prior fortuna successit. Victi ad unum omnes, alius alio fugam arripere; Aspar Constantinopolim, unde venerat: Bonifacius Romam profectus, sese Placidia ex his quorum culpa vacabat, reconciliavit ». Hæc Procopius, Bonifacii vero Romam reditum anno sequenti Prosper ² recenset: habet eadem de illata clade Paulus ³ diaconus. De Marciano autem, qui post Theodosium fuit imperator, hoc pretio ab hostibus capto, hæc subdit Procopius:

139. « Hoc igitur modo Vandali Africam Romanis eripuerunt: captivos vero quos ceperant, in custodia habuerunt, inter quos Marcianus fuit, qui Theodosio successit. Cum igitur Gensericus forte præciperet, ut captivi in aula sub die cogentur, ut adspectibus eorum consideratis, sane conspiceret, si quis regiam haberet indolem ac indigna presente fortuna pateretur: interim iidem inedia ac labore fessi tumi obdormiscerent aquila forte volans supra Marciani caput pansis astitit aliis, Gensericus igitur portentum facile notans non frustra hoc fore, jussit ad se venire: quicum vir esset, interrogat. Ille se Asparis arcum omnium socium fuisse inquit, quem Romani domesticum comitem vocant. Gensericus igitur meditans et aquile gestum, et Asparis quanta esset apud Byzantium potentia, hominem de medio tollere ab re putavit esse, neque verisimile ut quamprimum interituro signa volatu illa ostendisset: nulla enim ratione eum interficere oportere. Nam si postremo regnatura esset, morti non esset apud eum derelictus; quod ea quæ Deo sunt decreta nullatenus prohiberi possunt. Quapropter jurejurando eum obligat, sibi amicum fore, neque ullo modo contra Wandalos venturum ». Ejusmodi ergo pactis simul initis, dimissus est Marcianus redire Constantinopolim.

140. *Catholici episcopi imprimis Alypius per Epistolam et legationem Synodum solantur, et*

¹ Ex codice Antonii Augustini. — ² Extant inter Act. Ephes. edit. Pelt. tom. III. c. 4. et apud Cyril. Apol.

¹ Procop. de bell. Wandal. l. I. — ² Prosp. in Chron. — ³ Paul. diacon. Miscel. l. XIV.

cum imperatore agunt. — His igitur rerum Africanarum casibus Theodosius prudentior, licet sero, Phrygum instar, redditur tandem : sed id postea, cum acceptæ cladis acerbissimum nuntium accepit. Interea rebus eodem statu perseverantibus, qui erant Constantinopoli Catholicæ fidei defensores, et inter eos primum locum tenentes episcopi peregrini, qui illuc pro fidei defensione se contulerant, audientes quæ patres Ephesi paterentur, consolationis plenam ad eosdem dedere Epistolam, hortantes viriliter agere, simulque omne suum spondentes pro ipsorum defensione officium et diligentiam atque etiam profecturos se Ephesum, si juberent : incipit Epistola ¹ : « Oportebat quidem nos in afflictionum tentationumque vestrarum societatem receptos, non animis tantum, sed corporibus quoque vobis adesse, etc. » In fine autem apud Contianam editionem tempus ita describitur : « Data mense Augusti die vicesima, Indictione decima quinta ». Ex quo plane rerum gestarum valeas metiri tempora.

141. Tunc etiam accidit ut sancta Synodus ad eosdem episcopos Constantinopoli agentes eas reddiderit litteras, quarum est exordium ² : « Qui ita affecti sunt, etc. », habent in inscriptione nomina eorundem episcoporum tunc Constantinopoli commorantium, et pro Synodo laborantium expressa, quæ sunt, Eulalius, Eutrechius, Chrysaphius, Hieremias, Theodulus, et Isaias : sed quarum hi Ecclesiarum episcopi fuerint, non exprimitur. Regant Patres ut in sententia persistent, et pro sancta Synodo naviter collaborent : quod quidem illos quam diligentissime perfecisse, exitus declaravit. Porro eodem quo antea statu perseverare adhuc res Ephesias, iisdem litteris Patres significarunt, his verbis ³ : « Quod vero sanctitas vestra prohibeatur, quominus ad nos pervenire queat : id ex nostrarum rerum statu proficiscitur. Ita enim terra marique obsidemur, ut nihil eorum quæ nobis evenerunt, vestræ sanctitudini significare potuerimus. Fuerit autem vestrarum partium, precibus et lacrymis instare, etc. »

142. At non episcopi tantum agentes Constantinopoli, eas quas diximus, reddiderunt ad Synodum litteras ; sed et qui in clero Constantinopolitano eminebat Alypius Candidianus diaconum legavit Ephesum ad invisendum sanctissimos Patres fidei Catholicæ confessores ; cum et Cyrilli vincula summis (ut par erat) honoribus prosecutus, has litteras ad eum dedit ⁴ :

« Beatus homo, quem Deus dignum censuerit, sanctum Deoque dilectum caput tuum martyrii confessionis sertis redimitum dilectionis oculo contueri. Tu enim, sanctissime pater, vigilantium lumine sanctorum Patrum viam trivisti. Tu utroque poplite claudicantes, recta ad veritatem incedere docuisti. Tu fiduciam es indutus Eliæ. Tu solus Phinees ze-

lum assumpsisti. Tu impium venenosi draconis os obturasti. Tu voracem Bel evertisti. Tu illius spem, hoc est, dominatum et presidentiam ere coemptam labefastasti, aureaque statuae apparatus perdidisti. Et qualenam os spiritualibus charismatibus imbutum zeli tui encomia pro veritate explicare valeat, ut qui beati Theophili quondam avunculi tui studiorum amulus, illicque similis evaseris, necnon ad Ier beati illius Athanasii martyrium proxime accesseris ? Etenim ut ille precibus armatus, iniquorum hæreticorum machinationes, perinde ac periculosos quosdam scopulos devitabat, evadebatque ; sic tua quoque sanctitas iniqui illius conatus, vite integritate, conscientieque puritate veluti infirmam quampiam procellam profligavit.

143. « Sane beatus Athanasius post multas falsas criminationes, quas hæretici illi impingebant, feliciter refutatas, exiliumque eorum decreto, qui tunc rerum poliebantur et hoc ipsum fieri curabant, patienter toleratum, id consecutus est, ut et semper purior illustriorque evaderet, majorique patientiæ laude splenderet, quo profani illi homines plura falsioraque ipsi crimina intentabant. His igitur victoriis, certaminibusque martyrii coronam ille sibi nectens, Homousion statuit, perversamque Arii doctrinam calcavit, et orthodoxam doctrinam pæne calcantem denuo erexit, ac sancti tandem Marci Evangeliste thronum in sublime evexit, cui tu quoque præses, sanctis illius vestigiis impigre insistens. Precor itaque, sanctissime pater, ut dignus aliquando habeat, qui te virum adeo sanctum coram cernere, inaque genua complecti, et tempore pacis coronati martyris aspectu frui mereat. Universum rerum nostrarum statum, et quomodo cum fiducia egerimus, et tuis sanctorumque Patrum precibus freti etiamnum agamus, quantaque hæcenus certamina subierimus, id totum Candidianus dilectus diaconus, qui parvitas mee litteras sanctitudini tuæ deferri, ordine exponet. Saluto universam sanctam Synodum una cum vestra sanctitate martyrii corona decorata. Deus nobis largiatur, ut sani letique in Domino pro veritate certare pergamus ». Hæcenus ad Cyrillum Alypius.

144. Quanta rursus animi constantia cum Alypius ipse, tum reliqui orthodoxi ex clero Constantinopolitano pro sancta Synodo apud imperatorem indefesso studio egerint, inter alia plura indicat libellus ab ipsis novissime illi oblatus, qui sic incipit ⁵ : « Cum non ignoremus vestram pietatem sanctas Dei Ecclesias fidemque piam ab illis prædicatam, et a majoribus traditam maximi semper fecisse, etc. », ubi libero plane studio, quam erraret confirmando Cyrilli a schismaticis perperam factam exactionem, patefecerunt ; simulque ingens discrimen in quod universum Christianum orbem constituisset id faciendo, ob oculos posuerunt : fore namque, ut universus Catholicus orbis, qui, cum Cyrillo communicaret, ab ipso imperatore et aliis

¹ Act. Eph. edit. Contian. c. 47. et edit. Pelt. tom. iv. c. 20. —

² Act. Ephes. edit. Pelt. tom. iv. c. 21. — ³ Ibid. — ⁴ Ibid. c. 26.

⁵ Apud Act. Ephes. edit. Pelt. tom. iv. c. 16.

qui cum damnasset, penitus separaretur, et affore ut suis temporibus martyriorum tempera instaurarentur, inducereturque tyrannica in Ecclesia persecutio, cum omnes ex æquo parati sint etiam vite dispendio decretis œcumenicæ Synodi inhærescere potius, quam paucorum collegarum Nestorii impia assectari vestigia. Fuerunt plane hæc tanti apud Theodosium ponderis, ut mutato concilio, decreverit aliquos utriusque partis episcopos Epheso ad se vocare Constantinopolim : quomodo autem id acciderit, paulo post dicturi sumus.

145. *S. Acacius vaticinatur de proxima pace.* — Interea temporis Acacius ille magnus Melitensis episcopus, longe diversus ab illo Acacio Heræensi, vir cum doctrina tum sanctitate spectatus, his angustiis consternatam sanctam Synodum Ephesi- nam conspiciens, divino afflatus Spiritu, spiritu plenam coram Patribus habuit concionem, in qua brevi affore pacem vaticinatus, omnes reviviscere, sumere animos, erigereque languentes vires hortatur : ita enim præco ille celestis exorsus est ¹ : « Cernentem me, dilecti, cœtum hunc, spiritualesque sacræ Synodi consessum, gaudium simul et fiducia subit : gaudium quidem, quod cum omnium sim minimus, in maximo hoc amicitie pelago tenuem sermonis scapham moderari adigor : fiducia vero, quod magnos istos seditionum fluctus propediem sedandos, Dominicæque pacis tranquillitatem ad universos Catholicæ Ecclesiæ cœtus redituram nequaquam ambigam, etc. » Equidem haud falsus extitit vates. Ex hoc enim tempore post densam noctis caliginem, fulgor veluti suborientis auroræ solis prænantie paulatim illuxit. Post hæc autem, res gestas mensis Augusti elausit sancta Synodus illa sessione, in qua oblatas est libellus a Regno episcopo Constantie in Cypro, cujus extat inter Acta Ephesina homilia in Synodo dicta Ephesi post exanctoratum Nestorium, quo querebatur adversus Joannem episcopum Antiochenum, quod sibi, præter majorum consuetudinem, vindicare conaretur Ecclesiæ Cyprî insulæ. Re percognita et diligenter examinata, statutum est a Synodo, ut servato pristino usu, nec Joannes Cypriam, nec alii invadant alienas Ecclesiâs. Celebrata est autem hujusmodi Actio pridie kalendas Septembris, ut vetera ipsius monumenta ² declarant. Sed revertamur ad Theodosium.

146. *Ex utraque parte, nempe Schismaticorum et Catholicorum, legatio ad imperatorem.* — Imperator igitur acerrimo illo Orthodoxorum libello expergefactus, et amissi in Africa exercitus nuntio perterrefactus, meliora tandem consilia inivit, nempe ut septem ab utraque parte Epheso Constantinopolim mitterentur episcopi, qui coram ipso imperatore de rerum summa tractarent : scripsitque de his ad Joannem comitem Ephesi adhuc agentem, ut habet Synodalis Epistola ad Theodosium per

legatos missa ¹. Missi sunt autem a Concilio œcumenico legati episcopi septem, inter quos primum locum tenuit Arcadius, episcopus Apostolicæ Sedis legatus; profectusque cum eis est Philippus presbyter, unus ex tribus legatis Apostolicæ Sedis. His autem profecturis a sancta Synodo ejusmodi servanda præcepta impertita sunt ² :

147. « Philippo religiosissimo Deoque dilectissimo presbytero Celestini piissimi Apostolicæ Sedis magnæ Romæ Vicario, piissimis et sanctissimis episcopis Arcadio, Juvenali, Flaviano, Firmo, Theodoro, Acacio, Evoptio, sancta et œcumenica Synodus, quæ per gratiam Dei, gloriosissimorumque regum nostrorum nutum in Ephesiorum metropoli coacta est, in Domino salutem.

« Piissimorum Christiane amantium imperatorum nostrorum permissa legatione pro orbis salute, qui per eos, qui una nobiscum in Ephesiorum civitate congregati sunt, anxium pro recta fide certamen suscepit, ad regiam urbem missuri, eam pro recta fide, sanctisque fratribus et patribus nostris, sanctissimo Deique amantissimo Cyrillo archiepiscopo, et Dei amantissimo episcopo Memnone, legationis provinciam unanimi calculo vestra pietati coram Christo injungendam existimavimus. Utro- rumque itaque securitati, vestræ, inquam, et nostræ, consultum cupientes, hoc præceptorum diploma instruximus, vobisque exhibendum duximus, ut et nos sciamus propter quæ vos miserimus, et vestra quæque pietas intelligat nihil se præter hoc facere debere. Ante omnia autem sanctitas vestra sciat, nullam se cum Joanne Antiocheno apostaticeque ejusdem Concilio communionem habere posse : tum quod impietatis præconem Nestorium adeo una nobiscum deponere non voluerint, ut usque ad vestram quoque professionem illi patrocinari constanter perrexerint : tum rursus quod contra omnes canones, sanctissimos Deique amantissimos episcopos Cyrillum Alexandrinum et Memnonem Ephesium condemnare ausi sint; potissimum vero ad præsens usque tempus de Nestorianis dogmatibus defendendis anxii, multique ex illis tanquam Cælestiani jam olim depositi sint : tum denique quod totius orbis Synodum hæreticam appellare non dubitarint.

148. « Quod si qua forte vis, regiæve voluntatis nutus ad hoc impulerit (nam piissimi, Christiane carissimi Augusti sanctioni pro viribus obediendum est) siquidem illi prædicti Nestorii depositioni voluerint subscribere, veniamque supplicibus libellis a sancta Synodo de his petere, quæ in nostros præsidet temere admiscent; anathematizare rursum Nestorii dogmata, et adversari illos, qui eadem cum illo, aperte sapient, vel sapuerunt; elaborare tandem una nobiscum, quo sanctissimi episcopi Cyrillus et Memnon nobis restituantur : hæc, inquam, si bona fide præstiterint, permittimus vestræ sanctitati, ut communionem illis polliceatur.

¹ Apud Act. Ephes. edit. Pelt. tom. vi. c. 11. — ² Conc. Ephes. edit. Pelt. tom. II. c. 4.

¹ Apud Act. Ephes. edit. Pelt. tom. I. c. 22. — ² Ibid. c. 19.

149. « At singula ad nos perscribantur, quo et nobis quoque vobiscum consentientibus, perfecta cum iis pax inerat: caveate autem ne prius illis communionem spondeatis, quam presides suos recipiant sancta Synodus: scire quoque volumus vestram sanctitatem, quod si quid horum a vobis fuerit neglectum, neque sanctam Synodum Acta vestra habituram rata, neque vos ad communionem suam admissuram esse ». Hactenus series præceptorum, quam Commonitorium dicere consueverat. Adiecit his sancta Synodus litteras ad Theodosium imperatorem quarum est exordium¹: « Omnia, Christianissimi imperatores, majestatis vestre studia, etc. »

150. Qui autem a schismaticorum conventiculo missi fuere, hæc sunt eorum nomina, Joannes Antiochenus, Paulus Emesenus, Himerius Nicomedie, Macarins Laodicensis, Springius Chalcedensium, Theodoretus Cyri, et Helladins Polemaidis, sed octavi nomen deesse videtur: octo namque episcopus legatos esse Constantinopolim, litteræ eorum ad Rufum date testantur in fine²: octo pariter ab Orthodoxis missos esse constat. cum tamen de septem tantum aliqui affirmarint. Iis igitur consodales schismatis ista mandata dedere³:

151. « Quoniam Ecclesiasticæ causæ gratia, propter quam omnes in hæc Ephesiorum urbem vocati sumus, præsentî tempore vestra novit pietas quod juxta edictum pietissimorum Regum nostrorum in celeberrimam Constantinopolim citati sumus ad suffragandum veritati, fideique sanctorum Patrum et rectis dogmatibus, nos tamen omnes jussi sumus esse vobiscum. Operæ præfium autem est, ut omnium nostrum mens quasi præsentium manifesta fiat. Unde propria habemus, quæ a vobis fiunt, et pertinent ad timorem Dei et pacificandam beneque ordinandam Ecclesiam. Quapropter hunc vobis libellum, quo mandatum continetur, fecimus, quo præcipimus et permittimus perfectamque potestatem tradimus, quam et si nos ipsi præsentibus essemus, haberemus, ut cum vos gratia Dei in prædictam magnam civitatem perveneritis, sive apud pietissimum regem opus fuerit, sive in Consistorio, sive in sancto conventu, sive Patrum Synodo de his quæ inquirentur sermo habeatur, hæc valeatis libertate dicendi, sapientia, atque diligentia, ut vos decet afferre pro communi Ecclesiarum usu, laboremque hunc suscipientes pro nobis omnibus scilicet manentibus et comitantibus et amantibus, et tanquam coram omnibus acta essent habentibus omnia quæ in hac causa agitis et acturi estis. Et istud ipsum oramus vestram sanctitatem, ne quod communi usui profuturum et ad gloriam Domini Christi facere minus alacris sit. Tametsi videbitur, Synodalem Epistolam cum omnium subscripticæ mittendam, confitemur omnes communiter et sin-

guli omni alacritate vos subscripuros, et ad pium exercitum missuros. Quippe manifestum est, quod capitula a Cyrillo Alexandrino adjecta ad fidem Patrum qui Nicæno Concilio interfuerunt, tanquam hæretica modis omnibus et a Catholica et Apostolica Ecclesia aliena ejiciuntur ». Hæc illi, quibus condemnantes Cyrilli capitula subscribere.

152. *Cyrillus injuria Ephesi detentus scriptis pugnât.* — Quod vero missi Epheso ab adversariis essent, qui apud imperatorem scripta ejusdem Cyrilli redarguere conarentur hæretica, et absente ipso tanta esset causa tractanda: inde accidit, ut jure quidem, ut de minus æqua conditione, apud imperatorem in Apologia ad eum data idem Cyrillus conquestus sit, cum ex parte Nestorii defensorum jussus esset adesse Constantinopoli Joannes episcopus Antiochenus, omnium corypheus schismaticorum, ipse vero interea Ephesi sub custodia detineri: his enim jure verbis exoptulit¹: « Præterea cum relicta Epheso ad illustrem illam civitatem adducerentur qui ad hoc erant a sancta Synodo ordinati, ut iis quæ apud eum acta fuerant, patrocinarentur: cupiebam viris illis adnumerari: primum quidem ob eam causam, ut dominationem vestram viderem: deinde ut coram vobis contra ipsum Antiochenum episcopum jure agerem, ostenderemque eum sycophantam egisse, et inique insanisse impetibus furis esse superatum, propterea quod capita blasphemiarum Nestorii anathematizavi ». Hæc ipse.

153. Relictus autem Cyrillus Ephesi haud obiose consistit: sed quid agit? Quod enim sciret duodecim illa Capitula a se scripta contra Nestorii impietatem ab adversariis in controversiam deduci et hæresis infamari; ne perperam ab eis facta ipsorum interpretatione labefactari possent, ipse illis explanationem adjecit, cum tamen jam ante eadem cognita et orthodoxa fuerint in sancta Synodo approbata. Nam in Apologia ad Theodosium ista habet²: « Fidei namque meæ rectitudinis testimonium dedit Romana Ecclesia, et præterea sancta Synodus ex universo orbe qui sub celo est (ut ita dicam) congregata. Quod enim nullo pacto alienus ab Evangelica et Apostolica traditione deprehensus sim, et quod rectam et minime obliquam sacrorum dogmatum sentiam percurram, communi sententia confessi sunt, idque scriptum in commentariis qui leguntur, quique a me scribuntur ». Hæc ipse.

154. Miserunt eandem Cyrilli explanationem qui erant Ephesi Nestoriani schismatici ad suos legatos protectos Constantinopolim: sed qui semel pravum imbuissent sensum, ut in deteriorem partem jam ipsi a recto devii, recta quæque converterent, et ea quoque calumniari aggressi sunt: nam iidem ipsi in relatione ad suos hæc habent ad finem Epistolæ³: « Demum misimus vestre sanctitati recens factam expositionem ab Alexandrino hæreti-

¹ Apud Act. Ephes. edit. Pell. tom. IV. c. 22. — ² Extant apud Act. Ephes. edit. Pell. tom. III. c. 13. — ³ Apud Cyril. in Apolog. tom. IV. et Conc. Ephes. edit. Contian. c. 62.

⁴ Cyril. Apolog. — ² Ibid. — ³ Apud Cyril. Apolog. et Act. Conc. Ephes. edit. Pell. tom. III. c. 7. append. II.

corum capitulorum, evidentiis etiam per illam ostendens suam impietatem». Illa ipsi, Sed et idem Cyrillus scripsit hoc quoque tempore Apologiam ad Theodosium imperatorem, quæ incipit : « Divina et incorrupta natura » : purgat enim se de omnibus a schismaticis contra se calumniis in hanc usque diem illatis. Sed et tunc temporis « Theodorus episcopus Ancyræ (ut testatur Gennadius¹) cum filium Ephesi moraretur, scripsit adversus Nestorium librum redargutionis et confutationis, ut ait, dialectica quidem arte ordinatum, sed auctoritate sacrarum Scripturarum detextum : multis enim assertionibus usus est, antequam Scripturarum testimonia poneret ». Hæc ipse; jam vero quid per legatos actum sit Constantinopoli, videamus. Sed antequam perveniret, quid statuerit de Nestorio imperator, dicendum est.

155. *Theodosius legatis Catholicis favet, fidemque Catholicam tuetur, opera Pulcheriæ.* — Ubi autem legati Epheso recessissent, mandato Theodosii jussus est Nestorius recedere Epheso, et quo vellet pergere, nulla amplius spe revertendi ad sedem Constantinopolitanam, e qua juste depositus fuit. Interea cum legati jam Constantinopolim appropinquarent, idem Theodosius imperator tranquillitati urbis consulens, quod sciret cives in schismaticos Nestorii fautores infenso animo esse, jussit eorum legatos degere apud Chalcedonem. Sed neque qui a sancta Synodo missi sunt, Constantinopolim ingredi voluit. Verum haud æquo animo hæc passi sunt ipsi schismaticorum legati, ut patet relatione ab ipsis ad suos Ephesi commorantes conscripta his verbis² :

156. « Postquam Chalcedonem venimus (nam Constantinopolim neque nos, neque adversarii nostri intrare permisi sumus propter seditiones bonorum monachorum) fama accepimus, quod ante octo dies, priusquam compareremus (en gloriam pietissimi regis) dominus Nestorius ab Epheso dimissus sit, ut eat quo liberet. Unde valde doluimus : quandoquidem vere ea quæ illicite et absque iudicio facta sunt, jam robur habere videntur ». Videsne, lector, quod ante sæpe mille signis demonstratum est, schismaticos illos fuisse erga Nestorium propensissimos; sicuti et tunc id ipsum verbis suis, sese illi addictissimos esse declarant? Sed subdunt quæ in proximo putarent fore agenda : « Sciat autem vestra sanctitas, nos promptos pro fide certamen inituros, et certare velle ad mortem usque. Expectamus autem hodie, hoc est, undecimo mensis Gordici, transiturum pietissimum nostrum regem ad Ruffinianam villam, et illic causam auditurum, etc. » Erat Ruffiniana villa locus amœnissimus a Ruffino præfecto constructus, de quo plura superius sub Arcadio imperatore. Habes ex his, lector, unde etiam rerum gestarum tempora colligas, cum testantur se ea scribere undecima mensis Gordici; est ipse mensis Septem-

bris apud Romanos, eademque prorsus dies undecima mensis : nam testificatione Bedæ¹ ex Anatholio, eandem fuisse rationem mensium græcorum ac latinorum, apparet. Sicque intelligas, circa finem mensis Augusti legatos Epheso profectos esse, Nestorium vero tertio die Septembris absque spe sedis esse dimissum.

157. Cæterum non accidit, ut sperabant legati schismaticorum, nimirum audiendos se fore in Ruffiniana ab imperatore : quamobrem cum conjicerent illum erga Catholicos esse bene affectum, exulcerati fivore ad ipsum misere libellum querelarum locupletem qui ita exorditur² : « Orandum erat, etc. » Quo in primis in Cyrilli capitula invehuntur calumniantes ea esse heretica. Cum autem nihil ad libellum oblatum meruissent habere responsum; cum ex hoc viderent se habitos esse contempti, rursus querelas ingeminant, aliumque rursus libellum inlerunt, cujus est exordium³ : « Sæpenumero pietatem vestram, etc. » Quod et illud pendendum ad finem ponunt, petentes, ne quis in locum Nestorii in sede collocaretur episcopus, donec de eodem iterum foret iudicium ventilatum.

158. Inter hæc autem Theodosius imperator illud addidit, quod schismaticos vehementius exacerbavit; nimirum cum legatos œcumenicæ Synodi venire intra urbem, adversarios autem ad propria redire præcepit : sed et Acta ab eis adversus Cyrillum atque Memnonem, universamque Synodum, ut vana penitus abolenda censuit. Hæc cum adversariorum schismaticorum legati accepissent, vehementer consternati sunt, et eo magis exterriti, quod veluti absoluta omnino causa, ipsi ab imperatore inauditi, dimissi sint. Iidem igitur, animo mirum in modum perturbato, tertium ad Theodosium supplicem adhibere libellum⁴ querelarum plenum, expostulationumque : quo nimirum (ut dicebant) qui tuerentur Catholicam fidem abire jussi essent, adversarii vero defensores erroris Apollinaris suas recipere sedes juberentur : est autem libelli quæruæ exordium : « Non hunc eventum sortituram vestræ pietatis vocationem expectabamus, etc. » petulantur quidem, et perfricta fronte agebant fidei Catholicæ defensores, qui hactenus patrocinati essent Nestorianæ blasphemæ omnium horrendissimæ : talis namque esse solet insitus et pæne innatus ex immensa superbia proveniens mos hereticis, ut impudentissime agentes, qui ex scelere erubescere debuissent atque confundi, insolenter atque proterve jaclent se esse fidei Catholicæ defensores, quam produunt, prostituunt, atque penitus perdunt.

159. Vigilavit, quod nunquam obdormivit, pro fide Orthodoxa Pulcheriæ Augustæ studium, quæ fratrem vallatum unidique a Nestorianis comi-

¹ Bed. de ratione temp. c. 12. — ² Apud Act. Ephes. edit. Pelt. tom. III. c. 2. append. II. — ³ Ib. c. 3. et apud Cyril in Apoloz. — ⁴ Apud Act. Conc. Ephes. edit. Pelt. tom. III. c. 4. append. II. et apud Cyril. in Apoloz.

libus, penitusque obrutum fluctibus mendaciorum eripuit: qui in lucem tandem emersus, quæ vera, quæve essent falsa perspicuus. Lucis opera jam edere cœpit; doluitque magnopere sanctam Synodum ex falsis comitum relationibus gravissima passam esse. Industria quidem et vigilantia S. Pulcheriæ res fidei Orthodoxæ in meliorem statum esse positas, licet nec historici, neque Acta Synodalia tradant: satis superque ad hæc perspicue demonstranda, S. Leonis papa, hoc tempore Ecclesiæ Romanæ diaconi, testificatio esse debet: qui postea Pontifex, in omnibus ferme litteris ad eandem Pulcheriam datis, ejusdem prædicat erga fidem Orthodoxam exhibitum semper studium indefessum et curam propensorem, hæcque ex parte dignam prædicat totius Catholicæ Ecclesiæ præconis celebrari. Ipse enim S. Leo non aliunde quam ex rebus jam antea pro Ecclesiâ Catholica ab ipsa præclare gestis, penitus insinuandi argumentum validum petit, ut adversus Eulychiæ hæresim tempore sui Pontificatus emergentem ipsam impelleret, ut cum inter alia ista scripsit¹, quibus propensior Pulcheriæ animus hoc tempore pro fide sollicitate declaratur:

160. « Quod, inquit, semper de sanctæ pietatis vestræ mente præsumpsimus, id plenissime experiendo cognoscimus, Christianam fidem, quamvis diversis pravorum appetatur insidiis, vobis tamen præsentibus, et in defensionem ejus a Domino præparatis, non posse turbari: non enim Deus aut suæ misericordiæ sacramentum, aut vestri laboris deserit meritum, quo dudum sanctæ religionis hostem ab ipsis visceribus Ecclesiæ depulsiis, cum heresim suam tueri impietas Nestoriana non potuit: quia non fefellit famulam Dei, et discipulam veritatis, quantum simplicibus infunderetur veneni per illa loquaciis hominis colorata mendacia, etc. » rursus vero ad eandem²: « Offeritur ergo pietati vestræ digna materia, qua placitam Domino curam sancti cordis exerceat, et præcedentium meritorum coronas etiam de præsentis erroris abolitione multiplicet: sicut enim Nestoriana impietas, ita et Eulychiana blasphemia ab omnium est Catholicorum eliminanda consortio ». Hæc et alia plura id genus, quibus ejus adversus Nestorianam hæresim effundendam studium commendatur.

161. Imbuerat quippe ipsa animum sancta lectione librorum, quos Cyrillus Alexandrinus ipso Nestoriana hæresis exordio (ut dictum est superius) scripserat ad Reginas, inter quas ipsa tunc altius eminebat. Voluit namque summæ sapientiæ suæ dispensatione divina providentia, ut per virginem summam Virginis dignitas, qua Dei mater est appellata, inoffensa penitus servaretur. Ilujus igitur clamoribus, et alijs vocibus tandem Theodosius excitatus, respiscens cœpit solertius vigilare, et ea curare, quæ ad fidem illibate servandam conducere viderentur: licet, quod natura clementissimus esset, cum fidei hostibus mitius videretur egisse.

162. Cæterum cum Nestoriani præter spem omnem, quam conceperant, vidissent Theodosium imperatorem Pulcheriæ Augustæ opera Nestorio penitus animo alienatum, atque erga Catholicos redditum propensorem; indigne ferentes, in utrumque commoti, quod aliter non valeret, calumniis ambos vehementissime exagitarunt: furore enim perciti ea nefanda de ipsis jactare non sunt veriti, quæ Suidas narrat his verbis: « Nestorio autem adeo infensa fuit Pulcheria, ut qui illum adamabant, rumorem spargerent, eo invisum esse Pulcheriæ Nestorium, quod illum incestus cum fratre imperatore Theodosio criminatus esset ». Hæc sceleratissimi illi. Sed quid mirum sic in Christi sanctam Virginem insanisse, qui in Virginem virginum sanctissimam Dei genitricem adeo contumeliosus fuisse? Sed miro quodam divino consilio factum est, ut per virginem Christi sponsam Virgo Deipara a Nestorii vindicaretur blasphemis, dum circumventum ac penitus obrutum Theodosium Nestorianorum fallaciis e tenebris in perspicuam veritatis lucem eduxit. Cedit itaque Pulcheriæ laudi, quicquid ipse ex hoc tempore pro Catholica fide est visus egisse: adscribitur autem domesticorum insidiis, si interdum permisi sunt Nestoriani liberius agere; adversus quos quæ post hæc acta sint, continuatione oratio deponat.

163. *Nestoriani legati, quorum acerrimus defensor Theodoretus, pluries ad imperatorem admitti, tandem ad propria reverti jubentur.* — Theodosius igitur, cassis jam redditus cunctis ab eis adversus Catholicos Ephesi consutulis, annuit tandem, ut fidem Chalcedone transmitterent Constanthinopolim, et una cum legalis Synodi œcumenicæ conflictarentur de duodecim Cyrilli capitibus, quos esse hæreticos ipsi adeo proclamarent. Cum autem simul ambe partes convenissent, et Catholicorum legati contenderent accersendum esse Cyrillum, qui suam præsens causam ageret: illi rati tergiversationem hanc esse ex diffidentia male causæ, quasi primas in eo congressu Juliscent, ad suos Ephesum scripsere jactantes: est autem exordium Epistolæ¹: « Precibus sanctitatis vestræ datus est nobis accessus ad pietissimum regem, etc. » Sed ut eodem Ephesi in officio continerent, etiam illud mendaciter addidere. Acacium Orthodoxum (puto quidem Melitemum illum sanctissimum præselem, de quo sæpe superius) in suis scripsisse libris, Divinitatem passam esse; cum tamen ille non Deitatem, sed Deum, nempe Christum hominem factum eumque vere Deum, crucis supplicium subisse diceret: sed ventose jactarunt et illud, nimirum omne sacri Consistorii studium in ipsos esse conversum, sequæ a Constantinopolitano populo frequenari, a quo moneretur viriliter pro fide agere.

164. Hæc quidem ad suos schismatici; qui tunc et miserunt (ut iisdem litteris tradunt) duo

¹ Leo ep. XXXIX. — ² Leo ep. XLV.

¹ Apud Cyril. in Apolog. et apud Act. Ephes. edit. Pelt. tom. III. c. 6. append. II.

expositionis fidei exemplaria Ephesum, ut eis illi subscriberent. Porro alterum illorum ab iisdem subscriptione firmatum, Constantinopolim, qui erant Ephesi, ad legatos dedere, quod recitat Cyrillus in Apologico: est illius exordium¹: « Propter Ecclesiasticas quæstiones, etc. » in ea tamen professione ne verbum quidem de hæresis Nestorianæ damnatione habuerunt. Adjecerunt et litteras, quæ incipiunt²: « Quoniam didicimus vestros pro religione labores, etc. » Misere pariter et Cyrilli in duodecim capitula expositionem editam Ephesi. Adjecere insuper Epistolam ad Theodosium imperatorem, qua gratias illi agentes, quod a se missos legatos tandem in summo conspectum admisisset, insisterunt pro restitutione Nestorii, quasi illegitime damnatus sit ab hæreticis, necnon pro damnatione capitulorum Cyrilli: incipit autem ipsorum Epistola³: « Edocti ex sanctissimorum, et pietissimorum ministrorum nostrorum litteris, etc. »

165. Quid demum? Admisit iterum atque iterum, ac quintum usque Theodosius imperator schismaticos legatos ad congressum cum adversariis coram se habitum. Cum vero eo amplius illi delecti jam impii essent, et impietatis defensores existere: imperator ipsos dimisit, et reverti iussit ad propria: cum illi ad suos, desperatione victi, postremas has dedere litteras⁴:

« Quinto accessus nobis contigit, et quamvis nullum de hæreticis capitulis disputaverimus, juraverimusque sapiens pietissimo regi, quod impossibile nobis sit communicare his qui diversa sentiunt, si nondum exploserint capitula: et quod Cyrillus etiamsi rejecerit capitula a nobis suscipiendum non sit, eo quod ipse tam impie hærescos hæresiarchæ factus sit: nihil tamen profectum, eo quod et adversarii instarent, et auditores hos tam impudenter oblectantes non compescerent, nec cohererent eos, ut ad inquisitionem et colloquium venirent. Hac enim via effugunt, ne capitula examinentur, et de his disputari prorsus non sinunt. Nos autem propter vestras preces usque ad mortem instare parati sumus, et neque Cyrillum suscipere, neque capitula ab eo exposita, neque illis communicare, priusquam explodantur, quæ fidei male adjecta sunt.

166. « Obsecramus igitur, et vestram sanctitatem, ut sapiatis eadem quæ nos, eundemque laborem ostendatis: certamen enim nobis pro religione est, quam solam habemus spem, et propter quam expectamus fructuos nos benignitate Salvatoris nostri in futuro seculo. De pietissimo autem, et sanctissimo episcopo Nestorio sciat vestra pietas quod studuerimus quidem de illo sermonem inserere: sed nunc non potuimus, eo quod omnes vel ad ipsum nomen hostiliter afficiuntur. Nihilominus curæ nobis erit, tametsi res sic habeant, per oppor-

unitatem temporis, ac auditorum benevolentiam, etiam hoc facere, si quidem nostro proposito Deus cooperaturus fuerit. Porro ut vestra sanctitas etiam hoc non ignoret, scitote quod videntes Cyrillianos tyrannide, et fraudibus, et adulatione, et donis omnes (ut ita dicam) decepisse, non raro pietissimum regem, et magnificentissimos principes obsecravimus, ut et nos ad Orientem dimitterentur, et vestra pietas ad propria demigraret. Cognoscimus enim quod in vanum moras necimus, et insilita non perficimus, eo quod Cyrillus ubique fugit colloquium nostrum, conscius sibi blasphemias, quas in duodecim capitulis suis edidit, manifeste redarguendas. Placuit autem pietissimo regi post multas adhortationes, ut singuli ad propria redeamus, ad hoc ut Ægyptius, et Memnon Ephesius in suis Ecclesiis maneat: sic enim poterit Ægyptius omnes exæcare numeribus suis, ut ille quidem cum innumera fecerit mala, ad thronum suum redeat: iste vir innocens (nempe Nestorius) vix ad suam mansionem dimittatur. Omnem quæ vobiscum est fraternitatem, et nos et qui nobiscum sunt, plurimum salutamus. Joannes episcopus Antiochenus valere vos in Christo precor, domini pietissimi et sapientissimi. Subscribere et alii similiter ». Hactenus Nestorianorum legatorum ad suos Epistola.

167. Vides, lector, quam hi Nestorium studio indefesso coluerint: ut vel ex hoc ipso intelligere valeas, quam inique, quamque impie adeo contumeliose in tanti hæresiarchæ expugnatores invehantur. Habentur et litteræ Theodoretii eodem ferme tempore Chalcedone date ad Alexandrum Hierapolitanum episcopum in scelere defendendo collegam conjuratum contra Cyrillum: quibus in primis, quam naviter egerit pro causa tuenda, his exorditur verbis¹: « Nullum humanitatis, nullum asperitatis, nullum adhortationis, nullum declamationis genus omisimus, quo apud pietissimum regem, et illustre Consistorium non simus usi ». Et paulo post vide quid de Nestorio: « De amico autem sciat tua sanctitas, quod si quando ejus faceremus mentionem, vel apud pietissimum regem, vel apud illustre Consistorium, defectionis notabamur: tante sunt eorum qui intus sunt, in illum inimicitie. Et quod est molestissimum, pietissimus rex præ omnibus aliis averterat nomen, manifeste dicens: De hoc mihi nullus loquatur; specimen enim semel ipse dedit. Altamen dum hic sumus, non cessabimus omni opere, et ejus partis curam agere, scientes factam illi ab impiis injustitiam ». Hac cum dicat ipse, jam non solum cum Nestorio unanimum fuisse vides; sed dixerim etiam concorporatum: unde magis mireris immensam Dei misericordiam erga ipsum, cum postea datum est illis ex hujusmodi tandem barathro impietatis emergere.

168. In quo quidem quam profunde mersus modo ageret, et ex illo accipe, quod (ut ipse iisdem

¹ Apud Cyril. in Apolog. — ² Apud Cyril. in Apolog. et Act. Ephes. edit. Pelt. tom. III. c. 7. append. III. — ³ Apud Cyril. in Apolog. et Act. Ephes. edit. Pelt. tom. III. c. 8. — ⁴ Apud Act. Ephes. edit. Pelt. tom. III. c. 10. append. II. et apud Cyril. in Apolog.

¹ Apud Cyril. in Apolog. et apud Act. Ephes. edit. Pelt. tom. III. c. 9. append. II.

ad Alexandrum datis litteris profitebatur magno licet in periculo irruentium monachorum, et aliorum Orthodoxorum ad lapidationem (ut ait) usque grassantium versaretur: nihilominus non prætermisit adversus Synodum, ac potissimum contra Cyrilli capitula concionari, Nestorianos Constantinopoli Chalcedonem ad se pertrahere, et illis aperte Nestorii dogmata propinare: est de his locuples testis homilia una illa ipsius Theodoretii, apud Cyrilli Apologeticum hactenus asservata, quæ incipit¹: «Christus nobis dux sit sermo- nis, etc.», ubi ad Nestorianos, qui interjacentes traherent mare, dum Constantinopoli proficiscerentur Chalcedonem, ut ipsum Theodoretum concionantem audirent, hæc ait: «Terribiles Pro- pontidis fluctus transire ausi estis, ut nostram au- diatis vocem, quam vestri pastoris vocis elfigiem putatis», nempe Nestorii. «Desideratis enim audire juvendas vestri pastoris fistulas; pastoris, quem pastores socii calamis occiderunt, ut putant: ad quos Deus per Prophetam clamat: Pastores nulli corruperunt vineam meam, etc.» plura exaggerans in Patres œcumenicæ Synodi, qui Nestorium con- demnarunt.

169. Sed et quomodo Nestorianam illis mani- festo absque aliquo velamento hæresim prædicave- rit, ex his quæ ipse subjicit, perfacile senties, ubi invehitur in Orthodoxos Deum patientem affirman- tes, sic dicens: «Hunc qui omnia verbo lecit, et unica momenti inclinatione exhibet ea quæ non sunt ut sint, et de his quæ non erant, ut essent, sola volun- tate, quasi oblitus horum omnium, passionibus ob- noxiom facis, et legem ponis ut adoretur Deus pas- sibilis»: et inferius: «Nos autem invisibilem Unigenitum incomprehensibilem, inexcogitabilem, passibilem esse credemus? absit»: et conversus ad Christum: «Salvator noster et benefactor, ne sic apostatæ simus adorationis suæ, ne sic ignoremus tuam naturam, ne sic ingrati simus de tuis donis, ut suspicemus passibilem nostrum liberatorem, qui nos e passionibus ad impassibilitatem transtulit, et nobis passionibus obnoxii impassibilitatem largitus est». Hæc ipse, quibus aperte vides duas in Christo per- sonas constituere a se invicem separatas, nullamque factam in una persona duarum naturarum unitatem indivisam, inconfusam, et inconvertibilem: ac proinde cum negat Deum passum, Christum non esse Deum affirmat, separans naturam divinam ab humana: cum e contra Catholici, unione indivisi- bili duarum naturarum in una persona facta, Christum Deum profiterentur passum, ut tamen Divinitatem negarent esse passibilem. Vides igitur hominem, cum liberos inter suos haberet affectus, quæ effluere solet: cum et litteris suis calumniose asserat Catho- licos unam tantum in Christo predicare natu- ram cum tamen hi faterentur ex duabus naturis unam esse personam: qua etiam calumnia prose- cutus est Cyrilli capitula, quasi ille, cum Deum

passum esse dixerit, Deitatem passibilem constituerit,

170. Sed mirum dictu quam calumniose ad suam ipsorum hæresim adstruendam citare idem Nestoriani consueverint sanctos Patres, quantaque mentiri jaetantia, universos ferme orbis episcopos secum sentire, et ex Orthodoxis pro libitu hæreticos reddere, ut suis litteris ad Rufum¹ presbyterum fecisse noscuntur, dum ut hominem pellicerent ad Nestorii hæresim consecrandam, Martinum quem- dam fixerunt Mediolanensem episcopum esse Ne- storianum, misisseque tractatum sancti Ambrosii de Incarnatione ad imperatores, quo Cyrilli impugna- retur sententia, et Nestoriana hæresis firmaretur: cum revera nullus ejus nominis existerit his tem- poribus Mediolanensis episcopus; et longe procul abesset, ut sanctus Ambrosius suis scriptis confir- maret dogma Nestorii: hæ erant artes hæreticorum, pro animi sententia, quod vellent, absque pudore fingere, mentiri, et subdole atque veteratorie cuncta peragere.

171. Dimissi tandem ab imperatore legati schis- maticæ et hæreticæ factionis, abire jussi sunt ad Ecclesias suas: cum Joannes illorum dux episcopus Antiochenus ultimam Vale pronuntians, perbreve- rem illum sermonem ad suos Nestorianos habuit, cujus est exordium²: «Sancta lex est ut patribus accepta lerantur ea quæ filiorum sunt, Mens est Galaad, mens est Manasses, imo non mei sunt, sed Dei, ejus qui vestram cum nostra congregavit Ecclesiam, etc.» Hæc et alia arrogantia plena, vindicans sibi Nesto- rianos, qui erant Constantinopoli, Nestorio eorum episcopo desultos.

172. Hunc tandem finem accepit hæreticorum et schismaticorum factiosa rebellio atque violenta tyrannis, quæ ad quinque ferme mensium spatium vehementissimè contrariis fluctibus exagitavit Ec- clesiam. Licet igitur sancta a Patribus damnatio hæresis Nestorianæ cum auctore suo Nestorio firmum vigorem obtinuerit: quæ tamen ab eadem Synodo statuta fuerunt adversus Joannem Antioche- num atque collegas sacerdotio ac sede privatos, haud adeo prope visa sunt imperatori executioni fore mandanda, sed spe pacis inveniendæ sunt retardata, ne cum Joanne Antiocheno totius Syriæ episcopi ab Ecclesia Catholica separarentur. Sic igitur hoc præ- textu permissus est Joannes cum suis ad Ecclesias sibi creditas absque jactura redire: quod quidem divino consilio factum esse, exitus declaravit: nam anno sequenti dissidentibus ad concordiam revoca- tis, composita pax, Ecclesiæque tranquillitas reddita est. Sed non profuerunt Nestorio istæ moræ, qui cum suis in monasterio sancti Euprepii apud Antio- chiam permissus est³ agere quadriennium, si forte ab insaniam resipisceret. Verum cum compertus esset majori obstinatione obdurgisse, decreta est illi rele- gatio Oasena omnium deterrima, de qua suo loco inferius agendum.

¹ Apud Cyrill. Apolog. ad fin.

¹ Exstant apud Ael. Ephes. edit. P.M. tom. III. c. 13. — ² Apud Cyrill. in Apol. ad fin. — ³ Evagr. l. I. c. 7.

173. *Deposito Nestorio. Maximianus episcopus Constantinopolitanus eligitur, qui praefatas Cyrillo dat litteras.* — Antequam autem recederent legati schismaticorum, creatum fuisse loco Nestorii Constantinopolitanum episcopum Maximianum, habent Acta ¹ quaedam, quae minime mihi probantur, cum plura simul mendacia insuta habeant; ut cum ibi dicitur, hoc anno statim Nestorium in exilium missum esse: cum ex his quae suo loco certa testificatione dicuntur, constet non nisi post annos quatuor Nestorio exilium irrogatum. Praeterea si verum esset ante horum legatorum profectioem Maximianum in locum Nestorii subrogatum esse; utique Theodoretus, et alii in litteris tunc cum praefecturi essent datis, ejusdem suffectionis meminissent: quamobrem in contrariam potius sententiam imus. Creatum quidem Maximianum in locum Nestorii episcopum Constantinopolitanam octava Novembris, Socrates ² auctor est. Sed cum trimestre spatium interlapsum ab ejusdem depositione Nestorii usque ad substitutionem Maximiani tradit ³, plane in numero esse errorem, affirmare necesse est: nam cum superiori capite dicat ⁴, mense Junii depositum esse Nestorium; non tres, sed quatuor menses intercurrisse oportuit a Nestorii depositione usque ad Maximiani subrogationem. Id ipsum affirmat de quatuor mensibus Liberatus diaconus in Breviario, cum ait ⁵: « De electione episcopi rursus questio orta est. Multi enim Philippum quaerebant presbyterum, qui a Joanne cognomen Chrysostomo diaconus fuerat ordinatus, multaque scripsit volumina contra Julianum Apostatam imperatorem. Alii vero Proclum presbyterum quaerebant, quem ad Cyzicum Sisinnius episcopus ordinavit. Qui priusquam Cyzicum proficisceretur, procedentes cives ejusdem civitatis Dalmatium monachum sibi ordinaverunt episcopum, quoniam Attico praedecessori Sisinnii soli hoc praestitum videbatur », nimirum ut episcopus Constantinopolitanus daret episcopum Cyzicenis: « sed proceribus Palatii ut fieret displicuit: quod quidem factum est postea. Manebat ergo Proclus non habens Ecclesiam propriam, qui tunc in Ecclesia Catholica Constantinopoli valde florebat. Cumque quatuor transissent menses post Nestorii damnationem, Maximianus ordinatur episcopus, vita quidem monachus, ordine vero presbyter, constantis quidem fidei, idiota tamen sermone sub quiete vivere eligebat ». Haec Liberatus: eadem serbe Socrates ⁶, qui et catalogum texit eorum qui ex alia in aliam sedem translati sunt. Addit autem inferius ⁷, Caestinum Romanum Pontificem rescripsisse, nihil esse impedimento quominus unius civitatis episcopus in aliam posset Ecclesiam transferri: quod quidem decretum Caestini licet post Maximiani electionem innotuisset, profuit tamen Proclo, cum, defuncto Maximiano, confestim in locum ejus (in suo

loco dicemus) subrogatus est: desideratur ejusmodi Epistola Caestini. De creatione vero Maximiani in reditu Cyrilli haec habentur in aliis Actis Concilii Ephesini ¹:

174. « Jussit autem his qui de sancto et magno universali Concilio erant (nempe octo legatis missis) ingredi in Ecclesiam, et ordinare episcopum sanctae Ecclesiae Constantinopolitanae; quod etiam factum est. Ingressi autem ordinarunt Maximianum episcopum. Et post haec jussit imperator, omnes episcopos abire unumquemque in propriam regionem: et abierunt. Mansit hic Joannes Antiochenus episcopus, et qui cum eo erant, in se gregati existentes. Ingressus autem est Cyrillus episcopus Alexandriam Athir tertia, et suscepit eum civitas cum multa excellentiae gloria ». Haec tunc tertia mensis Athir eadem dies est quae apud Romanos tertio kalendas Novembris. Scripserunt et legati ad Cyrillum de Maximiani ordinatione, qui has ad eos litteras reddidit ²:

175. « Dominis desiderabilibus, et Dei cultoribus et comministris Juvenali, Flaviano, Arcadio, Prolecto, Firmo, Theodoto, Acacio, et Philippo presbytero, Cyrillus in Domino salutem.

« Satisfactum nobis est iterum, et ipso experimento cognovimus quia veritas vivit, et vincit secundum sancti vocem: resistit autem ei omnino (omnium) nihil: est autem sic validissima, ut insurgat adversus omnes inimicos, et resistantium sibi virtutem solvat. Ecce enim, et ecce false quidem loquentium ora destruxit, et illicitarum blasphemiarum caligo cessavit, resplendet autem veritatis dogmatum pulchritudo, ordinato episcopo secundum decretum Dei atque Concilium per sanctitalem vestram reverendissimo et Dei cultore Maximiano, quem etiam, et longa aetas ornavit non in desidiis et deficiis constitutum, sed in laboribus et virtute, et qui multa rerum decoratus est cura pro veritate et dogmatibus pietatis. Congaudens igitur universis Ecclesiis, et populis ibidem constitutis, merito proclamabo: Benedictus Dominus, quia visitavit, et fecit redemptionem plebis suae. Non enim poterat dormire sic bonus pastor, ut etiam suam animam poneret pro ovibus, et semper salvificae sciens, iam antiquam (et aliquando) quidem bestiam a sacra, et divina aula repulit. Sapientissimum autem, et totius virtutis insignem praepereperum elegit, quem etiam creditum decorari in omni bono, et venerabili atque praecipua virtute pollentem gubernare sub sua manu populum constitutum. Incolumes vos esse in Domino et nostri memores, oramus, carissimi et desideratissimi ». Haec S. Cyrillus.

176. Simul ac autem Constantinopolitanae Ecclesiae thronum Maximianus conscendit, ad vere magnum sanctumque Cyrillum Alexandrinum episcopum tanti certaminis decoratum insignibus mentis convertens oculos, has ad eum litteras dedit ³:

¹ Apud Act. Ephes. edit. Pelt. tom. v. c. 41. — ² Socrat. l. vii. c. 36. in fin. — ³ Idem. lib. eod. c. 34. — ⁴ So rat. l. vii. c. 33. — ⁵ Liberat. diac. Brev. c. 7. — ⁶ Socrat. l. vii. c. 34. — ⁷ Idem. eod. lib. c. 39.

¹ Ex Cod. Antonii Augustini. — ² Ibid. — ³ Apud Act. Ephes. edit. Pelt. tom. iv. c. 24. et apud Cyr. ep. XXI.

« Religiosissimo Deoque dilectissimo comministro Cyrillo archiepiscopo Alexandrino Maximianum in Domino salutem.

« Expletum est desiderium tuum, Deo devotissime; perfectum est, quod religionis causa susceperas; ad finem ductum est pietatis tuæ votum: spectaculum factus es ¹ Angelis et hominibus, universisque Christi sacerdotibus. Neque enim solum in Christum credidisti, sed incommoda quoque pro ipso pertulisti. Solus dignus existimatus es, qui stigmata illius ² in corpore tuo portares. Confessus es illum coram hominibus; promeritus es ut ipse te confiteretur ³ coram patre in presentia Angelorum. Redimitus es coronis, quæ pro pietate certantibus debentur. Potuisti omnia in Christo qui te confirmavit: humiliasti satanam per patientiam: contempsisti formenta: conculcasti furorem principum: famem pro nihilo duxisti: panem ⁴ enim habebas, qui de caelo descendens caelestem vitam hominibus impartitur. Quia vero nos nec ab his abstinimus, dum et hic sensibilibus castigamur; et vestras afflictiones, quas, dum principibus et potestatibus, dum mundi dominis, et rectoribus tenebrarum harum, dum nequitiae spiritibus resistitis, tolerastis, auditione accepimus.

177. « Quia vero ad magne hujus civitatis episcopatum promoti sumus; dignare, Deo dilectissime, tum precibus nos fulcire, tum consiliis quoque dirigere, tum omni denique benevolentiae studio prosequi, quo hac ratione illud Scripturæ ⁵ dictum in nobis adimpleatur: Frater qui adjuvatur a fratre, quasi civitas firma. Vere etenim spiritualis dilectio munita civitas est, quæ neque cuniculis a diabolo suffodi, neque scalis ab eodem potest superari, neque etiam bellicis satanæ machinis credere novit, ut quæ a Christo Domino custodiatur. Christo utique illo qui mundum hunc devexit, et sempiterna bona tibi præparavit, et aliquando nihilominus dixit ⁶: Qui non accipit crucem suam et sequitur me, non est me dignus. Cum itaque Christo Domino dignus evaseris, propterea quod crucem tuam sustulisti, sectatorque illius effectus sis: Christum pro nobis deprecari ne omittas fraternæ virtutis ornamenta proprias prærogativas esse ratus. Vale in Domino, et pro me Deo dilectissime, et sanctissime frater ac comminister ora ». Haecenus ad Cyrillum Maximianum: quæ recitasse volumus tanquam post victoriam triumphum carmen. Reddidit vero ad Maximianum Cyrillus litteras, quarum est exordium ⁷: « Opportune, ut arbitror, etc. »

178. *Cælestini papæ in damnanda hæresi, Pulcheriæ in templo Matri Dei Mariæ excitando, et Theodosii in Schismaticis puniendis laudes.* — Porro si ducis lans cedit absque invidia imperatori; cuius primæ debentur tantæ gloriæ, et Cyrilli et ministrorum laboribus partæ, nisi illi, cuius

personam agebat, vicemque gerebat, Cælestino, inquam, Romano Pontifici? Quod non ignorantes nobiles illius temporis scriptores, gloriosum affixere æternæ memoriæ tantæ victoriæ titulum, adscribereque Cælestino. Qui enim inter præcipuos eminebat. S. Prosper ita de ipso ¹: « Per hunc virum (Cælestinum videlicet) omnes Orientales Ecclesiæ gentium peste purgatae sunt, quando Cyrillo Alexandrinæ urbis antistiti, gloriosissimo fidei Catholice defensori, ad excercendam Nestorianam impietatem, Apostolico auxiliatus est gladio: quo etiam Pelagiani, dum cognatis confederantur erasibus, iterum prosternerentur ». Haec Prosper. Quæ minime ignorant ipsi Patres qui Ephesi convenerunt, nec non Maximianus ipse recens creatus episcopus, atque etiam Theodosius imperator, legationem miserunt ad ipsum Cælestinum Romanum Pontificem, eidem gratulantes de prostrata cum auctore hæresi Nestoriana. Missi ad hoc sunt Romam Joannes presbyter, et Epictetus diaconus, qui Romam pervenerunt ipso die Natalis Domini: agemus de his anno sequenti.

179. Sed quod omne datum optimum, et omne donum perfectum descendere a Patre luminum sancta Dei Ecclesia novit, eidem ipsi immortales gratias egit, quod vindex extitisset Filii Deitatis, et Matris ejus honoris, utriusque præconia illis vocibus celebrans, quas a sanctis sciret frequentatas esse Patribus, ubique locorum MATREM DEI MARIAM omnium ore cantans, laudans atque predicans. Tunc et additamentum illud accepisse creditur Angelica salutiatio: SANCTA MARIA, MATER DEI, ORA PRO NOBIS, etc. quod omnium fidelium ore dici, ac frequentius repeti, et tanquam prima quædam elementa a piis parentibus una ferme cum lacte infantibus propinari consuevit; ut fieret secundum illud Propheticum ²: « EX ore infantium et lactentium perfectisti laudem tuam »: illuderentque superbo draconi puertim.

180. Sed et Pulcheria Augusta virgo sanctissima, cuius in servanda fovendaque adversus novam hæresim fide Catholica commendata semper est vigilantia atque studium, excitavit ³ amplissimum tantæ victoriæ monumentum, veluti triumphalem fornem, erigens nimirum sub nomine Dei genitricis Mariæ augustissimum templum in Blachernis juxta mare positum, quod sua postea mole labans Justinianus imperator ⁴ restituit. Haec quidem Constantinopoli novæ Romæ a sancta Pulcheria facta fuere: cujus exemplo excitatae sunt fidelium mentes, ut in diversis orbis partibus id ipsum præstarent; factumque est, ut licet frequens antea esset cultus sanctissimæ Dei matris, post hæc divino excitante Spiritu frequentior fuerit atque celebrior, vixque reperiri esset, qui absque titulo Dei genitricis nominaret sanctam Mariam.

181. Adjecit autem ad hæc omnia Theodosius,

¹ 1. Cor. IV. — Philip. XI. — ² Gal. IV. — ³ Matth. X. — ⁴ Joan. VI. — ⁵ Prov. XVIII. — ⁶ Matth. X. — ⁷ Apud Act. Ephes. edit. Pelt. tom. V. c. 25. et post Apol. Cyril.

¹ Prosp. cont. Collatorem prope fin. — ² Ps. VIII. — Matth. XXI. — ³ Niceph. I. XIV. c. 2. — ⁴ Prosp. de adif. Justin. Imp. or. I.

ut Ireneum comitem profectum cum Nestorio Ephesum, ob studium erga eum impensum adversus Catholicam fidem, exactorarit : quem ut patrum episcopi Syri creaverint postea Tyri episcopum, a qua etiam praefectura jussu ejusdem imperatoris depositus est; ut suo loco dicitur. Patrem quidem irrogatam fuisse penam in Candidianum, Palladium, atque Joannem, qui mendacibus relationibus ludificassent imperatorem, et de sanctis episcopis Ephesi congregatis ad o male meritis essent, postumus intelligere; nimirum ut par sententia percelleret eos, quos par delictum obnoxios eidem supplicio reddidisset.

182. *Nestorius et maxime Theodoretus pro haeresi scriptis laborant, quae evertit Cyrillus.* — Sed quid interea filii tenebrarum? Num juxta illud¹: « Inpii in tenebris conficescent » : pudore suffusi devorabant sub silentio mœrore cor suum, et obtutuere: nihil minus. Et enim ipse Nestorius caput super omnes filios superbie, indultum ad penitentiam tempus illud totum impendit in coacervandis maledictis atque calumniis, libros conficiens adversus Catholicam doctrinam a sacrosancta œcumenica Synodo Ephesina comprobata: quos ultricibus flammis absumendos (ut suo loco dicemus) imperialis sanctio condemnavit². Sed et Theodoretus ejusdem patronus, et Catholicorum dogmatum tunc temporis oppugnator, impulsu Joannis episcopi Antiocheni rursus adversus Cyrilli capitula et editam ab eo defensionem vibrat tela, dum eadem novis scriptis impugnat: dedit enim litteras ad episcopos in Italia positos, qui erant magni nominis, nempe Mediolanensem, Aquilicensem, et Ravennatem, clamans et obstrepens, instaurasse Cyrillum suis capitulis hæresim Apollinaris: testatur id quidem ipsum Theodoretum in Epistola postea scripta ad Dominum episcopum Antiochenum³. Qui enim a Romano episcopo per Cyrillum sciebat Nestorium impugnari, in illum si potuisset, concitare studuit celeberrimos Italiae sacerdotes. Sed quid illi rescripserint, ipse silet: ostentasset utique et proclamasset, si quid in Cyrillum idem episcopi rescripserint. Sed ab illis repercursum (ut par esse credere) ne suæ esset proditor temeritatis; quæ rescripserint conficere, satius judicavit.

183. *Quid præterea? Non satis visus unus Theodoretus Joanni: nam et Andream episcopum adversus Cyrillum armavit, impellens ut contra Cyrilli capitula scriberet: editumque est ab eo opus nomine Orientalium, quo majoris ponderis haberetur.* De his plane ambobus Cyrillus meminit in adnotatione ad Eulogium data, ubi in fine ait⁴: « Deinde et contradictiones habes a me contra eos factas, qui adversum capitula Synodi eæ scripserunt. Sunt autem duo episcopi qui hoc fecerunt, Andreas et Theodoretus ». Hæc ipse. Tulit autem Andreas a Joanne episcopo Antiocheno eam pro impietate mercedem,

ut crearetur episcopus Samosatensis, ex monacho Constantinopolitano, ob susceptam Nestorianæ impietatis defensionem; quem summis laudibus ipse celebravit Theodoretus¹ Epistolis ad ipsum scriptis. Cæterum Cyrillus contrariis scriptis horum omnium molitiones disjecit: contra Orientales enim scripsit Apologeticum, contra Theodoretum vero commentarium ad Evoxium; in cujus exordio, quam vilipenderet ea Theodoretis scripta, his in primis verbis significat, ubi ait²: « Lectis autem his quæ in eo habentur, gratias Deo cum hymnis offerrebam, tantum non et illud dicens: Domine, libera me a labiis iniquis, et a lingua dolosa. Sentiebam enim me ubique calumniis impeti, idque per singula capita. Cogitabam autem et hoc, quod familiares nonnulli dicebant, virum istum in litteris exercitatum, et in sacrum litterarum cognitione maxime profectum. Verum ab intelligentia efficacæ horum capitulorum tantum abscessit, ut de eo nunc plane sentiam, quod quorundam desideriis indulgens, fingat se ignorantem, etc. » Sed de his hactenus: jam vero mergat stylus e spinetis Orientalibus, et se transferat ad res gestas in Occidente. Est nusquam pax, turbato ab hæreticis utroque orbe.

184. *Galicianos quosdam presbyteros Augustini scripta impugnant, Cælestinus, data ad eorum episcopos Epistola, coercet.* — Haud enim levis perturbatio exagitabat Occidentalem Ecclesiam ob petulantiam quorundam Gallorum presbyterorum (ut anno superiori dictum est) temere suggillantium sancti Augustini adversus Pelagianos commentarios editos: in quos contraria scripta objecisse S. Prosperum Aquitanum, æque suo loco demonstratum est. Sed quid nesciat semel veritatis transgressa limitem hæreticorum prociacia modestiæ repagulo contineri; et convinci licet rationibus possit, vinci tamen nescia obstinate resiliat: iidem audacius obstiteret, et quæque insana efflute in sanctissimum atque celeberrimum Ecclesiæ Doctorem minime destitire. Quamobrem ut qui scriptis minime suaderi potuissent, auctoritate Apostolicæ Sedis compecerentur, idem sanctus Prosper cum collega Hilario Arelatensi ad Cælestinum Romanum Pontificem professionem instituit: qui ambo apud eundem studiose egerunt, ut ejusmodi nugatoribus ora (quod par erat) obstrueret. Cælestinus igitur, qui haud pridem ad dubitationes aliquas litteris Tuentij episcopi consultus plenissime scripserat, putans illa sufficere potuisse; cum modo rursus presbyteros obstrepere, relatione Prosperi et Hilarii percepisset; ad episcopos, in quorum Ecclesiis illi presbyterio fungerentur, scripsit Epistolam, redarguens in primis eos, quod sinant, ipsis tacentibus, in Ecclesia loqui presbyteros, cum absque episcopo nihil illis concessum sit de doctrina præsumere. Est Epistolæ exordium³: « Apostolici verba præcepti sunt, apud

¹ I. Reg. II. — ² L. ult. de hæret. C. Theod. — ³ Theod. ep. CXII, Cod. Vatic. Græc. — ⁴ Cyril. ep. XXX.

¹ Theod. ep. XXIX. CXLIV. — ² Exstat apud Cyr. tom. IV. — ³ Cælest. ep. VIII.

Judeos atque Gentiles sine offensione nos esse debere, etc. »

185. Post multa vero in episcoporum reprehensionem sinentium talia garrere presbyteros inculcata, de S. Augustino, cujus doctrina ab illis in suspitione hæresis temere adnectebatur, hæc ait : « Augustinum sancte recordationis virum pro vita sua atque meritis in nostra communione semper habuimus, neque unquam hunc false suspitionis saltem rumor aspersit : quem tante scientiæ olim fuisse meminimus, ut inter magistros optimos etiam ante a meis decessoribus haberetur. Bene ergo de eo omnes in commune senserunt : utpote qui ubique cunctis et amori fuerit et honori. Unde resistatur talibus quos male crescere videmus. Nefas est hæc pati religiosas animas, quarum afflictione (quia membra nostra sunt) nos quoque convenit macerari : quamvis maneat hos beatitudo promissa, quicumque probantur propter justitiam persecutionem sustinere, etc. » Junguntur Epistolæ capita quedam adversus Pelagianos errores ab Apostolica Sede olim et ab Africanis decreta Concilii, quibus debent insistere, qui sub Catholico nomine, licet Pelagium atque Cælestium anathemate condemnarent, eorum tamen defendere conarentur errores. Putantur illa capita esse Prosperi, qui (ut proficere videtur) ea collegit ex decretis Romanorum Pontificum, simulque Concilii Africanis, ubi idem auctor hæc habet in fine : « Profundiores vero difficilioresque partes occurrentium questionum, quas latius pertractarunt, qui hæreticis resisterunt, sicut nos non audeamus contemnere, ita non necesse habemus adstruere ; quia ad confitendum gratiam Dei cujus operi et dignationi nihil penitus subtrahendum est, satis sufficere credimus quicquid secundum prædictas regulas Apostolicæ Sedis nos scripta docuerint ; ut prorsus non opinemur Catholicum, quod appareat præfixis sententiis esse contrarium ». His, inquam, proficitur, profundiores questiones illas de prædestinatione sanctorum nequaquam ab Apostolica Sede definitas ; illasque tantum esse stabilitas, quæ ad condemnationem errorum satis posse sufficere viderentur.

186. Sed et illa ab eodem auctore inculcata notanda sunt, quibus demonstrat, non decretis dumtaxat Romanorum Conciliorum prorsus destrui Pelagianos errores, sed traditionibus Apostolicis, quas usu et jugi observatione receperit Ecclesia Catholica, eosdem penitus tabefactari ; dum videlicet orare consuevit pro infidelibus, Paganis, Judæis, hæreticis, schismaticis, atque lapsis, necnon catechumenis ; sic plane docens, absque divina gratia illos non posse ad salutem accessum habere. Dumque rursus exorcismis et exufflationibus abiguntur a proxime baptizandis spiritus nequam, plane factis proficitur Ecclesia, peccato originali humanam naturam esse corruptam, et a satana occupatam, ac Dei gratia indigere, ut liberetur.

187. Sed quod ad dictam Cælestini Epistolam spectat : sanctus Prosper, qui ejus scribendæ cum

Hilario auctor accessit, cum adversus Collatorem agit, de ea his verbis meminuit : necnon de eodem Cælestino Romano Pontifice ¹ : « Per hunc, inquit, virum intra Gallias islis ipsis, qui sanctæ memoriæ Augustini scripta reprehendunt, ineloquentiæ est adempta libertas, quando consultationum actione suscepta, et librorum qui errantibus displicebant, pietate laudata, quid oporteret de eorum auctoritate sentire, sancto manifestavit eloquio, evidenter pronuntians quantum sibi præsumptionis istius novitas displiceret, quæ auferent quidam adversus antiquos magistros insolenter insurgere, et indisciplinata calumnia in prædicatore veritatis obstrpere » : subdit his recitatum Cælestini de S. Augustino nuper elogium, cui ista mox addit : « Contra istam clarissimam laudatoris tubam, contra istam sacratissimi testimonii dignitatem audet quisquam maligne interpretationis murmur emittere, et perspicuæ sinceris-ineque sententiæ nubem obliquæ ambiguitatis obledere ? ut scilicet quia in Epistola papæ, librorum de quibus actum est, non expressus est titulus, hinc eis appareat non approbatos, et istam in sanctum Augustinum laudationem pro auctoramento fuisse collatam ». Hæc Prosper in eos, qui cum obviti litteris Cælestini papæ minime audent, et eis tamen hand approbatos esse omnes Augustini libros cavillabantur. Unde subdit : « Maneat plane, maneat ista conditio, ut horum librorum novitas repudiata videatur, si in eadem causa ejusdem viri discent antiquitas, ut et inutile et incongruum judicetur, quod ab his quæ contra Pelagianos condidit, dissonans invenitur ». Ac paulo post : « Agnoscant calumniatores, superfluo se objicere, quod his libris non speciale neque discretum testimonium sit perlubitum, quorum in cunctis voluminibus norma laudatur : Apostolica enim Sedes, quod a præcognitis sibi non discrepat, cum præcognitis probat, et quod judicio jungit, laude non dividit, etc. » Sed hæc sub Sixto emergerunt calumniöse exceptiones, cum S. Prosper adversus eos insurgens, contra Collatorem (ut dicemus) volumen elaboravit. Vides jam ex his, quantæ essent existimationis litteræ Romanorum Pontificum.

188. Meminit hujus quoque Cælestini Epistolæ Photius in Bibliotheca, ubi ait de ipso Cælestino : « Scripsit quoque ad episcopos Galliarum de fide sancti Augustini ». Agit insuper, laudatque dictam Cælestini Epistolam etiam Vincentius Lirinensis, ubi ait ² : « Sed et papa Cælestinus pari modo, eademque sententiâ : ait enim, etc. » Post recensita vero ejus dicta adversus novatores, addit : « Ergo hæc fuit beati Cælestini beata sententiâ, non ut vetustas cessaret obruere novitatem, sed potius novitas desineret incessere vetustatem ; quibus Apostolicis Catholicisque decretis quisquis refragatur, insulset primum omnium necesse est memoriâ S. Cælestini, qui statuit, ut desineret incessere novitas

¹ Prosp. adv. Collat. prop. fin. — ² Vincent. Lirin. adv. hæres. c. ult.

vetustatem ». Hæc Vincentius de dicta Epistola Cælestini, quam tanti ponderis esse docet, ut satis sit ad omnes hæreses evitandas novas sententias in Ecclesiam inducentes; quo potissimum argumento tum Pelagianorum, tum aliorum omnium hæreticorum fundamenta idem auctor convellit opere illo contra hæreses scripto, certe aureo. Ex quo intelligas, longe diversum esse Vincentium hunc Lirinensem ab illo Vincentio homine Pelagiano, cuius sunt Vincentianæ objectiones, quas S. Prosper egregie confutavit: hic namque monachus Lirinensis monasterii fuit, ille vero magis ex presbyteris illis Gallicis, qui una cum collegis invidiose S. Augustini scripta carpebat, de quo Gennadius meminit¹, ejus lucubrations recensens, eumque ab hoc ostendit esse diversum, quem Lirinensem presbyterum nominat²; cuius etiam mentionem facit S. Eucherius in Præfatione libri Instructionum ad Solonium, quem una cum Salviano eloquentia et sapientia celebrem fuisse commendat.

189. Inter alios vero quos recensimus Aquitanicæ presbyteros Pelagii fugitive demigratos, quos sua Epistola Cælestinus papa insectatus est, fuit Severus Sulpitius ille discipulus et scriptor Vitæ S. Martini, et S. Paulino Nolano episcopo amicitia conjunctissimus. Hic, inquam, arreptus, et ipse ea alluvione Pelagianæ hæresis in Aquitania potissimum exundantis, tandem magno Dei beneficio resipuit, atque in se ipsum vindem insurrexit erroris. De eo enim ista Gennadius³: « Severus presbyter, cognomento Sulpitius, vir genere et litteris nobilis, et paupertatis et humilitatis amore conspicuus »: et in fine post enumeratas ejus lucubrations, ista addit: « Hic in senectute sua a Pelagianis deceptus et agnoscens loquacitatis culpam, silentium usque ad mortem tenuit; ut peccatum, quod loquendo contraxerat, faciendo penitus emendaret ». Hæc cum Gennadius illius æqualis dicat, par est credere ipsum Severum hoc resipuisse tempore, quo percelebris ista, de qua est sermo, Cælestini Romani Pontificis adversus Pelagianos ad ejusdem provincie episcopos scripta Epistola, ipsi (ut credi potest) innotuit, ex qua se ab Ecclesia Catholica devium esse sensit, et pharmacum ad vomendum epotum venenum accipiens sanatus est.

190. Sed hic illud considerandum: quomodo hunc Severum Sulpitium dicunt fuisse aliqui episcopum Bituricensem, quem Gennadius collega ejus atque gentilis non nisi presbyterum nominet, et in eo ordine penitentem deat esse defunctum? cuius quidem festificatione, hominis certe laud rerum Severi ipsius ignari, utpote in eadem provincia viventis, aliquando existimavi, hunc diversum esse Sulpitium ab illo, quem dicunt episcopum Bituricensem; licet post Gribertum, qui pro eo scripsit Apologiam, archiepiscopum Bituricensem appellat: certe apud me majoris est auctoritatis Gennadius

Massiliensis sui temporis res gestas scribens, quam quivis alius post plura elapsa sæcula aliter sentiens. Scimus in tabulis Ecclesie Bituricensis duos ejus Ecclesie esse adnumeratos Sulpitios episcopos, eodemque sanctitatis titulo insignitos et inter sanctos in Martyrologiis receptos, quorum alter Pius, Severus alter est dictus, alter decima septima Januarii, alter vicesima nona ejusdem mensis colitur. Neminem reperi antiquorum, qui hunc Severum, de quo est sermo, episcopum nominet, verum tantummodo presbyterum sicut et Honorius retexens catalogum clarorum virorum. Sed et longe procul adest, ut qui in tabulis episcoporum Bituricensium ponitur Sulpitius Severus sub Gunthramno rege vixisse, interfuisseque Matisconensi Concilio sub eodem rege celebrato, hic sit de quo est sermo: nam ille Sulpitius cognomento Pius dictus est, et sub Gunthramno rege sedisse successorem Remigii, habet¹ Gregorius Turonensis: procul vero abhorret, ut Sulpitius Severus discipulus S. Martini ad Gunthramni tempora deduci possit: unde plane fatendum sit in eas tabulas errorem illapsam, quod etiam in Notis diximus. Qui autem hoc sæculo illustravit sedem Bituricensem, fuit S. Simplicius arbitrio Sidonii Apollinaris creatus episcopus, de quo ad Euphronium, necnon ad Perpetuum sanctos episcopos extant ejusdem Sidonii² Epistolæ, atque concio in ejus habita electione. At de his hæctenus.

191. *S. Patricii Apostolatus ad Scotos et Hibernos.* — Hoc eodem anno sub iisdem consulibus sanctus Prosper missum ait Palladium ordinatum primum episcopum ad Scotos: perductum quoque fuisse ad Hiberniam insulam, sed cito morte subductum ex hac vita migrasse, ex Probo, qui res gestas sancti Patricii scripsit, dictum est superius. Hibernorum quidem conversionem Deus sancto Patricio reservavit: qui (ut tradunt) Scotus genere, natus ex sancti Martini Turonensis episcopi sorore, ab eo clericus ordinatus, quadriennium sub ejus institutione transegit: inde a sancto Germano Antisiodorensi episcopo sacris litteris imbutus. Vocatus vero a Deo ad Hibernorum conversionem, non prius illuc se contulit, quam Romam ad Cælestinum papam accesserit, accepturus ab Apostolica Sede ad ejus gentis conversionem Apostolatum: hæc quidem Probus³ ac Siebertus: verum ille ab Amatore episcopo ordinatum ipsum tradit Scotorum antistitem; Siebertus vero id ait factum a Cælestino Romano Pontifice Romæ; unde in patriam rediens, Hibernos ad Christi fidem suscipiendam convertit. Res ab eo in ejusmodi Apostolatu gestas idem Probus et alii conscribere, scriptaque ab eo elucubrata recensere. Hæc igitur de episcopatu Patricii post defunctum Palladium hoc anno eo missum, cum sub Cælestino papa accidisse tradant; ad finem anni hujus, vel sequentis eorundem, ante obitum Cælestini contigisse, affirmare opus est: siquidem Cæles-

¹ Gennad. de Script. Eccl. c. 80. — ² Ibid. c. 61. — ³ Gennad. de Vir. illust. c. 19.

¹ Greg. Tur. l. vi. c. 39. — ² Sidon. l. vii. ep. viii. ix. — ³ Prob. in Vit. S. Patricii Siebert. in Chron. et Bal. Cent. i.

tinus anno sequenti mense Martii ex hac vita migrasse reperitur. Vides autem omnibus fuisse perspicuum, ab Apostolica Sede accipiendum esse Evangelium ad conversionem Gentium; cum ex orbis extrema parte, imo (ut cum poeta dicam) ex divisio toto orbe Britannis Patricius Roman se contulerit; quod et ab aliis facilitatum, suis locis dicturi sumus.

192. *S. Paulini, de cujus captivitate in Africa historia veritas dilucidatur, mors beatissima et lucubrations.* — Sed apponamus ad anni hujus rerum gestarum præclaram coronidem obitum magni viri S. Paulini Nolani episcopi, de quo tanta superius tertio, quarto, et hoc ipso quinto loco sunt dicta: quem hoc eodem anno X kalend. Julii ex hac vita in celum feliciter migrasse, hujus anni consulibus Basso et Antiocho, Uranius¹ ejus discipulus scriptorum monumentis posteris commendavit: hunc illum namque putamus esse Uranium, cujus idem S. Paulinus meminit in Epistola² ad sanctum Beldelinum Burdigalensem episcopum.

193. Sed antequam gloriosum ejus ad Deum transitum referamus, difficultas laud mediocris disquirenda atque enodanda est: quoniam modo convenire potest, sanctum Paulinum sese obsidem dedisse pro filio viduæ regi Wandalorum in Africa, et post ejus obitum remeasse Nolam, ac deinde defunctum; si quem diximus in Africa regnasse primum regem Gensericum, propagasse eum regno vitam constet³ capta Carthagine, annis triginta septem, sique pervenisse ætate ad annum Domini quadringentesimum septuagesimum sextum? Cæterum historiam illam totam a sancto Gregorio⁴ scriptam, et a posteris acceptam omnibus (habes eam etiam a sancto Eulogio⁵ Cordubensi citatam) haud putamus ob hanc causam leviter rejiciendam: sed nec Uranium mendacem dixerimus sub hujus anni consulibus Paulini obitum referentem, ut contra ejus assertionem, Paulinum adhuc ultra annos quadraginta quinque vixisse, aliquo modo dicendum existimemus: siquidem qui ex annis ætatis ejus tomo quarto superius supputatis, ad hunc usque deductis, reperitur pervenisse ad annos duodecoginta, haud diutius vixisse putamus, vel aptum fuisse qui regium hortum colere valuisset.

194. Quamobrem perplexitatem hanc alii enodare conati, eo confugiendum esse putarunt, ut ista de filio viduæ atque Paulino non sub persecutione Wandalicæ, sed Gothicæ sub Alarico dici debeant contigisse: quibus nequaquam assentendum putamus, cum nihil penitus de Africana provincia sibi Alaricus vindicaverit, in quam securitatis causa ab Urbe profugus (ut vidimus) tanquam ad locum tutum, Gothi inaccessum, se contulerunt: constat vero præterea ex his quæ de eo dicta sunt, Paulinum post tempus Gothicæ grassationis

in sua Ecclesia pacifice perseverasse. Unum igitur reliquum est quod dici possit, regem illum Wandalorum proxime defuncturum a Paulino predictum, non intelligendum esse de Genserico, qui in regno consensit, sed de fratre ipsius Gunthario Godigiseli filio, quem cum fratre Genserico atque Wandalis transiisse in Africam, Procopius¹, Paulus diaconus² et alii³ auctores affirmant, eumque dolo fratris Genserici e medio morte sublatum: hujus enim interitum repentinum obventurum potuit prædixisse S. Paulinus: captivos autem illos ex Campaniæ oris in Africam abductos non bello aliquo, sed Wandalicæ classis invasione, qua potentem fuisse Gensericum, eaque infestasse Hispaniam, Italiam, insulas, et Orientales etiam oras, Victor affirmat⁴. Scimus tamen, ad vitandam fraternæ cædis infamiam a Wandalis posterioribus traditum (quod referunt Procopius et Isidorus) Guntharium nequaquam transiisse in Africam, sed in Hispania a Germanis captum, paloque infixum, vel ab invadente eum pravo demone esse necatum: sed dum aiunt, primo id Wandalorum regi regnanti in Hispania accidisse, plane de ejus parente esse intelligendum apparet, quem primum invasisse Hispaniam tradunt omnes; eumque regnasse ibi annos sexdecim, idem Isidorus affirmat. Cæterum quod ad Guntharium filium spectat, quam ratione sit verisimile, ut transmissis Wandalis omnibus in Africam, solus remanserit Guntharius in Hispania? Wandalos quidem omnes transiisse ex Hispania in Africam, testatur Victor, qui eosdem numerat octoginta millia. Sic igitur quæ de S. Paulino scribuntur et rege Wandalico, ut ad Guntharium referantur, nihil prohibet.

195. Quod vero Victor res Wandalorum in Africa prosecutus, nullam de Gunthario mentionem habeat: id evenisse apparet, quod persecutionem tantum Christianorum enarrandam suscepit; brevique libello res triginta septem annorum perstringentem, plurima omisisse oportuit, quod et ipse fatetur. Sed quod ad Uranium pertinet; ipsum prosecutum esse Pauli obitum potius quam vitam, idem ipse in Prefatione ad Pacatum inscripta profertur.

Post hæc autem a nobis edita, contigit ad nos mitti Florentia a Magno Duce Etruriæ Ferdinando Epistolæ ejusdem S. Paulini, descriptas ex antiquo Codice Bibliothecæ Medicæ, post quas merat Uranii de Vita et obitu ipsius Paulini ad Pacatum scriptio, in qua integre absque unius apicis diminutione legitur tota illa historia de redempto a S. Paulino, sui permutatione, filio viduæ, usque ad ejus ex Africa Nolam reditum, prout a S. Gregorio descripta legitur: ut evidenter appareat ea quæ ab eo in Dialogis de S. Paulino scripta leguntur, ab Uranio ipsum lotidem verbis exscriptisse. Sed quid accidit? Cum videret librarius, vel quisquis alius ille fuerit,

¹ Exstat apud Sur. tom. III. die xxii. Jun. — ² Paulin. ep. xvii. —

³ Victor. de pers. Wandal. l. i. in fin. — ⁴ Greg. dial. l. iii. c. f. —

⁵ Eulog. in documento Martyriali ad Floram et Mariam.

¹ Procop. de bell. Wand. l. i. — ² Paul. diacon. histor. Miscell. l. xiv. — ³ Victor de pers. Wand. l. i. in fin. — ⁴ Ibid.

eadem quæ ab Uranio narrantur, scribi pariter a S. Gregorio; superfluum existimans repetere eadem, decentius vero ipsa exscribere ex S. Gregorio papa longe celebrioris nominis auctore, eadem præterit in Uranio, quæ inferius describeret ex Gregorio. Verum fidelius actum per scriptorem Medicei Codicis, quem non piguit post descripta ea omnia, ut invenit in illa Uranii lucubratione, rursus eadem (relicto codice, ut invenit, integro, absque decurtatione) describere ex S. Gregorio; cui hoc nomine debentur plurimum, dum adeo nobilem historiam ex quo primum fonte manavit, ostendit, nempe ex Uranio, qui ejusdem S. Paulini tempore vixit, ex eo vero ipsa fluxerit in Gregorium, qui post eum annis ferme ducentis ea descriperit: non autem e contra ex Gregorio in Uranio consultam ullo modo aliquis dicere poterit, qui in Uranio connexionem verborum et sententiarum ipsius accurate considerabit, in quibus scissuram facile recognoscet. At de ipsa historia ab Uranio primum descripta hactenus. Porro ejus obitum describit his verbis¹: « Cum ante triduum quam de hoc mundo ad cælestis habitaculum vocaretur, dum jam de salute ejus omnes desperasset; et duo ad eum episcopi visitandi studio convenissent, id est, sanctus Symmachus, et Benedictus Hyacinthinus (Hidruininus), ita in eorum adventu recreatus atque refectus est, ut oblita omni carnali infirmitate, totum eis atque angelicum exhiberet affectum. Et quasi profecturus ad Dominum, jubet sibi ante lectulum suum sacra mysteria exhiberi, scilicet ut una cum sanctis episcopis oblato sacrificio, animam suam Domino commendaret: simul etiam eos quos pro disciplina Ecclesiastica a communione mysterii extorres esse præceperat, ad pacem pristinam revocaret. Et cum hæc omnia sanctus episcopus læto atque perfecto ordine celebrasset: subito clara voce interrogare cepit, ubi essent fratres sui. Tunc unus ex circumstantibus, qui putavit, quod fratres suos, id est, episcopos qui tunc aderant, quaereret; ait illi: Ecce hi sunt fratres tui. At ille: Sed ego nunc fratres meos, Januarium atque Martinum dico, qui modo mecum locuti sunt, et continuo ad me venturos se esse dixerunt: e quibus Januarius episcopus simul et martyr Neapolitanæ urbis illustrat Ecclesiam; Martinus autem vir per omnia Apostolicus (cujus Vita ab omnibus legitur) Galliarum episcopus fuit.

196. « Et his dictis, extensis ad cælum manibus, hunc psalmum Domino decantavit²: Levavi oculos meos in montem, unde venit auxilium mihi: auxilium meum a Domino qui fecit cælum et terram. Deinde, collecta oratione, commonitus est a sancto Posthumiano presbytero, quod pro vestimentis quæ pauperibus fuerant erogata, quadraginta solidi deberentur. Quod cum audisset sanctus Paulinus leviter subridens, ait: Securus esto, fili: crede mihi quia non deerit qui debitum pauperum solvat. Et ecce non longa interposita mora, ingreditur quidam pres-

byter de Lucania partibus veniens, missus a sancto episcopo Exuperantio, sive a viro clarissimo fratre ejus Ursatio, qui ei per ipsum munium muneris gratia quinquaginta solidos miserant: quos cum accepisset sanctus Paulinus, benedixit Dominum, dicens: Gratias ago tibi Domine, qui non derelinquis sperantes in te. De his autem quinquaginta solidis ipse presbytero, qui eos exhibuerat, manu sua duos (decem) dedit; reliquos veronegotiatoribus, qui vestimenta pauperibus dederant, reddi mandavit. Inter hæc autem, cum nox diei successisset, usque ad mediam noctem paululum quieti concessit, donec erudescente dolore, qui lateri ejus nimis inerat gravaretur, excitatus, multisque etiam ex superfluo archiatronum uestionibus fatigatus, usque ad quintam horam noctis lassum atque anhelum pectus duxit. Deinde adveniente luce, consuetudinem suam vir sanctus agnovit. Itaque, ut solebat, excitatis omnibus, matutinum ex more et ordine celebravit. Facta autem die, presbyteris et diaconibus atque omnibus clericis exemplo Dominico³ pacem hæreditariam prædicavit. Transactis autem his, tacitus usque ad vesperam perduravit. Deinde quasi ex somno excitatus, lucernarie devotionis tempus agnoscens, extensis manibus, læta licet voce⁴: Paravi lucernam Christo meo, decantavit Domino.

197. « Tunc deinde facto aliquandiu silentio, circa horam quartam noctis, omnibus qui aderant, sollicitè vigilantibus, subito tam ingenti cellula ejus terræmotu concussa est, ut hi qui lectulo ejus assistebant exterriti atque turbati, ad orationem se jacerent, nihil tamen scientibus his qui pro foribus consistebant: neque enim publicus ille, sed privatus in cellula fuerat terræmotus. Nam (tum) ille angelicis susceptus manibus, debitum Deo spiritum exhalavit. Vidimus, fili carissime, vidimus, et inter lacrymas atque singultus vidisse gaudemus, etc. » Subdit gemitus universe Ecclesie de ejus obitu, prædicat et ejus laudes, atque in fine ait: « Obiit S. Paulinus episcopus X kalend. Julii, Basso et Antiocho coss. » Hujus quidem Uranii scriptiõnis meminisse visus est Gregorius Turonensis, ubi ait⁵: « De transitu autem ejus est apud nos magna lectio: » novisse hanc partem Uranii lucubrationem sanctum Gregorium⁶ Romanum Pontificem, certum est, dum eadem de terræmotu facto in ejus transitu scribit. Hunc tandem beatum finem consecutus est ille, sui sæculi maximum decus et ornamentum dignum inventum, quem scriptis suis celebrarunt sanctissimi atque doctissimi viri Hieronymus in Oriente, Ambrosius in Italia, Augustinus in Africa, Prosper et Eucherius in Galliis hoc ipso sæculo, postea vero sanctus Gregorius papa atque alii.

198. Reliqui post se nobilissimi ingenii monumenta, licet attingere nunquam voluerit interpretationem divine Scripture, non quidem inopia doctrinæ, vel tenuitate ingenii, sed potius admi-

¹ Joan. XX. — ² Psal. CXXXI. — ³ Greg. Tur. de glor. confess. c. 167. — ⁴ Greg. Pap. dialog. l. III. c. 4.

⁵ Exstat apud Sur. tom. II. die XXII. Junii. — ⁶ Psal. CXXX.

randa animi submissione : nam S. Hieronymus scribens ad eum tunc tyrocinium auspicantem, hæc ait ¹ : « Magnum habens ingenium, et infinitam sermonis suppellectilem, etc. » Scripserat enim librum pro Theodosio imperatore, quo magnum ediderat specimen ingenii locupletissimi. Verum (ut diximus) cum se totum Christo addixit professione monastica, nuntium stylo remisit, nec quicquam amplius scripsit, ut ederet. Etenim quæ reperiuntur ejus Epistolæ, non ipsius studio, sed industria S. Amandi episcopi Burdigalensis servatæ sunt : fatetur quidem id ipse Paulinus in Epistola ad eum scripta, sed nondum cusa : ubi inter alia : « Legimus, inquit, in tergo Epistolæ, annotationem Epistolarum, quas meas esse indicatis : nam vere prope

omnium mearum Epistolarum ita immemor eram, ut meas esse non cognoscerem, nisi vestris litteris credidissem : unde majus accepi documentum charitalis vestræ, quia plus me vobis, quam mihi notum esse perspexi ». Hæc ipse ad Amandum : est Epistolæ illius exordium : « Omnia tempus habent, et tempus omni rei sub celo est » : habet eadem codex Vaticanus atque Nolanus. Sed si quæ carminibus cecinisse, pieque lusisse reperitur, eadem amicorum diligentia custodita putamus. Est celebris memoria ejus in Dei Ecclesia, a qua indelebili nota in tabulis Ecclesiasticis illibata servatur, et die natali ipsius anniversaria celebritate recolitur. At modo de Paulino satis, cujus rebus præclare gestis tertium, quartum, et quintum hunc Annalium totum decoravimus ; ex quibus, quantus iste vir fuerit, quisque intelligere valeat.

¹ Hier. ep. xiii.

Anno periodi Græco-Romanæ 5924. — Jesu Christi 431. — Cælestini papæ 10. — Theodosii Jun. 30. et 24. Valentiniani III. 7.

4. *Theodosii quinta quinquennalia.* — Coss. *Anicius Bassus et Fl. Antiochus* ; prior Occidentalis, erat enim e familia Anicia Romæ hoc tempore clarissima ; posterior Orientalis, ubi tam anno superiori quam currenti præfecturam prætorii gessit, ut liquet ex legibus Cod. Theod. Hic in Actis Concilii Ephesini pag. 706 editionis Labbeana vocatur *Flavius*. De *Antiocho* varia habent Baronius hic et Gothofredus in Prosopographia Cod. Theod. ; sed fres Antiochos, qui hoc tempore florere, in unum confundunt. Constat enim ex Novella Theodosii Jun. 33, *Albino* coss. anno sc. cdxliiv data, unum ex illis jam mortuum fuisse, cum ibi legatur *illustris memorie Antiochus*, isque in Novella ejusdem imp. prima *Theodosio Aug. xv* coss. anno sc. cdxlvv emissa nominetur *Antiochus ex præfecto et consule*. Et tamen Marcellinus ad Zenonis et Posthumiani consulatum anno cdxlviii gestum, mentionem facit *Antiochi* præfecti prætorio tunc viventis. Imo fuit tertius *Antiochus*, isque eunuchus, de quo verba faciunt Suidas in voce *Antiochus*, et in voce *Eunuchus*, Theophanes ad annum Theodosii Jun. xxxvi, et Zonaras in Vita Theodosii Jun. quem asserunt, Theodosii Jun. jussu factum esse clericum. Zonaras scribit, hunc esse *Antiochum*, qui Isidigerdis Persarum regis nomine imperium Romanum administravit, sed hunc tertium Antiochum nullus consultatum, aut præfecturam prætorii gessisse tradit.

Quinta quinquennalia Theodosii post mortem patris imperantis.

2. *Theodosium sententiam adversus Nestorium latam suspendisse, putavit Marca.* — A num. 7 ad 23. Marca lib. 4 de Concordia cap. 4, num. 4, ait : *Nestorius* cum damnatus esset, a Synodis duabus, Romana et Alexandrina, nisi respisceret intra decem dies, appellasse videtur ad imperatorem, ab eoque rescriptum obtinuisse, quo sententia utriusque Synodi, vel suspenderetur, donec a Synodo œcumenica, quam cogi *Nestorius* curabat, judicium institueretur, vel antiquaretur omnino, facta rei in integrum restitutione ». Opinatur, ut videtur, inquit Garnerius tom. II Oper. M. Mercatoris pag. 82, eruditissimus præsul, Nestorio prius significatam fuisse utriusque Synodi sententiam, quam vel quereret apud imperatorem, vel Concilium ipsius rogatu indiceret : nisi enim in ea mente sit, ex isto facto id non concluderet, propter quod maxime laborat : « Principes nempe aliquando », inquit Marca, « Synodo indicta ad controversias dirimendas, prioris sententiæ in judicio Ecclesiastico late executionem suspendisse ; nec id ipsos injuria fecisse, cum decretum suspensionis, nec iniquum patribus olim judicatum sit, nec rejectum, sed acceptum potius libenter, atque in acta relatum, tanquam judicii regula. Tum adducta Sacræ non minima parte », pergit Marca, « equidem non perspicio,

qua ratione Theodosius hanc suspensionem decernere potuerit, nisi petitioni *Nestorii*, qui se indicta causa damnatum querebatur, ejusque, si libet, appellationi locum demus, quæ ad Concilium indictum *Theodosium* provocavit, ita ut interim appellatione pendente, vel, si mavis, restitutione rei in integrum, nihil innovaretur. Cujus suspensionis tantum abest, ut querelam moverint Patres in Concilio Ephesino, quin potius rescriptum Aclis inseri juserint, et suspensionis omnino rationem habuerint ».

3. *Refellitur hæc opinio.* — Verum opinio, qua Marca ratiocinium suum inniti voluit, repugnat partim ipsam Sacra *Theodosii*, partim *Mercatoris*, quem non viderat, auctoritas, partim ipse *Nestorius*, ut ibidem Garnerius demonstrat. Sacra consignatur die XIX mensis Novembris, et *Mercator* docet, Synodi Romanæ et Alexandrinæ litteras *Nestorio* redditas die XXX mensis Novembris. *Nestorius* autem cum Summo Pontifici scriberet post indictionem Concilii, scripsit perinde ac si nihil de sententia Sedis Apostolicæ rescivisset. Quare *Nestorius* non appellavit ad imperatorem, postquam legitime novit sese a duabus Synodis damnatum, neque denuntiatam Sedis Apostolicæ sententiam Theodosius edicto suspendit. *Nestorius* quidem cogi Synodum postulavit a *Theodosio*, sed privatis tantum precibus, non vero ex præscripto juris, scilicet ab imperatore iudicium exercente. Sententia itaque Sedis Apostolicæ, cum denuntiata non fuerit, nisi post indictam Synodum, quod Marcam fugiebat, præventa potius videri debet, quam edicto suspensa, si proprie loqui oporteat.

4. *Synodus Romana adversus Nestorium.* — *Cælestinus* cum currenti anno accepisset Sacram imperatoris, fecit quod tum solebant Apostolicæ Sedis antistites, Romanæ evocavit episcopos Occidentales, hiique *illuc congregati*, ut aiunt Patres Ephesini Concilii in relatione ad imperatores, et reclam de fide sententiam magno consensu prædicarunt, eosque qui diversa sentirent, alienos esse penitus sacerdotio, et clero, et gradu definiarunt. Præterea legatis, quos ad Ephesinam Synodum destinarunt, mandata sive instructiones dederunt, ut discimus primo, inquit Baluzius in Nova Collect. Concil. pag. 382 ex Commonitorio, quod *Cælestinus* illis dedit, tum ex relatione Concilii Ephesini ad *Augustos*; ex qua etiam illud intelligimus, eos mandata sua ex scripto deposuisse apud Synodum. Ea nunc non extant; sed Baronius num. 8, ex Epistola *Cælestini* ad Synodum Ephesinam collegit, sic ab eo Romanaque Synodo missos esse legatos in Orientem, non ut redditis irritis, quæ anno superiori adversus *Nestorium* ab eodem Pontificæ decreta essent, causa ejusdem novo subjaceret examini; sed potius ut sententiæ in *Nestorium* late idem legati essent executores. Quod sane confidentius asseruisset Baronius, si Commonitorium *Cælestini* a Baluzio ex duobus Codicibus Mss. allero Colbertino, allero Vaticano erutum vidisset: illud Annalibus omnino inserendum.

« Commonitorium papæ Cælestini episcopis et presbyteris eunibus ad Orientem.

« Cum Deo nostro, sicut credimus et speramus, auctore, ad destinala vestra caritas venerit loca, ad fratrem et coepiscopum nostrum Cyrillum consilium vestrum omne convertite, et quidquid in ejus videritis arbitrio, facielis, et auctoritatem Sedis Apostolicæ custodiri debere mandamus. Siquidem et instructiones, quæ vobis traditæ sunt, hoc loquuntur, ut interesse conventui debeatis, ad disceptationem si fuerit ventum, vos de eorum sententiis judicare debeatis, non subire certamen. Quod si transactam Synodum, et rediisse omnes episcopos videritis, requirendum est qualiter fuerint res finitæ. Si pro antiqua fide Catholica res gestæ sunt et sanctum fratrem meum Cyrillum Constantinopolim didiceritis profectum, ire vobis illo necesse est, ut Epistolas nostras principi porrigatis. Quod si aliter actum est, et in dissensione res sunt, ex ipsis rebus conjicere poteritis quid cum consilio supradicti nostri fratris agere debeatis. Data VIII iduum Maiarum, Basso et Anliocho consulibus ».

5. *Legati Synodi Ephesinæ fuerunt tantum executores sententiæ in Nestorium late.* — Missi itaque ad Synodum Ephesinam legati, ut exequerentur quæ a Cælestino jam statuta fuerant quoad res Nestorii, et Decretis Concilii pondus Apostolicæ auctoritatis adderent. Unde *Cælestinus* in Epistola ad Synodum recitata a Baronio num. 9: « Direximus pro nostra sollicitudine sanctos fratres et consecratos nostros unanimes nobis et probatissimos viros Arcadium et Projectum episcopos, et Philippum presbyterum nostrum, qui iis quæ aguntur, intersint, et quæ a nobis antea statuta sunt exequantur ». Philippus postulans sibi exhiberi quæ ante adventum acta essent, causam reddit, « quo juxta beati papæ nostri, presentisque hujus sancti cœtus sententiam, Acta nos quoque confirmemus ». Arcadius: « Secuti formam Cælestini sanctissimi papæ Apostolicæ Sedis, qui nos dignatus est hujus negotii executores suos mittere, etc. » Projectus: « Ego quoque auctoritate legationis Apostolicæ Sedis una cum fratribus sententiæ executor existens, definio, etc. »

6. *Legati in Synodo Romana nominati.* — Synodus hæc Romana initio mensis Maii habita; cum iam Epistola Cælestini ad Synodum œcumenicam, quam altera ad Theodosium imp. ex hac Synodo scripta, date sint VIII Idus Maias, tertique ad Cyrillum III Nonas Maii. In ea defecti legati, qui in Ephesina Cælestini presentiam supplerent, *Arcadius* et *Projectus* episcopi, ac *Philippus* presbyter Romanus. Arcadii ac Projecti incerta est sedes ac patria. Nam quod Baronius num. 21 et seq. suspicatur, *Arcadium* in Gallis sedem habuisse, *Projectum* Forocornelii, inde evertitur, inquit Garnerius in dissert. n de Synodis habitis in causa Nestorii, unde stabiliiri posse videtur. Il enim Baronius, in litteris Cælestini ad Galliarum episcopos de sancto Augustino a calumniatoribus defendendo, nominari *Arcadium*,

inter eos, quibus litteræ inscribuntur. At inde manifeste concluditur, alium esse *Arcadium* ad quem scripsit *Cælestinus*; alium quem misit Ephesum: scripsit enim hoc anno ad *Arcadium*, Galliarum episcopum, quo tempore *Arcadius* legalis Ephesi versabatur, ita Garnerius. Cum tamen eæ Cælestini litteræ, quæ leguntur tom. II Concil. edit. Labbeana pag. 1611, initio anni sequentis datae, ut longe verosimilius, Baronii conjectura non prorsus vana. Afferit deinde Baronius Petri Chrysologi sermonem in ordinatione *Projecti* Forocorneliensis habitum, quo probet ejusdem nominis legatum forte Forocorneliensi Ecclesie præfuisse. Verum sermo ille, inquit Garnerius, a Chrysologo jam episcopo dictus est, quippe in ordinatione episcopi, quem ipse consecraret. *Chrysologus*, autem ordinatus est a *Siato*, qui anno sequenti Cælestino successit. Quare non potuit concionem habere in ordinatione illius, qui ante præsentem annum episcopus fuisset, ipsūque adeo tribus annis in cura pastoralis antecessisset.

7. *S. Cyrillus præfuit Synodo Ephesinae.* — Lannoio doctor Parisiensis negat, Cyrillum vices Cælestini in Concilio Ephesino tenuisse; sed, ut notat Baluzius loco citato pag. 488, cum in monumentis, quæ gesta sunt in Epheso sub præsentia eorum, qui de Roma venerunt episcoporum atque presbyterorum, de *Cyrillo dicitur*, « regente etiam locum sanctissimi et beatissimi archiepiscopi Romanorum Ecclesie Cælestini », nullus tergiversationi locus esse potest. Aderat igitur Cyrillus et tanquam episcopus Alexandriae, et tanquam vicarius Cælestini, sicut paulo post *Flavianus* episcopus Philippensis interest, et suo ac *Rufi* Thessalonicensis nomine. Cerle in Actis Concilii hoc filitio ubique exornatur, etiam post adventum legatorum Sedis Romanæ, ut patet ex Actione iv, ubi legati Romani statim post *Cyrillum* ante reliquos omnes episcopi nominantur. Imo et Synodo quoque Ephesinae ante trium legatorum adventum non solum ex prerogativa sedis suæ, sed etiam Cælestini præferatur, ut liquet ex Actione I Concil. Ephes. « Considerabilis in sanctissima Ecclesia quæ appellatur Maria religiosissimis et sanctissimis episcopis, Cyrillo Alexandriae, qui et Cælestini quoque sanctissimi sacratissimeque Romanæ Ecclesie archiepiscopi locum obtinebat, et *Juvenali* Hierosolymorum, etc. » Neque injuria; cum ei a Cælestino Sedis Apostolicæ auctoritas delegata esset ad executionem sententiæ contra *Nestorium* in Romana Synodo late; de quo negotio agebatur in Concilio Ephesino.

8. *Et nomine episcopi Romani primum locum obtinuit.* — Si quis autem scrupulose inquirat, an jure Alexandriae sedis, qui secundus locus in Ecclesia competeat secundum canones, et absente Romano Pontifice primus; an vero Vicario nomine Synodo præsideret, respondet *Marca* lib. 5 de Concordia cap. 4, nomine Pontificis primum obtinuisse locum. Coniuncti quidem erant duo illi dignitatis gradus in persona *Cyrilli*, sed confusi non erant; quia Synodus œcumenica Pontificis Romani præ-

sentiam et auctoritatem exigebat, quæ a *Cyrillo* supplebatur. His itaque se ipso prior erat et posterior, ratione habita utriusque sedis. Unde in inscriptione Epistolæ ad Synodum Ephesinam date ab episcopis Constantinopoli repertis, *Cælestinus* *Cyrillo* præfertur, id est, *Cyrillus* ipse agens Vicario nomine, antecedit Patriarcham Alexandrinum. Quare episcopi provinciarum Macedoniae, Helladæ, Thessaliæ, utriusque Epiri veteris et novæ, et insulæ Cretæ, scripto sententiæ suam promentes in Concilio Chalcedonensi, non dubitauerunt asserere primæ Synodi Ephesinæ presides fuisse *Cælestinum* Apostolicæ Sedis episcopum et *Cyrillum* Alexandrinæ. Imo Synodus ipsa Chalcedonensis idem discrete proficitur in definitione fidei.

9. *Legatorum consensus in Concilio.* — Cæterum observandum est, cum eodem *Marca* ibidem, tres istos legales, etsi *Cælestinum* et Occidentalem Synodum representarent, attamen se *Romanæ Ecclesie vel Apostolicæ Sedis* legatos inscripsisse, et iisdem nominibus a Synodo quoque designatos. Quod attinet ad ordinem quem inter se legati tenebant, qui perturbatus aliquando videtur in Actis Synodi, constitui debet, inquit *Marca*, ex litteris Cælestini ad Synodum et ad Theodosium, qui se fratres et coepiscopos suos *Arcadium* et *Projectum*, et compresbyterum suum *Philippum* misisse ait. Eundem ordinem secuta est Synodus Ephesina in sua interlocutione, quæ habetur Actione III et in Actione iv, ubi post *Cyrillum* vices gerentem Cælestini, *Arcadius* et *Projectus* episcopi et legati *Philippo presbytero* et legato præferuntur, et eos *Juvenalis* Hierosolymorum subsequitur. Atque sine dubio hic retentus fuit ordo in eorum consensu. In censendo autem sæpe primus loquitur *Philippus*; et in subscriptionibus *Cyrillum* et *Arcadium* sequitur *Juvenalis* Hierosolymitanus; qui *Projecto* et *Philippo* præfertur. Aliquando etiam *Cyrillum* et *Philippum* excipit *Juvenalis*, quem *Arcadius* et *Projectus* sequuntur. Quandoque vero *Juvenalis* tres legatos in subscriptione antecedit. Quæ perturbatio ab exscriptorum incuria profufluxit.

10. *Mandatum Concilii a librariis corruptum.* — Summa vero amanuensium oscitantia in eo mandato conspicitur, quod a Concilio episcopis ad Comitatum proficiscentibus inunctum; quod eo ordine conscriptum est, ut *Philippus* presbyter legatus dicatur Apostolicæ Sedis et *Arcadio* atque *Juvenali* (qui legati nomine non ornatur) præferatur. Unde *Perronius* Cardinalis in Responsione ad regem Magnæ Britannie lib. 1, cap. 35, colligebat, *Philippum* presbytero ideo *Arcadio* prælatum, quod a latere Pontificis missus esset, reliqui duo a Synodo Romana. Quod tamen, ut recte *Marca* observat, repugnat legatorum subscriptionibus, qui se ex æquo pro legatis Apostolicæ Sedis et Ecclesie Romanæ gerunt. Sane negari non potest, quod legati quoque a latere ex æquo dici debeant; rejecta distinctione, quæ viris eruditissimis tantopere placuit. Quod Leonis loco petito ex Epistola ad Julianum Coensem episcopum xxxi, alias xix, confirmatur; « Per fratres

nostros Julianum episcopum, et Renatum presbyterum, sed et filium meum diaconum Hilarum, quos ex latere meo vice mea misi, etc. »

H. *Locus Concilii.* — Synodi locus ab imperatore electus, ut ipsamet ad Caëlestinum scribit: « Secundum omnium nostrum Salvatoris Christi voluntatem, piissimumque ac Christi amatum imperatorum nostrorum sanctionem ex multis variisque provinciis episcopos supra ducentos in Ephesiorum Metropoli nos convenisse », quod et Theodosius in Epistola ad Orientales asserit. Tempus etiam ab eodem imperatore electum, ut testatur Synodus in Epistola ad Caëlestinum: « Cum pia Christi amatum imperatorum edicta per quæ fuimus evocati, tempus sanctæ Synodi consensu præscriberent diem esse Pentecostes, etc. » Hoc festum autem currenti anno in diem septimam mensis Junii incidit. Baronius an. cdxix, num. 62 et seq. existimavit, Concilium a *Caëlestino* indictum, litterasque imperiales aliud nihil fuisse, quam mandati Apostolici quasi executorias, atque adeo puras tractorias, qua et in sententia fuit Bellarminus lib. 1 de Conciliis. Sed ea refellitur ex Epistola anno superioris memorata, in qua prius decreta dicitur indictio, quam *Caëlestino* innoverit. Deinde ex tota serie Actorum, quibus Patres se jussu imperatoris convenisse sæpius testantur, nec mandati Apostolici meminere vel semel. Tum omnium sive Historicorum istius ætatis, sive aliorum quorumcumque Scriptorum testimonio: silent enim communiter de Sedis Apostolicæ jussu, de imperatorio aperte loquuntur. Denique confessione ipsiusmet Summi Pontificis, qui cum scriberet ad imperatorem, per suos tres legatos Ephesum missos, sui mandati mentionem non facit, licet vero imperiali jussione: « Pro sacerdotali, inquit, officio operam nostram, in quantum valemus, impendimus, et huic Synodo, quam esse jussistis, nostram presentiam, in his, quos misimus, exhibemus ». Quod quod *Theodosius* imp. quatuor in Sacris, sive quæ Metropolitans in Provincias missæ sunt, sive quæ ad Synodum directæ, suum mandatum memorat ubique passim, Apostolicum nusquam. Legendus Garnerius laudatus pag. 82.

12. *Tempus Concilii.* — Tempus Concilii ab imperatore electum fuisse, testatur Synodus in Epistola ad Caëlestinum: « Cum pia Christi amatum imperatorum edicta, per quæ fuimus evocati, tempus sanctæ Synodi consensu præscriberent diem esse Pentecostes, etc. »; ideoque diem vii mensis Junii, in quem hoc anno Pentecoste incidit. Illud tamen non nisi die vicesimo secundo ejusdem mensis inchoatum. Juvat hic explicare verba, quibus Concilii tempus in Actis exprimitur, non solum quia aliquos viros doctos irretitos tenere; sed etiam, quia, quæ passim de particulis aut phrasibus tempus designantibus diximus, iis magis confirmantur. *Cyillus* itaque in Epistola ad quosdam de clero Constantinopolitano, tom. III Concil. pag. 562, ait, terminum sanctæ Synodo a piissimis imp. positum

fuisse sacram Pentecostes diem, ideoque diem vii mensis Junii. Patres vero Concilii in Epistola ad imp. pag. 570, aiunt: « Vicesimo secundo die mensis Junii secundum Romanos congregati sumus ». Et tamen paulo antea scripserant: *Μετὰ δὲ διατῆς ἑβδόμενης, ἀπὸ τῆς ἡμέρας Πεντηκοστῆς ἀρθρομενέας συναρτάσμενοι τὴν ἡμέραν*, id est, juxta versionem ibidem relattam: « Exactis proinde sexdecim integris diebus post Pentecosten (sed vertendum, exactis proinde sexdecim totis diebus post Pentecosten), ad Synodicam audientiam convenimus », *Cyillus* autem loco laudato ait: « Adhuc sexdecim dies expectavimus », post Pentecosten nempe. Quod si a die Pentecostes, seu a die vii mensis Junii ad diem xxii ejusdem mensis numeres, dies tantum xv *totos* sive *elapsos* habebis. Verum hujusmodi loquendi formulis scriptores tam græci quam latini dies tantum sexdecim inchoatos sæpe expriment, quod et de amissis dicendum, ut passim in hoc Opere variis exemplis demonstravi. Sic Anastasius loquens v. g. de aliquo Pontifice Romano die prima mensis Maii demortuo quandoque asserit Sedem cessasse dies sexdecim, quamvis ejus successor die decima sexta ejusdem mensis consecratus fuerit, quia sc. diem inchoatum pro transacto habet. Cujus loquendi modi varia in hac Critica exempla occurrunt, sicuti et vocis græcæ τὸ ἕως pro *toto* sed non integro usurpate. Cujus significationis meminere etiam Henricus Slephanus in Thesaurò Ling. Græcæ.

13. *Nestoriana heresis in Hispania irrepere tentat.* — A num. 22 ad 36. *Capreolus* episcopus Carthaginensis, cum ad Synodum Ephesinam grassantibus in Africa Vandis venire non posset, *Basulam* diaconum Ecclesiæ suæ ad eandem delegavit. ut liquet ex ejus litteris ad sacram Synodum, quas Baronius recitat. Sed quod pertinet ad aliam *Capreoli* Epistolam ab eo inscriptam, *dilectissimis et religiosissimis filiis Vitali et Tenantio*, seu, ut habet exemplar, quo usus est Sirmundus tom. 1 Opusc. *Constantio*, et recitata a Baronio num. 27 et seqq. ea uno aut altero anno post currentem data. Ejus tantum fragmentum ad Baronii manus pervenit, sed Sirmundus ibidem integram refert, et præterea Epistolam, cujus occasione ea data fuit. Hujus titulus: *Epistola serorum Dei Vitalis et Constantii Sparorum ad S. Capreolum*, etc. qua uterque renuntiat *Capreolo* Nestorianam heresim velle zizanie suæ semina in Hispaniis spargere, atque: « Illud consulimus honorificentiam tuam, ut de bono thesauro cordis tui nostris visceribus irrigari jubeas, quæ fides Catholica recta teneat », quorum petitioni prolixis et doctissimis litteris satisfacit *Capreolus*; et quidem non longe post celebratam Synodum Ephesinam. Ait enim: « Jam enim, quod etiam ad vestram notitiam pervenisse non dubito, intra Orientis partes, ubi primum pestis ista surrexit, congregata gloriosa Synodo sacerdotum (nempe Ephesina), cui etiam legatio nostra non defuit, in vestibulo cum suo auctore atque assertore compressa, et radio Apostolicæ

lucis exstincta est. Nec mirari debet charitas vestra, si etiam post damnationem suam inferno orientes spiritus factus adhuc flatus adspiret ». Deo gratias Capreolo ante annum cxxxix, quo *Carthago* a Vandalis occupata, jam successerat, ut ex Annalibus liquet.

14. *Numerus Patrum Concilii*. — A num. 36 ad 49. Baronius num. 42 agit de numero episcoporum, qui Synodo Ephesina adfuerunt; quo in numero cum Veteres non consentiant, Baluzius in *Nolis ad Marium Mercatorem* recte asserit, illam opinionem videri veriolem, quæ ducentos aut circiter fuisse docet. Id enim legitur in *Collectione Cresconiana* a Baronio citata, in qua « nominantur et numerantur episcopi, qui Ephesinae Synodo interfuerunt, centum nonaginta », et idem numerus reperitur in græco Codice Bibliothecæ Regiæ num. 206. Adde quod Marius Mercator, qui in Prefatione in Tractatus Nestorii adversus Hæresim Pelagianam, dicit fuisse cclxxiv, et in epigraphæ sui Commemoratorii cclxxv, cum descripsisset nomina episcoporum, qui sententiam damnationis tulerunt adversus *Nestorium*, ea colligens in pag. 218 Editionis Baluzianæ, ait excm fuisse episcopos, qui interfuerunt Synodo contra *Nestorium*, qui tamen exc illic tantum reperiuntur. Quare *Mercatoris* exemplaria quoad numerum episcoporum Ephesini Concilii siæe dubio corrupta; hic enim a semetipso dissentire non solet. Garnerius tamen *Mercatoris* auctoritate inmixtus contendit, istius Synodi episcopos fuisse ducentos septuaginta quatuor aut quinque, et ut suam sententiam confirmet, utitur lectione veteris Codicis græci, relata a Labbeo tom. in Concil. pag. 573: « Sumus hic congregati episcopi ultra ducentos, fere plus minus trecenti ». Verum illam lectionem falsam esse, et adversari etiam Codicibus græcis, quibus usi sunt *Comelinus* et editores Romani, ostendit Baluzius loco citato; cum vero repugnare omni retro antiquitati, ipsemet Garnerius faletur. Quare standum est, ut recte Baronius num. 42 testimoniiis *Cyrelli* et episcoporum Synodi Ephesinae, a Garnerio insuper habitis ac dissimulatis, quæ manifeste docent, episcopos qui huic Synodo interfuerunt, non fuisse ultra ducentos octodecim.

15. *Anathematismi xii adversus totidem Cyrelli*. — Cum *Cyrelli* Epistola cum suis duodecim capitibus, non soli tradita fuisset *Nestorio*, a quo premi potuisset, sed communiter omnibus, velut perfecta quaedam fidei regula; cumque *Nestorius* videret iis quasi totidem telis suam doctrinam peti: duodecim et ipse anathematismos condidit, singulos singulis *Cyrellianis* respondentes; quos cum sine responsione ab omnibus legi videret *Marius Mercator*, qui ea tempestate versabatur Constantinopoli, scripsit Opus eximium a Garnerio primum publicatum pag. 116 suæ editionis, et pag. 142 editionis Baluzianæ. Inscriptum illud Opus: « Liber contradictionum adversus Nestorii blasphemiarum capitula duodecim, quibus literis ad se missis a sancto Cælestino Romane Urbis episcopo, et sancto Cyrillo

Alexandrino contradicit, et disputationibus brevissimis respondendo duodecim capitula fidei, quæ ad se missa fuerant, refellit ». Recitantur anathematismi Nestorii in part. i Concil. Ephes. cap. 29. Cum vero in Appendice refellat Mercator duos posteriores *Nestorii* sermones nempe xii et xiii, nullaque sit in eo opusculo mentio, neque de condemnatione Nestorii, neque de approbatione Capitulorum *Cyrelli* a Concilio Ephesino, sed tantum de eorundem approbatione ab Ecclesia Romana, non dubium, quin hujus anni initio in lucem prodierit; cum sermo xiii, die vii mensis Decemb. anni superioris a *Nestorio* habitus sit. *Cyrellus* per hyemem tria opera elucubravit, quibus partim anathematismos suos, partim orationem *Procli* Cyziceni episcopi fuerat. Uno enim oppositiones *Adreæ* Samosatæni, nomine Orientalium factas: altero *Theodoretii* objecta solvit: tertio contradicit libro cuidam *Nestorii* adversus *Proclum*. Habentur hæc Opera part. iii Concil. Ephes. cap. 1. ipso initio.

16. *Acta Concilii perturbata*. — Garnerius in *Praefat.* ad tom. ii Oper. *Mercatoris* dicit, nihil implicatus esse ordine temporis, quo contingere plurima, quæ secunda parte Concilii Ephesini continentur; nihil perturbatus dispositione scriptorum, quia Collector omnia ita permiscuit, ut in torquendis curiosorum ingenii, oblectationem sibi voluisse facere, videri queat. Ad hæc Baluzius in *Praefat.* ad *Acta* Concilii quinti observat, varia, quæ extant exemplaria græca et latina hujus Synodi, sic esse composita, ut quædam in quibusdam codicibus habeantur quæ in aliis desiderantur: contra vero in aliis desiderari quæ alii exhibent, quod num. 1 pluribus demonstrat. Baronius, qui editione Romana usus est, Sessiones novem hujus Concilii numerat: hic tamen sequentur editionem Labbeianam, quæ in omnium manibus versatur, ut hæc nostræ Note cum majori fructu legantur. Baluzius typis dedit antiquam versionem Concilii Ephesini, quæ ab Antonio Contio anno mxxliii Parisiis apud Nivellum edita fuerat, sed, ut jam dixi, cum multis mendis et lacunis. Cum enim in Concilio Vladata sit, ac nota Liberato Carthaginensi archidiacono, ac Gregorio magno lib. 6, Epist. xxxi, multum intererat, ut ope vetustissimorum exemplarium emendata in corpus Conciliorum insereretur, quo editionibus posterioribus lux aliqua subinde afflueret.

17. *Cyrellus et Nestorius Ephesum accedunt*. — Festis Paschalibus peractis, incidit autem hoc anno Pascha in diem xix Aprilis, continuo *Nestorius* Constantinopoli, *Cyrellus* Alexandria Ephesum profectus est. Ille magno comitatu in hanc Urbem veniens adduxit secum decem episcopos de suis, quorum nomina subscripta sunt relationi ab eo factæ, de rebus Synodi, ad imperatorem. Longe plures *Cyrellus* adduxit episcopos, ut liquet ex Actionum subscriptionibus. Cum *Nestorio* venire comites duo *Candidianus* et *Ireneus*; ille cum mandatis ad imperatorem, ut ordinem in Synodo servandum curaret; iste tanquam privatus Nestorii

amicus, quanquam et ipse *Candidianus* Nestorio impense favit. Pervenit Ephesum *Cyrillus* quatuor aut quinque diebus ante Pentecosten, cujus Dominicus dies hęc anno in septimum Junii incidit. Quinto abhinc die adfuit *Juvenalis* Hierosolymitanus cum Palestinis. *Joannes Antiochenus* de industria per viam trahens moras cum Orientalibus, scripsit Cyrillo per episcopos duos, cum abesset tantum itinere quinque aut sex dierum. Rescriptum sibi a Cyrillo die xx Junii testatus est, in alia Epistola ad Cyrillum part. I Concil. Ephes. cap. 36 recitata. Synodus statim divisa est in duas Communiones, minor *Nestorio*, major et sanior pars *Cyrillo* adhaesit, praesertim *Memnon* Ephesinus. Nestoriani sacro Pentecostes die tentantur occupare Basilicam sancti Joannis Evangelistae, ut ibi Officia divina celebrarent, sed intercessit *Memnon* tanquam loci Ordinarius, ut ipsi queruntur in relatione ad Senatium Constantinopolitanum, qui addunt nequidem sibi permissum fuisse illic orare. Orthodoxi in magna et primaria Ecclesia Deiparae dedicata sanctae Pentecostes festum celebrarunt.

18. *Inchoatur Synodus ante Joannis Antiocheni adventum.* — Decimo sexto post Pentecosten die Ephesum advenere Alexander Apameensis secundae Syriae, et Alexander Hieropolitans, Provinciae Euphratesiae Metropolitae, Synodo de nimia Joannis eorum Patriarchae mora querenti dicentes: « Mandavit nobis, ut pietati vestrae indicemus, ne Synodum prorogetis, si ipsum amplius tardare contigerit, sed potius, quod opus est factum, id fiat », ut legitur in part. II Concil. Ephes. Act. v. In Relatione ad Celestinum PP. additur: « Cum hæc illi renuntiassent, certoque constaret tam ex mora, quam ex iis quae nuntiata fuerant ipsius nomine, eum detrectare concessimus, vel quod amicitiae, quae ipsi cum Nestorio intercedebat, indulgeret; vel quod is Ecclesiae suae fuerit clericus; vel etiam quod quorundam pro illo deprecationibus morem gereret, sancta Synodus in Magna Ephesi Ecclesia, quae appellatur Maria, sessionem celebravit ». Evagrius lib. 1, cap. 3, Joannem excusare nititur, sed Synodus ad imperatorem Theodosium hæc retulit: « Exactis sexdecim integris diebus post Pentecosten, ad Synodicam audientiam convenimus. Cum vero Joannes quoque, sanctissimus Antiochenae Ecclesiae episcopus, per Alexandrum Apameae, et Alexandrum Hieropolis religiosissimos episcopos, quos praemisera, nobis significavit, ut rem propositam aggredieremur nondum comparens longiori tarditate molestiam sanctae Synodo atulit. Itaque vicesimo secundo mensis Junii congregati sumus ».

19. *Plures episcopi contestato denuntiant expectandum esse Joannem.* — Contra justissimum sancti *Cyrilli* agendi modum plures episcopi protestati sunt, postulantes, usque ad *Joannis* adventum differri Synodum, et ipsemet Joannes cum suis in variis ad imperatorem relationibus dixerunt, eam ob rem omnia *Cyrilli* acta et in primis *Nestorii* damnationem, non fuisse Synodalia, ideoque irrita

et nulla. In Synodico adversus *Tragœdiam* Irenaei cap. 7, refertur, « Contestatio directa B. Cyrillo, et his qui cum eo convenerant, ab aliis diversarum provinciarum episcopis qui Joannem Antiochenum suscipere volebant, et tunc eo praesente Synodum fieri, eo quod sicut scripserat beato Cyrillo, vix ei iter triduanum supererat. Directa vero est pridie quam depositio ejus est facta ». Est hoc egregium antiquitatis monumentum, quod hactenus latuerat, cui praeter *Nestorium* sexaginta octo episcopi subscribere, ac tria postularunt. Primo observari Nicenam Synodum, quam per *Cyrilli* Capitula everti saepe dixerat *Nestorius*. Secundo, ne ante adventum *Joannis Antiocheni* *Nestorii* causa inchoaretur. Tertio, ne quis olim aut nuper a suo episcopo depositus in communionem aut gradum restitueretur, propter scilicet clericos, quos suis blasphemis obistentes *Nestorius* regia civitate ejecerat. Legendus Luptus in Notis ad illud caput.

20. *Prima Actio Concilii.* — A num. 49 ad 66. Diebus sexdecim post diem conductum ab imperatore Actio prima die xxii mensis Junii, quae fuit feria secunda, inchoata est. *Cyrillus* enim in litteris, quas Epheso post ipsam subscripsit, ad suae Ecclesiae clerum et populum ait: « Scilicet S. Synodum in Magna civilitatis Ephesi Ecclesia, quae appellatur Deipara Maria, vicesima octava mensis Junii, fuisse factam. Cum autem totus dies ibidem fuisset insumptus, tandem *Nestorium* depositionis sententiae subjecimus ». Diem xxviii Pauni mensis Aegyptiaci incidere in diem xxii Junii certum. Praeterea judicialis actus diebus Dominicis, praesertim in Conciliis aliis fieri solitos non fuisse observat *Garnerius* in dissert. II de Synodis in causa *Nestorii* habitis pag. 351. Quare non bene *Baronius* num. 52 et seqq. ait, pridie ejus diei, qua Synodus haberi coepit est, judiciali ordine rem inceptam; quod missi sint a Patribus quatuor episcopi invitare seu potius citare *Nestorium* ad diei sequentis futurum in publico omnium consensu iudicium. Prima enim illa quatuor episcoporum missio ad *Nestorium*, amica potius fuit invitatio ad Synaxim, quam judicialia citatio ad Synodum. Verum quidem est, Ephesinae Synodi Codices tam graecos quam latinos habere X kal. Julias, seu die xxii Junii, et in Actione I Concilii Chalcedonensis ubi ista descripta sunt, legi, sub die XI Kalendarum Augustarum, seu die xxii mensis Julii, sed utroque mendose. Sententia in *Nestorium* lata postridie, nempe die xxiii Junii, quae fuit feria III, significata est.

21. *Candidianus comes contra eum contestatur.* — A num. 66 ad 78. Eo ipso die *Candidianus* comes retulit ad imperatorem de gestis in Concilio; retulit et *Nestorius*, sed ita mendaciter, ut animum *Theodosii* jam in *Nestorium* pronum et a *Cyrillo* aversum in totam Synodum commoverint. In Synodico adversus *Tragœdiam* Irenaei cap. 9 et duobus sequentibus referuntur tria *Candidiani* Edicta, quae hactenus latuerant. In fine prioris legitur: « Pro-

positum est decimo kalendas Julii in Ephesina civitate », seu die xxii mensis Junii. Ex eo liquet, Candidianum omnes et singulos primates episcopos rogasse, ut expectarent *Joannem Antiochenum*, et cum nihil ab eis obtineret, Synodalem consessum introiisse, ac obtestatum esse, ac denique cum coactum fuisse jubere, ut Sacra legeretur, sine ejus præfatione Synodus inchoari non poterat. Id ipsum Candidianus exposuit in sua Relatione coram Joanne Antiocheno, postquam advenit: « Cyrillus et Memnon, ut Sacram prælegerem, efflagitavit. Cum vero id recusarem propter sanctitatis vestrae absentiam, quodque alii præterea episcopi ac metropolitani necdum advenissent, coegerunt me illi, seignurare asserentes quid a Dominis nostris esset præscriptum. Coactus ergo, me turke ejuspiam aut seditionis occasionem præberem, ipsis congregatis Sacram legi. Veruntamen etiam discussurus, et præsens ipsos contestatus sum, ne prorsus aliquid agerent ». Capite 11 ejusdem Synodici recitatur Edictum Candidiani, dum affixam Nestorii damnationem refixit, et capite 10 refertur Epistola seu Edictum, quo Candidianus significavit *Dominis imperatoribus relatam esse de omnibus*.

22. *Conciliabulum Joannis Antiocheni*. — Interim scripsit Cyrillus *Dalmatio* archimandrita, susque Constantinopoli positus, ut intelligeret, quid facto opus foret in hac rerum conversione ac perturbatione, moliente scilicet *Candidiano*, ne verum imperatori pateret, ut videre est part. II Concil. Ephes. post Act. 1. Habebatur *Dalmatio* omnium monachorum sanctissimus, ut qui tolos quadraginta octo annos monasterio pedem non extulisset, vitamque ageret Angelicae parent. Quibus vero suis scripserit Cyrillus, docet litterarum inscriptio, « Macario et Potamioni episcopis, Timotheo et Eulogio presbyteris », ex eaque Garberius Baronium arguit opinantem Macarium et Potamionem non fuisse episcopos, quod etiam anno superiori refellimus. Interim *Joannes Antiochenus* quinto die a lata in Nestorium sententia advenit, die Sabbati, ideoque die vicesima septima Junii; eademque die suum Conciliabulum egit, et, ut habet Relatio quinta Actionis ad Celestinum papam, « Joannes simul atque Ephesum ingressus est, antequam pulverem ex itinere contractum excussisset, antequam se veste exisset, rem ausus est impiam. Etenim privatum scriptum quoddam confecit, depositionisque nomen et contumeliam impedit sanctissimo Cyrillo, et pietissimo Memmoni. Excommunicationis nomine etiam universa Synodo contumeliam fecit. Insuper hæc scripto etiam publico mandata deposuit legenda quibuslibet; theatri parietibus affigens, ut suae impietatis spectaculum exhiberet ».

23. *Joannes Antiochenus tentat impedire, ne Cyrillus et ejus episcopi Missam celebrent*. — Tum, ut legere est in cap. 12. Synodici tragœdiae adversus Irenæum, Joannes Antiochenus presente sua Synodo ac Candidiano comite dixit, Cyrillum aliosque episcopos, in quos sententiam tulerat, velle « Missarum

celebrare collectam », seque rogare magnificentiam ejus, ut ad eos transiret, et contestaretur, « ne calcarent Ecclesiasticas sanctiones, et qua decreta, neque collectam celebrarent viri, quorum juste quidem quidam depositi, alii vero communione privati sunt propter hæreticam vesaniam, et inexplicabiles tumultus illicites, piarumque sanctionum contemptum ». Candidianus hæc postea refutit ad Synodum: « Ego in ipso Sabbato ad vesperam rogavi, et sequenti die valde diluculo vadens ad reverendissimum episcopum Cyrillum, id est, Dominico die (ideoque xxvii mensis Junii) non cessavi rogare atque precari, ut mee postulationi concederet. Illi vero non acquiescentes exierunt, collectamque fecerunt. Contra quos contendere ultra non valui ». Liqet autem ex Actis Synodalibus Joannem audita Candidiani relatione conclusisse Cyrillum cum suis denno prævaricatum esse, deliquisse in quartum Canonem Antiochenum, et Joannem minatum esse sese ad principes relaturum.

24. *Theodosius rescindit gesta in prima Actione*. — Interim *Candidiani* relatione Constantinopoli lecta, *Theodosius* rescriptis continuo per *Palladium* magistriarium, jussitque omnia rescindi, tanquam vitio gesta, et communi sententia examinari degmata, ut tanto facilis omnes consentirent; nec ulli fieri polestatem exemudi Epheso, sive in patriam, sive ad comitatum, priusquam omnia rite absoluta essent, quo foret necessitas rei maturandæ. Rescriptum imperatoris quod part. II Concil. Ephes. Act. II legitur datum Constantinopoli III kal. Julias, venit Ephesum septimo aut octavo abhinc die. Lectum est utrique parti, et propterante *Palladio*, cum a Synodo, tum a schismaticis responsum est. Quod a sacra Synodo datum responsum, in vulgatis codicibus consignatur kal. Julias, sed manifesto errore; quia fieri non potuit, ut litteræ Theodosii datæ Constantinopoli III kal. Julias, Ephesum tantopere distantem duorum dierum spatio advenirent. Synodus quæstæ est, *Candidiani* artibus factum hæcenus, ut veritas lateret imperatori, petiitque ab eo accersiri, et una quinque episcopos, qui coram exponeret, quid rerum ab utraque parte, et qua ratione gestum esset.

25. *Canon Pelagianus*. — A num. 78 ad 80. Inter Acta Synodi Ephesinæ legitur canon totus *Pelagii* hæresim docens, ut hic observat Baronius, quem sequuntur Jansenius, Vossius, Usserius, aliique passim, qui aiunt canonem illum editum fuisse a Joanne Antiocheno in suo Conventiculo, ut faveret episcopis Pelagianis, qui sese ejus factioni adjunxerant. Canon apud sanctum Gregorium lib. 6, Epist. xxxi ad Eulogium, talis est: « De Adæ anima, quia in peccato mortua non fuerit; eo quod diabolus in cor hominis non ingrediatur, et si quis hoc dixisset, anathema esset ». Pelagianos episcopos una cum Joanne Antiocheno, et Schismaticis Orientalibus Conciliabulo adfuisse probant illi scriptores ex Epistola Cyrilli, et ex litteris sanctæ Synodi, in quibus hæc leguntur: « Simul autem cum illis

(nempe Schismaticis) etiam Pelagiani et Cælestiani, et ex illis quidam qui ex Thessalia sunt ejecti ». Quare Joannes Antiochenus, et reliqui Schismatici, quod egregiam sibi operam Pelagiani episcopi navassent, canonem Pelagianæ doctrinæ conformem edidere. Ha vulgaris sententia.

26. *Conciliabulo Joannis Antiocheni perperam attributus.* — Verum Emin. cardinalis Norisius lib. 2 Hist. Pelag. cap. 9. eam falsam esse certis argumentis ostendit, quorum hæc summa. Dici non potest Joannem Antiochenum admisisse ad suffragia ferenda in suo Conciliabulo eos *Pelagianos*, qui *Nestorium* secuti fuerant, nempe *Julianum, Florum*, aliosque, ut illi scriptores volunt. Nam initio quadraginta et amplius episcopi *Joannis* Conciliabulum subscribere, quorum nomina in Actis recensentur, sed nullus Pelagianorum nominatur. Rursus cum a sancta Synodo in relatione ad Theodosium per *Palladium* magistrarium missa, triginta quinque episcopi schismatici nominatim recensentur, nullus inter eos Pelagianorum cernitur, quod ipsum in litteris Synodalibus, in quibus damnantur Orientales, videre est. Hoc ipsum colligitur ex litteris Concilii ad Cælestinum, in quibus Patres de Joanne Antiocheno scribunt : « Sibi ipsi velut collegium circiter triginta hominum nomen episcoporum habentium collegit, quorum alii extorres vagantur, nec Ecclesias habent, alii sepe numero gravibus de causis a Metropolitanis suis depositi sunt ; sunt autem cum illis etiam Pelagiani, et Cælestiani, et ex illis quidam, qui ex Thessalia sunt ejecti, etc. » Ex quibus Pelagianos non inter illos triginta, sed potius illorum triginta comites, vel ad stipulatores esse deducit card. Norisius ; alias cur una cum illis triginta episcopi Conciliabuli Acta non subscribere ?

27. *Episcopi laus Conciliabuli immunes a labe Pelagiana.* — Sed neque dici potest, episcopos Orientales, qui pro Antiocheno contra *Cyrillum* conspirarunt, Pelagianæ hæresi infectos fuisse. Nam cum absoluta Synodo Antiochenus obstinato contra illam animo discessisset, iterumque cum iisdem episcopis Antiochiæ *Cyrillum* sacris interdixisset, acceptis minacibus litteris Theodosii ab *Aristolao* tribuno delatis, quibus illi, et *Cyrillo*, si quamprimum non convenirent, exilium indicabatur, fidei suæ symbolum tenuit, quod cæteri episcopi Antiochiam vocati subscribere, ac per *Paulum* episcopum Emesenum ad *Cyrillum* perferendam curavit ; in quo sane symbolo, quod in Actis Concilii Ephesini legitur, et recitatur a Liberato cap. 8. nominis de Christo verba facit : altumque de controversiis Pelagianis silentium. Sanctus *Cyrillus* eo Symbolo lecto, Catholico Joannem cum cæteris suis Orientalibus pronuntiavit, datis hæc de re ad amicos litteris. Valeriano Iconii episcopo hæc scripsit : « Universi Orientales episcopi simul cum Domino meo religiosissimo Antiochenorum episcopo Joanne, per scriptam manifestamque conditionem, clarum constituere universis, quoniam pollutas quidem Nestorii novitates condemnant, anathematizantque

nobiscum » ; quod ipsum ex suggesto publice in Alexandrino templo testatus est. At si Joannes et Collegæ Pelagianæ dogmata propugnassent, mancum fidei symbolum edidissent, neque Catholici pronuntiari a *Cyrillo* debuissent, nisi etiam Cælestii errores scripto dammassent.

28. *Orientales Pelagianismum Orthodoxis abjiciebant.* — Sane Orientales irati *Cyrillo*, quod duodecim anathematismos exarasset, quos dein Synodus sequeretur, eisdem reluctabantur, quasi *Cyrillus* unus Conciliorum magister haberi vellet. Hinc late contra *Nestorium* sententiæ nomina addere recusabant, unde *Cælestio*, necdum Nestorio patronos semet prebere videbantur, ex quo ea nata suspicio est, Nestorianos eos esse, vel Cælestianos. Ecce verba Synodi in Epistola ad Provinciarum episcopos : « Cum primis Nestorii et Cælestii sententiæ sequi manifeste sunt ex eo deprehensi, quod Nestorium nobiscum condemnare noluerunt ». Utraque pars tum *Cyrilli*, tum Joannis Antiocheni communionem cum Cælestianis sibi invicem exprobrabat, quo adversarios in omnium detestationem et odium traheret. *Cyrillus* in Epistola ad Cælestinum loquens de Joanne Antiocheno ait : « Cum vix eurrus desiliisset Joannes, cubiculumque ingressus esset, adhuc pulverulentus sententiæ putidam et stultam cum iis tulit, quos consentientes habebat. Erant autem viri agrestes, et Cælestiani depositi, et qui Nestorii dementiae tuebantur ».

29. *Et vice versa Orthodoxi Orientalibus.* — Porro hanc eandem calumniam *Cyrillo* schismatici inurebant, ut ex eorum litteris ad *Rufinum* Thessalonicensem patet, quæ in Conciliabulo Ephesino leguntur. Hanc quidem ab Orientalibus de *Cyrillo* calumniam falso diffamata adeo certum est, ut a nullo in dubium vocari possit ; etenim *Cyrillus* cum Catholicis *Pelagianos* damnavit. Illa vero quæ *Cyrillus* de Orientalibus publicabat, quod Cælestianos in communionem admitteret, non per calumniam quidem scripta sunt, sed ex suspitione concepta, tum quod *Pelagiani* tanquam *Nestorii* excubitores advenerant, tum quod Orientales eidem Nestorio favere videbantur, etsi qui aderant Pelagianorum, eos ad colloquia admittentur ; ex quibus tamen non fit, Orientales posse a quoquam tanquam Pelagianæ hæresi infectos traduci ; cum nunquam Pelagianos ad ferenda secum suffragia admissent, ac *Cyrillum* infamaturi, eundem communicati cum Pelagianis consilii accusarint. Quæ aperte demonstrant, Orientales non modo Pelagianorum doctrinam, verum etiam personas damnassee ; et nominis ex suspitione collusionis cum *Cælestio* accusatos fuisse a Catholicis, quod ex supra recitatis Synodi verbis non obscure colligitur.

30. *Gregorius M. testatur Orientales non fuisse Pelagianos.* — Orientalibus a Pelagianæ hærescos nota vindicatis, quid de canone illo Pelagianum, quem *Gregorius M.* testimonio in schismaticorum Actis legi Baronius alicui scripserunt, dicendum sit, docte exponit Emin. card. Norisius, demonstrat-

que canonem illum ab iisdem Orientalibus nequam procurum fuisse, nec huius dicti alterum a *Gregorio* testem dat, qui lib. 6. epist. xxxi ad *Eulogium*, Orientales qui cum *Joanne* Antiocheno contra *Cyrium* steterunt, ab omni Pelagianismi suspicione absolvit. Etenim postquam *Gregorius* dixit, transmissas sibi fuisse definitiones veluti ab *Ephesina* Synodo assertas, quarum una erat: *Adorandum peccato non esse mortuum, quoniam diabolus in cor hominis non ingreditur*, hæc scribit: « Quia ergo persecutantes *Ephesinam* Synodum nihil in ea tale invenimus contineri; de *Ravennati* quoque *Ecclesia* vetustum valde codicem ejusdem Synodi ad nos deferri fecimus, et ad Synodum, quam habebamus, cum illa concordare invenimus, ut in nullo discreparet, et nihil aliud continet in definitione anathematis, et reprobationis, nisi quod duodecim *Capitula* beate memorie *Cyriilli* reprobant». En apertissime testatur *Gregorius* Orientales schismaticos nihil Pelagiano simile dogmati docuisse, sed tantum anathemata publicasse contra *xii* *Cyriilli* *Capitula*, quæ etiamnum ex *Actis* Conciliabuli Schismaticorum patent.

31. *Canon Pelagianus Actis Synodi Ephesinæ insertus*. — *Gregorius* itaque in ea seu ad *Eulogium*, seu ad *Narsem* comitem *Epistola*, non scribit canonem illum Pelagianum *Ephesi* ab hæreticis, vel a Schismaticis insertum, ut illum vulgaris, quam impugnamus, sententia interpretatur; sed ait quemdam Pelagianum *Acta* Synodi suis annotationibus correxisse, et dictum Catholicum *Ephesinæ* Synodi expunxisse, addito canone Pelagiano. Ut enim intelligatur *Epistola* xxxi ad *Eulogium* libri vi, legenda prius est *Epistola* ad *Narsem* comitem cxiv, quæ est xiv quinti libri. In hæc scribit sanctus Pontifex: « Hunc ergo locum (nempe cum peccavit *Adam*, ejus est anima mortua) qui in eodem codice, qui mihi a fratre meo *Joanne* (sc. *Adjutore Constantinopolitano* episcopo) episcopo transmissus est, annotavit hæreticum, Pelagianus est, quia sententia ista evidenter Pelagii est». At in *Epistola* ad *Eulogium* scribit: « Præterea ante triennium cogente causa monachorum *Isaurie*, qui hæretici accusabantur, satisfaciens mihi quondam frater et sacerdos meus *Domini* *Joannes* litteras misit, quibus nitabatur ostendere eos *Ephesinæ* Synodi definitionibus contradixisse, et velut ex eadem Synodo certa nobis, quibus ipsi obisterent, *Capitula* destinavit. Inter alia autem scriptum illic continebatur, de *Adæ* anima, quia in peccato mortua non fuerit, eo quod diabolus in cor hominis non ingreditur, et si quis hoc dixisset, anathema esset». Ille vero codex transmissus a *Joanne* patriarcha Constantinopolitano non erat codex continens *Acta* Synodi *Ephesinæ*, ut contrariæ sententiæ auctores existimarunt, sed codex contra quemdam *Athanasium* presbyterum, ex *Epistola* xiv ad *Narsem*. Neque oppositum docet *Gregorius* lib. 7, *Epist.* xlvii ad *Anastasium* Antiochenum, dum scribit: « Sed quia ex annotatione hæretici Codicis, qui

ad me ex regia urbe transmissus est, agnovi hoc, quod quedam capitula Catholica cum hæreticis fuerant reprehensa », nempe signis et annotationibus a Pelagianis apposis, de quibus *Gregorius* in illa ad *Narsem* *Epistola*. *Garmerius* tom. ii *Oper. M. Mercatoris* pag. 62 et seqq. recte etiam canonem illum Schismaticis Orientalibus perperam attributum refellit.

32. *Actio* ii, iii et iv *Concili*. — A num. 80 ad 173. Interim die decima *Julii* *Philippus* presbyter, *Arcadius* et *Projectus* episcopi *Ephesum* appulere, eademque die habita *Actio secunda*; postridie *Actio* iii, iii qua lecta quæ ante gesta fuerant in depositione *Nestorii*, et dicta in eundem *Nestorium* a tribus legatis sigillatim sententia, et postea relatum a Synodo ad imperatorem de legatorum adventu, et postulata discedendi facultas, quasi omnia peracta essent, ut videre est part. i *Concil. Ephes. Act. ii. Actio* iv peracta est die xvi *Julii*, in qua oblati a *Cyriillo* et *Memnone* libellus, quo apud sanctam Synodum expostularunt de injuria sibi ab Orientalibus facta petieruntque vocari *Joannem*; qui cum non compararet, pronuntiatum a Patribus irrita esse quæ *Joannis* Synodus fecisset adversus *Cyrium* et *Memnonem*; decretumque ut hæc de re scriberetur imperiali, ac tertio citaretur *Joannes*, priusquam jure in ipsum ageretur.

33. *Actio* v *Concili*. — Die xvii *Julii* habita *Actio quinta*, et *Joannes* tertio vocatus, qui cum renuisset legatos episcopos per se audire, Synodus lata in eum ejusque episcopos excommunicationis sententia statuit iterum irrita esse, quæ adversus *Cyrium*, aliosque gesta essent. Facta insuper *Relatio* de sententia a Synodo adversus *Pelagianos* episcopos dicta, ut videre est part. ii *Concil. Ephes. Act. v.* Interim *Joannes* tentavit occupare litteris imperatoris animum, ab eoque petit, Synodum vocari, aut Constantinopolim aut certe *Nicomediam* unde citius nuntii perferrentur in urbem regiam. *Trenaeus* comes, quem *Joannes* ad imperatorem miserat, Constantinopolim venit, et procuravit damnationem *Cyriilli* in *Ecclesia* publicari. Verum adveniente *Joanne* medico et *Synecello* *Cyriilli*, aula in partes scissa est. Vicit sententia de mittendo e primoribus aliquo, qui tres esse depositos nomine *Theodosii* juberet, *Cyrium*, *Memnonem*, et *Nestorium*, omnesque in unam Synodum cogeret. Missus igitur *Joannes* comes sacrarum, cum litteris imperatoris ad omnes utriusque partis episcopos nominalim inscriptis, ut coitionis in unam Synodum initium daretur.

34. *Actio* vi et vii *Concili*. — Die xxii *Julii*, celebrata sexta *Actio*, in qua damnatum *Symbolum Theodori*. Die ultima *Julii* coacta septima *Actio*, interimque *Ephesum* *Joannes sacrarum comes* advenit, et episcopos ambarum partium condixit in sequentem diem ad suum diversorium. Adfuerunt *Joannes* Antiochenus et *Nestorius* cum suis; adfuit et *Cyriillus* cum aliis episcopis, ortaque est altercatio, aliis negantibus *Nestorium* interesse debere,

aliis contra contententibus, et *Cyryllum* rejicientibus. Comes *Nestorium* et *Cyryllum* in custodiam tradidit, monuitque imperatorem, episcoporum animos irreconciliabiles videri. Tentavit idem comes partium concordiam, sed frustra. In his rerum angustiis jubet imperator Nestorium recedere a Concilio, et ex utraque parte legatos ad urbem regiam venire; nec videntur morati, quominus sese in viam darent; cum Orientales suis ad socios litteris se Chalcedone fuisse die quarto Septembris testentur. Suos legatos elegit sacra Synodus, suosque Orientalis factio. Imperator legatos Schismaticorum in villa Rufiniana quinquies audivit, et quidem satis benevole in speciem, sed fassis legatis Synodi Catholicae sese comitari, ut episcopum Constantinopoli ordinarent, Orientalibus interim Chalcedone relictis. Illi tandem post acceptam abeundi potestatem miserunt suis Ephesum, deploratum esse *Nestorii* causam, et *Cyryllianis* tyrannide, adulatione et donis omnes decepsisse. Quidam suis legatis oecumenica Synodus acceperit, Acta non referunt, sed tantum *Cyryllum* die xxx Octobris Alexandriam appulisse, et a suis quasi triumphantis exercitus ductorem acceptum esse. Hæc summa rerum post septimam et ultimam Actionem gestarum, quibus explicandis, ut immoremur, hujus Operis brevitatis non patitur.

35. *Emendantur Annales Eccles.* — Garnerius loco laudato pag. 352, corrigendum monet quod scribit Baronius num. 128, Joannem scilicet comitem Ephesum ab imperatore missum ad res componendas fuisse « ipsi Theodosio, ut aiunt, ab eleemosinis, qui proprio titulo dicebatur comes sacrarum largitionum », inquit Baronius. Nam comes sacrarum largitionum non erat eleemosinarius, sed unus de secunda quadriga illustrissimorum, cujus officia prolixè describuntur in Notitia imperii. Corrigendum etiam monet, quod Baronius num. 154 asserit, Apologiam scilicet ad imperatorem a *Cyryllo* compositam Ephesi, cum in custodia detineretur. Verbis enim illa finitur, quæ non obscure indicant, *Cyryllum* Alexandriae scripsisse post reditum, cum pace jam frueretur, velut in luto a tempestatibus portu: « Nos velut ex ardenti camino ereptos placidissimis vestris nubilus servastis, ut una cum aliis, qui per universam vestram Ægyptum sparsi sunt sanctis episcopis et monachis confine pro imperio vestro et victoria ac stabilitate gratiarum actiones sanctissimo Christo offeramus ». Præterea monet Garnerius, perperam Baronium num. 473 confundere Andream monachum cum Andrea episcopo Samosateno, qua de re egimus anno superiori.

36. *Nec S. Ambrosius nec S. Martinianus capitulis Cyrylli contrarii sunt.* — Denique Baronius num. 470 legens hæc verba, quæ extant in Epistola quorundam episcoporum Orientalium Constantinopolim Chalcedone missa ad Rufum Thessalonicensem episcopum, qui Concilio Ephesino non interfuit, recitata pag. 736 editionis Concilii. « Martinus sanctissimus Deoque dilectissimus Mediolanensium

episcopus ad nos scripsit, librumque beati Ambrosii de Dominica Incarnatione ad piissimum imperatorem misit, qui hæreticis, illis capitulis (*Cyrylli* scilicet) contraria docet », Baronius, inquam, dicit, Nestorianos finxisse *Martinum* quemdam Mediolanensem episcopum esse Nestorianum, et revera nullum ejus nominis existisse his temporibus Mediolanensem episcopum. Verum in veteri Catalogo episcoporum Mediolanensium a Mabillonio primum tom. I Musei Italici part. 2, pag. 409, et postea a Papebrocio initio tomi vii SS. mensis Maii publicato, *Martinianus* numeratur inter episcopos Mediolanenses, eumque etiamnum Ecclesia Mediolanensis IV nonas Januarii colit, et Emodius epigrammate 81 laudibus exornavit. Præterea verum est, Ambrosium librum scripsisse de *Incarnationis Dominice mysterio*; sed falsum, sanctum Doctorem in eo aliquid in medium adducere, quod capitulis *Cyrylli* adversetur. Quare existimo, *Martinianum* (per errorem *Martinum* appellatum) scripsisse quidem ad veram Synodum Ephesinam, eo tempore quo Schismatici ab ea discesserant, sed ejus litteras, quo casu incertum, redditas esse episcopo Schismaticis, eosque inde occasionem sumpsisse in vulgus spargendi eas ad se directas fuisse, missumque ad imperatorem librum, quo capitula *Cyrylli* hæretica esse probaretur. Sic enim ipsomet *Cyryllum* capitula sua anathematizasse, per Orientem divulgavit, similique subinde confluxere. Inciderat Baronius in mendosum codicem laudate Epistole, cum dicat, eam ad Rufum presbyterum scriptam fuisse.

37. *Maximianus ordinatur episcopus Constantinopolitanus.* — A num. 473 ad 478. Post decretum a principe *Nestorii* exilium, post adventum legatorum utriusque partis, Orthodoxorum scilicet et Orientalium Constantinopolim, ac denique post auditos eosdem legatos Orthodoxos, *Maximianus* ordinatus est episcopus Constantinopolitanus. Baronius quidem non solum negat, *Nestorio* exilium ante annos quatuor sequentes irrogatum; sed etiam *Maximianum* creatum esse episcopum, anlequam legati schismaticorum recederent, quod existimet, Acta Ephesinæ Synodi editionis Peltani, in quibus utrumque legitur, hæc in parte mendosa esse. Verum Peltanus nihil hæc de re habet quod discrete non legatur in antiqua versione Concilii Ephesini, quam sequitur, quamque nuper Baluzius in nova collect. Concilii emendatiorem dedit; quod etiam non referatur in editione Labbei pag. 1057, et quod denique certis aliis monumentis probari non possit. Hæc verba antiquæ versionis cap. 70: « Euntibus Constantinopolim septem et septem episcopis (scilicet ex utraque parte, ut habet editio Labbei) satisfactum est per semetipsum præsentii imperatori, quia magnum et universale Concilium omnia regulariter et consequenter agens damnavit Nestorium, et approbavit quidem eos, vituperavit autem Orientales, et postea Nestorium exilio destinavit. Jussit autem his, qui de sancto et magno et univer-

sali Concilio erant (nimirum legatis a Synode Catholicorum missis Constantinopolim) ingredi in Ecclesiam, et ordinare episcopum sanctæ Ecclesiæ Constantinopolitanæ. Quod etiam factum est. Ingressi enim ordinaverunt Maximianum episcopum. Et post hoc jussit imperator omnes episcopos abire nunquamque ad propriam regionem. Et abierunt ».

38. *Post Nestorium in exilium propulsus.* — Nunc hæc duo capita sigillatim probanda. Et quidem *Nestorius* bis in exilium pulsus; primo currenti anno, iterumque anno cxxxvi. Hoc anno in suum monasterium sancti Euprepîi, ante portas Antiochiæ situm, amandatus est; anno vero cxxxvi in insulam *Oasim* deportatus. De priori exilio loquitur *Cælestinus* papa in Epistola ad Synodum Ephesinam data *idibus Martiarum* sequentis Christi anni, ibidem a Baronio num. 4 recitata, ubi num. 6 ait: « Scripsimus clementiæ principali, ut de sanitatis medio longius infirmitas auferatur. Didicimus namque hunc (scilicet Nestorium) Antiochiam revertisse, atque sibi illie, unde venerat, vivendi præstitam facultatem. Innocentium exitum est istud exilium, etc. Elaborate, fratres carissimi, elaborate, obsecro, ut vere tollatur de medio vestrum, qui hoc opus fecit: sola decet tales homines solitudo ». Quia Nestorius ejusdem monasterii ante episcopatum monachus fuerat, eum illuc liberum dimissum fuisse existimavit Baronius; cum tamen, ut Cicero in Parad. 38 recte scribit, « quos leges exilio affici volunt, exules sunt, etiamsi solum non mutarunt ». Lupus in nobis ad caput 24 Synodici adversus Tragediam Irenæi, duo quidem Nestorii exilia distinxit, sed perperam scripsit hoc anno primum decretum esse, et Theodosium, qui eum *Petrus* Arabiæ relegarat, Nestorii amicorum precibus locum exilii mutasse in ejus monasterium. Verum anno tantum cxxxvi *Petrus* Nestorium, relegari jussit imperator, sed locus exilii mutatus, ut eo anno videbimus. Legati quidem Orientalium in Epistola ad suos, dum adhuc Ephesi essent, scripta, aiunt: « Postquam Chalcedonem pervenimus (sub nempe mensis Augusti finem, cum inde undecimo Gorpiciæ mensis die, seu die undecimo mensis Septembris Epistolam ad suos scripserit cap. 26 laudati Synodici recitatum) nam Constantinopolim neque nos, neque adversarii nostri intrare permisi sumus propter seditiones bonorum monachorum, lama accepimus, quod ante octo dies, priusquam compararemus, en gloriam piensissimi regis, Dominus Nestorius ab urbe Epheso dimissus sit, ut eat quo liberet. Unde valde doluimus: quandoquidem vere ea, que illicitæ et absque judicio facta sunt, jam robur habere videntur »; sed vel legati Schismatici exilium Nestorii dissimularunt, vel de recessu Nestorii male edocti fuerant, ut laudata numero superiori Synodi Ephesinæ verba nos dubitare non sinunt. Sic Nestorius ipse apud Evagrium lib. 4, cap. 7, narrat, « se in monasterio Euprepîi quadriennii spatio commoratum esse, variis affectum

honoribus, variisque præmiis donatum, postea autem relegatum ad Oasim edicto Theodosii ». Ubi etiam primum suum exilium dissimulat.

39. *Locus exilii fuit monasterium S. Euprepîi.* — In laudato Synodico cap. 24, extat *Epistola præfectorum ad Nestorium, ut cum honore ad suum monasterium remicaret*, ex qua intelligimus, *Nestorium* postquam accepit imperatorem nullum precibus amicorum suorum reliquisse locum, rogasse præfectum prætorio, qui hoc anno erat *Antiochus*, sicuti diximus, quando de ejus consulatu locuti sumus, ut cum publicæ evectiois honore in suum monasterium reduceretur, quam et ab eodem obtinuit. De ira imperatoris erga Nestorium loquitur *Theodoretus*, summus Nestorii amicus, in Epistola ad Alexandrum Hierapolitanum suum metropolitam, quam ad eundem dedit ex urbe Chalcedonensi. Recitat ea in eodem Synodico cap. 30, atque *Theodoretus* de Nestorio loquens: « De illo vero amico hoc cognoscat sanctitas vestra, quia quoties ejus fecimus mentionem, sive coram piissimo principe, sive coram consistorio principis, fecisse adjudicati sumus injuriam. Tanta enim eorum, qui intus sunt adversitas contra eum. Et quod est omnium pessimum, quia et ipse piissimus imperator nomen ejus plusquam cæteri aversatur, nobis manifeste dicens: Quia de hoc nullus mihi manifeste aliquid dicat. Typum namque jam semel ea, que ad illum pertinent, susceperunt », ubi *typi* nomine significatur edictum principis de fide, ut recte explicat *Du-Cangius* in suo Glossario, in voce *Typus*, eaque Epistola post tertiam aut quartam audientiam legatorum Schismaticorum a *Theodoreto* scripta. *Antiochus* vero, qui *præfectorum* nomine designatur (quia licet unus tantum præfectus decerneret, omnium tamen nomina in titulo Edicti de more exprimebantur), nominis post multorum querelas eam ad *Nestorium* Epistolam dedit, licet ei amicus esset. Ait enim: « Ea que per Synodi visa sunt geri judicium tempore longo distulimus, licet nos multi valde culparent, et existerent importuni. Quoniam vero litteræ nobis tue sanctitatis redditæ sunt, manifestantes fastidiosum tibi esse, quod in Epheso remoraris, eos qui per omne iter debeant ministrare direximus ».

40. *Nestorii superbia.* — *Nestorius* evectioem sibi transmitti non petierat, nisi quia suum exilium decretum fuisse acceperat. Capite 25 ejusdem Synodici refertur Epistola, cui titulus: *Epistola Nestorii rescripta ad eundem præfectum prætoriorum Antiochenum, ad Epistolam supra scriptam*, sed loco, *Antiochenum*, legendum, *Antiochum*, a quo ea Epistola data. Quanta fuerit *Nestorii* superbia, et quantum abhorruerit a capitulis Cyrilli, a quibus etiam alienum animum *Theodosius* habebat, ex ejus responso manifestum sit: « Suscepimus », inquit Nestorius, « tuæ magnitudinis litteras, in quibus cognovimus a piissimo et omni laude dignissimo imperatore præceptum, ut nos in monasterio degeremus. Et decreti donum sumus amplexi. Nihil

enim nobis amplius honorabile est, quam pro pietate remotio. Illud autem mentis vestrae magnitudinem quæso, ut pro religione frequenter ad memoriam piissimi principis reducatis, ut verbositate Cyrilli, quas adjudicavit pietas ejus, per publicas imperiales litteras notet ubique, ut per universas orthodoxas legantur Ecclesias». Theodosius tamen postmodum meliora doctus in eadem adversus Cyrillum, et ejus Capitula sententia non perseveravit.

41. *Ordinatio Maximiani.* — Interim cum novus episcopus in *Nestorii* locum subrogandus esset, quadrimestri spatio post hujus abdicationem elapso, die xxv Octobris, qui Dominicus erat, *Maximianus* episcopus consecratus est, ut scribit Socrates lib. 7, cap. 35, ubi ait: « Elapso quatuor mensium spatio a depositione Nestorii, Maximianus eligitur episcopus », quod cap. 37, « die octavo kalendas Novembris, Basso et Antiocho eoss. » factum fuisse prodit. In versione quidem Christophoroni, loco *quadrimestre*, legitur *trimestre*, sed contra textum græcum, quem errorem recte notavit Baronius. Nicephorus in Chronico, *Nestorio* attribuit annos tres et menses duos, neglecto scilicet tertio mense, qui incompletus fuit.

42. *Synodus Constantinopolitana Maximiani.* — *Maximianus* statim ab ordinatione sua in Synodo Constantinopolitana litteras de more dedit ad primas sedes, atque etiam ad episcopos veteris Epiri, quos schismatici fallere tentabant, proinde ac si sanctæ Synodi communionem fruerentur, quamvis a pristina sententia non recessissent. Quamobrem canones, qui part. in Concil. Ephes., cap. 16 leguntur, ad ipsos missi sunt, « ex quibus certiores redderentur de iis, quæ contra Schismaticos et Nestorianos decreta fuerant, et qualis dein pœna illis constituta esset, qui cum ipsis communicare præsumerent ». Cap. 38 Synodici adversus Tragœdium Irenæi recitatur *Epistola sancti Joannis Antiocheni episcopi, quam præfecto scripsit ab Ancyra*, in qua mentio est Synodi Maximiani recens ordinati: « Nunc quoque cooperatore sibi sumentes illum (nempe Maximianum ordinatum Constantinopoli a septem episcopis illuc a sacro Concilio missis) quem in Constantinopoli produxerunt, direxerunt contra nos ad Ancyram, etc. Dumque excommunicationis conculcaverunt terminum, et comministrant condemnatis, et secundum sanctorum patrum regulas per hoc ipsi quoque depositi sunt, suspensiones contra nos segregationesque miserunt, etc. Notum facimus in præsentî, quia nos nec istos esse scimus episcopos, nec illum qui ab istis est factus. Nam illi quidem transgressione regulæ sub regulæ facti sunt pœna; ille vero ab eis nihil accepit, quia nihil habebant quod impertirentur, illi qui semetipsos ante privaverunt ».

43. *In ea aliqui episcopi gradu depositi.* — Synodus Ephesina, ut videre est apud Labbetum pag. 801 et seq. in Epistola, quam ad omnes orbis Ecclesias misit, enumerat episcopos a se gradu vel

Christiana communione privatos, et inter eos meminuit *Joannis* patriarchæ, *Dorothei* Martianopolitani episcopi, *Hebedatii* Tarsensis, *Himerii* Nicomediensis, et *Eutherii* Thyansenis. Horum vero quia a Synodo Ephesina depositorum, ob singularem eorum contumaciam, depositio in hac Maximiani Synodo confirmata. Hinc *Joannes* in laudata Epistola ait: « Suspensiones contra nos segregationesque miserunt », nempe per suas tractorias. Præterea de septem episcopis, qui novum episcopum Constantinopoli consecraverunt, ait Joannes: « Transgressione regulæ sub regulæ facti sunt pœna »; id est, ut explicat Lupus in Notis, incurrerunt in pœnas ab Antiochenis canonibus statutas. Joannes Chalcedone non discessit, nisi post ordinationem Maximiani, et post Sacram imperatoris datam circa initium mensis Novembris, et memoratam in capite 32 laudati Synodici, « post contestationem Joannis et aliorum episcoporum, qui in Chalcedone retenti sunt, intrante imperatore in Constantinopolim cum parte adversa, hæc ad Ephesum Sacra directa est episcopis, qui cum Alexandrino episcopo convenerunt », ut habet titulus præfate Sacræ hæctenus ignotæ a Scholiaste præfixus. In ejus fine subjecit Scholiastes hæc verba: « Missa Sacra ultima omnium. Directa est, quando jam redierat in civitatem suam beatus Cyrillus, Alexandria patriarcha ». In hac ultima Sacra ait imperator: « Quoniam neque uniri vos possibile factum est, nec ad reddendam rationem de his circa quæ dubitatio est, venire voluit venerabilitas vestra, de crevimus, ut Orientales episcopi ad suas patrias et ecclesias revertantur, et Synodus Ephesina solvatur. Ha videlicet ut Cyrillus intret Alexandriam, Memnone in Epheso permanente ».

44. *Post ordinationem Maximiani legati Orientalium discedunt.* — Orientales episcopi licet redeundi licentiam jam ab imperatore acceperunt, nihilominus neque Chalcedone, neque Epheso recessere, utrobique conantes, ut novi episcopi electionem impedirent, ne *Nestorius*, cui impense favabant, ab omni spe recuperandi episcopatus excideret. Verum nunc ordinatione *Maximiani* peracta compulsi sunt redire ad propria. Valde tamen verosimile est, ut inquit Lupus in Notis ad illud caput 33, plures etiam de sacra Synodi episcopis extremum rei exitum apud Ephesum præstolatos esse, præsertim quia imperator valde pro pace sollicitus erat, ideoque permitteret adhuc protrahi Synodum, si aliqua pacis spes afflgeret, et sibi ab ea rescilii. Ait enim in eadem Sacra imperator: « Hoc significans vestra religiositati tantummodo, quod quando vivimus Orientales adjudicare non possumus. Coram enim nobis nulla ex parte convicti sunt. Si igitur ulla pacis remansit intentio, hæc potius eligentes nobis absque contentione rescribite. Alias de perfectione vestra mox ad ista, quæ scripsimus, cogitate ». Quare sicut Theodosius Cyrilli Capitula nec damnavit, nec probavit; sic Orientales nullo modo damnare voluit. Ex quibus tandem omnibus liquet, verum esse quod dicitur in antiqua versione Con-

cilii Ephesini, et in græco-latina a Labbeo edita, ordinato scilicet *Maximino* jussisse imperatorem, ut omnes episcopi ad propria remearent, deceptumque esse Baronium, qui putabat periocham citatam Concilii plura simul mendacia insuta habere.

45. *Joannes Tarsensem Synodum adversus Cyrillum celebrat.* — Porro dum *Joannes Antiochenus* in suum Patriarchatum rediret, Synodum *Tarsensem* convocavit, in qua aliquos episcopos Cyrilli sectatores deposuit, ut liquet ex cap. 136 Synodici, ubi recitatur Epistola ab Alexandro Hierapolitano episcopo ex præcipuis episcopis rebellibus uno, ad eundem Joannem data, in qua pluribus contra Capitula Cyrilli invehitur: « In Tarso, inquit, quinque ex his deposuisti hæreticis: et consonavimus vobis ». Neque dubium esse debet, quin in eadem Synodo non solum Capitula Cyrilli; sed etiam ipsamet Cyrillum eique adhaerentes damnarit Joannes, cum id diserte legatur in cap. 141 ejusdem Synodici in quo refertur Epistola Meletii episcopi Mopsuesteni ad Neoterium comitem, dicitque Meletius: « Reversus est a Constantinopoli ad Orientem idem Antiochenus (post ordinationem sc. Maximiani). Collegit rursus in Tarso Concilium. Scripsit Synodicas litteras, in quibus et Cyrillum deposuit, et eos qui pro eo ascenderant Constantinopolim, quorum manifesta sunt nomina ». Baluzius in nova Collect. Concil. pag. 939, hoc Tarsense Concilium huc usque incognitum recte cum hoc anno alligavit; sed memorie lapsus, loco *quinque episcopos*, septem episcopos posuit. Ibidem exhibet Concilium Antiochenum paulo post Tarsense habitum, quod colligere se dicit, vir eruditissimus ex Liberato cap. 8, et ex Socrate lib. 7, cap. 34, ubi hic scribit: « Joannes Antiochiam reversus, convocatis plurimis episcopis, Cyrillo, qui jam Alexandriam redierat, episcopatum abrogavit ». Verum hæc in re Socrates, sicuti et in quibusdam aliis, quas eodem capite de Nestorio ac Synodo Ephesina narrat, manifeste fallit; cum certum sit *Joannem* postquam reversus est Antiochiam, aliam Synodum non celebrasse, quam eam in qua de pace cum Cyrillo actum, de qua anno sequenti quo ea habita, verba facimus. Quoad Liberatum, is de eadem tantum Synodo Antiochena sermonem habet, ut legenti liquet. Quare quod Tarsi gestum, Socrates *Antiochiæ* factum perperam scripsit.

46. *Cælestinus comprimit Semipelagianos.* — A num. 184 ad 189. Dum hæc in Oriente adversus *Nestorium* geruntur, *Semipelagianorum* factio in Galliis angebatur; quare *Prosper* et *Hilarius*, qui Augustini doctrinam defendendam susceperant, Romam ad *Cælestinum* papam profecti obtinuerunt ab eo Epistolam ad Galliæ episcopos datam, in qua eosdem acriter increpuit, quod tantam licentiam quibusdam presbyteris darent. Extat ea tom. II Concil. pag. 1611 sed sine die et consule; cumque Baronius existimaret, *Cælestinum* die VI mensis Aprilis anni sequentis vita functum esse, hujus Epistolæ hoc anno mentionem fecit. Verum

cum usque ad diem XVIII Julii ejusdem anni superstes fuerit, ut anno sequenti ostendimus, non dubito, quin ea Epistola ad sequentem annum perlucet. Huic in plerisque codicibus subjiciuntur auctoritates episcoporum Apostolicae Sedis *de gratia Dei et libero voluntatis arbitrio*, ut videre est apud Baronium num. 185, quæ ab Epistola Cælestini jure merito distinguuntur in editione Labbeana. Nam decem istorum Capitulorum stylus plane diversus est a stylo Epistolæ. *Dionysius* quidem in sua Collectione hujus *Cælestini* Epistolæ ad Gallos episcopos date eadem Capitula de eo argumento tractantia, et hoc ipso tempore concinnata subjunxit; sed, ut observat Quesnellus tom. II Oper. S. Leonis M. Dissert. III, ipsemet *Dionysius*, qui aliis hæc in re errandi causa fuit, satis ostendit se non existimasse eorumdem Capitulorum *Cælestinum* auctorem fuisse. Quoties enim unius Pontificis scripta ab alterius scriptis scernit, decreti prioris initio huic semper titulum præfigit, *Incipiat decreta N. Papæ*, quem deinceps non repetit. Cum tamen in horum Capitulorum consignatione Cælestini nomen supprimit, et hæc solum præmittat: *preteritorum Sedis Apostolicæ episcoporum auctoritates*; in fine autem: *Explicunt auctoritates preteritorum, etc.*, fatendum tamen post *Dionysium* passim creditum esse, ea Capitula a *Cælestino* edita. Huic enim Pontifici ea adscribuntur a Petro diacono, aliisque, qui in causa fidei ex Oriente Romam missi sunt, *lib. de Incarnatione et Gratia D. N. I. C. ad Fulgentium* cap. ultimo, a Cresconio episcopo Africano in fine suæ Collectionis Canonum circa annum cxxx emissæ, a Floro magistro, Ecclesiæ Lugdunensis nomine adversus Joannem Scotum scribente, aliisque plurimis, quibus *Dionysius* circa annum Christi V codicem Decretorum Ecclesiæ Romanæ ordinans errandi occasionem præbuit.

47. *Capitula de gratia perperam ei attributa.* — Sirmondus tom. I Concil. Gall. ea Capitula *Cælestino* quidem abjudicat, sed certum illorum auctorem proferre non aude. Recte Baronius scripsit, putari illa capita esse *Prosperi*; quam in sententiam passim viri doctissimi abiit. Eminent. card. Norisius in *Vindiciis Augustinianis* cap. 8, id duabus conjecturis probat. Prima, quod Capitulo VIII leguntur verba litterarum *Zozimi*, et Patrum Africanorum, quæ eadem omnino, eodemque modo recitat *Prosper* contra Collatorem cap. 10, quo loco eadem Innocentii testimonia ponit, quæ in Capitulis vulgo Cælestino attributis leguntur. Litteræ illæ *Zozimi* perire, earumque initium apud *Prosperum*, et in Capitulis illis tantum habetur. Secunda est, *Prosperum* cap. 9 contra Collatorem, eundem arguere, quod dixerit, *Augustinum* quedam contra Pelagianos *justo amplius asseruisse*: ibique vellicat *sobrietatem* adversarii. At in Capitulo in *Cælestino* adscripto reprehenduntur Massilienses, quod ausi sint obloqui Augustino, tanquam necessarium modum excesserit. Quæ si vere a *Cælestino* dicta fuissent, repetenda fuerant *Prospero* ea de re pro

Augustino contra Collatorem litigante. Quid enim validius adduci poterat ad os calumniatori obstruendum tam celebri Apostolicæ Sedis testimonio?

48. *Magis confirmatur.* — « Si capita illa Cælestini essent », inquit ibidem Cardinalis Norisius, « et a Sede Apostolica emanassent, non video qua ratione Faustus Reiorum, Vincentius Lirinensis, Hilarius Arelatensis episcopus (si in sententia persistere), ac alii Galliarum episcopi ab hæresi excusari possint atque inter divos, erectis aris, connumerari ». Si enim sanctus Cælestinus opiniones Semipelagianorum Apostolico decreto damnasset, *Vincentius* aliique, eadem postea asserentes, hæreses jam confixas defendissent. Neque respondere juvat eos ob ignorantiam invincibiliter excusatos esse. Nam, ut idem doctissimus Cardinalis in *Dissert. in de Anonymis Scrupulis circa veteres Semipelagianorum sectatores evulsis ac eradicatis* pag. 197 scribit, litteræ illæ fuerant encyclicæ ad ipsosmet Galliæ episcopos datæ. Elogium in iisdem sancti Augustini contentum, Semipelagiani sinistra interpretatione minuebant, teste Prospero cap. 42 contra Collatorem. Easdem in suo Commentorio Vincentium citat. Quare eas litteras eaque Capitula Gallicani Patres non ignorassent. Præterea episcopi tenentur scire canones universalis Ecclesiæ, ac decreta contra hæreses ab Apostolica Sede damnatas. Quare illorum ignorantia in episcopis peccatum est, si contraria sentiant ac doceant. Hinc Innocentius I Pontifex Romanus ad Brutiorum episcopos Epist. v, ait; « Ecclesiasticorum canonum norma nulli esse debet incognita sacerdoti, quia nosciri hæc a Pontifice, satis est indecorum ». Ubi obiter observandis hoc tempore episcopos *sacerdotis* nomine designatos fuisse.

49. *Capitula illa Leoni M. male etiam tributa.* — Quesnellus laudatus contendit, divum *Leonem Magnum* verum horum Capitulorum parentem esse quod ex styli ipsius caractere, aliisque conjecturis sese demonstrare existimat. Verum Autelmus in *Dissert. prima de veris Operibus SS. Leonis M. et Prosperi Aquitani*, eam opinionem evertit, et ex vocibus ac locutionibus, quibus Prosper uti solet, cum verbis hujus Indiculi minutatim collatis ostendit, unum eundemque Prosperum in Præfatione ad objectiones Vincentianas indicare se ex Sedis Apostolicæ mandato Capitula illa composuisse: « Propositis singillatim sedecim capitulis, inquit, sub unoquoque eorum sensus nostri et fidei, quam contra Pelagianos, ex Apostolicæ Sedis auctoritate defendimus, verba ponemus »: ubi Prosper non tum emissam contra *Vincentium* defensionem, sed aliam antea *ex Apostolicæ Sedis auctoritate* factam significat. Nam ad objectiones Vincentii reponere, tam parum in mandatis illi datum fuisse videtur, ut contra in Præfatione sese pendulum, perplexumque satis esse testetur, in ejus defensionis genere, quo adversariis responderet; ait enim: « Que falso in nos jactari, facile et sufficienter subscriptione unius probaremus anathematis, nisi malignitas

eorum ipsam subscriptionis nostræ brevitate suspectam esse habitura ». Quibus nihil expressius proferre poterat. Prosper, ut ostenderet, hæc locutionem suo prorsus genio, suo consilio, motuque proprio suscepisse, et publici juris fecisse. Neque etiam ex auctoritate Sedis Apostolicæ ad Gallorum objectiones in nullo ferme a Vincentianis discrepantes, sed eodem sensu lineaque digestas respondit: in neutro enim Opere de eo veluti potiori præsidio mentionem facere non omisisset. Denique si tractatus contra *Collatorem*, qui postremus est contra Massilienses, posteriorique responsionibus ad Vincentium et Gallos, ex delegatione Apostolica scriptus est, cur etiam ejus non meminisset, ut hostem facilius suffocare posset? Quare, ut fides *Prosperi* liberetur, omnino dicendum, Opus quo contra Pelagianos fidem sese defendisse dicit, aliud non esse, quam Capitulorum indiculum, seu *Auctoritates de gratia Dei*. Plura hæc de re Antelmus citatus. Porto *Vincentium* illum, cujus sunt Vincentianæ objectiones, esse *Vincentium Lirinensem*, quod negat Baronius num. 188, infra monstrabimus.

50. *Sulpicii Severi S. Martini discipuli conversio.* — A num. 189 ad 191. *Sulpicius Severus* sancti Martini episcopi Turonensis discipulus non potest esse unus ex illis Pelagianis, quos *Cælestinus* in Epistola laudata perstringit. Licet enim annus ejus emortalis incertus sit, non videtur tamen ultra annum hujus sæculi vicesimum vitam protraxisse. Gennadius in lib. de Script. Eccles. ait, cum *in senectute sua* a Pelagianis deceptum culpam suam postea emendasse. Quare jam ætate proæctus eral, quando *Pelagius* hæresim suam disseminavit. *Guibertus Martinus* abbas Gemblacensis, non vero sanctus Guibertus Gemblacensis monasterii fundator, ut putavit Baronius, Apologiam scripsit pro Sulpicio Severo, sed ea ad nos non pervenit. Baronius anno cccxciv, num. 96, ait *Sulpicium* fuisse *Romanum civem* et in Galliis degisse. Verum ipsemet in Dialogo 1, cap. 20, et Gennadius docent eum fuisse domo Aquitanum: et quidem e Nitiobrigibus; cum lib. 2 suæ Historiæ *Phorbadium* Agenni episcopum, suum episcopum vocet. Agennum autem in Nitiobrigibus esse, inter omnes constat. Cum *Paulino* episcopo Nolano summa necessitudine conjunctus fuit, ut ostendunt Paulini ad illum Epistolæ, quæ inter ejus opera leguntur, ubi plura de ejus virtutibus. *Sulpicii Severi* nomen variis in Martyrologiis legitur ad diem xxix Januarii, sed ibi passim dicitur sancti Martini discipulus, et episcopus Bituricensis; cum tamen certum sit, eum ab utroque Sulpicio Severo Butrigum episcopis, de quibus infra, diversum esse. Inscriptum fuerat nomen ejus Martyrologio Romano, sed qui Martyrologium illud sub Urbano VIII retractaverit, ejus nomen expunxerit. Sulpicii conversione, singulari penitentia, et pietate a sanctis viris celebratis, Ecclesia Gallicana illustrata est, quemadmodum et ejus scriptis a Labbeo in *Dissert. de Script. Eccles. enumeratis*.

51. *Palladius primus Scotorum episcopus.* —

Ad num. 191. Prosper in Chronico sub Injus anni coss. scribit : « Ad Scotos in Christum credentes ordinatur a papa Caestino Palladius, et primus episcopus mittitur », quod etiam habet Beda l. 1, cap. 13, dicens id contigisse anno imperii Theodosii junioris octavo, a morte nempe Honorii imperatoris deducto ; nisi quod Prosper annum adventus Palladii in Scotiam, Beda vero, ut in more positum habet, annum quo illuc a Caestino missus, memorat, uti anno cxxxix jam indicavimus. Verum magna controversia est *Hibernis* inter et *Scotos* de Palladii apostolatu, Hibernis, quos certum est a Veteribus *Scotos* appellatos fuisse, contententibus ad suam insulam *Palladium* missum ; et contra vero Scotis seu, ut nunc dicitur, Scoto-Britannis, illum sibi vindicantibus. Difficultatem auget Prosper libro contra Collatorem cap. 41 de Caestino Romano Pontifice scribens : « Nec segniori cura ab hoc eodem morbo (Pelagiana nempe haeresi) Britannias liberavit, quando quosdam inimicos gratia solum suae originis occupantes, etiam ab illo secreto exclusit Oceani et ordinalo Scotis episcopo, dum Romanam insulam studet servare Catholicam, fecit etiam Barbaram Christianam ». Porro *Barbarorum* nomine Romani designabant gentes omnes a sua ditione et cultu alienas, ideoque haec Prosperi verba, *fecit etiam Barbaram Christianam*, aliqui de Scotia, aliqui de Hibernia interpretantur. Qua de re legendus Usserius in lib. de Britan. Eccles. primordii cap. 46, Alfordus in Annal. Britan. hoc anno, aliique scriptores Anglici et Hiberni, qui inter se de hac Palladii missione digladiantur. Quod ad sine spectat, non existimo laudatum Prosperi locum sine partium affectu legi posse, quin in eo insulae duae deprehendantur, *Barbara* nempe et *Romana* ; cumque *Scotia* hodierna unicam tunc cum Britannia insulam componeret, Prosperi verba de recenti Scotia intelligi posse non videntur, quia tunc majori ex parte ea Romana erat, non vero libera ac Barbara. Ad haec Prosper affirmat *Palladium* pro Scotis episcopum ordinalum esse ; tunc vero praeter *Hibernos* nulli alii Scoti erant, ut infinitis antiquorum locis probari potest. Videatur Cambdenus in descriptione Britanniae.

52. *S. Patricius Hiberniae Apostolus*. — Caelerum sanctum *Patricium* circa haec tempora in Hiberniam missum, et Hiberniae Apostolum appellandum esse, inter omnes convenit. Probus in Vila sancti Patricii scribit : « Patricius, et qui cum eo erant, declinaverunt iter ad quemdam mirae sanctitatis hominem summum episcopum, Amatorem nomine, in propinquo loco habitantem : ibique sanctus Patricius episcopali gradu ab eodem archipresule Amatore sublimatus est ». Ilunc Amatorem Baronius in Martyrologio Rom. ad diem 1 Maii, illum intelligendum iudicavit, cui in Antissiodorensi episcopatu *Germanus* successit, qua et in sententia fuit Bollandus ad eundem diem. Verum cum *Amator* Germani decessor anno cxxviii ad Deum migravit, et *Germanus* Patricii magister fuerit, existimo Amatorem. a quo *Patricius* ordinalus, fuisse episcopum Augustodunensem in Burgundia, de quo San-Marthani in episcopis Eduensibus ad annum circiter cccxv scribunt : « S. Amator sepultus Augustoduni in Poliandro, ubi nunc sita est B. Stephani Ecclesia in strata nuncupata, id est, in via lapidibus strata. Memoratur in Martyrologio die xxvi Novembris, de quo nihil amplius referitur in Fastis Tabulas vulgares Injus Ecclesiae secutus ». Quare cum nullus Amator episcopus in Galliis per haec tempora legatur, non videtur dubitandum, quin sanctus *Amator* Augustodunensis episcopus Patricium ordinaverit, et is antiquior, perperam existimetur, quam fuerit.

53. *Mortuus S. Paulinus episcopus Nolanus*. — Ad num. 192 et seqq. Narrationem mortis sancti *Paulini* episcopi Nolani habemus ab Uranio presbytero, teste oculato, in Epistola ad Pacatum, qui eam his verbis claudii : « Obiit sanctus Paulinus episcopus decimo kalendas Julii, Basso et Antiocho VV. CC. consulibus ». Natus erat *Burdigalae*, ut habet idem Uranius, nobilissimus et ditissimus parentibus, et ante suam conversionem amplissimas dignitates adeptus est, ipsum etiam consulatum ; non quidem ordinarium, ut anno cclxxv, num. 4 asserit Baronius, aut suffectum, ut putavit Chiffletius in secunda parte Paulini Illustrati, sed honorarium, ut in Prolegomenis Dissert. Hypat. num. 26 ostendi (1). Consulatus enim ordinaris post Constantinopolim

(1) Consulatum non honorarium sed suffectum fuisse S. Paulinum probat Muratorius Anecd. l. 1, Diss. IX, p. 159, ex Carmine Natali xiii, quod idem Muratorius prius vulgavit, in quo de hoc consulatu suo sic alloquitur S. Felicem :

Te duce, fascigerum gessi primævus honorem ;
Teque meam moderante manum, servante salutem,
Purus ab humanae cœlis discrimine mansi.

Porro nec jus sanguinis habebant consules honorarii, nec *Ises* praeferebant ; quippe qui consules *erant nomine tenus* ut eos appellat Procopius de Bello Goth. lib. 3. Gessisse se autem, ait, illam consulatum in *primæva juvenata*, adeoque optime suspicatur idem Muratorius consulatum huic ad annum cgn 24 circiter pertinuisse, A. Ch. 378. Haec vir clarissimus ; sed maturas verba S. Paulini ex eodem Natali expendens, merito suspicor, sermonem ibi esse de dignitate consulari *Cæsarum*, quam eundem S. Paulinum post consulatum gessisse, idem vir doctus omnium primus subodoratus fuit. Ad igitur vir sanctus duce, seu auspice S. Felice *fascigerum* honore gessisse se ; statimque subdit :

Tunc etiam primæva..... libanina verba
Ante tuum solum quasi te eripente totendi.

Tunc igitur, dum fascigerum gereret honorem, *Nota* agebat, ubi et apud S. Felicem barbam deposuit. Certe si consulatum Romanum egisset de-

conditam a Constantino Magno annis redditus est, nullique amplius consules suffecti in orbe Romano postea visi, ut exposui anno cccxi. *Paulinus* tante fortunæ commoda tandem deseruit, et sæculi vanitatibus abjectus in *Hispaniam* secessit. Ibi mortuo filio lotum se Deo dixit, vitam monasticam amplexus est, et cum *Therasia* uxore, piissima matrona, tanquam cum sorore vixit. *Barcinone* presbyteratu anno circiter cccxciii invitatus est, annoque insequenti cccxciv *Nolam* secessit, postquam primum *Carmen Natolitanum* in honorem sancti Felicis confessoris Nolani in Hispania composuisset, quod diei XIV Januari sancto Felici sacra affixit, et postea singulis anni nova Natalitia carmina eadem die cecinit. De ejus episcopatu et rebus gestis, suis locis locuti sumus.

54. *Relatio S. Gregorii M. de captivitate Africana S. Paulini.* — Sanctus Gregorius Magnus lib. 3 Dial. cap. 1, insigne charitatis exemplum de eo refert, quod *Baronium*, aliosque viros doctissimos valde torsit. At enim Gregorius, cuius propria verba in paucis contraho, *Campaniam* populantibus *Vandalis*, et plurimis in Africam captivis abductis, cum vidua quædam posceret a *Paulino*, ut filium

captivum sibi redimeret, se ipsum pro illo in servitutem tradidisse, ac *Vandalorum* regis genero in Africa colendis hortis se addixisse. Adfuit Gregorius cum diutius hoc ageretur, eundem regis generum a *Paulino* monitum, socerum ejus brevi esse interiturum, et ad hæc regem asseruisse eundem *Paulinum* et complures alios se vidisse per noctem sedentes iudices, qui e manibus ipsius flagellum abstulerant : tumque *Paulinam* compulsam fuisse dicere se esse episcopum, quem ipse pro filio viduæ vicarium suscepisset. Quare honorifice *Nolam* a *Vandalorum* rege remissus est *Paulinus*, cum omnibus captivis civitatis ejus, quos rex, ut ipsi gratificaretur, relaxaverat. « Post non multos vero dies *Vandalorum* rex occubuit », inquit Gregorius.

55. *Defenditur a Baronio.* — Baronius ita hæc interpretatur, *Vandalorum* regem anno cccxviii vel insequenti Italiam depopulatam esse, ex ea captivos abduxisse, mortem *Gudharii*, seu rectius *Gudericii*, *Vandalorum* regis, qui decessor fuit *Genesiceii*, a *Paulino* prædictam esse, *Gudharium*, postquam cum fratre in Africam transiit, dolo ejus ibidem e medio sublatus, ac captivos illos ex *Campaniæ* oris in Africam abductos esse *Vandalicæ* classis inva-

posuisset illam apud Apostolos quos speciali religione se coluisse in Epistolis suis profitetur. Id etiam multo luculentius patet ex iis, quæ orationem suam prosequens adnectit :

Jam tunc præmisso per honorem pignore sedis
Campanis metienda loca habitacula fixi.
Te fundante tui ventura cubilia servi.

His verbis aliam a consulari, qui superius commemoratus creditur, dignitatem exprimi vel ipse Muratorius agnoscit. Quid enim esset quod *Romanus* consul sedem sibi *Campanis* in locis eligeret? Sed sanctus vates asserit *hæc jam tunc* sibi accidisse, cum *fascigerum* honorem gereret, cujus honoris occasione *præmisit pignus sedis* quam post plures annos ille electurus erat; ergo *fasciger* iste honor erit consularis *Campaniæ* dignitas. Denique post descriptionem adjuvni quas tunc ad S. Felicem excitavit, rerum a se gestarum narrationem resumens, ait :

Ergo ubi bis terro ditonius fasce levatus,
Depositi nulla maculatam cæde securim.

Allud hic apertissime ad *fascigerum illum honorem* de quo in exordio; uti etiam inter cætera arguit illud : *Nulla maculatam cæde securim*, quod aperte congruit cum iis, quæ prius de se *fascigerum honorem* gerente cecernerat :

Purus ab humani sanguinis discrimine mansi.

Igitur si *fasces* illi bis terni, et *securis* innoxia honorem consularem *Campaniæ* exprimunt, eundem pariter et *fascigerum illum honorem* designare credendum est. Merito vero bis ternos illos *fasces*, et *securim* nulla cæde maculatam de consulari *Campaniæ* potius, quam de consule *Romano* accipendos esse *Muratorius* censet, cum *Romano consuli* non sex, sed bis totidem *fasces* assisterent; forte vero ad differentiam consulum sensus tantum consularibus dabatur. Si post hæc ex me quætor utrum re ipsa consularem dignitatem unquam obtinuit *Paulinus*; respondeo ad illum viro sancto abjudicandam nihil permoveri me quod ne verbo quidem de illa, gesta sua hic narrans *Paulinus* meminit. Nec enim omnia sua tibi recensenda assumi, sed ea seligit, quæ auspice S. Felice gesserat. Profecto nec *Senatorum dignitatem* ea occasione commemorat, quam tamen obtinuisse ipse aibi profitetur. Unum est igitur quod negotium nobis facessat, nimirum *praefecturam Campaniæ* primo ætatis flore, quo tempore primam barbam nondum deposuerat, gestam. Ante hæc vero *praefecturam*, si quem gessit, consuli non consultuisse oportet, ut ex eodem Natali liquet, et ab omnibus admitti consuetum. Tunc autem plus nimis junior videtur nobis *Paulinus*, quam ut ipsi amplissima illa dignitas demandaretur. Ergo vel alios magistratus inferiores obisse reputandus est; vel consularium quidem sed honorarium tantummodo gessit, quæ nratque l'agui conjectura est.

Nunc quadam hic advertenda sunt in chronologiam *Muratorii*, res gestas S. Præsulis secundum temporis seriem dirigentis. Statuit ille S. *Paulini* adventum ex urbe *Nolam* anno Christi 380. Ibi vero censet annus sex crederet substituisse. Post hæc in Galliam remeavit; tunc venit in *Hispaniam*; et cum ab Italia prociul adhuc peregrinaretur anno 395, Natale secundum S. Felicis cecinit, ubi hæc de se commemorat :

..... Tria tempore longo
Lustra cucurrerunt, ex quo solemnibus istis
Coram vota tibi, coram mea vota dicavi.

Si tria hæc lustra ab annis 395 decerpseris, supererit annus 380, qui postremus fuit moræ ejus *Nolæ*, ex quo nunquam deinceps solemnibus S. Felicis anniversariis interluit. His constitutis, vel *Campaniam* S. *Paulini* *praefecturam* ad unicum annum delinimas oportet, vel adventum ejus ex urbe *Nolam* citius quam anno 380 consignandus est, quorum primum non adiecit *Muratorius*, alterum plane negat. MANSI.

sione; quod probat ex Procopio lib. 4 de Bell. Vand. cap. 3, et ex Ms. Bibliothecae Mediceae, in quo Historia illa a Gregorio magno descripta attribuitur *Uranio*, a quo sanctum Gregorium eam accepisse existimat, quae postea praetermissa fuerit a librariis, quod Gregorius scriptor celebrior eam referret. Haec opinio Baronii, qui credit, *Paulinum* post Romam ab *Alarico* Gothorum rege devastatam ab eodem captum fuisse, et postea sub lineam vite suae Vandalis in Africa servisse, eo quo ex Gregorio M. exposuimus modo. Quae duplex captivitas in Breviario Romano ad diem XXII Junii sancto Paulino sacrum etiam legitur.

56. *Est tamen contra fidem scriptorum antiquorum.* — Verum tam narrationi sancti Gregorii, quam Baronii explicationi non solum non suffragantur auctores, qui hoc saeculo vixere, sed etiam adversatur Procopius, qui saeculo sequenti diu in Africa commoratus est a Justiniano cum Belisario illuc missus. Nam Procopius in Chronico ad annum cxxxvii loquens de rebellionem Bonifacii comitis, ait: « Exiunt gentibus, quae uti navibus nesciebant, dum a concertantibus in auxilium vocantur, mare periculum factum est ». Quare navigationis ars *Vandalis* ignota erat, antequam a Bonifacio comite in Africam invitarentur. Ad haec Procopius citatus scribit, *Gundericum* seu *Gundericum* puerum adhuc fuisse, cum in Hispaniis regnavit. « et *Vandalos*, inquit, a *Giserico*, cum solus regnaret, ductos in Africam fuisse ferunt (scilicet *Vandalis*): sic a *Vandalis* ipsis accepti ». Quare *Gundericus* nec generum habere potuit, nec unquam in Africa fuit. Tertio, *Idacius* in Chronico fidem facit, post *Gunderici* regis mortem *Gensericum* ejus successorem cum *Vandalis* mense Maio anni quadringentesimi vicesimi noni in Africam transfretasse, quo ideo tempore classem in Campaniam mittere, indeque captivos abducere potuisse, nullus sibi persuaserit.

57. *Hoc magis probatur.* — Urbes enim in Africa occupatae, novumque regnum firmandum et dilatandum erat, non vero piratica exercenda, et in alia regna excursions facienda. Porro *Gundericum* nunquam in Africa fuisse, non solum Procopius citatus; sed etiam *Jornandes* lib. de Reb. Get. cap. 33 discrete asserit. Ait enim ordinem ac successionem Regum, qui *Vandalis* in Africa praefuere, hunc esse: « Primum *Gisericus*, qui *Pater* et *Dominus*; sequens *Humericus*, tertius *Gundamundus*, etc. » Nec *Paulus* sive auctor *Miscellae* lib. 14, cap. 9, contrarium asserit, licet obscurius loquatur, et quavis contrarium scriberet, nulla ei haec in re fides adhibenda esset, cum exscribat Procopium, quem non intellexit. Profecto si *Paulinus* vel in Hispania vel in Africa captivus vixisset, *Idacius*, qui hoc ipso tempore in Hispania foruit, et initium regni *Vandalorum* in Africa adeo accurate notavit, rem tam insignem non ignorasset; is tamen, licet de *Paulino* tanquam de viro clarissimo loquatur, ostendit se parum de iis, quae ad hunc spectabant, edoctum fuisse. In Chronico, nempe anno *Abra-*

hami m̄c̄c̄xli, qui kalend. Octobris anni Christi c̄xxxii inchoatur, ait: « *Paulinus* nobilissimus et eloquentissimus dudum conversione ad Deum nobilior factus, vir Ap̄stolicus *Nola* Campaniae episcopus habetur insignis: cui *Therasia* de conjugae facta soror, testimonio vite beata aequatur et merito », ubi *Idacius* loquitur de *Therasia* tanquam adhuc vivente, quamvis jam circiter a decennio vita functa esset. Sed quidquid de *Idacio* sit, tunc *Paulinus* septuagenario major hortis colendis haud idoneus fuit. Unde cum *Idacius*, *Procopius*, *Victor Vitensis*, alique auctores omnes prodant, *Vandalos* non alio duce quam *Genserico* in Africam ex Hispaniis transiisse, isque *Paulino* compluribus annis superstes fuerit, ejus mortem, quae cito postea confregit, sanctus praesul praedicere non potuit.

58. *Eventurum praecipuum Baronii fundamentum.* — Quoad Ms. quod in Bibliotheca Medicea extat, in quo Historia a Gregorio Magno descripta attribuitur *Uranio* presbytero, a quo sanctum Gregorium eam accepisse putat Baronius, et librarios eundem ex Epistola *Uranii* ideo expunxisse, quod a Gregorio scriptore longe celebriori referretur, *Chiffletius* in part. 2 *Paulini Illustrati* cap. 23, qui ejusdem Ms. exemplar habuit, recte censuit sub *Uranii* solius nomine Vitam sancti *Paulini* ex *Uranio* Gregorioque collatam, in illo Mediceo Codice contineri; quod stylus ejus Historiae Gregoriano sit simillimus, *Isidorus* lib. 6 de scrip. cap. 4, asserat, *Uranium* obitum duntaxat *Paulini* litteris prodidisse, nec aliud representent antiqui et bonae notae codices Epistolae *Uranii*. Quae *Chiffletii* conjectura videtur certissima; cum tot *Vitas Sanctorum* habeamus ab aliis Auctoribus interpolatas. Certe *Baronius* num. ultimo asserit, in Codice tam Vaticano quam *Nolano*, referri Epistolam sancti *Paulini* ad *Amandum* scriptam, cujus exordium est: *Omnia tempus habent*, etc. et in qua *Paulinus* scribit: « Legimus in tergo Epistolae annotationem Epistolarum, quas meas esse indicatis, etc. » Et tamen *Chiffletius* part. 1 *Paulini Illustrati* cap. 24, demonstrat, eandem Epistolam, quae etiam in editione Antuerpiensi num. 26 in unam confusa exhibetur, in duas dividendam esse; quod et praestitit novus editor Operum sancti *Paulini*, apud quem prior xl ordine est, et iisdem verbis inchoatur, quibus in Codice Vaticano et *Nolano*; posterior vero ordine xli ibidem collocatur, et his verbis exorditur: *Legimus in tergo Epistolae annotationem*, etc. Mitto infinita alia simillimum errorum a librariis aut ab interpolatoribus admissorum exempla.

59. *Refelluntur sententiae aliorum.* — *Chiffletius* in parte 2 *Paulini Illustrati* cap. 24 et seqq., et novus editor Operum sancti *Paulini* in *Dissert. vii*, quae est de hujus sancti captivitate, videntes hanc *Baronii* explicationem nullam verisimilitudinem praese ferre, ad aliam confugere, ut narrationi divi Gregorii sua fides stare possit. Observavit itaque *Vandalorum* nomine posteriores scriptores, *Gothos* etiam aliosque *Barbaros* designasse, existimant-

que, captivitatem sancti Paulini, de qua loquitur Gregorius, accidisse, non sub *Gautbari* seu *Gauderico*, aut *Genesrico* Vandalorum regibus, sed sub *Alarico* Gothorum rege, cum Italiam depopularetur, sed in eo dissentiant, quod Chiffletius velit *Paulinum* pro filio viduae ad Alarici generum in Africam postea abductum esse; iditer vero Operum sancti Paulini eum hortulanum egisse in Hispania, ubi post *Alarici* mortem Gothi, qui et Vandali appellati, dominali sunt. Verum quomodo-cumque hæc Historia exponatur, difficultates insuperabiles patitur, et contrarios habet scriptores coelancos, qui tam de Alarico, quam de Paulino verba fecere. *Alaricus* enim anno cdx, die xxvi mensis Augusti Romam devastavit, ut anno cdx, num. 2 ostendi. Postea *Nolo* fuit, et Paulinum definivit, ut ibidem num. 2 videre est. Alarico sub ejusdem anni finem vel insequentis initio extincto, *Paulinus* Epistolam, quæ perierit, ab Augustino accepit, et idibus Maii anni cdx ad Augustinum rescripsit, ut anno cdx vidimus. Tum eodem anno cdx exeunte *Augustinus* scripsit ad Paulinum Epistolam xcv, alias ccl, et denique ab eo Christi anno ad cdxv misse ultro citroque inter Augustinum et Paulinum Epistolæ aliquot, quæ exiderunt, ut ostendunt Patres Benedictini in Chronologia Epistolæ cxxix, alias lxx Augustini ad Paulinum, qua respondet ad questiones aliquas sibi ab eodem Paulino propositas in Epist. cxxi, alias lxxv inter Augustinianas. Ex quibus evidens est, *Paulinum* ante annum cdxiv non fuisse, aut in Hispania aut in Africa *nutriendis* clericis occupatum, et hoc ab eo *diutius* actum esse, quod tamen divus Gregorius loco laudato asserit. Præterea D. Gregorii M. ætate Vandalorum nomen alijs Barbaris non tribuebatur, ut patet ex dictis anno cdxv.

60. *S. Paulini captivitas Africana vel Hispanica fabulæ similima.* — Cum itaque hæc Historia omni fere ex parte nutet, et Gregorius eam referens prout ab alijs didicerat, fidem suam liberarit certum apud me est eam esse fabulæ similimam, ejus fundamentum fuere verba Augustini lib. 1 de Civitate Dei cap. 10, ubi ait : « Paulinus noster, Nolensis episcopus, ex opulentissimo divite voluntate pauperrimus et copiosissime sanctus, quando et ipsam Nolum Barbari vastaverunt (anno scilicet cdx), cum ab eis teneretur, sic in corde suo, ut ab eo postea cognovimus, precabatur : Domine, non crucier propter aurum et argentum; ubi enim sint

omnia mea, tu scis ». Tres priores de Civitate Dei libri ab Augustino anno cdxiii elucubrati, ut anno cdxii, num. 4 ostendimus. Ex *Nola* vero capta, Paulinoque tento a *Gothis*, quos, quemadmodum et ceteros Barbaros ostendi, lapsu temporis, *Vandalos* appellatos, ansa arrepta fingendi ea, quæ a viris pijs accepta, Gregorius vera esse credidit. Potuit quidem *Paulinus* cum nullis civibus Nolanis ducti captivus Brutios, ubi *dux Gothi* resedere, ut docet Jornandes lib. de Reb. Get. cap. 30, quæ quidem regio in extremis Italie finibus posita est, ibique prædicere *Ataulfo* uxoris Alarici fratri ejusdem Alarici interitum, exindeque in præmium ab hoc rege cum alijs captivis Nolanis in libertatem asseri; sed hæc captivitas, si contigit, nec longa esse potuit, nec ea durante *Paulinus* hortulanum agere. Inde etiam oriri potuit traditio captivitatis sancti *Paulini*, cujus adeo tenaces sunt Nolani, ut Ambrosius Leo in Historia Nolana lib. 2, cap. 13 scribat; Paulini ex Africa reditus memoriam, anniversarijs pompis a populo Nolano, ritu perantiquo celebrari a XVI kalendas Julias usque ad X kalendas ejusdem mensis. In Traditionibus enim urbium sæpe falsa mixta veris fuisse certum est. Sed Paulinum vel in Africa vel in Hispania captivum fuisse, ibique hortum diutius coluisse penitus incredibile. Universa Paulini Nolani opera, nuper secundum ordinem temporum, quantum tunc fieri potuit, disposita, et cum varijs Mss. diligenter collata a Joanne Le-Bruno, qui nomen suum præ humilitate laucit.

61. *Galleci a Suevis male habiti Idacium ad Aetium mittunt.* — Idacius in Chronico anno Abrahami MDCXLVII, qui kalendis Octobris superioris Christi anni inchoatur, scribit : « Aetius dux utriusque militiæ Noros edomat rebellantes. Rursum Suevi inibat cum Gallæcis pacem libata sibi occasione conturbant. Ob quorum depredationem Idacius episcopus ad Aetium ducem, qui expeditionem agebat in Galliis, suscipit legationem. Vetto, qui de Gothijs dolose ad Gallæciam venerat, sine aliquo effectu redit ad Gothos ». Loquitur de seipso Idacius Lemicæ in Provincia Gallæcie episcopus, indicatque eos *Gallæcos*, quos Suevi turbabant, sub Romanorum patrocinio fuisse, cum ad eos conflugerint, quando a Suevis male habiti sunt. Indicat præterea Gothos qui hoc tempore pacem cum Romanis colebant, finxisse se Gallæcorum causam suscipere. Anno cdxix, num. 30 locuti sumus de victoria ab Aelio de *Noricis* reportata.

CELESTINI ANNUS 9. — CHRISTI 432.

1. *Legatione accepta Orientalium de rerum exitu, Celestinus insignes reddidit Epistolas ad episcopos Ephesi constitutos, ad Theodosium et Maximianum, et ad clerum populumque Constantinopolitanum.* — Christi annus quadringentesimus trigesimus secundus consulatu Aetii et Valerii in Fastis Propertii et Cassiodori notatur, quorum prior in Occidente, posterior vero primarium magistratum est assecutus in Oriente. Illuxit plane annus iste sui exordio Romanae Ecclesiae laetus; cum suscepta legatione Orientalium, de impii Nestorii dejectione, Maximiani vero promotione, litteris a sancta Synodo, necnon a Theodosio imperatore, atque etiam a Maximiano Constantinopolitano episcopo ipse Romanus Pontifex Celestinus certior factus est.

2. Erat plane ipse sanctissimus senex instar Simeonis Prophetae, expectans redemptionem Israel. Quippe quod (ut suis ipse testatus est litteris, quas proxime reddituri sumus, datis ad clerum et populum Constantinopolitanum) praeter nimio dolore et animi angore obpessundatam Catholicam fidem ab impio Nestorio et ejus sectatoribus, jam somnus recesserat ab oculis ipsis. Sed et sicut cum Simeone erat expectans redemptionem Israel; ita etiam cum ipso, factus jam volui compos, cygneis modulibus occinens canticum illud¹: « Nunc dimittis, Domine, servum tuum in pace, quia viderunt oculi mei salutem tuam, etc. », exauditus a Deo, hoc anno post tres menses (ut dicemus) ex mortalitate subductus, vocatus est ad coronam, quam de salva facta fide Catholica, et conservata sarta lecta Christi divinitate, et ejus matris sanctissimae dignitate, accipere dignus fuit.

3. Reliquit tandem ipsum Dominus in humanis, quantum opus esset ad communem letitiam mutuo participandam reddere litteras gratulatorias, quas acceperat, recinens victoriae canticum ex Occidente, quod praecinuissent Orthodoxi magno gaudio in Oriente, scribens postremas omnium litteras, a quibus acceperat, nimirum ad S. Synodum, Theodosium imperatorem, Maximianum episcopum, et clerum, populumque Ecclesiae Constantinopolitanae. Sed cum

audis reddidisse ad eandem Ephesinam Synodum litteras; ne putes adhuc eam Ephesi perseverasse, jam (ut vidimus) superiori anno dimissis episcopis: sed ad Patres qui convenerunt, ubique degentes, eas datas Encyclicas esse scias. Sunt haec novissimae sanctissimi Patris Epistolae, ultima ejus elogia, ob id dignae ut verbatim hic describantur: quae ex eo, puto, gratiores accipientur, quod nondum alicubi editae habeantur. Acceperimus nos easdem cum aliis ejusdem Pontificis superius redditis ab eodem docto viro Antonio de Aquino, de quo superius. Prima igitur Celestini Epistola reddita hoc anno mense Martii ad sanctam Synodum per legatos inde missos, sic se habet:

4. « Celestinus episcopus sanctae Synodo apud Ephesum constituta.

« Tandem malorum fine gaudendum est. Tandem nobis omnibus in commune dicendum¹: Dextera tua, Domine, glorificata est in virtute, dextera manus tuae confregit inimicos: proprie namque ipsi contracti sunt; quando iniqua loquentium, dicente David², os videamus esse destructum. Hujusce tamen tam fideliter peractae rei vos executores, defensores nobiscum videmus fuisse fidei (fideles Dei) sacerdotes, qui convenientes in unum, et secundum Apostolum³, non quae vestra sunt quaerentes, sed quae Christi Jesu, negotium Domini communis egistis. Apud vos ergo de vestra loquimur sanctitate, quorum in omnem terram sonum gaudemus exiisse, cum et in finem ejusdem orbis praedictae veritatis a vobis verba venerunt. Deus noster non patitur latere quod praestitit: quia nunquam beneficia superna celantur. Haec namque fit, ut tanto munere innolescente caelesti, pro voluntate divina (sicut scriptum est⁴) omnis homo salvus fiat, et veniat ad scientiam veritatis. Loquor ergo (ego) victoribus, et qui in praedium solam contra hostem portaverunt fidem, quae, et Joanne dicente Apostolo⁵, vicit et mundum: Vobis ejusdem proprie perscribo sermonibus⁶, qui secundum divinam paginam, ut patres cognovistis quod ab initio est;

¹ Luc. II.

¹ Exod. XV. — ² Psal. LXXII. — ³ Philip. II. — ⁴ I. Tim. I. — ⁵ I. Joan. V. — ⁶ Ibid. II.

et ut juvenes, dum fortes estis, et verbum Domini in vobis manet, vicistis malignum in talibus sociis gratulantes. De hoc eventu minime dubitabamus: habuit animum nostrum fiducia sperandi, qui vobis videremus divine causæ pondus incumbere, quos bene admodum noveramus, secundum illud propheticum¹, odisse congregationem malignorum, et cum impiis non esse sessuros. Optime ergo hoc credidi, quia contra nocentes atque perversos (sicut supradictus ait²) innocentes et recti adhaeserunt mihi.

5. «Una igitur eademque relatione per filios nostros religiosos et Deo amabiles viros Joannem presbyterum et Epictetum diaconum dejectionem justam, et exaltationem didicimus justiore; illud quod in Evangelio legimus, approbantes³: Quia Deus noster exaltat humiles, et potentes de sede deponit. A qua sententia ille noster sapientissimus minime deviauit, qui ait⁴ a Deo nostro humilium servatam memoriam, et perditam superbiorum: quod quando magis videatur impletum, quam nunc, cum Salvator noster parans beneficentis honorare, ossa⁵ hominum sibi placentium dissipavit, et proviso pastore dignissimo, feralem lupum de ovibus suis immaculatus agnus eiecit? Legimus ejus a vestra fraternitate scripta primordia, nec quisquam nostrum mirari potuit, quia nota dixistis: assertio impendatur incertis, testimonium comperta non quaerunt: honorum hunc actuum palestra semper exercuit: talem hunc didicimus, quem in litteris invenimus; talem certe (ut breviter dicam) qualem Doctor noster esse præcepit sacerdotem; ut convenienter omnium judicio mereatur audire⁶: Ecce vere homo Israelita, in quo dolus non est. Nonne laudibus in eum vestris ista conveniunt? Taliter denique quæ dixistis, audistis. Talem successorem querebat sanctæ memoriæ Sisinnii beata simplicitas, ut locum suum nonnisi sui similis obtineret: etenim melius agimus, si abstinentes jam ab illius sacrilegi nomine, sedem vacasse dicamus. Actum est divino judicio, ut hunc Ecclesia pro remedio mereretur. Denique discordiam tulit, et concordiam reddidit ordinatus: Quid non poterit præstare per tempora, cujus hoc primordia præstiterunt? Hæc de eo invicem dicimus, quem pax reparanda quaerebat. Interfuimus, nec nos diximus absentes, cum ejus capiti verba mystica dicerentur, cum redderetur omnibus divina lætitia salutaris: postremo nemo illie Catholicorum defuit, ubi omnes in commune vicerunt.

6. «Lactati præterea sumus clementissimi de hoc et Christianissimi principis testimonio, cum Epistolis dilectionis vestræ ejus sententiam videremus esse concordem. Nec mirum est, si cor regis, quod est in manu Dei, cum his senserit, quos ejus noverit sacerdotes. Itaque sermo regalis divinas res exequendo multiplicat (militat Aug.) in Augusto:

felix imperium, cui militat executio divinarum; nec hic minus felix, quem prædical dominatio mundanorum: hoc testimonio dignus est, qui ordinandus probari, non qui improbari potuit ordinatus. Scimus quo itinere sanctus frater et coepiscopus noster Maximianus, quibus gradatim stipendiis ad fastigium sacerdotale pervenit: non hunc divitiarum gloria, non qui improbari potuit ordinatus, qui solet inesse ambientibus, honorum saltus exivit: suffragio pauperum, quibus fidelis servus et prudens cibum dabat in tempore, super omnia Domini sui constitutus est bona¹; et tamen etiam si desiderium fuit episcopatus, nonnisi propter opus bonum (sicut ait Apostolus²) concupivit: ita Deus noster, et quid velimus, et cur velimus, attendit. Quis dubitet, posse magis agere præsentem, quod potuit exercere subiectus? Exosus et blasphemus istud officium non poterat habere, id est, corporum curas, qui nitetur animas vulnerare: facta est ruina ejus magna, tam ruina magna, quam prava doctrina. Nunc qui de præteriti emendatione gaudemus, cavere nos convenit in futurum, ne possint magis ac magis quæ abscissa sunt pullulare: quia necesse est, quoctumque pestis hæc loci sit, nostri corporis membra vexentur, et per patientiam nostram pejora prioribus nutrita videantur.

7. «Scripsimus clementiæ principali, ut de sanitatis medio longius infirmitas auferatur. Didicimus namque hunc Antiochiam reverisse, atque sibi illic, unde venerat, vivendi præstitam facultatem. Innocentium exitum est istud exitium. Adspiciamus diligenter quid illic possent parere, quæ illic sunt ante concepta. Non est notis suadere difficile: in oculis est ejusdem civitatis Ecclesia, quæ per hunc perit sacerdotem: et tamen laboramus advertere quis cui fuerit causa peccati; nisi forte (quod pro quiete Ecclesiarum dicimus) deceptum se ille demonstret, deserendo damnatum. Sed quis illic speret aliquem posse corrigere, ubi arcem tenere videat perversitatis auctorem, ubi colatur ab omnibus exultatus? Magna illic est (quod lugentes dicimus) desperatio sanitatis, ubi (sicut Isaias dicit³) omne caput in dolore, et omne cor in mœstitia a pedibus usque ad caput. Quando ibi membrum aliquod habere poterit spem salutis, ubi pericitatur corporis tola compago? Elaborate, fratres carissimi, elaborate, obsecro, ut vere tollatur de medio vestrum⁴, qui hoc opus fecit: sola decet tales homines solitudo: ubi enim debet hic invenire solatium, qui sic tractavit ubique regnantem?

8. «Peracta est a vobis totius summa negotii: agendum nunc est quod instat et restat, ne sit in vacuum laboratum. Longius quidem sumus positi; sed per sollicitudinem totum propius intuemur. Omnes habet B. Petri Apostoli cura presentes: non nos ante Deum nostrum de hoc possumus excusare, quod scimus: nam quamquam hæc quæ loquimur,

¹ Ps. xxv. — ² Ps. xxiv. — ³ Luc. i. — ⁴ Ps. ix. xxxi. et cxi. — ⁵ Psal. lvi. — ⁶ Jo. i.

¹ Matth. xxv. — ² 1. Tim. iii. — ³ Isa. i. — ⁴ 1. Cor. v.

sancitas vestra laeuerit, agnoscimus tamen omnia diligentius requirentes. Tante igitur cause finis, qui superest, actibus vestris, quæso, respondeat : quia nolumus in modico vos deesse, qui maxima peregristis. Adiutorio apud reges terræ his estote quæ scripsimus : norunt et ipsi quid suis debeant præstare temporibus; sciunt quod Catholicae fidei fundamento sua regna subsistant. Pura ab hæredibus sanctis paternæ et avitæ credulitatis vena servatur; fluit ab illis incorrupta per posteros, nec hanc in his aliquis unquam limus infecit : custodit fortis, cui fidelis est cursus exordium; cum id quod in origine acceptum est, videtur in prole.

9. « Canem, et operarium malum pariter persequamur : facite presentes, quod hortamur absentes : nam cum hanc curam generaliter omnibus debeamus, præcipue tamen nos convenit Antiochenis præcipitantibus subvenire, quos pestifer morbus obsedit. Absolvamus modis talibus civitatem, in qua (sicut Actus Apostolorum loquuntur ¹) dictos primum legimus Christianos : omnibus ergo virtutem præstemus, quibus secundum religionem debere nos novimus quod vocamur. Hanc autem sollicitudinem nostram presentes probarunt Deo amabiles filii, et carissimi atque animis nostris acceptissimi Joannes presbyter et Epicletus diaconus, quos reversos ad vos festinato remisimus, sollicitius hoc agentes, ut quos diebus Dominicæ Nativitatis accepimus, Resurrectionis Dominicæ tempore redderemus.

10. « De his autem qui cum Nestorio videntur parum pie consensisse, atque se socios ejus sceleribus addiderunt, quaquam legatur in eos vestra sententia, tamen nos quoque decernimus, quod videtur. Multa perspicenda sunt in talibus causis, quas Apostolica Sedes semper adspexit. Quod loquimur, Cælestianorum testatur exempla, quod spem de Synodo fructusque gesserunt. Habent, si respiciunt, copiam revertendi : quod his solis non permittitur, quos proprie cum auctoribus hæreseos omnium fratrum constat subscriptione damnatos. Per Dei namque misericordiam aliquos ex eorum numero ad nos jam rediisse gaudemus. Quod hoc consilio factum est, ut quos conscientia mixta non poterat, saltem sententia separaret. Hoc, moneo, vestra fraternitas sequatur exemplum : sit caput sceleris cum his, quos Synodalia loquuntur statuta, damnatum; reliqui quos cum hoc sentientes in communione Ecclesiastica non habemus, in civitatibus suis, et se in nostro collegio noverint non futuros, nisi secundum Ecclesiasticum et Christianorum principum constitutum, damnata hæresi cum auctoribus sociisque damnatis, se profiteantur Catholicos sacerdotes. Quam formam etiam circa eos volumus custodiri, qui subripiendum ex Ecclesiasticis causas a Christianis principibus crediderunt, et alio ordine rursus Ecclesias occuparunt.

11. « Antiochenum vero, si habet spem cor-

rectionis, episcopus a vestra fraternitate volumus conveniri; ut nisi quæ sentimus, senserit, novellam blasphemiam eodem exemplo scripta sua professione condemnans, intelligat de se quoque Ecclesiam quod fidei nostræ respectus imperat, ordinare. Credendum tamen de divina est misericordia, quod omnes in viam redeant veritatis, si de supradicto loco horum malorum caput, et causa auferatur. Dat. id. Mart. Actio et Valerio coss. » Hactenus Epistola Cælestini Pontificis ad episcopos qui Ephesi convenerant ad sanctam Synodum : quibus potissimum de Nestorio Antiochia petendo quam prudentissimum egit. Quæ enim damna ejus ibidem commoratio attulerit Catholice Ecclesie, res postea gestæ, inferius suis referendæ locis, manifestabunt : ut plane certum apparuerit gravissimo Ecclesie, et imperii damno distulisse Theodosium sero nimis sapientem parere quantocius Cælestino. Sed jam ab ipso Cælestino ad eundem Theodosium hoc eodem anno et die datas litteras videamus.

12. « Cælestinus episcopus Theodosio juniore Augusto.

« Causis suis divinam providentiam præstitisse quod sperabamus, agnovimus : nec enim aliud futurum mentes poterant æstimare fidelium regnantibus vobis, quam id quod evenisse gaudemus, ut prædicatio in Deum impia concideret, et cum suo auctore novi dogmatis damnata pravitas deperiret. Illata quidem fidei bella sunt, et regis æterni sacrilegis verborum jaculis nativitas appetita : sed vos, Christo Deo nostro auctore, regnantes, hostes impios fidei vestræ virtute vicistis, cælestem revocantes triumphum, per quod religioso munimen in perpetuum præstetis imperio. Vere enim prophetica gloriæ vestræ vox convenit, et regnum vestrum dici potest regnum omnium sæculorum, quod defensæ fidei meritum propagatur, et crescente sanctæ religionis observantia, Christianæ insertum reverentiæ semper augetur, gloriosissime et tranquillissime imp. Auguste. Ecce nunc domus Domini orationibus vacant, et vestrum per omnes Ecclesias Deo nostro oblati sacrificiis commendant imperium. Nihil, amoto perturbatoris ausu, scandalis licet; pestifer ulterius animas hominum sermo non vulnerat : salutem omnibus suarum animarum, dum universali Ecclesie consulitis, reddidistis. Hæc est vestra prædicandi regni vestri clementia, per quam non terræ, non provincie, sed omnium animæ sunt defensæ. Imputabitis hanc omnino victoriam, quam non bellis, non gladiis, sed sola devotione, quam Deo estis dediti conquistivistis.

13. « Mane hic vestræ gloriæ titulus, et manebit, ut nulla illum ætas, nulla vetustas abolet : æterna enim sunt, quæ æterni Regis amore præstantur. Sic Abrahæ fides sæculis durat. David Regis meritum Dei zelos fecit esse perpetuum, cum inimicos Dei suos credidit inimicos, et odisse quos Deo odibiles approbasset. Elias etiam Propheta falsa prophetantes non fuit contentus refellere, sed etiam in illos voluit vindicare; ut eos persequendo perde-

¹ Act. I.

rel, quos in perditionem nisi sui populi pervideret. Par tibi cum illo gloria. Ille falsa prophetantibus restitit, in falsa docentibus. Ille mentientes in Deum Prophetas persecutus est : tu de Christo Deo nostro prædicantes impia abegisti sacerdotes. Ille tantum vindictæ intentus est : vestra pietas sic impia vindicat, ut quæ sunt religiosa defendat : nec enim sufficeret abegisse morbos et pestilentiam repulisse, nisi et salubres auras redderes, et vitalem infectis substantiam ministrares, talem illi Ecclesiæ constituendo Pontificem, qui olim hoc se dignum fastigio omnibus, quibus nolus est, approbasset. Fert illi ac si sui corporis arti Romana testimonium, quæ hunc semper inter suos habuit et numeravit, Ecclesia : ferunt suorum merita, quibus sancte adhererat, decessorum. Ita enim reverentissimæ memoriæ viro Altico Catholice fidei propugnatori fortissimo mente pariter et officio cohærebat, ut jam tunc futuri in eodem episcopatus insignia præfuerent.

14. « Sed sit hoc arcano divine majestatis arbitrio, ut in posterum quæcumque sunt meliora serventur, et ad quietem per aliqua turbatorum scandala veniant. Debitum est fratris mei Maximiani episcopi gloriæ, ut aliquem illi prælatum fuisse in hoc quod sustinuit, civitas poneret, et nunc electo eodem, illi se integritatem fidei debere sentiret. Sed huic tantæ pro suo merito illius Ecclesiæ sacerdoti electo laudæ, et consensu sancte congregationis, quæ interfuit, ordinato, ad componendum Ecclesiæ statum, et omne vulnus prævæ heresis radicibus evellendum, ne audeant quæ abscissa sunt, pullulare; obsecramus, et poscimus sub illius invocatione, quem colitis, fidei vestræ, ut consuestis, arma præstetis. Nunc enim est omnis opponenda custodia, ne rapax lupus ab ovilibus Domini gregis, cum saevierit exclusus, rursus serpentine lapsus ad mortem perveniat animarum, effossis qua potest parte tuniculis. Nec enim potest quiescere, cum prædæ suæ rapidus cupiat incubare. Munimen sanis, remedia præbete sanandis, vultate muris vestræ fidei religionis Catholice veritatem, per quos, et credentes muniri sint, et tanti sequaces erroris non audeant introire. Ille enim plenus victoriæ vestræ fructus est, nihil relinquere, quod rursus Dei Ecclesia debeat formidare. Quem igitur universorum eiecit sententia sacerdotum, in prædicatione sacrilega perdurantem eum vestra clementia ab omni societate removeat, ut facultatem aliquos perdendi non habeat.

15. « Religiosos vero filios meos Joannem presbyterum, et Epictetum diaconum tantæ rei nuntios cum totius Ecclesiæ gratulatione suscepimus; et lectis in totius congregationis Christianæ plebis apud beatissimum Apostolum Petrum vestræ pietatis apicibus, Deo nostro pro vobis vota persolvimus. Ita enim ad nos, agente Domino, pervenerunt, ut ad eum diem quo (celebramus) Christi Dei nostri Natalem secundum carnem, cui questio inferebatur, concurrerent, et impietatem conjunctim universa congregatio confutaret.

16. « Cause fidei congrue et Ecclesiasticæ et pauperum utilitatis causa subjungitur; ut qui integritatem fidei præstitit, pauperum quoque commodis consulat. Illustis et sanctæ recordationis Proba possessiones in Asia constitutas longa a majoribus vetustate sic reliquit, ut majorem summam redditum clericis pauperibus, et monasteriis annis singulis præciperet erogandas; sed hæc possessiones ibidem constitutæ in damnum pauperum, hujus negligentia (ut gravius nil dicamus) qui his præfuerat, ea sunt ratione tractata, ut non solum consuetudine non solverent, verum etiam subreptitia impetratione earum justum dominum violenter. Rogamus pietatem vestram, ut religiosæ, et illustri domui, et Ecclesiæ id pro clementia vestra præstetis, ut omnis ab his insidiantium inquietudo discedat, ut tam Ecclesiæ quam suis dominis sit tuta possessio. Quod inde alimonie pauperum acquiritur, vestrum esse credetur. Dat. idib. Martiarum, Flavio, Actio, et Valerio VV. CC. cons. » Rursus vero eodem quoque die hæc scripsit ad recens electum Constantinopolitanum antistitem :

17. « Cælestinus episcopus Maximiano episcopo Constantinopolitano.

« Vidimus, et amplexi sumus fraternitatem tuam in litteris tuis : talemque sanctitatem tuam, qualem noveramus, inspeximus, simplici scilicet puritate gloriosum, et mentis fulgore potius quam honore perspicuum; quem in se atque in statum suum illa, de cujus fide semper gloriabamur, Ecclesia, quæ nunc te præselem divino judicio, postquam illum qui eam obidebat eiecit, accepit. Sume gubernacula nota tibi navis, eamque ut didicisse te ex tuis prioribus novimus, rege. Obsiste undis quas ille ventus, qui et a navi vectores abegerat, sed omnibus inimicus excitavit, omni eam laterum cœptis compage dissolvere, ut rapidis eam posset verticibus devorare; professus falsum (quid enim non iniquitas proficitur? gubernatoris officium, ut videretur regere, quos perdere nitabatur. Adhuc te ex citate ab eodem undæ circumsonant, et elati fluctus vel procelle sollicitant : resiste pervigil, et commisse tibi navis magister, salutem commissorum tibi qua poles cura succurre. Fac quietum mare esse, quo navigas : fac tua arte tutam navem post eas tempestates, quas susulerat, quam gubernas. Illum sequere piscatorem, qui maris aquas pedibus, ut ad Christum Dominum nostrum, quem ambulantiem in mari viderat, posset pervenire, calcavit.

18. « Sequere priorum, a quibus eruditus es et nutritus, exempla pontificum, beatissimi Joannis in prædicando scientiam, sancti Allici in repugnandis heresibus vigilantiam, decessoris tui Sisinnii, cujus te successorem credimus, simplicem puritatem; ut de illa (ut solebamus) gratulemur Ecclesiæ. Congrega sparsos; piumque animum qualem te habere novimus, in eos quoque dissipaverat perturbator, exerce. Congrega populos tuos ad matris sue thera : revoca quos inhibito veneni sapore abstraxerat ini-

micus. Confirma in fide, quos videris appetitos : cura quos inspexeris vulneratos ; remove qui non sentiant medicinam ; interdum enim dolor tollitur, et cum ea que sunt noxia precipiduntur, salus reliquis preparatur : Latus campus est, frater carissime, in quo gloriam et vigilantis pastoris et benigni sacerdotis exerceas, et sapore mentes Christiane salubritatis infundas : ut plus in reparando potuisse te liqueat, quam ille potuit in laedendo, qui imitator diaboli maluit esse quam Christi, perturbans omnium Ecclesiarum quietem, cui nunc debemus operam in commune prestare, ut omnium tua fides et munus sit animus sacerdotum. Teneat manus tua Dominicum ventilabrum, et purget aream creditam tibi, ut a frumentis palee separentur, et omne, juxta mandatum Christi ¹ Dei nostri, horreis triticum aggregetur.

19. « Locum impietas novella non habeat, et compresso olim per totum orbem sua damnatione noto Celestiano errori a tua vigilantia resistatur ; ut quicumque hujus dogmatis sunt sequaces, ab omni societate hominum repellantur. Obsistat illis per te Spiritus sanctus his in omnibus, qui ad has quas-cumque conantur provincias pervenire, ne eorum impia predicatio resurgat. Obsistite eis ; ita enim, ut damnetur quocumque perveniant, innotescunt, et tanquam non illis sententia toties repetita sufficiat, longinquas terras, remotasque provincias inquietant : sed eos ille persequitur, cujus fidem sua pravitate persequi nitentur. Sed quo se abscondant, ad quas latebras confugiant, sua se impietate prodentes, (invenire) non possunt. Filios vero nostros religiosos viros Joannem presbyterum et Epictetum diaconum cum magna letitia suscepimus, et cum majore gratulatione remisimus. Dat. idibus Martiis, Flavio, Actio et Valerio VV. CC. cons. » Hæc ad Maximianum Celestinus. Ad eorum autem ejusdem Ecclesie, et populum ejusdem civitatis per eosdem legatos ista conscripsit, que nonnihil depravata omni industria emendare curavimus :

20. « Celestinus episcopus clero et plebi consistentibus Constantinopoli.

« Exultatio matris est congregatio filiorum ; denique lætatur Ecclesia, ita se filios, quos diabolus dispererat, iterum congregasse, ut ex his, nisi filius perditionis, nemo sit perditus : quia eum filium suum nequaquam pater agnovit. Illum namque ex quo erat (sicut legimus) imitatus, vobis legitimis Dei filius hereditatem conabatur auferre, quos, dicente Apostolo, pro fide vestra, et hæredes ² Dei, et Christi nostri futuros credimus coheredes. Non ergo ei palmam de his referre permissum est, qui de ipso magis per arma fidei triumpharunt : victores vos, imo communis regis de hoste victoriam loquitur tyrannus exclusus : vicit in vobis, cujus incerta ferri divinitas putabatur. Separetur pravitas (nativitas), questionem dixerim quam sibi unusquisque

bene credens debet simpliciter aperire. Quis enim ad examen vocare audeat Deum, cumque discutere qualiter venerit subvenire ? Non fuit difficile Deo posse quod voluit, cum dignatus est liberare, qui potuit. Sed unde illi peccator in tanta caligine sua lumen non videre ? Unde terrenis argutis in superioribus positam colligere veritatem ? Unde in tenebris suis videre non possunt, qui lucernæ illius verbum nesciunt, quod esse lumen ¹ semitis suis David propheta testatur. Cum quo Psalmographo ² (ut supra diximus) matrem lætanlem, in utero summi, quem dissipatio lucusque ridicula et blasphemica turbabat, reversis filiis, cantare delectat : Ecce ³ quam bonum et quam jucundum habitare fratres in unum. Competentur hæc ergo verba de eo fuerim mutuatus : mihi namque ex parte maxima venerandæ ex Trinitatis auxilio, Ecclesie universalis quietem et summam presentium vindice gaudiorum, quem nunc usque omnes qui scandalizabantur ⁴ urebant et infirmitas aliquantum faciebat infirmum.

21. « Meminit charitas vestra, apud vos mihi dudum de patientia fuisse sermonem : jactavi que debui semina sacerdos in animo Christiano, nec me vobis seges expectata decepti : quid enim patientiæ vestræ messis intulerit, ipsis fructibus approbatis. Illis invidens severat perituram zizaniam intra aliquantum mentes agricola periturus ; severat longe aliud, quam acceperat seminandum, vel invenerat seminatam. Habemus certe fidei vestræ semina, que ipsius Domini sermo, vel Apostolorum doctrina jactavit : que quoties ista contingunt, non ea terra que suscepit, sed alia superflua corrumpunt : nihil vestræ simplici fidei messis Domini poterit imputare, qui in Evangelio auctorem zizaniam interrogatus ostendit. Illi tunc dixerunt : In bono semine unde zizaniam ? Nos dicamus : In tanto regno fidei unde peritidia ? Respondemus tamen vobis sermonibus Christi : Homo inimicus hoc fecit. Qualiter vos exercuit priorum palestra, doctorum fortitudo vestre mentis... adstravit ; ipsius agnitionem debetis hujus erroris, quorum hic indignus laudibus fuit, qui bona tam gloriosa despexit, non partem columbæ simplicitatis, sed in toto studuit serpentis astutia.

22. « Nec mirum, si parans occidere simplices animos, eum suadendos secutus est, qui suadendo primus occidit. Denique verbis illum legimus decepisse ; hic inferre mortem nonnisi per verba tentavit. Non tamen impune suum est secutus auctorem, quando Jude ⁵ episcopatum alter accepit. Jure utrumque feneat una sententia ; quia in unum (sicut legimus) ambo peccaverunt. Sic licet uterque ante oculos nostros Salvatoris nostri calumniator et traditor : tamen deliberare difficile est inter discussorem nativitatis, et mortis auctorem. Facti sui videlicet vacuum statim Judam penituit, prævenit

¹ Luc. III. — ² Rom. VII.

¹ Psal. CXVIII. — ² Psal. CXII. — ³ Psal. CXXXII. — ⁴ 2. Cor. XII. — ⁵ Act. II.

exitum oris supplicium proditoris : ille statim laqueum, peccatum suum confessus, elegit ; hic impietatis pertinacia gloriatur. Nec ego perfidia huic dabo nomen erroris, non est error impietas omnis : denique quoties Ecclesie, vel ejus quieti diabolus invidus fuerit, intra eam nata contentio salvam servavit ipsius certaminis causam, quo proticiebat iste conflictus, quo laborabatur, non ut religione quis vinceret, sed ut ipsa religio vinceretur. Meministis certe ejus, quia necesse est meminisse blasphemie : sed jam oblivionem tantorum malorum voto sanctis mentibus imperatam : ex animis, qui sublati est oculis tollatur ; tollatur, inquam, qui sic vocatus est precursor inferni. Habuit crebras sinister prædicator insidias, defendit arcum suum frequenter (ut legimus) et ore suo spicula venenata jactavit ; neminem tamen vestro in numero, quem feriret, invenit : rectora in se tela redierunt, postquam sagittare ¹ in obscuro rectos corde non potuit, et nihil in filios lucis licuit filio tenerarum.

23. « Quæ nos de vobis in bello infestino positæ cura atque sollicitudo tunc habuit ? In modum dierum duximus noctes, quia talibus causis omne tempus angustum est ; non oculos somno declinavimus inquietes. Quem enim caperet dilectio dormiendi, sic vigilante raptores, nesciebamus. Quis intra caulas timor ? quanta intra septa formido ? quoties luporum jejuna esuries multa circum, aditu querit prædam, sevit et absentibus inconsummata pernicies, quanta hic pro sua cautione laude grex dignus est, quem non attingit secum raptor inclusus ? Patet causa tuitionis hujusce, in apertum est qui restiterit inimico. Intelligamus et fateamur omnes, quod vos ille lutatus est pastor, qui in Evangelio se dicit esse pastorem ; adfuit, nec vos deseruit qui patiebatur in vobis : in hunc namque quotidianis acuebatur lingua blasphemis, in ipsum dentes suos impius tractator armabat ; inani tamen semper elusus est morsu, quando ejusdem pastoris virga ² vos consolabatur et baculus, qui gregem suum etiam pascendum tradidit iturus ad caelum. Hæc vobis hucusque non mutata sunt pascua, eisdem pabulis estis impleti Apostolice vos doctores et pio semper sermone paverunt : verum noxia fuerat pro salubribus cibis esca supposita, quando adversarius esurientibus animabus mixtas spinas floribus exhibebat : nec tamen fraus ista decepit vos, qui Christi suavis odor estis in Domino, postquam vobis longe aliud oluit quam solebat : herbam mortiferi graminis horruistis, sepsistis aures vestras spinis, ne linguam nequam potuissetis audire. Non ergo pervenit ad sensum, quod offendit auditum ; nec interiori ferre potuit, quod exterior non recepit. Vitastis eum, cui (quantum didicimus) et in faciem restitistis.

24. « Vitastis quem a memoria digna sancta Alexandrina Ecclesia secundum beati Pauli Apostoli sententiam ³ jam secretis esse correctum : legistis

namque et memoriter jam fenestris sacerdotis, hoc est, Catholici ad hunc scripta doctoris, quibus cum ita corruptum, ut vellet esse correctus, studuit ; mixus est labentem revocare collegam, porrexit dexteram magisterii sui, in uno volens plurimis subvenire ; percellerat animum veteris sacerdotis, quod mutat episcopus ruina multorum. Egit, sicut scriptum est : Benedicim opus Domini diligenter. In nullo ei officio Apostoli vir Apostolicus defuit, obsecravit, admonuit, increpavit. At ille qui in profundum blasphemiarum suarum pondere mergebatur, tanti viri doctrinam renuens, et abusus hortatu, docilis esse renuit, cum doctor esse non posset : egit injuriis tenacem recti esse perversitatis assertor gloriatus : hinc nec contristatus est frater, secum reputans, quod merito sibi conservo non parceret, qui suo Domino derogaret. Inventus est per diligentiam ille de Evangelio frugi filius, et providus servus. Nam et paternam servavit substantiam, et auxit numerum talentorum. Nec duplicasse eum, sed multiplicasse dixerim sortem, quem videbamus etiam longe positus pio fenore subvenisse. O sancte prædicationis usura ! quam hic gratiam ante communem Dominum fidei negotiator inveniet, qui propter animarum lucrum negotium et illic exercuit, ubi talenta accepit ? Nonne hic merito a patrefamilias auditurus est : Erge serve bone, et fidelis, intra in gaudium Domini tui ? Hæc huic competunt, qui illa quoque, quæ aliis sunt commissa, servavit.

25. « Quid ille auditurus est, quidve dicturus, cum a se commissæ sibi rei ratio requiretur, qui utique involvitur reatu, etiam si vobis per alios perdidit, esset ipse servatus ? Nostis profecto pro vestra eruditione, quæ pena negligentes maneat sacrodotis ; quippe quos Apostolus ¹ præesse etiam domibus suis jubet diligenter. Heli ², sacerdos denique per se inculpabilis divinam per filios incurrit offensam : offendit Pontifex pater : offendit potestas et pietas. Si igitur ille cum præsumptionem filiorum non refrenat incurrit ; quanto magis hic Dominum, dum nec ipsi pareit, offendit ? Non hunc desidem, non hunc dixerim negligentem : habuistis hominem sermonis assidui, atque (apud expertos loquor) habuistis vigilem perditorem (proditorem).

26. « Nec tamen beatus Petrus Apostolus deseruit tamen graviter laborantes : nam cum separari tale membrum de Ecclesiastico corpore, horrens omnibus putredo susserit, cum ferro obtulimus et fomentum. Sed ille abusus nostro studio, quo illum sequitur qui nec de pusillis aliquem vult perire, mortem desperatus optavit. Denique et medicinam respiciens, elegit abscondi ; tulit de se Apostolicum ³, vel hoc nobiscum sentiens, ipse judicium, ut absconderetur, qui nos contristabat, et volebat convertere Evangelium Christi. Nulla suo vitio languenti medico (ut diximus) arte defuimus. Non factum est nostræ celeritate sententia, ut esset nobis ⁴ Publi-

¹ Psal. x. — ² Psal. xxii. — ³ 1. Cor. v.

¹ 1. Tim. iii. — ² 1. Reg. iv. — ³ Galat. v. — ⁴ Luc. xviii.

cams aut Ethnicus. Scimus qualiter et quoties hos qui ad hæc tendunt Scriptura jubeat conveniri; quod nunc quoque videtur impletum. Dicendum denique adhuc. Tunc frater fratrem admonuit; delinque pertinax uno et altero, imo et multis testibus conventus est: consequenter ab universalis Ecclesia, nostro quoque sermone correptus. Nihil præcox, cum eo nihil in hoc egimus immaturum quem diuturnæ consuetudinis servatus ordo damnavit. Non potuimus ultra differre; ne (sicut scriptum est ¹) cum furante currere videamur, et cum adultero fidei nostram ponere portionem: maxime quando oculus scandalizans ² jubeatur auferri. Ad hæc illo compendio foliens oblata remedia campum ad certamen exposcit: sacerdotale postulat, cui non erat interfuturus, examen, egressurus ad bellum, castrorum dux hostem professus, et doctor fidei contra fidem portans arma perfidie, cum non tam profectus quam videtur expulsus.

27. « Non quero qualia tunc ad Dominum vestra vota fudistis, cum exitus doceat quid potueritis optare. Nec nos gestarum rerum putetis ignaros, quarum nobis ordinem sancti fratris Cyrilli relatio patefecit. Admonuit hominem, quem nunc inexcusabilem faceret ex more conventio: adesce contempsit. Quis petitorum Synodi, Synodo crederet defuturum? perculsa est illic falsitatis levitas pondere veritatis: nec se ausa est fulgori radiantium sacerdotum latitantis perfidie caligo miscere: lucem tenebræ fugerunt; quia societatem legimus ³ his esse non posse: invicem se contraria semper offendunt. Ubi est quod sibi dictum est ⁴, quod loqueretur in lumine, et supra lecta, quod audiret in auribus, predicaret? Sed si idcirco volens præsens latere, ut ferendam sententiam verecundia, judicante conscientia, preveniret; lucernam suam cur voluit habere sub modio, si eam bene putabat accensam? Toto sancto conventui lucere debuit, ut habere lumen omnium lumine probaretur. Non fallit divina sententia ⁵ quoniam qui in tenebris sunt, lucem videre non possunt. Mansit absconditus, ut vitando sacerdotale collegium ipsi renuntiaret quodammodo dignitati. Sic se ille primus homo ⁶ Adam peccati sui conscius ante faciem Domini nudus occulit; et qui non in eum, sed in ejus mandata peccasset, expavit illam quam contempserat vocem: et timorem deceptus incurrit, postquam simplicitatis fiduciam vitio prævaricationis amisit. Nam facit dubitare de criminis confessio latebrarum: nemo se in causis gravibus innocenter abscondit. Sic ergo illius nostre mortis auctoris, perditio honoris et gloriæ vestimento, secutus exemplum, merito hoc cum primo homine Adam fecerit, qui Deitatem Adæ novissimi sic negavit.

28. « Non fuit ante oculos tantorum vexatio sacerdotum, non congregatum ex omni pæne mundi parte Concilium: absuit ab his, cum quibus se

esse nesciret. Quid illi profuit hoc vitasse? refugere voluit, quos evadere non dabatur. Qua enim ratione possit evadere, persequente eo, cui se nullus abscondit? An quia talibus sociis usus est, sine peccato se existimans, negare indignatus quod Propheta clamavit ¹: Quo ibo a facie tua, et ab adspectu tuo quo fugiam? Si ascendero in caelum, tu ibi es: si descendero in infernum, tu ades. Ille clamat latebram suis deesse peccatis, nec a Deo posse celari. Ille enim faetet ubique præsentem, quem hic conatur asserere intra uterum defuisse susceptum. Tandem in sacerdotibus suis sanctis, sicut semper, Spiritus vivens natus in omnibus statuit quod omnibus subveniret, nulla de putredine, nulla de vulnere nascente suscepit; quia diligenter amputatum est, quod manus spiritalis abscidit. Ejice (inquit Salomon ²) de concilio contentiosum, et exhibit cum illo discordia. Secum scandalum suum, quod intulerat, amputavit; quia apud vos quod invenerat, hoc reliquit. Non poterat, loquente Domino, eradicari plantatio ³ quam plantaverat Pater, et quæ in eo uberem fructum probaretur afferre: servavit vineam suam Dominus Israel: domus ⁴ ejus est vinea Domini: et ideo mirandum non est, si furem domus ejus evasit, cuius legimus ⁵ nec dormire, nec dormitare custodem.

29. « Quid ager impius pertinax; quid sibi spei, quid permansit auxilii? non habet locum veniæ, cui scriptum quod nec hic, nec in futuro possit ignosci. Inclinator omnis elatus, contra exaltationem parit humilitas Christiana: quia hunc ipse, qui supra eum ⁶ requiescit, exaltat. Illius per Prophetam verba sunt ⁷: Non habitat in medio domus mee faciens superbiam, qui per Apostolum ⁸ promittit se stultam mundi sapientiam perditurum. Audiat nunc a nobis, quod Paulus tunc, et cum jam predicaret, audivit ⁹: Ad insaniam multarum pervenit itinere litterarum. Absit tamen ab eo hujus exemplum. Non enim quod de Doctore dictum est, dignus est audire indoctus. Cur præterea contra vas abjectionis, vas electionis vocem in medium? cum ad exprobandum hunc (luic), ille sufficiat, quem in cruce cum Christo post scelera tanta pendentem, supplicii beneficium fecit Dominum confiteri: sui ab eo memoriam poscit in regno; hoc brevi sermone diluit quicquid admisit, criminibus temporum temporis puncto subveniens: nec moratur premium confidentem, statim ejus remuneratio et vicissitudo respondit, qui libenter excepit hora ad se quacumque conversum: Mecum (inquit ¹⁰) eris in paradiso: promittit ei futuram societatem, qui secum præsens jam pateretur. Ad justitiam corde credulitas, ad salutem facta est ei ore confessio ¹¹. Exclamare hic in tantam contrarietatem rerum pariter et flere debemus: Nefas est, hoc episcopum, quod latro potuit (peliit), non invenire.

¹ Psal. XLIX. — ² Matth. V. — ³ 2. Cor. VI. — ⁴ Matth. X. — ⁵ Joan. III. — ⁶ Genes. II.

¹ Psal. CXXXVIII. — ² Prov. XXII. — ³ Matth. XV. — ⁴ Isai. V. — ⁵ Psal. CXX. — ⁶ Isai. ult. — ⁷ Psal. C. — ⁸ 1. Cor. I. — ⁹ Act. XXVI. — ¹⁰ Luc. XXIII. — ¹¹ Rom. X.

30. « O fidei, et perfidia primum! o iudicia Dei abyssus nulla! Iatro paradisi mernit, et sacerdos exilium. Habemus tamen huiusce rei veros interpretes: hunc ille positus inter tormenta cognovit, quem hic positus in honore nescivit. Nunc hoc illud est¹: Et homo cum in honore esset, non intellexit, comparatus est jumentis insipientibus? Quid est aliud intellectus et iudicium, nisi scire sapientiam et disciplinam, et intelligere verba prudentia? Illa est vera sapientia, quae, ipso Salomone dicente², de timore Domini sumit exordium: quam se inter perfectos loqui beatus Apostolus³ affirmat, cum non tam grave est, quod cum tunc minime mundus agnovit, quam quod nunc episcopus ignoravit.

31. « Hoc loco utar Domini nostri per Hieremiam⁴ sermonibus: Cultores legis meae nescierunt me; et prophetantibus iniquitatem Prophetis, plauserunt manibus sacerdotum. Et per eundem alibi: Sacerdotes mei sacrificaverunt mihi fidei. Ulebatur famen defensione, et laude gentilium, episcopum talem nunquam fuisse testantium. Vere haec et probabiliter loquebantur: nam quando poluit episcopus inveniri, qui Christianus esse nesciret? Ideo famen non inimicus esse probatus est, quia nunquam displicent hostibus proditores. Audivimus hunc agentem contra legem, et iniquum quae sunt solatia persecuta: adferunt inter alios, nec deseruerunt eum Caestiani iniquitatis operarii, quos Hymnidici⁵ nostri persequitur manifesta sententia: iam dudum quippe inimici Dei disperguntur, et pereunt qui operantur iniquitatem; sicut idem dicit⁶ velut cibum panis plebem Dominicam devorabant. Habuit ergo secum sui magistros exilii: habuit huiusce rei perfectos tyro doctores: nam separare difficile est, quos scelera sola junxerunt: quia majore ligantur glutino foedera vitiorum. Quis tamen horum finis est? nempe ille quem legimus⁷: Irritavit in illo Dominus, et erunt post haec decedentes sine honore in contumelia inter mortuos in aeternum. Sed quid diutius immoramur? fastidium forsitan faciat sermo prolixior: dimittamus mortuos sepelire mortuos suos.

32. « Audite nunc, et capite simplicis verba doctoris; audite ab eo quae a majoribus nostris nobiscum positus frequenter audivit: audite certe semper audita, nec studio novitatis inventa. Nostro vobis loquitur ore collega; quia una fides necesse est unite (unanimitèr) praedicetur. Non hic in ejus persona alicujus testimonium mutatur: a nobis datus est: qui est electus ex nostris, non est incognitus, non aliunde deductus: habuistis laudabilem de praesenti iudicio suo: fama dudum decepit absentes: plura de eo loqui cautio est; quia opera supervacua est nota laudare. Nunc tamen vos nostris propriis sermonibus decet cavere commonitos: nemo in vobis illud quatiat fundamentum, quod firma

petra, et angularis lapis ille construxit. Edificate super hoc, Catholici, quod soletis: didicistis quid sit super aedificare quod ardeat: hoc detrimento illud pensabitur, cum opera singulorum probare ceperit ignis¹ examen. Gaudeo vos fundamentum huius non stipulam, non ligna, non fenenum, sed illas imposuisse divitias, quas architectorum sapientium praecepta mandabant imponi. Bene manebitis, quia tam sollicitè fabricatis: habilaculum magnum tales pollicentur expensae: auro, argento, et lapidibus pretiosis istam vobis, quae aestimari non potest, construitis mansionem. Nullo pretio taxantur aeterna; quippe quae non injuria, non vetustate solvantur, quae jam ab institutione mundi iustis Dominus praeparavit.

33. « Confortentur manus fidelium fatigatae: labantia, hortante Propheta², genua roboventur: qui pusillo sunt animo convalescant: noster Salvator apparuit: ostendit falsitati Deus, quid sit pulsare, et incessere veritatem, postquam sibi controversia inde facta est, unde subvenit. Unde, filii carissimi, permanete in eum qui est, ut vincalis in vobis. In ipso sensu, et in eadem sententia estote perfecti: ut a Filio hominis, cum venerit in majestate sua, non audialis: Discedit a me maledicti, sed Venite benedicti, possitis audire: maneat haec repulsa venturi: vos tales volumus inveniri, ut cum in igne stent abjecti a sinistris, vos a dextris invitent ad regnum. Non exspectabitis, ut pareatur, quod olim vos, ut regnetis exspectat. Augustam nunc portam festinanter intrate, quae eos accepit, quos nunquam spatiosa invenerunt. Haec dilectioni vestrae pro laetitia Catholicorum dicta sufficiant, quae saepe recensere vos volumus, ut triumpho fidei gratulantes intelligatis Deum charitatis et pacis esse nobiscum. Dat. id. Mart. Flavio, Aetio, et Valerio VV. CC. cons. »

34. *Celestini papae laudes, obitus et res gestae.* — His redditus per eodem inde missos legatos in Orientem litteris, Caestinus, caestem, quam diutius concupierat, gloriam cum sanctis omnibus consecuturus, ex praesenti vita decessit, pontificia administratione bene perfunctus. Talem plane tantumque decebat praese Ecclesiae Catholicae custodem et vigilem eo tempore, quo ex adverso diabolus subinfruduxit clanculo furem, ut gregem perderet atque mactaret. Qualis namque parandus a Deo Pontifex fuit, qui staret pro muro domui Israel imperterritus et inconcensus, cum ex hypocrisis latebris hostis humani generis super eminentem cathedram, in primaria et nobilissima omnium Orientalium civitatum, perspicuum omnibus, et conspicuum cunctis regia pompa decorum collocaturus esset Christi divinitatis æmulum Antichristum; quem et, antequam quis qualisve esset, penitus innotesceret, clientela consulum et praefectorum ambiret, atque etiam foverent obsequia imperatoris? Ex Nestorii igitur summa cum potentia impietate

¹ Psal. XLVIII. — ² Prov. I. — ³ I. Cor. II. — ⁴ Hierem. II. — ⁵ Psal. XCI. — ⁶ Psal. XIII. — ⁷ Sap. IV.

¹ I. Cor. III. — ² Isai. XXXV.

metiri licet Cælestini maximam cum religione virtutem : ut plane satis superque sufficere possit ad supremum gloriae titulum Cælestino, impietatem cum impio proligasse, et antequam in œcumenico Concilio damnaretur, illato in eum ante anathemate, exstinxisse. Erectis igitur permansuris semper gloriosis de expugnato hæresiarchæ thronæis, et fidei gloriose œcumenicæ Synodi sententia stabilita, quam frustra conculcere atque labefactare fuerat aggressa peritida; impertitis insuper salutaribus monitis, et tanquam testamento relicti in recitatis mper litteris, quomodo futura mala cavere possent, rebus cunctis bene compositis atque dispositis; ab ipsis idibus Martiis, quibus eas ad Orientales dedit Epistolæ, non amplius quam viginti duorum dierum evoluta periodo, pro recipienda bene perfuncti laboris expectata mercede, feliciter et exoptato migravit ab Æoninum.

35. Hoc igitur ipso anno, octavo idus Aprilis S. Cælestinus papa ex hac vita migravit, cum sedisset annos octo, menses quinque, et dies tres. Recensetur a Gennadio inter scriptores Ecclesiasticos, atque de ipso ait ¹ : « Cælestinus Urbis Romæ episcopus decreta Synodi adversus supradictum Nestorium dictavit, habitum volumen describens, ad Orientis et Occidentis Ecclesias dedit, confirmans, duabus in Christo manentibus perfecte naturis, unam Filii Dei credendam esse personam ». Hæc de Cælestino : que vero subdit de Sixto, dicemus paulo inferius. In libro autem de Romanis Pontificibus hæc de eo : « Hic multa constituta fecit, et constituit, ut Psalmi David centum quinquaginta ante sacrificium psallerentur antiphonatum ex omnibus; quod antea non fiebat, sed tantum Epistolæ Pauli recitabantur, et sanctum Evangelium. Hic fecit constitutum de omni Ecclesia (decretum nempe ad universalem Ecclesiam pertinens) quod hodie archivis Ecclesiæ tenetur reconditum. Hic fecit basilicam Julii, etc. » Subdit de donis illi collatis, de eodem Cælestino exornante sacris imaginibus Memoriam martyrum hæc Hadrianus papa in Epistola ad Carolum Magnum imp. habet : « Herum de sancto tertio Concilio S. Cælestinus papa proprium suum cæmeterium picturis decoravit ». Hæc ipse.

36. Sed quod secundum illud Apostoli ² : « Sapientibus et insipientibus debitor sum » : exufflata est musca mortua, que suavitate ³ perdit unguenti, quam alias sui vitælate contempsimus. Unus enim Laurentius Valla ⁴ grammaticus, Ecclesiasticarum rerum peritiæ penitus expertus, ignarus quam magna sit differentia inter Cælestinum papam atque Cælestium collegam Pelagii, deceptus miser similitudine nominum, clarissima luce licet, in fovæam tamen erroris illapsus, dixit Cælestinum papam infectum fuisse errore Nestorii. Quid hoc magis insulsam potuit excogitari atque effutiri ridiculum,

ut qui primus omnium damnavit Romæ Nestorium, et per legatos ab œcumenica Synodo Ephesina atque ejiciendum curavit, hic ipse impudenter dicatur fuisse Nestorio? Eui quæ patiatur infestas muscas Ecclesiæ : de quibus et illud Exodi licet usurpare ¹ : « Corrupta est terra ab injuscemodi muscis » grammaticis, inquam, illis, qui absque magistris hoc nostro sæculo ex improviso prodire theologi, imo et profitentur severissimos theologorum se esse censores. Sed hæc in supplicium perfidorum, de quibus Sapientia ² : « Illos enim locustarum, et muscarum occiderunt morsus, et non est inventa sanitas animæ illorum, qui digni erant ab injuscemodi exterminari : filios autem tuos nec draconum venenatorum vicerunt dentes ».

37. Ad postremum vero de Cælestino minime illud prætereatur, ejus Pontificatus tempore in Aventino erectam fuisse in honorem Sabine martyris Ecclesiam, prout ejusmodi vetus inscriptio docet his versibus :

CULMEN APOSTOLICUM CŒM CÆLESTINUS HABERET,
PRIMUM ET IN TOTA FULGERET EPISCOPUS URBE,
HÆC QUÆ MIRARIS FUNDAVIT PRÆSBYTER URBS
ILLYRICA DE GENTE PETRUS, VIR NOMINE TANTO
DIGNUS, ET AB ORTU CHRISTI NUTRITUS IN AULA,
PAUPERUS LOCUPLES, SIBI PAUPER, QUI BONA VITÆ
PRÆSENTIS FUGIENS MERUIT SPERARE FUTURA.

Sunt Dei beneficio, et alia tanti Pontificis vetera monumenta refoffa, et ex abditis in lucem edita atque in primis ejusdem Sepulcri epitaphium, quod sic se habet ³ :

PRÆSUL APOSTOLICÆ SEDIS VENERABILIS OMNI
QUEM REXIT POPULO DECIMUM DUM CONDERET ANNUM
CÆLESTINUS AGENS VITAM MIGRAVIT IN ILLAM
DEBITA QUÆ SANCTIS ÆTERNOS REDDIT HONORES
CORPORIS HIC TUMULUS REQUIESCUNT OSSA CINISQUE
NEC PERIT HINC ALIQUID DOMINO CARO CI NCTA RESURGIT
TERRENUM NUNC TERRA TEGIT MENS NESCIA MORTIS
VIVIT, ET ASPPECTU FRUITUR BENE CONSCIA CHRISTI.

Sed de Cælestino hæc tenetur.

38. *Sixtus ejus successor pro fide Ephesina laborat, per Epistolam Nestorium et Joannem Antiochenum convenit.* — Defuncto igitur Cælestino Romano Pontifice, sepultoque in cæmeterio Priscillæ via Salaria, cum vacasset episcopatus dies viginti (al XXI), sexto kalendas Maii Sixtus patria Romanus ex patre Sixto creatur Romanus Pontifex : id quidem hoc anno factum, tum Prosper, tum Marcellinus in Chronicis meminere. Simul ac autem ipse Sixtus Romanæ Sedis atque totius Ecclesiæ Catholice clavum moderandum accepit, quem vidimus ex sancti Augustini litteris ad eum datis ⁴ zelo fidei illibate servandæ mirum in modum

¹ Gennad. de Script. Eccl. c. 54. — ² Rom. I. — ³ Eccl. x. —

⁴ Laurent. Val. de falsa donat. Constant.

¹ Exod. VIII. — ² Sap. VI. — ³ Ant. Inscr. in append. pag. 4171. n. 5. — ⁴ Aug. ep. CIV. et CV.

astuasse, nihil antiquius habuit, quam ut eandem mox, scriptis ad universas Orientales Ecclesias litteris, redderet in omnibus stabilitam. Testatur id quidem Gennadius¹ verbis istis, cum agit de ipso Sixto post Cælestinum : « Similiter etiam Sixtus successor Cælestini pro eadem re et ad ipsum Nestorem (Nestorium) : et ad Orientis episcopos adversum errorem ejus succidendum sententiâ direxit ». Hæc ipse.

39. Quod enim Nestorianæ hæresi Pelagianam sciret dedisse manus, vehementiori impetu adversus utramque eundem jam creatum Pontificem insurrexisset, qui olim presbyter scriptis luculentissimis editis eam vehementer exagilavit, quis poterit dubitare? Qui enim presbyter hæreses proligravit, et (ut S. Augustinus de eo testatur²) hæreticos tenuit; jam ipso insidentem Petri throno, quibus putas ipsum eam verborum appetuisse fulminibus? Verum omnia sapienti consilio, nec quicquam animi præpropera commotione gessit, exhibens se prius patrem atque pastorem, quam judicem. Hæc de causa Gennadius ait, Sixtum Pontificem ad ipsum Nestorium jam anno superiori damnatum scripsisse litteras, dum ille ageret in monasterio S. Euprepîi apud Antiochiam relegatus, si forte in monastica tranquillitate ad meliorem statum mentis rediret, et frequentia vallatus hominum desipuerat. Non despexit morbosam ovem curare pastor, qui sciret pastorem omnium Christum de perdita ove quærenda insinuasæ sermonem et inculcasæ vivam exemplum. Sed qui prædecessoris ipsius Cælestini medicamenta contempsit, Sixti quoque medicinam propinatam exhorruit; utpote quod secundum divinæ Scripturæ sententiâ³, nemo corrigere valeat, quem Deus despexerit. Tantum enim abfuit, ut Nestorius et Nestoriani, qui illi penitus inhæserant, corrigerentur, ut ad calumnias atque probrosa mendacia declinantes, tum ipsius Sixti nomine, tum Cyrilli litteras finxerint pro Nestorio atque ejus blasphemias datas : sed id anno sequenti post pacem inter Joannem Antiochenum atque Cyrillum Alexandrinum compositam : nosque de his suo loco acturi sumus.

40. Cæterum illud constat ex litteris sancti Cyrilli ad Acacium Melitenum episcopum datis, et aliis, ipsum Sixtum, simul ac regiminem Apostolicæ Sedis est consecutus, nihil antiquius habuisse et magis in votis, quam que a sacrosancto Concilio œcumenico Ephesino decreta fuissent, stabili firmitate consolidare : quamobrem statim eadem rata habuit, et Pontificio adjecto decreto firmavit : quippe qui acerrimo studio Nestorianorum patriarchas Pelagianos (ex his enim eos fuisse progenitos, superius demonstratum est) olim cum presbyter esset, fuerat insectatus, cum in societatem criminis calumniosæ ab adversariis inductus esset, ut ex litteris sancti Augustini⁴ ad ipsum scriptis apparat : sed de his

suo loco dictum. Qui igitur super eminentissimum thronum exectus est summus Pontifex Sixtus, hand satis sibi visum est Ephesinum confirmasse Concilium : sed quod sciret Petri muneris esse, fratres confirmare, atque collapsos erigere, in hoc ipsum totus incubuit, ut qui restiterant Ephesinis Actis Orientales episcopi, eosdem Catholica fidei redderet obsequentes.

41. Sic ergo qui ad Nestorium condemnatum scripsit, si quo pacto eum ad penitentiam provocaret; curam reliquorum generis, ad ejusdem primarium fautorem Joannem Antiochenum episcopum litteras dedit : meminit eorum Vincentius Lirinensis, ex eademque epistola ejusmodi fragmentum recitat, quo demonstrat Romanos Pontifices fuisse antiquitatis Ecclesiasticæ tenacissimos, et novitatis hostes infestissimos; ait enim¹ : « Que omnia licet cumulate abundeque sufficerent ad profanas novitates obruendas : tamen ne quid desset tantæ plenitudini videretur, ad postremum adjecimus geminam Apostolicæ Sedis auctoritalem, unam scilicet sancti papæ Sixti, qui nunc Romanam Ecclesiam venerandus illustrat, alteram prædecessoris sui beatæ memoriæ papæ Cælestini, quem hic quoque interponere, necessarium judicavimus. Ait itaque papa Sixtus in Epistola, jam de causa Nestorii Antiocheno misit episcopo : Ergo (inquit) quia, sicut ait Apostolus, fides una est, quæ evidentè obtinuit, dicenda credamus, et tenenda credamus. Tandem illa quæ tenenda et credenda prosequitur, et ait : Nihil ultra (inquit) liceat novitati : quia nihil addi convenit vetustati. Perspicua majorum fides et credulitas, nulla cœni permixtione turbetur. Omnino Apostolicæ : ut majorum credulitatem perspicuitatis lumine ornaret, novas vere profanitates cœni permixtione describeret ». Hæc ex Epistola Sixti ad Joannem Antiochenum Vincentius, quam reddituri sumus inferius.

42. *Theodosii pro pace Ecclesiæ solliciti Epistolæ ad Joannem Antiochenum, ad Acacium et Simonem Stylitam miræ sanctitatis virum.* — At non Sixtus tantum, sed et Theodosius imperator hoc eodem anno, et vivente adhuc Cælestino Romano Pontifice apud Joannem Antiochenum episcopum naviter egit, ut dammaret Nestorium, et cum Cyrillo Alexandrino iniret concordiam, pacemque inter omnes Orientales Ecclesias conciliaret. Ususque ad hoc consilio Maximiani episcopi Constantinopolitani, et aliorum episcoporum Orthodoxorum, qui cum eo erant, illud in primis (quod aliter res transigi non posset) ex sententiâ eorumdem decrevit, ut tum Joannem ipse, tum Cyrillum, utriusque videlicet partis auctores, Nicomediam convocaret, haud permissurus eos inde discedere, nisi iisdem inter se mutuo ad concordiam pristinam restitulis. Ad hujus legationis obeundam provinciam delectus est vir integer piusque Aristolus nomine, tribunus et notarius, quem Antiochiam misit cum litteris ad Joan-

¹ Gennad. de Vir. illust. c. 54. — ² Aug. ep. cv. — ³ Eccl. vii. — ⁴ Aug. ep. civ. cv.

¹ Vincent. Lirin. adv. hæres. cap. ult.

nem ejus civitatis episcopum, addens alias ad Aca-
cium episcopum Berceensem, et Simeonem Stylitam
anachoretam, virum sanctissimum, quos voluit
apud eundem Joannem sequestres pacis accedere.
Epistola autem ab eodem Theodosio imperatore ad
Joannem Antiochenum scripta sic se habet ¹ :

43. « Animi nostri scopus, collapsæ pacis re-
dintegratio est, quam vos juxta vite vestre institutum
profitemini, cæterosque omnes (utpote charita-
tis causa ad sacerdotium etiam adscripti) docere
nunquam desinitis. Quia ergo hæc, unde minime
decebat, turbari contigit : operæ pretium visum est
ad id vos urgere, ad quod alios universos, siquidem
admonerentur, venturos, nihil dubitamus. Res enim
delestanda, planeque inexpectata nostris hæc tem-
poribus accidit, nempe sacerdotum veram religio-
nem profitentium discordia, et ea quidem tanta, ut
omnem narrationis modum excedat. Enimvero cum
spes erat, fore, ut omnis omnino contentio vel ad
minimum usque suspensionem et medio accesseret,
perfectæque unionis fructus exurgeret ; tum dentum
gravia illa dissidiorum tumultuantiumque incendia
exarserunt : qua de causa vehemens ægritudinis,
justique doloris occasio ex ea re nobis offertur. Cer-
nimus enim Ecclesiasticæ pacis doctores, ipsos con-
cordiæ fontes eo discordiarum prolapsos, ut talibus
indigeant qui suo hortatu ad id eos impellant,
quod pro officii sui munere ultro præstare obli-
gantur.

44. « Quapropter hujus tanti mali exitum inde
invenire sperantes, unde originem traxit : enixe ac
diligenter, ut primo quoque tempore hoc conticiatur,
curantes ne hoc contentionis vitium latius serpat :
sanctissimo celebri civitatis hujus episcopo Maxi-
miano, cæterisque omnibus qui in ea comperiuntur
sanctissimis episcopis, et universo denique illorum
clero ad nos adscitis, sedula consultatione inquisivi-
mus, ex quibusnam rationibus Orthodoxæ fidei
membra, quæ dudum ante bene unita, infelicis
casus interventu, misere jam nunc divulsa cernun-
tur, denuo conglutinari : vosque, hoc est, tu, et
Cyrillus religiosissimus Alexandriæ episcopus, inter
vos cœnites, omni similitate, molestæque conten-
tione, quæ inter vos exarsit, deposita, ad pristinum
rursus concordiam adduci possetis. Prædicti autem
episcopi responderunt : si Nestorii depositioni sub-
scriberes, illiusque doctrinam anathematizares, fore
ut omnis altercationis materia mox e medio tollere-
tur ; Cyrillusque sanctissimus Alexandriæ Ecclesiæ
episcopus cum suis, tum Cælestinus quoque nobilissi-
mæ civitatis Romanae episcopus, tum reliqui tan-
dem omnes quotquot ubique sunt Orthodoxæ fidei
sacerdotes, cum tua pietate ad communionem redirent.
Cætera vero, si quæ forte essent, quæ emenda-
tionem desiderarent ; ea a vobis ipsis privatum vel
in commune consultantibus, facili negotio, recte
expediri posse.

45. « Cum itaque unum hoc nostrum esse stu-
dium et consilium non ignores, quo pax certa et
firma, omni prorsus contentione et amulatione
quæ accidit sedata, sublataque sanctissimis orbis
Ecclesiis, quæ Orthodoxam fidem profitentur, cæle-
risque omnibus subditis nostris integre cum Dei
auxilio restitatur : omnibus posthabitis, ad Nico-
mediæ civitatem summa cum celeritate venire ma-
lures ; nec ullum omnino episcoporum tecum ad-
ducas, sed pauculos tantum clericos, qui sanctitati
tuæ famulentur : cæteris, inquam, omnibus seposi-
tis festina huc citra ullam dilationem accedere :
certo tibi persuasum habens, Cyrillo sanctissimo
episcopo per majestatis nostræ litteras mandatum
esse, ut ipse quoque eadem animi promptitudine
ad eundem locum accurrat ; additumque, nullum
ad nos accessum prius habiturum quam inter vos
conveneritis, omnemque mutuam inimicitiam peni-
tus exueritis, et per propriam concordiam, com-
muneque omnium votum stabilem inter vos pacem
constitueritis. Atque hoc ipsum et tuæ quoque
reverentiæ denuntiatio volo. Etenim cum sitis viri
adeo celebres, minime deceat vos vel bona pacis, vel
mala discordiæ ignorare.

46. « Interea vero ad nostram præsentiam non
admittemini, antequam ea omnia correcte emen-
dataque fuerint, quæ tanta nos ægritudine affecerunt,
quantam verbis exprimere vix possumus :
dum studiosa pacis concordiaque et mutuæ inter
vos amicitia conventio intercesserit, et per illam
iter ad nos vobis patefactum fuerit : nulla prorsus
quoruncumque episcoporum aut ordinatio aut
exaugetoratio lentabilis : sed si quid interim hujus-
modi usus postulaverit, hoc totum tranquillæ paci-
fiæque Ecclesiæ Catholice constitutioni reservetur :
præsertim cum religiosissimi clerici ad divina
mysteria tantisper sufficere queant, donec perfecta
aliqua unio consequatur. Hæc hactenus a me dicta
sunt. Nec dubitamus, si sinceram immotamque
atque Ecclesiastico statu dignam animi nostri sen-
tentiam diligenter ac pie expenderit, quin totis
animi viribus, totaque mentis virtute ad hoc in-
evitabilis sis, ut ea omnia quæ a nostra pietate Ortho-
doxæ fidei, sanctarumque Ecclesiarum unendarum
causa sancita et ordinata sunt, tempestive conficiantur :
sed neque ullum quoque ejus rei gratia aut
laborem, aut difficultatem, aut ignominiam, aut
injuriarum condemnationem recusaturus. Quod si
vero (quod non credimus) nostræ hinc conscientia, justoque animi nostri proposito, privato judicio,
humanæque alieque perturbationis impulsu, ali-
quando obruti institueris, nostraque decreta flocci-
feceris ; non dubitet sanctitas tua, se obedientiæ et
promptitudinis, quæ sanctæ Dei Ecclesiæ concorditer
constituendæ jure debetur, neglectæ meritas
pœnas daturum esse ». Hactenus Theodosii ad Joannem
episcopum Antiochenum Epistola. Sed præter
has litteras alias secretiores dedisse per eundem
Aristolaam ad ipsum Joannem, ut damnaret Nesto-
rium, et in omnibus Cyrillo assentiretur, testatur

¹ Apud Conc. Ephes. edit. Pell. tom. v. c. 3.

Cyrrillus in Epistola ad Dynalium¹, quam inferius reddidit summus.

47. Scripsit insuper (ut dictum est) imperator ad Acacium Berrœensem antistitem, qui totius Orientalium machinationis consultor præ senii gravitate et rerum agendarum usu atque peritia habebatur, et ad alios coepiscopos et anachoretas, quæ sic se habent²:

« Nihil omnino eorum omnium a nobis est prætermissum, quæ religionis Christianæ causa nostro studio effici debuerant. Atque hoc ipsum sanctitas vestra cum a Joanne piissimo Ecclesiæ Antiochenæ episcopo, tum a cæteris quoque sanctis episcopis qui apud illum versantur, dilucide cognoscere poterit. Acciderunt autem nonnullæ inter quosdam circa religionis negotium difficultates et controversiæ, quas quidem evestigio de medio tollere et abolere exoptabamus; verum negotiorum magnitudine et multitudine impediti, quod volebamus et conabamur, conficere non valuimus. Certa nihilominus fixaque stat sententia, ab hoc conciliandæ pacis studio non prius desistere, quam misericors Deus, vestris intercedentibus precibus, Ecclesiis unionem et pacem restituere dignabitur. Deet proinde vestram sanctitatem, omni diligentia, studio, ac contentione hæc a Deo deponere; vosque probatos Romanæ religionis sacerdotes esse, manifesto argumento declarare ». Hactenus Theodosius ad Acacium, et alios (ut habet inscriptio) aliarum provinciarum episcopos et solitarios.

48. Quod vero ad hanc Theodosii Augusti Epistolam spectat, velim nomenclaturam observes, qua imperator fidem Catholicam proprii vocabulo, « Romanam religionem » appellat; proprii, inquam: quoniam dicendo tantum fidem Catholicam, cum omnes ferme hæretici eam apud se esse profiteantur, haud facile illos distinguere eo nomine (dum agitur cum ipsis) a veræ pietatis cultoribus; secus autem voce illa, « Romanæ religionis », quæ peculiaris et propria est Orthodoxorum: nam non communicare Romanæ Ecclesiæ, istud ipsum erat constituere quempiam hæreticum atque schismaticum; ut ex his quæ dicta sunt superius ex Optato Milevitano, sancto Augustino, sancto Hieronymo, et aliis veteribus satis superque sæpius demonstratum est. Porro sicut in Oriente (ut apparet testificatione Theodosii imperatoris) ejusmodi vigeat loquendi usus, ut per « Romanam Religionem » fides Catholica deberet intelligi; ita et in Occidente, nec apud Latinos tantum atque Catholicos, verum etiam penes Barbaros, eosdemque hæreticos ejusmodi receptam esse consuetudinem, quæ alibi diximus ex Victore Ulicensi et Gregorio Turonensi, de quibus et suis locis continget fieri mentio, manifeste declarant. Sed ad Theodosium redeamus, qui etiam ejusdem argumenti, pro pace scilicet inter dissidentes episcopos concilianda, ad magnum illum

Simeonem Stylitam, incomparabile hujus sæculi admirandæ sanctitatis exemplum, de quo et superius mentio facta est ejusmodi litteras dedit³:

49. « Quoniam quidem exploratum habemus, totam reverentiæ tuæ vitam ad Deum esse conversam, eaque integritate vixisse hactenus, ut divinam erga nos benevolentiam certa quodam fiducia provocare queas, non potuimus in præsentem has ad te litteras non perscribere, teque etiam atque etiam rogare, ut hoc pacis concordiaque negotium, quod a divina providentia vere dependet, hoc potissimum tempore quam maxime promovere satagas; dissidiumque diaboli technis paci recte aliquando radicata et constituta iniectum, festinum e medio tollere contendas. Id quod tuæ sanctitatis precibus, ejusdemque apud illos, qui eam confirmare dissipatamque restituere possunt, hortatu impulsuque confisi, brevi futurum, minime dubitamus. Nam si Joannes piissimus Ecclesiæ Antiochenæ episcopus, Nestorii, qui hæc controversias principio exscitavit, depositioni subscripserit, fidemque fecerit se novo insanone dogmati in posterum non consenturum, neque antea consensisse unquam: divulgatorum membrorum unio denuo subsequetur: quippe cum omnes in hoc convenient, concurrantque: si, inquam, Joannes istud fecerit, religiosissimoque episcopo Cyrillo consenserit, quemadmodum Occidentales, et Constantinopolitani, reliquique omnes terrarum orbis episcopi cum eo consentiant; quæ quondam fuerant conjuncta, Dei benignitate rursus coalescent. Hanc namque molestiam turbamque, supervacanea parumque utilis, imo vero noxia doctrina nobis peperit: quæ quidem si per vestras preces explosa, proculque ab animis nostris eliminata fuerit, pacatos nos reddet, divinamque defensionem (uti speramus) nobis restituet. Nam contentio hæc et discordia adeo nos confuribat, ut existimemus primam præcipuamque omnium nostrarum calamitatum occasionem vel hanc unam præbuisse.

50. « Confidimus autem, regni nostri res consilio benignitatis et humanitatis Dei esse processuras, Ecclesiæ et Orthodoxæ fidei membris vestro hoc egregio facto conjunctis. Certa igitur pulcherrimum certamen conatus: hoc enim tibi maximum certamen imputabitur, et victoria summis viribus parata: quam adeptus te ipsum seentus fuerns: ea quæ profiteris, tum gerens, tum factis confirmans. Consuetis orationibus, quæso, nostrum imperium, quique ei parent, sine intermissione Deo commenda; ut nobis, quorum omnis cura (quemadmodum convenit) in pace religionis ipsius potissimum versatur, copiosa bona ab ipsius potestate suppeditentur ». Hactenus Theodosii imperatoris litteræ ad Simeonem Stylitam.

51. Verum sic comparatus magnus ille Simeon erat, ut licet super columnam in solitudine positus vitam parem cælitibus in terra duceret, tamen curam Ecclesiæ Dei minime abjecerit: zelo enim

¹ Cyrill. ep. XXXIII. — ² Extant apud Conc. Ephes. edit. Pelt. tom. v. c. 10.

³ Apud Ephes. Conc. edit. Pelt. tom. v. c. 15.

pietatis exæstans, nullam prætermisit aliquando occasionem illi consulendi : cujus rei causa etiam cum opus esset, scriberet ad imperatorem, ab eodemque vicissim soderet accipere litteras. Theodoretus enim de ipso agens, hæc inter alia¹ : « Hæc quidem omnia faciebat, neque sanctarum Scripturarum curam alijciet et providentiam : aliquando quidem pugnans adversus Gentilium impietatem, aliquando transgens Judæorum audaciam, aliquando autem fugans, et profligans lurbas hereticorum, aliquando de his scribens ad imperatorem, aliquando præsidens et magistratus ad divinum incitans zelum, aliquando etiam ipsis Ecclesiarum pastoribus majorem gregis curam gerere præcipiens ». Hæc et alia Theodoretus : qui quidem in eo quod ait, Simeonem aliquando fregisse Judæorum prociaciam, dum scriberet adversus eos ad imperatorem ; illud plane in mente habuisse visus est, quod de eodem Evagrius narrat his verbis² : « Virtus porro divine gratie tam penitus in istius insedit animo, ut ad imperatorem Theodosium per legem jubentem ut Judæis Antiochiam incolentibus ipsorum synagoga, quas ante Christiani ab illis abstulissent redderentur, adeo libere scriperit, adeoque acriter propterea eum increparit (solum namque suum imperatorem Deum veritus est) ut imperator Theodosius, quo Christianorum satisfaceret voluntati, sua mandata revocaret ; præfectumque qui ipsum de Judæorum synagogis reddendis docuerat, abdicaret magistratu ; atque sanctissimum atque celestem oraret martyrem, uti nominatim pro ipso Deum obsecraret, obfestareturque, atque sua ipsum impertiret benedictione ». Hæc Evagrius.

52. Porro magni hujus Simeonis nomen ob ejus mirificas virtutes, ingentiaque miracula, non in Oriente solum, ubi degebat, sed in Occidente fuisse percelebre, quæ de eodem tradit his verbis Theodoretus, significant³ : « Cum ergo pervolaret fama in omnes regiones ; concurrebant omnes non solum vicini, sed qui etiam multorum dierum itinere aberant » : pro exposcendis ab eo diversis (prout quisque opus haberet pro se, vel pro suis) divinitus impertiendis miraculis. Sed pergit : « Sic autem omnibus undique adventientibus, et per totam viam instar fluminis affluentibus, videre est pelagus hominum in illo loco constitutum, quod fluxivos undequaque excipit. Non solum enim confluent qui nostram habitant regionem, sed et Ismaelitæ, et Persæ, et Armeni qui sunt eis subjecti, et Iberes, et Homeritæ, et qui illis sunt interiores. Venerunt autem multi quoque qui habitant extrema Occidentis, Hispani (inquam) et Britanni et Galli, qui quod est intermedium occupant. De Italia enim supervacantem est dicere. Aiunt enim Romæ, quæ est longe maxima, cum fuisse adeo omnium sermone celebratum, ut in officinarum omnium vestibulis et porticibus ei parvas posterint imagines, hinc sibi

præsidium et tutelam parantes ». Hæc Theodoretus ejusdem provincie accola, qui hæc omnia habebat præ oculis, scripsitque dum fierent, ipso magno Simcone adhuc superstite. Sed cum alio tendat orationis cursus, apud hunc diutius immorari minime datur : convenimus cum sæpe inferius. Modo autem de Joanne Antiochæno episcopo, ad quem Theodosius scripsit, cæptam prosequamur orationem.

53. *Joannes, vocatus Antiochiam Syriæ episcopus, veram fidei confessionem et Nestorii damnationem subscribit, mittitque ad Sixtum et Cyrillum, in quem Nestorianorum calumniæ refelluntur.* — Illic quidem etsi de fide Catholica gloriaretur, magna tamen labe conspersus est ex consuetudine atque defensione Nestorii : deterius vero fedatus, cum in suspicionem adductus est inite cum eo occulte societatis, dum damnationi Nestorii in Concilio œcumenico Ephesino proclamata, non tantum non adduci potuit ut subscriberet, sed eidem semper mirum in modum est pertinacius refragatus : cujus rei causa factum est, ut complurium sanctorum virorum animi in eum juste commoti fuerint. Ad hæc nanque spectant quæ Cyrillus monachus in rebus gestis S. Euthymii, quas posteris fideliter tradidit, tum de S. Euthymio, tum de Domino monacho ejusdem Joannis episcopi Antiocheni ex sorore nepote narrat verbis istis : « Is autem (Euthymius scilicet) cum et alia didicisset ex iis quæ facta fuerant ab episcopis Orientis, et quod Joannes qui præerat Antiochie, cum esset Orthodoxus, inductus esset, ut eadem sentiret quæ Nestorius : fuit gravi tristitia cor ejus sauciatum. Eodem modo etiam affectus fuit Dominus illius nepos consobrinus : rogavit itaque Euthymium, ut ei permitteretur ire Antiochiam, ut avunculum suum, qui supplantatus fuerat, restitueret, et jam veluti jacentem erigeret. Ille autem cum prævidisset non futurum illuc tutum adventum, sed ei potius inutilem et minime conducibilem : Nequaquam (inquit) o fili : non oportet te a Laura recedere : neque enim ille tua opus habet presentia : sed etsi paululum a recta fide declinavit : Deus autem, qui novit cor illius recte se habere, ipse illum convertet, et reduct ad id quod bene erit. Et tu quidem, o fili, si quidem in quo vocatus es, et loco, in eo perpetuo manseris ; perficies, et gloriam adipisceris, veram, inquam, gloriam, et quæ ex Deo est, quæ nunquam excidit. Sin autem his neglectis, et tolerantia contemptis cogitationibus, a Laura tentabis discedere : obtinebis quidem administrationem, quem tuus habet avunculus : sed eam tibi rursus auferent mali homines et præstigiatores, cum ab illius prius seductus fueris ignoratione. Et hæc quidem qui est in sanctis Euthymius. Dominus autem, cum hæc mandata non multum curasset, proficiscitur Antiochiam, nec vale quidem dixit sancto, et nec ei ullo modo suum significavit recessum. Cum illic fuisset, omnia quæ ei predicta fuerant effectum sunt sortita. Illeque postea magna ductus penitentia, quod non obedi-

¹ Theod. Vil. SS. Patr. c. 26. — ² Evagr. l. 1. c. 13. — ³ Theod. Vil. SS. Patr. c. 26.

set, ad ipsum reverlitur, gravi dolore visceribus cruciatus et acerbe deplorans ». Ilæ Cyrillus. De ipso autem Domino plura suo loco inferius.

54. At quid, litteris a Theodosio imperatore acceptis una cum Aristolai legatione, Joannes? Vocatis Syriæ in unum episcopis, illis videlicet, quibus hactenus adversus Cyrillum et alios Ephesi congregatos usus fuerat ministris, convenit una cum illis etiam Acacius Beroensis (prout litteræ Cyrilli ad Acacium Melitenum ostendunt) inique cum eis consilium, ut quid opus facto esset, decernerent. Ne autem ad dicendam causam Nicomediam proficisci Joannes ex mandato Theodosii cogeretur, illud inter eos consilium deliberatur, ratam habendam esse damnationem hæresis Nestorianæ una cum ipso Nestorio, sicut Theodosius suis litteris admonerat faciendum; sique redintegrandam esse communicationem cum Romano Pontifice, atque Cyrillo Alexandrino, omnique simul Ecclesiæ Catholica, a qua hactenus schismate præcisus esset. Quæ omnia Aristolais legatus a Theodosio missus rata habens, nullum amplius de proficiscendo Nicomediam Joanni negotium accessit; utpote qui hæc via concordiam inter dissidentes episcopos conciliandam fore conspiceret. Joannes igitur ex Synodo tunc Antiochiæ habita de damnatione Nestorii et ejus hæresi Synodalem dedit Epistolam ad Sixtum Romanum Pontificem, non autem ad Cyrillum episcopum Alexandrinum: cum eo enim aliter agendum putavit, ut paulo inferius dicturi sumus. Epistola autem ad Paulum papam a Joanne tunc scripta sic se habet¹ (1):

55. « Præcipuum eorum studium, qui sacerdotio funguntur, divinumque istud episcopatus ministerium a Christo omnium Salvatore sortiti sunt, primariusque eorumdem scopus hic esse debet, nempe ut in fide recta excellent, eamque populum sibi concreditum fideliter doceant. Cum itaque res ita habeat, anno proxime lapsa, sacra Deo dilectissimorum episcoporum Synodus, juxta religiosissimorum Christianique amantium imperatorum nostrorum decretum in Ephesiorum metropoli profligandæ Nestorianæ hæresis causa convenit: consensuque una cum beate memoriæ Cælestini Romanæ Ecclesiæ quondam episcopi legatis fideique vindicibus celebrato, prædictum Nestorium tanquam profana doctrina utentem, multorumque passim scandalorum auctorem, et in fide præterea Catholica graviter errantem, depositionis sententiæ subiecit. At vero postquam et nos quoque eodem advenissemus, remque omnem, ut gesta erat, accepissemus, graviter commoti fuimus. Cum ergo ea de causa non parva inter nos et Synodum controversia interces-

sisset, multaque utrinque et dicta et facta quoque essent; ad nostras tandem Ecclesias et civitates reversi sumus; neque quod ad Nestorii depositionem attinebat, Synodi sententiæ per id tempus subscripsimus.

56. « Porro autem cum multis inter se discordiis Ecclesiæ dissiderent; unumque illud omnes maxime curare oportere visum esset, ut omni dissidio e medio sublato, amice inter se iterum congruerent: religiosissimi ad hæc Christianique amantes imperatores id ipsum quoque quamprimum fieri vellent, severeque juberent, ac celeberrimum tribunalum et notarium Aristolaim ea de causa ad nos mitterent, ut omnis mox contentio faceretur, sanctaque sanctorum Dei Ecclesiarum pax ubique vigeret: placuit et nobis quoque in sacra Synodi sententiâ, quæ Nestorium deposuit, acquiescere, ipsumque pro deposito habere, ac blasphemam illius doctrinam anathematizare: eo quod nostræ quoque Ecclesiæ perinde ac vestra sanctitas, rectam semper inculpatamque fidem tenuerint, eandemque populo assidue commendarint, retinendamque prædicarint. Assentimur nihilominus et Maximiani sanctissimi pienssimique Ecclesiæ Constantinopolitanæ episcopi ordinationi: denique cum omnibus terrarum orbis episcopis, si modo rectam sinceramque fidem habuerint eandemque servaverint, communicamus ». Hactenus Joannis ac collegarum ad Sixtum papam atque alios collegas Epistola, communis quidem episcopis omnibus Catholice fidei, qua Catholicam Ecclesiarum omnium communionem nascerentur, et qui hactenus schismate scissi fuissent, harum litterarum compagine unirentur. Pervenerunt hæc litteræ Romam anno sequenti. Quæ vero Sixtus papa rescripserit, suo loco dicemus.

57. Cum Cyrillus autem Alexandrino episcopo, adversus quem acerbissimas iniuriam exercissent, aliter sibi agendum putarunt Joannes Antiochenus, et alii collega: Syriæ episcopi; nimirum ut quasi daturi essent ipsi veluti Orthodoxi ei legem, ab eo, velut in suspicionem adducto hæresis Apollinaris, exigente Catholice fidei confessionem, qua sua Capitula tanquam erronea condemnaret. Cum ergo his se minime consensurum idem Cyrillus suis litteris declarasset: tunc illud idem Syri episcopi consilium inierunt, ut Paulum episcopum Emesenum legatum Alexandriam mitterent ad Cyrillum, qui si posset, ab eo quod petitum antea fuerat, extorqueret; sin minus Cyrillus acquiescere vellet, tunc de damnatione Nestorii, et ejus hæresis scriptas litteras ei redderet: hæc quidem omnia testatur ipse S. Cyrillus in Epistola his diebus data¹ ad

¹ Apud Act. Conc. Ephes. edit. Pelt. tom. v. c. 17.

¹ Apud Conc. Ephes. edit. Pelt. tom. v. c. 7.

(1) Quum hæc Epistola præcesserit concionem quam Cyrillus die *xxviii mensis Phavouti*, hoc est die *xxiii Aprilis*, confirmata jam pæc ad populum habuit, itus, ac reditus, quibus ad pacem perventum est, non permittunt, ut hoc citius anno 433 contigerit. Quare Baronii sententia, quod hæc Epistola scripta sit e concilio quod Joannes post acceptam Theodosii Sacram Antiochiæ habuit, et quod eandem Cyrilli datam neglet, non probatur Constantio in Monito prævio ad hæc Epistolam pag. 1229.

S. Acacium Melitenum Armeniæ episcopum, strenuum (ut dictum est anno superiori) Catholicæ fidei pugilem.

58. Cum autem Paulus Cyrillum convenisset, multis eum persuadere conatus est, sua damnare Capitula: et inter alia hoc usus est argumentum: « Si scriptis a Magno Athanasio stare vellet ». Cumque se ab ejus doctrina nunquam recessurum fore ille spondidisset: protulit Paulus Athanasii Epistolam ad Epictetum, qua videbatur Cyrillus convinci posse. Sed cum ab hæreticis fuisse depravatam, habita collatione cum originali scripto, quod asservabatur in archivo Alexandrino, facile percognitum fuit: unde Paulus spe illa omnino frustratus est: hæc quidem Cyrillus ipse testatur in dicta Epistola ad Acacium Melitenum. Cum igitur nulla spes Paulo reliqua esset, ut in suam sententiam Cyrillum perduceret: tunc protulit litteras Joannis Antiocheni, et collegarum ejus, quibus pax omnino conciliari posset: ipsæ autem sic se habent¹:

59. « Religiosissimorum imperatorum nostrorum edicto, Deo dilectissimorum episcoporum Synodus ad Ephesiorum metropolim, cum Ecclesiasticarum rerum, et controversiarum, tum recte quoque fidei causa dudum convenire iussa est. Cum autem ad prædictam civitatem pervenissemus, ac citra mutuum colloquium inde rursus abiissemus (nullum autem est opere pretium, pacis tempore, neglecti colloquii causas inquirere) accidit, ut Ecclesiæ in graves discordias incidere. Quando omnes ergo id maxime curare oportet, ut omni animorum dissensione contentioneque e medio sublata, Christi Ecclesiæ denuo consocientur; ipsique religiosissimi ac Christi amatissimi reges, quo ipsum ut fiat, serio mandent; ejusque rei gratia dominum meum præclarissimum, apprimeque conspicuum tribunalum Aristolarum huc amandantur, ac graves præterea una cum illo litteras miserint, que quamprimum nos convenire jubent, quo scandala omnia e medio tollantur, omnisque perturbatio et offensio conspiciatur.

60. « Nos piis illorum litteris morem gerere volentes, recta mox dominum nostrum, Deo per omnia dilectissimum et sanctissimum episcopum Paulum ad sanctitatem tuam mittendum duximus: quod consilium sanctissimo piissimoque patri nostro Acacio, cæterisque qui nobiscum erant, Deo dilectissimis episcopis probatus fuit. Fecimus hoc autem majoris securitatis compendique causa; eo nimirum, quod alia commodiori ratione quæ a religiosissimis imperatoribus nostris sancita sunt, perficere, nobis in unum convenientibus, integrum non fuerit. Mandavimus autem illi, ut personam nostram sustinens pro nobis ea tractet, unaque vobiscum constituat, que ad pacem faciunt: id quod hujus legationis præcipuum caput est: simulque pietati tue exhibeat expositionem de Domini nostri Jesu

Christi incarnatione concorditer a nobis editam; quam proinde pietati tuæ per prædictum piissimum virum mimisimus.

61. « De Virgine itaque Deipara quomodo sentiamus et loquamur, deque Unigeniti Filii Dei incarnatione, dicemus breviter, non ut iis aliquid addamus, quæ ab initio ex divinis litteris, sanctorumque Patrum traditione hausimus, sed ut fidei nostræ rationem reddamus. Dicemus autem, nihil omnino (ut modo aiebamus) fidei in Nicea a sanctis Patribus expositæ adjectives. Illa namque (ut alibi a nobis indicatum est) ad omnem pietatis cognitionem, omnisque hæreticæ pravitatis depulsionem abunde sat est. Sed nec illa quoque quæ captum nostrum excedunt, temere hic ingeremus, sed propria infirmitatis confessione excludentes eos qui adorari nos velint in his, in quibus consideramus, quæ supra humanum captum sunt. Habet vero nostra expositio in hunc modum:

62. « Conitemur Dominum nostrum Jesum Christum Unigenitum Dei Filium esse, Deum perfectum et hominem perfectum ex anima rationis complate et corpore constitutum: Ante sæcula quidem ex patre secundum divinitatem genitum, postremis vero temporibus eundem ipsum propter nos et propter nostram salutem ex Maria Virgine secundum humanitatem natum: Eundem Patri consubstantialem secundum divinitatem, nobis, item coessentialem secundum humanitatem: si quidem naturarum facta est unio; quo fit, ut unum Christum, unum Filium, unum Dominum conitemur; et secundum hunc inconfuse unitatis intellectum, sanctam Virginem Deiparam esse profiteremur: propterea quod Deus Verbum ex ipsa conceptum, et incarnatum et homo factum est, templumque ex illa sumpsum sibi unierit.

63. « Ad Evangelicas porro Apostolicasque de Domino voces quod attinet; scimus graves theologos alias quidem tanquam ad unam personam pertinentes promiscue accipere, alias vero propter naturarum diversitatem divisioni usurpare; et alias quidem, utpote illas quæ in divinitatem conveniunt, ad Christi divinitatem; alias vero, nempe humiles, ad ejusdem humanitatem referre solere. Hoc jacto fundamento, placuit nobis; quo omnis tollatur contentio, universalisque sanctis Dei Ecclesiis per orbem sparsis pax reddatur; necnon scandala omnia, quæ exorta videntur, de medio tollantur; Nestorium quondam Constantinopolitanum episcopum pro deposito habere; tum profanas illius pravasque vocum novitates anathematizare: propterea quod Ecclesiæ Dei, quæ apud nos sunt, rectam sanamque fidem obtineant, illamque custodiant, ac populis (quemadmodum, et vestra quoque sanctitas facit) fideliter tradant. Consentimus nihilominus et in ordinationem quoque sanctissimi piissimique Maximiani sancte Ecclesiæ Constantinopolitanæ episcopi. Et communicamus tandem universis orbis terre religiosissimis episcopis rectam inculpataque fidem habentibus et retinentibus. Vale, domine piis-

¹ Apud Act. Ephes. edit. Pelt. tom. v. c. 5. item apud Cyril. ep. xxxviii. ad Dynatum sit mentio ejusdem.

sime, fraterque sincerissime mihi dilecte: ac pro nobis orare perge». Haecenus Epistola Joannis Antiocheni et sociorum ad Cyrillum Alexandrinum. Scriptas easdem litteras ad Sixtum Romanum Pontificem, necnon ad Maximianum episcopum Constantinopolitanum tradidit ipse Cyrillus in Epistola ad Dynatum, qua et nonnulla secretiora inter ipsos fuisse transacta docet, nimirum fidei confessionem, quam Joannes et Orientales professi sunt, praemisam antea ad illos fuisse ab ipso Cyrillo. Reddenda hic est igitur ipsa Cyrilli ad Dynatum ¹ Epistola, quae exactam totius rei gestae seriem pandit, nec apud alios ita facile est inveniri:

64. «Pietati tuae, quae pacem Ecclesiarum, quam sectatur, concernunt, significanda duxi. Antiochiam itaque Dominus meus celeberrimus tribunus et notarius Aristolaus venit afferens secum regias litteras, quae religiosissimo Antiochene Ecclesiae episcopo Joanni mandarunt, ut scelerata Nestorii dogmata anathematizaret, et depositionem ejus pro conformitate sanctae Synodi decerneret, et ita communionem a nobis quaereret. Et haec quidem continebant illae litterae. Caeterum quidam ex Orientalibus episcopis, qui forte Nestorium nondum condemnarunt, et illis patrocinantur, qui rectam nostram fidem sollicitant, et gloriam omnium Salvatoris nostri adorantibus laud medioeriter insidiati sunt, ut pietissimus ac sanctissimus Acacius Berevensis episcopus ad me scriberet, curarent: quanquam ita tanquam ipsi quae scripsit, a me petunt; nempe opus esset, ut quae contra Nestorium a nobis sunt scripta, deleantur, et tanquam irrita abjiciantur omnia, et paciscamur in solo fidei symbolo a sanctis Patribus Nicaeae determinatae. Novit autem sanctitas tua, quod fides olim ipsorum in Nicæna Synodo positiones fuerint.

65. «Ego vero ad ista rescripsi, petere eos impossibilia; eo quod quae scripsimus, recte scripserimus, recte et inculpate fidei patrocinantes; nec quicquam omnino scriptorum nostrorum negaturi simus: neque enim aliquid (sicut dicunt) temere esse dictum, sed ubique nos rectitudini fidei adherere, et veritatis virtuti consentire: oportere magis eos talibus ambagibus ac dilationibus non uti, neque extra ea quae necessaria sunt elabi, sed secundum id quod ipsi pietissimo ac Deo dilectissimo regi et sanctae Synodo rectum videtur, nimirum Nestorii nugas et blasphemias contra Christum factas anathematizare. depositionemque illius confiteri, ac ordinationi sanctissimi ac pietissimi episcopi Maximiani consentire.

66. «Cum istas itaque litteras ad eos misissem; considerarentque fieri non posse, ut communionem reciperent, nisi ad finem, quae ipsis facienda erant, perductis: miserunt Alexandriam religiosissimum ac pietissimum Paulum Emesenum episcopum afferentem quidem ad me communionem concernentia, verum talia, quae non admodum decencia quæ-

dam narrarent: nam et querimonias habere se simabant, tanquam in sancta Synodo quaedam non sint recte dicta et facta. Et hujusmodi quidem Epistolas non acceperat, sed respondi: Quomodo qui praeteritorum gestorum gratia veniam petere debeant, jam denuo injuriarum nobis inferunt? Cum autem ista memoratus pietissimus episcopus excusaret, juramentoque affirmaret, non esse hunc illorum scopum, sed magis simplici eos animo ista scripsisse: dilectionis gratia et hoc accepi: verum ad Synaxim eum non admissi, nisi ubi dato primum libello, Nestorii dogmata scripto anathematizavit, proque deposito illum habere se confessus est, et ordinationi religiosissimi et pietissimi Maximiani episcopi consensit.

67. «Petit autem, ut istis a se loco omnium qui per Orientem sunt, pietissimorum episcoporum receptis libellis, nihil exigere amplius. Verum nullo modo acquievi, sed domino meo celeberrimo tribuno ac notario chartam misi et exhibui, significans ei, si pietissimus Joannes Antiochenus episcopus illi subscriperit, tum demum communionem illis esse reddendam. Cunctationem autem eorum celeberrimus tribunus et notarius Aristolaus moleste tulit. Cum itaque pietissimus episcopus Joannes subscripsisset, et qui cum eo erant Nestorii dogmata manifestus anathematizasset, confessusque essent illum se pro deposito habere, et ordinationi religiosissimi ac pietissimi Maximiani episcopi consensissent, communionem illis reddidimus: haec namque illis et Eplesi a S. Synodo proponebantur. Notum et illud sit sanctitati tuae: instabat initio religiosissimus ac pietissimus episcopus Paulus, depositorum (Ellaadi dico et Eutherii et Emerii et Borolhei) gratia obsecrans, ac petens, ut quae contra eos decreta sunt, abrogarentur; contendensque fieri non posse, ut pax Ecclesiarum ad finem deducatur, nisi etiam haec particula addatur. Ego vero respondebam, rem cum conari impossibilem, neque nunquam nos hoc permissuros. Scripserunt autem eandem Epistolam quam miserunt et ad me, et reliquos pietissimos et sanctissimos episcopos, et ad Sixtum magnae Romae episcopum, et ad sanctae Constantinopolitane Ecclesiae episcopum Maximianum». Haec Cyrillus: sunt autem haec litterae Joannis nuper recitatae.

68. Haec quidem ubi accepit Paulus episcopus Emesenus legatus, expertusque esset Cyrilli constantiam, nullo unquam pacto fore impertiendam ab illo Joanni et collegis ejus communicationem absque illarum litterarum publicatione; facere id minime praetermisit. Sicque editis nuper recitatis litteris Joannis de pace firmanda, una cum verae fidei confessione atque damnatione Nestorii, Cyrillus ea cuncta cognoscens probavit: quod quidem etiam ex ejusdem Pauli scriptis apparet ¹. Sic igitur absque Capitulorum suorum damnatione cuncta Cyrilli gesta sunt: quod et recitata nuper scripta testantur.

¹ Cyril. ep. xxxviii.

¹ Apud Acl. Ephes. tom. v. c. 4.

69. Ex his autem qui faverant Nestorio, spargebant in vulgus, Cyrillum in omnibus consensisse Joanni, atque damnasse priorem sententiam. Theodoretus enim Cyrillo in eam usque diem infensissimus adversarius, in Epistola ad Dominum episcopum Antiochenum¹ hæc de his habet: « Nec antea, inquit, communicavimus Cyrillo, qui illa Capitula scripserat, quousque doctrinam et professionem fidei edidit consona iis quæ a nobis dicta sunt, nulla de illis Capitulis facta mentione ». Hæc ipse, et quidem modo modestius, quam alii jaclautes sua ab ipso Cyrillo fuisse damnata Capitula; cum de illis ab ipso nullam esse habitam mentionem, Theodoretus affirmet, nec quidem mendaciter. Sed quid insuper falso adjectum est? Quod enim nuper ex S. Cyrilli scriptis audisti, ipsum Cyrillum nunquam impertire voluisse communionem Joanni Antiocheno factori Nestorii, nisi prius fidei Catholice professionem Alexandriam mitteret secundum datum ad hoc ab ipso Alexandria Antiochiam prototypum, ex quo mittendam Antiochia fidei professionem Joannes exscriberet: ex hoc ipso idem Syriæ episcopi arripuerunt occasionem dicendi, a Cyrillo, ut reciperetur a Joanne, fuisse missam fidei Catholice confessionem, qua et visus esset, sua se scripta damnasse Capitula, quod nulla de ipsis in ea ab ipso mentio facta esset. Vides schismaticorum versutias, sentis ex veritate comparata ad fallendum mendacia, dum veluti manu volubili inversa alea, instar præstigiatorum, idem spectantium fallentes oculos, Cyrillum ex actore in reum, et Joannem ex reo suo voluntatis arbitrio in actorem prodigiose transformant.

70. Ejusmodi plane portentorum fabricator, et prestigiarum concinnator est ille nequam pater mendacii nominatus, sub quo ad tempus illa radii solis esse dicuntur², dum suo nitore coruscam occultare et comprimere nititur veritatem; de quo merito et propheticum illud asseritur³: « Protegunt umbræ umbram ejus »: cum videlicet filii tenebrarum conspirant, et præsto sunt in omnibus ipsi principi tenebrarum, dum quæ ille suadet, ingeritque mendacia, isti ipsa comparatis undique fallacis ornant, pingunt, atque compingunt. Hæc quidem peregre præstissime Nestorianos, tum quæ superius de iis dicta sunt, tum quæ dicuntur, perspicue demonstrabunt. Nam præter alios qui stabant a parte Nestorii, etiam ipse Theodoretus iisdem aggressus est Cyrillum urgere calumniis, nempe ab ipso sua fuisse damnata Capitula. Ita quidem ille interpretatus esse videtur dictam fidei regulam a S. Cyrillo missam, ut ipsius perbrevis Epistola declarat scripta eodem tempore ad Joannem Antiochenum episcopum, quæ recitatur in quinta Synodo, collatione quinta ad finem: reddemus nos eam inferius.

71. Qui insuper cupit Nestorianorum videre slophas, legal Epistolam quæ fertur Ibae ad Marin

Persam, quam habent Acta¹ Concilii Chalcedonensis: in qua videre est Nestorianum hominem exultantem et insultantem, tanquam sibi causa esset adjudicata, et jactantem Cyrillum penitentem tandem recantasse palinodiam, atque Joanni in omnibus consensisse. His ergo permoti complures haud inferioris ordinis viri scandalum passi sunt, et ad Cyrillum de his scribere (ut vidimus) litteras acerbiores. Auctor enim qui fertur nomine Ibae (quisquis ille fuerit) eandem circularem Epistolam per provincias legendam misit pro solatio suorum et ignominia Catholicorum. Ceterum (ut publica Acta testantur²) producta in Concilium Epistola illa, non esse Ibae comperta, sicut ea damnata, absolutus est Iba. Sed de his inferius: jam vero ad res infer Cyrillum Paulumque transactas redeamus.

72. His igitur ex Cyrilli sententia omnibus probe confectis, cum sic mutuo in unam eandemque fidem Catholicam concordare simul et consentire ambæ partes repertæ sunt, inita est simul cum pace communitio, perfectaque unitas sancta federe sacramentorum. Etenim qui pro Orientalibus legatione fungebatur Paulus, in Ecclesiam ad Synaxim a S. Cyrillo introductus est, datumque ei etiam habere sermonem ad populum, qui summo exceptus est plausu: sed hæc postea, imo ad finem anni hujus contigisse probantur ex iis quæ inferius dicitur sumus: perducta namque fuisse constat usque ad anni finem hæc anni hujus exordio cepta negotia.

73. *Cyrilli ad populum et Pauli pro Joanne legati homilia Orthodoxam fidem profitentis, unde pax et communitio reddite.* — Jam vero e tristibus aliquantulum emergat oratio, et quæ in his conflictationibus morrens diutius versata est, in lætis exultet; et tanquam in deliciarum campo latius spatietur. Dum autem hæc agerentur, incidit natalis dies S. Joannis Baptistæ, quo Cyrillus in ecclesia perbreve hujusmodi habuit concionem, cujus titulus ad temporis rationem plurimum confert, qui sic se habet:

« Homilia³ Cyrilli episcopi dicta in Nativitate Joannis Baptistæ, Pharmuti vicesima octava, indicatione prima »: est hæc ipsa apud Romanos mensis Aprilis dies vicesima nona. Diverse plane a communi ordine solitos Ægyptios celebrare festos dies ab aliis, diximus primo tomo Annalium. Sed hæc Cyrillus ad populum:

74. « Eos qui pietate firmi sunt, et sacrorum dogmatum certissimam et ornalam habent fidem, terram uberem Prophetæ nominat dicens: Et eritis vos terra pinguis, dicit Dominus omnipotens; et benedicent vobis omnes gentes: Terram vero uberem esse dicit, pro fecundissimam et fructiferam, et fructuum domesticorum matrem, atque nutricem. Hujusmodi autem est omnis Deo amabilis et sancta anima, cultorem veluti quemdam et seminatore

¹ Theod. ep. cxlii. — ² Job. xli. — ³ Job. xl.

¹ Conc. Chalced. Act. x. — ² Conc. Chalced. Act. x. et Conc. Nic. ii. Act. vi. — ³ Ex cod. Anton. Augustini.

folius boni sortita Christum, qui etiam sacrorum nobis dogmatum conservat (coruscet) scientiam. Sed omnium inimicus (hoc est satanas) excitatur per tempora, supersemians tritico maligna zizania. At concordant de cætero per omnem consistentes orbem terrarum Dei cultores episcopi, rectam et unam confitentis fidem : copulati siquidem sunt nostris Ecclesijs, magis autem folius orbis terrarum etiam apud Orientem constitutis : confessi enim sunt Deo amatissimi episcopi ibi constituti rectam et sine profanatione fidem. Quæ autem scripsi ad me Deo amatissimus et reverendissimus episcopus Antiochiæ Joannes, quæ vero ad eum rescripserim, Deo favente, audietis ». Hæc Cyrillus more majorum, quod non consueverunt admitti ad communionem publicæ excommunicationi, absque relatione facta ad populum.

75. At in litteris uitro citroque datis et in re maximi momenti consultanda, integer annus iste esse videtur insumptus, antequam Paulus legatus, Orientalium firmata concordia, ad communicationem integram in ecclesia admitteretur. Nam quod ad exactam habendam rationem temporis spectat, cum in antiquis monumentis ¹ reperiatur expressum, intromissum Paulum a Cyrillo in ecclesiam habuisse ad populum homiliam de fide Catholica die vicesimo nono mensis Chiaci; apparet id ab eo factum esse ipsa die Natalis Domini, nempe vicesima quinta mensis Decembris. Etenim constat, Bedæ ² auctore et alijs, Ægyptios inchoare annum a quarto kalend. Septembris, numerareque per menses dierum triginta curriculo terminatos. Certe quidem ipso die Christi Nativitatis a Paulo habitam esse homiliam illam, ipso ejus exordio declaratur, ubi dicitur ³ : « Opportune nobis hodie religionem vestram adhortari datum est, ut sacrum quemdam chorum constituamus, et cum sanctis Angelis exclamemus : Gloria in excelsis Deo, et in terra pax hominibus bonæ voluntatis. Nam hodie nobis parvulus natus est, etc. » Quod cum ita sit, alterum de duobus dicendum est, vel titulum de certa mensis die esse mendosum, vel Ægypti Ecclesiam usum illum pristinum reliquisse, quo (ut dictum est suo loco) diem Natalem Domini celebrare consuevit sexta Januarii.

76. Sed redeamus ad Paulum : qui ubi concionem prosecutus, sanctissimam Mariam Deiparam appellasset verbis illis : « Peperit itaque Deipara Emmanuelem » : populus acclamavit : « Ecce fides eadem est, donum Dei, Cyrille Orthodoxe : hoc audire cupiebamus. Qui non ita loquitur, anathema sit ». Cumque et idem Paulus paulo inferius duas perfectas naturas in Christo uno professus esset, unam scilicet personam affirmans, rursum populus acclamavit : « Recte venisti, Orthodoxe episcope, dignus ad dignum : Christiani dicunt, donum Dei, Cyrille Orthodoxe ». Post hæc autem in eodem per-

stans argumento Paulus ad finem perducere orationem ob ingruentem multitudinem cogitur : constat id quidem ex eo quod vespere ejus diei rursum in eodem conventu Ecclesiastico Paulus inchoatam mane prosecutus orationem ista præfatur ¹ : « Nuper apud dilectionem vestram civibus discentes, propter fratrum nostrorum frequentiam, locique angustiam, ante absolutum sermonem suggestum deserere compulsi sumus. At quamvis semel repulsi, age idem certamen denuo tentemus. Strenuus autem vir ille, impigerque palestra hujus magister (nempe Cyrillus) quod tunc faciebat, etiam nunc faciat : decernat ille certamen. Tunc enim alacri vultu, blandaque arrisione nostro se certamine oblectari, minime obscure indicabat. Tunc, inquam, blande arridens, dexteramque veluti olive ramum obtendens, se a nobis stare, puerumque suum superiorem evadere, coronamque redimiri, ac victorem declarari avidè se enpere, manifeste declarabat ».

77. Sed hæc intercipiens verba populus acclamavit : « Hoc Dei donum est : Cyrille, omnes reddidisti tui similes. Dignus digno conjungitur. Populus tuus dixit : Episcoporum patrem sermo, Domine. Bene venisti, episcope Orthodoxe, orbis terrarum doctor. Qui sic credit, diligitur. Magna doctrina, magnus quoque economiastes. Paulus episcopus dixit : Redeamus itaque ad Deiparam Mariam et Emmanuelem, etc. » multaque de his locutus, perducens ad finem orationem, contestatus est se ea locutum, quæ S. Athanasius, Theophilus, Cyrillus, imo et antiqui prædecessores episcopi Alexandrini semper in Ecclesia docuissent. Denum vero finem imponens, populum ad audiendum Cyrillum invitavit. Qui post Paulum suggestum ascendens, perbreve eodem argumento habuit orationem, quæ ea quæ a Paulo fuissent dicta probavit. Sic igitur magna totius Ecclesiæ lætitia, firmata stabilitate est pax totius Orientalis Ecclesiæ, communicantibus inter se multo qui antea a se invicem divisi erant episcopi : Paulusque re bene confecta, ad Joannem et alios, a quibus missus in Ægyptum legatus fuit, rediit, afferens secum Cyrilli litteras ad ipsum Joannem Antiochenum episcopum, quarum est hujus modi exordium ² :

78. « Lætentur cæli et exultet terra : soluta est enim interjacens maceria ; quod merorem allerebat, conquievit, et omne tandem dissidiorum genus sublatum est, etc. » Subdit de legatione Pauli, deque mutua inita concordia, ubi fidei Orthodoxæ professio ab ipsis per eum missa lecta est, quam hisce suis litteris Cyrillus descripsisse voluit, de se vero calumniam suspicionemque omnem auferre, qua hæctenus adversariorum scriptis pulsatus esset, eadem cum Apollinare sentire ; nam subdit : « Si sanctissimum nostri Salvatoris corpus non ex Virgine natum, sed e cælo allatum asserimus : quomodo poterit illa Deipara (quod predicamus) esse

¹ Apud Act. Conc. Ephes. edit. Pell. tom. VI. c. 13. in tit. —

² Bedæ de ratione tempor. c. 9. — ³ Apud Cyril. homil. VII.

¹ Apud Ephes. Conc. edit. Pell. tom. VI. c. 14. — ² Apud Conc. Ephes. edit. Pell. tom. V. c. 6. et apud Cyril. epist. LXXVIII.

intelligenda? Quem enim tandem illa peperit, si Emmanuele secundum carnem vere non peperit? Risu proinde explodendi sunt, qui hujusmodi contra me garrunt». Ita quidem Cyrillus suggillans Theodoretum et alios, qui adversus duodecim capita a se edita conscripserunt. Ad calcem vero hæc de Epistola S. Athanasii ad Epictetum ab hæreticis depravata subiungit: «Quia vero didicimus, quosdam Orthodoxam præclarissimi patris nostri Athanasii Epistolam, quam ad B. Epictetum scripsit, adulteratam, depravatamque edidisse, multosque graviter hinc lædi: rati hoc utile et salutare fratribus fore, ex vetustis exemplaribus, quæ sincera et incorrupta apud nos extant, transcripta ad sanctitatem tuam misimus». Hæc Cyrillus, ut omne foramen obstruat, per quod impietas antea irrepisset. Ista omnia quæ inter Joannem et Cyrillum transacta sunt, in publica relata fuere monumenta, et a pluribus exscripta, quorum exemplar se ad Dominum Antiochenum episcopum mittere Theodoretus in Epistola ad eundem testatur, ubi ait¹: «Misimus etiam exemplar eorum quæ tempore conventionis et pacis scripta sunt, etc.»

79. Receptam quidem fuisse Cyrilli Epistolam absque etiam duodecim capitum damnatione ab eis fidem qui ea impugnabant, Theodoretus unus ex illis testatur in Epistola (ut dictum est) ad Dominum Antiochenum episcopum Joannis successorem: ubi inferius de alia Cyrilli Epistola ad Acacium scripta: «At ipsemet Cyrillus dum scriberet ad beatum Acacium, suam de his capitibus mentem et animum declaravit, cum dixerit se illa scripsisse, ut se objiceret et opponeret ad illius novitatem et vanitatem, et quod composita pace, erant clara omnia et manifesta». Hæc ipse: qui tamen adhuc post initam concordiam eadem carpere minime destitit (ut apparet ex dicta data ad Dominum antistitem Antiochenum Epistola), sua vero prædicare ac super extollere. Cæterum cum postea in quinta² Synodo res est justiori lance perpensa, ipsius Theodoreti scripta adversus S. Cyrillum fuerint sanctorum Patrum sententia condemnata. Quin etiam Theodosius imperator (ut inferius suo loco dicturi sumus) cuncta scripta adversus Cyrillum abolenda penitus esse, sancita lege, mandavit.

80. *Theodoretus adhuc Nestorio adherens et Cyrillo subinfensus.* — Quod rursus ad Theodoretum spectat: etsi accepit fidei formulam a S. Cyrillo conscriptam eademque subscripserit, haud tam cito potuit deseruisse Nestorii amicitiam, quam diutius pluribus coluisset officiis: ad ipsum enim hoc tempore ejusmodi dedit Epistolam, quæ hac inscriptione lecta ac scripta fuit in eadem quinta Synodo œcumenica³:

«Ejusdem Theodoreti ad Nestorium post unitatem inter Orientales et sanctissimum Cyrillum factam:

«Domino meo reverendissimo et religiosissimo et sanctissimo patri episcopo Nestorio Theodoretus in Domino gaudere.

81. «Quod non urbana conversatione delector, nec seculari curatione, nec gloria, nec altis sedibus sum alligatus, arbitror scire tuam sanctitatem: licet enim et nihil aliud, ipsa tamen solitudo civitatis, quam gubernare sortitus sum, sufficit hanc me philosophiam docere. Non solum enim solitudinem, sed etiam plurimum habet rerum tumultus, qui possunt facere pigros etiam eos qui valde eis gaudent. Nemo igitur persuadeat tuæ sanctitati, quod ego episcopalem sedem cupiens, cohibendo oculos meos, tanquam (postquam) Orthodoxas suscepimus Ægyptiacas litteras. Ut enim cum ipsa veritate dicam, sæpius eas perlegi, et subtiliter discussi, et hæreticas illas amaritudine liberatas esse inveni: et tamen quendam maculam eis imponere; et certe in odio habens, quam alius quidam, patrem illarum, tanquam auctorem tumultuum existentem orbis terrarum. Et spero nullas penas sustinere hujus gratia in die iudicii: quoniam intentionem justus iudex exquirat. Illis vero quæ adversus tuam sanctitatem injuste et contra leges facta sunt, nec si ambas manus meas aliquis iudicat, patiar consentire, divina videlicet gratia me adjuvante, et infirmitatem animæ supportante; et hoc certum etiam exigentibus per litteras feci: direxi vero etiam tuæ sanctitati quæ rescripsimus ad ea quæ scripsit nobis; ut cognoscas, quod nullum nos tempus propter divinam virtutem mutavit, nec multipedes (polypodes stellationes) vel versipelliones docuit, quorum hi quidem petram, illi folia per colorem imitantur. Universam fraternitatem quæ tecum est, in Domino ego, et qui mecum sunt, plurimum salutamus». Hactenus ad Nestorium Theodoretus. Ad Joannem vero Antiochenum episcopum perbrevis ista tum scripsit:

82. «Quoniam sapienter gubernat Deus et nostræ providens concordia, et populorum procurans salutem, congregare nos in unum præparavit, et consonantes sibi omnium ostendit voluntates. Communiter enim perlegentes Ægyptiacas litteras, et examinantes earum subtiliter sensum, invenimus consonantes dictis a nobis eas quæ inde directæ sunt et palam contrarias duodecim capitulis, quibus usque ad præsens, ut alienis a pietate, repugnantes permansimus. Nam illa quidem habebant carnaliter carnem factum esse Dei Verbum, et per subsistentiam unitam, et conventum per unitatem naturalem, et Deum Verbum primogenitum factum ex mortuis. Abdicabant vero et vocum divisionem quæ de Domino factæ sunt, et alia vero ad hæc habebant Apostolicis quidem institutis aliena, hæreticorum vero genimina zizaniorum. Quæ vero nunc directæ sunt, Evangelica generositate decorantur». Hæc ad Joannem Antiochenum Theodoretus, quo suam in adversando Cyrillo excuset, seu defendat potius incensam contradicendi libidinem; cum tamen haud diversam vel contrariam a se antea

¹ Theod. ep. CXXII. — ² Quinta Synodus, c. 13. — ³ Quinta Synodus, Act. v.

edilis capitulis illis duodecim et apposita ad ipsa defensionem novissime ediderit fidei professionem, sed in omnibus concinnam et consentientem prioribus suis scriptis. Hoc quidem animo visus est fuisse Theodoretus erga Nestorium etiam post concordiam hoc anno initam; quippe qui reclusis ad eum nuper litteris adeo obstinate professus sit, nunquam assensurum sententiae in illum late: sique certum est ipsum aliquandiu perseverasse animo subinfenso adversus eundem Cyrillum, quem nec proprio dignari nomine vides: unde magis intelligere valeas immensum a Deo postea praestitum illi beneficium, cum huiusmodi ipsum involutum densa caligine liberavit.

83. *Cyrilli virtus in exhibendo sua scripta cognoscenda Joanni Antiocheno et sibi subjectis et adversariis.* — Quod autem ad sanctum Cyrillum spectat, obstupesco quidem, dum incredibile et plane incomparabilem animi ejus considero mansuetudinem, atque modestiam cum summa animi submissione conjunctam: quibus quidem omnibus virtutibus, praeter innumera illa specimina edita, superius recensita, additamentum modo illud adjecit omni laude dignissimum. Etenim qui tempore perturbationis Ecclesiae, cum Concilio esset Ephesi congregatum (quod res et persona, quam gerebat, Romani Pontificis id exigeret) firma animi constantia, inflexo robore, erecto sacerdotali vigore adversus episcopos adversantes, persecutores comites, et imperatorem semper stetit et restitit: postea conciliata pace, inita concordia, penitusque fugata discordia, adeo omni officio coluit amicitiam, ut quibus antea adversatus fuerat, se subjecerit, dum quos suorum scriptorum expertus esset calumniosos reprehensores, eosdem ipsorum habere voluit cognitores. Etenim quae post haec opera elucubravit, eadem mittere voluit Antiochiam, ab ipso Joanne episcopo in primis, ac deinde ab aliis sibi subjectis episcopis cognoscenda. Cur illa sanctus sacerdos? non nisi ut huiusmodi certis ex fiducia comparatis amicitiae signis eosdem Syriae episcopos in officio arctioribus vinculis confineret.

Testis quidem horum est ille qui adeo ipsi fuerat adversatus Theodoretus, in Epistola ad Dioscorum¹, ubi ait:

84. « Quod vero beatae memoriae Cyrillus saepius ad nos litteras dedit, tuam sanctitatem aperte scire arbitror: et quando sua opera, quae contra Julianum scripserat, Antiochiam misit: similiter cum ea quae ipse de emissario ediderat, et petisset a B. Joanne Antiochiensi episcopo, ut illa ostenderet magistris, qui in Oriente scientia praestarent: beatus ille Joannes Cyrilli litteris obtemperans, libros nobis misit: quos cum legissemus, hominem sumus admirati, et scripsimus ad Cyrillum beatae memoriae, qui iterum nobis rescripsit, et nos diligentes ac benevolos suo testimonio declaravit; quae litterae apud nos servantur ». Haec enim Theodoretus: qui

etsi antehac visus est privato animi affectu favisse Nestorio, postea tamen aequiori animo fuisse erga Cyrillum, atque tandem vehementius esse adversatum Nestorio, ipse in Epistola ad Sporadium data abunde testatur, cujus est exordium¹: « Cum universus orbis jam paulatim rueret, etc. » sed reliquas anni hujus res gestas prosequamur.

85. *De Judaeis in insula Creta seductis et resipiscentibus.* — Eodem ferme tempore, sequenti nempe anno a consulatu Antiochii et Bassi (ut ex Socrate² colligi posse videtur). « Multi Judaei, inquit, in Creta insula Christi fidem receperunt, tali calamitate ad eam rem inducti, Judaeis quidam veterator se Moysen esse simulavit, deque caelo demissum dixit, uti Judaeos qui illam insulam incolebant, per mare in continentem traderet: se namque eumdem esse qui olim Israelcum per mare Rubrum ducens conservasset. Ad annum vero integrum nihil aliud moliebatur, quam ut singulas civitates totius insulae peragraret, Judaeos in illis habitantes ad illud credendum impelleret, hortareturque ut omnes suas divitias et possessiones relinquerent. Nam eos per mare aquis exsiccatum in terram promissionis se trajecturum pollicitus est. Illi igitur ejusmodi vana et falsa spe in fraudem illecti, omnia opera quibus uti solebant, deposuerunt, facultates et fortunas neglexerunt, earumque potestatem illis qui eas accipere vellent permiserunt.

86. « Ubi dies profectio ab illo veteratore praestituta advenit, ille praecedere, subsequi omnes cum mulieribus et pueris coeperunt. Eos ergo ad promontorium mari imminens deducit: ex eo in mare se praecipitare jubet. Proinde qui primi ad praecipitium accesserant, ita faciunt; et nisi divina Providentia illis prospectum fuisset, multo plures interiissent. Nam forte fortuna aderant Christiani, quorum alii piscatores, alii mercatores fuerunt. Illi nonnullos eorum aqua prope suffocatos (qui jam tum in calamitate constituti suam amentiam agnoscere coeperunt) extrahentes conservarunt: alios, ne se in mare dejicerent, prohibuerunt, exitio eorum qui ante se praecipitium dedissent, commonstrato: Judaei tum fraude patefacta, cum temerariam ipsorum credulitatem incusarunt, tum Pseudo-Moysen illum occidere contenderunt. At eum nullo modo comprehendere poterant: quippe clam se ex eorum adpectu subdlexerat. Unde nonnullorum animo insedit opinio, eum exitalem demonem fuisse, qui in ipsorum gentis perniciem hominis speciem induisset. Quocirca multi Judaei in Creta ea clade impulsi, Judaismo derelicto, ad fidem Christi se transtulerunt ». Hucusque Socrates: habet eadem Paulus³ diaconus ex Theophane, et Nicephorus⁴, qui haec ad tempora Procli Attici successoris refert: sed praestat ascoltare Socratem, qui res sui temporis scribebat.

87. *Causa Britii Turonensis episcopi ad Sedem*

¹ Theod. ep. l. LXXXII.

¹ Theod. ep. l. — ² Socr. l. VII. c. 36. — ³ Paul. diac. Miscel. l. XIV. — ⁴ Nic. ep. l. XIV. c. 40.

Apostolicam appellantis. — Quod ad res spectat Occidentales; hoc eodem anno sanctus Britius Turonensis episcopus oppressus adversariorum calumniis, ad Romanæ Sedis Pontificem a sede pulsus appellat, a quo in sedem suam restituitur. Sane quidem appellare consuevisse Gallicos episcopos quam frequentissime ad Apostolicam Sedem, sanctus Leo in Epistola ad episcopos provincie Viennensis docet his verbis¹: « Nobiscum itaque vestra fraternitas recognoscat, Apostolicam Sedem pro sui reverentia a vestre etiam provincie sacerdotibus innumeris relationibus esse consultam, et pro diversarum (quemadmodum vetus consuetudo posebat) appellatione causarum; aut retractata, aut confirmata fuisse iudicia ». Ilæc et alia sanctus Leo. Sed quod ad Britium causam, audiamus Gregorium² ejusdem Ecclesie antislitem rem gestam ita describentem:

88. « Trigesimo tertio ordinationis ejus anno oritur contra eum lamentabilis causa pro crimine. Nam mulier ad quam cubicularii ejus vestimenta deferre solebant ad abluendum, que sub specie religionis erat veste mutata, concepit et peperit. Qua de re surrexit omnis populus in iram, et tantum crimen super episcopum referunt, volentes eum unanimiter lapidare: dicebant enim: Dni pietas sancti tuam celavit luxuriam, nec Deus non diutius sine manus tuas indignas osculando polliui. Ipso quoque e contrario viriliter hoc negante: Afferte (inquit) infantem ad me. Cumque oblatu fuisset infans triginta dies ab ortu habens, ait ad eum episcopus: Adjuro te per Jesum Christum Filium Dei omnipotentis, ut si ego te generavi, coram cunctis edicas. El ille: Non es (inquit) tu pater meus. Populis autem rogantibus, ut quis esset pater, interrogaret: ait sacerdos: Non est hoc meum: quod ad me pertinet, sollicitus fui: vobis autem si aliquid suppetit, per vos querite. Tunc illi magicis hæc artibus facta asseverantes, insurgunt contra eum mutua conspiratione, et trahentes eum dicebant: Non diutius nobis falso pastoris nomine dominaberis. Ille autem, ad satisfaciendum adhuc populo, primas ardentem in byrrum suum posuit, et ad se stringens usque ad sepulcrum beati Martini una cum populorum turba accedit: projectisque ante sepulcrum primis, vestimentum suum inustum apparuit, illo quoque sic prosequente: Sicut istud vestimentum ab his ignibus videtur illæsum, ita et corpus meum a mulierum coitu est impollutum.

89. « Illis vero non credentibus, sed contradicentibus, trahitur, calumniatur, eicitur: ut sermo sancti Martini adimpleretur, quo dixerat: Noveris te in episcopatu multa adversa passurum. Hoc enim ejecto, Justinianum episcopum constituunt. Denique Britius Romanæ Urbis papam expetit, flens et ejulans, atque dicens: Merito hæc patior, quia peccavi in sanctum Dei, et eum delirum et amentem

sæpe vocavi, cujus videns virtutes non credidi. Post cujus abscessum aiunt Turonici sacerdoti suo: Vade post eum, et exerce negotium tuum. Justinianus vero egressus a Turonis, Vercellas Italiae civitatem ingressus, iudicio Dei percussus, obiit peregrinus. Turonici ejus obitum audientes, et in sua malitia perdurantes, Armentium in locum ejus constituunt. At Britius episcopus Romam veniens, cuncta que pertulerat, papæ refert: qui ad Sedem Apostolicam residens, et plerumque Missarum solemnia celebrans, inibi, quicquid in sanctum virum deliquerat, detulendo dituit. Septimo igitur regressus anno a Roma cum auctoritate papæ illius Turonos redire disponit: et veniens ad vicum, cujus est nomen Laudiacum, sexto ab urbe milliario, mansionem accipit. Armentium vero febre corripitur, et media nocte spiritum exhalavit: quod profinus Britio episcopo per visum revelatum est, qui ait suis: Surgite velocius, ut ad tumulandum fratrem nostrum Turonicum Pontificem occurramus. Cumque illi venientes portam civitatis ingrederentur, ecce istum per aliam portam mortuum efferebant. Quo sepulto, Britius in cathedram suam regressus est, septem postea feliciter vivens annos». Ilucuscque Gregorius. Sed ubi « Laudiacum » dicitur, restitue, « Langiacum »; est oppidum sex millibus Gallicanis distans ab ipsa Turonensi civitate, situm ad flumen Ligeris, quod vulgo vocatur « Langey ».

90. *Bonifacii comitis exitus.* — His item consuevis, inquit Prosper¹, « totius orbis pace et consensione mirabilis, Bonifacius (de quo sæpe superius) ab Africa ad Italiam pervenit et Urbem, accepta magistri militum dignitate: qui cum resistentem Aetium prælio superasset, paucos post dies morbo exstinctus est. Aetius vero, cum deposita potestate in agro suo degeret: ibi cum quidam inimicus ejus opprimere eum tentasset, profugus ad Urbem, et illic in Dalmatiam, deinde ad Illynos in Pannoniam pervenit; quorum amicitia auxilioque usus, pacem principum interpellata potestatis oblinuit ». Hæc Prosper. Apud Paulum² diaconum singulari certamine a Bonifacio legitur victus Aetius: Marcellinus³ autem vulnere ab Aetio inflictio periisse Bonifacium, narrat.

91. *De obitu Joannis Ravennatis episcopi, cui perperam asseritur data a Valentino constitutio de usu Pallii.* — Hoc item Domini anno ex hac vita migrasse ponitur sanctus Joannes Ravennæ episcopus, cujus præclara est memoria inter sanctos Ravennates antistites. Quod autem ad hunc ipsum datum legitur Valentini imperatoris rescriptum, quo Ravennati Ecclesie conceditur, ut sit archiepiscopatus, et ipsius Ecclesie antistites utantur pallio et omni genere pontificalis decoris: non hæc vera sint, ad exactam sunt revocanda censuram. Et ut cuncta possint diligentius examinari, hic primum describendum est ipsum imperatoris rescriptum, recitatum ab eo qui diligenter res ejus Ecclesie est

¹ Leo ep. LXXXIX. — ² Greg. Turon. de Gest. Franc. lib. II. c. 1. et l. 3. c. 31.

¹ Prosp. in Chron. — ² Paul. diacon. l. XIV. — ³ Marcel. hoc anno.

prosecutus. Hieronymo Rubeo : sic enim se habet :

92. « In nomine Domini Dei Salvatoris nostri Jesu Christi. Fl. Valentinianus fidelis Jesu Christi major imperator Joanni viro sanctissimo archiepiscopo Raven. civitatis.

« Si Redemptoris nostri plena pietate clementia dignos sue majestatis honorifici sacerdotes, et charismatum dono clarificat, quanto magis nos, qui ab ejus pietate regalia scepra gubernanda suscepimus, cultum religionis et reverentiae honorificentius debemus impendere, eis maxime qui virtutum experimento Deo cognoscimus propinquantes : ut inde illis etiam regalia augmentum, unde eos probabiliter Dei clementiam... salute impetrare confidimus. Ac proinde imperiali auctoritate sancimus, sanctitatem tuam, et sanctam tuam Ravennatem Ecclesiam, atque universos postea Deo... Præsules archieratica dignitate exectam, metropolitane decore sublinandam seu archiepiscopali fastigio... præponendam. Constituimus subsacrosancte ejus Ecclesie ditione ordinationem totius Æmiliæ nostræ provincie civitatum omnium Deo amabilium episcoporum creationis, id est, Sarsenæ, Casenæ, Forum populi, Forum Livii, Faventie, Forum Corneliæ, Bononiæ, Mutinæ, Regii, Parmæ, Placentiæ, Brixilli, Vicohabentiæ, Hadriæ, omniumque monasteriorum sub ejus dispositione rejaquentium, et in eis servientium monachorum. Conferentes ei ob decorem Apostolicæ dignitatis honorem pallii et omnis pontificalis decoris usum, sicut ceteri sub nostra Christianissima potestate sæpe degentes fruuntur metropolitane. Concedet enim nos ad honorem sacerdotis efficaciter propter... et maxime ubi serenitatis nostræ præfulget præsentia : quatenus serenitate suffulta sanctitas tua, sanctaque tua in perpetuum Ecclesia, cum meritis virtutum, honoris etiam nostræ serenitatis dono et in posterum fulgeat. Dat VI id. Januar. Raven. » Hactenus privilegium : quod quidem antiquitus scriptum non negamus, et recentioribus historicis res Italiæ prosecutus cognitum scimus, qui de eisdem Ecclesiis Ravennati archiepiscopatu subjectis pariter meminere : sed num æque germanum sit, hoc disserendum est.

93. Imperiosa plane res est amor patriæ, imo tyrannus, ut qui sæpe historicum cogat ea tueri, quæ si de aliis dicerentur procul exploderet : cum et intelligat, quot concives habeat, tot duros expertum fore censors, et inofficiosi quærela redargui, forlassis et patriæ proditorem inscribi atque proscribi, si quod publica servant archiva monumentum, et civium omnium ore fertur, in controversiam revocare, negare, et imposturæ redarguere vir disertus et veritatis cultor auderet. Hinc videas nostrum Rubeam jure quidem horrescentem pallium ab imperatore conferri in eodem privilegio dici, eo a pietate potius quam veritate ipsum adactum, ut ista diceret : « Non pallio illo quidem quod Pontifex Maximus e divi Petri corpore sumptum præbere consuevit, sed quodam quasi paludamento, quo in civitate et pompa tum uti soli Cæsares consueverunt,

universali et perpetua omnium deinde qui succederent, archiepiscoporum prerogativa Joannem donavit ». Hæc ipse ex pietate potius (parcat, quæso) quam veritate. Etenim ne a longe petitis argumentis utamur : ex imperatoris rescripti verbis verborum ipsius interpretatio germana quaeratur : de quali enim pallio intellexerit, nonne ipse declarat, cum mox ista subdit? « Sicut ceteri sub nostra Christianissima potestate sæpe degentes fruuntur metropolitane » archiepiscopi quidem, non Cæsares. Si igitur Ravennati archiepiscopo ille concessus est usus pallii, quo alii archiepiscopi uti solerent, plane ipse Valentinianus declarat de communi ceteris Metropolitanis pallio intellexisse : alias illud dicendum esset (si volumus de paludamento eam debere vocem intelligi) omnes metropolitanos antistes imperatoris paludamento decore accedere consuevisse ; quo nihil dici possit absurdus.

94. Cum igitur ex verbis ipsius rescripti de eo pallio intelligi necesse sit, quo reliqui uti solerent metropolitani : certum est nonnisi a Romanis Pontificibus illud archiepiscopis fuisse solitum impertiri, ab imperatoribus nunquam. Et ut de his nulla remaneat dubitatio ; constat esse professo Ravennates episcopos, tum pallium, tum alia privilegia se accepisse ab Apostolica Sede. Etenim S. Gregorius papa in Epistola ad Joannem Ravennatem episcopum data hæc inter alia ¹ : « Præceptum beate memorie decessoris nostri Joannis papæ nobis in subditis transmisistis annexum, continens omnes consuetudines ex privilegio prædecessorum nostrorum concessas vobis Ecclesieque vestræ debere servari ». Et inferius de privilegiis a Romana Ecclesia Ravennati concessis : « Scitote in sermone nostro de privilegio Ecclesie tuæ subtiliter perquisitum. Et quidem quedam inventa sunt, quæ omnino possunt fraternalitatis tuæ intentionibus obviare : nihil autem in quo de hujusmodi capitulis pars vestra possit Ecclesie roborari » : Et ad postremum : « Admonco quatenus, nisi decessorum meorum munificentia tibi hæc per privilegium tributa docueris, ut in plateis pallium ferre ulterius non præsumas, etc. » Hæc et alia plura Gregorius, illud frequenter inculcans, sic concessum ab Apostolica Sede pallium episcopo Ravennati, ut illo non alio modo uteretur, quam quo uti solerent omnes episcopi metropolitani, quibus idem ab Apostolica Sede concessum esset. Cæterum neque factum, ut concessio semel pallio Ecclesie Ravennati, illud absque nova concessione Romani Pontificis superinduerent iidem archiepiscopi Ravennates, sed singuli successores illud sibi concedi ab ipso peterent Romano Pontifice ; quod docet exemplum Maximiani Ravennatis episcopi in locum Joannis subrogati, cum et illud ipsi petenti Gregorius ² papa misit.

95. Sed quid accidit? Cum Ravennates episcopi aliquando schismate divisi essent ab Apostolica Sede, ne ab ea consueto more peterent pallium, tunc

¹ Greg. l. II. ep. LIV. — ² Greg. l. v. ep. VIII.

putamus vafrum ejusmodi excogitatum fuisse commentum, ut nomine Valentiniani imp. sanctio scriberetur, qua declararetur et jura archiepiscopalia et perpetuum usum pallii ab ipso Ravennatibus archiepiscopis fuisse concessa; ac sic ipsi, invitis licet Romanis Pontificibus, pallio uterentur. Mos quidem iste vetus schismaticorum fuit, ut ab ipsa Romana Ecclesia schismate separati, ad patrocinia confugerent imperatorum. Id quidem factum esse in hac ipsa, de qua est sermo, constitutione imperatoris, præter illa quæ dicta sunt, alia plura recte ipsam iuventi demonstrant. Conferat eam diligens inquisitor cum aliis ejusdem Augusti sanctionibus, et videbit certe longe longius ab illis abhorreere. Quamnam illius constitutionum eo modo incipere deprehendet? Vel quam quis inveniet ipsius vel aliorum imperatorum sancitam constitutionem, in qua licet unus Augustorum aliquid stabat, non omnium tunc regnantium imperatorum nomina simul apponantur? Quid etiam sibi vult illud in titulo, « Major Imperator? » cur non « Maximus », ut omnes solebant? cur « Major », quod nullus sic inscribere consuevit? Mittamus reliqua; nam in singulis ferme verbis ejusmodi esset adhibenda censura. Sed satis hæc tibi, prudens et sagax lector, puto sufficere posse; ut etiam facundum sit quod absque consulibus datum reperitur rescriptum, quod tantæ rei privilegium constitueret. At quæ

maximi sunt momenti ad postremum pervestigemus.

96. Quoniam modo, rogo, potuerunt ab eodem imp. hoc tempore tot ei esse concessæ Ecclesiæ quæ in dicto privilegio nominantur, cum nonnullas ex illis etiam sub S. Leone Romano Pontifice constet fuisse sub archiepiscopatu Mediolanensis Ecclesiæ constitutas? Etenim cum ex præcepto ejusdem S. Leonis papæ cogeret Eusebius Mediolanensis archiepiscopus ex sibi subjectis episcopis provinciale Concilium, certum est ad illud convenisse, atque eidem subscripsisse inter alios episcopum Regiensem, episcopum Placentinum, et Brixillensem, qui in dicto rescripto nominantur inter episcopos Ravennati addictos Ecclesiæ. Extat quidem de his Epistola Synodalis omnium comprovincialium episcoporum subscriptionibus consignata, atque typis excusa post numeratas quinquaginta duas ejusdem S. Leonis Epistolas. Sed satis, dices, lector, detectas penitus sentimus imposturas: jam ex his ad alia emergamus. Verum sciant omnes, nihil ob id detractum esse nobilissimæ Ecclesiæ Ravennati, si spuris exufflatis, ipse purus demonstratus est fons primarius, unde in eam, ut archiepiscopali sede sit insignita, et sacro dolata pallio, privilegia efflueret, nempe ab ipsa Romana Ecclesia, a qua et reliqui metropolitani se id juris consecutos esse, congaudent. Sed ad sequentis anni res gestas oratio evocatur.

Anno periodi Græco-Romanæ 5925. — Jesu Christi 432. — Sixti papæ 1. — Theodosii Jun. 31. et 25. Valentiniani III. 8.

1. *Consules.* — Coss. *Fl. Aetius*, et *Valerius*: prior Occidentalis, ubi magister militum erat, ex qua dignitate ad consularem multos transisse compluribus exemplis liquet. Is in subscriptione trium Epistolarum *idibus Martiis* a Cælestino papa datarum dicitur *Fl. Aetius*. Valerius in Oriente creatus, indeque in lege 5 Cod. Theod. *De his qui ad Ecclesias confugiunt*, legitur: *Dat. V kal. April. Constantinop. Valerio, et qui fuerit nuntiatus*, quia scilicet Aetium in Occidente consulens dictum esse, nondum Constantinopoli innotuerat. Valerius anno superiori magister officiorum fuit, et Nestorianæ factioni favit, ut liquet ex Epistola Joannis Antiocheni ad eum data, ideoque diversus est a *Valerio* comite sancti Augustini amico, licet utrumque Gothofredus in Prosopographia Cod. Theod. et Emin. cardinalis Norisius lib. 2 Hist. Pelagianæ,

cap. 15, inter se confundant, et ex legibus quas laudant, pateat, *Valerium* hoc anno consulens varias dignitates in Oriente gessisse eo tempore, quo *Valerius* amicus S. Augustini agebat in aula Honorii imp.

2. *Explicantur litteræ Cælestini PP. ad Maximianum episcopum CP. date.* — A num. 1 ad 35. Cælestinus papa *idibus Martiis* seu die xv ejusdem mensis, et feria iii post Dominicam iv Quadragesimæ rescripsit ad Synodicis *Maximiani* Constantinopolitani episcopi, et ad Relationem Synodi Ephesinæ de ejus meritis ac virtutibus. Eadem die similes scripsit litteras ad *Theodosium*, et ad eorum populumque Constantinopolitanum, quas omnes Baronius integras recitat. Epistola *Cælestini* ad Maximianum docet nos varia, ut observat Lupus in notis ad cap. 50 Synodici adversus Tragediam

Irenæi. Primo, quod Constantinopolitana *Maximiani* Synodus sanxerit, omnes ab Ephesina Synodo nominatim damnatos episcopos e suis sedibus exturbandos esse, præsertimque *Dorotheum, Eutherium, Belladium, ac Himerium*. Secundo, quod ea Synodus hoc decretum ad Cælestinum relulerit, ut ab eo confirmaretur; licet enim per Apostolicos legatos condita essent decreta, non nisi tamen jussu Romani Pontificis executioni mandabantur. Tertio, quod *Cælestinus* decretum illud quoad omnes suas partes confirmandum non judicaverit. Censuit enim omnes *Nestorii* assercas, et Ephesi damnatos episcopos a suis sedibus, non extrudendos, nec eisdem omnem spem veniæ et restitutionis præcedendam. Existimavit *Cælestinus* decretum istud nimis durum, ac contrarium antiquo canoni, olim sancti Athanasii suasu a Romana Ecclesia edito quo solis hæresiarum, licet pœnitentibus tolleretur spes pristini gradus recuperandi. Hunc canonem Cælestinus quoad Nestorianos observari voluit, et quidem cum alia extensione, illorum nempe respectu, « quos proprie cum auctoribus hæresis constat omnium fratrum suscriptione damnatos ». Quam viam incedendam esse ostendit Pontifex exemplo Pelagianorum a se ipso damnatorum, ac Italia ejectorum, quorum licet aliqui ad Synodum provocassent, et pœnitentiam contempsissent, jam tamen ad saniores mentem redibant; utique ob clementiam erga se exercitam.

3. *Cælestinus restringit decretum Synodi Ephesinæ datum adversus episc. Nestorianos.* — Quarto, affirmat Pontifex, non tantum a Romana Ecclesia hanc clementiam inductam; sed etiam per imperiales leges stabilitam, ideoque non posse non adhiberi. Quinto, quod redituri e *Nestorii* hæresi episcopi, debeant ipsum cum suo dogmate anathematizare, atque ita Ecclesiis suis reddi. Sexto, quod hæc professio exigi ac præstari debeat etiam ab episcopis, qui principi obrepserant, et qui per sæcularem auctoritatem suas Ecclesias receperant. Ubi loquitur Cælestinus de *Joanne Antiochæno*, alisque apud Ephesum damnatis episcopis, quos ad propria dimittens *Theodosius* Orthodoxos ac innoxios judicarat, ideoque in suas sedes recipi jusserat. Hos enim *Cælestinus* ad istam professionem emittendam compelli mandat. Denique eandem clementiam erga Joannem Antiochenum adhibendam jubet, licet factionis caput, et omnium suffragiis damnatum, quia nempe non propter hæresim, sed propter tumultum ac contumaciam damnatus fuerat. Cælestini Epistola circa Pascha die tertia Aprilis celebratum Constantinopolim pervenit, et circa idem tempus emanavit Theodosii jussio, quæ legitur in part. II Concil. Ephes. cap. 24, cujus hic titulus est: « Exemplum Særæ imperatoricæ, per Aristolaum tribunum et notarium missæ ad Joannem Antiochenum episcopum, de sanctorum Ecclesiarum pace ac unione constituenda ». Recitatur a Baronio num 43 et seqq. eaque etiam imperator jubet, nihil exigi ab episcopis Orientalibus, nisi Nes-

torii cum suis dogmatis damnationem. Quare *Theodosius* præfatus Cælestini litteras secutus est. Earum hic est titulus: *Cælestinus episcopus S. Synodo apud Ephesum constituta*. Quæ vero eadem die ad Theodosium data sit inscribuntur: *Epistola Cælestini papæ ad Theodosium post Synodum*. Eandem epigraphen præferunt Apostolicæ litteræ ad Maximianum episcopum, et litteræ ad Constantinopolitanam clerum, ac populum.

4. *Error a collectoribus Conciliorum admissus.*

— Lupus loco laudato, ubi iisdem verbis titulum illarum Epistolarum recitat, recte quidem observat, *Cælestianum* per Ephesinam Synodum intelligere suos legatos, quibus omnem suam auctoritatem delegarat, qui *Maximianum* consecraverant, cum illo Synodum fecerant, et omnium Actorum firmitatem a Pontifice petierant, qui ideo ipsos adhuc appellavit *Ephesinum Concilium*. Verum non animadvertit vir doctissimus, quod si in litteris eadem die datis, ad Theodosium, ad Maximianum, et ad Constantinopolitanos positum fuisset, *Epistola Cælestini post Synodum*, sequeretur eadem die xv nempe Martii, Cælestinum asseruisse Synodum adhuc haberi, et dissolutam esse, quæ inter se pugnant. Quare Lupum decepti collector Actorum Concilii Ephesini tom. III, pag. 1069 et seqq. qui istis Epistolis duplicem titulum apposuit, et in frustum posteriorum priori titulo scripsit *post Synodum*. Verum manifesto errore eo minus ferendo, quod prior earundem litterarum titulus ibi exaratus sit eodem caractere ac secundus, indeque lector discernere non possit, an uterque addititius sit, aut neuter. Sic in eadem editione in titulis quorundam Conciliorum Provincialium dies eorum celebrationis eodem caractere describitur ac ipsomet Concilium; et tamen dies ille addititius est, et non raro ex falsa conjectura; quare in futuris Conciliorum editionibus, similes interpolationes rejiciendæ, et omnia hujusmodi ingeniorum tormenta procul amandanda.

5. *S. Cælestinus PP. moritur die XIX Julii.* — A num. 35 ad 39. Baronius, quem passim alii secuti sunt, autumavit, Cælestinum non amplius quam xxii dierum evoluta periodo, postquam laudatas litteras dedit, ad Deum migrasse *VIII idus Aprilis*, seu die vi ejusdem mensis, quo eum sepultum Anastasius asserit. Verum diem illum passim emortualem creditum ad aliquam translationem referendum esse, tam duratio Sedis Cælestini et Sixti III ejus successoris, quam initium Leonis Magni et Hilari, qui hunc excepit, manifestum faciunt. Idem dicendum de die v idus April. seu die ix ejusdem mensis, quo S. Cælestinus papa memoratur in Mss. Vaticano Ecclesie S. Petri, et Usuardo Reginæ Sveciæ. Præterea tam Baronius, quam alii communiter Sedem ejus anno uno mutant, scribuntque, eum sedisse annos octo et aliquot menses: cum tamen certum esse debeat, eum sedisse *annos novem, menses decem, et dies novem*, ideoque obiisse die xxii aut xix Julii. Pontificatum enim iniiit anno cxxxii, die x mensis Septembris, ut suo loco

ostendi (1). Caelestinum sedisse *annos novem* testatur Anastasius, tam vulgatus, quam Ms. in Bibliotheca Colbertina asservatus, Abbo Floriacensis abbas, catalogus nominum Apostolicorum a Mabilonio Iou. in Analect. editus, ac Catalogi II et III in Bibliotheca Colbertinae, et Prosper in Chronico. Praeter annos novem sedisse *ac menses decem*, habent duo exemplaria Mss. Anastasii, Thuanea, Ordericus lib. 2, Abbo Floriacensis, Luitprandus, Prosper, variique catalogi tam Colbertini, quam alii. Denum supra annos novem et menses decem sedisse *dies novem*, docent Anastasius tam vulgatus, quam Ms. Colbertinus, variique catalogi, in quorum tamen aliquibus habentur tantum dies octo, uti etiam in Chronico Prosperi ex editione Onuphrii, quia nempe librarii proelivi errore loco IX, saepe VII aut VIII ponunt. His adde Anastasium ex correctione Holstenii a Schelstratio nuper publicatum, ac catalogos IV ab eodem editos.

6. *Ei succedit Sixtus III.* — Quoad *Prosperum* tamen non dubito, quin variis temporibus varie quoad numeros corruptus et interpolatus fuerit (2), nam in Biblioth. Colbertina num. 204, exlat Exemplar ab annis circiter octingentis exaratum, in quo ad consulatum Mariniani et Asclepiodoti, seu ad annum cxxxiii. dicitur *Caelestinum* Romanae Ecclesiae praesulatum gessisse *annos novem*, et dies ac menses praetermittuntur: et tamen in eadem Bibliotheca asservatur aliud Exemplar num. 1286 a quaque circiter saeculis descriptum, in quo ad eundem consulatum legitur, cum praesulatum gessisse annos novem, menses decem, dies octodecim, quod ex aliquo Anastasii Codice, quoad dies XVIII depravato, translatum est ab aliquo saeculo in illud Chronico Prosperianum. At *Caelestinum*, plus quam dies octo aut novem, supra annos novem et menses decem non sedisse, ex dictis dicendisque liquet. In antiquo Epitaphio a Baronio num. 37 recitato dicitur, Caelestinum obiisse, *decimum dum conderet annum*, quod verum est. Papebrocius in Conatu Chronico-Historico Pontificatum ejus inchoavit a die XVI Septemb. anni cxxxiii, illudque protraxit usque in diem primum Augusti praesentis anni, ei assignans annos VIII, menses X, dies XVII. sed haec stare non possunt; certum enim Anastasium initium *Caelestini* accurate exoritur esse, ideoque et Caelestino annos novem, menses decem et dies novem attribuisse, quod dies ordinationis sancti Leonis Magni, qui haecenus in obscuro fuit, et dies ordinationis ejus successoris extra omne dubium ponent.

Quoad cessationem Sedis, per haec tempora ab Anastasio non nisi ex conjectura, et plerumque eodem modo collocata; ait enim, post *Caelestinum* Sedem vacasse dies XXI, in quo indubitatum est cum falli. Quare cum *Sixtus III* natione Romanus die vicesima quarta mensis Julii in quam Dominica celebrat, consecratus fuerit, Sedes dies tantum quinque aut ad summum sex vacavit.

7. *Conatur Sixtus Nestorium ab haeresi revocare.* — A num. 39 ad 85. *Sixtus*, ubi ad Apostolicum culmen evectus est, nihil praetermisit, ut *Nestorium* ad damnationem suae haeresos perduceret. Gennadius enim lib. de Script. cap. 54, inquit: « Similiter etiam Sixtus successor Caelestini pro eadem re, et ad ipsum Nestorium, et ad Orientis episcopos adversus errorem ejus succidendum sententias direxit ». Id magis explicat ipsemet Sixtus in litteris ad Joannem Antiochenum anno sequenti datis, et a Baronio ibidem num. 17 recitatis, in quibus scribit: « Credo ad dilectionem tuam rerum cursus et ordo pertulerit, qualiter ei (sc. Nestorio) volumus, nostra admonitione succurrere, retinimus in praecipis euntem, etc. » quantum vero Sixtus pro pace Ecclesiarum Orientalium concilianda laboraverit ex dicendis manifestum fiet. In eandem rem omnem operam suam contulit Theodosius, ut mox ostendo.

Cyrilli Oratio de Nativitate Joannis Baptistae. — Baronius num. 73 refert partem homiliae sancti Cyrilli, dictae in *Nativitate Joannis Baptistae, Pharmuti vicesima octava, indictione prima*, quam diem cum XXIX Aprilis nostri concurrere asserit. Verum ex Calendario a nobis exhibito liquet, eum Pharmuti diem incidere in XXII mensis Aprilis; eumque Indictio prima kalendis Septembris hujus Christi anni exordiat, ea Oratio anno sequenti a Cyrillo habita.

8. *Theodosius paci Ecclesiae totus intentus.* — Liberatus narrata Maximiani episcopi Constantinopolitani ordinatione, ait: « Post paululum vero videns imperator Cyrilli et Joannis permansisse discordiam, intolerabilem judicabat eorum dissensionem, et vocans tunc ad se Maximianum episcopum, et alios plurimos tunc Constantinopoli repositos episcopos, quomodo tolleretur Ecclesiarum dissensio, cogitabat. At illi dixerunt, quia non aliter hoc fieri possit, nisi prius iretur, et praeretur unius fidei vinculum, et Joannes Antiochenus episcopus anathematizaret Nestorium, et improba ejus dogmata. Et gavisus valde super hoc imperatore,

(1) *Caelestinus* die X Septembris consecratus fuisse creditur. Mense Julio A. D. 432, decessit; quamquam Martyrologia, et Pontificales libri de VI vel IX Aprilis depositum fuisse referant. Sibi adversatur et Pontificales libri, et veteres catalogi, dum Caelestino *annos IX, menses X*, et aliquot dies tribuunt. In Corbeiensis vetustissimo catalogo an. IX, menses X, dies XVII, *Caelestino* adscribuntur. MANSI.

(2) Prosper vulgatus in Chronico de ordinatione *Sixti* papa III, haec tradit: *Aetio et Valerio*. Romanae Ecclesiae XLII proficiter episcopus *Xystus* annis VIII, diebus XVIII totius Urbis pace, et consensione mirabili. Deinde post aliquot consulum collegia habet: *Valentinianus Augustus V et Anatholio, defuncto Xysto episcopo, quinquaginta amplius diebus Romanae Ecclesiae sine antistite fuit*. Hinc lapsus est e Baroniano et alios Constantinus notat paz. 1227, qui putarunt, *Sixtum* decessisse kalendis Aprilis. Corbeiensis catalogus vixisse tradit, annos VIII et dies XIX. Pagius diem obitus *Sixti* statuit in diem XI Augusti A. D. 440, Constantino placere, ut obitus circa Julii mensis exitum collocaretur. Ceterum Prosper Ms. Valerianus vetustissimus haec tantum habet: *Aetio et Valerio. Sixtus papa fit. Deinde Valentiniano V et Anatholio: diaconus Leo papa fit*. Nulla dierum et annorum *Sixti* mentione facta, neque de vacatione Sedis post *Sixti* obitum. MANSI.

missus est hoc ipsum agere Aristolaus tribunus, Sacram principis deferens Joanni et Cyrillo, in qua comminatus est utrique Nicomedianum exilium, nisi pacem haberent ad invicem. » Fuit hæc secunda Synodus Constantinopolitana a Maximiano celebrata, seu, ut alii Liberatum interpretantur, consultatio episcoporum in palatio coram imperatore, de ratione pacis Ecclesiarum constituendæ. Adco autem imperator a dissensione, qua Ecclesia Orientalis tunc lacerabatur, abhorrebat, ut ad sanctum Simeonem Stylitem scripserit : « Contentio et discordia adeo nos conturbat, ut hæc existimemus præcipuam omnium nostrarum calamitatum esse causam, et confidamus regni nostri res ex voluntate benignitatis Dei esse processuras, si res Ecclesiæ, et orthodoxæ fidei membra conjuncta copulataque fuerint », ut legitur in ejus ad Simeonem Stylitem Epistola apud Baronium num. 50. Scripsit et ad sanctum Simeonem *Aristolaus*, ut videre est in Synodico laudato cap. 52, atque sperare se pacem sancitum iri, « confidentes de tuæ orationibus sanctitatis, et instantia atque hortationibus ad eos, qui fundare hæc poterunt, et redintegrare discissam ».

9. *Joannes Antiochenus Synodum celebrat, ut suos ad pacem adducat.* — Acceptis Joannes Antiochenus imperatoris mandatis Concilium apud *Antiochiam* coegit, ut legitur in Collectione Concilii. Garnerius tamen tom. II Oper. M. Mercatoris pag. 274, referens Excerpta Mercatoris ex Epistolis et libris quinque Theodoretæ, in quibus Mercator de Theodoro ait : « Aliam quoque scripsit ad Andream Samosatenum episcopum, lectis sancti Cyrilli pontificis Alexandrini litteris a Beræa directis ». asserit inde non obscure confici Synodum, quæ a Joanne Antiocheno, dum pacis negotium tractaretur, habita scribitur apud Acacium, *Berææ*, non vero *Antiochiæ*, ut communiter traditur, celebratam fuisse. Verum Lupus in Scholiis ad caput 53 Synodici adversus Tragediam Irenæi ostendit, cum hæc in re varie lapsus, Synodumque partim Antiochiæ, partim Berææ habitam; id enim diserte scribit sanctus Cyrillus ad Acacium Militinensem episcopum : « Orientales episcopi apud Bereensem Acacium congressi, scribi ad me curarunt conventionis modum, nisi eo modo, quem ipsi præscriberent, fieri non debere ». Nempè Acacius annos centum et decem natus itineri sese committere non poterat, nec ad Patriarchales Synodos accedere; ideoque Patriarchæ ad ipsum veniebat. Notanda enim sunt verba hæc : *Scribi ad me curarunt*. Decipitur secundo Garnerius, quod Theodoretum huic pacificatorie Synodo non interfuisse dicat; Synodicon enim adversus Tragediam Irenæi testatur, Theodoretum huic Synodo adfuisse. Imo cap. 54 refertur Epistola Alexandri, Andreæ, et Theodoretæ episcoporum ad Ielladium Tarsensem episcopum ex ipso Concilio data, in qua legitur : « Intravimus Antiochiam convocati, et invenimus per divinum gratiam vera non esse, quæ fuerant diffamata; et inimicorum veritatis superfluum verborum, et araneis simi-

lem. Habentes igitur de his, quæ suat agenda Concilium, et influentes, quia salva pietate etiam de pace oporteat cogitare, quasdam propositiones direximus, etc. » Extat quidem in fine Auctarii Operum Theodoretæ a Garnerio compositi citatum Synodicon; sed cum post Garnerii mortem Auctarium illud in lucem prodierit, existimo cum morte præventum non potuisse ex illo Synodico excerptare, quæ ad suam Historiam Nestorianam, et Vitam Theodoretæ a se editam illustrandam plurimum conferre poterant.

10. *Synodus Joannis Antiochiæ cœpta et Berææ absoluta.* — Fallitur tertio Garnerius, quando ait, *Theodoretum* impatienter fuisse tractari de pace; Epistolæ enim citati Synodici ostendunt illum pacis cupientissimum ac studiosissimum fuisse. Quarto, quando scribit pacis negotium idem fuisse quod *Nestorii* condemnatio : etenim licet hæc inter se connexa essent, *Theodoretus* tamen studuit illa discernere ac separare, ut ex eodem Synodico liquet. Quinto, ait Garnerius, *Theodoretum* fuisse *Cyrillo* supra modum infensum : at erat potius Capitulis Cyrilli, quam personæ ejus offensus. Sexto dicit, quod Synodus in laudata ad Samosatensem Andream Epistola scribatur acta apud Acacium, quod tamen in ea non legitur. Porro Synodum Antiochiæ habitam demonstrat Alexandri Hieropolitani Metropolitanæ Epistola ad Theodoretum, quæ est C. Synodici : « Tunc », inquit Alexander, « in Antiochia inter nos locuti sumus, dicentes quod si Cyrillus illam conditionem suscepit, abjeceritque Capitula, pacem fieri convenit ». Ubi palam agit de hac Synodo, indicatque, Patriarcham Joannem prius cum Alexandro ipso, Meletio Mopsuestensi episcopo ac Theodori successore, Andrea Samosatensi episcopo, ac Theodoro sacram principis jussionem discussisse, et certam de ejus executione formam concepisse, et tunc cum istis transiisse Beræam omnia communicaturum *Acacio*, qui eam formam approbavit, indeque solo suo nomine ad Cyrillum scripsit. Hinc et *Cyrillus* non isti Synodo, sed soli *Acacio* rescripsit, litterasque non Antiochiam, sed *Beræam* direxit. Hæc Cyrilli Epistola quinquagesima sexta est citati Synodici. Eam Acacius mox *Joanni*, is aliis sibi fideis episcopis communicavit; et de ipsis a se discussis Theodoretus scripsit ad Andream Epistolam, quam M. Mercator nobis conservavit. Hinc Mercator dicit, ipsum scripsisse, *lectis S. Cyrilli litteris a Beræa directis*. Quare recte asserit Lupus, hanc Synodum fuisse Antiochenam et Bereensem, Antiochiæ cœptam, et Berææ absolutam, quod postea fassus est idem Garnerius in dissert. II de Conciliis in causa Nestorii habitis, quando de hac Synodo locutus est.

11. *Epistola Synodica Joannis directa Sixto, Cyrillo, et Maximiano.* — Baronius num. 54 et seqq. recitat Epistolam ad Sixtum papam, a Joanne Antiocheno datam, postquam in Synodo Antiochena assensus est damnationi Nestorii, et Maximiani ordinationi, et Ecclesiarum pax sancita fuit; sed

perperam dicit, eam ad Sixtum tantum datam. In Concilio enim Ephesino græce et latine edito a Labbeo tom. III Concil. pag. 1088, refertur ea Epistola, cujus hoc initium est, uti apud Baronium, *Præcipuum eorum studium*, etc. epigraphæ vero: «Sanctissimis Deoque dilectissimis fratribus et comministris, Sixto, Cyrillo, et Maximiano, Joannes, et reliqui omnes, qui mecum sunt, in Domino salutem». Quare hæc Epistola scripta tribus Patriarchis, non tamen Juvenali patriarche Hierosolymitano, quia Joannes ob res Palæstinas a Juvenali aversus erat. Addit Baronius, se loco suo dicitur quæ *Sixtus* papa ad Joannem rescripserit, quia scilicet autumabat, litteras Sixti ad Joannem anno *CDXXXIII*, num. 47 et seqq. a se recitatas respondum esse ad Epistolam laudatam; cujus initium, *præcipuum eorum studium*, etc. Verum litteræ illæ Sixti ad nos non pervenere, ut liquet ex iis quas Baronius pro illis sumebat. In illis enim Sixtus ait: «Exordium tui sermonis gratus accipio, quia non est tibi controversia perferenda, qui Christum Dominum nostrum bono humani generis, ita ut natus est, confiteris: subsequenter Ecclesie addis luciferum et ubique lucentem: sed et nunc vos, imo omnes, qui lucis illius signum fronte gestatis, luciferos confitemur, etc. Hæc sanctitatem tuam volumus predicare, quæ scribis». Hæc dicebat Joannes in sua ad Sixtum Epistola quod cum non asserat in ea, quam hoc anno ad Sixtum, Cyrillum et Maximianum scribit, manifestum est, eam in qua hæc legebantur, perriisse, et quam anno sequenti recitat Baronius non esse respondum ad illam, quam hic refert.

12. *Theodoretus pacis Ecclesie cupidissimus*. — Ex laudata Epistola C. Synodici, cui hunc epigraphen Irenæus apposuit: «Epistola Alexandri ad Theodoretum, per quam suum tali conditione promissit adventum, si ei per litteras satisfaceret de his, propter quæ satisfactionem nitentur exigere», discimus primo, Theodoretum Alexandro Hieropolitano metropolitano suo, ut ipsum ad pacem inflecteret, promississe Cyrillum cogere ad anathematizanda sua Capitula, a quibus adeo alienus erat *Alexander*, ut sine hoc anathemate nequidem pacis nomen audire vellet. Hinc *Alexander* respondet, hanc executionem jam esse seram, imo et ridiculam; cum *Cyrillus Nestorium* propter contrarium Capitulis dogma condemnasset ut hæreticum, ridetque *Theodoretum*, quod crederet, *Cyrillum* esse correctum. Secundo, discimus quædam acta ac decreta Antiochenæ Synodi. Dicit enim *Alexander*, in ea statutum fuisse, ut pax admitteretur, dummodo *Cyrillus* sua Capitula repudiaret. Quare ista Synodus a prioribus actis plurimum recessit: ipse enim cum cæteris factiosis legatis *Joannes Antiochenus Chalcedone*, etiam coram ipso principe frequenter jurarat, *Cyrillum* a se tractandum uti hæresiarcham; ideoque etiam si sua anathematizaret Capitula, non recipiendum, nisi in laicam communionem. Hic vero parati sunt ipsum recipere ut episcopum. Secundo, *Alexander* affirmat, Antiochenam

Synodum solum istud anathema a *Cyrillo* exegisse; de *Nestorii* vero damnatione nullam fecisse mentionem. Hæc *Lupus* in Notis ad eam Epistolam, qui ex variis aliis ejusdem Synodici hæc Synodum Antiochenam pluribus hæctenus ignoratis, in quibus immorari non possumus, illustrat.

13. *Confessio fidei non a Joanne sed a Cyrillo edita*. — Orientales, cum cererent omnes suas machinas infringi, paruerunt tandem imperatoris jussis, impetraruntque a *Cyrillo* omnino in pacem propenso, ut pars quælibet fidei suæ expositionem scripto daret, et de duodecim capitulis sileretur. Itaque *Joannes Paulum Emezenum* Alexandriam misit cum litteris ad *Cyrillum*, recitatis a Baronio num. 59 et seqq. Continet illic professionem fidei, quam etiam sanctus *Cyrillus* inseruit suis ad Joannem litteris, quarum initium, *Letentur celi*, ut videre est apud Baronium num. 78. Porro ea Confessio, non a *Cyrillo*, ut vult Baronius num. 63, sed a *Joanne Antiocheno* et Orientalibus ad *Cyrillum* missa, ab hoc vero suis ad Joannem litteris citatis inserta, ut patet legenti integram Epistolam tom. III Concil. pag. 1105, in quibus ait *Cyrillus*: «Quod Ecclesiarum dissensio superflua prorsus et citra ullam justam causam acciderit, id ex charta quam dominus meus religiosissimus episcopus *Paulus* nunc attulit, evidenter cognovimus, quæ irreprehensibilem continet fidei confessionem; eamque cum a tua sanctitate, tum a cæteris quoque religiosissimis episcopis qui illic degunt, compositam assererat: quam etiam ad verbum huic nostræ Epistolæ inserere placuit. Habet autem in hunc modum: De Virgine autem Dei Genitrice quomodo sentiamus», et cætera a Baronio num. 61 et seqq. recitata. Idem testantur *Liberatus* cap. 8, et *Evagrius* lib. 1, cap. 6. Nec *Cyrillus* in Epistola ad *Donatum* a Baronio num. 64 et seqq. relata contrarium insinuat, ut Baronius num. 63 arbitratur. Baluzius in nova Collect. Concil. pag. 590, recitat Epistolam *Joannis Antiocheni* ad *Cyrillum* de pace, in qua *Joannes* asserit, se confessionem illam fidei fecisse, et Epistolam *Cyrilli* ad *Joannem*, in qua ait, se a *Paulo* episcopo accepisse compositam a *Joanne* et aliis episcopis fidei Professionem.

14. *Confessio fidei anno superiori a Theodoro composita fuerat*. — Hæc *Cyrilli* Epistola ea est, quæ his verbis exorditur: *Letentur celi et exultet terra*. De utraque mentionem facit *Alexander* metropolitā Hieropolitanus in Epistola ad *Theodoretum*, quæ extat cap. 96 Synodici adversus *Tragædiam* Irenæi, et quod hæctenus omnes latuerat, in lucem profert, *Theodoretum* sc. primum auctorem fuisse laudatæ Confessionis fidei a *Joanne* ad *Cyrillum* misse: «In Novella namque, inquit, Epistola (a *Joanne* scilicet ad *Cyrillum* data), dum transcurrissem totam partem, quæ etiam *Cyrilli* jacet in litteris, et contulissem ad eam, quæ tunc a vestra religiositate conscripta est, reperi quia neque initia, neque fines illius ipsius Epistolæ (nempe a *Theodo-*

reto scriptæ), posuerunt hi, qui ad Ægyptum directi sunt », anno scilicet cœxxi, cum Joannes comes sacramentum largitionum missus est ab imperatore ad utramque partem Synodi Ephesinæ episcoporum, ut eos ad pacem perduceret. Tunc enim episcopi qui cum Joanne Antiocheno erant, per eundem Joannem comitem relationem ad Theodosium imp. misere. Hoc discimus ex Auctore Synodici cap. 17, ubi eam refert, et in epigraphæ ait : « Epistola Joannis Antiocheni episcopi et Synodi (partis sc. Synodi Ephesinæ, quæ Joanni adhærebat, non vero Synodi Antiochenæ, cujus meminit Liberatus cap. 8, de qua supra egimus, ut perperam Baluzius in Notis explicat) quæ cum eo convenit ad imp. Theodosium, quam direxerunt per eundem Joannem comitem (anno sc. superiori) in qua etiam Catholice fidei illa confessio continetur, quam postea (nempe hoc anno) Cyrillus Alexandrinus episcopus per pacificam laudavit Epistolam (cujus sc. initium, *Lætentur celi*, ut recte Baluzius observat), scribens eundem Joanni Antiocheno præsuli per legatum pacis Paulum Emesenum episcopum ». Cum enim anno superiori Joannes Antiochenus et ejusdem factionis episcopi viderent imperatorem ad pacem omnino propensum, laudatam relationem ad eum misere, in qua asserunt, se Confessionem fidei Nicænæ ad episcopos, qui ab ipsis discesserant, sese misisse, sed eos flectere non potuisse. Et quia Joannes comes eisdem significaverat, velle imperatorem, quid de *Sancta et Dei Genitrice Virgine* sentirent, certiorum fieri, miserunt ad eum per eundem Joannem eam partem Confessionis fidei, quam diximus a Theodoro fuisse compositam, quamque hoc anno Joannes Antiochenus per Paulum Emesenum ad Cyrillum direxit. Huic Cyrillus subscripsit, et eam suis litteris quæ incipiunt, *Lætentur celi*, inseruit.

15. *Via ad pacem sine partium præjudicio faciendam inita.* — Uti enim Joannes Cyrillum Apollinariæ atque Eunomii, ita hic Joannem Nestorii sectatorem assererat. Quare dum inter utrumque pax est inita, admissa quidem Ephesina fidei definitio, Nestorii damnatio, ac Maximiani ordinatio, sed neuter voluit errasse in dogmate, sed tantum alterius acta et opinionem non plene intellexisse. Hinc quemadmodum Cyrillus sua Capitula anathematizare constantissime detrectavit; ita et Joannes in nullo a prioribus suis scriptis recedere voluit. Eamque ob rem ipsam fidei Professionem, quam anno superiori ad imperatorem miserat, intra pacis articulos contineri, et a Cyrillo confirmari voluit, ut recte caput istud Synodici exponit Lupus. Cyrillus vero propter studium pacis in omnes conditiones consensit, indeque postea Orientales occasionem sumpsere spargendi in vulgus mendacii, quasi sua Capitula retractasset, et in Orientalium sententiam venisset. Cæterum licet Joannes cum Cyrillo fraudulenter se gesserit, nunquam tamen blasphemie Nestorii favit, sed tantum ejus personæ, quod eum injuste depositum existimaret. Id certe tradit Sixtus III in datis post initam pacem litteris ad Cyril-

lum, de quibus anno sequenti agemus; cum in iis scribat : « Non se exili vestro (sc. Nestorio, cujus exilii locus erat monasterium sancti Euprepii) frater noster Joannes addiderat, non ejus est blasphemia prædicatione deceptus. Nam quantum rerum exitus docet, suspendit suam sententiam, non negavit », id est, suam in Nestorii damnationem sententiam.

16. *Pax sub anni finem composita.* — Paulus Emesenus, rebus utrinque compositis, non tantum communionem recepit, sed etiam potestatem habende ad populum, præsidebat Cyrillo in magna Ecclesia, homilie, die vicesima quinta Decembris, qua Catholice locutus est de Incarnatione Verbi, et Deipara Virgine summo totius populi plausu, ut legere est apud Baronium. Ex quibus liquet, pacem ante currentis anni finem constitutam fuisse. Quoad *Theodoretum*, is licet pacem Ecclesiæ voluisset, quia tamen Nestorium injuste depositum fuisse sibi persuaserat, huic scripsit Epistolam a Baronio num. 81 recitatam, in qua ait : « His quæ contra tuam venerationem injuste atque inique patrata sunt, nec si mihi utramque manum quis abscederet, potero præbere consensum, divina procul dubio mihi cooperante gratia, et infirmitatem animæ sublevante ». Præterea scripsit ad Dorotheum Mæsiæ metropolitam, Nestorianum pertinacissimum, postea Caseream Cappadociæ relegatum, Epistolam cap. 138 Synodici adversus Tragediam Irenæi, in qua petit, orationibus ejus stabiliri, « ut firmi, inquit, et in dogmatibus persistamus, et claudamus oculos, ne sanguinis injustum judicium videamus et claudamus aures nostras, ne audiamus et cadamus in terram », ubi sanguinis injusti judicii nomine depositionem Nestorii intelligit, a qua degradatione ita aversus erat, ut veritus non fuerit communicare cum Dorotheo, a quo norat vocem, *Deipara*, anathemate percussam fuisse. Baronius num. 84 dicit, Theodoretum adversatum fuisse postea Nestorio, testari ejus Epistolam ad *Sporacium*. Verum jam anno cœxxviii ostendimus, eam *Theodoro* fuisse suppositam, quod quicumque duas has Theodoretæ Epistolas cum iis, quæ eo anno Baronius num. 39 ex Epistola ad *Sporacium* refert, conferet, manifestissime intelliget. Profecto Garnerio, qui hanc suppositionem detexit, nullibi conjecturæ felicius, quam in vulgaris istius opinionis eversione succedere.

17. *S. Briccius in episcopatum Turonensem restitutus.* — A num. 87 ad 90. Baronius refert ex Turonensi lib. 2, cap. 1, et lib. 10, cap. 31, sanctum Briccium episcopum Turonensem sancti Martini successorem trigesimo tertio ordinationis ejus anno de adulterio injuste a Turonensibus accusatum fuisse et ab his *Justinianum* in ejus locum subrogatum. *Briccius Romanæ Urbis papam expetiit*. Justinianus autem post eum abiens, apud urbem Verceilensem obiit. Turonici iterum *Armentium* statuerunt. At Briccius Romam veniens, « cuncta quæ pertulerat papæ refert. Septimo igitur regressus anno a Roma, cum auctoritate papæ illius, Tu-

ronos redire disponit : et veniens ad vicum, ejus nomen est Laudiacum, sexto ab urbe milliario mansionem accepit ». Armentio mortuo, cum mors ejus Briccio revelata fuisset, « is in Cathedrali suam regressus est, septem postea feliciter vivens annos ». Ita summam ex Turonensi. Verum hæc ad presentem annum non pertinent. Turonensis enim, qui modo scribit, sanctum Martinum anno ccccxxvii ad Deum migrasse, et modo aliam opinionem sequens mortem ejus cum anno quadringentesimo copulat, successionem *Briccii*, et sequentium episcoporum Turonensium semper deducit ab anno ccccxxvii, ut in Dissert. de anno et die mortis sancti Martini ostendit. Quare calumnia illa *Briccio* imposita anno cxxx, qui xxxiii erat ordinatio ejus, Romanique venit Cælestino sedente, sed a Sixto III ejus successore in sedem restitutus est anno cdxvii, anno nempe septimo ab ejus Romam adventu. Cum enim *Briccio* ultra annum cdxlii in vivis non fuerit, et septem post restitutionem annos sedem occupavit, ejus in eam restitutio ab anno circiter cdxvii removeri non potest. Baronius ait, « ubi *Laudiacum* dicitur, restitue *Langiacum*. Est oppidum sex millibus Gallianis distans ab ipsa Turonensi civitate, situm ad flumen Ligeris quod vulgo vocatur *Langey* ». Ita Cardinalis doctissimus. Verum Gregorii locus purus est; *Laudiacum* enim ad Ligerim, Gallice *Mont-Louis* sex milliaribus distat ab urbe Turonensi, diciturque *Mons Laudiacus* a situ, ubi ait Gregorius sanctum Perpetuum episcopum Turonensem Basilicam in honorem sancti Laurentii construxisse. *Langiacum* vero in Turonibus etiam situm et ad flumen Ligerim Gallice *Langey*, vocatur a Turonensi lib. 10. cap. ult. *Attingavia*, ubi dicit, conditum esse a sancto Martino episcopo Turonensi Ecclesiam, postquam cives baptizasset.

18. *Franci a Romanis in pace suscepti*. — Ad num. 90. Idacius in Chronico, anno Abrahami mcdxlviii, qui kalendis Octobris superioris Christi anni inchoatur, ait : « Superatis per Aetium in certamine Francis, et in pace susceptis, Censorius comes legatus militum ad Suevos, supradicto secum Idacio redeunte, Bonifacius in amulationem Aetii de Africa per Placidiam evocatus, in Italiam ad palatium redit. Qui depulso Aetio in locum ejus succedens, paucis post mensibus, inuito adversus Aetium conflictu, de vulnere, quo fuerat percussus, interiiit. Cui Sebastianus gener substitutus, per Aetium de palatio superatus expellitur ». Prosper vero sub hujus anni cons. habet : « Totius orbis pace et consensione mirabili Bonifacius ab Africa ad Italiam per Urbem venit, accepta magistri militum dignitate : qui cum resistentem sibi Aetium prelio superasset, paucos post dies, morbo exstinctus est. Aetius vero, cum deposita potestate in agro suo degeret, ibique cum quidam inimicus ejus repentino occurso opprimere tentasset, profugus ad Urbem, atque illinc ad Dalmatiam, deinde Pannonias ad Hunnos pervenit : quorum amicitia auxilioque usus pacem principum et jus interpellata potestatis obtinuit.

19. *Legati a Romanis ad Suevos, et a Francis ad Romanos missi*. — Ex his intelligimus primo *Idacium* Gallacorum legatum ad imperatorem anno superiori missum, ut ibidem diximus, ab eo obtinuisse, ut *Censorius* comes ad Suevos mitteretur, qui pacem inter eos et Gallacos componeret, quam et sancivisse anno sequenti videbimus. Intelligimus secundo, *Clodionem* Francorum regem alterum e suis filiis ad imperatorem Valentinianum, seu ad Aetium, qui omnia moderabatur, ut inter Romanos et Francos pax restitueretur, legasse. Neque enim ad aliud tempus referri potest quod narrat Priscus, quando verba facit de bello Attiliano, paucos post obitum Clodionis annos gesto. Ait enim Priscus, loquens de Attila : « At Francos bello laessendi illi causa fuit regum ipsorum obitus, et de regno inter liberos controversia. Seniori Attila studebat, juniorem Aetius tuelatur, quem Romæ vidimus legationem obeuntem, nondum lanugine efflorescere incipientem, flava coma, et capillis propter densitatem, et magnitudinem, super humeros effusus. Hunc etiam Aetius in filium adoptaverat, et plurimis donis ornatum, ad imperatorem, ut amicitiam, et societatem cum eo faceret, miserat ». Mortuus est Clodio anno circiter quadringentesimo quadragesimo octavo, tuncque *Meroveus* junior ejus filius Aetii presidio fretus regnum obtinuit, et fratrem, cujus nomen ignoratur, circumvenit, qui ideo ad Attilam confugit. Quare hoc tempore *Meroveus* annum circiter ætatis vicesimum attingerat. Cointus refert hæc Idacii verba, « superatis per Aetium in certamine Francis et in pace susceptis », ad annum cdxviii, quo Prosper in Chronico narrat Aetium partem Galliarum a Francis occupatam recuperasse. Verum hæc recitare refellere est; cum Idacius de re a se visa verba faciat, indicetque eam sub superioris anni finem vel currenti contigisse. Turonensis lib. 2. cap. 9, ait quosdam asserere *Meroveum* esse de stirpe Clodionis, *Meroveus* vero, a Sigeberto, et ab aliis quibusdam diserte dicitur *Clodionis filius*, sed priscus auctor coævus, si recte explicetur, id extra omnem controversiam ponit.

20. *Aetius excidit e gratia Valentiniani*. — Intelligimus tertio, *Aetium*, qui hoc anno Fastis nomen dedit, postquam vidit *Bonifacium comitem* ex Africa redemem magistri militum dignitate exornatum fuisse, cum eo in certamen venisse, occisioque Bonifacio subiectum fuisse in magisterium militum *Sebastianum* comitem magni nominis virum, et, ut Victor Vitensis lib. 1 de persecut. Vandal. et Idacius laudatus docent, Bonifacii generum; sed cum Aetius, qui in Pannoniam fugerat, in Valentiniani et Placidie ejus matris gratiam rediisset, *Sebastianum* e palatio expulit, qui postea Constantinopolim venit, ut infra videbimus, et *Aetius* pristinum locum recuperavit. Plura infra de Sebastiano, cujus viri clarissimi exilis in Annalibus Ecclesiasticis mentio.

Hoc circiter anno sancti *Eucherii* Epistola de laude eremi scripta, ut anno cdxviii videre est.

SIXTI ANNUS 2. — CHRISTI 433.

1. *Imposturas Nestorianorum in se et Sixtum confectas detegit et destruit Cyrillus per Epistolam.* — Qui sequitur ordine quadringentesimus trigessimus tertius Christi annus, nomine consulum Theodosii Augusti decimum quartum, et Anicii Maximi inchoatur: quo novi ex veteribus exorti turbines Orientalem nonnihil exagitarunt Ecclesiam. Stabilita enim pace ultimo anni superioris termino inter Joannem episcopum Antiochenum atque Cyrillum Alexandrinum: nonnulli ex iis qui Nestorium sectati essent, erga eum hactenus procliviores, haud rata habuere quæ pactis conventis inter Joannem atque Cyrillum transacta fuerunt; causantes nimirum haud suscipiendum in communionem fuisse Cyrillum absque suorum Capitulorum damnatione. Rursum vero aliqui ex parte Cyrilli in ipsum commoti sunt, quod de eo accepissent, iniquis conditionibus communicasse cum Orientalibus. Sed quomodo hæc se habuerint, audiamus ex Liberato diacono rem gestam ita narrante¹:

2. « Ascendens ergo Antiochiam Paulus obtulit Joanni archiepiscopo et omni concilio Epistolam Cyrilli. Qui ut cognoverunt eum suscepisse fidem a se directam, et in ejus subscripsisse confirmationem, pacem cum eo et ejus fecerunt Concilio, damnantem Nestorium, et suscipientes Maximianum, qui pro illo factus fuerat episcopus; dubitantibus adhuc ex eis aliquibus Cyrillo communicare, putantibus eum errasse, et postea veritatem agnovisse, et culpantibus Joannem, cur ab eo non expetierit Capitulorum ejus damnationem. Ex altera autem parte quidam de palatio per Entogium presbyterum et apocrisiarium Alexandrinæ Ecclesiæ culpaverunt Cyrillum, cur suscepit ab episcopis duarum consensionem naturam, quod Nestorius dixit et docuit. Sed et Valeriano Iconii et Acacio Melitensi episcopo hoc ipsum de Cyrillo videbatur ». Hæc Liberatus. Porro et illud additum est, ut Nestoriani Epistolam quamdam nomine Cyrilli contingerint, qua se palinodiam recantare ipse significaret, et quæ facta essent Ephesi omnino rescinderet: tale

fait per Nestorianos diabolicum excogitatum adversus S. Cyrillum commentum.

3. Hæc quidem de Cyrillo longe lateque in Orientalibus Ecclesiis diffamata, plurimorum sanctorum virorum animos pulsavere, ut Acacii episcopi Melitani, Valeriani Iconii, Successi episcopi Diocæsareæ, atque aliorum: sed et perturbavere insignioris famæ monachos Orthodoxos, et inter alios magnum illum Isidorum Pelusiolam, qui nonnihil infense ad Cyrillum hæc scripsit²:

4. « Oportet te, o admirabilis, inconvertibilem semper esse, neque timore proderere celestia, neque tibi ipsi contrarium apparere. Nam si ea quæ a te nunc scripta sunt, comparaveris prioribus; aut adulationi apparebis obnoxius, aut falsitatis minister, vana quidem gloria superatus, magnorum autem altereatorum non imitatus certamina, qui omni vita sua in exilio affligi passi sunt, quam ut perversum dogma usque ad aures saltem suas admitterent ». Hæc Isidorus: eodem ferme argumento et superius nominatos episcopos ad eundem Cyrillum scripsisse, quæ rursus Cyrillus ad eos rescripsit ostendunt. At non hoc solum scelestissimi operati sunt Nestoriani; sed gravius his addiderunt facinus, cum falsas litteras nomine Philippi Romani presbyteri, qui in Concilio Ephesino honorifica functus erat legatione, vulgarunt, quibus significabatur, Sixtum Romanum Pontificem agro tulisse animo damnationem Nestorii: quæ quidem audientibus magnum scandalum intulerunt: testantur id ipsis Cyrilli litteræ pro sua defensione conscriptæ.

5. His enim omnibus imposturis hæreticorum occurrendum fuit Cyrillo Alexandrino, qui proxime aderat. Quomobrem ad Acaciam Melitenum litteras reddidit, plene docens, non aliter quam fide Catholica salva, se cum Orientalibus pacem composuisse²: est earum exordium: « Res quidem dulcis et admiranda et plurimi faciendæ est fratribus salutatio, etc. ». His quidem cum quæ ab imperatore Theodosio, a Joanne, et aliis, potissimum vero a

¹ In addit. ad Liberat. diac. — ² Cyril. ep. xxix. et in Act. Ephes. edit. Pett. tom. v. c. 7.

¹ Liberat. diac. Breviar. c. 7.

Paulo legato episcopo Emeseno gesta essent, singulatum recenseat; nihil se innovasse de his quae in Concilio Ephesino probata fuissent, pluribus demonstrat, insinuatque Nestorianorum conatus, qui cum se ab ea pace exclusos videant, omnia studeant perturbare, quo gravius in Ecclesia praedium excitent: nam post multa adversus ipsos ista subdit, excoctitas ab eis aperiens imposturas¹: « Eos, inquit, qui cum ipsis eadem sentire non sustinerunt, flagitiosissime dilacerant, et sanctorum episcoporum Apologiam (de Orientalibus loquor) acerbe prosciunt. Deinde detorquentes eam pro ipsorum libidine ad ea quae libel, et non recte sentientes, dicunt eam a Nestorii vocum novitatibus non discrepare. Simul autem et nos vituperant, quasi iis quae olim scripsimus contraria senserimus, etc. » vocat Apologiam Orientalium, quam supra recitavimus eorumdem fidei professionem, quam adversarii jactarent eandem plane esse cum ea, quam ipsi Nestorio faventes olim edidissent: sed quam hoc falsum sit, idem Cyrillus pluribus aperit.

6. Ad postremum vero quid cavere debeat, his verbis admonet: « Si Epistolam nonnulli circumtulerint, tanquam a religiosissimo Philippo Romano Ecclesiae presbytero scriptam, quasi sanctissimus episcopus Sixtus depositionem Nestorii moleste ferat, ipsique bene loquatur; non credat hoc sanctitas tua: scripsit enim consona sanctae Synodo, omnia quae illius Gesta confirmavit, et nobiscum consensit. Si vere a quibusdam circumlata fuerit Epistola, tanquam a me scripta, quasi eorum quae Ephesi gessimus poeniteat; condemnatur et hoc. Sumus enim per Salvatoris gratiam adhuc sana mente et cooperanti ratione non destituti ». Haec ad sanctum Acaecium Cyrillus Alexandrinus de Nestorianorum technis atque calumniis. Litteras autem, quas se dicit accepisse a Sixto, paulo inferius reddituri sumus: modo Cyrillum his afflictatum angustiis conseclemur.

7. Quod enim sciret et aliorum aures eandem pervasisse calumniam, scripsit etiam ad has ipsas calumnias confutandas idem sanctus Cyrillus ad Successum Diocæsareæ in Isauria episcopum: qua cum de duabus naturis non divise (ut Nestorius dicebat) sed indivise et inconfuse unitis Verbo pluribus disputet, et in multis differre professionem Antiochenorum a Nestorii perfidia fidem palam faciat, ut nec locus calumniae esse possit quod in ipsa sua professione Nestorii haerem confirmavit: ad postremum de Nestorianorum falsis litteris, tum Philippi Romani presbyteri, tum sui ipsius nomine sparsis, admonet, cautumque reddit, ne illis fidem adhibere debeat: atque etiam de Sixto Romano Pontifice certiore facit, scripsisse ipsum consona in omnia Ephesino Concilio, et cuncta quae in eo acta essent stabilivisse: est ejus Epistola exordium²: « Declaratur quidem veritas, etc. »

8. Scripsit et ad Valerianum¹ Iconii episcopum eodem argumento litteras, quas de Incarnatione Verbi argesses nominant: in quibus pariter ad finem demonstrat, quam longe absit, ut Orientales episcopi, nempe Syri, cum Nestorio sentiant, et quam falso hanc illi calumniam impingere conati sint. Unde et eum, ut ea caute agat, ita in fine admonet: « Si qui igitur sunt, qui illos diversa ab his sentire falso affirmaverint: nulla eorum dictis fides adhibeatur: verum tanquam impostores et mendaces, secundum patrem suum diabolum amandentur, ne quando illos qui recte incedere cupiunt, perturbent. Quod si qui Epistolas concinnatas ab illis exhibuerint, tanquam quae a viris spectatis editae sint; tanquam spuriae et commentitiae rejiciantur ». Haec ad Valerianum Cyrillus.

9. Sed et ad Dynatum episcopum Nicopolis Epiri scripsit hoc eodem anno Epistolam, qua cum de rebus inter se et Orientales transactis eum certiore reddit, mittit quoque Epistolas ea de causa inter se et Joannem ultro citroque datas; admonens, ne praeter illas, alias ab aliis evulgatas accipiat. Fuit et de his ipsis admonendus apocrisiarius ejus Eulogius agens Constantinopoli, apud quem a nonnullis Palatinis querelae non leves de ipso Cyrillo ingestae fuerant (ut dictum est) quod duas naturas in Christo, sicuti Nestorius, confessus esset. Ad hunc igitur Eulogium, cum haec ab eo per litteras Cyrillo significata fuissent, litteras ipse reddidit, quas Communitorium ad Eulogium nominant; in quo haec ipso exordio²: « Expositionem, quam Orientales fecerunt, reprehendunt nonnulli, dicuntque quod duas naturas nominent, et quod istos Alexandrinus toleraverit, imo laudaverit. Qui vero Nestorii sunt, et hunc ita sapere dicunt, attrahentes ad se eos qui exactam veritatem ignorant. Accusantibus autem nos, illud dicendum est: Non esse omnia quae haeretici dicunt, fugienda et recusanda: nam multi ex illis ea confitentur, quae et nos confitemur: ut pole Ariani, cum Patrem omnium conditorem et Dominum esse dicunt: an consentaneum erit, ut ob eam causam tales confessiones fugiamus? Ita de Nestorio sentiendum. Is etiam si duas naturas esse dicat, carnis et Dei Verbi differentiam significans (est enim et alia Verbi, et alia carnis natura) hoc tamen non secundum unitatem nobiscum confitetur, etc. » Pluribus enim docet, sic Nestorius duas in Christo praedicare naturas, ut eas inter se dividas duas pariter personas constituere asseveret, Orthodoxos autem duas in Christo semel unitas, non tamen confusas confiteri naturas, atque unam tantum constituere Christi personam. Cum alioqui a Nestorianis illam quoque (ut ibi ipse testatur³) Cyrillus calumniam passus sit; quod eum diceret duas naturas in unam personam esse unitas, illi jactarent duas naturas in unum confusas praedicare eum Apollinari Cyrillum: a qua quidem calumnia cum ibi, tum aliis quoque scriptis saepe se ipse purgavit.

¹ Ibid. ep. XXIX. in Cyril. — ² Cyril. in fine hb de Incarn. unigeniti.

³ Extat inter Act. Epi. ed. Peit. t. vi. c. 17. — ² Cyril. ep. xxx. — ³ Ib.

10. Ex his igitur quæ dicta sunt, incenbit Cyrillo, non his tantum se ipsum a Nestorianorum liberare calumniis, sed et Joannem Antiochenum, aliosque Orientales, quorum probaverat fidei professionem, defendere; quod pluribus scriptis quam diligentissime præstitit. Ille quidem turba post pacem hoc anno agitari cepta sunt a Nestorianis in Orthodoxos. Sed quibus armis illi hujusmodi bellum parant? Illic cum sequeris, per facile intelliges sub quibus hi signis militaverint: etenim cum eos videris non nisi calumniis, fraudibus et imposturis litteras falsas magnorum virorum nomine adorantes, verbisque mendacia mendacis consuetes; cujusnam milites ipsi fuerint, probe nosces, nempe, ministros satanæ transfigurasse se in angelos lucis. Nescit enim pura religio imposturas, nec querit fucos veritas, neque fides Catholica mittitur calumniis et fraudulentis, graditur libera et secura sinceritas; sola gaudens comite simplicitate.

11. *Sixti ad Cyrillum et Joannem Antiochenum Epistolæ de pace inita gratulantis, unde dilate Hæreticorum calumniæ.* — In primis vero quod pertinet ad Sixtum Romanum Pontificem, Nestoriani suis litteris calumniali sunt, ipsum agro animo tulisse Nestorii abrogationem: sed quam id a veritate abhorreret, ipse S. Cyrillus in testimonium veritatis ad convincendam Nestorianorum falsitatem, ad se scriptas ab ipso Sixto (ut vidimus) citavit litteras, quas industria viri eruditi Antonii de Aquino nobis codex Vaticanus exhibuit, licet mendosas satis: cum vero sciamus nondum impressas, hic ipsas eundem quam potuimus emendatiores curavimus, præclarum sane antiquitatis monumentum: ostenditur enim, quam verum sit, quod Cyrillus ait, Sixtum magnopere execratum esse Nestorium, et lætatum inita inter Orthodoxos concordia: sic enim se habent:

12. « Sixtus episcopus Cyrillo Alexandriae episcopo.

« Magna sumus lætitia alacritatis impleti, postquam (sicut legimus) ex alto nos Oriens visitavit. Ecce enim sollicitis nobis, quia (quod) neminem perire volumus, sanctitas tua redintegratum corpus Ecclesie suis Epistolis indicavit: redeuntibus ejus in sua membra compagibus, neminem foris jam videmus errare; quia intus omnes positos fides una testatur. Lætatur e medio nostrum, qui hoc opus fecit, ablatum: soli sibi nunc non credit (Nestorius scilicet) quod sensit et intelligit obfuisse: qui contra hunc nixus est (Cyrillus videlicet) enim profitemur omnibus profuisse. Sed convenit a fratribus nos ad læta transire; quia ipse cui mota questio fuerat, de Ecclesia universali merore sublato, tempus nobis præstitit gaudiorum. Christus denique Deus noster, quam vere (vera) sit sua causa, monstravit, quando ita res dignatus est gubernare, ut tante rei et talis judicium servaret suorum conventui sacerdotum.

13. « In unum congregati Apostoli de fide sæpe tractarunt: in unum nunc convenientes Apostolici

de ejus victoria gratulantur. O relatio digna mitente, digna conventu! gaudii celestis iudicium tales habere debuit cognitores; et quia res et causa deposcit, locum quoque convenit intueri. Ad beatum Apostolum Petrum fraternitas universa convenit: ecce auditorium congruens, auditoribus conveniens audiendis. Habuerunt coepiscopi nostri illum congratulationis festem, quem habemus honoris exordium. Sancte namque et venerabili Synodo, quam natalis mihi dies, favente Domino congregarat, quia sic credendum est, ipse præcedit: quandoquidem probetur nec spiritu nec corpore defuisse: adfuit palme, qui contentioni non defuit: juvit animorum vola nostrorum, qui videret Symbolo primo inter Apostolos tradito derogari: non passus est nefandum caput gaudere solatiis, nec turbati diu sicut fululento gurgite fontis illius perspicui puritatem. Ad nos reversi sunt fratres: ad nos, inquam, qui morbum communi studio persequentes, animarum curavimus sanitatem.

14. « Non se exili vestro (Nestorio scilicet) sanctus frater noster Joannes addiderat: non ejus est blasphema prædicatione deceptus. Nam quantum rerum exitus docet, suspendit suam sententiam, non negavit: nam quid in inventorem malorum posset aliud judicare, nisi quod probatur ipse (Deus videlicet) per sacerdotes suos, cujus agebatur causa, sentire? Slatuerat hoc nimirum de nostrorum deserto castrorum, quod a ducibus fidei suaderet perfidia judicari: nunquam se a nostro numero separasset, in quem potuit et reverti. Exulta, frater carissime, et ad nos recollectis fratribus, victor exulta: querebat Ecclesia quos recepit: nam si neminem perire volumus de pusillis, quanto magis gaudendum nobis est sanitate rectorum? Legimus, una ovis quantum gaudii reportata præstiterit; et ideo intelligendum est, quid laudis habeat tantos revocasse pastores: greges aspiciuntur in singulis, nec minus hic causa tractatur, quoties agitur de sanitate multorum. Lætatur hic nihil egisse nos præcoquam, quando fructu nostræ sententiæ gratulamur.

15. « Sustinimus fratres, certi eos non spinas, sed vas esse lecturos: in evidenti est nostrorum vindemia gaudiorum, quæ sanctam Synodum largitate gratulationis implevit: vineam suam custos ille curavit, quem ad custodiendam domum Israel nec dormire, nec obdormire David propheta¹ testatur. Infecundum illud Christo nostro nec afferens fructum suscepit flamma sarmentum: sed ut hoc videmus convenire damnato, ita de reversis ad nos fratribus convenit dicere, quia non potuit a diabolo eradicari plantatio, quam plantaverat Pater². Num ergo sibi ignis æternus, hunc possessoris æterni vinea vindicavit: in tantum ut Antiochenæ Ecclesie sacerdotem vocari a sanctitate tua jam nunc venerabilem virum et domum (dominum) gaudeamus: et merito vocatur dominus, qui communem Dominum

¹ Ps. cxx. — ² Matth. xv.

recognovit, qui incarnationis ejus voce Catholica nobiscum mysterium confiteretur.

16. « Bene nobis breviter tua fraternitas, quæ sunt super eodem negotio gesta, narravit; sed mirati non sumus, quod a dissentientibus in te compositam legitimam dejectionis (dictionis) injuriam. Novimus, frequenter patere calumniis veritatem, nec tamen unquam posse falsitate superari: votivæ sunt semper fidem molestiæ prædicanti: his namque cum beatitudine copiosa merces paratur in caelo, quibus propter justitiam maledictiones, persecutiones, et omne malum præcipitur sustinere. Passus es falsitatem, ut victricem faceres veritatem: et ideo nunc insultandum esse falsitati, quia nullus perire potuit veritati. Exspectamus igitur memorati fratris nostri Joannis clericos, et optamus venire: scimus ei et pro honore et pro labore tuo dare responsum: non est (sicut fratri et coepiscopo nostro Maximiano sæpe jam scripsimus) etiam ipse redeuntibus difficultis aperire januam: ut vere, nisi perditionis filius, nemo sit perditus; sitque ei major se causa legendi, quod meritum solus excludi. Hæc ad venerationem tuam fraternitas mecum sancta scribit, probans tuos in omnibus et confirmans labores; qui tamen graves, aut amari non esse potuerunt, quia huic impensius sunt, ejus onus leve et jugum suave portamus. Dat. XV kalend. Octobris, Theodosio XIV et Maximo consulibus ». Extat in eodem codice Epistola, quam eodem argumento idem Sixtus hoc eodem anno et mense et die scripsit ad Joannem episcopum Antiochenum, cum eidem congratulatur his verbis:

17. « Sixtus Joanni episcopo Antiocheno.

« Si Ecclesiastici corporis gloriam, si ejus integritatem dilectio tua considerare dignetur, profecto letitiæ nostræ non quæret interpretem. Ipsæ namque evidentissimæ res loquuntur, morem nostrum repente sancti fratris nostri Cyrilli in gaudium sermone conversum: tantum hanc ergo sollicitudinem nostram nos evasisse delectat, postquam reo nostræ fidei tua fuit sanitas penitendo: nunc se vere exulem, nunc se sentit ejectum. Abundant ei in deserto spinæ, quia deest uva quam colligat: hos habet fructus, qui erga vineam Domini nostram noluit exercere culturam. Credo ad dilectionem tuam rerum cursus et ordo pervenerit, qualiter ei volumus nostra admonitione succurrere: retinimus in præceptis euntem, qui erat blasphemiarum pondere in profunda mergendus. Si negotii qualitatem justa lance pensemus: nulli non videbitur Nestorius sero damnatus, cui non profuerit debitis sermo præteritis. Fruamur nunc presentibus bonis, nec diu hæreamus in tristibus, quibus Dominus gaudere concessit.

18. « Audivit universa fraternitas, quæ ad natalis mei convenerat diem, qualiter hono humani generis, Apostolicæ Sedis me preside gratulenter:

(1) excedens (exceedant) licet meritum meum, et extra me hæc esse cognoscas, exordium tamen tui sermonis gratus accipio; quia non est tibi controversia perferenda, qui Christum Dominum nostrum bono humani generis, ita ut natus est, confiteris: subsequenter Ecclesiæ addis Luciferum et ubique lucentem; sed et nunc vos, imo omnes qui lucis illius signum fronte gestatis, Luciferos confitemur: sint ergo omnes fide prædicantes Domini sacerdotes Luciferi et ubique lucentes: sit et Nestorius ille Lucifer, de quo scriptum est¹: Cecidit Lucifer, qui mane oriebatur: cecidit, sed superbiens cecidit, sed elisus cum ascendere disponit in caelum, et ponere super cæli sidera sedem suam, et promittit Altissimo similem se futurum. Ille ad similitudinem se aptabat Altissimi: iste in suam similitudinem vocabat Altissimum: hominem namque natum cum tantummodo prædicabat, auferens incarnationis mysterium, et illud evacuans, imo illud impugnans, quo secundum symbolum fides et salus nostra substituit.

19. « Non est certandi jam tempus: hostile protrato, transeundum nobis ab his est quæ bella moverunt: importunum est victoriæ tempore adhuc de præliis disputare. Quæ hic evidentior rerum fides, quæ ratio major potest esse, quam ut palma fruamur, auctore Domino, atque bono jucundo, quia in unum² fratres rursus capimus habitare? Hæc sanctitatem tuam volumus prædicare, quæ scribis: expertus es negotii presentis eventum, quid sit sentire nobiscum. B. Petrus Apostolus in successoribus suis, quod accepit, hoc tradidit. Quis ab ejus se velit separare doctrina, quem ipse inter Apostolos primum magister edocuit? non hunc auditus per alterum, non sermo lectus instruxit: doctus est cum aliis ore doctoris, non scripturæ, non scriptorum passus est questionem; absolutam et simplicem fidem, et quæ controversiam non haberet, accepit; quam utique meditari semper, et in qua manere debemus, ut sensu puro sequentes Apostolos inter Apostolicos esse mereamur. Non parum nobis oneris, non laboris incumbit, ut Ecclesiæ Domini macula desit et ruga.

20. « Quam super hoc esse solliciti nos debeamus, clementissimorum et Christianissimorum regum cura testatur. Adspice, frater carissime, cælesti negotio quam se vigilanter impenderit: cogitationum ferias nesciverunt: nec dignati sunt terrenam curare, nisi cælestibus paruisset. Quoties Apostolicam Sedem, quoties diversos fratres eorum sermo commovit, impenderunt se ejus negotio. Quis eorum unquam negavit imperio? sciunt se illi fœnerare sollicitudinem suam, qui eam cum grandi reddat usura: de qua re nos convenit gloriari quia cælestem Regem videmus fœderatos reges

¹ Isa. XIV. — ² Ps. CXXXII.

(1) *Apostolicæ Sedis me preside*. Constantius in notis ad hanc Epistolam pag. 1260 animadvertit, Baronium de suo supplivisse *gratulenter*. Melius, ait Constantius, ad Sixti mentem resarciretur: *Apostolicæ Sedi me presidere gratulaberis*.

habere terrarum. Intelligunt (sicut ait David ¹) et eruditi sunt qui iudicant terram; quando (sicut dicit alibi ²) ipsi et omnes populi laudant nomen Domini. Ergo quia una (sicut dicit Apostolus ³) fides est, et vincentes obituit, dicenda credamus, et tenenda dicamus; nihil ultra liceat novitati, quia nihil adieci convenit vetustati: dilucida et perspicua majorum credulitas nulla conari permixtionem turbetur: habet probatum nobis virum fratrem, et coepiscopum nostrum Maximianum Constantinopolitane Ecclesiae sacerdotem, divino illic iudicio consecratum: ut aegritudinis morbum, quem astutiae venena sopitis infuderant, superet simplicitatis dulcedo succedens; qui non illic aliud, quam credimus poterit predicare, nisi quod a decessoribus meis nobiscum positus frequenter audivit. Dat. XV kal. Octobrium, Theodosio XIV et Maximo cons. » Ex his igitur omnibus quam perspicue confutantur Nestorianorum calumnie de Sixto Pontifice sparse, quod depositionem Nestorii animo infenso tulisset.

21. *Quando haeretici Acephali dicti sint.* — Sed quod superius demonstratum sit, complures fuisse qui Cyrillo minime inhaerescerent, neque cum Joanne Antiocheno episcopo participationem aliquam habere vellent, sed seorsum absque capite Synaxes agerent: novam ex iis sectam esse conflant, quam Acephalorum nominavit antiquitas, Liberatus diaconus existimavit ⁴. Caeterum receptor illa sententia est, ut nonnisi post Chalcedonense Concilium Acephali haeretici cepti sint nominari: testatur id inter alios Leontius scholasticus ⁵. Subdit autem Liberatus: « Tunc et Evoptius Ptolemaidis Pentapoleos regionis episcopus accipiens exemplar litterarum Theodoretii, qui scripserat contra duodecim capitula Cyrilli, direxit illud Cyrillo, ut responderet ad ea, et sua capitula exponeret. Quod gratissime suscipiens Cyrillus, fecit expositionem Capitulorum suorum, et ad interpretationem duodecim addens expositiones, quo videretur plenam pro eis reddere rationem. Itaque Cyrillo suscipiente, et defendente fidem Orientalium episcoporum, et sua capitula exponente, pax et unitas Ecclesiae reddita est. In qua pace gaudente Ecclesia, inimicus pacis aemulus veritatis non quievit adversus eam movere vasa sua, et superseminare zizania ». Hactenus Liberatus: quae vero his subdit, non suo loco dicemus. Quantum autem fuerit necessaria ejusmodi posterior Cyrilli interpretatio, inde colligere potes, quod Theodoretus ⁶ in Epistola ad Dominum Antiochenum quantum idem Syri episcopi ad ea demolienda laboraverint, tradit his verbis: « Sunt enim, inquit, juxta morem consuetum Synodi plusquam quinquaginta Synodica Gesta et scripta, quae duodecim capitulorum damnationem ostendunt ». Haec ipse: ut non mireris, si ad pacis soliditatem voluerit posterioribus scriptis Cyrillus cuncta penitus clucidasse.

22. *Incendium Constantinopoli.* — Quod vero, damnato licet ubique Nestorio, et in unam sententiam Occidentalibus Orientalibusque convenientibus episcopis, nonnulli nihilominus pro eodem Nestorio certamen instaurarint: non aliunde his fiducia crevit, quam quod cum Nestorio mitius actum est: nam apud Antiochiam in monasterio suo S. Euprepii nominato libere agere, et cum omnibus quos vellet, consuetudinem habere permissus est, qui ob execrabilem haeresim longe longius extra Romanum orbem deportandus erat, ut factum est postea, sero tamen, nec nisi post inflicta a Deo flagella. Qui enim ista postremis votis momentem sanctae memoriae Caesestini non audierat Theodosius imperator de longius relegando Nestorio, divinam in se iracundiam concitavit. Sicut enim cum hujusmodi haeresis defenderetur, luctuosissima clades illa inflicta est (ut videmus) Romano imperio, cum Romanus exercitus in Africa magno dedecore Romani nominis, et Catholicae fidei penitus profligatus est, cum vicerint Barbari Orientalem, et Occidentalem Romanus exercitus, et Ariani Catholicos sub jugo miscrunt: ita nunc (o mirandum!) cum sinceretur damnatus Nestorius liber inter Catholicos agere, Constantinopolitana civitas portentosa affecta est clade hoc ipso anno, cum triduo incendio magna est ex parte consumpta.

23. Sub hujus enim anni consulibus haec S. Prosper in Chronico: « Maxima urbis regiae pars Septentrionalis per tres dies incensa, collapsaque est mense Augusto ». Haec Prosper, eadem quoque et Marcellinus ¹. Socrates ² id ipsum affirmat sub iisdem anni hujus cons. accidisse, incendium quidem tale, quale nunquam antea visum auditumve fuerat; sed ait biduo perdurasse, cum scilicet vehementioribus grassaretur augmentis. Verum quod Novatianorum basilica non contigavit, miraculo tribuit Pauli tunc temporis episcopi Novatiani Socrates ipse Novatianus: ob eamque causam addit a Novatianis celebrari solitam anniversariam diem ejus liberationis XVII kal. Septembris. Caeterum nulla nunquam fuisse vel esse potuisse miracula haeticorum, saepe superius demonstratum est, et levissimam nulliusque momenti esse fidem haeretici hominis sectae suae hominibus miracula adscribentis. Porro quod ad incendium spectat; ista et alia mala commernisse pati regiam civitatem affirmari posse videtur, quod adversus Ephesinum Concilium qui erant rerum arbitri Nestorio favissent, et damnato licet complures ipsorum favere non desinerent: siquidem ex litteris ejusdem Nestorii Evagrius ³ narrat, toto quadriennio post damnationem, in dicto S. Euprepii monasterio variis ipsum esse affectum honoribus, et plurimis donatum pramiis. Quomodo autem, sero licet, post sequentem annum in Oasim incessantem solitudinem fuerit deportatus suo loco dicemus.

24. *Petri Chrysologi ad Ravennatam sedem*

¹ Psal. II. — ² Ps. CXLVIII. — ³ Ephes. IV. — ⁴ Libera. diac. Brev. c. 9. in fin. — ⁵ Leont. I. de Sect. sect. V. tom. IX. Bibl. sanct. — ⁶ Theod. ep. cxii.

¹ Marc. in Chron. — ² Socr. I. VII. c. 38. — ³ Evagr. I. I. c. 7.

electio. — Sed quid hoc anno in Occidente? Cum Ravennates Roman venissent ad Sixtum Romanum Pontificem cum decreto electionis Ravennatis episcopi, quem in locum Joannis nuper defuncti subrogandum elegerant, præter sententiam Sixtum renitentem invenerunt; qui a S. Petro Apostolo per visum sibi apparente una cum S. Apollinare suo discipulo, primo ejus Ecclesie episcopo, quem ordinare deberet, admonitus ante fuerat. Cum interea accidit, ut sanctus Cornelius Forocorneliensis episcopus una cum suo diacono Petro nomine inviseret ipsum Sixtum Pontificem: qui intuens Petrum, ipsum plane illum esse cognovit, quem Princeps Apostolorum in Ravennatem episcopum fore ordinandum ostenderat. Moxque jubet Ravennates adesse, et qui instituendus esset ipsorum episcopus docuit, nempe diaconum Forocorneliensis Ecclesie Petrum: sed resistentibus illis, ac reclamantibus laud moris esse ex alterius Ecclesie clero assumi aliquem in Ecclesie Ravennatis episcopum, compulsus Sixtus fuit ea de re divinum consilium aperire, et visionem illam acceptam notam facere Ravennatibus; qui tandem acquiescentes Pontifici, cunctis rite peractis, gaudentes cum Petro a Sixto ordinato episcopo reversi sunt; exituque dilucide declaratum est, nonnisi a Deo electum fuisse, quem admiranda morum sanctitudo, et doctrina insignis mirifice commendaverunt: hæc prodita sunt ex antiquis Ravennatis Ecclesie monumentis, quæ vir disertus Hieronymus Rubens commentario edito egregie illustravit. Porro quod ad ipsius Petri tyrocinium pertinet, et educatorem suum Cornelium, hæc ipse Petrus aliquando pro concione locutus est: « Cornelius namque memorie beatissimæ, vita clarus, cunctis virtutum filulis ubique fulgens, operum magnitudine notus universis, pater mihi fuit; ipse enim me per Evangelium genuit: ipse piissime nutrit: ipse sanctus sanctam instituit servitutem: ipse Pontifex sacris obtulit, et consecravit altaribus: et ideo mihi carum colendumque Cornelii nomen. Amor ergo cognominis me compellit Cornelienis Ecclesie desideriis desideranter occurrere, etc. » Hæc de Petri primordiis, reliqua inferius suis locis.

25. *Prosper hæresim Pelagianam in Cassiani scriptis latentem insectatur.* — Hoc item anno sanctus Prosper reviviscenti in Occidente et clanculo serpenti hæresi Pelagianæ se validis scriptis opposuit. Periculosum quidem in Ecclesia bellum excitari videbatur non ab hostibus, sed ab iis qui Catholico nomine in Ecclesia versarentur, imo et magna cum laude adversus Pelagianos errores valentioribus telis pugnasse visi fuissent. Quis enim cavere hostem, quem in castris fidelium militantem in hostes jecisse jacula pervidisset? Tale quiddam hoc tempore accidit in Ecclesia. Cum enim (ut superius dictum est) Joannes Cassianus presbyter Massiliensis Ecclesie, adversus Nestorium, disertum atque perutile de Incarnatione Domini commentarium edidisset, eodemque volumine Pe-

lagium atque Pelagianos velut ejus hæresis primos auctores vehementer exagitasset: factum esse visum est nonnullis, ut calumniam loco duceretur, quod a Catholicis viris ut Prospero et aliis, ipse Cassianus Pelagianæ hæresis in crimen adductus esset, ac proinde editas ab eo Collationes Patrum absque erroris suspitione fideles incaute legerent absque detectu, utpote viri Catholici, cujus cuncta esse Catholica existimarent: unde accideret, ut iidem nescientes efficerentur ea saltem ex parte Pelagianii, qua adversus gratiam ab eo liberi arbitrii vires prædicarentur. Illis igitur latentibus malis ut occurreret S. Prosper, adversus Collatorem librum hoc anno conscripsit, et quidem eruditione insignem, quo et venena produntur, et adversus ea antidotum præparatur.

26. Id quidem hoc ipso anno sanctum Prosperum præstitisse, ipsius testificatione liquet. Etenim cum in operis præfatione annos numeret ¹ viginti et amplius, nempe exactos: « Quo, inquit, contra inimicos gratiæ Dei Catholica acies hujus viri ductu, nempe S. Augustini, pugnat et vincit »: idemque tempus illud numerare incipiat ab anno Concilii Carthaginensis, in quo primum Cælestius damnatus est, ut quæ subdit ipse declarant, et docent ea quæ de ortu ejus hæresis in Chronico profertur, duceus ejusmodi annorum numerum a Luciani consulatu, qui est annus Domini quadragesimus decimus tertius: plane constat dictum numerum annorum viginti in hunc ipsum annum desinere, quo consultatum gessit Theodosius Augustus decimum quartum cum Maximo, quo ipse S. Prosper in Chronico ejusdem Joannis Cassiani honorifice meminit verbis istis: « Joannes monachus, cognomento Cassianus, insignis, et facundus scriptor habetur »: quibus sane verbis cum adhuc vita supersitum fuisse ipse declarat: ut plane intelligas, cum Gennadius ait, cum post scriptos libros contra Nestorium finem vivendi fecisse, significare voluisse, nihil præterea, superveniente morte, ab ipso scriptum fuisse, pervenisse ipsum quidem ad annum Domini quadringentesimum trigesimum quintum, Trithemius tradit, cui tamen laud inviti consenserunt. Certe quidem S. Prosperum redarguisse Cassiani adhuc viventis scripta, non solum quæ in Chronico tradit ostendunt, sed et quæ habet in fine operis manifeste declarant, his scilicet verbis de Cassiano et aliis S. Augustini reprehensoribus agens ²: « Quorum tamen, dum adhuc non sunt a fraterna societate divisi, toleranda magis est intentio, quam desperanda correctio; donec Dominus per Ecclesie principes, et legitimos judiciorum suorum ministros, hæc quæ per paucorum superbiam, et quorundam imperitiam sunt turbata, componat ». Hæc Prosper, cum perorat: quibus intelligis Cassianum inter Catholicos professores adnumeratum.

27. Per Sixtum autem Romanum Pontificem S. Prosper perfiçit quod optare se dicit, paulo supe-

¹ Prosp. conit. Collat. præfat. — ² Prosp. adv. Col. in fin.

rius significavit his verbis : « Confidimus Domini protectione præstandum, ut quod operatus est in Innocentio, Zozimo, Bonifacio, Cælestino, Romanis prædecessoribus Pontificibus, operetur et in Sixto; et in custodia Domini gregis hæc sic pars gloriæ huic reservata pastori, ut sicut illi lupos abegere manifestos, ita hic depellat occultos: illo auribus suis doctissimi senis (nempe Augustini¹) insonante sermone, quo collaborantem secum hortatus est, dicens : Sunt enim quidam justissime damnati, qui impietates adhuc liberius defendendas putant; et sunt qui occultius penetrant domos, et quod in aperto clamare jam metumt, in secreto seminare non quiescunt : sunt autem qui omnino siluerunt, magno timore compressi, sed adhuc corde retinentes quod ore jam proferre non audent, qui tamen esse possunt fratribus ex priore ipsius dogmatis defensione notissimi. Proinde alii severius coercendi, alii vigilantius vestigandi; alii tractandi quidem lenius, sed non segnius sunt docendi, ut si non timeantur ne prodant, non tamen negligantur ne pereant ». Hinc usque recitat Prosper S. Augustini verba scripta olim ad Sixtum ipsum cum presbyter esset, quibus opportune eum in hos occultos Pelagianos insecundans inflammat. Quid autem Sixtus egerit, incertum est : caremus enim ejus Pontificis scriptorum monumentis, quæ et adversus Nestorianos quoque fuisse edita vidimus. Constat tamen ejusmodi Prosperi scriptationem effectum minime caruisse.

28. *Cassiani Collationes a quibus emendatæ.* — Siquidem Prosperi admonitione illud in primis factum est, ut Cassiani scripta cautius legerentur et corrigerentur, potissimum vero Collationes ipse : quæ cum valde proficue esse cognoscerentur vitam Christianam excellentiorem sectantibus; ne pro medela ipsos haurire ex eis venenum contingeret, a nonnullis emendatæ fuisse reperiuntur. Primum quidem omnium id præstitit S. Eucherius, Lugdunensis tunc Ecclesie presbyter, cum Cassiani opera compendiose seligens, quæ utilia viderentur in epitomen accurate redegit : haud enim dubium, a Catholico viro non nisi Catholica selecta fuisse : testatur id quidem Gennadius et ipse Massiliensis presbyter, qui sanctitatis titulo suum Cassianum sic exornat his verbis² : « Sed et S. Cassiani quedam opuscula lato tensa sermone, idem Eucherius angusto verbi resolvens sermone, in unum coegit volumen ». Hæc Gennadius ejusdem farinae cum Cassiano; qui ne diceret, erroribus confutatis Eucherium expurgando contraxisse opera Cassiani, latum sermonem circumcidisse prætexit.

29. Quod autem in Galliis Eucherius, id ipsum, nempe Cassiani Collationum expurgationem Victor in Africa præstitit; de quo ista Cassiodorus³ : « Cassiani dicta Victor Martyritanus episcopus Afer, ita Domino juvante, purgavit, et quæ minus erant,

addidit, ut ei rerum istarum palma merito conferatur : quem inter alios de Africæ partibus cito nobis credimus esse dirigendum ». Hæc Cassiodorus : sed putamus ipsum spe frustratum, non accepisse; siquidem Ado⁴ Viennensis episcopus, ab ipso Cassiodoro id operis, ut Cassianum corrigeret, elaboratum affirmat, dum ait : « Opera illius a Catholicis cantissime legenda, maxime de libero arbitrio et gratia : sed et Encratitarum hæresi incautus favit. Errores illius Cassiodorus Ravenatum Senator purgare volens, non ad plenum omni ex parte potuit ». Hæc ipse Ado. Sed nunquid Augiæ stabulum liber ille, qui tot scopis emundari non valuit?

30. Falli certo scias, qui ex eo, qui præ manibus habetur Collationum liber Cassiani, defendunt ipsum fuisse omni ex parte Catholicum, ut videre potes in appendice ad Cassianum Romæ editum; perinde atque si quis cum aliquem videat esse sanum, ex eo nunquam aliam ægotasse velit asserere : morbosum quidem olim fuisse volumen illud, ex medicorum in eo impensa diutius arte certo certius intelligere potes. Nisi libeat auscultare Gennadium æque Pelagianum Cassianum excusantem, Prosperum vero damnantem his verbis : « Legi et librum Prosperi in personam Cassiani adversus opuscula Cassiani sub persona Collatoris : quæ Ecclesia Dei salutaria probat, ille infamat nociva. Quæ enim vere Cassiani et Prosperi de gratia et libero arbitrio sententiæ fuerunt, in aliquibus sibi contrariæ inveniuntur. Hic etiam Prosper post obitum beati Augustini librorum ejus contra hæreticos inimicos gratiæ Christi defensor extitit ». Hæc quidem Gennadius : sed dum Prosperum damnat, absolvit; et dum Cassianum absolvit, damnat. Etenim si Prosper impugnat Cassianum, et defendit Augustinum, plane refragante illi sancto Augustino, Cassianum condemnat, et defendentem Augustinum S. Prosperum absolvit. Sed an verum sit quod collega Gennadius ait, Ecclesiam Dei probasse opuscula Cassiani ut Catholica, « quæ (inquit) ut nociva » Prosper « infamat », Gelasii censuram consule, qua eadem Cassiani opuscula inter apocrypha, ut minime Catholica rejiciuntur. At de Cassiano haec tenes.

31. *De Sixto et Baso Acta Synodi spuria et legitima historia.* — Ad finem præsentis anni, nempe mense Decembris, evolutis jam anno uno et mensibus octo a creatione Sixti Romani Pontificis (ut habent res gestæ Romanorum Pontificum) celebratum est Romæ Concilium in causa ejusdem Sixti pape, cum ab Anicio Baso exconsule turpi calumnia exagitatus est; cum ipse Pontifex sponte voluit suam judicari in Synodo causam. Reperiuntur quedam Acta ejus Concilii nimia antiquitate corrupta atque undique depravata; quæ ne quid habeat quod desideret, et aliunde cogatur petere lector, hic addenda putavimus. Quorum cum diversa sint exemplaria, in aliquibus eorum præpo-

¹ Aug. ep. cv. — ² Gennad. de Vir. illustr. c. 63. — ³ Cassiod. inst. div. n. lect. c. 29.

⁴ Ado in Chron. anno 425. in fin.

siti habentur consules atque dies, sed mea sententia ascititii, quippe qui notatum habeant diem sexto kalend. Septembris anni quadringentesimi et quadragesimi, qui contigit post obitum ipsius Sixti, nimirum sub consulatu Valentiniani et Anatolii, quibus Romanum Concilium de expurgatione ipsius Sixti in eis legitur congregatum, in quo et Sexto kalend. Septembris condemnatio facta ponitur ejus accusatorum. Reddamus nos hic ea; quæ licet mendosissima reperiuntur, facta tamen collatione aliorum exemplarium cum iis quæ habentur typis excusa, hic tibi ea pæne emaculata, utinam ita et in omnibus aque vera, describimus:

32. « Valentiniano et Anatolio viris clarissimis consulibus, Crescentibus quidam ex nobilibus finens Demm, quas composuerat per annos vite suæ, omnes facultates suas Ecclesie reliquit, et in integro Ecclesiam fecit hæredem atque insublit. In qua dimisit prædium in partibus Siciliae, quod nominatur Ægianum (Argianum), quod præstat solidos septingentos. Secus hoc prædium proximum non longe erat prædium Mariniani. Veniens autem in Urbem Romam Octavius servus Mariniani, insinnavit Mariniano, et laudavit prædium Ecclesie. Tunc Marinianus perrexit ad episcopum Urbis Romæ Sixtum, et cepit rogans postulare ab eo fundum Ecclesie supradictum. Respondens Sixtus episcopus Urbis Romæ, dixit: Nihil ex meis redditibus, carissime fili, accrevit Ecclesie, unde pauperum senecta sublevari desiderat: nec veni Ecclesiam subvertere. Hoc audito Marinianus tabuit (turbavit ira) intra se ipsum et discessit. Epiphanius igitur ingenuus ex nobilibus parentibus procreatus et facultatibus dives sic nutritus fuerat quasi in domo Bassi exconsulis: hic venit ad Sixtum episcopum, et cepit rogare eum, ut ingenuitas ejus servaretur per Ecclesiam. Veniens autem Sixtus episcopus Urbis Romæ ad Bassum, cepit rogare eum de ingenuitatis monumento. Tunc iratus Bassus respondit ad Sixtum episcopum: Nemo judicavit dominum ex consilio servi. Mane misit, et universa prædia ejus occupavit. Exiens autem Sixtus episcopus venit ad Valentinianum Augustum, et cepit rogare eum de ingenuitate Epiphani, tantum ut chirographo Augusti munus per Ecclesiam vindicaretur. Et cepit studiose (sicut decet Ecclesiam semper) sublevare gravatos.

33. « Iratus autem Marinianus de his quæ supra dicta sunt, venit ad Bassum, dicens quædam (quasi) de malitia Sixti episcopi, et quod per Petrum audierat servum Sixti episcopi, quod consecratam stuprasset. Concilio inito, cœperunt ambo accusare eum apud Augustum Valentinianum: ita ut accenderetur Augustus et mater ejus furore: et suspenderunt se invicem a communione. Sixtus autem episcopus Urbis Romæ sciens omnia quæ de eo ad Augustum infimalantur, et quia a communione multos populus Romanus se seligeret, venit ad basilicam B. Petri Apostoli, et fecit quasi suprascriptum verbum, et per Leonem diaconum populo

enarrabat dicens: Si delicta mea contra me sunt semper, probatio quare non fit? Et cepit omnis plebs urbana clamare, ut dicta ejus Augustus, et clerus Urbis Romæ probare examine.

34. « Audito hoc Augustus Valentinianus dixit: Pia petitio. Et jussit fieri secundum dicta, et congregavit universum senatum Urbis Romæ, et Sixtus episcopus congregavit presbyteros Urbis Romæ et clerum, necnon et monasteria servorum Dei. Et sederunt in uno conflictu (consessu) in basilica Hele-niana, quæ dicitur Sessorianum Atrium: et cepit studiose clamans dicere ad Augustum: Intrent qui separaverunt filium a matre Ecclesia, et corroborent (comprobenit) universa velamina cordis sui. Augustus autem Valentinianus facebat. Respondit Leo diaconus, et dixit: Justa petitio non abscondatur. Erant autem ibi Patricii Exconsules isti, Paternus exconsul, Anatolius exconsul, ipse Bassus exconsul, et Marinianus patricius, Sigisvultus patricius, Honoratus patricius, Frontejus præfectus: et advocati isti, Quintus, Deulerius, Alexander, Heliocarus: presbyteri autem Romæ omnes quadraginta octo (novem), diacones quinque. Introivit autem Epiphanius presbyter, et dixit: Quanquam in meo arbitrio sit, iudicet, an non iudicet: tamen in meo iudicio non abscondatur veritas. Respondit Augustus Valentinianus, et dixit ad Bassum: Confitere publice universas intimationes tuas: quoniam si non probaveris, eris obnoxius Ecclesie et Pontifici: nam et damnatio tibi commanet. Et iterum Augustus dixit ad Maximum: Parens Maxime, justa fuit postulatio tua. Levavit se Augustus, et dedit in arbitrio Sixti episcopi, iudicare iudicium suum. Et discesserunt cum Augusto omnes. Et erat sicut in pristinum unita Ecclesia, ut eum gaudio et joco discederet Valentinianus Augustus a Sixto episcopo, insultans Mariniano et Basso.

35. « Alia autem die fecit colligi omnes presbyteros Urbis Romæ, et sedit in eodem loco, ubi consistebat Augustus, et fecit commune Concilium, et damnavit Bassum et Marinianum, ita ut in commune ambos simul sublevaret: et misit auctoritatis munimen super omnes episcopos. Audientes hoc Bassus et Marinianus, cepit Bassus graviter ferre, Marinianus desiderare; ita ut Bassus prædia sua, quæ composuisset per omnes annos vite suæ, omnia Ecclesie dereliqueret, ut ad communionem admitteretur, et non sublevaretur. Nam et Marinianus ore proprio clamabat, dicens: Scriptum est in verbis Evangelicis¹: Dimittite, et dimittetur vobis. Hoc cum audiret Sixtus, dixit: Scriptum est in Evangelice doctrine verbis²: Qui peccaverit, in hoc seculo dimittetur ei: qui autem peccaverit in Spiritu sanctum, non remittetur ei neque in hoc neque in futuro. Et (nec) eos revocavit ad communionem, ita ut de hoc seculo ambo sic transirent: et damnavit eos sexto kalendas Septembris: ita tamen, ut Sixtus episcopus sedens in sede sua sic ju-

¹ Luc. vi. — ² Matth. xii.

dicaret, dicens et profertur Evangelia verba per eandem doctrinam, dicens ¹: Non est servus supra dominum, neque discipulus super magistrum. Et quia dixerunt Bassus et Marinianus, quod scortis assumerent negotium, relegit Evangelica in loco ubi scriptum est ²: Sedente Jesu et scribente digito in terra, et quia non inveniebant Judaei quomodo eum damnarent, adulteram adduxerunt ei, et hoc respondit Jesus: Si quis ex vobis sine peccato est, injiciat super ipsam lapidem. Et haec per verba Evangelica judicabat sedem suam. Actum in basilica Helemana ». Haectenus Acta.

36. Quod autem varia sit lectio verborum illum: « Et eos revocavit ad communionem », vel: « Nec eos revocavit ad communionem », priori lectioni consentit Epistola ejusdem Sixti ad Orientales, in qua haec leguntur: « Condemnatus est memoratus Bassus in dicta Synodo, ita tamen, ut in ultima die viaticum ei non denegaretur propter humanitatem pietatis Ecclesiae ». Porro quod ibi ponitur Marinianus derisisse Pontificem, et inde ideo illa subjicit verba Sixtus: « Qui peccaverit in Spiritum sanctum, etc. » sic accipe, quod scilicet fide idem veniam postulasset. Sed cum in petitione veniae perstissent ambo, eosdem ibi subditur esse revocatos ad Ecclesiam. Sed major inde suboritur difficultas: quomodo condemnatio Probi et Mariniani facta legitur sub dictis consulibus sexto kalendas Septembris, et Epistola ad Orientales a Sixto scripta de Bassi obitu et sepultura data habetur sub iisdem consulibus kalendis Aprilis? et quomodo pacto in ea Epistola pro Anatolio consule Florentius cum Valentiano ponitur? Sed et inde major augetur difficultas: qua ratione eo anno ea die Augusti confecta Acta ista leguntur, cum obiisse Sixtus dicto anno longe ante legatur, nempe quinto kalend. Aprilis? Sed et quomodo eadem subsistet Epistola, quae data legitur kalend. Aprilis, cum dictum sit eo anno quinto kalend. ejusdem Sixtum esse defunctum?

37. Unde cum haec subsistere nullo modo queant, quod sibi invicem adversentur: certe quidem aliunde quam ex dictis Actis ejusmodi existimo esse petendam historiam, et e puriori fonte hauriendam esse, nempe ex libro de Romanis Pontificibus omnium pervetusto: ubi cum agitur de Sixto, non ultimo ejus sedis anno, sed hoc ipso anno secundo eas esse passus ipse calumnias legitur his scilicet verbis: « Hic post annum unum et menses octo criminatur a quodam Basso. Eodem tempore audiens hoc Valentianus Augustus jussit Concilium et sanctam Synodum congregari: et facto conventu cum magna examinatione per iudicium Syndicum purgatum a quinquaginta sex episcopis, et condemnatur Bassus a Synodo, ita tamen, ut ultimo die viaticum ei non negaretur propter humanitatem pietatis Ecclesiae. Hoc audiens Valentianus Augustus cum matre sua Placidia Augusta, furore sancto commoti, proscriptione Bassum condemnaverunt, et omnia

praedia facultatum ejus Ecclesiae Catholicae sociarunt. Qui Bassus nunc divino intra tres menses moritur: cujus corpus Sixtus episcopus cum linteaminibus et aromatibus manibus suis fractans recondidit et sepelivit ad B. Petrum Apostolum in cubiculo parentum ejus ». Haec ibi. Erat autem Aniciorum sacra aedes post apsidem basilicae sancti Petri, de qua diximus pluribus ad finem superioris tomii, in qua erant Aniciorum sepulera: Bassus enim et ipse Anicetus erat, qui ante annos duos cum Antiocho gesserat consulatum. Ex his igitur quae vera germanaque sit de Sixto et Basso historia, quaeve spuria et depravata penitus habeatur, lector, intelligat.

38. *Spuria Acta Sixti cum Polychronio.* — Sed quod in his quae ad spuria de Sixto Acta pertinent, versetur oratio: non praetermittimus dicere de Actis illis, quae inter eundem Sixtum Romanum Pontificem et Polychronium quemdam Hierosolymitanum assertum episcopum transacta leguntur ibi post recitata Acta Sixti cum Basso. Quae in primis cum notata consulibus Valentiano septimum et Avieno habeantur, certe quidem non ad Sixti papae tempora, sed ad Leonis Magni sunt referenda pontificatum, nempe ad annum undecimum sedis ejus. Verum his longe graviora eandem historiam labefactant, nimirum nullum dari locum vel tempus ut sub Sixto vel Leone aliquis Polychronius nomine Hierosolymorum episcopus esse potuerit, sedente jam ab anno Domini quadringentesimo undetrigesimo Juvenali episcopo post Praxilium, propaganteque sedem usque ad annum Domini quadringentesimum quinquagesimum septimum. Interfuisse quidem eundem Juvenalem duobus Conciliis oecumenicis, Ephesino de quo actum est, et Chalcedonensi de quo dicemus sequenti tomo ex ipsorum Actis luce clarius redditur exploratum, adeo ut nec minimum quidem in dubium id valeat revocari. Haec igitur, cum ita se habeant, ubi erit vel sub Sixto vel sub ejus successore Leone Polychronii locus, ut quomodocumque sub signatis consulibus illa potuerint Acta esse confecta?

39. Quae praeterea ibi leguntur de obsessa civitate Hierosolymorum hoc tempore, nullo modo subsistunt. Rursus vero nec apud Nicephorum episcopum Constantinopolitanum, qui texiit catalogum episcoporum Hierosolymorum, neque apud Nicephorum Callistum, vel Evagrium, qui horum temporum Orientalis Ecclesiae proeseuti sunt res gestas usquam vel levis saltem Polychronii nominis mentio habetur. Unde autem ejusmodi solvi possunt nodi, et ea Acta probari, haectenus non invenimus: quae tamen ut legitima citata scimus a Nicolao Romano Pontifice in Epistola ad Michaelem imperatorem, et a Petro Damiani in Epistola ad Henricum Raveunatem, atque ab aliis postea recentioribus de illis minime dubitantibus. Libenter equidem audirem, si quis esset, qui eadem Acta veritati in omnibus redderet consentanea, vel saltem aliqua ex parte verisimilia: licet enim in his plurimum laboris insumperim, nihil praeterea sum consecutus.

nisi ut impossibile esse repererim, ad veritatis lineam eadem revocari aliquo modo posse: cum ergo ea esse talia nactus fuerim, abstinere ab illis recen-

sendis consultius existimavi; cum præsertim qui ea cupiunt, habeant alibi ubi legant.

Anno periodi Græco-Romanae 5926. — Olymp. 303. — Jesu Christi 433. — Sixti III pape 2. — Theodosii Jun. 32. et 26. Valentiniani III. 9.

1. *Decennalia Valentiniani et Theodosii tricennalia.* — Coss. *Theodosius* Aug. XIV, et *Fl. Avicius Petronius Maximus* in Occidente creatus, qui postea tyrannidem arripuit, ut anno cmlv videbimus. Hic Theodosii consulatus enim tricennalia imperii post patris mortem suscepti celebrasse demonstrat, qui ideo anticipavit quinta quinquennalia ejusdem imperii, ut ex serie consulatum ab eo initorum colligatur. Edidit et *Valentinianus* imperii Cæsarei *decennalia*, ut ostendit nummus prægrandis apud Ducangium in Dissert. de inferioris avi Numismatibus num. 61, cujus Antica representat ejus vultum cum solita inscriptione D. N. P. A. Valentinianus P. F. Aug. in Postica cernitur *Maximus* consulari habitu in sella sedens, volumen dextra, lava scipionem cum Aquila tenens, nomine hinc inde adscripto, Petronius Maximus V. C. cons. qui cum bis consul fuerit, hoc scilicet anno, annoque cxxxix Ducangium hæret, alio nummis ille ad priorem vel ad posteriorem ejus consulatum referendus sit. At hoc anno illum percussum minime dubitandum, non solum quia numeralis nota in eo non legitur, que hoc tempore, quo rarissime iteratus consulatus concedebatur, omissa non fuisset; sed etiam quia quando imperatores inferioris avi non inito consulatu decennalia, et id genus Festa exhibebant, consules ordinarios secum in nummis quandoque exprimi curabant, ut in part. 2 Dissert. Hypat. cap. 7, num. 17 monstravi.

2. *Cyrillus et Joannes Antiochenus imperatori et papæ pacem sancitam significant.* — A num. 1 ad 23. Ubi primum pax composita est, *Cyrillus* et *Joannes* Antiochenus suis singuli litteris ad *Sixtum* Romanum Pontificem retulerunt. Retulit et Joannes Antiochenus ad Theodosium imp. per Epistolam quam tradidit *Aristolao* tribuno, qui cum Panto Eueseno paci illi sanciente incubnerat. Epistola Joannis ad imperatorem recitatur cap. 91 Synodici adversus Tragediam Irenæi, qua significat imperatori expulsam esse omnem hæresim, omnemque contentionem, anathematizata *Nestorii* dogmata, depositionem ejus admissam sicuti et ordinationem Maximiani: « Supplicamus autem, subdit, pietati

vestra, ut perfectam festivitatem præstetis mundo quatenus nulla civitas ab hac celebritate communis festivitatis extorris sit: et jubetis, ut Deo amicissimi episcopi, qui inter præcedentes turbas expelli Ecclesiis visi sunt ad priorem habitum reducantur, et ab omni importunitate sint liberi, ut nullæ pusillanimitatis reliquie Ecclesiis resideant ». Loquitur de quatuor episcopis, quos diximus Maximianum in sua Synodo nominalim deposuisse, ac in eorum sedes alios ordinasse; quos hæc de causa Cyrillus a pace exluserat. Notanda hæc verba, *expelli Ecclesiis visi sunt*, et ista, *ab omni importunitate sint liberi*, quia, ut notat Lupus in Scholiis ad Synodicon, superordinatio non habuit effectum; Marcionopolitani enim Saturninum, et Thyranenses summi superordinatum ejecerunt, neque tamen *Dorotheus* Marcionopolitanus episcopus ac *Eutherius* Thyranensis episcopus fuere securi; adeoque Joannes imperatorem supplicat, ut isti quoque ad pacem admittantur, et hoc modo mixta per Orientem Ecclesia quiete fruatur. Eodem tempore Joannes hæc retulit ad Sixtum III ejus tamen relatio perit, sed indicatur in rescripto ejusdem Sixti ad eundem Joannem dato, qui affirmat eam fuisse solemniter lectam in Synodo, quam ejus Natalis dies congregarat. Cum vero Sixtus IX kalend. Augusti consecratus fuerit Pontifex Romanus, ejus Epistola tam ad Joannem, quam ad Cyrillum scripta nonnisi librorum errore dicitur data XV kalend. Octobris, cum dies ille in nulla sententia convenire possit cum die natali Sixti. De ea Joannis Epistola deperdita vide dicta anno superiori.

3. *Epistola Cyrilli ad Sixtum multa nos edocet.* — Joannes de quatuor illis Episcopis per Cyrillum aliquid scripserat; ait enim Sixtus in Epistola ad Cyrillum num. 16 apud Baronium: « Expectamus memorati fratris nostri Joannis clericos, et optamus venire: scimus ei pro honore et pro labore tuo dare responsum. Non est, sicut fratri et coepiscopo nostro Maximiano sæpe jam scripsimus, etiam ipse redeuntibus difficultes aperire januam, ut vere, nisi perditionis filius, nemo sit perditus. et

sit ei major causa lugendi, quod meruit solus excludi ». Ex quibus discimus primo, Cyrillum de Joanne Antiocheno in sua relatione apud Pontificem questum esse de variis, praesertimque quod Joannes se et *Mennoum* deposuisset. Pontifex enim eum paterne consolatur de hac injuria, spondetque ad *Joannis* legatos, quando eum relationibus advenerint, se plura dicturum: non solum de honore, sed etiam de labore *Cyriilli*. Secundo discimus, *Cyryllum* etiam istorum quatuor episcoporum adjectionem retulisse, rogasse ut confirmaretur, et advenisse illos restitui non posse sine gravi injuria *Maximiani*, qui illos in sua Synodo non solum damnarat; sed et alios in eorum locum superordinari curarat. Tertio, Pontificem fuisse alienum ab hac duritia, quod optaret nullum per depositionem perdi, ac perpetuo a pace excludi, nisi solum perditionis filium *Nestorium*, de quo ait: « Non se exuli vestro sanctus frater noster Joannes addiderat ». Quare *Nestorius* in monasterio sancti Euprepii non liber erat, sed exul, quod et indicat Sixtus in Epistola ad Joannem, et supra etiam ex Caesilino contra vulgarem sententiam ostendimus. Quarto, discimus, *Maximianum* saepe de his rebus Romanam retulisse. Pontifex autem hac clementia usus est, ut recte Lupus in Notis ad Synodicon, propter Romanum Helladi Tarsensis episcopi, et Eutherii Thyanensis episcopi, ac plurium illis adhaerentium episcoporum appellationem, de qua infra.

4. *Gaudet Sixtus quod Joannes in viam redierit.* — Praeterea notanda haec verba Sixti num. 15 apud Baronium: « Illum (nempe Nestorium) sibi ignis aeternus, hos (non vero hunc, ut legitur apud Baronium, id est, Orientales episcopos) possessoris aeterni vinea vindicavit, in tantum ut Antiochenae Ecclesiae sacerdotem vocari a sanctitate tua jam nunc venerabilem virum ac Dominum gaudeamus. Et merito vocatur Dominus, qui communem Dominum recognovit, qui Incarnationis ejus mysterium voce Catholica nobiscum confitetur (1) ». *Cyryllus* enim in sua ad Sixtum relatione Joannem Antiochenum appellaverat, non Dominum, sed *Donnum*, et papa gratulatur. Horum nominum differentiam recte exponit antiquus hic versus: « Caesilem Dominum, terrestrem dico Dominum ». Porro depositi episcopi non amplius vocabantur *Domni*, nec nullo honoris titulo exornabantur; indeque Sixtus gaudet Joannem a *Cyryllo* jam nominari venerabilem *Donnum*, exindeque colligit laesum *Joannis* honorem plene resarcitum fuisse.

5. *Occasione pacis novum schisma exortum.* — Vix pax nuntiata fuerat, cum in variis Orientis partibus a Schismaticis tumultuatum est. *Andreas* Samosatensis episcopus statim ac eam accepit, timuit

omnia infelicia, praesertim ne facta esset cum injuria et corruptione Christianae fidei. Scribit enim ad Alexandrum Hieropolitanum Metropolitam litteras cap. 90 Synodici citati relatas, in quibus ait: « bigemisco apud memelipsium cogitans, quasi non aliquid novius nunc nobis ab Alexandria deferatur: Pax cum corruptione fiet fidei. Nam litteras quidem, quae ab Alexandria directae sunt, legens, quas et olim tua sanctitati transmissi, clariorem vidi impietatem divulgari ». Plures enim Orientalium Episcopi affirmabant, *Cyryllum* a suis recessisse Capitulis, licet ea anathematizare nollet, ac esse correctum, ideoque pacem cum ipso faciendam: sed *Andreas* affirmat, ipsos decipi, et istam pacem fore non Orthodoxorum communionem, sed ipsorum cum Apollinaristis confusionem; adeo a Capitulis *Cyriilli* abhorrebat. In eodem Synodico cap. 92 recitatur *Meletii* episcopi Mopsuesteni Epistola rescripta ad Alexandrum Hieropolitanum contra Paulum episcopum Emesenum. *Meletius* iste Theodori successor hactenus ignotus fuerat, sed ex variis ejusdem Synodici locis hunc innotescit, constatque illum ob suam contumaciam in perpetuum ac remotissimum exilium deportatum fuisse; qua de re infra.

6. *Plures Orientales ab ea abhorrent.* — Varia autem ad *Alexandrian Hieropolitanum* factionis adversus initam Ecclesiarum pacem caput, *Meletius* scribit. Primo, se a facienda hac pace fuisse semper alienum, et in eadem sententia, postquam facta est, se perseverare; quoniam hanc pacem non dispensationem, uti fama erat, sed manifestam praeviationem existimabat. Secundo, affirmat, se hac in re esse turrim adamantinam nullo Concilii vel auctoritatis pondere movendam. Tertio, *Cyryllum* nequaquam recessisse a suis Capitulis, alisque scriptis, ideoque permanere haereticum: hunc esse sic receptum a Joanne patriarcha, et propterea hanc pacem nequaquam esse Orthodoxorum communionem, sed manifestam ipsorum confusionem cum haereticis. Quarto, hoc probat *Meletius* ex ipsis *Cyriilli* litteris Constantinopolim scriptis ad quosdam suos clericos, lamentantes illic publicam famam esse, quod omnia sua contra *Nestorium* scripta anathematizasset, cunctosque ad ipsa projicienda preparasset. Loquitur iste Schismaticus, ut notat Lupus in Scholiis ad illud caput, de Epistola *Cyriilli* ad Theognostum, Charmosinum, ac Leontium, ejus in civitate Regia Apoerisarios, in cujus fine haec leguntur: « Quapropter neminem despondere animum sinas. Non enim sic desipimus, ut nostra abnegaverimus. Quinimo, manemus in eis, quae scripsimus et sentimus. Recta enim et inculpata sunt, et Scripturis sacris, ac fidei, quae a sanctis Patribus nostris edita est, consentiunt ». Harum

(1) Ex verbis Sixti tantum consequitur, inquit Constantius in Notis ad hanc Epistolam pag. 4257, ut *Cyryllus* honorificis titulis Joannem exornans, palam eum communionis ejusdem consortem anoscere se testatus sit. At non imple pariter sequitur, ut *Cyryllus* antea Joannis honorem laeserit, aut eum ut depositione multatum habuerit. Certè auctor ei fuit Caesilinus, in summa cum illo prudentia et moderatione auctor.

De die, quo data est haec Epistola Pagius suspicatur, quare notam temporis falsi coarguit; eam tamen tuetur Constantius in notis pag. 4258, quem vide.

litterarum exemplar Meletius dicit, se Alexandro transmittere, ut clare videat ejus pertinaciam, eumque indebite esse receptum. Antiquus Scholiastes in fine hujus Epistolae recte advertit, utramque partem voluisse videri victricem, hincque alios affirmasse *Cyryllum* renuntiasse suis Capitulis, cessisse *Joanni*, et quasi veniam supplicasse; alios sparsisse contraria, et dixisse cessisse *Joannem*, qui revera omnia Cyrilli postulata, uti fieri debuit, admiserat.

7. *Et magis quam alii Alex. episc. Hieropolitanus.* — Res longius processit; ex hac enim episcoporum discordia exortum est novum Schisma, dum Orientales acerborum odio, quam ante initam pacem Cyrillum et Aegyptios episcopos ei adherentes insectantur. Ubi Alexander Hieropolitanus pacem conclusam fuisse, ac Paulum Emesenum rediisse accepit, scripsit Epistolam ad Andream Samosatenum cap. 93 Synodici recitatam, in qua de Cyrillo tanquam de viro notorie haeretico, quod scilicet Capitula sua non respueret, loquitur: « Venit finis », inquit contumacissimus Schismaticus, « et communio revera facta est ad impium Cyrillum, non Cyrillo haeresim relinquire, sed nobis ipsis per unum verbum, quod est in Epistola positum, inferentibus haeresim, etc. Quoniam vero nulla mihi pars, neque sors est cum eis, sed sive exilium, sive mors mihi, sive praecipitium, sive ignis, sive bestiae proponantur, Deo me roborante, universa sustineam potiusquam communicem talibus, firmo teneat sanctitas sua ». Idem scribit Alexander ad Theodoretum cap. 94 Synodici, explicatque quodnam esset illud verbum, ex quo deducebant Cyrilliani eos esse haereticos. Illud erat vox *Theotocon*, id est, *Deipara*, ut recte Baluzius in Nobis ad eam Epistolam, non *unio secundum hypostasim*, ut perperam Lupus putavit. Sed de voce illa mox ageamus, ac jam vere orthodoxum. Ait, non Cyrillum, sed ipsummet mutatum esse, utpote qui contentam in Cyrilli Epistola haeresim admittere non erubesceret. Uno verbo affirmat, quicumque *Cyrylli* pacem et communionem amplectuntur, haberi a se pro haereticis, ideoque non a solius *Joannis*, sed etiam ab omnium istorum communione sese recedere. Denique ait, nolle se ei per Epistolam respondere, sed per Communitorium, quo ei dolum et haeresim exprobraret, nec quidem cum episcopum nominaret.

8. *Non vult Alexander B. Virginem appellari Deiparam.* — Eodem tempore Alexander similes litteras ad Theodoretum dedit cap. 94 Synodici relatas, in quibus ait, se male deserere episcopatum, quam paci, quae facta fuerat adherere, nunquam communicaturum cum episcopis ac populis qui eam admitterent, se tamen nolle cum illis litigare, paratum ferre unumquemque in proprio sensu abundare, dummodo non cogatur cum illis com-

municare; alioquin ut animam suam salvet, mox dignitatem et civitatem relicturum. Praecipuum ejus fundamentum erat, quod nullatenus probaret populis in Ecclesia praedicari hanc propositionem, *sacra Virgo est Dei Genitrix*. Respicit ad Capitulum xii Cyrilli, in quo is dicit, non simpliciter, sed cum addita voce, *carne* Deum Verbum esse passum et mortuum. Asserit Alexander, vanas esse similes explicationes, et ab errore Apollinarii non purgare. Quare Alexander fuit unus ex illis episcopis Orientalibus, de quibus varia cum Joanne sacrarum largitionum comite tractantibus, Cyrillus et vinculis scripsit ad Regiae civitatis clerum ac populum: « Sed et illud quoque sciatis, nempe cum fidei expositionem componerent, inter se contendisse, et in ea altercatione etiam nunc versari. Nam alii ex illis sanctae Virgini concedunt appellationem *Deiparae*, ita tamen, ut simul quoque *Hominis Genitrix* dicatur; alii vero prorsus negant, adduntque paratiores se esse, ut manus suas amputandas praebant, quam ut hujusmodi voci subscribant »: erat vero Alexander unus ex illis episcopis, et ab ea sententia nunquam voluit recedere. Lupus in Notis ad illud capitulum doctè explicat, has propositiones, *Sacra Virgo est Deipara, Deus est mortuus*, aliasque id genus, a quibus Alexander, magni alioquin nominis episcopus, adeo aversus erat.

9. *Qui neque Cyrillum neque Orientales sequuntur, Acephali dicti.* — Liberatus cap. 9 loquens de defensione Orientalium episcoporum pro duabus naturis Christi a Cyrillo composita, ait: « Quam quinque tunc minime receperunt, hos esse puto auctores Acephalorum, qui neque Cyrillum habent caput, neque quem sequuntur, ostendunt ». Baronius num. 21 dicit receptiorem esse sententiam Leontii lib. de Sect. ut nonnisi post Chalcedonense Concilium *Acephali* haeretici cepti sint nominari. Verum, inquit Garnerius in Historia Theodoretii cap. 6, ut Leontio fides tribuatur, quae procul dubio debita est, non continuo videtur abroganda Liberato, cum iniri possit concordia. Scripsit enim ille, quod Eutychianorum parti; iste quod Orientalium factioni, nomen obtigerit: uterque apte ad vim vocis facte ad significandam sectam, quae, qui par est, capiti non conjungitur: erit tamen Liberali, quam Leontii potius inde causa, quod ille tradidit, unde primum in hoc toto negotio auditum sit *Acephalorum* nomen; iste, unde Eutychianis inhaerit: quanquam Leontii, quam Liberati notior est sententia; propterea quod mansit diu Eutychiana factio cum suo nomine; Orientalium seditio brevi composita est. Quae concordia videretur certa, si Liberatus dubitative non loqueretur.

10. *Tarsensis et Thyanaensis Metropolitae ad Sixtum PP. appellant.* — *Helladius* Tarsensis, et *Euthlerius* Thyanaensis metropolitae, postquam viderunt non solum sese a pace exclusos: sed etiam depositionem ab Ephesina Synodo factam, et a Constantinopolitana *Maximiani* confirmatam, probari etiam et admitti a Joanne patriarcha, nihilque sibi

nunc superesse præter exilium, *Theodosio* pacem inlata omnibus modis luente, et adversariis manum præsidariam præbente, appellaverunt ad Sixtum Romanum Pontificem, non solum adversus pacem; sed etiam adversus omnia Ephesini Concilii Acta. Hoc nos docet Epistola ejusdem Eutherii Alexandro Hieropolitano et Theodoro data, quæ legitur cap. 116 Synodici: « Perclaruit, inquit, hoc esse justum præsentibus in tempore, ut adiciat sanctitas vestra cæteris relictudinibus suis et hoc studium, quod nunc exigit tempus, ut dirigatis aliquos cum communi hac formula, et litteris accommodis ad Occidentis partes, et excitetis ad hoc pro fide certamen eos, qui illic sunt habentes insitum fidei zelum. Timor est enim ne prevenientibus litteris aliorum, quasi univiso facta sit, et rebus incongruis consentientibus universis, segniores appareant ad ea quæ male acta sunt, corrigendum ». Quibus ultimis verbis indicant *Helladius* et *Euthérius*, hanc appellationem interjectam esse ante datam inlatae paci a Sixto confirmationem; rogant vero Theodoretum ac Alexandrum, ut hanc communem appellationis formulam, cui ideo adhererent alii quamplures episcopi, Romam transmittant; quod et factum esse manifeste declarat Eutherii et *Helladii* Epistola ad Sixtum scripta, quæ cap. 117 ejusdem Synodici legitur.

11. *Fundamenta hujus appellationis.* — In ea *Euthérius* et *Helladius* varia in medium adducunt adversus *Cyrium* ac ejus Capitula, ea esse scilicet blasphemam vocem novitatem, *Cyrium* jussisse ea subseribi a Nestorio, alioquin deponendo; *Nestorium* hæreticis dolis consensire noluisse, et ob id solum ab Ephesina Synodo damnatum, et quidem ante multorum, qui expectabantur, episcoporum adventum, atque ita sine Synodo: « Dum certe », inquit, « *Cyrius* auctoritatem judicis non haberet, sed ejus qui judicandus est ordinem, eo quod contra invicem moverint questiones. Et erat præsidentis reus: et sententia princeps qui sustinebatur multis sententiis supponendus ». Varia etiam in medium adducunt adversus Joannem suum patriarcham; præsertim quod quæ juste egerat, postea retractaret, ac lapsus sit in manifestam prævaricationem, *Cyrium* sine poenitentia ac anathemate suorum Capitulorum in communionem admittens. Contra Ephesinam Synodum plura etiam afferunt, præsertim quod *Cyrium*, qui reus erat, in præsidem admisit, *Nestorium* sine debito examine, ac ante convocatum episcoporum adventum damnavit; quod promissionibus, minis, et fraudibus alios episcopos ut sententiæ in *Nestorium* subscriberent, adduxerit: quod episcopos, qui recusabant etiam damnavit, et alios superordinaverit: denique quod appellantes non detrectent damnare *Nestorium*, sed velint judiciali ordine et juxta sacros canones id fieri. Plura etiam dicunt pro Nestorio, quæ eo tendunt, ut credatur iniquissime damnatus, inauditus, innocens, auctoritate, violentia ac tyrannide.

12. *Appellationes Orientalium ad Rom. Ponti-*

ficum antiquissimar. — « Rogamus, inquit, et sanctis tuæ religioſitatis provolvimur pedibus, ut manum porrigas salutarem et auferas mundi naufragium, omniumque horum inquisitionem jubens fieri, et his illicitis cælestem superdici correctionem. Et revocentur quidem S. pastores, qui injuste sunt a suis ovibus effugati, et reddatur gregibus ordo, et antiqua concordia ». Rogant se ac alios, aut ejectos, aut dejectos episcopos in integrum restitui, per papam retractari omnia, ac etiam definiri. Tum pergunt: « Olim quidem concurrissemus nos ad sanctitatem tuam, qui e diversis regionibus sumus, id est, ex Euphratesia, ex utraque Cilicia, secunda Cappadocia, Bithynia, Thessalia, et Mœsia, nisi detineret nos hyorum terror, insidiantium gregibus ad rapinam, et ad errorem, omnemque adversitatem. Unde coacti sumus nostra vice dirigere religiosissimos clericos et monachos, qui implerent locum nostrum ». Quid post eam appellationem interpositam fecerit *Sixtus*, neque in laudato Synodico, neque alibi legitur. Lupus quidem in Notis ad caput 117 Synodici autumat, Pontificem eam admisisse, et ante datas *Cyrillo* et *Joanni Antiochæno* litteras, quibus pacem confirmabat, a *Baronio* num. 12 et seqq. recitatas, mature omnia retractasse, etiam Constantinopolitanam *Maximiani* Synodum, et appellantes, non quidem in omnibus, sed in quibusdam exaudivisse, quod probare conatur ex utraque illa *Sixti* Epistola. Verum nihil in ea legitur quod contrarium non insinuet, ideoque existimandum, Pontificem sancita a Synodo Ephesina effectum sortiri voluisse, nisi quod aliqua in Synodo *Maximiani* facta circumscriptis, et quatuor metropolitanos dignitate depositos in integrum restituit, dummodo pacis articulos subscriberent. Ex hoc egregio antiquitatis monumento apparet, quantum hallucinati fuerint, qui voluere Orientales episcopos nunquam olim ad Romanos Pontifices, sed semper ad generalem totius Ecclesie Synodum provocasse.

13. *Alexander Hieropolitanus Metropolita cum sua provincia ad Sixtum appellat.* — Capite 118 Synodici adversus *Tragediam* frenci narrat *Irenæus*, *Alexandrum Hieropolitanum* episcopum etiam ad Sixtum papam appellasse; loquens enim de Eutherio et *Helladio*, qui jam idem præstiterant, ait: « Dum certe jam comperissent, quod deceptus jam *Cyrilli* versutis, qui Romanæ Ecclesie præsidebat, adversus Nestorii personam calumnias per-versis reprehensionibus approbasset, legatos tamen ad Occidentem impigre direxerunt, manifestasque fecerunt hujusmodi fraudes, quæ in hanc causam etiam de recenti fuerant paratæ. Hoc idem vero mox et magnus fecit *Alexander*, accusans illas impias pactiones, quæ super alia incongrua et in fide auxerunt discordiam ». Ex quibus discimus, frencem, licet Nestorianum, ideoque ab Apostolica Sede aversum, Romanas appellationes probasse, et usum appellationum a Pontifice male informato ad melius informandum, seu petende Apostolici judicii

retractationis, non a generali Synodo, sed ab ipso eodem Pontifice, aut ejus successore, antiquissimum esse. Verum nihil a *Sixto* obtinuit Alexander; cum, ut infra visuri sumus, episcopatu dejectus fuerit, et in exilium missus. Sed non solum *Alexander*, verum etiam omnis ejus provincia Romam appellavit, ut patet ex Epistola Meletii episcopi Mopsuestensis, data eidem Alexandro, Theodoro, et quinque aliis episcopis, quæ refertur cap. 119 laudati Synodici, in qua ait Meletius: « Eos quidem, qui ad Occidentem directi sunt, Deo amicissimos clericos id susceptimus, ut consequens erat nostros, et qui pro tali causa sunt destinati. Quos etiam dimisimus, ut per gratiam Dei ad ulteriora procedant. Festinamus autem, si Dominus annuerit orationibus vestre sanctitatis, et nos similia gerere ». Ex quibus intelligimus, legatos Alexandri Hieropolite fuisse clericos ac monachos, qui vero ab istis Romam missi sunt, fuisse solum clericos, et non tantum Alexandrum, sed omnem ejus provinciam Romam appellasse, et Meletium hujusmodi appellationi adhæsisse; imo et Theodoretum.

14. *Ex isto schismate multa mala in Ecclesiam redundarunt.* — Dum schisma grassaretur, sanctus Isidorus Pelusiota dedit ad Leonitium episcopum litteras in ejus Operibus recitatas lib. 4. Epist. cxxxiii: « Quod lectio sacrarum litterarum destructa est et corrupta, et quod unusquisque suos affectus divinis oraculis præfert, ea res tantarum fragoriarum et calamitatum causa exiit. Nam bellum irreconciliabile, et non indictum legitime incidit inter eos, qui pacis conciliatores esse debuerunt. Qui avidissime, siquidem possint, sese mutuo vorent; et antiquissimum hoc ducunt, et omnibus rebus anteponunt, vivos quidem occidere, sepultos autem refodere, et domos evertere, et monumentum omne abolere. Ita in se invicem armantur, et fallacias texunt: cum quidem didicerint Christum, non signis et miraculis, sed dilectione et charitate suos notasse discipulos ». Discordia autem illa episcoporum, ex qua tot mala in Ecclesiam redundarunt, adeo invaluerat, ut sanctus abbas concludat: « Quid igitur faciendum? si quidem id fieri possit, malum hoc corrigendum est; sin minus, quiescendum ».

15. *Cyryllus variis calumniis impetitus.* — Præterea eum varia de Cyrillo a Schismaticis spargentur, Isidorus (quem Facundus lib. 2 Defensionis trium Capitulorum scribit, « pro vita ac sapientia sue meritis, ut patrem ab ipso Cyrillo et honoratum et vocatum ») ad eum scripsit Epistolam a Baronio num. 4 recitatam, qua illum admonuit, ut illa se gereret, ut non videretur docere contraria, et sparsis rumoribus fomenta dare; qui enim a pace alieni erant, varios adversus eum sermones dissipabant, ut omnibus persuaderent, eum ad obtinendam pacem, quæ jam scripserat, retractasse, imo et de illis pœnituisse. Quare ipsemet Cyrillus scripsit ad Acacium Melitenensem episcopum: « Si qua Epistola a quibusdam circumferatur, tanquam a me de iis, quæ Ephesi acta sunt, jam dolente, ac

pœnitentiam agente perscripta, et id quoque condemnatur. Nam per gratiam Salvatoris nostri, sana mente sumus: neque rationis usu excidimus ». In Synodico adversus Tragedium Irenæi cap. 121 refertur Epistola Theodoretii, qui hoc tempore a Cyrillo valde abalienatus erat, cujus titulus est juxta editionem Baluzii, nam apud Lupum corruptus: « Ea quæ rescripta sunt ad Prophetam de ea, quæ dicitur *Ægyptii pœnitentia* ». Initium vero: « Vel si veram quis putet, vel si fictam *Ægyptii pœnitentiam*, mihi loquitur plurimum est odium contra eam ». Ubi loquitur de eadem pœnitentia ac Cyrillus, ab eo vocatus *Ægyptius*, in eadem Epistola ad Acacium. Pluribus in illa Epistola Theodoretus in Capitula Cyrilli invehitur, ex qua intelligimus quam falsis criminalionibus Cyrillus infestatus fuerit.

16. *Incendium Constantinopolitanum.* — Ad num. 23. Socrates lib. 7, cap. 39, Marcellinus in Chronico, et auctor Chronicæ Alexandrini scribunt, sub hujus anni cons. Magnæ urbis Constantinopolitane partem incendio conflagrasse, et quidem mense Augusto, quanvis Socrates et Auctor Chronicæ Alexandrini in die non consentiant, et Marcellinus habeat, incendium durasse *dies tres continuos*, Socrates vero per duos dies ac totidem noctes.

17. *Prosper confutatus Cassianum.* — A num. 25 ad 31. *Massilienses* Cælestini papæ litteris laudat repressi asserbant commendatam in illis priorum sancti *Augustini* voluminum doctrinam, non vero approbata ea quæ ad Adrumetinos, et paulo post ad Prosperum et Hilarium scripserat. Collationes etiam *Cassiani* passim per totam Galliam acriter defendebantur. Quare *Prosper* librum in lucem emisit, quem *contra Collatorem* inscripsit, in quo ea, quæ Cassianus in xiii Collatione ad Lerinenses perperam de divina gratia doxerat, vellicat ac refellit. Duodecim *Cassiani* assertiones eo in Opere examinatas, quarum indicem versus finem subnectit, et ubi ab *Augustini* encomiis ejus libri initium fecit, ita et delatis *Augustino* laudibus eundem conclusit. Nonnulli eo fere tempore quindecim breviores sententias, et has prorsus absurdas publicarunt veluti ab Augustino assertas, ut tali commento et delationem ejus, quem impeterent, obtinerent, et ab his, quæ infamassent, curam exterriti lectoris averterent. Ad idem *Prosper* edito libello, quem *ad Capitula Gallorum Responsiones* vocavit, calumniarum nebulas procul ab Augustino amovit. Hoc autem Opusculum post librum contra Collatorem editum videtur, quod initio illius contra Cassianum se scribere protestatur, omittens interim, « quæ vulgus, inquit, ignobile, et procaax ineptorum loquacitas intemperanter effundit ». Itaque cum *Prosper* veluti Augustini defensor in ora famæ versaretur, *Camillus* et *Theodorus* Genuenses presbyteri cum quibusdam difficultatibus in libro sancti Augustini de Prædestinatione SS. premerentur, dubiorum solutionem ab eo petere, isque e vestigio misit ad eos librum inscriptum: *Ad excerpta Genuensium Responsiones*. Hæc Em. card. Norisus lib. 2 Hist. Pelag. cap. 10.

18. *Cassiani sanctitas*. — *Prosperum* currenti anno librum suum *contra Collatorem*, Cassianum scilicet, elucubrasset, recte ostendit Baronius. Licet vero Cassianus Semipelagianus fuerit, quia tamen hæc opinio hoc tempore nondum damnata erat, cum opinione sanctitatis Massiliæ obiit. Nam Gregorius Magnus lib. 6, Epist. XII, ad *Respectam* abbatissam Massiliensem laudat monasterium, *quod in honorem sancti Cassiani est consecratum*. Visitur adhuc illud Massiliæ, ubi ejus memoria colitur ad diem xxii Julii, et ante ejus sepulchrum die nocturne lucerna ardet. In Synodo tamen Romana a Gelasio celebrata inter damnatos libros Cassiani ac Fausti Reicensis episcopi numerata sunt Opera, quia ab eo tempore alterutrinus opinionis fueri tueri non fuit. Negarunt quidem aliqui theologi *Cassianum* ab Augustini doctrina recessisse, sed quæ Baronius habet contrarium manifeste ostendunt. Annus mortis ejus incertus.

19. *Accusatio Sixti PP. et Polychronii episc. suspectæ fidei*. — Ad num. 31 et seqq. Acta Synodi Romanæ de causa *Sixti III* Pontificis Romani stupro accusati a *Basso* exconsule, in qua dicitur purgatus clero, senatu, et imperatore presentibus, falsa consulum nota consignantur, et anachronismis scatent: nec ullum robur illis accedit ex Epistola Sixti ad episcopos Orientales; cum contexta sit ex sententiis Concilii Toletani VIII, Felicis III, Gregorii Magni, Hadriani I, Codicis tam Theodosiani quam Justiniani, Aniani interpretis, et Sixti Pythagorei. Ejusdem farinae sunt Acta de *Synodali accusatione et expurgatione Polychronii episcopi Hierosolymitani*, quæ sub Pontificatu Sixti III Romæ dicuntur habita. Tolo enim Sedes Sixti tempore *Juvenalis* præfuit Ecclesiæ Hierosolymitanæ, et nihil illi Actis insulsius. Refertur quidem accusatio et purgatio Sixti III in libro Anastasii, sed cum in eo aliæ fabulæ recitentur, utraque historia suspectæ fidei haberi debet.

20. *S. Leontio episc. Foro-Julienensi demortuo Maximus abbas Lerinensis fugit episcopatum illum*. — Hoc vel superiori anno sancto Leontio episcopo Foro-Julienensi in Gallia demortuo, sanctum *Maximum* abbatem Lerinensem sancti Honorati creati episcopi Arelatensis successorem civitas præsulæ postulavit, quod ex Oratione Fausti Reicensis de laudibus sancti Maximi Regiensis episcopi clare deducitur. Dicitur in ea sanctum Maximum per annos septem abbatie Lerinensi præfuisse: «et quasi», inquit Faustus, «annorum hebdomade transacta (nam plenis septem annis ibidem Christi gregem pavit,) Rachel acquisiturus præfertur insulæ, præparatur Ecclesiæ». Aliquantopost habet Faustus: «Ambiebant illum diverse patriæ, sed vel maxime proxima cremi civitas, quæ territorii ac finium suorum incolam velut proprium amplectebatur indigenam: ambiebat illum proxima cremi civitas, quæ inter locum hunc et insulam (ut nostis) interjacet. Qua ille suspicione percussus tristem parat egressum, et longinquum meditatur exilium». Ex duabus illis

civitatibus prior est *Antipolis*, in ejus diocesi insula Lerinensis sita: posterior *Foro-Julium*, quod interjacet inter *Regium*, in quo ea oratio habita, et Lerinensem insulam. Quare Antipolitana et Foro-Julienensis civitates *Maximum* frustra sibi episcopum optarunt, certumque, *Leontium* hoc anno ad cælestem patriam transiisse, ideoque quæ ei a Baronio, aliisque viris doctis attributa sunt, ad alios ejusdem nominis antisites referenda esse; cum *Maximus* honorato anno cdxvii in abbatiam Lerinensem successerit.

21. *Maximus fit episc. Reicensis et Faustus abbas Lerinensis*. — Chiffletius Part. i Paulini Illustrati cap. 17, et alibi existimat, cum Barbaris in oram Gallo-Provinciæ maritimum irruptibus occisum esse, et martyrio vitam finisse. Verum *Vandali*, quos Barbarorum nomine intelligit Chiffletius, hoc tempore de regno in Africa stabiliendo, ex eaque Romanis ejectionis, non vero de provincialibus invadendis, cogitabant. Quare recte Antelmus cap. 19, arbitratur, *Theodorum* Leontio successisse; cum subscriptus legatur Synodo Reicensi anno cdxix et Araisicane primæ post biennium habitis, et certum sit, *Theodorum* sancto Leone Magno Ecclesiam Romanam regente episcopum Foro-Juliensem fuisse; et alios antisites memoratos in duobus præfatis Conciliis, aliis Gallo-Provinciæ civitatibus præfuisse. Neque enim Leontius, si jam e vivis non excessisset, ab utroque Concilio abfuisset. Si itaque aliquis *Leontius* martyr Ecclesiæ Foro-Julienensi præfuit, id post *Theodorum* sine dubio contigit. Faustus in citata oratione scribit: «Non post longum tempus (ut meministis) sancto orbata pastore populi presentis (Regiensis scilicet civitatis, in qua illa oratio dicta) Ecclesiæ, piam supplex mandat legationem. Quo ille comperto (nempe Maximus) instructo renige profugus evolat», etc. ideoque septennio in abbatia Lerinensi exacto *Maximus* episcopus Reicensis renuntiatus est, cumque in ea Abbatia exceperit *Faustus* monachus Lerinensis, ejus encomiastes, qui postea eidem etiam in episcopatu Reicensi successit, teste Sidonio in Eucharistico ad eundem *Faustum*, ejus supra cæteros cultor fuit,

Fuerit quis Maximus ille
Urbein in ejus monachusque antistes et abbas
Bis successor agis.

22. *Maximus, Theodorus, et Hilarius uno eodemque tempore episcopatum gessere*. — Ex his plane evertitur quod scribit Baronius anno cdlxvi, num. 44 et alibi, *Maximum* nempe electum episcopum Reiorum post *Prosperum* sancti Augustini discipulum: præterquam enim quod *Prosper* nunquam episcopus fuit, ut vel solum episcopatus Maximi initium demonstrat, *Faustus* ante Hilarii episcopi Arelatensis obitum, qui anno cdlxix accidit, abbas Lerinensis fuit. Sanctus enim *Honoratus* episcopus Massiliensis in Vita sancti Hilarii Arelatensis episcopi cap. 3, loquens de sene *Caprasio*

primo Lerinensis insigne monacho, dum is mori proximus esset, ait : « In eodem loco hunc temporis S. Faustum presbyterum pariter et abbatem ita futurorum prescius honoravit, ut inter se et sanctos sacerdotum Theodorum et Maximum compelleret residere ». Cum ergo sanctus *Cyprianus*, perfecte consummataque gravitatis senex describatur ab Hilario Arelatensi in Oratione Inebri (quam habuit in morte sancti Honorati decessoris sui), quando sancti juvenes *Venantius* et idem *Honoratus* sese illius discipline subdunt, sequenti circiter anno obiit; cum hujus seculi initio, quo utrumque per terras et maria assidue comitatus est, iam esset *annorum gravitate confectus*, ut inquit idem Hilarius, ideoque sexagesimum ad minus annum tunc attingeret, et hoc tempore nonagenario major esset, ut inquit idem Antelmus in Appendice ad eandem dissertationem cap. 3. Quare hoc tempore *Hilarium* Ecclesie Arelatensi, *Maximian* Regiensi, *Theodorum* Forojuliensi et *Faustum* abbacie Lerinensi prefuisse, certum et indubitatum. Ex his Annales aliquibus in locis emendari, et in quibusdam aliis suppleri possunt, liquetque *Faustum* non in minori Britannia, seu Armorica provincia, sed in Magna Britannia natum esse, cum hoc tempore annum ætatis ad minus trigesimum attigerit, et diu post *Armorica* minoris Britannie nomine appellata fuerit, aliquot nempe annos postquam Angli et Saxones Magnam Britanniam occuparunt, et plures ex veteribus colonis in Armorican, quam de suo nomine appellarunt, fugere compulerunt. Qua de re infra.

23. *S. Isidorus fuit presbyter et abbas monasterii Pelusii.* — Post hunc annum nulla amplius occurrit mentio sancti *Isidori* Pelusioke, cujus sepe meminit Baronius in Annalibus. Erat *Pelusiium*, a quo *Isidorus* Pelusioke dictus, Ægypti proprie sumptæ, seu inferioris, urbs primaria post Alexandriam, in qua *Isidorus* presbyter et abbas fuit. Sanctus Ephrem episcopus Antiochenus apud Photium in Biblioth. Cod. cccxxviii testatur, *Isidorum monachum clarum, domo Alexandrinum*, ac *summus sacerdotibus venerabilem* fuisse. Aperte sanctum Chrysostomum defendit, Arcadium et Cyrillum, atque longè aversum Theophilum perstrinxit, eorumque sinistras adversus virum sanctum susceptas molitiones laxavit, teste Nicephoro lib. 14, cap. 53. Facundus lib. 2 Defensionis trium Capitulorum duo millia Epistolarum *ad ædificationem Ecclesie* ab eo scripta; Suidas vero Epistolas ter mille ab eo exaratas tradit. Extant tamen tantum *Isidori* Epistolæ bis mille centum ac tredecim. No-

tabile est quod refert auctor anonymus Synodici adversus Tragediam Irenæi ex ipsomet Irenæo, cujus verba in linguam latinam ipse vertit : « Has omnes beati *Isidori*, presbyteri et abbatis Pelusioke, excerpti et transtuli ex Epistolis ejus duobus millibus, que sunt per quingentenas distribute in Achemetensis monasterii codicibus vetustissimis quatuor. Ubi etiam per ordinem singularum numerus continetur. Et ultima est, quam ego quoque ultimam posui : Deo gratias », inquit Irenæus, qui cum hoc tempore vixerit, et paucos post annos Tyrriorum Metropolis dictus sit, ut suo loco ostendam, nullum dubium esse debet, quin *Isidorus Abbas* fuerit, licet Bollandus ad diem iv Februarii, quo in Menæis colitur, Baronius in Notis ad Martyrologium Romani, aliique passim eum tantum monachum et presbyterum appellent. Præterea auctor ipsius Synodici, qui paulo post Justinianum imperatorem vixit, capiti sexto hunc titulum prefixit : « Epistola sanctissimi doctoris Ecclesie *Isidori*, presbyteri et abbatis monasterii circa Pelusium, ad archiepiscopum Alexandrie beatissimum Cyrillum ». Et postea recitat præfata Irenæi verba. Dicit autem Irenæus se Epistolas illas quas refert, excerptissæ, seu ex codicibus Achemetensis monasterii transtulisse in suum opus, in iisque contineri duo mille Epistolas, sed se non omnes posuisse. Quare numerus Epistolarum *Isidori* adhuc insertus est. Denique Nicephorus lib. 14, cap. 53, loquens de magnis viris qui Theodosio jun. imperante florere ait : « Talis *Isidorus* ille fuit, qui in Pelusio monte præfuit. Nilus et Marcus præclari ascetæ, et sapiens item Cyri Ecclesie antistes Theodoretus ». Quare licet in Martyrologio Romano et in Menologio Græcorum *Isidorus* dicatur tantum *Monachus*, uti etiam appellatur a Facundo citato, Suida, aliisque, non videtur tamen dubitandum, quin *Pelusii* montis monachis præfuerit.

24. *Romanorum opera Suevos inter et Gallæcos pax sancita.* — Idacius in Chronico anno Abrahami mcdxlix, qui kalend. Octobris superioris Christi anni inchoatur, ait : « Regresso Censorio ad palatium Hermericus cum Gallæcis, quo prædabat assidue, sub interventu episcopali datis sibi reformat obsidibus. Symphosius episcopus per eum ad Comitatum legatus missus, rebus incassum frustratur arreptis. Aelius utriusque militiæ Patricus appellatur ». Missus fuerat Censorius a Valentiniano ad Hermericum Suevorum regem, ut pacem inter eum et Gallæcos, qui sub clientela Romano-rum erant, sanciret, ut anno superiori diximus.

SIXTI ANNUS 3. — CHRISTI 434.

1. *Proclus ex Cyzicena in Constantinopolitana sedem transfertur.* — Qui ordine sequitur quadringentesimus trigesimus quartus Domini annus nomine duorum consulum Asparis et Areobinde kalendis Januarii aperitur : ejus pridie idus Aprilis Maximianus Constantinopolitanus episcopus, cum annos duos et menses quinque Ecclesie præfuisset, ex hac vita decessit : hæc Socrates¹, qui et de substitutione Procli spectatissimi viri in locum ejus hæc subdit : « Tunc erat forte septimana jejuniorum, quæ proxime festum Paschatis ategreditur, diesque ejusdem qui vulgo dicitur quintus. Quo quidem tempore ab imperatore Theodosio res prudenter tractata fuit. Nam ne controversia vel tumultus denno in Ecclesia eiceretur, abjecta cunctatione, dum adhuc Maximiani corpus insepultum jaceret, per episcopos qui ibi aderant, Proclum in sede episcopali collocandum curavit. Huic autem negotio suffragabantur Epistolæ Cælestini episcopi Romani, quas ad Cyrillum episcopum Alexandriæ et ad Joannem episcopum Antiochenum et Rufum Thessaloniciæ episcopum misit, quo eos doceret, nihil obistere, quominus qui unius civilatis vel nominatus fuisset episcopus, vel etiam esset, in aliam civitatem transferretur ». Hæc de substitutione Procli Socrates.

2. Quod autem ad litteras de Proclo a Cælestino Romano Pontifice datas pertinet, haud hoc tempore post obitum Maximiani illas scriptas esse dicere possumus, cum nullum intercesserit temporis spatium, quo ipse Romanus Pontifex reddi certior potuisset : sed neque hoc tempore Cælestinus, verum Sixtus ejus successor Romanæ præerat Ecclesie : scias autem has datas fuisse litteras a Cælestino, cum damnato Nestorio, in locum ejus Catholicus subrogandus fuit antistes. Cum enim tunc inter omnes emineret Proclus, qui ex presbytero Ecclesie Constantinopolitanæ haud pridem creatus esset episcopus Ecclesie Cyzicenæ, et ob eam causam ab electione in episcopum Constantinopolitanum repellendus videretur : Cælestinus

tunc Romanus Pontifex litteris significavit, illud minime debere esse impedimento, quominus ipse Proclus eligi posset. Sed cum tardius Cælestini litteræ allatæ Constantinopolim essent, jam electo Maximiano, Theodosius imperator ex eorundem Cælestini litterarum præscripto Proclum modo mox eligendum curavit.

3. Fuit autem Proclus iste discipulus S. Joannis Chrysostomi, et in ipsa Constantinopolitana Ecclesia eloquentia clarus, ut quæ superius de eo dicta sunt, manifestum reddunt. Ex quibus memoria lapsum intelligas Socratem, dum non Chrysostomi, sed Attici fuisse scribam affirmat¹ : nisi dixerimus in eadem functione Attico etiam inservisse. Porro cum idem auctor Procli virtutes commendat, mansuetudine potissimum eum enituisse testatur : sed quod ait nullum hæreticorum ab eo fuisse vexatum, id quidem ignavi potius quam studiosi pastoris super gregem vigilantis esset. Verum quæ de eo inferius dicentur, quam omni ex parte Proclus laudandus sit, facile demonstrabunt.

4. *De Silvano episcopo Troadis.* — Hujus occasione translationis Procli ex Cyzicena in Constantinopolitanam Ecclesiam Socrates de Silvano episcopo ejusmodi narrationem instituit² : « Jam vero, inquit, de Silvano, quem Philippopoli urbe Thraciæ Troadem translatum dixi, non incommodum arbitror pauca commemorare. Silvanus primum in Troili sophiste schola rhetoricam didicit : qui quoniam religionem Christianam diligenter excogit, et monasticum vitæ genus exercere nitentur, pallium philosophicum gestare noluit. Postea Atticus eum accersivit ad se, et episcopatu Philippopolis eum donavit : qui triennio in Thracia ætatem degens, eum frigus tolerare non posset (corpus enim habuit exile admodum et imbecillum) obsecrabat Atticum, ut in ejus locum alterum subrogaret episcopum, se non ob aham causam quam ob frigus accusare vitam in Thracia traducere, docuit. Silvanus igitur hæc de re in ejus locum subiectus, Constantinopoli commoratus est, monasticamque vivendi disciplinam sem-

¹ Socr. I. VII. c. 39.¹ Socr. I. VII. c. 40. — ² Ibid. c. 36.

per excoluit. Adeo enim ab omni fastu alienus fuit, ut sæpe numero in frequenti multitudine civilalis, quæ tunc celeberris erat, sandaliis indutus ex leno confectis cederet. Non longo tempore interposito, episcopus Troadis moritur : quæ de causa Troades veniunt Constantinopolim quesitum episcopum.

5. « At dum Atticus secum consilium inibat, quem ad illud munus designaret, forte Silvanus in ejus conspectum venit : quem ut vidit Atticus, conlestim curam cogilandi deposuit, et ita Silvanum allocutus est : Non est tibi tibi amplius excusatio, quominus Ecclesie administranda curam suscipias : nam Troas nihil habet alioris : ecce tibi locum amonem, quem Deus corporis tui imbecillitati paravit. Ne cuncteris igitur, sed Troadem ire matures. Quapropter Silvanus eo migravit. Sed miraculum ab eo editum percensere animus est.

6. « Navis oneraria plane maxima, quæ vulgo *πικρή* ob lafitudinem vocabatur, in qua ingentes vehebantur columnæ, nuper in littore Troadis fabricata fuerat. Illic cum in mare traducenda esset, et magna hominum multitudo cum multis fimbuis eam trahere conaretur, nec commoveri quidem poterat. Ubi istud dies complures factum fuit, putabatur navis a demonio detineri. Itaque Silvanum episcopum adeunt, rogant ut preces in eo loco faciat : nam eo pacto solum navem posse in mare protrahi credebant. At ille modeste de se ipso prædicans, se peccatorem appellavit ; divique illud non sui, sed alicujus jusli esse. Verum tibi acris instabant, venit ad littus, preces ibi Deo fundit, funem unum manu apprehendit, jubetque alios opus aggredi. Illius igitur leni pulsu agitata navis in mare rapim fertur. Ille miraculum a Silvano editum omnes illius provincie incolas magnopere ad pietatem incitavit. Silvanus et aliis etiam vite officiis magnæ suæ bonitatis ostendit indicia. Nam cum clericos ex litigantium controversiis questum facere videret, deinceps neminem ex clero judicem esse permisit : sed acceptis litigantium libellis, unum ex fidelibus laicis, quem æquo et bono favere pro certo cognosceret, cum causarum cognitioni præfecit : sicque litigantes contentione et controversia liberavit. His de causis Silvanus maximam gloriam apud omnes sibi conciliavit ». Hucusque de Silvano Socrates.

7. *Melania junioris Acta, quæ patrum Volusianum ad Christum convertit, pro fide Catholica laborat.* — Ille eodem anno, quo Proclus sedis Constantinopolitane regimem suscepit, sancta Melania junior, quæ (ut diximus) Hierosolymis monasticam vitam agebat, litteris a suo patruo Volusiano Constantinopolim accersitur : quo cum venisset, ipsum Volusianum reluctansem haecenus ad Christi fidem convertit, et ut Christianus moreretur, vitamque consequeretur æternam, tum precibus ad Deum, tum verbis apud ipsum infatigabili studio egit. Sed præclara memoria dignam historiam recolamus, quam quidem Photius in sua Bibliotheca cognovit esse germanam, dum agit de legatione

Volusiani, de Melania ejus nepte, et Proclo episcopo, qui Volusianum Constantinopoli baptizavit, quorum meminimus superius, dum egimus de ejusdem Volusiani edicto adversus Caestium Pelagianum. Verum de eo illud breviter repetendum, hunc ipsum esse Volusianum, ejus conversionis causa a matre Christiana per Marcellinum tribunum interpellatum diximus sanctum Augustinum, ut ad Christi fidem cum converteret : sed datis ea de re ulro citroque litteris, ut id faceret, ab ipso sancto Augustino persuaderi tunc minime valuit. At præstitit tandem Deus, ut id vel sero tandem perficeret : quæ aulem occasione, ipsa sanctæ Melaniæ Acta ¹ simplici pedestrique stylo quidem scripta, sed vera, his verbis reserant :

8. « Redduntur Melaniæ litteræ ab ejus patruo Volusiano, qui illo quidem tempore creatus erat præfectus Romanæ civitatis, missus vero erat legatus Byzantium ad Eudociam imperatricem : hoc autem significabat Epistola, quod jam diu illam videre desideraret. Illa vero cupiebat et ipsa quoque videre patrum, et ei persuadere ut a Gentilium desisteret opinione. Dubia autem animi, ne quid imprudens faceret præter id quod Deo videbatur ; cum aliquibus aliis monachis rem communitasset, permittent autem illi, ut posset proficisci, egreditur Hierosolymis ipsa beata Melania Constantinopolim versus arripiens iter. Per quaecumque autem transibat civitatem et regionem, eam quo par erat omnes prosequabantur honore et officiis. Civitatum enim sacerdotes et pontifices eam non parvo honore afficiebant : et venerande virgines, et quotquot erant egregii monachi eam adorabant et salutabant, et tanquam e celo venientem adspiciebant.

9. « Cum autem venisset Chalcedonem et ad ipsum sinum maris, verebatur ingredi, et videbatur perturbata. Ventura enim in maximam civitatem mulier quæ vixerat in exercitatione, quietisque et silentii maximam curam gesserat, et non gustaverat humilutis qui sunt in civitate, merito extimescebat et refugiebat. Atque divertit quidem ubi erat templum omni ex parte benedictæ martyris Euphemiæ. Circa mediam autem noctem martyr non parum ex se effudit suavissimi odoris et voluptate replet ineffabili. Quocirca bona accepta fiducia, diluculo fretum audacter trajecit, et ingressa est Byzantium. Hospitio vero excipitur a quodam viro illustri, et alioqui bono, nomine quidem Lauso, qui ad præposituræ honorem ascenderat ». Illic ille quidem videtur esse Lausus, ad quem Palladius Galata sua scripsit Lausiaca ; eodem enim quoque nomine Palladius enim præpositum vocat, quem et custodem imperii nominat : quenam præpositura hæc esset, idem in fine operis declarat, ubi ait, eum sacro præfectum fuisse cubiculo. Sed pergit auctor :

¹ Extant apud Metaphrast. die ultima Januarii et Sur. tom. II. ead. die.

10. « Invenit autem summ quoque patrum Volusianum gravi morbo oppressum : qui ejus habitum admiratus, formaeque et vestitus incredibili ex inopinata stupefactus mutatione (extenuatus enim admodum erat vultus ejus exercitatione) magna voce exclamavit : O qualem ex quali te video, Melania carissima! Illa vero ex ejus sermone sumpta occasione : A me quoque (inquit) discite, o beate patrum, et accipe judicium futurorum honorum. Nam nec ego tantam despiciam gloriam habuissim, nec pecuniam, nec abjecissem curam ipsius corporis, nisi persuasum haberem, me his prope diem longe majora accepturam. Non autem per se solam, sed per multos quoque alios in ejus mentem sensum irrepebat beata Melania, et ejus falsam religionem studebat labefactare : sicut etiam per sapientissimum Proclum, cujus fidei tunc erat creditus sacer clavus Ecclesiae Constantinopolitanae. Qui cum ad eum venisset, et suam beate Melaniae etiam ad pietatem dirigeret : is dicitur illum adeo esse admiratus, ut etiam dixerit post agnitam veritatem, quod si Roma tres haberet tales, nec illic quidem nomen unquam audiretur Gentilium : sed haec quidem postea :

11. « Postquam autem Volusianum sensit Melaniam velle imperatorem quoque ad id incitare, veritus propterea ne violentum et non voluntarium reputaretur esse baptismum, et quam ex eo esset consecuturus, ipse mercede privaretur, eam a cepto prohibuit. Et is quidem (ut dicemus paulo post) rem a se adimplevit, et abjurata Gentilium opinione, traductus est ad Christum. Illa autem nec aliorum curam abiecit : sed cum tunc esset exorta Nestorii blasphemiam, et malignus multos in errorem abduceret etiam ex iis qui erant in verbo veritatis ; ipsa erat quae magnum adversus eum imbat certamen, et vanum et inane reddebat ejus sophisma, a mane usque ad vesperam iis respondens qui eam interrogabant, multisque ex iis qui decepti fuerant, persuadens, et eos reducens. Quamobrem malignus se ab ea vinci non ferens, in virum ejus conversus, nempe Pinianum, et ei apparens miserabilis, cum lugubri et nigra veste accedit ad eam terrens et gravia militans : et primum quidem se ipsius imperatoris et ejus famulorum cor mutaturum et in contrarium traducturum, deinde etiam ut miserabili exitu finiret vitam, procuraturum, gravissimis confecta doloribus. Illa autem hanc esse artem maligni intelligens, Christi nomen, quod gravissimam illi plagam auferit, invocans, effecit ut is statim evanesceret. Deinde cum accessisset eum qui eum ipsa erat sacerdotem, et incepisset narrare ea quae videbat et audierat : sensit repente dolorem in coxendice, et nunquam adeo acrem, ut vocem amiserit, et nemo dubitaverit id esse manifestum inimici insultum. Cum sic ei productus esset dolor ad sex usque dies, et illa hora maxime malum intenderetur, quo nigrum adspexerat, et minas audierat (aderat enim dies septimus) accidit aliquis renuntians patrum Volusianum venisse in periculum ne repentina morte vitam mox finiret.

12. « Hoc postquam illa audivit, etsi propter dolorem coxendicis vix se posset movere, manibus et lectica proflinus ad eum vecta proficiscitur. Valde enim angebatur animo, non quod ille moreretur, sed quod mortem subiret animae, ut qui baptismi incorruptionem nondum esset assecutus. Deinde venit quidam alius, ei significans Volusianum esse baptizatum, et eum cum saepe quaesitam non invenisset, sed eam morbo defineri didicisset, alium ducem rursus nactus, per illum filium lucis, baptismum consequitur. Cum haec ei dicta essent, cum dolore animae prorsus cessavit etiam morbus corporis, et lumbis quidem carebat etiam dolore, et pes movebatur, et communis inimicus afflicebatur dedecore : adeo ut viae reliquum per se ipsa conficeret ; et qui portabant, pro eo quod prius portabant, ad Deum laudandum statim manus extendebant. Deinde cum venisset ad patrum, et verbis eum confirmasset, et de ea quae illic est vita, disseruisset, lectum et bona spe praeditum transiit ad viam quae ducit ad Deum, cum pulcherrimo viatico, nempe profuso Christi corpore et sanguine etiam instruxisset, et sic ut tuto recederet perfectisset. Et haec quidem hoc modo gesta sunt. Illa autem cum multos quidem dies hic transeisset, in paucis vero multis plurimum profuisset, et ante alios imperatrici et ipsi imperatori (is autem erat Theodosius) nam hi majori opus habent curatione, ut quorum animi majori mundi gloria essent tumidi ; cum haec et alia plura fecisset, egreditur de civitate, etc.»

13. Pervenisse autem ipsam ad diem Paschatis Hierosolymam, auctor subdit : ut plane appareat, sequenti ab ejus adventu anno Domini eam Hierosolymam rediisse : cujus monitu Eudociam nonnihil proficisse, ex eo potest intelligi, quod et ad peregrinationem Hierosolymam postea suscipiendam etiam inflammasset ; quando autem id contingerit, suo loco dicemus. Porro, non Eudociam Augustam tantum, sed et Theodosium congressu Melaniae esse redditum meliorem ex rebus postea consecutis possumus opinari. Quod enim Melaniae Catholicae fidei zelo astuaret ; par est credere eum adversus Nestorianos concitasse, permovisseque ut Nestorii libri imperatorio vetarentur edicto ; quod sequenti anno, quo ipsa recessit Constantinopoli (ut dicemus) est promulgatum. Celeberrimi quidem nominis fuisse Melaniam tum antiqua parentum nobilitate tum etiam admirabili sanctitate, totoque factam orbi Christiano notissimam, quae dicta sunt tum de ipsa, tum de ejus avia Melania seniore demonstrant.

14. *Theodosii salubris constitutio.* — Sed quod ad Theodosium imperatorem spectat : sicuti rebus sacris bene consuluit, dum Constantinopolitanae Ecclesiae Proclum praeficiendum curavit ; ita inopiam necessitatibus, quas ex frumenti penuria eos pati contingeret, accurate prospexit, dum sextentis et undecim auri libras huius operi perpetuo inservituras adscripsit ¹ poena dupli apposita, si quid quovis

¹ L. III. de frum. urb. Const. C. Theod.

prætextu fuerit a magistratibus imminutum : hæc enim liberalitate solari voluit aliqua ex parte mœrorem ex superioris anni incendii clade suscepta. Ab eodem quoque hoc anno data constitutio¹ reperitur de bonis clericorum et monachorum ab infestato eorum ecclesiis et monasteriis, quibus adscripti erant dandis, patronorum jure servato.

15. *De Virgine a devone obsessa.* — Sub hujus quoque anni consulatu sanctus Prosper, dum agit de signis Antichristi, et ejus præcursoribus, pseudoprophetis et impostoribus, quid acciderit admiratione dignum Carthagine, quæ adhuc Romano imperio libera servabatur, narrat his verbis² : « Nostris quoque temporibus, Aspare V. C. consule Carthaginensi constituto, hoc signum diabolicum, monstruosumque quod illic accidit, quis illius patriæ civis ignorat? Quædam juvenecula Araba natione, ancilla Dei habitum gestans, cum in balneo lavans simulacrum quoddam Veneris impudice respiceret, et seipsam, eique se consimilans, domicilium se diabolo præbuit : statim ille leo qui rugiens circum, quem quærebatur, invenit. Meatus igitur gutturis ipsius occupans, nullum cibum nullumque potum trajiciens per septuaginta ferme dies foetidæque noctes jejuniū sibi diabolus ex capto possessore vase exhibuit. Hoc monstrum parentes puellæ per tot dierum spatia auferri posse sperantes, dum jure malum ulterius tolerare non possunt, simul cum filia sese ingresserunt sacerdoti, quæ acta erant fideliter indicantes : hoc tantum puella fatabatur, avem quandam noctis medio apparere, quæ sibi ore nescio quid infunderet.

16. « Stupor tunc inerat cunctis, videre puellam nullis indicis diuturni jejuniū fœdatam, nullo pallore scu tæbe vel debilitate confectam, quin potius robustam succo viscerum, mole membrorum. Cumque incredibilia viderentur, quæ dicebantur, habito consilio, in monasterio puellarum in quo reliquæ S. Stephani site sunt, sacerdos puellam simul et præposito commendavit. Illic prima tantum die apparuisse illam avem asseruit, sibi que increpasse, quod neque fame, neque sibi compulsam illum appelleret locum, quo sibi accedere non liceret. Per duas sane hebdomadas nihil cibi vel poculi sumens in monasterio mansit. Accidit autem, ut quintus decimus Dominicus illucesceret dies, ascendente nobiscum sacerdote, ut matutinum illie sacrificium solito offerretur. Puellam præpositus ad altare perduxit, eo inessu et habitu quo solent rubore perfuse ex epulis poculisque mulieres advenire. Sed ut se illa prostravit allari, clamore fletus sui cunctis adstantibus genitus lacrymasque induxit, quibus tantum malum auferendum præsens plebs Domini exorabat : erat enim jam indecens murmur in populo.

17. « Peracto itaque sacrificio, cum eadem inter cæteras brevem particulam corporis Domini finctam

a sacerdote perciperet, semihora mandens, trajicere non valuit, nondum illo fugato, de quo dicit Apostolus³ : Quæ consonantia Christi ad Beliam et iterum⁴ : Non potest calicem Domini bibere, et calicem demoniorum. Manu igitur faciem ejus sustentante sacerdote, ne sanctum projiceret ; a quodam diacono suggestum est, ut calicem salutarem gutturi ejus pontifex applicaret, quod factum est. Statim ut locum illum, quem diabolus obsederat, Salvatoris imperio reliquit sacramentum quod ore gestabat cum laude Redemptoris translulisse, puella clamavit. Hinc lætitia, hinc voces in gloriam Dei, quod post octoginta et duos dies diabolo expulso, puella de potestate fuerit eruta inimici. Oblatio igitur rursus gratiarum actionis pro ea fit, sacrificiique percipiens certam partem prisco est reddita usui. Tunc etiam dum hæc aguntur, spiritu divino actus diaconus ejusdem tituli statum illam sublatam confregit in pulverem, omnemque insidiantis astutiam superavit divina majestas ». Hactenus de arrepta virgine Prosper ; qui et de impostoribus ista subdit :

18. « Novimus etiam illum advenisse quemdam sub specie monachi, qui quædam signa curationum se operari fatabatur. Cumque circa cæcos et claudos phantasticos quosdam ageret Insus, cosque oleo nescio cujus mortui ossis liniret ; ut sibi visus gressusque redditos aestimabant, discedentes, in illis quibus antea tenebantur, infirmitatibus remanebant : sed in his proditum se cognoscens seductor ille aufugit. In Asia vero sive ipsum, sive alium talia fecisse, quidam Christianus religiosus et nobis enarravit ». Hæc ipse : quæ autem addit de Floro impostore in Italia, sub Leone Romano Pontifice agemus suo tempore.

19. *Qui fuerit Vincentius Lirinensis.* — Hoc ipso anno, qui numeratur tertius a Concilio Ephesino Vincentius Lirinensis cum adversus omnes hæreticos, tum præcipue ad sepeliendas penitus recens emersas Pelagii, Cælestii, atque Nestorii hæreses disertissimum elucubravit commentarium : signat ipse quidem præsens tempus, dum ait⁵ de Ephesino Concilio : « Ante triennium ferme in Asia apud Antiochoque celebratum est, viris clarissimis Basso Antiochoque cons. » ; de cujus quidem opere hæc habet Gennadius⁶ : « Vincentius natione Gallus apud monasterium Lirinensis insule presbyter, vir in Scripturis sanctis doctus, et notitia Ecclesiasticorum dogmatum sufficienter instructus, composuit ad evitanda hæreticorum collegia nitido satis et aperto sermone validissimam disputationem, quam, absconso nomine suo, titulavit, Peregrini adversus hæreticos. Cujus operis quia secundi libri maximum in schedulis partem a quibusdam furatam perdidit, recapitulato ejus paucis sermonibus sensu pristino compegit, et uno in libro edidit ». Hæc Gennadius.

¹ L. 1. de bonis cler. et mon. C. Theod. — ² Prosp. de promiss. et prædic. Dei diu. temp. c. 6.

³ 1. Cor. x. — ² 2. Cor. vi. — ³ Vine. Lirin. contra hæret. c. 42. — ⁴ Gennad. de Scrip. Ecc. c. 64.

20. Sed quoniam fuerit iste Vincentius, ex iis quæ ipso initio præfatur operis, unde inquiramus, ipse suppeditat argumentum, ubi ait¹ : « Cum aliquandiu variis ac tristibus secularis militiæ turbibus volveremur; tandem nos in portum religionis cunctis semper fidissimum, Christo aspirante, condidimus : ut ibi depositis vanitatibus ac superbiæ flatibus, Christianæ humilitatis sacrificio placantes Deum, non solum præsentis vitæ naufragia, sed etiam futuri sæculi incendia vitare possemus ». Ille ipse. Quamobrem in eam adducor sententiam, ut hic ille sit Vincentius Galliarum aliquando, vivente sancto Martino, præfectura nobilitatis, quem Severus² mirifice laudat, nosque de eo superius egimus.

¹ Vinc. Lirm. præf. — ² Sever. in dial. l. c. 12.

Florebat plane his temporibus illud cœnobium, illustris sanctorum domus, insule Lirimensis, de quo pluribus suo loco agendum erit inferius : hæc exceptit e tumultibus Galliarum tanquam portus (ut ipse ait) e procellis liberum Vincentium ipsum; cuius quidem quam mira fuerit eruditio, libellus ipsius ostendit; ut vix sit reperire qui paucioribus chartis majora et feliciori tractatu concluderit; licet commentariolus idem sit (ut ipse testetur in fine) ex duobus a se scriptis Commonitoriis epitome, his temporibus admodum accommodatus, et in Ecclesia Catholica semper posteris profuturus, cum nunquam defuturi sint novatores hæretici, ad quos penitus explodendos idem auctor summa industria laboravit.

Anno periodi Græco-Romanæ 5927. — Jesu Christi 434. — Sixti III papæ 3. — Theodosii Jun. 33. et 27. Valentiniani III. 10.

4. *Consules.* — Coss. *Arcobindus et Aspar.* Prior in Oriente creatus, de quo frequens infra sermo erit, et ad quem exlat Epistola xxiii Theodoretii; posterior consulatum in Occidente gessit, ut liquet ex iis quæ Baronius habet num. 15, ubi ostendit, eum hoc anno Carthagine fuisse. Missus autem in Occidentem adversus Joannem tyrannum, ut videre est apud Baronium anno cxxxv, num. 2, anno cxxxvi victus fuit a Vandalis in Africa, ut habet Baronius eo anno num. 438.

2. *Moritur S. Maximianus episcopus Constantinopolitanus.* — A num. 1 ad 4. Sanctus Maximianus episcopus Constantinopolitanus obiit *Arcobindo et Aspare* coss. *pridie idus Aprilis, feria quinta septimanæ, quæ Festum Paschale proximè antecedit*, inquit Socrates lib. 7, cap. 40, et quidem accurate; cum Pascha hoc anno in diem xv Aprilis incidit, ideoque feria v in Cœna Domini fuerit dies xi ejusdem mensis. Addit Socrates, Maximianum sedisse *per biennium ac menses quinque*, ideoque jam recte scripserat, eum ordinatum die xxv Octobris anni cxxxvi. Celebris est ejus cultus apud Græcos, ut videre est apud Bollandum ad diem xii April. Ex Procli Synodica, cujus fragmentum recitatur in Synodico adversus Tragediam Irenæi, discimus fautores Nestorii toto pontificatus Maximiani tempore tumultuosos esse : « Quoniam quidem », ut habet Procli Synodica, « multa medio tempore tempestas tenuit seditiosorum, qui ex corruptificis

seminibus doctrinæ Nestorii surrexerunt, et insistebant, dum pro sanctissima Ecclesia in medium staret sanctæ memoriæ Maximianus, qui omni quidem diligentia usus est ad hujus mali peremptionem, nec tamen sufficit hanc malam plantationem eradicare», quia scilicet non satis vigoris et doctrinæ Maximiano erat ad resistendum Nestorianis : quos post ejus mortem majores turbas concitasse ex verbis quæ subduntur, intelligimus : « Igitur dum subito idem beatissimus a præsentī vitā migrasset, tanquam facultatem præsumptionis susciperent, qui hæc parturiebant seditionem, neque absconditam nequitiam suam continere dignati sunt, sed coercitate multitudines in nullis partibus civitatis Nestorium publico clamore reposebant, et Urbī pericula, Ecclesiæque minabantur incendium ». Et hæc causa fuit, inquit Lupus in Notis ad Synodicon, cur Theodosius Proclum antequam Maximianus sepulture mandaretur, in throno collocari voluerit.

3. *Toto ejus Pontificatu Nestoriani tumultuati sunt.* — *Taurus* præfectus prætorio ac patricius, vir personis Ecclesiasticis valde addictus, ad quem exlant duæ sancti Isidori Pelusiote Epistolæ sciens Procli promotionem Joanni Antiocheno fore gratissimam, statim ad eum de ea scripsit, ut patet ex litteris Joannis ad eum rescriptis et recitatis, cap. 123 Synodici citati : « Scitote magnificè domine », inquit Joannes, « quia non parva mihi viri illius experientia sit, sed et quedam multa no-

titia, et noverim quam se ad universa accommode habeat. Et confidenter dico, quia magna Deus Constantinopolitanorum donavit Ecclesie per studium vestrum, et curam Deo amicissimi principis, qui cum bene viderit, velociter quoque deliberata complevit, ne ulla invidia hominum iudicium violaret. Sed sicut effectum est per magnificentiam vestram, sic rogo ut annuatis et de istarum pace parlium cogitare. Sunt enim pauci quidam effrenati, qui pacem, quam Deus donavit, et quam pius executus est imperator, propriam duxerint lesionem ». Hæc verba, et noverim, quam se ad universa accommode habeat, explicant quod Socrates laudatus tradit, postquam dixit Proclum fuisse Atlici episcopi Constantinopolitani diaconum ac notarium, Proclum scilicet placidum erga omnes fuisse, dum hæreticos hæc ratione potius quam vi ad rectam fidem adducere studeret. Et certe Maximianus cum quibusdam Orientalis factionis episcopis dure se habuerat, Cyrillum permoveerat, ut quatuor metropolitae pace excluderet, et plures jusserat super ordinari novos episcopos. Quare Joannes paci Ecclesie procurandæ totus intentus ex Procli mansuetudine meliora sperabat.

4. *Dorotheus et Theodoretus episcopi paci scribere recusant.* — *Dorotheus* Martiniopolis in Mæsia secunda metropolita, vir a pace Ecclesie alienissimus, scripsit ad Alexandrum episcopum Hieropolitanum et Theodoretum Epistolam cap. 137 Synodici recitatum, qua significavit *Proclum* statim a sua ordinatione litteras dedisse ad Martiniopolitanæ Ecclesie clerum et populum, quibus pateret, quam simulata fuerit pax nuper inita; sed clerum et populum Evangelicæ fidei concertantem sese non deseruisse. Intelligit, inquit *Lupus* in *Notis, Saturninum* quem Maximianus in ejus locum consecravit, hactenus sedem obtinere non potuisse, et clerum ac populum in rebellionem persistentem sibi adhesisse. Subdit *Dorotheus*: « Igitur ad integritatem prælatorum scriptorum comprehensionem compar Epistolæ ejusdem propriis meis litteris junctum vestræ religiositati direxi, ut si vobis rectum videtur et utile, quo omnes nos ad magnam civitatem pariter concurramus, ut cum competentem in Deum fiducia colloquamur amico Christi imperatori pro orthodoxa fide, id minime negligamus ». Ex quibus apparet, *Proclum* statim ac ad thronum Constantinopolitanum evehctus est, opus a Maximiano decessore ceptum fortiter prosecutum. *Theodoretus* accepta *Dorothei* Epistola ad eum rescripsit, ut videre est cap. 38 Synodici, et invictum ejus animum laudavit: « Exemplar enim, inquit, principale virtutis omnibus qui imitari voluerint, vos certaminibus his præsidens proposuit Deus, ut per imitationem vestris insigniamur characteribus ». Postea ostendit nihil sibi videri injustius, quam factam *Nestorii* depositionem.

5. *Theodosii Sacra adversus episcopos, qui Nestorio adhaerebant.* — Cum itaque neque *Theodoretus*, neque *Dorotheus*, neque plures alii episcopi

ad pacis conditiones *Cyrillum* inter et *Joannem* statutas, et ab imperatore confirmatas accedere vellent, fecit hic, quod *Augustinus* contra *Donatistas* faciendum esse judicavit in Epistola xcii, alias *xlviii* ad *Vincentium*, ubi ait, *Donatistas* legibus imperialibus excutiendos fuisse, ut tanquam de somno lethargico emergerent, et in salutem unitatis exigilarent. *Theodosius* enim ad *Joannis* Antiocheni postulationem Sacram dedit, qua jussit, ut omnes cum eodem communicarent, aut ab Ecclesiis ejicerentur. Hujus Sacræ mentio est in Synodico cap. 124, ubi recitatur Epistola *Meletii* episcopi *Mopsuesteni* ad *Maximum* *Anazarbi* metropolitam, in qua ait: « *Domitianus*, qui nunc quæstor est, scripsit Deo amicissimo *Helladio* (*Tarsensi* metropolitæ) quod Sacram quidem contra nos obtinisset *Verius* (*ejusdem* *Joannis* procurator) predicta jubentem, etc. Sed per omnia magnificentissimus *Taurus* præfectus hoc cognoscens, et sicut revera divino aliquo impetu motus, illam quidem publicari non sinit: intrans vero ad principem, futuras ex hoc eversiones obtestatus est urbium, et aperte dixit, quod qualis est *Thracia*, talis et *Cilicia* erit, quæ pæne sola remansit ad tributa solvenda, si hoc impleri permiserit; et sic vacare Sacram modis omnibus fecit ». Quare cum *Taurus* hoc anno præfectus prætorio fuerit, ut liquet ex legibus Codicis *Theodosiani* ad eum directis, apparet, eam Sacram hoc anno emissam. *Domitianus* quæstor, ut legitur cap. 125 Synodici toto cordis affectu hortatur *Meletium* *Mopsuestensem*, ut cum *Joanne* Antiocheno adjungatur, una cum cæteris episcopis primæ et secundæ Provincie *Cilicium*. « Sciat enim, inquit, divina virtus, quod decretum divinum completum, subscriptumque, etiam promulgandum hujus rei gratia interim retinui, etc. » Verum tantum abest, ut rebelles episcopi in hæc paci consenserint, ut aliquos e suo Collegio ad principem legare decreverint ad ejusdem Sacræ rescissionem obtinendam: quod ubi ad *Joannis* Antiocheni aures pervenit, mandatum ab imperatore impetravit, quo jubetur, ut nullus Orientalium episcoporum Constantinopolim proficiscatur, quemadmodum significat *Joannes* Antiochenus *Alexandro* Hieropolitano, in Epistola cap. 126 Synodici recitata. Patriarchæ enim Decreta principis metropolitæ, hi vero suis episcopis denuntiare soliti erant. Cap. 127 et sequenti de executione ejusdem Sacræ agitur.

6. *Ejus vigore multi episcopi sede pulsati.* — Tum cap. 129 *Alexandro* Hieropolitano, *Theodoretus* *Cyrensis*, et quidam alii episcopi scribunt, episcopis *Syriæ* et *Cilicie* primæ ac secundæ, et secundæ *Cappadocie*, pluribusque invehuntur in *Joannem* Antiochenum quod episcopis ex suis Ecclesiis pulsatis alios ordinet, rogantque, ut non despiciant Ecclesias Dei, quæ in tanta sunt tempestate. Quare *Theodoretus* a factiosis episcopis adhuc stabat. In fine illius Epistolæ ait *Alexander*: « Ultra annum jam, sicut nostis, habeo quod post adventum *Pauli* *metropolitæ* ab Antiocheni communionem sejuncti ».

Ex quo confirmatur quod supra scripsimus, Sacram imperatoris hoc anno datam esse; cum Paulus Emenes episcopus legatus pacis Cyrillum inter et Joannem sanctite postremam suam concionem Alexandriae kalendis Januarii superioris Christi anni haberint, et post ejus reditum Antiochiam Joannes paci subscripserit, et Alexander metropolitae ejus tunc jugum excusserit, quod ipsemet laudatis verbis declarat. Unde cum Pascha hoc anno in diem xv mensis Aprilis incidit, ante festum illud Synodalis illa Epistola scripta. Responsum enim Helladii metropolitae Tarsensis et aliorum episcoporum ad eandem Epistolam recitatur cap. 130 ejusdem Synodici, ubi inquit, se non potuisse Synodum celebrare, *prohibentibus, ut videtis diebus, eo quod Pascha festivitas instet*; quem temporis characterem recte Lupus in Notis observavit. Imo in cap. 131 recitatur rescriptum episcoporum secundae Ciliciae ad laudatam Epistolam Alexandri Hieropolitani metropolitae, in quo aiunt, *anno praeterito* eis significasse se deseruisse communionem Joannis et ejus sectatorum, et ab eo tempore multas ab illis contradictiones passos esse. Quomobrem, certum est, laudatam Sacram hoc anno ab imperatore datam, idque ipso anni initio, ut ex dictis manifestum fit. Certum praeterea varias Synodos hoc tempore a rebellibus episcopis celebratas. Certum denique hoc anno ante Pascha multos jam a Joanne Antiocheno rebelles episcopos a suis sedibus pulsos, aliosque in eorum locum subrogatos, ut liquet etiam ex sequentibus Capitibus ejusdem Synodici 132, 133, 134 et 135. Epistola enim quae cap. 136 legitur, extra locum collocata, ut ibidem advertit Lupus.

7. *Sacra peculiaris contra episcopos iv caeteris obstinatior.* — Joannes Antiochenus videns Alexandrum Euphratesiae, Helladium primae Ciliciae, Maximum secundae Ciliciae metropolitae, et Theodoretum caeteris pertinacius Nestorio adherere, peculiarem Sacram adversus illos cap. 140 Synodici recitatam impetravit, qua eos expelli a suis Ecclesiis, eisque novos praefici statuitur; ejus executio commissa fuit a Dionysio magistro militum Tito comiti ejus vicario, ut liquet ex illius rescripto cap. 142 Synodici relato. Ad haec Dionysius, ut nihil praetermitteret eorum quae ad pium imperatoris consilium conferre poterant, ad quemlibet ex quatuor illis episcopis sigillatim litteras dedit, quarum exemplar legitur cap. 143 Synodici. Lupus quidem in Notis ad illud caput autumnat, eas respicere executionem primae et generalis Sacrae, emissae adversus omnes paci ac patriarchae rebelles episcopos. Verum Irenaeus, in epigraphae earumdem diserte testatur, eas datas esse pro secundae et peculiaris Sacrae executione: ait enim: « Epistola magnificentissimi Dionysii magistri militum, quam scripsit ad nunquamque episcoporum, qui nominantur in Sacra, ut aut consentirent his, quae ab Antiocheno sunt gesta, et communicarent ei, aut ab Ecclesiis et civitatibus exirent ».

8. *Alexander in sententia animum obfirmat, sed Theodoretus fluctuat.* — Interim Theodoretus, cujus animum Sacra imperatoris vehementer conturbabat, scripsit ad Alexandrum Hieropolitanum Epistolam cap. 146 Synodici relatam, qua significat, Titum Dionysii magistri militum vicarium, ad se et ad sanctos monachos Jacobum (hujus cognomen erat Nisibenus, cujus ipse Theodoretus cognomen enarrat cap. 21 Hist. Religiosae) Simeonem scilicet Stylitam, et Baradatum (ad quem suo loco videlicet, quemadmodum et ad Simconem, scripsisse postea Leonem imperatorem de dissidio Ecclesiae Alexandrinae) dedisse ad se litteras minarum plenas, si pacem non amplecteretur: risisse se de nimis, sed paratum esse, et civitatem relinquere, et provinciam, et ad vitam monasticam confugere. Ex quo apparet, quantum imperatoris Sacra Theodoretum perturbasset, et quanto studio viri sanctitate illustres eum in viam reducere cuperent. Ad Theodoretum Epistolam respondit Alexander, ut legere est cap. 147 Synodici, se firmum permanere in iis quae a principio definivit: « Quia vero, inquit, non sim contentiose dispositus, sed habeam pie condensationis affectum, et eam grate suscipiam, et haec, quas nunc direxi chartas, tuae satisficient sanctitati », quia scilicet Alexander gradum de pacis negotio conditiones ad eum miserat.

9. *Theodoretus bono animo omnia faciebat.* — Responsum Theodreti ad illas Alexandri litteras recitat Auctor Synodici cap. 148, quamvis contrarium existimet Lupus; cum ipso ejus initio asserat Theodoretus, se accepisse directas sibi chartas, et in titulo Scholiastes scribat, Theodoretum legisse *directas sibi conditiones*, qui in titulo Epistolae Alexandri ad Theodoretum jam scripserat, illum huic direxisse *conditiones quasdam de ipso negotio*, id est, de pace de qua locutus fuerat Theodoretus in Epistola ad Alexandrum cap. 146 Synodici relata. Quare hallucinatus est Lupus, qui autumnavit illam Alexandri ad Theodoretum Epistolam, quae legitur cap. 147 Synodici datam esse post Pascha superioris Christi anni, non vero currentis. Quid porro contineat Epistola Theodreti ad Alexandrum, quae extat cap. 148 Synodici, docet Scholiastes, qui circa tempora Justiniani imp. vixit: « Satis ostendit, inquit, beati Theodorei subjecta responsio, si tamen vero has ejus approbemus esse Epistolas (quia nempe Irenaeus vir schismaticus eas in sua Tragedia exhibuit), eum reverentia et affectu archiepiscopi tunc sui hujus Alexandri, et adversitate beati Joannis episcopi, et voluntate omnes secum pariter uniendo, non vero Nestoriani erroris assensu, ad universalem pacem tardius accessisse; quippe qui et unitivae beati Cyrilli Epistolae fidem, quam tanlo tempore nititur impugnare Nestorius, perseverantissime ab initio approbavit, et praetulit duorum episcoporum cause, dejectioni Nestorii et anathematismo dogmatis ejus. Et nunc ad haec ad omnes illius conditiones Alexandrum episcopum suum conatur adducere. Et postea hoc per multas cum singulis efficacissime egit Epi-

stolas, ut omnes ad unionem perduceret. Quod et in cunctis, eo suadente, paucissimis exceptis, suo studio amnente Dei gratia, adimplevit. Unde et magnas inimicitias sustulit eorum, qui usque ad finem suo errori pertinaciter adhaeserunt ».

10. *Sed Alexander majori perviciacia animum obstinat.* — Quae quidem vere ab Scholiaste diela. At enim Theodorus, in illis litteris se accepisse tam ab Helladio Tarsensi, quam ab Eulherio Thyrensi episcopis, « quod is, qui nunc obtinuit sedem (scilicet Proclus) orthodoxe docet », subditque : « Rogo igitur sanctitatem tuam, ut legens haec, sicut de recta fide, sic et de Ecclesiarum cogites pace, quae secundum veritatem nimis commoventur, et facti sumus universo populo ridiculum. Si autem tuae sanctitati videtur, ut conditiones Antiocheni pro pace suscipiamus Ecclesiae, ut exclusis his, qui ab eo inique sunt ordinati, foris ab Antiochia colloquamur, et hoc facies sicut tuam decet religiositatem ». Verum Alexander obstinatus in suscepto proposito perduravit: nec ad ullas pacis conditiones descendere voluit, ut ostendit ejus responsum ad Theodoretum, quod extat cap. 149 Synodici. Hoc Theodoretus videns censuit, Ecclesiae pacem amplectendam esse et nihilominus *Alexandrum* suum metropolitanum ad eandem hortari non desistit, ut ostendit ejus ad eum Epistola, quae extat cap. 151 Synodici. At ad eum rescripsit Alexander, ut videre est cap. 152 Synodici, se magis approbare eam « quae hic est expulsionem et exilium, et temporalem mortem, et opprobrium hominum et irrisiones, aeterno tormento »; et denique se *Cyrillum* habere haereticum.

11. *Melania post triennium Hierosolymis Constantinopolim venit.* — A num. 7 ad 14. *Melania*, quae anno cxxvii Hierosolymam ex Africa adventavit, ut anno cxxix, n. 34 demonstravi. citius Constantinopolim ad Volusianum praefectum urbi, ejus patrum, venire non potuit quam initio anni quadringentesimi trigesimali septimi. In Vita enim ejus apud Surium ad diem xxxi Januarii, legitur eam cum matre, *Albina* scilicet, et *Pianio* marito, postquam annos septem in Africa commorata fuisset, navem conscendisse et appulisse Alexandriam, ibique in morbum incidisse. Recuperata sanitate versata est cum iis, qui ibidem virtute maxime insignes erant. *Hic eum aliquandiu essent versati*, *Melania*, relicta *Albina* matre, quia senio confecta erat, *venit in Aegyptum una cum Pianio*; postquam vero ibidem aliquo tempore mansere, reversi sunt Alexandriam; inde sese contulere in montes Nitriae, et postea Hierosolymam rediere, ubi ei paratum erat tabernaculum in monte Oliveti, et *die festo luninum* se ipsam *Melania* inclusit in domuncula, legemque sibi imposuit, ut nullum neque videret, neque ab ullo videretur. *Hanc longe laboriosissimam vitam dicitur fuisse Melaniae ab annis quatuordecim*. Deinde cum mater ei emigrasset, *in altera domuncula ananiam transegit*; sed cum multi ad eam ventitarent, construxit Cenobium *plusquam*

nonaginta virginum, in quo egregia virtutum exempla edidit. Piniano demortuo mansit intra templum, *idque ad quatuor annos integros*. Deinde cogitat etiam virorum excitare monasterium, quo perfecto, cum parum ab hoc opere respirasset, *redduntur ei litterae ab ejus patre Volusiano, qui illo quidem tempore erat creatus praefectus Romanae civitatis, missus vero erat legatus Byzantium ad Eudociam imperatricem*. Ita auctor anonymus in ejus Vita.

12. *Volusianum praefectum Urbis Romae ad fidem convertit.* — Quare praefectura Romana *Volusiani* et praefectio Constantinopolitana *Melaniae* citius contingere non potuerunt, quam anno quadringentesimo trigesimo septimo, ut annos memoratos enumerant, eosque ab anno cxxvii deducendi manifeste patet. *Melania*, ubi Constantinopoli fuit, magnum adversus Nestorianos inivit certamen, et multos ex iis ad sinum Ecclesiae reduxit. Cumque *Volusianus* patrum in morbum incidisset, eam accessit; sed cum morbo delincri didicisset, baptismum accepit, et postquam illum vidit, ad Deum migravit, ut ex *Melaniae Vita* narrat Baronius. « Ille autem cum nullis quidem dies hic transegisset, rediit Hierosolymam, et contento quodam cursu ecurrit, salutaris Passionis diem festum celebrare Hierosolymis; quod ei etiam successit ex sententia », inquit auctor citatus, qui intelligendus est de die Passionis anni quadringentesimi trigesimali octavi, quo infra videbimus, *Eudociam* Augustam Hierosolymam praefectam ibidem a *Melania* exceptam esse.

13. *Theodosius consulit urbi Constantinopolitanae fame laboranti.* — Ad num. 14. Theodosius die v kalend. Decemb. dedit legem 3 Cod. Theod. *de frumento urbis Constantinop.* quae *coemptionum undecim auri librarum quantitas, ad saecularium frumentariam perpetuo* dedicatur: frumenti enim penuria fuerat Constantinopoli an. cxxxix, ut prodit Marcellinus in Chronico, et fames Constantinopoli subinde exoriebatur ob ingentem ibi populi frequentiam. Priori lege *de frumento urbis Constantinop.* quingentas tantum auri libras ad eam rem dicarat Theodosius, sed nunc liberatorem se exhibet. Intelligitur utraque lex de publica frumenti ad usum urbis Constantinopolitanae comparatione, ad sublevandum videlicet inopem plebem, atque in diem viventem; non ea tamen mente, quasi non et privatis intra eam urbem frumentum in proprios usus coemere liceret. Quare extra hanc proprii usus rationem, privati coemptionem interdici videtur Theodosius. Nolebat scilicet pius princeps, privata coemptione miserum populum strangulari, sed publica sublevari, cum modico et tolerabili admodum incremento, ut inquit Gothofredus in Comment. ubi pluribus has leges explicat.

14. *Privilegium a Theodosio jun. Ecclesiis et monasteriis concessum.* — Dedit et legem recitatum in Cod. Theod. *de bonis clericorum et monachorum*, ad suggestionem Tauri praefecti praeforio, Orientis

scilicet, qui Ecclesiarum commodis favebat, et cui commercium Epistolarum erat cum *Theodoro* et *Isidoro* Pelusiota, quorum ad eum Epistolæ adhuc extant. Ea per Orientis imperium bona clericorum quorumcumque, episcoporum scilicet, presbyterorum, diaconorum, diaconissarum, et subdiaconorum, vel alterius loci, veluti lectorum, monachorum, et monialium, deficientibus successoribus testamentariis, non *Fisco*, et per eum pefilioribus, ut hactenus factum, verum Ecclesiæ et monasterio, quibus fuerant destinati dedicatque, deferuntur. Ex ea liquet primo, hac tempestate Ecclesiasticos, et monachos testandi jus habuisse, suosque in bonis suis, non tantum ab intestato, sed etiam ex testamento hæredes. Quod confirmant varia episcoporum testamenta, et inter alia illud, quod memoratur apud Basilium Epist. cccxi. Secundo, testamento deficiente legitimos hæredes eis successisse, neque tantum parentes, aut liberos, verum et agnatos et cognatos, imo et uxores, a quibus post clericalum aut monachatum susceptum separati vivebant. Tertio, legitimis hæredibus deficientibus huiusmodi clericorum et monachorum bona Ecclesiæ et monasterio, quibus dedicati fuerant, imposterum acquisita esse. Quare *Theodosius* antiquum jus hac in parte rescidit. Quarto, hac adhuc tempestate monachos extra clerum fuisse, quod liquet etiam ex lege Cod. Theod. xxxii de episcopis ab Arcadio imp. anno cccxcviii emissa. Hinc videmus monachos sæpe in clerum provectos, qua de re legendi Athanasius in Epist. ad Diaconium, Hieronymus Epist. iii et iv et in Epitaphio Nepotiani, Theodoretus, Palladius in Lausiaca passim, alique. Denique hac quoque lege agi de monialibus vite solitariae dotibus ac sanctimonialibus. Plura Gothofredus in ejus Comment.

15. *Prosper refellit Vincentium Semipelagianum*. — Ad num. 49 et seq. *Vincentium* quemdam Semipelagianæ factionis virum constat, sancti *Augustini* defensoribus aliqua errorum monstra affluisse, velut Augustinianæ de prædestinatione doctrinæ consecraria: eorumque contextuisse indicem sedecim propositiones continentem. Hunc indiculum confutavit Prosper in Responsione ad Capitula *Objectionum Vincentianarum*, quæ maxima ex parte cum Gallorum objectionibus altero libro a Prospero dilutus coincideunt. Vincentianæ objectiones sancti *Augustini* discipulos, Prosperum scilicet, Illarium monachum, aliosque ejusdem de gratia et prædestinatione doctrinæ assertores, propius quam *Augustinum* ipsum insectabantur; quasi singulares sancti doctoris opiniones temere propugnando, absurdissimos in errores et execrandas blasphemias laberentur. Porro *Vincentium*, quem Prosper confutavit, alium non esse quam *Vincentium Lerinensem*, doctrinæ sanctitatis fama celebrem, qui auctor est Commonitorii adversus profanas omnium hæreticorum novitates, hoc anno, ut ostendit Baronius, in lucem editi, ex ejusdem Operis verbis Em. card. Norisius lib. 4 Hist. Pelag. cap. 11, et Natalis

Alexander tom. x Hist. Eccles., cap. 3, art. 7, manifeste meo judicio, demonstrant, quibus adde Antelmium in dissert. de Operibus SS. Leonis Magni et Prosperi Aquitani in dissert. ix.

16. *Vincentius ille diversus non est a Vincentio Lirinensi*. — Vincentius, inquit Antelmus, e monasterio Lerinensi magno religionis et anachoreseos ardore in secreta Montis Capo-Fulvi dicti (quod promontorium est ora Forojuliensis maritimæ e regione Lirini) recessit, ibique Commonitorium aggressus est, quod non uno tenore; sed inter varia temporis spatia perfecit. Hæc ipsemet sub initium libri sui insinuat: «Locus autem quod urbium frequentiam, furbasque videntes remolioris villula, et in eo secretum monasterii incolamus habitaculum, ubi absque magna distractione fieri possit illud, quod canitur in Psalmo: Vacate et videte quoniam ego sum Deus, etc.» Et antea immediate: «Videtur mihi minimo omnium servorum Dei Peregrino, quod res non minima utilitatis, Domino adjuvante futura sit, si ea que fideliter a sanctis Patribus accepi, literis comprehendam, etc. Ad quod me negotium non solum fructus operis, sed etiam consideratio temporis, et opportunitas loci adhortatur, etc.» Ex quibus tum *Lirini* non degisse *Vincentium*, primo subodoratus est cardinalis Norisius citatus; sed cum cum hic successus lateret, *Peregrinum* istum ad villulam Massiliensem, ex probabilioribus, quas tum habuit conjecturis amandavit. Ex ejusdem tamen Commonitorii variis locis colligitur *Vincentium* his annumerandum esse presbyteris, qui in ora maritima Gallo-Provinciæ, et in diocesi Forojuliani præcipue in qua versabatur, *Augustini* doctrinam coram impugnabant: adeoque et *Vincentianæ* objectiones, vel ex ejusdem *Vincentii* aut assessorum officina prodixisse tanquam duriora, quæ ex *Augustini* postremis libris, ac *Prosperianis* principiis erui credebantur.

17. *Vincentius Lirinensis novitatem doctrinæ objicit adversariis*. — Opus istud aureum, et nunquam satis pro dignitate commendandum eo fine scriptum fuit, ut *Augustini* doctrinam in suspicionem traheret. Notum enim comperitque ex *Augustino* lib. de Prædest. SS. cap. 3 et 4, hunc sanctum antistitem in variis editis initio conversionis suæ tractatibus, Massiliensium sententiam, circa fidei et bonæ voluntatis initia diserte tradidisse, et Massilienses his anterioribus libris veluti clypeo incunctanter utentes, qualibet data occasione *Augustini* discipulis reposuisse, se in istis nonnisi eorum ducis ac magistri ructare verba. Quare, ut erat *Augustinianæ* doctrinæ defensorum valida exceptio, sancti Doctoris scientiam incrementorum profectibus eo pervenisse, ut agnovit, castigaveritque senex, quæ juvenis ignoraverat, ac minus perile scripserat: ita alii reclamabant, anteriora *Augustini* scripta ideo etiam magis aliis quibusque probanda, quod illis suffragaretur *antipipitas*, posteriora autem nonnisi *novitates* nili possent. Vehementius omnium sanctorum et eruditiorum fratrum instabat

Prosper in Responsis ad *Genuesiam dubia*, super his maxime proposita, aens : « Quia nec iusta nec rationabilis intelligitur eorum esse persuasio, qui luxus viri sententiam loci incrementorum profectibus adificalam, ad adolescentiæ rudimenta revocabant, ut magis suffragaretur hæreticis, quod inter initia conversionis suæ imperite senserat, quam prodesset Catholicis, quod pontificali diligentia veritas revelaret : merito illos hoc præiudicio utentes, et in his, quæ dudum abdicata fuerant, immorantes, pii doctoris gravitas notat, quod qui curaverunt omnes sensus ipsius indagare, noluerunt cum ejus eruditione proficere ».

18. *Novitatem doctrinæ refellit Prosper.* — Hoc invitum profecto argumentum est, quod ex ipsis Augustini effatis recudit Prosper in adversarios retorquendum. Vincentius postquam auream illam sententiam sub finem Commonitorii, ad Timotheum perscripsit : « Eadem famen, quæ didicisti, doce, ut cum dicas nove, non dicas nova », sic tandem Augustini discipulorum objectionem ingeniose proponit ac resolvit : « Sed forsitan dicet aliquis : Nullusne ergo in Ecclesia Christi profectus habebitur religionis? Habeatur plane et maximus. Nam quis est tam invidus hominibus, tam exosus Deo, qui id prohibere conetur : sed tamen ut vere profectus sit ille fidei, non permutatio. Siquidem ad profectum pertinet, ut in semetipsum unaquæque res amplifectur, ad permutationem vero, ut aliquid ex alio in aliud transvertatur. Crescat igitur oportet; et multum vehementerque proficiat, tam singulorum, quam omnium, tam unius hominis, quam lotius Ecclesiæ ætalam ac sæculorum gradibus, intelligentia, scientia, sapientia, sed in suo duntaxat genere, in eodem scilicet dogmate, eodem sensu, eademque sententia, etc. » Unus homo, cujus eruditione proficere volebant Massilienses, *Augustinus* erat, qui ex integro sententiam abdicaret, in cujus placita tanto magis videtur *Vincentius* talenter involvi, quanto in alias omnes hæreses studiosius insurgere prima fronte perspicitur. Denique Prosper etiam ad Augustinum scribens eum certiorum facit, Semipelagianus suæ dogmata venerandæ vetustatis nomine tueri, et ei novitatem objicere : « Obstationem suam, inquit, vetustate defendunt, et ea quæ de Epistola Apostoli Pauli ad Romanos scribentis ad manifestationem divinæ gratiæ prævenientis electorum merita preferuntur, a nullo unquam Ecclesiasticorum ita esse intellecta, ut nunc sentiantur, affirmant ». At Vincentius Lerinensis, ut Em. card. Norrisius observat, in toto passim Commonitorio id unum inculcat, *teneandam antiquitatem, vitandam novitatem* : a doctore ea esse dicenda, quæ ab antiquis didicerit. Hinc in tribus Mss. Codicibus Bibliothecæ Regiæ Vincentii libri hic titulus est : *Tractatus Peregrini pro Catholicæ fidei antiquitate*. Semipelagianorum enim cantilena erat, Augustinum in questione de prædestinatione SS. præter omnes Patres sensisse, ideoque eum in ea non sequendum,

ne unius hominis novitatis error universalis dogmatis antiquæ veritati præponeretur.

19. *Vincentius Lerinensis nec Pelagianus, nec Augustinianus erat, ideoque Semipelagianus sequebatur.* — Totus orbis Christianus post sancti Augustini obitum circa quæstiones de gratia et prædestinatione tres in partes scissus erat : in *Pelagii* sectam, in *Semipelagianorum* factionem, et in *Augustinianæ doctrinæ* defensores. Quisquis Pelagianus non erat, et Augustini doctrinam impugnabat, is erat Semipelagianus. Quisquis a Pelagianis et Semipelagianis dissentiebat, *Augustinum* prædicabat, nec usquam hæreseos Pelagianæ mentionem faciebat, quin Augustinus victorias prædicaret, ejusque auctoritate hæresim illam debellaret. *Vincentius* autem *Lerinensis* non solum Pelagianus non erat; sed etiam Pelagium, Cælestium, Julianum uli cæteros hæreticos, execrabatur, ut videre est capp. 3, 43, 33 et ull. Non fuit etiam Augustinianæ doctrinæ sectator; cum ne semel in toto Commonitorio eum laudet, et folies eum commendandi occasio se dederit, quolies Pelagianorum meminit, imo, ut jam diximus, ejus doctrinam teele, et per cuculos impugnat. Nec solum *Vincentius*, sed etiam alii Semipelagiani *Pelagianum* execrabantur, quod testatur Prosper contra ingratos. *Cassianus* lib. 4 de Incarnat. cap. 3, eum refellit, sicuti *Faustus* lib. 4 de gratia et lib. arbitrio cap. 1. *Gemadius* tres contra eundem Hæresiarcham libros scripsit, et *Hilarius* Arelatensis episcopus in plenaria Galliæ Synodo legatos in Britanniam contra Pelagii sectatores anno cxxxix destinavit.

20. *Vincentius Lerinensis sancte obiit.* — Quia vero *Vincentius Lerinensis*, aliique plures ad Augustino in controversia de prædestinatione ad fidem recessere, quando fas erat, ea de re in utramque partem disputare et sancti doctoris sententia anno fere centesimo ab ejus obitu in Arausiana Synodo inter fidei canones relata est, aliqui ex Semipelagianis in magna existimatione vivere, et mortui Sanctorum honores mernere. Vincentii enim Lerinensis nomen Martyrologio Romano inscribitur ad diem ix kal. Junii, et monachi Lerinenses reliquias ejus nobili loco reposerunt. Certe Augustinus Semipelagianos *fratres ac dilectores sui*, et Prosper licet alias eorum hostis, *sanctos, honoribus et meritis claros, et egregios in omnium virtutum studio viros* honoris causa appellat. Quare perperam Hælerodoxi præfati Commonitorii auctoritatem rejiciunt, in iis quæ doctrinam de traditionibus et Palrum usu spectant; de gratia enim tantum et prædestinatione infer Semipelagianos et sancti Augustini discipulos controversia erat; in aliis doctrinæ Catholicæ capitibus omnino conveniebant. Cumque traditionem fidei regulam esse doceat *Vincentius Lerinensis*, ea in re errorem non propugnat, nec a sancto Augustino, aliisque Patribus, et Ecclesiæ doctrina dissentit, sed ex regulis principisque in Ecclesia sua ætate receptis Augustinianæ sententiæ prætensam novitatem, ac omnes hæreses impugnat; ideoque hæretici

validius impuguari non possunt, ac felicitus vinci, quam doctrina Commentarii Vincentii Lerinensis, de quo libro legendi Scriptores laudati.

21. *Sebastianus comes confugit ad Theodosium imperatorem.* — Idacius in Chronico anno Abrahami MDCI. qui kal. Octobris anni Christi CDXXXII inchoatur, ait: « Sebastianus exul et profugus effectus (Palatio nempe Valentiniani imp.) navigat ad Palatium Orientis », quo scilicet confugerat; sed

illinc fugere coactum fuisse inferius videbimus. Marcellinus quidem sub sequentis anni cons. scribit, Sebastianum *Urbe Augusta* fugisse, et in Africa interemptum esse; verum utrumque diversis annis contigit, et longe post eum annum, ut infra ostendamus.

Honorio Attilam adversus imperium Occidentale conceit, ut anno sequenti videre est.

SIXTI ANNUS 4. — CHRISTI 435.

1. *Damnantur libri Nestorii.* — Quadragesimus trigesimus quintus Christi annus duobus Augustis consulibus Theodosio decimum quintum et Valentiniano quartum notatus extat in fastis: quo cum ex scriptis Nestorii jugiter in Ecclesia Orientali controversiæ agitentur, concitenturque tumultus et rixæ, visum est Theodosio imperatori discordiarum tollere seminarium, ipsosque Nestorii libros publica edita sanctione damnare. Hoc igitur anno ad Leontium præfectum prætorio ista rescripsit¹:

2. « Dam nato portentose superstitionis auctore Nestorio, nota congrui nominis ejus inuratur gregalibus, ne Christianorum appellatione abutantur: sed quemadmodum Ariani lege divæ memoriæ Constantini ob similitudinem impietatis Porphyriani a Porphyrio nuncupantur, sic ubique participes nefanda sectæ Nestorii Simoniani vocentur: ut cujus scelus sunt in deserendo Deo imitati, ejus vocabulum jure videantur esse sortiti. Nec vero impios libros nefandi sacrilegii Nestorii adversus venerabilem Orthodoxorum sectam, decretaque sanctissimi cætus antistitum Ephesi habiti, scriptos habere, aut legere, aut describere quisquam audeat. Quos diligenti studio requiri, ac publice comburi decernimus. Ita ut nemo in religionis disputatione aliquam supradicto nomine faciat mentionem, aut quibusdam eorum habendi Concilii gratia in ædibus, aut villa, aut suburbio suo, aut aliquolibet loco conventiculum clam aut aperte præbeat, quos omni conventus celebrandi licentia privari statuimus. Scientibus universis, violatorem hujus legis publicatione

bonorum esse coercendum. Dat. III non. Augusti Constantinop., Theodosio XV, et qui fuerit munitus ». Hæc eadem sanctio ex Codice Theodosiano accepta, aliquanto latior extat apud Ephesina¹ Acta; nam et ad finem ejusmodi habet additamentum: « Summa proinde illustrisque auctoritas tua curet, ut nostra hæc sanctio omnibus provinciis usitatis edictis et promulgationibus primo quoque tempore nota fiat. Hanc autem legem romano simul et græco sermone edidimus, quo omnes perspicue intelligere queant ». Hæc ibi: quibus appendix inhaeret præfactorum, qui eandem sanctionem² promulgaverunt, illa ipsa instantius inculcantur.

3. *Theodori Mopsuesteni scripta improbata, et a quibus defensa.* — Hujusmodi autem promulgato edicto, tanquam obstructo foramine aspidis, alia via impietas, nescia legibus coerceri, sibi exitum ad aliorum exitium fraudulenta quesivit. Et quonam modo? Audi consilium satanæ. Cum ita libri Nestorii qui inventi essent igne vindice cremarentur, ne magno periculo eorum lectio clandestina usui esse posset: mox qui blasphemiarum fluentia sic exsiccata viderunt Nestoriani, ipsum fontem aperire, unde illa primitus derivant: nimirum Theodori Mopsuesteni, et Diodori Tarsensis episcoporum, a quibus veneno propinatus Nestorius fuerat, libros ubique legendos exposuere; et quo latius spargerentur blasphemæ chartæ, eorundem volumina in Syrorum, Armenorum, atque etiam Persarum linguam transferenda curarunt. Sed et illud contigit deterius, quod eos esse Catholicos probare

¹ L. ult. de hæret. C. Theod.

¹ Act. Ephes. edit. Pelt. tom. v. c. 13. — ² Ibid. c. 14.

conati sunt, utpote qui dicerent in ipsis esse legitimam in persona Christi duarum naturarum confessionem. Erant autem hi libri ab iisdem contra Eunomium atque Apollinarem conscripti. Habet hæc omnia Liberatus diaconus, qui ista mox subdit ¹ :

4. « Ubi hæc agnoverunt Acacius Melitenus in Armenia episcopus, et Rabula Edessæ civitatis episcopus (de quo Ibas successor ejus in Epistola sua dicit : Hunc præsumpsit, qui omnia præsumit, aperte in Ecclesia sua anathematizare, scilicet de Theodoro Mopsuesteno superius loquens) scripserunt Armeniæ episcopis, ne Theodori Mopsuesteni libros susciperent, tanquam hæretici essent, et auctores dogmatis Nestoriani; insimulandibus episcopi Ciliciæ Rabulam, et Acacium, quod hoc non ex charitate, sed ex æmulatione, et contentione fecissent. Congregati sunt ergo in unum venerabiles Armeniæ episcopi ». Fuit hoc nobile Concilium præsentis anno in Armenia celebratum, cui idem Acacius cum Rabula Edesseno episcopo interfuit. De Acacio autem, qualis quantusque vir fuerit, sæpe superius est demonstratum : de Rabula hæc habet Theodorus lector ² : « Rabulus Edessenus episcopus cæcus erat : Andreas vero Samosatenus (hic signifer Nestorianorum fuit) accusavit eum, quasi contra duodecim capita Theodoretii scripsisset ». Hæc ipse. Cum igitur sic (ut dictum est) convenissent episcopi in Armenia, stabilita fide Catholica, et cognitis Theodori Mopsuesteni scriptis, inventisque impii a tramite Orthodoxæ fidei abhorrentibus; ne ipsi soli eos damnasse viderentur, sed universa Ecclesia Orientalis; ad id peragendum legationem ex Synodo direxerunt ad Proclum Constantinopolitanum episcopum, de qua ista habet Liberatus diaconus ³ :

5. « Miserunt duos presbyteros Leontium, et Aberium ad Proclum Constantinopolitanum episcopum, secundum morem, cum libellis suis et uno volumine Theodori Mopsuesteni, scire volentes, utrum doctrina Theodori, an Rabulæ et Acacii vera esse probaretur. Itaque Proclus accipiens Armeniæ episcoporum libellos, et illud Theodori volumen, diligentius utraque examinans, tomum Armenis scripsit et destinavit; in quo posuit, ad interimendum Nestorianorum versutias, qui duas in Christo inducunt personas, unum de Trinitate incarnatum : quem et direxit Joanni Antiochæno per Theodotum diaconum, continentem subter capitula ab hæreticis prolata, expetens ab eo pro communi fide servanda, ut cum suo Concilio eum (nempe tomum a se scriptum ex sententia Armenorum) susciperent et subscriberent. Joannes autem, et qui cum eo erant congregati episcopi, legentes tomum, et ejus laudantes compositionem, subscripserunt in eo, et Proclo transmiserunt : hunc et Chalcedonensis Synodus per relationem suam, quam Marciano imperatori direxit, ad probandum non tantum gestis Synodalibus, verum etiam Epistolis fidem constare,

inter sanctorum Patrum Epistolas suscepit, et confirmavit.

6. « Scripsit autem Proclus Epistolam ipsi Joanni, cui et tomum suum direxerat, in qua dicit : Dicentes autem iterum passibilem Deum, id est, Christum, confitemur eum, quia est secundum quod factum est, id est, propria carne crucifixum; et ita prædicantes, nullo modo fallimur : quoniam quidem et unum ex Trinitate secundum carnem crucifixum fateremur, et divinitatem passibilem minime blasphemantes », quod scilicet recte dicitur Deus passus, non autem passa divinitas. « Sed Basilius quidam diaconus sumens tomum Procli, quem Armenis scripserat, Alexandriam venit, et Armeniorum libellos suis libellis adnectens, obtulit Cyrillo ejusdem urbis antistiti. Quibus rumoribus (ut ferunt) permotus Cyrillus, quatuor libros scripsit, tres adversus Diodorum Tarsensem, et Theodorum Mopsuestenum, quasi Nestoriani dogmatis auctores, et alium de Incarnatione librum, in quibus continentur antiquorum Patrum incorrupta testimonia, id est, Felicis pape, Dionysii Areopagitæ episcopi, et Gregorii mirabilis faciendæ viri nominati. Et licet in eis libris Theodori Mopsuesteni dicta laudentur contra Arianos edita, ipsum tamen magistrum Nestorii fuisse contendit. Contra quos Catholice veritatis defensores sic Acephali responderunt, illos libros non esse Cyrilli : quoniam testimoniis, quæ contra mortuos posuisse in eis dicitur, contra viventem Nestorium non est usus neque in Synodo, neque in aliquibus Epistolis : unde dicunt illos nec dictasse Cyrillum, nec edidisse libros.

7. « Itaque Basilius diaconus Constantinopolim veniens, libellos composuit, et archiepiscopo Proclo porrexit, associans cuncta quæ antelucæ Cyrillo archiepiscopo obtulerat. Proclus vero jam destinarat tomum suum Armenis, in quo tomo nullam facit de Theodoro reprehensionis mentionem. Quod cognoscens Basilius, scripsit libellum, et in suo opere docuit, libros Theodori vitandos, sicut Arii et Eunomii blasphemias : quandoquidem prudentibus inconvenienter eum scripsisse apparet; quoniam Arius et Eunomius unam in Christo degenerem Patris substantiam prædicaverunt : Theodorus autem (ut ipsi accusant) duas e contrario docuit in Christo naturas » : ab invicem scilicet divisas quæ duas constituent personas : hæc omnia Liberatus. Extat ipsa Procli Epistola ad Armenos, cujus est exordium ¹ : « Non mediocriter, fratres, confudit animum nostrum, et morore validissimo sauciavit rumor novellorum erroris zizaniorum, etc. » Transtulit eam in latinum Dionysius ille magnus, cognomento tamen Exiguus, occasione ejusdem erroris suo tempore iterum pullulantis, ut ipse docet in Præfatione ad Felicianum pastorem : ex qua intelligere possumus, quid est quod ea Epistola Proclus in eo versatus sit argumento, ut ostendat unum ex Trinitate passum.

¹ Liberat. diac. Breviar. c. 10. — ² Theod. Collect. tom. II. Bibl. — ³ Liberat. diac. in Brev. c. 10. tom. II. Conc.

¹ Extat tom. I. Bibl. sanct.

8. U' igitur rerum gestarum hujus anni certiorum cognitionem assequaris, hæc accipe ex Dionysii Epistola ad Pastorem: « Temporalibus, inquit¹, antistitis nominati » Procli videlicet, « Theodosio imperatore regente Rempublicam, per Syriam et Armeniam discipuli Theodori Mopsuestenæ civitatis episcopi pravam fidem, corrupto Symbolo, rudibus populis exorsi sunt intinere, calliditate subtilissima, beatam Trinitatem sic unius essentia prædicantes, ut Christum Dominum nostrum, conditorem universitatis, unum ex Trinitate nullatenus faterentur: unde sequebatur hæc inepta sæve temeritatis absurditas, ut quia Christum constat verum esse Deum ac Dominum, quatuor personas in tribus adstruerent, duosque Dei Filios proculdubio prædicarent. Sed huic impietati mire pontifex antefatus obstans, docuit Christum Dominum nostrum et in principio Verbum apud Deum, Deum Verbum unum de Trinitate esse, per quem omnia facta sunt, beato Paulo testante: Unus Dominus Jesus Christus, per quem omnia: et pro salute nostra eundem verum hominem factum, unum mansisse Filium, nec quartam in Trinitate crevisse personam ». Hæc ipse, qui inferius docet id ipsum ex Theodoro didicisse Nestorium, ejusque sectatores negantes Christum Dominum unum ex Trinitate, quod scilicet duas naturas in Christo inter se divisibili conjunctione unitas implicarent.

9. Sed quid accidit? Licet Procli Epistola ad Armenos Catholica comperta esset, quod Theodori Mopsuesteni, atque Nestorii ejus impietatis successoris errores damnaret: tamen quod nulla in ea de ipso Theodori expressa mentio haberetur, commovit plurimorum animos, præcipue vero monachorum Armeniæ, qui experti fuerant eundem Theodorum sani dogmatis adversarium. Quil autem Armeniæ monachi adversus Theodori scripta egerint, Liberatus ubi supra narrat; quem tamen caute legendum putamus, utpote qui ex aliquo Nestoriano eam videtur mutuatus historiam; quod in pluribus demonstratur, ut dum ail eisdem Armenos monachos insectantes Theodori Mopsuesteni scripta fuisse Apollinaristas. Fuit enim mos Nestorianorum, Orthodoxos omnes adversantes Nestorio, nominare Apollinaristas: ita videmus episcopos Orientales, qui pro Nestorio Ephesus convenierunt, cum S. Cyrillum, tum alios Nestorium impugnantes et Cyrillum sectantes, Apollinaristas appellasse. Sed Liberali verba reddamus²:

10. « Tunc Joannes Antiochenus episcopus, Synodo congregata, tres pro Theodoro Mopsuesteno dictavit Epistolas: unam quidem direxit Theodosio imperatori, aliam autem Cyrillo Alexandrino, et tertiam Proclo Constantinopolitano episcopo, laudans in eis Theodorum, et ejus exponens sapientiam. Ad hæc autem imperator dirigens Sacram Joanni, derogatores illos Theodori contra salutem propriam venire judicavit. Cyrillus autem præscripto suo

Theodorum præferens, tale de ejus accusatoribus tulit judicium, eo quod dogmate veritati contrario uterentur, interponens de Symbolo in Concilio sibi oblato tesseradecadas factas a Carisio presbytero. Nihilominus et Proclus per Mennam diaconum suum rescribens, cujus essent illa Capitula, quæ Theodori dicebantur, quesivit. Qui pro ejus excusatione ignorare se dixit. Verumtamen duas memorati Joannis Epistolas, id est, primam et tertiam, laudes Mopsuesteni continentes, Chalcedonensis Synodus postea per relationem suam Marciano imperatori directam cum tomo Procli, quem ad Armenos direxit, et aliis sanctorum Patrum Epistolis, suscepit et confirmavit ». Hactenus Liberatus, non anni hujus tantum res gestas, sed et sequentium usque ad Cyrilli obitum prosecutus: quæ quoniam singulorum annorum differentia discriminari minime possunt, ut quæ quolibet anno usque ad illud tempus gesta sint, scribantur: hic in unum ex ipso simul possuise necesse fuit.

11. In quibus illud iterum admonendum, eundem Liberatum diaconum a nescio quo Nestoriano incaute nimis eam quam narrat esse mutuatum historiam, qua refert probata scripta Theodori Mopsuesteni non scriptis tantum Joannis Antiocheni, sed et edicto imperatoris atque etiam scriptis Cyrilli episcopi Alexandrini ipsum Theodorum fuisse laudatum: quin etiam (quod deterius existimari debet) dum ait Synodum Chalcedonensem relatione ad Marcianum facta suscepisse et confirmasse Joannis Antiocheni Epistolas, quibus laudavit Theodorum Mopsuestenum, eandem S. Synodum Chalcedonensem in idem crimen adducit, quod laudes Theodori receperit et doctrinam. Videsne, quot et quales lateant colubri sub uno capite falsitatis? sed securim ad radicem admoveamus. In primis autem quod ad Cyrillum spectat, quomodo potuit ipse accipere laudes probareque scripta Theodori qui eadem sapuit cum Nestorio, cum adeo reperiat adversatus esse Nestorio? Sed id apertius demonstremus ex ipsius Cyrilli scriptis postquam hæc de Theodoro Mopsuesteno in controversiam deducta sunt editis. Lucubrati quidem illa Cyrilli de expositione Niceni Symboli elaborata ab eo fuisse post scriptam Procli Epistolam ad Armenos, sua ipsius testificatione monstratur, dum ipsam citat et laudat his verbis¹: « Proclus ipse, qui nunc sanctæ Constantinopolitane Ecclesiæ thronum adornat, religiosissimus, et piatissimus pater, et coepiscopus scripsit ad Orientales piatissimos episcopos in hæc verba: Et incarnatus quidem est, et » inferius vero: « Scriperunt adversarii, qui præ multa insipientia Nestorii, et Theodori scripta non cavent, etc. » Vides igitur S. Cyrillum una eademque lance, æquoque pondere Theodorum expendere cum Nestorio.

12. Quod autem ad Chalcedonense Concilium spectat, quod dicatur recepisse et confirmasse Epi-

¹ Ib ante epist. Procli præfat. — ² Liberat. Drev. c. 10.

¹ Cyril. de Exposit. Symb. Nic.

stolas a Joanne datas laudibus Theodori refertas : reddamus hic verba ipsa, quæ in relatione Synodica ad Marcianum, citata a Liberali, scripta habentur : sic enim se habent¹ : « Si enim per Epistolas Ecclesie dogmata declarari pro unaquaque questione dignum culpa judicant : ipsum in primis beatissimum Cyrillum quilibet poterit denotare, qui litteris suis Orientalibus, quod sentiebat, expressit : necnon, et magnum Proclum huic vituperationi subjiciet, qui eisdem Orientalibus volumen ad Armenos pro fidei congruentia destinavit. Illic autem consociabitur ad culpam, et sapientissimus Joannes Antiochenus episcopus, qui hæreticorum maledicta repellens, et Apostolica doctrina religiosissimum dogma declarans, totius Orientis confessionem, velut ex uno ore, sanctissimo Proclo, et ei qui per idem tempus mundi regere gubernacula, destinavit ». Illic sancta Synodus ad Marcianum imperatorem ; in quibus vides nullam de Theodoro Mopsuesteno mentionem haberi, sed istos ut magni nominis episcopos in exemplum adduci.

13. Nec est quod quis adhuc instet et urgeat, laudatas a Synodo Epistolas Joannis Antiocheni, quasi hoc ipsum esset laudibus Theodori consensisse, ejusque scripta probasse : nam cum rectam in omnibus fidem (ut vidimus) dictis Epistolis professus esset, adeo ut non potuerint eadem Epistole a Proclo non recipi atque Cyrillo et ipso Theodosio imperatore, nihil virulentum ex Theodori doctrina eisdem admiscuisse certum est. Sed quod ad Theodorum spectat, non eum laudavit Joannes, ut erroris auctorem, verum tantummodo excusavit non esse Theodori, quæ nomine Theodori circumferrentur. Ita quidem rem se habuisse, verbis illis Liberali manifeste probatur, quæ retulimus, ubi ait : « Nihilominus et Proclus per Menam diaconum suum ipsi Joanni rescribens, cujus essent illa quæ Theodori dicebantur, quæsiuit. Quæ pro ejus excusatione ignorare se dixit ».

14. Vides igitur negantem Joannem fuisse a Proclo litteris interpellatum, si non essent Theodori tria illa hæresum capita quæ ab Armeniæ monachis circumferebantur, cujusnam essent : Joannem vero respondisse, se penitus ignorasse. Quibus plane intelligis, sic laudatum a Joanne Theodorum, immuncque ab omni labe criminis hæresis redditum, eo quod putaret calumniam passum, dum sub ejus nomine circumferrentur errores. Quod igitur defensores Theodori ea ipsius scripta esse negarent, quæ diffamata per totum fuerant Orientem : inde accidisse videtur, ut prudenter Proclus in Epistola ad Armenos, errores ipsos redarguens, nullam penitus de Theodoro habuerit mentionem : detectis autem postea scriptis Theodori, eadem cum auctore prorsus damnata fuisse, et dictum est superius, et suo loco pluribus dicemus inferius : hæc modo satis, ne quis ex Liberali historia in errore aliquo modo labatur. Si quis autem malorum omnium, quæ occa-

sione Nestorianæ hæresis in Orientali Ecclesia conlingerunt, causam Theodorum fuisse dixerit ; puto sane hunc ipsum veritatis collimatorum scopum : et quidem quæ de eo superius dicta sunt, hoc ipsum facile monstrant : cum enim iste prava docens, ea ad discipulos adeo conciliasset sibi discipulos, facti sunt iidem Theodori blasphemiarum pugnacissimi defensores, usque adeo ut ejus sententiæ assertor Nestorius evaserit hæresiarcha.

15. *Germani Antissiodorensis in Britanniam legatio et res gestæ.* — « Hoc eodem anno », inquit Prosper, « Gundacarium Burgundionum regem intra Gallias habitantem Aetius bello obtinuit, pacemque ei supplicanti dedit, qua non diu potuit esse : siquidem Hunni cum populo suo atque stirpe deleverunt ». Pollebat Aetius magister militiæ copiis Alemannorum, quibus et reliquis Barbaris timendus erat. Sed et Gallos illos, quos ad Oceanum vergentes vocant Armoricos, ab imperio Romano deficientes, per eodem Memnos comprimendos curavit, quibus eam concessit crudeliter nimis provinciam devastandam : factumque esset, nisi S. Germanus episcopus Antissiodori profuturum obstitisset. Quomodo autem tanta fuit in sacerdote potentia, ut furori barbarico repentinus obviator occurrerit, Constantius horum temporum scriptor in omnibus integerrimus narrat in ejusdem S. Germani Vita, quam scripsit : reddemus nos nobilem historiam iidem quibus idem auctor verbis enarrat, dum legationem, qua functus est ad barbarum regem, describit. Verum ordo rerum gestarum postulat, ut primo quæ statim præcessit, ejusdem Germani posterior in Britanniam suscepta legatio, ejusdem auctoris verbis recensatur. Accidit enim, ut conflatum semel atque convicti, fugatiq; Pelagiani, iidem captantes latibula, ad tempus indixerint sibi silentium, postea vero furim eandem hæresim prædicarent, sensimque impietatis semina spargerent, eademque crescerent usque ad messem, cum rursum oportuit ex Galliis illic mitti S. Germanum. Rem gestam sic idem Constantius narrat¹ :

16. « Interea ex Britanniiis nuntiatur, Pelagianam perversitatem iterato paucis auctoribus dilatari. Rursumque ad beatissimum Germanum preces omnium deferuntur, ut causam Dei, quam prius obtinuerat, tutaretur. Quorum petitioni festinus occurrit, dum et laboribus delectatur, et Christo se gratanter impendit. Cessit tandem inimici invidia victa virtutibus, nec tentare ausus est, quem Dei amicum jam senserat. Adjuncto itaque Severo episcopo totius sanctitatis viro, qui tunc Treveris ordinatus episcopus, gentibus primæ Germaniæ verbum Dei prædicabat, Parisiis iterato dum expetit, totius plebis plausu, ut tantum virum decebat, excipitur », et inferius : « Ad itineris tranquillitatem elementa consentium : navigium venti, fluctus æra prosequuntur.

¹ Const. Vit. S. Germ. l. II. c. 4. apud Sur. tom. III, die xxx Julii.

¹ Synod. Chalce. Act. XVI. tom. I. Conc.

17. « Interea sinistri spiritus pervolantes per totam insulam, Germanum venire invitatis vaccinationibus nuntiabant : in tantum, ut Elaphius quidam regionis illius primus in occursum sanctorum sine ulla manifesti nuntii relatione properaverit, exhibens secum filium, quem in ipso flore adolescentiæ debilitas dolenda damnaverat : erat enim arescentibus membris contracto poplite, cui per siccitatem cruris usus negabatur vestigiū. Hunc Elaphium provincia tota subsequitur. Veniunt sacerdotes, occurrit inscia multitudo. Confestim benedictio et sermonis divini doctrina profunditur. Recognoscit populum in ea quam reliquerat crudelitate durantem : intelligunt culpam esse paucorum : inquirunt auctores inveniosque condemnant. Cum subito Elaphius manibus advolvitur sacerdotum, offerens filium, cuius necessitatem ætas et debilitas etiam sine precibus allegabant. Fit communis omnium dolor, præcipue sacerdotum, qui conceptam misericordiam ad divinam clementiam contulerunt. Statimque adolescentem beatus Germanus sedere compulit, infretat poplitem debilitate curvatum et per tota infirmitatis spatia medicabilis dextera percurrit. Salubrem factum sanitas festina subsequitur, ariditas succum, nervi officia receperunt; et in conspectu omnium filio incolumitas, patri filius reformatur. Implentur populi stupore miraculi. et in pectoribus omnium fides Catholica firmabatur. Prædicatione deinde ad plebem de prævaricationis emendatione convertitur : omniumque sententia pravitas auctores expulsi ab insula, sacerdotibus adducuntur. Quod in tantum salubriter factum est, ut in illis locis etiam nunc fides intemerata perduret. Itaque compositis omnibus, beatissimi sacerdotes ea qua venerant prosperitate reversi sunt.

18. « Vix domum de transmarina expeditione remeaverat, et jam legatio Armorici fractus fatigationem beati antistitis ambiebat. Offensus enim superba insolentia regionis vir magnificus Aetius, qui tum Republicam gubernabat, Eucharich ferocissimo Alemannorum regi loca illa inclinanda pro rebellionis presumptione permiserat, regique idolorum ministro objicitur senex unus, sed tamen omnibus Christi præsidio, major et fortior. Nec mora, festinus egreditur, quia imminebat bellicus apparatus. Jam progressa gens fuerat, totumque iter eques ferratus impleverat, et sacerdos noster obvius ferebatur, donec ad ipsum regem, qui subsequabatur, accederet. Occurrit in itinere jam progresso et armato duci inter sturum catervas opponitur : medioque interprete, primam precem supplicem fundit, deinde increpat differentem : ad extremum manu injecta, freni habenas invadit, atque in eo loco universum sistit exercitum. Ad hæc rex ferocissimus admirationem pro iracundia, Deo imperante, concepit : stupet constantiam, venatur reverentiam, auctoritatis perfinacia permovetur. Apparatus bellicus, armorumque commotio ad consilii civilitatem deposito tumore, descendit : tractaturque qualiter non quod rex voluerat, sed quod

sacerdos petierat, completeretur. Ad stationem quintam rex exercitusque se recepit : pacis securitatem fidelissimum pollicetur ea conditione, ut venia, quam ipse præstiterat, ab imperatore vel ab Aetio peteretur. Interea per intercessionem, et meritum sacerdotis rex compressus est, exercitus revocatus, provincia a vastationibus absolutæ ». Subdit Constantinus novissimum describere sanctissimi viri legationem pro Armoricis ad conciliandos eos cum Valentiniano imperatore, quod rex Alemannorum petierat, et ipse illi pollicitus fuit : describit res mirificas in via, cum in Italiam venit, ab eo gestas, quas brevitatis causa relinquimus petitorum ipsorum fontem lectori. Nos autem hic tantum que apud imperatorem Ravennæ agentem tunc gesta fuerunt, ex eodem auctore reddemus.

19. *Ejusdem Ravennam ad imperatorem legatio et obitus.* — « Ferebatur, inquit ¹, jam per ora Ravennatum populorum. et adventus sui moras prævious accusabat affectus. Tandem diu expectatus excipitur. Providerat quidem, ut nocturno ingressus tempore secreta obscuritate tegeretur; sed desiderantium excubias vitare non potuit. Illic Petrus tum Pontifex Christi Ecclesiam Apostolica institutione refloreat ». Erat hic ille magnus Petrus cognomento Chrysologus, clarissimus sanctitate, et doctrina excellens inter Ravennates episcopos. « Regebat etiam Romanum imperium Placidia regina cum Valentiniano jam juvene : qui ita fidem Catholicam diligebant, ut cum omnibus imperarent, Dei famuli sublimi humilitate servirent. Qui omnes venerabilem sacerdotem certantibus studiis provido amore suscipiunt : abeunt principes, occurrunt proceres, Ecclesia cum exultatione amplectitur. Ad diversorium sacerdotis regina venerabilis vas argenti amplissimum reterum cibis delicatioribus sine ulla carnis admixtione transmisit : quod susceptum, ea ratione distribuit, ut cibos ministris suis traderet, ipse vero vindicaret argentum, remittens loco muneris palinulam ligneam, panem hordeaceum continentem. Quod illa utrumque cum gaudio ingenti complexa est, quod argentum suum transmississet ad pauperes, et escam illam beati viri cum ministerio abjecti vasculi suscepisset : nam et lignum postea auro ambiit, et panem nullis remediis, et virtutibus reservavit.

20. « Quadam die dum plateam latissimam turbis angustiatum ingreditur, carcerem refertum vinctis supplicia et mortem expectantibus præteribat. Qui agnito transitu sacerdotis, unum clamorem collatis vocibus sustulerunt : causam querunt, agnoscit : custodes evocat, subtrahunt. Diversæ enim palatii potestates miserorum turbam in ergastuli illius noctes damnaverant. Quo se vertere misericordia non habebat : tandem ad notum recurrit auxilium, et quod difficile erat ab hominibus imperare, a majestate divina deposcit. Gressum divertit ad carcerem, cernuus in orationem membra proster-

¹ Const. l. II. c. 13. et seq. apud Surium die xxx Julii.

nit. Tum vero Dominus nosler astantibus populis gratiam, quam famulo suo tribuerat, ostendit. Clausura vinculis et sera constricta dissolvitur, repagula ferrata dissiliunt: divina pietas reserat, quod meditatio humane crudelitatis arctaverat. Procedit ad libertatem turba de vinculis, exhibens vacua onera catenarum, tenens nexu, quibus antea tenebatur. Relinquitur carcer innocens aliquando quia vacuus: et precedente pietatis triumpho, turba miserorum gremio Ecclesie gaudentis inferitur». His addit auctor de Volusiani filio, qui praeerat cancellis Patricii Sigesvultii, e mortuis ad vitam itidem Germani precibus revocato, necnon de alumno Acholii cunuchi prepositi imperatoris cubiculo e morbo caduco ejusdem S. Germani orationibus liberato: sed de causa susceptae legationis mox subdit¹:

21. « Causam sane Armoricanæ regionis, quæ necessitatem peregrinationis indixerat, obiecta venia, et securitate perpetua ad proprium obtinisset arbitrium, nisi titubationis perfidia mobilem, et indisciplinatum populum ad rebellionem pristinam convocasset: quo facto, et intercessio sacerdotis evanuit et imperialis crudelitas (credulitas) circumscriptione frustrata est: qui tamen pro calliditate multiplici brevi penas perfidiae temeritatis exolvit». Haec de fine legationis perfunctæ. Sed qui honestavit illum in laboribus Deus, tandem et complevit labores illius, a terra ad caelum evocans, cum adhuc Ravennæ moram traheret. Describit ejus obitum ita Constantius²: « Germanus igitur quadam die, matutinali solemnitate perfecta, dum cum episcopis sermonem de religione conferret, maestissimam profutill mentionem, inquit: Commendo vobis, fratres carissimi, transitum meum. Videbar mihi per nocturnum soporem a Domino nostro viaticum peregrinationis accipere; et cum causam peregrinationis inquirerem: Ne metuas, inquit; ad patriam, non ad peregrinationem te dirigo: tu habebis pacem, et requiem sempiternam. Derivabant intellectu alio somnium sacerdotis, sed ille studiosius commendabat extrema, dicens: Bene novi quam patriam Deus suis famulis repromittit. Factum est ut post dies aliquot sequeretur incommodum: quo ingravescente, civitas lota turbatur. Accelerabat qui vocabat ad gloriam, et fessum a laboribus Dominus invitabat ad præmia. Regina Placidia, deposito imperiali supercilio, occurrit pauperi, requirit infirmum, tribuens quicquid ab ea beneficii postulat: peculiariter sane petiit, quod illa invita concessit, ut gleba corporis sui patriæ redderetur. Visitationum vero tanta fuit diebus ac noctibus multitudo, quantum aut admisit aditus, aut domus recepit: tempus omne choris psallentibus terebatur. Septimo incommodi die ad caelum aëniua felix et beata transfertur.

22. « Haereditas deinceps relicta dividitur, partem presumit imperium, partem vindicant sacerdotes. Et quod fieri de opibus solet, nascitur de

exiguitate contentio, dum deest quod cupiunt. Solius benedictionis hæres capsulam cum reliquiis sanctis regina suscepit: cucullam cum interiori cilicio Petrus episcopus usurpavit. Sex vero antistites, ut aliquid monumenti ex successione sanctitatis acciperent, dirumpere quod superfuerat maluerunt: unus pallium, alter cingulum accepit; duo tunicam, duo sagulum dividerunt. De apparatu defuncti fervent studia conferentium, accusantium cur parva expensa mortuo deberetur. Acholius corpus aromatatum constrictione solidavit, regina vestivit. Quibus omnibus rite perfectis, expensis et evectioibus iter instruit imperator, ministrosque ejus copiosa largitione prosequitur. Sacerdotes religionis obsequium, et in presenti instruunt, et ordinatione præmittunt, unumque agmen reformatur ad Gallias. Paucientiam corpus dum præterit, cæca jam nocte pervenit: quod in Ecclesia collocatum, dum vigiliis sanctæ devotionis excolitur, matrona quadam ejus loci paralysi dissoluta, ita ut nullum membrum suo fungeretur officio, precario deposcit ut feretro corporis subderetur: ibique usque ad lucem extensa decubuit. Mature corpus attollitur: surgit mulier vivificata per mortuum, mirantibus populis, propriis pedibus debitum reddit obsequium. Excipiunt Galliaë patronum proprium famulatu majori, etc. » Haec ex multis a fidelissimo scriptore Constantio deprompsimus, utpote res gestas sui temporis, fama omnibus ferme notas, ad viros sanctissimos Patientem episcopum Lugdunensem, et ad Censorium successorem Germani Antisiodorensis episcopum conscribente: qui ad calcem ejusmodi quasi veritatis sigillum imprimens, confestationem apposuit: « Deum testor conscium secretorum, me plura de domini Germani factis agnita et probata tacuisse; ex quo reum me esse fateor, supprimendo, quod mirabiliter ad profectum omnium divina virtus operata est; et ideo in scribendo succentum magis me arbitror fuisse, quam nimium ». Haec ipse de S. Germano Antisiodorensi episcopo viro Apostolico, quem sedisse tradit annos triginta, et dies viginli quinque, translatum vero ac sepultum in sua Ecclesia kal. Octobris. At de Germani legationis jam satis.

23. *De editione Codicis Theodosiani.* — Hoc eodem anno facta est promulgatio Codicis Theodosiani decimo quinto kal. Martii, edita sanctione¹ ad Florentinum prefectum pratorio Orientis, in qua viri clarissimi nominantur qui in opus laboraverunt. Porro illis visum est nonnisi confirmari, et interseri eas constitutiones, quas principes Christiani sanxissent, incipientibus a Constantino Magno. Cæterum etsi Gentilium imperatorum nulla his admixta lex est, haud tamen prisorum jureconsultorum ipse Theodosius voluit sperni responsa, de quibus jam ista ante sanciverat, atque ad Senatuum Urbis Romæ ita rescripserat²:

24. « Papiiniani, Pauli, Gaii, Ulpiani, atque

¹ Const. l. II. c. 18. — ² Ibid. c. 19.

¹ Novel. Theod. tit. I. — ² L. I. de resp. apud C. Theod.

Modestini scripta universa firmamus : ita ut Gaium atque Paulum, Ulpianum et ceteros comiletur auctoritas lectionis, quae ex omni opere recitatur. Eorum quoque scientiam, quorum tractatus atque sententias, praedicti omnes suis operibus miscuerunt, ratam esse censuimus, ut Scævola, Sabini, Juliani, atque Marcelli, omniumque quos illi celebrarunt : si tamen eorum libri, propter antiquitatis incertum, codicum collatione firmentur. Ubi autem diversae sententiae proferuntur, potius numerus vincat auctorum : vel si numerus aequalis sit, ejus partis praecedat auctoritas, in qua excellentis ingenii vir Papinianus emineat : qui ut singulos vincit, ita cedit duobus. Notas etiam Pauli atque Ulpiani in Papiniani corpus factas, sicut dudum statutum est, praecipimus infirmari. Ubi autem pares eorum sententiae recitantur, quorum par censetur auctoritas ; quod sequi debeat, eligat moderatio judicantis. Pauli quoque sententias semper valere praecipimus, etc. Dat. VII idus Novembr. Ravennae, DD. NN. Theodosio XII et Valentiniano II coss. » Haec ibi.

25. Verum praeter Theodosianum Codicem Gregorianus erat atque Hermogenianus, in quibus ejusmodi jureconsultorum sententiae digestae erant et principum placita. Quibus omnibus non dedignatos esse Romanos Pontifices in iis quae contra Christianam religionem minime verterentur, S. Gregorius papa declaravit exemplo in ea Epistola,

quam dedit ad Joannem defensorem¹. Quomodo autem haec a diversis diverso ordine disposita, a Justiniano imperatore sint meliori digesta ordine atque aucta, suo loco dicemus.

26. Hoc item anno, dum legibus populus docebatur et coercetur, turpe scelus in domo regia regiae persona admitti contigit. Etenim sub his consulibus Marcellinus (ut emendatioribus codicibus habent) tradit de Honoria filia Galla Placidiae Valentiniani imp. sororis, quod consuetudine Eugenii procuratoris infamata est, ob eamque causam Constantinopolim ad Theodosium missa. Est hujus Honoriae mentio in veteri inscriptione, quae erat Ravennae in basilica S. Joannis Evangelistae his verbis² : SANCTISSIMO AC BEATISSIMO APOSTOLO IOANNI EVANGELISTAE PLACIDIA AVGVSTA CVM PLACIDO VALENTINIANO AVGVSTO ET FILIA SVA IVSTA GRATA HONORIA LIBERATIONIS MERITO VOTVM SOLVIT. Haec ibi. Porro quam crexil basilicam, eandem sacris etiam imaginibus decoravit eadem Galla Placidia, apposuitque iconas complurium Augustorum, Constantini, Theodosii majoris, Arcadii, Honorii, et Theodosii junioris a parte dextera, a sinistra vero Valentiniani majoris, Gratiani, Constantii patris Valentiniani tertii, Gratiani nepolis, Joannis nepolis, et alias imagines et inscriptiones. Tu vero de his consule Rubetum fusius ista prosequentem.

¹ Greg. I. II. ep. LXIV. — ² Hieron. Rub. hist. Ravenn. I. II.

Anno periodi Graeco-Romanae 5920. — Jesu Christi 427. — Caesarii papae 6. — Theodosii Jun. 26. et 20. Valentiniani III. 3.

1. *Septima quinquennalia Theodosii et decennialia Valentiniani.* — Coss. Theodosius Aug. XV, et Valentinianus Aug. IV, ille propter septima quinquennalia imperii vivente patre suscepti, ut ex ejus tricennalibus et octavis quinquennalibus manifeste liquet, hic propter Augustei imperii decennialia ad quae referendus nummus qui exlat apud Ducangium in Constantinopoli Christiana, in quo legitur : D. N. Pla. Valentinianus P. F. Aug. in postica, Vol. X. Mull. XX. R. V. Conob. Visitur imperator habitu consulari sedens ; dextra globum, sinistra sceptrum tenens. Aliud numisma aureum in musaeo Farnesiano refertur in cujus postica legitur : Victoria Augustorum : in area vero : Vol. X. Mull. XX. infra Conob., id est, Constantinopoli ob signata moneta.

2. *Irenaeus comes et Photius Nestoriani in exilium missi.* — Ad num. 1 et seq. Theodosius Sa-

cram direxit ad Isidorum praefectum praetorio, recitatum cap. 188 Synodici, qua cum Photio, Petras Irenaeus comes in exilium mittitur : « Irenaeum », inquit imperator, « qui maledictum Nestorii cultum non solum secutus est ; sed et instituit et studium nullas cum eo provincias, eo quod ipse tali culturae praesesset, evertere, nudatum cunctis dignitatibus, et insuper ipsa propria facultate ; et Pholium vero eisdem impietatibus implicatum ; adaeque facultate mdatum, quae et in publicam proficiet rationem, in Petris exiliari decrevimus, ut paupertate perpetua et locorum solitudine crucientur, Isidore pater honorandissime ». Baluzius in Notis ad illam Sacram suspicatur, eam anno sequenti datam, quo Theodosius aliam sanctionem de Nestorio in exilium mittendo direxit ad Isidorum praefectum et consulem. Lupus vero etiam in Notis existimat, hanc Sacram emissam esse statim post confirmatam Nestorii dam-

nationem, et confirmationem Actorum Ephesinae Synodi ab imperatore factam; quod decretum hoc latum sit in *Irenaeum* adhuc laicum, quem credit anno cdxviii episcopatum Tyriorum adeptum esse. Verum haec Sacra ordine suo in Synodico recitata, et *Isidorus* hoc anno, sicuti et sequenti, praefectus praetorio fuit, ut numero sequenti demonstro. *Irenaeum* post hunc annum creatum esse episcopum Tyriorum, infra videbimus. Lupi error inde procedit, quod autmarit, Epistolam xlii Synodici scriptam esse ab Irenaeo jam episcopo ad Candidianum; cum tamen, ut recte vidit Baluzius citatus in Notis ad cap. 194 Synodici, data sit a Theodoro, et missa ab Irenaeo, ut in Epigrapha ejusdem capitis discrete notavit Scholiastes.

3. *Lex Theodosii de Nestorii libris comburendis ad praefectos praetorii missa.* — In Synodico cap. 191 refertur lex, quae contra *Nestorium* hoc anno proposita est, sed alterius versionis ab ea, tam quae extat parte in Concilio Ephesini cap. 45, quam quae recitatur a Baronio; in Synodico tamen non tota lex, sed priora tantum verba referuntur, et ejus Summarium ab Scholiaste editum. Cum vero cap. 46 partis tertiae Concilii Ephesini laudate Sacrae Theodosii subjiciatur edictum praefectorum de Nestorii libris non legendis, in cujus Epigrapha haec verba leguntur: *Flavius Anthemius Isidorus, Flavius Bassus, Flavius Simplicius Reginus, praefecti edicunt*, liquet certum esse quod supra asseruimus, *Isidorum* hoc anno fuisse praefectum praetorio; cum ei committatur executio Sacrae a Theodosio datae III non. Augusti Constantinop. Theodosio XV, et qui fuerit mutatus, ut videre est apud Baronium; verum loco III non. Aug., legendum, III kalend. April., ut infra monstrabo. Denique hoc anno *Isidorum* fuisse praefectum praetorio, sc. Orientis, et *Reginum* praefectum praetorio Illyrici, docet lex 8 Cod. Theod. De principibus Agentum in rebus, sub hujus anni cons. emissa; qua in dignitate anno etiam sequenti *Isidorus* fuit, ut tunc ostendimus.

4. *Theodosius Nestorii libros comburi jubet.* — Laudata lex data a Theodosio contra *Nestorianos*, quia quidam Orientales episcopi omnibus pacis conditionibus sese subjicere noluerant, et *Joannes* patriarcha ad majora inconvenientia convenerat, ac non paucos ad pacem admirat; quod non tantum aliis episcopis, sed etiam populis valde displicerat, indeque multi tumultus confugerant; illi enim episcopi eo modo recepti predicantes quae non oporteret, civitates commoverant. Tres erant pacis conditiones, damnatio Nestorii, damnatio ejus dogmatum, et admissio ordinationis tam *Maximiani* quam *Procli*; et tamen, ut ex variis Synodici locis apparet, alii damnationem Nestorii, uti Theodoretus, alii ordinationem Maximiani vel Procli rejecerant; quod cum quidam pii episcopi ad Theodosium retulissent, hoc anno citatam legem emisit, qua etiam dogmata Nestorii non solum haeresim *Nestorianam*; sed etiam *Simonianam* appellari jussit, ipsum ab omnibus solemniter anathemate percussit, ac om-

nia ejus scripta comburi. Hujus legis publicatio ac executio *Aristotae* tribuno ac notario demandata fuit, qui ideo secunda vice ad Joannem Antiochenum ab imperatore missus Ecclesias Orientales adiit. Liqueat haec ex Epistola sancti Cyrilli ad eundem Aristotaeum, quam scripsit rogante *Beroniciano episcopo Tyri*, ut inquit Scholiastes Synodici cap. 194, ubi eam Cyrilli Epistolam recitat: « Quia dicitur », inquit Cyrillus, « quod nihil amplius expectere debeamus super ea, quae imperiales et pie littere continent, et hoc petunt a tua virtute, dignare, omnium juvando opinionem, preparare illos anathematizare Nestorium, et polluta ejus dogmata, eumque habere dejectum, etc. Illis namque conjunctis anathematis adversus Nestorium, omnis de caetero, ut tamen arbitrator, vacabit incusatio, et munda erit conscientia hominum, ut nec hi, qui per civitates sunt populi, confligant ulterius contra se, vel omnino scandalizans aliquid in magistris, confidentes quod cuncti teneamus in nobis rectam et inexcusabilem fidem ».

5. *Extensio legis Theodosii effectum sortita non est.* — *Beronicianus* episcopus Tyriorum valde Orthodoxus, cujus meminit Cyrillus in ea Epistola, successerat *Cyro* in eam sedem, hujusque mentio est in mandato, quod Orientales Ephesi constituti dederunt Legatis suis Constantinopolim proficiscentibus, edito tom. iii Concil., pag. 723, et in Synodico capp. 13 et 18. Quare, ut recte observat Baluzius in Notis ad cap. 194 Synodici, *Beronicianus* hoc anno Tyriorum episcopus *Cyro* jam successerat, non vero *Irenaeus*, ut putavit Lupus in Notis ad idem caput. *Beronicianus* enim Irenaeo non potuit succedere; cum is anno cdxlviii episcopatu Tyrio pulsus sit, cujus successerit *Photius*, ut docent Acta Synodi Berytensis anno cdxlix habita. Consilium quod Cyrillus *Aristotae* tribuno dedit de addendis quibusdam ad praecipiam a Theodosii lege professionem, non videtur effectum habuisse, ob multorum scilicet episcoporum dicentium se cogi non posse ultra legis terminos, contradictionem. Capite enim 195 Synodici refertur Epistola Cyrilli ad Joannem Antiochenum, qua queritur, quod Orientales anathematizassent quidem Nestorium, sed tamen eadem, quae ille praedicarent: « Tua sanctitas », inquit Cyrillus », si tamen omnino sunt aliqui tales, dignetur eos monere atque confundere, et sistat sapientes vocum novitates Nestorii et loquentes. Nam quomodo anathematizant eas, vel quomodo pacem permanere desiderant, repugnantes ei, eamque evertententes ut iniquam? »

6. *Joannes Antiochenus de nimia communitate arguitur.* — Hoc ipso tempore sanctus Cyrillus scripsit etiam ad venerabilem *Maximum*, Antiochenae Ecclesiae diaconum et archimandritam, atque: « Cognovi ex dilecto monacho Paulo pietatem tuam usque ad hanc diem recusare communionem religiosissimi episcopi Joannis, eo quod aliqui sint in Ecclesia Antiochena, qui vel adhuc cum Nestorio sentiunt, vel senserunt quidam, nunc autem for-

lasse ab eo abierint». Maximus retulerat, non tantum in diocesi; sed etiam in ipsa Antiochena Ecclesia, quosdam, qui ante cum Nestorio palam seuserant, iam id negare, et post istam negationem, nulla imposita pœna ab eodem Joanne admitti ad integrę communionis gratiam. Retulerat secundo, alios *Nestorium* quidem abnegare, sed Nestoriana palam sentire, et tamen a Joanne admitti. Sunt illi ipsi, de quibus agit *Cyrillus* in Epistola cap. 193 Synodici relata; neque dubium, quin *Maximus* propter istam Joannis conviciantiam sese ab ejus communione segregaverit, et novi schismatis fundamentum jecerit. Verum *Cyrillus* illi rescripsit, ut ad sui Patriarchę communionem rediret, et reliqua dispensatorie dissimularet, quia, inquit, *res eget magna moderatione*. Lupus in Notis ad caput 194 Synodici suspicatur, *Joannem* suspectos episcopos ad novam eum laudatis conditionibus professionem non coegisse, imo neque ab omnibus eam exegisse, qua Nestorii damnationem admitterent, et ipsum pro deposito haberent; cum *Theodoretus* ad eam conditionem accedere noluerit, neque ante Chalcedonense Concilium Nestorium damnare voluerit; qua in pertinacia quidam alii etiam permansere.

7. *Synodus Anazarbica, in qua episcopi redeunt ad obedientiam.* — Interim *Theodoret* exemplo plures episcopi ad obedientiam Joannis Antiocheni rediere. *Maximus* enim Anazarbi episcopus secundę Cilicię metropolita, ac omnes ejus suffraganei, excepto *Melctio* Mopsuestensi episcopo, pacem amplexi sunt in Synodo *Anazarbi* celebrata, ut liquet ex Synodica cap. 139 Synodici recitata, in qua tamen *Maximus* et ejus episcopi indicant, se rejicere *Cyrilli* Capitula, eum ad Joannem Antiochenum, ad quem ea Synodica dirigitur, scribant: «Semper nos omnino turbaverant illa Capitula, quę et tua religiositas, sæpius ut prava existentia repulsi», quod mirum videri non debet; cum *Cyrillus* quando pacem cum Joanne Antiocheno inivit, consenserit, ut de duodecim suis Capitulis sileretur. Hanc Synodum currenti anno congregatam, non vero anno cxxxiii, ut autumavit Baluzius in nova Collect. Concil. pag. 942, docet Epistola Joannis Antiocheni ad Proclum episcopum Constantinopolitanum cap. 197 Synodici recitata, in qua enumerans provincias Patriarchatui suo subiectas, quę pacem suseperant, ait: «Cilices utriusque ab anno præterito his convenientia et consona per conspicuum tribunal Aristolaum compleverunt». Quare eum ea Epistola anno sequenti data fuerit, ut ibidem ostendemus, Synodus *Anazarbica* hoc anno sine dubio celebrata; quod et Synodus Tarsensis in prima Cilicia hoc anno habita etiam manifestum facit.

8. *Synodus Tarsensis in qua recipitur lex data adversus Nestorium.* — *Helladius* enim episcopus Tarsensis metropolita primę Cilicię, ubi ad eam provinciam Aristolaus tribunus et notarius accessit, cum laudata sanctione Theodosii celebravit Tarsi Synodum cum suis episcopis, et in Synodica cap. 192 Synodici recitata, quam ad Theodosium imp.

misit, ait: «Juxta divinas præceptiones vestras communionem cum sancta Synodo quę in Epheso facta est, amplectimur, et Nestorium, qui quondam fuit felicissimę Constantinopolis episcopus habemus depositum, et anathematismo subjecimus super omnibus, quę impie coram Ecclesia docuit, seu in scriptis exposuit, seu semotim locutus est, sequentes sanctos episcopos Sixtum Romę, et Proclum magni nominis Constantinopolis, et *Cyrillum* Alexandrię, et Joannem Antiochię, et omnes reliquos religiosissimos episcopos in omnibus quę pie definiuntur ab eis, coanathematizantes ipsum Nestorium, et eos, qui eadem impie asserunt, id est, Nestorianos, quos juste vestrum sic cognominavit imperium», in sanctione videlicet contra Nestorium hoc anno data, in qua Theodosius ita eos cognominari jubet, indeque apparet, Baluzium in nova Collect. Concil. hoc Concilium *Tarsense* cum anno superiori non bene copulasse. Secundo, non bene etiam nominare inter episcopos, qui huic Synodo interfuere, *Zenobium* Zephrinij episcopum; quia non nominatur in eadem Synodica inter alios, qui eidem subscripsere, et præterea ob perficiam in exilium pulsus est, ut infra videbitur. Denique non bene referre ad hanc Synodum Epistolam cxxx Synodici scriptam ab *Helladio*, *Zenobio*, aliisque ad Alexandrum Hieropolis episcopum, cæterosque, quia ea Epistola, ut anno superiori num. 6 demonstravimus, eo anno scripta occasione Sacrę generalis, cujus recisionem *Helladius* et episcopi ejus Metropoleos ab imperatore petere cogitabant. Quamobrem Synodus, quę ibi dicitur nondum celebrari potuisse, spectabat ad pacem cum Joanne impediendam, non vero ad eam recipiendam. Porro *Helladium* plurimum laudat *Basilium* Seleuciensis episcopos, et *Theodoretus* in Historia Religiosa cap. 10, loquens de sancto *Theodosio Antiocheno* abbate monasterii in Scopulo, de eo habet, postquam Theodosii mortem narravit: «Gregis præfecturam suscepit admirandus *Helladius*, qui per annos sexaginta laboribus illis defunctus, Cilicum divinitus postea factus est artifex, pristinam non deserens philosophiam, sed laboribus illis pontificales quotidie sudores adiciens». Post hanc pacem non diu superstes fuit; *Basilium* enim Seleuciensis in lib. 2 de Vita et miraculis S. Thecæ Martyris testatur, eum fuisse valde senem et successorem habuisse *Marianum*.

9. *Post Synodum Anazarbicam Theodoretus suam Metropolitanam ad pacem perducere tentat.* — *Theodoretus* nullis laboribus pereperit, ut *Alexandrum* Hieropolitanum suum metropolitam ad pacem amplectendam perduceret. Unde postquam venit Antiochiam et in gratiam cum Joanne suo patriarcha rediit, scripsit ad Alexandrum Epistolam cap. 166 Synodici relata, in qua eum hac de re certiores fecit, asseritque patriarcham consensurum, ut nemo cogatur ad damnationem Nestorii, jamque Ciliciam et Isauriam ad ejus communionem reversas esse. Subdit *Theodoretus*, sese ad eum venturum, et sermones inter Patriarcham et eum

habitos eidem declaraturum : « Servo autem, inquit, narrationem colloctioni futuræ. Invenimus enim et satisfactionem, quæ tua munda conscientie satis sit (quia scilicet Alexander Nestorium damnare religioni ducebat : et ab omni eam dubitatione valeat prævenire) cui et Isauri credentes et Cilices, amplexi sunt communionem ad dominum necum sanctissimum episcopum Joannem ». Theodoretum *Cilicem* nomine ibi tantum episcopos secundæ Ciliciæ, non vero utriusque Ciliciæ, ut perperam eum interpretatur Lupus, intelligere, ipsemet Theodoretus in alia Epistola ad Alexandrum, quæ extat cap. 168 Synodici, nos edocet : « Innotesco, inquit, sanctitati tuæ, quia Cilices et Isauri et Eulogius Antiochiam direxerunt, et in litteris suis ut episcopos nominarunt et Alexandrinum et Constantinopolitanum, adjicientes non se communicare depositioni sanctissimi episcopi Nestorii », cum tamen episcopi primæ Ciliciæ Nestorium discrete anathematizarint, ut ostendimus numero superiori. Verum postquam episcopi primæ Ciliciæ ad communionem Joannis patriarchæ rediere, et tam Synodus Anazarbica, quam Tarsensis celebratae sunt, *Meletius* Mopsuestenus episcopus ad eundem Alexandrum dedit Epistolam cap. 171 Synodici relatam, cui Irenæus hanc epigraphen præxit : « Epistola Meletii ad Deo amicissimum episcopum Alexandrum, qua scripsit quod hi quidem qui erant ex secundæ Ciliciæ communicaverint, alii vero Cilices et Isauri similiter sint transgressi, quæ pie judicaverint olim ». Ubi tamen Irenæus Cilices primæ Ciliciæ cum Isauris copulat, contra loquendi modum a Theodoro usurpatum, qui Isaros cum episcopis secundæ Ciliciæ conjunxit. Quare Irenæus in illius Epistolæ epigraphæ tempora confundit; cum Isauri eodem tempore, quo episcopi secundæ Ciliciæ, cum Joanne communicarint, et eadem, quæ illi professi sint, ut ex dictis liquet : Cilices vero primæ Ciliciæ Nestorium anathematizare non reuerint, et aliquanto post Isaros et secundæ Ciliciæ episcopos tempore, communionem Joannis amplexi sint, ut ex dictis manifestum sit. Sed quidquid de hac epigraphæ sit, Meletius in Epistola, cui ea præfigitur, ait : *Omnes nos Cilices reliquerunt*; ideoque Cilices utriusque Ciliciæ, quod recte Irenæus vidit, licet Isaros cum episcopis primæ Ciliciæ male conjunxit.

10. *Alexander in obstinatione perstat.* — His actis nihil prætermissum, ut tam Alexander, quam Meletius ad utriusque Ciliciæ exemplum sequendam inducerentur. Theodoretus, postquam in Alexandro suo metropoli convertendo operam, et oleni perdidisset, scripsit ad Joannem Antiochenum Epistolam, quæ habetur cap. 172 Synodici, atque : « In suo tenore permansit Dominus meus sanctissimus et Deo amicissimus episcopus Alexander, credens cum summæ esse justitiæ : cujus rei gratia neque amicos affatus, neque preces admittit, sed Evangelicorum transgressionem mandatorum deputat dispensativam condescensionem, etc. consequens vero est, ut et emolliatur temporis spatium ». At *Titus* vi-

carius Dionysii magistri militum ad Alexandrum scripsit, ut videre est cap. 180 Synodici : « Si post has litteras meas sanctitas tua in dilatione perstiterit, eisque communicare noluerit, claret quod non sit de cætero necessarium divinis litteris (id est, imperatoris) uti, quæ aperte præcipiunt, ut hi qui sanctæ Synodo communicare noluerint, in exilium a sanctis Ecclesiis repellantur ». Ubi Baluzius in Notis scite monet, in hac phrasi *claret quod non sit*, tollendam esse negationem quæ sensum pervertit : quod demonstrat Epistola *Dionysii* magistri militum cap. 181 Synodici relata, in qua idem quod ejus vicarius *Titus* urget, et omnes machinas adhibet, ut virum sibi amicissimum ad communionem Ecclesiæ adducat. Sed cum ad utramque Epistolam *Alexander* rescripsisset, ut habetur cap. 182 Synodici, se ex sua sententia nunquam discessurum, et Deo potius quam hominibus pariturum, *Titus* præceptum dedit ad *Lybianum* Euphratiæ, in qua Hieropolis sita, judicem, quo ei jubet Alexandrum, si in proposito perstiterit, loco proprio amovere, ut legitur cap. 183 Synodici.

11. *In exilium mittitur.* — *Lybianus*, ut habetur cap. 184 Synodici, retulit ad *Titum* vicarium præceptum ejus *decimo septimo kalendas Maii*, sibi redditum esse, et Alexandrum Hieropolim et episcopatum maluisse relinquere, quam *communicatorem sanctæ Synodi fieri*. Ille dies decimus quintus mensis Aprilis non nisi de mense Aprilis anni insectantis intelligi potest; cum, ex mox dicendis adhuc episcopatu potiretur, quando libros Theodori damnavit *Rabulas*. Tante Alexander, qui jam ab annis triginta et amplius episcopatum gerebat, apud suos opinionis erat, ut populus ejus expulsionem audita Ecclesiæ clauserit, plura in comitem *Titum* ac *Joannem* patriarcham protulerit, totque tumultus excitari, ut *Lybianus* ad comitem Orientis in ejus gratiam deprecationem, quæ habetur cap. 185 Synodici miserit, significarique, « pueros simul ac senes, mulieres ac virgines, et omnes maturæ ac senilis ætatis », violentas sibi manus inferre velle, si tantus præsul Ecclesiæ Hieropolitane non redderetur. Qua in re Hieropolitani similes fuere Donatistis, de quorum pertinacia in *Annal. Ecclesiast.* agitur. Misit et clerus Hieropolitanus supplicationem ad Joannem patriarcham, ad quem respondit hic quod legitur cap. 187 Synodici : « Circa eum cuncta servavimus, quæ ad remedium pertinebant. Sed et nunc quæ nobis sufficere dignum est, peragentes, spondemus, quia si possibile fuerit, ut correctione respiciens, deponat superbiam pristinam, parati sumus excipere, et ad vos cum nostra atque illius festività remittere. Si autem jam semel statuit præcipitare se ipsum ad communionis quidem læsionem, perditionem vero animæ suæ, nos quidem et Deo et hominibus satisfacimus ». Sed cum Alexander in contumacia persisteret, *exiliatus est in Fanothia Ægypti metallum*, ut inquit Irenæus cap. 190 Synodici, quod anno sequenti post mensem Aprilem configisse, supra indicavimus.

12. *Exilium Meletio pariter irrogatum.* — Quoad *Meletium* episcopum Mopsuestenum, qui non minus quam *Alexander* pervicax fuit, scripsit ad eum *Titus* vicarius Epistolam cap. 173 Synodici relata, in qua affirmat, se in ejus gratiam differre executionem Sacrae, nempe generalis. Verum *Meletius*, ut legitur cap. 174 Synodici, rescripsit ad *Titum*, et eleganti compendio exposuit quaecumque *Joannes* patriarcha adversus *Cyrium* ac ejus Capitula egisset, tandemque conclusit, se ad ejus communionem accedere non posse. Quare Sacra adversus *Meletium* executioni necessario mandata fuit: « Solutus inter hujus Ciliciae episcopos perstat ad finem Domini mei Deo amicissimus episcopus *Meletius*, qui ejectus est militari superinducta cohorte, juxta eorum qui sunt Antiochiae jussionem », inquit *Zenobius* episcopus Zephyrii in prima Cilicia, in Epistola quam scripsit ad *Alexandrum* Hieropolitanum cap. 175 Synodici relata. In *Meletii* locum ordinatus a *Joanne Chomatius*, ut ipsemet *Joannes* in Epistola ad imperatorem, quae extat cap. 186 Synodici, exponit; ex qua liquet, *Thomam* episcopum Mopsuestenum, cujus mentio in Antiocheno Concilio sub Domino, et in Synodo Mopsuestena sub *Justiniano* Augusto non successisse *Theodoro*, ut hactenus creditum, sed *Chomatium* successisse *Meletio*, hunc *Theodorum* excepisse. Ea Epistola *Joannes* precatur imperatorem, ut *Meletium* in territorio Mopsuestensi delitescerentem ab universa provincia Cilicum expellendum curet, quod post defectionem sacerdotale ministerium praesumeret, et perturbationem Ecclesiae ingereret. *Meletius* et suis latebris scripsit ad *Alexandrum* Epistolam, quae legitur cap. 177 Synodici, isque rescripsit eam, cum capite insequenti ibidem refertur: in cujus fine cum *Alexander* dicat: « Rogo, ut digneris nos per venerabiles litteras tuas juvare ad instantia certamina », apparet *Meletium* aliquot saltem menses ante *Alexandrum* et sua Ecclesia expulsum esse. Deprecationem *Joannis* Antiocheni ad imperatorem effectum sortitam esse manifestum facit quod *Irenaeus* cap. 190 Synodici de *Meletio* scribit: « Hic exiliatus in Melitina Armenia civitate defunctus est, nulla millia passus ab *Acacio* ejus Ecclesiae praesule », ubi, loco millia, legendum videtur mala, ab *Acacio* sc. Melitini episcopo, quem tam dire vexarunt Nestoriani, *Meletio* illata, quod etiam in exilio positus paci Ecclesiae insidiaretur, et turbas eicere conaretur.

13. *Alii tredecim episcopi aut in exilium missi, aut Ecclesias suas deserere coacti.* — Ante *Meletium* et *Alexandrum* tredecim alii episcopi vel in exilium ejecti, vel utro Ecclesias suas deserere, ne cum *Cyrillo* communicarent, aut *Nestorii* depositioni consentirent. Horum catalogum texit *Irenaeus* cap. 190 Synodici. *Abbas* Dolichii in Euphratesia episcopus, *Dorotheus* Marcionopolitanus metropolitae Moesiae secundae, *Eutherius* episcopus Thyancensis metropolitanus Cappadociae secundae, in exilium missi. *Valentius* et *Eudocius* episcopi Moesiae sub

Dorotheo, *Zenobius* episcopus Zephyrii primae Ciliciae, *Avastasius* episcopus Tenedi in Cycladibus, *Pansianus* episcopus Hlypate in Thessalia, *Basilius* Larisae Thessaliae metropolitae, *Julianus* metropolitae Sardicensis, *Theosebius* episcopus Clui Bithyniae sub Nicomediensi metropolitae, *Aclilius* episcopus Castris barbalissi in Euphratesia, et *Maciminius* Demetriadi Thessaliae episcopus, aut fugere aut ab Ecclesiis recedere maluerunt, quam cum *Joanne* Antiocheno communicare. De his legendum Synodicon, in quo sparsim et interese eorumdem nuntio occurrit.

14. *Nestoriani libros Theodori per varias provincias dissennant.* — A num. 3 ad 15. Liberatus in Breviario cap. 10, scribit, *Nestorii* libris imperiali lege prohibitis, Nestorianos cepisse *Diodori* Tarsensis, et *Theodori* Mopsuesteni episcopi circumferre volumina, dicentes non sapuisse nova *Nestorianum*, sed antiquorum Patrum prosecutum fuisse doctrinam. Postea ipsi eorum volumina in Syrorum linguam et Armeniorum atque Persarum transtulerunt; quod tibi agnovere *Acacius* Melitensis, et *Robulus* Edessenus episcopi scriperunt Armeniae episcopis, ne *Theodori* Mopsuesteni libros suscipere, tanquam haeretici et auctoris dogmatis Nestoriani. Contra vero episcopi Ciliciae insinularunt *Robulam* et *Acacium*, quod hoc non ex charitate, sed ex simulatione atque contentione fecissent. Congregati sunt ergo in unum Armeniae episcopi, et miserunt duos presbyteros *Leontium* et *Aberium* ad Proctum Constantinopolitanum episcopum, scire volentes, utrum doctrina *Theodori*, an *Robulae* et *Acacii*, vera esse probaretur. Itaque *Proclus* diligentius utramque examinauit, totum scripsit, et ad eos destinavit; in quo posuit ad interimendas Nestorianorum versutias, qui duas in Christo inducunt personas, unum de Trinitate incarnatum; quem et direxit *Joanni* Antiocheo per *Theodorum* diaconum suum, continentem subter Capitula ab haereticis prolata; expetens ab eo, ut cum suo Concilio cum suscipere. *Joannes* autem et qui cum eo erant congregati episcopi, tomis compositionem laudantes, eidem subscriperunt, et *Proclo* transmiserunt. Haec summarie ex *Liberato* descripta, et currenti anno gesta; tomus enim *Procli* ad Armenos dicitur dat. Constantinopoli, consulatu *Pissinorum* *Theodosii* Aug. XV et *Valentiniani* II.

15. *Summarium eorum quae ea in re hoc anno gesta.* — Hinc evidenter patere existimo, subscriptionem legis *Theodosii* pro comburendis *Nestorii* libris, quae dicitur data III non. Augusti Constantinop. *Theodosio* XV et qui fuerit nuntiatum, ut habetur in Codice *Theodosiano*, vel, ut legitur in Codice *Justiniano* leg. 6 de haereticis, data III kalend. Augusti, quoad mensem utrobique mendosam esse. Quomodo enim intra menses quinque, ab Augusto nempe ad Januariarum sequentis Christi anni, tot diversa, quae mox ex *Liberato* narravimus, fieri potuere? Postquam ea lex emissa et per imperium Orientale promulgata, Nestoriani li-

bro Theodori in Syriacam, Armeniam, ac Persicam linguam transtulerunt, ac deinde eam versionem per istarum Gentium provincias disseminarunt. Post hæc *Rabulus* Edessenus metropolita, et *Aca-cius* Melitensis in secunda Armenia metropolita Synodos congregarunt, et *Theodori* Mopsuesteni libros anathematizarunt. Deinde duos legatos Constantinopolim ad *Proclum* misere, isque tomum suum de fide sub hujus anni coss. elucubravit, qui, ut recte observat *Lupus* in notis ad cap. 43 Synodici, prout hodie extat, mutilus est. Siquidem ei desunt Capitula, quæ ex *Theodori* libris decem eadem eidem tomo subnexuit, ac etiam desideratur Mandatum, quo tomum subscribi ab omnibus jussit, et Capitula anathematizari. Lique hæc ex litteris, quas *Cyrillus* ista de re scripsit ad *Aca-cium* Melitensem, ad *Theodotum* Ancyranum, et ad *Firmum* Cæsareensem in Cappadocia metropolitam: « Proclæ tomo supposuit etiam Capitula quedam, collecta ex *Theodori* codicibus, quæ consonantem Nestorii perfidiæ intellectum habent, et adhortatus est etiam illa anathematizari ». Tandem *Proclæ* tomum suum tam Armeniis, quam *Joanni* Antiocheno misit, hincque Concilium Antiochenum coegit, et tomum *Proclæ* cum annexis Capitulis ab omnibus subscribi jussit; quod quidem ab aliis factum, sed ab aliis subscriptio negata, præsertim ab *Iba* Edesseno presbytero, quem ideo *Proclæ* in litteris ad *Joannem* Antiochenum datis jubet compesci ac castigari, quod nec tomo subscribere, nec Capitula annexa anathematizare voluerit. Quæ quidem omnia a mense Augusto ad Januarium fieri non potuisse evidens est. Quare in lege *Theodosii* contra libros *Nestorii* lata, loco *data III non. Aug.*, vel loco *III kalend. Aug.*, legendum, *data III kal. April.*, sicque his omnibus peragendis, et Synodis Anazarbica et Tarseusi, de quibus supra, celebrandis tempus sufficiens erit.

16. *Rabulus* episc. Edessenus libros *Theodori* anathematizat. — Porro *Rabulus* Ephesum venerat cum *Joanne* Antiocheno, et subscripsit Epistolæ Orientalium ad Hieropolitanos, quæ extat cap. 13 Synodici. Subscripsit et Epistole corumdem Orientalium ad episcopos Constantinopolim missos, ut legitur cap. 28 Synodici. Verum postea ab eis recessit, seseque Catholicis adjunxit (ut liquet ex *Liberato* cap. 10, et Epistola *Ibæ* ad *Marin* Persam, in qua *Rabulam* vocat tyrannum), et quidem statim post pacem *Cyrillum* inter et *Joannem* Antiochenum intam, ut demonstrat Epistola *Cyrilli* ad *Rabulam* cap. 108 Synodici recitata, in qua *Cyrillus* ei exponit omnem pacis tractatum, et cunctarum ultro citroque Epistolarum exemplaria mittit. *Rabulus* igitur videns hæresim Nestorianam, post libros *Nestorii* flammis addictos, per omnem Orientalem diæcesim, imo et per Armeniam ac Persidem sub *Theodori* nomine latius serpere, non solum *Theodori* libros, sed et ipsam *Theodori* personam solemniter in Ecclesia anathematizavit. *Ibas* presbyter Edessenus et major pars cleri Edesseni *Rabulæ* contradixere, quia

Theodorus licet varios libros impietatis plenos composuisset, mortuus erat in communionem Ecclesiæ, et versabatur in magna apud plerosque existimatione. Hinc *Leontius* in libro de Sectis proponit hæc questionem: « Cur Chæledonensis Synodus ab *Iba* non requisivit, ut *Theodorum* anathematizaret? Cur ejus in qua *Theodorum* prædicat, ad *Marin* Epistolam recepit? » Et respondet: « Hoc potius de sancto *Cyrillo* quæri debebat, quam de *Synodo*. Nam *S.* memoriæ *Cyrillum*, cum nonnulli hoc ipsum quærent, ut *Theodorus* anathemati subjiceretur, ad *Proclum* scripsisse constat, minime *Theodorum* anathematizari debere. Nam Orientales, inquit, universi *Theodorum* pro magno doctore habent. Quem si anathemati subjecerimus, in Orientalium Ecclesia dissidium ingens excitemus. Quorum unus est *Ibas*, qui eum anathematizari non patietur ». Jam *Ibas* *Rabulæ* demortuo successerat, dum hæc *Cyrillus* ad *Proclum* scripsit; post mortem enim *Rabulæ* omnis clerus præter decem aut duodecim, qui illum postea accusarunt, in ejus electionem consensere.

17. *Et sui facti rationem S. Cyrillo reddit.* — *Rabulus* rebellionem sui cleri pressus, omnia a se gesta ad *Cyrillum* retulit et sui facti rationes exposuit: « Jam vero quidam unitatem secundum subsistentiam omnibus modis adificant. Morbus enim aliquis sublatus in veteravit Orienti, immedicabilis vulneris modo depascens Ecclesiæ corpus, et plurimos quidem latens, apud quasi studiosos et superficialia extollentes eruditione, latenter honoratus ». *Cyrillus* in suis ad eum litteris, postquam laudavit illius « incomparabilem aclairitatem, ac inexpugnabilem confidentiam, subjunxit: Sicut vero sollicitos optime gubernare, non in serenitate navigare, sed in tempestate posse navem servare, probatissimos declarat; sic etiam sortitos Ecclesiæ presidere, non omnimodo rerum serenitas claros demonstrat, magis vero solertia in tribulationibus, et fortitudo, et patientia, et fortiter resistere instabilibus hæreticorum sermonibus. Semper quidem tua splenduit sanctitas, præcipue autem modo, facta omnibus Orientalibus columna et firmamentum veritatis, sicut et quemdam pestiferum morbum expellens, novæ et abominandæ hæreseos *Nestorii* blasphemiam. Nam procedit quidem ex altera radice; illius dico, qui de Cilicia erat, ista impietas ». Ubi intelligit *Theodorum* Mopsuestiæ in secunda Silicia episcopum. Legitur illa *Cyrilli* Epistola in *Collat.* v quinta Synodi generalis.

18. *Andreas Samosatenus episcopus defensionem Theodori suscipit.* — *Andreas* episcopus Samosatenus et *Rabulus* jamdiu inter se dissidebant; ille enim ubi pax inter *Cyrillum* et *Joannem* constituta fuit, utriusque communioni adhæsit, et schismaticos deseruit, ut liquet ex cap. 101 et seqq. Synodici; ut *Alexander* Hieropolitanus metropolitanus ejus, ad eandem accederet, omnem diligentiam contulit; vir enim erat magnæ doctrinæ ac virtutis singularis. Verum, ut liquet ex cap. 101 et 102 Sy-

nodici, coactus fuit *Andreas* mutare solum suae provinciae propter tumultus adversus se excitatos, abiitque in Mesopotamiam, in qua *Rabulas* episcopus erat Edessenus, qui commotus erat adversus eum, propter condemnationem Capitulorum Cyrilli, aut alias rationes nobis incognitas. Cum vero *Rabulas* hoc anno libros Theodori anathematizavit, damnavit etiam quae *Andreas* scripsit adversus Cyrilli Capitula, indeque *Andreas*, cui aliunde Theodori memoria in veneratione erat, litteras dedit ad Alexandrum Hieropolitanum suum metropolitanum, qui anno tantum sequenti episcopatu suo dejectus est, ut mox diximus, recitatas cap. 43 Synodici, in quibus inquit: « Illi qui pro recta fide laborant scripserunt mihi ab Edessa, quia *Rabulas* apertissime declinavit a dogmatibus veritatis, et persequitur recte fidei defensores; ita ut Theodorum quidem beatum recte glorificationis magistrum præsumeret anathematizare in Ecclesia, et multa mala contra eum diffunderet; anathematizaret vero et illos, qui ea, qui illius sunt, legunt, insuper et qui illa (legendum, insuper et illa quae, ut recte corrigit Baluzius) scripsimus, et quicumque veniunt et non portaverint ad combustionem Theodori Codicem, et eos, qui praeter illa, quae Cyrilli sunt, sapiunt, etc.; amici vero (nempe Ibas, et qui cum illo erant Edesseni) qui persecutionem sustinent, interrogant nos si oporteat jam scissionem fieri et ostendi fiduciam, quia circa ea consilium minime id nunc usque fecerunt. Mihi autem rationale videtur, ut qui fiducialiter impie agit, et omnes abjuravit Orientales, et nos contra eum clare punemus ».

19. *Andreas episcopus Samosatæ duos libros scripsit adversus Cyrilli Capitula.* — Abhorrebant tam Alexander, quam *Andreas*, scienti et plures episcopi qui pacem susceperant, a Capitulis Cyrilli, et *Andreas* tam ante Concilium Ephesinum, quam post ejus celebrationem adversus eadem scripserat nomine episcoporum Orientalium. *Cyrillus* Apologeticum adversus priorem *Andreae* librum edidit, qui adhuc extat, sed ad secundum non respondit; allerum enim Opus *Andream* contra *Cyrilli* Capitula composuisse, docte ostendunt *Garnerius* tom. II Oper. M. Mercatoris pag. 175, et *Lupus* loco laudato, ex libro *Anastasio* Sinaitæ, qui *Dux viæ* dicitur, quod fragmentum ab eodem *Anastasio* recitatum non reperitur in objectionibus *Andreae* a *Cyrillo* confutatis. Tempus quo secundum illud opus ab *Andrea* scriptum, nos edocet *Theodoros* lector lib. 2, ubi ait: « Post reconciliationem cum Orientalibus *Theodoretus* contra duodecim *Cyrilli* Capitula scripsisse dicitur. *Rabula* episcopus Edesse, caecus erat. Accusavit autem *Andream* *Samosatensem* episcopum quod contra duodecim Capitula *Cyrilli* scripsisset », ut recte textum Theodori emendavit *Valesius*, non vero, ut anteriores editiones, quas *Baronius* num. 4 secutus est, habent: *Andreas vero Samosatensis accusavit eum*; hoc enim plane falsum est, nec a Theodoro lectore proditum. Va-

lesius, qui Synodicon adversus *Tragodium* Icrenai non viderat, putavit *Theodorum* falli in eo quod scribit *Theodoretum* post pacem Orientalium scripsisse adversus Capitula *Cyrilli*. Verum *Theodoretus* opus, ante Concilium Ephesinum exaratum, post illud absolutum, magis amplificavit, ut jam ostendi, et tunc *Andreas* secundum suum Opus contra Capitula *Cyrilli* promulgavit. Quare accurate notavit *Theodoros* illud *post reconciliationem cum Orientalibus* in lucem prodisse.

20. *Decretum Joannis Antiocheni adversus Rabulam.* — Ubi *Joannes Antiochenus* quae gesta fuerant a *Rabula* intellexit, misit ad episcopos *Osrhoenae* provinciae, cujus *Rabula* metropolita erat, decretum cap. 44 Synodici relatum, cujus titulus est: « Synodicum decretum *Joannis Antiocheni* episcopi et reliquorum ad episcopos *Osrhoenae* provinciae contra eundem *Rabulam* Edessenae civitatis episcopum ». Haec auctor Synodici; haec vero *Joannes*: « A multis et dignis fide viris subtiliter (id est, evidenter, ut bene explicat *Baluzius* ex aliis Synodici locis) et integre didicimus quia honorandissimus *Rabulas*, et *Edessam* perurbat et omnes qui vicinas provincias habitant, Apostolicae fidei valde contraria perpetrans, et eos qui recte sapere elegerunt veritatem in fugam, et multa molitur contra Orthodoxam fidem. Unde compulsi sumus haec discentes a plurimis vestrae religiositati Epistolam destinare: ut si vera sint ista, quae hic diffamantur a pluribus, immunes vos ab ejus communiione servetis, donec eum evocantes ad nos, et integre discentes quae ad eum pertinent, aut ignoscamus satisfaciendi, aut convictum subdamus satisfactionibus regulae ». Factum illud decretum a *Joanne*, qui, sicuti plures Orientales, ab omni alio Symbolo praeterquam a *Niceno* aversus erat, cum adventis in sua civitate episcopis. Similem contradictionem *Acacium* Melitenensem passum esse deducit *Lupus* laudatus ex sancti *Cyrilli* ad eum litteris, in quibus scribit: « Perlegi Epistolam vestrae sanctitatis scriptam ad reverendissimum episcopum Antiochiae *Joannem*, plurimam plenam confidentiae, simul et amoris Dei. Scripsi autem et ego tales Epistolas ad ipsum ».

21. *Joannes convocavit Synodum Antiochenam adversus Rabulam.* — Haec interim magnos motus per omnem Orientalem Ecclesiam concitarunt, indeque *Joannes*, postquam accepit tomum sibi a *Proclo* episcopo Constantinopolitano transmissum, convocavit Synodum Antiochiae, cujus fragmenta nobis conservavit *Facundus*, et collegit *Baluzius* in nova Collect. Concil. pag. 943 et seqq. Scripsit Synodus ad *Proclum*, plurimumque ejus tomum laudavit. Tum inquit: « Siquidem sobrie agere velint, qui turbis et juvenilibus levitatibus contra commune corpus Ecclesiae, nunc nescio unde potestate sumpta, utantur, et suas quidem patrias relinquentes, venientes vero ad imperii urbem, et calumnia adversus proprios episcopos eorum, qui illic sunt sordidantes auditus, non utique nunc necessarium

lucral ». Postea pluribus laudant Patres Antiochei Theodorum, aiuntque, quod si in ejus libris aliqua putantur obscura, similia nulla, et a plurimis anterioribus ejus Patribus dicta esse. Similia ad sanctum Cyrillum scripsere, ut legere est apud Facundum, apud quem extat etiam fragmentum Epistolæ Synodalis ad Theodosium imp. qui legem emisit ibidem recitatam, qua jubet, ut cum omni statuatur Ecclesia, « ne quis adversus eos, qui in ejus pace defuncti sunt, quicquam de cætero tale præsumat ». Laudata verba Procli ad Synodum extant etiam cap. 196 Synodici, sed perperam a Lupo citato ad tempora Dioscori episcopi Alexandrini referuntur.

22. *Quidam monachi insurgunt adversus decretum Joannis Antiocheni.* — Quod scribunt Patres Antiocheni, quosdam scilicet monachos Constantinopolim venisse et Theodori scripta non minus quam Nestorii damnanda esse clamasse, pluribus narrat Baronius num. 6 et 7 ex Liberato cap. 10, illudque ante celebrationem Antiochenæ Synodi contigisse, ex citatis Fragmentis Facundi manifestum sit. Porro Synodus Antiochena tomum Procli in omnibus probavit, quia, ut inquit Liberatus loco citato : « Proclus in tomo nullam fecit de Theodoro reprehensionis mentionem », quia se, censuit Nestorianam litem eliminandam esse, et de Theodoro salubri dispensatione faciendum, ut facilius excitati tumultus sedarentur. Ad eandem dispensationem probandam Cyrillum perduxit Joannes : ut patet ex litteris ejus ad Proclum : « Nunc vero, inquit, sicut ad me scribit sanctissimus episcopus Antiochiæ Joannes, initium apud illos alterius tempestatis surrexit, et plurimus est timor, ne forsitan quidam instabiles ad priora revertantur. Dicitur enim quosdam ad magnam illam civitatem pervenisse, deinde interpellasse Christianissimos imperatores, et postulasse, per divinam ipsorum sanctionem, anathematizari libros Theodori Mopsuesteni, ipsumque memoratum virum ; magnum vero ejus nomen esse per Orientem, et mirificari nimium conscripta ejus. Et sicut dicunt, constristantur omnes, quod vir nobilis et defunctus in communione Ecclesiarum, anathematizetur ».

23. *Cyrillus excusat Theodorum.* — Pergit Cyrillus in sua Epistola : « Nunc vero quod in conscriptis ejus invenimus quedam nefarie dicta, et nimia plena blasphemiam, nulli dubium est recta sententiam. Sciat vero tua sanctitas, quod prolata apud S. Synodum expositione ab eo composita, sicut dicebant qui protulerunt, nihil sanum habente, reprobavit eam S. Synodus, utpote perversis plena intellectibus, et Nestorianam impietatem quasi effluentem. His vero condemnatis, qui sic sapient nullam viri memoriam fecit dispensative, nec ipsum nominatim anathemati subiecit propter dispensationem : ne quidam ad viri existimationem respicientes, se ipsos separarent ab Ecclesia. Dispensatio vero in his est res optima ac sapiens. Si enim adhuc in vivis esset, et Nestorii blasphemiarum fautor,

aut suffragari vellet iis quæ scripsit ipse, anathema etiam in propria persona subiisset. Quoniam vero ad Deum abiit, sufficit, ut ego puto, ea quæ absurde ab eo scripta sunt, rejici ab eis qui recte sentiunt ; cum iis, qui in ejus libros incidunt, etiam ulterius progredi tumultuum occasiones nonnunquam pariat. Et per alium vero modum anathematizatis ac ejectionis Nestorii blasphemias, una cum eis ejecta sunt, et quæ illius sunt, plurimam habentia ad ista consonantiam. Et siquidem hoc agerent indubitanter per Orientem, nullumque esset tumultum inde sperare, dicebam nullum esse impedimentum nunc exigi eos in scriptis hoc facere. Si vero, sicut scribit sanctissimus episcopus Antiochiæ Joannes, eligant utique magis comburi, quam aliquid ejusmodi peragere, quare flammam sopitam resuscitemus, sedatosque tumultus importune commovemus, ne forsitan unquam ultima primis pejora inveniantur ? Et hæc dico vehementer quidem increpans quæ scripsit memoratus Theodorus, timens vero futuros a quibusdam propter eam rem tumultus, ne forsitan aliquo modo ea quæ Nestorii sunt, lugere quidem coloratim incipiam, secundum illud quod alicubi a Poeta dictum est apud Græcos quod occasione Patrocli suas calamitates unaquæque lugebat. Si igitur hæc tue sanctitati placent, indicare digneris, ut communibus litteris mandentur. Potest etiam iis, qui hæc petierunt, dispensatio rei enarrari, ipsisque persuaderi, ut quiescere malint, quam Ecclesiis scandali occasionem præbere. Misi autem etiam exemplar eorum, quæ a sanctissimo episcopo Joanne ad me scripta sunt. Quod cum legerit sanctitas tua, accipiet omnino occasionem ad ipsum argumentum ».

24. *Joannes Cyrillum et Proclum inducit ad partes Theodori suscipiendas.* — Non tantum Cyrillus, sed etiam Proclus in Joannis sententiam concessit, licet Maximus archimandrita sanctitate et doctrina celeberrimus nihil præfermiserit, ut eum in contrariam sententiam dederet. Imo quidam ejusmodi dispensationi non solum nolere acquiescere ; sed etiam Procli tomo annexa, et ab illo damnata Capitula cæpere divellere, eis Theodori nomen præponere, eidem anathema adscribere, ac hujusmodi chartas per omnem Orientem spargere, dicentes jussu Procli hæc fieri. Ex illis unus fuit Maximus archimandrita, qui Proclum ad scribendum tomum generose accenderat. Verum hic in sua sententia persistit, et Maximum increpuit, mandans ei nihil fieri debere sine Joannis Antiocheni consilio. Discimus hæc ex fragmento Epistolæ Procli ad Maximum, quod extat apud Facundum lib. 8, cap. 1 : « Memor est tua reverentia, quando ad sanctissimum Antiochenum episcopum tibi litteras injungebam, quia omnia cum ejus admonui voluntate fieri oportere, et nihil ad confusionem vel tumultum Ecclesiarum pacem habentium agi, sed tomum quidem subscribi, Capitula autem subdita sine nomine, hæc tanquam non habentia sublimitem pietatis averti et abdicari. Quomodo igitur per

litteras didici nunc, quia Theodori Mopsuesteni, et aliorum quorundam nomina preposita sunt Capitulis ad anathematizandum, cum illi jam ad Deum migraverint, eos qui vitam reliquerunt, supervacaneum est injuriam post mortem, quos nec vivos aliquando culpavimus? Rogo ergo, festina sicut filius exquirere, sed omnia permittere auctoritati ejusdem reverendissimi sacerdotis Joannis. Post subscriptionem autem tomi, et post abjectionem Capitulorum, quæ cujus sint ignoramus, continuo præpara diaconum Theodotum venire ad regiam civitatem, quatenus tempestate et tumultu non impleantur Ecclesiæ urbis sanctissimæ, et donetis aliquid desiderio impij Nestorii, qui se putat habere multos similia sapientes ».

25. *Joannes Theodori Capitula recipi tentat.* — Hæc sollemnis victoria Joanni patriarchæ, aliisque Theodori fautoribus novos animos addidit, eosque accendit ad ipsa etiam Theodori Capitula ab anathemate liberanda, licet negari non possent quin in hujus libris reperirentur. Quare Joannes hæc ad Cyrillum scripsit de tomo Theodori, in quo illa continebantur: «Sunt in illo tomo quedam incerta, et aliter quam dicta sint, intelligi valentia. Confitemur hoc etiam nos. Plurima vero eorum aperta videmus et sine aliqua ambiguitate recta. Sed illis quæ putantur obscura, similia multa a plurimis anterioribus ejus, et gloriosis Patribus dicta invenimus. Et periculum impendet non leve, ne in istis etiam illorum solvamus ejus viri reprobanda dicta, qui in episcopatu quidem defunctus, agonibus autem adversus Arianos, et alios hæreticos decem millibus per omnem suam vitam ubique decoratus est. Quod si fiat, nulla etiam in aliis Patribus aperte dicta refracturari sumus et reprobari. Excerptis enim istis similia quedam invenimus apud ter beatum ac nobilem Athanasium, quedam etiam apud B. Basilium, quedam apud Gregorium utrumque, multa vero et apud Amphilochium sæpius dicta. Non parva vero et apud communem Patrem B. Theophilum. Sunt enim etiam quæ tua sanctitas ita confitetur, et eundem de illis habet intellectum. Quedam etiam ab ipso amabili Deo Proclo in eodem ipso tomo, quem ad Armenios misit, quo multis sensibus istis decerptis concurrunt. Et dies non deficiet percurrentes beatum Eustachium Antiochenæ civitatis episcopum, qui fuit pro recta fide in Nicæno Concilio, et magnæ famæ Alexandriæ vestræ; sed etiam post illos sanctissimos episcopos Meletium, Flavianum, quibus plura istis concordantia sunt dicta.

26. *Ostendit multa sæcuntura inconvenientia, nisi recipiantur.* — « Quid jam dicam de iis, qui in Occidente secundum eandem doctrinam, et eandem confessionem decorati sunt, quos etiam tua sanctitas melius novit? Intende itaque, rogo, ad quod præcipitulum nos impellant, qui ad nullam utilitatem verbis contendunt. Quid non hinc læsionis vel corruptionis et confusionis plenum non generetur, si aperiatur janua his, qui volunt dicta

transcurrentium Patrum evertere? Quale damnum non apertum erit, dicta non solum refutare, sed etiam anathematizare? Ut enim aliud alicui placeat, aliud non, in aliquorum, sive posteriorum, sive non nostrorum, alia ratio est. Ut autem anathema eis imponatur, arbitramur audax et asperum apparere, et si personæ cum dictis non anathematizentur. Quis enim nostrum speret, quod alium posset movere? Aut quid horum non præbeat occasionem semper, ut populi perturbentur? Et hoc quidem et viventibus, et transentibus contingere solet. Quod non scienti tantum hæc dicimus, sed etiam plius omnibus considerare valenti magnitudinem hujus absurditatis. Quid autem non præbeamus ex hoc desiderabile Nestorii defensoribus? Quis enim cum non honorabit, si cum isto, et aliis, qui in episcopatu vitam deposuerunt, simul anathematizetur? Aut ubi ejus opinio per hæc non accipiat incrementum? Quis autem deceptorum hominum de istis occasionem assumens, non confessorem vocaverit, veluti propter illa passum, quæ passus est, quæ etiam illi, qui in Ecclesia fulserunt, passi sunt? Quis autem mentem habentium nescit, quia ea, quæ dure a B. Theodoro dicta sunt, necessitate compulsus dixit? Proponebat enim cum totus in commune Oriens inter eos, qui ante nos fuerunt, sicut virtutem multam doctrinæ habentem adversus hæreses, contra quas pugnavit et micans multa quadam divisione usus est, non ex pravo intellectu veniens, sed efficacius adversum hæreticos illo modo uti judicans; neque unitatem summam ignorans vel negans, absit: pleni enim ejusmodi sunt omnes ejus libri, sed naturarum proprietates amplius dividens, sicut et pugna, quam adversus hæreticos habuit, faciendum dictavit. Hoc et tua religiositas dispensavit aperte in anterioribus litteris vestris ad satisfactionem quorundam venerabilium coepiscoporum nostrorum, quod et ipsum tuæ virtutis, tuæque sapientiæ proprium est ».

27. *Cyrillus Theodori Capitula rejicienda censet.* — Ita Joannes Antiochenus apud Facundum lib. 8, cap. 4, ubi illius Epistola valde erudita emendatior est, quam in Operibus sancti Cyrilli. Verum hæc omnia huic sanctum non solum non moverunt, sed etiam gravissime offenderunt. Displicuit præsertim Cyrillo Joannis audacia, qua Theodorum, ac impia ejus Capitula præsumpsit magno Athanasio, aliisque supremis Ecclesiæ Patribus, et quibusdam ipsorum hinc inde non recte sonantibus articulis comparare. Quare Joanni rescripsit: « Infames opiniones Diodori, inquam, ac Theodori, et aliorum quorundam, quos non laudare satius erat, ne quid gravius dicam, propterea quod plenis quodammodo velis adversus Christi gloriam ferantur, nemo, obsecro, sanctis et Orthodoxis Patribus nostris, Athanasio, inquam, Basilio, Gregorio, Theophilo, et reliquis tribuat, ne quo pacto res hæc nonnullis scandali fiat occasio, existimantibus revera illa sensisse, ac docuisse viros totius rectæ fidei custodes, et qui contra perversas opiniones non modo Nestorii; sed etiam

aliorum, qui idem quod Nestorius ante ipsum senserant, et litteris mandaverant, oppositos libros reliquerunt ». Subiungit Cyrillus: « Optamus autem, ut omnes res suas agant, neque turbas Ecclesie excitent, jam per Christi gratiam, et doctorum ubique terrarum vigilantiam sedatis, neque vel aliis negotia denuo facessant ».

28. *Legati ad Theodosium missi, ut Theodorus ejusque Capitula damnetur.* — Ad hæc de Orientalibus graviter exposulavit Cyrillus apud Acacium Melitensem episcopum, qui in Ephesina Synodo ei semper adhæsit; ad quem cum rescripsisset *Acacius* se ad Joannem hæc de re litteras dedisse *plenas confidentie, simul et amoris Dei*, reposuit Cyrillus: « Scripsi vero et ego tales Epistolas, sed, ut videtur, pejora vincunt ». Verum Armenie, Persidis, ac aliarum gentium episcopi, a Cyrilli, ejusdem Acacii, Theodoti Ancyrae, ac Firmi Casareæ Cappadociae quatuor Concilii Ephesini columnum, actis excitati, ad Proclum et imperatorem legarunt episcopos, clericos, ac monachos eum libello, qui extat in quinta Synodo Colat. v. Ili affirmarunt, Theodorum fuisse *hominum diabolicæ formæ*, ejus facinora exposuere, præsertim blasphemiam ejus concionem, qua Antiocheni offensi ipsum lapidare voluerant, quod ut ipse vitaret, palmodium cecinit. Hujus palinodie meminit in litteris ad Nestorium ipse patriarcha *Joannes*, cum eum ad ejus exemplum sequendum hortaretur. Asserunt tamen legati Antiochenos ac alios Orientales adeo inconstantes ac versatiles esse, ut ipsummet hærésiarcham jam non lapidibus invadant, sed gloriosis exclamationibus magnificent: « *Crescat fides Theodori. Sic credimus, sicut Theodorus.* Tandem concludunt: « Miseratus Deus Ecclesias suscitavit multa contra Theodorum, in quibus et nos humiles constituti nihil prætermisimus, usque ad mortem pro veritate certantes, sicut et in nostris contra Theodorum et scripta ejus libellis ad Alexandrinum religiosissimum episcopum diximus, et in his quæ ad vestram sanctitatem dicimus: et petimus, postquam isti perlecti fuerint, et illos perlegere, quatenus fiat unitas vestra contra Theodorum, ut sacrilega capitula et dogmata ejus, et eorum qui similia sapiunt vel docent. Et sicut Domino placuit damnari manifeste, et nominatim in Epheso ab universali Synodo sacrilegum Nestorium; sic per vos etiam antea condemnatum sine nomine sacrilegum in varia impietate Theodorum nominatim condemnari, et eos qui secundum impiissimam ejus expositionem hæcenus in Syria et Cilicia sapiunt et docent ».

29. *Ibas episcopus Edessenus accusatur tanquam auctor istorum tumultuum.* — Eodem tempore quidam Ecclesie Edessene clerici, ac monachi ad regiam civitatem accesserunt, et apud imperatorem et Proclum patriarcham accusaverunt suum episcopum *Ibam*, qui Rabule successerat, quod esset primus harum barbarum auctor, et tantor pertinacissimus; quod *Theodori* libros in linguam

Syriacam transtulisset; quod ipsos per omnem Orientem disseminasset; quod *Procli* ad Armenios totum noluisse subscribere, et annexa illi impia Capitula damnare. *Proclus* causam juxta vi canonem Nicænum ad Joannem patriarcham remisit, serioque admonuit, et per Ilii sacerdotis, qui ob non castigatos filios in sempiternas gehennas descendit, exemplum contestatus est, ut *Ibam* corrigeret ac puniret. Liberatus quidem citatus scribit, primam *Ibæ* accusationem fuisse apud *Domnum* patriarcham, Joannis nepotem et successorem. Sed hic auctor non semel in hæc Historia labitur, rectiusque Acta Synodalia Concilii V habent: « Cum a scriptis Procli nulla emendatio pro quærimoniis accusationum facta est, defuncto Joanne interpellaverunt *Domnum* ejus successorem, iterum *Ibam* accusantes ». Quamobrem longa illa accusationis catena, quæ usque ad Chalcedonensem Synodum perduravit, originem duxit ex hæc impii Theodori causa.

30. *S. Cyrillus libros scribit contra Theodorum.* — Interca Cyrillus contra *Theodorum* et *Diodorum* ejus magistrum suos scripsit libros, quorum fragmenta Concilium V nobis conservavit, exposuitque præfatorum Capitulorum originem et scopum. Laudavit dispensationem in utriusque favorem adhibitam, et postea subiunxit: « Quoniam vero ejusmodi dispensationem Cyrilli et Procli non susceperunt quidam Orientales episcopi: e contrario vero permanserunt defendentes etiam ipsas blasphemias Theodori, et dicentes eas consonare scriptis a sanctis Patribus, videns sanctus Cyrillus impietatem, et inde simpliciorum lesionem timens, coactus est libros scribere adversus Theodorum, et adversus ejus blasphemias et post mortem ejusdem Theodori et hæreticum, et impium, et super paganos et super Indæos blasphemum eum ostendere », id est, anathematizare. Inter fragmenta unum post varia habet: « Quid enim aliud sit quam loquens et scandalum, lingua distorta loquens, et sacris litteris abhorrentia et traditioni sanctorum Apostolorum et Evangelistarum impudenter resistentia? Recusandum igitur eos, qui tam malis culpis obnoxii sunt, sive in vivis sint, sive non ». Sed *Theodoretus*, qui Theodoro magistro semper gloriatum est, tribus cum libris, et quidem amarulentis, defendit, quemadmodum discimus ex fragmentis, quibus V Synodus Coll. iv usa est, ad causam Theodori judicandam: « Quid igitur », inquit Theodoretus, « novum dixit Theodorus, quod tantis eum blasphemis lapidasti jubens illi ut frænaret linguam, quando ipse tuam currere ita effrænata dimisisti? Vide, ne quis te callidior existimet, his adversus Theodorum uti injuriis, quod Apollinarium, et qui ea quæ sunt illius, sapiunt, sceleratissimos vocavit. Si hoc non est, cur absono dicto, sicut erapulam, tantas hujusmodi adversus eum blasphemias effudisti? Sed redeo ad Cyrillum.

31. *Cyrillus et Proclus legem petunt adversus Theodorum.* — Cum plurimum obstaret Theodosii lex, quæ Cyrilli ac Procli dispensationem pro Theo-

dori persona confirmaverat, Cyrillus ad principem scripsit : « Theodorus quidam fuit, et ante eum Diodorus, hic quidem Tarsi civitatis, ille vero Mopsuestiæ episcopus. Isti Nestorio impietatis patres fuerunt; in suis enim libris quos composuerunt, immaniter blasphemaverunt contra Christum omnium nostrum Salvatorem, nescientes ipsius mysterium. Voluit igitur impius Nestorius, quæ sunt illorum, in medium proferre, et expulsus est a Deo de sacra aula. Cum vero anathemati subiecissent dicta Nestorii, aliqui Orientis episcoporum alio modo iterum ea introducunt, admirantes scripta Theodori, et dicentes eum recta sapuisse, et consonantia sanctis Patribus nostris Athanasio, et Gregorio, et Basilio. Mentiantur vero contra sanctos viros; scripserunt enim quæ Theodori ac Nestorii blasphemias impugnant. Quoniam igitur didici, quod et ad piissimas vestras aures quidam eorum referunt, rogo ut intactas et inviolatas animas vestras conservetis ab impietatibus Theodori ac Diodori. Sicut enim jam dixi, Nestorius eorum verba locutus est, et propter hanc causam, ut impius, condemnatus est ab universali Synodo, quæ Dei voluntate est collecta in Epheso » et cætera quæ legi possunt in Epistolæ fragmento in Concilio V recitato.

32. *Eam obtinent.* — *Cyrillus et Proclus*, qui idem negotium promovebat, quod petere ab imperatore impetrarunt; hic enim severissimam legem, quæ *Nestorii* personam, ejusque sectatores ac libros persecutus nuper fuerat, hos omnes exuri, illos vero jubens Simonianos appellari, extendit ad *Theodori* personam ac libros, ideoque datum in ipsum a Cyrillo ac Proclo anathema firmavit. Quibus annis, quæ hic uno tenore retulimus, contigerint, incomperum. Sed ante annum CDXL hæc peracta esse non videtur dubitandum. Cæterum ea non dinoverunt *Joannem Antiochenam* a suo proposito; neque enim *Ibam* castigavit, neque Theodorum defendere desuit. Imo *Domnus* ejus nepos ac successor Diodorum et Theodorum defendit, ut infra videbimus.

33. *Rabulus successor fuit S. Eulogii in Ecclesia Edessena.* — Cæterum *Rabulus*, quem Cyrillus in Epistola ad eum data dicit, factum fuisse omnibus Orientalibus Ecclesiis columnam et firmamentum veritatis, videtur fuisse successor sancti *Eulogii*, cujus virtutes et exilium ipsi a Valente imp. irrogatum describit Theodoretus lib. 4, cap. 15, quo scilicet tempore sanctus *Barse* episcopus Edessenus, ipse vero *Eulogius* ejusdem Ecclesiæ adhuc presbyter erat. Is defunctum *Barsem* excepit, interfuitque Concilio Antiocheno, Damaso sedente, habito anno CCCLXXXVIII aut insequenti. Nam subscriptus reperitur in Epistola, qua Synodus Antiochena confirmat quæ facta fuerant in Synodo Romana adversus Auxentium: cujus Epistolæ fragmentum recitat Holstenius in Collect. Romane pag. 175. Interfuit etiam Concilio œcumenico Constantinopolitano primo, et vixit usque ad annum circiter CDV, quo *Rabulus* factus est episcopus Edessenus.

34. *Præsul fuit zelo animarum insignis.* —

Monachus *Acemetus* anonymus discipulus sancti *Alexandri* fundatoris *Acemetorum* in urbe Constantinopolitana, in Vita, quam de sancto Alexandro scripsit, et Bollaudus ad diem xv Januarii primus e tenebris eruit, prodit, *Rabulum* cum ejusdam urbis præfectus esset, et idola coleret, ad fidem conversum fuisse a sancto *Alexandro*, in eaque variis miraculis confirmatum; cum enim divitiis et facundia præstaret, non sine magno labore ad religionem Christianam perductus fuit. Verum postea idololorum exterminator et præco factus veritatis, mortuo episcopo Edesseno, metropolitana illi Ecclesiæ præfectus est: « Ordinalus », inquit Anonymus, « episcopus, portus quidam divini cognitionis factus est, non solum Syriæ, Armeniæ, Persidi; sed et toti propemodum orbi terrarum. Erecta in ea urbe sunt jam olim Divino vultu linguæ Syriacæ schola in vicinarum civitatum commodum. Nam viri principes atque alii locupletes liberos suos eo institutionis gratia ablegant, etc. Viduarum et pupillorum erat pater. Exteros Gentilium filios bis in mensem e schola ad se evocabat, eosque verbum veritatis docebat, etc. Id vero egit, non duobus aut tribus, sed totis triginta annis » quibus scilicet rexit Ecclesiam Edessenam. *Rabule* successit *Nomus*, de quo anno CDLI, num. 52 et seq.

35. *Burgundiones ab Actio penitus debellati.* — A num. 15 ad 23. Prosper in Chronico sub hujus anni CDLII scribit: « Hoc eodem anno Gundicarum Burgundionum regem intra Gallias habitantem Actius bello obtinuit, pacemque ei supplicanti dedit, qua non diu politus est: siquidem Hunni cum populo suo alique stirpe deleverunt », ubi Prosper duas Actii magistri militum expeditiones adversus Burgundiones feliciter susceptas indicat, de quibus Idacius in Chronico etiam mentionem facit. Is enim anno Abrahami MCCLII, qui kalendis Octobris hujus Christi anni inchoatur, ait: « Burgundiones, qui rebellaverant, a Romanis duce Actio debellantur ». Tum anno Abrahami MCCLIII *Burgundionum* cesa viginti millia. Cum itaque Burgundiones ruptis fœderibus Belgicam infestassent, Actius eos domuit, et Belgicam eorum populationibus liberavit. *Burgundiones* enim in eam Galliarum partem irrupisse discimus ex Sidonio in Panegyrico Aviti, qui huic bello cum Actio interfuit. Hæc Sidonius vers. 230:

Nam post Juthungos, et Norica bella subacto
Victor Viandeco, Belgam, Burgundio, quem trux
Præserat, absolvit junctus tibi.

Quæ itaque Prosper uno tenore narrat, Idacius in suis annos distribuit, testaturque *Gundicarium* anno sequenti ab *Hunnis* interfectum esse. Hanc secundam de Burgundis victoriam Pseudo-Prosper in Chronico imperiali, ad annum Theodosii XLIII post Honorium regnantis Actio adscribit: « Bellum contra Burgundionum gentem memorabile exarsit, quo universa pæne gens cum rege per Actium de-

lata », ut habet editio Labbeana, ubi editio Scaligeriana perperam habet, *cum rege Perctio deleta*, Aetio etiam eandem adscribit Sidonius, qui laudatos versus his verbis prosequitur :

Vincitur illic
Cursu Horulus, Chmi jaculis, Francusque natatu.

ubi Sidonius dicit, *Arifum* Herulis cursu, Ilunnis jaculis, et Francis natatu praeceluisse. Iti enim tres populi, alique postea ibidem memorati Romanorum hoc in bello auxiliares fuere. Est porro hic tertius *Ilunmorum* in Gallias adventus; quas tunc strages in iis ediderint, nullus memoriae mandavit.

36. *Annus emortualis S. Germani episcopi Antissiodorensis.* — Baronius secundam sancti *Germani* Antissiodorensis episcopi in Britanniam navigationem ad Pelagianos, qui rursus insulam heresi sua maculabant, inde deturbandos, in hunc Christi annum confert, et eum postea mortuum asserit. Verum *Germani* mors ab anno cdxlviii removeri non potest; Constantius enim in ejus Vita lib. 2. cap. ult. ait: « Sedit idem dominus et apostolicus noster sanctissimus Germanus in episcopali cathedra annos xxx, dies xxv. Obiit vero plenus Spiritu Sancto apud Ravennam Italiae civitatem, pridie kalend. Augustas, Valentiniano adhuc juvene imperante cum Placidia matre ». Constantius lib. 1, cap. 5, jam scripserat, sanctum *Amatorem* ejus decessorem ad Deum migrasse *calendarum Maiurum quarta feria*, ideoque anno aliquo littera Dominicali F. notato, sicuti est annus Christi cdxviii, quo ideo die prima mensis Maii, in quam feria quarta incidebat, *Amator* spiritum Deo reddidit, ut supra diximus. Quare sanctus *Germanus* eo pariter anno die septima Julii, qui Dominicalis fuit, consecratus est episcopus Antissiodorensis, et postquam sedisset annos xxx, et dies xxv, die ultima mensis Julii anni quadringentesimi quadragiesimi octavi ad caelestem patriam migravit. Certe interfuit Synodo in Gallia anno circiter cdxlii a sancto Hilario episcopo Arelatensi celebrata, de qua anno cdxli, num. 13. Garnerius tom. 1 Oper. M. Mercatoris in Dissert. II de Synodis in causa Pelagianorum. Synodo xxi, putavi *Germanum* anno cdxlii vita functum esse, quod tunc *Valentinianus* anno cdxii natus *juvenis* dici potuerit. Verum vana haec observatio, cum ex dietis in variis hujus criticae locis, homines qui attingere annos quadraginta ab antiquis dicantur *juvenes*, et Constantius Magnus appelletur *adolescens* a Lactantio in lib. de Mortibus Persecutorum cap. 29, dum de eo loquitur annos triginta nato, ut jam observavimus.

37. *Opiniones contrariae confutatae.* — Denique Cambdenus pag. 94 et seq. tuetur opinionem *Ninii* scriptoris antiqui Britanniae, adventum Anglo-Saxonum in Britanniam anno cdxviii Felicis et Tauri consulatu notato consignantis. Cambdenus suam opinionem morte sancti *Germani*, quam huic anno affigit, probatam contendit, quod anno cdxviii littera

Dominicalis F. in cursu fuerit, ideoque et *Germanus* mortuo *Amatore* consecratus sit. Sed frustra contra auctoritatem Bedae et meliorum auctorum Angliorum adventum Anglo-Saxonum in Britanniam ab anno cdxlix removel Cambdenus, nec melius morem sancti *Germani* cum currenti conjungit; cum *Germanus* anno cdxlii Concilio ab Hilario Arelatensi indicto, ut mox dixi, interfuerit, et in Vita ejus citata lib. 1, cap. 34, legatur, *Auxiliarem* praefectum praetorio Galliarum eum *Arelatensem* adventum perhonorifice excepisse, quod narrat Constantius, antequam de protectione Britannica *Germani* verba faciat, *Auxiliarem* vero anno cdxlii praefecturam Gallicanam gessisse, et Roma Arelatem ad sanctum Hilarium scripsisse, constat ex sancto Honorato episcopo Massiliensi in Vita ejusdem Hilarii, in qua cap. 17, Epistolam integram *Auxiliaris* recitat.

38. *S. Germani legatio Britannica, Aemorriva, et Italica.* — Cum itaque paulo ante mortem, sanctus *Germanus* sancto *Severo* episcopo Treverensi collega, in Britanniam trajecerit, haec legatio ad annum circiter quadringentesimum quadragiesimum septimum spectat. Constantius enim lib. 2, cap. 5, ea narrata, expeditionem ejus *Armericanam* his verbis inchoat: « Vix domum de transmarina expeditione remeaverat, et jam legatio *Armericani* tractus fatigationem beati antistitis ambiebat ». *Armerica* regio, quae postea Britanniae minoris nomen adepta est, incolebatur a *Curiosolitibus*, *Redonibus*, *Ambiariis*, *Osissimis*, et *Venetis*, qui Constantino tyranno in Gallis imperante *Honorio* imp. permissu sese in libertatem asseruerant, ut suo loco diximus. Sed cum Aetii imperia gravate acciperent, hic *Eocharius Alemannorum* regi, gentis *Aemorrivae* ultionem mandat, et regionem contumeliae ac rebellionis pervicacem, censet inclinandam *Barbaro*. Cum itaque infesta vis *Alemannorum* *Aemorrivis* immineret, hi operam auxiliumque pacis et veniae impetranda causa beatum *Germanum* ad eum mittunt: « Centi bellicosissima », inquit Constantius cap. 5. « Et sacerdos noster obvius ferebatur, donec, ad ipsum regem, qui subsequebatur, accederet, etc. Apparatus bellicus armorumque commotio, ad consilii civilitatem, deposito timore descendit, tractaturque qualiter, non quod rex voluerat, sed quod sacerdos petierat, completeretur. Ad stationem quietam rex exercitusque se recipit: pacis securitatem fidelissimam pollicetur ea conditione, ut venia quam ipse praestiterat, ab imperatore vel ab Aetio peteretur ». Eam in rem sanctus *Germanus* magna festinatione *Ravennam* proficiscitur, ubi a *Valentiniano* imperatore et *Placidia* ejus matre *providio amore* suscipitur. « Illic *Petrus* (*Chrysologus* scilicet) tum Pontifex Christi Ecclesiam Apostolica institutione retinebat ». Sed cum *Germanus* in morbum incidisset « septimo incommodi die ad caelos anima felix et beata transfertur », inquit Constantius anno scilicet cdxlviii. Fuit Constantius presbyter *Lugdunensis*, quem *Sidonius Apollinaris* saepe laudat;

qui cum Vitam sancti Germani sancto Patienti Lugdunensi episcopo dicarit, liquet eum ante hujus sæculi finem opus illud elucubrasset, ex quo Beda, quæ de Germano habet lib. 1, cap. 21, mutuatus est.

39. *Alemanni Armoricis vicini*. — Porro ex eo quod Constantius citatus de rebellione Armoricanorum scribit: « Offensus superbe insolentia regionis vir magnificus Aetius, qui tum Rempublicam gubernabat, Eocharich ferocissimo Alemannorum regi loca illa inclinanda pro rebellionis præsumptione permiserat, quæ ille aviditate barbarice cupiditatis inhiaverat », deduco Eocharichum sedem habuisse ad Ligerim Armoricanis fluvium vicinum; alioquin quomodo barbarus iste feroces hos populos domare potuisset? Hinc in Vita sancti Engidii abbatis monasterii Jurensis in comitatu Burgundiæ hodiernæ, scripta a monacho Jurensi coævo ejus discipulo, num. 17 refertur quoddam miraculum ab eo patratum cum quosdam monachos suos sal quæsiturum misisset, diciturque: « Quadam die dum diros metuumt, ac vicinos Alemannorum incursum, qui inopinatis viantibus non congressione in cominus, sed ritu supervolente solerent irruere bestiali, e limite Tyrrheni maris potius quam de vicinis Heriensium locis, cocille decernunt petere sal ». Hos enim Alemannos non video alios esse posse, quam qui ad Ligerim habitabant. Mabillonius quidem sæculo I Benedictino, ubi Vitam illam recitat, in Nolis ait: « Hic Alemannorum nomine intelligo Francos, ab antiquis Germanos dictos, qui Sequanos Heriensium insulam, vulgo l'Isle de Nermontier, in finibus Pictonum et Armoricorum adire non sinebant ». Verum his temporibus Franci quidem *Germani* dicti, sed nunquam *Alemanni*: imo nec Germani Alemanni appellati ante XI aut XII sæculum. Parte alia Simondus in Notis ad panegyricum Aviti num. 216, arbitratur in laudato loco Constantii *Alanannorum* regem mendose scriptum esse pro *Alanorum*, quod inquit, Erici monachi versus docent. Verum *Ericus*, qui nono Ecclesiæ sæculo vixit, in corruptum exemplar Vitæ sancti Germani a Constantio scripte procul dubio inciderrat, cum certum sit, anno cdxlv ac insequenti, quo Aetius *Eocharichum* in Armoricam immisit, *Saugibannum* regem exstittisse Alanorum, et prælio Attiliano, cui interfuit, superstitem fuisse.

40. *Floret S. Severus episcopus Trevirensis*. — Quoad sanctum *Severum* Trevirensem archiepiscopum, et in hac legatione sancti Germani collegam, hæc de eo habet Beda lib. 1, cap. 21, Germanus « adjuncto sibi Severo totius sanctitatis viro (qui erat discipulus beatissimi patris Lupi Treccassinorum episcopi, et tunc Treveris ordinatus episcopus, gentibus primæ Germaniæ verbum Dei predicabat, mare conscendit ». Quare non tantum populis Belgicæ; sed etiam Germaniæ primæ gentibus, quæ cis Rhenum undique tum frequentes ex Barbaris affluebant, veritatis lucem monstravit. Bucherius in Belgio Romano lib. 16, cap. 13, non solum itera-

tum Germani in Britanniam excursionem anno cdxvii collocaat, sed etiam existimat, gentes primæ Germaniæ, quas *Severus* vomere prædicationis excoluit, alias non esse quam *Burgundiones*, eis Rhenum versus Moguntiam habitantes. Sed utrumque a veritate manifeste alienum, jamque anno cxxiii et seq. demonstravimus *Burgundiones* ante annum cxxvii Christianam religionem suscepisse, et ex mox dictis liquet, prædicationem sancti *Severi* in prima Germaniæ, ejusque cum sancto Germano in Britanniam profectorem, pertinere ad annum cdxlvii aut circiter. Vixit *Severus* juxta Bouverum in Annal. Trevirens. usque ad annum circiter cdlv, et colitur in sua Ecclesia die xv mensis Octob.

41. *Codices Theodosiani promulgatio*. — Annum 23 ad 26. Gothofredus in Prolegomenis ad Codicem Theodosianum cap. 1 ostendit, hactenus ab omnibus erratum in anno consurgendo, quo Codex ille conditus est, ob mendam scilicet, quæ in subscriptione Novellæ de Theodosiani Codicis auctoritate, etiamnum hæret. Editus est enim et promulgatus *Theodosio Aug. XVI coss.*, id est, anno cdxviii, et tamen in laudata Novella librorum errore legitur, *Theodosio Aug. XV coss.* ideoque currenti anno. Id probatur ex legibus, et quidem quindecim numero, quæ per annum currentem, ac duos subsequentes latae, et in Codicem Theodosianum relatae, posteriorem consulum notam præferunt. Præterea Novella, qua Codex Theodosianus confirmatur, data quidem dicitur *Theodosio Aug. XV, et qui fuerit nuntiatus*: verum ea inscribitur *Florentio* præfecto prætorio Orientis; quam tamen dignitatem Isidorus hoc et sequenti anno adhuc gessit; post hunc *Darius* parte ultima anni insequentis, tandemque anno cdxviii, post *Darium Florentium*, ut liquet ex variis legibus a Theodosio emissis. Hic codex non solum per Orientem, sed etiam per Occidentem receptus fuit; imo apud Ostrogothos in Italia regnantes viguit, sicuti et ejus Breviarium in Galliis, in Hispaniis sub Visigothis, Burgundionibus, regibus Francorum primæ stirpis, ac sub Langobardis per Italiam, ut in laudatis Prolegomenis demonstrat Gothofredus, qui eum Notis illustravit.

42. *Honorica Constantinopolim mittitur*. — Ad annum 26. Baronius in codicem mendosum Chronici Marcellini inciderrat, ut passim infra videbimus; cum hic Chronographus non sub currentis, sed sub superioris anni consulis scribat: « Honorica Valentiniiani imp. soror ab Eugenio procuratore suo stuprata concepit, palatioque expulsa, Theodosio principi de Italia transmissa est: male enim contra Occidentalem Rempublicam cogitabat ». Rem magis explicat Jormanides de success. Regn. cap. 97: « Honorica dum ad aulæ decus virginitatem suam cogeretur custodire, clam misso clientulo, Attilam Hunnorum regem invitat in Italiam: cumque veniente Attila volum suum requirere explorare, facinus quod cum Attila non fecerat, cum Eugenio procuratore suo committit. Quamobrem tenta a germano,

et in Constantinopolim Theodosio principi destinata est ». Regnabat itaque hoc tempore *Attila* cum fratre suo Bleda, seu Bletta, et successerat *Octavi* et *Roæ*, ut prodit *Jornandes* lib. de Reb. Get. cap. 35, *Roam* Priscus *Rouam*, Theodoretus lib. 5, cap. 37, *Roilam*, Socrates vero lib. 7, cap. 43, *Robam* appellant. Testatur is, *Roam* suppelias Joanni tyranno tulisse, et non multo post, Deo imperium Romanum protegente, fulmine percussum interisse, et maximam partem Barbarorum, qui sub ipso erant, partim fame, partim igne e caelo misso perisse, quod Theodoretus citatus confirmat, adque id contigisse, cum Roa « Thraciam vastaret, et depopularetur, ipsamque Urbem regiam obsessurum se et primo impetu capturum, ac luditis eversurum esse minaretur ». Quæ iam Socrates, quam Theodoretus fidei Theodosii jun. tribuunt. De Roa hæc habet Pseudo-Prosper in Chron. imperiali ad annum XI Theodosii post Honorium regnantis, seu Christi CXXXIV: « Rugila rex Chunnorum, cum quo pax firmata moritur, cui Bleda succedit, et cum eo Attila frater, idque anno CXXXIV ».

43. *Vandalis pax concessa.* — Prosper in Chronico sub hujus anni cons. scribit: « Pax facta cum Vandalis, data eis ad habitandum per Trigetium in loco Africae Hippone III idus Febr. » De hac pace Isidorus in Historia Vandalorum ait: « Cui (sc. Genserico) Valentinianus junior Occidentis imp. non valeo subsistere, pacem mittit, et partem Africae, quam Vandali possederant, tanquam pacifico dedit, conditionibus ab eo sacramenti acceptis, ne quid ultra invaderet ». Verum Gensericum sacramenti religionem violasse, post quadriennium videlicet. Porro alteram pacis conditionem refert Procopius lib. I Historia Vandalorum, ut sc. Gensericus Valentiniano imp. tributum penderet, dato ei in obsidem Himerico filio. Quæ Sacramento confirmata fuisse testatur Isidorus in Hist. Vandal. Et CXLVII seu Christi CXXXIX. Firmata autem postea inter imperatorem et Gensericum amicitia, *Himericus* ad patrem remissus est, ut prodit Procopius ibidem.

SIXTI ANNUS 5. — CHRISTI 436.

1. *Nestorii in Oasim relegatio et miserandus interitus.* — Qui sequitur Christi annus quadringentesimus trigentesimus sextus, Isidoro et Senatore consulibus aperitur: quo cum Nestorii fautores universam Orientalem Ecclesiam majoribus in dies miscerent turbis et gravioribus concussionibus exagitarent; Theodosius imperator, sero licet, tandem auctorem malorum omnium Nestorium in Oasim deportandum, dato rescripto decernit, directum illud quidem ad Isidorum agentem hoc anno una cum consulatu prætorii præfecturam: est autem hujusmodi¹:

2. « Elsi nostrum erga Republicam studium perspicuum est, laud minori tamen nobis est curæ, ut sacrosancta quoque religio recte constituatur. Si enim hanc rite curaverimus, fore optamus, ut et publicis quoque rebus hac ratione consulamus. Quare cum Nestorius Catholice quondam Ecclesie sacerdos, nunc rectæ fidei proditor, tantorum sce-

lerum mole oppressus teneatur: operæ pretium est, ut serenitatis nostræ sententiæ subjiciatur, calamitateque moribus illius digna opprimatur, ut qui venerandis Ecclesie legibus abjectis, traditionibusque contemptis, nefandæ hæreseos auctor extiterit; quique dum illorum quoque conditionis suæ socios sibi adjunxit, fidem corruptit, alienæ corruptionis crimen suo ipsius capiti aggregavit. Tua proinde celebris auctoritas, hac pragmatica sanctione, sive hac propria auctoritate ostensa, predictum Nestorium ob admissam a se impietatem in perpetuum exilium Petras abire compellat: omniaque illius bona Ecclesie Constantinopolis fisco addicat; quo angusti loci illius opes, cujus ille sacra mysteria nuper prodidit, auctiores evadant. Ilac enim ratione futurum est, ut et religio sanctissimæ fidei intacta in mentibus hominum perseveret, et regni nostri felicitas religione munita quotidie magis magisque floreat ». Hactenus rescriptum contra Nestorium.

3. Fuisse quidem Petras locum exilii ab impe-

¹ Apud act. Ephes. edit. Pell. tom. v. c. 12.

ratore decretum in Oasena Ægypti provincia positum, inde possumus intelligere, quod auctores omnes temporis hujus scriptores in Oasim Nestorium deportatum fuisse tradunt, deportationem omnium famosissimam, de qua superius et in Notis pluribus dictum est. In Oasim quidem deportatum esse Nestorium, Theodoretus in Epistola ad Spardium tradit his verbis ¹: « Non solum sacerdote Nestorius ejectus fuit divino quidem judicio, sanctorum Ephesi congregatorum Palrum decreto, sed etiam imperiali nutu Oasim incolere damnatus, pœnas quæ impios expectant, has prægnare cepit »: id ipsum affirmat Socrates ², id denique expressius Nestorii litteris Evagrius ³ prodit, qui et res post hæc ab eo gestas ex iisdem scriptis ita recenset: « Quemadmodum autem Nestorius in exilium ejectus sit, et quid postea de illo factum, et quem vitæ exitum sit consecutus, et quas pœnas blasphemie causa dederit, nequiquam ab illius qui ejus res gestas scriptis prodiderunt, traditum est. Quæ omnia plane intercidissent, fuissentque temporis diuturnitate ita deleta obrutaque, ut ne de illis omnino vel semel audiri posset, nisi in librum quemdam ab ipso Nestorio editum, in quo isarum rerum continetur narratio, forte fortuna incidissem »: et paulo inferius post recensitam, quam Ephesi ob blasphemiam subiisset, sententiam, ista subdit:

4. « Porro autem in eodem libro ostendit, Theodosium primo propter amorem, quo eum complectebatur, ejus abdicationem minime ratam fecisse: deinde cum quidam episcopi ex utraque factione ab urbe Epheso ad Theodosium (idem ipsum namque imperator postulaverat) missi essent, potestatem sibi datam ad suum monasterium revertendi, quod ante portas Antiochiæ, quæ jam Theopolis dicitur, situm est; cujus nomen a Nestorio non ponitur illud quidem, tamen fertur appellatum esse monasterium Euprepit; quod quidem ante portas Antiochiæ locatum esse, pro certo cognoscimus; et ab iisdem non amplius duobus salsis distare. Narrat idem ipse Nestorius, se in eo loco quadriennij spatium commoratum esse, variis affectum honoribus, variisque præmiis donatum, postea autem relegatum ad Oasim edicto Theodosii. Verum quod caput omnium erat, penitus occultavit. Neque certe in eo loco vitam degens, a sua destitit blasphemia: adeo ut Joannes Antiochiæ præsul istam in apertum proferret sententiam, Nestorium scilicet perpetuo exilio multandum esse ». Ex his vides, lector, Joannem Antiochenum Nestorii antea propugnatores, post pacem initam cum Cyrillo ejus adversarium penitus evasisse. Sed subdit Evagrius:

5. « Scribit præterea Nestorius alium libellum acule et subtiliter ad quemdam videlicet Ægyptium de sua in Oasim relegatione, in quo de his rebus disputat uberius. Quæ autem pertulerit supplicia ob conceptas ab ipso blasphemias (quippe obtutum Dei omnia contemplantem latere non potuit) ex

aliis litteris, quas ad præfectum Thebaidis dabat, satis poterit intelligi. Nam in illis videre licet, quod cum justas hominibus pœnas non luerit, nullo divina eum ex improvviso oppressit, et quasi captivum duicens, in acerbissimam omnium coniecit calamitatem. Nam quoniam majores luere debebat pœnas, ex Blenniiis a quibus captus erat, dimissus, Theodosio reditum illi per edicta decernente, circiter extremas oras Thebaidis, de uno loco in alium demigrans, atque ad terram collisus, finem vivendi dignum antea vita est consecutus, ipsoque vitæ exitu alter Arius declaratus, in quo perspicue elucet, et quasi pro certo dignoscitur, quæ merces sit impiæ in Christum blasphemie proposita. Uterque enim, Arius et Nestorius, in eum similiter jecit blasphemiam, alter appellando creaturam, alter hominem tantum esse existimando: et inferius ostendens pro miraculo, ut quem Theodosius tanto studio prosequeretur, eundem in exilium jusserit solum vertere, ista subjeit:

6. « Verum ne crimen, inquit, subeamus mendacii, ipsum Nestorium, qui nos islas res doceat in medium adducamus. Age, Nestori, recita mihi quædam ad verbum ex Epistola abs te ipso de his quæ jam dudum Ephesi de sanctissima religione agitantur conscripta, et ad præfectum Thebaidis missa: Ex imperatoris edicto (sunt hæc verba Nestorii) Oasim, alio nomine Ilim appellatam, demigrare coacti sumus. Ac quibusdam deinde interpositis adjungit ista: Postquam Oasis, quam supra dixi, a Barbaris capta erat, ignique et credibus (sedibus) funditus vastata; nos ab iisdem Barbaris, qui nos (qua causa adducti, nescio) sum de repente commiserati, dimissi sumus, minacibus quibusdam contestationibus ad nos perlerrefaciendos adjectis, ut quamprimum e regione illa egredereur: nam Mazici (inquiunt) nobis abumilibus, sunt exemplo eam occupaturi. Venimus igitur in Thebaidem cum captivis quibusdam quos Barbari ob misericordiam (quid autem voluerint, equidem non habeo dicere) nobis adduxerunt. Postremo isti ad cara sua quisque domicilia dimissi sunt: nos autem ad Panopolim nosmetipsos propere recepimus. Verebatur namque ne quis, quoniam captivi eramus, ansam inde ad negotium nobis facessendum arripens, vel fugitivorum crimen contra nos confingeret, vel alio quodam accusationis genere (varie enim calumnie hominibus malitiosis solent abunde suppelere) nos per fraudem implicare moliretur ». His Nestorius ad præsidem scribens, fugam suam coloribus adornavit, subdit mox vero: « Quapropter vestram celsitudinem obsecramus, ut nostræ captivitatis, sicut leges postulant, curam habeatis, et ne patiamini quemquam hominem captivum veteratoribus ad perniciem dedi: ne omnis posteritas velut tragice hoc decantet, satis esse a Barbaris duci captivum, quam auxilii causa ad imperium Romanum confugere. Atque jurejurando adjecto, sic præterea ab aliis postulavit: Nobis per vos, quæso, liceat in hoc commorari domicilio, ad quod ab

¹ Theod. ep. 1. — ² Socr. l. vii. c. 33. — ³ Evag. l. 1. c. 7.

Oasi, cum essemus a Barbaris dimissi, accessimus : ut quicquid a Deo de nobis decretum sit, id jam nobis obveniat » : hæc ex prima Epistola accepta Evagrius habet : ex secunda autem ista subiungit :

7. « Has litteras ad tuam amplitudinem a nobis perscriptas, sive ut argumentum amoris erga te mei, sive ut admonitionem a patre ad filium misam ducis ; animum, quaeso, attende rebus in illis explicatis, quæ sane permulte sunt, et quæ paucissimis verbis, quantum fieri poterat, a nobis comprehensæ. Oasis, quæ His quoque dicitur, Nomadum multitudine in eam irruptionem faciente, jampridem penitus vastata est. Et paulo post : Quæ res cum ita accidissent, tua amplitudo, nescio qua causa impulsâ, aut qua arrepta occasione, jussit, ut ad regionem quandam, Elephantinam nomine, sitam ad extremam oram provincie Thebaidis per milites barbaros ex Panopoli abduceremur : quo quidem manu militum, quos dixi, misere raplati sumus. Ac cum itineris longitudine essemus fracti, contritique mandatum minime scriptum illud quidem rursus a tua magnitudine accepimus, ut Panopolim reverteremur. Itaque molestiis, quæ in tanto et tam prolixo itinere nobis obtigerunt, debilitati, corpore morbo vexato, et præ senectute languido, manibus etiam et lateribus contractis, venimus denno Panopolim ; ibique adversis casibus et acerbo dolorum morsu concisi, fere animam egimus.

8. « Rursum vero aliud mandatum scriptum a tua celsitudine ad nos allatum nos a Panopoli ad quoddam illius confinium traduxit. At cum nos jam finem mandatis contra nos editis statim fore putaremus, expectaremusque imperatorum illustrissimorum de nobis voluntatem, de improvviso aliud crudele sane dabatur mandatum, ut jam quarto muletaremur exilio. Et paulo infra : Sis, quaeso, his rebus gestis contentus ; satis tibi sit, tot exilia contra unum corpus decrevisse : acquiescas, amabo te, incommodis, quæ jam abs tua amplitudine accepimus. Questionem, quæ est exercenda de nobis (per quos oportnerat causam declaratam fuisse) quaeso imperatoribus nostris invictissimis (ut equitas postulat) permittas. Ista consilia a nobis ad te, tanquam a patre ad filium scripta sunt. Quod si eadem jam sicut antea graviter et iniquo animo feras ; fac quod voluntas jubet, si modo vincere ratio non possit voluntatem. Ad istum modum Nestorius tam imperatores quam eorum magistratus litteris velut pugnâ, et calcibus verberare, maledictisque figere non dubitavit : neque rebus adversis, quas pertulerat, ad modestiam traductus fuit.

9. « Ipse equidem accepi a scriptore quodam, modum quo decessit e vita, talem fuisse, nimirum ejus linguam verbibus exesam esse, sicut quæ lujus vite miseris ad graviora supplicia justo Dei judicia intelligenda et quæ sempiterna migrasse ». Hactenus de his Evagrius, quæ ab amanuensi Nestorii et ex ejus Epistolis accepit. His consentientia

cæteri habent : addit tamen Theodorus ¹ Lector totum ejus corpus putredine fuisse consumptum : id ipsum affirmat quoque Cedrenus ², cum lingua totum computruisse corpus : eadem etiam tradit Nicophorus ³. Corrigendus tamen ex dictis Evagrius ⁴, dum ad inferius, post mortem Nestorii subrogatum Maximianum Constantinopolitanæ sedi in locum ipsius Nestorii, ac deinde Proclum : nam vivo Nestorio, imo necdum in exilium acto, eos gubernare corpse Ecclesiam Constantinopolitanam, satis liquido demonstratur. Cæterum non ante præsentem annum Nestorium proscriptionem cum exilio passum esse, tum rescriptum imperatoris datum ad Isidorum consulem hujus anni declarat, tum etiam litteræ ipsius Nestorii fidem exploratam faciunt, utpote quæ quadriennium testentur eum in suo monasterio in pace frequentatum muneribus et honoribus transexisse : cum enim eo fuerit amandatus post Concilium Ephesinum absolutum in fine anni quadringentesimi trigesimi primi, quatuor his additis annis habitationis in monasterio, hoc plane anno in exilium actum colliges. Quoto autem exilii anno extremum diem clauserit, haud satis exploratum habetur.

10. *Theodoretus defenditur a calumniis.* — Quod rursus ad Nestorii finem spectat : licet ista dicta nuper singillatim minime explicet Theodoretus, ut rem omnibus notam ; satis sibi visus istis verbis ipsius extrema clausisse, quibus ait ⁵ : « Unde quoniam turpissima et maxime ignominiosa morte perituri sunt iniqui : pontificatu per sanctos qui Ephesi congregati fuerant, divino suffragio ejectus est, et jussu imperatoris Oasim habitare damnatus, futuri impiorum supplicii illinc cæpit exordium, ut qui a sua amantia consumptus sit, et in se dictum Apostoli ⁶ compleverit : Quorumdam hominum peccata manifesta sunt præcedentia ad iudicium ». Hæc ipse : qui quidem ob pristinum, quam cum Nestorio (ut vidimus) consuetudinem habuit, infamatus cum esset, arrepta inde Nestoriani occasione, commentitias quasdam Theodoretis atque Nestorii ad invicem datas vulgare litteras, quibus sectæ communio monstrabatur : testatur id quidem Leontius Scholasticus, ubi ait ⁷ : « Sciendum et illud circumferri quasdam Theodoretis ac Nestorii Epistolas, in quibus se mutuo recipiunt : sed fictitiæ sunt, et fingunt eas hæretici, ut earum ope Synodum oppugnent. Si cui vero cognoscere libet, quam gravi Nestorium Theodoretis odio persecutus fuerit, librum ipsius Theodoretis perscriptum de Hæresibus legat ». Hæc Leontius : extat ex illis Epistolis una ad Nestorium inscripta recitata ad finem quintæ Actionis quintæ Synodi, et aliæ ad alios date, quibus ipse Theodoretus societatis cum Nestorio redarguitur.

11. At sunt ipsius Theodoretis scripta plurima,

¹ Theodor. in Collectan. — ² Cedren. Compend. in Theodos. Minore. — ³ Nicoph. l. xiv. c. 26. — ⁴ Evagr. l. i. c. 8. — ⁵ Theodoret. hæret. libul. l. iv. in Nestorio. — ⁶ 1. Tim. v. — ⁷ Leont. de sect. act. iv. tom. ix. Biblioth. sanct.

quæ, nisi nimia proflixitas fatigaret lectorem, pro illius sincera fide probanda adduci in medium possent, nempe Epistolæ ipsius illic ad diversos data, et quidem germanæ, quibus nihil sit quod obijci penitus valeat, ut quæ inter eas primum sibi vindicatum locum, Epistolæ¹ ad Sporadium, qua cum auctore execrandum dogma Nestorii est insectatus; insuper aliæ complures ad diversos scriptæ, quibus recte fidei professionem, adversantemque ejusdem Nestorii impietati, festatam, sartam tectam, confirmatam, stabilitamque reliquit, ut Epistolæ ad Eusebium scholasticum², aliæ ad Discorum, aliæ insuper ad

Celerinam diaconissam, ad Eusebium episcopum Ancyranum, ad Timotheum episcopum, ad Andream, ad monachos Constantinopolitanos, et ad postremum duæ ad Leonem Romanum Pontificem: quibus plane omnibus et pristina illa cum Nestorio consuetudine contractam maculam plus satis abstersit, diluit, atque purgavit. Post initam quidem pacem, junctamque cum Cyrillo et aliis Orthodoxis communicationem ipsum Nestorio addictum fuisse, nulla prorsus est mentio; sed pro Catholica fide strenue atque impigre laborasse, plurima sunt monumenta. Verum de Theodoro sæpe dicendum inferius erit.

¹ Theodoret. ep. 1. — ² Theodoret. ep. XXI. LIII. CL. CIX. CXXXI. CXLIV.

Anno periodi Græco-Romanæ 5930. — Olymp. 364. — Urb. cond. 1190. — Jesu Christi 437. — Sixti III. pape 6.

— Theodosii Jun. 36. et 30. Valentiniani III. 13.

1. *Consules.* — Coss. *Fl. Anthemius Isidorus, et Senator*, uterque Orientalis, ut de priori liquet ex lege de Nestorii libris comburendis anno superiori ei directæ, ut ibidem diximus, ex Isidori Pelusiote Epist. cxcix, lib. 1 ad eum data, et ex variis legibus Cod. Theod. a Gotthofredo Prosopographia enumeratis. Extat etiam Epistola Theodoretæ ad Senatorem Patricium ordine XLII, hincque in Allocutione Marciani imp. ad Synodum Chalcedonensem dicitur *Patricius et Exconsul*. Eum missum a Theodosio juniore ad Attilam testatur Priscus cap. 48.

2. *Nestorius in Oasim relegatus.* — Ad num. 1 et seqq. *Nestorius* duplici exilio affectus fuit. Prius illi anno cxxxii post Synodi Ephesinæ celebracionem irrogatum, tunc enim in monasterio suo sancti Euprepii prope Antiochiam sese continere jussus. Quare falsa est vulgaris opinio, quæ docet eum haecenus fuisse liberum, ut supra demonstravi. Evagrius quidem lib. 1, cap. 7, refert fragmentum Epistolæ Nestorii, in qua is ait, permissum sibi esse ab imperatore, « ut ad monasterium suum revertetur ». Sed sive id verum sit, sive a superbo haeresiarcha excogitatum, certum est monasterium illud ei in pœnam vel tunc, vel paulo post assignatum, ut suo loco ostendimus. Addit *Nestorius*, quadriennio illic commoratum, postea autem edicto imperatoris *in locum qui Oasis dicitur*, esse relegatum, ideoque hoc anno, præsertim cum rescriptum Theodosii in antiqua versione Concilii Ephesini cap. 83

hunc titulum præferat: « Interpretatio sanctionis scriptæ ad Isidorum gloriosissimum præfectum prætorio et consulem ordinarium ». Garnerius quidem in Prefatione ad partem II Marii Mercatoris pag. 51, contendit, illud anno superiori emissum esse, postquam Nestorius in monasterio suo *quadriennio* moratus esset. Sed non animadvertit vir eruditissimus *quadriennium*; et hujusmodi vocabula modo annos incompletos, modo completos designare. Lupus in Notis ad caput 24 Synodici adversus Tragœdiam Irenæi, ejusdem est cum Garnerio opinionis, additque imperiale exilii decretum, recitatum a Baronio num. 2 et seqq. quo Nestorius *in perpetuam exilium Petras* relegari jubetur, respicere primum ejus exilium, cum in secundo in Oasim deportatus fuerit.

3. *Secta Nestoriana nondum in Oriente extincta.* — Verum in utroque capite vir doctissimus hallucinatur; cum Isidorus ante præcedentem annum præfectus prætorio non fuerit, et titulum decreti a compilatore additum esse, nullo argumento ostendat. Quoad exilii locum, decretum quidem habet eum *Petras* relegandum esse, sed illum postea mutatum oportet; cum ipsemet *Nestorius* apud Evagrium citatum asserat, se Oasim amandatum esse, addatque Evagrius Edicto Theodosii Nestorium loca subinde mutasse circa fines Thebaidis. Erat autem *Oasis* Marmarice urbs in confiniis Ægypti. Ibi adhuc vivebat, quando Socrates historiam suam

absolvit; cum lib. 7, cap. 34, scribat: « Etiam non depositus et in exilium missus, Oasim incolit ». Nestorius, ut videre est apud Evagrium loco laudato tam lamentabiliter mala, quibus expositus erat, enarrat, ut a Theodoro predicatus fuerit velut sanctissimus fidei defensor. Hinc exorta monachorum Orientalium in Nestorium propensio, et quod in Concilio Chalcedonensi coram Marciano imp. Pulcherraque Augusta, Patribus inclamantibus anathema Nestorio, tumultuose quidam reclamant, virum sanctissimum anathemate percelli, ut refert Evagrius lib. 2, cap. 2. Hebed-Jesu diligens librorum Syrorum inquisitor, in suo Catalogo plures recenset, qui Syriace ejus defensionem scripserunt. Denique in Synodo Diamperitana sub finem seculi XVI ab Alexio Menezio archiepiscopo Goano adversus Nestorianos celebrata, dicitur Actio V, decreto 1, hæc a diacono Nestorianorum hujus temporis inter Missarum solemnia recitari solita: « Commemoramus quoque Patres nostros sanctos et veritatis doctores dominum et sanctum Nestorium, S. Diodorum, S. Theodorum, S. Ephrem, S. Abraham, S. Narsisum, omnes quoque doctores et presbyteros veritatis cultores. Oremus, ut ipsorum orationibus, veritas pura, ac sincera doctrina quam docuerunt et professi sunt, in omni Ecclesia sancta custodiatur usque ad consummationem seculi ». Nestorius a sua blasphemiam nunquam destitit, ipsoque vite exitu alter Arius declaratus est, inquit Evagrius lib. 4, cap. 7, et pluribus narrat Baronius.

4. *In universo patriarchatu Antiochiæ paz suscepta.* — In Synodico adversus Tragediam Irenæi cap. 497 refertur Epistola Joannis Antiocheni ad Proclum Constantinopolitanum, quam hoc anno datam, non vero sequenti, ut putavit Lupus, indicat his verbis Joannes loquens de iis que in suo patriarchatu in causa Nestorianorum gesta fuerant, postquam Paulus Emesenus episcopus legatus pro pace, ea peracta, initio mensis Januarii anni cxxxiii in suum patriarchatum venit: « Nos omnia quæcumque oportuit fieri, ante quatuor annos, mox ut venit ab Ægypto ter beatus Paulus, et fecimus, et egimus, et diximus ». Tum: « Cilices ubique ab anno preterito his convenientia et consona per conspicuum tribunal Aristolaum compleverunt », id est, pacem in Synodis Anazarbica et Tarsensi susceperunt; quod cum anno superiori contigerit, quatuor illi anni incompleti, non vero integri intelligendi. Hæc tamen Epistola anno jam profecto data, cum *Alexander* Hieropolis episcopus die xv mensis Aprilis, currentis anni, ut ego Synodicon cap. 184 interpretor, Ecclesiam suam deserere coactus fuerit, et ad eum litteras dederit *Andreas* Samosatensis cum illi episcopatu adhuc potiretur, occasione damnationis Capitulum Theodori a Babula factæ, quod certum est, anno superiori configisse. Hæc itaque Epistola a Joanne scripta, postquam Theodori defensionem aperte suscepit, et Cyrillus hujus Capitula anathematizanda esse voluit.

5. *Undecim provinciis patriarchatus Antiochi-*

mus constabat. — Hæc Epistola *Joannes* Antiochenus respondet ad querimonias *Procli*, qui a Cyrillo stabat, et cum illo Theodori Capitula damnanda esse censebat. Summarie exponit in fine pacis seriem exordiens a prima legatione *Aristolai* tribuni et notarii anno cxxxv suscepta; fateturque se impias, quas antea non animadverterat, *Nestorii* blasphemias, jam sese perspectas habere, ejus dogmata ac personam jam solemniter anathematizasse, et cum eo omnes, qui similia docent et sapiunt, et denique hæc in re solum hæc omnia non fecisse; sed etiam secum omnes sui patriarchatus episcopos, quod benigne interpretandum; cum nec Theodoretus, nec alii quidam episcopi id præstiterint, nisi in Actioe VII Chalcedonensis Concilii, vi et metu ad id compulsi. Enumerat postea *Joannes* omnes sui patriarchatus provincias, in quibus Nicænam fidem receptam fuisse jam dixerat, et nos docet eas undecim fuisse, nempe duas Syrias; *Paraliam*, id est, Phœniciam maritimam, Phœniciam secundam; duas Cilicias; Arabiam; Mesopotamiam; Osroënam; Euphratesiam, et Isauriam, quas omnes ad novam professionem compulsi. Ascrit tamen Nestorianam hæc nondum plane extinctam esse in Cilicia, haud dubie in secunda, propter scilicet Mopsuenses a Meletio paulo ante Alexandrum Hieropolitanum in exilium misso corruptos ac accensos. De episcopis Phœnicie maritimæ hæc habet *Joannes*: « Illi qui ex Paralia sunt Deo amicissimi episcopi, his consona componentes et subscribentes direxerunt ». Ubi *Paralie* nomine Lupus Cyprum intelligit; « Etenim, inquit, Paralia idem est quod maritima ». Verum Em. card. Norisius in dissert. IV de Epochis Syro-Macedonum cap. 3, docte ostendit, ibi vocem *Paraliam*, non Cyprum, sed Phœniciam primam designare; siquidem hæc ad distinctionem Phœnicie mediterraneæ, seu ad Libanum, *παρὰ λίαν*, id est, *maritima*, dicebatur. In veteri Notitia Ecclesiarum pag. 60 legitur: *Ἐπαρχίας Φοινίκης παραλίαν*, seu *Provincia Phœnicie maritimæ*, ubi primo loco nominatur Tyrus metropolis, dein Berytus. Itaque *Joannes* Antiochenus in hæc Epistola nominal primo loco episcopos *Paralie*, id est, Phœnicie maritimæ, quibus adjungit episcopos Phœnicie secundæ, aliosque. Valesius in notis ad lib. 3 Evagrii cap. 33, recte quidem observat, duplicem fuisse *Phœnicem*: alteram Maritimam, que Græcis *παραλίαν*, seu *παραλία* dicebatur; alteram Libanensem nominatam, « cuius caput, inquit, fuit Emesa, ut docent Notitiæ veteres ». Verum Damascum fuisse Metropolim Phœnicie Libanensis præter cap. 97 Synodici citati demonstrant subscriptiones episcoporum, quæ in eodem Synodico leguntur cap. 13: « *Joannes* episcopus Damasci metropolitani ». Tum post plures alios metropolitanos, *Paulus episcopus Emese*, post quem subscribitur varii alii episcopi. Porro episcopi Cyprum id temporis, ob impetratum ab Synodo Ephesina privilegium autocephaliæ in favorem episcopi Constantiæ, juri patriarchæ Antiocheni sese subtraxerant, ac idem Constantiensis episcopus totius

insulae Exarchum Ecclesiasticum agebat, uti exponit Lupus tom. 1 Concil. in Notis ad Synodum Ephesinam pag. 367.

6. *Metropolitae Tyri et Damasci Protothroni appellati.* — Joannes Antiochenus in eadem ad Proclum Epistola enumerans eos, qui paci subscripsere, ait : « Illi qui ex secunda Phœnicia venientes propter ordinationem religiosissimi episcopi Theodori, qui tua dignus est sanctitate, quemque te arbitrator nosse, illum dico, qui est a secunda Cathedra, id est, Consessu, ipsi quoque subscripserunt », quia nempe ex quo Phœnicia in duas Provincias divisa fuit, quarum una Maritima seu prima, alia Libani sive secunda dicebatur, *Tyrius* Maritimæ, *Damascus* vero alterius ad Libanum Metropoles fuere. Erat *Theodoros* secundæ Phœnicie metropolita, successor Joannis, qui cum Joanne patriarcha fuerat apud Ephesum, interfuitque Concilio Chalcedonensi. Erudite explicat Lupus, cur Damasci episcopus dicatur a *secunda Cathedra* ex Epanagastico Basilii imp. in Concilio Constantinopolitano IV Act. 1, pag. 979, ubi legitur : « Ab Oriente vero protothronum Antiochiæ, id est, sanctissimum metropolitam Tyri » etc. Infra : « Definitio tomæ metropolitæ Tyri primi sessoris, et primatis sedis Theopoles Antiochiæ ». Ad eandem Synodum *Elias* Theodosii patriarchæ Hierosolymitani vicarius ac legatus dicit : « Sanctissimus Thomas metropolita Tyri, sicut et vobis notum est, primæ sedis existens sedis Antiochiæ, quæ patriarcha privata, et ipse locum tenet sedis illius, usque dum fiat patriarcha in eadem sede. Ob hoc non oportuit cum deferre litteras missas ab alio aliquo : cum ipse auctoritatem et potestatem haberet in eadem sede ». Multa etiam hac de re collegit Ducangius in Glossario mediæ et infimæ græcitatæ post mortem Lupi publicato, in voce, *πρωτοθρονος*. Antequam Epistolæ Calsinenses, seu, ut reclus dicitur, *Synodicon adversus Irenæum*, in lucem ederentur, sciebamus quidem inter archiepiscopos sedi Antiochenæ subditos, *Tyrium* metropolitam primæ Phœnicie, prorsus nos latebat. Ignorabamus etiam privilegium illud sedis Tyriensis adeo antiquum esse, et non decant, qui existimarent hanc institutionem esse recentiorum Græcorum. Willelmus enim Tyrius lib. 14, cap. 12, hæc tantum habet : « Certum est autem quod inter tredecim archiepiscopos, qui a diebus Apostolorum sedi Antiochenæ subditi fuerunt, Tyriensis quidem primum locum obtinuit, ita ut in Oriente Prothronus appelletur ».

7. *Metropoles Patriarchatus Antiocheno subiectæ.* — Quia vero plurimum refert scire *Metropoles*, quibus Patriarchatus Antiochenus hoc tempore constabat, observandum ex monumentis Ecclesiasticis liquere, *Antiochiam* Metropolim fuisse Syriæ primæ; *Apaneam* Syriæ secundæ; *Tyrum* Phœnicie primæ, seu Paraliæ *Damascum* Phœnicie ad Libanum, seu mediterraneæ; *Tarsum* Cilicie

primæ, *Antazarbum* Cilicie secundæ; *Edessam* Osrhoenæ; *Amidam* Mesopotamiæ; *Soleuciam* Isauriæ; *Bostram* Arabiæ Petrææ, et denique *Hieropolim* Euphratesiæ seu Euphratensis. Em. card. Norisius in Dissert. IV de Epochis Syro-Macedonum cap. 1, animadvertit, Metropolim Phœnicie Libani, a Phœnicie maritima disjunctam fuisse, et binas provincias Ecclesiasticas evasisse, quo tempore Augusti civilem provinciam in duas partem sunt. *Valens* enim imp. ut sancti Basilii Cæsareæ in Ponto Metropolitæ jurisdictionem Ecclesiasticam immuaret, *Cappadociam* in duas provincias divisit, ac alterius *Thyanum* metropolim fecit; atque Anthymus episcopus Thyranorum metropoliticam sibi statim potestatem arrogavit, uti patet ex Epist. 33 aliisque Gregorii Nazianzeni.

Plures Metropoles civiles in eo quam in aliis. — In Diocesi patriarchatus Antiocheni longe plus quam aliis regionibus provinciarum civilium numerus auctus fuit. Nam Cilicia, Syria, ac Phœnicie in binas singulæ provincias civiles partitæ fuerunt; Palæstina vero in tres; hæcque divisio videtur facta ab Arcadio; cum in lege 30 Cod. Theod. *De crogat. milit. amone*, data anno clix, eoque primo imperii Theodosii junioris mentio sit primæ, secundæ et tertie Palæstinae. Idem Card. Norisius in Dissert. II, cap. III, paragrafo 1, recte notavit, *Osrhoenam* provinciam post Constantinum anno cccclxxxv coacta. In hac divisione, cum *Mesopotamia* inter Euphratem et Tigrim posita sit, pars quæ ad Occidentem Euphrati prætendebatur, *Osrhoena* dicta fuit; altera quam Tigris terminabat, *vetus Mesopotamiæ nomen* servavit.

8. *Tres Palæstinae patriarchæ Hierosolymitano subditæ.* — Ex præfata Antiochenarum provinciarum enumeratione discimus etiam *tres Palæstinas* tunc fuisse penitus ab isto patriarchatu divulsas, et Hierosolymitano patriarchæ subiectas; cum illarum *Johannes* nullam mentionem faciat. Verum ab ista divisione adeo abhorrebant *Gennadius* Constantinopolitanae Ecclesie presbyter et archimandrita, ut suo patriarchæ sancto *Proclo* ipsam admittenti communicare noluerit, longe minus ipsi *Juvenali*. Ipsam etiam *Cyrillo* probatam non fuisse ostendit auxilium, quod ab ipso postulavit *Gennadius*. Tamen *Cyrillus* pacis amantissimus ei suavit, ut dispensatorie communicaret, et occasione magis idoneam expectaret, ne propter hoc dissidium Ecclesia laceraretur. Sed Chalcedonensis Synodus *Juvenalis* ambitum et decretum Ephesinæ firmavit. Secundo discimus, *Arabiam* ac duas Phœnicias tunc Juvenalis manus evasisse, qui tamen hanc questionem iterum in Chalcedonensi Synodo proposuit, sed causa cecidit, ut in ejusdem Concilii Actis legere est.

9. *Visigothi pacem turbant.* — Prosper in Chro-

nico sub hujus anni cons. ait : « Golhi pacis placita perturbant, et pleraque municipia vicina sedibus suis occupant, Narbonensi oppido maxime infesti : quod cum diu obsidione et fame laboraret, per Liborium comitem ab utroque periculo liberatum est ». Idacius vero anno Abrahami MCDLII, qui kalend. Octobris superioris Christi anni inchoatur, scribit : « Narbona obsideri coepit per Golhos ». Tum anno Abrahami MCDLIII : « Narbona obsidione liberatur Aetio duce, et magistro militum » sub quo scilicet Littorius militabat. Romanos inter et Visigothos partem Septimaniæ incolentes, jam ab annis decem et amplius pax vigeat, sed *Theodoricus* regnum suum dilatare voluit, et ea occasione hæresis Ariana in Gallis magis amplificata.

10. *Burgundi ab Hænis prostrati*. — Revocandæ ad hunc annum Hunnorum de *Burgundionibus* vi-

ctoria, et *Gundicarii* horum regis cædes, de quibus anno superiori num. 35 egimus. Erat tunc Hunnorum rex Attila, qui « postquam Gundicarium Burgundionum regem sibi occurrentem protriverat (hoc nempe anno), ad universas deprimentas Gallias sue sevilitate relaxavit habenas », inquit Paulus diaconus in libello de episcopis Metensibus, dum loquitur de gestis ab Attila anno ccli. Hadrianus Valesius lib. 3 Ref. Francic. existimans, Paulum de re uno eodemque anno peracta verba facere, ait eum deceptum esse; cum *Attila* anno tantum ccli¹ Franciam affllexerit. At Paulus non nisi ex occasione loquitur ibi de eversione regni Burgundionum, quæ prælidium quoddam fuit eorum, quæ postea in Francia agere *Attila* meditabatur. Hunc autem jam anno superiori *Hænis* dominatum esse, ibidem videre est.

SIXTI ANNUS 6. — CHRISTI 437.

1. *Grassante persecutione in Africa sub Genserico, insignis Epistola Antonini Constantinæ episcopi ad martyrium adhortantis*. — Quadragesimum trigesimum septimum Christi annum signant consules Aetius, et Sigisvultus : (Sigisvultus) quo dira persecutio a Wandalis illata Africanam exagilavit Ecclesiam : id quidem his aggressos eos esse consulibus, sanctus Prosper in Chronico narrat his verbis : « Gensericus (Geisericus) rex Wandalarum infra habitationis suæ limites volens Catholicam fidem Ariana impietate subvertere, quosdam nostrorum episcoporum eatenus persecutus est, ut eos privatos jure basilicarum suarum, etiam civitatibus pelleret, cum ipsorum constantia nullis superbissimi regis terroribus cederet » : paulo vero post subdit : « Per idem tempus quatuor Hispani viri, Arcadius, Probus, Paschasius, et Eutychius, dudum apud Gensericum merito sapientie et fidelis obsequii clari habebantur : quos rex ut copulatiores sibi faceret, in Arianam sectam transire præcepit. At illi facinus constantissime respuentes, excitato in rapidissimam iram Barbaro, primum proscripti, deinde in exitium acti, tum atrocissimis cruciatu suppliciis, ad postremum diversis modibus interempti, illustri martyrio miserabiliter occubuerunt. Puer autem Paulillus nomine, frater Paschasii et Eutychii,

pro elegantia formæ atque ingenii admodum regi acceptus, a professione atque amore Catholice fidei cum nullis minis deturbari posset, diu fustibus casus, ad infamem servitutum damnatus est, nec ideo (ut apparet) interfectus, ne superata sevilita impij regis etiam illa ætas gloriaretur ». Hactenus Prosper.

2. Fuernut hi primitiæ martyrum persecutionis Wandalicæ, meritoque præ cæteris sunt laudibus celebrandi, utpote, qui aliis ad martyrium viam aperuere : quorum antesignanus Arcadius affluens divitiis, gloria seculari conspicuus, et conjugatus erat : quæ omnia haud levia videri poterant fore ad martyrium impedita. Sed superavit hæc cuncta et vicit alleluia Christi corroboratus ab amico carissimo, sanctissimo sacerdote, Antonino episcopo Constantinæ civitatis, qui scribens ad eum Epistolam, ipsum hortatus est, ut forti perferret animo, quæ fidei Catholice causa dirus tyrannus mala inferret : porro ipsa Epistola redolens antiquum illum Apostolicum characterem sic se habet¹ :

3. « Perge, fidelis anima, perge, et confessor unitatis (Trinitatis), gaude, quia pro nomine Christi pati meruisti contumeliam, sicut Apostoli cum flagellati

¹ Exalt. tom. 1. Bibl. sanct. col. 435.

sunt. Ecce jam serpens ille sub pedibus tuis jacet : ipse contigere potuit, sed ipse cecidit, quia te elidere non potuit. Rogo te, preme caput ejus, non surgat isle in agone martyrii, nemo te commoveat. Ecce gaudet Christus, et inspicit te : latantur angeli, et adjuvant te. Turba demonum calcaneum tuum observat. Ne deficias, et demones qui nunc lugent, gaudeant. Tecum est omnis chorus martyrum præcessorum tuorum : expectant te martyres, et defendunt, et coronam extendunt. Rogo te, tene quod tenes, ne alter accipiat coronam tuam. Quantum temporis est, quo pugnaturus eris? et quantum temporis erit, quo in aeternum victurus eris? Jam cepisti, perface. Hodie apparet, cur pateris : Dominum nihil latet : non te fallat diabolus in causa, cum tibi ingerit nebulam : hoc vult ne carissimum patiaris.

4. « Verum, frater, habes certamen : integra est ista confessio : si mortuus fueris, certus esto, martyr eris. Job¹ non attendit uxorem, et ideo vicit; non familias, non divitias, non amicos, et merito superavit. Adam² mulierem suam plus satis dilexit, et ideo tam lacrymabiliter cecidit. Sic dicit Dominus³ : Qui non dimiserit patrem, aut matrem, aut uxorem, aut filios, aut familias propter me, non est meus discipulus. Quid si conditione vite mortuus esses; uxor te, aut familia habuit revocare? Nam quem tenuisti, ipsum attende, ipsi hære, tene eum fortiter, ne dimittas, ne respexeris retro, aut uxorem, aut divitias, aut familias. Sursum cor, perfectam inchoasti pugnam. Ipse tecum archangelus, qui cecidit dimicet, ipse tecum luctatur, sed tecum est Pater et Filius et Spiritus sanctus.

5. « Vide ne timeas : adjuvat te, ut coronet te. Septem filios Machabæa⁴ mater pro Christo misit ad mortem : ante eam cruciabantur, et ipsa magis eos hortabatur, ut morerentur : ipsa autem post filios occisos ecce jam exultat cum filiis coronata. Respice quia in utero matris Deus te fecit : ipse tibi spiritum et animam dedit, ipse te ornavit ratione et sapientia, ipse cælum fecit et terram et omnia que in eis sunt. Sic te vult suscipere pro fide morientem, ut tibi plenam exhibeat majestatem. Respice mundum; periturus est. Respice solem, lunam et stellas; et ipsa solvenda sunt. Conflige fortiter pro anima tua, quæ aut semper vivit, aut semper perit. Ecce dimissa sunt tibi peccata tua, et omnes iniquitates tuas Deus pro hac pugna deletit, quæcumque usque hodie committere potuisti. Audi de hac re Ezechielem dicentem⁵ : Quæcumque die iniquus conversus fuerit ab iniquitate sua, et fecerit justitiam, omnes iniquitates ejus non memorabor ultra, dicit Dominus. Justitia tua, fides tua : quia⁶ justus ex fide vivit. Tribulatio, expoliatio, exilium remissionem tibi contulit peccatorum, mors autem aperit tibi regna cælorum. Qualis eris, cum te cum sancto Stephano videris? Qualis eris, cum Petrum,

et Paulum quos rogare solebas ut patronos, habebis amicos? Christum mox tua anima videbit, et corpus tuum erit in refrigerio resurrectionis, ut et ipsa caro videat, quod tua anima cum exierit, mox videbit.

6. « Frenit diabolus, gaudet Christus. Roga, plora, posce auxilium, et mox accipies in mente solatium. Time penas æternas, ubi semper ardetur, ubi semper in tenebris et corpus et anima cruciatur, ubi cum diabolo anima et corpus in æternum exurit. Gehennas expavesce, et Christum modo tene. Modo est ut aut vivas, aut pereas. Nemo te recuperabit, si in ista pugna defeceris. Et quid tibi prodest, si diabolo consenseris, et mox corpus amiseris? Aut nescis quia vita corporis tui in potestate est Dei tui, qui tibi confestim auferre potest carnem, si dereliqueris fidem? Quidam Christianus, dum pro fide in equuleo torqueretur, retulit adstisse sibi angelum splendido vultu cum linteo aqua profuso, qui ei aquam in faciem spargeret, et linteo delingeret. Donec tortus est iste, Angelus non recessit, consolans eum, et refrigerans eum. Confessor autem Christi penas quas sustinebat, penitus non sentiebat; fuit hic Theodorus Antiochenus sub Juliano confessor. « Minus tormenta sentiantur, quando pro Christo pugnatur; quia virtus animi superat dolores mundi : et cum invocata fuerit Divinitas, mitigatur tormentorum acerbitas. Ecce pro Domino (homine) tentus es, et afflictus non perdes fidem, etiam si amiseris carnem. Exhibe Deo hanc perseverantiam, et ne valde timeas penam : aut enim grandis est, et cito finitur; aut levis erit, et non valde cruciabitur anima.

7. « Tu autem exora, quia luctari cepisti, nec defecisti : martyrium inchoasti, custodi animam tuam. Adjuro te per Trinitatis unitatem, pro qua pateris mortem; serva cor tuum et confirma per Spiritum sanctum, quem in te exultare voluisti, et quem in te honorasti. Conflige fortiter per puritatem baptismi, quod contemnere noluisti. Securus esto de corona, securus pugna, donec voluerit tibi Dominus terminare victoriam. Probat modo Deus animam tuam : ibi est oculus Dei, contemplantur te de hora in horam quid agas, quid cogites, quomodo pugnes, quomodo stes : firmum te viderit, gaudet et adjuvat : si infirmum, succurrit et sublevat. Tu tamen certa pro veritate usque ad mortem, et eris non solum tibi, sed et cæteris in salutem : alioquin a te Deus exiget tuam animam et alienas. Signifer es Christi, in acie primus ambulas : si tu cecideris, ab aliorum morte non eris immunis. Itaque time : nam et si viceris, pro multorum salute pugnasti, et coronam multiplicem accepisti.

8. « Deus unus est, Deus non potest esse minor, Deus non potest imitari. Scis ista : tene fortiter veritatem. Audi autem breviter quod præmissi : Deus unus est, Pater et Filius et Spiritus sanctus, et tamen ad solum Christum pertinet caro : nempe aliud est anima, aliud ratio, et tamen in anima est ratio : et una est anima, sed aliud anima agit, aliud

¹ Job. II. — ² Gen. III. — ³ Matth. X. — ⁴ Mach. VII. — ⁵ Ezech. III. — ⁶ Rom. I. Hebr. X.

ratio : anima vivit, ratio sapit : ad animam pertinet vita, ad rationem pertinet sapientia; et tamen nec anima est sine ratione, nec ratio sine anima, et cum unum sint, anima sola suscepit vitam, ratio sola suscepit sapientiam. Sic Pater et Filius licet unum sint, et unus Deus sit, tamen ad solum Christum pertinet caro, sicut ad solam rationem pertinet sapientia, licet non recedat ab anima. Ecce igitur in sole calor et splendor in uno radio sunt; sed calor exsiccet, splendor illuminat; aliud suscipit calor, aliud suscipit splendor, licet ab invicem calor et splendor non poterint separari: suscipit ergo splendor illuminationem, non fervorem; suscipit autem calor fervorem, non illuminationem.

9. « Aliud ergo singulariter agunt, et tamen ab invicem non recedunt, sic et Filius suscepit solus carnem, et tamen non deseruit Patrem, nec se divisit a Patre. Filius itaque suscepit carnem in proprietate, et tamen et Pater et Spiritus sanctus non defuerunt majestate. In divinitate aequalitas, in carne Filii proprietates, nec tamen ab eo Patris aut Spiritus sancti recessit divinitas. Carnem suscepit Christus; numquid a Patre aut Spiritu sancto recessit? Ergo vera est unitas. Implevit autem carnem Christi et Pater et Spiritus sanctus, sed majestate, non susceptione. Vis scire quia in eo fuit Pater? Non sum solus (inquit ¹ Christus) sed et Pater mecum est. Audi de Spiritu sancto, quia quod cum eo erat, Evangelista ² refert: Jesus plenus Spiritu sancto regressus ad Jordanem. Ecce solus Christus suscepit carnem, et tamen Pater et Spiritus sanctus non defuerunt majestate: si caelum et terram implent, carnem Christi deserere non poterunt, quando in divinitatis unitate transierunt.

10. « Ad hanc (hoc) citharam respice: ut musicum melos sonis dulcibus reddat, tria pariter adesse videntur, ars, manus, et chorda: ars dicitur, manus tangit, resonat chorda: tria operantur, sed sola chorda resonat quod auditur; nec ars, nec manus sonum reddunt, sed cum cum chorda pariter operantur. Sic nec Pater, nec Spiritus sanctus suscipiunt carnem, sed tamen cum Filio pariter operantur: sonum sola chorda excipit, carnem solus Christus suscepit: operatio in tribus constat; sed quomodo pertinet ad solam chordam soni redditio, sic pertinet ad solum Christum carnis humanae susceptio.

11. « Haec a parvo in grandi meroere posito, ut quaecumque dicta sint, vix cordi meo occurrere potuerunt. Haec est recta regula fidei: pro hac si quid tibi contigerit, martyrium perfecisti. Christus alapas accepit, Christus sputa aliena sustinuit, Christus felle et aceto potatus est, Christus spinis coronatus est, et inter latrones iniquos deputatus est justus, Christus lancea perforatus est, Christus

mortuus est, Christus haec pro culpa tua: quanto magis tu firmus stare debes pro anima tua, ut nemo tollat coronam tuam? Jam in stadio es, caeca fortiter, ne timeas, nihil pavas, nihil penitus pertimescas; quia omnis pro te Ecclesia deprecatur, ut vincas. Expectat te Ecclesia Catholica martyrem suum, ut honorificet sicut Stephanum suum. Vide ne confundas nos in hoc saeculo. Vide ne humilices nos in conspectu adversariorum. Sustinet tecum Dominus Christus: Sustinet tecum Ecclesia. Esto securissimus de corona, non timeas penitus praeterita quaecumque committere potuisti peccata ». Hucusque Antonini episcopi Epistola ad Arcadium, ut habet editio Margarini.

12. Caeterum apud Genadium ¹ non Aulonius hic nominatur auctor qui eam scripsit Epistolam, sed Honoratus, de quo his agit verbis: « Honoratus Constantinae Africae civitatis episcopus scripsit ad Arcadium quemdam, qui pro confessione fidei Catholicae in partibus Africae a Gensericco rege missus exulabat, Epistolam ad labores pro Christo ferendos hortatorium, et exemplis praesentibus et Scripturarum relationibus roboratam, et quae confessionis fidei perseverantia non solum praeterita purget peccata, sed et meritum procuret martyrii ». Haec Genadius. Dici quidem posset, aliam hanc ab illa Epistolam esse ad eundem Arcadium datam, nisi et hic ejusdem Constantinae civitatis episcopus diceretur.

13. Quod vero ad Arcadium ipsum perlinet; tanto classico ad praelium excitatus, in omnibus constantissimi atque fortissimi Christi militis specimen edidit, adversariumque vincendo prostravit, et ut alij post se vincerent, exemplo monstravit. Celebris est horum martyrum memoria in Ecclesia singulis annis publico praeconio ubique repeti consueti idibus Novembris. Praetermissa sunt autem ista a Victore, qui Wandalias clades in Numidiam aliasque illi proximas provincias illatas scribere haud admodum laboravit, rebus tantum Ecclesiae Carthaginensis, ubi agebat, intentus; qui et post captam ipsam Carthaginem, quae ibi contigerint, narrare aggreditur: agemus de illis igitur suo loco.

14. « Sub hujus quoque anni consulibus », inquit Prosper ², « Valentinianus Augustus ad Theodosium principem Constantinopolim proficiscitur, filiamque ejus in matrimonium accipit ». Eadem Marcellinus, qui addit: « Eaque sibi nupta, apud Thessaloniam, Italiam repetens, hiemavit »: sequenti vero (ut subdit) cum Eudoxia uxore Ravennam ingressus est. Eadem habet Socrates ³: sed quod ad tempus spectat, ab utroque discrepans, id factum affirmat sub consulatu Isidori ac Senatoris, anno videlicet superiori.

¹ Joau. XVI. — ² Luc. XIV.

¹ Genad. de Vir. illust. c. 95. — ² Prosp. in Chron. — ³ Socrat. I. VII. c. 43.

Anno periodi Græco-Romanæ 5930 — Olymp. 304. — Urb. cond. 1190. — Jesu Christi 437. — Sixti III papæ 6.

— Theodosii Jun. 36. et 30. Valentiniani III. 43.

1. *Quindecennalia Valentiniani.* — Coss. *Fl. Aetius II et Sigisvultus*, uterque Occidentalis. Baronius omittit notam numeralem in consulatu Aetii referendo, sed memoriæ lapsus; cum primum et tertium ejus consulatum recte consignet. *Sigisvultus* anno cdxviii in Africam adversus Bonifacium missus, ut legitur in Chronico Prosperi, ubi cum dicatur *Comes Sigisvultus*, idem est cum eo; cui inscribitur *Novella de tyronibus et occultatoribus desertorum* lib. 1, tit. 41, an. cdxl a Valentiniano data, inscriptaque *Sigisvaldo comiti et magistro utriusque militiæ*. Factus est postea *Patricius*; ita enim appellatur a Constantio presbytero in Vita sancti Germani Antissiodorensis episcopi lib. 2, cap. 17, cum loquitur de miraculis anno cdxlviii ab hoc sancto Ravennæ patris. *Quindecennalia* imperii Cesarei Valentiniani in hunc annum incidunt.

2. *Prima persecutio Vandalica.* — A num. 1 ad 14. *Gensericus* Vandalorum rex Arianus Orthodoxos hoc anno persequi cepit, ut fuse Baronius prosequitur ex Prospero in Chronico, et ex Epistola *Antonini* episcopi Constantinæ civitatis ad Arcadium quemdam a Gensericis in exilium missum. Ait Baronius n. 12 apud Genadium auctorem illius Epistolæ, non *Antoninum* sed *Honoratum* appellari. Verum Mabillonius tom. II Vet. Analect. pag. 45, observat, in pervetusto Ms. Codice Corbeiensi Genadii, ubi in editis legitur: « Honoratus Constantinæ Africæ civitatis episcopus », haberi: « Honoratus Antoninus Constantinæ civitatis episcopus », ubi lamen *Constantia* loco *Constantinæ* perperam legitur. Civitas est Africæ Mediterraneæ (Cirta etiam appellata) regni hodie cognominis caput. Porro Antoninum et Constantinum unum eundemque fuisse etiam probat Ruinart in Hist. Persecutionis Vandalicæ pag. 431 et seq.

3. *Nuptiæ Valentiniani cum Eudoxia.* — Ad num. 14. Non solum Prosper, Marcellinus, et Cassiodorus in Chronicis; sed etiam auctor Chronici Alexandrini sub hujus anni coss. tradunt, nuptias Valentiniani imp. cum Eudoxia filia Theodosii imp. celebratas. Imo auctor Chronici Alexandrini rei gestæ mensem et diem memorat, quos ex Actis publicis desumpsisse non dubitandum: « Ilis coss. Valenti-

nianus junior mense Octobri, XII kalend. Novemb. ingressus Constantinopolim, nuptias celebravit, accepta in uxorem Eudoxia Theodosii et Eudociæ Aug. filia, mense Octob. IV kalend. Novemb. Suscepit ex ea geminas filias Eudociam et Placidiam », de quibus sæpius infra sermo erit. Gothofredus in Chronologia Cod. Theod. et Valesius in Notis ad lib. 7 Socratis, cap. 44, contendunt, majorem fidem hac in re adhibendam esse Socrati has nuptias ad consulatum Isidori et Senatoris anno præcedenti gestum referenti. Quod confirmat Valesius ex Jornande in lib. de success. regnorum cap. 97, ubi postquam locutus est de stupro, quod *Honoræ* cum Eugenio procuratore suo commiserat (anno sc. cdxxiv, uti suo loco dixi), subdit: « Post hæc tertio anno Valentinianus imp. a Roma Constantinopolim ob suscipiendam in matrimonium Eudoxiam Theodosii principis filiam venit, dataque pro munere socero suo tota Illyria, celebratis nuptiis ad sua regna cum uxore recessit ». At Jornandes non dissentit a Prospero, aliisque ejusdem sententiæ, secundum quos is interpretandus. Scire enim non possumus, an auctores his loquendi formulis, *anno tertio, triennio post*, et similibus, annos integros vel incompletos intelligant, nisi vel ex circumstantiis, vel ex aliis scriptoribus æqualibus eadem referentibus; et parte alia Socrates, etiam quando res a se narratas nota consulari consignat, sæpius errat quam Prosper; præterquam quod auctor Chronici Alexandrini rem ex Actis publicis descripsit. Porro quod ait Jornandes de tota Illyria a Valentiniano remissa Theodosio, confirmatur a Cassiodoro lib. 11, Epist. 1, qui de Valentiniano prodit: « Nunc sibi amissione Illyrici comparavit, factaque est conjunctio regnantis, divisio dolenda provinciis ». Divisum fuerat Illyrium in Orientale et Occidentale a Gratiano anno cclxxxix, quando Theodosium Magnum in consortium imperii adscivit, ut anno cclxxx. n. 5 et seq. ostendi. Quare post annos LVII ad pristinam formam rediit.

4. *Post divisionem Illyrici Pontifices Romani jus suum in illud retinere.* — Pontifices Romani post istam donationem jus suum retinere in omnes Illyrici Ecclesias usque ad Leonem Isaurum, qui increpuit a Gregorio III quod usum Imaginum in templis abrogasset, et confringi jussisset, provincia-

rum quæ a Sicilia usque ad Thraciam per Illyricum, Epirum, Achaïam et Macedoniam porrigebantur, administrationem ab Ecclesia Romana avulsit, et Constantinopolitanæ tribuit. Sixtus anno currenti scripsit *universis episcopis Synodo apud Thessalonicam congregandis*, ut videre est in collectione Holsteniana prohibuitque, ne invito vel inscio Anastasio episcopo Thessalonicensi, Rufi successore, ullus auderet aliquem ordinare. Epistola data est *XV kal. Januariæ, Actio iterum et Segisvulto cons.* Eadem die ad Proclum episcopum Constantinopolitanum scripsit : « Illyricanæ omnes Ecclesie, ut a decessoribus nostris accepimus, et nos quoque fecimus, ad curam nunc pertinent Thessalonicensis antistitis; ut sua sollicitudine, si quæ inter fratres nascantur, ut assolent, actiones, distinguat atque definiat, et ad eum quidquid a singulis sacerdotibus agitur, referatur ». Balsamo in Commentariis ad Synodum in Trullo pag. 359, tradit Thessalonicenses episcopos olim fuisse legatos episcopi Romani, et hunc jus habere dicit constituendi legatos in patriarchatu Constantinopolitano, episcopos autem ordinandi negat episcopum Romanum habere. Verum hallucinatur; provincie enim ille, quæ tunc cum scribebat Balsamo, erant sub patriarcha Constantinopolitano, antea fuerant sub dispositione episcopi Romani, ut suis locis magis videbitur. Scriptor autem iste vixit sub finem sæculi duodecimi.

5. *Bagaudæ grassantur in Galliis.* — *Bagaudæ* per hæc tempora Gallias valde afflixere. Pseudo-Prosper enim in Chronico imperiali ad annum xii Theodosii post Honorium imperantis ait : « Gallia ulterior Tibatonem principem rebellionis secuta a Romana societate discessit : a quo tracto initio, omnia pene Galliarum servitia in Bagaudam conspirare ». Tum anno xiii Theodosii narrat eversionem regni Burgundici, et anno xiv ejusdem imperatoris subdit : « Capto Tibatone, et cæteris seditionis partim principibus vinctis, partim necatis, Bagaudarum commotio conquiescit », hoc scilicet Christi anno; cum Pseudo-Prosper anno sequenti referat promulgationem Codicis Theodosiani, quæ eo revera peracta est. Magistratus Romani per tot irruptionum damna, provincialium aëtris opibus et vectigalibus ita exsanguem plebem male habebant, ut multi etiam Gallorum, et non obscuris natalibus editi quærenter apud Barbaros humanitatem, quod Romanorum barbaram inhumanitatem

ferre non possent. Omnibus prævit *Tibato*, qui tandem rapinis latrocinisque cuncta reddidit infesta. Hæc factio *Bagaudarum* nomen, ut alia quondam sub Galerio Maximiano, de quo anno cclxxxv loenti sumus, iisdem de causis assumpsit. Sub Diocletiano enim et Maximiano similibus factiosorum et rebellium hominum cohortem cepisse, auctor est Orosius lib. 7, cap. 25. Pseudo-Prosper citatus *ulterioris Galliæ* nomine eam Galliæ partem intelligit, quæ ultra Rhodanum sita est ex dicendis anno cxi, num. 4.

6. *Eorum motus avaritiæ magistratuum attribuit Salvianus.* — Salvianus presbyter Massiliensis lib. 5 de Gubernat. motus Bagaudarum, qui hoc et duobus superioribus annis contigere, ad inexplebilem judicium avaritiam his verbis refert : « De Bagaudis nunc mihi sermo est, qui per malos judices et cruentos spoliati, afflicti, necati, postquam jus Romanæ libertatis amiserant, etiam honorem Romani nominis perdidit. Et imputatur his infelicitas sua; imputamus his nomen calamitatis suæ; imputamus nomen, quod ipsi fecimus. Et vocamus rebelles, vocamus perditos, quos esse comperimus criminosos. Quibus enim aliis rebus Bagaudæ facti sunt, nisi iniquitatibus nostris? Nisi improbatilibus judicium? Nisi eorum proscriptionibus et rapinis, qui exactiois publicæ nomen, in quæstus proprii emolumenta verterant; et indicationes tributarias prædas suas esse fecerunt? Qui in similitudinem immanium bestiarum, non rexerunt traditos sibi, sed devorarunt: nec spoliis tantum hominum, ut plerique latrones solent, sed laceratione etiam, et, ut ita dicam, sanguine pascebantur? Ac sic actum est, ut latrocinii judicium strangulati homines et necati, inciperent esse quasi Barbari, quia non permittebantur esse Romani. Acquieverunt enim esse, quod non erant: quia non permittebantur esse quod fuerant: coactique sunt saltem vitam defendere, quia jam libertatem videbant se penitus perdidisse ».

7. *Humi in Galliis irrumpunt.* — Prosper sub hujus anni cos. scribit: *Bellum adversus Gothos Chunnis auxiliantibus geritur.* Est hæc quarta in Gallias Hunnorum irruptio, de qua agit Baronius anno ccli, num. 45 et seq., ubi eam confundit cum Attiliana, quæ sexta fuit. Clades *Vasatensis* civitatis ad hunc Hunnorum adventum, annumque sequentem referenda, ut anno ccli ostendemus.

SIXTI ANNUS 7. — CHRISTI 438.

1. *Solemnis corporis Joannis Chrysostomi Constantinopolim translatio.* — Christi anno quadragesimo trigesimo oclavo, Theodosio Augusto decimum sextum et Fausto consulibus, sexto kal. Februarii venerandum corpus S. Joannis Chrysostomi Comanis celebri pompa translatum est Constantinopolim. Quamquam autem prævia occasione id factum sit, et quo auctore, sunt cuncta dilucidius explicanda.

2. Quod in primis ad tempus spectat; id hoc anno accidisse, Socrates¹, Marcellinus in Chronico, et alii tradunt. Accidit autem, ut cum Proclus episcopus Constantinopoli anniversaria die transitus S. Joannis Chrysostomi, ex more, panegyricam ad populum orationem haberet, ita universi Christi fideles Joannis amore incaluerint, ut acclamationibus indesinentibus inter concionandum, Proclum pulsare aggressi, concionem ad finem perducere minime siverint, petentes reddi sibi Joannem, sacrasque ejus reliquias Constantinopolim transferendas. Nacti sumus partem illam concionis, quam tum Proclus ad populum habuit, recitari in Ecclesia solitam die translationis ipsius. Inter veteres enim codices, quos antiquitas Lectionaria nominabat, in quinto horum tomo qui apud nos sunt, invenimus dictam Procli orationem, sed depravatam salis et nimia vetustate pæne consumptam, quam tibi (ut heuit) emendatam hic reddendam putavimus, rati fore tibi cariorem, quod nec apud grecos (quod sciam) neque Latinos edita habeatur. Accipe eam :

3. « Certe gratias Deo, fratres carissimi, modo inenarrabili, quod in domo ejus, in qua sacra intonuit tuba (nempe Joannes) pacifice agitur, et sine præliis; in qua suavissime sacra modulata est Iyra, et audientium spirituale repletur spectaculum; in qua Evangelica invaluit arundo, et floribus Orthodoxæ portus impletur. Est facta Joannis memoria omnibus civibus rete, sic ut rectos fidei trahat: non enim sic pisces trahit piscatorum rete, sicut rectos fide trahit Joannis sollemnitatis. O gratiam (Joannem), finem, et locum, et tempus vincentem! Tempus enim superavit amor, finem autem invicta

vicit memoria: locus quidem non clausit sacerdotis miracula: sed in Ponto jacet, et in orbe terrarum laudatur, et longa manu ostentans vos, clamat: Opus meum vos estis in Domino. Iterum Joannes in verbis prefirosæ prædicationis margarita, Scripture impolluta a Deo inspirate bibliotheca, divinus thesaurus intelligentiæ, studiosis manibus adversus imperialem avaritiam falx acutissima, vehemens diluvium hæreticorum; qui non blandientem potentiam, vel odio debacchantem pertinuisti (sicut Joseph) Ægyptiam.

4. « Sed pævo minore laudibus navem magnas res gestantem mergendam attonitus; nullus enim digne laudabit Joannem, dum non est alius Joannes: sicut enim undarum frequentia, ita innumerabilis inundantium multitudo, et laborantium industria et fortitudo et magisteriis piis inundant et currunt. In eo libertatis splendescunt radii, quorum alio Sol Deitatis conclaurescit, alio emundatio fit Orthodoxorum, alio idolorum perditio inoluit, alio erroris emendatio, alio synagogæ nuditate ædificia splendent, alio mores, alio e caelis coronæ fulgent gratiæ. O sacerdos, cujus tantum industriae lucrum, quantum aeris suavissimi odores! o nomen non negans acta! o cognomen reddens speciem actæ vitæ! o lingua ipsis cælis altior! o magister Evangelica tonitrua temperans! Joannes ille, Joannes iste: ille prædicator, iste tuba: ille inconcussus, iste sine servitute: ille sine sectis, iste singularis: ille virgo, iste castitatis defensor: ille in eremo baptizans, iste in civitate retia militans: ille corripiebat adulterantem, iste corripiebat raptorem: ille capite amputatus est, iste eandem constantiam præ se ferre non dubitavit: ille in carcere inclusus est, iste in exilio deportatus: sunt huic multiplicata certamina, propter hoc multe et coronæ.

5. « Joannes cum beatissimo Paulo nunc clamat: Bonus odor Christi sumus. Omnem locum omni liberavit errore: in Epheso artem Mide nudavit (fugavit): in Phrygia Matrem quæ deorum dicebatur, sine filiis fecit. In Cæsarea publica meretricia honoris vacua spoliavit: in Syria Deum impugnantem synagogas evacuavit: in Perside verbum pietatis seminavit. Ubique Orthodoxæ fidei radices

¹ Soer. l. vii. c. 4.

posuit. Mundum Dei notitia lingua replevit : libros conscripsit, reſta ſalutis expandit : cum Joanne de paterno Verbo theologizavit : cum Petro piam confessionem fundavit : cum Paulo propter fidem sudores effudit : cum piscatoribus Orthodoxiæ rete deduxit. O Joannes, tua quidem vita anxia, merces autem gloriosa, sepulcrum vero beatum, merces autem copiosa ! » Hucusque Proclo perducere licuit orationem sine carentem, acclamationum jugibus tonitruis interruptam populi adstantis et instantis sibi Joannem reddi : cum Proclus ex more illa tantum apponens verba : « Gratia et misericordia Domini nostri Jesu Christi cum Deo Patre et Spiritu sancto, gloria, potestas, et magnificentia in sæcula sæculorum », finem imposuit orationi clamoribus populi intercepta.

6. His percitus Proclus acclamationibus populi, instar ¹ Nicodemi, abiens ad Theodosium, audacter petiit corpus Joannis. Permotum quidem Proclum hisce clamoribus populi, ab imperatore petiisse transferri debere Joannis venerandum corpus, Cosmas Vestiarium ea oratione quam habuit de translatione ipsius, ostendit, necnon Nicephorus ², atque alii. Curasse autem id Proclum propter unionem eorum qui ex parte Joannis erant, Socrates narrat his verbis ³ : « Exiguo, inquit, tempore post Proclus episcopus eos, qui propter Joannis abdicacionem separatim conventus agebant, cum ceteris in concordiam reduxit, et prudentia eorum animos offensos permulsit. Sed qua ratione illud effecerit, dicam. Corpus Joannis Comanis sepultum, ubi imperatori eam rem persuaserat, trigesimo quinto anno post ejus abdicacionem Constantinopolim transferendum curavit, quod cum multo honore, et splendida pompa publice celebrata, in Ecclesia Apostolorum condidit. Hac re igitur, qui propter Joannem conventus seorsum faciebant, ad Ecclesiæ concordiam reconciliati sunt : quod factum est ad decimum sextum consulatum imperatoris Theodosii sexto kal. Febr. » Hæc Socrates : qui cum hic et paulo inferius triginta quinque annos numeret post abdicacionem ipsius, manifestum est eum numerare a priori expulsionem, qua contigit anno Domini quadringentesimo tertio. Meminit de eadem translatione Theodorus Lector ⁴, sed ante omnes Theodorus ⁵ rem paucis attingens, narraturus (ut puto) rem gestam uberius, si ad hæc tempora suam historiam perduxisset.

7. Caterum ut res se habuerit, qui exacte eam recensere invenimus Cosmam Vestiarium, qui luculenta habita oratione de eadem translatione, que gesta fuerint exacte recenset : invenimus ⁶ ejus orationem encomiasticam conjunctam Procli orationi, quam recitavimus. Ubi inter alia ad persuadendum id Theodosio, eo potissimum usus est argumento, nimirum quod minime pati deberet patrem suum,

nempe Chrysostomum, qui eum per baptismum genuisset in Christo et clatum de fonte instar Simeonis gestasset in ulnis, ac Christiana religione imbuisset, eundem parentum suorum culpa cum viventem expulsam, tum mortuum extra suam Ecclesiam habere sepulcrum : fore enim opus pietate dignum, si pie functi viri sacrum cadaver restitutum postliminio : si namque bene consuli animalibus ipsorum, si patratum ab eis facinus ipse sic expiaret. His Theodosium persuasum refert, selectosque viros ex Senatoribus ad opus perficiendum legasse Comanam in Ponto civitatem : quibus in mandatis dedisse, ut solemnissima pompa venerandum Joannis corpus inde sublatum, choris psallentium sacerdotum ministrorum comitantibus, accensis cereis de loco in locum quam religiosissime ac gloriosissime avehendum curarent.

8. Accidisse autem idem Cosmas Vestiarium tradit, cum senatores Comanam pervenissent, et litteras imperatoris quibus translatio jubebatur, episcopo et civibus aperuissent, pervenissentque ad locum ubi in theca argentea Joannis sacra pignora asservabantur ; inde ea auferre et deferre conantibus, minime, resistente numine, concessum fuisse, ipso nimirum sacro corpore instar silicis loco inhaerescente, et immobile permanente. Facto autem sæpe periculo, reque sæpius frustra tentata ; ut ea omnia que accidissent, Theodosio litteris significarent, consilium iniere. Quæ cum ipse imperator Theodosius accepisset, adhibitis Proclo et aliis sanctissimis viris, quid esset opus facto, sententias ipsorum rogans, ipse quid sibi visum esset aperuit ; nimirum ut ad Joannem ipsum tanquam viventem litteras daret, supplicis instar libelli, quibus eum, de admissis in ipsum peccatis a parentibus veniam petens, rogaret humillimis precibus, ut Constantiopolim redire, suamque sedem pristinam capessere dignaretur. Patrefacta itaque imperatoris sententia, ab omnibus æque probata atque laudata fuit. Recitat idem Cosmas litteras, a quibus puto etiam Nicephorum excerpisse : sunt autem hujusmodi :

9. « Orbis totius doctori et spirituali parenti, sancto Joanni Chrysostomo Theodosius imperator.

« Corpus tuum, ut aliorum defunctorum, exanimè esse putantes, pater venerande, illud e tumulo transferri et ad nos deduci, sicut filii patris amantes, desideravimus. Ad quod præstandum, cum debitum impendissemus honorem, quantum valuimus animi demissionem atque modestiam, ut par erat, exhibuissemus : ut tamen quod in optatis erat, minime consequi digni essemus, imperatorius fortasse fastus, quo secularia gubernamus et religiosa præsumpsimus, fuit impedimento. Quocirca rogamus te patrem, patrem vere reverendissimum (te enim ipsum perinde ac viventem alloquimur) ut annuis corpus nostris ; et qui penitentiam alios docuisti, et nostrum conatum superasti, penitentibus veniam impertiri digneris ; nobisque te magno animi ardore expetentibus, et humili confessione peccata nostra accusantibus reddere te ipsum mi-

¹ Marc. xv. — ² Nicep. l. xiv. c. 43. — ³ Socr. l. vii. c. 44. —

⁴ Theod. Lector in Collect. l. ii. in fin. — ⁵ Theod. l. v. c. 36. —

⁶ In nostra Bibl. tom. v. Vit. Sanct.

nime detrectare amplius velis, neque longiore cunctatione dilationeque nos crucies : quod neque commiserationis id dignum tuæ, neque amoris nostri et expectationis æqua sit compensatio : quippe quibus non corpus et cineres tantum tuos, sed et ipsam tuam umbram oculis contemplari, magnopere in optatis sit ». Haecenus litteræ, alia tamen apud Nicephorum translatione reddita.

10. Cum autem has ab imperatore legati senatores litteras accepissent, quas Sacram vocant, eas (ut par erat) magna veneratione super pectus Joannis corporis collocare; in dictoque pervigilio, assiduis Deum rogare precibus, ut hoc ipsum præstaret, quod humillimis votis religiosissimus exposceret imperator, redderetque saltem defunctum Joannem Constantinopoli, quem ut majoribus augetur coronis, exulare atque exilem tandem mori permiseral. Peractis precibus, res tentatur, reperiturque ex voto Joannis corpus mobile : tollitur sacra sarcina humeris sacerdotum, præcedentibus ac præcedentibus clericis et monachis, unilique confluentibus incensas faces gestantibus, qui sequebantur, et præcedebant, populis : sicque de loco in locum, Chalcedonem tandem delatum est venerandum sepulcrum, sacrum corpus intus inclusum habens. Quomodo autem Constantinopolim perlatum sit, quæ Cosmas longiori prosecutus est oratione, Nicephorus ¹ eadem summam complexa ita recenset :

11. « Postquam autem itinere confecto in litus ex adverso Constantinopoli ad Chalcedonem cum reliquis sancti viri pervenere, transit eo imperator, et Senatus imperatorius; transiit etiam patriarcha, et iudices, magistratusque omnes, et deinde homines generis et ætatis omnis, per fretum in mare perinde atque in continente vadantes : et ad Propontidem, os Bosphori ardentibus funalibus tegentes, sacrum tumulum imperatoria triremis excepit. Tum sane miraculum quoddam edidit Deus, prodigiis quæ nunquam visa sunt, longe majus. Cum enim certa et constans esset in mari tranquillitas, repentina subito exorta est procella, et naves innumerabilis illius classis aliæ alio diversæ salutis suæ consulentes dispersæ sunt. Ea autem quæ sacrum illud pondus et præclarum thesaurum vehabat imperatoris triremis, funibus de repente ruptis, veluti divina gubernata manu, ad viduæ agrum appulit, viduæ, inquam, illius, propter quam sponsa Christi Ecclesia pastore tanto viduata fuerat; et rursum post mortem quoque justo iudicio legitimam ille tulit sententiam, agrum viduæ auctoritate sua attribuens atque confirmans, Deo nimirum magnum illum glorificante, et iniquum exilium ejus aperte prædicante. Et quoad ejus fieri potuit, petram navis descendit : quod miraculum hodie quoque cernitur, et egregii illius viri ardorem exilium quovis præcone clarius attestatur. Hoc ubi factum est, serenitas rursus advenit; et naves aliæ aliunde collectæ cum apparatu et comitatu maximo, carminibusque

debitis virum sanctum perducentes, in urbem imperantem deportarunt. Eumque primum circa Amanium magni Thomæ templum excepit, inde vero ad Ecclesiam sanctæ Irenes delatus : porro postea imperiali curru sepulcrum exvectum in sanctorum Apostolorum templum illatum est.

12. « Ibi imperator sacro tumulo chlamyde lecto, et fronte atque oculis urnæ impositis, communem supplex precationem pro parentibus fecit. Dudum enim illi mortui fuerant, in pupillari ætate cum tenerum adhuc relinquentes. Scorsum vero pro matre quoque precatus est, ut tumuli ejus motus atque strepitus consisteret : triginta enim et quinque (duo) annos jam is quæsiabatur, quo tempore scilicet et ipsa Ecclesiam concutebat. Nec ille id non exoravit : festinim namque urna ejus constitit. Atque ubi sacer Proclus virum sanctum in eundem secum thronum collocavit, plebs circumfusa uno ore exclamavit : Recipe, inquit, thronum tuum, o pater. Fertur ipse quoque tum, quæ dudum clausa fuerant, labiis rursus apertis, ad populum dixisse : Pax vobis : sicuti id circumstantes homines et Proclus patriarcha se audisse testati sunt. Porro sacris mysteriis peractis ad reliquiarum ejus repositionem itum est, et episcoporum manibus magnus antistes ad basin sacræ divinæque mensæ, veluti sacer et inviolabilis thesaurus conditus est, episcopis episcopum, martyribus quamvis sine sanguine martyri, Prophetis Christi, et Apostolis magna atque aurea Ecclesie Christi iuba, omnes omnium aures personans, et præcepta clare musicis plane modulis occinens. Factum id vicesimo septimo mensis Januarii die. Ingenti autem facinore isto illi etiam qui propter ipsum secesserant, persuasi, Ecclesie omnes conjuncti atque uniti sunt ». Haecenus Nicephorus : habet illud amplius Cosmas in sua oratione, eodem Joannis corpore in throno consistente, universum populum candidi cerei oblatione ipsum adiese, ac salutasse, atque tanquam viventi in cerei oblatione obsequium exhibuisse. Jam olim ipse sanctus ex Cucuso exul scribens ad Olympiadem ¹ juniorem viduam, prædixerat fore ut ipse rediret Constantinopolim : quod tandem, licet non ut illa putabat, impletum est.

13. Subdit autem his Nicephorus ², hoc eodem tempore translationem esse factam S. Ignatii episcopi Antiocheni et martyrii Roma Antiochiensis : sed quomodo verum id, si Hieronymi ³ testificatione jam suo tempore Ignatii venerandum corpus erat translatum, et in suburbiis Antiochiæ extra portam Daphniticam collocatum? quæ translatio (ut quæque antiqua testantur Martyrologia) ab Ecclesia Catholica anniversaria memoria repeti consuevit decimo sexto kalend. Januarii, de qua extat S. Joannis Chrysostomi nobilis oratio, et de ea superioris mentio facta est. Videtur autem secunda hæc fuisse translatio, quando (ut ait Evagrius ⁴) Theodosius impera-

¹ Niceph. l. xiv. c. 43.

¹ Chrys. ep. 11. — ² Niceph. l. xiv. c. 45. — ³ Hieron. de Scrip. Eccl. in Ignatio. — ⁴ Evagr. l. i. c. 16.

tor e priori loco sepulture ipsius, in Fortune templum solenni apparatu transferri iussit : cuius translationis diem Antiochiæ esse quolibet anno solemnem, et a Gregorio episcopo cultu celebriori auctam, idem quoque testatur Evagrius.

14. *Inventio reliquiarum sanctorum quadraginta martyrum.* — Sub Proclo etiam Constantinopolitano (quoto autem anno sedis ejus, nescitur) facta est revelatio in suburbio Constantinopolis reliquiarum sanctorum quadraginta martyrum, quo sub Licinio imperatore Sebaste in Armenia passos diximus : quomodo vero ea, S. Pulcheria revelante sancto Thyrso martyre, inventæ sunt, Sozomenus pluribus narrat : cui se inventioni interfuisse commemorat, locellumque tradit foramen in medio habuisse, per quod solerent ipse sacre reliquie tangi : quod quidem moris fuisse etiam in Occidente, alibi diximus, dum de Apostoli Petri sepulcro habuimus mentionem, acturi de his alia rursus occasione inferius suo tempore. At igitur hæc post nulla Sozomenus¹ : « Ipsum porro loculi tegmen velut in mensam sacram fabrefactum erat. In summo autem, ubi martyres jacebant, exiguum foramen apparebat. Adstans autem quidam de familia imperatoris, tenens virgulam, quam forte habebat, per foramen immisit, et extractam naribus admovit, et unguentum fragrantissimum effecit ; ex quo statim tum laborantibus, tum adstantibus bona spes suborta fuit.

15. « Itaque cum locellum avide aperuissent Eusebiam invenimus (quæ se sepeliri in eodem sepulchro jusserat, in quo et dictas martyrum reliquias seorsum posuerat) illud vero quod ad caput ejus imminabat in arca foramen celatum, proprio intus tegebatur opereculo, et utrinque ei ad labra circumdatum, plumbo conglutinatum ferrum ipsum continebat. In medio rursus foramen istud apparens, etiam nunc manifestus declarabat intus haberi martyres (en habes in loculo martyrum secundum foramen). Hæc tibi annuntiata essent, e vestigio accurrunt imperator et episcopus ad martyrium (quod nos dicimus Confessionem). Tum solutus per artifices ferreis illis vinculis, confestim sine negotio opereculum illud extractum fuit : sub hoc autem multa unguenta, et in his pixides duæ argenteæ repperse sunt, in quibus sanctæ reliquie jacebant. Tunc igitur imperatrix Deo preces gratulatorias fundebat, quod se tanta revelatione dignatus esset, tum quod sanctarum reliquiarum inventionem assecuta esset. Post hæc pretiosissima theca martyres honoratos intra venerabilem Thyrsi Ecclesiam composuit, publica festivitate (ut æquum erat) cum debito honore ac pompa ac psalmodiis celebrata, cui et ego ipse interfui ». Hæc Sozomenus.

16. *Eudocia peregrinatur Hierosolymam.* — Hoc insuper ipso anno, qui sequens est ab Eudociaë nuptiis, Eudocia mater peregrinata est Hierosolymam voti solvendi causa, ut Socrates tradit his

verbis² : « Theodosius imp. deinceps (post translationem Joannis Chrysostomi corporis sanctificæ) preces Christo offerre, quibus gratias pro acceptis beneficiis agat, Christianique nomen hoc munere obendum eximiiis honoribus decorare cepit. Quin etiam Eudociam conjugem Hierosolymam misit. Quippe pollicitus erat, illam hoc votum persoluturam, si filiam in matrimonium collocatam cerneret. Quin illa ipsa et Ecclesias Hierosolymorum, et omnes alias in urbibus versus Orientem sitas, tum eo proficiscendo, tum domum redeundo, variis ornamentis honorifice illustravit ». Hæc Socrates. Porro persuasione quoque S. Melaniæ junioris, cum illa (ut vidimus) esset Constantinopoli, hujusmodi peregrinationem Hierosolymam Eudociam suscepisse, ejus Acta testantur, in quibus hæc de Eudocia³ : « Interim autem dum hæc fierent, imperatrix Eudocia (Eudoxia) iverat Antiochiam. Paruerat enim Melaniæ monitis, cum ea venisset Byzantium, suadentis ut hanc susceperet peregrinationem, et veniret Hierosolymam, ut videret loca sancta, et quæ ex eis percipitur, fieret particeps sanctificationis. Cum Melania itaque ei processisset obviam, magno honore fuit affecta ab imperatrice, ut quæ eam matris loco haberet, et duabus de causis providentiæ divine ageret gratias, nempe quod usque adeo celebratam Hierusalem, et sancta loca quæ videret, digna sit habita, et quod in ea talis matris facta sit filia secundum spiritum. Signum est autem magni amoris imperatricis in Melaniam, quod non dubitaverit tantum iter aggredi, et eo accedere, et quæ illic erant virgines tanquam sorores salutare, et amplectari.

17. « Porro autem cum celebraretur novi templi dedicatio, illa quoque aderat, et festum celebrabat. Hanc autem rem bonam consecutum est quiddam dignum maligni improbitate, et boni Dei virtute. Pedem imperatricis, qui injuria dæmonis e compage erat lussatus, illa absque dolore apse et recte in suum locum restituit. Cum hæc et non pauca alia a magna Melania percepisset comoda, et se simul etiam exsatiasset spectaculis, decrevit reverti Constantinopolim : et ei quidem Melania cum tanquam bonas comites dedisset preces, ipsam dimisit ». Hæc ibi : sed de Eudociaë reditu Constantinopolim ægum anno sequenti, quo contigit. Quod vero ad Melaniam spectat, quantum supervixerit, non constat, sed illud certum est, ipsam monastica vita magna observatione perfunctam, et miraculis pluribus illustratam, die, quam prænovit, Decembris ultima ad Deum migrasse, et inter sanctas relatam anniversaria memoria in Ecclesia celebratam.

18. De Eudociaë autem protectione Hierosolymam Evagrius itidem scribens, hæc addit³ : « Eudocia vero postea ad sanctam Christi civitatem profecta est : ubi habita oratione ad populum, in extrema parte illius hoc carmen recitavit :

¹ Sozom. l. ix. c. 2.

² Socr. l. vii. c. 46. — ³ Apud Melaph. die xxxi. Dec. Sur. die xxxi. Januar. — ³ Evagr. l. i. c. 20.

Stirpe satam vestra me et sanguine gloriæ esse.

« Quo quidem significavit colonias e Græcia eo deductas esse. Quod si quis istarum rerum cognoscendarum studio lenear: sunt a Strabone geographo, Phlegonte, Diodoro Siculo, Ariano, et Pisandro poeta, ab Ulpiano præfere, Libanio et Juliano sophistis omnium præstantissimis scriptis exquisite mandata ».

19. Hæc cum dicat Evagrius, haud res Judaicas intime perscrutatus apparet: si enim legisset quæ Josephus eo argumento conscripsit, diversum plane sensum versui illi Eudociaæ accommodasset, nimirum eam significare voluisse Græcos ipsos e Palaestinis originem ducere, non Palaestinos e Græcia. Siquidem Josephus¹ recitat Epistolam regis Lacedæmoniorum ad Oniam summum Pontificem, qua fatetur inter Lacedæmonios, et posteros Abraham aliquam cognationem intercessisse: ut illos ex istis, non istos ab illis originem duxisse voluerit demonstrare. Sed quam inferiores Græci fuerint, quos Evagrius citat, ut de rebus Hebraicis recte scribere poterint, idem Josephus contra Apionem pluribus docet, nosque primo loco exemplis aperite demonstravimus. At in his modo non immorandum.

20. Quæ autem ipsa Hierosolymis, ubi per annum ferme integrum versata est, Eudocia Augusta egerit; qui ejus vitam scriptis prosecuti sunt, narrasse, Evagrius tradit: sed quod ea non extant, sed omnino perierint, quæ ipse paucis complexus est, hic describamus. Atque in primis: « Constat, inquit², eam, cum in sancta illa Christi civitate ver-

sabatur, nullas res ad Dei Salvatoris honorem illustrandum gessisse. Nam sancta edificavit monasteria, et loca illa quæ Lauras vocant, in quibus tametsi varia ratione vivitur, tamen vite institutum ad unum eundemque finem spectat, eumque sanctissimum ». Pergit describere Evagrius monachorum Palaestinae vivendi diversi generis instituta, quæ nos ex aliis auctoribus superius enarravimus: atque inferius ista de Eudocia subjicit³: « Cum multis hujus generis hominibus Theodosii conjux collocata est, et multa hujusmodi monasteria (ut ante dixi) edificavit: Hierosolymorum fecit monia, eaque pulchriora reddidit »: Unde eidem propheticum vaticinium Davidis aptarunt, quo dicitur⁴: « Benigne fac Domine, ut in bona voluntate tua Zion adificentur muri Hierusalem ». Siquidem ἐν τῇ εὐδωκίᾳ in bona voluntate, significat⁵.

21. Sed pergit Evagrius reliqua: « Templum, inquit, exstruxit præterea ad memoriam S. Stephani primi diaconi, et martyris splendore ac pulchritudine eximium (quod quidem non stadio Hierosolyma distat) ipsaque in eo, simul atque ad vitam immortalem profecta est, condita fuit ». Hæc Evagrius. Porro non hæc omnia unius anni spatio periculi poluerunt, sed cum rursus illuc rediit ipsa perfecit: agemus de his pluribus in ejus obitu. Contigit enim, eam secundo post obitum Theodosii, imperante Marciano, rursus Hierosolymam redire, ibique usque ad finem vitam transigere: iterum namque ipsam peregrinatum esse Hierosolymam, idem Evagrius⁶ tradit, atque alii omnes historici res Eudociaæ prosecuti.

¹ Joseph. Antiq. l. x. c. 5. et l. xiii. c. 9. — ² Evagr. l. i. c. 21.

³ Idem Evagr. l. i. e. ult. — ⁴ Ps. l. — ⁵ Niceph. l. iv. c. 50. in fin. — ⁶ Evagr. l. i. c. 21.

Anno periodi Græco-Romanæ 5932. — Jesu Christi 438. — Sixti III papæ 7. — Theodosii Jun. 37. et 31. Valentiniani III. 44.

1. *Septima quinquennialia Theodosii.* — Coss. *Theodosius* Aug. XVI, et *Acilius Acilius Glabrio Faustus*, in Occidente creatus, ut docet inscriptio ab Onuphrio in Fastis relata, in qua et dicitur *præfectus urbis* sub Valentiniano III, Urbis scilicet Romanæ, quam dignitatem obtinebat anno CDXXV, ut liquet ex lege 62 Cod. Theod. *De hæreticis*. Sumptus hic a Theodosio consulatus propter septima quinquennialia imperii post patris mortem initi, ut liquet ex ejus tricennialibus. Hæc septima quinquen-

nalia celeberrima reddidit Codicis Theodosiani promulgatio, de qua anno CDXXXV.

2. *Translatio reliquiarum S. Chrysostomi.* — A num. 1 ad 13 fuse agit Baronius de translatione Reliquiarum sancti Joannis Chrysostomi *Comanis*, ubi vir sanctus in exilio obierat, Constantinopolim facta, ut tradit Socrates lib. 6, cap. 44, sub hujus anni coss. *VI kalend. Feb.*, seu die xxvii mensis Januarii, quo etiamnum ejus natale in Ecclesia Romana celebratur. Verum cum is dies hoc anno in

feriam quintam incidit, ea translatio extra ordinem facta, quoad diem, sed non quoad annum; ut enim sapius diximus, translationes Sanctorum, dedicationes Ecclesiarum, et alia id genus annis decemalibus et huiusmodi solemnibus destinatis de more fiebant.

3. *Translatio reliquiarum S. Ignatii martyris.* — Ad num. 13. Translatio reliquiarum sancti Ignatii martyris, episcopi Antiocheni, facta quidem Theodosio jun. imperante, ut testatur Evagrius lib. 4, cap. 16. Sed hujus auctoris verba non bene interpunctionibus distincta, primo Nicephorum lib. 14, cap. 45, ac postea Christophorosum, aliosque in errorem inducere. Quare ac sic cum Valerio legenda: Cum robustiora ejus (nempe Ignatii) ossa que superfuerant, Antiochiam deportata, et in cœmeterio collocata fuissent, nullis post annis translatus est: cum Deus optimus maximus Theodosio id suggessisset, ut Deiferum martyrem majori honore afficeret, utque templum jampridem daemoneis consecratum, quod incolæ Tycheum nominabant, fortissimo victori ac martyri dedicaret. Unde duæ translationes reliquiarum S. Ignatii distinguendæ; de priori agit Baronius anno cx, num. 7, tuncque hæ reliquie Roma Antiochiam sunt translate. De ea est Homilia sancti Chrysostomi xlii, tom. iii: « Cum igitur, inquit, illic (nempe Romæ) vitam posuisset, imo vero in cælum profectus esset, reversus est deinceps coronatus ». Altera reliquiarum S. Ignatii translatio contigit, quando cæ solenni pompa invecæ sunt in *templum Tycheum*, illudque ejus memoriæ sacrum. Sed Nicephorus perperam scripsit, eas Theodosii jun. temporibus Roma Constantinopolim perlatas fuisse, et jussu ejusdem imperatoris Antiochiam deportatas, illic in cœmeterio esse depositas. Diu enim ante Theodosii jun. principatum hæ reliquie depositæ erant in cœmeterio urbis Antiochiæ, et Theodosius hoc anno ex cœmeterio, quod erat extra portas urbis Antiochiæ, eas in Urbem deportavit. Hieronymus enim in lib. de Script. Eccles. de Ignatio scribit: « Reliquie corporis ejus Antiochiæ jacent extra portam Daphnicam in cœmeterio ». Hieronymus autem sub finem superioris sæculi librum istum scripsit. Legendus Heuschenius in Vita sancti Ignatii ad diem 1 Februarii.

4. *Inventio xl martyrum Sebastie passorum.* — Ad num. 14. Annum Inventionis reliquiarum sanctorum *quadraginta martyrum*, qui Licinio imperante martyrium fecere, docet nos auctor Chronici Alexandrini qui ad annum cœli, seu ad consulatum Marciani Augusti et Adelpii scribit: « Pulcheria Marciani imperatoris conjux sanctorum quadraginta martyrum Sebastie passorum, per visum reliquias invenit conditas in æde S. Thyrsi prope ambonem, quibus templum extruxit extra muros Troadenses Cæsarius consul et præfectus ». Cæsarius iste ille est, qui anno cccxxvii consulatum et præfecturam prætorianam gessit, quod in dubium perperam revocat Bollandus ad diem x Martii quo

xl martyres Sebasteni coluntur: explicans caput 2 Sozomeni lib. 9, ubi cum ei in mentem non venisset laudatus locus Chronici Alex. Injux inventionis annum detegere non potuit. Sedulo tamen collegit quæ ad horum sanctorum martyrium pertinent. Erat S. Thyrsus natus e xl illis martyribus.

5. *Prior profectio Hierosolymitana Eudociæ Aug.* — Ad num. 16 et seqq. Socrates lib. 7, cap. 47, scribit, *Eudociam* Augustam voto se obligasse Hierosolymam ad vota Deo persolvenda profecturam si filiam suam nuptam vidisset. Quare hæ peregrinatio recte hoc anno a Baronio recitata; cum matrimonium illud anno superiori peractum fuerit. Præterea Marcellinus in Chronico sub anni sequentis coss. habet: « Eudocia uxor Theodosii principis ab Hierosolymis urbem Regiam remeavit, beatissimi Stephani primi martyris reliquias, quæ in Basilica sancti Laurentii positæ venerantur, secum deferens, ideoque currenti anno ibuc sese Eudocia contulerat. Evagrius lib. 4, cap. 20, hanc in rem habet: « Eudocia, dum ad sanctam Christi Dei ac Domini nostri civitatem pergeret, venit Antiochiam. Ibi cum publice verba fecisset ad populum, orationem suam hoc versu clausit:

« Et cupio, et lætor vestro me ex sanguine natam. Colonias sc. significans, quæ illuc deductæ fuerant ex Græcia ». Ita habet accurata versio Vallesii, qui observat Christophorosum pessime hunc locum intellexisse. Putavit enim per vocem: *εθνικα* id est, ibi, significari urbem Hierosolymam; quem etiam in errorem prolapsus est Nicephorus lib. 44, cap. 50, cum tamen Evagrius, qui Historiam scripsit Antiochiæ, ubi caudicem exercuit, Antiochiam intelligat, quod ex sequentibus ejus verbis facile est animadvertere, cum ea de Hierosolymitana urbe dici non potuerint. Neque enim *Hierosolyma* Græcorum fuit colonia, sed potius Judæorum et postea Romanorum. Nec denique Ulpianus, Libanius et reliqui ab Evagrio citati quos dicit de his Colonias scripsisse, de Hierosolyma urbe aliquid in litteras misere, Nec *Eudocia* Augusta, quæ domo erat Atheniensis, cives Hierosolymitanos compellere potuit laudato versu. Baronius tamen num. 19 prava versione Christophoroni deceptus existimavit, Evagium res Judaicas haud intime perscrutatum fuisse; cum Græci et Palæstinis, non Palæstini a Græcia originem duxerint, ut liquet ex Josepho lib. 10 Antiquit., cap. 5. Verum Evagrii verbis accurate in linguam latinam conversis apparet, non nullum hæc in re reprehensionem locum relinquere. De altera profectio Hierosolymitana Eudociæ infra sermo erit.

6. *Moritur Melania junior.* — *Melania*, quæ anno superiori e Hierosolymis Constantinopolim venerat, illucque postea redierat, ut suo loco ostendimus, Eudociæ venienti obviam processit, et magno honore ab imperatrice affecta est. « Porro autem cum celebraretur novi templi dedicatio, illa quoque aderat », inquit auctor anonymus in actis sanctæ Melaniæ apud Surium ad diem xxxi mensis Januarii.

Ex quo liquet, hanc dedicationem currenti anno, quo Theodosius septima quinquennalia dedit, celebratam esse, praesertim cum sancta Melania anno sequenti ad Deum migravit; ait enim anonymus: « Sacram animam emisit ultima die mensis Decembris, cum esset dies Dominicus », ideoque anno sequenti quo Dominica in ultimam diem Decembris cecidit.

7. *Floret Valeria Faltonia Proba.* — Valeria Faltonia Proba, Adellii proconsulis uxor, et poetriae et clarissima Aniciorum familia, matrona rari et elegantis ingenii usque ad haec circiter tempora vixit. Prima omnium exegilavit ex verbis Virgilii, quem totum memoriae tenebat, varios utriusque Testamenti locos melrice describere. Excepit enim hinc inde ex Virgilii poematibus nunc integros versus, nunc quasdam eorum particulas, et opus propositum veluti centenem ex multis pretiosis panis insutum, servata hexametri lege collegit quem *Virgilio-Centones* inscripsit, ut legere est in Biblioth. veterum Patrum. Hoc tamen opus Gelasius papa in Decreto de libris Apocryphis inseruit. *Eudocia* Augusta *Valeriam Faltoniam Probam* imitata *Homero-Centones* composuit. Thomas de Simeonibus ordinis S. Augustini anno MDCXCII Bononiae Historicam Dissertationem publicavit in qua demonstrat, de-

ceptos esse Baronium anno CCCXCV, n. 43, qui Probam poetriam cum Anicia Faltonia Proba confundit, aliosque qui de ea loquentes in varios errores inciderunt.

8. *Bononi adversus Suevos et Visigothos bellum gerunt.* — Idacius in Chronico anno Abrahami MDCCLV, qui kal. Octobris superioris Christi anni inchoatur, ait: « Gothorum caesa octo millia sub Aelio duce, Suevi cum parte plebis Gallaciae, cui adversabantur, pacis iura confirmant. Hernericus rex (Suevorum sc.) morbo oppressus Rechilam filium suum constituit in regnum, qui Audevotum cum sua, quam habebat manu, ad Singilionem Baeticae fluvium aperto Marte prostravit, magnis ejus auri et argenti opibus occupatis ». Idem habet Prosper in Chronico de Gothis: « Hoc quoque anno, inquit, iidem piratae (Vandali sc.) multas insulas, sed praecipue Siciliam vastavere. Adversus Gothos in Gallia quaedam prospere gesta ». Isidorus in Historia Suevorum idem de Suevis narrat quod Idacius, aitque Rechilam seu Reccilanem a patre missum adversus *Audevotum* (ita eum appellat) *Romanae militiae ducem*, eam victoriam reportasse. Quare Romani hoc anno in Galliis cum Visigothis, in Hispaniis cum Suevis bellum gessere.

1. *Reliquiarum S. Stephani Constantinopolim translatio.* — Quadragesimus undequadragesimus sequitur Christi annus, consulibus Theodosio decimum septimum atque Festo notatus: « Quo », inquit Marcellinus¹, « Eudocia uxor Theodosii principis ab Hierosolymis in urbem regiam remeavit, beatissimi Stephani primi martyris reliquias secum deferens, quas in basilica sancti Laurentii positas fideles venerantur ». Haec ipse. Theodorus quoque lector habet sub Theodosio imperatore reliquias sancti Stephani et sanctae Agnetis collocatas esse Constantinopoli in Martyrio sancti Laurentii. Apud Cedrenum de earumdem sancti Stephani reliquia-

rum translatione haec leguntur: « Theodosius imitatione Pulcheriae multum pecuniae misit ad archiepiscopum Hierosolymitanum egenis distribuendae, ac crucem auream lapidibus pretiosis ornatam, quae in Cranio », nempe Calvariae loco, « figeretur.

2. « Archiepiscopus vicissim ei dono misit reliquias dexterae manus Stephani primi martyris: quae cum essent Chalcedonem perlate, ea ipsa nocte Pulcheria Augusta S. Stephanum vidit sibi dicentem: En impetrasti quod precibus tuis petebas, et ego Chalcedonem veni. Itaque ipsa, assumpto fratre, obviam sacris reliquiis istis profecta est; iisque in palatium illatis, munificum templum beatissimo Stephano condidit, inque eo reliquias deposuit ». Haec ipse, sed anno vicesimo Theodosii imperatoris.

¹ Marc. in Chron.

Nicephorus¹ autem cum eadem ferme recenseat, sub Praylo episcopo Hierosolymitano accidisse tradit: quod si verum est, diversam illam esse oportuit Prolomartyris reliquiarum translationem ab ista sub Juvenale episcopo Hierosolymitano per Eudociam facta.

3. Sane quidem complura de his haud fide digna ab aliis scripta reperiuntur, nimirum non de membri alicujus S. Stephani, sed totius corporis facta Constantinopolim translatione a Juliana nobili vidua clam illud subripiente. Sed quoniam sub Magno Constantino, et Eusebio Constantinopolitano episcopo id configisse auctor habet, haud libet ea historia sibi conciliat, sicut nec quae habet Nicetas in oratione de eadem translatione, facta (ut ait) sub eodem Constantino imperatore, atque Metrophane ejusdem civitatis episcopo, quem voluit auctor mutasse loco Eusebii, quod sciret cum Arianum fuisse Constantinopolitanum episcopum: verum ante Honorii tempora nunquam reliquiae corporis Protomartyris visae sunt. Rejicit igitur fabulis; quae hoc anno facta est per Eudociam Stephani Protomartyris reliquiarum translatio, eam ut germanam omni fide testatam recipimus. Sed ad Eudociam.

4. *Inter sanctas reliquias ab Eudocia Hierosolymæ acceptas, eminent catenae sancti Petri quarum pars ab ea missa colitur Romæ in Basilica ibidem erecta.* — Ista quidem sicut munificentia imperatoria locis sanctis plurima contulit, et loca sancta excolit, ita a Juvenale Hierosolymorum episcopo multis donata recessit. Accepisse quidem ipsam beatissimas fascias Salvatoris nostri Jesu Christi, casque ad S. Pulcheriam Augustam dono misisse, auctor est Nicephorus². Donata pariter dicitur ab eo duabus catenis illis, quibus ab Herode S. Petrus Apostolus vincitus fuit: quarum alteram Romam ad Eudociam Augustam filiam misit, de qua dicturi sumus postea: alteram vero Constantinopoli in Ecclesia ejusdem principis Apostolorum asservari voluit; in cujus rei gestæ memoriam annua dies festa statuta est: nam Græci in Menologio hæc habent: « Die decima sexta Januarii apud urbem Constantinopolim veneratio pretiosæ illius catenæ, qua beatus Apostolus Petrus Christi causa, Herodis jussu, vincitus est ». Itæc ibi. Quidni veneratur essent homines catenarum Petri memoriam, quibus Deus eandem atque ipsi Petro contulit in edendis miraculis adeo admirandam atque visibilem virtutem? Ut plane illud Davidicum³ sit cum stupore canendum: « Nimis honorati sunt amici tui Deus»: cum et detestanda illa instrumenta martyrii voluerit in gloriæ trophæa animata converti, in quibus Christi gloria prædicetur, et in arma quibus invisibiles conficiantur ac prosternantur hostes, necnon in fontes et quibus fideles immensa hauriant jugiter beneficentia.

5. Extat quidem luculenta oratio⁴ de ejusmodi

vinculis Petri, non lamena S. Joanne Chrysostomo (ut præ se fert titulus) habita quod nondum Petri catenæ immotissimæ, nec Constantinopolim delatæ essent, sed a Proclo potius, cujus tempore ejusmodi est facta translatio catenarum: in qua quidem oratione hæc inter alia habentur de conservatione, et inventione catenarum ipsarum: « Catenas illas in carcere derelictas ipsi Herodis ministri, quibus divinæ cognitionis lumen effulsit, clam sustulerunt, et apud se ipsos veluti thesaurum quemdam eas conservarunt. Quod vero a patre suo (ut dicitur) fraditum et de catenis illis narratum sibi quisque acceperat, posteris suis deinceps credebat, et tuto in loco catenas illas occultas servabat: quoad et Judaica natio bello devicta, captis Hierosolymis, ad nihilum redacta est, et supersticioso idololatriæ errore sublato, Romanorum sceptra ad imperatores, qui Christi fidem sequebantur, translata sunt. Quibus Christi, et Apostolorum facta omni honore prosequi studentibus, hæc etiam Apostoli Petri catena manifesta facta est; et ab illis ad urbem hanc regiam translata, in Apostoli Petri sacro templo jure optimo reposita est; quam ut ejus ipsius miraculorum effectricem, et veneramus, et amplectimur. Hanc enim videntes, illum mente inspicimus: hanc tangentes, illum a nobis tangi existimamus, etc. »

6. Subdit de ejusdem Petri gladio in eadem basilica custodito, et magno honore habito, ex quo plurima testatur scaturire solere miracula ac demum: « Elsi, inquit, in velere Urbe Roma S. Petrus diversatur per corporis sepulturam, quam Urbs illa sortita est: non tamen a nobis ipsis abesse vult quod pertinet ad illius gladium, et catenam. Adest enim apud nos, qui partem hanc ut totum corpus continentes, ab ejus conjunctione non separamus: sed cum una eademque sit gratia, quæ per ejus corpus, catenas, vestes, et gladium miracula operatur, etc. », ubi ad postremum ad ipsum S. Petrum orationem convertens: « Omnium, inquit, est maxime pium, ut fidelissimum imperatorem nostrum pro telis militaribus his catenas armes, munias, custodias, victoriis et trophæis coronas, hostibus terribilem, et subjectis benignum atque optabilem facias, ut pace fruentes sub ejus regno simus, etc. » Hactenus de catenis Constantinopoli collocatis.

7. Catena vero illa, altera de duabus ejusdem Petri catenis, missa ab Eudocia Endoxiæ filiae Romam, haud minori venerationi in Urbe fuit: siquidem quæ illam accepit Endoxia, matri religione non impar, in ejus memoriam, et Petri Apostoli qui ea vincitus fuit, erexit Deo basilicam in Exquilino monte augustam sane, Augustæque nomine dignam: « Titulus » enim « Endoxiæ » nuncupata est, dicta etiam « S. Petri ad Vincula ». Ubi non illa tantum Hierosolymis a matre Eudocia missa catena recondita est, sed et divino miraculo huic illa conjuncta dicitur, qua sub Nerone Romæ vincitus Petrus in carcere (ut diximus) Mamertino diu detentus est, a Romanis Pontificibus (ut dictum est in Alexandro papa et martyre) custodita. Habent enim tabulæ Ecclesias-

¹ Niceph. l. xiv. c. 9. — ² Ibid. c. 2. — ³ Ps. cxxxviii. — ⁴ Apud Sur. die 1. Augusti.

tice, ambas has catenas simul collatas, ejusdem generis et artis inventas, sibi invicem divino miraculo copulatas, junctasque ac simul unilas ex duabus unam effectam esse: quarum memorie kalendæ Augusti fuere a Romano Pontifice consecratæ, in earumque nomen Deo dicta basilica dedicata. Quam autem solite fuerint catene istæ conseruare miraculis, S. Gregorius papa in suis ad diversos datis Epistolis locuples testis est. Morem vero fuisse Romanorum Pontificum, pro nobili munere aliquid ex limatura earundem catenarum ad insigniores personas mittere, plurima exempla declarant, quæ suis locis opportunius describentur. At de vinculis salis: ex quibus habes quæ corrigas in sermone, qui fertur nomine Bedæ, de vinculis Petri, cujus est exordium: « Solemnem observantiam, etc. » Extant antiquæ Inscriptiones nuper in lucem prodite de eadem Basilica, iisdem sacris vinculis decorata, Urbe vero Romana ab ipsis corroborata, his verbis¹:

HIS SOLIDATA FIDES HIS EST TIBI ROMÆ CATENIS
PERPETUATA SALUS HARUM CIRCUMDATA NEXU
LIBERA SEMPER ERIS QUID ENIM NON VINCLIA PRÆSENT
QUÆ TETIGIT QUI CUNCTA POTEST ABSOLVERE VINCTA
HÆC INVICTA MANU VEL RELIGIOSA TRICUMPHO
MOENIA NON ILLO PENITUS QUATIENTUR AB HOSTE
CLAUDIT ITER BELLIS QUI PORTAM PANDIT IN ASTRIS
THEODOSIUS PATER EUDOCIA CUM CONIUGE VOTUM
CUMQUE SUO SUPPLEX EUDOXIA NOMINE SOLVIT.

At non in Urbe tantum vigebat memoria vinculo-
rum Petri, sed in alia quoque Ecclesia, cujus epi-
scopus Achilles erat, constructaque Ecclesia, hisce
quatuor eam nobilitavit inscriptionibus valde piis,
quas a temporis injuriis vindicatas hic descriptas
consecramus immortalitati: sumi hujusmodi²:

ANTISTES CHRISTI DOMINI DEVOTUS ACHILLES
CULMINA MAGNA PI STRUXIT HONORE PETRI
NEMO PUTET VACUAM VENERANDI NOMINIS ACLAM
SISTERE QUOD NON SIT CORPORIS ISTA DOMUS
MAGNA QUIDEM SERVAT VENERABILE ROMA SEPULCRUM
IN QUO PRO CHRISTI NOMINE PASSUS ORIT

SOLVE JUVANTE (AL. JUBENTE) DEO TERRARUM PETRE CATENAS
QUI FACIS UT PATEANT CAELESTIA REGNA BEATIS
IPSE TUA PETRE DISRUMPI VINCLIA JUSSIT
QUI TE CONSTITUIT MUNDANOS SOLVERE NEXUS.

Sed ad Endoxiam redeamus.

8. *Quæ Antiochenis Eudocia contulerit.* — Non prætereant quæ de Antiochenis munificentissime Eudociam Hierosolymis Constantinopolim redeuntem excipientibus tradit Evagrinus, ubi ait³: « Postea Antiochiam profecta, Antiocheni illam

SED NON ET MERITUM MONUMENTA INCLUDERE POSSUNT
NEC QUÆ CORPUS HABENT SAXA TENENT ANIMAM
VICTOR ENIM MUNDI SUPERATA MORTE TRIUMPHANS
SPIRITUS AD SUMMUM PERGIT IN ASTRA DEUM
CUMQUE SIT IN CHRISTO VITA DURANTE REPOSTUS
AD CHRISTUM TOTUS MARTYR UBIQUE VENIT
ILLE SUOS SANCTOS CUNCTIS CREDENTIBUS OFFERT
PER QUOS SUPPLICIBUS PRÆSTAT OPEM FAMILIS.

Est aliud ibidem positum Epitaphium his verbis:

QUIDNAM IGITUR MIRUM MAGNO SI CULMINA PETRO
QUOLIBET EXISTANT EDIFICATA LOCO
CUMQUE PER TOTUM CELEBRATUR ECCLESIA MUNDUM
IN FUNDAMENTO FIXA PETRO MANEAT
NAMQUE ILLUM DEUS IPSE CAPUT QUI CORPORIS EXTAT
PROPTEREA PETRE NOMEN HABERE DEDIT
DICENS ESTO PETRUS QUIAM FUNDABO SUPER TE
QUAM MIHI NUNC TOTO MELIOR ORBE DOMUM
IN TE PER CUNCTAS CONSISTIT ECCLESIA GENTES
VINCI. ET INFERNI CARCERIS IMPERIUM
NAM CLAVIBUS (SACRAS) CAELOBVM CLAUDERE PORTAS
ET RESERARE DEDIT PRO MERITIS HOMINUM
QUÆCUMQUE IN TERRIS FUERIT SENTENTIA PETRI
ILLEC ERIT IN CAELIS SCRIPTA NOTANTE DEO
DIXIT ENIM TU ES MAGNO MIHI NOMINE PETRUS
ET TIBI CAELORUM FORTIA CLAUSTRATA DEDI
HAC DITIONE POTENS TERRA CAELOQUE PETRUS STAT
ARRITER IN TERRIS JANITOR IN SUPERIS.

Sed adhuc ibidem rursus aliud Epigramma, ubi de vinculis mentio:

QUI ROMAM ROMAQUE VENIS HINC ASPICE MONTEM
EQVE PETRI SEDE POSCE VIATOR OPEM
QUÆ MERITIS QUÆ SANCTA FIDE DISTAT AB ILLA
CRUX ILLIC REGNUM HIC QUOQUE VINCLIA PETRI
OMNIA MAGNANIMUS PASTOR CONSTRUXIT ACHILLES
SOLLICITAS POPULI HUC ADHIBETE PRECES.

Et in fine tetraschon, quorum duos primos
versus in usum recepit Ecclesia:

statua ex ære artificioso fabricata, quæ adhuc integra servatur, honorantur. Sed repedit ipsa vires: ejus enim hortatu Theodosius impulsus, maximam civitati adjuvit accessionem, murumque amplificavit ad portam usque quæ ad baphnem suburbium ducit, sicut quique cupientes perfacile est videre. Nam ad nostram usque ætatem veteris muri vestigia ex ipsis reliquiis, quæ oculos quodammodo ad eam quasi manu ducunt, facile indagari possunt.

¹ Antiq. Inscript. in append. pag. 4474. n. 4. 6. — ² Ibid. pag. 1172. n. 7. 8. 9. 10. — ³ Evagr. l. 1. c. 20.

Sunt tamen qui dicunt, murum illum ab antiquiori Theodosio dilatatum, quin etiam eundem aurum ducentarum librarum reficiendo Valentis balneo in quadam parte accenso tribuisse ». Verum non dubitandum Theodosii junioris illud opus fuisse : etenim Theodosius major tantum abfuit ut Antiochie pomeria dilataret, mœnibusque auctam urbem angustioiorem redderet, ut ob contumeliam qua imperatorie statue ab illis affecte sunt, eam dignitate atque jurebus (ut suo loco dictum est superius) diminuerit.

9. *Adversus Gentiles Theodosii constitutio.* —

Hoc anno, mense Januarii, Theodosius imperator adversus Judeos, Samaritas, Gentiles, atque hæreticos, dignum Christiano principe edidit sanctionem : cuius sancienda causa illa præcessisse videtur, quod cum pluribus simul annis caelum mutatis temporum vicibus haud se benignam et agrorum cultura propitium exhibuisset, magna singulis annis laboratum esset inopia frugum : quod quidem nominis violatæ recte religionis causa, Dei justa vindicta, fieri intelligens imperator, in eodem convertit legum minas et ultionem. Inter alia autem dum Paganos exagitat, quo idolorum cultorum fuerit progressa temeritas, cum publice etiam præsumerent litare hostias, idem imperator eodem edicto ad Florentium præfectum prætorio dato, post multa declarat his verbis ¹ : « Hinc perspicit nostra clementia, Paganorum quoque et Gentilis immanitatis vigiliam nos debere sortiri, qui naturali vesania, et licentia pertinaci, veræ religionis tramite dissidentes, nefarios sacrificiorum ritus, et funesta superstitionis errores oculis exercere quodammodo sollicitudinibus dedignantur, nisi ad supernæ majestatis injuriam, et temporis nostri contemptum, eorum scelera professionis genere publicentur, quos non promulgatarum legum mille terrores, non denuntiati exilii pœna compeſcant; vel si emendari non possint, mole saltem criminum, et illuvie victimarum discerent abstinere. Sed prorsus ea furoris peccatorum audacia, iis improborum conatibus patientia nostra pulsatur, ut si oblivisci cupiat, dissimulare non possit.

10. Quanquam igitur amor religionis nunquam possit esse securus (severus), quanquam Pagana dementia cunctorum suppliciorum acerbitates exposcat : lenitatis tamen memores nobis innate, terribili jussione decrevimus, ut quicumque pollutis contaminatisque mentibus in sacrificio quolibet in loco fuerit comprehensus in fortunam ejus, in sanguinem ira nostra consurgat. Oportet enim dare nos hanc victimam meliorem, ara Christianitatis intacta servata. An diutius perferemus mutari temporum vires, irata cœli temperie, qua Paganorum exacerbata perfidia, nescit naturæ libramenta servare? Unde enim ver solitam gratiam alijuravit? Unde æstas messe ægrum laboriosum agricolam in spe destituit aristarum? Unde hiemis intemperata ferocitas ubertatem

terrarum penetrabili frigore sterilitatis læsione damnavit? nisi quod ad impietatis vindictam transit lege sua naturæ decretum. Quod ne posthæc sustinere cogamur, pacifica ullione (ut diximus) pianda est superni numinis veneranda majestas ». Hactenus de Gentilibus data constitutio Constantino-poli pridie kalend. Februarii sub hujus anni consulis.

11. *Cyrillus et Theodoretus scriptis pugnant adversus Idololatrias.* — Ad extirpandam igitur crescentem multiplici germine infamam idololatriam non imperatori tantummodo fuit regia potestate summa industria laborandum, sed et sanctis Patribus, omnibus intentis nervis, scriptis editis insudandum. Hæc enim occasione S. Cyrillus Alexandrinus secum ad radicem arboris advovens, commentarios disertissimos edidit ad confutanda Juliani Apostatæ scripta in Christianam religionem elaborata, quibus tanquam potenti telo impij uti solerent ad Christianam religionem labefactandam : hæc enim de causa Cyrillus se eam aggressum esse provinciam in operis præfatione ad ipsum Theodosium imperatorem inscripta, his verbis aperte significat, ubi primum laudans Theodosium a cultu religionis, alludens ad recitatam adversus Paganos editam sanctionem ista præmittit ¹ : « Æquissimarum quidem legum splendor omnia undique jubare suo tanquam fulgur illustrat : et mansuetudo, pietasque in Christum exhilarat etiam celum ipsum, hoc est, supernas, et rationales cœlestesque virtutes ». Et post nonnulla de Juliani libris in Christianam religionem editis prælocutus, hanc sui instituti affert rationem :

12. « Quoniam autem plurimi supersticiosi convenientes eos qui Christum sapiunt, susdeque preterunt, nobis exprobantes illius contra nos scripta ; et dicunt tanta gravitate edita, ut carpi nusquam valeant ; nullumque adhuc inventum esse ex nostris doctoribus, qui vel contradicere, vel subvertere dicta illius queat. Adhortantibus itaque multis, et fisis Christo dicente ² : Et nunc vade, et ego aperiam os tuum ; accomodavi me, ut decitum quidem Græcicum supercilium adversus Dominum Christum se extollens : adjuvem autem, quantum licet, deceptos, demonstrando deceptum, et ignorasse sacras Scripturas eum qui nostri omnium Salvatorem incusat ». Hæc de instituti sui ratione Cyrillus. Qui cum dicat, nullum hactenus esse inventum qui Juliani libros confutaret, apparet sane Philippum illum competitorum Procli in sede Constantinopolitana assequenda (de quo dictum est superius) post S. Cyrillum id genus commentarii adversus Julianum elaborasse.

13. Theodoretus etiam impiorum Gentilium pulsatus blasphemis adjecit hoc item tempore animum, ut duodecim disertissimos libros scriberet adversus eos, titulumque istiusmodi præfigeret operi : « Curatio Græcarum affectionum, vel Evangelicæ

¹ Novel. Theod. tit. III. de Jul.

² Cyril. adver. Jul. l. 1. Præfat. — ² Ezech. III.

veritatis ex Græcorum et Gentium philosophia cognitio». Tradit id ipse in operis Præfatione, ubi etiam ejus exordio hæc de Gentilibus palam Christianæ religionis his temporibus insultantibus¹: «Sæpenu-mero accidit, ut nonnulli eorum qui suspensi Gentium et Græcorum tabulas admirantur necum familiariter diversati, tum Christianam fidem comice obtrecentent, asserentes nihil nos aliud quam me-ram credulitatem illis insinuare, quos divinis rebus inhuendos accipimus: tum vero et Apostolos tarditatis atque insellie accussant, Barbaros propterea inculpautes, qui omni careant elocutionis ornatu. Quin et pro ridiculo habere se dixerint, quod honore ullo martyres prosequamur: insignis enim stultitiæ genus esse addentes, si qui viventes homines ab iis qui jam vita functi sint, nullum sibi commodum comparare contendant. Aggresserunt vero, et alia quadam hujus generis maledictis valde affi-uit, quæ sane ipsa suis locis liber hic, quem eudi-mus, edocebit. Ego vero et explicui quidem illis, quæ tunc alteri oportuit maledictis objectionibus-que solvendis; et nefarium scelus, remque impiam esse duxi, si connivens, dissimulansque perpetui simplicioris notæ homines, ab illorum falli versu-tilis, neque litterarum monumentis aliquid tradam, quod illarum accusationum vanitate stultitiamque redarguat, etc.» Hæc Theodoretus, abunde propi-nans antidota ad curandos Gentiles morbo labidos, præservandosque sanos fideles, ne eadem luis con-tagione afficerentur. Infelicia plane tempora, quibus eodem opus fuerit subire labores adversus Genti-les, quos jam innumeris doctissimarum scriptio-num jaculis confecerant antiqui Patres, qui adver-sus eos plurimas elaborarunt Apologias, quarum nos prioribus Annalium tomis meminimus. Porro hujusmodi suorum scriptorum adversus Gentiles ipse mentionem habet Theodoretus in Epistola ad Renatum².

14. *Adversus superstitiones resurgentes, unde clades in Romanum imperium, sancti episcopi in-vehuntur.* — Cæterum non Oriens tantum, sed et Occidens ejusmodi erat his ipsis temporibus Genti-lium superstitionis morbo laborans: in quos inve-niuntur hujus temporis viri sanctissimi declamasse, et inter alios Petrus Chrysologus, qui multus est in redarguendis illi qui kalendis Januarii personati incederent, Gentilium deos representantes: nam inter alia multa quæ in eos exaggerat, hæc habet: «Quis satis luceat eos qui simulacra faciunt semet-ipsos? nonne isti amiserunt imaginem Dei? simili-tudinem perdiderunt? Christi exuli sunt indumentum, qui se simulacrorum formis sacrilegis formaverunt. Sed dicit aliquis: Non sunt hæc sacrilegiorum studia: vota sunt hæc jocorum: et hoc esse novitatis ketitiam, non vetustatis errorem: esse hoc anni principium, non Gentilitatis offensam. Quis de impietate Iudii? De sacrilegio quis jocatur? Piaculum quis dicit risum? satis se decipit, qui sic

seuil, etc.» Eadem plane deplorans exprobrat, qui his quoque temporibus claruit, S. Maximus episco-pus Taurinensis in sermone quem habuit kalendis Januarii, invectus vehementer in eosdem, qui ex Gentilitia superstitione in portentosas se transmuta-rent formæ, cum viri non in feminas tantum, sed in diversa genera pecorum, imo et portentorum se consueverint transformare.

15. Sed quid de superstitione illa, quæ exhibe-batur, dum Circensia agerentur? Verum ad hæc erat excusatio eorum qui ea exercebant Circensia, dum ea se Christianos non in deorum, sed Christi honorem facere affirmarent: in quos hæc Salvianus¹ post alia: «Christo (o amentia monstruosa!), Christo Circenses offerimus et mimos, et tunc hoc maxime cum ab eo aliquid boni capimus, cum prosperitatis aliquid ab eo attribuitur, aut victoria de hostibus a Divinitate præstatur. Et quid aliud hæc in re facere videmur, quam si quis hominis benedictum largienti injuriosus sit, aut blandientem conviciis cedat, aut osculantis vultum mucrone transigat, etc.» Pluribus enim horum insectatur amentiam: licet iidem Magni Gregorii Thaumaturgi id se facere defendere potuissent exemplo, qui hæc suis Neocesariensibus aliquando visus est concessisse, illo tamen Gentilium, et persecutorum imperatorum tempore, cum Christiani ab his divelli minime possent: sed et lac parvulis, et olus infir-mis ministravit Apostolus, atate vero auctis et sa-nis cibum solidiorem.

16. At utinam his temporibus ludis hæc res transacta tantummodo esset, et non magis serio impiis idololatriæ cultibus aliqui ex nobilioribus atque potentioribus occupati fuissent. Audi, rogo, quid S. Prosper sub hujus anni consulibus referat²: «Littorinus, inquit, qui secundæ ab Aetio Patricio potestati Hunnis auxiliantibus præerat dum Aetii gloriam superare appetit, dumque Aruspicum responsis, et dæmonum significationibus tidit, pugnam cum Gothis imprudenter conseruit; fecitque intelligi, quantum illa eorum, quæ perit manus prodesse potuerit, si potioribus consiliis, quam sua temeritate uti maluisset; quando ipse tantam hosti-bus cladem intulit, ut nisi inconsideranter prælians, in captivitate incidisset, dilabundum foret, cui potius parti victoria adscriberetur». Hæc Prosper: et Isidorus³ dilucidius rem paucis perstringens, ait: «Littorinus, qui primum res prosperas adver-sus Gothos, qui sub rege Theodorico Arelatem ob-sederunt, gessisset: denuo responsis dæmonum deceptus, in bello a Gothis, amisso exercitu, mise-rabiliter superatur: et qui ante hostium millibus cæsis gloriose vicerat, dum fallacia dæmonum ora-cula quaerit, ignobiliter victus interit». Hactenus Isidorus.

17. Deploravit hæc fusius Salvianus Massiliensis episcopus istis verbis⁴: «Benique probavit hoc bello

¹ Theod. de curat. Græc. affect. prolog. — ² Theod. ep. cxvi.

¹ Salvian. de vero judic. l. vi. — ² Prosp. in Chron. — ³ Isidor. Chron. Goth. — ⁴ Salvian. de provid. Dei, l. vii.

proximo infelicitas nostra. Cum enim Gollii metuerent, præsumpsimus nos in Humis spem ponere, illi in Deo : cum pax ab illis postularetur, a nobis negaretur : illi episcopos mitterent, nos repellere-mus : illi etiam in alienis sacerdotibus Deum hono-rarent, nos etiam in nostris contemneremus : prout actus utriusque partis, ita et rerum terminus fuit, illis data est in summo timore palma, nobis in summa elatione confusio. Vere et in nobis tunc et in illis eviderent probatum fuit illud Domini nostri dictum ¹ : Quoniam qui se exallat, humiliabitur; et qui se humiliat, exaltabitur. Illis enim exaltatio data est pro humilitate, nobis pro elatione dejectio. Namque agnovit hoc ille dux nostræ partis (Littorius scilicet) qui eandem urbem hostium, quam eodem die victorem se intraturum esse præsumpsit, captivus intravit », Arelatam videlicet. « Probavit scilicet quod Propheta dixit ² : Quia non est hominis via ejus : neque viri est ut ambulet, et dirigat gressus suos. Nam quia viam suam juris sui existimavit : nec gressum directionis habuit, nec viam salutis invenit. Effusa est (ut legimus ³) abjectio super principem, et errare fecit eos in invio, et non in via : et ad nihilum deductus est, velut aqua decurrens. In quo quidem præter ipsam rerum infelicitatem præ-sens in judicium Dei patuit, ut quicquid se factu-rum usurparet, pateretur. Nam quia sine divinitatis auxilio ac Dei ductu capiendum a se hostem credidit; ipse captus est : consilii ac sapientiam summam usurpavit : ignominiam temeritatis incurrit : vincula quæ aliis paravit, ipse substulit.

18. « Et quod, rogo, evidentius Dei judicium esse potuit, quam ut habens preditoris fiduciam, præda fieret? triumphum præsumens, triumphus esset? circumdaretur, corripere-tur, alligaretur, retorta brachia tergo gereret; manus quas bellicosas puta-bat, victas videret; puerorum ac mulierum specta-cululum fieret, illudentes sibi Barbaros cerneret irrisionem sexus promiscui sustineret? et qui maxi-mum habuerat supercilium fortis viri, mortem subiret ignavi? Atque utinam hoc ipsum breve remedium malorum esset, non diuturna toleratio. Ille autem, quantum ad poenarum longitudinem pertinet, longo tempore et diuturna in ergastulo barbarorum tæbe consumptus, in hanc miseriam redactus est, ut (quod plerumque homines etiam poenis ipsis gravius atque acerbius putant) in mise-rationem hostium deveniret. Et cur hoc? Absque dubio, nisi quia (ut jam dixi) illi », nempe Gollii, « Deo humiles, non rebelles : illi crediderunt in manu Dei esse victoriam, nos in manu nostra, imo in sacrilega atque impia, quod est pejus, nocentius-que quam nativa. Denique ipse rex hostium (quan-tum res prodidit ac probavit) usque ad diem pugnae stratus cilicio preces fudit, ante bellum in oratione jacuit, ad bellum de oratione surrexit; priusquam pugnam manu capesseret supplicione pugnavit : et ideo fidens processit ad pugnam, quia jam me-

ruerat in oratione victoriam ». Hactenus de his Salvianus. Sed et Sidonius Apollinaris in Panegyrico Avito Augusto dicto, his versibus de temeritate Littorii :

Et caput hoc sibi met solitis defessa nimis
Gallia suscipiens, Getica pal'ebat ab ira.
Nil prece, nil prece, nil mille fractus agebat
Aetius. Capto terrarum damna patibat
Littorio : in Rhodanum profanos producere fines
Theodorico fixum : nec erat pugnare ne esse,
Sed migrare : Getis rapidam trux asperat iram
Victor, etc.

En in quod barathrum consultorem suum consulta adegerunt idola. Viguisse quidem in Occidente his temporibus idololatram, Salvianus ¹ pluribus tradit. Et quid mirum, si et ipsi amplissimi magistratus (nescio qua incuria) cultoribus demonum tradeban-tur? nam (ut vidimus) Littorius Romano præerat in Gallis exercitui, et in Africa Cyrus æque Illuvius militum (ut habet Evagrius) ², ductor erat : qui ampli-oribus (ut dicemus) auctus est postea magi-stratibus nempe prætorii præfectura et consulatu. Hæc plane est infelicitas principum, ut excicare scelerum fluentia legum spongia frustra laborent, cum ipsos obstruere fontes, unde mala solent fluere, prætermittant.

19. *Carthago a Vandalis capta suorum flagi-tiorum dat poenas.* — Sed quam diris ista cladibus divinitus vindicentur, Oriens et Occidens maximis exagitati malis, etiam alienigenis fidem fecere, dum imperium Orientale dira diu afflictatum est fame, Occidentale vero hoc ipso anno in Gallia nobilissimi est passum iacturam exercitus. Sed longe lugubrius atque funestius illud accessit, dum ad finem anni hujus clarissima omnium civitas, Romanæ Urbis æmula, et licet tandem illi subdita, splendoris tamen gloria cedere nescia, Carthago, inquam, a Wandalis capta est. Sub hujus quidem anni consu-libus ea politos esse Wandalos, tum S. Prosper, tum Marcellinus ³ affirmant : factum id hoc anno, decimo kalendas Novembris, ipse Marcellinus tradit, sed decimo quarto Prosper, cum ait : « Aelio rebus quæ in Galliis componebantur intento, Gensericus (Geisericus), de cuius amicitia nihil metuebatur, decimo quarto kalendas Novembris Carthaginem dolo pacis invadit; omnesque opes ejus, excruciatif diverso tormentorum genere civibus, in jus suum vertit. Nec ab Ecclesiarum spoliatione abstinent, quas et sacris vasibus exinanitas, et sacerdotum administratione privatas, non jam divini cultus loca, sed suorum jussit esse habitacula. In uni-versum captivi populi ordinem sævus, sed præ-cipue nobilitati, et religioni infensus : ut non der-cerneretur, hominibus ne magis an Deo bellum intulisset ». Hæc Prosper. Et Isidorus his adjit ⁴ : « Gensericus, sacramenti religione violata, Cartha-ginem pervadit, Siciliam deprædat, Panormum

¹ Luc. XIV. — ² Prov. XVI. XX. — ³ Psal. CVI.

⁴ Salvian. de vero judic. l. VI. — ² Evag. l. III. c. 19. in fin. — ³ Prosp. in Chron. — ⁴ Marc. in Chron. — ⁵ Isidor. hist. Wand.

obsidet, Arianam pestilentiam per totam Africam intronmittit, sacerdotes Ecclesiae expellit, martyres plurimos efficit ». Sic ipse summatus regegens omnia a perfido barbaro his temporibus perpetrata.

20. Sed cur Deus dedit Wandalis eam civitatem permissit, ex Salviano viro sanctissimo accipe, qui hoc ipso tempore, nec ob aliam causam, quam ut divinam erga homines providentiam, et justa ejus judicia monstret, ejusmodi scribendi argumentum arripuit. Ipse igitur, cur tradi Wandalis Africam, et Carthaginem ab illis capi permissum a Deo esset, demonstrans, præter illa quæ de totius Africae sceleribus exundantibus scribit, de ipsa civitate Carthagine ista habet ¹: « Nec discurrem per loca singula, aut cunctas discutiam civitates, nec studere videar querere aut investigare, quæ dicam: una tantum universarum illic urbium princeps, et quasi matre contentus sum, illa scilicet Romanis arcibus semper æmula, armis quondam et fortitudine, post splendore et dignitate, Carthaginem dico Urbis Romanæ maxime adversariam, et in Africano orbe quasi Roman: que mihi ideo in exemplum ac testimonium sola sufficit, quia universa penitus quibus in toto mundo disciplina Reipublicæ vel procuratur, vel regitur, in se habuit. Illic enim omnium officiorum publicorum instrumenta, illic artium liberalium schola, illic philosophorum officina, cuncta denique vel linguarum gymnasia, vel morum: illic quoque etiam copiæ militares, et regentes militiam potestates: illic honor proconsularis, illic quotidianus iudex et rector, quantum ad nomen quidem proconsul, sed quantum ad potentiam consul: illic quoque omnes rerum dispensatores, et differentes inter se tam gradu quam vocabulo dignitates, omnium (ut ita dicam) platearum ac compitorum procuratores cuncta ferme loca urbis et membra populi gubernantes. Hac ergo tantum contenti sinus ad exemplum, et testimonium ceterarum: ut intelligamus scilicet, quales illæ fuerint civitates, quæ minores habuerunt probi officii procuratores; cum viderimus, qualis exlilerit, ubi summi semper fuere rectores.

21. « Quo loco prope est, ut pœniteat me professionis meæ, id est, quod superius sponendi, cunctis prope Afrorum criminibus prætermisissis, de impuritatis præcipue ac blasphemis eorum me esse dicturum. Video enim quasi scaturientem vitis civitatem: video urbem omnium iniquitatum genere ferventem, plenam quidem turbis, sed magis turpitudinibus, plenam divitiis, sed magis vitis, vincentes se invicem homines nequitia flagitiorum suorum, alios rapacitate, alios impuritate certantes, alios vino languidos, alios cruditate distentos, hos sertis redimitos, illos unguentis oblitos, cunctos vario luxus marcore perditos, sed pæne omnes una errorum morte prostratos, non omnes violentia temulentos, sed omnes peccatis ebrios. Populos putares non sani status, non sui sensus, non omnino

incolumes, non gradu, quasi more Baccharum erapule catarvatum inservientes.

22. « Jam vero illud cujusmodi, aut quam grave, genere quidem dispar, sed iniquitate non dispar, nisi forte in hoc dispar, quia majus; proscriptiones dico orphanorum, viduarum afflictiones, pauperum cruces; qui ingemiscendes quotidie ad Deum, finem malorum imprecantes, et quod gravissimum est, interdum vi nimie amaritudinis etiam adventum hostium postulantes, aliquando a Deo impetrarunt, ut eversionem tandem a Barbaris in commune tolerarent, quam soli ante a Romanis toleraverant. Sed esto, hæc omnia prætermittantur, quia et in toto ferme aguntur orbe Romano, et sponendi me de his malis nec pauca dicturum. Quid ergo impudicitia atque impuritas, de qua loquor, nunquid ad eversionem Afrorum sola sufficeret? Quæ enim fuit pars civitatis non plena sordibus? quæ intra urbem platea aut semita non lupanar? adeo pæne omnia compita, omnes vias quasi foveæ libidinum intercederant, aut quasi retia prætexerant, ut etiam qui ab hac re penitus abhorrent, tamen vitare vix possent. Latronum quodammodo excubias videres commutantium viatorum spolia captantes; qui insidiarum frequentium densitate ita omnes admodum calles, omnes anfractus ac divercicula sepissent, ut nullus ferme tam cautus esset, qui non in aliquos insidiarum laqueos incurreret, etiam qui se de plurimis expedisset. Fœtebant (ut ita dixerim) cuncti urbis illius cives cæno libidinis, spurcum sibi melipsis mutue impuditiæ nidorem inhalantes: sed horrore tamen eis horrida ista non erant, quia idem omnes horror infecerat: unam enim illis putes fuisse libidinum fornicationumque sentinam, eventum quasi ex omni platearum et cloacarum labe collectum.

23. « Et quæ illic spes esse poterat, ubi præter id quod in templo Dei erat, nihil videri penitus nisi sordidum licebat? Quanquam quid dicam in Dei templo? hoc quippe totum ad sacerdotes tantum, et clerum pertinet; quos non discentio, quia Domini mei ministerio reverentiam servo; et quos ita solos puros arbitror fuisse in altari, sicut perentibus Sodomis solum Loth fuisse in monte legimus ¹. Cæterum quantum ad plebem pertinet, quis in illo numero tam innumero castus fuit? castum dico? quis non fornicarius, non adulter? et hoc sine cessatione, sine termino. Rursus clamitem itaque necesse est. Quæ spes in illo populo esse poterat, ubi cum unum interdum adulter plebem Ecclesiasticam polluat, ibi inter tot millia, si diligentissime quaereres, castum vel in Ecclesia reperire vix posses? Plus multo dicam: utinam hæc essent sola quæ diximus, et contenta illic virorum impuritas fuisset solis sordidarum mulierum fornicationibus inquinari! illud gravius et scelestius, quod illa, de quibus beatus Apostolus Paulus ² cum summa animi lamentatione conqueritur, in Afris pæne omnia

¹ Salvian, de vero judic. et provid. Dei, l. vii.

¹ Gen. xix. — ² Rom. i.

fuertunt; scilicet quia masenli, relicto naturali usu feminae, exercentes, etc.» rursus vero :

24. « Sed forte, inquit, id vel occultum, quod loquimur, erat; et saltem hoc providebant procuratores, ne publice passim disciplina oculos civitatis scelera propalata polluerent; quod si factum utique fuisset, quamvis multi existissent opere ipso sordidi, non omnes tamen fuerant visu atque animo sordidati. Et solet res flagitiosa, quando agitur occulte, fidem facinoris non mereri: supra autem omnem monstruosi piaculi execrationem est, scelus summum admittere, et pudorem sceleris non habere. Quid, rogo, fieri illic prodigiosus potuit? in urbe Christiana, in urbe Ecclesiastica, quam quondam doctrinis suis Apostoli institerant, quam passionibus suis martyres coronarant, viri in semetipsis feminas proflibantur, et hoc sine pudoris umbraculo, sine ullo verecundiae amictu: ac quasi parvum piaculum esset, si malo illo maiorum tantum inquinarentur auctores, per publicam sceleris professionem febat etiam scelus integre civitatis. Videbat quippe haec univarsa civitas, et patiebatur: videbant iudices, et acquiescebant: populus videbat, et plaudebat: ac sic diffuso per totam urbem dedecoris scelerisque consortio, etsi commune hoc omnibus non faciebat actus, commune omnibus faciebat assensus ». Haec et alia Salvianus, pluribus iniectus in illos qui habitu incederent muliebri, vesteque velis ac picta facies feminas penitus imitantes, res perpetrarent obscenas, quibus turpissime foederentur. At post multa :

25. « Sed ¹ quia de impuritate Afrorum jam multa diximus, nunc de blasphemis saltem pauca dicamus. Professa enim illic jugiter plurimorum Paganitas fuit: habebant quippe intra muros patrios intestinum scelus, Caestem illum scilicet, Afrorum dæmonem dico: cui ideo (ut reor) veteres Pagani fam speciosae appellationis titulum dederunt, ut quia in eo non erat nimen, vel nomen aliquid esset; et quia non habebat aliquam ex potestate virtutem, haberet saltem ex vocabulo dignitatem. Quis ergo illi idolo non initiatus? quis non a stirpe ipsa, forsitan etiam a nativitate devotus? Nec loquor de hominibus sicut vita, ita etiam professione ac vocabulo Paganis, et qui sicut profani erant errore, sic nomine: tolerabilior quippe est et minus nefaria Gentilitas in hominibus professionis suae. Illud perniciosius ac scelestius, quod multi eorum qui professionem Christo dicaverant, mente idolis serviebant. Quis enim non eorum qui Christiani appellantur, Caestem illum aut post Christum adoravit, aut (quod pejus est multo) ante quam Christum? Quis non dæmoniacorum sacrificiorum nidore plenus divinae domus limen intravit, et cum factione ipsorum dæmonum Christi altare conscendit; ut non tam immanis criminis fuisset, ad templum Domini non venire, quam sic venire? » et inferius :

26. « At, inquis, non omnes isla faciebant, sed

potentissimi quique ac sublimissimi. Acquiescamus hoc ita esse: sed cum ditissime quoque ac potentissima domus turbam faciat superstitio: vides per paucorum potentium sacrilega perfusioe urbem cunctam fuisse pollutam. Nemini autem dubium est, omnes de minorum famulatis aut similes esse dominis aut deteriorum, quamvis hoc usitatus ut deteriorum, etc. » Porro eo immanius horum sacrilegium et impietas existimari debuit, quod post tot sancti Aurelii episcopi Carthaginensis (quae vidimus ac recensimus) studia exhibita in demolitione idoli atque profani ejus delubri, post tot adhibita a proconsulibus et tribunis ad hoc ipsum officia, post tot leges imperatorum atque rescripta adversus idololatrias in Africa data, post denique tot Carthagine ab eodem sancto episcopo et aliis collegis celebrata Concilia ad ablegandam penitus impietatem et pravos mores, additis concionibus, vel secretis admonitionibus sanctorum virorum: adhuc tamen vigeret apud potentes adeo immane cum impunitate delictum.

27. Accessit vero ad Carthaginensium sacrilegiorum culmen odium adversus sanctos viros, per quos ad meliorem frugem vel precibus, vel moribus et exemplis potuissent aliquando restitui. Nam idem Salvianus, qui haec cuncta, utpote ibi versatus, satis superque perspecta habuit, ad omnia superius dicta ista ultimo loco subdit ¹: « Esto, inquit, illa quae diximus de contagio idololatriæ ad potentissimos quosque ac nobilissimos perfluere. Numquid illa leviora, quae nobilibus, ignobilibusque communia? odia scilicet atque execrationes sanctorum omnium dico: sacrilegii quippe genus est, Dei odisse cultores ». Et post nonnulla de immanitate sceleris inculcata: « Ita igitur (subdit) et in monachis, id est, sanctis Dei Afrorum probatur odium; quia irridebant scilicet, quia maledicebant, quia insectabantur, quia detestabantur, quia omnia in illos pene fecerunt, quae in Salvatorem nostrum Judæorum impietas fecit ». Et post alia ad rei demonstrationem allata exempli causa ista subiecit: « Non sine causa itaque illud fuit, quod intra Africae civitates et maxime intra Carthaginis muros palliatum et pallidum, et recisis comarum fluentium júbis ad eum tonsus videre tam infelix ille populus quam infidehs sine convicio atque execratione vix poterat.

28. « Et si quando aliquis Dei servus aut de Ægyptiorum cænobiiis, aut de sacris Hierosolymorum locis, aut de sanctis eremi venerandisque secretis ad urbem illam officio divini operis accessit; simul ut in populo apparuit, contumelias, sacrilegia et maledictiones excepit: nec solum hoc, sed improbissimis flagitiosorum hominum cachinnis, et detestantibus ridentium sibilis, quasi taureis cadebatur: vere ut si quis ea incensus rerum fieri videret, non aliqueum hominem ludificare, sed novum inauditumque monstrum abigi atque exterminari

¹ Salvian. de vero judic. l. viii.

¹ Salvian. de vero judic. l. viii.

arbitraretur. Ecce Afrorum et præcipue Carthaginensium fidem » : et ad finem : « Et miramur si nunc Barbaros illi perferunt : cum videamus quod sancti viri in illis Barbaros pertulerunt. Justus ergo est Dominus et rectum iudicium suum, etc. » Ista quidem Salvianus. Quibus omnibus et eam adijce considerationem, qua (quod deterrimum omnium sectus videri potest) contemptus penitentiae declaratur.

29. Etenim cum ante decemium Vandali invaserint Africam, atque munitis locis omnibus positi fuerint, cumque Romani exercitus ab eisdem iterum fuerint superati, sub Bonifacio duce primo, postea vero sub Aspare et Basilisco fuis simul Orientalibus atque Occidentalibus copiis ; sola ipsa Carthago undique vallata hostibus et obsessa periculis, non est exterrita et timore correpta ad penitentiam, qua Dei indignationem antevertere valuisent ; quam potius, addentes peccata peccatis, ab invito licet, extorquere, atque retardante nimis, accelerare velle, Carthaginenses videri poterant : ut plane secundum illud Hieremie ¹ acciderit illis : « Percussisti eos, et non doctuerunt : afrivisti eos, et renuerunt accipere disciplinam : induraverunt faciem suam supra petram, et noluerunt reverti. Ego autem dixi : Forsitan pauperes sunt et stulti ignorantes viam Domini et iudicium Dei sui. Ibo igitur ad optimales, et loquar eis : ipsi enim cognoverunt viam Domini et iudicium Dei sui. Et ecce magis hi simul confregerunt jugum, ruperunt vincula. Idecirco percussit eos leo de silva ». Nam præter illa quæ dicta sunt, hæc rursus accipe de Carthaginensibus a Salviano ² : « Circumsontabant armis muros Carthaginis populi Barbarorum, et Ecclesia Carthaginensis insaniebat in Circis, luxuriabat in theatris : alii foris jugulabantur, alii intus formicabantur : pars plebis erat foris captiva hostium, pars intus captiva vitiorum ³ : et paulo post : « Fragar (ut ita dixerim) extra muros et intra muros prætorum et ludiciorum confundebatur ; vox morientium, voxque bæciantium ; ac vix discerni forsitan poterat plebis ejulatio, quæ cadebat in bello, et sonus populi, qui clamabat in Circis. Et cum hæc omnia fierent, quid aliud talis populus agebat, nisi ut cum eum Deus perdere adhuc fortasse nollet, tamen ipse exigeret ut periret ? » Hæc Salvianus. Sed audiamus Victorem, quid de acerbissimo persecutore scribat, postquam Carthaginem cepit :

30. « Post hæc (inquit ³) truces impietates insanie, ipsam urbem maximam Carthaginensem Gensericus (Geisericus) tenuit et intravit, et antiquam illam ingenuam ac nobilem libertatem in servitutem redegit. Nam et Senatorum urbis non parvam multitudinem captivavit. Deinde proponit decretum, ut unusquisque auri, argenti, gemmarum, vestimentorumque pretiosorum quodcumque haberet, offerret, et ita brevi avitas atque paternas opes

lali industria abstulit rapax ». Ita politus primaria urbe totius Africae, inter se et exercitum omnes partitus est provincias, eo modo videlicet, quo idem Victor narrat his verbis : « Disponens quoque singulas quasque provincias, sibi Bizacenam, Abaritanam (Abduritanam) Getuliam, et partem Numidiæ reservavit : exercitui vero Zeugitanam vel proconsularem funiculo hæreditatis divisit ». Hæc de explantatione et divisione bonorum Victor : quid autem in personas Ecclesiasticas et nobiles laicos admissum sit, ita subdit : « Præterea præcipere nequam cunctatus est, ut episcopos atque laicos nobiles de suis Ecclesiis et sedibus nudos penitus effugaret. Quod si (optione proposita) exire tardarent, servi perpetui remanerent : quod etiam in plurimis factum est. Multos enim episcopos et laicos, claros atque honoratos viros, servos esse novimus Wandalarum.

31. « Tunc vero memorate urbis episcopum, id est, Carthaginis, Deo et hominibus manifestum, nomine Quodvultdeum, et maximam turbam clericorum navibus fractis impositam muros atque expulatos expelli præcepit : quos Dominus miseratione bonitatis suæ prospera navigatione Neapolim Campaniæ perducere dignatus est civitatem. Sanctorum autem atque honoratorum multitudinem primo exilio crudeli contrivit, postea transmarinam in partem projecit. Pulso autem episcopo (ut præfati sumus) cum clero venerabili, illico Ecclesiam nomine Restitulam, in qua semper episcopi commanebant, suæ religioni mancipat, atque universas, quæ intra muros fuerant civitatis, cum suis divitiis abstulit ». Sed et superius : « Basilicam (inquit) majorem, ubi corpora sanctorum martyrum Perpetuæ et Felicitatis sepulta sunt, Celerinæ, atque Scillitanorum, et alias quas non destruxerunt suæ religioni licentia tyrannica mancipaverunt » : et post nonnulla : « Sed etiam quæ foras muros erant ecclesiæ, quascumque voluit, occupavit, et præcipue duas egregias et amplas sancti martyris Cypriani, unam ubi sanguinem fudit, aliam ubi ejus sepultum est corpus, qui locus, Mappalia, vocitatur » : item ad Decimum dicta, prima vero ad Sextum nuncupata, quod totidem distarent ab urbe Iupidibus de quibus superius, ubi actum est de sancti Cypriani martyrio.

32. At quid tunc acciderit cum Vandali proximam civitati Cypriani Memoriam ad litus positam invaserunt, Procopius ita narrat ¹ : « Hoc itaque templum Wandali, imperante Valentiniano (Monorio), pulsî Christianis, ac sacerdotibus multa ignominia ejectis, tenuerunt, ipsius cura Ariani delegata. Quamobrem Afris maximo dolore percussis, ac animi pendentiibus, dicunt, Cyprianum in somnis apparuisse, et bono animo Christianos hujus rei gratia esse jussisset, sese brevi tempore ultorem futurum pollicentem. Ubi res in vulgus prodit, Afri omnes expectabant ultionem hæc in Wandalos ; nec propterea unde hæc procedere possent, conjii-

¹ Hier. LII. — ² Salv. de vero judic. l. VI. — ³ Vict. de Pers. Wand. l. I.

¹ Procop. de bello Wand. l. I.

cere nullo modo poterant, etc. » Hæc Procopius, ubi agit de Justiniano imperatore post annos centum Africanam recipiente, et Wandalos ad nihilum redigente. Sed subdit dietsi nuper Victor :

33. « Quis vero suslineat, ac possit sine lacrymis recordari, dum præciperet nostrorum corpora defunctorum sine solemnitate hystrorum cum silentio ad sepulturam perduci? » Vides ex his quanti religiosam funeralem pompam æstimare consueverint Christiani, dum ea caruisse, inter omnium luctuosissima, quæ illis temporibus accidere potuissent, adnumerat. Sed pergit : « Addidit ad hæc, ut et pars clericorum, quæ remanserat, pœnali exilio traderetur ». Quæ autem his subdit, sequenti postius anno facta esse videntur; nos pro ratione temporis reddemus singula suis locis.

34. Sed quid Wandali in eas, quæ adhuc Carthaginæ erant (ut ex Salviano vidimus) reliquias idololatricæ? Etique ipsi una ferme præstiterunt die, quæ nec plurimis annis ex quo Christiani cœperant imperare, pluribus licet legibus pertentarent, pertinere imperatores ullatenus valuerunt: unde opus fuerit, iratum Deum gentem barbaram ex remotis orbis finibus ad hæc præstanda in Africanam convocare, qui ne vestigium quidem ibi reliquere Gentilitiæ impietatis. Etenim quod ad Carthaginem spectat, ait Victor ¹ : « Carthagineo dignam theatrum ædem Memoriam, et viam quam Cælestis vocabant, funditus deleverunt » : eadem quoque Prosper ² habet de via Cælestis : « Quam, inquit, sine memoria sui nunc Wandalica manus evertit ».

35. Porro illud in primis magnopere observandum, persecutionem hanc in Ecclesiam Africanam a Wandalis Ariam illatam. Catholicos tantummodo perigisse, Donatistas vero vel ad eos turpiter defecisse, aut persequendo Catholicos, eisdem Wandalis se conjunxisse; memores quidem, majores suos sub Constantio imperatore fœdus cum Arianis adversus Catholicos iniisse, ac proinde non ut hostes, sed ut socios eos excepisse: quippe qui eisdem in anabaptismi symbolo pari, ex dispari tamen causa, jungerentur impietate. Quidnam enim cunctati sunt sese conjungere Wandalis, quos adversus Catholicos etiam in Orientem ad Apostatam imperatorem legatos misisse meminimus? Itaque qui se Catholicis, quasi pollutis, jungere despexerunt, et quam sæpissime moniti resiliunt; modo Arianis dedere manus, multoque fœdera inierunt, sibi ipsis pœnas illas indiligentes, quas sua ipsorum scelerata exigebant, dum in profundiore sese foveam conjecerunt. Junctos quidem fuisse Donatistas Wandalis, ea quæ Victor ³ in fine operis habet de Nicasio Donatista, satis significant. At de clade Carthaginensium hoc anno illata modo haecenus; reliqua vero pro temporis ratione rejicimus in sequentem annum. Sed jam ad Theodosium revocemus orationem.

36. *Theodosii variae constitutiones et rescripta.*
— Qui hoc anno (ut vidimus) ad averrenda ingruentia mala, adversus Judæos, hæreticos, atque Gentiles plenissimam edidit sanctionem; idem contra rapacitatem potentium pauperes opprimentium novum dedit ad Florentium præfectum prætorio rescriptum ¹, quo vetuit, ne quis sine judicis auctoritate alienis rebus regia vela suspenderet, vel titulum imperatoris apponeret: sub nomine enim imperatoris quasi justo titulo potentioribus patebat via fortunam invadendi alienas, diversis prætensis causis, variisque coloribus comparatis. Sed neque ob id extinctum hoc malum est: ad quod tollendum, laborandum fuit etiam sancto Gregorio Romano Pontifici, ita scribenti ad Constantianum Augustam ²: « In Sicilia autem insula Stephanus quidam marinarum partium chartularius tanta præjudicia, tantasque oppressiones operari dicitur invadendo loca singulorum, et sine ditione causarum per possessiones ac domos titulos ponendo, ut si velim Acta singula quæ ad me pervenerunt, dicere, magno volumine hæc explere non possim ». Hæc ipse, qui irreperentem ejusmodi pravum usum in Ecclesiasticos viros, continuo tollendum curavit habita ³ Romæ Synodo. Porro illam putamus fuisse inter vela et titulos differentiam, quod in illis imago depicta erat imperatoris, ut ex eodem Gregorio ⁴ apparet; in titulis vero nomen ejusdem inscriberetur: hinc illud Chrysologi ⁵: « Sicut dominorum prædiorum super liminibus affixi tituli proloquuntur (perleguntur, etc.) »

37. Idem quoque Augustus adversus calumniatores episcoporum edidit sanctionem ⁶, qua et consultum voluit iuribus Ecclesiasticorum, et cohibuit licentiam clericorum ac monachorum, qui absque litteris episcopi, cui subjecti essent, Constantinopolim accederent. Hæc quidem ad eundem Florentium præfectum prætorio, cujus incomparabilis probitas ab eodem imperatore ad Cynn ⁷ hoc eodem anno rescripto plurimum commendatur. Etenim cum lenones sæpe vetili, pensitatione tamen quadam in ærarium conferenda, Constantinopoli turpe opus exercere permitti essent: ipse Florentius ut ejusmodi turpitudinum face civitatem purgatam redderet, latifundium suum donavit, ex quo iidem redditus Reipub. solverentur: sic igitur honorum suorum dispendio Constantinopolim lenonibus reddidit omnino liberam: quem quidem ita redemptum decorem urbis ut conservaret Theodosius imperator, ad Cynn (ut dictum est) adversus eosdem rescriptum dedit, ubi de Florentio ista sunt verba: « Ac licet Florentius nos illud adverteret execrari, etiam cessante vicaria oblatione vetigalis: tamen ne ullum ad ærarium incommodum perveniret, propriam possessionem obtulit, ex cujus redditibus possit accedere quod prædictum pessi-

¹ L. II, C. ut nemo privatus. — ² Greg. I. IV. ep. XXXIII. — ³ Greg. I. IV. ep. LXXXVIII. et supra ep. XLIV. — ⁴ Greg. ep. I. I. ep. I. — ⁵ Petr. Chrysolog. serm. CLIV. de S. Step. — ⁶ L. XXII. C. de Epis. et cleric. — ⁷ Novel. de lenon. tit. XVIII. Theodos.

¹ Victor, de pers. Wandal. l. I. — ² Prosp. de prædict. par. III. c. 38. — ³ Victor, de pers. Wandal. l. III. in fin.

num genus consueverat pensitare, etc. » Ad hunc item Florentium extat Theodreti¹ Epistola, implorantis auxilium adversus calumniantes hereticos. Patroms hic quidem fuit Catholicae fidei, pro qua tuenda adfuit ipsi Theodosio imperatori in Concilio Constantinopolitano, in quo ipsius opera detectus est Eutyches latens haeresiarcha : sed et cum imperatore Marciano praesto fuit sacrosancto oecumenico Concilio Chalcedonensi, ut eorundem Conciliorum Acta significant, de quibus suis locis dicturi sumus.

38. Elucebat hoc quoque tempore inter magistratus virtute praestantes Thalassius praefectus praetorio Illyrici, ad quem hoc ipso anno, iisdemque consulibus extat ejusdem Theodosii imper. rescriptum². Porro eximiae viri probitatis ergo Proclus Constantinopolitanus episcopus cum archiepiscopum creavit Ecclesiae Casariensis in Cappadocia : rem gestam Socrates sub anni hujus consulibus ita narrat³ : « Proclus eodem tempore, ad decimum septimum consulatum ejusdem Theodosii imperatoris, rem plane admirabilem, et qualem nemo veterum aliquando episcoporum effecerat, aggressus est. Nam Firmo episcopo Caesarea Cappadociae mortuo, Casarienses Constantinopolim adventum episcopum quaesituri. At cum Proclus lustraret animo, quem ad eum episcopatum designaret; forte fortuna die sabbatorum, dum aliquem despiciare conabatur, omnes Senatores qui illum spectarent, ad Ecclesiam accedunt : in quorum numero fuit Thalassius, qui gentium, et civitatum Illyrici praefecturam gerebat : cui partium versus Orientem administrandarum curam (uti fama est) imperatoris jussu suscepturo, Proclus manus imponit, et pro praefecto episcopum Caesarea creat. Atque in hunc modum Ecclesiae status id temporis prosperum et felicem successum habuit ». Haecuten Socrates : addit haec Nicephorus⁴ : « At ille (Thalassius scilicet) contra animi sui sententiam in Ecclesiae gradum ascendit, eaque rite administravit : cum quidem tam subitum factum imperator aegre ferret, mox tamen id sanctione sua comprobaret ». Haec ipse.

39. De Sozomeni et Socratis historia judicium. — Porro ista scribens Socrates, hujus anni consulibus suae finem imponit historiae, sicut et Sozomenus, qui (ut ipse in Praefatione testatur) ad eundem decimum septimum consulatum Theodosii suam pariter historiae descriptionem perduxit : qui licet Novatiani essent, et in iis quae ad ipsorum dogmata spectant, privato studio plura menti esse reperiantur, dum praesertim falsa miracula suis tribuunt : Novatiani tamen majoris fidei apud Gelasium Romanum Pontificem hos fuisse quam Eusebium Casariensem, inde possumus existinare, quod Eusebii historiam rejicit inter apocrypha, Socratis vero et Sozomeni nequaquam. Verum non ob res gestas ab Eusebio narratas, sed ob sparsos in

eis ab eo olim Arianismos, ea censura certum est Eusebii historiam esse notatam; cum tamen Novatiani divinitatis Filii Dei essent (ut vidimus) constantissimi defensores, atque ob eam causam diutius ab imperatoribus et episcopis tolerati. Nec est quod quis calumniose agens, arguat esse rejicienda quae produntur ab hereticis fuisse narrata. Etenim qui his respondeat, minus cui nemo ob auctoritatem atque doctrinam refragari possit. Gelasius in medium prodeat : Ipse enim in tomo de vinculo anathematis ista habet : « Num quidam in ipsorum haereticorum libris non multa, quae ad veritatem pertinent, leguntur? Num quidam veritas refutanda est, quia illorum libri, ubi pravitas inest, refutantur? Aut ideo pravi libris suscipiendi sunt eorum, quia veritas, quae in illis inserta est, non negatur? Ait Apostolus : Omnia probate; quod bonum est, tenete, etc. » Id ipsum etiam ex sententia Cyrilli episcopi Alexandrini paulo ante est demonstratum.

40. Nec vero alium huic contrarium sensum S. Gregorius habuit : non enim Pontifex Pontifici, et Gelasio S. Gregorius est adversatus, dum Sozomeni historiam visus est improbare, cum ad Eulogium Alexandrinum episcopum scribens haec ait¹ : « Sed ipsam quoque Sozomeni historiam Sedes Apostolica recipere recusat : quoniam multa mentitur, et Theodorium Mopsuestiae nimium laudat, et usque ad diem obitus sui magnum doctorem fuisse perhibet. Restat ergo, ut si quis illam historiam recipit, Synodo pie memoriae Justiniani temporibus de tribus capitulis facte contradicat. Qui ergo huic contraria dicere non valet, illam historiam necesse est ut repellat ». Haec Gregorius. Sed quo sensu accipienda ista sint, nemo non videt, qui rem de qua agitur, probe considerat : nimirum non recipi ab Ecclesia Romana Sozomenum Theodori Mopsuesteni laudatorem : quem qui recipiat, quintae Synodo, in qua ille damnatur, refragari se sentiat. In reliquis autem, quae vera dixit, quomodo potuit ab Ecclesia Romana non recipi? etenim Anastasius bibliothecarius de eadem Sozomeni historia haec habet in Praefatione Miscellae : « Verum quia quosdam horum mentitos in quibusdam fuisse, et quaedam praetermisisse probatur, quemadmodum, et S. papa Gregorius de Sozomeno aptissime scribit : obsecro, mendacia eorum veris approbationibus arguas, et quae omiserunt nihilominus suppleas ». Vides igitur clarissimum eruditione virum Anastasium non projicere Sozomenum, sed purgari ea, et augeri desiderare; quae ipsa (ut saepe vidisti, lector) nos pro viribus praestare conati sumus. Sed alibi in Notis² ad Romanum Martyrologium redarguimus Melchiorum Cantum³, qui Magnum Gregorium auctorem nimis historiam ignorantiae sugillavit, dum quae apud Theodoretum de laude Theodori Mopsuesteni reperuntur, Sozomeno Gregorium tribuisse, rem ignorans ipse, putavit.

¹ Theod. ep. LXXXIX. — ² Novel. Theod. lit. vi. — ³ Socr. l. vii. c. ult. — ⁴ Niceph. l. xiv. c. 42.

¹ Greg. l. vi. ep. xxxi. — ² In Rom. Martyr. die xxiii. Decemb. — ³ Melch. Can. loc. Theod. ii. c. 6.

Non attendit censor iste desiderari duos Sozomeni libros, in quibus de Theodoro illo tractabatur historia.

41. Ceterum quod ad eandem Sozomeni historiam pertinet, majoris illa astinationis apud Photium fuit, quam Socratis: sed nobis certe commodior Socratis historia cecidit, qua per consules more majorum tempora distinguuntur. Qui hos Græcos auctores primus tradidit latinitati, fuit Epiphanius vir doctissimus, idque a Cassiodoro impulsus, qui hæc testatur his verbis¹: « Post Eusebii vero historiam apud Græcos Socrates, Sozomenus, et Theodoretus sequentia conscripserunt: quos a viro Epiphanio disertissimo in uno corpore, Deo auxiliante, transferri curavi: ne insulset habere se facunda Græcia necessarium, quod nobis iudicet esse substractum ». Hæc ipse, qui ex iisdem Tripartitam compaginavit. Sed jam, quæ anni hujus sunt reliqua prosequamur.

42. *Synodus Constantinopolitana.* — Contigit his Procli Constantinopolitani episcopi temporibus celebrem Synodum cogi Constantinopoli, cum illic Dioscorus Alexandrinæ Ecclesie diaconus ageret Apoerisarium. Hinc enim veteres exsuscitans controversias, hujus celebrandi episcoporum conventus dedit occasionem, nempe de jure dioceseos movens quæstionem, cum instaret, esse episcopi Alexandrini præsidere omnibus Orientis Ecclesiis, utpote qui primus esse sciretur in Ecclesia Catholica post Pontificem Romanum antistes. Refragatus est his potissimum episcopus Antiochenus, negans ex canonum Nicæni, et Constantinopolitani Conciliorum præscripto debere se subijci præsul Ecclesie Alexandrinæ, cum ex dietis Conciliis fuerint penitus distinctæ dioceses. Porro Synodo congregata, et causa quam exactissime ventilata, ea fuit sanctorum Patrum sententia, ut servarentur quæ in dietis sacrosanctis Conciliis Nicæno et Constantinopolitano statuta essent. Cum vero Theodoretus Cyri episcopus acerrimus defensor insurrexisset pro Ecclesie Antiochenæ juribus: hinc factum est (ut ipse testatur) ut Dioscorus ex hoc tempore eum gravi odio fuerit persecutus, quod nunquam deposuit, sed majoribus in dies fovit augmentis. Narrat hæc quidem omnia ipse Theodoretus in Epistola ad Flavianum Constantinopolitanum episcopum postea data, in qua post alia hæc leguntur²:

43. « In illa enim regia urbe (Constantinopoli scilicet) cum convenissent B. Patres » in Synodo œcumenica sub Theodosio Majori, « consona iis, quæ in Nicæa statuta sunt a sanctis Patribus ibi congregatis, statuerunt, et dioceses distinxerunt, et unicuique diocesi, quæ ipsi conveniebant, tribuerunt, expresse prohibentes, ut ex alia diocesi aliam nullo pacto aliquis invaderet, sed Alexandrinæ epi-

scopus ea quæ ad Ægyptium pertinet, tantummodo gubernaret, et unaquaque diocesis res proprias, et quæ ad eam spectant, illic vero istis definitionibus stare minime vult, sed B. Marci sedem sursum, et deorsum agitat; præsertim cum aperte noverit, quod Antiochenus magna civitas magni illius Petri thronum obtinet, qui B. Marci magister fuit, et Apostolorum chori primus et princeps. Nos vero throni quidem celsitudinem agnoscimus, ac nos ipsos novimus et metimur: Apostolorum humilitatem et mansuetudinem a majoribus didicimus. Tuam autem pietatem obsecramus, ut sanctos canones conculcatos minime negligas, et pro divina fide prompto pugnes animo: in hæc enim habemus spem salvis, et per hæc misericordiam consequi expectamus. Ne vero etiam hæc tua pietas ignoret: scito, domine, quod ex eo tempore Dioscorus cepit nos odio prosequi, qui in Synodis apud vos habitis tempore Procli beatæ memoriæ vobiscum idem statuimus, sanctorum Patrum canones secuti: (t) de qua re semel atque iterum conquestus est, quod jura Antiochenus et Alexandrinorum Ecclesie (ut ait) nos prodiderimus. Horum et opportunitatem nactus (ut arbitratus est) odium et simultatem manifestavit ». Hæc Theodoretus de Dioscoro, et ejus studiis hoc tempore cum degeret Constantinopoli; qui postea Alexandrinus creatus episcopus, omne quod conceperat odium in ipsum egressit, ut dielis litteris ad Flavianum Theodoretus ipse queritur. Sed de reliquis quæ ad Dioscorum pertinent, suis inferius locis agendum erit. Quid præterea in hac Synodo gestum sit, nihil invenimus.

44. *Concilium Regiense.* — Sub hujus quoque anni consulibus celebrata reperitur Synodus Regiensis decimo sexto kal. Decembris, non quidem Regii Lepidi, sed Regii Gallharum in provincia Narbonensi. Etenim quid opus fuit Regii in Æmilia provincia cognosci causam episcopi Ebredunensis? Fuisse autem Regiensem, seu Regensem, vel (ut alii dixerunt) Regionensem episcopatum in Gallia Narbonensi sub Aquensi metropoli, Indices Vaticanis demonstrant. Collectam quidem eam fuisse Synodum ex episcopis Gallie Narbonensis: tum ex eo qui primo loco in ea positus habetur Hilarius episcopus Narbonensis, qui et præ fuit Synodo, tum ex collegis ibidem nominatis ipsi subjectis episcopis, scies; quod eosdem ferme omnes reperies nominatos in Concilio Atraciano post annum sequentem itidem in Gallia Narbonensi sub consulatione Cyri celebrato. Ebredunum autem fuisse sub Viennensi metropoli, subscriptiones episcoporum Concilii Epauensis demonstrant. Tu vero consule quæ in Nicolimiana editione huic Concilio præfixa sunt; quibus accurate elucubratis, haud inviti subscribimus, addentes Sidonii Apollinaris verba¹ in Epistola ad Patientem

¹ Cassiod. inst. div. sect. c. 17. — ² Theod. ep. LXXXVI.

¹ Sidon. l. vi. c. 18. ult.

(1) Concilium sub Proclo A. D. 437, non 439 celebratum esse contendit Constantius in Monito prævio ad Epistolam x Sixti papæ III, pag. 1267.

episcopum Lugdunensem, dum populos ejus provincie recenset: « Quantas, inquit, tibi gradias Arelatenses, Regenses, Aveniocius, Arausicensis quoque, et Alliensis, Valentianaque, et Tricassinae urbis professor exsolvant? » Praeter ea autem quae de ordinatione perperam facta episcopi Ebredunensis in hac tractata sunt Synedo, de illis etiam actum episcopis, qui ex haeresi vel schismate ad Ecclesiam redirent, qui quo loco habendi essent, Patres matura consultatione definiunt: egerunt et de excois defunctorum episcoporum.

45. Accidit enim, ut cum his temporibus nonnulli episcopi, qui sectati essent Pelagium, ad Ecclesiam se redire penitentes simularent: iis omnem recipiendi sedem spem ademerunt iidem Patres, qui ipsi Concilio Schemsi interfuert: hoc experimento probantes, qui vere penitenter, vel fidei. Quin etiam haud facile eos ad communionem Catholicam, necdum ad sedem esse accipiendos, exemplum docet Sixti Romani Pontificis de Juliano episcopo Pelagiano. Sub hujus enim anni consulis de Juliano ipso famosissimo Pelagiano haec habet sanctus Prosper in Chronico: « Hac peste Julianus Aetlanensis jactantissimus Pelagiani erroris assertor, quem dudum amissi episcopatus intemperans cupido exagitabat, nullimoda arte fallendi, correctionis spem praefereus, molitus in communionem Ecclesiae irrepere: sed iis insidiis Sixtus papa diaconi Leonis hortatu vigilanter occurrens, nullum aditum pesti-

feris conatibus patere permisit; et ila omnes Catholicos defectione fallacis bestiae gaudere fecit, quasi tunc primum superbissimam haeresim Apostolicum gladius detruicisset ». Haec Prosper.

46. Quibus plane vides, lector, magna laude rejicere Romanam Ecclesiam hereticos illos, de quibus est suspicio, non ex corde, sed callide subripere conari Catholicam communionem, ut temporale commodum assequantur. Id quidem Sixtus consilio Leonis diaconi, qui ei sequenti anno in episcopatu successit, et pra excellencia meritorum atque doctrinae Magni cognomentum adeptus est. De ipso autem Sixto in eandem sententiam idem Prosper agens adversus Collatorem, sic ait¹: « Haec sil pars huic reservata pastor! et ut illi praedecessores ejus Innocentius, Zozimus, Bonifacius, Caelestinus Inpos abegere manifestos, ita hic depellat occultos ». Haec ipse. Porro quem hic Aetlanensem Julianum nominat Prosper, eundem fuisse Julianum antea Capuanum episcopum, qui adversus S. Augustinum tot tantaque scripserat, intelligi potest: Aetlanensem vero, non Capuanum ab eo scias nominatum, quod non amplius illius Ecclesiae episcopus esset, quem (ut in eodem Leone papa dicemus inferius) ab ipso Pontifice idem Prosper² coertum tradit.

¹ Prosp. adver. Coll. in fin — ² Prosp. de Prae-l. c. 7.

1. *Octava quinquennialia Theodosii*. — Coss. *Theodosius Aug. XVII*, et *Festus* in Occidente creatus, ut certum facit Novella Theodosii lib. 1, tit. de *Judaeis, Samaritanis, et Paganis*, inscripta *Florentio P. F. P. Orientis*, dataque prid. kal. Febr. *Constantinop. Theod. A. XVII coss. et qui fuerit untiatus*. Quare Festus Romae a Valentiniano consul dictus fuerat. Theodosium autem propter octava quinquennialia imperii vivente patre inti consulem processisse, indicat Marcellinus in Chronico, sub hujus anni coss. *Theodosius imp. octava quinquennialia dedit*, ubi de iis solemnibus, quae a priori ejus imperio deducuntur, cum verba facere, ostendunt decennialia ejusdem imperii anno cxi memorata. Tom. 1 Musci Farnesiani hic Theodosii nummus exhibetur: D. N. Theodosius P. F. Aug. in

Postica, imp. XXXII, coss. XVII, PP. Con. Ob. Visitur figura sedens dextra globum cum cruce et stella, sinistra scipionem tenens. In nummis vero Valentiniani senioris hunc exhibet Ducangius in Constantinopoli Christiana: D. N. Valentinianus P. F. Aug. in Postica, imp. XXXII cos. XVII P. P. Con. Ob., id est, *Constantinopoli obsignata moneta*. Representatur figura galeata sedens, dextra globum cum cruce, sinistra hastam tenens. Anno cccclxxv, num. 13 ostendi Valentinianum illum esse Valentinianum III et adversam ejus partem referri ad Theodosium juniorem, qui utrumque numisma aureum Constantinopoli perenti jussit, cum eadem in utroque Antica, ut ibidem pluribus exposui.

2. *In nummis imp. Christianorum orbis et crux serpe representantur*. — Mediobarbus pag. 533,

producit mimumm Theodosii jun. in postica inscriptione, Th. P. XXXVII. Cos. XVII. P. P. Con. Ob. Visitur figura sedens dextra globum tenens. Rarisissime hoc saeculo *Imperatoris* titulus ob victorias dari solitus, et tribunitia potestas in nummis Augustorum leguntur. Tribunitiam potestatem XXXVII hoc anno absolvit Theodosius, qui anno cdu ab Arcadio patre in consortium imperii affectus fuerat. Notavit autem Cuperus V. C. in Apothecosi Homeri pag. 148, veteres per globum frequenter tellurem denotasse. Illic in numismatis *Julianus* Aug. apud Tristanum, *Caracalla* apud Patinum, globum tenens rector orbis : *Hadrrianus* locupletator, et restitutor orbis dicitur; quo pertinet Julium Casarem ex decreto Senatus apud Dionem lib. 43, *super inuicem orbis arcem insedere*. Ex habito Julio Caesari honore, factum est, ut *orbis* in nummis ejus frequentissime videatur, hincque mos ad alios imperatores regni honorumque haeredes transiret. *Tito* equo insidenti orbem figura armata, et *M. Julio Philippo* Jupiter tribuunt; saepeque imperatores cum manibus tenent, nisi praeter innumeros nummos testatur *Hadriani* statua apud Ferrarium. Orbi postea Christiani Augusti Crucem impo-
nere, ut significarent, quemadmodum narrat Cedrenus Suidas, et Codinus, se propter fidem in Christum terre Dominos factos esse. Terram per globum significarent ob rotundam figuram, per Crucem vero fidem ob Christum illi affixum, intellexerunt. Jam in *Justinii* et *Marciani* nummis *Victoria* altera manu corollam, altera globum, cui Crux loco Victoriae, quam caeteroquin multi Christiani imperatores retinuerunt, gerit. Plura Cuperus laudatus.

3. *Cyrillus et Theodoretus scribunt adversus Gentiles*. — Ad num. 13. *Julianus* imperator cum a fide Christiana defecisset, defectionis causas scripto libro reddidit, novumque Gentilium informavit, tanto recentiore vetere, quanto artificiosius plurimum Deorum secundariorum religionem unius supremi cultu temperabat : improbabat enim Graecorum Barbarorumque veterum nefarias absurditates, Christianosque imo et Judaeos, ex suis ipsorum libris impugnabat; ut philosophice suae religioni locum faceret. Hunc imperatoris apostatae librum, qui apud Cyrillum fere integer reperitur, Gentiles veluti clypeum opponebant Christianis, et Christiani totis viribus impetendum putarunt, donec Gentilis superstitionis aliquid metendum supresset; superfluit vero usque ad Novellam Theodosii hoc anno editam, et a Baronio num. 9 et seq. recitatam. Quare septuaginta annorum spatium in hoc argumento versati sunt sermonibus quidem ad populum multi, Tractatibus vero *Theodoretus* et *Cyrillus*. Nam *Nazianzenus* invectivis duabus in *Julianum* personam magis quam librum insectus est. Theodoretus artius plus habet quam Cyrillus; hic enim ad singulas Juliani libri Periochas responsiones subjungens, hominem pressis vestigiis etiam evagantem sequitur; ille collectis in concinnum ordinem Juliani

objectionibus, singulas ita repellit, ut corpus inde duodecim partibus efflorescens conficiat. Hic ejus Operis titulus : *De Curandis affectionibus Graecorum libri duodecim*. In fine ostendit rationem scribendi quam tenuit : « Has ego vobis, o viri, duodecim disputationes conscripsi, et ostendi quenam de Deo et materia, mundi fabrica, et de virtute ac vizio senserint graeci philosophi, et quenam iisdem de rebus sacrae nos litterae docuerint, et quo pacto illorum quidem jam extincta sint omnia et oblivionis caligine induta; nostra vero haec floreat ac vigeant, innumerisque per singulas civitates et provincias auditoribus frequententur ».

4. *Ante hunc annum Theodoretus adversus illos scripsit*. — Tempus quo hi duodecim libri a Theodoro editi valde obscurum. Videtur Baronius, inquit Garnerius in Auctario operum Theodoretii Dissert. n. cap. 4, suam sententiam ex eo confecisse, quod ait Theodoretus sub fine sermonis VII, cum hortaretur Gentiles, ut rejectis suis sacrificiis, sacrificium laudis offerrent Deo : « Vobis ut iati facitis persuadeant, non principum leges, neque suppliciorum metus, sed veritatis potentia, quae maris ac terre incolis est jam notissima ». Verum leges a Theodosio ante praesentem annum datae adversus Paganos magis conveniunt cum Theodoro dictis quam ea quae hoc anno lata; quia imperator precedentibus legibus poenam capitis sacrificantium Paganis statuit. Sunt autem ejusmodi duae quas Annalibus Baronius inseruit : alteram anno cxxxii, alteram anno cxxxvi. Videtur itaque Theodoretus scripsisse libros *De Curandis Graecorum affectionibus*, anno cxxxv aut circiter, ut quos suis legibus tenuerat imperator, eos ratione ad Christianam fidem superstitionis Gentilis victricem adduceret. Haec Garnerius loco laudato, ubi plura de egregio hoc opere.

5. *Romanus apud Tolosam a Visigothis victi*. — A num. 16 ad 19. Prosper in Chronico sub hujus anni coss. recitat bellum a Littorio duce Romano adversus Gothos infeliciter gestum, ut videre est apud Baronium. Idem bellum paucis verbis Cassiodorus in Chronico refert : « His coss. bellum adversus Gothos Hunnis auxiliantibus geritur, et Littorius dux Romanus ab eis capitur ». Loquitur et de eodem bello Idacius in Chronico ad annum Abrahami MDCXLV, qui kal. Octobris superioris Christi anni inchoatur, ubi ait : « Bello Gothico sub Theodoro rege apud Tolosam, Littorius Romanus dux, inconsultus cum auxiliari manu irruens, cassis his ipse vulneratus capitur, et post dies paucos occiditur. Inter Romanos et Gothos pax efficitur ». Loquuntur et de insectata pace Prosper citatus, Isidorus in Chronico Gothorum, ac Salvianus lib. 7 de Providentia, cujus verba recitat Baronius num. 17. Sed perperam Salvianum Massiliensem episcopum facit, qui fuit tantum presbyter, ut suo loco ostendam. Praeterea ubi Salvianus dicit : « Illis exaltatio data est pro humilitate, nobis pro elatione dejectio. Namque agnovit hoc ille dux nostrae partis (Littorius scilicet), qui eandem urbem hostium, quam eodem die vic-

forem se intratum esse præsumpsit, captivus intravit ». Urbem illam Baronius interpretatur *Arelatam*, deceptus a Prospero, qui loquitur de bello Gothico apud Arelatam, antequam de isto sermonem habeat, quod tamen ad Tolosam sedem regiam gestum esse, Idacius, qui Baronii tempore non exabat, discrete testatur.

6. *Pax Romanorum inter et Visigothos sancita.* — Sidonius in Panegyrico Avito dicto, postquam de Bello Burgundionico locutus est, a versu 245 ad 315, sermonem habet de bello Gothico et de renovatione pacis cum *Theodorico*; hujus laudem tribuit *Avito*, docetque eum tunc fuisse praefectum praetorio Galliarum. Denique testatur, *Littorium* postquam Aremoricis domisset, et *Scythiarum* turmas Hunnorum scilicet, per Arvernos duceret, et illi barbara feritate Arverniam vastarent, exortum esse Avili in illos impetum, et singulare cum Hunno equite certamen, quod magna pompa describit.

Nova bella iterum, pugnamque sub ipsis
Jam patrie muris periturus commovet hostis.
Littorius Scythicos equites tum forte, subacto
Celsus Aremorico, Geticum rapiebat in agmen
Per terras, Arverne, tuas, etc.

Ubi loquitur Sidonius de auxilium Hunnorum perfidia, et hostili grassatione, de qua etiam queritur Paulinus lib. 6 de Vita sancti Martini. De hoc bello et pace quae postea Gothos inter et Romanos sancita est, agit etiam Jornandes lib. de Reb. Geticis cap. 34, ubi ait: « Hunnis quoque auxiliariis Littorio ductante, contra Gothos Romanus exercitus movit prociuetum: diuque ex utraque parte acie ordinata, cum utriusque fortes et neque infirmior esset, datis dextris in pristinam concordiam redierunt, federeque firmato, ab alterutra fida pace peracta, recessit uterque. Qua pace, Altila (Hunnorum omnium Dominus, et paene totius Scythiae gentium solus in mundo regnator) erat famosa inter omnes gentes claritate mirabilis ». De hac pace Prosper sub hujus anni *cons.* ait: « Pax cum Gothis facta, cum eam post accipitis pugnae lacrymabile experimentum humiliter quam antea, poposcissent ».

7. *Quinta Hunnorum in Galliam irruptio.* — Est haec quinta Hunnorum in Galliam irruptio, quae ea summopere afflicta, ut colligimus ex Paulino Petragoricensi, qui hoc tempore vivebat, in lib. 5 Vitae sancti Martini.

Cum subito patefacta metu graviore periclo
Auxiliatores pateretur Gallia Chunos.
Nam socium vix ferre queas, qui durior hoste
Exlet.

Haec expeditio tam Hunnis, qui caesi fugatique fuere, quam Gallis intasta fuit. Sidonius enim loco laudato ait capto Littorio Gothis pugnandum non fuisse; cum nullae essent Romanorum vires, quae eorum impetum remorari possent:

Postquam undique nullum
Prasidium, ducibusque tuis nil, Roma, relictum est,
Frobus, Avite, novas: servum tua pagina regem
Lecta donat.

Mala tunc ab Hunnis auxiliariis Gallis illata auxilium istud irruptioni simillimum reddidere. Ad hanc irruptionem aliqui recentis Historici obsidionem urbis Vasatensis referunt, sed hos anno *CDLI* confutabimus.

8. *Carthago a Vandalis occupata.* — A dum. 49 ad 36. Prosper et Marcellinus in Chronicis Carthaginem hoc anno a Vandalis captam directamque tradunt. Addit Prosper: « Hanc autem captivitatem Carthago subiit, anno postquam Romana esse ceperat *DLXXXV* ». Capta Carthago a Romanis *Cornelio Lentulo et L. Mummiu* *cons.*, ut prodit Velleius lib. 4; ideoque anno Periodi Graeco-Romanae 5348, cui numero si addas *DLXXXV*, pervenies ad annum ejusdem Periodi 5932, qui cum praesenti Christi anno concurrat. Marcellinus ait, hanc cladem accidisse *X kalend. Novemb.* sed illa dici nota mendosa; standumque Prospero, Idacio in Chronico, ac auctori fragmenti Augustani ab Henrico Canisio publicati, qui eam contigisse asserunt *XIV kalend. Novemb.* seu die *XIX* mensis Octobris, quia ab eo die *Genserici* Vandalorum rex qui Carthaginem expugnavit, regni sui initium desumpsit, ut in morte ejus videbimus. In eo fragmento Augustano librarii errore, uti existimo, legitur: « Post consulatum Theodosii *XVII* et Festi Geiserici Vandalorum rex Carthaginem ingressus est die *XIV* kal. Novemb. » Alioquin Carthago anno sequenti in Genserici manus venisset, quod dici non potest. Peccavit et Idacius in Chronico, qui anno Abrahami *MCCCLV* kalend. Octob. praecedentis Christi anni inchoato, ait: « Carthagine fraude decepta *XIV* kal. Novemb. omnem Africam rex Gaisericus invadit ». Idacius itaque citius, auctor citati fragmenti tardius Carthaginis excidium referunt. Chiffletius quidem in Notis ad Victorem Vitensem, et ad Vitam sancti Fulgentii, auctore Ferrando, contendit, hanc formulam enuntiandi consulatus ab auctore citati fragmenti usurpatam, eundem sensum habere cum illa vulgata, qua usi sunt Prosper et Marcellinus. Sed eum falli certissimum; cum inter consulatum et post consulatum unius anni discrimen sit. Baronius num. 29 loquitur de expeditione *Basilisci* adversus Vandalos quasi praecesserit excidium Carthaginis; sed ea non nisi Leone Magno imperante suscepta, ut suo loco demonstrabimus.

9. *Socrates Historiam suam ultra hunc annum non continuavit.* — A num. 39 ad 42. *Socrates* et *Sozomenus*, uterque Historiae Ecclesiasticae Eusebii continuator, testantur se Historias suas usque ad *XVII* Theodosii consulatum, hujus imperatoris octavis quinquennialibus memorabilem perduxisse; quia sc. id genus solennia epochae quaedam erant, ad quas priorum Ecclesiae saeculorum scriptores, tam profani quam Ecclesiastici, in libris suis aut incipiendis aut absolvendis respiciebant. Valesius,

qui utrumque Historicum e graeco in latinum vertit, et quamplurimos errores praecedentium interpretum sustulit, in Praefatione sui Operis observat, *Socratem* patriam habuisse Constantinopolim; cum ipsemet in lib. 5, cap. 24, se in ea urbe natum atque educatum fuisse testetur; eamque ob causam se res illas praecipue commemorasse, quae in illa civitate acciderant. Antea cap. 16 scripserat, se admodum adolescentem Constantinopoli auditorem fuisse *Helladii* et *Ammonii* Grammaticorum Gentilium Constantinopoli causas acclivavit, indeque cognomentum adeptus est *Scholastici*; sic enim Advocati eo tempore vocabantur. Tandem abjecta caudicibus ad scribendam Historiam Ecclesiasticam se contulit. Baronius, et ante eum Nicephorus in Proemio Historiae suae Ecclesiasticae tradunt *Socratem* fuisse Novatianum. Verum Valesius re accuratius examinata affirmat, se nihil in illius Historia reperisse, quod cum *Novatianum* fuisse convincat; favere quidem eum plerumque Novatianis, ut eum Novatianum illius Sectae auctorem inter martyres numerat; cum Novatianos arctissima benevolentia conjunctos fuisse dicit Catholicis, et una cum illis in Ecclesia Deum orasse. Verum aliud est favere Novatianis, aliud Novatianum esse. Socrates, homo paulo severior, illorum disciplinam atque abstinentiam probabat, sed Ecclesiam perpetuo appellat simpliciter et absolute, *Ecclesiam Catholicorum* opponens eam Ecclesiis aliarum sectarum, de quibus agit in libro sexto cap. 19 et seqq. Arianorum sc. Novatianorum, et Eunomianorum.

40. *Sicuti nec Sozomenus*. — *Hermias Sozomenus*, qui eodem tempore, quo Socrates Eusebium continuavit, in lib. 5, cap. 15, scribit majores se habuisse non ignobiles ortos ex Palaestina ex vico quodam juxta Gazam, qui *Bethelia* dicitur, avumque ad fidem in eo oppido primum conversum esse ab Hilarione monacho. Quare emendandus est error Nicephori, et aliorum qui Sozomenum *Salamini* cognomentum habuisse existimant, propterea quod ex oppido Cypri Salaminae originem duceret; atqui non Cyprium, sed Palaestinum se fuisse loco laudato Sozomenus indicat. Neque solum avus illius Palaestinus fuit, sed ipsemet etiam in monasteriis educatus est. Causa egit Constantinopoli, quemadmodum refert in lib. 2, cap. 2. Quod Baronius ait, sanctum Gregorium papam videri improbasse Sozomeni Historiam ob laudes ab eo in Theodorum Mopsuestenum congestas, jam anno cxxxvii ostendimus, Gregorium attribuisse Sozomeno, quae a Theodoro dicta sunt. Denique *Sozomenum* Novatianum non fuisse, ut autumavit Baronius, ipsemet ostendit in lib. 9 suae Historiae, ubi scribit se interfuisse processionem publicae, quae in honorem xl martyrum Constantinopoli celebrata est, *Proclo* Ecclesiam urbis illius administrante.

11. *Socrates et Sozomenus eodem tempore quo*

Theodoretus Historias suas scripserunt. — Ceterum errant passim recentiores historici qui arbitrantur, *Socratem* et *Sozomenum* Historias suas Ecclesiasticas currenti anno publicasse; quemadmodum enim *Theodoretus*, qui suam Historiam Ecclesiasticam ultra annum cxxxix non produxit eandem adhuc elaboratam anno cxxxviii, ut loco citato demonstravi; pari eademque ratione Socrates et Sozomenus eodem circiter tempore, quo Theodoretus, suas scripserunt. Hos tres auctores eodem circiter tempore suas Historias Ecclesiasticas, et elucubrassent et promulgassent, unumque ex alio sua mutatum non esse, aut unum quae ab alio praetermissa fuerant ex industria non supplerisse, ut Valesius putavit (ostendi anno cxxxvii, cum de Historia Ecclesiastica Theodoretum verba facerem. Denique Socratem annis Olympiadum usum esse, eosque a kalendis Septembris deduxisse, superiori tomo vidimus); licet enim Socrates Eusebii Historiam continuavit, ejus tamen numerandi rationem sequi non debuit, cum Eram Abrahamiticam a die prima mensis Octobris incipientem quam Eusebius usurpat, et post eum S. Hieronymus et Iulianus, non adhibuerit.

12. *Concilium Constantinopolitanum adversus molitiones S. Cyrilli*. — A num. 42 ad 44. Baronius scribit, *Prochum* hoc anno Concilium Constantinopolitanum cum non mediocri episcoporum multitudine celebrasse, ut suae sedis dignitati consuleret. Secundo, in eo actum adversus Alexandrinae Ecclesiae molitiones, quasi totius Orientalis Ecclesiae primatum Cyrillus ambiret. Tertio, datas a Concilio litteras ad Cyrillum Alexandrinum antistitem, quibus morderet Canonum prioris utriusque Concilii generalis, Niceni scilicet et Constantinopolitani: et *Niceni* quidem suis singulas dioceses limitibus contentas esse praecipiens; *Constantinopolitanum* vero praesulum novae Romae secundum a veteris Antislite ponentis. Quarto, litteras ab Antiochenis receptas fuisse, et assensione confirmatas. Quinto, *Dioscorum*, qui tunc Alexandrinae Ecclesiae in Urbe Regia Aepheriarius esset, magnis viribus obstitisse; sed cum nihil proficeret, in Antiochenos, quorum incontentorem credebatur *Theodoretum*, dolorem animi convertisse, eosque traditionem in suam ac Alexandrinam Ecclesiam accusasse.

43. *Fictitium est*. — Verum Garnerius in Historia Theodoretum, quam tomo v Operum ejus inseruit cap. 7, hanc Baronii sententiam refellit, quod nullus scriptor tanti negotii meminisset; neque Cyrilli modestia tam ambitiosum consilium ferre potuerit; neque Christiana charitas sanctissimos praesules *Prochum* et *Cyrillum* devincens, tam injuriosam sententiam dicere valuerit; neque tandem ulla sese ea tempestate dederit occasio hoc de jure praesidendi Concilii Orientalis Ecclesiae disceptandi; quae tria jure merito certa esse dicit. (1) Nam supra

(1) Constantinus animadvertit in Monito praevio ad Epistolam x Sixti papae III pag. 4269, § viii. Pagium et Garnerium minime assensuros esse Theodoretum neutrum, dum ab eo memorari putant litteras Synodicas, quas Proclus ad Dominum Antiochenum episcopum in gratiam Athanasii Pirenneorum episcopi misit. Nam Theodoretum Epistola eo consilio scripta est, ut Flaviani gratiam adversus Dioscori calumnias sibi conciliaret. MANST.

demonstravi, *Proclum* et *Cyryllum* hoc ipso tempore inter sese conjunctos fuisse adversus *Joannem Antiochenum*, qui tam personam quam Capitula *Theodori* anathemati subijci non debere contendebat, quod tamen cum tanto ardore Proclus et Cyryllus procurabant, ut hic adversus Theodori blasphemias libros in lucem emisit, et consensu Procli legem a Theodosio imp. obtinuerit, qua legem a se datam adversus *Nestorii* personam ejusque libros ad *Theodorum*, ejusque capitula extendit. Quare *Proclo* cum *Cyryllo* optime conveniebat. Ad hæc *Theodoretus* Cyrilli capitula et suis et Catholicorum pluribus, etiam sanctissimis adeo suspecta esse persuaserat, ut eosdem ab eo etiam alienasset; ita ut etiam in Synodo Chalcedonensi de iisdem Capitulis nulla facta fuerit mentio. Quis igitur sibi in animum inducere poterit, *Cyryllum* non minus prudentia quam sanctitate conspicuum in his rerum circumstantiis rem hujusmodi tentasse?

14. *Baronii fundamentum evertitur.* — Fundatur Baronius in his verbis Theodoret in Epistola LXXXVI, anno CDXLIX ad Flavianum Constantinopolitanum data, in qua Theodoretus ait: « Scito, domine, hanc illum (Dioscorum scilicet episcopum Alexandrinum) adversus nos pusillitatem gerere, ex quo Synodicis vestris sub beate memorie Proclo factis sanctorum Patrum regulis inhaerentes assensimus: ac de hoc nos semel atque iterum increpasse, quasi et Antiochenorum, ut ait, et Alexandrinorum jura prodiderimus ». Verum respondet Garnerius, Theodoretum intelligere Synodicis sub *Proclo* factas Constantinopoli, et a Concilio Antiocheno approbatas in causa Athanasii Perrhenorum episcopi, in Concilio scilicet, inde Proclus ad Dominum episcopum Antiochenum ea de re scripsit. Litteræ enim *Procli* referuntur in Concilio Chalcedonensi Act. XIV, sub hoc titulo: « Rescriptum Synodicarum litterarum, sanctissimo et Dei amantissimo fratri et consacerdoti Domino, Proclus in Domino salutem ». Potest tamen suboriri nonnulla quæstio, quam nempe ob rem, si res ita se habuit, *Theodoretus* scripserit, Antiochenos assensum præbuisse Procli Synodicis, *sanctorum Patrum regulis inhaerentes*? Cur eosdem Antiochenos *Dioscorus* prodite suæ, ad Alexandrinæ Ecclesiæ reos fecerit: et quo in gradu tunc temporis *Dioscorus* constitutus esset? Sed ad ultimum respondet Garnerius, *Dioscorum* cum Antiochenis, ideoque et Theodoret, crimen proditoris objiceret, recens successisse in Cyrilli locum anno CDXLV demortui: objecisse vero, quia Synodicis *Procli* litteris *Dominus* admonitus jam judicatam *Athanasii Perrhenensis* causam recognoverit; hoc enim facto videri potuit, primum *Dominus* Proclo concedere, siquidem ut privatis litteris monere de officio amici est, ita Synodicis superioris. Jam vero cum *Alexandrina* sedes secunda fuerit post Romanam, *Antiochena* post Alexandrinam tertia, idque servatum fuerit jam inde a primis Ecclesiæ temporibus; *Constantinopolitana* recens constituta, si secundum locum

teneat jusque ipsius ac in parte agnoscat; necesse est utramque aliam sedem patriarchalem deprimi. De causa *Athanasii* Perrhenorum episcopi legenda Actio XIV Concilii Chalced., ubi omnia ad eam spectantia recitantur.

15. *Concilium Regiense.* — Ad num. 44 et seqq. Celebrata hoc anno die XXIX, non vero die XVI Novemb., ut legitur apud Baronium, Synodus *Regiensis* in secunda provincia Narbonensi, cui non *Hilarius Narbonensis*, ut habet Baronius, sed sanctus *Hilarius Arelatensis* episcopus præfuit. Qui huic subscripsere, fuere episcopi omnes, partim ex ea Viennensis provincia parte, quæ Arelatensibus vicinior erat, partim ex Narbonensi secunda et Alpina maritima, in quas Arelatensis episcopi jus sibi hoc tempore vindicabant. *Hilarius* de causa ordinationis *Armentarii* cognovit tanquam primus Gallianarum provinciarum metropolitanus, ad quem referri deberet de gravioribus causis, quæ per provincias emergerent, secundum ea, quæ a *Zozimo* papa fuerant constituta, idque ad exemplum episcopi Thessalonicensis. Par est enim existimare, inquit Baluzius in Supplemento lib. 5 de Concordia cap. 31, *Hilarium*, quem constat magnum virum fuisse, nihil inconsiderate egisse, et ista usurpasse in consequentiam litterarum *Zozimi*, de quarum auctoritate putabat inter episcopos Gallicanas non dubitari. Sane in Concilio Regiensi præsedit citra controversiam, nullo episcoporum litem adversus eum movente ob eam causam, tanquam constaret, hanc sedis Arelatensis antistiti potestatem competere, ut Synodus præsideret intra Gallicanas provincias congregandis. Quinimo inter vitia ordinationis refertur omnia metropolitana auctoritas, id est, *Hilarii* Arelatensis tanquam absque eo non liceret ordinare metropolitanos.

16. *In Concilio Regiensi nulla Pelagianorum mentio.* — Baronius scribit, in hac Synodo Regiensi optime de Pelagianis episcopis consultum esse: « Accidit enim, inquit, ut cum his temporibus nonnulli episcopi, qui seclati essent Pelagium, ad Ecclesiam se redire penitentes simularent, iis omnem recipiendi sedem spem ademerint iidem Patres qui ipsi Concilio Regiensi interfuerunt ». Verum nihil est in ea Synodo, unde colligi possit, contra Pelagianos episcopos aliquid ab ea statutum fuisse. Et enim, ut recte observavit Em. card. Norisius lib. 2 Hist. Pelag. cap. 12, nulla in eo Patrum congressu Pelagianorum mentio fit. In errore forte Baronium duxit Collector Conciliorum, qui in indice capitulum sic tertium prænotavit: « De hæreticis et schismaticis episcopis, si ad Catholicam fidem venerint, quid observari debeat ». Sed plane inepte; ut plerumque in aliis Collectores solent; cum eo in Capite de uno *Armentario* episcopo Ebredunensi sermo sit, et eo quidem punito, non ob Pelagianismum, sed quod contra canonum decreta a duobus tantum episcopis consecratus fuerat, et absque consensu *Hilarii Arelatensis*. Statuitur autem eundem posse in aliqua parochia cum facultate episcopi titulo chorepiscopi

habitare, præterquam in Provincia maritima Alpina, a qua removebatur, neque presbyterum posse ab ipso consecrari, itemque alia nonnulla eo in Concilio decernuntur. De *Pelagianis* vero episcopis ne verbum quidem, inquit Card. Norisius. Garnarius qui eodem tempore, quo idem Card. de hæresi Pelagiana scripsit in Dissert. II de Synodis in causa Pelagianorum habitis, Synodo XV hanc etiam Ba-

ronii sententiam rejicit; quod nulla testificatione Veterum imitatur, et apertum sit, in tertio Canone agi de solo *Armentario*, ejusque ordinatoribus, et in aliis septem nihil contineatur, quod ad Pelagianos trahi possit. Denique Julianum, non *Capuanum*, ut credidit Baronius, sed *Eclanensem* episcopum fuisse, et nonnisi errore librariorum vocati *Attelanensem*, suo loco demonstravimus.

SIXTI ANNUS 8. — CHRISTI 440.

1. *Sixti papæ interitus, et ejusdem religiosa monumenta adjuvante Valentiniano.* — Quadringentesimo quadragesimo Christi anno, consulibus Valentiniano quintum, et Anatolio, Sixtus Romanus Pontifex ex hac vita decedit quinto kal. Aprilis, cum sedisset annos octo, minus diebus triginta: qui enim anno Domini quadringentesimo trigesimo secundo, die vicesima septima mensis Aprilis creatus est (ut diximus) Pontifex, et hoc anno vicesima octava Martii moritur, ad dictum tempus propagasse sedem opus est affirmare. Decessisse hoc ipso anno Sixtum, et subrogatum Leonem, Prosper hæc cernens oculis scripsit, quem secuti sunt alii. De eo autem hæc in libro de Romanis Pontificibus leguntur: « Hic fecit (refecit) basilicam S. Mariæ Matris Domini, quæ ab antiquis Liberii cognominabatur, juxta Macellum Libyæ (Livie); ubi et obtulit hæc: Altare argenteum purissimum pensans libras trecentas, etc. » numerantur ibi pluribus alia collata dona, et redditus ex diversis fundis eidem contributi. Meminit ejus Ecclesiæ Hadrianus papa ad Carolum Magnum imperatorem his verbis ¹:

2. « Magis autem successor Cælestini Sixtus papa fecit Basilicam S. Dei Genitricis Mariæ, cognomento Majorem, quæ et ad præsepe dicitur: simili modo, et ipse in metallis aureis, quanquam in diversis historiis, sacris decoravit imaginibus »: quas nonnihil vetustate temporis detrimenti passa Dominicus Pinellus Cardinalis, ejus Basilicæ dignissimus archipresbyter, summa adhibita opificum diligentia, resarciendas, et jam collabentes conservandas curavit, additis majorum exemplo aliis desuper positis ex pictura hinc inde de Dei Genitricis historia vene-

randis imaginibus. Illius autem erigendæ seu in ampliorem formam restituendæ Basilicæ, et tot tantisque ornamentis decorandæ, Deique Genitricis titulo consecrandæ, eidem Sixto papæ ex Concilio Ephesino (ut diximus) occasio suppeditata esse videtur: vindicata enim a Nestorii blasphemis Dei Genitrice Mariæ, de tanta victoria in honorem ejusdem Mariæ Deiparæ placuit ipsi tantum erigi fornix triumphalem. Repertum est in antiquis chartis, quod excisum in lapide consumptum desiit, Epitaphium de eadem Basilica ab eodem papa erecta ¹:

VIRGO MARIA TIRI XYSTUS NOVA TECTA DICAVIT
 DIGNA SALUTIFERO MUNERA VENTRE TUO
 TU GENITRIX IGNARA VIRI TE DENIQUE FOETA
 VISCERIBUS SALSIVY EDITA NOSTRA SALUS
 ECCE TUI TESTES UTERI SIBI PREMIA PORTANT
 SUB PEDIRUSQUE JACET PASSIO CUJUSQUE SUA
 FERRUM FLAMMA FERÆ FLUVIUS SÆVUMQUE VENENUM
 TOT TAMEN HAS MORTES UNA CORONA MANET

Sed et alia extat ibidem adhuc de eodem Sixto papa his versibus antiqua memoria ²:

CEDE PRIUS NOMEN NOVITATI CEDE VETUSTAS
 REGIA LETANTER VOTA DICARE LIBET
 HÆC PETRI PAULIQUE SIMUL NUNC NOMINE SIGNO
 XYSTUS APOSTOLICÆ SEDIS HONORE FRUENS
 UNUM QUÆSO PARES UNUM D'IO SUMITE MENUS
 UNUS HONOR CELEBRAT QUOS HABET UNA FIDES
 PRESBYTERI TAMEN IHC LABOR EST ET CURA PHILIPPI

¹ Antiq. inscrip. in Append. pag. 1170. n. 7. — ² Ibid. pag. 1174. n. 7.

¹ Hadr. ep. III. c. 49. tom. II. ep. Rom. Pont.

POSTquam EFESI (EPHESI) CHRISTUS VICIT UTRIQUE POLO
PRÆMIA DISCIPULIS MERUIT VINCENTE MAGISTRO
HANC PALMAM FIDEI RETTULIT INDE SENEX.

Quæ vero ejusdem Pontificis precibus fecerit imperator : sic subdit in eadem Epistola Hadrianus :

3. « Sed et per rogatum ejus Valentinianus Augustus fecit imaginem auream cum duodecim portis, et Salvatore gemmis pretiosis ornata; quam voti gratia super Confessionem B. Petri Apostoli posuit, et a tunc usque hæcenus apud nos ab omnibus fidelibus veneratur ». Hæc Hadrianus. Habentur insuper in dicto libro de Romanis Pontificibus ista de Sixto : « Hic ornavit de argento Confessionem B. Petri Apostoli, quæ habet libras quadringentas » : et paulo inferius de eodem Valentiniano Augusto : « Fecit et Valentinianus Augustus rogatu Sixti episcopi fastigium argenteum in Basilica Constantiniana, quod a Barbaris sublatum fuerat, pensans libras sex mille sexcentas et decem ».

4. Ex his plane intelligere possumus, non ab omnium Ecclesiarum ornamentis abstinuisse Gothos, sed ab his, quæ ad Basilicas sanctorum Apostolorum Petri et Pauli spectare sciebant, de quibus (ut superius vidimus) Orosius meminit, nosque suo loco pluribus diximus. Ex his quidem etiam cognoscere vales, lotum quod ab illis est impensum Basilicis reverentiæ, fuisse ob Apostolorum Principum venerationem; quod ex eo quidem patens fit, quod majori prosecuti fuerint cultu dictas Apostolorum Basilicas, quam ipsam primariam Lateranensem Ecclesiam, cujus ornamentis non pepercisse dicuntur : cum alioqui, quod pertinet ad jura immunitatis omnium Ecclesiarum, ut ad eas confugiens salvi essent, ea in cunctis Romæ existentibus Ecclesiis fuisse a Barbaris illasa servata et custodita, testificatione S. Augustini superius recitata, satis superque exploratum habeatur. Sed pergamus reliqua recensere, quæ de donis Sixti papæ tempore collatis Ecclesiis ibidem scripta leguntur his verbis :

5. « Illius Sixti temporibus fecit Valentinianus Augustus Confessionem B. Pauli Apostoli ex argento pensantem libras ducentas. Item fecit Sixtus Confessionem B. Laurentii martyris cum columnis porphyreticis, et ornavit transeptom, et altare et Confessionem S. martyris Laurentii de argento purissimo. Fecit altare pensans libras quinquaginta, cancellos argenteos supra platonias porphyreticas pensantes libras trigenta, apsidem supra cancellos cum statua S. Laurentii martyris argentea pensante libras ducentas, etc. » Recenset alia dona eidem oblata Basilicæ. Et inferius : « Hic fecit in Basilica Constantiniana ornamentum super fontem, quod ante non erat, id est, epistylia marmorea, et columnas porphyreticas erexit, quas Constantinus Augustus congregatas dimisit, et jussit ut erigerentur, quas et versibus exornavit : qui sic se habent in octangulato opere, binis in singulis epistyllis exaratis :

Gens sacrandæ prolis hic semine nascitur almo,
Quam fecundatis Spiritus edit aquis,
Virgineo facta genitrix Ecclesie natos,
Quos spirante Deo concipit, omne parit.
Carolina regnum sperate, hoc fonte renati :
Non recipit felix vita se mel genitos.
Fons hic est vita, et qui totum diluit orbem,
Sanctus de Christi vulnere principium.
Mergere peccator, sacro purgande throno :
Quem veterem accipiet, profert una novum.
Insons esse volens, isto mandare lavacro,
Sui patrio premeris crimine, seu proprio.
Nulla remansum est distantia, quos facit unum
Unus fons, unus Spiritus, una fides.
Nec numerus quinquam scelerum, nec forma suorum
Terreat. Hoc natus flumine, sanctus eris.

Hæcenus Sixti versus, quibus (ut vides) etiam adversus recentem hæresim Pelagianam Catholica est assertio de originali peccato, quod illa negabat. Sed jam pauca quæ sunt reliqua Sixti papæ operum, ubi superius descripsimus, prosequamur :

« Hic fecit platoniam in cœmeterio Callisti via Appia, ubi nomina episcoporum et martyrum scripsit, commemorans. Hic fecit ordinationem in Urbe Roma per mensem Decembrem, presbyteros viginti octo, diaconos duodecim, episcopos per diversa loca quinquaginta duos. Qui etiam sepultus est via Tiburtina in crypta juxta corpus B. Laurentii, quinto kal. Aprilis. Cessavit episcopatus ejus dies viginti duos ». Hæc ibi.

6. *Perperam Sixto tribuantur scripta Pelagiana.* — Ad postremum vero illud de Sixto dicere non omittimus, eadem ipsam passum esse post mortem, quæ pertulisse diximus Sixtum iidem Romanum Pontificem atque martyrem : etenim sicut ejus nomine prodiit editus ab Origenistis (ut dictum est superius auctoritate S. Hieronymi) liber Sixti sive Sexti Pythagorici : ita nomine Sixti hujus non ab aliis quam a Pelagianis scripta fuere tria volumina, primum de Divinitis, secundum cujus est titulus, De malis Doctoribus, et operibus fidei, et judicio futuro, tertium vero de Castitate : quæ quidem Pelagianismis esse referata, accuratus lector inveniet, modo calleat superius recitatas Pelagianas sententias. Dolui vehementer, haud pridem eadem opuscula absque diligentiori consideratione eodem nomine Sixti Romani Pontificis esse cusa.

7. Quis, rogo, antiquorum, harum scriptiorum auctorem Sixtum papam aliquando dixit, vel nutu saltem ostendit, aut quoquo modo in levem suspicionem induxit ? cum præsertim Gennadius horum temporum scriptorum Ecclesiasticorum exacte catalogum texens, et de Sixti papæ Epistola ad Nestorium mentionem habens, nec quicquam scriptorum hujusmodi Sixto tribuat : haud enim ipsum præferuisse potuere, quæ a tanto auctore edita essent. Vel quomodo valuit ipse Sixtus Pelagianorum acerrimus hostis, et ejus hæresis (ut auctore S. Prospero dictum est) ultimus profligator Pelagianæ hæresis consentientia conscripsisse ? Habeat Solanius solus ipse sibi quæ Sixti papæ nomine typis mandavit opuscula ; imo nec unus ipse professione Catholicus tam insigni honestata nomine venena bibit de calice

anreo Babylonis : aureum dixerim, quod complura habeat Catholicae fidei consentientia, ut mos est omnium haereticorum mortifera melle delibuta propinare. Sensit hoc ipsum, et doluit necum vehementer, atque ex allo ingenuit pectore Lindanus episcopus Gaudavensis, vir doctissimus, profligator haereticorum, et norma Orthodoxorum antistitum, cum ante annos circiter octo, ipso initio sedis Sixti pape quinti, Romae esset, et ex more de re litteraria contingeret una simul miscere sermones; haud aequo animo ferre valens, sub falso nomine tanti Pontificis Pelagianorum fortis esse supposito.

8. Sed ne quasi aere verberantes pugnare videamur, satis erit ad institutum pauca ex tribus libris illis hic in medium afferre, quae ex Pelagianis prodire fontibus Catholicis dogmatistes intelliget. Quid enim in integro libro illo de Divitiis conatus est auctor, nisi ostendere divitem hominem ex Deo non esse? contra divinae plane Scripturae testimonia, quibus dicitur : « Divitem et pauperem fecit Deus ». Et in cantico Annae : « Dominus pauperem facit et dilat ». Ex multis namque invenies eundem auctorem velle probare, impossibilem esse divitem hominem Dei praecepta servare : imo et omnes, etiam filios et filias habentes, divitias teneri profundere et reddi pauperes, si velint salvi esse, pluribus docet. In his, inquam, cum toto illo libro versetur auctor, quis non intelligat spirare Pelagium, cujus inter alia haereticum capita (ut dictum est) illud erat, non posse salvari divitem, nisi omnia sua pauperibus erogat? Sed etsi possent ea cuncta ad aliquem Catholicum sensum quomodocumque pertrahi : decessisset tempore huius emergentis haeresis Romanum Pontificem, et non eadem expresse, illis tamen affinia, et continia, absque suspitione haeresis Pelagiane, nulla facta eius abrogatione, tractare?

9. Sed et in secundo libro ita recta incedit via, dum disserit opera esse necessaria ad salutem, ut tamen ad postremum sese auctor prodatur Pelagianum, cum omnia libero arbitrio tribuat, et gratiae nihil concedat, atque illis ipsis utatur verbis, quibus Pelagiani Catholicos perstringere consueverunt, nimirum ubi ait : « Et ut breviter cuncta perstringam, quando conjusecumque criminis vel peccati reus quieti mente suscipit malum suum voluntatis esse, non necessitatis, et arbitrio scribi, quod illi nituntur imputare naturae? » Catholicos quidem sugillans, qui naturam ex originali peccato corruptam asserunt. Quid praeterea toto eo disputationis anfractu demonstrare conatur, quam hominem esse sine peccato, possibile fieri? Et quis ignorat, assertiones has esse Pelagii, impugnatas jam mille locis a S. Augustino, et S. Hieronymo, Prospero Aquitano et aliis?

Acceptum tuo favore, conceptum tuis precibus, Dei Genitrix, quintum hunc partum, pro gratiarum munere, ut Anna ¹ Samuellem, ad le ipsam, vivum

¹ 1. Reg. 1.

10. Rursum vero in tertio libro qui inscribitur de Castitate, quomodo se adversarium gratiae exhibeat auctor, vel ex verbis illis intellige, dum Matthaei ¹ locum illum explanans : « Non capiunt omnes hoc verbum, sed quibus datum est » : istud ipsum tribuens ipse omnino libere hominis voluntati, subsannat eos qui ex Dei gratia donum illud provenire contendunt, haecque ait : « Nolo sic intelligas dictum : Non omnes capiunt hoc verbum, sed quibus hoc datum est : quasi castitatem nonnisi illi possideant, quibus etiam non volentibus, et fatali (quod aiunt) necessitate collata sit : ne et gratiosum Deum statuas, et castitatis praemium tollas ». Erant plane huiusmodi Pelagianorum cavilli, et in Catholicos iniuste notae calumniae, ut dum hi absque divina gratia consequi castitatem minime fas esse hominibus dicerent, illi eos fatalem virtutibus adipiscendis necessitatem imponere subsannarent. Et inferius, cum illud Pauli ad Corinthios explicat : « Unusquisque proprium donum habet a Deo », subdit ipse : « Proprie scilicet voluntatis ».

11. Sed quid in his duntaxat immoramur? Vel hoc unum tibi satis sufficere potuisset ad perspectam hominis Pelagiani cognitionem, quod cum videas tribus illis libris auctorem versari in operum commendatione, nunquam meministi divinae gratiae, vel minimum quid ei tribuit, sed libero tantum arbitrio omnia : ut nonnisi Pelagianum loqui vel surdus intelligat. Insuper et in illo absolutissimum detegitur auctor Pelagianus, quod ex doctrina Pelagii differentiam ponat inter beatorum vitam aeternam et regnum caelorum : dum in libro de Castitate sic praedicat castitatem, ut derogat matrimonium, cum uxoratos negat gloriam caelestem consequuturos, fructuros tamen vita beata, si caetera mandata servent : sed accipe quam disertis verbis haec praedicet : « Quid ergo (inquit) damnavit Dominus nuptias? Absit : sed tantum regni gloriam illis, non vitam (si tamen omnia mandata servaverint) denegasse censetur ». Cum haec igitur et alia misceat Pelagianus auctor, e Pelagianis pravis sententiis mutuatus; tanta ignominia vindicandus est Sixtus, Pelagiane haeresis indefessus et validus oppugnator.

12. Sed jam fine tanti Pontificis, finem et nos tomo huic quinto, loco et tempore congruo, imponamus; post Sixtum, sextum auspiciatur ab ipsa Magni Leonis papae creatione volumen. Fave tu nobis lector, precibus et piis votis aspira : ut eadem felicitate qua quinque tomos absolvimus, qui sunt reliqui consummemus. Sed ad gratias agendas ei, a qua cuncta haec nostra dimanant, oratio se ex more converlat.

¹ Matth. XIX.

Dei tabernaculum afferro : tu vero offeres ipsum Deo, illud simul cum ipsa praemiraculo concinens : « Sterilis peperit plurimos » : quinta jam me auctore prole, cui nec spes erat potuisse vel uno germine foecundari. Unde mihi etiam praestupore in pro-

pheticum ¹ illud sit erumpendum : « Quis mihi genuit istos? Ego sterilis, et non pariens : et istos quis enutrivit? Ego destituta et sola : et isti ubi erant? » Totum id muneris tui atque gratiae, fecundissima Virgo. Adjice vero, ut quinto oblato fluxu rependas quae in eodem quinario numero mirifice noscuntur impleta, nempe cum quinque ² hordeaceis panibus e pueri angusto sinu perceptis sequentem se Dominus numerosam multitudinem pavit, et satiatis ex illis quinque millibus hominum, iidem redundarunt in duodecim cophinos fragmentorum : atque etiam cum puer David ³, quinque lapidibus in pera positus, insultantem Dei agminibus hostem occidit, et uno prostrato, omnes pariter victi sunt Philistaei.

Concessa sunt tam grandia pueris, quod infirma mundi, ut confundat ¹ fortia, Deus eligere consuevit. Sum quidem et ego (dicam cum Salomone ²) puer parvulus, ignorans introitum et egressum meum. Accipere igitur merear concessa pueris, ut munera ista nostra, dona tua, Deo oblata, sua ipse benedictione multiplicet, et aucta in aeternum permanensuram conserveat, futura ipsa in Ecclesia cibus et arma, quo fideles alantur atque hostes perfidi debellantur. Ad postremum vero illud adijunge, ut tanquam unus ex Domini parvulis ³, sim consecuturus vitam aeternam, gratia Domini nostri Jesu Christi, qui cum Patre et Spiritu sancto vivit et regnat in saecula saeculorum. Amen.

¹ Isai. XLVI. — ² Joan. VI. — ³ I. Reg. XVII.

¹ I. Cor. I. — ² 3. Reg. III. — ³ Luc. XVIII.

Anno periodi Graeco-Romanae 5933. — Jesu Christi 440. — Leonis papae 1. — Theodosii Jan. 39. et 33. Valentiniani III. 16.

1. *Quindecennialia Valentiniani.* — Coss. *Valentinianus* Aug. V et *Anatolius*, in Oriente creatus; ad quem extant plures Theodoretii Epistolae, quique Chalcedonensi Concilio adfuit, primus inter gloriosissimos iudicis. Neque enim *Anatolius* magister militiae in Oriente ab hoc diversus fuit. Sumptus a Valentiniano consulatus ob imperii Augustei *quindecennialia*.

2. *Moritur Sixtus III. PP.* — A num. 1 ad 6. *Sanctus Sixtus*, qui anno CDXXXII, die XXIV mensis Julii ordinatus fuerat Pontifex Romanus, sedit *annos octo et dies decem et novem*, ut omnia exemplaria Anastasii, tam edita, quam Mss. cunctique fere catalogi habent. Quare ad Deum migravit die undecima mensis Augusti. Neque citius mors ejus accedere potuit; quia, ut scribit Prosper in Chronico, qui hoc tempore vivebat, eo *defuncto XI. amplius diebus Romana Ecclesia sine antistite fuit*, Leo autem Magnus ejus successor die XXII mensis Septembris consecratus fuit, ut infra monstrabimus, et a die XI Augusti ad XXII Septembris fluxerunt dies XLII die emortuali ejus incluso. Nec denique citius mors *Sixti* contigit; Baronius enim, qui eum die XXXVI mensis Martii vita functum statuit, diem cultus pro die mortis, uti in more positum habet, sumit, et annos Sedis ejus mutilat, sicuti et Papebrocius in Conatu Chronico-Historico, qui mortem ejus in diem XXIV vel XXV Julii conferens et pontificatum ejus tardius auspicans, cogitur ei annos tantum VII,

mensis XI, dies XVII vel XIX attribuere; cum tamen certum imposterum esse debeat, tam dies natales, quam emortuales Pontificum, qui ab Innocentio primo, ut de aliis hic taceam, usque ad Leonem Magnum Ecclesiam Romanam regere, aliter ac a nobis factum constituendos non esse. Anastasius praeter mortem diem sepulturae aut mortis *Sixti* non indicavit; neque Prosper in Chronico scripsit, eum *kalendaris Aprilis* demortuum, ut memorie lapsu Baronius scribit. Idem Anastasius a morte Damasi papae usque ad sancti Leonis obitum, nullum interpontificum sine errore notavit, sed ea fere omnia eodem dierum numero, scilicet XX aut XXI, etiam illud quod post *Sixti* mortem fuit, circumscripsit; quod evidenter demonstrat, cum hoc in capite evenisse, et proprium calculum, non vero aliqua antiqua monumenta, secutum esse.

3. *Libri falso ei adscripti.* — Ad num. 6 et seqq. Reclē ostendit Baronius, libros tres *de Divitiis, de malis Doctoribus, de Castitate*, male *Sixto* attributos fuisse) sed illud etiam asserendum de *Hypomnestico*, seu Hypomnastico, seu, ut aliqui vocant, *Subnotationum* libro, aut *Commonitorio*; quod auctoris consilium fuisse videatur, ut Ecclesiae Catholicae doctrinam contra Pelagianos compendio traderet. Hoc opus ab Augustino scriptum esse tradidit Hincmarus in Epistola ad *Amolonem* et Ecclesiam Lugdunensem de *Gotteschalco* scripta; sed Hincmarum confutarunt *Remigius* archiepi-

scopus et Ecclesia Lugdunensis ac *Prudentius* episcopus Tricassinus, ut videre est in Appendice ad tomum X Operum sancti Augustini in editione Patrum Benedictinorum. Garnerius quidem in Dissert. VI de scriptis adversus haeresim Pelagianam, *Sixtum III* inter eos numerat, qui adversus illam scripsere, ipsique libros sex *Hypognosticon* asserit: sed rationes ejus minime id evincere ostendit Natalis Alexander in Dissertationibus quinti Ecclesiae saeculi, ubi etiam refellit quod idem auctor probare conatus est, tres scilicet laudatos libros *de Divitiis*, et alios duos, Pelagianis erroribus scalentes, *Sixto presbytero* tribuendos esse. Auctores itaque omnium istorum librorum, perperam Sixto papae aut Sixto presbytero adscriptorum, haecenus ignoti.

4. *Alani sedes in Galliis figunt.* — Pseudo-Prosper in Chronico imperiali ad annum XVII Theodosii post Honorium imperantis scribit: « Pacatis motibus Galliarum (pace scilicet Romanos inter et Visigothos anno superiori composita) Aetius ad Italiam regreditur. Deserta Valentinae urbis rura Alani, quibus Sambida praerat, partienda traduntur ». Tum ad annum ejusdem imperatoris XIX: « Alani quibus terra Galliae ulterioris cum incolis dividenda a patricio Aetio tradite fuerant, resistentes armis subigunt: et expulsis dominis terrae possessionem vi adipiscuntur ». Sicut olim Seythae et Turci; ita et *Alani* varias sedes habuere. Qui in Hispanias cum Vandalis et Suevis ingressi sunt *Alani*, non diu ibi substiterunt, cum eos *Vallie* Gothorum rex fuderit, et qui eladi superfluere, cum Vandalis tunc Gallaeciam incolentibus confusi sint. *Vandali*, postea et *Alani*, ut scribit Possidius in Vita S. Augustini cap. 28, ex Hispania partibus transmarinis navibus in Africam irruere, indeque *Vandalorum* reges se utriusque gentis principes appellarunt. Hinc Edictum persecutionis *Himerici* adversus Orthodoxos in Africa emissum, et a Victore Vitensi lib. 2 de persecutione recitatum his verbis inchoatur: « Rex Himericus Vandalorum et Alanorum, universis episcopis Homousianis », quia scilicet haec gens Ariana haeresi infecta erat.

5. *Unico regi parent.* — Porro, quod notare juvabit, Sambida successit *Sangibanus*, qui in praetio Catalaunico anno CCLII habito pro Romanis adversus Attilam Hunnorum regem pugnavit, ut testatur Jornandes Lib. de Reb. Get. cap. 38, qui de eodem capite antecedenti scripserat: « Sangibanus rex Alanorum metu futurorum perterritus, Attilae se tradere pollicetur, et Aurelianam civitatem Galliae, ubi tunc consistebat, in ejus jura transducere. Quod nbi Theodoriceus (Visigothorum rex) et Aetius agnovere, magnis aggeribus eandem urbem ante adventum Attilae struunt, suspectumque custodiunt Sangibanum, et inter suos auxiliares medium statuunt cum propria gente », uti habet editio Gruteriana ex Mss; editio enim Grotij et aliorum, loco *struunt*, magno errore habet, *destruunt*. Hadrianus Valesius lib. 4 *Rer. Franc.* pag. 473 ait, *Alanos*, qui

in Gallia remanserant, Valentiniani Placidii principatu in duas partes videri esse divisos, et alteros ad Ligerim, alteros ad Rhodanum in agro Valentino sedem cepisse; hos *Ecocaricos*, illos *Sangibano* regibus parentes. Addit Valesius *Sangibanum*, Sambidam pro Sangiba a Prospero in Chronico imperiali appellari. Verum *Ecocaricus*, non Alanorum, sed Alemannorum rex exstitit, uti suo loco jam dixi. *Sangibanus* vero nominis Romanorum nomine Aurelianam civitatem tenuit est; Jornandes enim mox citatus ait, quidem *Sangibanum* Aureliae tunc constitisse, sed inde male inferitur, eam urbem ad ejus principatum pertinuisse. Gratis etiam asserit Valesius *Sangibanum* et *Sambidam* unius ejusdemque regis nomen fuisse. Denique cum anno CCLXIV, *Beorgor* ultimus Alanorum rex perierit, et post mortem ejus nulla amplius Alanorum in Galliis positorum mentio occurrat in monumentis publicis, non potest dici eos ibidem sub pluribus regibus vixisse; alioquin rege uno exstincto tota gens cum eo extincta non fuisset.

6. *Salvianus libros de Providentia absolvit.* — Hoc vel sequenti anno *Salvianus* presbyter Massiliensis, non vero episcopus, ut passim in Annalibus Ecclesiasticis vocatur, libros suos octo de *Providentia et Gubernatione Dei, deque justo ac presenti Dei Judicio*, absolvit. Libro enim 7 cladem Romanorum *Littorio* duce et Hunnis auxiliariis, quae anno superiori accidit, narrat, meminitque Carthaginis a Vandalorum rege *Genserico* captae, et denique priorem cladem *proximam* appellat: « Probavit hoc », inquit, « bello proximo infelicitas nostra ». Male itaque quidam recentiores quartum *Trevirorum* excidium, Salvianum attribuere Attilae, scripsere, cum illud non ab Attila, sed a Francis factum fuerit, incerto quidem anno, sed ante haec tempora. Praeterea pacem, cum *Salvianus* scriberet, saltem in Galliis extitisse ostendit Bucherius in Belgio Rom. lib. 16, cap. 6. « Si quando exoratus sua misericordia Deus », inquit Salvianus lib. 6 « (neque enim nos unquam ita vivimus, ut exorari mereamur) sed si quando, ut dixi, a seipso exoratus, pacificos nobis dies, proventus uberes, divitem bonis omnibus tranquillitatem, et abundantiam dederit super vota crescentem, tanta morum insolentium pravitate vitiamur, ut Dei penitus obliviscamur et nostri: et cum omnem fructum date a Deo pacis in hoc consistere Apostolus dicat, ut quietam et tranquillam vitam agamus in omni pietate et castitate; ad hoc tamen data a Deo quiete utimur, ut in omni scelere atque improbitate vivamus. Quasi vero beneficium date pacis, vacatio sit probrositatis: et ad hoc inducias tranquillitatis Deo donante capiamus, ut licentius securiusque peccemus. Quo fit, ut pax nostra contra nos sit ». Quare cum pax Gothos inter et Romanos anno superiori in Galliis composita fuerit, apparet *Salvianum* hoc vel sequenti anno praefatum opus in lucem emisisse. Ex eo discimus, quam corrupti fuerint in isdem Galliis Christianorum mores, et disciplina Ecclesiastica depravata; quam dure iudicium et praefectorum tyrannide populi premebantur;

et ad quas angustias Romani Barbarorum vectigales redacti essent.

Galliæ ab Hunnis devastatæ, ut anno CDLI ostendamus.

HIC BARONIUS QUINTUM ANNALIUM TOMUM ABSOLVIT.

LEONIS ANNUS 4. — CHRISTI 440.

Auctoris præfatio. — Eadem animi alacritate atque fiducia, qua quinque superiores Annalium tomos inchoavimus et absolvimus, divino fultis præsidio aggredimur sextum: ut plane jam satis nobis esse videatur futuræ navigationi vela pandisse, qui ejus vehimur navi¹, cui obediunt venti et mare. Illius namque præsidio nitimur mulieris fortis, quæ facta² tanquam navis institoris de longe portans panem suum, navigatione reciproca nostras ad Deum preces et vota perferens, ad nos revertitur gratia plena. Per eam enim divina³ Sapientia³ attingens a fine usque ad finem fertiler, disponensque omnia suaviter, res etiam nostras solita benignitate

feliciter moderatur: ut plane ejus ope confisis, de prospero tutoque ad portum appulso spem haud dubiam concipere liceat, frustra ex adverso latrantibus canibus sub facie comptæ virginis Scyllæ et tergeminis Ceryonis: quos navigantibus molestos fuisse fabulosa antiquitas finxit; quales temporibus nostris Ecclesiæ adversarios experimur. Solvimus igitur, te propitia, hilares, Virgo MARIA; atque nautis, ipsis videlicet angelicis choris (quorum sicut⁴ letantium omnium habitatio est in te) occidentibus ex more celestium, et nos leti recinimus: «lutende², prospere procedite, et regna».

¹ Marc. IV. — ² Prov. XXXI. — ³ Sæp. VIII.

⁴ Ps. LXXXVI. — ² Ps. XLIV.

4. *Quis Leo magnus, et quo rerum statu electus fuerit Pontifex.* — Cæptum superiori tomo annum Domini quadringentesimum quadagesimum consulatu Valentiniiani Augusti quinto et Anatolii consignatum, perductumque nostra scriptio usque ad obitum Sixti Romani Pontificis, jam prosequamur. Defuncto itaque his consulibus Sixto Romano Pontifice kalendis Aprilis (inquit S. Prosper¹) «quadraginta amplius diebus Romana Ecclesia sine antisfite fuit, mirabili pace atque patientia adventum diaconi Leonis exspectans, quem tunc inter Aelium et Albinum (erant hi Romani duces exercitus) amicitia redintegrande causa, Galliæ detinebant; quasi ideo longus esset adventus, ut electi meritum et eligentium judicium probaretur. Igitur Leo diaconus legatione publica accitus et gaudenti patriæ præsentatus, quadagesimus tertius (quadagesimus septimus) Romanæ Ecclesiæ episcopus ordinatur».

Hæc Prosper: itemque Marcellinus sub hujus anni consulibus ordinationem Leonis recenset in Chronico, et alii omnes. Porro cum fuisse natione Tuscanum, patre Quintiano, habet Anastasius in libro de Romanis Pontificibus. De sua vero absentia et electione idem ipse meminuit S. Leo in sermone habito anniversaria die sue ipsius ordinationis his verbis¹: «Quia in humilitate nostra memor fuit nostri Dominus, et benedixit nobis: quia fecit mihi mirabilia magna solus, ut presentem me cerneret vestre sanctitatis affectio, quem fecerat necessitas longe peregrinationis absentem, etc.» De studio itidem cleri atque populi erga se tum exhibitio ista subnectit: «Ago igitur Deo nostro gratias, et semper acturus sum pro omnibus quæ tribuit mihi: vestri quoque favoris arbitrium debita gratiarum actione concelebro, evidenter intelligens, quantum mihi possint reverentiæ, amoris, et fidei studia vestræ dilectio-

¹ Prosp. in Chron.

¹ Leo s. r. I.

nis impendere, animarum vestrarum salutem pastorali sollicitudine cupienti, qui tam sanctum de me, nullis admodum precedendibus meritis, iudicium protulistis. Obsecro igitur per misericordias Domini, iuvate votis, quem desiderii expetistis : ut et Spiritus gratiæ maneat in me, et iudicia vestra non fluctent, etc. »

2. Quod vero ad diem creationis ipsius spectat : cum S. Prosper amplius quadraginta diebus Sedem vacasse testetur, corrigendum est quod apud Anastasium de Romanis Pontificibus legitur, viginti duobus diebus fuisse Romanam Ecclesiam sine Pontifice, ut loco, viginti duobus, restituendum sit, quadraginta duobus : qua quidem ratione dicendum est, S. Leonis creationem fieri contigisse sexto idus Maias. Electus igitur, quæ decebant, duo simul iunxit in pastoralis functione ad perfectum optimi sacerdotis exemplar efformandum extrema, nimirum summam in sue consideratione personæ animi demissionem, et eminentem sublimemque in ejus, cuius se esse successorem intelligebat, animi celsitudinem. Unde hæc aliquando ipse ad populum prononcione, dum respiceret ad exiguitatis suæ tenuitatem, et adepti muneris amplitudinem, ait ¹ : « Ego etiam illud Propheticum debeo proclamare ² : Domine, audi vi auditam tuam, et timui : consideravi opera tua, et expavi. Quid enim tam insolitum, tam pavendum, quam labor fragili, sublimitas humili, dignitas non merenti? » Rursum vero considerans cuius locum teneret, hæc inferius : « Rationabili obsequio celebratur hodierna festivitas, ut in persona humilitatis meæ ille intelligatur, ille honoretur, in quo et omnium pastorum sollicitudo cum commendatarum sibi ovium custodia perseverat, et ejus etiam dignitas in indigno hærede non deficit. Unde venerabilium quoque fratrum et consacerdotum meorum desiderata mihi et honoranda presentia hinc sacratio est et devotio, si pietatem hujus officii, in quo adesse digni sunt, ei principaliter deferunt, quem non solum hujus Sedis præsullem, sed omnium episcoporum noverunt esse primatem ». Hæc ipse et alia id genus plura, quibus plane significavit, vere a Deo se dignum electum esse Pontificem. Etenim Domini illa sententia est ³ : « Qui quærit gloriam ejus qui misit eum, hic verax est, et iustitia in illo non est ».

3. Incidit autem Sedes ejus in tempora plane miserima, nimirum, cum Orientalis Ecclesia assiduis quateretur hereticorum procellis, Nestorianorum præsertim ubique tumultuantium : Occidentis vero imperium a Barbaris vastaretur, et cum capta Carthagine, jam prope universam sibi Wandali Africanæ vindicarent : cum et in Gallis apud Arelatum cum Golbis a Littorio Romani exercitus duce male pugnatum esset, et civiles discordiæ vigerent inter reliquos exercitus duces. Præter hæc etiam Ecclesiæ status turbulentissimus habebatur : sicut enim Orientalis Ecclesia Nestorianorum causa ma-

guopere conflictationibus erat exagitata, ita et Occidentalis Manicheorum jugiter fecundiori cuspide pullulantium, et Pelagianorum rursus insurgentium erat assiduis proflis perturbata. Accidit enim, ut præter hereticos illos, qui vel palam vel clanculo in Italia, et in ipsa Urbe potissimum agerent, ab externis quoque provinciis a Barbaris captis, præsertim vero ex Africa pulsa Manicheorum agmina se in Urbem intulerint, magno civium detrimento. Sed eo lethalius erat malum, quo occultius ejusmodi eorumdem venenum serpebat : quibus delegendis et in apertum e latebris adducendis atque damnandis, hand leviter insudandum fuit ipsi S. Leoni Summo Pontifici, cujus adversus eos res gestas inferius ordine temporum enarrabimus.

4. *Vita Africanæ Ecclesiæ per Genserium veratior; ubi de episcopis, nobilibus viris et feminis extorribus aut martyribus.* — Nunc vero ad miserabile Carthaginis bustum, atque in omnibus deploratum Africanæ Ecclesiæ statum oculos convertamus. Capta igitur anno superiori (ut dictum est) decimo kat. Novemb. Carthagine, hoc anno Genserius rex Wandalarum partitus est captas Africanas provincias : de qua divisione hæc Victor ¹ : « Disponens quoque singulas quasque provincias, sibi Byzacenam, Aziritanam, atque Getuliam, et partem Numidiæ reservavit, exercitui vero Zeugitanam et Proconsularem funiculo hereditatis divisit, Valentiniano adhuc imperatore reliquas licet exterminatas provincias defendente » : et inferius, post recensitas expulsiões sanctorum episcoporum, et exilia clericorum, de quibus superius actum est, ista subdit : « Et dum ista geruntur (cum videlicet, ut dictum est anno superiori, jussi essent omnes ab Ecclesiis episcopi ac nobiles expelli :) qui supererant magni sacerdotes atque insignes viri memoratarum provinciarum, quas diviserat Wandalis, cogitaverunt supplicandi gratia regem adire. Qui dum (ut moris est) ad Massilitanum litus exisset, quod Ligula vulgi consuetudine vocitatur, amissis jam Ecclesiis et rebus, occurrere nisi sunt, supplicantes, ut ad consolandum populum Dei, saltem habitandi facultas, Wandalis jam dominantibus, concederetur. Quibus ille per internumtium rabido respondisse ore probatur : Decreevi ego de nomine et de genere vestro nullum dimittere, et vos audetis talia postulare? Quos etiam vicino mari voluit eadem hora demergi, nisi a suis diu, ne hoc faceret, rogaretur. Recedentes illi tristitia et mœrore confecti, ceperunt qualiter poterant, et ubi poterant, ablatis Ecclesiis divina mysteria celebrare ». Hæc de paucis episcopis qui ad breve temporis spatium remanserunt, jam reliquias trans mare navigare coactis. Ejectis autem ab Ecclesiis qui illis Orthodoxi præerant episcopi, nobilibusque Carthaginensibus trans mare spoliatis divitiis navigare compulsis : in eo omne Tyranni consilium verditur, ut quod invaserat regnum potens armis sibi stabiliat. Sciens enim Carthaginensium

¹ Leo ser. II. sua de assumpt. — ² Habac. III. — ³ Joan. VII.

¹ Victor. de pers. Wandal. l. I.

ingenia laud debilia sed acerrima, nequaquam libenter fore passuros jugum barbaricum, qui a Romanis sibi illud imponi tantopere detrectassent : illud ipsum consilium inuit, ut nobiles quosque exutes bonis omnibus in Italiam navigare compelleret, ne quid aliquando novi possent moliri Carthagine, cum ipse absens classe tentaret sibi sulgicere Mediterranei maris oppositas Africæ oras.

5. Quibus peractis, hoc quidem anno ipsum Gensericum comparata classe Siciliam tentasse, sed re infecta coactum fuisse redire Carthaginem, S. Prosper¹ sub anni hujus consulibus ita narrat : « Gensericus (Geisericus) Siciliam graviter affligens, accepto nuntio de Sebastiano ab Hispania ad Africam transeunte, celeriter Carthaginem rediit, ratus periculosum sibi ac suis fore, si vir bellandi peritus recipiendæ Carthagini incubuisset. Verum ille amicum se magis quam hostem videri volens, diversa omnia apud Barbaros quam præsumperat, reperit; eaque spes causa illi maxima et calamitatis et infelicis mortis fuit ». Hæc Prosper. Porro a Cassiodoro seniore defensam fuisse Siciliam et Brutiorum ora maritima, junior Cassiodorus in litteris Theodorici regis festatur his verbis² : « Avus enim Cassiodorus, illustratus honore cinctus, qui ejus generi non poterat abnegari, a Wandalarum incursione Siciliam Brutiosque armorum defensione liberavit : ut merito primatum in illis provinciis haberet, quas a tam sævo et repentino hoste defendit. Debit ergo virtutibus ejus Respublica, quod illas provincias tam vicinas Gensericus non invasit, quem postea truculentum Roma sustinuit ». Hæc ipse : sed de exitu Sebastiani, cujus causa revocatum ex Sicilia Gensericum Prosper dicit, Victor est prosecutus historiam. Erat autem Sebastianus invidia prætorum Romani exercitus quasi perduellis existimatus imperii; ob quamque causam factus exlorris, in Africam ad Gensericum se contulit. Sed quæ postea eidem ipsi contigerint, Victorem audiamus, qui ait :

6. « Fuit comes quidam Sebastianus, famosi illius gener comitis Bonifacii, acer consilio et strenuus in bello; cujus Gensericus sicut consilia necessaria habebat, ita et presentiam formidabat. Cupiens autem illum extinguere, occasione mortis de religione quæsiivit. Cogitavit rex, ut presentibus episcopis atque domesticis suis, Sebastianum taliter conveniret : Sebastiane (inquit), scio quia fideliter nobis adhasisse jurasti; cujus veritatem sacramenti labores tui vigilantiaque demonstrant : sed ut nobis connexa semper jugisque maneat amicitia, hoc placuit, presentibus sacerdotibus nostris, ut ejus efficacis cultor religionis, quam et nos et noster populus veneratur. Cui Sebastianus, rem inveniens miram nullisque necessariam, pro tempore acute respondit : Quæso, domine rex, ut nunc unus panis mundissimus ac similicæ affleretur. Quem, cum ignorasset Gensericus Sebastiani victoriam, illico

jussit afferri. Apprehendens itaque Sebastianus mundissimum panem, ita affatus est : Hic enim panis, ut ad tantum decorem splendoris venisset, et mense regie necessarius haberetur, discussa spuria furoris ex massa simillaginis compressus, per aquam transiit et ignem; et illicro ad aspectu clarus et suavis habetur. Ita et ego mala Catholicæ matris commolitus, et cribro examinationis ut similia munda purgatus, rigatus sum aquis baptismatis, et igne sancti Spiritus coctus : et ut hic panis de furno, ita et ego per officia sacramentorum divinarum, artifice Deo, de fonte mundus ascendi. Sed fiat, si velis, ut ipse propono. Iste panis confringatur in frusta, madidetur aqua, et iterum conspergatur, mittatur in furnum : si melior exierit, faciam quod hortaris. Quam propositionem ubi Gensericus cum omnibus qui aderant, audisset, ita ligatus est, ut se solvere omnino non posset. Quem alterius generis argumendo postea bellicosum virum occidit ». Hæc Victor. At quodnam illud fuerit, quod ait, aliud necis ejus excogitatum a Genserico argumentum, plane ignoratur; sed illud tale quidem fuisse oportuit, quod indignum reddiderit ipsum corona martyrii : cum enim omnes quos recenset Victor necatos Christianos in Africa a Genserico, tabule receperint Ecclesiasticæ celebrandos, ipsum tamen excludere Sebastianum. Sed si vere calumnia illa fuit et prætextus falsus inventus, cæli tabule, liber vitæ, ipsum indelebili nota scriptum continent.

7. At res Africanæ Ecclesiæ sæpius pro ratione temporis revisuri, ad ejectos ex Africano solo a Genserico nobiles Carthaginenses et episcopos orationem convertamus. De iis qui ad litoris Campanum Neapolim divino fultu presidio episcopi appulere, anno superiori, eodem Victore auctore, enarratum est. De nobilibus autem Carthaginensibus nihil ipse præterea, nisi quod omnes spoliati bonis trans mare navigare compulsi sunt : nos vero quæ de his reperimus, hic intexamus. Inter alios plurimos, qui nisi servire vellent, solum vertere coacti sunt, exhibent nobis S. Fulgentii Acta illius avi memoriam verbis istis : « Avus denique ejus, nomine Gordianus, dum rex Gensericus (ita restituumdum pro Ilnerico, ut suo loco dicemus) memoratum Carthaginem invadens, senatores plurimos, imo cunctos, amissis omnibus bonis, ad Italiam navigare compelleret : inter cæteros etiam ipse impositam peregrinationem libenti voluntate suscepit, volens salutem, facultatis perditis, non perdere libertatem ». Hæc ibi. Sed quod singulorum prosequi vestigia est impossibile, de nonnullis, qui in Syriam diversis casibus delati sunt, ex Theodoretî Epistolis, quas græce scriptas Vaticana bibliotheca custodit, et vir cum primis disertus noster Federicus Metius latinitate donavit, contexamus historiam; ut ex his quæ in una orbis Romani provincia acciderunt, reliqua aliis in locis facta existimare possimus. Cæterum non omnes recessisse certum est. Cum enim infelix illa conditio oblata a Genserico Carthaginensibus nobilioribus civibus et episcopis esset, ut

¹ Prosp. in Chron. — ² Cassiod. Var. l. I. ep. IV.

omnibus exiit bonis nudj recederent, vel si exire de littore Africano tardarent, servi perpetui remanerent : complures eam potius partem elegerit, remanere Barbaris servos, quam absque commatu incertum per mare ferri ; plurimosque clarissimorum virorum et episcoporum, qui remanserant, servos Wandalorum se novisse, Victor ipse testatur.

8. Quæ autem ex Africanis, qui in Syriam apulerunt, didicit inter alios Theodoretus, nempe miserandam Carthaginiis urbis cladem, et Carthaginiensium deploratissimos casus, idem ipse de his ad Apellionem ejusmodi litteras ¹ dedit in commendatione Cælestiani viri clarissimi Carthaginensis.

« Quæ Carthagineuses passi sunt, Æschyli et Sophoclis egerit tragædia, et fortasse corum vinceret linguas malorum magnitudo. Quæ enim antiquitus vix a Romanis capta fuit, vel potius quæ cum maxima Roma sæpenumero de primatu contendit, et supremum periculum atque discrimen illi paravit, nunc Barbarorum facta est ludibrium. Et qui celeberrimum ejus exornabant Concilium et Senatum, per universum oberrant, vivendi modum quærentes e manibus hospitum benevolentium : et illos qui eos vident, ad lacrymas concitant, et humanarum rerum caducitatem et fragilitatem docent. Vidi quidem plerosque etiam alios inde profectos, et limi : nescio enim, secundum divinam Scripturam, quid sequens paritura sit dies. Veneror autem in primis admirabilissimum et magnificentissimum Cælestianum : fert enim æquo animo hanc calamitatem : et felicitatis suæ mutationem occasionem facit philosophiæ, et omnium rerum rectorem laudat : et id conferre putavit, quod ille vel fieri præcepit, vel ne fieret non prohibuit : ineffabilis enim providentiæ est ratio. Hinc una cum uxore et filiis circumcirca euntem, tua magnificentia et humanitate instar Abrahæ, suscipe et complectere. Tuæ enim magnanimitati confidens, hospitum dux ipse factus sum ; et tuam benignam manum illi ostendo et indico ». Hæc Theodoretus in commendatione clarissimi viri Cælestiani, de quo etiam extant aliæ ejusdem Theodoretii litteræ ad Aerium sophistam ², alia rursum ad Dominum episcopum Antiochenum ³, quibus significat hunc ipsum ex gentili idololorum cultore esse redditum Christianum : sane quidem et nomen ipsum id recte videtur, cum a Cæleste famosissimo Carthaginiensium idolo ipse illi addictissimus Cælestianus a parentibus æque ethnicis fuerit nominatus. Ita plane qui post tot divinitus accensas de veritate Christianæ fidei Carthagine faeces adhuc perseverantes in errore fuere rebelles luminis, divina misericordia digni facti sunt, ut in caminum paupertatis injecti, relicta impietatis scoria, ad purum excocti et conflati evaderent Christiani : quomodo enim frontes æneæ, ferreæque cervices, nisi vehementioris fornicis ardore atteri potuissent et inclinari ? Sed reddamus hic ipsam Epistolam ad Dominum quæ sic se habet ⁴ :

9. « Maxime admirando et magnificentissimo Cælestiano patria quidem celeberrima Carthago, genus vero, quod in illo fuit, clarissimum. Sed nunc ex illa ejectus, alienas circum regiones, et manus intuetur Deo dilectorum, vel diligentium Deum, et piorum virorum. Habet præterea onus necessarium, quod curam illi angel et molestiam, uxorem, inquam, et filios et domesticos, quorum causa plurius eget sumptibus. Ego vero in primis viri mentem et constantiam admiror, quod ventis adversis agitatus, ita gubernatore Deum laudat, et gravem tempestatem negligit. Pietatem enim ex ea calamitate lucratus est, et infelicitas felicissimum hunc fructum attulit. Quando enim sua fructuatur felicitate, hujusmodi non emittebat voces, nec sectabatur : illa vero privatus et exultus, impietatem etiam abiecit ; et nunc divitiis fidei ditatus est : quapropter istam miseriam contemnit. Tuæ igitur est sanctitatis, ut alienam patriam illi suam patriam efficias, et horteris illos qui divitiis abundant, consolari eos qui aliquando ejusdem fuere fortunæ, et ejus miseriæ nubes et tenebras dissipare et discutere. Par enim est, eos qui eandem nacti sunt humanam naturam, et similiter delinquant et errant, et pœnas nihilominus vitant, illis qui infortuniis laborant, aliquid afferre solatium, et sua erga istos humanitate et miseratione Deum sibi mitiorem reddere ». Hactenus Theodoretus ad Dominum Antiochenum episcopum, quem ante triennium in locum Joannis diximus subrogatum.

10. Jam vel hoc uno exemplo vides reddi certius, quod ex Salviano dictum est tomo superiori, nempe ad dissipationem idololatrarum, et idololatriæ cultum vigentem Carthagine abolendum, justo judicio a Deo permissum eam civitatem cum civibus dedi Wandalis : ut quæ tot sanctissimi episcopi spatio ferme quadringentorum annorum præstare minime valuissent, ut dæmonum venerationem Carthagine tollerent, una ferme die Wandalica manus abstulerit ; et qui obstinato animo hactenus impii perseverassent, a Deo percussi discerent pietatem, quam et abdicata penitus idololatria proflerentur : ut plane non iræ, sed misericordiæ Dei loco ista fuerit habenda Carthaginiis civitatis et ejus civium clades secundum illud Propheticum Isaïæ ¹ : « Misereamur impio, et non discet justitiam : in terra sanctorum iniqua gessit, et non videbit gloriam Domini. Domine, exaltet manus tua, et non videant », in quibus delectabantur, idola : « videant » errorem suum, « et confundantur zelantes populi » : ut sic ad veram religionem excolendam convertantur. Bene igitur dispendio rerum terrenarum, et peccatorum jactura, quæ est omni lucro præstantior, consultum fuit ipsorum saluti. Ut non adeo mirum sit, tolli et dissipari a Deo barbarica manu terrena, si cum illis peccatorum vincula dirumpantur, quibus victi miseri detinebantur homines, ne cælestia penetrarent.

¹ Theod. Ep. XXIX. — ² Ibid. XXX. — ³ Ib. XXXI. — ⁴ Ib. XXXII.

¹ Isa. XXVI.

11. Sed quod ad Caesariam, de quo agimus, pertinet: eundem sane suis aliis pluribus commendatibus litteris ad diversos viros illustres datis munivit aliam Theodoretus: extant enim ipse, et quidem efficacissima, alia ad Theocistum¹ quemdam episcopum, alia ad Statesimum comitem et praefectum², alia rursum ad Patricium³ comitem, eundem aliam ad Irenaeum⁴ Tyri episcopum, insuper alia ad Pompeianum⁵, Emesae antislitem, omnes certe Theodoro dignae: quibus et impertendarum id genus commendatarum litterarum usus antiquus episcoporum ostenditur, eas nimirum nequaquam una forma, iisdemque verbis concipi solitas, sed diversis et quidem officiosissime scribi consuevas, prout cuiusque personae status et causa tempusve exigebat et locus: quibus, si opus exigeret, forma a sanctis Patribus Nicaeni Concilii praescripta, ne dolus quomodolibet posset obrepere, reliqua addebantur, ut suo loco superius dictum est de litteris, quae formata dicebantur, ad coepiscopos dari solitis. Sed prosequamur reliqua.

12. Inter alios autem Africanos episcopos eadem clade dispersos, fuit unus nomine Cyprianus; qui delatus et ipse in Orientem, commendatibus itidem episcoporum litteris vitam, peragrando provincias, traducebat: cui idem Theodoretus ad Ibam hoc tempore episcopum Edesse in Syria ejusmodi litteras dedit⁶:

13. « Communem omnium (ut credo) et salutem universorum procurans Deus, calamitates aliquas nonnullis affert, ut iis qui in aliquo deliquerunt, ipsa correctio sit medicamentum salutare, virtutis vero athletis patientiae argumentum; et illis qui haec intuentur et spectant, utile propinetur exemplum: ea enim natura sumus, ut timore repleamur, dum alios plecti videmus. Haec cum animo volvo Libyae mala et miseriae, commodam publicum illas arbitror. Primum enim, dum illum felicitatem cogito et intueor repentinam mutationem, video rerum humanarum dubias conversiones, et edoceor neque felicitatibus tanquam certis confidere neque miseriae ut valde graves aegre ferre: delictorum praeterea memoriam revolve, et vereor ne in aequalia incidam mala. Haec autem ad te scribere nunc sum coactus, ut Deo dilectissimum episcopum Cyprianum tuae beatitudini notum redderem, qui ex celeberrima Libya genus ducit, et alienas urbes obambulare coactus est propter Barbarorum crudelitatem. Attulit etiam nobis litteras beatissimi episcopi Eulalii, qui Galatarum gentem sapienter regit. Hunc cum consueta humanitate tua benignitas susceperit, cum suis litteris illum consequatur, et mittat ad quos voluerit dominos et Deo dilectissimos episcopos, ut ipse quidem sensibili fulciatur consolatione, ipsis vero reddat Deus caeleste praemium et perpetuum ». Haec ad Ibam episcopum Edessenum Theodoretus, cujus extant et aliae pro

eodem date littere ad Sophronium Constantiae episcopum¹.

14. Rursum vero ejusdem argumenti idem Theodoretus litteras dedit ad Eustathium Aegorum antislitem pro nobilissima Africana puella a suis divulsa et in servam vendita. Dignus plane commiseratione casus ab ipso ita describitur²: « Tragedia dignum est, quod de nobilissima Maria dicitur: Haec enim est filia magnificentissimi Eudemonis, ut ipsa narrat et alii quidam testantur. In calamitate vero, quae Libyam occupavit, sua libertate voti privata et in servitatem lapsa est. Mercatores fuerunt quidam, cum illam a Barbaris emissent, quibusdam nostris civibus vendiderunt: empta etiam cum ipsa fuit ancilla, quae illi itidem olim serviebat. Simul igitur traherent amarum servitutis iugum, tum ancilla, tum domina: nobili tamen ancilla non agnosceret quid inter ipsas interesset, nec prioris domini est oblita, sed benevolentiam in ipso infortunio conservabat; et post communium dominorum obsequium, illi quae conserva putabatur, suum praestabat obsequium, pedes lavando, cubilis sternendi curam gerendo, et omnia alia studiose faciendo. Hoc emptores latere non potuit: quapropter in civitate divulgata fuit hujus ingenuitas, et famulae probitas.

15. « Haec cum didicissent qui apud nos manent fidelissimi milites (ego enim tunc aberam) imploribus pretium reddiderunt, et hanc servitute liberarunt. Ego vero post reditum haec omnia edoctus, et calamitatis historiam, et tragediam, et militum omni laude dignum opus, illis quidem majora reddidi, et nobilissimam adolescentulam piissimae cuidam diaconissae Dei famulae tradidi, stipendium sufficienti me praebiturum pollicitus. Peractis vero decem mensibus, cum didicisset patrem adhuc superstitem esse et praefecturam obtinere in Occidente, ad illum se conferre merito coepit. Et cum quidam dixissent, quod ab Occidente plurimi mercatores veniunt ad diem festum qui nunc apud vos agitur: petiit a me, ut cum litteris meis proficisceretur. Haec igitur de causa has scripsi litteras, tuam pietatem obviis deprecando, ut nobilis puellae curam geras, et praecipias alicui pietate praestanti viro, ut nautas et gubernatores alloquatur et mercatores, et fidelibus viros ipsam tradat, qui illam patri restituere possunt. Si enim patri filiam offerent praeter omnem hominum spem, quod plurima certe lucrabuntur, recte novi ». Haecenus Theodoretus ad Aegorum episcopum: erant Aegae civitas maritima in extrema Ciliciae parte Syriae proxima, portum habens ad quem negotiatorum naves appellare solerent.

16. Sed audi alterius captivae Carthaginensis insigne virtutis exemplum, quod Ado Treverensis³ episcopus publice in Ecclesiis anniversaria die recitandum tabulis inscripsit Ecclesiasticis hisce verbis:

¹ Theod. ep. XXXII. — ² Ibid. ep. XXXIII. — ³ Ibid. ep. XXXIV. — ⁴ Ibid. ep. XXXV. — ⁵ Ibid. ep. XXXVI. — ⁶ Ibid. ep. LI.

¹ Theod. ep. LIII. — ² Ibid. ep. c. — ³ Ado Martyrolog. die XXII. Maii.

« Natale sancte Juliae, quae, cum Carthago civilis capta esset, ducta est captiva, et sortita in servitutem devenit ejusdam Eutychii (Euchii) ex Syria Palaestina. Cui diligenter serviens expleo ejus servitio, acceptaque requie, aut orationi aut lectioni insistebat : nam et corpus suum jejuniis affligebat. Unde dominus ejus quamvis Paganus, valde cum admirans, sepius admonerat ne taliter se affligeret. Sed illa nec blandimentis nec etiam admonitionibus ab hoc, quod inchoaverat, recedebat, excepto die Dominicae resurrectionis. Deinde contigit, ut dominus ipsius una cum ipsa veniret in Corsicam ; et ibi sacrificantibus aliis, cepit et ipse diis immolare » : insularum enim latibula Ethnici quaeritabant, quos ob impietatem gravi poena (ut diximus) edita haud pridem imperatoris sanctio exagilabat.

17. « Sed B. Julia (subditi Ado) videns errorem illorum condolebat. Audiens quidam princeps Felix, Saxo cognomine, quod illa nollet sacrificare ; quaesivit eam a domino suo, ut receptis in illius vice quatuor ancillis, sibi ea daretur. Cui ille pro magno ejus servitio noluit eam tribuere. Tunc praefatus Felix callide fecit domino suo convivium quatenus ipso et nimia potatione soporato et ignorante, de navi ipsius eam tolleret. Quod et factum est : nam ipso inscio, ducta est B. Julia ad Felicem. Cumque blandimentis Felix ei non potuisset suadere ut sacrificaret, praecipit eam alapis caedi, deinde criminibus torqueri atque flagellari, ad extremum etiam crucifigi : et sic in ipso patibulo ultimum efflavit spiritum : de ejus ore sanctissimo columba exivit, et caelum petiit.

18. « Tunc per Angelos, divina dispensante gratia, nuntiatum est hoc quibusdam monachis in insula Margarita, quae vulgo Gorgona dicitur, consistentibus ». Ubi enim coepa est a sanctis monachus habitari, ab illis nomen Gorgonae, quod ab idololatria videtur acceptum, in Margarita nomen ex Evangelio ¹ depromptum mutatum fuit ; cum tamen alii consueto nomine Gorgonam eam frequentius appellarent. Sed pergit : « Illi hoc audito, ascensus navibus, summa cum festinatione venerunt in Corsicam, et invenerunt sicut ab Angelis fuerat revelatum. Dein summa cum reverentia deponentes corpus ejus de cruce, juvante Domino, celeriter ad sua reversi sunt : et ibi, videlicet in ipsa Margarita insula, condientes corpus ejus cum aromatibus,

posuerunt in monumento cum gaudio. Postea autem de ipsa insula Ariza (Anza) regina uxor Desiderii regis Longobardorum praecipit corpus ejus offerri, et in monasterio, quod in honorem ipsius construxit, Brixiae mirificentissime collocavit ». Buensque Ado undecimo kalend. Junii, quo die ejus memoria publice colitur. Ex his igitur recitatis Carthaginensium funestis casibus litteris commendatis, ceteros aselinare licet, quos scriptorum inopia antiquitas oblivione penitus sepelivit. Quae autem reliqua sunt miseriarum Carthaginensium, suis locis inferius dicemus.

19. *Mortuo Joanne, Domnus Antiochiaepiscopus eligitur.* — Hoc eodem anno Joannes episcopus Antiochenus diem extremum obiit, cum sedisset annos tredecim ; licet Nicephorus in Chronico annos decem et octo illius sedi tribuat : verum cum anno praesenti extant litterae Theodoretii ad ejus successorem Domnum episcopum Antiochenum scriptae, haud ad illud tempus ejus vitam esse propagatam, perspicue possumus intelligere. Porro ipsam Theodoretii ad Domnum Epistolam reddemus suo loco anno praesenti ; et eam qua monstratur annos tredecim tantum sedisse ad Dioscorum datam suo item loco describemus. Mortuo autem Joanne, in locum ipsius subrogatus est ejus sorore nepos Domnus monachus, sed desertor monasterii ; qui (ut dictum est superius) degens in Laura Euthymii, ipso invito, Antiochiam cum venire decrevisset, hoc eum validissimo Euthymius futura praedicens admonuit : Obtinebis quidem administrationem, nempe sedis Antiochenae episcopatum, sed eam rursus auferent tibi mali homines et praestigiatores, cum ab illis prius seductus lueris ignorantia. Haec quidem ipse ; nec falsus extitit vates, ut eventus probavit, inferiusque suo loco patebit. Scribit haec de Domno Cyrillus monachus in Actis ¹ Euthymii. Quomodo vero factus episcopus Simeonem illum magnum cognomento Stylitam convenit, narrat Nicephorus istis verbis ² : « Quo tempore Domnus sacras Antiochenae urbis habenas tenuit, cum ad Simeonem venisset, lotus conslernatus est, et cum eo mystico arcanoque congressu convenire exoptavit. Convenieruntque ideo ambo, et sacrificio immaculato atque inruento peracto, alter alteri mysticum communionem porrexit ». Haec Nicephorus. Sed jam ad sequentis anni res gestas orationem paremus.

¹ Matth. XIII.

¹ Extant apud Surium die xx. Januar. — ² Niceph. I. XIV. c. 51.

Anno periodi Graeco-Romanæ 5933. — Jesu Christi 440. — Leonis papæ 1. — Theodosii 39. et 33. Valentiniani 16.

1. *Quindecennialia Valentiniani.* — Coss. *Valentinianus* Aug. V, et *Anatolius*, hic in Oriente, ut supra ostendi, Valentinianus vero ob imperii Augustei quindecennialia in Occidente consul processit. In Museo Farnesiano tom. 1 duo nummi aurei hujus imperatoris referuntur, in quorum postica legitur : Vol. XV. MULLXX. Circum : Victoria Augustorum. Infra. Coni.

2. *S. Leo fit Pontifex Romanus.* — A num. 1 ad 4. Anastasius diem sepulture *Sixti* Romani Pontificis præter morem non notavit, sed ex jam dictis, et ex accurata priorum ejus successorum chronotaxi liquet, mortem ejus incidisse in diem undecimum Augusti præsentis Christi anni. « Defuncto Nysto episcopo XI amplius diebus Romana Ecclesia sine antifite fuit, mirabili pace atque patientia præsentiam diaconi Leonis expectans », inquit Prosper qui hoc tempore vivebat; quibus ex verbis manifestum fit, *S. Leonem Magnum* consecratum esse die vicesima secunda mensis Septembris, in quam Dominica cadebat, non vero die *x Mensis Maii*, ut habet Baronius, aut die *viii Septemb.*, ut arbitratur Papebrocius in Conatu Chronico-Historico : quod ex ejus Sedis duratione; die illius emortuali, quem tandem me e tenebris eruisse persuasissimum habeo; interpontificio, quod post mortem ejus fuit; et die consecrationis ejus successoris plane constabit. Cessavit itaque Sedes dies *XLI* aut *XLII*, si dies emortualis *S. Sixti* numeretur.

3. *Rome natus non est, sed in Tuscia.* — *Sancetum Leonem* Baronius, aliique passim auctoritate libri Pontificalis freti scribunt, in Tuscia natum; Quesnellus vero in Dissert. prima de Vita et rebus gestis Leonis Magni contendit, eum Romanum fuisse. Prosper enim in Chronico hoc anno, « Leo, inquit, legatione publica accitus, et gaudenti patriæ præsentatus, *XLII* Romanæ Ecclesiæ episcopus ordinatur ». Imo ipse Leo in Epistola *XXVII*, cap. 4, excusans se, quod Ephesino Concilio II præsentiam suam non exhiberet, ut in volis habuerat Theodosius imperator, hanc rationem offert : « Quia rerum præsentium nimis incerta conditio a tante Urbis populis abesse non sineret, et in desperationem quandam animi tumultuantium mitteretur, si pro occasione causæ Ecclesiasticæ videret patriam, et Sedem Apostolicam velle deserere ». Clara sunt hæc verba. nec patriæ nomine Italiam quis commode intelliget.

Neque obstat testimonium Anastasii seu auctoris libri Pontificalis, quia præterquam quod is in rebus historicis non raro peccat, duo Codices Mss. Regius et Mazarinus *Leonem natione Romanum* inscriptum habent. Ita Quesnellus. Verum cum libri Pontificalis auctor Pontificum Romanorum patriam accurate exhibere solitus sit, ab eo hæc in re non discedendum, præsertim cum antiquissimi ejus Codices Mss. Vaticanæ, Cassinenses, Regii, Florentini, et Farnesianus, ab Holslenio apud Schelstratum in *Antiquitate Ecclesiæ*, pag. 402 et seqq. producti, habeant Leonem *natione Tuscam* fuisse, loca Quesnello in medium adducta interpretari debent de *Italia*, quam Prosper Leonis patriam appetat, sicut Sallustius Hispaniam sibi antiquam patriam dixit. Codices vero Mss. Anastasii, quos *Quesnellus* secutus est; et recentes, et a librariis, vel a sciolis depravati. Nec hoc in dubium revocandum.

4. *Sebastianus comes confugit in Africam, ubi occiditur.* — Ad num. 5 et seq. Idacius in Chronico anno Abrahami *MCDLVI*, qui kalendis Octobris superioris Christi anni inchoatur, ait : « Gaisericus (id est, Gaisericus Vandalarum rex, qui anno præcedenti Carthaginem occupavit) Siciliam depraedatus Panormum diu obsedit, qui damna a Catholicis episcopis Maximini apud Siciliam Arianorum ducis adversus Catholicos precipitatur instinctu, ut eos quoque pacto in impietatem cogeret Arianam. Nonnullis declinantibus, aliquanti durantes in Catholica fide consummavere martyrium ». Gaisericus itaque sese intra Africæ fines continere non potuit, sed ad vastandam Siciliam animum adiecit, quod et Baronius, ex Prospero sub hujus anni conscribitur. Verum uterque in eo falli videtur, quod mortem *Sebastiani comitis* de quo superioribus annis locuti sumus, hoc anno recitat. Idacius enim laudatus, qui Baronii tempore non exstabat, quique in Gallæcia episcopus fuit, variam *Sebastiani* fortunam melius scire potuit. Idacius autem anno Abrahami *MCDLX*, qui kalendis Octobris anni Christi *CDLIII* auspiciatur, scribit : « Sebastianus illic (nempe Constantinopoli) quo confugerat deprehensus sibi adversa moliri e Constantinopoli fugit admonitus, et ad Theodorum regem Gothorum veniens, conquistam sibi qua potuit, Barcinomam hostis ingreditur ». Tum anno Abrahami *MCDLXI*, « Sebastianus de Barcinona fugatus migrat ad Wan-

datos», ideoque non hoc Christi anno, ut habet Prosper, sed anno cdxlii aut insequenti *Sebastianus* comes in Africam transiit. Denique anno Abrahami mcdclxvi, kalendis Octobris anni Christi cdxlix inchoato, habet: «Sebastianus exul factus perniciosam sibi, sicut post exitus docuit, Gaiserici confugit potestatem: parvo post tempore quam venerat, per cum iubetur occidi». Baronius ex Victore lib. 1 de persecut. Vandalica, quo prætèxto mors Sebastiani illata fuerit, enarrat.

5. *Christiani in Africa crudeliter habiti.* — A num. 7 ad 12. Post Baronii mortem Sirmondus *Theodoretus* Cyrensis episcopi per hæc tempora nominatissimi Opera publicavit; sed cum ejus Epistolas ordine Chronologico non digesserit, Garnerius in supplemento Operum Theodoretus eam provinciam suscepit. Observat is Epistolam xxix ad *Apellionem*, Epistolam xxx ad *Aerium* Sophistam, Epistolam xxxi ad *Domnum* Antiochenum episcopum, Epistolam xxxii ad *Theoctistum* Berææ episcopum, Epistolam xxxiii ad *Stasinum* comitem et primalem, Epistolam xxxiv ad *Patricium* comitem, Epistolam xxxv ad *Ireneum* Tyri episcopum, et Epistolam xxxvi ad *Pompeianum* Emesenum episcopum commendatitias esse omnes, ad amicos quos Theodoretus admonet commiserationis in sublevanda egestate *Cælestiaci* nobilis Carthagenensis, qui, capta a Genserico Carthagine, exilus opibus, cum tota sua familia exulare coactus est; ac denique sicuti sunt ejusdem argumenti, ita et eodem tempore datas esse; quod recte antea viderat Baronius, qui earum omnium hoc anno mentionem facit. Sed tam ipse, quam Garnerius citius quam par est eas datas existimant. Añ Baronius, capta Carthagine anno superiori, *Gensericum* regem ejecisse mox nobiles, qui servire nolent in patria, ideoque *Cælestiacum* eorum unum hoc anno in Orientem fugisse, et *Cyrum* venisse, ubi litteras illas commendatitias a *Theodoro* obtinuerit. Garnerius vero notat unum amicorum, quos ad levandam *Cælestiaci* miseriam litteris hortatus est Theodoretus, *Domnum* fuisse Joannis in Antiochena sede successorem: *Joannem* autem obiisse anno duntaxat currenti affecto, aut etiam anni sequentis initio, et *Theodoretum* Domino scripsisse, ut jam aliquandiu in sede constituto; ideoque scripsisse anno cdxlii et quidem citatas omnes Epistolas; cum omnes simul date sint infelici hospiti abenti ex urbe Cyrensi. At cum *Domnus*, ut mox visuri sumus, exente tantum anno cdxli aut insequenti episcopus Antiochenus dictus fuerit, laudatas litteras non scripsit *Theodoretus* ante finem anni cdxlii. Quare sicut ex eo quod *Carthago* anno cdxliiii a Wandalis expugnata est, non sequitur, *Theodoretum* Cælestiacum anno cdxli litteris commendasse; ita etiam nec ex eo quod *Domnus* exente anno cdxli aut insequenti episcopus renuntiatus est, *Theodoretum* statim eas litteras dedisse, cum tardius ad eum *Cælestiacus* venire potuerit, tardiusque quam triennio a capta Carthagine in exilium mitti.

6. *Theodoretus commendat Cyprianum episc. ex Africa exulem.* — A num. 12 ad 16. Memorat hoc anno Baronius Epistolam Theodoretus lxi ad *Iban* Edesse episcopum datam, qua ei commendat Cyprianum episcopum, qui ex celeberrima ortus *Africa*, *exteris oras circumire cogebatur, propter inumanitàtem Barbarorum*. Quare ea Epistola hoc circiter anno scripta, sicuti et Epistola lxi ad *Sophronium* Constantiæ episcopum; cum utraque similis sit argumenti. Epistola Theodoretus ad *Eustathium* Ægarum episcopum, quæ juxta Baronium ordine est lxi, juxta Sirmondum lxx, pertinet ad annum cdxlii aut sequentem, ut Garnerius laudatus notat. Continet enim historiam *Mariæ* cujusdam nobilis puellæ Africanæ, et a Vandalis pretio vendita mercatoribus, servivit *Cyri* sed redempta a militibus, et a *Theodoro* per decem menses idoneis subsidiis instructa, cum rescivisset de patre magistratum in Occidentis partibus gerente, ut ad illum proficisceretur, commendatur Ægarum episcopo, qua in civitate secundæ Ciliciæ munditiæ habebantur, ad quas ex Occidente mercatores confluere solent.

7. *Martyrium S. Julię virginis.* — A num. 16 ad 19. In Vita sancte *Julię* virginis et martyris in Corsica, ex Adone in Martyrologio ad diem xxii Maii a Baronio recitata, et in alia ejusdem Vita a Papebrocio ad eundem diem ex auctore anonymo descripta dicitur, cum civitas *Carthago* capta fuisset, beatam *Juliam* ductam esse captivam, et deinde cum dominus ejus una cum ipsa in Corsicam venisset, cum nollet diis immolare, cruci affixam fuisse. Baronius existimat Adonem loqui de expugnatione Carthagenis per Gensericum; Papebrocius vero arbitratur *Juliam* captam anno dcxvi, quo Carthago a Persis occupata est. Verum ea in re nihil certi in medium afferri potest. Ejus corpus processu temporis *Briziam* translatum, ubi hodie colitur in monasterio Benedictino a *Desiderio* Longobardorum rege pro *Angelberga* filia fundato.

8. *Moritur Joannes Antiochenus episc.* — Ad num. 19. *Joannes Antiochenus* episcopus sedere cepit anno cdxlix, et ut discrete testatur Theodoretus in Epistola ad *Dioscorum* episcopum Alexandrinum, annos tredecim Ecclesie Antiochene præfuit; ideoque si anni illi xiii completi fuerint, mors ejus incidit in annum quadringentesimum quadragessimum secundum; si vero incompleti, in annum cdxli. In Chronico Nicephori et in Tabulis Theophani insertis, errore numerorum anni xviii ei assignantur. Licet porro *Nestorio* ejus hæresis initio favorit ea præsertim ratione, quod ab Ecclesia Antiochena ad episcopatum Constantinopolitanum assumptus fuisset, anathematizavit tamen ejus dogmata et personam, omnesque provincias suas ad conditiones pacis accipienda coegit, ut suo loco ostendi. Theophanes anno Incarnat. secundum Alex. cdxliiii, kalendis Septembr. hujus Christi anni inchoato, Joannis meminisse, atque: «Porro quidam monachi Constantinop. profecti molestiam imperatori infe-

rebant causa Mopsuestiæ quondam episcopi, quem etiam post mortem hæresis insimulabant. Imperator autem ad Orientis episcopos inquisitionem plenam instrui, et si vera proferrent monachi, ut Theodorum anathemate ferirent, Proclo commisit, ut scriberet. Joannes vero Antiochiæ episcopus de recto Theodori sensu cum sua Synodo Proclo rescripsit, et de eadem imperatori fidem fecit. Joanni successit *Domnus*, qui Theodorum Mopsuestenum etiam defendit, ut anno cdxli videbimus. Fuit *Domnus* Joannis ex sorore nepos, vir ut dicitur fidei, sic imprudentis consilii variæque fortunæ, ut ex iis quæ infra in medium adducemus patebit.

9. *Moritur Vararanes Persarum rex, et persecutio continuatur.* — Hoc circiter anno Vararanes Persarum rex, « cum annos viginti regnasset, Isidgerdi alteri suo filio regnum tradit », inquit Agathias lib. 4. Cumque persecutio ab Isidgerde ejus avo anno cdxiv inchoata, et a Vararane patre continuata, annos triginta perduravit, ut suo loco ostendimus, sub isto Isidgerde circa annum cdxliv finem accepit.

Martyrum ea persecutione in Perside passorum Acta, vel litteris non mandata, vel ad nos non pervenere; ad eam tamen pertinet quod habet Sidonius lib. 7, Epist. xvii, ubi condens epitaphium *sancti Abrahami* natione Persæ, qui Arvernii, ubi ille episcopus erat, in Domino obdormierat, ait:

Natus ad Euphratem, pro Christo ergastula passus
Et quinquenniali vincula laxa fante;
Elapsus Regi truculento Susidis ora:
Occiduum properas solus ad usque solum.

Erat *Susa* Susianæ provinciæ urbs antiquitus regum Persarum regia, egregie descripta a Strabone lib. 15, de qua Ammianus lib. 23, cap. 6 tradit: « Inter alia (sc. oppida) eminet Susa sæpe domicilium regum ». De sancto *Abraham* plura ibidem Sidonius, et Gregorius Turonensis in lib. de Vitæ Patrum cap. 3 qui testatur, cum *Sidonio* Ecclesiam Arvernensem regente ad Deum migrasse, postquam Arvernii monasterium edificasset. Inscriptus est *Abrahamus* Martyrologio Romano ad diem xv Junii.

LEONIS ANNUS 2. — CHRISTI 441.

1. *Cyri consulatus.* — Qui ordine temporum sequens est annus Domini quadragesimissimus quadragesimus primus Cyri tantum consulatu in Fastis reperitur inscriptus in Oriente creati. Cur autem ex more imperator Occidentalis imperii suum consulem non elegerit, minime liquet. Caterum hunc ipsum Cyrum esse scias, qui variis diversisque agitalatus est casibus, ac tandem naufragus non invenit nisi in Christiana religione salutem. Ethnicus homo fuit, deorum superstitioni deditus; sed natura dexterrimus, in utraque militia castrensi ac palatina summos sibi magistratus querens, eosdem est nullo negotio consecutus: etenim quo anno diximus captam Carthaginem, ducem exercitus ipsum gessisse, Evagrio auctore narravimus; sequenti vero præfecturam prætorii consecutum, et consulem designatum esse, Novellæ Theodosii constitutiones declarant¹; rursus ante biennium Urbanam adeptum esse præfecturam sub consulatu Theodosii cum festo imperatoria constitutio fidem facit²; gessit

eandem iterum sub tertio Aetii consulatu, ut suo loco dicetur: præsentem vero anno auctus est ordinario consulatu. Sed bono suo, magna Dei providentia, ad ima e summis aleæ rerum mundanarum inversione dejectus, unicum invenit in Christiana pietate confugium.

2. Ad hos autem omnes summos consequendos honores ex poeticis facultatibus sibi paravit scalam, dum illis sese in amicitiam Eudociæ Augustæ insinuavit. Sed Suidam de ipso agentem audi, cum ait: « Cyrus panoplia poeta sub Theodosio juniore vixit, apud quem præfectus prætorio, et præfectus Urbi, consul, et patricius, fuit in admiratione ab Eudocia Augusta habitus, quæ poematum studiosa erat » Quando igitur illa cum viro suo imperium moderata est, æque res Cyri in portu fuerunt: ipsa autem secundo Constantinopoli recedente, atque Hierosolymam commigrante, ceperunt fluctibus jactitari: nam et Suidas subdit: « Eudocia autem, cum aula relicta in Oriente Hierosolymis esset, Cyrus ab adversariis insidiis circumventus, in Phrygia Cotyæ episcopus factus est, et usque ad Leonis tempora perduravit ». Hæc Suidas: quomodo autem id

¹ Nov. de alluvio. Novel. de amot. mil. — ² L. ix. C. de sacrosanct. Eccles.

acciderit, dicendum erit suo loco inferius : hæc modo ipsius Cyri consulatus hoc anno in illi occasione narrata sufficiant.

3. *Episcopi recensentur qui Synodo Arausicane interfuerunt, inter quos eminet Eucherius, de cuius gestis et scriptis fuse discribitur.* — Sub eodem Cyri consulatu celebratum legitur in Galliis Concilium Arausicanum : sed cum ponitur idem Cyri collega Theodosii junioris, error scriptoris arguitur : nam quod ibi legitur, tempore Theodosii junioris, et Cyri consulum, legendum est, consulis, loco consulum : nam Fasti omnes, et vetera monumenta non nisi unicum hoc anno (ut dictum est) consulem referunt. Quod ad Synodi locum pertinet, erat Arausica, ubi collecta fuit, civitas in Gallia Narbonensi. Nobilis quidem ista dicenda Synodus, clarissimorum antislitum illustrata corona, de quibus singulis proxime paucis dicturi sumus. Reperiuntur in hac Synodo undetriginta sancti canones ad Ecclesiasticam disciplinam atque iura spectantes ab episcopis Galliarum Narbonensis, et Lugdunensis, quindecim numero ex eis Arausicam civitatem ex more convenientibus. Florebant quidem dicte Galliarum provincia, si que alie Christiani orbis oræ, his temporibus, episcopis æque sanctissimis atque doctissimis, quorum solerti vigilantia in suo permanebant robore leges Ecclesiasticæ. Qui enim primo loco huic Synodo subscriptus habetur Hilarius, ipse ille est celebris Arelatensis episcopus, qui antehac presbyter (ut superiori dictum est homo), una cum S. Prospero Aquitano episcopo insectatus est Pelagianos, et adversus Massilienses presbyteros atque alios impugnantes S. Augustini scripta strenue insurrexit, de quo pluribus et inferius agendum erit.

4. At qui secundo loco subscriptus nominatur Claudius episcopus, nescitur cuius fuerit civitatis antistes : procul tamen abest, ut hic sit dicendus, loco Claudii, Claudianus ille cognomen Mamertus clarus inter scriptores Ecclesiasticos : nam (ut suo loco inferius dicemus) non fuit ipse episcopus Viennensis, sed potius ejus Ecclesiæ presbyter.

5. Rursum vero qui huic itidem Synodo interfuisse reperitur Eucherius, ipse est qui fama celebris vixit eodem tempore episcopus Lugdunensis, cuius meminit Claudianus in libro de Statu animæ cum ait : « Ilaudquaquam tamen Eucherium præterierim nihilmet viventem, doctrina et presentaneis coram disputationibus cognitum, non porro nuntiis aut lectione compertum : qui scilicet viridis ævi, maturi animi, terram despuens, cæli appetens, humilis spiritu, ardens merito, ac proinde ingenio subtilissimus, scientia plenus, eloquii proflus, magnorum sui sæculi Pontificum longe maximus, editus in rem fidei multijugis variorum operum voluminibus, ad populum quoque his super statu animæ concionatus est, etc. » Sed hic, rogo, siste gradum, lector, et considera, quod cum ipse Clau-

dianus (ut vides) de Eucherio agens, citet conciones ipsius ad populum habitas, quæ non extant : in eam sententiam facile necum fabis, ut ejusdem Eucherii sint homilia illæ, quæ falso nomine inscribuntur Eusebii Emissemi. Cum alioqui haud dicendum sciamus, illas omnes esse Eucherii, cum inveniatur alique esse Hilarii Arelatensis, Fausti vero Rhegicensis alique. Porro alias a Lugdunensibus plane Ecclesiæ concionatore eas esse dictas, martyres Lugdunenses, de quibus agit, et alia plura demonstrant, necnon Eucherii ipsum dicendi genus : nam in persuadendo efficacem fuisse Sidonius docet, dum singulorum ferme Patrum in scribendo proprietates notat in Epistola ad Claudianum¹. Sed et id suadent argumenta personæ accommodata : utpote qui monasticam vitam exerevit, et Lugdunensem Ecclesiam rexit ; et ad monachos, et ad populum cum esse concionatum oportuit, cujusmodi duplicis generis eadem homilia esse noscuntur.

6. Cum igitur ex concionibus habitis de martyribus Lugdunensibus, Lugdunensis Ecclesiæ antislitem se esse significet, et homilia ipsæ stylium referant S. Eucherii, et argumenta rerum ipsum itidem probe demonstrant, et tempora quo auctor vixit, eundem annuntiant : etenim in recens obortas hæreses Nestorii, et Eutychetis idem invehitur : cum hæc, inquam, tot in unum concurrant Eucherium, quis de his dubitandi amplius locus reliquus est? Redditis ergo his quæ Maximi esse noscuntur, seu aliorum (non hic de singulis nobis agendum) suis auctoribus, vindicentur egregia conciones ab injusto, et impio possessore Eusebio Emissemio, cujus nomine citari consueverunt. Quid cum auctore greco homilia, quæ latine noscuntur esse conscriptæ? Quid cum homine Ariano, quæ omni ex parte pietatem redolent conciones? Quid denique auctor Gallicanus cum Syro, et Lugdunenses martyres cum Emissemis?

7. Sed unde adeo portentosum putandum prodisse commentum, et monstruosam adeo esse impostoram obortam? Potuit sane fellissime librarium imprudentem, ut sub cuius auctoris titulo reperit initium codicis obsignatum, cætera omnia quæ in eo continentur, eidem putaret esse tribuenda auctori : nemo enim est qui ignoret, qui antiquorum codicum habet usum, sæpe sæpius solere contingere, ut non unum vel duos, sed et tres, quatuorve et amplius habeat idem volumen diversorum auctorum tractatus, et aliquos ex illis inveniri sub nomine unius auctoris excerptos : ut nisi quis oculos lynceos habeat, sæpe accidat ut inscripto auctori tribuatur quicquid inferius eodem codice continetur. Cum alioqui et facile contigisse poterit, ut in corrosio consumptoque nimia vetustate codice, litteris labefactatis, legerit libarius, Eusebius, pro, Eucherius. Sed reperimus ex recens editis antiquis monumentis in Gallicanis Litanis versibus conscriptis ab Hartmanno Rabani Mauri discipulo, nomi-

¹ Claud. de stat. anim. l. II.

¹ Sidon. l. IV. ep. III.

nari inter S. episcopos etiam Eusebium, sed incerte civitatis episcopum : versus sic se habent ¹ :

Martinus, Proculus, Casarius, Eusebinsque
Orent pro nostris criminibus variis.

Hæc dixerimus, ne adeo nomen Eusebii exhorrescas, si dempseris Emisseni.

8. Sic igitur non patiamur amplius, rogo, mei Lugdunenses, tantum summi ipsorum thesaurum theca latronis includi : sed justissima vindicatione suæ esse Ecclesiæ opes intelligentes, easdem rursum edentes, ejusmodi justum ipsis affigant filulum, ac veluti sigillo consignent : « Homilia S. Eucherii episcopo Lugdunensi restituta, falso hactenus edita titulo Eusebii Emisseni ». Essent his alia insuper addenda, sed in his diutius immorari non patitur ratio instituti. Sed sicut indignandum est, tamdiu sanctissimi viri divitias sub titulo scelestissimi Ariani palam expositas, ita dolendum eas omnes haud integre reperiri. Qui enim tum monachus, tum episcopus in eo dicendi genere annis plurimis versatus est, longe plures oportuit dixisse, eum ad monachos, tum ad populum conciones : excidisse quidem nonnullas Claudianus certissimam fidem facit, dum quam ipse citat ex Eucherii homiliis, omnino desideretur.

9. At (quod non prætermittendum est) ex eodem habes auctore in quo redarguas perperam factam Gennadii editionem Sulfridi, apud quam legitur Eucherius presbyter Lugdunensis scriptor ecclesiasticus, cum dicendus sit episcopus, ut habent alie Gennadii germanæ editiones. Porro et hinc datam ex codicis errore Honorio occasionem errandi constat, cum ponat duos Eucherios Lugdunenses, alterum presbyterum, episcopum alterum, ambosque scriptores Ecclesiasticos. Cum tamen etsi duo Eucherii cogniti habeantur, ut suo loco dicendum est inferius, utrumque tamen fuisse episcopum constat.

10. Præter hunc, de quo est sermo, scimus et alium hoc sæculo vixisse Eucherium virum clarissimum, quem data ad eum Epistola plurimum laudat Sidonius Apollinaris ², sed teste Gregorio Turonensi ³, occisum eum constat a Victorio duce, tempore Evarici Gothorum regis, de quo suo loco pluribus agendum erit. Alium insuper fuisse scias Eucherium itidem senatorem virum insignem, sed bigamum, haud idoneum habitum, qui sacri ordinis militiæ nomen daret; cujus meminit idem Sidonius in concione habita in electione Simplicii episcopi Bituricensis post plurimos annos, cum jam ipse Sidonius esset episcopus, et Ecclesiæ Lugdunensi non amplius Eucherius, sed Patiens præsesset antistes : ut intelligas, procul abesse ut ille fuerit postea factus episcopus Lugdunensis ; magisque congruere, eum jungere cum Eucherio illo ad quem extat Si-

donii Epistola, quam ut dici possit eundem postea creatum fuisse Lugdunensem antistitem.

11. Cæterum ipsum S. Eucherium, de quo est sermo, fuisse conjugio obligatum, et ex eo gemisse viros sanctissimos eosdemque postea episcopos, quos primum monasticis voluit imbui disciplinis, tum ex Gennadio, tum etiam ejusdem Eucherii scriptis possumus intelligere. Ipse enim Gennadius, dum de Eucherio agit, hæc ait ¹ : « Dissertit etiam ad personam filiorum Verani (Veranii, Veranii) et Salonii postea episcoporum obscura quæque sanctorum capitula Scripturarum » : fuisse hos quidem germanos fratres, ejusdem Eucherii inscriptio commentariorum in Genesim, et in libros Regum demonstrat. Cognoscit Veranum suum filium ipse sanctus Eucherius, dum ad eum scribit librum de spiritualibus formulis : æque et Salonium suum fatetur natum in Præfatione ad posteriorum librum instructionum, et cum perorat : ejus enim exordio hic habet de bene instituta vita Salonii : « Dignum nanque est (inquit) quæcumque cura mea ingenium tuum reparari, qui vixdum decem annos natus eremum ingressus, inter illas sanctorum manus, non solum imbutus, verum etiam nutritus sis ab Honorato patre, illo, inquam, primo insularum, postea Ecclesiarum magistro : cum te illic beatissimi Hilarii tum insulani tyronis, sed jam nunc summi Pontificis doctrina formaret per omnes spiritualium rerum disciplinas : ad hoc etiam te postea consummantibus summis viris Salviano atque Vincentio eloquentia pariter et sapientia præminentibus, etc. » Sed et ipse etiam Salvianus in Epistola ad Eucherium, ab eo ambos esse genitos tradit : cum tamen non ignoremus ab aliis eos creditos filios spirituales Eucherii, qui eum conjugatum nescierunt.

12. Scimus et ipsum, de quo agitur, sanctum Eucherium in eadem Lerinensem insulam se contulisse : illicque et in alia proxima insula monasticam vitam exercuisse, testatur idem Sidonius in carmine Eucharistico ad Fastum scripto, necnon Hilarius ² : tradunt autem, proximam aliam illam insulam esse Lerionem Lerinæ propinquam. Sed et ejusdem eremiticam vitam Ecclesia præconio celebrat, dum ejus agens natalem diem hæc ait : « Eucherius ex nobilissimo senatorum ordine ad religiosam vitam habitumque conversus, diu inter septa speluncæ sponte conclusus, in orationibus et jejuniis Christo servivit » : et quæ sequuntur. At de sancto Eucherio Lugdunensi episcopo modo hactenus, iterum suo tempore eundem opportunius conventuri. Ille autem alius S. Eucherius episcopus Aurelianensis Ecclesiæ, procul abest ut ad hæc tempora referri possit, quem constat vixisse cum Carolus Martellus regnum Francorum administraret, de quo suo loco dicturi sumus : modo autem de aliis qui huic Synodo interfuerunt episcopis prosequamur orationem.

13. Qui huic item Arausicanæ Synodo Salonius

¹ Tom. v. antiq. lect. pag. 732. — ² Sidon. l. III. ep. VIII. — ³ Greg. Turon. l. II. c. 20.

¹ Gennad. c. 63. — ² Hilar. in Vit. S. Honorati.

reperitur interfuisse episcopus, eidemque esse subscriptus; cuiusnam Ecclesie antistes fuerit, haud exprimitur. Scimus in Salviani inscriptione ad suos libros de Recto iudicio, quos ad eundem Salonium scripsit, nominari Salonium episcopum Viennensem. Verum Ado ejusdem Ecclesie presul, cum exacte recenset omnes Viennenses episcopos, Salonium penitus ignoravit: a tempore enim Constantini Magni in hanc diem hos enumerat Viennensis Ecclesie successores episcopos, Paschasium, Claudium, Nectarium, Nicetium, atque Mamertum. Inficias tamen non iverimus fuisse Salonium, et ejus fratrem Ecclesie Viennensis studiosissimos, ut Sidonii Epistola ¹ ad Salonium data significat verbis illis ad finem positis: « Licet ruri positi strenuus impleatis agricolas; tunc vero propriam terram fecundabitis, si Ecclesiam, quam plurimum colitis, plus colatis ». Scimus in tabulis duplicis Indicis episcoporum Lugdunensium a Demochare editis post S. Eucherium poni Salonium, et post eum Scranum episcopos Lugdunenses. Sed si Salonius Lugdunensis fuit antistes, quomodo huic Synodo subscriptus habetur; cui etiam Eucherius ejusdem Ecclesie presul interfuit? Numquid duo unius Ecclesie episcopi? Procul id abfuit ab Ecclesiasticis legibus, ipso Niceni Concilii decreto vetante: sicut eadem ratione dixerimus, longius abesse, ut qui ultimo ferme loco Casarius subscriptus habetur, sit ille magni nominis episcopus Arelatensis: nam eidem Ecclesie qui hoc tempore praerat episcopus Hilarius huic Synodo praesul: imo nec statim post ipsum sedit Casarius, sed Ravennius, et post Ravennium Eonius, et post eum Leontius, cui tandem est subrogatus Casarius. Scimus praeterea eundem creditum Salonium cum eo qui dictus reperitur depravate Salamoni episcopus Genuensis.

14. Qui item huic Synodo interfuisse Maximus reperitur, nequaquam hunc illum putamus Regiensem in eadem Gallia Narbonensi episcopum, de ejus ordinatione extat ejusdem Eucherii, quem dicunt Eusebium, homilia ²: nam sedisse illum post Prosperum suo loco dicemus; hic autem ejus Ecclesie episcopus fuerit haud exploratum habemus. Scimus tamen alium Maximum episcopum Taurinensem celeberrimi nominis doctrina, et sanctitate antistitem his quidem vixisse temporibus: id enim inde liquido colligere possumus, quod idem reperitur praesto fuisse Mediolanensi Concilio sub S. Leone Romano Pontifice celebrato, de quo suo loco dicendum. Quod autem hic fortasse Maximus ille Taurinensis antistes fuerit, deduci argumentum potest ex conjectura; cum inter decreta Patrum hujus Concilii, vicesimo quarto canone, iidem se velle sequi profiterentur, quod statutum fuisset in Concilio Taurinensi, cujus Ecclesie Maximus erat episcopus. Ejus quidem Ecclesie episcopus convenire consuevisse cum episcopis Galliae Narbonensis, et Lugdu-

nensis, Epistolae etiam S. Gregorii papae significant ¹: parociamque Taurinensis Ecclesie intra limites Francorum regni propagasse terminos, ejusdem Gregorii papae litterae ² datae ad Theodoricum, et Theodobertum Francorum reges ostendunt. Claruit hoc etiam saeculo alius in Gallia Maximus episcopus Tolosanus, de quo inferius dicturi sumus.

15. Est celebris etiam memoria inter alios Patres, qui huic Concilio interfuisse, Constantini episcopi Vapientensis Ecclesie, consignata tabulis Ecclesiasticis: quod enim sanctitate claruerit, ejus natalis dies in Ecclesia Catholica annualiter reperitur pridie id. Aprilis; quem et alii Gallicano Concilio interfuisse scimus ex Synodali Epistola ad S. Leonem Romanum Pontificem scripta. Augustalis quoque episcopi, qui iidem diebus Synodo subscriptus habetur, quinto id. Septembr. memoria in Ecclesia colitur. Tot igitur clarissimi antistes Synodum Arausicanam, licet paucorum episcoporum numero congregatam, reddiderit in omnibus celeberrimam et illustrem. Porro ut tot insignes doctrina et sanctitate viri in eisdem provinciis invenirentur, id praestitisse videtur celeberrimum Lerinensis insulae proxime adjacentis terrae cenobium, sanctissimorum episcoporum seminarium: de ipsa enim sanctis germinibus fertili Sidonius Apollinaris in carmine Eucharistico ad Faustum episcopum Regiensem his meminit versibus ³:

Fratribus insinuans, quantos illa insula plana
Miserit in caelum montes: quae sancta Caprasii
Vita senis, juvenisque Lupi: qua gratia patrem
Mansit Honoratum: fuerit quis Maximus ille,
Urbum tu cujus monachus, antistes et abbas
Bis successor agis. Calebrans quoque laudibus illis
Eucherii venientis, iter redeuntis Hilarii.

De eisdem meminerunt S. Eucherius ⁴, et Casarius ⁵ episcopus Arelatensis, cum ejusdem celebrat laudes cenobii Lerinensis. Porro non omnes constat enumerasse Sidonium, quem Salonium ejusdem insulae (ut modo vidimus) a puero aecolam sancti Honorati abbatis alumnum praetermississe liquet: verum et certum est praeteriisse Vincentium virum doctissimum cognomine Lerinensem, cujus alii meminerunt.

16. Sed accipe ex S. Eucherii libro de Eremi laude fragmentum, ubi agens de viris sanctissimis ejusdem Lerinensis insulae habitatoribus, haec inter alia, postquam est prosecutus inenitae laudes, ad finem habet: « Digna quae Honorato auctore fundata sit, quae tantis institutis tantum nacta sit patrem, Apostolici spiritus vigore, et vultus honore radiantem: digna quae illum suscipiens ita emitteret: digna quae praestantissimos alat monachos, et ambiendos praeferat sacerdotes. Haec nunc successorem ejus tenet Maximum, nomine clarum, quia post ipsum meruit adsciri: haec habuit reverendi

¹ Sidon. l. VII. ep. XVI. vet. edit. — ² Euseb. Emis. hom. de Maxim.

³ Greg. l. VII. ep. CXX. — ⁴ Greg. l. V. ep. CLII. — ⁵ Sidon. carm. XVI. — ⁶ Euch. li. de laude crem. — ⁷ Caesar. ser. ad monach.

nominis Lupum, qui nobis illum ex tribu Benjamin lupum retulit : hæc habuit germanum ejus Vincen-
tium, interno gemmæ splendore perspicuum : hæc
nunc possidet venerabilem gravitate Caprasium ve-
teribus sanctis patrem : hæc nunc habet sanctos
senes illos, qui divisis cellulis Ægyptios Patres Gal-
liis nostris intulerunt ». Illec ex Eucherii commen-
tariolo de laude eremi ad Hilarium scripto, haud
pridem Parisiis, cuso solertia doctissimi Genebrardi.
At de clarissimis viris, qui his temporibus in Narbo-
nensi Gallia floruerunt, et huic Concilio interfue-
runt, deque magistris et alumnis Lerinensium mo-
nachorum hæcenus.

17. *Acta hujus Synodi, et cætera hujus anni.*
— Actum autem in hoc Concilio a Patribus constat
de recipiendis diversi generis penitentibus, sed et
præscriptam formam excommunicandi aliquem et
reconciliandi excommunicatum habet appendix :
complura vero alia in hac Synodo reperiuntur esse
statuta ad conservandam inviolatam Ecclesiasticam
disciplinam. Illud vero ad postremum adjecere Pa-
tres, ut nullus conventus sine alterius futuri con-
ventus denuntiatione solvatur : nam ita perorantes,
Synodum absolvere : « Itaque sequenti anno (si
Domino nostro Jesu Christo permittente conceditur)

die decimo quinto kalend. Novemb. in Arausico
territorio conventum habeamus ». Ilæc Patres :
non extat illud quidem ; quod vero reperitur poste-
rius Arausicam Concilium, haud sequenti anno,
sed longe postea collectum fuit, ut suo loco di-
cemus.

18. Quod reliquum est rerum gestarum anni
hujus : sub eodem Cyri consulatu hæc habet in
Chronico S. Prosper : « Theodosius imperator bel-
lum contra Wandalos movet. Areobindo et Anaxillo
atque Germano ducibus cum magna classe dire-
ctis : qui longis emutationibus negotium diferentes,
Siciliæ magis oneri, quam Africæ præsidio fue-
runt ». Ilæc Prosper. His igitur magis magisque
barbari regis animus irritatus, in Catholicos Chri-
stianos, quos subegerat, commotus est : ex qua
quidem et quæ reliqua erant in Africa sub ditione
Valentiniani imperatoris, gravius fluctuare cæpe-
runt : quamobrem ab eo et Galla Placidia matre
illud initum consilium est, ut cum Genserico pacem
componerent, sic consultum putantes tum Ca-
tholicæ pietati, tum etiam locis hæcenus Romano
imperio custoditis. Porro pax inita est anno se-
quenti ; dicemus de ipsa suo loco.

Anno periodi Græco-Romanæ 5934. — Olymp. 305. — Jesu Christi 441. — Leonis papæ 2. — Theodosii Jun. 40. et 34. Valentiniani III. 17.

1. *Vicemalia Valentiniani.* — *Cyrus* absque
collega in Oriente consul processit, ut docent
omnes Fasti. De eo plura habet Baronius num. 4
et 2. Vicemalia imperii Caesaris Valentiniani in hunc
annum incidunt, quorum indicium anno CDXLV
num. 22 exhibebimus.

2. *Concilium Arausicanum I.* — A num. 3 ad
18. Concilium *Arausicanum I* accurate a Baronio
consignatum : hic enim ejus titulus in veteribus
Mss. « Constitutiones sanctæ Synodi habitæ in terri-
torio Arausico, sub die vi idus Novembres, Cyro
consule, in Ecclesia Justinianensi », nisi quod in
paucis legitur *Justinianensi*. Triginta canones in eo
editi sunt a septemdecim episcopis qui ei inter-
fuerunt.

3. *Non fuit generale.* — Cum vero *Hilarius*
Arelatensis, *Eucherius* Lugdunensis, et *Ingenus*
Ebrodunensis episcopi huic Synodo subscriperint,
Baluzius V. C. in Supplemento ad lib. 5 Marce de
Concordia cap. 31 arbitratur, illam fuisse genera-

lem. « Nescimus enim, inquit, quarum Ecclesia-
rum episcopi fuerint plerique, qui in hoc Conci-
lio adfuisse dicuntur in subscriptionibus. Præterea
constat ex canone XIX multos episcopos ad eam Sy-
nodum non accessisse, legitime, ut videtur, impe-
ditos, *qui consensus dederunt*, plerisque etiam de-
fuisse per contumaciam, qui castigantur in hoc Ca-
none, utrorumque autem admonendorum, ut ad
sequentem futuram Synodum veniant, sollicitudo
relinquitur *Hilario* ; in quo auctoritatem quamdam
extraordinariam in *Hilario* agnovisse Synodum
Arausicanam apparet : *reliquos, qui defuerunt*, in-
quirit episcopi, *beatissimi* fratris nostri Hilarii sol-
licitudini relinquimus, datis ad ipsos horum exem-
plaribus commoneos. Unde colligi potest genera-
lem fuisse Synodum, quæ cura et auctoritate coacta
fuerit Hilarii episcopi Arelatensis. Adde quod can-
on XXI generalis est, non unius tantum provincie
causa conditus, sed plurimum, cum ita dicat : *In
nostris provinciis placuit de presumptioribus ut*

scibi contigerit duos episcopos episcopatum inuitum facere, auctoribus damnatis, unius eorum Ecclesie ipse qui vim passus est, substituitur, si tamen vita respondet ». Ita vir doctissimus. Verum cum in canone XXI dicatur, *in nostris provinciis placuit, etc.* et in canone XXIX *quibus his in unum, quod nobis pro temporum qualitate difficile est, sanctum est conveniri, et statim indicitur alia Synodus Luciano in Arousico territorio celebranda, hae Synodus trium tantum provinciarum memoratarum fuisse videtur. Episcopum Viennensem, qui hoc tempore de primatu cum Arelatensi contendebat, unum fuisse ex illis, qui Synodo interesse noluerit, primum est suspicari.*

4. *S. Eucherius monasticam vitam duxit in insula Lerina et in insula Lerouis.* — Sanctus Eucherius Lugdunensis episcopus inter alia egregia ingenii sui monumenta, varios reliquit sermones, ex quibus plerique librorum errore aliis descripti sunt, praesertimque Eusebio Emese episcopo in Syria, sive Phoenicia, Arianae signifero factionis, qui vixit tempore Constantii imp. Is quidem, teste Hieronymo tam in Chronico, quam in lib. de Script. Ecclesiae, plures homilias in Evangelia scripsit, sed eae ad nos non pervenerunt. Unde recte Baronius num. 8 monet eos sermones Eucherio restitutos esse. Tum num. 12 ait, cum in Lerinensem insulam se contulisset, illicque et in alia proxima insula monasticam vitam exercuisse. Theophilus quidem Raynaudus in Iudiculis sanctorum Lugdunensium negat Eucherium monachum Lerinensem fuisse; sed sine dubio fallitur, Eucherium enim anno cxxxviii in proxima insula, alias Leroneae, nunc insula *sanctae Margaritae* appellata habitasse, ex Epistola eiusdem in laudem eremi eo anno elucubrata manifestum fit; et confirmat sanctus Hilarius Arelatensis episcopus in Oratione de sancto Honorato cap. 22 scribens: « Beatus Eucherius cum ab eremo (id est, Lerinae insula) in tabulis, ut assolet, cera illitis in proxima ab ipso degens insula, litteras ejus suscepisset ». Initio tamen cum monasticum institutum amplexus est, in Lerinam venit, et quia non cenobitum, sed anachoretam agere volebat, ut docet Cassianus in praefat. Collat. II, Leronem se contulit, indeque in Epistola de laude eremi ait: « Equidem cunctis eremi locis, quae priorum illuminantur secessu, reverentiam debeo, praecipue tamen Lerinam meam honore complector, quae procellosi naufragii mundi effusus piissimis ulnis receperat venientes ». Ex quibus intelligitur, carmen illud Sidorii in Eucharistico, ubi celebrans Lerinae monachos ait:

Eucheri venientis iter, redeuntis Hilari.

carmen, inquam, illud significare, Hilarium relicto Honorato, quem episcopatum adeptum Arelatam prosecutus fuerat, suam Lerinam repetiisse; Eucherium vero initio quidem in Lerinam venisse, a qua postea in proximam insulam secessit, ut optime

haec explicavit Eminen. card. Norisius lib. 2 Hist. Pelag. cap. 13.

5. *S. Eucherius in duos ejusdem nominis male divisus.* — Non tamen bene ibidem Cardinalis doctissimus existimat, duos Eucherios episcopos Lugdunenses in unum male confusse Baronium in Notis ad Martyrologium ad diem XVI Novemb. et hunc recte postea errorem illum correxisse in Appendice, quae in fine lomi X Annual. legitur, et in editione Coloniensi ad annum DXXIX. Contra enim quod accurate scripserat Baronius, male postea retractavit, operamque et oleum perdidit Theophilus Raynaudus loco laudato, ubi contendit duos Eucherios Lugdunenses episcopos distinguendos esse, quamvis Usuardus et Ado unum tantum agnovissent. Id enim nunc certum esse videtur.

6. *SS. Eucherius et Paulini amicitia conjuncti.* — Chiffletius part. I Paulini Illustrati cap. 15 et seqq. pluribus agit de sancto Eucherio et Galla ejus uxore, refertque Epistolam ante ineditam, quam Paulinus jam episcopus Nolensis ad utrumque scripsit, quae nos edocet Paulinum et Eucherium singulari amicitia conjunctos fuisse, quam fovebat et generis aequalitas et studiorum ac propositi similitudo. Erant enim ambo senatorii et consulares viri, et sicut ille cum Terasia, sic iste cum Galla conjugis, saeculi vanitate abdicata, vitam in terris angelicam agebant in Lerone insula, hodie *sanctae Margaritae* appellata, ut ex ea Paulini Epistola intelligitur. Tunc Salomius et Veranus Eucherii et Galle filii apud Lerinum erant in sancti Honorati disciplina, et Consortia ac Tullia Eucherii et Galle filiae sub utriusque manu in Lerone educabantur. Harum mentio in Actis Eucherii et in Adonis Martyrologio ad diem XVI Novemb. et ipsemet Eucherius utriusque filii in operibus suis mentionem facit. Latebat Eucherius in quadam specu in partibus Provinciae, cum ad episcopatum Lugdunensem, revelante Deo, vocatus est, ut asserit Florus Lugdunensis in Collectaneis de electione episcoporum. Varia collegit Chiffletius de hac sancta familia, ac eos refellit, qui Eucherium juniorem in episcoporum Lugdunensium seriem inserendum voluerit; sed haec apud eum legenda.

7. *Refellit sententia de duobus Eucheris episc. Lugdun.* — Hic porro mirari libet, quo fato recens illa et prioribus saeculis inaudita assertio doctos plerosque subito abreperit, nec eorum quiscquam Acta Vitae sancti Caesarii, et Historiam conversionis sancti Eucherii perlegens subodoratus sit quid in his sincerum, quid spurium esset, et quam parum haec ad novum Eucherium excogitandum conferrent. Rem quidem rimatus est Chiffletius citatus circa quod attinet ad Acta Vitae sancti Caesarii, quae sanctum Eucherium episcopum Lugdunensem perhibent, comitem ejusdem peregrinationis sancti Caesarii; nam ex Sirmondi fide admonet quaedam esse exemplaria Vitae hujus sancti, in quibus Eucherius ille minime asseritur Lugdunensis: at tibi laterent illi codices, e quibus summa rei pendebat,

non mandavit litteris. Operosius et feliciori eventu id aggressus est vir pereruditus Josephus Antelmus canonicus Foro-Julienis, qui dum Dissertationem de unico Eucherio sicut et alia quæ Historiam Ecclesiasticam illustrassent, moliebatur, obiit. Sed illa absolvere curavit Vir Cl. Carolus ejus frater canonicus talem Foro-Julienis; is enim propediem editurus est *Assertionem pro unico Eucherio Lugdunensi episcopo*, e qua selectiora quædam deprompsi, quibus Ecclesiæ Lugdunensi unicus Eucherius vindicatur.

8. *Primum ejus fundamentum evertitur.* — Primo, quatuor codices Mss. quorum alter litteris Saxonice exaratus, et e scribis Ecclesiæ Arelatensis ad Bibliothecam Colbertinam delatus est, continet Acta Vite sancti Casarii, in quibus habetur quidem sermo de sancto Eucherio episcopo, sed nulla facta mentione sedis Lugdunensis. En igitur adminiculum quod ex iis Actis emendicatur pro duobus Eucheris valde minutum. Quibus si addideris quam incondita est illa narratio, quantum a sanctorum præsulum gravitate aliena, per hæc Acta non stabit quominus unicus Eucherius Lugdunensis statuatur.

9. *Secundum.* — Secundo, quæ Eucherii conversionis tam commendabatur historia magnis laborat erroribus et metachronismis circa ea, quæ juniorem Eucherium respiciant. Enimvero juxta rectas Chronologiæ leges, ut notarunt Historici Lugdunenses, Eucherius de quo est controversia, non potest in sede Lugdunensi collocari nisi post Viventium, qui concilio Epæonensi anno xxvii subscripsit. Fingatur igitur anno dxxvii vel dxxx Eucherium factum esse episcopum (nam si serius id protraheretur, jam cum Actis Vite sancti Casarii pugnaret conversionis Historia) certe ante aliquot e sæculo secesserat, et non multos ab hoc secessu dies, *Consortia* ejus filia natu major matrimonio erat matura; nam *habebat ætatem*, verba sunt auctoris, *et ejus voluntati nuptias permisit pater*. Ex quo habemus Consortiam anno sequentis sæculi xviii vel xx annos illidem xviii vel xx natam esse. Verum hoc quod extra dubium est posito, quo pacto post mortem Clotarii Galliæ regis, quæ cadit ad annum sequentis sæculi lxi, Hecca, ut refert hæc historia, capi pulchritudine Consortiæ et eam in conjugem expetere potuit, quæ jam ad minimum erat sexagenaria?

10. *Tertium.* — Hæc et alia quæ passim observat Carolus Antelmus evertere nobis videntur monumenta quibus duo supponuntur Eucherii et illius Historiæ fides commendatur. Quo pacto jam nihil ex subscriptionibus Conciliorum erui potest ad juniorem Eucherium sæculo vi in Fastis Lugdunensibus reponendum. Ille enim subscriptiones *Eucherium* quidem episcopum indicant, sed cui sedi præfuerit non designant. Verisimile est illum Eucherium non fuisse episcopum in alia provincia quam in Arelatensi. Tantum abest ut Ecclesiam rexerit civitatis Lugdunensis, quæ ea ipsa tempestate, qua in ditioribus Ostrogothorum illa Concilia habita

sunt, a Burgundis occupabatur, inter quos et Ostrogothos quæ tunc temporis inerant bella sine dubio prohibuissent episcopum Lugdunensem ad ditiores hostiles, qualibet dala causa, accedere. Quæ accuratius expenduntur in præfato Opere, in quo etiam non pauca reconduntur, quæ magni et unici Eucherii, nec non est SS. Verani et Salonii filiorum ejus, et Consortiæ filie Actis lucem magnam affere poterunt. Sed redeo ad Concilium Arausicanum.

11. *Huic Concilio interfuit S. Maximus episc. Regiensis, sed non S. Constantinus episc. Vapincensis.* — Huic etiam Concilio interfuere *Maximus* et *Constantinus*, quos Baronius num. 14 et seq. existimat esse sanctum *Maximum* Taurinensem et sanctum *Constantinum* Vapincensem antistes. Verum *Maximus* ille alius non est, quam sanctus *Maximus* ex abbate monasterii Lerinensis anno cxxxiii, episcopus Regiensis in Gallo-Provincia renuntiatus, ut supra demonstravimus. Sed quia Baronius arbitratus est sanctum *Prosperum* Aquitanum per hæc tempora Ecclesiam Regiensem administrasse, eique *Maximum* ante annum cdxlvii non successisse, in eam opinionem delapsus est; cum tamen nunquam *Prosper* Regiensis episcopus fuerit, annoque cdxlvi *Faustus* libris suis notissimus sedem illam occupavit, ut ex dicendis constabit. Quod sanctum *Constantinum* seu *Constantium* episcopum Vapincensem, is sub regibus Burgundionum subscripsit Concilio Epæonensi anno dxxvii, celebrato his verbis: « Constantius in Christi nomine episcopus civitatis Vapincensis ». Quare *Constantinus*, qui Concilio Arausicano hoc anno interfuit, incerte sedis episcopus fuit idemque ac ille, qui in Concilio Gallicano subscripsit Epistolæ Synodali ad sanctum Leonem Romanum Pontificem scriptæ. *Constantinus* igitur, qui in Tabulis Ecclesiasticis et Vapinci colitur die xii Aprilis, diversus est a *Constantino* ex episcopis Synodi Arausicanæ primæ uno. De *S. Constantino* mentio in variis Martyrologiis ad diem xii Aprilis.

12. *Christiani in Africa crudeliter habiti.* — Ad num. 18. Sanctus Isidorus in Historia Wandalarum de Gensericò Wandalarum rege scribit: « Siciliam deprædatus Panormum obsedit, Arianam pestilentiam per totam Africam intromittit, sacerdotes Ecclesiæ pellit, martyres plurimos efficit, et juxta Prophetiam Danielis demutatis Mysteriis sanctorum, Ecclesias Christi hostibus tradidit. Nec jam divini cultus loca, sed suorum esse habitacula jussit. Adversus quem Theodosius minor Orientis imperator bellum paravit, quod ad effectum non venit. Humis enim Thracias Illyricumque vastantibus, exercitus ad Vandalos missus, ad defendendos Thracas Illyricanos que a Sicilia revocatur ». De quo bello loquitur Prosper sub hujus anni consulibus, ejusque verba Baronius recitat.

13. *Moritur Hermericus rex Suevorum.* — Idacius in Chronico anno Abrahami mxcclvii, qui kal. Octobris superioris Christi anni iuvoatur, scri-

bit : « Rex Suevorum diuturno per annos septem morbo afflicto moritur Hermericus, Rex Rechila Hispania obtenta, Bæticam et Carthaginensem provincias in suam redigit potestatem. Asturius dux utriusque militiae ad Hispanias missus Tarraconensium cædit multitudinem Bacaudarum ». Hermericus rex cum Alanis, Vandalis, et Suevis Hispanias

ingressus est anno Christi cxxvii, et postquam Vandalis in Africam transire, soli *Suevi* in Gallæcia remansere. In ea regnavit annis triginta duobus, ut habet Isidorus in Historia Suevorum, qui et scribit, cum morbo oppressum filium *Reccimem* in regnum substituisse, quod et Idacius etiam habet.

LEONIS ANNUS 3. — CHRISTI 442.

4. *Gensericus in Catholicos Africæ grassatur.* — Consulibus novis Dioscuro et Eudoxio novus aperitur annus Domini quadringentesimus quadragessimus secundus, « quo (inquit S. Prosper ¹) cum Genserico Wandalarum in Africa rege pax est confirmata, et certis spatiis Africa inter utrumque divisa » : unde et factum est postea, ut Carthagine commorantibus Catholicis Christianis, impetraverit idem Valentinianus Augustus a Genserico episcopum ordinari : quando id acciderit suo loco dicendum. Quæ autem hoc anno idem rex barbarus a suis sit passus, et quid ipse in eos, idem S. Prosper sic narrat : « In Genserico apud suos de successu rerum superbientem quidam optimates ipsius conspiraverunt, sed molitione detecta, multi ab eo supplicio excruciali atque extincti sunt. Cumque idem audendum aliis etiam videretur, multis regis suspicio exitio fuit, ut hæc sui cura plus virium perderet, quam si bello superaretur ». Hæc Prosper. Peropportunum quidem videri poterat hoc tempus Orientalibus invadendi Africam ; quod alias sæpe (ut vidimus) frustra tentarant, et ut id hoc ipso anno agerent, in Sicilia moras trahebat Romanus exercitus : sed hanc adeo opportunam ira Dei præripuit occasionem : siquidem (ut idem Prosper et Marcellinus sub consulibus anni hujus affirmant) Hunnis Thraciam et Illyricum sæva depopulatione vastantibus, exercitus qui in Sicilia morabatur, ad defensionem revocatur Orientalis imperii. Sed quid de his Joannes diaconus, quem Paulum inscribit, accipe ² : « Per hæc enim tempora Attila rex Hunnorum, vir fortis atque superbus, dum cum fratre suo Bleba super Ilunos principaretur, Thracias et

Illyricum sæva depopulatione vastabat, omnia castralla et civitates in servitutem redigens, præter Hadrianopolim, et Heracleam, quæ quondam Perinthus vocabatur. Tunc exercitus Romanorum, qui in Sicilia morabatur, ad defensionem Orientalium provinciarum revertitur. Cogitur ergo Theodosius legationem Attilæ mittere, et sex millia librarum auri pro recessu præbens, mille librarum annuum tributum persolvere pollicetur. Sed his ferme diebus tam terribili terremoto Roma concussa est, ut plurimæ ædes ejus, et ædificia corruerent ». Hæc ipse : quæ autem subdit de Britannis, suo loco dicemus.

2. Interea vero Gensericus (quod tyrannorum est timere omnes) cardes exercebat in eos, quos vel levis suspicio vana cogitatione superinducta deferret. In Christianos autem, quos sciret penitus exarmatos et quicquam in regem molituros esse nec quidem vel fingi poterat, agere pœna exilii et deportationis contentus fuit, si quid quemquam in eum quoquo modo oblocutum scisset. Nam audi Victorum ¹ scriptis suis persecutionem Wandalicam prosequentem : « Si forte (inquit) quispiam, ut moris est, episcoporum, dum Dei populum admoneat, Pharaonem, Nabuchodonosorem, Holofernem, aut aliquem alium similem nominasset : objicerentur illi, quod in personam regis illa dixisset et statim exilio trudebatur. Hoc enim persecutionis genus agebat hic aperte, alibi occulte, ut piorum nomen talibus insidiis interiret : qua de re plurimos sacerdotum tunc novimus relegatos, sicut Urbanum Girbensem, Crescentem metropolitanum Azuritanae (Aquilanae) civitatis, qui centum viginti episcopis

¹ Prosp. in Chron. — ² Paul. Diac. l. xiv. prope fin.

¹ Victor. de persec. Wandal. l. 1.

praest, Habeldenm Theudalensem, Eustrathium Suffectanum, et Tripolitanos duos, Vicesabratenum, et Cresconium Ensem, et Adrumetinae civitatis Felicem episcopum, ob hoc quod suscepisset quemdam Joannem monachum transmarinum, sed et alios multos, quos longum est enarrare. Quibus tamen in exilio positis, dum obitus advenisset, non licebat alios eorum civitatibus ordinari. Inter haec tamen Dei populus (licet sine episcopis esset) in fide consistens, ut examen apum cereas aedificans mansiones crescendo, melleis fidei calculis firmabatur; ut impleretur illa sententia¹: Quanto eos affligebant, tanto magis multiplicabantur, et invalescebant nimis». Illeusque Victor: reliqua vero suis erunt reddenda locis.

3. *Concilium Vasense in Gallia Narbonensi.*— Sub eodem Dioscori consulatu celebrata habetur Vasense in Gallia Narbonensi Synodus provincialis secunda, quam alii a Vasione Vasionensem appellandam putant: non autem Vasatensis dicenda est a Vasatis (quod corrigendum perperam dictum proponimus) nam sunt Vasates populi prope Burdegalam: verum qui huic Synodo interfuerunt episcopi, Arelatensis potius fuisse provinciae certum est; et

procul abhorret, ut ipsi Vasatis convenisse dicantur. Sed monemus accuratum lectorem, sub hujus anni Synodo Vasensi, seu potius Vasionensi, non minus Concilii canones contineri, sed triplicis: hujus videlicet conventus, qui celebratus ibi ponitur hoc anno sub consulatu Dioscori; rursum vero illius Synodi, quae notata reperitur sub consulatu Decii junioris, anno Domini quadringentesimo sexagesimo tertio, quae ordine tertia ponenda est; secunda vero, de qua agitur, sub consulatu Dioscori. Prima autem Vasensis est illa, Constantio imperante, celebrata sub Nectario Viennensi episcopo, cum Ariana haeresis invalesceret; quod constat Adone¹ auctore, nosque suo loco de ipsa superius egimus: ejus illa certa sunt capita huic intertextae, nempe quartus canon de canendo Trisagio, et quintus de hymno *Gloria Patri*, etc. in omnibus clausulis adjungendo: haec quidem tunc statuta sunt contra doctrinam Arii, factumque ut occiderentur in omnibus divinis mysteriis laudes sanctissimae Trinitatis. Secundum autem Concilium Vasense, de quo est sermo, nihil praeter notam consulatus habet certi; quod confusi simul sint canones eorundem trium Conciliorum. At de his satis.

¹ Exod. 1.¹ Ado in Chron. an. D. 337.

Anno periodi Graeco-Romanae 5935. — Jesu Christi 442. — Leonis papae 3. — Theodosii Jun. 41. et 35. Valentiniani III. 48.

1. *Consules.* — Coss. *Eudoxius et Dioscorus*: *Eudoxius* praefecturae praetorii gessit sub Theodosio jun. anno cxxxvii, ut liquet ex lege unica Cod. Justin. *nemini licere signum Salvatoris*, et ex lege 2 de *Cypressis ex loco Daphnensi*, ideoque consul Orientalis fuit. *Dioscorus* in Occidente creatus, ut colligitur ex Epitaphio quod Romae legitur, et refertur a Reinesio in Syntagm. Inscript. pag. 985. Ibi enim *Dioscorus* sine collega consul memoratur. In Occidente autem non consule Orientali sed Occidentali monumenta publica consignabantur, et vice versa.

2. *Hunni in ditiones Romanorum irrupunt.* — Ad num. 1 et seq. Hunnis Thracias et Illyricum vastantibus Valentinianus Augustus cum Genserico pacem confirmavit, ut refert Baronius ex Prospero sub hujus anni consulibus. Addit Prosperus *Africanam* inter utrumque divisam fuisse. Byzacenam, Tripolitanam, et Zeugitanam. Proconsularem appellatam, *Vandalis* dimisit Valentinianus, sibi que reti-

nuit Mauritaniam utramque, sc. Caesariensem et Sitifensem, Numidiam, et veteris Mauritaniae partem, postea Tingitanam appellatam, quae ad Hispaniarum diocesim pertinebat, *ceteras provincias licet exterminatas Valentiniano adhuc defendente*, inquit Victor Vitensis lib. 1, cap. 4. Interim Hunnos in ditiones imperii Romani anno superiori irrupisse testatur his verbis Marcellinus ad consulatum Cyri eo anno gestum: « Persae, Saraceni, Zanni, Isauri, Hunni, finibus suis egressi Romanorum sola vastarunt. Missi sunt contra hos Anatolius et Aspar magistri militiae pacemque cum eis unius anni fecerunt. Joannes natione Vandalus magister militiae Arnegiseli fraude in Thracia interceptus est. Hunnorum reges numerosi suorum cum millibus in Illyricum irruerunt; Naissum, Singidunum, aliasque civitates, oppidaque Illyrici plurima exiderunt ». Hunnorum reges erant *Attila et Bleda* frater ejus, et Theodosius coactus fuit legationem ad Attilam mittere, ut refert Baronius ex auctore Miscellae lib. 14.

3. *Origo belli Hunnici.* — Priscus Rhetor in Excerptis de legationibus, ipso Operis initio, bellum istud inter *Hunos* seu *Attilam* et Romanos gestum pacemque insecutam prosecutus est, qui cum legatus post aliquot annos ad Hunnos a Theodosio missus fuerit, ut testatur Jordanes lib. de Reb. Get. cap. 34, et ipsemet Priscus prodit, ejusque Excerpta post Baronii mortem prælo commissa fuerint, juvat hic bellorum Romanos inter et Barbaros illos gestorum occasionem ex eodem Prisco referre: « Scythæ, inquit, quo tempore mercatus Scytharum et Romanorum frequenti multitudine celebrabatur, Romanos cum exercitu sunt adoriti et multos occiderunt. Romani ad Scythas miserunt, qui de præsidii expugnatione et fœderum contemptu cum eis expostularent. Hi vero se non ultro bellum inferentes, sed factas injurias ulciscenles, hæc fecisse responderunt. Margi enim episcopum (erat Margum urbs episcopalis Mæsie primæ seu superioris, ad Iuvii cognominis confluentes in Danubium sita, ut ex Itinerariis et Notitia imperii apparet) in suos fines transgressum, regum suorum loculos et reconditos thesauros indagatum epilaxisse. Hunc nisi dederent, una cum transfugis, ut fœderibus convenerat (esse enim apud eos plures) bellum illaturus. Quæ cum Romani vera esse negarent, Barbari vero in eorum, quæ dicebant, fide perstarent, judicium quidem de his, quæ in contentione posita erant, subire minime voluerunt, sed ad bellum conversi sunt. Itaque transmissis Istro, oppidis et castellis ad ripam sitis plurima damna intulerunt, et inter cætera Viminacium, quæ Mysorum urbs est in Illyrico, cepērunt, etc. »

4. *Pax Hunnos inter et Romanos sancita.* — Paulo infra: « Post Chersonensem pugnam Romani cum Hunnis pacem per Anatinolum legatum fecerunt, et in hæc conditiones convenerunt. Profugos Hunnis reddi, sex mille auri libras pro præteritis stipendiis solvi. Duo mille et centum imposterum singulis annis tributum nomine pendii. Pro unoquoque captivo Romano, qui in Romanorum fines non soluto redemptionis prælio evasisset, duodecim aureorum mulctam inferri. Quæ si non solveretur, qui captivum recepisset, restituere teneri. Romanos neminem ex Barbaris ad se confugientem admittere. In hæc quidem fœderum leges Romani sponte concessisse videri volebant, sed certe, necessitate coacti. Superante enim metu, qui Romanorum ducem mentes occupaverat, quantumvis duras et iniquas conditiones sibi impositas (quo pacis consequendæ studio tenebantur) libentibus animis susceperunt. Imo et tributum collationi cesserunt, quod illis fuit gravissimum et maxime molestum: regi enim thesauri et privatorum facultates, in absurda spectacula, in vanos honorum ambitus et titulos, in delicias et voluptates consumptæ fuerant, iam profluis sumptibus, ut eos nemo sanæ mentis, vel in maxime affluentibus divitiarum copiis sustineret aut toleraret.

5. *Imperium Romanum prostratum.* — « Præ-

terea armorum et rei militaris studium neglexerant, ut non solum Scythis, sed et reliquis Barbaris, qui proximas imperii Romani regiones incolebant, quoad tributorum pensationem parerent. Itaque tributa et pecunias, quas ad Hunnos deferri oportebat, quibus exactio mandata erat, omnes conferre coegerunt: nulla etiam eo imunitatis habita ratione, qui terræ onere, tanquam nimis gravi ad tempus, sive imperatorum benignitate, seu judicium sententia levati erant. Conferebant etiam aurum indictum in altius repelita temporum memoria, qui in senatum adscripti fuerant, ultra quam facultates ferre poterant, et multis splendida, et illustris fortuna vite commutationem attulit: conficiebantur enim illæ pecunie, cum acerbitate et contumelia, pro arbitrio et ut scripto unumquemque adnotaverant quibus hujus rei cura ab imperatore erat demandata. Ex quo, qui antiquas et a majoribus acceptas divitias possidebant, mundum uxorum, et pretiosam suam suppellectilem, in foro palam et publice venum exponabant. Ab hoc bello tam atrox et acerba calamitas Romanos excepit, ut multi sibi violentas manus attulerint, aut aptato collo laqueo vitam finierint ». Priscus loquitur de aliquo prælio ad Chersonesum Thracicam anno superiori habito. Ea autem est juxta Hellespontum, ubi nunc una ex arcibus vulgo *Dardanelis* appellatis posita, *Sestoque* dicta. Hanc Chersonesum egregie describit Agathias lib. 5, cap. 55. Quæ mala postea *Attila* Romanis intulerit, suis locis exponemus.

6. *Concilium Vasionense I.* — Ad num. 3. Concilium *Vasense* primum, *Dioscoro* consule, hoc anno celebratum, ut recte apud Baronium, qui tamen perperam illud *secundum Vasense* appellat, cum *primum* fuerit, et ut notat Sirmondus in Notis ad illud, duo Concilia Vasionensia, nec plura in omnibus antiquis exemplaribus legantur suis apte distincta canonibus. Hoc primum sub Leone papa, et secundum post annos fere xc sub Felice IV; neque in his ulla, quod putavit Baronius, est confusio. Sed, ut tertium his antiquius Vasense Concilium fingeretur, impulit falsa opinio, qua Concilium Arelatense II, in quo Synodi Vasensis mentio, multo ante hæc tempora celebratum credebatur; cum ex Vasensis contra Synodi mentione posteriore illa fuisse Arelatensem conjici debuerit. In hoc Concilio decem Canones editi.

7. *Domnus Theodorum defendit.* — In malum locum res Ecclesiæ hoc tempore deductæ erant. Domnus qui hoc vel superiori anno *Joanni* episcopo Antiocheno successerat, ejus exemplo *Theodorum* quondam Mopsuestiæ episcopum, quem plerique hæreticum fuisse existimabant, defendebat. Hinc Facundus lib. 42, cap. 4, scribit: « Accedat etiam venerabilis Domnus Antiochenus, qui sui decessoris Joannis aliorumque præcedentium collegarum sententiam tenens, Eutychi Apollinaris hæresiarchæ impietatem renovare tentanti, et ob hoc Diodorum alque Theodorum anathematizare præsumenti, primum restitit ad imperatorem Theodosium scribens ».

Idem Facundus lib. 2, cap. 5, exhibet fragmentum istius Epistolæ, et quidem Synodalis: « Vestram docere cogimur pietatem, quoniam Apollinaris hæresiarchæ impietatem Eutyches presbyter renovare perlentat, et Apostolicas labefactare doctrinas, mysterii incarnationis dogma corrumpens, et divinitatem Unigeniti, et humanitatem vocans unam naturam, commixtionemque et confusionem asserens factam, et salutarem passionem ipsi incommutabili deitati adnectens, et hos qui columnæ veritatis, et propugnatores pietatis fuerunt, et adversus omnem hæresim clare virtutem exercuerunt, Diodorum ac Theodorum anathematizare præsumit ». Ex quibus Lupus in Scholiis et Notis ad cap. 44 Synodici adversus Tragediam Irenæi deducit primo, Eutychem anathematizasse Diodorum ac Theodorum, *Domnum* autem defendisse; quia nempe, hic ex Antiochenæ, *Eutyches* ex decretis Constantinopolitanæ Ecclesiæ agebat. Secundo, *Domnum* secutum esse vestigia Joannis prædecessoris sui. Tertio, *Eutychem* ex nimio Diodori ac Theodori odio lapsum esse in blasphemam impietatem Apollinaris. Duodecimum sancti Cyrilli Capitulum habebat hanc propositionem: *Deus Verbum est passus*, et consonabat sancti Procli tomus, qui habet hunc articulum: *Unus ex sancta Trinitate est passus*. Verum adversus istos articulos acriter tunc insturgebant non solum Orientales episcopi, sed etiam Theodoretus et alii Orthodoxi; istos nihilominus articulos alii omnes constanter defenderunt: erant enim rectissimi, cum assererent, Deum Verbum non in sua deitate, sed in assumpta in propriam hypostasim carne fuisse passum. At vero Eutyches intellexit ac voluit

passum in ipsa divinitate, ideoque ab Ecclesia postea damnatus est. Hæc sunt prima exordia Eutychiæ blasphemæ, quibus *Domnus* patriarcha usus est ad Theodorum ac Diodorum defendendos, exclamans omnes eorum hostes esse Apollinaristas, et id clare patere in uno istorum hostium coryphæo Eutychete.

8. *Initium hæresis Eutychiæ*. — Hoc itaque vel superiori anno *Eutychiæ hæresis* orta; sanctus enim Anastasius Sinaita scribit: « Annis circiter post (Ephesinum sc. Concilium) decem, Eutyches quidam archimandrita Constantinopoli exortus, qui diceret totum Christum esse naturam unicam ». Lupus citatus suspicatur eodem tempore cepisse tumultum illum de quo Theodosius imp. in litteris, per quas *Dioscorum* Alexandria patriarcham evocavit ad secundum Ephesinum Concilium: « pervenit ad nostræ serenitatis auditum, quia multi reverendissimi Orientales archimandrite simul cum Catholicis populis adversus quosdam episcopos, Nestoriana impietate ægrotare dicuntur, in quibusdam Orientalium civitatibus constituti laborarent, et pro fide Catholica contenderent ». Asserebant archimandrite illi *Theodorum* eadem cum Nestorio docuisse ac ejus fuisse magistrum, ideoque Joannem Antiochenum aliosque Theodori defensores episcopos esse palam Nestorianos. Istorum archimandritarum coryphæus erat *Barsumas*, Eutychei amicissimus, ac eadem cum ipso sentiens. Urumque itaque *Domnus* ipso sui episcopatus exordio censuit compescendos, aliosque sibi rebelles per Orientem monachos. Quare Eutychem apud Theodosium de resuscitato Apollinari accusavit, ut infra videbimus.

LEONIS ANNUS 4. — CHRISTI 443.

1. *Leonis papæ studio Manichæi ubique detecti*. — Quadringentesimus quadragesimus tertius Christi annus, Maximo atque Paterno consulibus, publicis Fastis adnotatur: quo Romæ hæc a S. Leone papa acta esse, Prosper narrat in Chronico: « Hoc tempore plurimos Manichæos intra Urbem latere diligentia papæ Leonis innotuit: qui eos de secretis suis erutos, et oculis totius Ecclesiæ publicatos, omnes dogmatis sui turpitudinem et damnare fecit et prodere, incensis eorum codicibus, quorum magnæ moles fuerunt interceptæ. Quæ cura viro sancto di-

vinus (ut apparuit) inspirata, non solum Romanæ Urbi, sed etiam universo orbi plurimum profuit: siquidem confessionibus in Urbe captorum, qui doctores eorum, qui episcopi, quive presbyteri, in quibus provinciis, vel civitatibus degerent, patefactum est. Multaque Orientalium partium sacerdotes industriam rectoris imitati sunt ». Hæc Prosper: quæ quidem propagata esse in sequentem etiam annum et posteriores, date ab eodem S. Leone Epistola docent, de quibus dicemus inferius.

2. Quæ autem in his peragendis industria, et

diligentia Leonis papæ plurimum commendatur : enituit illa quidem cum in aliis inquirendi modis, tum etiam in admonendo frequenter pro concione populo, ut in Manichæis indagandis invigilaret; qui et ut eos magis execrabiles ipsis Romanis redderet, eorum errores publicis concionibus patefecit, et inter alia istis verbis ¹ : « Ut autem in omnibus, dilectissimi, placeat Domino vestra devotio : etiam ad hanc vos hortamur industriam, ut Manichæos ubique latentes vestris presbyteris publicetis. Magna est enim pietas proderet latebras impiorum, et ipsum in eis, cui serviunt, diabolum debellare. Contra istos enim, dilectissimi, omnem quidem orbem terrarum, et totam undique Ecclesiam decet fidei arma arripere. Sed vestra in hoc opere devotio debet excellere, qui in progenitoribus vestris Evangelium Crucis Christi ab ipso beatissimorum Apostolorum Petri et Pauli ore didicistis.

3. « Non sinantur latere homines, qui legem per Moysen datam, in qua Deus universorum conditor ostenditur, recipendam esse non credunt : Prophetis et sancto Spiritui contradicunt : Psalmos Davidicos, qui per universam Ecclesiam cum omni pietate cantantur damnabili impietate ausi sunt refutare : Christi Domini nativitatem secundum carnem negant : passionem et resurrectionem ejus simulatam fuisse dicunt et non veram : Baptismum regenerationis totius gratiæ virtute dispoliant : nihil est apud eos sanctum, nihil integrum, nihil verum. Cavendi sunt, ne cuiquam noceant ; prodendi sunt, ne in aliqua civitatis nostræ parte consistent. Vobis, dilectissimi, ante tribunal Domini proderit, quod indicimus, quod rogamus. Dignum est enim ut elemosynarum sacrificio et hujus operis palma jungatur ». Hæc ipse concionatus ad populum de Collectis agendis, pium honorificumque esse declarans, proderet deferreque latentes hæreticos ; dignumque Deo sacrificium pietatis esse hujusmodi Deo litare hostias. Quis enim æquo animo ferat, lutulentum aprum limpidissimos inquinare fontes, et abominationem stare in loco sancto? Merito igitur vigilantissimus Pontifex de his populum publice monuit.

4. Rursum vero quibus signis Romani cognoscere queant atque detegere Manichæos alia itidem concione declarat his verbis ² : « Nulla itaque vos contagionis hujus aspergat impietas, qui sua maxime observantia polluantur servientes creature potius quam creatori, et luminaribus cæli stultam abstinentiam devotes : quos nemo esse ambigat Manichæos, qui in honore solis ac Lunæ, die Dominica, et secunda feria deprehensi fuerint jejunare. Uno enim perversitatis suæ opere bis impii, bis profani sunt, qui jejunium suum, et ad siderum cultum, et ad resurrectionis Christi insultere contemptum ». Et paulo post : « Cumque ad legendam infidelitatem suam nostris audent interesse mysteriis, ita in sacramentorum communione se temperant : ut in-

terdum intus lateant, ore indigno Christi corpus accipiunt, sanguinem autem redemptionis nostræ haurire omnino declinant. Quod ideo vestram volumus scire sanctitatem, ut vobis hujusmodi homines, et ex his manifestentur indicis; et quorum detecta fuerit sacrilega simulatio, notati et profliti, a sanctorum societate sacerdotali auctoritate pellantur ». Hæc ipse.

5. Sed quid obortum et introductum Romæ ex pessima hac Manichæorum solem adorantium consuetudine? Illud quidem, quod fidelium nonnulli id ipsum sollicitius faciliarent, quod eos facere viderent, qui observantissimi esse videbantur extrinsecus Christiani, licet clam essent perfidi Manichæi : nimirum ut plane nescientes, sicut illi, et isti solem adorare quodammodo viderentur : facile enim fuit in Christianos ejusmodi irreperere superstitionem, cum alioqui pie sancteque ad Orientem conversi Deum adorare solerent. Qui igitur signa, quibus Manichæi detegi possent, aperuit, idem S. Leo, ne quid commune cum illis esset fideli populo, interdixit : ut ex eo penitus appareret, qui revera Manichæi essent. Cum ergo et ex majorum præscripto Christiani adorare numen consuescerent ad Orientem conversi, et id ipsum etiam faciliare Manichæi solerent solem colentes ; interdixit tunc ipse Catholicis ejusmodi ad Orientem solem usum adorandi, cum ait ³ : « De talibus institutis illa generatur impietas, ut sol inchoatione diviniæ lucis a quibusdam insipientibus de locis eminentibus adoretur : quod nonnulli etiam Christiani adeo se religiose facere putant, ut priusquam ad B. Petri Apostoli Basilicam, quæ uni Deo et vivo dicata est, perveniant, superalis gradibus, quibus ad suggestum aræ superioris ascenditur, converso corpore, ad nascentem se solem reflectant, et curvatis cervicibus in honorem se splendidissimi orbis inclinent : quod fieri partim ignorantie vitio, partim paganitalis spiritu, multum tabescimus et dolemus. Quia etsi quidam forte creatorem pulchri luminis per ipsam lucem, quæ est creatura, venerantur : abstinentium tamen est ab hujusmodi specie officii ; quam cum in nostris invenit qui deorum cultum reliquit, nonne hanc secum partem opinionis vetustæ tanquam probabilem retinebit, quam Christianis et impiis videt esse communem? Abjiciatur ergo a consuetudine fidelium damnanda perversitas; nec honor uni Deo debitus eorum ritibus, qui creaturis deserviunt, misceatur ». Hæc ipse. Vides, quam procul abesse debeatur a Catholicis Christianis hæreticorum atque Gentilium error, qui nec sinantur symbolum aliquid cum illis habere commune, licet a majoribus acceptum ad pietatem referri posset, quod ex pietate ducebat originem?

6. Accidit autem, ut cum ignorantes quinam qualesve essent Manichæi, eosdem enim esse quodammodo existimabant dæmonibus vultu similes, utpole eorum afflatus spiritu, qui adeo impia atque

¹ Leo Ser. IV. de Collect. — ² Leo Ser. IV. in Quadrag.

³ Leo Ser. VII. in Nat. Dom.

sacrilega mente conceperant ; illis jam delectis confessisque se Manichæos esse, qui et facie præ se ferrent speciem pietatis : vix induci poterant, simpliciores præsertim, ut qui macie atque pallore, pauperique vestitu imaginem referrent summæ sanctitudinis, qualesque antea venerari solerent, iidem illi ab ipsis cavendi, essent improbi Manichæi. Quamobrem sollicita admonitione, ut eos populus caveret, fuit ab eodem Leone Pontifice admonendus his verbis ¹ : « Nihil ergo cum huiusmodi hominibus commune sit cuiquam Christiano, nulla cum talibus habeatur societas, nullumque consortium. Prosit universæ Ecclesiæ, quod multi ipsorum, Domino miserante, detecti sunt, et in quibus sacrilegiis viverent, eorumdem confessione patefactum est. Neminem fallant discretionibus ciborum, sordibus vestium, vultumque palloribus. Non sunt casta jejunia, quæ non de ratione veniunt continentia, sed de arte fallaciæ. Haecenus noecerint incautis, haecenus illuserint imperitis : post hæc nullus excusabilis erit lapsus : nec jam simplex habendus est, sed valde nequam atque perversus, qui deinceps repertus fuerit nefando obstrictus errore ». Hæc ipse. Cum igitur totus hic annus in Urbe insumptus esset in inquirendis Manichæis, sequenti anno eorum causa in Concilii episcoporum examen perducta est, atque alii eorum cum penitentia accepti, alii vero exilio condemnati, compluribus fuga lapsis.

7. Hoc eodem anno idem S. Leo Epistolam scripsit ², quam Decretalem appellant, majores vero Constitutum dixere, ad episcopos Campaniæ, Tusciæ, atque Piceni, adversus ordinantes servos et bigamos, necnon contra clericos fœneratores.

8. *Theodoretus de hæresi apud imperatorem accusatus luculenter per Epistolam se purgat.* — Quod autem ad Orientalis Ecclesiæ res pertinet, hoc ipso anno, qui numeratur duodecimus ab Ephesino Concilio (ut ex Theodreti ³ Epistola ad Eusebium episcopum Ancyrarum data apparet) ipse Theodoretus episcopus Cyri, cum ex more degeret Antiochiæ, et frequens esset in Synodis, in suspicionem adductus est, ne qui olim Nestorio favisset, rursum novi aliquid moliretur, imo ne vetustate collabentia suffulciret, damnatamque Nestorii hæresim roboraret. Quamobrem adversus eum oblatus est imperatori libellus, nescio a quo accusante ipsum sapere quæ sunt Nestorii ; foreque etiam, nisi finibus suæ Ecclesiæ coerceretur, jubereturque recedere Antiochia atque redire Cyrum, ut homo sermone pollens alias novas concitatus esset turbas. His acceptis, Theodosius imperator e vestigio regium dedit diploma, quo jubebat ipsum Antiochia debere recedere Cyrumque reverti, et suam ipsius tantummodo curare Ecclesiam. Cum autem autem hæc Theodoretus accepisset, paruit ipse quidem seque Cyrum recepit ; contestans fauere pluribus literis ad diversos datis, se esse omnino professione Catholicum

nec quicquam sapere, quod sinceræ fidei adversaretur : magno sanæ animi more affectus est, quod in crimen vel saltem in suspicionem hæresis vocaretur.

9. Inter alias autem, quas tunc scripsit ad diversos Epistolas, insignis plane est illa, quam dedit ad Eusebium Ancyræ episcopum, qui haud pridem Theodoro viro admirando successerat. Quoniam autem rei gestæ seriem narrat, et sua a se in hunc usque annum edita scripta recenset, eandem ipsam una cum aliis ex Vaticana bibliotheca acceptam, nec antea unquam a Latinis visam, hic primum laetitia donatam describendam curavimus : sic enim se habet ¹ :

10. « Speravi frequentiores litteras hoc tempore me accepturam a tua sanctitate. Cum enim manifestissimum calumniam passi simus, fraterna consolatione egebamus. Qui enim Marcionis hæresi et Valentini et Manetis et aliorum morbo laborant, in præsentiarum pullulantes, ægre ferentes quod in suas invelimur hæreses aperto Marte illas confutantes, decipere imperatoris aures tentaverunt, nos hæreticos appellantes et in duos Filios Christum Dominum dividere calumniantes, qui unus est Dominus noster Jesus Christus, qui homo factus est Deus Verbum. Sed non omnino assecuti sunt quod optabant et veris gloriabantur. Qua de causa diploma scriptum fuit magnificentissimo et gloriosissimo duci et tribuno militum et consuli, in quo nulla quidem erat de hæresi accusatio, sed alias causas quasdam et mendaces congingebant : Synodos enim, dicebant, me frequenter congregare Antiochiæ, et hoc nonnullis molestum esse : et hac de causa oportere me ab his rebus abstinere atque tantummodo Ecclesiarum, quæ mihi commissæ erant, curam gerere. Huius quidem diplomatis mihi ostensi decretum quamprimum accepi tanquam bonorum mihi causam. Primum enim optatissimam resumpsi quietem, deinde multas spero meorum delictorum deletas maculas, propter eam quæ adversum me conficta sit et composita iniustitia atque calumnia ab hostibus veritatis.

11. « Ostendit autem satis aperte etiam in præsentia vita omnium rector ac Dominus Deus quantum curam gerit eorum qui injuria afficiuntur : dum enim nos quiete ageremus et intra patrios terminos districti essemus, et omnes Orientales malis afficerentur, et amare conquererentur, et facere propter imminentem metum cogerentur (quæ enim nobis contigerant, omnibus melum incusserunt) ipse Dominus e celo apparuit, et calumniam calumniantium arguit et manifestavit, et eorum impiam mentem declaravit et muletavit. Isti et Alexandriam adversus nos concitaverunt et irritaverunt, et omnium aures replent per ministros se dignos, quod nos pro uno duos prædicamus Filios. Ego vero tantum ab hoc execrando errore alienus sum, ut cum nonnullos sanctos Patres repererim,

¹ Leo Ser. IV. Epiphân. — ² Leo Ep. 1. — ³ Theodoret. Ep. LXXXII.

¹ Theodoret. Ep. LXXXII.

qui in Synodo Nicæna convenerunt, qui adversus Arii insaniam in suis operibus latius inveniuntur, quive coguntur propter contentionem, qua adversus illos contendunt et dimicant, majori declaratione uti, ægre fero, nec accipio hanc divisionem: novi enim quod divisionis necessitas et usus excessum et errorem afferebat.

12. « Et ne quis arbitretur me timore hæc dicere et metu: licet (quicumque voluerit) ea quæ jam diu scripserim ante Ephesinam Synodum inveni, et ea quæ post, duodecim abhinc annis. Divina enim gratia et ope, et Prophetas omnes exposui et Psalterium et Apostolum; et contra eos qui Arium sequuntur et eos qui Mæcedonii morbo laborant, et adversus Apollinaris imposturam et adversus Marcionis rabiem jam scripsimus: et in singulis quæ edidimus operibus, divina ope, Ecclesiæ sanus sensus et mens mihi conspicitur et splendet. Mysticum etiam scripsimus librum, et de Providentia alia, et ad interrogationes Magorum alia, et de Vitis sanctorum: et præter hæc alia multa, ne singula recenseam. Hæc autem enumeravi, non ambitioe ductus, sed potius illa denuntiando tum accusatoribus, tum etiam iis qui judicare illa et scrutari ac arguere voluerint, quæcumque sunt ex meis operibus: nihil enim, Dei mei ope et gratia, nihil aliud nos sentire invenient, præterquam ea quæ a sancta accepimus Scriptura.

13. « Hæc igitur cum a nobis tua sanctitas acceperit, doceat eos qui hæc ignorant, et suadeat illis qui contumeliosus et effrenatis linguis adversum nos invehuntur, ne hæc de nobis divulgent quæ a calumniatoribus acceperunt, sed potius legislatori Domino obediant clamanti¹: Auditionem vanam ne suscipias: expectate rerum scrutinium. Ego vero Deum oro, ut quietem Ecclesia aliquando obtineat, et longa ista et gravis dissipetur tempestas, si tamen id permittit nostrorum peccatorum multitudine. Sed quia traditi sumus propterea cribranti² diabolo, oramus ut periculorum pro fidei defensione participes simus, ut quando pro vitæ integri-

tate et sanctitate fiduciam non habemus, saltem ex eo quod fidem inviolatam et integram servaverimus, misericordiam consequamur et veniam in die adventus Domini: hæc etiam tuam precamur sanctitatem, ut nobiscum oret». Hactenus ad Eusebium Ancyræ episcopum Theodoretus hoc ipso (ut vidimus) anno nempe duodecimo ab Ephesino Concilio.

14. Extant eodem argumento (ut diximus) plures ab eodem Theodoro et sui defensionem ad diversos clarissimos viros date Epistolæ, et inter alias ad Lupicinum magistrum militiæ, illum videlicet, ejus in Epistola ad Eusebium meminit, atque ducem exercitus nominat, ad quem Theodosius adversus Theodoretum diploma illud direxerat: in qua quidem Epistola hæc ad finem³: « Si quis vero nos ab his diversa sentire confirmat; nos etiam præsentem accuset nec absentes calumnetur. Justum est ut reus loqui possit, et adversus illatam sibi accusationem excusationem faciat, et tunc deinde iudices juxta leges sententiam promulgent. Hæc ergo per tuam magnificentiam precor obtinere. Si vero indicta causa nos condemnare voluerint, libenter etiam injustam suscipiemus sententiam. Domini enim tribunal expectamus, ubi neque testibus neque accusatoribus opus est: omnia enim nuda et aperta in conspectu ejus, juxta divinum⁴ Apostolum». Eadem plane habet in Epistola⁵ ad præfectum Urbis. Ad Anatolium vero patricium de his scribens⁶, tradit Dominum Antiochenum episcopum misisse Constantinopolim legatos episcopos, qui ipsum Theodoretum ab illata calumnia eximerent. Sed frustra quidem; nam qui Nestorium fuerat aliquando consecratus, quantumlibet eum detestari profiteretur, nihilominus haud facile ea se valuit suspicione purgare: quod sciretur, sicut raro, ita et difficillime fieri, ut quem semel pestis hæreticæ contagionis invaserit, perfecte curetur, ii præsertim, qui eruditione præstantes, nulla ex ignorantia vel simplicitate possent excusatione petita purgari.

¹ Exod. xiii. — ² Luc. xxii.

³ Theodoret. Ep. xc. — ⁴ Hebr. iv. — ⁵ Theodoret. Ep. xci. — ⁶ Theodoret. Ep. xcii.

Anno periodi Graeco-Romanae 5936. — Jesu Christi 443. — Leonis papae 4. — Theodosii Jun. 42. et 36. Valentiniani III. 19.

1. VII *Quinquennialia Theodosii*. — Coss. *Fl. Avicij Petronij Maximus II*, et *Paterius* prior Occidentalis, ut in primo ejus consulatu ostensum est: alter etiam Occidentalis; fuit enim praefectus praetorio Occidentis, ut constat ex lib. 1 Novell. tit. 42 *de Palatinis*, Novella II data a Valentiniano sub hujus anni consulibus, et ad eum directa. In aliis constitutionibus hoc anno emissis, in quibus ejus consulatus exprimitur, dicitur semper *Paterius*, quemadmodum et a Marcellino, a Prospero et in Fastis Heraclianis. Denique Ennodius in Dictione XIII cujus titulus est: *Quando Paterius et Severus traditi sunt ad studia*, inquit: « Levabor hoc onere, si Fastos pro me, auditor, interrogas; mecum campi sollemnis illa vociferatio, mecum, Severum, et Paterium et aula veneratur et curia; quorum familia meruit scipiones et trabes », etc. Perperam itaque loco *Paterii Paternum* habent auctor Chronici Alex. Cassiodorus, Cuspinianus, et Onuphrius, haeque hunc consulem male Orientalem facit. Hinc is occasionem errandi dedit Reinesio in Syntagm. inscript. hunc consulem in familiam Emilii Paterni inserendi. *Theodosius septima quinquennialia* imperii post patris mortem suscepti celebravit.

2. *S. Leo Manichaeos persequitur*. — A num. 1 ad 8. Prosper in Chronico sub hujus anni coss. narrat, hoc tempore plurimos *Manichaeos* intra Urbem latentes, *diligentia papae Leonis* innoluisse. Prima itaque Leonis congressio adversus *Manichaeos* fuit. Romae complures nefariae illius sectae venerant, devastata a Vandalis Africa, quorum libri innumeri Romae combusti et ex ipsis Manichaeis plures ad sanitatem revocati. His ita feliciter gestis, S. Leo labentem disciplinam restituere instituit, eaque de re Epistolam ad episcopos Campaniae, Piceni, et Tusciae scripsit *Se. rto idus Octobris, Maximo iterum et Paterio UU. CC. coss.* non vero *Paterno*, ut habent vulgatae editiones. Haec Epistola, quae erat alias ordine I nunc est II.

3. *Theodoretii exilium domesticum*. — Ad num. 8 et seqq. Cum *Theodoretus* in suspicionem consensionis cum *Nestorio* venisset, quasi divideret Christum in duos filios, quorum alter sit crucifixus, alter mortuum susceperit, *Theodosius* imp. cum Antiochia abstinere jussit, suisque parochiis tan-

quam honesto carcere sese continere. Garnerius in Auctario Theodoretii Dissert. I de ejus Vita cap. 8, et in Dissert. II de ejus libris pag. 217 recte quidem observavit domesticum istud *Theodoretii* exilium citius quam par erat a Baronio consignatum fuisse, cum *Theodoretus* anno sequenti, post sancti Cyrilli obitum, Antiochia concionem illam habuerit, quam Marius Mercator et quinta Synodus referunt, indeque liqueat, post illum annum, ex urbe Antiochensi eum secedere jussum; cui praeepto religiose paruit, nec post illud acceptum ad eam urbem accessit, ut ipsemet *Theodoretus* testatur. Existimat itaque Garnerius, exilium *Theodoretii* irrogatum anno quadringentesimo quadringentesimo quinto, altero nempe a sancti Cyrilli obitu anno. Verum exilium istud ad annum quadringentesimum quadringentesimum octavam pertinere, me demonstraturum, ac controversiam istam dirempturum spero. *Theodoretus* in Epistola LXXXI *ad Nomum consulem* scripta testatur, se *Cyro* egredi vetitum esse: *Nomus* vero anno CDXLV consulatum gessit: « Maxima pars », inquit Garnerius, « Chronologiae rerum Theodoretii pendet ex quaestione de verbis inscriptionis: sitne retinenda omnium codicum lectio, quae habet consulem, an corrigenda quod vult Baronius: et *Nomus*, non consul dicendus, sed consularis. Retinendam, opinor, quia retineri nihil vetat, imo plura jubent ». Sed eam vocem *consulem* expungendam, et loco ejus legendum, *consularem*, ut Baronius docuit, et Theodoretum non nisi anno CDXLVIII *Cyro* se continere jussum esse sequentia certo ostendunt.

4. *Theodoretus anno CDXLVIII domi se continere jussus*. — Theodoretus Epistolam LXV *Zenoni magistro militum* dedit, qua cum in obitu fratris solatur. Garnerius ait, suspicari fas esse id ante vexationem accidisse. Recte id quidem; sed cum vexatio anno CDXLVIII contigerit, eodemque anno, *Zeno* consul et magister militum fuerit, ea Epistola anno CDXLVII scripta; cum *Zeno* anno insequenti eam dignitatem adhuc obtinuerit. Epistola enim LXXI a Theodoretio data est *Zenoni magistro militum et consuli*, in qua cum Zenonem de adepta dignitate gratuletur, nullamque suae persecutionis mentionem faciat, apparet, cum eam scripsit, adhuc

lherum fuisse et Antiochiæ egisse. Sed eodem postea anno Cyrum cum amandatum esse, colligo ex Epistola LXXIX Anatolii scripta, in qua dicit Theodoretus : « Dudum excellentiæ vestre indicavimus, Commonitorium nobis ostendisse Rufum comitem magnificentissimum imperatoria manu exaratum, quo fortissimo magistro militum præcipiebatur, ut prudenter sciteque curaret nos Cyri consistere, nec ad alias civitates proficisci, ut qui Synodos assidue apud Antiochiam cogere et Orthodoxos turbaremus.... Rogo itaque magnificentiam tuam accurate, ut exquirat et an vere hæc imperata sint et quam ob causam ».

5. *Eo Christi anno Zeno magister militum erat.* — Theodoretum vero de Zenone magistro militum loqui, et anno CXLVIII eam Epistolam dedisse manifestum facit Epistola LXXXII Eusebio episcopo Ancyra scripta, et a Baronio num. 40 et seqq. recitata, in qua ait Theodoretus : « Quare scriptum est Commonitorium magnificentissimo et gloriosissimo magistro militum consuli hæresis accusationem nullam continens, sed alias quasdam causas easque falsas : Synodos enim aiebant me frequenter apud Antiochiam convocare ». Quis enim magister ille militum consul, nisi Zeno, qui jam antequam consulatum iniret, et quando eum gessit, militum magisteria cohonestatus fuit, ut ex mox dictis patet? Certe consul ille et militum magister *Nomus* non fuit, cum is eam dignitatem diu post gestum consulatum adeptus sit, Zenone sc. jam consulari, ut nos docet Priscus in Excerptis de legationibus pag. 71. « Visum est, inquit, ad Attilam legatos mittere Anatolium et Nomum : Anatolium quidem regionum tribulorum præfectum, et qui pacis cum Barbaro inite conditiones proposuerat ; Nomum vero magistri dignitatem gerentem, et in numerum patriciorum una cum Anatolio affectum. Eo illi per omnes honorum gradus ascenderant ». Priscus autem pag. 69 Zenonem virum consulem jam appellat. Garnerius pag. 220 ait, Nomum anno CXLV magistrum militum fuisse, sed nullo Veterum testimonio fretus id asserit, et Priscus pag. 69 innuit, ante Zenonem, magisterium militum gessisse Anatolium.

6. *Hæc opinio prævalide confirmatur.* — Præterea Epistolæ aliæ, quas ipso anno, quo Theodoretus Cyro egredi velitus est, datas fatetur Garnerius, rem etiam evincunt. Epistola LXXX ad Eutrechium præfectum, de eodem Theodosii adversus Theodoretum decreto mentionem facit, et inter alia habet : « Pontifex, qui episcopatum viginti quinque annos gessit.... cabumia factus est opprobrium ». Episcopatum Cyri anno CXXXIII Theodoretus consecutus est. Quare anno quadringentesimo quadragésimo octavo vicesimum quintum episcopatus absolvit, et Antiochia exire coactus est, ac tres Epistolæ Theodoretum ad Eutrechium præfectum, nempe, LVII, LXXX, et XCI eo anno date sunt, non vero anno CXLV, ut perperam autumavit Garnerius. Tertio Theodoretus in Epist. LXXXIII *Dioscoro episcopo*

Alexandria scripta de sua captivitate loquitur, aitque : « Sex continuis annis docui sub beate memorie Theodoto Antiochenis episcopo : tredecim aliis sub beato Joanne : ad hæc septimus hic annus est Deo carissimi archiepiscopi domini Domni ». Theodoretus episcopus Cyrensis dictus anno CXXIII, quo tempore Theodotus Antiochenam Ecclesiam rexit, usque ad annum CXXIX, quo *Joannem* successorem habuit ; sex itaque annos sub eo Theodoretus Antiochiæ docuit, tredecim sub *Joanne*, anno CXXI aut insequenti demortuo, et septem sub *Domno*, ab eo sc. Christi anno usque ad CXLVIII, quo septimus Domni episcopatus in cursu erat. Cum itaque laudatæ Epistolæ omnes in quibus *Theodoretus* mentionem exilii sui ingerit, uno eodemque anno exarate sint, et Epistola LXXXIII ad Dioscorum Alexandrinum missa, ad annum CXLVIII certo pertineat, certum pariter esse debet *Theodoretum* exilium ad eum Christi annum differendum.

7. *Excipitur præcipuum Garnerii fundamentum.* — Præcipuum Garnerii fundamentum est Epistola Theodoretum LXXXI *Nomo consuli* data, juxta vulgatas Theodoretum editiones, in qua Theodoretus ait : « Imperatoris decreto Cyresticæ regionis finibus egredi vetor ». Et paulo post : « In monasterio tempus quod episcopatum præcessit cum exigessem, invitus episcopus ordinatus sum : annos viginti quinque ita vixi, ut neque in jus vocatus sim a quoquam nec quemquam accensurum ». Cum itaque *Nomi* consulatus in annum CXLV competat, inde eo etiam anno Theodoretum Antiochia expulsam Garnerius colligit. Sed jam huic argumento Baronius anno CXLVIII, num. 11 et seqq. ubi Epistolam illam LXXXI Theodoretum integram recitat, satisfacit docuitque loco *consulis*, legendum esse, *consularem*, etiamque Epistolam eo Christi anno datam. In eo tamen doctissimus Cardinalis peccavit, quod cum currenti anno *Theodoretum* exilium consignavit, post quinquennium eam ad *Nomum* Epistolam scriptam crediderit ; cum tamen nullæ Theodoretum Epistolæ, in quibus de illo exilio mentio ante annum CXLVIII date sint. Porro mirum videri non debet, *consulis* vocem, in ea ad *Nomum* Epistola, vel a librario corruptam, vel a sciolo quodam additam esse ; cum ipsemet Garnerius citatus pag. 98. Theodoretum Epistolam ad *Domnum* episcopum Antiochiæ post mortem sancti Cyrilli scriptam, recitans, recte observet, pro *Joanne*, cujus nomen in vulgatis codicibus legitur rependendum esse *Domnum*, et propter mendum illud, quod in inscriptionem irrepsit, eam Epistolam rejici non debere. Ad hæc *Aspar* anno CXXXIV consulatum gessit, et tamen Epistola CXL anno CXL, date titulus est : *Aspari consuli*, loco, *Aspari consulari*, qua de re infra. Denique Epistolarum inscriptiones quandoque depravatas esse aliis passim exemplis ostendimus. Ex iis, quæ anno CXLVIII, num. 3 et seq. in medium afferemus, adhuc manifestius liquebit, Theodoretum, ante eum Christi annum, in hæreseos suspicionem non venisse, ideoque nec secedere jussum esse.

8. *Fundamentum Baronii evertitur.* — Baronius, ut hoc anno id contigisse ostendat, Epistolæ Theodoretæ ad Eusebium episcopum Ancyræ mox memoratè nūc innotuit. In ea ait Theodoretus : « Ne quis arbitretur me timore hæc dicere et metu : licet (quicumque voluerit) ea, quæ jam diu scripserim ante Ephesinam Synodum intueri, et ea quæ post, duodecim abhinc annis ». Putavit Baronius Theodoretum cuncta illiè opuscula recensere, tam quæ ante Synodum Ephesinam, quam ea quæ a duodecim annis post eandem Synodum in vulgus ediderat, et hæc Epistolam, in qua vexationis suæ meminisset, datam esse anno *duodecimo ab Ephesino Concilio*, ideoque currenti. Valesius in Prefatione ad Historiam Ecclesiasticam Theodoretæ hæc Baronii explicationem hoc modo retellit : « Verba, inquit, Theodoretæ sunt hæc, ut interpretatus est Sirmondus : Ac ne quis existimet metu periculum me ista nunc dicere, integrum est, cui animus fuerit, antiqua Opera mea evolvere, tum ea quæ ante Synodum Ephesinam, tum quæ post illam rursus ante duodecim annos scripsi ». Græca Theodoretæ sic habent : τὰς πρὸς τὴν Συνόδον τῆς ἐν Ἐφέσῳ, καὶ τὰς μετ' αὐτήν πάλιν πρὸ δυο καίδεκα ἐτῶν. Si vera esset Baronii sententia, Theodoretus dixisset, διὰ δυο καίδεκα ἐτῶν, id est, « per continuos duodecim annos ». Verum cum Theodoretus, non per duodecim annos, sed ante duodecim annos discrete scripserit, alius sensus sit oportet horum verborum : ut scilicet Theodoretus, quinque circiter aut sex annis post Synodum Ephesinam libris scribendis vacaverit : exiit vero per annos duodecim silentium tenuerit ». Ita Valesius. At Theodoretum per annos duodecim, antequam eam ad Eusebium episcopum Ancyræ Epistolam daret, a libris scribendis destituisse nec verum est, nec ab ipso asseritur. Loquitur igitur *Theodoretus*, non de suis Operibus in universum, sed *de antiquis* tantum, iisque quæ ante annum Christi cxxxvi in lucem miserat, alioquin adversarios suos ad Opera sua absolute, non vero nominalim ad *antiqua* remitteret. Quæ etiam verba indicant, eum nova per duodecim subsequentes annos edidisse, sed propter illa in crimen vocatum non fuisse, Theodoretum enim anno cxxxv pacem amplexum esse, anno illo ostendimus.

9. *Theodoretus de sua vexatione scribit ad Lupicinum magistrum officiorum.* — Omnes itaque *Theodoretæ* Epistolæ in quibus de sua vexatione agit ad annum cdxlviii pertinent, uti Epistola xc ad *Lupicinum*, cujus meminisset Baronius num. 14, quæ cum inscripta sit, Λουπικίνῳ μαγιστῶ, id est, *Lupicino magistro*, perperam inde deducit Baronius, *Lupicinum* esse eum magistrum militiæ, cujus meminisset Theodoretus in Epist. lxxxii. Magister enim militum, ad quem scripsit Theodosius imp. ut *Theodoretum* Cypro egredi prohiberet, consulatum tunc gerebat, aliusque non est quam *Zeno*, qui anno cdxlviii et insequenti magisterio militum præditus fuit, ut jam demonstravi. Hinc Epist. lxxv inscripta est *Λεόνῳ στρατηγῶ*, id est, *Zenoni magistro militum*, non vero

μαγιστῶ, quæ vox magistrum officiorum significat, uti erat *Lupicinus* anno cdxlviii; de qua re tam Epistola Theodoretæ xc, quam diversa significatio prædictarum vocum græcarum nos dubitare non sinunt.

10. *Moritur S. Briccius episc. Turonensis.* — Sanctus Briccius Turonensis episcopus hoc anno vitam cum morte commutavit. Gregorius enim Turonensis lib. 10, cap. 31 scribit : « Briccius ordinatur episcopus, anno Arcadii et Honorii secundo, cum pariter regnarent ». Subdit postea, omnes ejus episcopatus annos fuisse lxvii, quod et lib. 2, cap. 4, jam scripserat, utrobique subdens, sanctum *Eustochium* eidem successisse. Cum vero huic tribunal annos xvii, liquet primo Turonensem seriem successorum *S. Martini* deducere ab anno cdxvii, cum sanctus *Perpetuus*, qui *Eustochium* excepit, primum Concilium Turonense anno cdxli celebraverit. Quod si Turonensis, *Briccii* initium ab anno cd, quo aliquibus in locis sanctum *Martium* demortuum tradit, repeteret, anno cdxli non *Perpetuus*, sed *Eustochius* Ecclesiam Turonensem divisset. Liquet secundo, cum certum nunc sit diximus Martinum die xi mensis Novembris anni cd vita functum esse, Turonensem, quod mortem illam triennio anteciperat, tres etiam annos *Briccii* sedi addidisse. Quod ex ipsomet Turonensi demonstravimus in *Dissert. de anno et die mortis sancti Martini*, ubi ostendimus *Briccii* obitum nequidem in annum sequentem differri posse.

11. *Attila imperio Romano insidiatur.* — Priscus Rhetor, postquam locutus est de bello Romanos inter et *Attilam* Hunnorum regem gesto, et de pace inter eos inita, quæ Romanis non minus probrosa quam detritosa fuit, ait : « Pace facta *Attila* rursus legatos ad Romanos Orientales mittit, qui transfugas repeterent, et plurimis donis ornatos, cum nullo perugas apud se esse asseverassent, dimiserunt. Misit et iterum *Attila* alios legatos, quibus quoque amplis numeribus ditatis, tertia ab eo, post illam itidem quarta legatio advenit. Ille enim Romanorum liberalitatem, qua utebantur, veriti ut a federibus Barbari discederent, ludibrio habens, novas subinde causas fingebat et vanas occasiones legatorum mittendorum excogitabat, et ad suos necessarios, quos liberalitate complecti volebat, eas legationes deferrebat. Romani vero in omnibus *Attilæ* dicto audientes erant, et quæ præcipiebat domini jussa ducebant. Non solum enim a bello contra eum suscipiendo eorum rationes abhorrebant, sed et Parthos qui bellum apparabant, et Vandalos qui maritimas oras vexabant, et Isauros qui prædis et rapinis grassabantur, et Saracenos qui regionem ad Orientem excursionibus vastabant, metuebant. Præterea gentes *Ethiopia* in armis erant et defectionis consilia cogitabant. Itaque Romani animis fractis *Attilam* colebant, tantisper dum exercitum parabant et duces sortiebantur ». Ex quibus intelligimus, quam malo in loco imperii Romani res hoc tempore in Oriente fuerint.

12. *Thermæ Achilleæ dedicantur.* — Auctor Chronici Alex. sub hujus anni consulibus scribit : *His coss. dedicatæ sunt Thermæ Achilleæ mense Januario III idus Januar.* Publicarum balnearum encænna etiam sub Paganis Augustis celebrata fuisse testantur Menæa et Synaxaria, ad xxii Martii in SS. Callinico et Basilissa. *Thermæ* vero *Achilleæ*, quas

anno cxxxiii incendio consumptas fuisse diximus, ita appellatæ erant, quod essent juxta Achillis Aram a Byzantæ extractam, in loco ubi postea extitit *Strategium*. De iis plura Ducangius in Constantinopoli Christiana lib. 4, paragr. 27. Porro hæc dedicatio septimorum quinquennialium Theodosii indicium est.

LEONIS ANNUS 5. — CHRISTI 444.

1. *Concilium Romanum adversus Manichæos, quorum damnatio ubique innotescit, studio Leonis, qui et Pelagianos persequitur.* — Sequenti anno quadringentesimo quadragésimo quarto, Theodosio decimum octavum et Albino consulibus, a S. Leone papa habitum est adversus Manichæos Romæ Concilium : non enim satis sibi visum, quasies diu jam compertos habuisse Manichæos, eosdemque quales essent, populo frequenti admonitione significasse; sed placuit, ut collecto episcoporum Concilio una simul cum Romano clero, eorum causa publice audiretur, Actisque publicis fierent notiora, perpetuisque monumentis eorum horrenda sacrilegia notarentur. Hoc ipso quidem anno dictum Concilium coactum esse, Epistola ejusdem S. Leonis papæ ea de re data sub dictis consulibus in fine mensis Januarii, quam proxime reddituri sumus, significat.

2. At quidnam tractatum in hoc habito Concilio fuerit, idem Pontifex postea pro concione coram omnibus patefecit : ipsum audiamus ¹ : « Residentibus (inquit) itaque mecum episcopis ac presbyteris, ac in eundem consensum Christianis viris ac nobilibus congregatis, electos et electas eorum jussimus presentari. Qui cum de perversitate dogmatis sui et de festivitatum suarum consuetudine nulla reserarent; illud quoque scelus, quod eloqui verecundum est, prodiderunt; quod tanta diligentia investigatum est, ut nihil minus credulis, nihil obtractatoribus remaneret ambiguum. Aderant enim omnes personæ, per quas nefandum facinus fuerat perpetratum : puella scilicet, ut multum decennis, et duæ mulieres, quæ ipsam nutrierant et huic scelerei præpararant. Præsto erat etiam adolescen-

tulus vitator puellæ, et episcopus ipsorum detestandi criminis ordinator. Omnium par fuit horum et una confessio, et patefactum est execratum, quod aures nostræ vix ferre potuerunt. De quo ne apertius loquentes castos offendamus auditus, Gestorum documenta sufficiant, quibus plenissime docetur nullam in hac secta pudicitiam, nullam honestatem, nullam penitus reperiri castitatem; in qua lex est mendacium, diabolus religio, sacrificium turpitudine. Hos ideo homines, dilectissimi, per omnia execrabiles atque pestiferos, quos aliarum regionum perturbatio nobis intulit crebriores, ab amicitia vestra penitus abdicatæ, vosque præcipue, mulieres, a talium notitia et colloquiis abstinete; ne, dum fabulosis narrationibus incautus delectatur auditus, in diaboli laqueos incidatis ». Hæc ipse. Intelligis, lector, pristinum morem in Ecclesia Romana ad præsens usque retentum, ut Ecclesiastico judicio conventi et convicii hæretici, iidem cum suis erroribus coram populo pro concione noti fierent. Præstabant id quidem olim ipsi Romani Pontifices, postea vero per notarios (per quos et homilias interdum suas ex scripto annuntiabant fidelibus, cum aliquo delinerentur impedimento) id ipsum, Acta publice legendo, perfecerunt.

3. Sed unde hæc merces in Urbem? Quis eam pestem invexit, quæ universus pæne populus in discrimen haud leve adduceretur? Quæ superius dicta sunt, satis ostendunt : nempe excisa per Gensericum Africa, sicut succisa sylva feræ bestia alio migrant; ita quæ latebant in Africa monstra, in Italiam navigantia, in Urbem se intulerunt, tanquam Catholici commiseratione digni. Cæterum etsi vesparum examen inde convolasset in Urbem; tamen in cellulis clandestinis earundem foetus ibidem remanserunt, ut quæ dicturi sumus inferius decla-

¹ Leo, Ser. v. de jejun. decim. mens.

rabunt. Cum ergo de his omnibus (ut dictum est) Pontifex populum admonuisset : quod etiam officii vigilantissimi pastoris esset, ad exactum horum destructionem illud spiritum Sancto ab istis ipse non capitur, si cum alios capi intelligit, non movetur ; contra communes hostes pro salute communi una communis debet esse vigilantia, ne de alicujus membri vulnere etiam alia possint membra corrumpi. Et qui tales non prodendos putant, in iudicio Christi inveniuntur rei de silentio, etiam si non contaminantur assensu. Assume igitur religiosæ sollicitudinis pium zelum, et contra sævissimos hostes animarum omnium fidelium cura consurgat. Ideoque enim misericors Deus quamdam nobis partem prodidit hominum noviorum, ut manifestato periculo excitaretur diligentia cautionis. Non sufficiat quod actum est, sed eadem inquisitio perseveret, quæ hoc auxiliante Deo consequitur, ut non solum qui recti sunt incolumes perseverent, sed etiam multi qui diabolice seductione decepti sunt, ab errore revocentur ». Hactenus S. Leo : quibus vides omnes cives ad delationem et inquisitionem hæreticorum magnopere excitari. Consideratione quidem dignum est, quod huic sacro Concilio, cum Manichæorum causa tractata est, ipse S. Leo non episcopos tantum atque presbyteros, sed et senatores complures, illustresque viros, imo et plebis partem voluit præsentem fuisse, quo eorumdem scelera notoria redderentur : testatur id ipse S. Leo in Epistola ad Turibium² verbis istis :

4. « In execrabilibus autem mysteriis eorum, quæ quanto immundiora sunt, tanto diligentius occultantur, unum prorsus nefas, una est obscenitas et similis turpitude. Quam etsi eloqui erubescimus, sollicitissimis tamen inquisitionibus indagatam et Manichæorum, qui comprehensi sunt, confessionibus detectam ad publicam fecimus pervenire notitiam ; ne ullo modo possit dubium videri, quod in iudicio nostro, cui non solum frequentissima præsentia sacerdotum, sed etiam illustrium virorum dignitas et pars quædam Senatûs ac plebis intertuit, ipsorum qui omne facinus perpetrarunt ore reseratum est, sicut ea quæ ad dilectionem tuam nunc direximus Gesta demonstrant ». Hæc S. Leo, qui quæ Romæ in eadem causa acta essent, voluit Hispaniarum Ecclesiis nota fieri, quæ a Priscillianistis Manichæorum simillimis adhuc graviter infestabantur. Antea vero eadem voluit innotescere proximis Urbi provinciis et aliis longe positus, quo majori omnes ardore ad inquirendos Manichæos incitaret. Quod enim idem Pontifex compertum habuisset, nonnullos ex eis fuga lapsos et, ne ad examen perducerentur, ab Urbe recessisse : e vestigio, absoluto

jam dicto Romano Concilio, de ejus iudicio voluit reddi Italiæ episcopos certiores, moneus in primis ut ad ejusmodi indagandos hæreticos omnem navare deberent diligentiam. Epistola autem sic se habet¹ :

5. « In consortium vos nostræ sollicitudinis, dilectissimi fratres, advocamus, ut vigilantia pastorali, ne quid diabolice licere possit astutia, commissis vobis gregibus diligenter consulatis : ne is qui Domini misericordia revelante per nostram curam a nostris ovibus morbus abigitur, necdum vobis præmonitis et adhuc quod agitur ignaris, per vestras se dispergat Ecclesias, et suarum furtim cuniculos inveniat latebrarum ; ne quod a nobis in Urbe exstinguitur tenebrosis apud vos radicibus seminetur. Plurimos impietatis Manichææ sequaces et doctores in Urbe investigatio nostra reperit, vigilantia divulgavit, auctoritas et censura coercuit : quos potuimus emendare correximus ; et ut damnarent Manichæum cum predicationibus et disciplinis suis, publica in Ecclesia professione et manus suæ subscriptione compulimus ; et ita de voragine impietatis suæ confessos, penitentiam concedendo, levavimus. Aliquantum vero, qui ita se demerserant ut nullum his auxiliantis possent remedium subvenire, subditi legibus, secundum Christianorum principum constituta, ne sanctum gregem sua contagione polluerent, per publicos iudices perpetuo sunt exilio relegati. Et omnia quæ tam in scripturis quam in oculis traditionibus suis habent profana vel turpia, ut nosset populus quid refugeret aut vitaret, oculis Christianæ plebis certa manifestatione probavimus : adeo ut ipse qui eorum dicebatur episcopus, a nobis tentus, proderet flagitiosa in suis mysticis (mysteriis), quæ teneret, sicut Gestorum vos series potest edocere.

6. « Ad instructionem autem vestram etiam ipsa direximus : quibus lectis, omnia quæ a nobis deprehensa sunt, nosse poteritis. Et quia aliquantos de his, quos ne absolverentur arctius reatus involverat, cognovimus fugisse : hanc ad dilectionem vestram Epistolam misimus per acolytum nostrum, ut effecta certior sinceritas vestra, sollicitius agere dignetur et cautius, necubi Manichææ perversitatis homines plebes vestras facultatem lædendi et hujus sacrilegii possent invenire doctores. Alii enim nobis commissos regere non possumus, nisi eos, qui sunt perditores et perdit, zelo fidei Dominicæ persequamur ; et a sanis mentibus ne pestis hæc latius divulgetur, severitate qua possumus abscindamus. Unde hortor dilectionem vestram, obtestor et moneo, ut qua debetis et potestis, sollicitudine vigiletis ad investigandos eos, necubi occultandi sese reperiant facultatem. Ut enim habeat a Deo ingens remunerationis premium, qui diligentius, quod ad salutem commissæ sibi plebis proficiat, fuerit excensus : ita ante tribunal Domini de reatu negligentia se non poterit excusare, quicumque

¹ Leo, eod. Sermon. v. de jejun. decim. mens. — ² Leo, Ep. XCIII. c. 16.

¹ Leo, Ep. II.

plebem suam contra sacrilegæ persuasionis auctores inolverit custodire. Data tertio kalendas Februarii, Theodosio decimo octavo et Albino viris clarissimis coss. » Hactenus Leonis ad episcopos admonitio.

7. Porro non Italia tantum (ut dictum est) episcopos, sed et alios remotiores in diversis provinciis collocatos voluit de rebus Romæ adversus Manichæos gestis reddi certiores, pluraque eorundem publicorum Actorum exemplaria scribi atque ad eos mitti, quo omnes tantam licem discerent præcavere et longe longius propulsare. Constat siquidem (ut vidimus) sancti Leonis testificatione¹, eadem Acta in Hispaniam ad Turibium episcopum Asturicensem esse missa post biennium, cum de Priscillianistis inquirendis atque damnandis cum admonuit, ostendens eos esse Manichæis affines : sed de his inferius suo loco agendum.

8. Cæterum non cum Manichæis tantum S. Leoni papæ his temporibus pugnandum fuit, sed et adversus Pelagianos etsi apertius, laboriosius bellum fuit, obnitente ex adverso Juliano loquacissimo Pelagiano olim Capuano episcopo, de quo plura superiori tomo diximus. Fidem horum certaminum facit sanctus Prosper, dum agens de hujus temporis impostoribus, hæc de his obiter affigit, ubi ait² : « In Italia quoque, nobis apud Campaniam constitutis, dum venerabilis et Apostolico honore nominandus papa Leo Manichæos subverteret, et contereret Pelagianos et maxime Julianum ; ambiens tum quidam Florus nomine, spiritu seductionis arreptus, virtutem et meritum sibi sancti Sosii martyris assignans, cum haud procul a Neapolitana civitate in subversionem animarum quedam promitteret faceretque illicita ; a germano venerabilis Nostriani episcopi et Hierio presbytero simul cum clericis prædictæ Ecclesiæ tentus et coercitus, sic a præfata provincia limitibus pulsus est ». Hæc Prosper : qui cum affirmet hoc ipso tempore se versatum esse in Campania, referatque certamen Leonis adversus Julianum iidem (ut dictum est) in Campania agentem : equidem opinor ipsum e Galliis a S. Leone Pontifice accersitum, et in Campaniam adversus eundem Julianum esse missum, qui præ cæteris horum temporum doctoribus ad ejusmodi belli genus exercitator videbatur. At de rebus a sancto Leone adversus Pelagianos gestis nihil præterea reperitur. Porro sanctum Prosperum ab ipso S. Leone fuisse Romæ retentum, in eo ejus opera uso, in quo sancto Damaso Hieronymus inserviebat, quæ scribit Gennadius³ de eodem Prospero, in argumentum deduci possunt. Testatur et Photius in Bibliotheca, quod pullulans sub Leone papa hæresis Pelagiana sæpe extincta, opera sancti Prosperi prorsus deleta fuerit, vivente adhuc ipso sancto Leone Romano Pontifice. Adhuc idem Photius : « Scripsit et sanctus Leo Romanus episcopus de Pe-

lagianis conversis, quomodo debeant recipi, quando convertuntur, scriptis suam opinionem damnantes ». At hæc sancti Leonis papæ scripta desiderantur.

9. *Cyrilli interitus, scripta, et res geste, ejusdemque memoria a calumniis vindicata.* — Hoc eodem anno, quinto idus Junii S. Cyrillus Alexandrinus episcopus ex hac vita migravit, cum sedisset annos triginta duos, ut Liberatus diaconus tradit, atque Nicephorus et Acta Synodalia docent. De die obitus id Græci in Menologio profitentur ejusmodi elogio tanto viro dignissimo : « Natalis S. Cyrilli Alexandrinæ civitatis episcopi eruditissimi et Catholice fidei propugnatoris egregii, quem Summus Pontifex Cælestinus idoneum judicavit, cui vices suas in Ephesino Concilio delegaret ». Latini vero quinto kal. Febr. ejus memoriam in tabulis Ecclesiasticis adscriptam habent. De anno autem consentiunt omnes : etenim cum ipsa Acta Concilii Chalcedonensis eum sedisse annos triginta duos publica fide testentur ex libello Athanasii presbyteri et Theodori diaconi¹ ; cumque reperitur ipsum creatum fuisse episcopum anno Christi quadringentesimo duodecimo, undecimo kalend. Novembris ; affirmare opus est trigesimum secundum annum attigisse. Quod autem ad ejus scripta pertinet, ex innumeris ferme ejus lucubrationibus Gennadius hæc tantum adnumerat, dicens² : « Variarum hypotheseon tractatus, homilia etiam composuit plurimas, quæ ad declamandum a Græciæ episcopis memorie commendantur ; præterea ejus libri sunt de Synagogæ defectu, de Fide adversus hæreticos : et peculiari intentione adversus Nestorium librum composuit, qui intitulatur *Ἐπιστολὴ*, in quo omnia occulta Nestorii panduntur ». Hæc Gennadius. Porro juxta numerum annorum ejus totidem Paschales Epistolæ Græcæ scriptas nondum editas Bibliotheca Vaticana custodit, quas latinitate donare aggressus est Mehus noster, nos vero ex græco textu fideliter exscribendas curavimus.

10. Quod rursus ad Cyrilli scripta perlinet, Cassiodorus³ adnumerat eundem sanctum Cyrillum inter eos, qui divinam Scripturam a principio usque ad finem græco sermone explicarunt : qua ratione dicendum esset plurima Cyrilli perisse volumina desiderarique alios in epistolarem formam tractatus ab eo editos : hinc est, ut sæpe contingat aliquid Cyrilli et Bibliothecarum penetrabilibus in lucem dari, ut haud pridem Epistolam ad Calosyrium episcopum Arseniolen adversus Anthropomorphitas et Massalianos, qui nequaquam manibus laborandum esse dicebant, sed semper orandum : ea etiam recens emergentem hæresim statim exstinxit, qua quidam asseverabant Christi carnem et sanguinem in Eucharistia tunc temporis tantum esse, cum a fidelibus sumeretur : quod ille monstrum una hac penitus voluit jugulasse sententia : « Alios, inquit, esse au-

¹ Leo, Ep. XCIII, c. 46. — ² Prosp. de promiss. Dei dimid. temp. c. 6. in fin. — ³ Gennad. de Vir. illustr. c. 84.

⁴ Conc. Chalced. Act. III. — ⁵ Gennad. de Vir. illustr. c. 57. — ⁶ Cassiodor. Instit. divin. lect. præf.

dio, qui mysticam benedictionem nihil ad sanctificationem proficere dicant, si ex ea aliquid reliquum fiat in sequentem diem. Insaniant vero qui hæc asserunt. Neque enim alleratur Christus, neque sanctum ejus corpus immulatur, sed benedictionis vis et facultas et vivificans gratia perpetuo in ipso existit ». Hæc ibi. Habes ejusdem auctoris commentarios egregios de Adoratione et cultu in spiritu et veritate, latinitate redditos luculentis, et elaborata omnique fide digna translatione Antonii Agellii clerici regularis insignis doctrinæ viri, nunc episcopi Acerensis.

11. Quod vero ad res ab eo gestas perlinet, his addidimus de Cyrillo, quod nullo certo consignatum invenimus anno (ne excidat) editum ab eo summæ prudentiæ specimen in revocando prolahente ad hæresim magno anachoreta: qui quidem quod audisset de Melchisedech Dei sacerdote, fuisse eum sine patre, sine matre, et sine genealogia, secundum hæresim Melchisedechianorum dictam, ipsum esse Christum vel Spiritum sanctum asserentium, crederet pariter ipsum esse Filium Dei. Sed quomodo Cyrillus ipsum curavit, ex Vitis Patrum hæc accipit: « Daniel narravit de magno sene, qui habitavit in inferioribus partibus Ægypti quia diceret per simplicitatem, quod Melchisedech ipse esset Filius Dei. Hoc autem indicatum est sanctæ memoriæ Cyrillo archiepiscopo Alexandrino de eo; et misit ad eum. Sciens autem quia signifer esset ipse senex, et quicquid peteret a Deo revelaretur ei, et quia simpliciter diceret hoc verbum; usus est hujusmodi ratione, dicens: Abba, rogo te, quia in cogitatione mea est, quod Melchisedech ipse sit Filius Dei; et rursus alia cogitatio mea dicit quod non sit Deus, sed homo sit et summus sacerdos fuerit Dei. Quoniam ergo hasido de hoc, idcirco misi ad te, ut depreceris Deum, quatenus tibi relevare dignetur de hoc quid veritas habeat. Senex autem de conversione sua præsumens, cum fiducia dixit: Da mihi tres dies inducias, ut ego deprecer Deum de hac re; et renuntiabo tibi quid mihi fuerit revelatum de hoc. Intrans ergo in cellam suam deprecabatur Deum de verbo hoc. Et veniens post tres dies, dixit sanctæ memoriæ Cyrillo episcopo: Certo scito Melchisedech non esse Deum. Archiepiscopus respondit: Quomodo constat apud te, abba? Et ille dixit ei: Deus ostendit mihi omnes patriarchas, ita ut singuli eorum coram me transirent, ab Adam usque ad Melchisedech. Et Angelus mihi assistens dixit: Ecce iste est Melchisedech. Et ideo, archiepiscope, certus esto quod sic est. Abiens autem senex, per semetipsum prædicabat, quia homo est Melchisedech: et gavisus est magnifice sanctæ memoriæ Cyrillus episcopo ». Hæc ibi ad insinuandam miram Cyrilli sapientiam atque cum prudentia dexteritatem. Porro Cyrilli memoria remansit post ejus obitum in Ecclesia vicens jugiter et florentissima, ore omnium Orthodoxorum præconiis frequentata.

12. Ad postremum autem hic monendum putamus esse lectorem, legi in quinta Synodo Theodoretum nomine Epistolam hoc tempore Cyrilli obitus ad Joannem Antiochenum conscriptam, de ejus morte gaudentis et in eundem Cyrillum plurima garrientis; quam quis æquius satyram dixerit famosumque libellum quam Epistolam. Nos vero ægre ferentes Theodoretum nomine ferri quod alicujus potius fuit Nestoriani figmentum, hic tibi primum ipsam reddemus Epistolam, ac subiinde de ejus fide quatis sit disseremus. Inscriptio autem sic se habet:

13. « Theodoretum ad Joannem archiepiscopum Antiochie Epistola scripta, cum mortuus esset Cyrillus archiepiscopus Alexandrie.

« Sero tandem et vix malus homo defunctus est: boni enim et benigni ante tempus inde demigrant, mali autem in multo tempore vitam producunt. Et arbitror bonorum omnium dispensatorem providentem, celerius quam tempus est, ex humanis tribulationibus eos abducere, et tanquam victores liberare luctaminibus, et in meliorem transferre vitam, quæ præmium proposita est iis qui pro virtute luctantur, sine tristitia et sollicitudine libera: malitiae vero amatores et operatores diutius concedit præsentem vitam frui, ut aut satietatem capeant malignitatis et virtutem postea discerent, aut pœnas darent et in hoc sæculo pro molestia suorum morum longo tempore amaris et malis vite presentis fluctibus astuantes. Istum vere miserum nec ad exemplum aliorum dimisit nostrarum animarum gubernator diutius eorum potiri quæ videntur esse delectabilia, sed crescentem quotidie viri malignitatem, sciens et corpori Ecclesiæ nocentem, quasi quamdam pestem amputavit, et abstulit opprobrium a filiis Israel.

14. « Lætificavit quidem superstites illius discessio; contristavit forsitan mortuos: et timor est ne prægravati ejus conversatione iterum ad nos remittant; vel illos diffugiati qui eum adducunt, sicut ille tyrannus Cynni Ciliciam. Procurandum igitur est, et oportet tuam sanctitatem maxime hanc suscipere festinationem, et jubere collegio mortuos asportantium, lapidem aliquem maximum et gravissimum sepulcro imponere, ne iterum hinc perveniat, instabilem voluntatem iterum demonstret. Infernis nova dogmata asserat; ibi diu noctaque, sicut vult, sermocinetur. Non enim timeamus ne et illos dividat adversus pietatem publice alloquens et morte circumdans naturam immortalem: lapidabunt enim eum non solum qui divina eruditii sunt, sed etiam et Nembroth, et Pharaos, et Sennacherib, et si quis eorum similis est Dei impugnator.

15. « Sed enim sine causa multa loquor; silet enim miser invitus: Egredietur enim (dicit Propheta²) spiritus ejus et revertetur in pulverem suum, et in illo die peribunt omnes cogitationes. Iste vero et aliud habet silentium: nudata enim illius facta alligant linguam, obstruunt os, frenant

¹ Vit. SS. Patr. de prud. et contem.

² Quint. Synod. Act. v. tom. II. cont. — ² Psal. CXLV.

sensum, silere faciunt, in terram inclinare cogunt. Ideo plango miserum, et ploro: nec enim puram militi delectationem fecit mortis ejus nuntiatio, sed dolore permixtam. Lætor enim et jucundor, ejusmodi pestilentia communem Ecclesiam videns liberatam. Contristor vero et ploro, cogitans quod nec requiem malorum miserabilis susceperit, sed majora et pejora perlentans defunctus est. Somniavit enim (sicut dicunt) et regiam urbem perturbare, et piis iterum dogmatibus repugnare, et tuam sanctitatem accusare, utpote ea colentem. Sed vidit Deus et non desepit: immisit vero finium in os ejus et frenum in labiis ejus, et convertit eum in terram de qua sumpsit est. Fial vero orationibus tuæ sanctitatis, ut misericordiam et veniam consequatur, et vincat immensa Dei clementia illius malignitatem. Rogo vero tuam sanctitatem solvere nobis animæ tumultus: plurimæ et diversæ famæ circumsonant, et nos perturbant, communes calamitates amnuntiantes. Quidam vero et tuam reverentiam proficisci dicunt ad comitatum sine voluntate. Et usque nunc despiciebam utpote falsa ista quæ divulgantur. Quoniam vero vidi ipsa eadem omnes dicentes, necessarium existimavi veritatem a tua discere sanctitate, vel ut rideamus utpote falsa, aut ut vera merito lugeamus». Hactenus Epistola: quam quidem sicut hominis Nestoriani esse non dubitamus, ita eam adscribi Theodoro ad Joannem Antiochenum patens esse mendacium apparebit.

16. Nullum quidem verius certiusque dicam et fortius argumentum ad hæc refellenda putamus esse, quam ad lapidem Lydium, ipsam exactam temporis rationem, omnia ista, ut qualia sint agnoscantur, afferre. Quomodo, queso, potuit ista ad Joannem episcopum Antiochenum Theodoretus scripsisse post Cyrilli obitum, cum (ut superius aperitissime ex ejusdem Theodoro datis litteris ad ipsum successorem ante annos quatuor ostendimus) ipse Joannes ex hac vita jam decessisset ante annos quatuor, ad cujus successorem domuum, commendans Felicianum Carthagine tunc profugum, litteras commendatitias dederat? Ante quatuor quidem annos Joannem defunctum esse, ipsiusmet Theodoretæ auctoritate ex litteris ad Dioscorum proxime recitandis luce clarius apparebit: extat enim ipsius Theodoretæ Epistola¹ ad Dioscorum Alexandrinum episcopum data, ubi pluribus agit de reconciliatione amicitiae a se inita cum Cyrillo, usuque litterarum familiarium, quæ magna confidentia mutuo inter se invicem date fuerunt; quarum exemplaria servasse integra ipsumque Dioscorum earundem conscium fuisse testatur. Ex dictis sane litteris perspicuum fiet, quot annis Theodotus Joannis predecessor sederit, quotve Joannes ipsius successor, necnon Dominus subrogatus in locum Joannis, quem hoc anno jam quartum annum egisse in episcopatu demonstrat. Sed ad eluendam illatam Theodoro calumniam ista satis cum sint, certiora reddentur

ex iis quæ paulo post ex ejus litteris sumus dicturi. Porro non hanc duntaxat Epistolam Theodoretæ nomine confluxere Nestoriani, sed et alias plures ad ipsum Nestorianum datas, ut Leontius Scholasticus tradit, qui Nestorianorum Theodoretum calumniantium detegit imposturam atque ait²: «Sciendum est et illud, circumferri quasdam Theodoretæ ac Nestorij Epistolas, in quibus sese mutuo recipiunt. Sed fictitiæ; nam lingunt eas hæretici. Si cui vero cognoscere libet, quam gravi Nestoriani Theodoretus odio persecutus sit; is librum ipsius Theodoretæ de sectis scriptum legat». Hæc Leontius. Sed quæ de Cyrillo sunt reliqua his addamus.

17. Sane quidem respicimus atque exsufflamus figmentum illud incerto auctore proditum, Chronico nimirum quod extasse lingunt apud quemdam Franciæ regem, quo tradunt eundem S. Cyrillum Alexandrinum episcopum monachum fuisse montis Carmeli; cui quidem assertioni Trithemius leviter nimis fidem prestavit. Unde hæc, quæso, incerto auctori, si, qui certi atque probati sunt auctores ejusdem Cyrilli aequales, ejusdemque res gestas quam diligenter persecuti, hæc nescientes obruta silentio reliquerunt? Vel quæ apud hujus temporis scriptores mentio de culto Carmelo a vitæ monasticæ professoribus? Etenim cum apud S. Hieronymum, Palladium, Evagrium, Cassianum, Theodoretum, Cyrillum monachum, et alios sæculi hujus scriptores frequens mentio fit de monachis in Palestina degentibus, nusquam penitus apud eos de monachis Carmelitis. Facessat igitur ejusmodi de monachismo Cyrilli in Carmelo fabella, sicut illa huic haud impar, qua traditur et Joannes Hierosolymorum episcopus Origenista fuisse etiam monachum Carmelita: sicut enim hæc leviter effinguntur, ita et facile refelluntur. Flagrans quidem cupido nobilitatis avitæ cogit interdum homines delirare. Atque de Cyrillo jam satis, quem sanctissimis viris imperitri solito honoris cultu coluit semper tum Orientalis tum etiam Occidentalis Ecclesia, ejusque scripta Catholici semper venerali sunt, ipsorumque auctorem ut virum maxime pium assiduis benedictionibus sunt persecuti.

18. *Dioscorus episc. Alexandrinus eligitur, ad quem Theodoretus scribit, calumniis in se illatas refellens.* — Defuncto Cyrillo, successus est hoc anno in locum ipsius Dioscorus: qui autem ejus creationem ultra biennium differunt, a veritatis tramite declinare tum quæ dicta sunt tum etiam quæ inferius dicturi sumus evidenter manifestabunt. Qualis hic fuerit, et quanta existimatione sanctitudinis hactenus perseveravit, prima Theodoretæ ad eum data hoc anno Epistola satis docet, quæ sic se habet³:

19. «Theodoretus Dioscoro episcopo Alexandriae.

«Multis quidem, et aliis virtutum generibus tuam sanctitatem exornatam audivimus (velox enim fama undequaque percurrens tuæ gloriæ om-

¹ Theodoret. Ep. LIII.

² Leon. de Sect. sect. v. — ³ Theodoret. Ep. LX.

nium replevit aures), celebrant autem universi præcipue tuæ humanitatis præstantiam, quam Christus Dominus præcipiens, se ipsum exemplar proposuit: Discite, inquit, a me, quia mitis sum et humilis corde. Natura enim cum esset sublimis, vel potius excelsus Deus, homo tamen factus humanitatem et humilitatem in primis est amplexatus. Ad ipsum igitur tu etiam, domine, respiciens, non intueris subditorum numerum, non throni celsitudinem, sed naturam consideras humanam et instabiles hujus vite mutationes, et divinas sequeris leges, quarum observatio cælorum nobis regnum lucratur. Hanc tuæ beatitudinis humilitatem cum acceperim, audeo litteris tuum sacrum et Deo dilectum caput compellare et salutare; et preces porrigo, quarum fructus salus est. Harum vero litterarum auctor fuit pietissimus presbyter Eusebius. Cum enim illum istuc proficisci audiverim, hanc Epistolam ex tempore scripsi, tuam sanctitatem in primis orans, ut precibus nos confirmes et adjuves, et tuis litteris spirituale convivium nobis porrigas, et nobis fame laborantibus admirabile tuarum litterarum convivium largiaris. Hæc Theodoretus ad Dioscorum: qui quidem, quando Cyrillus vixit, illi obsequentissimus videri voluit et talis apparuit, quasi jam omnium virtutum verticem attingisset; illa plane comparatus ut simulationis arte summæ suæ dignitatis fuerit architectus: cui nec voluntas divina restitit, quæ (ut sacra habent oracula ¹) regnare facit hypocritam propter peccata populi.

20. His acceptis Dioscorus Theodoro litteris, minime ad eum responsum reddidit, plane ostendens se in eum infesto animo esse; sed scripsit ad Dominum episcopum Antiochenum, de ipso Theodoro querens, quod adhuc doctrinam Nestorii propugnaret: quæ cum Theodoretus accepisset, haud leviter commotus est; quippe cum ut Catholicus et amicus a Cyrillo ejus prædecessore acceptus fuisset, ab ejus successore in crimen adduceretur impietatis; quamobrem apologeticam coactus est ad eum Epistolam dare; quam hic integram describendam putavi ad abstergendam suspicionem, quæ ex commentitiis scriptis in Synodo editis adversus ipsum Theodoretum conflata fuit: est autem hujusmodi ²:

21. « Theodoretus Dioscoro episcopo Alexandriae.

« Maximum afferunt solatium sacra exempla Scripturæ illis qui calumniis patiuntur. Quando enim aliquis ab effrenata lingua calumniis impetitur, magna consolationis remedia accipiet, si in memoriam revocet historiam Joseph ³ illius admiratione digni, et intuitus castitatis effugiem et omnis virtutis magistrum calumniarum passum, et ac si alienas nuptias violare voluisset, in vincula coniectum et compedibus strictum et plurimum temporis in carcere detentum; hujus historiae medicina dolorem lenit. Ita rursus cum mansuetissimum repererit David ⁴, ut tyrannum a Saul ejectum et

fugatum; et semel atque iterum inimicum suum cepisse, et illatum dimisisse: hinc iterum remedium tranquillitatis suscipiet. Quando vero ipsum Christum Dominum, sæculorum creatorem et omnium rerum auctorem atque opificem, Deum verum, Dei veri Filium, seductorem ¹ a scelestis viderit appellatum, non solum consolationem inde lucratur, sed hilaritatem maximam quasi Domini factus socius.

22. « Hæc autem nunc scribere coactus sum, tuas litteras cum viderim, quas tua sanctitas Deo dilectissima archiepiscopo domino Domino scripsit: illis enim etiam hoc adjectum fuerat, quod nonnulli maximam civitatem, quæ a tua beatitudine regitur ac gubernatur, cum occupaverint, dira adversus nos scripserunt, quod in duos dividimus unum Dominum nostrum Jesum Christum: et hæc Antiochia dum verba faceremus, ubi multæ myriades auditorum replerent cœlum atque conventum. Et illos quidem talia confingentes deploravi apertam calumniam componere ausos et fingere: doli etiam (ignosce mihi, domine, dum a dolore loqui compellor) quod alteram aurium tua secundum Deum perfectio non reservavit mihi integram, sed illis quæ ab ipsis falsa sunt dicta credidit. Et quamvis illi essent tres, aut quatuor, aut quindecim: ego nullas habeo myriadas hominum, qui doctrinæ veritatem et rectitudinem mihi testantur.

23. « Sex enim annos ibi ego docens, tempore beate memoriæ Theodoti Antiocheni episcopi, qui tum vite splendore polluit et fulsit tum etiam divinarum dogmatum cognitione. Alios deinde tredecim annos tempore beati Joannis, qui adeo oblectabatur, dum nos conciones haberemus, ut ambas concerneret manus, et sæpius exultaret et prosiliret: quod autem ille a puero rebus sacris enutritus et educatus exquisitam vultu divinarum dogmatum notitiam haberet, litteris tua sanctitas declaravit. Præter hæc, jam septimum agitur annus, quo Deo dilectissimus archiepiscopus Dominus sedit: et usque hodie, cum tantum præterierit tempus, ullus neque Deo dilectorum episcoporum, neque piissimorum clericorum, ea quæ a me dicta sunt, reprehendit aliquando. Observa hic, lector, Theodoretum episcopum publicum semper egisse Antiochiæ catechistam temporibus Theodoti, Joannis et Domitrii Antiochenorum episcoporum, quorum singulorum tempus in sede insumptum numerat; quibus et discas annos ejusque ipsorum episcopatus. Sed subdit:

24. « Quanta vero animi hilaritate et alacritate populi Christo dilecti nostras orationes et conciones audiant, facile erit hæc tuæ divinæ perfectioni ab illis qui inde venerunt addiscere et ab iis qui illuc proficiscuntur. Hæc autem dico, non jactantiæ causa, sed potius me excusare coactus, neque splendorem sed rectitudinem tantum in meis orationibus inesse testificans. Quinimo magnus ille orbis ma-

¹ Job. xxxiv. — ² Theodoret. Ep. lxxxiii. — ³ Gen. xxxix. — ⁴ 1. Reg. xix. xx. xxxi.

¹ Math. xxvii.

gister et doctor divinus Paulus, novissimum ¹ et ultimum se ipsum sanctorum et primum peccatorum semper appellans, coactus tamen fuit, ut accuatorum ora obstrueret, suorum laborum adjicere ² catalogum; et ostendens quod hoc necessitate, non ex animo faceret, ut suas narraret passiones, addit: *Inspiciens factus sum, dum glorior: vos vero id facere me coegistis. Ego autem me ipsum miserum, et pauperrimum novi; multis enim obnoxius sum defectibus: propter solam vero fidem in sacra apparitionis et adventus Domini die aliqua remissione potiri expecto.*

25. « Sanctorum enim Patrum vestigia secutus, prompto sum animo et precibus incumbo, et Evangelicam doctrinam, quam summam nobis tradiderunt qui in Nicæa Bithyniæ convenerunt sanctissimi Patres, lueri et conservare studeo integram: et quemadmodum unum credo Patrem et unum Spiritum sanctum a Patre procedentem, ita unum Dominum Jesum Christum Filium Dei unigenitum ante omnia sæcula a Patre genitum, splendorem gloriæ, et characterem et imaginem paternæ substantiæ, propter hominum salutem carnem sumpsisse et hominem factum, et secundum carnem ex Mariæ Virgine natum esse. Ita enim nos pietissimus edocuit Paulus: *Quorum patres. ait, ex quibus Christus secundum carnem, qui est super omnia Deus benedictus in sæcula sæculorum, amen. Et iterum de Filio sic: Qui factus est ex semine David secundum carnem, qui predestinatus est Filius Dei in virtute secundum spiritum sanctificationis. Hac enim de causa et Dei genitricem appellamus sanctam Virginem; eosque qui hanc reuunt appellationem, atheos ducimus a pietate.*

26. « Similiter etiam eos, qui in duas personas vel duos Filios aut duos Dominos dividunt Dominum nostrum Jesum Christum, nec probos nec sinceros nuncupamus, et ab eorum qui Christum diligunt cœtu segregamus. Audivimus enim divinum Paulum ³ dicentem: *Unus Dominus, una fides, unum baptisma. Et iterum ⁴: Unus Dominus Jesus Christus, per quem omnia. Et iterum ⁵: Jesus Christus heri et hodie idem et in sæcula. Et alibi ⁶: Qui descendit, ipse est qui ascendit super omnes cœlos. Et sexcentas hujusmodi alias licet invenire apud illum voces, quæ unum Dominum prædicant. Ita et divinus Evangelista clamat ⁷: Et Verbum caro factum est, et habitavit in nobis, et vidimus gloriam ejus, gloriæ quasi unigeniti a Patre, plenum gratiæ et veritatis. Et qui ejusdem est nominis. Baptista dico, clamat, dicens ⁸: Post me venit, qui ante me factus est, quia prior me erat. Et cum unam personam ostendisset, utraque posuit et divina et humana: humanum enim est illud, Vir, et venit; divinum vero, prior me erat: sed nihilominus non alium vidit post se venientem, alium ante se existentem: sed eundem vidit ante sæcula existen-*

tem, ut Deum, hominem vero post se factum ex Virgine. Ita et beatissimus Thomas ¹ ad Domini carnem manum cum applicuisset, Dominum appellavit et Deum propter eam quæ conspicietur naturam, cum agnovisset invisibilem et quæ conspici non poterat: ita et nos carnis quidem ejus et deitatis differentiam et distinctionem novimus, unum tamen scimus Filium qui homo factus, et Deum Verbum.

27. « Hæc enim et a divina Scriptura edocti sumus, et ab iis qui ipsam declararunt et exposuerunt Patribus, Alexandro sancto, Athanasio, et Achilla, veritatis præconibus, qui Apostolicam vestram exornant sedem, et Basilio, et Gregorio, et aliis orbis luminibus. Quod vero scriptis beati Theophili et Cyrilli nos ntimur, et eos qui contradicere audent per hæc confutamus et illorum ora obstruimus: ipse littere id declarant. Illos enim qui Dominicæ carnis et divinitatis differentiam inficiantur, et aliquando quidem divinam naturam in carnem conversam dicunt, aliquando vero carnem in divinitatis mutatam esse naturam, istorum admirabilem virorum pharmacis et medicamentis eos curare studemus. Aperte enim nos duarum naturarum differentiam edocent, et immutabilitatem divinæ naturæ prædicant, et Dominicam carnem divinam appellant, ut Dei Verbi carnem factam. Dicere vero quod in Dei naturam ipsa conversa fuerit, ut impium rejecerunt et respuerunt. Docuit plane hæc Theodoretus quam exactissime in suis Dialogis: eos enim (ut ipse in Præfatione testatur) ad hos refellendos conscripsit: quorum primus est dialogus, cujus est titulus, « Immutabilis », quo ostenditur Deus carnem humanam suscipiens non esse mutatus: secundus, « Inconfusus », quo declaratur sic divinam naturam humanæ esse unitam ut tamen confusa non fuerit: tertius vero dialogus dicitur « Incompatibilis », quo docet Deum hominem factum, ut tamen divinitas incompatibilis, ut erat, permanserit. Sed pergit:

28. « Quod vero beatæ memoriæ Cyrillus sæpius ad nos litteras dedit, tuam sanctitatem aperte scire arbitror; et quando sua opera, quæ contra Julianum scripserat, Antiochiam misit, similiter cum ea quæ ipse de Emissario ediderat, petisset a beato Joanne Antiochiæ episcopo, ut illa ostenderet magistris qui in Oriente scientia præstant; beatus ille Joannes Cyrilli litteris obtemperans libros nobis misit; quos cum legissemus, hominem sumus admirati et scripsimus ad Cyrillum beatæ memoriæ; qui iterum nobis rescripsit, et nos diligentes ac benevolos suo testimonio declaravit: quæ litteræ apud nos servantur. Est plane unde ex his coarctas falsitatis litteras Theodoretus nomine vulgatas, Cyrillo post obitum illudentes; nam quo ipse esset erga Cyrillum animo et quam mirifice coleret sancti viri memoriam, litteræ istæ declarant, quibus et subdit:

¹ 1. Tim. I. — ² 2. Cor. XI. — ³ Ephes. IV. — ⁴ 1. Tim. II. — ⁵ Hebr. XIII. — ⁶ Ephes. IV. — ⁷ Joan. I. — ⁸ Ibid.

¹ Joan. XX.

29. «Avertetur itaque beatitudo tua eos qui loquuntur mendacium, et Ecclesie quietem procurat; et eos qui veritatis dogmata corrumpere audent, vel pharmacia et medicamentis salutaribus curat; vel eos qui curari nolunt, ut incurabiles et insanabiles arecat e gregibus, ne ejus pestis contagium ovibus communicetur. Nos vero consueta salutatione dignos efficiat. Quod enim quæ scripsimus sentimus, testimonium perhibent quæ a nobis scripta sunt in divinam Scripturam, et adversus eos qui cum Ario et Eunomio sentiunt. Præter hæc, et hoc breve et extremum adhibeo carmen: Si quis non dicit beatam Virginem Dei genitricem, vel nudum hominem appellat Dominum nostrum Jesum Christum; vel in duos Filios eum, qui unus est, dividit unigenitum et primogenitum omnis creaturæ: cadat ab ea quam in Christum habemus spe. Et dicat universus populus: Fiat, Fiat». Hactenus Theodoretus ad Dioscorum Epistola, scripta ab eo ad refellendas calumnias in ipsum oblatrantium, a nobis vero hic opportune relata ad redarguendam etiam (ut dictum est) erroris illam Epistolam, quæ Theodoretus nomine recitata fuit in quinta Synodo, quasi in mortuum insullasset. Scriptam vero fuisse hanc Theodoretus Epistolam ad Dioscorum hoc anno, cum Dominus Antiochenus episcopus septemniun ageret in sede episcopali ipsius Theodoretus verba mper recitata declarant, et ad hoc scriptam, ut se plene Orthodoxum esse perspicua luce monstraret.

30. *Dioscori legatio ad Leonem, illiusque hypocrisis diu latens.* — Ordinatus igitur hoc anno Dioscorus Alexandrinus episcopus legationem ex more misit ad Romanum Pontificem: qui autem hoc functus est munere, Possidonius presbyter nominatur; eundemque esse facile existimo Possidonium, qui aliquot ante annos, ipso exordio nascentis Nestorii hæresis, a Cyrillo Alexandrino missus fuit ad Cælesinum. Retinuit secum aliquot diebus S. Leo papa eundem legatum, quem et Ecclesiasticis functionibus voluit semper esse presentem, ut ex institutis Romanæ Ecclesie disceret quid emendandum esset in Ecclesia Alexandrina. Sed et cum ab ipso idem Pontifex quædam haud recte in illa administrari intellexisset, redditus ad Dioscorum literis, quæ ea essent admonuit et corrigenda præcepit, ista præfatus ¹:

31. «Quantum dilectioni tuæ Dominicæ charitatis impendamus affectum, ex hoc poteris approbare, quod tua firmius desideramus fundare iustitia, ne quid charitati tuæ ad perfectionem deesse videatur, cum tibi specialis gratiæ merita (ut probavimus) suffragentur. Paterna igitur et fraterna collatio debet sanctitati tuæ esse gratissima, nec a te aliter suscipi, quemadmodum a nobis intelligis proficisci. Unum enim nos sentire oportet et agere, ut (sicut legimus ²) in nobis quoque unum esse cor et anima comprobetur. Cum enim beatissimus Petrus Apostolicum a Domino accepit principatum, et Romana

Ecclesia in ejus permaneat institutis; nefas est credere, quod sanctus discipulus ejus Marcus, qui Alexandrinam primus Ecclesiam gubernavit, aliis regulis traditionum suarum decreta formaverit: cum sine dubio de eodem fonte gratiæ unius spiritus fuerit et discipuli et magistri; nec aliud ordinatus tradere potuerit quam quod ab ordinatore susceperat. Non ergo patimur, ut cum unius nos esse corporis et fidei fateamur, in aliquo discrepemus; et alia doctoris, alia discipuli instituta videantur». At quoniam iste pravus usus qui in Alexandrinam Ecclesiam irrepserat, ipse declarat, nempe die quolibet fieri solitas sacrorum ministrorum ordinationes, nullo precedente jejuniis, cum Romæ res tanta aliter ageretur; sed quoniam modo, ut antiquiores ritus reseremus, hic describamus: subdit enim:

32. «Quod ergo a parentibus nostris propensiori cura novimus esse servatum, a vobis quoque volumus custodiri, ut non passim diebus omnibus sacerdotalis vel levitica ordinatio celebretur; sed post diem sabbati ejus noctis, quæ in prima sabbati lucescit, exordia deligantur, hoc est, sub lege divini officii substituantur, in quibus his, qui consecrandi sunt, jejuniis et a jejunantibus sacra benedictio conferatur. Quod ejusdem observantiæ erit, si mane ipso Dominico die, continuato sabbati jejuniis, celebretur; a quo tempore præcedentis noctis initia non recedunt, quam ad diem resurrectionis (sicut etiam in Pascha Domini declaratur) pertinere non dubium est». Idque ex perscripto (ut docet) Apostolice institutionis: ac plura subjicit in commendatione diei Dominicæ. Atque ad postremum id admonet, ut in Ecclesia diebus solemnioribus sacrificium iteretur, si contingat non omnem populum capere simul unam basilicam. Demum vero hæc subdit de Possidonio: «Remeanti filio nostro Possidonio presbytero hanc ad fraternalitatem tuam Epistolam dedimus, qui nostris processioibus alique ordinationibus frequenter interfuit, et toties admittus, quid in omnibus Apostolice auctoritatis teneremus agnovit. Data kalend. Junii». Hæc ad Dioscorum S. Leo, quibus et intelligis Romanum Pontificem omnibus Ecclesiis præfuisse magistrum, cum ita doceat Alexandrinum episcopum, qui post Romanam primam cathedram obtineret.

33. Porro quod ad Dioscorum pertinet, ipse aique ac Nestorius, superinducta admirandæ sanctitudinis larva, adeptus est tantæ Ecclesie sedem: cum speciem præ se ferens humilitatis atque modestiæ, intus tamen superbiam cum summa arrogantia occultaret. Nihil enim magis Dei Ecclesie obfusio reperitur, quam cum sub involuero sanctitatis iniquitas tegitur, et impietas horrenda visu furo religionis picta progreditur fallens oculos infuentium. Facile namque est cavere quos manifestos intelligas hostes: oculos autem quos effugiet? hinc in Job ¹: «Quis revelabit faciem indumenti ejus?

¹ Leo Ep. LXXXI. — ² Act. IV.

¹ Job. XLII.

Portas vultus ejus quis aperiet? » Ita plane Dioscorus, cum esset facinorosissimus, sanctissimus tamen videri voluit : etenim in libellis adversus eum datis¹ in Concilio Chalcedonensi fuisse quidem ipse Origenista, insuper et Ariamus, perditus homicida et incendiarius, vitæque turpissimus, defectus est : qui etiam ad conciliandum sibi universum populum, « simul ac in thronum evehctus est (inquit Liberatus diaconus) opprimens Cyrilli hæredes, et per calumnias multas ab eis auferens pecunias, pistoribus et cauponibus civitatis dedit, ut mundissimum panem et pretiosissimum vinum viliori pretio populis exhiberent ». Adjecit insuper, ut ordinatos a Cyrillo clericos, quos ille cariores habuisset, absque aliqua occasione e gradu depositos in ordinem redigeret. At de his pluribus suo loco inferius.

34. *De Hunnorum moribus irruptentium, duce Attila, in Romanum imperium.* — « Hoc item anno Attila rex Hunnorum (inquit Prosper²) Bledam (Blebam, Bellam, Budam) fratrem et consortem regni perimit, ejusque populos sibi parere compellit ». In damnum quidem Orientalis imperii anno superiori iidem et suis progressi sunt finibus una cum aldis Barbaris : nam de his hæc sub ejus anni consulis Eudoxio atque Dioscuro Marcellinus habet in Chronico : « Persæ, Saraceni, Zanni, Isauri, Hunni finibus suis egressi, Romanorum sola vastarunt. Missi sunt autem contra hos Anatolius atque Aspar magistri militiæ, pacemque cum eis unius anni fecerunt. Joannes natione Wandalus, magisterque militiæ, Arvegysti fraude, in Thracia interemptus est. Hunnorum reges cum numerosis suorum millibus in Illyricum irruerunt : Naissum, Singidontum, aliasque civitates oppidaque Illyrici plurima exciderunt ». Hæc Marcellinus : addiditque de comete plurima anni hujus temporis parte ardere visa. At non hæc prima est Hunnorum in Romani imperii ditionem irruptio. Si quidem sub consulatu Valentis quinto et Valentiniiani junioris, anno Domini trecentesimo septuagesimo sexto, auctore Ammiano, diximus, Hunnos ex regionibus trans Meotides paludes positos progressos Romanum imperium invasisse ; iterum vero ipso exordio Arcadii imperatoris in Orientales Romanis subditas provincias grassatos esse, teste S. Hieronymo et aldis ejus temporis scriptoribus, suo loco narravimus.

35. Rursum vero ante annos sexdecim sub consulatu Honorii decimo tertio cum Theodosio undecimo Hunnos itidem vastasse Thracias, auctor est Marcellinus in Chronico dicto anno : consedissem autem eos in Pannonia imbutosque plures eorum Christiana religione, ejusdem auctoris testificatione meminimus : sed quo prædicante iidem fidem Christianam susceperint, haud licuit invenire : putamus tamen id factum consuetudine magni illius Theotimi Scyltarum episcopi, quem magnopere Hunnos esse reveritos ob ingentem virtutem mira-

culorum a Deo illi concessam, testatur Sozomenus³, nosque quinto tomo Amalium superius diximus. Porro ad Hunnos in Pannonia commorantes haud pridem Actium duce Romani exercitus se contulisse, ut per eos Valentiniانو imperatori, cujus iras meruerat, reconciliaretur, suo loco dictum est ; eosdemque in Galliis postea Burgundiones contrivisse Prosper affirmat. At non iidem pronos, licet ejusdem gentis, hi sunt, quos ex Oriente migrasse et palabundos in Illyricum usque pervenisse, tum Marcellinus tum Prosper testantur : novum enim ex alveario, e nativo, inquam, solo, hujusmodi Hunnorum est progressum examen sub Attila et Bleda fratribus : quorum altero fraterna corde sublato, alter nempe Attila summam administravit imperii. Ita quidem exrescente nequitia, a Deo flagellum paratur ; ut plane secundum illas Domini minas a Hieremia² populo ammonitas acciderit : « Adducam super vos gentem de longinquo, domus Israel (ait Dominus), gentem robustam, gentem antiquam, gentem cujus ignorabitis linguam, nec intelligetis quid loquatur ».

36. Quænam ista gens fuerit, qualibusve prædita moribus, Ammianus exacte quidem describit his verbis³ : « Hunnorum gens monumentis veteribus leviter nota, ultra paludes Mæoticas glaciale Oceantum accolens, omnium feritatis excidit. Ubi quoniam ab ipsis nascendi primitiis infantium ferro sulcantur altius genæ, ut pilorum vigor festivus emergens, corrugatis cicatricibus hebetetur, senescunt imberbes, absque ulla venustate spadonibus similes, compactis omnes firmisque membris, et opimis cervicibus, prodigiose deformes et pandi, ut bipedes existimes bestias, vel quales in commarginatis pontibus effigiali stipes dolantur incomple in hominum figura : sic et in sua vita visi sunt asperi, ut neque igne, neque saporatis indigeant cibus, sed radicibus herbarum agrestium et semi-eruda cujusvis pecoris carne vescantur, quam inter femora sua et equorum terga subsertam fotu calefaciunt brevi : adificiis nullis unquam tecti, sed hæc velut ab usu communi discreta sepulera declinant ; nec enim apud eos vel arundine fastigiatum reperiri tugurium potest ; sed vagi, montes peragrantes et silvas, pruinam, famem, sitimque perferre ab incunabulis assuescunt. Peregre lecta, nisi adigente maxima necessitate, non subeunt : nec enim apud eos securus existimant esse sub lectis.

37. « Indumentis operiuntur linteis vel ex pelibus silvestrium murium consarcinatis ; nec alia illis domestica vestis est, alia forensis ; sed semel obsoleti coloris tunica collo inserta, non ante deponitur aut mutatur, quam diuturna carie in pannulos defluerit defrustata. Galeris incurvis capita tegunt, hirsuta crura coriis imbuentes hædinis : eorumque calcei formulis nullis aplati vetant incedere gressibus liberis, qua de causa ad pedestres

¹ Conc. Chalced. Act. III. — ² Prosp. in Chron. his Consulib.

³ Sozom. l. VII. c. 25. — ² Hierem. V. — ³ Ammian. l. XXXI. in princ.

parum accomodatū sunt pugnas; verum equis prope affixi quidem sed deformibus, et muliebriter fisdem nonnunquam insidentes funguntur numeribus consuetis. In ipsis quisvis in hac natione pernox et perditus emit et vendit, cibumque sumit et potum : et inclinatus cervicē angustae iumentū, in altum seipsum ad usque varietatem effunditur somniorum. Et deliberatione super rebus proposita seriis, hoc habitu omnes in commune consultant. Aguntur autem nulla severitate regali, sed tumultuario primatu ductu contenti, perumpunt quicquid inciderit.

38. « Et pugnant nonnunquam lacessiti, sed ineuntes proelia cueantim variis vocibus sonantibus forvum. Utque ad pernicitatem sunt leves et repentinī, ita subito de industria dispersi lugescent, et imposita acie cum cæde vasta discurrunt, nec invadentes vallum, nec castra inimica pilantē (palantes) præ nimia parte decernunt : eoque omnium acerrimos facile dixeris bellatores, quod procul missilibus telis, acutis ossibus pro spiculatorum acumine arte mira coagmentatis, sed distinctis; cinnius ferro sine vi respectu.... hostesque cum mucronum noxiis observant, contortis laciniis iligant, ut laqueatis resistunt membrīs equitandi vel gradiendi adimant facultatem. Nemo apud eos arat nec sliavam aliquando contingit.

39. « Omnes enim sine sedibus fixis, absque lare vel lege aut ritu stabili dispantur, semper fugientibus similes, cum carpentis in quibus habitant, ubi conjuges ex villis vestimenta contextunt, et coeunt cum maritis, et pariunt, et ad usque pubertatem nutriunt pueros. Nullus apud eos interrogatus respondere unde oritur potest, alibi conceptus, natusque procul, et longius educatus. Per inducias infidi et inconstantes, ad omnem auram incedentes, spei novae perquam mobiles, totum furori incitabilissimo tribuentes; inconsultorum animalium ritu, quid honestum inhonestumve sit ignorantes; flexiloqui et obscuro, nullius religionis vel superstitionis reverentia alia districti, auri cupidine immensa flagrantes; adeo permutabiles et irasci faciles, ut eodem aliquoties die a sociis, nullo irritante, sepe desciscant, fidemque propitiantur, nemine leniente. Hoc expeditum indomitumque hominum genus, externa prædandi aviditate flagrans immani, per rapinas finitimorum et cedes usque ad Achaïam pervenit ». Hucusque de his Ammianus.

40. Sed et de Hunnorum moribus non prætereatur, quod S. Ambrosius eos ludo addictissimos esse tradit, hæcque habet, dum de feneratoribus agit¹ : « Ferunt, inquit, Hunnorum populos omnibus bellum inferre nationibus, feneratoribus tamen esse subjectos, et cum sine legibus vivant, alicui solius legibus obedire; in proclitu ludere, tesseras simul et arma portare, et plures suis quam hostilibus ictibus interficere. In victoria sua captivos fieri et spolia suorum perpeti, quæ pati ab hoste non noverint.

Ideo nunquam belli studia deponere, quod victi alicui ludo, cum totius prædæ munus amiserint, ludendi subsidia requirunt bellandi periculo. Frequenter autem tanto ardore rapi, ut cum ea quæ sola magna aestimant victus arma tradiderit, ad unum alicui jactum vitam suam potestati vel victoris vel feneratoris addicat. Denique constitit, quod quidam eorum, et imperatori Romano cognitus in fide, pretium servitutis, quam sibi tali sorte superatus intulerat, supplicii imperate mortis exsolverit ». Hæc S. Ambrosius. Porro Hunnos itidem fuisse impudicos, Salvianus² affirmat. Hæc autem de Hunnorum moribus tum a nostris, tum ab externis petita auctoribus a nobis haud sunt otiose relata, sed ut videas et admireris Crucis potentiam, quæ omne genus perdomuit Barbarorum : qui enim adeo feri et indomiti, truculenti et omnis prorsus humanitatis expertes fuere, sub iugo tandem Christi redacti, pii, mansueti, humani, benigni, modesti, omnique ex parte sanctissimi evasere enituerique ex eis reges, qui maximo Christianæ religioni decori fuerunt et ornamēto. Porro talia potuisse præstari, non nisi legis Evangelicæ esse, Theodoretus libro de Legibus pluribus disputat.

41. Quod vero ad Hunnorum præsentis temporis statum pertinet : post eorum egressum, eo formidabiliores sunt redditī, quo docti prudentiam rerum experimento, militarem assecuti sunt disciplinam sub rege versutissimo militantes. Fuisse vero Attilam superstitione Ethnicam tradunt; nec recens cum suis proliisse e Mæoticis regionibus, sed cum fratre in Pannonia suis imperasse, apud Paulum diaconum et alios eum secutos invenies : cum tamen Marcellinus affirmet Hunnos hos ante biennium sub consulatu Eudoxii atque Dioscorigis suis ipsorum finibus exiisse. Quod autem ad gratulationem Attilæ spectat in Oriente, et quomodo Theodosium sub tribulo redegerit jam diximus, suisque locis inferius dicturi sumus. Qui igitur anno superiori e suis sunt regionibus semel egressi in ruinam Orientalis imperii, constat assertionem Marcellini, sequenti adhuc anno et amplius Orientales oras vexasse, ut suis locis dicturi sumus. At de Hunnis hæc tenemus.

42. *Theodoretus pro suorū Cyrensiū utilitatibus laborat.* — Sub hoc eodem consulatu Theodosii et Albini, idem imperator Theodosius constitutionem edidit de relevatis ab oneribus tributariis possessionibus eorum, qui gravamen se esse passos a mensuris et revisoribus agrorum provincialium questi sunt : est ejus exordium³ : « Perfecta est ac plena liberalitas », etc. Sed sancienda legis hujus occasionem attende. Ad hæc plane spectat quærela Theodoretī de Cyrensisibus suis onere tributorum oppressis, et non sicut alii relevatis; extat de his Epistola ipsius ad Proclum Constantinopolitanum episcopum, quam nondum eusam ex promptuario

¹ Salv. de ver. Judicio, et provid. Dei, l. i. — ² Novel. Theodos. tit. iii. de relevat.

³ Anbr. de Tobia c. 11.

bibliothecæ Vaticanæ primum hic tibi describendam curavimus, ut intelligas episcopos suarum ovium non spiritalia tantum, sed et quæ pertinent ad ipsarum bona curasse : se habet igitur in hunc modum ¹ :

43. « Superiore anno sanctitas tua illustrem Philippum nostræ civitatis precipuum virum magno liberavit infortunio, et tranquillitatem adeptus propter tuæ beatitudinis protectionem, suis laudibus nostras replevit aures. Sed omnem illam tuam protectionem pietissimus episcopus N. inutilem demonstrare nititur : et tam quæ ante duodecim annos sæpe facta est visitatio provinciæ calumniatur, et illam accusare contendit : quæ nec plagiarii quidem homines facere auderent. Tuum igitur sacrum caput oro, ut ejus mendacia sedare facias, præfectosque illustres etiam persuadeas descriptionem confirmare, hæc iure et humane decreverunt. Gravissimam enim revera descriptionem supra omnes regiones et provincias et civitates nostra civitas passa est. Et cum omnes civitates sint exonerate gravaminibus, hæc una remansit, quæ lucisque supra sex myriadas et duo millia jugerum persolvit : sero tamen tandem qui excelsum illum thronum obtinent, adducti, visitatores provinciæ miserunt : et illorum emissam cognitionem et sententiam accepit quidem magnificus bonæ memoriæ Isidorus, confirmavit etiam gloriosissimus et Christo dilectus dominus Florentius ; et diligentius totum argumentum cum investigasset qui nunc præest et justitia thronum illustrat, regio hanc confirmavit decreto. Ille vero veritatis amator, propter eam quam cum illustri Philippo inimicitiam exercet, adversus pauperes bellum suscepit. Qua de causa tuam precor sanctitatem, ut iniquæ linguæ justam linguam suam objiciat, et veritatem, cui bellum inferitur, protegat, et ipsam inexpugnabilem demonstrat, et mendacii arguat vanitatem ». Hæc ad Proclum Theodoretus. Verum ad Pulcheriam Augustam eodem argumento scribens Epistolam, hæc magis luctuose deplorat, delatorumque pessimum detegit, dum ita scribit², a dignis laudibus ejusdem Pulcheriæ exordiens :

44. « Quoniam imperium pietate exornatis, et purpuram fide illustratis, hæc scribere audeamus, nec nostram humilitatem intuemur : sacerdotio enim decentem tribuisti honorem. Hæc necum reputans, tuam potentiam oro, nostram provinciam miseratione dignum ducere et visitationem sæpius factam confirmari præcipere, nec audire falsas calumnias, quæ a nonnullis fiunt adversus eam ; nec fide dignum illum ducere, qui episcopi quidem nomen se jactat habere, talia vero patrantem, quæ ne plagiarii quidem facere auderent. Ille enim jam accusatus et excommunicationis vinculis immodatus a Deo dilectissimo et sanctissimo archiepiscopo Antiocheno domino Domino, dum Concilium congregari deberet, ut ejus accusationes et querelæ exa-

minarentur, cum aufugisset, ad regiam se contulit urbem, et delatoris artem exercens, provinciæ molestias inferit, quam matrem quidem appellat, mala vero inferit myriadibus pauperum : et pro ea quam adversus unum exercet inimicitiam, linguam suam adversus omnes acuit.

45. « Qualis vero is sit et quibus exercitiis emittitur, ego quidem non dicam, quæ nec licent cogitando. Illud tamen ipsum aperta indicat conjectura, quod nunc facere aggressus est. De provincia autem hoc unum dicam : quod cum tota regio vectigalium diminutionem obtinerit, hæc tantum hac clementia frui minus potuit, quamvis gravissimo onere opprimeretur. Quapropter multi quidem fundi colonis sunt privati, multi dominis omnino orbitali : et pro his miseri cives vectigalia solvere coguntur : ferre autem solutionem non valentes, alii quidem mendicant, alii fugiunt, et in unum statum civitas ipsa redacta est ; qui nec ipse stabit, nisi aliquod remedii vel salutis malis adhibeatur. Spero autem quod vestra serenitas civitatis malis medebitur, et aliis justis et sanctis actionibus suis hanc etiam adjiciet ». Hæc ad S. Pulcheriam Augustam Theodoretus, a nobis relata occasione imperatorii edicti hoc anno de relevatione tributorum promulgati.

46. Commendatione quidem digna optimi antistitis sollicitudo, non pro animarum salute duntaxat impensa sed etiam corporum : adeo ut nihil prætermiserit, quo suis sibi subjectis civibus et comprovincialibus prodesse posset. Audi quid ipse in Epistola ad Nonnum consulem habeat ¹ de beneficiis erga suos Cyrenses collatis : « Publicas porticus in ingressu ecclesiarum edificavi : pontes duos magnos extruxi : balnearum publicorum gessi curam : cum civitatem reperissem quæ minime a defluente flumine aquabatur, aquæductum paravi, et civitatem aquis carentem aquis replevi ». Hæc in Epistola ad Nonnum consulem, quam alia occasione inferius suo loco integram reddiduri sumus. Sed quid præterea ? quæsivit eisdem suis Cyrensisibus magna industria, qui languoribus ægrotantium mederentur. Accipe de his ipsius ad Apellam perbreve Epistolam his verbis conscriptam :

47. « Cyri gubernacula et administrationem adeptus ego, omnes artes necessarias illi comparavi ; præter has medicæ artis peritos, ut illam incolerent et habitarent, hortatus sum et effeci. Unus horum est reverendissimus presbyter Petrus, qui rationaliter et artifice artem exercet, ac illum multum exornat. Nunc vero, proficiscentibus nobis, multi etiam alii hæc reliquerunt civitatem, ac idem Petrus proficisci decernit. Hæc de causa tuam precor magnificentiam, ut illius curam geras eumque protegas ; sufficiens enim est et peritus, ut morbis opem ferre valeat et morbos pellere ». Hactenus Theodoretus. Ex quibus et illud intelligas, haud incongruum visum esse majoribus Dei ministros piæ charitatis officio artem medicam exercere : quod in

¹ Theodoret. Ep. XLVII. — ² Theodoret. Ep. XLII.

¹ Theodoret. Ep. LXXXII.

sacris litteris legerent, Lucam medicum nominatum ab Apostolo Paulo scribente ad Colossenses ¹. Tametsi posterioribus sæculis, quando et medicorum nulla esset copia, ob vitanda nonnulla pericula, quæ ex ejus artis exercitio contingere possent, id pie sancteque fuit clericis et monachis interdictum.

¹ Coloss. IV.

Sic igitur Theodreti Cyri episcopi exemplo vides, ita sanctos episcopos subtilis sibi populis diligenti cura ministrasse quæ ad ipsorum animarum salutem spectare viderent, ut tamen quæ essent ad corporum sanitatem, et rerum quas possiderent bonum statum spectantia, præstare minime prætermittent, in omnibus optimi pastoris specimem edentes, et patres amantissimos cumctis æque præ se ferentes.

Anno periodi Græco-Romanae 5937. — Jesu Christi 444. — Leonis papæ 5. — Theodosii Jun. 43. et 37. Valentiniani III. 20.

1. *Nona quinquennalia Theodosii.* — Coss. et *Theodosius Aug. XVIII et Cecina Decius Albinius*, ut in inscriptione ab Onuphrio recitata appellatur. Sumptus a Theodosio consulatus ob nona quinquennalia imperii vivente patre initi, de quibus Marcellinus in Chronico hoc anno habet: *Theodosius princeps nona quinquennalia gessit*. Albinius consul in Occidente fuit, ubi antea præfectura Urbis et præfectura prætorii colonatus fuerat, ut patet ex Prosopographia Codicis Theod. et sequentibus annis bis adhuc præfectus prætorio fuit, ut videre est in Novellis per ea tempora datis.

2. *S. Leo Manichæos persequitur.* — A num. 4 ad 8. Sanctus *Leo* in Epist. viii, quæ alias erat ii ad episcopos per Italiam *data III kalendas Februarii*, sub hujus anni coss. plurimos *Manichæorum* vigilantia sua in Urbe Roma detectos esse, et pari ab eis sollicitudine investigandos admonet. Hæc Epist. per provincias ad omnes episcopos missa est: cum *Idacius* illorum temporum æqualis, anno Abrahami *MCDLXII*, kalendis Octobris hujus Christi anni inchoato, scribat: « In Asturicensi urbe Gallacæ quidam ante aliquot annos latentes Manichæi gestis episcopalibus deteguntur, quæ ab *Idacio* et *Turibio* episcopis, qui eos audierant, ad Antoninum Emeritensem episcopum directæ sunt ». Paulo post: « Per episcopum Romæ tunc præsidem gesta de Manichæis per provincias diriguntur »: Sanctus *Leo* frequentem conventum Romæ adversus Manichæos convocavit. Is Epist. xv, alias *xcm* ad *Turibium*, conventum illum et *judicium* et *consensum*, *Valentinianus Aug.* in *Novella* adversus Manichæos anno seq. emissa *Consensum* vocat, *Baronius Concilium* dicit. Sed, ut inquit *Quesnellus Dissert. i de Vita et Reb. S. Leonis M.*, neque sanctus *Prosper* in *Chronico*, ubi de ea re agit sub anni præcedentis coss. quique forte *Conventui* intererat, *Concilium* commemorat, neque illud opus erat; cum non ageretur

de fide asserenda, sed de pœna juxta canonem Ecclesiæ sancienda. Ad hæc cum *Prosper* citatus, sub præcedentis anni coss. gesta a *S. Leone* adversus Manichæos narret, et *Epistola* sancti *Leonis* ad episcopos *Italiae* data sit mense *Januario* hujus anni, recte inde colligit *Quesnellus*, anno superiori *Manichæorum* perfidiam non solum Romæ detectam sed etiam *dammalam*: nam inquirere de eis, conventicula eorum et cœtus detegere, extorquere ab eis confessionem, consensum hac de re habere, hortari ad pœnitentiam, reluctantes plectere exilio, non est negotium aliquot dierum; nec *Epist.* ad episcopos scripta est nisi re gesta, ut ipse *Leo* profitetur.

3. *S. Prosper Manichæos confutat.* — Ad n. 8. Existimat *Baronius S. Leonem* in *Campaniam*, *Prosperum* adversus *Julianum* ex episcopi (non *Capuani*, ut ipse credidit, sed *Eclanensis*, ut suo loco ostensum,) *insidias* destinasse, quod se colligere dicit ex his verbis *Prosperi* lib. de *Promissionibus* divinis cap. ult. « In *Italia* nobis apud *Campaniam* constitutis, cum venerabilis et Apostolico honore nominandus *Leo Manichæus* subverteret, et contereret *Pelagianos*, et maxime *Juhanum* ». Verum præterquam quod *liber ille* de *Promissionibus* *Dei* *Prosperi* non est, ejus auctor, non a se, sed a *Leone* *Manichæo* ac *Pelagianos* contritos scribit. *Photius* in *Biblioth. Cod.* *LIV* asserit, *Prosperum* post repressos a *Septimio* episcopo et *Leone* *Pelagianos* Romæ, plures *liberius* pro *hæresi* loquentes confutasse. Hæc *Photii* verba: « *Lectus* est *liber* contra *Pelagianam* et *Cælestianam* *hæresim*, cujus hæc *inscriptio*: *exemplar* *Actorum* ab *Occidentis* *episcopis* adversus *Nestorianam* *dogmata*. *Hic* *refert* *eandem* esse *Nestorianam* et *Cælestianam* *hæresim* ». Postea de *Pelagianis* dicitur: « *Cum* *temporis* *deinde* *progressu* *sectæ* *hujus* *homines* *per* *hæresis* *sue* *abjuracionem* *Ecclesiæ* *restituti* *essent*, *iterum* *malum* *ab* *ipsis* *principium* *sumpsit*, *ut* *Septimio*

episcopo renascens eadem lucis, antequam longius serperet, fuerit reprimenda, datis ad Leonem Romae tunc Sedem Apostolicam tenentem litteris: qui Leo ferventi zelo contra impietatem illam depugnavit. Post non diu rursus veluti existere atque enasci e mala radice impudenter eum coepisset, Romae etiam quidam pro haeresi libere locuti sunt, quos vir sane divinus Prosper libellis adversus eos in vulgus editis facile dissipavit extinxitque: Leone etiamnum, quem diximus, Romanam sedem gubernante ».

4. *Scripti adversus eos libros de Vocatione Gentium.* — Qui fuerint libelli illi *Prosperi*, Antelmius notat in Dissert. in de Veris Operibus SS. Leonis M. et Prosperi Aquitani, ubi ostendit eos esse duos libros de Vocatione omnium Gentium *Prospero* a quibusdam perperam abjudicatos. Etenim inscriptionis eorumdem occasio evidenter aperitur accidisse ex eo, quod *Romae etiam quidam pro haeresi libere locuti sunt*, etc. Secundo, argumentum Operis perspicuum est, quod utique quantum est, versatur in eorum contutatione dogmatum, quae illi instaurasse produntur, *qui Romae etiam pro haeresi libere locuti sunt*: hos enim ubique in illis de *Vocatione omnium Gentium libris* vel nervose perstringit, vel fortiter urget, vel amice etiam quandoque convenit Prosper; adeo ut sic prudenter attemperata tractatione eos facile dissipare potuerit. Quem cause exitum fuisse notat Photius. Tertio, ipsa librorum declinatio seu distributio a *Photio* adumbrata libros de Vocatione omnium Gentium pressius designat: nam non exiguum tractatum, non extemporaneam scriptioem, sed *libellos in vulgus editos* diserte memorat, adeoque anonymos de *Vocatione* scriptos naturaliter secernit et indigilat. Quarto, tempus quo illi libri editi ex Photii verbis sufficienter datur intelligi; nam rem factam refert, postquam *temporis progressu sectae lujus homines per haeresis suae abjurationem Ecclesiae restituti sunt*; eosque ad vomitum reversos *Septimius Altinensis episcopus* non raro per se repressos, apud Leonem tandem accusavit. Quam accusationem non ante annum cdxlvii accidisse recte conjicit Cardinalis Norisius lib. 2 Hist. Pelag., cap. 12. ex ipsa ad Septimum Epistolam, quam Quesnellus in Notis ad eam Epistolam, supposititiam perperam credit, et hos eventus ad praesentem annum male retrahit. Recte tamen in Dissert. 1 de Gestis D. Leonis, ad annum cdxlvii observat Baronium ex Photio citato non bene asserere Prosperum in Campania decertasse adversus *Pelagianos*; cum Photius eum magis depugnasse *Romae* auctor sit, idque Leone etiamnum *Romanam sedem gubernante*, ideoque Romae et fere sub finem Pontificatus Leonis, ut ex Photii verbis satis intelligitur.

5. *Libri illi sub finem Pontificatus S. Leonis exarati.* — Tempus conscriptorum de *Vocatione omnium Gentium* librorum ex citatis Photii verbis eruitur. Cum enim vulgati fuerint post molitiones Pelagianorum in Aquileiensi provincia molas, et *Septimii* episcopi Allini vigilantia et sancti Leonis

ferventi zelo compressas, ac litterae Leonis ad Septimum datae sint anno cdxlvii, ut infra videbimus, apparet factum a Photio relatum aliquot post annos perpetratum esse; cum postquam *Photius* narravit quae a Septimio et Leone ad Irangendum eorumdem haereticorum audaciam gesta sunt, subjungat: « Post non diu rursus veluti existere atque enasci e mala radice impudenter eum coepisset, Romae etiam quidam libere pro haeresi locuti sunt, quos vir sane divinus Prosper libellis adversus eos in vulgus editis facile dissipavit extinxitque: Leone etiamnum, quem diximus Romanam sedem gubernante ». Quare ejus Pontificatu in finem vergente Prosper libellos suos, seu duos de *Vocatione Gentium* libros, exquisita arte methodoque digestos publici juris fecit, quibus tenebricos homines omnino dissipati sunt. Antelmius citatus eodem intra annum circiter cdxlvii et cdxlv exaratos existimat. Ceterum quod ait Baronius, scripta Leonis adversus Pelagianos a Photio memorata desiderari, ea nihil aliud sunt quam Leonis Epistolae ad episcopos Aquileiae et Allini, ut anno cdxlvii videbimus.

6. *Mortis S. Cyrillus episc. Alexandriae.* — A num. 9 ad 18. In Chronico Orientali refertur Catalogus episcoporum Coplitarum, in quo dicitur sanctus *Cyrillus* demortuus *tertia Abibi die Martis*, ideoque hoc anno, quo dies vicissimus septimus mensis Martii in feriam tertiam incidit. Graeci quidem ejus festivitatem ad diem ix Junii in Menologio memorant, et variis ejus virtutes Ilynnis in Menseis tam die xviii Januarii, quam die xxviii ejusdem mensis celebrant, sed inde non sequitur *Cyrillum* aliquo ex diebus illis ad caelum migrasse, ut jam saepius monuimus. Successerat *Cyrillus* Theophilo anno cdxii, die xviii Octob. seditque annos triginta duos, ut testatur Athanasius ejus nepos ex sorore Isidora. Quare mors ejus recte hoc anno a Baronio recitata, et Bollandus ad diem xxviii Januarii, quo a Latinis colitur *Cyrillus*, perperam dubital an hoc vel sequenti anno e vivis excesserit, ac Quesnellus citatus mortem ejus in annum sequentem male differt. Cardinalis enim Norisius lib. 2 Hist. Pelag., cap. 12, refert verba Athanasii citati in libello supplicis Actione in Concilio Chalcedonensi recitato, ubi postquam conquestus est de injuriis sibi a Dioscoro successore irrogatis, ait: « Omnia haec adversum me a reverendissimo et Dei amatissimo Dioscoro perpetrata, in totis octo hodie annis eo circumveniente me ». Recitatus est hic libellus anno cdxli, die in *idus Octob.* quo habita est Actio in Concilio Chalcedonensi. Quare *Cyrillus* ad annum sequentem pervenire non potuit; alioquin, ut inquit Card. Norisius, Athanasius annum tantum septimum numerasset. Sancti *Cyrilli* Opera, quae reperiri tunc potuere omnia, Joannes Aubertus Laudunensis canonicus anno mdcxxxviii publicavit, quae agenda erunt in altera editione quibusdam Epistolis in libello Synodico adversus Tragediam Irenaei descriptis.

7. *Theodoretus ad Dominum scribit adversus*

S. Cyrillum. — Ubi primum mortis sancti *Cyrylli* nuntius in Orientem venit, continere se non potuit *Theodoretus*, quin scripto animi sui sensum statim testaretur. Quare dedit *Domno* Antiochiæ episcopo Epistolam, quæ inserta est Actis quintæ Synodi Actione v. Neque scripsisse contentus advolavit continuo Antiochiam, et presidente *Domno* concionem habuit in Ecclesia Epistolæ parem, cujus concionis fragmentum habetur etiam in quinta Synodo tomo v Conciliorum pag. 508, et refertur a Mario Mercatore pag. 539 editionis Baluziana. Epistolæ hunc titulum Mercator apposuit: « Item ex gestis quæ contra *Domnum* episcopum Antiochenum conscripta sunt, in quibus accusatur idem *Domnus*, quod eo presente palam in Ecclesia ausus sit idem nefandissimus *Theodoretus*, post obitum sanctæ recordationis *Cyrylli Alexandrini Pontificis*, insultans beate dormitioni ejus ita proferre: »; et postea Mercator fragmentum illud recitat. Epistolam illam *Theodoretus* Baronius refert, et tribus de causis supposititiam opinatur. Primo quod *Joanni* inscripta sit qui tamen ante *Cyryllum* obierat. Deinde quod sit Nestoriani hominis, ut qui eos arguat, qui Deum esse passum asserunt. Denique quod *Cyryllum* tantis tamque atrocibus atque etiam abjectis contumeliis afficiat, ut in episcopum *Theodoretum* similem cadere vix posse videatur. Ante Baronium nemini venerat in mentem hæc suppositiois opinio. Verum postquam in *Annalibus* sententiam dixit, placuit pluribus tantum duces sine ulla fere inquisitione sequi, nec placuit tantum, sed addidere voces indignationis iracundæ plenas, ut Lupus tom. 1 Scholiorum ad quintam Synodum pag. 720. At *Garnerius* in *Anctario* ad librum *Epistolarum Theodoretii* pag. 99 ostendit hanc opinionem levibus conjecturis fulciri.

8. *Ea Epistola perperam supposititia credita.* — Et primo verum est, in vulgatis codicibus Epistolam *Joannis* inscribi, sed docti fere omnes consentiunt in id quod apertum est, nempe irrepsisse mendam in inscriptionem, Joannisque nomen pro *Domno* esse positum ab imperito librario, quod certum est non raro configisse. Verum quoque Epistolam hanc Nestoriani hominis opus esse. At, inquit *Garnerius*, inde Baronii ratio infringitur. Nam idcirco inserta est Actis quintæ Synodi, ut inde *Theodoretus* consensiois cum Nestorio convinceretur. Et vero quod illius Epistolæ scriptor eos arguat, qui Deum passum esse affirmant, contra Baronium facit; si quidem tantum abest ut hoc abhorreat a *Theodoretii* sententia, ut ubique passim in ipsius scriptis hæc eadem reprehensio occurrat. Verum denique est, *Cyryllum* illud contumeliis atrocibus et abjectis; sed nec istud facit pro Baronio. *Theodoretus* enim collectam ex longo bilem compressamque metu exundare tandem, cum libere primum licet, impotenter permittit; familiaribus, ut fit, literis apud singularem amicum, de infenso communique, ut quidem putabat, inimico, de homine qui novam pejoremque prima moliebatur

Constantinopoli accusationem, sensum animi deponens exultat gratularique datam, hoste prostrato, victoriam. Sed quæ convicia *Theodoretus* *Cyryllo* hic facit, quibus atrociora in eundem aliosque sanctissimos viros non effuderit indubitanis in libris? *Malum* in ea Epistola hominem vocat, et miserum, cujus malignitas Ecclesiæ velut pestis a Deo imputata sit. In suis vero libris dieteris insequitur *Ephesinos* Patres, id est, Ecclesiæ doctores et sanctifatis magistros: mente captos nominat, spontaneos cæcos et invidiæ mancipia, *Theonachos* pastores, qui gregem lupis tradant, qui ovis noxias herbas porrigant, etc. Qua de re plura *Garnerius*, qui et aliqua in ea Epistola emendat quæ partim interpretis incuria, partim librariorum vitio leguntur in editione tum Conciliorum, ubi hæc Epistola a *Labbeo* reprobat, tum Baronii. Certe cum *Marius Mercator*, qui eodem quo *Theodoretus* tempore vixit, fidem faciat suo tempore accusatum fuisse *Domnum*, quod passus esset *Theodoretum Cyrylli* memorie insultare, et *Marius Mercator* Opera sua scripserit ante *Chalcedonensis* Synodi celebrationem, aut saltem non multo post eam, dubitandum non videtur, quin eam etiam Epistolam *Theodoretus* animi impolens scripserit.

9. *Due Theodoretii ad Dioscorum litteræ diversis annis scriptæ.* — A num. 48 ad 30. Epistola *LX* *Theodoretii* ad *Dioscorum* Alexandria episcopum et divi *Cyrylli* successorem. quæ singularem erga subditos et morum modestiam laudat, quia his artibus civium animos homo nequam captabat, data quidem vel hoc anno ut putavit Baronius, vel saltem insequenti cum gratulatoria sit. At Epistola *LXXXII* ejusdem *Theodoretii* ad eundem, quæ apologetica est, nihil cum priori commune habet; data enim post illius exilium, ideoque anno *cxxlym*, quod ex eo certo colligitur, quod *Theodoretus* dicat: *Septimus hic annus est Deo carissimi archiepiscopi domini Domni*. Illic autem anno *cxxli* aut insequenti episcopus Antiochenus renuntiatus. In illis litteris *Theodoretus*, ut videre est apud Baronium num. 27, meminit *Dialogorum*, quos scripsit contra *Arianos*, *Eumonianos*, *Macedonianos* et *Apollinaristas*, sicuti et in Epistola *LXXXII* ad *Eusebium* *Ancyra* episcopum anno etiam *cxxlym* data, ut supra probavimus. Quare falluntur, qui eos *Dialogos* post Concilium *Chalcedonense*, annumque *ccli* elucubratos volunt.

10. *Theodoretus in Cyryllum parum æquus.* — In eadem Epistola, num. 28 apud Baronium ostentat *Theodoretus* suum cum *Cyryllo* literarum commercium, ut tacite dilueret objectam animi in *Cyryllum* impotentiam. Verum silet conquestum esse *Joanni* Antiocheno *Cyryllum*, quod suis literis abuteretur. Quare non erat quod inde deduceret *Baronius Theodoretum* non scripsisse ad *Joannem* Antiochenum contra *Cyryllum* jam defunctum. *Anathematis* fidem suam concludit *Theodoretus*: « Si quis sanctam *Virginem* *Deiparam* non dicit, aut purum hominem vocat *Dominum* nostrum

Jesum Christum, vel in duos filios dividit unicum Unigenitum ac Primogenitum omnis creature, a spe in Christum excidat, et dicit omnis populus : fiat, fiat ». At eadem verba Nestorius sine erroris sui præjudicio protulit, simulque se calumniam pati quæsitus est, quasi contrarium sentiret.

41. *Primis Ecclesiæ sæculis sacra ordinationes, nocte Sabbati aut die Dominica fieri solite.* — A num. 30 ad 34. Epistola divi Leonis ad *Dioscorum* episcopum Alexandrinum, quæ alias erat ordine 1, nunc est XI; ex eaque discimus, episcoporum, presbyterorum, et diaconorum ordinationes his temporibus fieri solitas fuisse nocte Sabbati aut mane Dominicæ : « Quod ergo, inquit, a patribus nostris propensiore cura novimus esse servatum, a vobis hoc volumus custodiri, ut non passim diebus omnibus sacerdotalis vel levitica ordinatio celebretur, sed post diem Sabbati ejus noctis, quæ in prima Sabbati lucescit, exordia diligantur, in quibus his qui consecrandi sunt jejunis, et a jejunantibus sacra benedictio conferatur. Quod ejusdem observantia erit, si mane ipso Dominico die, continuato Sabbati jejuniis, celebretur : a quo tempore præcedentis noctis initia non recedunt, quam ad diem Resurrectionis, sicut etiam in Pascha Domini declaratur, pertinere non dubium est » : tandem concludit : « Ordinandorum sacerdotum formam servari debere, ut his qui consecrandi sunt, nunquam benedictio, nisi in die Resurrectionis Dominicæ tribuatur, cui a vespera Sabbati initium constat adscribi » : Nomine autem Resurrectionis Dominicæ non diem Paschæ, sed quamlibet diem Dominicam Leonem intelligere ipsemet ostendit verbis immediate sequentibus, « nisi in die Resurrectionis Dominicæ tribuatur, cui a vespera Sabbati initium constat adscribi, et quæ tantis divinarum dispositionum mysteriis est consecrata, ut quicquid est a Domino insignis constitutum, in hujus diei dignitate sit gestum. In hac mundus sumpsit exordium. In hac per Resurrectionem Christi, et mors interitum, et vita accepit initium. In hac Apostoli a Domino prædicandi omnibus gentibus Evangelii tubam sumunt, etc. » Porro hoc discrimen Ordo Romanus annotavit, ut episcoporum ordinationes fiant die Dominica, reliquorum vero ordinum die Sabbati, a cujus vespera exordium Dominicæ juxta hanc Leonis ad *Dioscorum* Epistolam desumi debet.

42. *Sacra ordinationes quatuor Temporibus a Gelasio affixæ.* — Quesnellus in Notis ad eam Epistolam ait tantum abesse ut Sabbato sancto aut Dominica subsequente ministrorum Ecclesiæ consecratio tunc fieret; ut potius illa die nunquam facta fuisse videatur propter solemnitatem baptismi; cui conferendo hoc tempus consecratum erat. Verum ipsemet Leo plane contrarium testatur his verbis supra laudatis : « a quo tempore præcedentis noctis initia non recedunt, quam ad diem Resurrectionis, sicut etiam in Pascha Domini declaratur, pertinere non dubium est ». Prima quæ quidem nobis relicta est Pontificia constitutio, qua ordinationes ad tem-

pore solemnium jejuniorum revocantur, est Gelasii primi in Epistola ad episcopos per Lucaniam et Brutios constitutos; « ordinationes presbyterorum et diaconorum nisi certis temporibus et diebus exerceri non debent, id est, quarti mensis jejuniis, septimi et decimi, sed etiam quadragesimalis initii ac medianæ hebdomadæ, et sabbati jejuniis circa vesperam, novem celebrandos », ubi de quatuor anni temporibus, ut nunc vocamus, exacte meminuit.

43. *Atila Humororum rex fratrem perimit.* — Ad num. 34. Prosper in Chronico scribit, Atilam Humororum regem Bletam vel Bledlam fratrem et consortem regni peremisse. Jornandes vero lib. de Reb. Get. cap. 35 ait : « Bleta fratre fraudibus perempto, qui magna parti regnabat Humororum universum sibi populum subjugavit, aliarumque gentium, quas tunc in ditione tenebat, numerositate collecta, primas mundi gentes, Romanas, Vesegothasque subdere peroptabat. Cujus exercitus quingentorum millium esse ferebatur ». Marcellinus in Chronico et Beda in Hist. lib. 4, cap. 13, necem Bledæ in annum sequentem rejiciunt; verum major fides Prosperi hoc tempore viventis, cui favet Cassiodorus in Chronico. Ex quo colligere est, Marcellinum sæpe in Chronologiam peccare.

44. *Theodoretus scribit Historiam religiosam.* — Hoc vel superiori anno *Theodoretus* Historiam *religiosam*, quæ inscribitur *Philotheus* continetque elogia sanctissimorum ascetarum, qui partim in Oriente, partim in locis vicinis admirabilem vitam duxerunt, in lucem emisit; quod Garnerius in auctario Operum Theodreti pag. 497 hac ratione ostendit. *Jacobus* ille admirabilis, quem Theodoretus cap. 21 Philothei laudat, exerceri cœpit, quo tempore Isauri vicinas regiones populabantur. Populatos anno cny tradit Marcellinus in Chronico : Theodoretus autem ait, *Jacobum* octavum et trigesimum exercitationis annum explevisse, cum Historiam religiosam scriberet : « Initorum sub dio certaminum ipsius (sc. Limmæi) et magni Jacobi idem est temporis spatium : octavum et trigesimum annum jam expleverunt ». Scripsit igitur Theodoretus Historiam illam hoc anno, anno sc. consequente octavum et trigesimum jam expletum. Hinc patet Valesium, cujus verba anno præcedenti retulimus, valde deceptum esse quando scribit *Theodoretum* ab anno cDXXXVI usque ad suum domesticum exilium nullos libros scripsisse. Sunt autem triginta Asecte non viri tantum sed etiam feminae, quorum Agones spirituales Theodoretus vel ipse vidit vel ab iis audivit, « qui viderant, viris virtutis amantibus dignisque habitis, qui illos viderent et eorum doctrina fruerentur », inquit ipsemet Theodoretus. Hæretici hoc opus nugarum plenum effutunt ac ejus nomine indignum, quia sc. demonstrat illorum temporum sententiam de invocatione Sanctorum, reliquiarum cultu, erectione temporum in memoriam martyrum, oratione pro mortuis, miraculorum patrione, spontaneisque afflictionibus corpo-

ris. Legendæ observationes Garnerii ad singula hujus libri capita.

15. *S. Romanus in Gallia Sequanorum primus monachorum institutor.* — Baronius anno DLXXXIX, num. 30, de *Chilperico* Francorum rege verba faciens, ejus in monachos Jurenses beneficentiam laudat, eamque in rem citat Gregorium Turonensem lib. de Vitis Patrum cap. 1; sed, ut Em. card. Norisius lib. 2 Hist. Pelag. cap. 3, Coñtutus anno DXXXIV num. 24, et Henschenius, in Vita sancti Romani abbatis Jurensis monasterii in Burgundia siti, ad diem xxvii mensis Februarii observant, loquitur ibidem Turonensis, non de *Chilperico* Francorum rege, sed de *Chilperico* Burgundiae rege, qui Genævæ regnabat, ut Turonensis citatus disertè asserit. Sed quia nimis perturbaretur Historia, si hac in re Baronii ordinem sequeremur, hic de celeberrimo illo monasterio et duobus prioribus ejus abbatibus *Romano* et *Lupicino* verba faciemus. Utriusque vitam scripsit monachus Jurensis anonymus et coævus, recitatum apud Bollandum, *Lupicini* ad diem xxviii Februarii, *Romani* vero ad diem xxi Martii. Ille quidem Vitæ in aliquibus circumstantiis discrepant ab iis, quæ de utroque sancto anonymus narrat, sed longe majorem fidem meretur anonymus, non solum quia Turonensi antiquior et quia vixit in monasterio Jurensi; sed etiam quia plura publicavit, quæ sancto *Eugendo* Romani et *Lupicini* discipulo narrante didicerat. Monasterium illud *Condatescense* seu *Condalscense* primo appellatum, deinde *Jurensis*, et *sancti Eugendi* monasterium dictum, tandemque a sancto Claudio Bisontino antistite nomen accepit *S. Claudii*, quod in hodiernum usque diem retinet. Primum illud fuit in Sequanorum Gallia monasterium; ut enim anonymus in Vita sancti Romani cap. 1 scribit: « Ante Romanum nullus omnino monachorum intra ipsam provinciam religionis obtentu, aut solitariam aut consortialis observantiae sectatus est vitam ».

16. *S. Romanus hoc anno presbyter ordinatur.* — Ante præsentem annum *Romanus* plura monasteria in vicinis regionibus per discipulos suos construxerat, teste anonymo laudato: « Cæperunt exinde venerabilia Patrum examina, velut ex referto apum alveario, Spiritu sancto ructante, diffundi; ita ut non solum Sequanorum provincie loca secretiora, verum etiam territoria longe lateque spatii distincta terrarum, divinæ sobolis diffusa gratia monasteriis atque Ecclesiis repleri ». Tum cap. seq. de Romano subdit: « Audita namque memoratorum fama S. Hilarius Arelatensis episcopus, missis in causa clericis, beatissimum Romanum haud longe sibi a Vesontionensi urbe fecit occurrere ». Quod tunc contigisse notat cum Hilarius Cæledonium episcopum Vesontionensem deposuit, quod currenti anno contigit, ut ex litteris sancti Leonis pape et ex sancto Honorato episcopo Massiliensi in vita S. Hilarii episcopi Arelatensis liquet. Ilac de re anno sequenti. Narrat deinde anonymus Hilarium sacro sacerdotii ordine Romanum insignuisse, eumque ad

monasterium honorifice repedare permisisse. Quare ex Historiæ visceribus character eruitur, quo constat, Romanum currenti anno ordinatum fuisse presbyterum.

17. *S. Lupicinus Romano fratri succedit.* — Affluente utriusque sexus copiosa multitudine beatissimi fratres alia duo monasteria non procul a Condalscensi erexerunt. *Luticonum* jam pridem extinctum, et *Balmam*, quod huc usque perstat; illud virorum, hoc monialium. Illic monasterio puellarum regendo præfecerunt sororem suam, ibique sepeliri voluit *Romanus*, cui frater sororque superstitēs vixerunt. *Romani* mortem ante annum cõxum accidisse colligit Card. Norisius citatus ex Vita sancti Lupicini cap. 3, ubi de eodem hac scribuntur: « Illic namque aliquando, quod longævus forsitan meminisse non ambigo, magnam ac miram absolutionem, fide dicta amico, orans in monasterio, vincito in ergastulis preslitit Romæ. Vir quondam illustris Agrippinus sagacitate præditus singulari, atque ad dignitatem militiæ sæcularis comes Galliæ a principe constitutus, per Ægidium tum magistrum militum callida malitiosaque apud imperatorem arte fuerat obscuratus, eo quod Romanis fascibus lucens, Barbaris proculdubio favere, et subreptione clandestina provincias a publica niteretur dilione dejicere ». Ex quibus liquet, non solum *Chilpericum* regem, cujus meminil Turonensis citatus, esse *Chilpericum* Burgundiae regem; sed etiam colloquium illud *Ægidianum* inter et *Agrippinum* habitum ante annum quadriagesimum sexagesimum quartum, quo Agrippinus Narbonam Visigothis tradidisse accusatus fuit, ut mox ostendo, et ante eum Christi annum *Romanum*, cui *Lupicinus* in regimen monasterii Jurensis successit, jam ad Deum migrasse; cum pro suorum monachorum aliorumque negotiis egerit cum *Chilperico*, *Agrippino* comite et Ægidio magistro militum. Romani et Lupicini annus emortualis incompertus. Regula Tarnatensis, de qua infra, e monasterio Jurensi ad Agaunense postea translata, eademque monastica vita in utroque monasterio observata. De sancto *Eugendo* Lupicini successore, cujus Vita ab eodem anonymo Jurensi scripta infra agemus.

18. *Vitæ SS. Romani, Lupicini et Eugendi circa annum dxxiii scriptæ.* — Quia vero nonnulli viri eruditi Vitas sanctorum Romani, Lupicini, et Eugendi, aut interpolatas aut supposititias esse credidere, et hac de re conjecturam ex tempore, quo eæ scriptæ, faciunt, anno sequenti eos refellemus, interimque juvat hic ostendere, eas circa annum quingentesimum vicesimum tertium elucubratas fuisse. Eruitur illud ex Vita sancti Lupicini cap. 3 cum Chronico Idacii comparata. In ea cap. 3 dicitur, *Agrippinum* Galliæ comitem ab *Ægidio* magistro militum apud imperatorem accusatum fuisse, quod Romani imperii provincias subreptione clandestina Barbaris tradere vellet; quam ob causam, cum Romani properare cogeretur Agrippinus, petiit ab Ægidio, ut sibi *S. Lupicinus fidejussor* da-

retur, quod et obtinuit. Sed ubi Romæ fuit, *Childerico* patricio et senatui præsentatus, post consultum imperatorem *indiscussus et inaulitus* morte damnatus est. Quod facinus cum Lupicinum non latuisset, ei in carcere posito apparet modumque ex eo evadendi docet. *Agrippinus* jam liber sui notitiam facit, præsentatur Augusto ac patricio, et suspicione solutus in Gallias rediit *quod longævus forsitan meminisse non ambigo*, inquit auctor Vitæ Lupicini. *Longævus* dicitur vir octogenarius vel circiter, isque rei anno ætatis suæ vicesimo gestæ facile reminisci potest. Quare si tempus, quo illud miraculum a Lupicino patratum detegere possimus, tempus, quo monachus Irenensis eam Vitam scripsit, innotesceat. Sed non dubito, quin Idacius in Chronico de hoc dissidio Ægidium inter et Agrippinum orto, et de hujus accusationis apud principem fundamento verba faciat anno Abrahami MDCCLXXX, qui kal. Octobris anni Christi quadringentesimi sexagesimi tertii inchoatur, ubi ait: « Agrippinus Gallus et comes et civis Ægidio comiti viro insigni inimicus, ut Gotthorum mereretur auxilia, Narbonam tradidit Theodorico » Visigothorum regi.

19. *Miraculum a S. Lupicino patratum.* — Agrippinus itaque accusatus fuit, quod Barbaris

Narbonam prodidisset, ac ut loquitur anonymus, *callida malitiosaque arte* apud imperatorem delatus, quod favorem Barbaris ardoremque irruptionis videretur accendere. Quare Idacius et ex eo sanctus Isidorus de hac inter utrumque dissensione non bene edocti fuerant; certum enim videtur, Idacium et monachum Irenensem eadem de re verba facere. Cum ea igitur accusatio Agrippini et miraculum in ejus favorem a Lupicino patratum pertineant ad annum Christi CDLXIV, anonymus Irenensis Vitæ sanctorum Romani, Lupicini, et Eugendi scripsit circa annum quingentesimum vicesimum tertium, quo anno octogenarii meminisse poterant tam hujus accusationis quam miraculi. Quod si quis velit anonymum et Idacium de duobus diversis dissidiis inter hos duos comites sermonem habere, non inde tamen sequetur, Vitas illas alio tempore in lucem emissas esse; cum Ægidius ultra annum CDLXV in vivis non fuerit, et non multo ante mortem suam inimicitias cum Agrippino habuerit.

20. *Dissidium de Paschate.* — Fuit hoc anno Latinos inter et Orientales *de die Paschæ* dissidium, quod Baronius confundit cum alio anno CDLII eadem de re moto, ideoque eo Christi anno de utroque agemus.

LEONIS ANNUS 6. — CHRISTI 445.

1. *Cyrilli nepotes afflictati a Dioscoro, et Nomo consule.* — Annus qui sequitur quadringentesimus quadragesimus quintus, consultu sexto Valentini Augusti et Nomi (quem abii perperam Nonium dicunt) reperitur adscriptus in publicis monumentis consulis notari solitis. Quod ad Nomen pertinet: hoc anno Dioscorus episcopus Alexandrinus ejus opera usus est ad exagitanos Cyrilli prædecessoris affines, exigendo ab eis bona illius. Quam vero tyrannice Dioscorus in eos hoc anno agere cœperit, ex libello Athanasii ejusdem Cyrilli ex sorore nepotis possumus intelligere, in quo hæc post exordium habet, ubi cuncta ab obitu Cyrilli, quem configisse diximus anno superiori, historia exacte describitur his verbis¹: « Sancte et beatæ memoriæ Cyrillus magnæ Alexandriæ civitatis

quondam triginta et duobus annis archiepiscopus irreprehensibiliter et cum recta fide vivens, mihi quidem Athanasio et clarissimæ memoriæ Paulo fratri meo avunculus fuerat, mee vero matris Isidoræ germanus. Hic moriturus testamentum condens, honoravit eum, quemcumque ille post eum fuisset ordinatus archiepiscopus, plurimis et magnis legatis de sua substantia, conjurans eum scriptis per venerabilia et terribilia mysteria, ut ipsius foveret genus, et in nullo eis laborem inculceret.

2. « Sed reverendissimus Dioscorus, qui malo non solum nostro, sed etiam totius illius dioceseos succedens throno, inimiciliam exercens contra ejus rectam fidem hæreticus constitutus, non solum non fovit, sed pro nihilo duens ejus terribiles adjurationes, contraria in nos operatur, omnes adversus nos inquirens insidias: et in principio quidem episcopatus (quem nescio qua ratione sortitus est)

¹ Extat in Conc. Chal. Act. III.

mili et fratri meo adhuc tunc superstiti morlem minitans, a nominatissima Alexandria quadam nos interventione (intentione) exclusit, ut persecutionem passi exiade ad felicissimam Constantinopolitanam urbem perveniremus, sperantes mereri auxilium.

3. « Sed intentio reverendissimi viri talis erat, quatenus hic teneremur et affligeremur tam ab iniqua memoria Chrysaphio, quam etiam a magnificentissimo et gloriosissimo Nomo, tunc res totius orbis habente: quae manifesta sunt praemanibus. Hoc enim mandavit per litteras quasi magnum aliquid providens memoratis, ut nos quidem ab eis consumeremur, ipsis vero nostrae captivonis gratiam se habere confiteretur. Quippe illico cum in regiam urbem perveniremus, sperantes mereri auxilium, sub custodia diversis sumus penis subjecti, quousque omnia quae in mobilibus habebamus, daremus: ita ut cum tormentis non sufficeremus, quasi pro remedio cogere cum gravissimis usuris multos feneratores inquirere: ita ut noster quidem frater clarissimae memoriae Paulus non sustinens cruciatus et injurias, humanis rebus excederet. Ego autem Athanasius, et nostra mater, et uxor et filii fratris mei malo nostro in humanis rebus permansimus, nihil aliud quam feneratores habentes sub gravissimis usuris, ut de caetero nec procedendi habeamus licentiam pro frequentissima feneratorum contra nos interpellatione, cum non haberemus unde solveremus debitum. Super haec autem ut neque habitationem aliquam haberemus, nostras domos praeparavit Ecclesiae fieri, meam Athanasii quarto lecto superjacentem, et quae pro sui positione fieri non posset Ecclesiae, quia complectitur cum praedictis domibus alias etiam vicinas domos, et redditus tenens ». Invidia plane exsauciatus Dioscorus, quod in ea familia sexaginta ferme annis tantae sedis dignitas et amplitudo perseverasset (nam tenuit eam Theophilus Cyrilli patruus annis viginti septem; cui succedens Cyrillus, eidem praefuit Ecclesiae annis triginta duobus) adeo acerbam in Cyrilli conjunctos persecutionem excitavit. Subdit vero Athanasius.

4. « Sed neque his contentus, me presbyterio privavit, et alienum ab Ecclesiastico fecit collegio, nulla adversum me facta accusatione. Et jam agimus animum integrum errantes de loco in locum, aliquando quidem a creditoribus fugientes, aliquando et ab ipso, neque in Ecclesiis, neque in monasteriis habitare permisi. Sic ego perveniante me Athanasio in Metanea (est id nominis suburbano magnae Alexandriae civitatis, quod aliquando Canopos vocabatur, quod suburbanum ab initio, et antiqua consuetudine ad refugium confugiendum constitutum est: totum enim videtur esse sub tutela venerabilis monasterii Tabenensium) verum etiam et intra fines sanctae Dei Ecclesiae habens et publicum balneum, in quo et reficere nostrum miserabile corpus, et tutelam ab insidiantibus sperabamus habere: in tantum autem ad impietatem

memoratus reverendissimus episcopus declinavit, ut miserioribus nobis omni miseratione effectis neque miseretur, neque aliquando aliquod mandatum Christi praecipere impendi. Nam praecipit, neque publicum balneum exhiberi, neque panem transmitti, neque aliquem alium cibum ibi venditari, ad hoc unum respiciens, quatenus sub angustia non lavandi, et famis periremus. Unde ex multa angustia, et penuria paulo minus de humanis rebus excesseramus: quod mihi quidem optabile erat, ut a tantis malis liberarer; non autem contigit mihi per misericordiam Dei. Pecuniae namque, quas exacti sumus, quaedam quidem de propria nostra substantia, aliae vero sub gravissimis usuris (sicut diximus) accommodatae usque ad mille quadringentas plus minus auri libras extenduntur, quas a nobis magnificentissimus, et gloriosissimus Nomo (hic anni hujus consulatum gessit) per virum devotum Severum magistratum, et quondam subauditorem ejusdem devotissimae magistratorum scholae accepit: nec enim faciem iltius barbari Chrysaphii vidimus. Post has omnes pecunias exegit a nostris mater, sororibus vero sancte et beate memoriae Cyrilli, usque ad ipsam animam, extremamque expugnationem afflictis melu mortis, impositis auri pondo octoginta quinque. Nihilominus et filios clarissimae memoriae fratris mei orbitate infelices, et ejus uxorem mortem mariti sui plangentem auri pondo quadraginta solvere coegit». Haec de his quae passi sunt Cyrilli propinqui, instigatione Dioscori, per Nomen anni hujus consulem ordinarium. Vetus exemplum, frequentius iteratum, de his quae pati soleant, sive juste, sive injuste dicti episcoporum affines.

Ad hunc eundem Nomen consulem extant a Theodoro date tres Epistolae¹, quarum prima perbrevis ita se habet²:

5. « Theodoretus episcopus Cyri Nomo consuli. Bifarium animus mihi dividitur, dum consulo an scribendum mihi sit tuae celsitudini. Cum enim noverim mentis tuae sublimitatem, et publicas curas tibi animo intrerere, praestare arbitror silere. Cum vero e contra sciam tuae mentis vastitatem, tacere non possum. veritus me inertiae reprehendar. Impellit me etiam desiderium, quod modica illa tui adspectus experientia et sensus mihi injectit. Satiari enim me minus permisit beatissimi illius hominis morbus et obitus, cujus causa, solatii medicamentum litteras cogito. Universorum autem Dominum precor, ut tuam vitam feliciter ducaat semper et dirigat; ut tua providentia omnes frui possimus ». Haec ad hujus anni consulem Nomen Theodoretus: de duabus vero reliquis Epistolis ad eundem datis, suo loco opportunius agemus.

6. *Constantinopolis vexata*. — Quibus vero cladibus hoc anno ipsa Constantinopolitana civitas afflictata fuerit, his paucis Marcellinus³: « Apud

¹ Theodoret. Ep. LVIII. XXXI. XCVI. — ² Theodoret. Ep. LVIII. — ³ Marc. in Chron. his cons.

Bizantium populari orta in Circo seditione, multi sese invicem trucidarunt, nullaque extrinsecus hominum instar pecorum corpora perierunt. His consulibus magna fames Constantinopolim invasit, pestisque illico subsecuta : templum regie civitatis igne crematum ». Hæc ipse. Ex quo enim exorta ibi est Nestorii hæresis, et ab ejus studiosis foveri (vel saltem occulte) non desistit, florētissimus ille status tum civitatis illius, tum totius Orientalis imperii, in deterrimum plane omniumque miserimum mutatus est. Abominationem enim hæresis post se ducere solere desolationem, tum divinis ¹ litteris, tum exemplis frequentibus admonemur. Sed ad hujus anni res Ecclesiasticas Occidentis stylium admoveamus.

7. *Theodosii in Manichæos constitutio et adversus Hilarium Arelatensem rescriptum.* — Cum anno superiori (ut vidimus) S. Leo Romanus Pontifex Manichæos Romæ repertos ad publicum Concilium ibidem habiti perduxisset examen, vulgassetque eorumdem portentosa facinora : ejusdem papæ solertia Valentinianus officio non defuit, quin eosdem nefandissimos hæreticos lege edita insequeretur : hoc igitur anno adversus eosdem ad Albinum præfectum prætorio ita rescripsit ² :

8. « Superstitio Paganorum quoque damnata temporibus, inimica publicæ disciplinae, et hostis fidei Christianæ, ad excidium sui clementiam nostram non immerito provocavit : Manichæos loquimur, quos execrabiles et toto orbe pellendos omnium retro principum statuta judicantur. Nec dissimulationem crimina nuper detecta patiuntur. Quæ enim, et quam dictu audituque obscena in judicio beatissimi papæ Leonis, coram senatu amplissimo, manifesta ipsorum confessione patefacta sunt? Adeo ut eorum quoque qui diceretur episcopus, et voce propria proderet, et omnia scelorum suorum secreta perscriberet : quod notitiam nostram lalere non potuit, quibus lutum non est negligere tam detestandam divinitatis injuriam, et impunitum relinquere scelus, quo non solum corpora deceptorum, sed etiam animæ inexcipiabiliter polluuntur. Unde, Albine parens carissime Augustorum, illustris magnificentia auctoritatis tuæ hac nos in æternum victura lege statuissæ cognoscat, quam in omnium provinciarum faciat notitiam, edictis propositis, pervenire : Ut ubicumque terrarum quisquis Manichæorum fuerit deprehensus, pœnas, quas in sacrilegos jura sanxerunt, auctoritate publicæ severitatis excipiat. Sitque publicum crimen, et omni volenti sine accusationis periculo tales arguere sit facultas. Nec cuiquam licitum, tutumque sit, aut celare tales, aut talibus convivere, cum omnia de his confirmata sint retro principum constituta : ut noverint universi, hæc edictali lege proposita, Manichæos dignitate militiæ, et urbium habitatione privandos, ne quis innocens talium conversatione et societate capiatur. Successiones nec captant, nec relinquunt;

sed fisci nostri viribus aggregentur. Nec eis quod palam interdicitur, ulla fraude quæratur. Injuriarum careant actione : contractus liberos omnino non habeant. Primates uniuscujusque militiæ vel officii mox exigenda per apparitionem vestram decem librarum auri nulla percellat, si quem hæc superstitione pollutum siverit militare. Neque enim aliquid inivium in eos videtur posse decerni, quorum incesta perversitas religionis nomine, lupanaribus quoque ignota, vel pudenda committit. Dat. XIII kalend. Julii, Romæ, Valentin. Augusto VI et Numo (Nomo) V. C. consens.

9. Sed et memoria quidem perpetua dignum est ejusdem imperatoris illud rescriptum, S. Leone Romano Pontifice expente, ad Actium agentem in Gallia magistrum militiæ hoc anno datum in causa Hilarii episcopi Arelatensis, quod quidem nobilissimam rei gestæ hujus temporis historiam continet : describemus ipsum, ac subinde reliqua ad eandem causam spectantia in medium adducemus : sic enim se habet ¹ :

« Certum est nobis et imperio nostro, unicum esse præsidium in supernæ Divinitatis favore : ad quem promerendum præcipue Christiana fides et veneranda nobis religio suffragatur. Cum igitur Sedis Apostolicæ primatum, sancti Petri meritum, qui princeps est episcopalis coronæ, et Romæ dignitas civitatis, sacræ etiam Synodi firmiter auctoritas, ne quid præter auctoritatem Sedis istius illicitum presumptio attentare nitatur : tunc enim demum Ecclesiarum pax ubique servabitur, si rectorem suum agnoscat universitas. Hæc cum hactenus inviolabiliter fuerint custodita : Hilarius Arelatensis (sicut venerabilis viri Leonis Romani papæ fidei relatione comperimus) contumacia ausu illicita quædam presumenda tentavit, et ideo Transalpinas Ecclesias abominabilis tumultus invasit, quod recens maxime testatur exemplum. Hilarius enim qui episcopus Arelatensis vocatur, Ecclesiæ Romæ Urbis inconsulto pontifice, indebitas sibi ordinationes episcoporum sola lemeritate usurpans, invasit : nam alios incompetenter removet (removens) ; indecenter alios, invitis et repugnantibus civibus, ordinavit. Qui quidem, quoniam non facile ab his qui non elegerant, recipiebantur, manum sibi contraherebat armata, et claustra murorum in hostilem morem vel obsidione cingebat, vel aggressionem reserabat, et ad sedem quietis, pacem prædicaturus (prædicaturum), per bella ducebat.

10. « His talibus contra imperii majestatem, et contra reverentiam Apostolicæ Sedis admissis, per ordinem religiosi viri Urbis papæ cognitione discussis, certa in eum ex his quos male ordinaverat, lata sententia est. Et erat ipsa quidem sententia per Gallias etiam sine imperiali sanctione valitura. Quid enim tanti Pontificis auctoritate in Ecclesias non liceret? Sed nostram quoque præceptionem hæc ratio

¹ Dan. ix. Matth. xxiv. — ² Nov. Valent. l. ii. tit. ii. de Manich.

¹ Nov. Valent. inter Nov. Theod. post. C. Theod. tit. xxiv. l. Epis. oruin.

provocavit, ne ulterius vel Hilario, quem adhuc episcopum unneupari, sola mansueti presentis permittit humanitas, nec eniquam alferi Ecclesiasticis rebus arma miscere, aut præceptis Romani Pontificis liceat obviare. Ausibus enim talibus fides, et reverentia nostri violatur imperii. Nec hoc solum, quod est maximi criminis, submovemus: verum ne levis saltem infer Ecclesias turba nascatur, vel in aliquo minuti religionis disciplina videatur; hac perenni sanctione decernimus ne quid tam episcopis Gallicanis, quam aliarum provinciarum, contra consuetudinem veterem liceat sine viri venerabilis papæ Urbis æternæ auctoritate lenare: sed illis, omnibusque pro lege sit, quicquid sanxit, vel sanxerit Apostolicæ Sedis auctoritas: ita ut quisquis episcoporum ad iudicium Romani antistitis evocatus venire neglexerit, per moderatorem ejusdem provincie adesse cogatur: per omnia servatis, quæ divi parentes nostri Romanæ Ecclesie detulerunt, Aeti pater carissime Augusti. Unde illustris, et præclara magnificentia tua presentis edictalis legis auctoritate faciet quæ sunt superius statuta servari, decem librarum multa proflinè exigenda ab unoquoque iudice, qui passus fuerit præcepta nostra violari». Et manu divina. «Divinitas te servet per multos annos, parens carissime. Dat. VIII id. Julii, Romæ, Valentiniano Aug. VI, cons.» Hacenus Valentiniani constitutio: qua facile pervides Romani Pontificis in omnes Ecclesias auctoritatem, et ad hoc illi imperatores inservire, ut ejus auctoritas adversus omnes refractarios sarta tecta custodiatur.

11. *Controversia inter Viennensem et Arelatensem Ecclesiam.* — Cæterum quod ad propositam causam episcopi Arelatensis spectat, ut exacte cuncta noscantur, est ipsa alius repetenda. Primumque illud non ignorandum, antiquam questionem agitatam fuisse inter episcopum Arelatensem et Viennensem, quod ille prætenderet jus ordinandi episcopos provincie Viennensis spectare ad episcopum Arelatensem. Jam enim a tempore Concilii Taurinensis inter episcopos ejusmodi de primatu controversia agitata est; hæcque definitio in illa Synodo sancita fuit¹. «Illud deinde inter episcopos urbium Arelatensis et Viennensis, qui de primatu apud nos honore certabant, a sancta Synodo definitum est, ut qui ex eis comprobaverit civitatem suam esse metropolim, is totius provincie honorem primatum obtineat, et ipse juxta præcepta canonum ordinationum habeat potestatem. Certe ad pacis vinculum conservandum, hoc consilio utiliori decretum est, ut si placet memoratarum urbium episcopis, unaquæque de his viciniores sibi inter provincias vindicet, civitates atque eas Ecclesias visitet, quas oppidis suis proximas magis esse consilerit: ita ut memores unanimitalis atque concordie, non alter alteram sibi longius usurpando, quod est alii propius inquiet». Hæc est definitio sanctæ Synodi Taurinensis.

12. At vero haud his contentus voluit esse li-

milibus Arelatensis episcopus, qui et super provinciam Viennensem primatum sibi vindicare præsumebat: clarissima enim urbium Gallicanarum Arelatensis civitas cedere videbatur, quam Ausonius Romam Gallulam nominat²: aucta eadem imperatorum privilegiis, sed et Ecclesiasticis legibus illud olim consecuta fuerat dignitatis³, ut ad Arelatensis Ecclesie episcopum pertineret Synodus in provincia congregare. Quamobrem Arelatenses episcopi haud acquiescere visi sunt decreto Concilii Taurinensis, sed ordinare episcopos, reclamantibus populis, in Viennensi et Narbonensi provinciis sæpe tentarunt. Illis accessit, quod ejectione Hæroclæ Arelatensi episcopo, et factione Constantii tunc magistri militum in locum ejus intruso Patroclo, eidem in odium, et invidiam comprovincialium episcoporum et metropolitanorum contradicentium datum est jus ordinandi episcopos non in Narbonensi tantum Gallia, sed et Viennensi. Cum vero idem sibi id usurparet Patroclus episcopus⁴, adversus eum conquisiti sunt populi apud Bonifacium Romanum Pontificem de illicita ordinatione præsumpta: adversus quem ipse Bonifacius papa rescripsit ad Hilarium episcopum Narbonensem, ut ex præscripto Nicæni Concilii singuli metropolitani singulis presentis provinciis: prohibuitque ne Arelatensis antistes sue provincie fines excederet. In quam quoque sententiam postea Celestinus⁵ papa rescripsit ad episcopos earumdem provinciarum Viennensis et Narbonensis Galliarum, nimirum ut quisque metropolitanus sua provincia deberet esse contentus.

13. Postea autem hoc tempore S. Leonis papæ eadem ferme querela ad Sedem Apostolicam perlata est adversus eundem Hilarium, nimirum, quod in provincia Viennensi ordinatum præsumpsisset episcopum deponere Cælidonium, rursumque et alium in locum episcopi Projecti nomine nondum mortui substituere. Cum vero Romam idem Hilarium ad dicendam causam sponte se contulisset: de his omnibus convictus, haud expectata sententia, vel oblata licentia, ab urbe recedens, rediit Arelatum: adversus quem hoc ipso anno (ut ex rescripto Valentiniani colligi potest) sanctus Leo ad episcopos Gallie Viennensis provincie Epistolam dedit, cujus est exordium⁶: «Divinæ cultum religionis», etc. Habet autem in ipsius Præfatione hæc de primatu Romanæ Ecclesie: «Ilujus muneris sacramentum ita Dominus ad omnium Apostolorum officium pertinere voluit, ut in beatissimo Petro, Apostolorum omnium summo, principaliter collocaret, ut ab ipso quasi quodam capite, dona sua velut in corpus omne diffunderet: ut exortem se mysterii intelligeret esse divini, qui ausus fuisset a Petri soliditate recedere. Hunc enim in consortium individue unitatis assumptum, id quod ipse erat, voluit nominari, dicendo⁶: Tu es Petrus, et super hanc petram

¹ Auson. de chr. urb. epigr. vii. — ² Conc. Arelat. II. c. 18. to. I. Concil. — ³ Bonif. Ep. ad Hilar. epis. Narbon. tom. I. Concil. —

⁴ Celest. Ep. II. c. 1. tom. I. Conc. — ⁵ Leo. Ep. LXXXIX. —

⁶ Matth. xvi.

edificabo Ecclesiam meam : ut aeterni aedificatio templi, mirabili munere gratiae Dei, in Petri soliditate consisteret, hac Ecclesiam suam firmitate corroborans, ut illam nec humana temeritas possit appetere, nec portae contra illam inferi praevalerent. Verum haec petra istius sacratissimam firmitatem, Deo (ut diximus) aedificante, constructam nimis impia vult presumptione violare, quisquis ejus potestatem tentat infringere, etc. » Pergit post hæc de presumptione Hilarii in excedendis suae ipsius provinciae terminis, et de Celdonio episcopo, ejusque causa agitata, ipso presente Hilario Romae in episcoporum Concilio. Subdit et de causa Projecti episcopi, cui aegrotanti Hilarius subrogaverat successorem; cum, etiam si mortuus esset, ad Viennensem id spectare episcopum, cujus in provincia Projectus erat antistes. Ad postremum vero irritis redditus his ab Hilario injuste praesumptis, et de creandis novis episcopis praescripta regula, hæc in ipsum Hilarium S. Leo :

14. « Stuis unaquaque provincia sit contenta Conciliis : nec ultra Hilarius audeat conventus indicere Synodales, et sacerdotum Domini judicia se interessendo turbare : qui non tantum noverit se ab alieno jure depulsam, sed etiam Viennensis provinciae, quam male usurpaverat, potestate privatum. Dignum est enim, fratres, antiquitatis statuta reparari ; cum is qui sibi ordinationem provinciae indebitè vindicabat, talis in praesenti etiam prolatus fuerit, ut cum ipse frequentius temerariis, et insolentibus verbis sententiam damnationis expeteret, suae tantum civitatis illi sacerdotium pro Sedis Apostolicae pietate praecipio nostra servaverit. Non ergo sit illi ordinatio, qui meriti sui conscius, cum quaereretur ad accusandum, turpi fuga se crediderit subtrahendum, exors Apostolicae communionis, cuius particeps esse non meruit : Deo (ut credimus) hoc agente, qui illum, inopinantibus nobis, et ad judicia nostra pertraxit, et inter examinationes habitas, ne communionis nostrae consors fieret, ut abscederet latenter, effecit ». Addit his admonitionem ad eosdem episcopos Viennensis provinciae, ne pro levi causa sententiam inferant excommunicationis, in aliquem : praeficitque Leontium episcopum, ut ejus consensu futurae Synodi in ea provincia celebrarent. Erat Leontius iste episcopus Fori Julii in Gallia Narbonensi, celebris fama vir. At plane ab hoc diversus ille fuit Leontius, qui postea ejusdem Arelatensis Ecclesiae episcopatum rexit, de quo suo loco dicendum ad quem extat Sidonii Apollinaris Epistola ¹, qua ipsum his laudibus ornat : « Nostra mediocritas, aetate vite, tempore dignitatis, privilegio loci, laude scientiae, dono conscientiae vestrae facile vincatur, etc. » Hæc ad Leontium Sidonius, cum jam esset episcopus Arvernensis, ejusdem quoque meminit in Epistola ad Basilium ². Extat et brevis de condemnatione Hilarii Epistola ad episcopos Galliarum, nominatim vero ad provinciae Vien-

nensis episcopos, qua etiam agitur de redintegratione ipsius archiepiscopi Viennensis. Sic enim se habet ³ :

« Dilectissimis fratribus per Gallias, et Viennensem provinciam episcopis constitutis, Leo episcopus.

« Quali pertinacia Hilarius Arelatensis episcopus judicium nostrum effugerit, sancta vestra fraternitas non ignorat : inde et justum esse videmus, ut quia Principis Apostolorum magnam in judiciis moderationem, quam in potestate per vicarios suos semper exhibet, Arelatensis episcopus non expectavit, a privilegio suae civitatis submotus, humili loco discat, quod in magno gratis munere praedecessorum nostrorum concessio tenere nonnit : sique redintegratum Viennensi archiepiscopo privilegium, et jus antiquum, quod Apostolica benignitas ad Arelatensem ex parte transtulit civitatem : ut tali severitate Hilarius coercitus discat non temere transgredi terminos antiquos, canonica praelatione fundatos. Data octavo (al. tertio) idus Januarii, Valentiniano Augusto IV et Anieno consulibus ». Sed absque dubio mendium irrepsit : siquidem consultus Anieni cum Valentiniano post obitum Hilarii contigit. Restituendus ergo est textus, ut dicat, sub Valentiniani et Momi consulatu anni hujus.

15. Habito igitur (ut idem testatur S. Leo) Romae in hac causa Concilio, litaeque Viennensibus adjudicata, data ab ipso ad eosdem Epistola : ne majores tumultus ea de re ab Hilario concitarentur, placuit eidem Romano Pontifici adversus eundem Hilarium interpellare imperialoris officium per Aetium magistrum militiae exhibendum. Haecenus Hilarii causa. Sed corrigendum nobis est, quod aliquando opinati sumus, ipsum Hilarium abdicantem se episcopatu, Lerinum ad pristinam vitam monasticam rediisse : id quidem existimandi aperuit nobis viam Sidonius ² Apollinaris, dum in carmine Eucharistico ad Faustum, recensens nobilissimos ejusdem insulae incolae, vitae monasticae professores, hæc de Hilario :

Iter redeuntis Hilarii :

Ex quo putavimus ipsum reversum, episcopatus nuntio remisso.

16. Verum ubi tandem pervenit ad nos ab eodem Hilario scripta S. Honorati Vita, necnon S. Eucherii libellus ad eundem Hilarium datus de laudibus eremi ; plane comperimus reditum ipsius Lerinum contigisse, cum adhuc viveret Honoratus, imo ipso exordio ejusdem Honorati episcopatus. Secutus enim Hilarius fuerat Arelatum ipsum S. Honoratum creatum episcopum, sed eo deinde relicto, amatam repetiit solitudinem : id quidem ipse in primis Hilarius tradit, ubi de S. Honorato agit, his verbis alloquens suos Arelatenses : « Vobis me tanto

¹ Sidon. l. vi. Ep. III. — ² Ibid. Ep. vi.

³ Bibliot. Floriacen. edita a Jo. Caes. pag. 31. — ² Sidon. Ep. xc.

labore per litteras, tanto per cursum suum ambitu ab insula, cui me, derelictis episcopatus sui principis, secreti amore reddideram, non audeo dicere, nesciens, fortasse præcitus, amovere satagebat ». Hæc ipse. Sed et S. Eucherius ad ipsum de laude eremi scribens, exorditur his verbis : « Magno tu quidem animo egressus dudum de domo tua, et de cognatione tua, usque ad mare magnum, recentia eremi secreta penetraveras : majore tamen virtute repetita est a te eremus, quam petita. Siquidem cum hanc prius hospes ingressus es, habuisti ducem, et velut itineris tui prævium, quem deinde militia cælestis magistrum ; eumque tunc secutus, et parentes relinquens, parentem tamen sequebaris : nunc vero cum eundem ascitum ad Pontificatum fastigium prosequendum putaris, ad familiare secretum eremi te amor retulit. Ergo nunc est nobilior, et major exemplo. Prius enim cum desertum peleres, comitatus patrem videbaris : nunc cum desertum repelieris, etiam patrem reliquisti » : nempe ipsum S. Honoratum. Hæc et alia de his S. Eucherius, cum ea occasione præclaram illam ad ipsum de laude eremi lucubrationem dedit. Cæterum quod ad ipsum Hilarium spectat ; rursus Arelatum litteris Honorati accersitus, interfuil (ut ipse docet) cum idem sanctus ex hac vita migravit : quem et peregria funebri oratione laudavit, qua ejus Vitam contexit jam Arelatensis factus episcopus.

17. *Hilarii sanctitas et lucubrationes.* — At licet creatus antistes, jura suæ Ecclesie vindicaturus, plus æquo visus sit esse prolapsus : tamen cedens, eo tandem pervenit culminis sanctitatis, ut ore omnium meruerit commendari. Et ut omittamus ea repetere quæ de ipso dicta sunt superius de laboribus adversus Pelagianam hæresim exantlatis, de ejus erga pauperes munificentia Gennadius ita scribit ¹ : « Hilarius Arelatensis episcopus, vir in sanctis Scripturis doctus, paupertatis amator, et erga inopum provisionem non solum mentis pietate, sed et corporis sui labore sollicitus fuit : nam pro reficiendis pauperibus etiam rusticationem contra vires suas homo genere clarus exercuit : sed nec in spiritualibus neglexit, nam et in docendo gratiam habuit, et absque personarum acceptione omnibus castigatum opus prædicationis ingressit ». Hæc Gennadius. Porro haud his paucis circumscribi, et conscribi valuerunt egregiæ ejus virtutes, et spectatissima morum sanctitudo : etenim (ut idem auctor est Gennadius ²) Honoratus, non Arelatensis, sed episcopus Massiliensis ejusdem Hilarii res gestas perpetuæ memoriæ consecravit : laudatum etiam a S. Prospero diximus : egregio quoque cum præconio prosecutus est post Eucherium Constantinum in Vita S. Germani. Sed accipe nuper ad nos missum epitaphium ipsius S. Hilarii Arelatensis episcopi, cujus sepulcrum est in Ecclesia S. Honorati extra muros Arelati, in capella subterranea, quæ est subtus altare majus dicte Ecclesie. Sepul-

crum erat opertum prægrandi lapide marmoreo, et in fronte dicti lapidis legitur hæc verba : Sacrosanctæ legis antistes Hilarius hic requiescit.

Exant et supersunt in eadem capella fragmenta tabulae marmoreæ, ex quibus epitaphium subsequens litteris Romanis scriptum eliciimus :

Antistes Domini, qui paupertatis anorem
Præponens auro, rapuit caelestia regna
Hilarius, cui palma obtus, et vincere Christus,
Contentuus et erat terreni corporis usum.
Ilic carnis spoliis lignit ad astra volans,
Spernit opes dum quart opes, moriaba vitans
Perpetuis calum donis terrestribus emul.
Gemma sacerdotum, plebisque orbisque magister :
Rustica qui etiam pro Christo munia sumens,
Officio vixit innoxius, sed culmine summus.
Nec mirum post hæc meruit si lumina Christi,
Angelicasque domos intravit, et aurea regna,
Divitas, Paradise, has, fractantia semper
Gramma, natantes divinis floribus hortos,
Subjectasque (subjectasque) videt nubes et sidera cæli.

18. Et ad postremum illud satis ad coronam Hilarii, quod licet pro tuendis (ut sibi videbatur juste) juribus Ecclesie Arelatensis offensam meruerit tanti Pontificis, tamen quod sanctitate non vulgari claruerit, in publicis Ecclesie etiam Romanæ ¹ monumentis titulo meruit sanctitatis adscribi, anniversariaque memoria ejusdem ubique locorum dies natalis coli. Cui sic ad breve temporis spatium contigit ob Ecclesiasticas controversias resilire, ut majori postea impetu, ardentiorique animo, et acriori studio ferretur in hostes. Certe quidem haud mediocre specimen edidit Christianæ modestiæ, dum ita exagitatus tam a Pontifice, quam ab imperatore : « Sicut ² enim frumtus leonis, ita et ira regis » tamen omnino conquivit, neque contrarius editis Apologibus suam causam defendit ; cum alioqui id præstandi, et vis eloquentiæ ipsi suppeteret, et jura a prædecessoribus prætensa suffragarentur.

19. Quod vero ad ejusdem Hilarii lucubrationes pertinet, nulla præterea nobis ingenii ejus monumenta supersunt, nisi data ad S. Augustinum Epistola adversus Pelagianos : ejus enim fuisse discipulum, superius dictum est. Vitam quoque S. Honorati primi cultoris insulæ Lerinensis, ac deinde episcopi Arelatensis sui ipsius prædecessoris, conscripsit : quod testatur Gennadius ³, et alii post eum : est enim funebri oratio, qua res ab eo gestas est prosecutus : sed eam quidem carie situque obducitam, latentem ditu, haud pridem in lucem Parisiis edidit vir doctissimus Genebrardus : cui bene precamur, quod ex ea refellantur fabule, seu potius sunt dicenda deliria incerti auctoris operis tribus libris distincti de Vita sancti Honorati, quo in primis fingitur idem S. Honoratus Nicomediæ regis filius, et alia id genus, quæ non sine nausea legi possunt, nisi ab eo, cujus sit stomachus ferreus, et ignorantiae undique obductus rubigine.

20. *De sancto Honorato.* — Cæterum quod ad S. Honorati genus atque patriam pertinet ; ex sena-

¹ Gennad. de Script. Eccl. c. 69. — ² Ibid. c. 99.

¹ Rom. Martyrol. die v. Maii. — ² Prov. XIX. — Gennad. c. 69.

toria illustri familia, eademque consulatus dignitate aucta ortum, idem tradit Hilarius : finisque patria Arelatensem, idem non obscure significat, dum ait ipsum, duce S. Caprasio sene, conversum in monachum, germanumque nactum comitem Venantium nomine, vitandæ gratiæ humanæ laudis, iter arripuisse Orientem versus, navigioque pervenisse in Achaïam : ubi defuncto eodem ipso fratre Venantio, ipsum Hilarium cum suis hand leviter ægotantem, iniisse consilium patriam repedendi : et licet quænam patria fuerit, expresse non nominet; tamen Arelatum significat, dum auctor ipse Hilarius pro concione alloquens suos Arelatenses, illis plane verbis insinuat, ubi ait : « Hinc iam vobis Honoratum vestrum Christus reducit, et cuncta manus salubritatem regressus sui temperat, etc. » Quem ergo ad suos Arelatenses reductum atque regressum tradit, sane inde recessisse significat. Redemptem vero, primum omnium, consilio Leontii Forojulienensis proxime degentis episcopi incoluisse insulam Lerinensem a serpētibz obsessam; illicque, ceditibus illis, Ecclesiam et monasterium erexisse, excepisseque a seculo profugos ad vitam monasticam excolendam, docet : sed et Arelatum cum rediisset, se conversum a vita seculari ab eodem Honorato, idem qui ea scribit, affirmat Hilarius : nam ait : « Tunc primum illam patriam, quam fugiendam dudum crediderat, agnovit : educit me secum suam prædam, gaudet, triumphat, exultat, etc. » Recenset ejus in episcopum Arelatensem assumptionem, ac tandem ægritudinem, obitum, atque funus. Ad postremum vero ejusmodi precibus, more majorum, eundem in cælo regnantem Honoratum interpellat; quod certo sci-

ret, Dei amicos, defunctos licet, humana curare; atque : « Memento itaque, amice Dei, memento jugiter nostri. Deo incoquinatus assistis, canens illud canticum novum et sequens agnum quocumque vadit : tu illi pedisequus, tu pro nobis patronus, orationum nostrarum interpres acceptabilis, et fortis assertor, profusas ad sepulchrum tuum alumni gregis preces perfer : impetra, ut conspiratione communi omnes simul, sacerdos et populus, quæ jussisti, quæ docuisti, obtinere mereamur ». Hæc Hilarius : qui sicut in episcopatu successor illius fuit, ita in præfectura cœnobii Lerinensis post eundem S. Honoratum maximus abbas fuit electus, ut S. Eucherius in libello de laudibus eremi declarat. At vero ipsum Hilarium sub imperatoribus Valentiniano, et Marciano diem clausisse extremum, Gennadius auctor est : quem tamen corrigas ex his, quæ dicuntur, inferius anno quadringentesimo quadragésimo nono, ad quem annum S. Hilarius pervenisse demonstratur, decessisseque sub consulatu Asterii et Protogenis, sub Theodosio et Valentiniano imp.

21. Itaque, in præsentem videlicet annum, S. Prosperi Chronicon pervenit, quod habetur : ut intelligas ipsum principio, et fine carere, decurtatumque esse : siquidem Cassiodorus de ipso ait ² : « Sanctus quoque Prosper Chronica ab Adam ad Genserici tempora, et Urbis depredationem usque perduxit » : mutilata quidem esse omnia, quæ præcesserant usque ad finem S. Hieronymi Chronicon, et alia deesse in fine, lector intelligit.

¹ Cassiod. Instit. div. lect. I. l. c. 7.

1. *Vicennalia Valentiniani.* — Coss. *Valentinianus* Aug. VI, et *Nonus* in Oriente creatus, ut liquet ex tribus Theodoretii Epistolis ad eum scriptis, et ex legatione, quam Theodosii imp. jussu ad Attilam Hunnorum regem obivit. Hujus legationis supra meminimus. Suscepit a Valentiniano imp. consulatus ob imperii Augustei *vicennalia*, in quibus cæsus numerus anno cdxlix, num. 20 a nobis relatus. Hæc vicennalia probantur ex dicendis num. 22.

2. *Magnæ fuerunt opes episcoporum Alexandriæ.* — A num. 1 ad 6. *Nonus* erat magister officiorum anno cdxlii, quo *Theodosius* ad eum direxit Novellam xxxi *De ambitu et locis limitaneis*. Fuit etiam unus de iudicibus ad Concilium Chalcedonense missis, ubi Anastasii sancti Cyrilli nepotis querelas contra se oblatas audivit. Questus est *Anastasius*, ut refert Baronius ex Actione in Concil. Chalced., quod *Nonus, tunc res totius orbis habens*, statim ab obitu Cyrilli, affines ipsius impulsu Dios-

cori vexasset, atque etiam opibus exhaustisset. Prodigiosum dictu est, inquit Græverius in Notis ad Epist. LVII Theodoretæ gratulatoriam ad Nonnum consulem, quantas opes, vel *Cyrelli* testamento, vel alia arte huiusmodi homines collegissent. Nam a viris duobus *Cyrelli* hereditibus, octo milia librarum auri *Nonnus* extorsit, *Dioscorus* a feminis duabus centum et viginti auri pondo, cui summæ ingentes adde pecunias, partim artopolis, partim *oenopolis* Alexandrinis, ex eadem hereditate traditas, ut meliora, nec majori tamen pretio plebi venderent. Æstima inde quanta fuerit Alexandrinorum pontificum potentia, quante opes, cum usque adeo profuerit uni familiae peperisse duos etiam sanctissimos pontifices, nempe *Theophilum* et *Cyrellum*, qui sedem Alexandrinam sexaginta fere annos continenter tenuerunt.

3. *Patriarcha Alex. omnes sui Patriarchatus episcopos ordinabat.* — Nec mirum tantas fuisse patriarchæ Alexandrinæ divitias, cum ei omnes patriarchatus sui Ecclesiæ subessent. In eo non solum episcopos omnes potestate independenti creabat; sed etiam in omnibus Ecclesiis, quando sibi bene videbatur, presbyteros ordinabat. Synesius in Epist. LXXVII testatur episcopum Patebisci in Pentapoli non posse legitime in episcopum consecrari nisi Alexandriæ, uti seniores attestati fuerant; in Epistola LXXVI Electum Olibiatis a Theophilo Alexandrino necessario cōdinationem accipere debere, et in Epistola CV eam ad Theophilum pertinere. Synesius autem Ptolemaidis in Pentapoli episcopus erat. Socrates lib. 2, cap. 24 refert sanctum Athanasium post suum exilium in Ægyptum redeuntem in *quibusdam Ecclesiis ordinationes* fecisse. Sanctus Epiphanius Hæresi LXXVII Metetium in Ægypto episcopos et presbyteros variis in locis ordinasse dicit, et Sozomenus lib. 1, cap. 24 scribit Metetium in Concilio Nicæno damnatum, quod quæ ad Petrum Alexandrinum ordinationes pertinebant, usurpasset, nulla alterius episcopi mentione facta, quod in eo patriarchatu episcopi viderentur simplices vicarii magni huius et absoluti patriarchæ; et lib. 8, cap. 19 tradit mortuo episcopo urbis Geras (parvum oppidum est quinquaginta circiter stadiis distans Pelusio), cives quosdam Nilamnomem Ecclesiæ suæ antistitem elegisse, qui cum recusaret sacerdotium suscipere, « Theophilus ad eum accedens, hortari cœpit, ut ordinari se ab ipso pateretur », sed eum postero die mortuum esse, ut legere est apud Baronium anno cœni, num. 32.

4. *Hujus consuetudinis antiquitas.* — Jam tertio sæculo patriarchas Alexandrinos hoc iure potitos fuisse intelligimus ex Origene in suo Commentario super Matthæum pag. 442 editionis illustrissimi episcopi Abricatisensis. Origenes adversus Heraclam et Demetrium, qui eum persecuti fuerant, Ægypto expulerant et asilum quærere coegerant, valde animatus, eos his verbis describit: « Ego vero quod de columbarum venditoribus scriptum est his convenire existimo (episcopis nempe Alexandrinis quo-

rum nomen Origenes relicet) qui Ecclesiis avaris, tyrannicis, inductis et irreligijs episcopis, presbyteris vel diaconis tradunt: quocirca de eorum tantummodo cathedris qui columbas vendebant, mentionem fecerunt Matthæus et Marcus, quas a Jesu eversas fuisse commemorant. Atque utinam hæc mente divine Scripture accommodata audirent, qui supra cathedram Moysis sedere se gloriantur, et totas columbarum Ecclesiis vendunt, easque ejusmodi prefectis tradunt, de quibus dici potest quod in Jeremia a Domino profertur: Principes populi mei non me cognoverunt: Filii insipientes sunt et recordes, sapientes sunt ut faciant mala, bene autem facere nescierunt; et quod apud Michæam, opinor, his verbis conceptum est: Principes populi mei elicientur de domo deliciarum suarum; hæc enim si audissent, columbas Christi minime profecto vendidissent, sed principes columbis parcentes, ac de earum salute sollicitos constituissem. Manifestum est Origenem invehî in episcopos Alexandrinos sibi inimicos, qui Ecclesias et unia Ecclesiastica summo cum imperio conferebant; neque enim verba illa interpretari possunt de Syriæ episcopis, a quibus adversus illos protegebatur, et quorum consuetudines plane differebant ab Ægyptiacis, apud quos ab ipso initio Ecclesiæ regimen monarchicum erat. Et tamen Protestantes, qui adeo invehuntur in absolutam Pontificum Romanorum potestatem, tacent de dominatione despotica Alexandrinorum qui majorem sibi auctoritatem arrogabant.

5. *Ea consuetudo etiam hodie in Ægypto et in Æthiopia viget.* — Quæ nunc viget in Ecclesia Alexandria consuetudo, in qua patriarcha solus est archiepiscopus et metropolitā, antiquam nobis ob oculos ponit. Hujus rei exemplum suppeditat Ecclesia Æthiopia; cum enim Abyssini seu Axomitæ, vivente sancto Athanasio, fide Christiana imbuti sunt, is solus sanctum Frumentium eis episcopum ordinavit. Mos ille adhuc viget, cum unicus antistes aut episcopus sit in Abyssinia, Copita seu ortu Ægyptius, creatus ac consecratus a patriarcha Coptorum aut Alexandria in magno Cairo sedente. Nunquam Æthiopes ad episcopi dignitatem ascendunt, quia nolunt cœlibatū profiteri, existimantque hanc potestatem Æthiopi committendam non esse, quia scilicet eorum imperatori, qui est in possessione summi imperii, etiam quoad spiritualia, sese opponere possit. Miser enim ille antistes omni presidio et scientia destitutus omnia tolerare cogitur, nec potest principi aut ejus ministris refragari. Vocatur hic episcopus ab Abyssinis *Papas* a voce ab antiquis Christianis desumpta, qui episcopos omnes *Papas* nuncupabant. Respectu vero patriarchæ Alexandrini solus appellatur *Likpapas*, princeps, episcopus, archiepiscopus. *Papas* seu episcopus Æthiopiæ vocatur etiam *Abuna*, Pater noster. Balthazar Tellez e Societate Jesu in Historia Æthiopiæ lingua Lusitana Ulyssipone anno MDCX edita in fol., et extracta ex Relationibus illarum regionum, Alphonsus Mendez, aliique refellunt celebrem histori-

cum Gonzalvo Hiesem Lusitanum, qui in sua Historia Pontificali scripsit in Æthiopia plures episcopos et patriarchas reperiri; id enim a veritate alienum, et si proprie loqui velimus, apud eos nullus primas, nullus archiepiscopus, nullus metropolitā, licet regio vastissima sit, nec ullus alius episcopus consecratus reperitur præter papam, seu Abunam, qui solus alios ordinal et subiectos habet archipresbyteros aut prepositos, qui solum simplices sacerdotes existunt, ordines non conferunt et vocantur *Comos*. Quare Marea in Diss. de Primatu Lugdunensi n. 28, nominis ab aliquo historico, de statu Æthiopiæ hodierno male edocto, accepit in Æthiopia præter Abunam esse episcopos Abunæ suffraganeos.

6. *Constantinopolis variis modis afflictæ.* — Ad num 6. Marcellinus in Chronico sub hujus anni coss. scribit: «Apud Bysantium populari orta in circo seditione, multi sese invicem occiderunt, multaque intrinsecus hominum, pectumque morbo corpora perierunt». Sub consulibus vero sequentis Christi anni: «Magna fames Constantinopolim invasit: pestisque illico subsequuta. Templum regię civitatís igne crematum». Seditio itaque et fames ad diversos annos pertinent, licet Baronius, qui in mendosum Marcellini codicem incidit, utramque ad unum eundemque referat. De illa peste ac fame lege que anno sequenti num. 2 refero.

7. *Contentio inter S. Leonem et Hilarium exorta.* — A num. 13 ad 19. Hoc anno inter sanctos *Leonem* summum Pontificem, et *Hilarium* Arelatensem episcopum orta contentio est a Baronio fuse recitata. Sanctus Leo scripsit ad episcopos per provinciam Viennensem constitutos Epistolam XI, alias LXXXIX in causa Hilarii, qui provincię suę terminos excesserat, et cum Romam ad dicendam causam sponte se contulisset, haud expectata sententia Arelatum redierat. Quare sanctus Leo, irritis redditus quæ ab *Hilario* præsumpta fuerant, inter alia statuit, ut non ultra Hilarius auderet *Conventus indicere Synodales*, ulque præter consensum Leonis provincię Viennensis antiquioris episcopi, Concilium alterius provincię non celebraret: *metropolitani privilegii sui dignitate servata*. Ea Epistola sine die et sine consule est; sed cum Novella Valentiniani III, a Baronio num. 9 recitata, quæ de eodem negotio est, data sit VIII id. Jun. Romæ, Valentiniano Aug. VI, coss., currenti sc. anno, dubium esse non potest, quin eodem tempore sanctus Leo Epistolam illam scripserit. Baronius num. 16 aliique viri eruditi *Leontium* illum, cuius consensu Synodi celebrandæ erant, sanctum *Leontium* episcopum Foro-Juliensem interpretantur. Verum is anno cxxxiii e vivis excessit, ut ibidem monstravi. Cum vero plures episcopi hujus nominis isto tempore vixerint, divinari non potest de quo *Leontio* sanctus Leo loquatur.

8. *Celidonius anno superiori a sancto Hilario episcopatu depositus.* — Causa *Celidonii* pluribus hic disenti non potest propter eam, quam nobis

proponimus brevitalē, quare potiora tantum explicabimus. Narrat itaque sanctus Honoratus Massiliensis episcopus in Vita sancti Hilarii episcopi Arelatensis, quod cum Hilarius et Germanus Anfisiodorensis antistes provinciam lustrantes ad aliquam civitatem, cuius nomen facit, pervenissent, «Iam tunc ad utrumque nobilitum et mediocrium studia convolarunt; adstruentes *Celidonium* interruptam suo adhiluisse consortio, quod Apostolica Sedis auctoritate et canonum prohibent statuta, simul ingrederes sæculi administratione perfunctum, capituli aliquos condemnasse sententia. Tanta rei novitate permoti, testes imperant præparari. Conveniunt ex aliis locis probatissimi sacerdotes: res omni ratione prudentiæque discutitur, accusatio testimoniis confirmatur. Adhibetur vera simplexque definitio: ut, quem Scripturarum regulæ removebant, voluntate propria se removeere deberet. Ille Urbem credidit expectandam, ibique se injusto rigore adstruit condemnatum. Quod ubi comperit vir beatus (nempe sanctus Hilarius) quanto studii ardore, quantoque zelo superno fuerit inflammatus, ut non hiemis asperitatem, non Alpium stridores attenderet, vel frigora non vitrea glacialis crustæ spicula protinus resolvenda desuper, nec gladii icetui similes extaveri aculeos dependentes, vi frigoris terrorem mortiferum gelu concreto velut vibrantem dexteram imitantes». Addit postea sanctus Honoratus; *Hilarium* Romam statim contendisse, sed sanctum Leonem coacerit increpito sedem *Celidonio* restituisse. At Hilarius Romæ relicta «hyemis rigore sæviante, quos ratione non flexerat, credidit relinquendos», inquit sanctus Honoratus. Quare sanctus Hilarius anno superiori *Celidonium* deposuit, Concilium adversus eum incerto loco celebravit et Arelatem rediit, ut recte vidit Sirmondus, tom. I Concil. Gall., cum Sanctus Leo, VIII idus Januarii ad episcopos Gallicanos de recessu Hilarii ab Urbe scripserit, ut modo ostendetur.

9. *Celidonius fuit metropolita Vesontionensis.* — *Celidonium* provincię Viennensis episcopum fuisse autumavit Baronius, sed postquam Vita sancti Romani abbatis Jurensis in lucem prodit, eruditi cum Bisuntina Ecclesiæ episcopum fuisse non dubitarunt; quod in ea cap. 2 dicitur: «Hilarius venerabilem *Celidonium* supra dictæ metropolis (nempe Vesontionensis, de qua jam locutus erat) patriarcham, patricio pratorioque fultus favore, indebitam sibi per Gallias iudicium monachiam a sede episcopali memoratum *Celidonium*, nulla existente ratione, dejecerat. Ob quod in audientiam beatissimi papæ Leonis Romæ male gessisse convictus, restituito quoque in episcopatu *Celodonio*, Apostolica auctoritate ob usurpationem illicitam regulariter est increpatus». Verum quidem est, Quesnellum tom. II Operum S. Leonis Dissert. v, parl. 1, cap. 2, et Papebrocium tomo VII, SS. mensis Maii in addendis et corrigendis ad diem v mensis Maii, quo sanctus Hilarius colitur, contendere Vitas SS. Romani, Lupicini, et Eugendi a monacho Ju-

rensi anonymo scriptas, interpolatas esse ac supposititias, quod, inquit Quesnellus, in iis reperiuntur aliqua vocabula, quae desinente quinto saeculo, vel sexto inuenta in usu fuisse credibile non est, v. g. *repausare et repelare, religio et religiosus*, pro monachorum ordine et monacho; *pater Romanus, pater Lupicinus*, eo sensu, qui nunc in usu est apud monachos. Nomen *sacerdotis* sine addito, quod prioribus saeculis episcopum significat, usurpatur pro presbytero, *patriarcha* pro metropolitano episcopo. De *dalmatica* sancti Romani sermone facit anonymus, quem ab eo acceptum *Lupicinus* discipulo suo Eugenio moriens tradiderit, et sermonem inserit de duobus monachis Romanis peregrinantibus, quos inde reducit sacris Apostolorum Petri, Pauli, et Andreae reliquiis ornatos, quod a saeculi illius moribus abhorret. Laudat Eugendum, quod nunquam canonico usque ad finem defuisset cursu; ubi de horarum canonicarum penso loqui videtur; quod tunc nec canonicum appellatum, nec lege Ecclesiastica indictum fuit. Alias Quesnelli conjecturas, utpole leviores praetermitto.

10. *Vitae SS. Romani, Lupicini et Eugendi gemine.* — Verum cum Vitae ille post initium sexti saeculi circa annum DXX scriptae fuerint, ut ipsemet vir doctissimus fatetur, laudata verba ac mores Vitarum illarum sinceritati nihil officiunt. Venantius enim Fortunatus, qui circa annum DLXIV, quo ex Italia in Galliam venit, iam poesi inlaescebat, in Vita sanctae *Radegundis* reginae apud Mabilonium saeculo I Benedictino recitata num. 8, *Religionis* nomen pro statu religioso quemadmodum anonymus Jurensis, usurpat, et Baudonovia monialis ei aequalis, quae Vitam illam continuavit, num. 1 et 36 vocem illam in eadem significatione adhibet, et num. 42 de sanctae *Radegundis* congregatione loquens ait: « Postquam congregatio se recondebat jam ad pausionem ». Marcellinus in Chronico ad consilium Pauli et Muschiani, anno DXXI gestum, utitur verbo *repedare*; et tamen hic auctor eodem, quo anonymus tempore scripsit. Mentionem etiam facit Baudonovia variarum reliquiarum, quae *Radegundis* a diversis accepit, et de Basilica in ejus honorem extracta. Ad haec antiquus auctor Anonymus Vitae sancti Eleutherii episcopi Tornacensis ab Henschenio ad diem XX Februarii secundo loco recitata, tria hujus sancti Romana itinera narrat, et cap. 5 dicit, eum, Romanam Ecclesiam Hormisdas regente, Romam se contulisse, et ab eodem Summo Pontifice obtinuisse reliquias B. Mariae Aegyptiacae, et B. Stephani Protomartyris, additque de Tornacensibus: *Exsultant clerici, et dalmaticis induti beato pastori suo obviam procedunt*. Quare anno DXXIII quo Coitinus tertiam illam profectioem Romanam Eleutherii consignat, et circa quem anonymus Jurensis tres laudatas Vitas elucebrabat, et dalmaticae communes erant, et reliquiae sanctis et magnatibus, ut plurimum non denegabantur. Quo ad cursum canonicum, simili

loquendi modo utitur Fortunatus in vita S. Germani Parisiensis episcopi: « Non est egressus ulterius psallentium ab ordine, donec clarescente die decanatus sollempniter cursus universus consummaretur ex canone ». Abbates a Cassiano anonymo isto longe antiquiori, vocantur *Summi Patres*, ut videre est in hoc Opere anno cxxix, et presbyteri appellantur *Sacerdotes* ab Orosio, ut ibidem anno cxxv ostendi. Imo Pontifices Romani qui hoc vel sequentis saeculi initio vivere, presbyteros quandoque appellaverunt *sacerdotes*, uti Innocentius I in Epistola ad Decentium num. 3: « De consiguandis infantibus manifestum est, non ab alio quam episcopo fieri licere. Nam presbyteri, licet sint sacerdotes, pontificatus tamen apicem non habent ». Symmachus vero in Synodo Romana de abroganda Odoacris regis lege num. 5 presbyteros Romanos nuncupat sacerdotes: « Per omnes Romanae civitatis filios, qui sunt presbyteri, adstringi volumus lege.... ejus Romanae civitatis sacerdotes volumus religionis nexibus devinciri ». Denique idem Anonymus verba inusitata ac magnifica, styliumque elatis vocibus intensum perpetuo affectat, indeque Hilarii primatum *monarchiam* appellat, abbates *patris* et presbyteros *sacerdotis* nomine nuncupat, qui tamen ex communi loquendi modo tunc adhiberi solito dicebantur secundi ordinis sacerdotes, aut simpliciter presbyteri. Ea scribendi ratio absurda non censenda; cum non multo post communi usu recepta fuerit, et voces in consuetudinem venire solite non sint, quin prius a privatis scriptoribus per aliquod tempus fuerint usurpatae. Tres itaque Vitae ille gemine et sincere, ac praecleara Antiquitatis monumenta.

11. *Inae in contrarium rationes referuntur.* — « At », inquit Quesnellus citatus, « si quis Galliarum statum, qui tunc erat, attenderit, intelliget quam parum illi conveniat, ut Celdionius Vesontionum fuisse credatur illo tempore episcopus. Omnes enim, ni fallor, consentiunt, *Maximam Sequanorum* vicinasque regiones tunc paruisse, non Romanis, sed partim Gallis, partim Burgundionum principibus. Quis autem credat, *Hilarium* ditionis Romanae episcopum, in alienae ditionis metropolitam jus sibi assumere ausum esse, in externa et inimica Romanis provincia visitatorem egisse, Synodum congregasse, primi ordinis episcopum deposuisse? Hoc certe nunquam passi essent Burgundiones, sed nec unquam id cordatissimus vir *Hilarius* tentasset: qui si Romanum monachum in presbyterum consecravit, ut hujus Vita testatur, non aliam ob causam eum ex Jurensium locis ad se evocavit, quam quia Jurensia loca quae Burgundiae dominationis erant, adire fas illi non erat, ut sacerdotata munia illis exerceret. Ex ista ratione altera sequitur, quod nimirum *Valentinianus imp.* non ita aegre fuisse Celdionum ab Hilario sententia depositum, nec illius causam adversus hujus sententiam tam ardentem suscepisset defendendam, si extra dominationis suae limites episcopus fuisset Celdionus.

Imo vero hoc illi acceptissimum fuisset, quod Romanæ ditionis episcopus in eas Ecclesias, quæ ab illa avulsæ fuerant, jus et potestatem sibi vindicasset; hoc enim erat viam Romanis aliquatenus parare, ad regiones illas suo iterum jugo subjiciendas ». Hæc Quesnellus, cujus duæ rationes Papebrocio laudato probantur.

12. *Utrique satisfit.* — Verum res alio statu in Galliis hoc tempore erant, quam uterque vir doctissimus sibi persuasit: ut enim ad annum cōlxii. et ad annum cōlvi videre est, *Burgundionum* reges Galliam Sequanorum, et provinciam Viemensem non obtinere ante annum cōlvi, indeque nulla eorum in Vita sancti Romani mentio erat. Et tantum abest, ut Burgundionum reges cum Romanis tanquam cum hostibus egerint, ut eos tanquam dominos coluerint, eorumque partibus, saltem post obtentam ab eis *Sabaudiam*, semper adhæserint. *Aetio* militia Romanæ in Galliis præfecto in pugna Catalaunica adfuerunt: sub Anthemio imp. *Riothimum* regem imperio federatum, a Gothis acie fusum, fugatumque exceperunt; *Chilpericus* rex hoc tempore patricius erat, et *Gundeucus* ejus frater magister militum, ut liquet ex Epist. Hilari papæ recitata a Baronio an. cōlxii, num. 4: quas dignitates uterque obtinuit ab imperatoribus Romanis, qui ejus successores iisdem honoribus exornarunt. Cum itaque sanctus *Hilarius Lozimi* papæ rescripto, et vicaria potestate ab illo suis decessoribus concessa *Celidonium* episcopum Gallie, dignitate dejecerit, hæc Quesnelli rationes evanescent, quia etiamsi *Vesontio*, cujus dicitur fuisse episcopus, hoc tempore Burgundionibus subiecta fuisset, non potuisset Valentianus imp. non gravissime ferre, quod Hilarius episcopus principi sibi addictissimo subditum male, ut ille querebatur, et sanctus Leo ei significavit, habuisset. Porro *Hilarium* vicaria illa potestate adversus *Celidonium* usum esse, indicat sanctus Leo in Epist. ad episcopos Viennensis provincie scripta, in qua ab eo Hilarius accusatur tanquam *ordinationes sibi omnium per Gallias Ecclesiarum vindicans*; indicat et Valentianus imp. in sua Novella, hoc anno ab eo data, et a Baronio recitata, in qua ait de Hilario: *Alios incompetentem revocavit* (sc. Celidonium), *indecenter alios invitis et repugnantibus civibus ordinavit*, in Gallia sc. ut dicitur semel et iterum affirmat imperator.

13. *Dissidium inter SS. Leonem et Hilarium diverso modo narratum.* — Quæ de hac inter sanctum Leonem, et sanctum Hilarium controversia referuntur a sancto Leone, et a S. Honorato episcopo Massiliensi, valde inter se discrepant. Ait Leo: « Nil Hilarium habuisse rationale, quod in sanctorum Concilio sacerdotum posse responderi »: contra vero Hilarium laudat Honoratus; « quod solus tantos sustinuit, quod requirentes edocuit, quod altercantes vicit ». Queritur Leo « ad ea se occulta cordis istius transulisse, quæ nullus laicorum dicere, nullus sacerdotum posset audire ». Honoratus autem miratur, « quod nequaquam mirantes expa-

vil, quod potentibus non cessit, quod in discrimine vite positus communioni ejus (Celidonii videlicet), quem cum tantis damnaverat, conjungi nullatenus acquievit ». Leo « tumorem mentis ejus, superbie spiritu inflata, et nimis impiam præsumptionem arguit », talemque asserit existisse, « ut E. Petro nollet esse subiectus, et frequentius temerariis et insolentibus verbis sententiam damnationis expecteret ». Honoratus vero scribit Hilarium « B. Leoni se illico presentasse, cum reverentia impendisse obsequium, et cum humilitate poposcisse, ut Ecclesiarum statum more solito ordinaret ». Denique Leo graviter expostulat, « quod Hilarius meriti sui conscius cum quæreretur ad causam turpi fuga se credidit subtrahendum », sed Honoratus et sapientie et fortitudini imputat, « quod custodibus appositis hyeme severiente, quos ratione non flexerat, credidit relinquendos ».

14. *Leoni etiam in propria causa loquenti omnis fides adhibenda.* — Controversiæ statum iisdem fere verbis Quesnellus et Papebrocius citati, qui hæc magis alie discutere, proponunt, priorque arbitratur, Honoratum post Leonis et Hilarii mortem ita scribentem ab omni vel palpani, vel fallendi affectu liberum et immunem fuisse, credendum; indeque prolixam Apologiam texuit *pro sancto Hilario Arelatensi episcopo*. Verum Papebrocius longe rectius statuit potiore, in hujus causæ narratione, esse auctoritatem sancti Leonis, quam auctoris Vitæ sancti Hilarii, quia *Leo* tam sanctus fuit, ut mendari nollet; tam antiquus, ut nemo propinquior haberi possit testis hujus rei, cui interfuit, quam quæ ipse, ut iudex gessit. « Præterquam quod auctori Vitæ sancti Hilarii injuria non magna fieret si diceretur in iis, quæ Romæ gesta erant anno cōlxv ex auditu et relato Arelatensis cleri post annos viginti aut frigidata narrandis, scripsisse minus vera: magna autem fieret *sancto Leoni*, si vera scripsisse dubitaretur in Epist. vulgo LXXXIX ad episcopos Viennensis provincie. Cum enim istum possit excusare bona fides audita referentis, Leo non possit non damnari impudentissimæ calumnie, falsa scribens; quis, obsecro, intelligens quam sanctus vir *Leo* fuerit, huic dubitabit dare fidem; illi, quamvis sancto contraria scribenti, derogare? » Hæc Papebrocius, qui postea pluribus agit de culpis sancto Hilario a sancto Leone imputatis, et quatenus excusari possint.

15. *S. Honorati Massiliensis episc. narratio in causa Leonis mutat.* — Prefecto qui animum attenderit, ad ea, quæ pluribus sanctis viris configere in his referendis, quibus ipsimet presentes non fuere, *sanctum Honoratum* de iis, quæ Romæ in causa Celidonii, coram sancto Leone gesta fuerant, male edoctum fuisse, non dubitabit. Seculi sequentis initio magni tumultus Constantinopoli excitati, quod sanctus *Macedonius* patriarcha Constantinopolitanus pati nollet in hymno Trisagio hæc voces adjici: *Qui crucifixus es pro nobis*. Tunc enim, ut narrat Evagrius lib. 3, cap. 14, gravissima seditio

exorta est, *perinde quasi Christiana religio funditus evertetur*: adeoque crevit, ut imperator Anastasius præcones ad populum miserit, qui proclamarent se libentissime imperio cedere. De his tamen omnibus innocens fuit *Macedonius*, cui imperator insidias struxerat, ut illum e patriarchatu expelleret: hoc enim scientes Schismatici *die Domânico* in magna Ecclesia Trisagium canentes ei addiderunt *quæ crucifixus es pro nobis*, ut scilicet ostenderent, ipsummet Deum in passione Christi passum esse, eaque clausula hæresim Eutycheianam magis corroborarent. Et nihilominus sanctus *Avitus* Viennensis episc. de his quæ tunc Constantinopoli acciderent, ad *Gundabodum* Burgundiam regem scribens, horum tumultuum auctorem facit *Macedonium*, quem negligentem inscitique insinulat: atque iuste *anti-quæ sede* propulsum esse, cum docuerit, « crucifixus pro nobis, ut miseretur, minime supplicandum, et quicquid putabatur ab Eutycheiani hæreticis concipi, patuerit totum hoc ab episcopo predicari ». Et tamen non alia ratione eam clausulam *Macedonius*, cæterique Orthodoxi non ferebant Trisagio adijci, nisi quia Eutycheiani per eam Deum crucifixum insinuare volebant. Quæ de re pluribus egimus anno DXXI, quo ea Epistola data. Porro *Avitus* ad principem suum non alia scripsit, quam quæ: ab aliquo episcopo, aut viro illustri, aut sanctitate claro ex Oriente acceptæ, neque enim verosimile est, episcopo natalibus, pietate, et scientia conspicuo cum aliis, quam cum hujusmodi viris fuisse litterarum commercium. *Honorato* itaque Massiliensi episcopo idem, quod *Avito* Viennensi metropolitæ, accidit; et quemadmodum hic de Macedonii causa, sic et ille de eadem Leonis relationem parum sinceram habuit. Cæterum *sanctum Honoratum* auctorem esse Vitæ sancti Hilarii, quod negavit Papebrocius, infra videbimus.

16. *Synodus Arelatensis II.* — Marca lib. 6 de de Concordia cap. 17, num. 9, et Baluzius in Supplemento libri 5 de Concordia cap. 32, num. 1 existimant, ex laudatis Leonis verbis num. 4 posse constitui epocham Concilii Arelatensis II hæctenus exploratam. Nam cum constet *Hilariam* qui magna Synodus propria auctoritate congregabat intra Gallias, a sancto *Leone* hoc anno repressum esse, locus non videtur dubitandi, quin *Synodus* illa habita fuerit ab *Hilario*, adversus quem *Leo* excaudit, ob hanc ipsam causam, ideoque quin collocanda sit immediate post Concilium *Vasense* anno CDXLII celebratum, et ante currentem annum, quo scripta est Leonis ad Gallicanos episcopos adversus *Hilarium* Epistola. Sirmondus enim recte observavit, hoc Concilium Arelatense II ex Canonibus Arausiaci et Vasensis pro parte contextum esse, perperamque hæctenus ab aliis Constantini Magni, ab aliis Constantii ejus filii temporibus adscriptum fuisse, et de numero ejus Canonum in antiquis exemplaribus magnam discrepantiam esse; cum tamen in eis nulla sit. Legende Sirmondi Notæ posthume in Appendice ad tomum IV Concil. in

qua dicitur hæc Synodus celebrata sub *Ravennio* Hilarii successore, anno circiter CDLII, quod ex mox dictis ruit.

17. *Epistola S. Leonis adversus S. Hilarium scripta.* — Epistola IX divi Leonis ad episcopos Gallicanos provincie Viennensis, qua queritur, *Hilariam* Arelatensem episcopum Roma, non expectato Sedis Romane judicio discessisse, monetque Gallicanos episcopos, se Arelatensis sedis privilegium ad Viennensem translulisse, suppositionis characteres aliquot præfert, inquit Quesnellus in Notis ad eandem Epistolam, quæ ex Bibliotheca Floriacensi profuit. Nam *archiepiscopi* nomen latinis tunc in usu non erat. Præterea Epistola dicitur *data VIII idus Januarii, Valentiniano Aug. IV et Avieno coss.* Valentinianus aulem anno CDXXXV quartum consulatum gessit, Avienus anno CDL consul processit. Verum fatetur postea Quesnellus hæc Epistolam videri necessariam: cum altera, quæ sincera ab omnibus agnoscitur, mense Junio scripta videatur, et hyemis tempore Roma profectum *Hilarium* narret ejus Vitæ auctor: unde et Januario mense hæc scribere potuit sanctus Leo Epistolam ad Gallicanos episcopos, et postea prolixiore alteram de eodem negotio. Vox *archiepiscopi* pro episcopi nomine a librariis ævi sui usum ob oculos habentibus, non raro supposita, ibique scriptum *Valentiniano Aug. IV loco Valentiniano Aug. VI,* et *Avieno*, pro *Nomo*. Nilul itaque certi de hac Epistola statui potest.

18. *S. Hilarius Semipelagianis adhesit.* — Ad num. 19 et seq. Epistola Hilarii ad sanctum Augustinum adversus Pelagianos seu Semipelagianos, non a sancto *Hilario* Arelatensi episcopo, ut credidit Baronius, sed ab alio *Hilario* scripta, ut suo loco ostendimus. Fuit porro sanctus *Hilarius* Arelatensis episcopus unus ex illis, qui a sancto Augustino, in questione de Prædestinatione, discedentes, Semipelagianis adharebant. Nam sanctus Prosper, data ad sanctum Augustinum Epistola, quæ omnium, quæ contra illius de Prædestinatione sententiam in Gallia disseminabantur, certiora fecit, rogavitque, ut libris editis adversarios comprimeret: « Speramus, inquit, non solum tenuitatem nostram disputationum tuarum præsidio roborandam; sed etiam ipsos, quos meritis atque honoribus claros caligo istius opinionis obscurat, defæcatissimum lumen gratiæ recepturos. Nam innum. eorum præcipuæ auctoritatis et spiritualium studiorum virum sanctum *Hilarium* Arelatensem episcopum sciat beatitudo tua admiratorem, sectatoremque in aliis omnibus tuæ esse doctrine, et de hoc quod in querelam trahit, jam pridem apud sanctitatem tuam sensum suum per litteras velle conferre. Sed quia utrum hoc facturus, aut quo fine sit facturus, incertum est: adde eruditionem humilibus, adde increpationem superbis ». Quare *Hilarius* Arelatensis episcopus *erat unus eorum*, qui gratuitam Prædestinationem ad initium fidei ab Augustino asertam in questionem trahebant. Illi vero tunc hæretici minime censebantur.

19. *Ab eis postea discessit.* — Aller *Hilarius*, qui litteras de eorundem Semipelagianorum opinionibus una cum Prospero ad Augustinum perferendas dedit, Prospero conformia narrat : « Plane, inquit, illud facere non debeo, quod se dicant tuam sanctitatem, hoc excepto, in factis ac dictis admirari ». Ubi vides utrumque eisdem fere verbis de eadem re agere. Sanctum tamen Hilarium doctrinam illam postea abdicasse, ostendunt postrema ejus verba, quibus moriens adstantem suam clericorum congregationem cohortatus est, atque adversus Pelagianum virus visus est prae munire, ut colligit Quesnellus ex ejus Vita in Notis ad Opera sancti Leonis tomo II, pag. 913. Sic enim ejus Vitae scriptor Hilarium loquentem inducit : « Cum istius mundi principibus cum quibus Apostolus describit bellum jure esse, conflivimus, quod nulli deerit quicumque ad beatitudinem caelesti gratia precedente, et industria subsequente, voluerit pervenire ». Quae profecto verba longe clariora sunt, quam quae afferuntur, ut probetur cum novam adversus S. Augustinum doctrinam initio seculum esse.

20. *S. Honorati episc. Arelatensis patria.* — Scripsit S. Hilarius sermonem de Vita sancti Honorati episcopi Arelatensis decessoris sui, quae extat apud Bollandum ad diem XVI Januarii. Quo ex sermone occasione sumpsit Baronius existimandi Hilarium scripsisse Vitam S. Honorati episcopi Arelatensis; et sanctum *Honoratum Arelatensem* fuisse. Alii, ut Petrus Saxius in Pontificio Arelatensi, *Honoratum* genere Burgundum existisse volunt. Verum in laudata Vita sancti Hilarii cap. 2, legitur, sanctum Honoratum adhuc Lerinensem abbatem, congregationem a se insulitum paululum deseruisse, et ut *Hilarium* in novae vitae immortalitatem regeraret, ad patriam profectum esse : quod ipsemet Hilarius in sermone laudato confirmat : « Mei gratia, patriam, quam fastidierat, non deignatur accedere ». Quare eadem erit utriusque patriae; imo uterque cognationis vinculo conjunctus, ut liquet ex his Hilarii de Honorato loquentis verbis : « Quærens in me fidei, sicut sanguinis sui venam ». Præterea ibidem Hilarius scribit, Honoratum Arelatensibus ignotum fuisse : « Sed unde illud, quæso, quod jam e longinquo tam ignotus expetit? » Compellat Hilarius Arelatenses, quibus Honoratus incognitus non fuisset, si Arelatis natus esset, et quidem ex nobilissima familia usque ad consulatus nobilitatem provecta, et quem pæne summum habet mundus honorem, ut ait Hilarius citatus cap. 1. Neque Honoratus Burgundus fuit; cum in Vita sancti Lupi legatur, Lupum ortum esse in *Leucorum oppido, nobili autem imprimis familia* duxisse in uxorem *Pimeuolam, sancti Hilarii Arelatensis sororem, illustris memorie*. Unde ejusdem patrie ac provinciae Hilarius, Lupus, Honoratus, imo et Vincentius Lerinensis, Lupi germanus frater, existerunt. Quae ratio esse potuit, cur in una eademque insula Lerinensi simul morari voluerint. Fuere porro *Leuci* populi Galliae Belgicae, ubi nunc Tul-

lensis diocesis in Lotharingia, cujus urbs primaria *Tullum*.

21. *Hilarius Arelatensis et Eucherius Lugdunensis episcopi an. cdxlix demortui.* — Baronius ex litteris sancti Leonis ad episcopos provinciae Lugdunensis, qui unanimi consensu Ravennio episcopatum Arelatensem detulerant, datis *Asturio et Protogene coss. II kalend. Septemb.*, anno nempe cdxlix, colligit sanctum Hilarium usque ad illum Christi annum in vivis fuisse. Et quidem recte; Prosper enim in Chronico imperiali ad annum Theodosii jun. post Honorium patrum regnantis xxvi, ait : « *Eucherius Lugdunensis episcopus, et Hilarius Arelatensis egregiam vitam morte consumant* »; ideoque anno Christi quadringentesimo quadragesimo nono, qui vicesimus sextus erat a morte Honorii imp. Quare erravit Gennadius in lib. de Illust. Script. cap. 69, ubi scribit, *Hilarium* vixisse usque ad Marciani imperium. Sanctus Honoratus episcopus Massiliensis in sancti Hilarii Vita diem ejus mortis non memorat, qui ideo incertus est. In quibusdam quidem antiquis Martyrologiis, et hodierno Romano, colitur die quinta mensis Maii, indeque Henschenius eo die eundem mortuum tradidit : cum tamen illud inde non sequatur, praesertim cum ipsemet observet, in veteribus Mss. Martyrologiis Arelatensi Ecclesiae Cathedralis, Tornacensi Monasterii sancti Martini, et Latiensi sancti Lamberti, memoria depositionis sancti Hilarii episcopi Arelatensis celebratur die VII mensis Maii.

22. *S. Prosper Chronicon suum usque ad an. cdxlv perduxit.* — Ad num. 21. Baronii tempore, Chronicon *Prosperi* cum hujus anni consultius desinebat, sed Andreas Duchesnius tom. I Historiarum Franciae addidit illi Chronico decem annorum periocham, quae in quibusdam Mss. legebatur; illa ut Prosper Chronicon suum perduxerit usque ad annum cdxlv, et captam a Genserico Vandalorum roge Erbem Romanam. Aliquot post annos Labbeus tom. I Novae Biblioth. Mss. librorum *integrum Prosperi Chronicon ab Adami, mundi que ortu ad annum cdxlv* publicavit. Denique Petrus Pithæus aliud Prosperi Tyronis Chronicon, quod Pythæanum et imperatorium dici solet, edidit, ab aliis postea recensum. Garnerius in Dissert. III ad Opera Marii Mercatoris, duos Prosperos statuit, et Chronographum a discipulo Augustini scernit. At *Prosperum Aquitanum* Chronicon scripsisse, testantur Victorius et ipse Aquitanus, in canonis Paschalis Praefatione ad Hilaram Urbis Romae archidiaconum, postea papam, Gennadius lib. de Script. Ecclesiast. cap. 84, Cassiodorus lib. de Institut. Divin. liter. cap. 17, Isidorus Hispalensis lib. 6 Origin. cap. 17, Victor Tununensis in Chronico et Joannes abbas Biclariensis, qui illud continuavit. Neque verum est quod affirmat Garnerius, Chronici istius scriptorem, collatoris et Massiliensium adversarium, tum in Opere contra eundem collatorem, tum in aliis quoadque aperte reluctari. Nam ut ostendit Antelmus in Dissert. VII de Operibus sanctorum Leonis et

Prosperi Aquilani, Chronographia Prosperi cum aliis ejus dictis et assertionibus ubique cohaeret.

23. *Chronicon imperiale seu Pithoramon perperam Prospero adscriptum.* — Alterum *Chronicon*, non per consules, ut prius, sed per imperatorum annos digestum, idem Antelmus arbitratur ab aliquo decerptum fuisse ex Chronico Prosperi ad privatam suam usum, ab eoque interpolatum. Et enim utrumque a Valentis obitu ducit initium. Secundo, uterque auctor iisdem verbis et elocutionibus Opus suum inchoat. Tertio, auctor Chronici imperialis nulla contrahit, quae Prosper fusius narrat; mox aliqua miscet, quae Prosper omittit, in eisque suo duce destitutus, in Chronologiam mul-

tinode peccat. Quarto, identidem per summa capita ad Prosperum reversus ejus laudem vestigia premit, circa Concilii Chalcedonensis tempora; et quidem adeo tenaciter ut ipsum exseribat. Quantum ex quibusdam factis Chronico illi Prosperiano infartis colligere liceat, aut ille in Gallo-Provincia natus, aut in ea aetatis plurimum exegit. Nam de variis quae in hac provincia hoc anno contigere fusius edisserit, dum alia quaedam illustriora, quae alibi colligere, praeternittit. Varia hujus Chronici Mss. asservantur in Bibliotheca Colberlina, in quibus, sicuti et in impressis, anni imperatorum loco suo quandoque molli sunt incuria librariorum.

24. *Inscriptio Narbonensis solvendis aliquibus dubiis inservens.* — In Dissert. Hypatica part. 3, cap. 2, num. 7 attulit inscriptionem, quæ Minerbiæ in Occitania inventa est marmoris incisa, quæque hodie extat Narbone in Palatio episcopali, quam produxerunt et explicarunt Baluzius in Notis ad Capitularia Reg. Franc. pag. 1256, et Quesselus in Notis ad Epistolam u scriptam a sancto Leone ad Rusticum Narbonensem episcopum, quamque hic magis declarare juvat.

EXPLICATIO INSCRIPTIONIS NARBONENSIS. ID EST :

« Deo et Christo miserante, limen hoc collocatum est anno quarto, consulte Valentiniano Aug. VI, III kalendas Decembris, XIX anno episcopatus Rustici.... Rusticus episcopus episcopi Bonosi filius, episcopi Aratoris de sorore nepos, episcopi Venerii socius in monasterio, comprehyter Ecclesie Massiliensis, anno XV episcopatus sui ; die anni V, III idus Octobris, cum Urso presbytero, Hermacle diacono, et eorum sequentibus, cœpil deponere parietem Ecclesie dudum exstite. Trigesima septima die quadratum in fundamento poni cœpil. Anno II, VI idus Octobris absidem poni fecit Montanus subdiaconus. Marcellus Galliarum prefectus, Dei cultor, prece exegit episcopum hoc onus suscipere, impendia necessaria repromittens, quæ per biennium administrationis suæ prebuit artificibus mercedem solidorum sexcentorum ad operas, etc. solidos mille quingentos.... Hinc oblationes sancti episcopi Venerii solidos C.... episcopi Dynami L.... Oresi.... CC.... Agroeci L.... et Deconia.... salutis.... »

25. *Varia ejus beneficio e tenebris eruta.* — Ex his discimus primo, veteris Ecclesie ruinas eversas esse anno Christi CDXII, die decima tertia mensis Octobris, quæ feria secunda erat, ac quinta dies anni XV episcopatus Rustici ; et die XVII mensis Novembris, dedicationi Basilicarum Petri et Pauli sacra, (quæ ab eversis ruinis trigesima septima erat) novæ Basilicæ fundamenta jacta esse : annoque secundo cœpte ædificationis, anno nempe Christi CDXLII absidem positam, die scil. nona mensis Octob. Quare *Rusticus* Narbonensis episcopus ordinatus fuit anno CDXXXVII, die nona Octobris, in quam Dominica cadebat ; quibus diebus episcopi consecrari soliti erant. Discimus secundo, *Hilarium* episcopum, cujus meminit Prosper in Epistola ad dimum Augustinum anno CDXXXIX data, non posse esse *Hilarium Narbonensem*, ideoque hunc male suppositum ab aliquibus fuisse in locum Hilarii Arelatensis ; cum Hilarius *Rusticum* in sede Narbonensi exceperit. Discimus tertio, *Hilarium*, qui præfuit Concilio Regiensi anno CDXXXIX habito, fuisse *Hilarium Arelatensem* non vero *Hilarium Narbonensem* ut perperam existimavit Baronius ; cum eo anno non *Hilarius*, sed *Rusticus* Ecclesiam Narbonensem administraret. Discimus quarto, *vicenmalia* imperii Cæsarei Valentiniani anno CDXLI edita fuisse ; cum

✠ DO. ET XVI. MISERANTE. ID. HOC. C. L. K. T. E. ANNO III. QS. VALENTINIANO. AVG. VI. IIIKL. D. XVIII. ANNO. EPTVS. RVSTI.....	RUSTICVS. EPTVS. EPT. BONOSI FILIVS	COEP. DEPON. PARIET. ECCL. DV. EXVSTAE	BIENN. ADMINST.	EPT. VENERI SOL. C....
EPT. ARATORIS. DE SORORE NEPOS	XXXVII. D. QVA. INFRUDAM. PONI. COEP.	SVAE PREBY. ARTIET. E.	EPT. DYNAMI L.....	
EPT. VENERIOSI. IN MONASTERO	ANNO. II. VII. ID. OCTE. ABSID. P. R. MONTANVS.	MERCED.	SOL. 70 C	ORESI. CC.....
CONPR. ECCL. MASSILIENS.	SVB.	ADOPER. E CETER. SOL. T. 70	AGROECI. I.....	
✠ ANNO. XV. EPTVS. SVL. D. ANN. V.	MARCELLVS. GALL. PREF. DI. CVLTOR. PRECE	INNC. ORLAT. SGT.	ET DECONIA.....	
III. ID. OCTE.	EXEGIT. EPT. HOC. ONS. SVSCEP. IMPENDIA	TIB. NECESSAR. REPROMITTENS. QVAE PER	SALUTI.....	
C. VRSOPRO. HERMETE. DIACO. ET				
EOR. SEQ.				

soluti fuerint Christiani, annis hujusmodi festivitatibus addictis, Ecclesias aedificare, ac insequenti quinquennio, vel decennio easdem dedicare. Discimus quinto, *Marcellum*, virum pietate insignem, hoc tempore Galliarum praefectum fuisse, qui tamen omissus fuit in Catalogo praefectorum praetorii Galliae. Discimus denique Valentiniani Augustei imperii *vicennalia* hoc anno fuisse exhibita; erat enim hic quartus annus a jactis fundamentis, isque absolutus; episcopatus Rustici decimus novus a die nona Octobris inchoatus, et Basilica perfecta fuit die xxix mensis Novembris, quod manifeste significant verba haec in fronte inscriptionis posita: « Limen hoc collocatum est anno quarto: consule Valentiniano Aug. VI, etc. »

26. *Ecclesia intra quinquennium de more absolvantur.* — Nam ut observavit Quesnellus citatus, quartus ille annus, non a sexto Valentiniani consulatu, sed a jactis Basilicae fundamentis deducitur; familiare quippe antiquis fuit, ut quo tempore construi aedificium publicum coeptum esset, quoque absolutum, hujusmodi monumentis publicis notum posteris facerent. Hoc ergo voluit *Rusticus* Narbonensis episcopus significare, per quatuor annos aedificatam esse Narbonensem Basilicam, annoque illo quarto a quadro posito, id est, a jactis fundamentis exacto limen collocatum esse, seu finem operi impositum. Verum quidem est a die xviii Novembris anni cdxli ad diem xxviii ejusdem mensis anni cdxlv fluxisse annos quatuor, ac dies undecim, sed *Rusticus* dies illos undecim annos quatuor excedentes, ut plerumque fit, neglexit, qui tamen religiosior fuit in annis sui episcopatus numerandis; cum dicat, die quinto anni decimi quinti episcopatus sui parietem Ecclesiae dudum exusta sese destrucere coepisse. Haec explicatio confirmatur ex eo quod, postquam in inscriptionis capite linea oblonga contento, generaliter significavit, quatuor annos in construenda Basilica esse consumptos, consequenter in reliquis, quid quolibet anno quoque progressu praestitum sit, sigillatim explicat. Primo se, et Basilicam veterem depositam, et novae jacta fundamenta, secundo absidem positam, illudque omne biennii inchoati opus *Marcelli* Galliarum praefecti impensis perfectum esse. Reliquo deinde tempore residuum operis ex oblationibus sanctorum episcoporum aliorumque absolutum. Refert etiam haec inscriptionem Gruterus pag. 1058.

27. *Synodus Antiochena in qua Athanasius Parrhensis episcopus depositus.* — Hoc anno celebratum Concilium Antiochenum in causa Athanasii Parrhensis episcopi furti accusati, quod integrum recitatum in Act. xiv Concilii Chalcedonensis. *Athanasius* enim loquens de Domino patriarcha Antiocheno ait: « Cum cognovisset mortem beati Cyrilli, resiliit et ad judicium evocavit ». Quare cum Cyrillus anno superiori ad Deum migravit, eo vel currenti anno ea Synodus habita. Athanasius Parrhae Antiochiae vicina, duabus tantum mansionibus ab ea distat, episcopus erat in Eufralesia provincia, eumque Ecclesiae suae clerici apud *Donnum* patriarcham Antiochenum accusarunt de argenteorum columnarum furto, et de quibusdam aliis criminibus. *Donnus* causam delegavit *Paulbio* Hierapolitano episcopo, ejus metropolitae atque amico, qui Alexandro successerat. *Paulbius* ter Athanasium ad suam Synodum vocavit, qui se nolle comparere professus tertio episcopatum renuntiavit, *Paulbium*que rogavit, ut alium pro se ordinaret. Sed cum hic statim alium non ordinasset, *Athanasius* propria auctoritate episcopatum resumpsit. Ejus clerici apud Joannem *Paulbii* successorem intercessere, isque eum, ut coram se compareret, vocavit. Sed *Athanasius* causam suam sacra principis jussione, aliis iudicibus delegari supplicavit, ea ratione quod *Joannes* metropolita ejus inimicus foret; eumque *Cyrillus* Constantinopoli esset, celebrata ibidem Synodus a *Proclo* regiae civitatis episcopo, et *Cyrilli* ac *Procli* commendatione *Athanasius* obtinuit Sacram ab imperatore, qua *Domno* Antiochiae patriarchae causa ejus commissa fuit, idque antequam *Cyrillus* vitam cum morte commutaret. Athanasius Sacra divali et litteris *Cyrilli* ac *Procli* se restitutum existimabat, ideoque a *Domno* tantum petebat, ut eas executioni mandaret. Verum *Donnus* postulationem hanc merito rejecit, tandemque Synodum Antiochenam, cui episcopi xxviii interfuere, coegit; ad quam ter vocatus *Athanasius* venire noluit, dicens eos sibi inimicos esse. Quare *Donnus* et tota ejus Synodus Joanni ejus metropolitae, hujusque episcopis praecipere, alium pro eo Parrhenorum sanctae Dei Ecclesiae episcopatum ordinare, indeque in Athanasii locum, Sabinianum episcopum subrogatum est. Inter Athanasium et Sabinianum lis postea de episcopatu Parrhensi exorta, de qua in Actione xiv Concilii Chalcedonensis agemus.

LEONIS ANNUS 7. — CHRISTI 446.

1. *Britannia inuaditur a Pictis, et Scotis.* — Quadringentesimus quadragesimus sextus Domini annus tertio Aetii consulatu cum Symmacho aperitur, novis cladibus Romano imperio arummosus: etenim Africa, Hispaniis, atque Galliis a diversis Barbarorum gentibus occupatis, quae supererat Britannia, a Scotis et Pictis inuasa, dira strage vastatur. Sed primum, quod ad tempus spectat; ne in errorem labendi detur occasio, emendandus est Bedae textus in libro de Sex actibus, dum tertium Aetii consulatum ponit sub anno vicesimo tertio Theodosii, quem constat in ejus imperii trigesimum nonum incidisse. Prosecutus est hujusmodi tragediam luctuosam Gilda Britannus, cognomento Sapiens, stylo lugubri. Meminit autem de Epistola tunc a Britannis ad ipsum Aetium magistrum militiae jam tertio consulem hoc anno missa, qua Britannorum strages nuntiabatur, rogabaturque Aetius praesto esse cum exercitu: ait enim¹: « Igitur rursus miseri mittentes Epistolas reliquas ad Aetium Romanae potestatis virum hoc modo loquentes:

2. « Aetio ter consuli gemitus Britannorum: et post pauca, querentes inquit: Repellunt nos Barbari ad mare, repellit mare ad Barbaros. Inter haec oriuntur duo genera funerum; aut jugulamur, aut mergimur, nec pro eis quicquam adiutorii habentes ». Hucusque ex Epistola illa Gilda recitat: sed pergit ipse: « Interea fames dira ac famosissima vagis ac nutabundis haeret, quae multos eorum eruentis compulsi praedonibus sine dilatione victas dare manus, ut paucillum ad focillandam animam cibi caperent: atque vero nusquam: quin potius de ipsis montibus, speluncis, ac saltibus, dum conferti continuo rebellabant, et tum primum inimicis per multos annos praedas agentibus strages dabant, non fidentes in homine, sed in Deo, secundum illud Philonis: Necessae est adesse divinum, ubi humanum cesset auxilium ». Haec ipse. Subdit vero multis narrare, quae apud Paulum diaconum² post mentionem habitam de Epistola a Britannis ad

Aetium missa his adduntur: « Dum Aetius minime annuisset, eo quod contra vicinos hostes occupatus existeret: quidam Britannorum strenue resistentes hos abigunt, quidam vero coacte hostibus subiiciuntur. Denique subactam Picti extremam ejus insulae partem, eam sibi habitationem fecere, nec inde ultra haecenus valuerunt expelli: at vero residui Britannorum, dum continuo Scotorum impetus formidarent, ultro jam de Romanorum praesidio diffidentes, Anglorum gentem eum suo rege Vertigerno ad defensionem suae patriae invitare: quos cum amabili societate exceptos, versa in contrarium vice, pro adiutoribus impugnatores esse sensere ». Saxones hoc nominat Gilda, atque utroque juncto nomine, « Anglo-Saxones ». Quando autem ea Angli potius sint insula, suo loco dicturi sumus.

3. Sed unde tot mala? non aliam de quidem, quam ex erumpente scaturigine peccatorum: quod pluribus ac vehementius idem Gilda deplorans, ista subinfert de Britannis non tantum omni genere sordium inquinatis, sed odio et ira (quod desperatorum est) adversus optimos exardescensibus: « Si quis, inquit¹, eorum mitior, et veritatis aliquatenus propior videretur; in hunc, quasi Britanniae subversorem, omnium odia telaque sine respectu contorquebantur; et omnia quae displicerint, Deoque placuerint, aequali saltem lance pendebantur ». Ac paulo post: « Et non solum haec saeculares viri, sed et ipse grex Domini, ejusque pastores, qui exemplo esse omni plebi debuerint, ebrietate quamplurimi qua vino madidi torpebant resoluti, et animositate timore, jurgiorum contentione, invidia rapacibus unguis, indiscreto boni malique judicio carpebantur, etc. » Pluribus prosequitur eorumdem scelera: nec sibi satis eo commentario miscere cum luctu querelas, sed privatam conscripsit adversus clericos invectivam, quam ejusmodi notavit titulo: « In Ecclesiasticum ordinem acris correctio », cujus hic saltem reddemus exordium, ex quo caetera mediteris:

4. « Britannia habet sacerdotes, sed nonnullos insipientes: quamplurimos ministros, sed multos

¹ Gilda de exci. Brita. apud B.E.L. sanct. — ² Paul. Diacon. l. xiv. prope fin.

¹ Gild. de exci. Brita.

impudentes : clericos, sed quosdam raptores et subdolos : pastores (ut dicuntur) sed occisioni animarum lupos paratos : quippe non commoda plebi providentes, sed proprii plenitudinem ventris querentes : Ecclesiae domos habentes, sed turpis lucri gratia eas adentes : populos docentes, sed praeibendo interdum pessima exempla, vitia, malosque mores : raro sacrificantes, ac raro puro corde inter altaria stantes : plebem ob peccata non corripientes, nimirum eadem agentes, praecepta Christi spernentes, et suas libidines votis omnibus implere curantes : Sedem Petri Apostoli immundis pedibus aliquos usurpantes, sed merito cupiditatis in Judae traditoris pesilentem cathedram desiderantes : saepius detrahentes, raro vera dicentes, veritatem pro inimico odientes, ac mendacis ac si carissimis fratribus faventes : justos, inopes, imanes, quasi angues torvis vultibus conspicantes, et sceleratos divites absque ullo verecundiae respectu sicut caelestes Angelos venerantes : egenis elemosynam esse dandam summis labiis praedicantes, sed ipsi vel obolum non dantes : nefanda populi scelera facientes, et suas injurias quasi Christo irrogatas amplificantes : religiosam forte matrem, seu sorores domo pellentes, et externas veluti secretiori ministerio familiares indecenter accipientes, etc.» Addit de inextinguibili eorum appetitu glorie et ambitione, de avaritia, simoniis, praeposterisque ordinationibus. Sed omittamus vertere sentinam putredinum, et cloacam turpitudinum penetrare : ut plane manibus sit contractare justum libratumque aequa lance Dei iudicium, cur incolae scelerati dati sint gladio, et punientes eos Barbari pro mercede sint vocati ad fidem : ut ita illam contingerit impleri sententiam ¹ : « Non plebs mea vos : et vocabo non dilectam, dilectam; non misericordiam consecutam, misericordiam consecutam ». Haec de Britannis pro temporis ratione modo satis.

5. *Mirus terrae motus ubi de Trisagii miraculo veritas adstruitur.* — « Sub hujus quoque anni consulibus », inquit Marcellinus, « ingenti terrae motu per loca varia imminente, plurimae urbes, Augusta (nempe regiae civitatis Constantinopolis) muri recenti adhuc aedificatione constructi cum quinquaginta septem turribus corruerunt : saxa quoque ingentia in Foro Tauri. dudum super sese in aedificio posita, sine ullius lesione collapsa sunt : pluribus nihilominus civitatibus collapsis, fames et aeris pestifer odor multa millia hominum jumentorumque delevit ». Haec Marcellinus. Ille ille plane est pavendus, et horribilis terrae motus, in quo, sursum turbine sublato puero, auditum est ab eo cani Trisagium : quamvis apud Paulum diaconum atque Cedrenum perperam ponatur anno trigesimo Theodosii imperatoris, apud alios vero ante biennium. Sed cum nulla sit memoria annis superioribus, dum sedit Proclus, sub quo omnes id contigisse ferunt, terrae motum aliquem factum esse, nisi hoc

anno, quo a Marcelino ponitur; eidem assentimur, ut antiquiori omnium chronographo; meritoque in eam minus sententiam, ut hoc anno id acciderit.

6. Hujus quidem tanti prodigii cum plures auctores meminerint, Nicephorus e veteribus illud exacte describit his verbis ¹ : « Adhuc Theodosius imperabat, et terrae motus magnus, et admirandus extitit, qui priores omnes magnitudine, celeritate, et temporis diuturnitate facile superavit. Nam ad menses sex maxime duravit, et non ex intervallo, sed motu continuo omnia concessit, idque per orbem fere universum : adeo ut non solum in urbe imperante (nempe Constantinopoli) turres in praecipua ruerint, et murus variis in locis ruptus sit, verum etiam Chersonesum, aedificium illud quod Macrontichos, hoc est, longum murum quodam, simul omne conciderit, et innumerabilia ubique locorum magnorum operum, templorumque aedificia pessumierint.

7. « Terrae motus iste Alexandriam quoque attingit; Antiochiae autem impetu vehementiore imminens, praecipua quoque spectacula maxime comminuit. Et innumerabiles acciderunt casus non terra tantum, verum etiam mari. Alicubi enim terra deliscens vicos frequentes absorbuil : alicubi fontes non exigui subito exaruerunt : quibusdam in locis ubertim aqua profluxit, quae ibi antea esse solita non fuerit : arbores multae una cum truncis suis radicibus evulsae : aggeres plurimi derepente existentes in montes ingentes conformati : mare terminos suos transgressum, pisces ingentis magnitudinis mortuos velut funda eiecit : insulae magna una cum incolis suis submersae, hodie quoque non apparent : naves, undis confertim decedentibus, in arida, velut medio mari, immobiles consistere visae. Cladem ex eo terrae motu plurimum sensere Bithynia, Hellespontus, utraque Phrygia, et Orientis pars maxima, sicuti dictum est. Invasit quoque Occidentis regiones plures : et cum longo duraret tempore, non ea qua coeperat vehementia grassari perseveravit, verum sensim de impetu aliquid remisit, donec prorsus conquievit. Clades ea talis fuit.

8. « Byzantii autem in maximum conjecti metum, a ruinis aedificiorum sibi timentes, muros reliquerunt, et extra urbem in Campo, qui dicitur, morati sunt una cum imperatore Theodosio, et patriarcha Proclo continuis precibus incumbentes, dumque ut propitius eis esset, et ab imminente calamitate orbem liberaret, obtestantes. Et cum aliquando motu eo grassante, terra veluti fluctuans concuteretur, et homines per metum eam ex fundamentis ipsis extirpatum iri vererentur, et omnes litanis et supplicationibus dediti lacrymarent, et ex profundo intimoque animo misericordiam divinam implorarent; tum miraculum praeter opinionem omnium, quod sensum et mentem omnem excedat, subsequutum est.

9. « Subito namque e medio, spectantibus om-

¹ Ose. II. Rom. IX.

¹ Niceph. I. XIV. c. 46.

nibus, divina quadam vi puer in aerem sublimis ad caelestem usque tractum, ita ut jam non appareret, sublatus, divinam vocem, qua Angelis Deum laudibus ferre mos est, audivit : eaque voce percepta, rursus priore puer per aerem via reversus descendit, et episcopo Proclo, ipsique imperatori, et multitudini omni supplicationibus operam danti, Deumque hymnis celebranti, ab Angelis canentibus se verba hæc audisse renuntiavit : SANCTUS DEUS, SANCTUS FORTIS, SANCTUS ET IMMORTALIS, MISEREERE NOSTRI. Quæ ubi Proclus intellexit, statim ad eum modum populum psallere jussit : et terræ motus statim etiam constitit, omninoque quievit. Imperator vero Theodosius, et in feminis admiratione omnium digna Pulcheria, tanto miraculo perculti, constitutione imperiali confestim, ut per orbem omnem hymnus divinus iste concineretur, decreverunt. Et ex eo tempore Ecclesia Christi eum acceptum, non quolibet tantum die usurpat, sed etiam (ut simpliciter dicam) ejuslibet carminis et laudis Dei initio ante omnia pleno ore præmittit. Puer verborum eorum mysterium executus, statim vita defunctus est, et in magna Ecclesia, quæ Pacis nomen obtinet, conditus. Locus autem, in quo ille in sublime actus est, postea *hypogæthicus*, id est, divina exaltatio, vocatus est, Notum ventum pro urbe Constantinopolitana spectans, etc. »

10. Meruit res tanta ad posterum perpetuum monumentum anniversaria consecrari memoria; tabulisque adscribi Ecclesiasticis, disque signari, quo tale prodigium hæctenus inauditum evenit : conservant eam reverenter Græci, qui ex antiquo ipsorum Menologio eadem annuatim in Ecclesia publice legunt, quæ sic se habent : « Die vicesima quarta Septembris, imperante Theodosio, terræ motus factus est magnus, et talis, qualis nunquam antea factus fuisse commemoratur. Quo factum est, ut totus populus una cum imperatore et patriarcha exierit extra urbem in locum, qui dicitur Campus, propterea quod sine cessatione aliqua erat illa terrarum commotio. Cum igitur imperator ipse Theodosius, et Proclus patriarcha, et totus populus litanis et supplicationibus divinam opem implorarent: repente puerulus quidam de media turba in aerem raptus est. Omnibus autem præ timore clamantibus: Kyrie eleison, descendit puer, et voce magna populum compellens, petiit, ut Trisagion in hunc modum decantaret: Sanctus Deus, Sanctus fortis, Sanctus et immortalis, miserere nobis. Quæ cum dixisset, animam Deo reddidit, et terræ motus quievit ». Hæctenus in Menologio, cujus publicæ memoriæ festificatione rem tantam testatam volumus reliquisse.

11. Sed rem adeo ingentem, omneque humanum captum penitus superantem, spectatissimis adhuc roboramus testibus, nempe sanctissimis episcopis Orthodoxis temporis hujus scriptoribus rem geslam ubi se habuit, recensentibus, dum invenitur in Petrum episcopum Antiochenum hæreticum, ut inter alios Asclepiades Trallianus episcopus,

qui ubi ejusmodi narravit historiam, hæc adjicit : « Hoc clare non uni, vel duobus, sed universo mundo notum fuit ». Id ipsum Acacius episcopus Constantinopolitanus de eadem re Constantinopoli ob oculos facta testatur. His adde Latinos, nempe Justinianum in Sicilia episcopum hæc eadem ex Synodo publice scribentem; jungeque Quintianum episcopum Anusulanum eodem tempore eadem testantem: adijce et ad postremum sanctum Felicem Romanum Pontificem ad eundem Antiochenum Petrum scribentem, et eandem historiam enarrantem. Exant horum omnium Epistola integræ, nullaque ex parte labefacta, quas consulere pro tuæ voluntatis arbitrio poteris : habentur intextæ una cum ejusdem Felicis papæ decretis tomo secundo Conciliorum recentioris editionis.

12. Porro divinitus hoc hominibus tum allatum canticum iobili scriptione explicavit pluribus S. Joannes Damascenus, edito de Trisagio commentario, narratamque historiam recenset ac probat : qui et in libro de Fide Orthodoxa ¹ rursus ejus meminit, eandemque historiam repetit : additque de eodem Trisagio cognito, atque in Chalcedonensi Concilio comprobato; post enim rei gestæ premissam narrationem : « Quia, inquit, in sancto et magno ac universali quarto illo Concilio, quod Chalcedone coactum est, ita cantatus fuisse hic hymnus traditur : sic enim inter hujusce sancti Concilii Acta refertur. Quamobrem ridiculum sane fuerit, illum ab Angelis proditum, et incumbentium malorum depulsione confirmatum, ac prius etiam a Seraphim decantatum ter sanctum hymnum, utpote quo tres Deitatis persone declarentur, Chaphæi stulta et nulla ratione mixta opinione, tanquam scilicet ille Seraphim antecessat, obteri, ac (si superis placet) emendari. O insignem arrogantiam, nec dicam amentiam! Nos vero (disrumpantur licet etiam dæmones) ita dicemus : SANCTUS DEUS, SANCTUS FORTIS, SANCTUS ET IMMORTALIS MISEREERE NOBIS ». Hæctenus Damascenus. Porro decantatum reperitur Trisagion in fine primæ Actionis Chalcedonensis Concilii, ubi Dioscorus damnatus est, ejusdemque impietatis consortes hæretici æque rejecti.

13. Cur autem id, hoc potissimum tempore, fuerit Angelico ministerio per puerum hominibus patefactum, causa quidem in promptu est. Magna sane divina Providentia factum esse videtur, ut cum Eulyches in secreto cubiculo et penetralibus monasterii, adversus Divinitatem pugnaturus, super incudem obduratæ perfidiae, blasphemiae fulmina fabricaret, quibus labefactanda foret, si heuisset, ipsa Divinitas, dum sic in Christo unam naturam sicuti unam personam predicans, Divinitatem esse passam sicuti Humanitatem, in necessariam assumptionem deduceret; adversus novum hunc flagiomachorum duem Dei benignitas non fulgor interset, sed canticum præparavit, quo Divinitatis immortalitas ubique gentium caneretur, et per ipsum

¹ Joan. Damasc. de fide Ortho. l. III. c. 40.

offensi numinis conciliatio imploraretur. Sic plane divinae providentiæ est, humano consulere generi; ante parare arma, quam instet prolium; medicamenta conficere, antequam venenum irrepal in præcordia; atque ante venturam famem horrea frumento replere. Quando autem primum detectus sit Entyches, qui dum tegmine sanctitatis oblectus delinuit, suo loco inferius dicturi sumus.

14. *Cyri præfecti calamitas, nuda ad Christum convertitur; virtutibus clarescit.* — Sed quid de instauratione mœnium collapsorum dicat una cum aliis Nicephorus, accipe; post enim recensitam totam illam de terræ motu tetram historiam, et canticum cœlestis missum, ad institutam narrationem hæc adiecit: « Imperator ubi terræ motus timore liberatus est, illico Constantinopolitanæ urbis muros reficere aggressus est: et majorem mœnium partem, quæ in siccò loco sunt, per dies sexaginta in eam quæ nunc cernitur formam Anthemius restauravit, ingenti urbi amplitudine pomeriis prolatis adjecta. Cyrus autem præfectus urbi reliquum qui conciderat, et vi temporis labefactatus fuerat, murum renovavit, atque in sublimem altitudinem, urbe veluti in novam redacta formam, construxit. Et cum aliquando imperator in Hippodromo equestre exhibens certamen staret, Byzantii structura Cyri delectati, magnificam illam emisere vocem: Constantinus condidit, Cyrus restauravit. Qua ex causa ira percitus princeps, præfecti dignitatem, illo sub prætextu, quod Græcæ superstitionis cultor esset, homini ademittit, et substantiam ejus omnem publicavit ».

15. Hæc quidem passus est Cyrus, etsi invidia (ut videbatur) principis, justo tamen judicio: sed bono suo cessit. Qui enim inter tot signa atque prodigia adhuc deorum cultor perseveraret, violente aliquo remedio ab eo mentis delirio curandus erat, et sanæ menti reddendus: dum namque hisce necessitatis vinculis alligatus in ordinem redigitur, pro salute ad Deum Christianorum, in Ecclesiam confugiendo, licet invitus, adire cogitur. Subdit enim de eodem Cyro Nicephorus: « Ille autem animus despondens, ad Ecclesiam confugit, et in sacrum sacerdotum ordinem allectus, Smyrnarum præfuit urbi. Smyrnæi ubi illum audire Græcorum sacra coluisse, communionem ejus sunt aversati. Cyrus autem ad eos in Ecclesia talia verba fecit: Viri amici, Nativitatem Dei et Salvatoris nostri Jesu Christi silentio colamus, quoniam auditu etiam solo in Virgine sancta conceptum est Dei Verbum. Ei gloria sit in sæcula, Amen. Ac deinde gratus civibus fuit, et Ecclesiam pie gubernavit ». Hæc de Cyri in sedem Smyrnensem promotione: alii autem Cotyari enim dicunt fuisse creatum episcopum; sed ex una in aliam sedem translatum existimamus. De templo insuper ab ipso in memoriam Dei Genitricis erecto idem auctor hæc subdit:

16. « Hujus quoque est opus templum Dei Geni-

trici dicatum, quod Cyri dicitur: in quo fama est Romanum illum candorem eximium, propter carmina decantata honorem et præmium virtutis a Dei Genitricis recepisse. Templum autem id hujusmodi occasione istic est erectum. Cupressus in eo loco ingens et procerâ fuit, in qua superioribus temporibus, nescio quo modo, imaginem Dei Genitricis quidam occultavit. Cum autem multum præferuisse temporis, et imago lateret, ipsa se ipsam indicavit. Cupressus enim immenso coruscans lumine, perinde atque fax una ardere visa est, et ingens etiam miraculorum vis ab obscura et latentis efficacia manavit. Ubi autem quidam curiositate laudata arborem conscendit, imago ea, unde miraculorum vis profluxit, apparuit. Quapropter Cyrus loco ei honorem habens, pulcherrimum et maximum Dei Genitrici construxit templum ». Illicusque Nicephorus.

17. Sed quod in his versetur oratio, rem publicis monumentis æque testatam, et in Ecclesia publice legi solitam his addamus, quæ ex scripto antiquo codice S. Mariæ ad Martyres eodem argumento edita recitari in Ecclesia consuevit, his verbis: « In Ecclesia S. Sophiæ Constantinopoli extat puteus, qui sanctus dicitur, tectus coopertorio deaurato, argenteoque exornato, de quo ista scribuntur. Christianus homo in janua domus suæ crexerat imaginem Salvatoris, quam Judæus odio Christianæ religionis nocte furto abstulit, cultroque ejus vultum punxit; ex quo inflicto vulnere magna copia sanguinis effluxit, Judæicæ vestes aspersit: qui magno timore affectus, eandem acceptam imaginem in propinquum puteum conjecit, et reversus est in domum suam: quem cum sanguine aspersum ejus uxor videret, in suspicionem adducta est, patrum ab eo fuisse homicidium: quod ille negavit: sed majorem augebat suspicionem, dum eum timere et tremere cernebat.

18. « Mane autem factò venerunt ex more, qui ex publico puteo haurirent aquam: sed cum pro aqua sanguinem se hausisse conspicerent, magno sunt horrore exterræfacti: reque statim per urbem vulgata, adventit illum tandem præfectus urbis, quod existimaret illic cadavera occisorum esse projecta. Qua de causa totum puteum jussit exhauriri aquis, in cujus fundo non hominis alienius corpus occisum invenerunt, sed sacrosanctam imaginem Salvatoris vulnere perforatam, et e vulnere recentem adhuc sanguinis guttam fluere, ut inde sanguis emanasset, certo indicio deceret. Eam præfectus acceptam ad imperatorem attulit. Cujus jussu, voce præconis inquiri jubetur, qui adeo sacrilegum facinus perpetrasset; promittens indulgentiam criminis ei qui sponte sese rem proderet, penam capitis secus facienti comminatus. Quæ cum Judæi uxor audisset, de viro suo suspicionem concepit, secretoque eum detulit magistratui: a quo missis apparitoribus capi jussus est, et ad imperatorem perductus, rem ipsam absque tormentis, ut se habebat, palam fecit, contestatus se fore Christianum. Qui una cum uxore baptizatus est. Ipsa vero Salvatoris

¹ Niceph. l. xiv. c. 46.

veneranda imago super puteum collocata est, puteus autem ambitu murorum intra sanctam Ecclesiam comprehensus. Cujus rei gratia kalendis Novembris in facti memoriam ea historia recitari consuevit». Hæc ibi : sed quo potissimum tempore id acciderit, nusquam mentio : non tamen puto ante Nicenam posteriorem Synodum, quod de re tam grandi nulla ibi mentio habetur.

19. Sed redeamus ad Cyrum : et quid de eo in rebus gestis S. Danielis Stylitæ omni fide conscriptis memoria dignum habeatur, hic describamus : qui enim illa collegit Acta, ista habet¹ : « Cuidam Cyro, qui prius quidem fuit præses, postea autem ad sedem episcopi alem civitatis in Phrygia, cui nomen erat Cotyæum, evehctus est, et ab illa postea discesserat propter quamdam motam adversus eum calumniam, erat filia nomine Alexandra, et eodem modo erat affecta, quo ille quem prius diximus, et graviter vexabatur a demone. Ejus ergo pater, cum sanctus ei venisset in mentem, ad ipsum ducit filiam, naturali benevolentia alium commiscens ardorem, nempe fidei. Simul alique ergo sancti manus ejus capiti fuerunt impositæ, fugatus est spiritus ; et quæ laborabat, statim conspecta est sana. Porro autem huic quoque miraculo fuit alterum conjunctum. Jam vero Cyrus sancto valde confidens, ejus utebatur gratia. Unde etiam uxorem ejus, cui suorum agrorum fuerat mandata cura, quæ ipsa quoque erat demoniaca, duxit ad ipsum. Nec cum sua fefellit fiducia, sed ea quoque cum filia mundata fuit a rabie demonis ». Hæc quidem, ut reor, idcirco Cyrus meruit a demonibus adversa pati, quod diutius ipse in idolis exultasset eorumdem demonum venerator : ut hoc pacto magis que in Christiana stabiliretur fide, dum quanta esset demonum imbecillitas, et hominis Christiani adversus eos potentia, facile intelligeret. Quid autem postea Danieli de acceptis memor beneficiis Cyrus præstiterit, ab eodem auctore accipe : « Pro his, inquit, magnas ei habens et ageus gratias (erat enim doctus et humanis litteris eruditus) in posita illie columna, super quam vitam agebat sanctus, epigramma postea insculpsit, quod sic habet :

Hic stat vir, qui ventos, quibus undique impetitur, non timet :
Ambrosia autem nititur alimento, et sibi est expertus humana :
Alti vero radicibus fundavit aduicium, columna duplex.
Est enim radix Simeon, Filium prædicans matri- corruptionis expertis.

ila Cyrus Simeonis Stylitæ memoriam habens, quod tam sublime et inaccessum vivendi genus ipse primus aggressus esset, cujus exemplum Daniel imitatus fuerat. Porro ista de Cyro et Daniele longe post hæc tempora configere, ut ex his quæ de eodem Daniele et Simeone inferius sumus dicturi, patebit. Lucebrationum vero nobilissimi Cyri ingenii extat carmen, cujus est titulus, « Veritas exulans » ; quod tempore suarum angustiarum elaborasse visus est. At de Cyro viro clarissimo satis, quem vexatio

impietate exuil, et reddidit Dei beneficio, religiosissimum Christianum.

20. *Defuncto Proclo Flavianus eligitur.* — Hoc eodem anno vicesima quarta mensis Octobris S. Proclus Constantinopolitanus episcopus ex hac vita migravit : ejus quidem rei testes sunt Græcorum tabule Ecclesiasticæ, in quibus hæc scripta leguntur¹ : « Commemoratio sancti patris nostri Procli patriarchæ Constantinopolitani, qui sacrarum litterarum peritia, et probitate morum insignis, cum annos duodecim et menses tres episcopatum bene rexisset, in pace migravit ad bonum hac die vicesima quarta Octobris ». Ita ibi. Nicephorus in Chronico de tempore sedis ejus idipsum habet : ex quibus emendandus est Nicephorus alter, Callistus dictus, qui sedi Procli annos tantum undecim tribuit². De Procli scriptis nihil præterea quam homilias legi, et de traditione divinæ Missæ perbreve scriptum, quo assertit missam proficiorum olim fuisse, sed a S. Basilio primum, et inde a S. Joanne Chrysostomo ob socordiam et tardium stertentium potius, quam astantium Christianorum esse redditam brevioram ».

21. Defuncto igitur Proclo, in ejus locum subrogatus est Flavianus. « Erat hic », inquit Nicephorus³, « sacerum donarium magnæ Ecclesiæ custos, dignitate presbyter, vita autem celestis præclarus. Creato itaque Flaviano episcopo Constantinopolitano, Chrysaphius emmelchus, qui plurimum apud Theodosium imperatorem valuit, cum minus gratam haberet ejus ordinationem, suggestit imperatori, ut patriarchæ significaret, et electionis, seu consecrationis gratia aliquod sibi benedictionis loco mitteret munus. Cui S. Flavianus panes puros misit. Chrysaphius contra, anrum loco benedictionis esse mittendum, contendit. Ille respondit, non sibi esse tantum rerum copiam, nisi forte ad hoc sacris uteretur templi donariis ; satisque scire Chrysaphium, Ecclesiæ vasa Deo et pauperibus esse debita. His verbis offensus Chrysaphius est, et sanctum Flavianum infensio habuit animo.

22. *Pulcheria administrationem imperii relinquit.* — « Porro Pulcheria Augusta nihil horum conscia erat. Chrysaphius interim nullum non movit lapidem, ut Flavianum e sede turbaret. Cum vero id omnino, dum Pulcheria summam rerum administraret, fieri non posse videret, Eudociam Augustam, quæ nondum in Palestinam reversa erat, sollicitavit ; eamque paulatim adversus Pulcheriam concitans, persuadet, ut præpositum domus Pulcheriæ, qui summam rerum administrabat, sibi adscisceret. Eudocia persuasa imperatoris tentavit animum, ut præpositum illum a Pulcheria abduceret. Renuit ille hoc facere, ne germanæ Augustæ aliquam videretur inferre injuriam, cujus ope et consilio tantum imperium administrarat. Postquam vero Chrysaphius spe sua frustratus est, idque ei ex sententia non successit ; aliam aggressus est viam,

¹ Apud Metaphr. die XI. Decemb. Sur. tom. vi. ead. die.

² Menolog. die XXIV. Oct. — ³ Niceph. l. XIV. c. 47. — ³ Ibid.

Eudociaque persuadet, ut apud Theodosium agat, quo ille Flavianum secreto inducat, ut Pulcheriam in diaconissam adscisceret: sicut enim consules quidam vi ad episcopatum assumi, flaviano et per illustres atque per insignes feminas ad illud ministerium deligi, erat in usu. Quod cum Eudocia ageret frequenti suggestione, id tandem Theodosio persuasit: qui consilium cum Flaviano de ea re agenda communicavit. Ille vero re accepta, se quod opus esset, facturum promisit. Interim autem Pulcheriam, secretis ea de re datis litteris, de omnibus reddidit certiorum: monuitque ne ad se veniret, ne quod sibi displiceret, facere cogeretur.

23. « Pulcheria his acceptis, iradito proposito domus Eudociae, recedens ab urbe, divertit ad Septimum, illic private tranquillam vitam actura. Cumque his per Pulcheriam gestis, facile Theodosius et Eudocia intelligerent, Pulcheriam de secretis initis inter se consitiis reddidit certiorum; in Flavianum convertit odium. Pulcheria autem cum in hunc modum se abdicasset ab administratione imperii, delata est ad Eudociam summa rerum ». Hæc Nicephorus: reliqua vero de Flaviano suis locis inferius. Vide quo progrediantur privata studia aulicorum; cum omnia miscere, labefactare, atque evertere non eurent, ut male conceptas semel aliquando in perniciem innocentium evomant iras.

24. Quod autem ad ipsam Pulcheriam spectat, intercesserat nonnihil offensionis Theodosii et Eudociae cum ipsa, dum arguere ipsa voluisset Theodosii imprudentiam hujuscemodi facto. Jam negligentia quadam usu venerat, ut Theodosius oblati sibi libellis, vel aliis ad regimen imperii spectantibus, a ministris scriptis, absque eorum inspectione subscriberet: quod cum periculose admodum peragi Pulcheria intelligeret, hujuscemodi ludo cum corrigendum, in animum induxit. Libellum scribit, in quo significaretur emptam a se esse Eudociam conjugem Augustam, si ipse præberet assensum: oblataque eadem charta Theodosio, ipse ex more ei absque alia inspectione subscripsit: recepit ita subscriptam chartam Pulcheria; quæ accedentem ad se Eudociam aliquandiu retinuit, vocatamque ab imperatore reddere recusavit; a se emptam affirmans, ostendens de rata habita emptione imperatoris chirographum: sicque falso quidem ejusmodi joco Augusti oscitantiam voluit condidisse, ac correxisse simul. Sed quod veritas odium pariat, et principes non facile sibi patientur illud: hand æquo id animo ab Eudocia potissimum acceptum fuit: quæ et in Pulcheriam invidia movebatur, quod videret virum summi imperatorem erga sororem Augustam esse propensiorum, cum illa consulere de rebus agendis, et refundere in eam quæ essent majoris momenti negotia, se vero despici, et limis oculis ab eo conspici: cujus infensi animi adversus conjugem Theodosio ejusmodi causa præcesserat.

25. Oblatum fuit aliquando Theodosio miræ magnitudinis pontum: quod ipse admiratus, dono

dedit uxori. Illa autem acceptum donavit Paulino, quo ob consuetudinem rei litterariæ familiarissime utebatur, non sine aliqua suspicione. Ille vero rerum ignarus, ut conciliaret sibi imperatoris animum, illud ipsum ei donavit: qui eo accepto, de dato pomum uxorem rogat: quæ illud se comedissem mentita est: cum illud proferens Theodosius, mendacem arguit et infidam: cujus rei causa animus Theodosii nonnihil ab ea alienus diu perseveravit, jussu interim occidi Paulino. Hæc ex Nicephoro, Zonara, et aliis. Porro domestica, ista dissidia sunt tandem abdicatione Pulcheriæ consopita.

26. Hujuscemodi autem domesticum bellum in perniciem est conversum Ecclesiarum. Conceptumque semel odium adversum sanctissimum Flavianum haud abdicatione Pulcheriæ exstingui potuit, sed in dies magis magisque studio Chrysaphii eunucli incenso occaso quærebatur ejus in ordinem redigendi: destituit namque illo protectione Pulcheriæ, quæ rebus imperii vale dicto, privata vite otium fuerat amplexata, haud ei difficile visum est, quovis occasione prætextu pontificem aggredi.

27. Sed quem vindictam avidè sitienti privaverit hostis humani generis blasphemiam calicem, suo loco dicturi sumus abunde. Illic plane apparuit evidens, quoniam pacto puræ religionis cultu bene administraretur imperium, et quam felicissimè cuncta succedant, ubi in eo sancta religio primum sibi locum vindicat. Jam enim ad quadraginta fere annorum spatia, Theodosii licet imbellis et consilii inopis inter tot Barbarorum insultus, est imperium feliciter propagatum, una sancta virgine pietate pollente habenas regiminis moderante: adeo ut etsi imprudenter aliquando peccare Theodosium ipsum contigerit, et Dei indignationem in se commoverit; tamen misericordiam promeruerit; sorori monitis acquiescens. Ubi vero se ipsa Pulcheria ab imperio abdicavit, perinde atque destituta gubernaculo navis, ventorum impulsu in diversa fertur continuo peritura; ita plane Theodosii imperium pro arbitrio aulicorum, non pro ratione consilii ministratum interit: tantaque mole corruit, cum ejus fundamentum, nempe religio pure servata convellitur. Accidit istud quidem, ubi non amplius usus est Theodosius sanctæ Pulcheriæ consilii, sed Chrysaphii eunucli præfecti cubiculi inflammatis odio et æmulatione affectibus se suaque regenda commisit. In quæ vero malorum abrupta, peccatorumque voragine tali duce Theodosius miser inciderit, suis locis inferius apparet. Quomodo autem hoc eodem anno imperium Orientis rursus ab Attila Hunnorum rege afflictatum est, Marcellinus sub anni hujus consulibus ita summam perstringit: nimirum ipsum potentissimum atque ferocissimum Barbarorum principem ab Oriente progressum usque ad Thermopolim (Thermopolim, Hermapolim) pervenisse victorem, occiso, qui se illi objecerat, magistro militiæ Theodosii imperatoris; eoque miserissimi status Theodosium esse depressum, ut ejusdem regis sponte se tributarium constitueret:

clenim despondens animum, cum resistere ferro non auderet, auro pacem redimere curavit, missaque legatione, annua pacta pecunia, impetum contumuit Barbarorum. Captam tamen ab Hunnis illatam cladem Orientalis imperii, ad duos etiam sequentes annos propagatam esse, idem Marcellinus docet: cum tandem (ut dictum est) Theodosius imperator vitans totius funus imperii, ignominiose admodum cum saevo tyranno eo modo transegit, illumque in Occidentem convertit. Est quidem elegans atque perbrevis Theodoretus ad Sallustianum Epistola de ejusmodi Barbarorum eruptione, quam non alia de causa quam ob peccata obvenisse testatur bis verbis¹:

28. *Theodoretus de cladibus hujus temporis scribit.* — « Sacer dies nobis quidem consueta spiritalia attulit dona: tamen amari peccati fructus illis fuit cum laetitia non permiserunt: haec enim illorum germina et ab initio tribulos, spinas, et sudores, et labores, et dolores germinarunt: nunc

vero etiam terram ipsam adversus nos concutit per terrae motus, et Barbarorum turbas undique adversus concitat. Nos vero lugemus, quoniam dum Deus bona largiri nobis cupit, contraria facere illum cogimus, et poenas infligere. Consolamur nihilominus, dum ejus misericordiae abyssum in memoriam revocamus, et credimus quoniam non abjiciet Dominus populum suum, et hereditatem suam non derelinquet. Tuam vero magnificentiam ego saluto: et oro, ut de bona valetudine tua, quae mihi optatissima est, me doceas ». Haec ad Sallustianum Theodoretus; quae ipsum hoc anno scripsisse existimamus, quo (ut dictum est superius) una cum Attica grassatione terrae motus Orientem concussit, cujus Theodoretus hac eadem Epistola meminisse videtur. Hoc item anno famem et pestem Constantinopolim invasisse, teatrumque regiae civitatis igne crematum esse, Marcellinus affirmat. Quorum ipse meminerat anno superiori, sed per anticipationem, ut alia fecisse noscitur: nos vero ut singula quaeque singulis reddamus annis, hic eadem collocamus.

¹Theodoret. Ep. xli.

Anno periodi Graeco-Romanae 5939. — Jesu Christi 446. — Leonis papae 7. — Theodosii Jun. 45. et 39 Valentiniani III. 22.

1. *Quinta quinquennialia Valentiniani.* — Coss. *Fl. Actius III* et *Q. Aurelius Symmachus*, ut hic vocatur in Novella hoc anno a Valentiniano data, *de Testamentis* lib. 2 Novell. tit. 4, uterque in Occidente creatus, ut Ouphrius in Fastis demonstrat. Porro quatuor *Symmachii* nomine consules ordinarii in Occidente fuere. De priori, anno cccxci quo consulatum gessit, egimus. De illo et Symmacho hoc anno consule, et reliquis duobus sermonem habet Sirmundus in Notis ad Ennodium lib. 7, Epist. xxv. *De Symmacho* anno cdlxxxv, alteroque *Symmacho* anno dxxii consulis videnda quae suis locis diximus. *Quinta quinquennialia* imperii Caesarei Valentiniani in hunc annum incidunt.

2. *Britanni auxilium Romanorum implorant.* — A num. 1 ad 5. Baronius dicit emendandum esse Bede textum in libro de Sex aetatibus, dum tertium *Actii* consulatum ponit sub anno xxiii Theodosii, quem constat, inquit, in ejus imperii trigesimum nonum incidisse. At non advertit cardinalis doctissimus, Bedam, quemadmodum et Pseudo-Prosperum in Chronico imperiali, initium imperii Theodosiani deducere ab anno Christi cxxxiii, quo

Honorius Aug. obiit; eoque pacto tertium Actii consulatum in annum Theodosii post Honorium imperantis xxiii convenire; quo anno, praesenti scilicet, Britanni a Pictis Scotisque vexati auxilium Actii ter consulis et magistri militiae in Galliis implorarunt, ut liquet ex eorum Epistola a Baronio recitata, quae extat apud Bedam in Hist. lib. 1, cap. 13, ubi et ait, Theodosium juniorem post Honorium regnum suscepisse *anno Dombuca Incarnationis cxxxiii*. Addit Beda: « Neque haec tamen agentes quicquam ab illo (scilicet Actio) auxilii impetrare quiverunt, utpote qui gravissimis eo tempore bellis cum Bleda, et Attila regibus Hunnorum erat occupatus. Et quamvis anno ante hunc proximo Bleda Attilae fratris sui sit interemptus insidiis, Attila tamen ipse adeo intolerabilis Reipublicae remansit hostis, ut totam pene Europam, excisis invasisque civitatibus atque castellis corroderet. Quin et iisdem temporibus fames Constantiopolim invasit: nec mora, pestis secuta est; sed et plurimi ejusdem urbis muri cum quinquaginta turribus corruerunt; multis quoque civitatibus collapsis, fames et aerum pesifer odor plurima hominum milia, jumento-

rumque delevit ». Quia vero Baronius, indicato Saxonum Anglorumque a Britannis in auxilium vocatorum adventum in insulam, de illis postea sermonem non habet ante annum **CMXXVII**, nos singula suis annis reddeutes, quæ ille omisit, supplebimus.

3. *Constantinopolis terræ motu concussa.* — A num. 5 ad 14. Marcellinus in Chronico scribit, sub hujus anni **COSS.** magnam famem Constantinopolim invasisse, pestemque illico subsecutam, ac templum igne crematum esse. Marcellini verba anno superiori, quo ea recitat Baronius, retulimus, qui et hoc anno ex Marcellino terræ motum, quo Constantinopolis concussa, refert, quamvis is tam juxta editionem Onuphrii, quam juxta editionem Sirmondi, terræ motum illum memoret *Ardabure et Callepio COSS.* anno se. sequenti. Quare, ut sæpius monuimus, depravato codice Marcellini usus est cardinalis eruditissimus. Sed non tantum Marcellinus, verum etiam auctor Chronici Alex. hunc terræ motum in annum sequentem confert. Hæc ejus verba : « Eodem anno ingentes terræ tremores fuerunt, ut mœnia procumberent (quæ aliqui vetustate fatiscabant), et nemo quisquam auderet domi suæ manere, sed omnes deserta urbe foris dies et noctes precibus et litaniis vacarent. Omnes enim ingens terror occupaverat, qualis a condita urbe non fuerat. Nonnulli ignes quoque cælestes a se speculatos affirmabant. Unde et anniversaria memoria etiam hodie peragitur litaniarum in Trichonco VIII idus Novemb. pro clementi Dei in genus humanum patientia, cum in tantis minis cælestibus neminem tamen morti dedit ». Erat porro Trichoncus ædificium palatii, quod Constantinopolitani *Magnum* vocabant, sic appellatum, quod tribus conchis constaret.

4. *An duo terræ motus sint distinguendî.* — Idem auctor Chronici Alex. sub consulatu Valentiniани Aug. VII et Avieni, ibidem perperam *Albini* vocati, anno nempe Christi **COX** alium terræ motum his verbis recitat : « Hoc anno Constantinopolis magnam labem accepit, et terræ motu, mense Januarii, sexto et vicesimo die, noctu a Troadesis porticibus usque ad æreum Tetraphylum, sat diu durante, ita ut nemo auderet domi suæ manere, sed omnes fugerent in campum, diesque et noctes continuarent preces. Ipse imperator cum senatu et populo plerumque nudus pedes, multis diebus Deum votis propitiabat. Ingens enim terror, qualis nunquam fuerat, omnes perculerat. Quidam affirmabant se ignes in caelo vidisse, unde anniversaria memoria precum celebratur etiam hodie in campo, ad Dei clementiam in genus humanum laudandam ». Porticus Troadesis sic appellata a marmore a Troade, ex Asia advecto, quo exstructæ erant. Fuerunt vero binæ, positæque in XII regione, in antiqua urbis descriptione. *Tetraphylum* æreum erat versus forum Tauri, quod exiit in septima regione urbis, ut liquet ex Cedreno pag. 348. Existimo auctorem Chronici Alex. eundem terræ motum in duos perperam divisisse, licet Goarus in Notis ad

Theophanem pag. 571 distinguendos contendat. Nam Evagrius lib. 1, cap. 17, Theophanes ad annum Theodosii XXX, Cedrenus ad annum Theodosii XXVIII, et Nicephorus lib. 14, cap. 47, de unico terræ motu loquuntur, quem Theophanes ait, *quatuor mensium spatio* factum esse Constantinopoli, et tam Theophanes, quam Cedrenus, ac Nicephorusarrant, adolescentulum in æra divina virtute sublevatum *Procto* episcopo Constantinopolitano reuntiassisse se hæc verba audisse : « Sanctus Deus, Sanctus fortis, Sanctus immortalis, mi-erere nostri » : Proctum vero populum, ut ita caneret, adhortatum esse, et confestim terræ quievissse motum. Verum est, hunc terræ motum, et hæc *Trisagii* institutionem a *Procto* factam memorari in Menologio die xxv Septembris, ab auctore vero Chronici Alex. tradi eam anniversariam memoriam sua ætate die vi Novembris factam. Sed existimo, Festum illud a mense Novembri, ad Septembrem temporis progressu, quod in aliis Festis non raro accidit, ob rationes nobis ignotas translatum esse. Sed quidquid hæc de re sit, liquet ex hæc apparitione *Proctum* anno sequenti, quo ea contigit, adhuc in vivis fuisse, ut magis mox ostendam.

5. *Cyros Panopolites in offensionem Theodosii imp. incurrit.* — A num. 14 ad 20. *Cyri Panopolitis* ad fidem Christianam conversio, ejusque clericatus pertinent ad annum quadragesimum quadragesimum octavum. Nam terræ motus, quo mox diximus Constantinopolim quassatam, contigit die xxv Septemb. sequentis Christi anni, quo Theodosius imp., ut narrat Nicephorus lib. 14, cap. 46, terræ motus timore liberatus, urbis muros refici, eamque ex parte reparare jussit, quod a Cyro intra dies LX præstitum. Postea enim cum, audiente imperatore, populus exclamasset, *Constantinus condidit, Cyrus restauravit*, idem imperator præfecti urbane dignitatem, obtento quod gentilis esset, ei ademit, et cum Cyrus ad Ecclesiam se recipiens factus esset clericus, eum episcopum Smyræ, quæ Asiæ urbs est, fieri jussit, ut narrat etiam Theophanes ad annum Theodosii imp. xxxvii et Zonaras in Historia. Hæc accidisse anno **COXLVIII** eruo ex Suida, qui tam in Lexico, quam in Historia de Cyro loquens, scribit : « Fuit sub juniore Theodosio imp. a quo etiam designatus est prætorii præfectus, et urbis prætor » (legendum, *urbis præfectus*. Interpres enim hæc Suidæ verba, *αὐτὸν ἐπιτοροῦσεν πόλεως* male in Latinum vertit). « Fuit autem consularis, et patricius. Nam Eudocia, Theodosii uxor, imperatrix, versuum amans, Cyrum supra modum admirata est. Sed cum ea palatio recessisset, et in Orientem profecta, degerat Hierosolymis, Cyrus insidiosi appetitus, creatus est episcopus et inspector Sacrorum, quæ erant in Phrygiæ urbe Cofyæo et vitam produxit usque ad Leonem imp. » Eudocia anno tantum **COXLVIII**, die Ephiphanie Sacro, pomum decantatissimum Paulino misit, isque ad imperatorem; et ab eo tantum tempore ea e gratia imperatoris excidit, et postea *Cyros* ab imperatore clericus, ac dein episcopus dictus.

6. *Smyrnenensis episcopus non fuit.* — Verum cum Suida eum episcopum *Cotyaii*, renuntiatum asserat; Theophanes vero, Zonaras, auctor Chronici Alexandrini et Nicephorus episcopum *Smyrnensem* factum esse scribunt, orta inde inter recentes historicos controversia, aliis a Suida, aliis a Theophane stantibus, et Baronio num. 15 *Cyrum* ex una sede in aliam translatum esse existimante. Hanc litem certo argumento ex monumentis Ecclesiasticis et initio episcopatus Cyri deducto, dirimam. Cum enim ante annum *CDLXIII* *Cyrus* in Theodosii Augustinum non incurrerit et ab eo Christi anno ad annum *D* et ultra *Aethericus* Smyrnenensis episcopus fuerit, alium episcopatum, quam *Cotyaii* *Cyrus* non gessit. *Aethericus* enim episcopus Smyrnenensis dicitur in Concilio Constantinopolitano an. *CDLXIII*, in Pseudo-Ephesino anno *CDLIX*, et in Chalcedonensi anno *CDLI* celebratis. Ad eum etiam scripsit Leo imp. an. *CDLIII*, ut videre est in Codice Encyclo apud Baluzium, in nova collect. Concil. pag. 1423. Et denique *Aethericus* subscriptus legitur in Concilio Romano V sub Symmacho, iuxta Labbeum in edit. Concil. tom. IV, pag. 230. Quare citatos Historicos Byzantinos, et qui eos secuti sunt, *Cyrum* episcopum Smyrnensem perperam fecisse manifestum est. Obiter hic corrigendus alius error, qui irrepsit in omnes editiones Evagrii, neminique observatus fuit. Is lib. 2, cap. 48, pag. 317, juxta editionem Valesii, inter episcopos, qui Concilio Chalcedonensi adfuerunt, numerat *Proterium* Smyrnen episcopum, loco *Aetherici*, qui error librariis forte attribuentibus.

7. *Falsæ illius traditionis origo.* — Commentarii hujus episcopatus Smyrnenensis Cyri, originem eruo ex ejus sepulture loco. Auctor Vitæ sancti Danielis Stylitæ, ejus verba Baronius num. 19 recitat, ait: « Cuidam Cyro, qui prius quidem fuit preses (non vidi textum græcum hujus auctoris, sed non dubito, quin in eo loco *Præsidis* habeatur *Profectus*), postea autem ad sedem episcopalem civitatis in Phrygia, cui nomen erat *Cotyæum*, evectus est, et ab illa postea discesserat propter quamdam motam adversus eum calumniam ». Existimandum enim *Cyrum*, cum *Cotyæo* fugit, Smyrnam secessisse; cum auctor Chronici Alexandrini ad annum *CDL* discrete habeat: *Mansit ibi* (scilicet Smyrnen) *usque ad mortem*. Nam pronum est credere episcopos, præsertim sanctitate vite et præstanti doctrina conspicuos, ibi mortuos esse, ubi eorum sepulchra visuntur; hinc sine dubio factum, ut Theophanes, auctor Chronici Alexandrini, alique *Cyrum* magni nominis et virtutis præsulẽm, Ecclesiam Smyrnensem administrasse, litteris mandant.

8. *S. Proclus episc. Constantinopolitanus anno sequenti demortuus.* — A mm. 20 ad 27. In Menologio Græcorum ad diem *XXIV* Octob. dicitur, sanctum *Proclum* patriarcham Constantinopolitanum cum annos *XII* et menses in episcopatum bene rexisset, migrasse ad Dominum die *XXIV* Octob. Verum cum certum sit *Proclum* ad eam sedem

evectum mense Aprili anni *CDXXXIV*, anno tantum sequenti mortuus est, postquam sedisset annos tredecim et menses aliquot. Quare erratum etiam Nicephorus in Hist. lib. 14, cap. 47, ubi ei annos duodecim tribuit, alter Nicephorus in suo Chronico, qui ei assignat annos *XII* et menses tres, Theophanes, alique passim, qui tradunt eum annos duodecim Ecclesiam Constantinopolitanam rexisse. Præterea in Menais ad diem *XVI* Februarii, quo Græci sancti *Flaviani* Procli successoris memoriam celebrant, dicitur *Flavianus* sedisse *annum unum, menses decem*, quod et Nicephorus in suo Chronico habet quibus suffragatur Zonaras in Theodosio juniore, qui testatur *Flavianum novæ Romæ thronum per biennium* ornasse. Quare cum Baronio teste, *Flavianus* mense Augusto anni quadringentesimi quadragiesimi noni in exilium missus fuerit, *Proclo* anno tantum sequenti successerat, præsertim si Proclus die *XXIV* Octobris decesserit; alioquin non per biennium inchoatum, sed per triennium fere integrum *Flavianus* Ecclesiam Constantinopolitanam administrasset.

9. *Refellitur opinio contraria.* — Henschenius in Notis ad Vitam sancti *Flaviani* Constantinopolitani episcopi ad diem *XXVI* Februarii Baronii opinionem tuetur, atque Theophanem consignare mortem *Procli* anno trigesimo nono Theodosii imp. kalendis Maiis præsentis Christi anni inchoato, et *Proclum* die *XXIV* Octob. ejusdem anni *XXXX* Theodosii *e* vivis excessisse. Verum levissimi momenti Theophanis hæc in re auctoritas, qui eo Theodosii anno scribit, sanctum *Cyryllum*, et sanctum *Proclum* *e* vivis excessisse, cum tamen *Cyryllum* anno *CDXLV* demortuum esse certissimum sit. Ait præterea Henschenius, litterarum communicationem inter episcopum Romanum, et episcopos Constantinopolitanum, Alexandrinum, et Antiochenum tam procul distitos, ostendere *Flavianum* necessario ante *XXIV* Octob. anni Christi *CDXLVI* diu episcopum fuisse; adeoque *Proclum* hoc anno obiisse. Verum ea communicatio fieri potuit duobus posterioribus mensibus anni *CDXLVI* et prioribus anni *CDXLVII* usque ad mensem Novembrem, quo *Flavianus* in Pseudo-Synodo Ephesina depositus. Aliam rationem deducit Henschenius ex depositione *Bassiani* ab episcopatu Ephesino in Actione *XI* Concilii Chalcedonensis, sed eam ibidem refellemus.

10. *Scripta Procli.* — Baronii ætate, sancti *Procli* discipuli et anagnosti sancti Joannis Chrysostomi pauca exabant scripta; sed ab aliquot annis omnia ejus *Analecta* græce et latine publicavit Vincentius Richardus. Edita et a Geveharto Elmenhorstio alia quædam hujus sancti præsulis Opuscula, ut videre est apud Labbeum in Dissert. de Script. Ecclesiast.

11. *Pulcheria a rerum administratione removetur.* — Sanctus itaque *Flavianus* anno dumtaxat sequenti *Proclo* successit. Sed *Chrysaphius* eunuchus supremam in palatio, et penes imperatorem assecutus potestatem cum a Flaviano obtinere non

posset, ut aliquid munus ad imperatorem mitteret, et *Pulcheria* rerum summam administrante, nulla ipse valeret auctoritate, fil *Eudocia* Theodosii uxori auctor, ut *Pulcheriam* a patriarcha diaconissam ordinandam, imperatore iubente, impetret. *Flavianus* mala inde nascitura praesentens litteris *Pulcheriae* significat injunctum sibi mandatum, et ne in summi conspectum veniat, monet. Illa in *Hyblomum* secessit, ubi privatam vitam egit, et *Eudocia* negotiorum administrationem accepit. Ita rem refert *Theophanes* ad annum Incarnat. secundum Alex. cxxl. kalendis Septemb. sequentis Christi anni inchoatum. Ex quo et liquet, eo tantum anno *Flavianum* ordinatum; cum *Chrysaphius* munus illud ab eo peteret, in ordinationis et dignitatis vicem, ut ibidem *Theophanes*. Eandem rem narrat *Baronius* ex *Nicephoro* lib. 14, cap. 47.

12. *Discordia inter imperatorem et ejus conjugem evata.* — « *Carterum* », inquit *Theophanes*, postquam superiora narravit, « *Pulcheria* ad privatam compulsam vitam, et *Eudocia* negotiorum curam gerente, tale quidpiam accidit. Erat *Paulinus* quidam vir litteris omnibus et formae venustate conspicuus, *Eudociae* apprime carus, cum quo familiariter agere, et seorsim colloqui illa solebat. At cum sancto *Theophaniorum* die malum elegans omnino et stupenda magnitudinis nonnullis imperatori obtulisset, ille fructum admiratus *Eudociae* misit, haec *Paulino* dedit; *Paulinus* duos post dies illud imperatori obtulit. Imperator malum agnitum celavit, et ad *Augustam* profectus, per salutem inquit, meam obtestor, quid de malo quod tibi dedi, actum est? Ita salvus sis, inquit illa, comedi. Imperator in iram versus malum proferri jubet, et *Paulinum* in *Cappadociam* exulem abactum trucidari ». *Nicephorus* lib. 14, cap. 23 idem recitat, et imperatori *Festo Luminum die*, id est, *Epiphaniae* pomum illud oblatum refert, et postea cap. 47 asserit id accidisse, *Eudocia* rerum potente. Quare confingere haec anno

cdxlviii. cum *Eudocia* anno tantum sequenti, ut mox ostendi, rerum administrationem suscepit. Hanc nostram sententiam confirmat annus, quo *Cyrenus* in offensionem *Theodosii* imp. incidit, qui alius esse non potest, quam annus cdxlviii, uti supra num. 5... demonstravi. Cum enim id confingerit, postquam *Eudocia* Hierosolymam secessit, liquet eam ante annum illum peregrinationem illam non suscepisse. Baroniumque deceptum, qui eam post *Theodosii* mortem differt; quae opinio magis infra confutabitur. Errarunt etiam *Marcellinus* in *Chronico*, qui *Valentiniano* V, et *Anatolio* cons. anno sc. Christi cxxl. scribit: « *Paulinus* magister officiorum in *Casarea* *Cappadociae* iubente *Theodosio* principe interemptus est », et auctor *Chronici* Alex. qui ad annum cdxlv. et eadem *Paulini*, et profectioem *Hierosolymitanam* *Eudociae* *Augustae*; hujusque mortem uno tenore recitat. Ille tamen recte notat, die *Epiphaniarum*, malum illud imperatori a quodam paupere donatum fuisse, huicque centum quinquaginta aureos ab eo datos.

13. *Attilae de Romanis victoria.* — Ad num. 27 et seq. *Marcellinus* in *Chronico* ad *Ardaburii* et *Alypii* consulatum anno sequenti gestum, scribit: « *Attila* rex usque ad *Thermopolium* infestus advenit; *Arnegiscus* magister militiae in *Ripense* *Dacia*, juxta *Utum* amnem, ab *Attila* rege viriliter pugnans plurimis hostium interemptis occisus est ». Idem habet auctor *Chronici* Alex. ad eundem consulatum. Quare *Codex* *Marcellini*, quo *Baronius* usus, mendosus erat.

14. *Ejus meminit Theodoretus.* — *Epistola* xli *Theodreti*, in qua is ait: « In praesens et terram contra nos concutit, et *Barbaras* undique nationes in nos immisit », sc. *Deus*; inscripta est in codicibus Mss. et in editione *Sirmondi* *Claudiano*, non vero *Sallustiano*, ut habuit *Codex* quem nactus est *Baronius*, eaque data anno sequenti, quo tam terrae motus, quam irruptio *Attilae* in *Daciam* confingere.

LEONIS ANNUS 8. — CHRISTI 447.

1. *Turibius episcopus Asturicensis liberanda a Priscillianistis Hispania laborat.* — Annus agitur Redemptoris nostri quadringentesimus quadragessimus septimus, consulatu Alypii, sive Calypii, et Ardaburii signatus : quo S. Leo Romanus Pontifex pervigili sollicitudine curæ incumbens universalis Ecclesiae, in Hispanias convertens oculos et figens obtutus; laborantes eas adhuc plerisque in locis nefandorum Priscillianistarum erroribus, liberare penitus festinavit : et qui jam semel ad succidendos infelices Manichæorum palmites faecem acceperat, ad præcidendas etiam infaustas radices Priscillianistarum, erroris Manichæi affinis, Apostolicam securim admovit. Cum enim, ingruentibus Barbaris Wandalarum primum, Gothis atque Suevis, florentissima illa Hispaniarum Ecclesia sanctissimorum antistitum solita cultura careret, pulchra mutata facie, reddita est veluti ager incultus vepribus undique oppletus ac spinis, in quibus sua quærent feræ latibula.

2. Nam sanctus Turibius Asturicensis episcopus vehementi Catholice veritatis ardore succensus Iustrans Hispanias, Iustra ejusmodi inveniens bestiarum, ad eas pellendas, earumque latebras destruendas, Apostolicæ Sedis, a qua sincerum acceperant Hispaniæ Evangelium, subsidium imploravit : missoque ad hoc opus suo diacono Romam, de omnibus reddidit Leonem Pontificem certiozem. Qui absque mora de cunctis quæ agenda essent redditus litteris, Turibium monuit. Extat ejusmodi S. Leonis Epistola¹, cujus est exordium : « Quam laudabiliter pro Catholice fidei veritate moveatis, etc. » Sed antequam ea quæ S. Leonis auctoritate gesta sunt prosequamur, de Turibio primum dicendum erit. Hic quidem sanctitate et doctrina pollens, zeloque exastuans domus Domini, ex animi arbitrio spontaneam peregrinationem suscipiens (ut dictum est) Iustravit Hispanias, ut qui esset Ecclesiarum status agnosceret, eisdemque pro virum facilitate consu-leret. Absoluta autem itineris suscepti periodo, de

bis quæ comperisset, ista scripsit ad Iacium et Ceponium primarios Hispaniarum antistites :

3. « Sanctis ac beatissimis et omni veneratione colendis Iacio et Ceponio episcopis, Turibius.

« Molesta semper est et injucunda peregrinatio, quam efficiunt (afficiunt) duri labores et lacrymabiles necessitalum curæ : habet tamen aliquid instrumenti (adjumenti), cum adeundo incognita, vel ignorata discendo, quodam profectu mentis auge- mur; plerumque ea quæ apud nos optima videban- tur, prava esse atque deterrima, reddita nobis meliorum ratione, noscentes. Quod mihi usuenit, qui diversas provincias adeundo, in omnibus Eccle- siis, quæ in unitatis communione consistunt, con- demnatis omnibus errorum sectis, reperi unum atque eundem Catholicæ fidei sensum teneri ex purissimo veritatis fonte venientem, qui in nulla divortia multifidis rivulis scissus, camporum plana in cænosas voragines solvat, quæ rectum fidei iter impediunt : eos vero, quos pravorum dogmatum virus infecerit, aut correctos piæ parentis gremio reformari compellit, aut pertinaciter contumaces, veluti abortivos partus, ac non legitimam sobolem, ex consorcio sanctæ hæreditatis expellit. Quapropter mihi post longas annorum metas ad patriam reverso, salis durum videtur, quod ex illis traditionibus, quas olim Catholica damnavit Ecclesia, quasque jamdudum abolitas esse credebam, nihil penitus imminutum esse reperio : imo etiam pro unius- cujusque studio et voluntate prava dogmata velut quibusdam hydriis caputibus pullulare cognosco : cum alii veteri errori blasphemiarum suarum aug- menta contulerint; alii integrum cum usque adhuc retineant (retententur); alii vero, quos ex parte ali- qua ad respectum sui contemplatio veritatis adduxit, ex illius sensibus retinendo nonnulla, reliquis vin- culentur : quod quidem per mala temporis nostri, Synodorum conventibus decretisque cessantibus, liberius crevit; et impiissime (quod est cunctis de- terius) ad unum altare diversis fidei sensibus con- venitur.

4. « Hæc ego (ut loqui audeam) piæ potius erga

¹ Leo, Ep. xcvi.

patriam charitatis, quam temerariae praesumptionis esse confiteor. Nam alias plenus omnium peccatorum, et magnorum criminum reus, quo ausu hæc ad vos scriberem, memor Dominicæ¹ vocis, quæ dicit: In alieno oculo festucam vides, in tuo trabem non respicis? Deinde conscius ejus sententiæ, quæ admonuit dicens²: Peccatori autem dixit Deus: Quare prædicas justitias meas, et assumis testamentum per os tuum? Sed iterum illud adspicio, quod infra scriptum est³: Furem videbas, et concurrebas cum eo, et cum adulteris portionem tuam ponebas. Neque enim illa sola sunt furta, quæ alienorum direptione committuntur, vel illa adulteria, quæ violatis maritalis tori affectibus perpetramus; sed et subtractis quæ vera sunt, furtum Catholicæ fidei perversi dogmatis facit assertio, et adversus veritatem verbi Dei, malarum doctrinarum adulterio, zizanie semina faciuntur». Admiranda profecto viri sanctissimi summa demissio animi, qui Christi exemplo, ut peccantes erigat, sese cum peccatoribus collocat, et cum infirmantibus infirmatur, ut eosdem languentes curet, factus instar Apostoli, omnia omnibus, ut omnes lucretur Domino. Admirandum, inquam, haud tamen imitandum: cum de hæreticis agens, se omnibus deterior deliquisse testetur, vir alioqui omni ex parte sanctissimus, atque ab omni erroris labe purissimus, ut ex litteris S. Leonis papæ ad eum datis facile intelligi potest. Quanam enim fidei Catholicæ sinceritate emituisse ipsum oportuit, cui spatia suæ diocesis angusta fuere, sed ad universas Hispaniarum provincias ab omni erroris labe verrendas, scopam Catholicæ veritatis admovit? At prosequamur reliqua ab eo in eadem Epistola scripta.

5. « Loquarne ergo, inquit, an taceam, nescio: quia utrumque formido. Sed ne forte sanctitas vestra, quæ mala, quantæque blasphemie apocryphis libris, quos hi nostri vernaculi hæretici ad vicem sanctorum Evangeliorum legunt, continentur, ignoret; maximi facinoris reum me esse credo, si taceam. Itaque hæc non adhortatio auctoritatis alienius est, sed potius suggestionis instructio. Primum ergo est, ut illa patefaciam, quæ in plurimorum fide, vel magis perfidia esse cognovi: quæ cum multis publico pæne magisterio doceantur, si Catholicorum aliquis paulo constantius destructionis causa assertioni insistat; continuo inficias euntes, et perfidiam perfidia occultant. Quod ne ultra jam faciant, ex apocryphis scripturis, quas canonicis libris veluti secretas et arcanas præferunt, et quas maxima veneratione suscipiunt, et ex his quas legunt traditionibus dictisque auctorum suorum, ea quæ in ipsis arguuntur, vera esse docentes: aliqua autem ex his quæ in istorum doctrina sunt, in illis, quos legere potui, apocryphis codicibus non tenentur. Quare unde prolata sint, nescio: nisi forte ubi scriptum est per cavillationes illas, per quas loqui sanctos Apostolos mentiuntur, aliquid inferius indi-

calur, quod dispungendum (disputandum) sit potius, quam legendum: Aut si forsitan sint libri alii, qui occultius secretiusque servantur, solis (ut ipsi aiunt) perfectis patentes.

6. « Illud autem specialiter in illis Actibus, qui S. Thomæ dicuntur, præ cæteris notandum atque execrandum est, quod dicit cum non baptizare per aquam, sicut habet Dominica prædicatio, atque traditio, sed per oleum solum: quod quidem isti nostri non recipiunt, sed Manichæi sequuntur: quæ hæresis eidem libris utitur, et eadem dogmata et his deteriora seclatur. Ita execrabilis universis per omnes terras ad primam professionis suæ confessionem, nec discussa damnatur oportet, per cujus auctores, vel per maximum principem Manem ac discipulos ejus, libros omnes apocryphos vel compositos, vel infectos esse manifestum est, specialiter autem Actus illos qui vocantur S. Andree, vel illos qui appellantur S. Joannis, quos sacrilego Leuceus ore conscripsit, vel illos, qui dicuntur S. Thomæ, et his similia, ex quibus Manichæi et Priscillianistæ, vel quæcumque illis est secta germana, omnem hæresin suam confirmare nituntur; et maxime ex blasphemissimo illo libro, qui vocatur Memoria Apostolorum, in quo ad magnam perversitatis suæ auctoritatem doctrinam Domini mentiuntur, qui totam destruit legem Veteris Testamenti, et omnia quæ S. Moysi de diversis creature factorisque divinitus revelata sunt, præter reliquas ejusdem libri blasphemias, quæ referre pertesum est. Ut autem mirabilia illa, atque virtutes, quæ in apocryphis scripta sunt, sanctorum Apostolorum vel esse, vel potuisse esse non dubium est; ita disputationes, assertionesque illas sensuum malignorum ab hæreticis constat insertas: ex quibus scripturis diversa testimonia blasphemis omnibus plena sub titulis suis adscripta digessi: quibus etiam (ut potui) pro sensu mei qualitate respondi. Quod ideo necesse habui paulo latius vestris auribus intimare, ut vel posthac nemo quasi inscius rerum dicat se simpliciter hujusmodi libros vel habere, vel legere.

7. « Vestræ autem exsultationis atque censuræ merito fuerit, universa pendere; et ea quæ sine ambiguitate veritatis ac fidei contraria videbitis, cum aliis fratribus vestris, quoscumque vobis zelus Catholicæ religionis vel pium studium sociaverit, citra ullam (illam) excusationem spirituali gladio rescicare, et ignita divini verbi virtute compescere». Hactenus S. Turibii Epistola, quam ex regia bibliotheca monasterii S. Laurentii edidit Ambrosius¹ Morales: desiderantur autem quæ his jungebantur digesta titulis impia Priscillianistarum dogmata, et illis appositæ ab eodem auctore elaboratæ confutationes.

8. Intelligis, puto, lector, frustra laborare in extirpandis hæresibus sanctos episcopos, nisi unde semel scaturit feculenta errorum colluvies, fons penitus obstruatur. De hujusmodi Priscillianistis

¹ Matth. XVII. Luc. VI. — ² Psal. XLIX. — ³ Ibid.

¹ Ambr. Morol. hist. Hispan. I. XI. c. 26.

Hispanias labefactantibus libris apocryphis est vetus illa suo loco superior recitata querela S. Hieronymi, cum de his ipse agens in Commentariis in Isaiam ¹ hæc addit : « Et per hanc occasionem, multasque huiusmodi, Hispaniarum et Lusitanie decepte sunt mulierculæ oneratae peccatis ², quæ ducuntur desiderii variis, etc. » Ex his plane considerent, qui præsent hodie Hispaniarum Ecclesiis sacri antifistiles, Catholice fidei decus et ornamentum, quanto periculo vulgari sinatur, quod offensam in ferat Catholice disciplina, illud, inquam, opus nuper eusum, quod atra statim Romæ iniustum nota flammæ ultrices expectant, elaboratum a Joanne de Roa, ejusmodi titulo, « Apologia de iuribus principibus defendendis et moderandis iuste ». Quod novatoribus parere viam, qui acutiorem odoratum habent, probe norunt. Videant quo tendat adulatio ista cum nova doctrina, quam haud quidem auctor didicisse potuit a doctissimis viris Societatis Jesu, inter quos aliquando socius versatus est; non apud S. Augustini professores, ad quos, ab illis abire jussus, se contulit; nec denique apud clericum Hispaniarum Catholicæ et Apostolicæ antiquæ disciplinae tenacissimum conservatorem atque custodem, apud quem denum stipendia meruit. Verum speratur de eo, utpote adhuc inter Catholicos proficiente, palinodiam fore propediem recantaturum. Sed ad Turibium.

9. De *Turibio claræ notitiæ*. — Haud enim satis sibi visum de his quæ viderat, manique contrectando tetigerat, admonuisse Hispaniarum antifistiles; verum ad Davidis turrim confugit, inde quaesiturus arma contra grassantem impietatem extollentem se adversus scientiam Dei. Legavit enim diaconum suum, cui de omnibus litteras dedit ad S. Leonem Romanum Pontificem, addidit eis et commonitorium, insuper et libellum: litteris quidem, quis esset Ecclesiarum Hispaniarum status, cum reddidit certiore: commonitorio sexdecim capita Priscillianistarum hæresis complexus est; libello vero supplicii rogabat, ut afflictatis Ecclesiis subveniret. At licet hæc Turibii scripta non extent, tamen ex redditis ad eum a S. Leone papa litteris perfecta habentur.

10. Sed antequam de his agamus, cum omnes codices tam scripti, quam typis excusi, æque habeant hunc Turibium fuisse Asturicensem episcopum: quomodo accidit, ut hic ipse in primo Bracarenensi Concilio, in relatione Lucretii episcopi, notarius Sedis Apostolicæ nominetur? Haud enim placet, quod res Hispanicæ prosecutus ait ³, duos fuisse Turibios, alterum ad quem S. Leo scribit, episcopum Asturicensem; alterum vero notarium S. Leonis, cui ad Synodum litteras dedit: nam abhorrent hæc procul a veritate. Si enim scribens S. Leo ad Turibium episcopum, litteras cum: ad ipsum, tum ad Synodum celebrandam notario suo

(ut vult) Turibio item dicto dedisset, utique in litteris ad episcopum scriptis ejus mentionem fecisset: solemne enim erat, ut cum legatus a Pontifice mitteretur, vel minus, ejus mentionem faceret in litteris, quæ eidem ea ex causa dari solebant. Porro non alicui certe homini, nisi Turibii episcopi diacono, quem ipse Turibium ad S. Leonem Pontificem miserat, ipsum S. Leonem ad Turibium episcopum eas dedidisse litteras, satis ex eisdem intelligi potest. Præterea non per aliquem alium a se missum, sed per ipsum Turibium episcopum cuncta quæ in ea causa peragenda essent, eundem S. Leonem impleri voluisse, eadem ad Turibium episcopum litteræ datæ significant.

11. Neque placet, quod ab alio viro disertio tradi nuper vidimus, nempe nunc eundemque fuisse Turibium, qui notarius dicitur S. Leonis, et Asturicensis episcopus; ipsumque notarium primo ejusmodi curasse negotium, inde vero eundem esse creatum Asturicensem episcopum. Etenim ad quem scribit S. Leo Turibium, ipsum quidem tunc temporis fuisse episcopum, ipsa ad eum Epistola data significat, dum cum bene præsidere officio pastorali commendat: eumque etiam dicit, ab eo missum fuisse diaconum suum Romanum, auctoritatem æque demonstrat episcopalem: siquidem nequam patitur ordo hierarchicus, ut Ecclesiæ notarii diaconis præsent, sed e contra ut sub potestate diaconorum subsint notarii; unde habes apud Paulinum tunc notarium S. Ambrosii, de se ipso testantem ⁴, fuisse sub cura Casti diaconi. His adde, haud moris fuisse Apostolicæ Sedis Pontificum, ministros suos notarios fratres nominare, quo nomine dignasse videtur S. Leo Turibium, ut alios solet episcopos.

12. At cur notarius eidem in dicto Concilio Bracarenensi nominatur? Num fortasse idem sit dictus notarius, quod utroque simul munere fungeretur, utpote idem notarius esset Apostolicæ Sedis, qui et episcopus Asturicensis, ut sanctus Prosper Regiensis episcopus idem dictus notarius ejusdem S. Leonis papæ? Sed non invenimus id expressum. An potius quis dixerit, notarii vocem interdum non nomen significare officii officio, quod est dictum a notis, sed magis a notum faciendo, siquæ ibi Turibius dicitur Apostolicæ Sedis notarius, quod curæ illi esset, quæ in Hispaniarum Ecclesiis gererentur, Romano Pontifici nota facere: etenim et notarium Apostolicæ Sedis munus erat, quæque Ecclesiæ monumenta colligere, et conservare: nam habes de Julio papa: « Constituit, ut notitia, quæ omnibus fidem facit, per notarios colligeretur, et ut omnium monumentorum in Ecclesia confectio per Primicerium notariorum celebraretur, etc. » Hæc quidem ex parte dictum esse Turibium episcopum notarium S. Leonis, nihil vetat: siquidem notarii munus explevit, dum quæ ex mandato S. Leonis gesta essent, visus est collegisse, et ad eundem S. Leonem Romanum

¹ Hieron. in Isai. l. XVIII. c. 64. — ² 2. Tim. III. — ³ Ambr. Moral. Chronic. lib. 1. c. 1.

⁴ Paulin. in Vit. S. Ambros.

missee, ibi perpetuo conservanda. Referre etiam ad Pontificem quod gestum esset, notariorum partium fuisse, cum ex multis aliis, tum ex Romano ordine habes in officio Misse, ubi dicitur : « Die autem resurrectionis Dominice, procedente Pontifice ad S. Mariam, notarius regionarius stat in loco, qui dicitur Merulanas, et salutato Pontifice, dicit : In nomine Domini nostri Jesu Christi baptizati sunt heslerna nocte in S. Dei Genitrice Maria infantes, masculi tot numero, femine tot, etc. » Sic igitur et Turibius, quod notas fecerit S. Leoni res gestas in Concilio Toletano, eadem ex causa notarius dici potuit S. Leonis. Sicut enim, vocem istam, notaria, idem quod scriptis facta relatio iudici, significasse, et apud majores usu receptam diximus superius secundo Annalium tomo; ita et notarium dici potuisse, qui refert que sunt acta Romano Pontifici (quod sint cognata vocabula) quis negabit? Certe quidem hoc ipso munere functum esse S. Turibium Asturicensem episcopum apud S. Leonem Romanum Pontificem, ejusdem Leonis ad eum redditæ litteræ satis docent. Sed jam rerum gestarum ordinem prosequamur.

13. *Leo Turibii legationi respondens Concilium generale indicit in Hispania; ubi de Symboli additamento.* — Acceptis (ut dictum est) S. Turibii litteris per eum ipso diaconum missis, S. Leo, ubi cuncta exacte examinavit, respondens ad singula, Epistola ad eum data, rescripsit. Laudans in primis ejus vigilantem in episcopatu pastorem sollicitudinem, nonnulla in delectationem nefandæ hæresis prælocutus, factum commendat Maximi imperatoris, qui ad hujusmodi conficienda monstra secularis gladium exercuerit potestatis; licet optabilis fuisset, eos Ecclesiastica emendatos fuisse censura. Deploratis igitur summis malis, quibus et episcopi aliquot etiam fuissent infecti, ad singula hæresum capita respondens, peculiaria singulis accommodata paravit antidota : que consulat lector, si vult: nos autem brevitalis causa persequi prædermittimus. Demum improbata lectione librorum Priscillianistarum, de Dicitinii libris mentionem habet : de quo lector meminisse debet, hunc fuisse Asturicensem episcopum, in cujus locum Turibius successerat, et ex Priscillianista hæretico redditum Catholicum recantasse palinodiam, suaque damnasse scripta in Toletano primo Concilio, quamobrem hæc de ipsius scriptis ingerit S. Leo¹ : « Postremo autem capitulo hoc prodidit justa querimonia, quod Dicitinii tractatus, quos secundum Priscillianum dogma conscripsit, a multis cum veneratione legentur : cum, si aliquid memorie Dicitinii tribuendum putant, reparationem ejus magis debeant amare, quam lapsum. Non ergo Dicitinium, sed Priscillianum legunt, et illud probant quod errans docuit, non quod correctus elegit. Sed nemo hæc Catholicus præsumat, etc. » Demum vero de colli-

gendo in Hispania generale Concilium mandans, ista perorat² :

14. « Habeatur ergo inter vos episcopale Concilium, et ad eum locum qui omnibus opportunus sit, vicinarum provinciarum conveniant sacerdotes, ut secundum ea, que ad tua consulta respondimus, plenissimo disquiratur examine; an sint aliqui inter episcopos, qui hujus hæreses contagio polluantur, a communionem sine dubio separandi, si nefandissimam sectam per omnium sensuum pravitates damnare noluerint. Nulla enim ratione tolerandum est, ut qui prædicandæ fidei suscepit officium, is contra Evangelium Christi, contra Apostolicam doctrinam, contra universalis Ecclesiæ symbolum audeat disputare. Quales illic erunt discipuli, ubi tales docebunt magistri? » Et post nonnulla : « Dedimus itaque litteras ad fratres et coepiscopos nostros, Tarraconenses, Carthaginenses, Lusitanos, atque Gallicianos, eisque Concilium Synodi generalis indiximus. Ad tuæ dilectionis sollicitudinem pertinebit, ut nostræ ordinati omnis auctoritas ad prædictarum provinciarum episcopos deferatur ». Ex his vides non alium missum esse Turibium cum litteris ad episcopos provinciarum, quas Turibio episcopo mandat ut reddat, sed subdit : « Si autem aliquid (quod absit) obstitit, quominus possit celebrari generale Concilium, Gallæciæ saltem in unum conveniant sacerdotes : quibus congregatis, fratres nostri Hydatus et Ceponius imminabunt, conjuncta cum eis instantia tua, quo citius vel provinciali conventu remedium tantis vulneribus adferatur. Dat. undecimo kalendas Augusti, Callypio et Ardabure viris clarissimis consulibus ». Hactenus Leo, generalem in universa Hispania, more majorum, indicens Synodum; quod munus erat Apostolicæ Sedis antistitis.

15. His perlatis litteris in Hispaniam, placuit ex sententia sancti Leonis papæ a diversorum provinciarum episcopis generale celebrari Concilium. Testantur id quidem in primis Acta Synodi Braacarensis, in quibus primum ista leguntur² a Lucretio episcopo prælocuta : « Credo autem vestre beatitudinis fraternitatem nosse, quia eo tempore quo in his regionibus nefandissimæ Priscillianæ sectæ venena serpebant, beatissimus papa Urbis Romæ Leo, qui quadagesimus (quod. septimus) fere Apostoli Petri successor extitit, per Turibium notarium sedis suæ ad Synodum Gallæciæ contra impiam Priscillianæ hæresis sectam scripta sua direxit : cujus etiam præcepto Tarraconenses et Carthaginenses episcopi, Lusitanam quoque et Beticam, facto inter se Concilio, regulam fidei contra Priscillianam hæresim cum aliquibus Capitulis describentes, ad Bæconium tunc hujus Braacarensis Ecclesiæ præsulem direxerunt, etc. »

16. Sed observa, lector, dum generale Concilium celebratum ait ab episcopis etiam provincia-

¹ Leo, Ep. xciii. c. 17.

² Ead. Epist. c. 17. — ³ Conc. Braac. t. in Praefat.

rum Carthaginensis, Lusitania, et Bætica, nec ullam penitus mentionem facit provincie Gallæciæ, ubi (ut ait) jussu S. Leonis debuerat Synodus congregari; magnam esse conjecturam, hos seorsum ab illis convenisse, sed communicasse postea cum iis quæ ab ipsis statuta essent. Si enim in Gallæcia provincie tantum Synodus collecta esset, ubi et convenissent omnes dietarum provincialium episcopi; quid opus fuit ab illis scribi (ut præfatur Lucretius) litteras de rebus gestis in Synodo ad Balconium ejus provincie primatem Bracarensem episcopum, quem necessario presentem oportuit fuisse Synodo? Ubinam, quandoque celebrata est provincialis Synodus absque presentia metropolitani antislitis? Sic igitur haud obscure penitus significare videtur idem qui supra Lucretius, seorsum convenisse dietarum provincialium episcopos, seorsum vero cum Balconio Bracarensi episcopos provincie Gallæciæ, illos vero de rebus penes se gestis dedisse litteras ad eundem Balconium. Sed ubi locorum convenierint, ignoratur: conjectura tamen aliqua dici posse videtur, convenisse Toleti, sub cujus Concilio primo, quæ postea jussu S. Leonis papæ contra Priscillianistas statuta sunt, fuerint collocata. Quod vero in Gallæcia sub Balconio collectum est Concilium, illud esse celebratum in municipio Celenensi apud Lucensem urbem, vœtera præbunt monumenta, quibus et recentiores Hispani consentiunt.

17. Ut autem non in unum eundemque locum ad Concilium celebrandum convenierint omnes Hispaniarum episcopi, sed Gallæci seorsum ab aliis; illam potissimam causam existimamus, quod Gallæci erant sub Suevorum rege Rechila tunc regnante, relique autem Hispaniarum provincie Gothis parebant, Theodorico, et ejus filio Torismundo. Ex hoc igitur factum apparet, ut discriminatione ditionis diversorum principum, diversis in locis, seorsum ab invicem Catholicis episcopis Hispaniarum convenierint, duoque eodem tempore celebrata Concilia in unum postea conflata fuerint, quod una existerit causa conveniendi, et eadem Concilia una convocavit auctoritas, quæ et in unam eandemque convenere sententiam. At non duo hæc tantum in unum, sed tria simul reperiuntur esse conjuncta, nempe duo hæc novissima cum Toletano primo, cujus esse noscuntur episcopi, qui eidem interfuisse leguntur, et canones illi viginti, ut superius suo loco dictum est. Unde intelligas, quæ in line habentur verba illa: « Ipsi etiam et superscripta viginti canonum capitula statuerant in Concilio Toletano », esse referenda ad episcopos superius nominatos; perperam autem (ut puto) ab aliquo addita, vel non suo loco reposita; ut accidere solet, cum quid miscetur, ordine confuso locari.

18. Sed observationem quidem dignissimum est, tanti ponderis æstimatam fuisse apud Barbaros etiam reges et Arianos auctoritatem Romani Pontificis, ut licet ab eodem essent ob hæresim, Catholica communicatione divisi; nihilominus simul ac audire

Romani Pontificis urgere mandatum, ut omnes Hispaniarum episcopi ad Synodum convenirent; iidem principes, singuli in suis provinciis, id faciendi liberam tribuerint facultatem, sinentes, ubi vellent (nulla quod apparcat, petita licentia) in sua ditione episcopos convenire. Tantum sibi auctoritatis etiam apud Arianos principes Sedes Apostolica vindicabat. Unde et fortasse accidit, ut Deus eisdem regibus dederit et stabilire regnum, et ad multa sæcula propagare. Nullus enim nunquam absque amplissima remuneratione persolutum inveniet, quidquid aliquando impensum est honoris et reverentie Apostolicæ Sedi: quod nunquam omnes Catholici principes observarent! Sed de his alias sæpe.

19. Quod autem spectat ad fidei assertionem ex præscripto sancti Leonis papæ in hac Synodo constitutam, sub qua probarentur qui vere Catholici essent episcopi, et omni labe carerent Priscillianistarum erroris, utpote quæ omnes articuli eorumdem hæresis damnarentur; magna quidem observatio dignum est, quod reperitur illud ab eis primum superadditum fidei Symbolo de Spiritu sancto, A PATRE FILIOQUE PROCEdit: at minime quidem sua id fecere auctoritate, sed ex verbis acceptis ab Epistola ad eos scripta a sancto Leone Romano Pontifice, in qua cum damnantur Priscillianistarum errores, hæc capite primo ponuntur ¹: « Primo itaque capitulo demonstratur, quam impie sentiant de Trinitate divina, qui et Patris et Filii et Spiritus sancti unam atque eandem asserunt esse personam, tanquam idem Deus nunc Pater, nunc Filius, nunc Spiritus sanctus nominetur: nec alius sit qui genuit, alius qui genitus est, alius qui de utroque processit, etc. » Videsne quanti ponderis fuerint æstimata verba Romani Pontificis, ut quæ ille dixerit ad fidem spectantia, mox ut sacrum divinitus allatum oraculum a generali episcoporum Concilio illata in Symbolum fuerint?

20. Cum hæc igitur verba semel auctoritate Leonis papæ ab Hispanis episcopis addita fuerint Symbolo ad confutandos hæreticos Priscillianistas: eidem semper inhæserunt, atque pertransierunt ad Wisigothos fidem Catholicam profitentes: qui et Judæos ad Christianam fidem venientes, sub ejusdem Symboli confessione esse recipiendos, suis legibus sanciverunt: nam ibi ²: CREDO ET IN SPIRITUM SANCTUM DOMINUM ET VIVIFICANTEM, EX PATRE ET FILIO PROCEDENTEM: iidem in aliis Toletanis Conciliis sub Gothorum regibus celebratis, nempe quarto, octavo, undecimo, duodecimo, et decimo tertio: quæ etiam verba in Symbolum apud Francos sunt accepta, tenaciusque retenta, ut apparet ex Symbolo fidei sub Carolo Magno in Arelatensi Synodo recitato.

21. Quam felicissime quidem verba illa in Symbolum non absque Dei nutu illata fuerunt: siquidem sub ejusdem Symboli ita aucti confessione

¹ Leo, Ep. xciii. c. 1. — ² Legum Wisigoth. l. xii. c. 11. pag. 136. apud Isido.

facta est magna ad Christianam religionem accessio: etenim et Gothi et Wisigothi, atque Barbari nationes, quae Hispanias occuparunt, atque longo tempore possederunt, ex Arianis sub ejus Symboli confessione Catholici facti sunt; et Franci sibi Gallias vindicantes, sub ejusdem Symboli confessione redditi sunt Christiani: contra vero omnium gentium infelicissimi Orientales Schismatici, ex quo ejusdem Symboli additamento penitus respuerunt, sub Turcico jugo acerbissima servitute premuntur: atque Ecclesiis, bonis, ac liberis spoliati, assidue incassum genuit. Porro non Leonis id fuit novum inventum, sed praedecessorum traditio: nam Damasus haec ait ¹: « Spiritus sanctus non est Patris tantummodo, aut Filii tantummodo Spiritus: scriptum est enim ²: Si quis dilexerit mundum, non est Spiritus Patris in illo. Item scriptum est ³: Qui autem Spiritum Christi non habet, hic non est ejus. Nominato itaque Patre, et Filio, intelligitur Spiritus sanctus, de quo Filius in Evangelio dicit ⁴: Quia Spiritus sanctus a Patre procedit, et de meo accipiet, et annuntiabit vobis ». Haec Damasus.

22. Sed illud in his considerandum etiam, quod etsi in Hispanis, Gothis, et Francos ejusmodi ad Symbolum additamentum ex primario fonte, ab ipsa nimirum Apostolica Sede, id praedicante (ut vidimus) Magno Leone, suis ad Turibium datis litteris, fuerit derivatum, et in Barbaras etiam nationes feliciter propagatum; tamen ipsa Romana Ecclesia antiquitatis tenacissima, etsi idem cum ipsis credidit atque docuit, quod antea illis jam praedicarat, ditissime tamen enucleata est in Symbolum fidei verba illa inferre. Et quid mirum? cum, etsi ipso Nicæno Symbolo per Catholicum orbem ubique vulgato, atque in omnibus Ecclesiis decantato, et usu recepto, sola tamen Romana Ecclesia in baptisimi, et aliorum sacrorum ritibus, ubi fidei confessio adhiberi solet, non aliud Symbolum, quam antiquum illud Apostolicum adhibere consueverit: quod Rufinus testatur in expositione Symboli, nosque superius suo loco pluribus diximus.

23. Haec itaque ratione, licet importune atque sollicitae agente Carolo Magno imperatore apud Leonem tertium Romanum Pontificem, ut ea verba Symbolo adderentur, idem id facere penitus recusavit; imo ad perpetuam antiquitatis memoriam, ne quibuslibet liberum esset sacrosancto Symbolo aliquid addere, illud ipsum absque eo additamento in argentea tabula exaratum voluit in altari post corpus S. Pauli ⁵ perpetuo custodiri, ut suo loco de his pluribus dicturi sumus. Accidit vero postea, ut ad evitandum schisma, ne ea quae a Romana Ecclesia accepta Hispani, Franci, et alii omnes Boreales populi praedicarent, ipsa Romana Ecclesia respuere videretur, perinde ac si ante praedicatae doc-

trina, et aliis tradita esset praevancari, et conlitteri publica confessione numeret, quae aliis ad convincendas haereses, et delegendas ac confundendos haereticos, atque probandos Catholicos tantus anistes tot ante saecula Hispaniarum episcopis tradidisset; tandem placuerit Benedicto septimo hujus nominis Romano Pontifici idem Symbolum cum eo additamento Romae in Ecclesia cani, id exposcente Henrico imperatore, de quo ista Berno abbas Augiensis ¹:

24. « Cum Romanorum presbyteri ab Henrico imperatore interrogarentur, cur non post Evangelium (ut in aliis Ecclesiis fiebat) Symbolum canerent; me (ait ipse) assistente, audivi eos ejusmodi responsum reddere, videlicet, quod Romana Ecclesia non fuisset aliquando ulla haereses fere infecta, sed secundum S. Petri doctrinam in soliditate Catholicae fidei permaneret inconcussa: et ideo magis his necessarium esse illud Symbolum saepius cantando frequentare, qui aliquando ulla haeresi potuerunt maculari. At imperator domno Benedicto persuasit, ut ad publicam Missam illud decantarent. Haec ipse. Atque ita quidem ubi in Ecclesia canendum semel Symbolum Romae susceptum est, ne diversitas esset in verbis, quorum una eademque erat in fide sententia, non aliud cani ceptum est ibi Symbolum, quam quod aliae omnes Occidentales Ecclesiae haecenus ocinere consueverunt. At de his modo haecenus: suis enim locis haec locupletius tractabuntur, quae hic modo obiter attingisse satis occasione Hispanorum Conciliorum jussu S. Leonis per Turibium indictorum. Nulla praeterea hic addenda de Turibio essent, ut inter alia de libris quos adversus Priscillianum edidit, dicavimus eidem S. Leoni papae, ut testatur Montanus scribens ad Turibium episcopum Valentinum: sed haec satis. Constat denique ipsum reddidisse in omnibus Apostolicum virum, qui instar Apostoli, bonum certamen certavit, cursum consummavit, accepitque promeritam justitiae coronam: cujus rei gratia Catholica Ecclesia anniversaria diei natalis memoria quotannis ejus triumphum prosequi solet decimo sexto kal. Maii.

25. Hoc item anno ad Januarium, sive Julianum Aquileiensem episcopum S. Leo Epistolam dedit de recipiendis haereticis penitentibus absque spe ad superiorem gradum promotionis ²: « Magno, inquit, habeant beneficio, si adempta sibi spe promotionis, in quo invenimus ordine, stabilitate perpetua permanent; si tamen iterata promotionis (nempe secundi baptisimi) non fuerint maculati ». Haec sub hujus anni consulis Leo. Ad Siciliæ episcopos itidem quoque cess. Epistolam dedit, quae haec habet in exordio ³: « Divinis praeceptis, et Apostolicis monitis incitauer, ut pro omnium Ecclesiarum statu impigro vigilemus affectu, ac quid usquam reprehensioni inveniat obnoxium, ceteri sollicitudine aut ab ignorantiae imperitia, aut

¹ Damas. in Concil. Rom. apud Cresco. Collect. — ² I. Joan. II. — ³ Rom. VIII. — ⁴ Joan. XV. — ⁵ Magist. sentent. I. dist. II.

¹ Bern. Abb. Augiensis de reb. ad Miss. spectantibus. — ² Leo, Ep. III. — ³ Leo, Ep. IV.

a presumptionis usurpatione revocemus etc.» Habet nonnulla ad Ecclesiasticorum rituum disciplinam spectantia; ut de baptismi solenni tempore, nempe Paschatis et Pentecostes, non autem in Domini Epiphania, ut illi sibi faciendum susceperant, ex Africanae Ecclesiae usu, apud quam solemne fuisse baptismum tempore Epiphaniae, satis indicat Victor¹. Præcipit denique Leo, ut terni semel in anno ex Sicilia episcopi Romam se conferrent ad Synodum: nam ad finem Epistolæ hæc habet²: «Quare illud primitus pro custodia concordissimæ unitatis exigimus, ut quia saluberrime a sanctis Patribus constitutum est, binos in annis singulis episcoporum debere esse conventus, terni semper ex vobis ad diem tertium kalendarum Octobrium Romam, fraterno Concilio sociandi, indissimulanter concurrant, etc.» Vides viridem antiquam in Romana Ecclesia observantiam, ut ex episcopis Italiae bis in anno Concilium cogeretur, in quod tamen non omnes semper et ex omnibus locis convenirent episcopi, sed ex remotioribus provinciis semel tantum terni adessent; cui quidem instituto voluit S. Leo Siculos etiam episcopos subjacere.

26. *Leo deponit Bassianum episcopum Ephesinum.* — Hoc item anno, qui quartus numeratur ante Chalcedonense Concilium, idem S. Leo papa e sede deposuit primatem totius Asiæ Bassianum episcopum Ephesinum, eo quod vacantem illam sedem invasisset, atque seipsum in eam intrasset. Testatur id quidem Stephanus ejus adversarius in Actione undecima Concilii Chalcedonensis, ubi ait: «Hodie quatuor anni sunt, et Romanus episcopus eum deposuit». Scelera vero a Bassiano perpetrata ibi narrantur. Citatur in ea Synodo epistola ejusdem S. Leonis papæ ea de causa conscripta, quæ penitus excidit. Hæc autem ad insinuandum pristinum usum Ecclesiæ Romanæ Pontificum in depo-

nendis metropolitani atque primatibus in leges Ecclesiasticas delinquentibus, recoltisse volumus.

27. *De sepulcrorum effossoribus.* — Hoc eodem anno vetus innotuit querela Gentilium adversus antiquorum effossores sepulcrorum, quos alii imperatorum rescriptis vetitos, superius dictum est: Christiani enim, et inter eos potissimum clerici nonnulli, omnis idololatriæ vestigia antiquare atque penitus abolere cupientes, diis manibus dicatas defunctorum memorias evertere, ubicumque eas reperirent, conabantur. Quoniam vero ipse titulus criminis invidiosus nimis, et odio dignus apparebat, ut quis fidelium argueretur sepulcrorum effossor, Christiani imperatores, ejusmodi sancitis legibus, penis appositis eos coercere conati sunt; quod inter alios efficacius præstitit Valentinianus Augustus, adversus sepulcrorum effossores ad Albinum præfectum prætorio rescribens¹ octavo idus Aprilis sub hujus anni consulibus. Qui igitur in Gentilium sepulera, ad convellenda quæque superstitionis signa, audacter insurgebant Christiani, vix credi potest quo ferrentur impetu in ipsa deorum simulacra; ut eadem cum reperire liceret, non illis ut docte manus operi parcerent, sed brachiis et cruribus fractis, eorum capita, ne usquam reperiri valerent, in innum alicujus conjicerent parietis fundamentum, vel in alicujus propinquæ altæ foveæ profundum demergerent. Hæc quidem experimento didicerunt rerum antiquarum effossores in Urbe, frequenti usu admoniti, mira sagacitate indagare quæque simulacri fracta membra dispersa. Ut perseverasse intelligas in animis Christianorum, majorique actum incremento, quod S. Hieronymus ait²: «Ubi alibi tanto studio et frequentia, quam Romæ, vacua idolorum templa quatiantur?» Sed de his satis.

¹ Novel. Valentin. de sepul. tit. 5. — ² Hieron. Praefat. l. II. in Ep. ad Galat.

¹ Vict. de pers. Wandal. l. II. — ² Leo. Ep. IV. c. 7.

4. *Octava quinquennalia Theodosii.* — Coss. *Alypius* et *Ardaburius*. Prior vocatur *Alypius* tam in Fastis Græcis Heraclii, quam in Fastis Chronici Alexandrini; in Fastis vero Cassiodori, Prosperi, et Marcellini *Callepins* appellatur. Eum Onuphrius consulem Occidentalem facit, sed siue teste. *Ard-*

burius vero, seu, ut a quibusdam dicitur, *Ardabures*, Orientalis fuit, cujus in Historiis Byzantinis frequens occurrit mentio. Priscus Rhetor loquens de iis, quæ Marciano imperante contigerunt, ait *Ardaburium* filium Asparis Saracenos ad Damascum debellasse. Quare *Ardaburius* filius fuit *Asparis* anno CDXXXIV

consulis, et pater Asparis et Patricioli, de quibus infra; familiare enim fuit Romanis nepotibus nomina avorum dare. De *Ardburio* hoc anno consule infra sermo recurret. *Octava quinquennialia* Theodosii post patrem regnantis in hunc annum incidunt.

2. *Priscillianistæ in Hispaniis exagitati.* — A num. 1 ad 25. *Priscillianistis* errores suos in Hispaniis renovantibus *Turribius* Asturicensis episcopus ea de re cum episcopis suæ provinciæ egit, litterasque in quibus nefandæ sectæ capita continebantur ac refutabantur, ad sanctum *Leonem* misit. Rescripsit is, deditque Epistolam ordine xv, alias xcm in qua singula hujus sectæ capita seorsim conserit, ac *Turribium* episcoposque Gallaciæ et Lusitaniæ ad Concilium vocat, ut simul videant quid adversus gliscentem hæresim agendum sit. Idacius in Chronico, anno Abrahami m̄cdclxii kalend. Octobris superioris Christi anni inchoato, de Leonis Epistola his verbis loquitur: « Hujus (sc. Leonis) scripta per episcopum Turibii diaconem Pervincum contra Priscillianistas ad Hispanienses episcopos deferuntur. Inter quæ ad episcopum Turibium de observatione Catholice fidei et de hæresum blasphemis disputatione plena dirigitur, quæ ab aliquibus Gallæciæ subdolo probatur arbitrio ». Tum anno Abrahami m̄cdclxiv. « Pascentium quemdam Urbis Romæ, qui de Asturica diffugerat, Manichæum, Antoninus episcopus Emerita comprehendit, auditumque, etiam de provincia Lusitania facit expelli ». Priscillianistæ itaque et Manichæi hoc anno in Hispania exagitati.

3. *Duo distinguendi Turibii.* — Locus porro est in Concilio Bracarense primo, cujus occasione questionem movet Baronius. Hæc enim verba Lucretius episcopus in illa Synodo proloquitur: « Credo vestræ beatitudinis fraternitatem nosse, quia eo tempore quo in his regionibus nefandissimæ Priscilliani sectæ venena serpebant, beatissimus papa Urbis Romæ Leo, qui xl ferme Apostoli Petri successor extitit, per Turibium notarium Sedis suæ ad Synodum Gallaciæ contra impiam Priscilliani hæresis sectam scripta sua direxit. Cujus etiam præcepto Tarraconenses et Carthaginenses episcopi, Lusitania quoque et Bæliciæ facti inter se Concilio regulam fidei contra Priscillianam hæresim cum aliquibus capitulis conscribentes, ad Balconium tunc hujus Bracarensis Ecclesiæ præsullem direxerunt ». Concilium Bracarense I sæculo sequenti, postquam *Theodemirus* Suevorum rex hæresim abdicavit, celebratum. Vult autem Baronius, quod unicum esse *Turibium* qui et Asturicensis episcopus fuerit, et eodem tempore notarius Romanæ Sedis, rejicitque Ambrosii Moralez sententiam, qui lib. 2 Hist. Hispan. cap. 26 duos Turibios distincti, alterum, ad quem Leo scribit hoc anno, eumque Asturiciæ episcopum, alterum per quem scripsit ad Hispaniæ episcopos, qui Roma missus est a Leone in Hispanias, ut ejus litteras deferret.

4. *Refellitur opinio contraria.* — Duplex argu-

mentum profert Baronius pro sua sententiâ, quibus satisfacit Quesnellus in Notis ad Epistolam Leonis ad Turibium. « Si litteras », inquit Baronius, « tum ad Turibium episcopum, tum ad Synodum celebrandam notario suo, Turibio, item dicto dedidisti, utique in litteris ad episcopum scriptis ejus mentionem fecisset. Hoc enim solemne erat, etc. » At, ut nuntius ad Synodum totius provinciæ missus in Epistola ad Turibium scripta nominaretur, nulla necessitas fuit. Ad istum enim rescripsit per eundem diaconum, a quo ejus litteras acceperat, et ejusdem in suo rescripto mentionem habet: ad Synodum vero seu provinciam illam episcoporum Hispanorum, a quibus nullas habuerat litteras, nullumque nuntium per *Turibium* e latere suo directum litteras misit. Hoc quippe solemne erat, ut cum Romani Pontifices ad Synodum, vel ad episcopos aliquos pro alicujus momenti negotio scribebant, per aliquem e suis ad hoc imprimis destinatum id facerent, non vero per alienum clericum.

5. *Iterum refellitur.* — Secunda Baronii ratio est: « Non per aliquem alium a se missum, sed per ipsum Turibium episcopum cuncta, quæ in ea causa peragenda essent, eundem S. Leonem impleri voluisse, eadem ad Turibium episcopum litteræ date significant ». Sed respondet idem Quesnellus, discrimen esse inter episcopum rebus Ecclesiæ sacerdotali sollicitudine incumbentem, et diaconum vel notarium, episcopi mandata ex præscripto exsequentem, et huc illucque litteras bajuli instar deferentem. Quare Baronii argumentum deductum ex eo quod omnia, quæ in eo negotio tractanda erant, *Turibii* episcopi curæ commissa sunt, ad rem non facit. Denique *notarii* vox nunquam in Ecclesiasticis monumentis in eo significato usurpatur, quem ei attribuit Baronius num. 11 et seq. ut sc. eum *notarium* dicas qui quod igitur in provinciis, ad Romanam Sedem referre ac notum facere satagit. Habitas fuisse eodem fere tempore Synodos duas, unam Gallaciæ, alteram alibi a quatuor provinciis, et Baronius insinuat, et laudata Lucretii interlocutio manifeste declarat. Post Baronii mortem in lucem prodit sancti *Turibii* Asturicensis episcopi Epistola ad Idacium et Ceponium episcopos, de non recipiendis in auctoritatem fidei *apocryphis scripturis*, et de secta *Priscillianistarum*, quæ extat inter Leoninas in editione Quesnelli. Legenda quæ anno cdx, num. 12 et seqq. de priori Concilio Toletano diximus, quæ varia perperam attributa fuere, quæ huc referenda. Colitur sanctus *Turibius* Asturicensis episcopus die xvii mensis Aprilis, ut in Actis SS. Bollandianis ad eum diem videre est, ubi tamen perperam ad Henschenio appellatur *notarius Sedis Apostolicæ*. Est Asturica, vulgo *Astorga*, civitas nunc sub Compostellano, alias sub Bracarensi archiepiscopo.

6. *S. Leo ad Januarium Aquileiensem et ad Septimum Altinensem scribit.* — Ad num. 25. *Septimius* episcopus Altini, cum videret in provincia *Veneta*, plurimos clericos in speciem tantum dam-

natis erroribus Pelagianis, in Catholicorum consortium receptos, hæresim clanculum restaurare, sanctum Leonem hac de re per litteras certiore fecit, isque antistiti Aquileiensi totius provincie metropolitæ per litteras injunxit: « Ut congregata Synodo provincialium sacerdotum, omnes sive presbyteri, sive diaconi, sive cujuscunque clerici ordinis, qui de Pelagianorum Cælestianorumque consortio in communione Catholica ea imprudentia sunt recepti, ut non prius ad damnationem sui coarctarentur erroris, nunc saltem, posteaquam hypoëresis eorum ex quadam parte deliquit, ad veram correctionem, quæ et ipsis prodesse, et nullis possit nocere, cogantur, etc. » Hæc Epistola alias erat ordine LXXXVI, nunc vi, et per errorem inscripta erat *Nicetæ*, ac in variis Mss. *Aquileiensi episcopo*, ejus nomine non designato. Scripsit eodem tempore sanctus Leo ad *Septimium* episcopum Altini Epistolam VII, alias LXXXV, quæ ad intelligentiam dicendorum integra referenda: « Lectis fraternalitatis tuæ litteris vigorem fidei tuæ, quem olim noveramus, agnovimus: congratulantes tibi, quod ad custodiam gregum Christi pastoralæ curam vigilantem exequeris: ne lupi qui sub specie ovium subintrarunt, bestiali sævitia simplices quosque dilacerent, et non solum ipsi nulla correctione proficiant; sed etiam ea, quæ sunt sana corrumpant. Quod ne viperea possit obtinere fallacia, ad metropolitani episcopi provincie Venetiæ scripta direximus: quibus ad status sui periculum cognosceret pertinere, si quisquam de Pelagianorum et Cælestianorum consortio veniens, in communione Catholica sine professione legitime satisfactionis habeatur. Saluberrimum enim est, et spiritualis medicine utilitate plenissimum, ut sive presbyteri, sive diaconi, sive alij cujuslibet ordinis clerici qui se correctos videri volunt, errore suum, et ipsos erroris auctores damnari a se sine ambiguitate fateantur: ut sensibus pravus et dudum peremptis, nulla spirandi supersit occasio, nec ullum membrum Ecclesie salium possit societate violari, cum per omnia illis professio propria cœperit obviare: circa quos etiam illam canonum constitutionem præcipimus custodiri, ne ab his Ecclesiis ad quas proprie pertinent, sinantur abscedere, et pro suo arbitrio ad loca sibi non deputata transire. Quod cum recte non permittitur inculpatis, multo minus debeat licere suspectis. Proinde dilectio tua, cujus devotione gaudemus, jungat curam suam dispositionibus nostris et cum supradicto metropolitano det operam, ut circumspicte ac velociter impleantur ea, quæ ad totius Ecclesie incolumitatem, et laudabiliter sunt suggesta, et salubriter ordinata ».

7. *S. Leonis scripta adversus Pelagianos.* — Utraque adversus *Pelagianos* Epistola sine ullo temporis caractere data, et utraque a Photio Cod. LIV his verbis memorata: « Cum temporis deinde progressu sectæ hujus homines (nempe Pelagiani) per hæresis suæ abjuracionem Ecclesie restituti essent, iterum malum ab ipsis principium sumpsit; ut

Septimio episcopo renascens eadem lues, antequam longius serperet, fuerit reprimenda, datis ad Leonem Romæ tunc Sedem Apostolicam tenentem litteris, qui Leo ferventi zelo contra impictalem illam depugnavit ». Loquitur et Photius Cod. LIII de iisdem Leonis Epistolis, quando ait: « Scripsit et Leo Romanus episcopus de Pelagianis conversis quomodo debeant recipi, quando convertuntur, scriptis suam opinionem damnantes ». Baronius anno CDXLV, num. 8, hæc ultima Photii verba refert, atque hæc sancti Leonis scripta adversus Pelagianos desiderari. At, ut jam observavit Em. card. Norisius lib. 2 Hist. Pelag. cap. 12, et Usserius in Antiquit. Eccles. Britan. cap. 12, ea aliud non sunt, quam citatæ Epistolæ divi Leonis ad Aquileiæ Altinique episcopos datæ, ut ex eorum contextu liquet. Præter duas istas Leonis hæc de re Epistolas extat et alia a Baronio hoc anno memorata, inscripta ad *Januarium* episcopum Aquileiensem, dataque *III kalend. Januarii, Agypto, et Ardabure* VJ. CC. coss. præsentis sc. anno quæ his verbis inchoatur: *Lectis fraternitatis tuæ litteris*, etc. hæcque iisdem fere verbis, quibus Epistola ad Septimum constat. Hinc Quesnellus Epistolam Leonis VII, quæ est ad Septimum, supposititiam credidit, Antelmius vero in Dissert. IV de Operibus SS. Leonis et Prosperi, eam confert cum Epistola ad Januarium, pluribusque ostendit, hanc postremam spuriam esse, et omnes Quesnelli conjecturas adversus Epistolam ad Septimum allatas evertit. Porro alterutram falsam esse, indubitatum videtur.

8. *Epistola S. Leonis ad Septimum episc. genuina est.* — Inter Epistolas autem, inquit Antelmius, quarum altera alteri coherentissime respondet, et de rebus propositis ac personis ambæ invicem conveniunt, illæ potius sustinendæ et vindicandæ, quæ sic sibi mutuo auctoritatem præstant, quam alia quævis, quæ omnem a semetipsis solitarie mutantur fidem. Unde cum de Pelagianorum molitionibus pro certo et explorato questus sit *Septimus* et ad eas solas reprimendas duabus litteris sollicitudinem suam impendat Leo, illæ sibi ex omni parte congruentes longe magis ultro suscipi debent, aut minus saltem in discrimen adduci, quam eæ quæ aliud prorsus argumentum tractant, et *Donatistas*, seu alios hæreticos, vel schismaticos respiciunt. Quare quia ex laudato Photii testimonio jam habemus, *Pelagianos* per Altinensem episcopum *Septimum*, penes Leonem post ejurationem criminis postulatos, non autem Donatistas vel alios perduelles iterata tinctione maculatos, datæ pro comperto negotio litteræ, genuinæ germanæque censendæ sunt, alique ex adverso, quæ contra expressum Photii testimonium mentiuntur, *Septimum*, istiusmodi malignantes homines, in querelam alias etiam ignotam scriptoribus traxisse, vel ex eo suppositivè pronuntiari debent. Præterea extat in Bibliotheca Patrum Jesuitarum Parisiensium vetus Codex caractere Saxonico exaratus, in quo legitur variæ Pontificum Romanorum litteræ, et

inter eas quaedam a sancto Leone datae, praesertimque duae illae, de quibus agitur, sed Epistola, quae ad *Januarii* dicitur scripta ibidem non habetur. Denique in Bibliotheca Colbertina num. 784, reperitur alius Codex characteris Saxonico etiam descriptus, in quo sunt aliquae Innocentii I, Zozimi, Bonifacii, Caestini, et sancti Leonis Epistolae, et inter istas littere ad episcopum Aquileiensem et *Septimum* Altinensem, ideoque non dubilandum, quin duae istae Epistolae sincere et genuinae sint, et quae *Januarii* nomine circumferuntur, ab aliquo impostore conficta.

9. *Angli et Saxones in Britanniam vocantur.* — Hoc anno *Angli* et *Saxones* a Britannis contra *Pictos* et *Scotos* auxilio vocati sunt, eamque ob rem missi ab illis in Germaniam legati. Hujus legationis meminere Malmesburiensis lib. 1 de Reg. et Witi-chindus antiquus auctor, natione Saxo lib. 1 de Reb. Saxonis. Sed praestat audire Bedam utroque antiquiorem, lib. 1 Hist. cap. 14. Is postquam narravit, *Britannos* nullum auxilium adversus *Scotos* et *Pictos* a Romanis impetrare potuisse, ait: « Inlutum est consilium, quid agendum, ubi querendum esset praesidium ad evitandas vel repellendas tam feras, tamque creberrimas gentium Aquiloniarum irruptiones: placuitque omnibus cum suo rege Vortigerno, ut Saxonum gentem de transmarinis partibus in auxilium vocarent: quod Domini nutu dispositum esse constat, ut veniret contra improbos malum, sicut evidentiis rerum exitus probavit ». Jamdudum Saxones Britanniae inhiaverant, et ejus littora infestarent; quare eos in insulam vocare magna dementiae fuit: « O altissimum sensus caliginem! O desperabilem crudamque mentis hebetudinem! quos propensius morte cum abessent, tremebant, sponte, ut ita dicam, sub unius tecti enmen invitabant stulti principes Tancois, dantes Pharaoni consilium insipiens », inquit Gildas in libello de Excidio Britanniae, ubi in regis consiliarios omnem culpam refert.

10. *Epocha adventus Anglorum in Britanniam ab hac legatione deducta.* — Beda, Malmesburiensis, Huntindoniensis, Ethelwerdus, et reliqui, qui res Britannicas accurate tractarunt, ab adventu, vel ingressu Saxonum in insulam solent tempora rerumque gestarum seriem supputare: ideoque haec epocha firmiter stabilienda, evertendus vulgaris error in quem, tam veteres, quam recentes Angliae historici lapsi sunt. Existimant enim *Bedam* aliam adventus hujus anni numerandi rationem ab aliis usurpasse; neque animadverterunt, eum quidem in temporum intervallis metiendis adventum eorum a currenti anno, quo *Angli* et *Saxones* in Britanniam vocati, de more deducere, sed pro certo habuisse eos illic non pervenisse nisi anno quadringentesimo quadragésimo nono. Unde tam veteres, quam recentes historici, imo et critici annum susceptae ab *Anglis* et *Saxonibus* in Britanniam expeditionis, ab anno, quo illic invitati sunt, non distinguentes, et a Beda distinctum fruisse non observantes, haerent,

ubi omnia plana sunt, et modo scribunt Bedam hac in re variasse, modo eum credidisse *Anglos* et *Saxones* praesenti anno in Britanniam venisse, et postea non sibi constandem illorum adventum cum anno *CLXX* copulasse; cum tamen certum indubitatumque sit, *Bedam* hac in re nunquam, nec a se ipso, nec ab aliis rerum Anglicarum antiquis auctoribus discrepare, nisi tantum in modo loquendi, annum scilicet quo *Angli* in Britanniam vocati, annum eorum in eandem insulam adventus de more appellando.

11. *Ad exemplis demonstratur.* — *Beda* vero annum adventus Anglorum in Britanniam, ab anno quo in eam invitati sunt, repetere, duplici ejus Historiae loco demonstro. Is lib. 1, cap. 23, postquam scripsit, Mauricium anno ab Incarnatione Domini *DLXXXI* imperium suscepisse, subdit: « Cujus anno regni decimo quarto, adventus vero Anglorum in Britanniam anno circiter centesimo quinquagesimo misit servum Dei Augustinum, et alios plures cum eo monachos, timentes Dominum predicare verbum Dei genti Anglorum ». Quod si annus Christi *DXCVI*, quo Augustinus in Britanniam missus, cum anno *CL* adventus Anglorum in Britanniam concurrat, profecto prior hujus summae a currenti Christi anno proficiscitur. Praeterea Beda lib. 5, cap. 24, annum adventus Anglorum in Britanniam *circiter ducentesimum octogesimum quintum*, cum anno Incarnationis septingentesimo trigésimo primo alligat, ideoque et a praesenti anno eam epocham exorditur. Adhibet autem hanc vocem de more *circiter*, quia annos illos adventus Anglorum in Britanniam, licet incompletos pro integris numerat. Pari eademque ratione Beda lib. 2, cap. 5 scribit, *Ethelbertum*, Cantuariorum regem anno *DCXVII* ad Deum migrasse *post viginti et unum annos acceptae fidei*, postquam paulo antea dixit, eam mortem contigisse anno *XXI, ex quo Augustinus cum sociis ad praedicandum missus est*. Et tamen ubi de hac missione ex professo agit, refert Augustinum cum sociis anno *DXCVI* Roma in Angliam adventasse, sed ex Gallia in Britanniam non trajecisse, neque ibi fidem Christi annuntiassse ante annum *DCXVII*. Sicut itaque annum acceptae fidei in Anglia cum anno legationis Augustini in illam insulam confundit, et pro uno eodemque sumit; sic annum adventus Anglorum et Saxonum in Britanniam non distinguit ab anno, quo in eam per Britannorum legatos vocati sunt, *Willibaldus* et *Othlonus* uterque in Vita sancti Bonifacii, ut anno *DCXXIX* videre est, exordium missionis Apostolicae sancti Bonifacii in Germania non desumunt ab anno, quo litteris Gregorii II legatus per Germaniam institutus est, sed ab eo quo Evangelium Germanis annuntiandi potestatem ab eo viva voce accepit. Quem computandi modum cum viri docti non observarunt, non mirum, si persuasum habuerint annum adventus Anglorum et Saxonum in Britanniam densis tenebris circumfusum esse. Erravit tamen Beda in exordio Marcianni imp. consignando, ut infra videri superius.

42. *Moritur Clodio Francorum rex.* — Hoc etiam anno *Clodio* secundus Francorum rex e vivis excessit. Prosper enim in Chronico imperiali ad annum Theodosii xxv post Honorium imperantis scribit : *Meroveus regnat in Francia.* Præterea auctor Vitæ Sigeberti regis Francorum hujus nominis III tradit Galharum excidium factum esse *anno post mortem sancti Martini lrv, Merovechi anno quinto*, ubi scriptor ille annos a transitu sancti Martini ab anno Christi ccxcvii desumit, loquiturque de pugna contra Atilam anno cml habita. Denique Sigebertus in Chron. Clodionis mortem hoc anno consignat. Ei successit *Meroveus*, quem ejus filium fuisse jam diximus, et extra omne dubium esse debet.

43. *Eclipsis solaris.* — Idacius in Chronico anno Abrahami mcdclxiii, qui kal. Octobris præcedentis Christi anni inchoatur, ait : *Solis facta defectio die ix kal. Januariæ, qui fuit tertia feria*, id est, die xxiv Decembris, quæ superiori Christi anno littera Dominicalis F. notato cum feria tertia concurril. Calvisius in Opere Chronologico observat, eam eclipsim præsentis anno accidisse, factamque esse Salamanticæ die xxiii Decembris, feria tertia; hoc enim anno littera E Dominicalis fuit. Asserit postea Calvisius, *Idacium* numerare annos Theodosii ab obitu Honorii, mense Augusto anni cdxxiii demortui, et currentem annum xxiv Theodosii esse. At

licet verum sit, *Idacium* numerare annos Theodosii tam ab Honorii morte, quam ab ortu Abrahami, quia tamen Eusebium et Hieronymum in Chronicis imitatus, annos imperatorum a kalendis Octobris mortem eorum consequentibus, cum anno civili auspiciatur kalendis Octobris hujus Christi anni incipit numerare annum xxiv Theodosii; cum tamen in ejus Chronico hæc eclipsis cum anno xxiii hujus imperatoris copuletur. Quare *Idacius* anno uno citius hanc eclipsim consignavit, cujus errorem Calvisius non animadvertens, in alium incidit, perperamque existimavit, Chronographum istum solis defectum cum anno Theodosii xxiv conjunxisse. Porro quia ratio illa Theodosii annos numerandi, ab *Idacio* usurpata, lectores in errorem facile inducere potest, in ejus Chronico, legendo ad annos Abrahami semper attendendum, neglectis imperatorum annis.

44. *Moritur S. Proclus.* — Sanctus *Proclus* episcopus Constantinopolitanus hoc anno mortuus est, et *Eudocia* Augusta rerum administrationem suscepit, ut anno superiori ostendi. Constantinopolis terræ motu concussa, ut eodem anno num. 3 visum est. Ad hunc annum revocanda secunda legatio *sancti Germani* Antissiodorensis episcopi in Britanniam adversus Pelagianos, de qua egimus anno cdxxxv.

LEONIS ANNUS 9. — CHRISTI 448.

1. *Consules.* — Quadragesimus quadragesimus octavus Domini annus consulibus Posthumiano atque Zenone signatur : quorum aller Constantinopoli, nempe *Zeno*, creatus est : aller vero, Posthumianus scilicet, Romæ electus, dictus iste *Rufius Prætextatus Posthumianus*, cujus ejusmodi legitur Romæ vetus inscriptio ¹ :

RVFIVS. PRÆTEXTATVS
POSTHVMIANVS. C. V. FILIVS
MAGNIFICI. VIRI. MARINIANI
PRÆFECTI. PRÆTORIO

ET CONSVLIS. ORDINARIJ
QVÆSTOR. CANDIDATVS
PRÆTOR. VRBANVS. TRIBVNVS
ET. NOTARIVS. PRÆTORIANVS
PRÆFECTVS. VRBI. SECVNDO
CONSVL. ORDINARIVS. QVOS
TANTOS. AC. TALES. HONORES
PRIMO. ÆTATIS. SVÆ. FLORE
PROMERVIT.

Porro erasus fuit primus versus in basi, ita tamen ut adhuc legi posset, RVFIVS PRÆTEXTATVS. Quod vero non et Posthumiani nomen abolitum sit, inde conjectura ducimur, in odium illius Prætextati Gentij

¹ Habel Smetius, pag. 70. n. 2. l. Antiq. inscrip.

litiae superstitionis antistitis, de quo superius actum est pluribus, id factum fuisse. Sed de consiliibus hactenus.

2. *Theodosii edictum Nestorianos exagitantis.*

— Hoc anno Theodosius imperator, cum diversis cladibus illatis a Barbaris, atque fame, peste, terrae motibus, et penuria exagitari jamdiu videret imperium; offensi numinis causis rimatus tum Gentilitiae impietatis homines, tum Nestorii sectatores (ut gratissimum Deo sacrificium) legibus coercentes putavit, vetuitque libros Porphyrii, et contra Cyrilli scripta editos commentarios: insuper et illos qui suspecti essent Nestorianae heresim, quod Nestorio ante favissent, exagitavit, et inter alios Irenaeum illum, qui congregatis Patribus in Concilio Ephesino, pro Nestorio causam agens, maximas molestias intulit; hunc enim ex comite ordinatum Tyri episcopum deponi jussit. Porro quod Theodosius imperator dedit hoc anno adversus haec omnia Edictum sic se habet¹:

3. « Regiam nostram majestatem decere arbitramur, ut subditorum nostrorum pietati (quoad ejus fieri potest) consulamus: haec enim ratione futurum speramus, ut majorem quoque Dei, et Salvatoris nostri Jesu Christi favorem, et benevolentiam nobis conciliemus. Cum igitur huic ipsi per omnia placere desideremus, nostrosque subjectos imperio ad hoc ipsum subinde incitemus; decrevimus, ut quaecumque Porphyrius propria impulsu insaniam contra piam religionem Christianam conscripsit, apud quemcumque tandem ea comperta fuerint, quamprimum concrementur. Si quidem omnia illa scripta, quae divinam in nos iram provocant, piosque animos offendunt, ea ne audiri quidem volumus.

4. « Decernimus etiam, quicumque Nestorii impiam fidem amulantur, nefariamque ejusdem doctrinam quovis modo sectantur: si quidem episcopi aut clerici fuerint, ex sanctis Ecclesiis confestim expellantur; si vero laici, anathematis vinculo (ab episcopis scilicet suis) constringantur, prout jam quae a nostra majestate cautum est. Omnibus praeterea Orthodoxis volentibus, piamque hanc nostram sanctionem sectantibus, potestatem facimus, ut hujusmodi homines libere citra ullam ejujuscumque detrimenti formidinem deferant, publiceque redarguant.

5. « Quoniam vero accepimus, doctrinas quasdam nescio quomodo dubias, Orthodoxae fidei a sanctis Patribus Nicaeae et Ephesi congregatis editae nequaquam consentientes, et pie memoriae Cyrilli Alexandrinorum quondam episcopi expositioni repugnantes conscripsisse et evulgasse; mandamus, ut hujusmodi scripta, vel libri, qui certissimam habenti vel legenti perniciem afferunt, apud quemcumque latuerint, incendantur: neque volumus ut quisquam in posterum aliquid circa fidem apud Nicaeam et Ephesum civitates expositam aut disse-

rat, aut exponat. Qui vero hoc sacrosanctum nostrum decretum violaverint, non dubitent eundem sese poenam incursum, quam contra impiam Nestorii fidem dudum decrevimus.

6. « Ut autem omnibus, et singulis certo constet, quantopere majestas nostra impie Nestorii fidei aemulos detestetur, statuimus, ut Irenaeus qui hac de causa nostram indignationem nuper incurrit, et postea nescio quomodo post secundas nuptias (siculi accepimus) contra Apostolorum canonem Tyriorum episcopus est creatus, a sancta Tyriorum Ecclesia statim expellatur, ornatuque et nomine sacerdotii penitus exutus, privatus in patrio tantum solo vivere permittatur. Magnificientia tua nostrae pietatis scopum assecuta, curet haec observari, et primo quoque tempore peracta reddi». Hactenus Theodosii rescriptum hoc anno datum, ut signis certissimis appareat, nempe ex his, quae habentur in mandato praesidum provinciarum post acceptum rescriptum publice proposito, quod sic se habet¹:

7. « Piissimus imperator noster, non ignarus legum, justaeque politicae firmitatum Orthodoxam religionem esse, peculiari edicto omnem impietati occasionem praescidit: eos quidem qui ea laborant, moderata castigatione sanans, caeteris vero omnino honestae vitae rationem ostendens. Qualia ergo adversus libros Porphyrii, quos ille contra sanctam Christianam religionem conscripserat; necnon contra illos, qui nefariam Nestorii doctrinam scriptis propagant, decreverit: et quo rursus pacto nullum fidei dogma vim ullam obtinere voluerit, nisi illud unum quod a sanctissimis piissimisque episcopis, qui quondam in civitate Nicaea, et postea in Ephesina una cum venerande memoriae Cyrillo convenerunt, editum et receptum est: et qua tandem ratione Irenaeum, qui Tyriorum civitatis episcopus extitit, exauctoratum velit: id ex praedicta sanctione Graeco sermone posita clare diserteque cognoscetis, ne quis ignoracionem in posterum pretexat. Decet proinde omni diligentia isthaec observare, comminationemque ac indignationem regis litteris insertam usque ab oculis habere. Lecta sunt haec in Ecclesia Solitariorum, vicesima tertia Pharmuti, hoc est Aprilis, Indictione quarta (secunda), anno Diocletiani centesimo sexagesimo quarto». Hactenus ibi praesidum mandatum, quod ex Diocletiani annorum numero esse datum hoc anno, satis liquet, quod et ex Epistola Theodoretii manifestus fiet.

8. *Variae Theodoretii Epistola de se ipso rationem reddentis.* — Antequam vero ista promulgarentur, quae acceptae ex amicorum litteris Domnus episcopus Antiochenus, Theodoretum Cyri episcopum reddidit certiorum. Quod autem, cum haec de Irenaeo, Domni litteris praesensisset Theodoretus, qui una cum aliis eundem ordinaverat Irenaeum, ad ipsum Domnum rescripserit, ipsae declarant, quae tunc ab eo ad ipsum sunt redditae litterae, istis verbis²:

¹ Apud Acta Conc. Ephes. edit. Pell. tom. v. c. 20.

² Apud Conc. Ephes. edit. Pell. tom. v. c. 20. — ² Theodoret. Ep. CX.

9. « Cum tuas legissem litteras, beatissime illius Susannæ sum recordatus, quæ nefarios illos homines cum vidisset, et omnium Deum adesse crederet, mirabilem illam edidit vocem: Uniquæ mihi sunt angustie. Elegit tamen potius incidere in calumniatorum insidias, quam justum Iudæum contemnere. Et nunc, domine, duo nobis proponunt (hoc autem sapiens diximus) vel Deum offendere et conscientiam ledere; vel incidere in injusta hominum decreta. Ego autem puto hæc omnia ignorare piissimum imperatorem. Quid enim prohibuisset illum scribere, et ordinationem fieri præcipere, si revera hoc illi placuisset? Cur vero extra minantur quidem, veniunt tamen; vel terrefaciunt, litteras vero aperte id præcipientes non mittunt? Dnorum enim alterum necessario sequitur; vel non adducitur, ut scribat piissimus imperator; vel procrant ut nos in aliquo delinquamus, et deinde delicti a nobis penas accipere possint. Proponitur enim nobis exemplum beati Principii (principis): ibi enim cum litteris præcepissent, penas tamen postulabant ab eo qui illis parnerat: quæ vero ego legi eo die quo lecticiarius advenit, his contraria sunt. Sanctus enim quidam monachus illustris ad quemdam scripsit, quod litteras accepit a magnificentissimo Spathario, et a gloriosissimo exmagistro, quibus significabatur, quod res Deo dilectissimi domini episcopi Irenæi bene se habituræ essent: et pro hac diligentia et labore, mercedem et retributionem petebant, ut Deo pro se preces efflunderent.

10. « Ego igitur puto oportere scribere ad eos qui scripserunt, clericos regie urbis, quod ego calculo et sententia piissimorum episcoporum adductus, piissimum Irenæum episcopum ordinavi, cum ejus zelum, et magnanimitatem, et alias ejus virtutes recte scirem, et præter hæc, dogmatum rectitudinem. Nunquam enim scimus renuisse aliquando sanctam Virginem Dei param appellare, vel aliud aliquid contrarium sentire Evangelicis dogmatibus. Quod vero ad bigamiam pertinet, nostros majores secutus sum. Beate enim et pia memorie Alexander (ante Theodotum hic fuit Antiochenus episcopus) qui apostolicam hanc sedem rexit, cum beatissimo Acacio Berœensi episcopo, beate memorie Diogenem ordinavit bigamum existentem, similiter etiam B. Praxilius (hic fuit Hierosolymorum post Joannem episcopus) Dominum Casarææ episcopum bigamum. Consuetudinem itaque secuti sumus, et homines insignes, tum doctrina, tum vita celebres. Nulla etiam alia hujusmodi beate memorie Proclus Constantinopolitanus episcopus edoctus, et ipse ordinationem suscepit, et laudavit, et litteras eas approbavit. Ita etiam Pontice provincie qui præsent priores, et præstantiores sunt piissimi episcopi, et omnes Palestini: nec ulla dubitatio aut controversia de hoc orla est: et impium ducimus, hominem condemnare, qui multis et variis rebus optime gestis est exornatus. Hæc et his similia, mea quidem sententia, scribere oportet. Si

vero aliud quippiam tua sanctitas expedire putaverit, illud fiat. Ego enim cum unam (ut putant) penam et condemnationem acceperim, et subicrim, præsto sum divina ope aliam etiam subire: et si velint, tertiam, et quartam, divina votis opem ferente gratia, omnes æquo animo feremus. Dominum laudantes. Si vero tunc probatur pietati, vilcimus quid nobis a Palestina rescribatur; et cum quid agendum sit, diligenter perpenderit, ita Constantinopolim scribemus». Hæc Theodoretus ad Dominum episcopum Antiochenum.

11. Summam quidem interessisse inter Theodoretum et Irenæum amicitia necessitudinem, duæ quæ extant ad ipsum datæ ejus Epistolæ docent; quarum posteriore ordine positam, scriptam priorem esse constat, cum ambo Nestorio faverent, et Theodori Mopsuesteni essent mirifici laudatores, atque scriptorum ipsius defensores. Cæterum quod ad præsentem causam spectat, ordinati scilicet ab eo Irenæi bigami: profuisse videtur ejusmodi ab ipso parata excusatio: nulla enim posthac fuit de his querela. Sed tantum quod suspectus magis magisque redditus esset ob scripta ipsius adversus Cyrillum, et consuetudinem cum Irenæo, et aliis hujusmodi, quæ adhuc ipsum per severare fautorem Nestoriani erroris arguebant, cum jam accusatus esset, quod et pro ipso firmando frequens in Synodis fuisset: quam ob causam, et Antiochia recedere iustus esset; mandatum quoque imperatoris accepisset, ne e sue civitatis finibus penitus recederet, sed ibi relegatus absque aliorum collegarum consortio vitam ageret. Cum iste esset Theodreti impræsentiarum status, pluribus ipse Epistolis ad diversos Constantinopolim datis conquestus est, et inter alias illa hoc ipso anno, qui numeratur vicessimus quintus ejus episcopatus, scripta ad Nonum consulem, sed potius consularem seu exconsulem, quem sessisse consulatum vidimus anno Christi quadringentesimo quadregesimo quinto. Prætermisiss igitur aliis, hanc unam tibi reddemus, qua ipse totam vitam suam, et res ab se in episcopatu gestas brevi compendio narrat: est autem hujusmodi ²:

12. « Brevi quidem diei spatio tua potius sum magnificentia, cum me necessitas vi te exoptato privaverit: speravi tamen parvam illam consuetudinem incitamentum et favillam futuram benevolentia, et vehementioris amoris: a spe tamen sum frustratus. Cum enim semel, et iterum scripserim, litteras nondum accepti, et imperatoris decreto Cyrensiensium regionis terminos præterire prohibeor. Nulla vero alia causa hujus damnationis videtur, præterquam quod Synodus episcoporum congregero; et licet neque accusatio ostenderetur, neque actor appareret, neque reus convictus; decretum tamen editum fuit. Novi quidem quæ leguntur ³ de Festo: hic autem præses erat Romanorum, cui Judæorum administratio commissa fuerat: a quo Judæi cum

¹ Theodoret. Ep. XLIII. et XVI. — ² Ibid. Ep. LXXXI. — ³ Act. XXV.

polissent divini Pauli damnationem, aperte ipse respondit : Non est Romanis consuetudo damnare aliquem hominem, priusquam is qui accusatur presentes habeat accusatores, locumque defendendi accipiat ad ablucenda crimina que ei obijciuntur. Et hæc quidem dicebat homo qui Christo non credebatur, sed idolorum errori serviebat. Ego vero neque interrogatus, an Synodos congregem, necne; et quorum causa congregem; et quid mali adferam vel rebus Ecclesie, vel publicis; ac si in maximis deliquissem, ab aliis arceor civitibus. Quinimo aliis quidem omnibus omnia aperta est civitas, non solum Arii et Eunonii sectatoribus, sed et Manichæis et Marcionistis, et illis qui Valentini, et Montani morbo laborant, necnon et Ellinæis et Judæis : ego vero qui pro dogmatibus Evangelicis pugno, ab omni excludor civitate.

13. « Sed inquit aliqui contraria nos sentire, et a vera fide aliena. Fiat igitur Concilium : adsint piissimi episcopi, qui iudicare norunt; adsint et magistratus, et qui in dignitate sunt constituti, qui res divinas sunt edocti. Dicamus aperte que sentimus : dicant et iudices quænam Apostolorum doctrinæ sunt consona. Sed æge hæc scripsi, non quia maximam civitatem videre cupio, neque ad aliam migrare exopto : gaudeo enim revera magis quiete illorum qui in monastico habitu vitam ducunt, quam illis invidio qui Ecclesiam gubernare volunt. Noverit enim tua celsitudo, quod neque teppore beatissimæ et sancte memorie Theodoti, neque beate memorie Joannis, neque tempore sanctissimi episcopi Domni libenter Antiochiæm accedebam; sed quinque et sexies vocatus, vix obtemperabam; obediēbam vero, ut Ecclesiastico canonum parere, qui periclitari præcepit eum, qui dum vocatur ad Synodum, accedere minime voluerit. Quando vero accessimus, quidnam fecimus eorum que Deo displicent? Quod talem et talem, qui ausi sunt iniquitates silentio dignas patrare, a sacro cœtu segregavimus? Quod eos qui laudantur, et vita celebri sunt, sacerdotii ordinatione decoravimus? Quod populis Evangelicam doctrinam obtulimus? Si hæc sunt accusatione et damnatione digna, etiam majores pro his pœnas libenter suscipiemus.

14. « Illud quidem adijciam (quandoquidem calumniatores hæc dicere me cogunt) quod ante conceptionem genitores me offerre Deo polliciti sunt, et ab incunabulis juxta suas promissiones me Deo dicarunt, et tali cibo me educaverunt. In monasterio vero, quousque episcopus factus sum, commoratus cum essem, invitus episcopus sum ordinatus. Viginti quinque jam egi annos, nec a quoquam accusatus, nec alium accusavi; nec eorum aliquis qui mihi subijciuntur religiosissimi clerici, tot annis, ne obolum quidem in tribunali mihi oblatum conquestus est; neque vestem a quoquam accepti; panem unum vel ovum nullus meorum domesticorum accepit aliquando. Præter laceras has vestes, quibus vestior, nihil possidere volui.

Publicos porticus in vestibulis Ecclesiarum adificavi : pontes duos magnos extruxi : balnearum publicorum gessit curam; cum civitatem reperissem que nidante a detruente flumine aquabatur, aqueductus paravi, et civitatem aqua carentem, aquas replavi : viros octo Marcionis hæresi laborantes una cum vicinis locis ad veritatis agnitionem libenti animo duxi : alium præter vicium Eunomianorum plenum, et alium Avimorum, ad lucem veritatis accedere procuravi; et divina ope, ne unum quidem apud nos exat hæreticorum zizanium, aut germen. Nec ista sine periculis feci, sed sanguinem sæpe effudi meum; sæpe etiam ab ipsis lapidatus fui; et sæpe ad inferorum etiam portas mortis perverii.

15. « Sed jam insipientes lætis sum, dum gloriari : hæc autem ex necessitate, non ex animo a me dicta sunt. Hoc etiam beatissimus Paulus¹ facere coactus est aliquando, ut accusatorum, et calumniatorum obstrueret ora. Et gaudeo delectore apparente, quinimo summum honorem illud habeo. Audio enim Ap. stoliciam vocem dicentem² : Omnes qui pie volunt vivere in Christo, persecutiones patiuntur. Vestram autem magnificentiam oro, ut rerum Ecclesiasticarum curam gerat, et insurgentem tempestatem placet. Revera enim neque in ipso dissensionis initio tanta confusio Ecclesiam occupavit. Nullus vos docet de periculis magnitudine; nullus Christianorum querelas vobis significat, et sanctissimorum monachorum qui apud nos sunt lamentationes. Qua de causa longiore usus sum oratione, ut eum cognoverit vestra magnificentia Ecclesiarum tempestatem, illam qui secrete faciat, et magnum iterum inde consequatur³. Hactenus Theodoretus ad Nonnum exconsulem. Quod autem ad Cyrum civitatem a Theodoro nobilitatem spectat; eandem iterum a Barbaris exicisam, a Justiniano imperatore restitutam constat. Sed non præterea, quod ad Ecclesiasticarum rerum antiquarum cognitionem de eadem civitate æque pertinere certum est; ista nimirum de ejus origine a Procopio⁴ scribi, cum de ejus restitutione a Justiniano imperatore facta meminit : « Erat, inquit, in Syria oppidulum vehementer neglectum, Cyrus nomine, a Judæis olim exstructum. Nam Judæi ex Palæstina a Medorum exercitu in Assyriam captivi abducti, et longo post tempore a Cyro dimissi, ut quicumque gratiam beneficiarii referrent, locum illum, Cyrum appellaverunt. Justinianus rex partim Reipublice communi prospiciens, partim colens S. Cosmum et Damianum, quorum corpora prope usque ad mea tempora requiescunt, Cyrum urbem felicem reddidit muni securitate, præsi horum multitudine, et magnitudine publicorum ædificiorum ». At de Cyri regis nobili monumento, quem oracula⁵ divina commendant, hæc scitis. Sed ad Theodoretum redeamus. Scripsit et ad diversos alios magistratus Constantinopoli et alibi agentes eodem argumento

¹ 2. Cor. xi. xii. — ² 2. Tim. iii. — ³ Procop. de ædific. Justin. imp. orat. iii. in lat. — ⁴ Id. xv.

litteras, quas (ut dictum est) ex codice Valicano latinitati donandas impense curavimus. Porro hic annus, vicesimus quintus ejus episcopatus, cujus in dicta Epistola meminit, numeratur, ut intelligas ipsam hoc anno datam.

16. Inter alias autem scripsit per legatos a Domino episcopo Antiocheno Constantinopolim missos Epistolam ¹ ad Flavianum Constantinopolitanum antistitem, qua etiam rectam fidei confessionem profertur: aliam insuper ad eundem Flavianum ² dedit, qua conqueritur de Dioscuro episcopo Alexandrino jam inimico ipsi detecto, atque injuste sibi jus super Ecclesiam Antiochenam vindicante: cuius occasione (quod notatu dignum est) mentionem habet canonis Concilii Constantinopolitani oecumenici, verbis istis: « Tuam præterea sanctitatem rogamus, ut fidem, in quam bellum motum est, protegas, et sacros canones conculcatos tueatur. In illa enim regia urbe cum convenissent beatissimi Patres, consona iis que in Nicæa statuta sunt a sanctis Patribus ibi congregatis, statuerunt, et dioceses distincterunt, et unicuique diocesi, que ipsi conveniebant, tribuerunt, ne aliam diocesim quis invaderet, sed Alexandriæ episcopus ea que ad Ægyptum pertinent tantum gubernaret, et unaquæque diocesis res proprias, et que ad ipsam spectant. Hic vero istis definitionibus, et decretis stare minime vult, sed B. Marci sedem sursum ac deorsum agitat; præsertim cum aperte noverit, quod Antiocheni magna civitas magni illius Petri thronum obtinet, qui B. Marci magister fuit, et Apostolorum chori primus ac princeps ».

17. Hæc habet Theodoretus in Dioscorum super episcopos Syriæ jus sibi usurpantem: quæ voluit recensuisse ad confirmationem eorum que a nobis superius dicta sunt de canone Constantinopolitani Concilii diocesium limites præscribente. Cæterum hand leve esse poterat Theodoretum illud argumentum de juribus Ecclesiæ Antiochenæ: cum ea ex parte non subjicienda tantum, sed præferenda videretur Ecclesiæ Alexandrinæ: nam et Innocentius papa scribens ad Alexandrum Antiochenum episcopum, de ejusdem sedis prerogativis hæc habet: « Antiochicæ nomen accepit religio Christiana, atque conventum Apostolorum apud se fieri celeberrimum meruit; quæque Urbis Romæ sedi non cederet, nisi quod illa in transitu meruit, ista susceptum apud se, consummatumque gaudet ». Hæc Innocentius: ex quibus vides amplitudinem sedis Antiochenæ, nulla alia quidem ratione subdende sedi Alexandrinæ, nisi quod ita primum Petro per Marcum eam erigenti visum fuerit. Sed intus Dioscuro primos hujusmodi mentis elatus motus, observa hominis fastum, dum sibi subjicere sedem Antiochenam aggreditur. Porro (ut est in Psalmo ³) superbia ejus ascendit semper.

18. *Quomodo hæresis Eutychei orta et detecta; et singula de eodem acta in Concilio Con-*

stantinopolitano. — Sed quid inter hæc funestum accidit? Dum in desolationem Nestorianæ hæresis Catholici impelluntur; plene contigit, ut unus ex illis rapido cursui terminum imponere, et sibi citra terminum prolapsi habenas injicere nescius, im-provide ferretur in hostes: dumque pugnat adversus Ecclesiæ perduelles, ipse infeliciter novus veritatis Catholice impugnator insurgeret. Evenit id quidem deploratissimo Eutychei monachorum Constantinopoli agentium Patri, illorum, inquam, qui tempore Ephesini Concilii adversus Nestorianos cæteris præstantius dimicarent. Cum igitur summo odio in Nestorii hæresim iste ferretur, eo prosiliit, ut non duas tantum esse in Christo personas omnino ex Catholice fidei præscripto negaret, sed etiam nec duas in Christo naturas vellet asserere; eosque Nestoriano laborare morbo putaret, qui duas confiterentur in Christo distinctas, et inconfuse conjunctas esse naturas. Est quidem de Eutychei laboribus adversus Nestorium ejusque sectatores indefesso studio exantlatis magna laus in Actione quarta Synodi Constantinopoli ante Chalcedonense Concilium celebratæ: quod ipsum de eo item prædicat S. Leo Romanus Pontifex in brevi hæc Epistola sub hujus anni consulibus ad ipsum data ¹, post acceptas ab eo litteras de invalescente Nestorianorum hæresi: cum primum interpellavit Ecclesiam, remedium querens adversus fidem Catholicam perturbantes:

19. « Dilectissimo filio Eutychei presbytero Leo episcopus.

« Ad notitiam nostram tuæ dilectionis Epistola retulisti, quod Nestoriana hæresis quorundam rursus studiis pullularet. Sollicitudinem tuam hæc ex parte nobis placuisse scripsimus: quoniam index animi tui est sermo, quem sumpsimus: unde non ambigimus auctorem Catholice fidei Dominum tibi in omnibus affuturum. Nos autem cum plenius, quorum hoc improbitate fiat, potuerimus agnoscere; necesse est, auxiliante Domino, providere, qualenus nefandum virus, dudum quoque damnatum radicibus possit exstingui. Dat. kal. Junii, Posthumiano et Zenone viris clarissimis cons. » Porro quos Nestorianæ hæresis Eutychei suggillavit, Catholicos fuisse, qui in Christo duas prædicabant naturas inter se distinctas et indivise absque confusione conjunctas, exitus demonstravit. Cæterum cum inter hæc quidam susurri hujus Eutycheianæ impietatis per Orientis Ecclesias spargerentur, licet auctor hæresis nesciretur; Theodoretus hæc accipiens per Basilium Seleuciæ episcopum, qui hoc anno vocatus a Flaviano ad Synodum convenerat Constantinopolim, ad eundem ista rescripsit ²:

20. « Omnium bonorum summam, et apicem charitatem divinus appellavit Paulus ³, et hæc cætri fidei alumnos præcepit. Hæc dilata tua pietas, quæ oportebat narravit, et intuenda significavit: quid enim jucundius his qui Dominum timent, rectorum

¹ Theodoret. Ep. XL. — ² Ibid. Ep. LXXXVI. — ³ 1. s. LXXXII.

¹ Leo, Ep. VI. — ² Theodoret. Ep. LXXXV. — ³ 1. Cor. XIII.

dogmatum sanitate, et concordantia atque convenientia? Certo igitur scito, Deo dilectissime, quod valde letati sumus, cum ea didicerimus de communi amico : et quanto antea dolore offensi sumus, cum audiremus, quod unam esse carnis, et Deitatis naturam assereret, et quod apertis verbis et perfricta fronte impassibili Divinitati Dominicam passionem adscribit ; ita letati sumus sanctitatis tuae litteris, cum acceperimus, quod integras custodit naturarum proprietates, et neque Deum Verbum in carnem conversum aut, neque carnem in Divinitatis naturam mutatam : sed in uno Filio Domino nostro Jesu Christo, qui homo factus est Deus Verbum, inconfusus remansisse dicit utriusque naturarum proprietates : et universorum Deum laudavimus pro convenientia sanctae fidei : et ad utramque Ciliciam scripsimus, licet aperte non sciremus si qui sunt qui contraria sentiunt veritati : et hortati sumus Deo dilectissimos episcopos, vestigare et videre, si quidem aliqui sint, qui in duos dividant unum Dominum Jesum Christum, vel admonendo eos corrigere et emendare, vel e fratrum consorcio illos segregare. Revera enim similiter illos aversamur, qui unam naturam carnis et Deitatis dicere audent, et eos qui in duos Filios dividunt unum Dominum nostrum Jesum Christum, et Apostolorum fines transgredi aggrediuntur.

21. « Quod vero ad pacem facile converlimur, tua beatitudo confidenter id sibi persuadeat. Si enim Propheta dicit¹ : Cum his qui oderunt pacem eram pacificus : multo magis nos eam que secundum Deum est, apertis ulnis pacem amplectimur. Quoniam vero nonnulli et Alexandriam occurrerunt eorum qui in mendacis sunt nutriti et educati, et calumnias adversus nos construxerunt, et hujusmodi verbis seductus Deo dilectissimus ejus civitatis episcopus quamvis illi nostris litteris satisfacere conatus sumus, quemdam piissimorum episcoporum ad regionem misit urbem : dignetur pietas tua, que tua sit humanitas (ut soles) res gestas nobis indicare, et contra mendacium accurate veritatem statuere et confirmare, et veritati contra mendacium opem ferre ». Haecenus ad Basilium Seleuciae magni nominis antistitem Theodoretus. Haec autem (ut dictum est) transacta sunt, antequam auctor haeresis ipse Eutyches detegeretur haeticus : ex quibus plene satis expressum habes, Theodoretum quam rectissimo pede in Evangelium post damnatum Nestorii haeresim esse progressum.

22. Quomodo autem hoc anno mense Novembris detecta est haeresis Eutychetis, jam aggredimur enarrare. Liberatus diaconus² haec de primordiis ejusdem emergentis haeresis : « Eutyches presbyter, et archimandrita, praesidens Constantinopoli celeberrimo monasterio, urgente satana, predicabat Dominum nostrum Jesum Christum consubstantialem nobis non esse secundum carnem, sed de caelo corpus habuisse. Rursum varians dicebat, ante adu-

nationem duas in Christo fuisse naturas, post adunationem unam factam esse ». Secundum vero priorem sententiam haec Theodoretus¹ de Eutychete : « Quae jam exaruerat, Valentinus haeresim rursum fecit pullulare. Arius solum animam, Apollinaris solum corpus assumptum confitebatur : hic autem corpus assumptum esse negabat. Dicebat enim, Deum Verbum nihil humanum ex Virgine sumpsisse, sed ipsum immutabiliter conversum, et carnem factum (ridiculis enim ejus utor verbis) solum per Virginem trajecisse ». Subdit vero Liberatus diaconus a quonam ejus impietas sit detecta :

23. « Audiens talia doctentem, et praedicantem Eusebius episcopus Dorylaei civitatis provinciae Phrygiae Salutaris, cum esset Orthodoxus et purus et amicus, prohibuit cum talia sapere et docere. Sed perlinaciter Eutychete audire nolente, relictis Eusebius causam ad Flavianum episcopum Constantinopolitanum, qui et ingressus est ejus Concilium, quod collectum fuerat pro Florentino Sardaenorum metropolitae adversus episcopos sub eo constitutos Joannem, et Cossenium : et data forma de aliquibus causis, eorum libellos obtulit Eusebio Flaviano, et omni Concilio, conjurans omnes advenire, et Eutychetem presbyterum, ut sub eorum praesentia convinceretur ab eo, haeretica dogmata sapere et docere ». Haec Liberatus : sed cum extent ipsa Synodalia Acta, quibus rei gestae ordo contextitur, nihil est ut eam per diversa fragmenta historiam compingamus. Quomodo igitur ad episcopale iudicium Eutychetis causa hoc anno perducta sit, ex eisdem Actis accipe, quae sic se habent :

24. « Consulibus² Flaviis Zenone, et Postumiano viris clarissimis, sub die sexto id. Novemb. in Christianissima, et regia urbe Constantinopoli nova Roma, congregata sancta et magna Synodo reperta in praedicta magnificentissima urbe in secretario episcopii, praesente sanctissimo et beatissimo archiepiscopo Flaviano. Et recitantibus relationem directam a Florentino episcopo Sardis metropolis provinciae Lydorum adversus sub se constitutos reverendissimos episcopos Joannem et Cossenium, praesentibus etiam clericis his qui eadem relationes detulerunt, et data forma de aliquibus quae lecta sunt ; exurgens Eusebius reverendissimus episcopus Dorikei, unus constitutus de consistentibus, libellos obtulit sancto Concilio, conjurans eos legi et inferri in monumenta Actorum. Instante vero eo, sanctissimus episcopus Flavianus dixit : Susceptus libellus legatur ad cognoscendam causam, quae in eo continetur.

« Sanctissimo ac beatissimo archiepiscopo Flaviano, et praesenti magno, et sancto Concilio in hac urbe regia gloriosissimorum episcoporum, ab Eusebio episcopo Dorikei.

25. « Optaveram quidem non sic praefocatum sensu, et ebrium cogitatione et excessu mentis rap-

¹ Theodoret. har. fabul. l. iv. in fin. — ² Apud Conc. Chal. Act. 1. tom. 4. Concil.

Eutychetem presbyterum, et Archimandritam, ut oblitus quidem timoris Dei, spernens etiam terribile tribunal Christi Salvatoris omnium nostrum, et justum ejus judicium et retributionem, qui venturus est judicare orbem terre in aequitate, et reddere unicuique secundum opera sua : nec ut ita auderet adversus Salvatorem omnium nostrum Christum blasphemam linguam movere, et Patres, qui inter sanctos communerantur, hæreticos nominare, et nos qui eorum sumus fidei sectatores. Quoniam vero non cessat, inobscratum habens os et infrenem linguam, negans piissimam sanctæ religionis doctrinam, derogans autem et sanctissimis Patribus, et me hæresis accusans, qui nunquam hæreticos suspicatus sum, sed e contrario magis semper hæreticos repugnans, et Orthodoxam fidem secundum meas vires defendens, permanens in fide sanctorum Patrum trecentorum decem et octo in Nicæno Concilio congregatorum, et omnibus qui in Ephesia metropoli a sancta et magna Synodo acta sunt, et his quæ sapuit et exposuit beatissimus Cyrillus Alexandrinæ magnæ civitatis quondam episcopus, et magnus Athanasius et Gregorius, et Africanus, et Proclus sancti episcopi : supplico, et peto vestram sanctitatem minime despiciere hanc meam supplicationem, sed jubere Eutychetem presbyterum et archimandritam occurrere in sanctum vestrum Concilium, et respondere iis, quæ a me ingeruntur. Paratus sum enim eum convincere, et falso habere Catholicum nomen, et alienum omnino a recta fide : et conjuro vos per sanctam consubstantialiam Trinitatem, quæ salvat Christianissimos nostros imperatores, et per salutem et perseverantiam piissimorum nostrorum imperatorum Theodosii et Valentiniiani perpetuorum Augustorum, prædictum Eutychetem jubere occurrere in vestram sanctam Synodum, et satisfacere iis a me ei objectis : quatenus ita convicto a me, et qui ab eo subversi sunt, erigantur, et Catholica fides vincens et nunc appareat omnes mundi lermos circumplexa. Quo proveniente, gratias semper vestræ confiteor sanctitati ». Subscriptio. « Eusebius episcopus Doricæ sanctæ Dei Ecclesiæ offerens hos libellos meos, subscripti manu mea.

26. « Sanctissimus Flavianus archiepiscopus dixit : Stupefecerunt quidem nos quæ lecta sunt, eo quod talis ingeritur reprehensio reverendo presbytero et archimandrita Eutycheti : tamen dignetur reverentia tua convenire ad eum, et disputare eum eo de recta fide : et si invenietur pro vero non recta sapere, tunc vocabitur in sanctum Concilium, et adhibi sibi. Eusebius reverendus episcopus Doricæ dixit : Ego quidem amicus illius eram prius : non semel autem, nec secundo, sed sapius conveni ad eum pro hac causa, ex qua læsus est, et locutus sum cum eo, et inveni eum non recta sapere, et monui et docui : Sed instabat dicens ea quæ aliena sunt a nostra fide recta. Et hoc postum ostendere per multos testes ; qui præsentés fuerunt, et audierunt. Conjuro igitur vos et iterum per Dominum nostrum

Jesum Christum, quatenus destinatis ad eum, ut veniat, et respondeat, et postquam victus a me fuerit, cesset a perversa doctrina ; quia multi ab eo læsi sunt.

27. « Sanctissimus episcopus Flavianus dixit : Patriar nos tua reverentia, et mox fationem sustineat usque ad monasterium ; et quæ concedent, loquatur ei, et quæ ad pacem pertinent, ut non commotio, cursus, et conturbatio creetur sanctis Ecclesiæ Christi. Eusebius episcopus Doricæ dixit : Impossibile est jam me, postquam perrexi frequenter, et non persuasi, iterum ad eum accedere, et blasphemæ verba audire. Sed dignetur vestra sanctitas dirigere ad ipsum, ut occurrat : nec enim permitto inexammatum tantum negotium relinquere. Sancta Synodus dixit : Oportuerat quidem tuam reverentiam acquiescere suasionibus sanctissimi et beatissimi archiepiscopi nostri : sed quia perstantem te vidimus, fiat quod postulasti. Nunc ergo primitus e datis libellis fides teneat monumentum ac diligentem agendorum examinationem. Joannes autem religiosissimus presbyter et defensor simul cum religioso diacono Andrea pergens ad religiosisimum presbyterum et archimandritam Eutychetem, porrectum adversus eum libellum ei relegant, et commoneant occurrere ad sanctum Concilium, et sibi adesse : non enim in levi accusatur causa ». Hæc quidem eo die : sequenti vero quæ contigerint, in iisdem Actis describuntur : nos eadem compendiosiori interdum sermone, ne fastidium lectori pariant, perstringentes, quæ pertinent ad historiam tantum, in medium afferimus : ut patens fiat, quomodo semel detectus serpens, foraminis captans latebras, publicum congressum vitavit ; quod est mendacio natura insitum, cum tamen ipsa veritas gaudeat luce, et reddi omnibus manifesta. Sed quæ sunt subsequuta, narremus.

28. Sub iisdem consiliis, pridie idus Novembris presbo fuit Synodo Eusebius, et quam semper eului rectam fidem palam exponit, ex scriptisque Cyrilli ipsam promens, eademque se sapuisse ac sapere proficitur, simulque ostendit, sanctos et Orthodoxos Patres semper in Christo duas confessos esse naturas in una eademque conjunctas persona. Quæ quidem, ut sancte pieque dicta, ab omnibus qui presentes erant, Patribus recepta sunt atque probata, singulis (ut dici solet) candidum calculum porrigentibus. Hæc quidem ea die sunt acta, servato Ecclesiastici judicii ordine, quo jubetur, ut accusans aliquem criminis hæresis, ipse se Catholicum esse, publice doceat. Rursum iisdem consiliis, feria secunda, die decimo quinto mensis Novembris, idem Eusebius episcopus Doricæ prosequens causam contra Eutychetem, his verbis sanctam Synodum interpellat : « Quartus hodie excessit dies, ex quo vestram interpellavi sanctitatem, postulans Eutychetem presbyterum et archimandritam in sanctam vestram Synodum occurrere, arguendum a me pro eo quod Orthodoxa dogmata corrupit, et aliter sapit quam credit Ecclesia Catholica : et peto tunc directos

a sanctitate vestra interrogatos dicere, qualia ab eo acceperunt responsa. Flavianus sanctissimus episcopus dixit : Dicant notarii, qui sunt dudum directi. Notarii dixerunt : Ante hoc vestra jusserat sanctitas religiosissimum presbyterum et defensorem Joannem, et reverendissimum diaconum Andream pergere ad reverendissimum presbyterum et archimandritam Eutychem, et utriusque presto sunt, etc. » Quae autem transacta sint inter missos a sancta Synodo et Eutychem, Joannes ita narravit. Audi insignem viri prociacium.

29. « Cum, inquit, pervenissemus ad eum in monasterium, libellos legimus, et exemplaria ei dedimus, et accusatorem etiam manifestavimus, et vocalionem ei denuntiavimus, et satisfactionem apud vestram sanctitatem. Ipse autem occurrere quidem et satisfacere penitus abnegavit, dicens, hoc ipsum apud se esse decretum, et definitione quadam ab initio teneri, ut nusquam alibi egrediatur a sua fraternitate : quodammodo enim languam in sepulcro, degere in monasterio. Innotescere autem vestrae sanctitati per nos postulavit, eo quod reverendissimus episcopus Eusebius inimicus ei admodum existens, detractionis et injuriae causa hanc accusationem adversus eum confecerit : paratum enim se esse assererat, expositioni sanctorum Patrum, qui in Nicea et in Epheso congregati sunt, consentire, et subscribere interpretationibus eorum confitebatur. Si vero aliquid colligit eos in aliquibus diebus aut falli aut errasse, hoc neque reprehendere, neque subscribere; solas enim Scripturas scrutari, tanquam firmiores sanctorum Patrum expositionibus ».

30. Observa diligenter, quibus se primo spiribus venenosus serpens, caput oblegens, ne offendatur, involvat, dum desciscens a sanctis Patribus, honesto praetextu ad divinas Scripturas provocat; quod est peculiare omnium haereticorum, se divinae Scripturae vindices profiteri, eo pulchro velamento impietatem velantes; duplo impij, dum et errant, et ad struendam quam profitentur falsitatem, divinam Scripturam pro animi voluntate detorquent. Sed quam nefanda Eutyches istis subjecerit, audi Joannem : « Post incarnationem vero (aiebat ille) Dei Verbi, hoc est, incarnationem Domini nostri Jesu Christi unam naturam adorare, et hanc Dei incarnati et inhumani hominis facti : et librum aliquem hujusmodi proferens, perlegebat. Adjiciebat vero derogationes adversus se ab aliquibus dictas, quasi quod dixerit, se innoxium ab hujusmodi derogatione esse, ex duabus naturis unitis secundum subsistentiam factum esse Dominum nostrum Jesum Christum, neque didicisse in expositionibus sanctorum Patrum, neque suscipere, si configerit ei ab aliquo tale aliquid legi : quia Divinae Scripturae (ut dicebat) meliores sunt Patrum doctrinis. Et hoc dicens confitebatur perfectum Deum esse et perfectum hominem, qui natus est de Maria Virgine; non habentem consubstantiali nobis carnem. Haec autem mecum colloquens dixit ». Haec Joannes. Eadem etiam locutus est Andreas diaconus, et Basilium

episcopus Seleucia, qui praesens fuit, necnon Athanasius. Quibus peractis, et instante eodem Eusebio episcopo Doritavi secundo jussus est Eutyches citari ad Synodum per Mamantem et Theophilum presbyteros : libellos autem citationis fuit hujusmodi :

31. « Sancta et magna Synodus secundum Dei gratiam degens in Christianissima et regia Constantinopoli Nova Roma, reverendo presbytero et archimandrita Eutyche. El nunc secunda te isla vocatione vocamus per Mamantem et Theophilum reverendos presbyteros, ut occurras absque dilatione ad satisfaciendum sancto Concilio, accusatus a Deo amantissimo episcopo Eusebio, sicut qui aliena a fide sapuisti et sapis, et ad aliquod ex eis locutus es. Veni ergo ad Conventum, nihil differens : ne ut subterfugiens in faciem convinci, subjaceas divinarum regularum severitati : nec enim rationalis est satisfactio, dicente te, decrevisse non recedere de monasterio, qui de talibus accusatus es.

32. « Adhuc sedente sancta Synodo, et expectante Mamantem et Theophilum reverendissimos presbyteros, qui missi fuerant vocare Eutychem reverendissimum presbyterum et archimandritam, dum legeretur ejus expositiones de fide sanctorum Patrum, exurgens in medio Eusebius Deo amantissimus episcopus dixit : Nihil intemeratum (intentalum) relinquatur adeo impie agenti, et aliena a recta fide sapienti : audacter pergit omnia facere. Comperi enim, quia Eutyches presbyter et archimandrita volumen direxit per monasteria, et ad seditionem excitat monachos : et quia hoc ipsum ad tutelam Ecclesiasticam sanctae Synodo pertinet inquirere et cognoscere qualia conficit et machinatur, tumultum faciens, postulo hic praesentem presbyterum Martyrii (templi scilicet S. Joannis Baptistae) qui est in Septimo, dicere, si destinavit volumen, et fecit fieri subscriptiones ». Haec locutus Eusebius.

33. « Jussus est post haec a Flaviano presbyter testis accedere. Qui roganti Flaviano quis esset, dixit : Presbyter sum in Septimo sub tua sanctitate. Cui Flavianus episcopus dixit : Audisti quae exposuit reverendissimus episcopus Eusebius? Abrahamus dixit : Etiam per vestigia tua ». Observa hic pristinum morem obtestandi episcopos verbis illis : « Per vestigia tua » : quibus profiterentur, sacrum quiddam esse, etiam ipsa episcoporum vestigia. His autem Abraham presbyter subdit : « Emmanuel presbyter et archimandrita direxit me ad Asterium presbyterum, haec ei denuntiavit, quod Eutyches presbyter et archimandrita direxit ei tonnum de fide, et suadebat ei in eo subscribere : et haec mandavit, ut praedictus presbyter Asterius haec vestrae suggereret sanctitati ». Addit his Eusebius id ipsum esse factum per alia monasteria, ad quae tonnum miserat Eutyches, ut ei subscriberetur. Isthaec cum audisset Flavianus, misit eo ex Synodo Petrum presbyterum et Patricium diaconum, et rursus ad alia monasteria Rhetorium presbyterum et Eutropium diaconum, Chalcedonem vero Paulum et

Joannem presbyteros ad inquirendum de misso ad eos fidei tomo ab Eutychete.

34. Inter hæc autem qui missi fuerant secundo citare Eutychetem, reversi sunt ad Synodum, et quæ gesta essent, nota fecerunt, Mamante ita præloquente : « Pervenientes ad monasterium Eutychetis presbyteri et archimandrite, reperimus ante janua monachos stantes; et ingressi eam eis monasterium, diximus : Numtiale : loqui enim debemus archimandrite, directi a sanctissimo archiepiscopo et præsentè Synodo. Et dicebant nobis : Quia dominus archimandrita agrotat, et videre eum vos non potestis : quid ergo vobis placet, et pro qua re estis directi, dicite nobis. Nos autem non acquievimus, dicentes eis : Quia nos ad illum ipsam stumus directi, et scriptam jussionem habemus et præ manibus teneamus, quæ ad eum scripta est a Synodo. Qui ingressi iterum regressi sunt, et adduxerunt secum Eleusium quemdam monachum, dicentes : Quoniam archimandrita noster agrotat, hinc loco sui direxit, ut hinc quæ sunt mandata dicatis. Nec sic acquievimus dicere ei, sed diximus : Si suscipit nos missos a sanctissimo et beatissimo archiepiscopo, et a sancta magna Synodo, dicite nobis. Deinde vidimus eos turbatos, et ad alterutrum susurrantes et dicentes aliqua. Et cum non reciperemus responsum, conturbatis eis, eo quod in scriptis esset mandatum, diximus eis : Quid conturbamini? Nihil est durum : quæ scripta sunt, non sunt occulta. Sed diximus et nos quid scriptura continet : commouit eum ecce nunc secundo sancta Synodus, quatenus occurrat, et in his in quibus accusatus est a Deo amantissimo Eusebio episcopo satisfaciat. Tunc ingressi nuntiaverunt, et suscepit nos prædictus reverendissimus presbyter et archimandrita Eutyches.

35. Ingressi porreximus ei missam chartulam, et fecit eam nobis presentibus legi : et postquam lecta est, dixit : Ego apud me definitum habeo, citra mortis necessitatem non egredi monasterium : pervidet autem et sancta Synodus et Deo amantissimus archiepiscopus, quoniam et senex sum effectus. Diximus nos : Dignare venire, et in his quibus accensaris satisfacere apud sanctam Synodum. Qui respondit : Ego non egredior de monasterio meo; quia sic habeo definitum. Si autem voluerit beatissimus archiepiscopus et sancta Synodus aliquid agere; quod eis placet, agant. Hoc unum peto, nullum hæc altera vice fatigari : definitum enim mihi est, non egredi monasterium. Nec ergo et iterum dirigant : quod voluit, ante tertiam meam vocationem faciant : mihi, ac si vocassent, sat sunt. Pelit autem nos dicere sanctitati vestre hæc ».

36. Sed tu qui ad divinas Scripturas provocas, o Eutyches (licet paucis te alloqui) ubi repereris, dicas, quæso, te magis obligatum teneri propositi mentis tuæ vinculis, quam tui episcopi jussione, imo et plurimum antistitum in Synodo considerantium, teque ad judicium vocantium voluntate, legitimo præsertim id exigente judicio?

« Magister tu in Israel es, et hæc ignoras? » qui et alios doces, et munere prefecturae monasterio præces, hæc te prætereunt, quibus te oportuit imbuisse tyrones? Sed sinamus delirare senem. Pergit ille : « Compellebat autem nos, et chartulam aliquam scriptam deportare : sed non acquievimus suscipere, dicentes : Si quid volueris, perveniens, doce. Ista nobis talia ad eum dicenlibus, delata est charta, et voluit eam nobis legere : sed nec sic acquievimus audire, sed accipiens eam subscripsit : et nos vale facientes egressi sumus, dicente eo : Quia dirigo sancte Synodo hæc chartulam cum subscriptione mea ». Hactenus Mamantis relatio, eademque collega Theophilus. Attende, lector, quod insitum est hæreticis omnibus, quod male agant, aversari lucem, congressum fugere, latebras querere, diligere subterfugia, amare diverticula, et captare recessus.

37. At rursus accusator Eusebius urget, rursus vehementius instat, ut vel invitus Eutyches trahatur ad Synodum. Tum vero secundum judicii formam a sancta Synodo decretum est, ut ille tertio citaretur per Memnonem eusludem sacrorum vasorum, Epiphaniumque presbyteros, et Germanum diaconum, quibus scriptus citationis libellus traditus est, quo significabatur, ut post diem sequentem, feria quarta, ad septimam decimam mensis Novembris ipse Eutyches iudicio præsto esset.

38. Interea vero sequenti die, nempe decima sexta Novemb. venit ad Synodum ab Eutychete missus Abrahamius archimandrita excusans Eutychetem ob ingravescentem morbum venire non posse. Accepta vero est a Synodo de morbo excusatio, quod non adeo inhumanæ essent, sed misericordes : caterum ejus propositum de non egrediendo e monasterio minime comprobatum fuit; testante Flaviano præsertim, ipsum Eutychetem olim, cum in Synodo causa Nestorii tractaretur, adversus eum acturum in Synodum ingressum fuisse. Adhortatus est autem idem Flavianus per eundem Abrahamium Eutychetem, ut venire ad Synodum ne detrectaret, et se purgare apud eam, si calumniam pateretur : sed etsi errare compertus esset, ea que tenere dixisset, corrigeret, atque daret, pollicens veniam; addiditque hæc de accusatore causam intatigabili studio prosequente : « Cognoscitis, inquit, zelum accusatoris, quoniam et ipse ignis frigidus illi videtur propter pietatis zelum, etc. »

39. Sequenti vero die, nempe decima septima ejusdem mensis, auditi sunt a Synodo, qui missi fuerant tertio citare Eutychetem, Memnon, Epiphanius, atque Germanus : retuleruntque in manus Eutychetis se dedisse libellum citationis : ipsum autem se excusasse, quod misisset satisfacere Synodo Abrahamium archimandritam, cui significaret se sanctorum Patrum dictis et Nicænæ Synodo acquiescere; rogare vero, si his non contenta sit sancta Synodus, septimane unius daret inducias. His relatis, auditus est etiam Eusebius accusator

instans, et causam afferens, cur de his quæ ab eo antea sapius dicta essent. Eutyches cogeretur reddere rationem. Auditi quoque sunt qui missi a sancta Synodo fuerant ad monasteria inquisitari de voluminibus ab Eutychete ad ea missis: retuleruntque accepisse Archimandritas missum ab Eutychete volumen fidei, sed ipsos subscribere noluisse: inter quos Martinum archimandritam dignam illa emisisse sententiam: « Non est meum subscribere, episcoporum tantum est »; alios vero se minime accepisse, testatos esse. Instante igitur Eusebio, dammandum ex scriptis suis esse Eutychetem, idemque attestante Flaviano, tamen ne præcox adhuc videretur esse iudicium, septem dierum petitus ab eo inducias concesserunt, qui erant in Synodo Patres, ita Flaviano suadente.

40. Inter hæc autem dum expectaretur septimanæ dierum tempus Eutycheti præfixum, instante accusatore Eusebio episcopo, iterum intromissi sunt Mamas cum collegis, qui missi fuerant citare Eutychetem; ut quæ ab ipso accepissent, et minime integre retulissent, palam facerent. Vicesima itaque secunda mensis Novembris, consistentibus Patribus, Theophilus, qui cum Mamante missus fuerat, sub divini nominis contestatione hæc est locutus: « Cæpit velle Eutyches disputare nobiscum. Reverendo autem presbytero Mamante dicente: Non quidem ad hoc venimus, ut cum tua reverentia disputemus, sed evocare te ad occurrendum Synodo; cæpit ille, præsentem Narsete presbytero, et Maximo archimandrita, et aliis monachis, dicere: in qua Scriptura jacent duæ naturæ? Deinde: Quis sanctorum Patrum exposuit, Deum Verbum duas habere naturas? Ad hæc nobis respondentibus: Et tu ostende nobis, ubi continetur Homousion? aut quæ Scriptura hæc dicit? Respondit reverendissimus presbyter et archimandrita Eutyches: Non continetur in Scripturis, in expositionibus vero Patrum jacet. Ad hæc reverendissimus Mamas presbyter, respondens, ait: Eo modo sicut Homousion in sanctis Scripturis non jacet, sed in expositione Patrum ita se habet; ita et de duabus naturis iidem sancti Patres exposuerunt. Dixi ad hæc et ego: Perfectus est Deus Verbum, annon? Dixit idem presbyter Eutyches: Perfectus. Dixi ego: Perfectus est Homo incarnatus, annon? Dixit: Perfectus. Si ergo duo perfecti Deus perfectus et homo perfectus, duo perfecta unum faciunt Filium. Ad hæc reverendissimus presbyter et archimandrita Eutyches: Absit a me dicere ex duabus naturis esse Christum, aut de natura loqui seu disputare Dei mei. Si ergo volunt deponere me, aut si desiderant facere aliquid adversum me, secundum permissum Dei faciant: ego enim in fide, quam accepi, in ipsa steti, et confirmari desidero. Hæc sunt quæ ab eo audiivi ». Hæc in Actis de Eutychete.

41. Cum tu consideras, lector, horrendam Eutychetis blasphemiam, non eo tamen procaciter pervenisse vides, ut dum provocat ad divinam Scripturam, simul etiam quæ in ea a sanctis Patribus fuissent exposita, esse pariter retinenda neget: EX

quibus intelligis, supergressos esse nostri temporis novatores impudentiam Eutychetis: quippe qui, cum convincantur a sanctissimis Patribus, sic provocent ad divinam Scripturam, ut nisi tot syllabis et elementis illud ipsum quod Catholica proficitur Ecclesia, in ea expressum inveniant, minime sibi retinendum esse, pertinacissime reluctentur, nullam vel traditionum, vel sanctorum Patrum interpretationem rationem prorsus habentes. Sed reliqua de iudicio Eutychetis prosequamur.

42. At quid inter hæc inveteratus dierum malorum hypocrita? Qui sæpius fuerat contestatus, se minime posse egredi e monasterio, licet jussione Flaviani archiepiscopi et totius Synodi urgeretur, quod eam sibi inviolabilem legem antea præfixisset; tamen cum septem dierum accepisset inducias, statim egreditur e monasterio, sed non ad Flavianum quidem progreditur: at quoniam gentium? Audi Liberatum diaconum¹: « Dum hæc agerentur, refugiens Eutyches ad Theodosium imperatorem, impetrait ab eo (ut fertur) per Chrysaphium emuchum, quem ipse Eutyches susceperat in sacro baptisate, ut cum patricio Florentio et magno consiliario Concilium illud Flaviani ingrederetur. Timere enim se dicebat Flaviani calumnias ». Mos hic etiam est hæreticorum (ut de Arianis et aliis sæpe antea vidimus) ingredi Synodos ambitioso comitatu, talium fretos potentia, qui dissiderent justæ causæ: cujus quidem rei recens est exemplum Nestorii in Concilio Ephesino.

43. At mira sane versutia Eutyches Chrysaphium potentissimum eunuchum adseivit sibi in presidium ac patrocinium, quem sciebat infensissimum Flaviano ob res superius enarratas: ex quibus omnium malorum fluxit origo. Etenim scelestissimus hominum, ut conceptas iras in Flavianum evomeret, suscipiens patrocinium Eutychetis, in summum totius fidei Catholice detrimentum ei favens, in ejus defensionem tum complures alios potentes aulicos, tum etiam episcopos magni nominis inclinavit: effecitque ut cum lujus Synodi definitione causa finienda esset, ad œcumenicum oportet eam deferre Conventum, unde tot mala velut e portis inferi magno profluvio scaturirent. Eunuchus hæc præstitit.

44. Adveniente jam præscripto a sancta Synodo septem dierum termino, inchoato a die decima sexta Novembris: vicesima secunda ejusdem, rursus sancta Synodus congregata est; et ex more præpositis sacrosanctis Evangelii, jussus est ingredi accusator Eusebius; jussus pariter requiri Eutyches, qui pollicitus erat dicta die se præsto fore sacro Conventui suam causam acturum: sed a quærentibus non inventus. Retulique hæc Synodo Joannes presbyter: « Occurrit reverendissimus presbyter et archimandrita Eutyches cum magna multitudine militum, et monachorum, et præfecturarum apparitorum magnificentissimi et gloriosissimi

¹ Liberat. diae. c. 11. tom. II. Concil.

præfecti prætorio; et non aliter volunt eum dimittere ut ingrediar in vestrum sanctum Concilium, nisi ei promiserimus, restituros ipsius personam. Est vero pariter et magnus et maxime admirandus Silentiarus, et ipse una cum eo præforibus, cupiens ingredi, utpote directus a piissimo et Christum amante imperatore nostro ». Hæc ille. His auditis, intronissus est Silentarius, qui oblata licentia, ejusmodi legit Theodosii imperatoris mandatum ad Synodum missum :

45. « Quoniam nos de pace cogitamus, et de sanctis Dei Ecclesiis, et pro Catholica fide, et custodiri volumus rectam, Deo inspirante, prædicatam fidem a sanctis Patribus, qui in Nicea congregati sunt, trecentis decem et octo, et ab his qui Ephesi interfuerunt damnationi Nestorii. Hoc ergo volumus, ne scandalum in prædicatam Catholicam fidem immittatur. Et quoniam scimus magnificentissimum Patricium Florentium esse fidelem, et testimoniis probatum in recta fide : volumus ipsum interesse audientie Synodali, quoniam sermo de fide est ».

46. Seculæ sunt hæc acclamations Synodi de fide et religione Theodosii imperatoris. Sed si prænovissent futura, utique immensis lacrymarum imbribus fuissent eadem persecuti. Quanto enim detrimento immisceant se interdum principes rebus sacris, quæ ab episcopis tractandæ sunt, recentia exempla (ut præmittamus vetera) docuerunt. Etenim fomes peccati Nestorius litteris Cælestini damnatus jam, nisi infra decem dierum spatium respiceret, conspirante in eandem sententiam Synodo Alexandrina, perpetuo silentio iam sepultus fuisset : cum vero sese in his male (ut vidimus) immiscuit Theodosius, quanta inde mala provenirent in Ecclesiam, adhuc quæ videntur in Orientali Ecclesia ulcera putrefacta testantur. Eutyches pariter delirus senex et impudens hæresiarcha in hæc Constantinopolitana Synodo jam cum sua hæresi condemnandus, atque penitus oblivione delendus ; fultus auxilio præfactorum, et inuitus edictis imperatoris, sic invaluit, ut per plurima secula ejus hæresis universam Orientalem Ecclesiam vehementis instar incendii exusserit, atque nunquam hactenus restitui valuerit. Menfiar, nisi et lapides ista clament, et viæ Sion lugeant. Etenim ex his non Catholica tantum fides insanabilem plagam accepit, sed et Orientale imperium penitus collapsum atque funditus dirutum est. Sed ceptam semel lugubrem prosequamur historiam.

47. Post hæc, assentiente Synodo, Florentius ingredi jussus est, presentibus Eutychete reo et Eusebio accusatore : tunc quæ pluribus sessionibus superius facta essent, coram omnibus publice sunt recitata. Inter legendum autem, de Eutychete conquestus Eusebius, hæc interlocutus : « Mæto ipsius circumventionem : ego pauper sum, nihil possidens : nuntatur mihi exilium : pecunias habes : præpingit mihi Omasam (Oasim et Petram), id est, petram exilii ». Hæc ipse : ex quibus plane vides,

qualis fuerit patientia, mansuetudo, et paupertas monachi archimandrite. Rursus vero cum inter legendum ventum esset ad S. Cyrilli rectam fidei confessionem, quæ duæ ab eo naturæ prædicarentur in Christo; ad hæc Eusebius : « Consentite istis Eutyches, quæ modò lecta sunt beatæ memoriæ Cyrilli ; et confiteberne duarum naturarum unionem factam in una persona et in una subsistentia, an non ? Flavianus sanctissimus episcopus dixit : Audisti, presbyter Eutyches, quid accusator tuus dixit ? Edicito nunc, si ex duabus naturis unionem confiteris. Eutyches presbyter dixit : Etiam ex duabus naturis. Eusebius episcopus dixit : Confiteris duas naturas, domine archimandrita, post incarnationem, et consubstantialiam nobis esse Christum secundum carnem, an non ? Eutyches presbyter dixit : Ego non veni disputare, sed veni satisfacere sanctitati vestræ, quomodo sapiam : scriptum est autem in hæc chartula, quomodo sentio, et jubete eam legi, etc. »

48. Vides colubrum spiris involvi, et ne detegatur, suis involveris oculi, et querere subterfugia, ne capiatur ? Cumque mille technis undique fugam captaret ; cogitur tandem prodere quid sentiret, cum dixit : « Confiteor ex duabus naturis fuisse Dominum nostrum ante adunationem, post vero adunationem unam naturam confiteor ». Hæc igitur prolata immensa blasphemiam, cum eam damnare juberetur, renuit penitus ille. Sed cum rursus urgeret etiam Florentius patricius dicens : « Confiteris duas naturas post adunationem ? die : si non dixeris, damnaberis ». Cumque se laud sponte id professorum significaret, eum vero rursus Florentius patricius interpellaret ; ad postremum illud edixit : « Qui non dicit ex duabus naturis, et duas naturas, non credit recte. Exurgens universa sancta Synodus exclamavit : Quæ ex necessitate est, fides non est ». Et subsequenti sunt acclamations in laudem imperatoris. Claudensque ejus diei Actionem, ita peroravit Flavianus :

49. « Per omnia apparet Eutyches quondam presbyter et archimandrita, et ex his quæ ante acta sunt, et ex propriis ejus confessionibus, Valentinii et Apollinaris perversitate agrotare, et eorum blasphemias immobiliter sequens ; qui nec nostram reverens persuasionem atque doctrinam, rectis voluit consentire dogmatibus. Unde lacrymantes et lugentes perfectam ejus perditionem, decrevimus per Dominum nostrum Jesum Christum ab eo blasphematum, extrancum eum esse ab omni officio sacerdotali, et a nostra communione, et primatu monasterii. Scientibus hoc omnibus qui postea colloquantur ei, et ad eum convenerint, quoniam rei erunt et ipsi pœnæ excommunicationis, sicut non recedentes ab ejus colloquutione ». His dictis, atque Actis penitus absolutis, consecuta est omnium episcoporum subscriptio, qui fuerunt omnes numero triginta duo ; subscriperunt et archimandrite qui aderant viginti tres. Repetitus est autem anno sequenti illud Constantinopoli eorumdem Patrum

conventus, de quo suo loco dicturi sumus. Porro prærens Synodus Actionibus septem completa est.

50. *Flavianii Epistola ad Leonem de damnatione Eutychetis.* — Illis in Concilio gestis, Flavianus de re tanta, more majorum, certiorum reddere voluit sanctum Leonem Romanum Pontificem, has ad ipsum litteras scribens¹ :

« Domino beatissimo et Deo amabili Patri Leoni, Flavianus in Domino aeternam salutem.

« Nulla res diaboli venena compescit, nec continet mortiferas ejus sagittas : sursum enim atque deorsum pervolans, quærit quos possit occidere, quos possit superare, quos possit devorare. Propter quam rem vigilandum est, et orationibus a Deo obtinendum, ut fatuas inquisitiones evitare possimus. Decet enim sequi Patres nostros, nec commutare definitionem eorum perpetuam, quorum regulam secundum sacras Scripturas esse didicimus. Depositis ergo fletibus et lacrymis, esse incessanter fundo, quia sub me clerus degens invasus est a fero dæmone, et non potui eum liberare, nec auferre a tali lupo, qui animam meam pro illo paratus eram ponere, quomodo raptus sit, quomodo resiliit a proposito divino, et ad illum cucurrit qui perdere consuevit, præcepta Patrum dedignans, et constituta eorum despiciens, jam incipio emarrare.

51. « Sunt enim quidam veste sua oves significantes, interiori lupi rapaces², quos ex fructibus eorum debemus agnoscere. Isti prima fronte videntur esse de numero nostro³, sed non sunt de numero nostro : si enim de numero nostro essent, nobiscum mansissent. Illud quod prius occultabatur, in illis aperitur, et dolus omnis fit omnibus manifestus. Inveniuntur autem infirmæ fidei homines, et qui divinas lectiones nesciunt, et secum eos in perditionem præcipitantes, dissipantes et vituperantes Patrum disciplinas, et reliquas sanctas Scripturas ad suam perditionem. Quos quidem debemus prævidere, et a quibus multum oportet cavere, ne in malitia sua aliqui occupati concidant de sua firmitate. Exacerunt enim linguas suas quasi serpentes, et venenum in labiis habent quasi aspidēs : de his enim hæc Propheta⁴ clamavit. Talis inter nos Eutyches emerit, quondam presbyter et archimandrita : qui quasi nostræ religionis sectam sapiebat, et hanc præferebat (proferebat). Nestorii quidem impietati resistens in pugna, quæ contra Nestorium parabatur; trecentorum autem decem et octo sanctorum Patrum de fide expositionem factam, et sanctæ memorie Cyrilli Epistolam scriptam ad Nestorium, vel ad similes ejus, quibus omnes assenserunt, tentavit evellere, antiquam impij Valentini et Apollinaris reparans sectam : et non timuit præceptum regis veri Dei dicentis⁵ : Quicumque scandalizaverit unum de pusillis istis, expedit ei, ut mola asinaria alligetur collo ejus, et demer-

gatur in profundum maris. Verecundiam autem omnem ejus perfidia abiecit, et quam gerebat infidelitatis pellem excutiens, in S. Synodo asserbat instanter dicens, Dominum nostrum Jesum Christum non oportere confiteri de duabus naturis post humanam susceptionem, cum a nobis unius (duplicis) substantiæ et minus personæ cognoscatur; neque carnem Domini consubstantialem nobis subsistere, tanquam ex nobis susceptam, et condunatam Dei Verbo secundam substantiam : sed dicebat: virginem quidem, quæ eum genuit, secundum carnem consubstantialem nobis esse, ipsum vero Dominum non suscepisse ex ea carnem consubstantialem nobis : et corpus Domini non esse quidem corpus hominis : humanum vero corpus esse, quod est ex Virgine : omnium Patrum expositionibus contraria sentiens.

52. « Sed ne multa dicens, longam faciam Epistolam : olim quicquid egerimus, misimus ad beatitudinem vestram litteras, quibus scriptis docuimus, et presbyterio illum esse nudatum, qui sic captus est; et iussimus eum cum monasteriis nullam habere rationem; et exclusimus eum a communione nostra : ut sanctitas vestra hoc cognoscens, quod circa illum actum est, omnibus episcopis sub beatitudine vestra degentibus manifestare dignetur illius impietatem; ne nescientes aliqui quid ille senserit, quasi ad Orthodoxum vel per litteras, vel per aliquam conjunctionem loquantur ». Hactenus Flavianus ad Leonem Romanum Pontificem, cupiens ab eo haberi rata, quæ ipse una cum aliis episcopis contra Eutychetem statuisset; probe sciens, primæ sedis esse de recens emergentibus hæresibus cognoscere, et adversus earum promulgatores hæresiarchas sententiam ferre.

53. *Eutychetis doli et conatus pro sua hæresi, præsertim ad Leonis gratiam captandam.* — Sed et Eutyches non ignarus quanti ponderis esset Romani episcopi, cujus iudicium solerent in ambignis Synodi expectare, communicationem consequi, atque captare gratiam : et ipse festinavit ad eundem Romanum Pontificem dare litteras : haud dubius, in eam partem universam Catholicam Ecclesiam inclinaturam, in quam ipse Summus Pontifex videretur esse propensor. Sed quas litteras misit? referas plane dolis, et mendaciis consarcinatas : at licet non extent illæ quidem; verum ex iis quæ ad Flavianum S. Leo rescripsit, eas, quales essent, probe possumus intelligere. Mentitus est enim inter alia, se, cum a Synodo Constantinopolitana damnationis sententiam accepisset, appellasse Romanum Pontificem, sed appellationis nimis delatum : blandis item verbis pollicitus est eisdem litteris, se paratum fore corrigere, quicquid reprehensione dignum dixisset : testatur id quidem S. Leo¹ in Epistola redita ad Flavianum, alia insuper ab ipso ad Synodum Ephesinam conscripta, necnon in Epistola ad Theodosium, in quibus habetur, ab ipso Eutychete

¹ Apud S. Leonem post Ep. VIII. — ² Matth. VII. — ³ 1. Joan. II. — ⁴ Psal. CXXXIX. — ⁵ Matth. XVIII.

¹ Leo, Ep. XIII.

esse missum ea de re bellum ad Romanum Pontificem.

54. Sed quid his amplius versutus homo molitus est? illud nimirum, ut studio regiorum ministrorum suæ litteræ ad Romanum Pontificem citius Romam pervenirent, delinerentur vero litteræ Flaviani. Addit his etiam, ut inter hæc Theodosio bellum offerret, quo Synodalia Acta esse falsata conquerebatur. Quod insuper senex impudens fronte perfricta novum commentus est facinus? illud nempe, ut per urbem Constantinopolitanam publica proponeret scripta, quibus se esse passum injuriam, populum contestaretur. Hæc autem omnia ex Liberato diacono, atque aliis, illud etiam curavit per Chrysaphium eunuchum, ut in odium Flaviani hoc item anno darentur a Theodosio imperatore litteræ pro eodem Eutychete ad Leonem Romanum Pontificem: non exant ipsæ quidem, sed mentio de illis habetur in litteris, quas idem Leo sequenti anno kalendis Martii ad eundem Augustum reddidit. Quid præterea molitus nequissimus Eutyches? Litteras quoque dedit ad celeberrimos Italiane episcopos, quo eos in suam pertraheret sententiam: scripsit et inter alios ad Petrum Chrysologum Ravennatem episcopum, ut ejusdem Petri ad eum reddita litteræ docent: quæ omnes quoniam date reperuntur anno sequenti, cum naviganti tempus illuxit, agemus de his pariter eodem ipso qui sequitur anno.

55. Vidisti, lector, et admiratus es, quomodo apparatu regio et apparitura potentium stipata, compta mendaciis, definita fucis, induta dolis atque fallaciis nova ista cornuta bestia, horrendum monstrum progrediatur in exitum fidei Orthodoxæ; quæ licet publico, hoc anno, damnata fuerit anathemate, regiis tamen et regiorum ministrorum fulta presidiiis, surrexit validior post oceanum, et vehementiori impetu insiliit in Catholicos. Faverunt quidem Chrysaphius et Theodosius Eutycheti, non tamen odio Catholicæ pietatis, sed quod uterque Pulcheriæ Augustæ causa (ut suo loco superius dictum est) sanctum Flavianum immenso odio prosequeretur. Siccine privatorum affectuum causa Christiana pietas a Christianis principibus lacinatur? sed in suam ipsorum perniciem atque jacturam, ut exitus declaravit: haud enim passus est Deus Theodosium diutius imperare, postquam Chrysaphio in re tanta credidit habenas imperii: sed et subdolum eunuchum meritas pœnas dare voluit. Verum de his, suis locis dicendum pluribus.

56. *Ibæ episcopi Edessæ causa et judicium primum Tyri, deinde Berythi.* — Hoc eodem anno, iisdem consulibus, duo habita Concilia leguntur, seu potius episcopalia dicenda judicia, in causa Ibæ episcopi Edessæ in Syria, alierum Tyri mense Februarii, Berythi vero alterum mense Septembris; quæ recitata habentur in Concilio Chalcedonensi nona et decima Actionibus. Sunt hæc quidem solertissimo studio pervestiganda, atque exactissime recensenda, utpote quorum causa diu multumque

fuerit in Ecclesiæ laboratum, ut euncta dilucide pernoscantur. De quibus in primis admonendus est lector, perperam ibi poni in cæsis in hanc diem codicibus, depravato nimirum textu: « Post consulum Flavii Zenonis et Posthumiani»; restitendusque est, ut dicat: Sub consulum eorumdem. Manifestus enim irrepsisse error invenitur primum ex numero Indictionum, dum quæ celebrata est Tyri Synodus vicesima quinta mensis Februarii, Indictione prima notata habetur; qui autem Berythi Conventus eodem anno habitus legitur, mense Septembris secundæ Indictionis inscribitur, cum videlicet prima absoluta, exordio mensis Septembris secunda incipit: « Consulatum enim Zenonis et Posthumiani, non post consulatum » eorumdem, prima signatur Indictio etiam a Marcellino in Chronico. Præterea quod judicium Berythi factum mense Septembris, Theodosio imperatore et Flaviano episcopo Constantinopolitano jubentibus habitum esse dicitur: plane liquet hoc anno id contigisse, non autem sequenti, quo tempore jam Anatolius fuerat in Pseudo-Synodo Ephesina subrogatus in locum Flaviani, mense Augusti in eodem conciliabulo e gradu depositi, ubi et Ibas (ut dicemus), pariter damnatus fuit, quia antea hoc (ut dictum est) anno in diebus judicii fuerat absolutus. Acta igitur quæ habentur latine edita Concilii Chalcedonensis, tum in Actione nona, tum decima, restituenda sunt, ut dum habent: « Post consulatum Zenonis et Posthumiani », dicatur: « Sub consulatu Zenonis et Posthumiani ».

57. Contra vero ubi habetur in prima ejusdem Concilii Actione, cum recitari incipiunt Acta Pseudo-Concilii Ephesini, illud ceptum esse mense Augusti « sub consulatu Zenonis et Posthumiani, Indictione tertia », restitendum est, ut dicat: « post consulatum eorumdem, Indictione secundæ »: nam non hoc anno, sed sequenti Ephesi ex scelere famosam esse habitam Synodum illam, certum est. Et quis nesciat, ante conciliabulum Ephesinum præcessisse judicia Tyrii Conventus, atque Berythi, in quibus Ibas est absolutus, deinde vero subsecutum Ephesinum esse in quo Ibas est condemnatus, testantibus id ipsis Synodalibus Actis? At hoc anno, mense Novembris celebratæ esse Synodum Constantinopolitanam contra Eutychetem, habent ejus Acta signata sub anni hujus consulatu, nempe Zenonis et Posthumiani, quæ recitata extant in Actione prima ejusdem Concilii Chalcedonensis. Sub consulatu vero Prologens consignata habentur Acta secundæ Synodi Constantinopoli sequenti anno, mense Aprilis celebratæ in causa ejusdem Eutychetis: postquam, eodem anno, mense Augusti, liquet habitam esse dictam Synodum Ephesinam. His igitur de temporis ratione elucidatis, vitiatisque locis Chalcedonensis Synodi restitutis, jam de Iba historiam prosequamur.

58. Meminisse debet lector, ex his quæ superiori tomo dicta sunt, hunc una cum aliis Orientalibus Syriæ episcopis stetisse pro Nestorio cum Joanne episcopo Antiocheno contra S. Cyrillum

episcopum Alexandrinum, usque ad tempus, cum per Paulum Eusesium res inter eodem Joannem atque Cyrillum compositæ sunt, quando, sicut alii qui inimici erant, ipse communicare cum S. Cyrillo et Ecclesia Catholica cepit. Accidit autem post hæc, ut quatuor presbyteri Ecclesie Edessena, Samuel, Cyrus, Maras, et Eulogius, sententia excommunicacionis affecti, provocaverint contra summ ipsorum episcopum Ibam ad Antiochenum episcopum Dominum, venientesque Antiochiam, libellum accusationis eidem adversus Ibam darent : quo ille accepto, ad Ibam scripsit, ut post Pascha proximum Antiochiam se conferret causam dicturus, interim vero excommunicatos absolveret, ut Paschali tempore participes fieri possent sacramentorum. Paruit Ibas, ceptumque judicium est. Accepit interea Dominus episcopus ab eisdem accusatoribus juramentum, ne discederet Antiochia. Visum est autem duobus ex illis, nempe Samueli, et Cyro, quo vitarent judicium Domni episcopi Antiocheni erga Ibam (ut ipsis videbatur) propensioris, proficisci Constantinopolim ad imperatorem; cui libellum obtulerunt, petentes alios sibi dari iudices, qui accusationes adversus Ibam cognoscerent. Interea a Domino celebratur Synodus Antiochiæ, ubi et cognita est Ibae causa, presentibus duobus tantum accusatoribus : in qua duo illi, qui licet iurati recesserant, accusatores damnati sunt; deque his Dominus literas scripsit ad Flavianum Constantinopolitanum episcopum.

59. Imperator vero iudicem cognitorem misit Damascium tribunum et notarium, eidem mandans, ut iudicio præsens assisteret, et que Photius Tyri, et Eustathius Berythi, et Uranius Himericæ episcopi delecti a se in ea causa iudices definirent, executioni mandaret. Missus est etiam tunc a Flaviano episcopo Constantinopolitano Eulogius diaconus una cum Damascio iudice cognitore. Actum est autem hoc anno ejusmodi causæ iudicium Tyri, die vicesima quinta Februarii primæ Indictionis. Sed quid ibi? tres illi delecti iudices ad hujusmodi tollenda dissidia, pacis accedere sequestres; primumque omnium illud quam diligentissime præstitere, ut Ibas, ejus accusatus erroris potissimum erat, hæresim Nestorii et omnes ad eam spectantes execraretur, fidemque Catholicam pure, sincere, et integre profiteretur : his vero ab eo præstitis, iidem episcopi iudices conciliaverunt eodem clericos accusatores cum Iba suo ipsorum episcopo, sicque transacta res est, ut concordēs inter se recederent. Coninet hæc omnia prolixius enarrata Actio nona Concilii Chalcedonensis, qua etiam habetur, subscripsisse ejusmodi inite concordie iudices episcopos Tyri atque Berythi, Uranium autem Himerorum episcopum minime subscripsisse : quem sibi infensissimum fuisse, et accusatorum instigatorum, Ibas conquestus est in ejusdem Actionis exordio.

60. At quæ ita Tyri Ibae causa terminata est concordia ambarum partium, dicta die vicesima Februarii; hoc eodem anno sub consulatu (ut dic-

tum est) Zenonis et Posthumiani, kalendis Septembris iterum perducitur ad iudicium. Et autem rursus eadem Ibae causa ad iudicium deferretur, iterumque instauraretur iudicium, ex eo evenit, quod novi additi sunt accusatores, a quibus non Ibas solum, sed et duo alii episcopi cum Iba sunt accusati, nempe Daniel Carthorum in Mesopotamia civitatis episcopus, et Joannes Batenorum episcopus. Clerici enim Edessæ, qui adversantes erant Ibae, haud steterunt inite concordia; sed præter quatuor nominatos presbyteros Samuellem, Cyrillum, Malam, et Eulogium, miserunt etiam Ablabium, Joannem, Anatolium, Cajumam, et Abibum clericos Edessenos : qui simul Constantinopolim profecti, adiverunt Flavianum episcopum, deleruntque eidem libellum accusationis adversus tres modo nominatos antistites. Placuit autem Flaviano, ut iidem, qui antea iudices electi essent, et causam composuissent, iterum sederent iudices, Phofius, Eustathius, et Uranius, ipsaque causa Berythi tractaretur, cui Ecclesie præsidebat episcopus nunc ex iudicibus Eustathius; legavitque idem Flavianus Eulogium suum diaconum, qui et superiori iudicio interfuerat : præsens etiam fuit ex Theodosii imperatoris mandato Damascius tribunus, et notarius tenens locum iudicis cognitoris. In primis autem in eodem iudicio, facta ex parte repetitione Actorum Synodi Antiochenæ, lectus est etiam libellus accusationum adversus Ibam, Daniele, et Joannem episcopos, quibus non hæresis tantum, sed nefandorum criminum Ibam ac collegas episcopos accusabant.

61. Porro capitibus cæteris accusationum prætermisissis, illud primo inquirendum propositum est, quo dicebant accusatores, horrendam ejusmodi blasphemiam ab Iba prolata : « Non invidio Christo facti Deo : in quantum factus est, et ipse factus sum » : Vel : « Si voluero, et ipse ut ille fieri possum ». Negans vero Ibas, et execratus qui vel talia aliquando cogitasset, testificationem totius cleri Edessena Ecclesie ad episcopos iudices missam recitari petiit, qua ab illata per accusatores calumniam idem Ibas redderetur prorsus immunis. Ipse vero libellus sic se habet, eidem Actioni decimæ Concilii Chalcedonensis intextus :

62. « Instructio, et deprecatio Deo amatissimis atque sanctissimis episcopis Photio, et Eustathio ab omni clero Edessena civitatis.

« A multis atque diversis e Phœnicæ advenientibus ad nos, cognovimus ea quæ ab his, qui insurrexerant in Deo amatissimum et sanctissimum episcopum nostrum Ibam, gesta sunt : perterriti in eo quod dictum est (transcendunt enim et illos qui sine Deo sunt, et infideles et hæreticos, et Judæos et Paganos, ea quæ dicta nobis sunt) quia nobis presentibus dixisset idem Deo amatissimus episcopus : Non invidio Christo facti Deo : quoniam et ego ipse, si volo, possum fieri secundum illum. Et omnes nos, quos dicunt audisse ea quæ dicunt, manifestum facimus vestræ Deo amabilitati coram Dei clementia, quia neque ab eo, neque ab alio ullo

tate dictum aliquando andivimus, neque in aures nostras ingressum est tale aliquid : anathematizantes nosmetipsos, et terribili gehenna nosmetipsos obnoxios facientes, si novimus aliquid tale dictum ab eo, aut aliud aliquid contrarium Catholicae fidei. Si enim alicui tali dicto acquiesceremus, aut communicare ei qui dixit, aut communicare ei in sacrificio ; ultimo supplicio fuisset obnoxii, tanquam communicantes tali execrationi.

63. « Rogamus autem, et deprecamur vestram sapientiam, ut eidem Deo amatissimo suadeatis episcopo, quatenus velociter ad suum gregem reverti festinet : periclitatur ab hostibus lacerari, cum nullus sit qui ei adesse praevaleat, et maxime festinate salutifera sancti diei Paschalis imminente, in qua et propter catechumenes, et propter eos qui digni sunt sancto baptismo, opus est ejus praesentia. Et petimus, hanc instructionem nostram coram vestra sapientia Gestis innecti, ut nullum haec lateant ». Haec tunc Edessena Ecclesiae cleri libellus, cui singulorum subscriptiones subiunguntur.

64. Haec ergo primum diluta calumnia, in eo adversariis urgentibus, episcopi iudices institerunt : Num verum esset, quod obijceretur, vocatum ab ipso Iba S. Cyrillum haereticum ? Tunc Ibas confessus est, id quidem dixisse eo tempore, quo ab invicem dissenferebant Joannes episcopus Antiochenus atque Cyrillus, mutuoque inter se certarent, cum et a Joannis parte ipse Ibas persisteret : quo tempore erat Orientalium omnium Joanni communicantium una vox atque sententia, Cyrillum esse Apollinaristam haereticum : postquam vero declarando sua capitula Cyrillus ista purgavit, et ob eam causam inita inter eos est concordia, vinculoque fidei Catholicae partes inter se dissidentes junctae simul fuerunt et colligatae, nihil hujusmodi adversus Cyrillum se esse locutum, sed communicasse cum eo amice commercio litterarum. Nec negavit, et postea se divisisse, S. Cyrillum donec interpretatus est sua capitula, sicut a Concilio Orientalium habitus esset haereticus, ita et a se putatum haereticum. Contradictentibus vero adversariis, asseverantibusque vocatum Cyrillum ab Iba haereticum, postquam reconciliatio facta est ; editum est fragmentum ejus Epistolae ad Marim Persam scriptae, quae intexta habetur Actis Synodi Chalcedonensis. Recitandum illud hic necessario est, cum hujus Epistolae occasione maxima excitata sit post Chalcedonense Concilium controversia¹ : sane quidem scripta illa esse videtur, postquam communione Catholicae fidei tractatum est inter Cyrillum atque Joannem : est enim ejus argumenti, ut quaeratur in ea causa gesta essent usque ad eam reconciliationem, historice narret. Reddamus hic ipsam, quae brevitate causa, exordio decurtata, sic se habet, hoc titulo praenotata :

65. « Fragmentum Epistolae Ibae episcopi

Edesseni ad Marim Persam contra Cyrillum Alexandrinum.

« In brevi autem clara tuae prudentiae, quae in paucis multa cognoscit, indicare, quae pridem, et nunc hic acta sunt, festinavimus : scientes, quia quae vestrae sanctitati a nobis scripta sunt, vestro studio illic omnibus immotescunt. Et quia nullam permutationem Scripturae a Deo tradite susceperunt, facio hujus argumenti principium ex sermonibus, quos et ipse edoctus es. Contentio facta est, ex quo hic tua religiositas finit, his duobus hominibus Nestorio, et Cyrillo, et conscripserunt adversum se nocivos et perniciosos libros, qui audientibus fuerunt scandalum. Nestorius enim dixit in suis libris (sicut religiositas tua novit) quia beata Maria Dei genitrix non est ; ita ut nulli putarent, ex haeresi Pauli Samosateni hunc esse, qui dixit hominem purum esse Christum. Cyrillus autem libros Nestorii volens destruere, lapsus est. et inventus est in Apollinari dogma incidens. Conscripsit enim et iste illi similiter, quia ipse Deus Verbum homo factus est, ut non esset differentia inter templum, et habitantem in eo. Conscripsit enim duodecim capitula, quae puto et tuam cognovisse religiositatem, quia una natura est divinitatis et humanitatis Domini nostri Jesu Christi, et quia (sicut dicunt) non oportet dividere voces dictas, quas vel ipse Dominus de semetipso dixit, vel Evangelistae de eo. Haec omni impietate plena sunt. Et antequam nos dicamus (sicut sanctitas tua novit) quomodo accipi potest hoc, quod est in principio Verbum, de templo, quod factum est ex Maria ? aut illud : Ministi¹ eam paulo minus ab Angelis, de divinitate Unigeniti dictum ? Ecclesia enim sic dicit, sicut et tua religiositas novit, et a principio est edocta, atque firmata divina doctrina ex libris beatissimorum Patrum, duae naturae, una virtus, una persona, quod est unus Filius Dominus noster Jesus Christus.

66. « Ob hanc contentionem victores triumphatores imperatores jusserunt, episcoporum primores in Ephesia congregari civitate, et coram omnibus libris Nestorii et Cyrilli judicari. Prius autem quam omnes episcopi, qui jussi fuerant congregari, venissent in Ephesum ; praecedens idem Cyrillus, aures omnium quodam medicamine, quod solet sapientium oculos obcaecare, praecipit. Invenit autem causam ex odio, quod habuit circa Nestorium. Et antequam in Synodum adveniret sanctissimus, et Deo amatissimus archiepiscopus Joannes, Nestorium ex episcopatu deposuerunt, iudicio et inquisitione non facta. Post duos autem dies damnationis hujus, venimus in Ephesum. Et cognoscentibus nobis, quia in damnationem Nestorii, quae ab eis facta est, duodecim Capitula, quae a Cyrillo conscripta sunt (cum essent contraria verae fidei) posuerunt et firmaverunt, et consenserunt eis, tanquam verae fidei consonis ; omnes Orientales episcopi eundem Cyrillum damnaverunt, et ex-

¹ Concil. Chale. Act. x. tom. I. Concil.

¹ Ps. viii.

communicationem adversus alios episcopos, qui consenserunt ejus Capitulis, protulerunt. Et post hanc perturbationem unusquisque in suam civitatem reversus est. Nestorius autem, quia in sua erat odio civitatis, et virorum, qui in ea sunt, maximorum, in eam reverti non potuit. Et remansit Orientale Concilium, non communicans episcopos, qui communicaverunt Cyrillo: et ob hoc multa tristitia inter eos facta est, et in contentione erant episcopi adversus episcopos, et populi adversus populos. Et completum est opere, quod scriptum est¹: Quia erunt inimici hominis domestici ejus. Et ex hoc detractiones multae adversus nos factae sunt Paganorum et Haeticorum: non enim audebat aliquis de civitate ad civitatem, aut ad provinciam de provincia proficisci: sed lanquam inimicum suum, unusquisque proximum suum persequabatur.

67. « Multi autem ante oculos non habentes Dei timorem, occasione Ecclesiastici zeli, adversitatem, quam occultam in cordibus suis habuerant, ad effectum perducere festinabant. Ex quibus unus exiliti nostrae tyrannus civitatis (nempe Rabula episcopus Edessenus praedecessor) quem et ipse non nescis, qui occasione fidei non solum conviventes punit, sed et hos etiam, qui olim ad Dominum migraverunt. Quorum unus est beatus Theodorus veritatis praedicator, et doctor Ecclesiae, qui non solum in vita sua colaphis cecidit haeticos pro veritate suae fidei, sed et post mortem spiritualia arma in opusculis suis Ecclesiae filii dereliquit; sicut et tua sanctitas, ad eum conveniens, agnovit, et ex his, quae ipse conscripsit, credidit. Hunc ausus est, qui omnia in Ecclesiis praesumit, clare anathematizare, qui propter zelum Dei, non solum propriam civitatem ab errore ad veritatem convertit, sed et longe existentes Ecclesias sua doctrina perdocuit: et de libris quidem ejus multa ubique perscrutatio facta est, non quia vera fide existerent alieni; vidi enim eum (adhuc illo vivo) frequenter eum laudantem, et in libris ejus legebat; sed et propter adversitatem latentem, quam adversus eum habuit, quoniam manifeste eum convicit in Synodo.

68. « Illis ergo malis inter eos gestis, et unoquoque sicut volebat (sicut scriptum est²) ambulante: adorandus Deus noster, qui semper sua clementia curam pro suis gerit Ecclesiis, erexit cor fidelissimi atque victoris principis, ut dirigeret virum magnum, et in suo palatio notum, qui cogeret reverendum atque sanctissimum archiepiscopum Orientis dominum Joannem, ut reconciliaretur Cyrillo: ab eo enim fuerat de episcopatu depositus. Et postquam litteras imperialis accepit, sanctissimum et religiosissimum Paulum Emesenum episcopum direxit, per eum veram fidem scribens, et denuntians ei, quia si huic fidei Cyrillus consentiret, et anathematizaret eos, qui dicunt, quia una natura est Divinitatis, et humanitatis; ut ei communicaret. Voluit autem Dominus, qui semper suae

curam gerit Ecclesiae, quam sanguine suo proprio redemit, ut et cor Aegyptii subigeret, et sine fatigatione fidei consentiret, et amque susciperet; et omnes, qui absque hac crederent, anathematizaret. Et communicantibus invicem, contentio de medio est ablata, et pax in Ecclesia facta est, et non est in ea jam schisma, sed pax, sicut pridem est.

69. « Quae autem verba sunt, quae a sanctissimo et Deo amantissimo archiepiscopo Joanne scripta sunt, et quae a Cyrillo rescripta suscepit: ipsas Epistolas huic, quam ad tuam direxi religiositatem, conjunxi: ut relegens tua sanctitas, agnoscat, et omnibus amantibus pacem denuntiet, quia contentio jam quievit, et medius inimicitiae paries est ablatus; et qui seditiose adversus vivos et mortuos irruerant, in confusione sunt, satisfaciens pro suis excessibus, et contraria docentes suae prioris doctrinae. Non enim quisquam audeat dicere, quia una est natura divinitatis et humanitatis, sed conflentur in templum, et in eum qui in hoc habitat, qui est unus Filius Jesus Christus. Haec autem scripsi tuae religiositati ex magno affectu, quem circa te habeo; sciens quia tua sanctitas nocte et die in doctrina Dei semetipsum exercet, ut multis sit utilis ».

70. Haecenus fragmentum Ibae recitatae Epistolae ad Marinum Persam: quam quidem vere esse Ibae fuisse cognitam, nec ipsum negasse suam, eadem Actio decima Chalcedonensis Concilii docet: sententiaeque legatorum Apostolicae Sedis, necnon Maximi episcopi Antiocheni, et aliorum, Ibae esse, ibi firmatum est; ex ipsaque eundem Ibam fuisse probatum etiam Orthodoxum, aequae una fuit sententia omnium episcoporum, qui Acta Conventus Berylli recitata ibi in eadem actione decima Concilii Chalcedonensis audierunt, ejusdemque tunc decretam absolutionem probaverunt. Sed quomodo (inquies) eandem Epistolam Orthodoxam esse dixerunt? quomodo excusantur quae in sanctum Cyrillum ibi relata leguntur? et quae in eadem sunt de laudibus Theodori, quantum ratione purgantur? Accipe Epistola ipsa quidem (ut vides) historiam continet rerum gestarum inter Joannem et Cyrillum, et quae inter eos transacta essent refert; ut haec ex parte nihil adversus Cyrillum inpraesentiarum oblocutus videatur, si ejus erat tunc ille aestimatio apud Joannem et ejus sectatores edocet: cum praesertim idem Ibas in Actis Synodalibus non neget, sed aperte testetur, usque ad reconciliationem, hostem una cum Joanne se persequasse Cyrilli, eundemque haeticum appellasse: postea vero declaratis ab eo capitulis scriptis, secuta reconciliatione, communicasse eum eo tanquam vero Catholico. Ex recitatis igitur Synodalibus scriptis una cum Ibae Epistola, ipsum se patefecisse vere Catholicum, non immerito Synodus judicavit.

71. Eadem dicere possumus de laudibus, quas Epistola intexuit Theodori Mopsuesteni, cum narrat a Rabula Edesseno episcopo injuste damnatum De quibus in memoriam revocare debes quae superius dicta sunt anno Domini quadringentesimo tri-

¹ Matth. x. — ² Jud. xvii.

gesimo quinto, cum de Joanne Antiocheno episcopo jam inter Catholicos post reconciliationem proficiente enarratum est, pro Theodoro, deque ejus laudibus tres scripsisse Epistolas, ad Theodosium primam, secundam ad sanctum Cyrillum, tertiam vero ad Proclum Constantinopolitanum; quibus inter alia excusaret, non esse Theodori, quæ Theodori nomine ferrentur blasphemie. Is plane fuit status scriptorum Theodori usque ad hæc tempora, cum quæ in eum illata essent ab accusatoribus, et quæ ex damnatione facta per Rabulam Edessæ episcopum Ibae prædecessorem, et ab Armenis contra ipsius Theodori scripta essent superaddita, eadem omnia per tres illas Epistolas sive libros Joannis Antiocheni videri potuissent esse diluta: nulloque posthæc Synodali decreto de damnatione Theodori et librorum ejusdem in Ecclesia promulgato; plane sicut nec Joannes ob eam causam factus est reus, ita nec Ibas fuerat ob laudatum Theodorum a Patribus accusandus: quod ex eo plenius cognoscet, cum nec ab ipsis ejus adversariis illud criminis loco Ibae datum fuerit inter tot in eum accusationes prolatas; sicut objecerunt, quod Cyrillum appellasset hæreticum.

72. Inde quoque accidit, ut etiam Theodoretus in dialogis, quos adversus Eutychemis hæreses scripsit his ferme temporibus, aperto ore eundem laudaverit Theodorum, ejusque redarguerit impugnantes: nam in Eranistes primo dialogo, cujus est titulus, « immutabilis », hæc de ipso Theodoro Mopsuesteno, et Diodoro, Tarsensi nimirum, loquitur Orthodoxus adversus Eutychemianos: « Diodori et Theodori interpretationes, nisi vos in eos viros infenso animo esse viderem, et Apollinaris in eos odio et malevolentia successisse: vidisses enim eos aliis convenientia scripsisse, et ex divino fonte fluentia hausisse, istosque etiam sancti Spiritus rivus extitisse ». Hæc ibi Theodoretus; qui et ad breveum episcopum, ipsum redarguentem, quod non aque Theodori atque Diodori, ad adstruendas duas naturas in Christo una persona conjunctas, testimonia posterit, sicut et sanctorum plurimorum Patrum, hanc affert rationem his verbis:

73. « Quoniam vero me arguitis, quod sanctos et beatos Patres reliquerim atque rejecerim, Diodorum videlicet, et Theodorum et catalogo Doctorum: necessarium etiam duxi, de hoc nonnulla dicere. Primum enim, o carum caput, multos alios insignes et illustres viros me omisisse, scito: deinde illud etiam animadvertite, quod ille qui accusatur, testes afferre debet, de quibus nulla est controversia, et quod nec ipsi accusatores arguere possint. Si vero reus eorum testimonia afferret, qui ab accusatoribus etiam accusantur, et arguntur: nec ipse iudex facile eos admittere vellet. Si enim Patrum eorum et laudes conscribendo, hosce sanctos omissem, fateor me deliquisse, et erga eos Doctores ingratus essem: sin autem dum accusor, excusa-

tionem meam attuli, et eorum usus sum testimonio, de quibus nulla est dubitatio: cur frustra illi qui hæc nolunt, nos accusant? Quanto vero honore prosequor viros illos, testatur liber ipse, quem nos pro illis conscripsimus; in quo ea que illis objiciebantur confutavimus, nihil verili accusatorum potentiam, nec insidias contra nos structas ». Hæc Theodoretus: quibus intelligas, eo statu hoc tempore in Ecclesia fuisse scripta Theodori Mopsuesteni, ut tamen non essent omnino vetita, sed ab aliis impugnata, ab aliis vero defensa, patentes vero errores esse negatos illius esse.

74. Verum facta de illis diligentiori examine, longe post tempora Chalcedonensis Concilii; in quinta Synodo¹ fuere omnino, ut hæretica, condemnata, simulque ejus laudationes eadem percussa sententia, ut suo loco dicitur: unde etiam accidit, ut et dicta Epistola Ibae aequè fuerit ob hanc etiam causam damnata, atque alia quæ pro eodem Theodoro Theodoretus, vel alii conscripsissent: ea nimirum ratione, quod eadem Epistola Nestoriani abuterentur, falsoque assererent a Patribus in Concilio Chalcedonensi esse receptam; ac proinde ab eisdem, quæcumque ea Epistola confinerent, esse probata: quod quidem falsum omnino fuit. Longe enim diversum inter se est dicere: Epistolam probari Catholicam, et quæ in ea scripta sunt, vera esse; vel dicere, ex ea Ibam probatum esse Catholicum. Etenim eadem Epistola non ab Iba, sed ab adversariis contra Ibam prolata, nihil aliud inde acceperunt Patres, nisi Ibam licet aliquando delirantem (quod nec ipse negavit) tunc temporis fuisse Catholicum; utpote quod ex eadem Epistola demonstraretur ipse, qui aliquando cum aliis Nestorianis errasset, et egisset contra Cyrillum, post inilam vero pacem cum illo communicasse, Nestorianique damnasse asserentem Mariam non dicendam esse Deiparam, execratusque esse unam naturam in Christo confitentes, confessus vero esse naturas duas unum efficere Dominum nostrum Jesum Christum: quibus insuper additis iis, quæ esse dicta ab Iba pro veræ fidei confessione, Acta Synodalia docent, recitata in eadem decima Actione Concilii Chalcedonensis; non potuit Ibas non probari Catholicus et absolutus.

75. Sic igitur tam in Actis Berythensibus, quam etiam Chalcedonensibus, in quibus illa recitata atque cognita fuere, non Epistola Ibae recepta est, sed ex ea Epistola ab adversariis calumniose prolata, cognitus fuit Ibas eo tempore, quo ea gerebantur, fuisse Catholicus, calumnioseque accusatus hæreticus: quam quidem temporum et rerum gestarum historiam complures non attendentes, alii ex his calumniati sunt Chalcedonense Concilium, quod blasphemam Ibae Epistolam suscepisset et comprobasset; alii vero scientes Ibam ab eadem sacrosancta Synodo absolutum, et blasphemias ejusdem legentes Epistole, eandem Ibae minime fuisse dixere.

¹ Theodoret. Ep. xvi.

² Quint. Synod. coll. viii.

runt, sed assertam Ibae; quod Epiphanius disputans contra Gregorium tradit in Actione sexta septimae Synodi, quae Nicæna secunda dicitur: et ante eum S. Gregorius¹ scribens ad Secundinum; quem in depravata Synodi exemplaria incidisse liquet, dum ait, Ibam negasse dictam Epistolam esse suam; secundum quam assertionem et ipse eandem Epistolam non esse Ibae nisus est demonstrare.

76. Cæterum Acta germana habent, Ibam confessum eam esse suam, ut de his nulla tunc fuerit controversia: nam hoc ipsum Acta Berythensia docent, cum idem Ibas, ea lecta, nequaquam suam esse negavit, sicut alia quæ calumniöse objiciebantur; imo ad ejus lectionem iudices provocavit. Sed et Acta decimæ Actionis Concilii Chalcedonensis, eandem Epistolam ut Ibae cognitam esse a Patribus, docent: id enim in primis Apostolicæ Sedis legati, et post eos reliqui episcopi sua ipsorum subscriptione firmarunt. Vides igitur quantum necesse sit in Actis Synodalibus intelligendis (ne quis in deformes labatur errores) rerum gestarum veram certamque habere cognitionem, eandemque ratione temporis consignatam: quam ignorantes hæretici, non adversus tantum Berythense iudicium, sed etiam contra Chalcedonense Concilium exclamarunt; cum si cunctas res gestas satis exploratas habuissent, vel mutire quidem erubiscerent. At de Ibae causa hoc anno (ut dictum est) primum Tyri, Berythi deinde tractata, hactenus. Scito tamen, quod qui hoc anno episcoporum sententia absolutus est Ibas, sequenti anno in Conventu sceleratorum damnatus est Ephesi, receptus vero Chalcedone.

77. *Theodoretus calumniis vexatus se per Epistolam defendit.* — Accidit autem post hæc, ut iidem qui Ibam calumniati sunt, cum posteriores in eo iudicio retulissent, æque ac in iudices, in Theodoretum Cyri episcopum relegatum Theodosii edicto, ne a sua civitate discederet, spicula maledictorum converterint, quasi Ibae favisset: de quibus est Epistola ejusdem ad Anatolium scripta, qua magnopere queritur se injuste calumniis appetitum: est autem hujusmodi²:

78. «Tua celsitudo eorum quæ in nos contulit beneficiorum, retributionem a Deo omnium Domino assequetur: quodcumque enim ejus causa fit mercedem habet consequentem. Ego quidem calumniatorum numerum rideo: quæ enim corpora vehementius plectuntur, dolorem minus sentiunt: nam caro dum plectitur, mortua quodammodo et sensus expers efficitur. Doleo tamen et lugeo ora et linguas illas, quæ effrenate mendacia proferunt. Qua enim injuria affecti illi, qui religiosissimum Ibam accusant, et has adversus nos injurias invenerunt? Primum enim neque ego aliquis e numero iudicum fui: mandato enim principis Cyri manebam. Præterea (ut a multis accepi) ægre ferebant nostram sententiam: ego enim in sancto Pas-

chate mysticam communionem illis imperlicendam curavi; et cum sæpe apud nos agere voluissent, hilari fronte eos accepi, ac quæ oportuerat narravi.

79. «Ut vero pro religiosissimo episcopo Domino aliquid dicam: quid oportebat eum facere, qui aperte opprimebatur? ac alias decreto Synodali damnatus, dum intueretur, in aliam diocesim mitti? et præter Ecclesiasticos ordines sacerdotium assumere, et res sacras et divinas ab ipsis veritatis hostibus irrideri? Hac de causa, ut primum recognovit, quid sentiret de aliis etiam significavit, nec solum religiosissimo Ibae, verum etiam sanctissimo episcopo domino Simeoni Amidensi, ut duarum provinciarum argumenta et causas metropolitæ seorsum audiret. Quomodo autem justum alicui videri potest, eosdem humanitatis et inhumanitatis crimine accusari? Si enim illos eiecimus, periclitamur: siu minus, nec propterea a periculis erimus immunes. Et soli opprimimur in universo orbe. Et alie quidem dioceses quiete vivunt, nos vero soli calumniatoribus præda sumus, et ego præcipue. quamvis in iudicio nullo pacto interfuerim, et omnino a quavis culpa sim alienus et immunus.

80. «Hæc scribere coactus sum, tuæ celsitudinis litteras cum viderim, et ex eis didicerim, quod hac de causa maximus contra nos ortus est tumultus, dum relegati sumus, et quiete vivimus, et neque cum religiosissimis provinciæ episcopis convenire solemus; cum non semel, neque iterum in nostra provincia ordinatio habita sit (nempe iudiciorum) neutri illarum interfui. Et nisi principis edicto detinerer, proficiscerer equidem in aliquam extremam orbis partem, ac ibi quod mihi superest vite agere: non enim possumus calumniis resistere, quæ contra nos confundunt. Hæsi siquidem ipsos Edessenos non opinor sane et a se ipsis adversum nos calumniam composuisse, sed eos ab iis, qui ibi manent viris veritatis studiosis hæc adversum nos struere et machinari edoctos esse: Deoque omnium Salvatori gratiam habeo, quod cum ipse indignissimus iis, quæ in Evangeliiis habentur, beatitudinibus, nos dignos reddidit: et relegationem libenter accipio: et quodcumque dicere voluerint hilari fronte suscipio propter eam spem, quæ nobis reposita est. At pro tua magnificentia sine intermissione precor, et sanctos omnes ut suarum precum me compeatorum faciant rogo.» Hactenus ad Anatolium Patricium Theodoretus.

81. De his iidem scribit ad Apameæ episcopum, ubi post alia de isdem hæc habet¹: «Oret tamen tua beatitudo, et sanctis Ecclesiæ tranquillitatem postulet (pro ipsarum enim tempestate etiam nos gemimus, et lugeamus, et lamentamur:) hanc enim, ut audivimus, Osroeni clerici eiecerunt, et sexcenta mala contra nos effuderunt, licet ego neque cum aliis iudex existerim, neque decreti contra eos lali particeps fuerim; sed potius (ut novit beatitudo

¹ Greg. I. VII. ep. LIII. — ² Theodoret. Ep. CXI.

¹ Theodoret. Ep. LXXXVII.

tua) communionem illis concedendam in Paschate, oraverim. Sed facile est calumniatoribus, quaecumque velint, dicere : nos vero illam, quam Dominus pollicetur beatitudinem, consolatur : Beati enim estis (inquit ¹) cum maledixerint vobis homines, etc.»

82. Certe quidem dum has considero, quas adversus Theodoretum Edesseni isti calumnias multiplices subdole concinnarunt a quo non nisi beneficia accepissent : non nisi fuisse calumnias, quas multiplicibus accusationum capitibus adversus suum ipsorum episcopum Iban, a quo se laesos dolerent, iidem artificiose composuerunt, existimare licet. At quamvis quantum fuerint eiusmodi calumnie, quarum causa alio saepius ingenuit corde, non dicat : ex aliis tamen pluribus ejusdem Theodoretī Epistolis assequi possumus, dum ad diversos scribens anxie queritur frequentioribus se calumniis appeti ; quod dicerent duos ipsum predicare Dei Filios, nempe quod Nestorianus esset, quasi duas in Christo una cum illo assereret esse personas. Porro intolerabilia haec ipsi visa sunt : siquidem, ut habet Ecclesiastes ² : « Calumnia conturbat sapientem, et perdet robur cordis illius » : quamobrem in singulis ferme a se conscriptis Epistolis suam struit cum fidei confessione defensionem, qua proficitur se damnare Nestorium, et non duas in Christo personas, sed duas naturas sub una confiteri persona. At de his modo haec tenent.

¹ Matth. v. — ² Ecl. vii.

83. *Leo redarguit episcopum Beneventanum.*— Sub hujus anni consulibus data estat S. Leonis papae Epistola ¹ ad Dorum Beneventanum episcopum qua cum vehementer redarguit, quod adversus regulas Patrum ausus esset recens ordinatos super alios antea adscitos presbyteros collocare : laudatque Pautum presbyterum, quod non passus sit ab episcopo loco moveri, sed gradus sui prerogativae luende gratia apud ipsum Leonem Romanum Pontificem laudabiliter (ut ait) conquestus esset. Ut plane appareat, nihil adversum Christianam mansuetudinem et humilitatem tentari, neque adversus niti sancti Evangelii ² instituta, quibus Christianus cedere suadet, et abripiendi pallium dare et tunicam, et cogenti ad mille passus prodire, duo mille superaddere ; dum quis arrogantem atque procacem legum contempntorem legitima disciplina coerendum curat, nequaquam permotus propriae excellentiae appetitu.

84. Hoc praeterea anno Suesis in Hispania regnantibus, ipsorum rege Recciarium redditum Christianum Catholicum, qui res Hispaniarum persecuti sunt, tradiderunt ³ : postea vero a fide Catholica deficientes, inhaesisse Arianis, atque demum iterum Catholicam religionem professos esse, cum Theodemirus eorum regno potitus est, Isidorus ⁴ testatur.

¹ Leo, Ep. I. — ² Matth. v. — ³ Vasc. Chronic. Hispan. Maria. rer. Hisp. l. v. — ⁴ Isidor. hist. Suev.

Anno periodi Graeco-Romanae 5941. — Jesu Christi 448. — Leonis papae 9. — Theodosii Jun. 47. et 41. Valentiniani III. 24.

1. *Decima quinquennalia Theodosii.* — Coss. *Fl. Zeno*, ut vocatur infra num. 7 et *Rufius Praetextatus Posthumianus*, nti appellatur in inscriptione a Baronio num. 1 recitata. Prior Orientalis, ad quem exlant duae Theodoretī Epistolae, sc. lxy et lxxi quibus constat illum tunc sacro Baptismate non fuisse initiatum. Imo Damascius in Isidori Vita apud Photium in Bibliotheca scribit, hunc *Zenonem* idolorum cultum restituere, et Christianam religionem abolere voluisse, sed violenta morte fuisse preventum. Posterior in Occidente creatus ; Novella enim de *indulgentiis reliquorum*, lib. 2, Novell. tit. 7, data a Valentiniano anno ccl. dicitur *recitata in Senatu per viam illustrem Posthumianum, pridie id Mart. Decima quinquennalia* Theodosii cum patre imperantis, quorum iudicium Novella illa

exlat, sicuti et Edictum Theodosii imp. adversus *haereticos*.

2. *Edictum Theodosii adversus fautores haerese Nestorianae.*— A num. 2 ad 19. Theodosius imp. vetuit libros *Porphyrī* et contra *Cyrrilli* scripta editos, decrevitque etiam, ut quicumque nefariam *Nestorī* doctrinam quovis modo sectarentur, ex Ecclesiis expellerentur. Ac denique statuit, ut *Irenaeus*, qui Nestorio faverat, et contra canones Tyriorum episcopus ordinatus fuerat, sacerdotio penitus exueretur. Legitur Edictum illud tom. III Concil. pag. 1216, ubi hanc habet subnotationem : « Lecta sunt haec in Ecclesia monachorum in desertis de gentium die vicesima tertia Pharnuti, Indictione prima, anno Diocletiani centesimo sexagesimo quarto », id est, anno Christi cxxxviii, die xviii

mensis Aprilis. Legitur etiam apud Baronium, qui tamen in mendosum codicem inciderat, in quo loco, *Indict. Ierat* exaratum *Indictione IV*, ipseque *secundam* reposuit. Verum hoc anno mense Aprili primam Indictionem in cursu fuisse certum. Irenæus, qui præfato Edicto deposuit, successorem habuit *Photium*, de quo mox: et quia imperatoris jussu, non Synodali sententia dejectus est Irenæus, idcirco anno sequenti, secunda Synodus Ephesina eum canonicè deposuit. Ordinatus fuerat a *Theodoro* Cyrensi episcopo, sed contra ejus episcopatum Iria vilia ab adversariis objecta; quod hæreticus Nestorianus esset; quod bigamus; quod ab alienæ provinciæ episcopo consecratus. Ejus sanctitatem, humanitatem, pecuniæ contemptum, eleemosynas, aliasque virtutes, Theodoretus prædicat, etiam in Epistola xxxv, qua ei commendavit *Cælestiacum* ejectum et spoliatum a Vandalis, de qua suo loco egimus. Verum in Concilio Ephesino et post ejus celebrationem semper Nestorianis favit, ut ex dictis liquet.

3. *Theodoretus Cyri se continere jussus*. — Sancto *Cyri*llo vivo et mortuo *Theodoretus* adversatus est, sed longe magis *Irenæus*, cujus audacia plurimè persuasit eum esse ex integro Nestorianum. Quam opinionem magis confirmavit liber ejus, cui titulus erat: *Tragœdia*, de quo supra locuti sumus. Theodoretus pertinacissimus fuit *Theodori ac Diodori*, præsertimque Nestorii, indeque creditus est non solum personas, sed etiam errores defendere. Quare virtute Edicti hoc anno die xviii mensis Aprilis a Theodosio imp. emissi, jussus est vacare ab omni Ecclesiastico ministerio, et relicta Antiochia *Cyrum* secedere, tanquam in domesticum exilium; ideoque perperam illud Baronius anno cdxliii, Garnerius anno cdxlv consignarunt, ul' ex dictis anno cdxliii manifestissime patet. Inde habemus omnes *Theodoret*i Epistolas in quibus exilii sui meminit, post diem xviii mensis Aprilis currentis anni scriptas esse. Neque enim *Theodoretus* alio anno Nestorianismi primum suspectus fuit, quam eo quo ab imperatore lex data adversus eos, qui *Nestorio* favissent.

4. *Varia ejus Epistolæ*. — Epistola itaque Theodoret*i* lxxxvi ad *Nomam* consularem, Epistola deprecatoria ad *Flavianum* Constantinopolitanum episcopum ordine lxxxvi, et altera Theodoret*i* Epistola ad eundem *Flavianum* ordine civ hoc anno a Baronio recte recitata; cum datæ sint post ejus exilium. His adde Epistolam lxxxvii, cum præcesserit Synodus a Flaviano adversus *Eutychem* habitam mense Novembri hujus anni. In ista primum mentio fit conversi ad rectam fidem, aut saltem a pristina obstinatione evigilantis Theodoret*i*. Præterea ex ea discimus, sub *Proclo* contigisse, ut Antiocheni consentirent in Constantinopolitani antislitis præsentiam a secundo Concilio generali statutam, et unde natum sit *Dioseori* patriarchæ Alexandrini in Theodoretum odium. Credidit enim hunc Antiochenis auctorem fuisse novæ præsul-

primatum cedendi. Alia sunt in ea Epistola observata digna, ut videre est apud Garnerium, qui tamen perperam eandem anno superiori datam putavit. Ad hunc etiam annum revocanda Epistola xc Theodoret*i* ad *Lupicinum magistrum*, quam ad eundem annum male refert Garnerius. Et, ut uno verbo dicam, Epistola lxxix ad *Anatolium Patri-*ciam, et xxxii sequentes usque ad Epistolam cxii ad *Domnam Antiochiæ episcopum*, ad hunc annum pertinent; cum in illis omnibus aliqua mentio sit exilii Theodoret*i*.

5. *Initium hæresis Eutychiæ*. — A mm. 19 ad 57. *Gelasius* Pontifex Romanus in Epistola xvi, qua Dardaniæ episcopis suam electionem significat, quæque anno cdxci data est, affirmat, *Eutychem* suam hæresim ante annos fere quadraginta quinque inchoasse. Quod Baronium movit, ut hæresis Eutychiæ initium ab hoc anno deduceret. Verum hujus, quemadmodum quarundam aliarum hæreseon, diversa distingui possunt initia; indeque anno cdxli Eutychiæ exortam esse Anastasius Sinaita scribit asseritque, *annos circiter post Ephesium Concilium decem* Eutychem dixisse totum Christum esse naturam unicam. Porro Gelasius hujus pestis exordium ab hoc anno repetit, quod Eutyches hoc anno in judicium vocatus sit apud *Flavianum* episcopum Constantinopolitanum accusante Eusebio Dorylæi in Phrygia salutar*i* episcopo, cujus rei meminit Breviculus Eutychiæ hæresium: « Cum Eutychem Eusebius Dorylitanus episcopus suadere talia reperisset, zelo fidei, quem etiam, cum agens in rebus esset ostendit, (ipse enim Nestorium quoque in tempore reprehendit in Ecclesia res sacrilegas predicantem) detulit ad Flavianum episcopum ». Et intra: « Eusebius ante, dum adhuc esset laicus, Nestorii fuerat accusator ». Prosper in Chronico hujus sectæ exordium ab anno sequenti quo magis imolescere cepit, repetendum censuit.

6. *Eutyches queritur quod dicatur hæreticus*. — Accusatio summopere Eutychem offendit. Quare sancto Leoni Pontifici Romano questus est, *quod Nestorianæ hæresis quorundam rursum studiis pul-*lularet. Eutychetis Epistola alias vi, munc xix data est *kalendis Junii, Posthumiano et Zenone VI. CC. coss.* Leo ejus zelum laudavit, ac benigne rescripsit anno sequenti. Ejus enim Epistola data *XII kal. Mart. Asterio et Protogene VI. CC. coss.* Hinc Acta quinti Concilii recte aiunt: « Leo sanctæ memoriæ papa antiquioris Romæ, et suscepit Eutychem, et rescripsit, comprobans eum, et tamen postea condemnavit, et anathematizavit eum, ut hæreticum ». Priusquam vero Eutyches ad episcopale judicium deferretur ab Eusebio Dorylæi episcopo, jam ad Theodosium imp. delata fuerat a Domino accusatio de reviviscente Apollinaris hæresi, Eutychetis industria, et artibus, ut docet Facundus lib. 8, cap. 5, ubi Epistolam Domni episcopi Antiocheni Synodicam ad Theodosium Aug. contra Eutychem recitat. Ex ea discimus, quinam illi fuerint, quos Eutyches

apud sanctum Leonem facile inflamabat tanquam Nestorii sequaces et patronos: clarum est enim eum de *Donno*, *Theodoro* et aliis huiusmodi loqui, qui de anathematizatis per Eutychen Diodoro et Theodoro apud Theodosium conquesti fuerant.

7. *Synodus Constantinopolitana adversus Eutychen*. — Coacta est interim Constantinopoli a *Flaviano* Synodus quae consignatur: *Coss. Flavio Zenone et Posthumniano U. C. sub die vi idus Novembris* etc. Non fuit illa ordinaria, sed, ut habent Acta, *ἐπιτροπική*, ex iis nempe episcopis, qui reperi sunt in comitatu. Occasionem cogende dedit orta quaestio inter *Florentium* Sardinum antistitem et duos provinciae suae episcopos, quia finita, actum est de *Eutychete* archimandrita celeberrimi ejusdam in Urbe Regia monasterii, qui olim Nestorianae haeresi proliganda non mediocrem cum sancto *Dalmatio* monacho navarat operam. *Eutyches* saepius ab Eusebio Dorylai episcopo amice admonitus de abjiciendo errore, in eo obstinate persisterat. Damnatus est a *Flavianii* Synodo, nequiquam obtinente *Chrysaphio* Eunuchio imperii administro, quem minus Eutychetis amor quam *Flavianii* odium urgebat. Subterfugit iudicium haereticus, qui tamen ex scriptis suis convictus est. Synodus Actionibus VII completa, et quae subscribere episcopi omnes num. XXXI, et archimandrita num. XXII.

8. *Eutyches damnatus confugit ad Leonem*. — *Eutyches* cum auctoritate *Chrysaphii* et tutela Theodosii Aug. doctrinam suam sectam sartaque non cerneret, ad Romanum Pontificem confugit, quod absentem circumvenire in promptu esset: Baronius num. 54 arbitratus est litteras Eutychetis, postquam damnatus fuit, non estare. Hodie tamen leguntur in Synodico adversus Tragediam Irenaei a Christiano Lupo post mortem ejus publicato. Earum hoc est exordium: *De mea in Dominum et Deum omnium Christum spe confidens* etc., cap. 222 legenda. In fine ait Eutyches, *se in continentia et omni castitate septuaginta annos vitam peregisse*, additque: « Subiunxi autem his litteris meis utrumque libellum, et eum qui ab accusatore meo oblatus est Synodo, et qui a me quidem gestus est, non tamen susceptus ». Sed in ea Epistola nulla mentio de Eutychetis appellatione. Tum caput 223 ejusdem Synodici continet libellum contestatorium ab Eutychete propositum in Constantinopolitana urbe, ut docent verba Leonis in Epistola viii ad Flavianum episcopum Constantinopolitanum. Duo etiam sequentia ejusdem Synodici capita sunt de haeresi Eutychiana. Baronius num. 54 et seqq. refert Epistolam Flaviani ad S. Leonem, cujus initium: *Nulla res diaboli venerit compescit*, etc. Verum ea anno tantum sequenti data. Praeterea Baronius num. 55 credit litteras *Flavianii*, aut interceptas, aut retardatas ab Eutychete. Sed nihil scriptum esse hoc anno a Flaviano, colligit Quesnellus in Dissert. de Vita sancti Leonis Magni, ex ipsa Flaviani Epistola anno sequenti a Baronio recitata, cujus initium est: *Pietate et recta predicatione*, etc. « Accusatum »,

inquit Flavianus, « eum (sc. Eutychen) a reverendissimo Eusebio, et occurrentem in sanctum Concilium et voce sua sectam propriam relegendem, alienumque existentem a recta fide damnavimus, sicut docebant vestram sanctitatem omnia quae super eo sunt gesta, quaeque direximus cum nostris his litteris ». Vides, ut nihil litterarum vel Gestorum Synodi ante haec Epistolam anno sequenti datam, acceperat Leo a Flaviano, et paulo post: « Sed his ita gestis litterae nobis datae sunt vestrae sanctitatis per comitem Pansophium, per quas sumus edocti quia idem Eutyches libellos direxit vobis plenus omni fallacia atque calliditate ». Ex quibus pariter liquet non ante *Flavianum* de litteris ad Leonem ea de re scribendis cogitasse, quam cum didicisset, Pontificem improbis Eutychis artibus deceptum, falsam de iudicio Constantinopolitano cepisse opinionem.

9. *Judicium Tyrium et Berytense anno sequenti habitum*. — A num. 57 ad 84. Licet tam Baronius, quam Conciliorum collectores Synodum *Berytensem* et *Tyriam* hoc anno collocent, utramque tamen ad sequentem pertinere, certum et indubitatum. Em. card. Norisius in Dissert. IV de anno et epochis Syro Macedonum, utramque egregie exposuit, suoque anno reddidit, cujus ideo hic verbis summarie utar. Cum quidam clericus Edesseni *Ibam* episcopum apud *Donnum* patriarcham Antiochie accusasset, Domino Ibae amico accusatoribus non obscure infesto iidem in regiam urbem profecti, Theodosio imp. ac S. Flaviano episc. Constantinopolitano rem integram delulerunt, *Theodosius* die XXVI Octob. currentis anni Damascio tribuno ac notario mandatum dedit, ut in Phoeniciae statim profectus ac delegatis iudicibus *Ibae* causam discutendam curaret. Damascio a S. Flaviano collega additus fuit *Eulogius* diaconus: iudices vero designati sunt, *Photius* Tyri metropolita, *Eustathius* Beryti in Phoenice maritima episcopus, ac *Uranus* antistes Himerorum, quae urbs erat in provincia Osrhoene, cujus *Ibas* erat metropolita. *Photius* collegas iudices, *Ibam*, et ejus accusatores Tyrum advocavit. Clerici accusantes, statim ac venire, tota passim urbe publicantur, *Ibam* dixisse: « Non in video Christo facto Deo, in quantum enim ipse factus est, et ego factus sum »; quae blasphemia verba cum *Photius* Tyriis scandalo esse intelligeret: « Jussimus », inquit Act. X Synodi Chalced., p. 639, « eos egredi a Tyro; scandalizabatur enim civitas, quae nunquam tale aliquid cogitaverat, vel audierat ». Ita iudicium Berytum ejusdem provinciae urbem Tyro M. P. LIV distantem translatum fuit.

10. *Judicium Berytense ante festum Paschatis habitum*. — *Ibas*, quo objectam sibi haereticam propositionem calumniam repelleret, summ quemdam diaconum Beryto *Edessam* submisit, ut a clero Edesseno litteras obtineret, quibus testarentur, nunquam ea haeretica verba ab *Iba* prolata audivisse, clerus Epistolam *Ibae* favorabilem scripsit, quam recitat Baronius num. 63 et seqq. Quae cum

Chalcedone coram Synodo generali legeretur, *Theophilus* novus Ibae accusator reposuit : diaconum Epistolae latorem, quod Ibae erat amicus verbum in eadem mutasse, *misit enim*, inquit, *eum a Beryto*, ut legitur in hac Act. x Synodi Chalced., pag. 673. Et sane Baronius faletur, hanc Epistolam a clero Edesseno missam, cum causa Ibae Beryti discebatur. Verum animum non advertit ad verba sequentia ejusdem Epistolae. Nam postquam clerus testatus fuisset, verba illa haeretica nunquam Ibae excidisse, rogant Photium ac Eustathium iudices, eurent Iban « velociter ad suum gregem reverti ; et maxime salutari festo sancti Paschatis appropinquante » ; cum id temporis addunt, « et propter Catechismos, et propter eos qui digni sunt sancto Baptismate, opus sit ejus presentia ». Ex his intelligimus, iudicium apud *Berytum* contigisse paulo ante tempus Paschale, non vero mense Septembri. ut Baronius num. 57 opinatus est. Pascha autem anno sequenti die xxvii Martii celebratum est ; et Catechismi tempus in Palaestina Phoeniciae finitima quadraginta ante Pascha dierum tempore definit S. Cyrillus Hierosolymitanus in priori catechesi, ac baptizandos quadraginta diebus ante solemnia Paschalia nomen coram episcopo profiteri jubet *Siricius* papa in Epist. ad Himerium Tarraconensem. Hinc propter tempus proximi catechismi clerus rogavit, ut iudicio absoluto, *Ibas* Edessam revertetur.

11. *Ibas absolvitur, et cum suis clericis reconciliatur.* — Caeterum cum *Ibas* et cleri Edesseni testimonio et propria asseveratione immunis ab haereseos crimine appareret, et alia eidem objecta crimina partim diluisset, partim iudicium decreto correctae fuissent, episcopi iudices sedulam operam navarunt, in clericis accusatoribus cum suo episcopo conciliandis ; quod ubi se assecutos cognoverunt, *Tyrum* iterum reversi sunt, ut eidem urbi, cui paulo ante ea Ecclesiasticorum litigia scandala fuerant, mutam inter eosdem redintegrandum concordiam ostenderent. Ita quibusdam conventionibus *Iban* inter et accusatores pax inita fuit, quam *Ibas* dato sacramento, alii subscriptione firmarunt apud *Tyrum*. Pacis formula cum subscriptionibus legitur Act. ix Synodi Chalced., pag. 629. Viri eruditi cum in ea Actione ix legerent Acta apud *Tyrum*, ac dein Actione sequenti x gesta in eadem causa apud *Berytum*, et illa quidem die xxv Februarii, haec vero kalendis Septembris, putarunt sex integros menses inter utrumque iudicium interessisse, ita ut die xxv Februarii apud *Tyrum* inita fuerit inter eosdem concordia, a qua eodem anno clerici resiliences, accusationem iterum apud *Berytum* contra *Iban* mense Septembri restauravit. Sed haec dubio procul falsa esse, ipsius Photii verba ostendunt. Nam hic apud Chalcedonem in Synodo interrogatus, num *Ibas* ab accusatoribus in iudiciis in Phoenicia habitus convictus fuisset, respondit Act. x, pag. 636. « Venerunt tres quidem cohobitatores ipsis clericis injuriantibus et litigantibus, contra eum dicere testimonium. Nos diximus, quia non possunt

cohobitantes inimici susceptibiles ad testimonium comprobari. Fecimus ergo eos amicos, et sancta munera cursus in episcopo communicaverunt invicem presbyteri et ipse ».

12. *Ibas Edessenum Ecclesiam repetit.* — At illi tres testes contra *Iban* a clericis producti leguntur in Gestis apud *Berytum* pag. 633, ubi Samuel princeps accusatorum *Ibas* jussus testes nominare : « Sunt quidem multi, coram omni clero dixit, ex his autem sunt hic tres, et tres a canonibus et legibus admittuntur ». Cum vero Samuel nominasset, *Ibas* unum eorum Maram praecipue excepit, quod palam cum accusatoribus Antiochiae ac Constantinopoli in eodem hospitio degisset. Tum episcopi iudices alios testes accusatoribus nominandos dixerunt, cum tres appellati, fidem in iudicio non facerent : « Quoniam illos, inquit, reverendissimus *Ibas* tanquam accusatores vobiscum hic asserit existentes ». Quae iterum repetunt : « Non suscipimus trium testium, qui a vobis adducti sunt, voces ; et maxime cum suspecti sint eidem religiosissimo episcopo Ibae ». Hinc cum tres appellati clerici testes, exceptionem patenter, *quia essent cohobitantes inimicis Ibae*, ac proinde in Berytensi iudicio non fuissent suscepti, *Photius* ac collega clericos inter ac *Iban* pacem certis conditionibus component, quae paulo post apud *Tyrum* contigit, *die decima mensis Peritii* anno *Tyriorum* dlxxiv, juxta Romanos die xxv Februarii, anno Christi cdxlix. Quare *Ibas* pleno mense ante Paschalia festa absolutus, Edessenam suam metropolim repetens consueti Ecclesiae instituta circa catechumenos exercere potuit, priusquam illos Sabbato sancto salutaribus vobis ablueret, quod in iive clerus Edesse ab episcopis iudicibus postulaverat. Quid vero postea contigerit, anno sequenti referemus.

13. *Epocha iudicii Berytensis, et Tyrii magis confirmata.* — Porro tam iudicium *Berytense*, quam *Tyrium* anno sequenti habitum fuisse, demonstrant verba, quae in Act. ix Synodi Chalced. leguntur : « Post consulatum Fl. Zenonis et Posthumbiani UU. CC. die v kalendarum Martiarum, in colonia Tyro clarissima metropoli consulari, anno quingentesimo septuagesimo quarto, mensis Peritii die decima, secundum Romanos autem Februarii quinta et vicesima. Indictione prima, Photius reverendissimus episcopus Tyri metropolis, etc. » Tomo superiori anno cclxxv insinuavi,eram Tyriam cepisse per antimum anno Periodi Graeco-Romanae 5368. Quare annus *Tyriorum* dlxxiv, die x Peritii, sive Februarii xxv, concurret cum sequenti anno Christi. Praeterea *Zeno* et *Posthumbianus* hoc anno consulatum gessere ; ideoque haec formula *post consulatum Fl. Zenonis et Posthumbiani*, annum sequentem certo designat, ut ex iis quae tam in *Dissert. Hypatica* quam passim in hoc Opere observavi, extra omnem controversiam esse debet. Baronius tamen num. 55 et seq. contendit, hoc ipso anno iudicium in causa *Ibae* apud *Tyrum* habitum esse, additque perperam ibi poni in cisis in hunc diem codicibus, depravato

nimirum textu : « Post consulatum Fl. Zenonis et Posthumiani, restituendusque, inquit, est, ut dicat » : Sub consulatu eorundem. Verum annus Tyrius, non in consulatum, sed in Indictionem, mendum irrepsisse demonstrat. Quare loco *Indictione prima*, legendum, *Indictione secunda*, quæ mense Peritio, seu Februarii sequentis Christi anni in cursu erat. Vel, ut probabilius putat Em. card. Norisius, Indictio aliena ac posteriori manu, et quidem erronea, inserta fuit. Nam iudicium de Iba habitum apud Berytum, his verbis inchoatur : « Post consulatum Fl. Zenonis et Posthumiani IU. CC. kalendis Septemb. Indictione secunda, in colonia Christi amica Beryto, consententibus Photio et Eustathio et Uranio religiosissimis episcopis, in novo episcopio Beryti sanctissima novæ Ecclesie ». Et tamen omnes illæ Chronologicæ Note aliena manu assute fuerunt; cum Acta legitima ab illis verbis inciperent : *In colonia Christi amica Beryto*, etc. Nam annus quo hæc formula, *post consulatum Zenonis et Posthumiani*, usurpata fuit, annus sc. Christi CDLXIX, kal. Septembris Indictio tertia inchoabatur.

14. *Judicium illud hoc anno haberi non potuit.* — Præterea nec illud iudicium haberi potuit apud *Berytum* eo Christi anno kalend. Septemb. Photius enim et duo alii episcopi, qui iudices delegati causam Ibæ apud Berytum discussurunt, eo anno die VIII Augusti, sederunt apud Ephesum in Synodo latrociniali contra sanctum *Flavianum* sententiam pronuntiantes, nec una die Pseudo-Synodus Ephesina peracta fuit; cum in eadem *Domnus* patriarcha Antiochenus, *Ibas* metropolita Edessæ, *Theodorctus* Cyri aliique insignes episcopi sedibus suis expulsi fuerint. Evagrinus autem lib. 1, cap. 3 scribit, Ephesum distare ab urbe Antiochena itinere dierum xxx, et in itinerario Antonini legitur, *Berytum* fuisse ultra Antiochiam M. P. CCLIII. Quare si *Photius*, et alii duo iudices anno sequenti die VIII Augusti fuerunt Ephesi in Synodo latrociniali, non potuere post dies XXXII convenire apud *Berytum* in Phœnice

ad causam Ibæ cognoscendam; quod et aliis argumentis demonstrat card. Norisius, qui epocham Tyriam, ejusque menses ibidem doctissime explicat.

15. *Moritur Rechila Suevorum rex.* — Ad num. 84. Idacius in Chronico anno Abrahami 2464 qui kalend. Octobris superioris Christi anni exorditur scribit : « Rechila rex Suevorum Emerite gentilis moritur mense Augusto : cui mox filius suus Catholicus Rechiarus succedit in regnum, nonnullis quidem de gente sua æmulis, sed latenter : obtento tamen regno, sine mora ulteriores regiones invadit ad prædam ». Rechila itaque, seu Rectila, ut Isidorus Hispalensis in Historia Suevorum eum appellat, hoc anno mortuus est, postquam regnasset *annis octo*, ut habet ibidem Isidorus, et primus ex regibus Suevorum Christianam fidem amplexus est. uxorem accepit Iliam *Theodorici* Gothorum regis, ut tam Isidorus, quam Idacius testantur.

16. *Leges Novellæ dictæ a Theodosio jun. confirmantur.* — Theodosius *kalendis Octob.* leges Novellæ dictas confirmavit, ut videre est lib. 1 Novell. tit. 2 et Roman ad Valentinianum imp. misit, ut in Occiduis partibus observari inciperent. Valentinianus vero Novella 1, lib. 2, tit. 13 jussit, eas in notitiam omnium perferri, « ut sicut uterque orbis individuus ordinationibus regitur, iisdem quoque legibus temperetur », inquit in sua Constitutione sub anni sequentis consulibus data; Codex Theodosianus, ubi per Occidentem publicatus, receptus fuit, licet nulla expressa hæc de re *Valentiniani* Constitutio occurrat, ut fuscè ostendit Gothofredus in Prolegomen. Codicis Theodosiani cap. 3. Novellarum confirmatio x quinquennatium hoc anno exhibiturum manifestum indicium est.

Discordia inter Theodosium et Eudociam Augustam hoc anno exorta, et Paulinus magister officiorum occisus, ut anno CDXLVI ostendimus. Conversio Cyri Panoplitis de qua etiam anno CDXLVI.